


ପୁସ୍ତକି ମଢ଼େରା



The New Testament in the Kuvi language of India: ପୁସ୍ତକି ମଢ଼େରା  
(Bible)

## ପୁସ୍ତକ ଖୋଲା

# The New Testament in the Kuvi language of India: ପୁସ୍ତକ ଖୋଲା (Bible)

copyright © 2020 The Word for the World International

Language: କୁଭି (Kuvi)

Contributor: The Word for the World International

## ପୁସ୍ତକ ଖୋଲା, କୁଭି ପୁସ୍ତକ ଖୋଲା, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

---

PDF generated using Haiola and XeLaTeX on 21 Feb 2024 from source files dated 13 Apr 2023

081337bf-dba3-542b-bc85-280acfb14d33

## Contents

ମାତିୟୁ . . . . .	1
ମାର୍କ . . . . .	64
ଲୁକ . . . . .	104
ଜହନ . . . . .	169
କାମା . . . . .	218
ରମାୟ . . . . .	280
ଏକରକ୍ତ . . . . .	308
୨କରକ୍ତ . . . . .	334
ଗାଲାତିୟ . . . . .	351
ଏପିସ୍ତ . . . . .	361
ପଲିପି . . . . .	370
କଲସୀୟ . . . . .	377
୨ତେସଲନିକି . . . . .	384
୧ତିମତି . . . . .	388
୨ତିମତି . . . . .	396
ତିତିସ . . . . .	402
ପଲିମନ . . . . .	406
ଏବ୍ରୁ . . . . .	408
ଜାକୁବ . . . . .	428
୧ପିତର . . . . .	435
୨ପିତର . . . . .	443
୧ଜହନ . . . . .	448
୨ଜହନ . . . . .	456
୩ଜହନ . . . . .	458
ଜୀହୁଦୀ . . . . .	460
ଝେକ୍ସି ବଲୁ . . . . .	463

# ମାଥୁର ଲିଖିତ ସୁସମାଚାର ମାତିୟୁ ରାଜାମାନ ନେହଁ କାବୁ ମୂଲୁ ହାଡ଼ା

ପୁଃନି ମେରାତି ସାରିଗଟା ନେହଁ କାବୁ ପତିୟା ବିତ୍ରାଟି ମାତିୟୁ ରାଜାମାନ ନେହଁ କାବୁ ଜାସୁ କ୍ରାସୁ ଜାସୁତି କାତା ରାସ୍‌କି ଆହାମାନେ । ଇ ସାରିଗଟା ପତିୟାକ୍ ନେହଁ କାବୁ ଇନେରି । ଏ ପତିୟା ଜାସୁ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଜାମାନେରି । ମାତିୟୁ ରାଡ଼ିତି ନେହଁ କାବୁ ଏଚେଲା ରାସ୍‌କି ଆହାମାନେ ଇଞ୍ଜି ବୁଦିଗାଟାରି ପୁଞ୍ଜାହିଲାଆତି ଜିକେଏ, ଇଦି ଜାସୁ କ୍ରାସୁ ଜାର୍ନାଆତି ୭୦ ବାର୍ଯା ତାୟୁ ରାସ୍‌କି ଆହାମାଚେ, ଅଡ଼େ ଆମିନି ଚାୟୁତା ରାସ୍‌କି ଆହାମାଚେ, ଆମ୍ବାଆରି ପୁଞ୍ଜାହିଲଅରି, ଇ ନେହଁ କାବୁତି ପତି, ପାଲେସ୍ତାୟିନି ଦେସାତି ଜିରୁସାଲମ ଗାଡ଼ାତା ରାସ୍‌କି ଆହାମାଚେ ।

ଜାସୁ ମାତିୟୁକ୍ ତାନି ସୀସୁ ଆହାଲି ହାଡ଼ିତି ନଚେଏ ମାତିୟୁ ର. ସିସୁ ରାହନାସି ମାଚେସି, ଇଞ୍ଜା ତାନି ଅଡ଼େ ର. ଦରୁ ଲେବି ମାଚେ, ଏଞ୍ଜାସି ବାରଜାଣା ବିତ୍ରାଟି ରଅସି ମାଚେସି, ଏଞ୍ଜାସି ଜାହୁଦି ଲକୁତାକି ଇ କାବୁ ରାଜାମାଚେସି । ଜାହୁଦିୟା ଜାସୁକ୍, ଇ ରାଜିତା ସାଲ୍‌ଫି କିନି ରାଜା ଇଞ୍ଜି ଅଣ୍ଡିମାଚେରି, ସାମା ମାତିୟୁ ଏ ନାମୁତି ବାଦଲି କିହାନା ରାଜାମାନେସି; ଜାସୁ ଦାରୁତିତି ରାଜି ଆଏ, ସାମା ଲାକପୁରୁ ଜାସୁତି ରାଜି କାତା ଖେସିହଁ ଜାଗ୍ରାତା କିହାଁ ଖେସାମାନେସି, ମାହାପୁରୁ ଆଡ଼ିତି ଗେଲପିକିନି ରାଜା, ଆମିନି ଗାଟାଣି ତାକି ପୁଃନି ମେରାତି ଦାମ୍ବୁ ପତିତା ମାହାପୁରୁ ବଲୁ ଖେହନାରି ଖେସାମାଚେରି, ଇଞ୍ଜିହଁ ପୁଣ୍ଡାସି କିହାଲି

ଅଣ୍ଡିମାଚେସି, ଇ ଆକୁତା ମାହାପୁରୁ ରାଜିତି କାତା ହାଚେକା ଖେସିମାନେସି ।

ମାତିୟୁ ରାଡ଼ିତି ନେହଁ କାବୁ ପୁଃନି ମେରାତି ମୂଲୁ ପତି ଇଞ୍ଜି ତଞ୍ଜା ଆହାମାନେ, ଇତିହଁ ପୁଃନି ମେରାତି ମାହାପୁରୁ ବଲୁ ହାଚେକା ରାସ୍‌କି ଆହାମାନେ, ଇ ପତି ପୁଃନି ମେରା ପୁଃନି ମେରା ତଲେ ଆଣ୍ଡାମାନେ, ଖେଡ଼ା ହପୁଞ୍ଜାକିତି ସଗୁପୁନାରି ଖେସିମାନେରି, ମାତିୟୁ ତାନି ଆକୁତା ମସାତି ମେରା ପାରିନାୟି । ହରୁଲେକ ଜାସୁ ଜାପୁନାୟି ମାତି ୫:୭, ମାହାପୁରୁ ମସାକି ହରୁଲେକ ମେରା ହୀନାୟି ଖେ ମେରା ୧୯:୩; ୨୩-୩୩ ।

### ପତିତା ମାନାୟି

- ୧. ଜାସୁ କ୍ରାସୁତି ଜାର୍ନା ଅଡ଼େ ତାନି ସେବା କାମା । ୧:୧-୪:୨୫
- ୨. ଜାସୁ କ୍ରାସୁତି ସେବା ଅଡ଼େ ତାନି ଜାପୁନାୟି । ୫:୧-୨୫:୪୭
- ୩. ଜାସୁ କ୍ରାସୁ ହାନାୟି ଅଡ଼େ ଖେଣ୍ଡେ ନିଜିନାୟି । ୨୭:୧-୨୮:୨୦

ଜାସୁ କ୍ରାସୁତି ଆକୁ ଆବାୟା (ଲୁକ ୩:୨୩-୩୮)

୧ ଅବ୍ରାହାମ ମୀରୁଏସି ଅଡ଼େ ଦାସୁଦତି ମୀରୁଏସି ଜାସୁ କ୍ରାସୁତି କୁଡ଼ା ।

୨ ଅବ୍ରାହାମ ମୀରୁଏସି ଇସାହାକ, ଇସାହାକ ମୀରୁଏସି ଜାକୁବ, ଜାକୁବ ମୀରୁଏସି ଜାହୁଦା ଇଞ୍ଜା ତାମି ତାୟିୟା,

୩ ଜାହୁଦା ଅଡ଼େ ତାମାର ମୀରୁଏସି ପେରସି ଅଡ଼େ ଜେରହ, ପେରସ ମୀରୁଏସି ହେସୁଣ, ହେସୁଣ ମୀରୁଏସି ଅରାମ, ୪ ଅରାମ ମୀରୁଏସି ଅମିନାଦାବ, ଅମିନାଦାବ ମୀରୁଏସି ନହସନ, ନହସନ ମୀରୁଏସି ସଲମନ, ୫ ସଲମନ ଅଡ଼େ ରାହାବ୍ ମୀରୁଏସି ବୟାଜ, ବୟାଜ ଅଡ଼େ ରୁତ ମୀରୁଏସି ଅବେଦ, ଅବେଦ ମୀରୁଏସି ଜିସି ।

୬ ଜିସି ମୀରୁଏସି ଦାସୁଦ ରାଜା, ଦାସୁଦ ଅଡ଼େ ଉରିୟ ଡକ୍ରିନି ତାଣାତି ସଲମନ ଜାର୍ନା ଆଚେସି, ୭ ସଲମନ ମୀରୁଏସି ରିହବୟାମ, ରିହବୟାମ ମୀରୁଏସି ଅବିୟ, ଅବିୟ ମୀରୁଏସି

ଅସା, ୮ ଅସା ମୀରୁଏସି ଜିହସାପାଟ୍, ଜିହସାପାଟ୍ ମୀରୁଏସି ଜରାମ, ଜରାମ ମୀରୁଏସି ଉଜିୟ, ୯ ଉଜିୟ ମୀରୁଏସି ଜତମ, ଜତମ ମୀରୁଏସି ଆହାଜ, ଆହାଜ ମୀରୁଏସି ହିଜକିୟ, ୧୦ ହିଜକିୟ ମୀରୁଏସି ମନସି, ମନସି ମୀରୁଏସି ଆମନ, ଆମନ ମୀରୁଏସି ଜସିୟ, ୧୧ ଇସ୍ରାୟେଲଙ୍କ ବାବିଲନ ଦେସାତା ଦସାନା ଅନି ବେଲତା ଜସିୟ ମୀରକା ଜିକନିୟ ଇଞ୍ଜା ତାନି ତାୟିୟା ଜାର୍ନା ଆଡେରି ।

୧୨ ବାବିଲନତା ଅଢ଼ିଆଡ଼ି କେତ ଜିକନିୟ ସଲ୍ଟିୟେଲ୍ ଜାନ କିତେସି, ସଲ୍ଟିୟେଲ୍ ମୀରୁଏସି ଜିରୁବାବେଲ, ୧୩ ଜିରୁବାବେଲ ମୀରୁଏସି ଅବିହୁଦ, ଅବିହୁଦ ମୀରୁଏସି ଏଲିୟାକିମ, ଏଲିୟାକିମ ମୀରୁଏସି ଅସର, ୧୪ ଅସର, ମୀରୁଏସି ସାଦକ, ସାଦକ ମୀରୁଏସି ଆକିମ, ଆକିମ ମୀରୁଏସି ଏଲିହୁଦ, ୧୫ ଏଲିହୁଦ ମୀରୁଏସି ଏଲିୟାଜର, ଏଲିୟାଜର ମୀରୁଏସି ମତାନ, ମତାନ ମୀରୁଏସି ଜାକୁବ, ୧୬ ଜାକୁବ ମୀରୁଏସି ମରିୟମନି ଡକ୍ରା ଜସେପ, ଇ ମରିୟମନି ବାଣ୍ଡିଟି ଜୀସୁ ଜାର୍ନା ଆଡେସି, ଏଞ୍ଜାଣାଙ୍କ କ୍ରୀସୁ ଇଣ୍ଡି ଆହିମାନେ ।

୧୭ ଇଲେଆହୁ ଅବ୍ରାହାମ ତାଣ୍ଡାଟିଏ ଦାଢୁଦ ପାତେକା ସଦ ଜାଣା ଆକୁୟା, ଅଡେ ଦାଢୁଦ ତାଣ୍ଡାଟିଏ ବାବିଲନ ଅଢ଼ିଆଡ଼ି ପାତେକା ସଦ ମାଣ୍ଡସି, ଇଞ୍ଜା ବାବିଲନ ଅଢ଼ିଆଡ଼ି ତାଣ୍ଡାଟିଏ ଜୀସୁ କ୍ରୀସୁତି ଜାର୍ନା ପାତେକା ସଦ ମାଣ୍ଡସି ।

ଜୀସୁ କ୍ରୀସୁତି ଜାର୍ନା ଆନାୟି  
(ଲୁକ ୧:୨୭-୩୮; ୨:୧-୭)

୧୮ \*ଜୀସୁ କ୍ରୀସୁତି ଜାର୍ନା ଇଲେକୁ ଆଡେ । ତାନି ଇୟା ମରିୟମ ଅଡେ ଜସେପ ତଲେ ବୀହା ଆହାଲି ରୀସପି ଆହାମାତି କେତ, ଏଢ଼ି କାଲୁଢ଼ି ଆଆ ନବେଏ, ଏଦି ସୁଦୁଜୀଢୁ ତଲେ ପୁରାମାସା ଆହାମାନେ ଇଞ୍ଜା ପୁଣ୍ଡି

ଆଡେ । ୧୯ ଏଚେଟିଏ ତାନି ଡକ୍ରା ଜସେପ ର ଦାମ୍ବୁ ଲକୁ ମାଚାକି, ଇଞ୍ଜା ଏଦାଣି ଲକୁ ନକିତା ଦହ ଗାଟାୟି ଇଞ୍ଜା ତହୁଆପେଏ ଇଞ୍ଜା ଏଦାନି ଡକ୍ରାହାନା ପିସାଲି ତୀରି କିତେସି । ୨୦ ସାମା ଏଞ୍ଜାସି ଏଲେଇଞ୍ଜା ତୀରିକିତି ତାୟୁ, ମେହଦୁ, ମାହାପୁରୁତି ର ଦୁଡୁ ଏଞ୍ଜାଣାଙ୍କ ହାପାନାତା ଏଲେଇଚେସି, “ଆଡେ ଦାଢୁଦ କୁଡାତି ଜସେପ, ମରିୟମନି ଡକ୍ରା କିହାଲିତାକି ଆଜାଆନି, ଏନାଆଁତାକି ଇଚିହୁ ମାହାପୁରୁତି ସୁଦୁଜୀଢୁ ତଲେ ପୁରାମାସା ଆହାମାନେ । ୨୧ \*ଏଦି ର କକାଣାଙ୍କ ଜାନ କିନେ, ଅଡେ ମୀରୁ ଏଞ୍ଜାଣି ଦରୁ ଜୀସୁ ଇଞ୍ଜା ଇଟାଦୁ, ଇଚିହୁ ଏଞ୍ଜାସି ତାନି ଲକୁଙ୍କ ତାନି ବାରେ ପାପୁଟି ଗେଲପିନେସି ।”

୨୨ ମାହାପୁରୁ ଅଣ୍ଡପୁତି ବଲୁ ଝେହନାରି ତାଣ୍ଡାଟି ପ୍ରବୁତି ଇ କାତା ଏନିକ ପୁରା ଆନେ, ଇଦାଆଁତାକି ଇ ବାରେ ଆଡେ, ୨୩ “ମେହଦୁ ର ଡାଆ ମାଞ୍ଜା ପୁରାମାସା ଆହାନା ର କକାଣାଙ୍କ ଜାନ କିନେ, ଅଡେ ଲକୁ ଏଞ୍ଜାଣି ଦରୁ ‘ଇମାନୁୟେଲ’ ଇଚିନେରି ।” ଇ ଦରୁତି ଅର୍ତ “ମାହାପୁରୁ ମା ତଲେ ମାନେସି ।”

୨୪ ଏମାଟିଏ ଜସେପ ଇଦାଟି ନିଜିତି ତାୟୁ ପ୍ରବୁତି ଦୁଡୁ ଏନିକ ହୁକୁମି ହୀହାମାଚେସି, ଏଲେକିହୁ ଏ କିତେସି, ଏଞ୍ଜାସି ମରିୟମଙ୍କ ବୀହା ଆଡେସି; ୨୫ \*ସାମା ଏଦି କକାଣାଙ୍କ ଜାନ କିଆ ପାତେକା ଏଦାଣି ତଲେ କୁଡାଆଡେସି, ଅଡେ ଏ କକାଣି ଦରୁ ଜୀସୁ ଇଚିତେରି ।

୨

ଝେଡା ହପୁଞ୍ଜାକିତି ସଗୁପୁନାରି  
୧ ହେରଦ ରାଜା ବେଲତା ଜୀହୁଦା ଦେସାତି ବେତଲିହିମ ଗାଡାତା ଜୀସୁ ଜାର୍ନାଆଡ଼ି ତାୟୁ, ମେହଦୁ, ଝେଡା ହପୁ ଞ୍ଜାକିତି ଏଚରଜାଣା ସଗୁପୁନାରି ଜିରୁସାଲମତା ଝାହାନା ଝେଚେରି, ୨ “ଆନିନି କକାସି ଜୀହୁଦିଜା ରାଜା

\* ୧:୧୮ ୧:୧୮ ଲୁକ ୧:୨୭ \* ୧:୨୧ ୧:୨୧ ଲୁକ ୧:୩୧ \* ୧:୨୫ ୧:୨୫ ଲୁକ ୨:୨୧

ଆହାଲି ଜାର୍ନା ଆହାମାନାସି, ଏଝାସି ଆମ୍ବିୟା ? ମାମ୍ବୁଝେଡ଼ା ହପୁଝାକିଟି ତାନି ହୁକା ମେସାନା ଏଝାଶାଲ୍ ଜହରା କିହାଲି ଝାହାମାନମି ।”

୩ ଇ କାତା ଝେଞ୍ଜାନା ହେରଦ ରାଜା ଅଡ଼େ ତାନିତଲେ ଜିରୁସାଲମତି ବାରେ ଲକୁ କାବାଆହାନା ଆଜିତେରି । ୪ ଅଡ଼େ ଏଝାସି ଲକୁତି କାଜା ପୁଜେରାଜା ଇଞ୍ଜା ମେରା ପୁନାରାଇଁ କୁଡ଼ି କିହାନା, କ୍ରୀସ୍ତ ଏମ୍ବିୟା ଜାର୍ନା ଆନେନି, ଏଦାଆଁ ଏଝାରି ତାଶାଟି ପୁଞ୍ଜାଲି ଅଣପିତେସି ।

୫ ଏଝାରି ଏଝାଶାଲ୍ ଏଲେଇଚେରି, ଜାହୁଦା ଦେସାତି ବେତଲିହିମ ଗାଡ଼ାତା ମାହାପୁରୁ ଅଣପୁତି ବଲୁ ଝେହନାରି ତାଶାଟି ଇଲେଇଞ୍ଜା ରାସ୍ତକି ଆହାମାନେ;

୬ “ଏ ଜାହୁଦା ଦେସାତି ବେତଲିହିମ, ଜାହୁଦାତି କାଜା ନାସ୍ତା ବିତ୍ରାଟି ନୀନୁ ଉଶା ଆଏ;

ଇତିହଁ ଆମ୍ବାଆସି ନା ଇସ୍ରାୟେଲ ଲକୁଣି ପହି କିନେସି, ଏଲେତି ର ସାଲଝି କିନାସି ନୀ ତାଶାଟି ଝାନେସି ।”

୭ ତାମ୍ବୁ ହେରଦ ସଗୁ ପୁନାରାଇଁ ମେଶେଏ ହାଟାନା, ଏ ହୁକା ଏଚେଲା ତଞ୍ଜାଆହାତେ ଏ କାତା ଏଝାରି ତାଶାଟି ନେହଁକଁ ଝେଚେସି । ୮ ଇଞ୍ଜା ଏଝାସି ଏଝାରାଇଁ ବେତଲିହିମତା ପାଣ୍ଡାନା ଏଲେଇଚେସି, “ମୀରୁ ହାଜାନା ଏ କକାଣି କାତା ନେହଁକଁ ସିନକିହାନା ନାଜେ ଜିକେଏ ଝେସ୍ତାଦୁ, ଇତିହଁ ନାନୁ ଜିକେଏ ହାଜାନା ଜହରା କିକାଇଁ ।”

୯ ଏଚେଟିଏ ଏଝାରି ରାଜା କାତା ଝେଞ୍ଜାନା ହାଚେରି; ଅଡ଼େ ମେହଦୁ, ଏଝାରି ଝେଡ଼ା ହପୁଝାକି ଆମିନି ହୁକା ମେସାମାଚେରି, ଏଦି ଏଝାରି ନକି ନକିତା ହାଜାନା, ଏମ୍ବିୟା କକାସି ମାଚେସି ଏ ଲାକ ହାଜାନା ନିତେ । ୧୦ ଏ ହୁକା ମେସାନା ଏଝାରି ହାଚେରକା ରାହାଁତଲେ ରାହାଁ ଆଡ଼େରି । ୧୧ ଏଝାରି ଇଲୁ ବିତ୍ରା ହଡ଼ାନା ତାନି ଇୟା ମରିୟମ ଇଞ୍ଜା କକାଣି ତାଲୁଇଁ ମେସାନା, ଏଝାଶାଲ୍ ମେଶ୍ଟାକୁତାନା ଜହରା କିତେରି, ଇଞ୍ଜା ତାମ୍ବୁତାଗାମାଟି ପେଡ଼ାୟାଟି ବାଂଗାରା,

ଦୁପା ଦୁପଣି ଅଡ଼େ ଗାନ୍ଦା ନିହଁ ବେଟୁ ହୀତେରି ।

୧୨ ତାମ୍ବୁ ହେରଦ ରାଜା ତାଶା ଝେଣ୍ଡା ହାଲାଆପେରିଝା ଇଞ୍ଜା ମାହାପୁରୁ ଏଝାରାଇଁ ହାପାନାତା ହୁକୁମି ହୀହାଲିଏ, ଏଝାରି ଅର ଜିରୁଟି ତାନି ଦେସାତା ଝେଣ୍ଡାହାଚେରି ।

ମିସର ଦେସାତା ହାନାୟି

୧୩ ଏଝାରି ହାତି ତାମ୍ବୁ, ମେହଦୁ, ମାହାପୁରୁତି ଦୁଡୁ ଜସେପଇଁ ହାପାନାତା ଏଲେଇଚେସି, “ନିଜାମୁ କକାଣି ତାଲୁଇଁ ଅଡ଼େ ତାନି ଇୟାନି ଅହଁ ମିସରତା ହାଲାମୁ, ନାନୁ ମିଜେ ଝେସ୍ତାଆ ପାତେକା ଏମ୍ବାଆଁ ମାଞ୍ଜୁ, ଇତିହଁ କକାଣି ତାଲୁଇଁ ପାୟାଲି ହେରଦ ଅଣପିମାନେସି ।”

୧୪ ଜସେପ ନିଜାମା କକାଣି ତାଲୁ ଇଞ୍ଜା ତାନି ଇୟାନି ଆସାନା ଲାଆଁ ଲାଆଁୟାଁ ମିସର ଦେସାତା ଅହଁ ହାଚେସି, ୧୫ ହେରଦ ହାନି ପାତେକା ଏମ୍ବାଆଁ ଏଝାରି ଡ଼ୟିତେରି, ଇ ବାରେ ଗଟଝି ଆନାଣି ମାହାପୁରୁ ଅଣପୁତି ବଲୁ ଝେହନାରି ତାଶାଟି ଇ ମାହାପୁରୁ ଅଣପୁତି ବଲୁ ପୁରା ଆନେ, “ନା ମୀରଏଶାଲ୍ ନାନୁ ମିସର ଦେସାଟି ହାଟା ତାତେଏଁ ।”

କକାରି ତାଲୁକାଣି ପାୟିନାୟି

୧୬ ଝେଡ଼ା ହପୁ ଦେସାଟି ଝାହାମାଟି ସଗୁପୁନାରି ଏଝାଶାଲ୍ ନାଡ଼ିକିହାନା ହାଜାମାନେରି ଇଞ୍ଜା ପୁଞ୍ଜାନା, ହେରଦ ହାଚେରକା କପା ଆଡ଼େସି, ହୁକାତି ଉଜେଡ଼ି ଆମିନି ବେଲାତା ତଞ୍ଜାଆହାମାଚେ ସଗୁପୁନାରି ତାଶାଟି ନେହଁକଁ ପୁଞ୍ଜାମାଚେସି, ଏଦାଆଁ ପୁଞ୍ଜାନା ବେତଲିହିମ ଅଡ଼େ ତାନି ତାଗେ ମାଟି ନାସ୍ତାକାତି ରୀ ବାର୍ଯାଟିଏ ଉଶା କକାରାଇଁ ପାୟାଲି ତାକି ହୁକୁମି ହୀତେସି ।

୧୭ ଏଚିବେଲା ମାହାପୁରୁ ଅଣପୁତି ବଲୁ ଝେହନି ଜିରିମିୟ ଝେସ୍ତି ଇ ବଲୁ ସାତା ଆଡ଼େ,

୧୮ “ରମାତା ହାଡ଼ା ଝେଜିମାନେ,

ଡ଼ାକି ଅଡ଼େ ହାଚେରକା ଦୁକୁଡ଼ି ଗିୟାଁ

ରାହେଲ ତାନି ମୀରକା ତାକି  
 ତୀହିମାତେ;  
 ଅଡ଼େ ଏଝାରି ବାରେ ହାହାହାଚେରି  
 ଇଞ୍ଜି,  
 ଏଦି ଦୁକୁ ତୁକହାଲି ମନ କିହି  
 ହିଲାଆତେ ।”

ମିସରଟି ଝେଣ୍ଡାଝାନାୟି

୯୯ ହେରଦ ହାଡ଼ି ତାୟୁ, ମେହ୍‌ଦୁ,  
 ପ୍ରବୁତି ର ଦୁଡୁ ମିସରତା ଜସେପଇ  
 ହାପାନାତା ତଞ୍ଜାଆହାନା ଏଲେଇଚେସି,  
 ୨୦ “ନିଙ୍ଗାମୁ, କକାଣାଇଁ ଅଡ଼େ ତାନି  
 ଇୟାନି ତଲେ ଇସ୍ରାୟେଲ ଦେସାତା  
 ହାଲାମୁ, ଇଚିହି ଆମ୍ବାଆରି କକାଣି  
 ଜୀଝୁ ଅହାଲି ତାକି ଅଣ୍ପିମାଚେରି  
 ଏଝାରି ହାହାମାନେରି ।” ୨୧ ଏଚେଟିଏ  
 ଜସେପ ନିଙ୍ଗାନା କକାଣାଇଁ ଇଞ୍ଜା ତାନି  
 ଇୟାନି ଆସାନା ଇସ୍ରାୟେଲ ଦେସାତା  
 ଝାଡ଼େସି ।

୨୨ ସାମା ହେରଦ ଟାୟୁତା ତାନି  
 ମୀରଏସି ଆକଲାଇୟ ଜୀହୁଦାତି  
 ରାଜା ଆହାମାନେସି ଇଞ୍ଜି ଝେଞ୍ଜାନା  
 ଏଝାସି ଏମ୍ବାଆଁ ହାଜାଲି ଆଜିଚେସି;  
 ସାମା ହାପାନାତା ହୁକୁମି ବେଟାଆହାନା  
 ଏଝାସି ଗାଲିଲି ରାଜି ଝାକି ହାଚେସି,  
 ୨୩ \*ଇଞ୍ଜା ନାଜରିତତି ଗାଡ଼ାତା ହାଜାନା  
 ଡୟିଚେରି, ଏନିକିହି ମାହାପୁରୁ  
 ଅଣ୍ପୁତି ବଲୁ ଝେହ୍‌ନାରି ରାଚିତି କାତା  
 ସାତା ଆନେ, “ଏଝାସି ନାଜରିତତାସି  
 ଇଞ୍ଜି ଝେଙ୍ଗିନେସି ।”

**୩**

ବାପ୍ତିସ୍ମା\* ହାନି ଜହନତି ଝେକନାୟି  
 (ମାତି ୧:୧-୮; ଲୁକ ୩:୧-୧୮; ଜହ  
 ୧:୧୯-୨୮)

୧ ଏ ବେଲାତା ବାପ୍ତିସ୍ମା† ହାନି ଜହନ  
 ଜୀହୁଦା ଦେସାତି ବାଃଲି ବାଟାଟି  
 ଝାହାନା ବଲୁ ଝେକହାଲି ମାଟ୍‌ହେସି  
 । ୨ \*“ପାପୁ ପିସାନା ମନ ଝେଟ୍‌ହା  
 କତାଦୁ, ଇଚିହି ଲାକପୁରୁ ରାଜି  
 ଏଗାଝାହିମାନେ ।” ୩ ମାହାପୁରୁ ଅଣ୍ପୁତି

ବଲୁ ଝେହ୍‌ନି ଜିସାୟ ଡାଣାଟି ଇ ହାଡ଼ା  
 ଝେସ୍‌ପି ଆହାମାଚେ,  
 ଏଝାସିଏ ଇଝାସି; “ରଅଣି ହାଡ଼ା ଲକୁ  
 ହିଲାଆ ଟାୟୁତା ଝେଙ୍ଗିମାନେ,  
 ପ୍ରବୁ ତାକି ଜିରୁ ତିୟି କିଦୁ ।”

୪ ଜହନ ଉରୁ ବାଣାୟାଁ ତଲେ  
 କେପିତି ହିମ୍ବରିକା ତୁରହିମାଚେସି, ଇଞ୍ଜା  
 ତାନି ଟେଡେଲିତା ର ତଲୁତି ବୁଡ଼ପା  
 ମାଡ଼ା ଦସା କଡ଼ଝିଚେସି, ଗପ୍‌ଏରିକା  
 ଅଡ଼େ ଜାଡ଼ାତି କ୍ରିୟାଁ ଏଝାଣି କାଡ଼ି ମାଚେ  
 । ୫ ଏଚିବେଲାତା ଜିରୁସାଲମ ଗାଡ଼ା  
 ଇଞ୍ଜା ବାରେ ଜୀହୁଦା ଦେସା ଅଡ଼େ  
 ଜର୍ଦନ ଦାରିତି ନାସ୍‌କାତି ବାରେ ଲକୁ  
 ତାନି ତାଣା ଝାହାଲି ମାଟ୍‌ହେରି, ୬ ଏଝାରି  
 ଜାହାରା ପାପୁ ଝେସାନା ଜହନ ତାଣାଟି  
 ଜର୍ଦନ କାତାତା ବାପ୍ତିସ୍ମା‡ ଅଡ଼େରି ।

୭ \*ସାମା ହାରେକା ପାରୁସିୟାଁ ଅଡ଼େ  
 ସାଦୁକିୟାଁ ବାପ୍ତିସ୍ମା‡ ଅହାଲି ଝାହିମାନାଣି  
 ମେସାନା ଏଝାରାଇଁ ଏଲେଇଚେସି,  
 “ଅଡ଼େ ରାସ୍‌କା କୃତାତାଚେରି ମାହାପୁରୁ  
 ତାଣାଟି ଝାହିମାନି କପାଟି ପିସ୍‌ପି  
 କିହାକତାଲି ଆମ୍ବାଆସି ମିଙ୍ଗେ ସେଡନା  
 ହିୟାଚେସି । ଈଦାଆଁତାକି ମନ  
 ଝେଟ୍‌ହାମାନାଣି ନେହି କାମାତା  
 ତହ୍‌ଦୁ, ୯ \*ଅଡ଼େ ଅଗ୍ରାହାମ ମା ଆବା  
 ଇଞ୍ଜି ମୀ ମନ ବିତ୍ରା ଅଣ୍ପାଆଦୁ,  
 ଏନାଆଁତାକି ଇଚିହି ନାନୁ ମିଙ୍ଗେ  
 ଝେସିମାଞ୍ଜାଇଁ, ମାହାପୁରୁ ଇ ଝାଲକାଟି  
 ଜିକେଏ ଅଗ୍ରାହାମତି ମୀରକାଣି ଗାଡ଼ି  
 କିହାଲି ଆଡ଼ିମାନେସି । ୧୦ \*ଅଡ଼େ  
 ନୀଏଁ ଜିକେଏ ମାର୍‌ନୁ ତାକିତା କାଃଆଲି  
 ଆଗାମାନେ, ଆମିନି ମାର୍‌ନୁ ନେହି  
 ପାଡ଼େୟି ଆୟେଏ, ଏଦାନି ଟୁଣ୍‌ହାନା  
 ହିରୁତା ମେଡ଼ପି ଆନେ । ୧୧ ନାନୁସାଁ  
 ମିଙ୍ଗେ ପାପୁଟି ପିସ୍‌ପି କିହାଲି ଇଞ୍ଜା ମନ  
 ଝେଟ୍‌ପି କିହାଲି ଏୟୁତଲେ ବାପ୍ତିସ୍ମା\*  
 ହାହିମାଞ୍ଜାଇଁ, ସାମା ନା ତାୟୁ ରଅସି  
 ଝାହିମାନେସି ଏଝାସି ନା କିହାଁ ହାରେକା

\* ୨:୨୩ ୨:୨୩ ମାକି ୧:୨୪; ଲୁକ ୨:୩୯; ଜହ ୧:୪୫  
 \* ୩:୨ ୩:୨ ମାତି ୪:୧୭; ମାକି ୧:୧୫ † ୩:୭ ୩:୭ ମୁଞ୍ଜିନାୟି \* ୩:୭ ୩:୭ ମାତି ୧୨:୩୪; ୨୩:୩୩  
 ‡ ୩:୭ ୩:୭ ମୁଞ୍ଜିନାୟି \* ୩:୯ ୩:୯ ଜହ ୮:୩୩ \* ୩:୧୦ ୩:୧୦ ମାତି ୭:୧୯ \* ୩:୧୧ ୩:୧୧  
 ମୁଞ୍ଜିନାୟି

ବାଡ଼ୁଲୁ ଗାଗାସି, ଏଝାଣି ସେପୁୟାଁ ହୁକହାଲି ଜିକେଏ ନାନୁ ପାଡ଼ାଆଅଁ; ଏଝାସି ମିଙ୍ଗେ ସୁଦୁଜୀଝୁ ଇଞ୍ଜା ହିରୁତଲେ ବାପ୍ତିସ୍ତାଁ ହିୟାନେସି ।<sup>୧୨</sup> ଏଝାସି ତାନି କ୍ଳାନୁତି ନେହକଁ ତାସାହାଁ, ତାନି ଆନାତି କ୍ଳସାହାଁ ଗାଡ଼େୟିତା ଇଗାଲି ଏଝାଣି କେୟୁତା ହେଟି ମାନେ, ସାମା ଗାଟା ପଡ଼ତୁ ଏଚେଲା ତୁମ୍ବାଆଗାଟି ହିରୁତା ହୁଡ଼ା ତୁହନେସି ।”

ଜୀସୁ ଏୟୁତା ବାପ୍ତିସ୍ତାଁ ଅନାୟି  
(ମାର୍କ ୧:୯-୧୧; ଲୁକ ୩:୨୧-୨୨)

<sup>୧୩</sup> ଏଚିବେଲା ଜୀସୁ ଗାଲିଲିଟି ଖାହାନା ବାପ୍ତିସ୍ତାଁ ଅହାଲି ତାକି ଜର୍ଦନ କାତାତା ଜହନ ତାଣା ଖାଡ଼େସି ।  
<sup>୧୪</sup> ସାମା ଜହନ ଜୀସୁଇଁ କାହି କିହାଲି ଅଣ୍ଠପାନା ଏଲେଇଚେସି, “ନୀ ତାଣାଟି ନାନୁ ବାପ୍ତିସ୍ତାଁ ଅନାୟି ନା ଲଡ଼ାମାନେ, ଇଞ୍ଜା ନାନୁ ନା ତାଣା ଖାହାମାଞ୍ଜି ?”

<sup>୧୫</sup> ସାମା ଜୀସୁ ଏଝାଣାଇଁ ଏଲେଇଚେସି, “ନା ହାଡ଼ା ଆହମ୍ବୁ, ଏନାଆଁତାକି ଇଚିହଁ ଇଲେ ତଲେ ମାହାପୁରୁ ଦାମ୍ବୁତି କାମା କିନାୟିମାନେ ।” ଏଚେଟିଏ ଜହନ ମାନୁଞ୍ଜି ଆଡ଼େସି ।

<sup>୧୬</sup> ଜୀସୁ ବାପ୍ତିସ୍ତାଁ ଅଡ଼ି ଦେବୁଣିଏ ଏୟୁଟି ନିଙ୍ଗା ଖାଡ଼େସି । ଏଚେଟିଏ ହାଗୁ ଦେପିଆଡ଼େ, ଇଞ୍ଜା ମାହାପୁରୁତି ସୁଦୁଜୀଝୁ ପାର୍ଝା ପଟାଲେହେଁ ଜୀସୁ ଲାକ ରେଟା ଖାହିମାଟାଣି ଜହନ ମେସ୍ତେସି ।  
<sup>୧୭</sup> ଅଡ଼େ ମେହ୍ଦୁ, ହାଗୁଟି ଇ ହାଡ଼ା ଆଡ଼େ, “ଇଝାସି ନା ଜୀଝୁତି ମୀରୁଏସି ଇଝାଣି ତାଣା ନା ହାଚେକା ରାହାଁ ମାନେ ।”

**୪**

ଜୀସୁଇଁ ତାୟିପାରି କିନାୟି  
(ମାର୍କ ୧:୧୨-୧୩; ଲୁକ ୪:୧-୧୩)

<sup>୧</sup> ଏଚିବେଲା ଜୀସୁ ସୟତାନ ତାଣାଟି ତାୟିପାରି କିଞ୍ଜି ଆହାଲି

ସୁଦୁଜୀଝୁ ଲକୁ ହିଲାଆ ଗାୟୁତା ଅଡ଼େ ।  
<sup>୨</sup> ଜୀସୁ ରୀ କଡ଼ି ଦିନା ଲାଆଁୟାଁ ମାଦେନା ଏନାଆଁ ତିନାଆନା ଉପାସା କିହାଁ ହାକି ଆଡ଼େସି ।  
<sup>୩</sup> ଏଚିବେଲା ସୟତାନ ତାନି ଦାରିତା ଖାହାନା ଏଲେଇଚେ, “ନୀନୁ ମାହାପୁରୁ ମୀରୁଏଣାଟି ଇଚିସାରେ ଇ ଖାଲ୍‌କାଣି ରୁଟି ଆହାଲି ହୁକୁମି ହାମ୍ବୁ ।”

<sup>୪</sup> ସାମା ଜୀସୁ ଏଲେଇଚେସି, “ଦାମ୍ବୁ ସାସ୍ତେରିତା ରାସ୍‌କି ଆହାମାନେ ମାଣ୍‌ସି ଖାଉଇ ରୁଟି ତିଞ୍ଜାନା ନୀତଅସି, ସାମା ମାହାପୁରୁ ଗୁଟିଟି ହଡ଼ିମାନି ବଲୁ ତଲେ ନୀତିନେସି ।”

<sup>୫</sup> ତାୟୁ ସୟତାନ ଜୀସୁଇଁ ସୁଦୁ ଗାଡ଼ା ଜିରୁସାଲମତା ଅହାନା, ମାହାପୁରୁ ଇଲୁ ତୁଡ଼ିୟା ଲାକ ନିପହାନା,  
<sup>୬</sup> ଏଲେଇଚେ, “ନୀନୁ ମାହାପୁରୁ ମୀରୁଏଣାଟି ଇଚିହଁ ଇମ୍ବାଟି ଡ଼କକା ଚୋମ୍ବାମ୍ବୁ,” ଦାମ୍ବୁ ସାସ୍ତେରିତା ରାସ୍‌କି ଆହାମାନେ, ନିଙ୍ଗା ଜାଡ଼ନ୍ତୁ କିହାଲିତାକି ମାହାପୁରୁ ତାନି ଦୁତୁୟାଁଇଁ ହୁକୁମି ହାନେସି;

“ନୀ କତାୟାଁ ଏନିକଁ ଖାଲ୍‌କାଣା ଆଡ଼ାଉ ଇଞ୍ଜା ଦୁତୁୟାଁ ନିଙ୍ଗା କେସ୍ତାତଲେ ପେରହା ଆସ୍ତାନୁ ।”

<sup>୭</sup> ଜୀସୁ ଏଦାନି ଏଲେଇଚେସି, “ଦାମ୍ବୁ ସାସ୍ତେରିତା ରାସ୍‌କି ଆହାମାନେ, ନୀନୁ ପ୍ରବୁ ନୀ ମାହାପୁରୁଇଁ ତାୟିପାରି କିଆନି ।”

“ ଅଡ଼େ ଖେଣ୍ଡେ ସୟତାନ ଜୀସୁଇଁ କାଜା ହରୁ ଲାକ ଅହାନା ଦାର୍‌ତିତି ବାରେ ରାଜି ଅଡ଼େ ଏମ୍ବାତି ବାରେ ଅଜୁ ଅଡ଼େ ଜୁପକା ତସାନା ଏଲେଇଚେ,  
<sup>୯</sup> “ନୀନୁ ନାଙ୍ଗେ ମେଣ୍ଡାକୁତାନା ଜହରା କିୟାଦି ଇଚିହଁ ନାନୁ ଇ ବାରେ ନିଙ୍ଗା ହିୟାଇଁ ।”

<sup>୧୦</sup> ଏମ୍ବାଟିଏ ଜୀସୁ ଏଲେଇଚେସି, “ଏ ସୟତାନ ନା ତାଣାଟି ହେକ ହାଲାମ୍ବୁ ! ଦାମ୍ବୁ ସାସ୍ତେରିତା ରାସ୍‌କି ଆହାମାନେ, ‘ଖାଉଇ ନୀ ପ୍ରବୁ ମାହାପୁରୁଇଁ ଜହରା

† ୩:୧୧ ୩:୧୧ ମୁଞ୍ଜିନାୟି ‡ ୩:୧୨ ୩:୧୩ ମୁଞ୍ଜିନାୟି § ୩:୧୩ ୩:୧୩ ମୁଞ୍ଜିନାୟି \* ୩:୧୪ ୩:୧୪ ମୁଞ୍ଜିନାୟି † ୩:୧୭ ୩:୧୭ ମୁଞ୍ଜିନାୟି ✧ ୩:୧୭ ୩:୧୭ ମାତି ୧୨:୧୮; ୧୭:୫; ମାର୍କ ୧:୧୧; ଲୁକ ୯:୩୫ ✨ ୪:୧ ୪:୧ ଏବୁ ୨:୧୮; ୪:୧୫



କିଦି ଅଡ଼େ ଖାରଇ ତାଜେଏ ସେବା କିଦି ।”

୧୧ ଏ ଦେବୁଣିଏ ସୟତାନ ଜୀସୁଇଁ ପିସାନା ହାଜାତୁସ୍ତେ; ଅଡ଼େ ଦୂତୁୟାଁ ଖାହାନା ଏଝାଣି ସେବା କିତୁ ।

ଜୀସୁ ଗାଲିଲିତା ତାନି କାମା ମାଟ୍‌ନାୟି

(ମାର୍କ ୧:୧୪-୧୫; ଲୁକ ୪:୧୪-୧୫)

୧୨ \*ଜହନଇଁ କାୟିଦି ଇଲୁତା ଇଚିତେରି ଇଞ୍ଜିଁ ଖେଞ୍ଜାନା ଜୀସୁ ଏମ୍ବାଟିଏ ଗୁତା ଆହାନା ଗାଲିଲିତା ଖାଡ଼େସି; ୧୩ \*ଏଝାସି ନାଜରିତତା ଡୟାଆତେସି, ସାମା କପର୍‌ନାହୁମତା ଡୟାଲି, ସୁବୁଲୁନ୍ ଅଡ଼େ ନପ୍ରାଲିତା ମାନି ର ଗାଲିଲି ସାମ୍‌ଦୁରି ଗାଟୁତା ମାନି ଗାଡ଼ାତା ହାଚେସି । ୧୪ ଏନିକିହିଁ ମାହାପୁରୁ ଅଣ୍‌ପୁତି ବଲୁ ଖେହୁନି ଜିସାୟତି ହାଡ଼ା ସାତା ଆନ୍‌ନ, ଏଝାସି ଏଲେଇଞ୍ଜାମାଚେସି;

୧୫ “ସୁବୁଲୁନ୍ ଦେସା ଅଡ଼େ ନପ୍ରାଲି ଦେସା

ସାମ୍‌ଦୁରି ତାଗେ ଇଞ୍ଜା ଜର୍ଦନ କାତା ଆତାଲାଝାକିତି, ଜୀହୁଦିଆଆତି ଗାଲିଲି !

୧୬ ଆନ୍‌ନେରିତା ବାସା କିହିମାନି ଲକୁ କାଜା ଉଜେଡ଼ି ମେସ୍ତେରି ହାକିତି ନାସ୍କା ଅଡ଼େ ସାହଡ଼ାତା ମାନି ଲକୁତାକି ଉଜେଡ଼ି ତଞ୍ଜାଆନ୍‌ନ ।”

୧୭ \*ଏ ବେଲାଟିଏ ଜୀସୁ ତାନି କାତା ଖେକ୍‌ହାଲି ମାଟ୍‌ହେସି, “ମୀ ପାପୁ ପିସାନା ମନ୍ ଖେଟ୍‌ହା କତାଦୁ, ଏନାଆଁତାକି ଇଚିହିଁ ଲାକପୁରୁ ରାଜି ଏଗାଝାହିମାନେ ।”

ସାରି ଜାଣା ମୀଣ୍‌କା ଆହ୍‌ନାରାଇଁ ଜୀସୁ ହାଟିନାୟି

(ମାର୍କ ୧:୧୬-୨୦; ଲୁକ ୫:୧-୧୧)

୧୮ ଜୀସୁ ଗାଲିଲି ସାମ୍‌ଦୁରି ଗାଟୁଟି ହାଜିମାଟାଟି ସିମନ ଇନି ପିତର ଅଡ଼େ ତାନି ତାୟି ଆହିୟ, ଇ ତାୟି ରିଆରି

ସାମ୍‌ଦୁରିତା ଜାଲା ମେଡ଼ହିଁ ମାଟାଣି ମେସ୍ତେସି, ଏନାଆଁତାକି ଇଚିହିଁ ଏଝାରି ମୀଣ୍‌କା ଆହ୍‌ନାରି ମାଚେରି । ୧୯ ଜୀସୁ ଏଝାରାଇଁ ଏଲେଇଚେସି, “ନା ଜେଚ ଖାଦୁ, ନାଦୁ ମିଙ୍ଗ ଲକୁଣି ଆହ୍‌ନାଣି ଜାପ୍‌ହାଇଁ ।” ୨୦ ଏଚେଟିଏ ଏଝାରି ଦେବୁଣିଏ ଜାଲା ପିସାନା ଏଝାଣି ଜେଚ ହାଚେରି ।

୨୧ ଏମ୍ବାଟିଏ ଜୀସୁ ନକିତା ହାଜାନା ଜେବଦି ମୀର୍‌କା ଜାକୁବ ଅଡ଼େ ଏଝାଣି ତାୟି ଜହନ ଦରୁଗାଟାସି ଇଞ୍ଜା ଅଡ଼େ ରିଆରି ତାୟିୟାଁ ତାମି ଆବା ଜେବଦି ତଲେ ଡଂଗତା ଜାଲା ମୁଦା କିହିମାଟାଣି ମେସାନା ଏଝାରାଇଁ ଜିକେଏ ହାଟିତେସି । ୨୨ ଏଚେଟିଏ ଏଝାରି ଏ ଦେବୁଣିଏ ଡଂଗ ଅଡ଼େ ତାମି ଆବାଇଁ ପିସାନା ଜୀସୁ ଜେଚ ହାଚେରି ।

ଜୀସୁ ସେବା କାମା ମାଟ୍‌ନାୟି (ଲୁକ ୬:୧୭-୧୯)

୨୩ \*ତାୟୁ ଜୀସୁ ଗାଲିଲି ଦେସାତା ରେଜି ରେଜିହିଁ ଜୀହୁଦି ଲକୁତି କୁଟମି ଇଲ୍‌କାଣା ଜାପ୍‌ହିହିଁ, ମାହାପୁରୁ ରାଜିତି ନେହିଁ କାରୁ ଖେସିହିଁ ରଗାଟି ଲକୁଣି ନେହିଁ କିହାଲି ମାଟ୍‌ହେସି, ୨୪ ଅଡ଼େ ଏଝାଣି କାତା ଦେସାଟି ସାରିଝାକି ଇଞ୍ଜା ସିରିୟା ଦେସାତା ଜିକେଏ ଖେଙ୍ଗାହାଚେ, ଇଞ୍ଜା ଲକୁ ବୁତୁୟାଁ ଆଲ୍‌ଗା ମାଟାରାଇଁ, କାଟିଖେତାରାଇଁ, ଇଞ୍ଜା ଟଟ ଖାୟିତାରାଇଁ; ଇଲେତି ହାରେକା ରଗାଟି କସ୍ତୁ ଆହିମାନାରାଇଁ ଜୀସୁ ନକିତା ତାଚେରି, ଇଞ୍ଜା ଏଝାସି ଏଝାରାଇଁ ନେହିଁ କିତେସି । ୨୫ ଅଡ଼େ ଗାଲିଲି, ଦସଗଟା ନାସ୍କା,\* ଜିରୁସାଲମ, ଜୀହୁଦା ଅଡ଼େ ଜର୍ଦନତି ଏ ଗାଟୁତା ମାନି ନାସ୍କାଟି ହାରେକା ଲକୁ ଜୀସୁ ଜେଚ ହାଚେରି ।



ହରୁ ଲାକ ଜାପ୍‌ନାୟି

\* ୪:୧୨ ୪:୧୨ ମାତି ୧୪:୩; ମାର୍କ ୬:୧୭; ଲୁକ ୩:୧୯, ୨୦ \* ୪:୧୩ ୪:୧୩ ଜହ ୨:୧୨ \* ୪:୧୭ ୪:୧୭ ମାତି ୩:୨ \* ୪:୨୩ ୪:୨୩ ମାତି ୯:୩୫; ମାର୍କ ୧:୩୯ \* ୪:୨୫ ୪:୨୫ ଦେକାପଲି

୧ ଜୀସୁ ହାରେକା ଲକ୍ଷ୍ମୀ ଫେସାନା  
 ର ହରୁ ଲାକ ହାଜାନା କୁରିତେସି,  
 ଇଞ୍ଜା ସୀସୁୟା ଏଞ୍ଜାଣି ତାଗେ ଖାଡ଼େତରି  
 । ୨ ଏମ୍ବାଟିଏ ଏଞ୍ଜାସି ଗୁତି ଏକ୍‌ହାନା  
 ଜାପ୍‌ହାଲି ମାଟ୍‌ହେସି ।

ଆମ୍ବାଆରି ନେହ୍‌ରୀରି  
 (ଲୁକ ୬:୨୦-୨୩)

୩ ଆମ୍ବାଆରି ଜୀସୁତା ଏନାଆଁ ହିଲାଆ  
 ଗାଟାରାକି ନେହ୍‌ହେଁ,  
 ଏନିଇଚିହ୍‌ ଲାକପୁରୁ ରାକି  
 ଏଞ୍ଜାରି ଖାଈ ।

୪ ଆମ୍ବାଆରି ଦୁକୁତା ଡାହିମାନି ଲକ୍ଷ୍ମୀତାକି  
 ନେହ୍‌ହେଁ,  
 ଏନାଆଁତାକି ଇଚିହ୍‌ ମାହାପୁରୁ  
 ଏଞ୍ଜାରି ଦୁକୁ ଡୁକ୍‌ନେସି ।

୫ କପ୍‌ା ହିଲାଆ ଗାଟାରି ନେହ୍‌ହେଁ,  
 ଏନାଆଁତାକି ଇଚିହ୍‌ ଦାରତିତା  
 ଏଞ୍ଜାରି ଅଦିକାରା ଆନେରି ।

୬ ମାହାପୁରୁ ଦାମ୍‌ତି କାମା କିହାଲି  
 ହାକି ଏସ୍‌କି ଗାଟାରି ଏଞ୍ଜାରାକି  
 ନେହ୍‌ହେଁ,  
 ଏନାଆଁତାକି ଇଚିହ୍‌ ମାହାପୁରୁ  
 ଏଞ୍ଜାରାକି ଲଡ଼ାମାନାଣି ବାରେ  
 ହୀନେସି ।

୭ ଏଟ୍‌କା ଲକ୍ଷ୍ମୀ କାର୍‌ମା ଫେହ୍‌ନେରି,  
 ଏଞ୍ଜାରାକି ନେହ୍‌ହେଁ,  
 ଏନିଇଚିହ୍‌ ମାହାପୁରୁ ଏଞ୍ଜାରାଈ  
 କାର୍‌ମା ଫେହ୍‌ନେସି,

୮ ଆମ୍ବାଆରି ସୁଦୁ ହିୟା ଗାଟାରି  
 ଏଞ୍ଜାରାକି ନେହ୍‌ହେଁ,  
 ଏନିଇଚିହ୍‌ ଏଞ୍ଜାରି ମାହାପୁରୁଈ  
 ଫେହ୍‌ନେରି ।

୯ ହିଡ଼ଡ଼ି ଗାଟି ଲକ୍ଷ୍ମୀ ନେହ୍‌ହେଁ,  
 ଏନିଇଚିହ୍‌ ଏଞ୍ଜାରି ମାହାପୁରୁତି  
 ମୀର୍କା ଇଞ୍ଜା ଝେଞ୍ଜିନେରି ।

୧୦ \*ମାହାପୁରୁ ଦାମ୍‌ କାତାତାକି ଦୁକୁ  
 ବେଟାଆନାରି ଏଞ୍ଜାରାକି  
 ନେହ୍‌ହେଁ,

ଏନିଇଚିହ୍‌ ଲାକପୁରୁ ରାକି  
 ଏଞ୍ଜାରିଖାୟି ।

୧୧ \*ଏଚିଡେଲା ଲକ୍ଷ୍ମୀ ମିଙ୍ଗ ନା ତାକି  
 ନିନ୍ଦା କି ଲାଜା କିୟାନେରି, ଅଡ଼େ  
 ନା ତାକି ଉଜେ ଉଜେଏ ମୀ କପ୍‌ାତି  
 ମିଟି କାତା ଜଲାନେରି, ଆତିହ୍‌  
 ମିଙ୍ଗେ ତାକି ନେହ୍‌ହେଁ । ୧୨ \*ରାହ୍‌  
 ଆହାନା ଏନ୍ଦାଦୁ, ଏନାଆଁତାକି ଇଚିହ୍‌  
 ଲାକପୁରୁତା ମୀ ତାକି ହାରେକା  
 ଦାନା ମାନେ; ଏଲେକିହ୍‌ଏ, ମୀ  
 ନକିତି ମାହାପୁରୁ ଅଣ୍‌ପୁତି ବଲ୍ଲୁ  
 ଝେହ୍‌ନାରାଈ ଜିକେଏ ଇଲେକିହ୍‌  
 ନିନ୍ଦା କିହାମାଚେରି ।

ହାରୁ ଅଡ଼େ ଉଜେଡ଼ି  
 (ମାର୍କ ୯:୫୦; ଲୁକ ୧:୩୪-୩୫)

୧୩ \*ମୀରୁ ବାରେ ଦାରତିତି ହାରୁ  
 ଲେହ୍‌ହେଁ, ସାମା ହାରୁ ମୁଆତିହ୍‌, ଅଡ଼େ  
 ଏଦାଆଁ ଏମ୍ବିୟା ଜିକେଏ ଲେମ୍ବାଲି ଆଏ,  
 ଇଞ୍ଜା ଏଦି ଏନି କାମାତା ପାଡ଼ା ଆଏ,  
 ଲକ୍ଷ୍ମୀ ଏଦାଆଁ କଡ଼ା ଡ଼ଇ ଝିସା ହାନେରି  
 ।

୧୪ \*ମୀରୁ ଦାରତିତି ଉଜେଡ଼ି ଡେରି,  
 ଆମିନି ଗାଡ଼ା ହରୁ ଲାକ କେପି  
 ଆହାମାନେ, ଏଦି ଏଚେଲା ଡ଼ଗ୍‌ନା  
 ଡ଼ୟାଲି ଆଡ଼େଏ । ୧୫ \*ଅଡ଼େ ଦୀଞ୍ଜି  
 ଡ଼ାସାନା ଆମ୍ବାଆରି ମାଣା ପୁକ୍‌ହାନା  
 ଇଟଅରି, ସାମା ଏଦାନି ଦୀଞ୍ଜି ସଡ଼ାତା  
 ଇଚିନେରି, ଆତିହ୍‌ ଇଲୁତା ଖାନ୍ତି  
 ବାରେ ଲକ୍ଷ୍ମୀ ଉଜେଡ଼ି ଫେହ୍‌ନେରି  
 । ୧୬ \*ଏଲେକିହ୍‌ଏ ମୀ ଉଜେଡ଼ି  
 ଲକ୍ଷ୍ମୀ ନକିତା ନେହ୍‌କି ତଞ୍ଜାଆପେ,  
 ଏନିକି ଏଞ୍ଜାରି ମୀ ନେହ୍‌ କାମା  
 ଫେସାନା ଲାକପୁରୁତି ଆବାତି ଗାଞ୍ଜୁରିମି  
 କିନେରି ।

ମେରାତି କାତା ଜାପ୍‌ନାୟି

୧୭ ନାଙ୍ଗେ ମସାତି ମେରା ଅଡ଼େ  
 ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନାରି  
 ମେରାତି ମ୍ବେକ୍‌ହାଲି ଖାହାମାନେସି  
 ଇଞ୍ଜା ଅଣ୍‌ପାଆଦୁ; ନାନୁ ମ୍ବେକ୍‌ହାଲି

\* ୫:୧୦ ୫:୧୦ ପିପିତ ୩:୧୪    \* ୫:୧୧ ୫:୧୧ ପିପିତ ୪:୧୪    \* ୫:୧୨ ୫:୧୨ କାମା ୭:୫୨    \* ୫:୧୩  
 ୫:୧୩ ମାର୍କ ୯:୫୦; ଲୁକ ୧୪:୩୪,୩୫    \* ୫:୧୪ ୫:୧୪ ଜହ ୮:୧୨; ୯:୫    \* ୫:୧୫ ୫:୧୫ ମାର୍କ ୪:୨୧; ଲୁକ  
 ୮:୧୬; ୧୧:୩୩    \* ୫:୧୬ ୫:୧୬ ପିପିତ ୨:୧୨    \* ୫:୧୮ ୫:୧୮ ଲୁକ ୧୭:୧୭

ଝାହାହିଲଅଁ ସାମା ଇ ବାରେ ପୂରା କିହାଲି ଝାହାମାଇଁ । ୧୮ \*ଏନାଆଁତାକି ଇଚିହଁ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ହାଗୁପାକା ଅଡ଼େ ଦାରତି ମେଣ୍ଟାଆ ପାତେକା ଇଞ୍ଜା ଇ ବାରେ ଆଆପାତେକା ମସା ମେରାତି ଇଚାୟି ସିନା ଜିକେଏ ମେଣ୍ଟାକେଏ । ୧୯ ଏନାଆଁତାକି ଇଚିହଁ ଆମ୍ବାଆସି ଇ ହୁକୁମିଚି ର ଉଣା ହୁକୁମି ମାନୁଝି ଆଅସି ଅଡ଼େ ଲକୁଇଁ ଏଲେକିହଁ ଏ ଜାପୁନେସି, ଏଝାସି ଲାକପୁରୁ ରାଜିତା ଉଣା ଇଞ୍ଜା ଝେଙ୍ଗିନେସି; ସାମା ଆମ୍ବାଆସି ମାନୁଝି ଆନେସି ଅଡ଼େ ଜାପୁନେସି ଏଝାସି ଲାକପୁରୁ କାଜାସି ଇଞ୍ଜା ଝେଙ୍ଗିନେସି । ୨୦ ଏନାଆଁତାକି ଇଚିହଁ ନାନୁ ମିଙ୍ଗେ ଝେସିମାଞ୍ଜାଇଁ, ମୀ ଦାମ୍ବୁ ମେରା ପୁନାରି ଅଡ଼େ ପାରୁସିୟାଁ ଦାମ୍ବୁ କିହାଁ ମୀ ନାମୁ ହାରେକା ଆଆତିହଁ, ମୀରୁ ଜିକେଏ ଲାକପୁରୁ ରାଜିତା ହଡାଲି ଆଡ଼ଅତେରି ।

କପା ଗାଟାଣି ଜାପୁନାୟି

୨୧ “ମୀରୁ ଝେଞ୍ଜାମାଞ୍ଜେରି, ତଲିକାଲାତି ଲକୁଇଁ ଝେସପିଆହାମାଚେ, ‘ଲକୁଇଁ ପାୟାଆଦୁ, ଆମ୍ବାଆରି ଲକୁଇଁ ପାୟିନେରି, ଏଝାସି ନୀହାଁୟି ପାଙ୍ଗାତା ତଣ୍ଡ ବେଟା ଆନେସି ।” ୨୨ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ଆମ୍ବାଆସି ତାମି ତାୟି ଲାକ କପାଆନେସି, ଏଝାସି ନୀହାଁୟି ପିଣ୍ଡାତା ତଣ୍ଡ ବେଟା ଆନେସି, ଇଞ୍ଜା ଆମ୍ବାଆସି ତାମି ତାୟିକାଁ କାରବିଗାଟାତି ଇଞ୍ଜା ଇନେସି, ଏଝାସି ବେରଣିମାଣ୍ଡାତା ତଣ୍ଡ ବେଟା ଆନେସି; ଅଡ଼େ ଆମ୍ବାଆସି ପଲ୍ଲୁଆଗାଟାତି ଇଞ୍ଜା ଇନେସି, ଏଝାସି ହିରୁ ଗାଡ଼ୁୟିତା ମେଡ଼ପି ଆନେସି । ୨୩ ଅଡ଼େ ମାହାପୁରୁତି ପୂଜା ପିଣ୍ଡାତା ଦାନା ତାତିମାନାତି ମୀ ତାୟି କପାଟି ଏନ୍ଦି ହାଡ଼ା ମାନେ ଇଞ୍ଜା ଏମ୍ବାଆଁ ଅଣ୍ଡୁ ଝାଚେ, ୨୪ ଆତିହଁ ଏନ୍ଦିଏମ୍ବାଆଁ ପୂଜା ପିଣ୍ଡାତା ମୀ ଦାନା ପିସାନା ହାଜୁ,

ଇଞ୍ଜା ମୀ ତାୟିତଲେ ଆଣ୍ଡିତି ଜେତ ଝେଣ୍ଡା ଝାହାନା ମାହାପୁରୁ ନକିତା ଏ ଦାନା ହେରପାଦୁ ।

୨୫ ନୀନୁ ଗଡ଼ହା ଆଡ଼ାଣି ତଲେ ନୀହାଁୟି କିନାଣି ତାଣା ହାନିବେଲାତା ଜିରୁତେଏ କାଲୁଝି ଆୟାଲି ଅଣ୍ଡପାମ୍ବୁ, ଆଆତ ଏଝାସି ନିଙ୍ଗେ ନୀହାଁୟି କିନାଣି ତାଣା ହେରପାନେସି, ଅଡ଼େ ନୀହାଁୟି କିନାସି ନିଙ୍ଗେ ଜାମାନାଙ୍ଗା କେୟୁତା ହେରପାନେସି, ଅଡ଼େ ଏଝାରି କାୟିଦି ଇଲୁତା ସୁଣ୍ଡାନେରି । ୨୬ ନାନୁ ମିଙ୍ଗେ ସାତା ଝେସିମାଞ୍ଜାଇଁ ମୀ ତାକି କିଝିଆହାମାନି ର କାନି ଜିକେଏ ହାଆପାତାକା ଏମ୍ବାଟି ଏନ୍ଦିଜିକେଏ ହଡ଼ାଝାହାଲି ଆଡ଼ଅତେରି ।

ଦାରିକାମା କିଆଦୁ ଇଞ୍ଜା ଜାପୁନାୟି

୨୭ ମୀରୁ ଝେଞ୍ଜାମାଞ୍ଜେରି, ଇଲେଇଞ୍ଜା ରାସ୍ତକି ଆହାମାନେ, ଦାରିକାମା କିଆଦୁ । ୨୮ ସାମା ନାନୁ ମିଙ୍ଗେ ଝେସିମାଞ୍ଜାଇଁ, ଆମ୍ବାଆସି ର ଇୟାନି ଲାଗେଏତି ଅଣ୍ଡୁ ତଲେ ସିନିକିନେସି, ଇଞ୍ଜା ଏଝାସି ଏଦାନିତଲେ ମନ ମନତା ଦାରିକାମା କିତେସିଏ । ୨୯ \*ଅଡ଼େ ମୀ ଚିଝନି କାନୁ ମିଙ୍ଗେ ପାପୁ କିଝିକିୟାନେ ଇଚିହଁ ଏ କାନୁ ଡେଝା କୁତାଦୁ, ଇଚିହଁ ମୀ ବାରେ ଆଙ୍ଗା ନକିତା ରିନି କିହାଁ, ଆଙ୍ଗାତି ର ବାଗା ହିଲାଆଗାଟାଇ ନେହେଁ । ୩୦ \*ଇଞ୍ଜା ମୀ ଚିଝନି କେୟୁ ମିଙ୍ଗେ ପାପୁ କିଝିକିୟାନେ ଇଚିହଁ ଏଦାଆଁ ଜାଟାନା କୁତାଦୁ, ଇଚିହଁ ମୀ ବାରେ ଆଙ୍ଗା ନକିତା ରିନିବାଟା ଆଙ୍ଗାତି ର କେୟୁ ହିଲାଆଗାଟାୟି ନେହେଁ ।

ତକ୍ତିନି ପିହ୍ନି କାତା  
(ମାତି ୧୯:୯; ମାର୍କ ୧୦:୧୧-୧୨; ଲୁକ ୧୭:୧୮)

୩୧ \*ଅଡ଼େ ରାସ୍ତକି ଆହାମାନେ, ଆମ୍ବାଆସି ତାନି ତକ୍ତିନି ପିହ୍ନେସି, ଇଚିହଁ ଏଝାସି ଏଦାନାକି ପିହ୍ନି ଆକୁ

\* ୫:୨୯ ୫:୨୯ ମାତି ୧୮:୯; ମାର୍କ ୯:୪୭    \* ୫:୩୦ ୫:୩୦ ମାତି ୧୮:୮; ମାର୍କ ୯:୪୩    \* ୫:୩୧ ୫:୩୧ ମାତି ୧୯:୭; ମାର୍କ ୧୦:୪    \* ୫:୩୨ ୫:୩୨ ମାତି ୧୯:୯; ମାର୍କ ୧୦:୧୧,୧୨; ଲୁକ ୧୭:୧୮; ୧କର ୭:୧୦,୧୧

ରାତାନା ହୀପେସି । ୩୨ \*ସାମା ନାନୁ ମିଙ୍ଗେ ୱେସିମାଞ୍ଜାଇଁ, ଆମ୍ବାଆସି ତାନି ଡକ୍ତିନି ଦାରି କାମାତି ଦହ୍ ହିଲ୍ଲାଆନା ଡକ୍ତିନି ପିହ୍ନେସି, ଏଞ୍ଜାସି ଏଦାନ ଦାରେଣି କିନେସି; ଅଡେ ଆମ୍ବାଆସି ପିସ୍ତ୍ରୁ ଇୟାନି ବାହା ଆନେସି, ଏଞ୍ଜାସି ଜିକେଏ ଦାରେଲା ଆନେସି ।

**ପାରମାଣା**

୩୩ ଅଡେ ମାରୁ ୱେଞ୍ଜାମାଞ୍ଜେରି, ତଲିକାଲ୍ଲାତି ଲକୁଣି ୱେସ୍ପି ଆହିମାରେ, ମାରୁ ମିଚି ପାରମାଣା କିଆଦୁ, ସାମା ପାରମାଣା କିହାମାନାଣି ଡକ୍ତିନି, ମାହାପୁରୁ ନକିତା ପୁରା କିଦୁ । ୩୪ \*ସାମା ନାନୁ ମିଙ୍ଗେ ୱେସିମାଞ୍ଜାଇଁ ପାରମାଣା କିଝୁଏ କିଆଦୁ; ପାରମାଣା କିନି ବେଲା ଲାକପୁରୁତି ଦରୁତଲେ ପାରମାଣା କିଆଦୁ, ଏନାଆଁତାକି ଇଚିହ୍ ଏଡି ମାହାପୁରୁତି ସିଂଗାସାଣି; ୩୫ ଅଡେ ଦାରୁତିତି ଦରୁତଲେ ପାରମାଣା କିଆଦୁ, ଏନାଆଁତାକି ଇଚିହ୍ ଏଡି ମାହାପୁରୁତି କତାୟାଁ ଇଚିନି ଟାୟୁ; ଜିରୁସାଲମ ଦରୁତଲେ ପାରମାଣା କିଆଦୁ, ଏଡି ଆହିମାନେ କାଜା ରାଜାତି ଗାଡ଼ା; ୩୬ ଇଞ୍ଜା ମୀ ତାୟୁଁଡୁ ପାରମାଣା କିଆଦୁ, ଇଚିହ୍ ମୀ ତାୟୁଁଡୁ ର ବାଣା କାଡ଼ିୟା ଆଆତ ଦବ୍ଲା କିହାଲିତାକି ମୀ ବାଡ଼ୁୟୁ ହିଲେଏ, ୩୭ ସାମା ମୀଦି ହାଅ ଇନି କାତା ହାଅ ଆପେ, ଇଞ୍ଜା ଆଏ ଇନି କାତା ଆଏ ଆପେ; ଇଦାଆଁ ପିସ୍ପେ ଏନାଆଁ ଇଚାଣି ଆଗାଡ଼ା କାଲ୍ଲିହ୍ ଏଡି ଲାଗେଏ ତାଣାଟି ଝାରେନ ।

ରାକି ଆହ୍ନାୟି  
(ଲୁକ ୭:୨୯-୩୦)

୩୮ ମାରୁ ଇ କାତା ୱେଞ୍ଜାମାଞ୍ଜେରି, ରାସ୍କି ଆହାମାନେ, କାନୁତି ବାଦୁଲି କାନୁ, ପାଲୁତି ବାଦୁଲି ପାଲୁ । ୩୯ ସାମା ନାନୁ ମିଙ୍ଗେ ୱେସିମାଞ୍ଜାଇଁ, ମିଙ୍ଗେ ଲାଗେଏ କିୟାନାଣାଇଁ ବାଦୁଲି ଅଆଦୁ, ସାମା ଆମ୍ବାଆସି ନୀ ଚିଝନି ଗେଏଲାତା

ସାପୁଡ଼ା ୱେଡାନେସି, ଏଞ୍ଜାଣାକି ଅର ଗେଏଲା ଜିକେଏ ତହ୍ନୁଦୁ । ୪୦ ଇଞ୍ଜା ଆମ୍ବାଆସି ନାହାଁୟି ପାଙ୍ଗାତା ମୀ ସକା ଅହାଲି ମନ କିଚିହ୍ ଏଞ୍ଜାଣାକି ମୀ ହିମ୍ବୁରି ଜିକେଏ ହୀଦୁ । ୪୧ ଆମିନି ଦେସା ସାଲ୍ଲିଞ୍ଜି କିନାସି ମିଙ୍ଗେ ବଦୁ ଡେକାନା ତାନିତଲେ ର କିଲମିଟର ହାଜାଲିତାକି ଏଲେଇଞ୍ଜାନେସି, ଏଞ୍ଜାଣିତଲେ ରୀ କିଲମିଟର ହାଜୁ । ୪୨ ଆମ୍ବାଆସି ମିଙ୍ଗେ ରୀସ୍ତାନେସି, ଏଞ୍ଜାଣାକି ହୀଦୁ, ଅଡେ ଆମ୍ବାଆସି ମୀ ତାଣାଟି ରୀଣା ଅହାଲି ମନ କିନେସି ଏଞ୍ଜାଣାଇଁ ଆଏ ଇନାଆଦୁ ।

**ସାତୁୟାଁଇଁ ଜୀଝୁନଦୁ  
(ଲୁକ ୭:୨୭-୩୨)**

୪୩ ମାରୁ ୱେଞ୍ଜାମାଞ୍ଜେରି, ରାସ୍କି ଆହାମାନେ, ମୀ ପାଡିତାଣାଇଁ ଜୀଝୁନଦୁ ଇଞ୍ଜା ସାତୁୟାଁଣି ଅପାଆଦୁ । ୪୪ ସାମା ନାନୁ ମିଙ୍ଗେ ୱେସିମାଞ୍ଜାଇଁ, ମୀ ସାତୁୟାଁଇଁ ଜୀଝୁନଦୁ, ଇଞ୍ଜା ଆମ୍ବାଆରି ମିଙ୍ଗେ ନିଦା କିୟାନେରି, ଏଞ୍ଜାରି ତାକି ପ୍ରାତାନା କିଦୁ । ୪୫ ଏନିକ୍ ମାରୁ ମୀ ଲାକପୁରୁ ଆବାତି ମୀରକା ଆଦେରି; ସାମା ମାହାପୁରୁ ନେହାଁରି ଅଡେ ଲାଗେଏ ପଲେଏତି ବାରେ ଲକୁତାକି ୱେଡ଼ା ଉଜେଡ଼ି ହୀନାସି ଅଡେ ଦାମ୍ବୁଗାଟାରି ଅଡେ ଦାମ୍ବୁ ହିଲ୍ଲାଆ ଗାଟାରାକି ଜିକେଏ ପିୟୁ ହୀନେସି । ୪୬ ଇଞ୍ଜା ଆମ୍ବାଆରି ମିଙ୍ଗେ ଜୀଝୁ ନୟାଁନେରି ଏ ଲକୁଇଁଦେଁ ଜୀଝୁ ନଡିହ୍ ଏନାୟି ମେଡ଼ାଆୟାନେ ? ସିସ୍ତୁ ରାହ୍ନାରି ଜିକେଏ ଏଦାଆଁ କିଅରିକି ? ୪୭ ଅଡେ ମାରୁ ମୀ ତାୟୁୟାଁଇଁ ଜହରା କିଦେରି, ଏମ୍ବାଟିଏ ଅଡେ ଏନି କାମା କିଦେରି ? ଜୀହୁଦିଆଆତାରି ଜିକେଏ ଏଦାଆଁ କିଅରିକି ? ୪୮ ଏଦାଆଁତାକି ମୀ ଲାକପୁରୁତି ଆବା ଏନିକ୍ ବାରେକିହାଁ ନେହାଁସି ମୀରୁ ଜିକେଏ ଏଲେକ୍ ନେହ୍ ଆଦୁ ।

\* ୫:୩୪ ୫:୩୪ ଜାକୁବ ୫:୧୨; ମାତି ୨୩:୨୨



ଦାନା ହୀନାଣି ଜାପ୍ନାୟି

୧ \*ଲକୁ ମେସ୍ତାପେରିଞ୍ଚା ଇଞ୍ଜିଁ ଲକୁ ନକିତା ଦାମ୍ବୁତି କାମା କିଆଦୁ, ଏଦାଆଁତାକି ମୀରୁ ଜାଗ୍ରାତା ଆଦୁ, ଆଆତିହ୍ଁ ମୀ ଲାକପୁରୁତି ଆବା ନକିତା ମିଙ୍ଗେ ଦାନା ହିଲେଏ ।

୨ ଏଦାଆଁତାକି ଦାନା ହୀନାଟି କୁରୁ ଗାଟାରିଲେହେଁ ଜାହାରା ନକିତା ତୀତି ଉକାଆଦୁ; ଏଞ୍ଚାରି ଲକୁ ତାଣାଟି ମାନି ବେଟାଆହାଲି ଜୀହୁଦି ଲକୁତି କୁଟମି ଇଲୁତା\* ଅଡେ ମାଦି ଆଂଗେଣିତା ଏଲେକିନେରି, ନାନୁ ମିଙ୍ଗେ ସାତା ଝେସିମାଞ୍ଜାଇଁ ଏଞ୍ଚାରି ତାମି ଦାନା ବେଟାଆହାମାନେରି । ୩ ସାମା ମୀରୁ ଦାନା ହୀନାଟି ମୀ ଚିଃନି କେୟୁ ଏନାଆଁ କିହିମାନେ ମୀ ଚେବ୍ରି କେୟୁ ପୁନାଆପେ, ୪ ଏନିକ୍ ମୀ ଦାନା ହୀତାୟି ପୁନାଆରେଟୁ ଆନେ, ମୀ ଲାକପୁରୁତି ଆବା ଜିକେଏ ପୁନାଆରେଟୁ ମେହନାସି, ଏଞ୍ଚାସି ମିଙ୍ଗେ ଦାନା ହିୟାନେସି ।

ପ୍ରାତାନା  
(ଲୁକ ୧୧:୨-୪)

୫ \*ପ୍ରାତାନା କିନାଟି କୁରୁ ଗାଟାରିଲେହେଁ ଆଆଦୁ, ଏନାଆଁତାକି ଇତିହ୍ଁ ଏଞ୍ଚାରି ଲକୁଣି ତସାଲି ତାକି, ଜୀହୁଦି ଲକୁତି କୁଟମି ଇଲୁତା† ଅଡେ ଡେଡା ଜିରୁତି କନତା ନିଚାନା ପ୍ରାତାନା କିହାଲି ରାହାଁ ଆନେରି; ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଞ୍ଚାରି ତାମି ଦାନା ବେଟାଆହାମାନେରି । ୬ ସାମା ମୀରୁ ପ୍ରାତାନା କିନାଟି ମୀ ଇଲୁ ବିତ୍ରା ହାଜୁ, ଇଞ୍ଜା ଦାରା ସୁଣ୍ଡା କତାଦୁ ଅଡେ ତଞ୍ଜା ଆଆଗାଟି ମୀ ଆବା ମାହାପୁରୁ ତାଣା ପ୍ରାତାନା କିଦୁ; ଅଡେ ମୀ ଆବା ଆମ୍ବାଆସି ଡଗୁନା ମେସ୍ତାନେସି ଏଞ୍ଚାସି ମିଙ୍ଗେ ଦାନା ହିୟାନେସି ।

୭ ମୀରୁ ପ୍ରାତାନା କିନାଟି ଜୀହୁଦିଆଆତାରି ଲେହେଁ ଉଜେ ଉଜେଏ ପେଟେପେଟେ ଜଳାଆଦୁ, ଏନାଆଁତାକି ଇତିହ୍ଁ ଏଞ୍ଚାରି ଅଣ୍ପିନେରି, ହାରେକା ପ୍ରାତାନା କିତିସାରେ ମା ପ୍ରାତାନା ମାହାପୁରୁ ଝେଞ୍ଜାନେସି । † ଏଦାଆଁତାକି ଏଞ୍ଚାରିଲେହେଁ ଆଆଦୁ, ଏନାଆଁତାକି ଇତିହ୍ଁ ମିଙ୍ଗେ ଏନାୟି ଲଡ଼ାମାନେ, ରୀହୁଆ ନକେଏ ଏଦାଆଁ ମୀ ଆବା ମାହାପୁରୁ ବାରେ ପୁଞ୍ଜାମାନେସି । ୯ ଅଡେ ମୀରୁ ଇଲେକିହ୍ଁ ପ୍ରାତାନା କିଦୁ;

ଏ ମା ଲାକପୁରୁତି ଆବା,  
ନୀ ଦରୁ ନେହାୟି ଇଞ୍ଜିଁ ମାନଞ୍ଜି ଆପେ;  
୧୦ ନୀ ରାଜି ଝାପେ;  
ଲାକପୁରୁତି ଲେହେଁ ଦାର୍ତିତା ଜିକେଏ ନୀ କାଡେଏ ଆପେ,  
୧୧ ନୀଞ୍ଜୁ ମାଙ୍ଗେ ଲଡ଼ା ଆନି ରାନ୍ଦା ହିୟାମ୍,  
୧୨ ମା କପାତଲେ ଦହ୍ କିହାମାନି ଲକୁଣି ମାମ୍ବୁଏନିକିହ୍ଁ ଦହ୍ ଆହୁଅମି,  
ଏଲେକିହ୍ଁ ମା ଦହ୍ ବାରେ ମ୍ବେକ୍‌ହାମ୍ ।  
୧୩ ମାଙ୍ଗେ ପାନ୍ଦାତା ମେଡହାଆନି ଲାଗେଏ ପଲେଏ ତାଣାଟି ପିସ୍‌ପି କିୟାମ୍,  
ଏନିଇତିହ୍ଁ ରାଜି ବାଡ଼ୟୁ କାଜାପାଣା କାଲା କାଲାତାକି ନୀଦିଏ ଆପେ । ଆଫେନ୍ ।

୧୪ \*ଇତିହ୍ଁ ମୀରୁ ଏଟକା ଲକୁତି ପାପୁ ବାରେ ମ୍ବେକ୍‌ହିସାରେ, ମୀ ଲାକପୁରୁତି ଆବା ମାହାପୁରୁ ଜିକେଏ ମୀ ପାପୁ ମ୍ବେକ୍‌ହାନେସି; ୧୫ ସାମା ମୀରୁ ଲକୁତି ପାପୁ ମ୍ବେକ୍‌ଆସାରେ, ମୀ ଆବା ଜିକେଏ ମୀ ପାପୁ ମ୍ବେକ୍‌ହଅସି ।

ଉପାସା କିନାଣି ଜାପ୍ନାୟି

\* ୭:୧ ୭:୧ ମାତ୍ରି ୨୩:୫    \* ୭:୨ ୭:୨ ସିନଗର    ☆ ୭:୫ ୭:୫ ଲୁକ ୧୮:୧୦-୧୪    † ୭:୫ ୭:୫ ସିନଗର  
\* ୭:୧୪ ୭:୧୪ ମାର୍କ ୧୧:୨୫,୨୬

୧୭ ଉପାସା କିନାଟି କୁହୁ  
ଗାଟାରିଲେହେଁ ମୀ ମୁମୁତ୍ତି ଖାଡ଼ି କିଆଦୁ,  
ଏନାଆଁତାକି ଇଚିହୁଁ ଏଞ୍ଜାରି ଉପାସା  
କିହିମାନେରି ଇଞ୍ଜୁଁ ଲକୁଣି ତସାଲି  
ତାମି ମୁମୁଖାଡ଼ି କିନେରି; ନାନୁ ମିଙ୍ଗେ  
ସାତା ଖେସିମାଞ୍ଜାଇଁ ଏଞ୍ଜାରି ତାମି ଦାନା  
ବେଟାଆହାମାନେରି । ୧୭ ସାମା ମୀରୁ  
ଉପାସା କିନାଟି, ମୀ ତାୟୁଁ ତୁ ନିୟୁଁ  
ଉହୁଦୁ ଅଡ଼େ ମୁମୁନରହା କତାଦୁ ।  
୧୮ ଏନିକଁ ମୀରୁ ଉପାସା କିହିମାନେରି  
ଇଞ୍ଜୁଁ ଲକୁ ନକିତା ତଞ୍ଜା ଆଆନା,  
ପୁନାଆରେଟୁ ମାନି ମୀ ଲାକପୁରୁତି  
ଆବା ନକିତା ତଞ୍ଜା ଆଦେରି; ଅଡ଼େ  
ମୀ ଆବା ପୁନାଆରେଟୁ ମେସାନା ମିଙ୍ଗେ  
ଦାନା ହିୟାନେସି ।

ଲାକପୁରୁତି ଦନ  
(ଲୁକ ୧୨:୩୩-୩୪)

୧୯ “ଏମ୍ବିୟା ସୀରନେ ଇଞ୍ଜା ଲୀମୁ  
ତିନେ ଅଡ଼େ ସରକା କାତି ତୁକହାନା  
ସରୁ କିହା ଅନେରି, ଇଲେତି ଦାରତିତା  
ମିଙ୍ଗେତାକି ଦନ କୁଡ଼ିକିହାଁ ଇଟାଆଦୁ ।  
୨୦ ସାମା ଆମ୍ବିୟା ସୀରଏ ଇଞ୍ଜା ଲୀମୁ  
ତିନେଏ ଅଡ଼େ ସରକା କାତି ତୁକହାନା  
ମାଣ୍ଡା ଅଅରି ଇଲେତି ଲାକପୁରୁ  
ମିଙ୍ଗେତାକି ଦନ କୁଡ଼ି କିଦୁ, ୨୧ ଇଚିହୁଁ  
ଆମ୍ବିୟା ମୀ ଦନ ଏମ୍ବେଏ ମୀ ମନ  
ଜିକେଏ ମାନେ ।”

ଆଜ୍ଞାତି ଉଜେଡ଼ି  
(ଲୁକ ୧୧:୩୪-୩୬)

୨୨ କାନୁ ଆଜ୍ଞାତି ଦୀଞ୍ଜୁଁ ଲେହେଁ,  
ଇଚିହୁଁ ମୀ କାନୁ ନେହୁଁ ମାନେ,  
ଆତିହୁଁ ମୀ ବାରେ ଆଜ୍ଞା ଉଜେଡ଼ି  
ଆନେ । ୨୩ ସାମା ମୀ କାନୁ ଲାଗେଏ  
ମାନେ, ଆତିହୁଁ ମୀ ବାରେ ଆଜ୍ଞା  
ଜିକେଏ ଆନେରି ଆନେ । ଏନାଆଁତାକି  
ଇଚିହୁଁ ମୀ ଆଜ୍ଞାତି ଉଜେଡ଼ି ଆନେରି  
ଆତିହୁଁ ଏ ଆନେରି ଏତେକା  
ଆଜିନାୟି ଆନେ ।

ମାହାପୁରୁ ଅଡ଼େ ଦନ  
(ଲୁକ ୧୬:୧୩, ୧୨:୨୨-୩୧)

୨୪ ଆମ୍ବାଆସି ଜିକେଏ ରୀ ସାଞ୍ଜୁକାରି  
ତାଣା ହଲେଏସି ଆହାଲି ଆଡ଼ଅସି;

ଏନାଆଁତାକି ଇଚିହୁଁ ଏଞ୍ଜାସି ରଅଣାଇଁ  
ଜୀଞ୍ଜୁ ନନେସି, ଅଡ଼େ ରଅଣାଇଁ ଅପଅସି,  
ରଅଣାଇଁ ମାନି କିନେସି ଅଡ଼େ ରଅଣାଇଁ  
ମାନଞ୍ଜି ଆଅସି, ମୀରୁ ମାହାପୁରୁ ଅଡ଼େ  
ଦନତି ହଲିୟାଙ୍ଗା ଆହାଲି ଆଡ଼ଅତେରି  
।

୨୫ ଏନାଆଁତାକି ନାନୁ ମିଙ୍ଗେ  
ଖେସିମାଞ୍ଜାଇଁ, ଏନାଆଁ ତିନାୟି ଏନାଆଁ  
ଗହନାୟି, ଏଲେକଁ ମୀ ଜୀଞ୍ଜୁତାକି,  
ଏନାଆଁ ତୁରନାୟି ଇଲେକଁ ମୀ ଆଜ୍ଞା  
ତାକି ଅଣ୍ପାଆଦୁ, ରାନ୍ଦାକିହା ଜୀଞ୍ଜୁ,  
ହିମ୍ବୁରିକା କିହାଁ ଆଜ୍ଞା କାଜାୟି ଆଏକି  
? ୨୬ ପଗାୟାଣି ସିନିକିଦୁ, ଏଞ୍ଜି ମାଟାଡ଼  
କି ଦାଡ଼ କି ଗାଦେୟିତା କୁଡ଼ିକିହାଁ  
ଇଟାଡ଼, ଏଲେଆଡ଼ିଞ୍ଜା ଲାକପୁରୁତି ଆବା  
ଏଞ୍ଜାସିକାକି ତାମି ରାନ୍ଦା ହାହିମାନେସି,  
ଏଞ୍ଜାସିକା କିହାଁ ମୀରୁ କାଜାତେରି ଆଏକି  
? ୨୭ ଅଡ଼େ ମୀ ବିତ୍ରାଟି ଆମ୍ବାଆସି  
ତାନି ଗାତି ଅଣ୍ପୁ ତଲେ ତାନି ଜୀଞ୍ଜୁତି  
ଆଗାଡ଼ା ପାଡ଼ିକିହାଲି ଆଡ଼ିମାନେସି ?

୨୮ ହିମ୍ବୁରିକା ତାକି ଏନାଆଁତାକି  
ଅଣ୍ପାମାଞ୍ଜେରି ? ଜାଡ଼ାତି ପୂଜାଣି  
ସିନିକିହାଁ ଅଣ୍ପାମାନା ଜାପାଦୁ, ଏଞ୍ଜି  
ଏନିକଁ ପାତାଆନୁ; ଏଞ୍ଜି କସୁ କିଡ଼  
କି ଲୁଲୁ ଦାଡ଼, ୨୯ ଆଡ଼ିଜିକେଏ ନାନୁ  
ମିଙ୍ଗେ ଖେସିମାଞ୍ଜାଇଁ, ରାଜା ସଲମନ  
ଗାତି ଦାରାତି ହିମ୍ବୁରିକା ହୁଟିମାଟିହୁଁ  
ଜିକେଏ ଏପୂଜା ବିତ୍ରାଟି ର ପୁୟୁ ଲେହେଁ  
ଅଜା ହିଲାଆତେସି । ୩୦ ସାମା ଗୁଡ଼ିୟାତା  
ଡ଼ୟିନି ଗାକଁ ଜାଡ଼ା ନୀଞ୍ଜୁ ମାନେ  
ଞ୍ଜିଏ ହଲୁତା ହୁଡ଼କିଆନେ, ଏଦାନାକି  
ମାହାପୁରୁ ଇତେକା ନେହୁଁ ଅଜୁ  
ହାଡ଼ିହୁଁ, ଏ ନାମୁ ହିଲାଆଗାଟାତେରି  
ମିଙ୍ଗେ ହାରେକା ଗାତି ହିମ୍ବୁରିକା  
ହିୟଅସିକି ?

୩୧ ଏନାଆଁତାକି ଏନାଆଁ ତିନମି,  
ଏନାଆଁ ଗହନମି, ଏନାଆଁ ପରନମି  
ଏଲେକିହୁଁ ଅଣ୍ପାଆଦୁ । ୩୨ ଇଚିହୁଁ  
ଜୀହୁଦିଆଆତି ଲକୁ ଇ ବାରେ  
ପାରିନେରି, ଅଡ଼େ ଇ ବାରେ ମିଙ୍ଗେ  
ଲଡ଼ାମାନେ ଇଞ୍ଜୁଁ ମୀ ଲାକପୁରୁତି  
ଆବା ପୁଞ୍ଜାମାନେସି । ୩୩ ସାମା ମୀରୁ

ନବେକ ମାହାପୁରୁତି ରାଜି ଅଡେ ଦାମ୍ଭୁତି ପାରାଦୁ, ଆତିହ୍ମ୍ ମୀ ଲଡ଼ାମାନି ବାରେ ହୀପକିଆନେ । ୩୪ ଇଚିହ୍ମ୍ ଝିଏତାକି ଅଣ୍ପାଆଦୁ, ଏନାଆଁତାକି ଇଚିହ୍ମ୍ ଝିଏତି ଅଣ୍ପୁ ଝିଏ ମୀରୁ ମିଙ୍ଗୋତାକି ଅଣ୍ପିଦେରି, ଇଚିହ୍ମ୍ ନୀଞ୍ଜୁତି କସ୍ତ ନୀଞ୍ଜୁତାକି ସାରି ।



ଏଟକା ତାରାଇଁ ନୀହାଁୟି କିନାୟି  
(ଲୁକ ୬:୩୭-୩୮; ୪:୧-୪୨)

୧ ମୀରୁ ଏନିକ୍ ନୀହାଁୟି କିଝି ଆଅଡେରି, ଏଦାଆଁତାକି ମୀରୁ ଆମ୍ବାଆରାଇଁ ନୀହାଁୟି କିଆଦୁ । ୨ ଇଚିହ୍ମ୍ ମୀରୁ ଏନିକ୍ ଲକୁଣି ନୀହାଁୟି କିଦେରି, ଏଲେକିହ୍ମ୍ ଏ ମୀରୁ ଜିକେଏ ନୀହାଁୟି କିଝିଆଦେରି; ଅଡେ ଆମିନି ମାଣାତଲେ ଲାଡ଼ିଦେରି ଏ ମାଣା ତଲେ ମିଙ୍ଗୋ ଲାଟା ହିୟାନେରି । ୩ ଅଡେ ଏନାଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନେ, ଏଦାଆଁ ଅଣ୍ପି ହିଲଅତି କି ? ୪ ଅଡେ ନୀଦୁ ଏନିକ୍ ମୀ ତାୟିଇଁ ଏଲେଇଞ୍ଜି ଝାମ୍, ନୀ କାନୁତି ଲାଟା ଡେଝାଇଁ, ଅଡେ ମେହ୍ମୁ ନୀ କାନୁଡେଏ କାଜା ଲାଟା ମାନେ ! ୫ ଆଡେ କୁଟୁ ଗାଟାତି ତଲିଏ ନୀ କାନୁତି ଲାଟା ଡେଝା କଡାମ୍, ଆତିହ୍ମ୍ ମୀ ତାୟି କାନୁତି ଲାଟା ଡେଝାଲି ନେହ୍ମ୍ କି ମେସାଲି ଆଡ଼ିଦି ।

୬ “ନେହ୍ମ୍ ଆସ୍ତିତି ନେସକାକି ହୀଆଦୁ, ଏଝି ଝେଣ୍ଡେ ଡିରଝାହାଁ କାତାନୁ ଇଞ୍ଜା ବାଂଗାରା କିହାଁ ଆଗାଡ଼ା ଦାରାଗାତି ହୀଙ୍ଗା ପାଜିୟାଁ ନକିତା ମେଡ଼ଆଦୁ, ଏଝି ଏଦାନି କାଦତା ତୁଡ଼ବିନୁ ।”

ରୀହ୍ମୁ, ପାରାଦୁ ଅଡେ ଦୁଝେରିତା ଝେଦୁ  
(ଲୁକ ୧୧:୯-୧୩)

୭ “ରୀହ୍ମୁ ଆତିହ୍ମ୍ ମିଙ୍ଗୋ ହୀପକିଆନେ; ପାରାଦୁ ଆତିହ୍ମ୍

ମିଙ୍ଗୋ ମେଡ଼ାଆୟାନେ; ଦୁଝେରିତା ଝେଦୁ, ଏଡେଟିଏ ମିଙ୍ଗୋତାକି ଦୁଝେରି ଦେପିଆନେ । ୮ ଇଚିହ୍ମ୍ ଆମ୍ବାଆସି ରୀହ୍ମେସି, ଏଝାସି ବେଟାଆନେସି; ଆମ୍ବାଆସି ପାରିନେସି, ଏଝାସି ମେଡ଼ାଆନେସି; ଅଡେ ଆମ୍ବାଆସି ଦୁଝେରିତା ଝେନେସି ଏଝାଣାକି ଦାରା ଦେପିଆନେ । ୯ ଇଚିହ୍ମ୍ ମୀ ବିତ୍ତା ଆମ୍ବାଆସି ଇଲେତି ମାଣ୍ଡି ମାନେସି, ତାନି ମୀରୁଏସି ରୁଟି ରୀସ୍ତିସାରେ ଏଝାଣାକି ଝାଲକା ହୀନେସି, ୧୦ ଅଡେ ମୀଦୁ ରୀସ୍ତିସାରେ ଏଝାଣାକି ରାଟୁ ହୀନେସି ? ୧୧ ଏଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡ଼ିଜିକେଏ ମୀ ମୀରକା ମାସ୍ତକାକି ନେହାଁଣି ହାହିମାଞ୍ଜେରି, ଆତିହ୍ମ୍ ମୀ ଲାକପୁରୁତି ଆଟା ନକିତା ରୀହ୍ନି ଲକୁକି ଏବେକା ନେହା ନେହାଁଣି ହୀଅସି !”

୧୨ “ଏଦାଆଁତାକି ଲକୁ ମିଙ୍ଗୋ ତାକି ଏନିକ୍ ଲେମ୍ବାପେରି ଇଞ୍ଜି ମୀରୁ ଅଣ୍ପିମାଞ୍ଜେରି, ମୀରୁ ଜିକେଏ ଏଝାରାଇଁ ଏଲେକିହ୍ମ୍ କିଦୁ, ଏନାଆଁତାକି ଇଚିହ୍ମ୍ ଇଦିଏ ମସାତି ମେରା ଅଡେ ମାହାପୁରୁ ଅଣ୍ପୁତି ବଲୁ ଝେହ୍ନି ଦାମ୍ଭୁ ପଡ଼ିତି କାତା ।”

ଜାକ୍ଣି ଦୁଝେରି  
(ଲୁକ ୧୩:୨)

୧୩ ଜାକ୍ଣି ଦୁଝେରିଟି ହାଜୁ, ଏନାଆଁତାକି ଇଚିହ୍ମ୍ ନକିତା ହାନି ଜିରୁ ଅସାରା ଅଡେ ଡସାସା, ଏ ଜିରୁ ନାସା ଆନିଝାକି ଅନାୟି, ଏ ଜିରୁଟି ହାରେକା ଲକୁ ହାନେରି । ୧୪ ଅଡେ ଜୀଝୁତା ଅନି ଦୁଝେରି ଜାକ୍ଣି ଇଞ୍ଜା ଏମ୍ବାଆଁ ହାନି ଜିରୁ କସ୍ତଗାଟାୟି ଏ ଜିରୁଟି ହାନି ଲକୁ ହାରେକା ଡଣା ।

ମୀରୁ ଅଡେ ତାନି ପାଡ଼ଡ଼ିୟି  
(ଲୁକ ୬:୪୩-୪୪)

୧୫ “ମାହାପୁରୁ ବଲୁ ଝେହ୍ନାତମି ଇଞ୍ଜି ଝେସାନା ମିଟି କାତା ଝେହ୍ନାରି ତାଣାଟି ଜାଗ୍ରାତା; ଏଝାରି ମେଣ୍ଡାୟାଁ

ଝାଣା ଆସାନା ମୀ ତାଣା ଝାନ୍ନେରି, ସାମା  
 ଏଝାରି ହିୟାତା କାରବି ଆଡ଼ି କ୍ଳାଠନି  
 ! ୧୭ ଏଝାରି କାମା ମେସାନା ମୀରୁ  
 ଏଝାରାଇଁ ପୁଞ୍ଜାଲି ଆଡ଼ିଦେରି, ଲକୁ  
 ହାପକା ମାରନ୍ତୁତା ଅଙ୍ଗୁରି ପାଡ଼େୟି  
 ଆଆଡ଼ିହୁଁ ଅଣ୍ଟା ମାରନ୍ତୁତା ତୟା  
 ପାଡ଼େୟି ଏହନେରି ? ୧୮ ଏଲେକିହୁଁ ଏ  
 ନେହୁଁ ମାରନ୍ତୁତା ବାରେ ନେହୁଁ  
 ପାଡ଼େୟି ଅଡ଼େ ଲାଗେଏତି ମାରନ୍ତୁତା  
 ବାରେ ଲାଗେଏତି ପାଡ଼େୟି ଆୟିନେ  
 । ୧୮ ନେହୁଁ ମାରନ୍ତୁ ଲାଗେଏତି  
 ପାଡ଼େୟି ଆୟାଲି ଆଡେଏ, ଅଡ଼େ  
 ଲାଗେଏତି ମାରନ୍ତୁ ନେହୁଁ ପାଡ଼େୟି  
 ଆୟାଲି ଆଡେଏ । ୧୯ \*ଆମିନି ମାରନ୍ତୁ  
 ନେହୁଁ ପାଡ଼େୟି ଆୟେଏ, ଏଦାନି  
 ଚୁଣ୍ଡି ଆହାନା ହିରୁତା ମେଡ଼ପି ଆନେ  
 । ୨୦ \*ଏଲେକିହୁଁ ଏ ମିତି ମାହାପୁରୁ  
 ବଲୁ ଝେହନାରାଇଁ ତାମା କାମା ତଲେ  
 ପୁଞ୍ଜାଲି ଆଡ଼ିନାୟି ।”

ନାନୁ ମିଙ୍ଗେ ଏଚେଲାଝା  
 ପୁଞ୍ଜାମାଞ୍ଜଅଁ  
 (ଲୁକ ୧୩:୨୫-୨୭)

୨୧ “ନାଙ୍ଗେ ‘ପ୍ରବୁ, ପ୍ରବୁ’ ଇଞ୍ଜୁଁ  
 ହାଟାନେରି, ଏଲେତି ବାରେଜାଣା  
 ଲାକପୁରୁ ରାଜିତା ହାଲଅରି, ସାମା  
 ଆମ୍ବାଆରି ନା ଲାକପୁରୁତି ଆବା ଝେସ୍ତି  
 କାତା ମାନଞ୍ଜି ଆନେରି, ଏଝାରି ହାଜାଲି  
 ଆଡ଼ିନେରି । ୨୨ ଏ ଦିନା ହାରେକା  
 ନାଙ୍ଗେ ଏଲେଇଞ୍ଜାନେରି, ଏ ପ୍ରବୁ ଏ  
 ପ୍ରବୁ ମାମ୍ବୁ ନୀ ଦରୁତଲେ ମାହାପୁରୁ  
 ଅଣ୍ଟପୁତି ବଲୁ ଝେହଆତମି କି ?  
 ଅଡ଼େ ନୀ ଦରୁତଲେ ବୁଡୁୟାଁଁ ପିସ୍ପି  
 କିଆତମି କି ? ଅଡ଼େ ନୀ ଦରୁତଲେ  
 ହାରେକା କାବାଆନି କାମା କିଆତମି  
 କି ? ୨୩ ଏତିବେଲା ନାନୁ ଏଝାରାଇଁ  
 ତୀରେତଲେ ଏଲେଇଇଁ ଏ ଲାଗେଏ  
 ପଲେଏ ଗାଟାଡେରି, ନା ତାଣାଟି  
 ହେକ ଆଦୁ, ନାନୁ ମିଙ୍ଗେ ଏଚେଲାଝା  
 ପୁଞ୍ଜାମାଞ୍ଜଅଁ ।”

ରୀ ଇଲକା କେପିନାରି  
 (ଲୁକ ୭:୪୭-୪୯)

୨୪ “ଇଞ୍ଜା ଆମ୍ବାଆସି ଇ ନା ହାଡା  
 ଝେନେସି ଅଡ଼େ ମାନଞ୍ଜି ଆନେସି, ଏଝାସି  
 ପାକା ଝାଲି ଲାକ ଇଲୁ କିନି ର ବୁଦିଗାଟି  
 ଲକୁ ଲେହେଁତାସି । ୨୫ ଗାଡ଼ି ପିୟୁ ରୀତେ  
 ଝାରୁ ଝାଡେ ଅଡ଼େ ଗାଲି ଆଡେ, ଏ  
 ଇଲୁତି ଗୁପିତେ, ସାମା ଏ ଇଲୁ ରିଆଡେ,  
 ଇତିହୁଁ ଏଦି ପାକାତା କାନ୍ଦା କାରହାନା  
 ପୁନାଦି ଦସାମାଟାୟି ।”

୨୬ “ଅଡ଼େ ଆମ୍ବାଆସି ଇ ନା ହାଡା  
 ଝେଞ୍ଜାନା ମାନଞ୍ଜି ଆସିସି ଏଝାସି  
 ବାଠଲି ଲାକ ଇଲୁ କେପା ତୁୟିନି  
 ବୁଦି ହିଲାଆଗାଟି ଲକୁ ଲେହେଁତାସି  
 । ୨୭ ଗାଡ଼ି ପିୟୁ ରୀତେ, ଝାରୁ ଝାଡେ  
 ଅଡ଼େ ଗାଲି ଆଡେ, ଏ ଇଲୁତି ଗୁପିତେ  
 ଏମ୍ବାଟିଏ ଇଲୁ ତରଗାହାଜା ବୁମିତା  
 ଆଣ୍ଡିତେ ।”

ଜୀସୁତି କାଜାପାଣା  
 ୨୮ \*ଜୀସୁ ଇ ବାରେ କାତା ରାପୁହି  
 ଜେତ ତାନି କାତା ଝେଟାରି କାବା  
 ଆଡେରି । ୨୯ ଇତିହୁଁ ଏଝାସି ତାମି ବୁଦି  
 ଗାଟାରିଲେହେଁ ଜାପୁଆନା ଅଦିକାରା  
 ବେଟାଆହାମାନି ମାଣ୍ଡିଲେହେଁ ଜାପୁହି  
 ମାଚେସି ।



ଜୀସୁ କାଜା ରଡ଼ା ଗାଟାଣାଇଁ  
 ନେହୁଁ କିନାୟି  
 (ମାର୍କ ୧:୪୦-୪୫; ଲୁକ ୫:୧୭-୧୭)

୯ ଜୀସୁ ହରୁ ଲାକଟି ରେଟା ଝାଡ଼ି  
 ତାୟୁ ମାନ୍ଦା ଲକୁ ତାନି ଜେତ ହାଚେରି ।  
 ୨ ଏତିବେଲା ର କାଜା ରଡ଼ା ଗାଟାସି ତାନି  
 ନକିତା ଝାହାଁ ମେଣ୍ଡାକୁତାନା ଜହରା  
 କିହାଁ ଏଲେଇଚେସି, “ପ୍ରବୁ ନୀନୁ ମନ  
 କିତିହୁଁ ନାଙ୍ଗେ ନେହୁଁ କିହାଲି  
 ଆଡାଦି ।”

୩ ଏଚେଟିଏ ଜୀସୁ କେୟୁ ଦାସାହାଁ  
 ତାଙ୍ଗ ତୀଗାନା ଏଲେଇଚେସି, “ନାନୁ  
 ମନ କିହିମାଇଁ ନୀନୁ ନେହୁଁ ଆମ୍ବୁ  
 ।” ଏ ଦେବୁଣିଏ କାଜା ରଡ଼ା ଗାଟାସି

\* ୭:୧୯ ୭:୧୯ ମାତୃ ୩:୧୦; ଲୁକ ୩:୯ \* ୭:୨୦ ୭:୨୦ ମାତୃ ୧୨:୩୩ \* ୭:୨୮ ୭:୨୮ ମାର୍କ ୧:୨୨; ଲୁକ ୪:୩୨



ନେହୁଁ ଆଡେସି । ୪ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ଜାଗ୍ରାତା ଆମ୍ବାଆରାଇଁ ଖେହୁଆନି, ସାମା ନୀନୁ କାଜା ପୂଜେରା ତାଣା ହାଜାନା ନିଜା ତସାକତାମ୍ବୁ, ଅଡେ ମସା ଆମିନି ମେରା ହୀହାମାନେସି ଏଦାଆଁ ଲକୁ ନକିତା ସାକି ହୀନିଲେହେଁ ହେର୍ପାମ୍ବୁ ।”

ଜୀସୁ ର ରମିୟ କସ୍କା ହଲେଏଣାଇଁ ନେହୁଁ କିନାୟି (ଲୁକ ୭:୧-୧୦)

୫ ଜୀସୁ କପରନାହୁମ ଗାଡାତା ହାଜାଲିଏ ର ରମିୟ ପାସାକଡ଼ି କସ୍କା ମୁହେଁ କାଜାସି ଏଞ୍ଜାଣି ତାଣା ଖାହାନା ବାଡ଼ିମାଲିହୁଁ ଏଲେଇଚେସି, ୬ “ଏ ପ୍ରବୁ, ନା ହଲେଏସି ଚଟଞ୍ଜାୟାନା ହାରେକା କସ୍ତ ଆହୁଁ ଇଜ କାଚେଲିତା ତୁରାମାନେସି ।”

୭ ଜୀସୁ ଏଞ୍ଜାଣାଇଁ ଏଲେଇଚେସି, “ନାନୁ ଖାହାନା ଏଞ୍ଜାଣାଇଁ ନେହୁଁ କିଲି ।”

୮ ସାମା ପାସାକଡ଼ି କସ୍କା ମୁହେଁ କାଜାସି ଏଲେଇଚେସି, “ଆଏ, ପ୍ରବୁ ନୀନୁ ନା ଇଜ ପାଞ୍ଜୁଲି ଇଟିଦି, ଏଲେତି ଜଟେ ଆଏ; ସାମା ନୀନୁ ର ପ୍ରବୁ ଖେସା ପାଣ୍ଡାମ୍ବୁ, ନା ହଲେଏସି ନେହୁଁ ଆନେସି । ୯ ଇଚିହୁଁ ନାନୁ ରଅଣି ତାଣା କାମା କିନି ମାଣସି ଆଡ଼ିହୁଁ ଜିକେଏ ନା ଅଦିକାରାତା ଅଡେ କସ୍କା ମାନେରି; ନାନୁ ରଅଣାଇଁ ହାଲାମ୍ବୁ ଇଚିହୁଁ ଏଞ୍ଜାସି ହାନେସି; ଅଡେ ରଅଣାଇଁ ଖାମ୍ବୁ ଇଚିହୁଁ ଖାନ୍ନେସି; ଅଡେ ନା ହଲେଏଣାଇଁ ଇଦାଆଁ କିମ୍ବୁ ଇଚିହୁଁ ଏଦାଆଁ କିନେସି ।”

୧୦ ଜୀସୁ ଇ ବାରେ କାତା ଖେଞ୍ଜାନା କାବା ଆଡେସି ଅଡେ ତାନି ଜେଚ ଖାହିମାଟି ଲକୁଣି ଏଲେଇଚେସି, ନାନୁ ମିଜେ ସାତା ଖେସିମାଞ୍ଜାଇଁ, ଇସାୟେଲ ବିତ୍ରା ଆମ୍ବାଆରି ତାଣା ଇଚେକା କାଜା ନାମ୍ବୁ ମେସାହିଲଅଁ । ୧୧ \*ସାମା ନାନୁ ମିଜା ଖେସିମାଞ୍ଜାଇଁ, ହାରେକା ଲକୁ ଖେଡା ହପୁ ଖାକିଟି ଅଡେ ଖେଡା କୁଡ଼ିନି

ଖାକିଟି ଖାହାନା ଅତ୍ରାହାମ, ଇସାହାକ ଅଡେ ଜାକୁବ ତଲେ ଲାକପୁରୁ ରାଜିତା ତିଞ୍ଜାଲି କୁରିନେରି । ୧୨ \*ସାମା ରାଜିତି ମୀରକାଣି ପାଞ୍ଜାତି ଆନ୍ଦେରିତା ମେଡ଼ପି ଆନେ ଏମ୍ବାଆଁ ଏଞ୍ଜାରି ପାଲକା ଚୀଟି କିହୁଁ ତୁନେରି । ୧୩ ଅଡେ ଜୀସୁ ଏ କାଜାଣାଇଁ ଏଲେଇଚେସି, ଇଜ ହାଲାମ୍ବୁ, ଏନିକିହୁଁ ନାମାମାଞ୍ଜି ନିଜେତାକି ଏଲେକିହୁଁ ଆପେ । ଏ ଦେବୁଣିଏ ଏ ହଲେଏସି ନେହୁଁ ଆଡେସି ।

ଜୀସୁ ହାରେକା ଲକୁଣି ନେହୁଁ କିନାୟି (ମାର୍କ ୧:୨୯-୩୪; ଲୁକ ୪:୩୮-୪୧)

୧୪ ତାୟୁ ଜୀସୁ ପିତର ଇଜ ଖାହାନା ପିତରତି ପୟା ନମେରି ତାକି କାଚେଲିତା ତୁରାମାନାଣି ମେସ୍ତେସି । ୧୫ ଏଚେଟିଏ ଜୀସୁ ତାନି କେୟୁ ତାଗାଲିଏ ନମେରି ପିସ୍ତେ, ଅଡେ ନିଜାମା ଏଞ୍ଜାଣି ସେବା କିହାଲି ମାଟ୍ତେହେ ।

୧୬ ମିଡ଼ଅଲ୍ଲା ଆହାଲିଏ ଲକୁ ହାରେକା ବୃତୁ ଆଲ୍ଗାମାଟି ଲକୁଣି ଜୀସୁ ତାଣା ତାତେରି, ଏଚେଟିଏ ଜୀସୁତି ର ବଲୁ ତାକି ବୃତୁୟାଁ ଏଞ୍ଜାରି ତାଣାଟି ହଡାହାଟୁ, ଅଡେ ହାରେକା ନମେରି ଗାଟାରାଇଁ ନେହୁଁ କିତେସି । ୧୭ ଏନିକିହୁଁ ମାହାପୁରୁ ଅଣପୁତି ବଲୁ ଖେହୁନି ଜିସାୟତି କାତା ସାତା ଆନେ, “ଏଞ୍ଜାସି ତାନୁଏ ମା ନମେରି ଦୁକା ଅଡେସି ଅଡେ ମା ରଚତି ଡେକିତେସି ।”

ଜୀସୁ ସୀସୁୟାଁ ଆହାଲି ମନ କିନାୟି (ଲୁକ ୯:୫୭-୬୨)

୧୮ ଜୀସୁ ତାନି ସାରିଖାକି ଲକୁଣି ମେସାନା, ସୀସୁୟାଁଇଁ ସାମ୍ବୁରି ଆତାଲ୍ଲା ହାଜାଲି ହୁକୁମି ହାତେସି । ୧୯ ର ମେରା ଜାପ୍ନାସି ଖାହାନା ଜୀସୁଇଁ ଏଲେଇଚେସି, “ଗୁରୁ, ନୀନୁ ଆମ୍ବିୟା ହାଜି, ନାନୁ ଜିକେଏ ନୀ ତଲେ ଖାକ୍ତୁଁ ।”

\* ୮:୧୧ ୮:୧୧ ଲୁକ ୧୩:୨୯ \* ୮:୧୨ ୮:୧୨ ମାତୃ ୨୨:୧୩; ୨୫:୩୦; ଲୁକ ୧୩:୨୮

୨୦ ଏବେଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନାକାର୍ଯ୍ୟକି ଡ଼ୟିନି ପାଞ୍ଜୁୟାଁ ମାନୁ, ହାଗୁ ଲାକ ଡ଼ୟିନି ପଟାୟାକି ବାସାଟାୟୁ ମାନେ, ସାମା ମାଣ୍ଠି ମୀରୁଏଣାକି ତାୟୁଁ ୟୁନଟହାଲି ବାସାଟାୟୁ ହିଲେଏ ।”

୨୧ ଇଞ୍ଜା ସାସୁୟାଁ ବିତ୍ରାଟି ଅଡ଼େ ରଅସି ଜୀସୁଇଁ ଏଲେଇଚେସି “ପ୍ରବୁ, ନକେଏ ହାଜାନା ନା ଆଡାକ୍ ମାହୁଣିଶା ମୁସାଲି ହେଲ ହିୟାମୁ ।”

୨୨ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ନା ଜେଚ ଖାମୁ, ହାଡାଠାକ୍ ତାମି ହାଡ଼ି ଲକୁଣି ମୁସାଲି ପିହୁଦୁ ।”

ଜୀସୁ ଗାଲି ପିୟୁ ସାପି କିନାୟି  
(ମାର୍କ ୪:୩୫-୪୧; ଲୁକ ୮:୨୨-୨୫)

୨୩ ଜୀସୁ ତଂଗତା ହଟାଲିଏ ସାସୁୟାଁ ତାନି ଜେଚ ହାଚେରି । ୨୪ ଅଡ଼େ ମେହଦୁ ଦେବୁଣିଏ ସାମଦୁରିତା କାଜା ଗାଲି ଆଡେ, ଇଞ୍ଜା ତଂଗ ଏୟୁତା ମୁଞ୍ଜାଲି ମାଟହେ, ସାମା ଜୀସୁ ତଂଗତା ତୁରାମାଚେସି । ୨୫ ଏମ୍ବାଟିଏ ଏଞ୍ଜାରି ତାଗେ ଖାହାଁ ନିକହାନା ଏଲେଇଚେରି, “ପ୍ରବୁ, ମାଙ୍ଗ ଗେଲ୍‌ପାମୁ, ଆଆତ୍ ମାମୁ ହୁହିମାନମି ।”

୨୬ ଜୀସୁ ଏଞ୍ଜାରାକ୍ ଏଲେଇଚେସି, “ଏ ଡ଼ଶା ନାମୁ ଗାଟାଚେରି, ଏନାଆଁତାକି ଇଚେକା ଆଜିମାଞ୍ଜେରି ?” ଏମ୍ବାଟିଏ ଜୀସୁ ନିଙ୍ଗାନା ଗାଲି ଅଡ଼େ ଖାଡ଼ିମାଟି ସାମଦୁରିତି ଦାକା ହାଚେସି, ଇଞ୍ଜା ଦେବୁଣିଏ ସାପିଆଡେ ।

୨୭ ଏମ୍ବାଟିଏ ଏଞ୍ଜାରି କାବା ଆହାଁ ଏଲେଇଚେରି, “ଇଞ୍ଜାସି ଏନିଲେହେଡି ମାଣ୍ଠିସି ? ଗାଲି ଅଡ଼େ ସାମଦୁରି ଜିକେଏ ଇଞ୍ଜାଣି ହାଡ଼ା ମାନଖି ଆହିମାନେ ।”

ବୃତୁ ଆଲ୍‌ଗାମାଟି ରିଆରାକ୍ ଜୀସୁ ନେହଁ କିନାୟି  
(ମାର୍କ ୫:୧-୨୦; ଲୁକ ୮:୨୬-୩୯)

୨୮ ତାୟୁ ଜୀସୁ ସାମଦୁରି ଆତାଲାଖାକିତି ଗଦରିୟ ନାସକାଣାଁ ଏଗାହାଜାଲିଏ ରୀ ବୃତୁୟାଁ ଆଲ୍‌ଗା

ମାଚାରି ମାଡ଼ହା ମୁହନି ଟାୟୁଟି ଖାହାନା ଜୀସୁ ବେଟାଆଡେରି, ଏଞ୍ଜାରି ଇଲେତି ଆଜିହପେତି ଲକୁ ମାଚେରି, ଏ ଜିରୁଟି ଲକୁ ରେଜାଲି ଆଡ଼ିହିଲାଆଚେରି । ୨୯ ଇଞ୍ଜା ମେହଦୁ ଏଞ୍ଜାରି କିରଡ଼ିହଁ ଏଲେଇଚେରି, “ଏ ମାହାପୁରୁ ମୀରୁଏଣାତି ! ନୀ ତଲେ ନାଲେ ଏନାୟି ମାନେ ? ମା ବେଲା ଖାଆନେଏ ମାଙ୍ଗେ କସ ହିୟାଲି ଇମ୍ବାଆଁ ଖାଡ଼ିକି ?”

୩୦ ଇଞ୍ଜା ଏଞ୍ଜାରି ତାଣାଟି ହେକ ର ମାନ୍ଦା ପାଜିୟାଁ ମେୟୁଁ ମାଟୁ । ୩୧ ଏ ଲକୁ ବିତ୍ରାଟି ବୃତୁୟାଁ ଜୀସୁଇଁ ବାଡ଼ିମାଲିହଁ ଏଲେଇଚୁ, “ମାଙ୍ଗେ ପେଦହାଦି ଇଚିହଁ, ଏ ପାଜିୟାଁ ମାନ୍ଦା ବିତ୍ରା ପାଣ୍ଡାମୁ ।”

୩୨ ଜୀସୁ ଏଞ୍ଜାସିକାଣି ଏଲେଇଚେସି, “ହାଲୁ ।” ବୃତୁୟାଁ ଏ ଦେବୁଣିଏ ଲକୁଇଁ ପିସାନା ପାଜିୟାଁ ମାନ୍ଦା ବିତ୍ରା ହଚୁ; ଏ ପାଜିୟାଁ ହରୁ କାଡ଼ଦିଟି ଦାବଡ଼ି ହଟାନା ଦାରିତି ସାମଦୁରିତା ମେଦାନା ହାହାହାଚୁ ।

୩୩ ପାଜିୟାଁ ମେଟିମାଟି ଗଡ଼କା ହଚିହଁ ହାଜାନା ଗାଡ଼ାତା ବାରେ କାଚୁ ଇଞ୍ଜା ବୃତୁୟାଁ ଆଲ୍‌ଗା ମାଚାରି ଏନି ଆଡେରି ଏ ବାରେ ହାଡ଼ା ଖେସ୍ତେରି । ୩୪ ଅଡ଼େ ନାସକାଡ଼ି ବାରେ ଲକୁ ଜୀସୁଇଁ ମେସାଲି ଖାଚେରି, ଇଞ୍ଜା ଜୀସୁଇଁ ମେସାନା ତାମି ହାନ୍ଦିଟି ହାଜାଲି ବାଡ଼ିମାଲିଚେରି ।



ଜୀସୁ ର ଟଟଖାୟିତି ଲକୁଇଁ ନେହଁ କିନାୟି  
(ମାର୍କ ୨:୧-୧୨; ଲୁକ ୫:୧୭-୨୬)

୧ ଏମ୍ବାଟିଏ ଜୀସୁ ତଂଗତା ହଟାନା ସାମଦୁରି ଗାଣ୍ଟାହାଁ ତାନୁ ବାସାଆହାମାନ ଗାଡ଼ାତା ଖାଚେସି । ୨ ଅଡ଼େ ମେହଦୁ କାଟେଲିତା ତୁରାମାଟି ର ଟଟଖାୟିତି ଲକୁଇଁ ଡ଼େକାନା ତାନି ତାଣା ତାଚେରି, ଇଞ୍ଜା ଏଞ୍ଜାରି ନାମୁ ମେସାନା ଜୀସୁ ଏ ଟଟ ଖାୟିତାଣାଇଁ

ଏଲେଇରେସି, “ଏ ମୀରଏଣା, ସାସା ଆହମୁ ନୀ ପାପୁ ବାରେ ମେଣ୍ଟାହାଚେ ।”

୩ ଏଚେକା ମୋରା ଜାପୁନାରି ଇ ହାଡ଼ା ଖେଜାନା ଏଞ୍ଜାରି ଖେସପି ଆଡେରି, “ଇ ମାଣସି ମାହାପୁରୁଇଁ ନିନ୍ଦା କିହିମାନେସି ।”

୪ ଜୀସୁ ଏଞ୍ଜାରି ମନତି ହାଡ଼ା ପୁଞ୍ଜାନା ଏଲେଇରେସି, “ମୀରୁ ମୀ ମନତା ଏନାଆଁତାକି ଇଚେକା ଲାଗେଏତି ଅଣ୍ଟପୁ ଅଣ୍ଟପିମାଞ୍ଜେରି ? ୫ ଇଚିହିଁ ଏନାଆଁ ଇନାୟି ଉସାସା, ନୀ ପାପୁ ମେଣ୍ଟାହାଚେ, ଆଆଡ଼ି ନିଜ୍ଞାନା ତାକାମୁ ? ୬ ସାମା ଦାରତିତି ପାପୁ ମେଣ୍ଟହାଲି ତାକି ମାଣସି ମୀରଏଣାକି ଅଦିକାରା ମାନେ, ଇଦାଆଁ ଏନିକିଁ ପୁଞ୍ଜାଲି ଆଡିନେରି,” ଏଦାଆଁତାକି ଜୀସୁ ଚଟ ଖାୟିତାଣାଇଁ ଏଲେଇରେସି, “ନିଜ୍ଞାମୁ ନୀ କାଚେଲି ଡେକାନା ଇଜ ହାଲାମୁ ।”

୭ ଏମ୍ବାଟିଏ ଏଞ୍ଜାସି ନିଜ୍ଞାନା ତାନି ଇଜ ହାଚେସି । ୮ ଇଦାଆଁ ମୋସାନା ଲକୁ ଆଜିଚେରି, ଅଡେ ଆମିନି ମାହାପୁରୁ ମାଣସିୟାକି ଇଲେତି ଅଦିକାରା ହାହାମାନେସି ଇଞ୍ଜିହିଁ ଏ ମାହାପୁରୁତି ଗାଞ୍ଜୁରମି କିଚେରି ।

ଜୀସୁ ମାତିୟୁଇଁ ହାଟିନାୟି  
(ମାର୍କ ୨:୧୩-୧୭; ଲୁକ ୫:୨୭-୩୨)

୯ ଜୀସୁ ଏମ୍ବାଟି ହାଜି ହାଜିହିଁ ମାତିୟୁ ଦରୁଗାଟି ର ସିସୁ ରାହନାସି ତାନି ସିସୁ ରାହନି ଟାୟୁତା କୁଗାମାନାଣି ମୋସାନା ହାଟାନା ଏଲେଇରେସି, “ନା ଜେଚ ଖାମୁ ।”

ଏମ୍ବାଟିଏ ମାତିୟୁ ନିଜ୍ଞାନା ତାନି ଜେଚ ହାଚେସି ।

୧୦ \*ଇଞ୍ଜା ଜୀସୁ ମାତିୟୁ ଇଜ ତାନି ବେଲା ଏଚେକା ସିସୁ ରାହନାରି ଅଡେ ପାପୁଗାଟି ଲକୁ ତାନି ସୀସୁୟାଁ ତଲେ ତିଞ୍ଜାଲି କୁରିଚେରି । ୧୧ ପାରୁସିୟାଁ ଇଦାଆଁ ମୋସାନା ସୀସୁୟାଁଇଁ ଏଲେଇଚେରି, “ମୀ ଗୁରୁ ଏନାଆଁତାକି

ସିସୁ ରାହନାରି ଅଡେ ପାପୁ ଗାଟାରି ତଲେ ତିଞ୍ଜି ମାନେସି ।”

୧୨ ସାମା ଜୀସୁ ଏଞ୍ଜାରି ହାଡ଼ା ଖେଜାନା ଏଲେଇରେସି, “ନେହିଁ ଲକୁତାକି ଅସଗୁରୁ ଲଡ଼ା ହିଲେଏ, ସାମା ରଗ ଗାଟାରାକି ଲଡ଼ାମାନେ । ୧୩ \*ଇଦାଆଁତାକି ମୀରୁ ହାଜାନା ଇଦାନି କାତା ଜାପାପୁ, ସାମା ପୂଜା ହୀନାୟି ଲଡ଼ାଆଏ, ସାମା ଲକୁଣି କାର୍ମାମେହନାୟି ନେହେଁ; ଇଚିହିଁ ନାନୁ ଦାମ୍ବୁ ଗାଟାରାଇଁ ଆଏ ସାମା ପାପୁ ଗାଟାରାଇଁ ହାଟାଲି ଖାହାମାଇଁ ।”

ଉପାସା କିନାଣି ଖେନାୟି  
(ମାର୍କ ୨:୧୮-୨୨; ଲୁକ ୫:୩୩-୩୯)

୧୪ ଏଚିବେଲାତା ବାପ୍ତିସ୍ତ\* ହୀନି ଜହନତି ସୀସୁୟାଁ ଜୀସୁଇଁ ଖାହାନା ଖେଚେରି, “ମାମୁ ଅଡେ ପାରୁସିୟାଁ ଉପାସା କିହିମାନମି, ସାମା ମୀ ସୀସୁୟାଁ ଏନାଆଁତାକି ଉପାସା କିଅରି ?”

୧୫ ଜୀସୁ ଏଞ୍ଜାରାଇଁ ଏଲେଇଚେସି, “ବୀହା ହନେଏସି ଡିୟିନି ପାଚେକା ବୀହା ଲକୁ ଦୁକୁ ଆଅରି, ସାମା ଦିନା ଖାନ୍ତେ, ଏଚିବେଲା ବୀହା ହନେଣାଇଁ ଅନେରି, ଏଚିବେଲା ଏଞ୍ଜାରି ଉପାସା କିନେରି ।”

୧୬ “ଆମ୍ବାଆସି ପୁଞ୍ଜଇ ହିମ୍ବୁରିତା ପୁଞ୍ଜି ପାସକି ତାଚଅସି, ଏନାଆଁତାକି ଇଚିହିଁ ଏ ପାସକି ପୁଞ୍ଜଇ ହିମ୍ବୁରିତି ଗେସାଅନେ, ଇଞ୍ଜା ଏଡି ହାଚେକା କାଜାୟି ଆହିଁ ଗେଞ୍ଜିନେ । ୧୭ ଅଡେ ଲକୁ ପୁଞ୍ଜି ଅଜୁରି ରାସା ପୁଞ୍ଜଇ ଡକାତା ଇଚଅରି; ଇଚିହିଁ ଏ ଡକା ଡାୟାହାନେ ଅଜୁରି ରାସା ବହାହାନେ, ସାମା ପୁଞ୍ଜି ଅଜୁରି ରାସା ପୁଞ୍ଜି ଡକାତା ଇଚିନେରି, ଆଡିହିଁ ଅଜୁରି ରାସା ଅଡେ ଡକା ନେହିଁ ଡିୟିନେ ।”

ର କାଜାଣି ମାଜା ଅଡେ ର ଇୟା ଜୀସୁ ହିମ୍ବୁରି କୁଜୁ ତୀଗାନା ନେହିଁ ଆନାୟି

(ମାର୍କ ୫:୨୧-୪୩; ଲୁକ ୮:୪୦-୫୬)

\* ୯:୧୦ ୯:୧୦ ଲୁକ ୧୫:୧,୨    \* ୯:୧୩ ୯:୧୩ ମାତି ୧୨:୭    \* ୯:୧୪ ୯:୧୪ ମୁଞ୍ଜିନାୟି    † ୯:୧୭ ୯:୧୭ ତଲୁ ତଲେ କେପିତି ଅଜୁରି ରାସା ଇଚିନି ବାସା ରୁପୁ

୧୮ ଏତିବେଳା ଇ ବାରେ କାତା ଜୀସୁ ଏଞ୍ଜାରାଙ୍କୁ ଖେସିମାଟି ବେଲାତା ର ଜୀହୁଦି କାଜାପାଣା ଗାଟାସି ତାଗେ ଖାହାନା ମେଣ୍ଡାକୁତାନା ଜହରା କିହାଁ ଏଲେଇଚେସି, “ନା ମାଜ୍ଜା ନୀଏଁ ହାହାହାଚେ, ସାମା ନୀନ୍ତୁ ଖାହାନା ତାନି ଲାକ କେନ୍ଦୁ ଇଚିତିହଁ ଏଦି ନୀତିନେ ।”

୧୯ ଏମ୍ବାଟିଏ ଜୀସୁ ନିଜ୍ଜାନା ତାନି ସୀସୁୟାଁ ତଲେ ଏଞ୍ଜାଣି ଜେଚ ହାଚେରି ।

୨୦ ଅଡେ ମେହ୍ତୁ ବାର ବାର୍ସା ପାତେକା ନେତେରି ଖାଜ୍ଜିନି ରଗଗାଟି ର ଇୟା ତାୟୁଖାକିଟି ଖାହାନା ଜୀସୁତି ହିମ୍ବରି କୁଜ୍ଜୁ ତାଗିତେ । ୨୧ ଇଚିହଁ ଏ ଇୟା ମନତା ଅଣ୍ଡପିମାଚେ, “ଖାବୁଇ ତାନି ହିମ୍ବରି ତାଗିତିହଁ ନୀନ୍ତୁ ନେହଁ ଆଜ୍ଜୁ ।”

୨୨ ସାମା ଜୀସୁ ଖେଣ୍ଡେ ତାୟୁଖାକି ସିନିକିହାନା ଏଲେଇଚେସି, “ମାଜ୍ଜା ସାସା ଆହ୍ମ୍, ନୀ ନାମୁ ନିଜ୍ଜେ ନେହଁ କିହାମାଞ୍ଜାନେ” ଏ ଦେବୁଣିଏ ଏ ଇୟା ନେହଁ ଆଡେ ।

୨୩ ତାୟୁ ଜୀସୁ ଏ କାଜାପାଣା ଗାଟାରି ଇଜ ହାଚେସି, ଏମ୍ବାଆଁ ପୀରୁଡ଼ି ଉକିନାରାଙ୍କୁ ଅଡେ ଡାହଁ କାଲ୍ଲୁଖି ଆହିମାଟି ଲକୁଣି ମେସାନା ଏଲେଇଚେସି, ୨୪ ବାରେ ଇମ୍ବାଟି ପାଜ୍ଜାତା ହାଜୁ, ପଦା ହାହାହିଲେଏ, ସାମା ତୁରାମାନେ, ଏଚେଟିଏ ତାନି ହାଡା ଖେଞ୍ଜାନା ଏଞ୍ଜାରି କାକ୍‌ହେରି । ୨୫ ସାମା ବାରେ ଲକୁ ପାଜ୍ଜାତା ହାଜାଲିଏ, ଜୀସୁ ଇଜ ବିତ୍ତା ହାଜାନା ପଦାନି କେନ୍ଦୁ ଆସାନା ନିକ୍‌ହେସି ଅଡେ ଏ ଦେବୁଣିଏ ନିଜ୍ଜିତେ । ୨୬ ଇଞ୍ଜା ଇ କାବୁ ଏ ଦେସାତି ସାରିଖାକି ଖେଜ୍ଜିତେ ।

ଜୀସୁ ରିଆରି କାଣାୟାଙ୍କୁ ନେହଁ କିନାୟି

୨୭ ଜୀସୁ ଏମ୍ବାଟି ହାଜିମାଟି ବେଲାତା ରିଆରି କାଣାୟାଁ କାଜା ରିୟାଁତଲେ

ହାଡ଼ିହଁ ଏଲେଇଚେରି, “ଏ ଦାଞ୍ଜୁଦ ମୀରଏଣାତି ମାଜ୍ଜା କାର୍ମା ମେସ୍ତାମୁ ।”

୨୮ ଇଞ୍ଜାଁ ଜୀସୁ ଇଲୁ ବିତ୍ତା ହଡାଲିଏ ଏ କାଣାୟାଁ ଜିକେଏ ଏଞ୍ଜାଣି ତାଗେ ଖାଡେଚି, ଇଞ୍ଜାଁ ଜୀସୁ ଏଞ୍ଜାରାଙ୍କୁ ଏଲେଇଚେସି, ମାଜ୍ଜେ ନେହଁ କିହାଲି ଆଡାନେସି ଇଞ୍ଜାଁ ମୀରୁ ନାମିମାଞ୍ଜେରି ?

ଏଞ୍ଜାରି ଏଲେଇଚେରି “ହାଅ ପ୍ରବୁ ।”

୨୯ ଏଚେଟିଏ ଜୀସୁ ଏଞ୍ଜାରି କାଣିକା ତୀଗାନା ଏଲେଇଚେସି, “ମୀ ନାମିନି ଲେହେଁ ମିଜ୍ଜେତାକି ଆଡେ ।” ୩୦ ଏଚେଟିଏ ଏଞ୍ଜାରି ମେସାଲି ଆଡ଼ିତେରି, ଅଡେ ଜୀସୁ ଏଞ୍ଜାରାଙ୍କୁ ଜାଣ୍ଡେ ହୁକୁମି ହାହାନା ଏଲେଇଚେସି, “ହେଣ୍ଡୁ ଇ ହାଡା ଆମ୍ବାଆରି ଜିକେଏ ପୁନଅରି ।”

୩୧ ସାମା ଏଞ୍ଜାରି ପାଜ୍ଜାତା ହାଜାନା ଜୀସୁତି ହାଡା ଦେସାତି ସାରିଖାକି ଖେସ୍ତେରି ।

ଜୀସୁ ର ଗୁଲାଙ୍କୁ ଜଲି କିତେସି

୩୨ ଏଞ୍ଜାରି ହଡା ହାଜିମାଟାଟି ଲକୁ ର ଜଲ୍ଲାଲି ଆଡାଆଗାଟି ବୁଡୁ ଆଲ୍‌ଗା ମାଟାଣାଙ୍କୁ ଜୀସୁ ନକିତା ତାତେରି । ୩୩ ଜୀସୁ ବୁଡୁଙ୍କୁ ପେରହା ପାଣ୍ଡିତି ଦେବୁଣିଏ ଏଞ୍ଜାସି ଜଲ୍ଲାଲି ଆଡ଼ିତେସି, ଏଚେଟିଏ ଲକୁ କାବାଆହାନା ଏଲେଇଚେରି, “ଇସ୍ତାୟେଲ ଦେସାତା ମାମ୍ବୁ ଲୁଲେତି କାବାଆନି କାମା ଏଚେଲା ମେସାହିଲାଆତମି ।”

୩୪ ✽ଏତିବେଳା ପାରୁସିୟାଁ ଖେଚେରି. ଏଞ୍ଜାରି ଏଲେଇଚେରି, “ଇଞ୍ଜାସି ବୁଡୁୟାଁ ପିସ୍‌ପି କିହିମାନେସି” ଏନାଆଁତାକି ଇଚିହଁ ଏଞ୍ଜାସିକାଣି ସାଲ୍‌ଖି କିହିମାନି ବାଲ୍‌ପେନୁ ଏଞ୍ଜାଣାକି ବାଡୁନ୍ଦୁ ହାହିମାନେ ଲାକା ଆଡ଼ିମାନେସି । ୩୫ ✽ଏମ୍ବାଟିଏ ଜୀସୁ ଏଞ୍ଜାରି ଜୀହୁଦି ଲକୁତି କୁଟମି ଇଲ୍‌କାଣାଁ ଜାପୁହିହଁ ମାହାପୁରୁ ରାଜିତି ନେହଁ କାବୁ ଖେସିହଁ ବାରେଲେହେଁତି ରଗ

✽ ଟ.୩୪ ଟ.୩୪ ମାତି ୧୦:୨୫; ୧୨:୨୪; ମାର୍କ ୩:୨୨; ଲୁକ ୧୧:୧୫ ✽ ଟ.୩୫ ଟ.୩୫ ମାତି ୪:୨୩; ମାର୍କ ୧:୩୯; ଲୁକ ୪:୪୪ † ଟ.୩୫ ଟ.୩୫ ସିନଗଗ

ନମେରି ଦୁକାଟି ନେହୁଁ କିହିହୁଁ, ବାରେ ଗାଡ଼ାୟାଁ ଇଞ୍ଜା ନାସକାଣାଁ ରେଜାଲି ମାଟ୍‌ହେସି ।

ଲକୁତାକି ଜୀସୁତି କାର୍ମା

୩୭ \*ଅଡ଼େ ବାରେ ଲକୁଣି ମେସାନା ଏଞ୍ଜାସି କାର୍ମା ଆଡ଼େସି, ଇଚିହୁଁ ଏଞ୍ଜାରି ଗଡ଼ୁ ହିଲୀଆ ମେଣ୍ଡାୟାଁ ଲେହେଁ କାକୁଲିଚି ଇତାଲା ଆତାଲା ଆହିମାରେରି । ୩୭ \*ଏଚିବେଲା ଜୀସୁ ତାମି ସୀସୁୟାଁଇଁ ଏଲେଇଚେସି, “ପାଟି ହାଡ଼େକା ସାମା ଦାଃଆନାରି ଉଣା ଜାଣା । ୩୮ ଏଦାଆଁତାକି ପାଟି ଜାଟାଲି, ଲକୁଣି ପାଣ୍ଡାଲିତାକି ଗୁଡ଼ିୟାତି ସାଞ୍ଜୁକାରିଇଁ ବାତିମାଲାଦୁ ।”

୧୦

ବାରଜାଣା ସୀସୁୟାଁ

(ମାର୍କ ୩:୧୩-୧୯; ଲୁକ ୬:୧୨-୧୬)

୧ ଏମ୍ବାଟିଏ ଜୀସୁ ତାମି ବାରଜାଣା ସୀସୁୟାଁଇଁ ତାଗେ ହାଟାନା ବୁଡୁୟାଁ ପିସପି କିହାଲି, ଇଞ୍ଜା ବାରେ ରଗ କସ୍ତଚି ନେହୁଁ କିହାଲି ଏଞ୍ଜାରାକି ଅଦିକାରା ହାଡେସି । ୨ ଏ ବାରଜାଣା ପାଣ୍ଡୁଞ୍ଜିଆଡ଼ି ସୀସୁୟାଁ ଦରକା ଆଡୁ, ସିମନ, ଆମ୍ବାଆରାଇଁ ପିତର ଇନେରି, ଅଡ଼େ ତାମି ତାୟି ଆହିୟ, ଜେବଦି ମୀରଏସି ଜାକୁବ ଅଡ଼େ ତାମି ତାୟି ଜହନ, ୩ ପିଲିପ ଅଡ଼େ ବାର୍ତଲମି, ତମା ଅଡ଼େ ସିସୁ ରାହନି ମାତିୟୁ, ଆଲେପି ମୀରଏସି ଜାକୁବ ଅଡ଼େ ତଦିୟ, ୪ ଦେସାତି ଜୀସୁ ନନ୍ଦି ସିମନ ଅଡ଼େ ଇସ୍ତାରିୟତ ଜୀହୁଦା ଆମ୍ବାଆସି ଜୀସୁଇଁ ସାଡୁ କେୟୁତା ହେରପିଚେସି ।

ବାରଜାଣା ସୀସୁୟାଁଇଁ ପାଣ୍ଡିନାୟି

(ମାର୍କ ୬:୭-୧୩; ଲୁକ ୯:୧-୬)

୫ ଜୀସୁ ଇ ବାରଜାଣାତି ପାଣ୍ଡାନା ହୁକୁମି ହାହାଁ ଏଲେଇଚେସି, ମୀରୁ ଜୀହୁଦିଆଆଡ଼ି ଲକୁତାଣା ହାଲାଆଦୁ,

ଅଡ଼େ ଆମିନି ସମିରଣି ନାସକାଣାଁ ହଡ଼ଆଦୁ, ୬ ସାମା ଜାଙ୍ଗାମାନି ମେଣ୍ଡାୟାଁ ଇଚିହୁଁ ଇସ୍ତାୟେଲ ଲକୁତାଣା ହାକୁ । ୭ ଏଞ୍ଜାରିତାଣା ହାକୁ ଅଡ଼େ ୱେକ୍‌ଦୁ ଲାକପୁରୁ ରାଜି ଏଗାଞ୍ଜାହିମାନେ । ୮ ଅଡ଼େ ନମେରି ଗାଟାରାଇଁ ନେହୁଁ କିଦୁ, ହାଡ଼ାରାଇଁ ନିକ୍‌ଦୁ, କାଜା ରଗ ଗାଟାରାଇଁ ନେହୁଁ କିଦୁ, ବୁଡୁୟାଁଇଁ ପେରଦୁ । ମୀରୁ ଉଜେଏ ବେଟା ଆହାମାଞ୍ଜେରି ଏଦାଆଁ ଉଜେଏ ହୀଦୁ । ୯ ମୀ ତଲେ ବାଟାରା ୱେଣ୍ଡି କି ଅଟଡ଼ିତା ଟାକାୟାଁ ଅଆଦୁ, ୧୦ \*ଅଡ଼େ ହାନାଟି ଲେଟା କଡ଼ିନି ମଣା, ରୀ ଜଡ଼ୁ ସକାୟାଁ କି ସେପୁୟାଁ କି କୁତା ବାଡ଼ଗା ଜିକେଏ ପାରାଆଦୁ, କାମାକିନାସି ତାନି ରାନ୍ଦା ବେଟା ଆନେସି ।

୧୧ ଅଡ଼େ ମୀରୁ ଆମିନି ନାୟୁଁତା କି ଗାଡ଼ାତା ହାଜେରି ଏମ୍ବାଆଁ ନେହାଁଣାଇଁ ପାରାଦୁ, ଅଡ଼େ ଏମ୍ବାଟି ୱେଣ୍ଡାହାନି ପାଚେକା ଏଞ୍ଜାଣି ଇଜ ଡ଼ୟାଦୁ । ୧୨ ଅଡ଼େ ଇଜ ହଡ଼ନାଟି ଏଞ୍ଜାରାଇଁ ହିଡ଼ଡ଼ି ଜୀସୁ ମିଙ୍ଗେ ଆୟାପେ ଇଞ୍ଜୁ; ୧୩ ଏଞ୍ଜାରି ଇଜତାରି ନେହାଁରି ଇଚିହୁଁ ଏଞ୍ଜାରିତଲେ ମୀ ହିଡ଼ଡ଼ି ଡ଼ୟାପେ, ସାମା ଏଞ୍ଜାରି ନେହାଁରି ଆଆତୁଁ ମୀ ହିଡ଼ଡ଼ି ମିଙ୍ଗେ ୱେଣ୍ଡା ୱାପେ । ୧୪ \*ଅଡ଼େ ଆମିନି ଇଲୁତାକି ନାସକାଣାଁ ମିଙ୍ଗ ଲକୁ ଅପଅରି, ମୀ କାତାତି ୱେନଅରି, ଏ ଇଲୁଚି କି ଏ ଗାଡ଼ାଟି ହଡ଼ାଞ୍ଜାନାଟି ମୀ କତାତି ଦୁଡ଼ି ହାଣହା କତାନା ଏ ଟାୟୁ ପିହୁଦୁ । ୧୫ \*\*ନାନୁ ମିଙ୍ଗେ ସାତା ୱେସିମାଞ୍ଜାଇଁ, ମାହାପୁରୁଡ଼ି ନୀହାଁୟି ଦିନାତା ଏ ଗାଡ଼ାଟି ତଣ୍ଡୁ କିହାଁ ସଦମ ଅଡ଼େ ଗମରା ଦେସାତି ତଣ୍ଡୁ ଉଣା କିଞ୍ଜିଆନେ ।

ଞ୍ଜାହିମାନି କସ୍ତ ଅଡ଼େ ନିନ୍ଦା

(ମାର୍କ ୧୩:୯-୧୩; ଲୁକ ୨୧:୧୨-୧୭)

୧୬ \*ହେଣ୍ଡୁ ମେଣ୍ଡାୟାଁଣି କୁଃନିୟାଁ ବିତ୍ତା ପାଣ୍ଡିନିଲେହେଁ ନାନୁ ମିଙ୍ଗେ

\* ୯:୩୭ ୯:୩୭ ମାର୍କ ୬:୩୪    \* ୯:୩୭ ୯:୩୭ ଲୁକ ୧୦:୨    \* ୧୦:୧୦ ୧୦:୧୦ ୧କର ୯:୧୪; ୧ଡିମ ୫:୧୮  
\* ୧୦:୧୪ ୧୦:୧୪ କାମା ୧୩:୫୧    \* ୧୦:୧୫ ୧୦:୧୫ ମାତି ୧୧:୨୪    \* ୧୦:୧୫ ୧୦:୧୫ ଲୁକ ୧୦:୪-୧୨  
\* ୧୦:୧୬ ୧୦:୧୬ ଲୁକ ୧୦:୩

ପାଣ୍ଡିମାଞ୍ଜୁଳୀ, ଏଦାଆଁତାକି ମୀରୁ ରାତୁ  
 ଲେହେଁ ବୁଦି ଗାଟାତେରି, ଅଡ଼େ ପାର୍ଝା  
 ପଟାଲେହେଁ କପା ହିଲୀଆ ଗାଟାତେରି  
 ଆଦୁ । ୧୭ \*ସାମା ମାଣ୍ଡିସିୟା ତାଣ୍ଡାଟି  
 ଜାଗ୍ରାତା ଆହାନା ଡ଼ୟାଦୁ, ଏଦାଆଁତାକି  
 ଇଚିହଁ ଏଞ୍ଜାରି ମିଙ୍ଗେ ଆସାନା  
 ନୀହାଁୟି କିନି ତାଣ୍ଡା ହେରପାନେରି,  
 ଇଞ୍ଜା ଜୀହୁଦି ଲକୁଡି କୁଟମି ଇଲ୍ଲକାଣା\*  
 ଏଞ୍ଜାରି ମିଙ୍ଗେ ସାଟୁଣି ତଲେ  
 ଝେତାନେରି, ୧୮ ଅଡ଼େ ମୀରୁ ନା ତାକି  
 ରାଜା ଅଡ଼େ ସାଲୁଞ୍ଜି କିନି ଲକୁଡାଣା  
 ଅହାନା ନୀହାଁୟି କିଞ୍ଜିଆଦେରି; ଏଦି  
 ଏଞ୍ଜାରାକି ଅଡ଼େ ଜୀହୁଦିଆଆତି ଲକୁକି  
 ମାହାପୁରୁତି ନେହଁ କାରୁ ଝେସାଲି  
 ସାକି ଆନେ । ୧୯ ସାମା ଏଚିବେଲା  
 ଏଞ୍ଜାରି ମିଙ୍ଗେ ହେରପାନେରି, ମୀରୁ  
 ନୀହାଁୟି ଆନିବେଲା ଏନାଆଁ ଜଲିଦେରି  
 ଅଡ଼େ ଏନିକଁ ଜଲିଦେରି, ଏ କାତା  
 ଅଣ୍ଡପାଆଦୁ, ଇଚିହଁ ମୀରୁ ଏନାଆଁ  
 ଜଲିଦେରି ଏ ବେଲାତେଏ ମିଙ୍ଗେ  
 ଝେସ୍ତାନେସି । ୨୦ । ଇଚିହଁ ମୀରୁ  
 ଜଲିନାତେରି ଆଏ, ଆବା ମାହାପୁରୁତି  
 ସୁବୁଜୀଞ୍ଜୁ ମୀ ଗୁତି ହୀହାନା ହାଡ଼ା  
 ଜଲିନେ, ଏଦି ଜଲିନାୟି ।

୨୧ \*ତାୟି ତାୟିକଁ ଆବା ମୀରୁଏଣାକଁ  
 ପାୟାଲି ହେରପାନେସି, ମାସ୍କା,  
 ମୀରୁକା ଏଞ୍ଜାରି ତାମି ଇୟା ଆବା  
 କପାଟି ହଚାନା, ଏଞ୍ଜାରାକଁ ପାୟିନେରି  
 । ୨୨ \*ଅଡ଼େ ନା ଦରୁ ତାକି ମୀରୁ  
 ବାରେତାଣା ଅପାଆ ଗାଟାତେରି  
 ଆଦେରି, ସାମା ଆମ୍ବାଆସି ରାନି  
 ପାତେକା ସାସା ତଲେ ମାନେସି ଏଞ୍ଜାସି  
 ଗେଲୁପି ଆନେସି । ୨୩ ସାମା ଏଞ୍ଜାରି  
 ଏଚିବେଲା ର ଗାଡ଼ାତା ମିଙ୍ଗେ ନିନ୍ଦା  
 କିୟାନେରି, ଏଚିବେଲା ଏଚକା ଗାଡ଼ାତା  
 ହାଜୁ, ଇଚିହଁ ନାନୁ ମିଙ୍ଗେ ସାତା  
 ଝେସିମାଞ୍ଜୁଳୀ, ମୀରୁ ଇସ୍ତାୟେଲତି  
 ବାରେ ଗାଡ଼ାୟାତା କାମା ରାପୁଆ

ନକେଏ ମାଣ୍ଡିସି ମୀରୁଏସି ଝାନେସି ।  
 ୨୪ \*ସାସୁ ତାନି ଗୁରୁ କିହାଁ ହଲେଏସି  
 ସାଞ୍ଜୁକାରି କିହାଁ କାଜାସି ଆଏ ।  
 ୨୫ \*ସାସୁ ତାନି ଗୁରୁ ଅଡ଼େ ହଲେଏସି  
 ତାନି ସାଞ୍ଜୁକାରି ଲେହେଁ ଆତିହଁ  
 ଏଞ୍ଜାରାକି ସମାନା ଆନେ, ଏଞ୍ଜାରି ଇଲୁତି  
 ସାଞ୍ଜୁକାରିକଁ ବାଲୁଜିବୁଲୁ ଇନେରି  
 ଇଚିହଁ ଏଞ୍ଜାଣି ଇଲୁତି ଲକୁବାକାଆଁ  
 ହାରେକା ପଲୁଆ କାତା ଜଲିନେରି !”

ଆମ୍ବାଆରାକଁ ଆଜିନାୟି ?  
 (ଲୁକ ୧୨:୨-୭)

୨୬ \*ଏଦାଆଁତାକି ଲକୁକଁ ଆଜାଆଦୁ;  
 ଇଚିହଁ ଡ଼ଗୁମାନାୟି ଏନାୟିଞ୍ଜା  
 ର ଦିନା ତଞ୍ଜାଆନେ, ଏଲେକଁ  
 ତଞ୍ଜାଆଆନା ଡ଼ଗୁମାନାୟି ଏନାୟିଞ୍ଜା  
 ହିଲେଏ, ଇଞ୍ଜା ପୁଣ୍ଡି କିଞ୍ଜିଆଆଗାଟାୟି  
 ଇଲେକଁ ଏନାୟି ଡ଼ଗୁ ହିଲେଏ ।  
 ୨୭ ନାନୁ ମିଙ୍ଗ ଏନାଆଁ ଆନ୍ଦେରିତା  
 ଝେସ୍ତାକଁ ଏଦାଆଁ ଉଜେଡ଼ିତା ଝେହୁଦୁ,  
 ଅଡ଼େ ଏନାଆଁ ଡ଼ଗୁନା ଝେଞ୍ଜେରି ଏଦାଆଁ  
 ଇଲୁ ତୁଡ଼ିୟା ଲାକ ହଚାନା ଝେହୁଦୁ ।  
 ୨୮ ଅଡ଼େ ଆମ୍ବାଆରି ଝାରୁକ ଆଙ୍ଗାତି  
 ପାୟିନେରି, ସାମା ଜୀଞ୍ଜୁତି ପାୟାଲି  
 ଆଡ଼ଅରି, ଏଞ୍ଜାରାକଁ ଆଜାଆଦୁ;  
 ସାମା ଆମ୍ବାଆସି ମୀ ଜୀଞ୍ଜୁ ଅଡ଼େ  
 ଆଙ୍ଗା ବାରେତି ନକତା ନାସା କିହାଲି  
 ଆଡ଼ିମାନେସି ଏଞ୍ଜାଣାକଁ ଆଜାଦୁ । ୨୯ ରୀ  
 ଜେତା ପଟାୟା ର କାନ୍ତି ତାକି ପାରପି  
 ଆଡ଼ କି ? ଅଡ଼େ ମୀ ଲାକପୁରୁତି ଆବା  
 ହେଲ ହୀଆତି ଏଞ୍ଜାସିକା ବିଡ଼ାଟି ରଣ୍ଡି  
 ଜିକେଏ ତୁଇ ତରଗେଏ । ୩୦ ସାମା  
 ମୀ ତାୟି ତୁ ବାରେ ବାଣାୟା ଜିକେଏ  
 ଏଜିକିଞ୍ଜି ଆହାମାନୁ । ୩୧ ଏଦାଆଁତାକି  
 ଆଜାଆଦୁ, ମୀରୁ ହାରେକା ଜେତା  
 ପଟାୟା ତାଣ୍ଡାଟି ମୀ ଦାରା ହାରେକା ।”

ଲକୁ ନକିତା ଜୀସୁକଁ ଝେକ୍ନାୟି  
 (ଲୁକ ୧୨:୫୧-୫୩; ୧୪:୨୬-୨୭)

\* ୧୦:୧୭ ୧୦:୧୭ ମାର୍କ ୧୩:୯-୧୧; ଲୁକ ୧୨:୧୧,୧୨; ୨୧:୧୨-୧୫ \* ୧୦:୧୭ ୧୦:୧୭ସିନଗଗ  
 \* ୧୦:୨୧ ୧୦:୨୧ ମାର୍କ ୧୩:୧୨; ଲୁକ ୨୧:୧୭ \* ୧୦:୨୨ ୧୦:୨୨ ମାତ ୨୪:୯; ମାର୍କ ୧୩:୧୩; ଲୁକ  
 ୨୧:୧୭; ମାତ ୨୪:୧୩; ମାର୍କ ୧୩:୧୩ \* ୧୦:୨୪ ୧୦:୨୪ ଲୁକ ୬:୪୦; ଜହ ୧୩:୧୭; ୧୫:୨୦ \* ୧୦:୨୫  
 ୧୦:୨୫ ମାତ ୯:୩୪; ୧୨:୨୪; ମାର୍କ ୩:୨୨; ଲୁକ ୧୧:୧୫ \* ୧୦:୨୬ ୧୦:୨୬ ମାର୍କ ୪:୨୨; ଲୁକ ୮:୧୭

୩୨ “ଅଡ଼େ ଆମ୍ବାଆସି ଲକୁ ନକିତା ନାଲେ ଆବାନେସି, ଇଞ୍ଜା ନାନୁ ଜିକେଏ ନା ଲାକପୁରୁତି ଆବା ନକିତା ଆବିଇଁ । ୩୩ \*ସାମା ଆମ୍ବାଆସି ଲକୁ ନକିତା ନାଲେ ଆବଅସି, ନାନୁ ଜିକେଏ ନା ଲାକପୁରୁତି ଆବା ନକିତା ଆବଅଁ ।”

ହିଡ଼ଡ଼ି ପିସପେ କାଣ୍ଡା  
(ଲୁକ ୧୨:୫୧-୫୩; ୧୪:୨୭-୨୭)

୩୪ “ନାନୁ ଦାରୁତିତା ହିଡ଼ଡ଼ି ହୀହାଲି ଖାହାମାଲ୍ ଇଞ୍ଜାଁ ମନ କିଆଦୁ; ହିଡ଼ଡ଼ି ହୀହାଲି ଖାଆନା, କାଣ୍ଡା ହୀହାଲି ଖାହାମାଲ୍ । ୩୫ ଇଚିହଁ ନାନୁ ଆବା କପାଟି ମୀରଏଶାଲ୍, ଅଡ଼େ ଇୟାନି କପାଟି ମାଙ୍ଗା ଇଞ୍ଜାଁ ପୟାନି କପାଟି କୁଡ଼ିୟାନି ଗଡ଼ହା କିହାଲି ଖାହାମାଲ୍ । ୩୬ ଅଡ଼େ ମାଣସିତି ତାନି ଲଲୁତି ଲକୁଏ ବାରେଜାଣା ତାନି ସାତୁ ଆନେରି ।”

୩୭ “ଆମ୍ବାଆସି ଆବା କି ଇୟାନି ନା କିହାଁ ହାରେକା ଜୀଝୁ ନନେସି, ଏଝାସି ନା ସୀସୁ ଆୟାଲି ପାଡ଼ାଆଅସି, ଅଡ଼େ ଆମ୍ବାଆସି ନିଜେତି ମାଙ୍ଗା କି ମୀରଏଶାଲ୍ ହାରେକା ଜୀଝୁ ନନେସି ଏଝାସି ନା ସୀସୁ ଆୟାଲି ପାଡ଼ାଆଅସି । ୩୮ \*ଆମ୍ବାଆସି ନିଜେତି କୁସ ଡେକାନା ନା ଜେଟ ଖାଅସି, ଏଝାସି ନା ସୀସୁ ଆୟାଲି ପାଡ଼ାଆଅସି । ୩୯ \*ଆମ୍ବାଆସି ନିଜେତି ଜୀଝୁ ନୀଟହା କଡିନେସି ଏଝାସି ହାନେସି, ଅଡ଼େ ଆମ୍ବାଆସି ନା ତାକି ନିଜେତି ଜୀଝୁ ହାନେସି, ଏଝାସି ନୀଡିନେସି ।”

ଦାନା ପାଣ୍ଡନାୟି  
(ମାର୍କ ୯:୪୧)

୪୦ \*ଆମ୍ବାଆସି ମିଙ୍ଗେ ଆବାନେସି, ଏଝାସି ନାଲେ ଆବାନେସି; ଆମ୍ବାଆସି ନାଲେ ଆବାନେସି, ଏଝାସି ନାଲେ ପାଣ୍ଡାତାଣାଲ୍ ଆବିନେସି । ୪୧ ଆମ୍ବାଆସି ମାହାପୁରୁ ଅଣ୍ପୁତି ବଲୁ ଖେହନାରାଲ୍, ମାହାପୁରୁ ବଲୁ ଖେହନାରି ଇଞ୍ଜାଁ ଆବିନେସି, ଏଝାସି ଏ ବଲୁ ଖେହନାରି

ଦାନା ବେଟା ଆନେସି, ଅଡ଼େ ଆମ୍ବାଆସି କି ତୀରିଗାଟାରାଲ୍, ତୀରିଗାଟାସି ଇଞ୍ଜାଁ ଆବିନେସି ଏଝାସି ତୀରିଗାଟାରି ଦାନା ବେଟା ଆନେସି । ୪୨ ଅଡ଼େ ଆମ୍ବାଆସି ନା ସୀସୁୟାଁ ବିଡ଼ାଟି ରଅଣାଲ୍ ନା ସୀସୁ ଇଞ୍ଜାଁ ଗିନାତା ଏୟୁ ଗସାଲି ହୀନେସି, ନାନୁ ମିଙ୍ଗେ ସାତା ଖେସିମାଞ୍ଜାଲ୍, ଏଝାସି ତାନି ଦାନାତି ଜାକ୍ଅସି ।”

**୧୧**

ଜହନତି କାବୁ ହୀନାରି  
(ଲୁକ ୭:୧୮-୩୫)

୧ ଜୀସୁ ତାନି ବାରଜାଣା ସୀସୁୟାଁଲ୍ ଇ ବାରେ ହେଲ ହୀତି ତାୟୁ ଗାଲିଲି ଦାରିତା ମାନି ନାସ୍କାଣାଁ ହାଜାନା ମାହାପୁରୁତି ହାଡ଼ା ଜାପୁହିହଁ ଖେସିହଁ ଏ ଗାୟୁଟି ହାଚେସି । ୨ ଏଚିବେଲା ବାପ୍ତିସ୍ତା\* ହାନି ଜହନ କାୟିଦିତା ମାଞ୍ଜାନା କ୍ରୀସୁତି କାମା କିହିମାନାଣି ଖେଞ୍ଜାନା ଏ ବାରେ ପୁଞ୍ଜାଲି ତାନି ସୀସୁୟାଁଣି ଜୀସୁ ତାଣା ପାଣ୍ଡିତେସି । ୩ ଏଝାରି ହାଜାନା ଜୀସୁଲ୍ ଖେଚେରି, “ଆମିନି ଲକୁ ଖାନେସି ଇଞ୍ଜାଁ ଜହନ ଖେସାମାଚେସି, ନୀନୁ କି ଏଝାତି ? କି ଅଡ଼େ, ଆମ୍ବାଆରି ତାକି କାଟାନା ଡ଼ୟିନମି ?”

୪ ଜୀସୁ ଏଝାରାଲ୍ ଏଲେଇଚେସି, “ମୀରୁ ଖେଣ୍ଡା ହାଜାନା ଏନାଆଁ ଖେଞ୍ଜାମାଞ୍ଜେରି ଅଡ଼େ ମେସିମାଞ୍ଜେରି, ଜହନଲ୍ ଖେହ୍ଦୁ । ୫ କାଣାୟାଁ ମେସିମାନେରି, ସଗାୟାଁ ତାକି ମାନେରି, କାଜା ରଗ ଗାଟାରି ନେହଁ ଆହିମାନେରି, ବେରାୟାଁ ଖେଞ୍ଜିମାନେରି, ହାଡ଼ାରି ନିଙ୍ଗିମାନେରି ଅଡ଼େ କାଙ୍ଗାଲା ଗାଟାରି ନେହଁ କାବୁ ଖେଞ୍ଜିମାନେରି; ୬ ନା ତାଣା ଆମ୍ବାଆରି ଆନାମାନା ଆଅରି ଏଝାରି ନେହେଁ ।”

୭ ଜହନତି ସୀସୁୟାଁ ଖେଣ୍ଡାହାଜିମାତି ବେଲା ଜୀସୁ ଲକୁଲ୍ ଜହନତି କାତା

\* ୧୦:୩୩ ୧୦:୩୩ ୨ତିମ ୨:୧୨ \* ୧୦:୩୮ ୧୦:୩୮ ମାତି ୧୭:୨୪; ମାର୍କ ୮:୩୪; ଲୁକ ୯:୨୩ \* ୧୦:୩୯ ୧୦:୩୯ ମାତି ୧୭:୨୫; ମାର୍କ ୮:୩୫; ଲୁକ ୯:୨୫; ୧୭:୩୩; ଜହ ୧୨:୨୫ \* ୧୦:୪୦ ୧୦:୪୦ ଲୁକ ୧୦:୧୭; ଜହ ୧୩:୨୦; ମାର୍କ ୯:୩୭; ଲୁକ ୯:୪୮ \* ୧୧:୨ ୧୧:୨ ମୁଞ୍ଜିନାୟି

ଏଲେଇଚେସି, “ମୀରୁ ଲକୁ ହିଲୀଆ ରାଜିତା ଏନାଆଁ ମେସାଲି ହାଜାମାଚେରି ? ଗାଲିତା ଦାଜିନି ତାଣ୍ଡି ଆକୁ ? ୮ ଏନାଆଁ ଆଆତିହୁଁ ଏନାଆଁ ମେସାଲି ହାଜାମାଚେରି ? ନେହୁଁ ଅଜିତି ପାଡ଼ାଡ଼ା ହିମ୍ବରି ହୁଚାମାନି ର. ଲକୁଇଁ ? ମେହୁଦୁ ଅଜିତି ହିମ୍ବରି ହୁଚିତି ଲକୁ ରାଜା ଗାଡ଼ାତା ଡ଼ୟିନେରି । ୯ ଏନାଆଁ ଆଆତ ଏନାଆଁ ମେସାଲି ହାଜାମାଚେରି ? ଏନାଆଁ ର. ମାହାପୁରୁ ଅଣ୍ପୁତି ବଲୁ ଖେହନାଣାଇଁ ? ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମାହାପୁରୁ ଅଣ୍ପୁତି ବଲୁ ଖେହନାରି କିହାଁ ହାରେକା କାଜାଣାଇଁ; ୧୦ ଇଚିହୁଁ ଏ. ଜହନତି କାତା ରାସ୍ତକି ଆହାମାନେ, ମାହାପୁରୁ ଏଲେଇଞ୍ଜି ମାନେସି, ନା. ତାକି ଜିରୁ କେପାଲି ନାନୁ ନକେଏ ନା. ଦୂଡୁଇଁ ପାଣ୍ଡାଇଁ, ଏଝାସିଏ ଇ ମାଣ୍ଡସି । ୧୧ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ନୀଞ୍ଜୁ ପାତେକା ଇ ଦାର୍ତତିତା ଏତେକା ଜାର୍ନା ଆହାମାନେରି, ଏ. ବାରେଜାଣା କିହାଁ ବାପ୍ତିସ୍ତାଁ ହାନି ଜହନ କାଜାସି; ଆଡ଼ିଜିକେଏ ଲାକପୁରୁ ରାଜିତା ଆମ୍ବାଆସି ବାରେକିହାଁ ଡ଼ଣା, ଏଝାସି ଜହନ କିହାଁ କାଜାସି । ୧୨ \*ବାପ୍ତିସ୍ତାଁ ହାନି ଜହନତି କାତା ଖେହନି ଦିନାଟିଏ ନୀଞ୍ଜୁପାତେକା ଲାକପୁରୁ ରାଜି ବାଡ଼ୁଡ଼ୁ ତଲେ ପାତାଆହିମାନେ; ଇଞ୍ଜା ବାଡ଼ୁଡ଼ୁଟି ଆସାମାନାରି ଏନାଆଁ ବେଟାଆହାଲି ଅଣ୍ପିମାନେରି । ୧୩ ଇଚିହୁଁ ବାରେ ମସାତି ମେରାତା ଅଡ଼େ ମାହାପୁରୁ ଅଣ୍ପୁତି ବଲୁ ଖେହନାରି ତାଣ୍ଡା ଜହନତି ଖାନ୍ତି ଦିନା ପାତେକା ଖେସପି ଆହାମାଚେ । ୧୪ \*ଅଡ଼େ ମୀରୁ ଏଝାରି କାତା ଆସାଲି ମୀ ମନ ମାଚିହୁଁ ଆମିନି ଏଲିୟ ଖାନାୟି ମାଚେ ଜହନଏ ଏଝାସି । ୧୫ ଆମ୍ବାଆରି କାର୍କା ମାନୁ ଏଝାସି ଖେଣ୍ଡାସି ।”

୧୬ “ସାମା ନାନୁ ଆମ୍ବାରିତଲେ ଇ ଜୁଗୁତି ଲକୁଣି ତୁକଇଁ, ଆମିନି ହାଟା

ମାଦି କୁଗାନା କାହି ଡ଼ୟିନି କକାରି ଲେହେଁ, ର. ଗଚିତି କକାରି ଅର ଗଚିତି ଏଲେଇନେରି, ୧୬ ମାମ୍ବୁ ମୀ ନକିତା ପୀରୁଡ଼ି ଡ଼କିତମି, ସାମା ମୀରୁ ଏନାଆତେରି; ମାମ୍ବୁ ଦୁକୁତି ପାରୁ ପାଡ଼ିତମି ସାମା ମୀରୁ ଡ଼ାଆତେରି, ନୀର୍ବତି ଲକୁ ଏଲେତାରି । ୧୮ ଇଚିହୁଁ ଜହନ ଖାହାନା ରାନ୍ଦା ତିନାଆତେସି ଅଡ଼େ ଲକୁ ଏଝାଣାଇଁ ଏଲେଇଚେରି ବୃତୁ ଆଲଗାମାନାସି । ୧୯ ସାମା ମାଣ୍ଡସି ମୀରୁଏସି ଖାହାନା ରାନ୍ଦା ତିଚେସି ଉଚେସି, ଇଞ୍ଜା ଲକୁ ବାରେଜାଣା ଏଲେଇଚେରି, ଇଝାସି ଚିଣ୍ଡିକାଝୁ, କାଡ଼ୁଡୁଡୁ, ଏଝାସି ସିସ୍ତୁ ରାହନାରି ଅଡ଼େ ପାପୁ ଗାଗାରି ତଡ଼େଏସି; ସାମା ମାହାପୁରୁଟି ବୁଦି ଏଝାଣି କାମାଟି ସାତା ଇଞ୍ଜୁଁ ଖେଜିନେ ।”

ନାମାଆଗାଟି ଗାଡ଼ାୟାଁ  
(ଲୁକ ୧୦:୧୩-୧୫)

୨୦ ଏଚିବେଲା ଆମିନି ଗାଡ଼ାତା ହାରେକା କାବାଆନି କାମା କିଞ୍ଜି ଆହାମାଚେ, ଏ. ଗାଡ଼ାତି ଲକୁ, ତାମି ପାପୁଟି ତାମା ମନ ଖେଟ୍ଟହା ହିଲୀଆତେରି, ଇଞ୍ଜା ଜୀସୁ ଏ ଗାଡ଼ାୟାଁତି ଲକୁଇଁ ଦାକା ହାହାନା ଏଲେଇଚେସି, ୨୧ ଆୟତା ତଣ୍ଡ ପାଣ୍ଡିନି କରାଜିନି ଅଡ଼େ ବେଡ଼ସାୟିଦା, ଏନାଆଁତାକି ଇଚିହୁଁ ମୀ ତାଣ୍ଡା ଆମିନି ବାଡ଼ୁଡ଼ୁଟି କାମା କିଞ୍ଜିଆହାମାନେ, ଏ. ବାରେ ସର ଅଡ଼େ ସିଦନତା କିଞ୍ଜି ଆହାମାଚିହୁଁମା; ଏମ୍ବାତି ଲକୁ ଆଙ୍ଗାତା ବାସ୍ତାୟାଁ ପରହାନା ଦାରମ୍ବୁତା କୁଗାନା ମନ ଖେଟ୍ଟହାଲି ଅଣ୍ପିଚେରିମା ୨୨ ଆଡ଼ିଜିକେଏ ନାନୁ ମିଙ୍ଗେ ଖେସିମାଞ୍ଜାଇଁ, ମାହାପୁରୁଟି ନୀହାୟି ଦିନାତା ମୀ ତଣ୍ଡ କିହାଁ ସର ଅଡ଼େ ସିଦନତି ତଣ୍ଡ ଅରୁହିନାୟି ଆନେ । ୨୩ ଏ. କପରନାହୁମ, ନାନୁ ଏନାଆଁ ଲାକପୁରୁ ପାତେକା ପାତାଆଦି ? ନାନୁ ହାଡ଼ାରି ମାନି ରାଜିତା ଅଞ୍ଜିଆଦି, ନୀ ତାଣ୍ଡା ଆମିନି

† ୧୧:୧୧ ୧୧:୧୧ ମୁଞ୍ଜିନାୟି ☆ ୧୧:୧୨ ୧୧:୧୨ ଲୁକ ୧୭:୧୭ ‡ ୧୧:୧୨ ୧୧:୧୨ ମୁଞ୍ଜିନାୟି ☆ ୧୧:୧୪ ୧୧:୧୪ ମାତ ୧୭:୧୦-୧୩; ମାର୍କ ୯:୧୧-୧୩



ବାଡ଼ୁଛୁତି କାମା କିଞ୍ଚିଆହାମାନେ,  
 ଏଦାଆଁ ସଦମତା କିଞ୍ଚିଆଡ଼ିହଁମା,  
 ଏ ଗାଡ଼ା ନୀଞ୍ଜୁପାତେକା ଡ଼ିୟିତେମା । ୨୪ \*ଆଡ଼ିଜିକେଏ ନାନୁ ମିଙ୍ଗେ  
 ଝେସିମାଞ୍ଜାଲ୍ “ମାହାପୁରୁତି ନୀହାଁୟି  
 ଦିନାତା ମୀ ତଣ୍ଡ କିହାଁ ସଦମ ଦେସାତି  
 ତଣ୍ଡ ଅରହିନାୟି ଆନେ ।”

ନା ତାଣା ଝାହାନା ଜମାଦୁ  
 (ଲୁକ ୧୦:୨୧-୨୨)

୨୫ ଏ ବେଲତା ଜୀସୁ ପ୍ରାତାନା କିହଁ  
 ଏଲେଇଚେସି; “ଏ ଆବା, ଲାକପୁରୁ  
 ଅଡ଼େ ଦାରତିତି ପ୍ରୁ, ଈ ବାରେ ହାଡ଼ା  
 ନାନୁ ବୁଦି ଅଡ଼େ ପୁନି ଲକୁତାଣାଟି  
 ଡ଼କୁହା ଇଗାନା, ଈ ବାରେ କାତା  
 ପୁନାଆଗାଟି ଲକୁତାଣା ତସିମାନାକି  
 ନାନୁ ନିଙ୍ଗ ଜହରା କିହିମାଞ୍ଜାଲ୍ ।  
 ୨୬ ହାଅ ଆବା, ଈଦି ନୀ ନକିତା ରାହଁତି  
 କାତା ଆହିମାନେ ।”

୨୭ \*ନା ଆବା ନାଙ୍ଗେ ବାରେ  
 ହାହାମାଞ୍ଜାନେସି, ଆବା ପିସପେ  
 ଆମ୍ବାଆରି ମୀରଏଣାଲ୍ ପୁନଅରି ଅଡ଼େ  
 ମୀରଏଣା ପିସପେ ଆମ୍ବାଆରି ଆବାଲ୍  
 ପୁନଅରି, ମୀରଏସି ଆମ୍ବାଆରି ତାଣା  
 ତହ୍ନେସି ଏଞ୍ଜାସି ପୁନେସି ।”

୨୮ “ଏ ଝାହୁ ରାଡ଼ା ଗାଟି ଲକୁ, ବାରେ  
 ନା ତାଣା ଝାଦୁ, ନାନୁ ମିଙ୍ଗେ ଜମିକିୟାଲ୍  
 । ୨୯ ନା ଜୁଝେଡ଼ି ମୀ ବଦିତା ଡ଼େକାନା  
 ନା ତାଣାଟି ଜାପାଦୁ, ଇତିହଁ ନାନୁ  
 କପା କାରବି ହିଲାଆନା ସୁଦୁ ହିୟାଁ  
 ଗାଟାତେଏଁ, ଈଞ୍ଜା ମୀରୁ ନା ତାଣାଟି ମୀ  
 ଜୀଞ୍ଜୁତା ଜମିଦେରି; ୩୦ ଇତିହଁ ନା  
 ଜୁଝେଡ଼ି ଉସାସା ଅଡ଼େ ବଜୁ ଉଣା ମାନେ  
 ।”

**୧୨**

ଜମିନି ଦିନାତି ମାନ୍ତି  
 (ମାର୍କ ୨:୨୩-୨୮; ଲୁକ ୬:୧-୫)

୯ ଏଚରଦିନା ତାୟୁ ର ଜମିନି ଦିନାତା  
 ଜୀସୁ ଗହଁ ଗୁଡ଼ିୟାଟି ହାଜିମାଚେସି, ଈଞ୍ଜା  
 ତାନି ସୀସୁୟାଁ ହାକି ଆହାମାଚାକି ଗହଁ

ଜେକା ତାପହାନା ତିଞ୍ଜାଲି ମାଟୁହେରି  
 । ୨ ସାମା ପାରୁସିୟାଁ ଏଦାଆଁ ମେସାନା  
 ଜୀସୁଲ୍ ଏଲେଇଚେରି, “ମେହ୍ନୁ ଜମିନି  
 ଦିନାତା ଏନାଆଁ କିନି ମେରା ହିଲେଏ,  
 ଏଦାଆଁ ମୀ ସୀସୁୟାଁ କିହିମାନେରି ।”

୩ ସାମା ଜୀସୁ ଏଞ୍ଜାରାଲ୍  
 ଏଲେଇଚେସି, “ର ଦିନା ଦାଞ୍ଜୁଦ ଅଡ଼େ  
 ତାନି ତଡ଼େସିଙ୍ଗା ହାକି ଆହାଲିଏ  
 ଏନାଆଁ କିହାମାଚେରି, ମୀରୁ ସାଢ଼େସିରିତା  
 ପଡ଼ଞ୍ଜି ଆହାହିଲଅଚେରି ?” ୪ ଏଞ୍ଜାସି  
 ଏନିକଁ ମାହାପୁରୁ ଇଲୁତା ହଡ଼ାନା  
 ଆମିନି ମାହାପୁରୁକି ହେରପାମାନି  
 ରୁଟି ପୁଜେରାଙ୍ଗା ପିସପେ ଆମ୍ବାଆରି  
 ତିନାଆଗାଟି ମେରା ମାଚେ, ସାମା  
 ଦାଞ୍ଜୁଦ ଅଡ଼େ ତାନି ତଡ଼େସିଙ୍ଗା  
 ତିନାଆଗାଟାୟି ମାଚେ, ଏଦାଆଁ ଏଞ୍ଜାରି  
 ତିଚେରି । ୫ ଅଡ଼େ ଜମିନି ଦିନାତା  
 ମାହାପୁରୁ ଇଲୁ ବିତ୍ରା ପୁଜେରାଙ୍ଗା  
 ମେରା ଉରିତି ଜିକେଏ ଦହଗାଟାରି  
 ଆଅରି, ମୀରୁ ଏନି ଏଦାଆଁ ପଡ଼ଞ୍ଜି  
 ଆହାହିଲଅଚେରି କି ? ୬ ସାମା  
 ନାନୁ ମିଙ୍ଗେ ସାତା ଝେସିମାଞ୍ଜାଲ୍,  
 ଈ ଟାୟୁତା ମାହାପୁରୁ ଇଲୁ କିହାଁ  
 ହାଚେରକା କାଜାୟି ଇମ୍ବାଆଁ ମାନେ  
 । ୭ \*ସାଢ଼େସିରି ଝେସିମାନେ, ସାମା  
 ପୂଜା ହୀନାୟି ଲଡ଼ାଆଏ, ସାମା ଲକୁଣି  
 କାର୍ମାମେହନାୟି ନେହେଁ, ଈଦାଣି  
 କାତା ମୀରୁ ପୁଞ୍ଜାମାଚିହଁମା ଈ ଦହ  
 ହିଲାଆ ଗାଟାଣାଲ୍ ଦହ କିଆଚେରିମା;  
 ୮ ଇତିହଁ ମାଣସି ମୀରଏସି ଜମିନି  
 ଦିନାତି ପ୍ରୁ ଆନେସି ।”

ଝାୟିତି କେୟୁଗାଟାସି ନେହଁ  
 ଆନାୟି

(ମାର୍କ ୩:୧-୬; ଲୁକ ୬:୬-୧୧)

୯ ଜୀସୁ ଏମ୍ବାଟି ହାଜାନା ଜୀହୁଦି  
 ଲକୁତି କୁଚମି ଇଲୁତା\* ହାଚେସି  
 । ୧୦ ଅଡ଼େ ମେହ୍ନୁ ଏମ୍ବାଆଁ  
 ରଅସି ମାଚେସି, ଏଞ୍ଜାଣି ର କେୟୁ  
 ଝାୟାହାଜାମାଚେ, ଜୀସୁଲ୍ ଦହ ଆସାଲି

\* ୧୧:୨୪ ୧୧:୨୪ ମାତି ୧୦:୧୫; ଲୁକ ୧୦:୧୨ \* ୧୧:୨୭ ୧୧:୨୭ ଜହ ୩:୩୫; ଜହ ୧:୧୮; ୧୦:୧୫  
 \* ୧୨:୭ ୧୨:୭ ମାତି ୯:୧୩ \* ୧୨:୯ ୧୨:୯ ସିନଗର

ଏବେକା ଲକ୍ଷ୍ମୀ ଏମାଆଁ କାଟାମାଚେରି,  
ଏଞ୍ଜାରି ଜୀସୁଇଁ ଖେଚେରି, “ଜମିନି  
ଦିନାତା ନେହୁଁ କିନାୟି ମେରା ମାନେକି  
?”

୧୧ \*ସାମା ଜୀସୁ ଏଞ୍ଜାରାଇଁ  
ଏଲେଇଚେସି, “ମୀ ବିତ୍ତା ରଅଣାକି ର  
ମେଣ୍ଡା ମାନେ, ଏମାଟିଏ ଜମିନି ଦିନାତା  
ଏ ମେଣ୍ଡା ଗାଡ଼ୁମୁତା ତରଗିନେ, ଇଞ୍ଜା  
ଆମ୍ବାଆସି ଏଦାନି ନିକଅସି, ଇଲେତି  
ଲକ୍ଷ୍ମୀ ଆମ୍ବାଆସି ମୀ ବିତ୍ତା ମାନେସି ?

୧୨ ଆତିହୁଁ ର ମେଣ୍ଡାତି ଦାରା କିହାଁ  
ମାଣସିତି ଦାରା ହାରେକା । ଏଦାଆଁତାକି  
ଜମିନି ଦିନାତା ନେହୁଁ କାମା କିନାୟି  
ମେରାତି କାମା ।” ୧୩ ଏତିବେଲା ଏଞ୍ଜାସି  
କେୟୁ ଖାୟିତାଣାଇଁ ଏଲେଇଚେସି,  
“କେୟୁ ଦାହୁମୁ ।”

ଇଞ୍ଜା ଏଞ୍ଜାସି ଏ କେୟୁ ଦାସ୍ତେସି  
ଏମାଟିଏ ଏ କେୟୁ ଅର କେୟୁଲେହେଁ  
ନେହୁଁ ଆଡେ । ୧୪ ସାମା ପାରୁସିୟା  
ପାଙ୍ଗାତା ହାଜାନା ଜୀସୁଇଁ ପାୟାଲି  
ଏଞ୍ଜାଣି କପାଟି ପାରୁ ପାରାଟେରି ।

ମାହାପୁରୁ ଆଟାମାନି ହଲେଏସି

୧୫ ଜୀସୁ ଏଦାଆଁ ପୁଞ୍ଜାନା ଏମାଟି  
ଏଟକା ଆହାନା ହଟାହାଚେସି, ଇଞ୍ଜା  
ହାରେକା ଲକ୍ଷ୍ମୀ ତାନି ଜେଟ ହାଚେରି,  
ଅଡେ ଏଞ୍ଜାସି ବାରେଜାଣାତି ରଗଟି  
ନେହୁଁ କିଚେସି । ୧୬ ଇଞ୍ଜା ତାଙ୍ଗେ  
ଲକ୍ଷ୍ମୀ ଝେକଆଦୁ ଇଞ୍ଜା ହୁକୁମି  
ହୀଚେସି । ୧୭ ଏନିକିହୁଁ ମାହାପୁରୁ  
ଅଣ୍ଡପୁତି ବଲୁ ଝେହୁନି ଜିସାୟତି କାତା  
ସାତା ଆନେ,

୧୮ “ମେହଦୁ ନା ହଲେଏସି, ଆମ୍ବାଆରାଇଁ  
ନାନୁ ଆଟାମାଇଁ;

ଏଞ୍ଜାସି ନା ଜୀସୁତି ମୀରଏସି,  
ଆମ୍ବାଆରିତାଣା ନା ହାରେକା  
ରାହାଁ ମାନେ;

ନାନୁ ଏଞ୍ଜାଣିଲାକ ନା ସୁଦୁଜୀସୁ  
ହୀଇଁ,

ଅଡେ ଏଞ୍ଜାସି ଜୀହୁଦିଆଆତି  
ଲକ୍ଷ୍ମୀତାଣା ନୀହାୟିତି କାତା  
ଝେକନେସି ।

୧୯ ଏଞ୍ଜାସି ଗଡ଼ହା କିଅସିକି କାଲ୍ଲି  
ଆଅସି,

ଇଞ୍ଜା ଆଂଗେଣିତା ଏଞ୍ଜାଣି ହାଡ଼ା  
ଆମ୍ବାଆରି ଝେନଅରି ।

୨୦ ନୀହାୟିତା ଜୀଣା ଆଆପାଚେକା,

ଏଞ୍ଜାସି ଖାୟିତି ତାଣ୍ଡିତି ଡିକଅସି

ବୟୁଁ ଆହୁଁ ଡାଞ୍ଜିମାନି ଦୀଝୁତି  
ତୁପଅସି ।

୨୧ ଅଡେ ଏଞ୍ଜାଣି ଦରୁତା ଜୀହୁଦିଆଆତି  
ଲକ୍ଷ୍ମୀ ବାସୁଁ ଇଚିନେରି ।”

ଜୀସୁ ଅଡେ ବାଲ୍ଲିବୁଲ୍ ବୁଡୁ

(ମାର୍କ ୩:୨୦-୩୦; ଲୁକ ୧୧:୧୪-୨୩)

୨୨ ର ଦିନା ଲକ୍ଷ୍ମୀ ବୁଡୁ ଆଲ୍ଗାମାଟି  
ର କାଣାଇଁ ତାଚେରି ଏଞ୍ଜାଣାଇଁ ବୁଡୁ  
ଆଲ୍ଗା ମାଟାକି ଗୁଲା ଆହାମାଚେସି

। ଜୀସୁ ଏଞ୍ଜାଣାଇଁ ନେହୁଁ କିଚେସି;  
ଇଞ୍ଜା ଏଞ୍ଜାସି ମେସାଲି ଅଡେ ଜଲ୍ଲାଲି  
ଆଡିଚେସି । ୨୩ ଇଞ୍ଜା ଲକ୍ଷ୍ମୀ ବାରେ  
କାବାଆହାନା ଏଲେଇଚେରି, “ଇଞ୍ଜାସି  
ଏନାଆଁ ଏ ଦାସୁଦ କୁଡାତାସି ଆଏକି ?”

୨୪ \*ପାରୁସିୟା ଇ କାତା ଝେଞ୍ଜାନା  
ଏଲେଇଚେରି, ଇ ମାଣ୍ଡିସି ବୁଡୁୟାଁ କିହାଁ  
କାଜା ବାଲ୍ଲିବୁଲ୍ ବୁଡୁ ହିଲାଆନା  
ବୁଡୁୟାଁ ପେରଅସି ।

୨୫ ସାମା ଜୀସୁ ପାରୁସିୟା  
ମନତି ଅଣ୍ଡୁ ପୁଞ୍ଜାନା ଏଞ୍ଜାରାଇଁ  
ଏଲେଇଚେସି, “ର ରାଜି ତାନୁ ତାନୁଏ  
ଆସପି ଆହାନା ରୀ ବାଗା ତାନି ବାଗା  
ଆଡିସାରେ ଏ ରାଜି ଅଡେ ତୀରିତଲେ  
ମାଞ୍ଜାଲି ଆଡେଏ, ଇଞ୍ଜା ର ଗାଡ଼ା କି  
ର ଇଲ୍ଲୁ କୁଟି ତାମ୍ବୁତାମ୍ବୁ ଆସପି  
ଆହାନା ବାଗା ଆଡିସାରେ ତୀରିତଲେ  
ମାଞ୍ଜାଲି ଆଡେଏ । ୨୬ ଇଞ୍ଜା ସୟତାନ  
ସୟତାନଇଁ ପିସପି କିନେ ଆତିହୁଁ  
ଏଦି ବାଗା ଆହାନା ତାନି କପାଟି  
ନିଜିଚେୟିଏ, ଆତିହୁଁ ଏଦାନି ରାଜି  
ଏନିକି ତୀରିଆହାଁ ତୟିନେ ? ୨୭ ମୀରୁ  
ଏଲେଇଞ୍ଜିମାଞ୍ଜେରି, ନାନୁ ପଲ୍ଲିଆ  
ବୁଡୁୟାଁ ବାଲ୍ଲିବୁଲ୍ ତଲେ ବୁଡୁୟାଁ  
ପିସପି କିହିମାଇଁ, ଆତିହୁଁ ମୀ ମୀରକା

ଆମ୍ଭାଆରି ବାଡ଼ୁୟୁ ତଲେ ବୁଡ଼ୁୟା ପେରନେରି । ଇଦାଆଁତାକି ଏଞ୍ଜାରିଏ ମୀ ନାହାଁୟି କିୟାନାରି ଆନେରି । ୨୮ ସାମା ନାନୁ ମାହାପୁରୁ ଜୀଞ୍ଜୁତି ବାଡ଼ୁୟୁ ତଲେ ବୁଡ଼ୁୟା ପେରହି ମାଇଁ, ଆତିହଁ ମାହାପୁରୁତି ରାକି ମୀ ତାଣା ଏଦାତେୟିଏ ।”

୨୯ “ଇଞ୍ଜା ଆମ୍ଭାଆସି ର ବାଡ଼ୁୟୁଗାତି ଲକୁଇଁ ତଲିଏ ଦହଆନା, ଏନିକିହଁ ଏଞ୍ଜାଣି ଇଜ ହତାନା ତାନି ଇଲୁ କାଣ୍ଡା ବାରେ ସରୁ ଅୟାଲି ଆଡ଼ିନେସି ? ଏଞ୍ଜାଣାଇଁ ତଲିଏ ଦସିହଁ ଦେ ଏଞ୍ଜାଣି ଇଲୁ କାଣ୍ଡା ସରୁ ଆହାଲି ଆଡ଼ିନେସି ।”

୩୦ \*ଆମ୍ଭାଆସି ନା ଝାକିଟି ଆଆଗାଟାସି, ଏଞ୍ଜାସି ନା ସାତୁ, ଇଞ୍ଜା ଆମ୍ଭାଆସି ନା ତଲେ କୃଡ଼ି କିଅସି ଏଞ୍ଜାସି ଆଲାରା କିନେସି । ୩୧ ଇଦାଆଁତାକି ନାନୁ ମିଙ୍ଗେ ଝେସିମାଞ୍ଜାଇଁ, ମାଣ୍ଡସି ଲକୁତି ବାରେ ପାପୁ ଅଡ଼େ ଲାଗେଏ ପଲେଏଟି ଲକୁଣି ନିନ୍ଦା କାତା ଜଲାମାନାଣି ମ୍ଲେକହା ତୁସପିଆନେ, ସାମା ମାହାପୁରୁତି ସୁଦୁଜୀଞ୍ଜୁ ଦରୁତଲେ ଜଲିନାଣା ପାପୁ ମେଣ୍ଡଙ୍ଗି କିଞ୍ଜିଆଏ । ୩୨ \*ଅଡ଼େ ଆମ୍ଭାଆସି ମାଣ୍ଡସି ମୀରଏଣା କପାଟି ଜଲିନେସି, ଏଞ୍ଜାଣି ପାପୁ ମେଣ୍ଡଙ୍ଗି କିଞ୍ଜିଆନେ, ସାମା ଆମ୍ଭାଆସି ମାହାପୁରୁତି ସୁଦୁଜୀଞ୍ଜୁତି କପାଟି ଜଲିନେସି, ଇ କାଲାତା କି ତାୟୁ କାଲାତା ଜିକେଏ ଏଞ୍ଜାଣି ପାପୁ ମେଣ୍ଡଙ୍ଗି କିଞ୍ଜିଆଏ ।”

ମାରୁନୁ ଅଡ଼େ ତାନି ପାଡ଼େୟି (ଲୁକ ୬:୪୩-୪୫)

୩୩ \*ମାରୁନୁତି ନେହାୟି ଇଞ୍ଜୁ ଅଡ଼େ ତାନି ପାଡ଼େୟିତି ନେହାୟି ଇଞ୍ଜୁ, ଆଆତଁ ମାରୁନୁତି ଲାଗେଏତାୟି ଇଞ୍ଜୁ ଅଡ଼େ ତାନି ପାଡ଼େୟିତି ଲାଗେଏତାୟି ଇଞ୍ଜୁ, ଇତିହଁ ପାଡ଼େୟି ତଲେ ମାରୁନୁତି ପୁଣ୍ଡକି ଆନେ । ୩୪ \*ଆଡ଼େ ରାସକା କୃଡ଼ାତେରି, ମୀରୁ ପଲୁଆ

ଗାଟାତେରି ଆହାଁ ଏନିକଁ ମୀରୁ ନେହଁ ହାଡ଼ା ଝେସାଲି ଆଡ଼ିଦେରି ? ଇତିହଁ ହିୟାତା ମାନି କାତା ଗୁଡ଼ି ଜଲିମାନେ । ୩୫ ନେହଁ ଲକୁ ନେହଁ ମନ ବିତ୍ରାଟି ନେହଁ କାତା ହପ୍ନେସି, ଇଞ୍ଜା ପଲୁଆ ଗାଟାସି ପଲୁଆ ମନ ବିତ୍ରାଟି ପଲୁଆ କାତା ହପ୍ନେସି ।”

୩୬ “ସାମା ନାନୁ ମିଙ୍ଗେ ସାତା ଝେସିମାଞ୍ଜାଇଁ, ବାରେଜାଣା ତାମ୍ନୁ ଝେସାମାନି ଭୁଜେଏତି କାତାତାକି ବିଚାରୋ କିନି ଦିନାତା ଏମ୍ବାତି କାତା ଜଲିନେରି; ୩୭ ଇଦାଆଁତାକି ମୀ ଗୁଡ଼ିତି ହାଡ଼ାତଲେ ନାହାଁୟି ଦିନାତା ମୀରୁ ଦହ ଗାଟାତେରି ଅଡ଼େ ଦହ ହିଲାଆଗାଟାତେରି ଆଡ଼େରି ।”

ସିନା ପାରିନାୟି

(ମାର୍କ ୮:୧୧-୧୨; ଲୁକ ୧୧:୨୯-୩୨)

୩୮ \*ଏତିବେଲା ମେରା ପୁନାରି ଅଡ଼େ ପାରୁୟିୟା ବିତ୍ରାଟି ଏତରଜାଣା ଜୀସୁଇଁ ଏଲେଇତେରି, “ଗୁରୁ, ମାମ୍ବୁ ନୁନୀ ତାଣାଟି ର କାବାଆନି ସିନା ମେସାଲି ଅଣ୍ଡପିମାନମି ।”

୩୯ \*ସାମା ଜୀସୁ ଏଞ୍ଜାରାଇଁ ଏଲେଇତେସି, “ପଲୁଆ ଗାଟାରି ଅଡ଼େ ମାହାପୁରୁଇଁ ନାମାଆ ଗାଟାରିଦେହେଁ ସିନାୟା ପାରିନେରି, ସାମା ମାହାପୁରୁ ଅଣ୍ଡପୁତି ବଲୁ ଝେହ୍ନି ଜୁନସତି ସିନା ପିସ୍ପେ ଏଞ୍ଜାରାକି ଏନି ସିନା ହୀପକି ଆଏ । ୪୦ ଇତିହଁ ଜୁନସ ଏନିକଁ ତାନିଦିନା ତାନି ଲାଆଁୟା କାଜା ମୀରୁ ବାଣ୍ଡି ବିତ୍ରା ମାଟେସି, ଏଲେକଁ ମାଣ୍ଡସି ମୀରଏସି ଜିକେଏ ବୁମି ବିତ୍ରା ତାନିଦିନା ତାନି ଲାଆଁୟା ତୁୟିନେସି । ୪୧ ନାହାଁୟି ଦିନାତା ନିନିବିତି ଲକୁ ଇ କାଲାତି ଲକୁ ନକିତା ନିତାନା ଏଞ୍ଜାରାଇଁ ଦହ କିନେରି, ଇତିହଁ ଏଞ୍ଜାରି ଜୁନସ ଝେସି କାତା ଆସାନା ପାପୁଟି ମନ ଝେଟହା ମାଟେରି, ଅଡ଼େ ମେହ୍ଦୁ ଜୁନସକିହାଁ କାଜାସି ଇମ୍ବାଆଁ ମାନେସି । ୪୨ ନାହାଁୟି

\* ୧୨:୩୦ ୧୨:୩୦ ମାର୍କ ୯:୪୦    \* ୧୨:୩୨ ୧୨:୩୨ ଲୁକ ୧୨:୧୦    \* ୧୨:୩୩ ୧୨:୩୩ ମାତ୍ରି ୭:୨୦; ଲୁକ ୬:୪୪    \* ୧୨:୩୪ ୧୨:୩୪ ମାତ୍ରି ୩:୭; ୨୩:୩୩; ଲୁକ ୩:୭; ମାତ୍ରି ୧୫:୧୮; ଲୁକ ୬:୪୫    \* ୧୨:୩୮ ୧୨:୩୮ ମାତ୍ରି ୧୨:୧; ମାର୍କ ୮:୧୧; ଲୁକ ୧୧:୧୭    \* ୧୨:୩୯ ୧୨:୩୯ ମାତ୍ରି ୧୭:୪; ମାର୍କ ୮:୧୨

ଦିନାତା ସିବା ଦେସାତି ରାଣି ଇ କାଲାତି ଲକୁ ନକିତା ନିଚାନା ଏଞ୍ଜାରାଇଁ ଦହ କିନେ, ଇଚିହଁ ସଲମନତି ବୁଦିତିକାତା ଖେଞ୍ଜାଲି ଦାର୍ତତିତ ହେକ ଦେସାତି ଖାହାମାତେ, ଇଞ୍ଜା ମେହଦୁ ସଲମନକିହାଁ କାଜା କାତା ଇମ୍ବାଆଁ ମାନେ ।”

ଲାଗେଏ ପଲେଏତି ବୃତ୍ତ  
ଖେଣ୍ଡାଖାନାୟି  
(ଲୁକ ୧୧:୨୪-୨୬)

୪୩ “ର ପଲ୍ଲଆ ବୃତ୍ତ ର ମାଣସି ତାଣାଟି ହଟା ହାଜାନା ଏୟୁ ହିଲାଆ ଚାୟୁ ବାରେ ରେଜିହଁ ଜମାଲି ଚାୟୁ ପାରାତେ, ଇଞ୍ଜା ଏଦାଆଁ ପ୍ଲାଃଆତେ, ୪୪ ଏଚେଟିଏ ଏଡି ଏଲେଇନେ, ନାନୁ ଆମିନି ଇଲୁଟି ହଟା ଖାହାମାଲ୍, ନା ଏ ଇଲୁତା ଖେଣ୍ଡେ ହାଇଁ; ଇଞ୍ଜା ଖେଣ୍ଡା ଖାହାନା ଖାରୁଆଣି ଇଞ୍ଜା ଅଜିତାଣି ମେହନେ । ୪୫ ଏତିବେଲା ଏଡି ହାଜାନା ତାନିକିହାଁ ଆଗାଡ଼ା ପଲ୍ଲଆଗାଟି ସାତାଗଟା ଜୀଝୁୟାଁ ଆସାନା ଖାନ୍ନେ, ଇଞ୍ଜା ଏଞ୍ଜି ବାରେ ଏମ୍ବାଆଁ ହଟାନା ବାସା କିନ୍ନୁ, ଅଡେ ଏ ଲକୁତି ତଲିତି କସୁ କିହାଁ ତାୟୁତି କସୁ ହାଟେକା ଆନ୍ନେ, ଇ କାଲାତି ପଲ୍ଲଆ ଗାଟାରାକି ଜିକେଏ ଏଲେଆହଁ ଏ ଆନ୍ନେ ।”

ଜୀସୁତି ଇୟା ଅଡେ ତାୟିୟାଁ  
(ମାର୍କ ୩:୩୧-୩୫; ଲୁକ ୮:୧୯-୨୧)

୪୬ ଜୀସୁ ବାରେ ଲକୁଇଁ ହାଡ଼ା ଆହିମାଗାଟି ତାନି ଇୟା ଅଡେ ତାୟିୟାଁ ପାଙ୍ଗାତା ନିଚାନା ହାଡ଼ା ଆହାଲି ମନ କିହିମାତୁ । ୪୭ ଏଚେଟିଏ ରଅସି ଖାହାନା ଜୀସୁଇଁ ଏଲେଇଚେସି, “ମେହଦୁ, ମା ଇୟା ଅଡେ ନୀ ତାୟିୟାଁ ପାଙ୍ଗାତା ନିଚାନା ହାଡ଼ା ଆହାଲି ମନ କିହିମାନେରି ।”

୪୮ ସାମା ଇ କାତା ଖେସ୍ତାଣାଇଁ ଜୀସୁ ଏଲେଇଚେସି, “ଆମ୍ବାଆୟି ମା ଇୟା ଇଞ୍ଜା ଆମ୍ବାଆରି ନା ତାୟିୟାଁ ?” ୪୯ ଅଡେ ସୀସୁୟାଁ ଖାକି କେୟୁ ଦାସାନା ଏଲେଇଚେସି, “ମେହଦୁ ମାୟା ଇଞ୍ଜା

ମା ତାୟିୟାଁ, ୫୦ ଇଚିହଁ ଆମ୍ବାଆୟି ଜିକେଏ ନା ଲାକପୁରୁତି ଆବା କାତା ଆହନେସି ଏଞ୍ଜାସି ନା ତାୟି ଏଡି ନା ତାଙ୍ଗ ଅଡେ ମା ଇୟା ।”

### ୧୩

ବିଚା ମାଟିନାଣି ପୁଣମ୍ବିକିନି କାତା  
(ମାର୍କ ୪:୧-୯; ଲୁକ ୮:୪-୮)

୧ ଏ ଦିନା ଜୀସୁ ଇଲୁଟି ହଟା ହାଜାନା ସାମଦୁରି ତାକିତା ଲକୁଇଁ ଜାପୁହାଲି କୁରିତେସି । ୨ ଏଚେଟିଏ ହାଟେକା ଲକୁ କୁଡ଼ା ଆହାଲିଏ, ଏଞ୍ଜାସି ହାଜାନା ର ତଂଗତା କୁରିତେସି, ଇଞ୍ଜା ଲକୁ ବାରେ ସାମଦୁରି ଗାଟୁତା ନିଚାମାଚେରି । ୩ ଅଡେ ଜୀସୁ ପୁଣମ୍ବିକିନି କାତା ହାଟେକା ଖେସ୍ତେସି, ଏଞ୍ଜାସି ଏଲେଇଚେସି । “ମେହଦୁ ର ବିଚା ମାଟିନାସି ମାଟାଲି ହଟେସି । ୪ ଏଞ୍ଜାସି ବିଚା ମାଟିନି ବେଲା କଚେକା ବିଚା ଜିରୁତା ରୀତେ ଇଞ୍ଜା ପଗାୟାଁ ଖାହାନା ଏ ପାଡେୟି ପେରହା ତିରୁ । ୫ ଅଡେ କଚେକା ବିଚା ଖାଲକାତି ପାଡ଼ାଡ଼ା ବୁମିତା ରୀତେ, ଇଞ୍ଜା ଇରୁଆ ଗାଡ଼ି ହିଲାଆତାକି ପାଡେୟି ତବେ ଗଜା ଆଡେ । ୬ ସାମା ଖେଡ଼ା ହଟାଲିଏ, ଗଜା ଆହାମାଚାୟି ଖେହା ହାଚେ, ଇଞ୍ଜା ତାନି ହୀରୁ ଗାଡ଼ି ଡ଼ଇକା ହାଲାଆତାକି ଖାୟାହାଚେ । ୭ ଅଡେ କଚେକା ବିଚା ହାପକା ବୁଟା ଡ଼ଇ ରୀତେ, ଇଞ୍ଜା ହାପକା ବୁଟାୟାଁ ବାରେ ପାତାଆହାନା ଆର୍ନା ତାକିତି ପୁକ୍‌ହାତୁସେ । ୮ ଅଡେ କଚେକା ବିଚା ନେହଁ ବୁମିତା ରୀତେ, ଇଞ୍ଜା କାମ୍ବାନା ର ପାଡେୟିଟିଏ ପାସାକଡ଼ି, ତାନିକଡ଼ି ଇଞ୍ଜା କଡେଦସ ପାଡେୟିକା କାମ୍ବିରୁ ।”

୯ “ଆମ୍ବାଆରାକି କାର୍କା ମାନୁ ଏଞ୍ଜାସି ଖେଣ୍ଡାସି ।”

ପୁସପନି ପୁଣମ୍ବିକିନାୟି  
(ମାର୍କ ୪:୧୦-୧୨; ଲୁକ ୮:୯-୧୦)

୧୦ ଏମ୍ବାଟିଏ ସୀସୁୟାଁ ଜୀସୁ ତାଣା ଖାହାନା ଖେଚେରି, “ଲକୁଣି ଜାପୁନାଟି

☆ ୧୩:୨ ୧୩:୨ ଲୁକ ୫:୧-୩

ନାନୁ ଏନାଆଁତାକି ପୁଣ୍ଡିକିନି କାତାୟାଁ  
ଝେସିହଁ ଜାପୁହିମାଞ୍ଜି ?”

୧୧ ଜୀସୁ ଏଲେଇଚେସି, “ଏନାଆଁତାକି  
ଇଚିହଁ ଲାକପୁରୁ ରାଜିତି ବାରେ  
ଡଗୁମାନି ହାଡ଼ା ପୁଞ୍ଜାଲି ମିଙ୍ଗେ ବାଡ଼ୁ  
ହୀପକି ଆହାମାଞ୍ଜାନେ, ସାମା ଏଝାରାକି  
ହୀପକି ଆହା ହିଲେଏ । ୧୨ ଇଞ୍ଜା  
ଏମ୍ବାଆରାକି ମାନେ, ଏଝାରାକି  
ହୀପକିଆନେ ଅଡ଼େ ଏଝାଣାକି  
ଗାଡ଼ିଆନେ; ସାମା ଆମ୍ବାଆରାକି ହିଲେଏ  
ତାନିତାଣା ଏନାୟି ମାନେ, ଏନାଆଁ  
ଜିକେଏ ଅଡ଼ିଆନେ ।” ୧୩ ଏଝାରି ମେସି  
ମେସିହଁ ମେସାଲି ଆଡ଼ଅରି, ଅଡ଼େ  
ଝେଞ୍ଜିଝେଞ୍ଜି ଝେନଅରି କି ପୁନଅରି;  
ଏନାଆଁତାକି ନାନୁ ଏଝାରାକି ପୁଣ୍ଡିକିନି  
କାତାତଲେ ଝେସିମାକି । ୧୪ ଅଡ଼େ  
ମାହାପୁରୁ ବଲୁ ଝେହନି ଜିସାୟତି ଇ  
କାତା ଏଝାରାକି ସାତା ଆନେ ।

ଇ ଲକୁ ଝେଞ୍ଜିଝେଞ୍ଜିହଁ ଝେନେରି,  
ଏନାଆଁ ତେଲହଅରି,  
ମେସି ମେସିହଁ ମେହନେରି  
ସାମା ଏନାଆଁ ପୁନଅରି;

୧୫ ଇଚିହଁ ଇ ଲକୁତି ହିୟାଁ ଅଣ୍ଡପାଲି  
ଆଡ଼ାଆ ଗାଟାୟି,  
ଏଝାରି କସ୍ତୁଟି କୀର୍କା ତଲେ  
ଝେଚେରି,

ଇଞ୍ଜା ତାନି କାଣ୍ଡକା ପଟିତେରି,  
ଏନିକଁ ଏଝାରି କାଣ୍ଡକା ତଲେ  
ମେହଅରି,

ଅଡ଼େ କୀର୍କା ତଲେ ଝେନଅରି,  
ଅଡ଼େ ହିୟାଁ ତଲେ ତେଲହଅରି

ଇଞ୍ଜା ଏଝାରି ନା ତାଣା ଝେଣ୍ଡା ଝାଅରି,  
ଅଡ଼େ ନାନୁ ଏଝାରାକି ନେହଁ  
କିଅଁ ।

୧୬ “ସାମା ନେହେଁ ମୀ କାଣ୍ଡକା  
ଇଚିହଁ ଏଝି ମେସି ମାନୁ, ନେହେଁ  
ମୀ କୀର୍କା ଇଚିହଁ ଏଝି ଝେଞ୍ଜିମାନୁ  
। ୧୭ ଇଚିହଁ ନାନୁ ମିଙ୍ଗେ  
ସାତା ଝେସିମାଞ୍ଜାଇଁ, ମୀରୁ ଏନା  
ଏନାଆଁ ମେସିମାଞ୍ଜେରି, ଏ ବାରେ

ହାଚେରକା ମାହାପୁରୁ ଅଣ୍ଡପୁତି ବଲୁ  
ଝେହନାରି ଇଞ୍ଜା ତୀରିଗାଟାରି ମେସାଲି  
ମନ କିତେରି, ସାମା ମେସାଲି  
ଆଡ଼ାଆତେରି; ଅଡ଼େ ମୀରୁ ଏନା ଏନାଆଁ  
ଝେଞ୍ଜିମାଞ୍ଜେରି, ଏ ବାରେ ଏଝାରି  
ଝେଞ୍ଜାଲି ମନ କିତେରି, ସାମା ଝେଞ୍ଜାଲି  
ଆଡ଼ାଆତେରି ।”

ଜୀସୁ ବିଚା ମାଟିନି କାତା  
ପୁଣ୍ଡିକିନାୟି

(ମାର୍କ ୪:୧୩-୨୦; ଲୁକ ୮:୧୧-୧୫)

୧୮ ଆତିହଁ ମୀରୁ ବିଚା ମାଟିନି  
ପୁଣ୍ଡିକିନି କାତା ଝେଞ୍ଜୁ । ୧୯ ଆମ୍ବାଆସି  
ମାହାପୁରୁ ରାଜିତି କାତା ଝେଞ୍ଜାନା  
ପୁନଆ ଗାଟାସି, ଏଝାଣି ହିୟାଁତା  
ଝେସାମାନି ମାହାପୁରୁ ବଲୁ ସୟତାନ  
ଝାହାନା ମୀଞ୍ଜା ଅନେସି, ଏଝାସି ଜିରୁ  
ଦାରି ମାଟାମାନି ବିଚା ଲେହେଁତାସି ।  
୨୦ ଅଡ଼େ ଆମ୍ବାଆସି ଝାଲୁକା ବୁମିତା  
ମାଟିତି ବିଚା ଏଝାସି ଇଲେତାସି,  
ଆମ୍ବାଆସି ମାହାପୁରୁତି କାତା ଝେଞ୍ଜାନା  
ରାହାଁତଲେ ନାମିନେସି, ୨୧ ସାମା  
ଏଝାଣି ତାଣା ହୀରୁ ଜୀଆତାକି  
ଗାଡ଼େକେଏ ତୀରିଆହାନା ମାନେସି,  
ଡାୟୁ ମାହାପୁରୁ କାତାତାକି ବାଡ଼ା  
ଅଡ଼େ ନିନ୍ଦା ବେଟାଆଡ଼ିସାରେ ଏ ବାରେ  
ପିସାଡୁହନେସି, ଏଝାସି ଝାଲୁକା ବୁମିତା  
ରିତି ବିଚା ଲେହେଁତାସି । ୨୨ ଆମ୍ବାଆସି  
ମାହାପୁରୁତି କାତା ଝେନେସି, ଇଞ୍ଜା  
ଦାର୍ଡିତି ଅଣ୍ଡପୁ ଦନତି ଜୁପକା ଏଝାସି  
ଝେଞ୍ଜାମାନି କାତାତି ପୁକହା ତୁସାଲିଏ,  
ତାନି ଜୀଝୁତା ପାଡ଼େୟି କାମ୍ବାଆତେ,  
ଏଝାସି ହାପକା ବୁଟା ଡ଼ଇ ରିତି ବିଚା  
ଲେହେଁତାସି । ୨୩ ସାମା ଆମିନିଗୁଟାସି  
କାତାତି ଝେନେସି ଇଞ୍ଜା ନେହଁ କଁ  
ପୁନେସି, ଅଡ଼େ ନେହଁ ପାଡ଼େୟି  
କାମ୍ବିନେସି, ଆମ୍ବାଆସି ପାସାକଡ଼ି,  
ଆମ୍ବାଆସି ତାନିକଡ଼ି, ଆମ୍ବାଆସି  
କଡ଼େଦସ ପାଡ଼େୟିକା, ଏଝାସି ନେହଁ  
ବୁମିତା ରିତି ବିଚା ଲେହେଁତାସି ।

ଚଲି ଜାଡ଼ାତି ପୁଣ୍ଡିକିନି କାତା

\* ୧୩:୧୨ ୧୩:୧୨ ମାତି ୨୫:୨୯; ମାର୍କ ୪:୨୫; ଲୁକ ୮:୧୮; ୧୯:୨୭ \* ୧୩:୧୬ ୧୩:୧୬ ଲୁକ ୧୦:୨୩,୨୪

୨୪ ଜୀସୁ ଏଞ୍ଜରାଉଁ ଅଡ଼େ ର ପୁଣ୍ଠିକିନି କାତା ଖେସ୍ତେସି, ଲାକପୁରୁ ରାଜି ରଅସି ତାନି ଗୁଡ଼ିୟାତା ନେହୁଁ ବିଚା ମାଟାମାନି ମାଣସିଲେହେଁ; ୨୫ ସାମା ଲକୁ ତୁରାମାନାଟି ତାନି ସାତୁ ଖାହାନା ଏ ଗହଁୟାଁ ବିତ୍ରା ଚଲି ଜାଡ଼ାତି ବିଚା ମାଟାମାନା ହାଚେସି । ୨୬ ଏତିବେଲା ଗହଁୟାଁ ପାତାଆହାନା ଜେକା ଆନିବେଲା ଚଲି ଜାଡ଼ା ଜିକେଏ ତଞ୍ଜାଆଡେ । ୨୭ ଏଚେଟିଏ ସାଞ୍ଜୁକାରିତି ହଲିୟାଙ୍ଗା ତାନି ତାଣା ଖାହାନା ଏଲେଇଚେରି, ବାରୁ, ନାନୁ ଏନାଆଁ ନୀ ଗୁଡ଼ିୟାତା ନେହୁଁ ବିଚା ମାଟା ହିଲାଆତି ? ସାମା ଇ ଚଲି ଜାଡ଼ା ବାରେ ଏମ୍ବିଟି ଖାଡ଼େ ? ୨୮ ଏଞ୍ଜସି ଏଞ୍ଜରାଉଁ ଏଲେଇଚେସି, ର ସାତୁ ଇଦାଆଁ କିହାମାନେସି । ଅଡ଼େ ହଲିୟାଙ୍ଗା ଏଞ୍ଜାଣାଉଁ ଏଲେଇଚେରି, ନୀ ମନ ଏନାୟି, ମାମୁ ହାଜାନା ଚଲି ରେଜାନା କୁଡ଼ି କିନମି, ୨୯ ସାମା ଏଞ୍ଜସି ଏଲେଇଚେସି, ଆଏ ଏଚେତା ମୀରୁ ଚଲି ଜାଡ଼ା ରେଜି ରେଜିହୁଁ ଗହଁୟାଁ ଜିକେଏ ରେଜେରି । ୩୦ ଗହଁ ଦାଃନି ପାଡେକା ଗହଁ ଅଡ଼େ ଚଲି ଜାଡ଼ା ରହେଁଏ ପାତାଆପୁ, ଅଡ଼େ ଆନାଁ ଦାଃନି ବେଲାତା ଦାଃଆନାରାଉଁ ନାନୁ ଏଲେଇଉଁ, ତଲିଏ ଚଲି ଜାଡ଼ା ଦାଟାନା ହୁଡାଲିତାକି ପେଣ୍ଡାୟାଁ ଏଟକା କିଦୁ, ସାମା ଗହଁୟାଁ କୁଡ଼ି କିହାନା ନା ଗାଡ଼ଦୟିତା ଇଟାଦୁ ।

ହାର୍ସୁ ପାଡ଼େୟିତି ପୁଣ୍ଠିକିନାୟି  
(ମାର୍କ ୪:୩୦-୩୨; ଲୁକ ୧୩:୧୮-୧୯)

୩୧ ଜୀସୁ ଏଞ୍ଜରାଉଁ ଅଡ଼େ ର ପୁଣ୍ଠିକିନି କାତା ଖେସ୍ତେସି, ଲାକପୁରୁ ରାଜି ର ହାର୍ସୁ ପାଡ଼େୟି ଲେହେଁତାୟି, ଏଦାଆଁ ଅହାନା ରଅସି ତାନି ବାଡ଼ାତା ମାଟିତେସି । ୩୨ ଏ ପାଡ଼େୟି ବାରେ ପାଡ଼େୟିକା କିହାଁ ଉଣା, ସାମା ଏଡ଼ି ପାତା ଆଡ଼ିସାରେ ବାରେ କୁଚା କିହାଁ କାଜାୟି ଆହାଁ ଇଲେତି ମାର୍ନୁ ଆନେ, ଇଞ୍ଜା ହାଗୁତା ଉମ୍ବିମାନି ପଟାୟାଁ ଖାହାନା

ଏଦାନି କମାତା ବଣ କିହାନା ବାସା କିନୁ ।

ପୁଲା ଏୟୁତି ପୁଣ୍ଠିକିନାୟି  
(ମାର୍କ ୧୩:୨୦-୨୧)

୩୩ ଜୀସୁ ଏଞ୍ଜରାଉଁ ଅଡ଼େ ର ପୁଣ୍ଠିକିନି କାତା ଖେସ୍ତେସି, ଲାକପୁରୁ ରାଜି ର ପୁଲା ଏୟୁଲେହେଁତାୟି; ର ଇୟା ଗହଁୟାଁ ଗୁଣ୍ଡାତା ପୁଲାଏୟୁ କାଲୁହାନା ଇଟିତେ, ଏଚେଟିଏ ଏ ଗୁଣ୍ଡା ପଞ୍ଜାମାନା ବାରେ ପୁଲା ଆଡ଼େ ।

ଜୀସୁ ପୁଣ୍ଠିକିନି କାତାତି ଅର୍ତ୍ତ ଖେହ୍ନାୟି

(ମାର୍କ ୪:୩୩-୩୪)

୩୪ ଇ ବାରେ ପୁଣ୍ଠିକିନି କାତାତଲେ ଜୀସୁ ଲକୁଣି ଖେସ୍ତେସି, ଇଞ୍ଜା ପୁଣ୍ଠିକିନି କାତା ଆଟ୍‌ଆନା ଏନାଆଁଞ୍ଜା ଲକୁଣି ଖେସି ହିଲାଆଡେସି, ୩୫ ଏନିକିଁ ମାହାପୁରୁ ଅଣ୍‌ପୁତି ବଲୁ ଖେହ୍ନାଣି ତାଣାଟି ଇ କାତା ସାତା ଆନେ, “ନାନୁ ନା ଗୁତି ଏକ୍‌ହାନା ପୁଣ୍ଠିକିନି କାତାତଲେ ଖେହ୍‌ଇଁ; ଦାରତି ଗାଡ଼ି ଆଡ଼ି ଦିନାଟିଏ ଡ଼ଗୁମାନି କାତା ବାରେ ଖେହ୍‌ଇଁ ।”

ଜୀସୁ ଚଲି ଜାଡ଼ାତି ପୁଣ୍ଠିକିନି କାତାତି ଅର୍ତ୍ତ ଖେହ୍ନାୟି

୩୬ ତାୟୁ ଜୀସୁ ମାନ୍ଦା ଲକୁଣି ପିସାନା ଇଲୁ ବିତ୍ରା ହାଚେସି, ଇଞ୍ଜା ତାମି ସୀସୁୟାଁ ତାଗେ ଖାହାନା ଏଲେଇଚେରି, “ଗୁଡ଼ିୟାତି ଚଲି ଜାଡ଼ାତି ପୁଣ୍ଠି କିନି କାତା ମାଙ୍ଗେ ନେହୁଁ କିଁ ଖେସ୍ତାମୁ ।”

୩୭ ଜୀସୁ ଏଲେଇଚେସି, “ନେହୁଁ ବିଚା ମାଟିନାସି ଏଞ୍ଜସି ମାଣସି ମୀରୁଏସି; ୩୮ ଇ ଦାରତି ଆହିମାନେ ଗୁଡ଼ିୟା, ନେହୁଁ ବିଚା ମାହାପୁରୁ ରାଜିତି ମୀରକା ମାସକା; ଚଲି ଜାଡ଼ା ସୟତାନତି ମୀରକା ମାସକା; ୩୯ ଆମିନି ସାତୁ ଏଦାଆଁ ମାଟିତେସି ଏଞ୍ଜସି ସୟତାନ; ଆନାଁ ଦାଃନି ଦିନା ଇଟିହୁଁ ଜୁଗୁ ରାନି ଦିନା, ଇଞ୍ଜା ଆନାଁ ଦାଃଆନାରି ମାହାପୁରୁତି ଦୁଡୁୟାଁ । ୪୦ ଇଟିହୁଁ ଚଲି ଜାଡ଼ାତି

ଏନିକ୍ ର ତାଣା କୁଡ଼ି କିହାନା ହିରୁତା ହୁଡ଼ିନାୟି, ଜୁଗୁ ରାନ୍ତି ଦିନାତା ଜିକେଏ ଏଲେକିହି ଆନେ । ୪୧ ମାଣସି ମୀରଏସି ତାନି ଦୂତୁୟାଣି ପାଣ୍ଡିନେସି, ଇଞ୍ଜା ଏଞ୍ଜାରି ତାନି ରାଜିତି ବାରେ ଲାଗେଏ ପଲେଏତାରାଇଁ ଅଡ଼େ ପାପୁ ଗାଟାରାଇଁ ରୁଣ୍ଡା କିନେରି । ୪୨ ଅଡ଼େ ଏଞ୍ଜାରାଇଁ ହିରୁ ଗାଡ଼ୁୟୁତା ମେଡ଼ନେରି, ଏମ୍ବାଆଁ ଏଞ୍ଜାରି ଡ଼ାହଁ ପାଲ୍‌କା ଟୀଟି କିନେରି । ୪୩ ଏଟିବେଲା ଡ଼ାରିଗାଟାରି ତାନି ଆବା ରାଜିତା ଖେଡ଼ାଲେହେଁ ଡ଼ାଞ୍ଜିହିଁ ଡ଼ାଞ୍ଜାଆନେରି । ଆମ୍ବାଆରାକି କୀର୍କା ମାନୁ ଏଞ୍ଜାରି ଖେଣ୍‌ମ୍ବାରି ।”

ଡ଼ଗ୍ଲାମାନି ଦନ ପୁଣ୍ଡିକିନି କାତା

୪୪ “ଲାକପୁରୁ ରାଜି ଗୁଡ଼ିୟାତା ଡ଼ଗ୍ଲାମାନି ଦନ ଲେହେଁତାୟି, ରଅସି ଏଡ଼ାଆଁ ମେସାନା ଡ଼କୁହା ଇତିତେସି, ଅଡ଼େ ରାହାଟି ହାଜାନା ତାନି ଇସିତସି ଆସି ପାରଗନା ଖେଣ୍ଡେ ହାଜାନା ଏ ଗୁଡ଼ିୟାତି କଡ଼ିତେସି ।”

ଦାରାଗାଟି ଅପ୍‌ନି ଖାଲିତି ପୁଣ୍ଡିକିନି କାତା

୪୫ “ଅଡ଼େ ଲାକପୁରୁ ରାଜି ନେହିଁ ଅପ୍‌ନି ଖାଲି ପାରିମାନି ର ବେବାରା କିନାଣିଲେହେଁ । ୪୬ ର ଦାରାଗାଟି ଅପ୍‌ନି ଖାଲି ମେସାନା ଏଞ୍ଜାସି ହାଜାନା ତାନି ଇସିତସି ଆସି ପାରଗନା ଏ ଅପ୍‌ନି ଖାଲିତି କଡ଼ିତେସି ।”

ମୀଶକା ଆହ୍‌ନି ଜାଲାତି ପୁଣ୍ଡିକିନି କାତା

୪୭ “ଅଡ଼େ ଜିକେଏ ଲାକପୁରୁ ରାଜି ସାମ୍‌ଦୁରିତା ବାରେ କୁଡ଼ାତି ମୀଶକା ଆସାଲି ମେଡ଼ନି ଜାଲା ଲେହେଁତାୟି । ୪୮ ଏ ଜାଲା ନେଞ୍ଜାଲିଏ ମୀଶକା ଆହ୍‌ନାରି ଏଡ଼ାଆଁ ସାମ୍‌ଦୁରି ଗାଟୁତା ରେଜା ତାନେରି, ଇଞ୍ଜା କୁଗାନା ନେହାଆଁ ବାରେ ରୁଣ୍ଡା କିହାନା ତିରିତା ଇତିନେରି, ସାମା ଲାଗେଏ ପଲେଏ ଗାଟାଆଁ ବାରେ କୁଡ଼ା ତୁହ୍‌ନେରି । ୪୯ ଜୁଗୁ ରାନ୍ତି ଦିନାତା ଏଲେକିହିଁ ଆନେ;

ଦୂତୁୟାଁ ହରାଞ୍ଜାହାନା ଡ଼ାରିଗାଟାରି ତାଣାଟିଏ ଲାଗେଏ ପଲେଏତାରାଇଁ ଏଡ଼କା କିନେରି । ୫୦ ଅଡ଼େ ଏଞ୍ଜାରାଇଁ ହିରୁ ଗାଡ଼ୁୟୁତା ମେଡ଼ହା ତୁହ୍‌ନେରି, ଏମ୍ବାଆଁ ଡ଼ାନାୟି ଅଡ଼େ ପାଲ୍‌କା ଟୀଟି କିନାୟି ଆନେ ।”

ପ୍ଲାଞ୍ଜାଆଣି ଅଡ଼େ ପୁଞ୍ଜାଣି ଜାପ୍‌ନାୟି

୫୧ ଜୀସୁ ସୀସୁୟାଲ୍‌ ଖେରେସି, “ମୀରୁ ଇ ବାରେ କାତା ପୁରେରି ?”

ଏଞ୍ଜାରି ଏଲେଇଚେରି, “ହାଅ ପ୍ରବୁ ।”

୫୨ ଏରେଟିଏ ଜୀସୁ ଏଞ୍ଜାରାଇଁ ଏଲେଇଚେସି, “ଆଡ଼ିହିଁ ଆମିନି ଇଲୁଗାଟାସି ତାନି ଇଲୁଟି ପୁଞ୍ଜାଣି ପ୍ଲାଞ୍ଜାଆଣି ହପ୍‌ନେସି, ଲାକପୁରୁ ରାଜିତି ସୀସୁ ଆହ୍‌ମାନି ବାରେ ମେରା ପୁନାରି ଏଞ୍ଜାଣି ଲେହେଁତାରି ।”

ଜୀସୁଇଁ ନାଜରିତତା ଅପାଆଗାଟାୟି

(ମାର୍କ ୭:୧-୭; ଲୁକ ୪:୧୭-୩୦)

୫୩ ଜୀସୁ ଇ ବାରେ ପୁଣ୍ଡିକିନି କାତା

ଖେସାଲି ଆଡ଼ାଲିଏ, ତାୟୁ ଏମ୍ବାଟିଏ ହାଚେସି । ୫୪ ଇଞ୍ଜା ଏଞ୍ଜାସି ତାନୁ ପାତାଆଡ଼ି ନାୟୁତା ଖାହାନା ଲକୁଣି ତାନି ଜୀହୁଦି ଲକୁଡ଼ି କୁଟମି ଇଲୁତା\* ଇଲେକିହିଁ ଜାପ୍‌ହେସି, ଇଞ୍ଜା ଏଞ୍ଜାରି କାବାଆହ୍‌ନା ଏଲେଇଚେରି, “ଇଞ୍ଜାଣାକି ଇଲେଡ଼ି ବୁଦି ଇଞ୍ଜା ଇଲେଡ଼ି କାବାଆନ୍ତି କାମା କିହାଲି ଆମ୍ବିଟି ବାଡ଼ୁୟୁ ବେଟାଆଡ଼େସି ? ୫୫ ଇଞ୍ଜାସି ଏ ବାଡ଼ିୟାତି ମୀରଏସି ଆଏକି ? ଇଞ୍ଜାଣି ଇୟା ମରିୟମ ଆଏ ? ଅଡ଼େ ଇଞ୍ଜାଣି ତାୟିୟାଁ ଦରକା ଜାକୁବ, ଜସେପ, ସିମନ ଇଞ୍ଜା ଜୀହୁଦା ଆଏ ? ୫୬ ଅଡ଼େ ଇଞ୍ଜାଣି ତାଜିସ୍‌ମା ମା ତଲେ ହିଲାଡ ? ଇଞ୍ଜାହାଁ ଇଞ୍ଜାସି ଏ ବାରେ ଆମ୍ବିଟି ମେଡ଼ାଆଡ଼େସି ?” ୫୭ \*ଇଞ୍ଜା ଏଞ୍ଜାରି ଜୀସୁଇଁ ଅପାଆଡ଼େରି । ସାମା ଜୀସୁ ଏଞ୍ଜାରାଇଁ ଏଲେଇଚେସି, “ମାହାପୁରୁ ଅଣ୍‌ପୁଡ଼ି ବଲୁ ଖେହ୍‌ନାରି ନିଜେଡ଼ି ନାୟୁତା ଇଞ୍ଜା ନିଜେଡ଼ି ଇଲୁ କୁଟମିତା ମାନି ପ୍ଲାଞ୍ଜାଅରି ।” ୫୮ ଅଡ଼େ ଏଞ୍ଜାରି

\* ୧୩:୫୪ ୧୩:୫୪ ସିନଗଗ ☆ ୧୩:୫୭ ୧୩:୫୭ ଜହ ୪:୪୪

ନାମାଆତାକି ଏଞ୍ଜାସି ଏମ୍ପାଆଁ ହାରେକା  
କାବାଆନି କାମା କିଆତେସି ।

## ୧୪

ବାପ୍ତିସ୍ମ\* ହାନି ଜହନ ହାନାୟି

(ମାର୍କ ୭:୧୪-୨୯; ଲୁକ ୯:୭-୯)

୧ ଏଚିବେଲ୍ଲାତା ଗାଲିଲିତି ସାଲ୍ଲଞ୍ଜି  
କିନି ରାଜା ହେରଦ ଜାସୁତି କାରୁ  
ଝେରେସି, ୨ ଅଡେ ତାନି ହଲିୟାଙ୍ଗାଣି  
ଏଲେଇରେସି, “ଇଞ୍ଜାସି ବାପ୍ତିସ୍ମ†  
ହାନି ଜହନ ଏଞ୍ଜାସି ହାତାରି ତାଣାଟି  
ନିଙ୍ଗାମାନେସି, ଏଦାଆଁତାକି ଇ ବାରେ  
ବାଡ଼ୟୁ ଏଞ୍ଜାଣି ତାଣା କାମା କିହିମାନେ  
।”

୩ ✱ଇଚିହ~ ତଲି ହେରଦ ତାନି  
ତାୟି ପିଲିପ ତକ୍ତି ହେରଦୟାନି ତାକି  
ଜହନଇଁ ଦସ୍ପା ତାଚାନା କାୟିଦି  
ଇଲୁତା ଇଟାମାରେସି । ୪ ଇଚିହ~  
ଜହନ ତାଙ୍ଗ ଏଲେଇଞ୍ଜିମାରେସି,  
ହେରଦୟାନି ଇଚିନାୟି ନୀ ମୋରା  
ହିଲେଏ । ୫ ଅଡେ ହେରଦ ଏଞ୍ଜାଣାଇଁ  
ପାୟାଲି ମନ କିତି ଜିକେଏ ଲକୁଣି  
ଆଜିମାରେସି, ଏଦାଆଁତାକି ଇଚିହ~  
ଏଞ୍ଜାଣାଇଁ ର ମାହାପୁରୁ ଅଣପୁତି ବଲୁ  
ଝେହନାସି ଇଞ୍ଜ~ ମାନି କିହିମାରେରି ।

୬ ସାମା ହେରଦତି ଜାନା ଦିନା  
ଝାହାଲିଏ, ହେରଦୟାତି ମାଙ୍ଗା ରୁଣ୍ଡା  
ଆହାମାଟି ଲକୁ ନକିତା ଏହାନା  
ହେରଦଇଁ ରାହାଁ କିଞ୍ଜିକିତେ ।  
୭ ଏଚେଟିଏ ଏଞ୍ଜାସି ପାରମାଣା କିହାନା  
ଆଞ୍ଜିତେସି, ନାନୁ ନାଙ୍ଗେ ଏଦାଆଁ  
ରାସ୍ତାତିହ~ ଏଦି ନିଙ୍ଗ ହାପକିଆରେ  
।

୮ ଇଞ୍ଜା ଏଦି ତାନି ଇୟାନି କାତା  
ଆସାହାଁ ଏଲେଇରେ, “ବାପ୍ତିସ୍ମ‡ ହାନି  
ଜହନତି ତାୟି~ ନାଏଁ ଇମ୍ପାଆଁ ର  
ସାଡ଼ଞ୍ଜାତା ନାଙ୍ଗେ ହିୟାମୁ ।”

୯ ଇଦାଆଁ ଝେଞ୍ଜାନା ରାଜା ଦୁକୁ  
ଆଡିହ~ ଜିକେଏ ତାନୁ ପାରମାଣା କିହାଁ  
ଆଞ୍ଜାମାଟାକି ଅଡେ ତାନିତଲେ ବକ୍ତିତା  
କୁଗାମାଟାରି ନକିତା ଆଞ୍ଜାମାଟାକି  
ଏଦାନି ମନଲେହେଁ ହାହାଲି ହୁକୁମି

ହୀତେସି । ୧୦ ଇଞ୍ଜା ଲକୁଣି ପାଣ୍ଡାନା  
କାୟିଦି ଇଲୁତା ଜହନତି ତାୟି~  
ଦାପିକିତେସି, ୧୧ ଅଡେ ଏଞ୍ଜାଣି ତାୟି~  
ର ସାଡ଼ଞ୍ଜାତା ତାଚାନା ଏ ପଦାକି  
ହୀତେରି, ଇଞ୍ଜା ଏଦି ଅହାନା ତାନି  
ଇୟାନି ତାଣା ଅଡେ । ୧୨ ଏଚେଟିଏ  
ଜହନତି ସାସୁୟାଁ ଝାହାନା ମାଡ଼ହା  
ଅହାନା ମୁସ୍ତେରି, ଅଡେ ହାଜାନା ଜାସୁଇଁ  
ଝେସ୍ତେରି ।

ଜୀସୁ ପାସାମାଣା ଲକୁକି ତିଞ୍ଜାଲି  
ହୀନାୟି

(ମାର୍କ ୭:୩୦-୪୪; ଲୁକ ୯:୧୦-୧୭)

୧୩ ଜହନ ହାଡି କାରୁ ଝେଞ୍ଜାନା,  
ଜୀସୁ ର ତଂଗତା କୁଗାନା ଲକୁ ହିଲାଆ  
ଟାୟୁତା ହାଚେସି, ଲକୁ ଇ କାତା  
ଝେଞ୍ଜାନା ଗାଡ଼ାୟିଟି ଝାହାନା ତାକି  
ତାକିହ~ ଏଞ୍ଜାଣି ନ୍ଡେଚ ହାଚେରି;  
୧୪ ଅଡେ ଏଞ୍ଜାସି ତଂଗତି ରେଚାନା ମାନ୍ଦା  
ଲକୁଣି ମେସାନା କାର୍ମା ଆହାନା ଏଞ୍ଜାରି  
ରଗ ଗାଟାରାଇଁ ନେହ~ କିତେସି ।

୧୫ ଝେଡ଼ା ହାଜାଲିଏ ତାନି ସାସୁୟାଁ  
ତାନି ତାଣା ଝାହାନା ଏଲେଇଚେରି, “ଇ  
ଟାୟୁ ଲକୁ ହିଲାଆ ଟାୟୁ ଇଞ୍ଜା ଆନ୍ଦେରି  
ଜିକେଏ ଆହିମାନେ; ଏଦାଆଁତାକି  
ବାରେ ଲକୁ ଏନିକ~ ନାସ୍‌କାଣାଁ  
ହାଜାନା ତାମ୍‌ଙ୍ଗେ ତାକି ଲହଡ଼ି  
ପାରିନେରି, ଏଦାଆଁତାକି ଏଞ୍ଜାରାଇଁ  
ହାଜାଲି ହେଲ ହୀମୁ ।”

୧୬ ସାମା ଜୀସୁ ଏଞ୍ଜାରାଇଁ  
ଏଲେଇଚେସି, “ଏଞ୍ଜାରି ହାନି ଲଡ଼ା ଆଏ,  
ମୀରୁ ଏଞ୍ଜାରାକି ତିଞ୍ଜାଲି ହୀଦୁ ।”

୧୭ ଏଞ୍ଜାରି ଏଞ୍ଜାଣାଇଁ ଏଲେଇଚେରି,  
“ମାଙ୍ଗେ ଇମ୍ପାଆଁ ପାସାଗଟା ରୁଟି ଇଞ୍ଜା  
ରୀ ମୀଣକା ମାନୁ ।”

୧୮ ଜୀସୁ ଏଞ୍ଜାରାଇଁ ଏଲେଇଚେସି,  
“ଏଞ୍ଜାଆଁ ଇମ୍ପାଆଁ ନା ତାଣା ତାଦୁ ।”

୧୯ ଅଡେ ଏଞ୍ଜାସି ଲକୁଣି ଗାକ~ ଜାଡ଼ା  
ଲକ କୁଗାଲି ହୁକୁମି ହୀତେସି, ଅଡେ  
ଏ ପାସାଗଟା ରୁଟି ଇଞ୍ଜା ରୀ ମୀଣକାଣି  
ଅହାନା ଲକପୁରୁ ଝାକି ସିନିକିହାନା

\* ୧୪: ୧୪:୧ ମୁଞ୍ଜିନାୟି † ୧୪:୨ ୧୪:୨ ମୁଞ୍ଜିନାୟି  
ମୁଞ୍ଜିନାୟି

✱ ୧୪:୩ ୧୪:୩ ଲୁକ ୩:୧୯,୨୦ ‡ ୧୪:୮ ୧୪:୮



ମାହାପୁରୁଷ ଜହରା କିତେସି, ଇଞ୍ଜା ରୁଟି ଡିକ୍‌ହାନା ତାମି ସୀସୁୟାଁକି ହୀତେସି, ଏଚେଟିଏ ସୀସୁୟାଁ ବାରେ ଲକ୍ଷ୍ମୀ ହୀତେରି । ୨୦ ଏଚେଟିଏ ବାରେଜାଣା ତିଞ୍ଜାନା ପାଞ୍ଜିତେରି, ଇଞ୍ଜା ସୀସୁୟାଁ ହୀରାମାଟି ରୁଟି ଗାଣ୍ଡାୟାଁ କୃଡ଼ି କିହାନା ବାରଗଟା ତାଲିତା ନେଞ୍ଜିକିତେରି । ୨୧ ରାନ୍ଦା ତିଟି ଲକ୍ଷ୍ମୀ ଇନ୍ଦାସିକା ଇଞ୍ଜା କକାରି ପଦାଁଣି ପିସାନା ବାରେ ପାସାମାଣା ଆବାୟାଁ ମାଚେରି ।

ଜୀସୁ ଏୟୁ ଲାକ ତାକିନାୟି  
(ମାର୍କ ୬:୪୫-୫୨; ଜହ ୬:୧୫-୨୧)

୨୨ ଏ ଦେବୁଣିଏ ଜୀସୁ ତାନି ସୀସୁୟାଁଣି ତଂଗତା ଏକ୍‌ହାନା ସାମ୍‌ଦୁରି ଆତାଲାଝାକି ତାନି ନକିତା ହାଜାଲି ଏଲେଇଚେସି, ଏଚେଟିଏ ବାରେ ଲକ୍ଷ୍ମୀ ହାଜାଲି ହେଲ ହୀତେସି । ୨୩ ଜୀସୁ ଲକ୍ଷ୍ମୀ ହେଲ ହୀତି ତାୟୁ ପ୍ରାତାନା କିହାଲି ହରୁ ଲାକ ହାଚେସି, ଇଞ୍ଜା ମିଡ଼ଅଲା ଆହାଲିଏ ଏଝାସି ଏମ୍‌ଆଁ ରଅସିଏ ମାଚେସି । ୨୪ ସାମା ଏଚିବେଲା ତଂଗ ସାମ୍‌ଦୁରି ଗାରୁଟିଏ ହାରେକା ହେକ ମାଚେ, ଇଞ୍ଜା ସାମ୍‌ଦୁରିତା ଗାଲି ଝେରାଲିଏ ଏ ତଂଗ ଝାଡ଼ିମାଚେ ।

୨୫ ସାମା ଝେୟା ନେକେରି ଜୀସୁ ଏୟୁ ଲାକ ତାକି ତାକିହଁ ସୀସୁୟାଁ ତାଗେ ହାଚେସି । ୨୬ ଅଡ଼େ ସୀସୁୟାଁ ଏଝାଣାଇଁ ଏୟୁ ଲାକ ତାକି ମାନାଣି ମେସାନା ଆଜାହାଚେରି, ଇଞ୍ଜା ଏଲେଇଚେରି, “ଇଦି ର ବୁଡୁ !” ଇଞ୍ଜା ଆଜିତାକି କିରଡ଼ିତେରି ।

୨୭ ସାମା ଜୀସୁ ଦେବୁଣିଏ ଏଝାରାଇଁ ଏଲେଇଚେସି, “ସାସା ଆହ୍‌ଦୁ ଆଜାଆଦୁ ନାନୁ ଜୀସୁତେସଁ !”

୨୮ ଏଚେଟିଏ ପିତର ଏଲେଇଚେସି, “ଏ ପ୍ରବୁ ସାତେଏ ନୀନୁ ଇଚିହଁ ଏୟୁଲାକଟି ତାକିହଁ ନୀପ ଝାହାଲି ହୁକୁମି ହିୟାମୁ ।”

୨୯ ଜୀସୁ ଏଲେଇଚେସି “ଝାମୁ !” ଏଚେଟିଏ ପିତର ତଂଗଟି ରେତାନା ଜୀସୁ ତାଣା ଏୟୁଲାକଟି ତାକିହଁ ହାଚେସି

। ୩୦ ସାମା ଗାଲି ମେସାନା ଆଜିତେସି, ଇଞ୍ଜା ଏୟୁଣାଁ ମୁଞ୍ଜିହଁ ଏଲେଇଚେସି, “ଏ ପ୍ରବୁ ନାଜେ ଗେଲ୍‌ପାମୁ ।”

୩୧ ଏ ଦେବୁଣିଏ ଜୀସୁ କେୟୁ ଦାସାନା ପିତରଇଁ ଆସାନା ଏଲେଇଚେସି, “ଏ ଡ଼ଣା ନାମୁ ଗାଟାଟି ! ଏନାଆଁ ତାକି ଆନାମାନା ଆଡ଼ି ?”

୩୨ ଅଡ଼େ ଏଝାରି ତଂଗତା ହରାଲିଏ ଗାଲି ତୁଞ୍ଜିତେ । ୩୩ ଏଚେଟିଏ ତଂଗତା ମାଟି ସୀସୁୟାଁ ଜୀସୁଇଁ ଜହରା କିହାନା ଏଲେଇଚେରି, “ନୀନୁ ସାତେଏ ମାହାପୁରୁ ମୀରଏଣାଟି ।”

ଗେନେସର ରାଜିତା ଜୀସୁ ରଗ ଗାଟାରାଇଁ ନେହଁ କିନାୟି  
(ମାର୍କ ୬:୫୩-୫୬)

୩୪ ଏଝାରି ସାମ୍‌ଦୁରି ଗାଣ୍ଡାତାନା ଗେନେସର ରାଜିତା ଏତେରି । ୩୫ ଅଡ଼େ ଏମ୍‌ଆଁ ଲକ୍ଷ୍ମୀ ଜୀସୁଇଁ ପୁଞ୍ଜାନା ସାରିଝାକି ମାନି ବାରେ ରାଜିତା କାବୁ ପାଣ୍ଡିତେରି, ଇଞ୍ଜା ଲକ୍ଷ୍ମୀ ବାରେ ରଗ ଗାଟାରାଇଁ ଜୀସୁ ତାଣା ତାଚେରି; ୩୬ ଅଡ଼େ ରଗ ଗାଟାରି ଜୀସୁତି ହିମ୍‌ରି କୁଞ୍ଜୁ ତୀଗିନେରି, ଏନାଆଁତାକି ଜୀସୁଇଁ ବାଡ଼ିମାଲିତେରି, ଇଞ୍ଜା ଏଚେକା ଲକ୍ଷ୍ମୀ ତୀଗିତେରି ବାରେ ନେହଁ ଆଚେରି ।

**୧୫**

ଆକୁ ଆବାୟାଁ ମେରା ଜାପ୍‌ନାୟି  
(ମାର୍କ ୬:୧-୧୩)

୧ ଏଚିବେଲାତା ଜିରୁସାଲମଟି ପାରୁସିୟାଁ ଇଞ୍ଜା ମେରାପୁନାରି ଜୀସୁ ତାଣା ଝାହାନା ଏଲେଇଚେରି, ୨ “ନୀ ସୀସୁୟାଁ ଏନାଆଁତାକି ତଲିତି ଆକୁ ଆବାୟାଁ ଜାପ୍‌ହି ମେରା ମାନି କିହିଲଅରି ? ଇଚିହଁ ରାନ୍ଦା ତିନାଟି କେସ୍‌ନା ନର୍‌ଅରି ।”

୩ ଜୀସୁ ଏଝାରାଇଁ ଏଲେଇଚେସି, “ଏନାଆଁତାକି ମୀରୁ ଜିକେଏ ମୀ ପାଣାପାଟୁ ମେରାତାକି ମାହାପୁରୁତି ହୁକୁମି ମାନଝି ଆହି ହିଲଅତେରି ?” ୪ ମାହାପୁରୁ ଏଲେଇଞ୍ଜା ମାନେସି ଇୟା ଆବାଇଁ ମାନି କିଦୁ, ଇଞ୍ଜା ଆମ୍‌ଆସି

ଇୟା କି ଆବାଇଁ ବାକା ଇଚିନେସି ଏଞ୍ଜାସି ହାନି ତଣ୍ଡ ବେଟା ଆନେସି ।<sup>୫</sup> ସାମା ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି ଆପେସି ତାନି ଇୟା କି ଆବାଇଁ ଏଲେଇନେସି, ନା ତାଣ୍ଡାଟି ମିଙ୍ଗେ ଏନାଆଁ ହିୟାତିହୁଁ ନେହେ ଆଡେମା, ଏ ବାରେ ମାହାପୁରୁକି ହେରପି ଆହାମାନେ, <sup>୬</sup> ଏଞ୍ଜାସି ସାତେଏ ତାନି ଇୟା ଆବାଇଁ ମାନି କିଅସି । ଇଲେକିହୁଁ ମୀରୁ ମୀ ପାଣ୍ଡାପାରୁ ମେରା ତଲେ ମାହାପୁରୁ କାତା ଉଜେଏ କିହିମାଞ୍ଜେରି ।<sup>୭</sup> ଆଡେ କୁହୁଁ ଗାଟାତେରି, ମାହାପୁରୁ ଅଣପୁତି ବଲୁ ଖେହୁନି ଜିସାୟ ମିଙ୍ଗେତାକି ନେହୁଁ କୁଁ ଇ କାତା ଖେସାମାନେସି ।

୮ ଇ କୃତାତାରି ଖାରଇ ଗୁତି ତଲେ ସେବା କିୟାନେରି,  
 ସାମା ଏଞ୍ଜାରି ହିୟାଁ ନା ତାଣ୍ଡାଟି ହେକ ଡୟିନେ ।  
 ୯ ଏଞ୍ଜାରି ମାଣ୍ଡସି କେପିତି ପାଣ୍ଡା ପାରୁତି ଦାମ୍ପୁତି ନେହୁଁ କାତା ଇଞ୍ଜୁଁ ଜାପୁହାନା,  
 ଉଜେଏ ନାଙ୍ଗେ ସେବା କିହିମାଞ୍ଜାନେରି ।

ମାଣ୍ଡସିଇଁ ଲାଗେଏ କିନାୟି  
 (ମାର୍କ ୭:୧୪-୨୩)

<sup>୧୦</sup> ଅଡେ ଜୀସୁ ଲକୁଣି ତାଗେ ହାଟାନା ଏଞ୍ଜାରାଇଁ ଏଲେଇଚେସି, “ଖେଞ୍ଜୁ ଇଞ୍ଜା ପୁଞ୍ଜୁ ।”<sup>୧୧</sup> ମାଣ୍ଡସି ଗୁତି ବିତ୍ରା ଏନାୟି ହଡନେ ଏଡି ଏଞ୍ଜାଣାଇଁ ଲାଗେଏ କିଏ, ସାମା ଗୁତି ବିତ୍ରାଟି ଏନାୟି ହନେ ଏଡି ମାଣ୍ଡସିଇଁ ଲାଗେଏ କିନେ ।

<sup>୧୨</sup> ଏଚିବେଲା ସୀସୁୟାଁ ଜୀସୁ ତାଣ୍ଡା ଖାହାନା ଏଲେଇଚେରି, ପାରୁସିୟାଁ ଇ କାତା ଖେଞ୍ଜାନା କସ୍ତ ବେଟାଆହି ମାନେରି ଇଦାଆଁ ନୀନୁ ପୁଞ୍ଜା ମାଞ୍ଜକି ?

<sup>୧୩</sup> ସାମା ଜୀସୁ ଏଲେଇଚେସି, “ନା ଲାକପୁରୁତି ଆବା ଆମିନି ମାରୁନୁ ଉହା ହିଲଅସି ଏ ବାରେ ରେଞ୍ଜି ଆନୁ ।”<sup>୧୪</sup> ପାରୁସିୟାଁ କାତା ଖେନାଆଦୁ, ଏଞ୍ଜାରି କାଣ୍ଡାୟାଁ ଆହାନା କାଣ୍ଡାୟାଁଇଁ

ଜିରୁ ତହୁନେରି, ଇଞ୍ଜାଁ କାଣ୍ଡା ଅର କାଣ୍ଡାଇଁ ଜିରୁ ତସିହୁଁ ରିଆରି ଜିକେଏ ଗାଡୁୟୁତା ତରରିନେରି ।

<sup>୧୫</sup> ପିତର ଏଲେଇଚେସି, “ଏ ପୁଣ୍ଡିକିନି କାତା ମାଙ୍ଗେ ଖେସ୍ତାମୁ ।”

<sup>୧୬</sup> ଜୀସୁ ଏଲେଇଚେସି, “ମୀରୁ ଜିକେଏ ନୀଏଁ ପାତେକା ପୁନାଆ ଗାଟାତେରି ?”<sup>୧୭</sup> ଏନାୟି ଗୁତିଚି ହଡନେ ଏଡି ବାଣ୍ଡିତା ହାଜାନା ଏଡି ବାଣ୍ଡିହାନିଲେହେଁ ହଡା ହାନେ, ଇଦାଆଁ ପୁଞ୍ଜି ହିଲଅତେରି ?<sup>୧୮</sup> ସାମା ଗୁତିଚି ଏନାୟି ହଡିମାନେ ଏଡି ହିୟାଟି ହଡିମାନେ ଏଡିଏ ମାଣ୍ଡସିଇଁ ଲାଗେଏ କିହିମାନେ ।<sup>୧୯</sup> ଇଚିହୁଁ ହିୟାଟି ଲାଗେଏତି ଅଣ୍ଡପୁ ହନେ, ଇଚିହୁଁ ଲକୁଣି ପାୟିନାୟି, ଦାରି କାମା କିୟାଲି, ଲାଗେଏ ପଲେଏ କାମା କିହାଲି, ସରୁ କାମା କିହାଲି, ମିଚି ସାକି ହୀହାଲି ଇଞ୍ଜା ନିୟା କାତା ଜଲ୍ଲାଲି;<sup>୨୦</sup> ଇ ବାରେ କାମା ମାଣ୍ଡସିଇଁ ଲାଗେଏ କିନେ, ସାମା କେହୁ ନରୁଆନା ତିନାୟି ମାଣ୍ଡସିଇଁ ଲାଗେଏ କିଏ ।

ର ଇୟାନି ନାମୁ  
 (ମାର୍କ ୭:୨୪-୩୦)

<sup>୨୧</sup> ଜୀସୁ ଏ ଟାୟୁ ପିସାନା ସର ଅଡେ ସିଦନ ରାଜିତା ହାଚେସି ।<sup>୨୨</sup> ଅଡେ ମେହଦୁ ଏ ହାଦିଚି କିଶାନ ଦେସାତି ର ଇୟା ଖାହାନା କାଜା ଗିୟାତଲେ ଏଲେଇଚେ, “ଏ ପ୍ରବୁ ଦାଝୁଦ ମୀରୁଏଣାଟି ନାଙ୍ଗେ କାର୍ମା ମେସ୍ତାମୁ ଇଚିହୁଁ ନା ମାଙ୍ଗାନି ହାରେକା ଆଜିହପେତି ବୁଡୁ ଆସାନା କସ୍ତ ଆହିମାନେ ।”

<sup>୨୩</sup> ସାମା ଜୀସୁ ଏଦାନି ର ପଦୁ ଜିକେଏ ଜଲ୍ଲାଆତେସି । ଇଞ୍ଜାଁ ତାନି ସୀସୁୟାଁ ଖାହାନା ଏଞ୍ଜାଣାଇଁ ଏଲେଇଚେରି, “ଇଦାନି ହେଲ ହୀହାନା ପାଣ୍ଡାତୁହୁଁ, ଏନାଆଁତାକି ଇଚିହୁଁ ଇଦି ମା ଜେଟ କାଲୁଞ୍ଜି ଆହିମାନେ !”

<sup>୨୪</sup> ସାମା ଜୀସୁ ଏଲେଇଚେସି, “ନୀନୁ ଇସ୍ତାୟେଲ କୃତାତା ଜାଙ୍ଗାମାନି

☆ ୧୫:୧୪ ୧୫:୧୪ ଲୁକ ୭:୩୯ ☆ ୧୫:୧୮ ୧୫:୧୮ ମାତୃ ୧୨:୩୪

ମେଣ୍ଡାୟାଁ ପିସପେ ଅଡ଼େ ଆମ୍ବାଆରି ତାଣା ପାଣ୍ଡୁଝି ଆହାହିଲଅଁ ।”

୨୫ ଏ ଇୟା ଖାହାନା ଜହରା କିହାନା ଏଲେଇରେ, “ଏ ପ୍ରବୁ ନାଙ୍ଗେ କାର୍ମା ମେସ୍ତାମୁ ।”

୨୬ ସାମା ଜୀସୁ ଏଲେଇରେସି, “ମୀରକା ମାସକା କାଦି ଅହାନା ନେସକା ତାଗେ ମେଡ଼ନାୟି ନେହେଁ ଆଏ ।”

୨୭ ଏ ଇୟା ଏଲେଇରେ, “ହାଅ ପ୍ରବୁ ଇଚିହଁ ନେସକା ତାମି ସାସ୍ତୁକାରିୟା ତାଣାଟି ତରଗାମାନି ଜୁଟା ରାନ୍ଦା ପେରହା ତିନୁ ।”

୨୮ ଏରେଟିଏ ଜୀସୁ ଏ ଇୟାନି ଏଲେଇରେସି, “ଏ ଇୟା ନୀଦି ହାରେକା କାଜା ନାମୁ ନୀ ମନ ଲେହେଁଏ ନିଙ୍ଗ ଆୟାପେ ।” ଏ ଦେବୁଣିଏ ତାନି ମାଙ୍ଗା ନେହେଁ ଆଡେ ।

ଜୀସୁ ହାରେକା ଲକୁଣି ନେହଁ କିନାୟି

୨୯ ଜୀସୁ ଏମ୍ବାଟିଏ ହାଜାନା ଗାଲିଲି ସାମ୍ବୁରି ତାଗେ ଖାଡ଼େସି, ଅଡ଼େ ହରୁ ଲାକ ହାଜାନା କୁରିତେସି । ୩୦ ଅଡ଼େ ହାରେକା ଲକୁ ସଗାୟାଁ, ଚୁଡୁଝାୟାଁ, କାଣାୟାଁ, ଗୁଲ୍ଲାୟାଁ, ହାରେକା ଲକୁଇଁ ତାମିତଲେ ତାଚାନା ଜୀସୁ କର୍ତ୍ତା ତୁଇ ଇଚିତେରି, ଅଡ଼େ ଏଝାସି ଏଝାରାଇଁ ନେହଁ କିତେସି । ୩୧ ଇଲେକିହଁ ବେବ୍‌ଡାୟାଁ ଜଲିମାନେରି, ଚୁଡୁଝାୟାଁ ନେହଁ ଆହିମାନେରି, ସଗାୟାଁ ତାକି ମାନେରି ଅଡ଼େ କାଣାୟାଁ ମେସିମାନେରି; ଇ ବାରେ ମେସାନା ଲକୁ କାବା ଆଡେତି, ଇଞ୍ଜା ଇସ୍ତାୟେଲତି ମାହାପୁରୁଇଁ ଜହରା କିତେରି ।

ଜୀସୁ ସାରି ମାଣା ଲକୁଣି ତାସ୍ତେସି (ମାର୍କ ୮:୧-୧୦)

୩୨ ଅଡ଼େ ଜୀସୁ ତାନି ସାସୁୟାଁଇଁ ତାଗେ ହାଟାନା ଏଲେଇରେସି, “ଇ ବାରେ ଲକୁତାକି ନାଙ୍ଗେ କାର୍ମା ହରିମାଞ୍ଜାନେ, ଏନାଆଁତାକି ଇଚିହଁ ଇଝାରି ତାନିଦିନା ଆଡେତିଏ ନା ତଲେ ମାଞ୍ଜାମାନେରି, ଅଡ଼େ ଇଝାରି ତାଣା

ଏନାୟିଝା ତିଞ୍ଜାଲି ହିଲେଏ; ଇଝାରି ହାନାଟି ଜୀସୁ ହଡା ହାଡିଲେହେଁ ଜିରୁତା ତରଗିନେରି, ଏଦାଆଁତାକି ହାକିଟି ପାଣ୍ଡୁଲି ନା ମନ ହିଲେଏ ।”

୩୩ ସାସୁୟାଁ ଏଝାଣାଇଁ ଏଲେଇରେରି, “ଇତେକା ଲକୁତାକି ବାଣ୍ଡି ପାଞ୍ଜିକିହାଲି ଇ ଏନାଆଁ ହିଲାଆ ଚାୟୁତା ଏମ୍ବିଟି ରୁଟି ପାଣ୍ଡନାୟି ।”

୩୪ ଜୀସୁ ଏଝାରାଇଁ ଖେଚେସି, “ମୀ ତାଣା ଏଚରଗଟା ରୁଟି ମାନୁ ?”

ଏଝାରି ଏଲେଇରେରି, “ସାଡାଗଟା ଇଞ୍ଜା ଏଚରଗଟା ଉଣା ମୀଣ୍ଡକା ମାନୁ ।”

୩୫ ଏରେଟିଏ ଜୀସୁ ଲକୁଣି ବୁମିତା କୁଗାଲି ହୁକୁମି ହାଡେସି, ୩୬ ଅଡ଼େ ଜୀସୁ ଏ ସାଡାଗଟା ରୁଟି ଇଞ୍ଜା ମୀଣ୍ଡକାଣି ମାହାପୁରୁ ତାଣା ଜହରା କିହାନା ସାସୁୟାଁକି ହାଡେସି; ଏଝାରି ଲକୁତାକି ହାଡେରି । ୩୭ ଅଡ଼େ ଲକୁ ତିଞ୍ଜାନା ପାଞ୍ଜିତି ତାୟୁ, ତାଗିତି ରୁଟି ସାଡା ତାଲି ହାରିତାଣି କୃଡ଼ି କିତେରି । ୩୮ ରୁଟି ତିତି ଲକୁ ଇୟାସିକା ଅଡ଼େ ଉଣା କକାରି ପଦାଁଣି ପିସାନା ସାରି ମାଣା ଆବାୟାଁ ମାଚେରି ।

୩୯ ଏରେଟିଏ ଏଝାସି ଲକୁଣି ହେଲ ହାହାନା ତଂଗତା ହଡାନା ମଗଦାନ ହାନ୍ଦିତା ଖାଡ଼େସି ।

### ୧୭

କାବାଆନ୍ତି କାମା ତସାଲି ଏଲେଇନାୟି

(ମାର୍କ ୮:୧୧-୧୩; ଲୁକ ୧୨:୫୪-୫୬)

୧ ଏଚେକା ପାରୁସି ଅଡ଼େ ସାଦୁକିୟାଁ ଜୀସୁ ତାଣା ଖାହାନା ତାୟିପାରି କିହାଲି, ମାଙ୍ଗେ ହାଗୁ ଲାକଟି ର ସିନା ତସ୍ତାମୁ ଇଞ୍ଜା ବାଡିମାଲିତେରି ।

୨ ସାମା ଜୀସୁ ଏଝାରାଇଁ ଏଲେଇରେସି, “ମିଡ଼ଅଲ୍ଲା ବେଲା ଏଲେଇଞ୍ଜେରି, ଝିଏ କାରା ଆନେ, ଇଚିହଁ ହାଗୁ ଗାଦ୍‌ଗା ଆହାମାନେ ।” ୩ ଅଡ଼େ ଲାକ ବେଲା ଏଲେଇଞ୍ଜେରି, ନୀଞ୍ଜୁ ପିୟୁ ଆନେ, ଇଚିହଁ ହାଗୁ ଗାଦ୍‌ଗା ଅଡ଼େ

\* ୧୬:୧ ୧୬:୧ ମାତୃ ୧୨:୩୮; ଲୁକ ୧୧:୧୭

ଦୃଶ୍ଯା ମୁଚାମାନେ । ମୀରୁ ହାଗୁତି ପାଗା ମେସାନା ନକିତି କାତା ପୁଞ୍ଜାଲି ଆଡ଼ି ମାଞ୍ଜେରି, ସାମା ନାଏତି କାତା ଅଡ଼େ ସିନାୟା ପୁଞ୍ଜି ହିଲଅତେରି ।  
 ୪ \*ପଲଆ ଗାଗାରି ଇଞ୍ଜା ମାହାପୁରୁଇଁ ଅଣ୍ପାଆଗାଟି କୃତାତାରି ସିନାୟା ପାରିନେରି, ସାମା ଜୁନସତ ସିନା ପିସପେ ଅଡ଼େ ଏଟକାତି ସିନା ଏଞ୍ଜାରାକି ହାପକି ଆଏ, ଇଞ୍ଜା ଏଞ୍ଜାସି ଏଞ୍ଜାରାଇଁ ପିସାନା ହାଚେସି ।

ପାରୁସିୟା ଅଡ଼େ ସାଦୁକିୟା ତାଣାଟି ଜାଗ୍ରାତା  
 (ମାର୍କ ୮:୧୪-୨୧)

\* ସୀସୁୟା ସାମଦୁରି ଆତାଲା ହାଜାନା ସିନକିତେରି, ଏଞ୍ଜାରି ରୁଟି ଅହାଲି ବାଣା ଆହା ହାଜାମାନେରି । ୬ \*ଜୀସୁ ଏଞ୍ଜାରାଇଁ ଏଲେଇଚେସି, “ଜାଗ୍ରାତା ଆଦୁ, ପାରୁସିୟା ଅଡ଼େ ସାଦୁକିୟା ପୁଲ୍ଲା ଏୟୁଟି ଜାଗ୍ରାତା ଆହାଁ ମାଞ୍ଜୁ ।”

୭ ଏମାଟିଏ ଏଞ୍ଜାରି ତାମ୍ବୁ ତାମ୍ବୁସୁ ଜଲୁକି ଆହାଲି ମାଟହେରି, “ମୀରୁ ରୁଟି ତାଗା ହିଲଆୟି ଇଞ୍ଜା ଏଞ୍ଜାସି ଏଲେଇଞ୍ଜିମାଞ୍ଜାନେସି ।”

୮ ସାମା ଜୀସୁ ଏଦାଆଁ ପୁଞ୍ଜାନା ଏଲେଇଚେସି, “ଆଡ଼େ ଉଣା ନାମୁ ଗାଗାଚେରି, ମୀ ବିତ୍ରା ରୁଟି ହିଲେଏ ଇଞ୍ଜା ଏଦାଆଁତାକି ଝେସପି ଆହିମାଞ୍ଜେରି? ୯ \*ମୀରୁ ନାଏ ପାତେକା ପୁଞ୍ଜି ହିଲଅତେରି ? ଏ ପାସାମାଣା ଲକୃତି ପାସାଗଟା ରୁଟି ଡିକହାନା ହାହା ମାଚେଏ, ଇଞ୍ଜା ମୀରୁ ଏଚର ତାଲି ହାରିତାଣି କୃଡ଼ି କିତେରି, ୧୦ \*ଇଞ୍ଜା ଏ ସାରି ମାଣା ଲକୃତି ସାତା ଗଟା ରୁଟି, ଇଞ୍ଜା ଏଚର ତାଲି ହାରିତାଣି କୃଡ଼ି କିତେରି, ଏ ବାରେ ମିଙ୍ଗେ ଅଣ୍ପୁ ହିଲେଏ ? ୧୧ ନାନୁ ମିଙ୍ଗେ ରୁଟି କାତା ଝେସାମାଞ୍ଜାଆଚେଏ, ଇଦାଆଁ ଏନିକ ପୁଞ୍ଜି ହିଲଅତେରି ? ସାମା ପାରୁସିୟା

ଅଡ଼େ ସାଦୁକିୟା ପୁଲ୍ଲା ଏୟୁଟି ଜାଗ୍ରାତା ଆହାନା ମାଞ୍ଜୁ ।”

୧୨ ଏଞ୍ଜାସି ରୁଟି ତାକି ଲଡ଼ାମାନି ପୁଲ୍ଲା ଏୟୁଟାକି ଜାଗ୍ରାତା ଆହାନା ମାଞ୍ଜାଲି ଝେହ୍ଯାନା, ପାରୁସିୟା ଅଡ଼େ ସାଦୁକିୟା ଜାପ୍ନି ତାଣାଟି ଜାଗ୍ରାତା ଆହାଁ ମାଞ୍ଜାଲି ଏଞ୍ଜାରାଇଁ ଝେସାମାଚେସି, ଏଦାଆଁ ଏଞ୍ଜାରି ଏଟିଚେଲା ପୁଚେରି ।

ଜୀସୁଇଁ ପିତର ସାତା ଇଞ୍ଜା ଝେହ୍ଯାନାୟି

(ମାର୍କ ୮:୨୭-୩୦; ଲୁକ ୯:୧୮-୨୧)

୧୩ ତାୟୁ ଜୀସୁ କାୟିସରିୟା ପିଲିପି ରାଜିତା ଖାହାନା ତାନି ସୀସୁୟାଲଁ ଝେଚେସି, “ମାଣସି ମୀରୁଏସି ଆମ୍ବାଆସି ଇଞ୍ଜା ଲକୃ ଝେସିମାନେରି ?”

୧୪ \*ଏଚେଟିଏ ଏଞ୍ଜାରି ଏଲେଇଚେରି, “ଆମ୍ବା ଆମ୍ବାଆରି ବାପ୍ତିସ୍ମ\* ହାନି ଜହନ, ଆମ୍ବା ଆମ୍ବାଆରି ଏଲିୟ, ଅଡ଼େ ଆମ୍ବା ଆମ୍ବାଆରି ଜିରିମିୟ ଆଆତ ମାହାପୁରୁ ଅଣ୍ପୁତି ବଲୁ ଝେହ୍ଯାନାରି ତାଣାଟି ରଅସି ।”

୧୫ ଜୀସୁ ଏଞ୍ଜାରାଇଁ ଝେଚେସି, “ସାମା ନାନୁ ଆମ୍ବାଆଚେଏଁ ଇଞ୍ଜା ମୀରୁ ଝେସିମାଞ୍ଜେରି ?”

୧୬ \*ସିମନ ପିତର ଏଲେଇଚେସି, “ନୀନୁ କ୍ରୀସ, ଜୀଞ୍ଜୁଗାଟି ମାହାପୁରୁ ମୀରୁଏଶାତି ।”

୧୭ ଏଚେଟିଏ ଜୀସୁ ଏଞ୍ଜାଶାଇଁ ଏଲେଇଚେସି, “ଏ ଜୁନସ ମୀରୁଏଶାତି ସିମନ, ନୀନୁ ନେହେ, ଇଟିହ ମାଣସି ନୀ ତାଣାଟି ଇଦାଆଁ ଝେକହାମାଞ୍ଜଅସି, ସାମା ନା ଲାକପୁରୁତି ଆବା ଝେକହାମାଞ୍ଜାନେସି । ୧୮ ଅଡ଼େ ନାନୁ ଜିକେଏ ନିଙ୍ଗେ ଝେସିମାଞ୍ଜାଇଁ, ନୀନୁ ପିତରଟି, ଇଞ୍ଜା ଇ ଖାଲି ଲାକ ନାନୁ ନା କୁଲମିତି କେପିଇଁ, ଅଡ଼େ ହାକିତି ବାଡ଼ୟୁ ଏଦାଆଁ ମ୍ଲେକହାଲି ଆଡେଏ । ୧୯ \*ନାନୁ ନିଙ୍ଗ ଲାକପୁରୁତି କୃତିକାଡ଼ି

\* ୧୭:୪ ୧୭:୪ ମାତି ୧୭:୩୯; ଲୁକ ୧୧:୨୯    \* ୧୭:୬ ୧୭:୬ ଲୁକ ୧୨:୧    \* ୧୭:୯ ୧୭:୯ ମାତି ୧୪:୧୭-୨୧  
 \* ୧୭:୧୦ ୧୭:୧୦ ମାତି ୧୫:୩୪-୩୮    \* ୧୭:୧୪ ୧୭:୧୪ ମାତି ୧୪:୧,୨; ମାର୍କ ୭:୧୪,୧୫; ଲୁକ ୯:୭,୮  
 \* ୧୭:୧୪ ୧୭:୧୪ ମୁଞ୍ଜିନାୟି    \* ୧୭:୧୭ ୧୭:୧୭ ଜହ ୭:୬,୭    † ୧୭:୧୮ ୧୭:୧୮ ପିତର ଇଟିହ ଖାଲି    \* ୧୭:୧୯ ୧୭:୧୯ ମାତି ୧୮:୧୮; ଜହ ୨୦:୨୩

ହିୟାଙ୍କ, ଅତେ ନାନୁ ଦାଋତିତା ଏନାଆଁ ସୁଶ୍ରିଦି, ଏଦି ଲାକପୁରୁ ରାଜି ଜିକେଏ ସୁଶ୍ରିକି ଆନେ, ଅତେ ଦାଋତିତା ଏନାଆଁ ଦେଏଦି ଏଦି ଲାକପୁରୁ ଜିକେଏ ଦେପି ଆନେ ।”

୨୦ ଏଚିବେଲା ଏଝାସିଏ କ୍ରୀସୁ ଇଞ୍ଜି ଆମ୍ବାଆରାଇଁ ଝେହୁଆଦୁ ଇଞ୍ଜି ଏଝାସି ତାମି ସୀସୁୟାଣି ଜାଣେ କିହୁ ହୁକୁମି ହୀତେସି ।

ଜୀସୁ ତାନି ଦୁକୁ ବେଟାଆନାଣି ଅତେ ହାନାଣି ଝେହନାୟି

(ମାର୍କ ୮:୩୧; ୯:୧; ଲୁକ ୯:୨୨-୨୭)

୨୧ ଏଚିବେଲାଟିଏ ଜୀସୁ ତାନି ସୀସୁୟାଣି ଝେସାଲି ମାଟ୍‌ହେସି, ନାନୁ ଜିରୁସାଲମତା ହାନାୟିମାନେ, ଇଞ୍ଜି ପ୍ରାଚିନାଙ୍ଗା, କାଜା ପୂଜେରାଙ୍ଗା ଅତେ ମେରାପୁନାରି ତାଣାଟି ହାରେକା ଦୁକୁ ବେଟାଆହାନା ହାନାୟି ମାନେ, ଇଞ୍ଜି ତାନି ଦିନାଟିଏ ଝେଣେ ନିଙ୍ଗିନାୟି ମାନେ ।

୨୨ ଏଚେଟିଏ ପିତର ଏଝାଣାଇଁ ଅରଝାକି ଅହାନା ଲାଗାନା ଏଲେଇଚେସି, “ଏ ପ୍ରବୁ, ମାହାପୁରୁ ନିଙ୍ଗି କାର୍ମା ଆୟାପେସି, ଇଲେତାୟି ନିଙ୍ଗେ ଏଚେଲାଝା ଆୟାଆପେ ।”

୨୩ ସାମା ଜୀସୁ ତାୟୁଝାକି ସିନିକିହାନା ପିତରଇଁ ଏଲେଇଚେସି, “ଏ ସୟତାନ ନା ତାଣାଟି ହେକ ଆମ୍ବୁ, ନାନୁ ନା ସାତୁ ଲେହେଁ, ଇଚିହୁଁ ନାନୁ ମାହାପୁରୁ କାତା ଅଶ୍‌ପାଆନା ମାଣ୍‌ସିତି କାତା ଅଶ୍‌ପିମାଞ୍ଜି ।”

୨୪ ଏଚିବେଲା ଜୀସୁ ତାନି ସୀସୁୟାଣି ଏଲେଇଚେସି, “ଆମ୍ବାଆସି ନା ଜେଚ ତାକାଲି ମନ କିତିହୁଁ, ଏଝାସି ତାନୁଏ ତାଙ୍ଗେ ଅପାକତାଆନା ତାନି କୁସ ଡେକାନାହାଁ ନା ଜେଚ ତାକାପେସି ।

୨୫ ଇଚିହୁଁ ଆମ୍ବାଆସି ତାନି ଜୀସୁ ନୀଟ୍‌ହା କତାଲି ମନ କିନେସି, ଏଝାସି ହାଝି କିନେସି; ସାମା ଆମ୍ବାଆସି ନା ତାକି ତାନି ଜୀସୁ ହାନେସି ଏଝାସି

ନୀଟ୍‌ହା କଡିନେସି । ୨୬ ଅତେ ମାଣ୍‌ସି ଇ ଦାଋତିତା ମାନାଣି ବାରେ ମେଡି କିହାନା ତାନି ଜୀସୁତି ହାଝି କିନେସି, ଆତିହୁଁ ଏଝାଣାକି ଏନି ଲାବା, ଇଞ୍ଜି ମାଣ୍‌ସି ତାନି ଜୀସୁତି ବାଦୁଲି ଏନାଆଁ ହାନେସି ? ୨୭ ଇଞ୍ଜି ମାଣ୍‌ସି ମୀର୍‌ଏସି ତାନି ଆବାତି ଗାସୁରମିଟି ତାନି ଦୁତୁୟା ତଲେ ଝାନେସି, ଏଚିବେଲା ଏଝାସି ବାରେ ଲକୁକି ତାନି କାମାତି ଲେକା ତଲେ ପାଡେୟି ହାନେସି । ୨୮ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମାଣ୍‌ସି ମୀର୍‌ଏସି ତାନି ରାଜିତା ରାଜାଆହାଁ ଝାନାଣି ମେହୁଆ ପାତେକା ଇମ୍ବାଆଁ ମାନି ଲକୁ ବିତ୍ରାଟି ଏଚରଜାଣା ହାଅରି ।”

### ୧୭

ଜୀସୁ ଅର ଝାଣା ଆନାୟି

(ମାର୍କ ୯:୨-୧୩; ଲୁକ ୯:୨୮-୩୭)

୧ ଜୀସୁ ସ ଦିନା ତାୟୁ ପିତର, ଜାକୁବ, ଅତେ ତାନି ତାୟି ଜହନଇଁ ଏଚକା କିହାନା ଏଝାରାଇଁ ର ପାତାଆଡି ହରୁ ଲାକ ଅତେସି । ୨ ଅତେ ଏଝାସି ଏଝାରି ନକିତା ତାନି ଝାଣା ବାଦୁଲଝି ଆହାନା ତାନି ମୁମ୍ବୁ ଚୁଝଡାଲେହେଁ ଉଜେଡି ଇଞ୍ଜି ତାନି ହିମ୍ବୁରି ଉଜେଡି ଲେହେଁ ଦବ୍‌ଲା ଆଡେ । ୩ ଇଞ୍ଜି ମେହୁଦୁ ମସା ଅତେ ଏଲିୟ ଜୀସୁତଲେ କାତା ଆହିମାଚାଣି ମେସ୍‌ପେରି । ୪ ଏମ୍ବାଟିଏ ପିତର ଜୀସୁଇଁ ଏଲେଇଚେସି, “ଏ ପ୍ରବୁ ମୀର୍‌ ଇ ଟାୟୁତା ମାନାୟି ନେହେଁ; ନୀ ମନ ଆତିହୁଁ ନାନୁ ଇମ୍ବାଆଁ ତାନିଗଟା ଗୁଡାୟାଁ କେପିଇଁ, ନିଙ୍ଗେତାକି ରଣ୍ଡାଆଁ ମସାକି ରଣ୍ଡାଆଁ ଇଞ୍ଜି ଏଲିୟକି ରଣ୍ଡାଆଁ ।”

୫ ଇ କାତା ଝେସପିନିଏ ମେହୁଦୁ ଇତାୟି ହାଗୁ ଝାହାନା ଏଝାରାଇଁ ପୁକ୍‌ହେ, ଇଞ୍ଜି ଏ ହାଗୁଟି ଇ ହାଡା ଝେଙ୍ଗିଡେ, “ଇଝାସି ନା ଜୀସୁତି ମୀର୍‌ଏସି ଇଝାଣି ତାଣେଏ ନା ରାହାଁ ମାନେ, ଇଝାଣି ବଲୁ ଝେଞ୍ଜୁ ।”

☆ ୧୭:୨୪ ୧୭:୨୪ ମାତି ୧୦:୩୮; ଲୁକ ୧୪:୨୭ ☆ ୧୭:୨୫ ୧୭:୨୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫  
☆ ୧୭:୨୬ ୧୭:୨୬ ମାତି ୨୫:୩୧; ରମି ୨:୬ ☆ ୧୭:୫ ୧୭:୫ ମାତି ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨  
☆ ୧୭:୫ ୧୭:୫ ୨ପିତ ୧:୧୭,୧୮

୭ ଇ ହାଡ଼ା ଖେଞ୍ଜାହାଁ ସୀସୁୟାଁ ମୁନୁ କୁତିହଁ ରୀତେରି ଇଞ୍ଜା ହାରେକା ଆଜିତେରି । ୭ ଏମାଟିଏ ଜୀସୁ ଖାହାନା ଏଝାରାଇଁ ତୀଗାନା ଏଲେଇଚେସି, “ନିଙ୍ଗାଦୁ ମୀରୁ ଆଜାଆଦୁ ।” ି ଇଞ୍ଜା ଏଝାରି ଲାକ ସିନିକିହାଲିଏ ଜୀସୁ ପିସ୍ପେ ଆମ୍ବାଆରାଇଁ ମେହୁଆତେରି ।

୮ ଏଝାରି ହରୁ ଲାକଟି ରେଚା ଖାହିମାଟାଟି ଜୀସୁ ଏଝାରାଇଁ ହୁକୁମି ହୀହାନା ଏଲେଇଚେସି, “ମାଣ୍ଡସି ମୀରୁଏସି ହାଡ଼ାରି ତାଣାଟି ନିଙ୍ଗାଆ ପାତେକା ଇ ମେସାମାନି କାତା ଆମ୍ବାଆରାଇଁ ଖେହୁଅତେରି ।”

୯ ଏଦାଆଁତାକି ସୀସୁୟାଁ ଏଝାଣାଇଁ ଖେଚେରି, “ଆତିହଁ ନଚେଏ ଏଲିୟୁ ଖାନାୟି ମାନେ ଇଞ୍ଜାଁ ମେରାପୁନାରି ଏନାଆଁତାକି ଖେସିମାନେରି ?”

୧୦ ଏଝାସି ଏଲେଇଚେସି, “ଏଲିୟୁ ଖାହାନା ବାରେ ଅଡ଼େ ଖେଣ୍ଡେ ଇଟିନାୟି ସାତା” ୧୧ ସାମା ନାନୁ ମିଙ୍ଗେ ଖେସିମାଞ୍ଜାଇଁ, “ଏଲିୟୁ ଖାହା ରାଡେସିଏ, ସାମା ଲକୁ ଏଝାଣାଇଁ ପୁନାଆନା ଏନିକିହାଲି ମନ ଏଲେକିତେରି । ଏଲେକିହଁଏ ମାଣ୍ଡସି ମୀରୁଏସି ଜିକେଏ ଏଝାରି କେୟୁତା ଦୁକୁ ବେଟାଆହାଲି ହାଜିମାନେସି ।”

୧୨ ଏଟିବେଲା ଏଝାରାଇଁ ବାପ୍ତିସ୍ମ\* ହାନି ଜହନତି କାତା ଖେସିମାନେସି, ଏଟିବେଲା ସୀସୁୟାଁ ପୁଚେରି ।

ଜୀସୁ ବୃତୁ ଆଲ୍‌ଗାମାଟି କକାଣାଇଁ ନେହଁକିନାୟି

(ମାର୍କ ୯:୧୪-୨୯; ଲୁକ ୯:୩୭-୪୩)

୧୪ ତାୟୁ ଏଝାରି ଲକୁତାଣା ଖାହାଲିଏ, ରଅସି ଜୀସୁ ତାଣା ଖାହାଁ ମେଣ୍ଡାକୁତାନା ଏଲେଇଚେସି, ୧୫ “ପ୍ରବୁ ନା କକାଣାଇଁ କାର୍ମା ମେହୁମ୍, ଇତିହଁ ଏଝାସି କାଟିଖେନି ନମେରି ତାକି ହାରେକା କସ୍ତୁ ଆହିମାନେସି, ଏଝାସି ଏଚର ପାଲି ହିଚୁତା ଅଡ଼େ ଏୟୁଣାଁ ତରଗା ହାଜିମାନେସି । ୧୬ ନାନୁ ମୀ ସୀସୁୟାଁ

ତାଣା ଏଝାଣାଇଁ ତାତାମାଚେସଁ, ସାମା ଏଝାରି ଏଝାଣାଇଁ ନେହଁକିହାଲି ଆଡ଼ାଆତେରି ।”

୧୭ ଜୀସୁ ଏଲେଇଚେସି, “ଆଡ଼େ ନାମାଆଗାଟି ଲାଗେଏ ପଲେଏ କାମା କିନି କୁଡ଼ାତାତେରି, ଏଚର କାଲା ପାତେକା ନାନୁ ମୀ ତଲେ ଡ଼ୟିଇଁ ? ଏଚର କାଲା ମୀ ଲେମ୍ବାନାଣି ଅରୁହିଇଁ ? କକାଣାଇଁ ଇମ୍ବାଆଁ ନା ତାଣା ତାଦୁ ।”

୧୮ ଅଡ଼େ ଜୀସୁ ବୃତୁଇଁ ଦାକା ହୀହାଲିଏ, ବୃତୁ ଏଝାଣାଇଁ ପିସା ହାଡୁସ୍ତେ, ଏ ଦେବୁଣିଏ କକାସି ନେହଁଆତେସି ।

୧୯ ଏଚେଟିଏ ସୀସୁୟାଁ ମେଣ୍ଡେଏ ଜୀସୁ ତାଣା ଖାହାନା ଏଲେଇଚେରି, “ମାଣ୍ଡୁ ଏନାଆଁତାକି ଏ ବୃତୁ ପିସ୍ପି କିହାଲି ଆଡ଼ାଆତମି ?”

୨୦ ଏଝାସି ଏଝାରାଇଁ ଏଲେଇଚେସି, “ମୀ ଉଣା ନାମୁ ତାକି, ଇତିହଁ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ର ହାସ୍ତୁ ପାଡ଼େୟି ସମାନା ମୀ ନାମୁ ମାଟିହଁ, ଇ ହରୁତି ଇମ୍ବାଟି ଏମ୍ବାଆଁ ଗୁଚାଆମୁ ଇତିହଁ, ଏଦି ଗୁଚାଆନେ, ଅଡ଼େ ଏନାୟି ଜିକେଏ ଆଆଗାଟାୟି ହିଲେଏ । ୨୧ ସାମା ପ୍ରାଡ଼ାନା ଅଡ଼େ ଉପାସା ପିସ୍ପେ ଅଡ଼େ ଏନି ଉପେୟିଟି ଇଲେଡି ବୃତୁ ହଡ଼ା ହାଲେଏ ।”

ଜୀସୁ ତାନି ହାନି କାତାତି ଅଡ଼େ ଖେଣ୍ଡେ ଖେହୁନାୟି

(ମାର୍କ ୯:୩୦-୩୧; ଲୁକ ୯:୪୩-୪୫)

୨୨ ଅଡ଼େ ଏଝାରି ଗାଲିଲିତା ରୁଣ୍ଡା ଆଡ଼ି ବେଲାତା ଜୀସୁ ଏଝାରାଇଁ ଖେସ୍ତେସି, “ମାଣ୍ଡସି ମୀରୁଏସି ମାଣ୍ଡସିୟାଁ କେୟୁତା ହେରୁପି ଆହାଲି ହାଜିମାନେସି, ୨୩ ଇଞ୍ଜା ଏଝାରି ଏଝାଣାଇଁ ପାୟିନେରି; ଅଡ଼େ ତାନି ଦିନାଟିଏ ଏଝାସି ଖେଣ୍ଡେ ନିଙ୍ଗିନେସି ।”

ଏଚେଟିଏ ଏଝାରି ହାରେକା ଦୁକୁ ଆଡ଼େରି ।

ମାହାପୁରୁ ଇଲୁତାକି ସିସୁ ହୁନାୟି

\* ୧୭:୧୭ ୧୭:୧୭ ମାତି ୧୧:୧୪ \* ୧୭:୧୩ ୧୭:୧୩ ମୁଞ୍ଜିନାୟି \* ୧୭:୨୦ ୧୭:୨୦ ମାତି ୨୧:୨୧; ମାର୍କ ୧୧:୨୩; ୧କର ୧୩:୨

୨୪ ଏମ୍ବାଟିଏ ଏଞ୍ଜାରି କପରନାହୁମତା  
 ଖାହାଲିଏ ମାହାପୁରୁ ଇଲୁତି ସିସୁ  
 ରାହନାରି ପିତରଇଁ ଖାହାନା ଖେଚେରି,  
 “ମୀ ଗୁରୁ ମାହାପୁରୁ ଇଲୁତାକି ସିସୁ  
 ହୀଅସିକି ?” ୨୫ ପିତର ଏଲେଇଚେସି,  
 “ହାଅ ହୀନେସି ।”

ଅଡେ ଏଞ୍ଜାସି ଇଜ ଖାହାଲିଏ ଜୀସୁ  
 ନକେଏ ଏଞ୍ଜାଣାଇଁ ଏଲେଇଚେସି,  
 “ସିମନ ନୀ ଅଣ୍ଠୁ ଏନାୟି, ଦାରତିତି  
 ରାଜାୟା ଆମ୍ବାଆରି ତାଣାଟି ସିସୁ  
 ରାହନେରି, ଏଞ୍ଜାରି ମୀରକା ତାଣାଟି  
 କି ଏଟକା ଦେସାତି ଲକୁ ତାଣାଟି ?”

୨୬ ଏଞ୍ଜାସି ଏଟକା ଦେସାତି ଲକୁ ତାଣାଟି  
 ଏଲେଇଞ୍ଜାଲିଏ, ଜୀସୁ ଏଞ୍ଜାଣାଇଁ  
 ଏଲେଇଚେସି, “ଆତିହୁଁ ମୀରକା  
 ହିୟାଲି ଲଡାଆଏ ।” ୨୭ ସାମା ମାର  
 ଏନିକ୍ ଏଞ୍ଜାରାକି ବାଦା ହୀନାତାୟି  
 ଆଆୟି, ଏଦାଆଁତାକି ସାମଦୁରିତା  
 ହାଜାନା କାଟା ମେଡମ୍, ଇଞ୍ଜା ତଲିଏ  
 ଆମିନି ମୀନୁ ଆହୁଦି, ଏଦାଣି ଆସାନା  
 ତାନି ଗୁତି ଏକହିସାରେ ର ଖେଣ୍ଡି ଟାକା  
 ବେଟାଆଦି; ଏଦାଆଁ ଅହାନା ନାଞ୍ଜେ  
 ଅଡେ ନିଞ୍ଜେତାକି ଏଞ୍ଜାରାକି ହୀମ୍ ।

## ୧୮

ଲାକପୁରୁ ରାଜିତା ଆମ୍ବାଆସି  
 କାଜାସି

(ମାର୍କ ୯:୩୩-୩୭; ଲୁକ ୯:୪୭-୪୮)

୧ \*ଏଚିବେଲା ସୀସୁୟାଁ ଜୀସୁ ତାଣା  
 ଖାହାନା ଖେଚେରି, “ଆତିହୁଁ ଲାକପୁରୁ  
 ରାଜିତା ଆମ୍ବାଆସି କାଜାସି ?”

୨ ଏଞ୍ଜାସି ର ଉଣା କକାଣାଇଁ ତାଗେ  
 ହାଟାହାଁ ନିପହାନା ଏଲେଇଚେସି,

୩ \*ନାନୁ ମିଞ୍ଜେ ସାତା ଖେସିମାଞ୍ଜାଇଁ,  
 ମୀରୁ ଖେଣ୍ଡେ ର ଉଣା କକାଣି ଲେହେଁ  
 ଆଆତିହୁଁ, ଏନିଜିକେଏ ଲାକପୁରୁ  
 ରାଜିତା ହଡାଲି ଆଡଅଡେରି ।

୪ ଇଦାଆଁତାକି ଆମ୍ବାଆସି ଇ ଉଣା  
 କକାଣି ଲେହେଁ ତାଞ୍ଜେତାକି ଉଣା  
 କିହାକତିନେସି, ଏଞ୍ଜାସି ଲାକପୁରୁ  
 ରାଜିତା କାଜାସି । ୫ ଅଡେ ଆମ୍ବାଆସି

ଜିକେଏ ନା ଦରୁଚି ଇ ଉଣା କକାଣାଇଁ  
 ଆବିନେସି, ଏଞ୍ଜାସି ନାଞ୍ଜେ ଆବାନେସି  
 ।”

ପାପୁ କିହାଲି ତାୟିପାରି କିନାୟି  
 (ମାର୍କ ୯:୪୨-୪୮; ଲୁକ ୧୭:୧-୨)

୬ “ସାମା ଆମ୍ବାଆସି ଜିକେଏ ନା ତାଣା  
 ନାମାମାନି ଇ ଉଣାୟାଁ ବିତ୍ରାଟି ରଅଣାଇଁ  
 ତାୟିପାରି କିହାଲି ପାପୁ କିଞ୍ଜି କିନେସି,  
 ଏଞ୍ଜାଣି ହେରକିତା ର କାଜା ଜେତାଞ୍ଜାଲି  
 ଦସାନା ସାମଦୁରିତି କୁଡନି ଏୟୁଣାଁ  
 ମେଡହୁଁ ଏଞ୍ଜାଣାକି ନେହେଁ ଆଡେମା  
 । ୭ ଆୟଡା, ଦାରତିତି ଲାଗେଏ କିନାକି  
 ତଣ୍ଡ ବେଟା ଆନାଡେରି; ଲାଗେଏ  
 ଆନାୟି ସାଡେଏ ଆନେ, ଆୟଡା ଆମିନି  
 ଲକୁ ତାଣାଟି ଲାଗେଏ ଆନେ ଏଞ୍ଜାସି  
 ତଣ୍ଡ ବେଟା ଆନେସି !”

୮ \*ମୀ କେୟୁ କି କଡା ମିଞ୍ଜେ  
 ପାପୁ କିଞ୍ଜିକିୟାନେ, ଇଚିହୁଁ ଏଦାଆଁ  
 ରାଡହାନା କୁତାଦୁ, ରୀ କେସ୍ତା ଅଡେ ରୀ  
 କଡାୟାଁ ଆସାନା କାଲାକାଲା ଡୀଞ୍ଜିମାନି  
 ହିରୁତା ହଡନି କିହାଁ କଲା ଅଡେ ସଟା  
 ଆହାନା କାଲେଏତି ଜୀଞ୍ଜୁ ବେଟାଆହାନା  
 ମାହାପୁରୁ ରାଜିତା ହାନାୟି ମିଞ୍ଜେତାକି  
 ନେହେଁ । ୯ \*ଅଡେ ମୀ କାନୁ ମିଞ୍ଜେ  
 ଲାଗେଏ କିଞ୍ଜିକିୟାତିହୁଁ, ଏଦାଆଁ  
 ଡେଞ୍ଜା କୁତାଦୁ; ରୀ କାଣ୍ଟକା ଆସାନା  
 କାଲେଏ ଡୀଞ୍ଜିମାନି ହିରୁ ଗାଡୟୁତା  
 ମେଦିନି କିହାଁ ର କାନୁ ତଲେ କାଲେଏତି  
 ଜୀଞ୍ଜୁ ବେଟାଆହାନା ମାହାପୁରୁ ରାଜିତା  
 ହାନାୟି ମିଞ୍ଜେତାକି ନେହେଁ ।”

ଜାଞ୍ଜିତି ମେଣ୍ଡାତି ପୁଣ୍ଡିକିନାୟି  
 (ଲୁକ ୧୫:୩-୭)

୧୦ \*ହେଣ୍ଡୁ ଇ ଉଣା କକାରି  
 ବିତ୍ରାଟି ରଅଣାଇଁ ଜିକେଏ ହୀଣି  
 ମେହୁଆଦୁ, ଇଚିହୁଁ ନାନୁ ମିଞ୍ଜେ  
 ସାତା ଖେସିମାଞ୍ଜାଇଁ, ଲାକପୁରୁ ମାନି  
 ଏଞ୍ଜାରି ଦୁଡୁୟାଁ ବାରେଦିନା ଲାକପୁରୁତି  
 ମା ଆବାତି ମୁମ୍ ମେସେ ମାନୁ ।  
 ୧୧ ଇଚିହୁଁ ଏନାୟି ଜାଞ୍ଜାମାନେ

\* ୧୮:୧ ୧୮:୧ ଲୁକ ୨୨:୨୪    \* ୧୮:୩ ୧୮:୩ ମାର୍କ ୧୦:୧୫; ଲୁକ ୧୮:୧୭    \* ୧୮:୮ ୧୮:୮ ମାତ୍ରି ୫:୩୦  
 \* ୧୮:୯ ୧୮:୯ ମାତ୍ରି ୫:୨୯    \* ୧୮:୧୦ ୧୮:୧୦ ଲୁକ ୧୯:୧୦

ଏଦାଆଁ ପାରାନା ଗେଲ୍‌ପାଲି ମାଣ୍ଡସି ମୀରୁଏସି ଖାହାମାନେସି ।”

୧୨ “ମୀରୁ ଏନାଆଁ ଅଣପିମାଞ୍ଜେରି ? ରଅଣାକି ପାସାକଡ଼ି ମେଣ୍ଡାୟାଁ ମାଟିହୁଁ, ଏଞ୍ଜାସିକା ବିଦ୍ରାଟି ରଣ୍ଡି ଜାଙ୍ଗାହାନେ, ଇଞ୍ଜା ରଣ୍ଡି ଉଣା ପାସାକଡ଼ି ମେଣ୍ଡାୟାଁ ହରୁତା ପିସାନା ଏଞ୍ଜାସି ହାଜାନା ଏ ଜାଙ୍ଗାମାନି ମେଣ୍ଡାତି ପାରଅସି ? ୧୩ ଅଡ଼େ ଏଞ୍ଜାସି ଏଦାଆଁ ବେଟା ଆନେସି, ଇଞ୍ଜା ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଜାଙ୍ଗା ହିଲ୍ଲାଆଗାଟି ରଣ୍ଡି ଉଣା ପାସାକଡ଼ି ମେଣ୍ଡାୟାଁ କିହାଁ ଜାଙ୍ଗାମାଟି ର ମେଣ୍ଡା ତାକି ହାଡ଼େକା ରାହାଁ କିନେସି । ୧୪ ଏଲେକିହୁଁ ଏ ଇ ଉଣାୟାଁ ବିଦ୍ରାଟି ରଣ୍ଡି ଜିକେଏ ନସ୍ତୁ ଆଆପେ ଇଞ୍ଜୁଁ ମୀ ଲାକପୁରୁତି ଆବାତି ମନ ।”

ପାପୁ କିତି ର ତାୟି

୧୫ \*“ନୀ ତାୟି ପାପୁ କିତିହୁଁ, ନୀନୁ ଏଞ୍ଜାଣାଇଁ ମେଣେଏ ଏଲେକିଆନି ଇଞ୍ଜୁଁ ଖେସାନା ତାନି ପାପୁ ତହମ୍ବୁ; ଏଞ୍ଜାସି ନୀ କାତା ଆସିହୁଁ ନୀନୁ ଏଞ୍ଜାଣାଇଁ ନୀ ତାୟିଲେହେଁ ଖେଣ୍ଡେ ବେଟାଆଡ଼ି । ୧୬ ସାମା ଏଞ୍ଜାସି ନୀ କାତା ଖେନାଆତିହୁଁ, ନୀ ତଲେ ରଅଣାଇଁ କି ରିଆରାଇଁ ଅହିହୁଁ ହାଲାମ୍ବୁ, ଏନିକିହୁଁ ରିଆରି କି ତାନି ଜାଣା ସାକିୟାଁ ନକିତା ବାରେ କାତା ତାରି ଆନେ । ୧୭ ଏଞ୍ଜାସି ଏଞ୍ଜାରି କାତା ଜିକେଏ ଆହୁଆତିହୁଁ କୁଲମିତି ଖେହମ୍ବୁ, ଅଡ଼େ ଜିକେଏ କୁଲମି କାତା ଖେନଅସି, ଆତିହୁଁ ଏଞ୍ଜାସି ମୀ କାନୁତା ଜୀହୁଦିଆଆତାରି କି ସିସ୍ତୁ ରୁଆହନାରି ଲେହେଁ ଆପେସି ।”

ଅଦିକାରା ହାନାୟି

୧୮ \*“ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀରୁ ଦାରତିତା ଏନାଆଁ ସୁଣ୍ଡିଦେରି, ଲାକପୁରୁ ଜିକେଏ ସୁଣ୍ଡିକିଆନେ, ଅଡ଼େ ଦାରତିତା ଏନାଆଁ ହେଲ ହୀଦେରି, ଲାକପୁରୁ ଜିକେଏ ହେଲ ହୀପକି ଆନେ ।”

୧୯ “ଅଡ଼େ ମିଙ୍ଗେ ସାତା ଖେସିମାଞ୍ଜାଇଁ, ଦାରତିତା ମୀ ବିଦ୍ରାଟି ରିଆରି ରଣ୍ଡିଏ ମନୁ ଆହାନା ଏନାଆଁ ଜିକେଏ ରାସିହୁଁ ଏଡ଼ି ଲାକପୁରୁତି ଆବା ତାଣାଟି ଏଞ୍ଜାରାକି ହୀପକିଆନେ । ୨୦ ଇତିହୁଁ ଏମ୍ବିୟା ରିଆରି କି ତାନି ଜାଣା ନା ଦରୁତଲେ ରୁଣ୍ଡା ଆନେରି ଏମ୍ବାଆଁ ନାନୁ ଏଞ୍ଜାରିତଲେ ମାଇଁ ।”

କାର୍ମା ମେହୁଆ ହଲେଏଣି କାତା ପୁଣ୍ଡିକିନାୟି

୨୧ \*ଏଚିବେଲା ପିତର ଜୀସୁ ତାଗେ ଖାହାନା ଖେରେସି, “ଏ ପୁବୁ ନା ତାୟି ଏତର ପାଲି ନା କପାଟି ପାପୁ କିତିସାରେ ନାନୁ ଏଞ୍ଜାଣି ପାପୁ ମ୍ବେକଇଁ ?”

୨୨ ସାତା ଦେବା ପାତେକା କି ? ଜୀସୁ ଏଞ୍ଜାଣାଇଁ ଏଲେଇଚେସି, ଖାରଇ ସାତା ଦେବା ପାତେକା ଆଏ, ସାତା ଗୁଣ୍ଡୁ ତାନିକଡ଼ି ଦସ ଦେବା ପାତେକା ମ୍ବେକନାୟି ମାନେ । ୨୩ ଇତିହୁଁ ଲାକପୁରୁ ରାଜି ତାନି ହଲିୟାଙ୍ଗା ତଲେ ରୀଣା ଲେକା କିନି ର ରାଜା ଲେହେଁତାୟି । ୨୪ ଏଞ୍ଜାସି ଲେକା କିହାଲି ମାଟୁହାଲିଏ, ତାନି ଗାରୁହା ଦସ ମାଣା ଟାକାୟାଁ ରୀଣା ଆହାମାନି ର ହଲେଏଣାଇଁ ଏଞ୍ଜାଣାଇଁ ତାଣା ତାତେରି । ୨୫ ସାମା ଏ ବାରେ ଡିକହାଲି ଏଞ୍ଜାଣି ତାଣା ଏନାୟି ହିଲ୍ଲାଆତାକି ଏ ସାଞ୍ଜୁକାରି ଏଞ୍ଜାଣାଇଁ ଅଡ଼େ ତାନି ତକ୍ତିନି ଇଞ୍ଜା ତାନି କକାରି ପଦାଁଣି ଇଞ୍ଜା ତାନି ଇଲୁଡି ଆସି ପାରତାନା ରୀଣା ଡିକହାଲି ହୁକୁମି ହୀତେସି । ୨୬ ଏଚେଟିଏ ଏ ହଲେଏସି ମେଣ୍ଡାକୁତାନା ଜହରା କିହାନା ଏଲେଇଚେସି, ନୀନୁ କାର୍ମାମେସାନା କାତାମ୍ବୁ, ନାନୁ ନିଙ୍ଗେ ବାରେ ଡିକହା ତୁସ୍ତାଇଁ । ୨୭ ଏଚେଟିଏ ସାଞ୍ଜୁକାରି ଏ ହଲେଏଣାଇଁ କାର୍ମାମେସାନା ତାନି ରୀଣା ପିସପି କିଞ୍ଜିଆଡେ ଇଞ୍ଜା ତାନି ରୀଣା ମେଣ୍ଡିଙ୍ଗାହାତେ ।

୨୮ ସାମା ଏ ହଲେଏସି ଏମ୍ବାଟି ପାଙ୍ଗାତା ହାଜାନା ତାନିତାଣାଟି ରୀ

\* ୧୮:୧୫ ୧୮:୧୫ ଲୁକ ୧୭:୩ \* ୧୮:୧୮ ୧୮:୧୮ ମାତ୍ରି ୧୭:୧୯; ଜହ ୨୦:୨୩ \* ୧୮:୨୧ ୧୮:୨୧ ଲୁକ ୧୭:୩,୪



କଢ଼ି ଦସଟାକା ରୀଣା ଅହାମାନି ତାନି ତଲେତି ର ହଲେଏଣାଈଁ ମେସାନା ଏଞ୍ଜାଣି ହେରକିତା ଆସାନା ଏଲେଇଚେସି, ନୀନୁ ଅହାମାନି ରୀଣା ଡିକହା ତୁସ୍ତାମୁ । ୨୯ ଏଚେଟିଏ ତାନି ତଲେତି ହଲେଏସି ମେଣ୍ଡାକୁତାନା ଜହରା କିହଁ ଏଲେଇଚେସି, ନୀନୁ ନାଈଁ କାର୍ମାମେସାନା କାଡ଼ାମୁ ନୀନୁ ନିଈଁ ବାରେ ଡିକହାଈଁ ୩୦ ସାମା ଏଞ୍ଜାସି ରାଜି ଆଆତେସି, ଇଞ୍ଜା ରୀଣା ଡିକଆ ପାତେକା ଏଞ୍ଜାଣାଈଁ କାୟିଦି ଇଲୁତା ସୁଣ୍ଡିଚେସି । ୩୧ ଇଞ୍ଜା ତାନି ତଲେତି ହଲିୟାଈଁ ଏଦାଆଁ ମେସାନା ହାରେକା ଦୁକୁ କିଚେରି ଅଡ଼େ ହାଜାନା ସାଞ୍ଜୁକାରିଈଁ ବାରେ କାତା ଖେସ୍ତେରି । ୩୨ ଏମ୍ବାଟିଏ ସାଞ୍ଜୁକାରି ଏଞ୍ଜାଣାଈଁ ତାଗେ ହାଟାନା ଏଲେଇଚେସି, ଆଡ଼େ କାମାତା ଖାଆଗାଟି ହଲେଏଣାଟି ନୀନୁ ନାଈଁ ବାଡ଼ିମାଲ୍ଲାଲିଏ ନୀନୁ ନୀ ବାରେ ରୀଣା ପିସ୍ତାତେସି; ୩୩ ନୀନୁ ଏନିକଁ ନିଈଁ କାର୍ମା ଆୟାତେସି, ଏଲେକିହଁ ଏ ନୀନୁ ଜିକେଏ ନୀ ତଲେତି ହଲେଏଣାଈଁ କାର୍ମାମେହନାୟି ମାଚେ । ୩୪ ଅଡ଼େ ତାନି ପ୍ରବୁ ହାରେକା କପା ଆହାନା ବାରେ ରୀଣା ଡିକଆ ପାତେକା ଏ ହଲେଏଣାଈଁ କସ୍ତୁ ହାନି ଲକୁ କେୟୁତା ହେରପିଚେସି ।

୩୫ ମୀରୁ ବାରେଚେରି ମୀ ବାରେ ହିୟାଟି ମୀ ତାୟିଈଁ ତାନି ପାପୁ ମ୍ଲେକଆତିହଁ ଲାକପୁରୁତି ମୀ ଆବା ଜିକେଏ ମିଈଁ ଏଲେ କିୟାନେସି ।

## ୧୯

ଜୀସୁ ତକ୍ରିନି ପିହନାଣି ଜାପ୍ନାୟି  
(ମାର୍କ ୧୦:୧-୧୨)

୧ ଜୀସୁ ଈ ବାରେ କାତା ଖେସାଲି ରାପ୍ତୁ ହି ତାୟୁ ଗାଲିଲି ରାଜି ପିସାନା ଜର୍ଦନ କାତା ଆତାଲାତି ଜୀହୁଦା ରାଜିତି ହାନ୍ଦିତା ଏତେସି । ୨ ଇଞ୍ଜା ହାରେକା ଲକୁ ତାନି ଜେଚ ହାଚେରି, ଅଡ଼େ ଏଞ୍ଜାସି

ଏମ୍ବାଆଁ ଏଞ୍ଜାରି ରଡ଼ାଟି ନେହଁ କିଚେସି ।

୩ ଏମ୍ବାଟିଏ ପାରୁସିୟାଁ ଏଞ୍ଜାଣି ତାଣା ଖାହାନା ଏଞ୍ଜାଣାଈଁ ତାୟିପାରିକିହଁ ଖେଚେରି, “ରଅସି ଜାହାରା ତକ୍ରିନି ଏନି କାତାତାକି ଜିକେଏ ପିସାଲି ମେରା ମାନେକି ?”

୪ ଜୀସୁ ଏଲେଇଚେସି, “ମୀରୁ ପଡ଼ୁଞ୍ଜି ଆହାହିଲଅଚେରି ? ଗାଡ଼ି କିନାସି ନକେଏଟିଏ ଏଞ୍ଜାରାଈଁ ଇୟା ଅଡ଼େ ଆବା କିହଁ ଗାଡ଼ିକିଚେସି, ୫ ଅଡ଼େ ଏଦାଆଁତାକି ତକ୍ତା ତାଲି ତାଞ୍ଜିଈଁ ପିସାନା ତାନି ତକ୍ତା ତଲେ ଆଣ୍ଡିନେସି, ଅଡ଼େ ଏଞ୍ଜାରି ରଣ୍ଡିଏ ଆଈଁ ଆନେରି, ୬ ଏଦାଆଁତାକି ଏଞ୍ଜାରି ରିଆରି ଆଏ, ସାମା ରଣ୍ଡିଏ ଆଈଁ ଆନେରି । ଇଞ୍ଜା ମାହାପୁରୁ ଏଦାଆଁ ଆଣ୍ଡି କିହାମାନେସି, ମାଣସି ଏଦାଆଁ ଏଟକା କିଆପେସି ।”

୭ \*ପାରୁସିୟାଁ ଏଞ୍ଜାଣାଈଁ ଖେଚେରି, “ଆତିହଁ ମସା ଏନାଆଁତାକି ପିହନି ଆକୁ ରାଟାନା ତକ୍ରିନି ପିସାଲି ହେଲ ହାହାମାନେସି ?”

୮ ଜୀସୁ ଏଞ୍ଜାରାଈଁ ଏଲେଇଚେସି, “ଇଚିହଁ ମୀ ଆଟ୍ଠା ହିୟାଟି ମେସାନା ମସା ମିଈଁ ମୀ ତକ୍ରିସିକାଣି ପିସାଲି ହେଲ ହିୟାତେସି, ସାମା ଗାଡ଼ିକିତି ଦିନାଟିଏ ଏଲେକିହଁ ହିଲିଆତେ । ୯ \*ସାମା ନୀନୁ ମିଈଁ ଖେସିମାଞ୍ଜାଈଁ, ଆମ୍ବାଆସି ତାନି ତକ୍ରିନି ଦାରି ଦହ ହିଲିଆନା ଏନି କାତାତାକି ପିସାନା ଅର ତକ୍ରିନି ତାତିହଁ, ଏଞ୍ଜାସି ଦାରିକାମା କିନେସି ।”

୧୦ ସୀସୁୟାଁ ଏଞ୍ଜାଣାଈଁ ଏଲେଇଚେରି, “ତକ୍ରିନି ତଲେ ମାଣ୍ଡିକି ଇଲେତାୟି ମାଡ଼ିହଁ, ଏଞ୍ଜାସି ବାହା ଆଆତିହଁ ନେହେଁ ଆଡେମା ।”

୧୧ ଜୀସୁ ଏଞ୍ଜାରାଈଁ ଏଲେଇଚେସି, “ବାରେଜାଣା ଈ କାତାତି ଆସାଲି ଆଡ଼ଅରି, ଇଚିହଁ ଆମ୍ବାଆରାକି ମାହାପୁରୁ ବାଡ଼ୁୟୁ ହାହାମାନେସି, ଖାରଇ ଏଞ୍ଜାରିଦେହେଁ ଆସାଲି ଆଡ଼ିନେରି । ୧୨ ଇଚିହଁ ଆମ୍ବା

\* ୧୯:୭ ୧୯:୭ ମାଡ଼ି ୫:୩୧ \* ୧୯:୯ ୧୯:୯ ମାଡ଼ି ୫:୩୨; ୧କର ୭:୧୦,୧୧

ଆମ୍ବାଆରି ଇୟାନି ବାଣ୍ଟିବିଏ ବାହା  
ଆହାଲି ଆଡାଆରେଚୁ ଜାର୍ନା  
ଆହାମାନେରି; ଇଞ୍ଜା ଆମ୍ବା ଆମ୍ବାଆରି  
ଲକୁ ତାଣାଟି ଏଲେକିଞ୍ଜି ଆହାମାନେରି,  
ଅଡେ ଆମ୍ବା ଆମ୍ବାଆରି ଲାକପୁରୁ  
ରାଜିତାକି ତାମ୍ବୁ ତାମ୍ବୁ ଏଲେ  
ଆହାମାନେରି, ଆମ୍ବାଆସି ଏ କାତାତି  
ଆସାଲି ଆଡ଼ିନାସି ଆସପାସି ।”

ଜୀସୁ କକାରି ପଦାକି ବର ହାନାୟି  
(ମାର୍କ ୧୦:୧୩-୧୬; ଲୁକ ୧୮:୧୫-  
୧୭)

୧୩ ଏରିବେଲା ଜୀସୁ କକାରି ପଦାୟି  
ମୁହେଁ କେୟୁ ଇଟାନା ପ୍ରାତାନା କିନେସି,  
ଏଦାଆଁତାକି ଲକୁ ଏଞ୍ଜାରାଇଁ ତାନି ତାଣା  
ତାତେରି, ସାମା ସୀସୁୟାଁ ତାତିମାତି  
ଲକୁଣି ଦାକା ହୀତେରି । ୧୫ ସାମା  
ଜୀସୁ ଏଲେଇଚେସି, “କକାରି ପଦାଣି  
ନା ତାଣା ଖାହାଲି ହୀଦୁ, ଏଞ୍ଜାରାଇଁ  
ଆଁଗାଆଦୁ, ଏନାଆଁତାକି ଇତିହ  
ଲାକପୁରୁ ରାଜି ଏଲେତାରିଞ୍ଜାୟି ।”

୧୫ ଅଡେ ଏଞ୍ଜାସି ଏଞ୍ଜାରି ଲାକ କେୟୁ  
ଇଟାନା ଏମ୍ବାଟି ହାଚେସି ।

ର ଦନଗାଟି ଦାଁଗଣେଏସି  
(ମାର୍କ ୧୦:୧୭-୩୧; ଲୁକ ୧୮:୧୮-  
୩୦)

୧୭ ଅଡେ ମେହଦୁ ରଥସି ଜୀସୁ  
ତାଣା ଖାହାନା ଖେଚେସି, “ଏ ଗୁରୁ  
କାଲାକାଲାତି ଜୀସୁ ବେଗାଆହାଲି ନାନୁ  
ଆମିନି ନେହଁ କାମା କିଇଁ?”

୧୭ ଜୀସୁ ଏଞ୍ଜାଣାଇଁ ଏଲେଇଚେସି,  
“ନେହାୟି ଇନି କାତାତି ନାଜେ  
ଏନାଆଁତାକି ଖେଞ୍ଜିମାଞ୍ଜାଦି ? ଖାରଇ  
ରଥସିଏ ନେହାଁସି; ସାମା ନାନୁ ଜୀସୁ  
ବେଗାଆହାଲି ମନ କିତିହଁ, ବାରେ  
ହୁକୁମି ମାନଞ୍ଜି ଆମ୍ବୁ ।”

୧୮ ଏଞ୍ଜାସି ଜୀସୁଙ୍କୁ ଏଲେଇଚେସି,  
“ଏନିଲେହେଁତି ହୁକୁମି ?”

ଜୀସୁ ଏଲେଇଚେସି, “ଲକୁଣି  
ପାୟାଆନି, ଦାରିକାମା କିଆନି, ସରୁ  
କିଆନି, ମିଟି ସାକି ହୀଆନି, ୧୯ ତାଲି

ତାଞ୍ଜି କାତା ଆହମ୍ବୁ, ନୀ ପାଡ଼ିତି ଲକୁଣି  
ନୀ ଜୀସୁ ଲେହେଁ ଜୀସୁ ନମ୍ବୁ ।”

୨୦ ଏ ଦାଁଗଣେଏସି ଜୀସୁଙ୍କୁ  
ଏଲେଇଚେସି, “ନାନୁ ଇ ବାରେ ମାନଞ୍ଜି  
ଆହାମାଇଁ, ନାଜେ ଅଡେ ଏନଞ୍ଜା  
ଊଣା ମାନେ ?” ୨୧ ଜୀସୁ ଏଞ୍ଜାଣାଇଁ  
ଏଲେଇଚେସି, “ନାନୁ ନେହାଁତି ଆହାଲି  
ମନ କିତିହଁ, ହାଜାନାହାଁ ନୀ ବାରେ  
ଦନ ପାରତାନାହାଁ ହିଲାଆ ଗାଟାରାକି  
ଦାନା ହୀମ୍ବୁ, ଇଞ୍ଜା ନା ଜେଚ ଖାମ୍ବୁ,  
ଏଚେଟିଏ ଲାକପୁରୁ ନାନୁ ଦନ  
ବେଗାଆଦି ।”

୨୨ ଇ କାତା ଖେଞ୍ଜାନା ଦାଁଗଣେଏସି  
ଦୁକୁ ଆହାନା ହାଚେସି, ଇତିହ  
ଏଞ୍ଜାଣାକି ହାଚେକା ଦନ ମାଚେ ।

୨୩ ଏଚେଟିଏ ଜୀସୁ ତାନି ସୀସୁୟାଁଙ୍କୁ  
ଏଲେଇଚେସି, “ନାନୁ ମିଜେ ସାତା  
ଖେସିମାଞ୍ଜାଇଁ, ଦନ ଗାଟାରି ଲାକପୁରୁ  
ରାଜିତା ହଡାଲି ହାଚେକା କସ୍ତ ଆନେ  
। ୨୪ ଅଡେ ଖେଣ୍ଡେ ନାନୁ ମିଜେ  
ଖେସିମାଞ୍ଜାଇଁ, ମାହାପୁରୁତି ରାଜିତା  
ଦନଗାଟାରି ହାନି କିହାଁ ଉଚୁ ସୁଜା  
କାଣିଟି ହଡା ହାନାୟି ଉସାସା ଆନେ  
।”

୨୫ ସୀସୁୟାଁ ଇ କାତା ଖେଞ୍ଜାନା  
କାବାଆହାନା ଏଲେଇଚେରି, “ଆତିହ  
ଆମ୍ବାଆସି ଗେଲ୍ପି ଆହାଲି ଆଡ଼ିନେସି  
?”

୨୬ ଜୀସୁ ଏଞ୍ଜାରାଇଁ ସିନିକିହାନା  
ଏଲେଇଚେସି, “ଇଦି ମାଣ୍ଡିତାକି  
ଆଆଗାଟାୟି, ସାମା ମାହାପୁରୁ ତାକି  
ବାରେ ଆନେ ।”

୨୭ ଏଚେଟିଏ ପିତର ଏଲେଇଚେସି,  
“ମେହମ୍ବୁ ମାମ୍ବୁ ହାରେ ପିସାନା ନୀ ଜେଚ  
ଖାହାମାନମି; ଆତିହଁ ମାମ୍ବୁ ଏନାଆଁ  
ବେଗାଆନମି ?”

୨୮ \*ଜୀସୁ ଏଞ୍ଜାରାଇଁ ଏଲେଇଚେସି,  
ନାନୁ ମିଜେ ସାତା ଖେସିମାଞ୍ଜାଇଁ, ପୁଃନି  
ଜୁଗୁ ଆନାଟି ଏଚେତା ମାଣ୍ଡିସି ମାର୍ଏସି  
ତାନି ଗାଞ୍ଜୁରମିତି କାଜାପାଣା ତଲେ  
ସିଂଗାସାଣିତା କୁଗିନି ଦିନା ନା ଜେଚ  
ଖାହାମାନାତେରି ମୀରୁ, ମୀରୁ ଜିକେଏ

ବାର ଗଟା ସିଂଗାସାଣିତା କୁଗାନା, ଇସ୍ରାୟେଲିତ ବାର କୃତାତି ସାଲୁଡ଼ି କିଦେରି । ୨୯ ଇଞ୍ଜା ଆମ୍ବାଆସି ନା ଦରୁ ତାକି ଇଲୁ କାଣ୍ଡା, କି ତାୟି ତାଙ୍ଗିସ୍ତା, ତାଲି ତାଞ୍ଜି, କକାରି ପଦାୟା, ଇଞ୍ଜା ବୃମି ବାଡ଼ା ପିସାମାନେସି, ଏଞ୍ଜାସି ଏ ବାରେକିହାଁ ହାରେକା ଗାତି ବେଟା ଆନେସି, ଇଞ୍ଜା କାଲକାଲାତି ଜୀସୁତି ବେଟାଆନେସି । ୩୦ ଯାମା ନକିତା ମାନି ହାରେକା ଲକୁ ତାୟୁ ଆନେରି, ଇଞ୍ଜା ତାୟୁତା ମାନି ହାରେକା ଲକୁ ନକିତା ଆନେରି ।

### ୨୦

ଅଙ୍ଗୁରି ବାଡ଼ାତା କାମାକିନାରି

୧ ଇତିହାସ ଲାକପୁରୁ ରାଜି ଇଲେତି ର ସାସୁକାରି ଲେହେତାୟି, ଲାକ୍ ଝେୟାଲିଏ ତାନି ଅଙ୍ଗୁରି ବାଡ଼ାତା କୁଲି କାମା କିଞ୍ଜିକିହାଲି ହାରେସି । ୨ ଅଡ଼େ ଏଞ୍ଜାସି କୁଲି ଗାଟାରାଇଁ ଦିନାତାକି ର ଝେଣ୍ଡି ଟାକା ହିୟାଇଁ ଇଞ୍ଜା ଏଞ୍ଜାରାଇଁ ତାନି ଅଙ୍ଗୁରି ବାଡ଼ାତା ପାଣ୍ଡିତେସି । ୩ ଅଡ଼େ ନ ଗଂଟା ବେଲତା ଏଞ୍ଜାସି ପାଙ୍ଗାତା ହାଜାନା ଏଟକାତାରି କାମା ପ୍ଲାଃଆନା ନିଟାମାଟାଣି ମେସାନା ଏଞ୍ଜାରାଇଁ ଜିକେଏ ଏଲେଇରେସି, ୪ ମୀରୁ ଜିକେଏ ଅଙ୍ଗୁରି ବାଡ଼ାତା ହାଜାନା କାମା କିଦୁ, ଇଞ୍ଜା ଏନିକା ତୀରି ଆହାମାନେ, ଏଲେକିହାସି ମିଙ୍ଗେ ହିୟାଇଁ; ଇଞ୍ଜା ଏଞ୍ଜାରି ହାରେରି । ୫ ଅଡ଼େ ମାଦେନା ବାର ଗଂଟା ଇଞ୍ଜା ତାନି ଗଂଟା ବେଲତା ପାଙ୍ଗାତା ହାଜାନା ଏଲେକିତେସି । ୬ ଇଞ୍ଜା ମିଡ଼ଅଲ୍ଲା ପାସା ଗଂଟା ବେଲତା ପାଙ୍ଗାତା ହାଜାନା ଏଚରଜାଣା ନିଟାମାନାଣି ମେସାନା ଝେରେସି, ମୀରୁ ଏନାଆଁତାକି ମାଦେନା ଝେଡ଼ାଡୁମ୍ବେ କାମା କିଆନା ଉଜେଏ ନିଟାମାଞ୍ଜେରି ? ୭ ଏଞ୍ଜାରି ଏଞ୍ଜାଣାଇଁ ଏଲେଇରେରି, ଆମ୍ବାଆରି ମାଙ୍ଗେ କାମା ହେର୍ପା ମାଞ୍ଜାଅରି । ଏଞ୍ଜାସି ଏଞ୍ଜାରାଇଁ

ଏଲେଇରେସି ମୀରୁ ଜିକେଏ ଅଙ୍ଗୁରି ବାଡ଼ାତା ହାନ୍ତୁ ।

୮ ତାୟୁ ମିଡ଼ଅଲ୍ଲା ଆହାଲିଏ, ଅଙ୍ଗୁରି ବାଡ଼ାତି ସାସୁକାରି ତାନି ଗୁମୁସ୍ତାଇଁ ଏଲେଇରେସି, କୁଲି ଗାଟାରାଇଁ ହାଟାନା ତାୟୁ ଝାଡ଼ି ଲକୁ ତାଣାଟିଏ ମାଟହାନା ନକିତା ଝାଡ଼ି ଲକୁ ପାତେକା କୁଲି ହୀମୁ । ୯ ଏରେଟିଏ ଆମିନି ଗାଟାରି ପାସା ଗଂଟା ବେଲତା କାମାତା ପାଣ୍ଡୁଡ଼ି ଆହାମାରେରି, ଏଞ୍ଜାରି ଝାହାନା ର ଝେଣ୍ଡି ଟାକା ଲାକା ବେଟାଆଡେରି । ୧୦ ଇଞ୍ଜା ନକେଏ କାମାତା ପାଣ୍ଡୁଡ଼ି ଆହାମାନାରି ଝାହାନା ଗାତି ବେଟାଆନେରି ଇଞ୍ଜା ଅଣ୍ପିତେରି; ସାମା ଏଞ୍ଜାରି ଜିକେଏ ଏ ର ଝେଣ୍ଡି ଟାକା ଲାକା ବେଟାଆଡେରି । ୧୧ ସାମା ଏଲେକା ବେଟାଆହାନା ଏଞ୍ଜାରି ସାସୁକାରିକାଁ କପା ଆହାନା ଲାଗିତେରି । ୧୨ ଇ ତାୟୁତି ଲକୁ ଝାରୁଇ ର ଗଂଟା କାମା କିତେରି, ଇଞ୍ଜା ମାମ୍ବୁ ଝେଡ଼ା ଡୁମ୍ବେ ଝାହୁ ଆହା କାରା ଝେହାଁ କାମା କିତିହାଁ ଜିକେଏ ନୀନୁ ଏଞ୍ଜାରାକି ମା ସମାନା କିତି । ୧୩ ଏଞ୍ଜାରି ବିଡ଼ାଟି ରଅଣାଇଁ ସାସୁକାରି ଏଲେଇରେସି ଏ ତଣେ, ଝେନାମ୍ବୁ ନୀନୁ ନିଙ୍ଗେ ନାଡ଼ି କିହିମାଞ୍ଜାଅଁ; ନୀନୁ ନା ତଲେ ର ଝେଣ୍ଡି ଟାକା ତାକି ରାଜି ଆହାହିଲାଆତି କି ? ୧୪ ନୀନୁ ଏରେକା ପାଣ୍ଡନାୟି ମାନେ ଏରେକା ଆସାନା ହାଜାଡୁହମ୍ବୁ, ସାମା ଇ ତାୟୁତି ଲକୁକି ଜିକେଏ ନୀ ଲେହେକି ହିୟାଲି ନା ମନ । ୧୫ ନା ଦନତି ନା ମନ ଲେହେଁ ଲେମ୍ବାଲି ନା ଅଦିକାରା ହିଲେଏ କି ? ନୀନୁ କାର୍ମାମେସାନା ହିୟାଲିଏ ନୀନୁ ଏନାଆଁତାକି ତାହାରା ଆହିମାଞ୍ଜାଦି ।

୧୬ ଏଲେକିହାସି ଏ ତାୟୁ ମାନି ଲକୁ ନକିତା ଆନେରି, ଇଞ୍ଜା ନକିତା ମାନି ଲକୁ ତାୟୁ ଆନେରି ।

ତାନି ହାକିତି କାତା ଜୀସୁ ତାନି ପାଲି ଝେହ୍ନାୟି

(ମାର୍କ ୧୦:୩୨-୩୪; ଲୁକ ୧୮:୩୧-୩୪)

☆ ୧୯:୩୦ ୧୯:୩୦ ମାତୃ ୨୦:୧୭; ଲୁକ ୧୩:୩୦ ☆ ୨୦:୧୭ ୨୦:୧୭ ମାତୃ ୧୯:୩୦; ମାର୍କ ୧୦:୩୧; ଲୁକ ୧୩:୩୦

୧୭ ଜୀସୁ ଜିରୁସାଲମତା ହାଜିମାଗାଟି ବାରଜାଣାଟି ସାମୁୟାଁଙ୍କ ଏଟକା କିହାନା, ଜିରୁତା ଏଞ୍ଜାରାଙ୍କ ଏଲେଇଚେସି, ୧୮ ମେହ୍ନୁ ମାର ଜିରୁସାଲମତା ହାଜିମାନାୟି, ମାଣ୍ଡି ମୀରୁଏସି କାଜା ପୂଜେରାଜା ଅଡ଼େ ମେରାପୁନାରି କେୟୁତା ହେରପିଆନ୍ଦେସି, ୧୯ ଅଡ଼େ ଏଞ୍ଜାରି ଏଞ୍ଜାଣାଙ୍କ ହାନି ତଣ୍ଡ ହାହାନା ଏଟକା କୁଡ଼ାତାରି କେୟୁତା ହେରପିନେରି, ଏଚେଟିଏ ଏଞ୍ଜାରି ଏଞ୍ଜାଣାଙ୍କ କିଜ଼ି କିନେରି, ସାଟ୍‌ଣି ତ୍‌ରିତଲେ ଖେନେରି, ଅଡ଼େ ପାସି ମୁଣ୍ଡାତା ଏକ୍‌ହାନା ପାୟିନେରି, ଇଞ୍ଜା ତାନି ଦିନାଟିଏ ହାକିଟି ଖେଣ୍ଡେ ନିଜ୍‌ନେସି ।

ର ଇୟାନି ବାତିମାଲିନାୟି  
(ମାର୍କ ୧୦:୩୫-୪୫)

୨୦ ଏତିବେଲା ଜେବଦି ତକ୍ତି ତାନି ରୀ ମୀରକା ତଲେ ଜୀସୁ ତାଣା ଖାହାନା ଜହରା କିହାନା ଏଞ୍ଜାଣି ତାଣା ବାତିମାଲିହ୍ ଏଲେଇଚେ ।

୨୧ ଏଚେଟିଏ ଜୀସୁ ଏଦାନି ଖେଚେସି, “ନୀନୁ ଏନାଆଁ ମନ କିହିମାଞ୍ଜି ?”

ଏଦି ଏଲେଇଚେ, “ନୀ ରାଜିତା ନା ରୀ ମୀରକା ବିତ୍ତାଟି ରଅସି ନୀ ଚିଃନିଞ୍ଜାକି ଅଡ଼େ ରଅସି ନୀ ଚେବ୍ରିଞ୍ଜାକି କୁଗିନେରି ଇଞ୍ଜା ହୁକୁମି ହୀମୁ ।”

୨୨ ସାମା ଜୀସୁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏଦାଆଁ ପୁଞ୍ଜିହିଲଅଚେରି । ନୀନୁ ଆମିନି ସଲ୍ଲାତା ଗସାଲି ହାଜିମାଙ୍କ, ଏଦାଆଁ ମୀରୁ ଗସାଲି ଆଡ଼ିଦେରି ?”

ଏଞ୍ଜାରି ଏଞ୍ଜାଣାଙ୍କ ଏଲେଇଚେରି, “ଆଡ଼ିନମି ।”

୨୩ ଜୀସୁ ଏଞ୍ଜାରାଙ୍କ ଏଲେଇଚେସି, “ମୀରୁ ନା ସଲ୍ଲାତା ଗହ୍‌ଦେରି ସାତା, ସାମା ନା ଚିଃନି କି ଚେବ୍ରିଞ୍ଜାକି କୁଗାଲି ହାନି ନା ଅଦିକାରାଟି କାତା ଆଏ, ଇଚିହ୍ ଆମିନି ଗାଗାରାକି ନା ଆବା ତାଣାଟି ଗାୟୁ କିଞ୍ଜିଆହାମାନେ ଏଞ୍ଜାରି କୁଗିନେରି ।”

୨୪ ଏଟକାଟି ଦସ ଜାଣା ଇ କାତା ଖେଞ୍ଜାନା ଏ ତାୟି ରିଆରାଙ୍କ କପା ଆଡ଼େରି । ୨୫ \*ସାମା ଜୀସୁ ଏଞ୍ଜାରାଙ୍କ ତାଗେ ହାଟାନା ଏଲେଇଚେସି, “ଏଟକା କୁଡ଼ାତାରି ସାଲ୍‌ଞ୍ଜି କିନାରି କାଜା ବାଡ଼ୁୟୁ ତଲେ ତାମି କାଜାପାଣା ତହ୍‌ନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି । ୨୬ \*ମୀ ବିତ୍ତା ଏଲେକିହ୍ ଆଏ, ସାମା ମୀ ବିତ୍ତା ଆମ୍ବାଆସି କାଜାସି ଆହାଲି ଅଣ୍ଡିପିନେସି, ଏଞ୍ଜାସି ମୀ ସେବା କିନାସି ଆପେସି; ୨୭ ଅଡ଼େ ଆମ୍ବାଆସି କାଜାପାଣା ବେଟାଆହାଲି ମନ କିନାସି ଏଞ୍ଜାସି ମୀ ହଲେଏସି ଆପେସି, ୨୮ ଏନିକ୍ ମାଣ୍ଡି ମୀରୁଏସି ଜିକେଏ ସେବା ବେଟାଆହାଲି ଖାହାହିଲଅସି, ସାମା ସେବା କିହାଲି ଅଡ଼େ ହାରେକା ଲକୁଣି ଗେଲ୍‌ପାଲି ଜୀସୁ ହାହାଲି ଖାହାମାନେସି ।”

ରୀ କାଣାୟାଣି ମେସାଲି ହୀନାୟି  
(ମାର୍କ ୧୦:୪୬-୫୨; ଲୁକ ୧୮:୩୫-୪୩)

୨୯ ଜୀସୁ ଅଡ଼େ ତାନି ସାମୁୟାଁ ଜିରିହ୍‌ଟି ହାଜିମାଗାଟି ହାରେକା ମାୟା ଲକୁ ତାନି କ୍ରେଟ ହାଚେରି । ୩୦ ଅଡ଼େ ଜିରୁ ଦାରିତା ରିଆରି କାଣାୟାଁ ଜୀସୁ ଏ ଜିରୁଟି ହାଜିମାନେସି ଇଞ୍ଜା ଖେଞ୍ଜାନା, କାଜା ଗିୟାତଲେ ଏଲେଇଚେରି, “ଏ ପ୍ରବୁ ଦାସ୍ତୁଦ ମୀରୁଏଶାତି ! ମାଞ୍ଜେ କାର୍ମା ମେସାମୁ !”

୩୧ ସାମା ଲକୁ ଏଞ୍ଜାରାଙ୍କ ପାଲେଏ ଆହାଲି ଦାକା ହୀଚେରି, ସାମା ଏଞ୍ଜାରି ଅଡ଼େ କାଜା ଗିୟାତଲେ ଏଲେଇଚେରି, “ଏ ପ୍ରବୁ ଦାସ୍ତୁଦ ମୀରୁଏଶାତି ! ମାଞ୍ଜେ କାର୍ମା ମେସାମୁ !”

୩୨ ଏମ୍ବାଟିଏ ଜୀସୁ ନିଚାନା ଏଞ୍ଜାରାଙ୍କ ହାଟାନା ଖେଚେସି, “ନୀନୁ ମିଞ୍ଜେଟାକି ଏନାଆଁ କିଇଁ ଇଞ୍ଜା ମୀରୁ ଅଣ୍ଡିପିମାଞ୍ଜେରି ?”

୩୩ ଏଞ୍ଜାରି ଏଞ୍ଜାଣାଙ୍କ ଏଲେଇଚେରି, “ଏ ପ୍ରବୁ ଏନିକ୍ ମା କାଣ୍‌କା ଦେପି ଆନୁ ।”

୩୪ ଅଡ଼େ ଜୀସୁ କାର୍ନା ଆହାନା ଏଞ୍ଜାରି କାଣ୍ଟା ତାରିତେସି, ଇଞ୍ଜା ଏ ଦେବୁଣିଏ ଏଞ୍ଜାରି ମେସ୍ତେରି ଇଞ୍ଜା ଏଞ୍ଜାଣି କେଚ ହାଚେରି ।

## ୨୧

ଜିରୁସାଲମତା ଜୀସୁ ରାହାଟି ହଡ଼ନାୟି

(ମାର୍କ ୧୧:୧-୧୧; ଲୁକ ୧୯:୨୮-୪୦)

୧ ଏଚିବେଲା ଜୀସୁ ଅଡ଼େ ତାନି ସୀମୁୟା ଜିରୁସାଲମ ତାଗେ ଆହାନା ଜୀତ ଇନି ହରୁ ଦାରିତି ବେତପାଗି ଏଜାଲିଏ ଏଚିବେଲା ଜୀସୁ ତାନି ରୀ ସୀମୁୟାଣି ଏଲେଇଞ୍ଜା ପାଣ୍ଡିତେସି । ୨ “ମୀରୁ ନକିତା ମାନି ନାୟୁଁତା ହାକୁ, ଇଞ୍ଜା ହାଲୁଞ୍ଜିଏ ଦସାମାନି ର. ଗାଡ଼ଦେ ଇଞ୍ଜା ତାଲୁ ମେହଦେରି; ଏଞ୍ଜାଆଁ ହୁକହାନା ନା. ତାଣା ତାଦୁ । ୩ ଅଡ଼େ ଆମ୍ବାଆରି ଏନାଆଁ ଇଞ୍ଜାତିହୁଁ, ଖେହୁଦୁ, ଇଞ୍ଜାସିକା ତାଣା ମା ପ୍ରବୁକି ଲଡ଼ାମାନେ, ଏ ଦେବୁଣିଏ ଏଞ୍ଜାସିକାଣି ପାଣ୍ଡାନେସି ।”

୪ ମାହାପୁରୁ ଅଣ୍ଟପୁତି ବଲୁ ଖେହନାରି କାତା ଏନିକଁ ସାତା ଆନେ, ଏଦାଆଁତାକି ଇ ବାରେ ଆଡେ;

୫ “ସିୟନତି ଗାଡ଼ାଲୁ ଖେହୁଦୁ ମେହମୁ ନୀ ରାଜା ନୀ ତାଣା ଖାହିମାନେସି !

ଏଞ୍ଜାସି ସୁଦୁଗାଟାସି ଇଞ୍ଜା ଗାଡ଼ଦେ ଲାକ କୁଗାମାନେସି

ଇଚିହଁ ଗାଡ଼ଦେ ତାଲୁ ଲାକ କୁଗାମାନେସି ।”

୬ ଏମାଟିଏ ସୀମୁୟା ହାଜାନା ଜୀସୁ ଖେସିଲେହେଁ କାମା କିତେରି, ୭ ଅଡ଼େ ଗାଡ଼ଦେ ଇଞ୍ଜା ତାଲୁତି ତାଚାନା ଏଞ୍ଜାସିକା ଲାକ ହିମ୍ବରିକା ପାସ୍ତେରି, ଇଞ୍ଜା ଜୀସୁଲୁ କୁଗିକିତେରି । ୮ ଅଡ଼େ ହାରେକା ଲକୁ ତାମି ହିମ୍ବରିକା ଜିରୁତା ପାସ୍ତେରି, ଅଡ଼େ ଏଚେକା ଲକୁ ମାରକାତି ଗରାୟା ତାଚାନା ଜିରୁତା ପାସ୍ତେରି । ୯ ଅଡ଼େ ଜୀସୁତି ତାମୁତା ନକିତା ହାଜିମାଟି ଲକୁ ବାରେ କାଜା

ଗିୟାତଲେ ଏଲେଇଚେରି, “ହସାନା ଦାଞ୍ଜୁଦ ମୀରଏସି ! ମାହାପୁରୁ ଦରୁଟି ଖାହିମାନେସି ନେହାସି ! ମାହାପୁରୁ ଏଞ୍ଜାଣାଲୁ ବର ହାପାସି, ଲାକପୁରୁ ହସାନା !”

୧୦ ଅଡ଼େ ଏଞ୍ଜାସି ଜିରୁସାଲମତା ହଡ଼ାଲିଏ, ଗାଡ଼ାତାରି ବାରେଜାଣା “ଇଞ୍ଜାସି ଆମ୍ବାଆସି ?” ଇଞ୍ଜା କାବାଆହାନା ଏଲେଇଚେରି ।

୧୧ ଏଚେଟିଏ ବାରେ ଲକୁ ଏଲେଇଚେରି, “ଇଞ୍ଜାସି ଗାଲିଲି ଦେସାତା ମାନି ନାଜରିତତି ମାହାପୁରୁ ଅଣ୍ଟପୁତି ବଲୁ ଖେହନି ଜୀସୁ ।”

ମାହାପୁରୁ ଇଲୁତା ଜୀସୁ ହାନାୟି

(ମାର୍କ ୧୧:୧୫-୧୯; ଲୁକ ୧୯:୪୫-୪୮; ଜହ ୨:୧୩-୨୨)

୧୨ ତାମୁ ଜୀସୁ ମାହାପୁରୁ ଇଲୁତା ହଡ଼ାନା ଏ ଗାମୁତା ଏମ୍ବାଆଁ ଆସି ମାସ୍ତକି ମାଚାରାଲୁ ବାରେତି ପାଞ୍ଜାତା ପେରହା ପାଣ୍ଡିତେସି, ଇଞ୍ଜା ଟାକାୟା ବେବାରା ଗାଟାରି କୁଚଁୟାଁ ଅଡ଼େ ପାର୍ଖା ପଟାୟା ବେବାରା ଗାଟାରି ଜମ୍ବାୟାଁ ତିରିମ୍ବୁପହେସି, ୧୩ ଅଡ଼େ ଏଞ୍ଜାସି ଏଞ୍ଜାରାଲୁ ଏଲେଇଚେସି, ମାହାପୁରୁ ଦାମ୍ବୁପତିତା ରାସ୍ତକି ଆହାମାନେ, “ନା ଇଲୁ ପ୍ରାତାନା ଇଲୁ ଇଞ୍ଜା ଖେଜିନେ, ସାମା ମୀରୁ ଏଦାଆଁ ତଂଗାୟାଁ ପାଞ୍ଜୁ ମ୍ବୁପହା ମାଞ୍ଜେରି ।”

୧୪ ଇଞ୍ଜା ମାହାପୁରୁ ଇଲୁତା କାଣାୟାଁ, ସଟାୟାଁ ତାନି ତାଣା ଖାଚେରି ଇଞ୍ଜା ଏଞ୍ଜାରାଲୁ ନେହଁ କିତେସି । ୧୫ ସାମା କାଜା ପୂଜେରାଞ୍ଜା ଅଡ଼େ ମେରାପୁନାରି ତାନୁ କିହିମାନି କାବାଆନି କାମା ମେସାନା ଅଡ଼େ “ମାହାପୁରୁ ଇଲୁତା ହସାନା ଦାଞ୍ଜୁଦ ମୀରଏସି” ଇଞ୍ଜା କାଜା ଗିୟାତଲେ କକାରି ଜଲିମାନାଣି ଖେଞ୍ଜାନା କପା ଆଡେରି । ୧୬ ଏଞ୍ଜାରି ଜୀସୁଲୁ ଖେଚେରି, “ଇଞ୍ଜାରି ଏନାଆଁ ଇଞ୍ଜା ମାନେରି, ନୀନୁ ଏଦାଆଁ ଖେଞ୍ଜିମାଞ୍ଜି ?”

ଜୀସୁ ଏଞ୍ଜାରାଲୁ ଏଲେଇଚେସି, “ହାଅ, ଖେଞ୍ଜିମାଲୁ, ମୀରୁ କକାରି ଇଞ୍ଜା

ପାଳୁ ଗହନରାଇଁ ନିଜ ଜହରା ପାଳୁ ପାଚାଳି ଜାପୁହାମାଞ୍ଜି, ଦାମ୍ନୁ ପତିତି ଈ କାତାତି ମୀରୁ ଏଚେଲା ପଡ଼ୁଞ୍ଜି ଆହାହିଲଅଚେରି ?”

୧୭ ଅଡ଼େ ଏଞ୍ଜାସି ଏଞ୍ଜାରାଇଁ ପିସାନା ଗାଡ଼ାଟି ହଟାନା ବେତନିୟାତା ହାଜାନା ଏମ୍ପାଆଁ ଲାଆଁୟା ଡ଼ୟିତେସି ।

ଜୀସୁ ତୟା ମାର୍‌ନୁଇଁ ବାକା ଇଟିନାୟି

(ମାର୍କ ୧୧:୧୨-୧୪, ୨୦-୨୪)

୧୮ ଜୀସୁ ଗାଡ଼ାତା ଖେଣ୍ଡା ହାଜିମାଚାଟି ହାକି ଆଡ଼େସି, ୧୯ ଅଡ଼େ ଜିରୁ ଦାରିତା ର ତୟା ମାର୍‌ନୁ ମେସାନା ଦାରିତା ହାଚେସି, ଇଞ୍ଜା ଖାରଇ ଆକା ପିସପେ ଏମ୍ପାଆଁ ଏନାଆଁ ମେହୁଆଚେସି ଇଞ୍ଜା ଏଦାନି ବାକା ଇଟାନା ଏଲେଇଚେସି, “ନୀ ତାଣା ଏଚେଲା ପାଡ଼େୟି ଆୟାଆପେ” ଇଞ୍ଜା ଏ ଦେବୁଣିଏ ଏ ତୟା ମାର୍‌ନୁ ଖାୟାହାଚେ ।

୨୦ ସୀସୁୟାଁ ଏଦାଆଁ ମେସାନା କାବାଆହାନା ଏଲେଇଚେରି, “ତୟା ମାର୍‌ନୁ ଏନିକି ଏ ଦେବୁଣିଏ ଖାୟା ହାଚେ ।”

୨୧ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମୀ ନାମୁ ମାଚିହୁଁ, ଅଡ଼େ ମୀରୁ ଆନାମାନା ଆଆନା, ଈ ତୟା ମାର୍‌ନୁତି ଏନି କିଞ୍ଜିଆହାମାନେ, ଏଲେକିହୁଁ ଏ କିଦେରି ଏଦି ଆଏ, ‘ସାମା ଈ ହରୁତି ଜିକେଏ ନାନୁ ନିଙ୍ଗାନା ସାମୁଦୁରିତା ତରଗାମୁ’ ଇଞ୍ଜେରି, ଆତିହୁଁ ଏଦି ଆନେ । ୨୨ ଇଞ୍ଜା ନାମୁତଲେ ପ୍ରାଡ଼ାନାତା ଏନାଆଁ ରାହଦେରି ଏ ବାରେ ମିଙ୍ଗେ ମେଡ଼ାଆୟାନେ ।”

ଜୀସୁତି ଅଦିକାରା

(ମାର୍କ ୧୧:୨୭-୩୩; ଲୁକ ୨୦:୧-୮)

୨୩ ତାୟୁ ଜୀସୁ ମାହାପୁରୁ ଇଲୁତା ହଡ଼ାନା ଜାପୁହି ମାଚାଟି, କାଜା ପୂଜେରାଙ୍ଗା ଅଡ଼େ ଲକୁତି କାଜାରି ଏଞ୍ଜାଣି ତାଣା ଖାହାନା ଖେଚେରି, “ନାନୁ ଆମିନି ଅଦିକାରା ତଲେ ଈ ବାରେ

କାମା କିହିମାଞ୍ଜି ? ନିଙ୍ଗେ ଏ ଅଦିକାରା ଆମ୍ପାଆସି ହିୟାତେସି ?”

୨୪ ଜୀସୁ ଏଞ୍ଜାରାଇଁ ଏଲେଇଚେସି, “ନାନୁ ଜିକେଏ ମିଙ୍ଗେ ର କାତା ଖେଞ୍ଜାଇଁ, ମୀରୁ ଏଦାଆଁ ଖେଣ୍ଡେ ଖେସୁତିହୁଁ, ନାନୁ ଆମିନି ଅଦିକାରା ତଲେ ଈ ବାରେ କାମା କିହିମାଇଁ, ନାନୁ ଜିକେଏ ମିଙ୍ଗେ ଖେସୁଆଇଁ । ୨୫ ଜହନ ବାପୁସ୍ତ\* ହୀହାଲି ଆମ୍ପାଆରି ତାଣାଟି ବେଟା ଆହାମାଚେସି, ଲାକପୁରୁଟି କି ଲକୁ ତାଣାଟି ?”

ଏଚେଟିଏ ଏଞ୍ଜାରି ତାମ୍ନୁ ତାମ୍ନୁ ଜଲୁକି ଆଡ଼େରି, “ମାହାପୁରୁ ତାଣାଟି ଇଞ୍ଜି ଖେସୁତିହୁଁ, ଏଞ୍ଜାସି ମାଙ୍ଗେ ଏଲେଇଞ୍ଜାନେସି, ‘ମୀରୁ ଏନାଆଁତାକି ଏଞ୍ଜାଣାଇଁ ନାମାଆଚେରି ?’ ୨୬ ସାମା ମାଣସିୟାଁ ତାଣାଟି ଇନାୟି, ଲକୁତାକି ଆଜି, ଇଚିହୁଁ ବାରେ ଲକୁ ଜହନଇଁ ମାହାପୁରୁ ଅଣ୍ପୁତି ବଲୁ ଖେହନସି ଇଞ୍ଜିହୁଁ ମାନୁଞ୍ଜି ଆହିମାନେରି ।” ୨୭ ଏଦାଆଁତାକି ଏଞ୍ଜାରି ଜୀସୁଇଁ ଏଲେଇଚେରି, “ମାମୁ ପୁଞ୍ଜାହିଲଅମି ।”

ଏଞ୍ଜାସି ଜିକେଏ ଏଞ୍ଜାରାଇଁ ଏଲେଇଚେସି, “ଆତିହୁଁ ନାନୁ ଜିକେଏ ଆମିନି ଅଦିକାରା ତଲେ ଈ ବାରେ କିହିମାଇଁ, ଏଦାଆଁ ନାନୁ ଜିକେଏ ମିଙ୍ଗେ ଖେସୁଆଁ ।”

ରୀ ମୀରୁକାଟି ପୁଣ୍ଡିକିନି କାତା

୨୮ ମୀରୁ ଏନାଆଁ ଅଣ୍ପିମାଞ୍ଜେରି ? ରଅଣାକି ରୀ ମୀରୁକା ମାଚେରି, ଏଞ୍ଜାସି କାଜା ମୀରୁଏଣି ତାଣା ଖାହାନା ଏଲେଇଚେସି, “ମୀରୁଏଣା ନୀଞ୍ଜୁ ଅଲୁରି ବାଡ଼ାତା ହାଜାନା କାମା କିମୁ ।”

୨୯ ଏଞ୍ଜାସି ଏଲେଇଚେସି, “ନାଙ୍ଗେ କାମା କିହାଲି ମନୁ ହିଲେଏ” ସାମା ତାୟୁ ଏଞ୍ଜାସି ଅଣ୍ପାପାନା କାମା କିହାଲି ହାଚେସି । ୩୦ ଇଞ୍ଜା ଉଣା ମୀରୁଏଣା ତାଣା ଖାହାନା ଏଲେଇଞ୍ଜି ଖେସୁସି, ଏଞ୍ଜାସି ଏଲେଇଚେସି, “ହାଅ ଆବା ନାନୁ ହାଜିମାଇଁ, ସାମା ଏଞ୍ଜାସି ହାଲାଆଚେସି

\* ୨୧:୨୧ ୨୧:୨୧ ମାତୃ ୧୭:୨୦; ୧କର ୧୩:୨ \* ୨୧:୨୫ ୨୧:୨୫ ମୁଞ୍ଜିନାୟି

। ୩୧ ଇ ରିଆରି ବିତ୍ତାଟି ଆମ୍ବାଆସି ଆବା ମନ ଲେହେଁ କିତେସି ?”

ଏଞ୍ଜାରି ଏଲେଇଚେରି “କାଜାସି ।”

ଜୀସୁ ଏଞ୍ଜାରାଇଁ ଏଲେଇଚେସି, ନାନୁ ମିଙ୍ଗେ ସାତା ୱେସିମାଞ୍ଜାଇଁ, ସିସୁ ରୀହନାରି ଇଞ୍ଜା ଦାରେଣସିକା ମୀ ନଚେଏ ମାହାପୁରୁ ରାଜିତା ହଡ଼ନୁ । ୩୨ \*ବାପ୍ତିସ୍ତାଁ ହାନି ଜହନ ୱାହାନା ମୀ ତାଣା ଦାମ୍ବୁତି ଜିରୁ ତସ୍ତାତେସି, ଅଡ଼େ ମୀରୁ ଏଞ୍ଜାଣାଇଁ ନାମାଆତେରି, ସାମା ସିସୁ ରୀହନାରି ଇଞ୍ଜା ଦାରେଣସିକା ଏଞ୍ଜାଣାଇଁ ନାମିତୁ, ସାମା ମୀରୁ ଏନିକ୍ ନାମିଦେରି, ଏଦାଆଁତାକି ଏନାଆଁ ମେସାନା ଜିକେଏ ହିୟାଁ ବାଦ୍ଲି କିଆତେରି ।

ଅଙ୍ଗୁରି ବାଡ଼ାତା କାମାକିନାରି ପୁଣ୍ଡିକିନି କାତା

(ମାର୍କ ୧୨:୧-୧୨; ଲୁକ ୨୦:୯-୧୯)

୩୩ ଅଡ଼େ ର ପୁଣ୍ଡିକିନି କାତା ୱେଞ୍ଜୁ, ର ବୃମି ଗାଟାସି ମାଚେସି, ଏଞ୍ଜାସି ର ଅଙ୍ଗୁରି ବାଡ଼ା କିହାନା ସାରିଞ୍ଜାକି ବେୟ୍ ଗୁରତେସି, ଇଞ୍ଜା ଅଙ୍ଗୁରି ପାଡ଼େୟି ପୀଚାଲି ର ଗାଡ଼ୁୟୁ କାରୁହାନା ର ଗାଣା ହଲୁଲେହେଁ କିତେସି, ଇଞ୍ଜା କାଃଆନି ଇଲୁ କେପାନା କାମା କିନାରାକି ଏ ବାଡ଼ାତି ବାଗା ହୀହାନା ହେକ ଦେସାତା ହାଚେସି । ୩୪ ତାୟୁ ପାଡ଼େୟି କାମ୍ବି ବେଲା ଆୟାଲିଏ, ଏଞ୍ଜାସି ତାନି ପାଡ଼େୟି ବାଗା ବେଟାଆହାଲି, ବାଡ଼ାତା କାମାକିନାରି ତାଣା, ତାନି ହଲିୟାକାଣି ପାଣ୍ଡିତେସି । ୩୫ ସାମା କାମାକିନାରି ତାନି ହଲିୟାକାଣି ଆସାନା ରଅଣାଇଁ ୱେତେରି ଇଞ୍ଜା ଅର ରଅଣାଇଁ ପାୟିତେରି, ଅଡ଼େ ରଅଣାଇଁ ୱାଲକା ୱେଟାନା ପାୟାଁ କୁତାତୁସ୍ତେରି । ୩୬ ଅଡ଼େ ଏଞ୍ଜାସି ତଲିତି କିହାଁ ହାରେକା ଜାଣା ହଲିୟାକାଣି ପାଣ୍ଡିତେସି, ଅଡ଼େ ଏଞ୍ଜାରି ଏଞ୍ଜାରାଇଁ ଜିକେଏ ଏଲେକିତେରି । ୩୭ ସାମା ନା ମୀରୁଏଣାଇଁ ଏଞ୍ଜାରି ମାନ୍ତି କିନେରି ଇଞ୍ଜୁ ଅଣ୍ପାନା, ଏଞ୍ଜାସି

ତାୟୁ ତାନି ମୀରୁଏଣାଇଁ ଏଞ୍ଜାରିତାଣା ପାଣ୍ଡିତେସି । ୩୮ ସାମା ଏ କାମାକିନାରି ମୀରୁଏଣାଇଁ ମେସାନା ତାୟୁ ତାୟୁ ୱେସ୍ପି ଆଡ଼େରି, ଇଞ୍ଜାସିତ ବାଡ଼ାତି ଅଦିକାରା ଗାଟାସି; ୱାଦୁ ଇଞ୍ଜାଣାଇଁ ପାୟାନା ଅଙ୍ଗୁରି ବାଡ଼ାତି ଅଦିକାରା କିହାକତିନ । ୩୯ ଇଞ୍ଜା ଏଞ୍ଜାରି ଏଞ୍ଜାଣାଇଁ ଅଙ୍ଗୁରି ବାଡ଼ା ଆତାଲା ମେଡ଼ହାନା ପାୟିତେରି ।

୪୦ ଜୀସୁ ଏଞ୍ଜାରାଇଁ ୱେଚେସି, “ଇଚିହ୍ ଏଚିବେଲା ଏ ଅଙ୍ଗୁରି ବାଡ଼ାତି ସାଞ୍ଜୁକାରି ୱାନେସି, ଏଚିବେଲା ଏ କାମା କିନାରାଇଁ ଏନାଆଁ କିନେସି ।”

୪୧ ଏଞ୍ଜାରି ଏଞ୍ଜାଣାଇଁ ଏଲେଇଚେରି, “ଏ ଲାଗେଏ ପୁଲେଏତି କାମା କିନାରାଇଁ କସ୍ତୁ ହୀହ୍ ପାୟିନେସି, ଇଞ୍ଜା ଏଞ୍ଜାଣାକି କାମ୍ବିନିସାରି ବାଗା ହାନି ଏଚକାତି କାମା କିନାରାକି ଅଙ୍ଗୁରି ବାଡ଼ାତି ହେରପିନେସି ।”

୪୨ ଜୀସୁ ଏଞ୍ଜାରାଇଁ ଏଲେଇଚେସି, “ମୀରୁ ଦାମ୍ବୁ ପତତି ଇ କାତା ଏଚେଲାଞ୍ଜା ପଡ଼ଞ୍ଜି ଆହାହିଲଅତେରି କି ?”

ଇଲୁ ଦହନାରି ଆମିନି ୱାଲିତି ମିଶ୍ ଏ ଇଞ୍ଜୁ କୂତେରି, ଏଦିଏ ଇଲୁ କନତି ମୂଲୁ ୱାଲି ଆଡ଼େ;

ମାହାପୁରୁ ତାଣାଟି ଇଦି ଆଡ଼େ, ଇଞ୍ଜା ଏଦି ମା କାନୁତାକି କାବା ଆନାୟି ।

୪୩ “ଏଦାଆଁତାକି ନାନୁ ମିଙ୍ଗେ ୱେସିମାଞ୍ଜାଇଁ, ମାହାପୁରୁତି ରାଜି ମୀ ତାଣାଟି ମୀଞ୍ଜା ଅଞ୍ଜିଆନେ, ଇଞ୍ଜା ଆମିନି ଜାଡ଼ିତି ଲକୁ ନେହ୍ ପାଡ଼େୟି କାମ୍ବି କିନେରି ଏଞ୍ଜାରାକି ହୀନେସି । ୪୪ ଅଡ଼େ ଆମ୍ବାଆସି ଇ ୱାଲି ଲାକ ରିନେସି ଏଞ୍ଜାସି କାଣ୍ଡାମୁକା ଆନେସି, ଇଞ୍ଜା ଇ ୱାଲି ଆମ୍ବାଆରି ଲାକ ରିନେ ଏଦି ଏଞ୍ଜାଣାଇଁ ନାସାକିନେ ।”

୪୫ କାଜା ପୂଜେରାକା ଅଡ଼େ ପାରୁସିୟାଁ ଇଞ୍ଜାଣି ଇ ବାରେ ପୁଣ୍ଡିକିନି କାତା ୱେଞ୍ଜାନା, ଏଞ୍ଜାସି ଏଞ୍ଜାରି

\* ୨୧:୩୨ ୨୧:୩୨ ଲୁକ ୩:୧୨; ୭:୨୯,୩୦ † ୨୧:୩୨ ୨୧:୩୨ ମୁଞ୍ଜିନାୟି

କାତା ଝେସିମାନେସି ଇଞ୍ଜି ପୁରେରି,  
 ୪୭ ଇଞ୍ଜା ଏଞ୍ଜାରି ଏଞ୍ଜାଣାଇଁ ଆସାଲି  
 ଅଣ୍ଡିମାରେରି, ସାମା ଲକୁଇଁ  
 ଆଜିତେରି, ଏନାଆଁତାକି ଇଚିହଁ  
 ଏଞ୍ଜାଣାଇଁ ର ମାହାପୁରୁ ଅଣ୍ଡପୁତି ବଲୁ  
 ଝେହନସି ଇଞ୍ଜି ମାନି କିହିମାରେରି ।

**୨୨**

ବୀହା ବଜିତି ପୁଣ୍ଡିକିନି କାତା  
 (ଲୁକ ୧୪:୧୫-୨୪)

୧ ଅଡ଼େ ଝେଣ୍ଡେ ଜୀସୁ ପୁଣ୍ଡିକିନି  
 କାତାତଲେ ଏଲେଇଚେସି, ୨ ଲାକପୁରୁତି  
 ରାଜି ଇଲେତାୟି, ର ରାଜା ଲେହେଁ,  
 ଏଞ୍ଜାସି ତାନି ମୀରୁଏଣା ବୀହା ବଜି  
 କିତେସି, ୩ ଇଞ୍ଜା ଏ ବୀହା ବଜିତା  
 ହାଟାମାନି ଲକୁଣି ବଜିତା ଝାପେରିଞ୍ଜା  
 ଇଞ୍ଜି ତାନି ହଲିୟାଙ୍ଗାଣି ପାଣ୍ଡିତେସି,  
 ସାମା ଏଞ୍ଜାରି ଝାହାଲି ମନ କିଆତେରି ।  
 ୪ ଅଡ଼େ ଝେଣ୍ଡେ ଏଟକାତି ହଲିୟାଙ୍ଗାଣି  
 ପାଣ୍ଡାନା ଏଲେଇଚେସି, ହାଟି କିହାମାନି  
 ଲକୁଣି ଝେହ୍ନୁ, ମେହ୍ନୁ ନାନୁ ନା  
 ବଜି ଝାଜା ମାଇଁ, ଆଙ୍ଗା ଆଡ଼ି କଡ଼ିୟାଁ  
 ପାୟୁଞ୍ଜି ଆହାମାନୁ, ବାରେ ରାନ୍ଦା  
 ଆଡେୟିଏ, ମୀରୁ ବୀହା ବଜିତା ଝାପୁ  
 । ୫ ସାମା ଏଞ୍ଜାରି ଏଦାଆଁ ଅଣ୍ଡପାଆନା  
 ଆମ୍ବାଆରି ତାନି ତାସା କାମାତା ହାରେରି,  
 ଇଞ୍ଜା ଆମ୍ବା ଆମ୍ବାଆରି ତାନି ବେବାରା  
 କିୟାଲି ହାରେରି, ୬ ଅଡ଼େ ଏଚରଜାଣା  
 ଲକୁ ତାନି ହଲିୟାଙ୍ଗାଣି ଆସାନା  
 ପାୟିତେରି । ୭ ସାମା ରାଜା କପା  
 ଆହାନା ତାନି କସକାଣି ପାଣ୍ଡାନା ଏ  
 ପାୟିତାରାଇଁ ପାୟି କିତେସି ଇଞ୍ଜା  
 ଏଞ୍ଜାରି ନାୟକା ମ୍ବେକହା ତୁସ୍ତେରି ।  
 ୮ ଏମ୍ବାଟିଏ ଏଞ୍ଜାସି ତାନି ହଲିୟାଙ୍ଗାଣି  
 ଏଲେଇଚେସି, ବୀହା ବଜି ଆହାମାନେ,  
 ସାମା ହାଟକି ଆହାମାନି ଲକୁ ପାଡ଼ା  
 ଆଆତାରି, ୯ ଏଦାଆଁତାକି ନୀର୍ବ ମୀରୁ  
 ଗାଡ଼ାତି କାଜା ତାଣ୍ଡେଣାଁ ହାଜାନା,  
 ଏଚରଜାଣାତି ମେହ୍ନେଦେରି, ଏଞ୍ଜାରାଇଁ  
 ବୀହା ବଜିତା ହାଟା ତାପୁ । ୧୦ ଏମ୍ବାଟିଏ  
 ଏ ହଲିୟାଙ୍ଗା କାଜା ତାଣ୍ଡେଣାଁ ହାଜାନା  
 ଲାଗେଏ ପଲେଏତାରାଇଁ ଇଞ୍ଜା ଏଚେକା

ନେହାଁରାଇଁ ମେସ୍ତେରି, ଏ ବାରେତି  
 ରୁଣ୍ଡି କିହାନା ବୀହା ଇଲୁତା ତାତେରି,  
 ଇଞ୍ଜା ଝାହାମାନି ଲକୁ ବୀହା ଇଲୁତା  
 ନେଞ୍ଜିତେରି ।

୧୧ ସାମା ରାଜା ବୀହା ବଜିତା  
 ଝାହାମାନି ଲକୁଣି ସିନିକହାଲି ବିତ୍ତା  
 ଝାହାନା ଏମ୍ବାଆଁ ବୀହା ହିମ୍ବୁରି ହୁଚାଆନା  
 କୁଗାମାନି ରଅଣାଇଁ ମେସାନା ଏଞ୍ଜାଣାଇଁ  
 ଏଲେଇଚେସି, ୧୨ ଏ ତଡ଼େ, ନୀନୁ ବୀହା  
 ହିମ୍ବୁରି ହୁଚାଆନା ଏନିକିଁ ଇମ୍ବାଆଁ ଝାଡ଼ି  
 ? ସାମା ଏଞ୍ଜାସି ଏନି ହାଡ଼ା ଆଆନା  
 ଡ଼ୟିତେସି । ୧୩ ଏମ୍ବାଟିଏ ରାଜା  
 ଏମ୍ବାଆଁ ହଲିୟାଙ୍ଗାଲ୍ ଏଲେଇଚେସି,  
 ଇଞ୍ଜାଣି କେସ୍ତା କତାୟାଁ ଦସାନା ପାଙ୍ଗାତି  
 ଆନ୍ଦେରିତା ମେଡ଼ହା ତୁହ୍ନୁ, ଏମ୍ବାଆଁ  
 ଡ଼ାହଁ ପାଲକା ଟୀଟି କିନେସି ।

୧୪ ଇଚିହଁ ହାଟକି ଆଡ଼ି ଲକୁ  
 ହାଟେରକା ଜାଣା ସାମା ଆଡ଼ିତି ଲକୁ  
 ହାଟେରକା ଡ଼ଣା ଜାଣା ।

ସିସୁ ହୁନାଣି ଝେନାୟି  
 (ମାର୍କ ୧୨:୧୩-୧୭; ଲୁକ ୨୦:୨୦-  
 ୨୬)

୧୫ ଏଚିବେଲ୍ମା ପାରୁସିୟାଁ ହାଜାନା  
 ଜୀସୁଇଁ ତାନି ଝେସି କାତାଟି ଦହ  
 ଦସାଲି ପାରୁ ପାରାତେରି । ୧୬ ଇଞ୍ଜା  
 ଏଞ୍ଜାରି ହେରଦ ଗଟି ବିତ୍ତାଟି ଏଚେକା  
 ଲକୁତଲେ ତାନି ସୀସୁୟାଁଲ୍ ଜୀସୁ ତାଣା  
 ଝେସା ପାଣ୍ଡିତେରି, “ଏ ଗୁରୁ ମାମ୍ବୁ  
 ପୁଞ୍ଜାମାନମି ନୀନୁ ସାତା ଝେହ୍ନାତି  
 ଇଞ୍ଜା ସାତା କିହଁ ମାହାପୁରୁତି ଜିରୁ  
 ଜାପ୍ନାତି, ଇଞ୍ଜା ଆମ୍ବାଆରାଇଁ ଆଜଅତି  
 ଅଡ଼େ ଆମ୍ବାଆରି ପାରଡ଼ା ବାଟିକିହଁ  
 ଜଲିନାତି ଆଏ । ୧୭ ଇଦାଆଁତାକି ନୀନୁ  
 ମାଙ୍ଗେ ଝେସ୍ତାମ୍ବୁ, ନୀ ଅଣ୍ଡପୁତା ଏନାୟି  
 ମାନେ ? କାୟିସରକି ସିସୁ ହୁନାୟି  
 ମେରା କି ଆଏ ?”

୧୮ ସାମା ଜୀସୁ ଏଞ୍ଜାରି କାର୍ବି  
 ପୁଞ୍ଜାନା ଏଲେଇଚେସି, “ଆଡ଼େ କୁଟୁ  
 ଗାଟାତେରି ନାଙ୍ଗେ ଏନାଆଁତାକି  
 ତାୟିପାରି କିହିମାଞ୍ଜାଦେରି ? ୧୯ ଏ ସିସୁ  
 ହାନି ଟାକା ନାଙ୍ଗେ ହିୟାପୁ ।” ଏମ୍ବାଟିଏ

୨୨:୧୩ ୨୨:୧୩ ମାତୃ ୮:୧୨; ୨୫:୩୦; ଲୁକ ୧୩:୨୮



ଏଞ୍ଜେଲ୍ ତାଣ୍ଡା ର ଚାକା ଆଦଲି ହୀତେରି । ୨୦ ଜୀସୁ ଏଞ୍ଜେରାକ୍ ଖେରେସି, “ଇ ଆଦଲି ଲାକ ଆମ୍ବାଆରି ଦରୁ ଅଡ଼େ ତାୟ୍ ବମା ମାନେ ?” ୨୧ ଏଞ୍ଜେରି ଏଲେଇରେରି, “କାୟିସରଖାୟି ।”

ଜୀସୁ ଏଞ୍ଜେରାକ୍ ଏଲେଇରେସି, “ଆତିହ୍ ଆମିନାୟି କାୟିସରଖାୟି ଏଦାଆଁ କାୟିସରକି ହୀଦୁ, ଅଡ଼େ ଆମିନାୟି ମାହାପୁରୁଖାୟି ଏଦାଆଁ ମାହାପୁରୁକି ହୀଦୁ ।”

୨୨ ଏଞ୍ଜେରି ଏଦାଆଁ ଖେଞ୍ଜାନା କାବାଆହାନା ଏଞ୍ଜେରାକ୍ ପିସାଁ ହାଜାତୁସେରି ।

ହାକିଟି ଖେଣ୍ଡେ ନିଜିନି କାତା

(ମାର୍କ ୧୨:୧୮-୨୭; ଲୁକ ୨୦:୨୭-୪୦)

୨୩ \*ହାକିଟି ଖେଣ୍ଡେ ନିଜିନାୟି ହିଲେଏ ଇଞ୍ଜିମାନି ଏଚରଜାଣା ସାଦୁକିୟାଁ ଏ ଦିନା ଜୀସୁ ତାଣ୍ଡା ଖାହାନା ଖେରେରି । ୨୪ “ଏ ଗୁରୁ ମସା ଖେସାମାଞ୍ଜାନେସି, ରଅସି ପଦି ପଦା ଆଆନା ହାଡ଼ିହ୍ ତାନି ତାୟି ତାନି ଡକ୍ରିନି ଇଚାନା ଏ ହାଡ଼ାଣି କୁଡ଼ା ଏପାକିନେସି । ୨୫ ମେହମୁ ମା ତାଣ୍ଡା ସାଡ଼ା ଜାଣା ତାୟିୟାଁ ମାରେରି; ତଲି ମୁଲୁ ତାସି ବାହା ଆହାନା ହାହାହାଚେସି, ଇଞ୍ଜା କକାରି ପଦାୟାଁ ହିଲାଆତାକି ଏଞ୍ଜେସି ତାନି ଡକ୍ରିନି ତାନି ତାୟିକି ପିସାହାଚେସି; ୨୬ ଏଞ୍ଜେରି ଜେଚତାସି ଅଡ଼େ ଏଞ୍ଜେରି ଜେଚତାସି ଏଲେକିହ୍ ସାତା ଜାଣା ଜିକେଏ ହାଡ଼େରି । ୨୭ ବାରେଡି ତାୟି ଏ ଇୟାଟି ଜିକେଏ ହାଡ଼େ । ୨୮ ଆତିହ୍ ଖେଣ୍ଡେ ନିଜିନାଟି ଏ ସାତା ଜାଣା ବିତ୍ତା ଆମ୍ବାଆରି ଡକ୍ରି ଆନେ ? ଇତିହ୍ ବାରେଜାଣା ଏଦାନି ବାହା ଆହାମାଚେରି ।”

୨୯ ଜୀସୁ ଏଞ୍ଜେରାକ୍ ଏଲେଇରେସି, “ମୀରୁ ଦାମ୍ବୁ ସାସ୍ତେରି ଅଡ଼େ ମାହାପୁରୁଟି ବାଡ଼ୟୁ ପୁନାଆନା ନାଡ଼ି ଆହିମାଞ୍ଜେରି । ୩୦ ଇତିହ୍ ହାହାନା ଖେଣ୍ଡେ ନିଜିସାରେ ଲକୁ ବାହା ଆଅରି, କି ବାହା ହୀଅରି,

ସାମା ଲାକପୁରୁଟି ଦୁଡୁୟାଲେହେଁ ଆନେରି । ୩୧ ସାମା ହାଡ଼ାରି ଖେଣ୍ଡେ ନିଜିନି କାତା ମାହାପୁରୁ ମିଙ୍ଗେ ଏଦାଆଁ ଖେସାମାଞ୍ଜାନେସି ଏଦାଆଁ ମୀରୁ ପଡ଼ୁଞ୍ଜି ଅହାହିଲଅତେରି ? ୩୨ ନାନୁ ଅତ୍ରାହାମତି ମାହାପୁରୁ, ଇସାହାକତି ମାହାପୁରୁ, ଅଡ଼େ ଜାକୁବତି ମାହାପୁରୁଚେଏ, ଏଞ୍ଜେସି ହାଡ଼ି ଲକୁଟି ମାହାପୁରୁ ଆଏ ସାମା ଜୀଞ୍ଜୁଗାଟାରି ମାହାପୁରୁ ।”

୩୩ ଲକୁ ବାରେ ଏଞ୍ଜେରି ଜାପୁନାଣି ଖେଞ୍ଜାନା କାବା ଆହାହାଚେରି ।

କାଜା ହୁକୁମି

(ମାର୍କ ୧୨:୨୮-୩୪; ଲୁକ ୧୦:୨୫-୨୮)

୩୪ ଜୀସୁକ୍ ସାଦୁକିୟାଁ ଖେଣ୍ଡେ ଖେସାଲି ଆଡ଼ି ହିଲଅରି ଇଞ୍ଜି ପୁଞ୍ଜାନା ପାରୁସିୟାଁ ବିତ୍ତାଟି ରୁଣ୍ଡା ଆଡ଼େରି, ୩୫ ଅଡ଼େ ଏଞ୍ଜେରି ବିତ୍ତାଟି ମେରା ପୁନାସି ରଅସି ଜୀସୁକ୍ ତାୟିପାରିକିହ୍ ଖେରେସି, ୩୬ “ଗୁରୁ ବାରେ ହୁକୁମିକା ବିତ୍ତାଟି ଆମିନି ହୁକୁମି କାଜାୟି ?”

୩୭ ଜୀସୁ ଏଞ୍ଜେରାକ୍ ଏଲେଇରେସି, ନୀନୁ ନୀ ବାରେ ହିୟାଁ, ନୀ ବାରେ ଜୀଞ୍ଜୁ ବାରେ ଅଣ୍ଡପୁ ତଲେ ପ୍ରବୁ ନୀ ମାହାପୁରୁକ୍ ଜୀଞ୍ଜୁ ନମୁ । ୩୮ ଇଦିଏ ବାରେ ହୁକୁମିକା କିହାଁ କାଜାୟି ଇଞ୍ଜା ତଲିତି ହୁକୁମି । ୩୯ ଏଦାଣି ଜେଚତି ହୁକୁମି ଜିକେଏ ଏଲେକିହ୍ ଏ, ନୀନୁ ନୀ ପାଡ଼ିତି ଲକୁଣି ନୀ ଜୀଞ୍ଜୁତି ଜୀଞ୍ଜୁ ନହାଁ କଡିନି ଲେହେଁ ଜୀଞ୍ଜୁ ନମୁ । ୪୦ \*ଇ ରୀ ହୁକୁମିତା ମସାତି ବାରେ ମେରା, ଅଡ଼େ ମାହାପୁରୁ ଅଣ୍ଡପୁତି ବଲୁ ଖେହନାରି କାତା ମାଞ୍ଜାମାନେ ।

କ୍ରୀସୁ ଆମ୍ବାଆସି

(ମାର୍କ ୧୨:୩୫-୩୭; ଲୁକ ୨୦:୪୧-୪୪)

୪୧ ପାରୁସିୟାଁ ରୁଣ୍ଡା ଆହାମାଚାଟି ଜୀସୁ ଏଞ୍ଜେରାକ୍ ଖେରେସି, ୪୨ “କ୍ରୀସୁକ୍ ମୀରୁ ଆମ୍ବାଆସି ଇଞ୍ଜି ମୀରୁ ଅଣ୍ଡପିମାଞ୍ଜେରି ? ଏଞ୍ଜେସି ଆମ୍ବାଆରି ମୀରୁଏସି

?" ଏଞ୍ଜାରି ଏଞ୍ଜାଣାଇ ଏଲେଇରେରି  
“ଦାଝୁଦ ମୀରଏସି ।”

୪୩ ଜାସୁ ଏଞ୍ଜାରାଇ ଏଲେଇରେସି,  
“ଆତିହ୍ ଦାଝୁଦ ଏନିକ୍ ସୁରୁଜୀଝୁ  
ତଲେ ଏଞ୍ଜାଣାଇ ପ୍ରବୁ ଇଞ୍ଜି ମୀରେସି  
?” ଦାଝୁଦ ଏଲେଇରେସି,

୪୪ “ପ୍ରବୁ ନା ପ୍ରବୁଇଁ ଝେସେସି,  
ନାନୁ ନୀ ସାତୁୟାଣି ନୀ କତାୟା  
ଡ଼ଇ ଇଟାଆ ପାତେକା  
ନା ଚିଃନି ଚଟତା କୁଗାମାନାମୁ ।

୪୫ ଇଚିହ୍ ଦାଝୁଦ ତାନୁଏ ଏଞ୍ଜାଣାଇ  
ପ୍ରବୁ ଇଚିହ୍, କ୍ରୀସୁ ଏନିକ୍ ଦାଝୁଦ  
ମୀରଏସି ଆନେସି ?”

୪୬ ଏମ୍ବାଟି ଆମ୍ବାଆସି ଜିକେଏ  
ଏଞ୍ଜାଣାଇ ଝେଶ୍ରେ ଝେସାଲି  
ଆଡାଆତେସି, ଅଡେ ଏ ନେଚୁଟିଏ  
ଆମ୍ବାଆସି ଜିକେଏ ଜୀସୁଇଁ ଏନି କାତା  
ଝେଞ୍ଜାଲି ସାସା କିଆତେରି ।

### ୨୩

ମେରାପୁନାରି ଇଞ୍ଜା ପାରୁସିୟା  
ତାଣାଟି ଜାଗ୍ରାତା ଆନାୟି

(ମାର୍କ ୧୨:୩୮-୩୯; ଲୁକ ୧୧:୪୩-  
୪୬; ୨୦:୪୫-୪୬)

୧ ଏଚିବେଲାତା ଜୀସୁ ବାରେ ଲକ୍ଷୁଇଁ  
ଇଞ୍ଜା ତାନି ସୀସୁୟାଲ୍ ଏଲେଇରେସି,

୨ ମେରାପୁନାରି ଅଡେ ପାରୁସିୟା  
ମସାତି ମେରା ଜାପୁହାଲି ପାଣା  
ବେଟାଆହାମାନେରି । ୩ ଏଦାଆଁତାକି  
ଏଞ୍ଜାରି ମିଜେ ଏନାଆଁ ଝେସ୍ତାତିହ୍  
ଏଦାଆଁ ମାନୁଝି ଆଦୁ, ଅଡେ ଏଞ୍ଜାରି  
ଝେସ୍ତିଲେହେଁ କିଦୁ, ସାମା ଏଞ୍ଜାରି କାମା  
କିନିଲେହେଁ କାମା କିଆଦୁ, ଇଚିହ୍  
ଏଞ୍ଜାରି ଏନାଆଁ କିନାୟିମାନେ ଇଞ୍ଜି  
ଝେହ୍ନେନେରି ସାମା ଏଞ୍ଜାରି କିଅରି ।

୪ ଏଞ୍ଜାରି ବଜୁଗାଟି କାସ୍ତକା ଦସାନା ଲକ୍ଷୁ  
ବମିତା ଏକନେରି ସାମା ତାମ୍ନୁତାମି ରି  
ଝାଞ୍ଜୁ ତଲେ ଜିକେଏ ପେରହାଲି ମନ  
କିଅରି । ୫ ଏଞ୍ଜାରି ଲକ୍ଷୁଣି ତସାଲି  
ତାମି କିନି କାମା ବାରେ କିନେରି,

ଇଚିହ୍ ଏଞ୍ଜାରି ପାଟାୟାଣା ଦାମ୍ନୁ  
ପତିତି କାତା ରାଟାନା ମପା ଅଡେ  
ମୁଞ୍ଜୁତା ଦସା କଡିନେରି, ଇଞ୍ଜା ତାମି  
ହିମ୍ବୁରିକାତି ପୁରଡେୟା କାଜା କାଜାଆଁ  
କିନେରି, ୬ ଅଡେ ବଜିତା ନେହ୍ ଟାମ୍ନୁ  
ଇଞ୍ଜା ଜୀହୁଦି ଲକ୍ଷୁତି କୁଟମି ଇଲୁତା\*  
ନେହ୍ କାଜା ଟାମ୍ନୁ ପାରିନେରି, ୭ ଇଞ୍ଜା  
ହାଟା ବାଜାରାତା ଜହରା ବେଟାଆହାଲି  
ଅଡେ ଲକ୍ଷୁ ତାଣାଟି ଗୁରୁ ଇଞ୍ଜି  
ମାନି ବେଟାଆହାଲି ନେହାୟି ଇଞ୍ଜି  
ଅଣପିନେରି । ୮ ସାମା ମୀରୁ ଗୁରୁ  
ଇଞ୍ଜି ମାନି ବେଟାଆହାଲି ଅଣପାଆଦୁ,  
ଇଚିହ୍ ମୀ ଗୁରୁ ରଅସି ମାନେସି,  
ଇଞ୍ଜା ମୀରୁ ବାରେତାୟି ତାୟିୟାତେରି ।  
୯ ଅଡେ ଦାରୁତିତା ଆମ୍ବାଆରାଇଁ ଜିକେଏ  
ଆବା ଇଞ୍ଜି ମାନି କିଆଦୁ, ଇଚିହ୍  
ମୀ ଆବା ରଅସିଏ ଲାକପୁରୁ ମାନେସି  
। ୧୦ ଅଡେ ମୀରୁ ସାଲୁଝି କିନାତମି  
ଇଞ୍ଜି ମାନି ପୁଃଆଦୁ, ଇଚିହ୍ ମିଜେ  
ସାଲୁଝି କିୟାନାସି ରଅସିଏ ଏଞ୍ଜାସି କ୍ରୀସୁ  
। ୧୧ ଏସାମା ମୀ ବିତା ଆମ୍ବାଆସି କାଜାସି  
ଏଞ୍ଜାସି ମୀ ସେବା କିନାସି ଆନେସି ।  
୧୨ ଅଡେ ଆମ୍ବାଆସି ତାଜେ କାଜାତେଏ  
ଇଞ୍ଜି ଇଞ୍ଜା କଡିନେସି, ଏଞ୍ଜାଣାଇ ଉଣା  
କିଝିଆନେ, ଇଞ୍ଜା ଆମ୍ବାଆସି ତାଜେ  
ଉଣା କିହାକଡିନେସି, ଏଞ୍ଜାଣାଇ କାଜାସି  
କିଝିଆନେ ।

ପାରୁସିୟା ଅଡେ ମେରା ପୁନାରାଇଁ  
ଦହ୍ ଦହ୍ନାୟି

(ମାର୍କ ୧୨:୪୦; ଲୁକ ୧୧:୩୯-  
୪୨,୪୪,୫୨; ୨୦:୪୭)

୧୩ ଆୟଡା ତଣ୍ଡ ପାଣ୍ଡନି କୁଚୁଗାଟି  
ପାରୁସିୟା ଅଡେ ମେରା ପୁନାତେରି,  
ଇଚିହ୍ ମୀରୁ ଲକ୍ଷୁତାକି ଲାକପୁରୁ  
ରାଜିତି ଦାରା ସୁଣ୍ଡିଦେରି; ମୀରୁ ମୀରୁଏ  
ଏମ୍ବାଆଁ ହଡ଼ି ହିଲଅତେରି, ଇଞ୍ଜା ହଡ଼ାଲି  
ମନ ଗାଟି ଲକ୍ଷୁଣି ଜିକେଏ ହଡ଼ାଲି  
ହାହି ହିଲଅତେରି । ୧୪ ଆୟଡା ତଣ୍ଡ  
ପାଣ୍ଡନି କୁଚୁଗାଟି ମେରା ପୁନାତେରି

\* ୨୩:୫ ୨୩:୫ ମାତ୍ରି ୬:୧ \* ୨୩:୬ ୨୩:୬ ସିନଗର \* ୨୩:୧୧ ୨୩:୧୧ ମାତ୍ରି ୨୦:୨୬,୨୭; ମାର୍କ ୯:୩୫;  
୧୦:୪୩,୪୪; ଲୁକ ୨୨:୨୭ \* ୨୩:୧୨ ୨୩:୧୨ ଲୁକ ୧୪:୧୧; ୧୮:୧୪

ଅଡ଼େ ପାରୁସିୟାତେରି, ଇତିହଂ ମୀରୁ  
ଉଜେ ଉଜେଏ ଲାମ୍ବା ପ୍ରାତାନା କିହାନା  
ରାଣ୍ଠେଣିସିକା ଇଲ୍ଲକା ସେଦିନାତେରି;  
ଏଦାଆଁତାକି ମୀରୁ ହାରେକା ତଣ୍ଡ  
ବେଟାଆଦେରି ।

୧୫ ଆୟତା ତଣ୍ଡ ପାଣ୍ଡିନି କୁରୁଗାଟି  
ପାରୁସିୟା ଅଡ଼େ ମେରା ପୁନାତେରି,  
ଇତିହଂ ମୀରୁ ରଅଣାଲ୍ଲ ଜାହୁଦି  
ଦାମ୍ବୁତା ଆଡ଼ହାଲି ସାମ୍ବୁରି ଆତାଲା  
ଗାଣ୍ଡତାନା ଦେସା ରେଜେରି, ଇଞ୍ଜା  
ଏତିବେଲା ଏଞ୍ଜାସି ଆଣ୍ଡାନେସି,  
ଏତିବେଲାତା ମୀରୁ ଏଞ୍ଜାଣାଲ୍ଲ ମୀ କିହାଁ  
ହାରେକା ଆଗାଡ଼ା ନର୍କତା ମେଡ଼ପି  
ଆନାସି କିହାନା ଲାଗେଏ କିଦେରି ।

୧୬ ଆୟତା ତଣ୍ଡ ବେଟା ଆନାତେରି  
କାଣ୍ଡାୟାଲ୍ଲ ଜିରୁ ତହୁନାତେରି,  
ମୀରୁ ଏଲେଇଞ୍ଜିମାଞ୍ଜେରି, ଆମ୍ବାଆସି  
ମାହାପୁରୁ ଇଲ୍ଲତି ପାର୍ମାଣା କିତିହଂ  
ଏନାୟି ହିଲେଏ, ସାମା ଆମ୍ବାଆସି  
ଇଲ୍ଲତି ବାଂଗାରାତି ପାର୍ମାଣା କିତିହଂ  
ଏଞ୍ଜାସି ପାର୍ମାଣା କିତିଲେହେଁ  
ତାପାଆନା କାମା କିନାୟିମାନେ ।  
୧୭ ଆଡ଼େ କାଣ୍ଡାୟା ଅଡ଼େ ବୁଦି  
ହିଲ୍ଲଆଗାଟାତେରି ବାଂଗାରା କି ଏ  
ବାଂଗାରାତି ସୁଦୁ କିହାନା ଦେଞ୍ଜୁଡ଼ି,  
ଇ ରୀ ବିତ୍ରାଟି ଆମିନାୟି କାଜାୟି ?  
୧୮ ଅଡ଼େ ମୀରୁ ଏଲେଇଞ୍ଜିମାଞ୍ଜେରି,  
ଆମ୍ବାଆସି ମାହାପୁରୁ ଇଲ୍ଲ ପିଣ୍ଡାତି  
ପାର୍ମାଣା କିତିହଂ ଏନାୟି ଆଏ,  
ସାମା ଆମ୍ବାଆସି ପୂଜାପିଣ୍ଡା ଲାକ  
ମାନି ଦାନାତି ପାର୍ମାଣା କିତିହଂ,  
ପାର୍ମାଣା କିତିଲେହେଁ ତାପାଆନା  
କାମା କିନାୟିମାନେ । ୧୯ ଆଡ଼େ  
କାଣ୍ଡାୟାତେରି, ଦାନା କି ଏ ଦାନାତି ସୁଦୁ  
କିହାନା ମାହାପୁରୁ ଇଲ୍ଲତି ପୂଜାପିଣ୍ଡା,  
ଇ ରୀ ବିତ୍ରାଟି ଆମିନାୟି କାଜାୟି ?  
୨୦ ଏଦାଆଁତାକି ଆମ୍ବାଆସି ଦାନାହାନି  
ପିଣ୍ଡାତି ପାର୍ମାଣା କିନେସି, ଏଞ୍ଜାସି  
ଏ ପିଣ୍ଡା ଅଡ଼େ ପିଣ୍ଡାତା ମାନି ଦାନାତି  
ପାର୍ମାଣା କିହିମାନେସି; ୨୧ ଅଡ଼େ  
ଆମ୍ବାଆସି ମାହାପୁରୁ ଇଲ୍ଲତି ପାର୍ମାଣା

କିନେସି, ଏଞ୍ଜାସି ମାହାପୁରୁ ଇଲ୍ଲ ଇଞ୍ଜା  
ଏମ୍ବାଆଁ ବାସାଆହାମାନି ମାହାପୁରୁଲ୍ଲ  
ପାର୍ମାଣା କିନେସି; ୨୨ ଅଡ଼େ  
ଆମ୍ବାଆସି ଲାକପୁରୁତି ପାର୍ମାଣା  
କିନେସି, ଏଞ୍ଜାସି ମାହାପୁରୁତି ସିଂଗାସାଣି  
ଇଞ୍ଜା ଏମ୍ବାଆଁ କୁଗାମାନି ମାହାପୁରୁଲ୍ଲ  
ପାର୍ମାଣା କିନେସି ।

୨୩ ଆୟତା ତଣ୍ଡ ପାଣ୍ଡିନି କୁରୁଗାଟି  
ମେରା ପୁନାତେରି ଇଞ୍ଜା ପାରୁସିୟା,  
ଇତିହଂ ମୀରୁ କୁମ୍ବୁରି କୁଟା, ରାୟି, ଜିରା  
ଇନି ଉଣା ତାସା ବିତ୍ରାଟି ଜିକେଏ ଦସ  
ବାଗାଟି ର ବାଗା ହାହିମାଞ୍ଜେରି, ଅଡ଼େ  
ମସା ମେରାତି କାଜା କାତାୟା ଇତିହଂ  
ସାତା ନୀହାୟି କିନାୟି, କାର୍ମା ତହୁନାୟି,  
ଇଞ୍ଜା ନାମ୍, ଇ ବାରେ ପିସାମାଞ୍ଜେରି;  
ସାମା ଇ ବାରେ ମାନୁଞ୍ଜି ଆହାନା ଅଡ଼େ  
ଏ ବାରେ ପିହୁଆୟି ମାନେ । ୨୪ ଆଡ଼େ  
କାଣ୍ଡାୟା ଜିରୁ ତହୁନାତେରି, ମୀରୁ  
ଞ୍ଜାହାଁତି ହାଣି କିଦେରି ସାମା ଉରୁଲ୍ଲ  
ଗୁହୁଦେରି ।

୨୫ “ଆୟତା ତଣ୍ଡ ପାଣ୍ଡିନି  
କୁରୁଗାଟି ମେରା ପୁନାତେରି ଇଞ୍ଜା  
ପାରୁସିୟାତେରି, ଇତିହଂ ମୀରୁ ଗିନା  
ଅଡ଼େ ସାଡ଼ଞ୍ଜାତି ପାଞ୍ଜାତା ନରୁହି  
ମାଞ୍ଜେରି, ସାମା ଏ ବିତ୍ରା ଜୁପକା  
ଆହାଁ ସରୁ କିତି ଆସ୍ତି ବାରେ ନେଞ୍ଜି  
କିହାମାଞ୍ଜେରି । ୨୬ ଆଡ଼େ କାଣ୍ଡକା  
ମେହୁଆଗାଟି ପାରୁସିୟା, ନକେଏ  
ଗିନାତି ବିତ୍ରାତାଣି ନରୁଦୁ, ଏନିକ  
ପାଞ୍ଜାତା ଜିକେଏ ନରୁଞ୍ଜି ଆନେ ।”

୨୭ ଅୟତା ତଣ୍ଡ ପାଣ୍ଡିନି କୁରୁଗାଟି  
ମେରା ପୁନାତେରି ଇଞ୍ଜା ପାରୁସିୟା,  
ଏନାଆଁତାକି ଇତିହଂ ମୀରୁ ହୁନୁ  
ଉସପିତି ମାଡ଼ହା ମୁହନି ଟାୟୁଲେହେଁ  
ତାତେରି । ଏଡ଼ି ପାଞ୍ଜାତା ଅନିକ  
ତଞ୍ଜାଆନେ, ସାମା ବିତ୍ରା ହାତାରି  
ପେଣ୍ଡକା ଇଞ୍ଜା ସୀର୍ତାୟି ନେଞ୍ଜାମାନେ;  
୨୮ ଏଲେକିହଂଏ ମୀରୁ ଜିକେଏ  
ପାଞ୍ଜାତି ଲକୁ ନକିତା ଦାମ୍ବୁଗାଟାତେରି  
ଲେହେଁ ତଞ୍ଜା ଆଦେରି, ସାମା ମୀ ହିୟା

ବିଦ୍ରା କୁରୁ ଅଡ଼େ ପାପୁ ନେଜାମାନେ ।

ଜୀସୁ ଏଞ୍ଜରାଇଁ ତଣ୍ଡ ପାଣ୍ଡିନି କାତା  
ଝେହ୍ନାୟି

(ଲୁକ ୧୧:୪୭-୫୧)

୨୯ ଆୟତା ତଣ୍ଡ ପାଣ୍ଡିନି କୁରୁଗାଟି  
ମେରା ପୁନାତେରି ଇଞ୍ଜା ପାରୁସିୟା,  
ଇତିହ୍ୟ ମୀରୁ ମାହାପୁରୁ ଅଣ୍ଡପୁତି  
ବଲୁ ଝେହ୍ନାରି ମାଡ଼ହା ମୁହ୍ନି  
ଗାୟୁ କେପାନା, ଦାମ୍ବୁଗାଗାରି ମାଡ଼ହା  
ମୁହ୍ନି ଗାୟୁତି ମୁଣ୍ଡା ଅଜିକ

କିହାନା ଏଲେଇଞ୍ଜିମାଞ୍ଜେରି; ୩୦ ମାୟୁ  
ମା ଆକୁ ଆବାୟା ବେଲୀତା  
ମାଟିହ୍ୟା, ମାହାପୁରୁ ଅଣ୍ଡପୁତି ବଲୁ  
ଝେହ୍ନାରାଇଁ ପାୟାଲି ଆଣ୍ଡାଆତମିମା

। ୩୧ ଏଦାଆଁତାକି ମୀରୁଏ ମାହାପୁରୁ  
ଅଣ୍ଡପୁତି ବଲୁ ଝେହ୍ନାରାଇଁ ପାୟାମାନି  
ଲକୁତି ମୀରକାତେରି, ଏ କାତାତାକି  
ମୀରୁଏ ମିଙ୍ଗେ ସାକି ହାହା କଡ଼ିମାଞ୍ଜେରି

। ୩୨ ମୀରୁ ହାଜାନା ମୀ ଆକୁ ଆବାୟା

କିତି କାମା ରାପୁଦୁ । ୩୩ \*ଆଡ଼େ

ରାସ୍ତକାତେରି, ଇଞ୍ଜା ବୀସା ଗାଟି ରାସ୍ତକା

କୃତାତି ମୀରକାତେରି, ମୀରୁ ବିଚାରା

ଦିନାତା ଏନିକ ହିରୁ ଗୁଦଞ୍ଜାତି ତଣ୍ଡଟି

ପିସ୍ପି ଆଦେରି ? ୩୪ ଏଦାଆଁତାକି

ମେହ୍ନୁ ନାନୁ ମୀ ତାଣା ମାହାପୁରୁ

ଅଣ୍ଡପୁତି ବଲୁ ଝେହ୍ନାରାଇଁ, ବୁଦି

ଗାଗାରାଇଁ, ଇଞ୍ଜା ଜାପୁନି ଗୁରକାଇଁ

ପାଣ୍ଡିମାଞ୍ଜାଇଁ; ଏଞ୍ଜାରି ବିଦ୍ରାଟି ଆମ୍ବା

ଆମ୍ବାଆରାଇଁ ପାୟିଦେରି, ପାସି

ମୁଣ୍ଡାତା ଏକ୍‌ହାନା ପାୟିଦେରି, ଅଡ଼େ

ଆମ୍ବା ଆମ୍ବାଆରାଇଁ ଜୀହୁଦି ଲକୁତି

କୁଟମି ଇଲୁତା† ସାଟ୍‌ଣି ତ୍ପରିତଲେ

ଝେଦେରି, ଇଞ୍ଜା ଗାଡ଼ାତାକି ଗାଡ଼ା

ଗଡ଼ହା ନିନ୍ଦା କିଦେରି । ୩୫ ଏନିକ

ଦାମ୍ବୁଗାଟି ହେବଲଇଁ ପାୟିତି ଦିନାଟିଏ,

ମାହାପୁରୁ ଇଲୁ ପିଣ୍ଡା ଦାରିତା ବେରିକିୟ

ମୀରୁଏସି ଜିକରିୟଇଁ ପାୟିତି ପାତେକା,

ଦାରଡ଼ିତା ଏଚେକା ନେହ୍ନାରାଇଁ

ପାୟାମାଞ୍ଜେରି, ଏ ବାରେ କାମାଟି ତଣ୍ଡ

ମୀ ମୁହେଁ ଖାନ୍ତେ । ୩୬ ନାନୁ ମିଙ୍ଗେ ସାତା

ଝେସିମାଞ୍ଜାଇଁ, ଇ କାଲୀତି ଲକୁ ମୁହେଁ  
ଇ ବାରେ ତଣ୍ଡ ରିନେ ।

ଜିରୁସାଲମତି ଜୀସୁ ଜୀହୁନନାୟି

(ଲୁକ ୧୩:୩୪-୩୫)

୩୭ ଏ ଜିରୁସାଲମ, ଏ ଜିରୁସାଲମ !

ମାହାପୁରୁ ଅଣ୍ଡପୁତି ବଲୁ ଝେହ୍ନାରାଇଁ

ପାୟିନାଟି ନୀ ତାଣା ପାଣ୍ଡି ଆଡ଼ାରାଇଁ

ଞ୍ଜାଲକାତଲେ ଝେନାତି, କୟୁ ଏନିକ

ତାନି ହୀପାୟାଣି କୃଡ଼ି କିହାନା ମାରାୟା

ଡ଼ଇ ପୁକ୍‌ହାନା ଜିଙ୍ଗିନେ, ନାନୁ ନୀ

ଲକୁଇଁ ଏଚର ପାଲି ଏଲେକ

କୃଡ଼ିକିହାଲି ମନ କିଡେଏ, ସାମା ଏଞ୍ଜାରି

ମନ ହୀଆତେରି । ୩୮ ଅଡ଼େ ମେହ୍ନୁ

ମୀ ମାହାପୁରୁ ଇଲୁ ମୀ କେୟୁତା

ହୀପକି ଆହାମାଞ୍ଜାନେ । ୩୯ ଇତିହ୍ୟ

ନାନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁ

ଦରୁଟି ଆମ୍ବାଆସି ଖାହିମାନେସି, ଏଞ୍ଜାସି

ନେହ୍ନାସି, ମୀରୁ ଏ କାତା ଜଲ୍ଲାଆ

ପାତେକା ନୀଞ୍ଜୁଟିଏ ନାଙ୍ଗେ ଅଡ଼େ

ମେସ୍ତଅତେରି ।

## ୨୪

ମାହାପୁରୁ ଇଲୁ ନସ୍ତ ଆନି କାତା

(ମାର୍କ ୧୩:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଟି ହତା

ହାଜିମାଗାଟି ତାନି ସୀସୁୟା ମାହାପୁରୁ

ଇଲୁଟି ବାରେ ଇଲକାଣି ତସାଲି ତାନି

ତାଣା ଖାଡ଼େରି, ୨ ସାମା ଜୀସୁ ଏଞ୍ଜରାଇଁ

ଏଲେଇଚେସି, “ମୀରୁ ଇ ବାରେ ମେସି

ହିଲଅତେରି ? ନାନୁ ମିଙ୍ଗେ ସାତା

ଝେସିମାଞ୍ଜାଇଁ, ଇମ୍ବାଆ ମାନି ର ଖାଲି

ଅର ଖାଲି ଲାକ ତ୍ପୟେଏ, ଇ ବାରେଏ

ମେଣ୍ଡାମାହାନୁ ।”

କସ୍ତ ଅଡ଼େ ନିନ୍ଦା ଖାନ୍ତି କାତା

(ମାର୍କ ୧୩:୩-୧୩; ଲୁକ ୨୧:୭-୧୯)

୩ ତାୟୁ ଜୀସୁ ଜୀତ ହରୁ ଲାକ

କୁଗାଲିଏ, ତାନି ସୀସୁୟା ମେଣ୍ଡେଏ

ଞ୍ଜାହାନା ଝେଚେରି, “ଇ ବାରେ ଏଚେଲା

ଆନ୍ତେ, ଅଡ଼େ ନାନୁ ଖାନ୍ତାୟି ଇଞ୍ଜା ଜୁଗୁ

\* ୨୩:୩୩ ୨୩:୩୩ ମାତି ୩:୭; ୧୨:୩୪; ଲୁକ ୩:୭

† ୨୩:୩୪ ୨୩:୩୪ ସିନଗଗ

ରାଜି ଦିନାତି ସିନା ଏନାୟି ଏଦାଆଁ ମାଙ୍ଗେ ୱେସ୍ତାମୁ ।”

୪ ଏମ୍ବାଟିଏ ଜାସୁ ଏଞ୍ଜରାଈ ଏଲେଇରେସି, “ଜାଗ୍ରାତା ଏନିକ୍ ଆମ୍ବାଆରି ମିଙ୍ଗେ ନାଡ଼ି କିୟଅରି । \*ଇଚିହିଁ ହାରେକା ନା ଦରୁଚି ୱାହାନା ନାନୁ କ୍ରୀସ୍ତତେଏଁ ଇଞ୍ଜି ୱେସାନା ହାରେକା ଲକୁଇଁ ନାଡ଼ି କିନେରି । ୨ ଅଡ଼େ ମୀରୁ ଜୁଜୁତି କାତା ଇଞ୍ଜା ଜୁଜୁତା କାଲଞ୍ଜି ଆହିମାନି ଲକୁତି ହାଡ଼ା ୱେଞ୍ଜେରି; ଜାଗ୍ରାତା କିଲିବିଲି ଆଆଦୁ । ଏନାଆଁତାକି ଇଚିହିଁ ଇ ବାରେ ଆନାୟି ମାନେ, ସାମା ଏ କାଲା ଜୁଗୁ ରାନାୟି ଆଏ । ୩ ଇଚିହିଁ ଦେସା କପାଟି ଦେସା, ଅଡ଼େ ରାଜି କପାଟି ରାଜି ଗଡ଼ହା ନିଙ୍ଗନେ, ଇଞ୍ଜା ଆମ୍ବି ଆମ୍ବିୟା କାରଞ୍ଜୁ ଆନେ, ଅଡ଼େ ବୃମି ୱାଡ଼ିନେ । ୪ ସାମା ଇ ବାରେ କକାରି ପଦାୟାଁ ବେଟାଆନାଟି ତଲିଏ ଲୁଞ୍ଜିନି ବୀସାଲେହେତାୟି ।”

୯ \*ଏଚିବେଲାତା ଲକୁ ମିଙ୍ଗେ କସ୍ତ ହିୟାଲି ହେରପାନେରି, ଇଞ୍ଜା ମିଙ୍ଗେ ପାୟାନେରି, ଇଞ୍ଜା ନା ଦରୁ ତାକି ମୀରୁ ବାରେ କୁଡ଼ାତି ଲକୁ ତାଣା ଅପାଆ ଗାଟାତେରି ଆଦେରି । ୧୦ ଏଚିବେଲା ହାରେକା ଲକୁ ତାମି ନାମୁତି ପିହନେରି, ଅଡ଼େ ରଅସି ରଅଣାଇଁ ଆସ୍ତପି କିଞ୍ଜି କିନେରି, ଅଡ଼େ ରଅସି ରଅଣାଇଁ ଅପ୍ତ୍ତି ଆଅରି, ୧୧ ଅଡ଼େ ହାରେକା ମାହାପୁରୁତି ମିଚି ବଲୁ ୱେହନାରି ନିଙ୍ଗାନା ହାରେକା ଲକୁଇଁ ନାଡ଼ି କିନେରି, ୧୨ ଅଡ଼େ ଲାଗେଏ ପଲେଏ କାମା ଗାତି ଆଡ଼ିସାରେ, ହାରେକା ଲକୁତି ତାମି ଜୀଞ୍ଜୁନନାୟି ଉଣା ଆନେ । ୧୩ \*ସାମା ଆମ୍ବାଆସି ରାଜି ପାତେକା ସାସା ଆସାନା ତ୍ତୟିନେସି ଏଞ୍ଜାସି ଗେଲ୍ପି ଆନେସି । ୧୪ ଅଡ଼େ ବାରେ ଲକୁ ନକିତା ସାକି ଆହାଲିତାକି, ମାହାପୁରୁ ରାଜିତି ଇ ନେହିଁ କାବୁ ବାରେ ଦାରତିତା ୱେପ୍‌କିଆନେ, ତାୟୁ ଜୁଗୁ ରାନେ ।”

ନାସାକିନି ଅପାଆଗାଟି କାତା (ମାର୍କ ୧୩:୧୪-୨୩; ଲୁକ ୨୧:୨୦-୨୪)

୧୫ “ଏଦାଆଁତାକି ମୀରୁ ଏଚିବେଲା ମାହାପୁରୁ ଅଶ୍‌ପୁତି ବଲୁ ୱେହନି ଦାନିୟେଲ ୱେସ୍ତି କାତାଲେହେଁ ନାସାକିନି ଅପାଆଗାଟି ଆସ୍ତିତି ସୁଦୁ ଟାୟୁତା ଇଟାମାନାଣି ମେହ୍‌ଦେରି” ପଡ଼଼ି ଆନାସି ଜାଗ୍ରାତା ଆହାନା ପୁଣ୍ଡେସି ୧୬ ଏଚିବେଲା ଆମ୍ବାଆରି ଜୀହୁଦା ରାଜିତା ମାନେରି, ଏଞ୍ଜାରି ହରକା ଲାକ ହଣପାରି; ୧୭ \*ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ତାନି ଇଲୁ ବିଡ଼ା ଆସ୍ତି ତାକାହାଜାଲି ରେଟା ୱାଆପେସି; ୧୮ ଅଡ଼େ ଆମ୍ବାଆସି ଗୁଡ଼ିୟାତା ମାନେସି, ଏଞ୍ଜାସି ତାନି ହିମ୍ବୁରି ଅହାଲି ୱେଣ୍ଡେ ହାଲାଆପେସି । ୧୯ ଏଚିବେଲାତା ପୁରାମାସା ଆହାମାନାଇଁ ଇଞ୍ଜା ପାଲୁ ଉଡ଼ିମାନାଇଁ ଆୟତା ଏଡ଼ି ଉଣେଏ କସ୍ତ ପାଣ୍ଡୁ, ୨୦ ସାମା ମୀ ହଣନାୟି ପେନି ବେଲାତା କି ଜମିନି ଦିନାତା ଆଆପେ, ଏଦାଆଁତାକି ପ୍ରାତାନା କିଦୁ । ୨୧ \*ଇଚିହିଁ ଏଚିବେଲାତା ଇଲେତି କସ୍ତ ଆନେ, ମାହାପୁରୁ ଦାରତିତି ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକ୍ ଆହା ହିଲେଏ, ଇଞ୍ଜା ଏଲେକ୍ ଏଚେଲାଞ୍ଜା ଆଏ । ୨୨ ଅଡ଼େ ମାହାପୁରୁ ଏ ବେଲାତି ଉଣା କିହା ହିଲାଆଡ଼ିହିଁ ମା; ଦାରତିତା ଆମ୍ବାଆସି ଜିକେଏ ଗେଲ୍ପି ଆଆତେସିମା, ସାମା ତାନି ଆଡ଼ିତି ଲକୁତାକି ଏ କସ୍ତ ଉଣା କିନେସି ।

୨୩ “ଏଚିବେଲା, ‘ମେହ୍‌ଦୁ କ୍ରୀସ୍ତ ଇମ୍ବାଆଁ ମାନେସି ଆଆଡ଼ିଏଁ ଏମ୍ବାଆଁ ମାନେସି’ ଇଞ୍ଜି ଆମ୍ବାଆସି ମିଙ୍ଗେ ଏଲେକିହିଁ ୱେସ୍ତାନେସି ଇଚିହିଁ ଏଦାଆଁ ନାମାଆଦୁ । ୨୪ ଇଚିହିଁ ନାଡ଼ିକିନି କ୍ରୀସ୍ତୟାଁ ଅଡ଼େ ମାହାପୁରୁ ବଲୁ ମିଚି ୱେହନାରି ନିଙ୍ଗାନା ହାରେକା କାଜା ସିନା ଅଡ଼େ କାବାଆନି କାମାୟାଁ

\* ୨୪:୯ ୨୪:୯ ମାତି ୧୦:୨୨    \* ୨୪:୧୩ ୨୪:୧୩ ମାତି ୧୦:୨୨    \* ୨୪:୧୭ ୨୪:୧୭ ଲୁକ ୧୭:୩୧  
\* ୨୪:୨୧ ୨୪:୨୧ ୱେ ବଲୁ ୭:୧୪

ତହୁନେରି, ଆଡ଼ିତିହୁଁ ଆଡ଼ିଆଡ଼ି  
ଲକୁଣି ଜିକେଏ ନାଡ଼ି କିନେରି ।  
୨୫ ମେହଦୁ ନାନୁ ମିଙ୍ଗେ ତଲିଏ  
ଝେସାମାଞ୍ଜାଇଁ ।”

୨୬ \*“ଇଦାଆଁତାକି ‘ମେହଦୁ ଏଞ୍ଜାସି  
ବାଟାତା ମାନେସି’ ଇଞ୍ଜା ଲକୁ  
ଝେସାତିହୁଁ ହାଲାଆଦୁ; ‘ମେହଦୁ  
ବିତ୍ତା ବାକ୍ତାତା ମାନେସି’ ଇଞ୍ଜା  
ଝେସାତିହୁଁ ଏଦାଆଁ ନାମାଆଦୁ ।  
୨୭ ଇତିହୁଁ ହାଗୁ ମିହୁନି ବେଲ୍ଲତି  
ଉଜେଡ଼ି ଏନିକଁ ଝେଡ଼ା ହପୁ ଝାକିଟି  
ହଚାନା ଝେଡ଼ା କୁଡ଼ନି ପାତେକା  
ତଞ୍ଜାଆନେ, ଏଲେଆହୁଁଏ ମାଣସି  
ମୀରଏସି ଝାନେସି ।”

୨୮ \*ଏମିୟା ମାଡ଼ହା ରିହାମାନେ  
ଏମାଆଁ ରାମଣାୟା ରୁଣ୍ଡା ଆଦୁ ।

ମାଣସି ମୀରଏସି ଝାନାୟି

(ମାର୍କ ୧୩:୨୪-୨୭; ଲୁକ ୨୧:୨୫-  
୨୮)

୨୯ \*“ସାମା ଏଚିବେଲ୍ଲତି କସ୍ତ ତାୟ  
ଦେବୁଣିଏ ଝେଡ଼ା ଆନେରି ଆନେ,  
ଅଡ଼େ ଲେଞ୍ଜୁ ଉଜେଡ଼ି ହାଏ, ଅଡ଼େ  
ହାଗୁଟି ହୁକାୟା ତରଗିନୁ, ଇଞ୍ଜା ହାଗୁ  
ଲାକତି ବାଡ଼ୟୁ ବାରେ ଝାଡ଼ିନେ ।  
୩୦ \*ଏଚିବେଲ୍ଲା ହାଗୁ ଲାକତି ମାଣସି  
ମୀରଏଣି ସିନା ତଞ୍ଜାଆନେ, ଇଞ୍ଜା  
ମାଣସି ମୀରଏଣାଇଁ କାଜା ବାଡ଼ୟୁ  
ଅଡ଼େ ଗାଞ୍ଜୁରମିଗାଟି ଉଜେଡ଼ି ତଲେ  
ହାଗୁଟି ଦୁହାଟି ଝାନାଣି ମେସାନା  
ଦାରତିତି ବାରେ କୁଡ଼ାତି ଲକୁ ହାରେକା  
ଦୁକୁ ତଲେ ତାନେରି । ୩୧ ଅଡ଼େ  
ଏଞ୍ଜାସି ତୀଡ଼ି ମହୁରି ହାଡ଼ାତଲେ ତାନି  
ଦୁହାୟାଣି ପାଣ୍ଡିନେସି ଇଞ୍ଜା ଏଞ୍ଜାରି  
ଦାରତି ମୁଟପେତି ହାନ୍ତିଏ ହାଗୁଲାକତି  
ମୁଟପେ ହାନ୍ତି ପାତେକା ସାରିଝାକିଟି  
ତାନି ଆଚାମାନି ଲକୁଣି ରୁଣ୍ଡା କିନେରି  
।”

ତୟା ମାର୍ଦ୍ଦୁତି କାତା

(ମାର୍କ ୧୩:୨୮-୩୧; ଲୁକ ୨୧:୨୯-  
୩୩)

୩୨ “ତୟା ମାର୍ଦ୍ଦୁ ପୁଣ୍ଡି କିନି  
କାତାଟି ଜାପାଦୁ; ଏଚିବେଲ୍ଲା କମାତା  
ଆକା ଗାଲ୍ଲନାଣି ମେସିହୁଁ କାରାୟା  
ଝେଡ଼ା ଝାଡ଼େ ଇଞ୍ଜା ପୁଞ୍ଜେରି ।  
୩୩ ଏଲେକିହୁଁଏ ମୀରୁ ଜିକେଏ ଇ  
ବାରେ ମେସିସାରେ ଏଞ୍ଜାସି ଦୁଝେରି  
ତାଗେ ମାନେସି ଇଞ୍ଜା ପୁଞ୍ଜେରି ।  
୩୪ ନାନୁ ମିଙ୍ଗେ ସାତା ଝେସିମାଞ୍ଜାଇଁ,  
ଇ ବାରେ ଗଟଞ୍ଜି ଆଆପାତେକା ଇ  
କାଲ୍ଲତି ଲକୁ ଏନିଜିକେଏ ମେଣ୍ଡାଅରି  
। ୩୫ ହାଗୁପାକା ଦାରତି ବାରେ  
ମେଣ୍ଡାନେ, ସାମା ନା ବଲୁ ଏଚେଲ୍ଲାଞ୍ଜା  
ମେଣ୍ଡାକେଏ ।”

ଝାନି ଦିନା ଅଡ଼େ ତଣ୍ଡୁତି ଆମ୍ବାଆସି  
ପୁନଅସି

(ମାର୍କ ୧୩:୩୨-୩୭; ଲୁକ ୧୭:୨୭-  
୩୦,୩୪-୩୬)

୩୬ ସାମା ଏ ଦିନା ତଣ୍ଡୁତି କାତା  
ଆମ୍ବାଆସି ପୁନଅସି, ଲାକପୁରୁତି  
ଦୁହାୟା କି ମୀରଏସି ଜିକେଏ ପୁନଅସି,  
ଝାରଇ ଆବାଦେ ପୁନେସି । ୩୭ ଅଡ଼େ  
ନହ ବେଲ୍ଲାତା ଏନିକଁ ଆହାମାଚେ,  
ମାଣସି ମୀରଏସି ଝାନି ବେଲ୍ଲାତା  
ଏଲେକଁ ଆନେ । ୩୮ ଇତିହୁଁ  
ଝାରୁ କୁପନି ନଚେଏ, ନହ ତଂଗତା  
ହଡ଼ନି ଦିନା ପାତେକା ଲକୁ ଏନିକଁ  
ତିଞ୍ଜି ଉଣ୍ଡିହୁଁ, ବାହା କିୟାଲି ବାହା  
ହିୟାଲି ହେରାମାଚେରି, ୩୯ ଇଞ୍ଜା  
କାଜା ପିୟୁତଲେ ଝାରୁ ଝାହାନା  
କୁପହା ଅନି ପାତେକା ଏନିକଁ ଏଞ୍ଜାରି  
ପୁଞ୍ଜାହିଲାଆତେରି, ମାଣସି ମୀରଏଣା  
ଝାନାୟି ଜିକେଏ ଏଲେଆହୁଁଏ  
ଆନେ । ୪୦ ଏଚିବେଲ୍ଲାତା ରିଆରି  
ଗୁଡ଼ିୟାତା ମାନେରି, ରଅସି ଅଞ୍ଜିଆନେସି  
ରଅସି ଏମାଆଁ ଡ଼ୟିନେସି । ୪୧ ରା  
ଇୟାସିକା ଜେତାତା ନୁୟା ମାନୁ  
ରଣ୍ଡି ଅଞ୍ଜିଆନେ ଅଡ଼େ ରଣ୍ଡି ଏମାଆଁ

\* ୨୪:୨୬ ୨୪:୨୭ ଲୁକ ୧୭:୨୩,୨୪    \* ୨୪:୨୮ ୨୪:୨୮ ଲୁକ ୧୭:୩୭    \* ୨୪:୨୯ ୨୪:୨୯ ଝେ ବଲୁ ୭:୧୨; ଝେ ବଲୁ ୭:୧୩    \* ୨୪:୩୦ ୨୪:୩୦ ଝେ ବଲୁ ୧:୭

୨୫

ତୁମ୍ଭେ । ୪୨ ଇଦାଆଁତାକି ଜାଗ୍ରାତା  
ଆହାନା ମାଞ୍ଜୁ, ଏଦାଆଁତାକି ଇଚିହ  
ମୀ ପ୍ରବୁ ଆମିନି ଦିନା ଝାନେସି,  
ଏଦାଆଁ ମୀରୁ ପୁଞ୍ଜାହିଲଅତେରି ।  
୪୩ ଯାମା ଇଦାଆଁ ପୁଞ୍ଜାମାଞ୍ଜୁ, ଆମିନି  
ନେକେରିତା ସରୁ ଝାନେସି, ଏଦାଆଁ  
ସାଞ୍ଜୁକାରି ପୁଞ୍ଜାମାଚିହମା, ଜାଗ୍ରାତା  
ଆହାନା ତାନି ଇଲୁତି କାତି ତୁତହାଲି  
ହାଆତେସିମା । ୪୪ ଏଦାଆଁତାକି ମୀରୁ  
ଜିକେଏ କାଚାନା ମାଞ୍ଜୁ, ଇଚିହ ଆମିନି  
ବେଲାତା ମୀରୁ ଅଣ୍ପା ହିଲଅତେରି, ଏ  
ବେଲାତା ମାଣ୍ଠିସି ମୀରୁଏସି ଝାନେସି ।

ଟିକାଣା ଗାଗାସି ଅଡେ ଟିକାଣା  
ହିଲାଆଗାଟି ହଲେଏସି  
(ଲୁକ ୧୨:୪୧-୪୮)

୪୫ ସାଞ୍ଜୁକାରି, ତାନି ଇଲୁତି ଲକୁତାକି,  
ରାନ୍ଦା କାଚୁତା ରାନ୍ଦା ହାହାଲି,  
ତାନି ଗୁମୁସ୍ତା ପାଣା ଆମ୍ବାଆରାକି  
ହାହାମାନେସି, ଇଲେତି ନାମୁ ଅଡେ  
ବୁଦିଗାଟି ଗୁମୁସ୍ତା ଆମ୍ବାଆସି, ୪୬ ପ୍ରବୁ  
ଝାହାନା ତାନି ଆମିନି ହଲେଏଶାଇ  
ଏଲେକିହମାନାଶାଇ ମେହନେସି,  
ଏଝାସି ନେହାସି ! ୪୭ ନାନୁ ମିଙ୍ଗେ  
ସାତା ଝେସିମାଞ୍ଜାଇ, ଏଝାସି ଏଝାଶାଇ  
ତାନି ବାରେ ଦନତି ମୁହେଁ ଗୁମୁସ୍ତା  
କିନେସି । ୪୮ ସାମା ଏ ହଲେଏସି  
ଲାଗେଏ ପଲେଏତାସି ଆହାନା, ନା  
ସାଞ୍ଜୁକାରି ଝାନାୟି ମାନେୟିଏ ଇଞ୍ଜ  
ତାନି ମନତା ଅଣ୍ପାନା, ୪୯ ଏଝାସି ତାନି  
ତଲେତି ହଲିୟାଙ୍ଗାଣି ଝେଚିହ, କାଡୁ  
ଗହନାରି ତଲେ ତିଞ୍ଜୁହ ଗସିହ  
ମାନେସି, ୫୦ ଆତିହ ଆମିନି ନେଚୁ  
ହଲେଏସି କାଚାହିଲଅସି ଅଡେ ଏମିନି  
ବେଲା ପୁଞ୍ଜାହିଲଅସି ଏ ଦିନା ଏ  
ବେଲାତା ତାନି ପ୍ରବୁ ଝାନେସି । ୫୧ ଇଞ୍ଜା  
ଏଝାଶାଇ ରୀ ବାଗା କିହ ଦାଚାନା  
କୁଚୁ ଗାଚାରି ତଲେ ତାନି ବାଗା କିନେସି;  
ଏମ୍ବାଆଁ ତାନାୟି ଅଡେ ପାଲକା ଚାଟି  
କିନାୟିମାନେ ।

ଦସ ଜାଣା ତାଆ ପଦାୟାତି  
ପୁଣ୍ଠିକିନି କାତା

୧ ଏଚିବେଲା ଲାକପୁରୁତି ରାଜି  
ଦସ ଜାଣା ତାଆ ପଦାୟା ଲେହେଁ  
ଆନେ; ଏଝି ତାନି ଦୀଝିୟା ଆସାନା  
ବୀହା ହନେଏଶାଇ ବେଗାଆହାଲି ହାଚୁ  
। ୨ ଏଝାସିକା ବିତ୍ରା ପାସା ଜାଣା ବୁଦି  
ହିଲାଆଗାଟାଇ ଇଞ୍ଜା ପାସା ଜାଣା ବୁଦି  
ଗାଟାଇ ମାଚୁ । ୩ ବୁଦି ହିଲାଆଗାଟାଇ  
ତାନି ଦୀଝିୟା ଅତୁ ସାମା ଏଟକା ନିୟୁ  
ଅଆଚୁ, ୪ ସାମା ବୁଦି ଗାଟାଇ ତାନି  
ଦୀଝିୟା ତଲେ ଗାଜୁତା ନିୟୁ ଅହ  
ହାଚୁ । ୫ ବୀହା ହନେଏସି ଝାନାୟି ଝେଡା  
ଆୟାଲିଏ, ବାରେଜାଣା କଟଣି ହଚିହ  
ତୁରାତୁସୁ ।

୬ ସାମା ମାଦି ଲାଆଁୟା ମେହଦୁ  
ବୀହା ଦାଂଗଣେଏସି ଝାହିମାନେସି,  
ବେଗାଆହାଲି ଝାନୁ ଇଞ୍ଜ ର କାଜା  
ହାଡା ଆଡେ ! ୭ ଏମ୍ବାଟିଏ ତାଆସିକା  
ନିଙ୍ଗାନା ତାନି ଦୀଝିୟା ପ୍ରତହୁ ।  
୮ ସାମା ବୁଦି ହିଲାଆଗାଟାଇ ବୁଦିଗାଟି  
ତାଆସିକାଣି ଏଲେଇଚୁ, ମୀ ନିୟୁ  
ଇଚାଣି ଲାକା ମାଙ୍ଗେ ହିୟାଦୁ, ଇଚିହ  
ମା ଦୀଝିୟା ତୁମ୍ବାହାଜିମାନୁ । ୯ ସାମା  
ବୁଦିଗାଟାୟି ଏଲେଇଚୁ, ଆଏ ମିଙ୍ଗେ  
ଅଡେ ମାଙ୍ଗେତାକି ନିୟୁ ଏଦେଏ,  
ବାଜାରାତା ହାଜାନା ମିଙ୍ଗେତାକି ନିୟୁ  
କତା ତାଦୁ । ୧୦ ସାମା ଏଝି ନିୟୁ  
କତାଲି ହାଜିମାଚାଟି ହନେଏସି ଝାଡେସି;  
ଇଞ୍ଜା ଆମିନି ଗାଟାଇ ତିୟାରା ଆହାନା  
କାଚାମାଚୁ, ଏଝି ହନେଏଣି ତଲେ  
ବୀହା ବଜି ଇଲୁତା ହଚୁ, ଅଡେ ଦାରା  
ସୁଣ୍ଠିତେରି ।

୧୧ ଏଚେଟିଏ ତାୟୁ ଅଚ ତାଆ  
ପଦାୟା ଜିକେଏ ଝାହାନା ଏଲେଇଚୁ,  
ଏ ପ୍ରବୁ ଏ ପ୍ରବୁ ମାଙ୍ଗେତାକି ଦାରା  
ଦେତାମୁ ଇଞ୍ଜ ହାଚିତୁ । ୧୨ ଏଚେଟିଏ  
ବୀହା ହନେଏସି ଏଲେଇଚେସି, “ନାନୁ

\* ୨୪:୪୩ ୨୪:୪୩ ଲୁକ ୧୨:୩୯,୪୦    \* ୨୫:୧ ୨୫:୧ ଲୁକ ୧୨:୩୫    \* ୨୫:୧୧ ୨୫:୧୧ ଲୁକ ୧୩:୨୫

ମିଙ୍ଗେ ସାତା ଝେସିମାଞ୍ଜାଇଁ, ନାନୁ ମିଙ୍ଗ ପୁଞ୍ଜାମାଞ୍ଜଅଁ ।”

୧୩ ଇଦାଆଁତାକି ଜାଗ୍ରାତା ମାଞ୍ଜୁ ଏ ଦିନା କି ଏ ଡ଼ଣୁ ଆମ୍ବାଆରି ପୁନଅରି ।

ତାନି ଜାଣା ହଲିୟାଙ୍ଗାତି ପୁଣ୍ଡିକିନି କାତା

(ଲୁକ ୧୯:୧୧-୨୭)

୧୪ \*ଲୁକପୁରୁ ରାଜି ଇଲେତାୟି, ଇତିହ~ ହେକ ରାଜି ହାଜିମାନି ର ମାଣସି, ଏଞ୍ଜାସି ତାନି ହଲିୟାଙ୍ଗାଣି ହାଟାନା ତାନି ଦନତି ହେରପିତେସି ।

୧୫ ଏଞ୍ଜାସି ରଅଣାକି ପାସାମାଣା, ଅଡ଼େ ରଅଣାକି ରୀ ମାଣା, ଇଞ୍ଜା ଅଡ଼େ ରଅଣାକି ର ମାଣା ଇଲେକିହ~ ବାରେତାକି ତାନି ଆଡ଼ିନି ବାଡ଼ୁଲୁ ତଲେ ହାହାନା ହେକ ରାଜିତା ହାଚେସି ।

୧୬ ଆମିନିଗାଟାସି ପାସାମାଣା ବେଟା ଆହାମାଚେସି, ଏଞ୍ଜାସି ଏଞ୍ଜାଆଁ ଅହାନା ବେବାରା କିହାନା ଅଡ଼େ ପାସାମାଣା ଲାବା କିତେସି । ୧୭ ଏଲେକିହ~ ଏ ଆମିନିଗାଟାସି ରୀ ମାଣା ବେଟା ଆହାମାଚାସି ଏଞ୍ଜାସି ଜିକେଏ, ଅଡ଼େ ରୀ ମାଣା ଲାବା କିତେସି । ୧୮ ସାମା ଆମିନିଗାଟାସି ର ମାଣା ବେଟା ଆହାମାଚେସି, ଏଞ୍ଜାସି ହାଜାନା ବୁମି କାରହାନା ତାନି ସାଞ୍ଜୁକାରି ଟାକାୟାଣି ମୁସାନା ଡ଼କୁହା ଇଚିତେସି ।

୧୯ ହାରେକା ଦିନା ହାତି ଡାଲୁ ଏ ହଲିୟାଙ୍ଗାତି ସାଞ୍ଜୁକାରି ଖାହାନା, ଏଞ୍ଜାରିତଲେ ଲେକା କିତେସି । ୨୦ ଅଡ଼େ ଆମିନିଗାଟାସି ପାସାମାଣା ବେଟା ଆହାମାଚେସି, ଏଞ୍ଜାସି ଅଡ଼େ ପାସାମାଣା ତାଟାନା ଏଲେଇଚେସି, ପ୍ରୁ ନାନୁ ନାଙ୍ଗେ ପାସାମାଣା ହାହାମାଞ୍ଜାତି; ମେହମୁ ନାନୁ ଅଡ଼େ ପାସାମାଣା ଲାବା କିହାମାଇଁ । ୨୧ ତାନି ସାଞ୍ଜୁକାରି ତାଙ୍ଗେ ଏଲେଇଚେସି, ଆୟାଲେତା ନେହ~ ଟିକାଣାଗାଟି ହଲେଏଣାତି, ନାନୁ ଡ଼ଣା କାମାତା ନାମୁ ଗାଟାଟି ଆହାମାଞ୍ଜି, ନାନୁ ନିଙ୍ଗ ହାରେକା କାଜା କାମାତା ହେରପାଇଁ, ନାନୁ ନା ତଲେ ରାହାଁ

କିହାଲି ଖାମୁ । ୨୨ ଅଡ଼େ ଆମିନିଗାଟାସି ରୀ ମାଣା ବେଟା ଆହାମାଚେସି, ଏଞ୍ଜାସି ଜିକେଏ ଖାହାନା ଏଲେଇଚେସି, ଏ ପ୍ରୁ ନାନୁ ନାଙ୍ଗେ ରୀ ମାଣା ହାହାମାଞ୍ଜାତି; ମେହମୁ ନାନୁ ଅଡ଼େ ରୀ ମାଣା ଲାବା କିହାମାଇଁ । ୨୩ ତାନି ସାଞ୍ଜୁକାରି ଏଞ୍ଜାଣାଇଁ ଜିକେଏ ଏଲେଇଚେସି, ଆୟାଲେତା ନେହ~ ଇଞ୍ଜା ଟିକାଣାଗାଟି ହଲେଏଣାତି, ନାନୁ ଡ଼ଣା କାମାତା ନାମୁ ଗାଟାଟି ଆହାମାଞ୍ଜି, ନାନୁ ନିଙ୍ଗ ହାରେକା କାଜା କାମାତା ହେରପାଇଁ, ନାନୁ ନା ତଲେ ରାହାଁ କିହାଲି ଖାମୁ ।

୨୪ ଡାଲୁ ର ମାଣା ଟାକାୟାଁ ଅହାମାଟି ହଲେଏସି ଏଲେଇଚେସି, ସାଞ୍ଜୁକାରି, ନାନୁ ପୁଞ୍ଜାମାଇଁ, ନାନୁ ର ଆଟ୍‌ଞ୍ଜା ହିୟାଁ ଗାଟାଟି । ମାଟାଆତି ବୁମିତା ନାନୁ ଦାଃଆନାତି । ବିଟା ମାଟାଆନା ଆନା କୃତି କିନାତି । ୨୫ ଏଦାଆଁତାକି ଆଜାହାଁ ନାନୁ ନୀ ଟାକାୟାଁଣି ବୁମିତା ମୁସାନା ଡ଼କୁହା ଇଚିତେସି; ମେହମୁ ନୀ ଦନ ନାନୁ ବେଟାଆଡ଼ି । ୨୬ ସାମା ତାନି ସାଞ୍ଜୁକାରି ଏଞ୍ଜାଣାଇଁ ଏଲେଇଚେସି, ଆଡ଼େ ଲାଗେଏ ଅଡ଼େ ନିସ୍ତଗାଟି ହଲେଏଣାତି, ନାନୁ ଆମ୍ବିୟା ମାଟା ହିଲଅଁ ଏମ୍ବାଆଁ ଦାଃଆନାଚେସି, ଇଞ୍ଜା ଆମ୍ବିୟା ଆନା ଡ଼ପହା ହିଲଅଁ ଏମ୍ବାଆଁ କୃତି କିନାଚେସି, ଇଦାଆଁ ନାନୁ ପୁଞ୍ଜାମାଟି ? ୨୭ ଆତିହ~ ବେବାରା କିନାରି ତାଣା ନା ଟାକାୟାଁ ନାନୁ ଇଚିନାୟି ମାଚେ; ଆତିହ~ ନାନୁ ଖାହାନା ଅତିତଲେ ନା ଦନ ନାନୁ ବେଟାଆଡ଼େସିମା । ୨୮ ଇଦାଆଁତାକି ଇଞ୍ଜାଣି ତାଣାଟି ଇ ଟାକାୟାଁ ଅହାନା ଆମିନି ଗାଟାଣାକି ଦସ ମାଣା ମାନୁ ଏଞ୍ଜାଣାକି ହାଦୁ । ୨୯ ଇତିହ~ ଆମ୍ବାଆରାକି ମାନୁ, ଏଞ୍ଜାଣାକି ହାପକିଆନେ, ଇଞ୍ଜା ଏଞ୍ଜାଣିଞ୍ଜାୟି ହାରେକା ଗାଟିଆନେ; ସାମା ଆମ୍ବାଆରି ତାଣା ହିଲେଏ, ଏଞ୍ଜାଣି ତାଣା ଏନାୟି ମାନେ, ଏଦାଆଁ ଜିକେଏ ଏଞ୍ଜାଣି ତାଣାଟି



ଅଢ଼ିଆନେ । ୩୦ ଅଥଚେ ମୀରୁ ଇ କାମା କିଆଗାଟି ହଲେଏଣାଇଁ ପାଙ୍ଗାତି ଆନ୍ଦେରିତା ମେଡ଼ହା ତୁହ୍ଦୁ, ଏମ୍ବାଆଁ ଡ଼ାହଁ ପାଲକା ଟୀଟି କିନେସି ।

ରାନି ବେଲାତି ନୀହାଁୟି

୩୧ ଅମାଣସି ମୀରୁଏସି ଏଚିବେଲା ବାରେ ଦୁତୁୟାଁ ତଲେ ତାନି କାଜାପାଣାଟି ଝାନେସି, ଏଚିବେଲା ଏଝାସି ତାନି ଗାଝୁରମିଗାଟି ସିଂଗାସାଣିତା କୁଗିନେସି, ୩୨ ଇଞ୍ଜାଁ ତାନି ନକିତା ବାରେ କୁଡ଼ାତି ଲକୁଣି କୃତି କିଝିଆନେ, ଇଞ୍ଜାଁ ମେଣ୍ଡାୟାଁ ଗଡ଼ୁ ଏନିକଁ ଗରିୟାଁ ତାଣାଟି ମେଣ୍ଡାୟାଁଣି ଏଟକା କିନେସି, ଏଲେକିହଁ ଏଝାସି ଏଝାରାଇଁ ଏଟକା କିହାନା, ୩୩ ମେଣ୍ଡାୟାଁଣି ତାନି ଟିଝନି ଟଟତା ଇଞ୍ଜାଁ ଗରିୟାଁଣି ତାନି ଟେବ୍ବି ଟଟତା ଇଚିନେସି । ୩୪ ଏଚିବେଲା ରାଜା ତାନି ଟିଝନି ଟଟତି ଲକୁଣି ଏଲେଇନେସି, ଝାଦୁ ନା ଆବାତି ବର ବେଟା ଆନାତେରି, ମିଙ୍ଗେଡାକି ଦାରତି ଗାଡ଼ି ଆଡ଼ି ଦିନାଟିଏ ଆମିନି ରାକ୍ତି ଗାଡ଼ି କିଝିଆହାମାନେ ଏମ୍ବାତି ଅଦିକାରା ଆଦୁ । ୩୫ ଇଚିହଁ ନାନୁ ହାକିଟି ମାଚେଏଁ, ମୀରୁ ନାଙ୍ଗେ ତିଞ୍ଜାଲି ହିୟାତେରି; ଏସ୍କିଟି ମାଚେଏଁ, ନାଙ୍ଗେ ଗସାଲି ଏୟୁ ହିୟାତେରି; ଏଟକା ମାଚେଏଁ ନାଙ୍ଗେ ଆଟହାତେରି; ୩୬ ନାଗୁଡ଼ାଟି ମାଚେଏଁ ନାଙ୍ଗେ ହିମ୍ବୁରି ହୁଟି କିୟାତେରି; ନମେରି ମାଚେଏଁ ନାଙ୍ଗେ କେରହାତେରି; କାୟିଦିତା ମାଚେଏଁ ନାଙ୍ଗେ ବେଟି ଝାତେରି ।

୩୭ ଏମ୍ବାଟିଏ ଦାମ୍ବୁଗାଟାରି ଏଝାଣାଇଁ ଏଲେଇନେରି, ଏ ପ୍ରବୁ ଏଚେଲା ହାକିଟି ମାନାଣି ମେସାନା ନିଙ୍ଗେ ତିଞ୍ଜାଲି ହିୟାଆତମି ? ଏଚେଲା ଏସ୍କି ଆଡ଼ାଣି ମେସାନା ଏୟୁ ହିୟାଆତମି ? ୩୮ ଅଥଚେ ଏଚେଲା ଏଟକା ମାଚାଣି ମେସାନା ଆଟହାତମି ? ଏଚେଲା ନାଗୁଡ଼ା ମେସାନା ହିମ୍ବୁରି ହୁଟି କିୟାଆତମି ? ୩୯ ଅଥଚେ ଏଚେଲା ନମେରିତା ଇଞ୍ଜାଁ କାୟିଦି ମାନାଣି ମେସାନା ନୀ

ତାଣା ଝାଡ଼ମି ? ୪୦ ଇଞ୍ଜାଁ ରାଜା ଏଝାରାଇଁ ଏଲେଇନେସି, ନାନୁ ମିଙ୍ଗେ ସାତା ଝେସିମାଞ୍ଜାଇଁ, ମୀରୁ ନା ଇ ଉଣା ତାୟିୟାଁଇଁ ରଅଣାଇଁ ଏନାଆଁ କିହାମାଞ୍ଜେରି ଏ ବାରେ ନାଙ୍ଗେଡାକି କିହାମାଞ୍ଜାଦେରି ।

୪୧ ଏମ୍ବାଟିଏ ତାନି ଟେବ୍ବି ଦାରିତି ଲକୁଣି ଜିକେଏ ଏଲେଇନେସି, ଆଥଚେ ମାହାପୁରୁ ତାଣାଟି ବାକା ବେଟା ଆନାତେରି, ନା ନକିଟି ହେକ ଆହାନା ସୟତାନ ଇଞ୍ଜାଁ ତାନି ଦୁତୁୟାଁକି କିହାମାନି କାଲକାଲା ଡ଼ାଞ୍ଜିମାନି ହିରୁ ଗାଡ଼ୁୟୁତା ହାଜୁ । ୪୨ ଇଚିହଁ ନାନୁ ହାକିଟି ମାଚେଏଁ ନାଙ୍ଗେ ତିଞ୍ଜାଲି ହିୟାଆତେରି; ଏସ୍କିଟି ମାଚେଏଁ ନାଙ୍ଗେ ଗସାଲି ଏୟୁ ହିୟାଆତେରି; ୪୩ ଏଟକା ମାଚାଟି ନାଙ୍ଗେ ଆଟହାଆତେରି; ନାଗୁଡ଼ା ମାଚାଟି ନାଙ୍ଗେ ହିମ୍ବୁରି ହୁଟି କିୟାଆତେରି; ନମେରି ଇଞ୍ଜାଁ କାୟିଦିତା ମାଚାଟି ନାଙ୍ଗେ କେରହାଆତେରି । ୪୪ ଏମ୍ବାଟିଏ ଏଝାରି ଜିକେଏ ଏଲେଇନେରି, ଏ ପ୍ରବୁ ଏଚେଲା ମାୟୁ ନିଙ୍ଗେ ହାକି କି ଏସ୍କି, ଏଟକା କି ନାଗୁଡ଼ା, ନମେରି କି କାୟିଦିତା ମାନାଣି ମେସାନା ନିଙ୍ଗେ ସେବା କିୟାଆତମି ? ୪୫ ଏଚେଟିଏ ରାଜା ଏଝାରାଇଁ ଏଲେଇନେସି, “ନାନୁ ମିଙ୍ଗେ ସାତା ଝେସିମାଞ୍ଜାଇଁ, ନା ଇ ଉଣା ଲକୁ ବିଡ଼ାଟି ରଅଣାଇଁ କିହାହିଲାଆକି ନାଙ୍ଗେ କିହାମାଞ୍ଜାଅତେରି । ୪୬ ଅଥଚେ ଇଝାରି କାଲକାଲାଟି ସାସ୍ତି ବେଟାଆନେରି, ସାମା ଡ଼ାରିଗାଟାରି କାଲକାଲାଟି ଜୀଝୁ ବେଟାଆନେରି ।”

### ୨୨

ଜୀସୁ କପାଟି ପାରୁ ପାରିନାୟି  
(ମାର୍କ ୧୪:୧-୨; ଲୁକ ୨୨:୧-୨; ଜହ ୧୧:୪୫-୫୩)  
୧ ଜୀସୁ ଇ ବାରେ କାତା ରାପୁହାନା ତାନି ସୀସୁୟାଁଇଁ ଏଲେଇଚେସି,  
୨ “ରାଜନି ଜେଟ ପିସପିଆନ୍ତି ପାରୁ ଆନେ, ଇଦାଆଁ ମୀରୁ ପୁଞ୍ଜାମାଞ୍ଜେରି,

୨୫:୩୧ ୨୫:୩୧ ମାତି ୧୭:୨୭; ମାତି ୧୯:୨୮

ଇଞ୍ଜା ମାଣସି ମୀରୁଏସି ପାସି ମୁଣ୍ଡାତା ହାୟାଲି ହେରପିଆନେସି ।”

୩ ଏରିବେଲାତା କାଜା ପୂଜେରାଜା ଅଡେ ଲକ୍ଷ୍ମି କାଜାରି କୟାପା ଦରୁଗାଟି କାଜା ପୂଜେରା ଆଂଗେଣିତା ରୁଣ୍ଡା ଆଡେରି, ୪ ଅଡେ ଜୀସୁଇଁ ଆସାନା ପାୟାଲି ପାରୁ ପାରୀତେରି; ୫ ସାମା ଏଞ୍ଜାରି ଏଲେଇଚେରି, “ପାରୁ ବେଲାତା ଆଏ ଇଚିହୁଁ ଏଡେତା ଲକ୍ଷ୍ମି ଗଡ଼ହା କିନେରି ।”

ବେତନିୟାତା ଜୀସୁ ତାୟୁଁ ତୁ ନିହୁଁ ଖାକ୍‌ନାୟି

(ମାର୍କ ୧୪:୩-୯; ଜହ ୧୨:୧୮)

୬ ଜୀସୁ ବେତନିୟାତା କାଜା ରଗଗାଟି ସିମନ ଇଜ ତିଞ୍ଜାଲି କୁଗାମାଗାଟି, ୭ ଶର ଇୟା ର ଗାଜୁତା ହାରେକା ଦାରାଗାଟି ଗାୟା ନିହୁଁ ତାଗାନା ଜୀସୁ ତାୟୁଁ ତୁ ଖାକ୍‌ହେ । ୮ ସାମା ଏଦାଆଁ ମେସାନା ସୀସୁୟାଁ କପା ଆହାନା ଏଲେଇଚେରି, “ଇଚେକା ଉଜେଏ ଏନାଆଁତାକି କାରୁ ? ୯ ଇଦାଆଁ ହାରେକା ଟାକାୟାତାକି ପାରପି ଆହାନା କାକୁଲି ଗାଟାରାକି ହିୟାଲି ଆଡେମା ।”

୧୦ ଜୀସୁ ଏଦାଆଁ ପୁଞ୍ଜାନା ଏଞ୍ଜାରାଇଁ ଏଲେଇଚେସି, “ଇ ଇୟାନି ଏନାଆଁତାକି କସ୍ତୁ ହୀହିମାଞ୍ଜେରି ? ଏଡି ନାଞ୍ଜେତାକି ହାରେକା ନେହୁଁ କାମା କିହାମାନେ । ୧୧ କାକୁଲି ଗାଟାରି କାଚେଲଏ ମୀ ତାଣା ମାନେରି, ସାମା ନାନୁ କାଚେଲଏ ମୀ ତାଣା ମାନଥ । ୧୨ ଇଞ୍ଜା ଏଡି ନା ଆଜାତା ନଚେଏ ନିହୁଁ ଖାକ୍‌ହାନା ମୁସାଲି ତାକି ନଚେଏ ତିୟାରା କିହିମାନେ । ୧୩ ନାନୁ ମିଜେ ସାତା ଖେସିମାଞ୍ଜାଇଁ, ବାରେ ଦାରତିତା ଆମିନି ଟାୟୁତା ଇ ନେହୁଁ କାରୁ ଖେପକି ଆନେ, ଏମ୍ବାଆଁ ଏ ଇୟାନି ଅଣ୍ଡପାଲି ଏଦାନି ଇ କାମା ଜିକେଏ ଖେସପି ଆନେ ।”

ଜୀହୁଦା ଜୀସୁଇଁ ଆସପି କିହାଲି ରାଜି ଆନାୟି

(ମାର୍କ ୧୪:୧୦-୧୧; ଲୁକ ୨୨:୩-୬)

୧୪ ଏରିବେଲା ବାରଜାଣା ବିତ୍ରାଟି ଇୟାରିୟତ ଜୀହୁଦା ଦରୁଗାଟାସି କାଜା ପୂଜେରାଜା ତାଣା ହାଜାନା ଏଲେଇଚେସି, ୧୫ “ନାଞ୍ଜେ ଏନାଆଁ ହିୟାଦେରି ଖେସ୍ତାଦୁ ? ନାନୁ ଜୀସୁଇଁ ଆସପି କିୟାଇଁ ।” ଏମ୍ବାଟିଏ ଏଞ୍ଜାରି ଏଞ୍ଜାଣାକି କଡେଦସ ଗଟା ଖେଣ୍ଡି ଟାକାୟାଁ ଏଜିକିହାନା ହୀତେରି । ୧୬ ଅଡେ ଏ ଦିନାଟିଏ ଏଞ୍ଜାସି ଜୀସୁଇଁ ଏଞ୍ଜାରିତାଣା ହେରପାଲି ତାକି ପାରୁ ପାରାଲି ମାଟୁହେସି ।

ଜୀସୁ ଅଡେ ସୀସୁୟାଁ ପିସପିଆନି ପାରୁ କିନାୟି

୧୭ ତାୟୁ ପୁଲାଏୟୁ ଆଣ୍ଡାଆତି ରୁଟି ତିନି ପାରୁଟି ତଲିତି ଦିନାତା ସୀସୁୟାଁ ଜୀସୁ ତାଣା ଖାହାନା ଖେଚେରି, “ମାମୁ ଆମିନି ଟାୟୁତା ନିଜେତାକି ପିସପିଆନି ପାରୁଟି ବଜି କିନମି ଇଞ୍ଜୁଁ ନାନୁ ଅଣ୍ଡପିମାଞ୍ଜି ?”

୧୮ ଜୀସୁ ଏଲେଇଚେସି, “ମୀରୁ ଗାଡ଼ାତା ପାଲାଣା ଗାଟାଣି ତାଣା ହାଜାନା ଏଲେଇଞ୍ଜୁ, ମା ଗୁରୁ ଏଲେଇଞ୍ଜି ଖେସା ପାଣ୍ଡାତେସି, ନା କାରୁ ଏଦାତେୟିଏ, ନାନୁ ନା ସୀସୁୟାଁ ତଲେ ମୀ ଇଜ ପିସପିଆନି ପାରୁଟି ବଜି କିନମି ।”

୧୯ ଏମ୍ବାଟିଏ ସୀସୁୟାଁ ଜୀସୁଟି ହୁକୁମି ତଲେ କାମା କିହାନା ପିସପିଆନି ପାରୁଟି ବଜି କିଚେରି ।

୨୦ ତାୟୁ ମିଡ଼ଅଲା ଆୟାଲିଏ ଜୀସୁ ବାରଜାଣା ସୀସୁୟାଁ ତଲେ ବଜିତା କୁରିତେସି । ୨୧ ଏଞ୍ଜାରି ତିଞ୍ଜିମାଟି ବେଲାତା ଜୀସୁ ଏଲେଇଚେସି, “ନାନୁ ମିଜେ ସାତା ଖେସିମାଞ୍ଜାଇଁ, ମୀ ବିତ୍ରାଟି ରଥସି ନାଞ୍ଜେ ସାତୁୟାଁ କେୟୁତା ହେରପାନେସି ।”

୨୨ ଏମ୍ବାଟିଏ ଏଞ୍ଜାରି ହାରେକା ଦୁକୁ ଆହାନା ରଥ ରଥସି ଜୀସୁଇଁ ଖେଚେରି, “ଏ ପ୍ରବୁ ଏଞ୍ଜାତେଏଁ ନାନୁ କି ?”

୨୩ ଜୀସୁ ଏଲେଇଚେସି, “ନା ତଲେ ଆମ୍ବାଆସି ସାଡ଼ଞ୍ଜାତା କେୟୁ ପାରକି

☆ ୨୭:୨ ୨୭:୭ ଲୁକ ୭:୩୭,୩୮

ମାନେସି, ଏଝାସି ନାଙ୍ଗେ ସାତୁୟାଁ କେୟୁତା ହେରପାନେସି । ୨୪ ମାଣ୍ଠସି ମୀରୁଏଣି କାତା ଏନିକ୍ ରାୟକି ଆହାମାନେ ଏଲେକ୍ କିହିମାନେସି ସାତା; ସାମା ଆମିନି ଲକ୍ଷୁ ତାଣାଟି ସାତୁ କେୟୁତା ହେରପି ଆହିମାନେସି, ଆୟତା ଏଚେକା ତଣ୍ଡ ବେଟା ଆନେସି; ଏଝାସି ଜାନା ଆହାହିଲଆତିହ୍ ଏଝାଣାକି ନେହେଁ ଆଡେତମା ।”

୨୫ ଏଚେଟିଏ ଆମିନି ଜୀହୁଦା, ସାତୁୟାଁ କେୟୁତା ହେରପିଚେସି, ଏଝାସି ଏଲେଇଞ୍ଜି ଇଚେସି, “ଏ ଗୁରୁ ଏଝାଚେଏଁ ନାନୁ କି ?”

ଜୀସୁ ଏଝାଣାକ୍ ଏଲେଇଚେସି, “ନୀନୁତ ଏଲେ ଇଞ୍ଜିମାଞ୍ଜି ।”

ପ୍ରବୁତି ବକି

(ମାର୍କ ୧୪:୨୨-୨୬; ଲୁକ ୨୨:୧୪-୨୦; ୧କର ୧୧:୨୩-୨୫)

୨୬ ଅଡେ ଏଝାରି ତିଞ୍ଜିମାଟି ବେଲତା, ଜୀସୁ ରୁଟି ଅହାନା ମାହାପୁରୁଇ ଜହରା କିଚେସି, ଇଞ୍ଜା ରୁଟି ଡିକହାନା ସୀସୁୟାଁକି ହୀହାନା ଏଲେଇଚେସି, “ଇଦାଆଁ ଅନୁ ଇଞ୍ଜା ତିଞ୍ଜୁ ଇଦି ନା ଆଙ୍ଗା ।”

୨୭ ଅଡେ ଏଝାସି ଗହ୍ନି ସଲ୍ଲା ଆସାନା ମାହାପୁରୁଇ ଜହରା କିଚେସି ଇଞ୍ଜା ସୀସୁୟାଁକି ହୀହାନା ଏଲେଇଚେସି; “ଇଦାଆଁ ବାରେତେରି ଗହ୍ନୁ”

୨୮ “ଇଚିହ୍ ଆମିନି ନ୍ନେତେରିଡି ରାଜିମାନା ହାରେକା ଲକ୍ଷୁତାକି ପାପୁତି ମେକ୍‌ହାଲି ଝାକ୍‌ହାମାନି ଇଦି ଏ ନା ନେତେରି । ୨୯ ସାମା ନାନୁ ମିଙ୍ଗେ ୱେସିମାଞ୍ଜାକ୍, ଆମିନି ଦିନା ନା ଆବାତି ରାଜିତା ମୀ ତଲେ ପୁଠନି ଅଙ୍ଗୁରି ରାସା ଗହ୍‌ଆ ପାତେକା ନୀଞ୍ଜୁଟିଏ ଏଚେଲାଝା ଅଙ୍ଗୁରି ରାସା ଗହ୍‌ଆଁ ।”

୩୦ ଅଡେ ଏଝାରି ଜହରା ପାରୁ ପାଚିତି ତାୟୁ ଜୀତ ହରୁତା ହଡା ହାଚେରି ।

ପିତର ଜୀସୁକ୍ ପୁଞ୍ଜାହିଲଆଁ ଇନି କାତା ତଲିଏ ୱେହ୍‌ନାୟି

(ମାର୍କ ୧୪:୨୭-୩୧; ଲୁକ ୨୨:୩୧-୩୪; ଜହ୍ ୧୩:୩୬-୩୮)

୩୧ ଏଚିବେଲା ଜୀସୁ ଏଝାରାକ୍ ଏଲେଇଚେସି, “ନୀଞ୍ଜୁ ଲାଆଁୟାଁ ମୀରୁ ବାରେତେରି ନାଙ୍ଗେ ପିସାନା ହାଜାଦେରି, ଇଚିହ୍ ରାୟକି ଆହାମାନେ, ନାନୁ ମେଣ୍ଡାୟାଁ ଗଡୁକ୍ ୱେକ୍ ଅଡେ ମାନ୍ଧାଟି ମେଣ୍ଡାୟାଁ ଆଲାରା ଆହାହାନୁ । ୩୨ ସାମା ନାନୁ ହାହାନା ନିଙ୍ଗିତି ତାୟୁ ମୀ ନକିତା ଗାଲିଲିତା ହାଇଁ ।”

୩୩ ସାମା ପିତର ଜୀସୁକ୍ ଏଲେଇଚେସି, “ବାରେଜାଣା ନିଙ୍ଗେ ପିସୁତିହ୍ ଜିକେଏ, ନାନୁ କଡେ ନିଙ୍ଗେ ଏଚେଲାଝା ପିସୁଆଁ ।”

୩୪ ଜୀସୁ ପିତରକ୍ ଏଲେଇଚେସି, “ନାନୁ ନିଙ୍ଗେ ସାତା ୱେସିମାଞ୍ଜାକ୍, ନୀଞ୍ଜୁ ଲାଆଁୟାଁ କୟୁ କେଶିଆ ନଡକେଏ ନୀନୁ ନାଙ୍ଗେ ତାନିପାଲି ନାନୁ ପୁଞ୍ଜାହିଲଆଁ ଇଞ୍ଜା ୱେହ୍‌ଦି ।”

୩୫ ପିତର ଏଝାଣାକ୍ ଏଲେଇଚେସି, “ନାନୁ ନୀ ତଲେ ହାହାଲି ଆଡି ଜିକେଏ ନାନୁ ନିଙ୍ଗେ ଏଚେଲା ପୁଞ୍ଜାହିଲଆଁ ଇଞ୍ଜା ଇନଆଁ !” ଇଞ୍ଜା ବାରେ ସୀସୁୟାଁ ଜିକେଏ ଏଲେଇଚେରି ।

ଗେଡସିମନିତା ଜୀସୁତି ପ୍ରାତାନା

(ମାର୍କ ୧୪:୩୨-୪୨; ଲୁକ ୨୨:୩୯-୪୬)

୩୬ ଏଚେଟିଏ ଜୀସୁ ତାନି ସୀସୁୟାଁ ତଲେ ଗେଡସିମନି ଇନି ର ଚାୟୁତା ହାଜାନା ଏଝାରାକ୍ ଏଲେଇଚେସି, “ନାନୁ ଏମ୍ବାଆଁ ହାଜାନା ପ୍ରାତାନା କିନି ପାତେକା ମୀରୁ ଇମ୍ବାଆଁ କୁଗା ମାଞ୍ଜୁ ।” ୩୭ ଅଡେ ଏଝାସି ପିତର ଇଞ୍ଜା ଜେବଦିତି ରୀ ମୀରୁକାଣି ଅହାନା ହିୟାଁତା କିଲିବିଲି ଆଡେସି, ୩୮ ଇଞ୍ଜା ଏଚିବେଲା ଏଝାରାକ୍ ଏଲେଇଚେସି, “ନା ଜୀସୁ ହାନିଲେହେଁ ହାରେକା କିଲିବିଲି ହଡି ମାଞ୍ଜାନେ, ମୀରୁ

☆ ୨୭:୩୨ ୨୭:୩୨ ମାତି ୨୮:୧୨

ଇମ୍ପାଆଁ ଡୟାନା ନା ତଲେ କାଚିହ୍ ମାଞ୍ଜୁ ।”

୩୯ ଇଞ୍ଜା ଏଞ୍ଜାସି ହିରେ ହେକ ହାଜାନା ମୁନୁ କୁତାନା ପ୍ରାତାନା କିହିହ୍ ଏଲେଇଚେସି, “ଏ ନା ଆବା ଆତିହ୍ ଇ ନା ଦୁକୁ କସ୍ତଗାଟି ସଲ୍ଲାତି ହେକ କିମ୍; ସାମା ନା ମନ କଡେ ଆଏ ନୀ କାଡେଏ ଆପେ ।”

୪୦ ଅଡେ ଏଞ୍ଜାସି ସୀସୁୟାତାଣା ଖାହାନା ଏଞ୍ଜାରାଇଁ ଇଦା କିତାଣି ମେସ୍ତେସି ଇଞ୍ଜା ପିତରଇଁ ଏଲେଇଚେସି, “ମୀରୁ ନା ତଲେ ଗାଡେକା ଜିକେଏ କାଚାଲି ଆଡାଆଡେରି ? ୪୧ ପାନ୍ନାତା ଏନିକ୍ ହେରଅଡେରି, ଏଦାଆଁତାକି କାଚାହାଁ ପ୍ରାତାନା କିହେମାଞ୍ଜୁ; ଇଚିହ୍ ମନ ମାନେ ସାମା ଆଙ୍ଗାତା ବାଡୁୟୁ ହିଲେଏ ।”

୪୨ ଅଡେ ର ପାଲି ହାଜାନା ପ୍ରାତାନା କିହିହ୍ ଏଲେଇଚେସି, “ଏ ନା ଆବା ଇ ନା ଦୁକୁ କସ୍ତଗାଟି ସଲ୍ଲା ନା ତାଣାଟି ହେକ ଆହାଲି ଆଡାଆତି, ନାନୁ ଏଦାଆଁ ଗହ୍ ଇ ନା ମନ କଡେ ଆଏ ନୀ କାଡେଏ ଆପେ ।” ୪୩ ଅଡେ ଏଞ୍ଜାସି ଖାହାନା ଏଞ୍ଜାରାଇଁ ଇଦା କିହାମାନାଣି ମେସ୍ତେସି; ଇଚିହ୍ ଏଞ୍ଜାରି କଟଣି ହଚି ମାଚେରି ।

୪୪ ଏମ୍ପାଟିଏ ଏଞ୍ଜାସି ଏଞ୍ଜାରାଇଁ ପିସାନା ଅଡେ ଖେଶ୍ତେ ହାଜାନା ଅଡେ ଏ ପ୍ରାତାନା ତାନିପାଲି ତାକି କିଡେସି । ୪୫ ତାୟୁ ସୀସୁୟାଁ ତାଣା ଖାହାନା ଏଲେଇଚେସି, “ଗାଡେକା ତୁରାନା ଜମାଦୁ, ଇଚିହ୍ ମାଣସି ମୀରଏସି ପାପୁ ଗାଟାରି ତାଣା ହେରପି ଆନିବେଲା ଏଦାଡେୟିଏ । ୪୬ ନିଙ୍ଗାଦୁ ମାର ହାନ, ଇଞ୍ଜା ମେହଦୁ ଆମ୍ପାଆସି ନାଙ୍ଗେ ସାତୁୟାଁ କେୟୁତା ହେରପାନେସି, ଏଞ୍ଜାସି ତାଗେ ଖାଡେସିଏ !”

ଜୀସୁଇଁ ସାତୁୟାଁ କେୟୁତା ହେରପିନାୟି

(ମାର୍କ ୧୪:୪୩-୫୦; ଲୁକ ୨୨:୪୭-୫୩; ଜହ ୧୮:୩-୧୨)

୪୭ ଜୀସୁ ଇ କାତା ଖେସିମାଟି ବେଲାତା, ମେହଦୁ, ବାରଜାଣା

ସୀସୁୟାଁ ବିତ୍ରାଟି ଜୀହୁଦା ଦରୁଗାଟାସି ରଅସି ଇଞ୍ଜା ଏଞ୍ଜାଣିତଲେ କାଜା ପୂଜେରାଇଁ ଅଡେ ଲକୁଚି କାଜାରି ତାଣାଟି ପାଣ୍ଡୁଆହାମାନି ହାରେକା ଲକୁ କାଣ୍ଡାୟାଁ ଅଡେ ବାଡୁଗାୟାଁ ଆସାନା ଖାଡେରି । ୪୮ ଜୀସୁଇଁ ସାତୁୟାଁ କେୟୁତା ହେରପିନାସି ଏଞ୍ଜାରାଇଁ ଇ ସିନା ଖେସାମାଚେସି, “ନାନୁ ଆମ୍ପାଆରାଇଁ ନଶ୍ତିଇଁ ଏଞ୍ଜାସିଏ ଏଞ୍ଜାସି, ଏଞ୍ଜାଣାଇଁ ଆହ୍‌ଦେରି ।”

୪୯ ଇଞ୍ଜା ଏଞ୍ଜାସି ଏ ଦେବୁଣିଏ ଜୀସୁ ତାଣା ଖାହାନା, “ଏ ଗୁରୁ ଜହରା ଇଚେସି” ଅଡେ ଏଞ୍ଜାଣାଇଁ ହାରେକା ନଶ୍ତିଚେସି ।

୫୦ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ଏ ତଗେ ଏନାଆଁ କିହାଲି ଖାହାମାଞ୍ଜି ଏଦାଆଁ କିମ୍ ।”

ଏମ୍ପାଟିଏ ଏଞ୍ଜାରି ତାଗେ ଖାହାନା ଜୀସୁଇଁ ଆସ୍ତେରି । ୫୧ ଅଡେ ମେହଦୁ, ଜୀସୁତଲେ ମାଚାରି ବିତ୍ରାଟି ରଅସି କାଣ୍ଡା ହପ୍‌ହେସି ଇଞ୍ଜା କାଜା ପୂଜେରା ହଲେଏଣାଇଁ କିୟୁଁ ରାଡ଼ହେସି । ୫୨ ଏମ୍ପାଟିଏ ଜୀସୁ ଏଞ୍ଜାଣାଇଁ ଏଲେଇଚେସି, “ନୀ କାଣ୍ଡା ଖେଶ୍ତେ ନୀ ପାଡ଼କାତା ଇଗାମ୍, ଇଚିହ୍ ଆମ୍ପାଆରି କାଣ୍ଡା ଆହ୍‌ନେରି ଏଞ୍ଜାରି କାଣ୍ଡା ତଲେଏ ହାନ୍‌ନେରି । ୫୩ ନାନୁ ଏନାଆଁ ଅଣ୍ଡିପିମାଞ୍ଜି, ନାନୁ ନା ଆବାଇଁ ବାତିମାଲିତିହ୍ ଇ ଦେବୁଣିଏ ବାର ଗତି ରିଜାରି କସ୍‌କା କିହାଁ ହାରେକା ଦୁତୁୟାଁଇଁ ପାଣ୍ଡୁଅସି ?” ୫୪ ଇଚିହ୍ ଇଲେକ୍ ସାଡେଏ ଆନ୍‌ନେ ଇଞ୍ଜାମାନି ଦାମ୍‌ ପତିତି କାତା ଏନିକ୍ ସାତା ଆନ୍‌ନେ ?

୫୫ ଏଚେଟିଏ ଜୀସୁ ମାନ୍ଦା ଲକୁଣି ଏଲେଇଚେସି, ତଂଗା ଗାଟାରାଇଁ ଆହ୍‌ନିଲେହେଁ କାଣ୍ଡାୟାଁ ଅଡେ ଚେଙ୍ଗାୟାଁ ଆସାନା ମୀରୁ ନାଙ୍ଗେ ଆସାଲି ଖାହାମାଞ୍ଜେରି ? ନାନୁ ବାରେଦିନା ମାହାପୁରୁ ଇଲୁତା କୁଗାନା ଜାପୁସି ମାଚେଏଁ, ସାମା ମୀରୁ ନାଙ୍ଗେ ଆସାଆଡେରି ! ୫୬ ସାମା ମାହାପୁରୁ

ଅଣ୍ଟପୁତି ବଲ୍ଲୁ ଝେହ୍ନାରି ରାଚିତି  
ସାଢ଼େସ୍ତରି କାତା ଏନିକିଁ ସାତା ଆନେ,  
ଏଦାଆଁତାକି ଇ ବାରେ ଆହିମାନେ  
। ଏଚିବେଲା ବାରେଜାଣା ସାସୁୟା  
ଏଞ୍ଜାଣାକି ପିସାନା ହଟାତୁସ୍ତେରି ।

ବେରଣିମାଣ୍ଡାତା ଜୀସୁତି ନୀହାଁୟି  
(ମାର୍କ ୧୪:୫୩-୬୫; ଲୁକ  
୨୨:୫୪,୫୫,୬୩-୭୧; ଜହ ୧୮:୧୩-  
୧୪,୧୯-୨୪)

୫୭ ତାୟୁ ଏମିନିଗାଟାରି ଜୀସୁକି  
ଆସାମାରେରି, ଏଞ୍ଜାରି ଜୀସୁକି କୟାପା  
ଇନି କାଜା ପୂଜେରା ନକିତା ଅଡେରି;  
ଏ ଟାୟୁତା ମେରାପୁନାରି ଅଡେ  
ଲକ୍ଷୁତି କାଜାରି ରୁଣ୍ଡା ଆହାମାରେରି  
। ୫୮ ସାମା ପିତର ହେକ ଡୟାନା  
କାଜା ପୂଜେରା ଆଂଗେଣି ପାତେକା  
ଏଞ୍ଜାରି ଜେଟ ହାରେସି, ଇଞ୍ଜା ତାୟୁ  
ଏନି ଆନେ, ଏଦାଆଁ ସିନିକିହାଲି ଏଞ୍ଜାସି  
ବିତ୍ରା ହାଜାନା ଜାମାନାକା ତଲେ  
କୁଗାମାରେସି । ୫୯ ଏମ୍ବାଟିଏ କାଜା  
ପୂଜେରାକା ଅଡେ ବାରେ ବେରଣି  
ମାଣ୍ଡାତାରି ଜୀସୁକି ପାୟାଲି ଏଞ୍ଜାଣି  
କପାଟି ମିଟି ସାକିୟାଁ ପାରାତେରି,  
୬୦ ଇଞ୍ଜା ହାରେକା ସାକିୟାଁ ଝେସ୍ତି  
ଜିକେଏ, ଏଞ୍ଜାଣି ଏନି ଦହ ପ୍ଲାଃଆତେରି  
। ଇଞ୍ଜା ତାୟୁ ରିଆରି ନିଗାନା ଝେସ୍ତେରି,  
୬୧ \*ଇଞ୍ଜାସି ଏଲେଇଞ୍ଜାମାରେସି, “ନାନୁ  
ମାହାପୁରୁତି ଇଲ୍ଲୁ ଡିକିହାନା ତାନି  
ଦିନାଟିଏ କେପାଲି ଆଡ଼ିକିଁ ।”

୬୨ ଏମ୍ବାଟିଏ କାଜା ପୂଜେରା  
ନିଜ୍ଜାନା ଏଲେଇରେସି, “ନୀ କପାଟି  
ଜଲିମାନାରାକି ଝେଣ୍ଡେ ଝେସାଲି ନୀ ଏନି  
କାତା ହିଲେଏ କି ?” ୬୩ ସାମା ଜୀସୁ  
ପାଲେଏ ଆହାନା ଡୟିତେସି । ଏମ୍ବାଟିଏ  
କାଜା ପୂଜେରା ଜୀସୁକି ଏଲେଇରେସି,  
“ନାନୁ ଜୀସୁତି ମାହାପୁରୁ ଦରୁତଲେ  
ପାରମାଣା କିଞ୍ଜି କିହାନା ଝେଞ୍ଜିମାଞ୍ଜାକି,  
ନାଜେ ଝେସ୍ତାମ୍ବୁ ନାନୁ ସାତେଏ  
ମାହାପୁରୁ ମୀରଏଣାତି କ୍ରୀସ୍ତତିକି ?”

୬୪ ଜୀସୁ ଏଞ୍ଜାଣାକି ଏଲେଇରେସି,  
“ନାନୁତ ଝେସିମାଞ୍ଜି; ଅଡେ ନାନୁ ନିଜେ

ଝେସିମାଞ୍ଜାକି, ନୀଞ୍ଜୁଟିଏ ମୀରୁ ମାଣ୍ଡିସି  
ମୀରଏଣାକି ବାଡ଼ୟୁଗାଟି ମାହାପୁରୁ  
ଚିଃନିଞ୍ଜାକି ନିଗାମାନାଣି ଅଡେ ହାଗୁ  
ଦୁୟାଟି ଝାନାଣି ମେହ୍ଦେରି !”

୬୫ ଏମ୍ବାଟିଏ କାଜା ପୂଜେରା ତାନି  
ହିମ୍ବୁରି ଗେସାନା ଏଲେଇରେସି, “ଇଞ୍ଜାସି  
ମାହାପୁରୁ ନିନ୍ଦା କିହିମାନେସି, ଇଞ୍ଜା  
ମାଜେ ଅଡେ ଏନି ସାକିୟାଁ ଲଡାମାନେ  
? ମେହ୍ଦୁ ନୀଏଁ ଜିକେଏ ମାହାପୁରୁ  
ନିନ୍ଦା କିତାଣି ଝେରେରି, ୬୬ ମୀ ଅଣ୍ଟପୁତା  
ଏନାୟି ମାନେ ?” ଏମ୍ବାଟିଏ ଏଞ୍ଜାରି  
ଏଲେଇରେରି ଏଞ୍ଜାସି ହାନ୍ତି ଡଣ୍ଡ  
ପାଣ୍ଡନାୟି ମାନେ !

୬୭ ଏଚିବେଲା ଏଞ୍ଜାରି ଏଞ୍ଜାଣି ମୁମ୍ବୁତା  
ହୁପିତେରି, ବିଦା ଝେତେରି; ଇଞ୍ଜା  
ଆମ୍ବା ଆମ୍ବାଆରି ସାପୁଡା ଝେଗାନା  
ଏଲେଇରେରି, ୬୮ “ଏ କ୍ରୀସ୍ତ ନୀନୁସାଁ  
ମାହାପୁରୁ ଅଣ୍ଟପୁତି ବଲ୍ଲୁ ଝେହ୍ନାଟି,  
ମାଜେ ଝେସ୍ତାମ୍ବୁ ନିଜ୍ଜା ଆମ୍ବାଆସି  
ଝେତାତେସି ।”

ପିତର ଜୀସୁକି ପୁଞ୍ଜାହିଲଅଁ ଇଞ୍ଜା  
ଇନାୟି

(ମାର୍କ ୧୪:୨୭-୨୯; ଲୁକ ୨୨:୫୭-  
୬୨; ଜହ ୧୮:୧୫-୧୮,୨୫-୨୭)

୬୯ ଏମ୍ବାଟିଏ ପିତର ପାଜାଟି  
ଆଂଗେଣିତା କୁଗାମାରେସି, ଇଞ୍ଜା  
ର ହଢେଲଣି ପିତର ତାଗେ ଝାହାନା  
ଏଲେଇରେ, “ନାନୁ ଜିକେଏ ଗାଲିଲିତି  
ଜୀସୁତଲେ ମାଟି ।”

୭୦ ସାମା ଏଞ୍ଜାସି ବାରେଚି ନକିତା  
“ନାନୁ ଏଞ୍ଜାଣାକି ପୁଞ୍ଜାହିଲଅଁ ନାନୁ  
ଏନାଆଁ ଝେସିମାଞ୍ଜି ନାନୁ ପୁଞ୍ଜାହିଲଅଁ ।”  
୭୧ ଅଡେ ପିତର ଆଂଗେଣି ଦୁଝେରିତା  
ହାଜାଲିଏ ଅଡେ ର ହଢେଲଣି ଏଞ୍ଜାଣାକି  
ମେସାନା ଏ ଟାୟୁତି ଲକ୍ଷୁଣି ଏଲେଇରେ,  
“ଇଞ୍ଜାସି ନାଜ୍ଜରିତ ଜୀସୁତଲେ ମାରେସି  
।”

୭୨ ପିତର ପାରମାଣା କିହାନା  
ଅଡେ ଏଲେଇରେସି, “ନାନୁ ଏଞ୍ଜାଣାକି  
ପୁଞ୍ଜାହିଲଅଁ ।”

☆ ୨୭:୬୧ ୨୭:୬୧ ଜହ ୨:୧୯

୭୩ ଅତ୍ତେ ର ଗାଡ଼େକା ହାଜାଲିଏ ଦାରିତା ନିଚାମାଚାରି ପିତର ତାଗେ ଝାହାନା ଏଝାଣାଇ ଏଲେଇଚେରି, “ନୀନୁ ଜିକେଏ ସାତେଏ ଏଝାରି ବିତ୍ରାଟି ରଅତି, ଇଚିହ୍ ନୀ ହାଡ଼ାଟି ପୁଣ୍ଡି ଆହିମାନେ ।”

୭୪ ଏମ୍ବାଟିଏ ପିତର ପାରମାଣା ଅତ୍ତେ ବାକା ଇଚିହ୍ ଏଲେଇଚେସି, “ନୀନୁ ଏଝାଣାଇ ପୁଞ୍ଜାହିଲଅଁ ।”

ଏ ଦେବୁଣିଏ କୟ୍ କେଶ୍ତେ । ୭୫ ଏଚେଟିଏ “କୟ୍ କେଶ୍ତା ନକେଏ ନାଙ୍ଗେ ତାନି ପାଲି ପୁଞ୍ଜାହିଲଅଁ ଇଞ୍ଜାଦି” ଇଞ୍ଜି ଜୀସୁ ଖେସ୍ତି ଇ କାତା ପିତର ଅଣ୍ପୁତା ଝାଡ଼େ, ଇଞ୍ଜା ଏଝାସି ପାଙ୍ଗାତା ହାଜାନା ହାରେକା କିଲିବିଲି ଦୁକୁଆହ୍ ଡୀତେସି ।

## ୨୨

ପିଲାତ ନକିତା ଜୀସୁ

(ମାର୍କ ୧୫:୧; ଲୁକ ୨୩:୧-୨; ଜହ ୧୮:୨୮-୩୨)

୧ ଲାଇ ଝେୟାଲିଏ ବାରେ କାଜା ପୂଜେରାଙ୍ଗା, ଇଞ୍ଜା ଲକୁତି କାଜାରି ଜୀସୁଇଁ ପାୟାଲି ଏଝାଣି କପାଟି କାତା ଆଡେରି, ୨ ଇଞ୍ଜା ଏଝାରି ଏଝାଣାଇଁ ଦସା ଅହାନା ପିଲାତ ଇନି ସାଲୁଝି କିନାଣି ତାଣା ହେର୍ପିତେରି ।

ଇସ୍ପାରିୟତ ଜୀହୁଦା ହାନାୟି  
(କାମା ୧:୧୮-୧୯)

୩ ଏଚିବେଲା ଜୀସୁଇଁ ସାତୁ କେୟ୍ତା ହେର୍ପିତି ଜୀହୁଦା, ଜୀସୁ ହାନ୍ତି ତଣ୍ଡ ବେଟା ଆହାମାନେସି ଇଞ୍ଜି ପୁଞ୍ଜାନା, ଜୀହୁତା ଅଣ୍ପାପାନା କାଜା ପୂଜେରାଙ୍ଗା ଅତ୍ତେ ଲକୁତି କାଜାରି ତାଣା ଏ କଡ଼େଦସ ଟାକା ଝେଣ୍ଡେ ତାଚାନା ଏଲେଇଚେସି, ୪ “ନୀନୁ ଦହ୍ ହିଲାଆଗାଟାଣି ନେତେରି ହେର୍ପାନା ପାପୁ କିହାମାଇଁ ।”

ସାମା ଏଝାରି ଏଲେଇଚେରି, “ମାଦି ଏମ୍ବାଆଁ ଏନାୟି ମାନେ ? ଏଦାଆଁ ନୀନୁ ଅଣ୍ପାମା ।”

୫ ଏମ୍ବାଟିଏ ଏଝାସି ଟାକାୟାଣି ମାହାପୁରୁ ଇଲୁ ବିତ୍ରା କୁତାତୁସାନା ହାଚେସି, ଇଞ୍ଜା ହାଜାନା ହେର୍କି ଲେକା ହାଡ଼େସି ।

୬ ସାମା କାଜା ପୂଜେରାଙ୍ଗା ଏ ଟାକାୟାଁ ଅହାନା ଏଲେଇଚେରି, “ଇଝାଆଁ ମାହାପୁରୁ ଇଲୁତି ଦନ ତଲେ ଇଚିନାୟି ମେରା ହିଲେଏ, ଇଚିହ୍ ଇଝି ନେତେରିଟି ଟାକାୟାଁ ।” ୭ ଇଞ୍ଜା ଏଝାରି କାତା ଆହାନା ଏଟକା ଦେସାଟି ଲକୁତି ମାଡ଼ହା ମୁହନି ଟାୟୁ ତାକି ଏ ଟାକାୟାଁ ହୀହାନା ର କୁମ୍ବେ ଏଣା ବୁମି କଡ଼ିତେରି । ୮ “ଏଦାଆଁତାକି ନୀଞ୍ଜୁପାତେକା ଏଦାନି “ନେତେରି ବୁମି” ଇଞ୍ଜି ଇନେରି ।

୯ ଏମ୍ବାଟିଏ ମାହାପୁରୁ ଅଣ୍ପୁତି ବଲୁ ଝେହ୍ନି ଜିରିମିୟ ତାଣାଟି ରାଟିତି ଇ କାତା ସାତା ଆଡ଼େ, ଇସ୍ପାୟେଲ ମୀରକା ଆମ୍ବାଆରି ତାକି ଏଚେକା ଲେକା ହୀନାୟି ମାନେ, ଏଝାଣି ଲେକାତଲେ ଏ କଡ଼େଦସ ଟାକା ଅହାନା, ୧୦ ନା ତାକି ମାହାପୁରୁଟି ହୁକୁମି ଲେହେଁ କୁମ୍ବେ ଏଣା ବୁମି ତାକି ହୀତେରି ।

ପିଲାତ ଜୀସୁଇଁ ଝେନାୟି

(ମାର୍କ ୧୫:୨-୫; ଲୁକ ୨୩:୩-୫; ଜହ ୧୮:୩୩-୩୮)

୧୧ ଏମ୍ବାଟିଏ ସାଲୁଝି କିନାଣି ନକିତା ଜୀସୁଇଁ ନିପ୍ତହେରି, ଇଞ୍ଜା ସାଲୁଝି କିନାସି ଏଝାଣାଇଁ ଝେଚେସି, “ନୀନୁ ଜୀହୁଦି ଲକୁତି ରାଜାଟି ?”

ଜୀସୁ ଏଲେଇଚେସି, “ନୀନୁତ ଏଲେ ଇଞ୍ଜିମାଞ୍ଜି ।” ୧୨ ସାମା କାଜା ପୂଜେରାଙ୍ଗା ଇଞ୍ଜା ଲକୁତି କାଜାରି ଏଝାଣି କପାଟି ଝେସାଲିଏ, ଜୀସୁ ଏଦାଆଁ ଇନାଆତେସି ।

୧୩ ଏଚେଟିଏ ପିଲାତ ଏଝାଣାଇଁ ଏଲେଇଚେସି, “ଇଝାରି ନୀ କପାଟି ହାରେକା କାତା ଝେସିମାନେରି, ଏଦାଆଁ ଝେଞ୍ଜି ହିଲଅତି କି ?”

୧୪ ସାମା ଏଝାସି ର କାତା ଜିକେଏ ଏଝାଣାଇଁ ଜଲ୍ଲାଆତେସି, ଏମ୍ବାଟିଏ ସାଲୁଝି କିନାସି ହାରେକା କାବା ଆଡ଼େସି ।

☆ ୨୨:୩ ୨୭:୩ କାମା ୧:୧୮,୧୯

ଜୀସୁତି ହାନ୍ତି ତଣ୍ଡ

(ମାର୍କ ୧୫:୬-୧୫; ଲୁକ ୨୩:୧୩-୨୫; ଜହ ୧୮:୩୯; ୧୯:୧୬)

୧୫ ପିସ୍‌ପିଆନ୍ତି ପାର୍ଟୁ ବେଲାତା ଲକ୍ଷ୍ମୀ, ଆମିନି କାୟିଦିତା ଇଟାମାନାରାଇଁ ରାସିମାଚେରି ଏଝାଣାଇଁ ପିସାଲି ସାଲୁଝି କିନାଣି ମେରା ମାଚେ । ୧୬ ଏଚିବେଲା ଏଝାରି ଜୀସୁ-ବାରବା ଦରୁଗାଟି ର କାଜା ଝେଙ୍ଗତି କାୟିଦି ଗାଟାସି ମାଚେସି । ୧୭ ଏଦାଆଁତାକି ଏଝାରି ରୁଣ୍ଡା ଆହାମାନି ବେଲାତା ପିଲାତ ଏଝାରାଇଁ ଝେଚେସି, ନାନୁ ମିଙ୍ଗେତାକି ଆମ୍ବାଆରାଇଁ ପିସାହିୟାଇଁ ଇଞ୍ଜି ମୀରୁ ମନ କିହିମାଞ୍ଜେରି ? ବାରବାଇଁ କି ଆମ୍ବାଆରାଇଁ କ୍ରୀସ୍ତ ଇଞ୍ଜି ମାଞ୍ଜେରି ଏ ଜୀସୁଇଁ ? ୧୮ ଇଚିହଁ ଏଝାରି ଏଝାଣାଇଁ କପାଟି ହେର୍ପା ମାନେରି ଇଞ୍ଜି ପିଲାତ ପୁଞ୍ଜାମାଚେସି ।

୧୯ ଇଞ୍ଜା ପିଲାତ ନାହାୟି କିନି ଟାୟୁତା କୁଗାମାଟାଟି ତାନି ତକ୍ତି ତାନି ତାଣା ଝେସା ପାଣ୍ଡିତେ, “ଏ ଦାମ୍ବୁଗାଟି ମାଣ୍ଡିଲି ଏନାଆଁ କିଆନି, ଇଚିହଁ ଏଝାଣି ତାକି ନୀଞ୍ଜୁ ଲାଆଁୟା ହାପାନାତା ହାଚେରକା କସ୍ତ ଆହାମାଇଁ ।”

୨୦ ସାମା କାଜା ପୂଜେରାଙ୍ଗା ଅଡେ ଲକ୍ଷ୍ମୀ କାଜାରି, ବାରବାଇଁ ରାସାଲି ଇଞ୍ଜା ଜୀସୁଇଁ ନାସା କିହାଲି ଲକ୍ଷ୍ମଣି ଜାପୁହେରି । ୨୧ ସାମା ପିଲାତ ଏଝାରାଇଁ ଏଲେଇଚେସି, “ନାନୁ ଇ ରିଆରି ବିତ୍ରାଟି ଆମ୍ବାଆରାଇଁ ପିସାହିୟାଇଁ ଇଞ୍ଜି ମୀରୁ ମନ କିହିମାଞ୍ଜେରି ?”

ଏଝାରି ଏଲେଇଚେରି, “ବାରବାଇଁ ।”

୨୨ ପିଲାତ ଏଝାରାଇଁ ଝେଚେସି, ଆତିହଁ ଆମ୍ବାଆରାଇଁ କ୍ରୀସ୍ତ ଇନେରି ଏ ଜୀସୁଇଁ ନାନୁ ଏନାଆଁ କିଇଁ ?

ଏଝାରି ବାରେଜାଣା ଏଲେଇଚେରି, “ଏଝାଣାଇଁ ପାସି ମୁଣ୍ଡାତା ଏକଦୁ ।”

୨୩ ସାମା ପିଲାତ ଝେଚେସି, “ଏନାଆଁତାକି, ଏଝାସି ଏନ୍ତି ଦହ କିହାମାନେସି ?”

ସାମା ଏଝାରି ହାଚେରକା କାଲୁଝି ଆହଁ ଏଲେଇଚେରି, “ଏଝାଣାଇଁ ପାସି ମୁଣ୍ଡାତା ଏକଦୁ ।”

୨୪ ଏଚିବେଲା ପିଲାତ ଏନାଆଁ କିହାଲି ଆଡିହିଲଅସି, ଇଞ୍ଜା ହାଚେରକା ଗଡ଼ହା ଆହିମାନାଣି ମେସାନା, ଏଚିବେଲା ଲକ୍ଷ୍ମୀ ନକିତା ଏମ୍ବୁ ଅହାନା କେସ୍ତା ନରହାଁ ଏଲେଇଚେସି, “ଇଝାଣି ପାୟିନି ତାଣା ନା ଦହ ହିଲେଏ, ମୀରୁ ଏଦାଆଁ ପୁଞ୍ଜୁ ।”

୨୫ ଏମ୍ବାଟିଏ ବାରେ ଲକ୍ଷ୍ମୀ ଏଲେଇଚେରି, “ଏଝାଣି ନେତେରିତି ତଣ୍ଡ ମା ଲାକ ଇଞ୍ଜା ମା ମୀରକା ମୁହେଁ ଝାପେ ।”

୨୬ ଏମ୍ବାଟିଏ ପିଲାତ ଏଝାରାକି ବାରବାଇଁ ପିସା ହୀତେସି, ଇଞ୍ଜା ଜୀସୁଇଁ ସାଟ୍‌ଣି ଝେଚାନା ପାସି ମୁଣ୍ଡାତା ଏକହାଲି ହେର୍ପିତେସି ।

କସ୍ତକା ଜୀସୁଇଁ ନିନ୍ଦାକିହଁ କାକନାୟି

(ମାର୍କ ୧୫:୧୬-୨୦; ଜହ ୧୯:୨-୩)

୨୭ ଏମ୍ବାଟିଏ ସାଲୁଝି କିନାଣି କସ୍ତକା ଜୀସୁଇଁ ମେଡା ଇଲୁ ବିତ୍ରା ଅହାନା ବାରେ କସ୍ତକା ଏଝାଣି ନକିତା କୃତା ଆଡେରି । ୨୮ ଇଞ୍ଜା ଏଝାରି ଏଝାଣି ହିମ୍ବୁରି ହୁକହାନା ଏଝାଣାଇଁ ହେୟାଁ ଝାଣାଗାଟି ହିମ୍ବୁରି ହୁଚିକିତେରି, ୨୯ ଇଞ୍ଜା ହାପକା ଚପେରି ଆଲାନା ଏଝାଣି ତାୟୁଁ ତୁ ଇଚିତେରି ଅଡେ ଏଝାଣି ଚିଝିନି କେୟୁତା ର ବାଡ଼ଗା ଆସ୍‌ପି କିତେରି, ଇଞ୍ଜା ଏଝାଣି ନକିତା ମେଣ୍ଡା କୁତିହଁ “ଏ ଜୀସୁଦି ଲକ୍ଷ୍ମୀ ରାଜା ଜହରା” ଇଞ୍ଜି ଲାଜାକିହଁ କାକହେରି । ୩୦ ଅଡେ ଏଝାଣିଲାକ ହୁପିତେରି, ଅଡେ ଏ ବାଡ଼ଗା ଆସାନା ଏଝାଣି ତାୟୁଁ ତୁ ଝେଚେରି । ୩୧ ଅଡେ ଏଝାରି ଏଝାଣାଇଁ ଲାଜାକିହଁ କାକହି ତାୟୁ, ଏ ହିମ୍ବୁରି ହୁକହା ଅହାନା ତାନି ହିମ୍ବୁରି ହୁଚିକିତେରି, ଇଞ୍ଜା ଏଝାଣାଇଁ ପାସି ମୁଣ୍ଡାତା ଏକହାଲି ଅଡେରି ।

ଜୀସୁ ପାସି ମୁଣ୍ଡାତା

(ମାର୍କ ୧୫:୨୧-୩୨; ଲୁକ ୨୩:୨୬-୪୩; ଜହ ୧୯:୧୭-୨୭)

୩୨ ଏଝାରି ହାଜିମାଟାଟି ସିମନ ଦରୁଗାଟି ର କୁରିଣି ଦେସାତି ଲକ୍ଷ୍ମଣି ମେସାନା ଜୀସୁତି ପାସିମୁଣ୍ଡା ଡେକାଲି

ଏଝାଣାଇଁ ବାଲାମାତମି କିତେରି ।  
 ୩୩ ଇଞ୍ଜା ଏଝାରି ଗଲଗତା ଇନି  
 ଟାୟୁତା ଇଚିହିଁ ଏମିନାଣି ତାୟୁଁ ରୁପା  
 ଇନେରି ଏମ୍ବାଆଁ ଅଡେରି । ୩୪ ଏମ୍ବାଆଁ  
 ଏଝାରି ଏଝାଣାକି କାମ୍ବେଲି ଏୟୁ ଆଚିହିଁ  
 ଅଜ୍ଜୁରି ରାସା ଗସାଲି ହୀତେରି, ସାମା  
 ଏଝାସି ଏଝାଆଁ ଝାଣ୍ଡାନା ଗସାଲି ମନ  
 କିଆତେସି ।

୩୫ ତାୟୁ ଏଝାରି ଏଝାଣାଇଁ ପାସି  
 ମୁଣ୍ଡାତା ଏକହାନା ତାନି ହିମ୍ବୁରିକା ପାଦି  
 କିହାନା ତାମି ବିତ୍ତା ବାଟି କିହା ଅଡେରି,  
 ୩୬ ଇଞ୍ଜା ଏମ୍ବାଆଁ କୁଗାନା ଏଝାଣାଇଁ  
 କାଟିମାତେରି । ୩୭ ଇଞ୍ଜା ଏଝାରି ଏଝାଣି  
 ତାୟୁଁ ଲାକଟି ଇଲେଇଞ୍ଜାଁ ରାଚାନା  
 ଲେତେରି, “ଇଝାସି ଜୀହୁଦି ଲକୁଡି  
 ରାଜା ଜୀସୁ ।” ୩୮ ଏଚିବେଲା ତାନି  
 ଚିଠିଝାକି ରଅସି ଇଞ୍ଜାଁ ତାନି ଚେଟ୍ଟିଝାକି  
 ରଅସି ଇଲେକିହିଁ ରୀ ସରକାଣି  
 ତାନିତଲେ ପାସି ମୁଣ୍ଡାତା ଏକହେରି ।

୩୯ ଇଞ୍ଜାଁ ଏ ଜିରୁଟି ହାଜିମାନି ଲକୁ  
 ତାମି ତାର୍କା ଗୁଚକିକିହିଁ ଏଝାଣାଇଁ  
 ନିନ୍ଦାକିହିଁ ଏଲେଇତେରି, ୪୦ “ଆଡେ  
 ମାହାପୁରୁ ଇଲୁ ତିକନାତି ଇଞ୍ଜାଁ ତାନି  
 ଦିନାଟିଏ ଏଦାଆଁ ଝେଣ୍ଡେ କେପିନାତି,  
 ନୀନୁ ମାହାପୁରୁ ମୀରଏଣାତି ଇଚିହିଁ,  
 ନୀନୁ ନିଙ୍ଗେ ଗେଲ୍ପା କତାନା ପାସି  
 ମୁଣ୍ଡାଟି ରେଟା ଝାମୁ ।”

୪୧ କାଜା ପୂଜେରାଜା ଜିକେଏ  
 ଏଲେକିହିଁଏ ମେରାପୁନାରି ଇଞ୍ଜାଁ  
 ଲକୁଡି କାଜାରି ତଲେ କିଜଝିକିହିଁ  
 କାକିହିଁଏ ଏଲେଇତେରି, ୪୨ “ଏଝାସି  
 ଏଚକା ଲକୁଣି ପିସପି କିତେସି  
 ତାଙ୍ଗେ ଗେଲ୍ପାଲି ଆଡିହିଲଅସି  
 । ଏଝାସିତ ଇସ୍ରାୟେଲତି ରାଜା,  
 ଏଝାସି ଦେବୁଣିଏ ପାସି ମୁଣ୍ଡାଟି ରେଟା  
 ଝାପେସି, ଆଡିହିଁ ମାର ଏଝାଣି ତାଣା  
 ନାମିନ । ୪୩ ଏଝାସି ମାହାପୁରୁ ତାଣା  
 ନାମା ମାନେସି; ମାହାପୁରୁ ଏଝାଣାଇଁ  
 ଜୀସୁ ନହାଁ ମାନେସି, ଆଡିହିଁ ଏ  
 ଦେବୁଣିଏ ଏଝାଣାଇଁ ଗେଲ୍ପାପେସି,

ଏଝାସି ଝେସାମାଚେସି ନାନୁ ମାହାପୁରୁ  
 ମୀରଏଣାତେଏଁ ।”

୪୪ ଇଞ୍ଜାଁ ଆମିନି ସରକା ତାନିତଲେ  
 ପାସି ମୁଣ୍ଡାତା ଏକହା ମାଚେରି, ଏଝାରି  
 ଜିକେଏ ଏଲେକିହିଁ ନିନ୍ଦା କିହାଲି  
 ମାଟ୍ଟହେରି ।

ଜୀସୁତି ହାନାୟି

(ମାର୍କ ୧୫:୩୩-୪୧; ଲୁକ ୨୩:୪୪-  
 ୪୯; ଜହ ୧୯:୨୮-୩୦)

୪୫ ତାୟୁ ବାର ଗଂଗାଟିଏ ତାନି  
 ଗଂଗା ପାତେକା ଦେସା ବାରେ ଆନ୍ଦେରି  
 ଆହାହାଚେ । ୪୬ ମିଡ଼ଅଲା ତାନି ଗଂଗା  
 ବେଲାତା ଜୀସୁ କାଜା ଗିୟାତଲେ  
 ହାଟାନା ଏଲେଇତେସି, “ଏଲି, ଏଲି,  
 ଲାମା ସାବକତାନି ?” ଇଚିହିଁ “ଏ ନା  
 ମାହାପୁରୁ ଏ ନା ମାହାପୁରୁ ନୀନୁ ନାଙ୍ଗେ  
 ଏନାଆଁତାକି ପିସାତି ?”

୪୭ ଇ ହାଡ଼ା ଝେଞ୍ଜାନା ଦାରିତା  
 ନିଚାମାଟି ଲକୁ ଏଲେଇତେରି, “ଇଝାସି  
 ଏଲିୟଇଁ ହାଟି ମାନେସି ।” ୪୮ ଅଡେ  
 ଏ ଦେବୁଣିଏ ରଅସି ଏଝାରି ବିତ୍ତାଟି  
 ହଟିହିଁ ହାଜାନା ର ଡ୍ରାଝଆଲି ପୁଲା  
 ଅଜ୍ଜୁରି ରାସାତା ମୁସାନା ଏଦାଆଁ ର  
 ବାଡ଼ଗାତା ଦସାନା ଜୀସୁକି ଗସାଲି  
 ହୀତେସି ।

୪୯ ସାମା ଏଚେକା ଲକୁ  
 ଏଲେଇତେରି, “ହେଣ୍ଡୁ ଏଲିୟ  
 ଇଝାଣାଇଁ ଗେଲ୍ପାଲି ଝାହିମାନେସି କି  
 ଆଏ ସିନିକିନ ।”

୫୦ ସାମା ଜୀସୁ ଅଡେ ଝେଣ୍ଡେ କାଜା  
 ଗିୟାତଲେ ହାଟାନା ହାଡେସି ।

୫୧ ଇଞ୍ଜାଁ ମେହ୍ଦୁ ମାହାପୁରୁ ଇଲୁତା  
 ଲେଟାମାନି ହିମ୍ବୁରି ଲାକଟିଏ ତୁଇ  
 ପାତେକା ଗେଞ୍ଜାନା ରୀ ବାଗା ଆଡେ,  
 ଇଞ୍ଜାଁ ବୁମି ବାରେ ଝୀଡିତେ ଅଡେ  
 ଝାଲ୍ଲକା ଅୟାହାରୁ, ୫୨ ଇଞ୍ଜାଁ ମାଡ଼ହା  
 ମୁହନି ଗାମ୍ଲା ବାରେ ଦେପିଆଡୁ, ଅଡେ  
 ହାହାମାଟି ହାରେକା ସୁଦୁ ଲକୁଡି  
 ଆଜା ମାଡ଼ହା ମୁହନି ଟାୟୁଟି ନିଜାମା  
 ଝାଡେରି, ୫୩ ଇଞ୍ଜାଁ ଜୀସୁ ଝେଣ୍ଡେ ନିଜାଟି  
 ତାୟୁ ଏଝାରି ମାଡ଼ହା ମୁହନି ଟାୟୁଟି



ହତାନା ସୁଦୁ ଗାଡ଼ାତା ହାଜାନା ହାରେକା ଜାଣାତି ତଞ୍ଜାଆଡେରି ।

୫୪ ପାସାକଡ଼ି କସକା ମୁହେଁ କାଜାସି ଇଞ୍ଜା ତାନିତଲେ ଜୀସୁଇଁ କାଟାମାଚାରି, ଏଞ୍ଜାରି ବୁମି ଖୀତିତାଣି ଅଡ଼େ ଏମ୍ପାଆଁ ଗଟଞ୍ଜି ଆଡ଼ାଣି ମେସାନା ହାରେକା ଆଜାନା ଏଲେଇଚେରି, “ସାତେଏ ଇଞ୍ଜାସି ମାହାପୁରୁ ମୀରଏସି ମାଚେସି !”

୫୫ ଅଡ଼େ ହାରେକା ଇୟାସିକା ଜିକେଏ ଏମ୍ପାଆଁ ମାଞ୍ଜାନା ହେକଟି ସିନିକିହିମାରୁ; ଏଞ୍ଜି ଜୀସୁତି ସେବା କିହୁଁ ଗାଲିଲିଟି ଏଞ୍ଜାଣିତଲେ ଖାହାମାରୁ; ୫୬ ଏଞ୍ଜାସିକା ବିତ୍ରାଟି ମଗ୍ଦଲିନି ମରିୟମ, ଜାକୁବ ଅଡ଼େ ଜସେପ ତାମି ଇୟା ମରିୟମ, ଅଡ଼େ ଜେବଦି ତାମି ଇୟା ମାରୁ ।

ଜୀସୁଇଁ ମୁହନାୟି

(ମାର୍କ ୧୫:୩୩-୪୧; ଲୁକ ୨୩:୫୦-୫୬; ଜହ ୧୯:୨୮-୪୨)

୫୭ ଖେଡ଼ା ହାଜିମାଚାଟି ହାରାମାତିୟା ଜସେପ ଦରୁଗାଟି ହାରାମାତିୟାତି ର. ଦନ ଗାଟାସି ଖାଡେସି, ଏଞ୍ଜାସି ଜିକେଏ ଜୀସୁତି ର ସୀସୁ ଆହାମାଚେସି । ୫୮ ଏଞ୍ଜାସି ପିଲାତ ତାଣା ହାଜାନା ଜୀସୁତି ଆଙ୍ଗା ରାସ୍ତେସି, ପିଲାତ ଜୀସୁତି ମାଡ଼ହା ଏଞ୍ଜାଣାକି ହେର୍ପାଲି ହୁକୁମି ହାଡେସି । ୫୯ ଜସେପ ମାଡ଼ହା ଆଙ୍ଗାତି ଅହାନା ନେହୁଁ ପୁଝନି ପାଡ଼ାଡ଼ା ଦବଲା ହିମ୍ବରି ରୁପିଡେସି, ୬୦ ଇଞ୍ଜା ତାନୁ ତାଙ୍ଗେତାକି ହରୁତା କାର୍ଞି କିହାମାନି ମାଡ଼ହା ମୁହନି ପୁଝନି ଚାୟୁତା ମାଡ଼ହାତି ଇଟିଡେସି, ଇଞ୍ଜା ମାଡ଼ହାତି ମୁହନି ଚାୟୁତି ଦୁଖେରିତା ର. କାଜା ଖାଲି ପୁକହାନା ହାଜାଡୁସେସି । ୬୧ ମଗ୍ଦଲିନି ମରିୟମ ଅଡ଼େ ଏଟକାତି ମରିୟମ ଏ ମାଡ଼ହା ମୁହନି ଚାୟୁତା କୁଗା ଡ଼ୟିତୁ ।

ମାହଣି ମାଣ୍ଡାତା କସକା

୬୨ ତାନି ଅର ଦିନା, ଇତିହୁଁ ତିୟାରା ଆନି ଦିନାତି ତାୟୁତି ଦିନା କାଜା ପୂଜେରାଙ୍ଗା ଅଡ଼େ ପାରୁସିୟାଁ ପିଲାତ

ତାଣା ରୁଣ୍ଡା ଆହାନା ଏଲେଇଚେରି, ୬୩ \* “ବାବୁ, ଏ ନାଡ଼ି କିନାସି ଜୀସୁତା ମାଚାଟି, ‘ନାନୁ ତାନି ଦିନାଟିଏ ଖେଣ୍ଡେ ନିଜିଇଁ’ ଇଞ୍ଜୁଁ ଖେସାମାଚାଣି ନୀଏଁ ମାମୁ ଅଣ୍ଡପିମାନମି । ୬୪ ଏଦାଆଁତାକି ତାନିଦିନା ପାଡେକା ଏ ମାଡ଼ହା ମୁହନି ଚାୟୁତା କାଟାଲି ତାକି ହୁକୁମି ହୀମୁ, ଆଆତୁଁ ତାମି ସୀସୁୟାଁ ଖାହାନା ମାଡ଼ହାତି ତଂଗା ଆହୁଁ ଏଞ୍ଜାସି ହାକିଟି ନିଙ୍ଗାମାନେସି ଇଞ୍ଜୁଁ ଲକୁଣି ଖେହନେରି; ଆତିହୁଁ ତଲି ନାଡ଼ି କିତାଣି କିହୁଁ ତାୟୁତି ନାଡ଼ିକିନାୟି ହାରେକା ଆଗାଡ଼ା ଆନେ ।”

୬୫ ପିଲାତ ଏଞ୍ଜାରାଇଁ ଏଲେଇଚେସି, “ମୀ କାଃଆନାରି ମାନେରି, ମୀରୁ ହାଜାନା ଆଡ଼ିନି ପାଡେକା କାଃଆଦୁ ।”

୬୬ ଏଦାଆଁତାକି ଏଞ୍ଜାରି ହାଜାନା କାଃଆନାରି ତଲେ ଏ ଖାଲି ଗୁଟା ଆଆପେଞ୍ଜା ଇଞ୍ଜୁଁ ଖାଲିତି ଜାଣି କିହୁଁ ସୀଲି ଖେଚାନା ମାଡ଼ହା ମୁହନି ଚାୟୁତା କାଃନାରାଇଁ କାପି କିଡେରି ।

୨୮

ଜୀସୁ ଖେଣ୍ଡେ ନିଜିନାୟି

(ମାର୍କ ୧୬:୧-୧୦; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାଡ଼ି ତାୟୁ ଖାଚାତି ତଲିତି ଦିନାତା ଲାକ୍ ଲାଇସିଏ ମଗ୍ଦଲିନି ମରିୟମ ଅଡ଼େ ଏଟକାତି ମରିୟମ ମାଡ଼ହା ମୁହନି ଚାୟୁତି ସିନିକିହାଲି ହାରୁ । ୨ ଅଡ଼େ ମେହୁଦୁ ଏ ଦେବୁଣିଏ ବୁମି ଖୀତିଡେ, ଇତିହୁଁ ମାହାପୁରୁତି ର. ଦୁତୁ ଲାକପୁରୁଟି ରେଚାଖାହାନା ଏ ଖାଲିତି ଗୁଟି କିହାନା ଏଡ଼ାଣି ଲାକ କୁଗିଡେସି । ୩ ତାନି ଖାଣା ମିଶସିମାନି ହାଗୁଲେହେଁ ମାଚେ ଅଡ଼େ ତାନି ହିମ୍ବରି ପେଣ୍ଡିଲେହେଁ ଦବଲା ମାଚେ । ୪ ଇଞ୍ଜା କାଃଆନାରି ଆଜିତାକି ତୀରୁଗିହୁଁ ହାଡିଲେହେଁ ଆଡେରି ।

୫ ସାମା ଦୁତୁ ଇୟାସିକାଣି ଏଲେଇଚେସି, “ମୀରୁ ଆଜାଆଦୁ,

\* ୨୭:୨୩ ୨୭:୨୩ ମାତି ୧୭:୨୧; ୧୭:୨୩; ୨୦:୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨; ୧୮:୩୧-୩୩

ଇଚିହ୍ନଂ ମୀରୁ ପାସି ମୁଣ୍ଡାତା ହାତି ଜୀସୁଇଁ ପାରିମାଞ୍ଜେରି, ଏଦାଆଁ ନାନୁ ପୁଞ୍ଜିମାଇଁ ।” ୬ ଏଝାସି ଇମ୍ମାଆଁ ହିଲଅସି; ଇଚିହ୍ନଂ ଏଝାସି ଏନିକଂ ଖେସାମାଚେସି, ଏଲେକିହ୍ନଂ ଏ ନିଙ୍ଗାମାନେସି, ଝାଦୁ ଏଝାସି ଆମିନି ଚାୟୁତା ତୁରାମାଚେସି ଏ ଚାୟୁତି ସିନିକିଦୁ । ୭ ଅଡ଼େ ମୀରୁ ତବେ ହାଜାନା ତାନି ସୀସୁୟାଁଣି ଖେହ୍ନୁ, ଏଝାସି ହାଡାରି ତାଣାଟି ନିଙ୍ଗାମାନେସି, ଅଡ଼େ ମେହ୍ନୁ ଏଝାସି ମୀ ନକି ନକିତା ଗାଲିଲିତା ହାଜିମାନେସି, ଏମ୍ମାଆଁ ମୀରୁ ଏଝାଣାଇଁ ମେହ୍ନୁଦେରି; ନାନୁ ଖେସ୍ତାତାଣି ଅଣ୍ପାଦୁ ।

୮ ଏମ୍ମାଟିଏ ଆଜି ଅଡ଼େ ରାହାଟି ମାହ୍ଣି ମାଣ୍ଡାଟି ତବେ ହାଜାନା ତାନି ସୀସୁୟାଁଣି ଖେସାଲି ଦାବଡ଼ି ହରୁ ।

୯ ଅଡ଼େ ମେହ୍ନୁ ଜୀସୁ ଏଝାସିକାଣି ବେଟାଆହାନା ଏଲେଇଚେସି, “ମିଙ୍ଗେ ହିଡ଼ଡ଼ି ଆୟାପେ” ଏମ୍ମାଟିଏ ଏଝି ତାଗେ ଝାହାନା ଏଝାଣି କତାୟାଁ ଆସାନା ଏଝାଣାଇଁ ଜହରା କିତୁ । ୧୦ ଏଚେଟିଏ ଜୀସୁ ଏଝାସିକାଣି ଏଲେଇଚେସି, “ଆଜାଆଦୁ, ମୀରୁ ହାଜାନା ନା ତାୟିୟାଁଇଁ ଖେହ୍ନୁ, ଏଝାରି ଗାଲିଲିତା ହାଲାପେରି; ଏମ୍ମାଆଁ ଏଝାରି ନାଙ୍ଗେ ମେସ୍ତାନେରି ।”

ମାହ୍ଣି ମାଣ୍ଡା କାଠିଆନାରି

୧୧ ଆୟାସିକା ହାଜିମାଚାଟି, କାପୁ କାଡାମାଟି କସକା ବିତ୍ରାଟି ଏଚରଜାଣା ଗାଡାତା ହାଜାନା ଏ ବାରେ ଗଟଝି ଆଡାଣି କାଜା ପୂଜେରାଙ୍ଗାଣି ଖେସ୍ତେରି । ୧୨ ଏଝାରି ଲକ୍ଷୁତି କାଜାରି ତଲେ ରୁଣ୍ଡା ଆହାନା ଅଣ୍ପିହ୍ନଂ କାତା ତୀରିକିତି ତାୟୁ, ଏ କସକାକି ହାରେକା ଟାକାୟାଁ ହୀହାନା ଏଲେଇଚେରି, ୧୩ “ମୀରୁ ଏଲେଇଞ୍ଜୁ, ମାୟୁତୁରାମାଟି ବେଲାତା ତାନି ସୀସୁୟାଁ ଲାଆଁୟାଁ ଝାହାନା ଏଝାଣାଇଁ ସରୁ ଆହାନା ଅଡ଼େରି । ୧୪ ଅଡ଼େ ଇ କାତା ସାଲଝି କିନାଣି

କିୟଂ ତୁ ହାଚିହ୍ନଂ, ମାୟୁ ଏଝାଣାଇଁ ନେହ୍ନଂ କଂ ଖେସାନା ମୀ ଅଣ୍ପୁତି ପିସ୍ପି କିୟାନମି ।”

୧୫ ଏଝାରି ଟାକାୟାଁ ଅହାନା ଏନିକଂ ହୁକୁମି ବେଟାଆହା ମାଚେରି, ଏଲେକିହ୍ନଂ କିଚେରି । ଏଦାଆଁତାକି ଇ କାତା ଜୀହୁଦି ଲକ୍ଷୁତାଣା ଖେଙ୍ଗା ହାଜାନା ନୀଏଁ ପାଚେକା ମାନେ ।

ଜୀସୁ ତାନି ସୀସୁୟାଁଇଁ ତଞ୍ଜା ଆନାୟି (ମାର୍କ ୧୪:୩-୯; ଜହ ୧୨:୧-୮)

୧୬ \*ସାମା ଏଗାର ଜାଣା ସୀସୁୟାଁ ଗାଲିଲିତା ହାଜାନା, ଜୀସୁ ଆମିନି ହରୁ କାତା ଏଝାରିଇଁ ଖେସାମାଚେସି, ଏ ହରୁତା ହାଚେରି । ୧୭ ଅଡ଼େ ଏଝାରି ଏଝାଣାଇଁ ମେସାନା ଜହରା କିଚେରି, ସାମା ଆମ୍ମା ଆମ୍ମାଆରି ନାମାଆଚେରି । ୧୮ ଇଞ୍ଜା ଜୀସୁ ଏଝାରି ତାଗେ ଝାହାନା ଏଲେଇଚେସି, “ଲାକପୁରୁ ଅଡ଼େ ଦାର୍ଡିତି ଅଦିକାରା ନାଙ୍ଗେ ମେଡା ଆହାମାଞ୍ଜାନେ । ୧୯ \*ଏଦାଆଁତାକି ମୀରୁ ହାଜାନା ବାରେ କୁଡାଟି ଲକ୍ଷୁଣି ଆବା, ମୀରଏସି ଅଡ଼େ ସୁଦୁଜୀଝୁ ଦରୁଟି ବାପ୍ତିସ୍ମ\* ହୀହାନା, ୨୦ ନାନୁ ମିଙ୍ଗେ ହୀହାମାଞ୍ଜାନି ହୁକୁମି ବାରେ ମାନଝି ଆହାଲି ଜାପୁହାନା ଏଝାରିଇଁ ନା ସୀସୁୟାଁ କିଦୁ; ମେହ୍ନୁ ଜୁଗୁ ରାନି ପାଚେକା ନାନୁ ବାରେବେଲା ମୀ ତଲେ ମାଞ୍ଜେ ମାଞ୍ଜାଇଁ ।”

☆ ୨୮:୧୭ ୨୮:୧୭ ମାତୃ ୨୭:୩୨; ମାର୍କ ୧୪:୨୮

☆ ୨୮:୧୯ ୨୮:୧୯ କାମା ୧:୮

\* ୨୮:୧୯ ୨୮:୧୯

# ମାର୍କ ଲିଖିତ ସୁସମାଚାର ମାର୍କ ରାଚାମାନି ନେହଁ କାରୁ ମୂଲୁ ହାଡ଼ା

ଜୀସୁ କ୍ରୀସ୍ତତି ଜୀସୁ ଅଡ଼େ ଇ ଦାରତିତା ମାତି ତାନି କାତା ମାର୍କ ରାଚାମାନି ନେହଁ କାରୁ; ପୁଃନି ମେରାତି ସାରିଗଟା ନେହଁ କାରୁ ପତିୟା ବିତ୍ରାଟି ଇଦି ଆହିମାନେ ର ପତି । ଏ ବାରେ ନେହଁ କାରୁ ଇନେରି । ଏ ପତିୟା ଜୀସୁ କ୍ରୀସ୍ତ ହାଡ଼ି ତାମୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଚାମାରେରି । ମାର୍କ ରାଚାମାନି ନେହଁ କାରୁ ସାରିଗଟା ନେହଁ କାରୁ ବିତ୍ରାଟି ବାରେତି କିହାଁ ସରୁ କାରୁ । ଇ ନେହଁ କାରୁ ବାରେ କିହାଁ ନଟକଏ ଇତିହଁ ଜୀସୁ ଜାର୍ନାଆଡ଼ି ତାୟୁ ୨୫-୨୦ ବାର୍ଷା ବିତ୍ରା ରାସ୍ତକି ଆହାମାନେ ଇଞ୍ଜି ବାଇବଲ ପୁଟି ରୁଦିଗାଟାରି ଏଲେଇଞ୍ଜିମାନେରି । ରମ୍ ଗାଡ଼ାତା ମାତି କ୍ରୀସ୍ତାନା ଲକ୍ଷୁଣି ରାହାଁ କିହାଲିତାକି ଇ ପତି ରମ୍ ଗାଡ଼ାତା ରାଚାମାରେସି ।

ମାର୍କ ଅର ଦରୁ ଜହନ ମାର୍କ, ଏଞ୍ଜାସି ପାସ୍ତୁଲ ଅଡ଼େ ବର୍ନବା ତଣେ ମାରେସି । ସାମା ଏଞ୍ଜାସି ସେବା କାମାତାକି ହାଲାଆଲିଏ ଏଞ୍ଜାଣି ମନ ଉଣା ଆହାମାରେ କାମା ୧୩:୧୩ । ମାର୍କ ଅଡ଼େ ଖେଣ୍ଟେ ବର୍ନବା ତଲେ ସେବା କାମାତା ହାରେସି କାମା ୧୫:୩୭-୩୯ । ମାର୍କ ପିତରତି ନେହଁ କାରୁ ମାରେସି ୧ପିତ ୫:୧୩ । ମାର୍କ ଜୀସୁ କ୍ରୀସ୍ତତି ଜୀସୁତି କାତା କି ସେବା କାମାତି ମେସା ହିଲାଆତେସି, ରୁଦିଗାଟାରି ନାମିମାନେରି ମାର୍କ ରାଚାମାନି ନେହଁ କାରୁତା ପିତରତି କାତା ହାରେକା ରାଚାମାନେସି । ମାର୍କ ସୀୟୁୟାତି କାମା

ଇଞ୍ଜା ଜୀସୁ ରାନ୍ତି ଦିନାତି କାତା ଜାପୁନାଣି ରାଚାମାନେସି ।

## ପତିତା ମାନାୟି

- ୧. ମାର୍କ ପତିତି ମୂଲୁ ହାଡ଼ା । ୧:୧-୧୩
- ୨. ଗାଲିଲିତା ଜୀସୁ କ୍ରୀସ୍ତତି ସେବା କାମା । ୧:୧୪-୮:୨୧
- ୩. ଜୀସୁ କ୍ରୀସ୍ତ ଜିରୁସାଲମତା ହାନାୟି । ୮:୨୨-୧୦:୫୨
- ୪. ଜିରୁସାଲମତି କାତା, ଜୀସୁ କ୍ରୀସ୍ତ ହାନ୍ତି କାତା ଅଡ଼େ ଖେଣ୍ଟେ ନିଞ୍ଜିନି କାତା ରାଚାମାନା ରାପୁନାୟି । ୧୧:୧-୧୬:୨୦

ବାପ୍ତିସ୍ମା\* ହାନି ଜହନ ଖେକ୍ନାୟି  
(ମାତି ୩:୧-୧୨; ଲୁକ ୩:୧-୧୮; ଜହ ୧:୧୯-୨୮)

୧ ମାହାପୁରୁ ମୀରଏସି ଜୀସୁ କ୍ରୀସ୍ତତି ନେହଁ କାରୁ ଇଲେକ୍ ଆଡ଼େ,  
୨ ମାହାପୁରୁ ଅଣ୍ଟପୁତି ବଲୁ ଖେହ୍ନି ଜିସାୟ ସାସ୍ତେରିତା ଏନିକ୍ ରାସ୍ତକି ଆହାମାନେ;

“ମାହାପୁରୁ ଏଲେଇଞ୍ଜି ମାନେସି,  
ମେହ୍ନୁ ନାନୁ ନା କାରୁ ଖେହ୍ନାଣାଇଁ ନୀ ନକିତା ପାଣ୍ଡିମାଞ୍ଜାଇଁ,

ଏଞ୍ଜାସି ନିଞ୍ଜେତାକି ଜିରୁ ତିୟାରା କିନେସି;

୩ ଲକ୍ଷୁ ହିଲାଆ ଟାୟୁତା ରଅଣି ହାଡ଼ା ଖେକ୍ନିମାନେ,  
ପ୍ରବୁତି ଜିରୁ ତିୟାରା କିଦୁ,  
ଏଞ୍ଜାସି ତାକାଲି ତାକି ଜିରୁ ତିୟି କିଦୁ ।”

୪ ଏମ୍ବାଟିଏ ବାପ୍ତିସ୍ମା† ହାନି ଜହନ ଲକ୍ଷୁ ହିଲାଆ ଟାୟୁତା ଖାହାନା ବଲୁ ଖେକ୍ନେସି, ଅଡ଼େ ବାପ୍ତିସ୍ମା‡ ହାହାନା ଏଲେଇରେସି, “ଜାହାରା ପାପୁଟି ପିସ୍ପି ଆୟାଲିତାକି ମନ ଖେଟ୍‌ହାନା ବାପ୍ତିସ୍ମା§ ଅଦୁ, ଆତିହଁ ମାହାପୁରୁ ମୀ ପାପୁ ମ୍ଲେକ୍‌ହାନେସି ।” \* ଏମ୍ବାଟିଏ ଜୀହୁଦା ଦେସା ଇଞ୍ଜା ଜିରୁସାଲମ ଗାଡ଼ାତି ବାରେ ଲକ୍ଷୁ ତାନି ତାଣା ଖାହାଲି ମାଟ୍‌ହେରି, ଇଞ୍ଜା ତାମ୍‌ତାମି କିତି ପାପୁତି ଖେସାନା

\* ୧:୧ ୧:୧ ମୁଞ୍ଜିନାୟି † ୧:୪ ୧:୪ ମୁଞ୍ଜିନାୟି ‡ ୧:୪ ୧:୪ ମୁଞ୍ଜିନାୟି § ୧:୪ ୧:୪ ମୁଞ୍ଜିନାୟି

ଏଞ୍ଜାଣି ତାଣାଟି ଜର୍ଦନ କାତାତା ବାପ୍ତିସ୍ମ\* ଅଡେରି ।

୭ ଜହନ ଉତୁ ବାଣାୟା ତଲେ କେପିତି ହିମ୍ବରକା ତୁରହିମାଚେସି, ଅଡେ ଟେଡେଲିତା ର ତଲୁତି ବୁଡ଼ପା ମାଡା କିହାଁ ଦସା କଡ଼ଞ୍ଜିତେସି, ଗପ୍‌ଏରିକା ଅଡେ ଜାଡାତି କ୍ରିୟା ଏଞ୍ଜାଣି କାଦି ମାଚେ । ୮ ଜହନ ଏଲେଇଞ୍ଜି ଝେକହାଲି ମାଟ୍‌ହେସି, “ଆମ୍ବାଆସି ନା କିହାଁ ହାରେକା ବାଡ଼ୟୁ ଗାଟାସି ଏଞ୍ଜାସି ନା ଡାୟୁ ଝାହିମାନେସି; ନାନୁ ମେଣ୍ଡାକୁତାନା ଏଞ୍ଜାଣି ସେପୁୟାତି ଡର୍କା ଜକେଏ ହୁକହାଲି ପାଡାଆଅଁ । ୮ ନାନୁ ମିଙ୍ଗେ ଏୟୁତଲେ ବାପ୍ତିସ୍ମାଁ ହାହିମାଞ୍ଜାଇଁ, ସାମା ଏଞ୍ଜାସି ମିଙ୍ଗେ ସୁଦୁଜୀଞ୍ଜୁ ତଲେ ବାପ୍ତିସ୍ମାଁ ହିୟାନେସି ।”

ଜୀସୁ ବାପ୍ତିସ୍ମାଁ ଅନାୟି ଇଞ୍ଜା ତାୟିପାରି କିଞ୍ଜି ଆନାୟି

(ମାତି ୩:୧୩; ୪:୧-୧୧; ଲୁକ ୩:୨୧-୨୨; ୪:୧-୧୩)

୯ ଏଟିବେଲାତା ଜୀସୁ ଗାଲିଲିତି ନାଜ୍‌ରିତଟି ଝାହାନା ଜର୍ଦନ କାତାତା ଜହନ ତାଣାଟି ବାପ୍ତିସ୍ମ\* ଅଡେସି । ୧୦ ଜୀସୁ ଏୟୁଟି ନିଙ୍ଗା ଝାହିମାଚାଟି ଦେବୁଣିଏ ଲାକପୁରୁ ଦେପି ଆଡେ ଇଞ୍ଜା ସୁଦୁଜୀଞ୍ଜୁ ପାର୍‌ଝା ପଟାଲେହେଁ ତାନି ଲାକ ରେଟା ଝାହିମାଚାଣି ମେସ୍‌ସେସି । ୧୧ \*ଅଡେ ଲାକପୁରୁଟି ଇ ହାଡା ଆଡେ, “ନାନୁ ନା ଜୀଞ୍ଜୁଟି ମାର୍‌ଏଣାଟି, ନୀ ତାଟେଏ ନା ହାରେକା ରାହାଁ ମାନେ ।” ୧୨ ଏ ଦେବୁଣିଏ ସୁଦୁଜୀଞ୍ଜୁ ଏଞ୍ଜାଣାଇଁ ଲକୁ ହିଲାଆ ଟାୟୁତା ଅଡେ, ୧୩ ଜୀସୁ ଲକୁ ହିଲାଆ ଟାୟୁତା ରା କଡ଼ି ଦିନା ପାଟେକା ଡୟାନା ସୟତାନ ତାଣାଟି ତାୟିପାରି କିଞ୍ଜିଆଡେସି; ଏଞ୍ଜାସି ଜାଡାତି ଜନ୍ତୁ ତଲେ ଡୟିତେସି, ଇଞ୍ଜା ଲାକପୁରୁଟି ଦୁଡୁୟାଁ ଝାହାନା ଏଞ୍ଜାଣି ସେବା କିହିମାଚୁ ।

ଜୀସୁ ସାରି ଜାଣା ମୀଶକା ଆହନାରାଇଁ ହାଟିନାୟି

(ମାତି ୪:୧୨-୨୨; ଲୁକ ୪:୧୪-୧୫; ୫:୧-୧୧)

୧୪ ଜହନଇଁ କାୟିଦି ଇଲୁତା ଇଗାଲିଏ ଜୀସୁ ଗାଲିଲିତା ଝାଡେସି ଇଞ୍ଜା ମାହାପୁରୁଟି ନେହଁ କାବୁ ଝେକହେସି । ୧୫ \*କାଲା ଏଜିମାଞ୍ଜାନେ, ଲାକପୁରୁ ରାଜି ଏଗାଝାହିମାନେ, ପାପୁଟି ପିସାନା ମନ ଝେଟ୍‌ଦୁ ଇଞ୍ଜା ମାହାପୁରୁଟି ନେହଁ କାବୁଟି ନାମାଦୁ ।”

୧୬ ଜୀସୁ ଗାଲିଲି ସାମ୍‌ଦୁରି ଗାଟୁଟି ହାଜିମାଚାଟି ସିମନ ଅଡେ ତାନି ତାୟି ଆହିୟଇଁ ସାମ୍‌ଦୁରିତା ମୀଶକା ଜାଲା ମେଡ଼ହ ମାଚାଣି ମେସ୍‌ସେସି, ଇଟିହଁ ଏଞ୍ଜାରି ମୀଶକା ଆହନାରି ମାଚେରି । ୧୭ ଜୀସୁ ଏଞ୍ଜାରାଇଁ ହାଟାନା ଏଲେଇଚେସି, “ନା ଜେଟ ଝାଦୁ ନାନୁ ମିଙ୍ଗେ ଲକୁଣି ଆହନାଣି ଜାପୁହାଇଁ ।”

୧୮ ଏଞ୍ଜାରି ଦେବୁଣିଏ ଜାଲାୟାଁ ପିସାନା ଜୀସୁଟି ଜେଟ ହାଚେରି ।

୧୯ ଏଚେଟିଏ ଜୀସୁ ହିରେ ହେକ ହାଜାଲିଏ ଜେବଦି ମୀରକା ଜାକୁବ ଇଞ୍ଜା ତାନି ତାୟି ଜହନଇଁ ତଂଗତା ଜାଲା ମୁଦା କିହିମାଚାଣି ମେସ୍‌ସେସି । ୨୦ ମେସ୍‌ପନିଏ ଜୀସୁ ଏଞ୍ଜାରାଇଁ ହାଟିତେସି, ଇଞ୍ଜା ଏଞ୍ଜାରି ତାନି ଆବା ଜେବଦିଇଁ ହଲିୟାଙ୍ଗା ତଲେ ତଂଗତା ପିସାନା ଜୀସୁ ଜେଟ ହାଚେରି ।

ବୁଡୁ ଆଲଗା ମାଚାସି (ଲୁକ ୪:୩୧-୩୭)

୨୧ ଜୀସୁ ଅଡେ ତାନି ସୀସୁୟାଁ କପରନାହୁମ ଗାଡାତା ଝାଡେରି, ଇଞ୍ଜା ଅର ନେତୁ ଜମିନି ଦିନା ମାଚାକି ଜୀସୁ ଜୀହୁଦି ଲକୁଟି କୁଟମି ଇଲୁତାଁ ହାଜାନା ଜାପୁହାଲି ମାଟ୍‌ହେସି । ୨୨ \*ଲକୁ ତାନି ଜାପୁନାଣି ଝେଞ୍ଜାନା କାବା ଆହାହାଚେରି; ଇଟିହଁ ଏଞ୍ଜାସି ସାସ୍‌ସେରି ଝେହନାରି ଲେହେଁ ଜାପୁଆନା

\* ୧:୫ ୧:୫ ମୁଞ୍ଜିନାୟି † ୧:୮ ୧:୮ ମୁଞ୍ଜିନାୟି ‡ ୧:୮ ୧:୮ ମୁଞ୍ଜିନାୟି § ୧:୮ ୧:୯ ମୁଞ୍ଜିନାୟି \* ୧:୯ ୧:୯ ମୁଞ୍ଜିନାୟି ☆ ୧:୧୧ ୧:୧୧ ମାତି ୩:୧୭; ୧୨:୧୮; ମାର୍କ ୯:୭; ଲୁକ ୩:୨୨ ☆ ୧:୧୫ ୧:୧୫ ମାତି ୩:୨ † ୧:୨୧ ୧:୨୧ ସିନଗର ☆ ୧:୨୨ ୧:୨୨ ମାତି ୭:୨୮, ୨୯

ଅଦିକାରୀ ବେଟାଆହାମାନି ଲେହେଁ ଜାପୁହି ମାଚେସି ।

୨୩ ଜୀସୁ ଜାପୁହି ମାଚିବେଲାତା ଜୀହୁଦି ଲକୁତି କୁଟମି ଇଲୁଟିଃ ର ବୃତୁ ଆଲଗା ମାଚାସି କାଲୁଝି ଆହୁ ଏଲେଇଚେସି, ୨୪ “ଏ ନାଜରିତତି ଜୀସୁ ନୀ ତଲେ ମାଚେ ଏନି କାମା ମାନେ, ନୀନୁ କି ମାଚେ ନାସା କିହାଲି ଇମ୍ପାଆଁ ଖାହାମାଞ୍ଜି ? ନୀନୁ ଆମ୍ପାଆତି ନୀନୁ ପୁଞ୍ଜାମାଇଁ; ନୀନୁ ମାହାପୁରୁ ତାଣାଟି ଖାହାମାନି ଏ ସୁଦୁ ମାଣସିତି ।”

୨୫ ଜୀସୁ ଏଦାନି ଦାକା ହାହାନା ଏଲେଇଚେସି, “ପାଲେଏ ଆମ୍ପୁ ଇଞ୍ଜା ଇଝାଣି ତାଣାଟି ହଚାହାଲାମ୍ପୁ ।”

୨୬ ଏଚେଟିଏ ଏ ପଲୁଆ ବୃତୁ ଏଝାଣାଇଁ ମୁଡ଼ମୁଡ଼ା କିହାନା, କାଜା ଗିୟାତଲେ କିରଡ଼ିହୁ ଏଝାଣି ତାଣାଟି ହଚାହାଚେ । ୨୭ ଏମ୍ପାଟିଏ ବାରେଜାଣା ହାଚେକା କାବା ଆଚେରି, ଇଞ୍ଜା ଇଲେକି ଜଲୁକି ଆଚେରି, “ଇଦି ଏନିଲେହେଁତାୟି ? ଇଦି ଅଦିକାରୀ ବେଟାଆହାମାନି ଲେହେଁତ ପୁଝନି ଜାପୁନାୟି, ଏଝାସି ପଲୁଆ ବୃତୁୟାଁଇଁ ଜିକେଏ ହୁକୁମି ହାହିମାନେସି, ଅଚେଡ଼ ଏଝି ଏଝାଣି କାତା ଆସିମାନୁ ।”

୨୮ ଏମ୍ପାଟିଏ ଏଝାସି କିତି କାମାତି କାରୁ ଏ ରେଚୁଏ ଗାଲିଲି ରାଜିତି ସାରିଝାକିତି ନାସକାଣାଁ ଝେଙ୍ଗାହାଚେ ।

ଜୀସୁ ହାଚେକା ଲକୁଣି ନେହୁଁ କିନାୟି (ମାତି ୮:୧୪-୧୭; ଲୁକ ୪:୩୮-୪୧)

୨୯ ଏମ୍ପାଟିଏ ଏଝାରି ଜୀହୁଦି ଲକୁତି କୁଟମି ଇଲୁଟିଃ ହଚାନା ଜାକୁବ ଅଚେଡ଼ ଜହନ ତଲେ ଏ ଦେବୁଣିଏ ସିମନ ଇଞ୍ଜା ଆଦ୍ରିୟ ଇଜ ହାଚେରି । ୩୦ ସିମନ ପୟା ନମେରି ତାକି ତୁରାମାଚେ, ଅଚେଡ଼ ଏଝାରି ଏଦାଣି କାତା ରେଚୁଏ ଜୀସୁଇଁ ଝେସ୍ତେରି । ୩୧ ଏମ୍ପାଟିଏ ଏଝାସି ତାଗେ ହାଜାନା ତାନି କେୟୁ ଆସାନା ଏଦାନି ନିକହେସି,

ଅଚେଡ଼ ଏଦାନି ନମେରି ପିସ୍ତେ, ଇଞ୍ଜା ଏଦି ଏଝାରି ସେବା କିଚେ ।

୩୨ ମିଡ଼ଅଲ୍ଲା ବେଲା ଝେଡ଼ା କୁଡ଼ହାଲିଏ ଲକୁ ରଚା ଗାଟାରାଇଁ ଇଞ୍ଜା ବୃତୁୟାଁ ଆଲଗା ମାଚାରାଇଁ ଜୀସୁ ତାଣା ତାଚେରି, ୩୩ ଇଞ୍ଜା ଗାଡ଼ାତାରି ବାରେ ଜୀସୁ ମାଚି ଇଲୁ ଦୁଝେରିତା ରୁଣ୍ଡା ଆଚେରି । ୩୪ ଏମ୍ପାଟିଏ ଜୀସୁ ବାରେଲେହେଁତ ରଚା ଗାଟାରାଇଁ ନେହୁଁ କିଚେସି, ଇଞ୍ଜା ହାଚେକା ବୃତୁଣି ପିସ୍ତପି କିଚେସି, ଇଞ୍ଜା ଏଝାସି ବୃତୁୟାଁଣି ଜଲୁଲି ହାଆଚେସି, ଇଚିହୁ ଏଝି ଏଝାଣାଇଁ ପୁଞ୍ଜିମାନୁ ।

ଜୀସୁ ଗାଲିଲିତା ମାହାପୁରୁ କାତା ଝେକନାୟି (ଲୁକ ୪:୪୨-୪୪)

୩୫ ଝେୟାଆ ମାଚାଟିଏ ଆନେରି ମାଞ୍ଜା ମାଞ୍ଜାନା ଏଝାସି ନିଙ୍ଗା ହଚା ହାଜାନା ର ଲକୁ ହିଲାଆ ଚାୟୁତା ହାଜାନା ପ୍ରାତାନା କିହିମାଚେସି । ୩୬ ସିମନ ଇଞ୍ଜା ତାନି ଆଚହିତାରି ଏଝାଣାଇଁ ପାରାଲି ମାଚହେରି, ୩୭ ଏଝାଣାଇଁ ବେଟାଆହାନା ଏଲେଇଚେରି, “ବାରେଜାଣା ନିଙ୍ଗେ ପାରିମାଞ୍ଜାନେରି ।”

୩୮ ଏମ୍ପାଟିଏ ଜୀସୁ ଏଝାରାଇଁ ଏଲେଇଚେସି, “ଝାଦୁ ମାର ଏଚକା ଗାଡ଼ାତା, ଇଚିହୁ ଦାରିମାରି ନାସକାଣାଁ ହାନ; ଏମ୍ପାଆଁ ଜିକେଏ ନାନୁ ମାହାପୁରୁତି ବଲୁ ଝେକଇଁ, ଇଚିହୁ ଏଦାଆଁତାକି ନାନୁ ଖାହାମାଇଁ ।”

୩୯ ଇଞ୍ଜା ଜୀସୁ ବାରେ ଗାଲିଲି ନାସକାଣାଁ ରେଜି ରେଜିହୁ ଏଝାରି ବାରେ ଜୀହୁଦି ଲକୁତି କୁଟମି ଇଲୁକାଣା\* ମାହାପୁରୁ ବଲୁ ଝେକହେସି ଇଞ୍ଜା ବୃତୁୟାଁଣି ପିସ୍ତପି କିଚେସି ।

କାଜା ରଚା ଗାଟାଣାଇଁ ଜୀସୁ ନେହୁଁ କିନାୟି (ମାତି ୮:୧-୪; ଲୁକ ୫:୧୨-୧୭)

‡ ୧:୨୩ ୧:୨୩ ସିନଗଗ § ୧:୨୯ ୧:୨୯ ସିନଗଗ \* ୧:୩୯ ୧:୩୯ ମାତି ୪:୨୩; ୯:୩୫ \* ୧:୩୯ ୧:୩୯ ସିନଗଗ

୪୦ ଏମ୍ବାଟିଏ ର କାଜା ରଗ ଗାଟାସି ଜୀସୁ ତାଣା ଖାହାନା ମେଣ୍ଟାକୁତାନା ବାତିମାଲିହିଁ ଜୀସୁଇଁ ଏଲେଇଚେସି, “ନୀନୁ ମନ କିତିହିଁ ନାଙ୍ଗେ ନେହିଁ କିହାଲି ଆଡାଦି ।”

୪୧ ଏମ୍ବାଟିଏ ଜୀସୁ ଏଞ୍ଜାଣାଇଁ କାର୍ମା ମେସ୍ତେସି, ଇଞ୍ଜା କେୟୁ ଦାସାନା ଏଞ୍ଜାଣାଇଁ ତୀଗାନା ଏଲେଇଚେସି, “ନୀନୁ ମନ କିହିମାଇଁ ନୀନୁ ନେହିଁ ଆମ୍ବୁ ।” ୪୨ ଏ ଦେବୁଣିଏ ଏଞ୍ଜାଣି ତାଣାଟି କାଜା ରଗ ଗୁଟାଆଡେ, ଇଞ୍ଜା ଏଞ୍ଜାସି ନେହିଁ ଆଡେସି । ୪୩ ଇଞ୍ଜା ଏଞ୍ଜାସି ଏଞ୍ଜାଣାଇଁ ଜାଣେ ହୁକୁମି ହୀହାନା ଝେସା ପାଣ୍ଡିତେସି, ୪୪ “ଜାଗ୍ରାତା ଆମ୍ବାଆରାଇଁ ଏନାଆଁ ଝେହ୍ନାନି, ସାମା ହାଲୀମୁ ଇଞ୍ଜା ପୂଜେରା ତାଣା ହାଜାନା ନିଙ୍ଗ ତସାକତାମ୍ବୁ, ଇଞ୍ଜା ମସା ଆମିନି ମେରା ହୀହାମାନେସି ଏଦାଆଁ ଲକୁ ନକିତା ନେହିଁ ଆଡାକି ସାକି ହୀନିଲେହେଁ ହେରୁପାମ୍ବୁ ।”

୪୫ ସାମା ଏଞ୍ଜାସି ପାଙ୍ଗାତା ହାଜାନା ତାନୁ ନେହିଁ ଆଡି କାତାତି ସାରିଞ୍ଜାକି ଝେକ୍‌ହାଲି ମାଟ୍‌ହେସି, ଇଞ୍ଜା ଜୀସୁ ଆମିନି ଗାଡାତା ପୁଣ୍ଡେ ହଡାଲି ଆଡାଆଡେସି, ସାମା ପାଙ୍ଗାତା ଲକୁ ହିଲୀଆ ଟାମ୍ବାଣା ଡିୟିତେସି; ଅଡେ ସାରି ଞ୍ଜାକିଟି ଲକୁ ଜୀସୁ ତାଣା ଖାହାଲି ମାଟ୍‌ହେରି ।

### ୨

ଜୀସୁ ଟଟ ଖାୟିତାଣାଇଁ ନେହିଁ କିନାୟି

(ମାତି ୯:୧-୮; ଲୁକ ୫:୧୭-୨୬)

୧ ଏଚରଦିନା ଆୟାଲିଏ ଜୀସୁ କପରନାହୁମତା ଝେଣ୍ଡେ ହାଚେସି, ଇଞ୍ଜା ଏଞ୍ଜାସି ଇଜ ମାନେସି ଇଞ୍ଜା ସାରିଞ୍ଜାକି ଝେଙ୍ଗାହାଚେ । ୨ ଏମ୍ବାଆଁ ଇଚେକା ଲକୁ ରୁଣ୍ଡା ଆଡେରି ଇଞ୍ଜା ଦୁଝେରିତା ଜିକେଏ ଟାୟୁ ହିଲୀଆଡେ, ଇଞ୍ଜା ଏଞ୍ଜାସି ଏଞ୍ଜାଣାଇଁ ମାହାପୁରୁ କାତା ଝେକ୍‌ହେସି । ୩ ଏମ୍ବାଟିଏ ସାରି ଜାଣା ର ଟଟ ଖାୟିତାଣାଇଁ କାଚେଲିତା

ଜୀସୁ ତାଣା ଡେକା ତାଚେରି । ୪ ସାମା ହାଚେକା ଲକୁ ମାତାକି ଏଞ୍ଜାଣି ତାଣା ତାଚାଲି ଆଡାଆଡେରି, ଇଞ୍ଜା ଆମିନି ଟାୟୁତା ଜୀସୁ ମାଚେସି, ଏମ୍ବାଆଁ ଇଲୁଡି ଡେପରି ରିକ୍‌ହେରି, ଇଞ୍ଜା ଏ ଟଟ ଖାୟିତାଣାଇଁ କାଚେଲି ଝେଣ୍ଡେଏ ଇଲୁ ବିତ୍ରା ରେପ୍‌ହେରି । ୫ ଜୀସୁ ଏଞ୍ଜାରି ନାମୁ ମେସାନା, ଏ ଟଟ ଖାୟିତାଣାଇଁ ଏଲେଇଚେସି, “ଏ ମୀରୁଏଣା ନୀ ପାପୁ ବାରେ ମେଣ୍ଟାହାଚେ ।”

୬ ସାମା ଏମ୍ବାଆଁ ମାତି ଏଚେକା ମେରା ଜାପ୍‌ନାରି କୁଗାନା ତାମି ମନତା ଅଣ୍ଡିପିହିଁ କାତାବାର୍ତା ଆହିମାଚେରି, ୭ “ଇଞ୍ଜାସି ଏନାଆଁତାକି ଏଲେଇଞ୍ଜା ମାନେସି ? ଇଞ୍ଜାସି ମାହାପୁରୁଇଁ ନିନ୍ଦା କିହିମାନେସି; ମାହାପୁରୁ ପିସ୍‌ପେ ଆମ୍ବାଆସି ପାପୁ ମ୍ବେକ୍‌ହାଲି ଆଡିନେସି ?”

୮ ଏଞ୍ଜାରି ମନତା ଇଲେକ୍‌ ଅଣ୍ଡିପିମାନାଣି ଜୀସୁ ଦେବୁଣିଏ ଜୀସୁତା ପୁଞ୍ଜାନା ଏଞ୍ଜାଣାଇଁ ଏଲେଇଚେସି, “ମୀରୁ ମୀ ମନ ବିତ୍ରା ଏନାଆଁତାକି ଇଲେକ୍‌ ଅଣ୍ଡିପିଞ୍ଜେରି ? ୯ ଏନାଆଁ ଇନାୟି ଡିସାସା ? ଏ କାଜା ରଗ ଗାଟାଣାଇଁ ‘ନୀ ପାପୁ ମେଣ୍ଟାଚେ ଇନାୟି କି ନିଙ୍ଗାମ୍ବୁ ନୀ କାଚେଲି ଡେକାନା ତାକାମ୍ବୁ ଇନାୟି ଡିସାସା ?’ ୧୦ ସାମା ଦାର୍‌ତିତା ପାପୁ ମ୍ବେକ୍‌ହାଲି ମାଣସି ମୀରୁଏଣା ଅଦିକାରା ମାନେ, ଏଦାଆଁ ନୀର୍ବ୍ୟ ମୀରୁ ପୁଞ୍ଜାଲି ଆଡିଦେରି ।” ଏଦାଆଁତାକି ଏ ଟଟ ଖାୟିତାଣାଇଁ ଏଲେଇଚେସି, ୧୧ “ନୀନୁ ନିଙ୍ଗେ ଝେସିମାଞ୍ଜାଇଁ ନିଙ୍ଗାନା ନୀ କାଚେଲି ଡେକାନା ନୀ ଇଜ ହାଲୀମ୍ବୁ ।”

୧୨ ଏଚେଟିଏ ଏଞ୍ଜାସି ଦେବୁଣିଏ ନିଙ୍ଗାନା କାଚେଲି ଡେକାନା ବାରେଜାଣା ନକିଟି ହଡାହାଚେସି; ଏଚେଟିଏ ବାରେଜାଣା କାବାଆହାନା ମାହାପୁରୁଡି ଜହରା କିହିଁ ଏଲେଇଚେରି, “ମାମ୍ବୁ ଇଲେଡି କାବାଆନି କାମା ଏଚେଲା ଜିକେଏ ମେସାହିଲୀଆଡମି ।”

ଜୀସୁ ଲେବିଙ୍କୁ (ମାତିୟୁ) ହାଡ଼ିନାୟି  
(ମାତି ୯:୯-୧୩; ଲୁକ ୫:୨୭-୩୨)

୧୩ ଜୀସୁ ଅଡ଼େ ଖେଣ୍ଡେ ସାମ୍ବୁରି  
ଗାରୁତା ହାଚେସି, ଇଞ୍ଜା ଲକୁ ଏଝାଣି  
ତାଣା ଖାହାଲିଏ, ଏଝାରାଇଁ ଜାପୁହାଲି  
ମାଟୁହେସି । ୧୪ ଅଡ଼େ ଜିରୁଟି  
ହାଜି ହାଜିହୁଁ ଜୀସୁ ଆଲେପି  
ମୀରୁଏସି ଲେବିଙ୍କୁ\* ସିସୁ ରାହନି  
ତାଣା କୁଗାମାନାଣି ମେସେସି, ଇଞ୍ଜା  
ଏଝାଣାଇଁ ଏଲେଇଚେସି, “ନା ଜେଚ  
ଝାମୁ” ଏଚେଟିଏ ଲେବି ନିଜ୍ଞାନା ଏଝାଣି  
ଜେଚ ହାଚେସି ।

୧୫ ଅଡ଼େ ଜୀସୁ ଲେବି ଇଜ ରାନ୍ଦା  
ତିଞ୍ଜାଲି କୁଗାମାଚାଟି ହାରେକା ସିସୁ  
ରାହନାରି ଇଞ୍ଜା ପାପୁ ଗାଟାରି ତାମି  
ସୀସୁୟାଁ ତଲେ କୁଗିତେରି; ଇଚିହୁଁ  
ଏଝାରି ହାରେକା ମାଚେରି ଇଞ୍ଜା ଏଝାଣି  
ଜେଚ ହାଜିମାଚେରି । ୧୬ ଜୀସୁ ପାପୁ  
ଗାଟାରି ଇଞ୍ଜା ସିସୁ ରାହନାରି ତଲେ  
ତିଞ୍ଜି ମାନେସି, ଇଦାଆଁ ମେସାନା ପାରୁସି  
ଗଚିତି ମେରାପୁନାରି ତାନି ସୀସୁୟାଁଣି  
ଏଲେଇଚେରି, “ଏଝାସି ଏନାଆଁତାକି  
ପାପୁ ଗାଟାରି ଅଡ଼େ ସିସୁ ରାହନାରି  
ତଲେ ରାନ୍ଦା ତିଞ୍ଜି ମାନେସି?”

୧୭ ଜୀସୁ ଇ କାତା ଖେଞ୍ଜାନା ଏଝାରାଇଁ  
ଏଲେଇଚେସି, “ନେହୁଁ ଲକୁତାକି  
ଅସଗୁରୁ ଲଡ଼ା ହିଲେଏ, ସାମା ରଚ  
ଗାଟାଚାକି ଲଡ଼ାମାନେ; ନାନୁ ଦାମୁଁ  
ଲକୁତାକି ଖାହାହିଲଅଁ ସାମା ପାପୁ  
ଗାଟାଚାକି ଖାହାମାଇଁ ।”

ଉପାସା କିନାଣି ଖେହ୍ନାୟି  
(ମାତି ୯:୧୪-୧୭; ଲୁକ ୫:୩୩-୩୯)

୧୮ ଜହନତି ସୀସୁୟାଁ ଇଞ୍ଜା ପାରୁସିୟାଁ  
ଉପାସା କିହିମାଚାଟି, ଏଚେକା ଲକୁ  
ଜୀସୁ ତାଣା ଖାହାନା ଏଲେଇଚେରି,  
“ଜହନତି ସୀସୁୟାଁ ଇଞ୍ଜା ପାରୁସିୟାଁତି  
ସୀସୁୟାଁ ଉପାସା କିନେରି, ସାମା ନୀ  
ସୀସୁୟାଁ ଏନାଆଁତାକି ଉପାସା କିଅରି?”

୧୯ ଜୀସୁ ଏଝାରାଇଁ ଏଲେଇଚେସି,  
“ବୀହା ଲକୁତଲେ ବୀହା ହନେଏସି ମାନି  
ପାତେକା ବୀହା ଲକୁ ହାକିଟି ମାଞ୍ଜାଲି  
ଆଡ଼ିନେରିକି ? ବୀହା ହନେଏସି  
ଏଝାରିତଲେ ମାନି ପାତେକା ଏଝାରି  
ଉପାସା କିଅରି । ୨୦ ସାମା ଦିନା  
ଝାନ୍ଦେ ଏଚିବେଲା ଏଝାରି ତାଣାଟି  
ବୀହା ହନେଏଣାଇଁ ହପୁହା ଅଡ଼ିସାରେ  
ଏଚିବେଲା ଏଝାରି ଉପାସା କିନେରି ।”

୨୧ “ଆମ୍ବାଆସି ପୁଝଇ ହିମ୍ବୁରିତା ପୁଝନି  
ପାସକି ତାଚଅସି; ତାଡ଼ିସାରେ ପୁଝଇ  
ହିମ୍ବୁରିତି ପୁଝନି ପାସକି ମୁଦା ଆହୁଁ  
ଗାଡ଼ି ଗେଞ୍ଜିକିନେ । ୨୨ ଆମ୍ବାଆସି ପୁଝନି  
ଅଜୁରି ରାସା ପୁଝଇ ଡକାତା† ଇଚଅସି;  
ଇଚିସାରେ ଡକା ଡାୟାହାନେ, ଇଞ୍ଜା  
ଅଜୁରି ରାସା ଅଡ଼େ ଡକା ରିଣ୍ଡିଝା ନସୁ  
ଆନୁ, ଏଦାଆଁତାକି ପୁଝନି ଅଜୁରି ରାସା  
ପୁଝନି ଡକାତା ଇଚିନାୟି ମାନେ ।”

ଜମିନି ଦିନାତି କାତା ଖେହ୍ନାୟି  
(ମାତି ୧୨:୧-୮; ଲୁକ ୬:୧-୫)

୨୩ ର ପାଲି ଜୀସୁ ଜମିନି ଦିନା  
ତାନି ସୀସୁୟାଁ ତଲେ ଗହଁ ଗୁଡ଼ିୟାଟି  
ହାଜିମାଚେସି, ତାମି ସୀସୁୟାଁ ହାଜି  
ହାଜିହୁଁ ଗହଁୟାଁ ଜେକା ତାପୁହାଲି  
ମାଟୁହେରି । ୨୪ ଏମ୍ବାଟିଏ ପାରୁସିୟାଁ  
ଜୀସୁଙ୍କୁ ଏଲେଇଚେରି, “ମେହମୁ ଜମିନି  
ଦିନାତା ଏନାଆଁ କିନାୟି ମେରା ହିଲେଏ,  
ନୀ ସୀସୁୟାଁ ଏନାଆଁତାକି କିହିମାନେରି  
?”

୨୫ ଜୀସୁ ଏଝାରାଇଁ ଏଲେଇଚେସି,  
“ଦାଝୁଦ ଅଡ଼େ ତାନି ତଣେସିଜ୍ଞା  
ହାକି ଆହାମାଚାଟି ଏଝାରି ଏନାଆଁ  
କିହାମାଚେରି, ଏଦାଆଁ ମୀରୁ ଏଚେଲା  
ପଡ଼ୁଝି ଆହାହିଲଅଚେରି, ୨୬ ଅବିୟତର  
କାଜା ପୁଜେରା ମାଚିବେଲାତା ଏଝାସି  
ଏନିକିଁ ମାହାପୁରୁ ଇଲୁଡା ହଡ଼ାନା  
ଆମିନି ମାହାପୁରୁକି ହେରପିତି ରୁଟି  
କାଜା ପୁଜେରାଜ୍ଞା ପିସପେ ଆମ୍ବାଆରି  
ତିନାଆଗାଟି ମେରା ମାଚେ, ସାମା  
ଏଦାଆଁ ଦାଝୁଦ ତିଞ୍ଜା ମାଚେସି ଇଞ୍ଜା

\* ୨:୧୪ ୨:୧୪ ମାତିୟୁ † ୨:୨୭ ୨:୨୭ ତଲୁ ତଲେ କେପିତି ଅଜୁରି ରାସା ଇଚିନି ବାସ୍ତା ଚୁପୁ

ତାନି ଆର୍ତ୍ତ ହି ତାରାକି ଜିକେଏ ତିଞ୍ଜାଲି ହାହାମାରେସି ।”

୨୭ ତାୟୁ ଜୀସୁ ଏଞ୍ଜରାଉଁ ଏଲେଇଚେସି, “ଜଫିନି ଦିନା ମାଣସିତାକି ଆହାମାନେ; ସାମା ମାଣସି ଜଫିନି ଦିନାତାକି ଆହାହିଲଅସି ।” ୨୮ ଏଦାଆଁତାକି ମାଣସି ମୀରଏସି ଜଫିନି ଦିନାତି ପ୍ରଭୁ ଆନେସି ।

**୩**

ଝାୟିତି କେୟୁଗାଟାସି ନେହଁ ଆନାୟି

(ମାତି ୧୨:୯-୧୪; ଲୁକ ୬:୬-୧୧)

୧ ଜୀସୁ ଅଡେ ଝେଣ୍ଡେ ଜୀହୁଦି ଲକୁଡି କୁଟମି ଇଲୁତା\* ହାଚେସି, ଏମ୍ବାଆଁ ରଅସି ମାଚେସି, ଏଞ୍ଜାଣି ର କେୟୁ ଝାୟାହାଜାମାଚେ । ୨ ଜୀସୁ ଏଞ୍ଜାଣାଇଁ ଜଫିନି ଦିନାତା ନେହଁ କିନେସିକି ଆଏ, ଏଞ୍ଜାଣି କପାଟି ଦହ ଦସାଲିତାକି ଗୁରି କିହାନା ସିନିକିହିମାଚେରି ।

୩ ଏମ୍ବାଟିଏ ଜୀସୁ ଆମିନି ଲକୁଡି କେୟୁ ଝାୟାହାଜାମାଚେ, ଏଞ୍ଜାଣାଇଁ ଜୀସୁ ଏଲେଇଚେସି, “ଝାମ୍ବୁ ମାଦି ନିମୁ ।” ୪ ଇଞ୍ଜା ଜୀସୁ ଏଞ୍ଜରାଉଁ ଏଲେଇଚେସି,

“ଜଫିନି ଦିନାତା ଏନାଆଁ କିନାୟି ମେରା ମାନେ ? ନେହଁ କିନାୟି କି ଲାଗେଏ କିନାୟି ? ଜୀଝୁଡି ଗେଲପିନାୟି କି ନାସା କିନାୟି ?” ସାମା ଏଞ୍ଜାରି ଝେଣ୍ଡେ ହାଡା ଆୟାଲି ଆଡାଆଡେରି ।

୫ ଏମ୍ବାଟିଏ ଜୀସୁ ଏଞ୍ଜାରି ଆର୍ତ୍ତଞ୍ଜା ହିୟାତି ମେସାନା ଦୁକୁ ଆଡେସି, ଇଞ୍ଜା କପାଟି ସାରିଞ୍ଜାକି ଏଞ୍ଜରାଉଁ ସିନିକିହାନା ଏଲେଇଚେସି, “କେୟୁ ଲାକ ଦାହୁମୁ” ଏଞ୍ଜାସି ତାନି କେୟୁ ଦାସ୍ପଦିଏ ଏଦି ନେହଁ ଆହାହାଚେ । ୬ ଏଚେଟିଏ ପାରୁସିୟାଁ ହଡା ହାଜାନା ଜୀସୁଇଁ ପାୟାଲି ତାକି ହେରଦ ଗଚିତି ଲକୁଡଲେ କାଲହାନା କାତା ଆଡେରି ।

ସାମ୍ବୁଦୁରି ଗାଟୁତା ମାନ୍ଦା ଲକୁ  
(ମାତି ୪:୨୫; ମାର୍ଚ୍ଚ ୪:୧; ଲୁକ ୫:୧-୩)

୭ ଜୀସୁ ଅଡେ ତାନି ସୀସୁୟାଁ ଗାଲିଲି ସାମ୍ବୁଦୁରି ଗାଟୁତା ହାଚେରି, ଇଞ୍ଜା ହାଚେରିକା ଲକୁ ଏଞ୍ଜାଣି ଜେଟ ହାଚେରି; ଏଞ୍ଜାରି ଜୀହୁଦା, ଗାଲିଲି, ଜିରୁସାଲମ, ଇଦମ, ଜର୍ଦନ ଅରଞ୍ଜାକି, ସର ଅଡେ ସିଦନ ଗାଡା ଝାକିତି ଲକୁ ତାନି ବାରେ କିତି କାମାତି କାତା ଝେଞ୍ଜାନା ତାନି ତାଣା ଝାଡେରି । ୯ ଏମ୍ବାଆଁ ଇଚେକା ମାନ୍ଦା ଲକୁ ଆଡେରି ଏ ମାନ୍ଦା ଏନିକଁ ଏଞ୍ଜାଣିଲାକ ଝିହୁଅରି, ଏଦାଆଁତାକି ଏଞ୍ଜାସି ତାନି ସୀସୁୟାଁଣି ତାଙ୍ଗେତାକି ର ଉଣା ଡଂଗ ପାରା ଇଟାଲି ଝେସୁସି; ୧୦ ଏଞ୍ଜାସି ହାଚେରିକା ଲକୁଣି ନେହଁ କିହାମାତାକି ରଗ ଗାଟାରି ବାରେ ଏଞ୍ଜାଣାଇଁ ତୀଗାଲି ଏଞ୍ଜାଣି ମୁହେଁ ମୁହେଁ ଆହିମାଚେରି । ୧୧ ଇଞ୍ଜା ପଲୁଆ ବୁଡୁୟାଁ ଆସାମାନାରି ଏଞ୍ଜାଣାଇଁ ମେସ୍ପଦିଏ, ଏଞ୍ଜାଣି ନକିତା ରିହାନା କାଲୁଝି ଆହଁ ଏଲେଇଞ୍ଜି ମାରୁ, “ନୀନୁଏ ମାହାପୁରୁ ମୀରଏଶାତି ।”

୧୨ ଏଞ୍ଜାସି ଆମ୍ବାଆସି ଇ କାତା ଆମ୍ବାଆରାଇଁ ଝେହୁଆଦୁ ଇଞ୍ଜାଁ ଜୀସୁ ପଲୁଆ ବୁଡୁୟାଁଇଁ ଦାକା ହାହାନା ହୁକୁମି ହାଚେସି ।

ଜୀସୁ ବାରଜାଣା ସୀସୁୟାଁଣି ଆଡିନାୟି

(ମାତି ୧୦:୧-୪; ଲୁକ ୬:୧୨-୧୬)

୧୩ ଜୀସୁ ହରୁ ଲାକ ହାଜାନା ଆମିନି ଗାଟାରାଇଁ ମନ କିଚେସି ଏଞ୍ଜରାଉଁ ତାଗେ ହାଡିଚେସି, ଇଞ୍ଜା ଏଞ୍ଜାରି ତାଗେ ଝାଡେରି । ୧୪ ଇଞ୍ଜା ଏଞ୍ଜାସି ବାରଜାଣାତି ଆଡାନା ପାଣ୍ଡୁଝି ଆଡାରି ଇଞ୍ଜାନା, ଏଞ୍ଜରାଉଁ ଏଲେଇଚେସି, “ନା ତଲେ ଡୟାଲି ନାନୁ ମିଙ୍ଗେ ଆଡାମାଞ୍ଜାଇଁ, ଇଞ୍ଜା ଝେକହାଲି ପାଣ୍ଡୁଇଁ । ୧୫ ଇଞ୍ଜା ମୀରୁ ବୁଡୁୟାଁ ପେରହାଲି ଜିକେଏ ଅଦିକାରା ବେଟାଆଡେରି ।”

୧୬ ଜୀସୁ ଇ ବାରଜାଣାତି ଆଡିଚେସି, ଏଞ୍ଜାରି ଆଡେରି ସିମନ ଆମ୍ବାଆରାଇଁ ଜୀସୁ ପିତର ଇଞ୍ଜାଁ ଇଚିଚେସି; ୧୭ ଜେବଦି ରୀ ମୀରକା ଜାକୁବ

\* ୩:୧ ୩:୧ ସିନଗଗ    ☆ ୩:୯ ୩:୯ ମାର୍ଚ୍ଚ ୪:୧; ଲୁକ ୫:୧-୩



ଅଡ଼େ ତାନି ତାୟି ଜହନ ଆମ୍ବାଆରାଇଁ  
 ବିନେରିଗସ୍ ଇଚିହ୍ଁ ଗୁଣ୍ଡିହିମାନି  
 ହାଗୁତି ମୀରକା ଇଞ୍ଜିହ୍ଁ ଦରୁ  
 ଇଚିତେସି; ୧୮ ଆନ୍ଦିୟ, ପିଲିପ,  
 ବାର୍ତ୍ତଲମି, ମାତିୟୁ, ତମା, ଆଲେପି  
 ମୀରଏସି ଜାକୁବ, ତଦିୟ, ଦେସାତି  
 ଜୀଝୁ ନନ୍ଦି ସିମନ, ୧୯ ଅଡ଼େ ଇସ୍ତାରିୟତ  
 ଜୀହୁଦା, ଆମ୍ବାଆସି ଜୀସୁଇଁ ସାତୁୟାଁ  
 କେୟୁତା ହେରପିତେସି ।

ଜୀସୁ ଅଡ଼େ ବାଲ୍‌ଜିବୁଲ୍  
 (ମାତି ୧୨:୨୨-୩୨; ଲୁକ ୧୧:୧୪-  
 ୨୩; ୧୨:୧୦)

୨୦ ତାୟୁ ଜୀସୁ ଇଜ ଖାଡ଼େସି;  
 ଅଡ଼େ ଖେଣ୍ଡେ ଇଚେକା ଲକୁ ରୁଣ୍ଡା  
 ଆଡ଼େରି ଜୀସୁ ଇଞ୍ଜାଁ ତାନି ସୀସୁୟାଁକି  
 ତିଞ୍ଜାଲି ଜିକେଏ ଆଆଡେ । ୨୧ “ଜୀସୁ  
 ବାୟା ଆଡ଼େସି” ଇଞ୍ଜାଁ ଲକୁ  
 ଏଲେଇନାଣି ଖେଞ୍ଜାନା ତାମି କୁଟମି  
 ଜୀସୁଇଁ ଅହାଲି ଖାଡ଼େରି । ୨୨ ଅଡ଼େ  
 ଜିରୁସାଲମଟି ଖାହାମାନି ମେରାପୁନାରି  
 ଏଲେଇଚେରି, “ଇଝାଣାଇଁ ବାଲ୍‌ଜିବୁଲ୍  
 ବୃତୁ ଆଲ୍‌ଗାମାନେ, ଲାକା ଇଝାସି  
 ବୃତୁୟାଁଣି ପିସପି କିହିମାନେସି ।”

୨୩ ଏମ୍ବାଟିଏ ଜୀସୁ ଏଝାରାଇଁ  
 ତାଗେ ହାଟାନା ପୁଣ୍ଡିକିନି କାତାତଲେ  
 ଖେସ୍ତେସି, “ସୟତାନ ଏନିକ୍  
 ସୟତାନଇଁ ପେରହାଲି ଆଡ଼ିନେ ?  
 ୨୪ ର ରାଜି ବାଗା ଆହାନା ତାନି କପାଟି  
 ନିଜିନେ, ଇଚିହ୍ଁ ଏ ରାଜି ଅଡ଼େ  
 ତୀରିତଲେ ଡ଼ୟାଲି ଆଡ଼େଏ । ୨୫ ଇଞ୍ଜାଁ  
 ର ଇଲୁ କୁଟମିତାରି ବାଗା ଆହାନା ତାମ୍ବୁ  
 ତାମି କପାଟି ନିଜିନେରି ଇଚିହ୍ଁ ଏ  
 ଇଲୁତାରି ତୀରିତଲେ ଡ଼ୟାଲି ଆଡ଼ଅରି  
 । ୨୬ ଏଲେକିହ୍ଁଏ ସୟତାନ ବାଗା  
 ଆହାନା ତାନି କପାଟି ନିଜାମାନେ,  
 ଆଡ଼ିହ୍ଁ ଏଦି ଅଡ଼େ ତୀରିତଲେ  
 ଡ଼ୟାଲି ଆଡ଼େଏ, ସାମା ଏଦାନି ବାରେ  
 ନାସା ଆହିମାନେ ।”

୨୭ “ସାମା ଆମ୍ବାଆସି ନକେଏ ବାଡ଼ୟୁ  
 ଗାଟାଣାଇଁ ଦହ୍‌ଆଡ଼ିହ୍ଁ ତାନି ଇଜ  
 ହଡ଼ାନା ତାନି ଇଜତି ଆସି ସରୁ

କିହାଲି ଆଡ଼ଅସି; ଏଝାଣାଇଁ ତଲିଏ  
 ଦସ୍ତିହ୍ଁ ଦେ ଏଝାସି ଏଝାଣି ଇଜତାଣି  
 ସରୁ କିନେସି ।”

୨୮ “ନାନୁ ମିଜା ସାତା ଖେସିମାଞ୍ଜାଇଁ,  
 ଲକୁତି ବାରେ ପାପୁ ଇଞ୍ଜାଁ ଏଝାରି  
 ଏଚେକା ନିନ୍ଦା କାତାତଲେ ମାହାପୁରୁ  
 ନିନ୍ଦା କିନେରି ଏ ବାରେ ପାପୁ  
 ମେଣ୍ଡିଜିନେ । ୨୯ \*ସାମା ଆମ୍ବାଆସି  
 ସୁଦୁଜୀଝୁ କପାଟି ନିନ୍ଦା କାତା ଜଳିନେସି,  
 ଏଝାଣି ଆମିନି କାଲାତା ଜିକେଏ  
 ଦହ୍ ମେଣ୍ଡିଜିକେଏ, ସାମା ଏଝାସି  
 କାଲାକାଲାତି ପାପୁତି ଦହ୍‌ଗାଟାସି  
 ଆନେସି ।” ୩୦ ଜୀସୁଇଁ ବୃତୁ  
 ଆଲ୍‌ଗାମାନେ ଇଞ୍ଜାଁ ଏଚେକା ଲକୁ  
 ଏଲେଇଞ୍ଜାଲିଏ ଜୀସୁ ଇକାତା ଖେସ୍ତେସି  
 ।

ଜୀସୁତି ଇୟା ଅଡ଼େ ତାୟିୟାଁ  
 (ମାତି ୧୨:୪୬-୫୦; ଲୁକ ୮:୧୯-୨୧)

୩୧ ଏଚିବେଲା ଜୀସୁତି ଇୟା ଅଡ଼େ  
 ତାୟିୟାଁ ଖାହାନା ଇଲୁ ପାଜାତା  
 ନିଗାନା ଜୀସୁଇଁ ହାଟି କିଚେରି ।  
 ୩୨ ଏମ୍ବାଟିଏ ସାରିଝାକି କୁଗାମାଟି ଲକୁ  
 ଏଲେଇଚେରି, “ମେହ୍‌ମୁ ମୀ ଇୟା,  
 ତାୟିୟାଁ ଅଡ଼େ ତାଜିସ୍ତା ପାଜାତା  
 ନିଗାନା ନିଜେ ପାରିମାଞ୍ଜାନେରି ।”

୩୩ ଜୀସୁ ଏଝାରାଇଁ ଏଲେଇଚେସି,  
 “ନା ଇୟା ଇଞ୍ଜାଁ ନା ତାୟି ତାଜିସ୍ତା  
 ଆମ୍ବାଆୟି ?” ୩୪ ଇଞ୍ଜାଁ ଏଝାସି ତାନି  
 ସାରିଝାକି କୁଗାମାନି ଲକୁଣି ସିନିକିହାନା  
 ଏଲେଇଚେସି, “ମେହ୍‌ମୁ ନା ଇୟା ଅଡ଼େ  
 ନା ତାୟି ତାଜିସ୍ତା । ୩୫ ଆମ୍ବାଆସି  
 ମାହାପୁରୁତି କାତା ଆହ୍‌ନେସି ଏଝାସିଦେଁ  
 ନା ତାୟି, ତାଜି ଅଡ଼େ ନା ଇୟା ।”

**୪**

ବିଚା ମାଟିନାଣି ପୁଣ୍ଡିକିନି କାତା  
 (ମାତି ୧୩:୧-୯; ଲୁକ ୮:୪-୮)

୧ \*ଜୀସୁ ଗାଲିଲି ସାମ୍‌ଦୁରି ଗାଟୁତା  
 ଅଡ଼େ ଖେଣ୍ଡେ ଜାପ୍‌ହାଲି ମାଟ୍‌ହେସି,  
 ଅଡ଼େ ହାଡ଼େକା ଲକୁ ଏଝାଣି ତାଣା ରୁଣ୍ଡା  
 ଆଡ଼େରି ଇଞ୍ଜାଁ ଜୀସୁ ସାମ୍‌ଦୁରିତା ମାନି

\* ୩:୨୯ ୩:୨୯ ଲୁକ ୧୨:୧୦    \* ୪:୧ ୪:୧ ଲୁକ ୫:୧-୩

ର. ତଂଗତା ହାଜାନା କୁରିତେସି ଇଞ୍ଜା  
 ଲକୁ ସାମ୍ବୁରି ଗାଟୁତା ନିତାମାଚେରି  
 । ୨ ଏମ୍ବାଟିଏ ଜୀସୁ ଏଞ୍ଜାରାଇଁ  
 ହାରେକା ପୁଣ୍ଡିକିନି କାତା ଜାପୁହିହୁଁ  
 ଏଲେଇଚେସି ।

୩ “ଖେଞ୍ଜୁ, ମେହଦୁ ର. ବିଚା  
 ମାଟିନାସି ବିଚା ମାଟାଲି ହତେସି ।  
 ୪ ଇଞ୍ଜା ଏଞ୍ଜାସି ମାଟିମାଟାଟି କଚେକା  
 ବିଚା ଜିରୁତା ରାତେ, ଇଞ୍ଜା ପଟାୟା  
 ଖାହାନା ଏ. ପାଡେୟି ପେରହା ତିରୁ ।  
 ୫ ଅଡେ କଚେକା ବିଚା ଇଚାୟି ଇଚୁଆ  
 ମାନି ଖାଲୁକା ଲାକ ରାତେ, ଇଞ୍ଜା  
 ଉଣା ଇଚୁଆ ମାଟାକି ଗାଡେକେଏ  
 ନେୟିତେ, ୬ ସାମା ଖେଡା ଆଡାଲିଏ  
 ନେୟା ମାଟାୟି ଖେହା ହାଚେ ଇଞ୍ଜା  
 ହୀରୁ ଜାଆତାକି ଖାୟାନା ହାହାହାଚେ  
 । ୭ ଅଡେ କଚେକା ବିଚା ହାପୁକା  
 ବୁଟାତା ରାତେ, ଇଞ୍ଜା ହାପୁକା ବୁଟା  
 ପାତାଆହାନା ଆନା ତାକିତି ପୁକହାତୁସ୍ତେ  
 ଇଞ୍ଜା ପାଡେୟି ଆୟାଆତେ । ୮ ଅଡେ  
 କଚେକା ବିଚା ନେହୁଁ ବୁମିତା  
 ରାତେ, ଏଡି ନେୟାହାଁ ପାତାଆହାନା,  
 କଡେଦସ, ତାନିକଡ଼ି, ପାସାକଡ଼ି  
 ପାଡେୟି କାମ୍ବିତେ ।”

୯ ଅଡେ ଏଞ୍ଜାସି ଏଲେଇଚେସି,  
 “ଖେଞ୍ଜାଲି ଆମ୍ବାଆରାକି କୀର୍କା ମାନୁ  
 ଏଞ୍ଜାସି ଖେଣ୍ଡାମ୍ବାସି ।”

ପୁଣ୍ଡିକିନି କାତାତି ଖେହୁନାୟି  
 (ମାତି ୧୩:୧୦-୧୭; ଲୁକ ୮:୯-୧୦)

୧୦ ଜୀସୁ ରଅସିଏ ମାଟାଟି ତାନି  
 ତଲେତି ଏଚରଜାଣା ଇଞ୍ଜା ବାରଜାଣା  
 ସୀସୁୟା ତଲେ ଏ. ପୁଣ୍ଡିକିନି କାତା  
 ଏନାୟି ଇଞ୍ଜା ଖେଚେରି । ୧୧ ଏମ୍ବାଟିଏ  
 ଏଞ୍ଜାସି ଏଞ୍ଜାରାଇଁ ଏଲେଇଚେସି,  
 ମାହାପୁରୁ ରାଜିତି ଡଗ୍ଗାମାନାଣି ପୁଞ୍ଜାଲି  
 ମିଙ୍ଗେ ବାଡୁୟୁ ହାପୁକି ଆହାମାନେ,  
 ସାମା ପାଙ୍ଗାତି ବାରେ ଲକୁତାକି  
 ଇ ପୁଣ୍ଡିକିନି କାତାତଲେ ଖେସ୍ପତି  
 ଆହିମାନେ, ୧୨ ଏନିକ  
 “ଏଞ୍ଜାରି ମେସି ମେସିହୁଁ,  
 ମେହୁଅରି;

ଇଞ୍ଜା ଖେଞ୍ଜିଖେଞ୍ଜିହୁଁ,  
 ତେଲହଅରି,  
 ଏଞ୍ଜାରି ମାହାପୁରୁ ତାଣା ଖେଣ୍ଡା  
 ଖାଡ଼ିହୁଁମା,  
 ପାପୁଟି ପସ୍ପି ଆଡେରିମା ।”

ବିଚା ମାଟିନି କାତା ପୁଣ୍ଡିକିନାୟି  
 (ମାତି ୧୩:୧୮-୨୩; ଲୁକ ୮:୧୧-୧୫)

୧୩ ଜୀସୁ ଅଡେ ଖେଣ୍ଡେ ଏଞ୍ଜାରାଇଁ  
 ଏଲେଇଚେସି, “ମୀରୁ ଇ ପୁଣ୍ଡି କିନାଣି  
 ପୁଞ୍ଜି ହିଲଅତେରି ? ଆତିହୁଁ ନା  
 ପୁଣ୍ଡିକିନି କାତା ଏନିକ ପୁଞ୍ଜେରି  
 ? ୧୪ ଆମ୍ବାଆସି ମାହାପୁରୁ ବଲୁ  
 ଖେହୁନାସି ଏଞ୍ଜାସି ବିଚା ମାଟିନାସି ।  
 ୧୫ ଆମିନି ଗାଟାରି ଖେନେରି, ଇଞ୍ଜା  
 ଖେଚି ଦେବୁଣିଏ ସୟତାନ ଖାହାନା  
 ଏଞ୍ଜାରିତାଣା ଖେଣ୍ଡାମ୍ବା ଆହାମାନି ବଲୁ  
 ମୀଞ୍ଜାଅନେ, ଏଞ୍ଜାରି ଜିରୁ ଦାରିତା ରିତି  
 ବିଚାଲେହେଡାରି । ୧୬ ଏଲେକିହୁଁଏ  
 ଖାଲି ଲାକ ରିହାମାନି ବିଚାଲେହେଡାରି,  
 ଏ ବଲୁ ଖେଣ୍ଡାମ୍ବାନିଏ ରାହାଟି ନାମିନେରି,  
 ୧୭ ସାମା ଏଞ୍ଜାରିତାଣା ହୀରୁ ଜାଆତାକି  
 ଗାଡେକା ତାକି ତାରି ମାନେରି, ତାୟୁ  
 ମାହାପୁରୁ ବଲୁ ତାକି କସ୍ତ ବାଡା  
 ଖାଡ଼ିସାରେ ଦେବୁଣିଏ ପିହୁନେରି,  
 ଏଞ୍ଜାରି ଉଣା ଇଚୁଆ ମାନି ଖାଲୁକା  
 ଲାକତି ବିଚାଲେହେଡାରି । ୧୮ ହାପୁକା  
 ବୁଟାତା ମାଟିତି ବିଚା ଏଞ୍ଜାରି, ଆମ୍ବାଆରି  
 ବଲୁତି ଖେନେରି, ୧୯ ଦାରତିତି  
 ଅଣ୍ଡପୁ ଦନତି ବାରେ ଜୁପକା ହଡାନା  
 ଏଞ୍ଜାରାଇଁ ପୁକହାତୁହନେ, ଇଞ୍ଜା ଏଡି  
 ପାଡେୟି ଆୟାଲି ଆଡେଏ । ୨୦ ଅଡେ  
 ଆମିନି ଗାଟାରି କାତା ଖେନେରି,  
 ଇଞ୍ଜା ନାମିନେରି, ଅଡେ କଡେଦସ,  
 ତାନିକଡ଼ି, ଇଞ୍ଜା ପାସାକଡ଼ି ପାଡେୟି  
 କାମ୍ବିନେରି, ଏଞ୍ଜାରି ନେହୁଁ ବୁମିତା  
 ମାଟିତି ବିଚାଲେହେଡାରି ।”

ମାଣା ପୁକ୍ତ ହି ଦୀଞ୍  
 (ଲୁକ ୮:୧୬-୧୮)

୨୧ \*ଜୀସୁ ଅଡେ ଖେଣ୍ଡେ ଏଞ୍ଜାରାଇଁ  
 ଏଲେଇଚେସି, “ଆମ୍ବାଆସି ଦୀଞ୍

\* ୪:୨୧ ୪:୨୧ ମାତି ୫:୧୫; ଲୁକ ୧୧:୩୩

ତୃତୀୟାମା ମାଣ୍ଡା ପୁସ୍ତକଦ୍ୱାରା କି କାଟେଲି  
 ତୁମ୍ଭେ ଇଚ୍ଛା କରୁଛ ? ଏହାକୁ ଏହାକୁ ଦୀର୍ଘ  
 ସତ୍ତା ଇଚ୍ଛା କରୁଛ ? ୨୨ \*ଇଚ୍ଛା ତୁମ୍ଭେ  
 ଆମ୍ଭାଗାଗାୟି ଏହାୟି ଜିକେଏ ତୁମ୍ଭାମା  
 ତୁମ୍ଭେଏ; ଏହାୟି ତୁମ୍ଭାମା ଆହାମାନେ,  
 ଏହି ତୁମ୍ଭାଆହାଲି ତୁମ୍ଭାମାନେ ।  
 ୨୩ ଇଚ୍ଛା ଆମ୍ଭାଆରାକି ଖେଞ୍ଜାଲି  
 କାର୍କା ମାନୁ ଏଞ୍ଜାସି ଖେଞ୍ଜାମାସି ।”

୨୪ \*ଜୀସୁ ଅତେ ଏଲେଇଚେସି,  
 “ଏହାକୁ ଖେଞ୍ଜି ମାଞ୍ଜେରି ଏ କାତାତା  
 ଜାଗ୍ରାତା, ଆମିନି ମାଣ୍ଡା ତଲେ  
 ଲାଡ଼ିଦେରି, ଏ ମାଣ୍ଡା ତଲେ ମିଙ୍ଗେ  
 ଲାଡ଼ା ହିୟାନେରି, ଅତେ ମାରୁ ହାରେକା  
 ବେଟାଆଦେରି । ୨୫ \*ଇଚ୍ଛା  
 ଆମ୍ଭାଆରାକି ମାନେ ଏଞ୍ଜାଶାକି ହୀପକି  
 ଆନେ; ଅତେ ଆମ୍ଭାଆରାକି ହିଲେଏ,  
 ଏଞ୍ଜାଶି ତାଣା ଏହାୟି ମାନେ, ଏହାକୁ  
 ଜିକେଏ ଏଞ୍ଜାଶି ତାଣାଟି ଅଞ୍ଜିଆନେ ।”

ପାତାଆନି ବିଚାଡ଼ି ପୁଣ୍ଡିକିନାୟି

୨୬ ଜୀସୁ ଅତେ ଏଲେଇଚେସି,  
 “ମାହାପୁରୁ ରାଜି ଇଲେତାୟି, ଏନିକ  
 ର ମାଣ୍ଡାସି ବୁମିତା ବିଚା ମାଟିନେସି;  
 ୨୭ ଇଞ୍ଜା ଲାଆୟି ଇଦା କିନେସି ଅତେ  
 ମାଦେନା ତେଷଏଲିନେସି, ଅତେ ବିଚା  
 ଏନିଆହୁ ଗଜା ଆହା ପାତାଆନେ  
 ଏହାକୁ ଏଞ୍ଜାସି ପୁନଅସି । ୨୮ ଗହ  
 ବୁମିଟି ତାନୁଏ ନେୟିନେ, ତଲିଏ  
 ଆକୁ ଆନେ ତାୟୁ ଜେକୁ ଅତେ ତାୟୁ  
 ଜେକୁଟି ପାଡ଼େୟି ଆନେ । ୨୯ ସାମା  
 ଆନା କାମ୍ପିସାରେ ମାଟିତାସି ଏ ଆନାଟି  
 କଟାତଖେଲି ତଲେ ଦାଃଆନେସି ।”

ରାୟି ପାଡ଼େୟି କାତା

(ମାଟି ୧୩:୩୧-୩୨; ଲୁକ ୧୩:୧୮-  
 ୧୯)

୩୦ ଅତେ ଜୀସୁ ଏଲେଇଚେସି, “ମାରୁ  
 ମାହାପୁରୁ ରାଜି ଏହାକୁ ତଲେ ତୁକନାୟି  
 ? ଇଞ୍ଜା ଏନିଲେହେଟି ପୁଣ୍ଡିକିନି  
 କାତାତଲେ ଖେହନାୟି ? ୩୧ ଏହି  
 ର ହାସୁ ପାଡ଼େୟି ଲେହେ; ବୁମିତା  
 ମାଟିନି ବେଲାତା ଏହି ଦାରୁତି ବାରେ

ପାଡ଼େୟି କିହା ଉଣା, ୩୨ ସାମା ମାଟିତି  
 ଜେଟ ପାତାଆହାନା ବାରେ କୁଟା କିହା  
 କାଜାୟି ଆନେ, ଇଞ୍ଜା ଏହାନି କମାୟି  
 ଇଲେକ କାଜାକ ଆନୁ, ଇଞ୍ଜା ହାଗୁ  
 ଲାକ ଉମ୍ପିନି ପଟାୟି ଖାହାନା ଏହାନି  
 କମାଣା ବଣ ଦସା ବାସାଆନୁ ।”

୩୩ ଜୀସୁ ଇଲେକିହୁ ହାରେକା  
 ପୁଣ୍ଡିକିନି କାତା ଖେସିହୁ ଏଞ୍ଜାରି  
 ପୁନିଲେହେକ ମାହାପୁରୁ କାତା  
 ଖେସିମାଚେସି, ୩୪ ଅତେ ପୁଣ୍ଡିକିନି  
 କାତା ଆଟ୍‌ଆନା ଜୀସୁ ଏହାକୁ ଖେସି  
 ହିଲାଆଚେସି, ସାମା ଲକୁ ହିଲାଆ  
 ବେଲାତା ତାମି ସାମୁୟାଣି ବାରେ ପୁଣ୍ଡି  
 କିହିମାଚେସି ।

ଜୀସୁ କାଜା ଗାଲିତି ସାପି କିନାୟି  
 (ମାଟି ୮:୨୩-୨୭; ଲୁକ ୮:୨୨-୨୫)

୩୫ ଏ ଦିନା ମିଡ଼ଅଲ୍ଲା ବେଲା ଜୀସୁ  
 ତାମି ସାମୁୟାକ୍ ଏଲେଇଚେସି, “ଞ୍ଜା  
 ମାରୁ ସାମଦୁରି ଆତାଲା ହାନ ।”  
 ୩୬ ଏମାଟିଏ ଏଞ୍ଜାରି ଲକୁଣି ପିସାନା  
 ଏଞ୍ଜାସି ଏନିକ ତଂଗତା ମାଚେସି  
 ଏଲେକିହୁ ଏ ଅତେରି, ଇଞ୍ଜା ଏମାଆ  
 ଏଚରଗଟା ତଂଗାୟି ଜିକେଏ ମାରୁ  
 । ୩୭ ଇଞ୍ଜା ଦେବୁଣିଏ ହାରେକା  
 କାଜା ଗାଲି ଆତେ, ଇଞ୍ଜା ତଂଗ  
 ସାମଦୁରିତି ଗାଲିତାକି ମୁଞ୍ଜାଲି ମାଟ୍‌ହେ  
 । ୩୮ ଏତିବେଲା ଜୀସୁ ତଂଗତି ତାୟୁଞ୍ଜାକି  
 ର ମୂଲାତା ତାରୁପୁ ଆଗାନା ଇଦା  
 କିହାମାଚେସି; ଇଞ୍ଜା ସାମୁୟା ଏଞ୍ଜାଶାକ୍  
 ନିକହାନା ଏଲେଇଚେରି, “ଏ ଗୁରୁ ମାରୁ  
 ହାନାୟିଦେ ନିଙ୍ଗେ ଅଶପୁ ହିଲେଏ କି ?”

୩୯ ଏମାଟିଏ ଜୀସୁ ନିଙ୍ଗାନା  
 ଗାଲିତି ଦାକା ହୀହାନା ଏଲେଇଚେସି,  
 “ତୁଙ୍ଗାମୁ” ଇଞ୍ଜା ସାମଦୁରିତି  
 ଏଲେଇଚେସି, “ସାପି ଆମୁ” ଏମାଟିଏ  
 ଗାଲି ପାଲେଏ ଆତେ ଇଞ୍ଜା ବାରେ  
 ସୁସ୍ତି ଆତେ । ୪୦ ଇଞ୍ଜା ଜୀସୁ ଏଞ୍ଜାଶାକ୍  
 ଏଲେଇଚେସି, “ମାରୁ ଏହାକୁ ତାକି  
 ଇଚେକା ଆଜିମାଞ୍ଜେରି ? ମୀ ନାମୁ  
 ହିଲେଏ କି ?”

\* ୪:୨୨ ୪:୨୨ ମାଟି ୧୦:୨୬; ଲୁକ ୧୨:୨ \* ୪:୨୪ ୪:୨୪ ମାଟି ୭:୨; ଲୁକ ୭:୩୮ \* ୪:୨୫ ୪:୨୫ ମାଟି  
 ୧୩:୧୨; ୨୫:୨୯; ଲୁକ ୧୯:୨୭

୪୧ ଏମ୍ବାଟିଏ ଏଞ୍ଜାରି ହାରେକା ଆଜାନା ତାମ୍ବୁତାମ୍ବୁ କାତା ଆଡେତରି, “ଇଞ୍ଜାସି ଆମ୍ବାଆସି ? ଗାଲି ଅଡେ ସାମ୍ବୁତୁରି ଜିକେଏ ଇଞ୍ଜାଣି ହାଡ଼ା ମାନୁଞ୍ଜି ଆହିମାନୁ ।”

**୫**

ଜୀସୁ ବୃତୁୟା ଆଲ୍‌ଗିତାଣାଇଁ ନେହୁଁ କିନାୟି

(ମାତି ୮:୨୮-୩୪; ଲୁକ ୮:୨୬-୩୯)

୧ ତାୟୁ ଜୀସୁ ଅଡେ ସୀସୁୟା ଗାଲିଲି ଆତାଲାତି ଗରାସିୟ\* ରାଜିତା ଏଗାହାତେରି । ୨ ଜୀସୁ ଡଂଗଟି ରେପନିଏ ର ବୃତୁ ଆଲ୍‌ଗା ମାଗସି ମାଡ଼ହା ମୁହନି ଚାୟୁଟି ହଡ଼ାଞ୍ଜାହାନା ଜୀସୁଇଁ ବେଟାଆଡେସି । ୩ ଏଞ୍ଜାସି ମାଡ଼ହା ମୁହନି ଚାୟୁତା ବସା କିହିମାରେସି, ଇଞ୍ଜା ଆମ୍ବାଆସି ଜିକେଏ ଏଞ୍ଜାଣାଇଁ ହିକ୍‌ଣିୟା ତଲେ ଦସାଲି ଆଡିହିଲିଆତେରି; ୪ ଇତିହୁଁ ଏଞ୍ଜାଣାଇଁ ହାରେକା ଦେବା ହିକ୍‌ଣିୟା ତଲେ ଦସାମାରେରି, ସାମା ଏ ହିକ୍‌ଣିୟା ତାପହାନା କୁଟୁକୁଟା କିଡେସି, ଇଞ୍ଜା ଏଞ୍ଜାଣାଇଁ ଦସା ଇଟାଲି ଆମ୍ବାଆରାକି ଜିକେଏ ବାଡ଼ୟୁ ହିଲାଆଡେ । ୫ ଏଞ୍ଜାସି ଲାଆଁୟା ମାଦେନା ବାରେବେଲା ମାଡ଼ହା ମୁହନି ଚାୟୁତା ଅଡେ ହରୁତା ଡୟାନା କିରଡ଼ି ମାରେସି, ଇଞ୍ଜା ଖାଲ୍‌କାତଲେ କଡ଼ହା କଡ଼ିହୁଁ ରାଶାରାକା କିହା କଡ଼ିମାରେସି ।

୬ ଏଞ୍ଜାସି ହେକଟିଏ ଜୀସୁଇଁ ମେସାନା ହଟି ହଟିହୁଁ ଖାହାନା ଏଞ୍ଜାଣି କଡାଣା ରିହା ଜହରା କିଡେସି, ୭ ଅଡେ କାଜା ଗିୟାତଲେ କିରଡ଼ିହୁଁ ଏଲେଇଡେସି, “ଏ ବାଡ଼ୟୁଗାଟି ମାହାପୁରୁ ମୀରଏଣାତି ଜୀସୁ, ନୀ ତଲେ ନାଙ୍ଗେ ଏନାୟି ମାଡେ ? ନିଙ୍ଗେ ମାହାପୁରୁ ଦରୁତଲେ ପାରମାଣା କିହିମାଞ୍ଜାଇଁ, ନାଙ୍ଗେ କସୁ ହିୟାଆନି ।” ୮ ଏନାଆଁତାକି ଇତିହୁଁ ଜୀସୁ ଏଞ୍ଜାଣାଇଁ ଏନାଆଁ ଇଞ୍ଜାଲି

ହାଜିମାରେସି, “ଏ ପଲ୍‌ଆ ବୃତୁଡି ଇଞ୍ଜାଣି ତାଣାଟି ହଡ଼ାହାଲ୍‌ମାନୁ ।”

୯ ଜୀସୁ ଏଞ୍ଜାଣାଇଁ ଖେରେସି, “ନୀ ଦରୁ ଏନାୟି ?” ଏଞ୍ଜାସି ଏଲେଇଡେସି, “ନୀ ଦରୁ ‘ମାନ୍ଦା’ ଇତିହୁଁ ମାମ୍ବୁ ହାରେକା ଜାଣାତମି ।” ୧୦ ଇଞ୍ଜା ଜୀସୁ ଏନିକ୍‌ ଏ ପଲ୍‌ଆ ବୃତୁୟାଣି ଏ ରାଜିଟି ଅର ରାଜିତା ପାଣ୍ଡାସି, ଏଦାଆଁତାକି ଏଞ୍ଜି ଜୀସୁଇଁ ହାରେକା ବାଡ଼ିମାଲିତୁ ।

୧୧ ଏମ୍ବାଆଁ ହରୁ ଦାରିତା ର ମାନ୍ଦା ପାଜିୟା ମେୟ ମାତୁ । ୧୨ ଅଡେ ଏ ବୃତୁୟା ବାଡ଼ିମାଲିହୁଁ ଏଲେଇଡୁ, “ମାଙ୍ଗେ ଏ ପାଜିୟା ମାନ୍ଦାତା ହଡ଼ାଲି ପାଣ୍ଡାମୁ ।” ୧୩ ଏଞ୍ଜାସି ଏଞ୍ଜାଣାଇଁ ହୁକୁମି ହାହାଲିଏ, ଏ ପଲ୍‌ଆ ବୃତୁୟା ଏଞ୍ଜାଣି ତାଣାଟି ହଡ଼ାନା ପାଜିୟା ମାନ୍ଦା ବିତ୍ରା ହରୁ; ଏମ୍ବାଟିଏ ମାନ୍ଦା ପାଜିୟା ତବେ ହଟାନା ତାଗେ ମାଟି ସାମ୍ବୁତୁରିତା ମେଦାନା ହାହାହାତୁ, ବାରେ ରୀ ମାଣା ପାଜିୟା ମାତୁ ।

୧୪ ଏ ପାଜିୟା ମେଟିମାଟି ଗଡ଼କା ଗାଡ଼ାତା ଅଡେ ନାସ୍‌କାଣା ଏ କାତା ଖେସ୍‌କା ହାରେରି; ଏମ୍ବାଟିଏ ଲକୁ ଏନାଆଁ ଆହାମାନେ ଇଞ୍ଜୁଁ ସିନିକିହାଲି ଖାଡେତରି । ୧୫ ଅଡେ ଏଞ୍ଜାରି ଜୀସୁ ତାଗେ ଖାହାନା, ଏ ବୃତୁ ଆଲ୍‌ଗା ମାତାଣାଇଁ ଇତିହୁଁ ଆମ୍ବାଆରାକି ନଡେଏ ମାନ୍ଦା ବୃତୁୟା ଆସାମାତୁ, ଏଞ୍ଜାଣାଇଁ ହିମ୍ବୁରି ହୁଟାନା ନେହୁଁ ମନତଲେ କୁଗାମାତାଣି ମେସାନା ଆଜିଡେରି । ୧୬ ଆମ୍ବାଆରି ମେସାମାରେରି, ବୃତୁ ଆଲ୍‌ଗା ମାଗସି ଏନିକ୍‌ ନେହୁଁ ଆଡେସି, ଅଡେ ପାଜିୟା ଏନିକ୍‌ ନାସା ଆତୁ ଏ ବାରେ ଖେସ୍‌ସୁରି ।

୧୭ ଏମ୍ବାଟିଏ ଏଞ୍ଜାରି ଜୀସୁଇଁ ତାନି ହାନ୍ଦିଟି ହାଜାଲି ବାଡ଼ିମାଲିଡେରି ।

୧୮ ତାୟୁ ଜୀସୁ ଡଂଗତା ହଡ଼ିମାଗାଟି ଆମିନି ଗାଟାଣାକି ବୃତୁ ଆଲ୍‌ଗାମାଡେ, ଏଞ୍ଜାସି ତାନିତଲେ ଡୟାଲି ତାକି ବାଡ଼ିମାଲିଡେସି ।

\* ୫:୧ ୫:୧ କରେକା ସାସ୍ତ୍ରବିତା ଗଦରିୟ ରାସ୍‌କି ଆହାମାନେ

୧୯ ସାମା ଜୀସୁ ହେଲ ହାଆନା ଏଞ୍ଜାଣାଇଁ ଏଲେଇଚେସି, “ନୀ ଇଜ ନୀ ଲକୁଡାଣା ହାଲାମ୍, ଇଞ୍ଜା ପ୍ରବୁ ନିଜେତାକି ଏନି କାମା ଅଡ଼େ ନିଜେତାକି ଏନି କାର୍ମା କିହାମାଞ୍ଜାନେସି, ଏ ବାରେ ଏଞ୍ଜାରାଇଁ ଖେହ୍ମ୍ ।”

୨୦ ଏମ୍ବାଟିଏ ଏଞ୍ଜାସି ହାଜାନା, ଜୀସୁ ଏଞ୍ଜାଣାକି ଏନି କାମା କିହାମାଚେସି, ଏଞ୍ଜାସି ଦେକାପଲିତା† ଖେକହାଲି ମାଟ୍‌ହେସି; ଏମ୍ବାଟିଏ ବାରେଜାଣା କାବା ଆଡ଼େରି ।

ଜାୟିରସ ମାଜ୍ଜାନି ଜୀସୁ ଇଞ୍ଜା ନେତେରି ଖାଜ୍ଜିମାଟି ଇୟା ନେହ୍ ଆନାୟି

(ମାଟି ୯:୧୮-୨୨; ଲୁକ ୮:୪୦-୫୬)

୨୧ ଜୀସୁ ତଂଗଟି ଗାଣ୍‌ତାନା ଅରଞ୍ଜାକି ଖେଣ୍ଡେ ଖାଡ଼େସି, ମାନ୍ଦା ଲକୁ ଏଞ୍ଜାଣି ତାଣା ରୁଣ୍ଡା ଆଡ଼େରି; ଇଞ୍ଜା ଏଞ୍ଜାସି ସାମ୍‌ଦୁରି ଗାଟୁତା ଡ଼ୟିଚେସି ।

୨୨ ଏତିବେଲା ଜୀହୁଦି ଲକୁତି କୁଟମି ଇଲୁଡି‡ କାଜାରି ବିତ୍ରାଟି ଜାୟିରସ ଦରୁଗାଗାସି ରଅସି ଜୀସୁଇଁ ମେସାନା ଏଞ୍ଜାଣି କତାଣା ରାଡ଼େସି, ୨୩ ଇଞ୍ଜା ହାଡ଼େକା ବାତିମାଲିହ୍ ଏଲେଇଚେସି, “ନା ମାଜ୍ଜା ହାନିହ୍‌ଗେ ଆହାମାନେ; ଏଡ଼ି ଏନିକ୍ ନେହ୍ ଆହାମା ନୀଡିନେ, ଏଦାଆଁତାକି ନୀନୁ ଖାହାମା ଏଦାନି ଲାକ କେମ୍‌ଇଗାମ୍ ।”

୨୪ ଏମ୍ବାଟିଏ ଜୀସୁ ଏଞ୍ଜାଣିତଲେ ହାଚେସି, ଇଞ୍ଜା ହାଡ଼େକା ଲକୁ ଏଞ୍ଜାଣିତଲେ ହାଜାଲି ମାଟ୍‌ହେରି, ଇଞ୍ଜା ଏଞ୍ଜାଣି ମୁହେଁ ମୁହେଁ ଖିସ୍‌ପି ଆହିମାଚେରି ।

୨୫ ଏତିବେଲାତା ର ଇୟା ବାର ବାର୍ଯା ପାତେକା ନେତେରି ଖାଜ୍ଜିନି ରଗତା ନେତେରି ତୁଜାଆନା ନେହ୍ ଆହି ହିଲାଆତେ, ୨୬ ଇଞ୍ଜା ଅସଗୁରୁ ତାଣା ହାଜାନା ଜିକେଏ ହାଡ଼େକା ଟାକାୟା କାର୍ତୁ କିହାମାଚେ, ଅଡ଼େ ଜିକେଏ ନେହ୍ ଆହିଲିଆତେ, ସାମା ହାଡ଼େକା କସ୍‌ ବେଟାଆହି ମାଚେ

। ୨୭ ଏଡ଼ି ଜୀସୁତି କାତା ଖେଞ୍ଜାନା ଲକୁ ମାନ୍ଦାତା ଖାହାମା ତାୟୁ ଖାକିଟି ଏଞ୍ଜାଣି ହିମ୍‌ରି ତାଗିଚେ; ୨୮ ଇଚିହ୍ ଏଡ଼ି ଏଲେ ଇଞ୍ଜିମାଚେ, “ଏଞ୍ଜାଣି ହିମ୍‌ରି ତାଗିଚିହ୍ ନେହ୍ ଆଇଁ ।”

୨୯ ଏ ଦେବୁଣିଏ ଏଦାଣି ନେତେରି ବନାୟି ତୁଜାଚେ, ଇଞ୍ଜା ଏଡ଼ି ରଗଟି ନେହ୍ ଆହାମାନେ ଏଦାଆଁ ତାନି ଆଜାତା ପୁଞ୍ଜା କଡିଚେ । ୩୦ ଦେବୁଣିଏ ଜୀସୁ ତାନି ଆଜାଟି ବାଡ଼ୁୟୁ ହାଚାଣି ହିୟାତା ପୁଞ୍ଜାନା, ଲକୁ ମାନ୍ଦାତା ଖେଣ୍ଡେ ସିନିକିହାମା ଏଲେଇଚେସି, “ଏମ୍ବାଆୟି ନା ହିମ୍‌ରି ତାଗାଚେ?”

୩୧ ଏମ୍ବାଟିଏ ତାନି ସୀସୁୟା ଏଲେଇଚେରି, “ନୀନୁତ ମେସିମାଞ୍ଜି ଲକୁ ଏନିକ୍ ନୀ ମୁହେଁ ଆହିମାନେରି, ଅଡ଼େ ଏଲେ ଇଞ୍ଜିମାଞ୍ଜି ଆମ୍ବାଆୟି ନାଜେ ତାଗାଚେ?”

୩୨ ସାମା ଏମ୍ବାଆୟି ତାଜେ ତାଗିଚେ ଏଦାଆଁ ମେସାଲି ଜୀସୁ ସାରିସୁଟୁ ସିନିକିଚେସି । ୩୩ ଏମ୍ବାଟିଏ ଏ ଇୟା ଖାହାମା ତାଜେତାକି ଏନାୟି ଆହାମାନେ ଏଦାଆଁ ପୁଞ୍ଜା ଆଜିତାକି ତୀର୍‌ଚିହ୍ ଖାହାଁ ତାନି କତାଣା ରିହାମା ବାରେ ସାତା କାତା ଏଞ୍ଜାଣାଇଁ ଖେସ୍ତେ । ୩୪ ଏମ୍ବାଟିଏ ଜୀସୁ ଏ ଇୟାନି ଏଲେଇଚେସି, “ଆଲ ମାଜ୍ଜା ନୀ ନାମ୍ ନିଜେ ନେହ୍ କିହାମାଞ୍ଜାନେ; ହିଡ଼ି ତଲେ ହାଲାମ୍ ଇଞ୍ଜା ନୀ ରଗଟି ନେହ୍ ଆମ୍ ।”

୩୫ ଜୀସୁ ଇ କାତା ଖେସିମାଚାଟି, ଜୀହୁଦି ଲକୁତି କୁଟମି ଇଲୁଡି କାଜାଣା ଇଜଟି ରଅସି ଖାହାମା ଏଲେଇଚେସି, “ନୀ ମାଜ୍ଜା ହାଡ଼େୟିଏ ଗୁରୁଇଁ ଅଡ଼େ ଏନାଆଁତାକି କସ୍ ହାହିମାଞ୍ଜି?”

୩୬ ସାମା ଜୀସୁ ଏ କାତା ଖେଞ୍ଜାନା ଖେନାଆଡିଲେହେଁ ଆହାମା ଜାୟିରସଇଁ ଏଲେଇଚେସି, “ଆଜାଆନି ସାମା ନାମାମ୍ ।” ୩୭ ଅଡ଼େ ଏଞ୍ଜାସି ପିତର, ଜାକୁବ, ଅଡ଼େ ତାନି ତାୟି ଜହନ ପିସ୍‌ପେ ଆମ୍ବାଆରାଇଁ ତାନିତଲେ

† ୫:୨୦ ୫:୨୦ ଦସଗା ନାସ୍‌କା ‡ ୫:୨୨ ୫:୨୨ ସିନଗଗ

ଅଥାତେସି । ୩୮ ଏଝାରି ଜାୟିରସ  
 ଇଜ ଏଜାଲିଏ, ଏମ୍ବାଆଁ ହାରେକା  
 କାଲୁଝି ଆହୁଁ ଡାହିମାନାଣି ମେସ୍ତେସି,  
 ୩୯ ଇଞ୍ଜା ବିତ୍ରା ହାଜାନା ଏଝାସିକାଣି  
 ଏଲେଇରେସି, “ଏନାଆଁତାକି କାଲୁଝି  
 ଆହୁଁ ଡାହି ମାଞ୍ଜେରି, ଇ ପଦା  
 ହାହାହିଲେଏ ସାମା ଇଦା କିହାମାନେ”  
 ଏମ୍ବାଟିଏ ଏଝାରି ଏଝାଣାଇଁ କାକହେରି ।

୪୦ ଏଝାରି ଏଝାଣାଇଁ ଲାଜା କିହାନା  
 କାକହେରି, ସାମା ଏଝାସି ବାରେତି  
 ପାଙ୍ଗାତା ପାଣ୍ଡାନା ପଦାନି ଇୟା ଆବା  
 ଅଡେ ତାନି ତାନି ଜାଣା ସାସୁୟାଁ ତଲେ  
 ଏ ପଦା ମାଟି ତାଣା ହାରେରି, ୪୧ ଇଞ୍ଜା  
 ଏ ପଦାନି କେୟୁ ଆସାନା ଏଦାନି  
 ଏଲେଇରେସି, “ଟଲିତା କୁମ୍” ଇତିହୁଁ  
 “ଆଲ ମାଙ୍ଗା ନାନୁ ନିଙ୍ଗେ ଝେସିମାଞ୍ଜାଇଁ  
 ନିଙ୍ଗାମୁ ।”

୪୨ ଏ ଦେବୁଣିଏ ପଦା ନିଙ୍ଗାନା  
 ତାକିତେ (ଇତିହୁଁ ଏଦି ବାଠ ବାସୀ  
 ଆହାମାରେ) ଏମ୍ବାଟିଏ ଏଝାରି ହାରେକା  
 କାବା ଆଡେରି । ୪୩ ଇଞ୍ଜା ଇ  
 କାତା ଏନିକ୍ ଆମ୍ବାଆରି ପୁନଅରି,  
 ଏଦାଆଁତାକି ଏଝାସି ଏଝାରାଇଁ ଜାଣ୍ଡେ  
 ହୁକୁମି ହୀତେସି, ଇଞ୍ଜା “ପଦାନାକି  
 ଏନାଆଁ ଡିଞ୍ଜାଲି ହୀଦୁ” ଇରେସି ।

**୭**

ଜୀସୁଇଁ ନାଜରିତତା ଅପାଆଗାଟାୟି  
 (ମାତି ୧୩:୫୩-୫୮; ଲୁକ ୪:୧୭-୩୦)

୧ ଜୀସୁ ଏ ଟାୟୁ ପିସାନା ତାନୁ  
 ପାତାଆଡି ନାୟୁତା ହାରେସି ଇଞ୍ଜା ତାନି  
 ସାସୁୟାଁ ତାନି ଜେଚ ହାରେରି । ୨ ଜମିନି  
 ଦିନା ଝାହାଲିଏ, ଏଝାସି ଜୀହୁଦି ଲକୁଡି  
 କୁଟମି ଇଲୁତା\* ଜାପୁହାଲି ମାଟୁହେସି;  
 ଇଞ୍ଜା ହାରେକା ତାନି କାତା ଝେଞ୍ଜାନା  
 କାବା ଆହାଁ ଏଲେଇରେରି, “ଇଝାଣାକି  
 ଇ ବାରେ ଏମ୍ବିଟି ଆଡେ ? ଇଝାସି  
 ଇଲେତି ବୁଦି ଏନିକ୍ ପୁରେସି ? ଇଞ୍ଜା  
 ଇଲେତି କାବାଆନି କାମା ଏନି ବାଡୁୟୁ  
 ତଲେ କିହମାନେସି ?” ୩ ଇଝାସି ଏ

ବାଡିୟାତି ମାରୁଏସି ଆଏକି ? ଇଝାସି  
 ମରିୟମନି ମାରୁଏସି ଇଞ୍ଜା ଜାକୁବ,  
 ଜସି, ଜୀହୁଦା ଇଞ୍ଜା ସିମନତି ତାୟି  
 ଆଏକି ? ଇଞ୍ଜା ତାନି ତାଙ୍ଗିୟା ଇମ୍ବାଆଁ  
 ମା ତଲେ ହିଲାଉ କି ? ଅଡେ ଏଝାରି  
 ଏଝାଣାଇଁ ଅପାଆତେରି ।

୪ \*ଏମ୍ବାଟିଏ ଜୀସୁ ଏଝାରାଇଁ  
 ଏଲେଇରେସି, “ମାହାପୁରୁ ଅଣପୁତି  
 ବଲୁ ଝେହନାରି ଏଟକା ଲକୁ ତାଣାଟି  
 ମାନି ବେଟାଆନେରି ସାମା ତାନି ନାୟୁତି  
 ଲକୁ ଇଞ୍ଜା ତାନି ଇଲୁ କୁଟମିତି ଲକୁ  
 ଏଝାଣାଇଁ ମାନି କିଅରି ।”

୫ ଇଞ୍ଜା ଏଚରଜାଣା ରଟ ଗାଟାରାଇଁ  
 କେୟୁ ଇଟାନା ନେହୁଁ କିନାଣି ପିସପେ  
 ଏ ଟାୟୁତା ଏନି ବାଡୁୟୁତି କାମା  
 କିହାଲି ଆଡାଆତେସି । ୬ ଇଞ୍ଜା ଏଝାରି  
 ନାମାଆତାକି ଜୀସୁ ହାରେକା କାବା  
 ଆଡେସି ଏମ୍ବାଟି ବାରେ ନାସ୍‌କାଣାଁ  
 ହାଜାନା ଜାପୁହେସି ।

ଜୀସୁ ବାରଜାଣା ସାସୁୟାଁଣି  
 ପାଣ୍ଡିନାୟି  
 (ମାତି ୧୦:୫-୧୫; ଲୁକ ୯:୧-୬)

୭ ଡାୟୁ ଏଝାସି ନାସ୍‌କା ନାସ୍‌କାଣାଁ  
 ରେଜି ରେଜିହୁଁ ଜାପୁହାଲି ମାଟୁହେସି,  
 ଏମ୍ବାଟିଏ ବାରଜାଣାତି ତାଗେ ହାଟାନା  
 ଏଝାରାଇଁ ରିଆରି ଲାକା କିହାନା ପାଣ୍ଡାଲି  
 ମାଟୁହେସି ଇଞ୍ଜା ଲାଗେଏ ପଲେଏତି  
 ଜୀଝୁୟାଁ ଲାକ ଏଝାରାକି ଅଦିକାରା  
 ହୀତେସି, ୮ ଅଡେ ହାଜାଲିତାକି  
 ବାଡୁଗା ପିସପେ, ଲହଡି କି ମଣା କି  
 ଅଟଡିତା ଟାକାୟାଁ ଅଆଦୁ ଇଞ୍ଜୁଁ ହୁକୁମି  
 ହୀତେସି; ୯ ସାମା ଏଝାରାଇଁ କତାତା  
 ସେପୁୟାଁ ତୁରହାଲି ଏଲେଇରେସି, ଇଞ୍ଜା  
 ରୀ ସକାୟାଁ ତୁରହାଲି କାହି କିତେସି ।  
 ୧୦ ଇଞ୍ଜା ଜୀସୁ ଏଝାରାଇଁ ଏଲେଇରେସି,  
 “ମିଙ୍ଗ ଆମିନି ଇଲୁତା ହାଟାନେରି,  
 ଏମ୍ବାଟି ଝେଣ୍ଡା ଝାଆ ପାତେକା ଏମ୍ବାଆଁ  
 ଡୟାଦୁ । ୧୧ \*ସାମା ଆମିନି ଟାୟୁତି  
 ଲକୁ ମିଙ୍ଗ ଆବଅରି, କି ମୀ କାତା  
 ଝେନଅରି, ଏମ୍ବାଟି ଝେଣ୍ଡା ଝାଟାଟି ଏଝାରି

\* ୭:୨ ୭:୨ ସିନଗଗ    ☆ ୭:୪ ୭:୪ ଜହ ୪:୪୪    ☆ ୭:୧୧ ୭:୧୧ କାମା ୧୩:୫୧    ☆ ୭:୧୧ ୭:୧୧ ଲୁକ ୧୦:୪-୧୧

ନକିତା ସାକି ହୀହାଲି ତାକି ମୀ କତାତି ଦୂଡ଼ି ହାଣଦୁ ।”

୧୨ ଏମ୍ବାଟିଏ ଏଝାରି ରେଜି ରେଜିହୁଁ ପାପୁ ପିସାନା ମନ ଝେଡ଼ନି କାତା ଝେକହେରି, ୧୩ \*ଇଞ୍ଜା ହାରେକା ବୁଡୁଣି ପିସପି କିତେରି, ଇଞ୍ଜା ହାରେକା ରଗା ଗାଗାଋଇଁ ନିୟୁଁ ରୁବାନା ନେହୁଁ କିତେରି ।

ବାପ୍ତିସ୍ମା† ହାନି ଜହନତି ହାନାୟି  
(ମାତି ୧୪:୧-୧୨; ଲୁକ ୯:୭-୯)

୧୪ \*ଏମ୍ବାଟିଏ ଜୀସୁ ଦରୁ ସାରି ଝାକି ଝେଜା ହାଜାଲିଏ ହେରଦ ରାଜା ଏଝାଣି କାତା ଝେରେସି, ଇଞ୍ଜା ଲକୁ ଏଲେଇଞ୍ଜିମାରେରି, “ବାପ୍ତିସ୍ମା‡ ହାନି ଜହନ ହାତାରି ତାଣାଟି ନିଙ୍ଗାମାନେସି, ଏଦାଆଁତାକି ଇ ବାରେ କାବାଆନି ବାଡ଼ୟୁତି କାମା ଏଝାଣି ତାଣା ଆହୁମାନେ ।”

୧୫ ସାମା ଏଟକାତାରି ଏଲେଇଞ୍ଜିମାରେରିରାଜିତି ଆଦା ଜିକେଏ ନାନୁ ନିଙ୍ଗେ “ଇଝାସି ଏଲିୟ ।”

ଇଞ୍ଜା ଅଡ଼େ ଏଟରଜାଣା ଏଲେଇଞ୍ଜିମାରେରି, “ମାହାପୁରୁ ଅଣ୍ଡପୁତି ବଲୁ ଝେହନାରି ଲେହେ ଇଝାସି ଜିକେଏ ମାହାପୁରୁ ଅଣ୍ଡପୁତି ବଲୁ ଝେହନାସି ।”

୧୬ ସାମା ହେରଦ ଇଦାଆଁ ଝେଞ୍ଜାନା ଏଲେଇରେସି, “ଆମିନି ଜହନତି ତାୟୁଁ ନାନୁ ଦାପି କିହାମାଇଁ, ଏଝାସି ନିଙ୍ଗାମାନେସି !” ୧୭ \*ଇତିହୁଁ ହେରଦ ତାନି ତାୟି ପିଲିପ ତକ୍ତି ହେରଦିୟାନି ବାହା ଆହାମାତାକି, ଏଦାନି ତାକି ତାନୁ ଲକୁଣି ପାଣ୍ଡାନା ଜହନଇଁ ଦସପା ତାଗାନା କାୟିଦିତା ଇଟାମାଟେସି । ୧୮ ଇତିହୁଁ ଜହନ ହେରଦଇଁ ଏଲେଇଞ୍ଜାମାରେସି, “ନୀ ତାୟି ତକ୍ତିନି ଇଟିନାୟି ନୀ ମୋରା ହିଲାଆଡେ ।” ୧୯ ଏମ୍ବାଟିଏ ହେରଦିୟା କାରବି ଆହାନା ଜହନଇଁ ପାୟାଲି ମନ କିହିମାରେ ସାମା ଏଦି ଏନାଆଁ କିହାଲି ଆଡ଼ିହିଲାଆଡେ । ୨୦ ଇତିହୁଁ

ହେରଦ ଜହନଇଁ ର ଦାମ୍ବୁଗାଗାସି ଅଡ଼େ ସୁଦୁଗାଗାସି ଇଞ୍ଜା ଆଜିମାରେସି, ଇଞ୍ଜା ଏଝାଣାଇଁ ଗେଲପାଲି ଅଣ୍ଡପିମାରେସି, ଏଝାଣି କାତା ଝେଞ୍ଜାନା ଆଜିତିହୁଁ ଜିକେଏ ଏଝାଣି କାତା ଝେଞ୍ଜାଲି ମନ କିହିମାରେସି ।

୨୧ ତାୟୁଁ ହେରଦିୟାକି ର ପାରୁ ମୋଡାଆଡେ, ହେରଦ ତାନି ଜାନି ଦିନାତା କାଜା କାଜା ମନ୍ଦିୟାଣି ଇଞ୍ଜା ଗାଲିଲିତି କାଜା କାଜାଋଇଁ ଲାଆଁ ବେଲାତା ର ବଜିତା ହାଟିତେସି; ୨୨ ଇଞ୍ଜା ହେରଦିୟାନି ମାଙ୍ଗା ବିତ୍ରା ହାଜାନା ଏନାହାଁ ହେରଦ ଇଞ୍ଜା ତାନିତଲେ ବଜିତା କୁଗାମାଟି ଲକୁଣି ରାହାଁ କିଝିକିତେ, ଏମ୍ବାଟିଏ ରାଜା ଏ ପଦାନି ଏଲେଇରେସି, “ଏନାଆଁ ମନ କିହିମାଞ୍ଜି ରାସ୍ତାମୁ ନାନୁ ଏଦାଆଁ ନିଙ୍ଗେ ହିୟାଇଁ ।”

୨୩ ଇଞ୍ଜା ଏଝାସି ପଦା ନକିତା ପାରମାଣା କିତେସି, “ନୀନୁ ନାଙ୍ଗେ ଏନାଆଁ ରାସ୍ତାଦି, ହିୟାଇଁ !”

୨୪ ଏମ୍ବାଟିଏ ଏ ପଦା ହାଜାନା ତାନି ଇୟାନି ଝେରେ, “ନାନୁ ଏନାଆଁ ରାହଇଁ ?”

ଏମ୍ବାଟିଏ ଏଦି ଏଲେଇରେ, “ବାପ୍ତିସ୍ମା‡ ହାନି ଜହନତି ତାୟୁଁ ।”

୨୫ ଏ ଦେବୁଣିଏ ରାଜା ତାଣା ତବେ ଝାହାନା ଏଲେଇଞ୍ଜି ରାସ୍ତେ, “ନାଙ୍ଗେ ନୀନୁ ବାପ୍ତିସ୍ମା\* ହାନି ଜହନତି ତାୟୁଁ ରୁ ସାଡ଼ଝାତା ନୀର୍ବ ନାଙ୍ଗେ ହିୟାମୁ ।”

୨୬ ଏମ୍ବାଟିଏ ରାଜା ହାରେକା ବୁକୁ ଆଡ଼ିହୁଁ ଜିକେଏ, ତାନୁ କିତି ପାରମାଣା ଅଡ଼େ ବଜିତା କୁଗାମାଟାରି ତାକି ଆଏ ଇଞ୍ଜାଲି ଆଡ଼ାଆଡେସି । ୨୭ ଏଦାଆଁତାକି ରାଜା ଦେବୁଣିଏ ର କହୁଏଣାଇଁ ପାଣ୍ଡାନା ତାନି ତାୟୁଁ ତାଗାଲି ହୁକୁମି ହୀଡେସି, ଏମ୍ବାଟିଏ ଏଝାସି ହାଜାନା କାୟିଦି ଇଲୁତା ତାନି ତାୟୁଁ ଦୁାଡେସି; ୨୮ ଅଡ଼େ ଏଦାଆଁ ର ସାଡ଼ଝାତା ତାଗାନା ପଦାନାକି ହୀଡେସି, ଇଞ୍ଜା ପଦା ଏଦାଆଁ ଅହାନା

\* ୭:୧୩ ୭:୧୩ ଜାକୁବ ୫:୧୪ † ୭:୧୩ ୭:୧୪ ମୁଞ୍ଜିନାୟି \* ୭:୧୪ ୭:୧୪ ମାତି ୧୭:୧୪; ମାର୍ଚ୍ଚ ୮:୨୮; ଲୁକ ୯:୧୯ ‡ ୭:୧୪ ୭:୧୪ ମୁଞ୍ଜିନାୟି \* ୭:୧୭ ୭:୧୭ ଲୁକ ୩:୧୯,୨୦ § ୭:୨୪ ୭:୨୪ ମୁଞ୍ଜିନାୟି \* ୭:୨୫ ୭:୨୫ ମୁଞ୍ଜିନାୟି

ତାନି ଇୟାନାକି ହୀତେ । ୨୯ ଇଞ୍ଜା ଜହନତି ସୀସୁୟାଁ ଏ କାତା ୱେଞ୍ଜାନା ୱାଡେତରି, ଇଞ୍ଜା ତାନି ମାଡ଼ହାତି ଅହାନା ମାଡ଼ହା ଇଟିନି ଟାମୁତା ଇଟିତେରି ।

ଜୀସୁ ପାସାମାଣା ଲକୁତାକି ତାହ୍ନାୟି  
(ମାତି ୧୪:୧୩-୨୧; ଲୁକ ୯:୧୦-୧୭; ଜହ ୭:୧-୧୪)

୩୦ ତାମୁ ପାଣ୍ଡୁ ଆହାମାଗାରି ଜୀସୁ ତାଣା ୱାଡେତରି, ଇଞ୍ଜା ଏଞ୍ଜାରି ଏନା ଏନାଆଁ କିହାମାଚେରି, ଇଞ୍ଜା ଏନା ଏନାଆଁ ଜାପୁହା ମାଚେରି, ଏ ବାରେ ଏଞ୍ଜାଣାଈଁ ୱେସ୍ତେରି । ୩୧ ଏମ୍ବାଟିଏ ଜୀସୁ ଏଞ୍ଜାଈଁ ଏଲେଇଚେସି, “ମାର ଇମ୍ବାଟି ଲକୁ ହିଲାଆ ଟାମୁତା ହାନ, ଏମ୍ବାଆଁ ମାରୁ ଗାଡ଼େକା ଜମାଦୁ ।” ଇତିହ୍ ହାଡେରକା ଲକୁ ହାଜି ୱାହି ଆହିମାଚାକି ଏଞ୍ଜାଈଁ ତିଞ୍ଜାଲି ଜିକେଏ ମୁଆତେ । ୩୨ ଏମ୍ବାଟିଏ ଏଞ୍ଜାରି ଏଟକା ଆହାନା ର ତଂଗତା ହଟାନା ଲକୁ ହିଲାଆ ଟାମୁତା ହାଚେରି ।

୩୩ ସାମା ହାଡେରକା ଲକୁ ଏଞ୍ଜାରି ହଟା ହାଚାଣି ମେସ୍ତେରି ଅଡ଼େ ପୁଚେରି, ଇଞ୍ଜା ଲକୁ ବାରେ ଗାଡ଼ାୟାଟି ତାକିହ୍ ହାଜାନା ଏଞ୍ଜାରି ନକିତା ଏଗାହାଚେରି । ୩୪ ଏଞ୍ଜାସି ତଂଗଟି ରେଚାନା ହାଡେରକା ଲକୁଣି ମେସାନା ଏଞ୍ଜାଈଁ କାର୍ମା ଆଡେତସି, ଇତିହ୍ ଏଞ୍ଜାରି ଗଡ଼ ହିଲାଆ ମେଣ୍ଡାୟାଁ ଲେହେଁ ମାଚେରି; ଇଞ୍ଜା ଏଞ୍ଜାସି ଏଞ୍ଜାଈଁ ହାଡେରକା କାତା ଜାପୁହେସି । ୩୫ ଗାତି ୱେଡ଼ାଆୟାଲିଏ ତାନି ସୀସୁୟାଁ ତାନି ତାଣା ୱାହାନା ଏଲେଇଚେରି, “ଇ ଟାମୁ ଲକୁ ହିଲାଆ ଟାମୁ ଇଞ୍ଜା ଆନ୍ଦେରି ଜିକେଏ ଆହିମାନେ; ୩୬ ଲକୁ ଏନିକ୍ ସାରିଞ୍ଜାକି ମାନି ୱାଲ୍‌ହାଞ୍ଜାଡ଼ି ଅଡ଼େ ଗାଡ଼ାତା ହାଜାନା ତାମ୍‌ଜେ ତାକି ତିଞ୍ଜାଲି ରାନ୍ଦା କତାପେରିଞ୍ଜା, ଏଦାଆଁତାକି ଏଞ୍ଜାଈଁ ହେଲ ହୀହାନା ପାଣ୍ଡାମୁ ।”

୩୭ ସାମା ଜୀସୁ ତାନି ସୀସୁୟାଁଈଁ ଏଲେଇଚେସି, “ମାରୁ ଏଞ୍ଜାଈଁ ତିଞ୍ଜାଲି ହୀଦୁ ।”

ଏଞ୍ଜାରି ଏଲେଇଚେରି, “ମାର ରୀ ୱାଞ୍ଜା ୱେଣ୍ଡି ଟାକାୟାଟିଂ ରୁଟି ତାଚାନା ଇଞ୍ଜାଈଁ ତିଞ୍ଜାଲି ହୀନାୟି କି?”

୩୮ ଜୀସୁ ଏଞ୍ଜାଈଁ ଏଲେଇଚେସି, “ମୀ ତାଣା ଏଚରଗଟା ରୁଟି ମାଦୁ ? ହାଜାନା ସିନିକିଦୁ ।”

ଏଞ୍ଜାରି ୱେଞ୍ଜା ୱାହାନା ଜୀସୁଈଁ ଏଲେଇଚେରି, “ପାସାଗଟା ରୁଟି ଇଞ୍ଜା ରୀ ମୀଣିକା ମାଦୁ ।”

୩୯ ଇଞ୍ଜା ଜୀସୁ ତାନି ସୀସୁୟାଁଈଁ ଏଲେଇଚେସି, ବାରେ ଲକୁଈଁ ଗଟି ଗଟି କିହ୍ କୁଗି ଜାଡ଼ା ଲାକ କୁଗିକିହାଲି ୱେସ୍ତେସି । ୪୦ ଏଚେଟିଏ ଏଞ୍ଜାରି ପାସାକଡ଼ି ଜାଣା ରୀ କଡ଼ି ଦସ ଜାଣା ଲାକା ମାନ୍ଦା ମାନ୍ଦା ଆହ୍ କୁଗିଚେରି । ୪୧ ତାମୁ ଜୀସୁ ଏ ପାସାଗଟା ରୁଟି ଇଞ୍ଜା ରୀ ମୀଣିକା ଅହାନା ଲାକପୁରୁ ୱାକି ସିନିକିହାଁ ମାହାପୁରୁଈଁ ଜହରା କିଡେସି, ଅଡ଼େ ରୁଟି ଡିକ୍‌ହାନା ଲକୁତାକି ବାଟି କିହା ହୀହାଲି ତାନି ସୀସୁୟାଁକି ହୀତେସି, ଇଞ୍ଜା ରୀ ମୀଣିକା ଜିକେଏ ଏଲେକିହ୍ ଏ ବାଟା କିହାନା ହୀତେସି । ୪୨ ଏମ୍ବାଆଁ ବାରେଜାଣା ତିଞ୍ଜାନା ପାଞ୍ଜିଚେରି, ୪୩ ଇଞ୍ଜା ଏଞ୍ଜାରି ହାରାମାଟି ରୁଟି ଅଡ଼େ ମୀଣିକା କୁଡ଼ି କିହାନା ବାରଗଟା ତାଲିତା ନେଞ୍ଜିକିଚେରି । ୪୪ ରୁଟି ତିଟି ଲକୁ ପାସାମାଣା ୱାଈରଇ ଆବାୟାଁ ମାଚେରି ।

ଜୀସୁ ଏମୁ ଲାକ ତାକିନାୟି  
(ମାତି ୧୪:୨୨-୩୩; ଜହ ୭:୧୫-୨୧)

୪୫ ଏ ଦେବୁଣିଏ ଏଞ୍ଜାସି ତାନି ସୀସୁୟାଁଣି ତଂଗତା ହଟାନା ଆତାଲାଞ୍ଜାକି ମାନି ବେଡ଼ସାୟିଦା ଗାଡ଼ାତା ହାଜାଲି ତାନି ନକେଏ ପାଣ୍ଡିଚେସି, ଏମ୍ବାଟିଏ ବାରେ ଲକୁଣି ହାଜାଲିତାକି ହେଲ ହୀହାଁ ପାଣ୍ଡିଚେସି । ୪୬ ଏଞ୍ଜାରି ତାଣାଟି ହେଲ ଅଡ଼ି ତାମୁ ଏଞ୍ଜାସି ପ୍ରାଡାନା କିହାଲି ହରୁତା

\* ୭:୩୪ ୭:୩୪ ମାତି ୯:୩୭ † ୭:୩୭ ୭:୩୭ ର ଦିନାତି ବୁଡି ର ୱେଣ୍ଡି ଟାକା



ହାରେସି ।<sup>୪୭</sup> ମିତ୍ରଅଲ୍ଲା ଆହାଲିଏ ତଂଗ ସାମ୍ବୁରି ମାଦିଏ ମାଚେ, ଇଞ୍ଜା ଜୀସୁ ସାମ୍ବୁରି ଗାଟୁତା ରଅସିଏ ମାଚେସି ।<sup>୪୮</sup> ଏମ୍ବାଟିଏ ହାରେକା ଗାଲି ଏଞ୍ଜାରି ଝାକି ଝେଟିମାଚାକି ତଂଗ ତାକି କିହାଲି କସ୍ତୁ ଆହିମାଚାଣି ମେସାନା ଏଞ୍ଜାସି ଝେୟା ନେକେରି ସାମ୍ବୁରି ଏୟୁ ଲାକ ତାକିହୁଁ ଏଞ୍ଜାରି ତାଗେ ଝାଡେସି, ଇଞ୍ଜା ଏଞ୍ଜାରି ତାଗେଟି ଆଗାଡ଼ା ହାଜାଲି ଅଣ୍ଟାପାଚାରେସି, <sup>୪୯</sup> ସାମା ଏଞ୍ଜାରି ଏଞ୍ଜାଣାଇଁ ସାମ୍ବୁରି ଲାକ ତାକି ମାନାଣି ମେସାନା ବୁତୁ ଇଞ୍ଜୁଁ ଅଣ୍ଟାପାନା କାଲୁଝି ଆଡେରି ।<sup>୫୦</sup> ଇତିହୁଁ ବାରେଜାଣା ଏଞ୍ଜାଣାଇଁ ମେସାନା ଆଜାହାଜା ମାଚେରି ।

ସାମା ଜୀସୁ ଦେବୁଣିଏ ଏଞ୍ଜାରିତଲେ କାତା ଆହାନା ଏଞ୍ଜାରାଇଁ ଏଲେଇଚେସି, “ସାସା ଆହୁଦୁ ନାନୁଏ ଏଞ୍ଜାଚେସି, ଆଜାଆଦୁ ।”<sup>୫୧</sup> ଇଞ୍ଜା ଏଞ୍ଜାସି ଏଞ୍ଜାରିତାଣା ହାଜାନା ତଂଗତା କୁରିଚେସି, ଇଞ୍ଜା ଗାଲି ତୁଜିଚେ, ଏମ୍ବାଟିଏ ଏଞ୍ଜାରି ମନ ମନତା ହାରେକା କାବା ଆଡେରି ।<sup>୫୨</sup> ଇତିହୁଁ ଏଞ୍ଜାରି ରୁଟିୟା କାତା ପୁଣ୍ଡମ୍ବୁ ପୁଞ୍ଜାହିଲାଆଚେରି, ଏନାଆଁତାକି ଇତିହୁଁ ଏଞ୍ଜାରି ହିୟା ଆଟ୍ଝା ଆହାମାଚେ ।

ଗେନେସର ରଗ ଗାଟାରାଇଁ ନେହୁଁ କିନାୟି (ମାତି ୧୪:୩୪-୩୬)

<sup>୫୩</sup> ଏଞ୍ଜାରି ସାମ୍ବୁରି ଗାଣ୍ଟାନା ଗେନେସର ରାକ୍ତିତା ଏଜାନା କାତା ଗାଟୁତା ତଂଗତି ଦସ୍ତେରି ।<sup>୫୪</sup> ଅଡେ ଏଞ୍ଜାରି ତଂଗତି ରେଚାଲିଏ, ଦେବୁଣିଏ ଲକୁ ଏଞ୍ଜାଣାଇଁ ପୁଞ୍ଜାନା, <sup>୫୫</sup> ଏ ରାକ୍ତିତି ସାରିଝାକି ହାଚେରି, ଏଞ୍ଜାରି ଆମିନି ଚାୟୁତା ମାନେରି ଇଞ୍ଜୁଁ ଝେଚେରି, ଅଡେ ଜୀସୁ ମାନି ଚାୟୁତା ରଗ ଗାଟାରାଇଁ କାଟେଲିତା ଡେକା ତାଗାଲି ମାଟ୍‌ହେରି ।<sup>୫୬</sup> ଇଞ୍ଜା ଏଞ୍ଜାସି ଆମିନି ନାସ୍କା, ଅଡେ ଗାଡ଼ାତା ହାଚେସି, ଲକୁ ଏ ବାରେ ଚାୟୁତି ହାଟା ବାଜାରାଟି ରଗ ଗାଟାରାଇଁ ଏଞ୍ଜାଣି ନକିତା ଏଞ୍ଜାରାଇଁ

ଇଟିଚେରି, ଏଞ୍ଜାରି ଏନିକଁ ଏଞ୍ଜାଣି ହିମ୍ବୁରି କୁକୁ ଡାଗିନେରି, ଏନାଆଁତାକି ଏଞ୍ଜାଣାଇଁ ବାତିମାଲିଚେରି; ଇଞ୍ଜା ଏଚେକା ଲକୁ ଏଞ୍ଜାଣାଇଁ ଡାଗିଚେରି ଏଞ୍ଜାରି ବାରେ ନେହୁଁ ଆଡେରି ।



ଆକୁ ଆବାୟାଁତି ପାଣାପାଟୁ (ମାତି ୧୫:୧-୯)

<sup>୧</sup> ତାୟୁ ପାରୁସିୟା ଅଡେ ଜିରୁସାଲମଟି ଝାହାମାନି ଏଚରଜାଣା ମେରାପୁନାରି ଜୀସୁ ତାଣା ରୁଣ୍ଡା ଆଡେରି ।<sup>୨</sup> ଏଞ୍ଜାରି ସାସୁୟା ବିଡ୍ରାଟି ଏଚରଜାଣାଟି କେସ୍ତା ନରୁଆନା ତିଞ୍ଜି ମାଚାଣି ମେସ୍ତେରି ।<sup>୩</sup> ପାରୁସିୟା ଅଡେ ବାରେ ଜୀହୁଦି ଲକୁ ଆକୁ ଆବାୟାଁ ଇଟାମାନି ମେରାଟି ମାନୁଝି ଆହାନା ନେହୁଁକଁ କେୟୁ ନରୁଆସାରେ ତିଞ୍ଜି ହିଲାଆଚେରି, <sup>୪</sup> ଇଞ୍ଜା ହାଟା ବାଜାରାଟି ଝାହାନା ତାମି ଲାକ ଏୟୁ ଡଞ୍ଜା କତାଆନା ତିଞ୍ଜି ହିଲାଆଚେରି; ଅଡେ ଗିନା ମୁତା ଇଞ୍ଜା ପିତାଡ଼ା ଡକାୟାଁ, ପାସ୍‌ପନି ନରୁନାୟି, ଇଲେତି ହାରେକା ମେରା ମାନୁଝି ଆହାଲି ହୁକୁମି ବେଟା ଆହାମାନେରି ।

<sup>୫</sup> ଏନାଆଁତାକି ପାରୁସିୟା ଅଡେ ମେରାପୁନାରି ଜୀସୁଇଁ ଝେଚେରି, “ନୀ ସାସୁୟା ତଲିତି ଆକୁ ଆବାୟାଁ ମେରା ତଲେ ତାକାଆନା ଏନାଆଁତାକି କେସ୍ତା ନରୁଆନା ତିନେରି?”

<sup>୬</sup> ଜୀସୁ ଏଞ୍ଜାରାଇଁ ଏଲେଇଚେସି, “ଆଡେ କୁଟୁ ଗାଟାଚେରି, ମାହାପୁରୁ ଅଣ୍ଟପୁଡ଼ି ବଳୁ ଝେହୁନି ଜିସାୟ ନେହୁଁକଁ ଇ କାତା ଝେସାମାନେସି, ଏନିକଁ ରାସ୍କି ଆହାମାନେ;

ଇ କୁଡ଼ାତାରି ଝାରଇ ଗୁଡି ତଲେ ନାଙ୍ଗେ ସେବା କିୟାନେରି, ସାମା ଏଞ୍ଜାରି ହିୟା ନା ତାଣାଟିଏ ହାରେକା ହେକ ଡୟିନେ ।

<sup>୭</sup> ଏଞ୍ଜାରି ମାଣ୍ଟିୟା କେପିତି ମେରାଟି ଦାମ୍‌ଡି ନେହୁଁ କାତା ଇଞ୍ଜୁଁ

ଜାପୁହାନା, ଉଦ୍ଦେଏ ନା ସେବା  
କିୟାନେରି ।

୮ ମୀରୁ ମାହାପୁରୁତି ହୁକୁମି ପିସାନା  
ମାଣସିୟା ଫେରାତି ଆସାମାଞ୍ଜେରି ।”

୯ ଅଡ଼େ ଜୀସୁ ଏଝାରାଇଁ  
ଏଲେଇରେସି, “ମାହାପୁରୁତି ହୁକୁମି  
ପିସାନା ମୀ ଜାପୁହାମାଞ୍ଜନାଣି  
ଆସାଲି ତାକି ମୀରୁ ହୁକୁମି ମାନି  
କିହିହିଲଅତେରି । ୧୦ ଇତିହିଁ ମସା  
ଏଲେଇଞ୍ଜା ମାନେସି, ‘ତାଲି ତାଞ୍ଜିଇଁ  
ଜୀଝୁନଦୁ, ଇଞ୍ଜା ଆମ୍ବାଆସି ତାଲି କି  
ତାଞ୍ଜିଇଁ ବାକା ଇତିନେସି, ଏଝାସି ହାନି  
ଡଣ୍ଡ ବେଟା ଆନେସି ।’ ୧୧ ମୀରୁ ଜାପୁହିଁ  
ମାଞ୍ଜେରି, ‘ଆମ୍ବାଆସି ତାଲି କି ତାଞ୍ଜିଇଁ  
ଏଲେଇନେସି, ନା ତାଣ୍ଡାଟି ଏନାଆଁ  
ହିୟାତିହିଁ ନିଙ୍ଗେ ନେହେଁ ଆଡ଼େମା,  
ଏଡ଼ି କର୍ବାନ ଇତିହିଁ ମାହାପୁରୁ ତାକି  
ହେରପି ଆହାମାନାୟି । ୧୨ ଇଞ୍ଜା ମୀରୁ  
ଏଲେକିହିଁ ତାନି ଇୟା କି ଆବାଇଁ ଏଡ଼ି  
ସାୟେମି କିହାଲି ହାହି ହିଲଅତେରି;  
୧୩ ଏଲେକିହିଁ ଏ ମୀରୁ ମୀ ତାଣ୍ଡା ମାନି  
ଫେରା ତଲେ ମାହାପୁରୁତି ବଲୁ ଉଦ୍ଦେଏ  
କିହିମାଞ୍ଜେରି, ଇଞ୍ଜା ଏଲେକିହିଁ  
ହାଡ଼େକା କାମା କିହିମାଞ୍ଜେରି ।”

ମାଣସିଇଁ ଲାଗେଏ କିନାୟି  
(ମାତି ୧୫:୧୦-୨୦)

୧୪ ଜୀସୁ ଅଡ଼େ ଝେଣ୍ଡେ ଲକୁଣି ତାଗେ  
ହାଟାନା ଏଝାରାଇଁ ଏଲେଇରେସି,  
“ମୀରୁ ବାରେ ନା କାତା ଝେଞ୍ଜୁ ଅଡ଼େ  
ତେଲହାଦୁ । ୧୫ ମାଣସିତି ପାଙ୍ଗାତା  
ଇଲେତି ଏନାୟି ହିଲେଏ, ଏଡ଼ି ମାଣ୍ଡସି  
ବିତ୍ତା ହଡାନା ଏଝାଣାଇଁ ଲାଗେଏ  
କିହାଲି ଆଡ଼ିନେ, ସାମା ଏନା ଏନାୟି  
ମାଣ୍ଡସି ତାଣ୍ଡାଟି ହଡ଼ିମାନେ, ଏ ବାରେ  
ଏଝାଣାଇଁ ଲାଗେଏ କିହିମାନେ ।”\*

୧୬ ଝେଞ୍ଜାଲି କୀକା ମାନାସି ଝେଣ୍ଡମାସି  
। ୧୭ ଅଡ଼େ ଏଝାସି ଲକୁ ତାଣ୍ଡାଟି  
ଇଲୁ ବିତ୍ତା ଝାହାଲିଏ ତାନି ସୀସୁୟା  
ଏଝାଣାଇଁ ପୁଣ୍ଡିକିନି କାତାତି ଅର୍ଡ  
ଝେରେରି । ୧୮ ଏମ୍ବାଟିଏ ଜୀସୁ ଏଝାରାଇଁ

ଏଲେଇରେସି, “ମୀରୁ ଜିକେଏ  
ଏଲେକିହିଁ ଏ ପୁନାଆ ଗାଟାତେରି ?  
ଏନାୟି ପାଙ୍ଗାଟି ମାଣ୍ଡସି ବିତ୍ତା ହଡ଼ିହିଁ  
ଏଡ଼ି ଏଝାଣାଇଁ ଲାଗେଏ କିହାଲି  
ଆଡ଼େଏ, ୧୯ ଇତିହିଁ ଏଡ଼ି ଏଝାଣି  
ହିୟାତା ହଡ଼ଆନା ବାଣ୍ଡିତା ହଡ଼ନେ  
ଇଞ୍ଜା ବାଣ୍ଡିହାନିଲେହେଁ ହଡ଼ାହାନେ  
ଇଲେଆହିଁ ବାରେ ରାନ୍ଦା ଅଡ଼ିହି  
ଆହିମାନେ, ଇଦାଆଁ ପୁଞ୍ଜି ହିଲଅତେରି  
?”

୨୦ ଅଡ଼େ ଏଝାସି ଏଲେଇରେସି,  
“ଏନାୟି ମାଣ୍ଡସି ତାଣ୍ଡାଟି ହଡ଼ିମାନେ  
ଏଡ଼ି ଏଝାଣାଇଁ ଲାଗେଏ କିହିମାନେ  
। ୨୧ ଇତିହିଁ ମାଣ୍ଡସି ହିୟା ବିତ୍ତାଟି  
ଲାଗେଏତି ଅଣ୍ଡପୁ ହଡ଼ନେ, ଦାରି କିୟାଲି,  
ସରୁ କିୟାଲି, ଲକୁଣି ପାୟିନାୟି,  
୨୨ ଜୁପକା, ଲାଗେଏ ପଲେଏ କାମା,  
ନାଡ଼ିକିନାୟି, ତାହାରା, ନିନ୍ଦା କିନାୟି,  
ତାହାରା ଆନାୟି, କାର୍ବି ଆନାୟି;  
୨୩ ଏଲେତି ଲାଗେଏତାୟି ବିତ୍ତାଟି  
ହଡ଼ାଝାହାନା ମାଣ୍ଡସିଇଁ ଲାଗେଏ  
କିହିମାନେ ।”

ର ଇୟାନି ନାମୁ  
(ମାତି ୧୫:୨୧-୨୮)

୨୪ ଏମ୍ବାଟିଏ ଜୀସୁ ଏ ଚାୟୁ ପିସାନା  
ସରୁତି ହାସି ଝାକି ହାରେସି, ଇଞ୍ଜା ର  
ଇଲୁତା ହଡାନା ଏନିକି ଆମ୍ବାଆରି  
ପୁନଅରି ଇଞ୍ଜୁ ଅଣ୍ଡପିମାରେସି, ସାମା  
ଏଝାସି ତ୍ତଗୁନା ତୟାଲି ଆଡ଼ାଆଡେସି  
। ୨୫ ଏ ଦେବୁଣିଏ ର ଇୟା, ଆମ୍ବାଆରି  
ମାଙ୍ଗାନି ବୁଡୁ ଆଲଗାମାରେ, ଏଡ଼ି ଜୀସୁ  
କାତା ଝେଞ୍ଜାନା ଝାହାଁ ଏଝାଣି କତାଣା  
ରୀତେ । ୨୬ ଏ ଇୟା ସୁରପୟିନିକି  
ଜାଡ଼ିତି ର ଗ୍ରିକ ଇୟା ମାରେ,  
ତାନି ମାଙ୍ଗାନି ତାଣ୍ଡାଟି ବୁଡୁ ପିସପି  
କିହାଲି ଏଡ଼ି ଜୀସୁଇଁ ବାଡ଼ିମାଲିତେ ।  
୨୭ ଏମ୍ବାଟିଏ ଜୀସୁ ଏଦାନି ଏଲେଇରେସି,  
“ତଲିଏ କକାରି ପଦାଁଣି ପାଞ୍ଜି କିପୁ,  
ଇତିହିଁ କକାରି ପଦାୟା ରାନ୍ଦା ଅହାନା  
ନେସକା ନକିତା ମେଡନାୟି ନେହେଁ  
ଆଏ ।”

\* ୭:୧୫ ୭:୧୫ ଏବେକା ସାଢ଼ସ୍ତରିତା ୧୫ ପଦ ଜେଟ ଡ଼ଇକା ମାନି ବଲୁତି ୧୭ ପଦୁତା ରାସ୍ତିକି ଆହାମାନେ;

୨୮ ସାମା ଏହି ଏଞ୍ଜାଣାଇଁ ଏଲେଇରେ, “ହାଅ ପ୍ରଭୁ ନେସକା ଜିକେଏ କକାରି ପଦାୟାଁ ତ୍ରକ୍‌ହାମାନି ଲିତାତି ପେରହା ତିନୁ ।”

୨୯ ଏମ୍ବାଟିଏ ଜୀସୁ ଏଲେଇରେସି, “ଇ କାତାତାକି ନୀ ମାଜ୍ଜାନି ତାଣାଟି ବୃତ୍ତ ହଟା ହାରେୟିଏ, ହାଲାମୁ ।”

୩୦ ଇଞ୍ଜାଁ ଏହି ଇଜ ହାଜାନା ତାନି ମାଜ୍ଜା ପାସ୍‌ପନିତା ହୁଞ୍ଜାମାନାଣି ଇଞ୍ଜାଁ ବୃତ୍ତ ହଟା ହାଜା ମାନାଣି ମେସ୍ତେ ।

ର ବେରା ଅଡେ ଗୁଲାଇଁ ଜୀସୁ ନେହୁଁ କିନାୟି

୩୧ ଅଡେ ଖେଣ୍ଡେ ଏଞ୍ଜାସି ସର ହାନ୍ଦିଟି ହାଜାନା ସିଦନ ଅଡେ ଦସଗଟା ନାସ୍‌କାଁ ହାନ୍ଦି ହାହାନା ଗାଲିଲି ସାମ୍‌ଦୁରି ତାଗେ ଖାଡେସି । ୩୨ ଇଞ୍ଜାଁ ଲକୁ ର ବେରା ଅଡେ ଗୁଲାଇଁ ଏଞ୍ଜାଣି ନକିତା ତାଗାନା ଏଞ୍ଜାଣିଲାକ କେୟୁ ଇଟାଲି ବାଡିମାଲିତେରି । ୩୩ ଜୀସୁ ଲକୁ ତାଣାଟି ରଅଣାଇଁଏ ଏଟକା କିହା ଅହାନା ଏଞ୍ଜାଣି ରୀ କୀର୍କାଣା ତାନି ଖାସ୍‌କା ଇଟିତେସି ଅଡେ ହୁପାନା ଏଞ୍ଜାଣି ଖେନ୍ଦରି ତାଗିତେସି, ୩୪ ଅଡେ ଲାକପୁରୁ ଖାକି ସିନିକିହାନା ଗାଡିକିହୁଁ ନେଞ୍ଜାନା ଏଞ୍ଜାଣାଇଁ ଏଲେଇରେସି, “ଇପପତ” ଇଟିହୁଁ “ଦେପି ଆମୁ ।”

୩୫ ଏମ୍ବାଟିଏ ଏଞ୍ଜାଣି କୀର୍କା ଦେପିଆତୁ, ଇଞ୍ଜାଁ ଖେନ୍ଦରିତି ଜାଲା ଏ ଦେବୁଣିଏ ଗୁଗାଆଡେ, ଇଞ୍ଜାଁ ଏଞ୍ଜାସି ନେହୁଁ କିଁ ଜଲ୍ଲାଲି ଆଡିତେସି । ୩୬ ଇଞ୍ଜାଁ ଏ କାତା ଆମ୍ବାଆରାଇଁ ଖେହୁଆଦୁ ଇଞ୍ଜାଁ ଏଞ୍ଜାରାଇଁ ଗାଡିକିହୁଁ ହୁକୁମି ହାତେସି; ସାମା ଏଞ୍ଜାସି ଏଞ୍ଜାରାଇଁ ଏଚେକା କାହି କିତେସି, ଏଞ୍ଜାରି ଏଚେକା ଗାଡି ଖେକ୍‌ହେରି । ୩୭ ଅଡେ ଲକୁ କାବାଆହାନା ଏଲେଇରେରି, “ଏଞ୍ଜାସି ବାରେ କାମା ନେହୁଁ କିଁ କିହିମାନେସି; ଏଞ୍ଜାସି ବେରାୟାଁଇଁ ଖେଞ୍ଜାଲି ଗୁଲାୟାଁଇଁ ଜଲ୍ଲିନି ବାଡୁୟୁ ଜିକେଏ ହାହିମାନେସି ।”

† ୭:୩୧ ୭:୩୧ ଦେକାପଲି

# ୮

ଜୀସୁ ସାରି ମାଣା ଲକୁକି ତିଞ୍ଜାଲି ହୀନାୟି

(ମାତି ୧୫:୩୨-୩୯)

୧ ଏଚିବେଲା ହାରେକା ମାନ୍ଦା ଲକୁ ରୁଣ୍ଡା ଆଡେରି, ଅଡେ ଏଞ୍ଜାରିତାଣା ତିନାୟି ଉନାୟି ଏନାୟି ହିଲାଆତାକି ଜୀସୁ ସୀସୁୟାଁଣି ତାଗେ ହାଟାନା ଏଞ୍ଜାରାଇଁ ଏଲେଇରେସି, ୨ “ଲକୁତାକି ନାଜେ କାର୍ମା ହଟିମାଞ୍ଜାନେ, ଇଟିହୁଁ ଇଞ୍ଜାରି ତାନିଦିନା ଆଡେତିଏ ନା ତଲେ ମାଞ୍ଜାମାନେରି, ଅଡେ ଇଞ୍ଜାରି ତାଣାଁ ଏନାୟି ତିନାୟି ହିଲେଏ । ୩ ଏଞ୍ଜାରାଇଁ ତାହୁଆନାଁ ପାଣ୍ଡିସାରେ, ଖେଣ୍ଡାହାନାଟି ଏଞ୍ଜାରି ହାହା ଜିକେଏ ହାନ୍ଦେରି । ଏଞ୍ଜାରି ବିତ୍ରାଟି ଏଚରଜାଣା ହେକଟି ଖାହାମାନେରି ।”

୪ ସୀସୁୟାଁ ଏଞ୍ଜାଣାଇଁ ଏଲେଇରେରି, “ଇମ୍ବାଆଁ ଇ ଲକୁ ହିଲାଆ ଟାୟୁତା ଆମ୍ବାଆସି ଆମ୍ବିଟି ରୁଟି ତାଗାନା ଇଞ୍ଜାରାଇଁ ପାଞ୍ଜି କିନେସି?”

୫ ଜୀସୁ ଏଞ୍ଜାରାଇଁ ଖେଚେସି, “ମୀ ତାଣା ଏଚରଗଟା ରୁଟି ମାନ୍ଦୁ ?”

ଏଞ୍ଜାରି ଏଲେଇରେରି, “ସାଡାଗଟା ।”

୬ ଏମ୍ବାଟିଏ ଜୀସୁ ଲକୁଣି ବୁମିତା କୁଗାଲି ହୁକୁମି ହାତେସି; ଅଡେ ଏଞ୍ଜାସି ସାଡାଗାଟା ରୁଟି ଅହାନା ଜହରା କିହାନା ଏ ବାରେ ଡିକ୍‌ହାନା ବାଟି କିହାଲି ତାନି ସୀସୁୟାଁକି ହାତେସି, ଅଡେ ଏଞ୍ଜାରି ଲକୁତାକି ବାଟି କିହା ହାତେରି । ୭ ଇଞ୍ଜାଁ ଏଞ୍ଜାରିତାଣା ଏଚରଗଟା ଉଣା ମୀଣକା ମାତୁ; ଏ ବାରେତି ଜିକେଏ ଜୀସୁ ମାହାପୁରୁ ତାଣା ଜହରା କିହାନା ବାଟି କିହା ହାହାଲି ସୀସୁୟାଁଇଁ ଏଲେଇରେସି । ୮ ଏମ୍ବାଟିଏ ଏଞ୍ଜାରି ତିଞ୍ଜାନା ପାଞ୍ଜିତେରି ଇଞ୍ଜାଁ ହାରିତାଣି ସାଡା ତାଲି କୃଡି କିତେରି । ୯ ଏଞ୍ଜାରି ବାରେ ସାରି ମାଣା ଲକୁ ମାଚେରି । ଏଚେଟିଏ ତାୟୁ ଏଞ୍ଜାରାଇଁ ହେଲ ହାତେସି, ୧୦ ଇଞ୍ଜାଁ ଦେବୁଣିଏ ତାନି ସୀସୁୟାଁ ତଲେ ଡଂଗଟା ହଟାନା ଦଲ୍‌ମନ୍ଦୁ ଗାଡାତା ହାଚେରି ।

ପାରୁସିୟାଁ ସିନା ରାହନାୟି  
(ମାତି ୧୭:୧-୪)

୧୧ \*ତାୟୁ ପାରୁସିୟାଁ ୱାହାନା ଜାସୁତଲେ ବାଦିବାଦା କିହାଲି ମାଟ୍‌ହେରି ଇଞ୍ଜା ଏଝାଣାକ୍ ତାୟିପାରି କିହାଲିତାକି ହାଗୁ ଲାକଟି ର ସିନା ରାସ୍ତେରି । ୧୨ \*ଜାସୁ ଜାସୁତା କିଲିବିଲି ଆହାନା ଗାଡି ନେଞ୍ଜାନା ୱେସ୍‌ସେସି, “ଇ ଜୁଗୁତି ଲକୁ ଏନାଆଁତାକି ସିନା ପାରିମାନେରି ? ନାନୁ ମିଙ୍ଗେ ସାତା ୱେସିମାଞ୍ଜାକ୍, ନୀର୍ବତି ମାଣ୍‌ସିକି ଏନ୍ ସିନା ହାପକି ଆଏ ।”

୧୩ ଅଡେ ଏଝାସି ଏଝାରାକ୍ ପିସାନା ଅଡେ ୱେସ୍‌ସେ ତଂଗତା ହଡାନା ଆତାଲାଝାକି ହାଚେସି ।

ହେରଦ ଅଡେ ପାରୁସିୟାଁ ପୂଲାଗୁଣ୍ଡା  
(ମାତି ୧୭:୫-୧୨)

୧୪ ଏଚିବେଲାତା ସାସୁୟାଁ ରୁଟି ଅହାଲି ବାଣାଆଡେରି; ତଂଗତା ଏଝାରିତାଣା ରଣ୍ଡିଏ ରୁଟି ମାଚେ । ୧୫ \*ତାୟୁ ଜାସୁ ଏଝାରାକ୍ ଜାଣ୍ଡେ ହୁକୁମି ହାଚେସି, “ଜାଗ୍ରାତା ଆଦୁ, ପାରୁସିୟାଁ ଅଡେ ହେରଦତି ପୂଲାଗୁଣ୍ଡାଟି ଜାଗ୍ରାତା ଆହାନା ମାଞ୍ଜୁ ।”

୧୬ ଏଚେଟିଏ ଏଝାରି ତାୟୁ ତାୟୁ ୱେସ୍‌ପିଆହ୍ ଏଲେଇଞ୍ଜାଲି ମାଟ୍‌ହେରି, “ମା ତାଣା ରୁଟି ହିଲେଏ ଇଞ୍ଜା ଏଝାସି ମାଙ୍ଗେ ଏଲେଇଞ୍ଜିମାଞ୍ଜାନେସି ।”

୧୭ ଜାସୁ ଏନାଆଁ ପୁଞ୍ଜାନା ଏଝାରାକ୍ ଏଲେଇଚେସି, “ମା ତାଣା ରୁଟି ହିଲେଏ ଇଞ୍ଜା ଏନାଆଁତାକି ମାରୁ ମାରୁ ୱେସ୍‌ପି ଆହିମାଞ୍ଜେରି ? ମାରୁ ନୀର୍ବ ପାଚେକା ପୁଞ୍ଜି ହିଲଅଚେରି କି ତେଲ୍‌ହି ହିଲଅଚେରି ? ୧୮ \*କାଣ୍‌କା ମାଞ୍ଜାନା ମେସି ହିଲଅଚେରି ? ଅଡେ, କାର୍କା ମାଞ୍ଜାନା ୱେଞ୍ଜି ହିଲଅଚେରି ? ମାରୁ ଇଦାଣି ଅଣ୍‌ପି ହିଲଅଚେରି ? ୧୯ ଏ ପାସାମାଣା ଲକୁ ବିତ୍ରା ନାନୁ ଏଚିବେଲା ପାସାଗଟା ରୁଟି ଡିକ୍‌ହା ମାଚେସ୍, ଏଚିବେଲା ମାରୁ ଏଚର ତାଲି ହାରିତାଣି କୁଡି କିଚେରି, ଏନ୍ ମା ଅଣ୍‌ପୁତା ହିଲେଏ କି ?” ଏଝାରି ଏଝାଣାକ୍ ଏଲେଇଚେରି, “ବାର ତାଲି ।”

୨୦ “ଅଡେ ଏ ସାରି ମାଣା ଲକୁ ବିତ୍ରା ନାନୁ ଏଚିବେଲା ସାତାଗଟା ରୁଟି ଡିକ୍‌ହା ମାଚେସ୍, ଏଚିବେଲା ମାରୁ ଏଚର ତାଲି କୁଡି କିହାମାଚେରି ?” ଏଝାରି ଏଲେଇଚେରି, “ସାତା ତାଲି ।”

୨୧ ଏଚିବେଲା ଜାସୁ ଏଝାରାକ୍ ଏଲେଇଚେସି, “ମାରୁ ଏନାଆଁ ନୀର୍ବ ପାଚେକା ତେଲ୍‌ହାଲି ଆଡିହିଲଅଚେରି ?”

୨୨ ବେଡସାୟିଦାତା ର କାଣାକ୍ ମେସ୍‌ପିକିନାୟି

୨୨ ତାୟୁ ଏଝାରି ବେଡସାୟିଦାତା ୱାଚେରି, ଅଡେ, ଲକୁ ର କାଣାକ୍ ଏଝାଣି ତାଣା ତାଚାନା ଏଝାଣାକ୍ ତାଗାଲି ତାକି ଜାସୁକ୍ ବାତିମାଲିଚେରି । ୨୩ ଏନାଆଁତାକି ଜାସୁ କାଣାତି କେୟୁ ଆସାନା ଏଝାଣାକ୍ ନାୟୁଁ ପାଙ୍ଗାତା ଅଚେସି, ଇଞ୍ଜା ଏଝାଣି କାଣ୍‌କାଣା ହୁପକା ରୁବାନା ଅଡେ ଏଝାଣିଲାକ କେୟୁ ଇଚାନା ଏଝାଣାକ୍ ୱେଚେସି, “ନାନୁ ଏନାଆଁ ମେସାଲି ଆଡିମାଞ୍ଜି କି ?”

୨୪ ଏଝାସି ସିନିକିହାନା ଏଲେଇଚେସି, “ନାନୁ ମାଣ୍‌ସିୟାକ୍ ମେସିମାକ୍, ଇଚିହ୍ ନାନୁ ମାରକା ଲେହେଁ ଏନାକ ତାକି ମାନାଣି ମେସିମାକ୍ ।”

୨୫ ତାୟୁ ଜାସୁ ଅଡେ ୱେସ୍‌ସେ ଏଝାଣି କାଣ୍‌କାଣା କେୟୁ ଇଚିଚେସି; ଏନାଟିଏ ଏଝାସି ନେହ୍ କ ମେସାଲି ଆଡିଚେସି, ନେହ୍ ଆହାନା ବାରେ ତାରିତଲେ ସିନିକିହାଲି ମାଟ୍‌ହେସି । ୨୬ ତାୟୁ ଜାସୁ ଏଝାଣାକ୍ ତାନି ଇଜ ପାଣ୍ଡାନା ଏଲେଇଚେସି, “ଏ ନାୟୁଁ ବିତ୍ରା ଜିକେଏ ୱେସ୍‌ସେ ହାଲାଆନି ।”

\* ୮:୧୧ ୮:୧୧ ମାତି ୧୭:୩୮; ଲୁକ ୧୧:୧୭ \* ୮:୧୨ ୮:୧୨ ମାତି ୧୭:୩୯; ଲୁକ ୧୧:୨୯ \* ୮:୧୫ ୮:୧୫ ଲୁକ ୧୨:୧ \* ୮:୧୮ ୮:୧୮ ମାର୍କ ୪:୧୨

ପିତର ଜୀସୁଙ୍କ କ୍ରୀସ୍ତ ଇଞ୍ଜିଲ୍  
ଖେଳନାୟି

(ମାତି ୧୭:୧୩-୨୦; ଲୁକ ୯:୧୮-୨୧)

୨୭ ଏଚେଟିଏ ଜୀସୁ ଅଡ଼େ ତାନି  
ସୀସୁୟା କାୟିସରିୟା ପିଲିପି ରାଜିତି  
ନାୟକାଞ୍ଜାକି ହାଚେରି, ଅଡ଼େ ଜିରୁତା  
ଏଞ୍ଜାସି ତାନି ସୀସୁୟାଙ୍କୁ ଖେଚେସି, “ନାନୁ  
ଆମ୍ବାଆତେଏଁ ଇଞ୍ଜିଲ୍ ଲକୁ ଏଲେଇଞ୍ଜି  
ମାଞ୍ଜାନେରି ?”

୨୮ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ  
ଏଲେଇଚେରି, “ବାପ୍ତିସ୍ତ\* ହାନି ଜହନ,  
ଅଡ଼େ ଆମ୍ବା ଆମ୍ବାଆରି ଏଲିୟ, ସାମା  
ଆମ୍ବା ଆମ୍ବାଆରି ଏଲେଇଞ୍ଜି ମାଞ୍ଜାନେରି  
ମାହାପୁରୁ ଅଣ୍ପୁତି ବଲୁ ଖେହନାରି  
ବିତ୍ରାଟି ରଅସି ।”

୨୯ ଏଞ୍ଜାସି ଏଞ୍ଜାରାଇଁ ଖେଚେସି,  
“ସାମା ନାନୁ ଆମ୍ବାଆତେଏଁ ଇଞ୍ଜିଲ୍ ମୀରୁ  
ଏଲେଇଞ୍ଜି ମାଞ୍ଜାଦେରି ?” ପିତର  
ଏଞ୍ଜାଣାଇଁ ଏଲେଇଚେସି, “ନାନୁ କ୍ରୀସ୍ତତି  
।”

୩୦ ଏମ୍ବାଟିଏ ଜୀସୁ ଏଞ୍ଜାରାଇଁ ତାନି  
କାତାତି ଆମ୍ବାଆରାଇଁ ଏନାଆଁ ଖେହଆଦୁ  
ଇଞ୍ଜିଲ୍ ଜାଣେ କିହଁ ହୁକୁମି ହୀତେସି ।

ଜୀସୁ ତାନି ଦୁକୁ ଇଞ୍ଜା ତଣ୍ଡ ପାଣ୍ଡିନି  
କାତା ଖେହନାୟି

(ମାତି ୧୭:୨୧-୨୮; ଲୁକ ୯:୨୨-୨୭)

୩୧ ଅଡ଼େ, ଜୀସୁ ଏଞ୍ଜାରାଇଁ ଜାପୁହାଲି  
ମାଟୁହେସି, “ଇଚିହଁ ମାଣସି ମୀରୁଏସି  
ହାରେକା ଦୁକୁ କସ୍ତ ବେଟାଆନାୟି  
ମାନେ ଇଞ୍ଜା ପ୍ରାତିନାଙ୍ଗା, କାଜା  
ପୂଜେରାଙ୍ଗା, ଇଞ୍ଜା ମେରାପୁନାରି  
ତାଣାଟି ଅପାଆଗାଟାସି ଆହାନା ପାୟୁଞ୍ଜି  
ଆନାୟି ମାନେ, ଅଡ଼େ ତାନିଦିନା  
ଜେତ ଖେଣ୍ଡେ ନିଜିନାୟି ମାନେ ।”

୩୨ ଇ କାତା ଏଞ୍ଜାସି ତୀରପୁତଲେ  
ଖେସ୍ତେସି । ଏମ୍ବାଟିଏ ପିତର ଏଞ୍ଜାଣାଇଁ  
ଅରଞ୍ଜାକି ଅହାନା ଦାକା ହୀହାନା  
ଲାଗାଲି ମାଟୁହେସି । ୩୩ ସାମା  
ଏଞ୍ଜାସି ତାୟୁଞ୍ଜାକି ତିରଞ୍ଜାହାଁ ତାନି  
ସୀସୁୟାଣି ସିନିକହାନା ପିତରଇଁ ଦାକା

ହୀହାନା ଏଲେଇଚେସି, “ସୟତାନ, ନା  
ନକିଟି ହେକ ହାଲାମ୍, ଇଚିହଁ ନାନୁ  
ମାହାପୁରୁ କାତା ଅଣ୍ପାପାନା ମାଣ୍ଡସିୟା  
କାତା ଅଣ୍ପାମାଞ୍ଜି ।”

୩୪ ଏମ୍ବାଟିଏ ଜୀସୁ ତାନି ସୀସୁୟା  
ତଲେ ଲକୁଣି ହାଟାନା ଏଲେଇଚେସି,  
“ଆମ୍ବାଆସି ନା, ଜେତ ଖାହାଲି ମନୁ  
କିନେସି, ଆତିହଁ ଏଞ୍ଜାସି ଜାହାରାଇଁ  
ପିସ୍ପେସି, ଇଞ୍ଜା ଏଞ୍ଜାସି ତାନି କୁସ  
ଡେକାନା ନା, ଜେତ ଖାପେସି ।

୩୫ ଇଚିହଁ ଆମ୍ବାଆସି ତାନି ଜୀସୁ  
ଗେଲ୍ପାଲି ମନ କିନେସି, ଏଞ୍ଜାସି  
ଏଦାଆଁ ହାଞ୍ଜି କିନେସି; ସାମା ଆମ୍ବାଆସି  
ନା, ତାକି ଇଞ୍ଜା ନେହଁ କାରୁତାକି  
ତାନି ଜୀସୁ ହୀନେସି, ଏଞ୍ଜାସି ଏଦାଆଁ  
ନୀଟନେସି । ୩୬ ଅଡ଼େ, ମାଣ୍ଡସି ଇ  
ଦାର୍ତତିତା ମାନାଣି ବାରେ ମେଡ଼ି କିହାନା  
ତାନି ଜୀସୁତି ହାଞ୍ଜି କିନେସି, ଆତିହଁ

ଏଞ୍ଜାଣାକି ଏନି ଲାବା ? ୩୭ ଅଡ଼େ,  
ମାଣ୍ଡସି ତାନି ଜୀସୁତି ବାଦୁଲି ଏନାଆଁ  
ହୀହାଲି ଆଡ଼ିନେସି ? ୩୮ ଏଦାଆଁତାକି  
ଆମ୍ବାଆସି ଇ କାଲାତି ଦାରି କିନାରି  
ଅଡ଼େ ପାପୁଗାଟି ଲକୁ ବିତ୍ରା ନାଙ୍ଗେ  
ଅଡ଼େ ନା ବଲୁ ତାକି ଲାଜା ଆନେସି,  
ମାଣ୍ଡସି ମୀରୁଏସି ଏଚିବେଲା ସୁଦୁ  
ଦୁଦୁୟା ତଲେ ତାନି ଆବାତି ଗାଞ୍ଜୁରମି  
ତଲେ ଖାନେସି, ଏଚିବେଲା ଏଞ୍ଜାସି  
ଜିକେଏ ଏଞ୍ଜାଣି କାତାତାକି ଲାଜା  
ଆନେସି ।”

୩୯ ଅଡ଼େ, ମାଣ୍ଡସି ଇ  
ଦାର୍ତତିତା ମାନାଣି ବାରେ ମେଡ଼ି କିହାନା  
ତାନି ଜୀସୁତି ହାଞ୍ଜି କିନେସି, ଆତିହଁ  
ଏଞ୍ଜାଣାକି ଏନି ଲାବା ? ୩୭ ଅଡ଼େ,  
ମାଣ୍ଡସି ତାନି ଜୀସୁତି ବାଦୁଲି ଏନାଆଁ  
ହୀହାଲି ଆଡ଼ିନେସି ? ୩୮ ଏଦାଆଁତାକି  
ଆମ୍ବାଆସି ଇ କାଲାତି ଦାରି କିନାରି  
ଅଡ଼େ ପାପୁଗାଟି ଲକୁ ବିତ୍ରା ନାଙ୍ଗେ  
ଅଡ଼େ ନା ବଲୁ ତାକି ଲାଜା ଆନେସି,  
ମାଣ୍ଡସି ମୀରୁଏସି ଏଚିବେଲା ସୁଦୁ  
ଦୁଦୁୟା ତଲେ ତାନି ଆବାତି ଗାଞ୍ଜୁରମି  
ତଲେ ଖାନେସି, ଏଚିବେଲା ଏଞ୍ଜାସି  
ଜିକେଏ ଏଞ୍ଜାଣି କାତାତାକି ଲାଜା  
ଆନେସି ।”

**୯**

୧ ଅଡ଼େ ଜୀସୁ ତାନି ସୀସୁଣି  
ଏଲେଇଚେସି, “ନାନୁ ମିଙ୍ଗେ ସାତା  
ଖେସିମାଞ୍ଜାଇଁ, ଇମ୍ବାଆଁ ଏଚରଜାଣା  
ମାନେରି ମାହାପୁରୁତି ରାଜି ବାଡ଼ୁରୁ  
ତଲେ ଖାନାଣି ମେହୁଆ ପାତେକା  
ହାଅରି ।”

ଜୀସୁ ଅର ଖାଣା ଆନାୟି  
(ମାତି ୧୭:୧-୧୩; ଲୁକ ୯:୨୮-୩୭)

\* ୮:୨୮ ୮:୨୮ ମାର୍ଚ୍ଚ ୭:୧୪,୧୫; ଲୁକ ୯:୭,୮ \* ୮:୨୮ ୮:୨୮ ମୁଞ୍ଜିନାୟି \* ୮:୨୯ ୮:୨୯ ଜହ ୭:୭୮,୭୯  
\* ୮:୩୪ ୮:୩୪ ମାତି ୧୦:୩୮; ଲୁକ ୧୪:୨୭ \* ୮:୩୫ ୮:୩୫ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫  
\* ୯:୨ ୯:୨ ୨ପିତ ୧:୧୭,୧୮

୨ \*ସ୍ୱ. ଦିନା ତାମ୍ଭୁ ଜୀସୁ ଖାର୍‌ଇ ପିତର, ଜାକୁବ ଅଡ଼େ ଜହନଇଁ ତାନିତଲେ ଏଟକା କିହାନା ଏଞ୍ଜରାଇଁ ର ପାତାଆଡ଼ି ହରୁତା ଅଡ଼େସି । । ୩ ଅଡ଼େ ଏଞ୍ଜସି ଏଞ୍ଜରି ନକିତା ଅର ଖାଣା ଆଡ଼େସି, ଏଞ୍ଜାଣି ହିମ୍ବରି ଇଲେକ୍ ଉଜେଡ଼ି ଆହାନା ହାରେକା ଦବ୍‌ଲା ଆଡ଼େ, ଇ ଦାରତିତା ଆମ୍ବାଆସି ଏଲେତି ଦବ୍‌ଲା କିହାଲି ଆଡ଼ଅସି । ୪ ମସା ଅଡ଼େ ଏଲିୟ ଜୀସୁତଲେ ହାଡ଼ାକାତା ଆହିମାଗାଣି ତାନି ଜାଣା ସୀସୁୟାଁ ମେସ୍ତେରି । ୫ ଏମ୍ବାଟିଏ ପିତର ଜୀସୁଇଁ ଏଲେଇଚେସି, “ଏ ଗୁରୁ ମାର ଇ ଟାମ୍ଭୁତା ମାନାୟି ହାରେକା ନେହାୟି; ମାର ତାନିଗଟା ଗୁଡ଼ାୟାଁ କେପିନ, ନିଜେଡ଼ାକି ରଣ୍ଡାଆଁ, ମସାକି ରଣ୍ଡାଆଁ ଅଡ଼େ ଏଲିୟକି ରଣ୍ଡାଆଁ ।” ୬ ପିତର ଏନାଆଁ ଜଲାଲି ଆନେ ଇଞ୍ଜ ପୁଞ୍ଜା ହିଲିଆଡେସି, ଏନାଆଁତାକି ଇଚିହ୍ ଏଞ୍ଜରି ହାରେକା ଆଜାମାଚେରି ।

୭ \*ଇଞ୍ଜା, ଇଗାୟି ଦୁନ୍ଦ୍ରା ଖାହାନା ଏଞ୍ଜରାଇଁ ପୁକ୍‌ହେ, ଅଡ଼େ ଏ ଦୁନ୍ଦ୍ରାଟି ଇ ହାଡ଼ା ଖାଡ଼େ, “ଇଞ୍ଜସି ନା ଜୀସୁତି ମୀରଏସି, ଇଞ୍ଜାଣି ବଲୁ ଖେଞ୍ଜୁ ।” ୮ ଦେବୁଣିଏ ଏଞ୍ଜରି ସାରିଞ୍ଜାକି ସିନିକିତେରି, ତାନିତଲେ ଜୀସୁଇଁ ପିସ୍‌ପେ ଆମ୍ବାଆରାଇଁ ମେହ୍‌ଆଡେରି ।

୯ ଏଞ୍ଜରି ହରୁଟି ରେଟା ଖାହି ମାଗାଟି ଜୀସୁ ଏଞ୍ଜରାଇଁ ଜାଣେ ହୁକୁମି ହୀହାନା ଏଲେଇଚେସି, “ମୀରୁ ଏନାଆଁ ମେସାମାଞ୍ଜେରି, ଏ ବାରେ ହାଡ଼ାରି ବିତ୍ରାଟି ମାଣ୍ଡସି ମୀରଏସି ଖେଣ୍ଡେ ନିଜାଆ ପାଡେକା ଆମ୍ବାଆରାଇଁ ଖେହ୍‌ଆଦୁ ।”

୧୦ ଏମ୍ବାଟିଏ ଏଞ୍ଜରି ଏ କାତା ଆସାନା “ହାଡ଼ାରି ବିତ୍ରାଟି ଖେଣ୍ଡେ ନିଜିନାୟି ଏନାୟି ?” ଏ କାତାତି ତାନି ବିତ୍ରା ଖେସ୍‌ପି ଆଡ଼େରି । ୧୧ \*ଅଡ଼େ ଏଞ୍ଜରି ଜୀସୁଇଁ ଖେଚେରି, “ନକେଏ ଏଲିୟ ଖାନ୍‌ୟି ଆନେ, ମୋରାପୁନାରି ଏନିକ୍ ଇ କାତା ଖେହ୍‌ନେରି ?”

୧୨ ଏମ୍ବାଟିଏ ଜୀସୁ ଏଞ୍ଜରାଇଁ ଏଲେଇଚେସି, “ଏଲିୟ ନକେଏ ଖାହାନା ବାରେ ମୋରା ଅଡ଼େ ଖେଣ୍ଡେ ଇଚିନାୟି ସାତା, ସାମା ମାଣ୍ଡସି ମୀରଏସି ହାରେକା ଦୁକୁ ବେଟାଆହାନା ଅପାଆଗାଗାସି ଆନେସି, ଇଦି ଏନିକ୍ ଏଞ୍ଜାଣି କାତା ରାସ୍‌କି ଆହାମାନେ ? ୧୩ ସାମା ନାନୁ ମିଜେ ଖେସିମାଞ୍ଜାଇଁ, ଏଲିୟ ଖାଡ଼େସିଏ, ଅଡ଼େ ଏଞ୍ଜାଣି କାତା ଏନିକ୍ ରାସ୍‌କି ଆହାମାନେ, ଏଲେକିହ୍ ଏଞ୍ଜାରି ଏଞ୍ଜାଣାଇଁ ଜିକେଏ ଏନାଆଁ ମନ ଏଦାଆଁ କିହାମାନେରି ।”

ବୃତ୍ତୁ ଆଲ୍‌ଗାମାଟି କକାଣାଇଁ ନେହ୍‌କିନାୟି (ମାତି ୧୭:୧୪-୨୧; ଲୁକ ୯:୩୭-୪୩)

୧୪ ତାମ୍ଭୁ ଏଞ୍ଜାରି ସୀସୁୟାଁ ତାଣା ଖାହାନା ମେସ୍ତେରି, ଏଞ୍ଜାରି ସାରିଞ୍ଜାକି ହାରେକା ମାନ୍ଦା ଲକୁ ଅଡ଼େ ମୋରାପୁନାରି ଏଞ୍ଜାରିତଲେ ବାଦିବାଦା ଆହିମାନେରି । ୧୫ ଲକୁ ବାରେ ଏଞ୍ଜାଣାଇଁ ମେସ୍‌ପନିଏ ହାରେକା କାବାଆହାନା ଅଡ଼େ ଦାବ୍‌ଡ଼ି ଖାହାନା ଜହରା କିତେରି । ୧୬ ଏମ୍ବାଟିଏ ଜୀସୁ ଏଞ୍ଜରାଇଁ ଖେଚେସି, “ମୀରୁ ଏଞ୍ଜାରିତଲେ ଏନାଆଁତାକି ବାଦିବାଦା ଆହିମାଞ୍ଜେରି ?”

୧୭ ଲକୁ ବିତ୍ରାଟି ରଅସି ଏଞ୍ଜାଣାଇଁ ଏଲେଇଚେସି, “ଏ ଗୁରୁ, ନାନୁ ନା ମୀରଏଶାଇଁ ନୀ ତାଣା ତାଗାମାଚେସ୍; ଏଞ୍ଜାଣାଇଁ ର ଗୁଲା ବୃତ୍ତୁ ଆଲ୍‌ଗାମାନେ । ୧୮ ଏମିନି ଟାମ୍ଭୁତା ଏଦି ଏଞ୍ଜାଣାଇଁ ଆହ୍‌ନେ, ଏଞ୍ଜାଣାଇଁ ଡ଼ଇ ତ୍ରକନେ, ଇଞ୍ଜା ଏଞ୍ଜାଣି ଗୁଟିଟି ପମ୍‌ଲି ହନେ, ଅଡ଼େ ଏଦି ପାଲ୍‌କା ଟୀଟି କିନେ, ଇଞ୍ଜା ଏଞ୍ଜାସି ଖାୟାହାଜି ମାନେସି; ଏଞ୍ଜାଣାଇଁ ପିସ୍‌ପି କିହାଲି ନାନୁ ନୀ ସୀସୁୟାଁଇଁ ଏଲେଇଚେସ୍, ସାମା ଏଞ୍ଜାରି ଆଡ଼ାଆଡେରି ।” ୧୯ ଜୀସୁ ଏଞ୍ଜରାଇଁ ଏଲେଇଚେସି, “ଆଡ଼େ ନାମାଆଗାଟି କୁଡ଼ାତାଡେରି, ଏଚରଦିନା ନାନୁ ମୀ ତଲେ ଡ଼ୟିଇଁ ? ଏଚରଦିନା ମୀ

\* ୯:୭ ୯:୭ ମାତି ୩:୧୭; ମାର୍କ ୧:୧୧; ଲୁକ ୩:୨୨ \* ୯:୧୧ ୯:୧୧ ମାତି ୧୧:୧୪

ଲେମ୍ବାନାଣି ଅରହିଲ୍ ? କକାଣାଇଁ ନା ତାଣା ତାଦୁ ।” ୨୦ ଏମ୍ବାଟିଏ ଏଞ୍ଜାଣାଇଁ ଜୀସୁ ତାଣା ତାତେରି । ଅଡ଼େ, ଜୀସୁଇଁ ମେସପନିଏ ଏ ବୁଡୁ ଏଞ୍ଜାଣାଇଁ ହାରେକା ତିରୁଞ୍ଜି କିତେ ଇଞ୍ଜା ବୁମିତା ତରଗାନା ଗୁଡିଟି ପମ୍ବୁଲି ହପ୍ପହାନା ଉସାଲି ମାଟ୍‌ହେସି । ୨୧ ଏରିବେଲା ଜୀସୁ ତାନି ଆବାଇଁ ଖେରେସି, “ଏଚରଦିନା ଆଡେ ଇଞ୍ଜାଣାଇଁ ଇଲେ କିହିମାନେ ?” ଏଞ୍ଜାସି ଏଲେଇରେସି, “ଊଣା ଖେଡାଟିଏ ୨୨ ଏଡି ଏଞ୍ଜାଣାଇଁ ହାଞ୍ଜି କିହାଲି ଏଚେ ଏଚେତା ହିରୁତା ଅଡ଼େ ଏୟୁଣାଁ ମେଡହାମାନେ; ସାମା ନୀନୁ ଏନାଆଁ କିହାଲି ଆଡିତ, ମାଜେ କାମା ଆହାନା ମା ସାୟେମି ଆୟାମୁ ।”

୨୩ ଏମ୍ବାଟିଏ ଜୀସୁ ଏଞ୍ଜାଣାଇଁ ଏଲେଇରେସି, “ଏନାଆଁ ଇଚି ? ଇଚିହ କିହାଲି ଆଡିତ ! ଆମ୍ବାଆସି ନାମିନେସି ଏଞ୍ଜାଣାକି ବାରେଏ ଆନେ ।”

୨୪ ଏ ଦେବୁଣିଏ କକାଣି ତାନି ଆବା କାଜା ଗିୟାତଲେ ଏଲେଇରେସି, “ନୀନୁ ନାମିମାଇଁ ନା ନାମାଆଗାଟାଣି ଗୁଡି କିହାଲି ସାୟେମି କିୟାମୁ ।”

୨୫ ତାୟୁ ମାନ୍ଦା ଲକୁ ରହେଁଏ ହଚିହ ଖାହି ମାଟାଣି ମେସାନା, ଜୀସୁ ଏ ପଲୁଆ ବୁଡୁତି ଦାକା ହୀହାନା ଏଲେଇରେସି, “ଆଡେ ଗୁଲ୍ଲା ଅଡ଼େ ବେରା ବୁଡୁତି, ନୀନୁ ନିଜେ ହୁକୁମି ହୀହିମାଞ୍ଜାଇଁ, ଇଞ୍ଜାଣି ତାଣାଟି ହଚାହାଲାମୁ, ଇଞ୍ଜା ଏଚେଲା ଜିକେଏ ଇଞ୍ଜାଣି ତାଣା ହଡୁଆନି ।”

୨୬ ଏମ୍ବାଟିଏ ଏଡି ହାରେକା କିରୁଡିହ କକାଣାଇଁ ତିରୁଞ୍ଜି କିହାନା ବୁମିତା ତ୍ରକହାନା ହଚାହାଚେ, ଅଡ଼େ କକାସି ହାଡିଲେହେଁ ଆଡେସି, ଇଲେକିହ ହାରେକା ଲକୁ ଏଲେଇଞ୍ଜିମାଚେରି, “କକାସି ହାଡେସି ।” ୨୭ ସାମା ଜୀସୁ ଏଞ୍ଜାଣି କେୟୁ ଆସାନା ନିକହେସି, ଇଞ୍ଜା ଏଞ୍ଜାସି ନିତେସି ।

୨୮ ଇଞ୍ଜା ଜୀସୁ ଇଜ ଖାହାଲିଏ ତାନି ସୀୟୁୟାଁ ମେଣେଏ ଖେଚେରି, “ମାମୁ

ଏନାଆଁତାକି ଏଞ୍ଜାଣାଇଁ ପିସପି କିହାଲି ଆଡାଆତମି ?”

୨୯ ଜୀସୁ ଏଞ୍ଜାଣାଇଁ ଏଲେଇରେସି, “ପ୍ରାଡାନା\* କିଆନା ଅଡ଼େ ଏନିକ ଜିକେଏ ଇଲେଡି ବୁଡୁ ପେରହାଲି ଆଡାଆୟି ।”

ତାନି ହାକିତି କାରୁ ଅଡ଼େ ଖେଣ୍ଡେ ଖେହ୍ନାୟି

(ମାତି ୧୭:୨୨-୨୩; ଲୁକ ୯:୪୩-୪୪)

୩୦ ଏଞ୍ଜାରି ଏ ଟାୟୁଟି ହାଜାନା ଗାଲିଲି ମାଦିଟି ହାଚେରି, ଇଞ୍ଜା ଆମ୍ବାଆସି ପୁନାଆପେସି ଇଞ୍ଜା ଏଞ୍ଜାଣି ମନ ହିଲାଆଚେ; ୩୧ ଇଚିହ ଜୀସୁ ତାନି ସୀୟୁୟାଁ ଇ କାତା ଖେସିହ ଜାପୁହି ମାଚେସି, “ମାଣସି ମୀରୁଏସି ମାଣସିୟାଁ କେୟୁତା ହେରପିଆନେସି, ଅଡ଼େ ଏଞ୍ଜାରି ଏଞ୍ଜାଣାଇଁ ପାୟିନେରି, ଇଞ୍ଜା ଏଞ୍ଜାସି ହାଡି ତାୟୁ ତାନିଦିନା କେଚ ଖେଣ୍ଡେ ନିଜିନେସି ।”

୩୨ ସାମା ଏଞ୍ଜାରି ଏ କାତାଡି ତେଲହାଆଚେରି, ସାମା ଏଞ୍ଜାଣାଇଁ ଖେଞ୍ଜାଲି ଆଜିମାଚେରି ।

ଆମ୍ବାଆସି କାଜାସି  
(ମାତି ୧୮:୧-୫; ଲୁକ ୯:୪୬-୪୮)

୩୩ ତାୟୁ ଏଞ୍ଜାରି କପରନାହୁମତା ଖାଡେଚରି । ଜୀସୁ ଇଜ ଏଜାନା ସୀୟୁୟାଁ ଖେଚେସି, “ମୀରୁ ଜିରୁତା ଏନାଆଁ କାତା ଆହିମାଚେରି ?”

୩୪ ଯାମା ଏଞ୍ଜାରି ହାଡା ଆଆନା ପାଲେଏ ତୁୟିଚେରି, ଇଚିହ ଆମ୍ବାଆସି କାଜାସି ଇ କାତା ଆସାନା ଜିରୁତା କାତା ଆହିମାଚେରି ।

୩୫ ଏମ୍ବାଟିଏ ଜୀସୁ କୁଗାନା ବାର ଜାଣାଇଁ ହାଡିଚେସି ଇଞ୍ଜା ଏଞ୍ଜାଣାଇଁ ଏଲେଇରେସି, “ଇଚିହ ଆମ୍ବାଆସି କାଜାସି ଆହାଲି ମନ କିନେସି, ଆଡିହ ଏଞ୍ଜାସି ବାରେଡି କିହାଁ ଊଣା ଅଡ଼େ ବାରେଡି ସେବା କିନାସି ଆଡପସି ।”

୩୬ ଅଡ଼େ ଏଞ୍ଜାସି ର ଊଣା କକାଣାଇଁ ଅହାନା ଏଞ୍ଜାରି ମାଦି ନିପହେସି

\* ୯:୨୯ ୯:୨୯ ଏଚେକା ସାସ୍ତେରିତା ପ୍ରାଡାନା ଇଞ୍ଜା ଉପାସା ରାସ୍‌କି ଆହାମାନେ । ☆ ୯:୩୪ ୯:୩୪ ଲୁକ ୨୨:୨୪ ☆ ୯:୩୫ ୯:୩୫ ମାତି ୨୦:୨୬,୨୭; ୨୩:୧୧; ମାର୍ଚ୍ଚ ୧୦:୪୩,୪୪; ଲୁକ ୨୨:୨୭

ଇଞ୍ଜା ଏଝାଣାଇଁ ପମାନା ଏଝାରାଇଁ ଏଲେଇରେସି, ୩୭ \*“ଆମ୍ବାଆସି ନା ଦରୁ ତାକି ଇଲେତି ଉଣା କକାରି ବିତ୍ରାଟି ରଥଣାଇଁ ଆବିନେସି, ଏଝାସି ନାଜେ ଆବାନେସି; ଅଡ଼େ ଆମ୍ବାଆସି ନାଜେ ଆବାନେସି, ଏଝାସି ୱାରଇ ନାଜେ ଆବଅସି, ସାମା ନାଜେ ପାଣ୍ଡାତାଣାଇଁ ଜିକେଏ ଆବିନେସି ।”

ମା କପାଟି ନିଜାଆ ଗାଟାସି ମା ତଲେତାସି

(ଲୁକ ୯:୪୯-୫୦)

୩୮ ଜହନ ଏଝାଣାଇଁ ଏଲେଇରେସି, “ଏ ଗୁରୁ ମା ଗଟିତା ହିଲାଆଗାଟାସି ରଅସି ନା ଦରୁତଲେ ବୁଡୁଣି ପେରହି ମାଟାଣି ମେସୁମି, ଇଞ୍ଜା ଏଝାସି ମା ଗଟିତା ହିଲାଆତାକି ଏଝାଣାଇଁ କାହିକିତମି ।”

୩୯ ସାମା ଜୀସୁ ଏଲେଇରେସି, “ଏଝାଣାଇଁ କାହିକିଆଦୁ; ଇତିହୁଁ ନା ଦରୁତଲେ କାବାଆନି କାମା କିହାନା ୱେଣ୍ଡେ ନାଜେ ନିନ୍ଦା କିୟାନେସି, ଇଲେତି ଲକୁ ଆମ୍ବାଆସି ହିଲଅସି; ୪୦ \*ଇତିହୁଁ ଆମ୍ବାଆସି ମା କପାଟି ନିଜାଆ ଗାଟାସି ଏଝାସି ମା ତଲେତାସି । ୪୧ \*ନାନୁ ମିଜେ ସାତା ୱେସିମାଞ୍ଜାଇଁ, ମୀରୁ କ୍ରୀସ୍ତତି ଲକୁ ଇଞ୍ଜା ଆମ୍ବାଆସି ଜିକେଏ ମିଜେ ଜାଟେକା ଏୟୁ ଗସାଲି ହିୟାନେସି, ଏଝାସି ଏନିଜିକେଏ ତାନି ଦାନାତି ଜାକୁଅସି ।”

ନାମୁତା ପାପୁ କିଝି କିନାଣି ତଣ୍ଡ  
(ମାତି ୧୮:୭-୯; ଲୁକ ୧୭:୧-୨)

୪୨ ଅଡ଼େ ଆମ୍ବାଆସି ନାମାମାନି ଇ ଉଣାୟା ବିତ୍ରାଟି ରଅଣାଇଁ ପାପୁ କିଝି କିନେସି, ଏଝାଣି ହେରକିତା କାଜା ଜେତାଝାଲି ଦସାନା ଏଝାଣାଇଁ ସାମ୍ବୁରିତା ମେଡ଼ହିହୁଁ ନେହେଁ ଆଡ଼େମା । ୪୩ \*ମୀ କେୟୁ ମିଜେ ପାପୁ କିଝିକିୟାନେ, ଇତିହୁଁ ଏଦାଆଁ ଜାଟାନା

କୁତାଦୁ; ରୀ କେୟା ମାଞ୍ଜାନା ନର୍କ ଇତିହୁଁ ତୁମ୍ବାଆଗାଟି ହିରୁ ଗାଡ଼ୟୁତା ମେଡ଼ପି ଆନି ବାଟା କଲା ଆହାନା ଜୀଝୁତା ହଡ଼ନାୟି ମିଜେ ତାକି ନେହେଁ । ୪୪ ଇତିହୁଁ ନର୍କତା ଏମ୍ବାତି ପିଡ଼କା ଏରେଲା ହାଡ଼, ଅଡ଼େ ହିରୁ ଏରେଲା ତୁମ୍ବେଏ । ୪୫ ଅଡ଼େ ମୀ କତା ମିଜେ ପାପୁ କିଝିକିୟାନେ, ଏଦାଣି ରାଡ଼ହା କୁତାଦୁ, ରୀ କତାୟାଁ ନେହେଁ ମାଞ୍ଜାନା ନର୍କତା ମେଡ଼ପି ଆନି ବାଟା ସଟା ଆହାନା ଜୀଝୁତା ହଡ଼ନାୟି ମିଜେ ତାକି ନେହେଁ । ୪୬ ଇତିହୁଁ ନର୍କତା ଏମ୍ବାତି ପିଡ଼କା ଏରେଲା ହାଡ଼, ଅଡ଼େ ହିରୁ ଏରେଲା ତୁମ୍ବେଏ । ୪୭ \*ଇଞ୍ଜା ମୀ କାନୁ ମିଜେ ପାପୁ କିଝିକିୟାନେ ଇତିହୁଁ ଏଦାନି ଡ଼େଝା କୁତାଦୁ, ରୀ କାଣକା ନେହେଁ ମାଞ୍ଜାନା ନର୍କତା ମେଡ଼ପି ଆନି କିହାଁ ର କାନୁ ତଲେ ମାହାପୁରୁ ରାଜିତା ହଡ଼ନାୟି ମିଜେ ତାକି ନେହେଁ । ୪୮ ଇତିହୁଁ ନର୍କତା ଏମ୍ବାତି ପିଡ଼କା ଏରେଲା ହାଡ଼, ଅଡ଼େ ହିରୁ ଏରେଲା ତୁମ୍ବେଏ ।

୪୯ “ହାରୁ ତଲେ ଏନିକଁ ପୂଜା ହୀନାୟି ସୁଦୁ ଆନେ, ଏଲେକିହୁଁ ଏ ହିରୁତଲେ ବାରେ ସୁଦୁ କିଝିଆନେ ।”

୫୦ \*“ହାରୁ ନେହାୟି, ସାମା ହାରୁ ମୁଆସାରେ ଆତିହୁଁ ଏନିକଁ ମୁପି କିନାୟି ଆନେ ? ମୀରୁ ମୀ ତାଣା ହାରୁ ଲେହେଁ ଆଦୁ, ଅଡ଼େ ରଅତେରି ରଅଣାକି ହିଡ଼ଡ଼ି ଜୀଝୁତଲେ ନେହୁଁ ଆହୁଁ ଡ଼ୟାଦୁ ।”

**୧୦**

ତକ୍ତି ତକ୍ତା ପିସ୍ପିଆନି କାତା ଜୀସୁ ଜାପୁନାୟି

(ମାତି ୧୯:୧-୧୨; ଲୁକ ୧୭:୧୮)

୧ ଏ ଟାୟୁଟି ଜୀସୁ ହାଜାନା ଜୀହୁଦା ରାଜିତି ହାନ୍ଦି ଅଡ଼େ ଜର୍ଦନ କାତା

\* ୯:୩୭ ୯:୩୭ ମାତି ୧୦:୪୦; ଲୁକ ୧୦:୧୭; ଜହ ୧୩:୨୦    \* ୯:୪୦ ୯:୪୦ ମାତି ୧୨:୩୦; ଲୁକ ୧୧:୨୩  
 \* ୯:୪୧ ୯:୪୧ ମାତି ୧୦:୪୨    \* ୯:୪୩ ୯:୪୩ ମାତି ୫:୩୦    † ୯:୪୪ ୯:୪୪ କରେକା ସାସ୍ତୁରିତା ଇ କାତା ରାସ୍ତିକ ଆହାହିଲେଏ ।  
 ‡ ୯:୪୬ ୯:୪୬ କରେକା ସାସ୍ତୁରିତା ଇ କାତା ରାସ୍ତିକ ଆହାହିଲେଏ ।  
 \* ୯:୪୭ ୯:୪୭ ମାତି ୫:୨୯    \* ୯:୫୦ ୯:୫୦ ମାତି ୫:୧୩; ଲୁକ ୧୪:୩୪,୩୫



ଆତାଲାଝାକି ଝାଡେସି; ଇଞ୍ଜାଁ ଲକୁ ଅଡେ  
ଝେଣ୍ଡେ ଏଝାଣି ତାଣା ରୁଣ୍ଡା ଆହାଲିଏ,  
ଏଝାସି ତାନି ମେରା ଲେହେଁ ଏଝାରାଇଁ  
ଅଡେ ଜାପୁହାଲି ମାଟୁହେସି ।

୨ ଏମ୍ବାଟିଏ ପାରୁସିୟାଁ ଏଝାଣି ତାଣା  
ଝାହାନା ଏଝାଣାଇଁ ତାୟିପାରିକିହେଁ  
ଝେରେରି, “ଜାହାରା ତକ୍ତିନି ପିସାଲି  
ଆବାୟାଁକି ମେରା କି ?”

୩ ଜୀସୁ ଏଝାରାଇଁ ଏଲେଇରେସି,  
“ମସା ମିଙ୍ଗେ ଏନି ହୁକୁମି  
ହୀହାମାଞ୍ଜାନେସି ?”

୪ ଏଝାରି ଏଲେଇରେରି, “ପିହୁନି  
ଆକୁ ରାଚାନା ତକ୍ତିନି ପିସାଲି ମସା ହେଲ  
ହୀହାମାଞ୍ଜାନେସି ।”

୫ ଏମ୍ବାଟିଏ ଜୀସୁ ଏଝାରାଇଁ  
ଏଲେଇରେସି, “ମୀ ଆଟୁଝା ହିୟାଁତି  
ମେସାନା ଏଝାସି ମିଙ୍ଗେତାକି ଇ ହୁକୁମି  
ରାଚାମାନେସି । ୬ ସାମା ମାଣ୍ଡସି ଗାଡ଼ି  
ଆଡ଼ି ବେଲାଟିଏ ଏଝାସି ଏଝାରାଇଁ  
ଇୟା ଅଡେ ଆବା କିହେଁ ମାହାପୁରୁ  
ଗାଡ଼ିକିଡେସି । ୭ ଏଦାଆଁତାକି ଆବା  
ତାଲି ତାଞ୍ଜିଇଁ ପିହୁନେସି, ଇଞ୍ଜାଁ ତାନି  
ତକ୍ତି ତଲେ ଆଣ୍ଡିନେସି, ୮ ଇଞ୍ଜାଁ ଏଝାରି  
ରିଆରି ଆଏ, ସାମା ରଣ୍ଡିଏ ଆଙ୍ଗା  
ଆନେରି । ୯ ଇଞ୍ଜାଁ ମାହାପୁରୁ ଏନାଆଁ  
ଆଣ୍ଡି କିହାମାନେସି, ମାଣ୍ଡସି ଏଦାଆଁ  
ଏଟକା କିଆପେସି ।”

୧୦ ତାୟୁ ସାସୁୟାଁ ଇଜ ଇ କାତାଡି  
ଜୀସୁଇଁ ଅଡେ ଝେଣ୍ଡେ ଝେରେରି  
। ୧୧ ଏମ୍ବାଟିଏ ଜୀସୁ ଏଝାରାଇଁ  
ଏଲେଇରେସି, “ଆମ୍ବାଆସି ତାନି ତକ୍ତିନି  
ପିସାନା ଏଟକାତାଣି ବୀହା ଆନେସି,  
ଏଝାସି ତଲିତି ତକ୍ତିନି କପାଟି ଦାରିକାମା  
କିନେସି । ୧୨ ଅଡେ ତକ୍ତି ତାନି ତକ୍ତାଇଁ  
ପିସାନା ଏଟକାତାଣାଇଁ ବୀହା ଆନେ,  
ଆଡିହେଁ ଏଦି ଦାରିକାମା କିନେ ।”

କକାରି ପଦାଁଣି ଜୀସୁ ବର ହୀନାୟି  
(ମାତି ୧୯:୧୩-୧୫; ଲୁକ ୧୮:୧୫-  
୧୭)

୧୩ ଏଝାସି ଏନିକେଁ କକାରି ପଦାଁଣି  
ତୀଗିନେସି, ଏଦାଆଁତାକି ଲକୁ ଏଝାରାଇଁ

ଜୀସୁ ତାଣା ତାଚାଲି ମାଟୁହେରି; ସାମା  
ସୀସୁୟାଁ ଏଝାରାଇଁ ଦାକା ହୀତେରି  
। ୧୪ ଜୀସୁ ଏଦାଆଁ ମେସାଁ କାରୁବି  
ଆହାନା ଏଝାରାଇଁ ଏଲେଇରେସି,  
“କକାରି ପଦାଁଣି ନା, ତାଣା ଝାହାଲି  
ହୀଦୁ, ଏଝାରାଇଁ ଆଂଗାଆଦୁ; ଇଡିହେଁ  
ମାହାପୁରୁତି ରାଡ଼ି ଇଲେଡି ଲକୁତାୟି  
। ୧୫ ନାନୁ ମିଙ୍ଗ ସାତା ଝେସିମାଞ୍ଜାଇଁ,  
ଆମ୍ବାଆସି କକାରି ପଦାୟାଁ ଲେହେଁ  
ମାହାପୁରୁତି ରାଡ଼ି ଆବଅସି, ଏଝାସି  
ଏନିଜିକେଏ ଏମ୍ବାଆଁ ହତାଲି ଆଡ଼ଅସି  
।” ୧୬ ଇଞ୍ଜାଁ ଏଝାସି ଏଝାରାଇଁ କତାଣା  
ଜଙ୍ଗାନା ଏଝାରି ଲାକ କେୟୁ ଇଟାନା  
ବର ହୀତେସି ।

ର ଦନ ଗାଟି ଦାଂଗଣେଏସି  
(ମାତି ୧୯:୧୭-୩୦; ଲୁକ ୧୮:୧୮-  
୩୦)

୧୭ ଜୀସୁ ଅଡେ ଝେଣ୍ଡେ ହାଜିମାଚାଡି  
ରଅସି ଦାବଡ଼ି ଝାହାନା ଏଝାଣି ନକିତା  
ମେଣ୍ଡାକୁତାନା ଏଝାଣାଇଁ ଝେରେସି,  
“ଏ ନେହେଁ ଗୁରୁ କାଲାକାଲାତି ଜୀସୁ  
ବେଟାଆହାଲି ନାନୁ ଏନାଆଁ କିଇଁ ?”

୧୮ ଏମ୍ବାଟିଏ ଜୀସୁ ଏଝାଣାଇଁ  
ଏଲେଇରେସି, “ନାଙ୍ଗେ ନେହାଁତି ଇଞ୍ଜାଁ  
ଏନାଆଁତାକି ଏଲେଇଞ୍ଜି ମାଞ୍ଜାଦି ?  
ରଅଣି ପିସପେ ଇଡିହେଁ ମାହାପୁରୁ  
ପିସପେ ଅଡେ ଆମ୍ବାଆସି ନେହାଁସି  
ହିଲଅସି । ୧୯ ନାନୁ ସାସ୍ତେରିଡି ବାରେ  
ହୁକୁମିକା ପୁଞ୍ଜାମାଞ୍ଜି, ଲକୁଣି ପାୟାଆଦୁ,  
ଦାରିକାମା କିଆଦୁ, ସରୁ କିଆଦୁ, ମିତି  
ସାକି ଜଲାଆଦୁ, ଲକୁଣି ନାଡ଼ି କିଆଦୁ,  
ଇଞ୍ଜାଁ ତାଲି ତାଞ୍ଜିଇଁ ଜୀସୁନଦୁ ।”

୨୦ ଏଝାସି ଏଝାଣାଇଁ ଏଲେଇରେସି,  
“ଏ ଗୁରୁ ଇ ବାରେ ନାନୁ ଡଣା ଝେଡାଟିଏ  
ମାନୁଞ୍ଜି ଆହିମାଇଁ ।”

୨୧ ଜୀସୁ ଏଝାଣାଇଁ ତୀରେ ସିନିକିହାଁ  
ଜୀସୁ ନଡେସି ଇଞ୍ଜାଁ ଏଲେଇରେସି,  
“ନାନୁ ର କାମାତା ଡଣା ମାଞ୍ଜି, ନାନୁ  
ହୀଜାନା ନୀ ଦନ ବାରେ ପାରୁଚାନାହାଁ  
ହିଲାଆ ଗାଟରାକି ଦାନା ହୀମୁ, ଅଡେ

\* ୧୦:୪ ୧୦:୪ ମାତି ୫:୩୧ \* ୧୦:୧୧ ୧୦:୧୧ ମାତି ୫:୩୨; ୧କର ୭:୧୦, ୧୧ \* ୧୦:୧୫ ୧୦:୧୫ ମାତି ୧୮:୩

ନା ଜେତ ଖାମ୍ବୁ, ଇଞ୍ଜା ନୀନୁ ଲାକପୁରୁ  
ଦନ ବେଟାଆଦି ।”<sup>୨୨</sup> ସାମା ଇ କାତାତା  
ଏଞ୍ଜାଣି ମୁମ୍ବୁ ହାପଲି ଆହାହାଚେ, ଇଞ୍ଜା  
ଏଞ୍ଜାସି ଦୁକୁ ଆହାନା ହାଚେସି, ଇଚିହ  
ଏଞ୍ଜାଣାକି ହାରେକା ଦନ ମାଚେ ।

୨୩ ଏମ୍ବାଟିଏ ଜୀସୁ ସାରିଞ୍ଜାକି  
ସିନିକିହାନା ତାନି ସୀସୁୟାଣି  
ଏଲେଇଚେସି, “ଦନ ଗାଟାରି ହାରେକା  
କସ୍ତଲେ ମାହାପୁରୁ ରାଜିତା ହଡ଼ନେରି  
।”

୨୪ ଏଞ୍ଜାଣି କାତା ଖେଞ୍ଜାନା ସୀସୁୟା  
କାବା ଆଚେରି, ସାମା ଜୀସୁ ଅଡ଼େ  
ଝେଣ୍ଡେ ଏଞ୍ଜାରାଇଁ ଏଲେଇଚେସି,  
“ଆଡ଼େ କକାଚେରି ମାହାପୁରୁ  
ରାଜିତା ହଡ଼ନାୟି ହାରେକା କସ୍ତ ।  
୨୫ ମାହାପୁରୁତି ରାଜିତା ଦନ ଗାଟାରି  
ହଡ଼ନି କିହାଁ ସୁଜା କାଣିଟି ଉରୁ ହଡ଼ନାୟି  
ଊସାସା ।”

୨୬ ଏମ୍ବାଟିଏ ଏଞ୍ଜାରି ହାରେକା  
କାବାଆହାନା ତାମ୍ବୁ ତାମ୍ବୁ କାତା  
ଆଚେରି, “ଆଡ଼ିହ  
ଆମ୍ବାଆସି ଗେଲୁପି  
ଆହାଲି ଆଡ଼ିନେସି ?”

୨୭ ଜୀସୁ ଏଞ୍ଜାରାଇଁ ତୀରିତଲେ  
ସିନିକିହାନା ଏଲେଇଚେସି, “ଇଦି  
ମାଣସିକି ଆଡ଼ାଆଗାଟାୟି, ସାମା  
ମାହାପୁରୁକି ଆଏ; ଇଚିହ  
ମାହାପୁରୁ  
ବାରେ କିହାଲି ଆଡ଼ିନେସି ।”

୨୮ ପିତର ଏଞ୍ଜାଣାଇଁ ଏଲେଇଚେସି,  
“ମେହ୍ମୁ ମାମ୍ବୁ ରୁାରେ ପିସାନା ନୀ ଜେତ  
ଝାହାମାନମି ।”

୨୯ ଜୀସୁ ଏଲେଇଚେସି, “ନାନୁ ମିଙ୍ଗେ  
ସାତା ଝେସିମାଞ୍ଜାଇଁ, ଆମିନି ଲକୁ ନା  
ନେହ  
କାବୁତାକି ଇଲୁ କି ତାୟିକି  
ତାଙ୍ଗି କି ତାଲି, ତାଞ୍ଜି, କକାରି ପଦାଣି  
କି ବୁମି ବାଡ଼ା ପିସାମାନେରି, ୩୦ ଅଡ଼େ  
ଇ କାଲାତା କସ୍ତ ବେଟାଆହ  
ଞ୍ଜା ଗୁଣ୍ଡୁତି ଇଲୁକା, ତାୟି, ତାଙ୍ଗି, ତାଲି  
ତାଞ୍ଜି, କକାରି ପଦାୟା ଅଡ଼େ ବୁମି ବାଡ଼ା,  
ଇଞ୍ଜା ଖାନି ଜୁଗୁତା କାଲାକାଲାତି ଜୀସୁ  
ବେଟାଆଅସି, ଇଲେତି ଲକୁ ଆମ୍ବାଆସି  
ହିଲଅସି । ୩୧ ଶ୍ଵାମା ନକିତା ମାନି

ହାରେକା ଲକୁ ତାୟୁ ଆନେରି, ଇଞ୍ଜା  
ତାୟୁ ମାନି ହାରେକା ଲକୁ ନକିନେରି ।”

ଜୀସୁ ତାନି ପାଲି ତାନି ହାନି କାତା  
ଝେହ୍ନାୟି

(ମାତି ୨୦:୧୭-୧୯; ଲୁକ ୧୮:୩୧-  
୩୪)

୩୨ ଏଞ୍ଜାରି ଜିରୁସାଲମତା  
ହାଜିମାଟାଟି ଜିରୁତା ମାଚେରି ଇଞ୍ଜା  
ଜୀସୁ ଏଞ୍ଜାରି ନକି ନକିତା ହାଜିମାଚେସି,  
ଅଡ଼େ ଏଞ୍ଜାରି କାବାଆହାନା ତାୟୁ  
ଞ୍ଜାହିମାନି ଲକୁ ଆଜାମାଚେରି, ଇଞ୍ଜା  
ଏଞ୍ଜାସି ଝେଣ୍ଡେ ବାରଜାଣାତି ଏଟକା  
କିହାନା ତାଙ୍ଗେତାକି ଏନା ଏନାୟି  
ଆହାଲି ହାଜିମାନେ, ଏ ବାରେ  
ଏଞ୍ଜାରାଇଁ ଝେସାଲି ମାଟ୍‌ହେସି ।

୩୩ ଜୀସୁ ଏଲେଇଚେସି, “ମେହ୍ମୁ  
ମାରୁ ଜିରୁସାଲମତା ହାଜିମାନାୟି;  
ମାଣସି ମୀରଏସି କାଜା ପୂଜେରାଙ୍ଗା  
ଅଡ଼େ ମେରାପୁନାରି କେୟୁତା  
ହେରପିଆନେସି, ଅଡ଼େ ଏଞ୍ଜାରି  
ଏଞ୍ଜାଣାଇଁ ହାନି ତଣ୍ଡ ହୀହାନା ଏଟକା  
କୁଡ଼ାତାରି କେୟୁତା ହେରପିନେରି,  
୩୪ ଇଞ୍ଜା ଏଞ୍ଜାରି ଏଞ୍ଜାଣାଇଁ କିଜଞ୍ଜି  
କିନେରି, ଏଞ୍ଜାଣିଲାକ ହୁପିନେରି,  
ଏଞ୍ଜାଣାଇଁ ସାଟ୍‌ଣି ତଲେ ଝେନେରି,  
ଇଞ୍ଜା ପାୟିନେରି, ଅଡ଼େ ତାନି ଦିନାଟିଏ  
ଝେଣ୍ଡେ ନିଙ୍ଗିନେସି ।”

ଜାକୁବ ଅଡ଼େ ଜହନ ବାତିମାଲିନାୟି  
(ମାତି ୨୦:୨୦-୨୮)

୩୫ ତାୟୁ ଜେବଦି ମୀରକା ଜାକୁବ  
ଅଡ଼େ ଜହନ ଜୀସୁ ତାଣା ଝାହାନା  
ଏଲେଇଚେରି, “ଏ ଗୁରୁ ମା ଅଣ୍ଡୁ ମାମ୍ବୁ  
ନୀ ତାଣାଟି ଏନାଆଁ ରାହ୍‌ନମି ଏଦାଆଁ  
ମା ତାକି ନୀନୁ କିମ୍ବୁ ।”

୩୬ ଇଞ୍ଜା ଜୀସୁ ଏଞ୍ଜାରାଇଁ ଝେଚେସି,  
“ନାନୁ ମୀ ତାକି ଏନାଆଁ କିଇଁ ଇଞ୍ଜ  
ମୀରୁ ଅଣ୍ଡୁମାଞ୍ଜେରି ?”

୩୭ ଏଞ୍ଜାରି ଏଞ୍ଜାଣାଇଁ ଏଲେଇଚେରି,  
“ନୀନୁ ଗାଞ୍ଜୁରମିଗାଟି ରାଜିତା  
କୁଟିସାରେ ଏନିକି ମା ବିତ୍ରାଟି ରଅତମି

୧୦:୩୧ ୧୦:୩୧ ମାତି ୨୦:୧୭; ଲୁକ ୧୩:୩୦

ନୀ ଚିଠିନି ଚଟ ଅଡ଼େ ରଅତମି ନୀ ଚେବ୍ରି ଚଟ କୁଗିନମି ଇ ବର ମାଜେ ହିୟାମୁ ।”

୩୮ \*ସାମା ଜୀସୁ ଏଝାରାଇଁ ଏଲେଇଚେସି, “ମୀରୁ ଏନାଆଁ ରାସିମାଞ୍ଜେରି ଏଦାଆଁ ପୁଞ୍ଜାହିଲଅତେରି । ନାନୁ ଆମିନି ସଲ୍ଲାତା ଗସିମାଇଁ, ଏମ୍ବାଆଁ ମୀରୁ ଗସାଲି ଆଡ଼ିଦେରି ? ଇଞ୍ଜା ନାନୁ ଆମିନି ବାପ୍ତିସ୍ମତା\* ବାପ୍ତିସ୍ମ† ଅହିମାଇଁ ଏମ୍ବାଆଁ ମୀରୁ ବାପ୍ତିସ୍ମ‡ ଆହାଲି ଆଡ଼ିଦେରି ?”

୩୯ ଏଝାରି ଏଲେଇଚେରି, “ଆଡ଼ିନମି ।”

ଜୀସୁ ଏଝାରାଇଁ ଏଲେଇଚେସି, “ନାନୁ ଆମିନି ସଲ୍ଲାତା ଗସିମାଇଁ ଏମ୍ବାଆଁ ଗସାଲି ଆଡ଼ିଦେରି, ଇଞ୍ଜା ନାନୁ ଆମିନି ବାପ୍ତିସ୍ମତା§ ବାପ୍ତିସ୍ମ\* ଆହିମାଇଁ ମୀରୁ ଏମ୍ବାଆଁ ବାପ୍ତିସ୍ମ† ଆଦେରି; ୪୦ ସାମା ନା ଚିଠିନି ଅଡ଼େ ଚେବ୍ରିଝାକି କୁଗାଲି ହାହାଲି ନା ଅଦିକାରାତ କାତା ଆଏ, ଆମ୍ବାଆରାକି ମାହାପୁରୁ ଗାମୁ କେପାମାନେସି ଏଝାରି କୁଗିନେରି ।”

୪୧ ଏଟକାଡ଼ି ଦସ ଜାଣା ଇଦାଆଁ ଖେଞ୍ଜାନା ଜାକୁବ ଅଡ଼େ ଜହନଇଁ କାରବି ଆହାଲି ମାଟ୍‌ହେରି । ୪୨ \*ଏମ୍ବାଟିଏ ଜୀସୁ ଏଝାରାଇଁ ତାଗେ ହାଟାନା ଏଲେଇଚେସି, “ଆମିନି ଗାଟାରି ଏଟକା କୃତାଡ଼ି ସାଲ୍‌ଝି କିନାରି ଲେହେଁ ଆହାମାନେରି, ଏଝାରି ଲାକ ସାଲ୍‌ଝି କିନେରି, ଅଡ଼େ ଏଝାରି କାଜାପାଣା ଗାଟାରି ଏଝାରି ମୁହେଁ ସାଲ୍‌ଝି କିନେରି, ଇଦାଆଁ ମୀରୁ ପୁଞ୍ଜୁ । ୪୩ \*ସାମା ମୀ ବିତ୍ରା ଏଲେକିହଁ ଆଏ; ସାମା ମୀ ବିତ୍ରା ଆମ୍ବାଆସି କାଜାସି ଆହାଲି ମନ କିନେସି, ଏଝାସି ମୀ ସେବା କିପେସି, ୪୪ ଅଡ଼େ ମୀ ବିତ୍ରା ଆମ୍ବାଆସି କାଜାସି ଆହାଲି ମନ କିନେସି, ଏଝାସି ବାରେଡ଼ି ହଲେଏସି ଆପେସି । ୪୫ ଇଚିହଁ ମାଣ୍‌ସି ମୀରୁଏସି ଜିକେଏ ସେବା ବେଟାଆହାଲି ଝାହାହିଲଅସି, ସାମା

ସେବା କିହାଲି ଇଞ୍ଜା ହାରେକା ଲକୁଣି ପାପୁଟି ପିସପି କିହାଲିତାକି ତାନି ଜୀସୁ ହାହାଲି ଝାହାମାନେସି ।”

ଜୀସୁ ବାଟିମୟ କାଣାଇଁ ନେହଁ କିନାୟି (ମାତି ୨୦:୨୯-୩୪; ଲୁକ ୧୮:୩୫-୪୩)

୪୬ ତାମୁ ଏଝାରି ଜିରିହତା ଏଗାତେରି, ଅଡ଼େ ଏଝାସି ତାନି ସୀସୁୟାଁ ଇଞ୍ଜା ମାନ୍ଦା ଲକୁତଲେ ଜିରିହତି ହାଜିମାନି ବେଲାତା ଚିମାୟ ମୀରୁଏସି ବାଟିମୟ ଦରୁଗାଟି ର କାଣା, ରୀସପାଲି ଜିରୁ ଦାରିତା କୁଗାମାଚେସି । ୪୭ ଏଝାସି ନାଜୁରିତତି ଜୀସୁ, ଇମ୍ବାଟି ହାଜିମାନେସି ଇଞ୍ଜା ଖେଞ୍ଜାନା ଏଝାସି କାଜା ଗିୟାତଲେ ଏଲେଇଚେସି, “ଏ ଦାଝୁଦ ମୀରୁଏଶାତି ଜୀସୁ ନାଜେ କାର୍ମା ମେସ୍ତାମୁ ।”

୪୮ ଏମ୍ବାଟିଏ ହାରେକା ଲକୁ ଏଝାଣାଇଁ ପାଲେଏ ଆହାଲି ଦାକା ହାତେରି, ସାମା ଏଝାସି ଅଡ଼େ କାଜା ହାଡାତଲେ ଏଲେଇଚେସି, “ଏ ଦାଝୁଦ ମୀରୁଏଶାତି ଜୀସୁ ନାଜେ କାର୍ମା ମେସ୍ତାମୁ ।”

୪୯ ଏମ୍ବାଟିଏ ଜୀସୁ ନିତାନା ଏଲେଇଚେସି, “ଏଝାଣାଇଁ ହାଟାଦୁ ।” ଏଝାରି ଏ କାଣାଇଁ ହାଟାନା ଏଲେଇଚେରି, “ସାସା ଆହାନା ନିଜାମୁ, ଏଝାସି ନିଜେ ହାଟିମାଞ୍ଜାନେସି ।”

୫୦ ଏମ୍ବାଟିଏ ଏଝାସି ନିଜାମା ତାନି ହିମ୍ବୁରି କୁତାନା ଜୀସୁ ତାଣା ଝାଡେସି ।

୫୧ ଜୀସୁ ଏଝାଣାଇଁ ଏଲେଇଚେସି, “ନାନୁ ନିଜେତାକି ଏନାଆଁ କିଇଁ ଇଞ୍ଜା ନାନୁ ଅଣ୍‌ପିମାଞ୍ଜି ?” ଏ କାଣା ଏଝାଣାଇଁ ଏଲେଇଚେସି, “ଏ ଗୁରୁ ନାନୁ ଏନିକଁ ମେସାଲି ଆଡ଼ିଇଁ ।”

୫୨ ଜୀସୁ ଏଝାଣାଇଁ ଏଲେଇଚେସି, “ହାଲାମୁ ନୀ ନାମୁ ନିଜେ ନେହଁ କିୟାତେ ।” ଏ ଦେବୁଣିଏ ଏଝାସି

\* ୧୦:୩୮ ୧୦:୩୮ ଲୁକ ୧୨:୫୦ \* ୧୦:୩୮ ୧୦:୩୮ ମୁଞ୍ଜିନାୟି † ୧୦:୩୮ ୧୦:୩୮ ମୁଞ୍ଜିନାୟି ‡ ୧୦:୩୮ ୧୦:୩୮ ମୁଞ୍ଜିନାୟି § ୧୦:୩୯ ୧୦:୩୯ ମୁଞ୍ଜିନାୟି \* ୧୦:୩୯ ୧୦:୩୯ ମୁଞ୍ଜିନାୟି † ୧୦:୩୯ ୧୦:୩୯ ମୁଞ୍ଜିନାୟି \* ୧୦:୪୨ ୧୦:୪୨ ଲୁକ ୨୨:୨୫,୨୬ ୨୨:୨୬ \* ୧୦:୪୩ ୧୦:୪୩ ମାତି ୨୩:୧୧; ମାର୍ଚ୍ଚ ୯:୩୫; ଲୁକ ୨୨:୨୬

ମେସାଲି ଆଡ଼ିତେସି, ଇଞ୍ଜା ଏଞ୍ଜାରି ଜେଚ ଜେଚ ହାଚେସି ।

### ୧୧

ଜୀସୁ ଜିରୁସାଲମତା ହତନାୟି  
(ମାତି ୨୧:୧-୧୧; ଲୁକ ୧୯:୨୮-୪୦;  
ଜହ ୧୨:୧୨-୧୯)

୧ ଏଚିବେଲା ଏଞ୍ଜାରି ଜିରୁସାଲମ ତାଗେ ଆହାନା ଜୀତ ହୁର ତାଗେ ବେଡ଼ପାଗି ଇଞ୍ଜା ବେଚନିୟା ତାଗେ ଖାଡ଼େରି, ଏଚିବେଲା ଏଞ୍ଜାସି ତାନି ସୀସୁୟା ବିତ୍ରାଟି ରିଆରାଇଁ ଇ କାତା ଖେସା ପାଣ୍ଡିତେସି, ୨ “ମୀ ନକିତା ମାନି ଏ ନାୟୁଁତା ହାଜୁ; ଏ ନାୟୁଁତା ହତଞ୍ଜନିଏ ଆମିନି ଲାକ ଆମ୍ବାଆରି ଏଚେଲା ହଚା ହିଲଅରି ଇଲେତି ର ଗାଡ଼ଦେ ତାଲୁତି ଦସାମାନାଣି ମେହ୍‌ଦେରି; ଏଦାନି ହୁକହାନା ତାଦୁ । ୩ ଅଡ଼େ ଆମ୍ବାଆସି ଏନାଆଁ କିହିମାଞ୍ଜେରି ଇଞ୍ଜା ମିଙ୍ଗେ ଖେଞ୍ଜାନେସି, ଆତିହ୍ ଏଲେଇଞ୍ଜୁ, ଇଦାଣି ତାଣା ମା ପ୍ରବୁକି ଲଡ଼ାମାନେ, ଅଡ଼େ ଖେଣ୍ଡେ ଇଦାଣି ଖେଡ଼ାକିଆନା ପାଣ୍ଡାନେସି ।”

୪ ଏଞ୍ଜାରି ହାଜାନା ଦୁଖେରିଦାରି ଆଂଗେଣିତା ର ଗାଡ଼ଦେ ତାଲୁତି ଦସାମାନାଣି ମେସାନା ଏଦାଣି ହୁକହେରି, ୫ ଏମ୍ବାଟିଏ ଏମ୍ବାଆଁ ନିଚାମାଟି ଲକୁ ବିତ୍ରାଟି ଏଚରଜାଣା ଖେଚେରି, “ଗାଡ଼ଦେ ତାଲୁତି ପିସାନା ଏନାଆଁ କିହିମାଞ୍ଜେରି?”

୬ ଜୀସୁ ଏନିକ୍ ଏଞ୍ଜାସାମାଚେସି, ଏଞ୍ଜାରି ଏଲେକ୍ ଏଞ୍ଜାରାଇଁ ଏଲେଇଚେରି; ଏମ୍ବାଟିଏ ଏଞ୍ଜାରି ଏଞ୍ଜାରାଇଁ ହେଲ ହାଚେରି । ୭ ଜୀସୁ ନକିତା ଗାଡ଼ଦେ ତାଲୁତି ତାଗାନା ଏଞ୍ଜାରି ଏଦାଣି ଲାକ ତାନି ହିମ୍ବରିକା ପାଡ଼ସ୍ପରି, ଅଡ଼େ ଜୀସୁ ଏଦାନିଲେକ କୁଚିତେସି । ୮ ଅଡ଼େ ହାରେକା ଜିରୁତା ତାନି ହିମ୍ବରିକା ପାଡ଼ସ୍ପରି ଅଡ଼େ ଏଚକାତାରି ଜାଡ଼ାତି ଗରାୟା ଚୁଣ୍ଡା ତାଗାନା ପାଡ଼ସ୍ପରି । ୯ ଇଞ୍ଜା ନକିତା ତାୟୁଖାକି ହାଜିମାନି ଲକୁ କାଜା ହାଡ଼ାତଲେ ଏଲେଇଚେରି, “ହସାନା ମାହାପୁରୁ ଦରୁଟି ଆମ୍ବାଆସି

ଖାହିମାନେସି, ଏଞ୍ଜାସି ନେହ୍‌ସି । ୧୦ ମା ଆକୁ ଦାଞ୍ଜୁଦତି ଆମିନି ରାଜି ଖାହିମାନେ, ଏଡ଼ି ଜହରା, ଲାକପୁରୁତି ହସାନା ।”

୧୧ ତାୟୁ ଜୀସୁ ଜିରୁସାଲମତା ଖାହାନା ମାହାପୁରୁ ଇଲୁତା ହାଚେସି, ଇଞ୍ଜା ସାରିଖାକି ମାନାଣି ବାରେ ସିନିକିହାନା ମିଡ଼ଅଲା ଆହାଲିଏ ବାଚଜାଣା ସୀସୁୟା ତଲେ ବେଚନିୟାତା ହାଚେସି ।

ଜୀସୁ ତୟା ମାର୍‌ନୁତି ବାକା ଇଚିନାୟି  
(ମାତି ୨୧:୧୮-୧୯)

୧୨ ତାନି ଅର ଦିନା ବେଚନିୟାଟି ଖାହିମାଚାଟି ଜୀସୁ ହାକି ଆଡ଼େସି; ୧୩ ଇଞ୍ଜା ହେକଟି ଆକା ମାନି ର ତୟା ମାର୍‌ନୁତି ଆକା ମେସାନା ଏମ୍ବାଆଁ ପାଡ଼େୟି ବେଚାଆନ୍ତି ଆସା ତଲେ ତାଗେ ହାଚେସି । ସାମା ତାଗେ ଖାହାନା ଏଞ୍ଜାସି ଆକା ପିସ୍‌ପେ ଅଡ଼େ ଏନାଆଁ ପୁଞ୍ଜାଆଡେସି, ଇଚିହ୍ ଏଡ଼ି ତୟା ଆୟିନି ଖେଡ଼ା ହିଲାଆଡେ । ୧୪ ଏମ୍ବାଟିଏ ଜୀସୁ ଏଦାଣି ଏଲେଇଚେସି, “ନୀ ପାଡ଼େୟି ଲକୁ ଏଚେଲା ତିନାଆପେରି ।” ଏଞ୍ଜାଣି କାତା ତାନି ସୀସୁୟା ଖେଞ୍ଜାମାଚେରି ।

ଜୀସୁ ମାହାପୁରୁ ଇଲୁତା ହାନାୟି  
(ମାତି ୨୧:୧୨-୧୭; ଲୁକ ୧୯:୪୫-୪୮; ଜହ ୨:୧୩-୨୨)

୧୫ ତାୟୁ ଏଞ୍ଜାରି ଜିରୁସାଲମତା ଖାଡ଼େରି, ଅଡ଼େ ଜୀସୁ ମାହାପୁରୁ ଇଲୁତା ହତାନା ଏ ଚାୟୁତା ବେବାରା କିହିମାଟି ଲକୁଣି ପାଙ୍ଗାତା ପେରହାଲି ମାଚ୍‌ହେସି, ଇଞ୍ଜା ଟାକାୟା ବେବାରା ଗାଟାରି କୁଚିୟା ଅଡ଼େ ପଟାୟା ବେବାରା କୁଚିୟା ତିରିମ୍ବୁପହେସି । ୧୬ ଇଞ୍ଜା ପ୍ରାତାନା ଇଲୁ ବିତ୍ରାଟି ଆମ୍ବାଆରାକି ଏନାଆଁ ଅହାଲି ତାଚାଲି ହେଲ ହାଆଡେସି, ୧୭ ତାୟୁ ଜୀସୁ ଏଞ୍ଜାରାଇଁ ଜାପୁହିହ୍ ଏଲେଇଚେସି, “ଦାର୍‌ମ୍ ପତିତା ରାସ୍‌କି ଆହାମାନେ, ନା ଇଲୁ ବାରେ କୁଡ଼ାତି ଲକୁତାକି ପ୍ରାତାନା ଇଲୁ ଇଞ୍ଜା ଖେଜିନେ ? ସାମା ମୀରୁ ଏଦାଆଁ ତଂଗାୟା ପାଞ୍ଜୁ କିହାମାଞ୍ଜେରି ।”

୧୮ ଇ କାତା ୱେଞ୍ଜାନା କାଜା ପୂଜେରାଜ୍ଞା ଅଡ଼େ ଫେରାପୁନାରି ଏଝାଣାଇଁ ଏନିକ୍ ନାସା କିହାଲି ଆଡ଼ିନେରି, ଏଦାଆଁ ପାରୁ ପାରାଲି ମାଟ୍‌ହେରି; ଇତିହିଁ ଲକୁ ଏଝାଣି ଜାପୁନି ତାଣା କାବା ଆହିମାଚାକି ଏଝାରି ଏଝାଣାଇଁ ଆଜିମାଚେରି ।

୧୯ ଏ ଦିନା ମିଡ଼ଅଲ୍ଲା ବେଲା ଜୀସୁ ଅଡ଼େ ସୀସୁୟାଁ ଗାଡ଼ାଟି ହାଚେରି ।

ୱାୟିତି ତୟା ମାର୍‌ନୁତି ଜାପିନାୟି  
(ମାତି ୨୧:୨୦-୨୨)

୨୦ ଅର ଦିନା ଲାଇଏ ଏ ଜିରୁତି ହାଜିମାଚାଟି ଏଝାରି ତୟା ମାର୍‌ନୁ ଡାକଟିଏ ୱାୟିତାଣି ମେସ୍ତେରି । ୨୧ ଏମ୍ବାଟିଏ ପିତର ତଲିତି କାତା ଅଣ୍‌ପାନା ଏଲେଇଚେସି, “ଏ ଗୁରୁ ମେହ୍‌ମୁ ନାନୁ ଆମିନି ତୟା ମାର୍‌ନୁତି ବାକା ହାହାମାଟି ଏଡ଼ି ୱାୟାହାଚେୟିଏ ।”

୨୨ ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ତାଣା ନାମାଦୁ । ୨୩ \*ନାନୁ ମିଙ୍ଗେ ସାତା ୱେସିମାଞ୍ଜାଇଁ, ଆମ୍ବାଆସି ଇ ହରୁତି ନାନୁ ନିଙ୍ଗାନା ସାମଦୁରିତା ତରଗାମୁ ଇନେସି, ଇଞ୍ଜା ତାନି ହିୟାତା ଆନାମାନା ଆଆନା, ଏନାଆଁ ଜଲିମାଲ୍ ଏଡ଼ି ଆନେ ଇଞ୍ଜାଁ ନାମିନେସି, ଏଝାଣାକି ଏଡ଼ି ଆନେ । ୨୪ ଏଦାଆଁତାକି ନାନୁ ମିଙ୍ଗେ ୱେସିମାଞ୍ଜାଇଁ, ମୀରୁ ଏନାଆଁ ପ୍ରାତାନା କିଦେରି ଅଡ଼େ ରାହ୍‌ଦେରି, ଏ ବାରେ ମିଙ୍ଗେ ମେଡ଼ା ଆୟାତେ ଇଞ୍ଜାଁ ନାମାଦୁ, ଏଚେଟିଏ ଏ ବାରେ ସାତେଏ ବେଗାଆଡ଼େରି । ୨୫ \*ଇଞ୍ଜାଁ ମୀରୁ ଆମିନି ବେଲାତା ପ୍ରାତାନା କିହାଲି ନିଦେରି, ଇଞ୍ଜାଁ ଆମ୍ବାଆରି କପାଟି ଏନି କାତା ମାତିହିଁ, ଏଝାଣି ପାପୁ ମ୍ଲେକ୍‌ଦୁ, ଏନିକ୍ ମୀ ଲାକପୁରୁତି ଆବା ଜିକେଏ ମୀ ପାପୁତି ମ୍ଲେକ୍‌ହାନେସି । ୨୬ ସାମା ମୀରୁ ଏଝାଣି ପାପୁ ମ୍ଲେକ୍‌ଅଚେରି, ଆତିହିଁ ମୀ

ଲାକପୁରୁତି ଆବା ଜିକେଏ ମୀ ବାରେ ପାପୁତି ମ୍ଲେକ୍‌ହଅସି ।”\*

ଜୀସୁତି ଅଦିକାରା  
(ମାତି ୨୧:୨୩-୨୬; ଲୁକ ୨୦:୧-୮)

୨୭ ତାୟୁ ଏଝାରି ଅଡ଼େ ୱେଣ୍ଡେ ଜିରୁସାଲମତା ୱାଡେରି; ଇଞ୍ଜାଁ ଏଝାସି ପ୍ରାତାନା ଇଲୁତା ହଡ଼ିମାଟି ବେଲାତା କାଜା ପୂଜେରାଜ୍ଞା ଫେରାପୁନାରି ଇଞ୍ଜାଁ ପ୍ରାଟିନାଜ୍ଞା ଏଝାଣି ତାଣା ୱାହାନା ୱେଚେରି, ୨୮ “ନାନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି ? ଇଞ୍ଜାଁ ଇ ବାରେ କିହାଲି ଆମ୍ବାଆସି ଇ ଅଦିକାରା ହିୟାତେସି ?”

୨୯ ସାମା ଜୀସୁ ଏଝାରାଇଁ ଏଲେଇଚେସି, “ନାନୁ ମିଙ୍ଗେ ର କାତା ୱେଞ୍ଜାଇଁ, ନାଙ୍ଗେ ୱେସ୍ତାଦୁ, ଆତିହିଁ ନାନୁ ଆମିନି ଅଦିକାରା ତଲେ କିହିମାଲ୍, ଏଦାଆଁ ମିଙ୍ଗେ ୱେସ୍ତାଇଁ । ୩୦ ଜହନତି ବାପ୍ତିସ୍ମାଁ ଲାକପୁରୁତି କି ମାଣ୍‌ସିୟାଁ ତାଣାଟି ଆହାମାଚେ ? ଏଦାଆଁ ନାଙ୍ଗେ ୱେସ୍ତାଦୁ ।”

୩୧ ଏଚେଟିଏ ଏଝାରି ତାୟୁ ତାୟୁ କାତା ଆହାଲି ମାଟ୍‌ହେରି, “ଲାକପୁରୁତି ଇନାୟି, ଆତିହିଁ ଏଝାସି ଏଲେଇଞ୍ଜାନେସି ମୀରୁ ଏନାଆଁତାକି ଏଝାଣାଇଁ ନାମାଆଚେରି ? ୩୨ ଅଡ଼େ ମାଣ୍‌ସି ତାଣାଟି ଇନାୟି, ଏଝାରି ଲକୁଣି ଆଜିମାଚେରି; ଇତିହିଁ ବାରେଜାଣା ଜହନ ସାତା ମାହାପୁରୁ ଅଣ୍‌ପୁତି ବଲୁ ୱେହ୍‌ନାସି ଇଞ୍ଜାଁ ମାନ୍‌ଡ଼ି ଆହିମାଚେରି ।” ୩୩ ଏଦାଆଁତାକି ଜୀସୁଇଁ ଏଝାରି ଏଲେଇଚେରି, “ମାୟୁ ପୁଞ୍ଜାହିଲଅମି ।” ଜୀସୁ ଏଝାରାଇଁ ଏଲେଇଚେସି, “ନାନୁ ଆମିନି ଅଦିକାରା ତଲେ କିହିମାଲ୍, ଏଦାଆଁ ନାନୁ ଜିକେଏ ମିଙ୍ଗେ ୱେସ୍ତାଆଁ ।”

\* ୧୧:୨୩ ୧୧:୨୩ ମାତି ୧୭:୨୦; ୧କର ୧୩:୨      \* ୧୧:୨୫ ୧୧:୨୫ ମାତି ୬:୧୪, ୧୫      \* ୧୧:୨୬ ୧୧:୨୬  
କଚେକା ସାପ୍ତେରିତା ଇ କାତା ରାସ୍‌କି ଆହାହିଲେଏ ।      † ୧୧:୩୦ ୧୧:୩୦ ମୁଞ୍ଜିନାୟି

**୧୨**

ଅଙ୍ଗୁରି ବାଡ଼ାତା ଲାଗେଏତି ବାଗା କାମାକିନାରି

(ମାତି ୨୧:୩୩-୪୬; ଲୁକ ୨୦:୯-୧୯)

୧ ଏମ୍ବାଟିଏ ଏଝାସି ଏଝାରାଇଁ ପୁଣ୍ଡିକିନି କାତାତଲେ ଝେସାଲି ମାଟ୍‌ହେସି, “ରଅସି ର ଅଙ୍ଗୁରି ବାଡ଼ା କିହାନା ବାଡ଼ା ସାରିଝାକି ବେୟ୍‌ ଗୁରତେସି, ଇଞ୍ଜା ଅଙ୍ଗୁରି ପାଡ଼େୟି ପୀଟାଲି ର ଗାଡ଼ୟ୍ କାରହାନା ଏମ୍ବାଆଁ କାଃଆନାରାକି କାଃଆନି ଇଲୁ କେପିତେସି, ଇଞ୍ଜା କାମା କିନାରାକି ଏ ବାଡ଼ା ବାଗା ହୀହାନା ହେକ ରାଜି ହାରେସି । ୨ ତାୟ୍ କାମାକିନାରି ତାଣାଟି ଅଙ୍ଗୁରି ବାଡ଼ାତି ପାଡ଼େୟି ବାଗା ବେଟାଆହାଲି ଏଝାସି ର ହଲେଏଶାଇଁ ପାଡ଼େୟି କାମ୍ବିନିଝେଡ଼ା ଏଝାରିତାଣା ପାଣ୍ଡିତେସି । ୩ ସାମା ଏଝାରି ଏଝାଶାଇଁ ଆସାନା ଝେତେରି ଇଞ୍ଜା ଝାରଇ କେୟ୍‌ଟି ପାଣ୍ଡିତେରି । ୪ ଏଝାସି ଅଡ଼େ ଏଝାରିତାଣା ଅଡ଼େ ର ହଲେଏଶାଇଁ ପାଣ୍ଡିତେସି; ଏଝାରି ଏଝାଶାଇଁ ଜିକେଏ ତାୟ୍ ତାୟେ ଝେଚାନା ହାଣି କିତେରି । ୫ ଏଝାସି ଅଡ଼େ ରଅଶାଇଁ ପାଣ୍ଡିତେସି; ଏଝାରି ଏଝାଶାଇଁ ଜିକେଏ ପାୟିତେରି, ଏମ୍ବାଟିଏ ଏଝାସି ଅଡ଼େ ହାଡ଼େକା ଜାଣାତି ପାଣ୍ଡିତେସି; ଏଝାରି ବିତ୍ରାଟି ଏଚରଜାଣାତି ଝେତେରି ଇଞ୍ଜା ଏଚରଜାଣାତି ପାୟିତେରି । ୬ ତାନି ତାଣା ରଅସିଏ ଡ଼ୟିତେସି, ଏଝାସି ତାନି ଜୀଝୁତି ମୀରଏସି, ତାୟ୍ ଅଣ୍ପିତେସି ‘ଏଝାରି ନା ମୀରଏଶାଇଁ ମାନି କିନେରି’ ଇଞ୍ଜା ଏଝାସି ଏଝାଶାଇଁ ପାଣ୍ଡିତେସି । ୭ ସାମା ଏ କାମାକିନାରି ତାମ୍ବୁ ତାମ୍ବୁ କ୍ବାତା ଆଡ଼େରି, ‘ଇଝାସିତ ଅଦିକାରା ଗାଟାସି, ଝାଦୁ ଇଝାଶାଇଁ ପାୟିନ; ଆତିହ୍ ବାଡ଼ାତି ଅଦିକାରା ମାଦି ଆନେ ।’ ୮ ଏମ୍ବାଟିଏ ଏଝାରି ଏଝାଶାଇଁ ଆସାନା ପାୟିତେରି ଇଞ୍ଜା ଅଙ୍ଗୁରି ବାଡ଼ାତି ପାଙ୍ଗାତା ମେଡ଼ହାଡ଼ୁସ୍ତେରି ।”

୯ ଜୀସୁ ଏଝାରାଇଁ ଝେଚେସି, “ଝେସ୍ତାଦୁ, ଇଦାଆଁ ତାୟ୍ ଏ ଅଙ୍ଗୁରି ବାଡ଼ାତି ସାଝୁକାରି ଏନାଆଁ କିନେସି

? ଏଝାସି ଝାହାନା କାମା କିନାରାଇଁ ନାସା କିନେସି ଇଞ୍ଜା ଏଟକାତି କାମା କିନାରାକି ଏ ଅଙ୍ଗୁରି ବାଡ଼ା ହୀନେସି । ୧୦ ମୀରୁ ଦାମ୍ବୁ ପତିତା ଇ କାତା ପଡ଼ଝି ଆହାହିଲଅତେରି ?

ଇଲୁ କେପିନାରି ଆମିନି ଝାଲିତି ମିଣ୍‌ଏ ଇଞ୍ଜା ଅପାଆତେରି, ଏଦିଏ ଇଲୁଟି ମୂଲୁ ଝାଲି ଆଡ଼େ ।

୧୧ ମାହାପୁରୁ ତାଣାଟି ଇଦି ଆଡ଼େ, ଇଞ୍ଜା ଏଦି ମା କାନୁତାକି ର କାବା ଆନାୟି ।”

୧୨ ଏଚେଟିଏ ଜୀହୁଦି ଲକୁଡି କାଜାରି ଏଝାଶାଇଁ ଆସାଲି ଅଣ୍ପିମାତେରି, ସାମା ଏଝାରି ଲକୁଣି ଆଜିତେରି; ଇଚିହ୍ ଏ ପୁଣ୍ଡିକିନି କାତା ଏଝାରାଇଁ ସିନିକିହାନା ଝେସିମାତେସି ଇଞ୍ଜା ପୁଚେରି, ଇଞ୍ଜା ଏଝାରି ଏଝାଶାଇଁ ପିସାନା ହାଜାଡ଼ୁସ୍ତେରି ।

ସିସୁ ହୁନାଣି ଝେନାୟି

(ମାତି ୨୨:୧୫-୨୨; ଲୁକ ୨୦:୨୦-୨୬)

୧୩ ତାୟ୍ ଜୀସୁ କାତାତି ଦହ୍ ଆସାଲି ତାକି ଏଝାରି ପାରୁସି ଅଡ଼େ ହେରଦ ଗତିତି ଏଚେକା ଲକୁଣି ଏଝାଣି ତାଣା ପାଣ୍ଡିତେରି । ୧୪ ଏଝାରି ଝାହାନା ଏଝାଶାଇଁ ଏଲେଇଚେରି, “ଏ ଗୁରୁ ମାମ୍ବୁ ପୁଞ୍ଜାମାନମି, ନୀନୁ ସାତା କାତା ଝେହ୍‌ନାତି ଅଡ଼େ ଆମ୍ବାଆରାଇଁ ଆଜାଆ ଗାଟାତି; ଇଚିହ୍ ନୀନୁ ମାଣସିତି ମୂମ୍ବୁ ମେସାନା ଜଲାଆ ଗାଟାତି ଇଞ୍ଜା ସାତା ତଲେ ମାହାପୁରୁତି ଜିରୁ ଜାପ୍‌ନାତି, କାୟିସରକି ସିସୁ ହୁନାୟି ମେରା କି ଆଏ, ମାମ୍ବୁ ହୁନମି କି ଆଏ ?”

୧୫ ସାମା ଏଝାସି ଏଝାରି କାର୍‌ବିତି ପୁଞ୍ଜାନା ଏଝାରାଇଁ ଏଲେଇଚେସି, “ଏନାଆଁତାକି ନାଜେ ତାୟିପାରି କିହିମାଞ୍ଜାଦେରି ? ର ଝେଣ୍ଡି ଟାକା ନା ତାଣା ତାଦୁ ନାନୁ ଏଦାଆଁ ସିନିକିଲ୍ ।”

୧୬ ଏଚେଟିଏ ଏଝାରି ଏଦାଆଁ ତାତେରି, ଏଝାସି ଏଝାରାଇଁ ଝେଚେସି, “ଇ ବମା ଅଡ଼େ ଦରୁ ଆମ୍ବାଆରାଝାୟି

?” ଏଞ୍ଜାରି ଏଞ୍ଜାଣାଇଁ ଏଲେଇଚେରି, “କାୟିସରଖାୟି ।”

୧୭ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇଚେସି, “କାୟିସରଖାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜାଁ ମାହାପୁରୁଖାୟି ଏନାୟି ଏଦାଆଁ ମାହାପୁରୁକି ହୀଦୁ ।” ଏଚେଟିଏ ଏଞ୍ଜାରି ଏଞ୍ଜାଣି କାତାତାକି କାବା ଆଡେରି ।

ସାଦୁକିୟାଁ ହାକିଟି ଖେଣ୍ଡେ ନିଜିନି କାତା ଖେନାୟି (ମାତି ୨୨:୨୩-୩୩; ଲୁକ ୨୦:୨୭-୪୦)

୧୮ ☆ଏମ୍ବାଟିଏ ହାକିଟି ଖେଣ୍ଡେ ନିଜିନାୟି ହିଲେଏ ଇଞ୍ଜିମାନି ସାଦୁକି ଲକୁ ଜୀସୁ ତାଣା ଖାହାନା ଖେଚେରି, ୧୯ “ଏ ଗୁରୁ ମସା ମାଜେତାକି ରାତାମାନେସି, ଇଚିହୁଁ ଆମ୍ବାଆରି ତାୟି ହାନେସି ଇଞ୍ଜାଁ ତାନି ତକ୍ତି ନୀତାମାନେ ଇଞ୍ଜାଁ ଏଦାନି ଏନି କକାରି ପଦାୟାଁ ହିଲାର ଆତିହୁଁ ତାନି ତାୟି ତାନି ତକ୍ତିନି ଇଟାନା ତାନି ତାୟିକି କୁଡ଼ା ଏପାକିନେସି । ୨୦ ମେହ୍ମୁ ସାଡ଼ା ଜାଣା ତାୟିୟାଁ ମାଚେରି; କାଜାସି ର ଆୟାନି ବୀହା ଆଡେସି, ଇଞ୍ଜାଁ କକାରି ପଦାଁ ଆଆନା ହାଡେସି; ୨୧ ଏଞ୍ଜାଣି ଜେଚତାସି ଏ ଇୟାନି ଇଚିଡେସି ଇଞ୍ଜାଁ କକାରି ପଦାଁ ଆଆନା ହାଡେସି; ଅଡେ ଜେଚତାସି ଏଲେକିଡେସି, ୨୨ ଇଞ୍ଜାଁ ସାଡ଼ା ଜାଣା ଜିକେଏ କକାରି ପଦାଁ ଆଆନା ହାଡେରି; ବାରେଡି ତାୟୁ ଏ ଇୟା ଜିକେଏ ହାଡେ । ୨୩ ଖେଣ୍ଡେ ନିଜିନି ବେଲତା ଏଚିବେଲ୍ଲା ଏଞ୍ଜାରି ନିଜିନେରି, ଏଚିବେଲ୍ଲା ଏଞ୍ଜାରି ବିଡ୍ରାଟି ଆମ୍ବାଆରି ତକ୍ତି ଆନେ ? ସାଡ଼ା ଜାଣା ଜିକେଏ ଇଟାମାଚେରି ।”

୨୪ ଜୀସୁ ଏଞ୍ଜାରାଇଁ ଏଲେଇଚେସି, “ମିଜେ ହାରେକା ନାଡ଼ିକିନି ଅଣ୍ଡପୁ ମାନେ । ଦାମ୍ବୁ ସାସ୍ତେରି, ଇଞ୍ଜାଁ ମାହାପୁରୁତି ବାଡ଼ୁୟୁତି କାତା ପୁଞ୍ଜାହିଲଅଚେରି । ୨୫ ଏନାଆଁତାକି ଇଚିହୁଁ ହାଡାରି ନିଜିତି ତାୟୁ ଲକୁ ବୀହା ଆଅରି କି ବୀହା ହୀଅରି, ସାମା

ଲାକପୁରୁତି ଦୂଡୁୟାଁଲେହେଁ ତୁୟିନେରି । ୨୬ ଇଞ୍ଜାଁ ହାଡାରି ନିଜିନେରି ଏ କାତାତି ମୀରୁ ମସା ରାଡ଼ିତି ପତିତା ଖେହିମାନି ବୁଟାତି କାକୁ ପଡ଼ୁଡ଼ି ଆହାହିଲଅଚେରି କି ? ମାହାପୁରୁ ଏନିକିଁ ଏଲେଇଞ୍ଜା ମାନେସି, ‘ନାନୁ ଅଗ୍ରାହାମତି ମାହାପୁରୁ, ଇସାହାକତି ମାହାପୁରୁ, ଅଡେ ଜାକୁବତି ମାହାପୁରୁଚେଏଁ ।’ ୨୭ ଏଞ୍ଜାସି ହାଡାରି ମାହାପୁରୁ ଆଏ, ସାମା ଜୀଞ୍ଜୁଗାଟାରି ମାହାପୁରୁ ମୀରୁ ହାରେକା ନାଡ଼ିକିଡ଼ି ଆହାମାଞ୍ଜରି ।”

କାଜା ହୁକୁମି (ମାତି ୨୨:୩୪-୪୦; ଲୁକ ୧୦:୨୫-୨୮)

୨୮ ଏଚିବେଲ୍ଲା ର ମେରା ଜାପୁନାସି ତାଗେ ଖାହାନା ଏଞ୍ଜାରି ବାଡ଼ିବାଦା ଆହିମାଚାଣି ଖେଞ୍ଜାନା ଅଡେ ଜୀସୁ ସାଦୁକି ଲକୁଇଁ ସମାନା କାତା ଖେଣ୍ଡେ ଖେସିମାଚାଣି ଖେଞ୍ଜାନା ଜୀସୁଇଁ ଖେଚେସି, “ଆମିନି ହୁକୁମି ଦାମ୍ବୁପତିତା ବାରେକିହାଁ କାଜାୟି ?”

୨୯ ଜୀସୁ ଏଲେଇଚେସି, “କାଜା ହୁକୁମି ଇଦି ‘ଏ ଇସାୟେଲ ଖେଞ୍ଜୁ; ପ୍ରବୁ ମା ମାହାପୁରୁ ରଣ୍ଡିଏ ପ୍ରବୁ ମାନେସି; ୩୦ ଅଡେ ନୀନୁ ନୀ ବାରେ ହିୟାଁ ବାରେ ଜୀଞ୍ଜୁ ମନ ହୀହାନା ଅଡେ ବାରେ ବାଡ଼ୁୟୁ ତଲେ ପ୍ରବୁ ନୀ ମାହାପୁରୁଇଁ ଜୀଞ୍ଜୁ ନମ୍ବୁ ।’” ୩୧ ଅଡେ ରଣ୍ଡି ଇଦି ନୀନୁ ନୀ ପାଡ଼ିତାଣାଇଁ ନୀ ଜାହାରାଲେହେଁ ଜୀଞ୍ଜୁ ନମ୍ବୁ । ଇ ହୁକୁମିକା ପିସ୍ପେ ଅଡେ ଆମିନି କାଜା ହୁକୁମି ହିଲେଏ ।

୩୨ ଏମ୍ବାଟିଏ ଏ ମେରା ପୁନାସି ଜୀସୁଇଁ ଏଲେଇଚେସି, “ଏ ଗୁରୁ ଏଦି ସାଡ଼ା ମାହାପୁରୁ ରଅସିଏ ଇଞ୍ଜାଁ ଏଞ୍ଜାଣି ପିସ୍ପେ ଅଡେ ଆମ୍ବାଆସି ହିଲଅସି, ଏଦାଆଁ ନୀନୁ ନେହୁଁକିଁ ଖେସ୍ତାଡ଼ି; ୩୩ ଇଞ୍ଜାଁ ବାରେ ହିୟାଁ, ବାରେ ବୁଦି, ବାରେ ବାଡ଼ୁୟୁ ହୀହାନା ଏଞ୍ଜାଣାଇଁ ଜୀଞ୍ଜୁନନାୟି ଇଞ୍ଜାଁ ପାଡ଼ିତାଣାଇଁ ମା ଜାହାରାଲେହେଁ

ଜୀବୁନନାୟି ବାରେ ଜନ୍ମିତ ପୂଜା ହାନି\*  
କିହୀ କାଜାୟି ।”

୩୪ ଏଝାସି ବୁଦିତଲେ ଜଲମାଞ୍ଜାନେସି

ଇଞ୍ଜି ମେସାନା ଜାସୁ ଏଝାଶାଈ  
ଏଲେଇରେସି, “ମାହାପୁରୁତି ରାଜିତି  
ନାନୁ ହେକ ହିଲଅତି । ଏଚେଟିଏ  
ଆମ୍ବାଆସି ଜୀସୁଇଁ ଏନାଆଁ ଖେଞ୍ଜାଲି  
ସାସା କିଆତେସି ।”

କ୍ରୀସ୍ତ ଆମ୍ବାଆରି ମୀରଏସି  
(ମାତି ୨୨:୪୧-୪୬; ଲୁକ ୨୦:୪୧-  
୪୪)

୩୫ ସାମା ଜୀସୁ ପ୍ରାତାନା ଇଲୁତା  
ଜାପୁହି ମାତିବେଲ୍ଲାତା ଏଲେଇରେସି,  
“କ୍ରୀସ୍ତ ଦାଝୁଦ ମୀରଏସି, ଇଦାଆଁ  
ମେରାପୁନାରି ଏନିକ୍ ଏଲେଇନେରି ?  
୩୬ ତାନୁଏ ଦାଝୁଦ ମାହାପୁରୁତି ସୁବୁଜୀଝୁ  
ବେଟାଆହାନା ଖେସାମାଚେସି,  
‘ପ୍ରବୁ ନା ପ୍ରବୁଇଁ ଏଲେଇରେସି,  
ନାନୁ ଏଚେ ପାତେକା ନୀ  
ସାତୁୟାଁଇଁ ନୀ କଡ଼ା ଡ଼ଇ  
କିହାହିଲଆଁ,  
ଏଚେ ପାତେକା ନା ଚିଝନିଝାକି  
କୁଗାମାନାମ୍ ।’

୩୭ ଦାଝୁଦ ତାନୁଏ ଏଝାଶାଈ ପ୍ରବୁ  
ଇଞ୍ଜିମାନେସି; ଆତିହ ଏଝାସି  
ଏନିକ୍ ଦାଝୁଦ ମୀରଏସି ।” ।

ମେରାପୁନାରି ତାଶାଟି ଜାଗ୍ରାତା  
କିନାୟି  
(ମାତି ୨୩:୧-୩୬; ଲୁକ ୨୦:୪୫-୪୭)

୩୮ ମାନ୍ଦା ଲକୁ ରାହାଁଟି ତାନି  
କାତା ଖେଞ୍ଜିମାଚେରି, ଅଡ଼େ ଖେଶ୍ଵେ  
ଏଝାସି ତାନି ଜାପୁହି ମାତି କାତାତା  
ଏଲେଇରେସି, “ମେରାପୁନାରି ତାଶାଟି  
ଜାଗ୍ରାତା, ଏଝାରି ଲାମ୍ବା ହିମ୍ବୁରିକା  
ହୁତାନା ରେଜାଲି ଇଞ୍ଜା ହାଟା ବାଜାରାତା  
ଜହରା ବେଟାଆହାଲି ରାହାଁ ଆନେରି,  
୩୯ ଜୀହୁଦି ଲକୁତି କୁଟମି ଇଲୁତା† କାଜା  
କୁଟ, ବଜିତା ନେହୁଁ ଟାମୁତା କୁଗାଲି  
ପାରିନେରି; ୪୦ ଏଝାରି ରାଢ଼େଣିସିକା

ଇଲୁକା ସେଦିନେରି, ଲକୁଣି ତସାଲି  
ଲାମ୍ବା ପ୍ରାତାନା କିନେରି; ଏଝାରି  
ହାଠେକା ଡ଼ଶ୍ଵ ବେଟାଆନେରି ।”

ରାଢ଼େଣି ଇୟାନି ଦାନା  
(ଲୁକ ୨୧:୧-୪)

୪୧ ତାମୁ ଜୀସୁ ମାହାପୁରୁ ଇଲୁତି  
ଦାନା ପେଡ଼ା ତାଗେ କୁଗାନା  
ଲକୁ ଏମ୍ବାଆଁ ଏନିକ୍ ଦାନା  
ହାହିମାନେରି, ଏଦାଆଁ ସିନିକିହିମାଚେସି  
। ଏଚିବେଲ୍ଲାତା ହାଠେକା ଦନ ଗାଟାରି  
ଗାତି ମେଡ଼ହେରି; ୪୨ ଅଡ଼େ ର ହାକି  
କାକୁଲିଗାଟି ରାଢ଼େଣି ଇୟା ଖାହାନା  
ରୀ ଉଣା ତାମ୍ବାତି ଆଦଲି‡ ଏ ପେଡ଼ାତା  
ମେଡ଼ହେ । ୪୩ ଏଚେଟିଏ ଜୀସୁ ତାନି  
ସୀସୁଣି ତାଗେ ହାଟାନା ଏଲେଇଚେସି,  
“ନାନୁ ମିଙ୍ଗେ ସାତା ଖେସିମାଞ୍ଜାଈ,  
ଦାନା ପେଡ଼ାତା ଟାକାୟାଁ ମେଡ଼ହିମାନି  
ବାରେ ଲକୁ କିହାଁ ଇ ହାକି କାକୁଲିଗାଟି  
ରାଢ଼େଣି ଇୟା ଗାତି ମେଡ଼ହାମାନେ;  
୪୪ ଇଚିହୁଁ ବାରେଜାଣା ତାମି ହାଠେକା  
ଦନଟି ଇଚାଣି ମେଡ଼ହା ମାନେରି, ସାମା  
ଇଦି ତାନି ହିଲ୍ଲାଆବେଲ୍ଲାତା ତାଙ୍ଗେ  
ନୀତାଲି ତାଙ୍ଗେ ଏନାୟି ମାଚେ, ଏ  
ବାରେ ମେଡ଼ହାମାନେ ।”

### ୧୩

ପ୍ରାତାନା ଇଲୁ ନସ୍ତ ଆନାଣି ଜୀସୁ  
ଖେହନାୟି  
(ମାତି ୨୪:୧-୨; ଲୁକ ୨୧:୫-୬)

୧ ଜୀସୁ ମାହାପୁରୁ ଇଲୁଟି ହାଜିମାଚାଟି  
ତାନି ସୀସୁୟାଁ ବିତ୍ରାଟି ରଅସି ଏଝାଶାଈ  
ଏଲେଇଚେସି, “ଏ ଗୁରୁ ମେହମୁ  
ଏନିଲେହେଟି ଅଜିତି ଖାଲୁକା ଅଡ଼େ  
ଏନିଲେହେଟି ଅଜିତି ମେଡ଼ା ଇଲୁକା !”

୨ ଏଚେଟିଏ ଜୀସୁ ଏଝାଶାଈ  
ଏଲେଇଚେସି, “ନାନୁ ଏନାଆଁ ଇ କାଜା  
ମେଡ଼ା ମେସିମାଞ୍ଜି ? ର ଝାଲି ଅର ଝାଲି  
ଲୀକ ଡ଼ୟେଏ, ବାରେ ମେଶ୍ଵାହାନୁ ।”

କସ୍ତ ଅଡ଼େ ସାସି କାତା ଖେହନାୟି  
(ମାତି ୨୪:୩-୧୪; ଲୁକ ୨୧:୭-୧୯)

\* ୧୨:୩୪ ୧୨:୩୪ ଲୁକ ୧୦:୨୫-୨୮ † ୧୨:୩୯ ୧୨:୩୯ ସିନଗର୍ ‡ ୧୨:୪୨ ୧୨:୪୨ ରା ଉଣା ତାମ୍ବାତି  
ଆଦଲି, ରୀ ଆଟାଅଣା ର ଟାକାଟି କାଜା ଆଦଲି ସମାନା, ଏଡ଼ି ଗ୍ରିକ୍ ତଲେ ଉଣା ଆଦଲିତି “ଲେପଟସ୍” କାଜା  
ଆଦଲିତି “କଡ଼ାନ୍‌ଟସ୍” ଇନେରି ।



୩ ତାହୁଁ ପ୍ରାଚୀନା ଇଲୁ ନକିତା ମାନି ଜୀତ ହରୁ ଲାକ କୁଗାଲିଏ ପିତର, ଜାକୁବ, ଜହନ, ଅଡ଼େ ଆନ୍ଦ୍ରିୟ ତାନି ତାଣା ମେଣେଏ ଖାହାନା ଖେଚେରି, “ଇ ବାରେ ଏଚେଲା ଆନେ, ୪ ଅଡ଼େ ଆମିନି ବେଲାତା ଇ ବାରେ ଗଟଞ୍ଜି ଆନେ ଏ ବେଲାତି ସିନା ଏନାୟି, ଏଦାଆଁ ମାଜେ ଖେସ୍ତାମୁ ।”

୫ ଏମ୍ବାଟିଏ ଜୀସୁ ଏଞ୍ଜରାଜ୍ ଏଲେଇଚେସି, “ଜାଗ୍ରାତା, ଆମ୍ବାଆସି ଏନିକ୍ ମିଜେ ନାଡ଼ି କିୟଅସି । ୬ ହାରେକା ନା ଦରୁତଲେ ଖାହାନା, ‘ନାନ୍ ଏଞ୍ଜାତେଏଁ’ ଇଞ୍ଜ ହାରେକା ଲକୁଣି ନାଡ଼ି କିନେରି । ୭ ସାମା ମୀରୁ ଏଚିବେଲା ଜୁଜୁତି କାତା ଅଡ଼େ ଗଡ଼ହାତି ହାଡ଼ା ଖେଞ୍ଜେରି, ଏଚିବେଲା କିଲିବିଲି ଆଆଦୁ; ଏ ବାରେ ଆନାୟି ମାନେ, ସାମା ଏ କାଲା ଜିକେଏ ଜୁଗୁ ରାନାୟି ଆଏ । ୮ ଇଚିହଁ ଦେସା କପାଟି ଦେସା, ରାଜି କପାଟି ରାଜି ନିଜିନେ, ବାରେଞ୍ଜାକି ବୁମି ଖୀତିନେ ଅଡ଼େ କାଡ଼ାରା ଆନେ; ଇ ବାରେ କକାରି ପଦାୟାଁ ଆନାଟି ଲୁଞ୍ଜିନି ବୀସା ଲେହେଁ ।”

୯ \*ସାମା ମୀରୁ ମିଜେ ତାକି ଜାଗ୍ରାତା ଆହାମାଞ୍ଜୁ; ଲକୁ ମିଜେ ନୀହାୟି କିନି ତାଣା ଦସାନା ଅୟାନେରି, ଅଡ଼େ ମିଜେ ଜୀହୁଦି ଲକୁଡ଼ି କୁଟମି ଇଲକାଣା\* ଖେତାନେରି, ଇଞ୍ଜା ନା ତାକି ସାଲଞ୍ଜି କିନାରି ତାଣା ରାଜାୟାଁ ନକିତା ନିଦେରି, ଏଞ୍ଜାରି ନକିତା ସାକି ଆଡ଼େରି । ୧୦ ଇଞ୍ଜା ବାରେ କୃଡ଼ା ନକିତା ନେହଁ କାରୁ ନଚେଏ ଖେସ୍ତପି ଆନେ । ୧୧ ଇଞ୍ଜା ଏଚିବେଲା ଲକୁ ମିଜେ ଅହାନା ହେରୁପାନେରି, ଏଚିବେଲା ମୀରୁ ଏନାଆଁ ଜଲିଦେରି, ଏ କାତା ନଚେଏ ଅଣ୍ଡପାଆଦୁ, ସାମା ଏ ବେଲାତା ମିଜେ ଏନାଆଁ ଜଲାଲି ହୀପୁକିଆନେ ଏଦାଆଁ ଖେହ୍ଦୁ; ଇଚିହଁ ମୀରୁ ଜଲିନାତେରି ଆଏ ସାମା ସୁଦୁଜୀଞ୍ଜୁ ଜଲିନାୟି । ୧୨ ତାୟି ତାୟିଇ ଅଡ଼େ

ତାଞ୍ଜି ମୀରଏଣାଇଁ ହାହାଲି ତାକି ହେରପିନେରି; ଇଞ୍ଜା ମୀରକା ତାଲି ତାଞ୍ଜି କପାଟି ନିଜାମା ଏଞ୍ଜରାଜ୍ ପାୟିନେରି; ୧୩ \*ଅଡ଼େ ନାଜେତାକି ବାରେ ଲକୁ ମିଜେ ଅପଅରି; ସାମା ଆମ୍ବାଆସି ରାନ୍ତି ପାତେକା ସାସା ଆସାନା ଡ଼ୟିନେସି ଏଞ୍ଜାସି ଗେଲ୍ପି ଆନେସି ।

ନାସା ଆନ୍ତି କାଲମି  
(ମାତି ୨୪:୧୫-୨୮; ଲୁକ ୨୧:୨୦-୨୪)

୧୪ ମୀରୁ ଏଚିବେଲା ଏ ନାସାକିନି ଅପାଆଗାଟି ଆସି ଆମିନି ତାଣା ଡ଼ୟିନି କାତା ହିଲେଏ, ଏମ୍ବାଆଁ ଡ଼ୟାମାନାଣି ମେହ୍ଦେରି (ପଡ଼ଞ୍ଜି ଆନାରି ତେଲହାପେରି) ଏଚିବେଲା ଆମ୍ବାଆରି ଜୀହୁଦା ଦେସାତା ମାନେରି, ଏଞ୍ଜାରି ହରକାଣା ହଣପେରି; ୧୫ \*ଆମ୍ବାଆସି ଇଲୁ ଲାକ ମାନେସି, ଏଞ୍ଜାସି ଇଲୁ ବିତ୍ରା ଖାହାନା ଏନ୍ତି ଦିଶସୁ ଅହାଲି ରେଚା ଖାଆପେସି କି ବିତ୍ରା ହାଲାଆପେସି; ୧୬ ଇଞ୍ଜା ଆମ୍ବାଆସି ବାଡ଼ାତା ମାନେସି, ଏଞ୍ଜାସି ତାନି ହିମ୍ବୁରି ଅହାଲି ଖେଣ୍ଡେ ଖାଆପେସି । ୧୭ ଏ ବେଲାତା ଆମିନି ଗାଟାଇ ପୁରାମାସା ଆହାମାନୁ ଇଞ୍ଜା ପାଲୁ ଉଚ୍ଚିମାନୁ, ଏ ଦିନା ଆୟତା ଏଞ୍ଜି ଏତେକା କସ୍ତ ବେଟାଆନୁ । ୧୮ ସାମା ଏଦି ଏନିକ୍ ପେନି ବେଲାତା ଆଏ ଏଦାଆଁତାକି ପ୍ରାଚୀନା କିପୁ । ୧୯ \*ଇଚିହଁ ଏ କାଲାତା ଇଲେତି କସ୍ତ ଖାନେ, ମାହାପୁରୁ ଗାଡ଼ିକିତି ଦିନାଟିଏ ନୀଞ୍ଜୁପାତେକା ଏଲେକ୍ ଆହା ହିଲେଏ, ଇଞ୍ଜା ଏଲେକ୍ ଏଚେଲାଞ୍ଜା ଆଏ । ୨୦ ସାମା ପ୍ରବୁ ଏ ଲାଗେଏତି କାଲାଜ୍ ଡ଼ଣା କିହାମାନେସି । ଏଲେ କିହାହିଲାଆତମା, ଏଦି ଏମ୍ବାଟି ଆମ୍ବାଆରି ଗେଲ୍ପି ଆଆତେରିମା । ତାନି ଆଡ଼ଞ୍ଜିଆଡ଼ି ଲକୁତାକି ଏ କାଲା ଡ଼ଣା କିହାମାନେସି ।

୨୧ “ଏଚିବେଲା ‘ମେହ୍ଦୁ କ୍ରୀସ୍ତ ଇମ୍ବାଆଁ’ ଅଡ଼େ ‘ଏମ୍ବାଆଁ’ ଇଞ୍ଜ ଲକୁ

\* ୧୩:୯ ୧୩:୯ ମାତି ୧୦:୧୭-୨୦; ଲୁକ ୧୨:୧୧,୧୨ ୧୦:୨୨ \* ୧୩:୧୫ ୧୩:୧୫ ଲୁକ ୧୭:୩୧ \* ୧୩:୧୯ ୧୩:୧୯ ଖେ ବଲୁ ୭:୧୪ \* ୧୩:୧୩ ୧୩:୧୩ ମାତି

ମିଙ୍ଗେ ଖେସ୍ତାନେରି, ଆଡିହୁଁ ମୀରୁ ଏଦାଆଁ ନାମାଆଦୁ । ୨୨ ନାଡ଼ିକିନି କ୍ରୀସ୍ତ ଅଡ଼େ ମାହାପୁରୁ ବଲୁ ମିତି ଖେହ୍ନାରି ନିଙ୍ଗାନା ଇଲେତି ସିନା ଅଡ଼େ କାବାଆନି କାମାୟାଁ ତହ୍ନେରି, ଆଡ଼ିତିହୁଁ, ଆଡ଼ିଆଡ଼ି ଲକୁଣି ଜିକେଏ ନାଡ଼ି କିନେରି । ୨୩ ସାମା ମୀରୁ ଜାଗ୍ରାତା ଆହାମାଞ୍ଜୁ; ନାନୁ ମିଙ୍ଗେ ତଲିଏ ବାରେ ଖେସିମାଞ୍ଜାଇଁ ।

ମାଣସି ମୀରୁଏସି ଖେଣ୍ଡେ ଖାନାୟି  
(ମାତି ୨୪:୨୯-୩୧; ଲୁକ ୨୧:୨୫-୨୮)

୨୪ ଶ୍ଵାମା ଏ ବେଲାତି ଏ କସ୍ତ ତାୟୁ ଖେଡ଼ା ଆଦେରି ଆନେ ଅଡ଼େ ଲେଞ୍ଜୁ ଉଜେଡ଼ି ହାଏ, ୨୫ ଶୁକାୟାଁ ହାଗୁଟି ତରଗାଲି ମାଟ୍ଟୁ ଅଡ଼େ ହାଗୁ ଲାକତି ବାଡ଼ୁୟୁ ବାରେ କିଲିବିଲି ଆନେ । ୨୬ ଏତିବେଲା ଲକୁ ମାଣସି ମୀରୁଏଶାଇଁ କାଜା ବାଡ଼ୁୟୁଟି କାଜାପାଣା ତଲେ ହାଗୁ ଲାକତି ଖାନାଣି ମେହ୍ନେରି । ୨୭ ଏତିବେଲା ଏଝାସି ଦୁଡୁୟାଁଣି ପାଣ୍ଡାନା ଦାରତି ମୁଟ୍ପେତି ସାରିଝାକିତି ତାନି ଆଚାମାନି ଲକୁଣି ରୁଣ୍ଡା କିନେସି ।

ତୟା ମାରୁନୁଟି ଜାପିନାୟି  
(ମାତି ୨୪:୩୨-୩୫; ଲୁକ ୨୧:୨୯-୩୩)

୨୮ ତୟା ମାରୁନୁ ପୁଣ୍ଡି କିନି କାତାଟି ଜାପାଦୁ । ଏତିବେଲାତା ଏ ମାରୁନୁତା କଡ଼ଗି କମାୟାଁ ଅଡ଼େ ଗଖେଡ଼ି ଗାଲୁନୁ, କାରା କାଲମି ଖାଡ଼େ ଇଞ୍ଜୁଁ ପୁଞ୍ଜେରି । ୨୯ ଏଲେକିହୁଁଏ ମୀରୁ ଜିକେଏ ଇ ବାରେ ମେସିସାରେ ଏଝାସି ଦୁଞ୍ଜେରି ତାଗେ ମାନେସି ଇଞ୍ଜୁଁ ପୁଞ୍ଜେରି । ୩୦ ନାନୁ ମିଙ୍ଗେ ସାତା ଖେସିମାଞ୍ଜାଇଁ ଇ ବାରେ ଆଆପାତେକା ଇ କାଲାତି ଲକୁ ଏନିଜିକେଏ ମେଣ୍ଡାକ୍ଷଅରି । ୩୧ ହାଗୁପାକା ଦାରତି ବାରେ ମେଣ୍ଡାକ୍ଷନେ, ସାମା ନା ବଲୁ ଏଚେଲାଝା ମେଣ୍ଡାକ୍ଷଏ ।”

ଆମ୍ବାଆସି ଇ ଦିନା ଅଡ଼େ ବେଲାତି ପୁନଅସି  
(ମାତି ୨୪:୩୬-୪୪)

୩୨ ଶ୍ଵାମା ଏ ଦିନା କି କାଲାତି କାତା ଆମ୍ବାଆରି ପୁନଅରି, ଲାକପୁରୁତି ଦୁଡୁୟାଁ କି ମୀରୁଏସି ଜିକେଏ ପୁନଅସି, ଖାରୁଇ ଆବାଦେଁ ପୁନେସି । ୩୩ ମୀରୁ ଜାଗ୍ରାତା ଆହାନା ମାଞ୍ଜୁ, କାଚାନା ମାଞ୍ଜୁ; ଇତିହୁଁ ଏ ବେଲା ଏଚେଲା ଆନେ ଏଦାଆଁ ମୀରୁ ପୁନଅଡେରି । ୩୪ ଏଡ଼ି ଇଲେକିହୁଁ, ର ମାଣସି ତାନି ଇଲୁ ପିସାନା ହେକ ରାଜିତା ହାନେସି, ଅଡ଼େ ତାନି ହଲିୟାଙ୍ଗାଣି ବାରେ କାମାତି ଅଦିକାରା ହାତେସି ଇଞ୍ଜା ଦୁଞ୍ଜେରିତା କାଚାଲି ଜିକେଏ ହୁକୁମି ହାତେସି । ୩୫ ଏଦାଆଁତାକି କାଚାନା ତୟାମୁ; ଇତିହୁଁ ନାନୁ ପୁଞ୍ଜାହିଲଅତି ଇଲୁତି ସାଝୁକାରି ଏଚେଲା ଖାନେସି, ମିଡ଼ଅଲା କି ମାଦି ଲାଆଁୟାଁ, ଖେୟାଆ ନକେଏ କି ଖେଡ଼ା ହନି ବେଲାତା ଏଝାସି ଖାନେସି । ୩୬ ଏଝାସି ଦେବୁଣିଏ ଖାଡ଼ିସାରେ ମୀରୁ ହୁଞ୍ଜାମାନାଣି ମେସ୍ତାଆପେସି । ୩୭ ନାନୁ ମିଙ୍ଗେ ଏଦାଆଁ ଖେସିମାଞ୍ଜାଇଁ, ଏଦାଆଁ ବାରେତି ଖେସିମାଞ୍ଜାଇଁ, ଜାଗ୍ରାତା ମାଞ୍ଜୁ ।

## ୧୪

ଜୀସୁଇଁ ଆସାଲି ପାରୁ ପାରିନାୟି  
(ମାତି ୨୬:୨-୫; ଲୁକ ୨୨:୧-୨; ଜହ ୧୧:୪୫-୫୩)

୧ ପିସପିଆନି ପାରୁ ଇଞ୍ଜା ପୁଲାଏୟୁ ଆଣ୍ଡାଆତି ରୁଟି ତିନି ପାରୁ ଆହାଲି ରୀ ଦିନା ମାଚେ । ଏତିବେଲାତା କାଜା ପୂଜେରାଙ୍ଗା ଇଞ୍ଜା ମେରା ପୁନାରି ଏନିକ୍ ଏଝାଶାଇଁ ନାଡ଼ିକିହାଁ ଆସାନା ପାୟିନେରି ଏଦାଆଁତାକି ପାରୁ ପାରିମାଚେରି । ୨ ଇତିହୁଁ ଏଝାରି ଏଲେଇଚେରି, “ପାରୁଁ ବେଲାତା ଆଏ ଏଚେତା ଲକୁ ଗଡ଼ହା କିନେରି ।”

☆ ୧୩:୨୪ ୧୩:୨୪ ଖେ ବଲୁ ୬:୧୨ ☆ ୧୩:୨୫ ୧୩:୨୫ ଖେ ବଲୁ ୬:୧୩ ☆ ୧୩:୨୬ ୧୩:୨୬ ଖେ ବଲୁ ୧:୭ ☆ ୧୩:୩୨ ୧୩:୩୨ ମାତି ୨୪:୩୬ ☆ ୧୩:୩୪ ୧୩:୩୪ ଲୁକ ୧୨:୩୬-୩୮

ବେତନିୟାତା ଜୀସୁ ତାୟଁ ତୁ ନିହଁ  
 ଝାକ୍‌ନାୟି  
 (ମାତି ୨୬:୬-୧୩; ଜହ ୧୨:୧-୮)

୩ ଜୀସୁ ବେତନିୟାତା କାଜା ରଗଗାଟି  
 ସିମନ ଇଜ ତିଞ୍ଜାଲି କୁଗାମାଗାଟି ର  
 ଇୟା ର ଗାଜୁତା ହାଟେକା ଦାରାତି  
 ଗାନ୍ଦା ନିହଁ ତାଚାନା ଗାଜୁତି ଦେଚାନା  
 ଜୀସୁ ତାୟଁ ତୁ ଝାକ୍‌ହାଲି ମାଟ୍‌ହେ ।  
 ୪ ସାମା ଏଚେକା ଲକୁ କାର୍‌ବି ଆହାନା,  
 ତାମ୍‌ତୁତାମ୍‌ସୁ ଝେସ୍‌ପି ଆଡେରି, “ନିହଁ  
 ଏନାଆଁତାକି ନସ୍‌ଥ ଆଡେ ? ୫ ଇ ନିହଁ  
 ସାଡାକଡ଼ି ଦସଟାକା କିହଁ ଆଗାଡ଼ା  
 ପାର୍‌ପି ଆହାନା ହାକି ଗାଟାରାକି ହାପକି  
 ଆହାଲି ଆଡ଼ିତେମା” ଏଦାଆଁତାକି  
 ଏଞ୍ଜାରି ଏ ଇୟାନି ଲାଗାଲି ମାଟ୍‌ହେରି  
 ।

୬ ସାମା ଜୀସୁ ଏଲେଇଚେସି, “ଏଦାନି  
 ପିହ୍‌ଦୁ; ଏନାଆଁତାକି କସ୍‌ ହାହିମାଞ୍ଜେରି  
 ? ଏଡି ନାଞ୍ଜେତାକି ନେହଁ କିହାମାନେ  
 । ୭ ଇଚିହଁ ହାକି ଗାଟାରି କାଟେଲଏ ମୀ  
 ତାଣା ମାନେରି, ଅଡେ ମିଙ୍ଗେ ଏଚେତା  
 ମନ ଏଚେତା ଏଞ୍ଜାରି ସାୟେମି କିହାଲି  
 ଆଡ଼ିଦେରି; ସାମା ନାନୁ କାଟେଲଏ ମୀ  
 ତାଣା ଡୟଅଁ । ୮ ଏଡି ଏନାଆଁ ଆଡ଼ିନାୟି  
 ମାନେ ଏଦାଆଁ କିହାମାନେ; ଏଡି ନା  
 ଆଙ୍ଗାତି ମୁସାଲି ତାକି ତଲିଏ ନିହଁ  
 ଝାକ୍‌ହାନା ତିୟାରା କିହାମାନେ । ୯ ନାନୁ  
 ମିଙ୍ଗେ ସାତା ଝେସିମାଞ୍ଜାଇଁ, ବାରେ  
 ଦାରତିତା ଆମ୍‌ୟା ଜିକେଏ ନେହଁ  
 କାରୁ ଝେକ୍‌ନେରି, ଏ ଟାୟୁତା ଇ ଇୟାନି  
 ଅଣ୍‌ପାଲିତାକି ଏଦାନି ଇ କାମାତି କାତା  
 ଜିକେଏ ଝେସ୍‌ପି ଆନେ ।”

ଜୀହୁଦା ଜୀସୁ ଆସ୍‌ପି କିହାଲି ରାଜି  
 ଆନାୟି  
 (ମାତି ୨୬:୧୪-୧୬; ଲୁକ ୨୨:୩-୬)

୧୦ ଏମ୍‌ାଟିଏ ବାରଜାଣା ବିତ୍ରାଟି  
 ଇୟାରିୟତ ଜୀହୁଦା ଦରୁଗାଟାସି ରଅସି  
 ଜୀସୁଇଁ କାଜା ପୂଜେରାଙ୍ଗା କେୟୁତା  
 ହେର୍‌ପାଲି ଏଞ୍ଜାରିତାଣା ହାଚେସି ।  
 ୧୧ ଏଞ୍ଜାରି ଏଦାଆଁ ଝେଞ୍ଜାନା ରାହଁ  
 ଆଡେରି, ଇଞ୍ଜା ଏଞ୍ଜାଣାକି ଟାକାୟଁ  
 ହାହାଲି ଆଞ୍ଜିଚେରି, ଏମ୍‌ାଟିଏ ଏଞ୍ଜାସି

ଏଞ୍ଜାଣାଇଁ ଆସ୍‌ପି କିହାଲି ନେହଁ ପାରୁ  
 ପାରିଚେସି ।

ତାନି ସୀସୁୟଁ ତଲେ ପିସ୍‌ପିଆନି  
 ପାର୍‌ବୁତି ବଜି  
 (ମାତି ୨୬:୧୭-୨୫; ଲୁକ ୨୨:୬-  
 ୧୪, ୨୧-୨୩; ଜହ ୧୩:୨୧-୩୦)

୧୨ ତାୟୁ ପୁଲ୍‌ାଗୁଣ୍ଡା ଆଣ୍ଡାଆତି ରୁଟି  
 ତିନି ପାର୍‌ବୁତି ମୂଲୁ ଦିନାତା ଆମିନି ନେରୁ  
 ପିସ୍‌ପିଆନି ପାର୍‌ବୁତି ମେଣ୍ଡା ତାଲୁତି  
 ହେର୍‌ପିଆନେ, ଏ ଦିନା ତାନି ସୀସୁୟଁ  
 ଏଞ୍ଜାଣାଇଁ ଝେଚେରି, “ମାମ୍‌ହାଜାନା  
 ଆମିନି ଟାୟୁତା ନିଙ୍ଗେତାକି ପିସ୍‌ପିଆନି  
 ପାର୍‌ବୁତି ବଜି କିନମି ଇଞ୍ଜଁ ନୀନୁ  
 ଅଣ୍‌ପିମାଞ୍ଜ ?”

୧୩ ଏମ୍‌ାଟିଏ ଏଞ୍ଜାସି ତାନି ସୀସୁୟଁ  
 ବିତ୍ରାଟି ରିଆରାଇଁ ଏଲେଇଞ୍ଜା  
 ପାଣ୍ଡିଚେସି, “ମୀରୁ ଗାଡ଼ାତା ହାଜୁ ଇଞ୍ଜା  
 ଏୟୁ ଡକା ଅହିମାନି ରଅସି ମିଙ୍ଗେ  
 ବେଟାଆୟାନେସି; ଏଞ୍ଜାଣି ଜେଟ ଜେଟ  
 ହାଜୁ; ୧୪ ଏଞ୍ଜାସି ଆମିନି ଇଜ ହଡ଼ନେସି,  
 ଏ ଇଲୁ ଗାଟାଣାଇଁ ଝେଞ୍ଜୁ, ‘ଗୁରୁ  
 ଝେଞ୍ଜିମାଞ୍ଜାନେସି, ନାନୁ ନା ସୀସୁୟଁ  
 ତଲେ ଆମିନି ଟାୟୁତା ପିସ୍‌ପିଆନି  
 ପାର୍‌ବୁତି ବଜି କିହାଲି ଆନେ ଏ ବାକ୍ତା  
 ଆମିନାୟି ?’ ୧୫ ଏଚେଟିଏ ଏଞ୍ଜାସି ମିଙ୍ଗେ  
 ନେହଁ କଁ ତିୟାରା ଆହାମାନି ଲାକନି  
 ପାରୁତି ର କାଜା ବାକ୍ତା ତସ୍ତାନେସି;  
 ଏମ୍‌ାଆଁ ମାଙ୍ଗେତାକି ରାନ୍ଦା ଝାଜାଦୁ ।”

୧୬ ଏମ୍‌ାଟିଏ ସୀସୁୟଁ ହାଜାନା  
 ଗାଡ଼ାତା ହଚେରି, ଇଞ୍ଜା ଏଞ୍ଜାସି  
 ଏଞ୍ଜାରାଇଁ ଏନିକଁ ଝେସାମାଚେସି,  
 ଏଲେକଁ ମେସାନା ପିସ୍‌ପିଆନି ପାର୍‌ବୁତି  
 ବଜି ଝାଜିଚେରି ।

୧୭ ମିଡ଼ଅଲ୍‌ା ଆହାଲିଏ ଜୀସୁ  
 ବାରଜାଣା ସୀସୁୟଁ ତଲେ ଝାଡେସି ।  
 ୧୮ ଏଞ୍ଜାରି କୁଗାନା ରାନ୍ଦା ତିଞ୍ଜି ମାଗାଟି  
 ଜୀସୁ ଏଲେଇଚେସି, “ନାନୁ ମିଙ୍ଗେ ସାତା  
 ଝେସିମାଞ୍ଜାଇଁ, ମୀ ବିତ୍ରାଟି ରଅଚେରି  
 ନାଙ୍ଗେ ସାତୁ କେୟୁତା ହେର୍‌ପାଦେରି  
 ।”

୧୯ ଏମ୍ବାଟିଏ ଏଝାରି ଦୁକୁ ଆହାନା ରଅ  
ରଅରି ଏଝାଣାଇଁ ଝେଞ୍ଜାଲି ମାଟ୍‌ହେରି,  
“ନାନୁ ଏଝାତେଏଁ କି ?”

୨୦ ଜୀସୁ ଏଝାରାଇଁ ଏଲେଇରେସି,  
“ବାରେଜାଣା ବିତ୍ରାଟି ରଅସି, ଆମ୍ବାଆସି  
ନା ତଲେ ସାଡ଼ଝାତା କେୟୁ ମେଡ଼ହି  
ମାନେସି । ୨୧ ମାଣସି ମୀରଏଣା  
କାତା ଏନିକ୍ ରାସ୍‌କି ଆହାମାନେ,  
ଏଲେକିହି ଏ ହାନେସି ସାତା, ସାମା  
ଆମିନି ଲକୁ ତାଣାଟି ମାଣସି ମୀରଏସି  
ସାତୁ କେୟୁତା ହେରପିଆନେସି,  
ଆୟତା ଏଝାଣି ତଣ୍ଡୁ ! ଏ ଲକୁତି ଜାନି  
ଆହାହିଲାଆତିହିଁ ଏଝାଣାକି ନେହେଁ  
ଆଡ଼ତମା ।”

ପ୍ରବୁତି ବକ୍ତି

(ମାତି ୨୭:୨୭-୩୦; ଲୁକ ୨୨:୧୪-  
୨୦; ୧କର ୧୧:୨୩-୨୫)

୨୨ ଏଝାରି ତିଞ୍ଜି ମାଚାଟି ଜୀସୁ ରୁଟି  
ଅହାନା ମାହାପୁରୁଇଁ ଜହରା କିହାନା  
ଏଦାଆଁ ଡିକହା ହାହାନା ଏଲେଇରେସି,  
“ଅନୁ ତିଞ୍ଜୁ, ଇଦି ନା ଆଜ୍ଞା ।”

୨୩ ଇଞ୍ଜାଁ ଏଝାସି ଗହ୍‌ନି ସଲ୍ଲା ଆସାନା  
ମାହାପୁରୁଇଁ ଜହରା କିହାଁ ଏଝାରାକି  
ହୀତେସି, ଇଞ୍ଜାଁ ବାରେଜାଣା ଏଦାଆଁ  
ଗସ୍‌ପେରି । ୨୪ ଇଞ୍ଜାଁ ଜୀସୁ ଏଝାରାଇଁ  
ଏଲେଇରେସି, “ଆମିନି ରାଜିମାନା  
ନେତେରି ହାରେକା ଲକୁତାକି  
ଝାଜ୍ଞାମାନେ, ଇଦି ଏ ନା ନେତେରି ।  
୨୫ ନାନୁ ମିଙ୍ଗେ ସାତା ଝେସିମାଞ୍ଜାଇଁ,  
ଆମିନି ଦିନା ମାହାପୁରୁତି ରାଜିତା ପୁଃନି  
କିହିଁ ଅଜ୍ଞୁରି ପାଡ଼େୟିତି ରାସା ଗହ୍‌ଇଁ  
ଏ ଦିନା ପାତେକା ଇଦାଆଁ ଅଡ଼େ ନାନୁ  
ଏରେଲା ଗହ୍‌ଆଁ ।”

୨୬ ଇଞ୍ଜାଁ ଏଝାରି ଜହରା ପାରୁ ପାଡ଼ିତି  
ତାୟୁ ଜୀତ ହରୁତା ହଡ଼ା ହାଚେରି ।

ପିତର ଜୀସୁଇଁ ପୁଞ୍ଜାହିଲଅଁ ଇନି  
କାତା

(ମାତି ୨୭:୩୧-୩୫; ଲୁକ ୨୨:୩୧-  
୩୪; ଜହ ୧୩:୩୬-୩୮)

୨୭ ଏରିବେଲା ଜୀସୁ ଏଝାରାଇଁ  
ଏଲେଇରେସି, “ମୀରୁ ବାରେ ପିସା

ହାଜାଦେରି, ଇଚିହିଁ ରାସ୍‌କି  
ଆହାମାନେ, ନାନୁ ମେଣ୍ଡା ଗଡ଼ୁ ପାୟିଇଁ  
ଇଞ୍ଜାଁ ମେଣ୍ଡାୟାଁ ଆଲାରା ଆହାହାନୁ ।  
୨୮ \*ସାମା ନାନୁ ହାହାନା ଝେଣ୍ଡେ ନିଜିତି  
ତାୟୁ ମୀ ନକିତା ଗାଲିଲିତା ହାଇଁ ।”

୨୯ ଏମ୍ବାଟିଏ ପିତର ଏଲେଇରେସି,  
“ବାରେଜାଣା ପିସା ହାଜାନେରି ନାନୁ  
କଡ଼େ ନିଙ୍ଗେ ଏରେଲା ପିସୁଆଁ ।”

୩୦ ଜୀସୁ ପିତରଇଁ ଏଲେଇରେସି,  
“ନାନୁ ନିଙ୍ଗେ ସାତା ଝେସିମାଞ୍ଜାଇଁ, ନୀଞ୍ଜୁ  
ଇ ଲାଆଁୟାଁ କୟୁ ରୀ ଦେବା କେଣ୍ଡାଆ  
ମାନାଟିଏ, ନାନୁ ଏଝାଣାଇଁ ପୁଞ୍ଜାହିଲଅଁ  
ଇଞ୍ଜୁଁ ତାନିପାଲି ଏଲେଇଞ୍ଜି ।”

୩୧ ସାମା ପିତର ଆଡ଼ଝା ତଲେ  
ଏଲେଇରେସି, “ନାଙ୍ଗେ ନୀ ତଲେ  
ହାହାଲି ଆଡ଼ି ଜିକେଏ ନାନୁ ନିଙ୍ଗେ  
ଏରେଲା ପୁଞ୍ଜାହିଲଅଁ ଇଞ୍ଜୁଆଁ ।” ଇଞ୍ଜାଁ  
ବାରେଜାଣା ଜିକେଏ ଏଲେଇରେରି ।

ଜୀସୁ ଗେଡ଼ସିମନିତା ପ୍ରାତାନା  
କିନାୟି

(ମାତି ୨୭:୩୬-୪୬; ଲୁକ ୨୨:୩୯-  
୪୬)

୩୨ ତାୟୁ ଏଝାରି ଗେଡ଼ସିମନି  
ଇନି ର ଚାୟୁତା ଝାଡ଼େରି, ଇଞ୍ଜାଁ  
ଜୀସୁ ତାନି ସୀୟୁୟାଁଇଁ ଏଲେଇରେସି,  
“ନାନୁ ପ୍ରାତାନା କିହିମାନି ପାତେକା  
ଇୟାଆଁ କୁଗାନା ମାଞ୍ଜୁ ।” ୩୩ ଇଞ୍ଜାଁ  
ଏଝାସି ପିତର, ଜାକୁବ ଅଡ଼େ ଜହନଇଁ  
ତାନିତଲେ ଅଡ଼େସି । ଏଝାସି ହାରେକା  
ଦୁକୁତି କସ୍ତ ତାକି କିଲିବିଲି ଆଡ଼େସି  
। ୩୪ ଏରେଟିଏ ଜୀସୁ ଏଝାରାଇଁ  
ଏଲେଇରେସି, “ନା ଜୀସୁ ହାନିଲେହେଁ  
ହାରେକା କିଲିବିଲି ହଡ଼ିମାଞ୍ଜାନେ; ମୀରୁ  
ଇୟାଆଁ ତେଃଏଲାନା କାଡ଼ାମାଞ୍ଜୁ ।”

୩୫ ଜୀସୁ ନକିତା ହାଜାନା ବୁମିତା ମୁନୁ  
କୁତିତେସି, ଅଡ଼େ ଆହାଲି ଆଡ଼ିତିହିଁ ,  
ଏ ଦୁକୁ ଏଝାଣି ତାଣାଟି ଏନିକ୍ ହେକ  
ଆନେ, ଏଦାଆଁତାକି ପ୍ରାତାନା କିତେସି ।  
୩୬ ଇଞ୍ଜାଁ ଜୀସୁ ଏଲେଇରେସି, “ଆବା,  
ନାନୁ ବାରେଏ କିହାଲି ଆଡ଼ିଦି; ଇ

\* ୧୪:୨୮ ୧୪:୨୮ ମାତି ୨୮:୧୭

କସ୍ତ୍ର ବାଦା ନା ତାଣାଟି ହେକ କିମ୍ବୁ; ଆଡ଼ିଜିକେଏ ନା କାତା ଆଏ ନୀ କାତେଏ ଆପେ ।”

୩୭ ଇଞ୍ଜା ଏଝାସି ଝାହାନା ସୀସୁୟାଁ ଇଦା କିତାଣି ମେସ୍ତେସି, ଇଞ୍ଜା ପିତରଇଁ ଏଲେଇଚେସି, “ସିମନ ନୀନୁ ତୁରିତିକି ? ଗାଡ଼େକା ଜିକେଏ କାଚାଲି ଆଡ଼ାଆତେରି ? ୩୮ ଏଦାଆଁତାକି କାଚାନା ପ୍ରାତାନା କିଦୁ; ଏନିକିଁ ମୀରୁ ପାନ୍ଦାତା ହେରଅତେରି, ମନ ମାନେ ସାତା, ଆଜ୍ଞାତା ବାଡ଼ୁୟୁ ହିଲେଏ ।”

୩୯ ଏଝାସି ଅଡ଼େ ଝେଶ୍ଟେ ହାଜାନା ତଲିତିଲେହେଁ ପ୍ରାତାନା କିତେସି । ୪୦ ଅଡ଼େ ଝେଶ୍ଟେ ଝାହାନା ଏଝାସି ଏଝାରାଇଁ ଇଦା କିହାମାନାଣି ମେସ୍ତେସି, ଇତିହଁ ଏଝାରି କାଶିକା ପଜ୍ଝି ଆହିମାଚୁ, ଇଞ୍ଜା ଏଝାରି ଏଝାଣାଇଁ ଏନାଆଁ ଜଲିନେରି ପୁଞ୍ଜାଲି ଆଡ଼ାଆତେରି ।

୪୧ ଜୀସୁ ତାନି ଦେବା ଝାହାନା ସୀସୁୟାଁଇଁ ଏଲେଇଚେସି, “ମୀରୁ ଗାଡ଼େକା ତୁରାନା ଜମାଦୁ; ହାରେକା ବେଲା ଆଡ଼େୟିଏ, ଏ ବେଲା ଏଗାଝାହିମାନେ; ମେହ୍ଦୁ ମାଣ୍ଡସି ମୀରୁଏସି ସାତୁୟାଁ କେୟୁତା ହେରପି ଆହିମାନେସି । ୪୨ ନିଜ୍ଞାଦୁ, ମାର ହାନ, ମେହ୍ଦୁ ଆମ୍ବାଆସି ନାଜେ ସାତୁୟାଁ କେୟୁତା ହେରପାନେସି ଏଝାସି ଏଗାଝାଡ଼େସିଏ ।”

ଜୀସୁ ସାତୁ କେୟୁତା ହେରପି ଆନାୟି

(ମାତି ୨୭:୪୭-୫୨; ଲୁକ ୨୨:୪୭-୫୩; ଜହ ୧୮:୩-୧୨)

୪୩ ଏ ଦେବୁଣିଏ ଜୀସୁ ଝେସିମାତି ବେଲାତା, ବାରଜାଣା ବିତ୍ରାଟି ଜୀହୁଦା ଦରୁଗାଟାସି ରଅସି ଇଞ୍ଜା ତାନିତଲେ କାଜା ପୂଜେରାଜ୍ଞା, ମୋରା ପୁନାରି ଇଞ୍ଜା ଲକ୍ଷୁତି କାଜାରି ତାଣାଟି କାଣ୍ଡା ଟେଜ୍ଞା ଆସାନା ଝାଡ଼େରି । ୪୪ ଜୀସୁଇଁ ସାତୁୟାଁ କେୟୁତା ହେରପିନାସି ଏଝାରାଇଁ ଇ ସିନା ଝେସାମାଚେସି, “ନୀନୁ

ଆମ୍ବାଆରାଇଁ ନଶ୍ଟିଇଁ ଏଝାସିଏ ଏଝାସି । ଏଝାଣାଇଁ ଦସାନା ଜାଗ୍ରାତା ତଲେ ଅଦୁ ।”

୪୫ ଇଞ୍ଜା ଏଝାସି ଏ ଦେବୁଣିଏ ଏଝାଣି ତାଗେ ହାଜାନା, “ଏ ଗୁରୁ” ଇଞ୍ଜାନା ଏଝାଣାଇଁ ନଶ୍ଟିଚେସି । ୪୬ ଏମ୍ବାଟିଏ ଏଝାରି ଏଝାଣାଇଁ ଆସାନା ଦସା ଅଡ଼େରି । ୪୭ ସାମା ତାଗେ ନିଚାମାଟି ଲକ୍ଷୁ ବିତ୍ରାଟି ରଅସି କାଣ୍ଡା ହପ୍ତହେସି ଇଞ୍ଜା କାଜା ପୂଜେରା ହଲେଏଣା କିୟୁଁ ଦାଡ଼େସି । ୪୮ ଜୀସୁ ଏଝାରାଇଁ ଏଲେଇଚେସି, “ସରୁଇଁ ଆସାଲି ହାନିଲେହେଁ କାଣ୍ଡା ଅଡ଼େ ଟେଜ୍ଞା ଆସାନା ମୀରୁ ନାଜେ ଆସାଲି ଝାଡ଼େରି ? ୪୯ ମନାନ୍ତୁ ବାରେଦିନା ମୀ ତଲେ ପ୍ରାତାନା ଇଲୁତା ମାଞ୍ଜାନା ଜାପୁହି ମାଞ୍ଜାତେଏଁ, ସାମା ମୀରୁ ନାଜେ ଆସାଆତେରି; ସାମା ଦାମ୍ବୁ ପତିତି ରାସ୍ତକି ଆଡ଼ି ବଲୁ ଏନିକିଁ ସାତା ଆନେ, ଏଦାଆଁତାକି ଇ ବାରେ ଆହିମାନେ ।”

୫୦ ଏଡ଼ିବେଲା ବାରେଜାଣା ସୀସୁୟାଁ ଏଝାଣାଇଁ ପିସାନା ହାଚେରି ।

୫୧ ର ଦାଂଗଣା କକାସି ର ହିମ୍ବୁରି ପିଡ଼ଗାହାଁ ଜୀସୁ ଜେଚ ଜେଚ ହାଜିମାଚେସି; ଏଝାରି ଏଝାଣାଇଁ ଆସାଲି ହାଜାଲିଏ, ୫୨ ଏଝାସି ଏ ପାତାଡ଼ା ହିମ୍ବୁରି ପିସାନା ଝାରଇ ଆଜ୍ଞାଟି ହଚାତୁସେସି ।

ଜୀସୁଇଁ ବେରଣିମାଣ୍ଡାତା ନୀହାଁୟି କିନାୟି

(ମାତି ୨୭:୫୭-୬୮; ଲୁକ ୨୨:୫୪-୫୫, ୬୩-୭୧; ଜହ ୧୮:୧୩-୧୪, ୧୯-୨୪)

୫୩ ତାୟୁ ଏଝାରି ଜୀସୁଇଁ କାଜା ପୂଜେରା ନକିତା ଅଡ଼େରି, ଇଞ୍ଜା କାଜା ପୂଜେରା, ଲକ୍ଷୁତି କାଜାରି ଅଡ଼େ ମୋରା ପୁନାରି ବାରେ ଝାହାନା ରୁଣ୍ଡା ଆଡ଼େରି । ୫୪ ପିତର ହେକ ମାଞ୍ଜାନା ଏଝାଣି ଜେଚ ଜେଚ କାଜା ପୂଜେରା ଆଂଗେଣି ବିତ୍ରା ହାଚେସି ଇଞ୍ଜା ଜାମାନାଜ୍ଞା ତଲେ କୁଗାନା ହିରୁ କେରଞ୍ଜି ମାଚେସି । ୫୫ ଏମ୍ବାଟିଏ କାଜା ପୂଜେରାଜ୍ଞା ଇଞ୍ଜା ବେରଣି ମାଣ୍ଡାଟି

☆ ୧୪:୪୯ ୧୪:୪୯ ଲୁକ ୧୯:୪୭; ୨୧:୩୭

ବାରେଜାଣା ଜୀସୁଙ୍କ ପାୟାଲି ଏଝାଣି କପାଟି ସାକିୟା ପାରିତେରି, ସାମା ଏନ୍ତି ଦହ୍ ବେଟାଆଆତେରି; ୫୭ ଇଚିହ୍ ହାଠେରକା ଏଝାଣି କପାଟି ମିଟି ସାକିୟା ହାତି ଜିକେଏ ଏଝାରି ହାତି ସାକି ଆଣ୍ଡାଆତେ ।

୫୭ ତାୟୁ ଏଚେରଜାଣା ହତାନା ଏଝାଣି କପାଟି ମିଟି ସାକି ହାହାନା ଏଲେଇଚେରି, ୫୮ “ମାୟୁ ଇଝାଣାଙ୍କ ଇ କାତା ଝେସିମାଚାଣି ଝେଞ୍ଜାମାନମି, ନାନୁ ଇ କେୟୁଟି କେପିତି ପ୍ରାତାନା ଇଲୁଟି ଡିକହାନା ତାନିଦିନା ବିତ୍ରା ଅଡ଼େ ମାଣ୍ଡି କେପାଆତି ପ୍ରାତାନା ଇଲୁ କେପିଇଁ । ୫୯ ସାମା ଏମ୍ପାଆଁ ଜିକେଏ ସାକି ଆଣ୍ଡାଆତେ ।”

୬୦ ଏଚେଟିଏ କାଜା ପୂଜେରା ମାଦିଏ ନିଚାନା ଜୀସୁଙ୍କ ଝେଚେସି, “ନୀ କପାଟି ଇଝାରି ଆମିନି ସାକି ହାହିମାନେରି, ଝେଣ୍ଡେ ଜଲାଇ ଏନ୍ତି କାତା ହିଲେଏ କି ?”

୬୧ ସାମା ଏଝାସି ପାଲେଏ ଆହାନା ଏନ୍ତି କାତା ଜଲାଇଆତେସି, କାଜା ପୂଜେରା ଅଡ଼େ ଝେଣ୍ଡେ ଏଝାଣାଙ୍କ ଝେଚେସି, “ନୀନୁ କି ମାନିଗାଟି ମାହାପୁରୁ ମୀର୍ଏଣାତି କ୍ରୀସ୍ତ ?”

୬୨ ଜୀସୁ ଏଲେଇଚେସି, “ନୀନୁ ଏଝାଚେସି, ମୀରୁ ମାଣ୍ଡି ମୀର୍ଏଣାଙ୍କ ବାଡ଼ୟୁଗାଟି ଚିଠିଝାକି କୁଗାମାନାଣି ମେହ୍ଦେରି ଇଞ୍ଜା ହାଗୁ ଦୁନ୍ଧାଟି ଝେଣ୍ଡେ ଝାନାଣି ମେହ୍ଦେରି ।”

୬୩ ଏଚେଟିଏ କାଜା ପୂଜେରା ତାନି ହିମ୍ବୁରି ଗେସାନା ଏଲେଇଚେସି, “ମାଜେ ଅଡ଼େ ଏନ୍ତି ସାକିୟା ଲଡ଼ା ହିଲେଏ । ୬୪ ମୀରୁ ମାହାପୁରୁ ନିନ୍ଦା ଝେଚେରି; ମୀ ଅଣ୍ଡପୁ ଏନ୍ଦାୟି ?”

ଏମ୍ପାଟିଏ ବାରେଜାଣା ଏଝାସି ହାନ୍ତି ଡଣ୍ଡ ବେଟାଆପେସି ଇଞ୍ଜି ଏଲେଇଚେରି ।

୬୫ ଇଞ୍ଜା ଆମ୍ପା ଆମ୍ପାଆରି ଏଝାଣିଲାକ ହୁପିତେରି ଇଞ୍ଜା ଏଝାଣି କାଶକା ପଜାନା ଏଝାଣାଙ୍କ ଝେଚାନା ଝେଚେରି, “ମାହାପୁରୁ ଅଣ୍ଡପୁତି ବଲୁ ଝେହ୍ନାତି ଆମ୍ପାଆସି ନିଜେ ଝେଡାତେସି, ଝେସ୍ତାମ୍ପୁ

!” ଜାମାନାଜା ଜିକେଏ ଆସାନା ସାପ୍ତା ଝେଡିହ୍ ଅଡ଼େରି ।

ପିତର ଜୀସୁଙ୍କ ପୁଞ୍ଜାହିଲଅଁ ଇନାୟି (ମାଟି ୨୬:୨୯-୩୫; ଲୁକ ୨୨:୫୬-୬୨; ଜହ ୧୮:୧୫-୧୮, ୨୫-୨୭)

୬୬ ଏମ୍ପାଟିଏ ପିତର ଆଂଗେଣିତା ମାଟିବେଲାତା କାଜା ପୂଜେରା ହଲେଣି ଝାହାନା ପିତର ହିରୁ କେରୁଞ୍ଜି ମାଚାଣି ମେସ୍ତେ, ୬୭ ଇଞ୍ଜା ପିତରଙ୍କୁ ସିନିକିହାନା ଏଲେଇଚେ, “ନୀନୁ ଜିକେଏ ନାଜ୍ଜରିତ ଜୀସୁତଲେ ମାଟି ।”

୬୮ ସାମା ଏଝାସି, ନାନୁ ଏଝାଣାଙ୍କ ପୁଞ୍ଜାହିଲଅଁ, ନୀନୁ ଏନ୍ଦାଆଁ ଝେସିମାଞ୍ଜି ନାନୁ ପୁଞ୍ଜାହିଲଅଁ, ତାୟୁ ଏଝାସି ଆଂଗେଣି ଦୁଝେରିତା ହାଚେସି, ରେଟୁଏ କୟୁ କେଣ୍ଡେ ।

୬୯ ଇଞ୍ଜା ଏ ହଲେଣି ଏଝାଣାଙ୍କ ମେସାନା ଦାରିତା ନିଚାମାନି ଲକୁଣି ଅଡ଼େ ଝେଣ୍ଡେ ଝେସାଲି ମାଟ୍‌ହେ, “ଇଝାସି ଏଝାରି ବିତ୍ରାଟି ରଅସି ।”

୭୦ ସାମା ଏଝାସି ଅଡ଼େ ଝେଣ୍ଡେ ପୁଞ୍ଜାହିଲଅଁ ଇଚେସି, ଅଡ଼େ ଗାଡ଼େକା ଆହାଲିଏ ଦାରିତା ମାଟି ଲକୁ ପିତରଙ୍କୁ ଏଲେଇଚେରି, “ନୀନୁ ସାଚେଏ ଏଝାରି ବିତ୍ରାଟି ରଅତି, ଇଚିହ୍ ନୀନୁ ର ଗାଲିଲି ଲକୁଟି ।”

୭୧ ସାମା ଏଝାସି ପାର୍‌ମାଣା ଇଞ୍ଜା ବାକା ଇଚାନା ଏଲେଇଚେସି, ମୀରୁ ଆମିନି ଲକୁଟି କାତା ଝେସିମାଞ୍ଜେରି, ନାନୁ ଏଝାଣାଙ୍କ ପୁଞ୍ଜାହିଲଅଁ ।

୭୨ ଏ ଦେବୁଣିଏ କୟୁ ରା ଦେବା କେଣ୍ଡେ । ଏମ୍ପାଟିଏ କୟୁ ରା ଦେବା କେଣ୍ଡା ନକେଏ ନୀନୁ ନାଜେ ତାନି ଦେବା ନାନୁ ପୁଞ୍ଜାହିଲଅଁ ଇଞ୍ଜାଦି, ଆମିନି କାତା ଜୀସୁ ପିତରଙ୍କୁ ଏଲେଇଞ୍ଜାମାଚେସି, ଏଦି ଏଝାଣି ମନତା ଝାଡ଼େ, ଇଞ୍ଜା ଏଝାସି ଏ କାତା ଅଣ୍ଡପିହ୍ ହାଠେରକା ଡାହାଲି ମାଟ୍‌ହେସି ।

**୧୫**

ପିଲାତ ନକିତା ଜୀସୁ  
(ମାତି ୨୭:୧-୨, ୧୧-୧୪; ଲୁକ ୨୩:୧-୫; ଜହ ୧୮:୨୮-୩୮)

୧ ଲାଜ ଝେୟାଲିଏ ବେରଣି ମାଣ୍ଡାତାରି, ଇତିହୁଁ ଲକୁତି କାଜାରି ଇଞ୍ଜା ମେରା ପୁନାରି ତଲେ କାଜା ପୂଜେରାଜା ବେରଣି କିହାନା କାତା ଆଡେରି । ଜୀସୁଇଁ ଦସପା ଅହାନା ପିଲାତ କେୟୁତା ହେରପିତେରି ।

୨ ପିଲାତ ଏଝାଣାଇଁ ଝେରେସି, “ନୀନୁ କି ଜୀହୁଦି ଲକୁତି ରାଜା ?”

ଜୀସୁ ଏଝାଣାଇଁ ଏଲେଇରେସି, “ନୀନୁଏ ଏଲେ ଇଞ୍ଜିମାଞ୍ଜି ।”

୩ ଇଞ୍ଜା କାଜା ପୂଜେରାଜା ଜୀସୁ କପାଟି ହାଡେରକା କାତାୟାଁ ଝେସ୍ତେରି । ୪ ଏମ୍ବାଟିଏ ପିଲାତ ଅଡେ ଝେଣ୍ଡେ ଏଝାଣାଇଁ ଝେରେସି, “ନୀନୁ ଏନାଆଁତାକି ଝେସିମାଞ୍ଜିଅତି ? ମେହମୁ ଇଝାରି ନୀ କପାଟି ହାଡେରକା କାତା ଜଲିମାନେରି ।”

୫ ସାମା ଜୀସୁ ଏନି ହାଡା ଜଲାଆତେସି, ଏରେଟିଏ ପିଲାତ କାବା ଆଡେସି ।

ଜୀସୁ ହାନି ତଣ୍ଡ

(ମାତି ୨୭:୧୫-୨୬; ଲୁକ ୨୩:୧୩-୨୫; ଜହ ୧୮:୩୯; ୧୯:୧୬)

୬ ସାମା ପାରୁଁ ବେଲାତା ଲକୁ ଆମିନି କାୟିଦିତା ମାତାଣାଇଁ ରାସିମାତେରି, ଏଝାଣାଇଁ ପିଲାତ ଏଝାରି ତାକି ପସିମାରେସି । ୭ ଆମିନି ଗଡ଼ହା ଗାଟାରି ଗଡ଼ହା ବେଲାତା ଲକୁଣି ପାୟାମାତେରି, ଏଝାରିତଲେ ବାରବା ଦରୁଗାଟାସି କାୟିଦିତା ମାରେସି । ୮ ଏନାଆଁତାକି ତାନି ମେରା ଲେହେଁ କିହାଲି ପିଲାତଇଁ ବାତିମାଲିତେରି । ୯ ଏମ୍ବାଟିଏ ପିଲାତ ଏଝାରାଇଁ ଏଲେଇରେସି, “ମୀରୁ ଏନାଆଁ ଅଣ୍ପିମାଞ୍ଜେରି ? ନାନୁ ମିଙ୍ଗେତାକି ଜୀହୁଦି ଲକୁତି ରାଜାଇଁ ପିସାହିୟାଇଁ ?” ୧୦ ଇତିହୁଁ କାଜା ପୂଜେରାଜା ଏଝାଣାଇଁ ତାହାରା ତଲେ ହେରପାମାତେରି, ଏନାଆଁ ଏଝାସି ପୁରେସି ।

୧୧ ସାମା ଏଝାସି ଏନିକିଁ ଏଝାରି ତାକି ବାରବାଇଁ ପିହେନେସି, ଏନାଆଁତାକି କାଜା ପୂଜେରାଜା ଲକୁଣି ଝେସ୍ତେରି । ୧୨ ସାମା ପିଲାତ ଝେଣ୍ଡେ ଏଝାରାଇଁ ଏଲେଇରେସି, “ଆତିହୁଁ ଆମ୍ବାଆରାଇଁ ଜୀହୁଦି ଲକୁତି ରାଜା ଇଞ୍ଜୁଁ ମାଞ୍ଜେରି, ଜୀସୁଇଁ ନାନୁ ଏନାଆଁ କିଇଁ ?”

୧୩ ଲକୁ ବାରେ କାଲୁଝି ଆହାନା ଏଲେଇରେରି, “ଏଝାଣାଇଁ ପାସି ଏକ୍ଦୁ ।”

୧୪ ଏମ୍ବାଟିଏ ପିଲାତ ଏଝାରାଇଁ ଝେରେସି, “ଏନାଆଁତାକି ଏଝାସି ଏନି ଦହ କିହାମାନେସି ?”

ସାମା ଏଝାରି ଗାତି କାଲୁଝି ଆହାନା ଏଲେଇରେରି, “ଏଝାଣାଇଁ ପାସି ଏକ୍ଦୁ ।”

୧୫ ଏରେଟିଏ ପିଲାତ ଲକୁଣି ରାହାଁ କିହାଲି ମନ କିହାନା ଏଝାରି ତାକି ବାରବାଇଁ ପିସେସି, ଇଞ୍ଜା ଜୀସୁଇଁ ସାଟୁଣି ତଲେ ଝେପି କିହାନା ପାସି ମୁଣ୍ଡାତା ଏକ୍ହାଲି ହେରପିତେସି ।

କସକା ଜୀସୁଇଁ ନିନ୍ଦାକିହୁଁ କାକ୍ନାୟି

(ମାତି ୨୭:୨୭-୩୧; ଜହ ୧୯:୨-୩)

୧୬ ଏମ୍ବାଟିଏ କସକା ଜୀସୁଇଁ ଆଂଗେଣିଟି ମେଡା ଇଲୁ ବିତା ଅହାନା ବାରେ କସକାଣି ହାଟାନା ରୁଣ୍ଡା କିତେରି । ୧୭ ଏଝାରି ଏଝାଣାଇଁ ହେୟାଁ ଝାଣା ହିମ୍ବୁରି ହୁଟିକିତେରି ଇଞ୍ଜା ହାପୁକା ଚପେରି ଆଲାନା ଏଝାଣି ତାୟୁଁ ତୁ ତୁରଝି କିତେରି; ୧୮ ଅଡେ “ଏ ଜୀହୁଦି ଲକୁତି ରାଜା ଜହରା” ଇଞ୍ଜୁଁ ଏଝାଣାଇଁ ନିନ୍ଦାକିତେରି । ୧୯ ଇଞ୍ଜା ଏଝାରି ର ବାଡ଼ଗା ଆସାନା ଏଝାଣି ତାୟୁଁ ତୁ ଝେତେରି ଇଞ୍ଜା ମେଣ୍ଡାକୁତାନା ଜହରା କିତେରି । ୨୦ ଏଝାରି ଏଝାଣାଇଁ ଲାଜାକିହୁଁ କାକ୍ହି ତାୟୁ, ଏ ହେୟାଁ ଝାଣାଗାଟି ହିମ୍ବୁରି ହୁକ୍ହା ଅହାନା ତାନି ହିମ୍ବୁରି ହୁଟିକିତେରି । ଇଞ୍ଜା ଏଝାରି ଏଝାଣାଇଁ ପାସି ମୁଣ୍ଡାତା ଏକ୍ହାଲି ପାଜାତା ଅଡେରି ।

ଜୀସୁଙ୍କ ପାସି ଏକନାୟି

(ମାତି ୨୭:୩୨-୪୪; ଲୁକ ୨୩:୨୬-୪୩; ଜହ ୧୯:୧୭-୨୭)

୨୧ \*ଏତିବେଲା ଆଲେକ୍‌ଜାଣ୍ଡାର ଇଞ୍ଜା ରୁପତାନି ଆବା ସିମନ ଦରୁଗାଟି ର କୁରିଣିୟ ଲକୁ ନାୟୁଟି ଖାହାନା ଏ ଜିରୁଟି ହାଜିମାତେସି; ଏଞ୍ଜାରି ଏଞ୍ଜାଣାଙ୍କ ଜୀସୁତି ପାସିମୁଣ୍ଡା ଡେକାଲି ବାଲାମାତମି କିତେରି । ୨୨ ଇଞ୍ଜା ଏଞ୍ଜାରି ଏଞ୍ଜାଣାଙ୍କ ଗଲ୍‌ଗତା ଇତିହ<sup>୯</sup> “ତାୟ<sup>୯</sup> ରୁପା” ଇନି ଟାୟୁତା ତାତେରି । ୨୩ ଇଞ୍ଜା ଏଞ୍ଜାରି ଏଞ୍ଜାଣାକ ପୁଲା ଆଣ୍ଡିତି ଅକ୍ସୁରି ରାସା ଗସାଲି ହୀତେରି, ସାମା ଏଞ୍ଜାସି ଏଞ୍ଜାଆଁ ଗହ<sup>୯</sup>ଆତେସି । ୨୪ ଏତେଟିଏ ଏଞ୍ଜାରି ଏଞ୍ଜାଣାଙ୍କ ପାସି ମୁଣ୍ଡାତା ଏକହେରି, ଇଞ୍ଜା ଆମ୍ବାଆସି ଏନାଆଁ ବେଟା ଆନେସି, ଏଦାଆଁ ପାଦି କିହାନା ତାନି ହିମ୍ବୁରିକା ତାମ୍ବୁ ତାମ୍ବୁ ବାଟି କିହାନା ଅଡେରି । ୨୫ ଦିନା ନ ଗଟା ବେଲାତା ଏଞ୍ଜାରି ଏଞ୍ଜାଣାଙ୍କ ପାସି ମୁଣ୍ଡାତା ଏକହେରି । ୨୬ ଇଞ୍ଜା ଏଞ୍ଜାଣିଲାକ ଇଲେଇଞ୍ଜ<sup>୯</sup> ରାସ୍‌କି ଆହାମାତେ, “ଇଞ୍ଜାସି ଜୀହୁଦି ଲକୁତି ରାଜା ।” ୨୭ ଇଞ୍ଜା ଏଞ୍ଜାଣି ଚିଝନିଞ୍ଜାକି ରଅଣାଙ୍କ ଅଡେ ଟେବୁଞ୍ଜାକି ରଅଣାଙ୍କ, ଇଲେକିହ<sup>୯</sup> ରୀ ସରକାଣି ଏଞ୍ଜାରି ଏଞ୍ଜାଣିତଲେ ପାସି ମୁଣ୍ଡାତା ଏକହେରି । ୨୮ ଏତେଟିଏ ଦାମ୍ବୁ ପତିତି କାତା ସାତା ଆତେ, ଏଞ୍ଜାସି ପାପୁ ଗାଟାରି ତଲେ ଲେକା କିଞ୍ଜିଆଡେସି ।\*

୨୯ \*ଏ ଜିରୁଟି ହାଜିମାନି ଲକୁ ତାନି ତାର୍‌କା ଗୁଚ୍‌କିକିହ<sup>୯</sup> ଏଞ୍ଜାଣାଙ୍କ ନିନ୍ଦାକିହ<sup>୯</sup> ଏଲେଇଚେରି, “ଆବା, ମାହାପୁରୁ ଇଲୁତି ଡିକ୍‌ନାତି ଇଞ୍ଜା ତାନି ଦିନାଟିଏ ଏଦାଆଁ କେପିନାତି, ୩୦ ପାସି ମୁଣ୍ଡାଟି ରେଟାଖାହାନା ନିଜେ ଗେଲ୍‌ପା କତାମୁ ।”

୩୧ କାଜା ପୂଜେରାଜା ଜିକେଏ ଏଲେକ<sup>୯</sup> ମେରାପୁନାରି ତଲେ ତାମ୍ବୁ ତାମ୍ବୁ ଏଞ୍ଜାଣାଙ୍କ ନିନ୍ଦାକିହ<sup>୯</sup> ଏଲେଇଚେରି, “ଏଞ୍ଜାସି ଅର

ଲକୁଙ୍କ ଗେଲ୍‌ପିତେସି, ସାମା ତାଜେ ଗେଲ୍‌ପାଲି ଆଡିହିଲଅସି । ୩୨ ଇସ୍ରାୟେଲତି ରାଜା କ୍ରୀସୁତି ଇତିହ<sup>୯</sup> ଦେବୁଣିଏ ପାସି ମୁଣ୍ଡାଟି ରେଟା ଖାମ୍ବୁ, ଏନିକ<sup>୯</sup> ମାମ୍ବୁ ଏଦାଆଁ ମେସାନା ନାମାନମି ।”

ଇଞ୍ଜା ଆମିନି ଗାଟାରାଙ୍କ ଜୀସୁତଲେ ପାସି ମୁଣ୍ଡାତା ଏକହା ମାଚେରି, ଏଞ୍ଜାରି ଜିକେଏ ଏଞ୍ଜାଣାଙ୍କ ନିନ୍ଦାକିତେରି ।

ଜୀସୁ ହାନାୟି

(ମାତି ୨୭:୪୫-୫୬; ଲୁକ ୨୩:୪୪-୪୯; ଜହ ୧୯:୨୮-୩୦)

୩୩ ବାର ଗଟା ବେଲା ଏ ଦେସା ଆନ୍ଦେରି ଆହାନା ତାନି ଗଟା ପାତେକା ତୁୟିତେ । ୩୪ ତାନି ଗଟା ବେଲାତା ଜୀସୁ କାଜା ହାଡାତଲେ ହାଟାନା ଏଲେଇଚେସି, “ଏଲହି ଏଲହି ଲାମା ସାବକତାନି ?” ଇତିହ<sup>୯</sup> “ଏ ନା ମାହାପୁରୁ ଏ ନା ମାହାପୁରୁ ନୀନୁ ନାଜେ ଏନାଆଁତାକି ପିସାତି ?”

୩୫ ଇ ହାଡା ଖେଞ୍ଜାନା ଦାରିତା ନିଚାମାନି ଲକୁ ଆମ୍ବା ଆମ୍ବାଆରି ଏଲେଇଚେରି, “ମେହଦୁ ଏଞ୍ଜାସି ଏଲିୟଙ୍କ ହାଟି ମାନେସି ।” ୩୬ ଇଞ୍ଜା ରଅସି ହଟିହ<sup>୯</sup> ହାଜାନା ର ଡ୍ରାଃଆଲି ପୁଲା ଅକ୍ସୁରି ରାସାତା ମେଡହାନା ଏଦାଆଁ ର ବାଡଗାତା ରୁପାନା ଏଞ୍ଜାଣାକି ଗସାଲି ହାହାନା ଏଲେଇଚେସି, “ହେଣୁ ଏଲିୟ ଇଞ୍ଜାଣାଙ୍କ ଗେଲ୍‌ପାଲି ଖାହିମାନେସି କି ଆଏ ସିନିକିନ ।”

୩୭ ସାମା ଜୀସୁ କାଜା ଗିୟାତଲେ ଜଲାନା ହାଡେସି ।

୩୮ ଇଞ୍ଜା ମାହାପୁରୁ ଇଲୁତା ଲେଚାମାନି ହିମ୍ବୁରି ଲାକଟିଏ ତୁଇ ପାତେକା ଗେଞ୍ଜାନା ରୀ ବାଗା ଆଡେ । ୩୯ ଏଞ୍ଜାଣି ନକ୍‌କତା ନିଚାମାନି ପାସାକଡି କସ୍‌କା ମୁହେ କାଜାସି ଏଞ୍ଜାଣି ଇଲେତି ହାଡାଣି ମେସାନା ଏଲେଇଚେସି, “ସାତେଏ, ଇଞ୍ଜାସି ମାହାପୁରୁତି ମୀରଏସି ମାତେସି ।”

\* ୧୫:୨୧ ୧୫:୨୧ ରମି ୧୭:୧୩ \* ୧୫:୨୮ ୧୫:୨୮ ଜିସାୟ ୫୩:୧୨ କଚେକା ସାସ୍ତେରିତା ଇ କାତା ରାସ୍‌କି ଆହାହିଲେଏ । \* ୧୫:୨୯ ୧୫:୨୯ ମାର୍କ ୧୪:୫୮; ଜହ ୨:୧୯ \* ୧୫:୪୦ ୧୫:୪୦ ଲୁକ ୮:୨,୩



୪୦ ☆ଏତେକା ଇୟାସିକା ଜିକେଏ ହେକଟି ସିନକିହିମାରୁ; ଏଞ୍ଜାସିକା ବିତାଟି ମଗ୍ଦଲିନି ମରିୟମ, ଉଣା ଜାକୁବ ଇଞ୍ଜା ଜସିତି ଇୟା ମରିୟମ, ଅଡ଼େ ସାଲମି ମାରୁ; ୪୧ ଏଞ୍ଜାସି ଗାଲିଲିତା ମାଗାଟି ଏଞ୍ଜି ଏଞ୍ଜାଣି କ୍ରେଟ ହାଜାନା ଏଞ୍ଜାଣି ସେବା କିହିମାରୁ; ଏଞ୍ଜାସିକା ତଲେ ଜିରୁସାଲମତା ଖାହାମାନି ହାଡ଼େକା ଇୟାସିକା ସିନକିହିମାରୁ ।

ଜୀସୁଇଁ ମାହଣି ମାଣ୍ଡାତା ମୁହନାୟି  
(ମାତି ୨୭:୫୭-୬୧; ଲୁକ ୨୩:୫୦-୫୬; ଜହ ୧୯:୩୮-୪୨)

୪୨ ଖେଡ଼ା ହାଜିମାଗାଟି, ଏ ଦିନା ତିୟାରା ଆନି ଦିନା ଇତିହିଁ ଜମିନି ଦିନାତି ନକିତି ଦିନା ମାଗାକି, ୪୩ ହାରାମାତିୟାତି ଜସେପ ଦରୁଗାଟି କାଜା ବେରଣିମାଣ୍ଡାତି ମାନି ଗାଗାସି ମାଗେସି, ଇଞ୍ଜା ଆମିନିଗାଗାସି ତାନୁଏ ମାହାପୁରୁତି ରାଜି କାଟିମାଗେସି, ଏଞ୍ଜାସି ସାସାତଲେ ପିଲାତ ତାଣା ହାଜାନା ଜୀସୁତି ଆଜ୍ଞା ରୀସେସି । ୪୪ ସାମା ଏଞ୍ଜାସି ହାଡ଼େସିଏ ଇ କାତା ପିଲାତ ଖେଞ୍ଜାନା କାବା ଆଡ଼େସି, ଇଞ୍ଜା ପାସାକଡ଼ି କସକା ମୁହେଁ କାଜାଣାଇଁ ତାଗେ ହାଟାନା ଖେଡ଼େସି, “ଏଞ୍ଜାସି ହାହାନା ହାଡ଼େକା ବେଲା ଆଡ଼େୟିଏ ?” ୪୫ ପାସାକଡ଼ି କସକା ମୁହେଁ କାଜାଣି ତାଣାଟି ଏ କାତା ପୁଞ୍ଜାନା ଆଜ୍ଞାତି ଅହାଲି ଜସେପଇଁ ହେଲ ହାଡ଼େସି । ୪୬ ଏଞ୍ଜାସି ର ପାଡ଼ାଡ଼ା ହିମ୍ବରି କଡାନା ଏଞ୍ଜାଣାଇଁ ରେପୁହା ତାଗାନା ଏ ହିମ୍ବରି ରୁପିଡେସି ଇଞ୍ଜା ହରୁତା କାରହାମାନି ମାଡ଼ହା ମୁହନି ଟାମୁତା ଏଞ୍ଜାଣାଇଁ ଇଟାନା ଦୁଖେରିତା ର କାଜା ଖାଲି ଉସି କିଡେରି । ୪୭ ଏଞ୍ଜାଣାଇଁ ଆମିନି ଟାମୁତା ଇଟକି ଆହାମାନେ, ଏଦାଆଁ ମଗ୍ଦଲିନି ମରିୟମ ଇଞ୍ଜା ଜସି ତାନି ଇୟା ମରିୟମ ମେସାମାରୁ ।

**୧୭**

ଜୀସୁ ଖେଣ୍ଡେ ନିଜିନାୟି  
(ମାତି ୨୮:୧-୮; ଲୁକ ୨୪:୧-୧୨; ଜହ ୨୦:୧-୧୦)

୧ ଜମିନି ଦିନା ରାୟାଲିଏ ମଗ୍ଦଲିନି ମରିୟମ, ଜାକୁବ ତାନି ଇୟା ମରିୟମ, ଇଞ୍ଜା ସାଲମି ଗାଦାଗାଟି ନିୟୁଁ କଡିତୁ, ଏନିକିଁ ଏଞ୍ଜି ହାଜାନା ଜୀସୁ ଆଜ୍ଞାତା ରୁବାଲି ଆଡ଼ିନୁ । ୨ ଏଞ୍ଜି ଖାରାତି ମୁଲୁ ଦିନା ଲାଈ ଖେଡ଼ା ହନି ବେଲାତା ମାହଣି ମାଣ୍ଡାତା ହାରୁ । ୩ ଏଞ୍ଜି ତାମୁ ତାମୁ ଖେସପି ଆହିମାରୁ, “ଆମ୍ବାଆସି ମାଜେତାକି ମାହଣି ମାଣ୍ଡା ଦୁଖେରିତି ଖାଲି ଉସିକିହା ହିୟାନେସି ?” ଏନାଆଁତାକି ଇତିହିଁ ଏ ଖାଲି ହାଡ଼େକା କାଜାୟି ମାଗେ । ୪ ସାମା ଏଞ୍ଜି ଏମ୍ବାଆଁ ସିନକିନି ବେଲାତା, ଖାଲି ଉସିକିଞ୍ଜି ଆହାମାଗେ । ୫ ଏଞ୍ଜି ମାହଣି ମାଣ୍ଡାତା ହଡାନା ଦବଲା ହିମ୍ବରି ହୁଟାମାନି ର ଦାଂଗଣେଏଣାଇଁ ଚିଃନିଞ୍ଜାକି କୁଗାମାନାଣି ମେସାନା ହାଡ଼େକା କାବାଆଡ଼ୁ ।

୬ ଏମ୍ବାଟିଏ ଏଞ୍ଜାସି ଏଞ୍ଜାସିକାଣି ଏଲେଇଡେସି, “ଆଜାଆଡୁ; ମୀରୁ ପାସି ମୁଣ୍ଡାତା ହାହାମାନି ନାଜୁରିତ ଜୀସୁଇଁ ପାରିମାଞ୍ଜେରି; ଏଞ୍ଜାସି ନିଜାମାନେସି, ଏଞ୍ଜାସି ଇମ୍ବାଆଁ ହିଲଅସି, ସିନକିତୁ ଇମ୍ବାଆଁ ଏଞ୍ଜାଣାଇଁ ଇଟାମାଗେରି । ୭ ☆ସାମା ମୀରୁ ହାଜାନା ତାନି ସୀସୁୟାଁ ଇଞ୍ଜା ପିତରଇଁ ଖେହୁଡୁ, ଏଞ୍ଜାସି ମୀ ନକି ନକିତା ଗାଲିଲିତା ହାଜିମାନେସି; ଏଞ୍ଜାସି ମିଜେ ଏନିକିଁ ଖେସାମାଞ୍ଜାଡେସି, ଏଲେକିହିଁ ଏ ମୀରୁ ଏଞ୍ଜାଣାଇଁ ଏମ୍ବାଆଁ ମେହୁଦେରି ।”

୮ ଏମ୍ବାଟିଏ ଏଞ୍ଜି ମାହଣି ମାଣ୍ଡାଟି ହରୁ, ଇତିହିଁ ଏଞ୍ଜି କାବା ଆହାନା ଆଜିତାକି ତୀରୁମାରୁ, ଇଞ୍ଜା ଆମ୍ବାଆରାଇଁ ଏନାଆଁ ଖେହୁଆଡ଼ୁ\* ।

☆ ୧୭:୭ ୧୭:୭ ମାତି ୨୭:୩୨; ମାର୍ଚ୍ଚ ୧୪:୨୮ \* ୧୭:୮ ୧୭:୮ ଏଞ୍ଜି ପିତର ତଲେ ମାତି ବାରେ ଲକୁତାଣା ଏ କାତା ଖେସୁ ୧୭:୨୦ ଇଦାଆଁ ତାମୁ, ଜୀସୁ ତାନୁଏ ଜିକେଏ ଏଞ୍ଜାସିକା ତଲେ ସୁତୁ ଅଡ଼େ କାଲକାଲାତି ଗେଲ୍ପି ଆନାଣି ଖେକହାଲି ତାକି ଖେଡ଼ା ହପୁ ଖାକିତି ଖେଡ଼ା ହାନି ଖାକି ପାଣିଡେସି ।

ଜୀସୁ ମଗ୍ଦଲିନି ମରିୟମଙ୍କ ତଞ୍ଜା ଆନାୟି

(ମାତି ୨୮:୯-୧୦; ଜହ ୨୦:୧୧-୧୮)

୯ ଖାରାତି ମୂକୁତ ଦିନା ଲାଇସିଏ ଏଞ୍ଜାସି ଖେଣ୍ଡେ ନିଙ୍ଗାନା, ଆମିନିଗାଟାଣି ସାଡାଗଟା ବୃତ୍ତୁୟା ପିସ୍ପି କିହାମାତେସି, ଏ ମଗ୍ଦଲିନି ମରିୟମି ତଲିଏ ତଞ୍ଜାଆଡେସି । ୧୦ ଏଦି ହାଜାନା ଆମିନି ଗାଟାରି ତାମିତଲେ ମାତେରି, ଏଞ୍ଜାରାଇଁ ଖେସ୍ତେ; ଇତିହୁଁ ଏଞ୍ଜାରି ଦୁକୁଟି ତ୍ରୀହି ମାତେରି । ୧୧ ଜୀସୁ ନୀତାମାନେସି, ଇଞ୍ଜା ଏଦାନି ତଞ୍ଜା ଆହାମାନେସି, ଇଦାଆଁ ଖେଞ୍ଜାନା ଏଞ୍ଜାରି ନାମାଆତେରି ।

ଜୀସୁ ରୀ ସୀସୁୟାଣି ତଞ୍ଜା ଆନାୟି (ଲୁକ ୨୪:୧୩-୩୫)

୧୨ ଏତେଟିଏ ଇ ବାରେ ଆଡି ତାୟୁ ଏଞ୍ଜାରି ବିତ୍ରାଟି ରୀ ସୀସୁୟା ର ନାୟୁତା ହାଜିମାଗାଟି ଏଞ୍ଜାସି ଅର ଖାଣା ତଲେ ଏଞ୍ଜାରାଇଁ ତଞ୍ଜାଆଡେସି, ୧୩ ଇଞ୍ଜା ଏଞ୍ଜାରି ହାଜାନା ଏଟକା ତାରାଇଁ ଖେସ୍ତେରି; ସାମା ଏଞ୍ଜାରି କାତା ଜିକେଏ ଏଞ୍ଜାରି ନାମାଆତେରି ।

ଜୀସୁ ଏଗାର ଜାଣା ସୀସୁୟାଙ୍କ ତଞ୍ଜା ଆନାୟି

(ମାତି ୨୮:୧୭-୨୦; ଲୁକ ୨୪:୩୬-୪୯; ଜହ ୨୦:୧୯-୨୩; କାମା ୧:୬-୮)

୧୪ ଏମ୍ବାଟିଏ ଏଗାର ଜାଣା ସୀସୁୟା ତିଞ୍ଜାଲି କୁଗାମାଗାଟି ଜୀସୁ ଏଞ୍ଜାରାଇଁ ତଞ୍ଜାଆଡେସି ଇଞ୍ଜା ଏଞ୍ଜାରି ନାମିହିଲାଆତାକି ଇଞ୍ଜା ହିୟାତି ଆଟ୍ଝାତାକି ଏଞ୍ଜାରାଇଁ ଦାକା ହୀତେସି, ଇତିହୁଁ ଆମିନି ଗାଟାରି ଏଞ୍ଜାଣି ଖେଣ୍ଡେ ନିଙ୍ଗିତାଣି ମେସାମାତେରି, ଏଞ୍ଜାରି କାତା ଏଞ୍ଜାରି ନାମା ହିଲାଆତେରି । ୧୫ ଇଞ୍ଜା ଜୀସୁ ଏଞ୍ଜାରାଇଁ ଏଲେଇତେସି, “ମୀରୁ ବାରେ ଦାର୍ତତିତା ହାଜାନା ବାରେ କୁଡାତି ଲକୁତାଣା ନେହୁଁ କାରୁ ଖେହୁଦୁ । ୧୬ ଆମ୍ବାଆସି ନାମାନା ବାପ୍ତିସ୍ମା ଅନେସି ଏଞ୍ଜାସି ଗେଲୁପି ଆନେସି; ସାମା ଆମ୍ବାଆସି ନାମଅସି ଏଞ୍ଜାସି ତଣ୍ଡ ବେଟାଆନେସି । ୧୭ ଇଞ୍ଜା ନାମିନାରାକି

ଇ ସିନାୟା ଆନୁ, ଏଞ୍ଜାରି ନା ଦରୁତଲେ ବୃତ୍ତୁୟା ପିସ୍ପି କିନେରି, ପୁଃନି ପୁଃନି ହାଡାତଲେ ଜଲିନେରି, ୧୮ କେସ୍ତାତଲେ ରାସ୍ତକା ଆହନେରି, ଇଞ୍ଜା ହାନି ଅସ ଗସ୍ତିହୁଁ ଜିକେଏ ଏଞ୍ଜାରି ଏନାଆଁ ଆଅରି; ଏଞ୍ଜାରି ନମେରି ଦୁକା ଗାଟାରି ଲାକ କେୟୁ ଇଟିତିହୁଁ ଏଞ୍ଜାରି ନେହୁଁ ଆନେରି ।”

ଜୀସୁ ଲାକପୁରୁ ଅଞ୍ଜିଆନାୟି (ଲୁକ ୨୪:୫୦-୫୩; କାମା ୧:୯-୧୧)

୧୯ ଇଲେକିହୁଁ ଏଞ୍ଜାରାଇଁ ବାରେ କାତା ଖେସ୍ତି ତାୟୁ ଜୀସୁ ଲାକପୁରୁ ଅଞ୍ଜିଆହାନା ମାହାପୁରୁତି ଚିଃନିଞ୍ଜାକି କୁଗିତେସି । ୨୦ ସାମା ଏଞ୍ଜାରି ହାଜାନା ବାରେଞ୍ଜାକି କାରୁ ଖେସ୍ତେରି, ଇଞ୍ଜା ପ୍ରବୁ ଜୀସୁ ଏଞ୍ଜାରିତଲେ କାମା କିହାନା ତାନି ବାରେ ସିନାୟା ତଲେ ଏଞ୍ଜାରି ଖେକ୍‌ହାମାନାଣି ସାତା ଇଞ୍ଜା ତସ୍ତେସି ।

† ୧୭:୧୭ ୧୭:୧୭ ମୁଞ୍ଜିନାୟି ☆ ୧୭:୧୯ ୧୭:୧୯ କାମା ୧:୯-୧୧

# ଲୁକ ଲିଖିତ ସୁସମାଚାର ଲୁକ ରାଚାମାନି ନେହଁ କାରୁ ମୂଲୁ ହାଡ଼ା

ଲୁକ ରାଚାମାନି ନେହଁ କାରୁତା ଜୀସୁ କ୍ରୀସ୍ତ ଜୀଞ୍ଜୁତି କାତା ରାସ୍ତକି ଆହାମାନେ । ପୁଃନି ମୋରାତି ସାରିଗଟା ନେହଁ କାରୁ ପତିୟା ବିତ୍ରାଟି ଇଦି ରଣ୍ଡି “ନେହଁ କାରୁ” ଇନେରି । ଇ ବାରେ ପ୍ରବୁ ଜୀସୁ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଚାମାନେରି । ଲୁକ ଜୀସୁ ମାହାପୁରୁଖାଣି ଏନାଆଁ ଗଟଞ୍ଜି ଆହାମାନେ ଅଡ଼େ ଜୀସୁ ହାହାନା ଖେଣ୍ଡେ ନିଜ୍ଜିତି ତାୟୁ ଲାକପୁରୁ ହାଚାଣି ଇଞ୍ଜା ତାମି ସୀସୁୟାଁ ଏନିକଁ କାମା କିତେରି ଏ ବାରେ ରାଚାମାନେସି । ଏ ପତିଇଁ “ପାଣ୍ଡୁଞ୍ଜି ଆହାମାନାରି କାମା” ଇଞ୍ଜା ଇନେରି । ଇ ପତି ଏଚେତା ରାସ୍ତକି ଆହାମାନେ, ଅଡ଼େ ଆମିନି ଟାୟୁତା ରାସ୍ତକି ଆହାମାନେ, ଏ କାତା ଆମ୍ବାଆସି ନେହଁ କାରୁ ପୁଞ୍ଜାହିଲଅସି, ଇ ପତି ଜୀସୁ କ୍ରୀସ୍ତ ଜାର୍ନା ଆଡ଼ି ୭୨ ବାର୍ସା ତାୟୁ ରାସ୍ତକି ଆହାମାନେ ।

ଇ ପତିତା ଜୀସୁ ଇସ୍ରାୟେଲତି ଗେଲ୍ପିନାସି ଅଡ଼େ ବାରେ କୁଡ଼ାତି ଲକୁଣି ଗେଲ୍ପିନାସି ଇଞ୍ଜା ଲୁକ ତାନି ନେହଁ କାରୁତା ରାଚାନା ତସାମାନେସି । ହିଲାଆ ଗାଟାରି ତାଣା ନେହଁ କାରୁ ଖେକହାଲି, ମାହାପୁରୁତି ସୁଦୁଜୀଞ୍ଜୁ ଜୀସୁଇଁ ଆଚାମାଚେ, ଇଞ୍ଜା ଜୀସୁ ଏନିକଁ ହାଚେରକା ଦେବା ଦୁକୁ କସ୍ତୁ ଗାଟାଚାଈ ଅଡ଼େ ହିଲାଆଗାଟାଚାଈ ସାୟେମି କିହାମାଚେସି ଲୁକ ରାଚାମାନେସି ।

ଜୀସୁ ଜାର୍ନାଆଡ଼ି ବେଲାତା ଦୁଦୁୟାଁ ପାରୁ ପାଡ଼ିନାସି ଅଡ଼େ ମେଣ୍ଡା ଗଡ଼କା ଜୀସୁଇଁ ବେଚି ହାନାସି, ଜୀସୁ ବାର ବାର୍ସା

ଆହାମାଚାଟି ମାହାପୁରୁ ଇଲୁତା ହାନାସି, ଇଞ୍ଜା ନେହଁ ସମିରଣି ଅଡ଼େ ଜାଜ୍ଜିତି ମୀରଏଣି ପୁଣ୍ଡିକିନି କାତା ଇ ବାରେ ସାରିଗଟା ନେହଁ କାରୁ ରାଚାମାନାରି ବିତ୍ରା ଲୁକ ନେହଁ କାରୁ ରାଚାନା ତସାମାନେସି । ଅଡ଼େ ମାହାପୁରୁ ତାଣା ପ୍ରାଚାନା କିନାଣି ଜିକେଏ ଲୁକ ହାଚେରକା ରାଚାନା ତସାମାନେସି ୩:୨୧; ୬:୧୬; ୬:୧୨; ୧୧:୧-୧୨ । ସୁଦୁଜୀଞ୍ଜୁ ବେଟାଆନି କାତା, ଜୀସୁଇଁ ସେବାକିନି ଇୟାସିକା କାତା ଇଞ୍ଜା ମାହାପୁରୁ ଲକୁଇଁ ତାମି ପାପୁ ମେକ୍କନି କାତା ଇ ବାରେ କାତା ଲୁକ ହାଚେଏ ନେହଁ କାରୁ ରାଚାନା ଖେସାମାନେସି ୩:୩; ୧୧:୪; ୧୭:୩-୪; ୨୩:୩୪; ୨୪:୪୭ ।

### ପତିତା ମାନାସି

୧. ଲୁକ ଖେକନାସି ଅଡ଼େ ଏନାଆଁତାକି ରାଚାମାନାଣି ଖେହନାସି । ୧:୧-୪
୨. ଜୀସୁ କ୍ରୀସ୍ତ ଜାର୍ନା ଅଡ଼େ ସେବା କାମା ମାଚନାସି । ୧:୫-୪:୧୩
୩. ଜୀସୁ କ୍ରୀସ୍ତ କାବାଆନି କାମାୟାଁ ଅଡ଼େ ଜାପନାସି । ୪:୧୪-୨୧:୩୮
୪. ଜୀସୁ କ୍ରୀସ୍ତ ହାନାସି, ମାହାଣିଣା ମୁହନାସି ଅଡ଼େ ଖେଣ୍ଡେ ନିଜ୍ଜିନାସି । ୨୨:୧-୨୪

### ମାଚନି କାତା

୧ ମୂଲୁଟିଏ ଆମ୍ବାଆରି ତୀରେ ମେସ୍ତାରି ଇଞ୍ଜା ବଲୁ ଖେକନାରି, ଏଞ୍ଜାରି ମାଜେ ହେର୍ପା ମାଞ୍ଜାନି ଲେହେଁ, ୨ ମା ବିତ୍ରା ଆହାମାନି କାମା ବାରେ ହାଚେରକା ନେହଁ କାରୁ ରାଚାଲି ଜାଗ୍ରାତା ଆହାମାନେରି । ୩ ଜୀଞ୍ଜୁତି ତିୟପିଲ, ମୂଲୁଟିଏ ବାରେ କାତା ନେହଁ କାରୁ ସିନିକିହାନା ଏମ୍ବାଆଁ ଏନାସି ମାନେ ଏଦାଆଁ ନିଜେତାକି ରାଚାଲି ନାନୁ ଜିକେଏ ନେହେଁ ଇଞ୍ଜା ଅଣ୍ଡପିତେଏ । ୪ ଏନିକଁ ନାନୁ ଏ ବାରେ କାତା ଜାପାମାଞ୍ଜି, ଏଦି ସାତା ଇଞ୍ଜା ପୁଞ୍ଜାଲି ଆଡ଼ିଦି ।

\* ୧:୪ ୧:୫ ମୁଞ୍ଜନାସି

ବାପ୍ତିସ୍ମ\* ହାନି ଜହନତି ଜାନୀତି କାରୁ

୫ ଜାହୁଦା ଦେସାତି ରାଜା ହେରଦ ବେଲ୍ଲାତା ଅବିୟ କୃତାତି ଜିକରିୟ ଦରୁଗାଟି ର ପୂଜେରା ମାଚେସି; ତାନି ତକ୍ତି ହାରଣ କୃତାତି ମାଜ୍ଜା, ଏଦାନି ଦରୁ ଏଲିସାବେତ । ୬ ଜିକରିୟ ଅଡେ ଏଲିସାବେତ ମାହାପୁରୁତି ହୁକୁମି ଇଞ୍ଜା ମେରା ତଲେ ଦହ୍ ହିଲ୍ଲାଆଗାଟାଇ ଆହାନା ମାହାପୁରୁ ନକିତା ଦାମ୍ନି ଗାଟାଇ ମାରୁ । ୭ ସାମା ଏଝାରାକି କକାରି ପଦାୟା ହିଲ୍ଲାଆତୁ, ଇଚିହ୍ ଏଲିସାବେତ ବାଞ୍ଜେଣି ମାଚେ, ଅଡେ ତକ୍ତି ତକ୍ତା ରିଆରି ଜିକେଏ ଗାତି ବୁଡ଼ହ୍ ବୁଡ଼ହ୍ ଆହାମାଚେରି ।

୮ ର ଦିନା ଜିକରିୟ ତାନି ଗତିତି ପାଲି ଏଜାଲିଏ ମାହାପୁରୁ ନକିତା ପୂଜେରା କାମା କିନି ବେଲ୍ଲାତା, ୯ ପୂଜେରା କାମାତି ମେରା ତଲେ ଆଡ଼ି ଆହାନା ଏଝାଣାକି ମାହାପୁରୁ ଇଲୁତା ହଡାନା ଦୁପ୍‌ଣି ହୀହାଲି ଆଡେ, ୧୦ ଇଞ୍ଜା ଦୁପ୍‌ଣି ହାନି ବେଲ୍ଲାତା ବାରେ ଲକୁ ପାଜ୍ଜାତା ପ୍ରାଡାନା କିହମାଚେରି ।

୧୧ ଏଚିବେଲ୍ଲା ମାହାପୁରୁତି ର ଦୂତୁ ଦୁପ୍‌ଣି ପିଣ୍ଡା ଚିଃନିଝାକି ନିଚାନା ଏଝାଣାଇଁ ତଞ୍ଜାଆଡେ । ୧୨ ଜିକରିୟ ଏଦାଣି ମେସାନା କାବାଆହାନା ଆଜିତେସି । ୧୩ ସାମା ଦୂତୁ ଏଝାଣାଇଁ ଏଲେଇଚେ, “ଜିକରିୟ, ଆଜାଆନି, ଇଚିହ୍ ମୀ ଗହାରା ଝେଣ୍‌ମି ଆହାମାନେ, ଇଞ୍ଜା ନୀ ତକ୍ତି ଏଲିସାବେତ ନିଜେତାକି ର କକାଣାଇଁ ଜାନି କିନେ, ଇଞ୍ଜା ଏଝାଣି ଦରୁ ଜହନ ଇଞ୍ଜା ହୀଦେରି । ୧୪ ଇଚିହ୍ ଏଝାସି ମୀ ରାହାତି ରାହା ଆନେସି, ଇଞ୍ଜା ହାଚେରକା ଏଝାଣି ଜାନୀତା ରାହା କିନେରି । ୧୫ ଇଞ୍ଜା ଏଝାସି ମାହାପୁରୁ ନକିତା କାଜାସି ଆନେସି; ଏଝାସି ଅଜ୍ଜୁରି ରାସା କି କାତୁ ଏଚେଲ୍ଲାଝା ଗହ୍‌ଅସି, ଇଞ୍ଜା ତାଲିନି ବାଣ୍ଡିଟିଏ ସୁଦୁଜୀଝୁତା ବେଟାଆନେସି, ୧୬ ଏଝାସି ଇସାୟେଲ

ମୀରକା ବିତ୍ରାଟି ହାଚେରକା ଲକୁଇଁ ମାହାପୁରୁ ଝାକି ଝେଟ୍‌ହା ତାନେସି । ୧୭ ତାଞ୍ଜିୟାଁ ହିୟାଁ ମୀରକା ଝାକି ଇଞ୍ଜା କାତା ମାନଝି ଆଆଗାଟାରାଇଁ ତୀରିଗାଟି ବୁଦିତା ତାକାଲି ଝେଟ୍‌ହା ତାଚାଲି ଇଞ୍ଜା ମାହାପୁରୁ ତାକି ତିୟାରା ଆହାମାନି ର ଲକୁତି କୁଲମି ଜାଗ୍ରାତା କିହାଲି ବାପ୍ତିସ୍ମ† ହାନି ଜହନ ଏଲିୟତି ଜୀଝୁ ଅଡେ ବାଡ଼ୟୁ ତଲେ ପ୍ରବୁତି ନକିତା ତାକିନେସି ।”

୧୮ ଏଚେଟିଏ ଜିକରିୟ ଦୂତୁଇଁ ଏଲେଇଚେସି, “ନାନୁ ଆମିନି ସିନା ତଲେ ପୁଇଁ ? ଇଚିହ୍ ନାନୁ ବୁଡ଼ହାଚେଏଁ, ଇଞ୍ଜା ନା ତକ୍ତିନି ବାସୀ ଗାତି ଆଚେୟିଏ ।”

୧୯ ଦୂତୁ ଏଝାଣାଇଁ ଏଲେଇଚେ, “ନାନୁ ଗାରିୟେଲ, ନାନୁ ମାହାପୁରୁ ନକିତା ନିଚା ଡ଼ୟିନାଚେଏଁ, ଇଞ୍ଜା ନିଜେ ଝେସାଲି ଅଡେ ଇ ନେହ୍ କାରୁ ପୁଣ୍‌ମି କିହାଲି ନାନୁ ପାଣ୍ଡି ଆହାମାଇଁ । ୨୦ ମେହମ୍ ଇ ବାରେ ଆଆପାଚେକା ନାନୁ ବେବ୍‌ଡା ଆହାନା ଡ଼ୟିଦି, ଇଚିହ୍ ନା ଆମିନି କାତା ସାତା ଆନେ ଏ ବାରେ ନାନୁ ନାମାଆତି ।”

୨୧ ଏମ୍ବାଟିଏ ଲକୁ ଜିକରିୟଇଁ କାଟିମାଚେରି, ଇଞ୍ଜା ମାହାପୁରୁ ଇଲୁତା ଇଚେକା ଝେଡ଼ା ଆଡ଼ାକି କାବା ଆହିମାଚେରି । ୨୨ ସାମା ଏଝାସି ପାଜ୍ଜାତା ଝାହାନା ଏଝାରାଇଁ କାତା ଆହାଲି ଆଡ଼ାଆଚେସି; ଏମ୍ବାଟିଏ ଏଝାସି ମାହାପୁରୁ ଇଲୁତା ଏନାଆଁ ମେସାମାନେସି ଇଞ୍ଜା ଏଝାରି ପୁଚେରି, ଇଞ୍ଜା ଏଝାସି ଏଝାରାଇଁ କେୟୁ ହୁଚିହ୍ ତସାଲି ମାଟ୍‌ହେସି ଇଞ୍ଜା ବେବ୍‌ଡା ଆହାନା ଡ଼ୟିଚେସି ।

୨୩ ତାୟୁ ମାହାପୁରୁ ଇଲୁତି ସେବା କାମା ରାୟାଲିଏ, ଏଝାସି ତାନି ଇଜ ହାଚେସି । ୨୪ ଏଚରଦିନା ହାତି ତାୟୁ ତାନି ତକ୍ତି ଏଲିସାବେତ ପୁରାମାସା ଆଡେ ଅଡେ ଏଦି ପାସା ଲେଞ୍ଜୁ ପାଚେକା ଲକୁଣି ତଞ୍ଜା ଆଆଚେ । ୨୫ ଏଦି

† ୧:୧୭ ୧:୧୭ ମୁଞ୍ଜିନାୟି

ଏଲେଇରେ, “ନୀର୍ବ୍ୟ ନାଜେ ପ୍ରବୁ କାର୍ମାମେସାନା ଲକୁ ନାଜେ ଲାଜା କିହିମାଞ୍ଜାତାଣି ପିସପି କିହାଲି ନାଜେ ଇଲେକ କିହାମାଞ୍ଜାନେସି !”

ଜୀସୁ ଜାର୍ନତି କାରୁ

୨୭ ଏଲିସାବେତ ପୂରାମାସା ଆହାନା ସି.ଲେଞ୍ଜୁ ଆହାଲିଏ ଗାବ୍ରିୟେଲ ଦୂତୁ ମାହାପୁରୁ ତାଣାଟି ଗାଲିଲିତି ନାଜରିତ ଗାଡାତି ର. ତାଆ ପଦାନି ତାଣା ପାଣ୍ଡୁଆଡେ; ୨୭ \*ଏ. ତାଆ ପଦାନି ଦାଝୁଦ କୂଡାତି ଜସେପ ଇନାଣାକି ରୀସା ମାଚେରି; ଏ. ତାଆ ପଦା ଦରୁ ମରିୟମ । ୨୮ ଦୂତୁ ପଦା ତାଣା ଝାହାନା ଏଲେଇରେ, “ଆଲ ମାହାପୁରୁତି କାର୍ମା ମେହନାତି ନିଜେ ହିଡଡି ଆୟାପେ !”

୨୯ ମରିୟମ ଏ ହାଡା ଝେଞ୍ଜାନା ଇଦି ଏନିଲେହେତି କାତା ଇଞ୍ଜୁ ଆଜାନା ମନତା ଅଣପିତେ । ୩୦ ଏମ୍ବାଟିଏ ଦୂତୁ ଏଲେଇରେ, “ଆଲ ମରିୟମ ଆଜାଆନି; ନିଜେ ମାହାପୁରୁ କାର୍ମା ମେସାମାଞ୍ଜାନେସି । ୩୧ \*ନୀନୁ ପୂରାମାସା ଆହାନା ର. ମୀରଏଶାଇ ବେଟାଆଦି ଏଝାଣି ଦରୁ ଜୀସୁ ଇଞ୍ଜୁ ଇଟିଦେରି । ୩୨ ଏଝାସି କାଜାସି ଆନେସି ଇଞ୍ଜା ମାହାପୁରୁ ମୀରଏସି ଇଞ୍ଜୁ ଝେଞ୍ଜାନେସି; ପ୍ରବୁ ମାହାପୁରୁ ଏଝାଣାକି ତାନି ଆକୁ ଦାଝୁଦତି ସିଂଗାସାଣି ହାନେସି, ୩୩ ଏଝାସି ଜାକୁଦ କୂଡାତା ଜୁଗୁ ଜୁଗୁତାକି ରାଜି କିନେସି, ଇଞ୍ଜା ଏଝାଣି ରାଜି ଏଚେଲାଝା ରାଏ !”

୩୪ ସାମା ମରିୟମ ଦୂତୁଇଁ ଏଲେଇରେ, “ଇଦି ଏନିକ ଆନେ ? ନାନୁ ତକ୍ରାଇ ଜିକେଏ ପୁଞ୍ଜାହିଲଅଁ ।”

୩୫ ଦୂତୁ ଏଲେଇରେ, “ସୁଦୁଜୀଝୁ ନୀ ଲାକ ରେଟାଝାନ୍ନେ ଅଡେ ମାହାପୁରୁତି ବାଡୁୟୁ ଝାନ୍ନେ, ଏଦାଆଁତାକି ନୀ ତାଣାଟି ଜାର୍ନା ଆନ୍ନେସି, ଏଝାସି ମାହାପୁରୁତି ମୀରଏସି ଇଞ୍ଜୁ ଝେଞ୍ଜାନେସି । ୩୬ ଅଡେ ମେହମ୍ବୁ ନୀ କୂଡାତି ଏଲିସାବେତ ଜିକେଏ ବୁଡୁହି ବେଲାତା

ପୂରାମାସା ଆହାମାନେ । ଆମିନି ଇୟା ବାଞ୍ଜେଣି ଇଞ୍ଜୁ ଝେଞ୍ଜାମାନେ, ଏଦି ନୀର୍ବ୍ୟ ସି.ଲେଞ୍ଜୁ ଆହାମାନେ; ୩୭ ଇଟିହିଁ ମାହାପୁରୁତି ବଲୁ ବାଡୁୟୁ ହିଲାଆଗାଟାୟି ଆଏ ।”

୩୮ ଏମ୍ବାଟିଏ ମରିୟମ ଏଲେଇରେ, “ନାନୁତ ପ୍ରବୁତି ହଲେଣିତେଏଁ; ନୀ କାତେଏ ନାଜେତାକି ଆୟାପେ ।” ଏମ୍ବାଟିଏ ଦୂତୁ ଏଦାନି ତାଣାଟିଏ ହାଚେ ।

ମରିୟମ ଏଲିସାବେତ ଇଜ ହାନାୟି

୩୯ ଏମ୍ବାଟିଏ ମରିୟମ ନିଜ୍ଞାନା ଜୀହୁଦା ଦେସାତି ହରକା ରାଜିତି ର. ଗାଡାତା ତବେ ହାଚେ, ୪୦ ଅଡେ ଜିକରିୟ ଇଜ ହାଜାନା ଏଲିସାବେତନି ଜହରା କିତେ । ୪୧ ଅଡେ ଏଲିସାବେତ ମରିୟମନି ଜହରା ଝେଣ୍ଡମ୍ବିଏ ତାନି ବାଣ୍ଡିତି ମୀଲା ଝାଡିତେ, ଇଞ୍ଜା ଏଲିସାବେତ ସୁଦୁଜୀଝୁଟି, ୪୨ କାଜା ଗିୟାତଲେ ଏଲେଇରେ, “ଇୟସିକା ବିତ୍ରାଟି ନୀନୁ ହାରେକା ନେହାଁତି, ଇଞ୍ଜା ନୀ ବାଣ୍ଡିତି ମୀଲା ଜିକେଏ ନେହାୟି ! ୪୩ ଅଡେ ନା ପ୍ରବୁତି ଇୟା ନା ତାଣା ଝାନ୍ନେ ଇ କାର୍ମା ନାଜେ ଏମ୍ବିଟି ଝାଡେ ? ୪୪ ଇଟିହିଁ ନୀ ଜହରା ହାଡା ନା କିୟୁ ଝେଣ୍ଡମ୍ବିଏ ନା ବାଣ୍ଡିତି ମୀଲା ରାହାଁଟି ଝାଡିତେ ୪୫ ଆମିନି ଗାଟାୟି ନାମିତେ ଏଦାନାକି ନେହେଁ, ଇଟିହିଁ ପ୍ରବୁ ତାଣାଟି ଏଦାନାକି ଏନାଆଁ ଝେସ୍ପି ଆହାମାନେ ଏ ବାରେ ପୂରା ଆନ୍ନେ !”

ମରିୟମତି ଜହରା ପାରୁ

୪୬ ଏଚେଟିଏ ମରିୟମ ଏଲେଇରେ, “ନା ଜୀଝୁ ପ୍ରବୁତି ଜହରା କିହିମାନେ;

୪୭ ଅଡେ ନା ଜୀଝୁ ନାଜେ ଗେଲପାନି ମାହାପୁରୁ ତାଣା ରାହାଁ ଆହିମାନେ,

୪୮ ଇଟିହିଁ ଏଝାସି ତାନି ହଲେଣିନି କାର୍ମା କାକୁଲି ମେସାମାନେସି ।

\* ୧:୨୭ ୧:୨୭ ମାତି ୧:୧୮ \* ୧:୩୧ ୧:୩୧ ମାତି ୧:୨୧

ଏନିଇଚିହ୍ନ ନୀଞ୍ଜୁଟିଏ ବାରେ ଲକ୍ଷ୍ମି  
 ନାଙ୍ଗେ ନେହାୟି ଇଞ୍ଜି  
 ଜଲାନେରି,  
 ୪୯ ଇଚିହ୍ନ ଆମ୍ବାଆସି ବାରେକିହ୍ନା  
 ବାଡ଼ମୁଗାଟି ମାହାପୁରୁ ଏଞ୍ଜାସି  
 ନା, ତାକି କାଜା କାମା  
 କିହାମାନେସି,

ଏଞ୍ଜାଣି ଦରୁ ସୁଦୁ;

୫୦ ଇଞ୍ଜା ତାଙ୍ଗେ ଆଜିନାରାକ୍ତି  
 ପାରୁ ପାରୁ ତାକି ତାନି  
 କାର୍ମାମେହନାୟି ଡୟିନେ ।

୫୧ ଏଞ୍ଜାସି ତାନି ବାଡ଼ମୁଗାଟି କେୟୁଟି  
 କାଜା କାମା କିହାମାନେସି,  
 ତାହାରା ଗାଟାରାଇଁ ଏଞ୍ଜାରି  
 ହିୟାତି ଅଣପୁତା ମାନାଣି ଗୁଟି  
 କିହାମାନେସି;

୫୨ ଏଞ୍ଜାସି ସାଲୁଝି କିନାରାଇଁ ତାନି ରାଜା  
 ଗାଦି ପିସପି କିହାମାନେସି,  
 କାକୁଲି ଗାଟାରାଇଁ ନିକିହାମାନେସି,

୫୩ ଏଞ୍ଜାସି ହାକି ଗାଟାରାଇଁ ନେହ୍ନ ଆସ୍ତି  
 ହାହାନା ପାଞ୍ଜି କିହାମାନେସି,  
 ଇଞ୍ଜା ଦନ ଗାଟାରାଇଁ ଖାରଇ  
 କେୟୁଟି ପାଣ୍ଡାମାନେସି ।

୫୪ କାଲ୍ଲକାଲ୍ଲା ତାକି ଅଣପାଲି ତାନି  
 ହଲେଏସି ଇସ୍ରାୟେଲତି କାର୍ମା  
 ଆହାମାନେସି ।

୫୫ କାଲ୍ଲକାଲ୍ଲା ତାକି ଅବ୍ରାହାମ ଅଡ଼େ  
 ତାନି ବାରେ କୁଡ଼ାତାରାଇଁ  
 କାର୍ମାମେହନାଣି ବାଣା  
 ଆହାହିଲଅସି ।”

୫୬ ଅଡ଼େ ମରିୟମ ତାନି ଲେଞ୍ଜୁ  
 ଏଲିସାବେତ ତଲେ ଡୟାନା ତାନି ଇଜ  
 ଖାଡ଼େ ।

ବାପ୍ତିସ୍ତା‡ ହାନି ଜହନତି ଜାର୍ନା

୫୭ ତାୟୁ ଏଲିସାବେତ ପୁରାମାସା  
 ଏଜାଲିଏ ର କକାସି ଜାର୍ନା ଆଡ଼େସି,  
 ୫୮ ଅଡ଼େ ମାହାପୁରୁ ଏଦାନି ହାଡ଼େକା  
 କାର୍ମା ମେସାମାନାଣି ଖେଞ୍ଜାନା ତାନି  
 କୁଡ଼ାତାରି ଇଞ୍ଜା ଅଡ଼େ ଆଡ଼ିହତାରି  
 ଏଦାନିତଲେ ହାଡ଼େକା ରାହ୍ନା କିଡ଼େରି  
 ।

୫୯ କକାସି ଖାଡ଼େକା ଆହାଲିଏ,  
 ଏଞ୍ଜାରି ତଲୁ ଦାଟାଲି ଖାହାନା ତାନି ଆବା  
 ଦରୁଲେହେଁ ତାନି ଦରୁ ଜିକରିୟ ଇଟାଲି  
 ମନ କିଡ଼େରି । ୬୦ ସାମା ତାନି ଇୟା  
 ଏଲେଇଚେ, “ଆଏ ! ଏଞ୍ଜାଣି ଦରୁ ଜହନ  
 ଆନେ ।”

୬୧ ଏଞ୍ଜାରି ଏଲେଇଚେରି, “ମୀ  
 କୁଡ଼ାତା ଆମ୍ବାଆରାକି ଏଲେତି ଦରୁ  
 ହିଲେଏ !” ୬୨ ଏମ୍ବାଟିଏ ଏଞ୍ଜାରି  
 ତାଞ୍ଜିଗାଟାଣାଇଁ କେୟୁ ହୁଟାନା  
 କକାଣାଇଁ ଏନି ଦରୁ ଇଚିନାୟି ଇଞ୍ଜି  
 ଖେଡ଼େରି ।

୬୩ ଜିକରିୟ ର ରାଡ଼ିନି ପାଟା ରାସାନା  
 ଏଞ୍ଜାଣି ଦରୁ ଜହନ ଇଞ୍ଜି ରାଡ଼ିଡେସି,  
 ଏଦାଆଁ ମେସାନା ବାରେଜାଣା କାବା  
 ଆଡ଼େରି ! ୬୪ ଅଡ଼େ ଏ ଦେବୁଣିଏ ଏଞ୍ଜାଣି  
 ଗୁଟି ଅଡ଼େ ଖେନ୍ଦରି ପିସପି ଆଡ଼େ  
 ଅଡ଼େ ଏଞ୍ଜାସି ଜଲିହ୍ନ ମାହାପୁରୁତି  
 ଜହରା କିଡ଼େସି । ୬୫ ଏମ୍ବାଟିଏ ତାନି  
 ଲକ୍ଷ୍ମି ବାରେ ଆଜାହାଚେରି, ଅଡ଼େ ଇ  
 କାତା ଜାହୁଦା ଦେସାତି ହରକା ରାଜିତା  
 ବାରେଖାକି ଖେଜିଡେ, ୬୬ ଇଞ୍ଜା ଖେନି  
 ବାରେ ଲକ୍ଷ୍ମି ଏ କାତା ତାନି ମନତା  
 ଇଟାନା ଏଲେଇଚେରି, “ଆତିହ୍ନ  
 ଇ କକାସି ଏନିଲେହେଁତାସି ଆନେସି  
 ?” ଏନିଇଚିହ୍ନ ପ୍ରବୁ ଇଞ୍ଜାଣି ତଲେ  
 ମାନେସି ଇଞ୍ଜି ପୁଚେରି ।

ଜିକରିୟତି ତାୟୁ ଆନି କାତା  
 ଖେକନାୟି

୬୭ ଅଡ଼େ ଜିକରିୟ ସୁଦୁଜୀଝୁ ତଲେ  
 ଇ ତାୟୁ ଆନି କାତା ଏଲେଇଚେସି,

୬୮ ଇସ୍ରାୟେଲତି ମାହାପୁରୁ ଜହରା !

ଏନିଇଚିହ୍ନ ଏଞ୍ଜାସି ତାନି  
 ଲକ୍ଷ୍ମି କାର୍ମାମେସାନା ଗେଲ୍ପି  
 କିହାମାନେସି;

୬୯ ଏଞ୍ଜାସି ତାନି ହଲେଏସି  
 ଦାଝୁଦ କୁଡ଼ାଟି ମା  
 ତାକି ର ଗେଲ୍ପିନାଣାଇଁ  
 ହାହାମାଞ୍ଜାନେସି ।

୭୦ ତଲି କାଲ୍ଲାଟିଏ ତାନି ନେହ୍ନ  
 ମାହାପୁରୁ ଅଣପୁତି ବଲୁ

‡ ୧:୫୬ ୧:୫୭ ମୁଞ୍ଜିନାୟି

ଝେହନାରି ଗୁଡ଼ି ତଲେ  
ଏନିକ୍ ଜଲ୍ଲା ମାଚେରି,

୭୧ ଏଲେକିହ୍ ଏ ମାଙ୍ଗେ ମା  
ସାତୁୟା ତାଣାଟି ଅଡ଼େ  
ମାଙ୍ଗେ ଅପାଆଗାଟାରି ତାଣାଟି  
ଗେଲ୍ପି କିହାମାଞ୍ଜାନେସି,

୭୨ ଏଞ୍ଜାସି ଏଲେ ଇଞ୍ଜାମାନେସି,  
ଏଞ୍ଜାସି ମା ଆକୁୟାଣି କାର୍ମା  
ମେସାମାଙ୍ଗ୍ ଅଡ଼େ ତାନି  
ସୁଦୁଗାଟି ରାକ୍ତିମାନାତି  
ଅଣ୍ପିନେସି । ୭୩ ମା ଆବା  
ଅବ୍ରାହାମ ତାଣା ଏନିମି  
ପାରମାଣା କିହାଁ ଆଞ୍ଜାମାନାଣି  
ଅଣ୍ପାପାନା ପୁରା କିହାମାନେସି,  
୭୪ ଅଡ଼େ ମା ସାତୁୟା ତାଣାଟି  
ଗେଲ୍ପି ଆହାନା, ଆଜାଆନା  
କାଲେଏ ତାଙ୍ଗେ ସେବା କିହାଲି  
ଆଡ଼ିନାୟି,

୭୫ ତାନି ନକିତା ମାର ନୀତାମାନି  
ପାତେକା ସୁଦୁ ଅଡ଼େ ଦାମ୍ବୁ  
ଗାଟାତାୟି ଆହାନା ଡ଼ୟିନାୟି  
।

୭୬ ଏ ନା ମାରଏଶାତି ନୀନୁ ବାରେଡ଼ି  
କିହାଁ ବାଡ଼ୟୁଗାଟି ମାହାପୁରୁ  
ଅଣ୍ପପୁତି ବଲ୍ଲୁ ଝେହନାତି  
ଇଞ୍ଜା ଝେଙ୍ଗିଦି;

୭୭ ପାପୁ ମେପ୍ପକି ଆହାନା ଏଞ୍ଜାରି  
ଗେଲ୍ପି ଆନାଣି ବେଟାଆନେରି,  
ଏ କାତା ପୁଣ୍ଡି କିହାଲି ତାକି  
ତାନି ଲକୁତାଣା ହାଜି । ୭୮ ଇଞ୍ଜା  
ମାଙ୍ଗେ ହିଡ଼ଡ଼ି ଜିରୁତା ତାଚାଲି  
ମା ମାହାପୁରୁତି ଜୀଞ୍ଜନନ୍ତି  
କାର୍ମାତଲେ ଲାକପୁରୁତି  
ମାଙ୍ଗେତାକି ଝେଡ଼ା ହଡ଼ିମାନି  
ଲେହେଁ ଆନେ,

୭୯ ଆମ୍ବାଆରି ହାନିଲେହେଁତି  
ତାଣା ବାସା କିନେରି, ହିଡ଼ଡ଼ି  
ଜିରୁତା ଅହାଲି ତାକି ଏଞ୍ଜାସି  
ବାରେଡ଼ି ଲାକ ଲାକପୁରୁତି  
ଉଜେଡ଼ି ହାନେସି । ୮୦ ଇଞ୍ଜା  
ଏ କକାସି ଆଙ୍ଗାତା ଜୀଞ୍ଜତା  
ପାତାଆହାନା ଇସାୟେଲ  
ଲକୁତାଣା ଝେଙ୍ଗାଆ ପାତେକା

ଲକୁ ହିଲାଆ ଗାୟୁତା  
ଡ଼ୟିଡେସି ।

୨

ଜୀସୁତି ଜାର୍ନା  
(ମାତି ୧:୧୮-୨୫)

୧ ଏତିବେଲାତା ରମ୍ ଦେସାତି ବାରେ  
ଲକୁ ଦରୁ ରାଡ଼ି କିହାଲି କାୟିସର  
ଅଗସ୍ତସ୍ ତାଣାଟି ହୁକୁମି ଆଡେ ।  
୨ ସିରିୟାତି ସାଲ୍ଲୁଞ୍ଜି କିନାସି କୁରିଣିୟ  
ବେଲାତା ତଲି ମୂଲୁ ଦରୁ ରାସ୍କି  
ଆହାମାଚେ ।

୩ ଏଦାଆଁତାକି ବାରେଜାଣା ଦରୁ ରାଡ଼ି  
କିହାଲି ନାୟୁଟିଏ ଜାହାରା ଗାଡ଼ାତା  
ହାଚେରି ।

୪ ଜସେପ ଜିକେଏ ଦରୁ ରାଡ଼ି  
କିହାଲି ମରିୟମନି ତଲେ ଗାଲିଲିତି  
ନାଜରିତ ଗାଡ଼ାଟି ଜୀହୁଦା ରାଜିତି  
ବେତଲିହିମ ଇନି ଦାଞ୍ଜୁଦ ଗାଡ଼ାତା  
ହାଚେସି, ଇଚିହ୍ ଏଞ୍ଜାସି ଦାଞ୍ଜୁଦ  
କୁଡ଼ା ଇଞ୍ଜାହାଁ ଏ ଗତିତାସି ମାଚେସି;

୫ ଏଞ୍ଜାସି ଦରୁ ରାଡ଼ି କିହାଲି ମରିୟମନି  
ତଲେ ହାଚେସି, ଏଡ଼ି ଏଞ୍ଜାଣାକି ବାହା  
ଆହାଲି ରାସ୍ପି ଆହାମାଚେ ଅଡ଼େ  
ଏଡ଼ି ପୁରାମାସା ଆହାମାଚେ । ୬ ଅଡ଼େ  
ଏ ଲକୁ ବେତଲିହିମତା ମାନିବେଲା,  
ଏଦାନାକି ଜାନ କିନି କାରୁ ଏଗାଞ୍ଜଡେ,  
୭ ଇଞ୍ଜା ଏଡ଼ି ତାନି ପାଣ୍ଡା ମାରଏଶାଙ୍ଗ୍  
ଜାନ କିଚେ ଇଞ୍ଜା ହିମ୍ପରି ପୁକ୍ହାନା  
କଡ଼ିୟାଁ ଗହନି ତଂଗତା ତ୍ରିପହେ,  
ଇଚିହ୍ ଏ ଲକୁତାକି ବାସାଗାୟୁ  
ହିଲାଆଚେ ।

ମେଣ୍ଡା ଗଡ଼କା ଅଡ଼େ ଦୁଡୁୟାଁ

୮ ଏ ଦାରିମାରି ନାସ୍କାଣାଁ ମେଣ୍ଡା  
ଗଡ଼କା ଲାଆଁୟାଁ ପାଙ୍ଗାତା ଡ଼ୟାନା  
ମେଣ୍ଡାୟାଁ କାଡ଼ିମାଚେରି । ୯ ପ୍ରବୁତି  
ର ଦୁଡୁ ଏଞ୍ଜାରିତାଣା ଝାଡେ ଇଞ୍ଜା  
ପ୍ରବୁତି ଗାଞ୍ଜୁରମିତି ଉଜେଡ଼ି ଏଞ୍ଜାରି  
ସାରିଞ୍ଜାକି ତଞ୍ଜାଆଚେ, ଅଡ଼େ ଏଞ୍ଜାରି  
ହାରେକା ଆଜିତେରି । ୧୦ ଏମ୍ପାଟିଏ  
ଦୁଡୁ ଏଞ୍ଜାରାଙ୍ଗ୍ ଏଲେଇଚେ, “ମାରୁ  
ଆଜାଆଦୁ ! ନାନୁ ମା ବାରେ

ଲକ୍ଷ୍ମୀଙ୍କ ହାତରକା ରାହାଣି କାରୁ ମିଳେ ଖେସିମାଞ୍ଜା, ୧୧ ଇତିହାସ ନାଷ୍ଟ ଦାସୁଦ ଗାଡ଼ାତା ମିଳେ ଗେଲପାନାସି ଜାନା ଆହାମାନେସି, ଏଞ୍ଜାସି କ୍ରୀସୁ ପ୍ରବୁ । ୧୨ ଅଡ଼େ ଇଦି ମିଳେତାକି ସିନାଲେହେ ଆନେ, ମୀରୁ ର କକାଣା ଇ ହିମ୍ବିରି ପୁକହାନା କଡ଼ିୟା ଗହନି ତଂଗତା ତୁରାମାନାଣି ମେହଦେରି ।”

୧୩ ଦେବୁଣିଏ ଏ ଦୂତୁ ତଲେ ଲାକପୁରୁତି ହାରେକା ଦୂତୁୟା ଖାହାନା ମାହାପୁରୁଇଁ ଜହରା ପାରୁ ପାଡ଼ିତୁ, ୧୪ “ଲାକପୁରୁ ମାହାପୁରୁତି ଗାସୁରମି, ଅଡ଼େ ଦାରୁତିତା ଏଞ୍ଜାଣି ରାହାଁ ଇଞ୍ଜା ମାଣ୍ଡିୟା ବିତ୍ରା ହିଡ଼ି ।”

୧୫ ଦୂତୁୟା ଏମ୍ବାଟି ଲାକପୁରୁ ହାଜାଲିଏ ମେଣ୍ଡା ଗଡ଼କା ତାମ୍ବୁ ତାମ୍ବୁ କାତା ଆଡ଼େରି, “ମାର ବେତଲିହିମ ପାତେକା ହାଜାନା ପ୍ରବୁ ମାଲେ ଆମିନି କାତା ଖେସାମାଞ୍ଜାନେସି ଏଦାଆଁ ସିନି କିକାନ ।”

୧୬ ଏମ୍ବାଟିଏ ତବେ ହାଜାନା ପାରାନା ମରିୟନ ଅଡ଼େ ଜସେପ ଇଞ୍ଜା କଡ଼ିୟା ଗହନି ତଂଗତା ପୁଃନି ଜାନାଆଡ଼ି କକାଣା ଇ ତୁରାମାନାଣି ମେସ୍ତେରି । ୧୭ ଏଞ୍ଜାରି ଇ ବାରେ ମେସାନା ଏ କକାଣି କାତା ଏନାଆଁ ଇଣ୍ଡି ଆହାମାରେ ଏଦାଆଁ ଖେକହେରି । ୧୮ ଅଡ଼େ ଏତେକା ଲକ୍ଷ୍ମୀ ମେଣ୍ଡା ଗଡ଼କା ତାଣାଟି ଏ ବାରେ କାତା ଖେରେରି, ଏଞ୍ଜାରି ବାରେ ଏ କାତାତାକି କାବା ଆଡ଼େରି । ୧୯ ସାମା ମରିୟନ ଇ ବାରେ କାତା ହିୟାତା ଇଟାନା ହାରେକା ଅଣପାଲି ମାଟହେ । ୨୦ ଅଡ଼େ ମେଣ୍ଡା ଗଡ଼କାକି ଏନିକ୍ସି ଖେସପି ଆହାମାରେ, ଏଲେକିହାଁ ଏ ଏଞ୍ଜାରି ଏନା ଏନାଆଁ ଖେରେରି ଇଞ୍ଜା ମେସ୍ତେରି ଏ ବାରେତାକି ମାହାପୁରୁତି ଗାସୁରମି ଅଡ଼େ ଜହରା କିହାଁ ଖେଣ୍ଡା ହାରେରି ।

ଜୀସୁଇଁ ଦରୁ ଇତିନାୟି

୨୧ ଏଞ୍ଜାଣାକି ଆଟାଦିନା ଆଡ଼େ ଅଡ଼େ ତଲୁ ଦାଃନି ଦିନା ଖାଡ଼େ ଇଞ୍ଜା

ଏଞ୍ଜାଣି ଦରୁ ଜୀସୁ ଇଞ୍ଜା ଇତିତେରି; ଇ ଦରୁ ତାନି ପୁରାମାସା ଆନି ନକେଏ ଦୂତୁ ତାଣାଟି ଖେସପି ଆହାମାରେ ।

ମାହାପୁରୁ ଇଲୁତା ଜୀସୁ

୨୨ ଅଡ଼େ ଏଡ଼େତା ମସାତି ମେରା ତଲେ ଏଞ୍ଜାରି ଅଡ଼ହା କଡ଼ିନି ଦିନା ଏଗାଞ୍ଜାଡ଼େ, ଏରେଟିଏ ଜସେପ ଅଡ଼େ ମରିୟନ ଜୀସୁଇଁ ମାହାପୁରୁ ନକିତା ଜିରୁସାଲମତା ଅହାଁ ହାରେରି । ୨୩ ଏନିକ୍ସି ମାହାପୁରୁତି ସାସ୍ତେରିତା ରାସ୍କି ଆହାମାନେ, “ବାରେ ପାଣ୍ଡା ମୀରକା ପ୍ରବୁ ତାକି ସୁଦୁଗାଟାରି ଇଞ୍ଜା ଖେକନେରି ।” ୨୪ ଅଡ଼େ ମେରାତା ରାସ୍କି ଆହାମାନି ଇ ମେରା ତଲେ ରୀ କୁଗୁରି ପଟାୟା ଆଆତ ରୀ ପାରୁଖା ପଟାୟା ମାହାପୁରୁ ନକିତା ପୂଜା କିହାଲି ଏଞ୍ଜାଣା ଇ ଜିରୁସାଲମତା ଅଡ଼େରି ।

୨୫ ଏତିବେଲା ଜିରୁସାଲମତା ସିମିୟନ ଦରୁଗାଟି ର ମାଣ୍ଡି ମାରେସି; ଏଞ୍ଜାସି ର ଦାମ୍ବୁଗାଟାସି ଅଡ଼େ ମାହାପୁରୁଇଁ ଆଜିନାସି ମାରେସି, ଅଡ଼େ ଇସାୟେଲ ଲକ୍ଷ୍ମୀ ବାସୁଁ ବେଟାଆନାଣି କାଡ଼ିମାରେସି, ଇଞ୍ଜା ସୁଦୁଜୀସୁ ଏଞ୍ଜାଣି ତାଣା ମାରେ । ୨୬ ମାହାପୁରୁ ପାଣ୍ଡାନି କ୍ରୀସୁଇଁ ମେହୁଆ ପାତେକା ଏଞ୍ଜାସି ହାଅସି ଇଞ୍ଜା ସୁଦୁଜୀସୁ ତଲିଏ ଖେସାମାରେ । ୨୭ ସିମିୟନ ସୁଦୁଜୀସୁଟି ମାହାପୁରୁ ଇଲୁତା ଖାଡ଼େସି; ଅଡ଼େ ତାଲି ତାଞ୍ଜି ମସାତି ମେରାଲେହେଁ କିହାଲି ଜୀସୁଇଁ ବିତ୍ରା ତାତୁ, ୨୮ ଏତିବେଲା ସିମିୟନ କକାଣା ଇ ପମାନା ମାହାପୁରୁଇଁ ଜହରା କିଡ଼େସି;

୨୯ “ଏ ପ୍ରବୁ ନୀଏଁ ନୀନୁ ଖେସିଲେହେଁ ନୀ ହଲେଏଣା ଜୀସୁ ହିଡ଼ିତଲେ ଅମ୍ବୁ;

୩୦ ନା କାନୁ ନୀ ଗେଲପିନାଣା ଇ ମେସାମାନେ ।

୩୧ ଏନିକ୍ସିହାଁ ବାରେ ଲକ୍ଷ୍ମୀତାକି କେପାମାନି

୩୨ ଜୀହୁଦିଆଆତାରାକି ସାତା ତହନି ର ଉଜେଡ଼ି ଆନେସି,

☆ ୨:୨୧ ୨:୨୧ ଲୁକ ୧:୩୧



ଅଡ଼େ ନୀ ଇସ୍ରାୟେଲ ଲକ୍ଷ୍ମି  
ଗାଝୁରମି ଲେହେଁ କିହାମାଞ୍ଜି ।”

୩୩ ଇଞ୍ଜା ତାମି ଇୟା ଅଡ଼େ ଆବା  
ଏଝାଣି ତାକି ଝେସପି ଆହିମାନି ବାରେ  
କାତାତାକି କାବା ଆହିମାଚେରି ।  
୩୪ ଏଚେଟିଏ ସିମିୟନ କକାଣାଲ୍  
ବର ହାହାନା ତାମି ଇୟା ମରିୟମନି  
ଏଲେଇଚେସି, “ମେହ୍ମୁ ଇଝାସି  
ଇସ୍ରାୟେଲତି ହାଡ଼େକା ଲକ୍ଷ୍ମି ନାସା  
କିହାଲି ଅଡ଼େ ଗେଲପାଲି ଆଡ଼ଝି  
ଆହାମାନେସି, ଆମ୍ବାଆରି କପାଟି  
ହାଡ଼େକା ଜଲିନେରି । ଏଝାସି ମାହାପୁରୁ  
ତାଣାଟି ର ସିନାଲେହେଁ ଆନେସି ।  
୩୫ ଆଆତେ ନୀ ଜୀଝୁତା ଜିକେଏ  
କାଣ୍ଡାତଲେ ଗୁକହିସାରେ ହଚାହାନି  
ଲେହେଁ, ଏ କସ୍ତ୍ର ନୀ ହିୟାତା ଆୟାନେ  
।”

୩୬ ଅଡ଼େ ହାନା ଦରୁଗାଟି ର ମାହାପୁରୁ  
ଅଣ୍ପୁତି ବଲୁ ଝେହ୍ନାୟି ମାଚେ; ଏଡ଼ି  
ଆସେର୍ କୁଡ଼ାତି ପନୁଏଲ ମାଙ୍ଗା ।  
ଏଦାନାକି ହାଡ଼େକା ବାର୍ସା ଆହାମାଚେ;  
ଏଡ଼ି ତାଆ ଆଡ଼ି ଜେଚ ସାତା ବାର୍ସା  
ଡକ୍ରାତଲେ ବାସା କିହାମାଚେ, ଅଡ଼େ  
ସାରିକଡ଼ି ସାରି ବାର୍ସା ରାଣ୍ଡେଣି ଆହାନା  
ନୀତାମାଚେ । ୩୭ ଏଡ଼ି ମାହାପୁରୁ  
ଇଲୁ ପିହ୍ଆନା ବାଟିମାଲିହେଁ ଲାଆଁ  
ମାଦେନା ରାନ୍ଦା ତିନାଆନା ପ୍ରାଡାନା  
କିହାମାଚେ । ୩୮ ଏ ଦେବୁଣିଏ ଏଡ଼ି  
ଝାହାନା ମାହାପୁରୁତି ଜହରା କିହେଁ  
ଜିରୁସାଲମତି ଗେଲପିନାଣାଲ୍ କାଟି  
ମାନାରାଲ୍ ଏଝାଣି କାତା ଝେସାଲି  
ମାଟ୍ତହେ ।

ନାଜରିତତା ଝେଣ୍ଡା ଝାନାୟି

୩୯ ଧତାୟୁ ଜସେପ ଅଡ଼େ ମରିୟମ  
ମାହାପୁରୁତି ମୋରା ତଲେ ବାରେ  
କାମା ରାପ୍ତହାନା ଗାଲିଲିତି ତାମି ଗାଡ଼ା  
ନାଜରିତତା ଝେଣ୍ଡା ଝାଡ଼େରି ୪୦ ଅଡ଼େ  
ଜୀସୁ ଆଙ୍ଗାତା ବୁଦିତା ଅଡ଼େ ବାଡ଼ୟୁତା  
ପାତା ଆଡ଼େସି, ଅଡ଼େ ମାହାପୁରୁତି କାର୍ମା  
ଏଝାଣିଲାକ ମାଚେ ।

ଜୀସୁ ମାହାପୁରୁ ଇଲୁତା

୪୧ ତାମି ଇୟା ଆବା ବାରେ ବାର୍ସା  
ପିସପିଆନି ପାର୍ବୁତାକି ଜିରୁସାଲମତା  
ହାଜିମାଚେରି । ୪୨ ଜୀସୁ ବାର୍ସା ବାର୍ସା  
ଆହାଲିଏ ଏଝାରି ପାର୍ବୁତି ମୋରାଲେହେଁ  
ଜିରୁସାଲମତା ହାଚେରି । ୪୩ ଅଡ଼େ  
ପାର୍ବୁତି ଦିନା ରାପ୍ତହାନା ଏଚେତା ଏଝାରି  
ଝେଣ୍ଡା ଝାହିମାଚେରି, ଏଚିବେଲାତା  
ଢଣା କକାସି ଜୀସୁ ଜିରୁସାଲମତା  
ଡୟାହାଚେସି, ସାମା ତାମି ଇୟା ଆବା  
ପୁଞ୍ଜାହିଲାଆଚେରି; ୪୪ ସାମା ଏଝାରି  
ତାମିତଲେ ଝାହାମାଟି ଲକ୍ଷ୍ମିତଲେ  
ମାନେସି ଇଞ୍ଜା ଅଣ୍ପାପାନା ର ଦିନାତି  
ଜିରୁ ହାଚେରି, ଅଡ଼େ ତାମି ଲକ୍ଷ୍ମି ଇଞ୍ଜା  
ପୁଟି ଲକ୍ଷ୍ମିତାଣା ପାରାଲି ମାଟ୍ତହେରି,  
୪୫ ଇଞ୍ଜା ଏଝାଣାଲ୍ ମୋଡ଼ା ଆଆନା ପାରି  
ପାରି ଜିରୁସାଲମତା ଝେଣ୍ଡା ହାଚେରି ।  
୪୬ ତାନିଦିନା ତାୟୁ ଏଝାରି ଏଝାଣାଲ୍  
ମାହାପୁରୁ ଇଲୁତା ବେଟାଆଡ଼େରି;  
ଏଝାସି ମୋରାପୁନାରି କାତା ଝେଞ୍ଜିହେଁ  
ଏଝାରାଲ୍ ଝେଣ୍ଡେ କାତା ଝେଞ୍ଜିମାଚେସି,  
୪୭ ଅଡ଼େ ଏଚେକା ଲକ୍ଷ୍ମି ଏଝାଣି କାତା  
ଝେଞ୍ଜିମାଚେରି, ବାରେଜାଣା ଏଝାଣି  
ବୁଦିତା ଅଡ଼େ ଝେହ୍ନି କାତାତା କାବା  
ଆହିମାଚେରି । ୪୮ ଏଚିବେଲା ତାମି  
ଇୟା ଆବା କକାଣାଲ୍ ମୋସାନା  
କାବାଆଡ଼ୁ ଇଞ୍ଜା ତାମି ଇୟା ଏଝାଣାଲ୍  
ଏଲେଇଚେ, “ମୀରଏଣା ମାଙ୍ଗେ  
ଏନାଆଁତାକି ଇଚେକା ଦୁକୁ ହିୟାତି ?  
ମେହ୍ମୁ ନାନୁ ଅଡ଼େ ମୀ ଆବା ଏଚେକା  
ଦୁକୁଆହେଁ ନିଙ୍ଗେ ପାରିମାଞ୍ଜାନମି ।”

୪୯ ଏମ୍ବାଟିଏ ଜୀସୁ ଏଲେଇଚେସି,  
“ମୀରୁ ନାଙ୍ଗେ ଏନାଆଁତାକି  
ପାରିମାଞ୍ଜାଦେରି ? ନା ଆବା ଇଜ  
ନାନୁ ମାନାଣି ମୀରୁ ପୁଞ୍ଜାହିଲଅଚେରି  
?” ୫୦ ସାମା ଏଝାସି ଆମିନି କାତା  
ଜଲିଚେସି, ତାମି ଇୟା ଆବା ପୁଞ୍ଜାଲି  
ଆଡ଼ାଆଚେରି ।

୫୧ ତାୟୁ ଜୀସୁ ତାମି ଇୟା ଆବା  
ତଲେ ଝେଣ୍ଡେ ନାଜରିତତା ଝାଡ଼େସି,  
ଇଞ୍ଜା ଏଝାରି କାତା ମାନଝି ଆହାନା  
ଡୟିଚେସି, ଅଡ଼େ ତାମି ଇୟା ଇ

☆ ୨:୩୯ ୨:୩୯ ମାଟି ୨:୨୩

ବାରେ କାତା ଜାଗ୍ରାତା ତଲେ ମନତା  
ଇଟାମାତେ । ୫୨ ଅଡେ ଜୀସୁ ଆଙ୍ଗାତା,  
ବୁଦିତା ଇଞ୍ଜା ମାହାପୁରୁ ଅଡେ ମାଣ୍ଠିସିୟା  
କାର୍ମାଟି ପାତା ଆଡେସି ।

**୩**

ବାପ୍ତିସ୍ମା\* ହାନି ଜହନ ଝେକ୍‌ନାୟି

(ମାତି ୩:୧-୧୨; ମାର୍କ ୧:୧-୮; ଜହ  
୧:୧୯-୨୮)

୧ ତିବିରିୟା କାୟିସରତି ସାଲୁଝି କିନି  
ପନ୍ଦର ବାର୍ସା ଆୟାଲିଏ, ଏତିବେଲା  
ପନ୍ତ୍ରୟ ପିଲାତ ଜୀହୁଦା ରାଜିତି ସାଲୁଝି  
କିନାସି ଅଡେ ହେରଦ ଗାଲିଲି ରାଜିତି  
ରାଜା ମାତେସି, ଅଡେ ତାମି ତାୟି  
ପିଲିପ ଇଡୁରିୟା ଅଡେ ଭ୍ରାକନିତି ରାଜି  
ଅଡେ ଲୁସାନିୟା ଅବିଲିନିତି ରାଜା  
ମାତେସି । ୨ ହାନାନ ଅଡେ କୟାପା  
କାଜା ପୂଜେରା ମାତେରି, ଏତିବେଲାତା  
ମାହାପୁରୁତି ବଲୁ ଲକୁ ହିଲାଆ  
ଚାୟୁତା ଜିକରିୟ ମାରୁଏସି ଜହନ  
ତାଣା ଝାଡେ । ୩ ଏମ୍ବାଟିଏ ବାପ୍ତିସ୍ମା†  
ହାନି ଜହନ ଜର୍ଦନ ଦାରିତି ବାରେ  
ନାୟକାଝାକି ହାଜାନା ପାପୁ ମେପକି  
ଆହାଲି ମନ ଝେଟ୍‌ହାନା ବାପ୍ତିସ୍ମା‡ ଅନି  
କାତା ଝେକ୍‌ହାଲି ମାଟ୍‌ହେସି,

୪ ଏନିଇତିହ~ ମାହାପୁରୁ ଅଣ୍ଠପୁତି ବଲୁ  
ଝେହନି ଜିୟାୟ ପତିତା ରାୟକି  
ଆହାମାନେ,

“ଲକୁ ହିଲାଆ ଚାୟୁତା ରଅଣି ହାଡ଼ା  
ଝେଜିମାନେ;  
ପ୍ରବୁତି ଜିରୁ ନେହ~ କେପାଦୁ;  
ଅଡେ ଏଝାଣି କାଜା ଆଂଗେଣି ତିୟି  
କିଦୁ !

୫ ବାରେ ଗାଡ଼ଙ୍ଗା ନେଞ୍ଜି କିଝିଆନୁ,  
ବାରେ ହରକା ମେଟାୟା ଡ଼ଣା  
କିଝିଆନୁ,

ଡ଼ଂଗିତି ଜିରୁ ତିୟି କିଝିଆନେ,  
କାଡ଼ଦି ତେପା ବୁମିତି ବାରେ  
ସମାନା କିଝିଆନେ ।

୬ ବାରେ ଦାରୁତିତି ଲକୁ ମାହାପୁରୁତି  
ଗେଲ୍‌ପିନାଣି ମେହ୍‌ନେରି ।”

୭ \*ଏଲେକିହ~ , ଜହନ ତାଣାଟି  
ବାପ୍ତିସ୍ମା‡ ଅହାଲି ଝାହ୍‌ମାନି ଲକୁଣି  
ମେସାନା ଏଝାରାଇଁ ଏଲେଇଚେସି,  
“ଆଡେ ରାୟକା କୁଡ଼ାତାତେରି ମାହାପୁରୁ  
ପାଣ୍ଡାମାଞ୍ଜାନି କପାଟି ପିସ୍‌ପି ଆହାଲି  
ମାଙ୍ଗେ ଆମ୍ବାଆସି ସେଡ଼ନା ହିୟାତେସି  
? † \*ଏଦାଆଁତାକି ମନ ଝେଟ୍‌ହାକତିତି  
ନେହ~ କାମା ତହ୍‌ଦୁ; ଅଡେ ଅବ୍ରାହାମ  
ମା. ଆବା ଇଞ୍ଜିହ~ ଅଣ୍ଠପାଆଦୁ,  
ନାଦୁ ମିଙ୍ଗ ଝେସିମାଞ୍ଜାଇଁ, ମାହାପୁରୁ  
ଇ ଝାଲ୍‌କାଟି ଜିକେଏ ଅବ୍ରାହାମତି  
ମୀରକାଣି ଗାଡ଼ି କିହାଲି ଆଡ଼ିମାନେସି !

୯ \*ଅଡେ ନୀଏଁ ଜିକେଏ ମାରୁନୁ ତାକିତା  
କାଃଆଲି ଆଟାମାନେ; ଆମିନି ମାରୁନୁ  
ନେହ~ ପାଡେୟି ଆୟେଏ ଏଦାନି  
ଚୁଣ୍‌ହାନା ହିଚୁତା ମେଡ଼ପି ଆନେ ।”

୧୦ ଏମ୍ବାଟିଏ ଲକୁ ଏଝାଣାଇଁ  
ଝେଚେରି, “ଆତିହ~ ମାମ୍ବୁ ଏଦାଆଁ  
କିନମି ?”

୧୧ ଏଝାସି ଏଲେଇଚେସି,  
“ଆମ୍ବାଆରାକି ଜଡେକା ସକାୟା  
ମାମ୍ବୁ, ଏଝାସି ଆମ୍ବାଆରାକି ହିଲାଡ  
ଏଝାଣାକି ରଣ୍ଡାଆଁ ହାପେସି; ଇଞ୍ଜା  
ଆମ୍ବାଆରାକି କାଡ଼ି ମାନେ ଏଝାସି  
ଜିକେଏ ଏଲେକିପାସି ।”

୧୨ \*ସିସୁ ରୁାହ୍‌ନାରି ଜିକେଏ ବାପ୍ତିସ୍ମା\*  
ଅହାଲି ଝାହ୍‌ନା ଏଲେଇଚେରି, “ଏ ଗୁରୁ  
ମାମ୍ବୁ ଏଦାଆଁ କିନମି ?”

୧୩ ଏଝାସି ଏଝାରାଇଁ ଏଲେଇଚେସି,  
“ମିଙ୍ଗେତାକି ଏଚେକା ମେରା ମାନେ  
ଏଚେକାଟିଏ ଆଗାଡ଼ା ରାହ୍‌ଆଦୁ ।”

୧୪ ଏଚରଜାଣା ରିଜାରି କସକା  
ଝାହ୍‌ନା ଏଲେଇଚେରି, “ମାମ୍ବୁ ଏଦାଆଁ  
କିନମି ?”

ଏଝାସି ଏଝାରାଇଁ ଏଲେଇଚେସି,  
“ବାଡ଼ୟୁଟି କି ନାଡ଼ିକିହାନା ଆମ୍ବାଆରି  
ଦନ ମୀଞ୍ଜା ଅଆଦୁ, ଅଡେ ମୀରୁ ଏଚେକା

\* ୩:୧ ମୁଞ୍ଜିନାୟି † ୩:୩ ୩:୩ ମୁଞ୍ଜିନାୟି ‡ ୩:୩ ୩:୩ ମୁଞ୍ଜିନାୟି ☆ ୩:୭ ୩:୭ ମାତି ୧୨:୩୪;  
୨୩:୩୩ § ୩:୭ ୩:୭ ମୁଞ୍ଜିନାୟି ☆ ୩:୮ ୩:୮ ଜହ ୮:୩୩ ☆ ୩:୯ ୩:୯ ମାତି ୭:୧୯ ☆ ୩:୧୨ ୩:୧୨  
ଲୁକ ୭:୨୯ \* ୩:୧୨ ୩:୧୨ ମୁଞ୍ଜିନାୟି

ବେଟାଆଦେରି ଏଚେକା ତଲେଏ ନୀତାଦୁ ।”

୧୫ ଲକ୍ଷ୍ମୀ ମସିହାଙ୍କ କାଟିମାଚେରି, ଇଞ୍ଜା ଜହନଏ କ୍ରୀସ୍ତ ହାବୁଲା ଇଞ୍ଜା ଅଣ୍ଟାପାନା ବାରେଜାଣା ତାମି ମନତା କାତା ଆହିମାଚାକି, ୧୬ ଜହନ ଏଞ୍ଜାରାଙ୍କ ଏଲେଇଚେସି, “ନାନୁସାଁ ଏମୁତଲେ ବାପ୍ତିସ୍ତାଁ ହାହିମାଞ୍ଜାଇ, ସାମା ନା କିହାଁ ଆମ୍ବାଆସି ବାଡ଼ୁୟୁ ଗାଟାସି ଏଞ୍ଜାସି ଖାହିମାନେସି, ଏଞ୍ଜାଣି ସେପୁୟାଁତି ଡ଼କା ଜିକେଏ ହୁକହାଲି ନାନୁ ପାଡ଼ାଆଅଁ; ଏଞ୍ଜାସି ମିଙ୍ଗେ ସୁଦୁଜୀଞ୍ଜୁ ଅଡ଼େ ହିରୁତଲେ ବାପ୍ତିସ୍ତାଁ ହିୟାନେସି । ୧୭ ତାନି କ୍ଳାନ୍ତୁତି ତାସାଲି ଅଡ଼େ ତାନି ଆନାତି କ୍ଳାସାହାଁ କୃତି କିହାନା ଗାଦେୟିତା ଇଟାଲି ଏଞ୍ଜାଣି କେୟୁତା ହେତି ମାନେ, ଇଞ୍ଜା ଗାଟା ପଡ଼ୁତୁ ଏଚେଲା ତୁମ୍ବାଆଗାଟି ହିରୁତା ହୃତା ତୁହନେସି ।”

୧୮ ଏଞ୍ଜାସି ଇଲେତି ହାଚେରକା କାତା ଖେସିହଁ ଅଡ଼େ ରାହାଁତି କାତା ଜଲିହଁ ଲକ୍ଷ୍ମୀତାଣା ନେହଁ କାବୁ ଖେକ୍‌ହି ମାଚେସି; ୧୯ ଯାମା ରାଜା ହେରଦ ତାମି ତାୟି ଡ଼କ୍ତି ହେରଦିୟାନି କାତା ଅଡ଼େ ତାନୁ କିହାମାନି ବାରେ ଲାଗେଏତି କାମାତାକି ଜହନ ତାଣାଟି ଲାଗି ବେଟା ଆହାମାଚାକି, ୨୦ ହେରଦ ଜହନଙ୍କ ଦସପାନା କାୟିଦିତା ଇଟାନା ହାଚେରକା ଲାଗେଏତି କାମା କିଚେସି ।

ଜୀସୁତି ବାପ୍ତିସ୍ତାଁ  
(ମାତି ୩:୧୩-୧୭; ମାର୍କ ୧:୯-୧୧)

୨୧ ବାରେ ଲକ୍ଷ୍ମୀ ବାପ୍ତିସ୍ତାଁ\* ଅଡ଼ି ତାୟୁ ଜୀସୁ ଜିକେଏ ବାପ୍ତିସ୍ତାଁ ଅହାନା ପ୍ରାତାନା କିହିମାଚାଟି ହାଗୁ ଦେପିଆଡ଼େ, ୨୨ ଅଡ଼େ ସୁଦୁଜୀଞ୍ଜୁ ପାର୍‌ଞ୍ଜା ପଟାଲେହେଁ ଏଞ୍ଜାଣିଲକ ରେଚାଞ୍ଜାଡ଼େ; ଇଞ୍ଜା ହାଗୁଟି ଇ ହାଡ଼ା ଆଡ଼େ, “ନାନୁ ନା ଜୀଞ୍ଜୁତି ମୀରୁଏଣାତି ନୀ ତାଣା ନା ରାହାଁ ମାନେ ।”

ଜୀସୁତି ଆକୁ ଆବାୟାଁ  
(ମାତି ୧:୧-୧୭)

୨୩ ଜୀସୁ ସେବା କାମା ମାଟୁହି ବେଲାତା ଏଞ୍ଜାଣାକି କଡ଼େଦସ ବାସା ଆହାମାଚେ; ଲକ୍ଷ୍ମୀ କାତାତଲେ ଏଞ୍ଜାସି ଜସେପ ମୀରୁଏସି; ଜସେପ ଏଲି ମୀରୁଏସି, ୨୪ ଏଲି ମତାତ ମୀରୁଏସି, ମତାତ ଲେବି ମୀରୁଏସି, ଲେବି ମଲ୍ଲକି ମୀରୁଏସି, ମଲ୍ଲକି ଜନୟ ମୀରୁଏସି, ଜନୟ ଜସେପ ମୀରୁଏସି, ୨୫ ଜସେପ ମତିତିୟା ମୀରୁଏସି, ମତିତିୟା ଆମସ ମୀରୁଏସି, ଆମସ ନାହୁମ ମୀରୁଏସି, ନାହୁମ ହେସଲି ମୀରୁଏସି, ହେସଲି ନଗୟ ମୀରୁଏସି, ୨୬ ନଗୟ ମହତ ମୀରୁଏସି, ମହତ ମତିତିୟସ ମୀରୁଏସି, ମତିତିୟସ ସିମିୟି ମୀରୁଏସି, ସିମିୟି ଜସେକ ମୀରୁଏସି, ଜସେକ ଜଦା ମୀରୁଏସି, ୨୭ ଜଦା ଜହନ ମୀରୁଏସି, ଜହନ ରେସା ମୀରୁଏସି, ରେସା ଜିରୁବାବେଲ ମୀରୁଏସି, ଜିରୁବାବିଲ ସଲ୍‌ତିୟେଲ୍ ମୀରୁଏସି, ସଲ୍‌ତିୟେଲ୍ ନେରି ମୀରୁଏସି, ୨୮ ନେରି ମଲ୍ଲକି ମୀରୁଏସି, ମଲ୍ଲକି ଅଦଦି ମୀରୁଏସି, ଅଦଦି କସାମ ମୀରୁଏସି, କସାମ ଏଲାଦାନ ମୀରୁଏସି, ଏଲାଦାନ ଏର ମୀରୁଏସି, ୨୯ ଏର ଜିହସୁୟ ମୀରୁଏସି, ଜିହସୁୟ ଏଲିୟାଜର ମୀରୁଏସି, ଏଲିୟାଜର ଜରିମ ମୀରୁଏସି, ଜରିମ ମତାତ ମୀରୁଏସି, ମତାତ ଲେବି ମୀରୁଏସି, ୩୦ ଲେବି ସିମିୟନ ମୀରୁଏସି, ସିମିୟନ ଜୀହୁଦା ମୀରୁଏସି, ଜୀହୁଦା ଜସେପ ମୀରୁଏସି, ଜସେପ ଜନାମ ମୀରୁଏସି, ଜନାମ ଏଲିୟାକିମ ମୀରୁଏସି, ୩୧ ଏଲିୟାକିମ ମଲାହ ମୀରୁଏସି, ମଲାହ ମନ୍‌ନା ମୀରୁଏସି, ମନ୍‌ନା ମତତା ମୀରୁଏସି, ମତତା ନାତନ ମୀରୁଏସି, ନାତନ ଦାଞ୍ଜୁଦ ମୀରୁଏସି, ୩୨ ଦାଞ୍ଜୁଦ ଜିସି ମୀରୁଏସି, ଜିସି ଅବେଦ ମୀରୁଏସି, ଅବେଦ ବୟାଜ ମୀରୁଏସି, ବୟାଜ ସେଲହ ମୀରୁଏସି,

† ୩:୧୭ ୩:୧୭ ମୁଞ୍ଜିନାୟି ‡ ୩:୧୭ ୩:୧୭ ମୁଞ୍ଜିନାୟି \* ୩:୧୯ ୩:୧୯ ମାତି ୧୪:୩,୪; ମାର୍କ ୬:୧୭,୧୮  
S ୩:୨୦ ୩:୨୧ ମୁଞ୍ଜିନାୟି \* ୩:୨୧ ୩:୨୧ ମୁଞ୍ଜିନାୟି † ୩:୨୧ ୩:୨୧ ମୁଞ୍ଜିନାୟି \* ୩:୨୨ ୩:୨୨  
ମାତି ୩:୧୭; ମାର୍କ ୧:୧୧; ଲୁକ ୯:୩୫

ସେଲହ ନହସନ ମୀରୁଏସି, <sup>୩୩</sup> ନହସନ ଅମିନାଦାବ ମୀରୁଏସି, ଅମିନାଦାବ ଅଦ୍‌ମିନି ମୀରୁଏସି, ଅଦ୍‌ମିନି ଅରୁନି ମୀରୁଏସି, ଅରୁନି ହେସ୍ରଣ ମୀରୁଏସି, ହେସ୍ରଣ ପେରସ ମୀରୁଏସି, ପେରସ ଜୀହୁଦା ମୀରୁଏସି, <sup>୩୪</sup> ଜୀହୁଦା ଜାକୁବ ମୀରୁଏସି, ଜାକୁବ ଇସାହାକ ମୀରୁଏସି, ଇସାହାକ ଅବ୍ରାହାମ ମୀରୁଏସି, ଅବ୍ରାହାମ ତେରହ ମୀରୁଏସି, ତେରହ ନାହର ମୀରୁଏସି, <sup>୩୫</sup> ନାହର ସରୁଗ ମୀରୁଏସି, ସରୁଗ ରଗୁ ମୀରୁଏସି, ରଗୁ ପେଲଗ ମୀରୁଏସି, ପେଲଗ ଏବର ମୀରୁଏସି, ଏବର ସେଲହ ମୀରୁଏସି, <sup>୩୬</sup> ସେଲହ କେନାନ ମୀରୁଏସି, କେନାନ ଅର୍ପକ୍ୟଦ ମୀରୁଏସି, ଅର୍ପକ୍ୟଦ ସେମ ମୀରୁଏସି, ସେମ ନହ ମୀରୁଏସି, ନହ ଲେମକ ମୀରୁଏସି, <sup>୩୭</sup> ଲେମକ ମତୁସେଲହ ମୀରୁଏସି, ମତୁସେଲହ ହନକ ମୀରୁଏସି, ହନକ ଜେରଦ ମୀରୁଏସି, ଜେରଦ ମହଲଲେଲ ମୀରୁଏସି, ମହଲଲେଲ କେନାନ ମୀରୁଏସି, <sup>୩୮</sup> କେନାନ ଏନସ ମୀରୁଏସି, ଏନସ ସେତ ମୀରୁଏସି, ସେତ ଆଦମ ମୀରୁଏସି, ଆଦମ ମାହାପୂରୁ ମୀରୁଏସି ।

**୪**

ଜୀସୁଇଁ ତାୟିପାରି କିନାୟି  
(ମାତି ୪:୧-୧୧; ମାର୍କ ୧:୧୨-୧୩)

<sup>୧</sup> ଜୀସୁ ସୁଦୁଜୀଝୁ ବେଟାଆହାନା ଜର୍ଦନ କାତାଟି ଝେଣ୍ଡାଝାଡେସି ଇଞ୍ଜା ରୀ କଡ଼ି ଦିନା ପାତେକା ସୁଦୁଜୀଝୁ ତଲେ ଲକୁ ହିଲାଆ ଟାୟୁତା ହାଚେସି । <sup>୨</sup> ଏମ୍ବାଆଁ ଏଝାସି ସୟତାନ ତାଣାଟି ତାୟିପାରି କିଝିଆଡେସି । ଇ ରୀ କଡ଼ି ଦିନା ଏଝାସି ଏନାଆଁ ତିନାଆଡେସି, ଅଡେ ଏ ରୀ କଡ଼ି ଦିନା ରାହାଲିଏ ଏଝାସି ହାକି ଆଡେସି ।

<sup>୩</sup> ଏମ୍ବାଟିଏ ସୟତାନ ଏଝାଣାଇଁ ଏଲେଇଚେ, “ନୀନୁ ମାହାପୂରୁ ମୀରୁଏଶାତି ଇଚିହଁ ଇ ଝାଲକାଣି ରୁଟି ଆହାଲି ହୁକୁମି ହୀମୁ ।”

<sup>୪</sup> ସାମା ଜୀସୁ ଏଲେଇଚେସି, “ଦାମ୍ବୁଁ ସାସ୍ତେରିତା ରାସ୍‌କି ଆହାମାନେ, ମାଣ୍‌ସି ଝାରୁଇ ରୁଟି ତିଞ୍ଜାନା ନୀତଅସି ।”

<sup>୫</sup> ଅଡେ ସୟତାନ କାଜା ହରୁ ଲାକ ଅହାନା ଗାଡେକା ତାକି ଦାର୍‌ତତି ବାରେ ରାଜି ଏଝାଣାଇଁ ତସ୍ତେ । <sup>୬</sup> ଇଞ୍ଜା ସୟତାନ ଏଝାଣାଇଁ ଏଲେଇଚେ, “ନୀନୁ ନିଙ୍ଗେ ଇ ବାରେ ଦନତି ଅଦିକାରା କିୟାଇଁ, ଏନାଆଁତାକି ଇଚିହଁ ବାରେ ନାଙ୍ଗେ ହେରପି ଆହାମାଞ୍ଜାନେ, ଅଡେ ନୀନୁ ଆମ୍ବାଆରାକି ମନ ଏଝାଣାକି ହୀଇଁ । <sup>୭</sup> ଇଦାଆଁତାକି ନୀନୁ ନା ନକିତା ମେଣ୍ଡାକୁତାନା ଜହରା କିୟାଦି, ଇଚିହଁ ଇ ବାରେ ନୀଦି ଆନେ ।”

<sup>୮</sup> ଜୀସୁ ଏଲେଇଚେସି, “ରାସ୍‌କି ଆହାମାନେ, ‘ନୀନୁ ନୀ ମାହାପୂରୁଇଁ ଜହରା କିଦି, ଅଡେ ଝାରୁଇ ଏଝାଣି ସେବା କିଦି ।”

<sup>୯</sup> ଅଡେ ସୟତାନ ଏଝାଣାଇଁ ଜିରୁସାଲମତା ଅହାନା ମାହାପୂରୁ ଇଲୁ ତୁଡ଼ିୟା ଲାକ ନିପହାନା ଏଲେଇଚେ, “ନୀନୁ ମାହାପୂରୁଟି ମୀରୁଏଶାତି ଇଚିହଁ ଇମ୍ବାଟି ଡ଼ଇକା ଗେମ୍ବାମ୍; <sup>୧୦</sup> ଇଚିହଁ ରାସ୍‌କି ଆହାମାନେ, ‘ନିଙ୍ଗେ ଗେଲପାଲିତାକି ମାହାପୂରୁ ତାନି ଦୂତୁୟାଇଁ ହୁକୁମି ହୀନେସି ।’ <sup>୧୧</sup> ଅଡେ ରାସ୍‌କି ଆହାମାନେ, ‘ନୀ କଡାୟାଁ ଏନିକଁ ଝାଲକାଣା ଆଡାଉ ଏଦାଆଁତାକି ଏଝି ନିଙ୍ଗେ କେସ୍ତାତଲେ ପେରହା ଆସ୍ତାନୁ ।”

<sup>୧୨</sup> ସାମା ଜୀସୁ ଏଦାନି ଏଲେଇଚେସି, “ଦାମ୍ବୁଁ ସାସ୍ତେରିତା ରାସ୍‌କି ଆହାମାନେ, ନୀନୁ ପ୍ରୁ ନୀ ମାହାପୂରୁଇଁ ତାୟିପାରି କିଆନି ।”

<sup>୧୩</sup> ସୟତାନ ଜୀସୁଇଁ ବାରେ ତାୟିପାରି କିନାଣି ରାପ୍‌ହାନା ଗାଡେକା ତାକି ଏଝାଣାଇଁ ପିସାନା ହାଚେ ।

ଜୀସୁ ଗାଲିଲିତା ସେବା କାମା ମାଟ୍‌ନାୟି

(ମାତି ୪:୧୨-୧୭; ମାର୍କ ୧:୧୪-୧୫)

<sup>୧୪</sup> ଏ ଡାୟୁ ଜୀସୁ ସୁଦୁଜୀଝୁଟି ବାଡ଼ୟୁ ତଲେ ଗାଲିଲିତା ଝାଡେସି, ଅଡେ

ସାରିଖାକି ଏଝାଣି କାତା ଝେଙ୍ଗିତେ ।  
୧୫ ଅଡ଼େ ଏଝାସି ଏଝାରି ଜୀହୁଦି ଲକୁଡି  
କୁଟମି ଇଲୁକାଣା\* ଜାପୁହିହୁଁ ବାରେ  
ଲକୁ ତାଣାଟି ଗାଝୁରମି ବେଟାଆଡ଼େସି ।

ଜୀହୁଇଁ ନାଜରିତତା ଅପାଆଡ଼େରି  
(ମାତି ୧୩:୫୩-୫୮; ମାର୍କ ୬:୧-୬)

୧୬ ଅଡ଼େ ଏଝାସି ଆମିନି ନାଜରିତତା  
ପହିପାତି ଆହାମାରେସି, ଏଡ଼େତା  
ଏ ଟାୟୁତା ହାରେସି ଅଡ଼େ ତାମି  
ମେରାଲେହେଁ ଜମିନି ଦିନାତା ଜୀହୁଦି  
ଲକୁଡି କୁଟମି ଇଲୁତା† ହାରେସି ଇଞ୍ଜା  
ପଡ଼ଝି ଆହାଲି ନିଡେସି, ୧୭ ଏମ୍ବାଟିଏ  
ମାହାପୁରୁ ଅଣ୍ପୁତି ବଲୁ ଝେହ୍ନି  
ଜିସାୟତି ପତି ହାଡେରି, ଜୀସୁ ଏଦାଆଁ  
ଏକହାନା ଏମିନିତାଣା ଇ କାତା ରାୟକି  
ଆହାମାନେ ଏ କାତା ବେଟାଆଡ଼େସି;

୧୮ “ପ୍ରବୁତି ଜୀହୁ ନା ତାଣା ମାନେ,  
ଏନିଇତିହୁଁ ହିଲୀଆ ଗାଟାରି  
ତାଣା ନେହୁଁ କାରୁ  
ଝେକହାଲି ଏଝାସି ନାଙ୍ଗେ  
ଆଟାମାଞ୍ଜାନେସି;  
କାୟିଦିତା ମାନାରାଇଁ ପିସପି ଆନାଣି  
ଝେକହାଲି,

କାଣ୍ଡକା ମେହୁଆଗାଟାରାଇଁ  
ମେସପି କିହାଲି,

ଦୁକୁ ବେଟାଆହି ମାନାରାଇଁ ଗେଲପାଲି,  
୧୯ ଇଞ୍ଜା ମାହାପୁରୁ କାର୍ମା ମେସ୍ତାନି  
ବେଲାତି କାତା ଝେକହାଲି  
ପ୍ରବୁ ନାଙ୍ଗେ ପାଣ୍ଡାମାଞ୍ଜାନେସି ।”

୨୦ ଏମ୍ବାଟିଏ ଜୀସୁ ପତିତି ମୁଦା  
କିହାନା ସେବା କିନାଣି କେୟୁତା  
ହାହାନା କୁଗିଡେସି । ଅଡ଼େ ଜୀହୁଦି  
ଲକୁଡି କୁଟମି ଇଲୁତା‡ କୁଗାମାନି  
ବାରେ ଲକୁ ଜୀସୁ ଝାକି ସିନକିଡେରି ।  
୨୧ ଇଞ୍ଜା ଜୀସୁ ଏଝାରାଇଁ ଏଲେଇଡେସି,  
“ନୀଞ୍ଜୁଟିଏ ଦାମ୍ବୁ ପତିତି ଇ କାତା ମୀରୁ  
ଝେଣ୍ଡମିଏ ପୁରା ଆଡ଼େ ।”

୨୨ ଅଡ଼େ ବାରେଜାଣା ତାନି  
କାତାତାକି ସାକି ହାଡେରି, ଅଡ଼େ ତାନି  
ଗୁଡିଟି ହଡ଼ିମାନି କାର୍ମାତି ବଲୁତା କାବା

ଆଡ଼େରି ଇଞ୍ଜା ଏଲେଇଡେରି, “ଇଝାସି  
ଏନାଆଁ ଜସେପ ମୀରୁଏସି ଆଏକି ?”

୨୩ ଏମ୍ବାଟିଏ ଏଝାସି ଏଝାରାଇଁ  
ଏଲେଇଡେସି, “ମୀରୁ ସାତେଏ ନାଙ୍ଗେ  
ଏଲେ ଇଞ୍ଜାଦେରି, ଏ ଅସଗୁରୁ  
ନୀନୁଏ ନିଙ୍ଗେ ନେହୁଁ କିହାକତାମ୍ବୁ;  
କପରୁନାହୁମତା ଏନା ଏନାଆଁ କିହାମାଞ୍ଜି  
ଇଞ୍ଜୁ ମାମ୍ବୁ ଝେଞ୍ଜାମାନମି ଏଲେକ  
ମୀ ଆକୁ ଆବାୟାଁ ନାୟୁତା ଜିକେଏ କିମ୍ବୁ  
।” ୨୪ ଅଡ଼େ ଏଝାସି ଏଲେଇଡେସି,  
“ନାନୁ ମିଙ୍ଗେ ସାତା ଝେସିମାଞ୍ଜାଇଁ,  
ମାହାପୁରୁ ଅଣ୍ପୁତି ବଲୁ ଝେହ୍ନାରି  
ତାନୁ ପାତାଆଡ଼ି ନାୟୁତି ଲକୁ ଅପଅରି  
। ୨୫ ସାମା ନାନୁ ମିଙ୍ଗେ ସାତା  
ଝେସିମାଞ୍ଜାଇଁ, ଏଲିୟ ବେଲାତା  
ଏନିକ ତାନି ବାସା ସଲେଞ୍ଜୁ ପାଡେକା  
ହାଗୁଟି ପିୟୁ ରିଆତାକି ବାରେ ଦେସା  
କାରୁଝୁ ଆହାମାରେ, ଏତିବେଲାତା  
ଇସ୍ତାୟେଲତା ହାଡ଼େରକା ରାଡ଼େଣ୍ଡିସିକା  
ମାତିହୁଁ ଜିକେଏ; ୨୬ ଏଲିୟ ଏଝାସିକା  
ତାଣା ପାଣ୍ଡୁଝି ଆଆନା ସିଦନ ଦେସାତି  
ସାରିପତ ନାୟୁତି ର ରାଡ଼େଣ୍ଡିନି ତାଣା  
ପାଣ୍ଡୁଝି ଆଡ଼େସି । ୨୭ ଅଡ଼େ ମାହାପୁରୁ  
ଅଣ୍ପୁତି ବଲୁ ଝେହ୍ନି ଏଲିସାୟ ମାଟାଟି  
ଇସ୍ତାୟେଲ ବିତ୍ରା ହାଡ଼େରକା କାଜା  
ରଗ ଗାଟାରି ମାରେରି; ଆଡ଼ିଜିକେଏ  
ଏଝାରି ବିତ୍ରାଟି ରଅସି ଜିକେଏ ନେହୁଁ  
ଆଆଡେସି, ସାମା ସିରିୟା ଦେସାତି  
ନାମାନ ନେହୁଁ କିଝିଆଡ଼େସି ।”

୨୮ ଜୀହୁଦି ଲକୁଡି କୁଟମି ଇଲୁତା§  
ଇ ବାରେ କାତା ଝେଞ୍ଜାନା ବାରେଜାଣା  
କାରୁବି ଆଡ଼େରି, ୨୯ ଅଡ଼େ ଏଝାରି  
ନିଙ୍ଗାନା ଏଝାଣାଇଁ ଗାଡ଼ାଟି ପାଙ୍ଗାତା  
ପେରହେରି ଇଞ୍ଜା ଏଝାରି ଏମିନି ଗାଡ଼ା  
ହରୁଲେକ ଦସାମାଡେରି ଏ ହରୁ  
ଲାକଟି ଡ଼ଇକା ମେଡ଼ହାଲି ଏଝାଣାଇଁ  
ଅଡେରି; ୩୦ ସାମା ଏଝାସି ଏଝାରି ମାଦିଟି  
ହଡ଼ାହାଡେସି ।

ଜୀସୁ ବୁଡୁ ଆଲଗା ମାତାଣାଇଁ

\* ୪:୧୫ ୪:୧୫ ସିନଗର † ୪:୧୬ ୪:୧୬ ସିନଗର ‡ ୪:୨୦ ୪:୨୦ ସିନଗର ☆ ୪:୨୪ ୪:୨୪ ଜହ  
୪:୪୪ § ୪:୨୮ ୪:୨୮ ସିନଗର

ନେହଁକିନାୟି

(ମାର୍କ ୧:୨୧-୨୮)

୩୧ ଜୀସୁ କପରନାହୁମ ଦରୁଗାଟି ଗାଲିଲିତ ର ଗାଡ଼ାତା ଖାଡ଼େସି, ଇର୍ଜା ଜମିନ ଦିନା ଲକୁଣି ଜାପୁହି ମାଚେସି, ୩୨ ଅଡ଼େ ଏଝାରି ଏଝାଣି ଜାପୁନି ତାଣା କାବା ଆଡ଼େରି, ଏନାଆଁତାକି ଇଚିହଁ ଏଝାଣି ଜଲିନାୟି ଅଦିକାରା ଗାଟାୟି ଲେହେଁ ମାଚେ । ୩୩ ର ଦିନା ଜୀହୁଦି ଲକୁତି କୁଟମି ଇଲୁତା\* ର ପଲୁଆ ବୁଡୁ ଆଲଗାମାଟି ଲକୁ ମାଚେସି; ଏଝାସି କିରଡ଼ିହଁ ଏଲେଇଚେସି, ୩୪ “ଏ ନାଜରିତତି ଜୀସୁ ନୀ ତଲେ ମାଙ୍ଗେ ଏନାୟି ମାନେ ? ନୀନୁ ମାଙ୍ଗେ ନାସା କିହାଲି ଖାହାମାଞ୍ଜି କି ? ନୀନୁ ଆମ୍ବାଆତି ନୀନୁ ପୁଞ୍ଜାମାଲ୍; ନୀନୁ ମାହାପୁରୁତି ସୁଦୁ ମାଣ୍ଠିତି ।”

୩୫ ଜୀସୁ ଏଦାନି ଦାକା ହାହାନା ଏଲେଇଚେସି, “ପାଲେଏ ଆମ୍ବୁ ଇର୍ଜା ଇଝାଣି ତାଣାଟି ହଚାହାଲାମୁ ।” ଏମ୍ବାଟିଏ ଏ ବୁଡୁ ଏଝାଣାଇଁ ମାଦିଏ ତୁକହାନା ଏଝାଣାଇଁ ଏନାଆଁ କିଆନା ହଚାହାଚେ ।

୩୬ ଏମ୍ବାଟିଏ ବାରେଜାଣା କାବାଆହାନା ଏଲେଇଚେସି ଆଡ଼େରି, “ଇଦି ଏନିଲେହେଁତି କାତା ? ଏଝାସି ବୁଡୁୟାଁକ୍ ଅଦିକାରା ଅଡ଼େ ବାଡ଼ୁୟୁଟି ହୁକୁମି ହାହିମାନେସି ଇର୍ଜା ଏଝି ହଚା ହାଜିମାନୁ !” ୩୭ ଏମ୍ବାଟିଏ ଏଝାଣି ହାଡ଼ାତି କାରୁ ଦେସାତି ସାରିଝାକି ଝେଙ୍ଗାହାଚେ ।

ଜୀସୁ ହାରେକା ଲକୁଇଁ ନେହଁକିନାୟି

(ମାତ୍ ୮:୧୪-୧୭; ମାର୍କ ୧:୧୯-୩୪)

୩୮ ଏମ୍ବାଟିଏ ଜୀସୁ ଜୀହୁଦି ଲକୁତି କୁଟମି ଇଲୁଟି† ହଚାନା ସିମନ ଇଜ ହାଚେସି । ସିମନ ପୟା ଗାତି ନଫେରି ଆହାମାଚେ, ଅଡ଼େ ଏଝାରି ଇ କାତା ଜୀସୁଇଁ ଏଲେଇଚେରି । ୩୯ ଏମ୍ବାଟିଏ ଏଝାସି ଏଦାନି ତାଗେ ନିଚାନା ନଫେରିତି

ଦାକା ହାଚେସି, ଇର୍ଜା ଏଦାନାକି ନଫେରି ପିସ୍ତେ, ଏଦି ଏ ଦେବୁଣିଏ ନିଜ୍ଞାନା ଏଝାରି ସେବା କିଚେ ।

୪୦ ଝେଡ଼ା କୁଡ଼ୁହି ମାଚାଟି ଆମ୍ବାଆରି ତାଣା ଏନିଲେହେଁତି ରଚା ମାଚେ, ଏଲେତି ରଚା ଲକୁଣି ଜୀସୁ ତାଣା ତାଚେରି, ଇର୍ଜା ତାମି ତାକାଣା କେୟୁ ଇଚାନା ବାରେତି ନେହଁ କିଚେସି । ୪୧ ଅଡ଼େ ବୁଡୁୟାଁ ଜିକେଏ କିରଡ଼ିହଁ ହାରେକା ଲକୁ ତାଣାଟି ଏଲେଇଞ୍ଜି ହଚାହାରୁ, “ନୀନୁ ମାହାପୁରୁ ମୀରଏଣାତି ।”

ଅଡ଼େ ଜୀସୁ ଏ ବାରେତି କାତା ଆହାଲି ହାଆନା ଦାକା ହାଚେସି, ଇଚିହଁ ଏଝାସି କ୍ରୀସୁ ଇଦାଆଁ ଏଝି ପୁଞ୍ଜାମାରୁ ।

ଜୀସୁ ଜୀହୁଦି ଲକୁତି କୁଟମି ଇଲୁତା ଝେକ୍‌ନାୟି

(ମାର୍କ ୧:୩୫-୩୯)

୪୨ ଲାଇ ଝେୟାଲିଏ ଏଝାସି ହଚାନା ଲକୁ ହିଲାଆ ଚାୟୁତା ହାଚେସି; ଅଡ଼େ ଲକୁ ଏଝାଣାଇଁ ପାରି ପାରିହଁ ଏଝାଣି ତାଣା ଖାଡ଼େରି, ଅଡ଼େ ଏଝାସି ଏନିକଁ ଏଝାରି ତାଣାଟି ହାଲଅସି, ଏଦାଆଁତାକି ଏଝାଣାଇଁ ମାଞ୍ଜାଲି ବାତିମାଲିଚେରି । ୪୩ ସାମା ଏଝାସି ଏଝାରାଇଁ ଏଲେଇଚେସି, “ଏଟକା ଗାଡ଼ାତା ଜିକେଏ ନୀନୁ ମାହାପୁରୁ ରାକ୍ତିତି ନେହଁ କାରୁ ଝେକ୍‌ନାୟି ମାନେ, ଇଚିହଁ ଏଦାଆଁତାକି ନୀନୁ ପାଣ୍ଡୁଝି ଆହାମାଇଁ ।”

୪୪ ଇର୍ଜା ଏଝାସି ଜୀହୁଦା ଦେସାତି ଜୀହୁଦି ଲକୁତି କୁଟମି ଇଲୁକାଣା‡ ହାଜାନା ନେହଁ କାରୁ ଝେକ୍‌ହେସି ।



ଜୀସୁ ମାଣ୍ଠକା ଆହନାରାଇଁ ହାଡ଼ିନାୟି

(ମାତ୍ ୪:୧୮-୨୨; ମାର୍କ ୧:୧୭-୨୦)

\* ୪:୩୨ ୪:୩୨ ମାତ୍ ୭:୨୮, ୨୯    \* ୪:୩୩ ୪:୩୩ ସିନଗଲ୍    † ୪:୩୮ ୪:୩୮ ସିନଗଲ୍    ‡ ୪:୪୪ ୪:୪୪ ସିନଗଲ୍  
 ☆ ୫:୧ ୫:୧ ମାତ୍ ୧୩:୧, ୨; ମାର୍କ ୩:୯, ୧୦; ୪:୧

୧ \*ର ଦିନା ଜୀସୁ ଗେନେସର ବାନ୍ଦା ଗାଟୁତା ନିଚାମାଚାଟି ହାରେକା ଲକ୍ଷୁ ମାହାପୁରୁତି କାତା ଝେଞ୍ଜାଲି ଏଞ୍ଜାଣି ସାରିସୁଟୁ ରୁଣ୍ଡା ଆଡେରି । ୨ ଇଞ୍ଜା ଏଞ୍ଜାସି ବାନ୍ଦା ଗାଟୁତା ରୀ ତଂଗାୟା ମାନାଣି ମେସ୍ତେସି; ଏମ୍ବାଟି ମୀଶକା ଆହ୍ନାରି ଏମ୍ବାଟି ରେଚାନା ତାମି ଜାଲାୟା ନରହି ମାଚେରି । ୩ ଏ ତଂଗ ବିତ୍ରାଟି ଏମିନାୟି ସିମନଞାୟି ମାଚେ, ଏ ତଂଗତା କୁଗାନା ଗାଟୁଟିଏ ହିରେ ହେକ ହାଜାଲି ବାଟିମାଲିତେସି; ଇଞ୍ଜା ଏଞ୍ଜାସି କୁଗାନା ଲକ୍ଷୁଣି ଜାପୁହେସି ।

୪ ଏଞ୍ଜାସି ତାନି କାତା ରାପୁହାଲିଏ ସିମନଇଁ ଏଲେଇଚେସି, “ମୀଶକା ଆସାଲି କୁଡ଼ନି ଏୟୁଞ୍ଜାକି ହାଜାନା ମୀ ଜାଲାୟା ମେଡ଼ଦୁ ।”

୫ \*ଏମ୍ବାଟିଏ ସିମନ ଏଲେଇଚେସି, “ଏ ଗୁରୁ ମାମ୍ବୁ ଲୁଆଁ ଝେୟେ କସ୍ତ କିଡ଼ିଞ୍ଜା ର ମୀନୁ ଜିକେଏ ବେଗାଆଆତମି; ସାମା ନୀ କାତା ଆସାନା ଜାଲା ମେଡ଼ଇଁ ।”

୬ \*ଇଞ୍ଜା ଏଞ୍ଜାରି ଜାଲା ମେଡ଼ହାଲିଏ ଏମ୍ବାଆଁ ଜାଲା ନେଞ୍ଜେ ମୀଶକା ହଟୁ, ଇଞ୍ଜା ଏଞ୍ଜାରି ଜାଲା ତାମ୍ବାଲି ମାଟୁହେ ।

୭ ଏମ୍ବାଟିଏ ଏଞ୍ଜାରି ଆମିନି ତଡ଼ଗୁାଟାରି ଅର ତଂଗତା ମାଚେରି, ଏଞ୍ଜାରି ଏନିକଂ ଞ୍ଜାହାନା ସାୟେମି କିନେରି, ଏଦାଆଁତାକି ଏଞ୍ଜାରି ଏଞ୍ଜାରାଇଁ କେୟୁ ଜାଞ୍ଜିତେରି, ଏମ୍ବାଟିଏ ଏଞ୍ଜାରି ଞ୍ଜାହାନା ରୀ ତଂଗାୟା ମୀଶକା ନେଞ୍ଜେ କିୟାଲିଏ ଏ ତଂଗାୟା ମୁଞ୍ଜିମାଟୁ । ୮ ସାମା ସିମନ ପିତର ଏଦାଆଁ ମେସାନା ଜୀସୁ କତାଣା ରିହାନା ଏଲେଇଚେସି, “ଏ ପ୍ରବୁ ନା ତାଣାଟି ହାଜାତୁହମ୍ବୁ ଏନାଆଁତାକି ଇଚିହଁ ନାନୁ ପାପୁଗାଟି ମାଣ୍ଡସିତେଏଁ !”

୯ ଇଚିହଁ ଏଞ୍ଜାରି ହାରେକା ମୀଶକା ଆସାମାଚାକି ତାନୁ ଅଡେ ତାନିତଲେ ମାଚାରି କାବା ଆହାହାଚେରି; ୧୦ ଜେବଦିତି ରୀ ମୀରକା ଜାକୁବ ଅଡେ ଜହନ, ଆମ୍ବାଆରି ସିମନ ଆଟୁହିତାରି ମାଚେରି, ଏଞ୍ଜାରି ଜିକେଏ କାବା ଆହାହାଚେରି । ଅଡେ ଜୀସୁ ସିମନଇଁ

ଏଲେଇଚେସି, “ଆଜାଆନି ନୀଞ୍ଜୁଟିଏ ନୀନୁ ଲକ୍ଷୁଣି ଆହ୍ଦି ।” ୧୧ ଏଚେଟିଏ ଏଞ୍ଜାରି ତଂଗାୟା ଗାଟୁତା ତାଚାନା ଏମ୍ବାଆଁ ବାରେ ପିସାନା ଜୀସୁ ଜେତ ହାଚେରି ।

କାଜା ରଗ ଗାଟାଣାଇଁ ନେହଁ କିନାୟି (ମାତି ୮:୧-୪; ମାର୍କ ୧:୪୦-୪୫)

୧୨ ଜୀସୁ ର ଗାଡ଼ାତା ମାଚାଟି ମେହ୍ଦୁ ଏମ୍ବାଆଁ ଗୁଡ଼ା ଆଜା କାଜା ରଗ ଗାଟାସି ମାଚେସି; ଏଞ୍ଜାସି ଜୀସୁଇଁ ମେସାନା ମୁନୁ କୁତାନା ଏଞ୍ଜାଣାଇଁ ଏଲେଇଚେସି, “ଏ ପ୍ରବୁ ନୀନୁ ମନ କିତିହଁ ନାଜେ ନେହଁ କିହାଲି ଆଡାଦି ।”

୧୩ ଏଚେଟିଏ ଏଞ୍ଜାସି କେୟୁ ଦାସାହାଁ ତାଗାନା ଏଲେଇଚେସି, “ନାନୁ ମନ କିହିମାଇଁ ନୀନୁ ନେହଁ ଆମ୍ବୁ ।”

ଏ ଦେବୁଣିଏ କାଜା ରଗଟି ଏଞ୍ଜାସି ନେହଁ ଆଡେସି । ୧୪ ଜୀସୁ ଏଞ୍ଜାଣାଇଁ ହୁକୁମି ହାହାନା ଏଲେଇଚେସି, “ଆମ୍ବାଆରାଇଁ ଝେହ୍ନାନ୍ତି, ସାମା ହାଜାନା ପୂଜେରାଜାଣି ତହ୍ମୁ, ଅଡେ ମସାତି ମେରାଲେହେଁ ନୀନୁ ନେହଁ ଆଡାଣି ସାକି ହାହାଲି ପୂଜା ହୀମୁ ।”

୧୫ ସାମା ଏଞ୍ଜାଣି କାତା ହାରେକା ଝେଞ୍ଜାହାଚେ, ଅଡେ ହାରେକା ଲକ୍ଷୁ ଝେଞ୍ଜାଲିତାକି ଅଡେ ରଗଟି ନେହଁ ଆହାଲିତାକି ରୁଣ୍ଡା ଆଡେରି । ୧୬ ସାମା ଜୀସୁ ଲକ୍ଷୁ ହିଲାଆ ଟାୟୁତା ହାଜାନା ପ୍ରାତାନା କିହିମାଚେସି ।

ଜୀସୁ ର ଟଟ ଞ୍ଜାୟିତାଣାଇଁ ନେହଁ କିନାୟି

(ମାତି ୯:୧-୮; ମାର୍କ ୨:୧-୧୨)

୧୭ ର ଦିନା ଜାପୁହି ମାଚାଟି, ଗାଲିଲି ଦେସାତି ବାରେ ନାସ୍କାଟି, ଜୀହୁଦା ଦେସା ଇଞ୍ଜା ଜିରୁସାଲମଟି ଞ୍ଜାହାମାନି ପାରୁସିୟାଁ ଅଡେ ମେରାପୁନାରି ଜୀସୁ ତାଣା କୁଗାମାଚେରି, ଇଞ୍ଜା ଏଞ୍ଜାସି ଏନିକଂ ନେହଁ କିନେସି ଇଦାଆଁତାକି ପ୍ରବୁତି ନେହଁ କିନି ବାଡ଼ୁୟୁ ଜୀସୁ ତାଣା ମାଚେ । ୧୮ ଏଚରଜାଣା ଲକ୍ଷୁ

\* ୫:୫ ୫:୫ ଜହ ୨୧:୩    \* ୫:୬ ୫:୬ ଜହ ୨୧:୬

ର ଟଟ ଖାନ୍ତିତାଣାଇଁ କାଟେଲିତା  
 ଡେକା ତାରାନା ଜୀସୁ ନକିତା ବିତ୍ତା  
 ଅହାଲି ଅଣ୍ଠିତେରି । ୯୯ ସାମା  
 ଏମ୍ବାଆଁ ହାଟେକା ଲକୁ ମାଟାକି ଜିରୁ  
 ବେଟାଆଆତେରି, ଇଞ୍ଜା ଏଞ୍ଜାରି ଇଲୁ  
 ଡେପରିତା ଡେକା ଅହାନା ତୁଡ଼ିୟାତି  
 ଟାୟିଲି ହୁକହାନା କାଟେଲି ତଲେ  
 ଜୀସୁ ନକିତା ରେପହେରି । ୧୦ ଜୀସୁ  
 ଏଞ୍ଜାରି ନାମୁ ମେସାନା ଟଟ ଖାନ୍ତିତାଣାଇଁ  
 ଏଲେଇଚେସି, “ତଟେ ନୀ ପାପୁ ବାରେ  
 ମେଣ୍ଠାମାନେ ।”

୯୯ ଏଚେଟିଏ ମେରା ଜାପୁନାରି ଅଡ଼େ  
 ପାରୁସିୟାଁ କାତା ଆହୁଁ ଏଲେଇଣ୍ଠି  
 ଆଡ଼େରି, “ଇଞ୍ଜାସି ମାହାପୁରୁ ନିନା  
 କିହିମାନେସି, ଇଞ୍ଜାସି ଆମ୍ବାଆସି !  
 ମାହାପୁରୁ ପିସପେ ଅଡ଼େ ଆମ୍ବାଆସି  
 ପାପୁ ମ୍ଲେକହାଲି ଆଡ଼ିମାନେସି !”

୧୦ ସାମା ଜୀସୁ ଏଞ୍ଜାରି କାତାବାଟା  
 ଆହିମାନାଣି ପୁଞ୍ଜାନା ଏଞ୍ଜାରାଇଁ  
 ଏଲେଇଚେସି, “ମୀରୁ ମୀ ମନତା  
 ଏନାଆଁତାକି ଏଲେକି ଅଣ୍ଠିମାଞ୍ଜେରି  
 ? ୧୧ ଏନାଆଁ ଇନାୟି ଉସାସା ‘ନୀ  
 ପାପୁ ବାରେ ମେଣ୍ଠାତେ ଇନାୟି  
 କି ନିଙ୍ଗାନା ତାକାମୁ ଇନାୟି ?’  
 ୧୨ ଦାର୍ଡିତା ପାପୁ ମ୍ଲେକହାଲି  
 ମାଣ୍ଠିସି ମୀରୁଏଣାକି ଅଦକାରା  
 ମାନେ, ଇଦାଆଁ ମୀରୁ ଏନିକି  
 ପୁଞ୍ଜାଲି ଆଡ଼ିଦେରି” ଇଦାଆଁତାକି ଟଟ  
 ଖାନ୍ତିତାଣାଇଁ ଏଲେଇଚେସି, “ନାନୁ  
 ନିଙ୍ଗେ ଝେସିମାଞ୍ଜାଇଁ, ନିଙ୍ଗାନା ନୀ  
 କାଟେଲି ଡେକାନା ନୀ ଇଜ ହାଲାମୁ !”

୧୧ ଏଚେଟିଏ ଏଞ୍ଜାସି ଏ ଦେବୁଣିଏ  
 ଏଞ୍ଜାରି ନକିତା ନିଙ୍ଗାନା ଆମିନି  
 କାଟେଲିତା ତୁରାମାଚେସି, ଏଦାଆଁ  
 ଡେକାନା ମାହାପୁରୁଇଁ ଜହରା କିହି  
 ତାମି ଇଜ ହାଚେସି । ୧୨ ଏଚେଟିଏ  
 ବାରେଜାଣା କାବାଆହାନା ମାହାପୁରୁଇଁ  
 ଜହରା କିଚେରି, ଅଡ଼େ ଆଜିତଲେ  
 ଏଲେଇଚେରି, “ନୀଞ୍ଜୁ ମାମୁ କାବାଆନି  
 କାମା ମେସୁମି ।”

ଜୀସୁ ଲେବିଇଁ ହାଟିନାୟି  
 (ମାତି ୯:୯-୧୩; ମାର୍କ ୨:୧୩-୧୭)

୧୦ ଏମ୍ବାଟିଏ ଜୀସୁ ପାଞ୍ଜାତା ହାଜାନା  
 ଲେବି\* ଦରୁଗାଟି ର ସିସୁ ରୁାହନାସି ସିସୁ  
 ରାହନି ଟାୟୁତା କୁଗାମାନାଣି ମେସାନା  
 ଏଞ୍ଜାଣାଇଁ ଏଲେଇଚେସି, “ନୀ ଡେଟ  
 ଝାମୁ ।” ୧୧ ଏମ୍ବାଟିଏ ଏଞ୍ଜାସି ବାରେ  
 ପିସାନା ନିଙ୍ଗାନା ଏଞ୍ଜାଣି ଡେଟ ହାଚେସି  
 ।

୧୨ ଅଡ଼େ ଲେବି ତାମି ଇଜ ର କାଜା  
 ବଜି କିଚେସି, ଇଞ୍ଜା ହାଟେକା ସିସୁ  
 ରାହନାରି ଅଡ଼େ ଏଟକାଟି ଲକୁ ବାରେ  
 ଏଞ୍ଜାରିତଲେ ତିଞ୍ଜାଲି କୁରିଚେରି ।  
 ୧୩ ଏଚେଟିଏ ପାରୁସିୟାଁ ଅଡ଼େ ଏଞ୍ଜାରି  
 ଗଟିତି ମେରାପୁନାରି ତାମି ସୀସୁୟାଁଇଁ  
 ଏଲେଇଚେରି, “ମୀରୁ ଏନାଆଁତାକି ସିସୁ  
 ରାହନାରି ଅଡ଼େ ପାପୁ ଗାଟାରି ତଲେ  
 ତିଞ୍ଜି ଉଣ୍ଠି ମାଞ୍ଜେରି ?”

୧୪ ଜୀସୁ ଏଞ୍ଜାରାଇଁ ଏଲେଇଚେସି,  
 “ନେହୁଁ ମାନାରାକି ଅସଗୁରୁ ଲଡ଼ା  
 ହିଲେଏ, ସାମା ରଟା ଗାଟାରାକି  
 ଲଡ଼ାମାନେ । ୧୫ ନାନୁ ତାରିଗାଟାରାଇଁ  
 ହାଟାଲି ଝାହାହିଲଅଁ, ସାମା ମନ ଝେଟ୍ପି  
 କିହାଲି ପାପୁ ଗାଟାରାଇଁ ହାଟାଲି  
 ଝାହାମାଇଁ ।”

ଉପାସା କିନି କାତା ଝେନାୟି  
 (ମାତି ୯:୧୪-୧୭; ମାର୍କ ୨:୧୮-୨୨)

୧୬ ଏଚେକା ଲକୁ ଜୀସୁଇଁ ଝେଚେରି,  
 “ଜହନତି ସୀସୁୟାଁ ଅଡ଼େ ପାରୁସିୟାଁତି  
 ସୀସୁୟାଁ ଅଲେ ଅଲେ ଉପାସା ଅଡ଼େ  
 ପ୍ରାଡାନା କିହିମାନେରି, ସାମା ନୀ  
 ସୀସୁୟାଁ ତିଞ୍ଜି ଉଣ୍ଠି ମାନେରି ।”

୧୭ ଏମ୍ବାଟିଏ ଜୀସୁ ଏଞ୍ଜାରାଇଁ  
 ଏଲେଇଚେସି, “ବୀହା ଲକୁତଲେ  
 ହନେଏସି ମାନି ପାତେକା ବୀହା ଲକୁ  
 ଉପାସା ମାଞ୍ଜାଲି ଆଡ଼ିନେରି ? ୧୮ ସାମା  
 ର ଦିନା ଝାନ୍ନେ; ଏଞ୍ଜାରି ତାଣାଟି  
 ହନେଏସି ହାନେସି, ଏଚେଟିଏ ଏଞ୍ଜାରି  
 ଉପାସା କିନେରି ।”

୧୯ ଇଞ୍ଜା ଏଞ୍ଜାସି ର ପୁଣ୍ଠିକିନି  
 କାତା ଜିକେଏ ଝେସୁସି, “ଆମ୍ବାଆସି

\* ୫:୨୭ ୫:୨୭ ମାତିୟୁ ☆ ୫:୩୦ ୫:୩୦ ଲୁକ ୧୫:୧,୨



ପ୍ଲୁଃଇ ହିମ୍ବରିତା ପୁଃନି ପାସକି ତାରଅସି; ତାଟିତିଖା ଏ ପୁଃନି ପାସକି ଗେହନେ ଇଞ୍ଜା ପୁଃନି ପାସକି ପ୍ଲୁଃଇ ପାସକି ତଲେ ଆଣ୍ଡେଏ । ୩୭ ଅଡ଼େ ଆମ୍ବାଆସି ପୁଃନି ଅଞ୍ଜୁରି ରାସା ପ୍ଲୁଃଇ ଡକାତା† ଇଟଅସି; ଇଟିତିହ୍ ଅଞ୍ଜୁରି ରାସା ଡକାତି ଅୟି କିହାନା ବହାହାନେ ଅଡ଼େ ଡକା ଜିକେଏ ନସ୍ତୁ ଆନେ, ୩୮ ସାମା ପୁଃନି ଅଞ୍ଜୁରି ରାସା ପୁଃନି ଡକାତା ଇଟିନାୟି ମାନେ ।

୩୯ ଆମ୍ବାଆରି ପ୍ଲୁଃଇ ଅଞ୍ଜୁରି ରାସା ଗସ୍ତି ତାୟୁ ପୁଃନି ଅଞ୍ଜୁରି ରାସା ଗହ୍ଅଡେରି । ପ୍ଲୁଃଆୟି ନେହେଁ ଇଞ୍ଜେରି ।”

୨

ଜମିନି ଦିନାତି ପ୍ରବୁ

(ମାତି ୧୨:୧-୮; ମାର୍କ ୨:୨୩-୨୮)

୧ ର ଜମିନି ଦିନା ଜୀସୁ ତାନି ସୀସୁୟାଁ ତଲେ ଗହ୍ ଗୁଡିୟାଟି ହାଜିମାତାଟି ସୀସୁୟାଁ ଗହ୍ ଜେକା ତାପହାନା କେୟୁତଲେ ରାକ୍‌ହା ତିଞ୍ଜିମାତେରି । ୨ ସାମା ପାରୁସିୟାଁ ବିତ୍ରାଟି ଏଚରଜାଣା ଏଲେଇଚେରି, “ଜମିନି ଦିନାତା ଏନାଆଁ କିନାୟି ମେରା ହିଲେଏ ମୀରୁ ଏନାଆଁତାକି କିହିମାଞ୍ଜେରି ।”

୩ ଜୀସୁ ଏଝାରାଇଁ ଏଲେଇଚେସି, “ଦାସ୍ତୁଦ ଅଡ଼େ ତାନି ତଡ଼େସିଜ୍ଜା ହାକି ମାଗାଟି ଏନାଆଁ କିହାମାଚେରି, ଏଦାଆଁ ମୀରୁ ଏଚେଲା ପଡ଼଼ି ଆହାହିଲଅଡେରି ?

୪ ଏଝାସି ମାହାପୁରୁ ଇଲୁତା ହଡାନା ଆମିନି ହେରପିଆହାମାନି ରୁଟି ପୁଜେରାଜ୍ଜା ପିସପେ ଆମ୍ବାଆରି ତିନି ମେରା ହିଲାଆତେ ଏଦାଆଁ ତିଚେସି ଇଞ୍ଜା ତାନି ତଡ଼େସିଜ୍ଜାକି ଜିକେଏ ହୀତେସି ।”

୫ ଅଡ଼େ ଏଝାସି ଏଝାରାଇଁ ଏଲେଇଚେସି, “ମାଣ୍ଡସି ମୀରୁଏସି ଜମିନି ଦିନାତି ପ୍ରବୁ ଆନେସି ।”

ଝାୟିତି କେୟୁ ଗାଟାଣାଇଁ ନେହ୍ କିନାୟି

(ମାତି ୧୨:୯-୧୪; ମାର୍କ ୩:୧-୬)

୬ ଏଝାସି ର ଜମିନି ଦିନାତା ଜୀହୁଦି ଲକୁତି କୁଟମି ଇଲୁତା\* ହାଜାନା ଜୀପୁହି ମାଚେସି; ଏମ୍ବାଆଁ ରଅସି ମାଚେସି ଏଝାଣି ଚିଃନି କେୟୁ ଝାୟାହାଜାମାଚେ । ୭ ଅଡ଼େ ଏଝାସି ଜମିନି ଦିନାତା ନେହ୍ କିନେସିକି ଆଏ ଏଦାଆଁ ସିନିକିହାଲି ମେରାପୁନାରି ଅଡ଼େ ପାରୁସିୟାଁ କୁଗାନା ସିନିକିହିମାଚେରି, ଏନିକ୍ ଏଝାଣାଇଁ ଦହ୍ ଆସାଲି ପାରୁ ବେଟାଆନେରି । ୮ ସାମା ଏଝାସି ଏଝାରି ହିୟାଁତି ଅଣ୍ଡପୁ ପୁଞ୍ଜାନା ଆମିନି ଲକୁତି କେୟୁ ଝାୟାହାଜାମାଚେ ଏଝାଣାଇଁ ଏଲେଇଚେସି, “ନିଜ୍ଜାମୁ ମାଦି ନିମୁ ।” ଏଚେଟିଏ ଏଝାସି ନିଚେସି । ୯ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ନାନୁ ମିଜ୍ଜେ ଝେଞ୍ଜିମାଞ୍ଜାଇଁ ଜମିନି ଦିନାତା ଏନାଆଁ କିନାୟି ମେରା ମାନେ ? ନେହ୍ କିନାୟି କି ଲାଗେଏ କିନାୟି ? ଜୀସୁତି ଗେଲ୍‌ପିନାୟି କି ନାସା କିନାୟି ?” ୧୦ ଅଡ଼େ ଏଝାସି ସାରିଝାକି ଲକୁଣି ସିନିକିହାନା ଏଝାଣାଇଁ ଏଲେଇଚେସି, “ନୀ କେୟୁ ଦାହ୍‌ମୁ ।” ଏମ୍ବାଟିଏ ଦାସ୍ତେସି, ଇଞ୍ଜା ଏଝାଣି କେୟୁ ନେହ୍ ଆହାହାଚେ । ୧୧ ଏଦାଆଁ ମେସାନା ଏଝାରି କାରୁବି ଆହାହାଚେରି ଅଡ଼େ ଜୀସୁଇଁ ଏନିକିହାଲି ଆନେ ଇଞ୍ଜା ତାମ୍ବୁ ତାମ୍ବୁ କାତା ଆଡ଼େରି ।

ଜୀସୁ ବାରଜାଣା ସୀସୁୟାଁଇଁ ଆଟିନାୟି

(ମାତି ୧୦:୧-୪; ମାର୍କ ୩:୧୩-୧୯)

୧୨ ଏଟିବେଲାତା ଏ ଦିନା ପ୍ରାଡାନା କିହାଲି ହରୁ ଲାକ ହାଚେସି ଇଞ୍ଜା ଲାଆଁ ଝେୟେ ମାହାପୁରୁ ତାଣା ପ୍ରାଡାନା କିଚେସି । ୧୩ ଲାଇଁ ଝେୟାଲିଏ ଏଝାସି ତାନି ସୀସୁୟାଁ ତାଗେ ହାଟାନା ଏଝାରି ବିତ୍ରାଟି ବାରଜାଣାଟି ଆଟିଚେସି; ଇଞ୍ଜା ଏଝାରାଇଁ ପାଣ୍ଡୁଞ୍ଜି ଆଡାରି ଇଞ୍ଜା

† ୫:୩୭ ୫:୩୭ ତଲୁ ତଲୁ କେପିତି ଅଞ୍ଜୁରି ରାସା ଇଟିନି ବାସ୍ତା ଚୁପୁ \* ୬:୬ ୬:୬ ସିନଗଗ

ଦରୁ ଇତିତେସି, ୧୪ ଏଞ୍ଜାରି ଆଡେରି ସିମନ ଆମ୍ବାଆରାଇଁ ଏଞ୍ଜାସି ପିତର ଦରୁ ହୀତେସି, ଅଡେ ତାନି ତାୟି ଆନ୍ଦ୍ରିୟ, ଜାକୁବ ଅଡେ ଜହନ, ପିଲିପ, ବାର୍ତଲମି, ୧୫ ମାତିୟୁ ଅଡେ ତମା, ଆଲେପି ମୀରଏସି ଜାକୁବ ଅଡେ ସିମନ, ଆମିନି ଗାଟାଣାଇଁ ତାନି ଦେସାତି ଜୀଞ୍ଜୁ ନନାସି ଇନେରି, ୧୬ ଜାକୁବ ମୀରଏସି ଜୀହୁଦା ଅଡେ ଇସ୍ଵାରିୟତ ଜୀହୁଦା, ଆମ୍ବାଆସି ଜୀସୁଇଁ ସାତୁ କେୟୁତା ହେରପିତେସି ।

ଜୀସୁତି ଜାପ୍ନାୟି ଅଡେ ରଗଟି ନେହଁ କିନାୟି  
(ମାତି ୪:୨୩-୨୫)

୧୭ ଅଡେ ଏଞ୍ଜାସି ଏଞ୍ଜାରିତଲେ ରେଚାଞ୍ଜାହାନା ନିମା ଗାଟି ଟାୟୁତା ନିତେସି, ଇଞ୍ଜାଁ ତାନି ହାରେକା ସୀସୁୟାଁ ଅଡେ ବାରେ ଜୀହୁଦା ଦେସା ଜିରୁସାଲମ ଇଞ୍ଜାଁ ସର ଅଡେ ସିଦନ ଦାରିଟି ହାରେକା ଖାଡେରି । ୧୮ ଏଞ୍ଜାରି ଜୀସୁତି କାତା ଖେଞ୍ଜାଲି ଅଡେ ତାମି ରଗଟି ନେହଁ ଆହାଲି ଖାହାମାତେରି, ଅଡେ ଆମିନି ଗାଟାରି ବୁତୁୟାଁ ତାଣାଟି କସ୍ତ ବେଟାଆହି ମାତେରି, ଏଞ୍ଜାରି ଜିକେଏ ନେହଁ ଆଡେରି; ୧୯ ବାରେଜାଣା ଏଞ୍ଜାଣାଇଁ ତୀଗାଲି ମନ କିହିମାତେରି, ଇତିହଁ ଏଞ୍ଜାଣି ତାଣାଟି ବାଡ଼ୟୁ ହଟାନା ବାରେଜାଣାଟି ନେହଁ କିହିମାତେ ।

ଆମ୍ବାଆରି ନେହେଁ  
(ମାତି ୫:୧-୧୨)

୨୦ ଏତିବେଲାତା ଜୀସୁ ତାନି ସୀସୁୟାଣି ସିନିକିହାନା ଏଲେଇଚେସି, “ହିଲାଆଗାଟାତେରି ମୀରୁ; ମିଜେ ନେହେଁ, ଇତିହଁ ମାହାପୁରୁ ରାଜି ମୀଦିଏ । ୨୧ ନୀଏଁ ହାକି ଗାଟାତେରି ମୀରୁ; ମିଜେ ନେହେଁ, ଇତିହଁ ମୀରୁ ତାୟୁ ପାଞ୍ଜିଦେରି । ନୀଏଁ ତାହିମାନାତେରି ମୀରୁ; ମିଜେ ନେହେଁ,

ଇତିହଁ ମୀରୁ ତାୟୁ କାକ୍ଦେରି ।”

୨୨ “ଏଡେତା ଲକୁ ମିଜେ ଅପଅରି ଅଡେ ମାଣସି ମୀରଏଣା ତାକି ଏଟକା କିୟାନେରି, ଅଡେ ନିନ୍ଦା କିୟାନେରି ଇଞ୍ଜାଁ ମୀ ଦରୁତି ଲାଗେଏତାୟି ଇଞ୍ଜାଁ ଅପଅରି, ଆତିହଁ ମୀରୁ ନେହେଁ । ୨୩ “ଏ ବେଲାତା ରାହାତଲେ ଏନ୍ଦାଦୁ, ଏନିଇତିହଁ ଲାକପୁରୁ ମିଜେତାକି ହାରେକା ଦାନା ମାନେ; ଅଡେ ଏଲେକିହଁଏ ଏଞ୍ଜାରି ଆକୁ ଆବାୟାଁ ମାହାପୁରୁ ଅଣପୁତି ବଲୁ ଖେହନାରାଇଁ କିହିମାତେରି ।”

୨୪ “ସାମା ଆୟତା ତଣ୍ଡ ବେଟାଆନି ଦନ ଗାଟାତେରି ମୀରୁ; ମୀରୁ ମୀ ଅଣପିମାତି ସୁକୁ ବେଟା ଆହାମାଞ୍ଜେରି !

୨୫ ଆୟତା ତଣ୍ଡ ବେଟାଆନାତେରି ନୀଏଁ ପାଞ୍ଜାମାନାତେରି ମୀରୁ; ଇତିହଁ ତାୟୁ ମୀରୁ ହାକି ଆଦେରି ।

ଆୟତା ନୀଏଁ କାକ୍ହି ମାନାତେରି ମୀରୁ; ଇତିହଁ ତାୟୁ ମୀରୁ ଦୁକୁ ଆହାନା ତୀଦେରି ।”

୨୬ “ଏତିବେଲା ବାରେ ଲକୁ ମିଜେ ନେହାଁତେରି ଇଞ୍ଜାନେରି, ଏତିବେଲା ଆୟତା ତଣ୍ଡ ବେଟା ଆନାତେରି; ଏଲେକିହଁଏ ଏଞ୍ଜାରି ଆକୁ ଆବାୟାଁ ମିତି ବଲୁ ଖେହନାରାଇଁ କିହିମାତେରି ।”

ସାତୁୟାଁଇଁ ଜୀଞ୍ଜୁନନାୟି  
(ମାତି ୫:୩୮-୪୮; ୭:୧୨)

୨୭ ସାମା ମୀରୁ ଖେଞ୍ଜିମାଞ୍ଜେରି, ନାନୁ ମିଜେ ଖେସିମାଞ୍ଜାଇଁ, ମୀ ସାତୁୟାଁଇଁ ଜୀଞ୍ଜୁନଦୁ; ଆମ୍ବାଆରି ମିଜ ଅପଅରି ଏଞ୍ଜାରି ନେହଁ କିଦୁ; ୨୮ ଆମ୍ବାଆରି ମିଜ ବାକା ଇଟାନେରି, ଏଞ୍ଜାରାଇଁ ବର ହୀଦୁ; ଆମ୍ବାଆରି ମିଜେ ଲାଗେଏ କିହଁ ଲେମ୍ବାନେରି ଏଞ୍ଜାରି କସ୍ତମି ପ୍ରାତାନା କିଦୁ । ୨୯ ଆମ୍ବାଆସି ମିଜେ ର ଗେଏଲାତା ସାପ୍ତା ଖେତାନେସି, ଏଞ୍ଜାଣାକି ଅର ଗେଏଲା ଜିକେଏ

ଅଗାହୀଦୁ; ଇଞ୍ଜା ଆମ୍ବାଆସି ମୀ ହିମ୍ବରି ଅନେସି ଏଞ୍ଜାଶାକ୍ ମୀ ସକା ଜିକେଏ ଅହାଲି କାହିକିଆଦୁ ।  
 ୩୦ ଆମ୍ବାଆସି ମିଙ୍ଗେ ରୀସ୍ତାନେସି, ଏଞ୍ଜାଶାକି ହୀଦୁ; ଇଞ୍ଜା ଆମ୍ବାଆସି ଦନ ଅନେସି, ଏଞ୍ଜାଶାକ୍ ଖେଣ୍ଡେ ରୀହୁଆଦୁ ।  
 ୩୧ \*ଲକୁ ମିଙ୍ଗେ ଏନିକ୍ ଲେମ୍ବାପେରି ଇଞ୍ଜି ଅଣ୍ପିମାଞ୍ଜେରି, ମୀରୁ ଜିକେଏ ଏଞ୍ଜାରାକ୍ ଏଲେକିହି ଲେମ୍ବାଦୁ ।

୩୨ ଇଞ୍ଜା ଆମ୍ବାଆରି ମିଙ୍ଗେ ଜୀଞ୍ଜୁ ନୟାନେରି, ଏଞ୍ଜାରାକ୍ ଜୀଞ୍ଜୁ ନଡ଼ିହି ଏନି ବର ବେଟାଆଦେରି ? ଇତିହି ପାପୁ ଗାଟାରି ଜିକେଏ ତାମଙ୍ଗେ ଜୀଞ୍ଜୁ ନନାରାକ୍ ଜୀଞ୍ଜୁ ନନେରି ।  
 ୩୩ ଅଡ଼େ ଆମ୍ବାଆରି ମିଙ୍ଗେତାକି ନେହି କିୟାନେରି, ମୀରୁ ଏଞ୍ଜାରି ନେହି କିଦେରି, ଆତିହି ମୀରୁ ଏନି ବର ବେଟାଆଦେରି ? ଇତିହି ପାପୁ ଗାଟାରି ଜିକେଏ ଏଲେକିନେରି ।  
 ୩୪ ଇଞ୍ଜା ଆମ୍ବାଆରି ତାଣାଟି ବେଟାଆହାଲି ଆସା ମାନେ, ଏଞ୍ଜାରାକି ରୀଶା ହୀତିସାରେ ମୀରୁ ଏନି ବର ବେଟାଆଦେରି ? ପାପୁ ଗାଟାରି ଜିକେଏ ସମାନା ଲେକାତଲେ ବେଟାଆହାଲି ପାପୁ ଗାଟାରାକି ରୀଶା ହୀନେରି ।  
 ୩୫ ସାମା ମୀ ସାତୁୟାଣି ଜୀଞ୍ଜୁନଦୁ ଇଞ୍ଜା ଏଞ୍ଜାରି ନେହି କିଦୁ, ଖେଣ୍ଡେ ବେଟାଆହାଲି ଆସା କିଆନା ଉଦାରା ହୀଦୁ; ଆତିହି ମିଙ୍ଗେତାକି କାଜା ଦାନା ମାନେ, ଇଞ୍ଜା ମୀରୁ କାଜା ମାହାପୁରୁତି ମୀରକା ଆଦେରି, ଇତିହି ଏଞ୍ଜାସି ଜୀଞ୍ଜୁ ନଆଗାଟାରାକ୍ ଅଡ଼େ ପାପୁ ଗାଟାରାକ୍ ଜିକେଏ ଜୀଞ୍ଜୁ ନନାସି ।  
 ୩୬ ମୀ ଲାକପୁରୁତି ଆବା ଏନିକ୍ କାର୍ମା ମେହନାସି ମୀରୁ ଜିକେଏ ଏଲେକିହିଏ କାର୍ମା ମେହନାତେରି ଆଦୁ ।

ଏଟକା ତାରାକ୍ ନୀହାୟି କିଆଦୁ  
 (ମାତି ୭:୧-୫)

୩୭ “ଅଡ଼େ ନୀହାୟି କିଆଦୁ, ଆତିହି ମୀରୁ ମାହାପୁରୁ ତାଣା ନୀହାୟି କିଞ୍ଜି ଆଅତେରି; ଦହ ଦହଆଦୁ, ଆତିହି ମୀରୁ ମାହାପୁରୁ ତାଣା ଦହ ଗାଟାତେରି ଆଅତେରି; ଦହ ମେକ୍‌କଦୁ, ଆତିହି ମାହାପୁରୁ ମୀ ଦହ ଜିକେଏ ମେକ୍‌କହାନେସି; ୩୮ ହୀଦୁ ଆତିହି ମିଙ୍ଗେ ଜିକେଏ ହୀପକିଆନେ; ଲକୁ ମାଣାତି ନେଞ୍ଜିକିହାନା ଏଦାନି ନାବଗାନା ଦାକ୍‌ହାନା ତେଲି କିହାନା ମୀ ଅଟଡ଼ିତା ହିୟାନେରି; ଇତିହି ଆମିନି ମାଣାତଲେ ଲାଡ଼ିଦେରି, ମିଙ୍ଗେ ଜିକେଏ ଏ ମାଣା ତଲେଏ ଲାଡ଼ା ହିୟାନେରି ।”

୩୯ ଏଞ୍ଜାସି ଏଞ୍ଜାରାକ୍ ର ପୁଣ୍ଡିକିନି କାତା ଜିକେଏ ଏଲେକିତେସି, “ର କାଣା ଅର କାଣାକ୍ ଜିରୁ ତସାଲି ଆଡ଼ିନେସିକ ? ଏଞ୍ଜାରି ରିଆରି ଜିକେଏ ରହେଏ ଗାଡ଼ୟୁତା ତରଗଅରି କି ? ୪୦ ସୀସୁ ତାନି ଗୁରୁ କିହା କାଜାସି ଆଏ; ସାମା ବାରେଜାଣା ସୀସୁୟା ନେହିକ୍ ଜାପାଲି ଆଡ଼ିସାରେ ତାନି ଗୁରୁ ସମାନା ଆନେରି ।”

୪୧ ଅଡ଼େ ଏନୀଆଁତାକି ମୀ ତାୟି କାନୁତି ଲାଟା ସିନିକିହିମାଞ୍ଜି, ସାମା ନୀ କାନୁତା ଆମିନି କାଜା ଲାଟା ମାନାଣି ଏନୀଆଁତାକି ଅଣ୍ପି ହିଲଅତି ? ୪୨ ନୀନୁ ନୀ କାନୁତା ମାନି କାଜା ଲାଟାଟି ଅଣ୍ପାଆନା, ଏନିକ୍ ନୀ ତାୟିକ୍ ଏଲେକିଞ୍ଜାଲି ଆଡ଼ିଦି, ତାୟି ଖାମୁ ନୀ କାନୁତା ମାନି ଲାଟା ଡେଞ୍ଜାକ୍, ଆଡ଼େ କୁଟୁ ଗାଟାଟି ତଲିଏ ନୀ କାନୁତି କାଜା ଲାଟା ଡେଞ୍ଜା କତାମୁ, ତାୟି ମୀ ତାୟି କାନୁତି ଲାଟା ନେହିକ୍ ମେସାଲି ଆଡ଼ିଦି ।

ମୀରୁନୁ ଅଡ଼େ ତାନି ପାଡ଼େୟି  
 (ମାତି ୭:୧୭-୨୦; ୧୨:୩୩-୩୫)

୪୩ “ଇତିହି ଇଲେତି ଏନି ନେହି ମୀରୁନୁ ହିଲେଏ, ଏମିନାୟି ଲାଗେଏତି ପାଡ଼େୟି ଆୟିନେ, ଅରଖାକି ଇଲେତି ଏନି ମୀରୁନୁ ହିଲେଏ

\* ୭:୩୧ ୭:୩୧ ମାତି ୭:୧୨    ☆ ୭:୩୯ ୭:୩୯ ମାତି ୧୫:୧୪    ☆ ୭:୪୦ ୭:୪୦ ମାତି ୧୦:୨୪,୨୫; ଜହ ୧୩:୧୬; ୧୫:୨୦    ☆ ୭:୪୪ ୭:୪୪ ମାତି ୧୨:୩୩

ଏମିନାୟି ନେହୁଁ ପାଡ଼େୟି ଆୟିନେ । ୪୪ \*ଇଚିହୁଁ ବାରେ ମାରକାଣି ତାନି ପାଡ଼େୟି ତଲେ ପୁନାୟି; ହାପୁକା ମାରୁନୁଟି ଲକୁ ତୟା ପାଡ଼େୟି ଏହୁଅରି, ଇଞ୍ଜା ହାପୁକା ବୃଟାଟି ଅଞ୍ଜୁରି ପାଡ଼େୟି ଏହୁଅରି ।

୪୫ \*ନେହୁଁ ଲକୁ ନେହୁଁ ମନ ବିତ୍ରାଟି ନେହୁଁ କାତା ହପୁନେସି, ଇଞ୍ଜା ପଲୁଆ ଗାଟାସି ପଲୁଆ ମନ ବିତ୍ରାଟି ପଲୁଆ କାତା ହପୁନେସି; ଇଚିହୁଁ ହିୟା ବିତ୍ରା ମାନାଣି ଗୁଟିଟି ଜଲିନେସି ।

ରୀ ଇଲକା କେପିନାରି  
(ମାତି ୭:୨୪-୨୭)

୪୬ ଅଡ଼େ ମାରୁ ଏନାଆଁତାକି ନାଜେ ପ୍ରବୁ ପ୍ରବୁ ଇଞ୍ଜା ମାଞ୍ଜାଦେରି, ସାମା ନା କାତା ମାନୁଞ୍ଜି ଆହି ହିଲଅତେରି ? ୪୭ ଆମ୍ବାଆସି ନା ତାଣା ଖାହାନା ନା କାତା ଖେଞ୍ଜାନା ବାରେ ମାନୁଞ୍ଜି ଆନେସି, ଏଞ୍ଜାସି ଏନିଲେହେଁତାସି, ନାନୁ ମିଜେ ଖେସ୍ତାଇଁ । ୪୮ ଏଞ୍ଜାସି ଇଲେତି ର ଇଲୁ ଦହନିଲେହେତି ଲକୁ, ଏମିନିଗାଟାସି ଗାତି ଗାଡ଼ୁୟୁ କାରୁହାନା ପୁନାଦି ଖାଲକାତଲେ କାତି ନିପୁନେସି; କାଜା କାତା ଖାହାନା ଏ ଇଲୁତି ଗୁପିତେ, ଖାଲକାତଲେ ଇଲୁ ଦସାମାଟାକି କାତା ଇଲୁତି ଦାକହାଲି ଆଡ଼ାଆତେ । ୪୯ ସାମା ଆମ୍ବାଆସି ଖେଞ୍ଜାନା ମାନୁଞ୍ଜି ଆଅସି ଏଞ୍ଜାସି ଗାଡ଼ୁୟୁଟିଏ ପୁନାଦି କିଆନା ଲାକ ଲାକ ଇରୁଆ ଲାକ ଇଲୁ କିହାମାନି ଲକୁ ଲେହେଁତାସି; କାଜା କାତା ଖାହାନା ଇଲୁତି ଗୁପାଲିଏ ଦେବୁଣିଏ ଇଲୁ ରିହା ହାଚେ ଇଞ୍ଜା କୁଡ଼ପୁନାସା ଆହାହାଚେ ।”

୭

ଜୀସୁ ର ରମିୟ ହଲେଏଶାଇଁ ନେହୁଁ କିନାୟି  
(ମାତି ୮:୫-୧୩)

୧ ଜୀସୁ ଲକୁ ନକିତା ବାରେ କାତା ଖେସାଲି ରାପୁହାଲିଏ କପରନାହୁମ ଗାଡ଼ାତା ହାଚେସି । ୨ ଏଟିବେଲାତା

ରଅସି ପାସାକଡ଼ି କସକା ମୁହେଁ କାଜାଣା ହଲେଏସି ହାନିଲେହେଁ ନଡ଼େରି ଆହାମାଚେସି; ଏ ହଲେଏଶାଇଁ ଏଞ୍ଜାସି ହାଚେକା ଜୀସୁ ନହୁଁ ମାଚେସି । ୩ ଏଞ୍ଜାସି ଜୀସୁ କାତା ଖେଞ୍ଜାନା, ଏଞ୍ଜାସି ଏନିକୁଁ ଖାହାନା ତାନି ହଲେଏଶାଇଁ ନେହୁଁ କିନେସି, ଇଦାଆଁତାକି ଜୀହୁଦି ଲକୁତି କାଜାରି ବିତ୍ରାଟି ଏଚରଜାଣାତି ଏଞ୍ଜାଣି ତାଣା ପାଣ୍ଡାନା ବାତିମାଲିତେସି । ୪ ଏଞ୍ଜାରି ଜୀସୁ ତାଣା ଖାହାନା ହାଚେକା ବାତିମାଲିହୁଁ ଖେସ୍ତେରି, “ଏଞ୍ଜାସି ନୀ ତାଣାଟି ହାଚେକା ସାୟେମି ବେଟାଆହାଲି ପାଡ଼ା ଆନାସି; \*ଇଚିହୁଁ ଏଞ୍ଜାସି ମା ଜୀହୁଦି ଲକୁଣି ଜୀସୁ ନନେସି ଅଡ଼େ ତାନୁଏ ମାଜେତାକି ଜୀହୁଦି ଲକୁତି କୁଟେ ଇଲୁ\* କିହାମାନେସି ।”

୬ ଏମ୍ବାଟିଏ ଜୀସୁ ଏଞ୍ଜାରିତଲେ ହାଚେସି, ଏଞ୍ଜାସି କାଜାଣି ଇଲୁଟିଏ ହିରେ ହେକ ମାଚାଟିଏ ତାନି ତଣେସିଜାଣି ଖେସା ପାଣ୍ଡିତେସି, “ଏ ପ୍ରବୁ ନୀନୁ ଅଡ଼େ କସ ପ୍ଲାଃଆନିଦେ; ଇଚିହୁଁ ନୀନୁ ନା ଇଜ ପାଞ୍ଜୁଲି ଇଚିଦି ଇଲେକୁଁ ପାଡ଼ାଆଆତାଚେସି; ୭ ଇଦାଆଁତାକି ନାନୁ ନୀ ତାଣା ଖାହାଲି ପାଡ଼ାଆଆଁ ଇଞ୍ଜା ଅଣ୍ଡିତେସି; ସାମା ନୀନୁ ର ପବୁ ଖେସା ପାଣ୍ଡାମୁ ନା ହଲେଏସି ନେହୁଁ ଆନେସି । ୮ ଇଚିହୁଁ ନାନୁ ରଅଣି ତାଣା କାମା କିନି ମାଣ୍ଡାସି ଆଡ଼ିହୁଁ ଜିକେଏ ନା ଅଦିକାରାତା ଅଡ଼େ କସକା ମାନେରି; ଅଡ଼େ ନାନୁ ରଅଣାଇଁ ହାଲାମୁ ଇଚିହୁଁ ହାନେସି; ରଅଣାଇଁ ଖାମୁ ଇଚିହୁଁ ଖାନେସି; ଇଞ୍ଜା ନା ହଲେଏଶାଇଁ ଇଦାଆଁ କିମୁ ଇଚିହୁଁ ଏଞ୍ଜାସି କିନେସି ।”

୯ ଜୀସୁ ଇ ବାରେ କାତା ଖେଞ୍ଜାନା କାବା ଆଡ଼େସି, ଅଡ଼େ ଜେଟ ଖାହିମାନି ଲକୁଞ୍ଜାକି ସିନକିହାନା ଏଲେଇଚେସି, “ନାନୁ ମିଜେ ଖେସିମାଞ୍ଜାଇଁ ଇସ୍ତାୟେଲ ଲକୁ ବିତ୍ରା ଜିକେଏ ନାନୁ ଇଲେତି ନାମୁ ମେସାହିଲଅଁ ।”

୧୦ ଅଡ଼େ ପାଣ୍ଡୁଞ୍ଜି ଆହାମାଟି ଲକୁ

\* ୭:୪୫ ୭:୪୫ ମାତି ୧୨:୩୪ \* ୭:୫ ୭:୫ ସିନଗଗ

ଇଜ ସାହାଯ୍ୟ ହଲେଏସି ନେହ  
ଆହାମାନାଣି ମେସ୍ତେରି ।

ରାଣ୍ଡେଣି ଇୟାନି ମୀରଏଣାକ୍ ଜୀସୁ  
ହୀନାୟି

୧୧ ଏମ୍ବାଟିଏ ନାଇନ ଦରୁଗାଟି  
ଗାଡ଼ାତା ହାରେସି, ତାନି ସୀସୁୟା  
ଇଞ୍ଜା ହାରେକା ଲକୁ ଏଞ୍ଜାଣିତଲେ  
ହାଜିମାରେରି । ୧୨ ଏଞ୍ଜାସି ଗାଡ଼ାତି  
ଗଲିମୁଗାତା ଏଜାଲିଏ ଲକୁ ରମାଡ଼ହାତି  
ପାଙ୍ଗାତା ଡେକା ତାଟି ମାରେରି, ଏଞ୍ଜାସି  
ତାନି ଇୟାନି ରଣ୍ଡିଏ ମୀରଏସି ମାରେସି,  
ଇଞ୍ଜା ଏ ଇୟା ରାଣ୍ଡେଣି ମାରେ; ଅଡ଼େ  
ଗାଡ଼ାତି ହାରେକା ଲକୁ ଏଦାନିତଲେ  
ମାରେରି । ୧୩ ଏଦାନି ମେସାନା ଜୀସୁ  
ହାରେକା କାର୍ମା ଅଣ୍ଡପାନା ଏଦାନି  
ଏଲେଇରେସି, “ଡ଼ାଆନି ।” ୧୪ ଅଡ଼େ  
ଏଞ୍ଜାସି ତାଗେ ହାଜାନା ଡେକାମାଟି  
ରେରେଣିତି ଡ଼ାଗିତେସି, ଇଞ୍ଜା ଡେକା  
ଅହିମାଟି ଲକୁ ନିଗାଲିଏ ଜୀସୁ  
ଏଲେଇରେସି, “ଆଡେ ଦାଂଗଣେଣାଟି  
! ନାନୁ ଏଲେଇଞ୍ଜିମାଞ୍ଜାକ୍ ନିଙ୍ଗାମୁ !”  
୧୫ ଏଚେଟିଏ ହାହାମାଟି ଦାଂଗଣେଏସି  
ନିଙ୍ଗାନା କୁରିତେସି ଇଞ୍ଜା ଜଳିତେସି,  
ଇଞ୍ଜା ଏଞ୍ଜାସି ତାନି ଇୟାନି କେୟୁତା  
ହେରପିତେସି ।

୧୬ ଏଚେଟିଏ ବାରେଜାଣା  
ଆଜିତାକି ମାହାପୁରୁକ୍ ଜହରା କିହ  
ଏଲେଇରେରି; “ମା ବିତା ର ମାହାପୁରୁ  
ଅଣ୍ଡପୁତି ବଲୁ ଖେହନାସି ହଚାମାନେସି,  
ଇତିହ ମାହାପୁରୁ ତାନି ଲକୁଣି କାର୍ମା  
ମେସାମାନେସି !”

୧୭ ଇଞ୍ଜା ଜୀସୁ କିତି ଇ କାତା ବାରେ  
ଜୀହୁଦା ଦେସାତା ଅଡ଼େ ସାରିସୁଟୁ ମାନି  
ରାଜିତା ଖେଙ୍ଗାହାଚେ ।

ବାପ୍ତିସ୍ମା† ହୀନି ଜହନତି କାବୁ  
ଖେହନାରି

(ମାତି ୧୧:୨-୧୯)

୧୮ ତାୟୁ ବାପ୍ତିସ୍ମା‡ ହୀନି ଜହନତି  
ସୀସୁୟା ଇ ବାରେ କାତା ଏଞ୍ଜାଣାକ୍  
ଖେସ୍ତେରି । ୧୯ ଏଚେଟିଏ ଜହନ

ତାନି ରୀ ସୀସୁୟାକ୍ ତାଗେ ହାଚାନା  
ପୁରୁ ତାଣା ଏଲେଇଞ୍ଜା ପାଣ୍ଡିତେସି,  
“ଆମ୍ବାଆସି ଖାନାୟି ମାଚେ, ନାନୁଏ  
ଏଞ୍ଜାଟିକି, ଆଆଡ଼ ମାମ୍ବୁ ଅର ରଅଣାକ୍  
କାଃଆନମି ?”

୨୦ ଏଞ୍ଜାରି ଜୀସୁ ତାଣା ଖାହାନା  
ଏଲେଇରେରି, “ବାପ୍ତିସ୍ମା‡ ହୀନି ଜହନ  
ମାଙ୍ଗେ ଏଲେଇଞ୍ଜା ପାଣ୍ଡାତେସି,  
ଆମ୍ବାଆସି ଖାନାୟି ମାଚେ ଏଞ୍ଜାଟି ନାନୁଏ  
କି ଆଆଡ଼ ମାମ୍ବୁ ଅର ରଅଣାକ୍  
କାଃଆନମି ?”

୨୧ ଏତିବେଲା ଏଞ୍ଜାସି ହାରେକା  
ରଗ, କସ୍ତ ଅଡ଼େ ପଲୁଆ ବୁଡୁୟା  
ତାଣାଟି ହାରେକା ଲକୁଣି ନେହ  
କିତେସି, ଇଞ୍ଜା ହାରେକା କାଣ୍ଡକା  
ମେହଆଗାଟାରାକ୍ ମେହନି ବାଡ଼ୟୁ  
ହୀତେସି । ୨୨ ଏଞ୍ଜାସି ଏଞ୍ଜାରାକ୍  
ଏଲେଇରେସି, “ମୀରୁ ହାଜାନା  
ଏନା ଏନାଆଁ ମେସାମାଞ୍ଜେରି ଅଡ଼େ  
ଖେଞ୍ଜାମାଞ୍ଜେରି, ଏ ବାରେ ଜହନକ୍  
ଖେହଦୁ; କାଣ୍ଡକା ମେହଆଗାଟାରି  
ମେସାଲି ଆଡ଼ିମାନେରି, ସଗାୟା  
ତାକାଲି ଆଡ଼ିମାନେରି, କାଜା ରଗ  
ଗାଟାରି ନେହ ଆହିମାନେରି,  
ବେରାୟା ଖେଞ୍ଜିମାନେରି, ହାଡ଼ାରି  
ନୀଡ଼ିମାନେରି, ଅଡ଼େ ହିଲାଆ ଗାଟାରି  
ନେହ କାବୁ ଖେଞ୍ଜିମାନେରି; ୨୩ ନା  
ତାଣା ଆମ୍ବାଆରି ଆନାମାନା ଆଆନା  
ନାମାନେରି, ତାମ୍ବୁକ୍ ଏ ନେହେଁ ।”

୨୪ ଜହନ ସୀସୁୟା ହାଜାଲିଏ, ଜୀସୁ  
ଲକୁଣି ଜହନତି କାତା ଏଲେଇରେସି,  
“ଏତିବେଲା ବାଃଲି ବାଟାତା ମୀରୁ  
ହାଜାମାରେରି, ଏମ୍ବାଆଁ ଏନାଆଁ  
ମେସାଲି କାଟାମାରେରି ? ଏନାଆଁ  
ଗାଲି ତଲେ ଖାଲିମାନି ତାଣ୍ଡିତି ?  
୨୫ ଏଦାଆଁ ଆଆଡ଼ିହ ଏନାଆଁ ମେସାଲି  
ହାଜାମାରେରି ? ନେହ ଅଜିତି  
ପାଡ଼ାଡ଼ା ହିମ୍ବୁରି ହୁଚାମାନି ର ମାଣସିକ୍  
? ମେହଦୁ ଆମ୍ବାଆରି ନେହ ନେହ  
ହିମ୍ବୁରିକା ହୁଚାନା ସୁକୁ ତଲେ ଡ଼ୟିନାରି  
ଏଞ୍ଜାରି ରାଜା ଗାଡ଼ାତା ଡ଼ୟିନେରି !

† ୭:୧୭ ୭:୧୮ ମୁଞ୍ଜନାୟି ‡ ୭:୧୮ ୭:୧୮ ମୁଞ୍ଜନାୟି § ୭:୨୦ ୭:୨୦ ମୁଞ୍ଜନାୟି

୨୭ ଏଦାଆଁ ଆଆତ ଏନାଆଁ ମେସାଲି ହାଜାମାଚେରି ? ଏନାଆଁ ର ମାହାପୁରୁ ଅଣ୍ଟପୁତି ବଲୁ ୱେହ୍ନାଣାଇଁ ? ନାନୁ ମିଙ୍ଗେ ସାତା ୱେସିମାଞ୍ଜାଇଁ, ମାହାପୁରୁ ବଲୁ ୱେହ୍ନାରି କିହାଁ କାଜାଣାଇଁ ।

୨୮ ଆମ୍ବାଆରି କାତା ରାସ୍ତକି ଆହାମାନେ, 'ହେଣ୍ଡୁ ନାନୁ ନା, କାରୁ ୱେହ୍ନାଣାଇଁ ନୀ ନକିତା ପାଣ୍ଡିମାଞ୍ଜାଇଁ, ଏଞ୍ଜାସି ନୀ ନକିତା ଜିରୁ ତିୟାରା କିନେସି, ଏଞ୍ଜାସି ଏ ମାଣ୍ଡସି ।' ୨୮ ନାନୁ ମିଙ୍ଗେ ସାତା ୱେସିମାଞ୍ଜାଇଁ ଇୟାନି ବାଣ୍ଡିଟି ଜାର୍ନା ଆହାମାନାରି ବିତା ଜହନ ବାରେକିହାଁ କାଜାସି; ଆଡିଜିକେଏ ମାହାପୁରୁ ରାଜିତା ଆମ୍ବାଆସି ଉଣା ଏଞ୍ଜାସି ଏଞ୍ଜାଣି କିହାଁ କାଜାସି ।"

୨୯ \*ବାରେଜାଣା ଇ କାତା ୱେଞ୍ଜାନା, ସିସ୍ତୁ ରାହ୍ନାରି ଜିକେଏ ଜହନ ତାଣାଟି ବାପ୍ତିସ୍ମା\* ଅହାମାଚାକି ମାହାପୁରୁଇଁ ସାତା ଇଞ୍ଜା ଇଚେରି; ୩୦ ସାମା ପାରୁସିୟାଁ ଅଡେ ମେରାପୁନାରି ଏଞ୍ଜାଣି ତାଣାଟି ବାପ୍ତିସ୍ମା† ପ୍ଲାଞ୍ଚାନାହାଁ ତାମ୍‌ଙ୍ଗେ ତାକି ମାହାପୁରୁ ଅଣ୍ଟପିମାଚାଣି କୂତେରି ।

୩୧ "ଇ କାଲାତି ଲକୁଣି ଆମ୍ବାଆରି ତଲେ ତୁକ୍‌ଇଁ, ଇଞ୍ଜା ଏଞ୍ଜାରି ଆମ୍ବାଆରି ଲେହେଁ ? ୩୨ ଏମିନି କକାରି ହାଟା ବାଜାରାତା କୁଗାନା ତାମ୍‌ଏଲେଇଣ୍ଡି ଆନେରି, 'ମାମ୍‌ ମିଙ୍ଗତାକି ପାରୁଡି ଉକିତମି, ମୀରୁ ଏନ୍‌ଆତେରି; ମାମ୍‌ ଦୁକୁ ତଲେ ଡୀତମି ମୀରୁ ଡୀଆତେରି !' ଏଞ୍ଜାରି ଇଲେତାରି ଇଞ୍ଜା ଜୀସୁ ୱେସ୍ତେସି । ୩୩ ଇଚିହଁ ବାପ୍ତିସ୍ମା‡ ହାନି ଜହନ ୱାହାନା ରାନ୍‌ ତିନାଆତେସି କି ଅଙ୍ଗୁରି ରାସା ଗହ୍‌ଆତେସି, ଅଡେ ମୀରୁ ଏଲେଇଚେରି, 'ଏଞ୍ଜାଣାଇଁ ବୁଡୁ ଆଲ୍‌ଗାମାଚେ ।' ୩୪ ମାଣ୍ଡସି ମୀରୁଏସି ୱାହାନା ରାନ୍‌ ତିଚେସି ଉଚେସି, ଅଡେ ମୀରୁ ଏଲେ ଇଞ୍ଜିମାଞ୍ଜେରି, 'ମେହ୍‌ଦୁ ଇଞ୍ଜାସି ଚିଣ୍ଡିକାଞ୍ଜୁ, କାଡବୁଡୁ, ସିସ୍ତୁ ରାହ୍ନାରି ଅଡେ ପାପୁ ଗାଟାରି ତଣେଏସି ।' ୩୫ ମାହାପୁରୁତି ବୁଦି ତାନି

ବାରେ ମୀରକା ତାଣାଟି ସାତା ଇଞ୍ଜା ତଞ୍ଜାଆଚେନ ।"

ପାରୁସି ସିମନ ଇଜ ଜୀସୁ ହାନାୟି

୩୬ ଅଡେ ପାରୁସିୟାଁ ବିତ୍ରାଟି ରଅସି ଜୀସୁଇଁ ତାନି ଇଜ ତିଞ୍ଜାଲି ଏଲେଇଚେସି, ଏମ୍ବାଟିଏ ଜୀସୁ ଏ ପାରୁସି ଇଜ ହତାନା ରାନ୍‌ ତିଞ୍ଜାଲି କୁଗିତେସି । ୩୭ \*ମେହ୍‌ଦୁ ଏ ଗାଡ଼ାତା ପାପୁଗାଟି ର ଇୟା ମାଚେ; ଜୀସୁ ପାରୁସିୟାଁ ଇଜ ତିଞ୍ଜାଲି କୁଗାମାନେସି ଇଞ୍ଜା ପୁଞ୍ଜାନା ଏଦି ର ଗାଡ଼ାତା ଗାନ୍‌ଗାଟି ନିୟାଁ ତାଚାନା, ୩୮ ତାୟୁଞ୍ଜାକି ଜୀସୁ କତାୟାଁଦାରି ନିଚାନା ଡାହି ଡାହି କାଣ୍ଡୁ, ବକ୍‌ହାନା ଏଞ୍ଜାଣି ପାଞ୍ଚଆନାୟାଁ ଉଦି କିହାନା ତାନି ତାୟାଁ ବାଣାୟାଁ ତଲେ ଜୀସୁ ପାଞ୍ଚଆନାୟାଁ ଜେଜିହଁ ଏଞ୍ଜାଣି ପାଞ୍ଚଆନାୟାଁ ନଣ୍ଡିତେ ଅଡେ ଗାନ୍‌ ନିୟାଁ ରୁବିତେ । ୩୯ ଏଦାଆଁ ମେସାନା ଆମିନି ପାରୁସି ହାଟାମାଚେସି, ଏଞ୍ଜାସି ମନ ମନତା ଅଣ୍ଟପିତେସି, "ଇଞ୍ଜାସି ମାହାପୁରୁ ଅଣ୍ଟପୁତି ବଲୁ ୱେହ୍ନାସି ଆହାମାଚିହଁ ମା, ତାଙ୍ଗେ ତୀଗିମାନି ଇୟାଟି ଏନିଲେହେଁତାୟି ପୁଚେସିମା, ଇଚିହଁ ଏଦି ପାପୁ ଗାଟାୟି ।"

୪୦ ଜୀସୁ ଏଞ୍ଜାଣାଇଁ ଏଲେଇଚେସି, "ଆଡେ ସିମନ ନାନୁ ମିଙ୍ଗେ ର କାତା ୱେସ୍ତାନାୟିମାନେ ।"

ଏଞ୍ଜାସି ଏଲେଇଚେସି, "ହାଅ ପ୍ରବୁ ୱେସ୍ତାମ୍ ।"

୪୧ "ର ସାଞ୍ଜୁକାରି ତାଣା ରିଆରି ରୀଣାଗାଟାରି ମାଚେରି; ରଅସି ପାସାଞ୍ଜା ଅଡେ ରଅସି ରୀ କଡ଼ି ଦସଟାକା ରୀଣା ଗାଟାସି । ୪୨ ଏଞ୍ଜାରି ରୀଣା ତକ୍‌ହାଲି ଆଡାଆଲିଏ, ଏଞ୍ଜାରି ସାଞ୍ଜୁକାରି ରିଆରି ରୀଣାତି ଜିକେଏ ପିସାଡୁସ୍ତେସି । ଇଞ୍ଜା ଏଞ୍ଜାରି ବିତ୍ରାଟି ଆମ୍ବାଆସି ଏଞ୍ଜାଣାଇଁ ହାଚେକା ଜୀସୁ ନଚେସି?"

\* ୭:୨୯ ୭:୨୯ ମାତି ୨୧:୩୨; ଲୁକ ୩:୧୨      \* ୭:୨୯ ୭:୨୯ ମୁଞ୍ଜିନାୟି      † ୭:୩୦ ୭:୩୦ ମୁଞ୍ଜିନାୟି  
‡ ୭:୩୩ ୭:୩୩ ମୁଞ୍ଜିନାୟି      \* ୭:୩୭ ୭:୩୭ ମାତି ୨୭:୭; ମାର୍କ ୧୪:୩; ଜହ ୧୨:୩

୪୩ ସିମନ ଏଲେଇରେସି, “ନା ଅଣ୍ଟାପୁତା ଆମ୍ବାଆରାକି ଗାଡ଼ି ରାଣା ପିସ୍‌ପିଆଡ଼େ ଏଞ୍ଜାସି ।”

ଜୀସୁ ଏଲେଇରେସି, “ନୀନୁ ନେହୁ ଅଣ୍ଟାପାମାଞ୍ଜି ।” ୪୪ ଅଡ଼େ ଏଞ୍ଜାସି ଏ ଇୟାନିଝାକି ସିନିକିହାନା ସିମନଙ୍କୁ ଏଲେଇରେସି, “ଇ ଇୟାନି ମେସିମାଞ୍ଜି ? ନୀନୁ ମୀ ଇଜ ଝାଡ଼େଏ, ନା କଡାୟାଁ ତାକି ଏୟୁ ହିୟାଆତି, ସାମା କାଣ୍ଡୁତୁଲେ ନା ପାଃଆନାୟାଁ ଉଦି କିହାନା ତାନି ତାୟୁଁ ବାଣାୟାଁ ତଲେ ଜେଜାତେ । ୪୫ ନୀନୁ ନାଜେ ନଣ୍ଡାଆତି ? ସାମା ନୀନୁ ବିତ୍ରା ଝାଞ୍ଜିଏ ନା ପାଃଆନାୟାଁ ନଣ୍ଡାଲି ପିସିମାଞ୍ଜେଏ । ୪୬ ନୀନୁ ନା ତାୟୁଁ ତୁ ନିୟୁଁ ରୁବାଆତି ? ସାମା ଇଦି ନା ପାଃଆନାଣାଁ ଗାନ୍ଦା ନିୟୁଁ ରୁବାତେ । ୪୭ ଇଦାଆଁତାକି ନୀନୁ ନିଜା ଝେସିମାଞ୍ଜାଙ୍କୁ, ଇଦାନି ହାରେକା ପାପୁ ମେଣ୍ଟାମାନେ ଏଦାଣିତାକି ଏଦି ହାରେକା ଜୀଝୁନହୁଁ ମାଞ୍ଜାନେ; ସାମା ଆମ୍ବାଆରାକି ଉଣା ପାପୁ ମେଣ୍ଟାମାନେ ଏଞ୍ଜାସି ଉଣା ଜୀଝୁ ନନ୍‌ନସି ।” ୪୮ ଅଡ଼େ ଜୀସୁ ଏ ଇୟାନି ଏଲେଇରେସି, “ନୀ ପାପୁ ବାରେ ମେଣ୍ଟାମାନେ ।” ୪୯ ଏମ୍ବାଟିଏ ଏଞ୍ଜାଣିତଲେ ତିଞ୍ଜାଲି କୁଗାମାତାରି ମନ୍‌ମନ୍‌ତା ଏଲେଇରେସି, “ପାପୁ ଜିକେଏ ମେଣ୍ଟା କିହିମାନେସି ଇଞ୍ଜାସି ଆମ୍ବାଆସି ?”

୫୦ ସାମା ଜୀସୁ ଏ ଇୟାନି ଏଲେଇରେସି, “ନୀ ନୀନୁ ନିଜେ ଗେଲପାମାଞ୍ଜାନେ; ହିଡ଼ଡ଼ି ତଲେ ହାଲାମୁ ।”

୮

ଜୀସୁତଲେ ଡ଼ୟିନି ଇୟାସିକା

୧ ଏଚରଦିନା ତାୟୁ ଜୀସୁ ଗାଡ଼ାତାକି ଗାଡ଼ା ନାୟୁଁ ତାକି ନାୟୁଁ ରେଜିହୁଁ ମାହାପୁରୁ ରାଜିତି ନେହୁଁ କାଡୁ ଝେକ୍‌ହେସି, ଅଡ଼େ ବାରଜାଣା ସୀସୁୟାଁ ଏଞ୍ଜାଣିତଲେ ମାଚେରି, ୨ ଅଡ଼େ ଏମିନିଗାଟି ଇୟାସିକା ପଲ୍‌ଆ ବୁଡୁୟାଁ ତାଣାଟି ରଗଟି ନେହୁଁ କିଞ୍ଚି ଆହାମାରୁ,

ଇଚିହୁଁ ମଗଦଲିନି ମରିୟମ, ଆମ୍ବାଆରି ତାଣାଟି ସାଡ଼ାଗାଟା ବୁଡୁୟାଁ ହଡ଼ାହାଜାମାରୁ, ୩ ହେରଦ ଇଜତି ଗୁମୁସ୍ତା କୁଜା ଅଡ଼େ ତାନି ତକ୍ତି ଜହାନା, ସସାନା ଅଡ଼େ ହାରେକା ଇୟାସିକା ଏଞ୍ଜାଣିତଲେ ମାଞ୍ଜାନା ତାମି ଦନ୍‌ହୀହାନା ଏଞ୍ଜାରି ସେବା କିହିମାରୁ ।

ବିଚା ମାଟିନି ପୁଣ୍ଡିକିନି କାତା  
(ମାତି ୧୩:୧-୧୯; ମାର୍କ ୪:୧-୯)

୪ ଲକୁ ବାରେ ଗାଡ଼ାୟାଁଟି ଝାହିମାତାକି ହାରେକା ଲକୁ ଏଞ୍ଜାଣି ତାଣା ରୁଣ୍ଡା ଆଡ଼େରି ଇଞ୍ଜା ଏଞ୍ଜାସି ଏଞ୍ଜାରାଙ୍କୁ ପୁଣ୍ଡିକିନି କାତାତଲେ ଝେସ୍‌ସେସି ।

୫ “ରଅସି ବିଚା ମାଟିନାସି ବିଚା ମାଟାଲି ହଡ଼େସି । ଏଞ୍ଜାସି ମାଟି ମାଟିହୁଁ କଚେକା ବିଚା ଜିରୁତା ରୀତେ ଏଦାଆଁ ଲକୁ ଝିସାଡୁସ୍‌ସେରି, ଅଡ଼େ ହାଗୁ ଲାକ ଉମ୍ବିନି ପଟା କାଟି ପେରହା ତିରୁ । ୬ ଅଡ଼େ କଚେକା ଝାଲକା ଲାକ ରୀତେ, ଇଞ୍ଜା ନେୟାଁନା ବୁମି ଅଲୁ ହିଲାଆତାକି ଝାୟାହାଚେ । ୭ ଅଡ଼େ କଚେକା ହାପକା ବୁଟାତା ରୀତେ, ଇଞ୍ଜା ହାପକା ବୁଟା ପାତାଆହାନା ଆନାଁ ତାକିତି ପୁକ୍‌ହାଡୁସ୍‌ସେ । ୮ ଅଡ଼େ କଚେକା ବିଚା ନେହୁଁ ବୁମିତା ରୀତେ, ଇଞ୍ଜା ପାତାଆହାନା ପାସାକଡ଼ି ପାଡ଼େୟି ଆୟିତେ ।” ଏଚେଟିଏ ଜୀସୁ କାଜା ଗିୟାଁତଲେ ଏଲେଇରେସି, “ଆମ୍ବାଆରାକି ଝେଞ୍ଜାଲି କାର୍କା ମାନୁ ଏଞ୍ଜାରି ଝେଣ୍ଡାରି ।”

ପୁଣ୍ଡିକିନି କାତାତି ଅଣ୍ଟାପୁ  
(ମାତି ୧୩:୧୦-୧୭; ମାର୍କ ୪:୧୦-୧୭)

୯ ତାମି ସୀସୁୟାଁ ଇ ପୁଣ୍ଡିକିନି କାତାତି ଅର୍ତ୍ତ ଏନାୟି ଇଞ୍ଜୁଁ ଝେଚେରି, ୧୦ ଏଞ୍ଜାସି ଏଲେଇରେସି, “ମାହାପୁରୁ ରାଜିତି କାତା ପୁଞ୍ଜାଲି ମିଜେ ବାଡ଼ୁୟୁ ହାପକି ଆହାମାନେ, ସାମା ଏଟକା ତାରାଙ୍କୁ ପୁଣ୍ଡିକିନି କାତାତଲେ ଝେସ୍‌ପିଆନେ, ଇଚିହୁଁ ଏଞ୍ଜାରି ମେସି ମେସିହୁଁ ମେହୁଅରି ଅଡ଼େ ଝେଞ୍ଜିଝେଞ୍ଜି ତେଲହୁଅରି ।”

ଜୀସୁ ବିଚା ମାଟିନି କାତାତି ପୁଣ୍ଠିକିନାୟି

(ମାତି ୧୩:୧୮-୨୩; ମାର୍କ ୪:୧୩-୨୦)

୧୧ ପୁଣ୍ଠିକିନି କାତା ଅର୍ତ୍ତ ଇଦି, ବିଚା ମାହାପୁରୁ ବଲ୍ଲୁ, ୧୨ ଜିରୁ ଦାରିତି ପାଡ଼େୟି ଇଲେତାରି, ଏଞ୍ଜାରି ମାହାପୁରୁ କାତା ଖେନେରି; ତାୟୁ ସୟତାନା ଖାହାନା ଏଞ୍ଜାରି ଏନିକ ନାମାଆପେରିଞ୍ଜା ଅଡ଼େ ଗେଲ୍ଲପି ଆଆପେରିଞ୍ଜା ଇଞ୍ଜ ଏଞ୍ଜାରି ହିୟାତା ଖେଞ୍ଜାମାନାଣି ମୀଞ୍ଜାଅନେ । ୧୩ ଖାଲ୍ଲକା ବୁମିତା ରିତି ଲକୁ ଇଲେତାରି, ଏଞ୍ଜାରି କାତା ଖେଞ୍ଜାନା ରାହାଟି ଆହନେରି; ଏଞ୍ଜାରିତାଣା ହାରୁ ଜୀଆତାକି ଗାଡ଼େକା ତାକି ନାମିନେରି, ଅଡ଼େ ତାୟିପାରି କିନାୟି ଖାଡ଼ିସାରେ ମାହାପୁରୁଇ ପିସା ତୁହନେରି । ୧୪ ଅଡ଼େ ହାପୁକା ବୁଟାତା ରିତି ଲକୁ ଇଲେତାରି ଆମିନି ଗାଗାରି ମାହାପୁରୁ କାତା ଖେଞ୍ଜାନା ଦାରତିତି ଦୁକୁ କାକୁଲି, ଦନତି ଜୁପକା ଅଡ଼େ ଦାରତିତି ରାହା ଏଞ୍ଜାରାଇଁ ପୁକ୍‌ହାତୁସାମାନାକି ନେହ କ କାମ୍ବାଲି ଆଡ଼ଅରି । ୧୫ ନେହ ବୁମିତା ରିତି ପାଡ଼େୟି ଇଲେତାରି, ଏମିନିଗାଗାରି ନେହ ସୁଦୁଜୀଞ୍ଜୁ ହିୟାଟି କାତା ଖେଞ୍ଜାନା ଆହନେରି, ଅଡ଼େ ବାରେ ଅରହାନା କାମା କିହାନା ପାଡ଼େୟି ଆୟିନେରି ।

ମାଣା ପୁକ୍‌ହ ଦୀଞ୍ଜ

(ମାର୍କ ୪:୨୧-୨୫)

୧୬ \*ଦୀଞ୍ଜ ତୀସାନା ଆମ୍ବାଆରି ମାଣା ପୁକ୍‌ହାନା କି କାଟେଲି ଡ଼ଇକା ଇଟଅରି, ସାମା ଦୀଞ୍ଜ ସତ୍ତାତା ଇଟିନେରି, ଏନିକ ଇଜଞ୍ଜାନି ଲକୁ ଉଜେଡ଼ି ମେହନେରି ।

୧୭ \*ଡ଼ଗୁମାନାୟି ଏନାୟିଞ୍ଜା ହିଲେଏ, ଏନାୟି ତଞ୍ଜା ଆଏ ଇଲେକ ଏନାୟି ଜିକେଏ ହିଲେଏ, ଖେସପି ଆହାନା ତଞ୍ଜା ଆଏ ଇଲେତି ଡ଼ଗୁମାନାୟି ଏନାୟି ହିଲେଏ ।

୧୮ ଏନିକ ଖେଞ୍ଜାମାଞ୍ଜେରି ଏଦାଆଁତାକି ଜାଗ୍ରାତା; ଇଟିହ ଆମ୍ବାଆରାଞ୍ଜାୟି ମାନେ ଏଞ୍ଜାଣାକି ହୀପକିଆନେ, ଅଡ଼େ ଆମ୍ବାଆରାଞ୍ଜାୟି ହିଲେଏ ଏଞ୍ଜାସି ନାଡ଼ି ମାନେ ଇଞ୍ଜ ଅଣ୍ଡପିମାନେସି, ଏଦାଆଁ ଜିକେଏ ଅଞ୍ଜିଆନେ ।

ଜୀସୁତି ଇୟା ଅଡ଼େ ତାୟିୟା

(ମାତି ୧୨:୪୬-୫୦; ମାର୍କ ୩:୩୧-୩୫)

୧୯ ଜୀସୁତି ଇୟା ଅଡ଼େ ତାମି ତାୟିୟା ଏଞ୍ଜାଣି ତାଣା ଖାଡ଼େରି, ସାମା ଲକୁ ମାନ୍ଦା ମାଟାକି ଏଞ୍ଜାଣି ତାଣା ହାଜାଲି ଆଡ଼ାଆତେରି । ୨୦ ଏମ୍ବାଟିଏ ଜୀସୁଇଁ ଖେସ୍ତେରି, “ମୀ ଇୟା ଅଡ଼େ ମୀ ତାୟିୟା ନିଞ୍ଜେ ମେସାଲି ପାଞ୍ଜାତା ନିତାମାନେରି ।”

୨୧ ସାମା ଏଞ୍ଜାସି ବାରେତି ଏଲେଇଚେସି, “ମାୟା ଅଡ଼େ ମା ତାୟିୟା ଏଞ୍ଜାରି, ଆମ୍ବାଆରି ମାହାପୁରୁତି କାତା ଖେନେରି ଅଡ଼େ ମାନଞ୍ଜି ଆନେରି ।”

ଜୀସୁ କାଜା ଗାଲିତି ସାପି କିନାୟି

(ମାତି ୮:୨୩-୨୭; ମାର୍କ ୪:୩୫-୪୧)

୨୨ ର ଦିନା ଜୀସୁ ଅଡ଼େ ତାନି ସୀସୁୟା ତଂଗତା କୁଗିତେରି, ଇଞ୍ଜା ଜୀସୁ ଏଞ୍ଜାରାଇଁ ଏଲେଇଚେସି, “ଞ୍ଜାଦୁ ମାର ସାମ୍‌ଦୁରି ଆତାଲା ହାନ ।” ଏମ୍ବାଟିଏ ଏଞ୍ଜାରି ତଂଗଟି ହାଚେରି । ୨୩ ସାମା ଏଞ୍ଜାରି ତଂଗତା ହାଜିମାନି ବେଲାତା ଜୀସୁ ତୁରୀତେସି । ଏତିବେଲା ସାମ୍‌ଦୁରିତା କାଜା ଗାଲି ଆଡେ, ଅଡ଼େ ଏୟୁ ତଂଗତା ହଡ଼ିମାଟାକି ଏଞ୍ଜାରି ହାରେକା କସ୍ତ ଆଡେରି ଇଞ୍ଜା ଆଜିତେରି । ୨୪ ଏଚେଟିଏ ସୀସୁୟା ତାଗେ ଖାହାନା ନିକହାଁ ଏଲେଇଚେରି, “ଏ ଗୁରୁ ଏ ଗୁରୁ ମାର ହାହିମାନାୟି !”

ଏମ୍ବାଟିଏ ଏଞ୍ଜାସି ନିଞ୍ଜାନା କାଜା ଗାଲିତି ଦାକା ହୀତେସି, ଇଞ୍ଜା ଏ ବାରେ ସାପି ଆହାନା ସୁସ୍ତି ଆଡେ । ୨୫ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀ



ନାମୁ ଆସିଲା ?” ସାମା ଏଞ୍ଜାରି ଆଜି ଅଡ଼େ କାବାଆହାନା ତାମ୍ମୁ ଏଲେଇଣ୍ଡି ଆଡ଼େରି, “ଇଝାସି ଏନିଲେହେଁତାସି ଇଚିହ୍” ଗାଲି ଅଡ଼େ ଖାଡ଼ିମାନି ଏୟୁଣି ଜିକେଏ ହୁକୁମି ହାହିମାନେସି ।”

ବୃତୁୟା ଆଲ୍‌ଗା ମାଚାଣାଇଁ ଜୀସୁ ନେହ୍ କିନାୟି  
(ମାତି ୮:୨୮-୩୪; ମାର୍କ ୫:୧-୨୦)

୨୭ ତାମ୍ମୁ ଏଞ୍ଜାରି ଗାଲିଲି ନକିତି ଆତାଲାଝାକି ଗରାସିୟ ଯେସାତା ଏତେରି । ୨୭ ଜୀସୁ ତଂଗତି ରେଚାନା ଗାଟୁତା ଖାହାଲିଏ, ଏ ଗାଡ଼ାତି ର ବୃତୁ ଆଲ୍‌ଗା ମାଚାସି ଖାହାନା ଏଞ୍ଜାଣାଇଁ ବେଟାଆଡ଼େସି; ଏଞ୍ଜାସି ଗାଡୁ ଦିନାଟିଏ ହିମ୍ବରିକା ହୁଚାଆନା ଅଡ଼େ ଇଜ ମାନାଆନା ମାଡ଼ହା ମୁହନି ଚାୟୁତା ଡ଼ୟିମାଚେସି । ୨୮ ଏଞ୍ଜାସି କିରୁଡ଼ିହ୍ ଜୀସୁ କତାଣା ରିହାନା କାଜା ଗିୟାତଲେ ଏଲେଇଚେସି, “ଏ ବାଡ଼ୟୁଗାଟି ମାହାପୁରୁ ମୀରଏଣାତି ଜୀସୁ ନୀ ତଲେ ନାଜେ ଏନାୟି ମାନେ ? ନାନ୍ତୁ ବାଡ଼ିମାଲିମାଞ୍ଜାଇଁ ନାଜେ ଅଡ଼େ କସୁ ହିୟାଆନି ।” ୨୯ ଇଚିହ୍ ଜୀସୁ ଏ ପଲ୍‌ଆ ବୃତୁତି ଏ ମାଣସି ତାଣାଟି ହଚା ହାଜାଲି ହୁକୁମି ହାହାଲି ହାଜିମାଚେସି । ଏ ପଲ୍‌ଆ ବୃତୁ ହାରେକା ପାଲି ଏଞ୍ଜାଣାଇଁ ଆଲ୍‌ଗାମାଚେ, ଇଞ୍ଜା ଲକୁ ଏଞ୍ଜାଣାଇଁ କେସ୍ତା କତାଣା ହିକ୍‌ଶିୟା ତଲେ ଦସ୍‌ପା ଇଚିମାଚେରି, ସାମା ଏ ଦସ୍‌ପା ମାଚାଣି ତାପହାନା ବୃତୁ ତଲେ ବାୟା ଆହାନା ଲକୁ ହିଲ୍‌ଆ ଚାୟୁତା ହଚିମାଚେସି ।

୩୦ ଜୀସୁ ଏଞ୍ଜାଣାଇଁ ଏଲେଇଚେସି, “ନୀ ଦରୁ ଏନାୟି ?”

“ନା ଦରୁ ମାୟା” ଇଞ୍ଜାଁ ଇଚେସି, ଏନାଆଁତାକି ଇଚିହ୍ ହାରେକା ବୃତୁୟା ଆଲ୍‌ଗାମାଚୁ । ୩୧ ଇଞ୍ଜାଁ ଜୀସୁ ଏଞ୍ଜାସିକାଣି ତାଡ଼େପୁରୁ ପାଣ୍ଡାଲି ହୁକୁମି ହାଅସି, ଇଦାଆଁତାକି ଏଞ୍ଜାଣାଇଁ ବାଡ଼ିମାଲିତୁ ।

୩୨ ଏଦାଆଁ ହରୁ ଦାରିତା ର ମାୟା ପାଜିୟା ମେୟି ମାଚୁ, ଇଞ୍ଜାଁ ଜୀସୁଇଁ ଏ ବୃତୁୟା ପାଜିୟା ମାୟା ବିତ୍ତା ହାଜାଲି ହେଲ ରାସ୍ତୁ । ୩୩ ଏଞ୍ଜାସି ହେଲ ହାହାଲିଏ, ବୃତୁୟା ଏ ମାଣସି ତାଣାଟି ହଚା ହାଜାନା ପାଜିୟା ବିତ୍ତା ହରୁ; ଏଚେଟିଏ ଏ ପାଜିୟା ଏ ହରୁଟି ଦାବଡ଼ି ହାଜାନା ଦାରିତା ମାତି ସାମ୍‌ଦୁରିତା ମେଦା ହାହାହାଚୁ ।

୩୪ ଏ ପାଜିୟା ମାୟା ମେଟିମାତି ଗଡ଼କା ଏଦାଆଁ ମେସାନା ହଚେରି ଇଞ୍ଜାଁ ଗାଡ଼ା ଅଡ଼େ ନାସ୍‌କାଣାଁ ଏ କାତା ଝେସ୍ତେରି । ୩୫ ଏନାୟି ଆହାମାନେ ଏଦାଆଁ ମେସାଲି ଲକୁ ହଚାଞ୍ଜାଡ଼େରି; ଇଞ୍ଜାଁ ଏଞ୍ଜାରି ଜୀସୁ ତାଗେ ଖାହାନା, ଆମିନି ମାଣସି ତାଣାଟି ବୃତୁୟା ହଚା ହାଜାମାଚୁ, ଏଞ୍ଜାଣାଇଁ ନେହ୍ ହିମ୍ବରିକା ହୁଚାନା ନେହ୍ ମନତଲେ ଜୀସୁ କତାଁ ଡ଼ଇ କୁଗାମାଚାଣି ମେସାନା ଆଜିଚେରି । ୩୬ ଅଡ଼େ ଆମିନି ଗାଟାରି ମେସାମାଚେରି ଏଞ୍ଜାରି ଏ ବୃତୁ ଆଲ୍‌ଗା ମାଚାସି ଏନିକ୍ ନେହ୍ ଆଡ଼େସି, ଏଦାଆଁ ଏଞ୍ଜାରାଇଁ ଝେସ୍ତେରି । ୩୭ ଏମ୍ବାଟିଏ ଗରାସିୟ ବାରେ ନାସ୍‌କାତି ସାରିଝାକି ବାରେ ଲକୁ ଜୀସୁଇଁ ତାମି ଦେସାଟି ହାଜାଲି ବାଡ଼ିମାଲିଚେରି, ଇଚିହ୍ ଏଞ୍ଜାରି ହାରେକା ଆଜିମାଚେରି । ଇଞ୍ଜାଁ ଏଞ୍ଜାସି ର ତଂଗତା ହଚାନା ଝେଶ୍ତାହାଚେସି । ୩୮ ସାମା ଏମିନିଗାଟାଣି ତାଣାଟି ବୃତୁୟା ହଚା ହାଜାମାଚୁ, “ନାଜେ ନୀ ତଲେ ହାଜଲି ହେଲ ହିୟାମୁ” ଇଞ୍ଜାଁ ବାଡ଼ିମାଲିଚେସି; ୩୯ ସାମା ଜୀସୁ ଏଞ୍ଜାଣାଇଁ ହେଲ ହାହାନା, “ମୀ ଇଜ ଝେଶ୍ତା ହାଲାମୁ, ଇଞ୍ଜାଁ ମାହାପୁରୁ ନିଜେତାକି ଆମିନି କାମା କିହାମାଞ୍ଜାନେସି ଏ କାତା ଝେକ୍‌ମୁ ।” ଏଚେଟିଏ ଏଞ୍ଜାସି ହାଜାନା ଜୀସୁ ତାଜେତାକି ଆମିନି କାମା କିହାମାଚେସି, ଏ ବାରେ ଗାଡ଼ାତା ଝେକ୍‌ହେସି ।

ଜାୟିରସତି ମାଜା ଅଡ଼େ ଜୀସୁତି

ହିମ୍ବର କୁଞ୍ଜୁ ଡାଗିତି ଇୟା

(ମାତି ୯:୧୮-୨୨; ମାର୍କ ୫:୨୧-୪୩)

୪୦ ଜୀସୁ ଖେଣ୍ଡା ଖାହାଲିଏ ମାନ୍ଦା ଲକୁ ଏଝାଣାଇଁ ରାହାତଲେ ବେଟାଆଡେରି, ଇଚିହ~ ଏଝାରି ବାରେଜାଣା ଏଝାଣାଇ କାଟିମାରେରି । ୪୧ ଏମ୍ବାଟିଏ ଜାୟିରସ ଦରୁଗାଟାସି ଖାଡେସି; ଏଝାସି ଜୀହୁଦି ଲକୁତି କୁଟମି ଇଲୁତି\* କାଜାସି ମାରେସି । ଏଝାସି ଜୀସୁ କଡାଣା ରିହାନା ତାମି ଇଜ ହାଜାଲି ବାତିମାଲିଡେସି, ୪୨ ଇଚିହ~ ଏଝାଣାକି ବାର ବାସାତି ରଣ୍ଡିଏ ମାଜା ମାରେ, ଏଡି ହାନିଲେହେଁ ନଫେରି ଆହାମାରେ ।

ସାମା ଏଝାସି ହାଜିମାଟାଟି ଲକୁ ଏଝାଣି ମୁହେଁ ମୁହେଁ ଆହିମାରେରି । ୪୩ ଏଚିବେଲାତା ବାର ବାସା ପାଡେକା ନେତେରି ଖାଜିନି ରଟଗାଟି ର ଇୟା, ଏମିନି ଗାଟାୟି ଆମ୍ବାଆରି ତାଣାଟି ଜିକେଏ ନେହ~ ଆହାଲି ଆଡିହିଲାଆଡେ, ୪୪ ଏଡି ତାୟୁ ଖାକିଟି ଖାହାନା ଜୀସୁତି ହିମ୍ବର କୁଞ୍ଜୁ ଡାଗିଡେ, ଏ ଦେବୁଣିଏ ଏଦାନି ନେତେରି ବନାୟି ପିସ୍ତେ । ୪୫ ଏମ୍ବାଟିଏ “ନାଜେ ଆମ୍ବାଆୟି ତାଗାଡେ” ଇଞ୍ଜ~ ଜୀସୁ ଖେରେସି ?

ସାମା ବାରେଜାଣା ଆଏ ଇଞ୍ଜାଲିଏ, ପିତର ଏଲେଇରେସି, “ଏ ଗୁରୁ ଲକୁ ବାରେ ମୁହେଁ ମୁହେଁ ଆହିମାରେରି ।”

୪୬ ସାମା ଜୀସୁ ଏଲେଇରେସି, “ନାଜେ ଆମ୍ବାଆୟିମା ତାଗାଡେ, ଇଚିହ~ ନା ତାଣାଟି ର ବାଡୁୟୁ ହଡାକି ନାନୁ ପୁଚେସି ।” ୪୭ ଏମ୍ବାଟିଏ ଏ ଇୟା ଖାହାନା ଅଣ୍ପିଡେ ନାନୁ ଅଡେ ଡୁଗାନା ମାଞ୍ଜାଲି ଆଡଅଁ ଇଞ୍ଜ~ ଅଣ୍ପିଦାନା ଆଜିତାକି ତାରା ତାରା ଆହ~ ଜୀସୁ କଡାଣା ରିହାନା, ଏନାଆଁତାକି ଡାଗିଡେ ଇଞ୍ଜା ଦେବୁଣିଏ ଏନିକ~ ନେହ~ ଆଡେ, ବାରେ ଲକୁ ନକିତା ଖେସ୍ତେ । ୪୮ ଏମ୍ବାଟିଏ ଜୀସୁ ଏଦାନି ଏଲେଇରେସି, “ମାଜା ନୀ ନାମୁ ନିଜେ ନେହ~ କିହାମାଞ୍ଜାନେ, ହିଡଡିଟି ହାଲାମୁ ।”

୪୯ ଜୀସୁ ଇ କାତା ଖେସିମାଟି ବେଲାତା ଜୀହୁଦି ଲକୁତି କୁଟମି ଇଲୁତି† କାଜାଣା ଇଜଟି ରଅସି ଖାହାନା ଜାୟିରସଇଁ ଏଲେଇରେସି, “ନୀ ମାଜା ହାହାହାରେୟିଏ ଗୁରୁଇଁ ଅଡେ କସୁ ହାଆନିଦେହେଁ ।”

୫୦ ସାମା ଜୀସୁ ଏ କାତା ଖେଞ୍ଜାନା ଏଝାଣାଇଁ ଏଲେଇରେସି, “ଆଜାଆନି ନାମାମୁ ଏଡି ନୀଡିନେ ।”

୫୧ ଅଡେ ଜୀସୁ ଇଜ ଖାହାନା ପିତର, ଜହନ ଅଡେ ଜାକୁବ ଇଞ୍ଜା ପଦାନି ତାମି ଆବା ଇୟାନି ପିସ୍ତେ ଆମ୍ବାଆରାଇଁ ବିତ୍ରା ହାଜାଲି ହାଆଡେସି । ୫୨ ସାମା ବାରେଜାଣା ଡାହି ଡାହି~ ବକତା ଖେଟା କଡିମାତୁ । ଏମ୍ବାଟିଏ ଜୀସୁ ଏଲେଇରେସି, “ଡାଆଡୁ; ଏଡି ହାହାହିଲେଏ, ସାମା ତୁରାମାନେ ।”

୫୩ ସାମା ପଦା ହାହାମାନାଣି ପୁଞ୍ଜାନା ଏଝି ଏଝାଣାଇଁ କାକହୁ । ୫୪ ସାମା ଜୀସୁ ପଦାନି କେୟୁ ଆସାନା ହାଟାହାଁ ଏଲେଇରେସି, “ଆକେ ପଦା, ନିଜାମୁ ।” ୫୫ ଏମ୍ବାଟିଏ ପଦାନି ଜୀସୁ ଖେଣ୍ଡା ଖାଡେ ଅଡେ ଏ ଦେବୁଣିଏ ନିଜିଡେ, ଇଞ୍ଜା ଇଚାଣି ତିଞ୍ଜାଲି ହୀବୁ ଇରେସି । ୫୬ ଏମ୍ବାଟିଏ ତାମି ତାଲି ତାଞ୍ଜି କାବାଆଡୁ; ସାମା ଇ ପଦା ନେହ~ ଆଡାଣି ଆମ୍ବାଆରାଇଁ ଖେହଆଡୁ ଇଞ୍ଜ~ ଏଝାସିକାଣି ହୁକୁମି ହୀଡେସି ।

୯

ଜୀସୁ ବାରଜାଣା ସାସୁୟାଁଇଁ ପାଣ୍ଡିନାୟି

(ମାତି ୧୦:୫-୧୫; ମାର୍କ ୬:୬-୧୩)

୯ ଏବେଟିଏ ଜୀସୁ ବାରଜାଣାଟି ହାଟାନା ରୁଣ୍ଡା କିହାନା ଏଝାରାଇଁ ବାରେ ବୁଡୁୟାଁ ଲାକ ଅଡେ ରଟଟି ନେହ~ କିହାଲି ବାଡୁୟୁ ଅଡେ ଅଦିକାରା ହୀଡେସି । ୨ ଅଡେ ଏଝାସି ଏଝାରାଇଁ ମାହାପୁରୁତି ରାଜିତି କାତା ଖେକହାଲି ଅଡେ ରଟ ଗାଟାରାଇଁ ନେହ~ କିହାଲି ପାଣ୍ଡିଡେସି ୩ ଇଞ୍ଜା ଏଝାରାଇଁ

\* ୮:୪୧ ୮:୪୧ ସିନଗଗ † ୮:୪୯ ୮:୪୯ ସିନଗଗ

ଏଲେଇଚେସି, “ମୀରୁ ହାଜାଲିତାକି କୁତା ବାଡ଼ଗା କି ମଣା କି ରୁଟି କି ଏନ୍ତି ଟାକାୟାଁ ଜିକେଏ ଅଆଦୁ, ଅଡ଼େ ଜଡ଼େକା ସକାୟାଁ ଜିକେଏ ଅଆଦୁ ।  
 \* ଅଡ଼େ ମୀରୁ ଆମିନି ଇଜ ହାଜେରି, ଏମ୍ବାଟି ଖେଣ୍ଡାହାନି ପାତେକା ଏମ୍ବାଆଁ ଡ଼ୟାଦୁ; \* ଅଡ଼େ ଏଚେକା ଲକୁ ମିଙ୍ଗେ ଆବଅରି ଏଞ୍ଜାରି କପାଟି ସାକି ହୀହାଲି ଏ ଗାଡ଼ାଟି ହଡ଼ା ଖାନାଟି ମୀ କଡ଼ାତି ଦୂଡ଼ି ହାଣ୍ଡାହାନା ଖାଦୁ ।”

୨ ଏମ୍ବାଟିଏ ଏଞ୍ଜାରି ହାଜାନା ସାରିଞ୍ଜାକି ନେହୁଁ କାରୁ ଖେକ୍‌ହେହୁଁ ରଗା ଗାଟାରାଇଁ ନେହୁଁ କିହିହୁଁ ନାୟୁଁ ନାୟୁଁତା ରେଚେରି ।

ହେରଦ ରାଜା ବିଲ୍‌କି ଆନାୟି  
 (ମାତି ୧୪:୧-୧୨; ମାର୍କ ୬:୧୪-୨୯)

୩ ଏମ୍ବାଟିଏ ଏ ଦେସାତି ରାଜା ହେରଦ ଇ ବାରେ କାତା ଖେଞ୍ଜାନା କାବା ଆଡ଼େସି, ଇଚିହୁଁ ବାପ୍ତିସ୍ତା\* ହାନି ଜହନ ହାଡ଼ାରି ତାଣାଟି ନିଙ୍ଗାମାନେସି ଇଞ୍ଜୁଁ ଆମ୍ବା ଆମ୍ବାଆରି ଏଲେଇଞ୍ଜିମାଚେରି; ୮ ଅଡ଼େ ଆମ୍ବା ଆମ୍ବାଆରି ଏଲିୟ ଡ଼ଞ୍ଜା ଆହାମାନେସି ଇଞ୍ଜା ଏଟକାଡ଼ାରି ତଲିକାଲାତି ମାହାପୁରୁ ଅଣପୁତି ବଲୁ ଖେହନାରି ବିତ୍ରାଟି ରଅସି ନିଙ୍ଗାମାନେସି ଇଞ୍ଜୁଁ ଖେସିମାନେରି । ୯ ସାମା ହେରଦ ଏଲେଇଚେସି, “ଜହନତି ତାୟୁଁ ମାରତ ଦାଡ଼ା ମାନାୟି, ସାମା ଆମ୍ବାଆରି କାତା ମାରୁ ଖେଞ୍ଜିମାନାୟି ଏଞ୍ଜାସି ଆମ୍ବାଆସି ?” ଅଡ଼େ ଏଞ୍ଜାସି ଏଞ୍ଜାଶାଇଁ ମେସାଲି ମନ କିହିମାଚେସି ।

ଜୀସୁ ପାସାମାଣା ଲକୁଣି ତୀହନାୟି  
 (ମାତି ୧୪:୧୩-୨୧; ମାର୍କ ୬:୩୦-୪୪; ଜହ ୬:୧-୧୪)

୧୦ ତାୟୁଁ ପାଣ୍ଡୁଞ୍ଜି ଆହାମାଚାରି ଖାହାନା ଏନା ଏନାଆଁ କିହାମାଚେରି, ଏ ବାରେ ଏଞ୍ଜାଶାଇଁ ଖେସ୍ତେରି । ଅଡ଼େ ଏଞ୍ଜାସି ଏଞ୍ଜାରିତଲେ ଏଟକା ଆହାନା ବେଡ଼ସାୟିଦା ଦରୁଗାଟି ଗାଡ଼ାତା ହାଚେରି । ୧୧ ସାମା ଲକୁ ଏଦାଆଁ

ପୁଞ୍ଜାନା ଏଞ୍ଜାଣି ଜେଚ ଜେଚ ହାଚେରି; ଇଞ୍ଜା ଏଞ୍ଜାସି ଏଞ୍ଜାରାଇଁ କାର୍ମା ଆହାଁ ଆବାନା ମାହାପୁରୁ ରାକ୍ତିତି କାତା ଖେସ୍ତେସି, ଅଡ଼େ ଏମିନିଗାଟାରି ରଗଟି ନେହୁଁ ଆନାୟି ମାଚେ, ଏଞ୍ଜାରାଇଁ ନେହୁଁ କିଚେସି ।

୧୨ ଏଚେତା ମିଡ଼ଅଲ୍ଲା ଆହାଲି ମାଟ୍‌ହେ; ଏଚେଟିଏ ବାରଜାଣା ସୀସୁୟାଁ ତାନି ତାଣା ଖାହାନା ଏଲେଇଚେରି, “ଲକୁ ଏନ୍ତିକିଁ ନାସ୍କା ଅଡ଼େ ଗାଡ଼ାତା ହାଜାନା ବାସାଟାୟୁଁ ଅଡ଼େ ତିଞ୍ଜାଲି କାଡ଼ି ପାରିନେରି, ଏଦାଆଁତାକି ଏଞ୍ଜାରାଇଁ ହେଲ ହୀମୁ ଇଚିହୁଁ ମାରୁ ଲକୁ ହିଲ୍ଲାଆ ଟାୟୁତା ମାନାୟି ।”

୧୩ ସାମା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ମୀରୁ ଏଞ୍ଜାରାକି ତିଞ୍ଜାଲି ହୀଦୁ ।”

ଏଞ୍ଜାରି ଏଲେଇଚେରି, “ମା, ତାଣା ପାସାଗଟା ରୁଟି ଇଞ୍ଜା ରୀ ମୀଣକା ପିସ୍‌ପେ ଆଗାଡ଼ା ହିଲ୍ଲାଡ଼; ଏନାଆଁ ମାରୁ ହାଜାନା ଇ ବାରେତାକି କାଡ଼ି କଡ଼ିନାୟି ?” ୧୪ ଇଚିହୁଁ ଏଞ୍ଜାରି ପାସାମାଣା ଆବାୟାଁ ମାଚେରି ।

ଇଞ୍ଜା ଏଞ୍ଜାସି ତାନି ସୀସୁଣି ଏଲେଇଚେସି, “କଡ଼େଦସ ଜାଣା ଲାକା କୁଟିକିଦୁ ।”

୧୫ ଏଚେଟିଏ ଏଞ୍ଜାରି ଏଲେକିହୁଁ ଏ ବାରେତି କୁଟିକିଚେରି । ୧୬ ଅଡ଼େ ଏଞ୍ଜାସି ପାସାଗଟା ରୁଟି ଅଡ଼େ ରୀ ମୀଣକାଣି ଆସାନା ଲାକପୁରୁ ଖାକି ସିନିକିହାନା ବର ହୀଚେସି, ଇଞ୍ଜା ରୁଟି ଡ଼ିକ୍‌ହାନା ଲକୁକି ହାସ୍‌ପାଲି ସୀସୁୟାଁକି ହୀଚେସି । ୧୭ ଏଚେଟିଏ ବାରେଜାଣା ତିଞ୍ଜା ପାଞ୍ଜିଚେରି, ଅଡ଼େ ହାରିତାଣି ବାର ତାଲି ରୁଟି କୁଡ଼ି କିଚେରି ।

ଜୀସୁଇଁ ପିତର କ୍ରୀସ୍ତ ଇଞ୍ଜୁଁ ଖେକ୍‌ନାୟି  
 (ମାତି ୧୬:୧୩-୧୯; ମାର୍କ ୮:୨୭-୨୯)

\* ୯:୫ ୯:୫ କାମା ୧୩:୫୧ \* ୯:୫ ୯:୫ ଲୁକ ୧୦:୪-୧୧ \* ୯:୭ ୯:୭ ମାତି ୧୭:୧୪; ମାର୍କ ୮:୨୮; ଲୁକ ୯:୧୯ \* ୯:୭ ୯:୭ ମୁଞ୍ଜିନାୟି

୧୮ ର ଦିନା ଜୀସୁ ରଅସିଏ ପ୍ରାତାନା କିନି ବେଲାତା ସୀସୁୟା ଏଞ୍ଜାରିତଲେ ମାରେରି, ଅଡେ ଏଞ୍ଜାସି ଏଞ୍ଜାରାଇଁ ଖେରେସି, “ନାନୁ ଆମ୍ବାଆତେଏଁ ଇଞ୍ଜୁଁ ଲକୁ ଏଲେଇଞ୍ଜିମାନେରି ?”

୧୯ ☆ଏରେଟିଏ ଏଞ୍ଜାରି ଏଲେଇରେରି, “ଆମ୍ବାଆରି ବାପ୍ତିସ୍ମା ହାନି ଜହନ, ଆମ୍ବାଆରି ଏଲିୟ, ଅଡେ ଆମ୍ବାଆରି ତଲିକାଲାତି ମାହାପୁରୁ ଅଶପୁତି ବଲୁ ଖେହ୍ନାରି ବିତ୍ରାଟି ରଅସି ନିଙ୍ଗାମାନେସି ।”

୨୦ ☆ଏଞ୍ଜାସି ଏଞ୍ଜାରାଇଁ ଏଲେଇରେସି, “ନାନୁ ଆମ୍ବାଆତେଏଁ ମୀରୁ ଏନାଆଁ ଇଞ୍ଜୁଁ ମାଞ୍ଜେରି ?”

ପିତର ଏଲେଇରେସି, “ନୀନୁ ମାହାପୁରୁତି କ୍ରୀସ୍ତ ।”

ଜୀସୁ ତାନି ଦୁକୁ ଅଡେ ହାକିତି କାତା ଖେହ୍ନାୟି

(ମାତି ୧୭:୨୦-୨୮; ମାର୍କ ୮:୩୦-୯:୧)

୨୧ ଏରେଟିଏ ଏଞ୍ଜାସି ଏଞ୍ଜାରାଇଁ ଆମ୍ବାଆରାଇଁ ଖେହ୍ନାଆଦୁ ଇଞ୍ଜୁଁ ଜାଣ୍ଠେ କିହ୍ ହୁକୁମି ହୀତେସି, ୨୨ “ମାଣ୍ଠସି ମୀରଏସି ହାରେକା ଦୁକୁ ପାଣ୍ଠନାୟି ମାନେ ଇଞ୍ଜାଁ ଲକୁତି କାଜାରି, କାଜା ପୂଜେରାଙ୍ଗା ଇଞ୍ଜାଁ ମୋରାପୁନାରି ତାଣାଟି ଅପାଆନା ଏଞ୍ଜାଣାଇଁ ପାୟିନେରି, ଇଞ୍ଜାଁ ତାନି ଦିନାଟିଏ ନିଙ୍ଗାନେସି ।”

୨୩ ☆ଏରେଟିଏ ଏଞ୍ଜାସି ବାରେତି ଏଲେଇରେସି, “ଆମ୍ବାଆସି ନା ଜେଚ ତାକାଲି ମନ କିନେସି, ଏଞ୍ଜାସି ତାଙ୍ଗେ ଅପାଆନା ବାରେଦିନା ତାନି କ୍ରୀସ୍ତ ଡେକାନାହାଁ ନା ଜେଚ ତାକାପେସି ।

୨୪ ☆ଇତିହ୍ ଆମ୍ବାଆସି ଜାହାରା ଜୀସୁ ଗେଲ୍‌ପାଲି ମନ କିନେସି ଏଞ୍ଜାସି ନାସା କିନେସି; ସାମା ଆମ୍ବାଆସି ନା ତାକି ନିଜେତି ଜୀସୁ ନାସା କିନେସି ଏଞ୍ଜାସି ଗେଲ୍‌ପି କିହାକତିନେସି । ୨୫ ଅଡେ ମାଣ୍ଠସି ଇ ଦାବ୍‌ତିତା ମାନାଣି ବାରେ ମେଡି କିହାନା ତାନି ଜୀସୁତି ନାସା

କିନେସି, ଇତିହ୍ ଏଞ୍ଜାଣାକି ଏନି ଲାବା ? ୨୬ ଇତିହ୍ ଆମ୍ବାଆସି ନାଙ୍ଗେତାକି ଅଡେ ନା କାତାତାକି ଲାଜା ଆନେସି, ମାଣ୍ଠସି ମୀରଏସି ତାନି କାଜାପାଣା ତଲେ ଇଞ୍ଜାହାଁ ମାହାପୁରୁ ଆବା ଅଡେ ତାନି ସୁଦୁଗାଟି ଦୂତୁୟା ତଲେ କାଜାପାଣାଟି ଖାନେସି ଏତିବେଲା ଏଞ୍ଜାସି ଜିକେଏ ଏଞ୍ଜାଣି ତାକି ଲାଜା ଆନେସି । ୨୭ ସାମା ନାନୁ ମିଙ୍ଗେ ସାତା ଖେସିମାଞ୍ଜାଇଁ, ମାହାପୁରୁତି ରାକ୍ତି ମେହ୍‌ଆ ପାତେକା ଇମ୍ବାଆଁ ନିତାମାନାରି ଏଚରଜାଣା ହାଅରି ।”

ଜୀସୁ ଅର ଖାଣା ଆନାୟି  
(ମାତି ୧୭:୧-୮; ମାର୍କ ୯:୨-୮)

୨୮ ଇ କାତା ଖେସାନା ଆଟାଦିନା ହାଜାଲିଏ ପିତର, ଜହନ ଅଡେ ଜାକୁବଇଁ ଅହ୍ ହାଜାନା ପ୍ରାତାନା କିହାଲି ହରୁତା ହାରେସି । ୨୯ ଅଡେ ଏଞ୍ଜାସି ପ୍ରାତାନା କିହିମାଟାଟି ତାନି ମୁମ୍ବୁଡୁ ଖାଣା ତିରିମ୍ବୁହେ ଇଞ୍ଜାଁ ତାନି ହିମ୍ବୁରି ଦବ୍‌ଲା ଆହାନା ହାରେକା ଉଜେଡି ଆଡେ । ୩୦ ମସା ଅଡେ ଏଲିୟ ଏଞ୍ଜାଣିତଲେ କାତା ଆହିମାରେରି; ୩୧ ଏଞ୍ଜାରି ଗାଞ୍ଜୁରମିଟି ତଞ୍ଜାଆହାନା ଜୀସୁ ଜିରୁସାଲମତା ହାନିକାତା ଜଲ୍‌କି ଆହିମାରେରି । ୩୨ ଏତିବେଲା ପିତର ଅଡେ ତାନି ତଡେସିଙ୍ଗାକି ଗାଡି ଇଦାକାଶକା ହଡିମାତୁ; ସାମା ଏଞ୍ଜାରି ଇଦାଟି ନିଙ୍ଗାଲିଏ ତାନି ଗାଞ୍ଜୁରମି ଇଞ୍ଜାଁ ଏଞ୍ଜାଣିତଲେ ରିଆରି ନିତାମାନାଣି ମେସ୍ତେରି । ୩୩ ଇଞ୍ଜାଁ ଏଞ୍ଜାରି ତାଣାଟି ହାଜିମାଟାଟି ପିତର ଜୀସୁଇଁ ଏଲେଇରେସି, “ଗୁରୁ ମାମ୍ବୁ ଇମ୍ବାଆଁ ମାନାୟି ନେହେ; ମାମ୍ବୁ ଇମ୍ବାଆଁ ତାନିଗଟା ଗୁଡାୟା କେପିନମି, ନିଙ୍ଗେତାକି ରଣ୍ଡାଆଁ, ମସାକି ରଣ୍ଡାଆଁ ଅଡେ ଏଲିୟକି ରଣ୍ଡାଆଁ ।” ସାମା ତାନୁ ଏନାଆଁ ଇଞ୍ଜିମାରେସି ତାନୁଏ ପୁଞ୍ଜି ହିଲାଆତେସି ।

☆ ୯:୧୯ ୯:୧୯ ମାତି ୧୪:୧,୨; ମାର୍କ ୭:୧୪,୧୫; ଲୁକ ୯:୭,୮ † ୯:୧୯ ୯:୧୯ ମୁଞ୍ଜିନାୟି ☆ ୯:୨୦ ୯:୨୦ ଜହ ୭:୨୮,୨୯ ☆ ୯:୨୩ ୯:୨୩ ମାତି ୧୦:୩୮; ଲୁକ ୧୪:୨୭ ☆ ୯:୨୪ ୯:୨୪ ମାତି ୧୦:୩୯; ଲୁକ ୧୭:୩୩; ଜହ ୧୨:୨୫

୩୪ ଏଝାସି ଏଲେଇଞ୍ଜି ମାଚାଟି ଇଚାୟି ହାଗୁ ଦୁନ୍ଦା ଖାହାନା ଏଝାରାଇଁ ପିକ୍‌ହେ, ଇଞ୍ଜା ଏଝାରି ଦୁନ୍ଦାତା ହଡ଼ି ମାଚାଟି ଆଜିତେରି । ୩୫ ✠ଇଞ୍ଜା ଏ ଦୁନ୍ଦାଟି ଇ ହାଡ଼ା ଖାଡ଼େ, “ଇଝାସି ନା ମୀରଏସି, ନାନୁ ଆଡ଼ିତାସି, ଇଝାଣି ବଲୁ ଖେଞ୍ଜୁ ।”

୩୬ ଏଲେଇଞ୍ଜି ଖେସ୍ତି ତାମୁ ଜୀସୁ ରଅସିଏ ତଞ୍ଜାଆଡ଼େସି । ଏଝାରି ଇ କାତାତାକି ପାଲେଏ ମାଞ୍ଜାନା, ଏନା ଏନାଆଁ ମେସାମାଚେରି ଏ ବେଲ୍‌ତା ଆମ୍ବାଆରାଇଁ ଜିକେଏ ଖେହ୍‌ଆଡ଼େରି ।

ଜୀସୁ ବୁଡୁ ଆଲ୍‌ଗାମାଟି କକାଣାଇଁ ନେହ୍‌କିନାୟି  
(ମାତି ୧୭:୧୪-୧୮; ମାର୍କ ୯:୧୪-୨୭)

୩୭ ଅଡ଼େ ର ନେରୁ ହରୁଟି ରେଚା ଖାହାଲିଏ ହାରେକା ଲକୁ ଏଝାଣାଇଁ ବେଟା ଆୟାଲି ଖାଡ଼େରି । ୩୮ ଅଡ଼େ ଏ ମାନ୍ଦା ଲକୁ ବିତ୍ରାଟି କାଜା ଗିୟାତଲେ ହାଟାନା ଏଲେଇଚେସି, “ଏ ଗୁରୁ ନାନୁ ବାଡ଼ିମାଲିମାଞ୍ଜାଇଁ ନା ମୀରଏଣାଇଁ କାର୍ମା ଆମ୍ବୁ, ଇଚିହ୍‌ ଏଝାସି ନା ରଣିଏ ମୀରଏସି; ୩୯ ଏଝାଣାଇଁ ର ବୁଡୁ ଆଲ୍‌ଗିମାନେ, ଇଞ୍ଜା ଏଝାସି ପେଦରାହାଁ ଦେବୁଣିଏ କିରଡ଼ି ମାନେସି, ଇଞ୍ଜା ଏଝାଣାଇଁ ଇଲେକ୍‌ ବୁମିତା ତ୍ରକହାନା ଗୁଡ଼ିଟି ପମ୍‌ଲି ହପ୍‌ହି ମାନେ, ଇଞ୍ଜା ଏଝାଣାଇଁ ଗାଡ଼ି ବାଦା କିହାନା ଏଝାଣି ତାଣାଟି କାକୁଲିଟି ହଚାହାନେ । ୪୦ ନାନୁ ବୁଡୁଟି ପିସ୍‌ପି କିହାଲି ନୀ ସୀସୁୟାଁ ବାଡ଼ିମାଲିଚେଏଁ, ସାମା ଏଝାରି ପିସ୍‌ପି କିହାଲି ଆଡ଼ାଆଡ଼େରି ।”

୪୧ ଜୀସୁ ଏଲେଇଚେସି, “ଆଡ଼େ ନାମାଆଗାଟି ଏଟ୍‌କା ଜିରୁ ଆହ୍‌ନି କୁଡ଼ା, ନାନୁ ଅଡ଼େ ଏଚେକା ମୀ ତଲେ ମାଞ୍ଜାନା ମୀ କାତା ଅଡ଼ହାଇଁ ? ନୀ ମୀରଏଣାଇଁ ଇମ୍ବାଆଁ ତାମୁ ।”

୪୨ ବୁଡୁ ଆଲ୍‌ଗାମାଟି କକାସି ଖାହିମାଚାଟି ବୁଡୁ ଏ କକାଣାଇଁ ବୁମିତା ତାଡ଼ି କିହାନା ତ୍ରେପ୍‌ହାଡୁସ୍ତେ, ସାମା

ଜୀସୁ ଏ ପଲ୍‌ଆ ବୁଡୁଟି ଦାକା ହୀଡେସି ଇଞ୍ଜା କକାଣାଇଁ ନେହ୍‌ କିହାନା ତାମି ଆବା କେୟୁତା ହେରପିଡେସି । ୪୩ ଏଚେଟିଏ ବାରେ ଲକୁ ମାହାପୁରୁଟି ବାଡ଼ୁୟୁ ମେସାନା ଜାଗଲା ଆଡ଼େରି । ସାମା ଏଝାସି କିହାମାନି ବାରେ କାମାତାକି ଜାଗଲା ଆହିମାଚାକି ଜୀସୁ ତାନି ସୀସୁୟାଁଇଁ ଏଲେଇଚେସି ।

ଜୀସୁ ତାନି ହାକିତି କାତା ଅଡ଼େ ଖେଣ୍ଡେ ଖେହ୍‌ନାୟି  
(ମାତି ୧୭:୨୨, ୨୩; ମାର୍କ ୯:୩୦-୩୨)

୪୪ “ଇ ବାରେ କାତା ମୀ କାର୍କା ଅତାନା ଖେଞ୍ଜୁ; ଇଚିହ୍‌ ମାଣ୍‌ସି ମୀରଏସି ସାଡୁୟାଁ କେୟୁତା ହେରପିଆନେସି ।” ୪୫ ସାମା ଏଝାରି ଏ କାତା ତେଲ୍‌ହାଆଡ଼େରି, ଏଝାରି ତେଲ୍‌ହାଲି ଆଡ଼ାଆରେରୁ ଏଝାରି ତାଣାଟି ତ୍ରେମାଚେ, ଇଞ୍ଜା ଏଝାରି ଏ କାତା ଜିକେଏ ଜୀସୁଇଁ ଖେଞ୍ଜାଲି ଆଜିମାଚେରି ।

ବାରେକିହାଁ କାଜାସି ଆମ୍ବାଆସି  
(ମାତି ୧୮:୧-୫; ମାର୍କ ୯:୩୩-୩୭)

୪୬ ✠ଏଝାରି ବିତ୍ରାଟି ଆମ୍ବାଆସି କାଜାସି, ଇ କାତାତାକି ଏଝାରି ବିତ୍ରା ବାଡ଼ିବାଦା ଆଡ଼େରି । ୪୭ ସାମା ଜୀସୁ ଏଝାରି ବିତ୍ରା ବାଡ଼ିବାଦା ଆହିମାନାଣି ପୁଞ୍ଜାନା, ର ଉଣା କକାଣାଇଁ ତାନି ନକିତା ନିପ୍‌ହାନା ଏଝାରାଇଁ ଏଲେଇଚେସି, ୪୮ ✠“ଆମ୍ବାଆସି ନା ଦରୁଟି ଇ ଉଣା କକାଣାଇଁ ଆବିନେସି, ଏଝାସି ନାଜେ ଆବାନେସି, ଅଡ଼େ ଏଝାସି ନାଜେ ପାଣ୍ଡାତାଣାଇଁ ଆବିନେସି; ଇଚିହ୍‌ ମୀ ବିତ୍ରାଟି ଆମ୍ବାଆସି ବାରେକିହାଁ ଉଣା ଏଝାସି କାଜାସି ।”

ମୀ କପାଟି ନିଜାଆ ଗାଟାସି ମୀ ତଲେତାସି  
(ମାର୍କ ୯:୩୮-୪୦)

୪୯ ଏଚେଟିଏ ଜହନ ଏଲେଇଚେସି, “ଗୁରୁ, ମାମ୍ବୁ ନୀ ଦରୁଟି ବୁଡୁୟାଁ ପେରୁହି

✠ ୯:୩୫ ୯:୩୫ ମାତି ୩:୧୭; ୧୨:୧୮; ମାର୍କ ୧:୧୧; ଲୁକ ୩:୨୨ ✠ ୯:୩୫ ୯:୩୫ ୨ପିତ ୧:୧୭, ୧୮ ✠ ୯:୪୨ ୯:୪୨ ଲୁକ ୨୨:୨୪ ✠ ୯:୪୮ ୯:୪୮ ମାତି ୧୦:୪୦; ଲୁକ ୧୦:୧୭; ଜହ ୧୩:୨୦

ମାତାଣି ମେସୁମି ଇଞ୍ଜା ଏଝାସି ମା ତଲେ ନୀ ଜେତ ଖାଆଲିଏ କାହିକିତମି ।”

୫୦ ସାମା ଜୀସୁ ଏଝାରାଇଁ ଏଲେଇଚେସି, “କାହିକିଆଦୁ, ଇଚିହୁ ଆମ୍ବାଆସି ମୀ କପାଟି ନିଙ୍ଗା ହିଲଅସି ଏଝାସି ମୀ ତଲେତାସି ।”

ସମିରଣି ନାସ୍କାଣାଁ ଜୀସୁଇଁ ଆବାଆତାୟି

୫୧ ଏଚିବେଲା ଜୀସୁ ଲାକପୁରୁ ହାନି ବେଲା ଏଗାଝାହିମାଚାକି ଏଚିବେଲା ଜୀସୁ ଜିରୁସାଲମତା ହାଜାଲି ମନତି ତାରି କିତେସି ।

୫୨ ଅଡେ ତାନି ନବେଏ କସ୍କାଣି ପାଣ୍ଡିତେସି, ଏଝାରି ହାଜାନା ର ସମିରଣି ନାୟୁତା ଜୀସୁ ଝାନ୍ଦେସି ଇଞ୍ଜା ଜାଗ୍ରାତା କିହାନା କାଡେରି;

୫୩ ସାମା ଏଝାସି ଜିରୁସାଲମତା ହାଜାଲି ମନ କିହାମାନେସି ଇଞ୍ଜା ପୁଞ୍ଜାନା ଏଝାଣାଇଁ ଆବାଆତେରି । ୫୪ ଇଦାଆଁ ମେସାନା ଜାକୁବ ଅଡେ ଜହନ ଇ

ରୀ ସୀସୁୟାଁ ଏଲେଇଚେରି, “ଏ ପ୍ରବୁ ଏଲିୟ ଏନିକ ଏଲେଇଞ୍ଜାମାଚେସି, ଏଲେକିହ ଏ ହାଗୁଲକଟି ହିରୁ ରିହାନା ଏଝାରାଇଁ ନାସା କିପେ, ଏଲେଇଞ୍ଜାଲି ନୀ ମନ ମାନେକ ?”

୫୫ ସାମା ଏଝାସି ଝେଣ୍ଡେ ସିନିକିହାନା ଏଝାରାଇଁ ଲାଗାନା ଏଲେଇଚେସି,

“ମୀରୁ ଏନିଲେହେଟି ଜୀସୁ ଗାଚାତେରି, ମୀରୁ ପୁଞ୍ଜାହିଲଅତେରି ମାଣ୍ଡସି ମୀରୁଏସି ମାଣ୍ଡସିୟାତି ଜୀସୁ ନାସା କିହାଲି ଝାଆନା ଗେଲପାଲି ଝାହାମାନେସି । ୫୬ ଏଚେଟିଏ ଏଝାରି ଅର ନାୟୁତା ହାଚେରି ।”

୫୭ ଏଚେଟିଏ ଏଝାରି ଅର ନାୟୁତା ହାଚେରି ।”

୫୮ ଜୀସୁତି ସୀସୁ ଆହାଲି ପାଡା ଆନାୟି (ମାତି ୭:୧୯-୨୨)

୫୯ ଏଝାରି ଜିରୁତା ହାଜିମାଚାଟି ରଅସି ଝାହାନା ଜୀସୁଇଁ ଏଲେଇଚେସି, “ନୀନୁ ଆମ୍ବିୟା ହାଜି, ନୀନୁ ଜିକେଏ ନୀ ତଲେ ଝାଇଁ ।”

୬୦ ଜୀସୁ ଏଝାଣାଇଁ ଏଲେଇଚେସି, “ନାକାୟାକି ତୁୟିନି ପାସୁୟାଁ ମାନୁ, ହାଗୁ

ଲାକ ଉମ୍ବିନି ପଗାୟାକି ବାସାଚାୟୁ ମାନେ, ସାମା ମାଣ୍ଡସି ମୀରୁଏଶାକି ତାୟୁଁ ନେବହାଲି ଚାୟୁ ହିଲେଏ ।”

୬୧ ଇଞ୍ଜା ଏଝାସି ଅଡେ ରଅଣାଇଁ ଏଲେଇଚେସି, “ନା ଜେତ ଝାମୁ ।” ସାମା ଏଝାସି ଏଲେଇଚେସି, “ପ୍ରବୁ ନବେଏ ହାଜାନା ନା ଆବାଇଁ ମାହଣିଶା ମୁସାଲି ହେଲ ହିୟାମୁ ।”

୬୨ ଜୀସୁ ଏଲେଇଚେସି, “ହାଡାରାଇଁ ତାନି ହାଡ଼ି ଲକୁଣି ମୁସାଲି ପିହୁଦୁ, ସାମା ମୀରୁ ହାଜାନା ମାହାପୁରୁ ରାଜିତି କାତା ଝେହୁଦୁ ।”

୬୩ ଅଡେ ରଅସି ଝାହାନା ଏଲେଇଚେସି, “ପ୍ରବୁ ନୀନୁ ଜେତ ଝାଇଁ ସାମା ନବେଏ ଇଜତି ଲକୁ ତାଣାଟି ହେଲ ଅହାଲି ହିୟାମୁ ।”

୬୪ ସାମା ଜୀସୁ ଏଝାଣାଇଁ ଏଲେଇଚେସି, “ଆମ୍ବାଆସି ନାଟେଲି କେୟୁତା ଆସାନା ତାୟୁଝାକି ସିନିକିନେସି ଏଝାସି ମାହାପୁରୁ ରାଜିତା ପାଡା ଆଅସି ।”

୬୫ ଅଡେ ରଅସି ଝାହାନା ଏଲେଇଚେସି, “ପ୍ରବୁ ନୀନୁ ଜେତ ଝାଇଁ ସାମା ନବେଏ ଇଜତି ଲକୁ ତାଣାଟି ହେଲ ଅହାଲି ହିୟାମୁ ।”

୬୬ ସାମା ଜୀସୁ ଏଝାଣାଇଁ ଏଲେଇଚେସି, “ଆମ୍ବାଆସି ନାଟେଲି କେୟୁତା ଆସାନା ତାୟୁଝାକି ସିନିକିନେସି ଏଝାସି ମାହାପୁରୁ ରାଜିତା ପାଡା ଆଅସି ।”

୬୭ ସାମା ଜୀସୁ ଏଝାଣାଇଁ ଏଲେଇଚେସି, “ଆମ୍ବାଆସି ନାଟେଲି କେୟୁତା ଆସାନା ତାୟୁଝାକି ସିନିକିନେସି ଏଝାସି ମାହାପୁରୁ ରାଜିତା ପାଡା ଆଅସି ।”

୬୮ ସାମା ଜୀସୁ ଏଝାଣାଇଁ ଏଲେଇଚେସି, “ଆମ୍ବାଆସି ନାଟେଲି କେୟୁତା ଆସାନା ତାୟୁଝାକି ସିନିକିନେସି ଏଝାସି ମାହାପୁରୁ ରାଜିତା ପାଡା ଆଅସି ।”

୬୯ ସାମା ଜୀସୁ ଏଝାଣାଇଁ ଏଲେଇଚେସି, “ଆମ୍ବାଆସି ନାଟେଲି କେୟୁତା ଆସାନା ତାୟୁଝାକି ସିନିକିନେସି ଏଝାସି ମାହାପୁରୁ ରାଜିତା ପାଡା ଆଅସି ।”

୭୦ ସାମା ଜୀସୁ ଏଝାଣାଇଁ ଏଲେଇଚେସି, “ଆମ୍ବାଆସି ନାଟେଲି କେୟୁତା ଆସାନା ତାୟୁଝାକି ସିନିକିନେସି ଏଝାସି ମାହାପୁରୁ ରାଜିତା ପାଡା ଆଅସି ।”

### ୧୦

ଜୀସୁ ତାନିକଡ଼ି ବାରଜାଣାତି ପାଣ୍ଡିନାୟି

୧ ଏମ୍ବାଟିଏ ପ୍ରବୁ ଅଡେ ତାନିକଡ଼ି ବାରଜାଣାତି ଆଚାନା ତାନୁ ଆମିନି ଗାଡା ଅଡେ ନାସ୍କାଣାଁ ହାଜାଲି ମନ କିହାମାନେସି, ଏ ନାସ୍କା ଅଡେ ଗାଡାୟାଁଶା ରିଆରି ଲାକା କିହାଁ ପାଣ୍ଡିତେସି । ୨ ଇଞ୍ଜା ଏଝାସି ଏଝାରାଇଁ ଏଲେଇଚେସି, “ପାଟି ହାରେକା ସାମା ଦାଃଆନାରି ଉଶା ଜାଣା; ଇଦାଆଁତାକି ଗୁଡିୟାତା କାମା କିନାରାଇଁ ପାଣ୍ଡାଲିତାକି ଗୁଡିୟାତି ସାସୁକାରିଇଁ ବାତିମାଲାନୁ । ୩ ମୀରୁ ହାଜୁ; ନୀନୁ ମିଙ୍ଗା କୁଠନିୟାଁ ବିତ୍ରା ମେଣ୍ଡା ତାଲୁକା ଲେହେଁ ମିଙ୍ଗେ ପାଣ୍ଡିମାଞ୍ଜାଇଁ । ୪ ତାବୁୟାଁ, ମଣା କି ସେପୁୟାଁ ଜିକେଏ ଅଆଦୁ, ଅଡେ ଜିରୁତା ଆମ୍ବାଆରାଇଁ ଜହରା କିଆଦୁ । ୫ ଅଡେ ମୀରୁ ଆମିନି ଇଲୁତା ହଡ଼ଦେରି ନବେଏ

ଇ ଇଲୁତାକି ହିତୁଡ଼ି ଆପେ ଇଷ୍ଟୁ ।  
 ୬ ଅଡ଼େ ଏ ଇଜ ହିତୁଡ଼ିତି ମାଣସି ରଅସି  
 ମାଟିହୁଁ ମୀ ହିତୁଡ଼ି ଏଞ୍ଜାଣାକି ଆପେ;  
 ଅଡ଼େ ହିଲାଆତିହୁଁ ମୀ ହିତୁଡ଼ି ମିଙ୍ଗେ  
 ଖେଣ୍ଡେ ଖାନେ । ୭ ଇଞ୍ଜା ଏଞ୍ଜାରିତାଣା  
 ଏନାୟି ମାନେ ଏଦାଆଁ ତିଞ୍ଜା ଉଣ୍ଣାନା ଏ  
 ଇଜ ମାଞ୍ଜୁ ଇତିହୁଁ କାମାକିନାସି ତାନି  
 କାମାତି ବୁଡ଼ି ମେଡ଼ା ଆନାୟି ମାନେ ।  
 ଏ ଇଜ ପିସାନା ଅର ଇଜ ହାଲାଆଦୁ ।  
 ୮ ଅଡ଼େ ଆମିନି ଗାଡ଼ାତା ହାଜେରି ଅଡ଼େ  
 ଲକୁ ମିଙ୍ଗେ ଅପାନେରି ଅଡ଼େ ଏମ୍ବାଆଁ  
 ଏନାଆଁ ତିଞ୍ଜାଲି ହିୟାନେରି ଏଦାଆଁ  
 ତିଞ୍ଜୁ । ୯ ଏମ୍ବାଆଁ ମାନି ରଗ ଗାଟାରାଇଁ  
 ନେହୁଁ କିଦୁ, ଅଡ଼େ ଏଞ୍ଜାରାଇଁ  
 ଏଲେଇଞ୍ଜୁ 'ମାହାପୁରୁତି ରାଜି ମୀ  
 ତାଣା ଏଦାତେୟିଏ ।' ୧୦ ଏସାମା ମୀରୁ  
 ଆମିନି ଗାଡ଼ାତା ହାଜେରି ଇଞ୍ଜା ଲକୁ  
 ମିଙ୍ଗେ ଅପଅରି, ଏମ୍ବାତି ଆଂଗେଣିକାଟି  
 ପାଙ୍ଗାତା ହାଜାନା ଏଲେଇଞ୍ଜୁ, ୧୧ ଏମୀ  
 ଗାଡ଼ାତି ଆମିନି ଦୁଡ଼ି ମା କଡାୟାଣା  
 ଆଟାମାରେ, ଏଦାଆଁ ଜିକେଏ ମିଙ୍ଗେ  
 ତାକି ହାଣ୍ଡି ମାନମି; ସାମା ମାହାପୁରୁତି  
 ରାଜି ଏଗାଞ୍ଜାହିମାନେ ଇଦାଆଁ ପୁଞ୍ଜୁ ।'  
 ୧୨ ନାନୁ ମିଙ୍ଗେ ଖେସିମାଞ୍ଜାଇଁ, ନୀହାୟି  
 ଦିନାତା ଏ ଗାଡ଼ାତି ତଣ୍ଡ କିହାଁ ସଦମତି  
 ଗାଡ଼ାତି ତଣ୍ଡ ଉଣା କିଞ୍ଚିଆନେ ।

ନାମାଆଗାଟି ନାସକା  
 (ମାତି ୧୧:୨୦-୨୪)

୧୩ ଆୟଡ଼ା ତଣ୍ଡ ପାଣ୍ଡିନି କରାଜିନ୍  
 ଅଡ଼େ ବେଡ଼ସାୟିଦା ଇତିହୁଁ ମୀ  
 ତାଣା ଆମି ଆମିନି କାବାଆନି କାମାୟାଁ  
 କିଞ୍ଚିଆହାମାନୁ, ଏ ବାରେ ସର ଅଡ଼େ  
 ସିଦନତା କିଞ୍ଚିଆହାମାଟିହୁଁ ମା, ଏଞ୍ଜାରି  
 ହାରେକା ଦିନା ନକେଏ ବାସ୍ତାୟାଁ ପରହାଁ  
 ଦାରମ୍ପଡ଼ା କୁଗାନା ମନ ଖେଟ୍‌ହେରିମା  
 । ୧୪ ଆଡ଼ିଜିକେଏ ନୀହାୟି ଦିନାତା ସର  
 ଅଡ଼େ ସିଦନତି ତଣ୍ଡ ଉଣା କିଞ୍ଚିଆନେ  
 । ୧୫ ଏ କପରନାହୁମ ନୀନୁ ଲାକପୁରୁ

ପାତେକା ପାତାଆଦି ? ହାଡ଼ାରି ମାନି  
 ରାଜିତା ମେଡ଼ପି ଆଦି ।”

୧୬ ଏଜୀସୁ ଏଲେଇଚେସି “ଆମ୍ବାଆସି  
 ମୀ କାତା ଖେନେସି, ଏଞ୍ଜାସି ନା କାତା  
 ଖେନେସି, ଇଞ୍ଜା ଆମ୍ବାଆସି ମିଙ୍ଗେ  
 ଅପଅସି ଏଞ୍ଜାସି ନାଙ୍ଗେ ଅପଅସି, ଅଡ଼େ  
 ଆମ୍ବାଆସି ନାଙ୍ଗେ ଅପଅସି ଏଞ୍ଜାସି  
 ନାଙ୍ଗେ ପାଣ୍ଡାତାଣାଇଁ ଅପଅସି ।”

ତାନିକଡ଼ି ବାରଜାଣା ଖେଣ୍ଡା ଖାନାୟି  
 ୧୭ ଏମ୍ବାଟିଏ ତାନିକଡ଼ି ବାରଜାଣା  
 ଖେଣ୍ଡା ଖାହାନା ରାହାଁଟି ଏଲେଇଚେରି,  
 “ପ୍ରବୁ ବୁଡ଼ୁୟାଁ ଜିକେଏ ନୀ ଦରୁଟି ମା  
 ଡ଼ଇକା ହେଡ଼ପି ଆହିମାନୁ ।”

୧୮ ସାମା ଜୀସୁ ଏଞ୍ଜାରାଇଁ  
 ଏଲେଇଚେସି, “ହାଗୁ ମିନ୍ଧୁନିଲେହେଁ  
 ଲାକଟି ସୟତାନ ରିହିମାନାଣି ମେସ୍ତେଏଁ  
 । ୧୯ ମେହଦୁ ନାନୁ ମିଙ୍ଗେ ରାସକା,  
 କାଟାକୁପିୟାଁ ମୁହେଁ ତାକାଲି ଅଡ଼େ  
 ସାଡ଼ୁଡ଼ି ବାରେ ବାଡ଼ୁୟାଁ ମୁହେଁ ଜିକେଏ  
 ଅଦିକାରା ହାହିମାଞ୍ଜାଇଁ, ଅଡ଼େ ଏନାୟି  
 ଜିକେଏ ମିଙ୍ଗେ ନସ୍ତ କିହାଲି ଆଡ଼େଏ  
 । ୨୦ ସାମା ପଲୁଆ ବୁଡ଼ୁୟାଁ ବାଡ଼ୁୟାଁ ମୀ  
 ଡ଼ଇକା ମାନେ ଇଞ୍ଜୁ ରାହାଁ ଆଆଦୁ,  
 ସାମା ମୀ ଦରୁ ଲାକପୁରୁ ରାସକି  
 ଆହାମାନେ ଏଦାଆଁତାକି ରାହାଁ କିଦୁ ।”

ଜୀସୁତି ରାହାଁ  
 (ମାତି ୧୧:୨୫-୨୭; ୧୩:୧୬, ୧୭)

୨୧ ଏତିବେଲା ଜୀସୁ ସୁଦୁଜୀଞ୍ଜୁ  
 ତଲେ ରାହାଁ ଆହାନା ଏଲେଇଚେସି,  
 “ଆବା ଲାକପୁରୁ ଅଡ଼େ ଦାର୍‌ତିତି ପ୍ରବୁ,  
 ନୀନୁ ବୁଦିଗାଟି ଲକୁତାଣା ଇ ବାରେ  
 କାତା ଡ଼କୁହାନା ଉଣା କକାରି ତାଣା  
 ତସାମାଞ୍ଜି, ଇଦାଆଁତାକି ମିଙ୍ଗେ ଜହରା  
 କିହିମାଞ୍ଜାଇଁ; ଏ ଆବା ଇଦିଏ ନୀ ନକିତା  
 ନେହାୟି ଆଡ଼େ ।”

୨୨ ଏ “ନା ଆବାତି ବାରେ ଅଦିକାରା  
 ନାଙ୍ଗେ ହେଡ଼ପି ଆହାମାନେ; ଅଡ଼େ  
 ମୀରଏସି ଆମ୍ବାଆସି, ଇଦାଆଁ ଆବା

୬ ୧୦:୬ ୧୦:୬ ୧କର ୯:୧୪; ୧ଡ଼ିମ ୫:୧୮    ୭ ୧୦:୧୦ ୧୦:୧୦ କାମା ୧୩:୫୧    ୮ ୧୦:୧୧ ୧୦:୧୧ ମାତି  
 ୧୦:୭-୧୪; ମାର୍କ ୬:୮-୧୧; ଲୁକ ୯:୩-୫    ୯ ୧୦:୧୨ ୧୦:୧୨ ମାତି ୧୧:୨୪ମାତି ୧୦:୧୫    ୧୦ ୧୦:୧୬ ୧୦:୧୬  
 ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ଜହ ୧୩:୨୦    ୧୧ ୧୦:୨୨ ୧୦:୨୨ ଜହ ୩:୩୫; ଜହ ୧୦:୧୫

ପିସ୍‌ପେ ଆମ୍ବାଆସି ପୁନଅସି, ଅଡ଼େ ଆବା ଆମ୍ବାଆସି ଇଦାଆଁ ମୀରଏଣା ପିସ୍‌ପେ ଆମ୍ବାଆସି ପୁନଅସି, ଇଞ୍ଜା ମୀରଏସି ଆମ୍ବାଆରି ତାଣା ଏଞ୍ଜାଣାଇଁ ତସାଲି ମନ କିନେସି, ଏଞ୍ଜାସିଦେଁ ପୁନେସି ।”

୨୩ ଅଡ଼େ ଜୀସୁ ତାୟୁ ସିନିକିହାନା ତାମି ସୀୟୁୟାଇଁ ଏଡ଼କେଏ ଏଲେଇରେସି, “ହାରେକା ନେହେଁ ଏ କାଣ୍‌କା ଏମିନିଗାଟାଣି ମେସିମାନୁ, ଏନାଆଁ ମୀରୁ ମେସିମାଞ୍ଜେରି । ୨୪ ଇଚିହେଁ ନାନୁ ମିଙ୍ଗେ ଖେସିମାଞ୍ଜାଇଁ, ମୀରୁ ଏନା ଏନାଆଁ ମେସିମାଞ୍ଜେରି ଏ ବାରେ ହାଡ଼େକା ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି ଅଡ଼େ ରାଜାୟାଁ ମେସାଲି ମନ କିହାମାଚେରି, ସାମା ମେସାଲି ଆଡ଼ାଆଚେରି; ଅଡ଼େ ମୀରୁ ଏନା ଏନାଆଁ ଖେଞ୍ଜିମାଞ୍ଜେରି, ଏ ବାରେ ଏଞ୍ଜାରି ଖେଞ୍ଜାଲି ମନ କିଚେରି ସାମା ଖେଞ୍ଜାଲି ଆଡ଼ାଆଚେରି ।”

ନେହେଁ ସମିରଣତି ପୁଣ୍‌ମିକିନି କାତା

୨୪ \*ମେହ୍‌ବୁ ର ମସାତି ମେରା ଜାପୁନାସି ଖାହାନା ଜୀସୁଇଁ ତାୟିପାରିକିହେଁ ଖେଚେସି, “ଏ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଏନାଆଁ କିଇଁ?”

୨୫ ଏଚେଟିଏ ଜୀସୁ ଏଲେଇରେସି, “ମସାତି ମେରାତା ଏନାଆଁ ରାସ୍‌କି ଆହାମାନେ, ନୀନୁ ଏନିକେଁ ପଡ଼ଞ୍ଜି ଆହିମାଞ୍ଜି?”

୨୬ ଏଞ୍ଜାସି ଏଲେଇରେସି, “ନୀନୁ ନୀ ବାରେ ହିୟାଁ, ବାରେ ଜୀସୁ, ବାରେ ବାଡ଼ୟୁ ଅଡ଼େ ବାରେ ମନ ହୀହାନା ପ୍ରବୁ ନୀ ମାହାପୁରୁଇଁ ଜୀସୁନମ୍‌; ଅଡ଼େ ପାଡ଼ିତି ଲକୁଣି ନୀ ଜୀସୁ ଲେହେଁ ଜୀସୁ ନମ୍‌ ।”

୨୭ ଏଚେଟିଏ ଜୀସୁ ଏଞ୍ଜାଣାଇଁ ଏଲେଇରେସି, “ନୀନୁ ନେହେଁ କେଁ ଖେସାମାଞ୍ଜି; ଏଲେଏ କିମୁ ଆତିହେଁ ଏ ଜୀସୁ ମେଡ଼ା ଆଡ଼ି ।”

୨୯ ସାମା ଏଞ୍ଜାସି ତାଙ୍ଗେ ତୀରିତାସି କିହାକତାଲି ମନ କିହାନା ଜୀସୁଇଁ ଖେଚେସି, “ଆତିହେଁ ନା ପାଡ଼ିତାସି ଆମ୍ବାଆରି?”

୩୦ ଜୀସୁ ଏ କାତା ଆସାନା ଏଲେଇରେସି, “ରଲକୁ ଜିରୁସାଲମଟିଏ ଜିରିହତା ହାଜିମାଟାଟି ସରକା ତାଣା ହେରହେସି । ଏଞ୍ଜାରି ଏଞ୍ଜାଣି ହିମ୍‌ରିଦୁକି ମୀଞ୍ଜାନା ହାନିଲେହେଁ ମାଡ଼ା ଖେଚାନା ପିସା ହାଚେରି । ୩୧ ଏଚିବେଲାତା ର ପୂଜେରା ଏ ଜିରୁଟି ହାଜିମାଚେସି, ଇଞ୍ଜା ଏଞ୍ଜାସି ଏଞ୍ଜାଣାଇଁ ମେସାନା ଜିରୁ ପିସାନା ଅର ଜିରୁଟି ହାଚେସି । ୩୨ ଏଲେକିହେଁ ଏ ର ଲେବି କୃତାତାସି ଜିକେଏ ଏ ଜିରୁଟି ଖାହାନା ଏଞ୍ଜାଣାଇଁ ମେସାନା ଅର ଜିରୁ ହୀହାନା ହାଚେସି । ୩୩ ସାମା ର ସମିରଣ ଲକୁ ଏ ଜିରୁଟି ହାଜିମାଚେସି, ଇଞ୍ଜା ଏଞ୍ଜାଣାଇଁ ମେସାନା ହାରେକା କାର୍ମା ଆଡ଼େସି, ୩୪ ଅଡ଼େ ତାଗେ ହାଜାନା ଏଞ୍ଜାଣି ଗାହାଁୟାଁ ବାରେ ନିୟୁଁ ଅଡ଼େ ଅଞ୍ଜୁରି ରାସା ରୁବାନା ଗାହାଁୟାଁଣା ଦସ୍‌ପାନା ଏଞ୍ଜାଣାଇଁ ର ଗାଡ଼ଦେ ଲାକ କୁଟିକିହାନା ର ସେବାକିନି ଇଲୁତା ଅହାନା ଏଞ୍ଜାଣି ସେବା କିଚେସି । ୩୫ ଅର ଦିନା ସେବାକିନି ଇଲୁ ଗାଟାଣାକି ରୀ କାନି ହୀହାନା ଏଲେଇରେସି, ‘ଇଞ୍ଜାଣି ସେବା କିମ୍‌, ଅଡ଼େ ଏଚେକା ଗାତି କାରୁ ଆନୁ, ଖେଣ୍ଡା ଖାନାଟି ବାରେ ହିୟାଇଁ ।”

୩୬ ଜୀସୁ ଏଲେଇରେସି, “ଇ ତୀନି ଜାଣାତି ବିତ୍ତା ଆମ୍ବାଆସି ସରକାତାଣା ହେରହା ମାଟାଣି ପାଡ଼ିତାସି ଇଞ୍ଜା ଅଣ୍‌ପିମାଞ୍ଜେରି?”

୩୭ ଏ ମେରା ଜାପୁନାସି ଏଲେଇରେସି, “ଆମ୍ବାଆସି ଏଞ୍ଜାଣାଇଁ କାର୍ମା ଆଡ଼େସି ଏଞ୍ଜାସି ।”

ଜୀସୁ ଏଲେଇରେସି, “ହାଲାମୁ ନୀନୁ ଜିକେଏ ଏଲେଏ କିମୁ ।”

ଜୀସୁ ମାର୍ତ୍ତା ଅଡ଼େ ମରିୟମନି ଇଜ ୩୮ \*ଏଞ୍ଜାରି ହାଜିମାନି ବେଲାତା ର ନାୟୁତା ହାଚେରି, ଇଞ୍ଜା ମାର୍ତ୍ତା ଦରୁଗାଟି

\* ୧୦:୨୫ ୧୦:୨୫ ମାତି ୨୨:୩୫-୪୦; ମାର୍କ ୧୨:୨୮-୩୪

\* ୧୦:୩୮ ୧୦:୩୮ ଜହ ୧୧:୧



ର ଇୟା ଜୀସୁଙ୍କ ତାମି ଇଜ ହାଟିତେ । ୩୯ ଏଦାନାକି ର ତାଜି ମାଚେ ଏଦାନି ଦରୁ ମରିୟମ, ଏଡି ପ୍ରବୁତି କର୍ତ୍ତା ଡ଼ଇ କୁଗାନା ଏଝାଣି କାତା ଖେଞ୍ଜିମାଚେ । ୪୦ ସାମା ମାର୍ତ୍ତା ରାନ୍ଦା ଖାଜାଲି ହାରେକା କିଲିବିଲି ଆହିମାଚେ; ଇଦାଆଁତାକି ଜୀସୁ ତାଣା ଖାହାନା ଏଲେଇଚେ, “ଏ ପ୍ରବୁ ନା ତାଜି ଖାଜିନି କାମା ବାରେ ନା ଲାକ ହେରପା ମାଞ୍ଜାନେ ଇଦାଆଁ ଅଣ୍ଡପି ହିଲଅତି କି ? ଇଦାଆଁତାକି ନାଜେ ସାୟେମି କିହାଲି ଏଲେଇନାମୁ ।”

୪୧ ସାମା ପ୍ରବୁ ଏଲେଇଚେସି, “ମାର୍ତ୍ତା, ମାର୍ତ୍ତା ନୀନୁ ହାରେକା କାମାତା ଅଣ୍ଡପିହି କିଲିବିଲି ଆହିମାଞ୍ଜି, ୪୨ ସାମା ଖାର୍ଇ ର କାତା ଲଡ଼ାମାନେ । ମରିୟମ ଏ ନେହି କାତା ବାଟି କିହାମାନେ; ଏଦାଆଁ ଏଦାନି ତାଣାଟି ଅଞ୍ଜି ଆଏ ।”

## ୧୧

ଜୀସୁ ଜାପୁହାମାନି ପ୍ରାତାନା  
(ମାତି ୬:୯-୧୩; ମାତି ୭:୭-୧୧)

୧ ର ଦିନା ଜୀସୁ ର ଗାୟୁତା ପ୍ରାତାନା କିହିମାଚେସି; ଏଝାସି ପ୍ରାତାନା କିହାଲି ରାପୁହାଲିଏ, ତାନି ସୀସୁୟାଁ ବିତ୍ରାଟି ରଅସି ଏଲେଇଚେସି, “ଏ ପ୍ରବୁ, ଜହନ ଏନିକ ତାନି ସୀସୁୟାଁଙ୍କ ପ୍ରାତାନା କିହାଲି ଜାପୁହି ମାଚେସି, ନୀନୁ ଜିକେଏ ମାଜେ ଏଲେକିହି ଏ ପ୍ରାତାନା କିହାଲି ଜାପୁହାମୁ ।”

୨ ଏଚେଟିଏ ଜୀସୁ ଏଝାରାଙ୍କ ଏଲେଇଚେସି, “ଏଟିବେଲା ମୀରୁ ଏଲେଇଞ୍ଜି ପ୍ରାତାନା କିଦୁ; ଏ ଆବା

ନୀ ଦରୁ ନେହାୟି ଇଞ୍ଜି ମାନଞ୍ଜି ଆପେ;

ନୀ ରାଜି ଖାପେ ।

୩ ବାରେଦିନା ମାଜେ ଲଡ଼ା ଆନି ରାନ୍ଦା ହିୟାମୁ ।

୪ ମା ଦହ ବାରେ ମେକ୍‌ହାମୁ,

ଇଚିହି ମାମୁ ଜିକେଏ ମା ଦହ କିତାରାଙ୍କ ମେକ୍‌ନମି ।

ମାଜେ ପାନ୍ଦାତା ମେଡ଼ହାଆନି ।”

୫ ଅଡେ ଏଝାସି ଏଝାରାଙ୍କ ଏଲେଇଚେସି, “ମୀ ତାଣା ଆମ୍ବାଆସି ଇଲେତି ତଣେଏସି ମାନେସି, ଆମ୍ବାଆରି ତାଣା ମାଦି ଲାଆଁୟାଁ ହାଜାନା ଏଲେଇନେସି, ଏ ତଣେ ନାଜେ ତାନିଗଟା ରୁଟି ହିୟାମୁ, ୬ ଇଚିହି ନା ଗତାଗାଟି ତଣେଏସି ନା ତାଣା ଖାହାମାନେସି, ଏଝାଣାକି ତିଞ୍ଜାଲି ହୀହାଲି ନା ତାଣା ଏନାୟିଖା ହିଲେଏ !” ୭ ଅଡେ ବିତ୍ରାଟି ଏଲେଇନେସି, ‘ନାଜେ କସ୍ତ ହିୟାଆନି; ଦାରା ସୁଣ୍ଡକି ଆଡେତିଏ, ଇଞ୍ଜା ନା ମୀରକା ନା ତଲେ ତୂରା ମାନେରି; ନାନୁ ନିଜ୍ଞାନା ହୀହାଲି ଆଡ଼ଅଁ ।’ ୮ ନାନୁ ମିଜେ ଖେସିମାଞ୍ଜାଙ୍କ, ଏଝାସି ତାନି ତଣେଏସି ଆହାମାନାକି ଲାଜା ପସାନା ଅଲେ ଅଲେ ରୀସ୍ତାକି ଏଝାସି ନିଜ୍ଞାନା ଏଝାଣି ଲଡ଼ାମାନି ପାଚେକା ଏଝାସି ଏଝାଣାକି ହୀନେସି ।”

୯ ନାନୁ ଜିକେଏ ମିଜେ ଖେସିମାଞ୍ଜାଙ୍କ, ରୀହ୍‌ଦୁ ଆତିହି ମିଜେ ହୀପକିଆନେ; ପାରାଦୁ ଆତିହି ମେଡ଼ା ଆଦେରି; ଦୁଝେରିତା ଝେଦୁ ଆତିହି ମିଜେତାକି ଦାରା ଦେପି ଆନେ । ୧୦ ଇଚିହି ଆମ୍ବାଆସି ରୀହ୍‌ନେସି ଏଝାସି ବେଟାଆନେସି; ଆମ୍ବାଆସି ପାରିନେସି ଏଝାସି ମେଡ଼ାଆନେସି; ଅଡେ ଆମ୍ବାଆସି ଦୁଝେରିତା ଝେନେସି ଏଝାଣି ତାକି ଦାରା ଦେପିଆନେ ।

୧୧ “ଅଡେ ମୀ ତାଣା ଇଲେତି ଆମିନି ଆବା ମାନେସି, ତାନି ମୀରଏସି ମୀନୁ ରୀସ୍ତିସାରେ ଏଝାସି ମୀନୁତି ବାଦୁଲି ରାଚୁ ହୀନେସି ? ୧୨ ଅଡେ ଗୁଡୁ ରୀସ୍ତିସାରେ ଏଝାଣାକି କାଚାକୁପି ହୀନେସି ? ୧୩ ଇଦାଆଁତାକି ମୀରୁ ଲାଗେଏ ପଲେଏତି ଲକୁ ଆଡ଼ିଜିକେଏ ମୀ ମୀରକା ମାସ୍‌କାକି ନେହାଁଣି ହୀହିମାଞ୍ଜେରି, ଆତିହି ଆମିନି ଆବା ଲାକପୁରୁଟି ହୀହିମାଞ୍ଜାନେସି, ଏଝାସି ତାନି ତାଣା ରୀହ୍‌ନି ଲକୁକି ଏଚେ ହାରେକା ସୁଦୁଜୀସୁ ହୀଅସି !”

ଜୀସୁ ଅଡେ ପଲ୍‌ଆ ବୁଡୁ  
(ମାତି ୧୨:୨୨-୩୦; ମାର୍କ ୩:୨୦-୨୭)

୧୪ ଜୀସୁ ର ପାଲି ବୁତୁ ପେରହି  
 ମାଚେସି ଏ ବୁତୁ ଗୁଲ୍ଲା । ବୁତୁ ଏଝାଣି  
 ତାଣାଟି ହଟା ହାଜାଲିଏ ଏ ଗୁଲ୍ଲା  
 ଜଲ୍ଲିତେସି; ଏମ୍ବାଟିଏ ଲକୁ ବାରେ କାବା  
 ଆଚେରି । ୧୫ \*ସାମା ଏଝାରି ବିତ୍ରାଟି  
 ଆମ୍ବା ଆମ୍ବାଆରି ଏଲେଇଚେରି, “ଏଝାସି  
 ପଲ୍ଲଆ ବୁତୁୟାଁ କାଜା ପେନୁ ବାଲ୍ଲଜିବୁଲ୍ଲ  
 ବୁତୁ ତଲେ ବୁତୁୟାଁ ପିସପି କିହିମାନେସି  
 ।”

୧୬ \*ଇଞ୍ଜା ଏଟକାତାରି ଏଝାଣାଲ୍  
 ତାୟିପାରି କିହାଲିତାକି ଏଝାଣି ତାଣାଟି  
 ହାଗୁଟି ର ସିନା ରୀସ୍ତେରି । ୧୭ ସାମା  
 ଏଝାସି ଏଝାରି ମନତି ଅଣ୍ପୁ ପୁଞ୍ଜାନା  
 ଏଝାରାଲ୍ ଏଲେଇଚେସି, ଆମିନି ରାଜି  
 ବାଗା ଆହାନା ତାନି କପାଟି ନିଜିନେ  
 ଏଡ଼ି ନାସା ଆହାହାନେ ଇଞ୍ଜା ଇଲ୍ଲୁ  
 ଲାକ ବାରେ ରିହାହାନେ । ୧୮ ଇଞ୍ଜା  
 ସୟତାନ ବାଗା ଆହାନା ଜାହାରା  
 କପାଟି ନିଜିନେ, ଇଚିହଁ ତାନି ରାଜି  
 ଏନିକଁ ତାରିଆହାନା ଡୟିନେ ? ନାନୁ  
 ପଲ୍ଲଆ ବୁତୁୟାଁ ବାଲ୍ଲଜିବୁଲ୍ଲ ତଲେ  
 ବୁତୁୟାଁ ପିସପି କିହିମାଲ୍ ଇଞ୍ଜିମାଞ୍ଜେରି  
 । ୧୯ ସାମା ନାନୁ ପଲ୍ଲଆ ବୁତୁୟାଁ  
 ବାଲ୍ଲଜିବୁଲ୍ଲ ତଲେ ବୁତୁୟାଁ ପିସପି  
 କିହିମାଲ୍, ଆତିହଁ ମୀ ମୀରକା  
 ଆମ୍ବାଆରି ବାଡ଼ୟୁ ତଲେ ପିସପି କିନେରି  
 ? ଇଞ୍ଜା ଏଝିଏ ମିଙ୍ଗେ ନୀହାୟି  
 କିୟାନୁ । ୨୦ ସାମା ନାନୁ ମାହାପୁରୁ  
 ବାଡ଼ୟୁ ତଲେ ବୁତୁୟାଁ ପିସପି କିହିମାଲ୍  
 ଇଚିହଁ ମାହାପୁରୁତି ରାଜି ମୀ ତାଣା  
 ଏଗାଝାଚେୟିଏ ।

୨୧ ବାଡ଼ୟୁଗାଟି ଲକୁ ଏଚେପାତେକା  
 ଆସ୍ତି ଆସାନା ତାନି ଗାଡ଼ାତି  
 ଗେଲ୍ପିନେସି, ଏଚିବେଲ୍ଲା ପାତେକା  
 ତାନି ଦନ ଗେଲ୍ପିଆହାନା ଡୟିନେ;  
 ୨୨ ସାମା ଏଚିବେଲ୍ଲା ଏଝାଣି  
 କିହାଁ ହାଚେରକା ବାଡ଼ୟୁଗାଟି ଲକୁ  
 ଏଝାଣିତଲେ ଜୁଜୁ କିହାନା ଜୀଣା  
 ଆନେସି, ଏଚିବେଲ୍ଲା ଏଝାସି ଆମିନି  
 ଆସ୍ତିତି ବାସ୍ତି କିହାମାଚେସି, ଏ ବାରେ

ଏଝାସି ମୀଞ୍ଜା ଅନେସି, ଇଞ୍ଜା ମୀଞ୍ଜା  
 ଅହାମାନି ଦନ ବାଟିକିହା ଅନେରି ।

୨୩ \*ଆମ୍ବାଆସି ନା ଝାକିଟି  
 ଆଆଗାଟାସି ଏଝାସି ନା ସାତୁ; ଇଞ୍ଜା  
 ଆମ୍ବାଆସି ନା ତଲେ କୃତି କିଅସି ଏଝାସି  
 ଆଲାରା କିନାସି ।

ପଲ୍ଲଆ ବୁତୁ ଝେଣ୍ଡା ଝାନାୟି  
 (ମାତି ୧୨:୪୩-୪୫)

୨୪ “ର ପଲ୍ଲଆ ବୁତୁ ର ମାଣ୍ଡି ତାଣାଟି  
 ହଟା ହାଜାନା ଏୟୁ ହିଲାଆ ଝାୟିତି  
 ଚାୟୁତା ଜମାଲି ପାରିନେ, ଇଞ୍ଜା ମେଡ଼ି  
 କିଆନା ଏଲେଇନେ, ‘ନାନୁ ଆମିନି  
 ଇଲ୍ଲୁଟି ହଟା ଝାହାମାଚେସି, ଏ ଇଲ୍ଲୁତା  
 ଝେଣ୍ଡା ହାଲ୍ ।’ ୨୫ ଇଞ୍ଜା ଏଡ଼ି ଝେଣ୍ଡା  
 ଝାହାନା ଏଡାଆଁ ଅଜିହଁ ନେହଁ  
 ଆହାମାନାଣି ମେହନେ । ୨୬ ଏଚିବେଲ୍ଲା  
 ଏଡ଼ି ହାଜାନା ତାନିକିହାଁ ହାଚେରକା  
 ପଲ୍ଲଆଗାଟି ସାଡାଗଟା ବୁତୁୟାଁ ଆସାନା  
 ଝାନେ, ଅଡେ ବାରେଜାଣା ଏମ୍ବାଆଁ  
 ହଡାନା ବାସା କିନୁ, ଇଞ୍ଜା ଏ ମାଣ୍ଡିତି  
 ତଲିତି କସ୍ତ କିହାଁ ତାୟୁତି କସ୍ତ ହାଚେରକା  
 ଆନେ ।”

ଆପୁଲି ରାହାଁ

୨୭ ଜୀସୁ ଇ ବାରେ କାତା  
 ଝେସିମାଟାଟି ଲକୁ ମାନ୍ଦା ବିତ୍ରାଟି ର  
 ଇୟା କାଜା ଗିୟାତଲେ ଏଲେଇଚେ,  
 “ଆମିନିଗାଟି ଇୟା ନିଙ୍ଗେ ଜାନ  
 କିହାନା ପାଲ୍ଲୁ ଡବହାଚେ ଏ ଇୟା  
 ହାଚେରକା ନେହେଁ ।”

୨୮ ସାମା ଜୀସୁ ଏଲେଇଚେସି,  
 “ଆମ୍ବାଆରି ମାହାପୁରୁତି ବଲ୍ଲୁ ଝେନେରି  
 ଅଡେ ମାନୁଝି ଆନେରି ଏଝାରାକିଦେହେଁ  
 ନେହେଁ ।”

ସିନା ପାରିନାୟି  
 (ମାତି ୧୨:୩୮-୪୨)

୨୯ \*ଲକୁ ମାନ୍ଦା ମାନ୍ଦା ଆହାନା  
 ଏଝାଣି ତାଣା ରୁଣ୍ଡା ଆହାଲିଏ ଜୀସୁ  
 ଏଝାରାଲ୍ ଝେସ୍ତେସି, “ଇ କାଲାତି  
 ଲକୁ ହାଚେରକା ଲାଗେଏତାରି; ଇଝାରି  
 ବାରେ ସିନାୟାଁ ପାରିନେରି, ସାମା

\* ୧୧:୧୫ ୧୧:୧୫ ମାତି ୯:୩୪; ୧୦:୨୫ \* ୧୧:୧୭ ୧୧:୧୭ ମାତି ୧୨:୩୮; ୧୭:୧; ମାର୍କ ୮:୧୧ \* ୧୧:୨୩  
 ୧୧:୨୩ ମାର୍କ ୯:୪୦ \* ୧୧:୨୯ ୧୧:୨୯ ମାତି ୧୭:୪; ମାର୍କ ୮:୧୨

ଏହାରାକି ଜୁନସତି ସିନା ପିସପେ ଏନ୍ତି ସିନା ହାପୁକିଆଏ । ୩୦ ଇଚିହଁ ଜୁନସ ଏନିକଁ ନିନିବି ଲକୁତାକି ର ସିନାଲେହେଁ, ମାଣସି ମୀରୁଏସି ଜିକେଏ ଏଲେକିହଁଏ ଇ ଜୁଗୁତି ଲକୁତାକି ଆନେ । ୩୧ ନୀହାଁୟି ଦିନାତା ସିବା ଦେସାତି ରାଣି ଇ କାଲ୍ଲାତି ଲକୁ ନକିତା ନିଚାନା ଏହ୍ଲାରି କପାଟି ସାକିହାନେ, ଇଚିହଁ ଏନ୍ତି ସଲମନତି ରୁଦିତିକାତା ହେଜାଲି ଦାରୁତିତି ହେକ ଦେସାଟି ହାହାମାରେ; ମେହ୍ଦୁ ସଲମନକିହାଁ କାଜାସି ଇମ୍ବାଆଁ ମାନେସି । ୩୨ ନୀହାଁୟି ଦିନାତା ନିନିବି ଗାଡ଼ାତି ଲକୁ ନିଚାନା ଏହ୍ଲାରି କପାଟି ସାକି ହାନେରି, ଇଚିହଁ ଏହ୍ଲାରି ଜୁନସ ହେସ୍ତ୍ର କାତା ହେଜାନା ଅଣ୍ପା କତାନା ମନ ହେବ୍ରେରି; ମେହ୍ଦୁ ଜୁନସକିହାଁ ହାରେକା କାଜାସି ଇମ୍ବାଆଁ ମାନେସି ।”

ଆଜ୍ଞାତି ଉଜେଡ଼ି  
(ମାତି ୫:୧୫; ୬:୨୨, ୨୩)

୩୩ “ଆମ୍ବାଆସି ଦୀହ୍ଡ଼ି ଡ଼ାସାନା ଡ଼କୁନି ଚାମୁତା କି ମାଣା ପୁକହାନା ଇଚଅରି, ସାମା ଦୀହ୍ଡ଼ି ସଡ଼ାତା ଇଚିନେରି, ଏନିକଁ ଇଲୁ ବିଡ଼ା ହାନି ଲକୁ ଉଜେଡ଼ି ମେହ୍ନେନେରି । ୩୪ ମୀ କାଣ୍ଡକା ଆଜ୍ଞାତି ଦୀହ୍ଡ଼ି ଏଚେତା ମୀ କାଣ୍ଡକା ନେହଁ ମାନୁ ଏଚିବେଲା ପାତେକା ମୀ ଆଜ୍ଞା ବାରେ ଉଜେଡ଼ି ଆନେ; ସାମା ଏଚେତା ନୀ କାଣ୍ଡକା ନେହଁ ହିଲ୍ଲାଉ ଇଚିହଁ ଏଚେତା ମୀ ଗୁଡ଼ା ଆଜ୍ଞା ଜିକେଏ ଆନ୍ଦେରି ଆନେ । ୩୫ ଇଦାଆଁତାକି ଜାଗ୍ରାତା ଏନିକଁ ମୀ ହିୟାଁତା ମାନି ଉଜେଡ଼ି ଆନ୍ଦେରି ଆଏ । ୩୬ ଏନାଆଁତାକି ଇଚିହଁ ମୀ ଗୁଡ଼ା ଆଜ୍ଞା ବାରେ ଉଜେଡ଼ି ଆନେ ଇଜ୍ଞା ଏମ୍ବାଆଁ ଏନ୍ତି ଆନ୍ଦେରି ଡ଼ୟେଏ, ଆତିହଁ ଦୀହ୍ଡ଼ି ଏନିକଁ ମିଜେ ତାହାଣା ଉଜେଡ଼ିତା ଉଜେଡ଼ି କିୟାନେ, ଏଲେକିହଁଏ ମୀ ଗୁଡ଼ା ଆଜ୍ଞା ଉଜେଡ଼ି ଆନେ ।”

ଜୀସୁ ପାରୁସି ଅଡେ ମେରା ଜାପ୍ନାରାଇଁ ଦହ ଦହନାୟି  
(ମାତି ୧୩:୧-୩୬; ମାର୍କ ୧୨:୩୮-୪୦)

୩୭ ଜୀସୁ ଇ କାତା ହେସ୍ତ୍ର ତାମୁ ର ପାରୁସି ଏହ୍ଲାଣାଇଁ ତାନି ଇଜ ତିଞ୍ଜାଲି ଏଲେଇଚେସି; ଇଜ୍ଞା ଏହ୍ଲାସି ଇଜ ହାଜାନା ତିଞ୍ଜାଲି କୁଗିଚେସି । ୩୮ ସାମା ତିଞ୍ଜାଲି କୁଗିନି ନକେଏ ଏହ୍ଲାସି କେସ୍ତା କତାୟାଁ ନରହା ହିଲ୍ଲାଆଚେସି, ଇଦାଆଁ ମେସାନା ଏ ପାରୁସି କାବା ଆଚେସି । ୩୯ ଏଚେଟିଏ ପ୍ରୁ ଏହ୍ଲାଣାଇଁ ଏଲେଇଚେସି, “ମୀ ପାରୁସିୟାଁଚେରି ଗିନାୟାଁ ଅଡେ ସାଡ଼ହାୟାଁ ପାଜ୍ଞାତା ନରହି ମାଞ୍ଜେରି, ସାମା ମୀ ବିଡ଼ା ଜୁପକା ଅଡେ ଲାଗେଏତାୟି ନେଜାମାନେ । ୪୦ ଆଡେ ରୁଦି ହିଲ୍ଲାଆଗାଟାଚେରି, ଆମ୍ବାଆସି ପାଜ୍ଞାତାଣି ଗାଡ଼ିକିଚେସି, ଏହ୍ଲାସି ବିଡ଼ାତାଣି ଜିକେଏ ଗାଡ଼ି କିହାହିଲଅସି କି ? ୪୧ ସାମା ମୀ ସାଡ଼ହାୟାଁ ଅଡେ ଗିନାୟାଁଣା ମାନାଣି ହିଲ୍ଲାଆ ଗାଟାରାକି ହାତିହଁ ମିଜେଡ଼ାକି ବାରେଏ ଅବହାୟି ଆନେ ।”

୪୨ ସାମା ଆୟଡ଼ା ଡ଼ଣ୍ଡ ପାଣ୍ଡି ପାରୁସିୟାଁଚେରି, ଇଚିହଁ ମୀରୁ ହାସ୍ତୁ, ରାୟି ଇଜ୍ଞା ବାରେ କୁଚାତି ଦସ ବାଗାଟି ର ବାଗା ହାହିମାଞ୍ଜେରି, ସାମା ନୀହାଁୟିତା ଅଡେ ମାହାପୁରୁତି ଜୀସୁ ନନି ତାଣା ଅଣ୍ପି ହିଲଅଚେରି; ସାମା ଇ ବାରେ ମାନୁହ୍ଡ଼ି ଆହାନା ଏଚକାତାଣି ହେଲା ଆନାୟି ହିଲେଏ ।

୪୩ “ଆୟଡ଼ା ଡ଼ଣ୍ଡ ପାଣ୍ଡି ପାରୁସିୟାଁଚେରି, ଇଚିହଁ ମୀରୁ ମାହାପୁରୁ ଇଲୁତା କାଜା ଚାମୁ ଇଜ୍ଞା ହାଟା ବାଜାରାତା ଜହରା ବେଟାଆହାଲି ନେହେଁ ଅଣ୍ପିଦେରି । ୪୪ ଆୟଡ଼ା ମୀରୁ ଡ଼ଣ୍ଡ ବେଟା ଆନାଚେରି, ଇଚିହଁ ମୀରୁ ଡ଼ଣ୍ଡ ଆଆଗାଟି ମାଡ଼ହା ମୁହ୍ନି ଚାମୁଲେହେଁ ତାଚେରି; ଇଚିହଁ ପୁନାଆନା ଲକୁ ଲାକ ତାକି ମାନେରି ।”

\* ୧୧:୩୩ ୧୧:୩୩ ମାତି ୫:୧୫; ମାର୍କ ୪:୨୧; ଲୁକ ୮:୧୭

୪୫ ଏବେଟିଏ ମସାତି ମେରାପୁନାରି ବିତ୍ରାଟି ରଅସି ଏଲେଇଚେସି, “ଏ ଗୁରୁ ନାନୁ ଏଲେଇଞ୍ଜି ମାଙ୍ଗେ ଲାଜା କହିମାଞ୍ଜାଦି ।”

୪୬ ଜୀସୁ ଏଲେଇଚେସି, ଆୟତା ମସାତି ମେରା ପୁନାତେରି ମୀରୁ, ମୀରୁ ଜିକେଏ ତଣ୍ଡ ବେଟାଆଡ଼େରି, ଇଚିହ୍ ମୀରୁ ମାଣସିୟାଁ ଲାକ ବଜୁଗାଟି କାସକା ଏକହି ମାଞ୍ଜେରି ଅଡ଼େ ଏ ବଜୁତି ମୀରୁ ର ଖାଞ୍ଜୁ ତଲେ ଜିକେଏ ତୀଗଅତେରି ।

୪୭ ଆୟତା ତଣ୍ଡ ବେଟା ଆନାତେରି ମୀରୁ ମାହାପୁରୁ ଅଣ୍ଟପୁତି ବଲୁ ଖେହ୍ନାରାଇ ପାୟାନା ଏଞ୍ଜାରି ମାଡ଼ହା ମୁହ୍ନି ଟାୟୁ ତିୟାରା କହିମାଞ୍ଜେରି । ୪୮ ଇଚିହ୍ ମୀରୁ ମୀ ଆକୁ ଆବାୟାଁ କାମାତା ସାକି ତସି ମାଞ୍ଜେରି ଇଞ୍ଜାଁ ଏଞ୍ଜାରିଲେହେଁ ଆହିମାଞ୍ଜେରି; ଇଚିହ୍ ଏଞ୍ଜାରିସାଁ ଏଞ୍ଜାରାଇଁ ପାୟାମାଚେରି, ସାମା ମୀରୁ ଏଞ୍ଜାରି ମୁହ୍ନି ଟାୟୁତି କାତିୟାଁ ନିପହି ମାଞ୍ଜେରି । ୪୯ ଇଦାଆଁତାକି ମାହାପୁରୁ ଜିକେଏ ତାନି ବୁଦିତଲେ ଏଲେଇଞ୍ଜା ମାନେସି, ନାନୁ ଏଞ୍ଜାରି ନକିତା ମାହାପୁରୁ ଅଣ୍ଟପୁତି ବଲୁ ଖେହ୍ନାରାଇଁ ଅଡ଼େ ପାଣ୍ଡୁଞ୍ଜି ଆହାମାନାରାଇଁ ପାଣ୍ଡୁଇଁ; ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରାଇଁ ପାୟିନେରି ଇଞ୍ଜାଁ ନିୟା କିନେରି,

୫୦ ଇ ଜୁଗୁତି ଲକୁ ଦାରତି ଗାଡ଼ି ଆଡ଼ି ନକେଏଟିଏ ବାରେ ମାହାପୁରୁ ଅଣ୍ଟପୁତି ବଲୁ ଖେହ୍ନାରି ପାୟିତାକି ତଣ୍ଡ ବେଟାଆନେରି, ୫୧ ଏନିକ୍ ହେବଲଇଁ ପାୟିତି ଦିନାଟିଏ ଜିକରିୟ ପାତେକା ଆମ୍ବାଆରାଇଁ ମାହାପୁରୁ ଇଲୁତି ଡାକିନି ପିଣ୍ଡା ଅଡ଼େ ସୁଦୁ ବାକ୍ରା ମାଦିଏ ପାୟୁଞ୍ଜି ଆହାମାଚେ । ହାଅ, ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଏଦାନି ବାଦୁଲି ଇ ଜୁଗୁତି ଲକୁ ଏ ବାରେତାକି ତଣ୍ଡ ବେଟାଆନେରି ।

୫୨ ଆୟତା ତଣ୍ଡ ପାଣ୍ଡୁନି ମେରା ପୁନାତେରି ମୀରୁ, ଇଚିହ୍ ବୁଦି ଦେନି କୁଚିତି ଅହାମାଞ୍ଜେରି; ମୀରୁତ ହଡ଼ି ହିଲଅତେରି ସାମା ହଡ଼ାଲି ଅଣ୍ଟପି

ମାନାରାଇଁ ଆଁଗିମାଞ୍ଜେରି । ୫୩ ଜୀସୁ ଏ ଇଜତି ହାଜାଲିଏ ପାରୁସିୟାଁ ଅଡ଼େ ମେରାପୁନାରି ହାଡ଼େକା ତାହାରା ଆହାନା ।

୫୪ ଏଞ୍ଜାଣି ଜଲୁନି ହାଡ଼ାତା ଦହ୍ ଆସାଲି ଏଞ୍ଜାଣାଇଁ ହାଡ଼େକା କାତା ଖେଚେରି ।

### ୧୨

କୁରୁ ଗାଟାରି ତାଣ୍ଡାଟି ଜାଗ୍ରାତା (ମାତି ୧୦:୨୬,୨୭)

୧ \*ଏଚିବେଲାତା ମାଣା ମାଣା ଲକୁ ରୁଣ୍ଡା ଆହାନା ଓସ୍ପି ଆହିମାଚେରି; ଏଚିବେଲା ଏଞ୍ଜାସି ନକେଏ ତାନି ସୀସୁୟାଁଇଁ ଏଲେଇଚେସି, ପାରୁସିୟାଁ ଲାଗେଏଚି କୁରୁଗାଟି ତାଣ୍ଡାଟି ଜାଗ୍ରାତା ଆହାନା ମାଞ୍ଜୁ । ୨ \*ସାମା ଏନାୟି ତଞ୍ଜା ଆଏ, ଇଲେକ୍ ପୁପକି ଆହା ହିଲେଏ, ଅଡ଼େ ଏନାୟି ପୁନାଆରେଟୁ ଇଲେକ୍ ତୁଗୁମାନାୟି ଏନାୟି ହିଲେଏ । ୩ ଇଚିହ୍ ମୀରୁ ଏନା ଏନାଆଁ ଆନ୍ଦେରିତା ଖେସାମାଞ୍ଜେରି, ଏ ବାରେ ଉଜେଡ଼ିତା ଖେଣ୍ଡିଆନେ, ଏନା ଏନାଆଁ ପୁନାଆ ରେଟୁ ଇଲୁ ବିତ୍ରା ତୁଗୁନା ଖେସାମାଞ୍ଜେରି, ଏଦାଆଁ ଇଲୁ ତୁଡ଼ିୟାତା ଖେପକି ଆନେ ।

ଆମ୍ବାଆରାଇଁ ଆଜିନାୟି (ମାତି ୧୦:୨୮-୩୧)

୪ ଇଚିହ୍ ନା ତଣ୍ଡେସିଙ୍ଗାତେରି ମୀରୁ, ନାନୁ ମିଙ୍ଗେ ଖେସିମାଞ୍ଜାଇଁ, “ଆମ୍ବାଆରି ଆଙ୍ଗାତି ପାୟିନେରି ସାମା ତାୟୁ ଏନାଆଁ କିହାଲି ଆଡ଼ଅରି, ଏଞ୍ଜାରାଇଁ ଆଜାଆଦୁ । ୫ ସାମା ଆମ୍ବାଆରାଇଁ ଆଜିଦେରି ଏଦାଆଁ ମିଙ୍ଗେ ଖେସ୍ତାଇଁ; ପାୟିତି ଜେତ ହିଟୁ ଗାଡ଼ୟୁତା ମେଡ଼ହାଲି ଆମ୍ବାଆରି ଅଦିକାରା ମାନେ, ଏଞ୍ଜାଣାଇଁ ଆଜାଦୁ; ହାଅ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଏଞ୍ଜାଣାଇଁ ଆଜାଦୁ ।”

୬ ପାସାଗଟା ଜେତା ପଚାୟାଁ ରା କାନି ତାକି ପାର୍ପି ଆଡ଼ କି ?

\* ୧୨:୧ ୧୨:୧ ମାତି ୧୭:୬; ମାର୍କ ୮:୧୫      \* ୧୨:୨ ୧୨:୨ ମାର୍କ ୪:୨୨; ଲୁକ ୮:୧୭

ଆଡ଼ିଜିକେଏ ଏଞ୍ଜେଲିକା ବିଦ୍ରାଢ଼ି ରଣ୍ଡାଣି ଜିକେଏ ମାହାପୁରୁ ବାଣୀ ଆଧିସି । ୭ ସାମା ମୀ ତାୟଁ ତୁ ବାରେ ବାଣୀୟାଁ ଜିକେଏ ଏଜିକିଞ୍ଜି ଆହାମାନୁ । ଆଜା ଆଦୁ; ଏନାଆଁତାକି ଇଚିହିଁ ମୀରୁ ଜେତା ପଟାୟାଁ କିହାଁ ହାରେକା ଦାରା ଗାଟାତେରି ।

ଲକୁ ନକିତା ଜୀସୁଇଁ ୱେକନାୟି (ମାତି ୧୦:୩୨,୩୩; ୧୨:୩୨; ୧୦:୧୯-୨୦)

୮ “ଅଡେ, ନାନୁ ମିଜେ ୱେସିମାଞ୍ଜାଇଁ, ଆମ୍ବାଆସି ଲକୁ ନକିତା ନାଜେ ୱେକହାନେସି, ମାଣ୍ଡସି ମୀରୁଏସି ଜିକେଏ ମାହାପୁରୁତି ଦୁତୁୟାଁ ନକିତା ୱେକନେସି । ୯ ସାମା ଆମ୍ବାଆସି ଲକୁ ନକିତା ନାଜେ ୱେକହସି, ଏଞ୍ଜାଣାଇଁ ଜିକେଏ ମାହାପୁରୁ ଦୁତୁୟାଁ ନକିତା ୱେକସି ।

୧୦ \*ଇଞ୍ଜା ଆମ୍ବାଆସି ମାଣ୍ଡସି ମୀରୁଏଣା କପାଟି ଜଲିନେସି, ଏଞ୍ଜାଣି ପାପୁ ମେଣ୍ଡଜିନେ; ସାମା ଆମ୍ବାଆସି ସୁଦୁଜୀଞ୍ଜି କପାଟି ନିନ୍ଦା କାତା ଜଲିନେସି, ଏଞ୍ଜାଣି ପାପୁ ମେଣ୍ଡଜେଏ ।

୧୧ \*ଏଚିବେଲା ଏଞ୍ଜାରି ମିଜେ ଜୀହୁଦି ଲକୁତି କୁଟମି ଇଲକାଣା\*, ସାଲୁଞ୍ଜି କିନାରି ତାଣା ଇଞ୍ଜା ଅଦିକାରା ବେଟା ଆହାମାନାରି ତାଣା ଅହାନା ନିପହାନେରି ଏଚିବେଲା ନା ୱାକିଟି ଆହାନା ଏନା ଏନାଆଁ ଜଲିନମି ଇଞ୍ଜି ଅଣପାଆଦୁ; ୧୨ ଇଚିହିଁ ଏନାଆଁ ଜଲିନାୟି ମାନେ, ଏଦାଣି ଏଚିବେଲାତେଏ ସୁଦୁଜୀଞ୍ଜି ମିଜେ ଜାପହାନେସି ।”

ବୁଦି ହିଲାଆ ଦନ ଗାଟସି

୧୩ ଲକୁ ମାନ୍ଦା ବିଦ୍ରାଢ଼ି ରଅସି ଜୀସୁଇଁ ଏଲେଇଚେସି, ଏ ଗୁରୁ ନା ତାୟିଇଁ ମା ଆବାତି ଦନ ବାଟି କିହାଲି ଏଲେଇଞ୍ଜା ହିୟାମୁ ।

୧୪ ସାମା ଜୀସୁ ଏଲେଇଚେସି, ଏ ତାୟି ଆମ୍ବାଆସି ନାଜେ ମୀ

ମୁହେଁ ନୀହାଁୟି କିହାଲି ମାଦି କିହାନା ଆଟାମାଞ୍ଜାନେସି ? ୧୫ ଇଞ୍ଜା ଏଞ୍ଜେସି ଏଞ୍ଜାରାଇଁ ଏଲେଇଚେସି, ଜାଗ୍ରାତା, ବାରେଞ୍ଜାକିତି ଜୁପକାଟି ମିଜେ ଗେଲପିକିହା କତାଦୁ, ଇଚିହିଁ ର ମାଣ୍ଡସିତି ଜୀଞ୍ଜୁ ତାନି ଦନତି ବାସୁଁ କିନେ ।

୧୬ ଜୀସୁ ଏଞ୍ଜାରାଇଁ ଇ ପୁଣ୍ଡିକିନି କାତା ୱେସେସି, “ର ସାଞ୍ଜୁକାରିକି ବୁମିତା ଗାତି ତାସା କାମ୍ବିତେ । ୧୭ ଏମ୍ବାଟିଏ ଏଞ୍ଜେସି ମନ ମନତା ଅଣପାନା ଏଲେଇଚେସି, ‘ନାନୁ ନୀଏଁ ଏନାଆଁ କିଇଁ ? ନା ଆନା କୁଡ଼ି କିହାନା ଇଟାଲି ଟାୟୁ ହିଲେଏ ।’ ୧୮ ଅଡେ ଏଲେଇଚେସି; ‘ନୀଏଁ ଇଲେ କିଇଁ ମାନି ଗାଦେୟିକା ରିକହାନା କାଜାଆଁ କିହାନା ଏମ୍ବାଆଁ ଗହଁୟାଁ ଇଞ୍ଜା ଏନି ଏନି ଆନା କୁଡ଼ି କିହାନା ଇଚିଇଁ, ୧୯ ଅଡେ ନା ଜୀଞ୍ଜୁତି ଏଲେଇଇଁ, ଏ ଜୀଞ୍ଜୁ ହାରେକା ବାସା ତାକି ନିଜେ ତାକି ଗାତି ଆନା କୁଡ଼ି କିଞ୍ଜିଆହାମାନେ, ନୀଏଚି ଜମାନା ମନକିତି ଲେହେଁ ତିଞ୍ଜା ଉଣ୍ଡାନା ରାହାଁ କିମୁ ।’ ୨୦ ସାମା ମାହାପୁରୁ ଏଞ୍ଜାଣାଇଁ ଏଲେଇଚେସି, ଆଡେ ବୁଦି ହିଲାଆଗାଟାତି, ନୀଞ୍ଜୁ ଲାଆଁୟାଁ ନୀ ଜୀଞ୍ଜୁ ନୀ ତାଣାଟି ଅଞ୍ଜିଆନେ; ଏଚେଟିଏ ନୀନୁ କୁଡ଼ିକିହା ଇଟାମାନି ବାରେ ଦନ ଆମ୍ବାଆରାଞ୍ଜାୟି ଆନେ ।”

୨୧ ଜୀସୁ ଏଲେଇଚେସି, “ଆମ୍ବାଆସି ତାଜେତାକି ଦନ କୁଡ଼ି କିନେସି, ସାମା ମାହାପୁରୁ ତାଣା ଦନଗାଟସି ଆଧିସି, ଏଞ୍ଜେସି ଇଞ୍ଜାଣି ଲେହେଁତାସି ।”

ଅଣପାଆଦୁ (ମାତି ୬:୨୫-୩୪)

୨୨ ଜୀସୁ ତାନି ସୀସୁୟାଣି ଏଲେଇଚେସି, ଇଦାଆଁତାକି ମିଜେ ୱେସିମାଞ୍ଜାଇଁ, ଏନାଆଁ ତିନାୟି, ଇଲେକ ମୀ ଜୀଞ୍ଜୁତାକି, ଏନାଆଁ ତୁରନାୟି ଇଲେକ ମୀ ଆଜା ତାକି ଜିକେଏ ମୀରୁ ଅଣପାଆଦୁ ।

\* ୧୨:୧୦ ୧୨:୧୦ ମାତି ୧୨:୩୨; ମାର୍କ ୩:୨୯ \* ୧୨:୧୧ ୧୨:୧୧ ମାତି ୧୦:୧୯,୨୦; ମାର୍କ ୧୩:୧୧; ଲୁକ ୨୧:୧୪,୧୫ \* ୧୨:୧୧ ୧୨:୧୧ ସିନଗଗ

୨୩ ଇଚିହଁ ରାନ୍ଦା କିହଁ ଜୀଝୁ କାଜାୟି ଅଡ଼େ ହିମ୍ବରକା କିହଁ ଆଙ୍ଗା କାଜାୟି । ୨୪ ପଟାୟାଣି ସିନକିଦୁ, ଏଝି ମାଟାଉ କି ଦାଉ, ଇଞ୍ଜା ଏଝାସିକା ଗାଦେୟିକା ହିଲାଇ, ଅଡ଼େ ମାହାପୁରୁ ଏଝାସିକାକି ତିନି କାଦି ହାନେସି; ମୀରୁ ପଟାୟା କିହଁ ଏଚେକା କାଜାଡେରି ! ୨୫ ଅଡ଼େ ମୀ ବିଭାଟି ଆମ୍ବାଆଡେରି ଅଣ୍ପି ଅଣ୍ପିହଁ ମୀ ଜୀଝୁତି ଆଗାଡ଼ା ପାତିକିହାଲି ଆଡ଼ିଦେରି ? ୨୬ ମୀରୁ ର ଉଣା କାମାତି କିହାଲି ଆଡ଼ିହିଲଅଡେରି, ଆଡ଼ିହଁ ଏଚକାତି କାତା ଏନାଆଁତାକି ଗାଡ଼ି ଅଣ୍ପିମାଞ୍ଜେରି ? ୨୭ ଜାଡ଼ାତି ପୂଙ୍ଗାଣି ସିନକିହଁ ଅଣ୍ପାଦୁ, ଏଝି ଏନି କାମା କିଉ; ଆଡ଼ିଜିକେଏ ନାନୁ ମିଙ୍ଗେ ଝେସିମାଞ୍ଜାଇଁ, ସଲମନକି ବାରେ ଅଜିତାୟି ମାଚିହଁ ଜିକେଏ ଏଝାଣାକି ଇ ପୂଙ୍ଗା ଏଚେକା ଅଜିତି ହିମ୍ବରକା ହିଲଆଡୁ । ୨୮ ଆମିନି ଜାଡ଼ା ନୀଞ୍ଜୁ ମାନେ, ଝିଏ ଝାୟା ହାନେ ଅଡ଼େ ହଲୁତା ହୁଡ଼କିଆନେ, ମାହାପୁରୁ ଏ ଜାଡ଼ାତି ଇଲେତି ଝାଣା ହାନେସି, ଏନାଆଁ ଏଝାସି ମିଙ୍ଗେ ହିମ୍ବରକା ପରଝି କିୟଅସି ? ମୀ ନାମ୍ବୁ ଏଚେକା ଉଣା !

୨୯ ଏନାଆଁତାକି ଏନାଆଁ ତିନାୟି ଏନାଆଁ ଗହନାୟି, ଏନାଆଁ ମୀରୁ ପାରିହଁ ରେଆଦୁ କି ଅଣ୍ପାଆଦୁ, ୩୦ ଇଚିହଁ ଦାର୍ତତି ଜୀଝୁଦିଆଆତାରି ଏ ବାରେ ପାରିହଁ ରେନେରି; ସାମା ଇ ବାରେ ମୀ ଲଡ଼ାମାନେ ଏନାଆଁ ମୀ ଲାକପୁରୁତି ଆବା ପୁଞ୍ଜାମାନେସି । ୩୧ ମୀରୁ ମାହାପୁରୁତି ରାଜି ପାରାଦୁ, ଆଡ଼ିହଁ ଇ ବାରେ ମିଙ୍ଗେ ହୀପକିଆନେ ।

ଲାକପୁରୁତି ଦନ  
(ମାତି ୬:୧୯-୨୧)

୩୨ ଏ ଉଣା ମୋଣ୍ଡା ମାନ୍ଦାଡେରି ଆଜାଆଦୁ, ଇଚିହଁ ମିଙ୍ଗେ ଏ ରାଜିତି ହୀହାଲି ମୀ ଲାକପୁରୁତି ଆବାକି ଏଚେକା ରାହଁ । ୩୩ ମୀରୁ ମୀ ଦନତି

ପାର୍ଚନା ହିଲଆ ଗାଟାରାକି ହୀଦୁ; ମୀରୁ ମିଙ୍ଗେତାକି ଇଲେତି ବଚ୍ଝା କେପାଦୁ; ଇଚିହଁ ଏମ୍ବିୟା ସରୁ ଝାଅସି ଅଡ଼େ ଲୀମ୍ବୁ ତିନେଏ ଇଲେତି ଲାକପୁରୁ ଦନ କୃଡ଼ି କିଦୁ, ୩୪ ଇଚିହଁ ଆମ୍ବିୟା ଦନ ଏମ୍ବେଏ ଜିକେଏ ମୀ ମନ ମାଞ୍ଜେମାନେ ।

ଜାଗ୍ରତା ହଲେଏସି

୩୫ ☆“ମୀ ଟେଡେଲି ଦୁସା କଡାନା ମାଞ୍ଜୁ ଅଡ଼େ ମୀ ଦୀଝିୟା ଡ଼ାଞ୍ଜିହଁ ମାଣ୍ଡମ୍ବୁ; ୩୬ ଅଡ଼େ ପ୍ରବୁ ବୀହା ଇଜ ହାଜାନା ଝେଣ୍ଡା ଝାନାଟି ଏଝାଣାଇଁ ଦାରା ଦେନମିଝା ଇଞ୍ଜୁ କାଟାମାନାରି, ମୀରୁ ଜିକେଏ ଏଝାରିଲେହେଁ କାଟାହଁ ମାଞ୍ଜୁ । ୩୭ ପ୍ରବୁ ଝାହାନା ଆମିନି ହଲିୟାଙ୍ଗାଣି ଜାଗ୍ରତା ମାନାଣି ମେହନେସି, ଏଝାରି ନେହେଁ; ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଝାସି ତାନି ଟେଡେଲି ରୁପାନା ଏଝାରାଇଁ ତିଞ୍ଜାଲି କୁଗି କିହଁ ତାଗେ ହାଜାନା ସେବା କିନେସି । ୩୮ ଅଡ଼େ ଏଝାସି ମାଦି ଲାଆଁୟା କି ଝେୟା ନେକେରିତା ଜିକେଏ ଝାହାନା ଏଝାରାଇଁ ଏଲେକଁ କାଟାମାନାଣି ମେହନେସି ଏ ହଲିୟାଙ୍ଗା ନେହେଁ । ୩୯ ☆ସାମା ଇଦାଆଁ ପୁଞ୍ଜାମାଞ୍ଜୁ, ଆମିନି ବେଲ୍ଲାତା ସରୁ ଝାନେସି, ଇଦାଆଁ ଇଲୁଗାଟାସି ପୁଚିହଁ ଏଝାସି ତାନି କୃତୁ ତୁଡ଼ହାଲି ହୀଆଡେସିମା । ୪୦ ମୀରୁ ଜିକେଏ ଜାଗ୍ରତା ଆହାନା ମାଞ୍ଜୁ, ଇଚିହଁ ମୀରୁ ଆମିନି ବେଲ୍ଲାତା ଅଣ୍ପା ହିଲଅଡେରି, ଏଚିବେଲ୍ଲାତା ମାଣ୍ଡସି ମୀରୁଏସି ଝାନେସି ।”

ଟିକାଣା ହିଲଆଗାଟି ହଲେଏସି  
(ମାତି ୨୪:୪୫-୫୧)

୪୧ ଏଚେଟିଏ ପିତର ଏଲେଇଚେସି, “ଏ ପ୍ରବୁ ନାନୁ ପୁଣ୍ଡିକିନି କାତା ମାଙ୍ଗେ କି ବାରେତାକି ଝେସିମାଞ୍ଜୁ ?”

୪୨ ପ୍ରବୁ ଏଲେଇଚେସି, “ସାଝୁକାରି ତାନି ଇଲୁତି ଲକୁତାକି ତାନି ରାନ୍ଦା କାରୁତା ରାନ୍ଦା ହୀହାଲି ତାନି ଗୁମ୍ବୁସା ପାଣା ହେରପିନେସି, ଇଲେତି

☆ ୧୨:୩୫ ୧୨:୩୫ ମାତି ୨୫:୧-୧୩ ☆ ୧୨:୩୬ ୧୨:୩୬ ମାର୍କ ୧୩:୩୪-୩୬ ☆ ୧୨:୩୯ ୧୨:୩୯ ମାତି ୨୪:୪୩, ୪୪

ଟିକାଣାଗାଟି ଅଡ଼େ ବୁଦ୍ଧିଗାଟି ହଲେଏସି ଆମ୍ବାଆସି ?” ୪୩ ପ୍ରବୁ ଖାହାନା ତାନି ଆମିନି ହଲେଏଶାଇଁ ଏଲେ କିହିମାନାଣି ମେହ୍ନେସି ଏଝାସି ନେହେଁ । ୪୪ ନାନୁ ମିଙ୍ଗେ ସାତା ଝେସିମାଞ୍ଜାଇଁ, ଏଝାସି ଏଝାଣାଇଁ ତାନି ବାରେ ଦନ୍ତଟି ମୁହେଁ ଗୁମୁସ୍ତା କିହା ଇଟିନେସି । ୪୫ ସାମା ଏ ହଲେଏସି ନା ସାଝୁକାରି ଖାନାୟି ମାନେୟିଏ ଇଞ୍ଜିଁ ମନ୍ତା ଅଣ୍ପାମା ହଲିୟାଙ୍ଗା ହଲେଣିସିକାଣି ଝେଟାଲି ଇଞ୍ଜା ତିଞ୍ଜି ତଣ୍ଡିହୁଁ କାଡ଼ୁ ହଚାଲି ମାଟ୍ଟନେସି, ୪୬ ଆତିହୁଁ ଏମିନି ଦିନା ହଲେଏସି କାଟାହିଲଅସି ଇଞ୍ଜା ଏମିନି ବେଲା ଏଝାସି ପୁଞ୍ଜାହିଲଅସି, ଏ ଦିନା ଏ ବେଲାତା ତାନି ପ୍ରବୁ ଖାନ୍ନେସି, ଇଞ୍ଜା ଏଝାସି ଏଝାଣାଇଁ ରୀ ବାଗା କିହାନା ନାମୁ ହିଲାଆଗାଟାରି ତଲେ ଏଝାଣାଇଁ କାଲ୍ଲନେସି ।

୪୭ ଅଡ଼େ ଆମିନି ହଲେଏସି ତାନି ସାଝୁକାରିତି ମନ୍ ଅଣ୍ପାମା ଜାଗ୍ରାତା ଆଅସି କି ଏଝାଣି ମନ୍ତଲେ କାମା କିଅସି, ଏଝାସି ଗାତି ମାଡ଼ା ବେଟା ଆନ୍ନେସି; ୪୮ ସାମା ଆମ୍ବାଆସି ପୁନାଆନା ମାଡ଼ା ପାଣ୍ଡନି କାମା କିନେସି, ଏଝାସି ଉଣା ମାଡ଼ା ବେଟା ଆନ୍ନେସି । ଆମ୍ବାଆରାକି ଗାତି ହାପ୍ପକି ଆହାମାନେ, ଏଝାଣି ତାଣାଟି ହାନ୍ନେକା ରାହ୍ନାୟି ମାନେ; ଇଞ୍ଜା ଲକୁ ଆମ୍ବାଆରାକି ଗାତି ହାହାମାନେରି ଏଝାଣି ତାଣାଟି ହାନ୍ନେକା ଆଗାଡ଼ା ରାହ୍ନେରି ।

ଜୀସୁ ଲକୁଣି ବାଗା କିଞ୍ଜିକିନାୟି  
(ମାତି ୧୦:୩୪-୩୬)

୪୯ “ନାନୁ ଇ ଦାର୍ତତା ହିରୁ ପ୍ରଡ଼ହାଲି ଖାହାମାଇଁ, ଇଦି ନୀଏଁ ଗୁନୁ ଗୁନୁ ଆହିମାନେ ଆତିହୁଁ ନାଙ୍ଗେ ଏନି ଅଣ୍ପୁ ? ୫୦ \*ସାମା ନାନୁ ର ବାପ୍ପିସ୍ତା ପାଣ୍ଡନାୟି ମାନେ, ଅଡ଼େ ଏଦି ରାଆ ପାତେକା ନାଙ୍ଗେ ଏତେକା କସ୍ତ ହଚି ମାଞ୍ଜାନେ । ୫୧ ନାନୁ ଦାର୍ତତା ହିଡ଼ଡ଼ି ହାହାଲି ଖାହାମାଇଁ ଇଞ୍ଜିଁ ମୀରୁ ଅଣ୍ପିମାଞ୍ଜେରି ? ନାନୁ ମିଙ୍ଗେ ଝେସିମାଞ୍ଜାଇଁ, ଆଏ,

ବାଗା କିହାଲି ଖାହାମାଇଁ । ୫୨ ଇତିହୁଁ ର ଇଜ ପାସାଜାଣା ମାନେରି, ରିଆରି କପାଟି ତାନିଜାଣା ଅଡ଼େ ତାନିଜାଣା କପାଟି ରିଆରି ଏଟ୍ଟକା ଆନେରି । ୫୩ ମୀରୁଏଣା କପାଟି ତାଞ୍ଜି, ତାଞ୍ଜି କପାଟି ମୀରୁଏସି, ମାଙ୍ଗା କପାଟି ତାଲି, ତାଲି କପାଟି ମାଙ୍ଗା, କୁଡ଼ିୟାନି କପାଟି ପୟା, ଅଡ଼େ ପୟା କପାଟି କୁଡ଼ିୟା ଏଟ୍ଟକା ଆନୁ ।”

କାଲାତି ପୁନାୟି  
(ମାତି ୧୨:୨,୩)

୫୪ ଇଞ୍ଜା ଏଝାସି ଲକୁଣି ଜିକେଏ ଏଲେଇଚେସି, “ଝେଡ଼ା କୁଡ଼ନିଝାକି ହାଗୁ ନିଙ୍ଗି ମାନାଣି ମେସ୍ତ୍ରସାରେ ଦେବୁଣିଏ ଏଲେଇଞ୍ଜେରି ପିୟୁ ଖାନ୍ନେ, ଅଡ଼େ ଏଲେକିହୁଁ ଏ ଆନ୍ନେ; ୫୫ ଅଡ଼େ ଚିଃନି ଝାକିଟି ଗାଲି ଝେନାଣି ମେସ୍ତ୍ରସାରେ ମୀରୁ ଏଲେଇଞ୍ଜେରି, ଗାତି କାରା ଆନ୍ନେ, ଅଡ଼େ ଏଲେଏ ଆନ୍ନେ । ୫୬ ଆଡ଼େ କୁଟୁ ଗାଟାତେରି, ମୀରୁ ଦାର୍ତ ଅଡ଼େ ହାଗୁଡ଼ି ସିନାୟା ପୁଞ୍ଜିମାଞ୍ଜେରି, ସାମା ଇ କାଲାତି ସିନାୟା ଏନିଲେହେଁତାଇ ପୁଞ୍ଜି ହିଲଅତେରି ?”

ଗଡ଼ହା ଆଡ଼ାଣି ତଲେ ଆଣ୍ଡିନାୟି  
(ମାତି ୫:୨୫,୨୬)

୫୭ ଏନାଆଁ କିନାୟିମାନେ ଇଞ୍ଜିଁ ମୀରୁ ଏନାଆଁତାକି ମୀ ବିତ୍ରା ନୀହାୟି କିହିହିଲଅତେରି ? ୫୮ ଇତିହୁଁ ମୀ ଗଡ଼ହା ଆଡ଼ାଣି ତଲେ ନୀହାୟି କିନାଣି ତାଣା ହାନିବେଲାତା ଜିରୁତେଏ କାଲ୍ଲଝିଆନି ଉପେୟି ଅଣ୍ପାମା, ଏଲାଆଆତିହୁଁ ଏଝାସି ନିଙ୍ଗେ ଅଡ଼େ ଝେଣ୍ଡେ ନୀହାୟି କିନାଣି ତାଣା ରେଜା ଅୟାନେସି, ଅଡ଼େ ନୀହାୟି କିନାସି କସ୍ତକା କେୟୁତା ହେରପାନେସି, ଅଡ଼େ କସ୍ତକା ନିଙ୍ଗେ କାୟିଦି ଇଲୁତା ଇଟାନେରି । ୫୯ ନାନୁ ମିଙ୍ଗେ ଝେସିମାଞ୍ଜାଇଁ, “ମୀରୁ ର କାନ୍ତି ଜିକେଏ ପିହୁଆନାହା ହାତିହୁଁ ଦେଁ ଏମ୍ବାଟି ହଚା ଖାହାଲି ଆଡ଼ିଦେରି ।”

\* ୧୨:୫୦ ୧୨:୫୦ ମାର୍କ ୧୦:୩୮ † ୧୨:୫୦ ୧୨:୫୦ ମୁଞ୍ଜିନାୟି

### ୧୩

ମନ ଝେଟୁଆତିହୁଁ ନାସା ଆନାୟି

୧ ଏତିରେଲାତା ଏଚେକା ଲକୁ  
 ଝାହାନା, ପିଲାତ ଏମିନି ଗାଲିଲି  
 ଲକୁତି ନେତେରି ଏଝାରି ପୂଜା ତଲେ  
 ଆଟୁହାମାଚେସି, ଏ କାତା ଜୀସୁକୁ  
 ଝେସ୍ତେରି । ୨ ଏମ୍ବାଟିଏ ଜୀସୁ ଏଝାରାଇଁ  
 ଏଲେଇଚେସି, “ଏ ଗାଲିଲିତାରି  
 ତଣ୍ଡ ବେଟାଆହାଲିଏ ଏଝାରି ଅର  
 ଗାଲିଲିତାରି କିହାଁ ହାରେକା ପାପୁ  
 ଗାଟାରି ଇଞ୍ଜୁଁ ମୀରୁ ଅଣ୍ପିମାଞ୍ଜେରି  
 ? ୩ ନାନୁ ମିଙ୍ଗେ ଝେସିମାଞ୍ଜାଇଁ,  
 ଏଲେକିଆଏ, ସାମା ମୀରୁ ମନ  
 ଝେଟୁଆତିହୁଁ ବାରେଜାଣା ତେରି  
 ଏଝାରିଲେହେଁ ହାଦେରି । ୪ ସିଲହତା  
 ଆମିନି ଅଟର ଜାଣାତି ଲାକ ପାତାଆତି  
 କଟା ଇଲୁ ରିହାନା ହାତେରି, ଏଝାରି  
 ବାରେଜାଣା ଜିରୁସାଲମତି ଲକୁ କିହାଁ  
 ହାରେକା ପାପୁ ଗାଟାରି ଇଞ୍ଜୁଁ ମୀରୁ  
 ଅଣ୍ପିମାଞ୍ଜେରି ? ୫ ନାନୁ ମିଙ୍ଗେ  
 ଝେସିମାଞ୍ଜାଇଁ, ଏଲେକିଆଏ, ମୀରୁ  
 ମନ ଝେଟୁଆତିହୁଁ ବାରେଜାଣା ତେରି  
 ଏଲେକିହୁଁ ଏ ନାସା ଆଦେରି ।”

ପାଡ଼େୟି ଆୟାଆଗାଟି ତୟା  
ମାରନୁ

୬ ଜୀସୁ ଇ ପୁଣ୍ଡିକିନି କାତା  
 ଝେସ୍ତେସି, ରଅଣି ଅଙ୍ଗୁରି ବାଡ଼ାତା  
 ର ତୟା ମାରନୁ ଉହି ଆହାମାଚେ ।  
 ଏଝାସି ଝାହାନା ପାଡ଼େୟି ପାରାତେସି  
 ସାମା ମେଡ଼ାଆଆତେସି । ୭ ଇଞ୍ଜା  
 ଏଝାସି କାମା କିନାଣାଇଁ ଏଲେଇଚେସି,  
 “ମେହମ୍ନୁ ନାନୁ ତାନି ବାସା ଆଡେୟିଏ  
 ଇ ତୟା ମାରନୁତା ଝାହାନା ପାଡ଼େୟି  
 ପାରିମାଇଁ, ସାମା ମେଡ଼ା ଆହି ହିଲଅଁ;  
 ଏଦାଣି ଟୁଣ୍ଡା ତୁହମ୍ନୁ ଇଦି ଏନାଆଁତାକି  
 ବୁମିତି ପାଡ଼ିୟା କିନେ ?” । ସାମା  
 କାମାକିନାସି ଏଲେଇଚେସି, “ପ୍ରବୁ  
 ଇଦି ଇୟନା ତାକି ମାଣ୍ଡେ, ନାନୁ  
 ଇଦାଣି ସାରିସୁଟୁ କାରହାନା ଗାତା ହାଇଁ,  
 ୯ ଅଡ଼େ ତାୟୁ ପାଡ଼େୟି ଆୟିତିହୁଁ

ନେହେଁ ଆୟାଆତିହୁଁ ଏଦାଣି ଟୁଣ୍ଡା  
ତୁହମ୍ନୁ ।”

ଜୀସୁ ଜମିନି ଦିନା ର ଟୁଡୁଝା ଇୟାନି  
ନେହୁଁ କିନାୟି

୧୦ ର ଦିନା ଜୀସୁ ଜମିନି ଦିନା  
 ର ଜୀହୁଦି ଲକୁତି କୁଟମି ଇଲୁତା\*  
 ଜାପୁହି ମାଚେସି । ୧୧ ଏମ୍ବାଆଁ ର ଇୟା  
 ମାଚେ, ଏଦି ଅଟର ବାସା ପାତେକା  
 ପଲୁଆ ବୁଡୁ ତଲେ କସ୍ତୁ ଆହିମାଚେ,  
 ଏଦି ଟୁଡୁଝା ଆହାନା ସଲକେ ଆହୁଁ  
 ତାକାଲି ଆଡ଼ିହିଲାଆତେ । ୧୨ ଜୀସୁ  
 ଏଦାନି ମେସାନା ତାଗେ ହାଟାନା  
 ଏଲେଇଚେସି, “ଏ ଇୟା ନୀନୁ ନୀ  
 ଆଡ଼ାଆ କସ୍ତୁଟି ନେହୁଁ ଆଡ଼ି ।”  
 ୧୩ ଅଡ଼େ ଏଝାସି ଏଦାନିଲେକ କେୟୁ  
 ଇଚିତେସି, ଏମ୍ବାଟିଏ ଏଦି ଏ ଦେବୁଣିଏ  
 ସଲକେ ଆହାନା ମାହାପୁରୁତି ଜହରା  
 କିତେ ।

୧୪ ସାମା ଜୀସୁ ଜମିନି ଦିନାତା  
 ନେହୁଁ କିହିମାଚାକି ଜୀହୁଦି ଲକୁତି  
 କୁଟମି ଇଲୁତି† କାଜାସି କାରବି ଆହାନା  
 ଲକୁଣି ଏଲେଇଚେସି, “କାମା କିହାଲି ସ  
 ଦିନା ମିଙ୍ଗେ ମାନେ; ଏଦାଣିତାକି ସ ଦିନା  
 ନେହୁଁ ଆହାଲି ଝାଦୁ, ଜମିନି ଦିନାତା  
 ଝାଆଦୁ ।”

୧୫ ସାମା ପ୍ରବୁ ଏଝାଣାଇଁ  
 ଏଲେଇଚେସି, “ଆଡ଼େ କୁଟୁ ଗାଟାତେରି,  
 ମୀରୁ ବାରେଜାଣା ତେରି ଜମିନି ଦିନାତା  
 ମୀ କଡ଼ି କି ଗାଡ଼ଦେତି ହାଃଅଲାଟି  
 ଅହାନା ଏୟୁ ଉଟୁହି ହିଲଅତେରି  
 କି ? ୧୬ ଅଟର ବାସା ପାତେକା  
 ସୟତାନ ତାଣାଟି ଦସ୍ପି ଆହାମାନି  
 ଅବ୍ରାହାମ କୁଡ଼ାତି ଇ ଇୟାନି ଜମିନି  
 ଦିନାତା ନେହୁଁ କିନାୟି ହିଲାଆତେ  
 କି ?” ୧୭ ଏଝାସି ଇ ବାରେ କାତା  
 ଝେସାଲିଏ, ତାନି ସାତୁୟାଁ ବାରେ ଲାଜା  
 ବେଟାଆତେରି, ସାମା ଜୀସୁ କିହାମାନି  
 କାମା ମେସାନା ଲକୁ ରାହାଁ ଆଡେରି ।

ହାସୁ ପାଡ଼େୟି  
(ମାତି ୧୩:୩୧, ୩୨; ମାର୍କ ୪:୩୦-୩୨)

\* ୧୩:୧୦ ୧୩:୧୦ ସିନଗଲ † ୧୩:୧୪ ୧୩:୧୪ ସିନଗଲ



୧୮ ଜୀସୁ ଏଲେଇରେସି, “ମାହାପୁରୁ ରାଜି ଏନିଲେହେତାୟି ? ଆମ୍ବାରିତଲେ ଏଦାନି ତୁକଇ ? ୧୯ ଏଦି ଇଲେତି ର. ହାସ୍ତ ପାଡ଼େୟି ଲେହେ, ଏଦାଆଁ ଅହାନା ରଅସି ତାନି ବାଡ଼ାତା ମାଟିତେସି, ଅଡ଼େ ଏଦି ପାଡ଼ାଆହାନା ର. ମାରନ୍ତୁ ଆଡ଼େ, ଅଡ଼େ ହାଗୁ ଲାକ ଉମ୍ବିନି ପପାୟା ଖାହାନା ଏ କମାତା ବାସା କିତୁ ।”

ପୁଲାଏୟୁ  
(ମାତି ୧୩:୩୩)

୨୦ ଜୀସୁ ଅଡ଼େ ଏଲେଇରେସି, “ନାନୁ ଆମ୍ବାରିତଲେ ମାହାପୁରୁତି ରାଜି ତୁକଇ ? ୨୧ ଏଦି ପୁଲା ଏୟୁଲେହେତାୟି, ର. ଇୟା ତାନିମାଣା ଗୁଣ୍ଡାତା କାଲୁହା ଇତିତେ, ତାୟୁ ବାରେ ଗୁଣ୍ଡା ପୁଲା ଆଡ଼େ ।”

ଜାକଣି ଦୁଖେରି  
(ମାତି ୭:୧୩, ୧୪, ୨୧-୨୩)

୨୨ ତାୟୁ ଜୀସୁ ଗାଡ଼ାତାକି ଗାଡ଼ା ନାୟୁଁ ତାକି ନାୟୁଁ ରେଜିହୁଁ ଜାପୁହିହୁଁ ଜିରୁସାଲମ ଖାକି ହାଜିମାରେସି । ୨୩ ରଅସି ଏଞ୍ଜାଣାଇଁ ଖେଚେସି, “ପ୍ରବୁ ଗେଲୁପି ଆନାରି ଖାରଇ ଇଚରା ଜାଣାକି ?”

ଜୀସୁ ଏଞ୍ଜାରାଇଁ ଏଲେଇରେସି, ୨୪ “ଜୀସୁ ତୁସାନା ଜାକଣି ଦୁଖେରିତି ହାଜୁ; ଇତିହୁଁ ନାନୁ ମିଙ୍ଗେ ଖେସିମାଞ୍ଜାଇଁ, ହାରେକା ହଡ଼ାଲି ଅଣ୍ପିନେରି, ସାମା ହଡ଼ାଲି ଆଡ଼ଅରି । ୨୫ ଇଲୁଗାଟାସି ନିଙ୍ଗାନା ଦାରା ସୁଣ୍ଡିତି ତାୟୁ ଏଚେତା ମୀରୁ ପାଙ୍ଗାତା ନିଗାନା ଦାରା ତୀ ତୀ ଖେଚିହୁଁ ଏ ପ୍ରବୁ ମାଙ୍ଗେତାକି ଦାରା ଦେତାମୁଁ ଇଞ୍ଜୁଁ ହାଡ଼ିଦେରି, ଏଚେତା ଏଞ୍ଜାସି ମିଙ୍ଗେ ଏଲେଇଞ୍ଜାନେସି, ‘ମୀରୁ ଏମ୍ବିତାତେରି ନାନୁ ପୁଞ୍ଜାମାଞ୍ଜଅଁ ।’ ୨୬ ଏଚିବେଲା ମୀରୁ ଏଲେଇଞ୍ଜେରି, ‘ଏ ପ୍ରବୁ ମାମ୍ବୁନୀ ତଲେ ତିତା ଉଚାତମି, ଅଡ଼େ ନୀନୁ ମା. ଆଂଗେଣିକାଣା ଜାପୁହିମାଞ୍ଜାତି ।’ ୨୭ ଅଡ଼େ ଏଞ୍ଜାସି

ମିଙ୍ଗେ ଏଲେଇଞ୍ଜାନେସି, ‘ମୀରୁ ଆମିନି ଚାୟୁତି ଲକୁତେରି ନାନୁ ପୁଞ୍ଜାମାଞ୍ଜଅଁ; ଏ ଲାଗେଏ ପଲେଏ ତାତେରି ନା ତାଣାଟି ହେକ ଆଦୁ ।’ ୨୮ \*\*ଏଚିବେଲା ମୀରୁ ଅବ୍ରାହାମ, ଇସାହାକ, ଜାକୁବ ଇଞ୍ଜା ବାରେ ମାହାପୁରୁ ଅଣ୍ପୁତି ବଲୁ ଖେହନାରାଇଁ ମାହାପୁରୁ ରାଜିତା ମାନାଣି ଅଡ଼େ ମିଙ୍ଗେ ପାଙ୍ଗାତା କୁତା ମାଞ୍ଜାନାଣି ଅଣ୍ପପାନା ପାଲୁକା ଚୀତି କିହୁଁ ତୀଦେରି । ୨୯ ଅଡ଼େ ହାରେକା ଲକୁ ଖେଡ଼ା ହପୁ ଖାକିତି ଅଡ଼େ ଖେଡ଼ା କୁଡ଼ନି ଖାକିତି, ଚିଃନି ଖାକିତି ଚେବୁ ଖାକିତି ଖାହାନା ମାହାପୁରୁତି ରାଜିତି ବଜିତା କୁଗିନେରି । ୩୦ \*ଅଡ଼େ ମେହଦୁ ତାୟୁତା ମାନି କଚେକା ନକିତା ଆନେରି ଅଡ଼େ ନକିତା ମାନି କଚେକା ତାୟୁତା ଆନେରି ।”

ଜୀସୁ ଜିରୁସାଲମତି ଜୀସୁନନାୟି  
(ମାତି ୨୩:୩୭-୩୯)

୩୧ ଏଚିବେଲାତେଏ ଏଚରଜାଣା ପାରୁସିୟାଁ ଖାହାନା ଜୀସୁଇଁ ଖେସ୍ତେରି, “ନୀନୁ ଇ ଚାୟୁ ପିସାନା ହାଜାତୁହମୁ ଏନାଆଁତାକି ଇତିହୁଁ ହେରଦ ନିଙ୍ଗେ ପାୟାଲି ଅଣ୍ପିମାନେସି ।”

୩୨ ଜୀସୁ ଏଞ୍ଜାରାଇଁ ଏଲେଇରେସି, “ମୀରୁ ହାଜାନା ଏ ନାକାଇଁ ଖେହଦୁ, ‘ମେହମୁ ନାନୁ ନୀଞ୍ଜୁ ଅଡ଼େ ଖିଏ ବୁଡୁୟାଁ ପିସପି କିହିମାଇଁ ଅଡ଼େ ନେହୁଁ କିହିମାଇଁ ଇଞ୍ଜା ତାନି ଦିନାଟିଏ ନା କାମା ରାପୁଇଁ ।’ ୩୩ ଏନିଜିକେଏ ନୀଞ୍ଜୁ ଖିଏ ଅଡ଼େ ମାଏଁ ନାଙ୍ଗେ ତାକିହୁଁ ହାଜାଲି ଆନେ, ଇତିହୁଁ ମାହାପୁରୁ ଅଣ୍ପୁତି ବଲୁ ଖେହନାସି ଜିରୁସାଲମ ପିସପେ ପାଙ୍ଗାତା ହାନାୟି ନେହେଁ ଆଏ ।”

୩୪ “ଏ ଜିରୁସାଲମ, ଏ ଜିରୁସାଲମ ମାହାପୁରୁ ଅଣ୍ପୁତି ବଲୁ ଖେହନାରାଇଁ ପାୟିନାତି ଅଡ଼େ ନୀ ତାଣା ପାଣ୍ଡୁଞ୍ଜି ଆହାମାନାରାଇଁ ଖାଲୁକାତଲେ ଖେନାତି, ତାଲି କୟୁ ଏନିକଁ ତାନି ହୀପାୟାଁଣି ତାନି ମାରାୟାଁ ତୁଇ ଜକ୍ଜିନେ, ଏଲେକଁ

\* ୧୩:୨୮ ୧୩:୨୮ ମାତି ୨୨:୧୩; ୨୫:୩୦    \* ୧୩:୨୮ ୧୩:୨୮ ମାତି ୮:୧୧, ୧୨    \* ୧୩:୩୦ ୧୩:୩୦ ମାତି ୧୯:୩୦; ୨୦:୧୨; ମାର୍କ ୧୦:୩୧

ଏବେ ଦେବା ନୀ ପଦ୍ମ ପଦାତି ପୁକ୍ତହାନା  
 ଇତିହାସ ଇଞ୍ଜି ଅଣ୍ଡିମାରେଏ ସାମା  
 ମୀରୁ ଏଲେକିହାଲି ହିୟାଆତେରି ।  
 ୩୫ ମେହ୍‌ଦୁ ମୀ ଇଲୁ ମୀ କେୟୁତା  
 ହୀପକି ଆହିମାଞ୍ଜାନେ; ଅଡ଼େ ନାନୁ  
 ମିଙ୍ଗେ ଏଲେଇଞ୍ଜିମାଞ୍ଜାଇଁ ମାହାପୁରୁ  
 ଦରୁଟି ଆମ୍ବାଆସି ଖାହିମାନେସି ଏଝାସି  
 ନେହ୍‌ସି ଇଞ୍ଜି ଏମିନି ନେରୁ ଇ କାତା  
 ଏଲେଇଞ୍ଜେରି ଏ ଦିନା ଖାଆ ପାତେକା  
 ମୀରୁ ଅଡ଼େ ନାଙ୍ଗେ ମେସୁଅତେରି ।”

## ୧୪

ଜୀସୁ ରଗ ଗାଟାଣାଇଁ ନେହ୍‌କିନାୟି  
 ୧ ଜୀସୁ ର ଜମିନି ଦିନା ରାନ୍ଦା  
 ତିଞ୍ଜାଲି ପାରୁସିୟା ବିତ୍ରାଟି ର କାଜାଣି  
 ଇଜ ହଡ଼ାଲିଏ ଏଝାରି ଏଝାଣାଇଁ ଦହ  
 ଦସାଲି ପରୁହି ମାରେରି । ୨ ଅଡ଼େ  
 ମେହ୍‌ଦୁ ଏଝାଣି ନକିତା କେସ୍ତା କତାୟା  
 ପଂଗିତାସି ରଅସି ମାରେସି । ୩ ଏମ୍ବାଟିଏ  
 ଜୀସୁ ମସାତି ମେରାପୁନାରି ଅଡ଼େ  
 ପାରୁସିୟାଙ୍କି ଏଲେଇଚେସି, “ଜମିନି  
 ଦିନାତା ରଅଣାଇଁ ନେହ୍‌କିନି ମେରା  
 ମାନେକି ଆଏ ?”

୪ ଏମ୍ବାଟିଏ ବାରେଜାଣା ପାଲେଏ  
 ଆଡ଼େରି । ଇଞ୍ଜା ଜୀସୁ ଏଝାଣାଇଁ  
 ତୀଗାହାଁ ନେହ୍‌କିହାନା ମୀ ଇଜ  
 ହାଲାନୁ ଇଞ୍ଜି ହେଲ ହୀତେସି  
 । ୫ ଇଞ୍ଜା ଏଝାସି ଏଝାରାଇଁ  
 ଏଲେଇଚେସି, “ମୀ ବିତ୍ରାଟି ଆମ୍ବାଆସି  
 ମୀରଏସି କି କଡ଼ି ଜମିନି ଦିନାତା କୁହିତା  
 ରିତିହ୍‌ଏ ଏ ଦେବୁଣିଏ ଡ଼େଝା କଡ଼ଅସି  
 କି ?”

୬ ଅଡ଼େ ଏଝାରି ଇ ବାରେ କାତା  
 ଖେଞ୍ଜାନା ଏନାଆଁ ଜଲାଇଁ ଆଡ଼ାଆତେରି  
 ।

ସେବା କିନାୟି ଅଡ଼େ ତାମଙ୍ଗେ  
 ଉଣା କିହା କଡ଼ିନାୟି

୭ ବଜିତା ହାଟ୍‌କି ଆହାମାଚାରି  
 ନେହ୍‌କି ନେହ୍‌କି ଚାୟୁତା କୁଗାଲି  
 ବାଟି କିହିମାଚାଣି ମେସାନା, ଏଝାରାଇଁ  
 ର ପୁଣ୍ଡିକିନି କାତା ଖେସ୍ତେସି,

୮ “ଏଚିବେଲା ରଅସି ମିଙ୍ଗେ ବୀହା  
 ବଜିତା ହାଟାନେସି, ଏମ୍ବାଆଁ ନେହ୍‌  
 ଚାୟୁତା କୁଗାଆଦୁ, ଇଚିହ୍‌ଏ ଏମ୍ବାଆଁ  
 ନୀ କିହାଁ କାଜାସି ଜିକେଏ ହାଟ୍‌କି  
 ଆହାଡ଼ୟିନେସି, ୯ ଏଚେତା ନିଙ୍ଗେ  
 ଅଡ଼େ ଏଝାଣାଇଁ ହାଟା ମାନାସି, ଏଝାସି  
 ଖାହାନା ଇଝାଣାକି ଇ ଚାୟୁ ପିସାହୀମୁ  
 ଇଞ୍ଜାନେସି, ଏଚେତା ନାନୁ ଲାଜାତଲେ  
 ଉଣା ଚାୟୁତା କୁଗିଦି । ୧୦ ସାମା  
 ଏଚିବେଲା ନାନୁ ହାଟ୍‌କି ଆହାମାନି  
 ତାଣା ହାଜାନା ଡ଼ଇତି ଚାୟୁତା କୁଗାମୁ,  
 ଏଚେଟିଏ ନିଙ୍ଗେ ହାଟି କିହାମାଞ୍ଜାନାସି,  
 ଏ ଡ଼େଣ ନାନୁ ଇ ନେହ୍‌କି ଚାୟୁତା  
 କୁଗାମୁ ଇଞ୍ଜି ହାଟାସାରେ ଏଚିବେଲା  
 କୁଡ଼ା ଆହାମାନି ଲକୁ ନକିତା ଗାତି ମାନି  
 ବେଟାଆଦି । ୧୧ ଇଚିହ୍‌ଏ ଆମ୍ବାଆସି  
 ନାନୁ କାଜାତେଏଁ ଇଞ୍ଜି ଇଞ୍ଜା  
 କଡ଼ିନାଣାଇଁ ଉଣା କିଝିଆନେ, ଅଡ଼େ  
 ଆମ୍ବାଆସି ତାଙ୍ଗେ ଉଣା କିହାକଡ଼ିନେସି  
 ଏଝାଣାଇଁ କାଜାସି କିଝିଆନେ ।”

୧୨ ଇଞ୍ଜା ଜୀସୁ ତାଙ୍ଗେ ହାଟି କିହା  
 ମାଟାଣାଇଁ ଜିକେଏ ଏଲେଇଚେସି,  
 “ନାନୁ ବଜି ହୀନାଟି ନୀ ଡ଼େଣସିଞ୍ଜାଣି,  
 ତାୟିୟା, ସାମ୍‌ଦିୟା କି ନୀ ନାୟୁତା  
 ମାନି ଦନ ଗାଟାରାଇଁ ହାଟାଆନି,  
 ଇଚିହ୍‌ଏ ଏଝାରି ଜିକେଏ ନିଙ୍ଗେ  
 ହାଟାଲି ଆଡ଼ାନେରି ଅଡ଼େ ନାନୁ ଖେଣ୍ଡେ  
 ବେଟାଆଦି । ୧୩ ସାମା ବଜି କିତିସାରେ  
 ହିଲାଆ ଗାଟାରି, କଲାୟା, ସଚାୟା,  
 କାଣାୟାଣି ହାଟାମୁ; ଆତିହ୍‌ଏ ନାନୁ  
 ନେହ୍‌କି ଆଦି, ୧୪ ଆତିହ୍‌ଏ ନିଙ୍ଗେତାକି  
 ନେହ୍‌କି, ଇଚିହ୍‌ଏ ନିଙ୍ଗେ ଖେଣ୍ଡେ  
 ହୀହାଲି ଏଝାରିତାଣା ଏନାୟି ହିଲେଏ;  
 ଇଞ୍ଜା ତୀରିଗାଟାରି ଖେଣ୍ଡେ ନିଙ୍ଗିନାଟି  
 ମାହାପୁରୁ ନିଙ୍ଗେ ଖେଣ୍ଡେ ହିୟାନେସି ।”

କାଜା ବଜିତି ପୁଣ୍ଡିକିନାୟି  
 (ମାତି ୨୨:୧-୧୦)

୧୫ ଇ କାତା ଖେଞ୍ଜାନା ଏଝାଣିତଲେ  
 ତିଞ୍ଜାଲି କୁଗାମାଚାରି ବିତ୍ରାଟି ରଅସି  
 ଜୀସୁଙ୍କି ଏଲେଇଚେସି, “ଆମିନିଗାଟାସି

☆ ୧୪:୫ ୧୪:୫ ମାତି ୧୨:୧୧ ☆ ୧୪:୧୧ ୧୪:୧୧ ମାତି ୨୩:୧୨; ଲୁକ ୧୮:୧୪

ମାହାପୁରୁ ରାଜିତା ବଢ଼ି ତିନାସି ଏଝାସି ନେହାସି ।”

୧୭ ସାମା ଜୀସୁ ଏଝାଣାଇଁ ଏଲେଇଚେସି, “ରଥସି ର କାଜା ବଢ଼ି ଲକ୍ଷ୍ମି ହାଇଁ ଇଞ୍ଜି ଅଣ୍ଠାପାନା ହାରେକା ଲକ୍ଷ୍ମି ହାଟିଚେସି; ୧୭ ଅଡ଼େ ତିନି କାଟୁ ଆୟାଲିଏ, ଏଝାସି ହାଟାମାନି ଲକ୍ଷ୍ମିତାଣା ତାନି ହଲେଏଣାଇଁ ପାଣ୍ଡାନା ଏଲେଇଚେସି, ‘ବାରେ ଆଡ଼େୟିଏ ନୀଏଟି ମୀରୁ ତିଞ୍ଜାଲି ଖାନ୍ତୁ ।’ ୧୮ ସାମା ବାରେଜାଣା ଏଝାଣାଇଁ ରଣ୍ଡିଏ କାତା ଏଲେଇଚେରି, ରଥସି ଖେସ୍ତେସି, ‘ନାନୁ ଇଚାଣି ବୁମି କତାମାଇଁ ଏଦାଆଁ ସିନିକିହାଲି ହାନାୟିମାନେ; ଏଦାଆଁତାକି ନାଜେ କାର୍ମା ଅଣ୍ଠାପାମୁ ନାନୁ ଖାହାଲି ଆଡ଼ଅଁ ।’ ୧୯ ଅଡ଼େ ରଥସି ଏଲେଇଚେସି, ‘ନାନୁ ପାସା ହେରୁ କଡ଼ିୟାଁ କତାମାଇଁ, ନାନୁ ଏଝାସିକାଣି ମାତୁନାୟି ମାନେ ଏଦାଣିତାକି ନାଜେ କାର୍ମା ଅଣ୍ଠାପାମୁ ନାନୁ ଖାହାଲି ଆଡ଼ଅଁ ।’ ୨୦ ଅଡ଼େ ରଥସି ଏଲେଇଚେସି, ‘ନାନୁ ନୀଞ୍ଜୁ ବୀହା ଆହାମାଇଁ ଏଦାଆଁତାକି ନାନୁ ଖାହାଲି ଆଡ଼ଅଁ ।’ ୨୧ ଇଞ୍ଜି ଏ ହଲେଏସି ଖାହାନା ବାରେ ତାନି ସାଞ୍ଜୁକାରିଇଁ ଖେସ୍ତେସି । ଏଚେଟିଏ ଏ କାତା ଖେଞ୍ଜାନା ଏଝାସି କାରୁବି ଆହାନା ତାନି ହଲେଏଣାଇଁ ଏଲେଇଚେସି, ନାନୁ ତବେ ଗାଡ଼ାତି ସାହଡ଼ାୟାଁ ଅଡ଼େ ତାଣ୍ଡେଣାଁ ହାଜାନା ହିଲାଆଗାଟାରାଇଁ, କଲାୟାଁ, ସଚାୟାଁ ଇଞ୍ଜି କାଣାୟାଁ ଇମ୍ବାଆଁ ହାଟାତାମୁ । ୨୨ ତାୟୁ ଏ ହଲେଏସି ଏଲେଇଚେସି, ‘ଏ ପୁତ୍ରୁ ନୀ କାତାତଲେ ବାରେ କିତମି ସାମା ଇଲୁ ନେଞ୍ଜା ହିଲେଏ ।’ ୨୩ ଏମ୍ବାଟିଏ ସାଞ୍ଜୁକାରି ହଲେଏଣାଇଁ ଚାଣ୍ଡିଚେସି, ‘କାଜା ଆଂଗେଣି ଅଡ଼େ ମାରୁନ୍ତୁ ତୁଇ ହାଜାନା ନା ଇଲୁ ଏନିକି ନେଞ୍ଜିନେ ଏଦାଆଁତାକି ଲକ୍ଷ୍ମି ଖାହାଲି ଏଲେଇନାମୁ । ୨୪ ନାନୁ ଖେସିମାଞ୍ଜାଇଁ ତଲି ହାଟାମାଚାରି ବିତ୍ରାଟି ରଥସି ଜିକେଏ ନା ବଢ଼ି ଖାଣ୍ଡାଲି

ବେଟାଆଅସି ।”

ଏନିଲେହେଁତାସି ଜୀସୁତି ସୀସୁ ଆନେସି

(ମାତି ୧୦:୩୭,୩୮)

୨୫ ମାନ୍ଦା ଲକ୍ଷ୍ମି ଜୀସୁତଲେ ହାଜିମାଚେରି, ଏଝାସି ତାୟୁଖାକି ସିନିକିହାନା ଏଝାରାଇଁ ଏଲେଇଚେସି, ୨୬ “ଆମ୍ବାଆସି ନା ତାଣା ଖାହାନା ତାନି ତାଲି, ତାଞ୍ଜି, ତକ୍ତି, ମୀରୁକା, ମାୟକା, ତାୟି ତାଞ୍ଜିସ୍ତାଣି ଅଡ଼େ ତାନି ଜୀସୁତି ଜିକେଏ ଅପଅସି ଏଝାସି ନା ସୀସୁ ଆୟାଲି ଆଡ଼ଅସି । ୨୭ “ଆମ୍ବାଆସି ତାନି କ୍ରୁସ ଡ଼େକାନା ନା ଡ଼େଚ ଡ଼େଚ ଖାଅସି, ଏଝାସି ନା ସୀସୁ ଆୟାଲି ଆଡ଼ଅସି । ୨୮ ମୀ ବିତ୍ରାଟି ଆମ୍ବାଆସି ପାଡ଼ିକିହିଁ କଟା ଇଲୁ ଦସାଲି ଅଣ୍ଠପିନେସି, ଦହନି କାମା ରାପୁହାଲି ଟାକାୟାଁ ଏନୁ କି ଏତ ଇଞ୍ଜିହିଁ ଏମ୍ବାତି ଲେକା କିଅସିକି ? ୨୯ ଏଚେତା ଏଝାସି ପୁନାଦି ନିପୁହାନା ରାପୁହାଲି ଆଡ଼ାଆସାରେ, ଏଚେକା ଲକ୍ଷ୍ମି ଏଦାଆଁ ମେହନେରି, ବାରେଜାଣା ଏଝାଣାଇଁ କାକନେରି, ୩୦ ଲକ୍ଷ୍ମି ଏଝାଣାଇଁ ଲାଜାକିହିଁ ଏଲେଇନେରି, ଇଝାସି ଇଲୁ ଦସାଲି ମାଟୁହେସି ରାପୁହାଲି ଆଡ଼ାଆଡେସି । ୩୧ ର ରାଜା ଅର ରାଜା କପାଟି ଜୁଜୁ କିହାଲି ହାଜିମାନାଟି ଦସ ମାଣା କସକା ଏଝାଣି କଡ଼େ ମାଣା କସକା କପାଟି ଜୁଜୁ କିହାଲି ଆଡ଼ିନେରିକି ଆଏ ଇଞ୍ଜି ଅଣ୍ଠପଅସିକି ? ୩୨ ଆଡ଼ାଆଲେହେଁ ଇତିହିଁ ଏ ରାଜା ହେକ ମାନାଟିଏ ଏଝାସି ରାଜିମାନା ଆୟାଲି କସକାଣି ହିଡ଼ଡ଼ି ତାକି ଏଲେଇଞ୍ଜା ପାଣ୍ଡିନେସି । ୩୩ ଏଲେକିହିଁ ଏ ମୀ ବିତ୍ରାଟି ଜିକେଏ ଆମ୍ବାଆସି ତାନି ବାରେ ପିହୁଅତିହିଁ ଏଝାସି ନା ସୀସୁ ଆୟାଲି ଆଡ଼ଅସି ।”

ମୂଆ ହାରୁ

(ମାତି ୫:୧୩; ମାର୍କ ୯:୫୦)

୩୪ “ହାରୁତ ନେହାୟି; ସାମା ହାରୁ ମୂଆସାରେ ଏଦାଆଁ ଏନିକି ଅଡ଼େ

\* ୧୪:୨୭ ୧୪:୨୭ ମାତି ୧୦:୩୭      \* ୧୪:୨୭ ୧୪:୨୭ ମାତି ୧୦:୩୮; ୧୭:୨୪; ମାର୍କ ୮:୩୪; ଲୁକ ୯:୨୩

ଏନାଆଁତଲେ ହାରୁ ଲେହେଁ ମୁଠି କିନାୟି ? ୩୫ ଏଦି ବୁଠିତା କି ଗାତା କଚୁତା କୁତୁସାଲି ଜିକେଏ ଜଟେ ଆଏ । ଲକୁ ଏଦାନି ପାଙ୍ଗାତା କୁତା ତୁହନେରି । ଆମ୍ବାଆରି ଖେଞ୍ଜାଲି କୀର୍କା ମାଟିହୁଁ, ଖେଞ୍ଜୁ ।”

## ୧୫

ଜାକ୍ଫିତି ମେଣ୍ଡା

(ମାତି ୧୮:୧୨-୧୪)

୧ \*ର ଦିନା ସିସୁ ରାହନାରି ଅଡେ ପାପୁ ଗାଟାରି ବାରେଜାଣା ତାନି କାତା ଖେଞ୍ଜାଲି ଖାହୁମାଚେରି । ୨ ଏଚେଟିଏ ପାରୁସିୟାଁ ଅଡେ ମେରାପୁନାରି ଜୀସୁଇଁ ଗୁରୁମୁରୁ ଆହୁଁ ଏଲେଇଚେରି, “ଇଝାସି ପାପୁ ଗାଟାରାଇଁ ଆବିମାନେସି, ଇଞ୍ଜା ଏଝାରିତଲେ ତିଞ୍ଜି ଉଣ୍ଡି ମାନେସି !” ୩ ଏମ୍ବାଟିଏ ଜୀସୁ ଏଝାରାଇଁ ଇ ପୁଣ୍ଡିକିନି କାତା ଖେସ୍ତେସି ।

୪ “ମୀ ବିତ୍ରାଟି ଆମ୍ବାଆଚେରି ଇଲେତି ଲକୁ ମାଞ୍ଜେରି, ଏଝାଣାକି ପାସାକଡ଼ି ମେଣ୍ଡାୟାଁ ମାଟିହୁଁ, ଏଝାସିକା ବିତ୍ରାଟି ରଣ୍ଡି ଜାକ୍ଫିତିହୁଁ ଏଝାସି ଏନାଆଁ କିନେସି, ରଣ୍ଡି ଉଣା ପାସାକଡ଼ି ମେଣ୍ଡାୟାଁ ବାଟାତା ପିସାନା ଜାଙ୍ଗାମାନି ମେଣ୍ଡା ପାଣ୍ଡିନି ପାତେକା ପାରଅସି କି ? ୫ ଇଞ୍ଜା ବେଟାଆଡ଼ିସାରେ ରାହାଁତଲେ ଡେକାନା ଇଜ ତାନେସି, ୬ ଇଞ୍ଜା ତାନି ତଣେସିଙ୍ଗାଣି ଅଡେ ନାୟୁତାରାଇଁ ହାଟାନା ଏଲେଇନେସି, ମୀରୁ ନା ତଲେ ରାହାଁ କିଦୁ, ଏନାଆଁତାକି ଇଟିହୁଁ ଜାଙ୍ଗାମାଟି ନା ମେଣ୍ଡା ବେଟାଆଡେଏଁ । ୭ ନାନୁ ମିଙ୍ଗେ ଖେସିମାଞ୍ଜାଇଁ, ଏଲେକିହୁଁ ଏ ମନ ଖେଟହାଲି ଲତା ଆଆଗାଟି ରଅସି ଉଣା ପାସାକଡ଼ି ତୀରିଗାଟାରି କିହାଁ ପାପୁ ଗାଟାସି ରଅସି ତାନି ମନ ଖେଟହା କଡ଼ିତିହୁଁ, ଏଝାଣି କସମି ଲାକପୁରୁ ହାରେକା ରାହାଁ ଆନେ ।”

ଜାକ୍ଫିତି ଟାକା

୮ “ଅଡେ ଇଲେତି ଆମିନି ଇୟା ମାନେ, ଏ ଇୟାନାକି ଦସଗଟା ଖେଣ୍ଡି

ଟାକା ମାଟିହୁଁ ରଣ୍ଡାଆଁ ଜାକ୍ଫିତିହୁଁ ଏଦି ଏନାଆଁ କିନେ, ଦୀଝୁଁ ତସାନା ଇଲୁ ହେପାନା ଏ ଜାକ୍ଫି ଟାକା ପାଣ୍ଡିନି ପାତେକା ଜାତୁନୁ ତଲେ ପାରେଏକି ? ୯ ଇଞ୍ଜାହାଁ ଏ ଟାକା ବେଟାଆଡ଼ିସାରେ ଏଦି ତାନି ତଡ଼ ଲୁକୁଣି ଇଞ୍ଜା ନାସକାତି ଲକୁଣି ରୁଣ୍ଡି କିହାନା ଏଲେଇନେ ନା ତଲେ ରାହାଁ କିଦୁ, ଏନାଆଁତାକି ଇଟିହୁଁ ଜାକ୍ଫିତାମାଟି ଟାକା ବେଟାଆଡେଏଁ । ୧୦ ନାନୁ ମିଙ୍ଗେ ଖେସିମାଞ୍ଜାଇଁ, ଏଲେକିହୁଁ ଆମ୍ବାଆସି ମନ ଖେଟନେସି, ଇଲେତି ପାପୁ ଗାଟାରାକି ମାହାପୁରୁତି ଦୂତୁୟାଁ ନକିତା ରାହାଁ ଆନେ ।”

ଜାକ୍ଫିତି ମୀରୁଏସି

୧୧ ଜୀସୁ ଅଡେ ଏଲେଇଚେସି, ରଅଣାକି ରିଆରି ମୀରୁକା ମାଚେରି । ୧୨ ଏଝାରି ବିତ୍ରାଟି ଉଣା ମୀରୁଏସି ଆବାଇଁ ଏଲେଇଚେସି, ଆବା ଇଲୁତି ଦନ ବାଟି କିହାନା ନାଙ୍ଗେ ଆୟାନି ବାଗା ହିୟାମୁ । ଏଚେଟିଏ ତାନି ଆବା ତାନି ଦନ ବାଟି କିହାନା ରୀ ମୀରୁକାକି ହୀତେସି । ୧୩ ଏମ୍ବାଟିଏ ଏଚରଦିନା ହାଜାଲିଏ ଇଟି ମୀରୁଏସି ଇଲୁ ବାଗା ହୀହାମାଟାଣି ପାରଗାହାଁ ଟାକାୟାଁ ଆସାହାଁ ହେକରାକି ହାଜାତୁସେସି, ଇଞ୍ଜା ଲେନିପନିଏ ତାୟୁ ଏସକି ଅଣ୍ପାଆନା ଲାଗେଏତି କାମାତା ତାନି ଦନ ରାପୁହେସି । ୧୪ ସାମା ବାରେ ଦନ ରାପୁହି ଜେଟ ଏ ଦେସାତା କାରୁଝୁ କାତାରା ଆହାଲିଏ ଏଝାସି କାକୁଲି ଆଡେସି । ୧୫ ଏଚେଟିଏ ଏଝାସି ହାଜାନା ଏ ଦେସାତି ର ସାଝୁକାରି ତାଣା ଗତି ତୁୟିତେସି, ଏଝାସି ଏଝାଣାକି ପାଜିୟାଁ ମେଟାଲି ଗୁଡ଼ିୟାତା ପାଣ୍ଡିତେସି; ୧୬ ଇଞ୍ଜା ପାଜିୟାଁ ଆମିନି କାଙ୍ଗା ସାଲିୟାଁ ତିଞ୍ଜି ମାରୁ, ଏଝାଆଁ ତିଞ୍ଜାଲି ମନ କିତେସି, ସାମା ଆମ୍ବାଆରି ଏଝାଣାକି ତିଞ୍ଜାଲି ହୀହି ହିଲଆଚେରି । ୧୭ ର ଦିନା ତୀରପୁ ଆହାନା ଅଣ୍ପିଚେସି, ମା ଆବା ତାଣାତି ଗତି ବୁତି ତିନି ରାନ୍ଦେଏ ହାଚା

ହାଜିମାନେ, ସାମା ନାନୁ ଇମ୍ବାଆଁ ହାକି ତାକି ହାଜିମାଇଁ । ୧୮ ନାନୁ ନିଜ୍ଞାନା ମା ଆବା ତାଣା ହାଇଁ ଇଜ୍ଞା ଏଝାଣାଇଁ ଝେହ୍ଲଇଁ, “ଲାକପୁରୁତି ଆବା କପାଟି ଅଡେ ନୀ ନକିତା ନାନୁ ପାପୁ କିତେଏଁ; ୧୯ ନୀ ମୀରୁଏଣାତେଏଁ ଇଜ୍ଞା ନାନୁ ଅଡେ ପାଡା ଆଅଁ; ନାଜେ ର ହଲେଏଣା ଲେହେଁ ଇଟାମୁ ।” ଏମ୍ବାଟିଏ ଏଝାସି ନିଜ୍ଞାନା ତାନି ଆବା ଝାକି ହାଚେସି ।

୨୦ ସାମା ଆବା ତାନି ମୀରୁଏଣା ଝାହିମାନାଣି ହେକଟିଏ ମେସାନା କାର୍ମା ଆହାନା ହଟି ହଟିହଁ ହାଜାନା ପମାହାଁ ନଣ୍ଡିତେସି । ୨୧ ଏମ୍ବାଟିଏ ମୀରୁଏ ଗାଟାସି ଏଲେଇଚେସି, “ଲାକପୁରୁ ଆବା କପାଟି ଅଡେ ନୀ ନକିତା ନାନୁ ପାପୁ କିତେଏଁ, ନୀ ମୀରୁଏଣାତେଏଁ ଆୟାଲି ପାଡା ଆଅଁ ।” ୨୨ ସାମା ଆବା ତାନି ହଲିୟାଜାଣାଣି ଏଲେଇଚେସି, “ଅଜିତି ହିମ୍ବରି ତବେ ତାତାନା ଇଝାଣାଇଁ ହୁଟି କିପୁ, ଇଝାଣି କେୟୁତା ମୁଦି ଅଡେ କତାୟାଣା ସେପୁୟାଁ ତୁରୁଝି କିପୁ, ୨୩ ଇଜ୍ଞାହାଁ ଆଜା ଆଡି କଡି ତାଲୁ ତାକା ହାଜାନା ପାୟାଦୁ; ମାର ତିଜ୍ଞା ଉଣ୍ଡାନା ରାହାଁ କିନ, ୨୪ ଇଚିହଁ ନା ମୀରୁଏସି ହାହା ହାଜାମାଚେସି, ଝେଣ୍ଡେ ନୀତାମାନେସି; ଜାକ୍ଫା ହାଜାମାଚେସି ଅଡେ ମେଡା ଆୟାତେସି ।” ଏମ୍ବାଟିଏ ଏଝାରି ରାହାଁ କିହିମାଚେରି ।

୨୫ ଏଚିବେଲ୍ଲାତା କାଜା ମୀରୁଏସି ଗୁଡିୟାତା ମାଚେସି, ଏଝାସି କାମା କିହାଁ ଇଲୁ ତାଗେ ଝାୟାଲିଏ, ତାନି ଇଜ ବାଜାଗାଜା ଅଡେ ରାହାଁ କିହିମାନି ହାଲି ଝେଜ୍ଞାନା, ୨୬ ର ହଲେଏଣାଇଁ ହାଟାନା ଝେଚେସି, “ମାଜ ଏନାଆଁ କିହିମାନେରି ।” ୨୭ ଏଝାସି ଏଝାଣାଇଁ ଏଲେଇଚେସି, “ନୀ ଉଣା ତାୟି ଝେଣ୍ଡା ଝାହାମାନେସି, ଅଡେ ଏଝାସି ନେହଁ ଆଜା ତଲେ ଝେଣ୍ଡା ଝାଡାଣି ମେସାନା ମୀ ଆବା ଆଜା ଆଡି କଡି ପାୟାମାନେସି ।”

୨୮ ଏମ୍ବାଟିଏ କାଜା ତାୟି କାରୁବି ଆହାନା ଇଜ ହାଲାଆତେସି; ସାମା ତାନି ଆବା ପାଜାତା ଝାହାନା ଏଝାଣାଇଁ

କାହିବା କପା ଆଆନି ଇଜ ଝାମୁ ଇଜ୍ଞାଁ ବାଡିମାଲିଚେସି । ୨୯ ଇଜ୍ଞା ଏଝାସି ତାନି ଆବାଇଁ ଏଲେଇଚେସି, “ମେହ୍ମୁ ନାନୁ ଇଚର ବାସା ଆଡେ ନୀ ହଲେଏଣା ଲେହେଁ କାମା କିହିମାଇଁ, ଏଚେଲ୍ଲା ଜିକେଏ ନୀ ହୁକୁମି ଉରାହିଲଅଁ, ଆଡିଜିକେଏ ନା ତଡେସିଜା ତଲେ ବଡି କିହାଲି ନୀନୁ ନାଜେ ର ଗରି ତାଲୁ ଜିକେଏ ହାହାମାଞ୍ଜଅତି; ୩୦ ସାମା ଇ ନୀ ମୀରୁଏସି ଇଲୁତି ବାରେ ଦନ ଅହାନା ସାନେଣିୟାତଲେ ମାଞ୍ଜାନା ବାରେ ରାପୁହେସି, ଏଚେତା ଇଝାସି ଝେଣ୍ଡାଝାଡେସି, ଏଚେତା ଏଝାଣାକି ଆଜା ଆଡି କଡି ପାୟାମାଞ୍ଜି ।” ୩୧ ଏଚେଟିଏ ତାଞ୍ଜି ଗାଟାସି ଏଲେଇଚେସି, “ମୀରୁଏଣା ନୀନୁତ କାଲେଏ ନା ତଲେ ମାଞ୍ଜାମାଞ୍ଜି, ଅଡେ ଏନା ଏନାୟି ନାଦି ଏ ବାରେତ ନାଦି; ୩୨ ସାମା ଇ ନୀ ତାୟି ହାହା ହାଜାମାଚେସି, ଝେଣ୍ଡେ ନୀତାମାନେସି, ଜାକ୍ଫା ହାଜାମାଚେସି, ମେଡା ଆୟାତେସି, ଏନାଆଁତାକି ରାହାଁ କିନାୟି ମାଚେ ।”

**୧୭**

ଲାଗେଏତି ଗୁମୁସ୍ତା

୧ ଜୀସୁ ତାନି ସୀସୁୟାଁଇଁ ଏଲେଇଚେସି, “ର ଦନଗାଟାସି ମାଚେସି; ଏଝାଣାକି ର ଗୁମୁସ୍ତା ମାଚେସି, ଏଝାସି ତାନି ଦନତି ଆଲାରା କିହାମାନାଣି ପୁଞ୍ଜାନା, ୨ ଏଝାସି ଏଝାଣାଇଁ ହାଟାନା ଏଲେଇଚେସି, ‘ନାନୁ ନୀ କାତା ଝେଚେଏଁ ନୀନୁ ନୀ ଗୁମୁସ୍ତା କାମା ଏନି କିହିମାଞ୍ଜି ଲେକା ତସ୍ତାମୁ, ଇଚିହଁ ନୀନୁ ଅଡେ ଗୁମୁସ୍ତା ଆହା ମାଞ୍ଜାଲି ଆଡଅତି ।’ ୩ ଏମ୍ବାଟିଏ ଏ ଗୁମୁସ୍ତା ଅଣ୍ଡପା କଡିଚେସି, ‘ନା ସାଝୁକାରି ନା ଗୁମୁସ୍ତା କାମା ପିସ୍ପି କିହିମାଞ୍ଜାନେସି, ନାନୁ ଏନାଆଁ କିଇଁ ? ଇରୁଆ କାରୁହାଲି ନାଜେ ବପୁ ହିଲେଏ, ଅଡେ ରୀସପା ତିଞ୍ଜାଲି ଲାଜା ହଟି ମାଞ୍ଜାନେ । ୪ ନୀଏଁ ପୁଚେଏଁ, ନାଜେ ଗୁମୁସ୍ତା ପାଣାଟି ପିସ୍ପି କିୟାତି

ତାହା ଲକ୍ଷ୍ମୀ ନାହାଁ ତାମି ଇଲକାଣା ଆବାନିଲେହେଁ କିଲ୍ଲ ।’ ୫ ଇଞ୍ଜା ଏଝାସି ତାମି ସାଝୁକାରି ତାଣାଟି ରୀଣା ଅହାମାତାରାଇଁ ହାଟାନାହାଁ ତଲିତାଣାଇଁ ଝେତେସି, ‘ନା ସାଝୁକାରି ତାଣା ନୀ ରୀଣା ଏଚେକା ମାନେ ?’ ୬ ଏଝାସି ଏଲେଇଚେସି, ‘ପାସାକଡ଼ି ତାବା ନିହ୍ନୁଁ ଗୁମୁସ୍ତା ଏଝାଣାଇଁ ଏଲେଇଚେସି, ‘ନୀନୁ ତବେ ଇମ୍ପାଆଁ କୁଗାନା ରୀ କଡ଼ି ଦସ ଇଞ୍ଜା ରାଟାମୁ ।’ ୭ ତାହୁ ଅଡ଼େ ରଅଣାଇଁ ଝେତେସି, ‘ନୀନୁ ଏଚେକା ରୀଣା ଅହାମାଞ୍ଜି ?’ ଏଝାସି ଏଲେଇଚେସି, ‘ର ମାଣା ବାସ୍ତା ଗହ୍ନିୟାଁ’ ଗୁମୁସ୍ତା ଏଝାଣାଇଁ ଏଲେଇଚେସି, ‘ନୀନୁ ତବେ ଇମ୍ପାଆଁ କୁଗାନା ଆଟା ଝାଞ୍ଜା ଇଞ୍ଜା ରାଟାମୁ ।’ ୮ ଏ ଲାଗେଏତି ଗୁମୁସ୍ତା ବୁଦିତଲେ କାମା କିହାମାନାକି ସାଝୁକାରି ଏଝାଣାଇଁ ନୀନୁ ନେହଁ କାମା କିହାମାଞ୍ଜି ଇଚେସି; ଏନାଆଁତାକି ଇଚିହଁ ଉଜେଡ଼ିତି ମୀରକା କିହାଁ ଇ ଦାରତିତାରି ତାମି କାମାତା ହାଚେକା ବୁଦିଗାଟାରି ।”

୯ ନୀନୁ ଜିକେଏ ମିଙ୍ଗେ ଝେସିମାଞ୍ଜାଇଁ, “ମୀରୁ ଦାରତିତି ଲାଗେଏତି ଦନ ତଲେ ତଣେ ଦହ୍ନୁ, ଏଦି ରାଡ଼ିସାରେ ମିଙ୍ଗେ କାଲକାଲାତି ବାସା ଟାହୁତା ମିଙ୍ଗେ ଆବାନେରି । ୧୦ ଆମ୍ବାଆସି ଉଣା କାମାତା ନାମୁଗାଟାସି ଆନେସି ଏଝାସି କାଜା କାମାତା ଜିକେଏ ନାମୁଗାଟାସି ଆନେସି, ଇଞ୍ଜା ଆମ୍ବାଆସି ଉଣା କାମାତା ନାମୁଗାଟାସି ଆଆସାରେ ଏଝାସି କାଜା କାମାତା ଜିକେଏ ନାମୁଗାଟାସି ଆଅସି । ୧୧ ଲାଗେଏତି ଦନତା ନାମୁ ଗାଟାତେରି ଆହାହିଲଅତେରି, ଆତିହଁ ଆମ୍ବାଆସି ମିଙ୍ଗେ ନାମାହାଁ ସାତା ଦନ ମୀ କେହୁତା ହେରପାନେସି ? ୧୨ ମୀରୁ ଏଚକାତାଣା ଦନତି ନାମୁତଲେ ଲେମ୍ବା ହିଲଆସାରେ ମିଙ୍ଗେ ମୀ ଲଡ଼ାମାନାଣି ଆମ୍ବାଆସି ହିୟାନେସି ?”

୧୩ \* “ର ହଲେଏସି ରୀ ସାଝୁକାରି

ତାଣା ହଲେଏସି ଆହାଲି ଆଡ଼ଅସି; ଇଚିହଁ ରଅଣାଇଁ ଜୀଝୁ ନନେସି ରଅଣାଇଁ ଜୀଝୁ ନନେସି, ଆଆତଁ ରଅଣାଇଁ ମାନଝି ଆନେସି ରଅଣାଇଁ ଅପଅସି । ମୀରୁ ମାହାପୁରୁ ଅଡ଼େ ଦନତି ହଲିୟାଙ୍ଗା ଆହାଲି ଆଡ଼ଅତେରି ।”

ଜୀସୁ ଝେସି କାତାୟାଁ

(ମାତି ୧୧:୧୨, ୧୩; ୫:୩୧, ୩୨; ମାର୍କ ୧୦:୧୧, ୧୨)

୧୪ ଇ ବାରେ କାତା ଝେଞ୍ଜାନା ଦନ ଜୁପକା ପାରୁସିୟାଁ ଜୀସୁଇଁ କାକହେରି । ୧୫ ଏଚେଟିଏ ଜୀସୁ ଏଝାରାଇଁ ଏଲେଇଚେସି, “ଆମ୍ବାଆରି ମାଣସି ନକିତା ତୀରିଗାଟାରି ଇଞ୍ଜା ତସା କଡ଼ିମାନେରି, ମୀରୁ ଏଲେତି ଲକ୍ଷ୍ମୀ, ସାମା ମାହାପୁରୁ ମୀ ହିୟାଁତି ପୁନାସି ଇଚିହଁ ଏନାୟି ମାଣସି ଅଣ୍ପୁତା କାଜାୟି ଲେହେଁ ତଞ୍ଜା ଆନେ, ଏଦି ମାହାପୁରୁ ନକିତା ଅପାଆଗାଟାୟି ।”

୧୬ \* “ମସାତି ମେରା ଅଡ଼େ ମାହାପୁରୁ ଅଣ୍ପୁତି ବଲୁ ଝେହନାରି ରାଡ଼ିତି ପତି ଜହନ ପାତେକା ସାଲଝି ଆହିମାଟୁ; ଏଚିବେଲାଟିଏ ମାହାପୁରୁ ରାଜିତି ନେହଁ କାବୁ ଝେକହି ମାନେରି ଇଞ୍ଜା ବାରେଜାଣା ତାମି ବାଡ଼ହୁ ତଲେ ମାହାପୁରୁ ରାଜିତା ହଡ଼ିମାନେରି । ୧୭ \* ହାଗୁପାକା ଅଡ଼େ ଦାରତି ବାରେ ମେଣ୍ଡାଙ୍ଗିନେ ସାମା ମେରାତି ଇଚାୟି ସିନା ଜିକେଏ ମେଣ୍ଡାଙ୍ଗିଏ ।”

୧୮ \* “ଆମ୍ବାଆସି ତାନି ତକ୍ତିନି ପିସାନା ଏଚକାତାଣି ବୀହା ଆନେସି, ଏଝାସି ଦାରି କିନେସି; ଇଞ୍ଜା ଆମ୍ବାଆସି ପିସି ତକ୍ତିନି ବୀହା ଆନେସି, ଏଝାସି ଦାଚେରଲା ଆନେସି ।”

ଦନ ଗାଟାସି ଅଡ଼େ ଲାଜର

୧୯ “ର ଦନ ଗାଟାସି ମାଚେସି, ଏଝାସି ହାଚେକା ଅଜିତି ହିମ୍ବୁରିଦୁକି ହୁଟାନା ନେହଁ ରାନ୍ଦା ତିଞ୍ଜିହଁ ହାଚେକା ରାହାତଲେ ଡ଼ୟିମାଚେସି । ୨୦ ସାମା ଏଝାଣି ଦୁଝେରି ଦାରିତା ଲାଜର

\* ୧୭:୧୩ ୧୭:୧୩ ମାତି ୭:୨୪ \* ୧୭:୧୭ ୧୭:୧୭ ମାତି ୧୧:୧୨, ୧୩ \* ୧୭:୧୭ ୧୭:୧୭ ମାତି ୫:୧୮ \* ୧୭:୧୮ ୧୭:୧୮ ମାତି ୫:୩୨; ୧କର ୭:୧୦, ୧୧

ଦରୁଗାଟି ରାସ୍‌ପା ତିନାସି ଡ଼ୟାମାଚେସି, ୨୧ ଗୁଡ଼ା ଆଙ୍ଗା ଗାହାଁୟାଁ ଆହାମାଚେସି; ଏ ଦନ ଗାଟାଣି ଜୁଟା ଲିତା ତିଞ୍ଜାନା ତାନି ବାଣ୍ଠି ପାଞ୍ଜିକିହାଲି ଆସା କିହିମାଚେସି; ଇଞ୍ଜା ନେସକା ଖାହି ତାନି ଗାହାଁୟାଁ ନାକିମାରୁ । ୨୨ ର ଦିନା କାର୍ମାଗାଟି ଲାଜର ହାହାହାଚେସି ଇଞ୍ଜା ଲାକପୁରୁତି ଦୂତୁୟାଁ ତଲେ ଅବ୍ରାହାମ ମାଟିତାଣା ଅଢ଼ିଆଡେସି; ତାୟୁ ଏ ଦନ ଗାଟାସି ଜିକେଏ ହାହାହାଚେସି ଇଞ୍ଜା ମାହଣି ମାଣ୍ଡାତା ମୁସପି ଆଡେସି, ୨୩ ଅଡେ ଏଝାସି ହାଡାରି ମାନି ରାଜିତି କସ୍ତତଲେ କିଲିବିଲି ଆହୁଁ ଲାକ ସିନକିହାଲିଏ ହେକଟି ଅବ୍ରାହାମ ଅଡେ ତାନିତଲେ ଲାଜରଇଁ ମେସ୍ତେସି । ୨୪ ଏଚେଟିଏ ଏଝାସି ହାଟିଚେସି, ଏ ଆବା ଅବ୍ରାହାମ, ନାଜେ କାର୍ମା ଅଶ୍‌ପାନା ଲାଜରଇଁ ନା ତାଣା ପାଣ୍ଡାମୁ, ଏଝାସି ତାନି ଖାଞ୍ଜୁତା ଏୟୁ ବନ୍ଦା ତାତାନା ନା ଖେନ୍ଦରିତି ହିଡ଼ଡ଼ି କିୟାପେସି, ଇଚିହୁଁ ନାନୁ ଇ ହିଡୁତା କିଲିବିଲି ଆହିମାଇଁ । ୨୫ ସାମା ଅବ୍ରାହାମ ଏଲେଇଚେସି, ‘ମୀର୍‌ଏଣା ନୀନୁ ନୀତାମାଟି ବେଲତା ନୀ ନେହାଁଣି ବେଟାଆଡ଼ି, ଇଞ୍ଜା ଲାଜର ଏଲେକିହୁଁ ଏ ପଲୁଆ ଗାଟାଣି ବେଟାଆଡେସି, ଇଦାଆଁ ଅଶ୍‌ପାମୁ; ସାମା ନୀଏଁ ଏଝାସି ଇମାଆଁ ସୁକୁ ବେଟାଆହି ମାନେସି, ଅଡେ ନୀନୁ କିଲିବିଲି ଆହିମାଞ୍ଜି । ୨୬ ଅଡେ ର କାତା ମୀ ମାଦି ମା ମାଦି ର କାଜା ଗାଡ଼ୁୟୁ ମାନେ, ଆମାଆରି ଇ ଚାୟୁଟି ମୀ ତାଣା ହାଜାଲି ମନ କିନେରି, ଏଝାରି ହାଜାଲି ଆଡଅରି ଆଆଡୁଁ ଏ ଚାୟୁଟି ଇ ଚାୟୁତା ଗାଣ୍‌ତାନା ଖାୟାଲି ଆଡଅରି । ୨୭ ଏମାଟିଏ ଦନ ଗାଟାସି ଏଲେଇଚେସି, ଏ ଆବା, ଆତିହୁଁ ନାନୁ ନିଜେ ବାତିମାଲିମାଞ୍ଜାଇଁ, ଲାଜରଇଁ ମା ଆବା ଇଜ ପାଣ୍ଡାମୁ, ୨୮ ଇଚିହୁଁ ନା ପାସାଜାଣା ତାୟିୟାଁ ମାନେରି; ଏଝାରି ଜିକେଏ ଏନିକିଁ ଇ କସ୍ତଗାଟି ଚାୟୁତା ଖାଅରି, ଏଦାଆଁତାକି ଏଝାସି

ଏଝାରିତାଣା ସାକି ହୀନେସି । ୨୯ ସାମା ଅବ୍ରାହାମ ଏଲେଇଚେସି, ‘ଏଝାରିତାଣା ମସା ଅଡେ ମାହାପୁରୁ ଅଶ୍‌ପୁତି ବଲୁ ଖେନ୍ଦନାରି ପତିୟାଁ ମାନୁ, ଏଝାରି ଏ କାତାତି ଖେଣ୍‌ମାରି । ୩୦ ଏମାଟିଏ ଦନ ଗାଟାସି ଏଲେଇଚେସି, ‘ଏ ଆବା ଅବ୍ରାହାମ, ଏଚେକେଏ ସାରି ଆଏ, ସାମା ହାଡାରି ବିତ୍ରାଟି ରଅସି ଏଝାରିତାଣା ହାନେସି ଆତିହୁଁ ଏଝାରି ମନ ଖେନ୍ଦନେରି । ୩୧ ସାମା ଅବ୍ରାହାମ ଏଲେଇଚେସି, ଏଝାରି ମସା ଅଡେ ମାହାପୁରୁ ଅଶ୍‌ପୁତି ବଲୁ ଖେନ୍ଦନାରି କାତା ଖେନଅରି, ଆତିହୁଁ ହାଡାରି ବିତ୍ରାଟି ଖେଣ୍‌ଣେ ନିଜିତୁଁ ଜିକେଏ ଏଝାଣି କାତା ନାମଅରି ।”

### ୧୭

ପାପୁ

(ମାଟି ୧୮:୭,୭,୨୧,୨୨; ମାର୍କ ୯:୪୨)

୧ ଜୀସୁ ତାନି ସାୟୁୟାଁଇଁ ଏଲେଇଚେସି, “ଏମିନି ତାୟିପାରି କିନି ତାଣାଟି ଲକୁ ପାପୁତା ହେନ୍ଦନେରି, ଏ ବାରେ ପିଟଣି ଆଏ, ସାମା ତାୟିପାରି କିଝି କିନାସି ଆୟତା ଏଝାସି ଗାତି ତଣ୍ଡ ବେଟାଆନେସି; ୨ ଉଣା କକାରି ବିତ୍ରାଟି ରଅଣାଇଁ ତାୟିପାରି କିନିବାଟା ତାନି ହେନ୍ଦକିତା କାଜା ଜେତାଝାଲି ଦସାନା ସାମଦୁରିତା ମେଡ଼ହିହୁଁ ଏଝାଣାକି ନେହେ ଆଡେମା ।

୩\*ମୀରୁ ମୀ ତାକି ଜାଗ୍ରାତା ଆହାମାଞ୍ଜୁ ।” “ନୀ ତାୟି ପାପୁ କିନେସି, ଆତିହୁଁ ଏଝାଣାଇଁ ଲାଗାମୁ; ଏଝାସି ନାନୁ ପାପୁ କିଚେଏଁ ଇଞ୍ଜୁଁ ମନ ଖେନ୍ଦହିହୁଁ, ଏଝାଣି ପାପୁ ମ୍ଲେକ୍‌ହା ତୁହୁମୁ । ୪ ଅଡେ ଏଝାସି ସାତା ପାଲି ନୀ କପାଟି ପାପୁ କିନେସି ଅଡେ ସାତା ପାଲି ନୀ ତାଣା ଖେଣ୍‌ଣା ଖାହାନା ନାନୁ ମନ ଖେନ୍ଦହିମାଇଁ ଇଞ୍ଜୁଁ ଇଞ୍ଜାନେସି ଆତିହୁଁ ଏଝାଣି ପାପୁ ମ୍ଲେକ୍‌ହା ତୁହୁମୁ ।”

ନାମୁ

\* ୧୭:୩ ୧୭:୩ ମାଟି ୧୮:୧୫

୫ ଏବେଟିଏ ପାଣ୍ଡୁ ଆହାମାନାରି ପ୍ରବୁଝ ଏଲେଇଚେରି, “ମା ନାମୁତି ପାତି କିୟାମୁ ।”

୬ ପ୍ରବୁ ଏଲେଇଚେସି, “ର ହାର୍ସୁ ପାଡ଼େୟି ଏଚେକା ମୀ ନାମୁ ମାଟିହୁମା, ଈ ତୁତୁକଲି ମାରନୁତି ହୀରୁତଲେ ମେଗାହାଜାନା ସାମବୁରିତା ଉହି ଆମୁ ଇଚିହୁ ଏଦି ମୀ କାତା ମାନଝି ଆଚେ ।”

ର ହଲେଏସି କିନି କାମା

୭ “ସାମା ମୀ ବିତ୍ରାଟି ଇଲେତାସି ଆମ୍ବାଆସି ମାନେସି, ତାନି ହଲେଏସି ହେରୁ ତୁହାନା କି କଡ଼ିୟା ମେଗାନା ଖଡ଼ିସାରେ ଏଝାସି ଏଝାଣାଇଁ ଜୁରୁୟା ଗହମୁଦେଁ ଇନେସି ? । ନାଜେ ତିଞ୍ଜାଲି ହିୟାମୁ ନାନୁ ତିଞ୍ଜାଲି ଆଡ଼ାଆ ପାଚେକା ଚେଡେଲି ହିମ୍ବୁରି ରୁପାନା ନା ସେବା କିୟାମୁ, ଇଞ୍ଜା ତାୟୁ ନୀନୁ ତିନାମୁ ଇଞ୍ଜୁ ଏଝାଣାଇଁ ଏଲେଇନଅସି ? ଏ ର ହଲେଏସି ସାଝୁକାରି କାତା ମାନଝି ଆହାନା କାମା କିନାକି ଏଝାଣାଇଁ ଜହରା କିନେସିକି ? ୧୦ ଏଲେକିହୁଏ ମୀରୁ ଜିକେଏ ହୁକୁମି ତଲେ କାମା କିତି ତାୟୁ ‘ମାମୁ ପାଡ଼ା ଆଆ ହଲିୟାଙ୍ଗାତମି; ଏନାୟି ମାମୁ କିନାୟି ମାଚେ ଏଦାଆଁ କିହାମାନମି’ ଇଞ୍ଜେରି ।”

ଜୀସୁ ଦସଜାଣା କାଜା ରଡ଼ା ଗାଟାରାଇଁ ନେହୁଁ କିନାୟି

୧୧ ଜୀସୁ ଜିରୁସାଲମତା ହାଜିମାଚାଟି ଗାଲିଲି ଅଡ଼େ ସମିରଣି ଦେସା ମାଦିଟି ହାଜିମାଚେସି । ୧୨ ଏମ୍ବାଟିଏ ଏଝାସି ର ନାୟୁତା ଏଗାହାଜାଲିଏ ଦସଜାଣା କାଜା ରଡ଼ା ଗାଟାରି ଏଝାଣାଇଁ ବେଟାଆଡ଼େରି; ୧୩ ଏଝାରି ହେକ ନିଚାନା କାଜା ଗିୟାତଲେ ଏଲେଇଚେରି, “ଏ ଜୀସୁ ଗୁରୁ ମାଜେ କାର୍ମା ମେସ୍ତାମୁ !”

୧୪ ଜୀସୁ ଏଝାରାଇଁ ମେସାନା ଏଲେଇଚେସି, “ମୀରୁ ହାଜାନା ପୂଜେରାଙ୍ଗା ତାଣା ତିଞ୍ଜା ଆକାଦୁ ।” ଅଡ଼େ ଏଝାରି ହାଜି ହାଜିହୁଁ ନେହୁଁ ଆଡ଼େରି । ୧୫ ସାମା ଏଝାରି ବିତ୍ରାଟି ରଅସି ତାନୁ ନେହୁଁ ଆଡ଼ାଣି

ମେସାନା କାଜା ଗିୟାତଲେ ମାହାପୁରୁତି ଜହରା କିହୁଁ କିହୁଁ ଝେଣ୍ଡା ଝାହାନା, ୧୬ ଜୀସୁତି କତାୟା ତୁଇ ମୁନୁ କୁତାନା ଜହରା କିଚେସି; ଏଝାସି ସମିରଣି ଲକୁ ମାଚେସି । ୧୭ ଏବେଟିଏ ଜୀସୁ ଏଲେଇଚେସି, “ଦସଜାଣା ନେହୁଁ ଆଆଚେରିକି ? ଅଡ଼େ ନ ଜାଣା ଏମ୍ବିୟା ମାନେରି ? ୧୮ ମାହାପୁରୁଝ ଜହରା କିହାଲି ଇ ଜୀହୁଦିଆଆତି ଲକୁ ପିସ୍ପେ ଆମ୍ବାଆସି ଝେଣ୍ଡା ଝାଆଚେସି ?” ୧୯ ଇଞ୍ଜା ଜୀସୁ ଏଝାଣାଇଁ ଏଲେଇଚେସି, “ନିଙ୍ଗାନା ହାଲାମୁ ନୀ ନାମୁ ନିଜେ ନେହୁଁ କିହାମାଞ୍ଜାନେ ।”

ମାହାପୁରୁ ରାଜି ଖାନାୟି (ମାତି ୨୪:୨୩-୨୮, ୩୭-୪୧)

୨୦ ମାହାପୁରୁତି ରାଜି ଏଚେଲା ଝାହିମାନେ, ଇ କାତା ପାରୁସିୟା ଝେଞ୍ଜାଲିଏ ଏଝାସି ଏଝାରାଇଁ ଏଲେଇଚେସି, “ମାହାପୁରୁତି ରାଜି ତିଞ୍ଜା ଆହୁଁ ଝାଏ; ୨୧ ଇମ୍ବାଆଁ ମାନେକି ଏମ୍ବାଆଁ ମାନେ ଇଞ୍ଜୁ ଲକୁ ଝେସ୍ତଅରି; ଇଚିହୁଁ ମାହାପୁରୁତି ରାଜି ମୀ ବିତ୍ରେଏ ମାନେ ।”

୨୨ ଇଞ୍ଜା ଜୀସୁ ତାନି ସୀସୁୟାଁଇଁ ଏଲେଇଚେସି, “ଇଲେତି ବେଲା ଖାଚେ, ଏଚିବେଲା ମାଣସି ମୀରଏଣାତି ର ଦିନା ମେସାଲି ମନ କିତିହୁଁ ଜିକେଏ ମେହଅଚେରି । ୨୩ ଏଚିବେଲା ଲକୁ ମିଜେ ଝେସ୍ତାନେରି, ଏଝାସି ଇମ୍ବାଆଁ ମାନେସି ଏମ୍ବାଆଁ ମାନେସି; ସାମା ଏଝାରି କାତା ଆହୁଆଦୁ କି ଏଝାରିତଲେ ତାକାଆଦୁ । ୨୪ ଏନିଇଚିହୁଁ ହାଗୁ ମ୍ବୁହନାଟି ର କନଟି ଅର କନଝାକି ଉଜେଡ଼ି ଆଚେ, ଏଲେକିହୁଁଏ ମାଣସି ମୀରଏଣା ଦିନାତା ଆଚେ । ୨୫ ସାମା ଏଝାସି ଗାତି କସ୍ତ ପାଣ୍ଡନାୟି ମାନେ, ଇଞ୍ଜା ଇ କାଲାତି ଲକୁ ଏଝାଣାଇଁ ଅପଅରି । ୨୬ ଅଡ଼େ ନହୁ ବେଲାତା ଏନିକି ଆହାମାଚେ, ମାଣସି ମୀରଏସି ଖାନ୍ଦି ଦିନାତା ଜିକେଏ ଏଲେକିହୁଁଏ ଆଚେ; ୨୭ ନହୁ ଜାକାତା ହଡ଼ନି ଦିନା ପାଚେକା ଲକୁ ତିଞ୍ଜି ଉଣିହୁଁ ବୀହା



କିୟାଲି ବୀହା ହିୟାଲି ହେରାମାଚେରି,  
 ଏଚିବେଲା କାଜା ପିୟୁ ଖାଡେ ଇଞ୍ଜା  
 ବାରେତି କୁପହାତୁସ୍ତେ । ୨୮ ଲଟ  
 ବେଲାତା ଜିକେଏ ଏଲେଏ ଆଡେ, ଲକୁ  
 ତିଞ୍ଜି ଉଣ୍ଡି ମାଚେରି, କଡି ମାଚେରି,  
 ପାରୁଚି ମାଚେରି, ମାରୁକା ଉହି ମାଚେରି  
 ଅଡେ ଇଲୁକା କିହାଲି ହେରାମାଚେରି,  
 ୨୯ ସାମା ଲଟ ସଦମ ଗାଡାଟି ହଡ଼ା  
 ହାଲୁଖନିଏ, ଲାକପୁରୁଟି ହିରୁ ଅଡେ  
 ଗାନ୍ଦାଗୁଣ୍ଡା ଖାହାନା ବାରେତି ନାସା  
 କିତେ । ୩୦ ମାଣସି ମୀରୁଏସି ଖାନ୍ତି  
 ଦିନାତା ଜିକେଏ ଏଲେଆହି ଏ ଆଡେନ  
 ।”

୩୧ ☆ “ଏ ଦିନା ଆମ୍ବାଆସି ଇଲୁ  
 ଲାକ ମାନେସି, ଏଞ୍ଜାସି ଇଲୁ ବିତ୍ରାମାନି  
 ତାନି ଆସି ଅହାଲି ରେଟା ଖାଆପେସି;  
 ଏଲେକିହି ଏ ଆମ୍ବାଆସି ନେଃଏଲାତା  
 ମାନାସି ଇଜ ଖେଣ୍ଡା ଖାଆପେସି ।  
 ୩୨ ଲଟ ତକ୍ତିନି କାତା ଅଣ୍ଡପାଦୁ !  
 ୩୩ ☆ଆମ୍ବାଆସି ତାନି ଜୀଞ୍ଜୁତି ନୀଟହାଲି  
 ମନ କିନାସି, ଏଞ୍ଜାସି ନାସା ଆଡେନସି,  
 ଅଡେ ଆମ୍ବାଆସି ତାନି ଜୀଞ୍ଜୁତି ଆସା  
 କିଆଗାଟାସି ଏଞ୍ଜାସି ନୀତିନେସି ।  
 ୩୪ ନାନୁ ମିଙ୍ଗେ ଖେସିମାଞ୍ଜାଲ୍, ଏ  
 ଲାଆଁୟା ରିଆରି କାଚେଲିତା ତୁରା  
 ତୁୟିନେରି, ରଅସି ଅଞ୍ଜିଆଡେନସି ଅଡେ  
 ରଅସି ଏମ୍ବାଆଁ ତୁୟିନେସି । ୩୫ ରୀ  
 ଇୟାସିକା ରଣ୍ଡିଏ ତାଣା ନୁୟିମାନୁ,  
 ରଣ୍ଡି ଅଞ୍ଜିଆଡେନ ରଣ୍ଡି ଏମ୍ବାଆଁ ତୁୟିନେ ।  
 ୩୬ ରିଆରି ନେଃଏଲାତା ମାନେରି, ରଅସି  
 ଅଞ୍ଜିଆଡେନସି, ରଅସି ଏମ୍ବାଆଁ ତୁୟିନେସି  
 ।”

୩୭ ଏଚେଟିଏ ସାସୁୟା ଏଲେଇଚେରି,  
 “ଏ ପ୍ରବୁ ଏମ୍ବିୟା ?” ଜୀସୁ ଏଲେଇଚେସି,  
 “ମାଡ଼ହା ଏମ୍ବିୟାମାନେ ଏମ୍ବାଆଁ  
 ରାମ୍ବୋୟା ରୁଣ୍ଡା ଆନୁ ।”

## ୧୮

ରାଣ୍ଡେଣି ଇୟାନି ନୀହାଁୟି  
 ୧ ଖାହାଆନା ଅଲେ ଅଲେ ପ୍ରାଡାନା  
 କିନାୟିମାନେ, ଇ କାତାତି ଜୀସୁ  
 ସାସୁୟାଲ୍ ପୁଣ୍ଡିକିନି କାତାତଲେ

ଖେସ୍ତେସି ୨ “ର ଗାଡାତା ର ନୀହାଁୟି  
 କିନାସି ମାଚେସି, ଏଞ୍ଜାସି ମାହାପୁରୁଲ୍  
 ଆଜି ହିଲାଆତେସି କି ମାଣସିୟାଲ୍  
 ଜିକେଏ ଅଣ୍ଡପି ହିଲାଆତେସି । ୩ ଏ  
 ଗାଡାତା ର ରାଣ୍ଡେଣି ମାଚେ, ଏଡି  
 ନୀହାଁୟି କିନାଣି ତାଣା ଅଲେ ଅଲେ  
 ହାଜିହି ନାନୁ ନେହି ନୀହାଁୟି କିହି  
 ନା କପାଟି ନିଙ୍ଗିମାଞ୍ଜାନାଣା ତାଣାଟି  
 ଗେଲୁପାମୁ ଇଞ୍ଜା ବାତିମାଲିମାଚେ ।  
 ୪ ଅଡେ ଏଞ୍ଜାସି ଏଦାନି କାତା ଖେଞ୍ଜି  
 ହିଲାଆତେସି; ତାୟୁ ଏଞ୍ଜାସି ମନ  
 ମନତା ଅଣ୍ଡପିତେସି, ନାନୁ ମାହାପୁରୁଲ୍  
 ଆଜିହିଲଅଁ କି ମାଣସିଲ୍ ଅଣ୍ଡପି ହିଲଅଁ,  
 ୫ ଆଡିଜିକେଏ ଇ ରାଣ୍ଡେଣି ନାଙ୍ଗେ  
 କସୁ ହାହିମାଞ୍ଜାନାକି ନାନୁ ତାନି କପାଟି  
 ନିଙ୍ଗାମାନି ନୀହାଁୟି ତିକହାତୁହଲ୍,  
 ଆଆତ ଏଡି ନାଙ୍ଗେ ବାରେବେଲା  
 ଗିଜିଗିଜା କିହେମାଞ୍ଜାନେ ।”

୬ ଏମ୍ବାଟିଏ ପ୍ରବୁ ଏଲେଇଚେସି, “ଇ  
 ଲାଗେଏଡି ନୀହାଁୟି କିନାଣି କାତା  
 ଅଣ୍ଡପାଦୁ । ୭ ଆଡିହି ମାହାପୁରୁ  
 ଆଡିତି ଲକୁ ଲାଆଁ ମାଦେନା ଏଞ୍ଜାଣାଲ୍  
 ହାଟିହି ତୁୟିନେରି, ଏଞ୍ଜାସି କି ଏଞ୍ଜାରି  
 ନୀହାଁୟି କଅସି ? ଆଡିଜିକେଏ  
 ଏଞ୍ଜାସି ଏଞ୍ଜାରି ସାତୁୟାକି ହାରେକା  
 ଅରୁହିନାସି ଆଡେନସି କି ? ” ନାନୁ ମିଙ୍ଗେ  
 ଖେସିମାଞ୍ଜାଲ୍, ଏଞ୍ଜାସି ତବେ ଏଞ୍ଜାରି  
 ତାକି କିଞ୍ଜି ଆହାମାନି ପଲୁଆ କାମାତି  
 ନୀହାଁୟି କିନେସି, ଆଡିଜିକେଏ ମାଣସି  
 ମୀରୁଏସି ଦାରୁତିତା ଖାହାନା ନାମୁତି  
 ମେହନେସିକି ?”

ପାରୁସି ଅଡେ ସିସୁ ରୀହନାଣି  
 ପୁଣ୍ଡିକିନି କାତା

୯ ତାମ୍ଗେ ତୀରିଗାଟାତମି ଇଞ୍ଜା  
 ଅଣ୍ଡପାନା ଏଟକା ତାରାଲ୍ ହାଣି କିନି  
 ଲକୁଣି ଜୀସୁ ଇ ପୁଣ୍ଡିକିନି କାତା  
 ଖେସ୍ତେସି, ୧୦ ରିଆରି ପ୍ରାଡାନା କିହାଲି  
 ର ପ୍ରାଡାନା ଇଲୁତା ହାଚେରି, ରଅସି  
 ପାରୁସି ଅଡେ ରଅସି ସିସୁ ରୀହନାସି ।  
 ୧୧ ପାରୁସି ନିତାନା ଇଲେକିହି ପ୍ରାଡାନା

☆ ୧୭:୩୧ ୧୭:୩୧ ମାତି ୨୪:୧୭,୧୮; ମାର୍କ ୧୩:୧୫,୧୬  
 ୮:୩୫; ଲୁକ ୯:୨୪; ଜହ ୧୨:୨୫

☆ ୧୭:୩୩ ୧୭:୩୩ ମାତି ୧୦:୩୯; ୧୭:୨୫; ମାର୍କ

କିତେସି, “ଏ ମାହାପୁରୁ ନାନୁ ନିଜେ ଜହରା କିହିମାଞ୍ଜାଇଁ, ନାନୁ ଏଟକା ଲକୁ ଲେହେଁ ଦାମ୍ନୁ ହିଲାଆ ଗାଟାତେଏଁ ଆଏ, ସରୁ, ଦାରି ଗାଟାତେଏଁ ଆଏ କି ଇ ସିସ୍ତୁ ରାହନାଣି ଲେହେଁ ଜିକେଏ ଆଏ; ୧୭ ନାନୁ ୱାଠା ତାକି ରୀ ଦେବା ଉପାସା କିହିମାଇଁ, ଅଡ଼େ ନାନୁ ବେଟାଆହି ମାନାଣି ବାରେ ଦସ ବାଟାଟି ର ବାଟା ହାହିମାଇଁ ।” ୧୩ ସାମା ସିସ୍ତୁ ରାହନାସି ହେକ ନିଚାନା ତାନି କାନୁ ଲାକପୁରୁ ୱାକି ଜିକେଏ ପେରହାଁ ସିନିକିହାଲି ସାସା କିଆତେସି, ସାମା ତାନି ବକତା ୱେଟା କତାନା ଏଲେଇଚେସି, “ଏ ମାହାପୁରୁ ନାନୁ ପାପୁ ଗାଟାତେଏଁ ନାଜେ କାର୍ମା ମେସ୍ତାମୁ ।” ୧୪ \* “ନାନୁ ମିଜେ ୱେସିମାଞ୍ଜାଇଁ, ଏଞ୍ଜାସି ଆଏ ସାମା ସିସ୍ତୁ ରାହନାସି ତାରିଗାଟାସି ଆହାନା ତାନି ଇଜ ହାଚେସି; ଏନିଇଚିହଁ ଆମ୍ବାଆସି ନାନୁ କାଜାତେଏଁ ଇଞ୍ଜା କଡିନେସି, ଏଞ୍ଜାଶାଇଁ ଉଣା କିଞ୍ଜିଆନେ, ସାମା ଆମ୍ବାଆସି ନାନୁ ଉଣାତେଏଁ ଇନେସି, ଏଞ୍ଜାଶାଇଁ କାଜାସି କିଞ୍ଜିଆନେ ।”

ଜୀସୁ ଉଣା ପଡି ପଦାୟାଣି ବଚ ହାନାୟି  
(ମାତି ୧୯:୧୩-୧୫; ମାର୍କ ୧୦:୧୩-୧୬)

୧୫ ଏଞ୍ଜାସି ଏନିକଁ କକାରି ପଦାଁଣି ତାରିନେସି, ଏଦାଆଁତାକି ଲକୁ ଏଞ୍ଜାରାଇଁ ଜୀସୁ ତାଣା ତାଚାଲି ମାଟୁହେରି; ସାମା ସୀସୁୟାଁ ଏଦାଆଁ ମେସାନା ଏଞ୍ଜାରାଇଁ ଦାକା ହାଚେରି । ୧୬ ସାମା ଜୀସୁ କକାରି ପଦାଁଣି ତାଗେ ହାଟାନା ଏଲେଇଚେସି, “କକାରି ପଦାଁଣି ନା ତାଗେ ୱାହାଲି ହୀଦୁ, ଏଞ୍ଜାରାଇଁ କାହିକିଆଦୁ; ଏନିଇଚିହଁ ମାହାପୁରୁତି ରାଜି ଇଲେତାରାଞ୍ଜାୟି । ୧୭ ନାନୁ ମିଜେ ସାତା ୱେସିମାଞ୍ଜାଇଁ, ଆମ୍ବାଆସି ଉଣା କକାରି ପଦାୟାଁ ଲେହେଁ ମାହାପୁରୁ ରାଜି ଆହଅସି ଏଞ୍ଜାସି ଏନିକଁ ଜିକେଏ ଏମ୍ବାଆଁ ହଡାଲି ଆଡ଼ଅସି ।”

ର ଦନ ଗାଟାସି  
(ମାତି ୧୯:୧୬-୩୦; ମାର୍କ ୧୦:୧୭-୩୧)

୧୮ ଜୀସୁଦି ଲକୁ ବିତ୍ରାଟି କାଜାସି ଜୀସୁଇଁ ୱେଚେସି, “ଏ ନେହଁ ଗୁରୁ କାଲାକାଲାତି ଜୀସୁ ବେଟାଆହାଲି ନାନୁ ଏନାଆଁ କିଇଁ?”

୧୯ ଜୀସୁ ଏଞ୍ଜାଶାଇଁ ଏଲେଇଚେସି, “ନାଜେ ନେହାଁତି ଇଞ୍ଜଁ ଏନାଆଁତାକି ଏଲେଇଞ୍ଜିମାଞ୍ଜି ? ଇଚିହଁ ମାହାପୁରୁ ରଅସିଏ ନେହାଁସି ମାନେସି ଏଞ୍ଜାଣି ପିସ୍ପେ ଆମ୍ବାଆସି ନେହାଁସି ହିଲଅସି । ୨୦ ହୁକୁମିକା ପୁଞ୍ଜାମାଞ୍ଜି, ‘ଦାରି କିଆନି, ଲକୁଣି ପାୟାଆନି, ସରୁ କିଆନି, ମିଟିସାକି ହାଆନି, ତାଲି ତାଞ୍ଜି କାତା ମାନି କିମୁ ।”

୨୧ ଦନଗାଟାସି ଏଲେଇଚେସି, “ନାନୁ ଇ ବାରେ ଉଣାଞ୍ଜେଡାଟିଏ କିହିମାଇଁ ।”

୨୨ ଜୀସୁ ଇ କାତା ୱେଞ୍ଜାନା ଏଞ୍ଜାଶାଇଁ ଏଲେଇଚେସି, “ନାନୁ ର କାମା କିନାୟିମାନେ; ନାନୁ ନୀ ତାଣା ମାନି ବାରେ ଦନବିତି ପାରତାନାହାଁ ହିଲାଆ ଗାଟାରାକି ଦାନା ହୀମୁ, ଇଞ୍ଜା ତାୟୁ ନାନୁ ଲାକପୁରୁତା ଦନ ବେଟାଆଦି; ଏଚେଟିଏ ନା ଜେଚ ଜେଚ ୱାମୁ ।” ୨୩ ସାମା ଏଞ୍ଜାସି ଇ ବାରେ କାତା ୱେଞ୍ଜାନା ହାଚେକା ଦୁକୁ ଆଡେସି, ଇଚିହଁ ଏଞ୍ଜାସି ବାଡକୁ ଗାଟାସି ମାଚେସି ।

୨୪ ଏଚେଟିଏ ଜୀସୁ ଏଞ୍ଜାଶାଇଁ ମେସାନା ଏଲେଇଚେସି, “ଆମ୍ବାଆରି ଦନ ମାନେ, ଏଞ୍ଜାରି ହାଚେକା କସ୍ତତଲେ ମାହାପୁରୁତି ରାଜିତା ହଡ଼ନେରି ! ୨୫ ଇଚିହଁ ମାହାପୁରୁତି ରାଜିତା ଦନଗାଟାସି ହଡ଼ନି କିହାଁ ଉଟୁ ସୂଜା କାଣିଟି ହଡ଼ାହାନାୟି ଉସାସା ।”

୨୬ ଏ କାତା ୱେଞ୍ଜିମାଚାରି ଏଲେଇଚେରି, “ଆଡିହଁ ଆମ୍ବାଆସି ଗେଲପି ଆହାଲି ଆଡିନେସି ?”

୨୭ ଜୀସୁ ଏଲେଇଚେସି, “ଏନାଆଁ ଲକୁ କିୟାଲି ଆଡାଆଗାଟାଣି ମାହାପୁରୁ କିହାଲି ଆଡିମାନେସି ।”

\* ୧୮:୧୪ ୧୮:୧୪ ମାତି ୨୩:୧୨; ଲୁକ ୧୪:୧୧

୨୮ ଏଚେତା ପିତର ଜୀସୁଙ୍କୁ ଖେଚେସି, “ମେହ୍‌ମୁ ମାମ୍ବୁ ରୁାରେ ପିସାନା ନୀ ଜେତ ଖାହିମାନମି ।”

୨୯ ଜୀସୁ ଏଝାରାଙ୍କୁ ଖେସ୍ତେସି, “ନାନୁ ମିଙ୍ଗେ ସାତା ଖେସିମାଞ୍ଜାଙ୍କୁ, ଆମିନି ଗାଟାରି ମାହାପୁରୁ ରାଜିତାକି ଇଲୁକାଣ୍ଡା, ତକ୍‌ନି, ତାୟି, ତାଲି ତାଞ୍ଜି, ଅଡେ ମୀରକା ମାସ୍କାଣି ପିସାମାନେରି, ୩୦ ଏଝାରି ଇ ଜୁଗୁତା ହାରେକା ଆଗାଡ଼ା ବେଟାଆହାନା, ଖାନ୍ତି ଜୁଗୁତା କାଲାକାଲାତି ଜୀସୁ ବେଟା ଆନେସି ।”

ଜୀସୁ ତାନି ଦେବା ତାନି ହାକିତି ଖେହ୍‌ନାୟି

(ମାତି ୨୦:୧୭-୧୯; ମାର୍କ ୧୦:୩୨-୩୪)

୩୧ ଜୀସୁ ତାନି ବାରଜାଣା ସାୟୁୟାଙ୍କୁ ହାଟାନା ଖେସ୍ତେସି, “ମେହ୍‌ମୁ ମାରୁ ଜିରୁସାଲମତା ହାଜିମାନାୟି, ଏମ୍‌ଆଁ ମାଣ୍‌ସି ମୀରଏଣି ତାକି ମାହାପୁରୁ ଅଣ୍‌ପୁତି ବଲୁ ଖେହ୍‌ନାରି ଏନା ଏନାଆଁ ରାଟାମାନେରି, ଏ ବାରେ ମାଣ୍‌ସି ମୀରଏଣା ତାଣା ସାତା ଆନେ; ୩୨ ଇତିହ୍ ଏଝାଣାଙ୍କୁ ଏଟ୍‌କା କୁଡ଼ାତାରି କେୟୁତା ହେରପିଆନେସି, ଇଞ୍ଜା ଏଝାରି ଏଝାଣାଙ୍କୁ କାକନେରି, ଏଝାଣାଙ୍କୁ ହୀଣି କିହାନା ହୁପିନେରି, ୩୩ ଏଝାଣାଙ୍କୁ ସାଟ୍‌ଣି ଡରିତଲେ ଖେଟାନା ପାୟିନେରି, ଇଞ୍ଜା ତାନି ଦିନାଟିଏ ନିଙ୍ଗିନେସି ।”

୩୪ ସାମା ସାୟୁୟା ଇ ବାରେ କାତା ପୁଞ୍ଜାଲି ଆଡ଼ାଆତେରି; ଇ କାତା ଏଝାରିତାଣା ଡୁଗାନା ମାଟେ, ଏନାଆଁ ଖେସ୍‌ପି ଆହିମାଟେ ଏ ବାରେ ପୁଞ୍ଜିହିଲାଆତେରି ।

ରାସ୍‌ପାତିନି କାଣାଙ୍କୁ ଜୀସୁ ନେହ୍‌କିନାୟି

(ମାତି ୨୦:୨୪-୩୪; ମାର୍କ ୧୦:୪୬-୫୨)

୩୫ ଜୀସୁ ଜିରିହ୍ ଗାଡ଼ାତା ଏଜିମାଟାରି ର କାଣା ଜିରୁତା କୁଗାନା ରାସ୍‌ପିମାଟେସି । ୩୬ ଏଝାସି ଲକୁତି ହାଜିମାନି ହାଡ଼ା ଖେଞ୍ଜାନା, “ଇଦି ଏନାୟି ଆହିମାନେ ଇଞ୍ଜା ଖେଚେସି

।” ୩୭ “ନାଜରିତତି ଜୀସୁ ଇମ୍‌ପାଟି ହାଜିମାନେସି” ଇଞ୍ଜା ଖେସ୍ତେରି ।

୩୮ ଏଚେଟିଏ କାଣା କାଜା ଗିୟାତଲେ ଏଲେଇଞ୍ଜି ଇଚେସି, “ଏ ଜୀସୁ ଦାସୁଦ ମୀରଏଣାତି ନାଙ୍ଗେ କାର୍‌ମା ମେସ୍‌ମାମୁ ।”

୩୯ ସାମା ନକିତା ହାଜିମାଟାରି ଏଝାଣାଙ୍କୁ ପାଲେଏ ମାଞ୍ଜାଲି ଦାକା ହୀତେରି, ସାମା ଏଝାସି ଅଡେ କାଜା ଗିୟାତଲେ ଏଲେଇଚେସି, “ଏ ଜୀସୁ ଦାସୁଦ ମୀରଏଣାତି ନାଙ୍ଗେ କାର୍‌ମା ମେସ୍‌ମାମୁ ।”

୪୦ ଏଚେଟିଏ ଜୀସୁ ଏମ୍‌ଆଁ ନିତାନା କାଣାଙ୍କୁ ତାନି ଦାରିତା ତାତାଲି ଟାଣ୍ଡିତେସି; ଏଚେତା କାଣା ତାଗେ ଖାଡେସି ଇଞ୍ଜା ଜୀସୁ ଏଝାଣାଙ୍କୁ ଖେଚେସି, ୪୧ “ନାନୁ ନିଙ୍ଗେତାକି ଏନାଆଁ କିଇଁ ଇଞ୍ଜା ମନ କିହିମାଞ୍ଜି ?”

କାଣା ଏଲେଇଚେସି, “ଏ ପ୍ରବୁ ନାନୁ ଏନିକ୍ ମେସାଲି ଆଡ଼ିଇଁ ।”

୪୨ ଜୀସୁ ଖେସ୍ତେସି, “ନାନୁ ମେହ୍‌ମୁ, ନୀ ନାମୁ ନିଙ୍ଗେ ନେହ୍‌କିୟାତେ ।”

୪୩ ଏ ଦେବୁଣିଏ ଏଝାସି ମେସାଲି ଆଡ଼ିତେସି ଇଞ୍ଜା ମାହାପୁରୁତି ଜହରା କିହ୍ କିହ୍ ଜୀସୁ ଜେଟ ହାଚେସି, ଅଡେ ଲକୁ ଏନାଆଁ ମେସାନା ମାହାପୁରୁଙ୍କୁ ଜହରା କିତେରି ।

### ୧୯

ଜୀସୁ ଅଡେ ଜକିୟ

୧ ଜୀସୁ ଜିରିହ୍‌ତା ହଡ଼ାନା ଗାଡ଼ା ମାଦିଟି ହାଜିମାଟେସି । ୨ ଏମ୍‌ଆଁ ଜକିୟ ଦରୁଗାଟାସି ରଅସି ମାଟେସି, ଏଝାସି ସିସୁରାହ୍‌ନାରି ବିତ୍ରାଟି କାଜାସି ଅଡେ ଏଝାଣାକି ହାରେକା ଦନ ମାଟେ । ୩ ଜୀସୁ ଏନିଲେହେଁତାସି ଇଞ୍ଜା ଏଝାଣାଙ୍କୁ ମେସାଲି ହାରେକା ମନ ମାଟେ, ସାମା ହାରେକା ଲକୁ ମାଟାକି ମେସାଲି ଆଡ଼ିହିଲାଆତେସି, ଏନାଆଁତାକି ଇତିହ୍ ଏଝାସି କୁଜା ମାଟେସି । ୪ ଏମ୍‌ପାଟିଏ ଏଝାସି ନକିତା ହଟି ହଟି ହାଜାନା ଜୀସୁ ହାନି ଜିରୁତା ଏଝାଣାଙ୍କୁ ମେସାଲି ର ତୟା ମାରୁନୁତା

ହତେସି, ଇଚିହଁ ଜୀସୁ ଏ ଜିରୁଟି ହାନାୟି ମାଚେ ।\* ଜୀସୁ ଏମ୍ବାଆଁ ଏଜାନା ଲାକ ସିନିକିହାନା ହାଟିତେସି, “ଆଡେ ଜକିୟ ତବେ ରେଚାଝାମ୍ବୁ ଇଚିହଁ ନୀଞ୍ଜୁ ନାନୁ ମୀ ଇଜ ଗତା ଝାନାୟି ମାନେ ।”

୬ ଏଝାସି ତବେ ରେଚାଝାହାନା ଏଝାଶାକ୍ ରାହାଟି ତାମି ଇଜ ହାଟିତେସି । ୭ ଇଦାଆଁ ମେସାନା ବାରେ ଲକୁ ମୁରୁ ମୁରୁ ଆହଁ କାତା ଆଡେରି, “ଇଝାସି ର ପାପୁ ଗାଗାରି ଇଜ ଗତା ହାଜିମାନେସି ।”

୮ ସାମା ଜକିୟ ନିଗାନା ପ୍ରବୁକ୍ ଏଲେଇଚେସି, “ଏ ପ୍ରବୁ ନାନୁ ନା ଦନତି ର ବାଗା ହିଲାଆ ଗାଗାଚାକି ହାଇ, ଅଡେ ନାନୁ ଆମ୍ବାଆରି ତାଣାଟି ଏନାଆଁ ତାଚାମାଚିହଁ ସାରି ବାଗା ଆଗାଡ଼ା ୱେଟ୍ଟାଇଁ ।”

୯ ଏମ୍ବାଟିଏ ଜୀସୁ ଏଲେଇଚେସି, “ନୀଞ୍ଜୁ ଇ ଇଜତି ଲକୁତାକି ଗେଲ୍‌ପିନାୟି ଝାହାମାନେ, ଇଚିହଁ ଇଝାସି ଜିକେଏ ଅବ୍ରାହାମତି କୁଡ଼ାତାସି । ୧୦ ଇଚିହଁ ଏନାୟି ଜାକ୍ସା ହାଜାମାନେ ଏଦାଆଁ ପାରାନା ଗେଲ୍‌ପାଲି ମାଣ୍ଡସି ମୀରୁଏସି ଝାହାମାନେସି ।”

ବାଂଗାରା ଟାକା  
(ମାତି ୨୫:୧୪-୩୦)

୧୧ ଲକୁ ଇ କାତା ୱେଞ୍ଜି ମାଚାଟି ଏଝାସି ଅଡେ ର ପୁଣ୍ଡିକିନି କାତା ୱେସ୍ତେସି, ଇଚିହଁ ଏଝାସି ଜିରୁସାଲମ ତାଗେ ଆହାମାଚେସି, ଇଚିହଁ ମାହାପୁରୁ ରାଜି ତବେ ତଞ୍ଜାଆଡେନ ଇଞ୍ଜୁ ଅଣ୍ଡିପିମାଚେରି । ୧୨ ଏଝାସି ଏଲେଇଚେସି, “ର କାଜା କୁଡ଼ାତାସି ରାଜା ପାଶା ବେଟାଆହାଁ ୱେଶ୍ଟା ଝାଇଁଝା ଇଞ୍ଜୁ ର ହେକ ରାଜି ହାଚେସି । ୧୩ ଏଝାସି ତାନି ଦସଜାଣା ହଲିୟାକ୍ସାଣି ହାଟାନା ଏଝାରାକି ଦସଗଟା ୱେଣ୍ଡି ଟାକା ଲାକା ହାହାନା ଏଲେଇଚେସି, ‘ନାନୁ ୱେଶ୍ଟା ଝାନ୍ତି ପାତେକା ମୀରୁ ଇ ଟାକା ତଲେ ବେବାରା କିଦୁ ।’ ୧୪ ସାମା ତାନି ଦେସାତାରି ଏଝାଶାକ୍

ଅପିହିଲାଆଚେରି, ‘ଇଝାସି ମାକ୍ସୋତାକି ରାଜା ଆୟାଆପେସି’ ଇଞ୍ଜୁ ତାନି ଜେତଏ କସ୍‌କାଣି କାରୁ ୱେସା ପାଣ୍ଡିତେରି ।”

୧୫ ତାୟୁ ଏଝାସି ରାଜା ପାଶା ବେଟାଆହାନା ତାନି ରାଜିତା ୱେଶ୍ଟାଝାଡେସି, ଇଞ୍ଜା ତାନୁ ଟାକାୟାଁ ହାହାମାଚି ହଲିୟାକ୍ସା ବେବାରା କିହାଁ ଏଚେକା ଲାବା କିହାମାନେରି ଏଦାଆଁ ପୁଞ୍ଜାଲି ଏଝାରାକ୍ ହାଟିକିତେସି, ଇଞ୍ଜା ୱେଚେସି । ୧୬ ତଲିତାସି ଝାହାନା ଏଲେଇଚେସି, “ବାବୁ ନୀନୁ ହାହାମାଞ୍ଜାତି ର ଟାକା ତଲେ ବେବାରା କିହାନା ଦସଟାକା ଲାବା କିହାମାକ୍ ।” ୧୭ ଏଝାସି ଏଝାଶାକ୍ ଏଲେଇଚେସି, “ନେହଁ ଟିକାଣାଗାଟି ନାମୁଡି ହଲେଏଶାତି, ନୀନୁ ଉଶା କାମାତାକି ନେହଁ କାମା କିହାମାନାକି ନାନୁ ନିଜେ ଦସଗଟା ଗାଡ଼ାୟାଁ ସାଲ୍‌ଝି କିନି ଅଦିକାରା କିମୁ ।” ୧୮ ଅଡେ ରଅସି ଝାହାନା ଏଲେଇଚେସି, “ବାବୁ ନୀନୁ ହାହାମାଞ୍ଜାତି ଟାକା ତଲେ ପାସାଗଟା ଲାବା କିହାମାକ୍ ।” ୧୯ ଏଝାସି ଏଝାଶାକ୍ ଜିକେଏ ଏଲେଇଚେସି, “ନୀନୁ ଜିକେଏ ପାସାଗଟା ଗାଡ଼ାୟାଁ ମୁହେଁ ଅଦିକାରା ଆମୁ ।” ୨୦ ଅଡେ ରଅସି ଝାହାନା ଏଲେଇଚେସି, “ପ୍ରବୁ ମେହ୍‌ମୁ ଇଦି ନୀନୁ ହାହାମାଞ୍ଜାତି ଟାକା; ଇଦାଆଁ ନାନୁ ତ୍ରାଃଆଲିତା ରୁପାନା ଇଟାମାଚେଏଁ । ୨୧ ଇଚିହଁ ନାନୁ ନିଜେ ଆଜାଚେଏଁ, ନୀନୁ ର ଗିରିଗିରା ଗାଗାଟି, ଇଟା ହିଲାଆଗାଟାଣି ପାରିନାଟି, ମାଟା ହିଲାଆତାଣା ଦାଃଆନାଟି ।” ୨୨ ଏଝାସି ଏଝାଶାକ୍ ଏଲେଇଚେସି, ଆଡେ ପଲ୍‌ଆଗାଟି ହଲେଏଶାତି, ନୀ ଗୁଡିତି ହାଡାତଲେ ନୀ ନୀହାୟି କିୟାକ୍, ନାନୁ ଗିରିଗିରା ଗାଗାଚେଏଁ, ଇଟାହିଲାଆ ତାଣା ପାରିନାଚେଏଁ ମାଟାଆତି ତାଣା ଦାଃଆନାଚେଏଁ ଇଦାଆଁ ପୁଞ୍ଜାମାଚି ? ୨୩ ଆତିହଁ ଏନାଆଁତାକି ନା ଟାକାଟି ରୀଶା ଅନାରାକି ହାଆତି, ନାନୁ ଝାହାନା ଅତିତଲେ ବେଟାଆଡେଏଁମା

\* ୧୯:୧୦ ୧୯:୧୦ ମାତି ୧୮:୧୧

। ୨୪ ଇଞ୍ଜା ଦାରିତା ନିରାମାତାରାଇଁ  
 ଖେସ୍ତେସି, “ଇଝାଣି ତାଣାଟି ଏ ଟାକା  
 ମାଞ୍ଜା ଅହାନା ଆମ୍ବାଆରିକି ଦସଟାକା  
 ମାନୁ ଏଝାଣାକି ହୀଦୁ ।” ୨୫ ଏଚେଟିଏ  
 ଏଝାରି ଖେସ୍ତେରି, “ପ୍ରବୁ ଏଝାଣାକି  
 ଦସଟାକା ମାନୁ ।” ୨୬ ନାନୁ ମିଙ୍ଗେ  
 ଖେସିମାଞ୍ଜାଇଁ, “ଆମିନିଗାଟାଣାକି  
 ମାନେ, ଏଝାଣାକି ଗାଡି ହୀପକିଆନେ  
 । ସାମା ଆମ୍ବାଆରାଝାୟି ହିଲେଏ ଏଝାଣି  
 ତାଣା ଏନାୟି ମାନେ ଏଦାଆଁ ଜିକେଏ  
 ଏଝାଣି ତାଣାଟି ଅଝିଆନେ । ୨୭ ସାମା  
 ନାଙ୍ଗେ ତାମି ରାଜା ଆହାଲି କୁହାମାଞ୍ଜାନି  
 ସାତୁୟାଁଇଁ ଇମ୍ବାଆଁ ତାକା ହାଜାନା  
 ଏଝାରାଇଁ ନା ନକିତା ଟୁଣହାତୁହଦୁ ।”

ଜୀସୁ ଜିରୁସାଲମତା ରାହାଁଟି  
 ହାନାୟି  
 (ମାତି ୨୧:୧-୧୧; ମାର୍କ ୧୧:୧-୧୧;  
 ଜହ ୧୨:୧୨-୧୯)

୨୮ ଇ ବାରେ କାତା ଖେସି ତାୟୁ ଜୀସୁ  
 ଜିରୁସାଲମ ଝାକି ହାଚେସି । ୨୯ ଏଝାସି  
 ଜୀତ ହରୁ ଦାରିତା ମାନି ବେତନିୟାଁ  
 ଅଡେ ବେଡପାଗି ନାସକାଣାଁ ଏଜାନା  
 ତାନି ସୀସୁୟାଁ ବିତ୍ରାଟି ରିଆରାଇଁ ଇ  
 କାତା ଖେସା ପାଣ୍ଡିଚେସି । ୩୦ “ମୀରୁ  
 ହାଜାନା ମୀ ନକିତି ନାୟୁତା ହଡଦୁ ଇଞ୍ଜା  
 ଲକୁ ଏଚେଲା ହଟା ହିଲଅରି; ଇଲେତି  
 ର ଗାଡଦେ ତାଲୁତି ଦସାମାନାଣି  
 ମେହଦେରି; ଏଦାଆଁ ଦାଝାଁ ହୁକହା ନା  
 ତାଣା ତାଚିହଁ ଝାଦୁ । ୩୧ ଆମ୍ବାଆସି  
 ଏନାଆଁତାକି ହୁକହିମାଞ୍ଜେରି ଇଞ୍ଜା  
 ଖେଞ୍ଜାତିହଁ, ଇଦାନି ମା ପ୍ରବୁକି  
 ଲଡାମାନେ ଇଞ୍ଜା ଖେହଦୁ ।”

୩୨ ଏମ୍ବାଟି ଜୀସୁ ପାଣ୍ଡାମାଟାରି  
 ଏଝାସି ଏନିକି ଖେସାମାଚେସି,  
 ଏଲେହେଁ ମେସ୍ତେରି । ୩୩ ଇଞ୍ଜା ଏଝାରି  
 ଗାଡଦେ ତାଲୁତି ଦାଝାଁ ହୁକହିମାଟାଟି  
 ଗାଡଦେ ସାଝୁକାରିୟାଁ “ଏନାଆଁତାକି  
 ହୁକହିମାଞ୍ଜେରି ଇଞ୍ଜା ଖେଚେରି?”

୩୪ ଏଝାରି ଏଲେଇଚେରି, “ଇଦାନି  
 ମା ପ୍ରବୁକି ଲଡାମାନେ ।” ୩୫ ଏମ୍ବାଟିଏ  
 ଗାଡଦେ ଜୀସୁ ତାଣା ତାତାନା

ଏଦାନିଲେକ ହିମ୍ବୁରିକା ପାସାନା ଜୀସୁଇଁ  
 ଲାକ କୁଗିକିଚେରି । ୩୬ ଅଡେ ଏଝାସି  
 ନକିତା ହାଜିମାଟାଟି ଲକୁ ଜିରୁତା ତାମି  
 ହିମ୍ବୁରିକା ପାସ୍ତେରି ।

୩୭ ଇଞ୍ଜା ଏଝାସି ଜିରୁସାଲମ ତାଗେ  
 ମାନି ଜୀତ ହରୁଟି ଝାନ୍ତି ବେଲାତା  
 ଏଝାସି ଇଞ୍ଜା ତାମି ସୀସୁୟାଁ ଜୀସୁ  
 କିତି ବାଡ଼ୟୁତି କାମାତାକି ମାହାପୁରୁଇଁ  
 ଜହରା କିହିହଁ ରାହାଁଟି ପାରୁ  
 ପାଡିଚେରି । ୩୮ “ପ୍ରବୁତି ଦରୁଟି ଆମିନି  
 ରାଜା ଝାହିମାନେସି ଏଝାଣାକି ନେହେଁ  
 । ଲାକପୁରୁ ହିଡଡି ଅଡେ ଲାକପୁରୁଟି  
 ମାହାପୁରୁଇଁ ଗାଝୁରମି ଆପେ ।”

୩୯ ଏଚେଟିଏ ଲକୁ ମାନ୍ଦାଟି  
 ଏଚରଜାଣା ପାରୁସିୟାଁ ଜୀସୁଇଁ  
 ଏଲେଇଚେରି, “ଏ ଗୁରୁ ନୀ ସୀସୁୟାଁଇଁ  
 ଲାଗାମୁ ।”

୪୦ ନାନୁ ମିଙ୍ଗେ ଖେସିମାଞ୍ଜାଇଁ,  
 “ଇଝାରି ପାଲେଏ ଆଡିସାରେ, ଝାଲକା  
 ହାଲେହେଁ କାଜା ଗିୟାତଲେ ଜଲିତୁମା  
 ।”

ଜୀସୁ ଜିରୁସାଲମ ତାକି ତାନାୟି  
 ୪୧ ଅଡେ ଏଚେତା ଗାଡ଼ା ତାଗେ  
 ଝାଡେସି, ଏଚିବେଲା ଗାଡ଼ାଟି ମେସାନା  
 ତାହିହଁ ଏଲେଇଚେସି, ୪୨ “ନୀନୁ  
 ହାଅ, ନୀନୁ ନୀଞ୍ଜୁ ହିଡଡି ଜିରୁ ପୁଟିହଁ  
 ଅକିଚେମା ! ସାମା ଏଡି ନୀ ତାଣାଟି  
 ଡଗୁମାନେ ! ୪୩ ଏଚିବେଲା ମାହାପୁରୁ  
 ନିଙ୍ଗେ ଗେଲପାଲି ଅଣପାମାଞ୍ଜାଚେସି  
 ଏଦାଆଁ ପୁନାଆତାକି ଏଚିବେଲାତା  
 ନୀ ସାତୁୟାଁ ନୀ ସାରିସୁଟୁ କାଜା କଟା  
 ଦସାନା ମୁଗାନେରି, ୪୪ ଇଞ୍ଜା ନିଙ୍ଗେ  
 ଅଡେ ନୀ ତାଣା ମାନି ନୀ ମୀରକାଣି  
 କୁଡପୁନାସା କିୟାନେରି, ଅଡେ ର  
 ଝାଲିତି ଅର ଝାଲି ଲାକ ତାରି ଆହାଲି  
 ହିୟଅରି, ଇଲେତି ଦିନା ଝାହିମାନେ ।”

ମାହାପୁରୁ ଇଲୁତା ଜୀସୁ ହଡନାୟି  
 (ମାତି ୨୧:୧୨-୧୭; ମାର୍କ ୧୧:୧୫-  
 ୧୯; ଜହ ୨:୧୩-୨୨)

☆ ୧୯:୨୨ ୧୯:୨୭ ମାତି ୧୩:୧୨; ମାର୍କ ୪:୨୫; ଲୁକ ୮:୧୮ ☆ ୧୯:୨୭ ୧୯:୨୭ ମାତି ୨୫:୧୪-୩୦

୪୫ ଏମ୍ବାଟିଏ ଜୀସୁ ମାହାପୁରୁ ଇଲୁତା ହଡାନାହାଁ ବେବାରା କିନାରାଇଁ ଏମ୍ବାଟି ହାସା ପେରହାତୁସ୍ତେସି, ୪୬ ଦାର୍ମପତତା ରାସ୍କି ଆହାମାନେ, “ନା ଇଲୁ ପ୍ରାତାନା ଇଲୁ ଆନେ, ସାମା ମାରୁ ଏଦାଆଁ ତର୍ଗାୟା ପାସ୍ତୁ ମ୍ଲିପହାତୁସ୍ତେରି ।”

୪୭ ଅଡେ ଜୀସୁ ଦିନାତାକି ଦିନା ପ୍ରାତାନା ଇଲୁତା ଜାପୁହି ମାଚେସି, ସାମା କାଜା ପୂଜେରାଜା ଅଡେ ମେରାପୁନାରି ଲକ୍ଷୁତି କାଜାରି ତଲେ ଜୀସୁଇଁ ପାୟାଲି ଅଣ୍ପିମାଚେରି, ୪୮ ସାମା ଲକୁ ରାହାଁଟି ଏଝାଣି ଜାପୁନାଣି ଝେଞ୍ଜିମାଚାକି ଏଝାରି ଏନ୍ଦିକିହାଲି ଆନେ ପାରୁ ବେଟାଆହି ହିଲାଆଡେରି ।

**୨୦**

ଜୀସୁତି ଅଦିକାରା

୧ ର ଦିନା ଜୀସୁ ମାହାପୁରୁ ଇଲୁତା ଲକୁଣି ଜାପୁହି ମାଚେସି, ଅଡେ ନେହିଁ କାରୁ ଝେକ୍‌ହି ମାଚେସି, ଏଟିବେଲା କାଜା ପୂଜେରାଜା ଅଡେ ମେରାପୁନାରି ପ୍ରାଟିନାଜା ତଲେ ଝାହାନା ଝେଚେରି, ୨ “ନାନୁ ଆମିନି ଅଦିକାରା ତଲେ ଇ ବାରେ କିହିମାଞ୍ଜି, ଏଲେକିହାଲି ଆମ୍ବାଆସି ଅଦିକାରା ହାହାମାଞ୍ଜାନେସି, ମାଞ୍ଜେ ଝେସ୍ତାମୁ ।”

୩ ସାମା ଜୀସୁ ଏଝାରାଇଁ ଏଲେଇଚେସି, “ନାନୁ ଜିକେଏ ର କାତା ଝେଞ୍ଜାଇଁ, ନାଞ୍ଜେ ଝେସ୍ତାଦୁ ୪ ଜହନଇଁ ବାପ୍ତିସ୍ତ\* ହୀମୁ ଇଞ୍ଜି ଆମ୍ବାଆସି ଚାଣ୍ଡିତେସି, ଲାକପୁରୁଟି କି ମାଣ୍ଡସି ତାଣାଟି ?”

୫ ଏଚେଟିଏ ଏଝାରି ତାମ୍ବୁ ତାମ୍ବୁ ଜଲୁକି ଆଡେରି, “ଲାକପୁରୁଟି ଇନାୟି, ଆତିହିଁ ଏଝାସି ଏଲେଇଞ୍ଜାନେସି ଏନାଆଁତାକି ଏଝାଣାଇଁ ନାମାଆଡେରି ? ୬ ସାମା ମାଣ୍ଡସି ତାଣାଟି ଇନାୟି, ଇଞ୍ଜା ଲକୁ ମାଞ୍ଜେ ଝାଲକାତଲେ ପାୟାନେରି, ଇତିହିଁ ଜହନଇଁ ମାହାପୁରୁ ଅଣ୍ପୁତି ବଲୁ ଝେହନାରି ତାଣାଟି ରଅସି ଇଞ୍ଜି ହାଡେରକା ନାମାମାନେରି ।” ୭ ଏଝାରି

ଏଲେଇଚେରି, “ମାମ୍ବୁ ପୁଞ୍ଜାହିଲଅମି ଏଡି ଏମ୍ବିଟି ଆହାମାନେ ।”

୮ ଜୀସୁ ଏଝାରାଇଁ ଏଲେଇଚେସି, “ଆତିହିଁ ନାନୁ ଆମିନି ଅଦିକାରା ତଲେ କିହିମାଇଁ ନାନୁ ଜିକେଏ ଝେସ୍ତାଆଁ ।”

ଅଞ୍ଜୁରି ବାଡାତା ବାଗା କାମାକିନାରି ପୁଣ୍ଡିକିନି କାତା

(ମାଟି ୨୧:୩୩-୪୭; ମାର୍କ ୧୨:୧-୧୨)

୯ ଏମ୍ବାଟିଏ ଜୀସୁ ଇ ପୁଣ୍ଡିକିନି କାତା ଝେସ୍ତେସି, “ରଅସି ର ଅଞ୍ଜୁରି ବାଡା କିହାନା କାମା କିନାରାକି ବାଗା ହୀହାନା ହାଡେରକା ଦିନାତାକି ଅର ଦେସାତା ହାଚେସି । ୧୦ ଅଞ୍ଜୁରି ପାଡେୟି କାମ୍ବି ବେଲା ଏଝାସି ତାନି ବାଗା ବେଟାଆହାଲି ର ହଲେଏଶାଇଁ ପାଣ୍ଡିତେସି, ସାମା ଅଞ୍ଜୁରି ବାଡାତା କାମାକିନାରି ଏଝାଣାଇଁ ମାଡା ଝେଚାନା ଝାରଇ କେୟୁଟି ପେରହାତୁସ୍ତେରି । ୧୧ ଏଝାସି ଅଡେ ର ହଲେଏଶାଇଁ ପାଣ୍ଡିତେସି; ଏଝାରି ଏଝାଣାଇଁ ଜିକେଏ ଝେଚାନା ନିନା କିହାଁ ଝାରଇ କେୟୁଟି ପେରହା ପାଣ୍ଡିତେରି; ୧୨ ତାୟୁ ଅଡେ ରଅଶାଇଁ ପାଣ୍ଡିତେସି, ସାମା ଏଝାଣାଇଁ ଜିକେଏ ରାଶାରକା କିହାନା ବାଡାତି ପାଞ୍ଜାତା ମେଡହାତୁସ୍ତେରି । ୧୩ ଏମ୍ବାଟିଏ ଅଞ୍ଜୁରି ବାଡାତି ସାଝୁକାରି ନୀଏଟି ଏନାଆଁ କିଇଁ ଇଞ୍ଜି ଅଣ୍ପାପାନା, ନା ଜୀସୁତି ମୀରଏଶାଇଁ ପାଣ୍ଡିଇଁ ଆତିହିଁ ଏଝାଣାଇଁ ମାନ୍ଦି କିନେରି । ୧୪ ସାମା କାମାକିନାରି ଏଝାଣାଇଁ ମେସାନା ତାମ୍ବୁ ତାମ୍ବୁ ଏଲେଇଶମ୍ବି ଆଡେରି ‘ଇଝାସି ଅଦିକାରା ଗାଟାସି, ଇଝାଣାଇଁ ପାୟାତୁହନ, ଆତିହିଁ ଇ ଅଞ୍ଜୁରି ବାଡା ମାଞ୍ଜେ ଆୟାନେ । ୧୫ ଅଡେ ଏଝାଣାଇଁ ଅଞ୍ଜୁରି ବାଡା ପାଞ୍ଜାତା ମେଡହାନା ପାୟିତେରି ।”

“ଆତିହିଁ ଅଞ୍ଜୁରି ବାଡାତି ସାଝୁକାରି ଏଝାରାଇଁ ଏନାଆଁ କିନେସି ? ୧୬ ଏଝାସି ଝାହାନା ଇ କାମା କିନାରାଇଁ

\* ୧୯:୪୭ ୧୯:୪୭ ଲୁକ ୨୧:୩୭ \* ୨୦:୪ ୨୦:୪ ମୁଞ୍ଜିନାୟି

ପାୟାତୁହନେସି, ଅଡ଼େ ଏଟକାତାରାକି ଏ ଅଲ୍ଲୁରି ବାଡ଼ା ହାନେସି ।”

ଲକ୍ଷ୍ମୀ ଲକ୍ଷ୍ମୀ କାତା ଖେଜାନା ଏଲେଇଚେରି, “ଏଲେକିହ ଆଖୁଏ ଆଆପେ ।”

୧୭ ସାମା ଜୀସୁ ଏଝାରାଇଁ ଖେସ୍ତେସି, “ଆତିହ ରାଚାମାନି ଇ ବଲୁ ଏନାୟି ? ଇଲୁ କେପିନାରି ଆମିନି ଖାଲିତି କୁତେରି,

ଏଦି ଇଲୁ କନତି ମୂଲୁ ଖାଲି ଆଡ଼େ

୧୮ ଆମ୍ବାଆସି ଏ ଖାଲି ଲାକ ତରଗିନେସି, ଏଝାସି କାଣ୍ଡାମୁକା ଆନେସି; ଇଞ୍ଜା ଏ ଖାଲି ଆମ୍ବାଆରି ମୁହେଁ ତରଗିନେ ଏଝାଣାଇଁ ଗୁଣ୍ଡୁଗୁଣ୍ଡା କିନେ ।”

ସିସୁ ହୁାନି କାତା

(ମାତି ୨୨:୧୫-୨୨; ମାର୍କ ୧୨:୧୩-୧୭)

୧୯ ଏଚେଟିଏ ମେରାପୁନାରି ଅଡ଼େ କାଜା ପୂଜେରାଜା ଦେବୁଣିଏ ଜୀସୁଇଁ ଆସାଲି ଅଣ୍ଡପିତେରି, ସାମା ଲକ୍ଷ୍ମୀ ମାନ୍ଦାତି ଆଜିତେରି, ଇଚିହ ଏଝାସି ଏ ପୁଣ୍ଡିକିନି କାତା ଏଝାରାଇଁ ସିନକିହାନା ଖେସାମାଚେସି ଇଞ୍ଜି ଏଝାରି ପୁଚେରି । ୨୦ ଏମ୍ବାଟିଏ ଏଝାରି ଜୀସୁଇଁ ପାଣା ଅଡ଼େ ବାଡ଼ୁଗାଟି ସାଲୁଝି କିନାରି କେମୁତା ଏଝାଣାଇଁ ହେର୍ପାଲି ପାରୁ ପାରାତେରି, ଇଞ୍ଜା ଏଚରଜାଣା ତାମ୍ ତାମ୍ ଡାମ୍ ଡାମ୍ ଦାମ୍ ଦାମ୍ ଚାଟାରି ଇଞ୍ଜି ତସା କଡିନି ନାଡ଼ିକିନାରି ଜୀସୁଇଁ ତାନି ଖେହୁନି କାତାତା ଦହ ଦସାଲି ଏଝାଣି ତାଣା ପାଣ୍ଡିତେରି । ୨୧ ଏଝାରି ଜୀସୁଇଁ ଖେଚେରି, “ଗୁରୁ, ମାମ୍ ପୁଞ୍ଜାମାନମି, ନୀନୁ ଏନାଆଁ ଖେସାମାଞ୍ଜି ଅଡ଼େ ଜାପୁହାମାଞ୍ଜି ଏଦି ସାତା, ଅଡ଼େ ଆମ୍ବାଆରାଇଁ ପାରଡ଼ା ବାଟି କିଅତି, ସାମା ସାତା ମାହାପୁରୁତି ଜିରୁତି କାତା ଜାପଦି । ୨୨ ଆତିହ କାୟିସରକି ସିସୁ ହୁାନାୟି ମେରା ମାନେକି ଆଏ ।”

୨୩ ସାମା ଜୀସୁ ଏଝାରି ନାଡ଼ିକିନି ଅଣ୍ଡପୁତି ପୁଞ୍ଜାନା ଏଝାରାଇଁ ଖେସ୍ତେସି,

“ନାଞ୍ଜେ ର ଖେଣ୍ଡି ଟାକା ହିୟାଦୁ ।” ୨୪ ଏ ଖେଣ୍ଡି ଟାକାତା ଆମ୍ବାଆରି ବମା ଅଡ଼େ ଦରୁ ମାନେ, ଏଝାରି ଖେସ୍ତେରି,

“କାୟିସରଖାୟି ।” ୨୫ ଏଚେଟିଏ ଜୀସୁ ଏଝାରାଇଁ ଖେସ୍ତେସି, “ଆତିହ କାୟିସରଖାୟି ଏନାୟି ଏଦାଆଁ କାୟିସରକି ହୀଦୁ; ଇଞ୍ଜା ମାହାପୁରୁଖାୟି ଏନାୟି ଏଦାଆଁ ମାହାପୁରୁକି ହୀଦୁ ।” ୨୬ ଏଚେଟିଏ ଏଝାରି ଲକ୍ଷ୍ମୀ ନକିତା ଏଝାଣାଇଁ ଏଦି ଦହ ଦସାଲି ଆଡ଼ାଆତେରି, ଇଞ୍ଜା ଏଝାରି ଜୀସୁ ଖେସ୍ତେ କାତାତାକି ଆତାଜାକା ଆହାନା ପାଲେଏ ମାଚେରି ।

ହାଡ଼ାରି ଖେଣ୍ଡେ ନିଜିନି କାତା

(ମାତି ୨୨:୨୩-୩୩; ମାର୍କ ୧୨:୧୮-୨୭)

୨୭ ଏମ୍ବାଟିଏ ହାଡ଼ାରି ଖେଣ୍ଡେ ନିଜିନାଣି ନାମିହିଲୀଆଗାଟି ଏଚରଜାଣା ସାଦୁକିୟାଁ ଜୀସୁତାଣା ଖାହାନା ଖେଚେରି, ୨୮ “ଏ ଗୁରୁ ମସା ମାଞ୍ଜେତାକି ରାଚାମାନେସି, ରଅସି ବାହା ଆହାଁ କକାରି ପଦାଁ ଆଆନା ହାଡ଼ିହ, ଏଝାଣି ତାୟି ତାନି ତକ୍ତିନି ଇଟାନା ଏଝାଣି କୁଡ଼ା ଏପିକିୟାଲି ଆନେ । ୨୯ ସାତା ଜାଣା ତାୟିୟାଁ ମାଚେରି; କାଜାସି ବାହା ଆହାନା କକାରି ପଦାଁ ଆଆନା ହାଡ଼େସି; ୩୦ ତାୟି ଏଝାଣି ଜେଚତାସି ଇଚିତେସି, ଅଡ଼େ ଏଝାଣି ଜେଚତାସି ଇଚିତେସି; ୩୧ ଏଲେକିହ ଏ ସାତା ଜାଣା ଜିକେଏ କକାରି ପଦାଁ ଆଆନା ହାଡ଼େରି । ୩୨ ତାୟି ଏ ଇୟା ଜିକେଏ ହାଡ଼େ । ୩୩ ଆତିହ ଖେଣ୍ଡେ ନିଜିନି ଦିନା ଏଝାରି ବିତ୍ତାଟି ଏ ଇୟା ଆମ୍ବାଆରି ତକ୍ତି ଆନେ ? ଇଚିହ ସାତା ଜାଣା ଜିକେଏ ଏଦାନି ଇଟାମାଚେରି ।”

୩୪ ଜୀସୁ ଏଝାରାଇଁ ଏଲେଇଚେସି, “ଇ ଦାରତିତି ଲକ୍ଷ୍ମୀ ବାହା କିନେରି ଅଡ଼େ ଆନେରି, ୩୫ ସାମା ଖାନି ଜୁଗୁତାକି ଇଞ୍ଜା ହାକିଟି ନିଜାଲିତାକି ପାଡ଼ା ଆନାରି ବାହା ଆଅରି କି ବାହା ହୀଅରି; ୩୬ ଇଚିହ ଏଝାରି ଦୂତୁୟାଲେହେଁ ଆହାନା ଏଚେଲାଖା

ହାଅରି, ଇଞ୍ଜା ହାକିଟି ନିଜାମାନାକି ଏଝାରି ମାହାପୁରୁତି ମୀରକା ଆନେରି । ୩୭ ସାମା ହାଡ଼ାରି ସାତେଏ ନିଜିନେରି ଇଞ୍ଜି ମସାଇଁ ଜିକେଏ ଝେହିମାନି ବୃଟାତି କାରୁତଲେ ନେହୁଁକ ତସାମାରେସି, ଇତିହୁଁ ଏଝାସି ପ୍ରବୁଇଁ ଅବ୍ରାହାମତି ମାହାପୁରୁ, ଇସାହାକତି ମାହାପୁରୁ ଅଡ଼େ ଜାକୁବତି ମାହାପୁରୁ ଇଞ୍ଜାମାରେସି । ୩୮ ଏଝାସି ହାଡ଼ାରି ମାହାପୁରୁ ଆଏ ସାମା ଜୀଝୁଗାଟାରି ମାହାପୁରୁ; ଇତିହୁଁ ମାହାପୁରୁ ନକିତା ବାରେଜାଣା ନୀତାମାନେରି ।”

୩୯ ଏମାଟିଏ ମେରାପୁନାରି ବିତ୍ରାତି ଏଚରଜାଣା ଏଲେଇଚେରି, “ହାଅ, ଗୁରୁ ନାନୁ ଅଜେ ଝେସ୍ତାତି ।” ୪୦ ଇତିହୁଁ ଏଝାଣାଇଁ ଅଡ଼େ ଏନାଆଁ ଝେଞ୍ଜାଲି ଏଝାରାକି ସାସା ହିଲାଆତେ ।

**କ୍ରୀସ୍ତ ଆମ୍ବାଆସି**

(ମାତି ୨୨:୪୧-୪୬; ମାର୍କ ୧୨:୩୫-୩୭)

୪୧ ଏମାଟିଏ ଜୀସୁ ଏଝାରାଇଁ ଝେଚେସି, କ୍ରୀସ୍ତ ଦାଝୁଦ ମୀରଏସି, ଲକୁ ଏନିକଁ ଏଲେଇନେରି ? ୪୨ ଇତିହୁଁ ଦାଝୁଦ ତାନୁଏ ପାରୁ ପତିତା ଏଲେଇଞ୍ଜି ମାନେସି,

ପ୍ରବୁ ନା ପ୍ରବୁଇଁ ଝେସ୍ତେସି,

୪୩ ନାନୁ ନୀ ସାଡୁୟାଣି ନୀ କତାୟାଁ ଡ଼ଇ ଇଟାଆ ପାତେକା,

ନାନୁ ନା ଚିଃନିଝାକି କୁଗାମାନାମୁ ।

୪୪ ଦାଝୁଦ ତାନୁଏ ଏଝାଣାଇଁ ପ୍ରବୁ ଇଞ୍ଜି ମାନେସି; ଆତିହୁଁ କ୍ରୀସ୍ତ ଏନିକଁ ଏଝାଣି ମୀରଏସି ?

**ମେରାପୁନାରି ତାଣାଟି ଜାଗ୍ରାତା**

(ମାତି ୨୩:୧-୩୬; ମାର୍କ ୧୨:୩୮-୪୦)

୪୫ ତାୟୁ ବାରେ ଲକୁ ନକିତା ସୀସୁୟାଁଇଁ ଝେସ୍ତେସି, ୪୬ “ମେରା ଜାପୁନାରି ତାଣାଟି ଜାଗ୍ରାତା ! ଇତିହୁଁ ଏଝାରି ଲାମ୍ବା ଲାମ୍ବା ହିମ୍ବରିକା ହୁଗାନା ତିରଝିହିଁ ରେଜାଲି, ଅଡ଼େ ହାଟା ବାଜାରାତା ଜହରା ବେଟାଆହାଲି, ପ୍ରାଡ଼ାନା ଇଲକାଣା ନେହୁଁ ନେହୁଁ

କୁଚୁଁୟାଁ ଅଡ଼େ ବଜିତା ନେହୁଁ ଟାୟୁ ବେଟାଆହାଲି ଅଣ୍ପିନେରି; ୪୭ ଏଝାରି ରାଣ୍ଠେଣିସିକା ଇଲୁ ସେହିନେରି ଅଡ଼େ ଉଜେ ଉଜେଏ ଲାମ୍ବା ଲାମ୍ବା ପ୍ରାଡ଼ାନା କିନେରି; ଏଝାରି ହାରେକା ତଣ୍ଡ ବେଟାଆନେରି ।”

**୨୧**

**ରାଣ୍ଠେଣିନି ଦାନା**  
(ମାତି ୧୨:୪୧-୪୪)

୧ ଏତିବେଲା ଦନଗାଟାରି ଦାନା ପେଡ଼ାତା ତାମି ଦାନା ମେଡ଼ହି ମାତାଣି ଜୀସୁ ସିନକିହିମାରେସି, ୨ ଅଡ଼େ ର କାର୍ମାଗାଟି ରାଣ୍ଠେଣି ଝାହାନା ଏମ୍ବାଆଁ ରା ଉଣା ତାମ୍ବାତି ଆଦଲି ମେଡ଼ହାଣି ମେସାନା ଏଲେଇଚେସି, ୩ “ନାନୁ ମିଜ ସାତା ଝେସିମାଞ୍ଜାଇଁ ଇ କାର୍ମାଗାଟି ରାଣ୍ଠେଣି ଗାଡ଼ି ଦାନା ହାହାମାନେ, ୪ ଇତିହୁଁ ଦନ ଗାଟାରି ତାମି ଗାଡ଼ି ଦନଟି ଇଚାଣି ତାଚାନା ବେଟୁ ହାହାମାନେରି, ସାମା କାର୍ମାଗାଟି ରାଣ୍ଠେଣି ତାନି ହିଲାଆବେଲାତା ତାଙ୍ଗେ ନୀତାଲିତାକି ଏନାୟି ମାତେ ଏ ବାରେ ହାହାମାନେ ।”

**ମାହାପୁରୁ ଇଲୁ ନସ୍ତ ଆନି କାତା**  
(ମାତି ୧୪:୩-୧୪; ମାର୍କ ୧୩:୩-୧୩)

୫ ଅଡ଼େ ଆମ୍ବା ଆମ୍ବାଆରି ମାହାପୁରୁ ଇଲୁ ଅଜି ଅଜିତି ଝାଲକା ଅଡ଼େ ଦାନା ହାନାଣି ତଲେ ଅଜିକଁ ଆଜାମାନେ ଇଞ୍ଜି ଇଞ୍ଜାଲିଏ ଜୀସୁ ଏଲେଇଚେସି, ୬ “ମୀରୁ ନୀଏଁ ଏନା ଏନାଆଁ ମେସିମାଞ୍ଜେରି, ଦିନା ଝାନେ, ଏତିବେଲା ର ଝାଲି ଅର ଝାଲି ଲାକ ଡ଼ୟେଏ, ଇ ବାରେ ମେଣ୍ଟାହାନେ ।”

**କସ୍ତ ଅଡ଼େ ନିନ୍ଦା ଝାନି କାତା**  
(ମାତି ୨୪:୩-୧୪; ମାର୍କ ୧୩:୩-୧୩)

୭ ଏତିବେଲା ଏଝାରି ଏଝାଣାଇଁ ଝେଚେରି, “ଏ ଗୁରୁ ଆତିହୁଁ ଇ ବାରେ ଏବେଲା ଆନେ ? ଇଞ୍ଜା ଇ ବାରେ ଆମିନି ବେଲାତା ଆନେ, ଏ ବେଲାତି ସିନା ଏନାୟି ?”

୮ ଜୀସୁ ଏଲେଇଚେସି, “ଜାଗ୍ରାତା ମୀରୁ ଏନିକଁ ଆନ୍ଦା ଆଅତେରି;



ଇଚିହଁ ହାରେକା ନା ଦରୁଚି ଖାହାନା  
 ନାନୁ ଏଞ୍ଜାତେଏଁ ଅଡ଼େ ଏ ଦିନା  
 ଏଦାତେୟିଏ ଇଞ୍ଜଁ ଇଞ୍ଜାନେରି;  
 ଏଞ୍ଜାରି ଜେଚ ହାଲାଆଦୁ ।<sup>୯</sup> ଇଞ୍ଜା ମୀରୁ  
 ଏଚେତା ଜୁଜୁ ଇଞ୍ଜା ଫେଲି ଆହିମାନାଣି  
 ଖେଚିସାରେ ଆଜାଆଦୁ; ଏନିଇଚିହଁ  
 ଇ ବାରେ ନଚେଏ ଆୟାଲି ଆନେ,  
 ଆଡ଼ିଜିକେଏ ଏଚିବେଲା ଜୁଗୁ ରାଏ ।”

୧୦ ତାୟୁ ଏଞ୍ଜାରାଇଁ ଏଲେଇଚେସି,  
 “ଦେସା କପାଟି ଦେସା, ରାଜି କପାଟି  
 ରାଜି ଫେଲି ନିଜନେ, <sup>୧୧</sup> ଇଞ୍ଜା ଇମ୍ପାଆଁ  
 ଏମ୍ପାଆଁ ବୁନି ଖୀତିନେ, ହାରେକା  
 ଚାୟୁତା ମରଡ଼ି ଇଞ୍ଜା କାରୁଧୁ ଖୀନେ,  
 ଅଡ଼େ ହାଗୁ ପାକାତା ଆଜିହପେତି  
 ସିନାୟାଁ ତଞ୍ଜା ଆନୁ । <sup>୧୨</sup> ସାମା ଇ ବାରେ  
 ଆଆ ନଚେଏ ଲକୁ ମିଜେ ଆସାନା ନା  
 ଦରୁ ତାକି ନିୟା କିହାନା ଜୀହୁଦି ଲକୁତି  
 କୁଚମି ଇଲକାଣା\*, କାୟିଦି ଇଲକାଣା,  
 ରାଜା ଇଞ୍ଜା ନୀହାୟି କିନାରି ତାଣା  
 ହେରପାନେରି; <sup>୧୩</sup> ଇଦି ମିଜେତାକି  
 ସାକି ଆନେ । <sup>୧୪</sup> ଇଞ୍ଜା ଏନାଆଁ ଜଲିଇଁ  
 ଏନାଆଁ ଖେହଇଁ ଇଞ୍ଜଁ ତଲିଏ ମନତା  
 ଅଣ୍ପାଆଦୁ; <sup>୧୫</sup> ଏନାଆଁତାକି ଇଚିହଁ  
 ମୀ ସାତୁୟାଁ ମିଜେ ଖେଣ୍ଡେ ଜଲାଇଲି  
 କି ଖେସାଲି ଆଡାଆପେରିଞ୍ଜା ଇଞ୍ଜଁ  
 ନାନୁ ମିଜେ ଏଚିବେଲାତା ନେହଁ  
 ବୁଦି ଅଡ଼େ ସୁଞ୍ଜା ହିୟାଇଁ । <sup>୧୬</sup> ସାମା  
 ମୀ ତାଲି ତାଞ୍ଜି ତାୟିୟାଁ ସାମାୟିୟାଁ  
 ଇଞ୍ଜା ମୀ ତରେସିଜା ଜିକେଏ ମିଜେ  
 ହେରପାନେରି, ଅଡ଼େ ମୀ ବିତ୍ରାଟି ଆମ୍ବା  
 ଆମ୍ବାଆରାଇଁ ଇରହାନା ପାୟିନେରି,  
<sup>୧୭</sup> ଇଞ୍ଜା ନା ଦରୁ ତାକି ବାରେ ଲକୁତାଣା  
 ଲାଜା ବେଗାଆଡ଼େରି ଅଡ଼େ ଅପଅରି ।  
<sup>୧୮</sup> ସାମା ମୀ ତାୟିଁ ହୁଁ ର ବାଣା ଜିକେଏ  
 ନସ୍ତ ଆଏ; <sup>୧୯</sup> ଅରହିନି ତାଣାଟି ମୀରୁ ମୀ  
 ଜୀଞ୍ଜୁତି ଗେଲପିକିହା କତିଦେରି ।”

ଜିରୁସାଲମ ନାସା ଆନି କାତା  
 (ମାତି ୨୪:୧୫-୨୧; ମାର୍କ ୧୩:୧୪-  
 ୧୯)

<sup>୨୦</sup> “ସାମା ମୀରୁ ଏଚିବେଲା ସାତୁୟାଁ  
 ଜିରୁସାଲମ ଗାଡ଼ାତା ମୁଗାମାନାଣି  
 ମେହଦେରି, ଏଚିବେଲା ଏଦି ନାସା  
 ଆନି କାଲା ଏଦାତେ ଇଞ୍ଜଁ ପୁଞ୍ଜୁ ।  
<sup>୨୧</sup> ଏଚିବେଲା ଏମିନିଗାଟାରି ଜୀହୁଦା  
 ଦେସାତା ମାନେରି, ଏଞ୍ଜାରି ହରକାଣା  
 ହଣ୍ପାରି; ଇଞ୍ଜା ଏମିନିଗାଟାରି  
 ଗାଡ଼ା ବିତ୍ରା ମାନେରି, ଏଞ୍ଜାରି ହଚା  
 ହାଲବେରି; ଏମିନିଗାଟାରି ନାସକାଣାଁ  
 ମାନେରି, ଏଞ୍ଜାରି ଗାଡ଼ାତା ହଡ଼ଆପେରି;  
<sup>୨୨</sup> ଏନିଇଚିହଁ ମାହାପୁରୁ ପତିତା  
 ରାସକି ଆହାମାନି ବାରେ କାତାଲେହେଁ  
 ଆୟାଲିତାକି ଏଦି ତଣ୍ଡ ହାନି କାଲା  
 । <sup>୨୩</sup> ଆୟତା ଏଚିବେଲା ପୁରାମାସା  
 ଆହାମାନୁ କି ପାଲୁ ଉଚ୍ଚିମାନୁ ଏଞ୍ଜି  
 ଉଣେଏ କସ୍ତ ପାଣ୍ଡୁକି ! ଏନିଇଚିହଁ  
 ଏଚିବେଲା ଇ ଦାରତିତା କାଜା ତଣ୍ଡ  
 ଅଡ଼େ ଇ ଲକୁତାକି ମାହାପୁରୁତି କପା  
 ଆନେ, <sup>୨୪</sup> ଏଚରଜାଣା କାଣ୍ଡାତଲେ  
 ଚୁଣ୍ଡି ଆନେରି, ଇଞ୍ଜା ଏଚର ଜାଣାଇଁ  
 ଦସ୍ପି କିହାଁ ଏଚକା କୁଡାତି ଲକୁତାଣା  
 ଅନେରି, ଇଞ୍ଜା ଏଚକା ଜାଡ଼ିତି ଲକୁତି  
 କଲା ଏଆ ପାତେକା ଏଞ୍ଜାରି କତାୟାଁ  
 ତୁଇ ଜିରୁସାଲମ ଗାଡ଼ା ଖିସ୍ପିଆହଁ  
 ତୟିନେ ।”

ମାଣସି ମୀରୁଏସି ଖେଣ୍ଡା ଖାନାୟି  
 (ମାତି ୨୪:୨୯-୩୧; ମାର୍କ ୧୩:୨୪-  
 ୨୭)

<sup>୨୫</sup> \*“ଏମ୍ପାଟିଏ ଖେଡ଼ା ଲେଞ୍ଜୁ ଅଡ଼େ  
 ହୁକାୟାଁ ବିତ୍ରାଟି ଏନି ଏନି ସିନାୟାଁ  
 ତଞ୍ଜାଆନେ, ସାମଦୁରି ଗାଜିନାଣି  
 ଇଞ୍ଜା ଏୟୁ ନିଜିନାଣି ମେସାନା ଦାରତିତି  
 ବାରେ ଦେସାତି ଲକୁ ଆଡାଜାକା  
 ଆନେରି, <sup>୨୬</sup> ଇଞ୍ଜା ଦାରତିତା ଏନା  
 ଏନାୟି ଗଚଞ୍ଜି ଆହିମାନେ ଇଞ୍ଜଁ  
 କାଟାନା ଲକୁ ଆଜିତାକି ଜୀଞ୍ଜୁ  
 ପିସ୍ତିଲେହେଁ ଆନେରି, ଏନିଇଚିହଁ  
 ହାଗୁ ପାକାତି ବାଡ଼ୟୁ ବାରେ ଖୀତିନେ ।  
<sup>୨୭</sup> \*ଏଚିବେଲା ମାଣସି ମୀରୁଏସି କାଜା  
 ବାଡ଼ୟୁ ଅଡ଼େ ଗାଞ୍ଜୁରିମି ତଲେ ହାଗୁ

\* ୨୧:୧୨ ୨୧:୧୨ ସିନଗର୍ଣ୍ଣ \* ୨୧:୧୪ ୨୧:୧୪ ଲୁକ ୧୨:୧୧,୧୨ \* ୨୧:୨୫ ୨୧:୨୫ ଖେ ବଲୁ ୭:୧୨,୧୩  
 \* ୨୧:୨୭ ୨୧:୨୭ ଖେ ବଲୁ ୧:୭

ଲୀକତି ଦୂୟାତି ଖାନାଣି ମେହଦେରି । ୨୮ ସାମା ଇ ବାରେ ଗଟ୍ଠି ଆୟାଲି ମାଟ୍‌ହସାରେ ମୀରୁ ଲୀକ ସିନିକିଦୁ ଏନିଇତିହୁଁ ମିଙ୍ଗେ ଗେଲ୍‌ପିନି କାତା ଏଜିମାଞ୍ଜାନେ ।”

ତୟା ମାରୁନୁଟି ଜାପିନାୟି

(ମାତି ୨୪:୩୨-୩୫; ମାର୍କ ୧୩:୨୮-୩୧)

୨୯ ଅଡେ ଜୀସୁ ଏଞ୍ଜରାଇଁ ର ପୁଣ୍ଠିକିନି କାତା ଖେସେସି, “ତୟା ମାରୁନୁ ଅଡେ ବାରେ ମାରୁକାଣି ସିନିକିଦୁ; ୩୦ ଏତିବେଲା ଏଞ୍ଜି ଗଞ୍ଜେଡି ଗାଲ୍‌ନୁ, ଏ ଗଞ୍ଜେଡି ଗାଲ୍‌ନାଣି ମେସାନା କାରା ଖେଡ଼ା ଖାଡେ ଇଞ୍ଜିଁ ମୀରୁ ପୁଞ୍ଜେରି; ୩୧ ଏଲେକିହୁଁ ଏ ମୀରୁ ଇ ବାରେ ମେସାନା ମାହାପୁରୁତି ରାଜି ଏଜିମାଞ୍ଜାନେ ଇଞ୍ଜିଁ ପୁଞ୍ଜେରି ।”

୩୨ “ନାନୁ ମିଙ୍ଗ ସାତା ଖେସିମାଞ୍ଜାଇଁ, ଇ ବାରେ ଆଆପାତେକା ଇ କାଲୀତି ଲକୁ ଏନିଜିକେଏ ମେଣ୍‌ଜାଅରି । ୩୩ ହାଗୁପାକା ଦାରତି ବାରେ ମେଣ୍‌ଜାନେ, ସାମା ନା ବଲୁ ଏତେଲାଖା ମେଣ୍‌ଜାତ ।”

କାଟିହୁଁ ମାନାୟି

(ମାତି ୨୪:୩୨-୪୪; ମାର୍କ ୧୩:୩୨-୩୭)

୩୪ “ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ, ଆଆତିହୁଁ ତିନାଣି ଉନାଣି ଅଡେ ବାଡକିନି ଅଣ୍‌ପୁ ମା ହିୟାତା ନେଞ୍ଜିନେ ଅଡେ ଏ ଦିନା ଦେବୁଣିଏ ପାନ୍ଦାଲେହେଁ ମୀ ମୁହେଁ ଖାନେ; ୩୫ ଏନିଇତିହୁଁ ଏଦି ପାନ୍ଦା ଲେହେଁ ଦାରତିତି ବାରେ ଜାଡିତି ଲକୁ ମୁହେଁ ଖାନେ । ୩୬ ସାମା ମୀରୁ ଏନିକିଁ ଇ ବାରେ ଖାହିମାନି ଡଣ୍ଡି ଗେଲ୍‌ପି ଆହାଲି ଅଡେ ମାଣସି ମୀରୁଏଣି ନକିତା ନିତାଲି ଆଡିଦେରି, ଏଦାଆଁତାକି ବାରେବେଲା କାତାନା ପ୍ରାତାନା କିହେମାଞ୍ଜୁ ।”

୩୭ ☆ଜୀସୁ ଏତିବେଲା ପ୍ରାତାନା ଇଲୁତା ଜାପ୍‌ହି ମାଚେସି, ଇଞ୍ଜା ଲାଆଁୟାଁ

ଗାଡ଼ାଟି ହଡ଼ା ହାଜାନା ଜୀତ ଇନି ହରୁତା ମାଣ୍‌ସିତେସି । ୩୮ ଅଡେ ବାରେ ଲକୁ ପ୍ରାତାନା ଇଲୁତା ଜୀସୁ କାତା ଖେଞ୍ଜାଲି ଲାଲ୍ ଲାଇସିଏ ରୁଣ୍ଡା ଆହିମାଚେରି ।

## ୨୨

ଜୀସୁଇଁ ପାୟାଲି ପାରୁ ପାରିନାୟି

(ମାତି ୨୪:୧-୫; ମାର୍କ ୧୪:୧,୨; ଜହ ୧୧:୪୫-୫୩)

୧ ପିସପିଆନି ପାରୁଁ ଦରୁଗାଟି ପୁଲାଏୟୁ ଆଣ୍ଡାଆତି ରୁଟି ତିନି ପାରୁଁ ତାଗେ ଆହିମାଚେ । ୨ ଇଞ୍ଜା କାଜା ପୂଜେରା ଅଡେ ମେରାପୁନାରି, ଜୀସୁଇଁ ଏନିକିଁ ପାୟାଲି ଆଡିନେରି, ଏଦାଆଁତାକି ପାରୁ ପାରିମାଚେରି, ସାମା ଏଞ୍ଜାରି ଲକୁଣି ଆଜିମାଚେରି ।

ଜୀହୁଦା ଜୀସୁଇଁ ଆସପି କିହାଲି ରାଜି ଆନାୟି

(ମାତି ୨୬:୧୨-୨୬; ମାର୍କ ୧୪:୧୦,୧୧)

୩ ଏତିବେଲା ବାରଜାଣା ସୀସୁୟାଁ ବିତ୍ରାମାନି ଇସ୍‌ପାରିୟତ ଦରୁଗାଟି ଜୀହୁଦା ହିୟାତା ସୟତାନ ହଚେ; ୪ ଅଡେ ଜୀହୁଦା ହାଜାନା ଏନିକିଁ କାଜା ପୂଜେରାଞ୍ଜା ଅଡେ ମାହାପୁରୁ ଇଲୁ କାପୁଗାଟି କାଜାରି କେୟୁତା ଆସପି କିନେସି, ଏଦାଆଁତାକି ଏଞ୍ଜାରିତଲେ କାତାବାତା ଆଡେସି । ୫ ଏମ୍‌ପାଟିଏ ଏଞ୍ଜାରି ରାହାଁ ଆହାନା ଏଞ୍ଜାଣାକି ଟାକାୟାଁ ହୀହାଲି ଆଞ୍ଜିତେରି । ୬ ଅଡେ ଜୀହୁଦା ରାଜି ଆହାନା ଲକୁ ହିଲାଆବେଲାତା ଜୀସୁଇଁ ଏଞ୍ଜାରି କେୟୁତା ହେର୍‌ପାଲି ପାରୁ ପାରୀତେସି ।

ପିସପିଆନି ପାରୁଁତି ବଜି ତିୟାରା କିନାୟି

(ମାତି ୨୬:୧୭-୨୫; ମାର୍କ ୧୪:୧୨-୨୧; ଜହ ୧୩:୨୧-୩୦)

୭ ତାୟୁ ଆମିନି ଦିନା ପୁଲାଏୟୁ ଆଣ୍ଡାଆତି ରୁଟି ତିନି ପିସପିଆନି ପାରୁଁତାକି ମେଣ୍ଡା ତାଲ୍‌କାଣି ପୂଜା କିନି ଦିନା ଏଡେ; ୮ ଏତେଟିଏ ଜୀସୁ

ପିତର ଅଡ଼େ ଜହନଇଁ ଇ କାତା ୱେସା ପାଣ୍ଡିତେସି, “ମୀରୁ ହାଜାନା ମାଜେତାକି ପିସ୍ପିଆନ୍ତି ପାର୍ବୁତାକି ରାନ୍ଦା ୱାଜାଦୁ ମାର ତିନଝା ।”

୯ ଏମ୍ବାଟିଏ ଏଞ୍ଜାରି ଜୀସୁଇଁ ୱେରେରି, “ମାମ୍ବୁ ଆମ୍ବିୟା ହାଜାନା ରାନ୍ଦା ୱାଜିହାଲାପାରି ଇଞ୍ଜି ନୀନୁ ଅଣ୍ପିମାଞ୍ଜି ?”

୧୦ ଏଞ୍ଜାସି ଏଞ୍ଜାରାଇଁ ଏଲେଇରେସି, “ମୀରୁ ଗାଡ଼ା ହଟିସାରେ ତୁକାତା ଏମ୍ବୁ ଅହିମାନାଣାଇଁ ମେହ୍‌ଦେରି; ଏଞ୍ଜାଣି ଜେତ ଜେତ ହାଜାନା ଏଞ୍ଜାସି ଆମିନି ଇଜ ହଡ଼ନେସି ଇଲୁ ଗାଗାଣାଇଁ ୱେହ୍‌ଦୁ, ୧୧ ଗୁରୁ ନିଙ୍ଗ ଇଲେଇଞ୍ଜି ୱେସା ପାଣ୍ଡାମାଞ୍ଜାନେସି, ନାନୁ ନା ସୀସୁୟାଁ ତଲେ ପିସ୍ପିଆନ୍ତି ପାର୍ବୁତି ବଜି ଏମିନି ଇଲୁତା ତିଇଁ ଏ ବାକ୍ସା ଆମିନାୟି ତସ୍ତାମ୍ବୁ ? ୧୨ ଏମ୍ବାଟିଏ ଏଞ୍ଜାସି ନେହ୍ ତିୟାରା ଆହାମାନି ଲାକନି ପାରୁତି ର କାଜା ବାକ୍ସା ତସ୍ତାନେସି; ଏମ୍ବାଆଁ ମାଜେତାକି ରାନ୍ଦା ୱାଜାଦୁ ।”

୧୩ ଏଞ୍ଜାରି ହାଜାନା ଜୀସୁ ଏଞ୍ଜାରାଇଁ ଏନିକ୍ ୱେସାମାରେସି, ଏଲେକ୍ ମେସାନା ପିସ୍ପିଆନ୍ତି ପାର୍ବୁତି ରାନ୍ଦା ୱାଜିତେରି ।

ପ୍ରବୁତି ବଜି

(ମାତି ୨୭:୨୭-୩୦; ମାର୍କ ୧୪:୨୨-୨୬; ୧କର ୧୧:୨୩-୨୫)

୧୪ ପିସ୍ପିଆନ୍ତି ପାର୍ବୁତି ବେଲା ଆୟାଲିଏ, ଜୀସୁ ଅଡ଼େ ତାନି ପାଣ୍ଡି ଆଡ଼ି ସୀସୁୟାଁ ତଲେ ତିଞ୍ଜାଲି କୁଗିତେରି । ୧୫ ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇରେସି, “ନାନୁ ଦୁକୁ କସ୍ ପ୍ଲୁଃଆ ନବେଏ ମୀ ତଲେ ଇ ପିସ୍ପିଆନ୍ତି ପାର୍ବୁତି ବଜି ତିଞ୍ଜାଲି ହାରେକା ଅଣ୍ପାମାରେସି ! ୧୬ ଏନିକ୍‌ତିହ୍ ନାନୁ ମିଜେ ୱେସିମାଞ୍ଜାଇଁ, ମାହାପୁରୁ ରାଜିତା ଇ କାତା ବାରେ ପୁରା ଆଆଁପାତେକା ନାନୁ ଅଡ଼େ ଏରେଲାଞ୍ଜା ଏଦାଆଁ ତିନଅଁ ।”

୧୭ ଇଞ୍ଜା ଏଞ୍ଜାସି ର ସଲା ଆସାନା ମାହାପୁରୁଇଁ ଜହରା କିହାନା ଏଲେଇରେସି, “ମୀରୁ ଇଦାଆଁ ଅହାନା ମୀ ବିତ୍ରା ବାଟିକିଦୁ । ୧୮ ଇତିହ୍ ନାନୁ ମିଜେ ୱେସିମାଞ୍ଜାଇଁ, ମାହାପୁରୁ ରାଜି ୱାଆ ପାତେକା ନାନୁ ନୀଞ୍ଜୁଟିଏ ଅଞ୍ଜୁରି ରାସା ଏରେଲାଞ୍ଜା ଗହଅଁ ।”

୧୯ ଅଡ଼େ ଏଞ୍ଜାସି ରୁଟି ଅହାନା ମାହାପୁରୁଇଁ ଜହରା କିହାଁ ତିକ୍‌ହାନା ହାହାଁ ଏଲେଇରେସି, “ମିଜେତାକି ହୀପକି ଆହାମାନି ନା ଆଙ୍ଗା ଇଦି; ନାଜେ ଅଣ୍ପାଲି ଇଦାଆଁ କିଦୁ ।”

୨୦ ଏଲେକିହ୍ ଏ ତିତି ତାୟୁ ଏଞ୍ଜାସି ଗହନି ସଲା ଆସାନା ଏଲେଇରେସି, “ଇ ସଲାତା ମିଜେତାକି ୱାକ୍‌ହିମାନି ନା ନେତେରିତି ପୁଃନି ରାଜିମାନା ।”

୨୧ “ସାମା ମେହ୍‌ଦୁ ଆମ୍ବାଆସି ନାଜେ ସାତୁ କେୟୁତା ହେରପିମାଞ୍ଜାନେସି, ଏଞ୍ଜାସି ନା ତଲେ ବଜିତା କୁଗାମାନେସି । ୨୨ ଏନିକ୍‌ତିହ୍ ମାହାପୁରୁ ତୀରି କିହାମାଟି ଲେହେଁ ମାଣ୍ଡସି ମୀରଏସି ହାନ୍‌ନେସି, ସାମା ଏଞ୍ଜାଣାଇଁ ସାତୁ ତାଣା ହେରପିନେସି ଆୟଡ଼ା ଏଞ୍ଜାସି ଉଣେଏ ତଣ୍ଡ ବେଗା ଆନ୍‌ନେସି ।”

୨୩ ଏମ୍ବାଟିଏ ଏଞ୍ଜାରି ମା ବିତ୍ରାଟି ଆମ୍ବାଆସି ଇଲେତି କାମା କିନେସି ଇଞ୍ଜି ତାମ୍ବୁତାମ୍ବୁ ଜଲ୍‌କି ଆଡ଼େରି ।

ଆମ୍ବାଆସି କାଜାସି ଇଞ୍ଜି ବାଦିବାଦା

୨୪ ଇଞ୍ଜା ଏଞ୍ଜାରି ବିତ୍ରାଟି ଆମ୍ବାଆସି କାଜାସି ଆନ୍‌ନେସି ଇଞ୍ଜି ସୀସୁୟାଁ ବିତ୍ରା ଆସ୍ପି ଆଡ଼େରି । ୨୫ ଏମ୍ବାଟିଏ ଜୀସୁ ଏଞ୍ଜାରାଇଁ ଏଲେଇରେସି, “ଏଟକା କୁଡ଼ାତି ରାଜାୟାଁ ଏଞ୍ଜାରି ମୁହେଁ ସାଲ୍‌ଞ୍ଜି କିନେରି, ଅଡ଼େ ଆମିନି ଗାଟାରି ଏଞ୍ଜାରାଇଁ ସାଲ୍‌ଞ୍ଜି କିନେରି, ଏଞ୍ଜାରି ଲକୁତାଣା ନେହାଁରି ଇଞ୍ଜି ୱେଙ୍ଗାଲି ଅଣ୍ପିନେରି । ୨୬ ସାମା ମୀ ବିତ୍ରା ଏଲେଆଆଦୁ ଇତିହ୍ ମୀ ବିତ୍ରା

☆ ୨୨:୨୪ ୨୨:୨୪ ମାତି ୧୮:୧; ମାର୍କ ୯:୩୪; ଲୁକ ୯:୪୬  
☆ ୨୨:୨୭ ୨୨:୨୭ ମାତି ୨୦:୨୫-୨୭; ମାର୍କ ୧୦:୪୨-୪୪

☆ ୨୨:୨୭ ୨୨:୨୭ ମାତି ୨୩:୧୧; ମାର୍କ ୯:୩୫

ଆତ୍ମାଆସି କାଜାସି ଏଝାସି ଉଣା ଆପେସି, ଇଞ୍ଜା ଆତ୍ମାଆସି ସାଲଝି କିନାସି ଏଝାସି ସେବା କିନାସି ଆପେସି । ୨୭ \*ଆତ୍ମାଆସି କାଜାସି ? ତିଞ୍ଜାଲି କୁଗିନାସି କାଜାସି କି ସେବା କିନାସି କାଜାସି ? ତିଞ୍ଜାଲି କୁଗିନାସି କାଜାସି ଆସକି ? ସାମା ନାନୁ ମୀ ବିତ୍ରା ସେବା କିନାତେଏଁଲେହେଁ ଆହାମାଇଁ ।”

୨୮ “ସାମା ମୀରୁ ନା ବାରେ କସ୍ତତା ନା ତଲେ ମାଞ୍ଜାମାଞ୍ଜେରି; ୨୯ ଇଞ୍ଜା ନା ଆବା ଏନିକିଁ ନାଞ୍ଜେ ସାଲଝି କିହାଲି ପାଣା ହାହାମାଞ୍ଜାନେସି, ନାନୁ ଜିକେଏ ଏଲେକିହଁଏ ମିଜେ ହିୟାଇ, ୩୦ \*ଏନିକିଁ ମୀରୁ ନା ରାଜିତା ନା ତଲେ କୁଗାନା ତିଞ୍ଜେରି, ଇଞ୍ଜା ସିଂଗାସାଣିତା କୁଗାନା ଇସ୍ତାୟେଲତି ବାର କୁଡ଼ାତି ସାଲଝି କିଦେରି ।”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜିଁ ଝେହ୍ନି କାତା

(ମାତି ୨୬:୩୧-୩୫; ମାର୍କ ୧୪:୨୭-୩୧; ଜହ ୧୩:୩୬-୩୮)

୩୧ “ସିମନ, ସିମନ ମେହ୍ନୁ ସୟତାନ ଗହଁ ହାଣିକିନିଲେହେଁ ସୟତାନ ମାହାପୁରୁ ତାଣାଟି ହେଲ ବେଟାଆହାମାନେ; ୩୨ ସାମା ନୀ ନାନୁ ଏନିକିଁ ମେଣ୍ଡେଏ, ଇଦାଆଁତାକି ନାନୁ ନୀ ତାକି ପ୍ରାତାନା କିତେଏଁ; ଇଞ୍ଜା ନାନୁ ନେହଁ ଆହାନା ଝେଣ୍ଡାସାରେ ନୀ ତାୟିୟାଣି ତୀରପୁକିମୁ ।”

୩୩ ସାମା ପିତର ଏଲେଇଚେସି, “ଏ ପ୍ରବୁ ନାନୁ ନୀ ତଲେ କାୟିଦିତା ହାଜାଲି ଅଡ଼େ ହାହାଲି ଜିକେଏ ଆଣ୍ଡାଇଁ ।”

୩୪ ସାମା ଜୀସୁ ଏଲେଇଚେସି, “ଏ ପିତର ନାନୁ ଏଲେଇଞ୍ଜିମାଞ୍ଜାଇଁ, ନୀଞ୍ଜୁ କୟୁ କେଣିଆ ନକେଏ ନାନୁ ନାଞ୍ଜେ ତାନିପାଲି ପୁଞ୍ଜାହିଲଅଁ ଇଞ୍ଜିଁ ଝେହ୍ନି ।”

ଟାକାୟାଁ ମଣା ଅଡ଼େ କାଣ୍ଡା

୩୫ \*ଜୀସୁ ଏଝାରାଇଁ ଏଲେଇଚେସି, “ଏଚିବେଲା ନାନୁ ମିଜେ ତାରୁୟାଁ ମଣା

ଇଞ୍ଜା ସେପୁୟାଁ ଅଆନା ହାଜୁ ଇଞ୍ଜିଁ ପାଣ୍ଡା ମାଞ୍ଜାତେଏଁ ଏ ବେଲା ମିଜେ ଏନାୟି ଉଣା ଆୟାତେକି ?” ଏଝାରି ଏଲେଇଚେରି, “ଏନାୟି ଆଏ ।”

୩୬ ଏମ୍ବାଟିଏ ଜୀସୁ ଏଲେଇଚେସି, “ସାମା ନୀଏଁ ଆତ୍ମାଆରାକି ତାରୁୟାଁ ମାନୁ ଏଝାସି ଏଝାଆଁ ଅପେସି, ଏଲେକିହଁଏ ମଣା ଜିକେଏ ଅପେସି, ଅଡ଼େ ଆତ୍ମାଆରାକି କାଣ୍ଡା ହିଲେଏ ଏଝାସି ତାନି ହିମ୍ବୁରି ପାରତାନା କତାପେସି । ୩୭ ଇଚିହଁ ନାନୁ ମିଜା ଝେସିମାଞ୍ଜାଇଁ, ମାହାପୁରୁ ପତିତା ରାୟକି ଆହାମାନାୟି ସାତେଏ ନାଞ୍ଜେତାକି ଆନାୟି ମାନେ, ଏଝାସି ପାପୁ ଗାଟାରି ତଲେ ଲେକା ଆନେସି, ଏଲେଆହଁଏ ଏ ବାରେ ନାଞ୍ଜେ ଏଜାତାତିମାନେ ।”

୩୮ ଏମ୍ବାଟିଏ ଏଝାରି ଏଲେଇଚେରି, “ଏ ପ୍ରବୁ ଇମ୍ବାଆଁ ରୀ କାଣ୍ଡା ମାନୁ ।” ଇଞ୍ଜା ଏଝାସି ଏଲେଇଚେସି, “ହାଅ, ଏଝିଏ ସାରି ଆନୁ ଇଚେସି ।”

ଜୀସୁ ଜୀତ ହରୁତା ପ୍ରାତାନା କିନାୟି (ମାତି ୨୬:୩୬-୪୬; ମାର୍କ ୧୪:୩୨-୪୨)

୩୯ ଏଝାସି ଗାଡ଼ାଟି ହଟା ହାଜାନା ତାନୁ ହାଲଝିତିଲେହେଁ ଜୀତ ହରୁତା ହାଚେସି, ଅଡ଼େ ସୀସୁୟାଁ ଜିକେଏ ଏଝାଣି ଜେଚ ହାଚେରି । ୪୦ ଏମ୍ବାଆଁ ଏଜାନା ଏଝାସି ତାନି ସୀସୁୟାଁଇଁ ଝେସ୍ତେସି, “ମୀରୁ ଏନିକିଁ ପାନ୍ଦାତା ହେରଝି ଆଅତେରି, ଇଦାଆଁତାକି ପ୍ରାତାନା କିମୁ ।”

୪୧ ଅଡ଼େ ଏଝାସି ଏଝାରି ତାଣାଟି ହିରେ ହେକ ହାଜାନା ମେଣ୍ଡାକୁତାନା ପ୍ରାତାନା କିହଁ ଝେସ୍ତେସି, ୪୨ “ଏ ଆବା ନୀନୁ ମନ କିତିହଁ ଇ ଦୁକୁ କସ୍ତ ନା ତାଣାଟି ଗୁଚି କିମ୍ବୁ; ସାମା ନା ମନ କଡ଼େ ଆଏ ନୀ କାତେଏ ଆପେ ।” ୪୩ ଅଡ଼େ ଲାକପୁରୁତି ର ଦୂତୁ ତଞ୍ଜାଆହାନା ଏଝାଣାକି ବାଡ଼ୁୟାଁ ହୀତେ । ୪୪ ଏଚେଟିଏ ଏଝାସି ହାରେକା ଦୁକୁ ତଲେ ଅଡ଼େ ଗାଡ଼ିକିହଁ ପ୍ରାତାନା କିତେସି, ଇଞ୍ଜା

☆ ୨୨:୨୭ ୨୨:୨୭ ଜହ ୧୩:୧୨-୧୫ ☆ ୨୨:୩୦ ୨୨:୩୦ ମାତି ୧୯:୨୮ ☆ ୨୨:୩୫ ୨୨:୩୫ ମାତି ୧୦:୯,୧୦; ମାର୍କ ୭:୮,୯; ଲୁକ ୯:୩; ୧୦:୪

ଏଞ୍ଜାଣି ଗାମା ନେତେରିଲେହେଁ ବୁଫିତା ତରଗିମାତେ ।

୪୫ ଅଡ଼େ ଏଞ୍ଜାସି ପ୍ରାତାନାଟି ନିଜା ଖାହାନା ତାନି ସୀସୁୟାଣି ଦୁକୁ ତଲେ ଇଦା କିତାଣି ମେସ୍ତେସି; ୪୬ ଇଞ୍ଜା ଏଞ୍ଜାସି ଏଞ୍ଜାରାଇଁ ଏଲେଇଚେସି, “ଏନାଆଁତାକି ତୁରାମାଞ୍ଜେରି ? ପାନ୍ଦାତା ଏନିକିଁ ହେରଞ୍ଜଅତେରି ଏଦାଆଁତାକି ନିଜାନା ପ୍ରାତାନା କିଦୁ ।”

ଜୀସୁଇଁ ଦହନି କାତା

(ମାତି ୨୨:୪୭-୫୨; ମାର୍କ ୧୪:୪୩-୫୦; ଜହ ୧୮:୩-୧୧)

୪୭ ଏଞ୍ଜାସି ଜଲିମାଟାଟି ର ମାନ୍ଦା ଲକୁ ଏମ୍ବାଆଁ ଏଗା ଖାଡ଼େରି, ଅଡ଼େ ବାରଜାଣା ସୀସୁୟାଁ ବିତ୍ରାଟି ଜୀହୁଦା ଦରୁଗାଟାସି ଏଞ୍ଜାରି ନକିତା ଖାହାନା ଜୀସୁଇଁ ନଶ୍ତାଲି ତାନି ତାଣା ହାଚେସି । ୪୮ ସାମା ଜୀସୁ ଏଞ୍ଜାଣାଇଁ ଏଲେଇଚେସି, “ଏ ଜୀହୁଦା ନଶ୍ତାନା ମାଣସି ମୀରଏଣାଇଁ ସାତୁୟାଁ କେୟୁତା ହେରପିମାଞ୍ଜି ?”

୪୯ ଏମ୍ବାଟିଏ ଜୀସୁତଲେ ମାଟାରି ଇଦି ଏନାୟି ଇଞ୍ଜାଁ ପୁଞ୍ଜାନା ଜୀସୁଇଁ ଏଲେଇଚେରି, “ଏ ପ୍ରବୁ ମାମ୍ବୁ ଇଞ୍ଜାରାଇଁ କାଣ୍ଡାତଲେ ପାୟିନମି କି ?” ୫୦ ଅଡ଼େ ଏଞ୍ଜାରି ରଅସି କାଜା ପୂଜେରା ହଲେଏଣାଇଁ ଇରହାନା ତାନି ଚିଃନି କିୟିଁ ଦୁାତାତୁସ୍ତେସି ।

୫୧ ସାମା ଜୀସୁ ଏଲେଇଚେସି, “ଇଚେକେଏ ଆଡ଼େ” ଇଞ୍ଜାନା ଏଞ୍ଜାଣି କିୟିଁ ତୁୀଗାନା ନେହଁ କିତେସି ।

୫୨ ଅଡ଼େ ଜୀସୁ ତାଙ୍ଗେ ଆସାଲି ଖାହାମାଟି କାଜା ପୂଜେରା, ମାହାପୁରୁ ଇଲୁତି କାପୁଗାଟାରି ଅଡ଼େ ଲକୁତି କାଜାରାଇଁ ଏଲେଇଚେସି, “ମୀରୁ ସରୁଇଁ ଆହନିଲେହେଁ ଇଟା କାଣ୍ଡା ଅଡ଼େ ଚେଙ୍ଗାୟାଁ ଆସାନା ଖାହାମାଞ୍ଜେରି ? ୫୩ ନାନୁ କାଲେଏ ମୀ ତଲେ ମାହାପୁରୁ ଇଲୁତା ମାଚେସି, ଏଚିବେଲା ମୀରୁ ନାଙ୍ଗେ ଆସାଆତେରି; ସାମା ଇ ଦିନା

ମୀଦିଏ ଅଡ଼େ ଆନେରିତି ବାଡ଼ୁୟୁ ରାଜିକିନି ଦିନା ।”

ପିତର ଜୀସୁଇଁ ପୁଞ୍ଜାହିଲଅଁ ଇଞ୍ଜାଁ ଇନାୟି

(ମାତି ୨୨:୫୭,୫୮,୬୯-୭୫; ମାର୍କ ୧୪:୫୩,୫୪,୬୭-୭୨; ଜହ ୧୮:୧୨-୧୮,୨୫-୨୭)

୫୪ ତାୟୁ ଏଞ୍ଜାରି ଏଞ୍ଜାଣାଇଁ ଅହାନା କାଜା ପୂଜେରା ଇଜ ତାତେରି; ସାମା ପିତର ହେକ ମାଞ୍ଜାନା ଜେଚ ଜେଚ ହାଚେସି । ୫୫ ଅଡ଼େ ଏଞ୍ଜାରି ଆଂଗେଣିତା ହିରୁ ତାସାନା ହିରୁ ସାରିସୁରୁ କୁଗିତେରି, ଇଞ୍ଜାଁ ପିତର ଜିକେଏ ଏଞ୍ଜାରିତଲେ କୁଗିତେସି । ୫୬ ଏମ୍ବାଟିଏ ର ହଲେଣି ପିତର ହିରୁ ମାଣ୍ଡାତା କୁଗାମାନାଣି ମେସାନା, ଏଞ୍ଜାଣାଇଁ ସିନିକିହାନା ଏଲେଇଚେ, “ଇଞ୍ଜାସି ଜିକେଏ ଏଞ୍ଜାଣିତଲେ ମାଟାସି ।”

୫୭ ସାମା ପିତର ଏଲେଇଚେସି, “ଆଏକା ନାନୁ କଡ଼େ ଏଞ୍ଜାଣାଇଁ ପୁଣ୍ଡାୟୁ ପୁଞ୍ଜାହିଲଅଁ ।”

୫୮ ଅଡ଼େ ଗାଡ଼େକା ହାଜାଲିଏ ଅଡ଼େ ରଅସି ଏଲେଇଚେସି, “ନାନୁ ଜିକେଏ ଏଞ୍ଜାରି ବିତ୍ରାଟି ରଅତି ।” ସାମା ପିତର ଏଲେଇଚେସି, “ଆଏ ତାୟି ନାନୁ କଡ଼େ ଆଏ ।”

୫୯ ଅଡ଼େ ର ଗଂଟା ହାଜାଲିଏ ଅର ରଅସି ଏଲେଇଚେସି, “ସାତେଏ ଇଞ୍ଜାସି ଏଞ୍ଜାରିତଲେ ମାଟାସି, ଏନିକିତହଁ ଇଞ୍ଜାସି ଗାଲିଲି ଦେସାତାସି ।”

୬୦ ସାମା ପିତର ଏଲେଇଚେସି, “ନାନୁ ଏନାଆଁ ଇଞ୍ଜିମାଞ୍ଜି ତାୟି ନାନୁ ଏଦାଆଁ ପୁଞ୍ଜିହିଲଅଁ ।”

ଏ ଦେବୁଣିଏ କୟୁ କେଶିତେ; ୬୧ ଏମ୍ବାଟିଏ ପ୍ରବୁ ମୁମ୍ବୁ ପେରହାନା ପିତରଇଁ ସିନିକିତେସି; ଏମ୍ବାଟିଏ ନୀଞ୍ଜୁ କୟୁ କେଶିଆ ନକେଏ ନାନୁ ପୁଞ୍ଜାହିଲଅଁ ଇଞ୍ଜାଦି, ପ୍ରବୁ ଖେସ୍ତି ଇ କାତା ତାନି ମନତା ଖାଡ଼େ, ୬୨ ଇଞ୍ଜା ଏଞ୍ଜାସି ପାଙ୍ଗାତା ହାଜାନା ଗାଡ଼ି ଦୁକୁ ଆହାନା ଡ଼ୀତେସି ।

☆ ୨୨:୫୩ ୨୨:୫୩ ଲୁକ ୧୯:୪୭; ୨୧:୩୭

ଜୀସୁଇଁ ନିନ୍ଦାକିହଁ କାକନାୟି  
ଅଡ଼େ ଖେନାୟି

(ମାତି ୨୨:୨୭,୨୮; ମାର୍କ ୧୪:୨୫)

୨୩ ଅଡ଼େ ଆମିନିଗାଟାରି ଜୀସୁଇଁ  
ଆସା ଇଟାମାଚେରି, ଏଝାରି ଏଝାଣାଇଁ  
ଝେଟି ଝେଟିହଁ କାକହେରି, ୨୪ ଅଡ଼େ  
ଏଝାଣି ମୁମୁରୁ ହିମ୍ବରି ପୁକହାନା  
ଝେଚେରି, “ନାନୁସାଁ ମାହାପୁରୁ ଅଣପୁତି  
ବଲୁ ଝେହନାତି ! ଝେସ୍ତାମୁ ନିଜେ  
ଆମ୍ବାଆସି ଝେତାତେସି ?” ୨୫ ଅଡ଼େ  
ଏଝାରି ହାରେକା କାତା ଏଝାଣି କପାଟି  
ଜଲ୍ଲାନା ଏଝାଣି ନିନ୍ଦାକିତେରି ।

ବେରଣିମାଣ୍ଡା ନକିତା ଜୀସୁ

(ମାତି ୨୨:୫୯-୬୬; ମାର୍କ ୧୪:୫୫-  
୬୪; ଜହ ୧୮:୧୯-୨୪)

୨୬ ଲାକ୍ ଝେୟାଲିଏ ଲକ୍ବୁତି କାଜାରି,  
କାଜା ପୁଜେରାଙ୍ଗା ଅଡ଼େ ମେରାପୁନାରି  
ରୁଣ୍ଡା ଆହାନା ତାମି ବେରଣିମାଣ୍ଡାତା  
ଜୀସୁଇଁ ଅହାନା ଝେଚେରି, ୨୭ “ନାନୁ  
କ୍ରୀସ୍ତତିକି ମାଙ୍ଗେ ଝେସ୍ତାମୁ ।” ସାମା  
ଏଝାସି ଏଝାରାଇଁ ଏଲେଇଚେସି, “ନାନୁ  
ନିଜେ ଝେସ୍ତାସାରେ ମାରୁ ନାମଅତେରି;  
୨୮ ଅଡ଼େ ନାନୁ ଝେଞ୍ଜାତିହଁ ମାରୁ  
ଝେସାଲି ଆଡ଼ଅତେରି । ୨୯ ସାମା  
ନୀର୍ବଟିଏ ମାଣ୍ଡସି ମାର୍‌ଏସି ବାଡ଼ମୁଗାଟି  
ମାହାପୁରୁ ଟିଝନି ଟଟତା କୁଗିନେସି ।”

୩୦ ଏମାଟିଏ ବାରେଜାଣା  
ଝେଚେରି, “ଆତିହଁ ନାନୁ ମାହାପୁରୁ  
ମାର୍‌ଏଶାତିକି ?”

ଏଝାସି ଏଝାରାଇଁ ଏଲେଇଚେସି,  
“ମାରୁତ ଝେସିମାଞ୍ଜାଦେରି, ନାନୁ  
ଏଝାତେସି ।”

୩୧ ଏଚେଟିଏ ଏଝାରି ଏଲେଇଚେରି,  
“ମାଙ୍ଗେ ଅଡ଼େ ଏନି ସାକି ଲଡ଼ା, ମାରୁତ  
ଇ କାତା ତାନି ଗୁଡିଟିଏ ଝେଚାୟି ।”

### ୨୩

ପିଲାତ ନକିତା ଜୀସୁ

(ମାତି ୨୭:୧,୨; ୨୭:୧୧-୧୪; ମାର୍କ  
୧୫:୧-୫; ଜହ ୧୮:୨୮-୩୮)

୧ ଏଚେଟିଏ ତାୟୁ ବାରେଜାଣା  
ନିଜ୍ଞାନା ଜୀସୁଇଁ ପିଲାତ ନକିତା ଅଡ଼େରି

। ୨ ଇଞ୍ଜା ଏଝାରି ଜୀସୁ କପାଟି ଦହ  
ଦସାନା ଏଲେଇଚେରି, “ମାମ୍ବୁପୁଚମି  
ଇଝାସି ମା କୃଡ଼ାତି ଲକ୍ବୁଣି ପଲ୍ଲଆ  
ଜାପୁହିମାନେସି, ଇଚିହଁ ଇଝାସି  
କାୟିସରକି ସିସୁ ହୁଆପୁ, ତାନୁ ନାନୁଏ  
କ୍ରୀସ୍ତ ଅଡ଼େ ରାଜାତେସି ଇଞ୍ଜା ଝେସା  
କତିମାନେସି ।”

୩ ଏଚେଟିଏ ପିଲାତ ଜୀସୁଇଁ  
ଝେଚେସି, “ନାନୁ କି ଜୀହୁଦି ଲକ୍ବୁତି  
ରାଜାତି ?”

ଜୀସୁ ଝେସ୍ତେସି, “ନାନୁତ ଝେସିମାଞ୍ଜା  
।”

୪ ଏଚେଟିଏ ପିଲାତ କାଜା ପୁଜେରା  
ଅଡ଼େ ବାରେ ଲକ୍ବୁଣି ଏଲେଇଚେସି,  
“ନାନୁ ଇଝାଣି ତାଣା ଏନି ଦହ  
ପୁଞ୍ଜାଆତେସି ।”

୫ ସାମା ଏଝାରି ଗାତିକିହଁ  
ଜଲ୍ଲିତେରି, “ଇଝାସି ଗାଲିଲିଟିଏ  
ମାଟ୍‌ହାନା ଇମ୍ବା ପାତେକା ବାରେ  
ଜୀହୁଦା ଦେସାତି ଲକ୍ବୁଣି ଜାପୁହାନା  
ଲାଗେଏ କିହିମାନେସି ।”

ହେରଦ ନକିତା ଜୀସୁ

୬ ସାମା ପିଲାତ ଇ କାତା ଝେଞ୍ଜାନା  
ଝେଚେସି, “ଇଝାସି ଗାଲିଲିତାସିକି  
?” ୭ ଇଞ୍ଜା ଏଝାସି ହେରଦ ରାଜା  
ରାଜି ତାସି ଇଞ୍ଜା ପୁଞ୍ଜାନା ଏଝାଣାଇଁ  
ହେରଦ ତାଣା ପାଣ୍ଡିତେସି, ଏନିଇଚିହଁ  
ଏଚିବେଲା ହେରଦ ଜିରୁସାଲମତା  
ମାଚେସି । ୮ ହେରଦ ଜୀସୁଇଁ ମେସାନା  
ହାରେକା ରାହାଁ ଆଡ଼େସି, ଏନିଇଚିହଁ  
ଏଝାସି ଏଝାଣି କାତା ଝେଞ୍ଜା ମାଚାକି  
ଏଝାଣାଇଁ ହାରେକା ଦିନାଟିଏ ମେସାଲି  
ମନ କିହିମାଚେସି, ଇଞ୍ଜା ଏଝାଣି  
ତାଣାଟି ଏନି କାବାଆନି କାମାକିନାଣି  
ମେହୁଇଁ ଇଞ୍ଜା ଆସା କିହିମାଚେସି ।  
୯ ହେରଦ ଜୀସୁଇଁ ଏନି ଏନି କାତାୟାଁ  
ଝେଚେସି, ସାମା ଜୀସୁ ଏଝାଣାଇଁ ଏନି  
କାତାଞ୍ଜା ଝେଣ୍ଡେ ଝେହୁଆତେସି ।  
୧୦ ସାମା କାଜା ପୁଜେରାଙ୍ଗା ଅଡ଼େ  
ମେରାପୁନାରି ନିଗନା ଏଝାଣି କପାଟି  
ଆଜିହୁପେତି କାତାୟାଁ ଜଲ୍ଲିମାଚେରି  
। ୧୧ ଏଚେଟିଏ ହେରଦ ତାନି କସକା  
ତଲେ ଏଝାଣାଇଁ କାକହି କାକହିହଁ

ନିନ୍ଦାକିତେରି ଏଚେଟିଏ ର ପାଟୁ ହିମ୍ବରି ଏଝାଣାକ୍ ହୁଟି କିହାନା ପିଲାତ ତାଣା ଝେଣ୍ଡେ ପାଣ୍ଡିତେରି । ୧୨ ଏ ଦିନାଟିଏ ପିଲାତ ଅଡ଼େ ହେରଦ ତଣେ ଆଡ଼େରି; ଏଝାରି ନକେଏ ସାତୁୟାଲେହେଁ ମେସ୍‌ପି ଆଝିତେରି ।

ଜୀସୁକି ହାନ୍ତି ତଣ୍ଡ

(ମାତି ୨୭:୧୫-୨୬; ମାର୍କ ୧୫:୬-୧୫; ଜହ ୧୮:୩୯; ୧୯:୧୬)

୧୩ ଏମ୍ବାଟିଏ ପିଲାତ କାଜା ପୂଜେରା ଜୀହୁଦି ଲକ୍ଷ୍ମି କାଜାରି ଅଡ଼େ ବାରେ ଲକ୍ଷ୍ମି ହାଟି କିହାନା ଏଝାରାକ୍ ଏଲେଇଚେସି, ୧୪ “ଇଝାସି ଲକ୍ଷ୍ମି ପଲ୍ଲଆ ଜାପୁହିମାନେସି ଇଞ୍ଜି ମୀରୁ ନା ତାଣା ତାଚେରି; ସାମା ନାନୁ ଏଝାଣାକ୍ ମୀ ନକିତା ତାୟିପାରି କିତେଏଁ ଇଞ୍ଜି ମୀରୁ ଝେସାମାଞ୍ଜାତି ଏନ୍ତି ଦହ୍ ଏଝାଣି ତାଣା ପୁଝଆଚେଏଁ, ଇଞ୍ଜି ହେରଦ ଜିକେଏ ପୁଝଆଚେସି, ୧୫ ଏନ୍ତିଇଚିହଁ ହେରଦ ଅଡ଼େ ଝେଣ୍ଡେ ନା ତାଣା ପାଣ୍ଡାଚେସି; ଇଞ୍ଜି ମେହଦୁ ଇଝାସି ହାନ୍ତି ତଣ୍ଡ ପାଣ୍ଡି ଏନ୍ତି ଦହ୍‌ଝା କିହାହିଲଅସି; ୧୬ ଏଦାଆଁତାକି ନାନୁ ଇଝାଣାକ୍ ସାଟୁଣି ତଲେ ଝେଚାନା ପିହ୍‌କ୍ ।” ୧୭ ପିସ୍‌ପିଆନ୍ତି ପାର୍ସୁ ବେଲା କାୟିଦି ମାନାରି ବିତ୍ରାଟି ରଅଣାକ୍ ଏଝାରାକି ପିସାଲି ମେରା ମାଚେ ।

୧୮ ସାମା ଏଝାରି ରହେଏ ଗାଡିକିହଁ ଏଲେଇଚେରି, “ଇଝାଣାକ୍ ପାୟାଦୁ ବାରବାକ୍ ମାଙ୍ଗେ ପିସାହିୟାମ୍ ।” ୧୯ ଇ ବାରବାକ୍ ଗାଡାତି ଗଡ଼ହା ତାକି ଇଞ୍ଜି ରଅଣାକ୍ ପାୟାମାଚାକି କାୟିଦି ଇଟାମାଚେରି ।

୨୦ ସାମା ପିଲାତ ଜୀସୁକ୍ ପିସାଲି ଅଣ୍‌ପାନା ଲକ୍ଷ୍ମି ମାନ୍ଦାତି ଅଡ଼େ ପୁଣ୍ଡି କିହାଲି ଝେସ୍‌ସେସି । ୨୧ ସାମା ଏଝାରି କାଜା ହାଡାତଲେ ଏଲେଇଚେରି, “ଏଝାଣାକ୍ ପାସି ମୁଣ୍ଡାତା ଏକ୍‌ଦୁ ପାସି ମୁଣ୍ଡାତା ଏକ୍‌ଦୁ ଇଞ୍ଜି ଇଚେରି ।”

୨୨ ଇଞ୍ଜି ଏଝାସି ଅଡ଼େ ତାନି ପାଲି ଝେସ୍‌ସେସି, “ଏଦାଆଁତାକି, ଏଝାସି ଏନ୍ତି

ଦହ୍ କିହାମାନେସି ? ନାନୁ ଏଝାଣି ତାଣା ଏନ୍ତି ହାନ୍ତିହଚେଟି ଦହ୍ ପୁଝଆଚେଏଁ; ଏଦାଆଁତାକି ନାନୁ ଏଝାଣାକ୍ ସାସ୍ତି ହାହାନା ପିହ୍‌କ୍ ।”

୨୩ ସାମା ଏଝାରି କାଜା ଗିୟାତଲେ ଏଝାଣାକ୍ ପାସି ମୁଣ୍ଡାତା ଏକ୍‌ହାଲି ଝେସ୍‌ସେରି, ତାୟୁ ଏଝାରି ଝେସ୍‌ସାୟିଏ ଆଡ଼େ । ୨୪ ଇଞ୍ଜି ଏଝାରି ଝେସ୍‌ସିଲେହେଁଏ କିୟାଲି ପିଲାତ ହୁକୁମି ହୀଚେସି; ୨୫ ସାମା ଆମିନିଗାଗାସି ଗଡ଼ହା ଅଡ଼େ ଲକ୍ଷ୍ମି ପାୟାଲିଏ କାୟିଦିତା ଇଟାମାଚାଣାକ୍ ରୀସା ମାଚେରି ପିସ୍‌ସେସି, ଅଡ଼େ ଜୀସୁକ୍ ଏଝାସି ଏଝାରି ଅଣ୍‌ପିତି ଲେହେଁ କିୟାଲି ଏଝାରିତାଣା ହେରପିଚେସି ।

ଜୀସୁକ୍ ପାସି ଏକ୍‌ନାୟି

(ମାତି ୨୭:୩୨-୪୪; ମାର୍କ ୧୫:୨୧-୩୨; ଜହ ୧୯:୧୭-୨୭)

୨୬ ଏଝାରି ଜୀସୁକ୍ ଅହିମାଚାଟି ସିମନ ଦରୁଗାଟି କୁରିଣି ଦେସାତି ର ନାୟୁଟି ଝାହିମାଚେସି, ଏଝାରି ଏଝାଣାକ୍ ପାସିମୁଣ୍ଡା ଡେକି କିହାନା ଜୀସୁ ଜେତ ଜେତ ଅଡ଼େରି ।

୨୭ ମାନ୍ଦା ଲକ୍ଷ୍ମି ଜୀସୁ ଜେତ ହାଜିମାଚେରି ଅଡ଼େ ତାନି ତାକି ବକତା ଝେଟା କଡିହଁ ଡାହି ଡାହି ଏଚରଜାଣା ଇୟାସିକା ଜିକେଏ ଏଝାଣି ଜେତ ହାଜିମାଚୁ । ୨୮ ସାମା ଜୀସୁ ଏଝାସିକାଞ୍ଜାକି ସିନିକିହାନା ଏଲେଇଚେସି, “ଆଲ, ଜିରୁସାଲମତି ମାସ୍‌କାଚେରି ନା ତାକି ଡାଆଦୁ ସାମା ମୀ ତାକି ଅଡ଼େ ମୀ କକାରି ପଦାଁ ତାକି ଡାଦୁ; ୨୯ ହେଣ୍ଡୁ ଇଲେତି ଦିନା ଝାହିମାନେ, ଆମ୍ବାଆୟି ବାଝେଣିସିକା, ଆମ୍ବାଆୟି ଏଚେଲା ପୁରାମାସା ଆହାହିଲାଡ ଅଡ଼େ ପାଲୁ ଡର୍‌ହା ହିଲାଡ ଲକ୍ଷ୍ମି ଏଝାସିକାଣି ମିଙ୍ଗେଏ ନେହେଁ ଇଞ୍ଜାନେରି । ୩୦ ଏଚିବେଲା ଲକ୍ଷ୍ମି ହରକାଣି ଏଲେଇଚେରି ମା ଲାକ ତରଗାଦୁ ଅଡ଼େ ଡଶା ହରକାଣି ଏଲେଇଚେରି ମାଙ୍ଗେ ପୁକ୍‌ହାନା ଡକ୍‌ହାଦୁ । ୩୧ ଏନ୍ତିଇଚିହଁ

☆ ୨୩:୩୦ ୨୩:୩୦ ଝେ ବଲୁ ୬:୧୬

ଲକ୍ଷ୍ମୀ ହିଁଲି ମାର୍ଦ୍ଦୁତି ଏଲେକତିହିଁ , ଏଡ଼ି ଖାନ୍ଦିସାରେ ଏଦାଆଁ କିହାଁ ଆଗାଡ଼ା କିଅରିକି ?”

୩୨ ଦହଗାଟାରି ରିଆରି ଜିକେଏ ପାସି ଏକହାଲି ଜୀସୁତଲେ ଅଢ଼ିଆଡ଼େରି ।

୩୩ ଏମ୍ବାଟିଏ ଏଝାରି ତାୟଁ ଗୁର୍ପାଁ ଇନି ଚାୟୁତା ଏଜାନା ଏମ୍ବାଆଁ ଜୀସୁଇଁ ପାସି ମୁଣ୍ଡାତା ଏକହାନା ଏ ରୀ ଦହଗାଟାରି ବିତ୍ରାଟି ରଅଣାଇଁ ଏଝାଣି ଚିଟ୍ଟନିଝାକି ଅଡ଼େ ରଅଣାଇଁ ଏଝାଣି ଚେନ୍ଦ୍ରଝାକି ପାସି ଏକହେରି । ୩୪ ଏଚିବେଲ୍ଲା ଜୀସୁ ଏଲେଇଚେସି, “ଏ ଆବା ଏଝାରି ଦହ ଆହୁଆନି, ଇଚିହିଁ ଏଝାରି ଏନାଆଁ କିହିମାନେରି ଏଦାଆଁ ପୁଞ୍ଜାହିଲଅରି ।”

ଅଡ଼େ ଏଝାରି ଏଝାଣି ହିମ୍ବୁରି ବାଟିକିହାଲି ପାଦି କିଚେରି । ୩୫ ଇଞ୍ଜାଁ ଲକ୍ଷ୍ମୀ ବାରେ ନିଚାନା ସିନିକିହିମାଚେରି, ଏଝାରି ବିତ୍ରାଟି କାଜାରି ଜିକେଏ ନିନ୍ଦାକିହିଁ ଏଲେଇଚେରି, “ଏଝାସି ଏଟକା ଲକ୍ଷ୍ମଣି ଗେଲ୍ପିଚେସି; ଏଝାସି ମାହାପୁରୁ ଆଚିତି କ୍ରୀସ୍ତ ଇଚିହିଁ ତାନୁଏ ତାଙ୍ଗେ ଗେଲ୍ପିକିହା କତାପେସି ।”

୩୬ କସ୍‌କା ଜିକେଏ ଏଝାଣି ତାଗେ ହାଜାନା ପୁଲ୍ୟାୟୁ ଗସାଲି ହାହାଁ ଏଝାଣାଇଁ କାକ୍‌ହିହିଁ ଏଲେଇଚେରି, ୩୭ “ନୀନୁ ଜୀହୁଦି ଲକ୍ଷ୍ମଣି ରାଜାତି ଇଚିହିଁ ନୀନୁଏ ନିଙ୍ଗେ ପିସ୍‌ପି କିହାକତାମ୍ ।”

୩୮ ଇଞ୍ଜାଁ ଏଝାଣି ପାସିମୁଣ୍ଡା ଲାକ ଇଲେଇଞ୍ଜିଁ ରାସ୍‌କି ଆହାମାଚେ, “ଇଝାସି ଜୀହୁଦି ଲକ୍ଷ୍ମଣି ରାଜା ।”

୩୯ ଅଡ଼େ ପାସି ମୁଣ୍ଡାତା ପାସି ଏକହାମାଟି ଦହଗାଟାରି ବିତ୍ରାଟି ଜିକେଏ ରଅସି ଏଝାଣାଇଁ ନିନ୍ଦାକିହିଁ ଏଲେଇଚେସି, “ନୀନୁ କ୍ରୀସ୍ତତି ଆଏକି ? ନିଙ୍ଗେ ଅଡ଼େ ମାଙ୍ଗେ ପିସ୍‌ପି କିୟାମ୍ ।”

୪୦ ସାମା ଅଡ଼େ ରଅସି ଏଝାଣାଇଁ ଦାକା ହାହାନା ଏଲେଇଚେସି, “ନୀନୁ ଏଝାଣିଲେହେଁ ଡଣ୍ଡ ବେଟାଆହୁଁ ଜିକେଏ ନିଙ୍ଗେ ମାହାପୁରୁଇଁ ଆଜି ହିଲେଏ ? ୪୧ ଅଡ଼େ ମାରସା ନୀହାଁୟି ତଲେ ଡଣ୍ଡ ବେଟାଆହୁଁ ମାନାୟି,

ଇଚିହିଁ ମା କିତି କାମାତି ପାଡ଼େୟି ବେଟାଆହୁଁ ମାନାୟି; ସାମା ଇଝାସି ଏନି ଦହ କିହାହିଲଅସି ।” ୪୨ ଇଞ୍ଜାଁ ଏଝାସି ଜୀସୁଇଁ ଏଲେଇଚେସି, “ଏ ଜୀସୁ ନୀନୁ ନୀ ରାଜିତା ହାଟିସାରେ ନାଙ୍ଗେ ଅଣ୍‌ପାମ୍ ।”

୪୩ ଏମ୍ବାଟିଏ ଜୀସୁ ଏଝାଣାଇଁ ଏଲେଇଚେସି, “ନୀନୁ ନିଙ୍ଗ ସାତା ଝେସିମାଞ୍ଜାଇଁ, ନୀଞ୍ଜୁ ନୀନୁ ଲାକପୁରୁତା ନା ତଲେ ମାଞ୍ଜି ।”

ଜୀସୁତି ହାକି

(ମାତି ୨୭:୪୫-୪୬; ମାର୍କ ୧୫:୩୩-୪୧; ଜହ ୧୯:୨୮-୩୦)

୪୪ ଏଚିବେଲ୍ଲା ସମାନା ବାରଗଂଟା ଆହାମାଚେ, ଅଡ଼େ ଝେଡ଼ା ଉଜେଡ଼ି ହାଆତାକି ତାନି ଗଂଟା ପାଚେକା ଦେସା ବାରେ ଆନ୍ଦେରି ଆହାମାଚେ, ୪୫ ଇଞ୍ଜାଁ ମାହାପୁରୁ ଇଲୁତା ଲେଟାମାନି ହିମ୍ବୁରି ରୀ ବାଗା ଆହୁଁ ଗେଞ୍ଜା ହାଚେ । ୪୬ ଅଡ଼େ ଜୀସୁ କାଜା ଗିୟାତଲେ ହାଟିହିଁ ଏଲେଇଚେସି, “ଏ ଆବା ନୀ କେୟୁତା ନା ଜୀଝୁତି ହେରପିମାଞ୍ଜାଇଁ !” ଏଲେଇଞ୍ଜି ଜଲ୍ଲାନା ତାନି ଜୀଝୁ ହାଚେ ।

୪୭ ଏଦାଆଁ ମେସାନା ପାସାକଡ଼ି କସ୍‌କା ମୁହେଁ କାଜାସି ମାହାପୁରୁଇଁ ଜହରା କିହିଁ ଏଲେଇଚେସି, “ଇଝାସି ସାତେଏ ତୀରିଗାଟାସି ମାଚେସି ।”

୪୮ ଇଞ୍ଜାଁ ଏଝାଣାଇଁ ମେସାଲି ରୁଣ୍ଡା ଆହାମାଟି ବାରେ ଲକ୍ଷ୍ମ ଇ ବାରେ ମେସାନା ବକତା ଝେଟା କଡ଼ିହିଁ ଝେଣ୍ଡା ହାଚେରି । ୪୯ ସାମା ଜୀସୁଇଁ ପୁଞ୍ଜାମାଟି ବାରେ ଲକ୍ଷ୍ମ ଇଞ୍ଜାଁ ଗାଲିଲିଟି ରହେଁଏ ଆଣ୍ଡାନା ତାନି ଜେଟ ଜେଟ ଝାହାମାଟି ଇୟାସିକା ହେକ ନିଚାନା ଏ ବାରେ ସିନିକିହିମାଚୁ ।

ଜୀସୁଇଁ ମୁହନାୟି

(ମାତି ୨୭:୫୭-୬୧; ମାର୍କ ୧୫:୪୨-୪୬; ଜହ ୧୯:୩୮-୪୨)

୫୦ ଇଞ୍ଜାଁ ଜୀହୁଦି ଦେସାତି ହାରାମାତିୟା ଇନି ଗାଡ଼ାତି ଜସେପ ଇନାସି ଜୀହୁଦି ଲକ୍ଷ୍ମଣି କାଜା କୁଲମିତି ରଅସି ମାଚେସି; ଏଝାସି ନେହାସି



ଇଞ୍ଜି ତୀରିଗାଟାସି ମାଚେସି ।  
 ୫୧ ଜୀହୁଦାତି ହାରାମାତିୟା ଇନି ନାୟୁତି  
 ଜସେପ ଇନାସି ର ମାଣସି ମାଚେସି  
 । ଏଞ୍ଜାସି ଦାମ୍ବୁଗାଟାସି ଇଞ୍ଜା ମାନି  
 ଗାଟାସି ମାଚେସି ଅଡେ ମାହାପୁରୁତି  
 ରାଜି ଖାନାଣି କାଟିମାଚେସି । କାଜା  
 ବେରଣିତି ମାଣସି ମାଚିହଁ ଜିକେଏ,  
 ଏଞ୍ଜାସି ଏଞ୍ଜାରି କାତା ଅଡେ କାମାତା  
 ଆଣ୍ଡିହିଲାଆଚେସି । ୫୨ ଏଞ୍ଜାସି ପିଲାତ  
 ତାଣା ହାଜାନା ଜୀସୁ ମାଡହାତି ରୀସ୍ତେସି,  
 ୫୩ ଇଞ୍ଜା ମାଡହାତି ରେପହାନା ନେହଁ  
 ପାଡାଡା ହିମ୍ବର ରୁପାନା ଏମ୍ବାଆଁ ହରୁତା  
 କାରହାମାତି ଏଚେଲା ଆମ୍ବାଆରି  
 ମୁସାହିଲାଆ ମାଡହା ମୁହନି ଟାୟୁତା  
 ଏଞ୍ଜାଣାଇଁ ମୁସ୍ତେରି । ୫୪ ଏ ଦିନା ତିୟାରା  
 ଆନି ଦିନା ମାଚେ ଅଡେ ଜମିନି ଦିନା  
 ଏଗା ଖାହିମାଚେ ।

୫୫ ଅଡେ ଗାଲିଲିତି ଖାହାମାନି  
 ଇୟାସିକା ଜେତ ଜେତ ହାଜାନା ମାହଣି  
 ମାଣ୍ଡା ଅଡେ ତାନି ମାଡହା ଏନିକ  
 ମୁସାମାଚାଣି ମେସୁ ୫୬ ଇଞ୍ଜା ଏଞ୍ଜି ଖେଣ୍ଡା  
 ହାଜାନା ଗାନ୍ଦା ନିୟୁଁ ଇଞ୍ଜା ଗାନ୍ଦାଗାଟି  
 ଆସି ତିୟାରା କିତୁ । ଇଞ୍ଜା ଜମିନି  
 ଦିନାତା ତାମି ମେରାଲେହେଁ ଜମିତୁ ।

### ୨୪

ଜୀସୁ ହାହାନା ଖେଣ୍ଡେ ନିଜିନାୟି

(ମାତି ୨୮:୧-୧୦; ମାର୍କ ୧୬:୧-୮;  
 ଜହ ୨୦:୧-୧୦)

୧ ଅଡେ ଜମିନି ଦିନାତି ମେରା  
 ତଲେ ଜମିତୁ, ସାମା ଖାରାତି ତଲିତି  
 ଦିନାତା ଜୁଲୁପୁଲୁ ଖେୟାଲିଏ ଏଞ୍ଜି  
 ତାମ୍ବୁ କିହାମାଟି ଗାନ୍ଦାନିୟୁଁ ଆସାନା  
 ମାହଣି ମାଣ୍ଡାତା ହାତୁ । ୨ ଇଞ୍ଜା  
 ମାହଣି ମାଣ୍ଡାତା ପୁକହାମାଟି ଖାଲି ଗୁଚା  
 ଆହାମାନାଣି ମେସୁ । ୩ ସାମା ଏଞ୍ଜି  
 ବିତ୍ତା ହାଜାନା ପ୍ରବୁ ଜୀସୁତି ମାଡହା  
 ଏମ୍ବାଆଁ ମେହୁଆତୁ । ୪ ଏଞ୍ଜି ଏଦାଆଁତାକି  
 ବିଲକି ଆହିମାଟି ଦେବୁଣିଏ ମିହୁନି  
 ହିମ୍ବର ହୁଚାମାଟି ରିଆରି ଏଞ୍ଜାସିକା  
 ନକିତା ନିଚାମାନେରି । ୫ ଏମ୍ବାଟିଏ

ଏଞ୍ଜି ଆଡାଜାକା ଆହାନା ବୁମିତା  
 ତାକା ଲେସୁ ଇଞ୍ଜା ଏଞ୍ଜାରି ଏଞ୍ଜାସିକାଣି  
 ଏଲେଇଚେରି, “ମୀରୁ ଏନାଆଁତାକି  
 ହାଡାରି ବିତ୍ତାଟି ନୀତାମାନାରାଇଁ  
 ପାରିମାଞ୍ଜେରି ? ” ୬ ଏଞ୍ଜାସି ଇମ୍ବାଆଁ  
 ହିଲଅସି, ଏଞ୍ଜାସି ନିଜାମାନେସି, ଏଞ୍ଜାସି  
 ଗାଲିଲିତା ମାଚାଟି ଖେସାମାଞ୍ଜାତାଣି  
 ଅଣ୍ପାଦୁ । ୭ ମାଣସି ମୀରୁଏସି ପାସି  
 ମୁଣ୍ଡାତା ହାୟାଲି ପାପୁ ଗାଟାରି ତାଣା  
 ହେରପି ଆନାୟି ମାନେ ଇଞ୍ଜା ତୀନି  
 ଦିନାଟିଏ ହାକିଟି ଖେଣ୍ଡେ ନିଜିନେସି ।”

୮ ଏମ୍ବାଟିଏ ଏଞ୍ଜି ଏଞ୍ଜାଣି ଖେସି କାତା  
 ଅଣ୍ପପିତୁ, ୯ ଇଞ୍ଜା ଏଞ୍ଜି ମାହଣି ମାଣ୍ଡାଟି  
 ଖେଣ୍ଡା ହାଜାନା ଏଗାର ଜାଣା ସୀସୁୟା  
 ଅଡେ ଏଟକା ତାରାଇଁ ଇ ବାରେ କାତା  
 ଖେସୁ । ୧୦ ଏଞ୍ଜି ମଗ୍ଦଲିନି ମରିୟମ,  
 ଜହାନା, ଜାକୁବ ତାମି ଇୟା ମରିୟମ  
 ଅଡେ ଏଞ୍ଜାସିକାତଲେ ମାଟି ଏଟକାତି  
 ଇୟାସିକା; ଇଞ୍ଜି ପାଣ୍ଡିଞ୍ଜି ଆହାମାନାରାଇଁ  
 ଇ ବାରେ କାତା ଖେସୁ । ୧୧ ସାମା ଇ  
 ବାରେ କାତା ଏଞ୍ଜାରି ନକିତା ମନତା  
 ଗାଡ଼କିତି ର ପୁସପନି ଲେହେଁ ଆଡେ,  
 ଅଡେ ଏଞ୍ଜାରି ଏଞ୍ଜାସିକାଣି ନାମାଆଚେରି  
 । ୧୨ ସାମା ପିତର ନିଜାମାନା ମାଡହା  
 ମୁହନି ଟାୟୁତା ହଟି ହଟିହଁ ହାଚେସି,  
 ଇଞ୍ଜା କାପାନା ସିନିକତେସି ଏମ୍ବାଆଁ  
 ପାଡାଡା ହିମ୍ବରକା ମେସ୍ତେସି, ଇଞ୍ଜା ଇଦି  
 ଏନି ଆଚେ ଇଞ୍ଜା କାବାଆହାନା ତାମି  
 ଇଜ ହାଚେସି ।

ଇମାୟୁତା ହାନାୟି

(ମାତି ୧୬:୧୨,୧୩)

୧୩ ଏ ନେରୁ ଏଞ୍ଜାରି ବିତ୍ତାଟି  
 ରିଆରି ଜିରୁସାଲମଟିଏ ଏଗାର  
 କିଲମିଟରଲେହେଁ ହେକ ମାଟି ଇମାୟୁ  
 ଇନି ନାୟୁତା ହାଜିମାଚେରି । ୧୪ ଅଡେ  
 ହାଜି ହାଜିହଁ ଇ ବାରେ କାତା ଜଲକ  
 ଆହିମାଚେରି । ୧୫ ଏଲେକ  
 ଖେସପି ଆହଁ ତାମ୍ବୁ ତାମ୍ବୁସୁ ଜଲକି ଆହିମାଚାଟି  
 ଜୀସୁ ତାମ୍ବୁଏ ଏଞ୍ଜାରିତାଣା ଖାହାନା  
 ଏଞ୍ଜାରିତଲେ ହାଚେସି; ୧୬ ସାମା ଏଞ୍ଜାରି  
 ଏଞ୍ଜାଣାଇଁ ମେସି ଜିକେଏ ପୁଞ୍ଜାଲି

☆ ୨୪:୬ ୨୪:୬ ମାତି ୧୬:୨୧; ୧୭:୨୨,୨୩; ୨୦:୧୮,୧୯; ମାର୍କ ୮:୩୧; ୯:୩୧; ୧୦:୩୩,୩୪; ଲୁକ ୯:୨୨;  
 ୧୮:୩୧-୩୩

ଆଡ଼ାଆଡ଼େରି । ୧୭ ଜୀସୁ ଏଝାରାଇଁ  
 ଝେରେସି, “ମୀରୁ ହାଜି ହାଜିହି  
 ଏନା ଏନାଆଁ ଜଲୁକି ଆହିମାଞ୍ଜେରି  
 ?” ଏମ୍ବାଟିଏ ଏଝାରି ମୁମ୍ବୁ ଝାଡ଼ି  
 କିହାନା ନିତେରି । ୧୮ ଅଡ଼େ ଏଝାରି  
 ବିତ୍ରାଟି କ୍ଲେୟାପା ଇନାସି ରଅସି  
 ଏଝାଣାଇଁ ଝେସ୍ତେସି, “ଇ ଝାରା ବିତ୍ରା  
 ଜିରୁସାଲମତା ଏନା ଏନାୟି ଆଡ଼େ  
 ଏମ୍ବାଆଁ ମାନାରି ବିତ୍ରାଟି ନୀନୁ ରଅତିଏ  
 ପୁଞ୍ଜାହିଲଅତିକି ?”

୧୯ ଏଝାସି ଏଝାରାଇଁ ଝେରେସି, “ଏନା  
 ଏନାୟି ଆଡ଼େ ?”

ଏଝାରି ଏଝାଣାଇଁ ଝେସ୍ତେରି,  
 “ନାଜରିତ ଜୀସୁତି କାତା; ମାହାପୁରୁ  
 ନକିତା ଅଡ଼େ ବାରେ ଲକୁ ନକିତା  
 ଏ ଜୀସୁ କାମାତା ଅଡ଼େ କାତାତା ର  
 ବାଡ଼ୟୁଗାଟି ମାହାପୁରୁ ଅଣପୁତି ବଲୁ  
 ଝେହନାସି ମାରେସି, ୨୦ ଅଡ଼େ ମା କାଜା  
 ପୂଜେରାଜ୍ଞା ଅଡ଼େ ସାଲଝି କିନାରି  
 ଏଝାଣାଇଁ ହାକି ଡଣ୍ଡ ହାହାଲି ହେରପାନା  
 ଏଝାଣାଇଁ ପାସି ମୁଣ୍ଡାତା ଏକହାନା  
 ପାୟିତି କାତା । ୨୧ ସାମା ଏଝାସି  
 ଇସ୍ତାୟେଲ ଲକୁଣି ପିସପି କିନାସି  
 ଇଞ୍ଜି ମାମ୍ବୁ ଆସା କିହାମାଟନି; ସାମା  
 ଇ ବାରେ ଆହାନା ନୀଞ୍ଜୁଟିଏ ତାନିଦିନା  
 ଆହିମାନେ । ୨୨ ଅଡ଼େ ଜିକେଏ ମା  
 ବିତ୍ରାଟି ଏଚରଜାଣା ଇୟାସିକା ମାଞ୍ଜେ  
 ଆଡ଼ାଜାକା କିହାମାଞ୍ଜାନୁ; ଏଝି ଲାଇସିଏ  
 ମାଡ଼ହା ମୁହନି ଟାୟୁତା ହାଜାମାରୁ,  
 ୨୩ ଏମ୍ବାଆଁ ଏଝି ଏଝାଣି ମାଡ଼ହା  
 ମେହଆନା ଝାହାନା ଝେସ୍ତାଡ଼ୁ, ଇଞ୍ଜା  
 ଦୂତୁୟାଁ ତଞ୍ଜାଆହାନା ଝେସ୍ତାଡ଼େରି,  
 ଏଝାସି ନୀତାମାନେସି । ୨୪ ଅଡ଼େ  
 ମା ବିତ୍ରାଟି ଏଚରଜାଣା ମାଡ଼ହା  
 ମୁହନି ଟାୟୁତା ହାଜାନା ଇୟାସିକା  
 ଝେସ୍ତିଲେହେଏ ମେସ୍ତେରି ସାମା  
 ଏଝାଣାଇଁ ମେହଆଡ଼େରି ।”

୨୫ ଏମ୍ବାଟିଏ ଜୀସୁ ଏଝାରାଇଁ  
 ଏଲେଇରେସି, “ଆଡ଼େ ବୁଦି  
 ହିଲଆଗାଟାଡ଼େରି, ଅଡ଼େ ମାହାପୁରୁ  
 ଅଣପୁତି ବଲୁ ଝେହନାରି ବାରେ  
 କାତାଟି ନାମାଲି ଆଡ଼ାଆଲେହେତି

ହିୟାଁ ଗାଟାଡ଼େରି, ୨୬ ଜୀସୁ ଇ ବାରେ  
 କସ୍ତ ବେଟାଆହାନା ତାନି ଗାଝୁରମିତା  
 ହଡ଼ନାୟି ହିଲଆଡ଼େ କି ?” ୨୭ ମସା  
 ଇଞ୍ଜା ବାରେଜାଣା ମାହାପୁରୁ ଅଣପୁତି  
 ବଲୁ ଝେହନାରି ତାଣାଟି ମାଡ଼ହାନା  
 ଦାମ୍ବୁ ସାସ୍ତେରିତା ତାନି ତାକି ରାସ୍ତକି  
 ଆହାମାନି ବାରେ କାତା ଏଝାସି  
 ଏଝାରାଇଁ ପୁଣ୍ଡାସି କିତେସି ।

୨୮ ଏଝାରି ହାଜିମାଟି ନାୟୁଁ ତାଗେ  
 ଏଜାଲିଏ ଜୀସୁ ଅଡ଼େ ନକିତା ହାନି  
 ଅଣପୁ ତସ୍ତେସି । ୨୯ ସାମା ଏଝାରି  
 ଏଝାଣାଇଁ ଆଂଗିହି ଏଲେଇରେରି,  
 “ମା ତଲେ ଡୟାହାଲାମ୍ବୁ ଏନିଇତିହି  
 ଆନ୍ଦେରି ଆହିମାନେ, ଝେଡ଼ାହାରେୟିଏ  
 ।” ଏମ୍ବାଟିଏ ଏଝାସି ଏଝାରିତଲେ  
 ଡୟାଲି ଇଲୁ ବିତ୍ରା ହାରେସି । ୩୦ ଅଡ଼େ  
 ଏଝାରିତଲେ ରାନ୍ଦା ତିଞ୍ଜାଲି କୁଗିତି ଡାୟୁ  
 ଏଝାସି ରୁଟି ଆସାଁ ମାହାପୁରୁଇଁ ଜହରା  
 କିତେସି, ଇଞ୍ଜା ଡିକହାନା ଏଝାରାକି  
 ହାତେସି । ୩୧ ଏମ୍ବାଟିଏ ଏଝାରି କାଣକା  
 ଦେପିଆଡୁ ଇଞ୍ଜା ଏଝାରି ଏଝାଣାଇଁ  
 ପୁରେରି; ଅଡ଼େ ଏ ଦେବୁଣିଏ ଏଝାସି  
 ଏଝାରି କାଣକାତା ତଞ୍ଜା ଆଆଡେସି  
 । ୩୨ ଏଚେଟିଏ ଏଝାରି ତାମ୍ବୁତାମ୍ବୁ  
 ଏଲେଇରେରି, “ଏଚିବେଲା ଜିରୁତା  
 ଏଝାସି ମାଞ୍ଜେ ଜିରୁତା କାତାବାର୍ତା  
 ଆହିମାରେସି ଅଡ଼େ ମାଞ୍ଜେ ଦାମ୍ବୁ  
 ସାସ୍ତେରି ତେଲୁହି କିହିମାଞ୍ଜାଡେସି,  
 ଏଚିବେଲା ମା ହିୟାଁ କାଡ଼ି ମାଞ୍ଜାଆଡେ  
 କି ?”

୩୩ ଅଡ଼େ ଏଝାରି ଦେବୁଣିଏ ନିଜ୍ଞାନା  
 ଜିରୁସାଲମତା ଝେଣ୍ଡା ହାଜାନା କୂଡ଼ା  
 ଆହାମାଇଁ ଏଗାର ଜାଣା ସୀୟୁୟାଁ  
 ଅଡ଼େ ଏଝାରି ଆବୁହିତାରାଇଁ ମେସ୍ତେରି;  
 ୩୪ ଏଝାରି ଏଲେଇଞ୍ଜିମାରେରି, “ପ୍ରବୁ  
 ସାଡେଏ ନିଜ୍ଞାମାନେସି ଅଡ଼େ ସିମନଇ  
 ତଞ୍ଜାଆଡେସି ।”

୩୫ ଅଡ଼େ ଏଝାରି ଜିକେଏ ଜିରୁତି  
 ବାରେ କାତା ଅଡ଼େ ରୁଟି ଡିକହାଟିଏ  
 ଏଝାରି ପୁଞ୍ଜାଲି ଆଡ଼ିତମି ଇଞ୍ଜି ଏଝାରି  
 ଝେସ୍ତେରି ।

ଜୀସୁ ତାନି ସୀସୁୟାଁଇଁ ତଞ୍ଜା ଆନାୟି  
(ମାତି ୨୮:୧୭-୨୦; ମାର୍କ ୧୬:୧୪-  
୧୮; ଜହ ୨୦:୧୯-୨୩; କାମା ୧:୬-୮)

୩୬ ସାମା ଏଞ୍ଜାରି ଇ ବାରେ କାତା  
ଜଲୁକି ଆହିମାଚାଟି ଜୀସୁ ଏଞ୍ଜାରି ମାଦି  
ନିଚାନା ଏଲେଇଚେସି, “ମିଙ୍ଗେ ହିଡ଼ଡ଼ି  
ଆୟାପେ ।”

୩୭ ଏମ୍ବାଟିଏ ଏଞ୍ଜାରି ବୃତୁ ମେସ୍ତମି  
ଇଞ୍ଜା ଅଶ୍ପାନା ଆତାଜାକା  
ଆଡେରି । ୩୮ ଏଚେଟିଏ ଏଞ୍ଜାସି  
ଏଞ୍ଜାରାଇଁ ଏଲେଇଚେସି, “ମୀ ହିୟାତା  
ଏନାଆଁତାକି ଆଜିମାଞ୍ଜେରି, ଇଞ୍ଜା  
ମୀ ହିୟା ଏନାଆଁତାକି ଆନାମାନା  
ଆହିମାନେ ? ୩୯ ନାନୁଏ ଏଞ୍ଜାଚେଏଁ  
ନା କେସ୍ତା କତାୟା ମେହ୍ତୁ, ନାଙ୍ଗେ  
ତୀଗାତୁ ମୀରୁ ନାଙ୍ଗେ ଉଙ୍ଗା ପେଶକା  
ମାନାଣି ମେସ୍ତଲେହେଁ ବୃତୁକି ହିଲାତ ।”

୪୦ ଅଡେ ଏଞ୍ଜାସି ଏଲେଇଞ୍ଜାନା  
ଏଞ୍ଜାରାଇଁ ତାନି କେସ୍ତା କତାୟା ତସ୍ତେସି  
। ୪୧ ଏଲେଜିକେଏ ଏଞ୍ଜାରି ରାହାଁତାକି  
ନାମାଲି ଆଡାଆନା ଆନାମାନା ଆହାଁ  
କାବା ଆହିମାଚାକି ଜୀସୁ ଏଲେଇଚେସି,  
“ମିଙ୍ଗେ ଇମ୍ବାଆଁ ଏନି ରାହା ମାନେକି ?”  
୪୨ ଏମ୍ବାଟିଏ ଏଞ୍ଜାରି ଏଞ୍ଜାଶାକି ର ଞ୍ଜାସ୍ତି  
ମୀନୁ ହାତେରି, ୪୩ ଅଡେ ଏଞ୍ଜାସି ଏନାଆଁ  
ଆସାନା ଏଞ୍ଜାରି ନକିତା ତିଚେସି ।

୪୪ ଇଞ୍ଜା ଏଞ୍ଜାସି ଏଞ୍ଜାରାଇଁ  
ଏଲେଇଚେସି, “ମସାତି ମେରା ପତିତା  
ଇଞ୍ଜା ମାହାପୁରୁ ଅଶ୍ପୁତି ବଲୁ  
ଞ୍ଜେହ୍ନାରି ପତିତା ଅଡେ ପାରୁ ପତିତା  
ନାଙ୍ଗେତାକି ଏନାୟି ରାସ୍ତକି ଆହାମାନେ,  
ଏ ବାରେ ସାତା ଆନାୟି ମାନେ,  
ନାନୁ ମୀ ତଲେ ମାଚାଟି ଇ ବାରେ  
ଞ୍ଜେସାମାଞ୍ଜାଚେଏଁ ।”

୪୫ ଏଚେଟିଏ ଏଞ୍ଜାରି ଏନିକ  
ଦାମ୍ବୁ ସାଡ଼ସ୍ତେରି ତେଲହାଲି ଆଡ଼ିନେରି,  
ଏନାଆଁତାକି ଏଞ୍ଜାରି ହିୟାତି ଦାରା  
ଦେତେସି; ୪୬ ଅଡେ ଏଞ୍ଜାସି ଏଞ୍ଜାରାଇଁ  
ଏଲେଇଚେସି, “ଏଲେଆହୁଁ ରାସ୍ତକି  
ଆହାମାନେ, କ୍ରୀସ୍ତ ଦୁକୁ କସ୍ତ ବେଟା  
ଆନେସି ଅଡେ ତାନି ଦିନାଟିଏ ହାଡ଼ାରି  
ତାଣାଟି ଞ୍ଜେଶ୍ତେ ନିଙ୍ଗିନେସି, ୪୭ ଇଞ୍ଜା

ଜିରୁସାଲମଟିଏ ମାଡ଼ହାନା ବାରେ କୃତା  
ତାଣା ଏଞ୍ଜାଣି ଦରୁଟି ପାପୁ ମ୍ଲେପକି  
ଆୟାଲି ମନ ଞ୍ଜେଟ୍ଟି କାତା ଞ୍ଜେକ୍ନାୟି  
ମାନେ । ୪୮ ମୀରୁ ଇ ବାରେତାକି ସାକି  
ଆଦେରି । ୪୯ ଅଡେ ହେଶ୍ତୁ ଆବା  
ଏନାଆଁ ଆଞ୍ଜାମାନେସି ଏନାଆଁ ନାନୁ ମୀ  
ତାଣା ପାଣ୍ଡିମାଞ୍ଜାଇଁ, ସାମା ଲାକପୁରୁଟି  
ବାଡ଼ୟୁ ପୁଃଆ ପାତେକା ମୀରୁ ଇ  
ଗାଡ଼ାଚେଏ ମାଞ୍ଜୁ ।”

ଜୀସୁ ଲାକପୁରୁ ଅଞ୍ଜିଆନାୟି  
(ମାର୍କ ୧୬:୧୯, ୨୦; କାମା ୧:୯-୧୧)

୫୦ ଏମ୍ବାଟିଏ ଜୀସୁ ଏଞ୍ଜାରାଇଁ  
ବେତନିୟା ପାତେକା ଅଡେସି ଇଞ୍ଜା  
ତାନି କେସ୍ତା ପେରହାନା ଏଞ୍ଜାରାଇଁ  
ବର ହାତେସି । ୫୧ ଇଞ୍ଜା ଏଞ୍ଜାରାଇଁ  
ବର ହାହି ହାହି ଏଞ୍ଜାସି ଏଞ୍ଜାରି  
ତାଣାଟି ଏଟକା ଆହାନା ଲାକପୁରୁ  
ଅଞ୍ଜିଆଡେସି । ୫୨ ଏଚେଟିଏ ଏଞ୍ଜାରି  
ଏଞ୍ଜାରାଇଁ ଜହରା କିହାନା ହାଡ଼େକା  
ରାହାଁତଲେ ଜିରୁସାଲମତା ଞ୍ଜେଶ୍ତା  
ହାଚେରି, ୫୩ ଇଞ୍ଜା ଏ ଦିନାଟିଏ କାଲେଏ  
ମାହାପୁରୁ ଇଲୁତା ମାଞ୍ଜାନା ମାହାପୁରୁଇଁ  
ଜହରା କିହେମାଚେରି ।

☆ ୨୪:୪୯ ୨୪:୪୯ କାମା ୧:୪ ☆ ୨୪:୫୦ ୨୪:୫୦ କାମା ୧:୯-୧୧

# ଯୋହନ ଲିଖିତ ସୁସମାଚାର ଜହନ ରାଢ଼ାମାନି ନେହଁ କାବୁ ମୂଲୁ ହାଡ଼ା

ଜୀସୁ କ୍ରୀସ୍ତତି ଜୀଞ୍ଜୁ ଅଡ଼େ ଇ ଦାର୍ତ୍ତିତା ମାତି କାତା ଜହନ ରାଢ଼ାମାନି ନେହଁ କାବୁ; ପୁଃନି ମୋରାତି ସାରିଗଟା ନେହଁ କାବୁ ପତିୟାଁ ବିଦ୍ରାଟି ଇଦି ଆହିମାନେ ରପତି । ଏଦାରେ ପତିୟାଁଇଁ ନେହଁ କାବୁ ଇନେରି । ଏ ପତିୟାଁ ଜୀସୁ କ୍ରୀସ୍ତ ହାଡ଼ି ତାୟୁ ମାତିୟୁ, ମାର୍କ, ଲୁକ ଅଡ଼େ ଜହନ ରାଢ଼ାମାଚେରି । ପାଣ୍ଡୁଞ୍ଜିଆଡ଼ି ଜହନ ଜୀସୁ କ୍ରୀସ୍ତ ଜାର୍ନାଆଡ଼ି ୯୦ ବାସା ତାୟୁ ଜହନ ରାଢ଼ାମାନି ନେହଁ କାବୁ ରାଢ଼ାମାଚେସି । ଇ ପତିତା ଜହନ ରାଡ଼ିତି କାତା ଷେସା ହିଲାଆଡ଼ି ଜିକେଏ; ୧ଜହ୨ଜହ ଇଞ୍ଜା ଶଜହ ଆକୁ ସମାନା ମାନୁ । ଜହନ ଏପିସିୟ ଗାଡ଼ାତା ମାଚାକି ଇ ପତି ଏପିସତା ରାସ୍ତକି ଆହାମାନେ ଇଞ୍ଜିହଁ ଇନେରି ।

ଜୀସୁଇଁ କ୍ରୀସ୍ତ ଜୀଞ୍ଜୁତି ମାହାପୁରୁ ମୀରଏସି ଇଞ୍ଜିହଁ ଲକୁ ଏନିକଁ ନାମିନେରି, ଏଦାଆଁତାକି ଜହନ ଇ ପତି ରାଢ଼ାମାଚେସି ୨୦:୩୧ । ଇଦାଆଁ ନାମାହାଁ ଏଞ୍ଜାଣି ଦରୁତଲେ ମାର ଜୀଞ୍ଜୁ ବେଟାଆନାୟି । ଇ ପତି ଜୀହୁଦି ଅଡ଼େ ଜୀହୁଦିଆଆଡ଼ି ଲକୁତାକି ରାସ୍ତକି ଆହାମାଚେ । ଜହନ ରାଢ଼ାମାନି ନେହଁ କାବୁ ଏ ତାନିଗଟା ନେହଁ କାବୁ କିହାଁ ରଲେ ମାନେ । ଜହନ ଜୀସୁ କିତି କାବାଆନି କାମାୟାଁ ହାରେକା ରାଢ଼ାମାନେସି ସାମା ପୁଣ୍ଡିକିନି ପୁସ୍ପପନିକା ହାରେକା ରାଢ଼ାହିଲଅସି । ଏଟକା ପତିୟାଁଶା ଜୀସୁ ବାପ୍ତିସ୍ତ ଅନାଣି ଅଡ଼େ ଲକୁ ହିଲାଆ ଟାୟୁତା ତାୟିପାରି

ଆଡ଼ାଣି ରାସ୍ତକି ଆହାମାନେ ଏଦାଆଁ ଇ ପତିତା ରାସ୍ତକି ଆହା ହିଲେଏ ।

**ପତିତା ମାନାୟି;**

- ୧. ତଲିତି ହାଡ଼ା । ୧:୧-୧୮
- ୨. ବାପ୍ତିସ୍ତ ହୀନି ଜହନ ଅଡ଼େ ଜୀସୁତି ମୂଲୁ ସୀସୁୟାଁ । ୧:୧୯-୫୧
- ୩. ଜୀସୁ ସେବା କାମା ମାଟ୍ଟନାୟି । ୨:୧-୧୨:୫୦
- ୪. ଜିରୁସାଲମ ଅଡ଼େ ଦାରିମାରି ଜୀସୁତି କାମା । ୧୩:୧-୧୯:୪୨
- ୫. ଜୀସୁ ହାକିତି ଷେଣ୍ଟେ ନିଜିନାୟି ଅଡ଼େ ସୀସୁୟାଁଇଁ ତଞ୍ଜା ଆନାୟି । ୨୦:୧-୩୧
- ୬. ଗାଲିଲିତା ଷେଣ୍ଟେ ତଞ୍ଜା ଆନାୟି । ୨୧:୧-୨୫

**ଜୀଞ୍ଜୁତି ବଲୁ**

୧ ମୂଲୁଏ ବଲୁ ମାଚେ, ବଲୁ ମାହାପୁରୁ ତଲେ ମାଚେ, ଏ ବଲୁଏ ମାହାପୁରୁ ମାଚେସି । ୨ ମୂଲୁଏ ଏ ବଲୁ ମାହାପୁରୁ ତଲେ ମାଚେ । ୩ ଏ ବଲୁ ତଲେ ମାହାପୁରୁ ବାରେ ଗାଡ଼ିକିତେସି; ଅଡ଼େ ଏନାୟି ବାରେ ଗାଡ଼ି ଆହାମାନେ, ଏ ବିଦ୍ରାଟି ରଣ୍ଡି ଜିକେଏ ଏ ବଲୁ ପିସପେ ରାଡ଼ି ଆହା ହିଲେଏ । ୪ ଏ ବଲୁତା ଜୀଞ୍ଜୁ ମାଚେ ଅଡ଼େ ଏ ଜୀଞ୍ଜୁ ମାଣ୍ଡିୟାଁତି ଉଜେଡ଼ି । ୫ ଏ ଉଜେଡ଼ି ଆନ୍ଦେରିତା ଡ଼ାଞ୍ଜିହଁ ଖାହିମାନେ, ଇଞ୍ଜା ଆନ୍ଦେରି ଏଦାଆଁ ଏଚେଲା ଜିକେଏ ଅପାହିଲେଏ ।

୬ \*ମାହାପୁରୁ ତାଣାଟି ତାନି କାବୁ ଷେହ୍ନାଣାଈଁ ପାଣ୍ଡାତେସି; ଏଞ୍ଜାଣି ଦରୁ ଜହନ । ୭ ଏଞ୍ଜାସି ଉଜେଡ଼ିତି କାତା ଲକୁଇଁ ଷେସାଲି ଖାଡ଼େସି, ଅଡ଼େ ଏନିକିହଁ ବାରେଜାଣା ଏଞ୍ଜାଣି ତାଣାଟି ନାମିନେରି, ଏଦାଆଁତାକି ଏଞ୍ଜାସି ସାକି ହୀହାଲି ଖାଡ଼େସି । ୮ ଏଞ୍ଜାସିଏ ତାନୁଏ ଉଜେଡ଼ି ହିଲାଆତେସି; ସାମା ଏଞ୍ଜାସି ଏ ଉଜେଡ଼ିତି କାତା ଷେସାଲି ଖାଡ଼େସି । ୯ ଏମିନି ସାତା ଉଜେଡ଼ି ବାରେ ଲକୁକି ଉଜେଡ଼ି ହୀନେ, ଏଞ୍ଜାସି ଦାର୍ତ୍ତିତା ଖାଡ଼େସି ।

\* ୧:୬ ୧:୬ ମାତି ୩:୧; ମାର୍କ ୧:୪; ଲୁକ ୩:୧,୨

୧୦ ଏଞ୍ଜେଲ୍ ଦାର୍ତ୍ତିତା ମାରେସି ଅଡ଼େ ଏଞ୍ଜେଲ୍ ତାଣାଟି ଦାର୍ତ୍ତି ବାରେ ରାଡ଼ି ଆଡେ, ଆଡ଼ିଜିକେଏ ଇ ଦାର୍ତ୍ତି ଏଞ୍ଜେଲ୍ ପୁଞ୍ଜାଲି ଆଡ଼ାଆଡେ ।  
 ୧୧ ଏଞ୍ଜେଲ୍ ତାନି ରାଜିତା ଖାଡ଼େସି, ଆଡ଼ିଜିକେଏ ତାନି ଜାହାରା ଲକୁ ଏଞ୍ଜେଲ୍ ଆବାଆଡେରି । ୧୨ ଆମ୍ବାଆରି ଏଞ୍ଜେଲ୍ ଆବିଡେରି ଇଞ୍ଜା ଏଞ୍ଜେଲ୍ ତାଣା ନାନିଡେରି; ଏଞ୍ଜେଲ୍ ଏଞ୍ଜେଲ୍ ମାହାପୁରୁତି ମୀରକା ମାସ୍କା ଆହାଲି ଅଦିକାରା ହାଡେସି । ୧୩ ମାଣ୍ଡସିତି ତାଞ୍ଜିୟା ତାଣାଟି ଜାର୍ନା ଆଡ଼ାକି ଏଞ୍ଜେଲ୍ ମାହାପୁରୁତି ମୀରକା ଆହାହିଲଅରି, ମାହାପୁରୁ ତାନୁଏ ଏଞ୍ଜେଲ୍ ତାଞ୍ଜି ଆଡେସି ।

୧୪ ଅଡ଼େ, ଏ ବଲୁ ମାଣ୍ଡସି ଖାଣା ଆଡେ, ମାହାପୁରୁତି କାର୍ନା ଇଞ୍ଜା ସାତା ତଲେ ମା ତାଣା ବସା କିଡେସି, ଅଡ଼େ ଆଡ଼ା ତାଣାଟି ଖାହାମାନି ରଣ୍ଡିଏ ମୀରଏଣାତି ଗାଞ୍ଜୁରମି ଲେହେଁ ମାର ଏଞ୍ଜେଲ୍ ଗାଞ୍ଜୁରମି ମେସ୍ତାୟି ।

୧୫ ଜହନ ଏଞ୍ଜେଲ୍ କାତାତି ସାକି ହାହାନା କାଜା ଗିୟାତଲେ ଏଲେଇଡେସି, “ଆମ୍ବାଆସି ନା ତାନ୍ତୁ ଖାହିମାନେସି, ଏଞ୍ଜେଲ୍ ନା କିହାଁ କାଜାସି, ଏନାଆଁତାକି ଇଡିହୁଁ ଏଞ୍ଜେଲ୍ ନାନୁ ଜାର୍ନାଆଡ଼ି ନକେଏ ମାରେସି, ଇଞ୍ଜା ଏଞ୍ଜେଲ୍ କାତା ନାନୁ ତଲିଏ ଏଲେଇଞ୍ଜି ସେସାମାଞ୍ଜାଡେସି, ଏଞ୍ଜେଲ୍ ଏଞ୍ଜେଲ୍ ।”

୧୬ ଏନାଆଁତାକି ତାନୁ ପୁରା କିନି ତାଣାଟି ମାର ବାରେ ଜାଣାତାୟି ବାରେ ବେଟାଆହାନା, କାର୍ନା ମୁହେଁ କାର୍ନାମେହନାଣି ବେଟାଆହାମାନାୟି । ୧୭ ମାହାପୁରୁ ମସା ତାଣାଟି ମେରା ହିୟାଡେସି, ସାମା ଜୀସୁ କ୍ରୀସୁ ତାଣାଟି କାର୍ନାମେହନାୟି ଅଡ଼େ ସାତା ଖାଡ଼େ । ୧୮ ଆମ୍ବାଆସି ଏଡେଲା ମାହାପୁରୁଇଁ ମେସାହିଲଅସି, ତାନିତଲେ ମାନି ରଣ୍ଡିଏ ମୀରଏସି ଏଞ୍ଜେଲ୍ ମାହାପୁରୁ ଆବାଇଁ ପୁଣ୍ଡି କିହାମାଞ୍ଜାନେସି ।

ବାପ୍ତିସ୍ମା\* ହାନି ଜହନତି କାରୁ (ମାତି ୩:୧-୧୨; ମାର୍କ ୧:୧-୮; ଲୁକ ୩:୧-୧୮)

୧୯ ନାନୁ ଆମ୍ବାଆତି ଇଞ୍ଜା ଜହନଇଁ ସେଞ୍ଜାଲି ଜୀହୁଦିୟାଁ ଏଡିବେଲା ଜିରୁସାଲମତି କାଜା ପୁଜେରାଞ୍ଜା ଇଞ୍ଜା ଲେବିୟଜାଣି ଜହନ ତାଣା ପାଣ୍ଡିଡେରି, ଏଞ୍ଜେଲ୍ ଇ କାତା ସେସେସି ।

୨୦ ଜହନ ସାତା କାତା ସେସେସି, ଆଏ ଇଞ୍ଜା ଇନାଆଡେସି, ତାରପୁତଲେ ସେସେସି, “ନାନୁ ମସିହା ଆଏ ।”

୨୧ ଏଞ୍ଜେଲ୍ ଏଞ୍ଜେଲ୍ ସେଡେରି, ଆଡିହୁଁ “ନାନୁ ଆମ୍ବାଆତି ? ନାନୁ ଏନାଆଁ ଏଲିୟତି କି ?”

ଜହନ ଏଲେଇଡେସି, “ନାନୁ ଏଲିୟଡେସି ଆଏ ।”

ଏଞ୍ଜେଲ୍ ସେଡେରି, “ନାନୁ ଏନାଆଁ ମାହାପୁରୁ ଅଣ୍ଡପୁତି ବଲୁ ସେହନାତି କି ?” ଏଞ୍ଜେଲ୍ ଏଲେଇଡେସି, “ନାନୁ ଆଏ ।”

୨୨ ଏମ୍ବାଟିଏ ଏଞ୍ଜେଲ୍ ଏଞ୍ଜେଲ୍ ଏଲେଇଡେରି, “ମାଞ୍ଜେ ସେସ୍ତାମୁ, ମାମୁ ମାଞ୍ଜେ ପାଣ୍ଡା ମାଞ୍ଜାନାରାଇଁ ଏନି କାତା ସେହନମି । ନାନୁ ଆମ୍ବାଆଡେସି ଇଞ୍ଜା ସେସାକଡିମାଞ୍ଜି ?”

୨୩ ଜହନ ଏଲେଇଡେସି, “ମାହାପୁରୁ ଅଣ୍ଡପୁତି ବଲୁ ସେହନି ଜିସାୟ ଏନିକ ଜଲ୍ଲାମାରେସି,

‘ନାନୁ ଲକୁ ହିଲାଆ ଚାନ୍ତୁତା କାଜା ଗିୟାତଲେ କାଲ୍ଡି ଆହିମାନି ରଅଣି ହାଡ଼ାଲେହେଁ ତାଡେସି, ପ୍ରବୁତି ଜିରୁ ସଲକେ କିଦୁ ।’”

୨୪ ଅଡ଼େ, ପାରୁସିୟା ବିତ୍ରାତି ଏଚରଜାଣା ପାଣ୍ଡି ଆହାମାରେରି, ୨୫ ଏଞ୍ଜେଲ୍ ଜହନଇଁ ସେଡେରି, “ନାନୁ କ୍ରୀସୁ କି ଏଲିୟ କି ମାହାପୁରୁ ଅଣ୍ଡପୁତି ବଲୁ ସେହନାତି ଆଏ, ଆଡିହୁଁ ନାନୁ ଏନାଆଁତାକି ବାପ୍ତିସ୍ମା† ହାହିମାଞ୍ଜି ?”

୨୬ ଜହନ ଏଞ୍ଜେଲ୍ ଏଲେଇଡେସି, “ନାନୁ ଏନ୍ତୁତା ବାପ୍ତିସ୍ମା‡ ହାହିମାଇଁ; ଆମ୍ବାଆରାଇଁ ମୀରୁ ପୁଞ୍ଜାହିଲଅଡେରି, ଏଞ୍ଜେଲ୍ ମୀ ବିତ୍ରା ମାନେସି । ୨୭ ଏଞ୍ଜେଲ୍

\* ୧:୧୮ ୧:୧୯ ମୁଞ୍ଜନାୟି † ୧:୨୫ ୧:୨୫ ମୁଞ୍ଜନାୟି ‡ ୧:୨୭ ୧:୨୭ ମୁଞ୍ଜନାୟି

ନା ତାମ୍ଭୁ ଖାହିମାନେସି, ନାନୁ ଏଞ୍ଜାଣି ସେପୁୟାଁତି ଡର୍କା ଜିକେଏ ହୁକହାଲି ଜଟେ ଆଏ ।”

୨୮ ଏମିନି ଜର୍ଦନ କାତାତି ଝେଡ଼ା ହପୁଞ୍ଜାକିତି ବେତନିୟାତା ଜହନ ବାପ୍ତିସ୍ମାଁ ହାହିମାରେସି, ଏ ଚାମ୍ଭୁତା ଇ ବାରେ ଆହାମାରେ ।

ମାହାପୁରୁତି ମେଣ୍ଡା ତାଲୁ

୨୯ ଏ ଅର ନେରୁ ଜହନ ଜୀସୁଇଁ ତାନି ଖାକି ଖାହିମାନାଣି ମେସାନା ଏଲେଇରେସି, “ସିନିକିଦୁ ମାହାପୁରୁତି ମେଣ୍ଡା ତାଲୁ, ଆମିନିଗାଟାସି ଇ ଦାରୁତିତି ପାପୁ ବାରେ ଡେକା ଅନେସି । ୩୦ ଇଞ୍ଜାସିଏ ଏଞ୍ଜାସି, ଆମ୍ବାଆରି କାତା ନାନୁ ଝେସାମାଞ୍ଜାତେସି, ‘ର ମାଣ୍ଡସି ନା ତାମ୍ଭୁ ଖାହିମାନେସି, ସାମା ଏଞ୍ଜାସି ନା କିହାଁ କାଜାସି, ଇଞ୍ଜା ଏଞ୍ଜାସି ନାନୁ ଜାନାଆଡ଼ି ନକେଏ ମାରେସି ।’ ୩୧ ନାନୁ ଜିକେଏ ଏଞ୍ଜାଣାଇଁ ପୁଞ୍ଜା ହିଲାଆତେସି, ସାମା ଏଞ୍ଜାସି ଏନିକିହୁଁ ଇସ୍ତାୟେଲ ଲକୁ ନକିତା ତଞ୍ଜାଆନେସି, ଇଦାଆଁତାକି ନାନୁ ଏୟୁତା ବାପ୍ତିସ୍ମାଁ\* ହାହାଲି ଖାହାମାଇ ।”

୩୨ ଅଡ଼େ ଜହନ ସାକି ହାହାନା ଝେସେସି, “ନାନୁ ସୁଦୁଜୀଞ୍ଜୁ ପାରୁଞ୍ଜା ପଟାଲେହେଁ ଲାକପୁରୁତି ରେଟା ଖାହିମାନାଣି ମେସେସି, ଇଞ୍ଜା ଏଡ଼ି ଏଞ୍ଜାଣିଲାକ କୁଗିତେ । ୩୩ ନାନୁ ଜିକେଏ ଏଞ୍ଜାଣାଇଁ ପୁଞ୍ଜା ହିଲାଆତେସି, ସାମା ଆମ୍ବାଆସି ନାଞ୍ଜେ ଏୟୁତା ବାପ୍ତିସ୍ମାଁ\* ହାହାଲି ପାଣ୍ଡାମାଞ୍ଜାନେସି, ଏଞ୍ଜାସି ନାଞ୍ଜେ ଝେସ୍ତାତେସି, ‘ଆମିନିଗାଟାଣି ଲାକ ସୁଦୁଜୀଞ୍ଜୁ ରେଟା ଖାହାଣି ଅଡ଼େ କୁଗିନାଣି ମେହୁଦି, ଆମ୍ବାଆସି ସୁଦୁଜୀଞ୍ଜୁ ତଲେ ବାପ୍ତିସ୍ମାଁ\* ହାନେସି, ଏଞ୍ଜାସି ଏ ମାଣ୍ଡସି ।’ ୩୪ ଜହନ ଏଲେଇରେସି, “ନାନୁ ଏଦାଆଁ ମେସାମାଇଁ, ଏଦାଆଁତାକି ନାନୁ ମିଙ୍ଗା ଝେସିମାଞ୍ଜାଇଁ, ଏଞ୍ଜାସି ମାହାପୁରୁ ମୀରୁଏସି ।”

ଜୀସୁତି ମୁଲୁ ସାସୁ

୩୫ ତାନି ଅର ନେରୁ ଜହନ ତାନି ରୀ ସୀସୁୟାଁ ତଲେ ନିଚାମାରେସି; ୩୬ ଏଞ୍ଜାସି ଜୀସୁଇଁ ଏ ଜିରୁଟି ହାଜିମାନାଣି ମେସାନା ଏଲେଇରେସି, “ସିନିକିଦୁ ମାହାପୁରୁତି ମେଣ୍ଡା ତାଲୁ !”

୩୭ ଏ ରୀ ସୀସୁୟାଁ ଏଞ୍ଜାଣି ହାଡ଼ା ଝେଞ୍ଜାନା ଜୀସୁ ଜେଟ ଜେଟ ହାରେରି । ୩୮ ଜୀସୁ ଝେଣ୍ଡେ ତିରୁଞ୍ଜାନା ଏଞ୍ଜାରାଇଁ ତାନି ଜେଟ ଜେଟ ହାଜିମାନାଣି ମେସାନା ଝେରେସି, “ମୀରୁ ଏନାଆଁ ପାରିମାଞ୍ଜେରି ?” ଏଞ୍ଜାରି ଝେରେରି, “ରାବିଁ ନୀନୁ ଆମ୍ବିୟା ଡୟିମାଞ୍ଜି ?”

୩୯ ଜୀସୁ ଏଞ୍ଜାରାଇଁ ଏଲେଇରେସି, ଖାଦୁ, ମେହୁଦେରି । ଏମ୍ବାଟିଏ ଏଞ୍ଜାରି ହାଜାନା ତାନି ଡୟିନି ଚାମ୍ଭୁ ମେସେରି, ଇଞ୍ଜା, ଏ ଦିନା ଏଞ୍ଜାଣିତଲେ ଡୟିତେରି; ଏନାଆଁତାକି ଇଚିହୁଁ ଏଚିବେଲା ଲାଈତି ଦସ ଗଂଗା ଆହାମାରେ ।

୪୦ ଜହନତି କାତା ଝେଞ୍ଜାନା ଆମିନି ରିଆରି ଜୀସୁ ଜେଟ ଜେଟ ହାଜାମାରେରି, ଏଞ୍ଜାରି ବିତ୍ରା ରଅସି ସିମନ ପିତରତି ତାୟି ଆହିୟ ମାରେସି । ୪୧ ଏଞ୍ଜାସି ତଲିଏ ତାନି ତାୟି ସିମନଇଁ ମେସାନା ଏଲେଇରେସି, “ମୀମୁ ମସିହାଇଁ\* ମେସୁମି ।” ୪୨ ଆହିୟ ସିମନଇଁ ଜୀସୁ ତାଣା ତାତେସି । ଜୀସୁ ଏଞ୍ଜାଣାଇଁ ଆଟେ ସିନିକିହାନା ଏଲେଇରେସି, “ନୀନୁ ଜହନ ମୀରୁଏଣା ସିମନତି । ନୀନୁ କେପାଁ ଦରୁଟି ଝେଈଦି ।”

ଜୀସୁ ପିଲିପ ଅଡ଼େ ନିତନିୟେଲଇଁ ହାଡ଼ିନାୟି

୪୩ ଅର ନେରୁ ଜୀସୁ ଗାଲିଲିତା ହାଜାଲି ଅଣ୍ଡପିତେସି, ଏଞ୍ଜାସି ପିଲିପଇଁ ମେସାନା ଏଲେଇରେସି, “ନା ଜେଟ ଖାମୁ !” ୪୪ ପିଲିପ ବେଡ଼ସାୟିଦା ଗାଡ଼ାତାସି ମାରେସି, ଏଡ଼ି ଆହିୟ ଇଞ୍ଜା ପିତରତି ଗାଡ଼ା ମାରେ । ୪୫ ପିଲିପ ନିତନିୟେଲଇଁ ମେସାନା ଏଞ୍ଜାଣାଇଁ

§ ୧:୨୮ ୧:୨୮ ମୁଞ୍ଜିନାୟି \* ୧:୩୧ ୧:୩୧ ମୁଞ୍ଜିନାୟି † ୧:୩୩ ୧:୩୩ ମୁଞ୍ଜିନାୟି ‡ ୧:୩୩ ୧:୩୩ ମୁଞ୍ଜିନାୟି § ୧:୩୮ ୧:୩୮ ଗୁରୁ \* ୧:୪୧ ୧:୪୧ ମସିହାତି ଇଚିହୁଁ କ୍ରୀସ୍ତ † ୧:୪୨ ୧:୪୨ କେପା ଇଚିହୁଁ ପିତର

ଏଲେଇରେସି, “ଆମ୍ଭାଆରି କାତା ମସାତି ମୋରାତା ରାଚାମାନେରି, ଅଡ଼େ, ମାହାପୁରୁ ଅଣ୍ଟପୁତି ବଲୁ ଖେହନାରି ଜିକେଏ ରାଚାମାନେରି, ମାମ୍ଭୁ ଏଞ୍ଜାଣାଇଁ ବେଟାଆହାମାନମି । ଏଞ୍ଜାସି ଜସେପ ମୀରଏସି ନାଡ଼ିକିତତି ଜୀସୁ ।”

୪୭ ନିତନିୟେଲ ଏଞ୍ଜାଣାଇଁ ଖେଚେସି, “ନାଜ୍ଜରିତତା କି ଏନି ନେହୁଁ କାମା ଆହିମାନେ ?”

ପିଲିପ ଏଲେଇରେସି, “ଞ୍ଜାହାନା ସିନିକିମୁ ।”

୪୮ ଜୀସୁ ନିତନିୟେଲଇଁ ତାନି ତାଣା ଞ୍ଜାହିମାନାଣି ମେସାନା ଜୀସୁ ଏଞ୍ଜାଣି କାତା ଖେସେସି, “ମେହୁଦୁ ଇଞ୍ଜାସି ସାତା ତଲେ ଇସ୍ରାୟେଲତି ଲକ୍ଷୁ; ଇଞ୍ଜାଣି ତାଣା ଏନାୟି ନାଡ଼ିକିନି ବୁଦି ହିଲେଏ !”

୪୯ ନିତନିୟେଲ ଜୀସୁଇଁ ଖେଚେସି, “ନୀନୁ ନାଜ୍ଜେ ଏନିକିହୁଁ ପୁଞ୍ଜାତି ?”

ଜୀସୁ ଏଲେଇରେସି, “ପିଲିପ ନିଜ୍ଜେ ହାଟାତି ନକେଏ ନୀନୁ ତୟା ମାରୁନୁ ଡ଼ଇ ମାତି, ଏଚେତା ନୀନୁ ନିଜ୍ଜ ମେସାମାଞ୍ଜାତେଏଁ ।”

୫୦ ନିତନିୟେଲ ଏଲେଇରେସି, “ଏ ଗୁରୁ ନୀନୁ ମାହାପୁରୁ ମୀରଏଣାତି ! ନୀନୁଏ ଇସ୍ରାୟେଲ ରାଜାତି ।”

୫୧ ଜୀସୁ ଏଲେଇରେସି, “ନୀନୁ ନିଜ୍ଜେ ତୟା ମାରୁନୁ ଡ଼ଇ ମେସାତେଏଁ ଇଞ୍ଜୁଁ ଖେସାଲିଏ ନୀନୁ ନାମିମାଞ୍ଜି ?” ନୀନୁ ଇଦାଆଁ କିହାଁ ହାରେକା କାଜା କାମାୟାଁ ମେହୁଦି । ୫୨ ଜୀସୁ ନିତନିୟେଲଇଁ ଏଲେଇରେସି, “ନୀନୁ ନିଜ୍ଜେ ସାତା ଖେସିମାଞ୍ଜାଇଁ ନୀନୁ ଲାକପୁରୁ ଦେପିଆହାମାନାଣି ଇଞ୍ଜାଁ ମାଣ୍ଠସି ମୀରଏଣା ତାଣା ମାହାପୁରୁତି ଦୁଡୁୟାଁ ଲାକ ହାଜିମାନାଣି ଅଡ଼େ ଡ଼ଇ ଞ୍ଜାହିମାନାଣି ମେହୁଦି ।”

୨

କାନା ଗାଡ଼ାତି ବାହା ବଜିତା ଜୀସୁ

୧ ତାନି ଦିନା ଜେତ ଗାଲିଲିତି କାନା ଗାଡ଼ାତା ର ବାହା ମାଚେ, ଜୀସୁ ତାନି

ଇୟା ମରିୟମ ଜିକେଏ ଏମ୍ବାଆଁ ମାଚେ; ୨ ଜୀସୁ ଜିକେଏ ତାନି ସୀସୁୟାଁ ତଲେ ବାହାତା ହାଜାଲି ହାଟୁକି ଆହାମାଚେସି । ୩ ଏଚିବେଲ୍ଲା ଅଜ୍ଜୁରି ରାସା ରାହାହାରୁ, ଜୀସୁଇଁ ତାନି ଇୟା ଏଲେଇରେ, “ଏଞ୍ଜାରି ଅଜ୍ଜୁରି ରାସା ରାହାହାରୁ ।”

୪ ଏମ୍ବାଟିଏ ଜୀସୁ ତାନି ଇୟାନି ଏଲେଇରେସି, “ଇୟା, ନୀନୁ ନାଜ୍ଜେ ଏନାଆଁ କିନାୟିମାନେ ଏନାଆଁକି ଖେସିମାଞ୍ଜାଦି ? ନା କାଲ୍ଲା ନୀଏଁ ପାତେକା ଞ୍ଜାହାହିଲେଏ ।”

୫ ଜୀସୁ ତାନି ଇୟା କାମା କିନାରାଇଁ ଏଲେଇରେ, “ଏଞ୍ଜାସି ମିଜ୍ଜେ ଏନାଆଁ ଖେସ୍ରାନେସି ଏଲେକିହୁଁଏ କିଦୁ ।”

୬ ଅଡ଼େ, ଏମ୍ବାଆଁ ଜୀହୁଦିୟାଁ ସୁଦୁ କିହାଲି ନରୁନି ମୋରାତାକି ସ ଗଟା କାଜା ଖାଲକାତି ଏୟୁ ଗୁନାୟାଁ ମାରୁ ।

୭ ଜୀସୁ ହଲିୟାଜାଣି ଏଲେଇରେସି, “ଇ ଗୁନାୟାଁଣା ଏୟୁ ନେଞ୍ଜିକିଦୁ ।”

ଏଞ୍ଜାରି ଏମ୍ବାଆଁ ନେଞ୍ଜିକିତେରି । ୮ ଜୀସୁ ଏଞ୍ଜାରାଇଁ ଏଲେଇରେସି, “ଇମ୍ବାଟି ଇଚରା ଅହାନା ବଜିତି ଗୁମୁସ୍ରାକି ହୀଦୁ ।” ଏମ୍ବାଟିଏ ଏଞ୍ଜାରି ଅଡ଼େରି ।

୯ ବଜିତି ଗୁମୁସ୍ରା ଅଜ୍ଜୁରି ରାସା ଆହାମାନି ଏ ଏୟୁତି ଞ୍ଜାଣ୍ଡାହାଁ ଏଞ୍ଜି ଏମ୍ବିଟି ତାପିଆଡୁ, ପୁଞ୍ଜା ହିଲାଆତେସି । ସାମା ଏ ହଲିୟାଜା ଏୟୁ ଞ୍ଜାକ୍‌ହା ମାଚାରି ପୁଞ୍ଜାମାଚେରି ଏଦାଆଁତାକି ହନେଏଣାଇଁ ହାଟାହାଁ ଏଲେଇରେସି ।

୧୦ ବାରେଜାଣା ତଲିଏ ନେହୁଁ ଅଜ୍ଜୁରି ରାସା ହୀନେରି ଅଡ଼େ ଏମ୍ବାଆଁ ଞ୍ଜାହାଡ଼ୟିନି ଲକ୍ଷୁ ହଡ଼ିସାରେ ତାୟୁ ଲାଗେଏତି ଅଜ୍ଜୁରି ରାସା ହୀନେରି; ସାମା ମୀରୁ ବାରେ ନେହୁଁ ଅଜ୍ଜୁରି ରାସା ନୀଏଁ ପାତେକା ଇଟାମାଞ୍ଜେରି ।

୧୧ ଜୀସୁ ଇଲେକ ଗାଲିଲିତି କାନା ଗାଡ଼ାତା କାବାଆନି କାମା ମାଟହାନା ତାନି ଗାଞ୍ଜୁରମି ତସେସି, ଅଡ଼େ ସୀସୁୟାଁ ଏଞ୍ଜାଣି ତାଣା ନାମିତେରି ।

୧୨ ଏଦାଆଁ ତାୟୁ ଜୀସୁ ତାନି ଇୟା, ତାୟିୟାଁ ଅଡ଼େ ସୀସୁୟାଁ ତଲେ

କପରନାହୁମତା ହାରେରି; ଇଞ୍ଜା ଏମ୍ବାଆଁ ହାରେକା ଦିନା ଡ଼ୟାଆତେରି ।

ଜୀସୁ ଜିରୁସାଲମତା ହାନାୟି

(ମାତି ୨୧:୧୨-୧୩; ମାର୍କ ୧୧:୧୫-୧୭; ଲୁକ ୧୯:୪୫-୪୬)

୧୩ ଏଚିବେଲ୍ଲାତା ଜୀହୁଦିଜା

ପିସ୍ପିଆନ୍ଦି ପାର୍ବୁ ତାଗେ ଆହାମାଚେ, ଅଡ଼େ ଜୀସୁ ଜିରୁସାଲମତା ହାଚେସି ।

୧୪ ଏମ୍ବାଆଁ ଜୀସୁ ମେସ୍ତେସି, ମାହାପୁରୁ ଇଲୁ ବିତ୍ରା ଲକୁ କଡ଼ିୟାଁ ମେଣ୍ଡାୟାଁ ଅଡ଼େ ପଟାୟାଁ ବେବାରା କିନାରି

ଅଡ଼େ ତାରୁୟାଁ ବେବାରା କିନାରି କୁଗାମାଚେରି; ୧୫ ଏମ୍ବାଟିଏ ଜୀସୁ ଡ଼ରିଡ଼ି ସାଟ୍ଟି କେପାନା କଡ଼ିୟାଁ ମେଣ୍ଡାୟାଁ ମାହାପୁରୁ ଇଲୁଟି ପାଜାତା ପେରହା ପାଣ୍ଡାନା ଟାକାୟାଁ ବେବାରା ଗାଟାରି

କୁଚିୟାଁ ତିରିମ୍ବୁପହାନା ଟାକାୟାଁ ବାରେ ଡ଼ାଞ୍ଜିଚେସି । ୧୬ ପଟାୟାଁ ବେବାରା ଗାଟାରାଇଁ ଏଲେଇଚେସି, “ଇ ବାରେଡ଼ି ଇମ୍ବାଟି ଅହାଡ଼ହୁପୁ, ନା ଆବା ଇଲୁଡ଼ି

ବେବାରା ଇଲୁ କିଆପୁ ।” ୧୭ ଇଦାଆଁ ମେସାନା ସାସ୍ତେରିତା ରାସ୍ତି ଆହାମାନି ର କାତା ସାସୁୟାଁ ମନତା ଝାଡ଼େ, “ନୀ ଇଲୁଡାକି ନା ରାହାଁ ନାଜେ ହାରେକା ନାସା କିୟାନେ ।”

୧୮ ଜୀହୁଦିୟାଁ ଜୀସୁଇଁ ଖେଚେରି, “ନୀନୁ ଇ ବାରେ କାମା କିହାଲିତାକି ଅଦିକାରା ବେଟାଆହାମାଞ୍ଜି, ଏମ୍ବାତି ସିନା ମାଜେ ଏନାଆଁ ତସିମାଞ୍ଜାଦି ?”

୧୯ ଜୀସୁ ଏଲେଇଚେସି, “ଇ ଦେଖୁଡ଼ିତି ନାସା କିପୁ, ଅଡ଼େ ତାନି ଦିନାଟିଏ ନୀନୁ ଏଦାଆଁ ଖେଣ୍ଡେ କେପିଇଁ ।”

୨୦ ଏଚେଟିଏ ଜୀହୁଦି ଲକୁ ଏଲେଇଚେରି, “ଏନାଆଁ ତାନିଦିନା ବିତ୍ରା ନୀନୁ ଇଦାଆଁ କେପାଲି ଆଡ଼ିଦି ? ଇ ଦେଖୁଡ଼ି କିହାଲିତାକି ରୀ କଡ଼ି ସ ବାର୍ସା ଆହାମାନେ ।”

୨୧ ସାମା ଜୀସୁ ଜାହାରା ଆଜା ଲେହେଡ଼ି ଦେଖୁଡ଼ିତି ତସାନା ଇଦାଆଁ ଖେସାମାଚେସି । ୨୨ ଇଦାଆଁତାକି

ଜୀସୁ ହାହାନା ନିଜାଲିଏ ତାନି ସୀସୁୟାଁ ଜୀସୁ ଇ କାତା ଖେସାମାଚେସି ଇଞ୍ଜା ଅଣ୍ଡିଚେରି; ଅଡ଼େ ଦାମ୍ବୁ ସାସ୍ତେରି ଅଡ଼େ ଜୀସୁ ଖେସାମାଟି କାତାଡ଼ି ନାମିଚେରି ।

ଜୀସୁ ଲକୁଡ଼ି ଗୁଣ୍ଡୁ ପୁନାସି

୨୩ ପିସ୍ପିଆନ୍ଦି ପାର୍ବୁ ଆହିମାଟି

ବେଲ୍ଲାତା ଜିରୁସାଲମତା ଜୀସୁ ମାଟାଟି ହାରେକା ତାନି କାବାଆନ୍ଦି କାମା ମେସାନା ତାନି ଦରୁତା ହାରେକା ଜାଣା ନାମିଚେରି । ୨୪ ସାମା ଜୀସୁ ଏ ଲକୁଣି ନାମାଆନା ଏଝାରି ତାଣ୍ଡାଟି ଏଟକା ଡ଼ୟିଚେସି, ଏନାଆଁତାକି ଇଚିହୁଁ

ଏଝାରାଇଁ ନେହୁଁ କୁଞ୍ଜାମାଚେସି । ୨୫ ଅଡ଼େ ଆମ୍ବାଆସି ମାଣ୍ଡସି କାତା ସାକି ହୀନେସି, ଇଦି ଏଝାଣାକି ଲଡ଼ା ହିଲାଆଚେ, ଇଚିହୁଁ ମାଣ୍ଡସି ବିତ୍ରା ଏନାୟି ମାନେ ଏଝାସି ତାନୁଏ ପୁଞ୍ଜାଲି ଆଡ଼ିମାଚେସି ।

### ୩

ଜୀସୁ ଅଡ଼େ ନିକଦିମ

୧ ପାରୁସିୟାଁ ଗଟିଟି ନିକଦିମ ଇଞ୍ଜା ର ମାଣ୍ଡସି ମାଚେସି, ଏଝାସି ଜୀହୁଦି ଲକୁଣି ସାଲୁଝି କିନାସି ମାଚେସି । ୨ ଏଝାସି ଲାଆଁ ବେଲ୍ଲାତା ଜୀସୁ ତାଣା ଝାହାନା ଏଲେଇଚେସି, “ଏ ରାବି,\* ମାମ୍ବୁ ପୁଞ୍ଜାମାନମି ନୀନୁ ମାହାପୁରୁ ପାଣ୍ଡାମାଞ୍ଜାନି ଗୁରୁ । ନୀନୁ ଆମିନି ବାରେ କାବାଆନ୍ଦି କାମା କିହିମାଞ୍ଜି, ମାହାପୁରୁ ସାୟେମି ହିଲାଆସାରେ ଏଦାଆଁ ଆମ୍ବାଆରି କିହାଲି ଆଡ଼ଅରି ।”

୩ ଜୀସୁ ଏଝାଣାଇଁ ଏଲେଇଚେସି, ସାତା ସାତା ନୀନୁ ନିଜା ଖେସିମାଞ୍ଜାଇଁ, ଅଡ଼େ ଖେଣ୍ଡେ ଜାନା ଆଆସାରେ ଆମ୍ବାଆସି ମାହାପୁରୁ ରାଜି ମେସାଲି ଆଡ଼ଅସି ।

୪ ନିକଦିମ ଏଝାଣାଇଁ ଖେଚେସି, “ବୁଡ଼ହା ଆଡ଼ିସାରେ ମାଣ୍ଡସି ଅଡ଼େ ଖେଣ୍ଡେ ଏନିକିଁ ଜାନା ଆହାଲି ଆଡ଼ିନେସି ? ତାଲିନି ବାଣ୍ଡିତା ହଡ଼ାନା

\* ୨:୧୯ ୨:୧୯ ମାତି ୨୭:୭୧; ୨୭:୪୦; ମାର୍କ ୧୪:୫୮; ୧୫:୨୯ \* ୩:୨ ୩:୨ ଗୁରୁ



ଏଝାସି ଝେଣ୍ଠେ ଜାନା ଆହାଲି ଆଡ଼ିନେସି ?”

୫ ଜୀସୁ ଏଲେଇଚେସି; “ସାତା ସାତା ନାନୁ ନିଙ୍ଗ ଝେସିମାଞ୍ଜାଇ” ଏୟୁ ଅଡେ ସୁଦୁଜୀଝୁଟି ଜାନା ଆଆସାରେ ଆମ୍ବାଆସି ମାହାପୁରୁ ରାଜିତା ହଡ଼ାଲି ଆଡ଼ଅସି । ୬ ଆଙ୍ଗାଟି ଏନାୟି ଜାନା, ଏଦି ଆଙ୍ଗା; ଅଡେ ସୁଦୁଜୀଝୁଟି ଏନାୟି ଜାନା ଆଡେନ, ଏଦି ସୁଦୁଜୀଝୁ । ୭ ନିଙ୍ଗେ ଝେଣ୍ଠେ ଜାନା ଆନାୟି ଲଡ଼ାମାନେ ଇଞ୍ଜି ନାନୁ ନିଙ୍ଗ ଝେସ୍ତାତେସି, ଏଦାଆଁତାକି କାବା ଆଆନି । ୮ ଗାଲି ଆମ୍ବିୟାଝାକି ମନ କିନେ, ଏତାଲା ଝାକି ହାନେ, ଅଡେ ନାନୁ ଝାରଇ ଏଦାନି ହାଡ଼ା ଝେଞ୍ଜାଲି ଆଡ଼ିଦି, ସାମା ଏଦି ଏମିନି ତାଣାଟି ଝାଡେନ ଅଡେ, ଏମ୍ବିୟା ହାନେ, ଏଦାଆଁ ପୁନଅତି; ସୁଦୁଜୀଝୁଟି ଜାନା ଆହାମାନି ବାରେଜାଣା ଏଲେକିହି ଏ ।

୯ ନିକଦିମ ଏଝାଣାଇଁ ଏଲେଇଚେସି, “ଏଦି ଏନିକି ଆହାଲି ଆଡ଼ିନେ?”

୧୦ ଜୀସୁ ଏଝାଣାଇଁ ଏଲେଇଚେସି; “ନାନୁ ଇସ୍ତାୟେଲତି ଗୁରୁ ଆହାନା ଜିକେଏ, ଇ ବାରେ ତେଲିହି ହିଲଅତି କି ? ୧୧ ନାନୁ ନିଙ୍ଗ ସାତା ଝେସିମାଞ୍ଜାଇଁ, ନାନୁ ଏନାଆଁ ପୁଞ୍ଜାମାଇଁ, ଏଦାନି କାତା ଝେସିମାଞ୍ଜାଇଁ, ଏନାଆଁ ମେସାମାଇଁ, ଅଡେ ନାନୁ ନା କାତା ନାମିହିଲଅତି । ୧୨ ନାନୁ ଦାରତି କାତାଟି ଝେସ୍ତାସାରେ ନାନୁ ନାମଅତି, ଆଡିହିଁ ଲାକପୁରୁଟି ହାଡ଼ା ଝେସ୍ତାସାରେ ଏନିକି ନାମିଦି ? ୧୩ ଆମିନି ମାଣସି ମୀରୁଏସି ଲାକପୁରୁଟି ରେତା ଝାଡେସି, ଏଝାଣି ପିସପେ ଅଡେ ଆମ୍ବାଆସି ଲାକପୁରୁ ହାଜାହିଲଅସି ।”

୧୪ ଅଡେ, ମସା ଏନିକିଁ ଲକୁ ହିଲାଆ ଚାୟୁତା ପିତାଡ଼ା ରାଚୁତି ଲାକ ପେରହା ମାଚେସି, ମାଣସି ମୀରୁଏସି ଜିକେଏ ଏଲେକିହିଁ ଏ ଲାକ ପେରଝି ଆନେସି । ୧୫ ଏନିକିହିଁ ଆମ୍ବାଆସି ତାନି ତାଣା ନାମିନେସି, ଏଝାସି କାଲାକାଲାତି ଜୀଝୁ ବେଟା ଆନେସି । ୧୬ ଇଚିହିଁ ମାହାପୁରୁ ଦାରତିତି

ଏଚେକା ଜୀଝୁ ନଡେସି, ଏଝାସି ତାନି ରଣ୍ଡିଏ ମୀରୁଏଣାଇଁ ଦାନା ହୀତେସି, ଏନିକିହିଁ ଏଝାଣି ତାଣା ନାମିନାସି ନାସା ଆଆନା କାଲାକାଲାତି ଜୀଝୁ ବେଟା ଆନେସି । ୧୭ ଇଚିହିଁ ଦାରତିତା ନୀହାୟି କିହାଲିତାକି ମାହାପୁରୁ ତାନି ମୀରୁଏଣାଇଁ ଦାରତିତା ପାଣ୍ଡାଆନା, ଦାରତି ଏନିକିଁ ତାନିତାଣାଟି ଗେଲପିଆନେ, ଏଦାଆଁତାକି ତାନି ମୀରୁଏଣାଇଁ ପାଣ୍ଡାତେସି ।

୧୮ ଆମ୍ବାଆସି ତାନି ତାଣା ନାମିନେସି, ଏଝାସି ନୀହାୟି କିଝି ଆଅସି ଆମ୍ବାଆସି ନାମଅସି, ଏଝାସି ନୀହାୟି କିଝି ଆଡେସିଏ, ଏନାଆଁତାକି ଇଚିହିଁ ମାହାପୁରୁଟି ରଣ୍ଡିଏ ମୀରୁଏଣା ଦରୁତି ନାମାହିଲଅସି । ୧୯ ଅଡେ ଏ ନୀହାୟି ଇଦି, ଇ ଦାରତିତା ଉଜେଡ଼ି ତଞ୍ଜା ଆହାମାନେ, ଅଡେ ଲକୁ ଉଜେଡ଼ି ପିସାନା ଆନେରିତି ଜୀଝୁ ନଡେରି, ଏଦାଆଁତାକି ଏଝାରି ବାରେ କାମା ଲାଗେଏତାୟି । ୨୦ ଇଚିହିଁ ଆମ୍ବାଆରି ଲାଗେଏତି କାମାକିନାରି, ଉଜେଡ଼ିତି ଅପଅରି, ଅଡେ ଏଚେତା ତାନି ପାପୁ କାମା ତଞ୍ଜାଆନେ, ଏଦାଆଁତାକି ଉଜେଡ଼ିତା ଝାଅରି । ୨୧ ସାମା ଆମ୍ବାଆରି ସାତା କାମା କିନେରି, ଏଝାରି ଉଜେଡ଼ିତା ଝାଡେନରି, ଏନିକିଁ ତାନି କାମା ବାରେ ମାହାପୁରୁ ତାଣାଟି ତାରି ଆଡ଼ାୟି ଇଞ୍ଜି ତଞ୍ଜାଆନେ ।

ଜୀସୁ ଅଡେ ଜହନ

୨୨ ଇଦାଆଁ ତାୟୁ ଜୀସୁ ଅଡେ ତାନି ସୀସୁୟାଁ ଜୀହୁଦା ରାଜିତା ହାଚେରି, ଅଡେ ଏଝାସି ଏ ଚାୟୁତା ତୁୟାନା ବାପ୍ତିସ୍ତାଁ ହୀହାଲି ମାଟୁହେସି । ୨୩ ଜହନ ଜିକେଏ ସାଲମତି ତାଗେ ଏନନ୍ତା ବାପ୍ତିସ୍ତାଁ ହୀହିମାଚେସି, ଇଚିହିଁ ଏମ୍ବାଆଁ ଗାତି ଏୟୁ ମାରୁ, ଅଡେ ଲକୁ ଝାହାନା ବାପ୍ତିସ୍ତାଁ ଅହିମାଚେରି । ୨୪ ଏଚିବେଲା ପାଚେକା ଜହନ କାୟିଦିତା ହାଜାହିଲାଆତେସି ।

† ୩:୨୨ ୩:୨୨ ମୁଞ୍ଜନାୟି ‡ ୩:୨୩ ୩:୨୩ ମୁଞ୍ଜନାୟି

୨୫ ଏମ୍ବାଟିଏ ଜହନତି ଏଚରଜାଣା ସୀସୁୟାଁ ର ଜୀହୁଦି ତଲେ ମେରାତାକି ନରନି କାତାତାକି ବାଦିବାଦା ଆଡେଚରି । ୨୬ ଏଝାରି ଜହନଇଁ ଏଲେଇଚେରି, “ଗୁରୁ ଆମ୍ବାଆସି ଜର୍ଦନ କାତାତି ଅରଝାକି ନୀ ତଲେ ମାଚେସି, ଆମ୍ବାଆରି କାତା ନୀନୁ ସାକି ହାହାମାଞ୍ଜାତି, ମେହ୍ମୁ ଏଝାସି ବାପ୍ତିସ୍ମାଁ ହାହିମାନେସି ଅଡେ ବାରେଜାଣା ଏଝାଣି ତାଣା ହାଜିମାନେରି ।”

୨୭ ଜହନ ଏଲେଇଚେସି, “ଲାକପୁରୁଟି ମାହାପୁରୁ ହାଆସାରେ ମାଣସି ଏନାଆଁ ମେଡାଆହାଲି ଆଡଅସି । ୨୮ ନାନୁ କ୍ରୀସ୍ତୁଚେର୍ସି ଆଏ, ସାମା ଏଝାଣି ନକିତା ପାଣ୍ଡୁଝି ଆହାମାଇଁ, ଈ କାତା ନାନୁ ମିଙ୍ଗେ ଝେସାମାଞ୍ଜାତେର୍ସି ଇଞ୍ଜି ମାରୁ ନା ସାକି । ୨୯ ମାଙ୍ଗାନି ଅନାସି, ଏଝାସି ହନେଏସି, ସାମା ହନେଏଣି ଏମିନି ତଡୁ ନିଚାନା ତାନି ହାଡା ଝେନେସି, ଏଝାସି ହନେଏଣି ହାଡା ଝେଞ୍ଜାନା ହାରେକା ରାହାଁ ଆନେସି । ଏଲେକିହିଁ ଏ ନା ରାହାଁ ଜିକେଏ ପୁରା ଆଡେ । ୩୦ ସାତେଏ ଏଝାସି କାଜାସି ଆନାୟି ମାନେ, ଅଡେ ନାଙ୍ଗେ ଡଣା ଆନାୟି ମାନେ ।”

ଲାକପୁରୁଟି ଝାନାସି

୩୧ ଆମ୍ବାଆସି ଲାକପୁରୁଟି ଝାନେସି, ଏଝାସି ବାରେକିହାଁ କାଜାସି, ଆମ୍ବାଆସି ଦାରତିଟି ଜାର୍ନା ଆନେସି, ଏଝାସି ଦାରତିଟି କାତା ଝେହ୍ନେସି; ଆମ୍ବାଆସି ଲାକପୁରୁଟି ଝାନେସି ଏଝାସି ବାରେଜାଣା କିହାଁ କାଜାସି । ୩୨ ଏଝାସି ଏନାଆଁ ମେସାମାନେସି ଅଡେ ଏନାଆଁ ଝେଞ୍ଜାମାନେସି, ଏନାଆଁ ଏଝାସି ସାକି ହାହିମାନେସି, ସାମା ଆମ୍ବାଆସି ତାନି ହାଡାତି ଅପଅସି । ୩୩ ଇଞ୍ଜା ଆମ୍ବାଆସି ତାନି କାତାତି ଅପିନେସି, ଏଝାସି ମାହାପୁରୁ ସାତା ଇଞ୍ଜି ଏ କାତାତି ଆବା ମାନେସି । ୩୪ ସାମା ମାହାପୁରୁ ଆମ୍ବାଆରାଇଁ ପାଣ୍ଡାମାଞ୍ଜାନେସି, ଏଝାସି ମାହାପୁରୁ ବଲୁ ଝେହ୍ନେସି, ଏଝାଣାକି

ମାହାପୁରୁ ସୁଦୁଜୀଝୁ ହାନେସି । ୩୫ ଆଡା ମୀରଏଣାଇଁ ଜୀଝୁ ନନେସି, ଅଡେ ବାରେ ତାନି କେୟୁତା ହେରପା ମାନେସି । ୩୬ ଆମ୍ବାଆସି ମୀରଏଣାଇଁ ନାନିନେସି, ଏଝାସି କାଲାକାଲାତି ଜୀଝୁ ବେଟାଆହାମାନେସି, ସାମା ଆମ୍ବାଆସି ମୀରଏଣାଇଁ ଅପଅସି, ଏଝାସି ଜୀଝୁ ଜିକେଏ ମେହ୍ମୁଅସି, ସାମା ଏଝାସି ମାହାପୁରୁଟି ତଣ୍ଡୁତା ଡୟିନେସି ।

୪

ଜୀସୁ ଅଡେ ସମିରଣ ଇୟା

୧ ପାରୁସିୟାଁ ଝେଚେରି, ଜୀସୁ ଜହନ କିହାଁ ଗାତି ସୀସୁୟାଁ କିହିମାନେସି ଅଡେ ବାପ୍ତିସ୍ମାଁ\* ହାହିମାନେସି । ୨ ଜୀସୁ ତାନୁ ବାପ୍ତିସ୍ମାଁ† ହାହିହିଲାଆତେସି, ସାମା ତାନି ସୀସୁୟାଁ ବାପ୍ତିସ୍ମାଁ‡ ହାହିମାଚେରି, ଈ କାତା ପାରୁସିୟାଁ ଝେଞ୍ଜାମାନେରି ଇଞ୍ଜି ପ୍ରବୁ ଏଚେତା ପୁଚେସି, ୩ ଏଚେତା ଜୀହୁଦା ଦେସା ପିସାନା ଅଡେ ଝେଣ୍ଡେ ଗାଲିଲିତା ହାଚେରି । ୪ ସାମା ତାଙ୍ଗେ ସମିରଣ ଜିରୁଟି ହାଜାଲି ଲାଗିତେ ।

୫ ଅଡେ ଏଝାସି ହାଜାନା ଜାକୁବ ତାନି ମୀରଏସି ଜସେପକି ଏମିନି ବୃମି ହାହାମାଚେସି ଏ ତାଗେ ସମିରଣତି ସୁକାର ଦରୁଗାଟି ର ନାୟୁତା ଏଗାହାଚେସି । ୬ ଏ ଗାୟୁତା ଜାକୁବତି କୁହି ମାଚେ, ଇଞ୍ଜା ଜୀସୁ ଝାହାହାଜାମାଚାକି ଏ କୁହି ତାଗେ କୁଗିତେସି । ଏଚେତା ମାଦେନା ଆହାମାଚେ ।

୭ ଅଡେ ର ସମିରଣ ଇୟା ଏୟୁ ଅହାଲି ଝାଡେ । ଜୀସୁ ଏଦାନି ଏଲେଇଚେସି “ନାଙ୍ଗେ ଏୟୁ ଗସାଲି ହିୟାମୁ ।” † ତାନି ସୀସୁୟାଁ କାଦି କତାଲି ଗାଡାତା ହାଜାମାଚେରି ।

୯ ଏମ୍ବାଟିଏ ସମିରଣ ଇୟା ଜୀସୁଇଁ ଏଲେଇଚେ, “ନାନୁ ର ଜୀହୁଦି ଲକୁ ଆହାଁ, ନାନୁ ସମିରଣ ଆୟାତେର୍ସି, ଏନିକିଁ ନା କେୟୁଟି ଏୟୁ ଗସାଲି ରାସି

୧ ୩:୨୨ ୩:୨୬ ମୁଞ୍ଜନାୟି \* ୩:୨୮ ୩:୨୮ ଜହ ୧:୨୦ \* ୪:୧ ୪:୧ ମୁଞ୍ଜନାୟି † ୪:୨ ୪:୨ ମୁଞ୍ଜନାୟି ‡ ୪:୨ ୪:୨ ମୁଞ୍ଜନାୟି

ମାଞ୍ଜାଦି ?” ଏନିଇଚିହ୍ନଂ ଜୀହୁଦିୟା ତଲେ ସମିରଣି ଲକ୍ଷୁତି ଲେମ୍ବିନାୟି ହିଲେଏ ।

୧୦ ଜୀସୁ ଏଦାନି ଏଲେଇରେସି, “ମାହାପୁରୁତି ଦାନା ଅଡ଼େ ନାଙ୍ଗେ ଗସାଲି ହିୟାମୁ ଇଞ୍ଜି ଆମ୍ବାଆସି ନିଙ୍ଗେ ଏଲେଇଞ୍ଜିମାଞ୍ଜାନେସି, ଏଞ୍ଜାସି ଆମ୍ବାଆସି, ଇଦାଆଁ ନାନୁ ପୁଚିହ୍ନଂ ମା, ନାନୁ ଏଞ୍ଜାଣାଈ ରାସିମା, ଅଡ଼େ ଏଞ୍ଜାସି ନିଙ୍ଗେ ଜୀହୁତି ଏୟୁ ହିୟାତେସିମା ।”

୧୧ ଏ ଆୟାତି ଏଲେଇରେ, “ଗୁରୁ ନୀ ତାଣା ଏୟୁ କତାଲି ତାକି ନକି ହିଲେଏ, ଅଡ଼େ ଇ କୁହି କୃତହାମାନେ; ଆତିହ୍ନଂ ନାନୁ ଏମ୍ବିତି ଏ ଜୀହୁଗାଟି ଏୟୁ ବେଗାଆହାମାଞ୍ଜି ? ୧୨ ମା ଆକୁୟାତି ଆବା ଜାକୁବ ଇ କୁହି ମାଙ୍ଗେ ହାହାମାଞ୍ଜାତେସି, ଅଡ଼େ, ତାନି ମୀରକା ଅଡ଼େ ତାନି କଡ଼ି ଗରି ଇମ୍ବାତି ଏୟୁ ଗସିମାରୁ, ଏଞ୍ଜାଣି କିହାଁ ନାନୁ କି କାଜାତି ?”

୧୩ ଜୀସୁ ଏଲେଇରେସି, “ଆମ୍ବାଆସି ଇ ଏୟୁ ଗହ୍ନେସି, ଅଡ଼େ ଖେଣ୍ଡେ ଏସ୍ବକି ଆନେସି; ୧୪ ସାମା ନାନୁ ଏମିନି ଏୟୁ ହିୟାଈ, ଏଞ୍ଜାଆଁ ଆମ୍ବାଆସି ଗହ୍ନେସି, ଏଞ୍ଜାସି ଏତେଲାଞ୍ଜା ଏସ୍ବକି ଆଅସି, ଇଚିହ୍ନଂ ନାନୁ ଏମିନି ଏୟୁ ହାଈ, ଏଡ଼ି କାଲାକାଲାତି ଜୀହୁତି ଉସା ଲେହେଁ ଏଞ୍ଜାଣି ତାଣାଟି ତେଲବୟା ହାନୁ ।”

୧୫ ଆୟାତି ଏଲେଇରେ, “ଗୁରୁ, ନାଙ୍ଗେ ଏନିକି ଏସ୍ବକି ଆୟେଏ, ଅଡ଼େ ଏୟୁତାକି ଇଚେକା ହେକ ଇ କୁହିତା ଖାୟାଲି ଆଏ, ଏଦାଆଁତାକି ଏ ଏୟୁ ନାଙ୍ଗେ ହିୟାମୁ ।”

୧୬ ଜୀସୁ ଏଦାନି ଏଲେଇରେସି, “ହାଲାମୁ, ନୀ ତକ୍ରାଈ ହାଟାତାମୁ ।”

୧୭ ଏ ଆୟାତି ଏଲେଇରେ, “ନୀ ତକ୍ରା ହିଲଅସି ।” ଜୀସୁ ଏଦାନି ଏଲେଇରେସି “ନୀ ତକ୍ରା ହିଲଅସି ଇଞ୍ଜି ସାତା ଖେସାମାଞ୍ଜି । ୧୮ ନିଙ୍ଗେ ପାସାଜାଣା ତକ୍ରାୟାଁ ମାଚେରି, ଅଡ଼େ ନୀଏଁ ନୀ ତଲେ ଆମ୍ବାଆସି ମାନେସି ଏଞ୍ଜାସି ନୀ ତକ୍ରା ଆଏ ଇଦାଆଁ ସାତା ଖେସାମାଞ୍ଜି ।”

୧୯ ଆୟାତି ଏଲେଇରେ, “ଗୁରୁ, ନାନୁ ପୁଞ୍ଜିମାଈ ନାନୁ ର ମାହାପୁରୁ ଅଣ୍ପୁତି ବଲୁ ଖେହ୍ନାତି, ଇଦାଆଁ ନାନୁ ପୁଞ୍ଜିମାଈ । ୨୦ ମା ଆକୁ ଆବାୟାଁ ଇ ହରୁ ଲାକ ପ୍ରାତାନା କିହିମାଚେରି; ଅଡ଼େ ମୀ ଜୀହୁଦି ଲକ୍ଷୁ ଏଲେଇନେରି, ପ୍ରାତାନା କିନି ଟାୟୁ ଆହିମାନେ ଜିରୁସାଲମ ।”

୨୧ ଜୀସୁ ଏଦାନି ଏଲେଇରେସି, “ଇୟା ନା ହାଡ଼ାତି ନାମାମୁ, ଏମିନି ବେଲାତା ମୀରୁ ଇ ହରୁତା କି ଜିରୁସାଲମତା ଆବା ତାଣା ପ୍ରାତାନା କିଅତେରି ଇଲେତି କାଲମି ଖାନ୍ନେ । ୨୨ ଆମ୍ବାଆରାଈ ମୀରୁ ପୁଞ୍ଜାହିଲଅତେରି, ଏଞ୍ଜାଣାଈ ପ୍ରାତାନା କିହିମାଞ୍ଜେରି; ଆମ୍ବାଆରାଈ ମୀରୁ ପୁଞ୍ଜାମାନାୟି, ଏଞ୍ଜାଣାଈ ପ୍ରାତାନା କିହିମାନାୟି, ଇଚିହ୍ନଂ ଗେଲ୍ପିନାୟି ଜୀହୁଦି ଲକ୍ଷୁ ତାଣାଟି ଖାନ୍ନେ । ୨୩ ସାମା ଏମିନି କାଲମିତା ସାତା ତଲେ ପ୍ରାତାନା କିନି ଲକ୍ଷୁ ଜୀହୁତଲେ ଅଡ଼େ ସାତା ତଲେ ଆବାଈ ପ୍ରାତାନା କିନେରି, ଇଲେତି କାଲମି ଖାହିମାନେ; ଅଡ଼େ, ନୀଏଁ ଜିକେଏ ମାନେ; ଇଚିହ୍ନଂ ଆବା ଇଲେତି ପ୍ରାତାନା କିନାରାଈ ପାରିମାନେସି । ୨୪ ମାହାପୁରୁ ସୁଦୁଜୀହୁ ଗାଗାସି, ଅଡ଼େ ଆମ୍ବାଆରି ତାନି ପ୍ରାତାନା କିନେରି, ଏଞ୍ଜାରି ଜୀହୁ ଇଞ୍ଜା ସାତା ତଲେ ତାନି ପ୍ରାତାନା କିନାୟିମାନେ ।”

୨୫ ଏ ଆୟାତି ଜୀସୁଈ ଏଲେଇରେ, “ନାନୁ ପୁଞ୍ଜାମାଈ, ମସିହା, ଆମ୍ବାଆରାଈ କ୍ରୀସ୍ତ ଇନେରି, ଏଞ୍ଜାସି ଖାନ୍ନେସି; ଏଚେତା ଏଞ୍ଜାସି ଖାନ୍ନେସି ମାଙ୍ଗେ ବାରେ କାତା ପୁଣ୍ଡି କିୟାନେସି ।”

୨୬ ଜୀସୁ ଏଦାନି ଏଲେଇରେସି, “ନୀଏଁ ନୀ ତଲେ ହାଡ଼ା ଆହିମାନାତେଏଁ ନାନୁ, ନାନୁ ଏଞ୍ଜାତେଏଁ ।”

୨୭ ଏଚିବେଲାତା ତାନି ସୀସୁୟାଁ ଖାହାନା ତାନୁ ର ଆୟାତି ତଲେ ହାଡ଼ା ଆହିମାନାଣି ମେସାନା କାବା ଆଡ଼େରି, ଆଡ଼ିଜିକେଏ ନାନୁ ଏନାଆଁ ମନ କିହିମାଞ୍ଜି, ଆଆଡ଼ି ଏନାଆଁତାକି

ଏଦାନିତଲେ ହାଡ଼ା ଆହିମାଞ୍ଜି ଇଞ୍ଜି ? ଆମ୍ବାଆରି ଖେନାଆତେରି ।

୨୮ ଏମ୍ବାଟିଏ ଆୟାଟି ଏମ୍ବାଆଁ ତାନି ଏୟୁ ଡ଼କା ପିସାନା ଗାଡ଼ାତା ହାଜାନା ଲକୁଣି ଖେସ୍ତେ, “ଝାଦୁ, ରଅଣାଈଁ ମେହ୍‌ଦେରି, ୨୯ ନାନୁ ଏନା ଏନାଆଁ ନା ଜାଝୁତା କିହାମାଈଁ, ଏଝାସି ନାଈଁ ବାରେ ଖେସ୍ତାତେସି; ଏଝାସି ମସିହା ଆହାଡ଼ୟିନେସି ?” ୩୦ ଏମ୍ବାଟିଏ ଏମ୍ବାଟି ଲକୁ ଗାଡ଼ାଟି ହଡ଼ାନା ଜାସୁ ତାଣା ହାରେରି ।

୩୧ ଏଟିବେଲାତା ସାସୁୟାଁ ବାଡ଼ିମାଲିହଁ ଏଲେଇଚେରି, “ଏ ଗୁରୁ, ତିନାମୁ ।”

୩୨ ସାମା ଜାସୁ ଏଝାରାଇଁ ଏଲେଇଚେସି, “ତିଞ୍ଜାଲି ତାକି ଏମିନି କାଦି ନା ତାଣା ମାନେ, ମାରୁ ଏ କାଦିତି କାତା ପୁଞ୍ଜାହିଲଅତେରି ।”

୩୩ ସାସୁୟାଁ ତାମ୍ବୁ ତାମ୍ବୁ ହାଡ଼ାକାତା ଆଡ଼େରି, “ଆମ୍ବାଆୟି ତାଈଁତାକି କାଦି ତାଟା ହାହାମାନେ ହାବୁଲା ?”

୩୪ ଜାସୁ ଏଝାରାଇଁ ଏଲେଇଚେସି, “ନାଈଁ ପାଣ୍ଡାମାଞ୍ଜାନାଣା ଅଣ୍ଡୁ ଅଡ଼େ ତାନି କାମା ରାପୁନାୟି ଏଦିଏ ନା କାଦି । ୩୫ ଆନା ଦାଚାଲି ଅଡ଼େ ସାରି ଲେଞ୍ଜୁ ମାନେ, ଈ କାତା ମାରୁ ଖେସିହିଲଅତେରି ସାମା ନାନୁ ମିଈଁ ଖେସିମାଞ୍ଜାଇଁ, ଗୁଡ଼ିୟାକା ବାରେ ସିନିକିଦୁ ଏ ବାରେ ଦାଚାଲି ତାକି କାମାହାଚେୟିଏ । ୩୬ ନାଏଁ ଜିକେଏ ଦାଃଆନାରାକ କୁଲି ହାପକି ଆହିମାନେ ଅଡ଼େ କାଲାକାଲାତି ଜାଝୁତାକି ପାଡ଼େୟି କୁଡ଼ି କିହିମାନେରି, ଏନିକିହଁ ଦାଃଆନାସି ଅଡ଼େ କୁଡ଼ିକିନାସି ରହେଁଏ ରାହାଁ କିନେରି । ୩୭ ଏନାଆଁତାକି ଇଚିହଁ ରଅସି ମାଟିନେସି ଅଡ଼େ ଅର ରଅସି ଦାଃଆନେସି ଈ କାତା ସାତା । ୩୮ ମାରୁ ଏନାଆଁତାକି କାମା କିହାହିଲଅତେରି, ଏଦାଆଁ ଦାଚାଲି ତାକି ନାନୁ ପାଣ୍ଡାତେଏଁ; ଏଚକାତାରି କାମା

କିହାମାନେରି, ଅଡ଼େ ମାରୁ ଏଝାରି କାମାଟି ଲାବା ବେଟାଆହିମାଞ୍ଜେରି ।”

୩୯ “ନାନୁ ଏନା ଏନାଆଁ କିହାମାଈଁ, ଏ କାତା ଏଝାସି ନାଈଁ ବାରେ ଖେସ୍ତାତେସି” ଇଞ୍ଜି ଏମିନି ଆୟାଟି ସାକି ହାହାମାଚେ, ଏଦାନି କାତାତାକି ଏ ଗାଡ଼ାଟି ସମିରଣ ଲକୁ ବିତ୍ରାଟି ହାରେକା ଜାସୁଈଁ ନାମିତେରି । ୪୦ ଅଡ଼େ ସମିରଣ ଲକୁ ଜାସୁ ତାଣା ଝାହାନା ତାମିତଲେ ଡ଼ୟାଲି ତାକି ତାଈଁ ବାଡ଼ିମାଲିତେରି ଜାସୁ ଏଝାରିତଲେ ଅଡ଼େ ରା ଦିନା ଡ଼ୟିତେସି ।

୪୧ ଜାସୁଟି ବଲୁ ଖେଞ୍ଜାନା ହାରେକା ଲକୁ ନାମିତେରି । ୪୨ ଏଝାରି ଏ ଆୟାଟିଈଁ ଏଲେଇଚେରି, “ଝାରଇ ନାନୁ ଏଲେଇଞ୍ଜାତାକି ମାମ୍ବୁ ନାମାହିଲଅମି, ସାମା ମାମ୍ବୁ ଖେଞ୍ଜାମାନମି, ଅଡ଼େ, ଈଝାସି ସାତେଏ ଦାଚିତି ଗେଲ୍‌ପିନାସି, ଈଦାଆଁ ମାମ୍ବୁ ପୁଞ୍ଜାମାନମି ।”

ଜାସୁ ସାଲୁଝି କିନାଣି ମାରୁଏଶାଇଁ ନେହଁ କିନାୟି

୪୩ ରା ଦିନା ତାୟୁ ଜାସୁ ଏମ୍ବାଟି ହଡ଼ାନା ଗାଲିଲିତା ହାଚେସି । ୪୪ \*ଇଚିହଁ ଜାସୁ ତାଈଁତାକି ସାକି ହାହଁ ଏଲେଇଚେସି, “ମାହାପୁରୁ ଅଣ୍ଡୁପୁଟି ବଲୁ ଖେହ୍‌ନାରି ଜାହାରା ଦେସାତା ମାନ୍ତି ବେଟାଆଅରି ।” ୪୫ \*ଅଡ଼େ ଏଝାସି ଗାଲିଲିତା ଏଜାଲିଏ ଏ ଗାଲିଲିତାରି ଏଝାଶାଇଁ ଆବିତେରି, ଈଚିହଁ ପିସପିଆନ୍ତି ପାର୍ବୁ ବେଲାତା ଜାସୁ ଜିରୁସାଲମତା ଏନା ଏନାଆଁ କିହାମାଚେସି ବାରେ ମେସାମାଚେରି ଏଝାରି ଜିକେଏ ପାର୍ବୁତା ହାଜାମାଚେରି ।

୪୬ \*ଏମ୍ବାଟିଏ ଜାସୁ ଗାଲିଲିତି କାନା ଗାଡ଼ାତା ଖେଶ୍ତେ ହାଚେସି, ଏମ୍ବିୟା ଜାସୁ ଏୟୁଣି ଅଞ୍ଜୁରି ରାସା କିହାମାଚେସି, ଏମ୍ବାଆଁ ପାସାକଡ଼ି କସକା ମୁହେଁ କାଜାସି ରଅସି ମାଚେସି, ତାନି ମାରୁଏସି କପରନାହୁମତା ଆଡ଼ିହିଲାଆତେସି । ୪୭ ଜାସୁ ଜାହୁଦା ଗାଡ଼ାଟି ଗାଲିଲିତା

\* ୪:୪୪ ୪:୪୪ ମାତି ୧୩:୫୭; ମାର୍କ ୭:୪; ଲୁକ ୪:୨୪ ୨:୧-୧୧

\* ୪:୪୫ ୪:୪୫ ଜହ ୨:୨୩ \* ୪:୪୬ ୪:୪୬ ଜହ

ଝାହାମାନେସି ଇଞ୍ଜିଁ ୱେଞ୍ଜାନା, ତାନି ତାଣା ହାଜାନା ଏଝାସି ଝାହାନା ଏନିକିଁ ତାନି ମୀରୁଏଣାଇଁ ନେହଁ କିନେସି ଏଦାଆଁତାକି ବାତିମାଲିତେସି, ଇଚିହଁ ଏଝାସି ହାନିହୁଗେ ଆହାମାରେସି ୪୮ ଜୀସୁ ଏଝାଣାଇଁ ଏଲେଇଚେସି, “ସିନା ଅଡ଼େ କାବାଆନି କାମାୟାଁ ମେହଅତିହଁ ମୀରୁ ଏନିଜିକେଏ ନାମଅତେରି ।”

୪୯ ଏ ସାଲୁଝି କିନାସି ଏଲେଇଚେସି, “ଏ ପ୍ରବୁ, ନା ମୀରୁଏସି ହାନି ନକେଏ ନା ତଲେ ଝାମୁ ।”

୫୦ ଜୀସୁ ଏଝାଣାଇଁ ଏଲେଇଚେସି, “ହାଲମୁ, ନୀ ମୀରୁଏସି ନୀତିନେସି ।” ଏ ମାଣସିଇଁ ଜୀସୁ ଏନିନି ହାଡ଼ା ୱେସ୍ତେସି, ଏଝାସି ଏଦାଆଁ ନାମାନା ହାଚେସି । ୫୧ ଅଡ଼େ, ଏଝାସି ହାଲୁଝିଏ ତାନି ହଲିୟାଙ୍ଗା ଜିରୁତେଏ ନୀ ମୀରୁଏସି ନୀତିତେସି ଇଞ୍ଜିଁ ୱେସ୍ତେରି ।

୫୨ ଏଚିବେଲାତା କକାସି ନେହଁ ଆଡେସି, ଏଦାଆଁ ଏଝାସି ୱେଚେସି । ଏମ୍ବାଟିଏ ଏଝାରି ଏଲେଇଚେରି, “ରେ୫ଏନି ସାଡ଼ା ଗଂଟା ବେଲାତା ନମେରି ପିସ୍ତେ ।” ୫୩ ଏମ୍ବାଟି ତାନି ଆଡ଼ା ପୁଚେସି ଜୀସୁ ଆମିନି ବେଲାତା “ନୀ ମୀରୁଏସି ନୀତିତେସି” ଇଞ୍ଜିଁ ୱେସାମାଚେସି, ଏଚିବେଲାତେଏ ଏଡ଼ି ଗଟଝି ଆଡେ । ଏମ୍ବାଟିଏ, ଏଝାସି ଅଡ଼େ ତାନି ଇଜତି ବାରେ ଇଲୁ କୁଟିନି ଜୀସୁ ତାଣା ନାମିତେରି ।

୫୪ ଜୀହୁଦାଟିଏ ଗାଲିଲିତା ୱେଣ୍ଡା ଝାହାଁ, ଜୀସୁ ରୀ ପାଲି ତାକି ଇ କାବାଆନି କାମା କିତେସି ।

**୫**

ଜୀସୁ କଡ଼େ ଅଟର ବାର୍ସା ତାଣାଇଁ ନେହଁ କିନାୟି

୧ ଇଦାଣି ତାୟୁ ଜୀହୁଦି ଲକ୍ଷ୍ମି ର ପାର୍ଟୁ ଆଡେ, ଅଡ଼େ ଜୀସୁ ଜିରୁସାଲମତା ହାଚେସି । ୨ ଜିରୁସାଲମତି ମେଣ୍ଡାୟାଁ ଦୁଝେରି ତାଗେ ର ବାନ୍ଦା ମାନେ; ଏକ୍ତି ହାଡ଼ାତଲେ ବେଡ଼ସାୟିଦା ଇନେରି,

ଏ ବାନ୍ଦାତା ପାସାଗଟା ପିଣ୍ଡାୟାଁ ମାନୁ । ୩ ଏମ୍ବାଆଁ କାଣାୟାଁ, ସଟାୟାଁ ଅଡ଼େ ଆଙ୍ଗା ୱାୟିତି ରଗ ଗାଟାରି ହାରେକା ଜାଣା ନେହଁ ଆୟାଲି କାଟାହାଁ ମାଣ୍ଡିତେରି; ୪ ଇଚିହଁ ଏଚିବେଲାତା ପ୍ରବୁତି ର ଦୁଡୁ ବାନ୍ଦାତା ରେଚାନା ଏୟୁ ୱାଟୁହିସାରେ, ଅଡ଼େ ଏୟୁ ୱାଡ଼ିତି ତାୟୁ ଆମ୍ବାଆସି ତଲିଏ ହଡ଼ନେସି, ଏଝାଣାକି ଏନି ରଗ ଆହାମାତି ଜିକେଏ ନେହଁ ଆହିମାଚେସି\* । ୫ କଡ଼େ ଅଟର ବାର୍ସା ପାତେକା ରଗ ଗାଟାସି ରଅସି ଏମ୍ବାଆଁ ମାଚେସି । ୬ ଜୀସୁ ଏଝାଣାଇଁ ତୁୟାମାନାଣି ମେସାନା ଗାଡୁ ଦିନାତି ରଗ ଗାଟାସି ଇଞ୍ଜିଁ ପୁଞ୍ଜାହାଁ ଏଝାଣାଇଁ ୱେଚେସି, “ନୀନୁ ଏନାଆଁ ନେହଁ ଆହାଲି ମନ କିହିମାଞ୍ଜି ?”

୭ ରଗ ଗାଟାସି ଏଝାଣାଇଁ ଏଲେଇଚେସି, “ବାରୁ, ଏୟୁ ୱାଡ଼ିନାଟି ନାଙ୍ଗେ ବାନ୍ଦାତା ଅହାଲି ତାକି ଆମ୍ବାଆସି ହିଲଅସି; ଅଡ଼େ, ନୀନୁ ହାନିବେଲାତା ଅଡ଼େ ରଅସି ନା ନକେଏ ହଡ଼ାହାନେସି ।”

୮ ଜୀସୁ ଏଝାଣାଇଁ ଏଲେଇଚେସି, “ନିଙ୍ଗାମୁ, ନୀ ପାସ୍ପନି ଡେକାହାଁ ତାକାମୁ ।” ୯ ଏ ଦେବୁଣିଏ ଏଝାସି ନେହଁ ଆଡେସି ଅଡ଼େ ତାନି ପାସ୍ପନି ଡେକାନା ତାକାଲି ମାଟୁହେସି ।

ଏ ଦିନା ଜମିନି ଦିନା ମାଚେ । ୧୦ ଇଦାଆଁତାକି, ଜୀହୁଦିୟାଁ ନେହଁ ଆହାମାନି ମାଣ୍ଡିଇଁ ଏଲେଇଚେରି, “ନୀଞ୍ଜୁ ଜମିନି ଦିନା, ପାସ୍ପନି ଡେକା ଅହାଲି ନିଙ୍ଗେତାକି ମୋରା ଆଏ ।”

୧୧ ସାମା, ଏଝାସି ଏଝାରାଇଁ ଏଲେଇଚେସି, “ଆମ୍ବାଆସି ନାଙ୍ଗେ ନେହଁ କିୟାତେସି, ଏଝାସି ନାଙ୍ଗେ ଏଲେଇଞ୍ଜାତେସି, ନୀ ପାସ୍ପନି ଡେକାନା ତାକାମୁ ।”

୧୨ ଏଝାରି ଏଝାଣାଇଁ ୱେଚେରି, “ନୀ ପାସ୍ପନି ଡେକାନା ତାକାମୁ ଇଞ୍ଜିଁ ଏଲେଇଞ୍ଜାତାସି, ଏଝାସି ଆମ୍ବାଆସି ?”

୧୩ ସାମା ଏଝାସି ଆମ୍ବାଆସି, ଏ ନେହଁ ଆଡ଼ାସି ପୁଞ୍ଜା ହିଲଆଚେସି,

\* ୫:୪ ୫:୪ ଇ କାତା ପୁଞ୍ଜଇ ପତିତା ହିଲେଏ ।

ଇଚିହ୍ନ ଏମ୍ବାଆଁ ଲକୁ ମାନ୍ଦା ମାତାକି ଜୀସୁ ମେହ୍‌ଆରେଚୁ ହାଜାମାତେସି ।

୧୪ ଇଦାଆଁ ତାମ୍ବୁ ଜୀସୁ ମାହାପୁରୁ ଇଲୁତା ଏଞ୍ଜାଣାଇଁ ମେସାନା ଏଲେଇଚେସି, “ମେହ୍‌ମ୍, ନାନୁ ନେହ୍ ଆହାମାଞ୍ଜି, ଅଡ଼େ ପାପୁ କିଆନି, ଏନିକ୍ ନିଜ୍ଞେତାକି ଗାଡ଼ି କସ୍ତୁ ଖାଏ ।”

୧୫ ଏ ମାଣସି ଖେଣ୍ଡା ହାଜାନା, ଆମ୍ବାଆସି ତାଜ୍ଞେ ନେହ୍ କିହାମାତେସି, ଏଞ୍ଜାସି ଜୀସୁ ଇଞ୍ଜି ଜୀହୁଦିଙ୍ଗାଣି ଖେସ୍ତେସି ।

୧୬ ଇଦାଆଁତାକି ଜୀସୁ ଜମିନି ଦିନାତା ଇଦାଆଁ କିହାମାତାକି ଜୀହୁଦିଙ୍ଗା ଏଞ୍ଜାଣାଇଁ ନିନ୍ଦା କିହାଲି ମାଟ୍‌ହେରି ।

୧୭ ସାମା ଜୀସୁ ଏଞ୍ଜାରାଇଁ ଏଲେଇଚେସି, “ନା, ଆବା ନାଏଁ ପାତେକା କାମା କିହାମାନେସି, ଅଡ଼େ ନାନୁ ଜିକେଏ କାମା କିହାମାଇଁ ।”

୧୮ ଇ ହାଡ଼ା ତାକି ଜୀହୁଦିଙ୍ଗା ଜୀସୁଇଁ ପାୟାଲି ତାକି ଅଡ଼େ ଗାଡ଼ି ଅଣ୍‌ପିତେରି, ଏଞ୍ଜାସି ଜମିନି ଦିନାତି ମେରାତି ଉରିତେସି ଖାରଇ ଏଡ଼ି ଆଏ, ସାମା ମାହାପୁରୁଇଁ ନା ଆବା ଇଞ୍ଜି ଖେସାନା ତାଜ୍ଞେ ମାହାପୁରୁ ତଲେ ସମାନା କିହାମାତେସି ।

ମୀରୁଏଣି ଅଦିକାରା

୧୯ ଜୀସୁ ଏଞ୍ଜାରାଇଁ ଏଲେଇଚେସି, “ସାତା ସାତା ନାନୁ ମିଜ୍ଞେ ଖେସିମାଞ୍ଜାଇଁ, ମୀରୁଏସି ଆବାଇଁ ଏନାଆଁ କିହାମାନାଣି ମେହ୍‌ନେସି, ଏଦାଆଁ ପିସ୍‌ପେ ଏଞ୍ଜାସି ତାନୁଏ ଏନାଆଁ କିହାଲି ଆଡ଼ଅସି । ଇଚିହ୍ନ ଆବା ଏନା ଏନାଆଁ କିନେସି, ମୀରୁଏସି ଜିକେଏ ଏଦାଆଁ ବାରେ ଏଲେକିହ୍‌ଏ କିନେସି । ୨୦ ଇଚିହ୍ନ ଆବା ମୀରୁଏଣାଇଁ ଜୀସୁ ନନେସି, ଅଡ଼େ ଏଞ୍ଜାସି ତାନୁ ଏନା ଏନାଆଁ କିନେସି, ଏଦାଆଁ ବାରେ ମୀରୁଏଣାଇଁ ତହ୍‌ନେସି, ଅଡ଼େ ମୀରୁ ଏନିକ୍ କାବା ଆଦେରି, ଏଦାଆଁତାକି ଏଞ୍ଜାସି ଏଞ୍ଜାଣି ତାଣାଟି ଇଦାନି କିହାଁ ଆଡ଼େ କାଜା କାଜା କାମା ତହ୍‌ନେସି । ୨୧ ଆବା

ଏନିକ୍ ହାଡ଼ି ଲକୁଣି ନିକ୍‌ହାନା ଜୀସୁ ହୀନେସି, ଏଲେକିହ୍‌ଏ ମୀରୁଏସି ଜିକେଏ ଆମ୍ବା ଆମ୍ବାଆରାଇଁ ମନ କିନେସି ଏଞ୍ଜାରାଇଁ ଜୀସୁ ହୀନେସି । ୨୨ ଆବା ତାନୁଏ ଆମ୍ବାଆରାଇଁ ନୀହାଁୟି କିଅସି, ସାମା ବାରେଜାଣା ଏନିକ୍ ଆବାଇଁ ମାନି କିହାମାନେରି, ଏଲେକିହ୍‌ଏ ମୀରୁଏଣାଇଁ ଜିକେଏ ମାନି କିନେରି, ଏଦାଆଁତାକି ମୀରୁଏଣାକି ବାରେ ନୀହାଁୟି କିହାଲି ଅଦିକାରା ହୀହାମାନେସି । ୨୩ ଆମ୍ବାଆସି ମୀରୁଏଣାଇଁ ମାନି କିଅସି, ଏଞ୍ଜାସି ତାଜ୍ଞେ ପାଣ୍ଡାଡ଼ି ଆବାଇଁ ଜିକେଏ ମାନି କିଅସି ।”

୨୪ “ନାନୁ ମିଜ୍ଞେ ସାତା ଖେସିମାଞ୍ଜାଇଁ, ଆମ୍ବାଆସି ନା, ବଲୁ ଖେଞ୍ଜାନା ନାଜ୍ଞେ ପାଣ୍ଡାତାଣାଇଁ ନାମିନାସି, ଏଞ୍ଜାସି କାଲାକାଲାତି ଜୀସୁ ବେଟା ଆହାମାନେସି, ଅଡ଼େ, ଏଞ୍ଜାସି ନୀହାଁୟି କିଞ୍ଜିଆଆନା ହାକିତି ଜୀଣାଆହାନା ରାଆଗାଟି ଜୀସୁତା ହଡ଼ାମାନେସି । ୨୫ ନାନୁ ମିଜ୍ଞେ ସାତା ଖେସିମାଞ୍ଜାଇଁ, ର ଦିନା ଖାନେ ନୀଏଁ ଜିକେଏ ଏଦାତେୟିଏ, ଏମିନି ଦିନାତା ହାଡ଼ାରି ମାହାପୁରୁ ମୀରୁଏଣି ହାଡ଼ାତି ଖେନେରି ଅଡ଼େ ଆମ୍ବାଆରି ଖେନାରି ଏଞ୍ଜାରି ନୀତିନେରି । ୨୬ ଇଚିହ୍ନ ଆବା ଏନିକ୍ ତାନୁଏ ଜୀସୁ ଗାଟାସି, ଏଲେକିହ୍‌ଏ ଏଞ୍ଜାସି ମୀରୁଏଣାଇଁ ଜିକେଏ ଜୀସୁ ଗାଟାସି ଆହାଲି ହୀହାମାନେସି । ୨୭ ଅଡ଼େ, ଏଞ୍ଜାସି ମାଣସି ମୀରୁଏସି ଆହାମାନାକି ଏଞ୍ଜାସି ଏଞ୍ଜାଣାକି ନୀହାଁୟି କିନି ଅଦିକାରା ହୀତେସି । ୨୮ ଇଦାଆଁତାକି କାବା ଆଆଦୁ, ଇଚିହ୍ନ ଏତିବେଲା ହାଡ଼ି ଲକୁ ମାହ୍‌ଣି ମାଣ୍ଡାଟି ତାନି ଗିୟାଁ ଖେନେରି ଅଡ଼େ ଆମ୍ବାଆରି ସାତା କାମା କିହାମାନେରି, ୨୯ ଏଞ୍ଜାରି ଜୀସୁତା ଖେଣ୍ଡେ ନୀତାଲିତାକି ଅଡ଼େ ଆମ୍ବାଆରି ଲାଗେଏତି କାମା କିହାମାନେରି, ଏଞ୍ଜାରି ନୀହାଁୟିତି ତଣ୍ଡୁ ତାକି ଖେଣ୍ଡେ ନିଙ୍ଗା ଖାନେରି, ଇଲେତି ଦିନା ଖାହାମାନେ ।”

ଜୀସୁ ଖାକିଟି ସାକି

୩୦ “ନାନୁ ନା ତାଣାଟି ଏନାଆଁ କିହାଲି ଆଡ଼ଥାଁ; ନାନୁ ଏନିକ୍ ଖେଇଁ, ଏଲେକିହ୍ ଏ ନୀହାଁୟି କିଇଁ, ଅଡ଼େ ନା ନୀହାଁୟି ଟିକଣାତାୟି, ଇତିହ୍ ନାନୁ ନା ମନତଲେ କିହାଲି ଅଣ୍ଠପାଆନା, ନାଙ୍ଗେ ପାଣ୍ଡାତାଣା ମନ ଲେହେଁ କିହାଲି ଅଣ୍ଠପାଆଇଁ ।”

୩୧ “ନାନୁ ନାଙ୍ଗେତାକି ସାକି ହୀଇଁ, ଆଡ଼ିଜିକେଏ ନା ସାକି ସାତା ଆଏ । ୩୨ ନା କାତାଡ଼ି ଆମ୍ବାଆସି ସାକି ହୀନେସି, ଏଝାସି ଅର ରଅସି; ଅଡ଼େ, ନା କାତାତାକି ଏଝାଣି ସାକି ସାତା, ଏଡ଼ାଆଁ ନାନୁ ପୁଞ୍ଜାମାଇଁ । ୩୩ ମାନୁ ଜହନ ତାଣା ଲକୁଣି ପାଣ୍ଡାମାଞ୍ଜେରି ଅଡ଼େ ଏଝାସି ସାତା ତାକି ସାକି ହୀହାମାନେସି । ୩୪ ସାମା ନାଙ୍ଗେ ମାଣସି ତାଣାଟି ସାକି ଲଡ଼ା ଆଏ, ସାମା ମାନୁ ଏନିକ୍ ଗେଲ୍ପି ଆଡ଼େରି, ଏଡ଼ାଆଁତାକି ଇ ବାରେ ଖେସିମାଞ୍ଜାଇଁ । ୩୫ ଜହନ ଡ଼ାଞ୍ଜିତି ମିଶ୍‌ସିମାନି ଦୀଝି ମାତେସି, ଇଞ୍ଜା ମାନୁ ଏଝାଣି ଉଜେଡ଼ିତା ଗାଡ଼େକା ତାକିଏ ରାହାଁ ଆହାଁ ମାଞ୍ଜାଲି ମନ କିହାମାରେରି । ୩୬ ସାମା ଜହନତି ସାକି କିହାଁ ନା ତାଣା ହାରେକା କାଜା ସାକି ମାନେ, ଏନାଆଁତାକି ଇତିହ୍ ଆବା ନାଙ୍ଗେ ଏନି ଏନି କାମା ରାପୁହାଲି ହୀହାମାଞ୍ଜାନେସି, ନାନୁ ଏମିନି କାମା କିହିମାଇଁ, ଆବା ନାଙ୍ଗେ ପାଣ୍ଡାମାଞ୍ଜାନେସି ଇଞ୍ଜି ଏ ବାରେ ନା ଖାକିଟି ସାକି ହୀହିମାନେସି । ୩୭ ଅଡ଼େ ଏମିନି ଆବା ନାଙ୍ଗେ ପାଣ୍ଡାତେସି, ଏଝାସି ନା ତାକି ସାକି ହୀହାମାନେସି । ମାନୁ ଏଚେଲା ଏଝାଣି ହାଡ଼ା ଖେଞ୍ଜା ହିଲଅଡ଼େରି କି ତାନି ମୁମୁ ମେସା ହିଲଅଡ଼େରି । ୩୮ ଅଡ଼େ ଏଝାଣି ବଲୁ ମୀ ହିୟାତା ଇଟାହିଲଅଡ଼େରି, ଇତିହ୍ ଏଝାସି ଆମ୍ବାଆରାଇଁ ପାଣ୍ଡାତେସି ମାନୁ ଏଝାଣାଇଁ ନାମିହିଲଅଡ଼େରି । ୩୯ ମାନୁ ଦାମ୍ବୁ ପତିତି କାତା ପାରିମାଞ୍ଜେରି, ଇତିହ୍ ଏମ୍ବାଆଁ କାଲାକାଲାତି ଜୀଝୁ ବେଟାଆହାମାନମି ଇଞ୍ଜି

ଅଣ୍ଠପାମାଞ୍ଜେରି ଅଡ଼େ ଏ ଦାମ୍ବୁ ପତି ନା ଖାକିଟି ସାକି ହୀହିମାନେ । ୪୦ ସାମା ମାନୁ ଜୀଝୁ ବେଟାଆହାଲି ତାକି ନା ତାଣା ଖାହାଲି ମନ କିହିହିଲଅଡ଼େରି ।”

୪୧ “ନାନୁ ମାଣସିୟାଁ ତାଣାଟି ଗାଝୁରମି ପାରିହିଲଅଁ । ୪୨ ସାମା ନାନୁ ମିଙ୍ଗେ ପୁଞ୍ଜାମାଞ୍ଜାଇଁ, ମୀ ହିୟାତା ମାହାପୁରୁତି ଜୀଝୁନନାୟି ହିଲେଏ । ୪୩ ନାନୁ ନା ଆବା ଦରୁଟି ଖାହାମାଇଁ, ଅଡ଼େ ମାନୁ ନାଙ୍ଗେ ଅପିମାଞ୍ଜଅଡ଼େରି; ଅର ରଅସି ତାନି ଦରୁଟି ଖାଡ଼ିହ୍, ମାନୁ ଏଝାଣାଇଁ ଅପିଦେରି । ୪୪ ମାନୁ ଏନିକ୍ ନାମିମାଞ୍ଜେରି ? ମାନୁ ମୀ ତାଣାଟି ଗାଝୁରମି ବେଟାଆହି ମାଞ୍ଜେରି, ଅଡ଼େ ଏମିନି ରଣ୍ଡିଏ ମାହାପୁରୁ ତାଣାଟି ଗାଝୁରମି ଏଡ଼ାଆଁ ବେଟାଆହାଲି ମନ କିହିହିଲଅଡ଼େରି ୪୫ ନାନୁ ଆବା ନକିତା ମୀ କପାଟି ଦହ୍ ଦସ୍ତାଇଁ, ଏଲେଇଞ୍ଜି ଅଣ୍ଠପାଆଦୁ; ଆମିନି ମସା ତାଣା ମାନୁ ବାସୁଁ ଇଟାମାଞ୍ଜେରି, ଏଝାସିଏ ମୀ କପାଟି ଦହ୍ ଦସି ମାଞ୍ଜାନେସି । ୪୬ ଇତିହ୍ ମାନୁ ମସାଇଁ ନାମା ମାତିହ୍, ନାଙ୍ଗେ ଜିକେଏ ନାମାତେରିମା, ଇତିହ୍ ଏଝାସି ନା କାତେଏ ରାଟାମାନେସି । ୪୭ ସାମା ମାନୁ ଏଝାଣି ରାଟାମାନି କାତା ନାମା ହିଲଅଡ଼େରି, ଆତିହ୍ ନା କାତା ଏନିକ୍ ନାମିଦେରି ?”

୨

ଜୀସୁ ପାସାମାଣା ଲକୁଣି ତୀହ୍‌ନାୟି (ମାତି ୧୪:୧୩-୨୧; ମାର୍କ ୬:୩୦-୪୪; ଲୁକ ୯:୧୦-୧୭)

୧ ଇଦାଆଁ ତାୟୁ ଜୀସୁ ଗାଲିଲି ସାମଦୁରି, ଇତିହ୍ ଡିବିରିୟା ସାମଦୁରି ଆତାଲାଖାକି ହାଚେସି । ୨ ଅଡ଼େ ଏଝାସି ରଗା ଗାଟାରାଇଁ ଏନି ଏନି କାବାଆନି କାମା କିହାମାତେସି, ଏ ବାରେ ମେସାନା ହାରେକା ଲକୁ ଏଝାଣି ଜେଟ ଜେଟ ହାଚେରି । ୩ ଏମ୍ବାଟିଏ ଜୀସୁ ସୀସୁୟାଁ ତଲେ ର ହରୁ ଲାକ ହାଜାନା କୁଗିତେସି । ୪ ଏତିବେଲା

୫:୩୩ ୫:୩୩ ଜହ ୧:୧୯-୨୭; ୩:୨୭-୩୦

ଜୀହ୍ୱାଦି ଲକ୍ଷ୍ମଣ ପିସ୍ତାଦି ପାର୍ବୁ ତାଗେ ଆହାମାରେ । ୫ ହାରେକା ଲକ୍ଷ୍ମଣ ତାନି ତାଣା ଖାହାମାନାଣି ମେସାନା, ଜୀସୁ ପିଲିପଲ୍ ଏଲେଇରେସି, “ଇଝାରାକି ତିଞ୍ଜାଲି ମାର ଆମ୍ବିତି ରାନ୍ଦା କଡିନାୟି ?” ୬ ସାମା ଏଝାସି ପିଲିପଲ୍ ତାୟିପାରି କିୟାଲି ଏଲେଇରେସି, ଇତିହିଁ ଏଝାସି ଏନାଆଁ କିନାୟିମାନେ, ଏଦାଆଁ ତାନୁଏ ପୁଞ୍ଜାମାରେସି ।

୭ ପିଲିପ ଏଝାଣାଲ୍ ଏଲେଇରେସି, “ବାରେ ଲକ୍ଷ୍ମଣାକି ଇଟା ଇଟାଣି ତିଞ୍ଜାଲି ରୀ ଖାଞ୍ଜାଟିଏ ଆଗାଡ଼ା ଖେଣ୍ଡି ଗାକାୟାତି\* ରୁଟି ଜିକେଏ ହାଲାର ।”

୮ ତାନି ସୀସୁୟାଁ ବିତ୍ରାଟି, ସିମନ ପିତର ତାୟି ଆନ୍ଦିୟ ଦରୁଗାଟାସି ଜୀସୁଲ୍ ଏଲେଇରେସି, ୯ “ଇମ୍ବାଆଁ ର କକାସି ମାନେସି, ତାନିତାଣା ପାସାଗଟା ରୁଟି ଇଞ୍ଜା ଖାଜିତି ମୀଣ୍ଡକା ରିଣ୍ଡି ମାନୁ, ସାମା ଇରେକା ଲକ୍ଷ୍ମଣାକି ଏଝି ହାଲିନୁ କି ?”

୧୦ ଜୀସୁ ଏଲେଇରେସି, “ଲକ୍ଷ୍ମଣି କୁପ୍‌କି କିଦୁ ।” ଏ ଚାୟୁତା ହାରେକା ଗାକା ଜାଡ଼ା ମାରେ । ଏମ୍ବାଆଁ ପାସାମାଣା ଆବାୟାଁ କୁଗିତେରି । ୧୧ ଏମ୍ବାଟିଏ ଜୀସୁ ରୁଟି ଆସାନା ମାହାପୁରୁଲ୍ ଜହରା ହାହାନା ଏମ୍ବାଆଁ କୁଗାମାନାରାକି ଏଦାଆଁ ବାଟିକିହାଁ ହାତେରି, ମୀଣ୍ଡକା ଜିକେଏ ଏଲେକିହିଁଏ ବାଟିକିତେରି, ଏରେକା ମନ କିତେରି ଏଝାରାକି ଏରେକା ହାତେରି । ୧୨ ଅଡ଼େ ଏଝାରି ବାରେ ପାଞ୍ଜିତି ତାୟୁ, ଜୀସୁ ତାନି ସୀସୁୟାଁଲ୍ ଏଲେଇରେସି, “ଏରେକା ହାରାମାନେ, ଏଦାଆଁ ବାରେ କୁଡ଼ି କିଦୁ ଏନିକଲ୍ ଇଟାୟି ଜିକେଏ ନସ୍ତ ଆଏ ।” ୧୩ ଏରେଟିଏ ଲକ୍ଷ୍ମଣ ତିଟି ତାୟୁ ପାସାଗଟା ରୁଟି ବିତ୍ରାଟି ହାରାମାଟି ମୁକାୟାଁ ବାର ତାଲି କୁଡ଼ି କିତେରି ।

୧୪ ଜୀସୁତି ଇ କାବାଆନି କାମା ମେସାନା ଲକ୍ଷ୍ମଣ ଏଲେଇରେସି, “ଆମିନି ମାହାପୁରୁ ଅଣ୍ଡପୁଡି ବଲୁ ଖେକ୍‌ନାସି ଦାର୍‌ତିତା ଖାନାୟି ମାରେ, ଏଝାସି

ସାତେଏ ଇଝାସି ।” ୧୫ ଏଦାଆଁତାକି ଏଝାରି ଖାହାନା ରାଜା କିୟାଲି ବାଲ୍‌ମିତି ଆସା ଅୟାନେରି ଇଞ୍ଜା ପୁଞ୍ଜାନା ଜୀସୁ ଏଟକା ଆହାନା ରଅସିଏ ଦାରିତା ମାତି ହରୁ ଲାକ ହଡ଼ାହାରେସି ।

ଜୀସୁ ଏୟୁ ଲାକ ତାକିନାୟି (ମାତି ୧୪:୨୨-୩୩; ମାର୍କ ୨:୪୫-୫୨)

୧୬ ମିଡ଼ାଲିଆ ଆହାଲିଏ ତାନି ସୀସୁୟାଁ ସାମ୍‌ଦୁରି ଗାଟୁତା ହାତେରି । ୧୭ ଅଡ଼େ ସାମ୍‌ଦୁରି ଆତାଲା ମାନି କପରନାହୁମ ଖାକି ହାଜାଲି ତଂଗତା ହତେରି । ଆନ୍ଦେରି ଆହାହାରେ, ଅଡ଼େ, ଜୀସୁ ଏତିବେଲା ପାତେକା ଏଝାରିତାଣା ଖାହା ହିଲାଆତେସି । ୧୮ ଇଞ୍ଜା କାଜା ଗାଲି ଖେଟିମାଟାକି ସାମ୍‌ଦୁରିତା ଆଜିହ୍‌ପେତି ଏୟୁ ଉଣ୍ଡାୟାଁ ନିଞ୍ଜିମାଟୁ । ୧୯ ଏତିବେଲା ଏଝାରି ସ କିଲମିଟର ହେକ ହାଜାଲିଏ ଜୀସୁ ସାମ୍‌ଦୁରିତା ତାକିହିଁ ତଂଗ ଖାକି ଖାହାମାନାଣି ମେସାନା ଆଜିତେରି । ୨୦ ସାମା ଜୀସୁ ଏଝାରାଲ୍ ଏଲେଇରେସି, “ଆଜାଆଦୁ ଇଝାତେଏଁ ନାନୁ ।” ୨୧ ଏମ୍ବାଟିଏ ଏଝାରି ଏଝାଣାଲ୍ ତଂଗତା ଅହାଲି ମନ କିତେରି, ଅଡ଼େ, ଏମିନି ସାମ୍‌ଦୁରି ଗାଟୁତା ହାଜିମାରେରି, ଦେବୁଣିଏ ଏ ଚାୟୁତା ତଂଗ ଏତେ ।

ଜୀସୁଲ୍ ଲକ୍ଷ୍ମଣ ପାରିନାୟି ୨୨ ଏ ଚାୟୁତା ର ତଂଗ ପିସ୍ତେ ଏଟକାତି ତଂଗୟାଁ ହିଲାଆଦୁ, ଅଡ଼େ ଏମ୍ବାଆଁ ଜୀସୁ ତାନି ସୀସୁୟାଁ ତଲେ ହାଜାହିଲାଆତେସି, ସାମା ଖାରୁଇ ସୀସୁୟାଁ ହାଜାମାରେରି, ଇଦାଆଁ ଆମିନି ଲକ୍ଷ୍ମଣ ତାନି ଅର ନେଟୁ ସାମ୍‌ଦୁରି ଆତାଲା ନିଟାମାରେରି ଏଝାରି ମେସାମାରେରି । ୨୩ ଆମିନି ତାଣା ଜୀସୁ ଜହରା କିହାନା ଲକ୍ଷ୍ମଣି ରୁଟି ତିଞ୍ଜାଲି ହାହାମାରେସି, ତିବିରିୟାତି ଅଡ଼େ ଏତରଗଟା ତଂଗାୟାଁ ଏ ଚାୟୁତା ଖାଡୁ । ୨୪ ଇଞ୍ଜା ଜୀସୁ ତାନି ସୀସୁୟାଁ ଏମ୍ବାଆଁ ହିଲାଆତେରି, ଇଦାଆଁ ମେସାନା ବାରେ ଲକ୍ଷ୍ମଣ ଇ

\* ୨:୨ ଖେଣ୍ଡି ଗାକା ର ରୁପାଟାକା ର ଦିନାତି କୁଲି ମାତି ୨୦:୨



ତଂଗତା ହତାନା ଜୀସୁଇଁ ପାରି ପାରିହୁଁ  
କପରନାହୁମତା ଖାଡ଼େରି ।

ଜୀସୁ ଜୀସୁତି ରାନ୍ଦା

୨୫ ଏଞ୍ଜାରି ସାମ୍ବୁରି ଆତାଲା ଜୀସୁଇଁ  
ବେଟାଆହାନା ଖେଚେରି, ଏ “ଗୁରୁ, ନୀନୁ  
ଏଟିବେଲା ଇମ୍ମାଆଁ ଖାଡ଼ି ?”

୨୬ ଜୀସୁ ଏଞ୍ଜାରାଇଁ ଏଲେଇଚେସି,  
“ନାନୁ ମିଙ୍ଗେ ସାତା ଖେସିମାଞ୍ଜାଇଁ,  
ନା କାବାଆନି କାମା ମେସ୍ତାକି ନାଙ୍ଗେ  
ପାରିମାଞ୍ଜାଦେରି ଏଦି ଆଏ, ସାମା  
ରୁଟି ତିଞ୍ଜା ପାଞ୍ଜିତାକି ମୀରୁ ନାଙ୍ଗେ  
ପାରିମାଞ୍ଜାଦେରି । ୨୭ ସୀରନି ରାନ୍ଦା  
ତାକି କାମା କିଆନା, କାଲାକାଲ୍ଲତି  
ଜୀସୁତାକି ତ୍ତୟିନି ରାନ୍ଦା ତାକି କାମା  
କିନୁ, ଏ ରାନ୍ଦା ମାଣସି ମୀରୁଏସି  
ମିଙ୍ଗେ ହିୟାନେସି, ଇଚିହୁଁ ତାନି  
ଆବା ମାହାପୁରୁ ଏଞ୍ଜାଣାକି ଅଦିକାରା  
ହୀହାମାନେସି ।”

୨୮ ଏମ୍ବାଟିଏ ଏଞ୍ଜାରି ଏଞ୍ଜାଣାଇଁ  
ଖେଚେରି, “ମାହାପୁରୁତି ବାରେ କାମା  
କିହାଲିତାକି ମାଙ୍ଗେ ଏନ୍‌ଆଁ କିହାଲି  
ଆନେ ?”

୨୯ ଜୀସୁ ଏଞ୍ଜାରାଇଁ ଏଲେଇଚେସି,  
“ମାହାପୁରୁ ଆମ୍ବାଆରାଇଁ ପାଣ୍ଡାମାଞ୍ଜାନେସି,  
ଏଞ୍ଜାଣି ତାଣା ନାମିନାୟି ମାହାପୁରୁତି  
କାମା ।”

୩୦ ଏଚେଟିଏ ଏଞ୍ଜାରି ଏଞ୍ଜାଣାଇଁ  
ଖେଚେରି, “ଆତିହୁଁ ନୀନୁ ସିନାଲେହେଁ  
ଏନ୍‌ଆଁ କିହିମାଞ୍ଜି, ଏନ୍‌ଆଁ ମେସାନା  
ମାମ୍ବୁନିଙ୍ଗେ ନାମାନମି ? ୩୧ ମା ଆକୁ  
ଆବାୟାଁ ଲକୁ ତ୍ତୟାଆ ଟାୟୁତା ମାନା†  
ତିଞ୍ଜା ମାଚେରି, ଦାମ୍ବୁପତିତା ରାସ୍‌କି  
ଆହାମାନେ, ତିଞ୍ଜାଲି ଏଞ୍ଜାସି ଏଞ୍ଜାରାକି  
ଲାକପୁରୁଟି ରାନ୍ଦା ହୀଚେସି ।”

୩୨ ଏଚେଟିଏ ଜୀସୁ ଏଞ୍ଜାରାଇଁ  
ଏଲେଇଚେସି, “ସାତା ସାତା ନାନୁ  
ମିଙ୍ଗେ ଖେସିମାଞ୍ଜାଇଁ, ମସା ମିଙ୍ଗେ  
ଲାକପୁରୁଟି ରାନ୍ଦା ହୀହାମାଞ୍ଜାଅସି, ସାମା  
ନା ଆବା ମିଙ୍ଗେ ଲାକପୁରୁଟି ସାତା ରାନ୍ଦା  
ହିୟାନେସି; ୩୩ ଇଚିହୁଁ ଆମିନି ରାନ୍ଦା  
ଲାକପୁରୁଟି ଖାହାନା ଦାବ୍‌ତିତି ଲକୁଣି

ଜୀସୁ ହୀନେ, ଏଦି ମାହାପୁରୁ ହିୟାତି  
ରାନ୍ଦା ।”

୩୪ ଏଞ୍ଜାରି ଜୀସୁଇଁ ଏଲେଇଚେରି,  
“ପୁରୁ, ମାଙ୍ଗେ ବାରେଦିନା ଏ ରାନ୍ଦା  
ହିୟାମୁ ।”

୩୫ ଏମ୍ବାଟିଏ ଜୀସୁ ଏଞ୍ଜାରାଇଁ  
ଏଲେଇଚେସି, “ନାନୁଏ ଜୀସୁତି  
ରାନ୍ଦାଚେଏଁ; ଆମ୍ବାଆସି ନା ତାଣା  
ଖାନେସି, ଏଞ୍ଜାସି ଏଚେଲା ହାକି ଆଅସି,  
ଅଡ଼େ ନା ତାଣା ନାମିନାସି, ଏଚେଲା  
ଏସ୍‌କି ଆଅସି । ୩୬ ସାମା ନାନୁ ମିଙ୍ଗେ  
ଖେସିମାଞ୍ଜାଇଁ, ମୀରୁ ନାଙ୍ଗେ ମେସ୍ତାତି  
ଜିକେଏ ନାମିମାଞ୍ଜାଅଚେରି । ୩୭ ଆବା  
ନାଙ୍ଗେ ଆମ୍ବାଆରାଇଁ ହିୟାନେସି, ଏଞ୍ଜାରି  
ବାରେଜାଣା ନା ତାଣା ଖାନେରି; ଅଡ଼େ  
ନା ତାଣା ଖାନାଣାଇଁ, ନାନୁ ଏଚେଲାଖା  
ପାଙ୍ଗାତା ପିହୁଅଁ । ୩୮ ଇଚିହୁଁ ନାନୁ  
ଅଣପିନି ଲେହେଁ କିହାଲି ଖାହାହିଲଅଁ,  
ସାମା ନାଙ୍ଗେ ପାଣ୍ଡାତାଣା ଅଣପୁ ତଲେ  
କିହାଲି ଲାକପୁରୁଟି ଖାହାମାଇଁ ।  
୩୯ ଅଡ଼େ ନାଙ୍ଗେ ପାଣ୍ଡାମାଞ୍ଜାନାସି ଆମିନି  
ଗାଟାରାଇଁ ନାଙ୍ଗେ ହିୟାନେସି, ଏଞ୍ଜାରି  
ବିତ୍ତାଟି ଆମ୍ବାଆରାଇଁ ଜିକେଏ ଏନିକ  
ନାନୁ ଜାକ୍‌ଅଁ, ସାମା ରାନି ଦିନାତା  
ଏଞ୍ଜାରାଇଁ ହାଡ଼ାରି ତାଣାଟି ନିକ୍‌ଇଁ,  
ଇଦି ଏଞ୍ଜାଣି ଅଣପୁ । ୪୦ ଇଚିହୁଁ  
ଆମ୍ବାଆସି ମୀରୁଏଣାଇଁ ମେସାନା ଏଞ୍ଜାଣି  
ତାଣା ନାମିନେସି, ଏଞ୍ଜାସି ଏନିକ  
କାଲାକାଲ୍ଲତି ଜୀସୁ ବେଟା ଆନେସି,  
ଇଦି ନା ଆବାତି ଅଣପୁ, ଅଡ଼େ ନାନୁ  
ଏଞ୍ଜାଣାଇଁ ରାନି ଦିନାତା ହାଡ଼ାରି ତାଣାଟି  
ନିକ୍‌ଇଁ ।”

୪୧ ନାନୁ ଲାକପୁରୁଟି ଚେଟା  
ଖାହାମାନି ରାନ୍ଦାଚେଏଁ ଇଞ୍ଜି ଏଞ୍ଜାସି  
ଏଲେଇଞ୍ଜାଲିଏ ଜୀହୁଦିୟାଁ ଏଞ୍ଜାଣି  
କପାଟି ଏଲେଇଞ୍ଜି ଜଲ୍‌କି ଆଡ଼େରି  
। ୪୨ “ଇଞ୍ଜାସି ଜସେପ ମୀରୁଏସି  
ଜୀସୁ ଆଏକି, ଅଡ଼େ ମାରୁ ଇଞ୍ଜାଣି  
ଇୟା ଆବାତି ପୁଞ୍ଜାହିଲାଆୟି କି ?  
ଆତିହୁଁ ନାନୁ ଲାକପୁରୁଟି ଚେଟା

† ୨:୩୧ ୨:୩୧ ମାନା ଇଚିସାରେ ଇସାୟେଲ ଲକୁକି ମାହାପୁରୁ ହୀହାମାଟି କାଦିତି ଦରୁ

ଝାହାମାଙ୍କ ଇଞ୍ଜି ଏଝାସି ନୀର୍ବ୍ୟ ଏନିକ୍ କି  
ଝେସିମାନେସି ?”

୪୩ ଜୀସୁ ଏଝାରାଙ୍କ ଏଲେଇଚେସି,  
“ମୀରୁ ମୀରୁ ମୁରୁମୁର ଜଲୁକି ଆଆନୁ  
।” ୪୪ ନାଙ୍ଗେ ପାଣ୍ଡାମାଞ୍ଜାନି ଆବା  
ଆମ୍ବାଆରାଙ୍କ ରେଜା କଡିନେସି,  
ଏଝାସିଦେ ନା ତାଣା ଝାହାଲି ଆଡିନେସି,  
ଅଡେ ନାନୁ ରାନି ଦିନାତା ଏଝାଣାଙ୍କ  
ହାଡାରି ତାଣାଟି ନିକଙ୍କ । ୪୫ ମାହାପୁରୁ  
ଅଣ୍ପୁତି ବଲୁ ଝେହନାରି ଦାମ୍ବୁପତିତା  
ରାସ୍ତକି ଆହାମାନେ, “ବାରେଜାଣା  
ମାହାପୁରୁ ତାଣାଟି ଜାପିନେରି ।  
ଆମ୍ବାଆସି ଆବାଟି କାତା ଝେଞ୍ଜାନା  
ଜାପାମାନେସି, ଏଝାସି ନା ତାଣା  
ଝାନେସି । ୪୬ ଆମ୍ବାଆସି ଆବାଙ୍କ  
ମେସାହିଲଅସି, ଆମ୍ବାଆସି ମାହାପୁରୁ  
ତାଣାଟି ଝାହାମାନାସି, ଝାରୁଇ ଏଝାସି  
ମେସାମାନେସି । ୪୭ ନାନୁ ମିଙ୍ଗେ ସାତା  
ଝେସିମାଞ୍ଜାଙ୍କ, ଆମ୍ବାଆସି ନାନିନେସି,  
ଏଝାସି କାଲାକାଲାତି ଜୀଝୁ ବେଟା  
ଆହାମାନେସି । ୪୮ ନାନୁ ଜୀଝୁତି  
ରାହାଡେସି । ୪୯ ମୀ ଆକୁ ଆବାୟା  
ଲକୁ ଡୟାଆ ଟାୟୁତା ମାନା ତିଞ୍ଜାନା,  
ହାଡେରି । ୫୦ ଆମ୍ବାଆରି ଏନିକ୍  
ରାହା ତିଞ୍ଜାନା ହାଅରି, ଏଦାଆଁତାକି  
ଲାକପୁରୁଟି ଝାନି ରାହା ଇଦି ।

୫୧ ନାନୁ ଲାକପୁରୁଟି ଝାହାମାନି  
ଏ ଜୀଝୁଗାଟି ରାହାଡେସି; ଆମ୍ବାଆସି  
ଏ ରାହା ତିନେସି, କାଲାକାଲା ତାକି  
ନୀଡିନେସି; ହାଅ, ନାନୁ ଏମିନି ରାହା  
ହାଙ୍କ, ଏଝି ନା ଉଙ୍ଗା, ନାନୁ ଏଝାଆଁ  
ଦାରୁତି ଜୀଝୁତାକି ହାଙ୍କ ।”

୫୨ ଇ ହାଡା ଝେଞ୍ଜାନା ଜୀହୁଦିୟା  
କାରୁବି ଆହାନା ଏଲେଇଣ୍ଡି ଆଡେରି,  
“ଇଝାସି ଏନିକ୍ ମାଙ୍ଗେ ତାନି ଉଙ୍ଗା  
ତିଞ୍ଜାଲି ହିୟାଲି ଆଡାନେସି ?”

୫୩ ଜୀସୁ ଏଝାରାଙ୍କ ଏଲେଇଚେସି,  
“ନାନୁ ସାତା ଝେସିମାଞ୍ଜାଙ୍କ, ମାଣ୍ଡସି  
ମୀରୁଏଣି ଉଙ୍ଗା ତିନାଆସାରେ ଅଡେ  
ତାନି ନେଡେରି ଗହ୍‌ଆସାରେ, ମୀ ତାଣା  
ଜୀଝୁ ହିଲେଏ । ୫୪ ଆମ୍ବାଆସି ନା ଉଙ୍ଗା

ତିନେସି ଅଡେ ନା ନେଡେରି ଗହ୍‌ନେସି,  
କାଲାକାଲାତି ଜୀଝୁ ବେଟା ଆନେସି,  
ଅଡେ ନାନୁ ଏଝାଣାଙ୍କ ରାନି ଦିନାତା  
ହାଡାରି ତାଣାଟି ନିକଙ୍କ । ୫୫ ଇଡିହ୍ ନା  
ଉଙ୍ଗା ସାତା ରାହା ଅଡେ ନା ନେଡେରି  
ସାତା ଗହ୍‌ନାୟି । ୫୬ ଆମ୍ବାଆସି ନା ଉଙ୍ଗା  
ତିନେସି ଅଡେ ନା ନେଡେରି ଗହ୍‌ନେସି,  
ଏଝାସି ନା ତାଣା ଡୟିନେସି ଅଡେ ନାନୁ  
ଏଝାଣି ତାଣା ଡୟିଙ୍କ । ୫୭ ଜୀଝୁତି  
ଆବା ନାଙ୍ଗେ ଏନିକ୍ ପାଣ୍ଡାମାଞ୍ଜାନେସି  
ଅଡେ ନାନୁ ତାନିତାଣାଟି ନୀତାମାଙ୍କ,  
ଏଲେକିହ୍ ଏ ଆମ୍ବାଆସି ନାଙ୍ଗେ  
ତିଞ୍ଜାନେସି, ଏଝାସି ଜିକେଏ ନା  
ତାଣାଟି ନୀଡିନେସି । ୫୮ ଆମିନି ରାହା  
ଲାକପୁରୁଟି ଝାହାମାନେ, ଏଦି ଇଦି;  
ମୀ ଆକୁ ଆବାୟା ଏନିକ୍ ତିଞ୍ଜାନା  
ହାଡେରି, ଇଦି ଏଲେତାୟି ଆଏ,  
ଆମ୍ବାଆସି ଇ ରାହା ତିନାସି ଏଝାସି  
କାଲାକାଲା ତାକି ଜୀଝୁତଲେ ଡୟିନେସି  
।”

୫୯ ଜୀସୁ କପରନାହୁମତି ର ଜୀହୁଦି  
ଲକୁତି କୁଟମି ଇଲୁତା; ମାହାପୁରୁ ବଲୁ  
ଝେସିମାଟାଟି ଇ ବାରେ କାତା ଝେସ୍ତେସି  
।

କାଲାକାଲା ଜୀଝୁତି ବଲୁ  
୬୦ ଜୀଝୁତି ସୀସୁୟା ବିତାଟି  
ହାଡେରିକା ଇ ବାରେ କାତା ଝେଞ୍ଜାନା  
ଏଲେଇଚେରି, “ଇଦି ଅପାଆଗାଟି  
କାତା, ଆମ୍ବାଆସି ଇଦାଆଁ ଝେଞ୍ଜାଲି  
ଆଡିନେସି ?”

୬୧ ଏଝାରି ଇ କାତାତାକି ଝେସ୍ତପି  
ଆହିମାନେରି ଇଞ୍ଜି ଜୀସୁ ପୁଞ୍ଜାନା  
ସୀସୁୟାଙ୍କ ଏଲେଇଚେସି, “ଇ କାତା  
ମିଙ୍ଗେ ଅପାଆଗାଟାୟି ଆହିମାନେ କି  
? ୬୨ ଆଡିହ୍ ମାଣ୍ଡସି ମୀରୁଏସି  
ତଲିଏ ମାଟି ଟାୟୁତା, ଝେଣ୍ଡେ  
ହାନାଣି ମେସିହ୍, ଏନାଆଁ ଇଞ୍ଜେରି  
? ୬୩ ମାହାପୁରୁଟି ଜୀଝୁ ନୀତାଲି  
ହାନାୟି; ମାଣ୍ଡସିତ ଆଙ୍ଗା ଏନାଆଁ  
କିୟାଲି ଆଡେଏ; ନାନୁ ମିଙ୍ଗେ  
ଝେସ୍ତାତି ବଲୁ ବାରେ, ସୁଦୁଜୀଝୁ ଅଡେ  
ନୀଡିନି ବଲୁ । ୬୪ ସାମା ମୀ ବିତାଟି

‡ ୨:୫୯ ୨:୫୯ ସିନଗଗ

ଏଚରଜାଣା ନାମିହିଲଅରି” ଇଚିହ୍ ଆମ୍ବାଆରି ନାମି ହିଲାଆତେରି ଅଡେ ଆମ୍ବାଆସି ଏଝାଣାଇଁ ସାଡୁ କେୟୁତା ହେରପିନେସି ଏଦାଆଁ ଜୀସୁ ତଲିଏ ପୁଞ୍ଜାମାରେସି । ୬୫ ଅଡେ ଏଝାସି ଏଲେଇଚେସି, “ଏଦାଆଁତାକି ନାନୁ ମିଙ୍ଗେ ଝେସିମାଞ୍ଜାଇଁ, ଆବା ହେଲ ହୀଆତିହ୍ ଆମ୍ବାଆସି ନା ତାଣା ଝାୟାଲି ଆଡଅସି ।”

୬୬ ଏ ଦିନଟିଏ ତାନି ସୀସୁୟାଁ ବିତ୍ତାଟି ହାରେକା ଜାଣା ଅପାଆନାହାଁ ହାଜାଡୁସ୍ତେରି, ଇଞ୍ଜା, ଏଝାଣିତଲେ ଅଡେ ହାଲାଆତେରି । ୬୭ ଏମ୍ବାଟିଏ ଜୀସୁ ବାରଜାଣା ସୀସୁୟାଁଣି ଝେଚେସି, “ମୀରୁ ଜିକେଏ ହାଜାଲି ମନ୍ କିହିମାଞ୍ଜେରି କି ?”

୬୮ \*ସିମନ ପିତର ଏଝାଣାଇଁ ଏଲେଇଚେସି, “ପ୍ରବୁ ଆମ୍ବାଆରି ତାଣା ହାନମି ? କାଲାକାଲାତି ଜୀସୁତି ବଲୁ ନୀ ତାଣା ମାନେ । ୬୯ ନୀନୁ, ମାହାପୁରୁ ତାଣାଟି ଝାହାମାନି ଏ ସୁଦୁ ମାଣସିତି ଇଦାଆଁ ମାମ୍ବୁ ନାମା ମାନମି ଅଡେ ପୁଞ୍ଜାମାନମି ।”

୭୦ ଜୀସୁ ଏଝାରାଇଁ ଏଲେଇଚେସି, “ନାନୁ ଏନାଆଁ ମୀ ବାରଜାଣାତେରି ମିଙ୍ଗେ ଆତାମାଞ୍ଜଅଁ କି ? ଅଡେ ମୀ ବିତ୍ତାଟି ରଅସି ସୟତାନ ।” ୭୧ ଏଝାସି ଇସ୍ତାରିୟତ ସିମନ ମୀରଏସି ଜୀହୁଦାଇଁ ସିନିକିହାନା ଏଲେଇଚେସି, ଇଚିହ୍ ଏଝାସି ବାରଜାଣା ସୀସୁୟାଁ ବିତ୍ତାଟି ରଅସି, ଅଡେ ଏଝାସି ଜୀସୁଇଁ ସାଡୁ କେୟୁତା ହେରପାଲି ହାଜିମାଚେସି ।

୭

ଜୀସୁ ଅଡେ ତାନି ତାୟିୟାଁ

୯ ଇଦାଆଁ ତାୟୁ ଜୀସୁ ଗାଲିଲିତା ରେଜିମାଚେସି, ଇଚିହ୍ ଜୀହୁଦିୟାଁ ଏଝାଣାଇଁ ପାୟାଲି ଅଣ୍ପି ମାତାକି ଏଝାସି ଜୀହୁଦା ରାଜିତା ରେଜାଲି ମନ୍ କିହି ହିଲାଆତେସି । ୧୦ ସାମା ଜୀହୁଦି ଲକୁତି “ଗରାୟାଁ ଗୁଡାତା ବାସାଆନି”

ପାର୍ବୁ ତାଗେ ଝାହିମାଚାକି । ୩ ଜୀସୁତି ତାୟିୟାଁ ଏଝାଣାଇଁ ଏଲେଇଚେରି, “ନୀନୁ କିହିମାନି କାମାୟାଁ, ନୀ ସୀସୁୟାଁ ଜିକେଏ ମେହ୍ନେରି ଇଦାଆଁତାକି ନୀନୁ ଇମ୍ବାଟି ହଚା ହାଜାନା ଜୀହୁଦା ରାଜିତା ହାଲାମୁ । ୪ ଇଚିହ୍ ଲକୁତାଣା ଝେଙ୍ଗାଲି ମନ୍ କିନାସି ତାନି କାମା ତୁଗୁହାଁ କିଅସି । ନୀନୁ ଇ ବାରେ କାମା କିହିମାଞ୍ଜି, ଆତିହ୍ ନୀନୁ ଦାରତି ନକିତା ତସାକତାମୁ ।” ୫ ଇଚିହ୍ ତାନି ତାୟିୟାଁ ଜିକେଏ ତାଙ୍ଗେ ନାମି ହିଲାଆତେରି ।

୬ ଏମ୍ବାଟିଏ ଜୀସୁ ଏଝାରାଇଁ ଏଲେଇଚେସି, “ନୀଏଁ ପାତେକା ନା ଦିନା ଏଜାମାଞ୍ଜେଏ, ସାମା ମୀ ଦିନା କାଲେଏ ମାନେ ।”

୭ ଦାରତିତାରି ମିଙ୍ଗେ ଅପାନେରି ସାମା ନାଙ୍ଗେ ଅପଅରି ଏନାଆଁତାକି ଇଚିହ୍ ତାନି କାମା ବାରେ ଲାଗେଏତାୟି ଇଞ୍ଜା ନାନୁ ସାକି ହୀହାନା ତସିମାଇଁ । ୮ ମୀରୁ ଇ ପାର୍ବୁତା ହାଜୁ, ନାନୁ ନୀଏଁ ଇ ପାର୍ବୁତା ହାଜିହିଲଅଁ, ଇଚିହ୍ ନା ଦିନା ଝାହାହିଲେଏ । ୯ ଏଝାସି ଏଝାରାଇଁ ଇ ବାରେ କାତା ଝେସାନା ଗାଲିଲିତା ଡୟିଚେସି ।

ଗରାୟାଁ ଗୁଡାତା ବାସାଆନି ପାର୍ବୁତା ଜୀସୁ

୧୦ ଜୀସୁତି ତାୟିୟାଁ ଏ ପାର୍ବୁତା ହାଚି ତାୟୁ, ଜୀସୁ ଜିକେଏ ହାଚେସି ସାମା ଲକୁ ମେହ୍ନାରେଟୁ ମେଣେଏ ହାଚେସି । ୧୧ ପାର୍ବୁ ବେଲାତା ଜୀହୁଦି ଲକୁ ଏଝାଣାଇଁ ପାରି ପାରିହ୍, “ଏଝାସି ଏମ୍ବିୟା ମାନେସି ଇଞ୍ଜା ଝେଚେରି ?”

୧୨ ବାରେ ଲକୁ ଏଝାଣି ତାକି କିଲିବିଲି ଆହିମାଚେରି, ଏଚରଜାଣା “ଏଝାସି ନେହ୍ ମାଣସି” ଇଚେରି; ଅଡେ ଏଚରଜାଣା “ଆଏ, ଏଝାସି ଲକୁଣି ନାଡ଼ି କିହିମାନେସି” ଇଞ୍ଜା ଇଚେରି । ୧୩ ସାମା ଜୀହୁଦିୟାଁ ଆଜିତାକି ଆମ୍ବାଆରି ତାନି କାତା ପାଙ୍ଗାଝେଙ୍ଗେ ଝେସି ହିଲାଆତେରି ।

\* ୭:୨୮ ୭:୨୮ ମାଚି ୧୭:୧୭; ମାର୍କ ୮:୨୯; ଲୁକ ୯:୨୦

୧୪ ସାମା ପାର୍ବୁତି ମାଦି ପାତେକା ରାହାଲିଏ, ଜୀସୁ ମାହାପୁରୁ ଇଲୁତା ହାଜାନା ଜାପୁହାଲି ମାଟ୍‌ହେସି । ୧୫ ଏମ୍ବାଟିଏ ଜୀହୁଦିୟା କାବାଆହାନା ଏଲେଇଚେରି, “ଇଝାସି ପାଟା ଜାପାଆନାହାଁ ଏନିକିଁ ଇଚେକା ବୁଦି ପୁଚେସି ?”

୧୬ ଜୀସୁ ଏଝାରାଇଁ ଏଲେଇଚେସି, “ନାନୁ ଜାପୁହିମାନାୟି ନା ତାଣାଟି ଆଏ, ସାମା ନାଜେ ପାଶ୍ଚାତାଣାଝାୟି । ୧୭ ଆମ୍ବାଆସି ତାନି ଅଣ୍‌ପୁ ତଲେ କିହାଲି ଅଣ୍‌ପିନେସି, ଆଡ଼ିସାରେ ଇ ଜାପୁନାୟି ମାହାପୁରୁ ତାଣାଟି ଝାହାମାନେ, କି, ନା ତାଣାଟି ଝେସିମାଇଁ, ଏଦାଣି ଏଝାସି ପୁନେସି । ୧୮ ଆମ୍ବାଆସି ନାଡ଼ିଏ ଇନେସି, ଏଝାସି ତାନି ଗାଝୁରମି ପାରିନେସି, ସାମା ଆମ୍ବାଆସି ତାଜେ ପାଶ୍ଚାତାଣାଗା ଗାଝୁରମି ପାରିନେସି, ଏଝାସି ସାତା, ଅଡ଼େ ଏଝାଣି ତାଣା ଏନାୟି ଲାଗେଏ କିନାୟି ହିଲେଏ । ୧୯ ମସା ମିଜେ ମେରା ହାହାମାଞ୍ଜଅସି କି ? ଆଡ଼ିଜିକେଏ ମା ବିତ୍ରାଟି ଆମ୍ବାଆଚେରି ମେରାଟି ମାନୁଝି ଆହି ହିଲଅଚେରି, ମୀରୁ ଏନାଆଁତାକି ନାଜେ ପାୟାଲି ଅଣ୍‌ପିମାଞ୍ଜାଦେରି ?”

୨୦ ଲକୁ ବାରେ ଏଲେଇଚେରି, “ନିଜେ ବୃତୁ ଆଲଗାମାଞ୍ଜାନେ, ନିଜେ ଆମ୍ବାଆସି ପାୟାଲି ଅଣ୍‌ପି ମାଞ୍ଜାନେସି ?”

୨୧ ଜୀସୁ ଏଝାରାଇଁ ଏଲେଇଚେସି, “ନାନୁ ର କାବାଆନି କାମା କିଚେଏଁ, ଅଡ଼େ ମୀରୁ ବାରେ କାବା ଆଡ଼େରି । ୨୨ ଇଦାଆଁତାକି ମସା ମିଜେ ତଲୁ ଦାପି କିନି ମେରା ହାହାମାଞ୍ଜାନେସି, ଇ ମେରା ମସା ତାଣାଟି ଆହାମାନେ, ଏଡ଼ି ଆଏ, ସାମା ଆକୁ ଆବାୟାଁ ତାଣାଟି, ଇଞ୍ଜା ମୀରୁ ଜମିନି ଦିନାତା ଜିକେଏ କକାରି ତଲୁ ଦାପି କିହିମାଞ୍ଜେରି ? ୨୩ \*ଜମିନି ଦିନାତା ର କକାଣି ତଲୁ ଦାପି କିନାଣିତାକି ମସାଟି ମେରା ଉରିହିଲଅଚେରି, ଆଡ଼ିହଁ ନାନୁ ଜମିନି ଦିନାତା ର ମାଣ୍‌ସିତି ଗୁଡ଼ା

ଆଜ୍ଞା ନେହଁ କିୟାଲିଏ ମୀରୁ ନାଜେ ଏନାଆଁତାକି କପା ଆହିମାଞ୍ଜାଦେରି ? ୨୪ ଝାରଇ ଲାକ ଲାକ କାତା ମେସାନା ନୀହାଁୟି କିଆପୁ ସାତା ତଲେ ନୀହାଁୟି କିବୁ ।”

ଇଝାସି ଏନାଆଁ ମସିହା ?

୨୫ ଏଚେଟିଏ ଜିରୁସାଲମତା ମାନାରି ବିତ୍ରାଟି ଏଚରଜାଣା ଝେସ୍‌ପି ଆଡ଼େରି, “ଆମ୍ବାଆରାଇଁ ଇଝାରି ପାୟାଲି ଅଣ୍‌ପିମାନେରି ଇଝାସି ଏଝାସି ଆଏକି ? ୨୬ ଅଡ଼େ ମେହ୍‌ଦୁ, ଏଝାସି ଲକୁ ପୁଣ୍‌ମ୍ବେ କାତା ଝେସିମାନେସି, ଇଞ୍ଜା ଏଝାଣାଇଁ ସାଲୁଝି କିନାରି ଏନାଆଁ କିହିହିଲଅରି । ଏଝାସି କ୍ରୀସ୍ତ ଇଞ୍ଜା ଏଝାରି ଏନାଆଁ ସାତା ତଲେ ପୁଚେରି କି ? ୨୭ ଆଡ଼ିହଁ ଏଝାସି, ଆମ୍ବିଟି ଝାହାମାନେସି, ଇଦାଆଁ ମୀରୁ ପୁଞ୍ଜାମାନାୟି, ସାମା କ୍ରୀସ୍ତ ଏଚିବେଲା ଝାନେସି, ଏଚିବେଲାତା ଆମ୍ବାଆସି ପୁନଅସି, ଇଚିହଁ ଏଝାସି ଆମ୍ବିଟି ଝାହାମାନେସି ।”

୨୮ ଜୀସୁ ମାହାପୁରୁ ଇଲୁତା ମାହାପୁରୁ କାତା ଝେସି ଝେସିହଁ କାଜା ଗିୟାତଲେ ଏଲେଇଚେସି, “ମୀରୁ ସାତେଏ ନାଜେ ପୁଞ୍ଜାମାଞ୍ଜାଦେରି ଅଡ଼େ ନାନୁ ଏମ୍ବିଟି ଝାହାମାଇଁ ଏଦାଆଁ ସାତେଏ ପୁଞ୍ଜାମାଞ୍ଜେରି; ନାନୁ ନା ଅଣ୍‌ପୁ ତଲେ ଝାହାହିଲଅଁ, ସାମା ନାଜେ ପାଶ୍ଚାତାସି ଏଝାସି ସାତା, ମୀରୁ ଏଝାଣାଇଁ ପୁଞ୍ଜାହିଲଅଚେରି । ୨୯ ନାନୁ ଏଝାଣାଇଁ ପୁଞ୍ଜାମାଇଁ, ଇଚିହଁ ନାନୁ ଏଝାଣି ତାଣାଟି ଝାହାମାଇଁ, ଅଡ଼େ ଏଝାସି ନାଜେ ପାଶ୍ଚାତେସି ।”

୩୦ ଏମ୍ବାଟିଏ ଜୀସୁଇଁ ଆସାଲି ତାକି ଅଣ୍‌ପିଚେରି; ସାମା ଆମ୍ବାଆରି କେୟୁ ଏଝାଣି ମୁହେଁ ଏଆତେ, ଇଚିହଁ ଏଝାଣାଇଁ ଆହୁନି କାରୁ ଏଚେତା ଏଜାହିଲାଆତେ । ୩୧ ସାମା ଲକୁ ବିତ୍ରାଟି ହାରେକା ଏଝାଣି ତାଣା ନାମାନା ଏଲେଇଚେରି, “ଇଝାସି ଏନି ଏନି କାବାଆନି କାମା ବାରେ କିହିମାନେସି,

☆ ୭:୨୩ ୭:୨୩ ଜହ ୫:୯

କ୍ରୀସ୍ତ ଖାହାନା ଇଝାଣି କିହାଁ ଏନାଆଁ ଆଗାଡ଼ା କିନେସି ?”

ଜୀସୁଇଁ ଦସାଲି କସ୍କାଣି ପାଣ୍ଡିନାୟି

୩୨ ଲକ୍ଷୁ ଜୀସୁ କାତା ତାମି ବିତ୍ରା ଖେସ୍ପି ଆହିମାଚାଣି ପାରୁସିୟାଁ ଖେଚେରି ଅଡ଼େ ପାରୁସିୟାଁ ଅଡ଼େ କାଜା ପୂଜେରାଜା ଜୀସୁଇଁ ଦସାଲି ଜାମାନାଜାଣି ପାଣ୍ଡିଚେରି । ୩୩ ଏମ୍ବାଟିଏ ଜୀସୁ ଏଲେଇଚେସି, “ନାନୁ ମା ତଲେ ଗାଡ଼େକା ତାକି ତୟାହାଁ ନାଜେ ପାଣ୍ଡିତାଣା ତାଣା ହାଇଁ । ୩୪ ମୀରୁ ନାଜେ ପାରାଦେରି, ସାମା ମେଡ଼ାଆୟଅତେରି; ଅଡ଼େ, ନାନୁ ଏମ୍ବିୟା ମାଇଁ, ମୀରୁ ଏମ୍ବାଆଁ ଖାହାଲି ଆଡ଼ଅତେରି ।”

୩୫ ଜୀହୁଦିୟାଁ ତାମ୍ବୁ ତାମ୍ବୁ ଖେସ୍ପି ଆତେରି, “ଇଝାସି ଆମ୍ବିୟା ହାଜିମାନେସି, ମୀରୁ ଏଝାଣାଇଁ ବେଟାଆହାଲି ଆଡ଼ାଆୟି ଏନାଆଁ ଇଝାସି ଇତାଲା ଆତାଲା ଜାଜାହାଜାମାନି ଗ୍ରିକ୍ ଲକ୍ଷୁଇଁ ଜାପୁହାଲି ହାଜିମାନେସି କି ?” ୩୬ “ମୀରୁ ନାଜେ ପାରାଦେରି, ସାମା ବେଟାଆୟଅତେରି, ଅଡ଼େ ନାନୁ ଏମ୍ବିୟା ମାଇଁ, ମୀରୁ ଏମ୍ବାଆଁ ଖାହାଲି ଆଡ଼ଅତେରି, ଇଞ୍ଜୁ ଏଝାସି ଖେସ୍ପାତି ଇ କାତା ଏନାୟି ଇଞ୍ଜୁ ଖେସ୍ପି ଆତେରି ?”

ଜୀହୁହାନି ଜାରଣା ଏୟୁ

୩୭ ରାନି ଦିନା, ଇଚିସାରେ ପାରୁଡ଼ି କାଜା ଦିନା, ଜୀସୁ ନିଚାନା କାଜା ଗିୟାତଲେ ଏଲେଇଚେସି, ଆମ୍ବାଆସି ଏସ୍କି ଆଡ଼ିହୁଁ, ଏଝାସି ନା ତାଗେ ଖାହାନା ଗସ୍ପେସି । ୩୮ ଅଡ଼େ ଆମ୍ବାଆସି ନା ତାଣା ନାମିନେସି, “ଦାମ୍ବୁ ପତିତା ରାସ୍କି ଆହାମାନି ଲେହେଁ, ଏଝାଣି ହିୟାଟି ଜୀହୁଡ଼ି ଜାରଣା ଏୟୁ ହନୁ\* ।” ୩୯ ଜୀସୁ ସୁଦୁଜୀହୁଡ଼ି କାତା ଖେସିମାଚେସି, ଆମିନି ଗାଟାରି ଜୀସୁ ତାଣା ନାମି ମାଚେରି, ଏଝାରି ସୁଦୁଜୀହୁ ବେଟାଆନାୟି ମାଚେ, ଜୀସୁ

ଗାହୁରମି ବେଟାଆହା ହିଲାଆତାକି ଏଝାରାକି ଏଚେତା ସୁଦୁଜୀହୁ ହାପକି ଆହାହିଲାଆତେ ।

ଲକ୍ଷୁ ବିତ୍ରା ବାଗା ଆନାୟି

୪୦ ଏଚେତା, ଲକ୍ଷୁ ଏ କାତା ଖେଚେରି, ଏଝାରି ବିତ୍ରାଟି ଏଚରଜାଣା ଏଲେଇଚେରି, “ଇଝାସି ସାତେଏ ମାହାପୁରୁ ଅଣ୍ଟପୁତି ବଲୁ ଖେହନାସି ।”

୪୧ ଏଟକାତାରି ଏଲେଇଚେରି, “ଏଝାସି ମସିହା !”† ସାମା ଆମ୍ବା ଆମ୍ବାଆରି ଏଲେଇଚେରି, “ମସିହା !‡ ଏନାଆଁ ଗାଲିଲିଟି ଖାନେସି କି ? ୪୨ ଦାମ୍ବୁ ସାସ୍ପେରିତା ରାସ୍କି ଆହାମାନେ, କ୍ରୀସ୍ତ ଦାହୁଦ ରାଜା କୁଡ଼ାଟି ଇଞ୍ଜା ଦାହୁଦ ଏମିନି ଗାମୁଡ଼ା ବାସା ଆହାମାଚେସି, ଏ ବେତଲିହିମ ନାୟୁଡ଼ି ଖାନେସି ।”

୪୩ ଇଦାଆଁତାକି ଲକ୍ଷୁ ତାମି ବିତ୍ରାଟି ଏଝାଣି ତାକି ବାଗା ଆତେରି; ୪୪ ଅଡ଼େ, ତାମି ବିତ୍ରାଟି ଆମ୍ବା ଆମ୍ବାଆରି ଏଝାଣାଇଁ ଆସାଲି ଅଣ୍ଟି ମାଚେରି, ସାମା ଆମ୍ବା ଆମ୍ବାଆରି ତାନି ଲାକ କେୟୁ ଇଟାଲି ଆଡ଼ାଆତେରି ।

ସାଲୁଝି କିନି ଜୀହୁଦିୟାଁ ନାମାଆ ଗାଟାୟି

୪୫ ଏଚେଟିଏ ଜାମାନାଜା କାଜା ପୂଜେରା ଅଡ଼େ ପାରୁସିୟାଁ ତାଣା ଖେଣ୍ଡା ହାଚେରି, ଅଡ଼େ ଏଝାରି ଏଝାରାଇଁ ଖେଚେରି, “ଏଝାଣାଇଁ ଏନାଆଁତାକି ଆସା ତାଆତେରି ?”

୪୬ ଜାମାନାଜା ଏଝାରାଇଁ ଏଲେଇଚେରି, “ଇ ମାଣ୍ଡିସି ଏନିକ୍ ହାଡ଼ା ଖେହନାସି, ଏଲେକିହୁଁ ଏମିନି ମାଣ୍ଡିସି ଏଚେଲା ଖେସାହିଲଅସି ।”

୪୭ ପାରୁସିୟାଁ ଏଝାରାଇଁ ଏଲେଇଚେରି, “ଏନାଆଁ ମୀରୁ ଜିକେଏ ନାଡ଼ିକିଝି ଆତେରି ? ୪୮ ପାରୁସିୟାଁ ବିତ୍ରାଟି କି ସାଲୁଝି କିନାରି ବିତ୍ରାଟି ଆମ୍ବାଆରି ଏଝାଣି ତାଣା ନାମାମାନେରି କି ? ୪୯ ସାମା ଇ ଏମିନି ଲକ୍ଷୁ ମସାତି ମେରା ପୁଞ୍ଜାହିଲଅରି, ଏଦାଆଁତାକି ଇଝାରି ବାକା ଗାଟି ଲକ୍ଷୁ ।”

\* ୭:୩୮ ୭:୩୮ ଇ କାତା ସ୍ତମ୍ଭ ପତିତା ହିଲେଏ † ୭:୪୧ ୭:୪୧ କ୍ରୀସ୍ତ ‡ ୭:୪୧ ୭:୪୧ କ୍ରୀସ୍ତ

୫୦ \*ଏମିତି ନିକଦିମ ଇଦାଆଁ ନକେଏ ଜୀସୁଇଁ ମେସାଲି ତାକି ଖାହାମାରେସି ଇଞ୍ଜା ଏଝାସି ଏଝାରି ବିତ୍ରାଟି ପାରୁସି ମାରେସି, ଏଝାସି ଏଝାରାଇଁ ଝେରେସି,  
 ୫୧ “ରଅଣି ତାଣାଟି ନକେଏ ଝେନାଆନା ଇଞ୍ଜା ତାନି ମାଣ୍ଡକି ପୁନାଆନା ମା ମସାତି ମେରା ଏନାଆଁ ଏଝାଣାଇଁ ଦହ୍ କିନେ ?”

୫୨ ଏଝାରି ଏଝାଣାଇଁ ଏଲେଇରେରି, “ନୀନୁ ଜିକେଏ ଏନାଆଁ ଗାଲିଲି ଲକ୍ଷୁ କି ? ଗାଲିଲିଟି ଏନ୍ଦି ମାହାପୁରୁ ଅଣ୍ଡପୁତି ବଲୁ ଝେହ୍ନାରି ଏରେଲା ଖାହାଲି ଆଡ଼ଅରି, ଇଦାଆଁ ସାପ୍ତେରିତା ସିନକିମ୍ବୁ ।” ୫୩ ଅଡ଼େ ଏଝାରି ବାରେଜାଣା ଜାହାରା ଇଜ ହାଚେରି ।

**୮**

**ଦାରେଣି ଆୟାଟି**

୧ ସାମା ଜୀସୁ ଜାତ ହରୁତା ହାଚେସି । ୨ ଅର ଦିନା ଲାଇ ଏଝାସି ମାହାପୁରୁ ଇଲୁତା ଝେଣ୍ଡା ଖାଡ଼େସି, ଅଡ଼େ, ବାରେ ଲକ୍ଷୁ ଏଝାଣି ତାଣା ଖାହାଲିଏ, ଏଝାସି କୁଗାନା ଜାପ୍ତହାଲି ମାଟ୍‌ହେସି । ୩ ମେରା ଜାପ୍ତନାରି ଅଡ଼େ ପାରୁସିୟାଁ ଦାରି କାମାତା ଆସ୍‌ପି ଆହାମାନି ର ଇୟାନି ତାଚେରି, ବାରେଜାଣା ନକିତା ନିପ୍ତହାନା ଜୀସୁଇଁ ଏଲେଇରେରି । ୪ “ଗୁରୁ, ଇ ଇୟା ଦାରିକାମା କିହିମାଟାଟି ଆସ୍‌ପି ଆଡ଼େ । ୫ ଇଲେତି ଇୟାସିକାଣି ଖାଲ୍‌କା କୁତାନା ଝେଟାଲିତାକି ମସା ମା ମେରାତା ହୁକୁମି ହାହାମାଞ୍ଜାନେସି; ଆତିହ୍ ନୀନୁ ଏନାଆଁ ଝେସିମାଞ୍ଜାଦି ?” ୬ ଏଝାରି ଜୀସୁଇଁ ଏନ୍ଦିକ୍ ପାନ୍ଦାତା ମେଡ଼ହାଲି ଆଡ଼ିନେରି, ଇଦାଆଁତାକି ଏଝାରି ଏଝାଣାଇଁ ତାୟିପାରି କିହାଲି ଝେଚେରି, ସାମା ଜୀସୁ ମୁନୁକାପାନା ଖାଞ୍ଜୁ ତଲେ ବୁମିତା ରାଟାଲି ମାଟ୍‌ହେସି ।

୭ ଏଝାରି ଏମ୍ବାଆଁ ନିତାନା ଝେଣ୍ଡେ ଝେଞ୍ଜାଲିଏ, ଜୀସୁ ତାୟି ପେର୍‌ହାନା ଏଝାରାଇଁ ଏଲେଇରେସି, “ମୀ ବିତ୍ରାଟି ଆମ୍ବାଆସି ଏରେଲା ଏନ୍ଦି ପାପୁ

କିହାହିଲଅସି, ଏଝାସି ମୁଲୁ ଖାଲି କୁତାପେସି ।” ୮ ଅଡ଼େ ଝେଣ୍ଡେ ଜୀସୁ ମୁନୁକାପାନା ବୁମିତା ରାଟାଲି ମାଟ୍‌ହେସି । ୯ ଜୀସୁତି ହାଡ଼ା ଝେଞ୍ଜାନା ଏଝାରି କାଜାରିଟିଏ ମାଟ୍‌ହାଁ ରଅଣି ଜେତ ରଅସି ହାଜାଲି ମାଟ୍‌ହେରି, ଏମ୍ବାଆଁ ଖାରଇ ଜୀସୁ ଅଡ଼େ ମାଦି ମାନି ଏ ଇୟା ଡ଼ୟିତେ । ୧୦ ଜୀସୁ ତାୟି ପେର୍‌ହାନା ଏଦାନି ଏଲେଇରେସି, “ଏ ଇୟା ଏଝାରି ଏମ୍ବିୟା ? ଆମ୍ବାଆରି ନିଙ୍ଗେ ଡ଼ଣ୍ଡ ହାହାଲି ହିଲଅରି କି ?”

୧୧ ଏନ୍ଦି ଏଲେଇରେ, “ଆଏ, ପ୍ରବୁ, ଆମ୍ବାଆରି ହିଲଅରି ।” ଏମ୍ବାଟିଏ ଜୀସୁ ଏଦାନି ଏଲେଇରେସି; “ନୀନୁ ଜିକେଏ ନିଙ୍ଗେ ଡ଼ଣ୍ଡ ହିୟଅଁ; ହାଲାମ୍ବୁ, ସାମା ଅଡ଼େ ପାପୁ କିଆନି\* ।”

**ଜୀସୁ ଦାର୍‌ତିତି ଉଜେଡ଼ି**

୧୨ \*ଜୀସୁ ଝେଣ୍ଡେ ପାରୁସିୟାଁଇଁ ଏଲେଇରେସି, “ନୀନୁ ଦାର୍‌ତିତି ଉଜେଡ଼ି, ଆମ୍ବାଆସି ନା ଜେତ ଖାନେସି, ଏଝାସି ଜୀସୁତି ଉଜେଡ଼ି ବେଟା ଆନେସି ଅଡ଼େ ଏରେଲା ଜିକେଏ ଆନ୍ଦେରିତା ତାକଅସି ।”

୧୩ \*ପାରୁସିୟାଁ ଏଝାଣାଇଁ ଏଲେଇରେରି, “ନୀଏଁ ନୀନୁ ନିଙ୍ଗେତାକି ସାକି ହାହିମାଞ୍ଜି, ନୀନୁ ଏନାଆଁ ଏଲେ ଇଞ୍ଜିମାଞ୍ଜି ଏନ୍ଦି ସାତା ପାର୍‌ମାଣା ହିଲାଆଗାଟାୟି ।”

୧୪ ଜୀସୁ ଏଝାରାଇଁ ଏଲେଇରେସି, “ଆଏ ନୀନୁ ନା ତାକି ସାକି ହାଟି ଜିକେଏ, ନୀନୁ ଏନାଆଁ ଝେସିମାଞ୍ଜାଇଁ ଏନ୍ଦି ସାତା, ଇତିହ୍ ନୀନୁ ଆମ୍ବିଟି ଖାହାମାଲ୍ ଅଡ଼େ ଏମ୍ବିୟା ହାଜିମାଲ୍ ଏଦାଆଁ ପୁଞ୍ଜାମାଲ୍, ମୀରୁ ପୁଞ୍ଜାହିଲଅତେରି ଏମ୍ବାଟି ଖାଇଁ ଅଡ଼େ ଏମ୍ବିୟା ହାଇଁ । ୧୫ ମୀରୁ ଖାରଇ ମାଣ୍ଡସିୟାଁ ଲେହେଁ ବିଚାରା କିହିମାଞ୍ଜେରି, ନୀନୁ ଆମ୍ବାଆରି ବିଚାରା କିଅଁ । ୧୬ ସାମା ନୀନୁ ବିଚାରା କିଇଁ, ଆଡ଼ିଜିକେଏ ନା ବିଚାରା ସାତା; ଇତିହ୍ ନୀନୁ ରଅତେଏଁ ଆଏ ସାମା

\* ୭:୫୦ ୭:୫୦ ଜହ ୩:୧,୨ \* ୮:୧୧ ୮:୧୧ ଇ ବାରେ କାତା ବାରେ ପତିଣାଁ ହିଲେଏ \* ୮:୧୭ ୮:୧୭ ମାତି ୫:୧୪; ଜହ ୯:୫ \* ୮:୧୩ ୮:୧୩ ଜହ ୫:୩୧

ଏମିନି ଆବା ନାଙ୍ଗେ ପାଣ୍ଡାମାଞ୍ଜାନାସି ନା ତଲେ ମାନେସି । ୧୭ ମୀ ମସାତି ମୋରାତା ରାସ୍‌କି ଆହାମାନେ, ରିଆରି ସାକି ହାଡ଼ା ରଲେଏ ଆଡ଼ିସାରେ, ଏଞ୍ଜାରି ଏନାଆଁ ଇନେରି ଏଡ଼ି ସାତା । ୧୮ ନାନୁ ନାଙ୍ଗେତାକି ସାକି ହାହିମାଲ୍, ଅଡ଼େ, ନାଙ୍ଗେ ପାଣ୍ଡାମାଞ୍ଜାନି ଆବା ଜିକେଏ ନା ଝାକିଟି ସାକି ହାହିମାନେସି ।”

୧୯ ଏଞ୍ଜାଣାଲ୍ ଏଞ୍ଜାରି ଝେରେରି, “ନୀ ଆବା ଏମ୍ବିୟା ?” ଜୀସୁ ଏଲେଇରେସି, “ନାଙ୍ଗେ କି ନା ଆବାଲ୍ ମୀରୁ ପୁଞ୍ଜାହିଲଅତେରି; ନାଙ୍ଗେ ପୁଞ୍ଜାତିହ୍ ମା, ନା ଆବାଲ୍ ଜିକେଏ ପୁରେରିମା ।”

୨୦ ମାହାପୁରୁ ଇଲୁତି ଦାନା ଇଚିନି ବାକ୍ରାତା ଜୀସୁ ଏ ବାରେ କାତା ଜାପୁହିମାଚେସି, ସାମା ଆମ୍ବାଆରି ଜିକେଏ ଏଞ୍ଜାଣାଲ୍ ଆହୁଆତେରି ଏନାଆଁତାକି ଇଚିହ୍ ତାନି ବେଲା ଝାହା ହିଲଆତେ ।

ନାନୁ ହାନି ତାଣା ମୀରୁ ହାଜାଲି ଆଡ଼ଅତେରି

୨୧ ଜୀସୁ ଅଡ଼େ ଝେଣ୍ଡେ ଏଞ୍ଜାରାଲ୍ ଏଲେଇରେସି, “ନାନୁ ହାଜିମାଲ୍, ମୀରୁ ନାଙ୍ଗେ ପାରାଦେରି, ଅଡ଼େ ମୀରୁ ମୀ ପାପୁତା ହାଦେରି । ନାନୁ ଏମ୍ବିୟା ହାଜିମାଲ୍, ଏମ୍ବାଆଁ ମୀରୁ ହାଜାଲି ଆଡ଼ଅତେରି ।”

୨୨ ଇଞ୍ଜା ଜୀହୁଦିୟାଁ ଏଲେଇରେରି, “ଇଞ୍ଜାସି ଏନାଆଁ ହାହାଲି ଏଲେଇଞ୍ଜି ମାନେସି, ନାନୁ ଏମ୍ବିୟା ହାଲ୍ ମୀରୁ ଏମ୍ବାଆଁ ହାଜାଲି ଆଡ଼ଅତେରି ?”

୨୩ ଜୀସୁ ଏଞ୍ଜାରାଲ୍ ଏଲେଇରେସି, “ମୀରୁ ଇ ଡ଼ଇପୁରୁଟି ଜାର୍ନା ଆହାମାଞ୍ଜେରି, ସାମା ନାନୁ ଲାକଟି ଝାହାମାଲ୍ । ମୀରୁ ଇ ଦାରତିଟି, ନାନୁ ଇ ଦାରତିଟି ଆଏ । ୨୪ ଏଦାଆଁତାକି ନାନୁ ଝେସିମାଞ୍ଜାଲ୍, ମୀରୁ ମୀ ପାପୁ ତଲେ ହାଦେରି । ନାନୁ ଏଞ୍ଜାତେଏଁ ଇଞ୍ଜି ଝେସ୍ତାସାରେ ମୀରୁ ନାମାଆସାରେ, ମୀ ପାପୁତା ହାଦେରି ।”

୨୫ ଏମ୍ବାଟିଏ ଏଞ୍ଜାରି ଏଞ୍ଜାଣାଲ୍ ଝେରେରି, “ନାନୁ ଆମ୍ବାଆତି ?”

ଜୀସୁ ଏଞ୍ଜାରାଲ୍ ଏଲେଇରେସି, “ଇ ହାଡ଼ା ନାନୁ ମୂଲୁଟିଏ ଝେସାମାଞ୍ଜାଲ୍ । ୨୬ ମିଙ୍ଗେତାକି କାତା ଜଲ୍ଲାଲି ଅଡ଼େ ବିଚାରା କିହାଲି ନା ତାଣା ହାଡ଼େରକା କାତା ମାନେ; ସାମା ନାଙ୍ଗେ ପାଣ୍ଡାମାଞ୍ଜାନାସି, ଏଞ୍ଜାସି ସାତା, ଅଡ଼େ ନାନୁ ଏନାଆଁ ଝେଞ୍ଜାମାଲ୍; ଏ ବାରେ ଦାରତିଟି ଝେସିମାଲ୍ ।”

୨୭ ଏଞ୍ଜାସି ମାହାପୁରୁ ଆବା କାତା ଝେସିମାଚେସି, ଏଞ୍ଜାରି ତେଲହାଲି ଆଡ଼ାଆତେରି । ୨୮ ଏଦାଆଁତାକି ଜୀସୁ ଏଲେଇରେସି; “ଏଡ଼େତା ମୀରୁ ମାଣସି ମୀରୁଏଶାଲ୍ ଗାଞ୍ଜୁରମି ହୀଦେରି, ଏଡ଼େତା ନାନୁ ଏ ମାଣସିତେଏଁ ଅଡ଼େ ନାନୁ ଜାହାରାଝାଣି ଏନାଆଁ କିଆନା, ଆବା ନାଙ୍ଗେ ଏନିକ୍ ଜାପୁହା ମାଞ୍ଜାନେସି, ଏଲେକ୍ ଇ ବାରେ କାତା ଝେସିମାଞ୍ଜାଲ୍ ଇଦାଆଁ ମୀରୁ ପୁଞ୍ଜାଲି ଆଡ଼ିଦେରି । ୨୯ ଆମ୍ବାଆସି ନାଙ୍ଗେ ପାଣ୍ଡାମାଞ୍ଜାନାସି ଏଞ୍ଜାସି ନା ତଲେ ମାନେସି, ଏଞ୍ଜାସି ନାଙ୍ଗେ ରଅତେଏଁ କିହ୍ ପିସାମାଞ୍ଜସି, ଇଚିହ୍ ନାନୁ ତାନି ରାହାଁ ଆନି କାମା କିଲ୍ ।”

୩୦ ଜୀସୁ ଇ ବାରେ ହାଡ଼ା ଝେଞ୍ଜାନା ହାଡ଼େରକା ତାଣା ତାନି ତାଣା ନାମିତେରି ।

ପିସ୍‌ପିଆଡ଼ି ଲକୁ ଅଡ଼େ କଡ଼ିତି ହଲିୟାଙ୍ଗା

୩୧ ଏମ୍ବାଟିଏ ଜୀସୁ ତାନି ତାଣା ନାମିତି ଜୀହୁଦିୟାଣି ଏଲେଇରେସି, “ନା ବଲୁତା ତାରିଆହାଁ ଡ଼ୟିଦେରି, ଆତିହ୍ ମୀରୁ ସାତେଏ ନା ସୀସୁୟାତେରି । ୩୨ ମୀରୁ ସାତାତି ପୁଞ୍ଜେରି ଅଡ଼େ ଏ ସାତା ମିଙ୍ଗେ ଗେଲ୍‌ପାନେ ।”

୩୩ ଏଞ୍ଜାରି ଏଞ୍ଜାଣାଲ୍ ଏଲେଇରେରି, “ମାମ୍ବୁ ଅବୁହାମତି କୁଡ଼ାତମି, ଅଡ଼େ ଏଚେଲା ଆମ୍ବାଆରି ହଲିୟା ଆହାହିଲଅମି, ଆତିହ୍ ମୀରୁ ମୁକଲ୍‌ଝି ଆଦେରି ଇଞ୍ଜି ଏନିକ୍ ଝେସିମାଞ୍ଜାଦି ?”

☆ ୮:୩୩ ୮:୩୩ ମାତି ୩:୯; ଲୁକ ୩:୮

୩୪ ଜୀସୁ ଏଝାରାଇଁ ଏଲେଇଚେସି, “ନାନୁ ମିଙ୍ଗେ ସାତା ୱେସିମାଞ୍ଜାଇଁ, ଆମିନିଗାଟାସି ପାପୁ କିନେସି, ଏଝାସି ପାପୁତି ହଲେଏସି । ୩୫ ହଲେଏସି କାଲେଏ ତାକି ଇଲୁ କୁଟମିତା ଡୟଅସି, ମୀରଏସି ଇଲୁ କୁଟମିତା କାଲେଏ ତାକି ଡୟନେସି । ୩୬ ମୀରଏସି ମିଙ୍ଗେ ମୁକଲଝି କିୟାନେସି, ମୀରୁ ସାତେଏ ମୁକଲଝି ଆଦେରି । ୩୭ ମୀରୁ ଅବ୍ରାହାମତି କୁଡାତାତେରି ନାନୁ ପୁଞ୍ଜାମାଇଁ; ସାମା ନା ବଲୁ ମୀ ହିୟାତି ଚାୟୁତା ହିଲାଆକି ମୀରୁ ନାଙ୍ଗେ ପାୟାଲି ଅଣ୍ଡିମାଞ୍ଜେରି । ୩୮ ନା ଆବା ତାଣା ନାନୁ ଏନାଆଁ ମେସାମାଇଁ, ଏ ବାରେ ନାନୁ ୱେସିମାଞ୍ଜାଇଁ । ଏଦାଆଁତାକି ମୀରୁ ଜିକେଏ ମୀ ଆବା ତାଣାଟି ଏନାଆଁ ୱେଞ୍ଜାମାଞ୍ଜେରି ଏ ବାରେ କିଦୁ ।”

୩୯ ଏଝାରି ଏଝାଣାଇଁ ଏଲେଇଚେରି, “ଅବ୍ରାହାମ ମା ଆବା ।” ଜୀସୁ ଏଝାରାଇଁ ଏଲେଇଚେସି, “ମୀରୁ ଅବ୍ରାହାମତି ମୀରକା ମାସ୍କାତେରି, ଆତିହୁଁ ଅବ୍ରାହାମ କିହାମାଟି କାମା କିଦୁ; ୪୦ ମାହାପୁରୁ ତାଣାଟି ୱେଞ୍ଜାମାନି ସାତାଟି ମିଙ୍ଗେ ୱେସିମାଞ୍ଜାଇଁ, ନାନୁ ଇଲେତି ଲକୁ, ମୀରୁ ନାଙ୍ଗେ ପାୟାଲି ତାକି ଅଣ୍ଡିମାଞ୍ଜାଦେରି; ଅବ୍ରାହାମ ଇଲେତି କାମା କିଆତେସି । ୪୧ ମୀରୁ ମୀ ଆବାଟି ବାରେ କାମା କିହିମାଞ୍ଜେରି ।”

ଏଝାରି ଜୀସୁଇଁ ଏଲେଇଚେରି; “ମାମ୍ବୁ ଦାରିକାମାଟି ଜାର୍ନା ଆହାହିଲଅମି; ମା ରଣ୍ଡିଏ ଆବା, ଏଝାସି ମାହାପୁରୁ ।”

୪୨ ଜୀସୁ ଏଝାରାଇଁ ଏଲେଇଚେସି, “ମାହାପୁରୁ ସାତେଏ ମୀ ଆବା ଆଡିହୁଁ ମା, ମୀରୁ ନାଙ୍ଗେ ଜୀସୁ ନୟାତେରିମା, ଇତିହୁଁ ନାନୁ ମାହାପୁରୁ ତାଣାଟି ୱାହାମାଇଁ; ନାନୁ ନା ତାଣାଟି ୱାହାହିଲଅଁ, ସାମା ଏଝାସି ନାଙ୍ଗେ ପାଣ୍ଡାତେସି । ୪୩ ନାନୁ ଏନାଆଁ ୱେସିମାଞ୍ଜାଇଁ, ମୀରୁ ଏନାଆଁତାକି ନା ହାଡାଟି ତେଲହାଲି ଆଡିହିଲଅତେରି

? ଇଦାନି କାତା ଆହିମାନେ ମୀରୁ ନା ବଲୁତି ୱେଞ୍ଜାଲି ଆଡିହିଲଅତେରି । ୪୪ ମୀରୁ ମୀ ଆବା ସୟତାନତି ମୀରକା ମାସ୍କାତେରି, ଅଡେ ମୀରୁ ମୀ ଆବାଟି କାମା କିହାଲି ମୀ ଅଣ୍ଡୁ । ଏଝାସି ମୁଲୁଟିଏ ଲକୁଣି ପାୟନାସି, ଅଡେ ଏଝାସି ସାତାତା ଡୟଅସି, ଇତିହୁଁ ଏଝାଣି ତାଣା ସାତା ହିଲେଏ । ଏତିବେଲା ଏଝାସି ମିଟି ଜଲିନେସି, ଏଚେତା ତାନିତାଣାଟି ଜଲିନେସି; ଇତିହୁଁ ଏଝାସି ମିଟି ଗାଟାସି ଇଞ୍ଜା ମିଟିତି ତାଞ୍ଜି । ୪୫ ସାମା ନାନୁ ସାତା ଜଲିମାନାକି, ମୀରୁ ନାଙ୍ଗେ ନାନିମାଞ୍ଜଅତେରି । ୪୬ ନାନୁ ପାପୁ ଗାଟାତେଏଁ ଇଞ୍ଜୁଁ ମୀ ବିତ୍ରାଟି ଆମ୍ବାଆତେରି ପାରମାଣା କିହାଲି ଆଡିଦେରି ? ନାନୁ ସାତା ୱେସ୍ତାସାରେ, ନାଙ୍ଗେ ମୀରୁ ଏନାଆଁତାକି ନାନିମାଞ୍ଜଅତେରି ? ୪୭ ଆମ୍ବାଆସି ମାହାପୁରୁ ତାଣାଟି ୱାହାମାନେସି, ଏଝାସି ମାହାପୁରୁଟି ବଲୁ ୱେନେସି; ମୀରୁ ମାହାପୁରୁ ତାଣାଟି ୱାହାହିଲଅତେରି, ଏଦାଆଁତାକି ଇ ବଲୁ ୱେଞ୍ଜିହିଲଅତେରି ।”

ଜୀସୁ ଅଡେ ଅବ୍ରାହାମ

୪୮ ଜୀହୁଦିୟାଁ ଜୀସୁଇଁ ଏଲେଇଚେରି, “ନୀନୁ ସମିରଣତି ଇଞ୍ଜା ନିଙ୍ଗେ ବୁଡୁ ଆଲଗାମାଞ୍ଜାନେ, ଏଦାଆଁ ମାମ୍ବୁ ସାତା ୱେସି ହିଲଅମି କି ?”

୪୯ ଜୀସୁ ଏଝାରାଇଁ ଏଲେଇଚେସି; “ନାଙ୍ଗେ ବୁଡୁ ଆଲଗା ମାଞ୍ଜେଏ, ନାନୁ ନା ଆବାଇଁ ମାନି କିହିମାଇଁ, ସାମା ମୀରୁ ନାଙ୍ଗେ ଲାଜା କିହିମାଞ୍ଜାଦେରି । ୫୦ ନାନୁ ନା ଗାଝୁରମି କିହାଲି ଅଣ୍ଡି ହିଲଅଁ; ରଅସି ଅଣ୍ଡିମାନେସି ଏଝାସି ନା ୱାକିଟି ବିଚାରା କିନେସି । ୫୧ ନାନୁ ସାତା ୱେସିମାଞ୍ଜାଇଁ, ଆମ୍ବାଆସି ନା ବଲୁତି ମାନଝି ଆନେସି, ଏଝାସି ଏଚେଲା ହାଅସି ।”

୫୨ ଜୀହୁଦିୟାଁ ଏଝାଣାଇଁ ଏଲେଇଚେରି, “ନୀଏଁ ମାମ୍ବୁ ପୁଟମି, ନିଙ୍ଗେ ବୁଡୁ ଆଲଗାମାଞ୍ଜାନେ, ଅବ୍ରାହାମ ଅଡେ ମାହାପୁରୁ ଅଣ୍ଡୁଟି ବଲୁ ୱେହନାରି



ବାରେଜାଣା ହାତେରି, ଅଡ଼େ ନୀନୁ  
 ଝେସିମାଞ୍ଜି, ଆମ୍ବାଆସି ନା ବଲୁ ମାନୁଞ୍ଜି  
 ଆନେସି, ଏଝାସି ଏରେଲା ଜିକେଏ  
 ହାଅସି ।<sup>୫୩</sup> ମା ଆକୁ ଅବ୍ରାହାମ ହାତେସି,  
 ନୀନୁ ଏନାଆଁ ଅବ୍ରାହାମ କିହାଁ କାଜାତି  
 ଇଞ୍ଜି ଅଣ୍ପିମାଞ୍ଜି ? ମାହାପୁରୁ  
 ଅଣ୍ପୁତି ବଲୁ ଝେହନାରି ଜିକେଏ  
 ହାତେରି; ନୀନୁ ଆମ୍ବାଆତି ଇଞ୍ଜି  
 ଝେସିମାଞ୍ଜି ?”

<sup>୫୪</sup> ଜୀସୁ ଏଲେଇରେସି, “ନୀନୁ ନା  
 ଗାଝୁରମି କିହିମାଞ୍ଜି, ଆତିହୁଁ ନା  
 ଗାଝୁରମି ଏନାୟି ଆଏ; ଆମ୍ବାଆସି  
 ନାଞ୍ଜେ ଗାଝୁରମି କିୟାନେସି ଏଝାସି ନା  
 ଆବା ଆମ୍ବାଆରାଇଁ ମୀରୁ ମୀ ମାହାପୁରୁ  
 ଇଞ୍ଜି ଏଲେ ଇଞ୍ଜିମାଞ୍ଜେରି; <sup>୫୫</sup> ମୀରୁ  
 ଏଝାଣାଇଁ ଏରେଲା ପୁଞ୍ଜାହିଲଅତେରି,  
 ସାମା ନୀନୁ ଏଝାଣାଇଁ ପୁଞ୍ଜାମାଞ୍ଜି ।  
 ଏଝାଣାଇଁ ପୁଞ୍ଜାହିଲଅଁ ଇଞ୍ଜି ନୀନୁ  
 ଝେସିହୁଁ, ମୀ ଲେହେଁ ନୀନୁ ଜିକେଏ  
 ମିତି ଗାଟାତେଏଁ ଆଇଁ, ସାମା ନୀନୁ  
 ଏଝାଣାଇଁ ପୁଞ୍ଜାମାଞ୍ଜି ଅଡ଼େ ତାନି ବଲୁତି  
 ମାନୁଞ୍ଜି ଆଇଁ । <sup>୫୬</sup> ମୀ ଆବା ଅବ୍ରାହାମ  
 ନା ଦିନା ମେସାଲି ତାକି ଆସା କିହାନା  
 ରାହାଁ କିତେସି, ଅଡ଼େ ଏନାଆଁ ମେସାନା  
 ଏଝାସି ରାହାଁ ଆଡ଼େସି ।”

<sup>୫୭</sup> ଜୀହୁଦିୟାଁ ଏଝାଣାଇଁ ଏଲେଇରେରି,  
 “ନିଞ୍ଜେ ରୀ କଡ଼ି ଦସ ବାର୍ସା  
 ଆହାମାଞ୍ଜେଏ, ନୀନୁ ଏନାଆଁ  
 ଅବ୍ରାହାମଇଁ ମେସାମାଞ୍ଜି ?”

<sup>୫୮</sup> ଜୀସୁ ଏଝାରାଇଁ ଏଲେଇରେସି,  
 “ନୀନୁ ମିଞ୍ଜେ ସାତା ଝେସିମାଞ୍ଜାଇଁ,  
 ଅବ୍ରାହାମତି ଜାର୍ନା ନଡ଼କଏ ନୀନୁ ମାଇଁ  
 ।”

<sup>୫୯</sup> ଏଝାରି ଏଝାଣାଇଁ ଝେଚାଲିତାକି  
 ଝାଲୁକା ପେରୁହା କଡ଼ିତେରି, ସାମା  
 ଜୀସୁ ମାହାପୁରୁ ଇଲୁଟି ମେହୁଆରେଟୁ  
 ହଟାହାତେସି ।

**୯**

ଜୀସୁ ଜାର୍ନାଟିଏ କାଣାଇଁ  
 ନେହୁଁ କିନାୟି

<sup>୧</sup> ଜୀସୁ ହାଜିମାଚାଟି ର ଜାର୍ନାଟିଏ  
 କାଣାଇଁ ବେଟାଆଡ଼େସି । <sup>୨</sup> ତାନି  
 ସୀସୁୟାଁ ଝେଚେରି, “ଗୁରୁ, ଆମ୍ବାଆସି  
 ପାପୁ କିହାଲିଏ ଇଝାସି କାଣା ଆହାନା  
 ଜାର୍ନା ଆଡ଼େସି, ତାନୁ କି ତାନି ଇୟା  
 ଆବା ପାପୁ କିତାକି ?”

<sup>୩</sup> ଜୀସୁ ଏଲେଇରେସି, “ଇଝାସି  
 କି ତାନି ଇୟା ଆବା ପାପୁ କିତାକି  
 ଆଏ, ସାମା ମାହାପୁରୁତି କାମା  
 ଏନିକିଁ ଇଝାଣି ତାଣାଟି ତସ୍ପିଆନେ,  
 ଏନାଆଁତାକି ଇଦି ଆହାମାନେ ।  
 ୪ ଦିନା ମାଞ୍ଜା ମାଞ୍ଜାନା, ନାଞ୍ଜେ  
 ପାଣ୍ଡାମାଞ୍ଜାନାଣି କାମା କିନାୟିମାନେ;  
 ଏମିନି ବେଲାତା ଆମ୍ବାଆସି କାମା  
 କିହାଲି ଆଡ଼ଅସି, ଇଲେତି ଲାଆଁ  
 ଝାହିମାନେ । <sup>୫</sup> ନୀନୁ ଏଡ଼େପାତେକା  
 ଦାର୍ତତିତା ମାଇଁ, ଏଡ଼େପାତେକା ନୀନୁ  
 ଦାର୍ତତିତି ଉଜେଡ଼ିତେଏଁ ।”

<sup>୬</sup> ଇ କାତା ଏଲେଇଞ୍ଜାନା, ଜୀସୁ  
 ଇରୁଆତା ହୁପାନା ହୁପକା ତଲେ  
 କାଦ କିତେସି; ଅଡ଼େ ତାନି ରୀ  
 କାଣକାଣାଁ ରୁବିତେସି ଅଡ଼େ ଏଝାଣାଇଁ  
 ଏଲେଇରେସି, <sup>୭</sup> ହାଲାମୁ “ସିଲହୁ\*  
 ବାନ୍ଦାତା ମୁମୁ ନୁରୁହା ଝାମୁ ।” ଏମ୍ବାଟିଏ  
 ଏଝାସି ହାଜାନା ନରୁହା କତାନା ଝେଣ୍ଡା  
 ଝାହିମାଚାଟି ମେସାଲି ଆଡ଼ିତେସି ।

<sup>୮</sup> ତାନି ପାଡ଼ିତାରି, ଅଡ଼େ  
 ଏମିନିଗାଚାରି ଏଝାଣାଇଁ ନଡ଼କଏ  
 ରୀସ୍ପି ମାଚାଣି ମେସାମାଚେରି, ଏଝାରି  
 ଝେଚେରି, “ଇଝାସି ଏନାଆଁ କୁଗାନା  
 ରୀସ୍ପି ମାଚେସି ଏଝାସି ଆଏକି ?”

<sup>୯</sup> ଏଚରଜାଣା ଏଲେଇରେରି,  
 “ଇଝାସିଏ ଏଝାସି;” ଅଡ଼େ ଏଚରଜାଣା  
 ଏଲେଇରେରି, “ଆଏ, ଏଝାଣିଲେହେଁ  
 ତସି ।” ଏଝାସି ଏଲେଇରେସି, “ନୀନୁଏ  
 ଏଝାତେଏଁ ।”

<sup>୧୦</sup> ଲକୁ ଏଝାଣାଇଁ ଝେଚେରି,  
 “ଆତିହୁଁ, ନୀନୁ ନୀଏଁ ଏନିକିଁ  
 ମେସାଲି ଆଡ଼ିମାଞ୍ଜି ?”

<sup>୧୧</sup> ଏଝାସି ଏଲେଇରେସି,  
 “ଆମ୍ବାଆରାଇଁ ଜୀସୁ ଇନେରି, ଏଝାସି

\* ୯:୫ ୯:୫ ମାତି ୫:୧୪; ଜହ ୮:୧୨      \* ୯:୭ ୯:୭ ସିଲହ ଇତିସାରେ ପାଣ୍ଡୁଞ୍ଜି ଆହାମାନାୟି

ଇରଥାତି କାଦ କିହାନା ନା କାଶକାଣ୍ଠା ରୁବାତେସି ଅଡ଼େ ସିଲହତା ହାଜାହାଁ ମୁମ୍ବୁ ନରହା କତାମୁ ଏଲେଇଞ୍ଜାତେସି; ଏରେଟିଏ ନାନୁ ହାଜାନା ମୁମ୍ବୁ ନରହାଲିଏ ମେସାଲି ଆଡ଼ିତେସି ।”

୧୭ “ଏଞ୍ଜାସି ଆମ୍ବିୟା ?” ଇଞ୍ଜି ଏଞ୍ଜାଶାଙ୍କୁ ଖେରେରି, ଏଞ୍ଜାସି ଏଲେଇରେସି, “ନାନୁ, ପୁଞ୍ଜାହିଲଅଁ ।”

ପାରୁସିୟା ଇ କାମାତି ତାୟିପାରି କିନାୟି

୧୮ ଆମ୍ବାଆସି ନକେଏ କାଶା ମାରେସି, ଏଞ୍ଜାଶାଙ୍କୁ ପାରୁସିୟା ତାଶା ତାତେରି । ୧୪ ଜୀସୁ ଏମିନି ଦିନା କାଦ କିହାନା ତାନି କାଶକା ନେହୁଁ କିହାମାରେସି, ଏ ଦିନା ଜମିନି ଦିନା ମାରେ । ୧୫ ପାରୁସିୟା ଏଞ୍ଜାଶାଙ୍କୁ ଖେରେରି, ଏନିକି ଏଞ୍ଜାସି ମେସାଲି ଆଡ଼ିତେସି ? ଏଞ୍ଜାସି ଏଲେଇରେସି, “ନା କାଶକାଣ୍ଠା ଏଞ୍ଜାସି ଇଚାଣି କାଦ ରୁବାତେସି, ନାନୁ ହାଜାନା ମୁମ୍ବୁ ନରହାନା ଖାଡ଼େଏଁ ଅଡ଼େ ମେସାଲି ଆଡ଼ିମାଙ୍କୁ ।”

୧୬ ପାରୁସିୟା ତାନି ବିତ୍ରାତି ଏଚରଜାଶା ଏଲେଇରେରି, “ଏଞ୍ଜାସି ମାହାପୁରୁ ତାଶାଟି ଖାହାହିଲଅସି, ଇଚିହୁଁ ଏଞ୍ଜାସି ଜମିନି ଦିନାତି ମାନୁଞ୍ଜି ଆହିହିଲଅସି ।” ଅଡ଼େ ଏଚରଜାଶା ଏଲେଇରେରି, “ପାପୁ ଲକୁ ଆହାନା ଇଲେତି କାବାଆନି କାମା ଏନିକି କିହାଲି ଆଡ଼ିନେସି ?” ଇଲେଆହୁଁ ଏଞ୍ଜାରି ତାନି ବିତ୍ରା ବାଗା ଆଡ଼େ ?

୧୭ ପାରୁସିୟା ଅଡ଼େ ଖେଣ୍ଡେ ଏ କାଶାଙ୍କୁ ଖେରେରି, “ଏଞ୍ଜାସି ନୀ କାଶକା ନେହୁଁ କିୟାତେସି, ଏଞ୍ଜାଶି କାତା ନାନୁ ଏନାଆଁ ଇଞ୍ଜିମାଞ୍ଜି ?” ଏଞ୍ଜାସି ଏଲେଇରେସି “ଏଞ୍ଜାସି ର ମାହାପୁରୁ ଅଣ୍ଡପୁତି ବଲୁ ଖେହନାସି ।”

୧୮ ଏଞ୍ଜାସି ଜାର୍ନାଟିଏ କାଶା ମାରେସି ଅଡ଼େ ନୀଏଁ, ଇ ହାଡ଼ା ତାନି ଇୟା ଆବାତି ଖେନାଆ ପାତେକା, ଜୀହୁଦିୟା ନାମାଆତେରି । ୧୯ ଏଞ୍ଜାରି ତାନି ଇୟା ଆବାତି

ଖେରେରି, “ମୀ ଆମିନି ମୀରୁଏସି କାଶା ଆହାନା ଜାର୍ନା ଆହାମାରେସି ଇଞ୍ଜି ଏଲେଇଶ୍ଚିତେରି ଇଞ୍ଜାସି ଏନାଆଁ ଏ ମୀ ମୀରୁଏସି ? ଆଡ଼ିହୁଁ ଏଞ୍ଜାସି ନୀଏଁ ଏନିକି ମେସାଲି ଆଡ଼ିମାନେସି ?”

୨୦ ଏମ୍ବାଟିଏ ତାନି ଇୟା ଆବା ଏଲେଇରୁ, “ହାଅ, ଏଞ୍ଜାସି ମା ମୀରୁଏସି, ଏଞ୍ଜାସି କାଶା ଆହାନା ଜାର୍ନା ଆହାମାରେସି ଏଦାଆଁ ମାମ୍ବୁ ପୁଞ୍ଜାମାନମି; ୨୧ ସାମା ଏଞ୍ଜାସି ନୀଏଁ ଏନିକି ମେସାଲି ଆଡ଼ିମାନେସି, ଏଦାଆଁ ମାମ୍ବୁ ପୁଞ୍ଜାହିଲଅମି, ଅଡ଼େ ଆମ୍ବାଆସି ଏଞ୍ଜାଶାଙ୍କୁ ମେସପି କିହାମାନେସି, ମାମ୍ବୁ ଏଦାଆଁ ଜିକେଏ ପୁଞ୍ଜାହିଲଅମି; ଏଞ୍ଜାଶାଙ୍କୁ ଖେଞ୍ଜୁ, ଏଞ୍ଜାସି କାଜାସି ଆଡ଼େସିଏ, ଏଞ୍ଜାସି ତାନି କାତା ତାନୁଏ ଖେସାଲି ଆଡ଼ିନେସି ।”

୨୨ ଏଞ୍ଜାଶି ତାନି ଇୟା ଆବା ଜୀହୁଦି ଲକୁତି କାଜାରାଙ୍କୁ ଆଜିମାଚାକି ଇ ବାରେ କାତା ଖେସୁଁ ଏନାଆଁତାକି ଇଚିହୁଁ ଆମ୍ବାଆସି ଜୀସୁଙ୍କୁ କ୍ରୀସୁ ଇଞ୍ଜି ଇନେସି, ଏଞ୍ଜାଶାଙ୍କୁ ଜୀହୁଦି ଲକୁତି କୁଟମି ଇଲୁଟିଂ ପେରଞ୍ଜି ଆନେ ଇଞ୍ଜି ଜୀହୁଦି ଲକୁ ଏ ନକେଏ କାତା ଆହାମାରେରି । ୨୩ ଏଦାଆଁତାକି ତାନି ଇୟା ଆବା ଏଲେଇରୁ, “ଏଞ୍ଜାସି କାଜାସି ଆଡ଼େସିଏ, ଏଞ୍ଜାଶାଙ୍କୁ ଖେଞ୍ଜୁ ।”

୨୪ ପାରୁସିୟା ଏ ଜାର୍ନାଟିଏ କାଶାଙ୍କୁ ଅଡ଼େ ଖେଣ୍ଡେ ହାଟାନା ଏଲେଇରେରି, “ମାହାପୁରୁଙ୍କୁ ଗାଞ୍ଜୁରମି କିହାନା ଏଲେଇନାମ୍ବୁ ଆମ୍ବାଆସି ନିଜେ ନେହୁଁ କିହାମାଞ୍ଜାନେସି, ଏଞ୍ଜାସି ର ପାପୁ ଗାଟାସି ଇ କାତା ମାମ୍ବୁ ପୁଞ୍ଜାମାନମି ।”

୨୫ ଏଞ୍ଜାସି ଏଲେଇରେସି, “ଏଞ୍ଜାସି ପାପୁ ଗାଟାସି କି ଆଏ, ନାନୁ ପୁଞ୍ଜାହିଲଅଁ; ନାନୁ ର କାତା ପୁଞ୍ଜାମାଙ୍କୁ; ନାନୁ କାଶା ମାରେସି, ନୀଏଁ ମେସାଲି ଆଡ଼ିମାଙ୍କୁ ।”

୨୬ ଏଞ୍ଜାରି ଏଞ୍ଜାଶାଙ୍କୁ ଏଲେଇରେରି, “ଏଞ୍ଜାସି ନିଜେ ଏନାଆଁ କିୟାତେସି ? ଏନିକି ଏଞ୍ଜାସି ନୀ କାଶକା ଦେପି କିୟାତେସି ?”

୨୭ ଏଝାସି ଏଲେଇଚେସି, “ନକେଏ  
ଝେସା ରାହାମାଞ୍ଜାଇଁ, ଅଡ଼େ ମୀରୁ  
ଝେନାଆଚେରି; ଅଡ଼େ ଝେଣ୍ଡେ  
ଏନାଆଁତାକି ଝେଞ୍ଜାଲି ଅଣ୍ଡିମାଞ୍ଜେରି  
? ମୀରୁ ଜିକେଏ ଏନାଆଁ ତାନି ସୀସୁ  
ଆହାଲି ଅଣ୍ଡିମାଞ୍ଜେରି ।”

୨୮ ଏଝାରି ଏଝାଣାଇଁ ଲାଗାନା  
ଏଲେଇଚେରି, “ନୀନୁ ତାନି ସୀସୁତି,  
ସାମା ମାମ୍ବୁ ମସାତି ସୀସୁୟାଁତମି ।  
୨୯ ମାମ୍ବୁ ପୁଞ୍ଜାମାନମି, ମାହାପୁରୁ ମସାଇଁ  
କାତା ଆହାମାଚେସି, ସାମା ଇ ମାଣ୍ଡସି  
ଆମ୍ବିଟି ଝାହାମାନେସି, ଏଦାଆଁ ମାମ୍ବୁ  
ପୁଞ୍ଜାହିଲଅଚେରି ।”

୩୦ ଏଝାସି ଏଝାରାଇଁ ଏଲେଇଚେସି,  
“ଇଦି ରଣ୍ଡି କାବାଆନି କାତା  
ଏଝାସି ଏମ୍ବିଟି ଝାହାମାନେସି, ମୀରୁ  
ପୁଞ୍ଜାହିଲଅଚେରି, ସାମା ଏଝାସି ନାଞ୍ଜେ  
କାଣକା ଦେପି କିୟାଚେସି । ୩୧ ମାମ୍ବୁ  
ପୁଞ୍ଜାମାନମି, ମାହାପୁରୁ ପାପୁଗାଟି  
ଲକୁତି ହାଡ଼ା ଝେନଅସି, ଆମିନି ଗାଟାରି  
ମାହାପୁରୁଇଁ ମାନି କିନେରି ଅଡ଼େ ତାନି  
ଅଣ୍ଡପୁ ତଲେ କାମା କିନେରି, ଏଝାରି  
ହାଡ଼ାଟି ଏଝାସି ଝେନେସି । ୩୨ ତଲି  
କାଲ୍ଲାଟିଏ ଆମ୍ବାଆସି ଜାର୍ନା କାଣାଇଁ  
ମେସ୍ପିକିତି କାତା ଏଚେଲ୍ଲା ଝେଣ୍ଡି  
ଆହାହିଲ୍ଲାଆଚେ । ୩୩ ଇଝାସି ମାହାପୁରୁ  
ତାଣାଟି ଝାହା ହିଲ୍ଲାଆଚେ, ଏନାଆଁ  
କିହାଲି ଆଡ଼ାଆଚେସିମା ।”

୩୪ ଏଝାରି ଏଝାଣାଇଁ ଏଲେଇଚେରି,  
“ପାପୁ ତଲେ ନୀନୁ ଜାର୍ନା ଆହାନା  
ପାପୁ ତଲେ ପାଡ଼ାଆଡ଼ି, ନୀନୁ ମାଞ୍ଜେ  
ଜାପୁହି ମାଞ୍ଜାଦି ?” ଏଦାଆଁତାକି  
ଏଝାରି ଏଝାଣାଇଁ ଜୀହୁଦି ଲକୁତି କୁଟମି  
ଇଲୁଟିଃ ପେର୍ହାଡୁସ୍ତେରି ।

ସୁଦୁଗାଟି ମାଣକି ମେହୁଆ ଗାଟାୟି

୩୫ ଏଝାରି ଏଝାଣାଇଁ ପେର୍ହା  
ମାନେରି, ଇଞ୍ଜା ଜୀସୁ ଇ କାତା ଝେଞ୍ଜାନା,  
ଏଝାଣାଇଁ ମେସାନା ଏଲେଇଚେସି,  
“ନୀନୁ ଏନାଆଁ ମାଣ୍ଡସି ମୀର୍ଏଣି ତାଣା  
ନାନିମାଞ୍ଜି ?”

୩୬ ଏଝାସି ଏଝାଣାଇଁ ଏଲେଇଚେସି,  
“ପ୍ରବୁ, ଝେସ୍ତାମ୍ବୁ ଏଝାସି ଆମ୍ବାଆସି,  
ଆତିହୁଁ ନୀନୁ ଏଝାଣାଇଁ ନାନିଇଁ ।”

୩୭ ଜୀସୁ ଏଝାଣାଇଁ ଏଲେଇଚେସି,  
“ନୀନୁ ଏଝାଣାଇଁ ମେସାମାଞ୍ଜି, ନୀ ତଲେ  
ଆମ୍ବାଆସି ନୀଏଁ କାତା ଆହିମାନେସି,  
ଏଝାସିଏ ।”

୩୮ ଏମ୍ବାଟିଏ ଏଝାସି ଏଲେଇଚେସି,  
“ନୀନୁ ନାନିମାଇଁ, ପ୍ରବୁ !” ଇଞ୍ଜା ଜୀସୁ  
ନକିତା ମେଣ୍ଡାକୁତାନା ଜହରା କିଚେସି ।

୩୯ ଜୀସୁ ଏଲେଇଚେସି, “ମେହୁଆଗାଟି  
ଲକୁ ଏନିକିଁ ମେହୁନେରି ଇଞ୍ଜା  
ମେହୁନି ଲକୁ ଏନିକିଁ କାଣା ଆନେରି,  
ଇ ବିଚାରା କିହାଲି ନୀନୁ ଦାର୍ଡିତା  
ଝାହାମାଇଁ ।”

୪୦ ଏମ୍ବାଆଁ ମାଟି ଏଚରଜାଣା  
ପାରୁସିୟାଁ ଇ କାତା ଝେଞ୍ଜାନା, ଏଝାଣାଇଁ  
ଏଲେଇଚେରି, “ମାମ୍ବୁଜିକେଏ ଏନାଆଁ  
କାଣାୟାଁତମି ?”

୪୧ ଜୀସୁ ଏଝାରାଇଁ ଏଲେଇଚେସି,  
“କାଣାୟାଁ ଆହାମାଟିହୁଁ ମୀରୁ ଦହ  
ହିଲ୍ଲାଆଗାଟାଚେରି ଆଡ଼େରିମା, ସାମା  
ମେସାଲି ଆଡ଼ିମାନମି ଇଞ୍ଜିମାନାକି ମୀରୁ  
ହାରେକା ପାପୁତା ମାଞ୍ଜେରି ।”

## ୧୦

ମେଣ୍ଡାୟାଁ ଅଡ଼େ ଗଡୁ

୧ ଜୀସୁ ଏଲେଇଚେସି, “ନୀନୁ ମିଞ୍ଜେ  
ସାତା ଝେସିମାଞ୍ଜାଇଁ, ଆମ୍ବାଆସି ଦାରା  
ଝାକିଟି ମେଣ୍ଡାୟାଁ ମାନ୍ଦାତା ହଡୁଅସି,  
ସାମା ଅର ଝାକିଟି ଡେଞ୍ଜାନା ହଡୁନେସି,  
ଏଝାସି ସରୁ ଇଞ୍ଜା ତଂଗେଏସି; ୨ ସାମା  
ଆମ୍ବାଆସି ଦାରା ଝାକିଟି ହଡୁନେସି,  
ଏଝାସି ମେଣ୍ଡା ଗଡୁ । ୩ ଦାରାତା  
କାଃଆନାସି ଏଝାଣାକି ଦାରା ଦେତା  
ହୀନେସି, ଅଡ଼େ, ଏଝାସି ତାନି ମେଣ୍ଡାୟାଁ  
ଦରୁ ଆସାନା ହାଟିନେସି, ଏଞ୍ଜି ତାନି  
ହାଟିନାଣି ଝେନୁ ଅଡ଼େ ଏଝାସିଏ ମାନ୍ଦାତ  
ପାଞ୍ଜାତା ଜିରୁ ନକି କିହାନା ଅନେସି ।  
୪ ମେଣ୍ଡାୟାଁଣି ପାଞ୍ଜାତା ଅନାଟି ମେଣ୍ଡାୟାଁ  
ଗଡୁ ନକି ନକିତା ତାକିନେସି, ଅଡ଼େ

‡ ୯:୩୪ ୯:୩୪ ସିନଗଗ

ମେଣ୍ଡାୟାଁ ତାନି ଜେତ ଜେତ ତାକିନୁ, ଇତିହ<sup>୪୬</sup> ଏଞ୍ଜି ଏଞ୍ଜାଣି ଗିୟାଁ ତେଲହାଉ । ୫ ସାମା ଏଞ୍ଜି ପୁନାଆତି ଲକୁ ଜେତ ଏରେଲା ଜିକେଏ ତାକାଉ, ସାମା ଏଞ୍ଜାଣି ଦାରି ଦାରିଟି ହଟାତୁହନୁ, ଇତିହ<sup>୪୭</sup> ଏଞ୍ଜି ପୁନାଆତାରି ଗିୟାଁ ତେଲହୁନୁ ।”

୬ ଜୀସୁ ଏଞ୍ଜାରାଇଁ ଇ ପୁଣ୍ଡିକିନି କାତା ଖେସାନା ଏଲେଇରେସି, ସାମା ଏଞ୍ଜାସି ଏନା ଏନାଆଁ ଖେସିମାରେସି, ଏ ବାରେ ଏନାୟି ଇଞ୍ଜି ଏଞ୍ଜାରି ପୁନାଆତେରି ।

ଜୀସୁ ନେହ<sup>୪୮</sup> ମେଣ୍ଡାୟାଁ ଗଡୁ

୭ ଜୀସୁ ଅଡେ ଖେଣ୍ଡେ ଏଲେଇରେସି, “ସାତା ସାତା ନାନୁ ମିଙ୍ଗେ ଖେସିମାଞ୍ଜାଇଁ, ନାନୁ ମେଣ୍ଡାୟାଁ ଦୁଖେରିତେଏଁ । “ଏତରଜାଣା ନା ନକିତା ଖାହାମାନେରି, ଏଞ୍ଜାରି ବାରେ ସରୁକା ଅଡେ ତ<sup>୪୯</sup>ଗାଁୟାଁ, ସାମା ମେଣ୍ଡାୟାଁ ଏଞ୍ଜାରି କାତା ଖେନାଆତୁ । ୯ ନାନୁ ଆହିମାଇଁ ଦାରା । ଆମ୍ବାଆସି ନା ତାଣାଟି ହଡୁନେସି, ଏଞ୍ଜାସି ଗେଲୁପି ଆନେସି ଇଞ୍ଜା ବିତ୍ତା ଖାହାନା ଅଡେ ପାଙ୍ଗାତା ହାଜାନା ହାରି ବେଟାଆନେସି । ୧୦ ସରୁ ଖାରଇ ସରୁ କିହାଲି, ପାୟାଲି ଅଡେ ନାସା କିହାଲି ଖାନେସି; ଏଞ୍ଜାରି ଏନିକ<sup>୫୦</sup> ଜୀସୁ ବେଟାଆନେରି ଅଡେ ହାରେକା ବେଟାଆନେରି ଏଦାଆଁତାକି ନାନୁ ଖାହାମାଇଁ ।”

୧୧ “ନାନୁ ନେହ<sup>୫୧</sup> ମେଣ୍ଡାୟାଁ ଗଡୁତେଏଁ; ନେହ<sup>୫୨</sup> ମେଣ୍ଡାୟାଁ ଗଡୁ ମେଣ୍ଡାୟାଁ ତାକି ତାନି ଜୀସୁ ହାନେସି । ୧୨ ଆମ୍ବାଆସି ମେଣ୍ଡାୟାଁ ଗଡୁ ଆଏ, ଗତି ଦା<sup>୫୩</sup>ଗଣେଏସି, ଜାହାରା ମେଣ୍ଡାୟାଁ ହିଲାଉ ଏଞ୍ଜାସି କ୍ଳାଠନି ଖାନାଣି ମେସାନା ମେଣ୍ଡାୟାଁ ପିସା ହଣ୍ଡନେସି ଅଡେ କ୍ଳାଠନି ଖାହାନା ଏ ବାରେତି ସିନାସାତା କିନେ, ୧୩ ଇତିହ<sup>୫୪</sup> ଏଞ୍ଜାସି ଗତି ଦା<sup>୫୫</sup>ଗଣେଏସି, ଇଞ୍ଜା ମେଣ୍ଡାୟାଁକି ଅଣ୍ପୁ ହିଲେଏ, ୧୪ ନାନୁ ନେହ<sup>୫୬</sup> ମେଣ୍ଡାୟାଁ ଗଡୁ । ଆବା ଏନିକ<sup>୫୭</sup> ନାଙ୍ଗେ ପୁଞ୍ଜାମାଞ୍ଜାନେସି ଅଡେ ନାନୁ ଆବାଇଁ

ପୁଞ୍ଜାମାଇଁ, ୧୫ ଏନିକ<sup>୫୮</sup> ଆବା ନାଙ୍ଗେ ପୁଞ୍ଜାମାଞ୍ଜାନେସି, ଅଡେ ନାନୁ ଆବାଇଁ ପୁଞ୍ଜାମାଇଁ, ଏଲେକିହ<sup>୫୯</sup>ଏ ନାନୁ ନା ମେଣ୍ଡାୟାଁଇଁ ପୁଇଁ, ଅଡେ ନା ମେଣ୍ଡାୟାଁ ଜିକେଏ ନାଙ୍ଗେ ପୁଞ୍ଜାନୁ, ଅଡେ ମେଣ୍ଡାୟାଁ ତାକି ନାନୁ ନା ଜୀସୁ ହାଇଁ । ୧୬ ଏମିନି ମେଣ୍ଡାୟାଁ ଇ ମାନ୍ଦାତାଇ ଆଏ, ନା ଇଲେତି ମେଣ୍ଡାୟାଁ ମାନୁ, ଏଞ୍ଜାଆଁ ଜିକେଏ ନାଙ୍ଗେ ତାନାୟି ଆନେ, ଅଡେ ଏଞ୍ଜି ନା ହାଡା ତେଲହୁନୁ; ଏମ୍ବାଟିଏ ରଣ୍ଡିଏ ମାନ୍ଦା ଅଡେ ରଣ୍ଡିଏ ଗଡୁ ଆନେସି ।”

୧୭ “ନାନୁ ନା ଜୀସୁ ହାନାକି ଆବା ନାଙ୍ଗେ ଜୀସୁ ନୟାନେସି, ଅଡେ ନାନୁ ନା ଜୀସୁ ଖେଣ୍ଡେ ଅହାକତାଲି ନାନୁ ଏଦାଆଁ ହାଇଁ । ୧୮ ନା ଜୀସୁ ଏଟକାତାରି ଆମ୍ବାଆରି ଅହାଲି ଆଡଅରି, ଏଦାଆଁ ନାନୁ ନା ଅଣ୍ପୁ ତଲେ ହାଇଁ, ନା ଜୀସୁ ହାହାଲିତାକି ଅଡେ ଏଦାଆଁ ଖେଣ୍ଡେ ଅହାକତାଲି ତାକି ନା ଅଦିକାରା ମାନେ । ଇଦାଆଁ କିହାଲି ଆବା ମାହାପୁରୁ ନାଙ୍ଗେ ହୁକୁମି ହାହାମାଞ୍ଜାନେସି ।”

୧୯ ଜୀସୁତି ଇ ବାରେ କାତାତାକି ଜୀହୁଦି ଲକୁତାଣା ଗଡୁହା ହଡେ । ୨୦ ଏଞ୍ଜାରି ବିତ୍ତାଟି ଏତରଜାଣା ଏଲେଇରେରି, “ଏଞ୍ଜାଣାଇଁ ବୃତୁ ଆଲ୍‌ଗାମାନେ, ଏଞ୍ଜାସି ବାୟା ଆହାମାନେସି, ଏନାଆଁତାକି ଏଞ୍ଜାଣି କାତା ଖେଞ୍ଜିମାଞ୍ଜେରି?”

୨୧ ଏଟକାତାରି ଏଲେଇରେରି, “ଇ ବାରେ କାତା ବୃତୁ ଆଲ୍‌ଗାମାନାରି କାତା ଆଏ; ବୃତୁ ଏନାଆଁ କାଣାଟି କାଣ୍‌କା ମେସପି କିହାଲି ଆଡିନେ ।”

ଜୀସୁଇଁ ଅପାଆଗାଟାୟି

୨୨ ଏତିବେଲା ଜିରୁସାଲମତା ମାହାପୁରୁ ଇଲୁତି ମାହାପୁରୁ ଦରୁଟି ହେରପିନି ପାର୍ବୁ ଆଡେ; ଏଦି ପେନିବେଲା ମାତେ, ୨୩ ଜୀସୁ ମାହାପୁରୁ ଇଲୁତି ସଲମନ ପିଣ୍ଡାତା ରେଜିମାରେସି । ୨୪ ଏମ୍ବାଟିଏ ଜୀହୁଦି ଲକୁ ସାରିଖାକି ମୁଚାନା ଖେଞ୍ଜାଲି

☆ ୧୦:୧୪ ୧୦:୧୪ ମାତି ୧୧:୨୭; ଲୁକ ୧୦:୨୨

ମାତୃହେରି, “ଏଚରଦିନା ପାତେକା ମା  
ମନତା ଆନାମାନା କିୟାଦି ? ନାନୁ  
କ୍ରୀସ୍ତତି ଇଚିହୁଁ ମାଙ୍ଗେ ନେହୁଁକ  
ଝେସ୍ତାମୁ ।”

୨୫ ଜୀସୁ ଏଝାରାଇଁ ଏଲେଇଚେସି,  
“ନାନୁ ମିଙ୍ଗେ ଝେସାମାଞ୍ଜାଇଁ, ସାମା ମୀରୁ  
ନାମିହିଲଅତେରି; ନା ଆବା ଦରୁତି  
ନାନୁ ଏମିନି ବାରେ କାମା କିହିମାଇଁ,  
ଏ ବାରେ ନା ଝାକିଚି ସାକି ହାହିମାନେ;  
୨୬ ଆଡ଼ିଜିକେଏ ମୀରୁ ନାମିହିଲଅତେରି,  
ଇଚିହୁଁ ମୀରୁ ନା ମେଣ୍ଡାୟାତେରି ଆଏ  
। ୨୭ ନା ମେଣ୍ଡାୟା ନା ହାଡ଼ା ଝେନୁ  
ଅଡ଼େ ନାନୁ ଏଝାଆଁ ପୁଇଁ, ଅଡ଼େ ଏଝି  
ନା ଜେତ ଜେତ ତାକିନୁ, ୨୮ ଅଡ଼େ  
ନାନୁ ଏଝାସିକାକି କାଲ୍ଲକାଲ୍ଲାତି ଜୀସୁ  
ହାଇଁ, ଅଡ଼େ ଏଝି ଏଚେଲ୍ଲା ଜିକେଏ  
ନାସା ଆଡ଼, ଆମ୍ବାଆସି ନା କେୟୁତି  
ଏଝାଆଁ ମୀଞ୍ଜା ଅୟଅସି । ୨୯ ନା ଆବା  
ନାଙ୍ଗେ ଏନାଆଁ ହାହାମାଞ୍ଜାନେସି, ଏଦି  
ବାରେକିହାଁ ଦାରାଗାଟାୟି,\* ଇଞ୍ଜା ଆବା  
ତାଣାଟି ଆମ୍ବାଆସି ମୀଞ୍ଜାଲି ଆଡ଼ଅସି ।  
୩୦ ଆବା ଅଡ଼େ ନାନୁ ରଅତମିଏ ।”

୩୧ ଜୀହୁଦି ଲକୁ ଏଝାଣାଇଁ ଝେଚାଲି  
ଅଡ଼େ ଝେଣ୍ଡେ ଝାଲ୍ଲକା ତାଚିହୁଁ  
ଝାଡ଼େରି । ୩୨ ଜୀସୁ ଏଝାରାଇଁ  
ଏଲେଇଚେସି, “ନାନୁ ଆବା ତାଣାଟି  
ହାଡ଼େକା ନେହୁଁ କାମାୟା ମିଙ୍ଗେ  
ତସାମାଞ୍ଜାଇଁ; ଏ ବାରେ କାମାୟା ବିତ୍ରାଟି  
ଏମିନି କାମାତାକି ନାଙ୍ଗେ ଝାଲ୍ଲକା ଝେଡ଼ି  
ମାଞ୍ଜାଦେରି ?”

୩୩ ଜୀହୁଦିୟାଁ ଏଝାଣାଇଁ ଏଲେଇଚେରି,  
“ନେହୁଁ କାମାତାକି ନିଙ୍ଗେ ଝାଲ୍ଲକା  
ଝେଡ଼ିମାଞ୍ଜଅମି, ସାମା ମାହାପୁରୁ ନିନ୍ଦା  
କିହିମାନାକି, ନାନୁ ମାଣ୍ଡସି ଆହାନା  
ମାହାପୁରୁତେଏଁ ଇଞ୍ଜିମାନାକି ।”

୩୪ ଜୀସୁ ଏଝାରାଇଁ ଏଲେଇଚେସି,  
“ମୀ ମସା ମେରାତା ରାସ୍ତକି  
ଆହାହିଲେଏ, ନାନୁ ଏଲେଇଞ୍ଜାତେଏଁ  
‘ମୀରୁ ମାହାପୁରୁୟାତେରି ।’

୩୫ ଆମ୍ବାଆରି ତାଣା ମାହାପୁରୁତି ବଲ୍ଲୁ  
ତଞ୍ଜାଆଡ଼େ, ଏଝାରି ମାହାପୁରୁୟା  
ଇଚିହୁଁ ଦାମ୍ବୁ ସାଡ଼େସି ଉଜେଏ  
କିହାଲି ଆଡ଼ଅସି, ୩୬ ଆବା ମାହାପୁରୁ  
ନାଙ୍ଗେ ସୁଦୁ କିହାନା ଦାରତିତା  
ପାଣ୍ଡାମାଞ୍ଜାନେସି । ଇଞ୍ଜା ନାନୁ ନାଙ୍ଗେ  
ମାହାପୁରୁ ମୀରଏଣାତେଏଁ ଇଞ୍ଜିମାନାକି  
ମାହାପୁରୁ ନିନ୍ଦା କିହିମାଞ୍ଜି ଇଞ୍ଜୁ  
ଏନିକ ଏଲେଇଞ୍ଜି ମାଞ୍ଜାଦେରି ?  
୩୭ ନାନୁ ନା ଆବାତି ବାରେ କାମା  
କିହା ହିଲ୍ଲାଆଡ଼ିହୁଁ ନାଙ୍ଗେ ନାମାଆଦୁ;  
୩୮ ସାମା ନାନୁ କିହିମାଇଁ, ଆଡ଼ିହୁଁ ମୀରୁ  
ନାଙ୍ଗେ ନାମି ମାଞ୍ଜଅତେରି, ଆଡ଼ିଜିକେଏ  
ଆବା ନା ତାଣା ମାନେସି ଅଡ଼େ ନାନୁ  
ଆବା ତାଣା ମାଇଁ, ଇଦାଆଁ ମୀରୁ  
ଏନିକ ପୁଞ୍ଜେରି ଅଡ଼େ ତେଲ୍ଲହିଦେରି,  
ଇଦାଆଁତାକି ବାରେ କାମାତି ନାମାଦୁ ।”

୩୯ ଏମ୍ବାଟିଏ ଏଝାରି ଜୀସୁଇଁ ଆସାଲି  
ଅଣ୍ଡପିତେରି, ସାମା ଏଝାସି ଏଝାରି  
କେୟୁତା ହେରପି ଆଆନା ଏମ୍ବାଟି  
ହଡ଼ାହାଚେସି ।

୪୦ \*ଏମ୍ବାଟି ଏଝାସି ଅଡ଼େ ଝେଣ୍ଡେ  
ଜର୍ଦନ ଆତାଲ୍ଲା ହାଜାନା, ତଲି ଜହନ  
ଏମିନି ଚାୟୁତା ବାପ୍ତୁସ୍ତାଁ ହାହିମାଚେସି,  
ଏ ଚାୟୁତା ଝାହାନା ଡ଼ୟିତେସି ।  
୪୧ ଅଡ଼େ ହାଡ଼େକା ଲକୁ ଏଝାଣି ତାଣା  
ଝାହାନା ଏଲେଇଚେରି, “ଜହନ ଏନି  
କାବାଆନି କାମା କିଆତେସି, ସାମା  
ଇ ମାଣ୍ଡସି କାତା ଜହନ ଏନା ଏନାଆଁ  
ଝେସାମାଚେସି, ଏ ବାରେ ସାତା ।”  
୪୨ ଏମ୍ବାଆଁ ହାଡ଼େକା ଲକୁ ଏଝାଣି ତାଣା  
ନାମିତେରି ।

## ୧୧

ଲାଜର ହାନାୟି

୧ \*ବେତନିୟାତି ଲାଜର ଦରୁଗାଟାସି  
ରଅସି ନମେରି ଆହାମାଚେସି; ତାମି  
ତାଜିସ୍ତା ମରିୟମ ଅଡ଼େ ମାର୍ତ୍ତା ଏ  
ନାୟୁତା ଡ଼ୟିମାଚୁ । ୨ \*ଏମିନି ଇୟା

\* ୧୦:୨୯ ୧୦:୨୯ ଆବା ନାଙ୍ଗେ ଏନାଆଁ ହାହାମାଞ୍ଜାନେସି, ଏଦି ବାରେକିହାଁ ଦାରାଗାଟାୟି, ଇଦାଣି ଅର୍ଡ ଆମିନି  
ଆବା ନାଙ୍ଗେ ଇ ଲକୁଇଁ ହାହାମାଞ୍ଜାନେସି, ଏଝାସି ଏଝାରି କିହାଁ କାଜାସି । \* ୧୦:୪୦ ୧୦:୪୦ ଜହ ୧:୨୮  
† ୧୦:୪୦ ୧୦:୪୦ ମୁଞ୍ଜାନାୟି \* ୧୧:୧ ୧୧:୧ ଲୁକ ୧୦:୩୮,୩୯ \* ୧୧:୨ ୧୧:୨ ଜହ ୧୨:୩

ପ୍ରବୁଝ୍ ନିୟୁଁ ଖାକ୍‌ହାନା ତାନି ତାୟ୍‌<sup>୬୬</sup> ବାଣାୟ୍‌ ତଲେ ଏଝାଣି ପାଃଆନାୟ୍‌ ଜେଜା ମାଚେ, ଇଦି ଏ ମରିୟ୍‌ମ; ତାନି ତାୟ୍‌ ଲାଜର ନଫେରି ଆହାମାଚେସି ।<sup>୬୭</sup> ଏଦାଆଁତାକି ଏ ତାଜିସ୍‌ମା ଜାସୁ ତାଣା କାବୁ ପାଣ୍ଡିତୁ, “ପ୍ରବୁ, ନାନୁ ଆମ୍ବାଆରାଈଁ ଜାସୁ ନହୁଁ ମାଞ୍ଜି ଏଝାସି ନଫେରି ଆହାମାନେସି ।”

<sup>୬୮</sup> ସାମା ଜାସୁ ଈ କାତା ଖେଞ୍ଜାନା ଏଲେଇଚେସି, “ଇ ନଫେରି ହାହାଲି ତାକି ଆଏ, ସାମା ମାହାପୁରୁତି ଗାଝୁରମି ତାକି, ଏନିକ୍‌ ଏମ୍ବାଟି ମାହାପୁରୁତି ମାରଏସି ଗାଝୁରମି ବେଟା ଆଚେସି ।”

<sup>୬୯</sup> ଜାସୁ ମାର୍ତ୍ତା, ତାନି ତାଜି ମରିୟ୍‌ମଈଁ ଅଡ଼େ ଲାଜରଈଁ ଜାସୁ ନହୁଁ ମାଚେସି ।<sup>୭୦</sup> ଏଚେତା ଏଝାସି ନଫେରି ଆହାମାନେସି ଇଞ୍ଜିଁ ଖେଚେସି, ଏଚେତା ଏଝାସି ଏମିନିତାଣା ମାଚେସି, ଏ ଚାୟୁତା ରା ଦିନା ତୁୟ୍‌ଚେସି ।<sup>୭୧</sup> ଏଚେଟିଏ ଏଝାସି ସାସୁୟ୍‌ଈଁ ଏଲେଇଚେସି, “ଜାଦୁ ମାର ଖେଣ୍ଡେ ଜାହୁଦା ରାଜିତା ହାନ ।”

<sup>୭୨</sup> ସାସୁୟ୍‌ ଏଝାଣାଈଁ ଏଲେଇଚେରି, “ଏ ଗୁରୁ ଜାହୁଦିୟ୍‌ ନୀଏଁ ନିଜେ ଖାଲ୍‌କାତଲେ ଖେଚାଲି ଅଣ୍ଡି ମାଞ୍ଜାଚେରି, ଅଡ଼େ ଖେଣ୍ଡେ ନାନୁ ଏମ୍ବାଆଁ ହାଜିମାଞ୍ଜି ?”

<sup>୭୩</sup> ଜାସୁ ଏଲେଇଚେସି, “ଦିନାତାକି ବାର ଗଂଟା ହିଲେଏ ? ଆମ୍ବାଆସି ମାଦେନା ତାକିସାରେ ପୁଟିକିଅସି, ଇଚିହୁଁ ଏଝାସି ଦାରତିତି ଉଜେଡ଼ି: <sup>୭୪</sup> ସାମା ଲାଆଁୟ୍‌ ତାକିସାରେ ଏଝାସି ପୁଟିକିନେସି, ଇଚିହୁଁ ଏଝାଣି ହିୟ୍‌ତା ଉଜେଡ଼ି ହିଲେଏ ।” <sup>୭୫</sup> ଈ ବାରେ କାତା ଖେସ୍ତି ତାୟୁ ଏଝାରାଈଁ ଅଡ଼େ ଏଲେଇଚେସି, “ମା ତଢେ ଲାଜର ଇଦା କିହାମାନେସି, ସାମା ଏଝାଣାଈଁ ଇଦାଟି ନିକ୍‌ହାଲି ନାନୁ ହାଜିମାଈଁ ।”

<sup>୭୬</sup> ଏମ୍ବାଟିଏ ସାସୁୟ୍‌ ଏଝାଣାଈଁ ଏଲେଇଚେସି, “ପ୍ରବୁ ଏଝାସି ତୁରାନା ଇଦା କିହାମାଚିହୁଁ ନେହୁଁ ଆଚେସି ।”

<sup>୭୭</sup> ଜାସୁ ଲାଜର ହାହାମାନାକି ଏ କାତା ଏଲେଇଚେସି, ସାମା ଏଝାଣି

ଇଦା କିହାମାନି କାତା ଖେସ୍ତିଚେସି ଇଞ୍ଜିଁ ଅଣ୍ଡିମାଚେରି ।<sup>୭୮</sup> ଏଚିବେଲା ଜାସୁ ତୀରେତଲେ ଏଲେଇଚେସି, “ଲାଜର ହାହାମାନେସି; <sup>୭୯</sup> ଅଡ଼େ ନାନୁ ଏମ୍ବାଆଁ ହିଲାଆଚେଏଁ, ଏଦାଆଁତାକି ମୀ ତାକି ରାହାଁ କିହିମାଈଁ, ଏନିକ୍‌ ମୀରୁ ନାମିଦେରି; ସାମା ଜାଦୁ ମାର ଏଝାଣି ତାଣା ହାନ ।”

<sup>୮୦</sup> ଏମ୍ବାଟିଏ ତମା, ଆମ୍ବାଆରାଈଁ ଦିଦୁମ ଇଞ୍ଜିଁ ଇନେରି, ଏଝାସି ତାନି ତଢେ ସାସୁୟ୍‌ଈଁ ଏଲେଇଚେସି, “ଜାଦୁ, ମାର ଜିକେଏ ହାଜାନା ଏଝାଣିତଲେ ହାନ ।”

ଜାସୁଏ ଖେଣ୍ଡେ ନିଜିନାସି ଅଡ଼େ ଜାସୁ

<sup>୮୧</sup> ଜାସୁ ବେତନିୟ୍‌ତା ଏଜାନା ଖେଚେସି, ଏଝାସି ସାରି ଦିନା ଆଚେସି ମାହଣି ମାଣ୍ଡାତା ଇଟାମାନେରି ।<sup>୮୨</sup> ବେତନିୟ୍‌ ଜିରୁସାଲମଟି ରା କିଲମିଟର ହେକ ମାଚେ, <sup>୮୩</sup> ଅଡ଼େ ଜାହୁଦିୟ୍‌ ବିତ୍ରାଟି ହାଚେକା ମାର୍ତ୍ତା ଇଞ୍ଜାଁ ମରିୟ୍‌ମଈଁ ତାନି ତାୟ୍‌ତି ଦୁକୁ ତୁକ୍‌ହାଲି ଏମ୍ବାଆଁ ଖାହାମାଚେରି ।

<sup>୮୪</sup> ଜାସୁ ଖାହିମାନେସି ଇଞ୍ଜିଁ ଏଚେତା ମାର୍ତ୍ତା ଖେଚେ, ଏଚେତା ମାର୍ତ୍ତା ଏଝାଣାଈଁ ବେଟାଆୟ୍‌ଲି ହାଚେ, ସାମା ମରିୟ୍‌ମ ଇଜ କୁଗାନା ତୁୟ୍‌ଚେ । <sup>୮୫</sup> ମାର୍ତ୍ତା ଜାସୁଈଁ ଏଲେଇଚେ, “ପ୍ରବୁ ନାନୁ ଇମ୍ବାଆଁ ମାଚିହୁଁ ମା, ନା ତାୟ୍‌ ହାଆଚେସିମା, <sup>୮୬</sup> ସାମା ନାନୁ ମାହାପୁରୁଈଁ ଏନାଆଁ ରାହୁଦି, ମାହାପୁରୁ ନିଜେ ଏଦାଆଁ ହିୟ୍‌ନେସି, ଏଦାଆଁ ନୀଏଁ ଜିକେଏ ପୁଞ୍ଜାମାଈଁ ।”

<sup>୮୭</sup> ଜାସୁ ଏଦାନି ଏଲେଇଚେସି, “ନୀ ତାୟ୍‌ ଅଡ଼େ ଖେଣ୍ଡେ ନିଜିନେସି ।”

<sup>୮୮</sup> “ମାର୍ତ୍ତା ଜାସୁଈଁ ଏଲେଇଚେ, ଏଝାସି ତାୟୁ ଖେଣ୍ଡେ ନିଜିନି ଦିନାତା ନିଜିନେସି, ଇଦାଆଁ ନାନୁ ପୁଞ୍ଜାମାଈଁ ।”

<sup>୮୯</sup> ଜାସୁ ଏଦାନି ଏଲେଇଚେସି, “ନାନୁ ଖେଣ୍ଡେ ନିଜିନାଚେଏଁ ଅଡ଼େ ଜାସୁଚେଏଁ; ଆମ୍ବାଆସି ନାଜେ ନାମାନେସି, ଏଝାସି ହାଡ଼ି ଜିକେଏ ନୀତିନେସି, <sup>୯୦</sup> ଆମ୍ବାଆସି

ନୀତିନେସି ଅଡ଼େ ନାମିନେସି, ଏଞ୍ଜାସି ଏରେଲା ଜିକେଏ ହାଅସି; ଇ କାତା ନାମିମାଞ୍ଜି ?”

୨୭ ମାର୍ତ୍ତା ଏଲେଇରେ, “ଏ ପ୍ରବୁ ଆମ୍ବାଆସି ଦାର୍ତତିତା ଖାନାୟି ମାରେ, ନୀନୁ ଏ କ୍ରୀସ୍ତୁ ମାହାପୁରୁ ମୀର୍ଏଣାତି, ଇ କାତା ନାମିମାଞ୍ଜି ।”

ଜୀସୁ ଡୀତେସି

୨୮ ଇ କାତା ଷ୍ଟେସାନା ମାର୍ତ୍ତା ହାଜାନା ତାମି ତାଞ୍ଜି ମରିୟମଞ୍ଜି ଏଟକା ହାଟାନା ଏଲେଇରେ, “ଗୁରୁ ଖାଡେସିଏ ନିଙ୍ଗେ ପାରିମାଞ୍ଜାନେସି ।” ୨୯ ମରିୟମ ଇ କାତା ଷ୍ଟେଞ୍ଜାନା ଦାପେ ନିଙ୍ଗାନା ଏଞ୍ଜାଣି ତାଣା ହାରେ । ୩୦ ଏଟିବେଲା ଜୀସୁ ନାୟ୍ ବିତ୍ରା ଖାହାହିଲାଆଡେସି, ସାମା ମାର୍ତ୍ତା ଏଞ୍ଜାଣାଇଁ ଏମିନି ଚାୟୁତା ବେଟାଆହାମାରେ, ଏଡେପାଡେକା ଏ ଚାୟୁତେଏ ମାରେସି । ୩୧ ଏମିନି ଜୀହୁଦିୟାଁ ଏଦାନିତଲେ ଏ ଇଲୁତା ଦୁକୁ ତୁକ୍‌ହିମାରେରି, ଏଞ୍ଜାରି ମରିୟମ ଦାପେ ନିଙ୍ଗାନା ପାଞ୍ଜାତା ହାଚାଣି ମେସାନା, ଏଡି ମାହଣି ମାଣ୍ଡାତା ଡୀହାଲି ହାଜିମାନେ, ଇ କାତା ଅଣ୍ପାଦା ଏଦାନି ଜେଟ ଜେଟ ହାରେରି ।

୩୨ ଏମ୍ବାଟିଏ ଜୀସୁ ଏମିନି ଚାୟୁତା ମାରେସି, ମରିୟମ ଏ ଚାୟୁତା ହାଜାନା ଏଞ୍ଜାଣାଇଁ ମେସାନା ଏଞ୍ଜାଣି କତାୟାଁ ଡୁଇ ରିହାନା ଏଲେଇରେ, “ପ୍ରବୁ ନୀନୁ ଇମ୍ବାଆଁ ମାଟିହୁଁମା ନା ତାୟି ହାଆଡେସିମା ।”

୩୩ ଜୀସୁ ମରିୟମ ଅଡ଼େ ତାନିତଲେ ଖାହାମାନି ଜୀହୁଦି ଲକୁ ଡୀହିମାନାଣି ମେସାନା ଜୀଞ୍ଜୁତା ହାଡେକା ଦୁକୁ ଆହାନା ଷ୍ଟେରେସି, ୩୪ “ଏଞ୍ଜାଣାଇଁ ଆମ୍ବିୟା ଇଟାମାଞ୍ଜେରି ?” ଏଞ୍ଜାରି ଏଲେଇରେରି, “ପ୍ରବୁ, ଖାହାନା ସିନିକିମୁ ?”

୩୫ ଜୀସୁ ଡୀତେସି । ୩୬ ଏରେଟିଏ ଜୀହୁଦି ଲକୁ ଏଲେଇଣ୍ଡି ଆଡେରି, “ଏଞ୍ଜାସି ଏଞ୍ଜାଣାଇଁ ଏରେକା ଜୀଞ୍ଜୁ ନହୁଁମାରେସି ।”

୩୭ ସାମା ଏଞ୍ଜାରି ବିତ୍ରାଟି ଏଚରଜାଣା ଏଲେଇରେରି, “ଇ ମାଣ୍ଡିଏ ଏ କାଣାଇଁ ମେସପି କିହାମାରେସି,

ଏଞ୍ଜାସି ଇଞ୍ଜାଣାଇଁ ହାକିଟି ଗେଲ୍‌ପାଲି ଆଡିଡେସିମା ?”

ହାଡି ଲାଜରଇଁ ଜୀଞ୍ଜୁ ହାନାୟି

୩୮ ଏମ୍ବାଟିଏ ଜୀସୁ ଦୁକୁ ଆହାନା ମାହଣି ମାଣ୍ଡା ତାଗେ ଖାଡେସି; ଏଡି ର ପାଞ୍ଜୁ ମାରେ, ଇଞ୍ଜାଁ ପାଞ୍ଜୁ ଦୁଝେରିତା ର କାଜା ଖାଲି ମାରେ । ୩୯ ଜୀସୁ ଏଲେଇରେସି, “ଇ ଖାଲି ଗୁଟି କିଦୁ ।” ହାଡାଣି ତାଞ୍ଜି ମାର୍ତ୍ତା ଏଲେଇରେ, “ପ୍ରବୁ, ଏଞ୍ଜାସି ଗାନ୍ଦା ଆହାହାରେସିଏ, ଇଟିହୁଁ ହାହାନା ସାରି ଦିନା ଆଡେସିଏ ।”

୪୦ ଜୀସୁ ଏଦାନି ଏଲେଇରେସି, “ନୀନୁ ନାମିଦି, ଆଡିହୁଁ ମାହାପୁରୁଡି ଗାଞ୍ଜୁରମି ମେହୁଦି, ଇ କାତା ନୀନୁ ନିଙ୍ଗେ ଷ୍ଟେସାମାଞ୍ଜାଆଡେଏ ?” ୪୧ ଅଡ଼େ ଏଞ୍ଜାରି ଖାଲି ଗୁଟି କିଡେରି । ଅଡ଼େ ଜୀସୁ ଲାକଞ୍ଜାକି ସିନିକିହାନା ଏଲେଇରେସି, “ଆଦା ନା ପ୍ରାଡାନା ଷ୍ଟେଟି ଇଞ୍ଜୁଁ ନୀନୁ ନିଙ୍ଗେ ଜହରା କିହିମାଞ୍ଜାଇଁ । ୪୨ ନୀନୁ କାଲେଏ ନା ପ୍ରାଡାନା ଷ୍ଟେଞ୍ଜିମାଞ୍ଜି, ଇ କାତା ନୀନୁ ପୁଞ୍ଜାମାଞ୍ଜି; ସାମା ଏମିନି ଲକୁ ସାରିସୁଟୁ ନିଚାମାନେରି, ନୀନୁ ନାଙ୍ଗେ ପାଣ୍ଡାମାଞ୍ଜାଦି ଇଞ୍ଜୁଁ ଏଞ୍ଜାରି ଏନିକିଁ ନାମିନେରି, ଏଦାଆଁତାକି ଏଞ୍ଜାରି ତାକି ନୀନୁ ଏଲେଇରେଏ ।” ୪୩ ଏଞ୍ଜାସି ଏଲେଇଞ୍ଜାନା କାଜା ଗିୟାତଲେ ଏଲେଇରେସି, “ଲାଜର ପାଞ୍ଜାତା ହଡା ଖାମୁ ।” ୪୪ ଦେବୁଣିଏ ଲାଜର ପାଞ୍ଜାତା ହଡାଖାଡେସି; ତାନି କେସ୍ତା କଡାଣା ମାହଣି ମାଣ୍ଡାତି ହିମ୍ବୁରିକା ତଲେ ରୁପି ଆହାମାଟୁ, ଇଞ୍ଜାଁ ତାନି ମୂମ୍ବୁଟା ଇଚାୟି ପାସକି ପିଡ଼ଗିଞ୍ଜି ଆହାମାରେ । ଜୀସୁ ଏଞ୍ଜାରାଇଁ ଏଲେଇରେସି, “ହିମ୍ବୁରିକା ହୁକଦୁ ଏଞ୍ଜାସି ତାକାପେସି ।”

ଜୀସୁଇଁ ପାୟଲି ପାରୁ ପାରିନାୟି

(ମାତି ୨୬:୧-୫; ମାର୍କ ୧୪:୧,୨; ଲୁକ ୨୨:୧,୨)

୪୫ ହାଡେକା ଜୀହୁଦି ଲକୁ, ଇଟିହୁଁ ଆମ୍ବାଆରି ମରିୟମ ତାଣା ଖାହାମାରେରି ଅଡ଼େ ଜୀସୁଟି କାମା ମେସାମାରେରି, ଏଞ୍ଜାରି ଏଞ୍ଜାଣାଇଁ ନାମିଡେରି । ୪୬ ଅଡ଼େ ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି

ପାରୁଥିଲୁଁ ତାଣା ହାଜାନା ଜୀସୁ ଏନା ଏନାଆଁ କିହାମାରେସି ଏ ବାରେ ଏଞ୍ଜାରାଇଁ ଖେସ୍ତେରି । ୪୭ ଈ କାତା ଖେଞ୍ଜାନା ପାରୁଥିଲୁଁ ଅଡ଼େ କାଜା ପୂଜେରାଙ୍ଗା କାଜା ବେରଣିମାଣ୍ଡାତା ଏଲେଇଚେରି, “ମାରୁ ଏନି କିନାୟି ଈ ମାଣ୍ଡସି ହାରେକା କାବାଆନି କାମାୟାଁ କିହମାନେସି । ୪୮ ମାରୁ ଏଞ୍ଜାଣାଇଁ ଏଲେକିହ ପିସ୍ତିହ ବାରେ ଲକୁ ଏଞ୍ଜାଣି ତାଣା ନାମିନେରି, ଅଡ଼େ ରମିୟ ଲକୁ ଖାହାନା ଈ ଟାୟୁ କୃଡ଼ା ବାରେତି ନାସା କିନେରି ।”

୪୯ ସାମା ଏଞ୍ଜାରି ବିତ୍ରାଟି ର କାଜା ପୂଜେରା, ଇତିହ କୟାପା ଏ ବାର୍ସାତି କାଜା ପୂଜେରା ଏଞ୍ଜାରାଇଁ ଏଲେଇଚେସି, “ମାରୁ ଏନାଆଁ ପୁଞ୍ଜାହିଲଅଡେରି? ୫୦ ବାରେ କୃଡ଼ାତାରି ନାସା ଆନି କିହାଁ ବାରେ ଲକୁ ତାକି ରଅସି ହାନାୟି ମିଙ୍ଗେ ତାକି ନେହେଁ, ଈଦାଆଁ ମାରୁ ଅଣ୍ଡପି ହିଲଅଡେରି ।”

୫୧ ଏଞ୍ଜାସି ତାନିତାଣାଟି ଏଲେଇଞ୍ଜା ହିଲାଆଡେସି, ସାମା ଏଞ୍ଜାସି ଏ ବାର୍ସାତି କାଜା ପୂଜେରା ମାଚାକି ଈ ଡାୟୁ ଆନି କାତା ତାନି ଗୁତିଟି ହଚାମାଚେ, ଜୀସୁ ଏ କୃଡ଼ାତି ଲକୁ ତାକି, ୫୨ ଅଡ଼େ ଖାରଇ ଏ କୃଡ଼ା ତାକି ଆଏ, ସାମା ମାହାପୁରୁତି ଇତାଲା ଆତାଲା ଆହାମାନି ମୀରକାଣି ଜିକେଏ କୃଡ଼ି କିହାନା ରଣ୍ଡିଏ କିହାଲିତାକି ହାହାଲି ହାଜିମାନେସି, ଈଦାଆଁତାକି ଈ କାତା ଖେକହେସି ।

୫୩ ଈଞ୍ଜା ଏ ଦିନାଟିଏ ଏଞ୍ଜାଣାଇଁ ପାୟାଲି ତାକି ପାରୁ ପାରିଚେରି । ୫୪ ଏଦାଆଁତାକି ଜୀସୁ ଜୀହୁଦି ଲକୁ ବିତ୍ରା ପାଙ୍ଗାଖେଙ୍ଗେ ରେଆଡେସି, ସାମା ଏଞ୍ଜାସି ଏ ଟାୟୁଟି ହଚା ହାଜାନା ଲକୁ ହିଲାଆ ଟାୟୁ ଦାରି ମାନି ଏପ୍ରିୟମ ଦରୁଗାଟି ର ଗାଡ଼ାତା ହାଚେସି, ଅଡ଼େ ସୀସୁୟାଁ ତଲେ ଏମ୍ବାଆଁ ଡ଼ୟିଚେସି ।

୫୫ ଏଚିବେଲା ଜୀହୁଦି ଲକୁତି ପିସ୍ପିଆନି ପାର୍ବୁ ତାଗେ ମାଚେ, ଅଡ଼େ ନାସ୍‌କାଟି ହାରେକା ଲକୁ ଜାହାରାଇଁ

ଅବହା କତାଲି ପିସ୍ପିଆନି ପାର୍ବୁ ନକେଏ ଜିରୁସାଲମତା ହାଚେରି । ୫୬ ଏମ୍ବାଟିଏ ଏଞ୍ଜାରି ଜୀସୁଇଁ ପାରି ପାରିହ ମାହାପୁରୁ ଇଲୁତା ନିଚାମାଚାଟି ତାମ୍ନୁ ତାମ୍ନୁ ଏଲେଇଣ୍ଡି ଆଡେରି, “ମାରୁ ଏନାଆଁ ଅଣ୍ଡପିମାଞ୍ଜେରି? ଏଞ୍ଜାସି କି ପାର୍ବୁତା ଖାଅସି?” ୫୭ କାଜା ପୂଜେରାଙ୍ଗା ଅଡ଼େ ପାରୁଥିଲୁଁ ଏଞ୍ଜାଣାଇଁ ଆସାଲି ତାକି, ଏଞ୍ଜାସି ଏମ୍ବିୟା ମାନେସି, ଈ କାତା ଆମ୍ବାଆସି ପୁଞ୍ଜାମାନେସି, ଏ କାତା ଖେସାଲି ତାକି ହୁକୁମି ହାହାମାଚେରି ।

## ୧୨

ଜୀସୁଇଁ ନିୟୁଁ ରୁବିନାୟି

(ମାତି ୨୬:୬-୧୩; ମାର୍କ ୧୪:୩-୯)

୧ ଏମ୍ବାଟିଏ ଜୀସୁ ପିସ୍ପିଆନି ପାର୍ବୁତି ସ ଦିନା ନକେଏ ବେତନିୟାଁତା ଖାଡେସି; ଏମିନି ଲାଜରଇଁ ହାଡାରି ତାଣାଟି ନିକହା ମାଚେସି, ଏଞ୍ଜାସି ଏ ଟାୟୁତା ମାଚେସି । ୨ ଏଦାଆଁତାକି ଏଞ୍ଜାରି ଏଞ୍ଜାଣାକି ଏ ଟାୟୁତା ଲାଆଁୟାଁ ର ବଜି କିଚେରି; ମାର୍ତ୍ତା ବାଟି କିହମାଚେ, ଅଡ଼େ ଆମିନି ଗାଚାରି ଏଞ୍ଜାଣିତଲେ ତିଞ୍ଜାଲି କୁଗାମାଚେରି, ଲାଜର ଏଞ୍ଜାରି ବିତ୍ରାଟି ରଅସି ମାଚେସି ।

୩ ଏଚିବେଲା ମରିୟମ ଆଦା ଗାଜୁ ଗାନ୍ଦା ନିୟୁଁ ତାଚାନା ଜୀସୁ କତାଣା ରୁବାନା ତାନି ତାୟୁ ବାଣାୟାଁ ତଲେ ତାନି କର୍ତ୍ତାଣି କେଡେ, ଅଡ଼େ ବାରେ ଇଲୁତା ନିୟୁଁ ଗାନ୍ଦା ଆଡେ । ୪ ସାମା ତାନି ସୀସୁୟାଁ ବିତ୍ରାଟି ଇସ୍ପାରିୟତ ଜୀହୁଦା ଆମିନି ସୀସୁ ଜୀସୁଇଁ ସାଡୁୟାଁ କେୟୁତା ହେରପାଲି ହାଜିମାଚେସି, ଏଞ୍ଜାସି ଏଲେଇଚେସି, ୫ “ଇ ନିୟୁଁ ତାନି ଖାଞ୍ଜା ଟାକାୟାଁ ତାକି ପାର୍ବି ଆହାନା ଏନାଆଁତାକି କାକୁଲି ଗାଚାରାକି ହୀପକି ଆଆଡେ?” ୬ ଏଞ୍ଜାସି କାକୁଲି ଗାଚାରାଇଁ ଅଣ୍ଡପିମାଚେସି ଇଞ୍ଜ ଏଲେଇଚେସି, ଏଦି ଆଏ, ସାମା ଏଞ୍ଜାସି ର ସରୁ ଅଡ଼େ ଏଞ୍ଜାଣି ତାଣା ଟାକାୟାଁ ମଣା ମାଚାକି, ଏମ୍ବାଆଁ ଏନା ଏନାଆଁ



ଇଚ୍ଚକି ଆହିମାରେ, ଏଦାଆଁ ସରୁ କିହିମାରେସି ।

୭ ସାମା ଜୀସୁ ଏଲେଇଚେସି, “ଇଦାଆଁ ପିହ୍‌ଦୁ, ଏନିକି ନା ମାଡ଼ହା ମୁହନି ଦିନାତାକି ଏଦି ଏଦାଆଁ ଇଗାଲି ଆଡ଼ିନେ ।” କାକୁଲି ଗାଟାରି ବାରେଦିନା ମୀ ତାଣା ମାନେରି, ସାମା ନାନୁ ବାରେବେଲା ମୀ ତଲେ ମାନଅଁ ।”

ଲାଜର କପାଟି ପାରୁ ପାରିନାୟି

୯ ଏଚେଟିଏ ହାରେକା ଜୀହୁଦି ଲକୁ ଏଝାସି ଏମାଆଁ ମାନେସି ଇଞ୍ଜି ପୁଞ୍ଜାନା ଖାରଇ ଜୀସୁ ତାକି ଆଏ, ସାମା ଏମିନି ଲାଜରଇଁ ଏଝାସି ହାକିଟି ନିକହା ମାରେସି, ଏଝାଣାଇଁ ମେସାଲି ଖାଡ଼େରି । ୧୦ ସାମା ଲାଜରଇଁ ଜିକେଏ ପାୟାଲି କାଜା ପୂଜେରାଜା ପାରୁ ପାରିଚେରି, ୧୧ ଇଚିହ୍‌ ଏଝାଣି ତାକି ଜୀହୁଦିୟାଁ ବିତ୍ତାଟି ହାରେକା ହାଜାନା ଜୀସୁ ତାଣା ନାମି ମାରେରି ।

ଜୀସୁ ଜିରୁସାଲମତା ରାହାଁଟି ହଡ଼ନାୟି

(ମାତି ୨୧:୧-୧୧; ମାର୍କ ୧୧:୧-୧୧; ଲୁକ ୧୯:୨୮-୪୦)

୧୨ ତାନି ଅର ଦିନା ପାର୍ବୁତା ଖାହାମାନି ହାରେକା ଲକୁ ଜୀସୁ ଜିରୁସାଲମତା ଖାହାମାନେସି ଇଞ୍ଜି ଖେଚେରି ୧୩ ଇଞ୍ଜା କାକୁରି ମାଟାୟାଁ ଆସାନା ଜୀସୁଇଁ ବେଟାଆହାଲି ଖାଡ଼େରି ଅଡ଼େ କାଜା ଗିୟାତଲେ ଏଲେଇଚେରି, “ହସାନା । ପ୍ରବୁତି ଦରୁତଲେ ଆମ୍ବାଆସି ଖାହିମାନେସି, ଏଝାସି ନେହେଁ; ଇସ୍ରାୟେଲତି ରାଜାଇଁ ମାହାପୁରୁ ବର ହାପାସି ।”

୧୪ ଜୀସୁ ର ଗାଡ଼ଦେ ତାଲୁ ଲାକ କୁଗାନା ଖାହିମାରେସି, ଏନିକି ରାସ୍‌କି ଆହାମାନେ,

୧୫ “ଆକେ ସିୟନତି ମାସ୍କା, ଆଜାଆଦୁ ମେହ୍‌ଦୁ ମୀ ରାଜା ଖାହିମାନେସି,

ଏଝାସି ଗାଡ଼ଦେ ତାଲୁ ଲାକ କୁଗାନା ଖାହିମାନେସି ।”

୧୬ ଏଚିବେଲା ସୀସୁୟାଁ ଏଦାନି କାତା ପୁଞ୍ଜାଲି ଆଡ଼ାଆଚେରି, ସାମା ଜୀସୁ ଗାଝୁରମିଟି ଖେଣ୍ଡେ ନିଙ୍ଗାଲିଏ ଏଝାରି ଅଣ୍‌ପୁତା ଖାଡ଼େ, ଇ ବାରେ କାତା ସାସ୍‌ସେରିତା ରାସ୍‌କି ଆହାମାନେ, ଇଚିହ୍‌ ଏଲେକିହ୍‌ଏ ଏଝାରି କାମା କିହାମାଚେରି ।

୧୭ ଜୀସୁ ହାଡ଼ି ଲାଜରଇଁ ମାହାଣି ମାଣ୍ଡାଟି ହାଟାନା ନିକହାମାଟି ବେଲାତା ଏମିନିଗାଟାରି ଏଝାଣିତଲେ ମାଚେରି, ଏଝାରି ଇ ବାରେ କାତା ସାରିଝାକି ଖେକହା ମାଚେରି । ୧୮ ଇଦାଆଁତାକି ଲକୁ ବାରେ ଏଝାଣାଇଁ ବେଟାଆହାଲି ହାଜାମାଚେରି, ଅଡ଼େ ଏଝାସି ଇ କାବାଆନି କାମା କିହାମାଚେସି ଇଞ୍ଜି ଖେଞ୍ଜାମାଚେରି । ୧୯ ଇଦାଆଁ ମେସାନା ପାରୁସିୟାଁ ତାମି ବିତ୍ତା କାତା ଆଡ଼େରି, “ମେସିମାଞ୍ଜେରି ମାର୍ ଏନାଆଁ କିହାଲି ଆଡ଼ିହଲାଇୟା; ଦାର୍‌ତିତି ବାରେ ଲକୁ ଏଝାଣି ଜେଚ ହାଜିମାନେରି ।”

ଏଚେକା ଗ୍ରିକ୍ ଲକୁ ଜୀସୁଇଁ ପାରିନାୟି

୨୦ ପାର୍ବୁ ବେଲାତା ପ୍ରାତାନା କିହାଲି ଜିରୁସାଲମତା ଖାହାମାନି ଲକୁ ବିତ୍ତା ଏଚେକା ଗ୍ରିକ୍ ଲକୁ ମାଚେରି । ୨୧ ଏଝାରି ଗାଲିଲିତି ବେଡ଼ସାୟିଦାତି ପିଲିପ ତାଣା ଖାହାନା ବାତିମାଲିହ୍‌ ଏଲେଇଚେରି, “ବାବୁ, ମାମ୍‌ଜୀସୁଇଁ ମେସାଲି ଅଣ୍‌ପିମାନମି ।”

୨୨ ପିଲିପ ହାଜାନା ଆହିୟଇଁ କାବୁ ହାଚେସି ଅଡ଼େ ରିଆରି ହାଜାନା ଜୀସୁଇଁ ଖେସ୍‌ସେରି । ୨୩ ଜୀସୁ ଏଝାରାଇଁ ଏଲେଇଚେସି, “ମାଣସି ମୀର୍‌ଏସି ଗାଝୁରମି ଆନି ବେଲା ଖାହାମାନେ । ୨୪ ନାନୁ ମିଙ୍ଗେ ସାତା ଖେସିମାଞ୍ଜାଇଁ ଗହ୍ ପାଡ଼େୟି ବୁମିତା ରିହାନା ହାନି ପାଚେକା ଏଦି ରଣ୍‌ସିଏ ପାଡ଼େୟି ଆହାମା ଡ଼ୟିନେ, ସାମା ଏଦି ହାଡ଼ିସାରେ ଏମ୍‌ାଟି ହାରେକା ପାଡ଼େୟିକା ଆନୁ । ୨୫ ଆମ୍ବାଆସି ଜାହାରା ଜୀଝୁତି ଜୀଝୁ ନନେସି, ଏଝାସି ଏଦାଆଁ ହାଉଝି କିନେସି, ଆମ୍ବାଆସି

\* ୧୨:୨୫ ୧୨:୨୫ ମାତି ୧୦:୩୯; ୧୭:୨୫; ମାର୍କ ୮:୩୫; ଲୁକ ୯:୨୪; ୧୭:୩୩

ଜାହାରା ଜୀଝୁତି ଇ ଦାର୍ତତି ଅପଅସି, ଏଝାସି ଏଦାଆଁ କାଲାକାଲା ତାକି ଗେଲ୍ପିନେସି ।<sup>୨୬</sup> ଆମ୍ବାଆସି ନା ସେବା କାମାକିନାସି ଆଢେସି, ଆତିହ୍ ଆଝାସି ନା ଜେଚ ଖାପେସି; ଅଡେ ନାନୁ ଆମ୍ବିୟା ଡୟିଲ୍, ନା ସେବା କାମାକିନାସି ଜିକେଏ ଏମ୍ବାଆଁ ଡୟିନେସି; ଆମ୍ବାଆସି ନା ସେବା କିନେସି, ଆତିହ୍ ଆବା ଏଝାଣାଇଁ ମାନି କିନେସି ।

ଜୀସୁ ତାନି ହାକିତି କାତା ଏଲେଇନାୟି

<sup>୨୭</sup> ନୀର୍ବ ନା ଜୀଝୁ କିଲିବିଲି ଆହିମାନେ, ଇଞ୍ଜା ନାନୁ ଏନାଆଁ ଇଞ୍ଜାଇଁ ? ଆବା ଇ ଲାଗେଏ ତାଣାଟି ଗେଲ୍ପାମ୍, ସାମା ଏଦାଆଁତାକି ନାନୁ ଇ ଟାୟୁତା ଖାହାମାଇଁ ।

<sup>୨୮</sup> ଆବା ନୀ ଦରୁ ଗାଝୁରମି ଆପେ ।”

ଏଚିବେଲାତା ହାଗୁ ଲାକଟି ଇ ହାଡା ଆଡେ ନାନୁ ଏଝାଣାଇଁ ଗାଝୁରମି କିହାମାଇଁ ଅଡେ ଗାଝୁରମି କିଲ୍ ।

<sup>୨୯</sup> ଇଞ୍ଜା ଏମ୍ବାଆଁ ଦାରି ନିଚାମାଟି ଲକୁ ବାରେ ଇ ହାଡା ଖେଞ୍ଜାନା ଏଲେଇଚେରି, “ଇଦି ହାଗୁ ଗୁଣ୍ଡିମାନେ ।” ଅଡେ ଏଚକାତାରି ଏଲେଇଚେରି, “ଲାକପୁରୁତି ଦୁତୁ ଏଝାଣିତଲେ କାତା ଆହିମାନେ ।”

<sup>୩୦</sup> ଜୀସୁ ଏଲେଇଚେସି, “ଇ ହାଡା ନାଜେତାକି ଆହା ହିଲେଏ, ସାମା ଇ ହାଡା ମିଜେତାକି ଆହାମାନେ । <sup>୩୧</sup> ନୀର୍ବ ଇ ଦାର୍ତ ବିଚାରା କିନି ଦିନା; ନୀର୍ବ ଇ ଦାର୍ତତି ସାଲ୍ଝି କିନାଇ ଡଇ ମେଡପିଆନୁ । <sup>୩୨</sup> ନାନୁ ଏଚିବେଲା ଦାର୍ତତି ଲାକପୁରୁ ଅଝିଆଇଁ, ଏଚିବେଲା ବାରେତି ନା ତାଣା ରେଜା ଅଇଁ ।” <sup>୩୩</sup> ଏଝାସି ଏନିକ୍ ହାହାଲି ହାଜିମାନେସି, ଏଝାସି ଇ କାତାତା ଏଲେଇଚେସି ।

<sup>୩୪</sup> ଲକୁ ଏଝାଣାଇଁ ଏଲେଇଚେରି, “ମସିହା କାଟଲଏ ଡୟିନେସି ଇଞ୍ଜା ମାମ୍ବୁ ମସାତି ମୋରାତା ଖେଞ୍ଜାମାନମି, ଆତିହ୍ ମାଣ୍ସି ମୀରଏସି ଲାକ ପେରଝି ଆଢେସି ଇଞ୍ଜା ନାନୁ ଏନିକ୍

ଏଲେ ଇଞ୍ଜାମାଞ୍ଜି ? ଏ ମାଣ୍ସି ମୀରଏସି ଆମ୍ବାଆସି ?”

<sup>୩୫</sup> ଜୀସୁ ଏଝାରାଇଁ ଏଲେଇଚେସି, “ଅଡେ ଗାଡେକା ତାକି ଉଜେଡି ମୀ ତାଣା ମାନେ । ଆନ୍ଦେରି ମିଜେ ଏନିକ୍ ଗୁସ୍ତେଏ, ଏଦାଆଁତାକି ମୀ ତାଣା ଉଜେଡି ମାଞ୍ଜା ମାଞ୍ଜାନା ତାକାଦୁ; ଆମ୍ବାଆସି ଆନ୍ଦେରିତା ତାକିନେସି, ଏଝାସି ଆମ୍ବିୟା ହାଜିମାନେସି ପୁଞ୍ଜାଲି ଆଡଅସି । <sup>୩୬</sup> ମୀରୁ ଏନିକ୍ ଉଜେଡିତି ମୀରକା ମାସ୍କା ଆବେରି, ଏଦାଆଁତାକି ଉଜେଡି ମୀ ତାଣା ମାଞ୍ଜା ମାଞ୍ଜାନା ଉଜେଡିତା ନାମାଦୁ ।” ଜୀସୁ ଇ ବାରେ କାତା ଖେସାନା ହାଚେସି ଇଞ୍ଜା ଏଝାରି ତାଣାଟି ଡଗୁନା ଡୟିଚେସି ।

ଲକୁ ନାମାଆ ଗାଚାୟି

<sup>୩୭</sup> ଏଝାରି ନକିତା ଏଚେକା କାବାଆନି କାମାୟା କିହାମାଚେସି, ଆଡିଜିକେଏ ଏଝାରି ଏଝାଣି ତାଣା ନାମା ହିଲାଆଚେରି, <sup>୩୮</sup> ଏନିକ୍ ମାହାପୁରୁ ଅଣ୍ପୁତି ବଲୁ ଖେହ୍ନି ଜିସାୟ ତାଣାଟି ରାଚାମାନି କାତା ପୁରା ଆନେ,

“ପୁରୁ ମା ହାଡା ଖେଞ୍ଜାନା ଆମ୍ବାଆସି ନାମା ମାନେସି ? ଆମ୍ବାଆରି ତାଣା ପୁରୁ ତାନି ବାଡୁୟୁ ତସାମାନେସି ?”

<sup>୩୯</sup> ଇଦାଆଁତାକି ଏଝାରି ନାମାଲି ଆଡିହିଲାଆଚେରି, ଇଞ୍ଜା ଜିସାୟ ଏଲେଇଞ୍ଜାମାଚେସି,

<sup>୪୦</sup> ସାଚେଏ ମାହାପୁରୁ ଏଝାରି କାଣ୍ଡକା କାଣା କିହାମାନେସି ।

ଏଦାଆଁତାକି ଏଝାରି ହିୟାତା ଏନାଆଁ ମେସାଲି ଆଡଅସି, ଇଞ୍ଜା ହିୟାତା ଏନାଆଁ ଡେଲହାଲି ଆଡଅସି

ମାହାପୁରୁ ଏଲେଇଞ୍ଜା ମାନେସି,

“ନେହ୍ ଆହାଲିତାକି ଏଝାରି ନା ତାଣା ଖେଣ୍ଡା ଖାହିଲଅରି ।”

<sup>୪୧</sup> ଜିସାୟ ଜୀସୁ କ୍ରୀସ୍ତତି ଗାଝୁରମି ମେସ୍ତେସି ଏଦାଆଁତାକି ଏଝାସି ଏଝାଣି କାତା ଖେସ୍ତେସି ।

<sup>୪୨</sup> ଆଡିଜିକେଏ ଜୀହୁଦି ଲକୁତି କାଜାରି ହାଚେକା ଏଝାଣି ତାଣା

ନାମିତେରି, ସାମା ଏଚେତା ଜୀହୁଦି କୁଲମିଟି ପେରହାନେରି ଇଞ୍ଜି ପାରୁସିୟା ଆଜିତାକି ବାରେଜାଣା ଏ କାତାବାର୍ତ୍ତା ଆହି ହିଲାଆତେରି, ୪୩ ଇତିହି ଏଞ୍ଜାରି ମାହାପୁରୁ ତାଣାଟି ଗାଞ୍ଜୁରମି କିହାଁ ମାଣସିୟା ତାଣାଟି ଗାଞ୍ଜୁରମି ଜୀହୁ ନହିମାଚେରି ।

ମାଣସିୟା ତାଣାଟି ଜୀହୁତି କାତା ବିଚାରା କିନାୟି

୪୪ ଜୀହୁ କାଜା ଗିୟାତଲେ ଏଲେଇଚେସି, “ଆମ୍ବାଆସି ନା ତାଣା ନାମିନେସି, ଏଞ୍ଜାସି ନା ତାଣା ନାମଅସି, ସାମା ନାଜେ ପାଣ୍ଡାତାଣାଇଁ ନାମିନେସି; ୪୫ ଆମ୍ବାଆସି ନାଜେ ମେସ୍ତାନେସି, ଏଞ୍ଜାସି ନାଜେ ପାଣ୍ଡାତାଣାଇଁ ମେହନେସି । ୪୬ ଆମ୍ବାଆସି ନା ତାଣା ନାମିନେସି, ଏଞ୍ଜାସି ଏନିକି ଆନ୍ଦେରିତା ବାସା କିଅସି, ଏଦାଆଁତାକି ନାନୁ ଦାରୁତିତା ଉଜେଡ଼ି ଆହାନା ଖାହାମାଇଁ । ୪୭ ଆମ୍ବାଆସି ନା ବଲୁ ଖେଞ୍ଜାନା ମାନୁଞ୍ଜି ଆଅସି, ଆତିହିଁ ନାନୁ ଏଞ୍ଜାଣି ବିଚାରା କିଅଁ; ଇତିହିଁ ନାନୁ ଦାରୁତିତା ବିଚାରା କିହାଲି ଖାଆନା ଦାରୁତିତି ଗେଲପାଲି ଖାହାମାଇଁ । ୪୮ ଆମ୍ବାଆସି ନାଜେ ଅପଅସି ଅଡେ ନା ବଲୁତି ଆବଅସି, ନାନୁ ଏମିନି ବଲୁ ଜଲମାଇଁ, ନା ଗୁତିତି ବଲୁ ତାୟୁତି ଦିନାତା ଏଞ୍ଜାଣି ବିଚାରା କିନେ; ୪୯ ଇତିହିଁ ନାନୁ ନା ତାଣାଟି ଜଲ୍ଲା ହିଲଅଁ, ସାମା ନାନୁ ଏନାଆଁ ଜଲିଇଁ ଅଡେ ଏନାଆଁ ଖେକଇଁ, ଏଦାଆଁ ନାଜେ ପାଣ୍ଡାମାଞ୍ଜାନି ଆବା ହୁକୁମି ହାହାମାଞ୍ଜାନେସି ୫୦ ଇଞ୍ଜା ନାନୁ ପୁଞ୍ଜାମାଇଁ ତାନି ହୁକୁମି କାଲାକାଲାତି ଜୀହୁ ହାନେ । ନା ଆବା ନାଜେ ଏନାଆଁ ଜଲ୍ଲାଲି ହୁକୁମି ହାହାମାଞ୍ଜାନେସି, ଖାରଇ ଏଲେକିହିଁ ଏ ଖେହଇଁ ।”

**୧୩**

ଜୀହୁ ସୀୟୁୟା କତାୟା ନରନାୟି

୧ ପିସପିଆନି ପାର୍ବୁ ନକେଏ ଜୀହୁ ଇ ଦାରୁତିତି ଆବା ତାଣା ହାନି କାରୁ

ଆହାଲିଏ, ଦାରୁତିତା ମାନି ତାନି ଲକୁଣି ଏଞ୍ଜାସି ଜୀହୁ ନହିଁ ମାଚେସି, ଏଞ୍ଜାରାଇଁ ହାରେକା ଜୀହୁ ନନାଣି ତସାମାଚେସି ।

୨ ଜୀହୁ ତାନି ସୀୟୁୟା ତଲେ ଲାଆଁୟାଁ ତିନି ବେଲାତା ସୟତାନ ସିମନ ମୀର୍ଏସି ଇସ୍ତାରିୟତ ଜୀହୁଦା ହିୟାତା ଜୀହୁଇଁ ସାତୁ କେୟୁତା ହେରପାଲି ଅଣ୍ଡପି କିହାମାଚେ । ୩ ଏତିବେଲା ଆବା ତାନି କେୟୁତା ବାରେ ହେରପା ମାନେସି ଅଡେ ଏଞ୍ଜାସି ମାହାପୁରୁ ତାଣାଟି ଖାହାମାନେସି, ଅଡେ ମାହାପୁରୁ ତାଣା ହାଜିମାନେସି, ୪ ଇଦାଆଁ ପୁଞ୍ଜାନା ରାନ୍ଦା ତିନି ତାଣାଟି ନିଜ୍ଜାନା, ତାନି ହିମ୍ବୁରି ଇତିତେସି ଇଞ୍ଜା ର ତୁଞ୍ଜାଲା ତାନି ଚେତେଲିତା ରୂପା କଡିତେସି । ୫ ତାୟୁ ଏଞ୍ଜାସି ମୁତାତା ଏୟୁ କଡିତେସି, ଅଡେ ସୀୟୁୟାତି କତାୟା ନରହାନା ତାନି ଚେତେଲିତା ମାନି ତୁଞ୍ଜାଲା ତଲେ ଜେଜାଲି ମାଟ୍‌ହେସି । ୬ ଏତିବେଲା ଜୀହୁ ସିମନ ପିତର ଦାରିତା ଖାଡେସି; ଏଞ୍ଜାସି ଏଞ୍ଜାଣାଇଁ ଏଲେଇଚେସି, “ପ୍ରବୁ ନାନୁ ନା କତାୟା ନରହି ମାଞ୍ଜାଦି ?”

୭ ଜୀହୁ ଏଞ୍ଜାଣାଇଁ ଏଲେଇଚେସି, “ନାନୁ ଏନାଆଁ କିହିମାଇଁ ନାନୁ ନୀର୍ଏ ଏଦାଆଁ ପୁଞ୍ଜାଲି ଆଡଅତି, ତାୟୁ ପୁଞ୍ଜି ।”

୮ ପିତର ଏଲେଇଚେସି, “ଆଏ, ନା କତାୟା ଏଚେଲାଖା ନରହଅତି ।” ସାମା ଜୀହୁ ଏଲେଇଚେସି, “ନାନୁ ନୀ କତାୟା ନରହାଆତିହିଁ ନାନୁ ଅଡେ ନା ସୀୟୁ ଆୟାଲି ଆଡଅତି ।”

୯ ସିମନ ପିତର ଏଲେଇଚେସି, “ପ୍ରବୁ, ଆତିହିଁ କତାୟା ଏନାଆଁକି, ନା କେସ୍ତା ଅଡେ ତାୟୁଁ ଜୁକେଏ ନରହାମୁ ।”

୧୦ ଜୀହୁ ଏଞ୍ଜାଣାଇଁ ଏଲେଇଚେସି, “ଆମ୍ବାଆସି ଏୟୁ ମାହାମାନେସି, ଏଞ୍ଜାଣି କତାୟା ନରନି କିହାଁ ଏନାୟି ଲଡ଼ା ହିଲେଏ, ମୀରୁ ଅବଞ୍ଜି ଆହାମାଞ୍ଜେରି; ସାମା ବାରେଜାଣା ଆଏ ।” ୧୧ ଇତିହିଁ ଆମ୍ବାଆସି ଏଞ୍ଜାଣାଇଁ ସାତୁୟାଁ କେୟୁତା ହେରପିନେସି ଜୀହୁ ତଲିଏ ଏଞ୍ଜାଣାଇଁ ପୁଞ୍ଜାମାଚେସି; ଏଦାଆଁତାକି ଏଞ୍ଜାସି

ଏଲେଇରେସି, “ମୀରୁ ବାରେଜାଣା ଅଟ୍ଟି ଆହାହିଲଅରି ।”

୧୭ \*ତାୟୁ ଜୀୟୁ ଏଞ୍ଜାରି କତାୟାଁ ନରହାନା ତାନି ହିମ୍ବୁରି ପରହାନା ଖେଣ୍ଡେ ତିଞ୍ଜାଲି କୁଗିତେସି ଇଞ୍ଜାଁ ଖେରେସି, “ନାନୁ ମିଙ୍ଗେ ତାକି ଏନାଆଁ କିହାମାଲ୍ ମୀରୁ ପୁଞ୍ଜାଲି ଆଡିତେରି କି ? ୧୩ ମୀରୁ ନାଙ୍ଗେ ଗୁରୁ ଇଞ୍ଜାଁ ହାଡ଼ିମାଞ୍ଜାଦେରି, ଏଡ଼ି ସାତା; ଇଚିହଁ ନାନୁ ଏଞ୍ଜାତେର୍ସ । ୧୪ ମୀ ଗୁରୁ ଅଡ଼େ ପ୍ରବୁତେର୍ସ ନାନୁ, ନାନୁ ମୀ କତାୟାଁ ନରହାନାଞ୍ଜାଲ୍ ଆଡିହଁ ମୀରୁ ଜିକେଏ ରଅତେରି ରଅଣି କତାୟାଁ ନରନାୟି ମାନେ । ୧୫ ଇଚିହଁ ନାନୁ ମିଙ୍ଗେତାକି ଏନିକଁ କିହାମାଲ୍ ମୀରୁ ଜିକେଏ ଏଲେକିହଁ କିଦୁ, ଇଦାଆଁତାକି ଇଦାଆଁ ତସାମାଞ୍ଜାଲ୍ । ୧୬ \*ସାତା ସାତା ନାନୁ ମିଙ୍ଗେ ଖେସିମାଞ୍ଜାଲ୍, ହଲେଏସି ତାନି ସାଞ୍ଜୁକାରି କିହାଁ କାଜାସି ଆଏ, ଅଡ଼େ ପାଣ୍ଡୁଞ୍ଜି ଆଡାସି ତାନି ପାଣ୍ଡିତାଣା କିହାଁ କାଜାସି ଆଏ । ୧୭ ମୀରୁ ଇ ବାରେ ପୁଞ୍ଜାନା ଏଲେକଁ କିଦେରି ଇଚିହଁ ମୀରୁ ନେହାଁତେରି ।”

୧୮ “ନାନୁ ମୀ କାତା ଖେସିହିଲଅଁ; ଏନିଲେହେଡି ଲକୁଣି ନାନୁ ଆଡାମାଲ୍, ଏ କାତା ନାନୁ ପୁଞ୍ଜାମାଲ୍; ସାମା ଦାମ୍ ପତିତି ଇ ବଲୁ ଏନିକଁ ପୁରା ଆନେ, ଇଦାଆଁତାକି ଇ ବାରେ ଆହିମାନେ, ‘ଆମ୍ବାଆସି ନା କାଡ଼ି ତିନେସି ଏଞ୍ଜାସି ନା କପାଟି ନିଙ୍ଗିତେସି ।’ ୧୯ ଏଡ଼ି ଗଟ୍ଟି ଆନାଟି ନାନୁ ଏଞ୍ଜାତେର୍ସ ଇଞ୍ଜାଁ ମୀରୁ ନାମିଦେରି, ଏଦାଆଁତାକି ଗଟ୍ଟି ଆନି ନକେଏ ନାନୁ ମିଙ୍ଗେ ଖେସିମାଞ୍ଜାଲ୍ । ୨୦ \*ସାତା ସାତା ନାନୁ ମିଙ୍ଗେ ଖେସିମାଞ୍ଜାଲ୍, ଆମ୍ବାଆସି ନା ତାଣାଟି ପାଣ୍ଡୁଞ୍ଜି ଆଡାଣାଲ୍ ଆବିନେସି, ଏଞ୍ଜାସି ନାଙ୍ଗେ ଆବାନେସି, ଅଡ଼େ ଆମ୍ବାଆସି ନାଙ୍ଗେ ଆବାନେସି ଏଞ୍ଜାସି ନାଙ୍ଗେ ପାଣ୍ଡାତାଣାଲ୍ ଆବିନେସି ।”

ସାତୁୟାଁ କେୟୁତା ହେର୍ପିନି କାତା ଖେହନାୟି

(ମାତି ୨୬:୨୦-୨୫; ମାର୍କ ୧୪:୧୭-୨୧; ଲୁକ ୨୨:୨୧-୨୩)

୨୧ ଜୀୟୁ ଇ ବାରେ କାତା ଖେସି ତାୟୁ ଜୀୟୁତା ହାରେକା ଦୁକୁ ଆହାନା ବାରେତି ନକିତା ଖେକହେସି, “ନାନୁ ମିଙ୍ଗେ ସାତା ଖେସିମାଞ୍ଜାଲ୍ ମୀ ବିତ୍ରାଟି ରଅସି ନାଙ୍ଗେ ସାତୁୟାଁ କେୟୁତା ହେର୍ପାନେସି ।”

୨୨ ଏଞ୍ଜାସି ଆମ୍ବାଆରି କାତା ଏଲେଇରେସି, ପୁନାଆନା କାବାଆହାନା ସୀୟୁୟାଁ ତାମ୍ବୁତାମ୍ବୁ ସିନିକିଞ୍ଜି ଆଡେରି । ୨୩ ଏଞ୍ଜାରି ବିତ୍ରାଟି ଏମିନି ସୀୟୁଲ୍ ଜୀୟୁ ହାରେକା ଜୀୟୁ ନହଁମାରେସି, ଏଞ୍ଜାସି ଜୀୟୁତି ଚିଃନିଞ୍ଜାକି କୁଗାନା ତିଞ୍ଜିମାଡେସି । ୨୪ ସିମନ ପିତର ଏଞ୍ଜାଣାଲ୍ କେୟୁତଲେ ଏଲେଇରେସି, “ଏଞ୍ଜାସି ଆମ୍ବାଆରି କାତା ଏଲେଇଞ୍ଜି ମାନେସି, ଏଦାଆଁ ଖେଞ୍ଜୁ ।”

୨୫ ଏ ସୀୟୁ ଅଡ଼େ ତାଗେ ଆହାନା ଜୀୟୁଲ୍ ଖେରେସି, “ଏଞ୍ଜାସି ଆମ୍ବାଆସି ପ୍ରବୁ ।”

୨୬ ଜୀୟୁ ଏଲେଇରେସି, “ଇ ରୁଟି ଗିନାତା କୁଡି କିହାନା ହାଲ୍ ଏଞ୍ଜାସି ।” ଏଲେଇଞ୍ଜାନା ଜୀୟୁ ରୁଟି ଗିନାତା କୁଡି କିହାନା ସିମନ ମୀରୁଏସି ଇସ୍ପାରିୟତ ଜୀହୁଦାକି ହୀତେସି । ୨୭ ରୁଟି ରୀସାଲିଏ ସୟତାନା ଏଞ୍ଜାଣି ହିୟାତା ହଟେ । ଏଚେଟିଏ ଜୀୟୁ ଏଲେଇରେସି, “ଏନାଆଁ କିନାୟିମାନେ ତବେ କିମ୍ବୁ ।” ୨୮ ଜୀୟୁ ଏଞ୍ଜାଣାଲ୍ ଇ କାତା ଏନାଆଁତାକି ଏଲେଇରେସି ଏଟକାତାରି ଆମ୍ବାଆରି ପୁଞ୍ଜାଲି ଆଡାଆତେରି । ୨୯ ଜୀହୁଦା କେୟୁତା ଟାକାୟାଁ ମଣା ମାତାକି, ପାର୍ବୁତାକି ଏନା ଏନାଆଁ ଲଡାମାନେ, ଏଦାଆଁ କତାଲି ଆଆତଁ କାକୁଲି ଗାଟାରାକି ହୀହାଲିତାକି ଜୀୟୁ ଏଞ୍ଜାଣାଲ୍ ଏଲେଇରେସି ଇଞ୍ଜାଁ ଆମ୍ବା ଆମ୍ବାଆରି ଅଣ୍ଡପିତେରି ।

\* ୧୩:୧୨ ୧୩:୧୨ ଲୁକ ୨୨:୨୭    \* ୧୩:୧୭ ୧୩:୧୭ ମାତି ୧୦:୨୪; ଲୁକ ୬:୪୦; ଜହ ୧୫:୨୦    \* ୧୩:୨୦ ୧୩:୨୦ ମାତି ୧୦:୪୦; ମାର୍କ ୯:୩୭; ଲୁକ ୯:୪୮; ୧୦:୧୭

୩୦ ରୁଚି ତିଜ୍ଞାନା ଜୀହ୍ଵଦା ଏ ଦେବୁଣିଏ ପାଙ୍ଗାତା ହାଚେସି, ଏଚେତା ଲାଆଁୟା ଆହାମାଚେ ।

ପୁଃନି ମେରା

୩୧ ଜୀହ୍ଵଦା ପାଙ୍ଗାତା ହାଜାଲିଏ ଜୀସୁ ଏଲେଇଚେସି, “ନୀଏଁ ମାଣସି ମୀରଏସି ଗାଝୁରମି ଆନ୍ତି ବେଲା ଖାହାମାନେ; ଅଡେ ତାନିତାଣାଟି ମାହାପୁରୁ ଗାଝୁରମି ଆନେସି । ୩୨ ମାହାପୁରୁ ମାଣସି ମୀରଏଶା ତାଣାଟି ଗାଝୁରମି ଆଡିହୁଁ, ମାହାପୁରୁ ତାନୁଏ ଗାଝୁରମିଟି ମାଣସି ମୀରଏଶାଲ୍ ଗାଝୁରମି କିନେସି । ତବେ ଏଝାଣାଲ୍ ଗାଝୁରମି କିହାଲି ହାଜିମାନେସି । ୩୩ \*କକାଚେରି ନାନୁ ଅଡେ ଗାତି ଦିନା ଡୟଅଁ, ମୀରୁ ନାଙ୍ଗେ ପାରାଦେରି, ସାମା ନାନୁ ଆମ୍ବିୟା ହାଜିମାଲ୍ ମୀରୁ ଏମ୍ବାଆଁ ହାଜାଲି ଆଡଅଚେରି, ଈ କାତା ଜୀହ୍ଵଦି ଲକ୍ଵତି କାଜାରାଲ୍ ଏଲେଇଞ୍ଜା ମାଚେଏଁ ଏଲେକିହୁଁ ମିଙ୍ଗେ ଜିକେଏ ଝେସିମାଞ୍ଜାଲ୍ । ୩୪ \*ମୀରୁ ରଅଚେରି ରଅଣାଲ୍ ଜୀହ୍ଵନଦୁ, ଈ ପୁଃନି ମେରା ମିଙ୍ଗେ ହାହିମାଞ୍ଜାଲ୍; ନାନୁ ଏନିକ୍ ମିଙ୍ଗେ ଜୀହ୍ଵନହାମାଞ୍ଜାଲ୍, ମୀରୁ ଜିକେଏ ଏଲେକିହୁଁଏ ରଅଚେରି ରଅଣାଲ୍ ଜୀହ୍ଵନଦୁ । ୩୫ ମୀ ତାଣା ରଅସି ରଅଣାଲ୍ ଜୀହ୍ଵନନାୟି ମାନେ, ଆତିହୁଁ ମୀରୁ ନା ସୀସୁୟାଚେରି, ଈ କାତା ବାରେଜାଣା ପୁନେସି ।”

ପିତର ପୁଞ୍ଜାହିଲଅଁ ଇନି କାତା ତଲିଏ ଝେହ୍ନାୟି

(ମାତି ୨୭:୩୧-୩୫; ମାର୍କ ୧୪:୨୭-୩୧; ଲୁକ ୨୨:୩୧-୩୪)

୩୬ ସିମନ ପିତର ଏଝାଣାଲ୍ ଝେଚେସି, “ପ୍ରବୁ ନାନୁ ଆମ୍ବିୟା ହାଜିମାଞ୍ଜି ?”

ଜୀସୁ ଏଲେଇଚେସି, “ନାନୁ ଆମ୍ବିୟା ହାଜିମାଲ୍, ନାନୁ ନୀଏଁ ନା ଜେତ ଜେତ ହାଜାଲି ଆଡଅତି, ସାମା ତାୟୁ ହାଜି ।”

୩୭ ପିତର ଏଝାଣାଲ୍ ଏଲେଇଚେସି, “ପ୍ରବୁ ନୀଏଁ ନାନୁ ଏନାଆଁକି ହାଜାଲି

ଆଡଅଁ ? ନାନୁ ନୀ ତାକି ନା ଜୀହ୍ଵ ଜିକେଏ ହାଲ୍ ।”

୩୮ ଜୀସୁ ଏଲେଇଚେସି, “ଏନାଆଁ ନାନୁ ନା ତାକି ନୀ ଜୀହ୍ଵ ହାଦି ? ନାନୁ ମିଙ୍ଗେ ସାତା ଝେସିମାଞ୍ଜାଲ୍, କୟୁ କେଶିଆ ନକେଏ ନୀନୁ ନାଙ୍ଗେ ତାନିପାଲି ପୁଞ୍ଜାହିଲଅଁ ଇଞ୍ଜି ଇଞ୍ଜାଦି ।”

୧୪

ଜୀସୁ ଜିରୁ, ସାତା ଅଡେ ଜୀହ୍ଵ  
୧ “ମୀ ହିୟାଁ ଆତାଜାକା ଆଆପେ; ମୀରୁ ମାହାପୁରୁ ତାଣା ନାମାଦୁ, ଅଡେ ନା ତାଣା ଜିକେଏ ନାମାଦୁ । ୨ ନା ଆବାତି ଇଜ ହାଚେରକା ବାସାଟାୟୁ ମାନେ; ବାସାଟାୟୁ ହିଲଆତିହୁଁମା ନାନୁ ମିଙ୍ଗେ ଝେସ୍ତାଆଚେଏଁମା, ନାନୁ ମିଙ୍ଗେତାକି ଟାୟୁ ତିୟାରା କିହାଲି ହାଜିମାଲ୍; ୩ ଅଡେ ନାନୁ ହାଜାନା ମିଙ୍ଗେତାକି ଟାୟୁ କେପିତି ତାୟୁ, ଝେଣ୍ଡେ ଝାଲ୍, ଅଡେ ନାନୁ ଆମ୍ବିୟା ମାଲ୍, ମୀରୁ ଜିକେଏ ଏନିକ୍ ଏ ଟାୟୁତା ଡୟଦେରି, ଏଦାଆଁତାକି ମିଙ୍ଗେ ଏ ଟାୟୁତା ଅହୁଁ ହାଜାଲ୍ । ୪ ନାନୁ ଆମ୍ବିୟା ହାଜିମାଲ୍ ଏ ଜିରୁ ପୁଞ୍ଜାମାଞ୍ଜେରି ।”

୫ ତମା ଏଲେଇଚେସି, “ପ୍ରବୁ, ନାନୁ ଆମ୍ବିୟା ହାଜିମାଞ୍ଜି, ମାମ୍ ପୁଞ୍ଜାହିଲଅମି, ଏମ୍ବିୟା ହାଜି ଏ ଜିରୁଚି ଏନିକ୍ ପୁନମି ?”

୬ ଜୀସୁ ଏଲେଇଚେସି, “ନାନୁ ଜିରୁ, ସାତା ଅଡେ ଜୀହ୍ଵଚେଏଁ; ନା ତାଣାଟି ତାକାଆସାରେ ଆମ୍ବାଆସି ଆବା ତାଣା ହାଜାଲି ଆଡଅସି । ୭ ମୀରୁ ନାଙ୍ଗେ ପୁଞ୍ଜାତିହୁଁମା, ନା ଆବାଲ୍ ଜିକେଏ ପୁଚେରିମା; ନୀଏଁ ଜିକେଏ ଏଝାଣାଲ୍ ପୁଞ୍ଜିମାଞ୍ଜେରି ଅଡେ ଏଝାଣାଲ୍ ମେସାମାଞ୍ଜେରି ।”

୮ ପିଲିପ ଏଝାଣାଲ୍ ଏଲେଇଚେସି, “ପ୍ରବୁ, ମାଙ୍ଗେ ଆବାଲ୍ ତସ୍ତାୟୁ, ଏଚେକେଏ ମାଙ୍ଗେତାକି ସାରି ।”

୯ ଜୀସୁ ଏଲେଇଚେସି, “ପିଲିପ ଇଚର ଦିନା ନାନୁ ମୀ ତଲେ ଡୟାମାଲ୍,

\* ୧୩:୩୩ ୧୩:୩୩ ଜହ ୭:୩୪      \* ୧୩:୩୪ ୧୩:୩୪ ଜହ ୧୫:୧୨,୧୭; ୧ଜହ ୩:୨୩; ୨ଜହ ୧:୫

ମୀରୁ ଏନାଆଁ ନାଙ୍ଗେ ପୁଞ୍ଜାଆତେରି ? ଆମ୍ବାଆସି ନାଙ୍ଗେ ମେସାମାଞ୍ଜାନେସି ଏଞ୍ଜାସି ଆବାଇଁ ମେସାମାନେସି; ମାଙ୍ଗେ ଆବାଇଁ ତସ୍ତାମୁ ଇଞ୍ଜୁଁ ଏନିକଁ ଏଲେ ଇଞ୍ଜିମାଞ୍ଜି ? ୧୦ ନାନୁ ଆବା ତାଣା ଅଡେ ଆବା ନା ତାଣା ମାନେସି, ଇ କାତା ଏନାଆଁ ମୀରୁ ନାମିହିଲଅତେରି ? ନାନୁ ମିଙ୍ଗେ ଏମିନି କାତା ଖେସିମାଞ୍ଜାଇଁ, ଏ ବାରେ ନା ତାଣାଟି ଖେସିମାଞ୍ଜାଅଁ, ସାମା ଆବା ନା ତାଣା ମାଞ୍ଜାନା ତାନି କାମା କିହିମାନେସି । ୧୧ ନାନୁ ଆବା ତାଣା ମାଇଁ ଅଡେ ଆବା ନା ତାଣା ମାନେସି ଇ କାତା ନାମାଦୁ, ଆଆତ କାମାଟି ମେସାନା ନାମାଦୁ । ୧୨ ନାନୁ ମିଙ୍ଗେ ସାତା ଖେସିମାଞ୍ଜାଇଁ, ଆମ୍ବାଆସି ନା ତାଣା ନାମିନେସି, ନାନୁ ଏନି ଏନି କାମା କିହିମାଇଁ, ଏଞ୍ଜାସି ଜିକେଏ ଏ ବାରେ କିନେସି, ଅଡେ ଏ ବାରେକିହାଁ ହାରେକା କାଜା କାମା କିନେସି, ଇତିହଁ ନାନୁ ଆବା ତାଣା ହାଜିମାଇଁ । ୧୩ ଆବା ଏନିକଁ ମୀରୁଏଣା ତାଣା ଗାଞ୍ଜୁରମି ଆନେସି, ଏଦାଆଁତାକି ମୀରୁ ନା ଦରୁଟି ଏନାଆଁ ରାହୁଦେରି, ଏ ବାରେ ନାନୁ ହିୟାଇଁ । ୧୪ ମୀରୁ ନା ଦରୁଟି ଏନାଆଁ ନାଙ୍ଗେ ରାସ୍ତାଦେରି, ନାନୁ ମିଙ୍ଗେ ଏ ବାରେ ହିୟାଇଁ ।”

ସୁଦୁଜୀଞ୍ଜୁତି ହୀହାଲି ଆଞ୍ଜିନାୟି

୧୫ “ମୀରୁ ନାଙ୍ଗେ ଜୀଞ୍ଜୁନହଁ ମାଞ୍ଜାଦେରି, ଆତିହଁ ନା ହୁକୁମି ମାନଞ୍ଜି ଆଦୁ । ୧୬ ଅଡେ ନାନୁ ନା ଆବାଇଁ ବାତିମାଲିଇଁ, ଅଡେ ମୀ ତଲେ କାଟ୍ଲେଏ ତୟାଲି ତାକି ଏଞ୍ଜାସି ମିଙ୍ଗେ ଅଡେ ର ସାୟେମି କିନାଣାଇଁ, ୧୭ ଇତିହଁ ଏ ସାତା ଜୀଞ୍ଜୁତି ହିୟାନେସି । ଦାରୁତି ଏଦାଣି ଆବାଲି ଆଡେଏ, ଇତିହଁ ଦାରୁତି ଏଦାଣି ମେସା ହିଲେଏ କି ପୁଞ୍ଜା ହିଲେଏ; ମୀରୁ ଏଦାଣି ପୁଞ୍ଜାମାଞ୍ଜେରି, ଇତିହଁ ଏଦି ମୀ ତଲେ ମାନେ, ଅଡେ ଏଦି ମୀ ହିୟାତା ତୟିନେ ।”

୧୮ “ନାନୁ ମିଙ୍ଗେ କାମା କିହା ହାଜଅଁ, ନାନୁ ମୀ ତାଣା ଖେଣ୍ଡା ଖାଇଁ ।

୧୯ ଗାଡେକା ଜେତ ଦାରୁତି ଅଡେ ନାଙ୍ଗେ ମେସାଲି ଆଡେଏ; ସାମା ମୀରୁ ନାଙ୍ଗେ ମେସ୍ତାଦେରି, ଇତିହଁ ନାନୁ ନୀତାମାଇଁ, ଅଡେ ମୀରୁ ଜିକେଏ ନୀତାନା ତୟିଦେରି । ୨୦ ନାନୁ ନା ଆବା ତାଣା ଅଡେ ମୀରୁ ନା ତାଣା ଅଡେ ନାନୁ ମୀ ତାଣା ତୟିଇଁ, ଇଦାଆଁ ଏ ଦିନା ମୀରୁ ପୁଞ୍ଜେରି ।”

୨୧ “ଆମ୍ବାଆସି ନା ହୁକୁମି ଆବାହାଁ ମାନଞ୍ଜି ଆନେସି, ଏଞ୍ଜାସି ନାଙ୍ଗେ ଜୀଞ୍ଜୁ ନୟାନେସି, ଅଡେ ଆମ୍ବାଆସି ନାଙ୍ଗେ ଜୀଞ୍ଜୁ ନୟାନେସି, ନା ଆବା ଏଞ୍ଜାଣାଇଁ ଜୀଞ୍ଜୁ ନନେସି, ଅଡେ ନାନୁ ଏଞ୍ଜାଣାଇଁ ଜୀଞ୍ଜୁ ନଇଁ ଅଡେ ଏଞ୍ଜାଣି ତାଣା ତସ୍ତାକତିଇଁ ।”

୨୨ ଜୀହୁଦା\* ଏଞ୍ଜାଣାଇଁ ଏଲେଇତେସି, “ଏ ପ୍ରବୁ, ଏନାଆଁ ଆଡେ, ନୀନୁ ଦାରୁତିତା ନିଙ୍ଗେ ତସ୍ତା କତାଆନା ମା ତାଣା ତସିମାଞ୍ଜାଦି ?”

୨୩ ଜୀସୁ ଏଞ୍ଜାଣାଇଁ ଏଲେଇତେସି, “ଆମ୍ବାଆସି ନାଙ୍ଗେ ଜୀଞ୍ଜୁ ନୟାନେସି ଆତିହଁ ଏଞ୍ଜାସି ନା ବଲୁତି ମାନଞ୍ଜି ଆନେସି, ଅଡେ ନା ଆବା ଏଞ୍ଜାଣାଇଁ ଜୀଞ୍ଜୁ ନନେସି, ଅଡେ ନାନୁ ଏଞ୍ଜାଣି ତାଣା ଖାହାନା ଏଞ୍ଜାଣିତଲେ ବାସା କିଇଁ ।

୨୪ ଆମ୍ବାଆସି ନାଙ୍ଗେ ଜୀଞ୍ଜୁ ନୟଅସି, ଏଞ୍ଜାସି ନା ବଲୁତି ମାନଞ୍ଜି ଆଅସି, ଅଡେ ମୀରୁ ଏମିନି ବଲୁ ଖେଞ୍ଜାମାଞ୍ଜେରି, ଏଦି ନାଦି ଆଏ, ସାମା ନାଙ୍ଗେ ପାଣ୍ଡାମାଞ୍ଜାନି ଆବା ମାହାପୁରୁଞ୍ଜାୟି ।”

୨୫ “ନାନୁ ମୀ ତାଣା ମାଞ୍ଜା ମାଞ୍ଜାନା ମିଙ୍ଗେ ଇ କାତା ଖେସ୍ତାତେଏଁ । ୨୬ ସାମା ଏ ସାୟେମି କିନାୟି, ଇତିହଁ ଏମିନି ସୁଦୁଜୀଞ୍ଜୁ ଆବା ନା ଦରୁଟି ହିୟାନେସି, ଏଦି ମିଙ୍ଗେ ବାରେ ଜାପୁହାନେ, ଅଡେ ନାନୁ ମିଙ୍ଗେ ଏନା ଏନାଆଁ ଖେସାମାଞ୍ଜାଇଁ, ଏ ବାରେ ମିଙ୍ଗେ ଅଣ୍ଡପି କିୟାନେ ।”

୨୭ “ନାନୁ ମିଙ୍ଗେ ହିଡଡି ହୀହାନା ହାଜିମାଇଁ, ନା ହିଡଡି ମିଙ୍ଗେ ଦାନା କିହିମାଞ୍ଜାଇଁ; ଦାରୁତି ଏନିକଁ ଦାନା କିନେ ନାନୁ ମିଙ୍ଗେ ଏଲେକଁ ଦାନା

\* ୧୪:୨୨ ୧୪:୨୨ ଇସ୍ପାରିୟତ ଜୀହୁଦା ଆଏ

କହିଲୁଥାଁ, ମୀ ହିୟାଁ କିଲିବିଲି ଅଡେ ଆଜି ଗାଟାୟି ଆଆପେ । ୨୮ ନାନୁ ହାଜିମାଲ୍ ଅଡେ ମୀ ତାଣା ଖେଣ୍ଡା ଖାଲ୍, ଇ ନା କାତା ଖେଞ୍ଜାମାଞ୍ଜେରି । ମୀରୁ ନାଞେ ଜୀଝୁ ନୟାତିହୁଁମା, ନାନୁ ନା ଆବା ତାଣା ହାଜିମାଲ୍ ଇଞ୍ଜୁ ରାହାଁ କିତେରିମା, ଇତିହୁଁ ଆବା ନା କିହାଁ କାଜାସି । ୨୯ ଏନାୟି ବାରେ ଗଟଞ୍ଜି ଆନାୟି ମାନେ, ଏ ନବେକଏ ନାନୁ ମିଞେ ଖେସ୍ତାତେଏ । ଏ ବାରେ ଗଟଞ୍ଜି ଆଡ଼ିସାରେ ମୀରୁ ନାଞେ ନାମାଦେରି । ୩୦ ନାନୁ ମୀ ତଲେ ହାରେକା କାତା ଆୟଥାଁ, ଇତିହୁଁ ଦାରତିତି ସାଲୁଞ୍ଜି କିନାୟି ଖାହିମାନେ; ଅଡେ ନା ତାଣା ତାନିଖାୟି ଏନାୟି ହିଲେଏ; ୩୧ ସାମା ଆବା ନାଞେ ଏନିକ୍ ହୁକୁମି ହାହାମାଞ୍ଜାନେସି, ଏଲେକିହୁଁ ନାନୁ କାମା କିଲ୍ । ଆତିହୁଁ ନାନୁ ଆବାଇ ଜୀଝୁ ନହୁଁମାଲ୍ ଇଞ୍ଜୁ ଦାରତି ପୁନେ ।”

“ଖାବୁ ମାର, ଇମ୍ବାଟି ହାନ ।”

**୧୫**

ଜୀସୁ ସାତା ଅଞ୍ଜୁରି ମାଡ଼ା

୧ “ନାନୁ ସାତା ଅଞ୍ଜୁରି ମାଡ଼ା, ଅଡେ ନା ଆବା କାମାକିନାସି । ୨ ନା ତାଣା ମାନି ଏମିନି କମା ପାଡେଡ଼ୟି ଆୟେଏ, ଏଦାନି ଏଝାସି ଟୁଣ୍ଡାହାଡୁହୁନେସି; ଅଡେ ଏମିନି କମା ପାଡେଡ଼ୟି ଆୟିନେ, ଗାଡି ପାଡେଡ଼ୟି ଆୟାଲି ତାକି ଜାଡୁନୁ କିନେସି । ୩ ନାନୁ ମିଞେ ଏମିନି ବଲୁ ଖେସାମାଞ୍ଜାଲ୍, ଏଦାଆଁତାକି ଜାଡୁନୁ ଆହାମାଞ୍ଜେରି । ୪ ନା ତାଣା ଡୟାଦୁ ଆତିହୁଁ ନାନୁ ମୀ ତାଣା ଡୟିଲ୍ । କମା ଏନିକ୍ ଅଞ୍ଜୁରି ମାଡ଼ାତା ଡୟାଆସାରେ ତାନିତାଣାଟି ପାଡେଡ଼ୟି ଆୟାଲି ଆଡେଏ, ଏଲେକିହୁଁଏ ମୀରୁ ଜିକେଏ ନା ତାଣା ଡୟାଆସାରେ ପାଡେଡ଼ୟି ଆୟାଲି ଆଡ଼ଅତେରି ।”

୫ “ନାନୁ ଅଞ୍ଜୁରି ମାଡ଼ା ମୀରୁ କମାୟାଁ, ଆମ୍ବାଆସି ନା ତାଣା ଡୟିନେସି ଅଡେ ନାନୁ ଆମ୍ବାଆରି ତାଣା ଡୟିଲ୍,

ଏଝାସି ହାରେକା ପାଡେଡ଼ୟି ଆୟିନେସି; ଇତିହୁଁ ନା ପିସ୍ପେ ମୀରୁ ଏନାଆଁ କିହାଲି ଆଡ଼ଅତେରି । ୬ ଆମ୍ବାଆସି ନା ତାଣା ଡୟଅସି, ଆତିହୁଁ ଏଝାସି କମା ଲେହେ ପାଞାତା ମେଡ଼ପି ଆନେସି ଅଡେ ଖାୟା ହାନେସି, ଇଞ୍ଜା ଲକୁ ଏଝାଆଁ କୁଡ଼ି କିହାନା ହିରୁତା ମେଡ଼ନେରି ଅଡେ ଏଞ୍ଜି ବାରେ ଖେହାହାନୁ । ୭ ମୀରୁ ନା ତାଣା ଡୟିଦେରି, ଅଡେ ନା ବଲୁ ମୀ ତାଣା ଡୟିନେ, ଆତିହୁଁ ମୀରୁ ଏନାଆଁ ମନ କିଦେରି, ଏଦାଆଁ ରୀହୁଦୁ, ଆତିହୁଁ ଏଡ଼ି ମିଞେତାକି କିଞ୍ଜିଆନେ । ୮ ମୀରୁ ହାରେକା ପାଡେଡ଼ୟି ଆୟିସାରେ ନା ଆବା ଗାଝୁରମି ଆନେସି, ଅଡେ ମୀରୁ ନା ସାତା ସୀସୁ ଆଦେରି । ୯ ଏନିକ୍ ଆବା ନାଞେ ଜୀଝୁ ନହାଁମାଞ୍ଜାନେସି, ନାନୁ ଜିକେଏ ଏଲେକିହୁଁଏ ମିଞେ ଜୀଝୁନହାଁମାଞ୍ଜାଲ୍; ନା ଜୀଝୁ ନଝୁତା ତାରିଆହାନା ଡୟାଦୁ । ୧୦ ନାନୁ ଏନିକ୍ ନା ଆବାତି ହୁକୁମି ମାନଞ୍ଜି ଆହାନା ତାନି ଜୀଝୁ ନଝୁତା ତାରିଆହାନା ଡୟିମାଲ୍, ଏଲେକିହୁଁଏ ମୀରୁ ଜିକେଏ ନା କାତା ମାନଞ୍ଜି ଆଦେରି, ଆତିହୁଁ ନା ଜୀଝୁ ନଝୁତା ତାରିଆହାନା ଡୟିଦେରି ।”

୧୧ “ଏନିକ୍ ନା ରାହାଁ ମୀ ତାଣା ଡୟିନେ, ଅଡେ ମୀ ରାହାଁ ଏନିକ୍ ପୁରାଆନେ, ଏଦାଆଁତାକି ଇ ବାରେ ମିଞେ ଖେସ୍ତାତେଏ । ୧୨ ନାନୁ ଏନିକ୍ ମିଞେ ଜୀଝୁନହାଁମାଞ୍ଜାଲ୍, ମୀରୁ ଜିକେଏ ଏଲେକିହୁଁଏ ରଅଡେରି ରଅଣାଲ୍ ଜୀଝୁନଦୁ, ଇଦି ନା ହୁକୁମି । ୧୩ ଜାହାରା ତଣେସିଞା ତାକି ଜୀଝୁହୀନି କିହାଁ ଅଡେ କାଜା ଜୀଝୁନନାୟି ହିଲେଏ । ୧୪ ନାନୁ ମିଞେ ଆମିନି ହୁକୁମି ହାହାମାଞ୍ଜାଲ୍, ଏଦାଆଁ ମୀରୁ ମାନଞ୍ଜି ଆଦେରି ଆତିହୁଁ ମୀରୁ ନା ତଣେସିଞା । ୧୫ ନାନୁ ମିଞେ ଅଡେ ହଲେଏସି ଇଞ୍ଜୁ ମାଞ୍ଜାଥାଁ, ଇତିହୁଁ ସାଝୁକାରି ଏନାଆଁ କିନେସି, ହଲେଏସି ଏଦାଆଁ ପୁନଅସି, ସାମା

\* ୧୫:୧୨ ୧୫:୧୨ ଜହ ୧୩:୩୪; ୧୫:୧୭; ୧ଜହ ୩:୨୩; ୨ଜହ ୧:୫

ନାନୁ ମିଙ୍ଗେ ତଟେ ଇଞ୍ଜିମାଞ୍ଜାଇଁ, ଇତିହଁ ନାନୁ ନା ଆବା ତାଣାଟି ଏନା ଏନାଆଁ ଖେଞ୍ଜାମାଞ୍ଜାଇଁ, ଏ ବାରେ ମିଙ୍ଗେ ଖେସାମାଞ୍ଜାଇଁ । ୧୭ ମୀରୁ ନାଙ୍ଗେ ଆବା ମାଞ୍ଜଅତେରି, ସାମା ନାନୁ ମିଙ୍ଗେ ଆବାମାଞ୍ଜାଇଁ, ଅଡ଼େ ମୀରୁ ଏନିକଁ ପାଡ଼େୟି ଆୟାଲି ଆଡ଼ିଦେରି ଅଡ଼େ ମୀ ପାଡ଼େୟି ତାରିଆହାନା ତୟିନେ, ଏଦାଆଁତାକି ମିଙ୍ଗେ ଆବାମାଞ୍ଜାଇଁ । ଏତେଟିଏ ମୀରୁ ନା ଦରୁତଲେ ଆବାଇଁ ଏନାଆଁ ରୀହଦେରି ଏଞ୍ଜାସି ମିଙ୍ଗେ ହିୟାନେସି । ୧୭ ମୀରୁ ଏନିକଁ ରଅତେରି ରଅଣାଇଁ ଜୀଝୁ ନଡ଼େରି, ଏଦାଆଁତାକି ନାନୁ ଇ ବାରେ ହୁକୁମି ହୀହିମାଞ୍ଜାଇଁ ।”

ଦାରୁତି ଅପାଆଗାଗାୟି

୧୮ “ଦାରୁତି ମିଙ୍ଗେ ଅପେଏ, ଆଡ଼ିହଁ ମିଙ୍ଗେ ଅପାଆ ନକେଏ ନାଙ୍ଗେ ଅପାମାଞ୍ଜେଏ, ଇଦାଆଁ ପୁଞ୍ଜାମାଞ୍ଜୁ । ୧୯ ମୀରୁ ଦାରୁତିତାତେରି ଆହାମାଟିହଁମା, ଦାରୁତି ମିଙ୍ଗେ ନା ଲକୁ ଇଞ୍ଜଁ ପୁଞ୍ଜାନା ଜୀଝୁ ନୟାତେମା; ମୀରୁ ଦାରୁତିଟି ଖାହା ହିଲଅତେରି, ସାମା ନାନୁ ମିଙ୍ଗେ ଦାରୁତିଟି ଆବାମାଞ୍ଜାଇଁ, ଏଦାଆଁତାକି ଦାରୁତି ମିଙ୍ଗେ ଅପେଏ । ୨୦ ହଲେଏସି ସାଝୁକାରି କିହାଁ କାଜାସି ଆଏ, ନାନୁ ମିଙ୍ଗେ ଏମିନି ବଲୁ ଖେସାମାଞ୍ଜାଇଁ, ଏଦାଆଁ ଅଣପାଦୁ । ଏଞ୍ଜାରି ନାଙ୍ଗେ ସାସ୍ତି ହୀହାମାଞ୍ଜାନେରି, ଆଡ଼ିହଁ ମିଙ୍ଗେ ଜିକେଏ ସାସ୍ତି ହିୟାନେରି; ଅଡ଼େ ଏଞ୍ଜାରି ନା ବଲୁତି ମାନଞ୍ଜି ଆହାମାନେରି, ଆଡ଼ିହଁ ମୀ ବଲୁ ଜିକେଏ ମାନଞ୍ଜି ଆନେରି । ୨୧ ସାମା ଏଞ୍ଜାରି ନାଙ୍ଗେ ପାଣ୍ଡାତାଣାଇଁ ପୁଞ୍ଜାହିଲାଆକି, ନା ଦରୁ ତାକି ମିଙ୍ଗେ ଇ ବାରେ ଆନେ । ୨୨ ନାନୁ ଖାହାନା ଏଞ୍ଜାରାଇଁ ଖେହଅଡ଼ିହଁ, ଏଞ୍ଜାରି ପାପୁ ଗାଟାରି ଆଆତେରିମା; ସାମା ନୀଏଁ ଇ ପାପୁ ତାକି ଏନି ମିଟି କାତା ଖେସାଲି ଆଡ଼ଅରି ୨୩ ଆମ୍ବାଆସି

ନାଙ୍ଗେ ଅପଅସି, ଏଞ୍ଜାସି ନା ଆବାଇଁ ଜିକେଏ ଅପଅସି । ୨୪ ନାନୁ ଏଞ୍ଜାରିତାଣା ଏନି କାବାଆନି କାମା କିହାହିଲାଆତଁ, ଏଞ୍ଜାରି ପାପୁ ଗାଟାରି ଇଞ୍ଜଁ ଏଜିକିଞ୍ଜି ଆଆତେରିମା । ସାମା ନା ବାରେ କାମା ମେସାନା ଜିକେଏ ଏଞ୍ଜାରି ନାଙ୍ଗେ ଅଡ଼େ ନା ଆବାଇଁ ଅପାହିଲଅରି । ୨୫ ସାମା ଏଞ୍ଜାରି ନାଙ୍ଗେ ଉଜେଏ ଅପାମାଞ୍ଜଅରି, ମସା ମେରାତା ରାସ୍ତି ଆହାମାନାୟି ଏନିକଁ ପୁରା ଆନେ ଇଦାଆଁତାକି ଇ ବାରେ ଆହିମାନେ ।”

୨୬ “ଆବା ତାଣାଟି ନାନୁ ମୀ ତାଣା ଏମିନି ସାୟେମି କିନାଣି ପାଣ୍ଡାଇଁ, ଆବା ତାଣାଟି ଖାନି ଏ ସାତା ଜୀଝୁ ଖାଡ଼ିହଁ ନା କାତା ସାକି ହିୟାନେ; ୨୭ ମୀରୁ ଜିକେଏ ନା କାତାତାକି ସାକି ହୀଦେରି, ଇତିହଁ ମୂଲୁଟିଏ ମୀରୁ ବାରେ ନା ତଲେ ମାଚେରି ।”

୧୭

୧ “ମୀ ନାମୁତି ଏନିକଁ ପିହଅତେରି, ଇଦାଆଁତାକି ଇ ବାରେ କାତା ଖେସାମାଞ୍ଜାଇଁ । ୨ ଏଞ୍ଜାରି ମିଙ୍ଗେ କୁଲମିଟି ହପହାନେରି, ଇଲେତି ଦିନା ଖାହିମାନେ, ଏତେତା ଆମ୍ବାଆସି ମିଙ୍ଗେ ପାୟାନେସି, ଏଞ୍ଜାସି ମାହାପୁରୁ ତାକି ଜହରାତି ପୂଜା କିହିମାଇଁ ଇଞ୍ଜଁ ଅଣପିନେସି । ୩ ଲକୁ ଇ ବାରେ କିୟାନେରି, ଇତିହଁ ଏଞ୍ଜାରି ଆବା ଆଆତଁ ନାଙ୍ଗେ ପୁଞ୍ଜାମାଞ୍ଜଅରି । ୪ ଇ ବାରେ ଗଟଞ୍ଜି ଆଡ଼ିସାରେ, ନାନୁ ମିଙ୍ଗେ ଖେସାମାଞ୍ଜାତେଏଁ ଇ କାତା ମୀରୁ ଏନିକଁ ଅଣପିଦେରି, ଇଦାଆଁତାକି ଇ ବାରେ କାତା ମିଙ୍ଗେ ଖେସାମାଞ୍ଜାଇଁ । ନାନୁ ମୀ ତଲେ ମାତାକି ମୂଲୁଟିଏ ଇ ବାରେ କାତା ମିଙ୍ଗେ ଖେସାମାଞ୍ଜଅଁ ।”

ସୁଦୁଜୀଝୁତି କାମା

୫ “ସାମା ନାନୁ ନୀଏଁ ନା ପାଣ୍ଡାତାଣା ତାଣା ହାଜିମାଇଁ, ଅଡ଼େ ମୀରୁ ଆମ୍ବିୟା ହାଜିମାଞ୍ଜି ଇଞ୍ଜଁ ମୀ ବିତ୍ତାଟି ଆମ୍ବାଆତେରି ନାଙ୍ଗେ ଖେଞ୍ଜି ମାଞ୍ଜଅତେରି । ୬ ସାମା ନାନୁ ଇ

\* ୧୫:୨୦ ୧୫:୨୦ ମାତି ୧୦:୨୪; ଲୁକ ୭:୪୦; ଜହ ୧୩:୧୭



ବାରେ କାତା ୱେସାମାଞ୍ଜାନାକି ମୀ ହିୟାଁ ହାରେକା ଦୁକୁ ଆହିମାନେ । ୭ ସାମା ନାନୁ ମିଙ୍ଗେ ସାତା ୱେସିମାଞ୍ଜାଇଁ, ନାନୁ ହାନାୟି ମିଙ୍ଗେତାକି ନେହେଁ, ଇଚିହଁ ନାନୁ ହାଲାଆସାରେ ଏ ସାୟେମି କିନାୟି ମୀ ତାଣା ୱାଏ, ସାମା ନାନୁ ହାଚିସାରେ ଏଦାଣି ମୀ ତାଣା ପାଣ୍ଡାଇଁ । ୮ ଏଦି ୱାହାନା ପାପୁ, ଦାମ୍ନୁ ଅଡେ ମାହାପୁରୁତି ବିଚାରାତି କାତା ଇ ଦାରତି ଲକୁଣି ୱେହ୍ନେ; ୯ ପାପୁତି କାତା, ଇଚିହଁ ଏଝାରି ନା. ତାଣା ନାମା ହିଲଅରି; ୧୦ ଦାମ୍ନୁତି କାତା, ଇଚିହଁ ନାନୁ ଆବା ତାଣା ହାଜିମାଇଁ ମୀରୁ ଅଡେ ନାଙ୍ଗେ ମେସୁଅତେରି; ୧୧ ବିଚାରାତି କାତା, ଇଚିହଁ ଇ ଦାରତି ସାଲୁଝି କିନାରି ବିଚାରା କିଝି ଆହାମାନେରି ।”

୧୨ “ମିଙ୍ଗେ ନାନୁ ଅଡେ ହାରେକା କାତା ୱେସ୍ତାନାୟିମାନେ, ସାମା ନୀଏଁ ମୀରୁ ଏ ବାରେ ଅରହାଲି ଆଡ଼ଅତେରି ୧୩ ସାମା ସାତାତି ଜୀଝୁ ୱାଡ଼ିସାରେ, ଏଦି ବାରେ ସାତାତି ତେଲହାଲି ବାଡ଼ୟୁ ହିୟାନେ, ଏଦି ମିଙ୍ଗେ ଜିରୁ ତସାନା ତାନିତାଣାଟି ଏନାଆଁ ୱେହ୍ଏ, ମାହାପୁରୁ ତାଣାଟି ଏନା ଏନାଆଁ ୱେଞ୍ଜାମାନେ ୱାରିଇ ଏଚେକେଏ ୱେହ୍ନେ, ଅଡେ ଏନାୟି ଆହାଲି ହାଜିମାନେ ଏଦାଆଁ ଏଦି ୱେସ୍ତାନେ । ୧୪ ଏଝାସି ନାଙ୍ଗେ ଗାଝୁରମି କିୟାନେସି, ଇଚିହଁ ନା. ତାଣାଟି ବାରେ କାତା ପୁଞ୍ଜାନା ଏଦି ଏଦାଆଁ ମୀ ତାଣା ୱେସ୍ତାନେ । ୧୫ ଏନା ଏନାୟି ଆବାଝାୟି, ଏ. ବାରେ ନାଦି; ଇଦାଆଁତାକି ନାନୁ ଏଲେଇଞ୍ଜାତେଏଁ, ଏଝାସି ନା. କାତା ଅହାନା ମିଙ୍ଗେ ୱେସ୍ତାନେସି ।”

ଦୁକୁ ଅଡେ ରାହାଁ

୧୬ “ଗାଡେକା ଜେତ ମୀରୁ ଅଡେ ନାଙ୍ଗେ ମେସୁଅତେରି, ସାମା ଏଚରଦିନା ଜେତ ମେସ୍ତାଦେରି ।”

୧୭ ଏଚେଟିଏ ତାନି ସୀସୁୟାଁ ବିତ୍ରାଟି ଆମ୍ବା ଆମ୍ବାଆରି ଏଲେଇଚେରି, “ଗାଡେକା ଜେତ ନାଙ୍ଗେ ମେସୁଅତେରି, ଅଡେ ଏଚରଦିନା ହାଚି ତାୟୁ ନାଙ୍ଗେ ମେସ୍ତାଦେରି, ନାନୁ ଆବା ତାଣା

ହାଜିମାଇଁ, ଏଝାସି ଏମିନି କାତା ମାଙ୍ଗେ ୱେସ୍ତାତେସି, ଇଦି ଏନାୟି ?” ୧୮ ଏଝାରି ଏଲେଇଚେରି, “ଗାଡେକା ଇଞ୍ଜି ଏନାଆଁ ଏଲେଇଞ୍ଜି ମାନେସି ? ଏଝାସି ଏନାଆଁ ଏଲେଇଞ୍ଜି ମାନେସି ମାମ୍ନୁ ତେଲହାଲି ଆଡ଼ିହିଲଅମି ।”

୧୯ ସୀସୁୟାଁ ତାଙ୍ଗ ୱେଞ୍ଜାଲି ଅଣ୍ଡିମାନେରି ଇଞ୍ଜି ପୁଞ୍ଜାନା ଜୀସୁ ଏଝାରାଇଁ ଏଲେଇଚେସି, “ଗାଡେକା ଜେତ ନାଙ୍ଗେ ମେସୁଅତେରି, ଅଡେ ଏଚରଦିନା ହାଚି ତାୟୁ ନାଙ୍ଗେ ମେସ୍ତାଦେରି, ନାନୁ ଇ ଏମିନି କାତା ମିଙ୍ଗେ ୱେସ୍ତାତେଏଁ, ଏ. କାତାତାକି ଏନାଆଁତାକି ମୀରୁ ବାଦିବାଦା ଆହିମାଞ୍ଜେରି ? ୨୦ ନାନୁ ମିଙ୍ଗେ ସାତା ୱେସିମାଞ୍ଜାଇଁ, ମୀରୁ ଦୁକୁଆହଁ ଡୀଦେରି, ସାମା ଦାରତି ରାହାଁ କିନେ; ମୀରୁ ଦୁକୁ ଆଦେରି, ସାମା ମୀ ଦୁକୁ ରାହାଁତା ଡିରି ମୀଣ୍ଡନେ । ୨୧ ଜାନି କିନି ବେଲା ୱାଡ଼ିସାରେ ଇୟା ଦୁକୁ ବେଗାଆନ୍ଦେ; ସାମା ଏଦି କକାଣାଇଁ ଜାନି କିତି ତାୟୁ ଦାରତିତା ର. ମାଣ୍ଡସି ଜାନି ଆହାମାନେସି, ଇ ରାହାଁତାକି କସ୍ତୁତି ଅଣ୍ଡେଏଦେଁ । ୨୨ ଏଲେକିହଁଏ ମୀରୁ ନୀଏଁ ଦୁକୁ ବେଗାଆହିମାଞ୍ଜେରି, ସାମା ନାନୁ ଅଡେ ୱେଣ୍ଡେ ମିଙ୍ଗେ ତଞ୍ଜା ଆୟାଇଁ, ଅଡେ ମୀ ହିୟାଁ ରାହାଁ ଆନ୍ଦେ ଅଡେ ଆମ୍ବାଆସି ମୀ ତାଣାଟି ମୀ ରାହାଁ ମୀଞ୍ଜା ଅୟସି ।”

୨୩ “ଏ ଦିନା ମୀରୁ ନାଙ୍ଗେ ଏନାଆଁ ୱେଞ୍ଜଅତେରି । ନାନୁ ମିଙ୍ଗେ ସାତା ୱେସିମାଞ୍ଜାଇଁ, ମୀରୁ ଆବାଇଁ ଏନାଆଁ ରାହ୍ଦେରି, ଏଝାସି ନା. ଦରୁତଲେ ମିଙ୍ଗେ ହିୟାନେସି । ୨୪ ନୀଏଁ ପାତେକା ନା. ଦରୁତଲେ ଏନାଆଁ ରାସା ହିଲଅତେରି; ରାହ୍ଦୁ, ଏନିକିଁ ମୀ ରାହାଁ ଗାତି ଆନ୍ଦେ, ଏଦାଆଁତାକି ମୀରୁ ଏଦାଆଁ ବେଗାଆଦେରି ।”

ଦାରତିତା ଜୀଶା ଆନାୟି

୨୫ “ନାନୁ ମିଙ୍ଗେ ପୁଣ୍ଡିକିନି କାତାତଲେ ଇ ବାରେ ୱେସାମାଞ୍ଜାଇଁ;

ଦିନା ଖାହିମାନେ, ଏତିବେଲା ନାନୁ ଅଡ଼େ ପୁଣ୍ଡିକିନି କାତାତଲେ ମିଙ୍ଗେ ଖେପୁଅଁ, ଆବାତି କାତା ତୀରେତଲେ ଖେପୁଇଁ । ୨୭ ଏ ଦିନା ମୀରୁ ନା ଦରୁତଲେ ରାହ୍‌ଦେରି; ଅଡ଼େ ନାନୁ ମୀ ଖାକିଟି ଆବାଇଁ ବାତିମାଲିଇଁ, ଇ କାତା ନାନୁ ମିଙ୍ଗେ ଖେସିମାଞ୍ଜିଅଁ; ୨୮ ଇଚିହଁ ଆବା ତାନୁଏ ମିଙ୍ଗେ ଜୀଝୁ ନହଁମାଞ୍ଜାନେସି, ମୀରୁ ନାଙ୍ଗେ ଜୀଝୁନହଁ ମାଞ୍ଜାଦେରି ଅଡ଼େ ନାନୁ ମାହାପୁରୁ ତାଣାଟି ଖାହାମାଇଁ, ଏଦାଆଁ ମୀରୁ ନାମାମାଞ୍ଜେରି । ୨୯ ନାନୁ ଆବା ତାଣାଟି ଦାରତିତା ଖାହାମାଇଁ; ଦାରତି ପିସାନା ଖେଣ୍ଡେ ଆବା ତାଣା ହାଜିମାଇଁ ।”

୨୯ ଇ ହାଡ଼ା ଖେଞ୍ଜାନା ସୀସୁୟାଁ ଏଝାଣାଇଁ ଏଲେଇଚେସି, “ନୀଏଁ ନାନୁ ପୁଣ୍ଡିକିନି କାତା ଲେମ୍ବାଆନା ତୀରେତଲେ ଖେସିମାଞ୍ଜି । ୩୦ ନାନୁ ବାରେ କାତା ପୁଞ୍ଜାମାଞ୍ଜି, ଆମ୍ବାଆସି ନିଙ୍ଗେ ଖେଞ୍ଜାନାୟି ଲଡ଼ା ହିଲେଏ, ଏଦାଆଁ ନୀଏଁ ମାମ୍ବୁପୁଚିନି; ମାହାପୁରୁ ତାଣାଟି ଖାହାମାଞ୍ଜି ଇଞ୍ଜି ମାମ୍ବୁ ଛୁ କାତା ନାମି ମାନମି ।”

୩୧ ଜୀସୁ ଏଝାରାଇଁ ଏଲେଇଚେସି, “ମୀରୁ ଏନାଆଁ ନୀଏଁ ନାମିମାଞ୍ଜେରି ? ୩୨ ମେହ୍‌ଦୁ ଦିନା ଖାହିମାନେ, ଏ ବେଲା ଖାଡେୟିଏ, ଏତିବେଲା ମୀରୁ ଇତାଲା ଆତାଲା ଆହାନା ବାରେଜାଣା ଜାହାରା ଇଜ ହାଜେରି, ଅଡ଼େ ନାଙ୍ଗେ ରଅତେଏଁ କିୟାଦେରି; ଆଡ଼ିଜିକେଏ ନାନୁ ରଅତେଏଁ ଆଏ, ଇଚିହଁ ଆବା ନା ତଲେ ମାନେସି । ୩୩ ମୀରୁ ଏନିକଁ ନା ତାଣାଟି ହିଡ଼ଡ଼ି ବେଟାଆଦେରି, ଏଦାଆଁତାକି ନାନୁ ମିଙ୍ଗେ ଇ ବାରେ କାତା ଖେସାମାଞ୍ଜାଇଁ । ଦାରତିତା ମିଙ୍ଗେତାକି ହାରେକା ସାସ୍ତି ମାନେ, ସାମା ସାସା ଆହ୍‌ଦୁ; ଇଚିହଁ ନାନୁ ଦାରତିତି ଜୀଣା ଆହାମାଇଁ ।”

କିନାୟି  
୯ ଜୀସୁ ଇ ବାରେ କାତା ଏଲେଇଞ୍ଜା ଲାକପୁରୁ ଖାକି ସିନିକିହାନା ଏଲେଇଚେସି, “ଆବା, ବେଲା ଆଡେୟିଏ; ନୀ ମୀରଏଣାଇଁ ଗାଝୁରମି କିମ୍ପୁ, ଏନିକଁ ମୀରଏସି ନିଙ୍ଗେ ଗାଝୁରମି କିୟାନେସି । ୧ ନାନୁ ଏଝାଣାଇଁ ବାରେ ମାଣସି କୂଡାତି ମୁହେଁ ଅଦିକାରା ହୀହାମାଞ୍ଜି । ଅଡ଼େ ଆମ୍ବାଆରାଇଁ ଏଝାଣି କେୟୁତା କାଲାକାଲାତି ଜୀଝୁ ହୀହାଲିତାକି ହେର୍‌ପାମାଞ୍ଜି ଏଝାଣାକି ବାଡ଼ୁୟୁ ହୀହାମାଞ୍ଜି । ୩ ଅଡ଼େ ରଣ୍ଡିଏ ସାତା ମାହାପୁରୁତି ନାନୁ, ନିଙ୍ଗେ ଅଡ଼େ ନୀ ତାଣାଟି ପାଣ୍ଡୁଆହାମାନି ଜୀସୁ କ୍ରୀସୁଇଁ ପୁନାୟି ଆହିମାନେ କାଲାକାଲାତି ଜୀଝୁ । ୪ ନାନୁ ନାଙ୍ଗେ ଏମିନି କାମା କିହାଲି ହୀହାମାଞ୍ଜାଦି, ଏଦାଆଁ ନାନୁ ରାପୁହାନା ଦାରତିତା ନିଙ୍ଗେ ଗାଝୁରମି କିହାମାଞ୍ଜାଇଁ । ୫ ଏ ଆବା ଦାରତି ଗାଡ଼ି ଆଆ ନକେଏ ନୀ ତଲେ ନା ଏମିନି ଗାଝୁରମି ମାଚେ, ଏମ୍ବାଟି ନାନୁ ନାଙ୍ଗେ ନୀ ତଲେ ଗାଝୁରମି କିୟାମୁ ।”

୬ “ନାନୁ ନାଙ୍ଗେ ଦାରତି ବିତ୍ରାଟି ଏମିନି ଲକୁଣି ନାଙ୍ଗେ ହୀହାମାଞ୍ଜାଦି, ନାନୁ ନୀ ଦରୁ ଏଝାରି ନକିତା ତସାମାଇଁ; ଏଝାରି ନୀ ଲକୁ ମାଚେରି ଅଡ଼େ ନାନୁ ଏଝାରାଇଁ ନାଙ୍ଗେ ହୀହାମାଞ୍ଜାତି, ଏଝାରି ନୀ ବଲୁତି ମାନଡ଼ି ଆହାମାନେରି । ୭ ନାନୁ ନାଙ୍ଗେ ଏନା ଏନାଆଁ ହୀହାମାଞ୍ଜାଦି, ଏ ବାରେ ନୀ ତାଣାଟି ଖାହାମାନେ, ଇଦାଆଁ ନୀଏଁ ଏଝାରି ପୁଞ୍ଜାମାନେରି । ୮ ଇଚିହଁ ନାନୁ ନାଙ୍ଗେ ହୀହାମାଞ୍ଜାନି ବଲୁ ନାନୁ ଏଝାରାକି ହୀହାମାଇଁ, ଅଡ଼େ ଏଝାରି ଆବା ମାନେରି ଇଞ୍ଜା ନାନୁ ନୀ ତାଣାଟି ଖାହାମାଇଁ, ଏଦାଆଁ ସାତା ତଲେ ପୁଞ୍ଜାମାନେରି, ଅଡ଼େ ନାନୁ ନାଙ୍ଗେ ପାଣ୍ଡାମାଞ୍ଜାଦି ଇଞ୍ଜି ଏଝାରି ନାମାମାନେରି ।”

୯ “ନାନୁ ଏଝାରି ତାକି ପ୍ରାତାନା କିହିମାଇଁ; ଦାରତି ତାକି ପ୍ରାତାନା କିହିଲଅଁ, ସାମା ନାନୁ ନାଙ୍ଗେ ଏମିନି

୧୭

ଜୀସୁ ତାନି ସୀସୁୟାଁକି ପ୍ରାତାନା

ଗାଟାରାଇଁ ହାହାମାଞ୍ଜାଦି, ଏଞ୍ଜାରି ତାକି ପ୍ରାତାନା କିହିମାଇଁ, ଇତିହ ଏଞ୍ଜାରି ନୀ ଲକ୍ଷୁ; ୧୦ ଏନା ଏନାୟି ନାଦି ମାନେ ଏ ବାରେ ନୀଦି, ଅଡ଼େ ଏନା ଏନାୟି ନୀଦି ମାନେ, ଏ ବାରେ ନାଦି ଅଡ଼େ ଏଞ୍ଜାରି ତାଣାଟି ନାନୁ ଗାଞ୍ଜୁରମି ଆହିମାଇଁ । ୧୧ ନାନୁ ଅଡ଼େ ଇ ଦାରତିତା ଡ଼ୟିହିଲଅଁ, ସାମା ଇଞ୍ଜାରି ଦାରତିତା ଡ଼ୟିମାନେରି, ଇଞ୍ଜା ନାନୁ ନୀ ତାଣା ଖାହିମାଇଁ; ସୁଦୁଗାଟି ଆବା ଆମିନି ଗାଟାରାଇଁ ନୀ ଦରୁତି ବାଡ଼ୟୁ ତଲେ ନାଙ୍ଗେ ହେରପା ମାଞ୍ଜାଦି ଏଞ୍ଜାରାଇଁ ଗେଲ୍‌ପାମ୍, \* ନାନୁ ଅଡ଼େ ନାନୁ ଏନିକ ଏରଣ୍ଡିଏ ଆହାମାନାୟି ଏଲେକିହ ଏ ଏଞ୍ଜାରାଇଁ ଜିକେଏ ରଣ୍ଡିଏ କିହାଲି ସାଢ଼େମି କିମ୍ । ୧୨ ଏଞ୍ଜାରିତଲେ ମାଟିବେଲତା ନାନୁ ଏଞ୍ଜାରାଇଁ ନୀ ଦରୁତଲେ ଗେଲ୍‌ପାମାଇଁ, ଆମିନି ଦରୁ ନାନୁ ନାଙ୍ଗେ ହାହାମାଞ୍ଜାଦି, ଅଡ଼େ ନାନୁ ଏଞ୍ଜାରାଇଁ ଜାଗ୍ରାତା ତଲେ ଗେଲ୍‌ପାମାଇଁ, † ଦାମ୍ ପତି ଏନିକ ଏପୁରା ଆନେ, ଏଦାଆଁତାକି ଏଞ୍ଜାରି ନାସା ଆନାୟି ମାଟି ଜିକେଏ, ରଅସି ଜିକେଏ ନାସା ଆହାହିଲଅସି । ୧୩ ସାମା ନୀଏଁ ନାନୁ ନୀ ତାଣା ଖାହିମାଇଁ, ଅଡ଼େ ଦାରତିତା ମାଞ୍ଜା ମାଞ୍ଜାନା ନା ରାହାଁତା ଏଞ୍ଜାରି ହିୟାଁ ଏନିକ ରାହାଁ ଆନେ, ଏଦାଆଁତାକି ନାନୁ ଇ ବାରେ କାତା ଖେସିମାଞ୍ଜାଇଁ । ୧୪ ନାନୁ ଏଞ୍ଜାରାକି ନୀ ବଲୁ ହାହାମାଇଁ, ଏଦାଆଁତାକି ଦାରତି ଏଞ୍ଜାରାଇଁ ଅପିହିଲେଏ, ନାନୁ ଏନିକ ଦାରତିଟି ଖାହାହିଲଅଁ ଏଞ୍ଜାରି ଜିକେଏ ଇ ଦାରତିତାରି ଆଏ । ୧୫ ନାନୁ ଏଞ୍ଜାରାଇଁ ଇ ଦାରତିଟି ଅହ ହାଲ୍‌ମା ଇଞ୍ଜ ବାତିମାଲି ମାଞ୍ଜଅଁ, ସାମା ଏଞ୍ଜାରାଇଁ ଲାଗେଏତି ପାନ୍ଦାଟି ଗେଲ୍‌ପାମ୍ ଇଞ୍ଜ ବାତିମାଲିମାଞ୍ଜାଇଁ । ୧୬ ନାନୁ ଏନିକ ଦାରତିଟି ଖାହାହିଲଅଁ, ଏଞ୍ଜାରି ଏଲେକ ଦାରତିଟି ଖାହାହିଲଅରି । ୧୭ ସାତା ତଲେ ଏଞ୍ଜାରାଇଁ ସୁଦୁ କିମ୍, ଇତିହ

ନୀ ବଲୁଏ ସାତା । ୧୮ ନାନୁ ଏନିକ ନାଙ୍ଗେ ଦାରତିତା ପାଣ୍ଡାମାଞ୍ଜାଦି, ନାନୁ ଜିକେଏ ଏଞ୍ଜାରାଇଁ ଦାରତିତା ପାଣ୍ଡାମାଇଁ । ୧୯ ଅଡ଼େ ଏଞ୍ଜାରି ଜିକେଏ ଏନିକ ସାତା ତଲେ ସୁଦୁ ଆନେରି, ଏଦାଆଁତାକି ନାନୁ ଏଞ୍ଜାରି ତାକି ନାଙ୍ଗେ ସୁଦୁ କିହିମାଇଁ ।”

୨୦ “ନାନୁ ଖାରଇ ଏଞ୍ଜାରି ତାକି ପ୍ରାତାନା କିହିହିଲଅଁ, ଏଞ୍ଜାରି ବଲୁ ଖେଞ୍ଜାନା ଆମ୍ବାଆସି ନା ତାଣା ନାମିନେସି, ଏଞ୍ଜାରି ତାକି ଜିକେଏ ପ୍ରାତାନା କିହିମାଇଁ । ୨୧ ଏନିକ ଏଞ୍ଜାରି ବାରେ ରଣ୍ଡିଏ ଆନେରି; ଏ ଆବା ନାନୁ ଏନିକ ନା ତାଣା ମାଞ୍ଜି ଅଡ଼େ ନାନୁ ନୀ ତାଣା ମାଇଁ, ଏଞ୍ଜାରି ଜିକେଏ ଏଲେକିହ ଏ ମା ତାଣା ଡ଼ୟାପେରି, ଏନିକ ନାନୁ ନାଙ୍ଗେ ପାଣ୍ଡାଟି ଇଞ୍ଜ ଦାରତି ନାମିନେ । ୨୨ ଅଡ଼େ ନାନୁ ନାଙ୍ଗେ ଏମିନି ଗାଞ୍ଜୁରମି ହାହାମାଞ୍ଜାଦି, ନାନୁ ଏଦାଆଁ ଏଞ୍ଜାରାକି ହାହାମାଇଁ, ମାର ଏନିକ ରଣ୍ଡିଏ ଏଞ୍ଜାରି ଏଲେକ ରଣ୍ଡିଏ ଆନେରି; ୨୩ ନାନୁ ଏନିକ ନା ତାଣା ନାନୁ ଏଲେକିହ ଏଞ୍ଜାରିତାଣା ଡ଼ୟିଇଁ । ଏନିକ ଏଞ୍ଜାରି ମାନ୍ତି ତଲେ ରଣ୍ଡିଏ ଆନେରି, ଇଞ୍ଜା ଦାରତି ପୁନେ କି ନାନୁ ନାଙ୍ଗେ ପାଣ୍ଡାମାଞ୍ଜାଦି, ନାଙ୍ଗେ ଏନିକ ଜାଞ୍ଜୁ ନହ ମାଞ୍ଜାଦି ଏଞ୍ଜାରାଇଁ ଜିକେଏ ଏଲେକିହ ଏ ଜାଞ୍ଜୁ ନହ ମାଞ୍ଜି ।”

୨୪ “ଏ ଆବା ! ନାନୁ ଏଞ୍ଜାରାଇଁ ନା କେୟୁତା ହାହାମାଞ୍ଜାଦି । ନାନୁ ଆମ୍ବିୟା ଡ଼ୟିଇଁ, ଏଞ୍ଜାରି ଜିକେଏ ଏନିକ ଏମ୍ବାଆଁ ଡ଼ୟିନେରି ଅଡ଼େ ଦାରତି ଗାଡ଼ି ଆଆ ନକେଏ ନାନୁ ନାଙ୍ଗେ ଜାଞ୍ଜୁ ନହାମାଞ୍ଜାନାକି ନାଙ୍ଗେ ଏମିନି ଗାଞ୍ଜୁରମି ହାହାମାଞ୍ଜାଦି, ନାଏ ଗାଞ୍ଜୁରମି ଏନିକ ଏଞ୍ଜାରି ମେସାଲି ଆଡ଼ିନେରି ଇଦି ନା ଅଣ୍ଡାପୁ । ୨୫ ଏ ଦାମ୍‌ଗାଟି ଆବା, ଦାରତି ନିଙ୍ଗେ ପୁଞ୍ଜାମାଞ୍ଜେଏ, ସାମା ନାନୁ ନିଙ୍ଗେ ପୁଞ୍ଜାମାଞ୍ଜାଇଁ; ଅଡ଼େ ନାନୁ

\* ୧୭:୧୧ ୧୭:୧୧ ଇ କାତା ପୁଞ୍ଜଇ ପତିତା ହିଲେଏ । † ୧୭:୧୨ ୧୭:୧୨ ଇ କାତା ପୁଞ୍ଜଇ ପତିତା ହିଲେଏ । \* ୧୭:୧୨ ୧୭:୧୨ ଇହ ୧୩:୧୮ † ୧୭:୧୨

ନାଈ ପାଶ୍ଚାତାନ୍ତାଦି, ଏଦାଆଁ ଇଞ୍ଜାରି ପୁଞ୍ଜାମାଞ୍ଜାନେରି; ୨୭ ନାନୁ ନାଈ ଏମିନି ଜୀଞ୍ଜୁ ନଞ୍ଜୁତି ଜୀଞ୍ଜୁ ନହାମାଞ୍ଜାଦି, ଏଦି ଏନିକ୍ ଏଞ୍ଜାରିତାଣା ତୁୟିନେ ଅଡ଼େ ନାନୁ ଏଞ୍ଜାରିତାଣା ତୁୟିଇ, ଏଦାଆଁତାକି ନାନୁ ଏଞ୍ଜାରିଇଁ ଶ୍ରେୟାମାଈଁ ଅଡ଼େ ଶ୍ରେୟଇଁ ।”

## ୧୮

ଜୀସୁ ସାତୁୟାଁ କେୟୁତା ହେରପି ଆନାୟି

(ମାତି ୨୭:୪୭-୫୨; ମାର୍କ ୧୪:୪୩-୫୦; ଲୁକ ୨୨:୪୭-୫୩)

୧ ଜୀସୁ ଇ ପ୍ରାତାନା ରାପହି ତାୟୁ ତାନି ସୀସୁୟାଁ ତଲେ କିଦ୍ରଣ କାତା ଆତାଲା ହାଚେରି, ଏମାଆଁ ର ବାଡ଼ା ମାଚେ, ଇଞ୍ଜାଁ ଏଞ୍ଜାସି ତାନି ସୀସୁୟାଁ ତଲେ ଏମାଆଁ ହଚେରି । ୨ ଏମିନି ଜୀହୁଦା ଏଞ୍ଜାଣାଇଁ ସାତୁୟାଁ କେୟୁତା ହେରପିତେସି, ଏଞ୍ଜାସି ଜିକେଏ ଏ ଚାୟୁତି ପୁଞ୍ଜାମାଚେସି, ଇତିହଁ ଜୀସୁ ହାରେକା ପାଲି ସୀସୁୟାଁ ତଲେ ଏ ଚାୟୁତା ହାଜାମାଚେସି ।

୩ ଏଦାଆଁତାକି ଜୀହୁଦା ଜାମାନାଈଁ ଇଞ୍ଜାଁ କାଜା ପୂଜେରା ଅଡ଼େ ପାରୁସିୟାଁ ତାଣାଟି ମାହାପୁରୁ ଇଲୁତି ଜାମାନାଈଁ ଲକୁ ଦୀଞ୍ଜୁ, ହିରୁ ବନ୍ଦାୟାଁ ଅଡ଼େ ଟେଙ୍ଗା ବାଲାୟାଁ ଆସାନା ଏମାଆଁ ଖାଚେରି ।

୪ ଏମାଟିଏ ଜୀସୁ ତାଈତାକି ଏନା ଏନାଆଁ ଆହାଲି ହାଜିମାନେ ଏ ବାରେ ପୁଞ୍ଜାନା, ନକିତା ହାଜାନା ଏଞ୍ଜାରିଇଁ ଶ୍ରେତେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି?”

୫ ଏଞ୍ଜାରି ଏଲେଇଚେରି, “ନାଜରିତତି ଜୀସୁ ।”

ଜୀସୁ ଏଞ୍ଜାରିଇଁ ଏଲେଇଚେସି, “ନାନୁ ଏଞ୍ଜାଚେସଁ?”

ଏମିନି ଜୀହୁଦା ଏଞ୍ଜାଣାଇଁ ସାତୁୟାଁ କେୟୁତା ହେରପିତେସି, ଏଞ୍ଜାସି ଜିକେଏ ଏଞ୍ଜାରିତଲେ ଏମାଆଁ ନିଚାମାଚେସି । ୬ ଜୀସୁ ଏଚିବେଲା ଏଞ୍ଜାରିଇଁ ଏଲେଇଚେସି, “ନାନୁ ଏଞ୍ଜାଚେସଁ”

ଏଚିବେଲା ଏଞ୍ଜାରି ତାୟୁଞ୍ଜାକି ଗୁଚା ଆହାନା ବୁମିତା ତରଗା ହାଚେରି । ୭ ଜୀସୁ ଶ୍ରେଣ୍ଡେ ଶ୍ରେଚେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି?” ଏଞ୍ଜାରି ଏଲେଇଚେରି, “ନାଜରିତତି ଜୀସୁଇଁ ।”

୮ ଜୀସୁ ଏଲେଇଚେସି, “ନାନୁ ଶ୍ରେୟାମାଞ୍ଜାଇଁ, ନାନୁ ଏଞ୍ଜାଚେସଁ । ମୀରୁ ନାଈ ପାରିମାଞ୍ଜାଦେରି ଇଚିହଁ ଇଞ୍ଜାରିଇଁ ପିହୁଦୁ । ୯ ଆମ୍ବାଆରାଇଁ ନାଈ ହାହାମାଞ୍ଜାଦି, ଏଞ୍ଜାରି ବିତ୍ରାଟି ରଥଣାଇଁ ଜିକେଏ ଜାକହା ହିଲଅଁ ।” ଏନିକ୍ ଦାମ୍ବୁ ପତିତି କାତା ସାତା ଆନେ ଏଦାଆଁତାକି ଏଲେ ଇଚେସି ।

୧୦ ସିମନ ପିତର ତାନି ତାଣା କାଣ୍ଡା ମାଚାକି ଏଞ୍ଜାସି କାଜା ପୂଜେରା ହଲେଏଣା ଚିଠିନି କିୟୁଁ ଦାଡ଼େସି, ଏଞ୍ଜାଣି ଦରୁ ମାଲକସ୍ । ୧୧ ଏଚେଟିଏ ଜୀସୁ ପିତରଇଁ ଏଲେଇଚେସି, “କାଣ୍ଡା, କାଣ୍ଡା ଇଚିନି ଚାୟୁତା ଇଚାମ୍ବୁ; ନାନୁ ଏନାଆଁ ଅଣ୍ଡିପିମାଞ୍ଜି, ଆବା ମାହାପୁରୁ ନାଈ ହାହାମାଞ୍ଜାନି ଦୁକୁତି ସଲୀତା ଗସାଲି ଆଡ଼ଅଁ କି?”

### ହାନାନ ନକିତା ଜୀସୁ

୧୨ ଏମାଟିଏ ରମିୟ କସକା, ଇଞ୍ଜାଁ ରିଜାରି କସକା ମୁହେଁ କାଜାସି, ଅଡ଼େ ଜୀହୁଦି ଲକୁତି କସକା ଜୀସୁଇଁ ଆସାନା ଦସ୍ପିତେରି । ୧୩ ଏଞ୍ଜାଣାଇଁ ଦସ୍ପାନା ମୂଲୁଏ ହାନାନ ତାଣା ଅଚେରି, ଇଚିହଁ ଏଞ୍ଜାସି ଏ ବାସୀତି କାଜା ପୂଜେରା କୟାପାତି ପଡ଼ଲେଏସି ମାଚେସି । ୧୪ ଏ କୟାପା ବାରେ ଲକୁ ତାକି ରଥସି ହାନାୟି ମିଙ୍ଗେ ତାକି ନେହେଁ ଇଞ୍ଜାଁ ଜୀହୁଦି ଲକୁଣି ଶ୍ରେୟାମାଚେସି ।

### ପିତର ଜୀସୁଇଁ ପୁଞ୍ଜାହିଲଅଁ ଇନାୟି

(ମାତି ୨୭:୬୯-୭୦; ମାର୍କ ୧୪:୬୭-୬୮; ଲୁକ ୨୨:୫୫-୫୯)

୧୫ ସିମନ ପିତର ଅଡ଼େ ର ସୀସୁ ଜୀସୁତି ଜେତ ଜେତ ହାଜିମାଚେରି । ଏ ସୀସୁ କାଜା ପୂଜେରା ତଲେ

\* ୧୮:୧୧ ୧୮:୧୧ ମାତି ୨୭:୩୯; ମାର୍କ ୧୪:୩୭; ଲୁକ ୨୨:୪୭

\* ୧୮:୧୪ ୧୮:୧୪ ଜହ ୧୧:୪୯, ୫୦

ପୁଣ୍ୟି ଆହାମାରେରି ଅଡ଼େ ଜୀସୁତଲେ କାଜା ପୂଜେରା ଆଂଗେଣିତା ହାଚେସି; ୧୭ ସାମା ପିତର ପାଙ୍ଗାତି ଦୁଖେରି ଦାରିତା ନିଗାନା ତୁୟିତେସି । ସାମା ଏମିନି ସୀସୁ କାଜା ପୂଜେରା ତଲେ ପୁଣ୍ୟି ଆହାମାରେରି, ଏଝାସି ପାଙ୍ଗାତା ହାଜାନା ଦୁଖେରିତା କାଃଆନାଣାଇଁ ଏଲେଇଞ୍ଜାନା ପିତରଇଁ ବିତ୍ରା ଅଡ଼େସି । ୧୮ ଏମ୍ବାଟିଏ ଦୁଖେରିତା କାଃଆନାଣି ହଲେଣି ପିତରଇଁ ଏଲେଇଚେ, “ନୀନୁ ଜିକେଏ ଏନାଆଁ ଇ ଲକୁତି ସୀସୁୟା ବିତ୍ରାଟି ରଅତି ଆଏକି ?”

ପିତର ଏଲେଇଚେସି, “ନୀନୁ ଏଝାଚେଏଁ ଆଏ ।”

୧୮ ଏଚିବେଲାତା ପେନି ଆହିମାଚାକି ହଲିୟାଙ୍ଗା ଅଡ଼େ କାଃଆନାରି ହିରୁ ତାସାନା ସାରିଝାକି ନିଗାନା କେରଞ୍ଜି ମାଚେରି; ପିତର ଜିକେଏ ଏଝାରିତଲେ ନିଗାନା ହିରୁ କେରଞ୍ଜି ମାଚେସି ।

କାଜା ପୂଜେରା ଜୀସୁଇଁ ଖେନାୟି

(ମାତି ୨୭:୫୯-୬୬; ମାର୍କ ୧୪:୫୫-୬୪; ଲୁକ ୨୨:୬୬-୭୧)

୧୯ କାଜା ପୂଜେରା ଜୀସୁଇଁ ତାନି ଜାପୁନାଣି ଇଞ୍ଜା ସୀସୁୟାତି କାତା ଖେଚେସି । ୨୦ ଜୀସୁ ଏଲେଇଚେସି, “ନୀନୁ ବାରେ ଦାରତିତି ନକିତା ତସାନା ଜାପୁହାମାଇଁ, ଆମ୍ବିୟା ବାରେ ଜୀହୁଦି ଲକୁ କୃଡ଼ା ଆନେରି, ମାହାପୁରୁ ଇଲୁତା ଅଡ଼େ ଜୀହୁଦି ଲକୁତି କୁଚମି ଇଲକାଣା\*, ଲକୁ କୃଡ଼ା ଆହାମାନି ବେଲାତା ନୀନୁ ଜାପୁହାମାଇଁ, ତୁକୁହାନା ଏନାଆଁ କିହାହିଲଅଁ । ୨୧ ନାଙ୍ଗେ ଏନାଆଁତାକି ଖେଞ୍ଜିମାଞ୍ଜାଦି ? ନୀନୁ ଏଝାରାଇଁ ଏନାଆଁ ଏଲେଇଞ୍ଜାମାଇଁ, ଆମ୍ବାଆରି ଖେଞ୍ଜାମାନେରି ଏଝାରାଇଁ ଖେନାମୁ; ନୀନୁ ଏନା ଏନାଆଁ ଏଲେଇଞ୍ଜାମାଇଁ, ଏଝାରି ବାରେ ପୁଞ୍ଜାମାନେରି ।”

୨୨ ଜୀସୁ ଏଲେ ଇଞ୍ଜିମାନାଣି ଖେଞ୍ଜାନା ଦାରିତା ନିଗାମାଟି ମାହାପୁରୁ ଇଲୁ ଜାମାନାଙ୍ଗା ବିତ୍ରାଟି ରଅସି ଏଝାଣାଇଁ

ସାପୁଡ଼ା ଖେଚାନା ଏଲେଇଚେସି, “ନିଙ୍ଗେ ଇଚେକା ସାସା କାଜା ପୂଜେରାଇଁ ଏଲେ ଇଞ୍ଜିମାଞ୍ଜି ?”

୨୩ ଜୀସୁ ଏଝାଣାଇଁ ଏଲେଇଚେସି, “ନୀନୁ ଲାଗେଏ ଜଲ୍ଲାମାଟିହଁ, ଏ ଲାଗେଏତି ପାରମାଣା ହିୟାଦୁ; ନେହଁ ଜଲ୍ଲାମାଇଁ ଇଚିହଁ ଏନାଆଁତାକି ନାଙ୍ଗେ ଖେଚିମାଞ୍ଜାଦି ?”

୨୪ ଏମ୍ବାଟିଏ ହାନାନ ଜୀସୁଇଁ ଏଲେକିହଁ ଏ ଦସପି ଆହାମାନାଣାଇଁ କାଜା ପୂଜେରା କୟାପା ତାଣା ପାଣ୍ଡିଚେସି ।

ପିତର ଜୀସୁଇଁ ଅଡ଼େ ଖେଣ୍ଡେ ପୁଞ୍ଜାହିଲଅଁ ଇନାୟି

(ମାତି ୨୭:୭୧-୭୫; ମାର୍କ ୧୪:୬୯-୭୧; ଲୁକ ୨୨:୫୮-୬୨)

୨୫ ସିମନ ପିତର ହିରୁ ତାଗେ ନିଗାନା ହିରୁ କେରଞ୍ଜି ମାଚେସି, ଏମ୍ବାଟିଏ ଏଝାରି ଏଝାଣାଇଁ ଖେଚେରି, “ନୀନୁ ଜିକେଏ ଏଝାଣି ସୀସୁୟା ବିତ୍ରାଟି ରଅତି ଆଏକି ?”

ପିତର ଏଲେଇଚେସି, “ନୀନୁ ଆଏ ।”

୨୬ ପିତର, ଏମିନି କାଜା ପୂଜେରା ହଲିୟାଙ୍ଗା ବିତ୍ରାଟି ରଅଣି କିୟଁ ଦାଡ଼ା ମାଚେସି, ଏଝାଣି କୁଚମିତାସି ଏଲେଇଚେସି, “ନୀନୁ ନିଙ୍ଗେ ବାଡ଼ାତା ଏଝାଣିତଲେ ମାଚାଣି ମେସାମାଞ୍ଜାଆଚେଏଁ କି ?”

୨୭ ପିତର ଅଡ଼େ ଖେଣ୍ଡେ ଏଲେଇଚେସି, “ଆଏ ପୁଞ୍ଜାହିଲଅଁ ।” ଏଚିବେଲାତା କୟୁ କେଶିଚେ ।

ପିଲାତ ତାଣା ଜୀସୁ

(ମାତି ୨୭:୧୨,୧୧-୧୪; ମାର୍କ ୧୫:୧-୫; ଲୁକ ୨୩:୧-୫)

୨୮ ତାନି ଅର ନେରୁ ଲାଇ ଏଝାରି ଜୀସୁଇଁ କୟାପା ଇଲୁଟି ଅହାନା ରମିୟ ରାଜି ସାଲଝି କିନାଣି ମେଡ଼ା ଇଲୁତା ଏଚେରି, ଜୀହୁଦି ଲକୁ ମେଡ଼ା ଇଲୁ ବିତ୍ରା ହାଲାଆଚେରି, ଇଚିହଁ ଏନାଆଁ ତଲେ ପିସପିଆଡ଼ି ପାର୍ବୁତି ବଜି ତାକି ତାମଙ୍ଗେ ଲାଗେଏ କିହାକତାଲି ଅଣ୍ଡିପି ହିଲାଆଚେରି । ୨୯ ଏନାଆଁତାକି ସାଲଝି

\* ୧୮:୨୦ ୧୮:୨୦ ସିନଗଗ

କିନି ପିଲାତ ଏଝାରିତାଣା ପାଙ୍ଗାତା  
 ଝାହାନା ଝେରେସି, “ଇ ମାଣସି କପାଟି  
 ମୀ ଏନିଲେହେଟି ଦାଝା ମାନେ ?”

୩୦ ଏଝାରି ଏଝାଣାଇଁ ଏଲେଇରେରି,  
 “ଇ ମାଣସି ଲାଗେଏତି କାମା କିହା  
 ହିଲଆତିହୁଁ ମା, ମାମ୍ମୁ ଏଝାଣାଇଁ ନୀ  
 ତାଣା ତାଆତମିମା ।”

୩୧ ପିଲାତ ଏଝାରାଇଁ ଏଲେଇରେସି,  
 “ଆତିହୁଁ ଇଝାଣାଇଁ ଅହାନା ମୀ ମେରା  
 ତଲେ ନୀହାୟି କିଦୁ ।” ଜୀହୁଦିୟା  
 ଏଝାଣାଇଁ ଏଲେଇରେରି, “ଆମ୍ମାଆରାଇଁ  
 ହାନ୍ତି ତଣ୍ଡ ହାହାଲି ମା ଅଦିକାରା  
 ହିଲେଏ ।” ୩୨ ଜୀସୁ ଏନିକଁ ହାହାଲି  
 ହାଜିମାନେସି, ଏ କାତା ଜୀସୁ ଏନାଆଁ  
 ଏଲେଇଞ୍ଜାମାରେସି, ଏଦି ଏନିକଁ  
 ପୁରା ଆନେ, ଏଦାଆଁତାକି ଏଝାରି  
 ଏଲେଇରେରି ।

୩୩ ପିଲାତ ଝେଣ୍ଡା ମେଡା ଇଲୁ ବିଡ୍ଡା  
 ହାଜାନା ଜୀସୁଇଁ ଝେରେସି, “ଏନାଆଁ  
 ନୀନୁ ଜୀହୁଦି ଲକୁତି ରାଜାତି ?”

୩୪ ଜୀସୁ ଏଲେଇରେସି, “ଇ କାତା  
 ନୀ ମନଟି ଝେଞ୍ଜିମାଞ୍ଜାଦି କି ଏଟକାତାରି  
 ନା କାତାତି ନିଙ୍ଗେ ଏନାଆଁ ଏଲେଇଞ୍ଜା  
 ମାଞ୍ଜାନେରି ?”

୩୫ ପିଲାତ ଏଲେଇରେସି, “ନୀନୁ  
 ଏନାଆଁ ଅଣ୍ଡାମାଞ୍ଜି, ନୀନୁ ର  
 ଜୀହୁଦିତେର୍ସ ? ନୀ କୁଡାତି ଲକୁ ଇଞ୍ଜା  
 କାଜା ପୁଜେରାଙ୍ଗା ନିଙ୍ଗେ ତାଗାନା  
 ନା କେୟୁତା ହେର୍ପା ମାଞ୍ଜାନେରି ।  
 ଝେସ୍ତାମ୍ମୁ ନୀନୁ ଏନାଆଁ କିହାମାଞ୍ଜି ?”

୩୬ ଜୀସୁ ଏଲେଇରେସି, ନା ରାଜି ଇ  
 ଦାରତିତାୟି ଆଏ; ନା ରାଜି ଦାରତିତାୟି  
 ଆତିହୁଁ ମା, ନୀନୁ ଜୀହୁଦି ଲକୁତାଣା  
 ହେର୍ପି ଆଆରେନ୍ତୁ ନାଙ୍ଗେ ସେବା  
 କିୟାନାରି ନା ତାକି ଜୁଜୁ କିତେରିମା,  
 ସାମା ନା ରାଜି ସାତେଏ ଇ ଦାରତିତାୟି  
 ଆଏ । ୩୭ ପିଲାତ ଏଝାଣାଇଁ ଝେରେସି,  
 “ଆତିହୁଁ ନୀନୁ ଜୀହୁଦି ଲକୁତି ରାଜାତି  
 ?”

ଜୀସୁ ଏଲେଇରେସି, “ନୀନୁ ଏଲେ  
 ଇଞ୍ଜିମାଞ୍ଜି ନୀନୁ ର ରାଜାତେର୍ସ । ନୀନୁ

ସାତା ଝାକିଟି ସାକି ହାହାଲି ଜାର୍ନା  
 ଆହାମାଇଁ ଅଡେ ଦାରତିତା ଝାହାମାଇଁ ।  
 ଆମ୍ମାଆସି ସାତାତି ମୀରଏସି ଏଝାସି ନା  
 କାତା ଝେନେସି ।”

ଜୀସୁଇଁ ହାନ୍ତି ତଣ୍ଡ ହାନାୟି  
 (ମାତି ୨୭:୧୫-୩୧; ମାର୍କ ୧୫:୬-୨୦;  
 ଲୁକ ୨୩:୧୩-୨୫)

୩୮ ପିଲାତ ଝେରେସି, “ସାତା ଏନାୟି  
 ?”

ପିଲାତ ପାଙ୍ଗାତା ହାଜାନା ଜୀହୁଦି  
 ଲକୁଣି ଏଲେଇରେସି, “ନୀନୁ ଇଝାଣି  
 ତାଣା ଏନି ଦହ ବେଗାଆହି ହିଲଅଁ ।

୩୯ ସାମା ନୀନୁ ପିସ୍ପିଆନ୍ତି ପାର୍ଟୁ  
 ବେଲାତା ମିଙ୍ଗେତାକି କାୟିଦିତା  
 ମାନାରାଇଁ ରଅଣାଇଁ ପିସାଲି ତାକି ମୀ  
 ମେରା ମାନେ, ଏଦାଆଁତାକି ଜୀହୁଦି  
 ଲକୁତି ରାଜାଇଁ ମାଙ୍ଗେତାକି ପିସା  
 ହିୟାପେସି ଇଞ୍ଜା ମୀ ମନ ମାନେକି  
 ?” ୪୦ ଏମ୍ମାଟିଏ ଏଝାରି କାଲୁଝି ଆହୁଁ  
 ଏଲେଇରେରି, “ଇଝାଣାଇଁ ଆଏ, ସାମା  
 ବାରବାଇଁ ପିସାହିୟାମ୍ମୁ ।”

**୧୯**

୧ ତାୟୁ ପିଲାତ ଜୀସୁଇଁ ଅହାନା  
 ସାଟ୍ଟା ମାଡା କିଝି କିତେସି । ୨ ଅଡେ  
 ରିଜାରି କସ୍‌କା ହାପ୍‌କା ଚପେରି  
 ଆଲାନା ଜୀସୁ ତାୟୁଁ ତୁ ଇଟିତେରି,  
 ଅଡେ ଏଝାଣାଇଁ ହେୟା ଝାଣା ହିମ୍ପୁରି  
 ହୁରିକିତେରି; ୩ ଏଝାରି ଏଝାଣି ତାଣା  
 ଝାହାନା ଏଲେଇରେରି, “ଏ ଜୀହୁଦିୟା  
 ରାଜା ଜହରା;” ଇଞ୍ଜା ଏଝାରି ଏଝାଣାଇଁ  
 ସାପ୍‌ଡା ଝେତେରି ।

୪ ପିଲାତ ଝେଣ୍ଡେ ପାଙ୍ଗାତା ହାଜାନା  
 ଏଲେଇରେସି, “ନୀନୁ ଏଝାଣି ତାଣା  
 ଏନି ଦହ ବେଗାଆହି ହିଲଅଁ, ଇଦାଆଁ  
 ଏନିକଁ ମୀରୁ ପୁଞ୍ଜେରି, ଇଦାଆଁତାକି  
 ନୀନୁ ଏଝାଣାଇଁ ମୀ ତାଣା ତାଟିମାଇଁ ।”

୫ ଏମ୍ମାଟିଏ ଜୀସୁ ଏ ହାପ୍‌କା ଚପେରି  
 ଅଡେ ହେୟା ଝାଣା ହିମ୍ପୁରି ପରହାନା  
 ପାଙ୍ଗାତା ଝାଡେସି, ପିଲାତ ଏଝାରାଇଁ  
 ଏଲେଇରେସି, “ମେହ୍‌ଦୁ ଇଝାସି ଏ  
 ମାଣସି ।”

\* ୧୮:୩୨ ୧୮:୩୨ ଜହ ୩:୧୪; ୧୨:୩୨ † ୧୮:୪୦ ୧୮:୪୦ ଇ ବାରବା ର ତଂଗେଏସି ମାରେସି

୭ ଏମ୍ବାଟିଏ କାଜା ପୂଜେରାଜା ଅଡ଼େ ମାହାପୁରୁ ଲକୁ କାଃଆନି ଜାମାନାଜା ଏଝାଣାଇଁ ମେସାନା କାଲୁଝି ଆହୁଁ ଏଲେଇଚେରି, “ଏଝାଣାଇଁ ପାସି ଏକଦୁ ପାସି ଏକଦୁ ।” ପିଲାତ ଏଝାରାଇଁ ଏଲେଇଚେସି, “ମୀରୁ ଏଝାଣାଇଁ ଅହାନା ପାସି ଏକଦୁ, ଇଚିହୁଁ ନାନୁ ଏଝାଣି ତାଣା ଏନି ଦହ ବେଟାଆହି ହିଲଅଁ ।”

୮ ଜାହୁଦି ଲକୁ ଏଝାଣାଇଁ ଏଲେଇଚେରି, “ଇଚିହୁଁ ମାଜେ ରଣ୍ଡିଏ ମେରା ମାନେ, ଏ ମେରାଲେହେଁଏ ଏଝାସି ହାନି ତଣ୍ଡ ବେଟାଆନାୟି ମାନେ, ଇଚିହୁଁ ଏଝାସି ତାଜେ ମାହାପୁରୁତି ମୀରୁଏସି ଇଞ୍ଜୁଁ ଝେସାମାନେସି ।”

୯ ଏମ୍ବାଟିଏ ପିଲାତ ଇ କାତା ଝେଞ୍ଜାନା ଗାତି ଆଜିତେସି । ୯ ଝେଣ୍ଡେ ମେଡ଼ା ଇଲୁତା ହାଜାନା, ଜାସୁଇଁ ଝେଚେସି, “ନାନୁ ଆମ୍ବିତି ଝାହାମାଞ୍ଜି ?” ସାମା ଜାସୁ ସାପି ଆହାନା ଡ଼ୟିତେସି । ୧୦ ପିଲାତ ଏଲେଇଚେସି, “ନାଜେ ଜଲିମାଞ୍ଜଅତି ? ନିଜା ଗେଲପାଲି ନା ଅଦିକାରା ମାନେ ଅଡ଼େ ପାସିତା ଏକହାଲି ନା ଅଦିକାରା ମାନେ ଇ କାତା ନାନୁ ପୁଞ୍ଜାହିଲଅତି ?”

୧୧ ଜାସୁ ଏଲେଇଚେସି, “ମାହାପୁରୁ ତାଣାଟି ନିଜେ ଅଦିକାରା ହାଆତିହୁଁ , ନା ଲାକ ନୀ ଏନି ଅଦିକାରା ହିଲାଆତେମା; ଇଞ୍ଜା ଆମ୍ବାଆସି ନାଜେ ନୀ କେୟୁତା ହେରପା ମାଞ୍ଜାନେସି ଏଝାଣି ପାପୁ ହାରେକା ।”

୧୨ ଇ କାତା ଝେଞ୍ଜାନା ପିଲାତ ଜାସୁଇଁ ପିସାଲି ତାକି ଅଣ୍ପିତେସି, ସାମା ଜାହୁଦି ଲକୁ କାଲୁଝି ଆହୁଁ ଏଲେଇଚେରି, “ନାନୁ ଇଝାଣାଇଁ ପିହୁଦି ଆତିହୁଁ ନାନୁ କାୟିସରତି ତଣ୍ଡେତି ଆଏ; ଆମ୍ବାଆସି ଜାହାରାଇଁ ରାଜା ଇନେସି ଏଝାସି କାୟିସର କପାଟି କାତା ଜଲିମାନେସି ।”

୧୩ ପିଲାତ ଇ କାତା ଝେଞ୍ଜାନା ଜାସୁଇଁ ପାଜାତା ଝାଲକାତି ବେରଣିମାଣ୍ଡା ତାତେରି । ଏମିନାଣି ଏବୁଁ ହାଡ଼ାତଲେ “ଗବବତା” ଇଞ୍ଜୁଁ ଇନେରି, ଏ ଚାୟୁଟି ବିଚାରା କିନି ଚାୟୁତା କୁଗିତେସି । ୧୪ ଏ ଦିନା ପିସ୍ପିଆନି ପାରୁତି ତଲିତି ଦିନା

ମାତେ, ଏଚିବେଲା ଲାକ ସ ଗଂଟା ଆହାମାତେ । ଇଞ୍ଜା ଏଝାସି ଜାହୁଦି ଲକୁଣି ଏଲେଇଚେସି, “ଇଝାସି ମେହୁଦୁ ମୀ ରାଜା ।” ୧୫ ଏମ୍ବାଟିଏ ଏଝାରି ଏଲେଇଚେରି, “ଏଝାଣାଇଁ ପାୟାଦୁ, ପାୟାଦୁ, ପାସି ଏକଦୁ ।” ପିଲାତ ଏଝାରାଇଁ ଏଲେଇଚେସି, “ନାନୁ ମୀ ରାଜାଇଁ ପାସିତା ଏକଇଁ ?” କାଜା ପୂଜେରାଜା ଏଲେଇଚେରି, “କାୟିସର ପିସ୍ପେ ମା ରାଜା ଆମ୍ବାଆସି ହିଲଅସି ।”

୧୬ ତାୟୁ ପିଲାତ ଜାସୁଇଁ ପାସି ମୁଣ୍ଡାତା ଏକହାଲି ତାକି ଏଝାରି କେୟୁତା ହେରପିତେସି, ଇଞ୍ଜା ତାୟୁ ଏଝାରି ଜାସୁଇଁ ଅହୁଁ ହାଚେରି ।

ଜାସୁତି ପାସି ଆନାୟି

(ମାତି ୨୭:୩୨-୪୪; ମାର୍କ ୧୫:୨୧-୩୨; ଲୁକ ୨୩:୨୭-୪୩)

୧୭ ଏଚେଟିଏ ଏଝାରି ଜାସୁଇଁ ଅଡ଼େରି; ଅଡ଼େ ଜାସୁ ଜାହାରା ପାସିମୁଣ୍ଡା ଡ଼େକାନା “ତାୟୁଁ ରୁପା” ଇନି ଚାୟୁତା, ଇଚିହୁଁ ଏମିନାଣି ଏବୁଁ ହାଡ଼ାତଲେ “ଗଲଗତା” ଇଞ୍ଜୁଁ ଇନେରି ଏମ୍ବାଆଁ ହାଚେସି । ୧୮ ଏମ୍ବାଆଁ ଏଝାରି ଜାସୁଇଁ ପାସି ମୁଣ୍ଡାତା ଏକହେରି, ଏଝାଣିତଲେ ଅଡ଼େ ରିଆରାଇଁ ପାସି ମୁଣ୍ଡାତା ଏକହେରି, ରିକଝାକି ରିଆରି ଅଡ଼େ ମାଦିଏ ଜାସୁ । ୧୯ ଅଡ଼େ ପିଲାତ ର ଆକୁତା ରାଚାନା ପାସିମୁଣ୍ଡା ଲାକ ଆଟିକିତେସି, ଏମ୍ବାଆଁ ରାସ୍କି ଆହାମାତେ, “ନାଜରିତତି ଜାସୁ ଜାହୁଦିୟାଁ ରାଜା ।” ୨୦ ଜାହୁଦିୟାଁ ବିତାଟି ହାରେକା ଏ ଆକୁତି ପଡ଼ଝି ଆଡ଼େରି, ଇଚିହୁଁ ଜାସୁଇଁ ଏମିନିତାଣା ପାସି ଏପକି ଆହାମାତେ, ଏଦି ଗାଡ଼ା ତାଗେ ମାତେ; ଇଞ୍ଜା ଏ ଆକୁ ଏବୁଁ, ଲାଟିନ୍ ଅଡ଼େ ଗ୍ରିକ୍ ହାଡ଼ାତଲେ ରାସ୍କି ଆହାମାତେ । ୨୧ ଜାହୁଦି ଲକୁତି କାଜା ପୂଜେରାଜା ପିଲାତଇଁ ଏଲେଇଚେରି, “ଜାହୁଦିୟାଁ ରାଜା ଇଞ୍ଜୁଁ ରାଚାଆନା, ନାନୁ ଜାହୁଦି ଲକୁତି ରାଜା ଇଞ୍ଜିମାତେସି ଇଞ୍ଜୁଁ ରାଚାମୁ ।” ୨୨ ସାମା ପିଲାତ

ଏଲେଇରେସି, “ନାନୁ ଏନାଆଁ ରାତାମାଇଁ ଏଲେକିହିଁ ଏ ଡ଼ୟିନେ ।”

୨୩ ରିଜାରି କସକା ଜୀସୁଇଁ ପାସିତା ଏକ୍‌ହି ଜେଟ ଏଞ୍ଜାଣି ହିମ୍‌ରିକା ଅହାନା ସାରି ବାଗା କିତେରି, ର ର କହୁଏଁଶାକି ରଣ୍ଡାଲକା, ଅଡ଼େ ଏଞ୍ଜାଣି ଲାମ୍ବା ସକା ଜିକେଏ ଅଡ଼େରି । ଏ ଲାମ୍ବା ସକା ତାଚାନା ହେରୁକି ଟିଏ ପାଃଆନା କତାୟାଁ ପାତେକା କିଞ୍ଜି ଆହାମାତେ । ୨୪ ଏଦାଆଁତାକି ଏଞ୍ଜାରି ଏଲେଇରେରି, “ଇଦାଆଁ ଗେହୁଆପ, ସାମା ଇଦି ଆମ୍ବାଆରାଞ୍ଜାୟି ଆନେ, ଏଦାଆଁତାକି ପାଦି କିନ ।” ଏନିକ୍‌ ଦାମ୍‌ ପତିତି କାତା ପୂରା ଆନେ,

“ଏଞ୍ଜାରି ତାମି ବିତ୍ରା ନା ହିମ୍‌ରିକା ବାଗା କିତେରି,

ଅଡ଼େ ନା ଲାମ୍ବା ସକାତାକି ପାଦି କିତେରି ।” ରିଜାରି କସକା ସମାନା ଏଲେକିହିଁ ଏ କିତେରି ।

୨୫ ସାମା ଜୀସୁତି ପାସିମୁଣ୍ଡା ତାଗେ ତାମି ଇୟା, ତାମି ଇୟାନି ତାଜି, କୁପାତି ତକ୍ତ ମରିୟମ ଅଡ଼େ ମଗ୍‌ଦଲିନି ମରିୟମ ନିରାମାତୁ । ୨୬ ଜୀସୁ ତାମି ଇୟା ଅଡ଼େ ଏମିନି ସୀସୁଇଁ ଜୀଞ୍ଜୁ ନହୁଁମାତେସି, ଏଞ୍ଜାସି ତାଗେ ନିରାମାନାଣି ମେସାନା ଏଲେଇରେସି, “ଏ ଇୟା ମେହୁମୁ ନୀ ମୀରଏସି !”

୨୭ ତାୟୁ ଜୀସୁ ଏ ସୀସୁଇଁ ଏଲେଇରେସି, “ଇଦି ମୀ ଇୟା ।” ଏ ଦିନାଟିଏ ଏ ସୀସୁ ଜୀସୁତି ଇୟାନି ତାମି ଇଜ ଅଡ଼େସି ।

ଜୀସୁ ହାକି

(ମାତି ୨୭:୪୫-୫୬; ମାର୍କ ୧୫:୩୩-୪୧; ଲୁକ ୨୩:୪୪-୪୯)

୨୮ ତାୟୁ ଜୀସୁ ଦାମ୍‌ ପତିତି ବଲୁ ଏନିକ୍‌ ପୂରା ଆନେ, ଏଦାଆଁତାକି ବାରେ ରାହାମାନେ ଇଞ୍ଜି ପୁଞ୍ଜାନା ଏଲେଇରେସି, “ନାଙ୍ଗେ ଏସକି ହଡ଼ିମାଞ୍ଜାନେ ।”

୨୯ ଏମ୍ବାଆଁ ପୁଲାଏୟୁ ନେଞ୍ଜାମାନି ର ଡ଼କା ମାତେ; ଏଞ୍ଜାରି ଏମ୍ବାଆଁ ର ଡ୍ରାଃଆଲି

ମୁସାନା ବାଲାତି ମୁନୁତା ରୁପାନା ଜୀସୁତି ଗୁତିତା ହାତେରି । ୩୦ ଏଚେଟିଏ ଜୀସୁ ଏ ପୁଲାଏୟୁ ଗସାନା ଏଲେଇରେସି, “ରାହାହାଚେ” ଏଲେଇଞ୍ଜାନା ତାୟୁ ଲେସାନା ହାଡ଼େସି ।

ଜୀସୁ ପାଡ଼କା ଟଟତା ବାଲା ତଲେ ଉହନାୟି

୩୧ ପାସି ଏପକି ଆହାମାନାରି କତାୟାଁ ଡିକହାନା ଏଞ୍ଜାରି ହାଡ଼ି ମାଡ଼ହାଡି ପାସି ମୁଣ୍ଡାଟି ରେପହା ତାଚାଲି ଜୀହୁଦି ଲକୁଇଁ କାଜାରି ପିଲାତଇଁ ବାଡିମାଲିତେରି, ଇଚିହିଁ ଏ ଦିନା ସୁକ୍ତି ତାନି ଅର ଦିନା ସୁପୁ ଜମିନି ଦିନାତା ହାଡ଼ି ମାଡ଼ହା ପାସିମୁଣ୍ଡା ଲାକ ପିସାଲି ଏଞ୍ଜାରି ମନ କିହିହିଲାଆତେରି । ୩୨ ଇଞ୍ଜା ରିଜାରି କସକା ଖାହାନା ଜୀସୁତଲେ ପାସି ମୁଣ୍ଡାତା ଏକହାମାଟି ରିଆରି କତାୟାଁ ଡିକହେରି । ୩୩ ସାମା ଏଞ୍ଜାରି ଜୀସୁ ତାଣା ଖାହାନା ଏଞ୍ଜାସି ହାହାମାନାଣି ମେସେରି, ଏଦାଆଁତାକି ଏଞ୍ଜାରି ଏଞ୍ଜାଣି କତାୟାଁ ଡିକଆତେରି । ୩୪ ଆଡ଼ିଜିକେଏ କସକା ବିତ୍ରାଟି ରଅସି ଜୀସୁତି ପାଡ଼କା ଟଟତା ବାଲା ତଲେ ଗୁକ୍‌ହେସି ଇଞ୍ଜା ଦେବୁଣିଏ ଏମ୍ବାଟି ଏୟୁ ଅଡ଼େ ନେତେରି ହଡ଼େ । ୩୫ ଆମ୍ବାଆସି ମେସାମାନେସି, ଏଞ୍ଜାସି ସାକି ହାହାମାନେସି, ଏନିକ୍‌ ମୀରୁ ଜିକେଏ ନାମିଦେରି; ଇଞ୍ଜା ଏଞ୍ଜାଣି ସାକି ସାତା, ଏଞ୍ଜାସି ସାତା ଖେସାମାନେସି ଇ କାତା ଏଞ୍ଜାସି ପୁଞ୍ଜାମାନେସି । ୩୬ ଇଚିହିଁ ଦାମ୍‌ ପତିତି କାତା ପୂରା ଆହାଲିତାକି ଇ ବାରେ ଆଡ଼େ, “ଏଞ୍ଜାଣି ର ଡୁମୁ ଜିକେଏ ଡିକଅରି ।” ୩୭ ଦାମ୍‌ ପତିତି ଅର କାତା ଇଦି, “ଏଞ୍ଜାରି ଆମ୍ବାଆରାଇଁ ବାଲା ତଲେ ଗୁକ୍‌ହା ମାଚାରି ଜିକେଏ ଏଞ୍ଜାଣାଇଁ ସିନିକିନେରି ।”

ଜୀସୁଇଁ ମୁହନାୟି

(ମାତି ୨୭:୫୭-୬୧; ମାର୍କ ୧୫:୪୨-୪୬; ଲୁକ ୨୩:୫୦-୫୬)

୩୮ ଇଦାଆଁ ତାୟୁ ହାରାମାଡିୟାଡି ଜସେପ ଇନାସି ପିଲାତ ତାଣା ହାଜାନା

☆ ୧୯:୩୭ ୧୯:୩୭ ଖେ ବଲୁ ୧:୭



ଜୀସୁତି ଆଜ୍ଞା ଅହାଲି ବାତିମାଲିତେସି । ଇ ଜସେପ ଜୀସୁତି ର ସୀସୁ ମାଚେସି, ସାମା ଜୀହୁଦି ଲକ୍ଷୁତି କାଜାର ଆଜିତାକି ତ୍ତୁନା ମାଚେସି, ପିଲାତ ଏଝାଣାକ୍ ହେଲ ହାହାଲିଏ ଏଝାସି ଜୀସୁତି ଆଜ୍ଞା ମୁସାଲି ଅଟେସି । ୩୯ ଏଝାଣିତଲେ ନିକଦିମ ମାଚେସି । ଇ ନିକଦିମ ର ଦିନା ଲାଆୟା ଜୀସୁତଲେ କାତା ଆହାଲି ଖାହାମାଚେସି, ଏ ନିକଦିମ କଡେଦସ କେଜି ଗାନ୍ଦା ନିୟୁଁ ତାଟିହଁ ଖାହାମାଚେସି । ୪୦ ଏଝାରି ଜୀସୁତି ଆଜ୍ଞା ଅହାନା ଜୀହୁଦି ଲକ୍ଷୁତି ମୁହନି ମେରା ତଲେ ଏଦାଆଁ ଗାନ୍ଦା ନିୟୁଁତଲେ ପାଡାଡା ହିମ୍ବୁରି ରୁପିତେରି । ୪୧ ଜୀସୁ ଏମିନି ଚାୟୁତା ପାସି ମୁଣ୍ଡାତା ଏପକି ଆହାମାଚେସି ଏ ଦାରିତା ର ବାଡା ମାଚେ, ଏ ବିତ୍ରା ର ପୁଝନି ମାହଣି ମାଣ୍ଡା ମାଚେ, ଏମ୍ବାଆଁ ନକେଏ ଆମ୍ବାଆରାକ୍ ଇଟ୍ଝି ଆହାହିଲାଆତେ । ୪୨ ଏ ଦିନା ଜୀହୁଦି ଲକ୍ଷୁତି ଜମିନି ଦାନାତି ନକିତି ଦିନା ମାଚାକି, ଗାଡି ହେକ ହାଲାଆନା ଏଝାରି ଜୀସୁତି ଆଜ୍ଞା ଅହାନା ମାହଣି ମାଣ୍ଡାତା ଇଟିତେରି ।

### ୨୦

ଝାରଇ ମାହଣି ମାଣ୍ଡା

(ମାତି ୨୮:୧-୮; ମାର୍କ ୧୭:୧-୮; ଲୁକ ୨୪:୧-୧୨)

୧ ଝାରାତି ମୂଲୁ ଦିନା ଲାକ ଲାକ ଆଦେରି ମାଞ୍ଜା ମାଞ୍ଜାନା ମଗ୍ଦଲିନି ମରିୟମ ମାହଣି ମାଣ୍ଡା ଦାରିତା ଖାହାନା ଏମ୍ବାତି ଖାଲି ଗୁଚା ଆହାମାନାଣି ମେସ୍ତେ । ୨ ଇଞ୍ଜା ଏଦି ହଟି ହଟି ହାଜାନା ସିମନ ପିତର ଆମ୍ବାଆରାକ୍ ଜୀସୁ ଜୀସୁ ନହଁ ମାଚେସି, ଏ ସୀସୁୟାକ୍ ଏଲେଇଚେ, “ଆମ୍ବାଆରି ପ୍ରବୁକ୍ ମାହଣି ମାଣ୍ଡାଟି ଅହାମାନେରି, ଇଞ୍ଜା ଆମ୍ବିୟା ଇଟାମାନେରି ଏଦାଆଁ ମାମ୍ବୁ ପୁଞ୍ଜାହିଲଅମି ।”

୩ ଇ କାତା ଝେଞ୍ଜାନା ପିତର ଅଡେ ଅର ସୀସୁ ମାହଣି ମାଣ୍ଡା ଝାକି ହଟେରି

। ୪ ଏଝାରି ରିଆରି ରହେଁସ ହଟେରି, ଅର ସୀସୁ ପିତରକ୍ ତାୟୁ ପିସାନା ତଲିଏ ମାହଣି ମାଣ୍ଡା ଏତେସି । ୫ ଏଝାସି ବଙ୍ଗାହାଁ ଏମିନି ପାଡାଡା ହିମ୍ବୁରି ଆଜ୍ଞାତା ରୁପା ମାଚେରି ଏମ୍ବାଆଁ ରିହାମାଚାଣି ମେସ୍ତେସି, ସାମା ବିତ୍ରା ହାଲାଆତେସି । ୬ ତାୟୁ ସିମନ ପିତର ଜିକେଏ ଝାଡେସି ଇଞ୍ଜା ମାହଣି ମାଣ୍ଡା ବିତ୍ରା ହଡାନା ସିନିକତେସି ଏମ୍ବାଆଁ ପାଡାଡା ହିମ୍ବୁରିକା ମାମ୍ବୁ, ୭ ଇଞ୍ଜା ତାନି ତାୟୁଁ ତୁ ଦସାମାତି ଏ ପାଡାଡା ହିମ୍ବୁରିକା ତଲେ ହିଲାଆତେ ଏଦି ଏଟକା ମାଚେ । ୮ ଏଟିଚେଲା ଏମିନି ସୀସୁ ତଲିଏ ମାହଣି ମାଣ୍ଡା ତାଗେ ଖାହାମାଚେସି, ଏଝାସି ଜିକେଏ ବିତ୍ରା ହଡାନା ମେସ୍ତେସି ଅଡେ ନାମିତେସି: ୯ ଇଟିହଁ ହାଡାରି ବିତ୍ରାଟି ଏଝାଣାକି ନିଙ୍ଗାଲି ଆନେ, ଦାମ୍ବୁ ପତିତି ଇ ବଲୁ ଏଚେ ପାଚେକା ତେଲହା ହିଲାଆତେରି । ୧୦ ତାୟୁ ସୀସୁୟାଁ ଝେଣ୍ଡେ ଇଜ ହାଚେରି ।

ଜୀସୁ ମଗ୍ଦଲିନି ମରିୟମକ୍ ତଞ୍ଜା ଆନାୟି

(ମାତି ୨୮:୯,୧୦; ମାର୍କ ୧୭:୯-୧୧)

୧୧ ସାମା ମରିୟମ ଡାହି ଡାହି ପାଜ୍ଞାତା ନିଚା ଡାହିତେ; ଇଞ୍ଜା ଡାହି ଡାହି ବଙ୍ଗାହାଁ ମାହଣି ମାଣ୍ଡା ବିତ୍ରା ସିନିକତେ, ୧୨ ଜୀସୁତି ଆଜ୍ଞା ଏମିନି ଚାୟୁତା ଇଟକି ଆହାମାଚେ, ଏମ୍ବାଆଁ ତାୟୁଁ ଝାକି ରଅସି ଅଡେ କତାୟାଁ ଝାକି ରଅସି ଦବ୍ଲା ହିମ୍ବୁରିକା ପରହାନା ରିଆରି ଦୁତୁୟାଁ କୁଗାମାନାଣି ମେସ୍ତେ । ୧୩ ଏଝାରି ଏଦାନି ଏଲେଇଚେରି, “ଏ ଇୟା ଏନାଆଁତାକି ଡାହିମାଞ୍ଜି ?” ଏଦି ଏଝାରାକ୍ ଏଲେଇଚେ, “ଆମ୍ବାଆରି ନା ପ୍ରବୁକ୍ ଅହାମାନେରି, ଅଡେ ଏଝାଣାକ୍ ଆମ୍ବିୟା ଇଟାମାନେରି ପୁଞ୍ଜାହିଲଅଁ ।”

୧୪ ଏଦି ଏଲେଇଞ୍ଜାନା ତାୟୁଝାକି ସିନିକହାନା ଜୀସୁକ୍ ମେସ୍ତେ, ସାମା ଏଝାସି ଜୀସୁ ପୁଞ୍ଜାଲି ଆଡାଆତେ । ୧୫ ଜୀସୁ ଏଦାନି ଏଲେଇଚେସି,

☆ ୧୯:୩୯ ୧୯:୩୯ ଜହ ୩:୧,୨

“ଏ ଇୟା ଏନାଆଁତାକି ଡାହିମାଞ୍ଜି ? ଆମ୍ବାଆରାଇଁ ପାରିମାଞ୍ଜି ?”

ଏଦି ଏଝାଣାଇଁ ବାଡ଼ା ଗାଟାସି ଇଞ୍ଜି ଅଣ୍ଟାପାନା ଏଲେଇଚେ, “ବାବୁ ନାନୁ ଏଝାଣାଇଁ ଅହାମାଞ୍ଜି ଇଚିହିଁ ଆମ୍ବିୟା ଇଟାମାଞ୍ଜି, ନାଜେ ଝେସ୍ତାମ୍ବୁ ନାନୁ ଅଇଁ ।”

୧୭ ଜୀସୁ ଏଦାନି ଏଲେଇଚେସି, “ମରିୟମ !” ମରିୟମ ଏଝାଣି ଝାକି ସିନିକିହାନା ଏବ୍ରି ହାଡ଼ାତଲେ ଏଲେଇଚେ, “ରାବ୍ବୁନି” ଇଚିହିଁ ଏ ଗୁରୁ ।

୧୭ ଜୀସୁ ଏଦାନି ଏଲେଇଚେସି, “ନାଜେ ଆସା ଇଟାଲି ଅଣ୍ଟାଆନି, ଇଚିହିଁ ନାନୁ ନୀର୍ବ ପାଚେକା ଆବା ତାଣା ହାଜାହିଲଅଁ; ସାମା ନା ତାୟିୟା ତାଣା ହାଜାନା କାବୁ ହାମ୍ବୁ, ନାନୁ ନା ଆବା ମୀ ଆବା ନା ମାହାପୁରୁ ମୀ ମାହାପୁରୁ ତାଣା ହାଜିମାଇଁ ।”

୧୮ ମଗ୍ବଲିନି ମରିୟମ ହାଜାନା, ନାନୁ ପ୍ରବୁଇଁ ମେସାମାଇଁ ଏଝାସି ନାଜେ ଇ ବାରେ କାତା ଝେସାମାଞ୍ଜାନେସି ଇଞ୍ଜି ସୀସୁୟାଈ କାବୁ ହାଚେ ।

ଜୀସୁ ସୀସୁୟାଈ ତଞ୍ଜା ଆନାୟି

(ମାତି ୨୮:୧୭-୨୦; ମାର୍କ ୧୬:୧୪-୧୮; ଲୁକ ୨୪:୩୭-୪୯)

୧୯ ଏ ଦିନା ଇଚିହିଁ ଝାରାତି ତଲିତି ଦିନା ମିଡ଼ଅଲ୍ଲା ବେଲା ଏଚେତା ସୀସୁୟାଁ ଏମିନି ଇଲୁତା ଜୀହୁଦି ଲକୁତି ଆଜିତାକି ଦାରାୟାଁ ସୁଣ୍ଠାମାଚେରି, ଏଚିବେଲା ଜୀସୁ ଝାହାନା ମାଦିଏ ନିଗାନା ଏଲେଇଚେସି, “ମିଙ୍ଗେ ହିଡ଼ଡ଼ି ଆୟାପେ ।” ୨୦ ଏଝାସି ଏଲେଇଞ୍ଜାନା ତାନି କେସ୍ତା, ପାଡ଼କା ଡ଼ଇକା ତସ୍ତସି, ଏମ୍ବାଟିଏ ସୀସୁୟାଁ ପ୍ରବୁଇଁ ମେସାନା ରାହାଁ ଆଚେରି ।

୨୧ ଜୀସୁ ଝେଣ୍ଠେ ଏଲେଇଚେସି, “ମିଙ୍ଗେ ହିଡ଼ଡ଼ି ଆୟାପେ ଆବା ଏନିକିଁ ନାଜେ ପାଣ୍ଡାମାଞ୍ଜାନେସି, ନାନୁ ଜିକେଏ ମିଙ୍ଗେ ଏଲେକିହିଁଏ ପାଣ୍ଡିମାଞ୍ଜାଇଁ ।” ୨୨ ଏଲେଇଞ୍ଜାନା ଏଝାରି ଲାକ ନେଞ୍ଜାନା ଏଲେଇଚେସି, “ସୁଦୁଜୀଝୁଇଁ ଆବାକଡାଦୁ, ୨୩ \*ମାରୁ ମାଣ୍ଡସିୟାଁ

ପାପୁ ମ୍ଲେକହିସାରେ, ମାହାପୁରୁ ଜିକେଏ ଏଝାରି ପାପୁ ମ୍ଲେକନେସି; ଇଞ୍ଜା ଆମ୍ବାଆରି ପାପୁ ମ୍ଲେକଅଚେରି, ଇଚିହିଁ ଏଝାଣି ପାପୁ ମେଣ୍ଟକେଏ ।”

ଜୀସୁ ଅଚେତ ତମା

୨୪ ସାମା ଜୀସୁ ଏଚିବେଲା ଝାହାମାଚେସି, ଏଚିବେଲାତା ବାରଜାଣା ବିତ୍ତା ତମା ଆମ୍ବାଆରାଇଁ ଦିଦୁମ ଇନେରି, ଏଝାସି ଏଝାରିତଲେ ହିଲାଆଚେସି । ୨୫ ଏବକାତି ସୀସୁୟାଁ ଏଲେଇଚେରି, “ମାମ୍ବୁ ଜୀସୁଇଁ ମେସ୍ତମି ।” ଇଞ୍ଜା ଏଝାସି ଏଝାରାଇଁ ଏଲେଇଚେସି, “ଏଝାଣି କେୟୁତି କୁଚିୟାଁ ସିନା ମେହଅତିହିଁ ଅଚେ ଏ ବାରେ ତାଣା ନା ଝାଞ୍ଜୁ ଉହଆନା ଇଞ୍ଜା ଏଝାଣି ପାଡ଼କା ଡ଼ଇକା ତୀଗାଆନା ନାନୁ ଏବେଲା ଜିକେଏ ନାମଅଁ ।”

୨୬ ଆଟାଦିନା ଜେଚ ତାନି ସୀସୁୟାଁ ଏ ଇଲୁଚେଏ ମାଚେରି, ଅଚେ ତମା ଜିକେଏ ଏଝାରିତଲେ ମାଚେସି, ଦାରାୟାଁ ସୁଣ୍ଠକି ଆହାମାରୁ, ସାମା ଜୀସୁ ଝାହାନା ଏଝାରି ମାଦି ନିଗାନା ଏଲେଇଚେସି, “ମିଙ୍ଗେ ହିଡ଼ଡ଼ି ଆୟାପେ ।” ୨୭ ତାୟୁ ଏଝାସି ତମାଇଁ ଏଲେଇଚେସି, “ଇମ୍ବାଆଁ ନୀ ଝାଞ୍ଜୁ ଉସାନା ସିନିକିମ୍ବୁ, କେୟୁ ଦାସାନା ନା ପାଡ଼କା ଡ଼ଇକା ତୀଗାମ୍ବୁ; ଆନାମାନା ଆଆନା ନାମାମ୍ବୁ ।”

୨୮ ତମା ଜୀସୁଇଁ ଏଲେଇଚେସି, “ନା ପ୍ରବୁ ନା ମାହାପୁରୁ ।”

୨୯ ଜୀସୁ ଏଝାଣାଇଁ ଏଲେଇଚେସି, “ନାନୁ ନାଜେ ମେସାନା ନାମିମାଞ୍ଜାଦି, ଆମ୍ବାଆରି ମେହଆନା ନାମିନେରି ଏଝାରି ନେହେଁ ।”

ଇ ପତି ଏନାଆଁତାକି ରାସ୍ବକି ଆହାମାନେ

୩୦ ଜୀସୁ ସୀସୁୟାଁ ନକିତା ହାଚେକା କାବାଆନି କାମାୟାଁ କିହାମାଚେସି, ଏଝି ବାରେ ଇ ପତିତା ରାସ୍ବକି ଆହାହିଲାଈ; ୩୧ ସାମା ମାରୁ ଏନିକିଁ ନାମିଦେରି, ଜୀସୁ ମାହାପୁରୁ ମାର୍ବଏସି ମସିହା,\*

\* ୨୦:୨୩ ୨୦:୨୩ ମାତି ୧୭:୧୯; ୧୮:୧୮ \* ୨୦:୩୧ ୨୦:୩୧ କ୍ରୀସ୍ତ

ଇ କାତା ନାମାହାଁ ଏନିକ୍ ମୀରୁ  
ଏଞ୍ଜାଣି ଦରୁଟି ଜୀଞ୍ଜୁ ବେଟାଆଦେରି,  
ଏଦାଆଁତାକି ଇ ବାରେ ରାୟକି  
ଆହାମାନେ ।

### ୨୧

ସାତା ଜାଣା ସୀସୁୟାକ୍ ଜୀସୁ ତଞ୍ଜା  
ଆନାୟି

୧ ଇଦାଆଁ ତାୟୁ ଜୀସୁ ତିବିରିୟା  
ସାମ୍ବୁରି ଗାଟୁତା ସୀସୁୟାକ୍ ଖେଣ୍ଡେ  
ତଞ୍ଜାଆଡେସି; ୨ ଏମ୍ବାଆଁ ସିମନ  
ପିତର ତମା ଆମ୍ବାଆରାକ୍ ଦିଦୁମ  
ଇନେରି, ଗାଲିଲିତି କାନା ଗାଡ଼ାତି  
ନିତନିୟେଲ, ଜେବଦିତି ମୀରକା ଅଡ଼େ  
ତାନି ସୀସୁୟା ବିତ୍ରାଟି ରିଆରି କୃଡ଼ା  
ଆହାମାଚେରି । ୩ ସିମନ ପିତର  
ଏଞ୍ଜାରାକ୍ ଏଲେଇଚେସି, “ନାନୁ ମୀଶକା  
ଆସାଲି ହାଜିମାକ୍ ।” ଏଞ୍ଜାରି ଏଞ୍ଜାଣାକ୍  
ଏଲେଇଚେରି, “ମାମ୍ବୁ ଜିକେଏ ନୀ  
ତଲେ ଖାନମି ।” ଏଞ୍ଜାରି ହାଜାନା  
ତଂଗତା ହଡ଼େରି, ଏ ଲାଆଁୟାଁ ଏଞ୍ଜାରି  
ଏନାଆଁ ଜିକେଏ ବେଟାଆଆଡେରି ।  
୪ ସାମା ଜୁଲୁପୁଲୁ ଆହାଲିଏ ଜୀସୁ  
ଗାଟୁତା ନିଡେସି; ଆଡିଜିକେଏ ଏଞ୍ଜାସି  
ଜୀସୁ ଇଞ୍ଜିଁ ସୀସୁୟାଁ ପୁନାଆଡେରି ।  
୫ ଜୀସୁ ଏଞ୍ଜାରାକ୍ ଏଲେଇଚେସି, “ଏ  
କକାଡେରି ମୀ ତାଣା ଏନାଆଁ ମୀଶକା  
ମାନୁ କି?” ଏଞ୍ଜାରି “ଆଏ” ଇଚେରି ।

୬ ଏଞ୍ଜାସି ଏଞ୍ଜାରାକ୍ ଏଲେଇଚେସି,  
“ତଂଗତି ଚିଃନିଞ୍ଜାକି ଜାଲା ମେଡ଼ଦୁ,  
ଆତିହ୍ ମୀରୁ ବେଟାଆଦେରି ।”  
ଏମ୍ବାଟିଏ ଏଞ୍ଜାରି ଜାଲା ମେଡ଼ହେରି,  
ଏମ୍ବାଆଁ ଇଚେକା ମୀଶକା ଖାଡୁ ଏଞ୍ଜାରି  
ଏଦାଆଁ ରେଜାଲି ଆଡ଼ାଆଡେରି ।

୭ ଏମ୍ବାଟିଏ ଜୀସୁ ଏମିନି ସୀସୁକ୍  
ଜୀଞ୍ଜୁ ନହ୍ ମାଚେସି, ଏ ପିତରକ୍  
ଏଲେଇଚେରି, “ଇଞ୍ଜାସିତ ପ୍ରବୁ ।”  
ସିମନ ପିତର ଇ କାତା ଖେଞ୍ଜାନା  
ତୁମ୍ବଣା ମାତାକି ତାନି ସକା ତୁରହାନା  
ସାମ୍ବୁରିତା ଡେଞ୍ଜିଡେସି; ୮ ସାମା  
ଏଟକାତି ସୀସୁୟାଁ ନେଞ୍ଜାମାନି ମୀଶକା

ଜାଲାତି ରେଜି ରେଜି ତଂଗତି ଗାଟୁତା  
ତାଡେରି, ଇତିହ୍ ଏଞ୍ଜାରି ଗାଟୁଟିଏ  
ହାରେକା ହେକ ହାଜା ହିଲାଆଡେରି ।  
୯ ଏଞ୍ଜାରି ସାମ୍ବୁରି ଗାଟୁତା ରେଟାନା,  
ଏମ୍ବାଆଁ ରାଜାୟାତି ହିରୁ ଇଞ୍ଜା ହିରୁ  
ଲାକ ମୀଶକା ଅଡ଼େ ରୁତି ଇଟାମାନାଣି  
ମେସ୍ତେରି । ୧୦ ଜୀସୁ ଏଞ୍ଜାରାକ୍  
ଏଲେଇଚେସି, “ମୀରୁ ନୀଏଁ ଏମିନି  
ମୀଶକା ଆସାମାଞ୍ଜେରି ଏମ୍ବାଟି ଇଚରା  
ତାତିହ୍ ଖାଡୁ ।”

୧୧ ସିମନ ପିତର ହାଜାନା ସାତାକଡ଼ି  
ଡେରଗଟା ମୀଶକା ମାଟି ଜାଲାତି  
ଗାଟୁତା ରେଜା ତାଡେସି; ଇଚେକା  
ମୀଶକା ତାକି ଜିକେଏ ଜାଲା  
ତାମ୍ବାଆଡେ । ୧୨ ଜୀସୁ ଏଞ୍ଜାରାକ୍  
ଏଲେଇଚେସି, “ଖାଡୁ ତିଞ୍ଜୁ ।” ସୀସୁୟାଁ  
ବିତ୍ରାଟି ଆମ୍ବାଆରି ଏଞ୍ଜାଣାକ୍ ନୀନୁ  
ଆମ୍ବାଆଡି ଇଞ୍ଜିଁ ଖେଞ୍ଜାଲି ସାସା  
କିଆଡେରି, ଇତିହ୍ ଏଞ୍ଜାସି ପ୍ରବୁ  
ଇ କାତା ଏଞ୍ଜାରି ପୁଞ୍ଜାମାଚେରି ।  
୧୩ ଜୀସୁ ଖାହାନା ରୁଟି ଅହାନା ହାଡେସି,  
ଇଞ୍ଜା ମୀଶକା ଜିକେଏ ଏଲେକିହ୍ ଏ  
ହାଡେସି । ୧୪ ଜୀସୁ ହାକିଟି ନିଜିତି  
ତାୟୁ ଇଦି ତାନି ପାଲି ତାକି ସୀସୁୟାକ୍  
ତଞ୍ଜାଆଡେସି ।

### ଜୀସୁ ଅଡ଼େ ପିତର

୧୫ ଏଞ୍ଜାରି ତିଞ୍ଜାଲି ଆଡିତି ଜେତ  
ଜୀସୁ ସିମନ ପିତରକ୍ ଖେଚେସି,  
“ଏ ଜହନତି ମୀର୍ଏଶା ସିମନ  
ଏନାଆଁ ନୀନୁ ନାଜେ ଇଞ୍ଜାରି କିହା  
ହାରେକା ଜୀଞ୍ଜୁ ନହ୍ ମାଞ୍ଜାଦି ?”  
ଏଞ୍ଜାସି ଏଲେଇଚେସି, “ଏ ପ୍ରବୁ ନାନୁ  
ନିଜେ ଜୀଞ୍ଜୁନହ୍ ମାଞ୍ଜାକ୍ ନୀନୁ  
ଏଦାଆଁ ପୁଞ୍ଜାମାଞ୍ଜି ।” ଜୀସୁ ଏଞ୍ଜାଣାକ୍  
ଏଲେଇଚେସି, “ନା ମେଣ୍ଡା ତାଲୁକାଣି  
ତୀହମ୍ବୁ ।” ୧୬ ଜୀସୁ ଖେଣ୍ଡେ ରୀ  
ପାଲି ତାକି ଖେଚେସି, “ଏ ଜହନତି  
ମୀର୍ଏଶା ସିମନ ଏନାଆଁ ନୀନୁ ନାଜେ  
ଜୀଞ୍ଜୁ ନହ୍ ମାଞ୍ଜାଦି ?” ଏଞ୍ଜାସି  
ଏଲେଇଚେସି, “ଏ ପ୍ରବୁ ନାନୁ ନିଜେ

ଜୀବୁନହୁଁ ମାଞ୍ଜାଇଁ ନୀନୁ ଏଦାଆଁ ପୁଞ୍ଜାମାଞ୍ଜି ।” ଏଝାସି ଏଝାଣାଇଁ ଏଲେଇଚେସି, “ନା, ମେଣ୍ଟାୟାଣି ପହିକମ୍ପୁ ।” ୧୭ ଜୀସୁ ଅଡ଼େ ତାନି ପାଲି ତାକି ଖେଚେସି, “ଏ ଜହନତି ମୀରଏଣା ସିମନ ଏନାଆଁ ନୀନୁ ନାଜେ ଜୀବୁ ନହୁଁ ମାଞ୍ଜାଦି ?” ଏଲେଇଞ୍ଜି ତାନି ପାଲି ଖେଞ୍ଜାଲିଏ ଏଝାସି ଦୁକୁ ଆହାନା ଏଲେଇଚେସି, “ଏ ପ୍ରବୁ ନୀନୁ ବାରେ ପୁଞ୍ଜାମାଞ୍ଜି; ନାନୁ ନିଜେ ଜୀବୁନହୁଁ ମାଞ୍ଜାଇଁ, ଏଦାଆଁ ନୀନୁ ପୁଞ୍ଜାମାଞ୍ଜି ।” ଜୀସୁ ଏଝାଣାଇଁ ଏଲେଇଚେସି, “ନା, ମେଣ୍ଟାୟାଣି ଜାଡ଼ନୁ ଅମ୍ପୁ ।”

୧୮ ନାନୁ ମିଜେ ସାତା ଖେସିମାଞ୍ଜାଇଁ, ନୀନୁ ଦାଂଗଣା ମାନି ବେଲତା ନୀ ଚେତେଲି ରୁପା କତାନା ଆମ୍ପିୟାଞ୍ଜାକି ନୀ ମନ ଏନିକା ରେଜିମାଟି, ସାମା ବୁଡ଼ହା ଆଡ଼ିହୁଁ ନୀନୁ ନୀ କେସ୍ତା ଦାହୁଦି ଇଞ୍ଜା ଅରୁ ରଅସି ନୀ ଚେତେଲିତା ଦସାନା ଆମ୍ପିୟା ନୀ ମନ ହିଲେଏ ଏନିକା ରେଜା ଅୟାନେସି । ୧୯ ପିତର ଏନିଲେହେତି ହାକି ତଲେ ମାହାପୁରୁଇଁ ଗାଝୁରମି କିନେସି, ଏଦାଆଁ ପୁଣ୍ଡମ୍ପି କିହାଲି ଏଲେଇଞ୍ଜାମାଚେସି । ଏଲେଇତି ତାୟୁ ଏଝାସି ଏଝାଣାଇଁ ଏଲେଇଚେସି, “ନା, କେଚ ଝାମ୍ପୁ ।”

**ଜୀସୁ ତାନି ଜୀବୁତି ସାସୁ**

୨୦ \*ଜୀସୁ ଏମିନି ସାସୁଇଁ ଜୀବୁ ନହୁଁ ମାଚେସି, ଅଡ଼େ ଲାଆଁୟାଁ ବକ୍ତି ବେଲତା ତାନି ବକତା ଲାବାନା ପ୍ରବୁ ନିଜେ ଆମ୍ପାଆସି ସାତୁୟାଁ କେୟୁତା ହେରପାନେସି ଇଞ୍ଜା ଖେଞ୍ଜାମାଚେସି, ଏ ସାସୁ କେଚ ଝାହିମାନାଣି ପିତର ଖେଣ୍ଡେ ତିରଞ୍ଜାନା ମେସ୍ତେସି । ୨୧ ପିତର ଏଝାଣାଇଁ ମେସାନା ଜୀସୁଇଁ ଖେଚେସି, “ପ୍ରବୁ ଇଞ୍ଜାଣି କାତା ଏନାଆଁ ଇଞ୍ଜିମାଞ୍ଜି ?”

୨୨ ଜୀସୁ ଏଝାଣାଇଁ ଏଲେଇଚେସି, “ନା, ଝାନ୍ତି ଦିନା ପାତେକା ଡ଼ୟାପେସି ଇଞ୍ଜା ନାନୁ ମନ କିଇଁ, ଆତିହୁଁ

ଏମ୍ପାଆଁ ନୀଦି ଏନାୟି ମାନେ ? ନୀନୁ ନା, କେଚ ଝାମ୍ପୁ ।”

୨୩ ଏମ୍ପାଟିଏ ଏ ସାସୁ ହାଅସି, ଇ କାତା ତାୟିୟାଁ ବିତ୍ରା ଖେଞ୍ଜାହାଚେ, ସାମା ଏଝାସି ହାଅସି ଇଞ୍ଜା ଜୀସୁ ଏଝାଣାଇଁ ଏଲେଇଞ୍ଜା ହିଲିଆଚେସି, ସାମା ନା ଝାନ୍ତି ଦିନା ପାତେକା ଏଝାସି ଡ଼ୟାପେସି ଇଞ୍ଜା ନାନୁ ମନ କିଇଁ, ଆତିହୁଁ ଏମ୍ପାଆଁ ମୀ ଏନାୟି ମାନେ ଇଞ୍ଜା ଖେସାମାଚେସି ।

୨୪ ଆମ୍ପାଆସି ଇ ବାରେ ସାକି ହାହିମାନେସି, ଅଡ଼େ ଇ ବାରେ ରାଡ଼ାମାନେସି, ଏଝାସି ଏ ସାସୁ; ଅଡ଼େ ଏଝାଣି ସାକି ସାତା ଇଦାଆଁ ମାମ୍ପୁ ପୁଞ୍ଜାମାନମି ।

**ରାନ୍ତି ହାତା**

୨୫ ଜୀସୁ ହାଚ୍ଚେ ହାଚ୍ଚେକା କାମାୟାଁ କିହାମାଚେସି; ଏ ବାରେ ରଣ୍ଡା ରଣ୍ଡାଆଁ କିହୁଁ ରାଡ଼ିତିହୁଁ ମା, ଇଚେକା ପତିୟାଁ ରାସ୍ତି ଆତୁମା, ଇତିହୁଁ ନା ଅଣ୍ପୁତା ବାରେ ଦାର୍ଡିତା ଜିକେଏ ଏ ବାରେ ଇଗାଲି ଟାୟୁ ଆଆତେମା ।

# ପ୍ରେରିତ ମାନଙ୍କ କାର୍ଯ୍ୟ ପାଣ୍ଡୁ ଆହ୍ୱାନାନାରି କାମା ମୂଲ୍ୟ ହାତୀ

ପାଣ୍ଡୁ ଆହ୍ୱାନ କାମାତି ପତି କୁଲମିକା ମାଟୁହି କାତା ଅଡ଼େ ଜୀସୁ ଲାକପୁରୁ ହାନି ନକେଏ ତାନି ସୀସୁୟାଣି ଖେସାମାତି ଲେହେ, ଏନିକ୍ ଜିରୁସାଲମଟିଏ ଜାହୁଦା, ସମିରଣ, ଅଡ଼େ ସାରିଖାକି ଏଡେ, ଏ କାତାତି ପୁସପନି ୧:୮ ଈ ପତି ଲୁକ ରାଚାମାନେସି, ଆମ୍ବାଆସି ଲୁକ ରାଚାମାନି ନେହ୍ କାବୁ ରାଚାମାନେସି । ଏଞ୍ଜାସି ତାଙ୍କାଦର ମାନେସି ଇଞ୍ଜା ବାରେ କାତା ଜାଡ଼ନୁ ତଲେ ରାଚାମାନେସି । ଏଞ୍ଜାସି ତାନି ଲୁକ ନେହ୍ କାବୁ ପାଣ୍ଡୁ ଆହ୍ୱାନାନାରି କାମା ଈ ରୀ ପତିତା ଜିକେଏ ତିୟପିଲ ଇଞ୍ଜା ଖେସାମାନେସି, ଏଞ୍ଜାସି ଗ୍ରିକ୍ ଲକୁ ମାନେସି, ସାମା ଗ୍ରିକ୍ ଅଡ଼େ ଜୀହୁଦି ଲକୁଣି ଆଟୁହି କ୍ରୀସ୍ତାନା ଲକୁକି ଜିକେଏ ଈ ପତି ରାସ୍ତକି ଆହ୍ୱାନାଚେ ୧:୧ ।

କ୍ରୀସ୍ତ ଜାର୍ନାଆଡ଼ି ତାୟୁ ୬୦-୬୪ ବର୍ସା ବିତ୍ତା ପାଣ୍ଡୁଆଡ଼ି ପତି ରାସ୍ତକି ଆହ୍ୱାନାଣ୍ଡିନେ, ଏନାଆଁତାକି ଇତିହ୍ ପାଞ୍ଜୁଲ କାୟିଦିଟି ପିସପିଆଡ଼ି ନକେଏ ପତି ରାଚାଲି ରାହାମାନେ । ଲୁକ ଜିକେଏ ପାଣ୍ଡୁଆଡ଼ି ପାଞ୍ଜୁଲ ତଲେ ରେଜିମାନେସି ଅଡ଼େ ଆନ୍ତିୟକତି ଗାଡ଼ାତା ଈ ପାଣ୍ଡୁ ଆହ୍ୱାନାନାରି କାମା ପତି ରାଚାମାନେସି । ପାଣ୍ଡୁ ଆହ୍ୱାନ କାମା ପତି “ଲୁକ ରାଚାମାନି ନେହ୍ କାବୁ” ରାଚିତି ଜେଚ ଜେଚ ଜୀସୁ ଲାକପୁରୁ ହାଜାଲିଏ ରାଚାଲି ମାଟୁହା ମାନେସି । ଲୁକ ତାନି ନେହ୍ କାବୁ ଏନାଆଁତାକି ରାଚାମାନେସି, ଏଲେକିହ୍ ଏ ଈ ପାଣ୍ଡୁ ଆହ୍ୱାନାନାରି କାମା ପତି

ରାଚାମାନେସି । ଏଞ୍ଜାସି ତିୟପିଲ ଅଡ଼େ ଗାତି ଜାନା ଆହିମାନି କ୍ରୀସ୍ତାନା ଲକୁଇଁ ଏନାଆଁ ଜାପୁଡ଼ି ଆହ୍ୱାନାଚେ, ଏମ୍ବାଆଁ ତାରି ଆହ୍ୱାଲି ଅଣ୍ଡିମାନେସି, ଏନାଆଁତାକି ଜୀସୁତି ବାରେ କାତା ଅଡ଼େ କ୍ରୀସ୍ତାନା ଲକୁ ବାରେଖାକି ଆହିମାନି କାତା ରାଚାମାନେସି ।

ପାଣ୍ଡୁ ଆହ୍ୱାନାନାରି କାମା ପତି ମୂଲ୍ୟ ଆଡ଼ି କୁଲମିକାତି କାତା ଅଡ଼େ ଜୀସୁ ତାଣା ନାମୁତଲେ ନୀତିନାୟି ଏନିଆହ୍ ତଞ୍ଜା ଆନାୟି ଏନାଆଁ ମାଲେ ଖେସ୍ତାନେ । ସୁଦୁଜୀଞ୍ଜୁତି ବାଡ଼ୁ ତଲେ ଏନିକିହ୍ ଏଟକା ଲକୁତାଣା ନେହ୍ କାବୁ ଏପନାୟି ପାଣ୍ଡୁ ଆହ୍ୱାନ କାତା ଖେସ୍ତାନେ ।

### ପତିତା ମାନାୟି

- ୧. ମୂଲ୍ୟ ସୀସୁୟାଁ ଲାକ ସୁଦୁଜୀଞ୍ଜୁ ଖାନାୟି ଅଡ଼େ କୁଲମି ପାତାଆନାୟି । ୧:୧-୮:୧
- ୨. କୁଲମି ସାସି ବେଟାଆନାୟି ଅଡ଼େ ଜିରୁସାଲମ ସାରିଖାକି ଏନାୟି । ୮:୨-୧୨:୨୩
- ୩. ପାଞ୍ଜୁଲ ମୂଲ୍ୟ ତାନି ସେବା କାମାତାକି ହାନାୟି । ୧୨:୨୪-୧୪:୨୮
- ୪. ଜିରୁସାଲମତା କୁଟମି କୁଗିନାୟି । ୧୫:୧-୩୫
- ୫. ପାଞ୍ଜୁଲ ରୀ ପାଲି ତାନି ସେବା କାମାତା ହାନାୟି । ୧୫:୩୬-୧୮:୨୨
- ୬. ପାଞ୍ଜୁଲ ତାନି ପାଲି ତାନି ସେବା କାମାତା ହାନାୟି । ୧୮:୨୩-୨୦:୩୮
- ୭. ପାଞ୍ଜୁଲ ଜିରୁସାଲମତା ଦସପି ଆନାୟି । ୨୧-୨୭
- ୮. ରମତା ପାଞ୍ଜୁଲଇଁ ପାଣ୍ଡିନାୟି । ୨୭-୨୮

ସୁଦୁଜୀଞ୍ଜୁ ତାକି ଆଞ୍ଜିନାୟି  
 ୧ \*ଏ ଜୀଞ୍ଜୁତି ତିୟପିଲ, ନା ମୂଲୁତି ପତିତା ଈ ବାରେ କାତା ରାଚାମାନି, ଜୀସୁ ଏନିନି କାମା ମାଟୁହେସି ଅଡ଼େ ଜାପୁହେସି, ୨ ଏ ଦିନା ପାତେକା ଏଞ୍ଜାସି ପାଣ୍ଡୁ ଆହ୍ୱାନଇଁ ଆଚାମାନେସି,

☆ ୧:୧ ୧:୧ ଲୁକ ୧:୧-୪

ସୁଦୁଜୀଝୁ ତଲେ ହୁକୁମି ହାହାନା  
 ଲାକପୁରୁ ଅଢ଼ି ଆହାମାଚେସି ।  
 ୩ ଏଚେଟିଏ ଜୀସୁ ତାନି ଦୁକୁ ବେଟାଆଡ଼ି  
 ତାୟ ହାଚେକା ଦିନା ଏଝାସି ଜୀଝୁତଲେ  
 ମାଚେସି ଇଦାଆଁ ପାଣ୍ଡୁଢ଼ି ଆହାମାନାରି  
 ତାଣା ପାରମାଣା କିଚେସି, ଇଞ୍ଜା ରୀ  
 କଡ଼ି ଦିନା ପାଚେକା ହାଚେକା ଦେବା  
 ତଞ୍ଜାଆହାନା ମାହାପୁରୁ ରାଜିତି କାତା  
 ଜାପୁହେସି । ୪ \*ର ଦିନା ଏଝାରି ରଣ୍ଡିଏ  
 ତାଣା ତିଞ୍ଜାଲି କୂଡ଼ା ଆହାମାଚି ବେଲାତା  
 ଜୀସୁ ଏଝାରାକି ଇ ହୁକୁମି ହାଚେସି;  
 “ମୀରୁ ଜିରୁସାଲମ ପିସାଁ ଆମ୍ବିୟା  
 ହାଲାଆଦୁ, ସାମା ମୀରୁ ମାହାପୁରୁ  
 ଆବାତି ଆଞ୍ଜାମାନାଣି ନା ତାଣାଚି ଖେଞ୍ଜା  
 ମାଞ୍ଜେରି, ଏଦାଆଁ ପାଣ୍ଡନି ପାଚେକା  
 କାଚାନା ତୟାଦୁ; ୫ \*ଇଚିହିଁ ଜହନ  
 ଏୟୁତା ବାପ୍ତିସ୍ତା\* ହାଚେସି ସାତା, ସାମା  
 ମୀରୁ ଏଚରଦିନା ଜେଚ ସୁଦୁଜୀଝୁ ତଲେ  
 ବାପ୍ତିସ୍ତା† ବେଟାଆଦେରି ।”

ଜୀସୁ ଲାକପୁରୁ ହାନାୟି  
 (ମାର୍କ ୧୭:୧୯-୨୦; ଲୁକ ୨୪:୫୦-  
 ୫୩)

୬ ର ଦିନା ପାଣ୍ଡୁଢ଼ି ଆଡ଼ାରି ରୁଣ୍ଡା  
 ଆହାମାଚି ବେଲା ଜୀସୁଇଁ ଖେଚେରି,  
 “ପ୍ରବୁ, ନୀନୁ ଏନାଆଁ ନୀଏଁ ଇସ୍ରାୟେଲ  
 କେୟୁତା ଅଡ଼େ ଖେଣ୍ଡେ ଇ ରାଜିତି  
 ହେରପିଦି?”

୭ ଜୀସୁ ଏଝାରାଇଁ ଏଲେଇଚେସି,  
 “ଆମିନି ଦିନା ଅଡ଼େ କାଲା ନା ଆଡ଼ା  
 ତାନି ଅଦିକାରାତା ଇଟାମାନେସି,  
 ଏ ବାରେ ମିଙ୍ଗେ ପୁଞ୍ଜାଲି ଲଡ଼ା  
 ଆଏ । ୮ \*ସାମା ସୁଦୁଜୀଝୁ ମୀ  
 ତାଣା ଖାଡ଼ିସାରେ, ମୀରୁ ବାଡ଼ୁୟୁ  
 ବେଟାଆଦେରି, ଇଞ୍ଜା ଜିରୁସାଲମ  
 ବାରେ ଜୀହୁଦା ଦେସା ଇଞ୍ଜା ସମିରଣତା  
 ଅଡ଼େ ବୁମି ମୁଟପେ ତାକି ନା ସାକି  
 ଆଦେରି ।” ୯ \*ଏଝାସି ଇ ବାରେ କାତା  
 ଖେସ୍ତି ତାୟୁ ଏଝାରି ମେସପନିଏ ଜୀସୁ  
 ଲାକପୁରୁ ହାଚେସି, ଅଡ଼େ ଇଚାୟି ଦୁୟା

ଏଝାଣାଇଁ ଏଝାରି ତାଣାଚି ଅହିଁ ହାଚେ,  
 ଏଝାରି ଅଡ଼େ ଏଝାଣାଇଁ ମେହୁଆଚେରି  
 ।  
 ୧୦ ଏଝାସି ଲାକପୁରୁ ହାଜାଲିଏ  
 ଜିକେଏ ଏଝାରି ହାଗୁଝାକି ମୁମ୍ବୁ କିହାନା  
 ସିନିକିହି ମାନେରି; ଏଚିବେଲା ଦବଲା  
 ହିମ୍ବୁରିକା ହୁଟାମାନି ରିଆରି ଦେବୁଣିଏ  
 ଏଝାରି ନକିତା ନିଚେରି, ୧୧ ଇଞ୍ଜା ଏଝାରି  
 ଏଲେଇଚେରି “ଏ ଗାଲିଲିତି ଲକୁଚେରି,  
 ଏନାଆଁତାକି ହାଗୁଝାକି ମୁମ୍ବୁ କିହାନା  
 ନିଚାମାଞ୍ଜେରି ? ଇ ଆମିନି ଜୀସୁ  
 ମୀ ତାଣାଚି ଲାକପୁରୁ ଅଢ଼ିଆଡ଼େସି,  
 ଏଝାଣାଇଁ ଏନିକିଁ ଲାକପୁରୁ ହାଚାଣି  
 ମୀରୁ ମେସ୍ପେରି, ଅଡ଼େ ଏଲେକିହିଁ ଏ  
 ଖେଣ୍ଡେ ଖାନାଣି ମେହୁଦେରି ।”

ଜୀହୁଦା ଗାୟୁତା ମାତିୟୁଇଁ  
 ଆଡ଼ିନାୟି

୧୨ ଏମ୍ବାଟିଏ ତାୟୁ ଏଝାରି ଜୀତ  
 ଇନି ହରୁ ଲାକଟି ଜିରୁସାଲମତା  
 ଖେଣ୍ଡାଖାଡ଼େରି, ଏ ଜୀତ ହରୁଟିଏ  
 ଜିରୁସାଲମ ର କିଲମିଟର ହେକ  
 ମାଚେ । ୧୩ \*ଇଞ୍ଜା ଏଝାରି ପିଚର,  
 ଜହନ, ଜାକୁବ, ଆୟିୟ, ପିଲିପ,  
 ତମା, ବାର୍ତଲମି, ମାତିୟୁ, ଆଲେପି  
 ମୀରଏସି ଜାକୁବ, ଦେସାତି ଜୀଝୁ ନନି  
 ସିମନ ଅଡ଼େ ଜାକୁବ ମୀରଏସି ଜୀହୁଦା,  
 ଗାଡ଼ାତା ଏଜାନା, ଏମିନି ଲାକନି ଇଲୁତା  
 ବାସା ଆହାମାଚେରି, ଏମ୍ବାଆଁ ହାଚେରି ।  
 ୧୪ ଏଝାରି ବାରେଜାଣା ଇୟାସିକା ତଲେ  
 ଇଞ୍ଜା ଜୀସୁତି ଇୟା ମରିୟମ ଅଡ଼େ ତାମି  
 ତାୟିୟାଁ ତଲେ ରଣ୍ଡିଏ ଅଣ୍ଡୁ ତଲେ  
 ପ୍ରାତାନା କିହିଁ ରୁଣ୍ଡା ଆହାମାଚେରି ।

୧୫ ଏଚରଦିନା ତାୟୁ ନାମିତାରି  
 କୂଡ଼ା ଆହାମାଚେରି, ଏମ୍ବାଆଁ ସ କଡ଼ି  
 ଜାଣା ଲକୁ କୂଡ଼ା ଆହାମାଚେରି, ପିଚର  
 ତାୟିୟାଁ ବିତ୍ରାଟି ନିଚାନା ଏଲେଇଚେସି,  
 ୧୬ “ଜୀଝୁତି ତାୟିୟାଁ ଅଡ଼େ ତାଙ୍ଗିସ୍ତା,  
 ଆମିନି ଇସ୍ପାରିୟତ ଜୀହୁଦା ଜୀସୁଇଁ  
 ସାଡ଼ୁୟାଁ କେୟୁତା ଆସପି କିହାଲିତାକି

\* ୧:୪ ୧:୪ ଲୁକ ୨୪:୪୯    ☆ ୧:୫ ୧:୫ ମାତି ୩:୧୧; ମାର୍କ ୧:୮; ଲୁକ ୩:୧୭; ଜହ ୧:୩୩    \* ୧:୫ ୧:୫  
 ମୁଞ୍ଜିନାୟି    † ୧:୫ ୧:୫ ମୁଞ୍ଜିନାୟି    ☆ ୧:୮ ୧:୮ ମାତି ୨୮:୧୯; ମାର୍କ ୧୭:୧୫; ଲୁକ ୨୪:୪୭,୪୮    ☆ ୧:୯  
 ୧:୯ ମାର୍କ ୧୭:୧୯; ଲୁକ ୨୪:୫୦,୫୧    ☆ ୧:୧୩ ୧:୧୩ ମାତି ୧୦:୨-୪; ମାର୍କ ୩:୧୭-୧୯; ଲୁକ ୬:୧୪-୧୭

ଜିରୁ ତସାମାଚେସି, ଏଞ୍ଜାଣି ତାକି ସୁଦୁଜୀଞ୍ଜୁ ନକେଏ ଦାଞ୍ଜୁଦ ଗୁତିତି ଏନାଆଁ ଖେସାମାଚେସି, ଏ ଦାମ୍ନୁ ସାଢ଼େସୁରି ପୁରା ଆନାୟି ମାଚେ; ୧୭ ଇତିହୁ ଏଞ୍ଜାସି ମା ବିତ୍ରାଟି ରଅସି ଇଞ୍ଜୁ ଏଜିକିଞ୍ଜି ଆହିମାଚେସି, ଅଡ଼େ ଇ ସେବା କାମାତା ପାଣା ବେଟାଆହା ମାଚେସି ।”

୧୮ \*ଇ ଇସ୍ପାରିୟତ ଜୀହୁଦା ଲାଗେଏ କାମା କିତି ତାବୁୟାଁ ତଲେ ରଚାଣି ବୁମି କଡ଼ଞ୍ଜି ଆହାମାଚେ, ଅଡ଼େ ଏଞ୍ଜାସି ହାଡ଼ି ତାଣା ତାୟି ଡ଼ଇ କିହୁ ତରଗାଲିଏ ତାନି ବାଣ୍ଡି ତାୟାହାଚେ ଇଞ୍ଜା ଖାହିୟାଁ ହଚାହାରୁ । ୧୯ ଅଡ଼େ, ଇଦାଆଁ ଜିରୁସାଲମ ଗାଡ଼ାତା ବାସା କିହିମାନି ଲକୁ ବାରେ ପୁଞ୍ଜାଲିଏ ଏ ବୁମିତି ଏଞ୍ଜାରି ହାଡ଼ାତଲେ “ହକଲ୍‌ଦାମା” ଇତିହୁ “ନେତେରି ବୁମି” ଇଞ୍ଜୁ ଖେଜିତେ ।

୨୦ ଅଡ଼େ ପାରୁ ପତିତା ରାସ୍‌କି ଆହାମାଚେ,

“ଏଞ୍ଜାଣି ବାସାଟାୟୁ ଖାରଆୟି ଆଢ଼େ; ଏମ୍ବାଆଁ ଆମ୍ବାଆରି ବାସା କିଆପେରି ।” ଅଡ଼େ ଜିକେଏ ରାସ୍‌କି ଆହାମାଚେ; “ଏଞ୍ଜାଣି କାମାତି ପାଣା ଅର ରଅସି ବେଟା ଆଢ଼େସି ।”

୨୧ \*ଏଦାଆଁତାକି, ପ୍ରବୁ ଜୀସୁ ଖେଣ୍ଡେ ନିଜିତି କାତା ସାକି ଆହାଲି ଅର ରଅସି ମା ତଲେ ଆଣ୍ଡାନାୟି ମାଚେ । ୨୨ ଜୀସୁ ଜହନ ତାଣାଟି ବାପ୍ତିସ୍ମଃ ଅଡ଼ି ବେଲାଟିଏ ଲାକପୁରୁ ହାନି ପାତେକା ପ୍ରବୁ ଜୀସୁ ମା ତଲେ ନୀତାମାତି ବେଲାତା, ଆମିନି ଲକୁ ମା ଗତିତା ମାଚେରି, ଏଞ୍ଜାରି ତାଣାଟି ରଅସି ଖେଣ୍ଡେ ନିଜିନି ସାକି ଆନାୟି ମାଚେ ।”

୨୩ ଏଚେଟିଏ ଏଞ୍ଜାରି ରିଆରାଈଁ ଇତିହୁ ଜସେପଇଁ, ଆମ୍ବାଆରାଈଁ ବର୍ସବା ଇନେରି ଅଡ଼େ ଆମ୍ବାଆରି ହାଟା ଦରୁ ଜୁସୁ ଏଞ୍ଜାଣାଈଁ ଇଞ୍ଜା ମତିୟଇଁ ବାଟି କିହାନା, ୨୪ ଇ ପ୍ରାତାନା କିତେରି, “ପ୍ରବୁ ନୀନୁ ବାରେତି ହିୟାଁତି ଅଣ୍ଡପୁ ପୁନାତି,

ଜୀହୁଦା ଏମିନି ଟାୟୁତା ଡ଼ୟିନାୟି ମାଚେ ଏଞ୍ଜାସି ହାଜାଲିଏ, ଏଞ୍ଜାଣି ଟାୟୁତା ଇ ରିଆରି ବିତ୍ରାଟି ନୀ ତାଣାଟି ଆଡ଼ିତାସି ଆମ୍ବାଆସି, ୨୫ ଏ ପାଣ୍ଡୁଞ୍ଜି ଆହାମାନାରି ସେବା କାମା କିହାଲି ଆମ୍ବାଆରାଈଁ ଜୀହୁଦା ପାଣାତା ବାଟି କିହାମାଞ୍ଜି ତସାମୁ ।” ୨୬ ଅଡ଼େ ଏଞ୍ଜାରି ଏ ରିଆରି ତାକି ପାଦି କିହାଲିଏ ମତିୟ ଦରୁତଲେ ଆଡ଼େ; ଅଡ଼େ ଏଞ୍ଜାସି ଏଗାର ଜାଣା ପାଣ୍ଡୁଞ୍ଜି ଆହାମାନାରି ଗତିତା ଆଣ୍ଡିତେସି ।

୨

ସୁଦୁଜୀଞ୍ଜୁ ରେଟା ଖାନାୟି

୧ ପେଡ଼ିକସୁ\* ଦିନାତା କ୍ରୀସ୍‌ଇଁ ନାମିତି ବାରେଜାଣା ର ଟାୟୁତା ରୁଣ୍ଡା ଆହାମାଚେରି । ୨ ଏ ଦେବୁଣିଏ କାଜା ଗାଲି ଖାହିମାନି ଲେହେଁ ର ହାଡ଼ା ଲାକପୁରୁଟି ଖାହାଁ, ଆମିନି ଇଲୁତା ଏଞ୍ଜାରି କୁଗାମାଚେରି, ଏ ଇଲୁତି ବାରେଖାକି ଖେଜିତେ । ୩ ଇଞ୍ଜା ହିରୁ ଗୁଦ୍‌ଖା ଲେହେଁ ତଞ୍ଜାଆହାନା ଏଞ୍ଜାରି ନକିତା ରଣ୍ଡି ରଣ୍ଡି ଆହୁଁ ଏ ବାରେଜାଣାଟି ଲାକ ରେଟାଖାଡ଼େ । ୪ ଏମ୍ବାଟିଏ ଏଞ୍ଜାରି ବାରେଜାଣା ସୁଦୁଜୀଞ୍ଜୁ ବେଟାଆହାନା ଏ ଜୀଞ୍ଜୁ ଏନିକିଁ ଜଲ୍‌ଲାଲି ବାଡ଼ୁୟୁ ହାଚେ, ଏଲେକିଁ ଏଞ୍ଜାରି ଏଟକା ଏଟକା ହାଡ଼ାତଲେ ଜଲ୍‌ଲାଲି ମାଟୁହେରି ।

\* ଏଟିବେଲାତା ପେଡ଼ିକସୁ ପାର୍ବୁତାକି ହାଗୁ ଡ଼ଇତି ଏଟକା ଏଟକା ଦେସାଟି ଖାହାମାଟି ଜୀହୁଦି ଲକୁ ଜିରୁସାଲମତା ଡ଼ୟା ମାଚେରି; ୬ ଅଡ଼େ, ଏ ହାଡ଼ା ଖେଞ୍ଜାଲିଏ, ହାଟେରକା ଲକୁ କୁଡ଼ା ଆହାନା ବାରେଜାଣା ଜାହା ଜାହାରା ହାଡ଼ାତଲେ ଏଞ୍ଜାରି ଜଲ୍‌ଲିମାନାଣି ଖେଞ୍ଜାନା କାବା ଆହାହାଚେରି । ୭ ଇଞ୍ଜା ଏଞ୍ଜାରି ଆତାଜାକା ଅଡ଼େ କାବାଆହାନା ଏଲେଇଚେରି, “ମେହ୍‌ଦୁ ଇ ଆମିନି ଲକୁ ହାଡ଼ା ଜଲ୍‌ଲିମାନେରି, ଏଞ୍ଜାରି ବାରେ

\* ୧:୧୮ ୧:୧୮ ମାତି ୨୭:୩-୮    \* ୧:୨୧ ୧:୨୧ ମାତି ୩:୧୭; ମାର୍କ ୧:୯; ଲୁକ ୩:୨୧; ମାର୍କ ୧୭:୧୯; ଲୁକ ୨୪:୫୧    † ୧:୨୨ ୧:୨୨ ମୁଞ୍ଜିନାୟି    \* ୨:୧ ୨:୧ ପିସପିଆନି ପାର୍ବୁତି ରା କଡ଼ି ଦସ ଦିନା

ଗାଳିଲିତାରି ଆଏକି ? ଠାଆତିହୁଁ, ମାର  
 ଏନିକି ବାରେଜାଣା ଜାହା ଜାହାରା  
 ଜାନା ଚାୟୁତି ହାଡ଼ାତଲେ ଜଲିମାନାଣି  
 ଖେଞ୍ଜିମାନାୟି ? ଧାତୟ, ମାଦିୟ,  
 ଏଲମିୟ, ଅଡ଼େ ମେସପଚାମିୟା,  
 ଜୀହୁଦା ଦେସା, କାପାଦକିୟା;  
 ପନ୍ତ ଅଡ଼େ ଆସିୟା, ଧୂପୁଗିୟା,  
 ପଂପୁଲିୟା, ମିସର ଇଞ୍ଜା କୁରିଣି ଦାରିତା  
 ଡ଼ଇନି ଲିବିୟା ନାସ୍କାଣା ବାସା କିନାରି,  
 ଇଞ୍ଜା ରମ୍ପତି ଖାହାମାନି ଜୀହୁଦି,  
 ଧୂ ଅଡ଼େ ଏବକା କୁଡ଼ାତି ଲକୁ ଜୀହୁଦି  
 ଦାମ୍ପୁତି ନାମାହାଁ ଡ଼ୟାମାନାରି; ଅଡ଼େ  
 କ୍ରିତି ଇଞ୍ଜା ଆରବିୟ ଦେସାତି ଲକୁତାୟି  
 ମାର, ମାର ଜାହା ଜାହାରା ହାଡ଼ାତଲେ  
 ମାହାପୁରୁତି କାଜା କାଜା କାମାତି  
 କାତା ଜଲିମାନାଣି ଖେଞ୍ଜିମାନାୟି ।”  
 ୧୭ ଅଡ଼େ ବାରେଜାଣା ଆତାଜାକା ଅଡ଼େ  
 କାବାଆହାନା ତାମ୍ପୁ ତାମ୍ପୁ ହାଡ଼ାକାତା  
 ଆଡ଼େରି, “ଇଦାଣି ଅର୍ଥ ଏନାୟି ?”

୧୮ ସାମା ଏବକାତାରି ଲାଜାକିହୁଁ  
 ଏଲେଇଚେରି, “ଇଞ୍ଜାରି ପୁଃନି  
 ଡ଼ାକ୍‌ହି ଅଜ୍ଞୁରି ରାସା ଗସାନା ହଚା  
 ହାଜାମାନେରି ।”

ପିତର କାରୁ ଖେକ୍‌ନାୟି

୧୪ ସାମା ପିତର ଏଗାର ଜାଣା  
 ସୀସୁୟା ତଲେ ନିଚାନା କାଜା  
 ଗିୟାତଲେ ଏଲେଇଚେସି, “ଜୀହୁଦି  
 ତାୟିୟା ଅଡ଼େ ଜିରୁସାଲମତା  
 ବାସା କିହିମାନାତେରି, ମୀରୁ ନା  
 କାତାତି ଖେଞ୍ଜାଦୁ ଅଡ଼େ ଇଦାଆଁ  
 ପୁଞ୍ଜୁ । ୧୫ ଇଚିହୁଁ ମୀରୁ ଏନିକି  
 ଅଣ୍ପିମାଞ୍ଜେରି, ଇଞ୍ଜାରି ଏଲେକିହୁଁ  
 ଅଜ୍ଞୁରି ରାସା ଗସାହାଁ ହଚା ହିଲଅରି;  
 ଇଦି ଆଡ଼େ ଲାକ୍‌ତି ନ ଗଂଚା  
 ଆହାମାନେ । ୧୬ ସାମା ମାହାପୁରୁ  
 ଅଣ୍ପୁତି ବଲୁ ଖେହ୍‌ନି ଆମିନି ଜୟେଲ  
 ତାଣାଟି ରାସ୍କି ଆହାମାନେ ଇଦି  
 ଆହିମାନେ ଏଦି;

୧୭ ‘ମାହାପୁରୁ ଖେସିମାନେସି ରାନ୍ତି  
 ଦିନାତା ଇ ବାରେ ଗଚଞ୍ଜି  
 ଆନେ,

ନାନୁ ବାରେ ଲକୁତାକି ନା ଜୀହୁ  
 ପାଣ୍ଡାକ୍‌,  
 ଏଚେଟିଏ ମୀ ମୀରକା ମାସ୍କା  
 ମାହାପୁରୁ ଅଣ୍ପୁତି ବଲୁ  
 ଖେହ୍‌ନେରି,  
 ମୀ ଦାଂଗଣାୟାଁ କାବା ଆନାଣି  
 ମେହ୍‌ନେରି,  
 ଅଡ଼େ ମୀ ବୁଡ଼ହାୟାଁ ହାପାନା  
 ହେଣ୍‌ନେରି ।

୧୮ ହାଅ, ଏ କାଲାତା ନା ହଲିୟାକା  
 ଇଞ୍ଜା ହଲେଣିସିକା ଲାକ,  
 ନାନୁ ନା ଜୀହୁତି ଏଞ୍ଜାରି ଲାକ  
 ଖାକ୍‌କ୍‌,  
 ଏଚେଟିଏ ଏଞ୍ଜାରି ମାହାପୁରୁ  
 ଅଣ୍ପୁତି ବଲୁ ଖେହ୍‌ନେରି ।

୧୯ ନାନୁ ହାଗୁ ଲାକ କାବାଆନି କାମା;  
 ଅଡ଼େ ଡ଼ଇ ଦାର୍‌ତିତା କାବାଆନି  
 ସିନାୟାଁ,

ଏମ୍‌ଆଁ ନେତେରି, ହିକୁ ଇଞ୍ଜା ହାରେକା  
 ବୟ୍‌ ଡ଼ହ୍‌କ୍‌;  
 ୨୦ ପ୍ରବୁତି କାଜା ଗାଞ୍ଜୁରମି ଦିନା  
 ଖାନ୍ତି ନକେଏ,  
 ଖେଡ଼ା ଆନେରି ଆନେ,  
 ଅଡ଼େ ଲେଞ୍ଜୁ ନେତେରିଲେହେଁ ଆନେ ।

୨୧ ଅଡ଼େ ଇଲେକିହୁଁ ଆନେ,  
 ଆମ୍‌ଆସି ପ୍ରବୁ ଦରୁ ଆସାନା  
 ପ୍ରାଡ଼ାନା କିନେସି, ଏଞ୍ଜାସି  
 ଗେଲ୍‌ପି ଆନେସି ।”

୨୨ “ଇସ୍ରାୟେଲ ଲକୁତେରି, ଇ  
 ବାରେ କାତା ଖେଞ୍ଜୁ ! ନାଜ୍‌ରିତ ଜୀସୁ  
 ହାରେକା ବାଡ଼ୟୁତି କାମା, କାବାଆନି  
 କାମା ଇଞ୍ଜା ସିନାୟାଁ ତଲେ ମୀ ନକିତା  
 ମାହାପୁରୁତି ପାଣ୍ଡା ଆଡ଼ାସି ଇଞ୍ଜା  
 ପାର୍‌ମାଣା ଆହାମାନେସି, ଏଞ୍ଜାଣି  
 ତାଣାଟି ମାହାପୁରୁ ମୀ ତାଣା ଇ  
 ବାରେ କାମା କିହାମାନେସି, ଇଦାଆଁ  
 ମୀରୁ ପୁଞ୍ଜାମାଞ୍ଜେରି । ୨୩ ଏ ଜୀସୁ  
 ମାହାପୁରୁ କିହାମାନି ଅଣ୍ପୁ ଅଡ଼େ  
 ତଲିତି କାତାତଲେ ହେରପି ଆହାଲିଏ,  
 ମୀରୁ ଏଞ୍ଜାଣାକ୍‌ ପାପୁ ଗାଟାରି କେୟୁତି  
 ପାସି ମୁଣ୍ଡାତା ଏକ୍‌ହାନା ପାୟାମାଚେରି ।

☆ ୨:୨୩ ୨:୨୩ ମାତି ୨୭:୩୫; ମାର୍କ ୧୫:୨୪; ଲୁକ ୨୩:୩୩; ଜହ ୧୯:୧୮ ☆ ୨:୨୪ ୨:୨୪ ମାତି ୨୮:୫,୬;  
 ମାର୍କ ୧୭:୨; ଲୁକ ୨୪:୫



୨୪ \*ସାମା ମାହାପୁରୁ ଏଞ୍ଜାଣାଇଁ ହାକିତି ବାଡ଼ୁଛୁଟି ଗେଲୁପାନା ନୀରହା ମାତେସି, ଇଚିହୁଁ ଏଞ୍ଜାସି ହାକିତା ଦସପି ଆହା ଡ଼ୟିନେସି ଏଡ଼ି ଆହାଲି ଆଡେତଏ ।”

୨୫ ଦାଞ୍ଜୁଦ ଏ କାତାଡ଼ି ଖେସାମାନେସି,  
“ନାନୁ ବାରେରେଲା ନା ନକିତା ପ୍ରବୁଇଁ ମେସିମାଚେସି;  
ଇଚିହୁଁ ନାନୁ ଏନିକୁଁ କିଲିବିଲି ଆଅଁ, ଏଦାଆଁତାକି ଏଞ୍ଜାସି ନା ଟିଃନି ଟଟତା ମାନେସି ।

୨୬ ଏଦାଆଁତାକି ନା ହିୟା ରାହାଁ  
ଅଡେ ନା ଖେନ୍ଦରି ରାହାଁ ଆଡେ,  
ଅଡେ ନା ଆଜା ଜିକେଏ ବାସୁ ତଲେ ବାସା କିନେ,

୨୭ ଇଚିହୁଁ ନାନୁ ନା ଜୀଞ୍ଜୁତି ହାକିପୁରୁତା ପିହୁଅତି;  
ଅଡେ ନୀ ନାମୁ ଅଡେ ସୁଦୁ ଗାଟାଣାଇଁ ମାହୁଣି ମାଣ୍ଡାତା ସୀରହାଲି ହୀଅତି ।

୨୮ ନାନୁ ନାଜେ ଜୀଞ୍ଜୁତି ଜିରୁ ତସାମାଞ୍ଜାଦି,  
ଅଡେ ନାନୁ ନାଜେ ନୀ ନକିତା ରାହାଁତା ନେଞ୍ଜିକିୟାଦି ।”

୨୯ “ଇସ୍ତାୟେଲତି ତାୟିୟାଁ ଅଡେ ତାଜିସ୍ତାତେରି, ମା ଆକୁ ଦାଞ୍ଜୁଦତି କାତା ନାନୁ ମିଜେ କାଜା ହାଡାତଲେ ଖେସାଲି ଆଡାଉଁ, ଇଚିହୁଁ ଏଞ୍ଜାସି ହାଡେସି ଇଞ୍ଜା ମୁସପି ଆଡେସି, ଇଞ୍ଜା ଏଞ୍ଜାଣି ମାହୁଣି ମାଣ୍ଡା ନୀଏଁ ପାଡେକା ଇମ୍ପାଆଁ ମା ବିଡା ମାନେ । ୩୦ ରାଜା ଦାଞ୍ଜୁଦ ର ମାହାପୁରୁ ଅଣ୍ଡୁପୁତି ବଲୁ ଖେହନାସି ଲେହେଁ, ତାନି ନେତେରି ତଲେ ଜାନି ଆଡାଣାଇଁ ମାହାପୁରୁ ତାନି ସିଂଗାସାଣିତା କୁଟିକିହାଲି ତାନି ତାଣା ଆଞ୍ଜାମାଚେସି ଇଞ୍ଜୁଁ ପୁଞ୍ଜାମାଚେସି । ୩୧ ଦାଞ୍ଜୁଦ ଇଦାଆଁ ପୁଞ୍ଜାମାଚାକି, କ୍ରୀସୁତି ଖେଣ୍ଡେ ନିଜିନି କାତା ଖେସାମାଚେସି ।”

“ଇଚିହୁଁ ଏଞ୍ଜାସି ହାଡାରି ତାଣା ଡ଼ୟାଆଡେସି;  
ଇଞ୍ଜା ଏଞ୍ଜାଣି ଆଜା ମାହୁଣି ମାଣ୍ଡାତା ସୀରଆଡେ ।”

୩୨ ମାହାପୁରୁ ଇ ଜୀସୁଇଁ ଅଡେ ଖେଣ୍ଡେ ହାକିତି ନିକହାମାନେସି ଇଦାଣି ତାକି ମାମୁ ବାରେ ସାକି । ୩୩ ଏଦାଆଁତାକି ଆଦା ମାହାପୁରୁ ଜୀସୁଇଁ କାଜାସି କିହାନା ତାନି ଟିଃନିଞ୍ଜାକି କୁଟିକିହାନା ତାନିତଲେ ସାଲୁଞ୍ଜି କିହାଲି ହୀଡେସି, ଇଞ୍ଜା ଏଞ୍ଜାସି ମାଜେ ଆଞ୍ଜାମାଚି ସୁଦୁଜୀଞ୍ଜୁ ହିୟାଡେସି, ଇଦି ମୀରୁ ବାରେ ଆମିନିଗାଟାଣି ମେସିମାଞ୍ଜେରି ଇଞ୍ଜାଁ ଖେଞ୍ଜିମାଞ୍ଜେରି । ୩୪ ଇଚିହୁଁ ଦାଞ୍ଜୁଦ ଲାକପୁରୁ ହାଜାହିଲାଆଡେସି; ଏଞ୍ଜାସି ତାନୁଏ ଖେସାମାଚେସି,

“ପ୍ରବୁ ନା ପ୍ରବୁଇଁ ଏଲେଇଚେସି;  
୩୫ ନାନୁ ନୀ ସାଡ଼ୁୟାଁଣି ନୀ କତାୟାଁ ଡ଼ଇ ଇଟାଆଁ ପାଡେକା,  
ନାନୁ ନା ଟିଃନିଞ୍ଜାକି କୁଗାମାନାମୁ ।”

୩୬ “ଇଦାଆଁତାକି ବାରେ ଇସ୍ତାୟେଲତି ଲକୁ ସାଡେଏ ପୁନାପେରି, ଇଚିହୁଁ ଆମିନି ଜୀସୁଇଁ କୁସତା ପାୟିତେରି, ସାଡେଏ ଏଞ୍ଜାଣାଇଁ ମାହାପୁରୁ, ପ୍ରବୁ ଅଡେ ମସିହା ପାଣା ହୀଡେସି ।”

୩୭ ଇ କାତା ଖେଞ୍ଜାନା ଲକୁତି ହିୟାଁ ଡାହାହାଚେ, ଇଞ୍ଜା ଏଞ୍ଜାରି ପିତର ଅଡେ ଏମ୍ପାଆଁ ମାଚି ପାଣ୍ଡୁଞ୍ଜି ଆଡାରାଇଁ ଏଲେଇଚେରି, “ତାୟିୟାଁ ମାମୁ ଏନାଆଁ କିନମି ?”

୩୮ ପିତର ଏଞ୍ଜାରାଇଁ ଏଲେଇଚେସି, “ମୀରୁ ମୀ ହିୟାଁ ଖେଟହା କତାପୁ, ଅଡେ ଜାହାରା ପାପୁତି ମେକହାଲି ବାରେକାଣା ଜୀସୁ କ୍ରୀସୁ ଦରୁତଲେ ବାପ୍ତିସ୍ତାଁ ଅଦୁ; ଆତିହୁଁ ଦେଁ ମୀରୁ ସୁଦୁଜୀଞ୍ଜୁତି ଦାନା ବେଟାଆଦେରି । ୩୯ ଇଚିହୁଁ ମାହାପୁରୁ ଆଞ୍ଜାମାନାୟି ମିଜେତାକି, ଇଞ୍ଜା ମୀ ମୀରକା ମାସକା ତାକି, ଅଡେ ହେକତି ଏଚେକା ଲକୁ ମା ପ୍ରବୁ ମାହାପୁରୁ ତାନି ତାଣା ହାଟିନେସି, ଏ ବାରେ ଲକୁତାକି ଆନେ ।”

୪୦ ଅଡେ ପିତର ଏଞ୍ଜାରାଇଁ ହାରେକା କାତାତଲେ ବାତିମାଲିହୁଁ ଅଡେ ଏଞ୍ଜାରାଇଁ ଜାପୁନି ହାଡା ଖେସିହୁଁ ସାକି ହୀଡେସି, “ଇ କୁଟୁଗାଚି କୁଡାତି ଲକୁଟିଏ

† ୨:୩୮ ୨:୩୮ ମୁଞ୍ଜନାୟି ‡ ୨:୪୧ ୨:୪୧ ମୁଞ୍ଜନାୟି

ମୀରୁ ଗେଲପି ଆବୁ ।” ୪୧ ହାରେକା ଲକୁ ଏଞ୍ଜାଣି ହାଡ଼ା ନାମିତେରି ଇଞ୍ଜା ବାପ୍ପିସ୍ତୁ ଅଡ଼େରି, ଅଡ଼େ ଏ ଦିନା ବାରେ ତାନି ମାଣା ଲକୁ କୁଲମି ତଲେ ଆଣ୍ଡିତେରି । ୪୨ ଏ ଦିନାଟିଏ ଏଞ୍ଜାରି ପାଣ୍ଡୁଞ୍ଜି ଆଡ଼ାରି ଜାପୁନି ତାଣା, ଏଞ୍ଜାରିତଲେ ଆଣ୍ଡାନା ରୁଟି ଡିକ୍‌ହାଲି, ପ୍ରାଡ଼ାନା କିହାଲି ଆଣ୍ଡୁଞ୍ଜି ଆହ୍ନା ଡ଼ୟିତେରି ।

**ନାମୁଗାଟାରି ମାଣ୍ଡକି**

୪୩ ପାଣ୍ଡୁଞ୍ଜି ଆଡ଼ାରି ତାଣାଟି ହାରେ ହାରେକା କାବାଆନି କାମା ଇଞ୍ଜା ସିନାୟା ତଞ୍ଜାଆହାଲି ମାଟ୍‌ହେ; ଅଡ଼େ, ଲକୁ ବାରେ ଆଜାଲି ମାଟ୍‌ହେରି । ୪୪ ଏସାମା ବାରେ ନାମିତାରି, ଏଞ୍ଜାରି ବାରେଜାଣା ରଣ୍ଡିଏ ତାଣା ଡ଼ୟାନା ବାରେ ଦନତି ବାରେତାୟି ଇଞ୍ଜି ଅଣ୍ଡପିତେରି, ୪୫ ଅଡ଼େ ଏଞ୍ଜାରି ଜାହାରା ଦନତି ଆସ୍ତି ମାଟାଣି ପାର୍‌ତାନା, ଆମ୍ବାଆରାକି ଏନାୟି ଲଡ଼ାମାନେ, ଏଲେକିହ ବାରେତାକି ବାଟିକିହା ହାହାଲି ମାଟ୍‌ହେରି । ୪୬ ଅଡ଼େ, ଏଞ୍ଜାରି ରଣ୍ଡିଏ ହିୟା ଆହ୍ନା ବାରେଦିନା ପ୍ରାଡ଼ାନା ଇଲୁତା ରୁଣ୍ଡା ଆହାନା ଡ଼ୟିମାତେରି, ଇଞ୍ଜା ଇଲୁତାକି ଇଲୁ ରୁଟି ଡିକ୍‌ହ ରାହା ଅଡ଼େ ହିଡ଼ଡ଼ି ହିୟା ତଲେ ତିଞ୍ଜି ଡ଼ଣ୍ଡିହ, ୪୭ ମାହାପୁରୁତି ଜହରା କିହିମାତେରି ଇଞ୍ଜା ବାରେ ଲକୁତି ଜୀଞ୍ଜୁ ନନାରି ଆହିମାତେରି । ଅଡ଼େ ପ୍ରୁ ତାଣା ଗେଲପି ଆହିମାନି ଲକୁଣି ବାରେଦିନା କୁଲମି ତଲେ କାଲ୍‌ହାଲି ମାଟ୍‌ହେରି ।

**୩**

**ପିତର ସଗାଲ୍ ନେହ କିନାୟି**

୧ ପିତର ଅଡ଼େ ଜହନ ରୁ ଦିନା ପ୍ରାଡ଼ାନା କିନି କାଟୁତା ଇତିହ ତାନି ଗଂଟା ବେଲାତା ପ୍ରାଡ଼ାନା ଇଲୁତା ହାଜିମାତେରି । ୨ ଏତିବେଲାତା ଜାନାଟିଏ ସଗା ରଅସି ଡେକି କିଞ୍ଜି ଆହ୍ନା “ଅଜିତି” ଦରୁଗାଟି ଦୁଞ୍ଜେରିତା ଇଟ୍‌ଞ୍ଜି ଆହିମାତେସି; ଇଞ୍ଜା ଏଞ୍ଜାସି ପ୍ରାଡ଼ାନା ଇଲୁତା ଖାନି ଲକୁଣି ରାସିମାତେସି ।

୩ ଅଡ଼େ ଏଞ୍ଜାସି ପିତର ଇଞ୍ଜା ଜହନଲ୍ ପ୍ରାଡ଼ାନା ଇଲୁ ବିଡ଼ା ହାଜିମାନାଣି ମେସାନା ଏଞ୍ଜାରାଲ୍ ରାସାଲି ମାଟ୍‌ହେସି । ୪ ପିତର ଅଡ଼େ ଜହନ ଏଞ୍ଜାଣାଲ୍ ଆଟେ ସିନିକିତେରି, ଇଞ୍ଜା ପିତର ଏଲେଇତେସି “ମା ଖାକି ସିନିକିୟାମୁ ।” ୫ ଏମ୍ବାଟିଏ ଏଞ୍ଜାସି ଏଞ୍ଜାରି ତାଣାଟି ଇଚାଣି ବେଟାଆହାଲି ଏଞ୍ଜାରି ଖାକି ସିନିକିତେସି । ୬ ସାମା ପିତର ଏଲେଇତେସି, “ନା ତାଣା ବାଂଗାରା କି ଖେଣ୍ଡି ହିଲେଏ, ସାମା ନା ତାଣା ଏନାୟି ମାନେ ଏଦାଆଁ ହାହିମାଞ୍ଜାଲ୍; ନାଜରିତ ଜୀସୁ କ୍ରୀସ୍ତ ଦରୁତଲେ ହୁକୁମି ହାହିମାଞ୍ଜାଲ୍ ନିଜ୍ଜାନା ତାକାମୁ !” ୭ ଅଡ଼େ, ଏଞ୍ଜାସି ଏଞ୍ଜାଣି ଚିଃନି କେୟୁ ଆସାନା ଏଞ୍ଜାଣାଲ୍ ନିକ୍‌ହେସି, ଏଚେଟିଏ ଏ ଦେବୁଣିଏ ଏଞ୍ଜାଣି କତାୟାତି ହାନ୍ଦୁଲିକା ବାଡ଼ୟୁ ଆଡୁ; ୮ ଏଞ୍ଜାସି ଡେଞ୍ଜି ଡେଞ୍ଜି ତାନି କତାତଲେ ନିତେସି, ଅଡ଼େ ତାକାଲି ମାଟ୍‌ହେସି । ଏଚେଟିଏ ଏଞ୍ଜାସି ଏଞ୍ଜାରିତଲେ ପ୍ରାଡ଼ାନା ଇଲୁତା ତାକ୍‌ହ ଅଡ଼େ ଡେଞ୍ଜିହ ଇଞ୍ଜା ମାହାପୁରୁଲ୍ ଗାଞ୍ଜୁରମି କିହ ହାଚେସି । ୯ ଏମ୍ବାଆଁ ମାନି ଲକୁ ବାରେ ଏଞ୍ଜାଣି ତାକିନାଣି ଅଡ଼େ ମାହାପୁରୁତି ଗାଞ୍ଜୁରମି କିହିମାନାଣି ମେସ୍ତେରି; ୧୦ ଅଡ଼େ ଆନିନିଗାଟାସି ପ୍ରାଡ଼ାନା ଇଲୁତି ଅଜିତି ଦୁଞ୍ଜେରିତା କୁଗାନା ରାସିମାତେସି, ଏଞ୍ଜାସିଏ ଇଞ୍ଜାସି ଇଞ୍ଜି ପୁଚେରି, ଏଞ୍ଜାଣାକି ଏନାଆଁ କିଞ୍ଜି ଆହାମାତେ ଏଦାଆଁ ମେସାନା ଆଡ଼ାଜାକା ଆହାନା କାବା ଆଡ଼େରି ।

**ପ୍ରାଡ଼ାନା ଇଲୁତା ପିତର ଝେକ୍‌ନାୟି**

୧୧ ଏଞ୍ଜାସି ପିତର ଇଞ୍ଜା ଜହନ ତଲେ ସଲମାନତି ପିଣ୍ଡାତା ମାନାଣି ମେସାନା, ବାରେ ଲକୁ ଆଡ଼ାଜାକା ଆହାନା ଏଞ୍ଜାରି ତାଗେ ହଟାତେରି । ୧୨ ପିତର ଏଞ୍ଜାରାଲ୍ ମେସାନା ଏଲେଇତେସି, “ଇସ୍ରାୟେଲ ଲକୁତେରି, ମୀରୁ ଏନାଆଁତାକି ଆଡ଼ାଜାକା ଆହିମାଞ୍ଜେରି ? ମାମ୍ବୁମା ବାଡ଼ୟୁ କି ମାହାପୁରୁ ଆଜିତଲେ ଇଞ୍ଜାଣାକି ତାକାଲି ବାଡ଼ୟୁ

☆ ୨:୪୪ ୨:୪୪ କାମା ୪:୩୨-୩୫

ହୀହାମାନମି, ଏଦାଆଁ ଅଶ୍ଵାଦନା ମାଙ୍ଗେ ରଣ୍ଡିଏ ଅଶ୍ଵପୁ ତଲେ ଏନାଆଁତାକି ସିନିକହିମାଞ୍ଜାଦେରି ? ୧୩ ଅବ୍ରାହାମ, ଇସାହାକ ଅଡ଼େ ଜାକୁବତି ମାହାପୁରୁ, ମା ଆକୁ ଆବାୟାତି ମାହାପୁରୁ, ତାନି ହଲେଏସି ଜାସୁଇଁ ମାହାପୁରୁତି ଗାଞ୍ଜୁରମି ହୀହାମାନେସି । ସାମା ଜାସୁଇଁ ମୀରୁଏ ସାଲୁଝି କିନାରି କେୟୁତା ହେରପିତେରି, ଏତିବେଲା ପିଲାତ ଜାସୁଇଁ ପିସାଲି ଅଶ୍ଵା ମାଚିହୁଁ ଜିକେଏ, ଏଞ୍ଜାଣାଇଁ ମୀରୁ ପିଲାତ ନକିତା ଅପାଆତେରି । ୧୪ ଏଞ୍ଜାସି ସୁଦୁ ଅଡ଼େ ଦାମ୍ବୁଗାଟାସି ମାଚେସି, ସାମା ମୀରୁ ଏଞ୍ଜାଣାଇଁ ଅପାଆତେରି, ଅଡ଼େ ଏଞ୍ଜାଣି ଟାୟୁତା ର ଲକୁଣି ପାୟିନାଣାଇଁ ପିସାଲି ପିଲାତଇଁ ବାତିମାଲିତେରି, ୧୫ ଆମ୍ବାଆସି ଜାଞ୍ଜୁତି ଜିରୁ ତହୁନାସି ଏଞ୍ଜାଣାଇଁ ମୀରୁ ପାୟିତେରି; ଏଞ୍ଜାଣାଇଁ ମାହାପୁରୁ ହାଡ଼ାରି ତାଣ୍ଡାଟି ନିକହାମାନେସି, ମାମ୍ବୁ ଇଦାଣି ସାକି । ୧୬ ଏଞ୍ଜାଣି ଦରୁତି ବାଡ଼ୁୟୁ ଇ ସଟାଇଁ ନେହୁଁ କିହାମାନେ, ମୀରୁ ଏନାଆଁ ମେସାନା ସାତା ଇଞ୍ଜୁଁ ପୁଞ୍ଜାମାଞ୍ଜେରି, ଏଞ୍ଜାଣି ଦରୁତଲେ ନାମିତାକି ଆହାମାନେ । ଜାସୁଇଁ ନାମିତାକି ଏଞ୍ଜାସି ନେହୁଁ ଆହାମାନେସି ଇଦାଆଁ ମୀରୁ ମେସାମାଞ୍ଜେରି ।”

୧୭ “ଅଡ଼େ ନୀଏଁ ଇସାୟେଲତି ତାୟିୟାଁ ଅଡ଼େ ତାଙ୍ଗିସାତେରି, ମୀ କାଜାରି ଏନିକୁଁ, ମୀରୁ ଜିକେଏ ଏଲେକୁଁ ରୁଦି ହିଲାଆକି ଇଦାଆଁ କିହାମାନେରି ଇଞ୍ଜୁଁ ନାନୁ ପୁଞ୍ଜିମାଇଁ । ୧୮ ତଲି କାଲାଟିଏ ମାହାପୁରୁ ଅଶ୍ଵପୁତି ବଲୁ ଖେହନାରି ତାଣ୍ଡାଟି ମାହାପୁରୁ ଖେସାମାଚେସି ମସିହାତି ଦୁକୁ ପାଣ୍ଡନାୟି ମାନେ; ଏ ବାରେ ଏଞ୍ଜାସି ଇଲେକୁଁ ପୁରା କିହାମାନେସି । ୧୯ ଇତିହୁଁ, ଏନିକୁଁ ମୀ ପାପୁ ମେଶଜିନେ, ଏଦାଆଁତାକି ମନ ଖେଟହାନା ମାହାପୁରୁ ତାଣ୍ଡା ଖେଣ୍ଡା ଖାଦୁ, ୨୦ ପ୍ରବୁ ତାଣ୍ଡାଟି

ମୀରୁ ଜାଞ୍ଜୁତି ବାଡ଼ୁୟୁ ବେଟାଆଦେରି, ମାହାପୁରୁ ମିଙ୍ଗେତାକି ତଲିଏ ଆଟାମାନି ମସିହା ଜାସୁଇଁ ପାଣ୍ଡନେସି । ୨୧ ବାରେ କାତାତି ଖେଣ୍ଡେ କିନାଣି ଆମିନି ବେଲାତି କାତା ତଲି କାଲାଟିଏ ମାହାପୁରୁ ତାନି ସୁଦୁ ମାହାପୁରୁ ଅଶ୍ଵପୁତି ବଲୁ ଖେହନାରି ତାଣ୍ଡାଟି ଖେକହା ମାଚେସି, ଏ କାଲା ଖାଆ ପାତେକା ଏଞ୍ଜାଣାକି ସାତେଏ ଲାକପୁରୁ ହାଜାଲି ଆନେ । ୨୨ ମସା ଖେସାମାଚେସି, ‘ପ୍ରବୁ ମାହାପୁରୁ ମୀ ତାୟିୟାଁ ବିତ୍ରାଟି ମିଙ୍ଗେତାକି ନା ଲେହେକି ର ମାହାପୁରୁ ଅଶ୍ଵପୁତି ବଲୁ ଖେହନାଣାଇଁ ନିକନେସି; ଏନା ଏନାଆଁ ମିଙ୍ଗେ ଖେସାମାନେସି, ଏ ବାରେ ମୀରୁ ଏଞ୍ଜାଣି କାତା ଖେଞ୍ଜେରି । ୨୩ ଆମିନିଗାଟାସି ମାହାପୁରୁ ଅଶ୍ଵପୁତି ବଲୁ ଖେହନାରି କାତା ନାମଅରି ଏଞ୍ଜାରି ମାହାପୁରୁତି ଲକୁ ତାଣ୍ଡାଟି ଏଟକା କିଞ୍ଜିଆନେରି ଅଡ଼େ ନାସା କିଞ୍ଜିଆନେରି ।’ ୨୪ ସାମ୍ବୁୟେଲ ଇଞ୍ଜା ତାନି ତାୟୁତି ଏତରଜାଣା ମାହାପୁରୁ ଅଶ୍ଵପୁତି ବଲୁ ଖେହନାରି ଖେସାମାନେରି, ଏଞ୍ଜାରି ବାରେ ଇ କାଲାତା ଆହିମାନି କାତା ଖେସାମାନେରି । ୨୫ ମାହାପୁରୁତି ଆଞ୍ଜାମାନି ମାହାପୁରୁ ଅଶ୍ଵପୁତି ବଲୁ ଖେହନାରି ତାଣ୍ଡାଟି ମିଙ୍ଗେତାକି ନେହେ, ମାହାପୁରୁ ମୀ ଆକୁ ଆବାୟାଁ ତଲେ କିତି ରାଜିମାନା ମୀରୁ କିହିମାଞ୍ଜେରି । ଏନିକୁଁ ଏଞ୍ଜାସି ଅବ୍ରାହାମଇଁ ଏଲେଇଚେସି, ‘ନାନୁ ମୀ କୃତ୍ତାଟି ବାରେ ଦାରତିତି ଲକୁକି ବର ହାଇଁ ।’ ୨୬ ମାହାପୁରୁ ତଲିଏ ତାନି ହଲେଏଶାଇଁ ମିଙ୍ଗେତାକି ବାତି କିହାନା ପାଣ୍ଡାଚେସି, ଏନିକୁଁ ଏଞ୍ଜାସି ମୀ ବାରେଜାଣା ତେରି ମିଙ୍ଗେ ଲାଗେଏ ଜିରୁଟି ଖେଟହାନା ବର ହିୟାନେସି ।”

**୪**

ପିତର ଅଡ଼େ ଜହନ ବେରଣିମାଣ୍ଡାତା  
 ୧ ପିତର ଅଡ଼େ ଜହନ ଲକୁ ନକିତା  
 ଖେସିମାଟି ବେଲାତା ପୂଜେରାଜା,

\* ୩:୧୪ ୩:୧୪ ମାତି ୨୭:୧୫-୨୩; ମାର୍କ ୧୫:୬-୧୪; ଲୁକ ୨୩:୧୩-୨୩; ଜହ ୧୯:୧୨-୧୫

ମାହାପୁରୁ ଇଲୁତି କାଜାରି ଇଞ୍ଜା  
 ସାଦୁକିୟା ଏଞ୍ଜାରି ନକିତା ଖାତେରି ।  
 ୨ ଏଞ୍ଜାରି କପା ଆହିମାଚେରି, ଇଚିହ  
 ପାଣ୍ଡୁଞ୍ଜି ଆହାମାନାରି ଲକୁଣି ଜାପୁହି  
 ମାଚେରି, ଇଞ୍ଜା ଜୀସୁତି କାତା ଆସାନା  
 ହାତାରି ବିତ୍ରାଟି ଖେଣ୍ଡେ ନିଜିତି କାତା  
 ଖେକହି ମାଚେରି । ୩ ଏଚିବେଲା  
 ମିଡ଼ଅଲା ଆହିମାଚେ, ଏଦାଆଁତାକି  
 ଏଞ୍ଜାରି ସୀସୁୟାଣି ଦସପାନା ଅର ନେଚୁ  
 ପାଚେକା କାୟିଦି ଇଲୁତା ଇଚିତେରି ।  
 ୪ ସାମା ଏଚେକା ଲକୁ ବଲୁ ଖେଚାରି  
 ନାମିତେରି, ଇଞ୍ଜା ଖାଚର ଥାବାୟା  
 ପାସାମାଣା ଆଚେରି ।

୫ ତାନି ଅର ଦିନା ଜୀହୁଦିଜାତି  
 କାଜାରି, ଇଞ୍ଜା ପ୍ରାଚିନାଜାମା, ଜାପୁନାରି  
 ଅଡ଼େ ମେରାପୁନାରି ଜିରୁସାଲମତା  
 କୁଡ଼ା ଆଚେରି । ୬ ଏମ୍ବାଆଁ କାଜା  
 ପୂଜେରା ହାନାନ, କୟାପା, ଜହନ,  
 ଆଲେକଜାଣ୍ଡାରତି କାଜା ପୂଜେରାଜା  
 କୁଡ଼ାତି ବାରେ ଲକୁ କୁଡ଼ା ଆଚେରି ।  
 ୭ ଏଞ୍ଜାରି ପାଣ୍ଡୁଞ୍ଜି ଆତାରାଇଁ ମାଦିଏ  
 ନିପହାନା ଖେଚେରି, “ଏନିକିହ  
 କିତେରି ? ଏନି ବାଡ଼ୁୟୁ ଇଞ୍ଜା ଆମ୍ବାଆରି  
 ଦରୁତଲେ ମୀରୁ ଇ ବାରେ କାମା  
 କିହିମାଖେରି ?”

୮ ଏମ୍ବାଟିଏ ପିତର ସୁଦୁଜୀଞ୍ଜୁତା  
 ନେଞ୍ଜାନା ଏଞ୍ଜାରାଇଁ ଏଲେଇଚେସି,  
 “ଲକୁତି କାଜାଚେରି ଇଞ୍ଜା ପ୍ରାଚିନାଜାଚେରି,  
 ୯ ନୀଞ୍ଜୁ ମାମ୍ବୁ ସୁଚାକି କିହାମାନି ନେହ  
 କାମାତାକି ମୀରୁ ଖେଞ୍ଜି ମାଞ୍ଜାଦେରି,  
 ଏଞ୍ଜାସି ଏନିକିହ ନେହ ଆଚେସି  
 ଇଞ୍ଜ ପୁଞ୍ଜାଲି ଅଣପିମାଖେରି,  
 ୧୦ ଆତିହ ମୀରୁ ବାରେଜାଣା ତେରି  
 ପୁନିକାତା, ଇସ୍ରାୟେଲତି ବାରେ ଲକୁ  
 ପୁନାୟିମାନେ, ଆମିନି ନାଜରିତ ଜୀସୁ  
 କ୍ରୀସ୍ତାଇଁ ମୀରୁ କୁସତା ପାୟିତେରି,  
 ଆମ୍ବାଆରାଇଁ ମାହାପୁରୁ ହାକିଟି  
 ନିକହାମାନେସି ଏ ଜୀସୁ ଦରୁଟି ଇ  
 ମାଣ୍ଡସି ନେହ ଆହାନା ମୀ ନକିତା  
 ନିଚାମାନେସି ।” ୧୧ ଜୀସୁରଅସିଏ, ଦାମ୍ବୁ  
 ସାସ୍ତେରି ଖେସିମାଞ୍ଜାନେ,

“ଇଲୁ କେପିନାଚେରି ମୀରୁ, ମୀ ତାଣାଟି

ଆମିନି ଖାଲି ଲାଗେଏତାୟି  
 ଆହାମାଚେ,  
 ସାମା ଆମିନାୟି କନତି କାଜା  
 ଖାଲି ଆଚେ, ଏଞ୍ଜାସି ଏ ଖାଲି ।”  
 ୧୨ ଏଞ୍ଜାଣି ପିସପେ ଅଡ଼େ ଆମ୍ବାଆରି  
 ତାଣା ଗେଲ୍ପିନାୟି ହିଲେଏ; ଇଚିହ  
 ଆମ୍ବାଆରି ତାଣାଟି ମୀରୁ ଗେଲ୍ପି  
 ଆନାୟି ଆନେ, ହାଗୁ ଡ଼ଇ ମାଣ୍ଡସିୟା  
 ବିତ୍ରା ଏନି ଦରୁ ହାପକି ଆହା ହିଲେଏ ।

୧୩ ଏଞ୍ଜାରି ପିତର ଅଡ଼େ ଜହନତି  
 ସାସା ମେସାନା ଇଞ୍ଜା ଏଞ୍ଜାରି ଏନାଆଁ  
 ପୁନାଆତାରି ଅଡ଼େ ରୁଦି ହିଲାଆ  
 ଲକୁ, ଇଦାଆଁ ପୁଞ୍ଜାନା ଆତାଜାକା  
 ଆହାହାଚେରି, ଇଞ୍ଜା ଏଞ୍ଜାରି ଜୀସୁତଲେ  
 ମାଚେରି ଇଞ୍ଜ ପୁଚେରି, ୧୪ ସାମା  
 ଏ ନେହ ଆହାମାଚାସି ଜହନ ଇଞ୍ଜା  
 ପିତର ତଲେ ନିଚାମାଚାଣି ମେସାନା  
 ଏଞ୍ଜାରି କପାଟି ଏନାଆଁ ଜଲ୍ଲାଲି  
 ଆତାଆଚେରି । ୧୫ ତାୟୁ ଏଞ୍ଜାରାଇଁ  
 ବେରଣି ମାଣ୍ଡାଟି ହଚା ହାଜାଲି ହୁକୁମି  
 ହୀହାନା ଏଞ୍ଜାରି ତାମ୍ବୁ ତାମ୍ବୁସୁ ଖେସପି  
 ଆଚେରି ୧୬ “ଇ ଲକୁଣି ଏନାଆଁ କିନାୟି  
 ?” ଏଞ୍ଜାରି ଏଲେଇଚେରି, “ଇଚିହ  
 ଇଞ୍ଜାରି ତାଣାଟି କାବାଆନି କାମା  
 କିଞ୍ଜିଆହାମାନେ, ଇଦି ଜିରୁସାଲମତି  
 ବାରେଜାଣା ନକିତା ତଞ୍ଜା ଆହାମାନେ,  
 ଇଞ୍ଜା ମୀରୁ ଏଦାଆଁ ଆଏ ଇଞ୍ଜାଲି  
 ଆତାଆୟି; ୧୭ ସାମା ଇ କାତା ଲକୁତାଣା  
 ଏନିକ ଗାତି ଖେଲେଏ, ଏଦାଆଁତାକି  
 ଏଞ୍ଜାରାଇଁ ଜୀସୁ ଦରୁ ଏଚେଲା ଆମ୍ବାଆରି  
 ନକିତା ଆସାଲି ଏଞ୍ଜାରାଇଁ କାହିକିନାୟି  
 ମାନେ ।”

୧୮ ତାୟୁ ଏଞ୍ଜାରି ଜହନ ଅଡ଼େ  
 ପିତରଇଁ ହାଚାନା ଜୀସୁତି ଦରୁ  
 ଖେହଆଦୁ କି ଜାପୁଆଦୁ ଇଞ୍ଜ  
 ହୁକୁମି ହୀଚେରି । ୧୯ ସାମା ପିତର  
 ଅଡ଼େ ଜହନ ଏଞ୍ଜାରାଇଁ ଏଲେଇଚେରି,  
 “ମାହାପୁରୁ କାତା ଖେନିକିହାଁ ମୀ  
 କାତା ଖେନାୟି ମାହାପୁରୁ ନକିତା  
 ନେହେଁ କି ଆଏ, ଏଦାଆଁ ମୀରୁ ଅଣପା  
 କତାଦୁ । ୨୦ ଇଚିହ ମାମ୍ବୁ ଏନାଆଁ  
 ମେସାମାନମି ଇଞ୍ଜା ଖେଞ୍ଜାମାନମି, ଏ  
 ବାରେ ଖେହଆନା ଡ଼ୟାଲି ଆଡ଼ଅମି

୧୯ ସାମା ଏ ବେରଣି ମାଣ୍ଡାତାରି ଏଞ୍ଜରାକ୍ ଅଡ଼େ ହାରେକା ଆଜି କିହାନା ପିସ୍ତେରି, ଏଞ୍ଜରାକ୍ ଡଣ୍ଡ ହାହାଲି ଆଏ ଇଞ୍ଜ ଏଞ୍ଜାରି ପୁରେରି, ଏନାଆଁତାକି ଇଚିହ ଏ କାମାତାକି ଲକୁ ବାରେ ମାହାପୁରୁକ୍ ଜହରା କିତେରି । ୨୦ ଇଚିହ ଆମିନିଗାଟାଣି ତାଣା କାବାଆନି ନେହ କାମା କିଞ୍ଜି ଆହାମାରେ, ଏଞ୍ଜାସି ରୀ କଡ଼ି ବାର୍ଯାଟିଏ ଲାକ ମାରେସି ।

ପାଣ୍ଡୁଞ୍ଜି ଆହାମାନାରି ବାଡ଼ୁୟୁ ତାକି ପ୍ରାତାନା

୨୩ ପିତର ଅଡ଼େ ଜହନ ପିପିଆଡ଼ି ଦେବୁଣିଏ ତାମି ତଡ଼େସିକା ତାଣା ହାଚେରି ଇଞ୍ଜା କାଜା ପୂଜେରାକା ଅଡ଼େ ପ୍ରାଟିନାକା ଏନାଆଁ ଝେସାମାଚେରି, ଏ ବାରେ ଏଞ୍ଜରାକ୍ ଝେସ୍ତେରି । ୨୪ ଏଞ୍ଜାରି ଏଦାଆଁ ଝେଞ୍ଜାନା ରଣ୍ଡିଏ ହିୟାଁ ତଲେ ମାହାପୁରୁ ନକିତା କାଜା ହାଡ଼ାତଲେ ପ୍ରାତାନା କିହ ଏଲେଇଚେରି, “ପ୍ରବୁ ନୀନୁ ହାଗୁ, ଦାର୍ଡି, ସାମ୍ଦୁରି ଇଞ୍ଜା ଏ ବାରେ ତାଣା ମାନାଣି ବାରେ ଗାଡ଼ି କିହାମାଞ୍ଜି ! ୨୫ ସୁଦୁଜୀଞ୍ଜୁ ତଲେ ନୀନୁ ମା ଆକୁ ଦାଞ୍ଜୁଦ ନୀ ହଲେଏଣା ଗୁଟିଟି, ଇ କାତା ଝେସାମାଟି;

‘ଜାହୁଦିଆଆତାରି ଏନାଆଁତାକି କାର୍ବି ଆଡେରି;

ଇଞ୍ଜା ଲକୁ ଏନାଆଁତାକି ଉଜେଏତାଣି ଅଣ୍ଡପିତେରି ?

୨୬ ପ୍ରବୁ ଅଡ଼େ ତାନି ବର ବେଟାଆହାମାନି ମସିହା କପାଟି,

ଦାର୍ଡିତି ରାଜାୟା ନିଜିତେରି,

ଇଞ୍ଜା ସାଲଞ୍ଜି କିନାରି କୃତା ଆଡେରି ।”

୨୭ ଇଚିହ ନୀ ସୁଦୁଗାଟି ହଲେଏସି ଜୀସୁକ୍ ବର ହାଡି, ସାତେଏ ଏଞ୍ଜାଣି କପାଟି ହେରଦ ଅଡ଼େ ପନ୍ତ୍ରୟ ପିଲାତ ଇ ରିଆରି ଜାହୁଦିଆଆତାରି ଅଡ଼େ ଇସ୍ରାୟେଲ ଲକୁତଲେ ଇ ଗାଡ଼ାତା ପାରୁ ପାରିତେରି, ୨୮ ମୀ ଅଣ୍ଡପୁ ତଲେ ଏନାୟି ବାରେ ଗଟଞ୍ଜି ଆନେ ଇଞ୍ଜା ତଲିଟିଏ

କିଞ୍ଜି ଆହାମାରେ, ଏଦାଆଁ କିହାଲି କୃତା ଆଡେରି । ୨୯ ଅଡ଼େ ନୀଏ, ଏ ପ୍ରବୁ, ଏଞ୍ଜାରି ମାକ୍ଜେ ଆଜି କିହିମାଞ୍ଜାନାଣି ସିନିକିୟାମ୍; ଅଡ଼େ ନୀ ହଲିୟାକାଣି ହାରେକା ସାସାତଲେ ନୀ ବଲୁ ଝେସାଲି ବାଡ଼ୁୟୁ ହାମୁ, ୩୦ ଇଞ୍ଜା ଏଦାଆଁ ତଲେ ନୀ ସୁଦୁ ହଲେଏସି ଜୀସୁତି ଦରୁତଲେ ନେହ କିହାଲି ଅଡ଼େ ସିନାୟା ଇଞ୍ଜା କାବାଆନି କାମାୟାଁ କିହାଲିତାକି ନୀ କେୟୁ ଦାସା ଡ଼ୟାମ୍ ।

୩୧ ଏଞ୍ଜାରି ପ୍ରାତାନା ରାପ୍ତୁ ହି ତାୟୁ, ଆମିନି ଟାୟୁତା ରୁଣ୍ଡା ଆହାମାଚେରି, ଏଦି ଝାଡିତେ । ଇଞ୍ଜା ବାରେଜାଣା ସୁଦୁଜୀଞ୍ଜୁ ତଲେ ନେଞ୍ଜାନା ବାଡ଼ୁୟୁ ତଲେ ମାହାପୁରୁତି ବଲୁ ଝେକ୍ହାଲି ମାଟ୍‌ହେରି ।

ନାମୁଗାଟାରି ଦନ୍ତତି ସମାନା ବାଗା ବେଟାଆଡେରି

୩୨ ନାମୁଗାଟି ଲକୁ ରଣ୍ଡିଏ ହିୟାଁ ରଣ୍ଡିଏ ମନତଲେ ମାଚେରି; ଏଞ୍ଜାରି ବିତ୍ରାଟି ଆମ୍ବାଆରି ଜିକେଏ ତାମି ଦନ୍ତତି ମାଡ଼ି ଇଞ୍ଜା ଅଣ୍ଡପି ହିଲାଆଡେରି, ସାମା ଏଞ୍ଜାରିଞ୍ଜାୟି ବାରେ ସମାନା ଇଞ୍ଜା ଅଣ୍ଡପିମାଚେରି । ୩୩ ପାଣ୍ଡୁଞ୍ଜି ଆହାମାନାରି ଗାଡ଼ି ବାଡ଼ୁୟୁ ତଲେ ପ୍ରବୁ ଜୀସୁତି ଝେଣ୍ଡେ ନିଜିତି କାତା ଝେସାଲି ମାଟ୍‌ହେରି, ଇଞ୍ଜା ବାରେଡି ଲାକ ମାହାପୁରୁତି ହାରେକା କାର୍ମା ମାଚେ । ୩୪ ଇଚିହ ଏଞ୍ଜାରି ବିତ୍ରା ଆମ୍ବାଆରାକି ଏନାୟି ଡ଼ଣା ଆହି ହିଲାଆଡେ, ଇଚିହ ଏଚେକା ଲକୁତି ବୁମି ଇଞ୍ଜା ଇଲ୍‌କା ମାଟୁ ପାର୍ଡି ମାଚେରି ୩୫ ଅଡ଼େ ପାଣ୍ଡୁଞ୍ଜି ଆଡାରି କଡ଼ାଁ ଡ଼କକା ଏ ଡାବୁୟାଁ ହାହିମାଚେରି, ଅଡ଼େ ବାରେ ଲକୁତାକି ତାମି ଲଡ଼ାମାନି ଲେହେଁ ଏ ଡାବୁୟାଁ ବାଟିକିଞ୍ଜି ଆହିମାଚେ ।

୩୬ କୁପ୍ର ଇନି ଟାୟୁତା ଜାର୍ନା ଆହାମାଟି ଲେବି କୃତାଟି ଜସେପ, ଆମିନାଣାକ୍ ପାଣ୍ଡୁଞ୍ଜି ଆଡାରି ବର୍ନବା ଇଞ୍ଜା ମାଚେରି, ଇ ଦରୁ ଅର୍ଡ “ବାସୁଁ ହାନାସି,” ୩୭ ଏଞ୍ଜାଣିଞ୍ଜାୟି ଇଚାୟି ବୁମି

☆ ୪:୩୨ ୪:୩୨ କାମା ୨:୪୪,୪୫

ମାତେ, ଏଞ୍ଜାସି ଏଦାଆଁ ପାର୍ବତୀନା  
ଏମ୍ବାତି ଟାକାୟାଁ ତାତାନା ପାଶୁଓ ଆଡ଼ାରି  
କତାୟାଁ ଡ଼ଇ ଇଟିତେସି ।

**୫**

ହନନିୟ ଅଡ଼େ ସପିରା

୧ ହନନିୟ ଦରୁଗାଟାସି ରଥସି  
ମାତେସି, ଏଞ୍ଜାସି ତାନି ତକ୍ତି ସପିରା  
ତଲେ ଇଟାଣି ବୁମି ପାର୍ବତେସି ।  
୨ ହନନିୟ ତାନି ତକ୍ତି ତଲେ ଏ  
ଟାକାୟାଁ ବିତ୍ରାଟି କଚେକା ଡ଼କୁହା  
ଇଟାନା କଚେକା ତାତାନା ପାଶୁଓ  
ଆଡ଼ାରାକ୍ତି ହାତେସି । ୩ ପିତର  
ଏଞ୍ଜାଣାଇଁ ଏଲେଇଚେସି, “ହନନିୟ,  
ସୁଦୁଜୀଓ ନକିତା ମିତି ଜଲ୍ଲାଇଁ ଇଞ୍ଜା  
ବୁମି ପାର୍ବତୀନା କଚେକା ଡ଼କୁହା ଇଟାଲି  
ସୟତାନ ଏନାଆଁତାକି ମୀ ହିୟାଁତି  
ଲକ୍ତହାମାନେ ? ୪ ପାର୍ବନି ନଚେଏ  
ଏଦି ନୀ ଅଦିକାରାତା ହିଲ୍ଲାଆତେ କି ?  
ପାର୍ବତି ତାୟୁ ଜିକେଏ ଏମ୍ବାତି ଟାକାୟାଁ  
ଜିକେଏ ନୀଓ ଆହାହିଲ୍ଲାଆତୁ କି ?  
ଆଡ଼ିହୁଁ ନୀନୁ ଏନିକୁଁ ନୀ ହିୟାଁତା  
ଇ ଅଣପୁ ଅଣପିତି ? ଏଦାଆଁ ନୀନୁ  
ମାଣସି ନକିତା ମିତି ଜଲ୍ଲିମାଞ୍ଜି ଏଦି ଆଏ,  
ସାମା ମାହାପୁରୁ ନକିତା ମିତି ଜଲ୍ଲିମାଞ୍ଜି  
!” ୫ ହନନିୟ ଇ ହାଡ଼ା ଷ୍ଟେଣମ୍ବନିଏ  
ଡ଼ଇ ତରଗାନା ହାହାହାଚେସି; ଏମ୍ବାଆଁ  
ଏଚେକା ଲକୁ ଇ କାତା ଷ୍ଟେଚେରି,  
ଏଞ୍ଜାରି ବାରେ ହାରେକା ଆଜିତେରି ।  
୬ ଅଡ଼େ, ଦାଂଗଣାୟାଁ ବିତ୍ରା ଖାହାନା  
ହିମ୍ବରି ପ୍ଟାକହେରି ଇଞ୍ଜା ପାଞ୍ଜାତା  
ଅହାନା ମାହୁଣି ମାଣ୍ଡାତା ମୁସ୍ତେରି ।

୭ ତାନି ଗଂଟା ତାୟୁ ତାନି ତକ୍ତି ଖାଡ଼େ,  
ସାମା ଏନାଆଁ ଆହାମାନେ, ଏଦାଆଁ  
ଏଦି ପୁଞ୍ଜା ହିଲ୍ଲାଆତେ । ୮ ପିତର  
ଏଦାନି ଷ୍ଟେଚେସି, “ନୀନୁ ଅଡ଼େ ନୀ  
ଡ଼କ୍ତା ଇଚେକା ଟାକାୟାଁତାକି କି ମୀ ବୁମି  
ପାର୍ବତେରି ?” ଏଦି ଏଲେଇଚେ, “ହାଅ  
ଏଚେକା ତାକିଏ ।”

୯ ପିତର ଏଦାନି ଏଲେଇଚେସି,  
“ପ୍ରବୁତି ଜାଓୁତି ତାୟିପାରି କିହାଲି ମୀରୁ  
ଏନାଆଁତାକି ରଣିଏ କାତା ଆଡ଼େରି  
? ମେହମୁ ଆମିନି ଗାଟାରି ନୀ

ଡ଼କ୍ତାଇଁ ମୁସାନା ଖାହିମାନେରି, ଏଞ୍ଜାରି  
ଦୁଞ୍ଚେରିତା ଖାଡ଼େରିଏ, ଇଞ୍ଜା ଏଞ୍ଜାରି  
ନିଞ୍ଜେ ପାଞ୍ଜାତା ଡ଼େକା ଅୟାନେରି ।”  
୧୦ ଏ କାତା ଷ୍ଟେଣମ୍ବନିଏ ଏଦି ପିତର  
କତାଁ ଡ଼ଇ ତରଗାନା ହାହାହାଚେ, ଇଞ୍ଜା  
ଦାଂଗଣାୟାଁ ବିତ୍ରା ଖାହାନା ହାହାମାନାଣି  
ମେସ୍ତେରି ଇଞ୍ଜା ପାଞ୍ଜାତା ଡ଼େକା ଅହାନା  
ତାନି ଡ଼କ୍ତା ଗଟାତା ମୁସ୍ତେରି । ୧୧ ଏମ୍ବାଟିଏ  
ବାରେ କୁଲମି ଇଞ୍ଜା ଏଚେକା ଲକୁ ଇ  
ବାରେ କାତା ଷ୍ଟେଚେରି, ଏଞ୍ଜାରି ବାରେ  
ହାରେକା ଆଜିତେରି ।

କାବାଆନି ସିନାୟାଁ

୧୨ ପାଶୁଓ ଆଡ଼ାରି ତାଣାଟି  
ହାରେକା କାବାଆନି କାମାୟାଁ ଅଡ଼େ  
ସିନାୟାଁ ଆହାଲି ମାଟ୍‌ହେ, ଇଞ୍ଜା  
ବାରେ ନାମିତାରି ରଣିଏ ଅଣପୁ  
ତଲେ ସଲମନତି ପିଣ୍ଡାତା କୃତା  
ଆହିମାଚେରି, ୧୩ ସାମା ଏଟକାତି  
ଲକୁ ଆମ୍ବାଆରି ଏଞ୍ଜାରିତଲେ କୃତାଲି  
ସାସା କିହିହିଲ୍ଲାଆତେରି; ଆଡ଼ିଜିକେଏ  
ଲକୁ ଏଞ୍ଜାରି ଗାଓୁରମି କିହିମାଚେରି,  
୧୪ ଇଞ୍ଜା, ହାଚେରି ହାରେକା ଇୟସିକା  
ଅଡ଼େ ଆଦାୟାଁ ନାମାହାଁ ପ୍ରବୁ ତାଣା  
କୃତାଲି ଆଣ୍ଡିତେରି, ୧୫ ପାଶୁଓ ଆଡ଼ାରି  
କାମା ଦିନାତାକି ଦିନା ପାତାଆଡ଼େ,  
ଇଲ୍ଲାଆହୁଁ, କି ପିତର ଖାନି ବେଲ୍ଲାତା  
ଏନିକୁଁ ତାନି ସାୟୁଁ ରଗ ଗାଟାରି  
ଲକ ଆଡ଼ିନେ, ଏଦାଆଁତାକି ରଗ  
ଗାଟାରାଇଁ ଆଂଗେଣିତା ଡ଼େକା  
ତାତାନା କାଚେଲି ଇଞ୍ଜା ପାୟପନିତା  
ଇଟିମାଚେରି । ୧୬ ଜିରୁସାଲମତି  
ସାରିସୁଟୁ ଗାଡ଼ାୟାଁତି ହାରେକା ଲକୁ  
ରଗ ଗାଟାରାଇଁ ଅଡ଼େ ବୁଡୁୟାଁ  
ଆଲ୍ଲଗିତାରାଇଁ ତାଡ଼ିହୁଁ ଖାଡ଼େରି,  
ଅଡ଼େ ଏଞ୍ଜାରି ବାରେକାଣା ନେହୁଁ  
ଆଡ଼େରି ।

ପାଶୁଓ ଆଡ଼ାରାଇଁ ସାସି

୧୭ ଏଚେଟିଏ କାଜା ପୂଜେରାଞ୍ଜା  
ଅଡ଼େ ଏଞ୍ଜାଣି ବାରେ ତଡୁ ଲକୁ,  
ନାୟୁତି ସାଦୁକିୟାଁ ଗଟିତାରି ପାଶୁଓ  
ଆଡ଼ାରାଇଁ ତାହାରା ଆହାନା ଏଞ୍ଜାରି  
କପାଟି ନିଞ୍ଜିତେରି । ୧୮ ଏଞ୍ଜାରି

ପାଶୁଓି ଆହାମାନାରାଇଁ ଆସାନା କାୟିଦି  
 ଇଲୁତା ଇଚିତେରି । ୧୯ ସାମା ଲାଆଁୟାଁ  
 ବେଲାତା ପ୍ରବୁତି ର ଦୃତୁ କାୟିଦି  
 ଇଲୁତି ଦାରାୟାଁ ବାରେ ଦେଚାତୁସ୍ତେ,  
 ଇଞ୍ଜା ଏଞ୍ଜାରାଇଁ ପାଞ୍ଜାତା ତାଚାନା  
 ଏଲେଇଚେ, ୨୦ “ହାଲୁ, ଇଞ୍ଜା ମାହାପୁରୁ  
 ଇଲୁତା ନିଚାନା ଲକୁଣି ଇ ଜୀଞ୍ଜୁତି  
 ବାରେ କାତା ଖେହ୍ଦୁ ।” ୨୧ ଇ କାତା  
 ଖେଞ୍ଜାନା ଏଞ୍ଜାରି ଲାଇଅଲି ମାହାପୁରୁ  
 ଇଲୁତା ହଡାନା ଜାପୁହାଲି ମାଟ୍‌ହେରି ।

ଏମ୍ବାଟିଏ କାଜା ପୂଜେରାଞ୍ଜା ଅଡ଼େ  
 ତାନି ତଣେସିଞ୍ଜା ଖାହାନା କୁଟମିତି  
 କାଜାରାଇଁ ଅଡ଼େ ଇସ୍ତାୟେଲ ଲକୁତି  
 ପ୍ରାଚିନାଞ୍ଜାଣି ହାଟାନା କୁଡ଼ି କିତେରି;  
 ଇଞ୍ଜା ପାଶୁଓି ଆଡ଼ାରାଇଁ ତାଚାଲି  
 କାୟିଦି ଇଲୁତା ଲକୁଣି ପାଶୁଓିତେରି  
 । ୨୨ ସାମା କାମାକିନାରି ହାଜାନା  
 କାୟିଦି ଇଲୁତା ପାଶୁଓି ଆଡ଼ାରାଇଁ  
 ବେଚାଆଆନା ଖେଶ୍ତା ଖାହାନା ବେରଣି  
 ମାଶ୍ତାତାରାଇଁ ଖେସ୍ତେରି, ୨୩ “ମାମୁ  
 କାୟିଦି ଇଜ ହାଜାନା ସିନିକିତମି,  
 କାୟିଦି ଇଲୁ ଦାରା ଆଟ୍‌ଞ୍ଜା ତଲେ  
 ସୁଶ୍ତୁଆହାମାଚେ; ଇଞ୍ଜା ଦୁଖେରିକାଣା  
 କାଟାମାଚି କସ୍‌କା ନିଚାମାଚେରି, ସାମା  
 ଦାରା ଦେଚାଲିଏ ବିତ୍ତା ଆମ୍ବାଆରାଇଁ  
 ଜିକେଏ ବେଚାଆଆତମି !” ୨୪ ଇ  
 ହାଡ଼ା ଖେଞ୍ଜାନା କାଜା ପୂଜେରାଞ୍ଜା ଅଡ଼େ  
 ମାହାପୁରୁ ଇଲୁତି କସ୍‌କା ମୁହେଁ କାଜାସି  
 ପାଶୁଓି ଆଡ଼ାରାକି ଏନାଆଁ ଆଡ଼େ  
 ଅଶ୍‌ପାନା ଏଞ୍ଜାରି କାତାତା ଆଡ଼ାଜାକା  
 ଆହାହାଚେରି । ୨୫ ଏଚିବେଲା ରଅସି  
 ଖାହାନା ଏଞ୍ଜାରାଇଁ ଏଲେଇଚେସି,  
 “ମେହ୍‌ଦୁ ମାରୁ ଆମିନି ଗାଟାରାଇଁ  
 କାୟିଦି ଇଲୁତା ଇଟାମାଚେରି, ଏଞ୍ଜାରି  
 ମାହାପୁରୁ ଇଲୁତା ଜାପୁହିମାନେରି ।”  
 ୨୬ ଏଚେଟିଏ କସ୍‌କା ମୁହେଁ କାଜାସି,  
 କାମାକିନାରି ତଲେ ହାଜାନା ପାଶୁଓି  
 ଆଡ଼ାରାଇଁ ଖେଶ୍ତେ ହାଟା ତାଚେରି, ସାମା  
 ବାଡ଼ୁୟୁ ତଲେ ଆଏ, ଇଚିହ୍‌ ଲକୁ  
 ଖାଲୁକାତଲେ ଖେତାନେରି ଜିକେଏ  
 ଇଞ୍ଜା ଆଜିମାଚେରି ।

୨୭ ଏଞ୍ଜାରି ଏଞ୍ଜାରାଇଁ ତାଚାନା କୁଲମି

ପାଞ୍ଜାତା ନିପୁହେରି, ଏମ୍ବାଟିଏ କାଜା  
 ପୂଜେରା ଏଞ୍ଜାରାଇଁ ଖେଚେସି । ୨୮ “ଇ  
 ମାଣସି ଦରୁତଲେ ଆମ୍ବାଆରାଇଁ ଜିକେଏ  
 ଖେହ୍‌ଆଦୁ ଇଞ୍ଜା ମାମୁଜାଣ୍ଡେ ହୁକୁମି  
 ହାହାମାଞ୍ଜାତମି, ସାମା ସିନିକିଦୁ, ମାରୁ  
 ଏନାଆଁ କିହାମାଞ୍ଜେରି ! ଜିରୁସାଲମତି  
 ସାରିଞ୍ଜାକି ମାରୁ ଏ କାତା ଜାପୁହି  
 ମାଞ୍ଜେରି ଇଞ୍ଜା ଏଞ୍ଜାଣାଇଁ ନେତେରିତି  
 ଦହ୍‌ ମା ମୁହେଁ ଏକ୍‌ହାଲି ଅଶ୍‌ପିମାଞ୍ଜେରି  
 ।”

୨୯ ସାମା ପିତର ଇଞ୍ଜା ଏଟକାତି  
 ପାଶୁଓି ଆହାମାନାରି ଏଲେଇଚେରି,  
 “ମାଣସିୟାତି ହୁକୁମି ମାନି କିନି କିହାଁ  
 ମାହାପୁରୁତି ହୁକୁମି ମାନି କିନାୟିମାନେ  
 । ୩୦ ଆମିନି ଜୀସୁଇଁ ମାରୁ ପାସି  
 ମୁଶ୍ତାତା ଏକ୍‌ହାନା ପାୟାମାଚେରି, ମା  
 ଆକୁ ଆବାୟାତି ମାହାପୁରୁ ଏଞ୍ଜାଣାଇଁ  
 ଖେଶ୍ତେ ନିକ୍‌ହାମାନେସି । ୩୧ ଇଞ୍ଜା  
 ଏଞ୍ଜାସି ଏନିକ୍‌ ଇସ୍ତାୟେଲତି ମନ  
 ଖେଟ୍‌ପି କିହାଁ ପାପୁ ମେଣ୍‌ଜା କିନେସି,  
 ଏଦାଆଁତାକି ମାହାପୁରୁ ତାନି ଚିଃନି  
 କେୟୁତଲେ ଏଞ୍ଜାଣାଇଁ କାଜାପାଣା  
 ଇଞ୍ଜା ଗେଲ୍‌ପିନାଣା ଲେହେଁ କାଜାସି  
 କିହାମାନେସି । ୩୨ ଅଡ଼େ, ମାମୁ  
 ଇ ବାରେତି ସାକି, ଇଞ୍ଜା ଆମିନି  
 ସୁଦୁଜୀଞ୍ଜୁଇଁ ମାହାପୁରୁ ତାନି ହୁକୁମି  
 ମାନିଞ୍ଜି ଆନାରାକି ହାହାମାଞ୍ଜାନେସି,  
 ଏଦି ଜିକେଏ ସାକି ।”

୩୩ ଇ କାତା ଖେଞ୍ଜାନା କୁଟମିତି  
 କାଜାରି ହାରେକା କାରବି ଆହାହାଚେରି,  
 ଇଞ୍ଜା ଏଞ୍ଜାରାଇଁ ପାୟାଲି ତାକି କାତା  
 ଆଡ଼େରି । ୩୪ ସାମା ଗମଲିୟେଲ  
 ଦରୁଗାଟି ର ମାନିଗାଟି ପାରୁସି,  
 ଆମିନିଗାଟାସି ମସାତି ମେରା ଜାପୁନାସି  
 ମାଚେସି, ଏଞ୍ଜାସି ବେରଣିମାଶ୍ତାତା  
 ନିଚାନା ପାଶୁଓି ଆହାମାନାରାଇଁ  
 ଗାଡ଼େକା ତାକି ପାଞ୍ଜାତା ପାଶ୍ତାଲି  
 ହୁକୁମି ହାଚେସି । ୩୫ ଇଞ୍ଜା ଏଞ୍ଜାସି  
 ଏଞ୍ଜାରାଇଁ ଏଲେଇଚେସି “ଏ ଇସ୍ତାୟେଲ  
 ଲକୁତେରି, ଇଞ୍ଜାରି ତାକି ମାରୁ ଏନାଆଁ  
 କିହାଲି ଅଶ୍‌ପିମାଞ୍ଜେରି, ଏ କାତାତା

୫:୨୮ ୫:୨୮ ମାଚି ୨୭:୨୫

ଜାଗ୍ରତା ଆହାମାଞ୍ଜୁ । ୩୭ ଇଚିହଂ  
 ଇଦାଆଁ ନକେଏ ତିସ୍ତୁଦା ଇନାସି ହଚାନା  
 ତାନୁ ର କାଜା ମାଣସି କିହା କତିତେସି,  
 ଇଞ୍ଜା ସାରି ଖାଞ୍ଜା ଲକୁ ଏଝାଣିତଲେ  
 ଆଣ୍ଡିତେରି; ଏଝାସି ପାୟୁଝି ଆଡେସି,  
 ଇଞ୍ଜା ଏଚେକା ଲକୁ ଏଝାଣି ତାଣା ବାସୁ  
 କିହାମାଚେରି, ଏଝାରି ବାରେ ଇତାଲା  
 ଆତାଲା ଆହାଁ ଏନି କାମାତା ହାଆତେରି  
 । ୩୭ ଏ ଲକୁତି ଢେଟ ଲକୁଣି ଏଜିକିନି  
 ବେଲାତା ଗାଲିଲିତି ଜାହୁଦା ଇନାସି  
 ହଚାନା ଲକୁଣି ତାନି ଝାକ ରେଜା  
 ଅହାନା ତାନି ସୀୟୁୟାଁ କିତେସି; ଏଝାସି  
 ଜିକେଏ ପାୟୁଝି ଆଡେସି, ଇଞ୍ଜା ଏଚେକା  
 ଲକୁ ଏଝାଣି ଢେଟ ଆଣ୍ଡାମାଚେରି,  
 ଏଝାରି ବାରେ ଇତାଲା ଆତାଲା  
 ଆହାହାଚେରି । ୩୮ ଇଞ୍ଜା ନୀଏଁ ନାନୁ  
 ମିଙ୍ଗେ ଝେସିମାଞ୍ଜାଈଁ, ମୀରୁ ଇ ଲକୁଣି  
 ଏନାଆଁ କିଆନା ଏଝାରାଇଁ ପିସାତୁହୁଦୁ,  
 ଇଚିହଂ ଇ କାତା କି କାମା ମାଣସି  
 ତାଣାଟି ଆହାମାନେ, ଇଚିହଂ ଏନି  
 ଉଜେଏ ଆନେ; ୩୯ ସାମା ଏନି ମାହାପୁରୁ  
 ତାଣାଟି ଆହାମାନେ, ଇଚିହଂ ମୀରୁ  
 ଏଝାରାଇଁ ଜାଣା ଆନି ସାସା ହିଲେଏ,  
 ଇଚିହଂ ମୀରୁ ମାହାପୁରୁ କପାଟି ଜୁଜୁ  
 କିହମାଞ୍ଜେରି ଇଞ୍ଜା ତଞ୍ଜା ଆଡେଦରି  
 !” ଏ ବାରେ କୁଟମି ଗମଲିୟେଲ  
 କାତାଟି ଝେଚେରି । ୪୦ ଇଞ୍ଜା ପାଣ୍ଡୁଝି  
 ଆଡାରାଇଁ ବିତ୍ରା ହାଟାନା ସାଟୁଣି ମାଡା  
 ଝେଚାନା ଜୀସୁ ଦରୁତି କାତା ଝେହୁଆଦୁ  
 ଇଞ୍ଜା ହୁକୁମି ହୀହାନା ପିସ୍ତେରି ।  
 ୪୧ ମାହାପୁରୁ ନକିତା ଏଝାରି ଜୀସୁ  
 ଦରୁ ତାକି ଲାଜା ବେଟାଆହାଲି ଜଟେ  
 ଇଞ୍ଜା ଅଣ୍ଡାପାଚେରି, ଏଦାଆଁତାକି  
 ଏଝାରି ରାହାଁ କିହଂ କୁଟମି ବିତ୍ରାଟି  
 ହଚାଝାଡେରି; ୪୨ ଅଡେ, ଏଝାରି  
 ଦିନାତାକି ଦିନା ମାହାପୁରୁ ଇଲୁତା ଇଞ୍ଜା  
 ଇଲୁତାକି ଇଲୁ ଜାପୁହାଲି ଇଞ୍ଜା ଜୀସୁଏ  
 ମସିହା, ଇ ନେହଂ କାତୁ ଝେକହାଲି  
 ଉଣା ଆଆତେରି ।



ସାଡା ଜାଣାଟି କାମା ହେରପିନାୟି

୧ ଏମ୍ବାଟିଏ ସୀୟୁୟାଁ ହାଚେ ହାଚେକା  
 ଜାଣା ଆହାଲି ମାଟୁହେରି, ଗ୍ରିକ୍ ଜଲିନି  
 ଜୀହୁଦି ଲକୁ ଏବ୍ରି ଜଲିନି ନାମିତି  
 ଲକୁଣି ଲାଜା କିହାଲି ମାଟୁହେରି,  
 ଏନାଆଁତାକି ଇଚିହଂ ଦିନାତାକି  
 ଦିନା କାଦିକଣ୍ଡା ବାଟିକିନି ବେଲାତା  
 ରାଣ୍ଡେଣିସିକାକି ହୀହି ହିଲାଆତେରି  
 । ୨ ଏମ୍ବାଟିଏ ବାରଜାଣା ସୀୟୁୟାଁ  
 ବାରେ ନାମିତି ଲକୁଈଁ ର ତାଣା କୁଡି  
 କିହାନା ଏଲେଇଚେରି, “ମାହାପୁରୁତି  
 ବଲୁ ଝେକହାଲି ପିସାହାଁ ବାଟି  
 କିହାଲି ହିକତିହଂ ନେହେଁ ଆଏ ।  
 ୩ ଇଦାଆଁତାକି ଏ ତାୟିୟାଁ ଅଡେ  
 ତାଙ୍ଗିସ୍ତା, ମୀ ବିତ୍ରାଟି ନେହାଁରି ଇଞ୍ଜା  
 ଝେଜିତି ସୁଦୁଜୀଝୁ ତଲେ ନେଞ୍ଜାମାନି  
 ବୁଦିଗାଟି ସାଡା ଜାଣାଇଁ ଆଡାଦୁ,  
 ଏଝାରାକି ଇ ବାଟିକିନି କାମା ହେରପାଦୁ  
 । ୪ ଆତିହଂ ମାୟୁପ୍ରାତାନାତା ଇଞ୍ଜା  
 ବଲୁ ଝେହୁନି ସେବା କାମାତା ରଣ୍ଡିଏ  
 ଅଣ୍ଡପୁ ତଲେ ତୁୟିନମି ।”

୫ ଇ କାତା ବାରେ ଲକୁତି କାନୁତା  
 ନେହଂ ତଞ୍ଜାଆଡେ, ଇଞ୍ଜା ଏଝାରି ନାମୁ  
 ଅଡେ ସୁଦୁଜୀଝୁତା ନେଞ୍ଜାମାନି ସ୍ତ୍ରୀପାନ  
 ଦରୁ ଗାଟାଣାଇଁ ଇଞ୍ଜା ପିଲିପ, ପ୍ରକର,  
 ନିକାନର, ତିମନ, ପାର୍ମନା, ଅଡେ  
 ଆକ୍ରିୟକିୟାତି ତଲି ଜୀହୁଦି ଦାର୍ମୁତା  
 ଆଣ୍ଡାମାଟି ନିକଲାୟଇଁ ଆଡିତେରି,  
 ୬ ଏଝାରି ଏଝାରାଇଁ ପାଣ୍ଡୁଝି ଆଡାରି ତାଣା  
 ତାଚେରି, ଇଞ୍ଜା ଏଝାରି ଲାକ କେସ୍ତା  
 ଇଟାନା ପ୍ରାତାନା କିତେରି ।

୭ ଏଚେଟିଏ ମାହାପୁରୁତି ବଲୁ  
 ହାଚେକା ଝେଜିତେ, ଇଞ୍ଜା  
 ଜିରୁସାଲମତା ସୀୟୁୟାଁ ହାଚେକା  
 ପାତାଆହାଲି ମାଟୁହେରି; ଅଡେ  
 ପୁଜେରାଙ୍ଗା ବିତ୍ରାଟି ହାଚେକା ଜାଣା  
 କ୍ରୀସ୍ତଇଁ ନାମାଲି ମାଟୁହେରି ।

ବେରଣିମାଣ୍ଡାତା ସ୍ତ୍ରୀପାନ

୮ ସ୍ତ୍ରୀପାନ ମାହାପୁରୁତି କାର୍ମା  
 ଇଞ୍ଜା ବାଡୁୟୁ ବେଟାଆହାନା ଲକୁ  
 ବିତ୍ରା କାଜା କାଜା କାବାଆନି କାମା  
 ଅଡେ ସିନାୟାଁ କିହାଲି ମାଟୁହେସି



। ୯ ସାମା ଲିବର୍ତନ, କୁରିଣି ଅଡେ ଆଲେକଜାଣ୍ଡ୍ରିୟା ଗାଡାୟାଣା ବାସା କିହାମାନି ଦରୁତା ଝେଙ୍ଗାମାନି ଜାହୁଦି ଲକୁଡି ପ୍ରାଡାନା ଇଲୁଡି ଏଚେକା ଲକୁ ଅଡେ କିଲିକିୟା ଇଞ୍ଜା ଆସିୟା ଦେସାତି ଏଟକା ଜାହୁଦିଙ୍ଗା ନିଙ୍ଗାନା ସ୍ତ୍ରୀପାନ ତଲେ ବାଦିବାଦା ଆଡେତରି । ୧୦ ସାମା ଏଝାସି ଆମିନି ସୁଦୁଜୀଝୁ ଅଡେ ବୁଦିତଲେ ଜଲିମାଚେସି, ଏଝାରି ଏ କାତାତି ଝେଣ୍ଡେ ଜଲ୍ଲାଲି ସାସା କିହିହିଲ୍ଲାଆଚେତରି । ୧୧ ଏଚେଟିଏ ଏଝାରି ଏଚରଜାଣାତି ମାଡ଼ଝି କିହାନା ଏଲେଇଞ୍ଜି ଝେସାଲି ଜାପୁହେରି, “ମାମୁ ଇଝାଣି ତାଣାଟି ମସା ଅଡେ ମାହାପୁରୁ ନିୟା କାତା ଜଲିମାଚାଣି ଝେଞ୍ଜାମାନମି ।” ୧୨ ଅଡେ, ଏଝାରି ବାରେ ଲକୁଣି, ଇଞ୍ଜା ପ୍ରାଟିନାଙ୍ଗାଣି ଅଡେ ମେରା ପୁନାରାଇଁ କାରୁବି କିହାନା ଏଝାଣାଇଁ ବାଡ଼ୁୟୁ ତଲେ ଆସାନା ବେରଣିମାଣ୍ଡାତା ତାଚେତରି, ୧୩ ଇଞ୍ଜା ମିତି ସାକି ହାନାରାଇଁ ନିପୁହାନା; ଏଝାରାଇଁ ଏଲେଇଚେତରି, “ଇଝାସି ଇ ସୁଦୁ ପ୍ରାଡାନା ଇଲୁ ଇଞ୍ଜା ମସା ମେରାତି କପାଟି ଜଲ୍ଲାଲି ଉଣା ଆହିହିଲଅସି, ୧୪ ଇଚିହିଁ ନାଜରିତ ଜୀସୁ ମାହାପୁରୁ ଇଲୁଡି ମେକ୍‌ନେସି, ଇଞ୍ଜା ମସା ମାଙ୍ଗେ ଆମିନି ମେରା ହାହାମାଞ୍ଜାନେସି, ଏ ବାରେ ତିରିମୁପନେସି ଇଞ୍ଜିଁ ଝେସିମାଚାଣି ମାମୁ ଝେଞ୍ଜାମାନମି ।” ୧୫ ଏଚିବେଲା ବେରଣିମାଣ୍ଡାତା କୁଗାମାଟି ବାରେ ଲକୁ ସ୍ତ୍ରୀପାନଇଁ ଆଚେ ସିନିକିଚେତରି, ଏଝାଣି ମୁମ୍ବୁ ଦୁଡୁଡି ମୁମ୍ବୁ ଲେହେଁ ଉଜେଡି ତଞ୍ଜାଆଡେ ।

୭

ସ୍ତ୍ରୀପାନ ଝେହନାୟି

୧ ଏଚେଟିଏ କାଜା ପୂଜେରା ସ୍ତ୍ରୀପାନଇଁ ଝେଚେସି, “ଇ ବାରେ କାତା ସାତା କି?”

୨ ସ୍ତ୍ରୀପାନ ଏଲେଇଚେସି, “ତାୟିୟା ଅଡେ ଆବାୟାଚେତରି ଝେଞ୍ଜୁ ! ମା ଆବା ଅବ୍ରାହାମ ହାରଣତା ବାସାଆନି ନକେଏ ଏଚିବେଲା ଏଝାସି ମେସପଟାମିୟା ଦେସାତା ମାଚେସି, ଏଚିବେଲା

ଗାଝୁରମିଗାଟି ମାହାପୁରୁ ଏଝାଣାଇଁ ତଞ୍ଜାଆଡେସି, ୩ ଅଡେ ଏଲେଇଚେସି ‘ନାନୁ ମା ଇଲୁ କୁଚମି ଇଞ୍ଜା ମା ଦେସାଟି ହଟା ଝାମୁ, ଇଞ୍ଜା ନାନୁ ଆମିନି ଦେସା ତସାଇଁ ଏ ଦେସାତା ହାଲାମୁ ।’ ୪ ଏଚେଟିଏ ତାନି କଲ୍‌ଦିୟାୟା ଦେସାଟି ହଟାଝାହାନା ହାରଣତା ବାସା କିଚେସି, ଇଞ୍ଜା ଅବ୍ରାହାମତି ଆବା ହାଡି ତାୟୁ ଏମ୍ବାଟିଏ ମୀରୁ ନୀଏଁ ଆମିନି ଦେସାତା ବାସା କିହାମାଞ୍ଜେରି, ମାହାପୁରୁ ଏ ଦେସାତା ଏଝାଣାଇଁ ତାଚିହିଁ ଝାଡେସି, ୫ ଅଡେ, ମାହାପୁରୁ ଅବ୍ରାହାମକି ଏମ୍ବାଆଁ ଏନି ଅଦିକାରା ହାଆଚେସି, ଅଡେ ର ପାଝୁଲି ଝିହୁନି ବୁମିଗାରି ଜିକେଏ ହାଆଚେସି, ଇଞ୍ଜା ଏଚିବେଲା ଏଝାଣାକି ପଦି ପଦା ହିଲାଆତି ଜିକେଏ ଏଝାସି ଏଝାଣାଇଁ ଇଞ୍ଜା ତାନି ଝାହିମାନି କୁଡାତାରିକି ଏଦାଆଁ ଅଦିକାରା କିହାଲିତାକି ହାଇଁ ଇଞ୍ଜିଁ ଆଞ୍ଜିଚେସି । ୬ ଇଞ୍ଜା ମାହାପୁରୁ ଇଲେଇଞ୍ଜିଁ ଝେସେସି, ‘ତାନି କୁଡାତାରି ଏଟକା ଦେସାତା ବାସା କିନେରି ଇଞ୍ଜା ଏ ଟାୟୁଡି ଲକୁ ଏଝାରାଇଁ ସାରି ଝାଞ୍ଜା ବାର୍ସା ପାଚେକା ହଲିୟାଙ୍ଗା କିହାଁ ଏଝାରାଇଁ ଝେଟି କାମା କିଝିକିହାନା ସାସି ହାନେରି ।’ ୭ ଅଡେ ମାହାପୁରୁ ଏଲେଇଚେସି, ନାନୁ ଏଝାରାଇଁ ହଲିୟା କାମା କିଝିକିନାରାଇଁ ବିଚାରା କିଇଁ; ଅଡେ ତାୟୁ ମା କୁଡାତାରି ଏ ଦେସାଟି ହଟା ଝାଡେନି ଅଡେ ଇ ଟାୟୁତା ନାଙ୍ଗେ ପ୍ରାଡାନା କିୟାନେରି । ୮ ଅଡେ ମାହାପୁରୁ ଅବ୍ରାହାମକି ତଲୁ ଦାଃନି ରାଜିମାନା ସିନାତି ହାଚେସି, ଇଞ୍ଜା ଏଲେକିହିଁଏ ଅବ୍ରାହାମ ଇସାହାକଇଁ ଜାନ କିହାନା ଆଟାଦିନା ଆହାଲିଏ ଏଝାଣି ତଲୁ ଦାଚେସି; ଇସାହାକ ଜାକୁବଇଁ, ଅଡେ ଜାକୁବ ବାରଜାଣା ଝେଙ୍ଗିତି ଆକୁ ଆବାୟାଣି ଜାନ କିହାନା ତଲୁ ଦାପିକିଚେସି ।”

୯ “ଜାକୁବ ମୀରୁଏସି ଜସେପଇଁ ତାନି ତାୟିୟା ତାହାରା ଆହାନା ମିସର ଦେସାତା ଅଝିଆୟାଲି

ଏଞ୍ଜାଣାକ୍ ପାର୍ତ୍ତେରି; ସାମା ମାହାପୁରୁ ଏଞ୍ଜାଣିତଲେ ମାଚେସି, ୧୦ ଅଡ଼େ ବାରେ କସ୍ତ୍ରି ଜସେପକ୍ ଗେଲ୍‌ପାହାଁ ମିସରତି ପାର ରାଜା ନକିତା ମାହାପୁରୁ କାର୍ମା ତସାହାଁ ବୁଦି ହାତେସି; ଏମ୍ବାଟିଏ ପାର ଜସେପକ୍ ମିସର ଦେସା ଇଞ୍ଜା ତାମି ଇଲୁତି ସାଲୁଞ୍ଜି କିହାଲି ଅଦିକାରା ହାତେସି । ୧୧ ତାମୁ ମିସର ଇଞ୍ଜା କିଶାନ ଦେସାତା କାର୍ବୁ କାତାରା ଆଡ଼େ, ଲକୁ ହାରେକା କସ୍ତ୍ ଆଡ଼େରି, ମା ଆକୁ ଆବାୟାଁ ତିଞ୍ଜାଲି କାଦିକଣ୍ଡା ବେଟାଆଆଡ଼େରି, ୧୨ ସାମା ମିସର ଦେସାତା ଆର୍ନା ମାନେ ଇଞ୍ଜା ଷ୍ଟେଞ୍ଜାନା, ଜାକୁବ ତାନି ମୀରକା ଇଚିହଁ ମା ଆକୁ ଆବାୟାଁଣି ତଲିଏ ପାଣ୍ଡିତେସି । ୧୩ ଏଞ୍ଜାରି ଅର ଦେବା ହାଜାଲିଏ ଜସେପ ତାନି ତାୟିୟାଁ ତାଣା ପୁଣ୍ଡି କିହା କଡ଼ିତେସି, ଇଞ୍ଜା ମିସରତି ରାଜା ପାର ଜସେପ କୃତାତାରି ଇଞ୍ଜା ପୁରେସି । ୧୪ ଏମ୍ବାଟିଏ ଜସେପ ତାମି ଆବା ଜାକୁବ ଇଞ୍ଜା ତାନିକଡ଼ି ପନ୍ଦର ଜାଣା ତାମି କୁଟମିତି ହାଟାଲି ପାଣ୍ଡିତେସି, ୧୫ ଏମ୍ବାଟିଏ ଜାକୁବ ମିସର ଦେସାତା ହାଚେସି; ଇଞ୍ଜା ଏଞ୍ଜାସି ଅଡ଼େ ତାନି ମୀରକା ଏମ୍ବାଆଁ ହାଡ଼େରି । ୧୬ ଇଞ୍ଜା ଏଞ୍ଜାରି ମାଡ଼ହା ସିକିମତା ଅଢ଼ିଆଡ଼େ, ଇଞ୍ଜା ଅବ୍ରାହାମ ଏମ୍ବାଆଁ ହମର ମୀରକା ତାଣାଟି ଆମିନି ମାହ୍‌ଣି ମାଣ୍ଡା ଟାକାୟାଁ ହାହାଁ କତାମାଚେସି, ଏମ୍ବାଆଁ ମୁସପି ଆଡ଼େରି ।”

୧୭ “ସାମା, ମାହାପୁରୁ ଅବ୍ରାହାମ ନକିତା ଆଞ୍ଜାମାଟି ଲେହେଁ, ଏ ଆଞ୍ଜାମାନାୟି ପୁରା ଆନି କାଲା ଖାହାଲିଏ ମା ଲକୁ ମିସର ଦେସାତା ହାରେକା ଗାଡ଼ି ପାତା ଆଡ଼େରି । ୧୮ ତାମୁ ମିସର ଦେସାତା ଅଡ଼େ ର ରାଜା ଆଡ଼େସି, ଏଞ୍ଜାସି ଜସେପକ୍ ପୁଞ୍ଜା ହିଲାଆଡେସି । ୧୯ ଏଞ୍ଜାସି ମା ଆକୁ ଆବାଣି ଷ୍ଟେପିକିତେସି ଅଡ଼େ ସାସ୍ତି ହାତେସି, ତାମି କକାରି ହାପାରିଖା ଇଞ୍ଜା ଇଲୁତି ପାଞ୍ଜାତା କୁତୁସାଲି ହୁକୁମି ହାତେସି । ୨୦ ଏଚିବେଲାତା ମସା

ଜାର୍ନା ଆଡ଼େସି, ଏଞ୍ଜାସି ମାହାପୁରୁ ନକିତା ହାରେକା ଅଡ଼ିତାସି ଇଞ୍ଜା ତାନି ଲେଞ୍ଜୁ ପାଡେକା ତାମି ଆବା ଇଜ ପହିକିଞ୍ଜି ଆଡ଼େସି । ୨୧ ତାମୁ ଏଚିବେଲା ଏଞ୍ଜାସି ପାଞ୍ଜାତା ମେଡ଼ପି ଆଡ଼େସି, ଏଚିବେଲା ପାର ରାଜା ମାଞ୍ଜା ଏଞ୍ଜାଣାକ୍ ଅହାନା ତାନି ମୀରଏଣା ଲେହେଁ ପହିକିଡେ । ୨୨ ଅଡ଼େ ମସା ମିସର ଲକୁତି ବାରେ ବୁଦି ଜାପାନା କାତାତା ଅଡ଼େ କାମାତା ଷ୍ଟେଜିତେସି ।”

୨୩ “ମସାକି ରା କଡ଼ି ବାସା ଆୟାଲିଏ ତାମି ତାୟିୟାଁ ଇଚିହଁ ଇସ୍ରାୟେଲ ଲକୁତି ମାସ୍କା ମୀରକାଣି ଏନିକିହଁ ଲେମ୍ବୁଞ୍ଜି ଆହିମାନେ ଇଞ୍ଜା ପୁଞ୍ଜାଲି ଅଣ୍ଡିପିତେସି । ୨୪ ଏଞ୍ଜାସି ରଅଣାକ୍ ମିସରତାସି ଗଡ଼ହା କିହିମାଚାଣି ମେସ୍ତେସି, ଏଞ୍ଜାଣାକ୍ ସାୟେମି କିହାଲି ହାଚେସି ଅଡ଼େ ବାଦୁଲି ଅହାନା ଏଞ୍ଜାଣାକ୍ ପାୟିତେସି । ୨୫ ଏଞ୍ଜାଣି କେୟୁଟି ମାହାପୁରୁ ତାମି ତାୟିୟାଁଣି ଗେଲ୍‌ପି ମାନେସି, ଇଦାଆଁ ଏଞ୍ଜାରି ପୁଞ୍ଜାଲି ଆଡ଼ିନେରି ଇଞ୍ଜା ଅଣ୍ଡିମାନେସି, ସାମା ଏଞ୍ଜାରି ପୁଞ୍ଜାଲି ଆଡ଼ାଆଡେରି । ୨୬ ତାନି ଅର ଦିନା ଇସ୍ରାୟେଲ ଲକୁ ରିଆରି ମାଡ଼ା ଆହିମାଚାଣି ମେସ୍ତେସି, ଇଞ୍ଜା ଏଞ୍ଜାଚାକ୍ ଆଣ୍ଡୁଞ୍ଜି କିହାଲି ମାଦି ଆହାଁ ଏଲେଇଚେସି, ‘ଆଡ଼େ, ମୀରୁତ ଇସ୍ରାୟେଲ ତାୟିୟାଁତେରି; ଏନାଆଁତାକି ଇଲେଆହଁ ଗଡ଼ହା ଆହିମାଞ୍ଜେରି?’ ୨୭ ସାମା ଆମିନିଗାଚାସି ପାଡ଼ିତାଣାକ୍ ଲାଗେଏ କିହିମାଚେସି, ଏଞ୍ଜାସି ମସାକ୍ ମେଡାନା ଏଲେଇଚେସି, ‘ଆମ୍ବାଆସି ନିଙ୍ଗେ ମା ଲାକ ସାଲୁଞ୍ଜି କିହାଲି ଅଡ଼େ ନୀହାୟି କିହାଲି ହିୟାତେସି?’ ୨୮ ‘ରେ୪ଏନି ଏନିକିଁ ମିସର ତାଣାକ୍ ପାୟାମାଟି, ଏଲେକିହଁ କି ନୀନୁ ନାଙ୍ଗେ ପାୟାଲି ଅଣ୍ଡିମାଞ୍ଜାଦି?’ ୨୯ ଇ କାତା ଷ୍ଟେଞ୍ଜାନା ମସା ମିଦିୟନ ଦେସାତା ହାଜାନା ବାସା କିତେସି; ଇଞ୍ଜା ଏମ୍ବାଆଁ ରୀ ମୀରକା ଜାର୍ନା ଆଡ଼େରି ।”

୩୦ ତାମୁ ରୀ କଡ଼ି ବାସା ଆୟାଲିଏ,

ସିନୟ ହରୁ ତାଗେତି ଜାଡ଼ାତା ର  
 ଦୂତୁ ର ବୃଗତା ହିରୁ ଡ଼ାଞ୍ଜାନା  
 ତଞ୍ଜାଆଡେସି । ୩୧ ମସା ଏଦାଆଁ  
 ମେସାନା ଆତାଜାକା ଆଡେସି, ଇଞ୍ଜା  
 ନେହଁକଁ ସିନକିହାଲି ତାଗେ  
 ହାଜିମାତି ବେଲାତା ପ୍ରବୁତି ଇ ହାଡ଼ା  
 ଖେରେସି, ୩୨ “ନାନୁ ମୀ ଆକୁ ଆବାୟା  
 ମାହାପୁରୁ, ଅହାହାମତି, ଇସାହାକ ଅଡ଼େ  
 ଜାକୁବତି ମାହାପୁରୁ” ଏରେଟିଏ ମସା  
 ଆଜିତାକି ନେହଁକଁ ସିନକିହାଲି  
 ସାସା କିଆଡେସି । ୩୩ ପ୍ରବୁ ଏଞ୍ଜାଣାଇ  
 ଏଲେଇରେସି, “ନୀ କଡ଼ାତି ସେପୁୟା  
 ହୁକୁମି, ଇତିହଁ ନାନୁ ଆମିନି ଟାୟୁତା  
 ନିଚାମାଞ୍ଜି ଏଦି ସୁଦୁଗାତି ଟାୟୁ ।  
 ୩୪ ମିସରତା ନା ଆମିନି ଲକୁ ମାନେରି,  
 ନାନୁ ଏଞ୍ଜାରି କସ୍ତ ମେସାମାଇଁ, ଅଡ଼େ  
 ଏଞ୍ଜାରି ଡ଼ାହିମାନାଣି ଖେଞ୍ଜାମାଇଁ,  
 ଇଞ୍ଜା ଏଞ୍ଜାରାଇଁ ଗେଲପାଲି ରେଚା  
 ଖାହାମାଇଁ; ଇଞ୍ଜା ନୀଏଁ ଖାମୁ ନାନୁ ନିଜେ  
 ମିସର ଦେସାତା ପାଣ୍ଡାଇଁ ।”

୩୫ “ମସାଇଁ ଇସ୍ରାୟେଲତି ଲକୁ  
 ଅପାଆଡେରି । ଏଞ୍ଜାରି ଏଞ୍ଜାଣାଇଁ  
 ଏଲେଇରେରି, ‘ମାଜେ ସାଲୁଝି କିହାଲି  
 ଅଡ଼େ ନୀହାୟି କିହାଲି ଆମିତି ଅଦିକାରା  
 ବେଟାଆଡ଼ି ? ଏଞ୍ଜାଣାଇଁ ମାହାପୁରୁ  
 ଲକୁଣି ସାଲୁଝି କିହାଲି ଅଡ଼େ ମୁକଲୁଝି  
 କିହାଲି ଦୂତୁତି ସାୟେମି ତଲେ ହିରୁ  
 ଡ଼ାଞ୍ଜିମାନି ବୃଗତା ତଞ୍ଜାଆହାନା  
 ପାଣ୍ଡାଡେସି । ୩୬ ଏଞ୍ଜାସି ଲକୁଣି ମିସର  
 ଦେସାଟି, ସୁପ ସାମ୍ଦୁରି, ଇଞ୍ଜା ରା  
 କଡ଼ି ବାର୍ଯ୍ୟା ପାଡେକା ବାଗତା ହାରେକା  
 କାବାଆନି କାମା ଅଡ଼େ ସିନାୟାଁ ତସାହାଁ  
 ଏଞ୍ଜାରାଇଁ ହପ୍ତହା ତାଡେସି । ୩୭ ଏ  
 ମସା ତାନୁଏ ଇସ୍ରାୟେଲ ମୀରକାଣି  
 ଏଲେଇରେସି, ମାହାପୁରୁ ମୀ ଡ଼ାୟିୟା  
 ବିଡ଼ାଟି ମିଜେତାକି ନା ଲେହେକି ର  
 ମାହାପୁରୁ ଅଣ୍ଡପୁତି ବଲୁ ଖେହନାଣାଇଁ  
 ହିୟାନେସି । ୩୮ ଏ ମସା ବାଃଲି ବାଗତା  
 କୁଡ଼ା ଆହାମାନି ଇସ୍ରାୟେଲ ଲକୁତଲେ  
 ମାରେସି । ସିନୟ ହରୁତା ତାନିତଲେ  
 କାତା ଆହିମାତି ଦୂତୁ ଇଞ୍ଜା ମା ଆକୁ  
 ଆବାୟା ବିଡ଼ା ମାଦିତାସି ମାରେସି;

ଏଞ୍ଜାସି ମିଜେ ହୀହାଲିତାକି ମାହାପୁରୁ  
 ତାଣାଟି ଜୀଞ୍ଜୁତି ବଲୁ ବେଟାଆଡେସି ।”  
 ୩୯ “ସାମା ମା ଆକୁ ଆବାୟା  
 ଏଞ୍ଜାଣି କାତା ଆହୁଆନା ଏଞ୍ଜାଣାଇଁ  
 ଅପାଆଡେରି, ଅଡ଼େ ମିସର ଦେସାତା  
 ଖେଣ୍ଡା ହାଜାଲି ମନ କିଡେରି,  
 ୪୦ ଏଦାଆଁତାକି ଏଞ୍ଜାରି ହାରଣାଇଁ  
 ଏଲେଇରେରି । ‘ମା ନକି ନକିତା  
 ହାଜାଲି ମାଜେତାକି ପେଣ୍ଡକାଣି  
 କେପାମୁ, ଇତିହଁ ମାଜେ ମିସର  
 ଦେସାଟି ହପ୍ତହା ତାତାତି ମସାକି  
 ଏନାଆଁ ଆଡେ ମାମୁ ପୁଞ୍ଜାହିଲଅମି ।’  
 ୪୧ ଅଡ଼େ, ଏତିବେଲାତା ଏଞ୍ଜାରି ର  
 କଡ଼ି ତାଲୁତି ବମା କେପାନା ଏ ବମା  
 ତାକି ପୂଜା ହୀହାନା ତାମି କେୟୁତି  
 କେପିତି ଆସ୍ତି ତାକି ରାହାଁ କିଡେରି ।  
 ୪୨ ସାମା ମାହାପୁରୁ ଏଞ୍ଜାରି ତାଣାଟି  
 ଏଟକା ଆହାନା ଏଞ୍ଜାରାଇଁ ହାଗୁଲାଇକତି  
 ହୁକାୟାଣି ସେବା କିୟାଲି ପିସ୍ତେସି,  
 ଏନିକଁ ମାହାପୁରୁ ଅଣ୍ଡପୁତି ବଲୁ  
 ଖେହନାରି ପତିତା ରାସ୍ତି ଆହାମାନେ;  
 ଏ ଇସ୍ରାୟେଲ କୁଡ଼ାଡେରି,

ବାଗତା ରୀ କଡ଼ି ବାର୍ଯ୍ୟା ପାଡେକା  
 ମୀରୁ ନାଜେତାକି କଡ଼ି ଗରି  
 ପୂଜା କିହାହିଲାଆଡେରି ।

୪୩ ମୀରୁ ପୂଜା କିହାଲି ଆମିନି ବମାୟା  
 କେପାମାରେରି,  
 ଏ ମଲକ ପେନୁତି ତୁମୁ ଅଡ଼େ  
 ରମ୍ପାଦନ ପେନୁତି ହୁକାତି ମୀରୁ  
 ଆସାନା ସେବା କିଡେରି,  
 ଏଦାଆଁତାକି ନାନୁ ମିଜେ  
 ବାବିଲନ ଆତାଲା ବାସା  
 ଆୟାଲି ପାଣ୍ଡାଇଁ ।”

୪୪ “ନାନୁ ଏନିକଁ ମେସାମାଞ୍ଜି,  
 ଏଲେକିହଁଏ ସାକି ହାନି ତୁମୁ ଇଲୁ  
 କେପାମୁ ଇଞ୍ଜା ମସାକି ଆମ୍ବାଆସି  
 ଖେସାମାରେସି, ଏଞ୍ଜାଣି ହୁକୁମି ତଲେ  
 ମା ଆକୁୟାଁ ବାଗତା ସାକି ହାନି ତୁମୁ  
 ଇଲେ କେପାମାରେରି । ୪୫ ତାୟୁ ମା  
 ଆକୁ ଆବାୟାଁ ଏଦାଆଁ ତାମି ଆବାୟାଁ  
 ତାଣାଟି ବେଟାଆଡେରି ଇଞ୍ଜା ଜିହସୁୟ  
 ତଲେ ତାକିମାତିବେଲା ଏଞ୍ଜାରି ଏଦାଆଁ

ଡେକା ଅଡେରି, ଏମ୍ବାଟିଏ ମାହାପୁରୁ ଏଞ୍ଜାରି ନକିତା ମାଟି ବାରେ କୃତାତି ଲକୁଣି ପେରହା ତୁସାଲିଏ, ଇସ୍ତାୟେଲ ଲକୁ ଇଞ୍ଜାରି ଦେସା ଜୀଣାଆହାନା ଇ କୃତାଆନି ତୁମ୍ବୁ ଇଲୁ ଏମ୍ବାଆଁ ତାଚାନା ଇଟିଡେରି, ଇଞ୍ଜା ଏଡି ଦାଞ୍ଜୁଦ ରାଜା ପାତେକା ଏମ୍ବାଆଁ ତୁୟିଡେ ।  
 ୪୭ ଦାଞ୍ଜୁଦ ମାହାପୁରୁ ନକିତା କାର୍ମା ବେଟାଆହାନା, ଜାକୁବତି ମାହାପୁରୁକି ର ବାସାଟାୟୁ କିହାଲି ପ୍ରାତାନା କିଡେସି । ୪୮ ସାମା ସଲମନ ମାହାପୁରୁକି ଏ ଇଲୁ କେପିଡେସି ।”

୪୮ “ସାମା ବାଡୁୟୁ ଗାଟି ମାହାପୁରୁ ମାଣସି କେୟୁଡଲେ କେପିତି ଇଲୁତା ବାସା କିଅସି; ଏନିକ୍ ମାହାପୁରୁ ଅଣ୍ପୁତି ବଲୁ ଖେହନାରି ଖେସାମାନେରି ।”

୪୯ ପ୍ରବୁ ଏଲେଇଞ୍ଜା ମାନେସି, “ଲାକପୁରୁ ନା ସିଂଗାସାଣି, ଦାରତି ନା କଡା ଇଟିନି ଟାୟୁ, ମୀରୁ ନା ତାକି ଏନିଲେହେଡି ଇଲୁ କେପିଦେରି ? ଇଞ୍ଜା ନା ଜମିନି ଟାୟୁ ଏମ୍ବିୟାମାନେ ?

୫୦ ନା କେୟୁ ଇ ବାରେ ଗାଡ଼ି କିହାହିଲେଏ କି ?”

୫୧ ସ୍ତ୍ରୀପାନ ଏଲେଇଚେସି, “ମୀରୁ ଏଚେକା ମୁଣ୍ଡି ଗାଟାଡେରି, ଇଞ୍ଜା ଅଡ଼ହା କଡାଆତି ହିୟା ଗାଟାଡେରି ଅଡ଼େ ମାହାପୁରୁତି ବଲୁ ତାକି କାର୍ମା ଖେନାଆ ଗାଟାଡେରି, ମୀରୁ କାଲେଏ ସୁଦୁଜୀଞ୍ଜୁତି କସ୍ତୁ ହାହିମାଞ୍ଜେରି; ମୀ ଆକୁ ଆବାୟା ଏନିକ୍ ମୀରୁ ଜିକେଏ ଏଲେତାଡେରି । ୫୨ ମାହାପୁରୁ ଅଣ୍ପୁତି ବଲୁ ଖେହନାରାଇଁ ଆମ୍ବାଆରାଇଁ ଜିକେଏ ମୀ ଆକୁ ଆବାୟା ନିୟା କିହାହିଲାଆଡେରି ? ଆମିନି ଗାଟାରି ଏ ଦାର୍ମୁଗାଟାସି ଖାନ୍ତି କାତା ନକେଏ ଖେସାମାଚେରି, ଏଞ୍ଜାରାଇଁ ଏଞ୍ଜାରି ପାୟିଡେରି; ନୀଏ ମୀରୁ ଏଞ୍ଜାଣାଇଁ ସାତୁୟା କେୟୁତା ହେରପାନା ପାୟିଡେରି । ୫୩ ମୀରୁ ମାହାପୁରୁତି ମେରା ବେଟାଆହା

ମାଚେରି, ଏ ମେରା ଦୁଡୁୟା ତାଣାଟି ହୀପକି ଆହାମାଚେ, ଆଡିଜିକେଏ ମୀରୁ ଏଦାଆଁ ନାମାଆଡେରି ।”

୫୪ ଖାଲକାତଲେ ସ୍ତ୍ରୀପାନଇଁ ପାୟିନାୟି ୫୫ ସ୍ତ୍ରୀପାନ ବେରଣିମାଣ୍ଡାତା କୁଗାମାଟି ଲକୁଇଁ ଇ ବାରେ କାତା ଖେସେସି, ଏମ୍ବାଆଁ ମାଟି ପାରୁସି ଇଞ୍ଜା ବାରେ କୃତା ଆହାମାଚାରି କାରୁବି ଆହାଁ ପାଲକା ଟୀଟି କିହାଲି ମାଟୁହେରି । ୫୬ ସାମା ସ୍ତ୍ରୀପାନ ସୁଦୁଜୀଞ୍ଜୁ ତଲେ ନେଞ୍ଜାନା ଲାକପୁରୁ ଖାକି ସିନିକିଡେସି, ଇଞ୍ଜା ମାହାପୁରୁତି ଗାଞ୍ଜୁରମି ଅଡ଼େ ଜୀସୁଇଁ ମାହାପୁରୁତି ଚିଝନିଖାକି ନିଚାମାନାଣି ମେସାନା ଏଲେଇଚେସି । ୫୭ “ମେହ୍ଦୁ ନାନୁ ଲାକପୁରୁ ଦେପିଆହାମାନାଣି ଅଡ଼େ ମାଣସି ମୀରୁଏସି ମାହାପୁରୁତି ଚିଝନିଖାକି ନିଚାମାନାଣି ମେସିମାଇଁ !”

୫୮ ଏ କାତା ଖେନାଆପ ଇଞ୍ଜୁ କାଲୁଖି ଆହୁଁ ବେରଣି ମାଣ୍ଡାତାରି କାର୍ମା ମୁଚାକଡିଡେରି । ତାୟୁ ବାରେଜାଣା ରୁଣ୍ଡା ଆହାନା ଏଞ୍ଜାଣାଇଁ ମୁଟିଡେରି । ୫୯ ଅଡ଼େ ଏଞ୍ଜାରି ଏଞ୍ଜାଣାଇଁ ଗାଡ଼ାଟିଏ ପାଙ୍ଗାତା ରେଜା ଅହାନା ଏଞ୍ଜାଣାଇଁ ଖାଲକାତଲେ ଖେଟାଲି ମାଟୁହେରି; ଅଡ଼େ ସାକିୟା ବିଡ୍ରାଟି ସାଞ୍ଜୁଲ କଡାୟା ତୁଇ ହିମ୍ବୁରିକା କାଟିମାଚେସି । ୬୦ ଏଚିବେଲା ଏଞ୍ଜାରି ସ୍ତ୍ରୀପାନଇଁ ଖାଲକା ଖେଟି ମାଚେରି, ଏଚିବେଲା ଏଞ୍ଜାସି ମାହାପୁରୁ ତାଣା ପ୍ରାତାନା କିହାନା ଏଲେଇଚେସି, “ପ୍ରବୁ ଜୀସୁ, ନା ଜୀଞ୍ଜୁତି ଅହାକଡାମୁ !” ୬୧ ଇଞ୍ଜା ଏଞ୍ଜାସି ମେଣ୍ଡାକୁତାନା କାଜା ଗିୟାତଲେ ଏଲେଇଚେସି, “ପ୍ରବୁ ! ଇ ପାପୁ ଇଞ୍ଜାରି ତାଣା ଲେକା କିଆନି” ଏଲେଇଞ୍ଜାହାଁ ହାଡେସି ।

୮

ସାଞ୍ଜୁଲ କ୍ରୀସ୍ତାନା କୁଲମିତି ସାସ୍ତ୍ରୀ ହୀନାୟି ୧ ସ୍ତ୍ରୀପାନଇଁ ପାୟିତାୟି ନେହେଁ ଆଡେ ଇଞ୍ଜୁଁ ସାଞ୍ଜୁଲ ଅଣ୍ପିମାଚେସି । ଏ ଦିନାଟିଏ ଜିରୁସାଲମତା ମାନି

କୁଲମିକାକି ହାରେକା ନିନ୍ଦା ସାସ୍ତି ଖାଡ଼େ;  
 ଏମ୍ବାଟିଏ ପାଣ୍ଡୁ ଆହାମାନାରି ପିସ୍ତେ  
 ବାରେ ନାମିତାରି, ଜୀହୁଦା ଦେସା ଇଞ୍ଜା  
 ସମିରଣ ନାସ୍ତକା ସାରିସୁରୁ ଇତାଲା  
 ଆତାଲା ଆଡେରି । ୨ ଆଡ଼ିଜିକେଏ  
 ଏଚେକା ନାମୁଗାଟି ଲକୁ ସିପାନଇଁ  
 ମୁସ୍ତେରି ଇଞ୍ଜା ହାରେକା ଦୁକୁ ତଲେ  
 ଡୀଡେରି ।

୩ ଏସାମା ସାଞ୍ଜୁଲ କୁଲମିତା ହାଜିହ  
 ଇଲୁତାକି ଇଲୁ ହଡ଼ିହ ନାମିତି  
 ଆୟାସିକା, ଆବାଣି ରେଜା ତାଗାନା  
 କାୟିଦି ଇଲୁତା ହେରପିହ କୁଲମିତି  
 ନାସା କିହାଲି ମାଟ୍‌ହେସି ।

ସମିରଣତା ନେହ କାବୁ  
 ଝେକନାୟି

୪ ଏମ୍ବାଟିଏ ଆମିନି ଗାଟାରି ଇତାଲା  
 ଆତାଲା ଆହାମାଚେରି, ଏଞ୍ଜାରି  
 ସାରିସୁରୁ ରେଜି ରେଜି ନେହ କାବୁ  
 ଝେକହେରି । ୫ ଇଞ୍ଜା ପିଲିପ ସମିରଣତି  
 କାଜା ଗାଡ଼ାତା ହାଜାନା ଲକୁ ନକିତା  
 ମସିହାତି କାତା ଝେକହେସି । ୬ ଅଡ଼େ,  
 ଲକୁ ବାରେ ପିଲିପ ହାଡ଼ା ଝେଚେରି  
 ଇଞ୍ଜା ଏଞ୍ଜାସି କିହାମାନି କାବାଆନି କାମା  
 ମେସାନା ରଣ୍ଡିଏ ହିୟାଁ ତଲେ ଏଞ୍ଜାଣି  
 କାତାତି ଝେଞ୍ଜିମାଚେରି । ୭ ଇଚିହ  
 ଆଲଗାମାତି ପଲୁଆ ବୁଡୁ ହାରେକା ଲକୁ  
 ତାଣାଟି କାଜା ଗିୟାଁତଲେ କିରଡ଼ିହ  
 ହଚାହାଚୁ, ଇଞ୍ଜା ଟଟ ଖାୟିତାରି ଅଡ଼େ  
 ସଚାୟାଁ ହାରେକା ଜାଣା ନେହ  
 ଆଡେରି । ୮ ଏଦାଆଁତାକି ଏ ଗାଡ଼ାତା  
 ହାରେକା କାଜା ରାହାଁ ଆଡେ ।

୯ ସାମା ସିମନ ଦରୁଗାଟାସି ରଅସି  
 ଇ ନଚେଏ ଏ ଗାଡ଼ାତା ଗାରୁଡ଼ି କିହ  
 ନାନୁ କାଜାତେଏଁ ଇଞ୍ଜା ଝେସା  
 କଡ଼ିହ ସମିରଣତି ଲକୁଣି କାବା  
 କିହମାଚେସି । ୧୦ ମାହାପୁରୁତି ଆମିନି  
 ବାଡ଼ୁୟୁତି କାଜାୟି ଇଞ୍ଜା ଇଣ୍ଡିଆନେ,  
 ଉଣାଟିଏ କାଜାରି ପାଡେକା ବାରେଜାଣା  
 ଇଞ୍ଜାସିଏ ଏଞ୍ଜାସି ଇଞ୍ଜା ଏଞ୍ଜାଣାଇଁ ମାନି  
 କିହମାଚେରି । ୧୧ ଏଞ୍ଜାରି ଏଞ୍ଜାଣାଇଁ

ମାନି କିହମାନାୟି ଆଡେ, ହାରେକା  
 ଦିନାଟିଏ ତାନି ଗାରୁଡ଼ି କାମା ତଲେ  
 ଏଞ୍ଜାରାଇଁ କାବା କିହମାଚେସି । ୧୨ ସାମା  
 ପିଲିପ ମାହାପୁରୁତି ରାଜି ଇଞ୍ଜା ଜୀସୁ  
 କ୍ରୀସୁ ଦରୁତି ନେହ କାବୁ ଝେକହାଲିଏ  
 ଏଞ୍ଜାରି ଏଚିବେଲା ଏଞ୍ଜାଣି କାତାତା  
 ନାମିଚେରି, ଇଞ୍ଜା ଆୟାସିକା ଅଡ଼େ  
 ଆବାୟାଁ ବାପ୍ତିସ୍ତା\* ଅହାଲି ମାଟ୍‌ହେରି ।  
 ୧୩ ଅଡ଼େ ସିମନ ତାନୁଏ ନାମିଚେସି ଇଞ୍ଜା  
 ବାପ୍ତିସ୍ତା† ଅଡେସି, ଇଞ୍ଜା ପିଲିପ ତଲେ  
 ଡ଼ୟିଚେସି, ଅଡ଼େ ହାରେକା ସିନାୟାଁ  
 ଇଞ୍ଜା ହାରେକା ବାଡ଼ୁୟୁତି କାବାଆନି  
 କାମାୟାଁ ମେସାନା କାବା ଆହାହାଚେସି  
 ।

୧୪ ସମିରଣତି ଲକୁ ଜିକେଏ  
 ମାହାପୁରୁ ବଲୁତି ନାମିମାନେରି, ଇଞ୍ଜା  
 ଜିରୁସାଲମତା ମାନି ପାଣ୍ଡୁ ଆଡ଼ାରି  
 ଝେଚେରି, ଏମ୍ବାଟିଏ ଏଞ୍ଜାରି ପିତର  
 ଅଡ଼େ ଜହନଇଁ ଏଞ୍ଜାରିତାଣା ପାଣ୍ଡିଚେରି  
 । ୧୫ ଏଞ୍ଜାରି ଏଗାହାଜାନା, ଏଞ୍ଜାରି  
 ଏନିକିଏ ସୁଦୁଜୀଞ୍ଜୁ ବେଟାଆନେରି,  
 ଏଦାଆଁତାକି ଏଞ୍ଜାରି ତାକି ପ୍ରାଡ଼ାନା  
 କିଚେରି । ୧୬ ଇଚିହ ନୀଏଁ ପାଡେକା  
 ଏଞ୍ଜାରିତାଣା ଆମ୍ବାଆରି ଲାକ ସୁଦୁଜୀଞ୍ଜୁ  
 ରେଟା ହିଲାଆଡେ, ଇଚିହ ଏଞ୍ଜାରି  
 ଖାରଇ ପ୍ରୁ ଜୀସୁ ଦରୁତଲେ ବାପ୍ତିସ୍ତା‡  
 ଅହାମାଚେରି । ୧୭ ପିତର ଅଡ଼େ ଜହନ  
 ଏଞ୍ଜାରି ଲାକ କେୟୁ ଇଚିଚେରି ଇଞ୍ଜା  
 ଏଞ୍ଜାରି ସୁଦୁଜୀଞ୍ଜୁ ବେଟାଆଡେରି ।

୧୮ ପାଣ୍ଡୁ ଆଡ଼ାରି କେୟୁ ଇଚିସାରେ  
 ସୁଦୁଜୀଞ୍ଜୁ ଖାହିମାନାଣି ମେସାନା,  
 ସିମନ ଏଞ୍ଜାରାକି ଟାକାୟାଁ ହୀହାନା  
 ଏଲେଇଚେସି, ୧୯ “ନାଜେ ଜିକେଏ  
 ଇ ବାଡ଼ୁୟୁ ହିୟାଦୁ, ଏନିକିଏ ନାନୁ  
 ଆମିନିଗାଟାଣି ଲାକ କେୟୁ ଇଚିଇଁ  
 ଏଞ୍ଜାସି ସୁଦୁଜୀଞ୍ଜୁ ବେଟାଆନେସି ।”

୨୦ ସାମା ପିତର ଏଞ୍ଜାଣାଇଁ  
 ଏଲେଇଚେସି “ନୀ ଟାକାୟାଁ ନୀ ତଲେ  
 ନସ୍ତୁ ଆପୁ, ଇଚିହ ନାନୁ ଟାକାୟାଁ  
 ହୀହାନା ମାହାପୁରୁତି ଦାନା କଡ଼ାଲି  
 ଅଣ୍ଡପିତି । ୨୧ ଇ କାମାତା ନୀଦି

\* ୮:୩ ୮:୩ କାମା ୨୨:୪,୫; ୨୬:୯-୧୧    \* ୮:୧୨ ୮:୧୨ ମୁଞ୍ଜିନାୟି    † ୮:୧୩ ୮:୧୩ ମୁଞ୍ଜିନାୟି    ‡ ୮:୧୨ ୮:୧୨ ମୁଞ୍ଜିନାୟି

ଏନି ବାଟା କି ଅଦିକାରା ହିଲେଏ, ଇତିହଂ ମାହାପୁରୁ ତାଣା ନୀ ହିୟାଁ ଚିକାଣା ହିଲେଏ । ୨୨ ଇଦାଆଁତାକି ନୀ ଲାଗେଏତି ଅଣ୍ଠପୁଟି ମନୁ ଖେଟ୍‌ହାଁ ପ୍ରବୁ ତାଣା ପ୍ରାତାନା କିମ୍ପୁ, ଏନିଆଡ଼ିହଂ ନୀ ହିୟାଁତା ମାନି ଲାଗେଏତି ଅଣ୍ଠପୁ ମ୍ପେକ୍‌ନେସି; ୨୩ ଇତିହଂ ନାନୁ ମେସିମାଞ୍ଜାଇଁ ନୀ ହିୟାଁ ବିତ୍ତା ତାହାରା ଆନାୟି ମାନେ, ନୀନୁ ଲାଗେଏତି ପାନ୍ଦାତା ଦସ୍‌ପି ଆହାମାଞ୍ଜି ।”

୨୪ ଏଚେଟିଏ ସିମନ, ପିତର ଅଡ଼େ ଜହନଇଁ ଏଲେଇଚେସି, “ମୀରୁ କାର୍ମା ଅଣ୍ଠପାନା ନା ତାକି ପ୍ରବୁ ତାଣା ପ୍ରାତାନା କିମ୍ପୁ, ମୀରୁ ଏନାଆଁ ଜଲିତେଚିଏ ବାରେ ଏନିକଂ ନାଙ୍ଗେତାକି ଏଲେଆହଂ ଆଏ ।”

୨୫ ଇଲେକିହଂ ପିତର ଅଡ଼େ ଜହନ ସାକି ହାହଂ ପ୍ରବୁତି ବଲୁ ଖେସିହଂ, ହାରେକା ସମିରଣ ନାସ୍‌କାଣାଁ ନେହଂ କାବୁ ଖେସି ଖେସିହଂ ଜିରୁସାଲମତା ଖେଣ୍ଡା ହାଚେଚି ।

ପିଲିପ ଅଡ଼େ ଇତିୟପିୟାତି କାମାକିନାସି

୨୬ ତାୟୁ ପ୍ରବୁତି ର ପୁତୁ ପିଲିପଇଁ ଏଲେଇଚେସି, “ନିଙ୍ଗାମ୍ପୁ ଇଞ୍ଜା ଚିଃନି ଝାକିତି ଆମିନି ଜିରୁ ଜିରୁସାଲମଟିଏ ଗଜା ଝାକି ମାନେ ଏ ଜିରୁତା ହାଲାମ୍ପୁ ।” ଏ ଜିରୁଟି ଅଡ଼େ ଲକ୍ଷୁ ତାକିହିଲଅରିଃ । ୨୭ ଏମ୍ପାଟିଏ ଏଝାସି ନିଙ୍ଗାନା ହାଚେସି, ଇତିୟପିୟା ଦେସାତି କାଣ୍ଡାକି ଦରୁଗାଟି ରାଣିନି ଡ଼ଇ ର କାଜାପାଣା ବେଟାଆହାମାନି ପେଜୁ ଆମିନିଗାଟାସି ଇତିୟପିୟା ରାଣିନି ବାରେ ଦନତି ଗୁମ୍ପୁସ୍ତା ମାଚେସି, ଏଝାସି ମାହାପୁରୁ ତାଣା ପ୍ରାତାନା କିହାଲି ଜିରୁସାଲମତା ଝାହାମାଚେସି; ୨୮ ଏଝାସି ମାହାପୁରୁ ଅଣ୍ଠପୁତି ବଲୁ ଖେହ୍‌ନି ଜିସାୟତି ପତି କାଜା ଗିୟାଁତଲେ ପଡ଼ଝି ଆହଂ ରାତାତା କୁଗାନା ଖେଣ୍ଡା

ହାଜିମାଚେସି । ୨୯ ଏଚିଚେଲ୍ଲା ସୁଦୁଜୀଝୁ ପିଲିପଇଁ ଏଲେଇଚେ, “ନକିତା ହାଜାନା ରାତାତା ହାଜିମାନାଣି ତାଣା ହାଲାମ୍ପୁ;” ୩୦ ଏଚେଟିଏ ପିଲିପ ହଟି ହଟି ହାଜାନା ଜିସାୟତି ପତି କାଜା ଗିୟାଁତଲେ ମାହାପୁରୁ ଅଣ୍ଠପୁତି ବଲୁ ପଡ଼ଝି ଆହିମାନାଣି ଖେଞ୍ଜାନା ଖେଚେସି, “ନୀନୁ ଆମିନିଗାଟାଣି ପଡ଼ଝି ଆହିମାଞ୍ଜି ଏଦାଆଁ ପୁଞ୍ଜାଲି ଆଡ଼ିମାଞ୍ଜି କି ?”

୩୧ ପେଜୁ ଏଲେଇଚେସି, “ଆମ୍ପାଆସି ନାଙ୍ଗେ ଖେସ୍ତାଆସାରେ ନାନୁ ଏନିକଂ ପୁଇଁ ?” ଇଞ୍ଜା ଏଝାସି ପିଲିପଇଁ ରାତାତା ହଚାନା ତାନିତଲେ କୁଗାଲି ଏଲେଇଚେସି । ୩୨ ଏଝାସି ଦାର୍ମ୍ପୁ ପତିତା ପଡ଼ଝି ଆହିମାଟି କାତା ଇଦି;

“ଏଝାସି ପାୟିଝିଆନି ମେଣ୍ଡା ତାଲୁ ଲେହେଁ ଅଝିଆଡ଼େସି, ଇଞ୍ଜା ମେଣ୍ଡା ତାଲୁ ବାଣାୟାଁ ଦାଃନି ବେଲାତା ମେଣ୍ଡା ତାଲୁ ଏନିକଂ ଡ଼ୀଆନା ପାଲେଏ ଡ଼ୟିନେ, ଏଲେକିହଂ ଏ ଏଝାସି ତାନି ଗୁତି ଏକ୍‌ଆଡେସି ।

୩୩ ଏଝାଣାଇଁ ଉଣା କିହାଁ ନୀହାଁୟି କିଆଡେଚି, ଏଝାଣି କୁଡ଼ାତି କାତା ଆମ୍ପାଆସି ଖେସାଲି ଆଡ଼ଅସି, ଇତିହଂ ତାନି ଜୀଝୁ ଦାର୍‌ତିତା ରାଡ଼େ ।”

୩୪ ଏ ପେଜୁ ପିଲିପଇଁ ଏଲେଇଚେସି, “ନାଙ୍ଗେ ଖେସ୍ତାମ୍ପୁ, ମାହାପୁରୁ ଅଣ୍ଠପୁତି ବଲୁ ଖେହ୍‌ନାସି ଆମ୍ପାଆରି କାତା ଖେସିମାନେସି ? ତାନି କାତା କି ଅର ରଅଣି କାତା ?” ୩୫ ଏମ୍ପାଟିଏ ପିଲିପ ଗୁତି ଦେବାନା ଦାର୍ମ୍ପୁ ସାଢ଼େସିଚିଏ ମାଟ୍‌ହାନା ଏଝାଣି ତାଣା ଜୀସୁତି ନେହଂ କାବୁ ଖେସ୍ତେସି । ୩୬ ଏଝାରି ଜିରୁତା ହାଜିମାଟାଟି ଏୟୁ ମାନି ର ଚାୟୁତା ଏଗାହାଚେଚି; ଏଚେଟିଏ ପେଜୁ ଏଲେଇଚେସି, ୩୭ “ଇମ୍ପାଆଁ ଏୟୁ ମାନୁ,

§ ୮:୨୨ ୮:୨୨ ଲକ୍ଷୁ ହିଲଆ ଚାୟୁ \* ୮:୩୭ ୮:୩୭ ମୁଞ୍ଜିନାୟି † ୮:୩୭ ୮:୩୭ ପିଲିପ ଏଲେଇଚେସି, “ନାନୁ ବାରେ ହିୟାଁ ତଲେ ନାମିସାରେ ଅହାଲି ଆଡ଼ିଦି” ଏମ୍ପାଟିଏ ଏଝାସି ଏଲେଇଚେସି, “ଜୀସୁ କ୍ରୀସ୍ତ ମାହାପୁରୁତି ମାଟ୍‌ଏସି ଇଦାଆଁ ନାନୁ ନାମିମାଇଁ ।”

ଏନାଆଁ ନାନୁ ବାପ୍ତିସ୍ତ\* ଅହାଲି ଆଡ଼ିଇଁ ?”

୩୮ ଇଞ୍ଜା ଏଝାସି ରାତା ନିପହାଲି ହୁକୁମି ହୀତେସି, ଇଞ୍ଜା ପିଲିପ ଅଡ଼େ ପେଜୁ ଏୟୁଣାଁ ରେତେରି, ଇଞ୍ଜା ପିଲିପ ଏଝାଣାଇଁ ବାପ୍ତିସ୍ତ‡ ହୀତେସି । ୩୯ ଏଝାରି ଏୟୁଟି ହରା ଝାଡ଼ି ତାୟୁ, ପ୍ରବୁତି ସୁଦୁଜୀଝୁ ପିଲିପଇଁ ଅହିଁ ହାରେ, ଇଞ୍ଜା ପେଜୁ ଅଡ଼େ ଏଝାଣାଇଁ ମେହୁଆତେସି; ଆଡ଼ିଜିକେଏ ରାହାଁ କିହିଁ ତାନି ଜିରୁତା ହାରେସି । ୪୦ ସାମା ପିଲିପ ଅସଦଦ ଗାଡ଼ାତା ତଞ୍ଜାଆତେସି; ଇଞ୍ଜା ଏଝାସି ଗାଡ଼ାତାକି ଗାଡ଼ାତା ହାଜାହାଁ ନେହିଁ କାରୁ ଝେସେସି ଇଞ୍ଜା କାୟିସରିୟାତା ଏଗାହାରେସି ।

୯

ସାଝୁଲ ମନ ଝେଟନାୟି  
(କାମା ୨୨:୬-୧୬; ୨୬:୧୨-୧୮)

୧ ସାମା ସାଝୁଲ ନୀର୍ଘ ପାତେକା ପ୍ରବୁତି ସୀସୁୟାଁ କପାଟି ଆଜି ତସାନା ଅଡ଼େ ଜୀଝୁ ନାସାକିନି କାତାୟାଁ ଜଲିହିଁ କାଜା ପୂଜେରାଞ୍ଜା ତାଣା ହାରେସି । ୨ ଅଡ଼େ ପ୍ରବୁ ଜିରୁଟି ତାକିମାନି ଆମିନି ଇୟାସିକା ଆବାୟାଁଣି ମେସିହିଁ, ବାରେଜାଣାତି ଦସପାନା ଜିରୁସାଲମତା ତାଚାଲି ଆଡ଼ିମାନେସି, ଏଦାଆଁତାକି ଏଝାସି କାଜା ପୂଜେରାଞ୍ଜା ତାଣା ହାଜାନା ଦମେସକତା ମାନି ଜୀହୁଦି ଲକୁତି କୁଟମି ଇଲକାଣା\* ହିୟାଲି ଏଝାରି ତାଣାଟି ଆକୁ ରୀସେସି ।

୩ ସାଝୁଲ ଦମେସକ ତାଗେ ଝାହିମାଚାଟି ଦେରୁଣିଏ ର ଉଜେଡ଼ି ହାଗୁଲକଟି ତାନି ସାରିଝାକି ମ୍ପିସେ । ୪ ଏମ୍ପାଟିଏ ଏଝାସି ବୃମିତା ତରଗା ହାରେସି ଇଞ୍ଜା ତାଜେତାକି ଈ ହାଡ଼ା ଝେରେସି, “ଏ ସାଝୁଲ, ଏ ସାଝୁଲ ! ନାନୁ ଏନାଆଁତାକି ନାଜେ ନିନ୍ଦା କିହିମାଞ୍ଜାଦି ?”

୫ ଏଝାସି ଏଲେଇରେସି, “ପ୍ରବୁ, ନାନୁ ଆମ୍ପାଆତି ?” ଏଝାସି ଏଲେଇରେସି, “ନାନୁ ଆମ୍ପାଆରାଇଁ ନିନ୍ଦା କିହିମାଞ୍ଜି ଏ

ଜୀସୁତେଏଁ ନାନୁ । ୬ ସାମା ନିଜାମ୍ପୁ ଇଞ୍ଜା ଗାଡ଼ାତା ହାଲମ୍ପୁ, ଏନାଆଁ କିହିଲି ଆନେ, ଏମ୍ପାଆଁ ନିଜେ ଝେସପି ଆୟାନେ ।”

୭ ଏଝାଣିତଲେ ଆମିନି ଲକୁ ହାଜିମାଚେରି, ଏଝାରି ଏ ହାଡ଼ା ଝେଞ୍ଜାନା ଆମ୍ପାଆରାଇଁ ମେହୁଆତେରି, ଇଞ୍ଜା ଆତାଜାକା ଆହାହାଚେରି । ୮ ଅଡ଼େ ସାଝୁଲ ବୃମିଟି ନିଜାମାନା ତାନି କାଣକା ଦେତେସି, ସାମା ଏଝାସି ଏନାଆଁ ମେସାଲି ଆଡ଼ାଆତେସି । ଇଞ୍ଜା ଏଝାରି ତାନି କେୟୁ ଆସାନା ଦମେସକତା ଅଡ଼େରି । ୯ ଅଡ଼େ ତାନିଦିନା ପାତେକା ଏଝାସି ଏନାଆଁ ମେସାଲି ଆଡ଼ାଆତେସି, ଅଡ଼େ ଏନାଆଁ ତିନାଆତେସି ଏନାଆଁ ଗହୁଆତେସି ।

୧୦ ଦମେସକତା ହନନିୟ ଦରୁଗାଟାସି ର ସୀସୁ ମାରେସି; ପ୍ରବୁ ଏଝାଣାଇଁ ତଞ୍ଜାଆହାଁ ଏଲେଇରେସି, “ଏ ହନନିୟ !” ଏଝାସି ଏଲେଇରେସି, “ଏ ପ୍ରବୁ ନାଜେ ଝେସ୍ତାମ୍ପୁ ।”

୧୧ ଏଚେଟିଏ ପ୍ରବୁ ଏଝାଣାଇଁ ଏଲେଇରେସି, “ତିୟାରା ଆହାନା ‘ସଲକ’ ଦରୁଗାଟି ଜିରୁ ଆସାଁ ଜୀହୁଦା ଇଲୁତା ତାର୍ସ ଗାଡ଼ାଟି ସାଝୁଲ ଇନାଣାଇଁ ପାରାମ୍ପୁ; ଇଚିହିଁ ଏଝାସି ପ୍ରାଡ଼ାନା କିହିମାନେସି; ୧୨ ଅଡ଼େ, ଏଝାସି ସେୟାଁଣା ହାପାନା ମେସାମାନେସି, ହନନିୟ ଇନାସି ର ମାଣ୍ସି ଝାହାନା ତାନି ଲାକ କେୟୁ ଇଚିମାନେସି, ଏନିକିଁ ଏଝାସି ମେସାଲି ଆଡ଼ିମାନେସି ।”

୧୩ ହନନିୟ ଏଲେଇରେସି, “ପ୍ରବୁ, ଜିରୁସାଲମତା ମାହାପୂରୁ ଲକୁଇଁ ଇଝାସି ଏଚେକା ନିନ୍ଦା କିହିମାନେସି ଇଞ୍ଜା ନାନୁ ହାରେକା ଲକୁ ତାଣାଟି ଇ ଲକୁତି କାତା ଝେଞ୍ଜାମାଇଁ । ୧୪ ଅଡ଼େ ଇ ଗାୟୁତା ନୀ ଦରୁଟି ପ୍ରାଡ଼ାନା କିହିମାନାରାଇଁ ବାରେଜାଣାତି ଦସା ଅୟାଲି ଏଝାସି କାଜା ପୂଜେରାଞ୍ଜା ତାଣାଟି ଅଦିକାରା ଆକୁ ବେଟାଆହାମାନେସି ।”

‡ ୮:୩୮ ୮:୩୮ ମୁଞ୍ଜନାୟି \* ୯:୨ ୯:୨ ସିନଗଗ

୧୫ ସାମା ପ୍ରବୁ ଏଞ୍ଜାଣାଇଁ ଏଲେଇଚେସି, “ହାଲାମ୍; ଇଚିହିଁ ଏଞ୍ଜାସି ଏଚକା କୁଡ଼ାତି ରାଜାୟଁ ଅଡ଼େ ଇସ୍ତାୟେଲ ଲକ୍ଷୁତି ମାସ୍କା ମୀରକା ନକିତା ନା ଦରୁ ଖେକହାଲି ନାନୁ ଏଞ୍ଜାଣାଇଁ ନା ସେବା କିନାସି କିହାନା ଆଚାମାଇଁ; ୧୬ ଅଡ଼େ ନା ଦରୁ ତାକି ଏଞ୍ଜାସି ଏଚେକା ଦୁକୁ ବେଟାଆନେସି, ଏଦାଆଁ ନାନୁ ଏଞ୍ଜାଣାଇଁ ଖେହଇଁ ।”

୧୭ ଏଚେଟିଏ ହନନିୟ ହାଜାନା, ଏ ଇଲୁତା ହଚେସି, ଇଞ୍ଜା ତାନି ଲାକ କେୟୁ ଇଚାନା ଏଲେଇଚେସି, “ତାୟି ସାଞ୍ଜୁଲ, ଇମ୍ବାଆଁ ଖାନି ଜିରୁତା ଆମିନି ପ୍ରବୁ ଜୀସୁ ନିଜେ ତଞ୍ଜା ଆୟାଚେସି, ଏଞ୍ଜାସି ନାଜେ ପାଣ୍ଡାମାଞ୍ଜାନେସି, ନାନୁ ଏନିକିଁ ଖେଶ୍ଟେ ମେହମୁ ଇଞ୍ଜା ସୁଦୁଜୀଞ୍ଜୁ ବେଟାଆମୁ ।” ୧୮ ଏ ଦେବୁଣିଏ ଏଞ୍ଜାଣି କାଣ୍ଟକାଟି ମୀନୁ ହିପି ଲେହେଁତାୟି ତୁଲିଚେ, ଇଞ୍ଜା ଏଞ୍ଜାସି ଖେଶ୍ଟେ ମେସାଲି ଆଡିଚେସି, ଅଡ଼େ ନିଜାମା ବାପ୍ତିସ୍ମାଁ ଅଡ଼େସି, ୧୯ ଅଡ଼େ ଏଞ୍ଜାସି ତିଞ୍ଜା ଉଣ୍ଡାନା ବାଡ଼ୟୁ ବେଟାଆଡେସି, ଏଚେଟିଏ ସାଞ୍ଜୁଲ ଏଚରଦିନା ସୀସୁୟାଁ ତଲେ ଦମେସକତା ତୁୟିଚେସି ।

ଦମେସକତା ସାଞ୍ଜୁଲ ଖେକନାୟି ।

୨୦ ଅଡ଼େ, ଜୀସୁ ମାହାପୁରୁତି ମୀରଏସି ଇଞ୍ଜା ଆଟ୍ଝା ତଲେ ଜୀହୁଦି ଲକ୍ଷୁତି କୁଟମି ଇଲକାଣାଃ ଖେସାଲି ମାଟ୍ଝେସି ।

୨୧ ଅଡ଼େ, ଆମିନି ଗାଟାରି ତାନି ହାଡ଼ା ଖେଚେରି, ଏଞ୍ଜାରି କାବାଆହାନା ଏଲେଇଚେରି, “ଜୀସୁ ଦରୁ ଆସାନା ପ୍ରାତାନା କିନି ଲକ୍ଷୁଣି ଆମ୍ବାଆସି ଜିରୁସାଲମତା ପାୟି କିହିମାଚେସି, ଅଡ଼େ ଏଞ୍ଜାରାଇଁ ଦସପାହାଁ କାଜା ପୂଜେରାଜା ତାଣା ଅହାଲି ତାକି ଇମ୍ବାଆଁ ଖାହାମାଚେସି, ଏଞ୍ଜାସି କି ଇଞ୍ଜାସି ଆଏ ?”

୨୨ ସାମା, ସାଞ୍ଜୁଲତି ଖେକନାୟି ହାଚେକା ବାଡ଼ୟୁ ଗାଟାୟି ମାଚେ,

ଅଡ଼େ ଏଞ୍ଜାସି ପାରମାଣା କିହାଁ ଖେସ୍ତେସି ଜୀସୁ ଏ ମସିହା, ଇଦାଣି ଦମେସକତା ବାସା କିହାମାନି ଜୀହୁଦି ଲକ୍ଷୁଣି ଖେଶ୍ଟେ ଖେସାଲି ଆଡ଼ାଆଚେରି ।

୨୩ ☆ଏଚରଦିନା ହାଚି ତାୟୁ ଜୀହୁଦିୟାଁ ରୁଣ୍ଡା ଆହାନା ଏଞ୍ଜାଣାଇଁ ପାୟାଲି କାତା ଆଚେରି; ୨୪ ସାମା ଏଞ୍ଜାରି କାତା ଆହିମାଚାଣି ସାଞ୍ଜୁଲ କିୟୁଁ ତୁା ହାଚେ, ଅଡ଼େ ଏଞ୍ଜାରି ଏନିକିଁ ସାଞ୍ଜୁଲଇଁ ପାୟାଲି ଆଡିନେରି, ଏଦାଆଁତାକି ଲାଆଁ ମାଦେନା ଗାଡ଼ାତି ଦୁଖେରିକାଣା କାଚିହିଁ ତୁୟିଚେରି । ୨୫ ସାମା ସାଞ୍ଜୁଲତି ସୀସୁୟାଁ ଲାଆଁୟାଁ ବେଲାତା ଏଞ୍ଜାଣାଇଁ ର ତାଲିତା ରସାହାଁ କଡ଼ା କାଚିଚି ତଢ଼ ଚେପ୍ଝେରି ।

ଜିରୁସାଲମତା ସାଞ୍ଜୁଲ

୨୬ ତାୟୁ ଏଞ୍ଜାସି ଜିରୁସାଲମତା ହାଜାନା ସୀସୁୟାଁ ତଲେ ଆଣ୍ଡାଲି ଅଣ୍ଡପିମାଚେସି; ସାମା ଏଞ୍ଜାସି ର ସୀସୁ ଇଞ୍ଜା ଏଞ୍ଜାରି ଇଚାଣି ନାମାଆନା, ବାରେଜାଣା ଏଞ୍ଜାଣାଇଁ ଆଜିମାଚେରି । ୨୭ ସାମା ବର୍ନବା ଏଞ୍ଜାଣାଇଁ ଆସାନା ପାଣ୍ଡୁଞ୍ଜି ଆଡାରି ତାଣା ତାଚେସି, ଇଞ୍ଜା ଜିରୁତା ଏଞ୍ଜାସି ଏନିକିଁ ପ୍ରବୁଇଁ ମେସ୍ତେସି ଇଞ୍ଜା ପ୍ରବୁ ଏନାଆଁ ତାଜେ ହାଡ଼ା ଆଡେସି, ଦମେସକତା ଜୀସୁ ଦରୁତି ସାସାତଲେ ସାଞ୍ଜୁଲ ଏନିକିଁ ଖେସାମାଚେସି, ଇ ବାରେ କାତା ଏଞ୍ଜାରି ନକିତା ଖେସ୍ତେସି । ୨୮ ଅଡ଼େ ସାଞ୍ଜୁଲ ଏଞ୍ଜାରିତଲେ ତୁୟିଚେସି ଅଡ଼େ ଜିରୁସାଲମତି ବାରେଞ୍ଜାକି ହାଜାନା ସାସାତଲେ ପ୍ରବୁତି ଦରୁ ଖେକହେସି । ୨୯ ଇଞ୍ଜା ଏଞ୍ଜାସି ଗ୍ରିକ୍ ଜଲିନି ଜୀହୁଦି ଲକ୍ଷୁତଲେ ବାଦିବାଦା କିହିମାଚେସି, ସାମା ଏଞ୍ଜାରି ଏଞ୍ଜାଣାଇଁ ପାୟାଲି ପାରୁ ପାରିମାଚେରି । ୩୦ ନାମିତି ତାୟିୟାଁ ଏଦାଆଁ ପୁଞ୍ଜାଲିଏ, ସାଞ୍ଜୁଲଇଁ କାୟିସରିୟାତା ଅହାନା ଏମ୍ବାଚି ଏଞ୍ଜାଣାଇଁ ତାର୍ଯତା ପାଣ୍ଡିଚେରି ।

† ୯:୧୮ ୯:୧୮ ମୁଞ୍ଜନାୟି ‡ ୯:୨୦ ୯:୨୦ ସିନଗର ☆ ୯:୨୩ ୯:୨୩ ୨କର ୧୧:୩୨,୩୩



୩୧ ଇଲେଆହୁ ଏ ବାରେ ଜୀହୁଦା ରାଜି, ଗାଲିଲି ଅଡ଼େ ସମିରଣତି କୁଲମି ବାର୍ସୁ ଆହାନା ପ୍ରବୁଇଁ ଆଜାନା ହିଡ଼ଡ଼ି ଜୀହୁତଲେ ମାରେରି, ଇଞ୍ଜା ସୁଦୁଜୀହୁତି ସାୟେମି ତଲେ ପାତାଆହାଲି ମାଟ୍‌ହେରି ।

ଲୁଦ ଅଡ଼େ ଜାପତା ପିତର

୩୨ ଏରେଟିଏ ପିତର ବାରେ ରାଜିତା ରେଜି ରେଜିହୁଁ ଲୁଦତା ଡ଼ୟିନି ମାହାପୁରୁ ଲକୁଣି ଆଣ୍ଡାଲି ହାରେସି । ୩୩ ଏମ୍‌ଆଁ ଏଝାସି ଏନିୟ ଦରୁଗାଟି ରଅଣାଇଁ ବେଟାଆଡେସି, ଏଝାସି ଆଟା ବାର୍ସା ପାତେକା ଟଟ ଝାୟିତି ରଗ ଆହାନା କାଟେଲିଟି ନିଙ୍ଗାଲି ଆଡ଼ିହିଲ୍ଲାଆଡେସି । ୩୪ ପିତର ଏଝାଣାଇଁ ଏଲେଇରେସି, “ଏନିୟ, ଜୀସୁ କ୍ରୀସ୍ତ ନିଙ୍ଗେ ନେହୁଁ କିହାମାଞ୍ଜାନେସି; ନିଙ୍ଗାମୁ ନୀ ପାସ୍‌ପନି ମୁଦା କିମୁ” ଏରେଟିଏ ଏଝାସି ଏ ଦେବୁଣିଏ ନିଙ୍ଗିଡେସି । ୩୫ ଏରେଟିଏ ଲୁଦ ଇଞ୍ଜା ସାରଣତା ବାସା କିହାମାନି ଲକୁ ଏଝାଣାଇଁ ମେସାନା, ପ୍ରବୁ ତାଣା ହିୟାଁ ଝେଟ୍‌ହେରି ।

ଦର୍କା ଝେଣ୍ଡେ ନୀଡିନାୟି

୩୬ ଜାପତା ଗାବିତା ଦରୁଗାଟି ମାହାପୁରୁଇଁ ନାମିତି ର ଇୟା ମାଟେ, ଗ୍ରିକ୍ ତଲେ ଦର୍କା ଇଟିସାରେ ତାନି ଦରୁ “ର କୁହୁଁ ।” ଏଡ଼ି ବାରେବେଲା ନେହୁଁ କାମା କିହୁଁ, ହିଲ୍ଲାଆ ଗାଟାରାକି ସାୟେମି କିହିମାଟେ । ୩୭ ଏଟିବେଲାତା ଏଡ଼ି ନମେରି ଆହାନା ହାହାହାରେ, ଲକୁ ଏଦାନି ଏୟୁ ମାଡ଼ହାନା ଲାକନି ପାରୁତି ର ବାକ୍ରାତା ତ୍ରିପୁହୁ । ୩୮ ଇଞ୍ଜା ଲୁଦ ଜାପ ତାଗେ ମାଟାକି ସୀୟୁୟାଁ ପିତର ଜାପତା ମାନେସି ଇଞ୍ଜାଁ ଝେଞ୍ଜାନା, ରୀ ଲକୁଣି ଏଝାଣି ତାଣା ପାଣ୍ଡାନା ଇ କାତା ବାଡିମାଲିଡେରି, “ମା ତାଣା ଝାହାଲି ଝେଡ଼ା କିଆନି ।” ୩୯ ପିତର ନିଙ୍ଗାନା ଏଝାରିତଲେ ହାରେସି, ଏମ୍‌ଆଁ ଏଝାସି ଝାହାଲିଏ ଏଝାଣାଇଁ ଲାକନି ପାରୁତି ବାକ୍ରାତା

ଅଡେରି, ଅଡ଼େ ରାଣ୍ଡେଣିସିକା ସାରିସୁରୁ ମୁଗାନା ଡ଼ାହି ଡ଼ାହିଁ ଦର୍କା ନୀତାମାଟି ବେଲାତା କେପାମାଟି ହିମ୍ବିରକା ବାରେ ଏଝାଣାଇଁ ତସ୍ତୁ । ୪୦ ସାମା ପିତର ବାରେଜାଣାଟି ପାଙ୍ଗାତା ପାଣ୍ଡାନା ମେଣ୍ଡାକୁତାନା ପ୍ରାତାନା କିଡେସି; ଇଞ୍ଜା ମାଡ଼ହା ଝାକି ତିରଝାନା ଏଲେଇରେସି, “ଗାବିତା, ନିଙ୍ଗାମୁ” ଏରେଟିଏ ଏଡ଼ି କାଣ୍ଡାକା ଦେତାନା ପିତରଇଁ ମେସ୍ତେ ଇଞ୍ଜା ନିଙ୍ଗାନା କୁରିତେ । ୪୧ ଇଞ୍ଜା ପିତର କେୟୁ ଦାସାନା ଦର୍କାଇଁ ନିକ୍‌ହେସି, ଇଞ୍ଜା ମାହାପୁରୁ ଲକୁ ଅଡ଼େ ରାଣ୍ଡେଣିସିକାଣି ହାଟାନା ଏଦାନି ନୀତାମାନାଣି ତସ୍ତେସି । ୪୨ ଇ କାତା ଜାପତି ସାରିସୁରୁ ଝେଙ୍ଗାହାରେ ଅଡ଼େ ହାରେକା ଲକୁ ପ୍ରବୁଇଁ ନାମିଡେରି । ୪୩ ଅଡ଼େ, ପିତର ହାରେକା ଦିନା ପାତେକା ଜାପତି ସିମନ ଦରୁଗାଟି ତଲ୍ଲକା କାମାକିନାଣି ଇଜ ଡ଼ୟିଡେସି ।

୧୦

ପିତର ଅଡ଼େ କର୍ନଲିୟ

୧ କାୟିସରିୟା ଗାଡ଼ାତା କର୍ନଲିୟ ଦରୁଗାଟାସି ର ଲକୁ ମାଟେସି, ଏଝାସି ଇତାଲିକ ଦରୁଗାଟି ରମିୟ ରିଜାରି କସ୍‌କାତି ପାସାକଡ଼ି କସ୍‌କା ମୁହେଁ କାଜାସି ମାଟେସି । ୨ ଏଝାସି ର ଦାମ୍‌ ମୁଁ ଲକୁ ମାଟେସି; ତାମି ଇଲୁ କୁଟମି ତଲେ ମାହାପୁରୁଇଁ ଆଜିମାଟେସି, ଏଝାସି କାକୁଲି ଲକୁତାକି ଦାନା ହୀହିମାଟେସି, ଅଡ଼େ ମାହାପୁରୁ ତାଣା କାଲେଏ ପ୍ରାତାନା କିହିମାଟେସି । ୩ ର ଦିନା ମିଡ଼ଅଲ୍ଲା ତାନି ଗଟା ବେଲାତା ଏଝାସି ସେୟାଁଣା ହାପାନାତା ତୀରପୁତଲେ ମେସ୍ତେସି, ର ମାହାପୁରୁତି ଦୁଡୁ ଝାହାନା ଏଝାଣାଇଁ ଝେସ୍ତେସି “କର୍ନଲିୟ !”

୪ ଏଝାସି ଆଜିତଲେ ଦୁଡୁ ଝାକି ସିନିକିଡେସି ଅଡ଼େ ଝେରେସି, “ଇଦି ଏନାୟି ପ୍ରବୁ ?” ଦୁଡୁ ଏଝାଣାଇଁ ଏଲେଇରେ, “ନୀ ପ୍ରାତାନା ଅଡ଼େ ଦାନା ହୀନାୟି ଲାକ ମାହାପୁରୁ ନକିତା ଏଜାମାନେ । ୫ ନୀଏଁ ନୀନୁ ଜାପତା

ଲକୁଣି ପାଣ୍ଡାଣା ସିମନ ପିତର ଦରୁଗାଟି ଲକୁଣ୍ଡ ହାଟାତାମ୍ବୁ, ଏଞ୍ଜାଣି ହାଟା ଦରୁ ପିତର ଇନେରି; <sup>୬</sup> ଏଞ୍ଜାସି ସିମନ ଦରୁଗାଟି ର ତଲୁକା କାମାକିନାଣି ଇଜ ଗତାଗାଟାସି ଆହାମାନେସି, ଏଞ୍ଜାଣି ଇଲୁ ସାମ୍ବୁରି ଗାଟୁତା ।” <sup>୭</sup> ତାନିତଲେ କାତା ଆହିମାଟି ଦୂତୁ ହାଜାଲିଏ, ଏଞ୍ଜାସି ତାନି ଇଜ କାମା କିନି ରୀ ହଲିୟାଙ୍ଗାଣି ଇଞ୍ଜା ତାଙ୍ଗେ ସେବାକିନି ରିଜାରି କସ୍‌କା ବିତ୍ରାଟି ର ଦାମ୍ବୁତି କହୁଏଣାଇଁ ହାଟିତେସି, « ଅଡ଼େ ଏଞ୍ଜାସି ଏଞ୍ଜାରାଇଁ ଏମ୍ବାଆଁ ଆହାମାଟି ବାରେ କାତା ୱେସାନା ଜାପତା ପାଣ୍ଡିତେସି ।

ପିତର ସେୟାଣା ହାପାନା ହେଣ୍‌ନାୟି

<sup>୮</sup> ଅର ଦିନା ଏଞ୍ଜାରି ହାଜି ହାଜିହୁଁ ଏ ଗାଡ଼ାଟି ତାଗେ ଆଡେରି, ଏଟିବେଲା ପିତର ମାଦେନା ବାର ଗଂଟା ବେଲାତା ପ୍ରାତାନା କିହାଲି ଇଲୁ ଲାକ ହାଚେସି, <sup>୧୦</sup> ଏଞ୍ଜାସି ହାକି ଆଡେସି ଅଡ଼େ ଏନାଆଁ ତିଞ୍ଜାଲି ମନ କିତେସି; ସାମା ଏଞ୍ଜାରି ରାନ୍ଦା ୱାଜିମାଟି ବେଲାତା, ଏଞ୍ଜାସି ସେୟାଣା ହାପାନା ମେସେସି, <sup>୧୧</sup> ଲାକପୁରୁ ଦେପିଆହାମାନେ, ଇଞ୍ଜା ଏନିକଁ ର ହିମ୍ବୁରିତି ସାରି କନତା ଆସପି ଆହାନା ଦାରୁତି ଲାକ ରେଟା ୱାହିମାନେ; <sup>୧୨</sup> ଏମ୍ବାଆଁ ଦାରୁତିତି ବାରେ କୃତାଟି ସାରିଗଟା କତା ଗାଟି ଜନ୍ତୁ ଜିଞ୍ଜେଡିକା, ରାସ୍‌କା ତ୍ରଗିୟାଁ ଅଡ଼େ ହାଗୁତି ପଟାୟା ମାନ୍ତୁ । <sup>୧୩</sup> ଇଞ୍ଜା ଏଞ୍ଜାଣାକି ଇ ହାଡା ଆଡେ, “ପିତର; ନିଙ୍ଗାମ୍ବୁ, ପାୟାନା ତିନାମ୍ବୁ !”

<sup>୧୪</sup> ସାମା ପିତର ଏଲେଇଚେସି, “ଆଏ ପ୍ରବୁ, ନାନ୍ତୁ ଏଚେଲାଞ୍ଜା ଏନି ଲାଗେଏ ପଲେଏତି ଦିଶ୍‌ସୁ ତିଞ୍ଜାହିଲଅଁ ।”

<sup>୧୫</sup> ଅଡ଼େ ର ପାଲି ଇ ହାଡା ଆଡେ, “ମାହାପୁରୁ ଏନାଆଁ ସୁଦୁ କିହାମାନେସି, ଏଦାଆଁ ନାନ୍ତୁ ଲାଗେଏତାୟି ଇନାଆନି ।” <sup>୧୬</sup> ଇଲେକିହୁଁ ତାନି ପାଲି ଆଡେ, ତାୟୁ ଏ ହିମ୍ବୁରି ଲାକପୁରୁ ଅଞ୍ଜିଆଡେ ।

<sup>୧୭</sup> ପିତର ଏନାଆଁ ସେୟାଣା ହାପାନା ହେଣ୍‌ମାଚେସି, ଏଦି ଏନାୟି, ଇଞ୍ଜୁଁ

ଅଣ୍‌ପିହୁଁ ଆଡାଜାକା ଆହାମାନି ବେଲାତା, କର୍ନଲିୟ ତାଣାଟି ପାଣ୍ଡୁଞ୍ଜି ଆହାମାନାରି ସିମନ ଇଲୁ ପାରିହୁଁ ଦୁଞ୍ଜେରିତା ନିକା ୱାଡେରି, <sup>୧୮</sup> ଇଞ୍ଜା ଏଞ୍ଜାରି ୱେଚେରି, “ସିମନ ଇନି ପିତର ଦରୁଗାଟାସି ରଅସି ଇମ୍ବାଆଁ ଗଡେଏସି ମାନେସି କି ?”

<sup>୧୯</sup> ପିତର ଏ ସେୟାଣା ହାପାନା ହେଟାଣି ଅଣ୍‌ପିମାଟି ବେଲାତା ଜୀଞ୍ଜୁ ଏଞ୍ଜାଣାଇଁ ଏଲେଇଚେ, “ମେହ୍‌ମ୍ବୁ ! ତାନି ଜାଣା ଲକୁ ନିଙ୍ଗେ ପାରିମାଞ୍ଜାନେରି । <sup>୨୦</sup> ଏଦାଆଁତାକି ତିୟାରା ଆମ୍ବୁ ଅଡ଼େ ଡ଼ଇ ହାଲାମ୍ବୁ, ଅଡ଼େ ଆନାମାନା ଆଆନା ଏଞ୍ଜାରିତଲେ ହାଲାମ୍ବୁ, ଏନାଆଁତାକି ଇଟିହୁଁ ନାନ୍ତୁ ଏଞ୍ଜାରାଇଁ ପାଣ୍ଡାମାଞ୍ଜାଇଁ ।” <sup>୨୧</sup> ଏଚେଟିଏ ପିତର ଏ ଲକୁତାଣା ରେଟାଞ୍ଜାହାନା ଏଲେଇଚେସି, “ମୀରୁ ଆମ୍ବାଆରାଇଁ ପାରିମାଞ୍ଜେରି, ନାନ୍ତୁ ଏଞ୍ଜାଡେଏଁ । ମୀରୁ ଏନାଆଁତାକି ୱାହାମାଞ୍ଜେରି ?”

<sup>୨୨</sup> ଏଞ୍ଜାରି ଏଲେଇଚେରି, “କର୍ନଲିୟ ଦରୁଗାଟି ପାସାକଡ଼ି କସ୍‌କା ମୁହେଁ କାଜାସି ମାଙ୍ଗେ ପାଣ୍ଡାମାଞ୍ଜାନେସି, ଏଞ୍ଜାସି ର ସୁଦୁ, ଦାମ୍ବୁଗାଟାସି ଇଞ୍ଜା ମାହାପୁରୁଇଁ ଆଜିନାସି, ଅଡ଼େ ବାରେ ଜୀହୁଦି କୃତାତା ୱେଜିତାସି, ଏଞ୍ଜାସି ନିଙ୍ଗେ ତାନି ଇଜ ହାଟାନା ନୀ ଜାପ୍‌ନାଣି ୱେଞ୍ଜାଲିତାକି ମାହାପୁରୁତି ଦୂତୁ ତାଣାଟି ହୁକୁମି ବେଟା ଆହାମାନେସି ।” <sup>୨୩</sup> ପିତର ବିତ୍ରା ହାଟା ଅହାନା ଏଞ୍ଜାରାଇଁ ସେବା କିତେସି । ଅର ନେଚୁ ନିଙ୍ଗାନା ତିୟାରା ଆହାନା ଏଞ୍ଜାରିତଲେ ହାଚେସି; ଜାପତି ଏଚରଜାଣା ନାମିତି ତାୟିୟାଁ ଏଞ୍ଜାରିତଲେ ହାଚେରି । <sup>୨୪</sup> ଅର ନେଚୁ ଏଞ୍ଜାରି କାୟିସରିୟାତା ଏଚେରି, ଏମ୍ବାଆଁ କର୍ନଲିୟ ତାନି କୁଟମି ଇଞ୍ଜା ଅଡ଼େ ଜାଟୁତି ତଣେସିଙ୍ଗାଣି ହାଟାହାଁ କୃଡ଼ି କିହାନା ଏଞ୍ଜାରାଇଁ କାଟିମାଚେରି । <sup>୨୫</sup> ପିତର ବିତ୍ରା ହାଜାଲିଏ କର୍ନଲିୟ ଏଞ୍ଜାଣି କଡ଼ା ଡ଼ଇ ମୁନ୍ତୁ କୁତାନା ଜହରା କିତେସି । <sup>୨୬</sup> ସାମା ପିତର ତାଙ୍ଗେ ନିକହାନା

ଏଲେଇରେସି, “ନିଜାମ୍ବୁ, ନାନୁ ଜିକେଏ ର. ମାଣ୍ଡିସିତେଏ ।” ୨୭ ଏଚେଟିଏ ପିତର କର୍ନଲିୟ ଡଲେ କାତା ଆହୁ ଆହୁ ଇଲୁ ବିତ୍ତା ହାଜାନା ଏମ୍ବାଆଁ ହାରେକା ଲକୁ ରୁଣ୍ଡା ଆହାମାନାଣି ମେସ୍ତେସି । ୨୮ ଅଡ଼େ ଏଞ୍ଜାସି ଏଞ୍ଜାରାଇଁ ଏଲେଇରେସି, “ଏଟ୍‌କା କୃତାତି ଏନି ଲକୁଡଲେ ଆଣ୍ଡିନାୟି କି ଏ ଲକୁ ତାଗେ ହାନାୟି ଜୀହୁଦି ଲକୁତାକି ଏନିକିହୁ ମେରା ହିଲେଏ, ଏଦାଆଁ ମୀରୁ ନେହୁକ ପୁଞ୍ଜାମାଞ୍ଜେରି ଆଡ଼ିଜିକେଏ ଆମିନି ଲକୁଇଁ ସୁଦୁ ହିଲାଆ ଗାଗାରି କି ଲାଗେଏତାରି ଇଞ୍ଜିହୁ ଇନାଆନି ଇଞ୍ଜି ମାହାପୁରୁ ନାଜେ ତସାମାଞ୍ଜାନେସି । ୨୯ ଏଦାଆଁତାକି ହାଟ୍‌ନିଏ ନାନୁ ଏଦାଆଁ ଅଣ୍‌ପାଆନା ଝାଡେଏ । ଇଦାଆଁତାକି ନାନୁ ଝେଞ୍ଜିମାଞ୍ଜାଇଁ, ଏଦାଆଁ କିହାଲି ମୀରୁ ନାଜେ ହାଟାତେରି ?”

୩୦ କର୍ନଲିୟ ଏଲେଇରେସି, “ତାନିଦିନା ନଡେଏ ଇ ବେଲାତା ମିଡ଼ଅଲା ତାନି ଗଂଟା ବେଲା ନାନୁ ନା ଇଜ ପ୍ରାତାନା କିହିମାରେଏ; ମେହ୍‌ମୁ ଏମ୍ବାଆଁ ଉଜେଡ଼ିଗାଟି ଦବଲା ହିମ୍ବୁରିକା ତୁରହାମାନି ର ଲକୁ ନା ନକିତା ନିତେସି, ୩୧ ଅଡ଼େ ଏଞ୍ଜାସି ଏଲେଇଞ୍ଜାତେସି, ‘କର୍ନଲିୟ ! ମାହାପୁରୁ ନୀ ପ୍ରାତାନା ଝେଞ୍ଜାମାନେସି; ଇଞ୍ଜା ହିଲାଆ ଗାଗାରାକି ନୀ ଦାନା ହାନାୟି ବାରେ ମାହାପୁରୁ ନକିତା ନେହୁ ତଞ୍ଜା ଆହାମାନେ । ୩୨ ଇଦାଆଁତାକି ସିମନ ଦରୁଗାଟି ପିତରଇଁ ହାଟା ତାଗାଲି ଜାପତା ଲକୁଇଁ ପାଣ୍ଡାମ୍, ଏଞ୍ଜାସି ସାମ୍‌ଦୁରି ଗାରୁତା ଡ଼ୟିନି ତଲୁକା କାମା କିନି ସିମନ ଇଜ ଗତାଗାଟାସି ଆହାମାନେସି ।’ ୩୩ ଏଦାଆଁତାକି ଝେଡ଼ାକିଆନା ନାନୁ ନୀ ତାଣା ଲକୁ ପାଣ୍ଡାତେଏ, ଅଡ଼େ ନାନୁ ଝାହାମାଞ୍ଜି ନେହୁ କିହାମାଞ୍ଜି, ଇତିହୁ ପ୍ରୁ ନିଜେ ଏଦାଆଁ ହୁକୁମି ହାହାମାଞ୍ଜାନେସି, ଏଦାଆଁ ଝେଞ୍ଜାଲିତାକି ମାମ୍‌ସୁ ବାରେ

ମାହାପୁରୁ ନକିତା କୃତା ଆହାମାନମି ।”

ପିତର ଜାପ୍‌ନାୟି

୩୪ ଏଚେଟିଏ ପିତର ଗୁଡ଼ି ଏକ୍‌ହାନା ଏଲେଇରେସି, “ମାହାପୁରୁ ସାତେଏ ବାରେ ଲକୁଣି ପାରଡ଼ା ବାଟି କିଅସି, ୩୫ ଆମିନି ଲକୁ ଏଞ୍ଜାଣାଇଁ ଆଜିନେରି ଅଡ଼େ ଏଞ୍ଜାସି ଅପିନି ଲେହେଁ ନେହୁ କାମା କିନେରି ଏଞ୍ଜାରି ଆମିନି କୃତାତାରି ଇତିହୁ ଜିକେଏ, ଏଞ୍ଜାସି ଆବିନେସି । ୩୬ ଏଞ୍ଜାସି ଜୀସୁ କ୍ରୀସ୍ତ ତାଣାଟି ହିଡ଼ଡ଼ିତି ନେହୁ କାରୁ ଝେସାନା ଇସାୟେଲ ମୀରକା ନକିତା ଇ ବଲୁ ପାଣ୍ଡିତେସି; ଏ ଜୀସୁ କ୍ରୀସ୍ତ ବାରେତି ପ୍ରୁ । ୩୭ ମୀରୁ ପୁଞ୍ଜାମାଞ୍ଜେରି ଜହନ ବାପ୍‌ସ୍ତୁ\* କାତା ଝେକ୍‌ହି ତାଣାଟିଏ ଏ ନେହୁ କାରୁ ଗାଲିଲିଟିଏ ମାଟ୍‌ହାନା ବାରେ ଜୀହୁଦା ରାଜିତି ଲକୁତାଣା ଝେଞ୍ଜାମାନେ, ୩୮ ଇତିହୁ ନାଜରିତ ଜୀସୁତି କାତା ପୁଞ୍ଜାମାଞ୍ଜେରି, ଏନିକି ମାହାପୁରୁ ଏଞ୍ଜାଣାକି ସୁଦୁଜୀସୁ ଇଞ୍ଜା ବାଡ଼ୟୁ ହୀହାନା ବର ହୀତେସି, ଇଞ୍ଜା ନେହୁ କାମା କିହୁ ସୟତାନ ପାଦାତା ଦସ୍‌ପି ଆହାମାନି ଲକୁଣି ନେହୁ କିହୁ ବାରେଞ୍ଜାକି ରେରେସି, ଇତିହୁ ମାହାପୁରୁ ଏଞ୍ଜାଣିତଲେ ମାରେସି । ୩୯ ଏଞ୍ଜାସି ଜୀହୁଦି ଲକୁତି ଦେସାତା ଅଡ଼େ ଜିରୁସାଲମତା ଏନା ଏଦାଆଁ କିତେସି, ମାମ୍‌ସୁ ଏ ବାରେତି ସାକି; ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାତା ଏକ୍‌ହାନା ପାୟିତେରି । ୪୦ ସାମା ମାହାପୁରୁ ଏଞ୍ଜାଣାଇଁ ତାନି ଦିନାତା ନିକ୍‌ହେସି ଅଡ଼େ ତଞ୍ଜାଆଡ଼ି କିତେସି; ୪୧ ବାରେଜାଣା ତାକି ଆଏ, ଝାରଇ ମାହାପୁରୁ ଆଡ଼ିତି ସାକି, ଇତିହୁ ମା ନକିତା ତଞ୍ଜାଆଡ଼େସି । ମାହାପୁରୁ ଏଞ୍ଜାଣାଇଁ ହାକିଟି ନିକ୍‌ହି ଜେତ ମାମ୍‌ସୁ ଏଞ୍ଜାଣିତଲେ ତିତମି ଉଟମି । ୪୨ ଅଡ଼େ ଲକୁ ନକିତା ଇ ନେହୁ କାରୁ ଝେକ୍‌ହାଲି, ଇଞ୍ଜା ହାଡ଼ାରି ଅଡ଼େ ଜୀସୁତା ନୀତାମାନାରି ନୀହାୟି

\* ୧୦:୩୭ ୧୦:୩୭ ମୁଞ୍ଜିନାୟି

କିନାସି ଆହାଲି ମାହାପୁରୁ ଏଝାଣାଇଁ  
 ଆଚାମାନେସି ଇଞ୍ଜି ସାକି ହୀହାଲି  
 ଏଝାସି ମାଙ୍ଗେ ହୁକୁମି ହିୟାତେସି ।  
 ୪୩ ଆମ୍ବାଆସି ଏଝାଣି ତାଣା ନାମିନେସି,  
 ଏଝାସି ଏଝାଣି ଦରୁତଲେ ପାପୁ ମ୍ନେପକ  
 ଆନେସି, ଇଦାଆଁ ବାରେ ମାହାପୁରୁ  
 ଅଣ୍ପୁତି ବଲୁ ଖେହନାରି ଏଝାଣି  
 କାତାତି ସାକି ହୀହାମାନେରି ।”

ଜୀହୁଦିଆଆତି ଲକୁ ସୁଦୁଜୀଝୁ  
 ବେଟାଆନାୟି

୪୪ ପିତର ଇ ବାରେ କାତା  
 ଖେସିମାଟି ବେଲାତା ଆମିନି ଗାଟାରି  
 ତାନି ବଲୁ ଖେଞ୍ଜିମାରେରି, ଏ  
 ବାରେଜାଣାତି ମୁହେଁ ସୁଦୁଜୀଝୁ  
 ରେଟାଝାଡେ । ୪୫ ଜୀହୁଦିଆଆତି  
 ଲକୁତାଣା ଜିକେଏ ସୁଦୁଜୀଝୁ ରେଟା  
 ଝାଡାଣି ମେସାନା ପିତର ତଲେ ଜାପଟି  
 ଝାହାମାଟି ତଲୁ ଦାପି ଆତି ନାମିତି  
 ଜୀହୁଦିୟାଁ, ଏଝାରି ବାରେଜାଣା କାବା  
 ଆଡେରି । ୪୬ ଇତିହୁଁ ଏଝାରି  
 ଏଟକା ଏଟକା ହାଡାତଲେ କାତା  
 ଆହିମାଚାଣି ଇଞ୍ଜା ମାହାପୁରୁତି ଜହରା  
 କିହିମାନାଣି ଖେରେରି । ଏରିବେଲା  
 ପିତର ଏଲେଇଚେସି । ୪୭ “ଇଝାରି  
 ଆମିନି ଲକୁ ମା ଲେହେଁ ସୁଦୁଜୀଝୁ  
 ବେଟାଆହାମାନେରି, ଇଝାରି ଏୟୁତଲେ  
 ବାପ୍ରିସ୍ତାଃ ବେଟାଆହାଲି ଆମ୍ବାଆସି କାହି  
 କିୟାଲି ଆଡିମାନେସି ?” ୪୮ ଇଞ୍ଜା,  
 ଏଝାସି ଏଝାରାଇଁ ଜୀସୁ କ୍ରୀସ୍ତ ଦରୁତଲେ  
 ବାପ୍ରିସ୍ତାଃ ହୀହାଲି ହୁକୁମି ହୀତେସି, ତାୟୁ  
 ଏଝାରି ଏଚରଦିନା ଡୟାଲି ଏଝାଣାଇଁ  
 ବାଡିମାଲିତେରି ।

**୧୧**

ପିତର କାମାତି କାତା ଜିରୁସାଲମ  
 କୁଲମିତା ଖେହନାୟି

୧ ଜୀହୁଦିଆଆତାରି ଜିକେଏ  
 ମାହାପୁରୁତି ବଲୁ ନାମିତେରି, ଇ  
 କାତା ପାଣ୍ଡୁଝି ଆତାରି ଇଞ୍ଜା ଜୀହୁଦା  
 ରାଜିତା ମାନି ତାୟିୟାଁ ଖେରେରି ।  
 ୨ ପିତର ଏରିବେଲା ଜିରୁସାଲମତା

ଝାଡେସି, ଏରିବେଲା ତଲୁ ଦାପି ଆତି  
 ସୀସୁୟାଁ ପିତର ତଲେ ବାଡିବାଦା  
 ଆଡେରି, ୩ “ନୀନୁ ଜୀହୁଦିଆଆତି  
 ଲକୁ ଇଲକାଣା ହାଜାନା ଏଝାରିତଲେ  
 ଡିଞ୍ଜାମାଞ୍ଜି !” ୪ ସାମା ପିତର ଇ ବାରେ  
 କାତାତି ମୁଲୁଟିଏ ଖେସାଲି ମାଟହାନା  
 ଏଲେଇଚେସି ।

୫ “ନୀନୁ ଜାପ ଗାଡାତା ପ୍ରାତାନା  
 କିହିମାଚେସଁ, ଇଞ୍ଜା ସେୟାଁଣା  
 ହାପାନାତା ମେସ୍ତେସଁ, ଏନିକଁ ରୁ  
 କାଜା ହିମ୍ପୁରିତି ସାରି କନତା ଆସାହାଁ  
 ଲାକପୁରୁଟି ଡଇ ରେଟା ଝାହିମାଚେ,  
 ଅଡେ ଏଡି ନା ପାଡେକା ଝାଡେ;  
 ୬ ନୀନୁ ଏମ୍ବାଆଁ ସିନିକିହାନା ଅଣ୍ପାଲି  
 ମାଟହେସଁ, ଏମ୍ବାଆଁ ଦାରୁଡିତି ସାରିଗଟା  
 କଡାୟାଁ ତଲେ ତାକିନି ନାସ୍ବାକାତି ଜନ୍ତ  
 ଇଞ୍ଜା ଜାଡାତି ଜନ୍ତ ଡୁଗିୟାଁ ରାସ୍ବାକା  
 ଅଡେ ହାଗୁଡି ପଟାୟାଁ ମେସ୍ତେସଁ,  
 ୭ ଅଡେ ନାଙ୍ଗେ ଖେସାମାଞ୍ଜାନି ଇ  
 ହାଡା ଜିକେଏ ଖେଚେସଁ, ‘ପିତର;  
 ନିଙ୍ଗାମୁ, ପାୟାନା ତିନାମୁ !’ « ସାମା  
 ନୀନୁ ଏଲେଇଚେସଁ, ‘ଆଏ ପ୍ରବୁ !  
 ତୀଗାଆଗାଟି ଲାଗେଏ ପଲେଏତି  
 କାଦି ନୀନୁ ଏଚେଲାଝା ନା ଗୁଡିତା  
 ଅହାହିଲଅଁ ।’ ୯ ସାମା ଅର ଦେବା  
 ଲାକପୁରୁଟି ଇ ହାଡା ଖେସ୍ତାଡେ,  
 ‘ମାହାପୁରୁ ଏନାଆଁ ସୁଦୁ କିହାମାନେସି,  
 ଏଦାଆଁ ନୀନୁ ଲାଗେଏତାୟି ଇନାଆନି  
 ।’ ୧୦ ଇଲାଆହୁଁ ତାନି ପାଲି ଆଡେ,  
 ଅଡେ ତାୟୁ ଏ ବାରେ ଖେଶ୍ଟେ ଲାକପୁରୁ  
 ଅଝିଆଡେ । ୧୧ ଅଡେ ମେହ୍ଦୁ,  
 ଦେବୁଣିଏ ତାନି ଜାଣା ଲକୁ ମାମ୍ବୁ  
 ଆମିନି ଇଲୁତା ମାଚମି ଏମ୍ବାଆଁ ଝାହାନା  
 ନିତେରି, ଏଝାରି କାୟିସରିୟାଟିଏ ନା  
 ତାଣା ପାଣ୍ଡୁଝି ଆହାମାଚେରି । ୧୨ ଇଞ୍ଜା  
 ଆନାମାନା ଆଆନା ଏଝାରିତଲେ  
 ହାଜାଲି ଜୀଝୁ ନାଙ୍ଗେ ଖେସ୍ତାଡେ, ଅଡେ  
 ଇ ସ. ଜାଣା ତାୟିୟାଁ ଜିକେଏ ନା  
 ତଲେ ଜାପଟି କାୟିସରିୟାତା ଝାଡେରି,  
 ଇଞ୍ଜା ମାମ୍ବୁଏ କର୍ନଲିୟ ଇଜ ହାଚମି ।  
 ୧୩ ଏଝାସି ଏନିକଁ ର ଦୁଡୁଇଁ ସେୟାଁଣା

† ୧୦:୪୭ ୧୦:୪୭ ମୁଞ୍ଜିନାୟି ‡ ୧୦:୪୮ ୧୦:୪୮ ମୁଞ୍ଜିନାୟି

ହାପାନାତା ମେସାମାଚେସି, ଏଦାଆଁ ମାଙ୍ଗେ ୱେସ୍ତାଚେସି, ଏ ଦୁଡୁ ଏନିକ୍ ଏଞ୍ଜାଣି ଇଜ ନିତାନା ୱେସ୍ତେ, ଜାପତା ଲକୁଣି ପାଣ୍ଡାମା ପିତର ଇନି ସିମନଇଁ ହାଟାତାମ୍; ୧୪ ଏଞ୍ଜାସି ମିଙ୍ଗେ ୱେସ୍ତାନି କାତାତଲେ 'ମୀରୁ ଅଡେ ମୀ ବାରେ କୁଟମି ଗେଲ୍ପି ଆଦେରି ।' ୧୫ ତାୟୁ ନାନୁ ଜଲ୍ଲାଲି ମାଟ୍‌ହାଲିଏ ସୁଦୁଜୀଝୁ ମା ଲାକ ଏନିକ୍ ରେଟାଝାଡେ, ଏଲେକ୍ ଏଞ୍ଜାରି ଲାକ ଜିକେଏ ରେଟାଝାଡେ । ୧୬ \*ଏତିବେଲା ପ୍ରବୁ ୱେସ୍ତି ଇ ହାଡା ନା ଅଣ୍ଡପୁତା ଝାଡେ; 'ଜହନ ଏୟୁତଲେ ବାପ୍ରିସ୍\* ହୀତେସି ସାତା, ସାମା ମୀରୁ ସୁଦୁଜୀଝୁ ତଲେ ବାପ୍ରିସ୍† ଆଦେରି ।' ୧୭ ଇରିହ୍ ମାର ପ୍ରବୁ ଜୀସୁ କ୍ରୀସ୍ତ ତାଣା ନାମିତି ବେଲାତା ମାହାପୁରୁ ଏନିକ୍ ମାଙ୍ଗେ ଆମିନି ଦାନା ହାହାମାଞ୍ଜାଚେସି, ଏଲେକିହ୍ ଏ ଏଞ୍ଜାରାକି ଜିକେଏ ସମାନା ଦାନା ହୀତେସି; ନାନୁ ଆମ୍ବାଆଚେଏଁ ମାହାପୁରୁଇଁ କାହି କିହାଲି ଆଡ଼ିଇଁ !”

୧୮ ଏଞ୍ଜାରି ଇ ବାରେ କାତା ୱେଞ୍ଜାଲିଏ ଏଞ୍ଜାରି ପାଲେଏ ଆଡେରି, ଇଞ୍ଜା ମାହାପୁରୁଇଁ ଜହରା କିହ୍ ଏଲେଇଚେରି, “ଆଡିହ୍ ମାହାପୁରୁ ଜୀହୁଦିଆଆତି ଲକୁକି ଜିକେଏ ହିୟା ୱେଟ୍‌ହାଲି ଅଡେ ନୀତାଲି ପାରୁ ହାହାମାନେସି ।”

**ଆନ୍ତିୟକିୟା କୁଲମି**

୧୯ \*ଏଚେଟିଏ ପ୍ରିପାନ ହାଡି ତାୟୁ, ଏଚେକା ନାମୁଗାଟାରି କସ୍ତ ନିନ୍ଦା ଆଡାକି ଆଲାରା ଆହାମାଟାରି ବିତାଟି, ପୟିନିକିୟା, କୁପ୍ ଅଡେ ଆନ୍ତିୟକିୟା ପାଚେକା ରେଜାନା ଝାରଇ ଜୀହୁଦି ଲକୁ ପିସ୍‌ପେ ଅଡେ ଆମ୍ବାଆରି ତାଣା ନେହ୍ କାରୁ ୱେସିହିଲାଆଡେରି । ୨୦ ସାମା ଏଞ୍ଜାରି ବିତାଟି ଏଚରଜାଣା କୁପ୍ ଅଡେ କୁରିଣିୟ ଲକୁ ଆନ୍ତିୟକିୟା ଝାହାନା ଗ୍ରିକ୍ ଲକୁତାଣା ଜିକେଏ କାତା ୱେସିହ୍ ପ୍ରବୁ ଜୀସୁତି ନେହ୍ କାରୁ

ଝେକ୍‌ହେରି । ୨୧ ଅଡେ, ଏଞ୍ଜାରିତଲେ ପ୍ରବୁତି ବାଡ଼ୟୁ ମାଚେ, ଅଡେ ହାରେ ହାରେକା ଲକୁ ନାମାହାଁ ପ୍ରବୁ ଝାକି ୱେଣ୍ଡାଝାଡେରି ।

୨୨ ଏଞ୍ଜାରି ହାଡା ଜିରୁସାଲମତି କୁଲମିତା ଏଗାହାଚେ, ଏମ୍ବାଟିଏ ଏଞ୍ଜାରି ଆନ୍ତିୟକିୟା ପାଚେକା ବର୍ନବାଇଁ ପାଣ୍ଡାଚେରି । ୨୩ ଏଞ୍ଜାସି ଏମ୍ବାଆଁ ଏଜାନା ମାହାପୁରୁତି କାର୍ମାମେସାନା ରାହାଁ ଆଡେସି, ଇଞ୍ଜା ଏଞ୍ଜାରି ଏନିକ୍ ହିୟାତା ରଣ୍ଡିଏ ରାହାଁତଲେ ପ୍ରବୁ ତାଣା ମାନାପେରି ଇଞ୍ଜା ଏଞ୍ଜାରାକି ବାସ୍ ହୀତେସି । ୨୪ ବର୍ନବା ର ନେହ୍ ଲକୁ, ନାମୁତା ଇଞ୍ଜା ସୁଦୁଜୀଝୁ ବେଟାଆହାମାନାସି ମାଚେସି, ଇଞ୍ଜା ଇଲେତି ବଲୁ ୱେକ୍‌ନି ତାଣା ହାରେକା ଲକୁ ପ୍ରବୁ ତାଣା ଆଣ୍ଡିଚେରି ।

୨୫ ତାୟୁ ବର୍ନବା ସାଝୁଲଇଁ ପାରାଲି ତାର୍ସ ଗାଡ଼ାତା ହାଚେସି, ୨୬ ଇଞ୍ଜା, ଏଞ୍ଜାସି ଏଞ୍ଜାଣାଇଁ ବେଟାଆହାନା ଆନ୍ତିୟକିୟାତା ତାଟିହ୍ ଝାଡେସି, ଏଞ୍ଜାରି ର ବାର୍ସା ପାଚେକା କୁଲମି ତଲେ ମାଞ୍ଜାନା ହାରେକା ଲକୁଣି ଜାପ୍‌ହେରି, ଅଡେ ଆନ୍ତିୟକିୟାତି ସୀସୁୟା ତଲିଏ କ୍ରୀସ୍ତାନା ଇଞ୍ଜା ୱେଞ୍ଜାଚେରି ।

୨୭ ଏତିବେଲାତା ଏଚରଜାଣା ମାହାପୁରୁ ଅଣ୍ଡପୁତି ବଲୁ ୱେହ୍‌ନାରି ଜିରୁସାଲମତି ଆନ୍ତିୟକିୟାତା ଝାଡେରି । ୨୮ \*ଏଞ୍ଜାରି ବିତାଟି ଆଗାବ ଦରୁଗାଟି ର ଲକୁ ନିଜାନା ବାରେ ଦାର୍‌ଡିତା କାଜା କାଡାରା ଆନେ ଇଞ୍ଜା ଜୀଝୁତି ବାଡ଼ୟୁ ତଲେ ୱେସ୍ତେସି; ଏଦି କ୍ଲାଝୁଦିୟା ସାଲଝି କିନାଣି ବେଲାତା ଆଡେ । ୨୯ ଏମ୍ବାଟିଏ ସୀସୁୟା ତାମ୍‌ତାମି ଆଡିନି ଲେହେଁ ଜୀହୁଦା ରାଜିତା ମାନି ନାମିତି ତାୟିୟାକି ସାୟେମି କିୟାଲି ତୀରି କିଚେରି, ୩୦ ଅଡେ, ଏଞ୍ଜାରି ଜିକେଏ ଟାକାୟା କୃଡି କିହାନା ଏ କୁଲମିତି ପ୍ରାତିନାଙ୍ଗା କେୟୁତା ହାହାଲି ବର୍ନବା ଅଡେ, ସାଝୁଲ କେୟୁତା ଟାକାୟା ପାଣ୍ଡିଚେରି ।

\* ୧୧:୧୭ ୧୧:୧୭ କାମା ୧:୫      \* ୧୧:୧୭ ୧୧:୧୭ମୁଞ୍ଜିନାୟି      † ୧୧:୧୭ ୧୧:୧୭ମୁଞ୍ଜିନାୟି      ☆ ୧୧:୧୯ ୧୧:୧୯ କାମା ୮:୧-୪      ☆ ୧୧:୨୮ ୧୧:୨୮ କାମା ୨୧:୧୦

୧୨

ହାରେକା ସାସ୍ତି ପାଶ୍ଚନ୍ଦାୟି

୧ ଏଚିବେଲ୍ଲାତା ରାଜା ହେରଦ କୁଲମିତି ଏଚର ଜାଣାଇଁ ସାସ୍ତି ହାହାଲି ମାଟ୍‌ହେସି । ୨ ଏଝାସି ଜହନତି ତାୟି ଜାକୁବଇଁ କାଶ୍ଟାତଲେ ପାୟି କିତେସି । ୩ ଅଡେ, ଜାହୁଦି ଲକୁ ଏଝାଣି ତାକି ରାହ୍ନା ଆହାମାନାଣି ମେସାନା ଏଝାସି ପିତରଇଁ ଜିକେଏ ଆସ୍ତେସି, ଏଚିବେଲ୍ଲାତା ପୁଲ୍ଲା ଆଶ୍ଟାଆତି ରୁଟି ତିନି ପାର୍ବୁ ମାରେ । ୪ ଏଚେଟିଏ ଏଝାସି ପିତରଇଁ ଦସ୍‌ପାନା କାୟିଦି ଇଲୁତା ଇଚିତେସି, ଇଞ୍ଜା ପିସ୍‌ପିଆନି ପାର୍ବୁ ରାଡି ତାୟୁ ଏଝାଣାଇଁ ବାରେ ଲକୁ ନକିତା ତାଚାଲି ଅଶ୍‌ପାନା ଏଝାଣାଇଁ କାଚାଲି ସାରି ଜାଣା ଲାକା ସାରି ଗଚି କସ୍‌କା କେୟୁତା ହେରପିତେସି । ୫ ପିତରଇଁ କାୟିଦିତା ସୁଣ୍ଡିତେରି, ସାମା ଏଝାଣି ତାକି କୁଲମି ରଣ୍ଡିଏ ହିୟା ତଲେ ମାହାପୁରୁ ତାଣା ପ୍ରାତାନା କିହିମାଚେରି ।

ପିତର କାୟିଦି ଇଲୁଚି ଗେଲ୍‌ପି ଆନାୟି

୬ ତାୟୁ ହେରଦ ଆମିନି ଦିନା ପିତରଇଁ ହପୁହାଲି ଅଶ୍‌ପାମାଚେସି, ଏ ନେରୁ ଲାଆୟା ପିତର ରୀ ହିକ୍‌ଶିୟା ତଲେ ଦସ୍‌ପି ଆହାନା ରୀ କସ୍‌କା ମାଦି ତୁରାମାଚେସି, ଅଡେ କାଃଆନାରି କାୟିଦି ଇଲୁ ଦୁଝେରିତା କାଚାମାଚେରି । ୭ ଅଡେ ମେହ୍‌ଦୁ, ଦେବୁଣିଏ ପ୍ରବୁତି ର ଦୁତୁ ଏମ୍‌ଆଁ ତଞ୍ଜାଆଡେ, ଇଞ୍ଜା ଇଲୁ ବିତ୍ରା ଉଜେଡି ଆହାହାଚେ, ଅଡେ ପିତରଇଁ ବମିତା ତୀଗାହ୍ନା ନିକ୍‌ହାନା ଏଲେଇଚେ, “ତବେ ନିଜ୍‌ମୁ,” ଏମ୍‌ାଟିଏ ଏଝାଣି କେସ୍‌ାତି ହିକ୍‌ଶିୟା ହୁଜ୍‌ାହାଚୁ । ୮ ଏଚେଟିଏ ଦୁତୁ ଏଝାଣାଇଁ ଏଲେଇଚେ, “ଚେତେଲି ରୁପା କତାମୁ ଇଞ୍ଜା ସେପୁୟା ତୁରମୁ” ଇଞ୍ଜା ପିତର ଏଲେକିତେସି, ଅଡେ ଦୁତୁ ଏଲେଇଚେ, “ନୀ ହିମ୍‌ାରି ପରହାନା ନା ଜେଚ ଜେଚ ଝାମୁ ।” ୯ ପିତର ହଚାନା ଏଝାଣି ଜେଚ ଜେଚ ହାଚେସି; ସାମା ଦୁତୁ ତାଣାଟି

ଏନାଆଁ କିଝିଆଡେ, ଏଦି ସାତେଏ ଏନାଆଁ ପୁନାଆନା ଏଝାସି ହାପାନା ହେଣ୍ଡିମାଇଁ ଇଞ୍ଜା ଅଶ୍‌ପିମାଚେସି । ୧୦ ଏଚିବେଲ୍ଲାତା ଏଝାରି ନକିତି ଅଡେ ଏଦାଣି ତାୟୁ କାଚାମାଚାଚାଇଁ ଗାଣ୍ଡଚାନା ଆମିନି ଲହ ଦୁଝେରି ହାହାନା ଗାଡାତା ହଡାଲି ଆଚେନ, ଏଦାଆଁ ତାଗେ ଝାହାଲିଏ, ଏଚେତା ଏ ଦୁଝେରି ତାୟୁ ତାୟୁଏ ଏଝାଚାକି ଦେପି ଆହାହାଚେ, ଅଡେ ଏଝାରି ହଚା ହାଜାନା ର ଆଂଗେଣି ମୁଟ୍‌ହାମାନି ପାତେକା ହାଚେରି, ଇଞ୍ଜା ଦେବୁଣିଏ ଏ ଦୁତୁ ଏଝାଣାଇଁ ପିସା ହାଚେ ।

୧୧ ଏଚେଟିଏ ପିତର ସେଡନା ଆହାନା ଏଲେଇଚେସି, “ପ୍ରବୁ ତାନି ଦୁତୁଇଁ ପାଶ୍ଟାନା ହେରଦ କେୟୁଟି ଅଡେ ବାରେ ଜାହୁଦି ଲକୁ ଅଶ୍‌ପିମାଟି ତାଣାଟି ପିସ୍‌ପି କିହା ମାଞ୍ଜାନେସି, ଇଦାଆଁ ନୀଏଁ ନାୟୁ ସାତେଏ ପୁଚେଏଁ ।”

୧୨ ଏଝାସି ଇ କାତା ଅଶ୍‌ପିହ୍‌ ମାର୍କ ଦରୁଗାଟି ଜହନ ତାମି ଇୟା ମରିୟମିନି ଇଜ ହାଚେସି; ଏମ୍‌ାଆଁ ହାଚେକା ଲକୁ ରୁଣ୍ଡା ଆହାନା ପ୍ରାତାନା କିହିମାଚେରି । ୧୩ ପିତର ପାଜ୍‌ାତି ଦୁଝେରିତା ଝେଚାଲିଏ, ରଦା ଦରୁଗାଟି ର ହଲେଣି ଆମ୍‌ାଆତେରି ଇଞ୍ଜା ଝେଞ୍ଜାଲି ହାଚେ । ୧୪ ଏଦି ପିତରତି ହାଡା ଝେଞ୍ଜାନା ରାହ୍ନାତାକି ଦାରା ଦେଃଆନା ବିତ୍ରା ଦାବ୍‌ଡି ହାଜାନା ଦାରା ତାକିତା ପିତର ନିଚାମାନେସି ଇଞ୍ଜା ଝେସ୍ତେ । ୧୫ ଏଝାରି ଏଦାନି ଏଲେଇଚେରି, “ନୀୟୁ ବାୟା ଆଡିକି ଇଞ୍ଜା ଇଚେରି,” ସାମା ଏଦି ଏଦାଆଁ ସାତା ଇଞ୍ଜା ଗାଡିକିହ୍‌ ଝେସ୍ତେ, ଇଞ୍ଜା ଏଝାରି ଏଲେଇଚେରି, “ଏଦି ଏଝାଣି ଦୁତୁ ।”

୧୬ ସାମା ପିତର ଦାରାତା ଅଲେ ଅଲେ ଝେଟିମାଚାକି, ଏଝାରି ଦାରା ଦେଚାନା ଏଝାଣାଇଁ ମେସାନା କାବା ଆଡେରି । ୧୭ ସାମା ଏଝାସି ଏଝାଚାଇଁ ପାଲେଏ ମାଞ୍ଜାଲି କେୟୁ ଜୀଞ୍ଜିତେସି, ଇଞ୍ଜା ପ୍ରବୁ ଏଝାଣାଇଁ ଏନିକ୍‌ କାୟିଦି ଇଲୁଚି ହପୁହା ତାତେସି ଏଝାଚାଇଁ ଝେସ୍ତେସି,

ଅଡ଼େ ଏଞ୍ଜାସି ଏଲେଇରେସି “ଇ ବାରେ କାତା ଜାକୁବ ଅଡ଼େ ବାରେ ନାମିତି ତାୟିୟାଁଇଁ ଝେହ୍ନୁ,” ଇଞ୍ଜା ଏଞ୍ଜାସି ତାକିହ୍ ଅର ଟାୟୁତା ହାଜାତୁସ୍ତେସି ।

୧୮ ଲାଇ ଝେୟାଲିଏ ପିତର ଆମ୍ବିୟା ହାରେସି ଇଞ୍ଜା କାପୁ କାଃଆନି କସ୍‌କା କାବାଆହାନା ହାରେକା ବିଲ୍‌କି ଆଡ଼େରି ? ୧୯ ଅଡ଼େ, ହେରଦ ଏଞ୍ଜାଶାଇଁ ପାରି କିହାନା ପ୍ଲାଃଆଲିଏ, କାପୁ କାଃନାରାଇଁ ଝେତି ତାୟୁ, ଏଞ୍ଜାରାଇଁ ପାୟାଲି ହୁକୁମି ହାଡେସି । ଏଦାଆଁ ତାୟୁ ହେରଦ ଜାହୁଦା ରାଜିତି କାୟିସରିୟାତା ହାଜାନା ଏମ୍‌ଆଁ ତୁୟିଡେସି ।

ହେରଦ ହାନାୟି

୨୦ ଏଚିବେଲା ହେରଦ ସର ଅଡ଼େ ସିଦନତି ଲକୁତାକି ଆଜିହପେତି କପା ଆହାମାରେସି, ଅଡ଼େ ଏଞ୍ଜାରି ରଣ୍ଡିଏ କାତା ଆହାନା ଏଞ୍ଜାଣି ତାଣା ଝାଡେରି, ଇଞ୍ଜା ରାଜା ଇଲୁତି ଖାସ୍‌ସ୍ ଇନି ସାଲ୍‌ଝି କିନାଶାଇଁ ତାମି ଝାକି କିହାନା, ରାଜାଇଁ ହିଡ଼ଡି ତାକି ବାତିମାଲିଡେରି, ଇଚିହ୍ ହେରଦ ରାଜା ଦେସାତି ସର ଅଡ଼େ ସିଦନ ଦେସାତା ଆନାଁ ହାଜିମାରେ ।

୨୧ ଏଚେଟିଏ ହେରଦ ତାରିକିତି ଦିନାତା ରାଜା ହୁଚିନି ହିମ୍‌ରିକା ହୁଗାନା ସିଂଗାସାଣିତା କୁଗାନା ଲକୁ ନକିତା ର କାତା ଝେସ୍ତେସି; ୨୨ ଏଚେଟିଏ ଲକୁ କାଲ୍‌ଝି ଆହ୍ ଏଲେଇରେରି, “ଇଦି ମାହାପୁରୁତି ଗିୟାଁ, ମାଣ୍‌ସିତି ଗିୟାଁ ଆଏ !” ୨୩ ଏ ଦେବୁଣିଏ ପ୍ରବୁତି ର ଦୂଡୁ ହେରଦଇଁ ତାଗିଡେ, ଇଚିହ୍ ଏଞ୍ଜାସି ମାହାପୁରୁଇଁ ଜହରା କିଆଡେସି, ଇଞ୍ଜା ଏଞ୍ଜାଶାଇଁ ପିଡ଼ୟୁଲି ତିଞ୍ଜାଲିଏ ଏଞ୍ଜାସି ହାଡେସି ।

୨୪ ସାମା ମାହାପୁରୁତି ବଲୁ ପାତାଆହାନା ହାରେକା ଝେଜିଡେ ।

୨୫ ତାୟୁ ବର୍ନବା ଅଡ଼େ ସାଝୁଲ ତାମି ସେବା କାମା ରାପୁହାନା ଜହନ ଇନି ମାର୍କଇଁ ତଡୁ କିହାନା ଜିରୁସାଲମତି ଝେଣ୍ଡା ହାଚେରି ।

୧୩

ବର୍ନବା ଅଡ଼େ ସାଝୁଲଇଁ ଆଡାନା ପାଣ୍ଡିନାୟି

୧ ଏଚିବେଲା ଆନ୍ତିୟକିୟାତି କୁଲମିତା ବର୍ନବା, ସିମିୟନ କାଡିୟା ଇନାସି, କୁରିଣି ଦେସାତି ଲୁକିୟ, ହେରଦ ରାଜା ତାୟିଲେହେଁ ପାତାଆଡି ମନହେମ ଅଡ଼େ ସାଝୁଲ, ଆନ୍ତିୟକିୟାତା ମାତି କୁଲମିତା ମାହାପୁରୁ ଅଣ୍‌ପୁତି ବଲୁ ଝେହ୍ନାରି ଅଡ଼େ ଜାପୁନାରି ମାଚେରି । ୨ ଏଞ୍ଜାରି ପ୍ରବୁତି ସେବା ଅଡ଼େ ଉପାସା କିହିମାଗାଟି, ସୁଦୁଜାଝୁ ଏଞ୍ଜାରାଇଁ ଏଲେଇରେ, “ନାନୁ ଆମିନି କାମାତାକି ବର୍ନବା ଅଡ଼େ ସାଝୁଲଇଁ ହାଟାମାଇଁ, ଏ କାମାତାକି ଏଞ୍ଜାରାଇଁ ଏଟକା କିଦୁ ।”

୩ ଏଚେଟିଏ ଏଞ୍ଜାରି ଉପାସା ଅଡ଼େ ପ୍ରାତାନା କିତି ତାୟୁ ଏଞ୍ଜାରି ତାକାଣା କେସ୍‌ଆ ଇଟାନା ଏଞ୍ଜାରାଇଁ ହେରପାନା ପାଣ୍ଡିଡେରି ।

କୁପ୍ରତା କାମା

୪ ଇଲେଆହ୍ ବର୍ନବା ଅଡ଼େ ସାଝୁଲ ସୁଦୁଜାଝୁ ତଲେ ପାଣ୍ଡି ଆହାନା ସେଲୁକିୟାତା ହାଚେରି; ଇଞ୍ଜା ର ସାମଦୁରି ଜାଜାତା ହଟାନା କୁପ୍ରତା ହାଚେରି । ୫ ଏଞ୍ଜାରି ସାଲମି ଗାଡାତା ଏଗାହାଜାଲିଏ ଜାହୁଦି ଲକୁତି ବାରେ ଜାହୁଦି ଲକୁତି କୁଟମି ଇଲକାଶା\* ମାହାପୁରୁତି ବଲୁ ଝେକହାଲି ମାଟ୍‌ହେରି; ଅଡ଼େ, ଜହନ ମାର୍କ ଜିକେଏ ସାୟେମି କିୟାଲି ଏଞ୍ଜାରିତଲେ ମାଚେସି ।

୬ ଇଞ୍ଜା ଏଞ୍ଜାରି ଏ ଦେସା ମାଦିତି ରେଜିହ୍ ପାପସ୍ ଗାଡାତା ହାଚେରି; ଏମ୍‌ଆଁ ଏଞ୍ଜାରି ବାର୍-ଜାସୁ, ଦରୁଗାଟି ର ଜାହୁଦି ଗାରଡ଼ି ଗାଟାଶାଇଁ ବେଟାଆଡେରି, ଏଞ୍ଜାସି ମିତି ମାହାପୁରୁ ବଲୁ ଝେହ୍ନାସି । ୭ ଏ ଦେସା ସାଲ୍‌ଝି କିନି ସେଗିୟ ପାଝୁଲ ତଲେ ମାଚେସି, ଏ ସାଲ୍‌ଝି କିନାସି ର ବୁଦିଗାଗାସି,

\* ୧୩:୫ ୧୩:୫ ସିନଗଗ

ଏଞ୍ଜି ସାଧୁଲ ଅଡ଼େ ବର୍ନବାଇଁ ହାଟି କିହାନା ମାହାପୁରୁତି କାତା ଖେଞ୍ଜାଲି ଅଣ୍ଠପିମାରେସି ।<sup>୮</sup> ସାମା ଏ ଗାର୍ଡ଼ିଗାଟି “ଏଲିମା” ଇଦି ଗ୍ରିକ୍ ଦରୁ ଏ ସାଲୁଞ୍ଜି କିନାଣାଇଁ ନାମୁଟି ପିସ୍ପିକିନି ଅଣ୍ଠପୁ ତଲେ ଏଞ୍ଜାରାଇଁ ବାଦା ହୀତେସି ।<sup>୯</sup> ସାମା ସାଧୁଲ ଆମ୍ବାଆରାଇଁ ପାଧୁଲ ଜିକେଏ ଇନେରି, ସୁଦୁଜାଧୁଟି ନେଞ୍ଜାନା; ଏଲିମାଇଁ ସିନିକିତେସି, <sup>୧୦</sup> ଅଡ଼େ ଏଲେଇରେସି, “ଆଡ଼େ ସୟତାନ ମୀରଏଣାତି, ବାରେଲେହେଟି ନାଡ଼ିକିନି ଲାଗେଏତି ଅଣ୍ଠପୁତା ନେଞ୍ଜାମାନାତି, ଅଡ଼େ ବାରେ ନେହୁଁ କାମାତି ସାଡୁ, ନାନୁ ପ୍ରବୁତି ସଲକ ଜିରୁତି ଲାଗେଏ କିହାଲି ପିହୁଅତି କି ? <sup>୧୧</sup> ଅଡ଼େ ନୀର୍ସ ମେହ୍ମୁ ପ୍ରବୁତି କେୟୁ ନୀ ଲାକ ମାନେ; ଇଞ୍ଜା ନାନୁ କାଣା ଆହାନା ଗାଡ଼େକା ତାକି ଖେଡ଼ାତି ଉଜେଡ଼ି ମେହୁଅତି ।” ଏ ଦେବୁଣିଏ ଏଲିମା କାଣକାତା ଦୁହା ପଜିତି ଲେହେଁ ଆଡେ ଇଞ୍ଜା ତାନି କେୟୁ ଆସାଁ ଜିରୁ ତସାଲି ରଅଣାଇଁ ପାରୀତେସି । <sup>୧୨</sup> ଇଦାଆଁ ମେସାନା ସାଲୁଞ୍ଜି କିନାସି ପ୍ରବୁତି ଜାମ୍ନାଣି ଖେଞ୍ଜାନା କାବାଆହାନା ନାମିତେସି ।

ପିସିଦିୟାତି ଆକ୍ରିୟକିୟାତା କାମା

<sup>୧୩</sup> ତାୟୁ ପାଧୁଲ ଅଡ଼େ ତାନି ତଣେସିକ୍ଷା ପାପସର୍ବିଏ ସାମ୍ବୁରି ଜିରୁଟି ହାଜାନା ପଂପୁଲିୟା ଗାଡ଼ାତି ପଗର୍ତା ଖାଡ଼େରି; ସାମା ଜହନ ମାର୍କ ଏଞ୍ଜାରାଇଁ ପିସାନା ଜିରୁସାଲମତା ଖେଣ୍ଡାହାରେସି । <sup>୧୪</sup> ଏଞ୍ଜାରି ପଗର୍ତି ହାଜାନା ପିସିଦିୟାତି ଆକ୍ରିୟକିୟାତା ଏଗାହାରେରି, ଅଡ଼େ ଜମିନି ଦିନା ଜୀହୁଦି ଲକୁଡି କୁଟମି ଇଲୁତାଁ ହାଜାନା କୁରିତେରି । <sup>୧୫</sup> ଅଡ଼େ, ମସା ରାଡ଼ିତି ମେରା ଇଞ୍ଜା ମାହାପୁରୁ ଅଣ୍ଠପୁତି ବଲୁ ଖେହ୍ନାରି ପତି ପଡ଼ୁଞ୍ଜି ଆଡ଼ି ତାୟୁ, ପ୍ରାତାନା ଇଲୁଡି କାଜାରି ଏଞ୍ଜାରିତାଣା ଏଲେଇଞ୍ଜି ଖେସା ପାଣ୍ଡିତେରି; “ତାୟିୟାଁ, ଲକୁଡାକି ବାର୍ସୁ ହାନି କାତା ମାତିହୁଁ ଖେହ୍ନୁ ।”

<sup>୧୬</sup> ଏଚେଟିଏ ପାଧୁଲ ନିତାନା ଲକୁଣି କେୟୁ ତସିହୁଁ ଏଲେଇଚେସି; “ଇସ୍ରାୟେଲ ଲକୁଡେରି ଇଞ୍ଜା ଜୀହୁଦିଆଆତି ଲକୁଡେରି ଅଡ଼େ ମାହାପୁରୁଇଁ ଆଜିନେରି ନା କାତା ଖେଞ୍ଜୁ ।” <sup>୧୭</sup> ଇ ଇସ୍ରାୟେଲ କୃଡ଼ାତି ମାହାପୁରୁ ମା ଆକୁ ଆବାୟାଣି ଆଡ଼ିତେସି, ଅଡ଼େ ଏଞ୍ଜାରି ମିସର ଦେସାତା ବସା କିହାମାନି ବେଲାତା, ଏଞ୍ଜାରାଇଁ ପାତି କିତେସି, ଇଞ୍ଜା ବାଡ଼ୁୟୁ ଗାଟି କେୟୁତଲେ ଏଞ୍ଜାରାଇଁ ହୁପହା ତାତେସି, <sup>୧୮</sup> ତାୟୁ ରୀ କଡ଼ି ବାର୍ସା ପାତେକା ବାଃଲି ବାଗାତା ଏଞ୍ଜାସି ଏଞ୍ଜାରି ଲେମ୍ବିନାଣି ଅରୁହିତେସି । <sup>୧୯</sup> ଏଞ୍ଜାସି କିଶାନ ଦେସାତି ସାଡ଼ାଗଟା କୃଡ଼ାତି ଲକୁଣି ନାସା କିହାନା ତାନି ଆଡ଼ାମାନି ଲକୁକି ଏ ଦେସାତି ଅଦିକାରା ହୀତେସି ।

<sup>୨୦</sup> ସାରି ଖାଞ୍ଜା ରୀ କଡ଼ି ଦସ ବାର୍ସା ବିତ୍ତା ଇ ବାରେ ଆଡ଼େ । ଏଚେଟିଏ ମାହାପୁରୁ ଅଣ୍ଠପୁତି ବଲୁ ଖେହ୍ନି ସାମୁୟେଲ ପାତେକା ବିଚାରା କିନାରାଇଁ ଆଡ଼ିତେସି । <sup>୨୧</sup> ଏମ୍ବାଟିଏ ଏଞ୍ଜାରି ର ରାଜାଇଁ ହିୟାମୁ ଇଞ୍ଜା ରୀସାଲିଏ ମାହାପୁରୁ ରୀ କଡ଼ି ବାର୍ସା ପାତେକା ବିନ୍ୟାମିନ୍ କୃଡ଼ାତି କିସ୍ ମୀରଏସି ସାଧୁଲଇଁ ରାଜା ଆହାଲି ହୀତେସି । <sup>୨୨</sup> ତାୟୁ ମାହାପୁରୁ ଏଞ୍ଜାଣାଇଁ ରାଜା ପାଣା ପିସ୍ପି କିହାନା, ଏଞ୍ଜାରି ରାଜା ଆହାଲିତାକି ଦାଧୁଦଇଁ ଆଡ଼ିତେସି, ମାହାପୁରୁ ଜିକେଏ ଏଞ୍ଜାଣି କାତା ସାକି ହୀହାନା ଏଲେଇଚେସି; “ନାନୁ ଜିସି ମୀରଏସି ଦାଧୁଦଇଁ ବେଟାଆହାମାଇଁ, ଏଞ୍ଜାସି ନା ହିୟାତି ଅଣ୍ଠପୁ ଲେହେଁତାସି, ଏଞ୍ଜାସି ବାରେ କାତାତା ନା କାତା ମାନୁଞ୍ଜି ଆନେସି ।” <sup>୨୩</sup> ଏଞ୍ଜାଣି କୃଡ଼ାତି ମାହାପୁରୁ ଆଞ୍ଜାମାଟି ଲେହେଁ ଇସ୍ରାୟେଲ ଲକୁଡାକି ର ଗେଲ୍ପିନାଣାଇଁ ଇଚିହୁଁ ଜୀସୁଇଁ ଜାନ କିହାମାନେସି । <sup>୨୪</sup> \*ଜୀସୁ ତାନି କାମା ମାଟ୍ରିନି ନକେଏ, ଜହନ ଇସ୍ରାୟେଲତି ବାରେ

† ୧୩:୧୪ ୧୩:୧୪ ସିନଗଗ    \* ୧୩:୨୪ ୧୩:୨୪ ମାର୍କ ୧:୪; ଲୁକ ୩:୩    ‡ ୧୩:୨୪ ୧୩:୨୪ ମୁଞ୍ଜିନାୟି



ଲକୁ ନକିତା ପାପୁତି ଖେଣ୍ଡିନି କାତା  
 ଅଡ଼େ ବାପୁସ୍ତୁଃ ଅନି କାତା ଖେକ୍‌ହା  
 ମାରେସି । ୨୫ \*ଅଡ଼େ ଜହନ ତାନି  
 କାମା ରାପୁହିମାତି ବେଲାତା ଲକୁଣି  
 ଏଲେଇରେସି, “ନାଙ୍ଗେ ମୀରୁ ଆମ୍ବାଆସି  
 ଇଞ୍ଜୁ ଅଣ୍ଡିମାଞ୍ଜାଦେରି ନାନୁ  
 ଏଞ୍ଜାଡେଏଁ ଆଏ, ସାମା ମେହ୍‌ଦୁ ନା ଡାମ୍ବୁ  
 ରଅସି ଖାହିମାନେସି, ଏଞ୍ଜାଣି କତାତି  
 ସେପୁୟାଁ ହୁକ୍‌ହାଲି ନାନୁ ଜଗେ ଆଅଁ  
 ।”

୨୬ ଏ ତାୟି ତାଙ୍ଗିସ୍ତା, ଅବାହାମ  
 କୃତାତି ମୀରକା ମାସ୍‌କାତେରି,  
 ଅଡ଼େ ମୀ ତାଣାଟି ମାହାପୁରୁଇଁ  
 ଆଜିମାନି ଜୀହୁଦିଆଆତି ଲକୁଡେରି;  
 ମା ତାଣା ଇ ଗେଲ୍‌ପିଆନି ବଲୁ  
 ପାଣୁଞ୍ଜି ଆହାମାଞ୍ଜାନେ । ୨୭ ସାମା  
 ଏଞ୍ଜାସି ଗେଲ୍‌ପିନାସି, ଜିରୁସାଲମତା  
 ମାନାରି ଅଡ଼େ ତାନି ବାରେ କାଜାରି  
 ଏଦାଆଁ ପୁଞ୍ଜିହିଲାଆତେରି, ଅଡ଼େ  
 ବାରେ ଜନିନି ଦିନା ପଡ଼ୁଞ୍ଜି ଆହିମାନି  
 ମାହାପୁରୁ ଅଣ୍ଡିପୁତି ବଲୁ ଖେହ୍‌ନାରି  
 କାତା ପୁଞ୍ଜିହିଲାଆତେରି, ଆଡ଼ିଜକେଏ  
 ଜୀସୁଇଁ ଦହ୍ କିହାନା ମାହାପୁରୁ ବଲୁ  
 ଖେହ୍‌ନାରି କାତା ପୁରା କିତେରି ।  
 ୨୮ \*ଅଡ଼େ ଏଞ୍ଜାଣାକି ହାନି ଡଣ୍ଡୁତି  
 ଏନି ଦହ୍ ପୁଞ୍ଜିଆତି ଜିକେଏ ଏଞ୍ଜାଣାଇଁ  
 ପାୟାଲି ପିଲାତଇଁ ବାତିମାଲିତେରି ।  
 ୨୯ \*ଏଞ୍ଜାଣି ତାକି ଦାମ୍ବୁ ସାପ୍ତେରିତା  
 ବାରେ କାତା ରାସ୍‌କି ଆହାମାନେ,  
 ଏଲେଆହୁଁ ବାରେ ଗଟ୍‌ଞ୍ଜି ଆଡ଼ି  
 ଢେଟ ଏଞ୍ଜାରି ଏଞ୍ଜାଣାଇଁ ପାସି ମୁଣ୍ଡାଟି  
 ରେପ୍‌ହା ତାତାନା, ମାଡ଼ହା ଇଟିନି  
 ଗାମ୍ବୁତା ଇଟିତେରି । ୩୦ ସାମା  
 ମାହାପୁରୁ ଏଞ୍ଜାଣାଇଁ ହାଡାରି ତାଣାଟି  
 ନିକ୍‌ହେସି, ୩୧ ଅଡ଼େ ଆମିନି ଗାଟାରି  
 ଗାଲିଲିଟି ଜିରୁସାଲମତା ତାନିତଲେ  
 ଖାହାମାରେରି, ଏଞ୍ଜାରି ହାରେକା ଦିନା  
 ପାତେକା ଏଞ୍ଜାଣାଇଁ ମେସ୍ତେରି; ଏଞ୍ଜାରି  
 ଇସ୍ରାୟେଲ ଲକୁଡାଣା ନୀଏଁ ଏଞ୍ଜାରି  
 ସାକି । ୩୨ ଅଡ଼େ ଆକୁ ଆବାୟାଁ ନକିତା

ମାହାପୁରୁ ଆଞ୍ଜାମାନାଣି ମାମ୍ବୁ ମିଙ୍ଗେ  
 ଇ ନେହୁଁ କାରୁ ଖେସିମାଞ୍ଜାନମି;  
 ୩୩ ଜୀସୁଇଁ ମାହାପୁରୁ ନିକ୍‌ହାନା ଏଞ୍ଜାରି  
 ମୀରକାତାୟି ମାର, ମାଙ୍ଗେତାକି ଏ  
 ଆଞ୍ଜାମାନାଣି ପୁରା କିହାମାନେସି,  
 ଏନିକ୍‌ରୀ ଲମ୍ବର ପାରୁ ପତିତା ରାସ୍‌କି  
 ଆହାମାନ,  
 “ନୀନୁ ନା ମୀରଏଣାତି;

ନୀଞ୍ଜୁଟିଏ ନାନୁ ନୀ ଆବାଡେଏଁ ।”  
 ୩୪ ଏଞ୍ଜାସି ହାଡାରି ତାଣାଟି ଖେଣ୍ଡେ  
 ନିକ୍‌ହାମାନେସି, ଏଞ୍ଜାସି ସୀରନି  
 ତାଣା ହାଲଅସି ଇଞ୍ଜୁ ମାହାପୁରୁ  
 ଖେସାମାନେସି;  
 “ନାନୁ ଦାଞ୍ଜୁଦ ନକିତା ଆଞ୍ଜାମାନି ସୁଦୁ,  
 ଇଞ୍ଜା ତୀରି ଆନି ବର ମିଙ୍ଗେ  
 ସାତେଏ ହିୟାଇଁ ।”

୩୫ ଇଞ୍ଜା ଏଞ୍ଜାସି ଅଡ଼େ ର ପତିତା  
 ଏଲେଇଞ୍ଜା ମାନେସି,  
 “ନୀନୁ ନୀ ତୀରି ଗାଟାଣାଇଁ ସୀରହାଲି  
 ହୀଅତି ।”

୩୬ ଦାଞ୍ଜୁଦ ତାନୁ ରାଜି କିହିମାତି  
 ବେଲାତା ଲକୁ ବିତ୍ରା ମାହାପୁରୁ ଅଣ୍ଡିପୁ  
 ତଲେ ସେବା କାମା କିତି ଡାମ୍ବୁ  
 ହାଡେସି, ଇଞ୍ଜା ତାନି ଆକୁ ଆବାୟାଁ  
 ଗଟତା ମୁସ୍‌ପି ଆହାନା ସୀରହେସି  
 । ୩୭ ସାମା ମାହାପୁରୁ ଆମ୍ବାଆରାଇଁ  
 ହାକିଟି ନିକ୍‌ହାମାନେସି ଏଞ୍ଜାସି ସୀରହା  
 ହିଲଅସି । ୩୮ ଇଦାଆଁତାକି ଏ ତାୟିୟାଁ  
 ଇଦାଆଁ ପୁଞ୍ଜୁ, ଇ ଜୀସୁ ତାଣାଟି  
 ମୀ ନକିତା ପାପୁତି ମ୍ଲେକ୍‌ନି କାତା  
 ଖେସ୍‌ପି ଆହାମାନେ; ୩୯ ଅଡ଼େ ମସାତି  
 ଆମିନି ମୋରାତି ବାରେ ତାଣାଟି ମୀରୁ  
 ପିସ୍‌ପି ଆହାଁ ଦାମ୍ବୁଗାଟାତେରି ଆହାଲି  
 ଆଡାଆତେରି, ଇଞ୍ଜା ନାମିମାନି ବାରେ  
 ଲକୁ ଏଞ୍ଜାଣି ତାଣାଟି ଏ ବାରେ ତାଣାଟି  
 ପିସ୍‌ପି ଆହାନା ଦାମ୍ବୁଗାଟାରି ଆନେରି  
 । ୪୦ ଏଦାଆଁତାକି ଜାଗ୍ରାତା, ମାହାପୁରୁ  
 ଅଣ୍ଡିପୁତି ବଲୁ ଖେହ୍‌ନାରି ସାପ୍ତେରିତା  
 ଏନାୟି ଖେସ୍‌ପି ଆହାମାନେ, ଏନି  
 ଏନିକ୍‌ମିଙ୍ଗେତାକି ଆୟେଏ;

☆ ୧୩:୨୫ ୧୩:୨୫ ଜହ ୧:୨୦; ମାତି ୩:୧୧; ମାର୍କ ୧:୨; ଲୁକ ୩:୧୭; ଜହ ୧:୨୭ ☆ ୧୩:୨୮ ୧୩:୨୮ ମାତି  
 ୨୭:୨୨,୨୩; ମାର୍କ ୧୫:୧୩,୧୪; ଲୁକ ୨୩:୨୧-୨୩; ଜହ ୧୯:୧୫ ☆ ୧୩:୨୯ ୧୩:୨୯ ମାତି ୨୭:୫୭-୬୧; ମାର୍କ  
 ୧୫:୪୨-୪୭; ଲୁକ ୨୩:୫୦-୫୬; ଜହ ୧୯:୩୮-୪୨

୪୧ “ମାହାପୁରୁଷ ଅପାଆ ଗାଟାତେରି  
ମୀରୁ ମେସାନା, କାବା ଆହ୍ନା,  
ନାସା ଆଦୁ;

ଇଚିହ୍ମ ମୀ ବେଲୀତା ମାମ୍ବୁର କାମା  
କିହିମାନମି,  
ଅଡ଼େ ଏ କାମାତି ଆମ୍ବାଆସି ମୀ  
ନକିତା ଖେସ୍ତାନେସି,  
ଏଦାଆଁ ମୀରୁ ଏନିଜିକେଏ  
ନାମଅତେରି ।”

୪୨ ପାଞ୍ଜୁଲ ଅଡ଼େ ବର୍ନବା ଜୀହୁଦି  
ଲକୁତି କୁଟମି ଇଲୁଟିଁ ହଟାହାନି  
ବେଲୀତା ଖାନି ଜମିନି ଦିନାତା ମାଙ୍ଗେ  
ଇ ବାରେ କାତା ଅଡ଼େ ଖେସ୍ତାଦୁ  
ଇଞ୍ଜି ଲକୁ ଏଞ୍ଜାରାଇଁ ବାତିମାଲିତେରି  
। ୪୩ ବେରଣି ରାଡ଼ି ତାୟୁ ଏତେକା  
ଜୀହୁଦି ଅଡ଼େ, ଜୀହୁଦି ଦାମ୍ବୁ ନାମିତି  
ଏଟକା କୁଡ଼ାତି ଲକୁ ବିତ୍ରାତି ହାରେକା  
ପାଞ୍ଜୁଲ ଅଡ଼େ ବର୍ନବା ଜେଟ ହାଚେରି;  
ପାଣ୍ଡୁଞ୍ଜି ଆଡ଼ାରି ଏଞ୍ଜାରିତଲେ କାତାବାର୍ତା  
ଆହ୍ମି ମାହାପୁରୁ କାମାତା ତୀରପୁ  
ଆହ୍ମି ମାଞ୍ଜାଲି ଏଞ୍ଜାରାଇଁ ଖେସ୍ତେରି  
।

୪୪ ଇଞ୍ଜା ଅର ଜମିନି ଦିନାତା ଗାଡ଼ାତି  
ବାରେ ଲକୁ ମାହାପୁରୁ ବଲୁ ଖେଞ୍ଜାଲି  
ରୁଣ୍ଡା ଆଡ଼େରି । ୪୫ ସାମା ଜୀହୁଦିୟାଁ  
ଲକୁ ମାନ୍ଦାତି ମେସାନା ତାହାରା  
ଆଡ଼େରି, ଇଞ୍ଜା ପାଞ୍ଜୁଲ କାତା କପାଟି  
ନିନ୍ଦାକିହ୍ମି ବାଦିବାଦା ଆଡ଼େରି ।  
୪୬ ଏଚେଟିଏ ପାଞ୍ଜୁଲ ଅଡ଼େ ବର୍ନବା ସାସା  
ଆସାନା ଖେସ୍ତେରି, “ତଲିଏ ମୀ ତାଣା  
ମାହାପୁରୁତି ବଲୁ ଖେସ୍ତାନାୟି ମାଚେ,  
ମୀରୁ ଏଦାଆଁ ଅପାଆନା ମୀରୁ ମୀରୁଏ  
କାଲେଏତି ଜୀଞ୍ଜୁ ବେଗାଆହାଲି ପାଡ଼ା  
ଆଅମି ଇଞ୍ଜି ଅଣ୍ଡପି ମାନାକି ମେହ୍ମୁ  
ମାମ୍ବୁ ମିଙ୍ଗେ ପିସାନା ଜୀହୁଦିଆଆତି  
ଲକୁତାଣା ହାଜିମାନମି । ୪୭ ଇଚିହ୍ମି  
ପ୍ରବୁ ମାଙ୍ଗେ ଇ ହୁକୁମି ହାହାମାଞ୍ଜାନେସି;  
‘ନାନୁ ମିଙ୍ଗେ ଜୀହୁଦିଆଆତି ଲକୁତାକି  
ଉଜେଡ଼ି ଲେହେଁ କିହାମାଞ୍ଜାଇଁ,

ଆତିହ୍ମି ବାରେ ଦାର୍ତତି  
ଗେଲପିଆନେ ।”

୪୮ ଜୀହୁଦିଆଆତାରି ଇ ହାଡ଼ା  
ଖେଞ୍ଜାନା ରାହ୍ନା ଆଡ଼େରି; ଅଡ଼େ  
ମାହାପୁରୁତି ବଲୁତି ଗାଞ୍ଜୁରମି କିହାଲି  
ମାଟ୍‌ହେରି, ଅଡ଼େ ଏତେକା ଲକୁ  
କାଲୀକାଲୀତି ଜୀଞ୍ଜୁତାକି ଆଟ୍‌ଞ୍ଜି  
ଆହାମାଚେରି, ଏଞ୍ଜାରି ନାମିତେରି ।

୪୯ ଇଞ୍ଜା ପ୍ରବୁତି ବଲୁ ଏ ରାଜିତା  
ବାରେଞ୍ଜାକି ଏଜାହାଚେ । ୫୦ ସାମା  
ଜୀହୁଦି ଲକୁ ଗାଡ଼ାତି ଆବାୟାଣି  
ଅଡ଼େ ମାହାପୁରୁଇଁ ମାନି କିହିମାନି  
ପାଙ୍ଗାଖେଙ୍ଗେତି ଆୟାସିକାଣି ରୁଣ୍ଡି  
କିହାନା ପାଞ୍ଜୁଲ ଅଡ଼େ ବର୍ନବାଇଁ ସାସି  
ହାହାନା ତାମି ରାଜିଟି ପେରହାଡ଼ୁସ୍ତେରି  
। ୫୧ ଏଚେଟିଏ ପାଣ୍ଡୁଞ୍ଜି ଆଡ଼ାରି  
ଜାହାରା କତାୟାତି ଦୂଡ଼ି ଏଞ୍ଜାରି କପାଟି  
ହାଣହାଁନା ଇକନିୟତା ହାଚେରି ।  
୫୨ ଅଡ଼େ ଆଡ଼ିୟକିୟାତି ସୀସୁୟାଁ  
ସୁଦୁଜୀଞ୍ଜୁ ବେଗାଆହାନା ରାହ୍ନାତଲେ  
ଡ଼ୟିତେରି ।

### ୧୪

ଇକନିୟତା ସେବା କାମା  
୧ ଇକନିୟତା ଜିକେଏ ଏଲେଆହ୍ମି ଏ  
ଆଡ଼େ; ପାଞ୍ଜୁଲ ଅଡ଼େ ବର୍ନବା ଜୀହୁଦି  
ଲକୁତି ଜୀହୁଦି ଲକୁତି କୁଟମି ଇଲୁତା\*  
ହାଜାନା ଇଲେକି ଖେସ୍ତେରି, ଇଞ୍ଜା  
ଜୀହୁଦି ଅଡ଼େ ଜୀହୁଦିଆଆତି ଲକୁ  
ବିତ୍ରାତି ହାରେକା ନାମିତେରି । ୨ ସାମା  
ଆମିନି ଜୀହୁଦିଙ୍ଗା ନାମାଆତେରି,  
ଜୀହୁଦିଆଆତି ଲକୁତି ମନଡ଼ି କିଲିବିଲି  
କିହାନା, ଏଞ୍ଜାରାଇଁ ନାମିତି ତାୟିୟାଁ  
କପାଟି ଲାଗେଏତି ଅଣ୍ଡପୁ ଅଣ୍ଡପି  
କିତେରି । ୩ ପାଞ୍ଜୁଲ ଅଡ଼େ ବର୍ନବା  
ହାରେକା ଦିନା ପାତେକା ଏ ଟାୟୁତା  
ଡ଼ୟାନା ପ୍ରବୁ ତାଣା ବାସ୍ତୁ ଇଗାନା  
ସାସାତଲେ ପ୍ରବୁତି କାତା ଖେସ୍ତେରି;  
ଇଞ୍ଜା ଏଞ୍ଜାରି ତାଣାଟି ହାରେକା ସିନାୟାଁ  
ଅଡ଼େ କାବାଆନି କାମାୟାଁ କିହାନା

୧ ୧୩:୪୨ ୧୩:୪୨ ସିନଗର    \* ୧୩:୫୧ ୧୩:୫୧ ମାଡ଼ି ୧୦:୧୪; ମାର୍କ ୭:୧୧; ଲୁକ ୯:୫; ୧୦:୧୧    \* ୧୪:୧  
୧୪:୧ ସିନଗର

ତାନି କାର୍ମୀତି ବଲୁ ସାତା ଇଞ୍ଜି ସାକି ହୀତେରି । ୪ ସାମା ଗାଡ଼ାତି ଲକୁ ରୀ ବାଗା ଆଡେତି ର ବାଗା ଜୀହୁଦି ଲକୁ ଖାକି ଅଡେ ର ବାଗା ପାଣ୍ଡୁଝି ଆହାମାନାରି ଖାକି ଆଡେତି ।

\* ଏତିବେଲା ଜୀହୁଦିଆଆତି ଲକୁ ଅଡେ ଜୀହୁଦି ଲକୁ ତାନି କାଜାରି ତଲେ ଆଣ୍ଡାନା, ପାଣ୍ଡୁଝି ଆହାମାନାରାଇଁ ଲାଗେଏ କିୟାଲି ଅଡେ ଖାଲକାତଲେ ଇରହାଲି ଅଣ୍ଡପିତେରି, ୬ ଏତିବେଲା ପାଞ୍ଜୁଲ ଅଡେ ବର୍ନବା ଏଦାଆଁ ପୁଞ୍ଜାନା ଲୁକାୟନିୟା ଦେସାତି ଲୁସ୍ତା ଅଡେ ଦବ ଗାଡ଼ା ଅଡେ ସାରିଖାକିତି ନାୟକାଣ୍ଡା ହଚେରି, ୭ ଅଡେ ଏଞ୍ଜାରି ଏମ୍ବାଆଁ ନେହଁ କାରୁ ଖେକହାଲି ମାଟ୍‌ହେରି ।

ଲୁସ୍ତା ଅଡେ ଦବ ତା ସେବା କାମା

୮ ଲୁସ୍ତାତା ର ଲକୁ ମାଚେସି, ଏଞ୍ଜାସି ସଟା ମାଚେସି, ଏଞ୍ଜାସି ଜାର୍ନାଟିଏ ସଟା, ଏଞ୍ଜାସି ଏଚେଲାଞ୍ଜା ତାକା ହିଲାଆଡେସି । ୯ ଏଞ୍ଜାସି ପାଞ୍ଜୁଲ ଖେହୁନି କାତା ଖେଞ୍ଜିମାଚେସି, ଏଞ୍ଜାସି ହିୟାତା ନାମା ମାଚେସି ଇଞ୍ଜା ଏଞ୍ଜାସି ନେହଁ ଆହାଲି ଆଡ଼ିମାଚେସି ଇଞ୍ଜା ପୁଞ୍ଜାନା ଆଚେ ସିନିକିତେସି, ୧୦ ଏଞ୍ଜାଶାଇଁ କାଜା ଗିୟାତଲେ ଏଲେଇଚେସି, “ନୀ କତାତି ବାଡ଼ୁୟୁ ହାହାନା ସଲକେ ନିମ୍ବୁ” ଏଚେଟିଏ ଏଞ୍ଜାସି ଡେଞ୍ଜିହଁ ତାକାଲି ମାଟ୍‌ହେସି । ୧୧ ପାଞ୍ଜୁଲ ଏନାଆଁ କିହାମାଚେସି, ଲକୁ ବାରେ ଏଦାଆଁ ମେସାନା ଲୁକାୟନିୟା କାଜା ହାଡ଼ାତଲେ ଏଲେଇଞ୍ଜାଲି ମାଟ୍‌ହେରି, “ମାହାପୁରୁୟା ମା ତାଣା ରେଚା ଖାହାମାନୁ ।” ୧୨ ଏଞ୍ଜାରି ବର୍ନବାଇଁ ବୁହସପତି ଇଞ୍ଜା ଇଚେରି, ଅଡେ ପାଞ୍ଜୁଲ ଗାଡ଼ି କାତା ଖେହୁନାସି ମାତାକି ଏଞ୍ଜାଶାଇଁ ବୁଦ ଇଞ୍ଜା ଇଚେରି । ୧୩ ଗାଡ଼ା ତାଗେ ମାନି ବୁହସପତି ଦେଖୁଡ଼ିତି ପୁଜେରାଜା ଏଚେକା ଡ଼କୁ କଡ଼ିୟା ଇଞ୍ଜା ପୁଜା ପେତାୟା ଗାଡ଼ା ଦୁଖେରିତା ତାଗାହାଁ ଏଞ୍ଜାସି ବାରେ

ଲକୁତଲେ ଆଣ୍ଡାନା ପାଣ୍ଡୁଝି ଆଡ଼ାରି ନକିତା ପୂଜା ହାହାଲି ଅଣ୍ଡପିମାଚେସି ।

୧୪ “ସାମା ପାଣ୍ଡୁଝିଆହାମାନି ବର୍ନବା ଅଡେ ପାଞ୍ଜୁଲ, ଇଦାଆଁ ଖେଞ୍ଜାନା ତାନି ହିମ୍ବୁରିକା ଗେସାନା ଲକୁ ମାଦିତି ହଟି ହଟି ହାଜାନା କାଜା ଗିୟାତଲେ ଏଲେଇଚେରି, ୧୫ ଏ ମାନିଗାଟି ଲକୁତେରି, ଏନାଆଁତାକି ଇ ବାରେ କିହିମାଞ୍ଜେରି, ମାମ୍ବୁ ଜିକେଏ ମୀ ଲେହେତି ମାଣ୍ଡସିୟାତମି, ମୀ ତାଣା ଇ ନେହଁ କାରୁ ଖେସିମାଞ୍ଜାନମି, ଏନିକଁ ମୀରୁ ଇ ବାରେ ଉଜେଏତି ପେଣକା ବମାୟାଟି ହେକ ଆହାନା ଜୀଞ୍ଜୁଗାଟି ମାହାପୁରୁ ତାଣା ଖେଣ୍ଡା ଖାଡେରି, ଏଞ୍ଜାସି ହାଗୁପାକା ଦାରତି, ସାମଦୁରି ଅଡେ ଏମ୍ବାଆଁ ମାନି ବାରେତି ରାଡ଼ି କିହାମାଚେସି; ୧୬ ମାହାପୁରୁ ତଲିଏ ବାରେ ଲକୁଣି ତାନି ମନତଲେ ଡ଼ୟାଲି ପିସାମାଚେସି । ୧୭ ସାମା ଏଞ୍ଜାସି ବାରେ ନେହଁ କାମାଟି ଏଞ୍ଜାସି କାଲେଏ ତାନି ଗୁଣ୍ଡୁତି ତସାମାଚେସି; ଏଞ୍ଜାସି ହାଗୁଟି ପିୟୁ ଅଡେ ସମାନା ବେଲାତା ଆର୍ନା ହିୟାନାସି, କାଡ଼ି ଅଡେ ମୀ ହିୟାତା ରାହାଁ ହିୟାନାସି ।” ୧୮ ଇ ବାରେ କାତା ଖେସାନା ପାଣ୍ଡୁଝି ଆହାମାନାରି ଲକୁ ମାଦାତି ହାରେକା କସୁତଲେ ତାମଜେ ତାକି ପୂଜା କିହାଲି କାହି କିହାଲି ଆଡ଼ିତେରି ।

୧୯ ସାମା ପିସିଦିୟାତି ଆନ୍ତ୍ରିୟକିୟା ଅଡେ ଇକନିୟତି ଏଚେକା ଜୀହୁଦି ଏମ୍ବାଆଁ ଖାଡେରି, ଏଞ୍ଜାରି ଲକୁ ମାଦାତି ତାନି ଖାକି କିହାନା ପାଞ୍ଜୁଲଇଁ ଖାଲକାତଲେ ଇରହାନା ଏଞ୍ଜାସି ହାହାହାଚେସି ଇଞ୍ଜା ଅଣ୍ଡପାନା ଗାଡ଼ାତି ପାଜାତା ରେଜା ଅଡେତି । ୨୦ ସାମା ନାନିତି ସୀସୁୟା ସାରି ଖାକିତି ନିଚାମାଚାକି ଏଞ୍ଜାସି ନିଜାନା ଗାଡ଼ା ବିତ୍ରା ହାଚେସି, ଅର ନେଚୁ ବର୍ନବା ତଲେ ଦବ ତା ହାଚେସି ।

ସିରିୟାତି ଆନ୍ତ୍ରିୟକିୟାତା ଖେଣ୍ଡାଖାନାସି

୨୧ ପାଞ୍ଚଲ ଅଡ଼େ ବର୍ନବା ଦବତା ନେହଁ କାରୁ ଖେସାହାଁ ହାରେକା ସୀସୁୟାଁ କିତି ତାୟୁ ଏଞ୍ଜାରି ଲୁଣ୍ଠା, ଇକନିୟ ଅଡ଼େ ପିସିଦିୟାତି ଆକ୍ତିୟକିୟାତା ଖେଣ୍ଡାହାରେରି । ୨୨ ଅଡ଼େ, ଏ ଗାୟୁତି ନାମିତି ସୀସୁୟାଁ ମନତି ସୁସ୍ତି କିହାନା ନାମୁତା ଗାତିକିହଁ ଆଟ୍ଠା ତଲେ ଡ଼ୟାଲି ବାସୁଁ ହାହାନା ଏଲେଇରେରି, “ମାହାପୁରୁ ରାଜିତା ହଡ଼ାଲି ତାକି ହାରେକା କସ୍ତ ପାଣ୍ଡନାୟି ମାନେ ।” ୨୩ ଅଡ଼େ, ବାରେ କୁଲମିତା ଏଞ୍ଜାରି ପ୍ରାଚିନାଙ୍ଗାଣି ଆଚାନା ଉପାସା ତଲେ ପ୍ରାଚାନା କିତେରି, ଅଡ଼େ ଆମିନି ପ୍ରବୁ ତାଣା ନାମା ମାରେରି, ଏଞ୍ଜାଣି କେୟୁତା ଏଞ୍ଜାରାଇଁ ହେରପିତେରି ।

୨୪ ତାୟୁ ଏଞ୍ଜାରି ପିସିଦିୟା ନାସ୍ତକାଟି ପଂପୁଲିୟାତା ଖାଡ଼େରି, ୨୫ ଅଡ଼େ ପଗିତା ନେହଁ କାରୁ ଖେସାନା ଆତାଲିୟାତା ହାରେରି । ୨୬ ଏମ୍ବାଟି ଏଞ୍ଜାରି ଜାଜାତା ହଚାନା ଆକ୍ତିୟକିୟାତା ହାରେରି; ଏଞ୍ଜାରି ଆମିନି କାମା କିହାମାରେରି, ଏଦାଆଁ କିହାଲି ମାହାପୁରୁତି କାର୍ମାତା ହେରପି ଆହାନା ଏମ୍ବାଟି ହାରେରି ।

୨୭ ଏରିବେଲା ଏଞ୍ଜାରି ଆକ୍ତିୟକିୟାତା ଏଗାହାଜାନା କୁଲମିତି ଲକୁଣି କୃତି କିତେରି; ଅଡ଼େ ମାହାପୁରୁ ଏଞ୍ଜାରିତଲେ ମାଞ୍ଜାନା କିହାମାଟି କାମାତାକି, ଅଡ଼େ ଜୀହୁଦିଆଆତି ଲକୁ ନାମାଲି ଦୁଖେରି ଦେଚାମାଚାଣି ବାରେ ଏଞ୍ଜାରାଇଁ ଖେସ୍ତେରି । ୨୮ ଅଡ଼େ ଏଞ୍ଜାରି ନାମିତି ସୀସୁୟାଁ ତଲେ ହାରେକା ଦିନା ଡ଼ୟିତେରି ।

**୧୫**

ଜିରୁସାଲମତା ନାମିତାରି ବେରଣି କିନାୟି

୧ ଏମ୍ବାଟିଏ ଏଚରଜାଣା ଲକୁ ଜୀହୁଦା ରାଜିତି ଆକ୍ତିୟକିୟାତା ଖାହାନା ନାମିତି ତାୟିୟାଁଣି ଇ କାତା ଖେସିହଁ ଜାପୁହେରି, “ମସାତି ଫେରା ଲେହେଁ

ମୀ ତଲୁ ଦାପି ଆଆତିହଁ ମୀରୁ ଗେଲପିଆୟାଲି ଆଡ଼ଅତେରି ।”

୨ ଏମ୍ବାଟିଏ ପାଞ୍ଚଲ ବର୍ନବା ତଲେ ହାରେକା ଆସପି ଆହାନା ବାଡ଼ିବାଦା ଆୟାଲିଏ ପାଞ୍ଚଲ, ବର୍ନବା ଅଡ଼େ ଆକ୍ତିୟକିୟାତି ଏଚରଜାଣା ତାୟିୟାଁ ଇ କାତା ଆସାନା ଜିରୁସାଲମତା ମାନି ପାଣ୍ଡୁ଼ି ଆଡ଼ାରି ଇଞ୍ଜାଁ କୁଲମିତି ପ୍ରାଚିନାଙ୍ଗା ତାଣା ହାଲବେରି ଇଞ୍ଜାଁ ତାୟିୟାଁ ତାରି କିତେରି ।

୩ ଏଚେଟିଏ କୁଲମି ଏଞ୍ଜାରାଇଁ ପାଣ୍ଡାଲି ଜିରୁ ତସ୍ତି ଜେଚ, ଏଞ୍ଜାରି ପୟନିକିୟା ଅଡ଼େ ସମିରଣ ଖାକି ହାଜି ହାଜିହଁ ଜୀହୁଦିଆଆତି ଲକୁ ହିୟାଁ ଖେଟ୍ଟହାମାଟି କାତା ଖେସିହଁ ବାରେ ତାୟିୟାଁଇଁ ହାରେକା ରାହାଁ କିତେରି । ୪ ତାୟୁ ଏଞ୍ଜାରି ଜିରୁସାଲମତା ଏଗାହାଜାଲିଏ, କୁଲମି ଇଞ୍ଜାଁ, ପାଣ୍ଡୁ଼ି ଆଡ଼ାରି ଅଡ଼େ ପ୍ରାଚିନାଙ୍ଗା ଏଞ୍ଜାରାଇଁ ଆବିତେରି, ଅଡ଼େ ମାହାପୁରୁ ଏଞ୍ଜାରିତଲେ ମାଞ୍ଜାନା ଆମିନି କାମା କିହାମାଚେସି, ଏ ବାରେ କାତା ଏଞ୍ଜାରାଇଁ ଖେସ୍ତେରି । ୫ ସାମା ପାରୁସିୟାଁ ଗତିଟି ଏଚେକା ନାମୁଗାଟାରି ନିଚାନା ଏଲେଇଚେରି, “ନାମାମାନି ଜୀହୁଦିଆଆତାରି ତଲୁ ଦାପି କିନାୟିମାନେ, ଅଡ଼େ ମସାତି ଫେରା ମାନୁ଼ି ଆୟାଲି ଏଞ୍ଜାରାଇଁ ହୁକୁମି ହୀନାୟି ମାନେ ।”

୬ ତାୟୁ ଇ କାତା, କାତା ଆହାଲିତାକି ପାଣ୍ଡୁ଼ି ଆଡ଼ାରି ଅଡ଼େ ପ୍ରାଚିନାଙ୍ଗା ରୁଣ୍ଡା ଆଡ଼େରି । ୭ \*ହାରେକା ଜଲକି ଆଡ଼ି ତାୟୁ ପିତର ନିଙ୍ଗାନା ଏଞ୍ଜାରାଇଁ ଏଲେଇଚେସି, “ତାୟିୟାଁ ଅଡ଼େ ତାଜିସ୍ତା ମୀରୁ ପୁଞ୍ଜାମାଞ୍ଜେରି, ନା ଗୁତିଟି ଜୀହୁଦିଆଆତାରି ନେହଁ କାରୁ ଖେଞ୍ଜାନା ନାମାପେରିଖା ଇଞ୍ଜାଁ ହାରେକା ଦିନା ନଚେଏ ମାହାପୁରୁ ନାଙ୍ଗେ ଆଚାମାଞ୍ଜାଚେସି । ୮ \*ବାରେ ଲକୁତି ହିୟାଁ ପୁନି ମାହାପୁରୁ ମାଙ୍ଗେ ଏନିକଁ ସୁଦୁଜୀଞ୍ଜୁ ହୀହାମାଞ୍ଜାନେସି,

\* ୧୫:୨ ୧୫:୭ କାମା ୧୦:୧-୪୩      \* ୧୫:୮ ୧୫:୮ କାମା ୧୦:୪୪; ୨:୪

ଜୀହ୍ୱଦିଆଆତି ଲକ୍ଷ୍ମି ଜିକେଏ  
 ଏଲେକିହିଁ ହୀହାନା ଏଞ୍ଜାରି ତାକି  
 ସାକି ହୀହାନାନେସି । ୯ ଅଡ଼େ ଏଞ୍ଜାସି,  
 ମା ବିତ୍ରା ଅଡ଼େ ଏଞ୍ଜାରି ବିତ୍ରା ଏନି  
 ପାରଡ଼ା ବାଟି କିହାମାଞ୍ଜଅସି; ଇଞ୍ଜା  
 ନାମୁତଲେ ଏଞ୍ଜାସି ଏଞ୍ଜାରି ହିୟାଁ ସୁଦୁ  
 କିହାମାନେସି । ୧୦ ଇଦାଆଁତାକି ଆମିନି  
 ଜୁଞ୍ଜେଡ଼ି ମା ଆକୁ ଆବାୟାଁ ଅଡ଼େ ମାର  
 ଡେକାଲି ଆଡ଼ାଆତାୟି, ଏ ଜୁଞ୍ଜେଡ଼ି  
 ସୀସୁୟାଁ ବମିତା ଏକହାନା ମାରୁ  
 ଏନାଆଁତାକି ମାହାପୁରୁଇଁ ତାୟିପାରି  
 କିହିମାଞ୍ଜେରି ? ୧୧ ଇଦି ନେହେଁ  
 ଆଏ, ସାମା ଏଞ୍ଜାରି ଏନିକିହିଁ ନାମାହାଁ  
 ଗେଲପି ଆହାମାନେରି ମାର ଜିକେଏ  
 ଏଲେକିହିଁଏ ନାମାହାଁ ପ୍ରବୁ ଜୀସୁତି  
 କାର୍ମାମେହନାଣି ତଲେ ଗେଲପି  
 ଆହାମାନାୟି ।”

୧୨ ଏଚେଟିଏ ଏମ୍ବାଆଁ ରୁଣ୍ଡା  
 ଆହାମାଚାରି ବାରେ ଲକ୍ଷ୍ମି ପାଲେଏ  
 ଆଡ଼ତରି, ଇଞ୍ଜା ପାଞ୍ଜୁଲ ଅଡ଼େ ବର୍ନବା  
 ତାଣାଟି ଜୀହ୍ୱଦିଆଆତି ଲକ୍ଷ୍ମିତାଣା  
 ମାହାପୁରୁ ତାଣାଟି ଆହିମାନି ସିନାୟାଁ  
 ଅଡ଼େ କାବାଆନି କାମାୟାଁ କିହାଁ ମାଚେସି  
 ଏଞ୍ଜାଆଁ ଏଞ୍ଜାରି ତାଣାଟି ଖେଞ୍ଜାଲି  
 ମାଟୁହେରି । ୧୩ ଏଞ୍ଜାରି କାତା ରାଡ଼ି  
 ତାୟୁ ଜାକୁବ ନିଞ୍ଜାନା ଏଲେଇଚେସି;  
 “ତାୟିୟାଁ ଅଡ଼େ ତାଜିସ୍ତା, ନା କାତା  
 ଖେଞ୍ଜୁ, ୧୪ ମାହାପୁରୁ ତଲିଏ ତାନି  
 ଦରୁ ତାକି ଜୀହ୍ୱଦିଆଆତି ଲକ୍ଷ୍ମି  
 ବିତ୍ରାଟି ତାନି ଲକ୍ଷ୍ମି କିୟାଲି ଏଞ୍ଜାରାଇଁ  
 କାର୍ମାମେସାନା ଆଚାମାନେସି ଇଞ୍ଜୁ  
 ସିମନ ଖେସାମାଞ୍ଜାନେସି । ୧୫ ଅଡ଼େ,  
 ମାହାପୁରୁ ଅଣପୁତି ବଲୁ ଖେହନାରି  
 କାତାତଲେ ଆଣ୍ଡିମାନେ, ଏନିକିଁ ଦାର୍ମୁ  
 ସାସ୍ତେରିତା ରାସ୍ତକି ଆହାମାନେ ।”

୧୬ ପ୍ରବୁ ଏଲେଇଞ୍ଜି ମାନେସି,  
 “ତାୟୁ ନାନୁ ଖେଣ୍ଡା ଖାହାନା,  
 ଦାଞ୍ଜୁଦ ବାସାଚାୟୁ ଖେଣ୍ଡେ  
 ଗେଲପିଇଁ,  
 ଇଞ୍ଜା ଏମ୍ବାତି ବିଡ଼ହାମାନି କାତିୟାଁ  
 ବାରେ ଖେଣ୍ଡେ କେପାନା

ଆଟୁଞ୍ଜା କିଇଁ,  
 ୧୭ ଏନିକିଁ ତୟାମାଟି କୁଡ଼ାତି  
 ଲକ୍ଷ୍ମି ଅଡ଼େ ଏଚେକା  
 ଜୀହ୍ୱଦିଆଆତାରି ନା ଦରୁଟି  
 ଖେଞ୍ଜାମାନେରି,  
 ଏଞ୍ଜାରି ବାରେ ପ୍ରବୁଇଁ ପାରିନେରି,  
 ବାରେ ଗାଡ଼ିକିତି ପ୍ରବୁ ଏଲେ  
 ଇଞ୍ଜିମାନେସି ।

୧୮ ପ୍ରବୁ ଇ କାତା ଏଲେଇଞ୍ଜା ମାନେସି,  
 ଆମ୍ବାଆସି ତଲି କାଲାଟିଏ ଇ  
 କାତା ତସାମାନେସି ।”

୧୯ ଜାକୁବ ଅଡ଼େ ଜିକେଏ  
 ଏଲେଇଚେସି, “ନା ଅଣ୍ଡୁ ଇଦି,  
 ଜୀହ୍ୱଦିଆଆତି ଲକ୍ଷ୍ମି ବିତ୍ରାଟି ଆମ୍ବାଆରି  
 ମାହାପୁରୁ ଖାକି ଖେଣ୍ଡା ଖାନ୍ନେରି,  
 ଏଞ୍ଜାରାକି ମାର ବଜୁ ହାଆପ; ୨୦ ସାମା  
 ଏଞ୍ଜାରାକି ଇଲେକିଁ ଆକୁ ରାଚାନା  
 ଖେହନ, ପେଶକା ବମାୟାଁ ତାକି ପୂଜା  
 କିହାମାନି ଲାଗେଏତାଣି ତିନାଆଦୁ;  
 ଦାରିକାମାଟି ଏଟକା ଆଦୁ; ହେରକି  
 ଦାଆନା ପାୟିତି ଜନ୍ତୁତି ଉଞ୍ଜା ଅଡ଼େ  
 ନେତେରି ତିନାଆଦୁ । ୨୧ ଏନାଆଁତାକି  
 ଇତିହିଁ ତଲି କାଲାଟିଏ ବାରେ  
 ଗାଡ଼ାଣା ମସା ମେରାତି କାତା ଖେକନାରି  
 ମାନେରି, ଇଞ୍ଜା ବାରେ ଜମିନି ଦିନାତା  
 ଜୀହ୍ୱଦି ଲକ୍ଷ୍ମି କୁଟମି ଇଲକାଣା\*  
 ଏଞ୍ଜାଣି ମେରାତି କାତା ପଡ଼ଞ୍ଜି  
 ଆହିମାନେ ।”

ଜୀହ୍ୱଦିଆଆତି ନାମିତି ଲକ୍ଷ୍ମିତାକି  
 ଆକୁ

୨୨ ଏଚିବେଲ୍ଲା ପାଣ୍ଡୁଞ୍ଜି ଆହାମାନାରି  
 ଅଡ଼େ ପ୍ରାଟିନାଞ୍ଜା ବାରେ କୁଲମି ତଲେ  
 ତାନି ବିତ୍ରାଟି ଲକ୍ଷ୍ମିଇଁ, ଇତିହିଁ ତାୟିୟାଁ  
 ବିତ୍ରାଟି ମାନିଗାଟି ବର୍ସବା, ଦରୁଗାଟି  
 ଜୀହ୍ୱଦା ଇଞ୍ଜା ସିଲାଇଁ ଆଚାନା ପାଞ୍ଜୁଲ  
 ଅଡ଼େ ବର୍ନବା ତଲେ, ଆଡ଼ିୟକିୟାତା  
 ପାଣ୍ଡାଲି ତାରି କିତେରି । ୨୩ ନାମିତାରି  
 ତାଣାଟି ରାସ୍ତକି ଆହାମାନି ଆକୁ ଏ  
 ରିଆରି କେୟୁତା ପାଣ୍ଡୁତେରି

“ମାୟୁ ପାଣ୍ଡୁଞ୍ଜି ଆତାତମି ଅଡ଼େ  
 ପ୍ରାଟିନାଞ୍ଜା, ମା ତାୟିୟାଁତମି ମା

\* ୧୫:୨୧ ୧୫:୨୧ ସିନଗର

ବାରେ ଜୀହ୍ୱଦିଆଆତି ତାୟିୟା ଆମିନି  
 ଗାଟାରି ଆନ୍ତିୟକିୟା, ସିରିୟା ଅଡ଼େ  
 କିଲିକିୟାତା ମାନେରି ଏଞ୍ଜାରାକି ଜହରା  
 । ୨୪ ମାମ୍ନୁ ଝେଞ୍ଜାମାନମି, ମାମ୍ନୁ ଆମିନି  
 ଲକୁଇଁ ଏନି ହୁକୁମି ହୀହାହିଲଅମି,  
 ମା. ତାଣାଟି ଏଲେତି ଏରେକା ଲକୁ  
 ମୀ ତାଣା ଝାହାନା ତାମି କାତାତଲେ  
 ମୀ ମନଡି ଏଟକା କିହାନା କିଲିବିଲି  
 କିହାମାଞ୍ଜାନେରି; ୨୫ ଅଡ଼େ ମାମ୍ନୁ  
 ବାରେଜାଣା ରୁଣ୍ଡା ଆହାନା ରଣ୍ଡିଏ ହିୟା  
 ତଲେ ଏଚରଜାଣାଟି ଆଚାନା ମୀ ତାଣା  
 ପାଣ୍ଡାଲି ତୀରି କିହାମାନମି, ଏଞ୍ଜାରି ମା  
 ଜୀଞ୍ଜୁତି ତଟେ ବର୍ନବା ଅଡ଼େ ପାଞ୍ଜୁଲ  
 ତଲେ ହାନେରି । ୨୬ ଏଞ୍ଜାରି ଇଲେତି  
 ମାଣ୍ଡସିୟା ମା ପ୍ରବୁ ଜୀସୁ କ୍ରୀସୁ ଦରୁ  
 ତାକି ଜୀଞ୍ଜୁ ତୁସାନା କାମା କିହାମାନେରି  
 । ୨୭ ଏଦାଆଁତାକି ମାମ୍ନୁ ଜୀହ୍ୱଦା ଅଡ଼େ  
 ସିଲାଇଁ ମୀ ତାଣା ପାଣ୍ଡିମାଞ୍ଜାନମି ।  
 ମାମ୍ନୁ ଏନାଆଁ ରାଟାମାନମି, ଏଞ୍ଜାରି  
 ମିଙ୍ଗେ ଝେସ୍ତାନେରି । ୨୮ ଏଚରଗଟା  
 ଲଡ଼ାମାନି ମୋରା ପିସପେ ମୀ ଲାକ  
 ଅଡ଼େ ଏନି ବକୁ ହେରପାଲି ମାମ୍ନୁ  
 ସୁଦୁଜୀଞ୍ଜୁଟି ହୁକୁମି ବେଟାଆହାମାନମି  
 । ୨୯ ଏ ମୋରାୟା ଆହିମାନୁ, ପେଣକା  
 ବମାୟାକି ହେରପିଆହାମାନି ରାନ୍ଦା  
 ତିନାଆଦୁ, ନେତେରି ତିନାଆଦୁ, ହେରକି  
 ଦାଆନା ପାୟୁଞ୍ଜି ଆହାମାନି ଜନ୍ତୁତି  
 ଉଙ୍ଗା ତିନାଆଦୁ, ଦାରି କିଆଦୁ, ଇ  
 ବାରେ କାମାଟି ହେକ ଆହାଲି ଜାଗ୍ରାତା  
 ମାଟିହୁଁ ମିଙ୍ଗେ ନେହେଁ ଆନେ ।  
 ନେହୁଁ କୁଁ ମାଞ୍ଜୁ ।”

୩୦ ଏଚେଟିଏ କାରୁ ଅନାରାଇଁ  
 ପାଣ୍ଡାଲିଏ ଆନ୍ତିୟକିୟାତା ହାଚେରି,  
 ଇଞ୍ଜା ବାରେ ନାମିତାରାଇଁ ରୁଣ୍ଡି  
 କିହାନା ଏ ଆକୁ ହୀତେରି ।  
 ୩୧ ଏ ଲକୁ ବାରେ ଏଦାଆଁ ପଡ଼ଞ୍ଜି  
 ଆହାନା ବାର୍ସୁ ବେଟାଆହାନା ରାହାଁ  
 ଆଡ଼େରି । ୩୨ ଜୀହ୍ୱଦା ଅଡ଼େ ସିଲା  
 ତାମ୍ନୁ ଜିକେଏ ମାହାପୁରୁ ଅଣପୁତି  
 ବକୁ ଝେହନାରି ମାତାକି ହାରେକା

କାତାତଲେ ତାୟିୟାଇଁ ବାର୍ସୁ ହୀହାନା  
 ସୁସ୍ତି କିତେରି । ୩୩ ଅଡ଼େ, ଏଞ୍ଜାରି ଏମ୍ବାଆଁ  
 ଏଚରଦିନା ମାଟି ତାୟୁ ଏଞ୍ଜାରାଇଁ  
 ପାଣ୍ଡାମାଟି ଲକୁତାଣା ଝେଣ୍ଡାହାଜାଲି  
 ତାୟିୟା ତାଣାଟି ହେଲ ବେଟାଆହାନା  
 ହିଡ଼ଡ଼ି ଜୀଞ୍ଜୁତଲେ ଝେଣ୍ଡା ହାଚେରି ।  
 ୩୪ ସାମା ସିଲା ଏମ୍ବାଆଁ ତୟାଲି ତୀରି  
 କିହାମାଚେସି† ।

୩୫ ପାଞ୍ଜୁଲ ଅଡ଼େ ବର୍ନବା  
 ଆନ୍ତିୟକିୟାତା ମାଞ୍ଜାନା ଏଟକାଟି  
 ଏଚେକା ଲକୁତାଣା ଜିକେଏ ପ୍ରବୁତି  
 ନେହୁଁ ବକୁ ଜାପୁହାନା ଝେକହାଲି  
 ମାଟୁହେରି ।

ପାଞ୍ଜୁଲ ଅଡ଼େ ବର୍ନବା ଏଟକା  
 ଆନାୟି

୩୬ ଏଚରଦିନା ହାଜାଲିଏ ପାଞ୍ଜୁଲ  
 ବର୍ନବାଇଁ ଏଲେଇଚେସି, “ଞ୍ଜାମ୍ନୁ, ମାର  
 ପ୍ରବୁତି ବକୁ ଝେକହାମାନି ବାରେ  
 ଗାଡ଼ାୟାଣା ଝେଣ୍ଡା ହାଜାନା, ତାୟିୟା  
 ନୀଏଁ ଏନିଆହୁଁ ମାନେରି ଇଞ୍ଜୁ  
 ବେଟିହାନ ।” ୩୭ ଏଚେଟିଏ ଜହନ ଇନି  
 ମାର୍କଇଁ ଜିକେଏ ତାମିତଲେ ଅୟାଲି  
 ବର୍ନବା ଅଣ୍ଡପିମାଚେସି । ୩୮ ସାମା  
 ଏଞ୍ଜାସି ଏଞ୍ଜାରାଇଁ ପିସାନା ପଂପୁଲିୟାଟି  
 ଝେଣ୍ଡାହାଚାସି ଅଡ଼େ କାମା ରାନି  
 ପାତେକା ଏଞ୍ଜାରିତଲେ ମାନାଆତାକି  
 ତାମିତଲେ ଅୟାଲି ପାଞ୍ଜୁଲ କୂତେସି  
 । ୩୯ ଏମ୍ବାଟିଏ ଏଞ୍ଜାରି ହାରେକା  
 ବାଦିବାଦା ଆୟାଲିଏ ତାମ୍ନୁ ଏଟକା  
 ଆଡ଼େରି, ଇଞ୍ଜା ବର୍ନବା ଜହନ ମାର୍କଇଁ  
 ତାନିତଲେ ଅହୁଁ ଜାକାତା ହଟାନା  
 କୁପ୍ରତା ହାଚେରି, ୪୦ ସାମା ପାଞ୍ଜୁଲ  
 ସିଲାଇଁ ଆଚାନା ତାୟିୟା ତାଣାଟି  
 ପ୍ରବୁତି କାର୍ମାତଲେ ହେରପି ଆହାନା  
 ହାଚେରି, ୪୧ ଅଡ଼େ ଏଞ୍ଜାସି ସିରିୟା ଅଡ଼େ  
 କିଲିକିୟାଟି ହାଜାହାଁ ବାରେ କୁଲମିକାଣି  
 ନାମୁତା ଆଟୁଞ୍ଜା କିତେସି ।



ପାଞ୍ଜୁଲ ଅଡ଼େ ସିଲା ତଲେ ତିମତି

† ୧୫:୩୪ ୧୫:୩୪ ଇ କାତା ପୁଃଈ ପତିତା ହିଲେଏ ।

☆ ୧୫:୩୮ ୧୫:୩୮ କାମା ୧୩:୧୩

ହାନାୟି

<sup>୧</sup> ତାୟୁ ପାଞ୍ଚୁଲ ଦବ<sup>୮</sup> ଅଡ଼େ ଲୁସ୍ତାତା ହାରେସି, ଏମ୍ବାଆଁ ତିମତି ଦରୁଗାଗାସି ର ସାସୁ ମାରେସି, ଏଞ୍ଜାସି ର ନାମିତି ଜୀହୁଦି କ୍ରାସ୍ତାନା ଇୟାନି ମୀରଏସି ମାରେସି, ସାମା ତାମି ଆବା ର ଗ୍ରିକ୍ ଲକୁ । <sup>୨</sup> ଲୁସ୍ତା ଅଡ଼େ ଇକନିୟତା ମାନି ବାରେ ନାମିତି ତାୟିୟାଁ ଏଞ୍ଜାଣାଇଁ ନେହାଁସି ଇଞ୍ଜିଁ ଏଲେଇଚେରି । <sup>୩</sup> ପାଞ୍ଚୁଲ ତାନିତଲେ ତିମତିଇଁ ଅହାଲି ଅଣ୍ପିତେସି, ଅଡ଼େ ଏ ନାସକାଣାଁ ମାନି ଜୀହୁଦି ଲକୁତାକି ଏଞ୍ଜାଣି ତଲୁ ଦାପିକିତେସି; ଇଚିହ<sup>୯</sup> ତାମି ଆବା ଗ୍ରିକ୍ ଲକୁ ଇଞ୍ଜିଁ ବାରେ ପୁଞ୍ଜାମାଚେରି । <sup>୪</sup> ଇଞ୍ଜାଁ ଏଞ୍ଜାରି ଗାଡ଼ାୟାଁଟି ହାଜି ହାଜିହ<sup>୧୦</sup> ଜିରୁସାଲମତି ପାଣ୍ଡୁଞ୍ଜି ଆଡାରି ଅଡ଼େ ପ୍ରାଚିନାଙ୍ଗା ତାଣାଟି କିଞ୍ଜି ଆହାମାନି ମେରା ମାନୁଞ୍ଜି ଆହାଲି ଏଞ୍ଜାରିତାଣା ହେରପି ମାରେସି । <sup>୫</sup> ଏଲେକିହ<sup>୧୧</sup> କୁଲମିକା ବାରେ ନାମୁତା ଆଟୁଞ୍ଜା ଆହାନା ଦିନାତାକି ଦିନା ପାଡା ଆଡୁ ।

ତ୍ରୟାତା ପାଞ୍ଚୁଲ ହାପାନା ହେଶନାୟି

<sup>୬</sup> ଏଞ୍ଜାରି ଆସିୟାତା ମାହାପୁରୁ କାତା ଖେସାଲି ସୁବୁଜୀଞ୍ଜୁ କାହି କିୟାଲିଏ, ଏଞ୍ଜାରି ପୁଗ<sup>୧୨</sup>ୟା ଅଡ଼େ ଗାଲାତିୟ ରାଜି ମାଦିଟି ରେଜିହ<sup>୧୩</sup> ହାଚେରି । <sup>୭</sup> ଅଡ଼େ, ଏଞ୍ଜାରି ମୁସିଆ ରାଜି ତାଗେ ଏଗାହାଜାନା ବେତନିୟାତା ହାଜାଲିତାକି ଅଣ୍ପିତେରି, ସାମା ଜୀସୁତି ଜୀଞ୍ଜୁ ଏଞ୍ଜାରିଇଁ ହାଜାଲି ହେଲ ହୁଆଡେ । <sup>୮</sup> ଏଞ୍ଜାରି ମୁସିଆ ମାଦିଟି ହାଜାନା ତ୍ରୟାତା ଖାଡ଼େରି । <sup>୯</sup> ଅଡ଼େ ଲାଆଁ ବେଲାତା ପାଞ୍ଚୁଲ ର ସେୟାଣା ହାପାନା ହେଚେସି, ମାକିଦନିୟାତି ର ଲକୁ ନିତାନା ଏଞ୍ଜାଣାଇଁ ବାଡିମାଲିହ<sup>୧୪</sup> ଏଲେଇଚେସି, “ମାଙ୍ଗେ ସାୟେମି କିୟାଲି ମାକିଦନିୟାତା ଗାଣ୍ଡା ଖାମୁ ।” <sup>୧୦</sup> ଏଞ୍ଜାସି ସେୟାଣା ହାପାନାତା ମେସାଲିଏ ମାମ୍ବୁ ଦେବୁଣିଏ

ମାକିଦନିୟାତା ହାଜାଲି ତିୟାରା ଆଡ଼ମି, ଇଚିହ<sup>୧୫</sup> ଏଞ୍ଜାରିତାଣା ନେହ<sup>୧୬</sup> କାବୁ ଖେସାଲି ତାକି ମାହାପୁରୁ ମାଙ୍ଗେ ହାଡ଼ାମାଞ୍ଜାନେସି ଇଞ୍ଜିଁ ମାମ୍ବୁ ପୁଚମି ।

ଲୁଦିୟା ମନ ଖେଟନାୟି

<sup>୧୧</sup> ଏଚେଟିଏ ମାମ୍ବୁ ତ୍ରୟାତି ଜାଜାତା ହଚାନା ତିୟିତି ଜିରୁଚି ହାଜାନା ସାମତାକିତା ଅଡ଼େ ଅର ନେରୁ ନୟାପଲିତା ଏଗାହାଚମି । <sup>୧୨</sup> ଏମ୍ବାଟିଏ ପିଲିପିତା ହାଚମି, ଇଦି ମାକିଦନିୟା ଜିଲାତି ର କାଜା ଗାଡ଼ା, ଇଞ୍ଜା ରମ୍ ଦେସାତାରି ତ୍ରୟିନି ଟାୟୁ ମାଚେ; ଏ ଗାଡ଼ାତା ମାମ୍ବୁ ଏଚରଦିନା ମାଚମି । <sup>୧୩</sup> ଜମିନି ଦିନାତା ମାମ୍ବୁ ଗାଡ଼ାଟି ହଚାନା କାତା ତାଗେ ହାଚମି, ଏମ୍ବାଆଁ ପ୍ରାତାନା କିନି ଟାୟୁ ମାନେ ଇଞ୍ଜିଁ ଅଣ୍ପାପାଚମି, ଅଡ଼େ ମାମ୍ବୁ କୁଗାନା ରୁଣ୍ଡା ଆହାମାଟି ଇୟସିକା ତଲେ କାତା ଆଡ଼ମି । <sup>୧୪</sup> ଅଡ଼େ, ତ୍ରୟାତିରା ଗାଡ଼ାଟି ହେୟାଁ ଖାଣା ହିମ୍ବୁରିକା ପାରନି ଲୁଦିୟା ଦରୁଗାଟି ର ଇୟା ମା କାତା ଖେଞ୍ଜିମାଚେ, ଏଦି ମାହାପୁରୁ ସେବା କିନାୟି, ଏଦି ଏନିକ<sup>୧୫</sup> ପାଞ୍ଚୁଲତି କାତାଟି ମନ ହାନେ ଏଦାଆଁତାକି ପ୍ରବୁ ଏଦାନି ହିୟାଁ ଦେଚାମାଚେସି । <sup>୧୬</sup> ଅଡ଼େ ଏଦି ଇଞ୍ଜାଁ ତାମି କୁଚମି ବାପ୍ରିସ୍ତା\* ଅଡ଼ି ତାୟୁ ମାଙ୍ଗେ ବାଡିମାଲିହ<sup>୧୭</sup> ଏଲେଇଞ୍ଜାଡେ, “ମୀରୁ ନାଙ୍ଗେ ପ୍ରବୁ ତାଣା ନାମୁଗାଗାୟି ଇଞ୍ଜିଁ ଅଣ୍ପିପାଚିହ<sup>୧୮</sup>, ନା ଇଜ ଖାହାନା ବାସା ଆଦୁ,” ଇଞ୍ଜିଁ ବାଲାମାଚମି କିହାଁ ହାଡ଼ା ଅୟାଡେ ।

ପିଲିପିତି କାୟିଦି ଇଲୁତା ପାଞ୍ଚୁଲ ଅଡ଼େ ସିଲା

<sup>୧୯</sup> ର ଦିନା ମାମ୍ବୁ ପ୍ରାତାନା ଟାୟୁତା ହାନିବେଲାତା ର ହଚେଲଣି ପଦାଇଁ ବେଟାଆଡ଼ମି ଏଦି ପଲୁଆ ପେନୁ ଆଲୁଗାନା ତାୟୁ ଆନି କାତାୟାଁ ଖେସାଲି ଆଡ଼ିମାଚେ । ତାୟୁ ଆନି କାତାୟାଁ ଖେସାନା ତାନି ସାଞ୍ଜୁକାରିକି ହାଚେକା

\* ୧୭:୧୫ ୧୭:୧୫ମୁଞ୍ଜିନାୟି

ତାବୁୟାଁ କୁଡ଼ି କିହିମାରେ । ୧୭ ଏହି ପାଞ୍ଜୁଲ ଅଡ଼େ ମା ଜେତ ଜେତ ଖାହାନା କିରଡ଼ିହି ଏଲେଇଞ୍ଜାଲି ମାଚ୍‌ହେ, “ଇଲକୁ ବାରେକିହାଁ କାଜା ମାହାପୁରୁତି ହଲ୍ଲିୟାଙ୍ଗା, ଏଞ୍ଜାରି ମିଙ୍ଗେ ଗେଲ୍‌ପିଆନ୍ତି ଜିରୁତି ଝେକହି ମାଞ୍ଜାନେରି ।” ୧୮ ଏହି ହାରେକା ଦିନା ପାତେକା ଏଲେକିୟାତେ, ସାମା ପାଞ୍ଜୁଲ କପା ଆହାନା ଝେଣ୍ଡେ ସିନକିହାନା ଏ ବୁଡୁଇଁ ଏଲେଇରେସି, “ଏଦାନି ତାଣାଟି ହଚା ହାଜାଲି ନାନୁ ନିଙ୍ଗେ ଜୀସୁ କ୍ରୀସୁ ଦରୁତଲେ ହୁକୁମି ହାହିମାଞ୍ଜାଇଁ,” ଏ ଦେବୁଣିଏ ଏହି ହଚାହାରେ । ୧୯ ସାମା ଏଦାନି ସାଞ୍ଜୁକାରିୟାଁ ତାନି ଲାଚା ପାଣ୍ଡି ଆସା ହାରେ, ଇଞ୍ଜା ପୁଞ୍ଜାନା ପାଞ୍ଜୁଲ ଅଡ଼େ ସିଲାଇଁ ଦସାନା ବେରଣିମାଣ୍ଡାତା ସାଲ୍‌ଝି କିନାରି ତାଣା ରେଜା ଅଡ଼େରି । ୨୦ ଅଡ଼େ, ଏଞ୍ଜାରି ରମିୟ ସାଲ୍‌ଝି କିନାରି ତାଣା ତାତାନା ଏଲେଇରେରି, “ଇଞ୍ଜାରି ଜୀହୁଦି ଲକୁ ମା ଗାଡ଼ାତା ଗଡ଼ହା କିହିମାନେରି । ୨୧ ମାର ରମିୟ ଲକୁତି ମେରା ପାଣାପାଚୁ ଆବାଲି କି ମାନଝି ଆହାଲି ମେରା ହିଲେଏ, ଏଦାଆଁ ଇଞ୍ଜାରି ଝେସିମାନେରି ।” ୨୨ ଏମ୍ବାଟିଏ ବାରେ ଲକୁ ପାଞ୍ଜୁଲ ଅଡ଼େ ସିଲା କପାଟି ନିଙ୍ଗିତେରି । ଅଡ଼େ ନୀହାଁୟି କିନାରି ପାଞ୍ଜୁଲ ଅଡ଼େ ସିଲା ହିମ୍ବୁରିକା ହୁକ୍‌ହାନା ଏଞ୍ଜାରାଇଁ ବାଡ଼ଗା ତଲେ ଝେଚାଲି ହୁକୁମି ହୀତେରି । ୨୩ ଏଞ୍ଜାରି ଏଞ୍ଜାରାଇଁ ହାରେକା ଝେତି ତାୟୁ କାୟିଦି ଇଲୁତା ଇଟିତେରି, ଇଞ୍ଜା ଏଞ୍ଜାରାଇଁ ଜାଗ୍ରାତା କିହିଁ କାପୁ କାଚାଲି କାୟିଦି ଇଲୁତି କାଃଆନାଣାଇଁ ହୁକୁମି ହୀତେରି । ୨୪ କାୟିଦି କାଃଆନାସି ଇଲେତି ହୁକୁମି ବେଟାଆହାନା ଏଞ୍ଜାରାଇଁ କାୟିଦି ଇଲୁତି ବାରେକିହାଁ ବିତ୍ରାତି ବାକ୍ରାତା ମେଡ଼ହାନା ଏଞ୍ଜାରି କତାଣା ବଜୁଗାଟି ମାରନ୍ତୁ କୁଡ଼ଲିକା ଦସା ପିସ୍ତେସି ।

୨୫ ସାମା ମାଦି ଲାଆଁୟାଁ ପାଞ୍ଜୁଲ ଅଡ଼େ ସିଲା ମାହାପୁରୁ ତାଣା ପ୍ରାତାନା ଅଡ଼େ ଜହରା ପାରୁ ପାଟିମାରେରି,

ଇଞ୍ଜା ଏଞ୍ଜାରିତଲେ କାୟିଦି ଇଲୁତା ମାଚାରି ବାରେ ଝେଞ୍ଜିମାରେରି । ୨୬ ଏଟିବେଲାତା ଦେବୁଣିଏ ବୁମି ଝୀତିତେ, ଇଞ୍ଜା କାୟିଦି ଇଲୁତି ପୁନାଦି ଜିକେଏ ଝୀତାଲିଏ ବାରେ ଦୁଝେରିକା ଦେପି ଆହାହାରୁ, ଇଞ୍ଜା ବାରେଜାଣାଟି ଦସାମାଟି ହିକ୍‌ଣିୟାଁ ହୁଙ୍ଗାହାରୁ । ୨୭ ଏଚେଟିଏ କାୟିଦି ଇଲୁ କାଃଆନାସି ଇଦାଟି ନିଙ୍ଗାନା, ଦାରାୟାଁ ଦେପିଆହାମାନାଣି ମେସାନା, କାୟିଦିତାରି ହଣ୍ଡି ଆଡେରି ଇଞ୍ଜା ଅଣ୍ଡିପାନା, କାଣ୍ଡା ହପ୍‌ହାନା ଗୁକ୍‌ହା କଡ଼ିମାରେସି । ୨୮ ସାମା ପାଞ୍ଜୁଲ କାଜା ଗିୟାଁତଲେ ହାଚାନା ଏଲେଇରେସି, “ନୀନୁ ନିଙ୍ଗେ ନାସା କିହା କତାଆନି, ଏନାଆଁତାକି ଇଟିହିଁ ମାୟୁ ବାରେତମି ଇମ୍ବାଆଁ ମାନମି ।”

୨୯ କାୟିଦି ଇଲୁ କାଃଆନାସି ଦୀଝି ତାଚାଲି ଏଲେଇରେସି, ତବେ ବିତ୍ରା ହାରେସି ଇଞ୍ଜା ତୀରୁଟି ତୀରୁଟିହିଁ ପାଞ୍ଜୁଲ ଅଡ଼େ ସିଲା କତାୟାଁ ତୁଇ ରୀତେସି । ୩୦ ଅଡ଼େ ଏଞ୍ଜାରାଇଁ ପାଙ୍ଗାତା ତାତାନା ଏଲେଇରେସି, “ବାବୁୟାଁ ଗେଲ୍‌ପିଆୟାଲି ନାନୁ ଏନାଆଁ କିଇଁ?”

୩୧ ଏଞ୍ଜାରି ଏଲେଇରେରି, “ପ୍ରବୁ ଜୀସୁ ତାଣା ନାମାଦୁ, ଆତିହିଁ ନୀନୁ ଅଡ଼େ ନୀ ଇଲୁ କୁଟମି ବାରେ ଗେଲ୍‌ପି ଆଦେରି ।” ୩୨ ତାୟୁ ଏଞ୍ଜାରି ଏଞ୍ଜାଣାଇଁ ଅଡ଼େ ଏଞ୍ଜାଣି ଇଜ ମାଟି ବାରେ ଲକୁଣି ମାହାପୁରୁତି ବଲୁ ଝେସ୍ତେରି । ୩୩ ଅଡ଼େ, ଏ କାୟିଦି ଇଲୁ କାଃଆନାସି ଏଞ୍ଜାରାଇଁ ଏ ଲାଆଁୟାଁ ବେଲାତା ଅହାନା ଏଞ୍ଜାରି ଗାହାଁୟାଁ ନରହେସି, ଇଞ୍ଜା ଏଞ୍ଜାସି ଅଡ଼େ ଏଞ୍ଜାଣି ଇଲୁ କୁଟମି ବାରେ ଏ ଦେବୁଣିଏ ବାପ୍ରିସ୍ତାଁ ଅଡ଼େରି । ୩୪ ଏଚେଟିଏ ଏଞ୍ଜାସି ଏଞ୍ଜାରାଇଁ ତାନି ଇଜ ଅହାନା ତିଞ୍ଜାଲି ରାନ୍ଦା ବାଟିକିହାଁ ହୀତେସି, ଅଡ଼େ ବାରେ କୁଟମି ମାହାପୁରୁ ତାଣା ନାମାନା ହାରେକା ରାହାଁ ଆଡ଼େରି ।

୩୫ ଲାଇଁ ଝେୟାଲିଏ ରମିୟ ଲକୁତି କାଜାରି ରିଜାରି କସ୍‌କାଣି

† ୧୭:୩୩ ୧୭:୩୩ମୁଞ୍ଜିନାୟି



ଇଲେଇଞ୍ଜିଁ ଝେସା ପାଣ୍ଡିତେରି, “ଏ ଲକୁଣି ପିସାଡୁହୁଦୁ ।”

୩୬ ଏଚେଟିଏ କାୟିଦି ଇଲୁ କାଃଆନାସି ପାଞ୍ଜୁଲଇଁ ଇ କାତା ଝେସେସି, “ନୀହାଁୟି କିନାରି ନିଙ୍ଗେ ଅଡେ ସିଲାଇଁ ପିସାଲି କାବୁ ପାଣ୍ଡା ମାଞ୍ଜାନେରି, ଇଞ୍ଜା ନୀଏଁ ହଡ଼ାଞ୍ଜାହାନା ହିଡ଼ଡ଼ି ତଲେ ହାଡୁ ।”

୩୭ ସାମା ପାଞ୍ଜୁଲ କସକାଣି ଏଲେଇଚେସି, “ମାମ୍ବୁ ରୁମିୟ ଡେସାତି ଲକୁଡମି, ମାଙ୍ଗେ ନୀହାଁୟି କିଆନା ଝେତାତି ତାୟୁ କାୟିଦି ଇଲୁତା ସୁଣ୍ଡାତେରି, ଅଡେ ନୀଏଁ ଡକୁହାନା ପିସିମାଞ୍ଜାନେରି, ଏଦି ମିଣ୍ଡଏ, ସାମା ଏଞ୍ଜାରି ତାମ୍ବୁସୁ ଞ୍ଜାହାନା ମାଙ୍ଗେ ପାଙ୍ଗାତା ଅୟାପେରି ।”

୩୮ ଏଚେଟିଏ କସକା ହାଜାନା ନୀହାଁୟି କିନାରାଇଁ ବାରେ କାତା ଝେସେରି, ଇଞ୍ଜା ଇଞ୍ଜାରି ରମିୟ ଲକୁ ଇଞ୍ଜିଁ ପୁଞ୍ଜାନା ଆଜିତେରି, ୩୯ ଏମ୍ବାଟିଏ ଏଞ୍ଜାରି ଞ୍ଜାହାନା ମାମ୍ବୁ ପୁନାଆନା ଏଲେକିଡମି ଇଞ୍ଜିଁ ବାତିମାଲିହୁଁ ଏଞ୍ଜାରାଇଁ ପାଙ୍ଗାତା ହପୁହା ତାଚାନା, ଗାଡ଼ା ପିସାନା ହାଜାଲି ବାତିମାଲିତେରି । ୪୦ ଏଚେଟିଏ ପାଞ୍ଜୁଲ ଅଡେ ସିଲା କାୟିଦି ଇଲୁଟି ହଡ଼ାନା ଲୁଦିୟା ଇଜ ହାଚେରି, ଅଡେ ତାୟିୟାଁ ତଲେ ଆଣ୍ଡାନା ଏଞ୍ଜାରାଇଁ ବାର୍ସୁ ହୀହାନା ହାଜାଡୁସେରି ।

### ୧୭

ତେସଲନିକିତା କାମା

୧ ତାୟୁ ଏଞ୍ଜାରି ଆପିପଲି ଅଡେ ଆପଲନିୟା ହୀହାନା ତେସଲନିକିତା ଞ୍ଜାଡେରି; ଏମ୍ବାଆଁ ଜୀହୁଦି ଲକୁତି ର ଜୀହୁଦି ଲକୁତି କୁଚମି ଇଲୁ\* ମାତେ । ୨ ଅଡେ, ପାଞ୍ଜୁଲ ତାନି ମେରା ଲେହେଁ ଜୀହୁଦି ଲକୁତି କୁଚମି ଇଲୁତା† ହାଚେସି, ଇଞ୍ଜା ତାନିଗଟା ଜମିନି ଦିନା ପାତେକା ଦାମ୍ବୁ ପତିତି କାତା ଆସାନା ଲକୁତଲେ ଜଲ୍ଲକି ଆଡେସି, ୩ ଦାମ୍ବୁ ସାଢେସି ତେଲ୍ଲହି କିହାନା ଏ କାତା

ଇଦି ଇଞ୍ଜିଁ ଇଚେସି, ମସିହା ସାସି ପାଣ୍ଡନାୟି ଅଡେ ହାକିଟି ନିଙ୍ଗିନାୟି ଲଡ଼ାମାନେ । ପାଞ୍ଜୁଲ ଏଲେଇଚେସି, “ଆମିନି ଜୀସୁତି କାତା ଝେସିମାଞ୍ଜାଇଁ, ଏଞ୍ଜାସି ଏ ମସିହା ।” ୪ ଏମ୍ବାଟିଏ ଏଞ୍ଜାରି ବିଡ୍ରାଟି ଏଚରଜାଣା ନାମାହାଁ ପାଞ୍ଜୁଲ ଅଡେ ସିଲା କାତାତା ଆଣ୍ଡିତେରି; ଅଡେ, ଜୀହୁଦି ଦାମ୍ବୁ ନାମାମାନି ଗ୍ରୀକ ଲକୁ ବିଡ୍ରାଟି ହାରେକା ଲକୁ ଅଡେ ମାନିଗାଟି ହାରେକା ଇୟାସିକା ବିଡ୍ରାଟି ଏଞ୍ଜାରିତଲେ ମାହାପୁରୁ ସେବାତା ଆଣ୍ଡିତୁ ।

୫ ସାମା ଜୀହୁଦିୟାଁ ତାହାରା ଆହାନା ଏଚେକା ଲାଗେଏତାରାଇଁ ପାଢେରିତା କୁଡ଼ି କିତେରି, ଇଞ୍ଜା ଲକୁଣି ମାୟା କିହାନା ଗାଡ଼ାତା ଗଡ଼ହା ହପୁହେରି, ଇଞ୍ଜା ପାଞ୍ଜୁଲ ଅଡେ ସିଲାଇଁ ସାଲ୍ଲଞ୍ଜି କିନାରି ନକିତା ହପୁହାତାଗାଲି ଏଞ୍ଜାରି ହାଜାନା ଜାସନ ଇଲୁଟି ମୁଗାନା ପାରିତେରି । ୬ ସାମା ଏଞ୍ଜାରାଇଁ ବେଟାଆଆଲିଏ ଏଞ୍ଜାରି ଜାସନ ଅଡେ ଏଚେକା ତାୟିୟାଁ ଗାଡ଼ାତି ସାଲ୍ଲଞ୍ଜି କିନାରି ନକିତା ରେଜା ତାଚାନା କାଜା ଗିୟାତଲେ କାଲ୍ଲଞ୍ଜି ଆହୁଁ ଏଲେଇଚେରି, “ଆମିନି ଲକୁ ଦାର୍ଡିତି ଇତାଲା ଆତାଲା କିହିମାନେରି, ଏଞ୍ଜାରି ଇମ୍ବାଆଁ ଜିକେଏ ଞ୍ଜାହାମାନେରି; ୭ ଜାସନ ଏଞ୍ଜାରାଇଁ ଆବାମାନେସି, ଜୀସୁ ଦରୁଗାଟି ଅଡେ ର ରାଜା ମାନେସି ଇଞ୍ଜିଁ ଝେସାନା ଇଞ୍ଜାରି ବାରେଜାଣା କାୟିସରତି ହୁକୁମିତି ମାନଞ୍ଜି କିହିହିଲଅରି ।” ୮ ଇ କାତା ଆସାନା ଲକୁ ଅଡେ ସାଲ୍ଲଞ୍ଜି କିନାରି ବିଡ୍ରା ହାରେକା କାର୍ବି ଆଡେତି ଅଡେ ଗଡ଼ହା ଆଡେ । ୯ ତାୟୁ ସାଲ୍ଲଞ୍ଜି କିନାରି ଜାସନ ଅଡେ ଏଚକା ଲକୁଣି ତାବୁୟାଁ ରାସାନା ଜାମ୍ଲି ତଲେ ଏଞ୍ଜାରାଇଁ ପିସେରି ।

ବେରିୟାତା କାମା

୧୦ ଅଡେ, ତାୟିୟାଁ ଝେଡ଼ାକିଆନା ପାଞ୍ଜୁଲ ଅଡେ ସିଲାଇଁ ଲାଆଁ ବେଲାତା ବେରିୟାତା ପାଣ୍ଡିତେରି; ଏଞ୍ଜାରି

\* ୧୭:୧ ୧୭:୧ ସିନଗର † ୧୭:୨ ୧୭:୨ ସିନଗର ‡ ୧୭:୧୦ ୧୭:୧୦ ସିନଗର

ଏମ୍ବାଆଁ ଏଜାନା ଜୀହୁଦି ଲକୁତି ଜୀହୁଦି ଲକୁତି କୁଟମି ଇଲୁତାଃ ହାଚେରି । ୧୧ ତେସଲନିକିତା ମାନି ଜୀହୁଦି ଲକୁ କିହାଁ ଇଝାରି ସାତାପାଣା ଗାଗାରି ମାଚେରି, ଇଝାରି ହାଚେରକା ରାହାଁତଲେ ମାହାପୁରୁ କାତା ଝେଚେରି, ଅଡ଼େ ପାଝୁଲ ଝେସ୍ତି କାତା ସାତା କି ଆଏ ଏଦାଆଁ ପୁଞ୍ଜାଲି ବାରେଦିନା ଦାମ୍ବୁ ପତି ପଡ଼ଝି ଆହିମାଚେରି । ୧୨ ଇଦାଆଁତାକି ଏଝାରି ବିତ୍ରାଟି ହାଚେରକା ଲକୁ ନାମିତେରି ଅଡ଼େ ଗ୍ରିକ୍ ଲକୁତି କାଜାରି ବିତ୍ରାଟି ହାଚେରକା ଇୟାସିକା ଅଡ଼େ ଆବାୟାଁ ଜିକେଏ ନାମିତେରି । ୧୩ ସାମା ଏଚିବେଲା ତେସଲନିକିତି ଜୀହୁଦିକ୍ଷା ପୁଚେରି, କି ବେରିୟାତା ଜିକେଏ ପାଝୁଲ ତାଣାଟି ମାହାପୁରୁତି ବଲୁ ଝେସ୍ତି ଆହିମାନେ, ଏଚିବେଲା ଏଝାରି ଏମ୍ବାଆଁ ଜିକେଏ ଝାହାନା ଲକୁ ମାନ୍ଦାତି ନିକ୍ହାନା ଗଡ଼ହା କିଝିକିତେରି । ୧୪ ଏଚେଟିଏ ତାୟିୟାଁ ଝେଡ଼ାକିଆନା ପାଝୁଲଇଁ ସାମ୍ବୁରି ଝାକି ହାଜାଲି ପାଣ୍ଡିତେରି; ଇଞ୍ଜାଁ ସିଲା ଅଡ଼େ ତିମତି ବେରିୟାତା ଡ଼ୟିତେରି । ୧୫ ସାମା ଆମ୍ବାଆରି ପାଝୁଲଇଁ ଇଚିହାଚାରି ଏଝାରି ଆତିନି ପାଚେକା ହାଚେରି, ଇଞ୍ଜାଁ ସିଲା ଅଡ଼େ ତିମତି ତବେ ନା ତାଣା ଝାଚେରି ଇଞ୍ଜାଁ ପାଝୁଲ ତାଣାଟି ହୁକୁମି ବେଟାଆହାନା ଏଝାରି ବେରିୟାତା ଝେଶ୍ଟେ ଝାଚେରି ।

ଆତିନିତା ପାଝୁଲତି ସେବା କାମା

୧୬ ଆତିନିତା ପାଝୁଲ, ସିଲା ଅଡ଼େ ତିମତିଇଁ କାଟିମାଚେସି, ଏଝାସି ଏ ଗାଡ଼ାତା ହାଚେରକା ପେଶ୍ଟକା ବମାୟାଁ ମାନାଣି ମେସାନା ତାନି ଜୀଝୁ ହାଚେରକା ଝାଡ଼ିତେ । ୧୭ ଏଦାଆଁତାକି ଏଝାସି ଜୀହୁଦି ଲକୁତି କୁଟମି ଇଲୁତାଃ ଜୀହୁଦି ଲକୁତଲେ ମାହାପୁରୁଇଁ ନାମାମାନି ଜୀହୁଦିଆଆତି ଲକୁତଲେ ଇ କାତା ବାରେଦିନା ଝେକ୍ହେସି । ଗାଡ଼ାତି ଜିରୁ ଗାଟାତା ହାଜି ଝାହିମାନି ଲକୁତଲେ ଏ କାତାତି ଝେସ୍ତିସି ।

୧୮ ଏଚେରଜାଣା ଏପିକୁରିୟା ଇଞ୍ଜାଁ ସ୍ତୟିକ୍ ଜାପ୍ତନି ଗୁରକା ତଲେ ଏଝାରି ରୁଜୁବାଡ଼ି ଆଚେ । ଏଝାରି ବିତ୍ରାଟି ଏଚେରଜାଣା ଏଲେଇଚେରି, “ଇ ବୁଦି ହିଲାଆ ହାଡ଼ାକାଣ୍ଡୁ ଏନାଆଁ ଝେସାଲି ଅଣ୍ଡିପିମାନେସି ?” ଅଡ଼େ ଏଚେରଜାଣା ଏଲେଇଚେରି, “ଏଝାସି ପୁନାଆତି ପେଶ୍ଟକାତି କାତା ଝେହ୍ନିଲେହେଁ ଝେସିମାନେସି;” ଇଚିହଁ ଏଝାସି ଜୀସୁ ଅଡ଼େ ତାନି ଝେଶ୍ଟେ ନିଜିତି କାତାତି ନେହଁ କାରୁ ଝେକ୍ହେ ମାଚେସି । ୧୯ ଏଦାଆଁତାକି ଏଝାରି ପାଝୁଲଇଁ ଆରିୟପାଗ ଗାଡ଼ାତି ବେରଣି ନକିତା ତାଚେରି, “ନୀନୁ ଆମିନି ପୁଝନି କାତା ଜାପ୍ତହିମାଞ୍ଜି ଏଦି ଏନାୟି ଇଞ୍ଜାଁ ମାମ୍ବୁ ପୁଞ୍ଜାଲି ଆତିନି କି ? ୨୦ ଇଚିହଁ ନୀନୁ ଏଚେକା କାବାଆନି କାତା ମାଜେ ଝେଶ୍ଟି କିହିମାଞ୍ଜାଦି; ଇ ବାରେ କାତା ଏନାୟି ଏଦାଆଁ ମାମ୍ବୁ ପୁଞ୍ଜାଲି ଅଣ୍ଡିପିମାନି ।” ୨୧ ଆତିନି ଗାଡ଼ାତି ଲକୁ ଅଡ଼େ ଏମ୍ବାଆଁ ବାସାଆହାମାନି ଏଚକା ଦେସାତି ଲକୁ ପୁଝନି କାତା ଝେସାଲି ଇଞ୍ଜାଁ ଝେଞ୍ଜାଲି ରାହାଁ ଆହିମାଚେରି । ଏମ୍ବାଆଁ ଏଝାରି ଦିନା ରାପ୍ତହି ମାଚେରି ।

୨୨ ଏଚେଟିଏ ପାଝୁଲ ଆରିୟପାଗତି ବେରଣି ମାଦିଏ ନିତାନା ଏଲେଇଚେସି, “ଏ ଆତିନିତି ଲକୁ, ମୀରୁ ବାରେ ଗାଡ଼ି ଦାମ୍ବୁଗାଟାଚେରି, ଇଞ୍ଜାଁ ହାଚେରକା ପେଶ୍ଟକାଣି ସେବା କିନାଚେରି, ଏଦାଆଁ ନୀନୁ ମେସିମାଇଁ । ୨୩ ଇଚିହଁ ନୀନୁ ମୀ ଗାଡ଼ାତି ହାଜିମାଚେସି, ଅଡ଼େ ମୀରୁ ପୂଜା କିନି ଟାୟୁତା ସିନିକିତେସି, ନୀନୁ ପୂଜା ପିଣ୍ଡାତା ମେସ୍ତେସି ଏମ୍ବାଆଁ ରାସ୍ତିକ ଆହାମାନେ, ‘ପୁନାଆତି ମାହାପୁରୁ ।’ ଆମିନିଗାଟାଣି ମୀରୁ ପୂଜା କିହିମାଞ୍ଜେରି, ଏଦାଆଁ ମୀରୁ ପୁଞ୍ଜାହିଲାଆତିହଁ ଜିକେଏ, ଏଦେଏ ନୀନୁ ମିଜେ ଝେସିମାଞ୍ଜାଇଁ । ୨୪ ଆମିନି ମାହାପୁରୁ ଦାର୍ତି ଅଡ଼େ ଏମ୍ବାଆଁ ମାନି ବାରେ ରାଡ଼ି କିହିମାନେସି, ଏଝାସି ଲାକପୁରୁ

ଅଡ଼େ ଦାର୍ତ୍ତିତ ପ୍ରବୁ ଆହାମାନାକି  
 ମାଣ୍ଠି କେୟୁଟି କେପିତି ଦେଖୁଡ଼ିତା  
 ବାସା କିଅସି । ୨୫ ଇତିହଂ ଏଞ୍ଜାଣାକି  
 ଏନାୟି ଲଡ଼ା ମାନାୟି ହିଲାଆକି ମାଣ୍ଠି  
 କେୟୁଟି ସେବା ଆଅସି, ଇତିହଂ ଏଞ୍ଜାସି  
 ତାନ୍ତୁଏ ବାରେତାକି ଜୀଞ୍ଜୁ, ନେଞ୍ଜାଲି  
 ଇଞ୍ଜା ବାରେ ଲଡ଼ାମାନାଣି ଇନେସି ।  
 ୨୬ ର ମାଣ୍ଠି ତାଣାଟି ଏଞ୍ଜାସି ବାରେ  
 ଲକୁ ବାକାଈ ରାଟି କିହାମାନେସି; ଇଞ୍ଜା  
 ଏଞ୍ଜାଣି ହୁକୁମି ତଲେ ଏଞ୍ଜାରି ଦାର୍ତ୍ତିତ  
 ବାରେଞ୍ଜାକି ବାସା କିହାମାନେରି ।  
 ଆମିନି ବେଲାତା, ଆମ୍ବାଆସି ଆମିନି  
 ତାଣା ବାସା କିନେସି, ମାହାପୁରୁ  
 ମୂଲୁଟିଏ ଏଦାଆଁ ତୀରି କିହାମାନେସି  
 । ୨୭ ମାହାପୁରୁଟି ଅଣପୁ ମାରେ,  
 ବାରେଜାଣା ଏନିକିହଂ ଏଞ୍ଜାଣାଈ  
 ପାରାନା ବେଟାଆନେରି । ସାମା  
 ମାହାପୁରୁ ଆମ୍ବାଆରି ତାଣାଟି ହେକ  
 ହିଲଅସି ।” ୨୮ ଏନିଇତିହଂ ରଅସି  
 ଖେସାମାନେସି,

“ଏଞ୍ଜାଣି ତାଣା ମାର ନୀତିନାୟି,  
 ତାକିନାୟି ଅଡ଼େ ଡ଼ୟିନାୟି ।  
 ଇଞ୍ଜା ମୀ ବିତ୍ରାଟି ଜିକେଏ ଏତରଜାଣା  
 ଖେସାମାନେରି,

ମାର ଜିକେଏ ଏଞ୍ଜାଣି ମୀରକା ମାସ୍କା  
 ।”

୨୯ “ଇତିହଂ ମାର ମାହାପୁରୁଟି ମୀରକା  
 ମାସ୍କା ଆତାକି ଇ ମାହାପୁରୁ ଲେହେଁ  
 ମାଣ୍ଠି ବୁଦି ଅଡ଼େ ଅଣପୁ ତଲେ  
 କେପିତି ବାଂଗାରା, ଖେଣ୍ଡି କି ଖାଲକାତି  
 ବମା ଲେହେଁ ଅଣପିନାୟି ଆଏ । ୩୦ ଲକୁ  
 ମାହାପୁରୁଈ ପୁଞ୍ଜା ହିଲାଆ ବେଲାତା  
 ଏଞ୍ଜାସି ଦହ ଆସା ହିଲାଆଡେସି, ସାମା  
 ନୀଏ ଏଞ୍ଜାସି ବାରେଜାଣାଟି ବାରେଞ୍ଜାକି  
 ତାମି ପାପୁ ଜିରୁଟି ଖେଣ୍ଡା ଖାହାଲି  
 ଖେସିମାନେସି । ୩୧ ଇତିହଂ ଆମିନି  
 ଦିନା ତାନ୍ତୁ ଆଡ଼ିତି ମାଣ୍ଠି ତାଣାଟି  
 ଦାମ୍ବୁତଲେ ଦାର୍ତ୍ତିତ ନାହାୟି କିନେସି,  
 ଇଲେତି ର ଦିନା ତୀରି କିହାମାନେସି,  
 ଇଞ୍ଜା ଇ ବାରେ ସାତା ଇଞ୍ଜା ତସାଲି  
 ଏଞ୍ଜାସି ଏଞ୍ଜାଣାଈ ହାଡ଼ାରି ତାଣାଟି  
 ନିକହାମାନେସି ।”

୩୨ ପାଞ୍ଜୁଲ ତାଣାଟି ହାଡ଼ାରି ଖେଣ୍ଡେ  
 ନିଜିନି କାତା ଖେଞ୍ଜାନା ଏତରଜାଣା  
 ଲାଜା କିଡେରି, ଅଡ଼େ ଏତରଜାଣା  
 ଏଲେଇଚେରି, “ମାଢେ ଅଡ଼େ ଖେଣ୍ଡେ  
 ଖେସ୍ତାମ୍, ନୀ ତାଣାଟି ଇ କାତା ଖେନମି  
 ।” ୩୩ ଏଚେଟିଏ ପାଞ୍ଜୁଲ ବେରଣିଟି  
 ହଡ଼ାହାଚେସି । ୩୪ ଏରିୟପାରିୟ  
 ଦିୟୁଦିୟ ଗତିତି ଦାମାରି ଇନି ର ଇୟା  
 ଇଞ୍ଜା ଅଡ଼େ ଏଚେକା ଲକୁ ନାମିଚେରି  
 ଇଞ୍ଜା ଏଞ୍ଜାଣିତଲେ ଆଣ୍ଡିଚେରି ।

## ୧୮

### କରନ୍ତିତା ପାଞ୍ଜୁଲତି କାମା

୧ ଏମ୍ବାଟିଏ ପାଞ୍ଜୁଲ ଆତିନି ଗାଡ଼ା  
 ପିସାନା କରନ୍ତିତା ହାଚେସି । ୨ ଇଞ୍ଜା  
 ଏଞ୍ଜାସି ଆକଞ୍ଜିଲା ଦରୁଗାଟି ର ଜୀହୁଦି  
 ଲକୁଈ ବେଟାଆଡେସି, ପନ୍ତ ଏଞ୍ଜାଣି  
 ଜାନା ଚାୟୁ; ଏତରଦିନା ନକେଏ  
 ଏଞ୍ଜାସି ତାନି ତକ୍ତି ପ୍ରିସ୍ତିଲା ତଲେ  
 ଇଟାଲିଟି ଖାହାମାଚେସି, ଇତିହଂ  
 କ୍ଲାଞ୍ଜୁଦିୟା ବାରେ ଜୀହୁଦି ଲକୁଈ ରମ୍  
 ପିସା ହାଜାଲି ହୁକୁମି ହାହାମାଚେସି,  
 ପାଞ୍ଜୁଲ ଏଞ୍ଜାସିକାଣି ବେଟି ହାଚେସି,  
 ୩ ଅଡ଼େ ଏଞ୍ଜାରି ଏଞ୍ଜାଣିଲେହେଁ ତୁମ୍  
 ବେବାରା କିନାରି ମାତାକି ଏଞ୍ଜାରିତଲେ  
 ଡ଼ୟିଚେସି, ଅଡ଼େ ଏଞ୍ଜାରି କାମା କିହାଲି  
 ମାଟ୍‌ହେରି, ଏନାଆଁତାକି ଇତିହଂ  
 ବେବାରାତା ଏଞ୍ଜାରି ତୁମ୍ କିନାରି  
 ମାଚେରି । ୪ ଅଡ଼େ ବାରେ ଜମିନି  
 ଦିନାତା ଏଞ୍ଜାସି ଜୀହୁଦି ଲକୁତି କୁଟମି  
 ଇଲୁତା\* ଜଲ୍‌କି ଆହଂ ଜାପ୍‌ହେସି,  
 ଜୀହୁଦି ଅଡ଼େ ଗ୍ରିକ୍ ଲକୁଣି ନାମି  
 କିଞ୍ଜିକିହାଲି ଅଣପିମାଚେସି ।

୫ ଏଚିବେଲା ସିଲା ଅଡ଼େ ତିମତି  
 ମାକିଦନିୟାଟି ଖାଡେଚେରି, ଏଚିବେଲା  
 ପାଞ୍ଜୁଲ ନେହଂ ବଲୁ ଖେକ୍‌ନି କାମା  
 ଜମାଆନା କିହିମାଚେସି, ଅଡ଼େ ଜାସୁଈ  
 ମସିହା ଇଞ୍ଜା ଜୀହୁଦି ଲକୁତାଣା  
 ସାକି ହାହିମାଚେସି । ୬ ସାମା ଏଞ୍ଜାରି  
 ଅପାଆନା ନିନ୍ଦା କିହାଲିଏ ଏଞ୍ଜାସି ତାନି  
 ହିମ୍ବୁରି ହାଣ୍ଡାଣା ଏଲେଇଚେସି, “ମୀରୁ

\* ୧୮:୪ ୧୮:୪ ସିନଗଗ

ନାସା ଆତିହ<sup>୯୮</sup> ଏଦାଆଁତାକି ମୀରୁ ଦାୟି ଆଦେରି । ଏଦାଆଁତାକି ନାନୁ ଦାୟି ଆଏ, ନାଏଁ ନାନୁ ଜାହୁଦିଆଆତି ଲକୁତାଣା ହାଜିମାଈ ।”<sup>୯୯</sup> ଏମ୍ବାଟିଏ ଏଝାସି ଏ ଚାୟୁତି ହଡ଼ା ହାଜାନା ତିତସ ଜୁସ୍ତ ଇନି ଜାହୁଦିଆଆତି ମାହାପୁରୁ ସେବା କିନାସି ଏଝାଣି ଇଜ ହାଚେସି, ଏଝାଣି ଇଲୁ ଜାହୁଦି ଲକୁତି କୁଟମି ଇଲୁଠା ତାଗେ ମାଚେ ।<sup>୧୦୦</sup> “ସାମା ଜାହୁଦି ଲକୁତି କୁଟମି ଇଲୁତିଃ କାଜାସି କ୍ରିସ୍ତ ପ ବାରେ ଇଲୁ କୁଟମି ତଲେ ପ୍ରୁ ତାଣା ନାମିତେରି, ଅଡ଼େ କରନ୍ତି ଗାଡ଼ାତି ଲକୁ ବିଦ୍ରାତି ହାଡ଼େକା ପାଝୁଲତି କାତା ଖେଜାନା ନାମିତେରି ଅଡ଼େ ବାପ୍ତିସ୍ମି ଅଡ଼େରି ।

<sup>୧୦୧</sup> ଅଡ଼େ ପ୍ରୁ ଲାଆଁୟା ବେଲତା ସେୟାଣା ହାପାନାତା ପାଝୁଲଇ ଏଲେଇଚେସି, “ଆଜାଆନି, ସାପି ଡ଼ୟାଆନା ଜଲ୍ଲାମ୍, <sup>୧୦୨</sup> ଇତିହ<sup>୧୦୩</sup> ନାନୁ ନୀ ତଲେ ମାଈ, ଆମିନି ଲକୁ ଜିକେଏ ନୀ କପାଟି ନିଜ୍ଞାନା ନିଜ୍ଞେ ନାସା କିହାଲି ଆଡ଼ଅସି, ଇତିହ<sup>୧୦୪</sup> ଇ ଗାଡ଼ାତା ହାଡ଼େକା ନା ଲକୁ ମାନେରି ।”<sup>୧୦୫</sup> ଇଞ୍ଜା ପାଝୁଲ ଏଝାରିତାଣା ମାହାପୁରୁତି କାତା ଜାପ୍ତିହ<sup>୧୦୬</sup> ର ବାସା ସ ଲେଞ୍ଜୁ ଡ଼ୟିତେସି ।

<sup>୧୦୭</sup> ସାମା ଗାଲିୟ ଆକାୟାତି ରମିୟ ସାଲଝି କିନାସି ମାଟିବେଲତା, ଜାହୁଦି ଲକୁ ପାଝୁଲ କପାଟି ନିଜ୍ଞାନା ଏଝାଣାଇଁ ନୀହାୟି କିନାରି ତାଣା ଦସା ଅହାନା ଏଲେଇଚେରି, <sup>୧୦୮</sup> “ଇଝାସି ମସାତି ମେରା କପାଟି ଅର ରଲେକ<sup>୧୦୯</sup> ମାହାପୁରୁତି ସେବା କିହାଲି ଲକୁଣି ଜାପ୍ତିହମାନେସି ।”

<sup>୧୧୦</sup> ସାମା ପାଝୁଲ ଗୁତି ଏକହାନା ଜଲ୍ଲାଲି ମାଟ୍ଟିହ ମାଚାଟି, ଗାଲିୟନ ଜାହୁଦି ଲକୁଣି ଏଲେଇଚେସି, “ଆଡ଼େ ଜାହୁଦି ଲକୁଚେରି ଏନିଲେହେଁତି ଦହ୍ କି ଲାଗେଏତି କାମା ଆଡ଼ିହ<sup>୧୧୧</sup> ମା ସୂସ୍ତି ତଲେ ମୀ କାତା ଖେନାୟି ନାଜେତାକି

ନେହେଁ ଆଡେମା,<sup>୧୧୨</sup> ସାମା ଇଦି ଝାରୁଇ ବଲୁ ଅଡ଼େ ଦରୁ ଅଡ଼େ ମୀ ମେରାତି କାତା ମୀରୁଏ ଇଦାଆଁ ସୂସ୍ତି କିଦୁ । ଇଲେତି କାତାତି ନାନୁ ନୀହାୟି କିଅଁ !”<sup>୧୧୩</sup> ଏଲେଇଜାନା ଏଝାସି ଏଝାରାଇଁ ନୀହାୟି କିନି ତାଣାଟି ପେରହା ତୁସ୍ତେସି ।<sup>୧୧୪</sup> ଏଚେଟିଏ ବାରେଜାଣା ସସ୍ତାନ ଇନି ଜାହୁଦି ଲକୁତି କୁଟମି ଇଲୁତି\* କାଜାଣାଇଁ ଆସାନା ନୀହାୟି ପାଞ୍ଜାତା ଖେତେରି; ସାମା ଗାଲିୟନ ଏ ବାରେ କାତାତା ମନ ହାଆତେସି ।

ପାଝୁଲ ଆନ୍ତ୍ରିୟକିୟାତା ଖେଣ୍ଡାଝାନାୟି

<sup>୧୧୫</sup> ପାଝୁଲ କରନ୍ତିତା ନାମିତି ତାୟି ତାଜିପ୍ଲା ତଲେ ହାରେକା ଦିନା ଡ଼ୟାନା ତାୟିୟା ତାଣାଟି ହେଲ ବେଟାଆହାନା ଏୟୁ ଜାଜାଟି ସିରିୟାତା ହାଚେସି, ପ୍ରିସ୍ତିଲା ଅଡ଼େ ଆକ୍ଝିଲା ତାନିତଲେ ହାଚେରି, ତାନି ଆଞ୍ଜିତାୟି ମାଚାକି ଏଝାସି କେକେୟାତା ତାନି ତାୟି<sup>୧୧୬</sup> ହିଣ୍ଡେସି ।<sup>୧୧୭</sup> ତାୟୁ ଏଝାରି ଏପିସିୟତା ଝାଡ଼େରି, ଅଡ଼େ ଏଝାସି ଏ ଚାୟୁତା ଆକ୍ଝିଲା ଅଡ଼େ ପ୍ରିସ୍ତିଲାଈଁ ହେଲ ହାହାନା ପାଝୁଲ ରଅସିଏ ଜାହୁଦି ଲକୁତି କୁଟମି ଇଲୁତାଠା ହଡ଼ାନା ଜାହୁଦିୟା ତଲେ ହାଡ଼ାକାତା ଆଡେରି ।<sup>୧୧୮</sup> ଇଞ୍ଜା ଏଝାରି ଏଝାଣାଇଁ ହାରେକା ଦିନା ଡ଼ୟାଲି ବାଟିମାଲିତିହ<sup>୧୧୯</sup> ଝା ଏଝାସି ଡ଼ୟାଲି କୁଚେସି ।<sup>୧୨୦</sup> ସାମା ଏଝାରି ତାଣାଟି ହେଲ ଅହାନା ଏଲେଇଚେସି, “ମାହାପୁରୁତି ମନ ଆତିହ<sup>୧୨୧</sup> ଅଡ଼େ ର ଦେବା ମୀ ତାଣା ଖେଣ୍ଡା ଝାଇଁ,” ଇଞ୍ଜା ଏଝାସି ଏପିସିୟଟି ହାଚେସି ।

<sup>୧୨୨</sup> କାୟିସରିୟାତା ଏଗାହାଜାନା ଏମ୍ବାଟି ଜିରୁସାଲମତା ହାଚେସି, ଅଡ଼େ କୁଲମିତି ଜହରା କିହାନା ଏମ୍ବାଟିଏ ଆନ୍ତ୍ରିୟକିୟାତା ହାଚେସି ।<sup>୧୨୩</sup> ଏମ୍ବାଆଁ ଏଚରଦିନା ଡ଼ୟିତି ତାୟୁ, ଏଝାସି ଅଡ଼େ ଖେଣ୍ଡେ ହାଜାନା ଗାଲାତିୟ ଇଞ୍ଜା ପୁଗ<sup>୧୨୪</sup> ଯା ନାସକା ହାହାନା ହାଚେସି,

† ୧୮:୭ ୧୮:୭ ସିନଗ୍ଗ ‡ ୧୮:୮ ୧୮:୮ ସିନଗ୍ଗ § ୧୮:୮ ୧୮:୮ ମୁଞ୍ଜିନାୟି \* ୧୮:୧୭ ୧୮:୧୭ ସିନଗ୍ଗ † ୧୮:୧୯ ୧୮:୧୯ ସିନଗ୍ଗ

ଅଡ଼େ ଜିରୁତା ସୀସୁୟାଣି ତାମି ନାମୁତା  
ଆଟ୍‌ଝା ତଲେ ଡ଼ୟାଲି ରାହାଁ ହୀତେସି ।

ଏପିସିୟ ଅଡ଼େ କରନ୍ତିତା ଆପଲ  
୨୪ ଏମ୍ବାଟିଏ ଆପଲ ଦରୁଗାଟି  
ର. ଜୀହୁଦି ଏପିସିୟତା ଖାଡ଼େସି,  
ଏଝାସି ଆଲେକଜାଣ୍ଡିୟାତା ଜାର୍ନା  
ଆହାମାରେସି, ଏଝାସି ନେହୁକ  
ଝେସାଲି ଆଡ଼ିନାସି ଅଡ଼େ ଦାର୍ମୁ  
ପତିତି କାତା ଗାଡ଼ି ପୁନାସି ମାରେସି  
। ୨୫ ଇଝାସି ପ୍ରବୁ ଜିରୁତି କାତା  
ନେହୁକ ଜାପାମାରେସି, ଇଞ୍ଜା  
ଜୀହୁତଲେ ବାଡ଼ୁୟୁ ବେଟାଆହାନା  
ଜୀସୁତି କାତା ନେହୁକ ଜାପୁହି  
ମାରେସି, ଏଝାସି ଖାରଇ ଜହନତି  
ବାପ୍ରିସ୍ତାଃ କାତା ପୁଞ୍ଜାମାରେସି । ୨୬ ଏଝାସି  
ସାସାତଲେ ଜୀହୁଦି ଲକୁତି କୁଟମି  
ଇଲୁତାଃ ଜଲ୍ଲାଲି ମାଟ୍‌ହେସି, ସାମା  
ଆକ୍‌ଝିଲା ଅଡ଼େ ପ୍ରିସ୍ତାଲ୍ଲା ଏଝାଣି  
କାତା ଝେଞ୍ଜାନା ଏଝାଣାଇଁ ତାମି ଇଜ  
ଅହାନା ଏମ୍ବାଆଁ ହାରେକା ନେହେ  
ମାହାପୁରୁ ଜିରୁତି କାତା ପୁଣ୍ଡିକିତୁ ।  
୨୭ ତାୟୁ ଆପଲ ଆକାୟା ଦେସାତା  
ହାଜାଲି ମନ କିହାଲିଏ ଏପିସିୟତି  
ନାମିତି ତାୟୁୟାଁ ଏଝାଣାଇଁ ସାୟେମି  
କିତେରି, ଇଞ୍ଜା ଏଝାଣାଇଁ ରାହାଁତଲେ  
ଆବାଲି ଆକାୟାତା ମାନି ସୀସୁୟାକି  
ର. ଆକୁ ରାଡ଼ିତେରି, ଏଝାସି ଏମ୍ବାଆଁ  
ଏଗାହାଜାନା ମାହାପୁରୁ କାର୍ମାଟି ନାମା  
ମାନାରାକି ହାରେକା ସାୟେମି କିତେସି  
। ୨୮ ଇତିହୁ ଜୀସୁଏ ମସିହା ଇଞ୍ଜୁ  
ଦାର୍ମୁ ପତିତି ନେହୁକ ତସାହାଁ  
ଏଝାସି ବାରେଜାଣା ନକିତା ତାନିତଲେ  
ଆସ୍‌ପି ଆହୁମାନି ଜୀହୁଦି ଲକୁଣି ହାରଝି  
କିତେସି ।

### ୧୯

ଏପିସିୟତା ପାଝୁଲ

୧ ଆପଲ କରନ୍ତିତା ମାଟିବେଲାତା  
ପାଝୁଲ ଝେଡ଼ା ହପୁଞ୍ଜାକିତି ରାଜି

ରେଜାନା ଏପିସିୟ ଗାଡ଼ାତା  
ଏଗାଝାଡେସି । ଏମ୍ବାଆଁ ଏଟରଜାଣା  
ସୀସୁୟାଣି ବେଟାଆଡେସି, ୨ ଏଝାସି  
ଏଝାରାଇଁ ଝେରେସି, “ମୀରୁ ନାମିତି  
ରେଟୁଏ ସୁଦୁଜୀଝୁ ବେଟାଆହା ମାରେରି  
କି ?” ଏଝାରି ଏଲେଇତେରି, “ଆଏ  
ସୁଦୁଜୀଝୁ ମାନେ ଇଞ୍ଜୁ ମାମ୍ବୁଝେଞ୍ଜା  
ଜିକେଏ ହିଲଅମି ।”

୩ ପାଝୁଲ ଏଝାରାଇଁ ଝେରେସି,  
“ଆତିହୁ ମୀରୁ ଏନିଲେହେଡ଼ି ବାପ୍ରିସ୍ତା\*  
ବେଟାଆହା ମାରେରି ।” ଏଝାରି  
ଏଲେଇତେରି, “ମାମ୍ବୁଜହନତି ବାପ୍ରିସ୍ତା†  
ଅହାମାତମି ।”

୪ ଏମ୍ବାଟିଏ ପାଝୁଲ ଏଲେଇତେସି,  
“ଜହନତି ବାପ୍ରିସ୍ତା‡ ହିୟାଁ ଝେଟ୍‌ପି  
କିଝିକିନି ବାପ୍ରିସ୍ତା§ ଜହନ ଇସାୟେଲ  
ଲକୁଣି ବାପ୍ରିସ୍ତା\* ହୀହାନା ଏଲେଇତେସି,  
ନା. ଜେଟ ଆମ୍ବାଆସି ଝାହୁମାନେସି,  
ଏଝାଣାଇଁ ଇତିହୁ ଜୀସୁଇଁ ନାମାଦୁ  
ଇଞ୍ଜୁ ଝେସିମାରେସି ।”

୫ ଇଦାଆଁ ଝେଞ୍ଜାନା ଏଝାରି ପ୍ରବୁ ଜୀସୁ  
ଦରୁତଲେ ବାପ୍ରିସ୍ତା† ଅଡେରି । ୬ ଅଡ଼େ  
ପାଝୁଲ ଏଝାରି ଲାକ କେସ୍ତା ଇଟାଲିଏ  
ସୁଦୁଜୀଝୁ ଏଝାରି ଲାକ ରେଟାଝାଡ଼େ,  
ଇଞ୍ଜା ଏଝାରି ଏଟ୍‌କା ଏଟ୍‌କା ହାଡାତଲେ  
କାତା ଜଲ୍ଲାନା ମାହାପୁରୁତି ତାୟୁ ଆନ୍ତି  
କାତା ଜିକେଏ ଝେକ୍‌ହେରି । ୭ ଏଝାରି  
ବାରେ ବାରଜାଣା ଆବାୟାଁ ମାରେରି ।

୮ ତାୟୁ ପାଝୁଲ ଜୀହୁଦି ଲକୁତି  
ଜୀହୁଦି ଲକୁତି କୁଟମି ଇଲୁତା‡ ହାଜାନା  
ତାନି ଲେଞ୍ଜୁ ପାତେକା ସାସାତଲେ  
ମାହାପୁରୁ ରାଜିତି କାତା ଝେକ୍‌ହିହୁ  
ଲକୁତି ମନତି ନାମି କିହାଲି ଅଣ୍ଡପିତେସି  
। ୯ ସାମା ଏତିବେଲା ଏତେକା ଲକୁ  
ଆଟ୍‌ଝା ହିୟାଁ ଅଡ଼େ ମୁଣ୍ଡି ଆହାନା ଲକୁ  
ନକିତା ପ୍ରବୁ ଜିରୁ କପାଟି ନିଙ୍ଗାନା ନିୟା  
କାତା ଝେସ୍ତେରି, ଏତିବେଲା ପାଝୁଲ  
ଏଝାରାଇଁ ପିସାନା ସୀସୁୟାଁ ଏଟ୍‌କା

‡ ୧୮:୨୫ ୧୮:୨୫ମୁଞ୍ଜିନାୟି § ୧୮:୨୭ ୧୮:୨୭ ସିନଗର \* ୧୯:୩ ୧୯:୩ମୁଞ୍ଜିନାୟି † ୧୯:୩  
୧୯:୩ମୁଞ୍ଜିନାୟି ☆ ୧୯:୪ ୧୯:୪ ମାଟି ୩:୧୧; ମାର୍କ ୧:୪,୭,୮; ଲୁକ ୩:୪,୧୭; ଜହ ୧:୨୭,୨୭ ‡ ୧୯:୪  
୧୯:୪ମୁଞ୍ଜିନାୟି § ୧୯:୪ ୧୯:୪ମୁଞ୍ଜିନାୟି \* ୧୯:୪ ୧୯:୪ମୁଞ୍ଜିନାୟି † ୧୯:୫ ୧୯:୫ମୁଞ୍ଜିନାୟି  
‡ ୧୯:୮ ୧୯:୮ ସିନଗର

କିତେସି, ଇଞ୍ଜା ତୁରାନନ୍ ଇନି ଜାପୁନି  
 ଇଲୁତା ବାରେଦିନା ଜାପୁହି ମାଚେସି ।  
 ୧୦ ଇଲେଆହୁଁ ରୀ ବାସୀ ପାଚେକା  
 ଆଚେ; ଏଚେଟିଏ ଆସିୟା ଦେସାତା  
 ବସାଆହାମାନି ହାଚେରକା ଜୀହୁଦି ଅଚେ  
 ଜୀହୁଦିଆଆତି ଲକୁ ବାରେଜାଣା ପ୍ରବୁତି  
 କାତା ଖେଚେରି ।

ସ୍ନେବା ମୀରକା

୧୧ ଅଚେ, ମାହାପୁରୁ ପାଞ୍ଜୁଲ  
 ତାଣାଟି ହାଚେରକା ବାଡ଼ୁୟୁତି କାମାୟା  
 କିହିମାଚେସି । ୧୨ ଇଲେଆହୁଁ ପାଞ୍ଜୁଲ  
 ଲେମ୍ବିମାନି ପାଞ୍ଜାତା ତୁରନି ସକା କି  
 ତୁଞ୍ଜାଲା ରଗା ଗାଗାରି ତାଣା ତାତିସାରେ  
 ଏଞ୍ଜାରି ତାଣାଟି ରଗା ପିସିମାଚେ ଅଚେ  
 ବୃତୁୟାଁ ହଚା ହାଜିମାରୁ । ୧୩ ସାମା  
 ରେଜି ରେଜିହୁଁ ବୃତୁୟାଁ ପେରନି  
 ଜୀହୁଦିୟାଁ ବିତ୍ରାଟି ଏଚରଜାଣା ପଲ୍ଲଆ  
 ବୃତୁୟାଁ ଆସାମାନାରି ଲାକ ପ୍ରବୁ ଜୀସୁ  
 ଦରୁ ଆସାନା ପେରହାଲି ଅଣପାନା  
 ଏଲେଇଚେରି, “ପାଞ୍ଜୁଲ ଆମିନି ଜୀସୁଇଁ  
 ଖେକହି ମାନେସି ନାନୁ ଏଞ୍ଜାଣି ଦରୁଟି  
 ନିଜେ ହୁକୁମି ହାହିମାଞ୍ଜାଇଁ ।” ୧୪ ସ୍ନେବା  
 ଦରୁଗାଟି ର ଜୀହୁଦି କାଜା ପୂଜେରାତି  
 ସାତା ଜାଣା ମୀରକା ଏଲେ କିହିମାଚେରି  
 ।

୧୫ ସାମା ପଲ୍ଲଆ ବୃତୁୟାଁ ଏଞ୍ଜାରାଇଁ  
 ଏଲେଇରୁ, “ନାନୁ ଜୀସୁଇଁ ପୁଞ୍ଜାମାଇଁ  
 ଅଚେ ପାଞ୍ଜୁଲଇଁ ପୁଞ୍ଜାମାଇଁ; ସାମା ମୀରୁ  
 ଆମ୍ବାଆଚେରି?”

୧୬ ଏଚେଟିଏ ଏ ପଲ୍ଲଆ ବୃତୁ  
 ଆଲ୍ଲଗା ମାଚାସି ଏଞ୍ଜାରି ଲାକ ଡେଞ୍ଜାନା  
 ଏଞ୍ଜାରାଇଁ ଇରହାଲିଏ ଏଞ୍ଜାରି ନାଗୁଡ଼ା  
 ଉଗୁଡ଼ା ରାଣାରାକା ଆହାନା ଏ ଇଲୁଟି  
 ହଚେରି । ୧୭ ଇ କାତା ଏପିସିୟତା  
 ମାନି ଜୀହୁଦି ଅଚେ ଜୀହୁଦିଆଆତି ଲକୁ  
 ବାରେଜାଣା ପୁଚେରି, ଇଞ୍ଜା ବାରେଜାଣା  
 ଆଜିଚେରି, ଅଚେ ଏମ୍ବାଆଁ ପ୍ରବୁ ଜୀସୁତି  
 ଦରୁ ହାଚେରକା ଗାଞ୍ଜୁରମି କିଚେରି ।  
 ୧୮ ଅଚେ ନାମୁଗାଗାରି ବିତ୍ରାଟି ହାଚେରକା  
 ଖାହାନା ତାମ୍ବୁ କିହାମାନି ପଲ୍ଲଆ  
 କାମାତି ଖେସ୍ତେରି । ୧୯ ଅଚେ ଗାରୁଡ଼ି  
 କାମା କିହିମାଟି ହାଚେରକା ଜାଣା ତାମ୍ବୁ

ତାମି ପତିୟାଁ ତାଚିହୁଁ ରୁଣ୍ଡା କିହାନା  
 ବାରେଜାଣା ନକିତା ହୁଡିଚେରି; ଏଞ୍ଜାରି  
 ଏ ବାରେତି ଲେକା କିହାଲିଏ ରୀ କଡ଼ି  
 ଦସ ମାଣା ଖେଣ୍ଡି ଟାକାୟାତି ପତିୟାଁ  
 ମାରୁ । ୨୦ ଇଲେଆହୁଁ ପ୍ରବୁତି ବଲୁ  
 ବାଡ଼ୁୟୁ ତଲେ ପାତାଆଚେ ସାରିସୁଟୁ  
 ଖେଜିଚେ ।

ଏପିସିୟ ଗାଡ଼ାତା ଗଡ଼ହା

୨୧ ଇ ବାରେ କାତା ରାଡ଼ି ତାମ୍ବୁ  
 ପାଞ୍ଜୁଲ ମାକିଦନିୟା ଅଚେ ଆକାୟା  
 ମାଦିଟି ଜିରୁସାଲମତା ହାଜାଲି ମନତା  
 ତୀରି କିଚେସି । ଏଞ୍ଜାସି ଏଲେଇଚେସି,  
 “ଏମ୍ବାଆଁ ହାଚି ତାମ୍ବୁ ନାନୁ ରମତା  
 ଜିକେଏ ହାନାୟିମାନେ ।” ୨୨ ଅଚେ  
 ଆମ୍ବାଆରି ଏଞ୍ଜାଣି ସେବା କିହିମାଚେରି,  
 ଏଞ୍ଜାରି ବିତ୍ରାଟି ତିମତି ଅଚେ ଏରାସୁ  
 ଇ ରିଆରାଇଁ ମାକିଦନିୟାତା ପାଣ୍ଡାନା  
 ଏଞ୍ଜାସି ଏଚରଦିନା ପାଚେକା ଆସିୟାତା  
 ଡ଼ୟିଚେସି ।

୨୩ ଏଚିବେଲତା ପ୍ରବୁ ତସାମାନି  
 ଜିରୁତି କାତା ଅହାନା ଏପିସିୟତା  
 ହାଚେରକା ଗଡ଼ହା ଆଚେ । ୨୪ ଦିମିଡ଼ିୟ  
 ଦରୁଗାଟି ର ଖେଣ୍ଡି କାମାକିନାସି  
 ଆଚେନି ପେନୁତି ର ଖେଣ୍ଡିତି ଦେଞ୍ଜୁଡ଼ି  
 କିହିମାଚେସି, ଇଞ୍ଜା ଏଞ୍ଜାଣି ଇ ବେବାରା  
 କାମା କିନାରାକି ହାଚେରକା ଲାବା  
 ଆହିମାଚେ । ୨୫ ଏମ୍ବାଟିଏ ଏଞ୍ଜାସି  
 ଇଞ୍ଜା ଏଞ୍ଜାରିଲେହେଁ କାମା କିନାରାଇଁ  
 ହାଚାନା ଏଲେଇଚେସି, “ବାବୁୟାଁ ଇ  
 କାମାଟି ମାର ଦନ ବେଟାଆହି ମାନାୟି  
 ଇଞ୍ଜା ମୀରୁ ବାରେ ପୁଞ୍ଜାମାଞ୍ଜେରି;  
 ୨୬ ଅଚେ, କେସ୍ତାତଲେ କେପିତି  
 ପେଣ୍ଡକା ମାହାପୁରୁ ଆଏ ଇଞ୍ଜା  
 ଖେସାନା ପାଞ୍ଜୁଲ ଖାରଇ ଏପିସିୟତା  
 ଆଏ, ସାମା ବାରେ ଆସିୟାତା ଜିକେଏ  
 ହାଚେରକା ଲକୁଣି ଜାପୁହାନା ଏମ୍ବାଟି  
 ମାଡ଼ଞ୍ଜି କିହିମାନେସି, ଇଦାଆଁ ମୀରୁ  
 ମେସାମାଞ୍ଜେରି ଅଚେ ଖେଞ୍ଜାମାଞ୍ଜେରି  
 । ୨୭ ଇମ୍ବାଆଁ ଖାରଇ ମା ବେବାରା  
 କାମା ଲାଗେଏ ଆନେ, ଏଦି ଆଏ,  
 ସାମା ଆମିନି କାଜା ପେନୁ ଆଚେନିଇଁ  
 ବାରେ ଆସିୟା ଅଚେ ଦାରତିତି ଲକୁ

ପୂଜା କିହିମାନେରି, ଏଦାନି ଦେଖୁଡ଼ିତି ଜିକେଏ ଲକୁ ମାନି କିଅରି, ଇଞ୍ଜା ଆର୍ଡେମି ପେନୁତି ଦରୁ କାଜା ଦରୁ ଇଞ୍ଜା ଖେଜେଏ ।”

୨୮ ଇ କାତା ଖେଜାନା ବାରେଜାଣା କାରବି ଆହାନା କାଜା ଗିୟାତଲେ ଏଲେଇଚେରି, “ଏପିସିୟ ଲକୁତି ଆର୍ଡେମିଏ କାଜା ପେନୁ ।” ୨୯ ଏଚେଟିଏ ଗାଡ଼ା ବାରେ ଗଡ଼ହା ଆଡେ, ଇଞ୍ଜା ଲକୁ ବାରେ କାଲୁଝି ଆହାନା ପାଞ୍ଜୁଲ ତଲେ ହାଜିମାଟି ମାକିଦନିୟାତି ଗାୟ ଅଡେ ଆରିସ୍ତାକିଇଁ ଦସାନା କାହିନି ବାଟାତା ହଚେରି । ୩୦ ଏମ୍ବାଟିଏ ପାଞ୍ଜୁଲ ଲକୁ ମାନ୍ଦା ବିତ୍ରା ହାଜାଲି ଅଣ୍ପିତେସି, ସାମା ସାସୁୟା ଏଞ୍ଜାଣାଇଁ ହାଜାଲି ହାଆତେରି । ୩୧ ଅଡେ ଆସିୟାତି ସାଲୁଝି କିନାରି ବିତ୍ରାଟି ଜିକେଏ ଏଞ୍ଜାରି ତଡ଼ୁଗାଟାରି ମାଟାକି କାହିନି ବାଟା ମାଦି ହାଲାଆପେସି ଇଞ୍ଜା ଲକୁଣି ଖେସା ପାଣ୍ଡାନା ଏଞ୍ଜାଣାଇଁ ବାଡିମାଲିତେରି । ୩୨ ଏଚିବେଲା ହାଡେରକା ଗଡ଼ହା ଆହିମାଚେ, ଇଞ୍ଜା ଲକୁ ମାନ୍ଦା ମାନ୍ଦା ଆହୁଁ ଏଚରଜାଣା ଇ କାତା ଅଡେ ଏଚରଜାଣା ଏ କାତା ଇଞ୍ଜା କାଲୁଝି ଆହିମାଚେରି, ଅଡେ ଏଞ୍ଜାରି ଏନାଆଁତାକି ରୁଣ୍ଡା ଆହାମାନେରି ହାଡେରକା ଲକୁ ପୁଞ୍ଜାହିଲାଆତେରି । ୩୩ ଲକୁ ବିତ୍ରାଟି ଏଚରଜାଣା ଏଲେଇଚେରି, ଆଲେକ୍‌ଜାଣ୍ଡାର ଇଦାଆଁତାକି ଦାୟି, ଇଚିହୁଁ ଜୀହୁଦି ଲକୁ ଏଞ୍ଜାଣାଇଁ ନକିତା ନିପୁହା ମାଚେରି, ଆଲେକ୍‌ଜାଣ୍ଡାର କେୟୁ ପେର୍‌ହାନା ଲକୁଣି ପାଲେଏ ଆହାଲି କେୟୁ ଜୀଞ୍ଜିତେସି, ଅଡେ ନାମୁଗାଟାରି ଝାକିଟି ଖେସାଲି ଅଣ୍ପିତେସି । ୩୪ ସାମା ଏଞ୍ଜାସି ର ଜୀହୁଦି ଇଞ୍ଜା ଏଚିବେଲା ଏଞ୍ଜାରି ପୁଚେରି; ଏଚିବେଲା ବାରେଜାଣା କାଜା ଗିୟାତଲେ ରୀ ଗଂଟା ପାତେକା କାଲୁଝି ଆହାନା ଏଲେଇଚେରି, “ଆର୍ଡେମିଏ ଏପିସିୟ ଲକୁତି କାଜା ପେନୁ ।”

୩୫ ତାୟୁ ଗାଡ଼ାଟି କାଜାସି ଲକୁଣି ସୁସି କିହାଲି ଖେସେସି, “ଏ ଏପିସିୟତା

ମାନି ତାୟିୟାତେରି ବାରେଜାଣା ପୁଞ୍ଜାମାନେରି ଏପିସିୟ ଗାଡ଼ାଟି କାଜା ପେନୁ ଆର୍ଡେମିତି ଦେଖୁଡ଼ି ଇଞ୍ଜା ହାଗୁଲାକଟି ରେଟା ଖାହାମାନି ସୁବୁତି ବମା ଗେଲପିକିଝି ଆହାମାନେ । ୩୬ ଆମ୍ବାଆସି ଇଦାଆଁ ଆଏ ଇଞ୍ଜାଲି ଆଡ଼ଅସି, ଏଦାଆଁତାକି ମୀରୁ ବାରେ ସୁସି ଆଦୁ, ଏନି ବୁଦି ହିଲାଆ କାମା କିଆଦୁ । ୩୭ ଇଚିହୁଁ ଇ ଆମିନି ଲକୁଇଁ ମୀରୁ ଦସା ତାଟାମାଞ୍ଜେରି, ଇଞ୍ଜାରି ଦେଖୁଡ଼ିତି ସରୁ କିହାହିଲଅରି, ଇଞ୍ଜା ମା ପେଶକା କପାଟି ଏନି ନିନ୍ଦା କାତା ଜଲା ହିଲଅରି । ୩୮ ଏଦାଆଁତାକି ଦିନିତ୍ରିୟ ଅଡେ ଏଞ୍ଜାଣିତଲେ କାମାକିନାରି ଆମ୍ବାଆରି କପାଟି ଏନି କାତା ମାଚିହୁଁ, ନୀହାୟି କିହାଲି ନୀହାୟି ଲକୁ ଦେପିଆହାମାନେ, ଇଞ୍ଜା ନୀହାୟି କିନାରି ମାନେରି, ଏଞ୍ଜାରି ନକିତା ତାମ୍ବୁ ତାମି ଦାଞ୍ଜା କିପେରି । ୩୯ ଇଦାଣିକିହାଁ ଆଗାଡ଼ା ଅଣ୍ପିମାଚିହୁଁ, ଲକୁ ତାଣାଟି ମେରା କିଝି ଆହାମାନି ନୀହାୟି କିନି ତାଣା ଏଦାଆଁ ଡିକ୍‌ନାୟି ଆନେ । ୪୦ ଇଚିହୁଁ ସାତେଏ ନୀଞ୍ଜୁତି ଗଡ଼ହା ତାକି ମା କପାଟି ଦାଞ୍ଜା ଆନାୟି ମାନେ; ଏନିଇଚିହୁଁ ଏ ଗଡ଼ହା ଏନାଆଁତାକି ହତେ ଏଦାଆଁ ମାର ଏନି କାତାତଲେ ତସାଲି ଆଡ଼ାଆୟି ।” ୪୧ ଇ ବାରେ କାତା ଖେସାନା ଲକୁଣି ସୁସି କିହାନା ନୀହାୟି ତୁକ୍‌ହେସି ।

### ୨୦

ମାକିଦନିୟା ଅଡେ ଆକାୟାତା ହାନାୟି

୧ ଏ ଗଡ଼ହା ତୁଞ୍ଜିତି ତାୟୁ ପାଞ୍ଜୁଲ ସାସୁୟାଣି କୁଡ଼ି କିହାନା ଏଞ୍ଜାରାଇଁ ବାସୁତି କାତା ଖେସେସି, ଏଞ୍ଜାରି ତାଣାଟି ହେଲ ଅହାନା ମାକିଦନିୟାତା ହାଚେସି । ୨ ଏଞ୍ଜାସି ବାରେ ନାସ୍‌କାଟି ହାଜିହୁଁ, ହାଡେରକା ସାସୁୟାଣି ବାସୁଁ ହାହାନା ଗିସ୍ ଦେସାତା ହାଚେସି । ୩ ଏମ୍ବାଟିଏ ଏଞ୍ଜାସି ଏମ୍ବାଆଁ ତାନି ଲେଞ୍ଜୁ ଡ଼ୟିତେସି, ଏଞ୍ଜାସି ସିରିୟାତା ହାଜାଲି ତିୟାରା ଆହିମାଟି ବେଲାତା, ଜୀହୁଦି ଲକୁ

ଏଞ୍ଜାଣାକ୍ ପାୟାଲି ତୀରି କିହାମାନେରି  
 ଇଞ୍ଜି କାରୁ ପୁଞ୍ଜାନା ମାକିଦନିୟା  
 ଖାକିଟି ଖେଣ୍ଡେ ହାଜାଲି ତୀରି କିତେସି ।  
 ୪ ଅଡେ ବେରିୟା ତାସି ପୁରତି ମୀରଏସି  
 ସପାତର, ଅଡେ ତେସଲନିକି ଗାଡ଼ାତି  
 ଆରିସ୍ତାକ୍, ସେକ୍ସନ୍, ଦବତି ଗାୟ,  
 ତିମତି ଅଡେ ଆସିୟାତି ଲକୁ ବିତ୍ରାତି  
 ତୁକକ ଅଡେ ତ୍ରପିମ ଏଞ୍ଜାଣିତଲେ  
 ହାରେରି । ୫ ଏଞ୍ଜାରି ବାରେଜାଣା  
 ନବେଏ ହାଜାନା ତ୍ରୟାତା ମାଜେ  
 କାଡ଼ିମାଞ୍ଜାତେରି । ୬ ଅଡେ ପୁଲା ଗୁଣ୍ଡା  
 ଆଣ୍ଡାଆତି ରୁଟି ତିନି ପାରୁ ତାୟୁ ମାନ୍ସୁ  
 ପିଲିପିଟି ଏୟୁ ଜାଜାଟି ହାଚମି, ଇଞ୍ଜା  
 ପାସା ଦିନା ତାୟୁ ତ୍ରୟାତା ଏଞ୍ଜାରାକ୍  
 ବେଟାଆହାନା; ଏମ୍ପାଆଁ ର ଖାରା  
 ତ୍ରୟିତମି ।

ତ୍ରୟାତା ପାଞ୍ଜୁଲ ତାୟୁ ପାଲି ହାନାୟି

୭ ଖାରାତି ମୁଲୁ ଦିନାତି ମିଡ଼ଅଲ୍ଲା  
 ରାନ୍ଦା ତିଞ୍ଜାଲି ରୁଣ୍ଡା ଆହାମାଚମି,  
 ପାଞ୍ଜୁଲ ଅର ନେରୁ ହାନାୟି ମାଚାକି  
 ଏଞ୍ଜାସି ଲକୁଣି ମାଦି ନେକେରି ପାତେକା  
 ନେହଁ କାତା ଖେସିମାଚେସି । ୮ ମାନ୍ସୁ  
 କୃତା ଆହାମାନି ଲାକନି ପାରୁତି ଇଲୁତା  
 ଏମ୍ପାଆଁ ହାରେକା ଦୀଞ୍ଜିୟାଁ ତୀଞ୍ଜିମାରୁ ।  
 ୯ ଅଡେ ଇଞ୍ଜୁତୁକ ଇନି ର ଦାଁଗଣେଏସି  
 କିଡ଼କି ଲାକ କୁଗାମାଚେସି, ଏଞ୍ଜାଣାକି  
 ହାରେକା ଇଦା ଖାହିମାଚେ; ଇଞ୍ଜା  
 ପାଞ୍ଜୁଲ କାତା ହାରେକା ଲାମ୍ବା କିହଁ  
 ଖେସିମାଚାକି ଇଞ୍ଜୁତୁକ ତୀନି ପାରୁ ଗାତି  
 ଇଲୁ ଲାକଟି ତ୍ଵଇ ରାତେସି, ଏତିବେଲା  
 ଏଞ୍ଜାରି ଇଞ୍ଜୁତୁକକ୍ ନିକହେରି, ଏଞ୍ଜାସି  
 ହାହାମାଚେସି । ୧୦ ସାମା ପାଞ୍ଜୁଲ ତ୍ଵଇ  
 ରେଟାଖାହାନା ଏଞ୍ଜାଣି ମୁହେଁ ମାରହାନା  
 ଏଞ୍ଜାଣାକ୍ ପମାନା ଏଲେଇଚେସି,  
 “ଆଜାଆଦୁ ଇତିହଁ ଇଞ୍ଜାଣି ତାଣା  
 ଜୀଞ୍ଜୁ ମାନେ ।” ୧୧ ତାୟୁ ଲାକ ହାଜାନା  
 ରୁଟି ବାଡ଼ିକିହଁ ତିଚେରି, ଇଞ୍ଜା ଲାକ୍  
 ଖେୟିନି ପାତେକା ହାଡ଼ାକାତା ଆହାନା  
 ପାଞ୍ଜୁଲ ହାଚେସି । ୧୨ ଅଡେ ଲକୁ ଏ  
 ଦାଁଗଣା କକାଣାକ୍ ଜୀଞ୍ଜୁତଲେ ଇଜ  
 ଅହଁ ହାଚେରି ଇଞ୍ଜା ଏଞ୍ଜାରି ହାରେକା  
 ବାର୍ସୁ ବେଟାଆଡେରି ।

ତ୍ରୟାଟିଏ ମିଲିତତା ହାନାୟି  
 ୧୩ ସାମା ମାନ୍ସୁ ନବେଏ ଜାଜାତା  
 ହଚାନା ଆସସତା ହାଚମି, ଏମ୍ପାଟିଏ  
 ମାନ୍ସୁ ପାଞ୍ଜୁଲକ୍ ଅହାଲି ଅଣ୍ଡାପାମାଚମି,  
 ଇତିହଁ ଏଞ୍ଜାସି ତାନୁଏ ତାକିହଁ  
 ହାଜାଲି ତୀରି କିହାମାଚେସି ।  
 ୧୪ ଏତିବେଲା ଏଞ୍ଜାସି ଆସସତା ମାଜେ  
 ବେଟା ଆୟାଲିଏ, ମାନ୍ସୁ ଜାଜାତା  
 ଏଞ୍ଜାଣାକ୍ ମିତିଲିନିତା ତାତିହଁ ଖାଡ଼ମି,  
 ୧୫ ଅଡେ ଏମ୍ପାଟି ହାଜାନା ଏ ଅର  
 ନେରୁ କିଅସତା ଏଗାହାଚମି, ଅଡେ ର  
 ଦିନାତି ଜେଚ ସାମସତା ଏଜାହାଁ, ତାନି  
 ଅର ନେରୁ ମିଲିତତା ଏଗାହାଚମି ।  
 ୧୬ ଇତିହଁ ପାଞ୍ଜୁଲ ଆସିୟା ରାଜିତା  
 ହାରେକା ଦିନା ତ୍ରୟାଆନା, ଇଦାଆଁତାକି  
 ଏଞ୍ଜାସି ଏପିସିୟ ପିସାନା ହାଜାଲି ତୀରି  
 କିହାମାଚେସି, ଆଡ଼ିସାରେ ପେଡ଼ିକସ୍ତ  
 ଦିନା ଜିରୁସାଲମତା ଏଗାହାଜାଲି ଦାଗା  
 ଆହିମାଚେସି ।

ଏପିସିୟ କୁଲମିତି କାଜାରାକ୍  
 ପାଞ୍ଜୁଲ ଖେହ୍ନାୟି

୧୭ ମିଲିତଟିଏ ପାଞ୍ଜୁଲ ଏପିସିୟ  
 କୁଲମିତି କାଜା ଲକୁଣି କାରୁ ପାଣ୍ଡାନା  
 ହାଡ଼ିକିତେସି । ୧୮ ଏଞ୍ଜାରି ତାମି  
 ତାଣା ଖାୟାଲିଏ, ଏଞ୍ଜାସି ଏଞ୍ଜାରାକ୍  
 ଏଲେଇଚେସି, “ଆସିୟାତା ନାନୁ  
 ଏଦାତି ଦିନାଟିଏ ମୀ ତଲେ ଏନିକିହଁ  
 ମାଚେଏଁ ମୀରୁ ପୁଞ୍ଜାମାଜେରି, ୧୯ ପ୍ରବୁତି  
 ହଲେଏଣା ଆହାନା ଜାହାରାକ୍ ଉଣା  
 କିହଁ ଅଡେ କାଣ୍ଡୁ ବୁକହାଁ ନାଜେ ସାସ୍ତି  
 ଖାଡ଼ାଟି ନାନୁ ପ୍ରବୁତି ସେବା କିତେଏଁ,  
 ଏନାଆଁତାକି ଇତିହଁ ଏଚରଜାଣା  
 ଜୀହୁଦି ଲକୁତି ପାରୁ ପାରିମାଚାକି  
 । ୨୦ ମୀରୁ ପୁଞ୍ଜାମାଜେରି, ନାନୁ  
 ପାଙ୍ଗାଞ୍ଜେଜେ ଲକୁତାଣା ଖେହ୍ନାଟି  
 ଅଡେ ମିଜେତାକି ଇଲୁତା ଖେସ୍ତାନି  
 ବେଲାତା ମୀ ନେହେଁ ଆନିଲେହେଁତି  
 ଏନାଆଁ ଜିକେଏ ତ୍ଵକୁହା ହିଲାଆତେଏଁ,  
 ୨୧ ଜୀହୁଦି ଅଡେ ଜୀହୁଦିଆଆତି  
 ଲକୁ ନକିତା ଜାଗ୍ରାତା କିହଁ ସାକି  
 ହାହାନା ଖେସାମାଚେଏଁ, ଏଞ୍ଜାରି ପାପୁଟି  
 ଏଚକା ଆହାନା ମାହାପୁରୁ ଖାକି ମନ



ଝେଟୁହା କତାନା ମା ପୁରୁ ଜୀସୁଇଁ ନାମିନେରି । ୨୨ ନୀର୍ବ ମେହଦୁ, ନାନୁ ସୁଦୁଜୀଝୁଇଁ ମାନୁଝି ଆହାନା ଜିରୁସାଲମତା ହାଜିମାଇଁ, ଏମ୍ବାଆଁ ନାଙ୍ଗେତାକି ଏନାଆଁ ଆନେ ନାନୁ ପୁଞ୍ଜାହିଲଅଁ; ୨୩ ସୁଦୁଜୀଝୁ ନାଙ୍ଗେ ଜାଗ୍ରାତା କିହାଁ ସାକି ହାହିମାଞ୍ଜାନେ, ଗାଡ଼ାତାକି ଗାଡ଼ା କାୟିଦି ଆହାନା କସ୍ତ ବେଟାଆଇଁ । ୨୪ ସାମା ନାନୁ ଏନିକଁ ନା ତାରିଆହାମାନି ଚାୟୁ ପାତେକା ହଟାଲି ଆଡ଼ିଇଁ, ଅଡ଼େ ମାହାପୁରୁତି କାର୍ମାଟି ନେହଁ କାବୁତାକି ସାକି ହାହିଲିତାକି ଜୀସୁ ତାଣାଟିଏ ଏମିନି ସେବା କାମା ବେଟାଆହାମାଇଁ, ଏଦାଆଁ ଏନିକଁ ରାପୁହାଲି ଆଡ଼ିଇଁ, ଏଦାଆଁତାକି ନା ଜୀଝୁତି କାଜାୟି ଇଞ୍ଜଁ ଅଣ୍ଡପି ହିଲଅଁ ।”

୨୫ “ଅଡ଼େ ନୀର୍ବ ନାନୁ ପୁଞ୍ଜିମାଇଁ ମୀରୁ ଅଡ଼େ ନାଙ୍ଗେ ଝେଣ୍ଡେ ମେସୁଅଡ଼େରି । ନାନୁ ମୀ ବାରେ ତାଣା ମାହାପୁରୁ ରାଜିତି କାତା ରେଜିହଁ ଝେସାମାଞ୍ଜାଇଁ । ୨୬ ଏଦାଆଁତାକି ନାନୁ ନୀଞ୍ଜୁତି ଇ ପାରୁତାକି ଆଟ୍ଝା ତଲେ ଝେସିମାଇଁ, ମୀ ବିତ୍ରାଟି ଆମ୍ବାଆସି ନାସା ଆତିହଁ ଏମ୍ବାତି ଦାୟି ନାନୁ ଆଏ ୨୭ ଇତିହଁ ମାହାପୁରୁ ଅଣ୍ଡପିମାନାଣି ବାରେ ମିଙ୍ଗେ ଝେସାଲି ନାନୁ ପିସା ହିଲଅଁ । ୨୮ ମୀରୁ ମିଙ୍ଗେ ଜାହାରା କାତା ଅଡ଼େ ଆମିନି କୁଲମିତି ମାହାପୁରୁ ତାନି ନେତେରି ତଲେ କତାମାନେସି, ତାନି ଏ କୁଲମିତି ପହି ପାଡ଼ିକିହାଲିତାକି ସୁଦୁଜୀଝୁ ବାରେ ମାନ୍ଦା ବିତ୍ରାଟି ଗୁମ୍ବସା କିହାଁ ମିଙ୍ଗ ଆଚାମାଞ୍ଜାନେସି, ଏଞ୍ଜାରାଇଁ ଜାଗ୍ରାତା କିଦୁ । ୨୯ ନାନୁ ହାଟି ତାୟୁ ଆଜିହପେତି ଗାଡ଼ଦେ କ୍ଳାଝନଁ ଝାନୁ, ଅଡ଼େ ମେଣ୍ଡାୟାଁ ମାନ୍ଦାତି ରାଣାରାକା କିଆନା ପିହଡ଼, ୩୦ ଦିନା ଝାନେ, ଏରିବେଲା ମୀ ଗଟିତି ଏଚେକା ସୀସୁୟାଁ ନିଙ୍ଗାନା ନାମୁ ଗାଟାରାଇଁ ମିତି କାତା ଝେସାନା ଏଟକା ଜିରୁତା ଅନେରି, ୩୧ ଏରିବେଲା ଜାଗ୍ରାତା ଡ଼ୟାଦୁ, ନାନୁ ଲାଆଁ ମାଦେନା କାଣ୍ଡୁ, ଝାକ୍‌ହିହଁ ତାନି ବାର୍ଯା ପାତେକା

ବାରେତେରି ମିଙ୍ଗେ ଜାପୁହା ମାଞ୍ଜାଇଁ, ଇ କାତା ଅଣ୍ଡପୁତା ଇଟାଦୁ ।”

୩୨ ନୀର୍ବ ନାନୁ ମିଙ୍ଗେ ମାହାପୁରୁ ଇଞ୍ଜାଁ ତାନି କାର୍ମାମେହନି ବଲୁ ନକିତା ହେରପିମାଞ୍ଜାଇଁ, ଇ କାର୍ମାଟି କାତା ମିଙ୍ଗେ ବାଡ଼ୟୁ ତଲେ ପାଡ଼ିକିହାଲିତାକି ଅଡ଼େ ସୁଦୁ ଆହାମାନି ବାରେ ଲକୁ ବିତ୍ରା ଅଦିକାରା ହାହାଲିଆଡ଼ାନେସି । ୩୩ ନାନୁ ଆମ୍ବାଆରି ବାଂଗାରା, ଝେଣ୍ଡି କି ହିମ୍ବରିକା ଜୁପକା ଆହାହିଲାଆଡେସଁ । ୩୪ ମୀରୁ ପୁଞ୍ଜାମାଞ୍ଜେରି ଇ ନା ରୀ କେସ୍ତାତଲେ କାମା କିହାନା ନାଙ୍ଗେ ଅଡ଼େ ନା ତଡ଼ୁ ଲକୁତି ବାରେ ଲଡ଼ାମାନାଣି ବେଟାଆହାମାଇଁ । ୩୫ ଇଲେକିହଁ କସ୍ତ କିହାନା ଆଡ଼ାଆ ଗାଟାରି ସାୟେମି କିନାୟି, “ଇତିହଁ ରାହନି କିହାଁ ହୀନାୟି ହାରେକା ନେହାୟି” ପୁରୁ ଜୀସୁ ତାନ୍ଦୁଏ ଇ କାତା ଝେସାମାଞ୍ଜାନେସି, ଇ କାତା ମୀରୁ ଅଣ୍ଡପିନାୟି ମାନେ, ଇ ବାରେ କାତାତଲେ ମିଙ୍ଗେ ପୁଣ୍ଡି କିହିମାଞ୍ଜାଇଁ ।

୩୬ ଇ ବାରେ କାତା ଝେସାଲି ରାପୁହି ତାୟୁ ପାଝୁଲ ମେଣ୍ଡାକୁତାନା ବାରେଜାଣା ତଲେ ପ୍ରାଡ଼ାନା କିତେସି । ୩୭ ଅଡ଼େ, ଏଞ୍ଜାରି ବାରେଜାଣା ଡ଼ାହି ଡ଼ାହି ପାଝୁଲଇଁ ପମାହାଁ ନଣ୍ଡିତେରି । ୩୮ ଏଞ୍ଜାରି ଅଡ଼େ ତାନି ମୁମ୍ବୁ ଝେଣ୍ଡେ ମେସାଲି ଆଡ଼ଅରି, ଏଞ୍ଜାସି ଝେସାମାଟି କାତାତାକି ହାରେକା ଦୁକୁ କିତେରି, ତାୟୁ ଏଞ୍ଜାରି ଏଞ୍ଜାଣାଇଁ ଏୟୁ ଜାଜା ପାତେକା ଇତି ହାଚେରି ।

## ୨୧

ପାଝୁଲ ଜିରୁସାଲମତା ହାନାୟି  
 ୧ ଏଞ୍ଜାରି ତାଣାଟି ହେଲ ବେଟାଆହାନା ମାମ୍ବୁ ଏୟୁ ଜାଜାତା ହଟାହାଁ ସଲକେ ଜିରୁଟି କସ୍ତା ଝାଡ଼ମି, ତାନି ଅର ନେଟୁ ରଦାତା, ଇଞ୍ଜା ଏମ୍ବାଟିଏ ପାତାରାତା ଝାଡ଼ମି । ୨ ଏମ୍ବାଟିଏ ପୟିନିକିୟା ହାନି ଏୟୁ ଜାଜା ବେଟାଆହାନା ଏମ୍ବାଆଁ ହଟାହାଁ ହାଟମି । ୩ ତାୟୁ କୁପ୍ତ ତଞ୍ଜା ଆହାଲିଏ ତାନି ଚେଟ୍ଟିଝାକି ପିସାନା ମାମ୍ବୁ ସିରିୟାତା

ହାଜାନା ସରତା ଏଗାତମି, ମାମ୍ବୁ ଚାୟରତା ଜାଜାଟି ରେତମି, ଇତିହ ଏମ୍ବାଆଁ ଜାଜାତି ଆସ୍ତି ରେପୁନାୟି ମାଚେ ।<sup>୪</sup> ଏମ୍ବାଆଁ ନାମିତି ସାସୁୟାଣି ପାରାନା ଏଞ୍ଜାରାଇଁ ବେଟାଆହାନା ଏମ୍ବାଆଁ ସାଡ଼ା ଦିନା ଡ଼ୟିତମି; ଇଞ୍ଜା ପାଞ୍ଜୁଲ ଏନିକ ଜିରୁସାଲମତା ହାଲଅସି ଏଦାଆଁତାକି ଏଞ୍ଜାରି ସୁଦୁଜାଞ୍ଜୁ ତଲେ ବାତିମାଲିତେରି ।<sup>୫</sup> ମାମ୍ବୁ ସାଡ଼ା ଦିନା ଡ଼ୟିତି ତାୟୁ, ଏଞ୍ଜାରାଇଁ ପିସାନା ଜାହାରା ଜିରୁତା ହାଚମି, ଅଡ଼େ ମାଙ୍ଗେ ହେଲ ହିୟାଲି ଏଞ୍ଜାରି ବାରେଜାଣା ଇୟାସିକା କକାରି ପଦାୟାଁ ତଲେ ଗାଡ଼ାତି ପାଙ୍ଗାତା ମାନି ସାମ୍ବୁରି ଗାଟୁ ପାତେକା ଇତି ଖାଡ଼େରି, ଏମ୍ବାଆଁ ମେଣ୍ଡାକୁତାନା ମାମ୍ବୁ ବାରେତମି ପ୍ରାଡ଼ାନା କିତମି,<sup>୬</sup> ତାୟୁ ମାମ୍ବୁ ବାରେଜାଣାତି ହେଲ ହାହାନା; ଜାଜାତା ହତମି, ଇଞ୍ଜା ଏଞ୍ଜାରି ତାନି ଇଜ ଖେଣ୍ଡା ହାଚେରି ।

<sup>୭</sup> ମାମ୍ବୁ ସର ଗାଡ଼ାତି ପତଲମାୟିତା ଏଗାହାଚମି, ଇଞ୍ଜା ଏମ୍ବାଆଁ ତାୟିୟାଣି ଜହରା କିହାନା ଏମ୍ବାଆଁ ର ଦିନା ଏଞ୍ଜାରିତଲେ ଡ଼ୟିତମି ।<sup>୮</sup> ଅଡ଼େ ଅର ନେରୁ ହାଜାନା କାୟିସରିୟାତା ଏଗାହାଚମି, ଏମ୍ବାଆଁ ମାମ୍ବୁ ଚୁନହ ବଲୁ ଖେକ୍‌ନି ପିଲିପ ଇଜ ହାଜାନା ଡ଼ୟିତମି, ଜିରୁସାଲମତା ସେବା କାମା କିହାଲି ଆଚାମାନି ସାଡ଼ା ଜାଣା ବିତ୍ରାତି ଏଞ୍ଜାସି ରଅସି ମାଚେସି ।<sup>୯</sup> ଏଞ୍ଜାଣାକି ସାରି ଜାଣା ଡ଼ାଆ ମାସ୍କା ମାରୁ, ଏଞ୍ଜି ବାରେ ମାହାପୁରୁ ଅଣ୍ଟପୁତି ବଲୁ ଖେହ୍‌ନାଇ ମାରୁ ।<sup>୧୦</sup> ଏମ୍ବାଆଁ ହାରେକା ଦିନା ଡ଼ୟିତି ତାୟୁ ଆଗାବ ଦରୁଗାଟି ର ମାହାପୁରୁ ଅଣ୍ଟପୁତି ବଲୁ ଖେହ୍‌ନାସି ଜାହୁଦା ଦେସାତି ଖାଡ଼େସି ।<sup>୧୧</sup> ଏଞ୍ଜାସି ମା ତାଣା ଖାହାନା ପାଞ୍ଜୁଲତି ଜାତି ଡ଼ରି ଅହାନା ତାନି କେସ୍‌କା କଡ଼ାଣା ଦସା କଡ଼ାନା ଏଲେଇଚେସି, “ସୁଦୁଜାଞ୍ଜୁ ଏଲେଇଞ୍ଜି ଖେସିମାଞ୍ଜାନେ, ଇଦାଆଁ ଦସା କଡ଼ିନି ଜାତି ଡ଼ରି ଗାଟାଣାଇଁ ଜିରୁସାଲମତି ଜାହୁଦି ଲକୁ ଇଲେକ

ଦସାନା ଜାହୁଦିଆଆତି ଲକୁତି କେୟୁତା ହେରପିନେରି ।”

<sup>୧୨</sup> ଇ ବାରେ କାତା ଖେଞ୍ଜାନା ଜିରୁସାଲମତା ହାଲାଆନି ଇଞ୍ଜି ମାମ୍ବୁ ଅଡ଼େ ଏମ୍ବାତି ଲକୁ ବାତିମାଲିତମି ।<sup>୧୩</sup> ସାମା ପାଞ୍ଜୁଲ ଏଲେଇଚେସି, “ମାରୁ ଡ଼ାହି ଡ଼ାହ ଏନାଆଁତାକି ନା ହିୟାଁତି କାଡ଼ି କିହିମାଞ୍ଜେରି, ଏନିଇତିହ ନାନୁ ପ୍ରବୁ ଜୀସୁ ତାକି ଜିରୁସାଲମତା ଦସ୍‌ପି ଆହାଲି ଆଏ ସାମା ହାହାଲି ଜିକେଏ ଅଣ୍ଟପିମାଇଁ, ଇଞ୍ଜି ଇଚେସି ।”

<sup>୧୪</sup> ଏଞ୍ଜାସି ମା କାତା ମାନୁଞ୍ଜି ଆଆତାକି ମାମ୍ବୁ ବାରେ ପାଲେଏ ଆଡ଼ମି, ଇଞ୍ଜା “ପ୍ରବୁତି କାତେଏ ଆଡ଼େ” ଇଞ୍ଜି ଇଚମି ।

<sup>୧୫</sup> ଏମ୍ବାଆଁ ଏଚରଦିନା ମାତି ତାୟୁ ମାମ୍ବୁ ମା ଆସ୍ତି ଆସାନା ଜିରୁସାଲମତା ହାଚମି ।<sup>୧୬</sup> ଅଡ଼େ କୁପ୍ରତି ମନାସନ ଦରୁଗାଟି ର ନାମୁଗାଟାସି ଅଡ଼େ କାୟିସରିୟାତି ଏଚରଜାଣା ସାସୁୟାଁ ମା ତଲେ ହାଚେରି; ମନାସନ ଇଜ ମାମ୍ବୁ ଡ଼ୟିନାୟି ମାଚେ ।

ଜାକୁବ ତଲେ ପାଞ୍ଜୁଲ ବେଟାଆନାୟି

<sup>୧୭</sup> ମାମ୍ବୁ ଜିରୁସାଲମତା ଏଗାହାଜାଲିଏ ନାମିତି ତାୟିୟାଁ ମାଙ୍ଗେ ରାହାଁତି ହାଡ଼ା ଅୟାଚେରି ।<sup>୧୮</sup> ଏ ଅର ନେରୁ ପାଞ୍ଜୁଲ ମା ତଲେ ଜାକୁବ ଇଜ ହାଚେସି; ଅଡ଼େ ବାରେ ପ୍ରାତିନାଙ୍ଗା ଏମ୍ବାଆଁ କୃଡ଼ା ଆଡ଼େରି ।<sup>୧୯</sup> ପାଞ୍ଜୁଲ ଏଞ୍ଜାରାଇଁ ଜହରା କିତି ତାୟୁ, ମାହାପୁରୁ ତାନି ସେବା କାମାତା ଜାହୁଦିଆଆତି ଲକୁତାଣା ଏନି ଏନି କାମା କିହାମାନେସି ଏ ବାରେ ଖେସ୍‌ସେସି ।<sup>୨୦</sup> ଏଞ୍ଜାରି ଏଦାଆଁ ଖେଞ୍ଜାନା ମାହାପୁରୁତି ଜହରା କିଚେରି, ଅଡ଼େ ଏଞ୍ଜାଣାଇଁ ଏଲେଇଚେରି, “ଏ ତାୟି, ପାଞ୍ଜୁଲ ନୀଏଁ ମେସିମାଞ୍ଜି ଜାହୁଦିୟାଁ ବିତ୍ରାତି ମାଣା ମାଣା ଲକୁ ନାମିମାନେରି, ଏଞ୍ଜାରି ବାରେଜାଣା ମୋରାତି ମାନୁଞ୍ଜି ଆହିମାନେରି ।<sup>୨୧</sup> ଏଞ୍ଜାରି କାବୁ ବେଟାଆହା ମାନେରି, ନାନୁ ଏଟକା କୃଡ଼ାତାରି ତାଣା ବାସା ଆହାମାନି

☆ ୨୧:୮ ୨୧:୮ କାମା ୭:୫; ୮:୫ ☆ ୨୧:୧୦ ୨୧:୧୦ କାମା ୧୧:୨୮

ବାରେ ଜୀହ୍ୱାଦି ଲକ୍ଷଣ ମସାତି ମେରା ପିସାଲି, ଏଝାରି କକାରି ତଲୁ ଦାଦୁ, ଅଡ଼େ ଜୀହ୍ୱାଦି ଲକ୍ଷଣ ପାଣାପାଟୁ ମାନୁଝି ଆଆଦୁ ଇଞ୍ଜି ଜାପୁହିମାଞ୍ଜି । ୨୨ ନୀନୁ ଇମ୍ବାଆଁ ଝାହାମାନି କାରୁ ସାତେଏ ଏଝାରି ଝେନେରି, ଆତିହୁ ଏନି କିନାୟି ? ୨୩ ଏଦାଆଁତାକି ମାମ୍ବୁ ନିଙ୍ଗେ ଏନାଆଁ ଝେସିମାଞ୍ଜାନମି ଏଦାଆଁ କିମ୍ବୁ, ମା ତାଣା ସାରି ଜାଣା ମାନେରି, ଏଝାରି ପାରମାଣା କିହାମାନେରି; ୨୪ ଏଝାରିତଲେ ହାଲୀମୁ ଇଞ୍ଜି ଏଝାରିତଲେ ଆଣ୍ଡାନା ନିଙ୍ଗେ ଅଟହା କତାମ୍ବୁ, ଇଞ୍ଜି ଏଝାରି ତାର୍କା ହିଣ୍ଡି କାର୍ତ୍ତୁ ହାମ୍ବୁ, ଆତିହୁ ବାରେ ଲକ୍ଷଣ ମେସାନା ଏଝାରି ନୀ କପାଟି ଝେସାମାନି କାତା ଏନି ସାତା ହିଲେଏ, ସାମା ନୀନୁ ଜିକେଏ ମସା ମେରା ମାନୁଝି ଆହିମାଞ୍ଜି ଇଞ୍ଜି ପୁଞ୍ଜାମାନେରି । ୨୫ ସାମା ଆମିନି ଏଟକା କୃତାତାରି ନାମାମାନେରି, ଏଝାରି ପେଣ୍ଡକା ବମାୟାକି ପୂଜା ହାହାମାନି ବଗ୍ଗୁ, ନେତେରି ଇଞ୍ଜି ହେରକି ତିଣ୍ଡାତାନା ପାୟିତି ଜନ୍ତୁତି ଉଞ୍ଜା ତିନାଆଦୁ, ଇଞ୍ଜି ଦାରିକାମାଟି ଏଟକା ଆଦୁ, ଇଞ୍ଜି ମାମ୍ବୁ ତୁରିକିହାଁ ଏଝାରାକି ର ଆକୁ ରାଟାମାନମି ।”

୨୬ ଏମ୍ବାଟିଏ ପାଞ୍ଜୁଲ ଅର ଦିନା ଏଝାରିତଲେ ହାଜାନା ଅଟହା କତିନି ମେରା ମାନୁଝି ଆଡ଼େସି, ଇଞ୍ଜି ମାହାପୁରୁ ଇଲୁତା ହାଜାନା ତାମି ଅଟହା କତିନି ଦିନାୟାଁ ଏଚେଲା ରାଢେନ ଅଡ଼େ ବାରେଜାଣା ତାକି ଏନି ଏନି ପୂଜା କିନାୟିମାନେ ଏ ବାରେ ଝେସେସି ।

ମାହାପୁରୁ ଇଲୁତା ପାଞ୍ଜୁଲ ଦସପି ଆନାୟି

୨୭ ଏ ସାତା ଦିନା ପୁରା ଆହିମାଟାଟି ଆସିୟା ଦେସାଟି ଏଚେକା ଜୀହ୍ୱାଦି ଲକ୍ଷଣ ମାହାପୁରୁ ଇଲୁତା ପାଞ୍ଜୁଲଇଁ ମେସାନା ଏଝାରି ଏମ୍ବାଆଁ କୃତା ଆହାମାନି ମାଦା ଲକ୍ଷଣ ମାଡ଼ି କିତେରି, ଅଡ଼େ ଏଝାଣାଇଁ ଆସାନା କାଲୁଝି ଆହୁ ଏଲେଇଚେରି ।

୨୮ “ଏ ଇସ୍ରାୟେଲତି ଲକ୍ଷଣ ସାୟେମି କିୟାଦୁ; ଇଝାସି ସାରିଝାକି ହାଜାନା ଇସ୍ରାୟେଲ ଲକ୍ଷଣ କପାଟି ଅଡ଼େ ମସା ହାତି ମେରା ଇଞ୍ଜି ଇ ମାହାପୁରୁ ଇଲୁ କପାଟି ଜାପୁହିମାନେସି । ଇଞ୍ଜି ନୀର୍ବ ଏଚେରଜାଣା ଜୀହ୍ୱାଦିଆଆତି ଲକ୍ଷଣ ମାହାପୁରୁ ଇଲୁତା ତାତାନା ସୁଦୁ ଟାୟୁତି ପଲୁଆ କିହିମାନେସି ।” ୨୯ ଇତିହୁ ଏଝାରି ଗାଡ଼ାତା ଏପିସିୟତି ତ୍ରପିମଇଁ ପାଞ୍ଜୁଲ ତଲେ ମେସାମାଚେରି, ଅଡ଼େ ଏଝାଣାଇଁ ମାହାପୁରୁ ଇଲୁତା ତାତାମାନେସି ଇଞ୍ଜି ଅଣ୍ଡିପମାଚେରି ।

୩୦ ଏମ୍ବାଟିଏ ବାରେ ଗାଡ଼ା କିଲିବିଲି ଆଡ଼େ, ଇଞ୍ଜି ଲକ୍ଷଣ ମାଦା ମାଦା ଆହୁ ହଟାନା ପାଞ୍ଜୁଲଇଁ ଆସାନା ମାହାପୁରୁ ଇଲୁଟି ରେଜା ତାଚେରି; ଇଞ୍ଜି ଏ ଦେବୁଣିଏ ମାହାପୁରୁ ଇଲୁଟି ଦାରାୟାଁ ସୁଣ୍ଡିତେରି । ୩୧ ଅଡ଼େ ଏଝାରି ପାଞ୍ଜୁଲଇଁ ପାୟାଲି ଅଣ୍ଡିପିତେରି, ଇଞ୍ଜି ଜିରୁସାଲମତା କାଜା ଗଡ଼ହା ଆହାମାନେ ଇଞ୍ଜି ରିଜାରି କସକାତି କାଜାଣି ତାଣା କାରୁ ହାତେରି । ୩୨ ଏମ୍ବାଟିଏ ଏଝାସି ଦେବୁଣିଏ ରିଜାରି କସକା ଇଞ୍ଜି ପାସାକଡ଼ି କସକା ମୁହେଁ କାଜାରାଇଁ ଆସାନା ଏଝାରିତାଣା ଦାବଡ଼ି ହାଚେସି, ଲକ୍ଷଣ ରିଜାରି କସକା ଅଡ଼େ କସକା ମୁହେଁ କାଜାରାଇଁ ମେସାନା ଏଝାରି ପାଞ୍ଜୁଲଇଁ ଝେଚାଲି ପିସ୍ତେରି । ୩୩ ଏମ୍ବାଟିଏ କସକା ମୁହେଁ କାଜାସି ପାଞ୍ଜୁଲ ତାଗେ ହାଜାନା ଏଝାଣାଇଁ ଆସାନା ରୀ ହିକ୍ଷିୟାଁ ତଲେ ଦସାଲି ହୁକୁମି ହାତେସି, ଅଡ଼େ “ଇଝାସି ଆମ୍ବାଆସି ? ଏନାଆଁ କିହାମାନେସି ଇଞ୍ଜି ଝେଚେସି ?” ୩୪ ଏଚେଟିଏ ଲକ୍ଷଣ ବାରେ ଆମ୍ବାଆରି ଇ କାତା ଆମ୍ବାଆରି ଏ କାତା ଇଞ୍ଜି କାଲୁଝି ଆଡ଼େରି, ଇଞ୍ଜି ଏନାଆଁ ଆହାମାନେ ଇଞ୍ଜି ତୀରପୁତି କାତା ପୁନାଆନା ପାଞ୍ଜୁଲଇଁ କଟା ଇଲୁତା ଅହାଲି କସକାଣି ହୁକୁମି ହାତେସି । ୩୫ ଏଚିବେଲା ଏଝାସି ପାଞ୍ଜୁଜି ପିଣ୍ଡାଣା

ଏଗାହାଜାଲିଏ, ଲକୁଡ଼ି ମାୟା କାରବିଟି କାଲୁଝି ଆୟାଲିଏ କସକା ପାଝୁଲଇଁ ଇଲୁ ବିତ୍ରା ଡେକା ଅଡେରି । ୩୭ ଇଟିହୁଁ ମାୟା ମାୟା ଲକୁ ଜେଟ ଝାହିହୁଁ “ଏଝାଣାଇଁ ପାୟାଦୁ” ଇଞ୍ଜୁଁ କାଲୁଝି ଆହିମାରେରି ।

ପାଝୁଲ ତାନୁଏ ତାଙ୍ଗେତାକି ଝେହନାୟି

୩୭ ଏଝାରି ପାଝୁଲଇଁ କଟା ଇଲୁ ବିତ୍ରା ଅହିମାଚାଟି ଏଝାସି କସକା ମୁହେଁ କାଜାଣାଇଁ ଏଲେଇଚେସି, “ନାନୁ ନିଙ୍ଗେ ର କାତା ଝେସାଲି ଆଡାଉଁ କି ?” ଏମ୍ବାଟିଏ କାଜାସି ଏଲେଇଚେସି “ନାନୁ ଗ୍ରିକ୍ ହାଡା ପୁଞ୍ଜି କି ? ୩୮ ଆତିହୁଁ ଇଦାଆଁ ନକେଏ ଏମିନି ମିସରତି ଲକୁ ଗଡ଼ହା ହପୁହାନା ସାରି ମାଣା କାଗଂରାଣି ଲକୁ ହିଲାଆ ଗାୟୁଡା ଅହାମାଚାଟି ନାନୁ ଏଝାତି ଆଏ କି ?”

୩୯ ଏମ୍ବାଟିଏ ପାଝୁଲ ଏଲେଇଚେସି “ନାନୁତ ର ଜୀହୁଦି କିଲିକିୟା ଦେସାତି ତାର୍ସ ଇଞ୍ଜିହୁଁ ଝେଙ୍ଗତି ଗାଡାତା ଜାର୍ନା ଆଡାଚେଏ; ଇ ଲକୁଣି କାତା ଝେସାଲି ନାଙ୍ଗେ ହେଲ ହିୟାମୁ ।”

୪୦ ଏ କାଜାସି ହେଲ ହିୟାଲିଏ, ପାଝୁଲ ପାଝୁଜିକାଣା ନିଚାନା ଲକୁଣି କେୟୁତଲେ ସାପି କିଚେସି; ଇଞ୍ଜା ବାରେଜାଣା ସାପି ଆହାଲିଏ ଏଝାସି ଏବୁ ହାଡାତଲେ ଏଝାରାଇଁ ଏଲେଇଚେସି ।

୨୨

୧ “ଏ ତାୟିୟାଁ ଅଡେ ତାଞ୍ଜିୟାଁତେରି, ନାନୁ ନାଏଁ ମୀ ନକିତା ନା ଝାକିଟି କାତା ଝେସିମାଞ୍ଜାଇଁ, ଝେଞ୍ଜାଦୁ !” ୨ ପାଝୁଲ ଏଝାରି ନକିତା ଏବୁ ହାଡାତଲେ ଜଲିମାନାଣି ଝେଞ୍ଜାନା; ଏଝାରି ହାଡା ଆଆନା ପାଲେଏ ଆଚେରି, ଅଡେ ପାଝୁଲ ଜଲାଇ ମାଟ୍‌ହେସି ।

୩ ଏମ୍ବାଟିଏ ଏଝାସି ଏଲେଇଚେସି, “ନାନୁ ର ଜୀହୁଦି ଲକୁଚେଏଁ, କିଲିକିୟାତି ତାର୍ସତା ନା ଜାର୍ନା, ସାମା ନାନୁ ଇ ଜିରୁସାଲମ ଗାଡାତା

ପହିପାତି ଆହାମାଇଁ, ଗମଲିୟେଲ ତାଣା କୁଗାନା ଜାପାମାଇଁ, ମା ଆକୁ ଆବାୟାତି ମେରାତି ନେହୁଁ କୁଁ ଜାପାମାଇଁ; ମୀରୁ ଏନିକୁଁ ମାହାପୁରୁତି ସେବା କିହିମାଞ୍ଜେରି ନାନୁ ଜିକେଏ ଏଲେକିହୁଁ ମାନୁଝି ଆନାଚେଏଁ ମାଚେଏ; ୪ ନାନୁ ଇ ଜିରୁତା ତାକିମାନି ଇୟାସିକା ଆବାୟାଣି ହାନ୍ତି ପାଚେକା ସାସ୍ତି କିହିମାଚେଏଁ, ଅଡେ ଦସପାନା କାୟିଦି ଇଲୁକାଣା ହେରପିମାଚେଏଁ । ୫ ନା ଇ କାତା ସାତା, କାଜା ପୂଜେରାଇଁ ଅଡେ କାଜା ବେରଣି ମାଣ୍ଡାତାରି ନା ସାକି; ନାନୁ ଏଝାରି ତାଣାଟି ତାୟିୟାଁକି ଆକୁ ରୀସାନା ଲକୁଣି ହିକଣିୟାଁ ତଲେ ଦସପାନା ଜିରୁସାଲମତା ତାତାଲି ତାକି ନାନୁ ଦମେସକତା ମାନି ଜୀହୁଦି ଲକୁତାଣା ହାଜାମାଚେଏଁ ।”

ପାଝୁଲ ତାନି ମନ୍ ଝେଟ୍‌ହାଣି ଝେହନାୟି

(କାମା ୯:୧-୧୯; ୨୭:୧୨-୧୮)

୬ “ନାନୁ ଦମେସକ ତାଗେ ଏଜିମାଚାଟି ମାଦେନା ବେଲାତା ଦେବୁଣିଏ ନା ସାରିଝାକି ହାଗୁଲାକଟି ର ତାହାଣା ଉଜେଡ଼ି ଡାଞ୍ଜିତେ । ୭ ଏମ୍ବାଟିଏ ନାନୁ ବୁମିତା ତରୁଗିଚେଏଁ, ଇଞ୍ଜା ନାଙ୍ଗେ ତାକି ଝେସିମାଟି ଇ ହାଡା ଝେଚେଏଁ, ‘ସାଝୁଲ, ସାଝୁଲ ଏନାଆଁତାକି ନାଙ୍ଗେ ସାସ୍ତି ହାହିମାଞ୍ଜାଦି ?’ ୮ ନାନୁ ଏଲେଇଚେଏଁ, ‘ପ୍ରବୁ ନାନୁ ଆମ୍ବାଆତି ?’ ଏମ୍ବାଟିଏ ଏଝାସି ନାଙ୍ଗେ ଏଲେଇଞ୍ଜାଚେସି, ‘ନାନୁ ଆମ୍ବାଆରାଇଁ ସାସ୍ତି ହାହିମାଞ୍ଜି ନାଜରିତତି ଜୀସୁଚେଏଁ ନାନୁ ।’ ୯ ନା ତଲେ ମାଟି ଲକୁ ଏ ଉଜେଡ଼ି ମେସ୍ତେରି ସାତା, ସାମା ନାଙ୍ଗେ ଝେସ୍ତାତି ହାଡା ଝେନାଆଚେରି । ୧୦ ଏଚେଟିଏ ନାନୁ ଏଲେଇଚେଏଁ, ‘ପ୍ରବୁ ନାନୁ ଏନାଆଁ କିଇଁ ?’ ଏଚେଟିଏ ପ୍ରବୁ ନାଙ୍ଗେ ଝେସ୍ତାଚେସି, ‘ନିଙ୍ଗାନା ଦମେସକତା ହାଲାମୁ, ଅଡେ ନିଙ୍ଗେ ଏନାଆଁ କିହାଲି ଆନେ ଏଡାଆଁ ଏମ୍ବାଆଁ ଝେସ୍ତାଇଁ ।’ ୧୧ ଏ ଉଜେଡ଼ି ମିଣ୍ଡସି

☆ ୨୨:୩ ୨୨:୩ କାମା ୫:୩୪-୩୯ ☆ ୨୨:୪ ୨୨:୪ କାମା ୮:୩; ୨୭:୯-୧୧

ମାତାକି ନାନୁ କାଣା ଆହାହାଚେଏ, ଇଞ୍ଜା ନା ତଲେ ଖାହିମାଚାରି ନାଙ୍ଗେ କେୟୁ ଆସାନା ଦମେସକତା ଅୟାଚେରି ।”

୧୭ “ଏ ଗାଡ଼ାତା ହନନିୟ ଇଞ୍ଜିହ ର ଦାମ୍ଭୁଗାଟାସି ମାଚେସି, ଏଞ୍ଜାସି ମା ମେରାତି ମାନଞ୍ଜି ଆନାସି, ଇଞ୍ଜା ଦମେସକତି ଜୀହୁଦି ଲକୁତାଣା ମାନି ଗାଟାସି ଅଡ଼େ ଖେଜିତାସି ମାଚେସି । ୧୮ ଏଞ୍ଜାସି ନା ତାଣା ଖାହାନା ଦାରିତା ନିଚାନା ନାଙ୍ଗେ ଏଲେଇଞ୍ଜାଚେସି, ‘ଏ ପାଞ୍ଜୁଲ ତାୟି ମେହମ୍’ ଏ ଦେବୁଣିଏ ନା କାଣକା ଦେପିଆତୁ ଇଞ୍ଜା ନାନୁ ଏଞ୍ଜାଣାଇ ମେସାଲି ଆଡ଼ିଚେଏ । ୧୯ ଏଞ୍ଜାସି ଏଲେଇଞ୍ଜାଚେସି, ‘ମା ଆକୁ ଆବାୟାତି ମାହାପୁରୁ ତାନି କାତା ପୁଞ୍ଜାଲି ଅଡ଼େ ଏ ତାରି ଗାଟାଣାଇ ମେସାଲି, ଅଡ଼େ ତାନି ଗୁଡ଼ିଟି ହଡ଼ିମାନି ହାଡ଼ା ଖେଞ୍ଜାଲି ଆଚାମାଞ୍ଜାଚେସି । ୧୯ ଇଚିହ ନାନୁ ଏନାଆଁ ମେସାମାଞ୍ଜି ଇଞ୍ଜା ଖେଞ୍ଜାମାଞ୍ଜି, ଏ ବାରେତାକି ବାରେ ଲକୁତାଣା ଖେସାଲି ନାନୁ ସାକି ଆଦି । ୧୭ ଅଡ଼େ ନୀଏଁ ଏନାଆଁତାକି ଖେଡ଼ା କିହିମାଞ୍ଜି, ନିଙ୍ଗାମୁ ବାପ୍ରିସ୍ତ\* ଆହାନା ତାନି ତାଣା ପ୍ରାତାନା କିହାନା ନୀ ପାପୁ ବାରେ ନରଞ୍ଜି କିହାକତାମୁ ।”

ପାଞ୍ଜୁଲ ଜୀହୁଦିଆଆତି ଲକୁତାଣା ପାଣ୍ଡୁଞ୍ଜି ଆନାୟି

୧୭ “ଏମ୍ବାଟିଏ ନାନୁ ଜିରୁସାଲମତା ଖେଣ୍ଡା ଖାହାନା ମାହାପୁରୁ ଇଲୁତା ପ୍ରାତାନା କିହିମାଚାଟି, ସେୟାଣା ହାପାନାତା ମେସ୍ତେଏ, ୧୮ ନାନୁ ସେୟାଣା ହାପାନାତା ପ୍ରବୁଇ ମେସ୍ତେଏ, ଏଞ୍ଜାସି ନାଙ୍ଗେ ଏଲେଇଞ୍ଜାଚେସି, ‘ତବେ ଜିରୁସାଲମ ପିହମ୍, ଇଚିହ ଇମ୍ବାତି ଲକୁ ନା ସାକି ହାନାଟି ନୀ କାତା ଆହଅରି ।’ ୧୯ ଏମ୍ବାଟିଏ ନାନୁ ଏଲେଇଚେଏଁ ‘ପ୍ରବୁ ନାନୁ ଜୀହୁଦି ଲକୁତି କୁଟମି ଇଲୁକାଣା† ହାଜାନା ନିଙ୍ଗେ ନାମାନାରାଇ ଖେଚାନା କାୟିଦି ଇଲୁତା ସୁଣ୍ଡିମାଚାଣି ଏଞ୍ଜାରି ନେହଁକ

ପୁଞ୍ଜାମାନେରି; ୨୦ \*ଅଡ଼େ ଏଚିବେଲା ନୀ ସାକି ସ୍ତ୍ରୀପାନଇଁ ପାୟିଚେରି, ନାନୁଏ ଏମ୍ବାଆଁ ମାଚେଏଁ; ଇଞ୍ଜା ବେଲେଏ ହାଡ଼େପସି ଇଞ୍ଜି ଅଣପିମାଚେଏଁ, ଅଡ଼େ ପାୟିମାଚାରି ହିମ୍ବୁରିକା କାଡ଼ିମାଚେଏଁ ।’ ୨୧ ସାମା ପ୍ରବୁ ନାଙ୍ଗେ ଏଲେଇଞ୍ଜାଚେସି, ‘ହାଲାମୁ ଇଚିହଁ ନାନୁ ନିଙ୍ଗେ ହେକ ଦେସାତି ଜୀହୁଦିଆଆତି ଲକୁତାଣା ପାଣ୍ଡାଇଁ ।”

୨୨ ପାଞ୍ଜୁଲ ଏଲେଇଞ୍ଜି ଖେହନି ପାଚେକା ଲକୁ ଖେଞ୍ଜିମାଚେରି, ସାମା ଏ ଦେବୁଣିଏ ଏଞ୍ଜାରି କାଜା ଗିୟାତଲେ କାଲଞ୍ଜି ଆହାନା ଏଲେଇଚେରି, “ଏଞ୍ଜାଣାଇଁ ପାଙ୍ଗାତା ତାଚାହାଁ ପାୟାନା ଦାରତିଟି ମେକହା ତୁହୁ, ଏଞ୍ଜାସି ନୀତାଲି ପାଡ଼ାଆଅସି ।” ୨୩ ଅଡ଼େ ଏଚିବେଲା ଏଞ୍ଜାରି କିଲଡ଼ି କିହଁ ତାମି ହିମ୍ବୁରିକା କୁଡ଼ିହଁ ଲାକଞ୍ଜାକି ଦୁଡ଼ି ଡ଼ାଞ୍ଜିଚେରି, ୨୪ ଏଚିବେଲା ପାସାକଡ଼ି କସକା ମୁହେଁ କାଜାସି ପାଞ୍ଜୁଲଇଁ କଟା ଇଲୁ ବିତ୍ରା ଅହାଲି ହୁକୁମି ହୀଚେସି, ଅଡ଼େ ଜୀହୁଦି ଲକୁ ଏନାଆଁତାକି ଏଞ୍ଜାଣି କପାଟି ଗଡ଼ହା କିହିମାନେରି, ଏଦାଆଁ ପୁଞ୍ଜାଲି ପାଞ୍ଜୁଲଇଁ ସାଟ୍‌ଣି ତଲେ ଖେଚାନା ଖେଞ୍ଜୁ ଇଞ୍ଜି ହୁକୁମି ହୀଚେସି । ୨୫ ସାମା ଏଞ୍ଜାରି ଏଞ୍ଜାଣାଇଁ ସାଟ୍‌ଣି ତଲେ ଖେଚାଲି ତ୍ଵରିତଲେ ଦସାଲିଏ, ପାଞ୍ଜୁଲ ଦାରିତା ମାଚି ପାସାକଡ଼ି କସକା ମୁହେଁ କାଜାଣାଇଁ ଏଲେଇଚେସି, “ଏମିନି ଦହତା ନୀହାୟି କିଞ୍ଜି ଆହାହିଲ୍ୟାଆ ର ରମ୍ ଦେସା ତାଣାଇଁ ସାଟ୍‌ଣି ତଲେ ଖେଚାଲି ଏନି ମେରା ମାନେ କି ?”

୨୬ ଇଦାଆଁ ଖେଞ୍ଜାନା କହୁଏସି ପାସାକଡ଼ି କସକା ମୁହେଁ କାଜାଣା ତାଣା ହାଜାନା ଏଲେଇଚେସି, “ନାନୁ ଏନାଆଁ କିହାଲି ହାଜିମାଞ୍ଜି, ଇଚିହଁ ଇଞ୍ଜାସି ରମିୟ ଲକୁ ।”

୨୭ ଏମ୍ବାଟିଏ ପାସାକଡ଼ି କସକା ମୁହେଁ କାଜାସି ଖାହାନା ପାଞ୍ଜୁଲଇଁ ଖେଚେସି, “ନାନୁ ନାଙ୍ଗେ ଖେସାମୁ ନାନୁ ରମ୍

\* ୨୨:୧୨ ୨୨:୧୭ମୁଞ୍ଜିନାୟି † ୨୨:୧୯ ୨୨:୧୯ ସିନଗର୍ଣ୍ଣ ☆ ୨୨:୨୦ ୨୨:୨୦ କାମା ୭:୫୮

ଦେସାତାତ କି ?” ପାଞ୍ଚୁଲ ଏଲେଇରେସି  
“ହାଅ ।”

୨୮ ଏମ୍ବାଟିଏ ପାସାକଡ଼ି କସକା  
ମୁହେଁ କାଜାସି ଏଲେଇରେସି, “ନାନୁ  
ହାରେକା ଟାକାୟାଁ ହାହାନା ରମ୍  
ଦେସାତାତେସି ଆହାମାଇଁ ।” ସାମା  
ପାଞ୍ଚୁଲ ଏଲେଇରେସି, “ନାନୁତ  
ଜାନାଟିଏ ।”

୨୯ ଏମ୍ବାଟିଏ ଆମ୍ବାଆରି ପାଞ୍ଚୁଲଇଁ  
ଝେଞ୍ଜାଲି ତିୟାରା ଆହାମାରେରି,  
ଦେବୁଣିଏ ଗୁଟା ଆହାହାରେରି, ଇଚିହ  
ପାଞ୍ଚୁଲ ରମ୍ ଦେସାତାସି ଇଞ୍ଜି ପୁଞ୍ଜାନା  
ର. ମାଣା କସକା ମୁହେଁ କାଜାସି  
ଏଝାଣାଇଁ ହିକ୍‌ଣିୟାଁ ତଲେ ଦସପି  
କିହାମାତାକି ତାନୁଏ ଆଜିତେସି ।

କାଜା ବେରଣିମାଣ୍ଡା ନକିତା ପାଞ୍ଚୁଲ  
୩୦ ଜାହୁଦି ଲକୁ ପାଞ୍ଚୁଲ କପାଟି  
ଏନ୍ଦି ଦାଝା କିହାମାନେରି, ଏଦାଆଁ  
ସାତା ତଲେ ପୁଞ୍ଜାଲିତାକି ର. ମାଣା  
କସକା ମୁହେଁ କାଜାସି ତାନି ଅର  
ନେରୁ ପାଞ୍ଚୁଲତ ହିକ୍‌ଣିୟାଁ ହୁକ୍‌ହାନା  
କାଜା ବେରଣିମାଣ୍ଡାଟି ବାରେଜାଣାଟି  
କୃଡ଼ିକିହାଲି ପୂଜେରାଜାଣି ହୁକୁମି  
ହାତେସି । ତାୟୁ ପାଞ୍ଚୁଲଇଁ ଏଝାରି  
ନକିତା ନିପ୍‌ହେସି ।

### ୨୩

୧ ପାଞ୍ଚୁଲ ଜାହୁଦି ଲକୁଟି କାଜା  
ବେରଣିମାଣ୍ଡାତା କୁଗାମାନ ଲକୁଣି  
ଆଟେ ସିନକିହାନା ଏଲେଇରେସି,  
“ଏ ଇସ୍ରାୟେଲ ତାୟିୟାଁତେରି ନାନୁ  
ନୀଞ୍ଜୁପାତେକା ମାହାପୁରୁ ନକିତା  
ନେହୁ ଅଣ୍‌ପୁ ତଲେ ନୀତାମାଇଁ,  
ଏଦାଆଁତାକି ନା. ହିୟାଁ ହାରେକା  
ଅଡ଼ିତାୟି ।” ୨ ଇ କାତା ଝେଞ୍ଜାନା  
କାଜା ପୂଜେରା ହାନାନ ପାଞ୍ଚୁଲ ଦାରିତା  
ନିଚାମାନି ଲକୁଇଁ ତାନି ଗୁଡ଼ିତା ଝେଦୁ  
ଇଞ୍ଜି ହୁକୁମି ହାତେସି । ୩ \*ପାଞ୍ଚୁଲ  
ଏଝାଣାଇଁ ଏଲେଇରେସି, “ଏ ହୁନୁ  
ଉସପିତି ଦବ୍‌ଲା କାତି ମାହାପୁରୁ  
ନିଜେ ଝେତାନେସି, ନାନୁ ମସାତି

ମେରା ଲେହେଁ ନାଜେ ନୀହାୟି କିହାଲି  
କୁଗାମାଟି ଜିକେଏ, ନାନୁ ନାଜେ  
ଝେତାଲି ହୁକୁମି ହାହାନା ନାନୁଏ ମସାତି  
ମେରା ଉରିମାଞ୍ଜି !”

୪ ଏରେଟିଏ ଦାରିତା ନିଚାମାଟି  
ଲକୁ ପାଞ୍ଚୁଲଇଁ ଏଲେଇରେରି, “ନାନୁ  
ମାହାପୁରୁଟି କାଜା ପୂଜେରାଇଁ ଲାଜା  
କିହିମାଞ୍ଜି ।”

୫ ପାଞ୍ଚୁଲ ଏଲେଇରେସି, “ଏ  
ଇସ୍ରାୟେଲ ତାୟିୟାଁତେରି ଏଝାଣାଇଁ  
ନାନୁ କାଜା ପୂଜେରା ଇଞ୍ଜି ପୁଞ୍ଜା  
ହିଲାଆତେସି; ଇଚିହ ଦାମ୍‌ପତିତା  
ରାସକି ଆହାମାନେ, ‘ମୀରୁ ମୀ ସାଲଝି  
କିନାରାଇଁ ବାକା ଇଟାଆପୁ ।”

୬ \*ସାମା ପାଞ୍ଚୁଲ ର. ବାଗା ସାଦୁକିୟାଁ  
ଅଡ଼େ ର. ବାଗା ପାରୁସିୟାଁ ମାନେରି  
ଇଞ୍ଜି ପୁଞ୍ଜାନା, କାଜା ବେରଣିମାଣ୍ଡାତା  
କାଜା ଗିୟାଁତଲେ ଏଲେଇରେସି,  
“ଏ ଇସ୍ରାୟେଲ ତାୟିୟାଁତେରି ନାନୁ  
ର. ପାରୁସିତେସି ଇଞ୍ଜି ପାରୁସି  
ମୀରଏଣାତେସି; ଇଞ୍ଜି ହାଡ଼ାରି ଝେଣ୍ଡେ  
ନିଜିନେରି ଇଞ୍ଜି ଆସା କିହିମାନାକି  
ମୀରୁ ନାଜେ ନୀହାୟି କିହିମାଞ୍ଜାଦେରି  
।”

୭ ଏଝାସି ଇ କାତା ଏଲେଇଣ୍‌ମିଏ  
ପାରୁସି ଅଡ଼େ ସାଦୁକି ଲକୁ ବିତ୍ରା  
ଗଡ଼ହା ହଡ଼େ, ଇଞ୍ଜି କାଜା ବେରଣି  
ମାଣ୍ଡାତାରି ଗଟି ଗଟି ଆହାଁ ରୀ ବାଗା  
ଆଡ଼େରି । ୮ \*ଇଚିହ ସାଦୁକିୟାଁ  
ଝେଣ୍ଡେ ନିଜିନାୟି ହିଲେଏ, ଦୁତୁୟାଁ  
ଅଡ଼େ ଜାହୁୟାଁ ହିଲାଉ ଇନେରି, ସାମା  
ପାରୁସିୟାଁ ଏ. ବାରେତି ନାମିନେରି  
। ୯ ଏମ୍ବାଟିଏ କାଜା ଗଡ଼ହା ଆଡ଼େ,  
ଅଡ଼େ ପାରୁସିୟାଁ ବିତ୍ରାଟି ଏଚରଜାଣା  
ମେରାପୁନାରି ନିଜାମା ଏଲେଇରେରି;  
“ମାମୁ ଇଝାଣି ତାଣାଟି ଏନ୍ଦି ଦହ  
ବେଟାଆଆଡ଼ମି, ସାତେଏ ଏଝାଣି  
ତାଣାଟି ର. ଜାହୁ ଆଆଡ଼ ଲାକପୁରୁଟି  
ଦୁତୁ କାତା ଝେସାମାନେ ।”

୧୦ ଇଲେଆହୁଁ କାଜା ଗଡ଼ହା  
ଆହାଲିଏ, ପାଞ୍ଚୁଲଇଁ ଏଝାରି କାଣ୍ଡାମୁକା

\* ୨୩:୩ ୨୩:୩ ମାତି ୨୩:୨୭,୨୮

\* ୨୩:୬ ୨୩:୬ କାମା ୨୬:୫; ପିଲିପି ୩:୫

\* ୨୩:୮ ୨୩:୮ ମାତି

୨୨:୨୩; ମାର୍କ ୧୨:୧୮; ଲୁକ ୨୦:୨୭

କିନେରି ଇଞ୍ଜି ଆଜିତାକି ର. ମାଣା କସକା ମୁହେଁ କାଜାସି ପାଞ୍ଜୁଲଇଁ ଏଞ୍ଜାରି ତାଣାଟି ଗେଲ୍‌ପାନା ବାଲ୍‌ମିଟି କଟା ଇଲୁ ବିତ୍ରା ଅହାଲି କସକାଣି ହୁକୁମି ହୀତେସି ।

୧୧ ଏ ନେରୁ ଲାଆଁୟାଁ ପ୍ରବୁ ପାଞ୍ଜୁଲଇଁ ଏଲେଇଚେସି, “ଆଜାଆନି, ସାସା ଆହମୁ ଇଚିହଁ ନୀନୁ ଜିରୁସାଲମତା ଏନିକଁ ନା ସାକି ହୀତି, ରମ୍ ଗାଡାତା ଜିକେଏ ଏଲେକିହଁ ନା ସାକି ହୀନାୟି ମାନେ ।”

ପାଞ୍ଜୁଲଇଁ ପାୟାଲି ଅଣ୍‌ପିନାୟି

୧୨ ଅର ଦିନା ଲାଲ, ଜୀହୁଦିୟାଁ ଜାଟୁ ଆହାନା ପାଞ୍ଜୁଲଇଁ ପାୟାଆ ପାତେକା ଏନି ରାନ୍ଦା କି ଏମୁ ତୀଗାଆପ ଇଞ୍ଜି ତାମ୍ନୁ ତାମ୍ନୁସୁ ପାରମାଣା କିହାମାଚେରି । ୧୩ ଏଲେଇଞ୍ଜି ଅଣ୍‌ପି ମାଗାରି ରୀ କଡ଼ି ଜାଣାଟିଏ ଆଗାଡ଼ା ମାଚେରି । ୧୪ ଏଞ୍ଜାରି କାଜା ପୁଜେରାଜା ଅଡ଼େ ପ୍ରାତିନାଜା ତାଣା ଖାହାଁ ଏଲେଇଚେରି, “ମାମ୍ନୁ ପାଞ୍ଜୁଲଇଁ ପାୟାଲି ଆଡ଼ାଆ ପାତେକା ଏନାଆଁ ତିନଅମି କି ତୀଗଅମି ଇଞ୍ଜି ମାମ୍ନୁ ମାଜେତାକି ପାରମାଣା କିହାମାନମି । ୧୫ ଏଦାଆଁତାକି କାଜା ବେରଣିମାଣ୍ଡାଟି କାଜାରି ହାଜାନା, ର ମାଣା କସକା ମୁହେଁ କାଜାଣାଇଁ ନାଡ଼ି କିହଁ ଏଲେଇଞ୍ଜି, ମାମ୍ନୁ ପାଞ୍ଜୁଲ ଏନାଆଁ କିହାମାନାଣି ନେହଁ କଁ ଖେନମି ଇଞ୍ଜିହଁ ମୀ ତାଣା ହାଟିକିଦୁ, ଏଚେଟିଏ ଏଞ୍ଜାସି ମୀ ତାଣା ଏଗାଞ୍ଜାଆ ନକେଏ ପାୟାଲି ଜାଗ୍ରାତା ଆହା ଡ଼ୟିନମି ।”

୧୬ ସାମା ପାଞ୍ଜୁଲ ତାମି ବାଣଞ୍ଜା କସକା ଜଲ୍‌କି ଆହିମାଟି କାତା ଡ଼ଗୁାନା ଖେଚେସି; ଇଞ୍ଜା କଟା ଇଲୁ ବିତ୍ରା ଖାହାନା ପାଞ୍ଜୁଲଇଁ ଇ ବାରେ କାତା ଖେସେସି । ୧୭ ଏଚେଟିଏ ପାଞ୍ଜୁଲ ର ରମିୟ କହୁଏଣାଇଁ ହାଟାନା ଏଲେଇଚେସି, “ଇ ଦାଂଗଣେଣାଇଁ ର ମାଣା କସକା ମୁହେଁ କାଜାଣି ତାଣା ଅମ୍ନୁ ଇଚିହଁ ଇଞ୍ଜାସି ର କାତା ଏଞ୍ଜାଣାଇଁ ଖେହନାୟି ମାନେ ।” ୧୮ ଏଚେଟିଏ ଏଞ୍ଜାସି ର ମାଣା କସକା ମୁହେଁ

କାଜାଣି ତାଣା ଅହାନା ଏଲେଇଚେସି, “କାୟିଦିତା ମାନି ପାଞ୍ଜୁଲ ନାଜେ ହାଟାନା ନୀ ତାଣା ଇ ଦାଂଗଣେଣାଇଁ ତାଚାଲି ବାତିମାଲ୍ଲାତେସି, ନିଜେ ଖେସାଲି ଇଞ୍ଜାଣାକି ର କାତା ମାନେ ।”

୧୯ ର ମାଣା କସକା ମୁହେଁ କାଜାସି ଏଞ୍ଜାଣି କେୟୁ ଆସାନା ଲକୁ ହିଲାଆ ତାଣା ଅହାନା ଖେଚେସି, “ନାଜେ ନୀନୁ ଏନାଆଁ ଖେସ୍ତାନାୟିମାନେ ଖେସ୍ତାମୁ ।”

୨୦ ଏଞ୍ଜାସି ଏଲେଇଚେସି, “ପାଞ୍ଜୁଲ ଏନାଆଁ କିହାମାନେସି ଏଦାଆଁ ନେହଁ କଁ ପୁଞ୍ଜାଲି ଏଞ୍ଜାଣାଇଁ ଡିଏ କାଜା ବେରଣିମାଣ୍ଡାତା ମା ତାଣା ତାମୁ ଇଞ୍ଜି ଜୀହୁଦି ଲକୁଡ଼ି କାଜାରି ନାଡ଼ିକିହାନା ନିଜେ ବାତିମାଲ୍ଲାନେରି, ୨୧ ସାମା ନୀନୁ ଏଞ୍ଜାରି କାତା ମାନୁଞ୍ଜି ଆଆନି, ଇଚିହଁ ଏଞ୍ଜାଣାଇଁ ପାୟାଲି ଆଡ଼ାଆ ପାତେକା ରାନ୍ଦା ତିଚିହଁ କି ତୀଗିଚିହଁ ମାଜେ ବାକା ଆଟାପେ ଇଞ୍ଜି ମାନି କିହାନା ରୀ କଡ଼ିଟିଏ ଆଗାଡ଼ା ଲକୁ ଡ଼ଗୁାହାଁ କାଟାମାନେରି, ନୀଏଁ ଏଞ୍ଜାରି ନୀ ତାଣାଟି ହେଲ ବେଟାଆହାଲି କାଟିମାନେରି ।”

୨୨ ଏଚେଟିଏ ର ମାଣା କସକା ମୁହେଁ କାଜାସି ଏଲେଇଚେସି, “ନୀନୁ ନାଜେ ଖେସ୍ତାଟି କାତା ଆମ୍ବାଆରାଇଁ ଖେହଆନି” ଇଞ୍ଜି ଖେସାନା ଏ ଦାଂଗଣେଣାଇଁ ପାଣ୍ଡିତେସି ।

ପେଲିକସ୍ ତାଣା ପାଞ୍ଜୁଲଇଁ ପାଣ୍ଡିନାୟି

୨୩ ର ମାଣା କସକା ମୁହେଁ କାଜାସି ତାନି ଡ଼ଇ କାମା କିନି ପାସାକଡ଼ି କସକା ମୁହେଁ କାଜାରାଇଁ ରିଆରାଇଁ ହାଟାନା ଏଲେଇଚେସି, “ନୀଞ୍ଜୁ ଲାଆଁୟାଁ ନ ଗଂଟା ବେଲାତା କାୟିସରିୟାତା ହାଜାଲିତାକି ତାନିକଡ଼ି ଦସ ଜାଣା ଗଡ଼ାତା ହାନାରି ଅଡ଼େ ରୀ ଖାଞ୍ଜା ବାଲ୍ଲାଁ ଗାଟାରି ତଲେ ରୀ ଖାଞ୍ଜା କସକାଣି ତିୟାରା କିଦୁ । ୨୪ ଅଡ଼େ ଏଞ୍ଜାରି ଏନିକଁ ପାଞ୍ଜୁଲଇଁ ଗଡ଼ା ଲାକ କୁଗିକିହାନା ସାଲୁଞ୍ଜି କିନି ପେଲିକସ୍ ତାଣା ଜାଗ୍ରାତା ତଲେ ଅନେରି, ଏଦାଆଁତାକି ବାରେ କିହାଲି

ହୁକୁମି ହୀତେସି ।” ୨୫ ର ମାଣା କସକା ମୁହେଁ କାଜାସି ଇଲେଇଞ୍ଜି ର ଆକୁ ରାଡିତେସି;

୨୬ “ଏ ମାନିଗାଟି ଦେସା ସାଲଞ୍ଜି କିନି ପେଲିକସ୍ କ୍ଲାସୁଦିୟା ଲୁସିୟାତି ଜହରା । ୨୭ ଜାହୁଦିୟାଁ ଇ ଲକୁଇଁ ଆସାନା ପାୟାଲି ଅଣ୍ଡିମାଟି ବେଲାତା, ଏଞ୍ଜାସି ର ରମିୟ ଲକୁ ଇଞ୍ଜି ପୁଞ୍ଜାନା, ନାନୁ କସକା ତଲେ ହାଜାନା ଏଞ୍ଜାଣାଇଁ ପିସ୍ପି କିତେସି । ୨୮ ଏଞ୍ଜାସି ଏଞ୍ଜାରି କପାଟି ଏନି ଦହ କିହାମାନେସି ପୁଞ୍ଜାଲି ନାନୁ ଏଞ୍ଜାଣାଇଁ ତାମି କାଜା ବେରଣିମାଣ୍ଡାତା ଅହାମାଚେସି । ୨୯ ସାମା ଏଞ୍ଜାସି ହାନ୍ତି ତଣ୍ଡୁ କି କାୟିଦି ତଣ୍ଡୁ ବେଗାଆନି ଲେହେଁତି ଏନି ଦହ କିହାହିଲଅସି ଇଞ୍ଜି ନାନୁ ପୁଚେସି, ତାନି କପାଟି ଖାରଇ ତାନି ମେରାତି କାତାତାକି ଏଞ୍ଜାଣାଇଁ ଦହ ଦସାମାନେରି । ୩୦ ଏଞ୍ଜାରି ନାଡିକିହାଁ ଏଞ୍ଜାଣାଇଁ ପାୟାଲି ଅଣ୍ଡିମାନେରି ଇଞ୍ଜି ନାଙ୍ଗେ କାରୁ ହିୟାଲିଏ ନାନୁ ଇଞ୍ଜାଣାଇଁ ଝେଡାକିଆନା ନୀ ତାଣା ପାଣ୍ଡାଚେସି; ଏଞ୍ଜାଣାଇଁ ଦହ ଦସାମାନାରାଇଁ ଜିକେଏ ନୀ ନକିତା ଏଞ୍ଜାଣି କପାଟି ସାକି ହାହାଲି ଝେସା ପାଣ୍ଡାଚେସି ।”

୩୧ ଏମ୍ପାଟିଏ କସକା ହୁକୁମି ବେଗାଆହାନା ପାସୁଲଇଁ ଅହାନା ଲାଆଁୟାଁ ବେଲାତା ଏଞ୍ଜାଣାଇଁ ଆଡ୍ଡିପାଡ୍ଡିତା ତାଚେରି । ୩୨ ଅର ଦିନା ଗଡ଼ାୟାଁ ଗାଟାରାଇଁ ଏଞ୍ଜାଣିତଲେ ହାଜାଲି ପିସାନା, କସକା କଟା ଇଲୁତା ଝେଣ୍ଡା ଖାଚେରି । ୩୩ ଗଡ଼ାୟାଁ ଗାଟାରି କାୟିସରିୟାତା ଖାହାନା, ସାଲଞ୍ଜି କିନି ପେଲିକସ୍ କି ଆକୁ ହାହାନା ପାସୁଲଇଁ ଏଞ୍ଜାଣି ତାଣା ହେରପିଚେରି । ୩୪ ଏଞ୍ଜାସି ଏ ଆକୁ ପଡ଼ଞ୍ଜି ଆଡି ତାୟୁ ନାନୁ ଏମିନି ରାକିତାତି ଇଞ୍ଜି ଝେଚେସି; ଅଡେ ଏଞ୍ଜାସି କିଲିକିୟାତି ଲକୁ ଇଞ୍ଜି ପୁଚେସି, ୩୫ ଇଞ୍ଜା ଏଞ୍ଜାସି ଏଲେଇଚେସି, “ନିଙ୍ଗେ ଦହ ଦସାମାଞ୍ଜାନାରି ଇମ୍ପାଆଁ

ଞ୍ଜାଡିସାରେ ନାନୁ ନୀ କାତା ଝେଞ୍ଜାଇଁ” ଅଡେ ଏଞ୍ଜାସି ପାସୁଲଇଁ ହେରଦତି ଇଜ ଇଗାଲି ହୁକୁମି ହୀତେସି ।

# ୨୪

ଜୀହୁଦି ଲକୁ ପାସୁଲ କପାଟି ଦାଞ୍ଜା କିନାୟି

୧ ପାସା ଦିନା ତାୟୁ କାଜା ପୂଜେରା ହାନାନ, ଏଚେକା ପ୍ରାଟିନାଙ୍ଗା ଅଡେ ତରତୁଲ ଦରୁଗାଟି ଅକିଲା ତଲେ କାୟିସରିୟାତା ଖାଚେରି, ଅଡେ ଏଞ୍ଜାରି ପାସୁଲ କପାଟି ସାଲଞ୍ଜି କିନି ପେଲିକସ୍ ତାଣା ଦାଞ୍ଜା କିଚେରି । ୨ ପାସୁଲଇଁ ଏମ୍ପାଆଁ ତାଚାଲିଏ, ତରତୁଲ ଏଞ୍ଜାଣି କପାଟି ଏଲେଇଚେସି, “ଏ ମାନିଗାଟି ପେଲିକସ୍ ନୀ ତାଣାଟି ମାମ୍ପୁ ହାଚେରକା ଦିନାଟିଏ ହିଡ଼ଡି ବେଗାଆହି ମାନମି, ଇଞ୍ଜା ନାନୁ ମା ଦେସାତାକି କିହାମାନି କାମା ବାରେ ଇ କୂଡ଼ା ତାରାକି ହାଚେରକା ନେହେଁ ଆହାମାନେ । ୩ ଇଦାଆଁ ମାମ୍ପୁ ବାରେଜାଣା ତଲେ ବାରେ ତାଣା ହାଚେରକା ମାନିତଲେ ପେଲିକସ୍ ଲାନ୍ଡି ଆହିମାନମି । ୪ ସାମା ନାନୁ ନିଙ୍ଗେ ଏନିକ୍ ହାଚେରକା ବିତିବିତା କିୟଅଁ, ଇଦାଆଁତାକି ନାନୁ ନାଙ୍ଗେ କାର୍ମାମେସାନା ମା ଏଚେରଗଟା କାତା ଝେଞ୍ଜାଲିତାକି ନିଙ୍ଗେ ବାତିମାଲିମାଞ୍ଜାଇଁ । ୫ ଇତିହଁ ଇ ମାଣ୍ଡାସି ଆଜିହପେତି ଗଡ଼ହା ଗାଟାସି, ଏଞ୍ଜାସି ଦାରତିତି ବାରେଞ୍ଜାକି ମାନି ଜୀହୁଦିୟାଁ ତାଣା ଗଡ଼ହା ହପ୍ପନାସି, ଅଡେ ନାଜ୍ଜରିତ ଗତିତି ର କାଜାସି ଇଞ୍ଜି ମାମ୍ପୁ ପୁଞ୍ଜାମାନମି; ୬ ଅଡେ ଜିକେଏ ମାହାପୂରୁ ଇଲୁତି ଲାଗେଏ କିହାଲି ଅଣ୍ଡାପାମାଚେସି, ଏଚିବେଲା ମାମ୍ପୁ ଇଞ୍ଜାଣାଇଁ ଆସ୍ପିମି, ଅଡେ ମା ମେରାତି ଲେହେଁ ଇଞ୍ଜାଣାଇଁ ନାହାଁୟି କିୟାଲି ଅଣ୍ଡାପାମାଚମି । ୭ ସାମା ର ମାଣା କସକା ମୁହେଁ କାଜାସି ଲୁସିୟା ଖାହାନା ଏଞ୍ଜାଣାଇଁ ମା ତାଣାଟି ବାଡ଼ୟୁ ତଲେ ମାଞ୍ଜା ଅୟାଚେସି, ୮ ଅଡେ ଇଞ୍ଜାଣାଇଁ ଦହ ଦସିମାନାରାଇଁ ନୀ ତାଣା ଖାହାଲି ହୁକୁମି ହୀତେସି, ଇ ବାରେ



କାତାତାକି ନୀନୁ ଇଞ୍ଜାଣାଇଁ ଖେଟିହୁଁ  
 ମାମୁ ଏଞ୍ଜାଣି କପାଟି ଦାଞ୍ଜା କିହାମାନାଣି  
 ପୁଞ୍ଜାଲି ଆଡ଼ିଦି ।” ୯ କୃତ୍ତା ଆହାମାଟି  
 ଜୀହୁଦିୟାଁ ଜିକେଏ ଦାଞ୍ଜା କିହାମାନାରି  
 ତଲେ ଆଣ୍ଠାନା ଈ ବାରେ କାତା ସାତା  
 ଇଞ୍ଜୁଁ ଇଚେରି ।

ତାନି ଝାକିଟି ପାଞ୍ଜୁଲ ପେଲିକସ  
 ନକିତା ଖେହୁନାୟି

୧୦ ଏଚେଟିଏ ସାଲୁଝି କିନାସି  
 ଝାଞ୍ଜୁ ହୁଟାନା ପାଞ୍ଜୁଲଇଁ ଜଲାଇ  
 ହେଲ ହାତେସି, ଇଞ୍ଜା ପାଞ୍ଜୁଲ  
 ଏଲେଇଚେସି, “ନୀନୁ ହାରେକା ବାର୍ସା  
 ଆଡେ ଈ କୃତ୍ତାତାରାଇଁ ନୀହାଁୟି କିନାତି  
 ଆହାମାଞ୍ଜି ଇଞ୍ଜୁଁ ପୁଞ୍ଜାନା, ନୀନୁ  
 ସାସାତଲେ ନା ଝାକିଟି ଖେସିମାଞ୍ଜାଇ  
 । ୧୧ ବାର ଦିନାଟିଏ ଆଗାଡ଼ା ଆଏ,  
 ନୀନୁ ମାହାପୁରୁଟି ସେବା କିହାଲି  
 ଜିରୁସାଲମତା ହାଜାମାଚେଏଁ, ଇଦାଆଁ  
 ନୀନୁ ଖେଞ୍ଜାନା ପୁଞ୍ଜାଲି ଆଡ଼ିଦି ।  
 ୧୨ ଅଡେ ଇଞ୍ଜାରି ମାହାପୁରୁ ଇଲୁତାକି  
 ଜୀହୁଦି ଲକ୍ଷୁତି କୁଟମି ଇଲୁତା\* କି  
 ଗାଡ଼ାତି ଆମିନି ଗାମୁତା ଆମ୍ବାଆରି  
 ତଲେ ବାଦିବାଦା କିତାଣି କି ଗଡ଼ହା  
 ହପୁହାଣି ଇଞ୍ଜାଁ ଜୀହୁଦିୟାଁଣି ମାତୁଝି  
 କିହମାଗାଣି ଇଞ୍ଜାରି ମେସାମାଞ୍ଜଅରି,  
 ୧୩ ଇଞ୍ଜାଁ ନୀଏଁନା କପାଟି ତାତାମାନି ଦହ  
 ତାକି, ଏଞ୍ଜାରି ନୀ ନକିତା ଏନି ପାରମାଣା  
 ତସାଲି ଆଡ଼ଅରି । ୧୪ ସାମା ନୀନୁ  
 ନିଜେ ଇଦାଆଁ ଖେସିମାଞ୍ଜାଇଁ; ଇଞ୍ଜାରି  
 ଏମିନି ଜିରୁତି ମିଚି ଇଞ୍ଜିମାନେରି, ଏ  
 ଜିରୁ ତାକାନା ନୀନୁ ମା ଆକୁ ଆବାୟାତି  
 ମାହାପୁରୁଇଁ ଜହରା କିହିମାଇଁ, ସାମା  
 ନୀନୁ ଜିକେଏ ମସାତି ମେରା ଅଡେ  
 ମାହାପୁରୁ ଅଣପୁତି ବଲୁ ଖେହୁନାରି  
 ପତିତା ଏନାୟି ରାସ୍‌କି ଆହାମାନେ ଏ  
 ବାରେ ନାମିମାଇଁ; ୧୫ ଇଞ୍ଜାରି ଲେହେଁ  
 ମାହାପୁରୁ ତାଣା ନା ଏ ରଣିଏ ଆସା  
 ମାନେ ଦାମ୍‌ଗାଟାରି ଅଡେ ଦାମ୍‌ ହିଲଆ  
 ଗାଟାରି ବାରେ ଲକୁ ହାଡ଼ାରି ତାଣାଟି  
 ଖେଣ୍ଡେ ନିଜିନେରି ଇଞ୍ଜୁଁ ନୀ ନକିତା  
 ଖେସିମାଞ୍ଜାଇଁ । ୧୬ ଏଦାଆଁତାକି ନୀନୁ

ଜିକେଏ ମାହାପୁରୁ ଅଡେ ଲକୁ ନକିତା  
 ବାରେଦିନା ନେହୁଁ ଅଣପୁ ତଲେ  
 ତୁୟାଲି ଅଣପିମାଇଁ ।”

୧୭ “ହାରେକା ବାର୍ସା ଜେଟ ନୀନୁ  
 ମା ଲକୁତାଣା ଦାନା ତାଚାଲି ଅଡେ  
 ମାହାପୁରୁ ତାଣା ପୂଜା କିୟାଲି  
 ଜିରୁସାଲମତା ଝାହାମାଚେଏଁ ।  
 ୧୮ ଏଚିବେଲାତା ନୀନୁ ମାହାପୁରୁ ଇଲୁତା  
 ଅଟହା କଡିନି ମେରା ରାପୁହିମାଟି  
 ବେଲାତା ଇଞ୍ଜାରି ନାଜେ ମାହାପୁରୁ  
 ଇଲୁତା ମେସାତେରି; ଏଚିବେଲା ନା  
 ତଲେ ମାନ୍ଦା ଲକୁ ହିଲଆତେରି କି  
 ଏମ୍ବାଆଁ ଏନି ଗଡ଼ହା ହିଲଆତେ,  
 ୧୯ ସାମା ଆସିୟାତି ଏଚରଜାଣା  
 ଜୀହୁଦିୟାଁ ଏମ୍ବାଆଁ ମାଚେରି; ନା କପାଟି  
 ଏଞ୍ଜାରି ଏନି କାତା ମାଟିହୁଁ ଏଞ୍ଜାରି ନୀ  
 ନକିତା ଝାହାନା ଦାଞ୍ଜା କିତିହୁଁ ନେହେଁ  
 ଆଡେମା । ୨୦ ନୀନୁ କାଜା ବେରଣିମାଣ୍ଡା  
 ନକିତା ନିଚାମାଟି ବେଲାତା ଏନି ଦହ  
 ମେସାମାଟିହୁଁ ଇମ୍ବାଆଁ ମାନି ଈ ଲକୁ  
 ନାଜେ ଖେସାପେରି, ୨୧ \*ନୀନୁ ରଣିଏ  
 କାତା ଖେସାମାଚେଏଁ ଏଞ୍ଜାରି ନକିତା  
 ନିଚାମାଟି ବେଲାତା ନୀନୁ ଆଟୁଞ୍ଜାତଲେ  
 ଏଲେଇଞ୍ଜା ମାଚେଏଁ, ‘ହାଡ଼ାରି ଖେଣ୍ଡେ  
 ନିଜିନେରି ଇଞ୍ଜୁଁ ନୀନୁ ନାମାମାନାକି  
 ନୀଞ୍ଜୁ ମୀ ତାଣାଟି ନୀହାଁୟି କିଝି  
 ଆହିମାଇଁ ।”

୨୨ ସାମା ପେଲିକସ ଏ ଜିରୁତି  
 କାତା ପୁଞ୍ଜାମାଚାକି ନୀହାଁୟି କିହାଲି  
 ବାୟିଦା କିହାନା ଏଲେଇଚେସି,  
 “ର ମାଣା କସକା ମୁହେଁ କାଜାସି  
 ଲୁସିୟା ଝାଡ଼ିଦେହେଁ ନୀନୁ ମୀ ନୀହାଁୟି  
 ଡିକହାଇଁ,” ଇଞ୍ଜୁଁ ଖେସା ପାଣ୍ଡିତେସି  
 । ୨୩ ଏଞ୍ଜାସି ପାସାକଡ଼ି କସକା ମୁହେଁ  
 କାଜାଣାଇଁ ଏଲେଇଚେସି, ତାନି ଲକୁ  
 ଅଡେ ତଣେସିଜା ତାନି ସେବା କିହାଲି  
 କାହି କିଆନି, ଅଡେ ତାନି କାୟିଦିତା  
 ମାନାସି ଇଞ୍ଜୁଁ ଗେଲପାନା ଏଞ୍ଜାଣାଇଁ  
 ହିଡ଼ଡ଼ି ତଲେ ଲେମ୍ବାଲି ଏଲେଇଚେସି ।

ପେଲିକସ ଅଡେ ଦୁସିଲା ନକିତା

\* ୨୪:୧୨ ୨୪:୧୨ ସିନଗଗ    ☆ ୨୪:୨୧ ୨୪:୨୧ କାମା ୨୩:୬

ପାଞ୍ଚୁଲ

୨୪ ଏଚରଦିନା ତାମ୍ଭୁ ପେଲିକସ୍ ଦୂସିଲା ଦରୁଗାଟି ଜୀହୁଦି ତାନି ତକ୍ତି ତଲେ ୱାଚେସି, ଏଞ୍ଜାସି ପାଞ୍ଚୁଲଇଁ ହାଟି କିହାନା କ୍ରୀସୁ ଜୀସୁ ତାଣା ନାମିନି କାତା ଏଞ୍ଜାଣି ତାଣାଟି ୱେଚେସି । ୨୫ ସାମା ପାଞ୍ଚୁଲ ଦାମ୍ଭୁତି କାତା, ତୀରପୁ ହିୟାଁ ଅଡେ ୱାହିମାନି ନୀହାଁୟି ଦିନାଟି କାତା ୱେସିମାଚାକି, ପେଲିକସ୍ ଆଜାନା ଏଲେଇଚେସି, “ନୀର୍ବ ନୀନୁ ହାଲାମୁ ବେଲା ସିନିକିହାନା ଅଡେ ର ଦିନା ହାଟି କିୟାଇଁ ।” ୨୬ ପାଞ୍ଚୁଲ ନାଞ୍ଜେ ଟାକାୟାଁ ହିୟାନେସି ଇଞ୍ଜିଁ ଏଞ୍ଜାସି ଆସା କିହାମାଚେସି, ଏଦାଆଁତାକି ଏଞ୍ଜାସି ଅଲେ ଅଲେ ଏଞ୍ଜାଣାଇଁ ହାଟି କିହାନା ଏଞ୍ଜାଣିତଲେ କାତା ଆଞ୍ଜିଚେସି ।

୨୭ ଏଲେକିହିଁ ରୀ ବାର୍ସା ଆଡି ତାମ୍ଭୁ ପକ୍‌ୟ ପେସୁସ୍, ପେଲିକସ୍ ଚାମ୍ଭୁତା ସାଲଞ୍ଜି କିନାସି ଆଚେସି, ଅଡେ ପେଲିକସ୍ ଜୀହୁଦିୟାଁ ନେହାଁସି ଇଞ୍ଜିଁ ଇଞ୍ଜାପେରିଞ୍ଜା ଇଞ୍ଜିଁ ଅଣ୍ଡାପାନା ପାଞ୍ଚୁଲଇଁ କାୟିଦିତା ଇଚାନା ହାଚେସି ।

## ୨୫

ସାଲଞ୍ଜି କିନାଣି ତାଣା ପାଞ୍ଚୁଲ ଗହାରା କିନାୟି

୧ ଏମ୍ବାଟିଏ ପେସୁସ୍ ଇ ରାକ୍ତିତା ୱାହାନା ତାନିଦିନା ଆୟାଲିଏ କାୟିସରିୟାଟି ଜିରୁସାଲମତା ହାଚେସି, ୨ ଅଡେ ଏମ୍ବାଆଁ କାଜା ପୂଜେରଇଞ୍ଜା ଇଞ୍ଜାଁ ଜୀହୁଦି ଲକୁତି କାଜାରି ପାଞ୍ଚୁଲ କପାଟି ପେସୁସ୍ ତାଣା ୱେଣ୍ଡେ ଦାଞ୍ଜା କିଚେରି, ୩ ଅଡେ ଏଞ୍ଜାସି ଏନିକ୍ ପାଞ୍ଚୁଲଇଁ ଜିରୁସାଲମତା ହାଟା ପାଣ୍ଡାନେସି, ଏଦାଆଁତାକି ଗହାରା କିହାନା ଏଞ୍ଜାଣି କପାଟି କାର୍ମାଆନି ଲେହେଁ ପେସୁସ୍‌ଇଁ ବାଟିମାଲିଚେରି; ଇଞ୍ଜାଁ ଏଞ୍ଜାରି ଜିରୁତା ଡୁଗାହାଁ ପାୟାଲି ଅଣ୍ଡାପିମାଚେରି ।

୪ ପେସୁସ୍ ଏଲେଇଚେସି, “ପାଞ୍ଚୁଲ କାୟିସରିୟାତା କାୟିଦିତା ମାନେସି, ଇଞ୍ଜାଁ ନାନୁ ଜିକେଏ ତବେ ଏମ୍ବାଆଁ ୱେଣ୍ଡା ହାଜିମାଇଁ, ୫ ଏଞ୍ଜାସି ଏନି ଦହ

କିହାମାନେସି, ଆତିହିଁ ମୀ କାଜାରି ନା ତଲେ କାୟିସରତା ହାଲାପେରି ଅଡେ ଏଞ୍ଜାଣି କପାଟି ତାମି ଦାଞ୍ଜା କିପାରି ।”

୬ ପେସୁସ୍ ଏମ୍ବାଆଁ ଆଟା କି ଦସ ଦିନା ଏଞ୍ଜାରିତଲେ ଡୟାହାଁ କାୟିସରିୟାତା ୱେଣ୍ଡେ ହାଚେସି, ଏ ଅର ନେଚୁ ନୀହାଁୟି କିନି ଚାମ୍ଭୁତା କୁଗାନା ପାଞ୍ଚୁଲଇଁ ତାଚାଲି ହୁକୁମି ହାଚେସି । ୭ ପାଞ୍ଚୁଲ ୱାହାଲିଏ ଜିରୁସାଲମଟି ୱାହାମାନି ଜୀହୁଦିୟାଁ ତାନି ସାରିସୁଚୁ ନିଚାନା ଏଞ୍ଜାଣି କପାଟି ହାଚେରକା ଦହ ଦସାଲି ମାଟୁହେରି, ସାମା ଏଞ୍ଜାରି ଏ ବାରେଡି ପାରମାଣା କିହାଲି ଆଡାଆଚେରି । ୮ ଏଚେଟିଏ ପାଞ୍ଚୁଲ ତାନି ୱାକିଟି ୱେସାକତାନା ଏଲେଇଚେସି, “ଜୀହୁଦିୟାଁ ମେରା କପାଟି ଆଆଡ଼ିଁ ମାହାପୁର ଇଲୁ କପାଟି କି କାୟିସର କପାଟି ଜିକେଏ ନାନୁ ଏନି ଦହ କିହାହିଲଅଁ ।”

୯ ସାମା ପେସୁସ୍, ଜୀହୁଦି ଲକୁ ନକିତା ନେହାଁସି ଆୟାଲି ପାଞ୍ଚୁଲଇଁ ୱେଚେସି, “ନାନୁ ଜିରୁସାଲମତା ହାଜାନା ଏମ୍ବାଆଁ ନା ନକିତା ଇ ବାରେଡାକି ନୀହାଁୟି ଆୟାଲି ମନ କିହିମାଞ୍ଜି କି ?”

୧୦ ସାମା ପାଞ୍ଚୁଲ ଏଲେଇଚେସି, “ନାନୁ କାୟିସର ନକିତା ନୀହାଁୟି କିନି ଚାମ୍ଭୁତା ନିଚାମାଇଁ, ଏମ୍ବାଆଁ ନା ନୀହାଁୟି ଆନାୟି ମାନେ, ନାନୁ ଜୀହୁଦିୟାଁ କପାଟି ଏନି ଲାଗେଏ କାମା କିହାହିଲଅଁ, ଏଦାଆଁ ନୀନୁ ଜିକେଏ ନେହଁ କିଁ ପୁଞ୍ଜାମାଞ୍ଜି । ୧୧ ମେରା ମାନି କିଆନା ଲାଗେଏଡି କାମା କିହାମାଟିହିଁ, ନାନୁ ହାହାଲି ଆଜିହିଲଅଁ; ସାମା ଇଞ୍ଜାରି ନା କପାଟି ଆମିନି ବାରେ ଦାଞ୍ଜା କିହିମାନେରି, ଏ ବାରେ ବିତାଟି ଆମିନି ର ପଦୁ ଜିକେଏ ସାତା ଆଆଡିହିଁ, ଆମ୍ବାଆସି ଏଞ୍ଜାରି କେୟୁତା ନାଞ୍ଜେ ହେରପାଲି ଆଡଅସି, ନାନୁ କାୟିସର ନକିତା ନୀହାଁୟି କିଞ୍ଜିଆୟାଲି ଗହାରା କିହିମାଇଁ ।”

୧୨ ଏମ୍ବାଟିଏ ପେସୁସ୍ ତାନି ନୀହାଁୟିତି କାଜାରି ତଲେ ଜଲୁକି ଆହାନା ଏଲେଇଚେସି, “ନୀନୁ କାୟିସର ନକିତା

ନୀହାଁୟି କିଞ୍ଚିଆୟାଲି ରାସିମାଞ୍ଜି,  
ଆତିହ୍ ନାନୁ କାୟିସର ତାଣେଏ ହାଜି  
।”

ଆଗ୍ରିପା ଅଡ଼େ ବନକି ନକିତା  
ପାଞ୍ଜୁଲ

୧୩ ଏଚରଦିନା ତାୟୁ ରାଜା ଆଗ୍ରିପା  
ଅଡ଼େ ବନକି କାୟିସରିୟାତା ଖାହାନା  
ପେସ୍ତସ୍ତୁଆଣ୍ଡାଲି ହାଚେରି । ୧୪ ଏଞ୍ଜାରି  
ଏମ୍ପାଆଁ ଏଚରଦିନା ତୁୟିତି ତାୟୁ,  
ପେସ୍ତସ୍ତ ରାଜା ନକିତା ପାଞ୍ଜୁଲ କାତା  
ଝେସ୍ତେସି, “ପେଲିକସ୍ କାୟିଦିତା  
ଇଟାମାନାସି ରଅସି ଇମ୍ପାଆଁ ମାନେସି;  
୧୫ ନାନୁ ଏଚିବେଲ୍ଲା ଜିରୁସାଲମତା  
ହାଜାମାଚେଏଁ ଏଚିବେଲ୍ଲାତା ଜୀହୁଦି  
ଲକୁତି କାଜା ପୂଜେରାଞ୍ଜା ଅଡ଼େ  
ପ୍ରାଚିନାଞ୍ଜା ଏଞ୍ଜାଣି କପାଟି ଝେସାନା  
ଏଞ୍ଜାଣାଇଁ ତଣ୍ଡ ହାହାଲି ନାଞ୍ଜେ  
ବାତିମାଲି ମାଞ୍ଜାତେରି । ୧୬ ସାମା ନାନୁ  
ଏଞ୍ଜାରାଇଁ ଏଲେଇଚେଏଁ, ଦହଗାଟାସି  
ତାନି ଦହ ଦସାମାନାରା ନକିତା ନିଆ  
ପାତେକା ଇଞ୍ଜା ତାଞ୍ଜେ ତାନି ଖାକିଟୁ  
ଜଲ୍ଲାଲି ହାଆ ପାତେକା ଏଞ୍ଜାଣାଇଁ  
ତଣ୍ଡ ହାହାଲି ମା ରମ୍ ଲକୁତି ମେରା  
ହିଲେଏ । ୧୭ ଏଞ୍ଜାରି ନା ତଲେ ଇମ୍ପାଆଁ  
ଝାୟାଲିଏ, ନାନୁ ଝେଡାକିଆନା ତାନି  
ଅର ନେଚୁ ନୀହାଁୟି କିନି ତାଣା କୁଗାନା,  
ଏଞ୍ଜାଣାଇଁ ତାଚାଲି ହୁକୁମି ହାତେଏଁ  
। ୧୮ ଏଞ୍ଜାଣାଇଁ ଦହ ଦସାମାନାରି  
ଝାହାନା ନିଚେରି, ସାମା ଏଞ୍ଜାରି  
ଏନିଲେହେତି ଦାଞ୍ଜା କିନେରି ଇଞ୍ଜା  
ନାନୁ ଅଣ୍ପିମାଚେଏଁ, ଏଞ୍ଜାରି ଏନି  
ଦହ ଏଞ୍ଜାଣି କପାଟି ଝେସ୍ତାଆତେରି  
। ୧୯ ଏଞ୍ଜାରି ଝାରଇ ତାନି ଦାମ୍ପୁତି  
କାତା ଇଞ୍ଜା ଜୀସୁ ଦରୁଗାଟି ଏମିନି  
ହାଡାଣାଇଁ ପାଞ୍ଜୁଲ ନୀତାମାନେସି  
ଇଞ୍ଜା ଝେସିମାନେସି, ତାନି କାତାତାକି  
ଆସ୍ପି ଆତେରି । ୨୦ ଇ ବାରେ କାତା  
ନେହକ୍ ପୁଞ୍ଜାଲିତାକି ଏନାଆଁ  
କିହାଲି ଆନେ, ଏନାଆଁ ତୀରି କିହାଲି  
ଆଡାଆନା ଇ ଦାଞ୍ଜା ତାକି ନୀହାଁୟି  
ଆହାଲିତାକି ପାଞ୍ଜୁଲ ଜିରୁସାଲମତା  
ହାନେସି କି ଆଏ ଏଦାଆଁ ନାନୁ ଝେଚେଏଁ

। ୨୧ ସାମା ପାଞ୍ଜୁଲ ସାଲଞ୍ଜି କିନି  
କାୟିସର ନକିତା ନୀହାଁୟି କିଞ୍ଚିଆୟାଲି  
ନାନୁ ହାଇଁ ଇଞ୍ଜା ଝେସିମାଚାକି, ନାନୁ  
ଏଞ୍ଜାଣାଇଁ କାୟିସର ତାଣା ପାଣ୍ଡିନି  
ପାତେକା କାୟିଦିତା ଇଚାଲି ହୁକୁମି  
ହାତେଏଁ ।”

୨୨ ଆଗ୍ରିପା ପେସ୍ତସ୍ତୁ ଏଲେଇଚେସି,  
“ନାନୁ ଜିକେଏ ଇଞ୍ଜାଣି କାତା ଝେଞ୍ଜାଲି  
ମନ କିହିମାଇଁ । ହାଅ ଝିଏ ନାନୁ  
ଏଞ୍ଜାଣି କାତା ଝେଞ୍ଜା ଇଞ୍ଜା ପେସ୍ତସ୍ତ  
ଏଲେଇଚେସି ।

୨୩ ତାନି ଅର ଦିନା ଆଗ୍ରିପା  
ଇଞ୍ଜା ବନକି କାଜାପାଣା ଅଡ଼େ  
ଗାଞ୍ଜୁରମିଗାଟି କସ୍ତକା ଇଞ୍ଜା ଗାଡାତି  
କାଜାରି ତଲେ ହାଜାନା ନୀହାଁୟି  
କିନି ଗାୟୁତା ଝାଡେସି, ଏମ୍ପାଟିଏ  
ପେସ୍ତସ୍ତ ହୁକୁମି ତଲେ ପାଞ୍ଜୁଲ ଏମ୍ପାଆଁ  
ତାପିଆଡେସି । ୨୪ ଏମ୍ପାଟିଏ ପେସ୍ତସ୍ତ  
ଏଲେଇଚେସି, “ଏ ରାଜା ଆଗ୍ରିପା ଅଡ଼େ  
ଇମ୍ପାଆଁ ମାନି ମାନିଗାଟି କାଜାତେରି,  
ମୀରୁ ବାରେ ଇଞ୍ଜାଣାଇଁ ମେସିମାଞ୍ଜେରି;  
ଇଞ୍ଜାଣି କପାଟି ଜିରୁସାଲମ ଇଞ୍ଜା  
ଇମ୍ପାଆଁ ମାନି ଜୀହୁଦି ଲକୁ ନା  
ତାଣା ଦାଞ୍ଜା କିହାମାନେରି, ଇଞ୍ଜାସି  
ନୀତାମାନାୟି ଲଡା ହିଲେଏ ଇଞ୍ଜା  
ବାରେଜାଣା କାଲଞ୍ଜି ଆତେରି । ୨୫ ସାମା  
ଇଞ୍ଜାସି ହାନିଲେହେତି ଏନି ଦହ  
କିହାମାନାଣି ନାନୁ ମେସାହିଲଅଁ ଇଞ୍ଜା  
ଏଞ୍ଜାସି ତାନୁଏ କାୟିସର ତାଣା ନୀହାଁୟି  
କିଞ୍ଚିଆୟାଲି ବାତିମାଲ୍ଲାତାକି ନାନୁ  
ଏଞ୍ଜାଣାଇଁ ଏମ୍ପାଆଁ ପାଣ୍ଡାଲି ତାକି ତୀରି  
କିତେଏଁ । ୨୬ ସାମା ରାଜା କାୟିସର  
ତାଣା ଏଞ୍ଜାଣି ତାକି ରାଚାଲି ନାଞ୍ଜେ  
ଏନି କାତା ହିଲେଏ, ଏଦାଆଁତାକି ନାନୁ  
ଏଞ୍ଜାଣାଇଁ, ବାରେକିହାଁ ରାଜା ଆଗ୍ରିପା ନୀ  
ତାଣା ଏଞ୍ଜାଣାଇଁ ତାଚାମାଇଁ, ଏନିକ୍  
ଏଞ୍ଜାଣି କାତା ଝେଞ୍ଜାନା, ପୁଚିତାୟୁ ନାନୁ  
ଏଞ୍ଜାଣାକି ଇଚାଣି ରାଚାଲି ଆଡ଼ିଇଁ ।  
୨୭ ଇଚିହ୍ ର କାୟିଦି ଗାଟାଣାଇଁ  
ପାଣ୍ଡିନି ବେଲ୍ଲାତା ତାନି କପାଟି କିହାମାନି  
ଦାଞ୍ଜା ନେହକ୍ ତହ୍ ଆନା ପାଣ୍ଡାଲି  
ନେହେଁ ଆଏ ଇଞ୍ଜା ନାନୁ ଅଣ୍ପିମାଇଁ  
।”

# ୨୭

ରାଜା ଆଗ୍ନିପା ନକିତା ପାଞ୍ଚଲ  
ତାଙ୍ଗେତାକି ଖେହ୍ନାୟି

୧ ଆଗ୍ନିପା ପାଞ୍ଚଲଇଁ ଏଲେଇଚେସି,  
“ନିଙ୍ଗେ ନୀ ଖାକିଟି କାତା ଜଲ୍ଲାଲି ହେଲ  
ହୀପକିଆଡେ” ଏମ୍ବାଟିଏ ପାଞ୍ଚଲ କେୟୁ  
ଦାସାନା ତାନି ଖାକିଟି ଏଲେଇଚେସି ।

୨ “ରାଜା ଆଗ୍ନିପା, ଜାହୁଦିୟାଁ ନା  
କପାଟି ଏନି ଦହ ଦସାମାଞ୍ଜାନେରି,  
ଏଦାଆଁ ନୀଞ୍ଜୁ ନୀ ନକିତା ଖେସାଲି ନାନୁ  
ହେଲ ବେଟାଆହାମାନାକି ନାନୁ ନାଙ୍ଗେ  
କପଲ ଗାଟାଚେଏଁ ଇଞ୍ଜି ଅଣପା  
କଡିମାଇଁ, ୩ ଏଦାଆଁତାକି ଇତିହଁ,  
ନାନୁ ଜାହୁଦିୟାଁ ପାଶାପାରୁ ଅଡେ କାତା  
ନେହଁକଁ ପୁଞ୍ଜାମାଞ୍ଜି; ଏଦାଆଁତାକି  
ନା କାତା ସାସାତଲେ ଖେଞ୍ଜାଲି ନିଙ୍ଗେ  
ବାଡିମାଲିମାଞ୍ଜାଇଁ ।”

୪ “ନା ଦାଂଗଣା ଖେଡାଟିଏ ନୀଏଁ  
ପାଡେକା ନାନୁ ତଲି ମା କୁଡାତାରି ତଲେ  
ଅଡେ ଜିରୁସାଲମତା ଏନିଆହଁ ନୀତା  
ମାଚେଏଁ ଏଦାଆଁ ଜାହୁଦିୟାଁ ବାରେ  
ନେହଁକଁ ପୁଞ୍ଜାମାନେରି; ୫ ନାନୁ  
ମା ମାହାପୁରୁତି ମେରା ହାଡେକା  
ନେହଁକଁ ମାନୁଞ୍ଜି ଆହିମାନି  
ପାରୁସିୟାଁ ଗତିତା ମାଚେଏଁ, ଏଞ୍ଜାରି  
ନାଙ୍ଗେ ତଲିଟିଏ ପୁଞ୍ଜାମାଞ୍ଜାନେରି,  
ଏଞ୍ଜାରି ମନ କିତିହଁ ସାକି ହାହାଲି  
ଆଡିନେରି । ୬ ମାହାପୁରୁ ମା  
ଆକୁ ଆବାୟାଣି ଏମିନି କାତା  
ଆଞ୍ଜାମାଚେସି, ଏ କାତା ହାହାମାନାଣି  
ବାର୍ସୁ କିହାମାନାକି ନୀଞ୍ଜୁ ନାନୁ ଇମ୍ବାଆଁ  
ନୀହାୟି କିଞ୍ଜିଆୟାଲି ନିତାମାଇଁ  
୭ ମା ଲକୁଡି ବାର କୁଡାତାରି ଲାଆଁ  
ମାଦେନା ମାହାପୁରୁତି ସେବା କିହାନା  
ଏ ରଣିଏ କାତା ବେଟାଆହାଲି  
ତାକି ଆସା କିନେରି, ଏ ରାଜା, ନା  
ଏ ବାର୍ସୁ ତାକି ଜାହୁଦିୟାଁ ନାଙ୍ଗେ  
ଦହ କିହିମାଞ୍ଜାନେରି । ୮ ମାହାପୁରୁ  
ହାଡାରାଇଁ ନିକନେସି, ଇଦାଆଁ ନାମାଲି

ଆଡାଆ ଗାଗାୟି ଇଞ୍ଜି ମୀରୁ  
ଏଦାଆଁତାକି ଅଣପିମାଞ୍ଜେରି ?”

୯ \* “ନାକିରିତ ଜୀସୁ ଦରୁ କପାଟି  
ନାଙ୍ଗେ ହାରେକା କାମା କିନାୟିମାନେ  
ଇଞ୍ଜି ନାନୁ ଅଣପିମାଚେଏଁ ।  
୧୦ ଜିରୁସାଲମତା ନାନୁ ଏଲେଜିକେଏ  
କିଚେଏଁ । କାଜା ପୂଜେରାଙ୍ଗା ତାଣାଟି  
ଅଦିକାରା ଆକୁ ବେଟାଆହାନା,  
ମାହାପୁରୁ ଲକୁ ତାଣାଟି ହାଡେକା  
ଜାଣାଇଁ କାୟିଦିତା ସୁଣ୍ଡିକିହାମାଚେଏଁ  
ଇଞ୍ଜା ଏଞ୍ଜାରାଇଁ ପାୟିନାଟି ନାନୁ ଜିକେଏ  
ଆଣ୍ଡିମାଚେଏଁ । ୧୧ ହାଡେକା ଦେବା  
ଜାହୁଦି ଲକୁଡି କୁଟମି ଇଲୁକାଣା\*  
ନାନୁ ଏଞ୍ଜାରାଇଁ ଲାଜାକିହଁ ତଣ୍ଡ  
ହାହିମାଚେଏଁ ଇଞ୍ଜା ଏଞ୍ଜାରି ନାମୁଡ  
ଏଟକା କିହାଲି ଅଣପାମାଚେଏଁ, ନାନୁ  
ଏଞ୍ଜାରି କପାଟି ହାରେକା କାରୁବି  
ଆହାମାଚେଏଁ, ଏଞ୍ଜାରାଇଁ ସାସି ହାହାଲି  
ଏଟକା ଦେସାତା ଜିକେଏ ହାଜାମାଚେଏଁ  
।”

ପାଞ୍ଚଲ ତାନି ମନ ଖେଟ୍ଟି କାତା  
ଖେହ୍ନାୟି

(କାମା ୯:୧-୧୯; ୨୨:୭-୧୭)

୧୨ ଇଦାଆଁତାକି କାଜା ପୂଜେରାଙ୍ଗା  
ତାଣାଟି ଅଦିକାରା ଆକୁ ଅଡେ  
ହୁକୁମି ବେଟାଆହାନା ନାନୁ ଦମେସକ  
ହାଜାମାଚେଏଁ । ୧୩ ଏ ରାଜା ଆଗ୍ନିପା,  
ର ଦିନା ମାଦେନା ବେଲା ଜିରୁତା  
ହାଗୁଲକଟି ଖେଡାକିହାଁ ହାଡେକା  
ଉଜେଡ଼ି ମେସେଏଁ, ଏ ଉଜେଡ଼ି ନାଙ୍ଗେ  
ଅଡେ ନା ତଲେ ହାଜିମାଚାରି ସାରିଞ୍ଜାକି  
ତଞ୍ଜାଆଡେ । ୧୪ ମାମୁ ବାରେକାଣା  
ବୁମିତା ତରଗାଲିଏ, ଏବୁ ହାଡାତଲେ  
ନାଙ୍ଗେତାକି ଇ ହାଡା ଖେଚେଏଁ, “ଆଡେ  
ସାଞ୍ଚଲ ଆଡେ ସାଞ୍ଚଲ ଏଦାଆଁତାକି  
ନାଙ୍ଗେ ସାସି ହାହିମାଞ୍ଜାଦି ? ଏନିକଁ  
ଡ଼ୁକି କଡି ହେରୁ ଡ଼ୁଗାଣି ହୁଡୁ ବାଡ଼ଗାତା  
ଦୟିନେ ଏଲେକିହଁ ନାନୁ ତାୟୁଞ୍ଜାକି  
ଦୟାହାଁ ଜାହାରା କତାତା ଗାଣ୍ଡି ମାଞ୍ଜି  
।” ୧୫ ଏମ୍ବାଟିଏ ନାନୁ ଖେଚେଏଁ, “ପ୍ରବୁ

\* ୨୨:୫ ୨୨:୫ କାମା ୨୩:୭; ପିଲିପି ୩:୫      \* ୨୨:୯ ୨୨:୯ କାମା ୮:୩; ୨୨:୪,୫      \* ୨୨:୧୧ ୨୨:୧୧ ସିନଗଗ

ନୀନୁ ଆମ୍ବାଆତି ?” ଏଚେଟିଏ ପ୍ରବୁ ଏଲେଇଜାତେସି “ନୀନୁ ଆମ୍ବାଆରାଇ ସାସ୍ତି ହାହିମାଞ୍ଜି ନାନୁ ଏ ଜୀସୁତେଏ । ୧୭ ସାମା ନିଙ୍ଗାମୁ କତାତା ବାଡ଼ୁମୁ ହାହାନା ନିମୁ, ଇତିହୁ ନାନୁ ନିଙ୍ଗେ ନା ସେବା କାମା କିହାଲିତାକି ତଞ୍ଜା ଆହାମାଞ୍ଜାଇ, ନୀଞ୍ଜୁ ନୀନୁ ଏନାଆଁ ମେସାମାଞ୍ଜି ତାମୁ ନାନୁ ନିଙ୍ଗେ ଏନାଆଁ ତସ୍ତାଇ ଏ କାତା ଏଚକା ତାରାଇ ସାକି ହାଦି । ୧୮ ଜୀହୁଦି ଅଡେ ଜୀହୁଦିଆଆତି ଲକୁତାଣା ନାନୁ ନିଙ୍ଗେ ପାଣ୍ଡାଇ, ଏଞ୍ଜାରି ତାଣାଟି ନାନୁ ନିଙ୍ଗେ ଗେଲ୍ପାଇ । ୧୯ ନିଙ୍ଗେ ଏଞ୍ଜାରି କାଣ୍ଡକା ଦେଚାଲି ଆନେ, ଅଡେ ଏଞ୍ଜାରାଇ ଆଦେରିଟି ଉଜେଡିତା ଅଡେ ସୟତାନ ପାନ୍ଦାଟି ମାହାପୁରୁ ତାଣା ଝେଚହା ତାନାୟି ଆନେ, ଏନିକ ନା ତାଣା ନାମିନି ତାଣାଟି ସୁଦୁ କିଞ୍ଚି ଆହାନା ଏଞ୍ଜାରି ପାପୁ ମେଣ୍ଡଜିନେ ଅଡେ ମାହାପୁରୁ ଆଡିତି ଲକୁ ବିତ୍ରା ଏଞ୍ଜାରି ଟାମୁ ବେଟାଆନେରି ।”

ପାଞ୍ଜୁଲ ତାନି କାମାତି ଝେହନାୟି

୧୯ “ରାଜା ଆଗ୍ରିପା, ଏ ଲାକପୁରୁଟି ମେସାଣି ନାନୁ ଉରାଆତେଏ, ୨୦ ତଲିଏ ଦମେସକତା ଇଞ୍ଜା ଜିରୁସାଲମତି ଲକୁତାଣା ତାମୁ ଜୀହୁଦା ରାଜିତି ବାରେ ନାସକାଣା, ଅଡେ ଜୀହୁଦିଆଆତି ଲକୁତାଣା ଜିକେଏ ଝେକହେଏ, ଏନିକ ଏଞ୍ଜାରି ମନ ଝେଚହାନା ମାହାପୁରୁ ତାଣା ଝାନେରି, ଇଞ୍ଜା ଏଞ୍ଜାରି ମନ ଝେଚହା କତାମାନେରି, ଏଦାଆଁ କାମାତା ତହୁନେରି । ୨୧ ଏଦାଆଁତାକି ନାନୁ ମାହାପୁରୁ ଇଲୁତା ମାତାଟି ଜୀହୁଦିୟା ନାଙ୍ଗେ ଆସାନା ପାୟାଲି ଅଣ୍ଡିପି ମାଞ୍ଜାତେରି । ୨୨ ସାମା ନୀଞ୍ଜୁପାତେକା ମାହାପୁରୁ ନାଙ୍ଗେ ସାୟମି କିହାମାଞ୍ଜାନେସି, ଏଦାଆଁତାକି ନୀଞ୍ଜୁ ନାନୁ ଉଣା କାଜାରି ବାରେତି ନକିତା ସାକି ହାହାଲି ନିଚାମାଇ । ମାହାପୁରୁ ଅଣ୍ଡିପୁଟି ବଲୁ ଝେହନାରି ଅଡେ ମସା ଏନାଆଁ ଆନେ ଇଞ୍ଜୁ”

ଝେସାମାନେସି ନାନୁ ଏ କାତା ଝେସିମାଇ, ୨୩ ଇତିହୁ ମସିହା ସାତେଏ ଦୁକୁ ବେଟାଆହାନା ହାଡାରି ବିତ୍ରାଟି ତଲିଏ ନିଙ୍ଗାନା ଜୀହୁଦି ଲକୁ ଇଞ୍ଜା ଜୀହୁଦିଆଆତି ଲକୁ ନକିତା ଗେଲ୍ପିନି ଉଜେଡି ତହୁନେସି ।”

୨୪ ପାଞ୍ଜୁଲ ଇଲେକିହୁ ତାନି ଝାକିଟି ଜଲିମାତାଟି ପେସ୍ତସ୍ କାଜା ଗିୟାତଲେ ଏଲେଇଚେସି, “ପାଞ୍ଜୁଲ ନୀନୁ ବାୟା ଆଡି; ଗାତି ଜାପିତାକି ନୀନୁ ବାୟା ଆହାମାଞ୍ଜି ।”

୨୫ ସାମା ପାଞ୍ଜୁଲ ଏଲେଇଚେସି, “ଏ ମାନ୍ନିଗାଟି ପେସ୍ତସ୍ ନାନୁ ବାୟା ଆହାହିଲଅ; ସାମା ନାନୁ ଏନାଆଁ ଜଲିମାଇ ଏଦି ସାତା, ତାରି ବୁଦିତଲେ ଝେସିମାଇ । ୨୬ ରାଜା ଆଗ୍ରିପା ନୀନୁ ଇ ବାରେ ପୁଞ୍ଜାମାନାକି, ନାନୁ ନୀ ନକିତା ସାସାତଲେ କାତା ଜଲିମାଇ, ନାନୁ ସାତେଏ ନାମିମାଇ, ଇ ବାରେ ନୀନୁ ପୁନାଆରେଚୁ ଆହା ହିଲେଏ; ଅଡେ ଇ ବାରେ କାତା ତଗ୍ଗାନା ମେଣେଏ ଆହାହିଲେଏ । ୨୭ ଏ ରାଜା ଆଗ୍ରିପା, ନୀନୁ ମାହାପୁରୁ ଅଣ୍ଡିପୁଟି ବଲୁ ଝେହନାରି କାତା ନାମିମାଞ୍ଜି କି ? ହାଅ ନୀନୁ ନାମିମାଞ୍ଜି ଇଞ୍ଜୁ ନାନୁ ପୁଞ୍ଜାମାଇ ।”

୨୮ ଆଗ୍ରିପା ପାଞ୍ଜୁଲଇ ଏଲେଇଚେସି, “ନୀନୁ ନାଙ୍ଗେ ଗାଡେକେଏ କ୍ରୀସ୍ତାନା କିଇ ଇଞ୍ଜୁ ଅଣ୍ଡିପିମାଞ୍ଜାଦି ?”

୨୯ ପାଞ୍ଜୁଲ ଏଲେଇଚେସି, “ଗାଡେକା ତାକି ଆପେ କି ଗାଡିତାକି ଆପେ ମାହାପୁରୁ ତାଣା ଇଚେକେଏ ନା ପ୍ରାତାନା, ନୀନୁ, ଅଡେ ଏଚରଜାଣା ନୀଞ୍ଜୁ ନା କାତା ଝେଞ୍ଜିମାନେରି, ବାରେଜାଣା ନାଲେହେଁ ଆପେରି ସାମା ନାଲେହେଁ ହିକ୍ସିୟା ତଲେ ଦସ୍ତି ଆପେରି ଇଞ୍ଜୁ ନାନୁ ଝେସିମାଞ୍ଜିଆଁ ।”

୩୦ ଏଚେଟିଏ ରାଜା, ସାଲ୍ଡି କିନାସି ଅଡେ ବନକି ଇଞ୍ଜା ଏଚକାତାରି ବାରେ ହାଜାଲି ନିଙ୍ଗିତେରି, ୩୧ ଏଞ୍ଜାରି ହାନିବେଲାତା ତାମ୍ବୁ ତାମ୍ବୁ ଜଲ୍ଲକି ଆଡେରି, “ଇ ମାଣ୍ଡି ଇଲେତି ଏନି

☆ ୨୭:୨୩ ୨୭:୨୩ ୧କର ୧୫:୨୦

କାମା କିହାହିଲଅସି ଏନାଆଁତାକି ଏଞ୍ଜାସି ଦସ୍ପି ଆନେସି କି ପାୟୁଞ୍ଜି ଆନେସି ।” ୩୭ ଅଡ଼େ ଆଗ୍ରିପା ପେସ୍ପସ୍‌ଲ୍ ଏଲେଇଚେସି, “ଇ ମାଣ୍ଡସି କାୟସର ତାଣା ନୀହାୟି କିଞ୍ଜିଆୟାଲି ବାଡ଼ିମାଲୀଆତିହୁଁମା ମାମ୍ନୁ ଏଞ୍ଜାଣାଇ ପିସାଲି ଆଡ଼ିତମିମା ।”

### ୨୭

ପାଞ୍ଜୁଲ ସାମ୍‌ଦୁରିଟି ରମ୍‌ତା ହାନାୟି

୯ ମାମ୍ନୁ ଲଟାଲି ଦେସାତା ଏୟୁ ଜାଜା ତଲେ ହାଜାଲି ତୀରି କିଞ୍ଜିଆଡ଼ି ତାୟୁ ପାଞ୍ଜୁଲ ଅଡ଼େ ଏଚରଜାଣା କାୟିଦିତା ମାଚାରାଇଁ, ରାଜାତି କସ୍‌କା ଜୁଲିୟସ୍ ଦରୁଗାଟି ପାସାକଡ଼ି କସ୍‌କା ମୁହେଁ କାଜାଣି କେୟୁତା ହେରପିତେରି । ୨ ଏମ୍‌ପାଟିଏ ମାମ୍ନୁ ଆସିୟା ଦେସାତି ଏଟ୍‌କା ଏଟ୍‌କା ଚାୟୁତା ହାନି ଏୟୁ ଜାଜା ନିନି ଚାୟୁଟି ଆଦ୍ରାମୁଡ଼ିୟ ଜାଜାତା ହଡ଼ମି; ଇଞ୍ଜା ମାକିଦନିୟା ଦେସାତି ତେସଲନିକି ଗାଡ଼ାତି ଆରିସ୍‌ପାର୍କ ମା ତଲେ ମାଚେସି । ୩ ତାନି ଅର ନେରୁ ମାମ୍ନୁ ସିଦନତା ଏଗାତମି, ଅଡ଼େ ଜୁଲିୟସ୍ ପାଞ୍ଜୁଲାଇଁ କାର୍ମା ଆହାନା ତାନି ତଟେସିଙ୍ଗା ତାଣା ହାଜାନା ଲଡ଼ାମାନାଣି ସେବା ବେଟାଆହାଲି ହେଲ ହୀତେସି । ୪ ଏମ୍‌ପାଟି ଜାଜାତା ହଟାମାଚାଟି ମା ଝାକି ଗାଲି ଝେଟାଲିଏ ମାମ୍ନୁ କୁପ୍ତ ଦାରି ଦାରିଟି ହାଚମି, ୫ କିଲିକିୟା ଅଡ଼େ ପଂପୁଲିୟା ନକିତା ମାନି ସାମ୍‌ଦୁରି ଗାଣ୍‌ତାନା ଲୁକିୟାତି ମୁରାତା ଝାଡ଼ମି । ୬ ଏମ୍‌ପାଆଁ ପାସାକଡ଼ି କସ୍‌କା ମୁହେଁ କାଜାସି, ଇଟାଲିତା ହାଜିମାନି ର ଆଲେକ୍‌ଜାଣ୍ଡ୍ରିୟା ଏୟୁ ଜାଜା ବେଟାଆହାନା ମାଙ୍ଗେ କୁଗି କିୟାତେସି ।

୭ ତାୟୁ ହାଚ୍‌ରେକା ଦିନାତାକି ଦୀରେ ଦୀରେ ହାଜାନା କସ୍‌ତଲେ କ୍ରିଦ ଗାଡ଼ା ତାଗେ ହାଚମି । ନକିତି ଗାଲି ମାଙ୍ଗେ ନକିତା ହାଜାଲି ହିୟାଆଲିଏ ସାଲ୍‌ମନିତି ଅରଝାକି କ୍ରିତି ଦାରି ଦାରିଟି ହାଚମି । ୮ ଅଡ଼େ କସ୍‌ତଲେ ଗାରୁ ଗାରୁଟି ହାଜାନା

“ଅଜିତି ବାନ୍ଦା” ଇନି ଚାୟୁତା ହାଚମି, ଏଡ଼ି ଲାସାୟା ଗାଡ଼ାତି ତାଗେ ମାଚେ ।

୯ ଇଲାଆହୁଁ ହାଚ୍‌ରେକା ଦିନା ଆହାହାଚେ, ଇଞ୍ଜା ସାମ୍‌ଦୁରିଟି ହାନାୟି କସ୍‌ ଆହାହାଚେ, ଇଚିହୁଁ ଏଟିବେଲା ଉପାସା ପାର୍ବୁ ରାହାମାଚେ, ଏଦାଆଁତାକି ପାଞ୍ଜୁଲ ଜାଗ୍ରାତା କିହାନା ଏଲେଇଚେସି । ୧୦ “ବାବୁୟାଁତେରି ଇ ସାମ୍‌ଦୁରିଟି ହାନାଟି ଜାଜାତି ଆସି ଅଡ଼େ ଏୟୁ ଜାଜା ନସ୍ତ ଆନେ ଏଡ଼ି ଆଏ, ସାମା ଜାଜାତା ହାଜିମାନାରି ଜାଞ୍ଜୁ ଜିକେଏ ନସ୍ତ ଆନେ ନାନୁ ପୁଞ୍ଜିମାଇଁ ।” ୧୧ ସାମା ପାସାକଡ଼ି କସ୍‌କା ମୁହେଁ କାଜାସି, ପାଞ୍ଜୁଲତି କାତା କିହାଁ ଜାଜାତି ସାଲ୍‌ଝି କିନାଣାଇଁ ଇଞ୍ଜା ସାଞ୍ଜୁକାରି କାତାତି ହାଚ୍‌ରେକା ନାମିତେସି । ୧୨ ଇ ବାନ୍ଦାତା ପେନିଝେଡ଼ା ତୁୟାଲି ନେହେଁ ହିଲାଆତେ, ଇଦାଆଁତାକି ଜାଜାତା ହାଜିମାଚାରି ହାଚ୍‌ରେକା ସାମ୍‌ଦୁରିଟି ହାଜାନା ପିନିକ୍‌ସ୍‌ତା ପେନିବେଲା ରାପ୍‌ହାଲି ଅଣ୍‌ପିମାଚେରି, ଏ ପିନିକ୍‌ସ୍‌ କ୍ରିତିତି ର ଜାଜାୟାଁ ନିନି କାଜା ଚାୟୁ ମାଚେ, ଏଡ଼ି ଝେଡ଼ା କୁଡ଼ନି ଟିଝନିଝାକି ଅଡ଼େ, ଝେଡ଼ା କୁଡ଼ନି ଚେବ୍‌ଝାକି ମୁମ୍ନୁ କିହାମାଚେ ।

ସାମ୍‌ଦୁରିତା ଗାଲି ପିୟୁ

୧୩ ଏଟିବେଲା ଟିଝନି ଝାକିତି ଗାଲି ଦୀରେ ଦୀରେ ଝାଡ଼େ, ହାଜିମାଚାରି ନୀଏଟି ମା ଅଣ୍‌ପିମାଚି ଲେହେଁ ଆଡ଼େ ଇଞ୍ଜୁଁ ଅଣ୍‌ପିତେରି, ଜାଜା ନିପହାମାଚି କାଜା ଲହତି ରେଜାନା କ୍ରିତିତି ଗାରୁ ଗାରୁଟି ହାଜାଲି ମାଚ୍‌ହେରି, ୧୪ ସାମା ଗାଡ଼େକା ହାଜାଲିଏ ଇୟୁରକ୍‌ଝିଲ୍ ଇନି ଆଜିହଡ଼େପି କାଜା ଗାଲି ଝେଡ଼ା ହନି ଚେବ୍‌ଝାକିଟି ହଟାନା ଜାଜା ମାଚିଝାକି ଝାଡ଼େ । ୧୫ ଗାଲି ଜାଜାତି ଝେଟାଲିଏ, ଜାଜାତି ଗାଲିଝାକି ଅୟାଲି ଆଡ଼ାଆନା ଜାଜାତି ଗାଲି ତଲେ ଅଞ୍ଜିଆୟାଲି ପିସ୍ତମି । ୧୬ ମାମ୍ନୁ ଲାଞ୍ଜୁଦାତି ସାମ୍‌ଦୁରି ମାଦି ମାନି ଉଣା ବୁମିତି ଜମିନି ଚାୟୁ ବେଟାଆଡ଼ମି । ଏମ୍‌ପାଟି ହାଚ୍‌ରେକା କସ୍‌ଟି ଏୟୁ ଜାଜାତି ଉଣା ତଂଗ ତଲେ ଗେଲ୍‌ପି

ଆଡ଼ମି । ୧୭ ଜାଜା ସାଲୁଝି କିନାରି  
 ଏଦାଆଁ ଜାଜା ଲାକ ଅତି ତାୟୁ ଡ଼କା  
 ତଲେ ଜାଜା ସାରିସୁରୁ ଦସ୍ତେରି, ଇଞ୍ଜା  
 ଜାଜା ଲିବିୟାତି ସୁରତି ଇନି ବାଃଲି  
 ଡିବାତା ଗୁପିନେ ଇଞ୍ଜା ଆଜିତାକି  
 ଜାଜା ସାଲୁଝି କିନାରି ଜାଜାତା ଗଞ୍ଜାମାତି  
 ହିମ୍ବରକା ହୁକହାନା ଜାଜାତି ଗାଲି ତଲେ  
 ସାମ୍ବୁରି ବିତ୍ତା ଡ଼ୟାଲି ପିସ୍ତେରି ।  
 ୧୮ କାଜା ଗାଲି ପିୟୁ ତାକି ହାରେକା  
 କସ୍ତୁ ଆହାଲିଏ ତାନି ଅର ନେରୁ ଜାଜାତି  
 ସାଲୁଝି କିନାରି ଜାଜାତା ମାତି ଆସ୍ତୁତି  
 ସାମ୍ବୁରିତା ମେଡ଼ହାଲି ମାଟ୍‌ହେରି,  
 ୧୯ ଅଡ଼େ ତାନିଦିନା ନେରୁ ଏଝାରି  
 ତାନି ଜାଜାତି କଚେକା କାଶ୍ତା ମୁଣ୍ଡା  
 ଏୟୁଣ୍ଡା ମେଡ଼ହେରି । ୨୦ ହାରେକା ଦିନା  
 ପାତେକା ଝେଡ଼ା କି ହୁକାୟା ମେସାଲି  
 ଆଡ଼ାଆଡ଼ମି, ଅଡ଼େ ହାରେକା ଗାଲି ପିୟୁ  
 ପିହୁଆଲିଏ ମାମ୍ବୁ ଇମ୍ବାଟି ଗେଲ୍‌ପିଆନି  
 ଆସା ପିସାଡ଼ୁସ୍ତମି ।

୨୧ ବାରେଜାଣା ହାରେକା ଦିନା  
 ପାତେକା ରାନ୍ଦା ତିନାଆନା ଡ଼ୟିତି  
 ତାୟୁ, ପାଞ୍ଜୁଲ ଏଝାରି ବିତ୍ତା ନିଚାନା  
 ଏଲେଇଚେସି, “ବାବୁୟା ନା କାତା  
 ଆସାନା କ୍ରିତିଟି ସାମ୍ବୁରି ଜାଜା ହୁକହା  
 ହିଲାଆତିହୁ ମାଦି ଏନାୟିଝା ନସ୍ତ  
 ଆଆତେମା । ୨୨ ସାମା ନୀର୍ବ ନାନୁ  
 ମିଙ୍ଗେ ଝେସିମାଞ୍ଜାଇଁ, ସାସା ଆହୁଦୁ,  
 ଇତିହୁ ମୀ ବିତ୍ତା ଆମ୍ବାଆରି ଜୀଞ୍ଜୁ  
 ଜିକେଏ ନାସା ଆଏ; ଝାରୁଇ ଜାଜାଦେ  
 ନସ୍ତୁ ଆଡ଼େ । ୨୩ ଇତିହୁ ନାନୁ ଏମିନି  
 ମାହାପୁରୁତି ସେବା କିହିମାଇଁ, ନୀଞ୍ଜୁ  
 ଲାଆଁୟା ଏଝାଣି ର ଲାକପୁରୁତି ଦୁଡୁ  
 ନା ତାଗେ ଝାହାନା ଏଲେଇଞ୍ଜାତେ,  
 ୨୪ ଏ ପାଞ୍ଜୁଲ ‘ଆଜାଆନି; ନୀନୁ ସାଲୁଝି  
 କିନି କାୟିସର ନକିତା ନିନାୟି ମାନେ,  
 ମାହାପୁରୁ ନିଙ୍ଗେ କାର୍ମା ଆହାମାଞ୍ଜାନାକି  
 ନୀ ତଲେ ଝାହିମାନି ବାରେତି ଜୀଞ୍ଜୁ  
 ଏଝାସି ଗେଲ୍‌ପିନେସି । ୨୫ ଏଦାଆଁତାକି  
 ଏ ବାବୁୟାତେରି ସାସା ଆହୁଦୁ ଇତିହୁ  
 ନାନୁ ମାହାପୁରୁ ତାଣା ନା ନାମ୍ବୁ ମାନେ,  
 ନାଙ୍ଗେ ଏନିକ୍ ଝେସ୍‌ପି ଆହାମାନେ,  
 ଏଲେଆହୁଏ ଆଡ଼େ । ୨୬ ସାମା

ମାଙ୍ଗେ ର ସାମ୍ବୁରି ମାଦିଏ ମାନି  
 ଦେସାତା ଏଗାହାନାୟି ମାନେ ।”

୨୭ ଇଲେକିହୁ ମାମ୍ବୁ ଆଦିଆ  
 ସାମ୍ବୁରି ଇତାଲା ଆତାଲା ଆହୁ  
 ରୀ ଝାଚା ଆୟାଲିଏ, ମାଦି ଲାଆଁୟା  
 ଜାଜା ସାଲୁଝି କିନାରି ର ବୁମି ଦାରିତା  
 ଏଜିମାନାୟି ଇଞ୍ଜା ଅଣ୍ଡିମାଚେରି  
 । ୨୮ ଏମ୍ବାଟିଏ ଏଝାରି ଏୟୁଣ୍ଡା  
 ଲାଡ଼ାଲିଏ ପନ୍ଦର ହାଡ଼ା ଏୟୁ କୁଡ଼ହା  
 ମାରୁ, ଇଞ୍ଜା ଅଡ଼େ ନକିତା ହାଜାନା  
 ଝେଣ୍ଡେ ଲାଡ଼ାଲିଏ ଏଗାର ହାଡ଼ା ଏୟୁ  
 କୁଡ଼ହା ମାରୁ । ୨୯ ମାର ହାଜାନା  
 ଜାଜା ଝାଲୁକା ବୁମିତା ଗୁପିକିନାୟି  
 ଇଞ୍ଜା ଅଣ୍ଡିମାନା ଆଜିତାକି ଏଝାରି  
 ଜାଜାତି ତାୟୁଝାକି ସାରିଗଟା ବଜୁ  
 ଗାଟି ଲହ ମୁଣ୍ଡାୟା ରେପହାନା  
 ଏଚେଲା ଝେୟିନେ ଇଞ୍ଜା ପ୍ରାଡ଼ାନା  
 କିହିମାଚେରି । ୩୦ ଇଞ୍ଜା ଜାଜାତି  
 ସାଲୁଝି କିନାରି ଜାଜାତି ରେଚାନା  
 ହଟାଡୁସାଲି ଅଣ୍ଡିମାନା ନାଡ଼ିକିହା  
 ଜାଜାତି ନକିଝାକି ଲହ ମୁଣ୍ଡାୟା ରେପ୍‌ନି  
 ଲେହେଁ ଡ଼ଣା ଡ଼ଗତି ସାମ୍ବୁରିତା  
 ରେପହେରି । ୩୧ ସାମା ପାଞ୍ଜୁଲ  
 ପାସାକଡ଼ି କସ୍‌କା ମୁହେଁ କାଜାଣାଇଁ  
 ଇଞ୍ଜା କସ୍‌କାଣି ଏଲେଇଚେସି, “ଜାଜା  
 ସାଲୁଝି କିନାରି ଜାଜାତା ମାନାଆତିହୁ  
 ମୀରୁ ଗେଲ୍‌ପିଆନି ଆସା ହିଲେଏ ।”  
 ୩୨ ଏମ୍ବାଟିଏ ଜାମାନାଙ୍ଗା ଡ଼ଣା ଡ଼ଗତି  
 ଡ଼କା ଦାଚାନା ସାମ୍ବୁରିତା ପିସ୍ତେରି ।

୩୩ ଲାଈ ଜୁଲୁପୁଲୁ ଝେୟି ମାଚାଟି  
 ପାଞ୍ଜୁଲ ଏଝାରାଇଁ ଏନି ରାନ୍ଦା ମାଚିହୁ  
 ତିଞ୍ଜାଲି ବାସୁଁ ହାହାନା ଏଲେଇଚେସି,  
 “ନୀଞ୍ଜୁଟିଏ ରୀ ଝାଚା ଆଡ଼େ ମୀରୁ  
 ଏନାଆଁ ତିନାଆନାହାଁ ହାକିଟିଏ  
 ମାଞ୍ଜାମାଞ୍ଜେରି । ୩୪ ବାତିମାଲିମାଞ୍ଜାଇଁ,  
 ନୀର୍ବ ଇଚାଣି ତିଞ୍ଜୁ, ମୀ ଜୀଞ୍ଜୁ  
 ଗେଲ୍‌ପାଲିତାକି ତିନାୟିମାନେ,  
 ଆଜାଆଦୁ, ମୀ ତାର୍‌କାତି ର ବାଣା ଜିକେଏ  
 ନାସା ଆଏ ।” ୩୫ ପାଞ୍ଜୁଲ ଇ ବାରେ  
 କାତା ଜଲାନା ରୁଟି ଆସାନା ବାରେଜାଣା  
 ନକିତା ମାହାପୁରୁଇଁ ଜହରା କିହାନା  
 ରୁଟି ଡ଼ିକହାନା ତିଞ୍ଜାଲି ମାଟ୍‌ହେସି

# ୨୮

। ୩୭ ଏମ୍ବାଟିଏ ଏଞ୍ଜରି ବାରେଜାଣା ବାର୍ସୁ ବେଟାଆହାନା ବାରେଜାଣା କାଦି ତିଚେରି । ୩୭ ମାମ୍ବୁ ଜାଜାତା ରୀ ଖାଞ୍ଜା ତାନିକଡ଼ି ସତ୍ତ ଜାଣାତମି ମାଚମି । ୩୮ ଏଞ୍ଜରି ପାଞ୍ଜେ ତିଚି ତାମ୍ବୁ ଜାଜାତି ବଜୁ ଉଣା ଆପେଞ୍ଜା ଇଞ୍ଜି ଜାଜାତି ବାରେ ଗହ୍‌ୟାଁ ସାମ୍ବୁରିତା ମେଡ଼ହେରି ।

## ଜାଜା ତାନାୟି

୩୯ ଅର ନେଚୁ ଲାଇ ଖେୟାଲିଏ ଏଞ୍ଜରି ଏମିନି ଦେସାତି ଚାମ୍ବୁତା ଖାଚେରି ପୁଞ୍ଜାଲି ଆଡାଆଚେରି, ସାମା ଏଞ୍ଜରି ଗାଟୁ ଦାରି ର ବାଠଲି ଚାମ୍ବୁ ମେସାନା ଏନିକି ଜିକେଏ ଏମ୍ବାଆଁ ଜାଜାତି ନିପହାଲି ଅଣ୍ପିତେରି । ୪୦ ଏଦାଆଁତାକି ଏଞ୍ଜରି ଲହ ମୁଣ୍ଡାୟାଁତି ଡ଼କା ଦାଚାନା ସାମ୍ବୁରିତା ମୁଞ୍ଜାଲି ପିସ୍ତେରି, ଇଞ୍ଜା ଦେବୁଣିଏ ଏମ୍ବୁ ଜାଜାତି ହାଟଞ୍ଜା ବାଡ଼ଗାୟାଁତି ଡ଼କା ବାରେ ହୁକହାନା ଜାଜା ନକିତା ଗାଲିଞ୍ଜାକି ହିମ୍ବୁରିକା ଗଞ୍ଜାନା ଗାଟୁଞ୍ଜାକି ହାଜାଲି ଅଣ୍ପିତେରି । ୪୧ ସାମା ଏଞ୍ଜରି ରୀ ସାମ୍ବୁରିକା କାଲୁଞ୍ଜି ଆହିମାନି ଚାମ୍ବୁତା ଏଜାଲିଏ ଜାଜା ସାମ୍ବୁରି ଗାଟୁତି ର ବାଠଲି ତିବାତା ଗୁପିତେ, ଜାଜାତି ନକି ଞ୍ଜାକିତାୟି ଜାଣାନା ତୟାହାଚେ, ସାମା ତାମ୍ବୁତାୟି ସାମ୍ବୁରିତି ଏମ୍ବୁ ଉଣ୍ଡାୟାଁ ଗୁପାଲିଏ ତାହାଲି ମାଟହେ ।

୪୨ କାୟିଦି ଗାଟାରି ସାମ୍ବୁରି ଗାଟୁତି ପରହ୍ ପରହ୍ ହଣ୍ଡନେରି ଇଞ୍ଜି ଅଣ୍ପାନା କସକା ଏଞ୍ଜରାଇଁ ପାୟାଲି ଅଣ୍ପିତେରି । ୪୩ ସାମା ପାସାକଡ଼ି କସକା ମୁହେଁ କାଜାସି ପାଞ୍ଜୁଲଇଁ ଗେଲ୍‌ପାଲି ମନ କିହାନା, ଏଞ୍ଜରି ଅଣ୍ପୁତି କାହି କିହାନା ଏଲେଇଞ୍ଜି ହୁକୁମି ହୀତେସି, ଆମ୍ବାଆସି ପରହାଲି ପୁନାସି ଏଞ୍ଜାସି ସାମ୍ବୁରିତା ଡେଞ୍ଜାନା ତଲିଏ ଗାଟୁତା ହାଲାପେରି; ୪୪ ଡ଼ୟାମାନାରି ଜାଜାତି ମାଟକା ପାଟାୟାଁ ଇଞ୍ଜା ଏନି ଏନି ତୀତି ମୁକାୟାଁ ଆସାନା ହାଲାପେରି ଇଞ୍ଜାଲିଏ, ଇଲେକିହ୍ ବାରେଜାଣା ନେହ୍ ଆହ୍ ଗାଟୁତା ଏଚେରି ।

## ମେଲିତି ଦେସାତା ପାଞ୍ଜୁଲ

୧ ମାମ୍ବୁ ଏମ୍ବାଟି ଗେଲ୍‌ପିଆଡ଼ି ତାମ୍ବୁ ସାମ୍ବୁରି ମାଦି ମାନି ଚାମ୍ବୁ ମେଲିତି ଇଞ୍ଜିହ୍ ପୁଚମି । ୨ ଏମ୍ବାଆଁ ବାସାଆହାମାନି ପାଞ୍ଜାତି ଲକୁ ମାଞ୍ଜେ ତଣେସିଞ୍ଜା ଲେହେଁ କାର୍ମା ଆୟାଚେରି, ଇଚିହ୍ ପିମ୍ବୁ ଇଞ୍ଜା ପେନି ଆହିମାଚାକି ଏଞ୍ଜାରି ମାଞ୍ଜେ ହିଚୁ ତାସାନା କେରଞ୍ଜାଲି ହିୟାଚେରି । ୩ ସାମା ପାଞ୍ଜୁଲ ର ପେଣ୍ଡା ଖେସକା ହିଚୁତା କୁମ୍ବାଲିଏ, ଉସମି ତାକି ର ରାଚୁ ହଚାନା ପାଞ୍ଜୁଲ କେୟୁତା କାଚାହାଁ ଆଟା ଡ଼ୟିତେ । ୪ ଏମ୍ବାଆଁ ବାସା ଆହାମାଟି ପାଞ୍ଜାତି ଲକୁ ପାଞ୍ଜୁଲ କେୟୁତା ଏ ରାଚୁ ଲେଜା ମାନାଣି ମେସାନା ତାମ୍ବୁ ତାମ୍ବୁ ଖେସପି ଆଚେରି, “ଇ ମାଣସି ସାତେଏ ଲକୁଣି ପାୟିନାସି, ସାମ୍ବୁରିତି ଗେଲ୍‌ହାଲିଏ ଜିକେଏ ଦାର୍ମୁ ନୀତାଲି ହୀହି ହିଲେଏ ।” ୫ ସାମା ପାଞ୍ଜୁଲ ଏ ରାଚୁତି ହିଚୁତା ହାଣ୍‌ହାଁନା ମେଡ଼ହା ତୁସ୍ତେସି, ଇଞ୍ଜା ଏଞ୍ଜାଣାକି ଏନି ନସ୍ତୁ ଆଆତେ । ୬ ଏଞ୍ଜାଣି ଆଞ୍ଜା ପଞ୍ଜା ହାନେ ଆଆତେ ଦେବୁଣିଏ ହାନେସି ଇଞ୍ଜି କାଟିମାଚେରି; ସାମା ହାରେକା ବେଲା ଆଡ଼ି ତାମ୍ବୁ ଏଞ୍ଜାଣାକି ଏନି ନସ୍ତୁ ଆଆତାଣି ମେସାନା ଏଞ୍ଜାରି ତାମି ହିୟାଁ ଖେଟହାନା ଏଲେଇଚେରି, “ଇଞ୍ଜାସି ର ମାହାପୁରୁ ।”

୭ ଏ ଚାମ୍ବୁ ତାଗେ ପୁଲ୍ଲିୟ ଦରୁଗାଟି ଏ ଚାମ୍ବୁତି କାଜାଣି ଲକୁ ଅଡ଼େ ବୁମି ମାଚେ; ଏଞ୍ଜାସି ମାଞ୍ଜେ ହାଟା ଅହାନା ତାନିଦିନା ପାଚେକା କାର୍ମା ଆହାନା ରାହାଁଟି ସେବା କିୟାତେସି । ୮ ଏତିବେଲାତା ପୁଲ୍ଲିୟ ତାମି ଆବା ନଚେରି ଇଞ୍ଜା ନେଚେରି ବାଣ୍ଡି ତାକି ପାସ୍‌ପନିତା ତୁରାମାଚେସି, ଇଞ୍ଜା ପାଞ୍ଜୁଲ ତାନି ବାକ୍ରାତା ହାଜାନା ପ୍ରାତାନା କିହାନା ତାନି ଲାକ କେୟୁ ଇଚାନା ନେହ୍ କିତେସି । ୯ ଇଦି ଆଡ଼ି ତାମ୍ବୁ ଏମ୍ବାଆଁ ମାନି ରଚା ଗାଟାରି ବାରେ ପାଞ୍ଜୁଲ ତାଣା ଖାହାନା ନେହ୍ ଆଚେରି; ୧୦ ଏଞ୍ଜାରି ମାଞ୍ଜେ ଜିକେଏ ହାରେକା ମାନି ତଲେ ଜୀଞ୍ଜୁ



ନୟାଁତେରି, ଅଡ଼େ ମାମ୍ବୁ ହାଜିମାଚାଟି ମା  
ଲଡ଼ାମାନାଣି ହୀହାନା ପାଣ୍ଡାତେରି ।

ମେଲିତିଟିଏ ରମ୍ପତା ପାଞ୍ଚୁଲ  
ହାନାୟି

୧୧ ତାନି ଲେଞ୍ଜୁ ଜେତ ମାମ୍ବୁ ର  
ଆଲେକଜାଣ୍ଡିୟାତି ଏୟୁ ଜାଜାତା  
ହଚାନା ହାଚମି, ଏୟୁ ଜାଜା ପେନବେଲା  
ହାଲ୍ଲେଖେ ଏ ଗାୟୁତା ତୟାମାଚେ, ଏଦାନି  
ଦରୁ “ଜାଣ୍ଡା ପେଣ୍ଡାକା,” ଇଞ୍ଜିମାଚେରି  
। ୧୨ ସୁରାକୂସା ଗାଡ଼ାତା ଏଜାନା ଏମ୍ବାଆଁ  
ମାମ୍ବୁ ତାନିଦିନା ମାଚମି । ୧୩ ଅଡ଼େ  
ଏମ୍ବାଟି ଏୟୁ ଜାଜା ତଲେ ହାଜାନା  
ରେଗିୟା ଗାଡ଼ାତା ଏତମି, ତାନି ଅର  
ଦିନା ଚିଃନି ଖାକଟି ଗାଲି ଖେଚାଲିଏ  
ଅଡ଼େ ରା ଦିନା ତାୟୁ ପୁଡେଅଲି ଗାଡ଼ାତା  
ଏତମି; ୧୪ ଏମ୍ବାଆଁ ମାମ୍ବୁ ଏତେକା  
କ୍ରାସାନା ତାୟିୟାଁ ଅଡ଼େ ତାଜିସ୍ତାଣି  
ବେଟାଆଡ଼ମି, ଏଞ୍ଜାରିତଲେ ର ଖାରା  
ତୟାଲି ମାଜେ ବାତିମାଲ୍ଲାତେରି;  
ଇଲାଆହୁଁ ମାମ୍ବୁ ରମ୍ପତା ଏଗାତମି  
। ୧୫ ରମ୍ପତା ମାନି ତାୟିୟାଁ ଅଡ଼େ  
ତାଜିସ୍ତା ମା କାବୁ ପୁଞ୍ଜାନା ଏମ୍ବାଟିଏ  
ଅପିୟତି ହାଟା ଇଞ୍ଜାଁ ତାନିଗଟା ବାଡ଼ା  
ଇଲକା ପାତେକା ମାଜେ ମେସାଲି  
ଖାଡ଼େରି, ଇଞ୍ଜାଁ ପାଞ୍ଚୁଲ ଏଞ୍ଜାରାଜ୍  
ମେସାନା ମାହାପୁରୁଜ୍ ଜହରା କିହାନା  
ବାର୍ସୁ ବେଟାଆଡ଼େସି ।

ରମ୍ପ ଗାଡ଼ାତା ପାଞ୍ଚୁଲ

୧୬ ମାମ୍ବୁ ରମ୍ପ ଏଜାଲିଏ, ପାଞ୍ଚୁଲଜ୍  
କାଃଆନି କସ୍ତକା ତଲେ ତାନି ମନତଲେ  
ବାସା ଆୟାଲି ହେଲ ହୀପକିଆଡ଼େ ।

୧୭ ତାନିଦିନା ତାୟୁ ପାଞ୍ଚୁଲ  
ଜାହୁଦିୟାଁତି କାଜାରାଜ୍ ହାଟାନା କୁଡ଼ି  
କିତେସି, ଅଡ଼େ ଏଞ୍ଜାରି ରୁଣ୍ଡା ଆୟାଲିଏ,  
ପାଞ୍ଚୁଲ ଏଞ୍ଜାରାଜ୍ ଏଲେଇଚେସି, “ଏ  
ଇସ୍ତାୟେଲ ତାୟିୟାଁତେରି ନାନୁ ମା  
ଲକୁ କପାଟି କି ମା ଆକୁ ଆବାୟାଁତି  
ପାଣାପାଟୁ କପାଟି ଏନାଆଁ କିହା  
ହିଲାଆତି ଜିକେଏ ଜିରୁସାଲମତା  
ଦସ୍ପି ଆହାନା ରମ୍ପ ଦେସାତି

ଲକୁତାଣା ହେରପି ଆହାମାଜ୍ ।  
୧୮ ଏଞ୍ଜାରି ନାଜେ ନାହାୟି କିହାନା  
ନା ତାଣାଟି ହାନି ତଣ୍ଡ ପାଣ୍ଡି ଏନି  
ଦହ ବେଟାଆଆଲିଏ ନାଜେ ପିସାଲି  
ଅଣ୍ଡପାମାଚେରି; ୧୯ ସାମା ଜାହୁଦିକା  
ଏଦାଣି କପାଟି ଖେସାଲିଏ ନାନୁ  
କାୟିସର ନକିତା ନାହାୟି କିୟାଦୁ  
ଇଞ୍ଜାଁ ବାତିମାଲିତେସ୍; ଏଲେଆତି  
ଜିକେଏ ନାଜେ ମା ଲକୁ କପାଟି ଏନି  
କାତା ଖେସାଲି ହିଲାଆତେ, ଏନି ଆଏ  
। ୨୦ ଏଦାଆଁତାକି ନାନୁ ମିଜେ ନା  
ତଲେ ବେଟାଆହାନା ଜଲ୍ଲକି ଆହାଲି  
ବାତିମାଲ୍ଲାତେସ୍, ଏନାଆଁତାକି ଇଚିହୁଁ  
ଆମ୍ବାଆରି ଲାକ ଇସ୍ତାୟେଲ ଲକୁ ବାର୍ସୁ  
କିହାନାଚେରି, ଏଞ୍ଜାରି ତାକି ନାନୁ ନୀଞ୍ଜୁ  
ଇ ହିକ୍‌ଣିୟାଁ ତଲେ ଦସ୍ପି ଆହାମାଜ୍  
।”

୨୧ ଏଞ୍ଜାରି ଏଲେଇଚେରି, “ମାମ୍ବୁ  
ଜାହୁଦା ଦେସାଟି ନୀ କପାଟି ଏନି ଆକୁ  
ବେଟାଆହା ହିଲଅମି, ଅଡ଼େ ନୀ କାବୁ  
ଆସାନା କି ନୀ କପାଟି ଦହ ଦସାନା  
ଖେସାଲି ମା ତାୟିୟାଁ ବିତ୍ରାଟି ଆମ୍ବାଆରି  
ଇମ୍ବାଆଁ ଖାହାହିଲଅରି । ୨୨ ସାମା ନୀ  
ଅଣ୍ଡପୁ ଏନାୟି ଏଦାଆଁ ମାମ୍ବୁ ନୀ ତାଣାଟି  
ଖେଞ୍ଜାଲି ମନ କିହିମାନମି, ଇଚିହୁଁ  
ବାରେଖାକିତି ଲକୁ ଇ ଗଟି କପାଟି କାତା  
ଖେସିମାନେରି ଇଞ୍ଜାଁ ମାମ୍ବୁ ପୁଞ୍ଜିମାନମି  
।”

୨୩ ଏଚେଟିଏ ଏଞ୍ଜାରି ର ଦିନା  
ତାରି କିହାନା ହାଚେରକା ଲକୁ ପାଞ୍ଚୁଲ  
ମାଟି ଇଲୁତା ଖାଡ଼େରି, ଅଡ଼େ ଏଞ୍ଜାସି  
ଲାଇଟିଏ ଲାଆଁ ପାତେକା ଏଞ୍ଜାରି  
ନକିତା ମାହାପୁରୁତି ରାଜିତି କାତାତାକି  
ସାକି ହୀତେସି, ଅଡ଼େ ମସାତି ମେରା  
ଇଞ୍ଜାଁ ମାହାପୁରୁ ଅଣ୍ଡପୁତି ବଲୁ  
ଖେହନାରି କାତା ଆସାନା ଏଞ୍ଜାସି  
ଜାସୁଜ୍ ନାମି କିଞ୍ଜି କିୟାଲି ଅଣ୍ଡପିତେସି  
। ୨୪ ଏମ୍ବାଟିଏ ଆମ୍ବା ଆମ୍ବାଆରି ତାନି  
ଖେସ୍ତି କାତାଟି ନାମିତେରି ଇଞ୍ଜାଁ ଆମ୍ବା  
ଆମ୍ବାଆରି ନାମାଆତେରି । ୨୫ ଏ  
କାତାତାକି ଏଞ୍ଜାରି ତାନି ବିତ୍ରା ରଣ୍ଡିଏ  
କାତା ଆଆଲିଏ ହେଲ ଅଡ଼େରି;

☆ ୨୮:୧୯ ୨୮:୧୯ କାମା ୨୫:୧୧

ଏଞ୍ଜାରି ହାନି ନକେଏ ପାଞ୍ଜୁଲ ର କାତା ଝେସିମାଚେସି, ଇଞ୍ଜା ପ୍ରବୁ ଜୀସୁ  
କାତା ଝେସିମାଚେସି, “ସୁଦୁଜୀଞ୍ଜୁ ମୀ ଆକୁ  
ଆବାୟାଣି ମାହାପୁରୁ ଅଣ୍ପୁତି ବଲୁ  
ଝେହ୍ନି ଜିସାୟ ତାଣାଟି ଝେସାମାଚେସି  
।”

୨୭ ଏଞ୍ଜାସି ଏଲେଇଞ୍ଜି ମାନେସି, “ଇ  
ଲକୁତାଣା ହାଜାନା ଝେହ୍ନି,  
ମୀରୁ ଝେଞ୍ଜିଝେଞ୍ଜି ଝେଞ୍ଜେରି, ସାମା  
ଏନାଆଁ ତେଲହଅ ତେରି,  
ଇଞ୍ଜା ମୀରୁ ମେସି ମେସି  
ମେହ୍ଦେରି, ସାମା ଏନାଆଁ  
ପୁଞ୍ଜାଲି ଆଡଅତେରି,

୨୭ ଇଚିହ୍ ଇ ଲକୁ ହିୟାତା ଡଃଣା  
ବୁଦିଗାଚାରି,  
ଏଞ୍ଜାରି ଜାହା ଜାହାରା କୀକୀ  
କାଣ୍ଟକା ମୁଗା କତାମାନେରି,  
ଏଲେଆହାଁ ହିଲାଆତିହ୍ ମା,  
ଏଞ୍ଜାରି କାଣ୍ଟକା ଦେଚାନା ମେସାଲି  
ଆଡିତେରିମା,  
ଅଡେ କୀକୀ ତଲେ ଝେଞ୍ଜାଲି  
ଆଡିତେରିମା ।

ଏଞ୍ଜାରି ହିୟାତା ତେଲହାଲି  
ଆଡିନି ବାଡୁରୁ ଡଃୟିତେମା;  
ଏଞ୍ଜାରି ମାହାପୁରୁ ଝାକି ଝେଣ୍ଡା  
ଝାଡେରିମା,  
ଅଡେ ନାନୁ ଏଞ୍ଜାରାଇଁ ନେହ୍  
କିଡେସିମା ।”

୨୮ ତାୟୁ ପାଞ୍ଜୁଲ ଏଲେଇଚେସି,  
“ଏନାଆଁତାକି ମାହାପୁରୁତି ଇ  
ଗେଲପିନାଣି ଏଟକା କୁଡାତି ଲକୁତାଣା  
ପାଣ୍ଡୁଞ୍ଜି ଆହାମାନେ, ଇନାଆଁ ମୀରୁ ପୁଞ୍ଜୁ;  
ଏଞ୍ଜାରି ଜିକେଏ ଝେନେରି ।” ୨୯ ପାଞ୍ଜୁଲ  
ଇ ବାରେ କାତା ଝେସାଲିଏ, ଜୀହୁଦିୟା  
ତାୟୁ ତାମି ବିତ୍ରା ବାଦିବାଦା ଆହ୍  
ହାଚେରି\* ।

୩୦ ପାଞ୍ଜୁଲ ରୀ ବାର୍ଯା ପାଚେକା  
ତାନି ବାଡା ଇଲୁତା ଡଃୟିତେସି,  
ଅଡେ ଏଚେକା ଲକୁ ଏଞ୍ଜାଣି ତାଣା  
ଝାହ୍ମାଚେରି, ବାରେଡି ଇଜ ହାଟା  
ଅହ୍ମାଚେସି । ୩୧ ଇଞ୍ଜା ସାସାତଲେ  
ନୀରାସା ଆଆନା ମାହାପୁରୁ ରାଜିତି

\* ୨୮:୨୯ ୨୮:୨୯ ଇ କାତା ପୁଞ୍ଜାଲ ପଡିତା ହିଲେଏ ।

# ରମିୟ ମଣ୍ଡଳୀ ନିମନ୍ତେ ପାଉଲଙ୍କ ଲିଖିତ ପତ୍ର ରମିୟ କୁଲମିକି ପାଉଲ ରାଫାମାନି ଆକୁ ମୂଲୁ ହାଡ଼ା

ଜୀସୁ କ୍ରୀସ୍ତ ଜାର୍ନାଆଡ଼ି ତାୟୁ ରମିୟ ପତି ୫୪ ଟିଏ ୫୮ ବାର୍ଯା ବିତ୍ତା ପାଣ୍ଡୁଞ୍ଚିଆଡ଼ି ପାଉଲ ରାଫାମାରେସି ଇଞ୍ଜିଁ ଇନେରି । ପାଉଲ ରମ୍ପତା ହାନି ନକେଏ ଜୀହୁଦି ଅଡ଼େ ଜୀହୁଦିଆଆଡ଼ି କ୍ରୀସ୍ତାନା ଲକୁଣି ଜାପୁହାଲି ଇ ଆକୁ ରାଫାମାରେସି । ବାରେ କୃତାତି ଲକୁ ଏନିକିଁ ଜୀସୁ କ୍ରୀସ୍ତଇଁ ନାମିନେରି ଇଞ୍ଜାଁ ମାନି କିନେରି ୧୭:୨୭ ଏଦାଆଁତାକି ପାଉଲ କରନ୍ତି ଗାଡ଼ାତା ମାଗାଟି ରମ୍ପତା ମାନି କ୍ରୀସ୍ତାନା ଲକୁଣି ଜାପୁହାଲି ଇ ଆକୁ ରାଫାମାରେସି ।

ବାରେ ଚାୟୁତି ବାରେ ବେଲାତି କ୍ରୀସ୍ତାନା ଲକୁତାକି ରମିୟ ର ଲଡ଼ାମାନି ପତି, ଏନାଆଁତାକି ଇଚିହଁ ମାର ଏନିକିଁ ଜୀସୁ କ୍ରୀସ୍ତ ତାଣାଟି ଗେଲ୍ପି ଆହାଲି ଆଡ଼ିନାୟି, ପାଉଲ ଅକିକିହଁ ରଚାଣି ପିହ୍‌ଆନାହାଁ ତେଲ୍‌ହି କିହାମାନେସି । ପାଉଲ ପ୍ଲାଃଇ ମେରାତି ଜୀସୁ କ୍ରୀସ୍ତତି ନେହଁ ବଲ୍ଲୁ ତଲେ ଆଟ୍‌ହାମାନେସି । ଇ ପତିତି ୧-୧୭ ପଦୁତି ହାଟ୍‌ରେକା ବୁଦିଗାଗାରି ନେହଁ କିଁ ଅଣ୍ପାମାନା ଝେସାମାନେରି, ଇ ବଲ୍ଲୁ ମାଦିତାୟି । ଇମ୍ପାଆଁ ଝେସ୍‌ପି ଆହାମାନେ, “ନାନୁ ନେହଁ ବଲ୍ଲୁ ଝେକ୍‌ହାଲି ଲାଜା ଆଅଁ ଏନାଆଁତାକି ଇଚିହଁ ଆମିନି ଗାଗାରି ନାମିନେରି ବାରେଜାଣା ତାକି ଇଦି ମାହାପୁରୁତି ବାଡ଼ୁୟୁ । ନକେଏ ଜୀହୁଦି ଲକୁକି ତାୟୁ ଜୀହୁଦିଆଆଡ଼ି ଲକୁତାକି ଜିକେଏ ।”

ମୂଲୁ ବାଗା ୧-୧୨ ହାଟ୍‌ରେକା ମାହାପୁରୁତି କାତା ଅଡ଼େ ଅର ବାଗା

୧୩-୧୫ କ୍ରୀସ୍ତାନା ଜୀହୁତା ଲଡ଼ାମାନି କାତା ଜାପିନାୟି ମାନେ ।

## ପତିତା ମାନାୟି

୧. ପାଉଲ ତାନି କାତା ପୁଣ୍ଡି କିହାନା, ଆମ୍ପାଆରାକି ଆକୁ ରାଫିମାରେସି ଏଦାଆଁ ଝେସାମାନା ଆକୁ ରାଫିନାୟି । ୧:୧-୧୫
୨. ମାଣ୍ଡସି କୃତାତି ରାଫି ଅଡ଼େ ଜୀସୁ କ୍ରୀସ୍ତ ତାଣାଟି ଗେଲ୍‌ପି ଆନାୟି । ୧:୧୬-୧୧:୩୭
୩. କ୍ରୀସ୍ତାନା ଲକୁ ଏନିକିଁ ନୀଡ଼ିନାୟି ଏ କାତା ହାଟ୍‌ରେକା ଜାପୁହାମାନେସି । ୧୨:୧-୧୫:୧୩
୪. ରମ୍ପତା ମାନି କୁଲମିକାଣି ଜହରା କିହାନା ରାପୁନାୟି । ୧୬

ପାଉଲତି ଜହରା ଝେହ୍‌ନି କାତା

୧ କ୍ରୀସ୍ତ ଜୀସୁତି ହଲେଏସି ଅଡ଼େ ମାହାପୁରୁ ହାହାମାନି ନେହଁ ବଲ୍ଲୁ ଝେକ୍‌ହାଲି ପାଣ୍ଡୁଞ୍ଚିଆହାଁ ଆଚାନା ହାଟ୍‌କି ଆହାମାନି ସୀସୁ ପାଉଲତି ଆକୁ ।

୨ ଦାମ୍ପୁ ସାସ୍ତେରିତା ରାସ୍‌କି ଆହାମାନି ଲେହେଁ ଇ ନେହଁ କାବୁତି କାତା ତଲି କାଲ୍‌ାଟିଏ ମାହାପୁରୁ ଅଣ୍‌ପୁତି ବଲ୍ଲୁ ଝେହ୍‌ନାରି ତାଣାଟି ଆଞ୍ଜାମାରେସି ।

୩ ଇଦି ମାହାପୁରୁ ମୀରଏଣାତି କାତା, ମା ପ୍ରୁ ଜୀସୁ କ୍ରୀସ୍ତ ମାଣ୍ଡସି ଆହାଁ ଏଞ୍ଜସି ଦାଞ୍ଜୁଦ କୃତାତା ଜାର୍ନା ଆଟେସି । ୪ ସାମା ତାନି ଲାକପୁରୁତି ସୁଦୁଜୀଞ୍ଜୁ ତାକି, କାଜା ହାକିଟି ନିଞ୍ଜାମା ଏଞ୍ଜସି ବାଡ଼ୁୟୁ ତଲେ ଜୀସୁ ମାହାପୁରୁତି ମୀରଏସି ମସିହା\* ଇଞ୍ଜିଁ ଝେକ୍‌ଜିତେସି, ୫ କ୍ରୀସ୍ତ ତାକି, ମାହାପୁରୁ ନାଜେ ପାଣ୍ଡୁଞ୍ଚିଆହାମାନି ସୀସୁ ଲେହେଁ ହାଟ୍‌ାନା, ବାରେ କୃତାତି ଲକୁତାଣା ନେହଁ ବଲ୍ଲୁ ଝେକ୍‌ହାଲି ପାରୁ ହାହାମାଞ୍ଜାନେସି, ଏନିକିହଁ ଏଞ୍ଜାରି କ୍ରୀସ୍ତ ଜୀସୁ ତାଣା ନାମାନା ତାଜେ ମାନ୍‌ଡ଼ି ଆହାମାନା ତୁୟିନେରି । ୬ ରମ୍ପ ଗାଡ଼ାତା ବାସାଆହାମାନି ଲକୁତେରି, ମୀରୁ ଜିକେଏ ଜୀସୁ କ୍ରୀସ୍ତତି ଲକୁ ଆହାଲି ହାଟ୍‌କି ଆହାମାଞ୍ଜେରି ।

\* ୧:୪ ୧:୪ କ୍ରୀସ୍ତ

୭ ରମିତି ଆମିନି ଲକ୍ଷ୍ମଣି ମାହାପୁରୁ ଜୀଝୁ ନହାମାନେସି ଇଞ୍ଜା ତାନି ଲକ୍ଷୁ ଆହାଲିତାକି ହାଟାମାନେସି, ଏ ବାରେ ଲକ୍ଷୁତାକି ନାନୁ ଇ ଆକୁ ରାଟିମାଇଁ, ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି ମିଙ୍ଗେ କାର୍ମାମେହନାୟି ଅଡ଼େ ହିଡ଼ଡ଼ି ଆୟାପେ ।

ଜହରା କିନି ପ୍ରାତାନା

୮ ମୂଲୁଏ, ମୀ ନାମୁତି ନେହୁଁ ହାଡ଼ା ବାରେ ଦାରତିତା ଝେଙ୍ଗିମାନେ, ଏଦାଆଁତାକି ନାନୁ ମୀ ବାରେଜାଣା ତାକି ଜୀସୁ କ୍ରୀସ୍ତ ତାଣାଟି ନା ମାହାପୁରୁଇଁ ଜହରା କିହିମାଇଁ । ୯ ନା ବାରେ ହିୟାଁ ଜୀଝୁତଲେ ନାନୁ ଆମିନି ମାହାପୁରୁତି ସେବା କିହିମାଇଁ ଇଞ୍ଜା ଆମିନି ମାହାପୁରୁତି ମୀରୁଏଣାତି ନେହୁଁ କାରୁ ଝେକ୍‌ହିମାଇଁ, ଏ ମାହାପୁରୁ ନା ସାକି । ୧୦ ପ୍ରାତାନା କିନାଟି ନାନୁ କାଲେଏ ମିଙ୍ଗେ ଅଣ୍ଟପାଇଁ ଇଞ୍ଜା ମୀ ତାଣା ଖାହାଲି ନାଙ୍ଗେ ପାରୁ ହିୟାନି ମାହାପୁରୁ ତାଣା ବାତିମାଲିମାଇଁ । ୧୧ ଇତିହୁଁ ନାନୁ ମିଙ୍ଗେ ଆଣ୍ଡାଲି ହାରେକା ମନ କିହିମାଇଁ, ଇଞ୍ଜା ମିଙ୍ଗେ ର ଜୀଝୁତି ବର ହିୟାଇଁ, ଏନିକହୁଁ ମୀରୁ ତୀରିଆହାନା ମାଞ୍ଜେରି । ୧୨ ଇଦାଆଁ ତଲେ ମାର ରଅତଝି ରଅଣା ନାମୁତି ଆର୍‌ଝା କିହାଲି ଆଡ଼ିନାୟି ।

୧୩ ଏ ତାୟିୟାଁ ଅଡ଼େ ତାଙ୍ଗିସ୍ତାତେରି, ମୀ ତାଣା ଖାହାଲି ତାକି ନାନୁ ହାରେକା ଦେବା ଅଣ୍ଟପାମାଇଁ, ସାମା ହାରେକା ବାଦା ବେଟାଆଡ଼ାକି, ନୀଏଁ ପାତେକା ଖାହାଲି ଆଡ଼ାଆତେଏଁ । ଏଟକା କୁଡ଼ାତି ଲକ୍ଷୁତାଣା ଜିକେଏ ବଲୁ ଝେକ୍‌ହାନା ଏନିକହୁଁ ପାଡ଼େୟି ବେଟାଆହାମାଇଁ, ମୀ ତାଣା ଜିକେଏ ଏଲେକିହାଲି ନା ଅଣ୍ଟପୁ । ୧୪ ଏନାଆଁତାକି ଇତିହୁଁ ବୁଦିଗାଟାରିଃ ଅଡ଼େ ପାଙ୍ଗାତାରିଃ ଜାପିତାରି ଅଡ଼େ ଜାପାଆତି ଲକ୍ଷୁ ବାରେ ଗତିତି ଲକ୍ଷୁତାକି ନା ଦାୟିପତି ମାନେ । ୧୫ ଏଦାଆଁତାକି ରମ୍ ଗାଡ଼ା ତାତେରି

ମୀରୁ, ମୀ ତାଣା ଜିକେଏ ନେହୁଁ ବଲୁ ଝେକ୍‌ହାଲି ନା ଅଣ୍ଟପୁ ।

ନେହୁଁ କାରୁତି ବାଡ଼ୟୁ

୧୬ ଇତିହୁଁ ନାନୁ ନେହୁଁ କାରୁ ଝେକ୍‌ହାଲି ଲାଜା ଆଆଁ, ଏଦି ନାମିମାନି ବାରେ ଲକ୍ଷୁତାକି ଗେଲପି ଆହାଲିତାକି ମାହାପୁରୁତି ବାଡ଼ୟୁ, ମୂଲୁଏ ଜୀହୁଦି ଅଡ଼େ ତାୟୁ ଜୀହୁଦିଆଆତି ନାମିତି ଲକ୍ଷୁତାକି । ୧୭ ମାଣସି ଏନିକହୁଁ ମାହାପୁରୁ ନକିତା ଦାର୍ମୁଗାଟାସି ଇଞ୍ଜା ତଞ୍ଜାଆନେସି, ଏ ଉପେୟି ଏମ୍‌ଆଁ ତସ୍‌ପି ଆହାମାନେ । ମୂଲୁଟିଏ ରାନି ପାତେକା ଗେଲପିଆନାଣି ବେଟାଆନି ଉପେୟି ନାମୁ । ଦାର୍ମୁ ସାସ୍ତେରିତା ରାସ୍‌କି ଆହାମାନେ, “ଦାର୍ମୁଗାଟାସି ନାମୁତଲେ ନୀତିନେସି ।” ୧୮

ପାପୁ ତାକି ମାହାପୁରୁତି କାରବି

୧୯ ଆମିନି ଲକ୍ଷୁ ବାରେ ଲାଗେଏ କାମାଟି ସାତାଇଁ ଆକ୍ତିମାନେରି, ଏଝାରି କପାଟି ଲାକପୁରୁତି ମାହାପୁରୁତି କାରବି ତଞ୍ଜା ଆହାମାନେ । ୧୯ ଏନାଆଁତାକି ଇତିହୁଁ ମାହାପୁରୁତି କାତା ଏନାଆଁ ପୁନାୟି ମାତେ, ଏଦାଆଁ ଏଝାରି ପୁଞ୍ଜାମାନେରି, ମାହାପୁରୁ ଏଝାରି ନକିତା ଏଦାଆଁ ଝେସାମାନେସି । ୨୦ ମାହାପୁରୁ ଦାରତି ଗାଡ଼ିକିତି ତାଣାଟିଏ, ତାନି ତଞ୍ଜା ଆଆଗାଟି ଗୁଣ୍ଡୁୟାଁ, ତାନି ରାଆଗାଟି ବାଡ଼ୟୁ ଅଡ଼େ ଲାକପୁରୁତି ଗୁଣ୍ଡୁ ନେହୁଁ କୁଁ ତଞ୍ଜା ଆହିମାନୁ; ତାନି ଗାଡ଼ିକିତାଆଁ ବାରେ ଏଝାଆଁ ମେସାଲି ଆଡ଼ିନାୟି । ଏଦାଆଁତାକି ଏଝାରି ପୁଞ୍ଜାହିଲଅମି ଇଞ୍ଜା ଇଞ୍ଜାଲି ଆଡ଼ଅରି । ୨୧ ଏଝାରି ମାହାପୁରୁଇଁ ପୁଞ୍ଜା ଜିକେଏ ଏଝାଣାଇଁ ଗାଝୁରମି କିଆତେରି କି ଏଝାଣାଇଁ ଜହରା କିଆତେରି । ସାମା ଏଝାରି ଅଣ୍ଟପୁ ବାରେ ଉଜେଏତି ଅଣ୍ଟପୁ ଅଡ଼େ ଏଝାରି ତେଲହାଆଗାଟି ମନ ଆନ୍ଦେରି ଆହାମାନେ । ୨୨ ଏଝାରି

୫ ୧:୧୩ ୧:୧୩ କାମା ୧୯:୨୧ † ୧:୧୪ ୧:୧୪ ଗ୍ରିକ ‡ ୧:୧୪ ୧:୧୪ ବୁଦି ହିଲଆ ଗାଗାରି, ୫ ୧:୧୭ ୧:୧୭ ମାର୍କ ଟ:୩୮ ୫ ୧:୧୭ ୧:୧୭ ଏଡ଼ି ୨:୪ ୫ ୧:୨୧ ୧:୨୧ ଏପିସି ୪:୧୭,୧୮ ୫ ୧:୨୧ ୧:୨୧ ଏପିସି ୪:୧୭,୧୮

ଜାହାରାଙ୍କ ବୁଦିଗାଟାତମି ଇଞ୍ଜି  
 ଇନେରି, ସାମା ସାତା ତଲେ ଏଝାରି  
 ବୁଦି ହିଲାଆ ଗାଟାରି; ୨୩ ଅଡ଼େ ନାସା  
 ଆଆଗାଟି ମାହାପୁରୁତି ଗାଧୁରମିତି  
 ନାସା ଆନି ମାଣସି, ସାରିଗଟା କତାୟା  
 ଗାଟି ଜନ୍ତ, ପଟାୟା ଅଡ଼େ ରାସକା  
 କୁଡ଼ାତି ବମାୟା କିହାନା ଏଝାଆତି ପୂଜା  
 କିହିମାନେରି ।\*

୨୪ ଏଦାଆଁତାକି ମାହାପୁରୁ  
 ଏଝାରାଙ୍କ ହିୟାତି ଲାଗେଏତି  
 ଜୁପକାତାକି ଏଝାରାଙ୍କ ଲାଗେଏତି ତାଣା  
 ହେରପିତେସି, ଏନିକହ ଏଝାରି ଆଜ୍ଞା  
 ରଅସି ରଅଣି ତଲେ ଲାଜାଗାଟି କାମା  
 କିହିମାନେରି । ୨୫ ଏଝାରି ମାହାପୁରୁ  
 କାତାତି ସାତା ପିସାନା ମିଚିତି ବାସୁ  
 କିହିମାନେରି । ଗାଡ଼ିକିତି ମାହାପୁରୁଙ୍କ  
 ପୂଜା କିଆନା, ଗାଡ଼ିଆତି ଦିଶୁ ପୂଜା  
 କିହିମାନେରି; ଏ ଗାଡ଼ି କିତାଣାଙ୍କ  
 କାଲାକାଲାତାକି ଜହରା । ଆଫେନ ।

୨୬ ଏଝାରି ଏଲେକିତାକି ମାହାପୁରୁ  
 ଏଝାରାଙ୍କ ଲାଜାଗାଟି ପାପୁ କାମାତା  
 ହେରପିତେସି, ଇଚିହ ଏଝାରି  
 ଡକ୍ରିସିକା ଡକ୍ରିୟା ତଲେ କୁଡ଼ାଲି  
 ପିସାନା ଏଝି ତାମ୍ବୁ ତାମ୍ବୁ କିଆଗାଟି  
 ଲାଜା କାମାୟା କିତୁ ୨୭ ଏଲେକିହ ଏ  
 ଆବାୟା ଜିକେଏ ଜାହାରା ଡକ୍ରି  
 ତଲେ କୁଡ଼ାଆନା ଜାହା ଜାହାରା ବିତ୍ତା  
 ଲାଗେଏତି କାମା କିତେରି । ଆବା  
 ଆବାୟା ତଲେ ଲାଜା ଆନି କାମା  
 କିତେରି, ଏଦାଆଁତାକି ଏଝାରି ଲାଗେଏ  
 କାମାତି ତଣ୍ଡ ବେଟା ଆହିମାନେରି ।

୨୮ ଅଡ଼େ ଏନିକ ଏଝାରି  
 ମାହାପୁରୁତି ବୁଦିତି କୁହାଲିଏ,  
 ଏଲେକିହ ଏ ମାହାପୁରୁ କିଆଗାଟି  
 କାମା କିହାଲି ଏଝାରାଙ୍କ ଲାଗେଏତି  
 ଅଣ୍ଡପୁତା ହେରପିତେସି । ୨୯ ଏଝାରି  
 ଦାମ୍ବୁ ହିଲାଆଗାଟାୟି, ଲାଗେଏ  
 ପଲେଏ, ଜୁପକା ଅଡ଼େ ଇରସା,  
 ଲକୁଙ୍କ ପାୟିନାୟି, ଗଡ଼ହା କିନାୟି,  
 ନାଡ଼ିକିନାୟି ଅଡ଼େ ଲାଗେଏତି  
 କାମା ନେଞ୍ଜାମାନେ; ୩୦ ଏଝାରି

ଉଡୁପାତି, ନିନ୍ଦା କିନାରି, ମାହାପୁରୁଙ୍କ  
 ଅପାଆଗାଟାୟି, ଲାଗେଏତି କାମା  
 କିନାୟି, ଏଝାରି ଲାଗେଏ କାମା  
 କିହାଲି ପାରୁ ପାରିନେରି; ଏଝାରି  
 ତାଲି ତାଞ୍ଜିଙ୍କ ମାନ୍ତି କିଆଗାଟାରି,  
 ୩୧ ଏଝାରି ବୁଦି ହିଲାଆ ଗାଟାରି,  
 ଜାହାରା ହାତିକାତା ଆହୁଅରି । ଇଞ୍ଜା  
 ଏଟକାତାରାକି ଇଗାଣି କାର୍ମା ହିଲେଏ ।  
 ୩୨ ଏଝାରି ପୁଞ୍ଜାମାନେରି, ମାହାପୁରୁତି  
 ଫେରା ଲେହେଁ ଇଲେତି ଲକୁ ହାନ୍ତି  
 ତଣ୍ଡ ପାଣନାୟି ମାନେ, ଇଦାଆଁ  
 ପୁଞ୍ଜାହାଁ ଜିକେଏ ଏଝାରି ଏଲେକିହ ଏ  
 ଲାଗେଏତି କାମା କିହିମାନେରି, ଅଡ଼େ  
 ଏଲେତି କାମା କିହିମାନି ଲକୁତଲେ  
 ରାହାଁତଲେ ଆଣ୍ଡିନେରି ।

୨

ମାହାପୁରୁତି ନୀହାଁୟି

୧ \*ଏ ତାୟି ଅଡ଼େ ତାଜି, ମାମ୍ବୁ  
 ଏଦାଆଁ ଏଟକା ଲକୁଣି ନୀହାଁୟି  
 କିହିମାଞ୍ଜେରି ? ମୀରୁ ଆମ୍ବାଆତେରି  
 ଆଡ଼ିଜିକେଏ, ଇଲେ କିନାୟି ମିଜେ  
 ତାକି ନେହେଁ ଆଏ, ଏଟକା ଲକୁଣି ଦହ  
 ଦସାନା ମାମ୍ବୁ ଏଲେତି କାମା କିହାନା  
 ଏମ୍ବାଟି ମୀରୁଏ ଦହ କିହିମାଞ୍ଜେରି  
 ୨ ଆମିନି ଗାଟାରି ଇଲେତି କାମା  
 କିନେରି, ମାହାପୁରୁ ଏଲେତି ଲକୁଣି  
 ସାତା ତଲେ ନୀହାଁୟି କିନେସି, ଇଦାଆଁ  
 ମାମ୍ବୁ ପୁଞ୍ଜାମାନମି । ୩ ଏ ତାୟି ଅଡ଼େ  
 ତାଜି, ଆମିନି ଗାଟାରି ଲାଗେଏତି  
 କାମା କିନେରି, ଏଝାରାଙ୍କ ନୀହାଁୟି  
 କିହାନା, ମାମ୍ବୁ ଏଲେତି କାମା  
 କିହିମାଞ୍ଜେରି, ମୀରୁ ମାହାପୁରୁତି  
 ନୀହାଁୟିଟି ଜୀଣା ଆନାୟି ଇଞ୍ଜି  
 ଅଣ୍ଡପିମାଞ୍ଜେରି କି ? ୪ ଆଆତ ,  
 ମାହାପୁରୁତି ହାରେକା କାର୍ମାମେହନାୟି  
 ମୀ ହିୟାଁ ବାଦଲି କିନି ୱାକି ଅହାଲି  
 ଅଣ୍ଡପିନେ, ଇଦାଆଁ ପୁନାଆନା ମୀରୁ  
 କି ତାନି କାର୍ମାମେହନାଣି, ସାସା,  
 ଅରହାନା ଡ଼ୟିନି ଲେହେଁତି ଦନିଙ୍କ  
 ଅପିହିଲଅତେରି କି ? ୫ ସାମା ମୀରୁ

\* ୧:୨୩ ୧:୨୩ ଖେ ଫେରା ୪:୧୭-୧୮    \* ୨:୧ ୨:୧ ମାତି ୭:୧; ଲୁକ ୭:୩୭    \* ୨:୧ ୨:୧ ମାତି ୭:୧; ଲୁକ ୭:୩୭

ମୀ ଆବୃତ୍ତ ଅତେ ବାଦଲଞ୍ଜି ଆଆଗାତି ହିୟାଁ ଲେହେଁ, ଆମିନି ଦିନା ମାହାପୁରୁତି ନୀହାଁୟି ତଞ୍ଜାଆନେ, ଏ କାରବିତି ଦିନାତାକି ଜାହାରାତାକି କାରବି କୁଡ଼ି କିହିମାଞ୍ଜେରି; ୬ ଏଞ୍ଜାସି ବାରେ ଲକୁତାକି ତାମି କିହାମାନି କାମାତି ପାଡ଼େୟି ହାନେସି; ୭ ଆମିନି ଗାଟାରି ସାସାତଲେ ନେହେଁ କାମା କିହାନା ଗାଧୁରମି, ମାନି ଇଞ୍ଜା ହାଆଗାଟାଣି ପାରିନେରି, ଏଞ୍ଜାରାକି କାଲାକାଲାତି ଜୀଞ୍ଜୁ ହାନେସି, ୮ ଆମ୍ବାଆରି ୱାରଇ ତାମ୍ଜେ ଅଶ୍ପିନେରି, ଇଞ୍ଜା ସାତାତି ମାନୁଞ୍ଜି ଆଅରି, ସାମା ଲାଗେଏତାଣି ମାନୁଞ୍ଜି ଆନେରି; ଏଞ୍ଜାରାକି କାରବି ଅତେ କପା ୱାନେ, ୯ ଆମ୍ବାଆରି ଲାଗେଏତି କାମା କିହିମାନେରି ଏଞ୍ଜାରାକି କାକୁଲି ଅତେ କସ୍ତତି ଦିନା ୱାହିମାନେ, ମୁଲୁଏ ଜୀହୁଦି ଲକୁତାକି ଇଞ୍ଜା ତାୟୁ ଜୀହୁଦିଆଆତି ଲକୁତାକି ଆନେ । ୧୦ ସାମା ମୁଲୁଏ ଜୀହୁଦି ଲକୁକି ଅତେ ଜିକେଏ ଜୀହୁଦିଆଆତି ଲକୁତାକି, ନେହେଁ କାମା କିହାମାନି ବାରେଜାଣା ତାକି ଗାଧୁରମି, ମାନି ଇଞ୍ଜା ହିଡ଼ଡ଼ି ହିୟାନେସି । ୧୧ ଇତିହେଁ ମାହାପୁରୁ ତାଣା ପାରଡ଼ା ବାତି କିନାୟି ହିଲେଏ ।\*

୧୨ ଜୀହୁଦିଆଆତି ଲକୁକି ମସାତି ମେରା ହିଲାଆନା ପାପୁ କିହାମାନେରି; ଏଞ୍ଜାରି ଜିକେଏ ମସାତି ମେରା ହିଲାଆନା ନାସା ଆନେରି, ଅତେ ଏରେକା ଜୀହୁଦି ଲକୁକି ମସାତି ମେରା ପୁଞ୍ଜାମାନାକି; ଏଞ୍ଜାରି ପାପୁ କିହାମାନେରି ଅତେ ଏ ମେରା ତଲେ ନୀହାଁୟି କିଞ୍ଜିଆନେରି । ୧୩ ଇତିହେଁ ମେରାତି ୱେଞ୍ଜାନା ଲକୁ ମାହାପୁରୁ ନକିତା ଦାମ୍ବୁଗାଟାରି ଆଅରି, ସାମା ମେରାତି ମାନୁଞ୍ଜି ଆଡ଼ିସାରେ ଦାମ୍ବୁଗାଟାରି ଆନେରି । ୧୪ ଜୀହୁଦିଆଆତି ଲକୁକି ମେରା ହିଲାଆତିହେଁ ଜିକେଏ ଏତିବେଲା ଏଞ୍ଜାରି ମେରାତା ମାନି ଲେହେଁ କାମା କିନେରି, ଏତିବେଲା ଏଞ୍ଜାରି ମେରା

ବେଟା ଆଆତିହେଁ ଜିକେଏ ତାମ୍ଜେ ମେରା ଲେହେଁ ଆନେ; ୧୫ ଏଞ୍ଜାରି କିହିମାନି କାମାତି ଇଦି ନେହେଁ ତଲେ ତଞ୍ଜା ଆହିମାନେ, ମେରାତି ମାନି ଏଞ୍ଜାରି ହିୟାଁତା ରାସ୍କି ଆହାମାନେ । ଇ କାତାତି ସାତା ଏଞ୍ଜାରି ଅଶ୍ପିପୁତା ଜିକେଏ ପାରମାଣା ସାତା ତଲେ ଅଶ୍ପିନାତି ଅଶ୍ପିନି ଅଶ୍ପୁ ଏଞ୍ଜାରି କାତାତା ରାକ୍ତି ଆହିମାନେ, ସାତା ଅଶ୍ପୁ ଅଶ୍ପିନାତି ଅଶ୍ପୁ ଏଞ୍ଜାରାଇଁ ନେହାଁରି କିନେ, ଲାଗେଏତି ଅଶ୍ପୁ ଅଶ୍ପିନାତି ଦହ କିହିମାନେ । ୧୬ ଏମିନି ଦିନା ମାହାପୁରୁ କ୍ରୀସ୍ତ ଜୀସ୍ତୁ ତାଣାଟି ମାଣ୍ଡିତି ଡଗ୍ଲାମାନି କାତା ବାରେ ନୀହାଁୟି କିନେସି, ଏ ଦିନା ନାନୁ ୱେକିହିମାନି ନେହେଁ କାତୁ ଲେହେଁ ଇ ବାରେ ଆନେ ।

ଜୀହୁଦି ଲକୁ ଅତେ ମେରା

୧୭ ମୀରୁ ଜାହାରାଇଁ ଜୀହୁଦିତମି ଇଞ୍ଜାକତିମାଞ୍ଜେରି; ମେରାତି ବାସ୍ତୁ ଇଟାମାଞ୍ଜେରି ଅତେ ମାହାପୁରୁ ତାଣା ବତପଣ କିହିମାଞ୍ଜେରି; ୧୮ ଅତେ ମସାତି ମେରାଟି ଜାପାନା ଏଞ୍ଜାଣି ଅଶ୍ପୁ ପୁଞ୍ଜିମାଞ୍ଜେରି, ଇଞ୍ଜା ନେହାଁଣି ଲାଗେଏତାଣି ବାତି କିହିମାଞ୍ଜେରି, ୧୯ ସାତେଏ ମୀରୁ ନେହେଁ କିହି ପୁଞ୍ଜାମାଞ୍ଜେରି, ମୀରୁ କାଣାୟାଣି ଜିରୁ ତହୁନାତେରି, ଆନ୍ଦେରିତା ମାନି ଲକୁତାକି ଉଜେଡ଼ି ଲେହେଁ, ୨୦ ବୁଦି ହିଲାଆ ଲକୁଣି ୱେହୁନାତେରି, ପୁନାଆତି ଲକୁଣି ଜାପୁନାତେରି । ମୀ ନାମୁ, ମେରାତି ମୀରୁ ସାତା ଅତେ ବୁଦି ମେଡ଼ା ଆହାମାଞ୍ଜେରି । ୨୧ ମୀରୁ ଏଟକାତି ଲକୁଣି ଜାପୁହି ମାଞ୍ଜେରି, ସାମା ଜାହାରାଇଁ ଏନାଆଁତାକି ଜାପୁହି ହିଲଅତେରି ? ସରୁ କିଆଦୁ ଇଞ୍ଜୁ ଜାପୁହାନା ମୀରୁଏ ଏନାଆଁତାକି ସରୁ କିହିମାଞ୍ଜେରି ? ୨୨ ଦାରି କିଆଦୁ ଇଞ୍ଜୁ ଇଞ୍ଜାନା ମୀରୁଏ ଦାରି କିହିମାଞ୍ଜେରି ? ମୀରୁ ପେଣ୍ଡକା ବମାୟା ପୂଜା ଅପାଆନା ଦେଖୁଡ଼ିକାତି ଦିଶ୍ପୁ ମାଣ୍ଡିତି

\* ୨:୭ ୨:୭ ପାତୁ ୭୨:୧୨    \* ୨:୧୧ ୨:୧୧ ୱେ ମେରା ୧୦:୧୭

ହିଲଅତେରି କି ? ୨୩ ମୀରୁ ମାହାପୁରୁତି  
 ଦେରା ବେଟା ଆହାମାନମି ଇଞ୍ଜି  
 ବଡପଣ ଆହିମାଞ୍ଜେରି, ସାମା ଏଦାଆଁ  
 ମାନି କିଆନା ମାହାପୁରୁଇଁ ଲାଜା ପାଣ୍ଡି  
 କିହିମାଞ୍ଜେରି କି ? ୨୪ ସାପ୍ତେରିତା  
 ରାସ୍‌କି ଆହାମାନେ, “ମିଙ୍ଗେ ତାକି  
 ଜୀହୁଦିଆଆତି ଲକୁତାଣା ମାହାପୁରୁ  
 ଦରୁ ନିନ୍ଦା ବେଟା ଆହିମାନେ ।”\*

୨୫ ମୀରୁ ଦେରାତି ମାନି  
 କିହିମାତିସାରେ, ମୀ ତଲୁ ଦାପିଆନାୟି  
 ଲାବା ମାନେ । ସାମା ଦେରାତି ମାନି  
 କିଆସାରେ, ମୀ ତଲୁ ଦାପି ଆତାୟି  
 ତଲୁ ଦାପିଆଆତି ଲକୁତଲେ ସମାନା  
 । ୨୬ ର ଜୀହୁଦିଆଆତି ଲକୁ ଦେରାତି  
 ହୁକୁମିକା ମାନି କିତିସାରେ ମାହାପୁରୁ  
 ଏଞ୍ଜାଣାଇଁ ତଲୁ ଦାପି ଆତାସି ଲେହେ  
 ଇନଅସି କି ? ୨୭ ଏଦାଆଁତାକି ଆଜା  
 ତଲେ ତଲୁ ଦାପିଆଆତି, ଆମିନି  
 ଜୀହୁଦିଆଆତାରି ମସାତି ଦେରା ମାନି  
 କିନେରି, ଆତିହୁଁ ମସା ରାତିତି ଦେରା  
 ଅଡେ ତଲୁ ଦାପି ଆତିଜିକେଏ ଦେରା  
 ମାନି କିହିହିଲଅତେରି, ଏଞ୍ଜାରି ମିଙ୍ଗେ  
 ବିଚାରା କିୟାନେରି । ୨୮ ୱାରଇ ଆଜା  
 ତଲେ ତଲୁ ଦାପି ଆହାନା ପାଜାତା  
 ଜୀହୁଦି ଇଞ୍ଜିହୁଁ ତସାକତିମାନି ଲକୁ  
 ଜୀହୁଦି ଆଏ । ୨୯ ଆମ୍ବାଆସି ହିୟା ବିତ୍ରା  
 ଜୀହୁଦି, ଏଞ୍ଜାସି ସାତା ତଲେ ଜୀହୁଦି,  
 ଅଙ୍କରି ତଲେ ଆଏ, ଜୀହୁ ଅଡେ ହିୟା  
 ତଲେ ଆମ୍ବାଆସି ତଲୁ ଦାପି ଆତାସି,  
 ଏଦି ସାତା ତଲୁ ଦାପି ଆନାୟି । ଏଲେତି  
 ଲକୁ ମାଣ୍ଡି ତାଣାଟି ମାନି ବେଟାଆଅସି,  
 ସାମା ମାହାପୁରୁ ତାଣାଟି ମାନି ବେଟା  
 ଆନେସି ।

**୩**

୧ ଆତିହୁଁ ଜୀହୁଦିଆଆତି ଲକୁ  
 କିହାଁ ଜୀହୁଦି ଲକୁକି ଏନାୟି ଗାତି  
 ଲାବା ମାନେ ? ତଲୁ ଦାଃନାୟି  
 ଏନି ଲଡାମାନେ ? ୨ ହାରେକାତି,  
 ମୁଲୁଏ ମାହାପୁରୁ ତାନି ନେହୁଁ  
 କାରୁ ୱେକହାଲି ଦାୟିପତି ଜୀହୁଦି

ଲକୁକି ହେରପିତେସି । ୩ ଆତିହୁଁ  
 ଏନାୟି ? ଜୀହୁଦିଜା ତାଣାଟି  
 ଏତରଜାଣା ନାମାଆସାରେ, ଏଞ୍ଜାରି  
 ମାନି କିଆଗାଟାୟି ଏନାଆଁ ମାହାପୁରୁ  
 ନାମୁତି ଉଜେଏ କିନେ ? ୪ ଏଲେଆହୁଁ  
 ଆଆପେ, ଲକୁ ବାରେଜାଣା ମିତିତାରି  
 ଆତିହୁଁ ଜିକେଏ ମାହାପୁରୁ ସାତା ।  
 ସାପ୍ତେରିତା ରାସ୍‌କି ଆହାମାନେ;  
 “ନୀ ବଲୁ ତଲେ ନୀନୁ ଦାର୍ମୁ ଗାଟାତି  
 ଇଞ୍ଜି ୱେଜିଦି,  
 ନୀହାଁୟି ଆନି ବେଲାତା ନୀନୁ  
 ଜୀଣା ଆଦି ।” \*

୫ ମା ଲାଗେଏତି କାମା ମାହାପୁରୁତି  
 ନେହୁଁ କାମାତି ପାରମାଣା କିନେ,  
 ଆତିହୁଁ ମାର ଏନାଆଁ ଇନାୟି ?  
 ଆମିନି ମାହାପୁରୁ ଲାଗେଏତି କାମାତାକି  
 ତଣ୍ଡ ହୀନେସି, ଏଞ୍ଜାସି କି ଦାର୍ମୁ  
 ହିଲାଆଗାଟାସି ? ନାନୁ ମାଣ୍ଡିଲେହେ  
 ୱେସିମାଇଁ । ୬ ଏଲେଆହୁଁ ଆଏ ।  
 ମାହାପୁରୁ ଦାର୍ମୁଗାଟାସି ଆଆତିହୁଁ,  
 ଏଞ୍ଜାସି ଏନିକିହୁଁ ଦାର୍ମତିତି ନୀହାଁୟି  
 କିନେସି ?

୭ ସାମା ନା ମିତି ତଲେ ମାହାପୁରୁତି  
 ସାତାତାୟି ତାନି ଗାଞ୍ଜୁରମି ତାକି  
 ହାରେକା ଗାତି ଆଡେ, ଆତିହୁଁ ନାନୁ  
 ପାପୁ ଗାଟାତେଏଁ ଇଞ୍ଜି ଏନାଆଁତାକି  
 ନୀହାଁୟି କିଞ୍ଜି ଆଇଁ ? ୮ ମାର  
 ଏନାଆଁତାକି ଏଲେଇନାଆୟି, “ଞ୍ଜାଦୁ  
 ମାର ଲାଗେଏତି କାମା କିନ, ଆତିହୁଁ  
 ମାଙ୍ଗେତାକି ନେହେଁ ଆନେ ?” ନାନୁ  
 ଇଲେତି କାତା ୱେସିମାନାକି ଦାଞ୍ଜା  
 କିହାନା ଏଚେକା ଲକୁ ନାଙ୍ଗେ ନିନ୍ଦା  
 କିହିମାଞ୍ଜାନେରି, ଏଞ୍ଜାରି ଇଦାଆଁତାକି  
 ଆମିନି ତଣ୍ଡ ପାଣ୍ଡନାୟି ମାନେ,  
 ସାତାତଲେ ବେଟାଆନେରି ।

ଦାର୍ମୁଗାଟାସି ଆମ୍ବାଆସି ହିଲଅସି  
 ୯ ଆତିହୁଁ ଜୀହୁଦି ଲକୁ  
 ଜୀହୁଦିଆଆତି ଲକୁ କିହାଁ ହାରେକା  
 ନେହାଁରି ମାନେରି ? ଏଚେଲାଞ୍ଜା ଆଏ,  
 ନାନୁ ନଚେଏ ୱେସାମାଞ୍ଜାଇଁ ଜୀହୁଦି

\* ୨:୨୪ ୨:୨୪ ଜିସା ୫୨:୫ \* ୩:୪ ୩:୪ ପାରୁ ୫୧:୧୫

ଅଡ଼େ ଜାହୁଦିଆଆତି ଲକୁ ପାପୁତି  
ବାଡ଼ୁୟୁତା ମାନେରି, ୧୦ ଦାମ୍ନୁ ସାଡ଼ସ୍ତେରିତା  
ରାସ୍ତକି ଆହାମାନେ;

“ଦାମ୍ନୁଗାଟାସି ଆମ୍ବାଆସି ହିଲଅସି,  
ରଅସି ଜିକେଏ ହିଲଅସି,\*

୧୧ ରଅସି ଜିକେଏ ବୁଦିଗାଟାସି  
ହିଲଅସି;

କି ମାହାପୁରୁଇଁ ପାରିନାସି ହିଲଅସି  
।

୧୨ ଏଞ୍ଜାରି ବାରେଜାଣା ମାହାପୁରୁ  
ତାଣାଟିଏ ହେକ ହାଜାମାନେରି;  
ଏଞ୍ଜାରି ବାରେଜାଣା ଲାଗେଏ  
ଜିରୁତା ହାଜାମାନେରି;

ଆମ୍ବାଆସି ଜିକେଏ ରଅସି  
ସାତାପାଣାତି କାମାକିନାସି  
ହିଲଅସି ।

୧୩ ଏଞ୍ଜାରି ହାଡ଼ା ଦେପିଆଡ଼ି ମାଡ଼ହା  
ମୁହ୍ନି ଟାୟୁ,

ଏଞ୍ଜାରି ଗୁଡ଼ିଟି ମିତି କାତା  
ହଡ଼ିମାନେ,

ଲୁଡ଼ା ଡ଼ଇ ଅରୁ କାଟାମାନି ରାଚୁତି  
ବୀସାମାନେ ।\*

୧୪ ଏଞ୍ଜାରି ଗୁଡ଼ିତି କାତା କାମ୍ବେଲି  
ଗାଟାୟି ଇଞ୍ଜା ବାକା ତଲେ  
ନେଞ୍ଜାମାନେ ।\*

୧୫ ଏଞ୍ଜାରି ଇରହାଲି ଅଡ଼େ ପାୟାଲି  
ଦେବୁଣିଏ ହନେରି ।\*

୧୬ ଏଞ୍ଜାରି ଆମ୍ବିୟାଞ୍ଜାକି ହାନେରି,  
ଏମ୍ବାଆଁ ନାସା ଇଞ୍ଜା ସାସି  
ବେଟାଆନେରି ।

୧୭ ଏଞ୍ଜାରି ହିଡ଼ଡ଼ିତି ଜିରୁ ପୁଞ୍ଜାହିଲଅରି,  
୧୮ ମାହାପୁରୁଇଁ ଆଜିନାୟି

ଏଞ୍ଜାରିତାଣା ହିଲେଏ ।\*\*

୧୯ ମାର ପୁଞ୍ଜାମାନାୟି, ମେରା ମାନି  
କିହିମାନେରି, ଏମ୍ବାତି ବାରେ ହୁକୁମିଇଁ  
ଏଞ୍ଜାରି ମାନି କିନାୟିମାନେ । ମାହାପୁରୁ  
ଏତିବେଲା ବାରେ ଦାରୁଡ଼ିତି ବିଚାରା  
କିନେସି, ମେରାତି ମାନି କିଆଗାଟି ଲକୁ  
ଜାହାରାଇଁ ଦହ ହିଲଆ ଗାଟାତମି  
ଇଞ୍ଜା ଇଞ୍ଜାଲି ଆଡ଼ଅରି । ୨୦ \*ସାମା  
ମେରା ତଲେ କିନି କାମା ମାନି କିହିଁ

ଆମ୍ବାଆସି ଜିକେଏ ମାହାପୁରୁ ନକିତା  
ଦାମ୍ନୁଗାଟାସି ଆହାଲି ଆଡ଼ଅସି ।  
ଇତିହୁଁ ମେରାଟି ମାଣସି ଖାରୁଇ  
ପାପୁତି ପୁଞ୍ଜାଲି ଆଡ଼ିମାନେସି ।\*

ନାମୁତଲେ ଦାମ୍ନୁଗାଟି ଲକୁ ଆନାୟି  
୨୧ ମାହାପୁରୁ ମାଣସିଇଁ ତାନିତଲେ

ନେହୁଁ କୁଁ ଆଣ୍ଡାଲି ତାକି ମେରା  
ପିସ୍ତେ ଏନାଆଁ କିହାମାନେସି, ଏଡ଼ି  
ନୀର୍ବତଞ୍ଜା ଆହିମାନେ । ଏକାତା ମସାତି  
ମେରା ଇଞ୍ଜା ମାହାପୁରୁ ଅଣପୁତି ବଲୁ  
ଞ୍ଜେହୁନାରି ଜିକେଏ ସାକି ହୀହାମାନେରି  
। ୨୨ \*ଖାରୁଇ ଜୀସୁ କ୍ରୀସୁ ତାଣା

ନାମିତାକି ଲକୁ ମାହାପୁରୁ ନକିତା  
ଦାମ୍ନୁଗାଟାରି ଆନେରି । ମାହାପୁରୁ  
ଆମ୍ବାଆରାଇଁ ପାରଡ଼ା ବାଟି କିଆନା  
କ୍ରୀସୁଇଁ ନାମିତି ବାରେ ଜାଣାକି ର  
ପାରୁ ହୀନେସି ।\* ୨୩ ବାରେଜାଣା  
ପାପୁ କିହାମାନେରି ଅଡ଼େ ମାହାପୁରୁତି  
ଗାଞ୍ଜୁରମିତି ହେକ ଆହାମାନେରି ।

୨୪ ସାମା, ଏଞ୍ଜାରି ଉଜେଏ ମାହାପୁରୁତି  
କାର୍ମାମେହୁନି ଦାନା ତଲେ କ୍ରୀସୁ  
ଜୀସୁ ତାଣା ଆମିନି ଗେଲପି ଆନାୟି  
ମାନେ, ଏଦାଆଁ ତଲେ ଦାମ୍ନୁଗାଟାରି  
ଆନେରି । ୨୫ ମାହାପୁରୁ ଜୀସୁଇଁ ଦାନା  
ହୀତେସି, ଏନିକୁଁ ଏଞ୍ଜାଣି ହାକି,  
ଏଞ୍ଜାଣି ତାଣା ନାମାମାନି ଲକୁତାକି

ପାପୁ ମେଣଜିନି ଉପେୟି ଆନେ ।  
ମାହାପୁରୁ ଅରହାନା ଲକୁ କିହାମାନି  
ତଲିତି ପାପୁତି ତସାହିଲଅସି ।

୨୬ ସାମା ନୀର୍ବ ଏଞ୍ଜାସି ଜାହାରା ଦାମ୍ନୁ  
ଗାଟାଣି ତସାଲି ତାକି ପାପୁ ମେକ୍ଜନି  
ମେରା କିହାମାନେସି । ଇଦାଆଁ ତଲେ  
ମାହାପୁରୁ ତସାମାନେସି, ଏଞ୍ଜାସି ତାନୁଏ  
ଦାମ୍ନୁଗାଟାସି ଇଞ୍ଜା ଆମ୍ବାଆସି ଜୀସୁ  
ତାଣା ନାମିନେସି, ଏଞ୍ଜାସି ବାରେଜାଣାତି  
ଦାମ୍ନୁ ଗାଟାରିଲେହେଁ ଆବିନେସି ।

୨୭ ଆତିହୁଁ ଆମିନି କାତାତା ମାର  
ବଡ଼ପଣ ଆନାୟି ? ଆଏ, ଏଲେତି

\* ୩:୧୦ ୩:୧୦ ପାରୁ ୧୪:୧-୩: ୫୩:୧-୩    \* ୩:୧୩ ୩:୧୩ ପାରୁ ୫:୯: ୧୪୦:୩    \* ୩:୧୪ ୩:୧୪ ପାରୁ ୧୦:୭  
\* ୩:୧୫ ୩:୧୫ ଜିସା ୫୯:୭, ୮    \* ୩:୧୮ ୩:୧୮ ପାରୁ ୩୭:୧    \* ୩:୨୦ ୩:୨୦ ଗାଲା ୨:୧୭    \* ୩:୨୦  
୩:୨୦ ପାରୁ ୧୪୩:୨; ଗାଲା ୨:୧୭    \* ୩:୨୨ ୩:୨୨ ଗାଲା ୨:୧୭    \* ୩:୨୨ ୩:୨୨ ଗାଲା ୨:୧୭



କାତା ଏନାୟି ହିଲେଏ । ବତପଣ ଆହାଲିତାକି ମା ତାଣା ଏନାୟି ମାନେ ? ମାର ବାରେ ହୁକୁମି ମାନୁଡ଼ି ଆହିମାନାୟି ଇଞ୍ଜିହିଁ କି ? ଆଏ, ୱାରଇ ନାମୁଏ ମା ବତପଣ ଆନେ । ୨୮ ମାର ନେହିଁ କିଁ ତେଲହାଲି ଆଡିନାୟି । ରଅସି ୱାରଇ ତାନି ନାମୁତଲେ ମାହାପୁରୁ ନକିତା ଦାର୍ମୁଗାଟାସି ଇଞ୍ଜିଁ ୱେଜିନେସି, ମେରାତି ମାନ୍ତି କିତିସାରେ ଆଏ । ୨୯ ମାହାପୁରୁ ୱାରଇ ଜୀହୁଦି ଲକୁଡି ମାହାପୁରୁକି ? ଏଞ୍ଜାସି ଜୀହୁଦିଆଆତି ଲକୁଡି ମାହାପୁରୁ ଆଏକି ? ସାତେଏ ଏଞ୍ଜାସି ବାରେ ଲକୁଡି ମାହାପୁରୁ । ୩୦ ଏନାଆଁତାକି ଇତିହିଁ, ମାହାପୁରୁ ରଅସିଏ, ଅଡେ ଏଞ୍ଜାସି ଜୀହୁଦି ଇଞ୍ଜା ଜୀହୁଦିଆଆତି ଲକୁଡି ନାମୁ ତାକି ଏଞ୍ଜାସି ଏଞ୍ଜାରାଇଁ ଦାର୍ମୁ ଗାଟାରିଲେହେଁ ଆବିନେସି । ୩୧ ଆତିହିଁ, ମାର କି ନାମୁତଲେ ମସାତି ମେରା ମ୍ବେକ୍‌ହି ମାନାୟି ? ଏଡି ଏରେଲା ଜିକେଏ ଆଆପେ, ସାମା ମାର ନାମୁତଲେ ମସାତି ମେରାଇଁ ଜାଣେ ତାରି କିହିମାନାୟି ।

### ୪

#### ଅବ୍ରାହାମତି ମାଣ୍ଡକି

୧ ଆତିହିଁ ଆଜା ତଲେ ମା ଆକୁ ଅବ୍ରାହାମ ଏନାଆଁ ବେଟାଆହାମାନେସି ଇଞ୍ଜିହିଁ ମାର ଏଲେଇନାୟି ? ୨ ଅବ୍ରାହାମ ତାନି ଜାହାରା କାମାଟି ମାହାପୁରୁ ତାଣା ଦାର୍ମୁଗାଟାସି ଆହା ମାତିହିଁ ମା, ଏଞ୍ଜାଣାକି ବତପଣ କିନି କାତା ମାଟେ । ସାମା ମାହାପୁରୁ ୱାକିଟି ଏଡି ଆହାହିଲାଆତେ । ୩ \*ଦାର୍ମୁ ସାସ୍ତେରି ଲେହେଁ, “ଅବ୍ରାହାମ ମାହାପୁରୁଇଁ ନାମିତେସି, ଅଡେ ଏ ନାମୁତାକି ମାହାପୁରୁ ଏଞ୍ଜାଣାଇଁ ଦାର୍ମୁ ଗାଟାଣି ଲେହେଁ ଅପିତେସି ।” ୪ ଆମାଆସି କାମା କିନେସି, ଏଞ୍ଜାଣାକି ତାନି କୁଲି ମେଡାଆନେ, ଏଡି ଦାନା ହାନାୟି ଆହାଲି ଆଡେଏ,

ଏଡି କାମାଟି ପାଡେୟି ଇଞ୍ଜିଁ ଇଣ୍ଡି ଆନେ । ୫ ସାମା ଆମାଆସି ତାନି କାମାତା ଆସା କିଆନା, ଦାର୍ମୁ ହିଲାଆଗାଟାଣାଇଁ ଏମିନି ମାହାପୁରୁ ଦାର୍ମୁଗାଟାସି ଇଞ୍ଜିଁ ଆବିନେସି, ଏଞ୍ଜାଣି ତାଣା ନାମିନେସି, ଏଞ୍ଜାଣି ନକିତା ଏଞ୍ଜାଣି ନାମୁ ଦାର୍ମୁଗାଟାୟି ଇଞ୍ଜିଁ ୱେଜିନେ । ୬ ଆମିନି ଲକୁଇଁ କାମା ଲଡାତି ସିନି କିଆନା ମାହାପୁରୁ ଏଞ୍ଜାଣାଇଁ ଦାର୍ମୁଗାଟାସି ଇଞ୍ଜିଁ ଆବିନେସି, ଏଞ୍ଜାଣାଇଁ ନେହାସି ଇଞ୍ଜିଁ ଦାସୁଦ ଏଲେଇଞ୍ଜା ମାନେସି;

୭ \*ଆମାଆରି ଦହ ମେଣ୍ଡକି କିଞ୍ଜିଆହାମାନେ, ଆମାଆରି ପାପୁ ମେଣ୍ଡକି କିଞ୍ଜିଆହାମାନେ, ଏଞ୍ଜାରାକି ନେହେଁ ।

୮ ପୁରୁ ଆମାଆରି ପାପୁ ଆହସସି, ଏଞ୍ଜାଣାକି ନେହେଁ !”

୯ ଇମାଆଁ ଦାସୁଦ ଆମାଆରାଇଁ ନେହେଁ ଇଞ୍ଜିଁ ୱେସାମାନେସି, ଏଞ୍ଜାରି କି ୱାରଇ ତଲୁ ଦାପି ଆଡି ଲକୁ ମାଟେରି ? କି, ତଲୁ ଦାପିଆଆତି ଲକୁ ଜିକେଏ ନେହାରି ଆହାଲି ଆଡିନେରି । ମାର ଏଲେ ଇଞ୍ଜିମାନାୟି, “ଅବ୍ରାହାମ ନାମୁତଲେ ଦାର୍ମୁଗାଟାସି ଇଞ୍ଜିଁ ୱେଜିନେସି ।” ୧୦ ଆତିହିଁ ଏଡି ଏରେଲା ଆହାମାଟେ ? ଅବ୍ରାହାମ ତଲୁ ଦାପି ଆଡି ତାୟୁ କି, ତାନି ନକେଏ ? ତଲୁ ଦାପି ଆଆନକେଏ, ତାୟୁ ଆଏ । ୧୧ ତଲୁ ଦାପି ଆଡି ନକେଏ ଅବ୍ରାହାମ ନାମୁ ତାକି ମାହାପୁରୁ ଏଞ୍ଜାଣାଇଁ ଦାର୍ମୁ ଗାଟାଣା ଲେହେଁ ଆବା ମାଟେସି । ଇଦାଆଁ ପୁଣ୍ଡି କିହାଲିତାକି ର ସିନାଲେହେଁ ଅବ୍ରାହାମ ଇ ତଲୁ ଦାପିଆଡି ମେରା ବେଟାଆହା ମାଟେସି, ଇତିହିଁ, ଆମିନି ଗାଟାରି ତଲୁ ଦାପି ଆଆନା ଜିକେଏ ମାହାପୁରୁ ତାଣାଟି ଦାର୍ମୁଗାଟାସି ଇଞ୍ଜିହିଁ ଆବିତାସି, ସୁଦୁ ମାଣ୍ଡକିଟି ଅବ୍ରାହାମ ଏଞ୍ଜାରି ତାଞ୍ଜି

\* ୩:୩୦ ୩:୩୦ ୱେ ମେରା ୬:୪; ଗାଲା ୩:୨୦ \* ୪:୩ ୪:୩ ମୂଲୁ ୧୫:୬; ଗାଲା ୩:୬ \* ୪:୭ ୪:୭ ପାବୁ ୩୨:୧,୨ \* ୪:୧୧ ୪:୧୧ ମୂଲୁ ୧୭:୧୦

୧୨ ଆବା ଅବ୍ରାହାମ ତଲୁ ଦାପି ଆଡ଼ି ନକେଏଟିଏ ଆମିନି ନାମୁତି କାତା ତସାମାରେସି, ତଲୁ ଦାପିଆଆତି ଲକୁ ଜାହାରା ଜାସୁତା ଏଲେତି ନାମୁ ତସାଲି ଆଡ଼ିସାରେ, ଅବ୍ରାହାମ ଏଞ୍ଜାରାକି ଜିକେଏ ତାଞ୍ଜି ଆନେସି ।

ମାହାପୁରୁତି ଆଞ୍ଜାମାନାଣି ନାମୁତଲେ ବେଟାଆନାୟି

୧୩ \*ଅବ୍ରାହାମ ମେରାତି ମାନ୍ତି କିହାମାନାକି ଆଏ । ଖାରଇ ତାନି ନାମୁ ତାକି ମାହାପୁରୁ ତାଣାଟି ଦାମୁଗାଗାସି ଇଞ୍ଜି ଝେଙ୍ଗାମାରେସି ଇଞ୍ଜି ଏଦାଆଁତାକି ତାନି ମାରକା ମାସକା ଦାରତିତି ଅଦିକାରା ବେଟାଆନେରି ଇଞ୍ଜି ମାହାପୁରୁ ଆଞ୍ଜାମାରେସି ।\* ୧୪ \*ଆମ୍ବାଆରି ମେରାତି ମାନ୍ତି କିନାରି, ଖାରଇ ଏଞ୍ଜାରି ମାହାପୁରୁତି ଦାନା ବେଟାଆନେରି ଇତିସାରେ, ମାଣସିତି ନାମୁ ଉଜେଏ, ମାହାପୁରୁ ଆଞ୍ଜାମାନାୟି ଜିକେଏ ଉଜେଏତାୟି ଆନେ ।\* ୧୫ ଇତିହୁଁ ମସାତି ମେରା ଉରିନି ତାଣାଟି ମାହାପୁରୁତି କାରବି ଗାଗାସି ଆନେସି, ସାମା ଆମ୍ବିୟା ମେରା ହିଲେଏ, ଏମ୍ବାଆଁ ମେରା ଉରିନି କାତା ହିଲେଏ ।

୧୬ \*ଏଦାଆଁତାକି ମାହାପୁରୁତି ଆଞ୍ଜାମାନାୟି ନାମୁ ଅଡେ କାମାତି ଲାକ ଇଟ୍ଟକି ଆହାମାନେ । ଆମିନି ଗାଗାରି ମେରାତି ମାନ୍ତି କିନେରି, ଖାରଇ ଏଞ୍ଜାରାକିଦେହେଁ ମାହାପୁରୁତି ଆଞ୍ଜାମାନାୟି ଆଏ । ଅବ୍ରାହାମ ଲେହେଁ ନାମିମାନି ବାରେ ଲକୁତାକି ଜିକେଏ ଆନେ, ଏଦାଆଁତାକି ଇତିହୁଁ ଅବ୍ରାହାମ ଏଞ୍ଜାରି ସୁବୁ ମାଣକିତି ତାଞ୍ଜି,\* ୧୭ ଆମିନି ମାହାପୁରୁଇଁ ଅବ୍ରାହାମ ନାମିମାରେସି, ଆମ୍ବାଆସି ହାଡାରାଇଁ ଝେଣ୍ଡେ ଜାସୁ କିନେସି, ଅଡେ ହିଲାଆଗାଟି ଦିଶସୁତି ମାନି ଲେହେଁ ହାଟିନେସି, ଏ ମାହାପୁରୁ ନକିତା ଏଞ୍ଜାସି ମା ତାଞ୍ଜି ଆହାମାନେସି,

ଇ କାତା ଦାମୁଁ ସାସ୍ତେରିତା ରାସ୍କି ଆହାମାନେ, “ନିଙ୍ଗେ ହାରେକା କୂଡାତି ଲକୁତି ତାଞ୍ଜି କିହାମାଞ୍ଜାନମି ।”\* ୧୮ ଆସା କିନାୟି ଏନାୟି ହିଲାଆତି ଜିକେଏ ଅବ୍ରାହାମ ନାମିରେସି ଇଞ୍ଜା ଆସା ଇତିରେସି, ଏଦାଆଁତାକି “ହାରେକା କୂଡାତି ତାଞ୍ଜି” ଆଡେସି । ଦାମୁଁ ସାସ୍ତେରିତା ରାସ୍କି ଆହାମାନେ, “ନୀ କୂଡା ହୁକାୟାଁ ଲେହେଁ ଏପାଆନେରି ।”\* ୧୯ ଏଞ୍ଜାଣାକି ଏତିବେଲା ପାସାକଡ଼ି ବାର୍ଯ୍ୟା ଆହାମାତାକି ଏଞ୍ଜାସି ତାନି ଆଙ୍ଗାତି ହାଡାୟି ଇଞ୍ଜା ସାରା ଅଡେ କକାରି ପଦାଁ ଆନ୍ତି ଗାରା ଜିକେଏ ହାଡାୟି ଇଞ୍ଜି ଅଣ୍ଡିପିତି ଜିକେଏ ନାମୁତା ଉଣା ଆଆଡେସି । \* ୨୦ ଏଞ୍ଜାସି ତାନି ନାମୁ ପିହୁଆଡେସି, କି ମାହାପୁରୁ ଆଞ୍ଜାମାନାଣି ଆନାମାନା ଆଆଡେସି । ଏଞ୍ଜାସି ନାମୁତା ବାଡୁୟୁ ଆଡେସି ଇଞ୍ଜା ମାହାପୁରୁଇଁ ଜହରା କିଡେସି । ୨୧ ମାହାପୁରୁ ଏନାଆଁ ଆଞ୍ଜାମାରେସି, ଏଞ୍ଜାସି ଏଦାଆଁ ମାନ୍ତି କିନେସି ଇଞ୍ଜି ଏଞ୍ଜାଣାକି ଜାଣ୍ଡେ ନାମୁ ମାରେ । ୨୨ ଏଦାଆଁତାକି ତାନି ନାମୁତଲେ ଅବ୍ରାହାମ, “ମାହାପୁରୁ ତାଣାଟି ଦାମୁଗାଗାସି ଆହାମାରେସି ।”\* ୨୩ “ଅବ୍ରାହାମ ଦାମୁଗାଗାସି ଇଞ୍ଜି ଝେଙ୍ଗାମାଟି” କାତା ଖାରଇ ଏଞ୍ଜାଣି ତାକିଏଦେଁ ରାସ୍କି ଆହାହିଲେଏ । ୨୪ ସାମା ଇ କାତା ମାଙ୍ଗେତାକି ଜିକେଏ ରାସ୍କି ଆହାମାନେ; ଇତିହୁଁ ଆମ୍ବାଆସି ମା ପ୍ରବୁ ଜାସୁଇଁ ହାଡାରି ତାଣାଟି ନିକହାମାନେସି, ଏଞ୍ଜାଣି ତାଣା ମାର ନାମିମାନାୟି, ମାଙ୍ଗେତାକି ଜିକେଏ ଏଦି ଆନେ । ୨୫ ଏ ପ୍ରବୁ ଜାସୁ ମା ପାପୁତି ବାଦୁଲି ହାହାଲି ହେରପିଆହା ମାରେସି ଇଞ୍ଜା ମାହାପୁରୁ ନକିତା ମାଙ୍ଗେ ଦାମୁଁ ଗାଗାତାୟି କିହାଲି ଝେଣ୍ଡେ ନିଙ୍ଗିଡେସି ।\*



\* ୪:୧୩ ୪:୧୩ ଗାଲା ୩:୨୯ \* ୪:୧୩ ୪:୧୩ ମୁଲୁ ୧୭:୪-୭; ୨୨:୧୭,୧୮; ଗାଲା ୩:୨୯ \* ୪:୧୪ ୪:୧୪ ଗାଲା ୩:୧୮ \* ୪:୧୪ ୪:୧୪ ଗାଲା ୩:୧୮ \* ୪:୧୭ ୪:୧୭ ଗାଲା ୩:୭ \* ୪:୧୭ ୪:୧୭ ଗାଲା ୩:୭ \* ୪:୧୭ ୪:୧୭ ମୁଲୁ ୧୭:୫ \* ୪:୧୮ ୪:୧୮ ମୁଲୁ ୧୫:୫ \* ୪:୧୯ ୪:୧୯ ମୁଲୁ ୧୭:୧୭ \* ୪:୨୨ ୪:୨୨ ମୁଲୁ ୧୫:୭ \* ୪:୨୫ ୪:୨୫ ଜିସା ୫୩:୪,୫

ମାହାପୁରୁ ନକିତା ନେହଁ ତଞ୍ଜା  
ଆନାୟି

୧ ନାଏଁ ନାମୁତଲେ ମାର ମାହାପୁରୁ  
ନକିତା ଦାମ୍ବୁ ଗାଟାତାୟି ଆହାମାନାୟି  
ଇଞ୍ଜା ପ୍ରବୁ ଜୀସୁ କ୍ରୀସ୍ତ ତାଣାଟି  
ମାହାପୁରୁ ତଲେ ମାର ହିଡ଼ଡ଼ି ତଲେ  
ମାନାୟି; ୨ ଏମିନି କାର୍ମାତା ମାର  
ମାଞ୍ଜାମାନାୟି, ଏମ୍ବାଟି ଏଞ୍ଜାଣି ତାଣାଟି  
ନାମୁତା ଜିକେଏ ମାନାୟି; ଇଞ୍ଜା  
ମାର ମାହାପୁରୁଟି ଗାଞ୍ଜୁରମିତି ବାସୁତା  
ବତପଣ କିହିମାନାୟି । ୩ ୱାରଇ ଏଦି  
ଆଏ, ବାରେ ଦୁକୁ କସ୍ତତା ଜିକେଏ  
ମାର ରାହାଁ କିହିମାନାୟି, ଇଚିହଁ  
କସ୍ତଟି ସାସା ୱାନ୍ଦେ, ୪ ସାସାଟି ବାଡ଼ୁଲୁ  
ମାଣକି ୱାନ୍ଦେ ଇଞ୍ଜା ବାଡ଼ୁଲୁ ମାଣକିଟି  
ବାସୁ ୱାନ୍ଦେ । ୫ ବାସୁ ମାଞ୍ଜେ ହୀଣି  
ଆହାଲି ହିୟେଏ, ଏନାଆଁତାକି ଇଚିହଁ  
ମାହାପୁରୁ ମାଞ୍ଜେ ସୁଦୁଜୀଞ୍ଜୁ ହୀହାନା  
ମା ହିୟାଁତା ତାନି ଜୀଞ୍ଜୁ ନନାଣି  
ହୀହାମାଞ୍ଜାନେସି ।

୬ ଏଚିବେଲ୍ଲାତା ମାର ଏନି ଉପେୟି  
ହିଲ୍ଲାଆଗାଟାତାୟି ମାଚାୟି, ଏଚିବେଲ୍ଲା  
ମାହାପୁରୁ ତାରି କିହାମାଟି ବେଲ୍ଲାତା  
କ୍ରୀସ୍ତ ପାପୁ ଲକୁତାକି ହାଡ଼େସି  
। ୭ ଦାମ୍ବୁଟି ଲକୁତାକି ଆମ୍ବାଆସି  
ଜିକେଏ ହାଅସି, ନେହଁ ଲକୁତାକି  
ଆମ୍ବାଆସି ଜୀଞ୍ଜୁ ହୀହାଲି ଅଣ୍ଡପିନେସି  
। ୮ ସାମା ମାର ପାପୁଗାଟି ଲକୁ  
ମାଚାଟି ଜିକେଏ କ୍ରୀସ୍ତ ମା ତାକି  
ତାନି ଜୀଞ୍ଜୁ ହୀତେସି, ଇଦାଆଁ ତଲେ  
ମାହାପୁରୁ ମାଞ୍ଜେ ଏଚେକା ଜୀଞ୍ଜୁନହଁ  
ମାଞ୍ଜାନେସି, ଏଦାଆଁ ତସାମାଞ୍ଜାନେସି  
। ୯ ଏଦାଆଁତାକି ଇ କାତା ସାତା,  
ମାର ନାଏଁ ଏଞ୍ଜାଣି ନେତେରି ତଲେ  
ଦାମ୍ବୁ ଗାଟାତଞ୍ଜି ଆହାମାନାକି ଏଞ୍ଜାଣି  
ତାଣାଟି ମାହାପୁରୁଟି କପାଟି ଗେଲ୍ପି  
ଆହାଲି ଆଡ଼ିନାୟି । ୧୦ ମାର  
ମାହାପୁରୁଟି ସାଡ଼ୁୟାଁ ମାଚାୟି, ସାମା  
ମାର ତାନି ମୀରଏଣା ହାକିଟି ତାନିତଲେ  
ଆଣ୍ଡିତାୟି, ନାଏଁ ମାର ମାହାପୁରୁ ତଲେ  
ଆଣ୍ଡାନା କ୍ରୀସ୍ତଟି ଜୀଞ୍ଜୁତଲେ ଗେଲ୍ପି

ଆନାୟି । ୧୧ ୱାରଇ ଏଚେକା ଆଏ,  
ସାମା ପ୍ରବୁ ଜୀସୁ କ୍ରୀସ୍ତଟି ତାକି ମାର ନାଏଁ  
ମାହାପୁରୁ ତଲେ ଆଣ୍ଡାମାନାୟି; ଏଞ୍ଜାଣି  
ତାଣାଟି ମାର ମାହାପୁରୁ ତାଣା ବତପଣ  
ଜିକେଏ ଆହିମାନାୟି ।

ଆଦମ ଅଡ଼େ କ୍ରୀସ୍ତ

୧୨ ରଅଣି ତାଣାଟି ପାପୁ ଦାରତିତା  
ଞ୍ଜାଡ଼େ ଅଡ଼େ ପାପୁ ତଲେ ହାକି ୱାଡ଼େ,  
ବାରେଜାଣା ପାପୁ କିତାକି ହାକି ବାରେ  
ମାଣ୍ଡିତାକି ୱାଡ଼େ, ଇଞ୍ଜା ବାରେଜାଣା  
ପାପୁ କିତେରି । ୧୩ ମେରା ହୀପ୍ପକିଆଡ଼ି  
ନଡ଼େଏ ଦାରତିତା ପାପୁ ମାଚେ; ସାମା  
ମେରା ହିଲ୍ଲାଆଟି ପାପୁଟି ଏଜିକିଞ୍ଜି ଆହି  
ହିଲ୍ଲାଆଡ଼େ । ୧୪ ଆଦମ ତାଣାଟିଏ ମସା  
ପାଚେକା ଆମ୍ବାଆସି ଜିକେଏ ଆଦମ  
ଲେହେଁ ହୁକୁମି ମାନି କିଆନା ପାପୁ  
କିହାହିଲ୍ଲାଆଡ଼େ ଜିକେଏ ବାରେଜାଣା  
ହାକିଟି ଡ଼ଇ ମାଚେରି; ଆମିନିଗାଟାସି  
ଞ୍ଜାନାୟି ମାଚେ, ଆଦମ ଏଞ୍ଜାଣି ର ୱାଣା  
।

୧୫ ସାମା ଦହ ଏନିକଁ, ମାହାପୁରୁଟି  
କାର୍ମା ଜିକେଏ ଏଲେକଁ, ଏଦି  
ଆଏ, ଇଚିହଁ ରଅଣି ଦହ ତାକି  
ହାଡ଼େରକା ଲକୁଟି ହାକି ଆଡ଼େ, ଆଡ଼ିହଁ  
ମାହାପୁରୁଟି କାର୍ମା ଅଡ଼େ ର ମାଣ୍ଡି  
ଇଚିହଁ ଜୀସୁ କ୍ରୀସ୍ତ ହୀତି କାର୍ମାଟି  
ଦାନା ହାଡ଼େରକା ଲକୁତାକି ହାଡ଼େରକା  
ଗାଡ଼ି ଆଡ଼େ । ୧୬ ର ମାଣ୍ଡି ପାପୁ  
କିତାକି ଏନିକଁ ପାଡ଼େୟି ଆଡ଼େ, ଇ  
ଦାନାଟି ପାଡ଼େୟି ଏଲେକଁ ଆଏ,  
ଇଚିହଁ ରଅଣି ତାକି ଏମିନି ନାହାଁୟି,  
ଏମ୍ବାଟି ପାଡ଼େୟି ଡ଼ଣ୍ଡ ଆଡ଼େ, ସାମା  
ହାଡ଼େରକା ଲକୁଟି ଦହ ତାକି ଏମିନି  
କାର୍ମାଟି ଦାନା, ଏମ୍ବାଟି ପାଡ଼େୟି  
ଦହ ହିଲ୍ଲାଆଗାଟାୟି ଆଡ଼େ । ୧୭ ର  
ମାଣ୍ଡିସିଟି ପାପୁ ତାକି, ହାକି ସାଲ୍ଲିଞ୍ଜି  
କିତେ; ସାମା ଅର ରଅସି ଇଚିହଁ  
ଜୀସୁ କ୍ରୀସ୍ତ ଏନାଆଁ କିହାମାନେସି,  
ଏଦି ଏଚେକା କାଜାୟି । ଆମିନି  
ବାରେଜାଣା ମାହାପୁରୁଟି ହାଡ଼େରକା  
କାର୍ମାମେହନାୟି ଉଜେଏ ମେଡ଼ାଆନାଣି

☆ ୫:୧୭ ୫:୧୭ ମୂଲ୍ୟ ୩:୭

ତଲେ ମାହାପୁରୁତି ନକିତା ଦାର୍ମୁଗାଗାରି  
ଇଞ୍ଜିଁ ଝେଙ୍ଗନେରି, ଏଞ୍ଜାରି କ୍ରୀସୁ  
ତଲେ ଜୀଣାଆହାନା ନୀତିନେରି ।

୧୮ ରଅଣି ପାପୁ ଏନିକିହୁଁ ବାରେ  
ମାଣ୍ଠସି କୂଡ଼ାଇଁ ତଣ୍ଡ ବେଟା ଆଞ୍ଜିକିତେ,  
ଏଲେକିହୁଁଏ ରଅଣି ଦାର୍ମୁତି କାମା  
ବାରେ ମାଣ୍ଠସି କୂଡ଼ା ତାକି ଗେଲ୍ପି  
ଆନାଣି ଇଞ୍ଜା ରାଆଗାଟି ଜୀଝୁ  
ତାଗାହାତେ । ୧୯ ରଅସି ମାନି କିଆତାକି  
ଏନିକିହୁଁ ହାରେକା ଲକୁ ପାପୁ ଗାଗାରି  
ଆଡେତରି, ଏଲେକିହୁଁଏ ରଅଣି ମାନି  
କିନାଣି ତଲେ ବାରେଜାଣା ମାହାପୁରୁ  
ନକିତା ଦାର୍ମୁଗାଗାରି ଆନେରି ।

୨୦ ଇଦାଆଁ ପିସୁପେ ମେରା ଜିକେଏ  
ଝାଡେତ, ଏନିକିହୁଁ ଦହ ହାରେକା  
ଗାଡିଆନେ; ସାମା ଆମ୍ବିୟା ପାପୁ  
ପାଡାଆଡେତ, ଏଦାଆଁ ମାହାପୁରୁତି  
କାର୍ମାମେହନାୟି ଜିକେଏ ହାରେକା  
ପାଡାଆଡେତ । ୨୧ ଏନିକିହୁଁ ପାପୁ ହାକି  
ତଲେ ସାଲ୍ଫି କିତେ, ଏଲେକିହୁଁଏ  
ମାହାପୁରୁତି କାର୍ମାମେହନାୟି ଜୀସୁ  
କ୍ରୀସୁ ତାଣାଟି ମାଙ୍ଗେ ଦାର୍ମୁ ଗାଗାତାୟି  
କିହାଁ ରାଆଗାଟି ଜୀଝୁ ହିୟାତେ ।



ପାପୁତି ହାକି କ୍ରୀସୁ ତାଣାଟି ଜୀଝୁ

୧ ଆତିହୁଁ ମାର ଏନାଆଁ ଇନାୟି  
? ମାହାପୁରୁତି କାର୍ମାମେହନାୟି  
ଏନିକିହୁଁ ହାରେକା ଆନେ,  
ଏଦାଆଁତାକି କି ପାପୁତେଏ  
ମାଙ୍ଗେମାନାୟି ? ୨ ଏଦି ଏତେଲା  
ଜିକେଏ ଆଆପେ । ପାପୁ ତାକି ମାର  
ହାହାମାନାୟି, ଏନିକିହୁଁ ଏଦାଆଁ ଅଡେ  
ମାର ନୀତିନାୟି ? ୩ ମାର ଏତେକା  
ଲକୁତାୟି କ୍ରୀସୁ ଜୀସୁ ତାଣା ବାପ୍ତିସ୍ମ\*  
ଅହାମାନାୟି, ବାରେ ଜାଣାତାୟି  
ତାନି ହାକିତା ବାପ୍ତିସ୍ମ† ଅହାମାନାୟି,  
ଇଦାଆଁ କି ମାରୁ ପୁଞ୍ଜାହିଲଅଡେରି  
? ୪ \*ଏଦାଆଁତାକି ମାର ବାପ୍ତିସ୍ମ‡  
ଅହାନା ହାକିତା ତାନିତଲେ ମୁସ୍ପି

ଆହାମାନାୟି, କ୍ରୀସୁ ଏନିକିହୁଁ ଆବାତି  
ଗାଝୁରମି ତଲେ ହାଡାରି ତାଣାଟି  
ଝେଣ୍ଡେ ନିଜିତେସି, ମାର ଜିକେଏ  
ଏଲେକିହୁଁଏ ପୁଞ୍ଜି ଜୀଝୁତି ମାଣ୍ଠକି  
ତଲେ ନୀତିନ ।\*

୫ ଏନାଆଁତାକି ଇତିହୁଁ ମାର ଏଞ୍ଜାଣି  
ହାକିତା ଆଣ୍ଠାନା ଏଞ୍ଜାଣିତଲେ ରଣ୍ଡିଏ  
ଆହାମାନାୟି, ଆତିହୁଁ ସାତେଏ  
ଏଞ୍ଜାସି ଝେଣ୍ଡେ ନିଜିତି ଲେହେଁ ମାର  
ଜିକେଏ ନିଜାମା ଏଞ୍ଜାଣିତଲେ ରଣ୍ଡିଏ  
ଆନାୟି । ୬ ମାର ପୁଞ୍ଜାମାନାୟି, ପାପୁତି  
ହଲିୟାଙ୍ଗା ଆଆପ, ଇଦାଆଁତାକି  
ପାପୁତି ଆଙ୍ଗା ନାସା କିହାଲିତାକି ମା  
ପୁଞ୍ଜଇ ମାଣ୍ଠକି ତାନିତଲେ ପାସି ମୁଣ୍ଡାତା  
ହାହାମାନେ । ୭ ଏନାଆଁତାକି ଇତିହୁଁ  
ମାଣ୍ଠସି ହାଡିସାରେ, ପାପୁତି ବାଡ଼ୟୁଟି  
ଗେଲ୍ପି ଆନେସି । ୮ ସାମା ମାର  
କ୍ରୀସୁ ତଲେ ହାଡାକି, ତାନିତଲେ  
ମାର ଜିକେଏ ନୀତିନାୟି ଇଞ୍ଜିଁ  
ନାମାମାନାୟି । ୯ ମାର ପୁଞ୍ଜାମାନାୟି,  
କ୍ରୀସୁ ହାକିଟି ନିଜାମାନାକି, ଏଞ୍ଜାସି  
ଅଡେ ଝେଣ୍ଡେ ହାଅସିଦେ, ଏଞ୍ଜାଣାଇଁ  
ଅଡେ ହାକି ସାଲ୍ଫି କିହାଲି ଆଡେଏ  
। ୧୦ ଏଞ୍ଜାସି ଆମିନି ହାକିତା ହାଡେସି,  
ଏଦାଆଁ ତଲେ ପାପୁତି ବାଡ଼ୟୁଟି ରଣ୍ଡିଏ  
ଦେବେଏ ଜୀଣା ଆଡେସି । ଅଡେ  
ନୀର୍ବ ଆମିନି ଜୀଝୁତଲେ ନୀତାମାନେସି,  
ଏଦି ମାହାପୁରୁ ତଲେ ଆଣ୍ଡିତି ଜୀଝୁ  
। ୧୧ ଏଲେକିହୁଁଏ ମାରୁ ଜିକେଏ  
ପାପୁତା ହାହାମାଙ୍ଗେରି ଇଞ୍ଜିଁ ଅଣ୍ଠପାଦୁ  
। ସାମା କ୍ରୀସୁ ଜୀସୁ ତାଣାଟି ଆଣ୍ଠାନା  
ମାହାପୁରୁ ତାକି ଜୀଝୁ ଗାଗାତମି ଇଞ୍ଜୁ ।

୧୨ ମୀ ହାନି ଆଙ୍ଗାତା ପାପୁ ସାଲ୍ଫି  
କିୟାଆପେ; ମାରୁ ଅଡେ ଆଙ୍ଗାତି  
ଲାଗେଏତି ଅଣ୍ଠପୁ ତଲେ ତାକାଆଦୁ  
। ୧୩ ମୀ ଆଙ୍ଗା ଉଡେଲିତି ଲାଗେଏ  
କାମାତି ଜୁତି ଲେହେଁ ପାପୁ କାମାତା  
ହେର୍ପାଆଦୁ, ସାମା ହାଡାରି ତାଣାଟି  
ନୀତାମାନି ଲେହେଁ ଜାହା ଜାହାରାଇଁ  
ମାହାପୁରୁ ନକିତା ହେର୍ପା କତାଦୁ,  
ଇଞ୍ଜା ଜାହା ଜାହାରା ଆଙ୍ଗା ଉଡେଲିତି

\* ୭:୩ ୭:୩ମୁଞ୍ଜିନାୟି † ୭:୩ ୭:୩ମୁଞ୍ଜିନାୟି ☆ ୭:୪ ୭:୪ କଲସି ୨:୧୨ ‡ ୭:୪ ୭:୪ମୁଞ୍ଜିନାୟି  
\* ୭:୪ ୭:୪ କଲସି ୨:୧୨

ଦାମ୍ଭୂତି ଜୁତି ଲେହେଁ ମାହାପୁରୁ ନକିତା ହେଉପାଦୁ । ୧୪ ପାପୁ ମିଜ୍ଞେ ସାଲୁକି କିୟାଆପେ, ମୀରୁ ଅଡ଼େ ମସାତି ମେରା ଡ଼ଇ ହିଲଅତେରି, ସାମା ମାହାପୁରୁତି କାର୍ମାତି ଡ଼ଇ ମାଞ୍ଜେରି ।

ଦାମ୍ଭୂତି ହଲିୟାଜା

୧୫ ଆତିହୁଁ ଏନାଆଁ ? ମାର ମସାତି ମେରା ଡ଼ଇ ହିଲଆୟି, ସାମା ମାହାପୁରୁତି କାର୍ମାମେହନି ଡ଼ଇ ମାନାୟି, ଈଦାଆଁତାକି କି ପାପୁ କିନାୟି ? ଏଲେଆହୁଁ ଏଚେଲା ଜିକେଏ ଆଆପେ । ୧୬ ମୀରୁ ସାତେଏ ପୁଞ୍ଜାମାଞ୍ଜେରି, ମୀରୁ ରଅଣି ହଲିୟାଜା ଆହାନା ଏଞ୍ଜାଣି କାତା ମାନୁଞ୍ଜି ଆଡ଼ିସାରେ, ଆତିହୁଁ ମୀରୁ ଏଞ୍ଜାଣି ହଲିୟାଜାତେରି, ପାପୁତି ହଲିୟାଜା ଆଡ଼ିସାରେ, ପାପୁ ମାଣକିଟି ହାକି ଖାରେ; ଦାମ୍ଭୂତି ଜେଡ ହାତିସାରେ, ଜୀଞ୍ଜୁ ବେଟାଆଦେରି । ୧୭ ସାମା ମାହାପୁରୁଇଁ ଜହରା କିହିମାଇଁ, ମୀରୁ ର ଦିନା ପାପୁତି ହଲିୟାଜାତେରି ମାଚେରି, ମୀରୁ ନୀର୍ବ ନେହୁଁ ବଲୁତି ଜାପୁନି ତାଣା ହେରପିଆହା ମାଞ୍ଜେରି, ଅଡ଼େ ହିୟାଁ ତଲେ ଏମ୍ବାତି ମାନି କିହିମାଞ୍ଜେରି । ୧୮ ପାପୁତି ପିସପି ଆହାନା ଦାମ୍ଭୂତି ହଲିୟାଜା ଆହାମାଞ୍ଜେରି । ୧୯ ମୀ ଆଜାତି ବାଡ଼ୁୟୁ ହିଲାଆକି ମାଣସିତି ହାଡାତଲେ ଖେସିମାଞ୍ଜାଇଁ; ମୀରୁ ଏନିକିହୁଁ ଲାଗେଏତି କାମାତାକି ଜାହାରା ଆଜା ଉଡ଼େଲିତି ପଲେଏତି ଇଞ୍ଜା ଦାମ୍ଭୂ ହିଲାଆତାଣା ହଲିୟାଜା ଲେହେଁ ହେରପାମାଚେରି, ଏଲେକିହୁଁଏ ନୀର୍ବ ଜାହାରା ଆଜା ଉଡ଼େଲିତି ସୁଦୁଜୀଞ୍ଜୁ ତାକି ଦାମ୍ଭୂତି ନକିତା ହଲିୟାଜା ଲେହେଁ ହେରପାଦୁ ।

୨୦ ମୀରୁ ପାପୁତି ହଲିୟାଜା ମାଚାଟି, ଦାମ୍ଭୂତାକି ମେଲା ପିସପି ଆହାମାଚେରି । ୨୧ ଆତିହୁଁ ନୀର୍ବ ମିଜ୍ଞେ ଆମିନି କାମା କିହାଲିତାକି ଲାଜା ହଡ଼ିମାଞ୍ଜାନେ, ଏଚିବେଲା ବାରେ କିହିମାଚେରି, ଏଦି

ଏମ୍ବାତି ଏନାଆଁ ଲାବା ବେଟାଆଡ଼େରି ? ଏ ବାରେ କାମାତି ପାଡ଼େୟି ହାକି । ୨୨ ସାମା ନୀର୍ବ ମୀରୁ ପାପୁତି ପିସପି ଆହାନା ମାହାପୁରୁତି ହଲିୟାଜା ଆହାମାଞ୍ଜେରି । ଈଦାଆଁତି ଲାବା ଆହିମାନେ, ମାହାପୁରୁ ତାଣା ସୁଦୁଜୀଞ୍ଜୁ ତଲେ ହେରପି ଆନାୟି ଇଞ୍ଜା ରାଆଗାଟି ଜୀଞ୍ଜୁ ବେଟାଆନାୟି । ୨୩ ଏନାଆଁତାକି ଇତିହୁଁ ପାପୁତି କୁଲି ହାକି, ସାମା ମାହାପୁରୁତି କାର୍ମାମେହନି ଦାନା ମା ପ୍ରୁ ଜୀସୁ ଜୀସୁ ତଲେ ଆଣ୍ଡିନି ତାଣା ରାଆଗାଟି ଜୀଞ୍ଜୁ ମାନେ ।



ବୀହା ଆନି କାତା

୧ ତାୟି ତାଜିସ୍ତାତେରି, ନୀର୍ବ ଏନାଆଁ ଖେସାଲି ଅଣ୍ଡିମାଇଁ, ଏଦାଆଁ ମୀରୁ ତେଲୁହିଦେରି, ଏନାଆଁତାକି ଇତିହୁଁ ମୀରୁ ପୁଞ୍ଜାମାଞ୍ଜେରି, “ମେରା” ଏନାୟି । ମାଣସି ଖାରଇ ତାନି ନୀତାମାନି ପାତେକା ମେରାଟି ଡ଼ଇ ଡ଼ୟିନେସି । ୨ ତକ୍ରା ନୀତାମାନି ପାତେକା ତାନି ତକ୍ରା ଏଞ୍ଜାଣିତଲେ ବୀହା ମେରା ତଲେ ଦସପି ଆହାନା ଡ଼ୟିନେ । ସାମା ତକ୍ରା ହାଡ଼ିସାରେ, ଏଞ୍ଜାଣି ତକ୍ରା ଈ ମେରାଟି ପିସପି ଆନେ । ୩ ତକ୍ରା ନୀତା ମାନାଟିଏ, ତକ୍ରା ଅର ରଅଣାକି ବୀହା ଆଡ଼ିସାରେ, ଏଦାନି ଦାରେଣି ଇଞ୍ଜୁଁ ଇନେରି; ସାମା ତକ୍ରା ହାଡ଼ି ତାୟୁ ମେରାଟି ପିସପି ଆନେ, ଅଡ଼େ ଏଦି ଅର ରଅଣାକି ବୀହା ଆଡ଼ିସାରେ, ଏଦି ଦାରେଣି ଆଏ । ୪ ଈଦାଆଁତାକି ତାୟି ତାଜିସ୍ତାତେରି, ଜୀସୁତି ଆଜା ତଲେ ମୀରୁ ଜିକେଏ ମେରାତାକି ହାହାମାଞ୍ଜେରି, ଏନିକିହୁଁ ମୀରୁ ଏଡ଼କାତାରି ତଲେ ଆଣ୍ଡିଦେରି, ଇତିହୁଁ ମା ମାହାପୁରୁ ତାକି ପାଡ଼େୟି ଆୟାଲି ଆମ୍ବାଆସି ହାଡାରି ତାଣାଟି ନୀତାମାନେସି, ଏଞ୍ଜାଣିତଲେ ଆଣ୍ଡାଦୁ । ୫ ଏଚରଦିନା ପାତେକା ମାର ଆଜାତି ମାଣକି ତଲେ ମାଚାୟି, ଏଚରଦିନା ପାତେକା ମସା ମେରାଟି ପାପୁତି ଜୁପକା ମା ଆଜା ବିଡ଼ା ଜୀଞ୍ଜୁତି ହାଡ଼ି କିହାଲି କାମା କିହିମାଚେ । ୬ ସାମା ଏନାଆଁତଲେ

ଦସ୍ୟୁ ଆହ୍ୱାନାଗାୟି, ଏମ୍ବାତି ହାହାନା ନୀର୍ବ୍ୟ ମାର ମୋରାତି ଅଦିକାରାତି ମୁକ୍ତଲକ୍ଷି ଆହ୍ୱାନାନାୟି; ମାର ଅଡ଼େ ତଲିଡିଲେହେଁ ରାସ୍ତକି ଆହ୍ୱାନାନି ମୋରାତି ସେବା କିହି ହିଲାଆୟି, ସୁଦୁଜୀଝୁ ତସାମାଞ୍ଜାନି ପୁଃନି ଜିରୁତା ନୀର୍ବ୍ୟ ତାକି ମାନାୟି ।

ମୋରା ଅଡ଼େ ପାପୁ

୭ ଆତିହୁଁ ଏନାଆଁ ଇନାୟି, ମୋରା ପାପୁ ଗାଗାୟି ? ଏଡ଼ି ଏଚେଲାଞ୍ଜା ଆଏ । ସାମା ପାପୁ ଏନାୟି, ଏଦାଆଁ ମୋରା ନାଜେ ଖେସା ମାଞ୍ଜାନେ, “ଏଡ଼କା ଲକ୍ଷୁତି ଦିଶସୁ ଜୁପକା ଆଆପୁ,” ଇ ହୁକୁମି ମୋରା ଖେସା ମାଞ୍ଜାଆତିହୁଁ ମା, ଜୁପକା ଏନାୟି, ନାନୁ ପୁନାଆଡେର୍ବମା ।<sup>୬୮</sup> ସାମା ପାପୁ ପାରୁ ବେଟାଆହାନା ହୁକୁମି ତଲେ ନା ତାଶା ବାରେଲେହେଁତି ଜୁପକା କିନାଶି ହିୟାଡେ, ମୋରା ପିସପେ ପାପୁ ହାଡାୟି ।<sup>୬୯</sup> ର ଦିନା ନାନୁ ମୋରା ପୁନାଆନା ନାଡିମାରେର୍ବ, ସାମା ହୁକୁମି ଖାହାଲିଏ ପାପୁ ନାଡିଡେ, ଇଞ୍ଜା ନାନୁ ହାଡେର୍ବ; <sup>୭୦</sup> ଆମିନି ମୋରା ଜୀଝୁ ହାହାଲିତାକି ଟିକାଶା ତାୟି ମାଡେ, ଏଡ଼ି ନା ଜୀଝୁତା ହାକି ଖାଡେ । <sup>୭୧</sup> ଇତିହୁଁ ପାପୁ ପାରୁ ବେଟାଆହାନା ହୁକୁମିଟି ନାଜେ ନାଡି କିୟାଡେ ଇଞ୍ଜା ଏମ୍ବାତି ନାଜେ ପାୟାଡେ ।<sup>୬୯</sup>

୭୨ ମୋରା ସୁଦୁଗାଗାୟି, ଏଦାଶି ହୁକୁମିକା ବାରେ ସୁଦୁ ଗାଗାଇ, ଦାମ୍ବୁଗାଗାୟି ଇଞ୍ଜା ନେହାୟି ।  
 ୭୩ ଆତିହୁଁ, ଏନାୟି ନେହାୟି, ଏଡ଼ି କି ନାଜେ ହାଡ଼ି କିୟାନେ ? ଏଡ଼ି ଏଚେଲାଞ୍ଜା ଆଆପେ, ପାପୁଏ ଏଦାଆଁ କିଡେ, ନେହୁଁ ମୋରାତି ଲେମ୍ବାନା ପାପୁ ନାଜେ ହାଡ଼ି କିୟାଡେ, ଏଦାଆଁ ତଲେ ପାପୁତି ସାତା ଖାଶା ତଞ୍ଜାଆଡେ, ଏଦାଆଁତାକି ମୋରା ତଲେ ପାପୁ ହାଡ଼େକା ଆଜିହପେତାୟି ପୁଶ୍ମିଆଡେ ।

ମାଶ୍ମି ଆଜ୍ଞାତା ମାନି ଗଡ଼ହା

<sup>୧୪</sup> ମସାତି ମୋରା ସୁଦୁଜୀଝୁ ଗାଗାୟି, ଇଦାଆଁ ମାର ପୁଞ୍ଜାମାନାୟି; ସାମା ନାନୁ ପାପୁତି ଆଜ୍ଞାତା କଡ଼ଞ୍ଜିଆଡ଼ି ହଲେଏଶାଡେର୍ବ । <sup>୧୫</sup> ନାନୁ ଏନାଆଁ କିହିମାଇଁ, ଏଦାଆଁ ନାନୁ ପୁଞ୍ଜିହିଲଥ; ଏନାଆଁ କିହାଲି ନା ଅଶପୁ, ଏଦାଆଁ ନାନୁ କିଥ; ସାମା ଏନାଆଁ ଅପଥ, ଏଦାଆଁ କିଇଁ ।<sup>୧୬</sup> ସାମା ଏନାଆଁ ନାନୁ ଅଶପଥ, ଏଦାଆଁ କିତିସାରେ, ଆତିହୁଁ ମସାତି ମୋରା ନେହାୟି ଏଦାଆଁ ନାନୁ ଜଲିମାଇଁ । <sup>୧୭</sup> ଏଦାଆଁତାକି ଏ କାମା ସାଡେଏ ନାନୁ କିଆନା ନା ବିତ୍ରାମାନି ପାପୁଏ ଏଦାଆଁ କିହିମାନେ ।<sup>୧୮</sup> ନାନୁ ପୁଞ୍ଜାମାଇଁ, ନା ବିତ୍ରା ଇତିହୁଁ ମାଶ୍ମି ମାଶ୍ମିକିତା ନେହାୟି ଏନାୟି ଜିକେଏ ହିଲେଏ, ଇତିହୁଁ ନେହୁଁ କାମା କିହାଲି ନାଜେ ଅଶପୁ ମାତିହୁଁ ଜିକେଏ ଏଦାଆଁ କିହାଲି ଆଡ଼ଥ । <sup>୧୯</sup> ଇତିହୁଁ ଏମିନି ନେହୁଁ କାମା କିହାଲି ନାନୁ ମନ କିଇଁ, ଏଦାଆଁ କିଥ, ସାମା ଏମିନି ଲାଗେଏଡି କାମା କିହାଲି ନାନୁ ମନ କିଥ, ଏଦାଆଁ କିଇଁ । <sup>୨୦</sup> ନାନୁ ଏନାଆଁ ଅଶପି ହିଲଥ, ଏଦାଆଁ କିହିମାଇଁ, ଆତିହୁଁ ଏଦାଆଁ ନାନୁ ଅଡ଼େ କିଥ, ସାମା ନା ତାଶା ବାସା କିହାମାନି ପାପୁ ଏଦାଆଁ କିନେ ।

<sup>୨୧</sup> ଏଦାଆଁତାକି ନାନୁ ନେହୁଁ କାମା କିହାଲି ମନ କିହିମାଇଁ, ଏତିବେଲା ନା ତାଶା ଖାଡ଼ଇ ଲାଗେଏତାୟି ତଞ୍ଜା ଆହିମାନେ, ଇଦାଆଁ ମୋରାତା ମେସିମାଇଁ । <sup>୨୨</sup> ଇତିହୁଁ ହିୟାତା ଅଶପିନି ମାଶ୍ମିଲେହେଁ, ମାହାପୁରୁତି ମୋରା ମାନି କିହାଲି ନାଜେ ରାହାଁ, <sup>୨୩</sup> ସାମା ନାନୁ ନା ଆଜ୍ଞାତା ଅର ରଲେତି ମୋରା ତଞ୍ଜା ଆହିମାନେ, ଏଡ଼ି ନା ମନଡି ମୋରା କପାତି ଜୁଜୁ କିହିମାନେ, ଅଡ଼େ ନା ଆଜ୍ଞାତା ଏମିନି ପାପୁତି ମୋରା ମାନେ, ନାଜେ ଏମ୍ବାଆଁ ଦସ୍ୟାନା । <sup>୨୪</sup> ଆୟତା, କାର୍ମା କପଲ ହିଲାଆଗାଟି ମାଶ୍ମିଡେର୍ବ ନାନୁ ! ଇ ହାଡ଼ିକିନି ଆଜ୍ଞାଟି ନାଜେ

୬୯:୭ ୭:୭ ହାନାୟି ୨୦:୧୭; ୬୯ ମୋରା ୫:୨୧      ୬୯:୧୧ ୭:୧୧ ମୂଲୁ ୩:୧୩      ୬୯:୧୫ ୭:୧୫ ଗାଲା ୫:୧୭      ୬୯:୧୫ ୭:୧୫ ମୂଲୁ ୫:୧୭

ଆମ୍ବାଆସି ଗେଲ୍‌ପାନେସି ? ୨୫ ମା ପ୍ରବୁ ଜୀସୁ କ୍ରୀସ୍ତ ତାଣାଟି ଗେଲ୍‌ପି ଆହାମାନାକି ମାହାପୁରୁଇଁ ଜହରା ଆଠେ । ଏନାଆଁତାକି ଇତିହାସ ନାନୁଏ ନା । ମନତଲେ ମାହାପୁରୁତି ଫେରାତି ହଲେଏଣାତେଏ, ସାମା ଆଜ୍ଞା ତଲେ ପାପୁ ଫେରାତି ହଲିୟା ଆହାମାନେ ।

**୮**

**ସୁଦୁଗାଟି ଜୀଝୁ**

୧ ଆମିନି ଗାଟାରି କ୍ରୀସ୍ତ ଜୀସୁତଲେ ଆଣ୍ଡାନା ନୀତିମାନେରି, ଏଝାରାକି ନୀଏ ଏନି ତଣ୍ଡ ହିଲେଏ । ୨ ଇତିହାସ ଜୀଝୁ ହିୟାନି ଜୀଝୁତି ଫେରା କ୍ରୀସ୍ତ ଜୀସୁ ତାଣା ଆଣ୍ଡାନା ମିଜେ ପାପୁ ଅଡେ ହାଝିକିନି ଫେରାଟି ମୁକ୍‌ଲଝି କିହାମାଞ୍ଜାନେ । ୩ ମାଣସିତି ଆଜ୍ଞାତା ବାଡ଼ୁୟୁ ହିଲାଆକି ମସା ହୀହାମାନି ଫେରା ଏନାଆଁ କିହାଲି ଆଡାଆତେ, ମାହାପୁରୁ ଏଦାଆଁ ତାନି ମୀର୍‌ଏଣାଇଁ ପାପୁଗାଟି ମାଣସିଲେହେଁ ପାପୁଇଁ ନାସା କିହାଲି ପାଣ୍ଡାନା ଆଜ୍ଞାତି ପାପୁତି ତଣ୍ଡ ହୀହାଲି କିତେସି । ୪ ଏଦାଆଁତାକି ମାର୍ ମାଣସିତି ମାଣକିତା ମାନାଆନା ସୁଦୁଜୀଝୁତି ମାଣକିତା ମାଞ୍ଜାନା ଇଞ୍ଜା ଇଦାଆଁ ତଲେ ମାର୍ ଫେରାତି ପାଣାପାଟୁ ମାନି କିହିମାନାୟି । ୫ ଆମିନି ଗାଟାରି ଆଜ୍ଞାତି ମାଣକି ତଲେ ନୀତିନାରି ଏଝାରି ଆଜ୍ଞାତି ମାଣକିତି କାତାତା ମନ ହୀନେରି, ସାମା ଆମିନି ଗାଟାରି ସୁଦୁଜୀଝୁତି ମାଣକି ତଲେ ନୀତିନେରି, ଏଝାରି ହିୟାଁ ସୁଦୁଜୀଝୁତି କାତାତା ମନ ହୀନେରି । ୬ ଇତିହାସ ଆଜ୍ଞାତି ମାଣକିତି ମନ ହାଝିକିନେ; ସାମା ସୁଦୁଜୀଝୁତି ମାଣକିତି ମନ ଜୀଝୁ ଇଞ୍ଜା ହିଡ଼ଡ଼ି ହିୟାନେ । ୭ ଇତିହାସ ଆଜ୍ଞାତି ମନତଲେ ନୀତିନାସି ମାହାପୁରୁ କପାଟି ସାଡୁ ଆନେସି; ଇତିହାସ ଏଝାସି ମାହାପୁରୁ ଫେରାତି ମାନି କିଅସି; ଇଞ୍ଜା ଏଝାସି ମାନଝି ଆହାଲି ଆଡଅସି । ୮ ଆମିନି ଗାଟାରି ଆଜ୍ଞାତି ମାଣକି ତଲେ

କାମା କିନେରି, ଏଝାରି ମାହାପୁରୁଇଁ ରାହାଁ କିହାଲି ଆଡଅରି ।

୯ ମାହାପୁରୁତି ସୁଦୁଜୀଝୁ ସାତା ତଲେ ମୀ ତାଣା ମାଟିସାରେ, ମୀରୁ ଅଡେ ଆଜ୍ଞାତି ମାଣକି ଲେହେଁ ନୀତଅତେରି, ସାମା ସୁଦୁଜୀଝୁତି ହୁକୁମି ମାନି କିହିମାଞ୍ଜେରି । କ୍ରୀସ୍ତତି ଜୀଝୁ ଆମ୍ବାଆରି ତାଣା ହିଲେଏ, ଏଝାସି ଏତେଲା ଜିକେଏ ଏଝାଣି ଲକୁ ଆହାଲି ଆଡଅସି । ୧୦ ସାମା କ୍ରୀସ୍ତ ମୀ ତାଣା ମାଟିସାରେ, ମୀ ଆଜ୍ଞା ପାପୁ ତାକି ନାସା ଆହାଲି ହାଜିମାଟିହାଁ ଜିକେଏ, ସୁଦୁଜୀଝୁ ମିଜେ ଜୀଝୁ ହୀୟାନେ, ଏନାଆଁତାକି ଇତିହାସ ମାହାପୁରୁ ନକିତା ମୀରୁ ଦାମ୍‌ଗାଟାତେରି ଆହାମାଞ୍ଜେରି । ୧୧ ଆମ୍ବାଆସି ହାଡାରି ତାଣାଟି ଜୀଝୁଇଁ ନିକହେସି, ଏଝାଣି ଜୀଝୁ ମୀ ତାଣା ମାଟିସାରେ, ଆତିହାସ ଆମ୍ବାଆସି ହାଡାରି ତାଣାଟି କ୍ରୀସ୍ତ ଜୀଝୁଇଁ ନିକହେସି, ଏଝାସି ମୀ ତାଣା ମାନି ତାନି ଜୀଝୁତଲେ ମୀ ହାଡ଼ି ଆଜ୍ଞାତି ଜିକେଏ ନୀଟନେସି ।

୧୨ ଏଦାଆଁତାକି, ତାୟି ତାଜିସ୍ତାତେରି, ମାର୍ ରୀଣାଗାଟାତାୟି, ସାମା ଆଜ୍ଞାତି ମାଣକି ତଲେ ନୀତାଲି ଆଏ । ୧୩ ଇତିହାସ ଆଜ୍ଞାତି ମାଣକି ତଲେ ମୀରୁ ନୀତିଦେରି, ଆତିହାସ ସାତେଏ ହାଦେରି, ସାମା ସୁଦୁଜୀଝୁତି ସାୟେମି ତଲେ ଆଜ୍ଞାତି କାମା ବାରେ ନାସା କିଦେରି, ଆତିହାସ ନୀତିଦେରି । ୧୪ ଆମିନି ଗାଟାରି ମାହାପୁରୁତି ସୁଦୁଜୀଝୁ ତଲେ ତାକିନେରି, ଏଝାରି ମାହାପୁରୁତି ମୀର୍‌କା ।

୧୫ ଇତିହାସ ମୀରୁ ଝେଣ୍ଡେ ଆଜାଲି ହଲିୟାଜ୍ଞାତି ଜୀଝୁ ବେଟାଆହା ହିଲଅତେରି, ସାମା ମୀର୍‌ଏଣାତି ଜୀଝୁ ବେଟାଆହାମାଞ୍ଜେରି; ଏମ୍ବାଟି ମାର୍ “ଆବା ତାଞ୍ଜି” ଇଞ୍ଜା ହାଡ଼ିମାନାୟି । ୧୬ ମାର୍ ମାହାପୁରୁତି ମୀର୍‌କା ମାସ୍କା ଇଞ୍ଜା ଏ ଜୀଝୁଏ ମା ଜୀଝୁତଲେ ଆଣ୍ଡାନା ସାକି ହୀହିମାନେ

\* ୮:୧୧ ୮:୧୧ ୧କର ୩:୧୭    ✧ ୮:୧୫ ୮:୧୫ ଗାଲା ୪:୫-୭    ✧ ୮:୧୫ ୮:୧୫ ମାର୍କ ୧୪:୩୭; ଗାଲା ୪:୭

। ୧୭ ଏନାଆଁତାକି ଇତିହାସ ମାର ମାହାପୁରୁତି ମାରକା ମାସକାତାୟି, ତାନି ଲକ୍ଷ୍ମତାକି ଲକ୍ଷ୍ମମାନି ବରତି ବାଗା ପାଣ୍ଡନାୟି, ଇଞ୍ଜା କ୍ରୀସ୍ତ ତଲେ ଗାଝୁରମି ବେଟାଆହାଲି ମାର ଜିକେଏ ଏଞ୍ଜାଣିତଲେ ଦୁକୁ କସ୍ତ ପାଣ୍ଡନାୟି ମାନେ, ଆତିହାସ ମାହାପୁରୁତି ବରତି ବାଗା ଅଡେ କ୍ରୀସ୍ତ ତଲେ ବାଗାତା ଆଣ୍ଡାଲି ଆଡ଼ିନାୟି ।

**ଝାହିମାନି ଗାଝୁରମି**

୧୮ ଅଣପାଦୁ, ଆମିନି ଗାଝୁରମିତା ଝାହିମାନି ଦିନାତା ମାର ଏଗାହାନାୟି, ଏଦାଆଁ କିହାଁ ନୀର୍ବତି ଦୁକୁ କାକୁଲି ଇଚାୟି ଜିକେଏ ଆଏ, ଏତିବେଲାତା ମାହାପୁରୁ ତାନି ମାରକା ମାସକାଣି ତହ୍ନେସି । ୧୯ ମାହାପୁରୁ ତାନି ମାରକା ମାସକାଣି ତଞ୍ଜାଆନାଣି ମେସାଲି ବାରେ ଗାଡ଼ି ଆଡାୟି କାପୁ କାଟାମାନେ । ୨୦ ଏନାଆଁତାକି ଇତିହାସ ଗାଡ଼ିଆଡାୟି ମାହାପୁରୁ ତାଣାଟି ବାକା ବେଟାଆହାନା ତାନି ଏଗାହାନି ଟାୟୁ ବାଣା ଆହାମାନେ । ଆଡ଼ିଜିକେଏ ତାନି ଆସା ମାନେ, ୨୧ ଅଡେ ଏଡ଼ି ବାସୁଁ ବେଟାଆଡେ, ଇଞ୍ଜା ଗାଡ଼ି ଆଡାୟି ତାନୁଏ ଜିକେଏ ମାହାପୁରୁତି ମାରକା ଗାଝୁରମି ତାକି ପିସ୍ପି ଆହାଲିତାକି ନାସା ଆନି ହଲିୟାଟି ପିସ୍ପି ଆନେ ୨୨ ସାମା ନୀର୍ବ ପାଡେକା ବାରେ ଦାରତି ଜାର୍ନା କିନି ବୀସା ତଲେ କସ୍ତ ପାଣ୍ଡନି ଲେହେଁ କସ୍ତ ତାକି ଡାହିମାନେ । ୨୩ ସାମା ମାର ମୂଲୁତି ପାଡେୟି ଲେହେଁ ସୁଦୁଜୀଝୁତି ବେଟାଆହାମାନାୟି, ଆତିହାସ ଜିକେଏ ମାର ମାହାପୁରୁତି ମାରକା ଇତିହାସ ଜାହା ଜାହାରା ଆଜାଟି ବାରେଜାଣା ଗେଲ୍ପି ଆୟାଲିତାକି କାପୁ କାଟାନା ମା ହିୟାତା ଡାହି ମାନାୟି । ୨୪ ଏନାଆଁତାକି ଇତିହାସ ବାସୁଁତି ମାର ଗେଲ୍ପି ଆହାମାନାୟି; ସାମା ଏନାୟି ତଞ୍ଜା ଆନାୟି, ଏଦାଆଁତାକି ବାସୁଁ ଇତିନାୟି ଏଡ଼ି ସାତାତି ବାସୁଁ ଆଏ, ଇତିହାସ ଏନାଆଁ ମେସିମାନାୟି ଏଦାଆଁତାକି

ଏନାଆଁତାକି ବାସୁଁ ଇତିନାୟି ? ୨୫ ସାମା ମାର ଏନାଆଁ ମେସି ହିଲାଆୟି ଏଦାଆଁତାକି ବାସୁଁ ଇତିନାୟି, ଆତିହାସ ମାଜେ ସାସାତଲେ କାପୁ କାଃଆନାୟି ମାନେ ।

୨୬ ମାର ବାଡ଼ୁୟୁ ହିଲାଆଗାଟାତାୟି, ସାମା ସୁଦୁଜୀଝୁ ମାଜେ ସାୟେମି କିୟାନେ; ଏନିକିହାସ ପ୍ରାତାନା କିନାୟି, ଏଦାଆଁ ମାର ପୁଞ୍ଜାହିଲାଆୟି, ଏଦାଆଁତାକି ସୁଦୁଜୀଝୁ ଜଲିନି ହାଡାତଲେ ମା ତାକି ମାହାପୁରୁଇଁ ଗହାରା କିନେ; ୨୭ ଆମ୍ବାଆସି ମା ହିୟା ବିତ୍ତା ମାନାଣି ପୁନାସି, ଏଞ୍ଜାସି ସୁଦୁଜୀଝୁତି ଅଣପୁ ଏନାୟି ଏଦାଆଁ ପୁନେସି, ଇତିହାସ ଏଞ୍ଜାସି ମାହାପୁରୁତି ଅଣପୁ ତଲେ ମାହାପୁରୁ ଲକ୍ଷ୍ମତାକି ଗହାରା କିନେସି । ୨୮ ମାର ପୁଞ୍ଜାମାନାୟି, ଆମିନି ଗାଟାରି ମାହାପୁରୁଇଁ ଜୀଝୁ ନନେରି ଇଞ୍ଜା ମାହାପୁରୁତି ଲକ୍ଷ୍ମା ତାକି ବାଟି କିଞ୍ଜି ଆହାମାନେରି, ଏଞ୍ଜାରାକି ବାରେ ନେହାୟି ଆନେ । ୨୯ ଆମ୍ବାଆରାଇଁ ମାହାପୁରୁ ହାଟାମାନେସି, ଏଞ୍ଜାରାକି ତାନି ମାରଏଣା ଝାଣା ଲେହେଁ ଆହାଲି ତଲିଟିଏ ଟାରି କିହାମାନେସି, ଆତିହାସ ମାହାପୁରୁତି ମାରଏସି, ଏନିକିହାସ ଏଞ୍ଜାସି ହାରେକା ତାୟି ତାଜିସ୍ତା କିହାଁ ମୂଲୁ ଜାର୍ନା ଆଡାସି ଆନେସି । ୩୦ ଆମ୍ବାଆରାଇଁ ନକେଏ ଆଟାମାଚେସି, ଏଞ୍ଜାରାଇଁ ଏଞ୍ଜାସି ହାଟିଚେସି, ଏଞ୍ଜାରି ମାହାପୁରୁ ନକିତା ଦାମ୍ବୁଗାଟାରି ଇଞ୍ଜା ତଞ୍ଜି କିଚେସି, ଅଡେ ଆମିନି ଗାଟାରାଇଁ ଦାମ୍ବୁଗାଟାରି ଇଞ୍ଜା ତଞ୍ଜି କିଚେସି ଏଞ୍ଜାରାଇଁ ଜିକେଏ ଏଞ୍ଜାସି ଗାଝୁରମି କିଚେସି ।

**ମାହାପୁରୁତି ଜାଝୁନନାୟି**

୩୧ ଆତିହାସ ଇ ବାରେତି ମେସାନା ମାର ଏନାଆଁ ଇନାୟି ? ମାହାପୁରୁ ମା ଝାକି ମାଟିସାରେ, ଆମ୍ବାଆସି ମା କପାତଲେ ନିଜିନେସି ? ୩୨ ଆମ୍ବାଆସି ତାନି ମାରଏଣାଇଁ ଜିକେଏ



ଗେଲପାଆତେସି, ସାମା ମା ବାରେତାକି  
 ଏଞ୍ଜାଣାକ୍ ହେରପିତେସି, ଏଞ୍ଜାସି  
 ଏନିକ୍ ଏଞ୍ଜାଣିତଲେ ମାଜେ ଜିକେଏ  
 ବାରେ କାର୍ମାତି ଦାନା ହିୟଅସିକି ?  
 ୩୩ ମାହାପୁରୁ ହାଟାମାନି ଲକୁ କପାତଲେ  
 ଆମ୍ବାଆସି ଦହ ଦସାଲି ଆଡିନେସି ?  
 ଏଞ୍ଜାରି ଦହ ହିଲାଆ ଗାଟାରି ଇଞ୍ଜି  
 ମାହାପୁରୁ ତାନୁଏ ଝେକହା ମାନେସି ।  
 ୩୪ ଆମ୍ବାଆସି ତଣ୍ଡ ହାନେସି ? କ୍ରୀସ୍ତ  
 ଜୀସୁ ହାଟାରି ତାଣାଟି ଝେଣ୍ଡେ ନିଜ୍ଞାନା  
 ମାହାପୁରୁତି ଚିଠିନି ଚଟତା ମାଞ୍ଜାନା  
 ମାଜେତାକି ଗହାରା କିହିମାନେସି ।  
 ୩୫ ଆଡିହ୍ ଆମ୍ବାଆସି ମାଜେ କ୍ରୀସ୍ତତି  
 ଜୀସୁ ନନି ତାଣାଟି ଏଟକା କିୟାନେସି  
 ? ଦୁକୁ, କସ୍ତ, କାକୁଲି କି କାଡାରା,  
 ହାକି, ଏସ୍କି, ସନି କି କାଣ୍ଡା, ଏନାୟି  
 ଜିକେଏ ଏଦାଆଁ କିହାଲି ଆଡେଏ ।  
 ୩୬ ସାଡେସ୍ତରିତା ରାସ୍କି ଆହାମାନେ;  
 “ମିଜେ ତାକି ମାମ୍ବୁ ବାରେଦିନା ହାକିତି  
 ନକିତା,

ହାହାଲି ହାଜିମାନି ମେଣ୍ଡା ଲେହେଁ  
 ମାମ୍ବୁ ତୁଞ୍ଜା ଆହିମାନମି ।”

୩୭ ଆଡିଜିକେଏ ଆମ୍ବାଆସି ମାଜେ  
 ଜୀସୁ ନୟାତେସି, ଏଞ୍ଜାଣି ସାୟେମି  
 ତଲେ ମାର ଇ ବାରେତି ଲାକ ଜୀଣା  
 ଆହାମାନାୟି । ୩୮ ନାନୁ ସାତେଏ  
 ନେହ୍ କି ପୁଞ୍ଜାମାକ୍ ତାନି ଜୀସୁ ନନି  
 ତାଣାଟି ମାର ଏତେଲା ଜିକେଏ ଏଟକା  
 ଆଆୟି, ହାକି କି ଜୀସୁ, ଲାକପୁରୁତି  
 ଦୁତୁୟାଁ କି ସାଲଞ୍ଜି କିହିମାନାଇ କି  
 ବାଡ଼ୟୁ ଗାଟାଇ, ନୀଏଁ କି ଝାନି ଦିନା  
 କି ଏନି ବାଡ଼ୟୁ, ୩୯ ଲାକପୁରୁତି କାତା  
 କି ତୁଇପୁରୁତି କାତା ଏନାୟି ଜିକେଏ;  
 ବାରେ ଗାଡ଼ିଆଡି ଦିଶସୁ ପ୍ରବୁ କ୍ରୀସ୍ତ ଜୀସୁ  
 ତାଣାଟି ତଞ୍ଜାଆହାମାନି ମାହାପୁରୁତି  
 ଜୀସୁ ନନି ତାଣାଟି ମାଜେ ଏଟକା  
 କିୟାନେ ।



ମାହାପୁରୁ ଅଡେ ତାନି ଲକୁ

୧ ନାନୁ କ୍ରୀସ୍ତତି ଲକୁ ଆହାମାନାକି  
 ସାତା ଝେସିମାକ୍, ମିତି ଝେସିହିଲଅଁ ।  
 ସୁଦୁଜୀସୁତି ସେଡନା ହାନାଣି ତଲେ

ନା ଅଣ୍ଡପୁ ଇଦାଣିତି ସାକି । ୨ ନାନୁ  
 ଏଟେକା ଦୁକୁ ଅଡେ କସ୍ତତଲେ ନା  
 ହିୟାତା ଏଟେକା ବଜୁ ଆହାମାନେ,  
 ଇଦାଆଁ ନାଡିକିହ୍ ଝେସିହିଲଅଁ ।  
 ୩ ନା ଜାହାରା କୁଡାତି ତାୟିୟାକି  
 ନାନୁ କ୍ରୀସ୍ତ ତାଣାଟି ଏଟକା ଆହାନା  
 ମାହାପୁରୁ ତାଣାଟି ବାକା ବେଟାଆହାଲି  
 ନା ଅଣ୍ଡପୁ ଇଡିହ୍ ଏଞ୍ଜାରି ମାହାପୁରୁତି  
 ଲକୁ । ୪ ଏନାଆଁତାକି ଇଡିହ୍  
 ଏଞ୍ଜାରି ଇସ୍ତାୟେଲ ଲକୁ; ତାନି  
 ମୀରକା ଲେହେଁ ଆବାନା ଏଞ୍ଜାରି  
 ନକିତା ତାନି ଗାଝୁରମି ତସାମାରେସି;  
 ଏଞ୍ଜାରିତଲେ ରାଜିମାନା ଆହାନା  
 ଏଞ୍ଜାରାକି ମେରା ହାହାମାରେସି,  
 ଏଞ୍ଜାରି ସାତା ତଲେ ସେବା କିନାରି;  
 ଏଞ୍ଜାରି ମାହାପୁରୁ ତାଣାଟି ଆଞ୍ଜାମାନାଣି  
 ବେଟାଆହାମାନେରି; ୫ ଏଞ୍ଜାରି  
 ବାରେଜାଣା ଝେଙ୍ଗାମାନି ଆକୁ  
 ଆବାୟାତି ମୀରକା ଇଞ୍ଜା ମାଣ୍ଡସି  
 ଝାଣାଟି କ୍ରୀସ୍ତ ଏଞ୍ଜାରି ତାଣାଟି ଜାର୍ନା  
 ଆହାମାରେସି; ବାରେ ଅଦିକାରାଗାଟି  
 ମାହାପୁରୁକି କାଲକାଲତାକି ଜହରା  
 ଆଡେ । ଆଡେମ୍ ।

୬ ମାହାପୁରୁତି ବଜୁ ଉଜେଏ  
 ଆହାମାନେ ଇଞ୍ଜି ନାନୁ ଝେସିହିଲଅଁ,  
 ଇଡିହ୍ ଇସ୍ତାୟେଲ କୁଡାତି ବାରେ  
 ଲକୁ ମାହାପୁରୁତି ଲକୁ ଆଏ, ୭ ଅବ୍ରାହାମ  
 କୁଡାତି ବାରେ ଲକୁ ମାହାପୁରୁ  
 ମୀରକା ମାସ୍କା ଏଡି ଆଏ; ମାହାପୁରୁ  
 ଅବ୍ରାହାମକ୍ ଝେସାମାରେସି, “ଇସାହାକ  
 ତାଣାଟି ନୀ କୁଡା ଝେଙ୍ଗିନେରି ।”  
 ୮ ଇଦାଣି କାତା ଇଦି, ମାଣ୍ଡସି  
 ମୀରକା ମାସ୍କା ମାହାପୁରୁ ମୀରକା  
 ମାସ୍କା ଆହାଲି ଆଡଅରି, ମାହାପୁରୁତି  
 ଆଞ୍ଜାମାନି ଲେହେଁ ଜାର୍ନା ଆହାମାନି  
 ମୀରକା ମାସ୍କା ମାହାପୁରୁ ନକିତା ସାତା  
 ମୀରକା ମାସ୍କା ଲେହେଁ ଆନେରି ।  
 ୯ ମାହାପୁରୁ ଇଦାଆଁ ଆଞ୍ଜାମାରେସି,  
 “ଇ କାଲମିତା ମାମ୍ବୁ ଝେଣ୍ଡେ ଝାନମି,  
 ଏରିବେଲାତା ସାରା ର ମୀରଏଶାକ୍  
 ଜାର୍ନା କିହାମାଣ୍ଡିନେ ।” ୧୦ ଅଡେ  
 ଝାରଇ ଏଟେକା ଆଏ, ରିବିକାନି

ତାଣା ଜିକେଏ ଜାଣୁଣା ମୀରକା ର ତାଞ୍ଜି ଇସାହାକ ତାଣାଟି ଜାର୍ନା ଆହାମାଚେରି, ୧୧ ଏଞ୍ଜାରି ଜାର୍ନା ଆନି ନକେଏ, ଅଡେ ଏଞ୍ଜାରି ନେହାଣି ଲାଗେଏତାଣି କିନି ନକେଏ, ଇଞ୍ଜାରି ବିତ୍ରାଟି ରଅସି ମାହାପୁରୁ ଲଡ଼ା ତାକି ବାଟି କିଞ୍ଜିଆଡେସି, ୧୨ ରିବିକାଈ ମାହାପୁରୁ ଏଲେଇଞ୍ଜାମାଚେସି, “କାଜା ତାୟି ଉଣା ତାୟିତି ସେବା କିନେସି ।” ମାହାପୁରୁ ଏଦାଆଁ ଖେସାମାଚେସି ଏଞ୍ଜାରି କାମା କିତି ତାଣାଟି ଆଏ, ଖାରଇ ମାହାପୁରୁ ଆଡିତାକି ଏଞ୍ଜାରି ହାଟୁକି ଆଡେରି । ୧୩ ସାସ୍ତେରିତା ରାସ୍ତକି ଆହାମାନେ, “ନାନୁ ଜାକୁବଇଁ ଜୀଞ୍ଜୁ ନଡେଏଁ, ସାମା ଏସାଞ୍ଜୁଇଁ ଅପାଆଡେଏଁ ।”

୧୪ ଆତିହୁଁ ଏନାଆଁ ଇନାୟି, ମାହାପୁରୁ ଲାଗେଏତି କାମାକିନାସି କି ? ଏଦି ଏଚେଲା ଜିକେଏ ଆଆପେ । ୧୫ ଏଦାଆଁତାକି ମସାଇଁ ଏଲେଇଚେସି, “ଆମ୍ବାଆରାଇଁ ନା କାର୍ନା ଆନାୟି ମାନେ ଏଞ୍ଜାଣାଇଁ କାର୍ନା ଆଇଁ, ଆମ୍ବାଆରାଇଁ ସାୟେମି କିନାୟିମାନେ ଏଞ୍ଜାଣାଇଁ ନାନୁ ସାୟେମି କିଇଁ ।” ୧୬ ଏଦାଆଁତାକି ଆମ୍ବାଆସି ମନ କିନେସି, ଆଆତୁଁ ଆମ୍ବାଆସି ପାରିନାସି କି କିନାସି, ଏଞ୍ଜାଣି ତାଣାଟି ଏନାୟି ଆହାଲି ଆଡେଏ, ସାମା କାର୍ନାମେହନି ମାହାପୁରୁ ତାଣାଟି ଆନେ । ୧୭ ଦାର୍ମୁ ସାସ୍ତେରିତା ରାସ୍ତକି ଆହାମାନି ଲେହେଁ, ମାହାପୁରୁ ମିସରତି ରାଜା ପାରଇଁ ଏଲେଇଚେସି, “ନୀ ତାଣାଟି ନା ବାଡ଼ୁୟି ତସାଲି ଇଞ୍ଜା ବାରେ ଦାରତିତା ନା ଗାଞ୍ଜୁରମି ତସାଲି ତାକି ନାନୁ ନିଜେ ରାଜା କିହାମାଞ୍ଜାଇଁ ।” ୧୮ ଏଦାଆଁତାକି ମାହାପୁରୁତି ଅଣ୍ଡପୁ ଲେହେଁ ଆମ୍ବାଆରାଇଁ କାର୍ନା ମେହନେସି ଇଞ୍ଜା ଆମ୍ବାଆରାଇଁ ଆଟୁଞ୍ଜା ହିୟାଁ କିନେସି ।

ମାହାପୁରୁତି କାର୍ବି ଇଞ୍ଜା କାର୍ନାମେହନାୟି  
 ୧୯ ଏମ୍ବାଟିଏ ନାନୁ ନାଜେ ଏଲେଇଞ୍ଜାଦି, “ମାହାପୁରୁ ଏନାଆଁତାକି

ଦହ ଆହନେସି ? ଆମ୍ବାଆସି ମାହାପୁରୁତି କପାତଲେ ଏନାଆଁ କିହାଲି ଆଡିମାନେସି ?” ୨୦ ସାମା ଏ ସୟି, ନାନୁ ଆମ୍ବାଆତି, ମାହାପୁରୁଇଁ ଖେଣ୍ଡେ ଖେସାଲି ନିଜେ ସାସା ମାନେକି, ଗାଡ଼ି ଆଡି ଆସି ଗାଡ଼ି କିତାଣାଇଁ “ନାଜେ ଏନାଆଁତାକି ଇଲେକଁ ଗାଡ଼ି କିୟାତି ଇଞ୍ଜା ଏଲେଇଞ୍ଜାଲି ଆଡିନେ କି ?” ୨୧ ର ଇରୁଆ ତେପୁଲାଟି ଜାହାରା ଇଚା ତଲେ ତୁକା କେପାଲି କୁମ୍ବେ ଏଶାକି ବାରେ ଅଦିକାରା ମାନେ, ରଣ୍ଡାଆଁ ବାରେ କାମାତି ଦିନାତା ଲେମ୍ବାଲି ଅଡେ ରଣ୍ଡାଆଁ ଉଜେଏ ଦିନାତା ଲେମ୍ବାଲି ତାକି ।

୨୨ ମାହାପୁରୁ ଜିକେଏ ଏଲେକଁ କିହାମାନେସି, ତାନି କାର୍ବି ତସାଲି ଇଞ୍ଜା ବାଡ଼ୁୟି ପୁଣ୍ଡା କିହାଲି ଅଣ୍ଡପିମାଚେସି, ସାମା ଆମିନି ଗାଟାରି ଏଞ୍ଜାଣି କପାତଲେ ନାସା ଆନାୟି ମାଚେ, ଏଞ୍ଜାରି ତାକି ମାହାପୁରୁ ହାରେକା କାର୍ନା ଆହାନା ଅରୁହା ମାନେସି । ୨୩ ଅଡେ ଗାଞ୍ଜୁରମି ତାକି ତାନିତାଣାଟି ନକେଏ ଆହାମାନି ସାୟେମିତି ଲକୁ ମାର ଇଚିହୁଁ, ମା ତାଣା ତାନି ଗାଞ୍ଜୁରମିତି ଦନ ତସାଲି କିହାମାନେସି, ଆତିହୁଁ ନାନୁ ଏନାଆଁ ଇଞ୍ଜା ? ୨୪ ଏଦାଆଁତାକି ଏଞ୍ଜାସି ଖାରଇ ଜୀହୁଦି ଲକୁ ତାଣାଟି ମାଜେ ହାଟା ମାଞ୍ଜିଅସି, ସାମା ଜୀହୁଦିଆଆତି ଲକୁ ତାଣାଟି ଜିକେଏ ମାଜେ ହାଟାମାଞ୍ଜାନେସି, ୨୫ ଇ କାତାତି ହସେୟ ପତିତା ମାହାପୁରୁ ଖେସାମାନେସି;

“ଆମ୍ବାଆରି ମା ଲକୁ ହିଲଆଡେରି, ଏଞ୍ଜାରାଇଁ ‘ମା ଲକୁ’ ଲେହେଁ ହାଟା କତିତମି;

ଆମିନି କୃତାତାରାଇଁ ଜୀଞ୍ଜୁ ନହାଁ ହିଲଆଡମି ଏଞ୍ଜାରାଇଁ ମା ‘ଜୀଞ୍ଜୁତି ଲକୁ’ ଇଚମି,

୨୬ ଆମିନି ଚାୟୁତା ଏଞ୍ଜାରାଇଁ ଖେସାମାଚମି, ‘ମୀରୁ ମା ଲକୁ ଆଏ’

ଏମ୍ବାଆଁ ଏଞ୍ଜାରି ଜୀଞ୍ଜୁଗାଟି ମାହାପୁରୁତି ମୀରକା ଇଞ୍ଜା ଖେଜିନେରି ।”

୨୭ ଇଞ୍ଜା ଇସ୍ରାୟେଲ ଲକ୍ଷ୍ମଣ କାତା ଜିସାୟ କାଜା ରିୟାତଲେ ଖେସାମାନେସି, “ଇସ୍ରାୟେଲତି ଲକ୍ଷ୍ମଣ ସାମୁଦ୍ରିତି ଏଜିକିହାଲି ଆଡ଼ାଆଗାଟି ବାଃଲି ଲେହେଁ ଆତିହେଁ ଜିକେଏ, ଏଞ୍ଜାରି ବିତ୍ରାଟି ଏଚର ଜାଣାଦେଁ ଗେଲ୍ପି ଆନେରି; ୨୮ ଏନାଆଁତାକି ଇତିହେଁ ପ୍ରବୁ ତବେ ଦାଋତିତା ବାରେ ନାହାଁୟି ବିଚାରା କିନେସି ।” ୨୯ ଏନିକିହେଁ ଜିସାୟ ତଲିଏ ଅଡେ ଖେସାମାନେସି, “ବାରେ ବାଡ଼ୟୁ ଗାଟି ପ୍ରବୁ ଏଚେକା ମା କୃତାତି ଲକ୍ଷ୍ମଣି ଗେଲ୍ପିଆତିମାଁ, ସଦମ ଅଡେ ଗମରାତି ଲକ୍ଷ୍ମଣେହେଁ ମାଙ୍ଗେ ଜିକେଏ ଆୟାତେମା ।”

ପାଞ୍ଚଲ ଇସ୍ରାୟେଲ ତାକି ପ୍ରାତାନା

୩୦ ଏଦାଆଁତାକି ଜାହୁଦିଆଆତି ଲକ୍ଷ୍ମଣି କାତାତା ଇଲେ ଇଞ୍ଜାଲି ଆଡ଼ିନାୟି, ଏଞ୍ଜାରି ଦାମ୍ବୁଗାଟାରି ଆହାଲି ଅଣ୍ପି ହିଲାଆତେରି, ସାମା ଏଞ୍ଜାରି ନାମୁ ତାକି ଦାମ୍ବୁଗାଟାରି ଆଡେରି । ୩୧ ସାମା ଇସ୍ରାୟେଲ ଲକ୍ଷ୍ମଣ ଦାମ୍ବୁଗାଟାରି ଆହାଲି ଅଣ୍ପାନା ମେରା ତଲେ ଦାମ୍ବୁଗାଟାରି ଆହାଲି ଆଡ଼ାଆତେରି । ୩୨ ଏନାଆଁତାକି ? ଇତିହେଁ ଏଞ୍ଜାରି ନାମୁତଲେ ଏଦାଆଁ ପାରାଆନା, କାମା ତଲେ ପାରିମାଚେରି । ଏଦାଆଁତାକି ଏଞ୍ଜାରି ଆଜ୍ଞିମାନି ଖାଲିତା ପୁଟି କିହାନା ତରୁଗିତେରି । ୩୩ ସାସ୍ତେରିତା ରାସ୍ତକି ଆହାମାନେ;

“ସିନିକିଦୁ, ମାମୁ ସିୟନତା ର ପୁଟିକିନି କଟା ଖାଲି ଇଞ୍ଜା ଆଜ୍ଞିନି ପାକା ଖାଲି କେପାମାନମି, ଆମ୍ବାଆସି ଏଞ୍ଜାଣି ତାଣା ନାମିନେସି ଏଞ୍ଜାସି ଲାଜା ବେଟାଆଅସି ।”

**୧୦**

୧ ଏ ତାୟି ତାଜ୍ଞିସ୍ତାତେରି, ମା ଲକ୍ଷ୍ମଣ ଏନିକିହେଁ ଗେଲ୍ପି ଆନେରି, ଏଦି ନା ହିୟାଁତି ଅଣ୍ପୁ, ଇଞ୍ଜା ଏଞ୍ଜାରି ତାକି ମାହାପୁରୁ ତାଣା ରଣ୍ଡିଏ ଅଣ୍ପୁ ତଲେ ନା ପ୍ରାତାନା । ୨ ଇତିହେଁ ମାହାପୁରୁ ସେବା କିହାଲି ଏଞ୍ଜାରାକି ହାଚେକା

ମନ ଅଡେ ରାହାଁ ମାନେ, ଇଦାଆଁ ନାମୁ ଏଞ୍ଜାରି ଖାକିଟି ଖେସିମାଙ୍ଗ, ସାମା ଏ ମନ ଅଡେ ରାହାଁ ବୁଦିଗାଟାୟି ଆଏ । ୩ ମାହାପୁରୁ ହାତି ଦାମ୍ବୁତି ଜିରୁ ପୁନାଆନା ଜାହାରା ତାରି କିହାମାନି ଦାମ୍ବୁତି ଜିରୁଟି ତାକାନା ମାହାପୁରୁ ହାତି ଦାମ୍ବୁତି ଜିରୁଟି ଆସିହଲଅରି । ୪ କ୍ରୀସ୍ତ ମେରାତି ରାପ୍ତନାସି, ଖାଚୁଇ ଏଞ୍ଜାଣି ତାଣା ନାମିସାରେ ମାଣସି ମାହାପୁରୁ ନକିତା ଦାମ୍ବୁଗାଟାସି ଆନେସି ।

ବାରେ ଜାଣାକି ଗେଲ୍ପି ଆନାୟି

୫ ମସା ରାତାମାନେସି, “ଆମିନି ମାଣସି ମେରା ମାନି କିହାନା ଦାମ୍ବୁଗାଟାସି ଆନେସି, ଏଞ୍ଜାସି ଏମ୍ବାଟି ନୀଡିନେସି ।” ୬ ସାମା ନାମୁତଲେ ଦାମ୍ବୁ ଗାଟାତାୟି ଆନାୟି ଇଞ୍ଜା ସାସ୍ତେରିତା ରାସ୍ତକି ଆହାମାନେ, “କ୍ରୀସ୍ତୁ ରେପ୍ତହା ତାଚାଲି ତାକି ଆମ୍ବାଆସି ଲାକପୁରୁ ହାଜାଲି ଆଡ଼ିନେସି ?” ମୀରୁ ଇ କାତା ଏଲେଇନାଆଦୁ । ୭ ଇଞ୍ଜା “କ୍ରୀସ୍ତୁ ହାଡ଼ାରି ତାଣାଟି ନିକହା ତାଚାଲି, ଆମ୍ବାଆସି ତାଡେପୁରୁ ହାନେସି ? ଇ କାତା ଜିକେଏ ମୀରୁ ଏଲେଇନାଆଦୁ ।” ୮ ଏନାଆଁତାକି ଇତିହେଁ ସାସ୍ତେରିତା ରାସ୍ତକି ଆହାମାନି ଲେହେଁ, “ମାହାପୁରୁଟି ବଲୁ ମୀ ତାଣା ମାନେ, ଅଡେ ମୀ ଗୁତି ଇଞ୍ଜା ହିୟାଁତା ମାନେ, ଆମିନି ନାମୁଟି ବଲୁ ମାମୁ ଖେକହି ମାନମି, ଏ ବଲୁ ।” ୯ ମୀରୁ ଜୀସୁଇଁ ଗୁତି ତଲେ ପ୍ରବୁ ଇଞ୍ଜା ଜଲିଦେରି, ଇଞ୍ଜା ମାହାପୁରୁ ଏଞ୍ଜାଣାଙ୍ଗ ହାଡ଼ାରି ତାଣାଟି ନିକହାମାନେସି ଇଞ୍ଜା ହିୟାଁ ତଲେ ନାମିସାରେ, ଆତିହେଁ ମୀରୁ ଗେଲ୍ପି ଆନେରି; ୧୦ ଇତିହେଁ ଦାମ୍ବୁଗାଟି ଲକ୍ଷ୍ମଣ ଆହାଲି ମାଣସି ହିୟାଁ ତଲେ ନାମିନେସି, ଇଞ୍ଜା ଗେଲ୍ପି ଆହାଲି ଗୁତି ତଲେ ଜଲିନେସି । ୧୧ ଦାମ୍ବୁ ସାସ୍ତେରିତା ରାସ୍ତକି ଆହାମାନେ, “ଆମ୍ବାଆସି ଜିକେଏ ତାନି ତାଣା ନାମିନେସି, ଏଞ୍ଜାସି ଲାଜା ବେଟାଆଅସି ।” ୧୨ ଜୀହୁଦି ଇଞ୍ଜା ଜୀହୁଦିଆଆତାରି

ବିତ୍ରା ପାର୍ତ୍ତା ବାଟି କିନାୟି ହିଲେଏ;  
 ବାରେଜାଣା ତାକି ରଣ୍ଡିଏ ପ୍ରବୁ, ଏଚେକା  
 ଲକୁ ଏଝାଣି ତାଣା ପ୍ରାତାନା କିନେରି,  
 ବାରେ ଜାଣାକି ଏ କାର୍ମାମେହନାୟି  
 ଆନେ । ୧୩ “ଆମ୍ବାଆସି ପ୍ରବୁ ଦରୁ  
 ଆସାନା ପ୍ରାତାନା କିନେସି, ଏଝାସି  
 ଗେଲ୍‌ପି ଆନେସି ।”

୧୪ ସାମା ଆମ୍ବାଆରାଉଁ ନାମା  
 ହିଲଅରି ଏନିକିହ୍ ଏଝାରି ଏଝାଣି  
 ତାଣା ପ୍ରାତାନା କିନେରି ? ଇଞ୍ଜା  
 ଏଝାଣି ନେହ୍ ବଲୁ ଝେନାଆନା  
 ଏଝାରି ଏନିକିହ୍ ନାମିନେରି ?  
 ଝେକନାରି ଝେକଆସାରେ ଏ ବଲୁ  
 ଏଝାରି ଏନିକିହ୍ ଝେନେରି ?  
 ୧୫ ଅଡେ ବଲୁ ଝେକହାଲି ତାକି ପାଣ୍ଡୁଝି  
 ଆଆସାରେ ରଅସି ଏନିକିହ୍ ବଲୁ  
 ଝେକନେସି ? ଇ କାତା ସାସ୍ତେରିତା  
 ରାସ୍‌କି ଆହାମାନେ, “ଆମିନି ଗାଟାରି  
 ନେହ୍ ବଲୁତି କାରୁ ତାନେରି  
 ଏଝାରି କତାୟି ଏଚେକା ଅଜିତାଇ !”  
 ୧୬ ସାମା ବାରେଜାଣା ଏ ନେହ୍ ବଲୁ  
 ଆବା ହିଲଅରି, ଏଦାଆଁତାକି ଜିସାୟ  
 ଏଲେଇଞ୍ଜି ମାନେସି, “ପ୍ରବୁ ମା ହାଡ଼ା  
 ଝେଞ୍ଜାନା ଆମ୍ବାଆସି ନାମା ମାନେସି ?”  
 ୧୭ ଏନିଇତିହ୍ ନାମୁ ଝେନି ତାଣାଟି  
 ଝାନେ, ଅଡେ ଝେନାୟି କ୍ରାସ୍ତତି ନେହ୍  
 ବଲୁତି ।

୧୮ ସାମା ନାନୁ ଏଲେଇଇଁ, ଏଝାରି  
 ଏନାଆଁ ଏ ବଲୁ ଝେଞ୍ଜାହିଲଅରି କି ?  
 ଝେଞ୍ଜାମାନେରି, ଏନାଆଁତାକି ଇତିହ୍  
 ସାସ୍ତେରିତା ରାସ୍‌କି ଆହାମାନେ;

“ଏଝାରି ହାଡ଼ା ବାରେ ଦାର୍‌ତିତା  
 ଝେଙ୍ଗାମାନେ,  
 ଏଝାରି କାତା ବାରେ ଦାର୍‌ତି  
 ମୁଟ୍‌ପୁଲି ପାତେକା ଝେଙ୍ଗାମାନେ ।”

୧୯ ଅଡେ ର ଦେବା ନାନୁ ଝେଞ୍ଜାଲି  
 ଅଣ୍‌ପିମାଈଁ, ଇସ୍ତାୟେଲ ଲକୁ ଏଦାଆଁ  
 ତେଲହାଲି ଆଡ଼ାଆତେରି କି ?  
 ହାରେକା ବାର୍ଯ୍ୟା ନକେଏ ମସା ଇ କାତା  
 ଝେସାମାନେସି,

“ମା ଲକୁଣି କାର୍‌ବି କିହାଲିତାକି ର ଉଣା  
 କୁଡ଼ାତି ଲେମ୍‌ନିମି,  
 ଏଲେକିହ୍ ଏ ବୁଦି ହିଲଆଗାଟି  
 କୁଡ଼ା ତଲେ ଏଝାରାଇଁ କାର୍‌ବି  
 କିଝି କିନିମି ।”

୨୦ ଅଡେ ଜିସାୟ ସାସାତଲେ  
 ଝେସାମାନେସି,

“ଆମିନି ଗାଟାରି ମାଞ୍ଜେ ପାରିମାଞ୍ଜାଆତେରି,  
 ଏ ଲକୁ ମାଞ୍ଜେ ବେଟାଆୟାତେରି;  
 ଆମିନି ଗାଟାରି ମା କାତା  
 ଝେଞ୍ଜିମାଞ୍ଜାଆତେରି, ଏଝାରି  
 ନକିତା ମାମୁ ତୁଞ୍ଜାଆତମି ।”

୨୧ ସାମା ଏଝାସି ଇସ୍ତାୟେଲ ଲକୁତି  
 କାତା ଝେସାମାନେସି, “ର ମାନ୍ତି କିଆନା  
 ନା କପାଟି ନିଜ୍ଜିନି କୁଡ଼ାତି ନାନୁ ଝେଡ଼ା  
 ତୁମ୍ବେ କେୟୁ ଦାସା ମାଇଁ ।”

**୧୧**

ଇସ୍ତାୟେଲ ଲକୁଣି ମାହାପୁରୁତି  
 କାର୍ମା

୧ ଅଡେ ନାନୁ ଝେଞ୍ଜାଲି ଆଡ଼ିଇଁ,  
 ଆଡିହ୍ ମାହାପୁରୁ ତାନି ଲକୁଣି  
 ପିସାମାନେସି କି ? ଏଲେଆହ୍  
 ଏଚେଲା ଜିକେଏ ଆଆପେ,  
 ଏନାଆଁତାକି ଇତିହ୍ ନାନୁ ଜିକେଏ  
 ଅବ୍ରାହାମତି କୁଡ଼ାତା ଜାର୍ନାଆଡ଼ି  
 ବିନ୍‌ସାମିନ୍ ଗତିତି ଇସ୍ତାୟେଲ ଲକୁତେଏ  
 । ୨ ମାହାପୁରୁ ତଲିଟିଏ ବାଟି କିହ୍  
 ହାଟାମାନି ତାନି ଲକୁଣି ଏଚେଲା  
 ଜିକେଏ ପିସାହିଲଅସି, ମାରୁ ଦାର୍ମୁ  
 ସାସ୍ତେରିତା ପଡ଼ୁଝି ଆହାହିଲଅତେରି  
 ? ଏନିକିହ୍ ଏଲିୟ ମାହାପୁରୁ  
 ନକିତା ଇସ୍ତାୟେଲ ଲକୁ କପାତଲେ  
 କାତା ଜଲ୍‌ମାତେସି, ୩ “ପ୍ରବୁ ଏଝାରି  
 ମାହାପୁରୁ ଅଣ୍‌ପୁତି ବଲୁ ଝେହ୍‌ନାରାଇଁ  
 ଏନିକିହ୍ ପାୟାମାନେରି ଇଞ୍ଜା  
 ପୂଜା ପିଣ୍ଡାଣି ଡ଼ିକହାନା ନାସ୍‌ଝି  
 କିହାମାନେରି, ଝାରୁଇ ନାନୁ ରଅତେଏ  
 ଗେଲ୍‌ପି ଆହାମାଇଁ; ଏଝାରି ନା ଜୀଝୁ  
 ଜିକେଏ ଅହାଲି ଅଣ୍‌ପିମାଞ୍ଜାନେରି  
 ।” ୪ ଏଲିୟଇଁ ମାହାପୁରୁ ଝେଣ୍ଡେ

☆ ୧୧:୧ ୧୧:୧ ପିଲିପି ୩:୫

ଏନାଆଁ ଏଲେଇରେସି, “ନାଡ଼ିକିନି ବାଲ୍ ପେନୁ, ପୂଡ଼ଲା ନକିତା ମେଣ୍ଡା କୁତା ହିଲଅରି ଇଲେତି ସାତା ମାଣା ଲକୁଣି ମାଙ୍ଗେତାକି ଇଟାମାନମି ।” ୫ ଏଲେକିହ୍ ଏ ନୀର୍ବ୍ ଜିକେଏ କାର୍ମାମେସାନା ଆଟାମାରେସି, ଏଞ୍ଜାରି ବିତ୍ରାଟି ଏଚର ଜାଣାଦେଁ ମାନେରି । ୬ ସାମା ତାନି କାର୍ମାମେହ୍ନି ତାଣାଟି ଆଡିହ୍, ଏଦି କାମାଲତା ତାକି ଆହାଲି ଆଡେଏ; ଇଞ୍ଜା ତାନି କାର୍ମାମେହ୍ନାୟି ସାତା ତଲେ କାର୍ମାମେହ୍ନାୟି ଆଏ ।

୭ ଆଡିହ୍ ଏନାଆଁ ଆଡେ ? ଇସାୟେଲତି ଲକୁ ଏନାଆଁ ପାରିମାଚେରି, ଏଦାଆଁ ବେଟାଆଆଡେରି; ଖାରଇ ମାହାପୁରୁ ଆଟାମାନି ଏଚରଜାଣା ଲକୁ ଏଦାଆଁ ବେଟାଆଡେରି, ଏଟକାତାରି ଆମ୍ବାଆରି ଜିକେଏ ମାହାପୁରୁ ହାଟାମାନାଣି ମନ ହାଆଡେରି । ୮ ସାପ୍ରେରିତା ରାସ୍କି ଆହାମାନେ, “ମାହାପୁରୁ ନୀଞ୍ଜୁପାଡେକା ଏଞ୍ଜାରାକି ଆଟ୍ଝା ଜୀଝୁ ହାହାମାନେସି, ଅଡେ ଇଲେତି କାଣ୍ଡକା ହାହାମାନେସି, ଏନିକ୍ ଏଞ୍ଜାରି ମେସାଲି ଆଡି ହିଲଅରି, ଅଡେ ଇଲେତି କୀକା ହାହାମାନେସି ଏଞ୍ଜାରି ଷ୍ଟେଞ୍ଜାଲି ଆଡିହିଲଅରି ।” ୯ ଏଞ୍ଜାରି କାତା ଦାଝୁଦ ରାଟାମାନେସି,

“ଏଞ୍ଜାରି ପାର୍ବୁତି ରାନ୍ଦା ତିନା ଉନାଟି ପାନ୍ଦାତା ରିପାରି,  
ଏଞ୍ଜାରି ତରଗାନା ତଣ୍ଡ  
ବେଟାଆଡେପରି ।

୧୦ ଏଞ୍ଜାରି ଏନିକ୍ ମେସାଲି ଆଡଅରି,  
ଏଦାଆଁତାକି ଏଞ୍ଜାରି କାଣାୟା  
ଆପେରି,  
କାଲେଏ ଦୁକୁ କସ୍ତ ବେଟାଆହାନା  
ଏଞ୍ଜାରି ଟେଡେଲି ଚୁଡ଼ୁଞ୍ଜା  
ଆପେ ।”

୧୧ ନାନୁ ଏଲେ ଇଞ୍ଜିମାଈ, ଏଞ୍ଜାରି ନାସଞ୍ଜି ଆହାଲି ପୁଟି କିହା ମାନେରି କି ? ଆଏ ଏଚେଲା ଜିକେଏ ଆଆପେ, ସାମା ଏଞ୍ଜାରି ପାପୁ କିତାକି, ଏଞ୍ଜାରାଈ କାରୁବି କିହାଲିତାକି ଜୀହୁଦିଆଆତାରି ନକିତା ଗେଲ୍ପିଆନି ଅଦିକାରା ମେଡାଆଡେ ।

୧୨ ଜୀହୁଦି ଲକୁତି ପାପୁ ଦାରୁଡିତି ବାରେ ଲକୁତାକି ହାରେକା ବାଡକୁ ଲେହେଁ ଆହାମାନେ, ଜୀହୁଦି ଲକୁ ରିତାକି ଜୀହୁଦିଆଆତି ଲକୁତାକି ବର ହାରେଏ ଗାଡି ଲାବା କିହାମାନେରି, ଇଞ୍ଜା ବାରେ ଜୀହୁଦି କୁଡା ଗେଲ୍ପି ଆଡିହ୍ ମା ଏମ୍ବାଟି ଏଚେକା ଗାଡି ବର ବେଟାଆଅରି !

ଜୀହୁଦିଆଆତାରି ଗେଲ୍ପି ଆନାୟି ୧୩ ଜୀହୁଦିଆଆତି ଲକୁଣି ନାନୁ ଏଲେ ଇଞ୍ଜିମାଈ, ନାନୁ ଜୀହୁଦିଆଆତି ଲକୁତାକି ପାଣ୍ଡୁଞ୍ଜି ଆହାମାନାକି ନା ସେବା କାମାଟି ପାଣା ତାକି ନାନୁ ବଡପଣ ଆହିମାଈ । ୧୪ ଏନିକିହ୍ ଆପେ ଜାହାରା କୁଡାତି ଲକୁଣି ରାହାଁ କିଞ୍ଜିକିହାନା ଏଞ୍ଜାରି ତାଣାଟି ଏଚର ଜାଣାଈ ଗେଲ୍ପାଲି ଆଡିଈ । ୧୫ ଏନାଆଁତାକି ଇଡିହ୍ ଏଞ୍ଜାରି ପିସ୍ପିଆତାକି ଦାରୁଡି ତଣେ ଆଡେ । ଆଡିହ୍, ମାହାପୁରୁ ବାରେ ଜୀହୁଦି କୁଡାତି ଆବିସାରେ, ଏଦାଆଁତି ପାଡେୟି ଏନାଆଁ ଆନେ ? ଏଦି ହାଡି ମାଣ୍ଡି ଜୀଝୁ ବେଟାଆଡି ଲେହେଁ ।

୧୬ ରଚାଣି ରୁଟି ମାହାପୁରୁ ଦରୁତଲେ ହେରପି ଆହାମାଟିହ୍, ବାରେ ରୁଟି ଜିକେଏ ହେରପି ଆହାମାନେ ଇଞ୍ଜା ଇନାୟି; ରୁ ମାରୁନୁଡି ହାରୁ ହେରପି ଆହାମାଟିହ୍, ଏଦାଣି କମା କାନ୍ଦି ଜିକେଏ ହେରପି ଆହାମାନୁ ଇଞ୍ଜା ଅଣ୍ଡପିନାୟି । ୧୭ ସାମା ଏଚେକା କମାୟା ରାଡପି ଆଡୁ ଅଡେ ମୀରୁ ଜାଡାତି ଜୀତ ମାରୁନୁଡି କମାୟା ଆଡିଜିକେଏ ଏ ବିତ୍ରା ଦୁସ୍ପିଆଡେରି, ଅଡେ ଏଞ୍ଜାରିତଲେ ଜୀତ ମାରୁନୁଡି ତାକିତି ରାସାତା ଆଣ୍ଡିଚେରି । ୧୮ ଆଡିହ୍ ଏ କମାୟା କପାତଲେ ବଡପଣ ଆଆଦୁ; ସାମା ମୀରୁ ବଡପଣ କିଦେରି, ମୀରୁ ମାରୁନୁଡି ତାକିତି ଆସା ହିଲଅଚେରି, ସାମା ତାକି ମିଙ୍ଗେ ଆସାମାଞ୍ଜାନେ, ଇଦାଆଁ ମୀରୁ ପୁଞ୍ଜା ତୟାଦୁ ।

୧୯ ଆଡିହ୍ ମୀରୁ ଏଲେଇଞ୍ଜାଲି ଆଡିଦେରି, “ନାଙ୍ଗେ ଟାୟୁ ହାହାନା

ଦୁରସାଲି ତାକି ଏ କମାଣି ରାତ୍ତପି ଆହାମାରୁ ।” ୨୦ ଏଦି ସାତା, ଏଞ୍ଜାରି ନାମାଆଲିଏ ରାତ୍ତପି ଆଡେରି, ମୀରୁ ଖାରଇ ନାମାଲିଏ ଏ ଟାୟୁ ଅଦିକାରା କିହାମାଞ୍ଜେରି, ସାମା ବତପଣ ଆଆନା ଆଜାଦୁ; ୨୧ ମାରନ୍ତୁତା ଗାଲୁହାମାନି କମାୟା ଲେହେଁ ଜୀହୁଦି ଲକୁଣି ମାହାପୁରୁ ତଣ୍ଡ ହୀଆନା ପିସାହିଲଅସି ଇତିସାରେ, ଏଞ୍ଜାସି ମିଙ୍ଗେ ଜିକେଏ ପିସୁଅସି । ୨୨ ଇମ୍ପାଆଁ ସିନିକିନି କାତା, ମାହାପୁରୁ ଏନିକିହୁଁ କାର୍ମା ମେହନାସି ଇଞ୍ଜା କାରବି ଆନାସି; ଆମ୍ପାଆରି ପାପୁତା ତରଗା ମାନେରି, ଏଞ୍ଜାରାଇଁ ଏଞ୍ଜାସି କାରବି ଆନେସି; ସାମା ଏତରଦିନା ପାତେକା ତାନି କାର୍ମାମେହନି ତାଣା ତ୍ରିୟିଦେରି, ଏତରଦିନା ମିଙ୍ଗେତାକି କାର୍ମା ମେସ୍ତାନାସି, ତାନି କାର୍ମାମେହନାଣି ଜାକ୍‌ହିସାରେ; ମୀରୁ ଜିକେଏ ରାତ୍ତପି ଆଡେରି । ୨୩ ଜୀହୁଦି ଲକୁ ଏଞ୍ଜାରି ନାମୁତି ପିହୁଅରି, ଆତିହୁଁ ଏଞ୍ଜାରି ତଲିମାତି ଟାୟୁତା ଖେଣ୍ଡେ ତୀରି ଆନେରି । ମାହାପୁରୁ ଇଦାଆଁ କିହାଲି ଆଡିମାନେସି । ୨୪ ଜୀହୁଦିଆଆତି ଲକୁ ଜାଡାତି ଜାତ ମାରନ୍ତୁତି ଗମାୟାଁ ଲେହେଁ । ଏଞ୍ଜି ରାତ୍ତପି ଆହାନା ଏମ୍ପାତାଇ ଆଆତି ଜିକେଏ ବାଡାତା ପାତିକିହାମାନି ଜୀତ ମାରନ୍ତୁ ତଲେ ଦୁସପି ଆହାମାନୁ । ଜୀହୁଦି କୁଡାତି ଲକୁ ବାଡାତା ପାତିକିହାମାନି ଜୀତ ମାରନ୍ତୁ ଲେହେଁ । ଇ ମାରନ୍ତୁତି ରାତ୍ତପି ଆହାମାନି ଗମାଣି ଖେଣ୍ଡେ ମାରନ୍ତୁ ତଲେ ଦୁରସାଲି ମାହାପୁରୁ ଆଡିନେସି ।

ବାରେ ଜାଣାକି ମାହାପୁରୁତି କାର୍ମାମେହନାସି

୨୫ ଏ ତାୟି ତାଙ୍ଗିସ୍ତାତେରି, ମୀରୁ ଏନିକିଁ ମିଙ୍ଗେତାକି ମୀରୁଏ ବୁଦିଗାଟାତମି ଇଞ୍ଜୁଁ ଅଣ୍ଡପଅତେରି, ଇଦାଆଁତାକି ମୀରୁ ଇ ଡୁଗୁମାନି କାତାତି ପୁନାଆନା ମାଣ୍ଡେରି ଇଞ୍ଜୁଁ ନା ମନ ହିଲେଏ, ଇତିହୁଁ ଜୀହୁଦିଆଆତି ଲକୁ

ବାରେ ହଡୁଆ ପାତେକା ଇସ୍ତାୟେଲତି ଏତେକା ଲକୁ ନାମାଆନା ତ୍ରିୟିନେରି; ୨୬ ଇଲେଆହୁଁ ବାରେ ଇସ୍ତାୟେଲ ଲକୁ ଗେଲପି ଆନେରି, ଏନିକିଁ ରାସ୍‌କି ଆହାମାନେ,

“ଗେଲପି କିନାସି ସିୟନତି ଖାନେସି,  
ଜାକୁବ କୁଡାତା ମାନି ବାରେ  
ଲୀଗେଏତାଣି ହେକ କିନେସି  
।

୨୭ ଏତିବେଲା ନାନୁ ଏଞ୍ଜାରି ପାପୁ ବାରେ ହେକ କିଇଁ,  
ଏତିବେଲା ଏଞ୍ଜାରିତଲେ ଇ  
ରାଜିମାନା କିନମି ।”

୨୮ ନେହୁଁ କାରୁତି ଆହୁଆ ଜୀହୁଦି ଲକୁ ମିଙ୍ଗେତାକି ମାହାପୁରୁକି ସାତୁୟାଁ ଆହାମାନେରି, ସାମା ମାହାପୁରୁ ଆଡାମାନି ଆକୁ ଆବାୟାଁ ତାକି ଏଞ୍ଜାରି ମାହାପୁରୁକି ଜୀହୁ ନନାରି ଆହାମାନେରି । ୨୯ ଇତିହୁଁ ମାହାପୁରୁ ଆଡାମାନାୟି ଅଡେ ତାନି କାର୍ମାତି ଦାନା ଏତେଲାଞ୍ଜା ଉଜେଏ ଆଏ । ୩୦ ଜୀହୁଦିଆଆତି ଲକୁତେରି ତଲି ମୀରୁ ମାହାପୁରୁଇଁ ମାନି କିହାହିଲାଆତେରି; ସାମା ନୀଏଁ ଜୀହୁଦି ଲକୁ ମାନି କିଆତାକି ମାହାପୁରୁତି କାର୍ମାମେହନାଣି ବେଟାଆଡେରି, ୩୧ ଏଲେଆହୁଁଏ ଏଞ୍ଜାରି ଜିକେଏ ନୀଏଁ ମାନି କିହାହିଲଅରି, ଏନିକିହୁଁ ମିଙ୍ଗେତାକି ତଞ୍ଜାଆହାମାନି କାର୍ମାମେହନାଣି ତଲେ ଏଞ୍ଜାରି ଜିକେଏ ନୀଏଁ କାର୍ମାମେହନାଣି ବେଟାଆନେରି । ୩୨ ଏନିକିତିହୁଁ ମାହାପୁରୁ ବାରେ ଜାଣାଇଁ କାର୍ମା ମେସାଲି ତାକି ମାହାପୁରୁ ବାରେଜାଣାତି ମାନି କିଆରେଟୁ ହେରପା ମାନେସି ।

ମାହାପୁରୁକି ଗାଧୁରମି

୩୩ ଅହୁତା ! ମାହାପୁରୁତି ବୁଦି ଇଞ୍ଜା ପୁନି ବାଡୁୟୁ ଏତେକା କାଜାୟି ! ତାନି ଅଣ୍ଡପୁତି ଆମ୍ପାଆସି ତେଲ୍‌ହି କିୟାନେସି ? ଇଞ୍ଜା ତାନି ଜିରୁତି ଆମ୍ପାଆସି ପୁଞ୍ଜାଲି ଆଡିମାନେସି ? ୩୪ ସାସ୍ତେରିତା ରାସ୍‌କି ଆହାମାନେ;

“ଆମ୍ବାଆସି ମାହାପୁରୁତି ଅଶ୍ଵପୁତା  
 ମାନାଣି ତେଲ୍‌ହିନେସି ?  
 ଆମ୍ବାଆସି ଏଞ୍ଜାଣାଇଁ ଖେସାଲି  
 ଆଡ଼ିନେସି ?

୩୫ ମାହାପୁରୁକି ଆମ୍ବାଆସି ଏଚେଲ୍‌ଲ  
 ଏନାଆଁ ହାହାମାନେସି,  
 ଏଦାଆଁତାକି ଏଞ୍ଜାଣାକି ଏଞ୍ଜାସି  
 ଖେଣ୍ଡେ ହାନାୟି ମାନେ ?”

୩୬ \*ବାରେ ଗାଡ଼ି ଆଡାୟି ତାନିତାଣାଟି,  
 ତାନି କେନ୍ଦୁତଲେ, ଅଡେ ତାଙ୍ଗେତାକି  
 ଆହାମାନେ; କାଲ୍‌କାଲ୍‌ ତାକି  
 ଏଞ୍ଜାଣାକି ଗାଞ୍ଜୁରମି ଆପେ ! ଆମେନ  
 ।

## ୧୨

କ୍ରୀସ୍ତ ତାଣା ପୁଃନି ଜୀଞ୍ଜୁ

୧ ଈଦାଆଁତାକି ତାୟି ତାଙ୍ଗିମ୍ବାତେରି,  
 ମାଙ୍ଗେତାକି ମାହାପୁରୁତି ହାଡ଼େକା  
 କାର୍ମାମେହନାଣି ତାକି ମିଙ୍ଗେ ନାନୁ  
 ବାଡ଼ିମାଲିମାଞ୍ଜାଇଁ, ମୀରୁ ମୀ ଆଙ୍ଗାତି  
 ଜୀଞ୍ଜୁ, ସୁଦୁ ତଲେ ଇଞ୍ଜା ମାହାପୁରୁ  
 ଅପିନି ଲେହେଁତି ପୂଜା ହୀଦୁ, ଈଦିଏ  
 ମାହାପୁରୁତି ସାତା ସେବା । ୨ ମୀରୁ  
 ଈ ଜୁଗୁତି ମାଣକିତା ମାନାଆଦୁ,  
 ସାମା ଏନିକିହିଁ ମାହାପୁରୁତି ଅଶ୍ଵ  
 ଏନାୟି, ଇଚିହିଁ ନେହାୟି, ଅପିନାୟି  
 ଇଞ୍ଜା ଟିକଣାତାୟି ଏନାୟି, ଈଦାଆଁ  
 ତାୟିପାରି କିହାନା ପୁଞ୍ଜାଲି ଆଡ଼ିଦେରି,  
 ଈଦାଆଁତାକି ମୀ ହିୟାତି ପୁଃନି କିହାନା  
 ବାଦଲି କିଦୁ ।

୩ ମାହାପୁରୁ ନାଙ୍ଗେ କାର୍ମାମେହନାଣି  
 ହାହାମାଞ୍ଜାନାକି ବାରେଜାଣା  
 ତେରି ମିଙ୍ଗେ ନାନୁ ଖେସିମାଞ୍ଜାଇଁ,  
 ଆମ୍ବାଆତେରି ଜିକେଏ ମୀ ତାକି ମୀରୁ  
 ଏନିକିହିଁ ଅଶ୍ଵପିନାୟି ମାନେ ଏଦାଆଁ  
 କିହାଁ କାଜାତମି ଇଞ୍ଜୁଁ ଅଶ୍ଵପାଆଦୁ;  
 ସାମା ମାହାପୁରୁ ଆମ୍ବାଆରାକି ଏଚେକା  
 ନାମୁ ହାହାମାନେସି, ଏଲେକିହିଁଏ  
 ବାରେଜାଣା ପୁଞ୍ଜାକତିନି ଲେହେଁ  
 ମୀ ତାକି ମୀରୁ ଅଶ୍ଵପା କତାଦୁ ।  
 ୪ \*ଇଚିହିଁଏ ଏନିକିହିଁ ମା ଆଙ୍ଗାତା

ହାଡ଼େକା ଆଙ୍ଗା ଅଡେଲିକା ମାନୁ,  
 ସାମା ବାରେ ଆଙ୍ଗା ଉଡେଲିକାତି କାମା  
 ରଲେଏତାୟି ଆଏ । ୫ ଏଲେଆହିଁଏ,  
 ମୀରୁ ହାଡ଼େକା ଜାଣାତାୟି, ସାମା  
 ବାରେଜାଣା କ୍ରୀସ୍ତ ତଲେ ଆଣ୍ଡାମାନାକି,  
 ମୀରୁ ରଣ୍ଡିଏ ଆଙ୍ଗା ଇଞ୍ଜା ଆଙ୍ଗାତି ଆଙ୍ଗା  
 ଉଡେଲିକା ଲେହେଁ ମୀରୁ ରଅସି ରଅଣା  
 ତଲେ ଆଣ୍ଡାମାନାୟି । ୬ \*ଏଦାଆଁତାକି  
 ମାଙ୍ଗେ ମାହାପୁରୁ ହାହାମାଞ୍ଜାନି  
 କାର୍ମାତଲେ ହାଡ଼େକା ଦାନା ବେଟା  
 ଆହାମାନାୟି, ମୀରୁ ମାହାପୁରୁତି  
 ବଲ୍ଲୁ ଖେକିହାଲି ତାକି ବାଡ଼ୁଲ୍ଲୁ  
 ବେଟା ଆହାମାନାୟି, ମୀରୁ ଆଡ଼ଞ୍ଜା  
 ନାମୁତଲେ ଏ କାମା କିନାୟିମାନେ;  
 ୭ ଏଦାଆଁ ସେବା କାମା କିହାଲି ବାଡ଼ୁଲ୍ଲୁ  
 ବେଟାଆହାମାନାୟି, ଆତିହିଁ ମୀରୁ  
 ସେବା କାମା କିନାୟିମାନେ; ଜାପୁହାଲି  
 ବାଡ଼ୁଲ୍ଲୁ ବେଟାଆହାମାନାୟି, ଆତିହିଁ  
 ଜାପୁନାୟି ମାନେ; ୮ ବାସୁତି କାତା  
 ଖେସାଲି ବାଡ଼ୁଲ୍ଲୁ ବେଟାଆହାମାତିହିଁ,  
 ବାସୁତି କାତା ଖେସପାସି; ଦାନା  
 କିହାଲି ବାଡ଼ୁଲ୍ଲୁ ବେଟାଆହାମାନି ମାଣ୍ଡିସି  
 ରାହାଁତଲେ ଦାନା ହାପେସି । ଏଟକା  
 ଲକ୍ଷୁତି କାମାତି ସିନିକିହାଲି ଅଦିକାରା  
 ବେଟାଆହାମାତିହିଁ ଖାହୁତଲେ କାମା  
 କିନାୟିମାନେ; ଆମ୍ବାଆସି କାର୍ମା  
 ମେହନାସି, ରାହାଁ ମନତଲେ ସାୟେମି  
 କିପାସି ।

୯ ଜୀଞ୍ଜୁନନାୟି କୁଟୁ ହିଲ୍‌ଆଗାଟାୟି  
 ଆପେ; ଏନାୟି ଲାଗେଏତାୟି ଏଦାଆଁ  
 ଅପାଆଦୁ; ଏନାୟି ନେହାୟି ଏଦାଆଁ  
 ଆହ୍‌ଦୁ; ୧୦ କ୍ରୀସ୍ତ ନାମୁତି ତାୟି ତାଙ୍ଗି  
 ଲେହେଁ ରଅତେରି ରଅଣାଇଁ ଜୀଞ୍ଜୁ ନଦୁ;  
 ଇଞ୍ଜା ରଅତେରି ରଅଣାଇଁ ମାନି କିହାଲି  
 ରାହାଁ ଆଦୁ; ୧୧ ରାହାଁତା ଉଣା ଆଆଦୁ;  
 ସୁଦୁଜୀଞ୍ଜୁତା ପାରେସାଡ଼ା ଆହାଁ ଡ଼ୟାଦୁ;  
 ହିୟାଁ ଜୀଞ୍ଜୁ ହାହାନା ପ୍ରବୁଇଁ ସେବା କିଦୁ  
 । ୧୨ ବାସୁଁ ଇଗାନା ରାହାଁ କିଦୁ; ଦୁକ୍ତ  
 କସ୍ତ ବେଲିତା ସାସା ଆହ୍‌ଦୁ; ଜମାଆନା  
 ପ୍ରାତାନା କିଦୁ; ୧୩ ମାହାପୁରୁ ଲକ୍ଷୁକି

\* ୧୧:୩୬ ୧୧:୩୭ ୧କର ୮:୬    \* ୧୨:୪ ୧୨:୫ ୧କର ୧୨:୧୨    \* ୧୨:୭ ୧୨:୭ ୧କର ୧୨:୪-୧୧

ଲଡ଼ାମାନାଣି ସାୟେମି କିଦୁ; ଇଜ ଖାନ୍ତି  
ଗତାୟିଣି ସେବା କିଦୁ ।

୧୪ \*ଆମ୍ବାଆରି ମିଙ୍ଗେ ସାସ୍ତି  
ହିୟାନେରି, ଏଞ୍ଜାରି ନେହେଁତାକି  
ମାହାପୁରୁ ତାଣା ପ୍ରାତାନା କିଦୁ;  
ଏଞ୍ଜାରାକି ବର ହୀଦୁ; ବାକା ଇଟାଆଦୁ  
। ୧୫ ଆମିନି ଗାଟାରି ରାହାଁ କିନେରି  
ଏଞ୍ଜାରିତଲେ ରାହାଁ କିଦୁ; ଆମ୍ବାଆରି  
ଡ଼ାନେରି ଏଞ୍ଜାରିତଲେ ଡ଼ାଦୁ ।

୧୬ ବାରେଜାଣା ରଣ୍ଡିଏ ଅଣ୍ଡୁ ଅଣ୍ଡପାଦୁ,  
ଝାରଇ କାଜାରି ତଲେ ତଣେ  
ଦହୁଆନା ଇଟାରି ତଲେ ଜିକେଏ  
ଆଣ୍ଡୁଞ୍ଜି ଆହାନା ମାଞ୍ଜୁ । ମୀରୁ  
ମୀ ବୁଦିତଲେ ବୁଦିଗାଟାମି ଇଞ୍ଜା  
କତାଆଦୁ । ୧୭ ଆମ୍ବାଆସି ମିଙ୍ଗେ  
ଲାଗେଏ କିୟାତିହୁଁ, ଏଞ୍ଜାଣାଈ  
ଲାଗେଏ କିଆଦୁ; ବାରେ ଲକୁ ନକିତା  
ଏନାୟି ନେହାୟି, ଏଦାଆଁ କିଦୁ ।

୧୮ ଆଡ଼ିତିହୁଁ ବାରେଜାଣା ତଲେ  
ହିଡ଼ଡ଼ି ତଲେ ନୀତାବାଡ଼କାଲି ତାକି  
ଏନ୍ତି କିନାୟିମାନେ ଏଲେକିଦୁ ।  
୧୯ ଏ ଜୀଞ୍ଜୁତି ତଣେସିଙ୍ଗା, ମୀରୁ  
ଆମ୍ବାଆରି କପାତି ବାଦୁଲି ଆଆଦୁ  
। ମାହାପୁରୁତି କପାତି ଲକୁ ଆହାଲି  
ପିସାତୁହୁଦୁ । ଏନାଆଁତାକି ଇଚିହୁଁ  
ସାସ୍ତେରିତା ରାସ୍ତି ଆହାମାନେ, ପ୍ରବୁ  
ଏଲେଇଞ୍ଜି ମାନେସି, “ବାଦୁଲି ଅନାୟି  
ନା ଅଦିକାରା, ନାନୁ ତାମି କାମାତି  
ପାଡ଼େୟି ହୀଇଁ ।” ୨୦ ଅଡ଼େ ଜିକେଏ,  
“ମୀ ସାତୁ ହାକି ଆହାମାଟିସାରେ,  
ଏଞ୍ଜାଣାକି ତିଞ୍ଜାଲି ହୀଦୁ; ଏଞ୍ଜାସି ଏସ୍ତି  
ଆହାମାଟିସାରେ ଗସାଲି ହୀଦୁ; ଇଲେ  
କିତିସାରେ ଏଞ୍ଜାଣିଲାକ ଡ଼ାଞ୍ଜିମାନି  
ହିରୁତି ରାଙ୍ଗାୟାଁ ଏକ୍‌ହି ମାଞ୍ଜେରି ।”

୨୧ ଲାଗେଏତି କାମା ତଲେ ଜୀଣା  
ଆଆନା, ନେହୁଁ କାମା ତଲେ  
ଲାଗେଏତି କାମାତି ଜୀଣା ଆଦୁ ।

## ୧୩

ସାଲୁଞ୍ଜି କିନାରାଇଁ ମାନି କିନାୟି

୧ ବାରେଜାଣା ସାଲୁଞ୍ଜି କିନାରାଇଁ ମାନି  
କିନାୟିମାନେ, ଏନାଆଁତାକି ଇଚିହୁଁ  
ମାହାପୁରୁତି ହେଲ ଆଆତିହୁଁ  
ଆମ୍ବାଆସି ଜିକେଏ ସାଲୁଞ୍ଜି କିନି ପାଣା  
ବେଟାଆଅସି, ପାଣାତା ମାନି, ସାଲୁଞ୍ଜି  
କିନାରି ମାନେରି; ଏଞ୍ଜାରି ମାହାପୁରୁ  
ତାଣାଟି ଆଡ଼ୁଞ୍ଜି ଆହାମାନେରି ।

୨ ଏଦାଆଁତାକି ଆମ୍ବାଆସି ପାଣାତା  
ମାନି ସାଲୁଞ୍ଜି କିନାରି କପାତଲେ  
ନିଙ୍ଗିନେସି, ଏଞ୍ଜାସି ମାହାପୁରୁ ମେରାତି  
କପାତଲେ ନିଙ୍ଗିନେସି; ଆମ୍ବାଆରି  
ଏଲେକିନେରି ଏଞ୍ଜାରି ତାମ୍ବୁ ତାମଙ୍ଗେ  
ଡ଼ଣ୍ଡୁ ବେଟାଆହାଲି ତାକି କିନେରି ।

୩ ଇଚିହୁଁ ସାଲୁଞ୍ଜି କିନାରି ନେହୁଁ  
କାମାତାକି ଆଜିଗାଟାରି ଆଏ, ସାମା  
ଲାଗେଏତି କାମାତାକି ଆଜିଗାଟାରି  
ଆନେରି । ସାଲୁଞ୍ଜି କିନାରାଇଁ ଆଜାଆନା  
ଡ଼ୟାଲି ମନ ମାନେକି ? ଆତିହୁଁ  
ନେହୁଁ କାମା କିଦୁ, ଆତିହୁଁ ଏଞ୍ଜାରି  
ତାଣାଟି ନେହୁଁ ବେଟାଆଦେରି, ୪ ମୀ  
ନେହୁଁ ତାକି ଏଞ୍ଜାସି ମାହାପୁରୁତି  
ସେବା କାମା କିନାସି ଆହାମାନେସି ।  
ସାମା ମୀରୁ ଲାଗେଏତି କାମା କିଦେରି,  
ଆତିହୁଁ ସାଲୁଞ୍ଜି କିନାଣାଈ ଆଜାଦୁ,  
ଏନାଆଁତାକି ଇଚିହୁଁ ଏଞ୍ଜାସି ଉଜେଏ  
କାଣ୍ଡା ଆହୁଅସି, ଏନ୍ତିଇଚିହୁଁ ଏଞ୍ଜାସି  
ମାହାପୁରୁତି ସେବା କିନାସି, ଇଚିହୁଁ  
ଏଞ୍ଜାସି ତାନି କପାତଲେ ଲାଗେଏତି  
କାମା କିନାରାକି ଡ଼ଣ୍ଡୁ ହୀନାସି ।

୫ ଏନ୍ତିଇଚିହୁଁ, ଝାରଇ କାର୍‌ବିତି  
ଆଜିତାକି ଆଏ, ସାମା ମା ହିୟାଁତା ମାନି  
ଅଣ୍ଡପୁ ପୁଞ୍ଜାହାଁ ସାଲୁଞ୍ଜି କିନାରି କାତା  
ମାନି କିନାୟିମାନେ ।

୬ \*ଇଦାଆଁତାକି ମୀରୁ ସିସୁ ଜିକେଏ  
ହୀହିମାଞ୍ଜେରି, ଏନାଆଁତାକି ଇଚିହୁଁ  
ମାହାପୁରୁତି ସେବା କିନେରି ଲେହେଁ  
ଆହାନା ସାଲୁଞ୍ଜି କିନି କାମା ଜିକେଏ  
କିନେରି । ୭ ଏଦାଆଁତାକି ଏଞ୍ଜାରି ଏନାଆଁ  
ବେଟାଆନାୟି ମାନେ, ଏଦାଆଁ ହୀଦୁ;  
ଆମ୍ବାଆରାକି ସିସୁ ହୀନାୟି ମାନେ  
ଏଞ୍ଜାଣାକି ସିସୁ ହୀଦୁ; ଆମ୍ବାଆରାକି

☆ ୧୨:୧୪ ୧୨:୧୪ ମାତି ୫:୪୪; ଲୁକ ୭:୨୮ ☆ ୧୩:୭ ୧୩:୭ ମାତି ୨୨:୨୧; ମାର୍କ ୧୨:୧୭; ଲୁକ ୨୦:୨୫



**୧୪**

ଆସ୍‌ଲି ହୀନାୟି ମାନେ ଏଞ୍ଜାଣାକି  
 ଆସ୍‌ଲି ହୀଦୁ; ଆମ୍ବାଆରାକ୍ ଆଜିନାୟି  
 ମାନେ ଏଞ୍ଜାଣାକ୍ ଆଜାଦୁ; ଆମ୍ବାଆରାକ୍  
 ମାନି କିନାୟିମାନେ ଏଞ୍ଜାଣାକ୍ ମାନି କିଦୁ  
 ।

**ରଥସି ରଥଣାକ୍ ଜୀଞ୍ଜୁନନାୟି**

୮ ରଥପେରେ ରଥଣାକ୍ ଜୀଞ୍ଜୁ ନଞ୍ଜିଆନ୍ତି  
 ପିସ୍‌ପେ ଅଡେ ଏନଞ୍ଜା ଆମ୍ବାଆରି ତାଣା  
 ଜିକେଏ ରୀଣା ଆଆଦୁ; ଏନାଆଁତାକି  
 ଇଚିହ୍ ଆମ୍ବାଆସି ଏଟକାତାଣାକ୍  
 ଜୀଞ୍ଜୁ ନନେସି, ଏଞ୍ଜାସି ମସାତି ମେରା  
 ମାନଞ୍ଜି ଆହିମାନେସି । ୯ “ଦାରି କିଆଦୁ,  
 ଲକୁଣି ପାୟାଆଦୁ, ସରୁ କିଆଦୁ, ଏଟକା  
 ଲକୁଟି ଦିଶ୍‌ସୁତି ଜୁପକା ଆଆଦୁ,” ଇ  
 ବାରେ ହୁକୁମି ର ହୁକୁମିତା ମାନେ,  
 “ପାଡ଼ିତି ଲକୁକ୍ ମୀ ଜୀଞ୍ଜୁତି ଜୀଞ୍ଜୁ  
 ନହାଁ କଡିନି ଲେହେଁ ଜୀଞ୍ଜୁନଦୁ ।”  
 ୧୦ ଜୀଞ୍ଜୁନନାୟି ପାଡ଼ିତି ଲକୁଟି ଲାଗେଏ  
 କିଏ; ଏନିଇଚିହ୍ ଜୀଞ୍ଜୁନନାୟି ମସାତି  
 ମେରା ପୁରା କିନେ ।

୧୧ ଇଚିହ୍ ଇଦାଟି ତେଞ୍ଜୁଏଲିନି  
 ବେଲା ଏଦାତେୟିଏ, ଇଦାଆଁ ପୁଞ୍ଜା  
 ନୀର୍ବ ମୀରୁ ଇ ବାରେ କିଦୁ; ଇଚିହ୍  
 ମାର ନାମିତି ଦିନାଟିଏ ଗେଲ୍‌ପି  
 ଆନାୟି ତଲିତି କିହାଁ ହାରେକା ତାଗେ  
 ଝାଡେୟିଏ । ୧୨ ଆନ୍ଦେରି ହାଜିମାନେ,  
 ଲାକ୍ ଝେୟିମାନେ । ଏଦାଆଁତାକି ଝାଦୁ  
 ମାର ଆନ୍ଦେରିତି କାମା ବାରେ ପିସାନା  
 ଉଜେଡ଼ିତା ଜୁଜୁ କିହାଲି ଚିକାଣାତି ସାଜୁ  
 ତୁରନ । ୧୩ କାଡୁ ଗସାହାଁ ମନକିତି  
 ରାହାଁ, କାଡୁ ଗସାହାଁ ହଡିନାୟି, ମାନି  
 ହିଲ୍‌ଆଗାଟାୟି, ଲାଗେଏତି ମାଣକି,  
 ତାହାରା, ଗଡ଼ହା କିନିତାଣା କାମାତା  
 ଆଣ୍ଡାଆନା ଝାଦୁ, ଉଜେଡ଼ିତି କାମାତା  
 ମାନି ଲକୁ ଲେହେଁ ନେହ୍ ମାଣକି  
 ତଲେ ମାନ । ୧୪ ପ୍ରବୁ ଜୀସୁ କ୍ରୀସ୍‌ଟ୍  
 ମୀରୁ ହିମ୍‌ବିଲେହେଁ ପର୍‌ଦୁ, ପାପୁ ଇଞ୍ଜା  
 ଆଙ୍ଗାତି ଲାଗେଏତି ଅଣ୍ଡପୁ ତଲେ ରାହାଁ  
 କିହାଲିତାକି ହିୟାଁତା ଅଣ୍ଡପାଆଦୁ ।

**ଏଟକା ଲକୁଣି ଦହ୍ ଦହ୍‌ଆଦୁ**

୧୫ ନାମୁତା ଆଟ୍‌ଞ୍ଜା ହିଲ୍‌ଆଗାଟାରାକ୍  
 ଆବାଦୁ, ସାମା ତାନି କାତାତି ଅଣ୍ଡପୁ ତାକି  
 ତାନିତଲେ ବାଦ୍‌ହାରା କିଆଦୁ । ୧ ବାରେ  
 ତିଞ୍ଜାଲି ତାକି ରଥଣାକି ନାମୁ ମାନେ,  
 ସାମା ଆମ୍ବାଆସି ନାମୁତା ଉଣା ମାନେସି  
 ଏଞ୍ଜାସି ଝାରୁଇ ଜାୟୁ କୁଟା ତିନାପେସି  
 । ୩ ଆମ୍ବାଆସି ବାରେ ତିନେସି, ଏଞ୍ଜାସି  
 ତିନାଆଗାଟାଣାକ୍ ହୀଣି କିଆପେସି;  
 ଇଞ୍ଜା ତିନାଆଗାଟାସି ତିନାଣାକ୍ ନୀହାଁୟି  
 କିଆପେସି, ଏନିଇଚିହ୍ ମାହାପୁରୁ  
 ଏଞ୍ଜାଣାକ୍ ଆବା ମାନେସି । ୪ ନୀନୁ  
 ଆମ୍ବାଆତି ଅର ରଥଣି ହଲେଏଣାକ୍  
 ନୀହାଁୟି କିହିମାଞ୍ଜି ? ଏଞ୍ଜାସି ତାନି  
 ସାଞ୍ଜୁକାରି ତାଣା ତୀରି ଆନେସି କି ତୀରି  
 ଆଅସି; ଏଞ୍ଜାଣାକ୍ ତୀରିକିହାଁ ଇଟାଲି  
 ପ୍ରବୁ କେୟିତା ବାଡ଼ୁୟି ମାନେ ।

୫ ରଥସି ର ଦିନାତି କିହାଁ ଅର  
 ଦିନାତି ହାରେକା ମାନି କିନେସି, ଅଡେ  
 ରଥସି ବାରେ ଦିନାତି ରଲେଏତାକ୍  
 ଇଞ୍ଜା ଅଣ୍ଡପିନେସି, ବାରେକାଣା ତାମି  
 ମନତା ତୀରି କିହାନା ମାନଞ୍ଜି ଆପେରି  
 । ୬ ଆମ୍ବାଆସି ର ଦିନାତି ହାରେକା  
 ନେହାୟି ଇଞ୍ଜା ଅଣ୍ଡପିମାନେସି,  
 ମାହାପୁରୁତି ଗାଞ୍ଜୁରମି ତାକି ଏଲେଇଞ୍ଜା  
 ଅଣ୍ଡପାପେସି । ଆମ୍ବାଆସି ବାରେ  
 ତିନେସି, ମାହାପୁରୁ ଦରୁତଲେ ତିନେସି  
 ଇଞ୍ଜା ମାହାପୁରୁକ୍ ଜହରା କିନେସି;  
 ଆମ୍ବାଆସି ତିଞ୍ଜାଲି କୁନେସି, ଏଞ୍ଜାସି  
 ମାହାପୁରୁ ଦରୁତଲେ କୁନେସି ଇଞ୍ଜା  
 ମାହାପୁରୁକ୍ ଜହରା କିନେସି ।  
 ୭ ଆମ୍ବାଆସି ତାଙ୍ଗେତାକି ନୀତଅସି,  
 କି ଆମ୍ବାଆସି ତାଙ୍ଗେତାକି ହାଅସି ।  
 ୮ ମାର ନୀତାମାନାୟି ଇଚିସାରେ,  
 ପ୍ରବୁ ତାକି ନୀତାମାନାୟି ଇଞ୍ଜା  
 ହାଡ଼ିସାରେ ପ୍ରବୁ ତାକି ହାନାୟି ।  
 ଏଦାଆଁତାକି ନୀତିନାୟି କି ହାନାୟି  
 ମାର ପ୍ରବୁତି ଲକୁ । ୯ ଏନାଆଁତାକି  
 ଇଚିହ୍ କ୍ରୀସ୍‌ଟ୍ ହାହାନା ଝେଣ୍ଡେ  
 ନିଙ୍ଗାମାନି ତାଣାଟି ନୀତାମାନାରି

☆ ୧୪:୧ ୧୪:୧ କଲସି ୨:୧୭ ☆ ୧୪:୧୦ ୧୪:୧୦ ୨କର ୫:୧୦

ଇଞ୍ଜା ହାତୀର ବାରେଜାଣାତି ପ୍ରବୁ  
 ଆହାମାନେସି । ୧୦ \*ନାନୁ ଏଦାଆଁତାକି  
 ମୀ ତାୟିଇଁ ବେରଣି କିହିମାଞ୍ଜି ?  
 ଏନାଆଁତାକି ମୀ ତାୟିଇଁ ହାଣି କିହିମାଞ୍ଜି  
 ? ମାର ବାରେଜାଣା ବେରଣି  
 ଆହାଲି ମାହାପୁରୁ ନକିତା ନିନାୟି ।  
 ୧୧ ଏନାଆଁତାକି ଇତିହଁ ସାଢ଼େସ୍ତରିତା  
 ରାସ୍ତକି ଆହାମାନେ;

“ପ୍ରବୁ ଖେସିମାନେସି, ଇତିହଁ ନାନୁ  
 ଜୀଝୁଗାଟି ମାହାପୁରୁ,  
 ବାରେଜାଣା ନା ନକିତା ମେଣ୍ଡା  
 କୁଡିନେରି,  
 ବାରେଜାଣା ନାଙ୍ଗେ ମାହାପୁରୁ  
 ଇଞ୍ଜଁ ଜଲିନେରି ।”

୧୨ ମାର ବାରେଜାଣା ମାହାପୁରୁ ନକିତା  
 ମାର କିତି କାମାତି ଲେକା ହାନାୟି ।

ତାୟିଇଁ ପାପୁ କିଞ୍ଚି କିଆଦୁ  
 ୧୩ ଏଦାଆଁତାକି ରଥତେରି ରଥଣାକି  
 ବିଚାରା କିଆଦୁ; ଇଲେକିହଁ ଏନାଆଁ  
 ଜିକେଏ କିଆଦୁ, ଏନିକଁ ମୀ ତାୟି  
 ପୁଟି କିହାନା ପାପୁତି ପାନ୍ଦାତା ରିଅସି  
 । ୧୪ ପ୍ରବୁ ଜୀସୁ ତାଣାଟି ପୁଞ୍ଜାନା  
 ସାତା ତଲେ ଖେସିମାଞ୍ଜାଇଁ, ଏନି କାଦି  
 ତାନୁଏ ଲାଗେଏତାୟି ଆଏ । ସାମା  
 ଆମ୍ବାଆସି ଏନି କାଦିତି ଲାଗେଏତାୟି  
 ଇଞ୍ଜଁ ଅଣ୍ପିନେସି, ଏଞ୍ଜାଣାକି ଏଦି  
 ଲାଗେଏତାୟି ଆନେ । ୧୫ ମୀରୁ  
 ଏନି କାଦି ତିନି ତାଣାଟି ର ତାୟି  
 ଅଣ୍ପୁତା କସ୍ତ ହାହିମାଞ୍ଜେରି, ଆତିହଁ  
 ଏଞ୍ଜାଣାଇଁ ମୀରୁ ଜୀଝୁନଝୁତା ତାକି  
 ହିଲଅତେରି, ଆମିନି ତାୟି ତାକି କ୍ରୀସୁ  
 ହାଡେସି, ଏ କାଦି ତାକି ଏଞ୍ଜାଣାଇଁ  
 ଲାଗେଏ କିଆଦୁ । ୧୬ ମୀରୁ ଏନାଆଁ  
 ନେହାୟି ଇଞ୍ଜଁ ଅଣ୍ପିମାଞ୍ଜେରି,  
 ଏଦାଆଁତାକି ମୀରୁ ଲାଗେଏତାତେରି  
 ଆଆଦୁ; ୧୭ ମାହାପୁରୁତି ରାଜି ତିନାୟି  
 ଉନାୟି ଆଏ । ସାମା ଏଦି ଦାମ୍ବୁ, ହିଡ଼ଡ଼ି  
 ଇଞ୍ଜା ସୁଦୁଜୀଝୁ ହାତି ରାହାଁଗାଟାୟି  
 । ୧୮ ଆମ୍ବାଆସି ଇଲେକିହଁ କ୍ରୀସୁତି  
 ସେବା କିନେସି; ଏଞ୍ଜାସି ମାହାପୁରୁ  
 ନକିତା ନେହାସି ଇଞ୍ଜା ମାଣ୍ପିୟା  
 ନକିତି ତାୟିପାରିତା ଜୀଣା ଆଡାସି

ତଞ୍ଜାଆନେସି । ୧୯ ଏଦାଆଁତାକି ଖାଦୁ,  
 ଏନା ଏନାୟି ହିଡ଼ଡ଼ି ଗାଟାୟି, ଅଡେ ଏନା  
 ଏନାଆଁତଲେ ରଅସି ରଅଣାକି ବାସୁ  
 ହାନେସି, ଏ ବାରେତି ମାର ଅଣ୍ପିନ  
 ୨୦ ଏ ଉଜେଏତି କାଦି ତାକି ମାହାପୁରୁତି  
 କାମାଇଁ ନାସଞ୍ଚି କିଆଦୁ, ବାରେଏ ସୁଦୁ  
 କିଞ୍ଚିଆହାମାନେ, ସାମା ଏନି କାଦି  
 ତିନି ତାଣାଟି ମୀରୁ ଏଟକା ଲକୁଣି  
 କସ୍ତ ହାହିମାଞ୍ଜେରି, ଆତିହଁ ଏ କାଦି  
 ତିନାଆଦୁ । ୨୧ ମୀରୁ ଉଞ୍ଜା ତିନାୟି,  
 ଅଞ୍ଜୁରି ରାସା ଗହନି ତାଣାଟି ମୀ ତାୟିକି  
 କସ୍ତ ଆହିମାଟିସାରେ ତିନି ଉନି ତାଣାଟି  
 ହେକ ଆନାୟି ନେହେଁ । ୨୨ ମୀ ଏମିନି  
 ନାମୁ ମାନେ, ଏଦାଆଁ ମୀରୁ ମୀ ହିୟାତା  
 ମାହାପୁରୁଇଁ ନକିତା ଇଟାଦୁ, ଆମ୍ବାଆସି  
 ଏନାଆଁ ନେହାୟି ଇଞ୍ଜଁ ଅଣ୍ପିନେସି,  
 ଏଞ୍ଜାସି ଏମ୍ବାଆଁ ତାଙ୍ଗେ ଦହଗାଟାସି  
 କିଅସି, ଆତିହଁ ଏଞ୍ଜାସି ନେହାସି ।  
 ୨୩ ସାମା ଆମ୍ବାଆସି ଆନାମାନା ଆହାନା  
 ରାନ୍ଦା ତିନେସି, ଏଞ୍ଜାସି ମାହାପୁରୁ ନକିତା  
 ଦହଗାଟାସି ଆନେସି, ଇତିହଁ ଏଞ୍ଜାସି  
 ନାମୁତଲେ ତିଞ୍ଜା ହିଲଅସି; ଅଡେ  
 ଏନାୟି ନାମୁତଲେ ଆଏ, ଏଦି ପାପୁ ।

**୧୫**

ଏଟକା ଲକୁଣି ରାହାଁ କିଦୁ  
 ୧ ମାର ନାମୁତା ଆଟଞ୍ଜା ଗାଟାତାୟି,  
 ବାଡ଼ୁୟି ହିଲଆଗାଟି ଲକୁଣି ମାର  
 ସାସା ହାନାୟି ମାନେ, ଆମ୍ବାଆସି  
 ଜିକେଏ ଜାହାରାଇଁ ରାହାଁ କିହାଲି  
 ଅଣ୍ପାଆପେସି । ୨ ସାମା ଏଟକା  
 ଲକୁଟି ନେହେଁତାକି ଇଞ୍ଜା ଏଞ୍ଜାରି  
 ନାମୁତି ଆଟଞ୍ଜା କିହାଲିତାକି ଏଞ୍ଜାରାଇଁ  
 ରାହାଁତଲେ ଇତିନାୟି ମା କାମା ।  
 ୩ କ୍ରୀସୁ ଜିକେଏ ତାନି ସୁକୁ ତାକି ଏନାଆଁ  
 କିହି ହିଲଆତେସି; ସାମା ସାଢ଼େସ୍ତରିତା  
 ରାସ୍ତକି ଆହାମାନି ଲେହେଁ, “ମିଙ୍ଗେ  
 ନିନ୍ଦା କିୟାତାରା ନିନ୍ଦା ନା ମୁହେଁ ଖାଡେ  
 ।” ୪ ସାଢ଼େସ୍ତରିତି ଜାପନାଇ ବାରେ ମା  
 ନେହେଁତାକି ଲଡ଼ା ଆଦୁ । ବାସୁ ତଲେ  
 ତାରିଆହାଁ ଡ଼ୟାଲି ତାକି ସାଢ଼େସ୍ତରି  
 ମାଙ୍ଗେ ସାସା ଇଞ୍ଜା ରାହାଁ ହାହିମାଞ୍ଜାନେ

। ୫ ଆର୍ତ୍ତା ଅଡ଼େ ଦୁକୁ ତୁକହାନି  
 ମାହାପୁରୁ ମିଙ୍ଗେ କ୍ରୀସ୍ତ ଜୀସୁତି ମାଣ୍ଡକି  
 ତଲେ ବାରେତେରି ମିଙ୍ଗେ ରଣ୍ଡିଏ ମନ  
 ଆହାଲି ହିୟାପେସି, ୬ ବାରେଜାଣା  
 ଆଣ୍ଡି ଆହାନା ରଣ୍ଡିଏ ହିୟା ରଣ୍ଡିଏ  
 ଗୁତି ତଲେ ପ୍ରବୁ ଜୀସୁ କ୍ରୀସ୍ତ ଆବା  
 ମାହାପୁରୁତି ଜହରା କିତେରି ।

ଜୀହୁଦି ଇଞ୍ଜା ଜୀହୁଦିଆଆତି  
 ଲକୁତାକି ନେହଁ କାରୁ

୭ ମାହାପୁରୁତି ଗାଝୁରମି ତାକି କ୍ରୀସ୍ତ  
 ଏନିକିହଁ ମିଙ୍ଗେ ଆବା ମାଞ୍ଜାନେସି,  
 ମୀରୁ ଜିକେଏ ଏଲେକିହଁ ରଅତେରି  
 ରଅଣାଲ୍ ଆବାଦୁ । ୮ ଇତିହଁ ନାନୁ  
 ଏଲେ ଇଞ୍ଜିମାଲ୍, କ୍ରୀସ୍ତ ମାହାପୁରୁତି  
 ସାତା ତାକି ତଲୁ ଦାପି ଆଡି ଲକୁତି  
 ସେବା କିନାସି କିଞ୍ଚିଆହା ମାଚେସି,  
 ଏନିକିହଁ ଏଝାସି ଆକୁ ଆବାୟାକି  
 ଆଞ୍ଜାନା ହାହାମାନାଣି ତୀରି କିନେସି,  
 ୯ ଅଡ଼େ ମାହାପୁରୁତି କାର୍ମାମେହନାଣି  
 ତାକି ଜୀହୁଦିଆଆତି ଲକୁ ଜିକେଏ  
 ଏଝାଣି ଗାଝୁରମି କିନେରି; ଇ କାତା  
 ସାଝୁରିତା ରାସ୍‌କି ଆହାମାନେ;

“ଇଦାଆଁତାକି ଜୀହୁଦିଆଆତି ଲକୁତାଣା  
 ନୀ ଜହରା କିଲ୍,

ବାରେଦିନା ନୀ ପାରୁ ପାଡ଼ିଲ୍ ।”

୧୦ ଅଡ଼େ ଜିକେଏ ଏଲେଇଞ୍ଜି ମାନେସି,  
 “ଜୀହୁଦିଆଆତି ଲକୁ ମାହାପୁରୁତି  
 ଲକୁତଲେ ରାହାଁ କିଦୁ !”

୧୧ ଅଡ଼େ ଜିକେଏ,  
 “ଜୀହୁଦିଆଆତି ଲକୁ ବାରେ ପ୍ରବୁଲ୍  
 ଜହରା କିଦୁ,

ଅଡ଼େ ବାରେ ଲକୁ ଏଝାଣି ପାରୁ  
 ପାଚାପେରି !”

୧୨ ଅଡ଼େ ଝେଣ୍ଡେ ଜିସାୟ ଝେସାମାନେସି,  
 “ଜିସି କୁଡାଟି ରଅସି ତଞ୍ଜାଆନେସି,  
 ଏଝାସି ଜୀହୁଦିଆଆତି ଲକୁଣି  
 ସାଲଞ୍ଜି କିନେସି  
 ଇଞ୍ଜା ଜୀହୁଦିଆଆତାରି ଏଝାଣି  
 ତାଣା ବାର୍ସୁ ଇଟିନେରି ।”

୧୩ ବାରେ ବାର୍ସୁଗାଟି, ମାହାପୁରୁ ମୀ  
 ନାମୁ ତାକି ମିଙ୍ଗେ ରାହାଁ ଇଞ୍ଜା ହିଡ଼ଡ଼ି

ହିୟାପେସି । ଏନିକିହଁ ସୁଦୁଜୀଝୁତି  
 ବାଡ଼ୁଲୁ ତଲେ ମୀ ବାର୍ସୁ ପାତାଆନେ ।

ଜୀହୁଦିଆଆତି ଲକୁତାଣା ପାଝୁଲତି  
 ସେବା

୧୪ ତାୟି ତାଙ୍ଗିସ୍ତାତେରି, ମୀରୁ  
 ବାରେ ନେହଁ ଗୁଣ୍ଡୁ, ଏନିକିହଁ  
 ବାରେ ବୁଦିତଲେ ଇଞ୍ଜା ରଅତେରି  
 ରଅଣାଲ୍ ଜାପହାଲି ତାକି ଆଡିଦେରି  
 ନା. ନାମୁ ମାନେ । ୧୫ ଆଡ଼ିଜିକେଏ  
 ମାହାପୁରୁ ହାହାମାଞ୍ଜାନି କାର୍ମାତି  
 ବାଡ଼ୁଲୁଟି ନାନୁ ମିଙ୍ଗେ ଅଣ୍ଡି କିହାଲି  
 ହାରେକା ସାସାତଲେ ମୀ ତାଣା ଇ  
 ଆକୁ ରାଡ଼ିମାଞ୍ଜାଲ୍ । ୧୬ ଏନାଆଁତାକି  
 ଇତିହଁ କ୍ରୀସ୍ତ ଜୀସୁତି ହଲେଏଣା  
 ଲେହେଁ ଜୀହୁଦିଆଆତି ଲକୁତାକି  
 କାମା କିହାଲି ମାହାପୁରୁ ନାଙ୍ଗେ  
 ପାରୁ ହାହାମାଞ୍ଜାନେସି । ମାହାପୁରୁତି  
 ନେହଁ କାରୁ ଝେକହାଲି ତାକି ନାନୁ  
 ର. ପୂଜେରାତି କାମା କିହିମାଲ୍ ।  
 ଜୀହୁଦିଆଆତି ଲକୁ ସୁଦୁଜୀଝୁ ତଲେ  
 ହେରପିଆଡି ଲେହେଁ ମାହାପୁରୁ ତାଣା  
 ଆବିନାରି ଆପେରି, ଇଦି ନା. ଅଣ୍ଡପୁ ।  
 ୧୭ କ୍ରୀସ୍ତ ଜୀସୁତଲେ ଆଣ୍ଡାନା ମାହାପୁରୁ  
 ତାକି ଇ ସେବା କାମା କିହାମାନାକି  
 ନାନୁ ବଡପଣ ଆହିମାଲ୍ । ୧୮ ଇତିହଁ  
 ଜୀହୁଦିଆଆତି ମାହାପୁରୁ ତାଣା ତାତାଲି  
 କ୍ରୀସ୍ତ ନା. ତାଣାଟି ବଲୁତା ଅଡ଼େ କାମାତା  
 ଇତିହଁ ହାରେକା ସିନାୟାଁ କାବାଆନି  
 କାମାୟାଁ ତଲେ, ସୁଦୁଜୀଝୁତି ବାଡ଼ୁଲୁଟି  
 ଏନା ଏନାଆଁ କିହାହିଲଅସି, ଇଲେତି  
 ଏନି କାମା କିହାଲି ସାସା କିହିହିଲଅଁ  
 । ୧୯ ସିନା ଅଡ଼େ କାବାଆନି କାମାତି  
 ବାଡ଼ୁଲୁଟି ଅଡ଼େ ମାହାପୁରୁ ସୁଦୁଜୀଝୁତି  
 ବାଡ଼ୁଲୁଟି ନା. ତାଣାଟି କିହାମାନେସି  
 । ଏନିକିହଁ ନାନୁ ଜିରୁସାଲମ ଟଟ  
 ସାରିଝାକି ଇଞ୍ଜା ଇଲୁରିକମ ପାତେକା  
 କ୍ରୀସ୍ତ ନେହଁ କାରୁ ଝେକହାମାଲ୍  
 । ୨୦ ଆମ୍ବିୟା ଲକୁ କ୍ରୀସ୍ତ କାତା  
 ଝେଞ୍ଜାହିଲଅରି, ଏନାଆଁ ଏଝାଣି ବଲୁ  
 ଝେକହାଲି ନା. ଅଣ୍ଡପୁ, ଏନାଆଁତାକି  
 ଇତିହଁ ଏଟକାତି ଲକୁ କିହାମାନି

ପୁନାଦି ଲାକ ଇନ୍ନୁ କିହାଲି ନାନୁ ଅଣ୍ଡପି ହିଲଅଁ । ୨୧ ସାସ୍ତେରିତା ଏନିକିହିଁ ରାସ୍ତକି ଆହାମାନେ;

“ଆମିନି ଗାଟାରି ଏଞ୍ଜାଣି ବନ୍ନୁ ବେଟାଆହା ହିଲଅରି, ଏଞ୍ଜାରି ମେହ୍ନେରି; ଆମ୍ବାଆରି ଖେଞ୍ଜାହିଲଅରି, ଏଞ୍ଜାରି ତେଲହିନେରି ।”

ରମ୍ପତା ହାଜାଲି ପାଞ୍ଜୁଲତି ଅଣ୍ଡପୁ

୨୨ \*ହାରେକା ଦେବା ମୀ ତାଣ୍ଡା ଖାହାଲି ତାକି ନା ଅଣ୍ଡପୁ ଉଜେଏତାୟି ଆଡେ । ୨୩ ସାମା ଇ ରାଜିତା ନା ସେବା କାମା ରାହାମାନେ ଅଡେ ନା ଆସା, ମିଙ୍ଗେ ମେସାଲି ତାକି ନା ହାରେକା ବାସୀତି ଅଣ୍ଡପୁ ନୀଏଁ ପୁରା ଆନେ । ୨୪ ନାନୁ ସ୍ତେନ୍ ଦେସା ହାନିବେଲତା ମୀ ତାଣ୍ଡା ଖାଲ୍; ଇଚିହିଁ ଜିରୁତା ମୀ ତଲେ ତଲିଏ ଆଣ୍ଡାନା କାତା ଆହାଁ ଏଚରଦିନା ତ୍ତୟିତି ତାୟୁ ଏ ଗାୟୁତା ହାଜାଲି ଜିରୁତା ଇଚିଞ୍ଜାୟାଦେରି ଇଞ୍ଜିଁ ଆସା କିହିମାଲ୍ । ୨୫ \*ନୀଏଁ ମାହାପୁରୁ ଲକୁତି ସେବା କିହାଲି ନାନୁ ଜିରୁସାଲମତା ହାଜିମାଲ୍ । ୨୬ ଜିରୁସାଲମତା ମାହାପୁରୁ ଲକୁ, ଆମ୍ବାଆରି ହିଲାଆ ଗାଟାରି ମାନେରି, ଏଞ୍ଜାରି ତାକି ମାକିଦନିୟା ଅଡେ ଆକାୟାତି କୁଲମିକା ଆଣ୍ଡାଲି ତାବୁୟାଁ କୃଡିକିହାଲି ତାରି କିହାମାନେରି । ୨୭ \*ହାଅ ଏଞ୍ଜାରି ଏଦାଆଁ ନେହେଁ ଅଣ୍ଡପା ମାନେରି ସାତା, ଆତିହିଁ ଏଞ୍ଜାରି ଏଞ୍ଜାରିତାଣା ରୀଣା ଜିକେଏ ଆହାମାନେରି; ଜୀହୁଦିଆଆତାରି ଏଞ୍ଜାରି ଦାମ୍ପୁତି ଜୀଞ୍ଜୁତା ଆଣ୍ଡାମାନେରି ଇଚିହିଁ, ଏଞ୍ଜାରି ଦାରତିତି କାମାତା ଜିକେଏ ସେବା କିହାଲି ରୀଣା ଆହାମାନେରି । ୨୮ ଜିରୁସାଲମତା ଏ ତାବୁୟାଁ ଲକୁକି ହାହାନା ନା କାମା ରାପୁହି ତାୟୁ, ନାନୁ ସ୍ତେନ୍ ଦେସାତା ହାନାଟି ଏ ଜିରୁଟିଏ ମିଙ୍ଗେ ବେଟି ଖାଲ୍ । ୨୯ ନାନୁ ପୁଞ୍ଜାମାଲ୍, କ୍ରୀସ୍ତ ତାଣ୍ଡାଟି ହାରେପୁରେ

ବର ବେଟାଆହାନା ନାନୁ ମୀ ତାଣ୍ଡା ଖାଲ୍ । ୩୦ ଜୀଞ୍ଜୁତି ତାୟି ତାଜି, ନାନୁ ମା ପ୍ରବୁ ଜୀସୁ କ୍ରୀସ୍ତ ଦରୁତଲେ ଇଞ୍ଜାଁ ସୁଦୁଜୀଞ୍ଜୁ ହାହାମାଞ୍ଜାନି ଜୀଞ୍ଜୁ ନନାଣି ତାକି ମିଙ୍ଗେ ବାତିମାଲିମାଞ୍ଜାଇ, ନାଙ୍ଗେ ତାକି ମାହାପୁରୁ ତାଣ୍ଡା ରଣ୍ଡିଏ ଅଣ୍ଡପୁ ତଲେ ପ୍ରାତାନା କିପୁ । ୩୧ ନାନୁ ଜୀହୁଦା ଦେସାତି ନାମାଆତି ଲକୁ ତାଣ୍ଡାଟି ଏନିକିହିଁ ଗେଲ୍ପି ଆଲ୍ ଇଞ୍ଜାଁ ଜିରୁସାଲମତା ନା ଏମିନି ସେବା କାମା, ଏଦାଆଁତାକି ପ୍ରାତାନା କିହେମାଞ୍ଜୁ । ୩୨ ମାହାପୁରୁ ଅଣ୍ଡପୁ ତଲେ, ନାନୁ ମୀ ତାଣ୍ଡା ହାରେକା ରାହାଁତଲେ ଖାଲ୍ ଇଞ୍ଜାଁ ମୀ ତଲେ ଏଚରଦିନା ପାତେକା ତ୍ତୟାନା ନା ହିୟାତା ରାହାଁ ବେଟାଆଲ୍ । ୩୩ ବାରେ ହିଡଡି ହିୟାନି ମାହାପୁରୁ ମୀ ତଲେ ମାଣ୍ଡେସି । ଆନେନ୍ ।



ପାଞ୍ଜୁଲତି ଜହରା

୧ କେକ୍ଜେୟା କୁଲମିତା ସେବା କାମା କିହିମାନି ମା ତାଜି ପୟିବିଲ୍ ମୀ ତାଣ୍ଡା ପାଣ୍ଡିମାଞ୍ଜାଇ, ୨ ପ୍ରବୁତି ଦରୁତଲେ ଏଦାନି ଆବାଦୁ, ମାହାପୁରୁ ଲକୁ ଲେହେଁ ଲେମ୍ବାଦୁ । ତାନି ଲଡାମାନି ଲେହେଁ ସାୟେମି କିପୁ । ଏଦି ନାଙ୍ଗେତାକି ଅଡେ ହାରେକା ଲକୁତି ସାୟେମି ତଡୁ । ୩ \*କ୍ରୀସ୍ତ ଜୀସୁତି ସେବା କାମାତା ନା ତଲେ କାମା କିହିମାନି ପ୍ରିସ୍ତିଲା ଇଞ୍ଜାଁ ଆକ୍ଞିଲାଲ୍ ନା ଜହରା ଖେହ୍ଦୁ । ୪ ଏ ଲକୁ ନା ତାକି ତାନି ଜୀଞ୍ଜୁତା କସ୍ତ ଆହାମାନେ । ଖାରିଇ ନାନୁ ଆଏ, ବାରେ ଜୀହୁଦିଆଆତି କୁଲମି ତାନି ତାଣ୍ଡା ଜହରା । ୫ ଏ ଲକୁତି ଇଜ ରୁଣ୍ଡା ଅହିମାନି କୁଲମିତି ଲକୁଣି ଜିକେଏ ନା ଜହରା ଖେସିମାଲ୍ । ନା ଜୀଞ୍ଜୁତି ତଡୁ ଏପାୟିନେତଲ୍ ନା ଜହରା ଖେହ୍ଦୁ । ଆସିୟା ଦେସାତି ଏଞ୍ଜାସି ରଅସି ମୁଲୁଏ କ୍ରୀସ୍ତଲ୍ ନାନିତାସି । ୬ ମୀ ନେହେଁତାକି

\* ୧୫:୨୨ ୧୫:୨୨ ରମି ୧:୧୩ ☆ ୧୫:୨୫ ୧୫:୨୫ ୧କର ୧୭:୧-୪ ☆ ୧୫:୨୭ ୧୫:୨୭ ୧କର ୯:୧୧ ☆ ୧୭:୩ ୧୭:୩ କାମା ୧୮:୨

ଜମାଆନା କାମା କିହିମାନି ମରିୟମଇଁ  
 ନା ଜହରା । ୭ ଆହୁନିକ ଇଞ୍ଜା ଜୁନିୟା  
 ନା ଜହରା । ଇ ରିଆରି ଜୀହୁଦିୟାଁ ନା  
 ତଲେ କାୟିଦି ଇଲୁତା ମାଚେରି । ନା  
 ନକେଏ କ୍ରୀସୁଇଁ ନାମା ମାଚେରି ଇଞ୍ଜା  
 ପାଣ୍ଡୁଞ୍ଜିଆଡ଼ି ସୀସୁ ତାଣାଟି ଏଝାରି ପୁଣ୍ଡି  
 ଆଡ଼ାରି ।

୮ ପ୍ରବୁ ତାଣା ନା ଜୀହୁତି ତଡ଼ୁ  
 ଆଦିଲ୍ଲୟାତଇଁ ଜହରା । ୯ କ୍ରୀସୁତି ସେବା  
 କାମାତା ନାଜେ ସାୟେମି କିହିମାଞ୍ଜାନି  
 ଉର୍ବାନ ଇଞ୍ଜା ଜୀହୁତି ତଡ଼ୁ ସ୍ତାକିୟଇଁ  
 ଜିକେଏ ନା ଜହରା । ୧୦ କ୍ରୀସୁତି ମାନି  
 ତଲେ କାମା କିନି ଆପେଲ୍ଲା ଇଞ୍ଜା  
 ଆରିସ୍ତୁଲ କୁଚମିତି ବାରେ ଜାଣାଇଁ  
 ନା ଜହରା ଖେହ୍ଦୁ । ୧୧ ନା କୁଡ଼ାତି  
 ହେରଦିୟନ ଇଞ୍ଜା ନାକିଏ କୁଚମିତି  
 କ୍ରୀସୁତି ତାୟିୟାଣି ଜିକେଏ ନା ଜହରା ।

୧୨ ପ୍ରବୁତି ସେବା କାମାତା ମାନି  
 ତ୍ରିପେନା ଇଞ୍ଜା ତ୍ରିପସାଇଁ ଇଞ୍ଜା ପ୍ରବୁ  
 ତାକି ହାରେକା କାମା କିହାମାନି ଜୀହୁତି  
 ପସିଏଇଁ ନା ଜହରା । ୧୩ \*ପ୍ରବୁ  
 ଆଚାମାନି ରୁପସ ଇଞ୍ଜା ନା ତାଲି  
 ଲେହେତି ତାନି ଇୟାନି ଜିକେଏ ନା  
 ଜହରା । ୧୪ ଅସୁକ୍ତିତ, ପ୍ଲେଗନ,  
 ହମିଏ, ପାତ୍ରବା, ହମିଏ ଇଞ୍ଜା  
 ଏଝାରିତଲେ ମାନି ବାରେ କ୍ରୀସୁଇଁ  
 ନାମିମାନି ତାୟି ତାଜିଇଁ ଜହରା ଖେହ୍ଦୁ  
 । ୧୫ ପିଲଲଗ ଇଞ୍ଜା ଜୁଲିୟା, ନିରୁସ୍  
 ଇଞ୍ଜା ତାନି ତାଜି ଅଡେ ଅଲୁମ୍ପା ଅଡେ  
 ଏଝାରିତଲେ ମାନି ବାରେ ମାହାପୁରୁ  
 ଲକୁଣି ନା ଜହରା ଖେହ୍ଦୁ ।

୧୬ ସୁଦୁ ହିୟାଁ ତଲେ ନଶ୍ଚି ଆହାନା  
 ଜହରା ଖେହ୍ଦୁ । କ୍ରୀସୁତି ବାରେ  
 କୁଲମିକା ମିଜେ ଜହରା କିହିମାଞ୍ଜାନୁ  
 ।

ପାଞ୍ଜୁଲତି ରାନି ବେଲ୍ଲାତି ବଲୁ

୧୭ ତାୟି ତାଜିସ୍ତାଚେରି, ମୀରୁ  
 ଆମିନି କାତା ଜାପାମାଞ୍ଜେରି, ଏ  
 କାତାତି ପିସାନା ଗତି ଗତି କିନାସ୍ତି  
 ଅଡେ ଲାଗେଏ କିୟାନେସି ଏଝାରାଇଁ

ପୁଞ୍ଜା ତୁୟାଦୁ, ଏଝାରି ତାଣାଟି ଏଚକା  
 ଆୟାଲି ନାନୁ ବାତିମାଲିମାଞ୍ଜାଇଁ ।  
 ୧୮ ଇତିହୁଁ ଇଲେତି ଲକୁ ମା ପ୍ରବୁ  
 କ୍ରୀସୁତି ହଲିୟାଙ୍ଗା ଆଏ, ସାମା ତାନି  
 ବାଣ୍ଡିତି ହଲିୟାଙ୍ଗା ଆହାମାନେରି,  
 ଅଡେ ସୁଝାଲା ହାଡ଼ାତଲେ ଲକୁ ମନତି  
 ନାଡ଼ି କିନେରି । ୧୯ ନେହୁଁ ବଲୁ  
 ତାକି ମୀ ତୀରୁପୁ କାମା ବାରେ ଲକୁ  
 ଖେଞ୍ଜାମାନେରି, ଇଦାଆଁତାକି ନାନୁ  
 ହାରେକା ରାହାଁ । ନାନୁ ଅଣ୍ଡପିମାଇଁ,  
 ମୀରୁ ସାତା କାତାତା ବୁଦି ଗାଗାତେରି  
 ଆଦୁ ଇଞ୍ଜା ଉଜେଏତି କାତାତା  
 ଆଣ୍ଡାଆଦୁ । ୨୦ ଆତିହୁଁ ହିଡ଼ି  
 ହିୟାନି ମାହାପୁରୁ ତବେ ସୟତାନଇଁ ମୀ  
 କଡ଼ାଁ ତଇ କିନେସି । ମା ପ୍ରବୁ ଜୀସୁତି  
 କାର୍ମାମେହ୍ନାୟି ମୀ ତଲେ ମାଣ୍ଡେ ।

୨୧ \*ନା ତଲେ କାମା କିହିମାନି ତିମତି  
 ଇଞ୍ଜା ମା ଜୀହୁଦି ତାୟିୟାଁ ଲୁକିୟ,  
 ଜାସନ ଇଞ୍ଜା ସସିପାତ୍ର ମିଜେ ଜହରା  
 କିହିମାଞ୍ଜାନେରି ।

୨୨ ଇ ଆକୁ ରାଚାମାନି ତତୟ,  
 ପ୍ରବୁତି ଦରୁତଲେ ମିଜେ ଜହରା  
 କିହିମାଞ୍ଜାଇଁ ।

୨୩ \*ନାଜେ ଅଡେ କୁଲମିତି  
 ସେବା କିନି ଗାୟସ ମିଜେ ଜହରା  
 କିହିମାଞ୍ଜାନେସି, ଅଡେ ଇ ଗାଡ଼ାତି  
 ଗୁମୁସ୍ତା ଏରାସ୍ତ ଇଞ୍ଜା ତାୟି କ୍ଝାଡ଼ି  
 ଜିକେଏ ମିଜେ ଜହରା କିହିମାଞ୍ଜାନେରି  
 ।

୨୪ ପ୍ରବୁ ଜୀସୁତି କାର୍ମାମେହ୍ନାୟି ମୀ  
 ବାରେ ଜାଣାକି ଆପେ ।

ପ୍ରାତାନା ଇଞ୍ଜା ଜହରା ତଲେ ଆକୁ  
 ରାପୁନାୟି

୨୫ ଝାଦୁ, ମୀରୁ ମାହାପୁରୁତି ଗାଞ୍ଜେମି  
 କିନ । ନାନୁ ଝେକହାମାନି ଜୀସୁ କ୍ରୀସୁତି  
 ନେହୁଁ ବଲୁ ଇଞ୍ଜା ତଲି କାଲ୍ଲାଟିଏ  
 ତୁଗ୍ଗାମାନି ସାତା ଲେହେଁ ମୀ ନାନୁ  
 ତୀରିକିହାଁ ଇଟାଲି ମାହାପୁରୁ ଆଡ଼ିନେସି  
 । ୨୬ ଏ ତୁଗ୍ଗାମାନି ସାତା ମାହାପୁରୁ  
 ଅଣ୍ଡପୁତି ବଲୁ ଝେହ୍ନାରି ସାସ୍ତେରିତା

\* ୧୭:୧୩ ୧୭:୧୩ ମାର୍କ ୧୫:୨୧ \* ୧୭:୨୧ ୧୭:୨୧ କାମା ୧୭:୧ \* ୧୭:୨୩ ୧୭:୨୩ କାମା ୧୯:୨୯;  
 ୧କର ୧:୧୪; ୨ତିମ ୪:୨୦

ରାସ୍‌କି ଆହ୍‌ମାନେ ଅଡ଼େ ଏହି ନୀର୍ଦ୍ଦେଶ  
 କାଲ୍‌କାଲ୍‌ତି ପ୍ରଭୁ ମାହାପୁରୁ ତାଣ୍ଡାଟି  
 ବାରେ କୃତ୍ତା ବିତ୍ତା ଝେପ୍‌କି ଆହ୍‌ମାନେ  
 । ଇଦାଆଁ ତଲେ ବାରେଜାଣା ନାମାନା  
 ମାହାପୁରୁଇଁ ମାନ୍ତି କିହାଲି ଆଡ଼ିନେରି ।

୨୭ ବାରେ କାତା ପୁନି ମାହାପୁରୁ ପ୍ରଭୁ  
 ଜୀସୁ ତାଣ୍ଡା କାଲ୍‌କାଲ୍‌ ତାକି ଗାଝୁରମି  
 ବେଟାଆଡ଼ପସି । ଆଡ଼ମନ୍ ।

**କରନ୍ତି ମଣ୍ଡଳୀ ନିମନ୍ତେ  
ପାଉଲଙ୍କ ଲିଖିତ ପ୍ରଥମ  
ପତ୍ର  
କରନ୍ତି କୁଲମିତାକି  
ପାଞ୍ଚଲ ରାଡ଼ାମାନି ର.  
ଲମ୍ବର ଆକୁ  
ମୂକୁ ହାଡ଼ା**

କରନ୍ତି କୁଲମିତି ର. ଲମ୍ବର ଆକୁ ପାଣ୍ଡୁଆହାମାନି ପାଞ୍ଚଲ ତାଣ୍ଡାଟି ଜୀସୁ କ୍ରୀସ୍ତତି ଜାନୀତି ୫୫ ବାର୍ଷା ଜେତ ରାସ୍ତକି ଆହାମାତେ ୧:୧ । ପାଞ୍ଚଲ ତାଣ୍ଡାଟି ରାସ୍ତକି ଆହାମାନି ଜଡ଼େକା ଆକା ବିଭ୍ରାଟି ଇଦି ଆହିମାନେ ର ଲମ୍ବର ଆକୁ । ଏଝାସି ଏପିସିୟତା ମାଟିବେଲାତା ଇ ଆକୁ ରାଡ଼ା ମାଣ୍ଡିତେସି ୧୨:୫-୯ । ମାକିଦନିୟାଟି କରନ୍ତିତା ହାଜାଲି ମନ କନି ନକେଏ ଇ ଆକୁ ରାଡ଼ାମାତେସି ।

ପାଞ୍ଚଲ ଇ ଆକୁତା କୁଲମି ଗତି ଗତି ଆନାୟି ଲାଗେଏତି କାମାତି ଜୁପକା ତଲେ ହାରେକା ପାପୁ କାମା ଆହିମାନାଣି କୁଲମିତି ଲକୁ ତାଣ୍ଡାଟି ଖେଞ୍ଜାନା ଖେଣ୍ଡେ ଖେସାଲି ମନ ହାହିମାନେସି । କରନ୍ତି ଗାଡ଼ା ଲାଗେଏ ପଲେଏ ପାପୁ କାମାୟାଁ କିହିମାନାୟି ଖେଞ୍ଜାମାତେ । ଇଞ୍ଜା ଗାଡ଼ାତା ମାଟି କୁଲମି ହାରେକା କାଞ୍ଜାଲା ଆହିମାତେରି । ଏଦାଆଁ ଅଣ୍ପାଦାନା ଏଝାରାକି ତନା ଉନାଣି, ବାହା ଆନାଣି ଅଡ଼େ କିନାଣି, ହାକି ଅଡ଼େ ଖେଣ୍ଡେ ନିଞ୍ଜିନାଣି, ସାତା ଜୀଞ୍ଜୁନନାୟି ଏନାୟି ଇ ବାରେ କାତା ଆକୁତା ରାଡ଼ାନା ତସାମାନେସି ୧୩ ।

**ପତିତା ମାନାୟି**

- ୧. ଜହରା କିହାନା ପୁଣ୍ଡିକିନାୟି । ୧:୧-୯
- ୨. କୁଲମିକା ଗତି ଆନି କାତା ଜାପୁନାୟି । ୧:୧୦-୪:୨୧
- ୩. ଲାଗେଏତି ପାପୁ କାମା ଅଡ଼େ ଦାଞ୍ଜକିନି କାତା । ୫:୧-୨:୨୦

- ୪. ବାହା, ପେଣକା ବମାୟାଁତି ବଗୁ, ଜାରୁ ଆହାନା ପ୍ରାଡ଼ାନା, ସୁଦୁଜୀଞ୍ଜୁତି ଦାନା, ଇଞ୍ଜା ଖେଣ୍ଡେ ନିଞ୍ଜିନି କାତା । ୭:୧-୧୫:୫୮
- ୫. ଲେମ୍ବିନି କାତା, ଜାହାରା ଅଣ୍ପାପୁ ଇଞ୍ଜା ରାପୁନାୟି । ୧୭

୧ ନାନୁ ପାଞ୍ଚଲ, ମାହାପୁରୁତି ମନତଲେ କ୍ରୀସ୍ତ ଜୀସୁ ତାଣ୍ଡାଟି ଆଡ଼ାନା ପାଣ୍ଡୁ ଆହାମାନାତେଏଁ, ଅଡ଼େ ମା ତାୟି ସସିନା ତଲେ, ୨ \*କରନ୍ତି ଗାଡ଼ାତା ମାନି ମାହାପୁରୁ କୁଲମିତାକି ଇ ଆକୁ ରାଡ଼ିମାନେରି; ଆମିନି ବାରେଜାଣା ଏଝାରିତାଣା, ପ୍ରବୁ ଜୀସୁ କ୍ରୀସ୍ତ ଦରୁତଲେ ପ୍ରାଡ଼ାନା କିହିମାନେରି, ଏଝାରିତଲେ କ୍ରୀସ୍ତ ଜୀସୁ ତାଣ୍ଡା ସୁଦୁ ଆହାନା ହାଟ୍‌କି ଆହାମାନି ମାହାପୁରୁ ଲକୁତେରି ମୀରୁ ।

୩ ମିଞ୍ଜେତାକି ମା ଆଡ଼ା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହନାୟି ଅଡ଼େ ହିଡ଼ଡ଼ି ଆଡ଼େ ।

**କ୍ରୀସ୍ତ ତାଣ୍ଡାଟି ବର**

୪ କ୍ରୀସ୍ତ ଜୀସୁ ତାଣ୍ଡାଟି ମିଞ୍ଜେ ହାହାମାଞ୍ଜାନି ମାହାପୁରୁତି ଆମିନି କାର୍ମାମେହନାୟି, ଏଦାଆଁତାକି ନାନୁ କାଲେଏ ମିଞ୍ଜେତାକି ମାହାପୁରୁଇ ଜହରା କିହିମାୟି, ୫ ଏନାଆଁତାକି ଇତିହ~ ଏଝାଣି ତାଣ୍ଡା ବାରେ କାତାତା, ହାରେକା କିହାଁ ବାରେଲେହେଁତି ଜାପୁନି ତାଣ୍ଡା ଅଡ଼େ ବାରେଲେହେଁତି ବୁଦିତା ମୀରୁ ଗାତି ବାଡ଼କା ମାଞ୍ଜେରି; ୬ ଇଲେଆହ~ କ୍ରୀସ୍ତତି ସାକି ମୀ ତାଣ୍ଡା ତୀରି ଆହାମାନେ । ୭ ଇଦାଆଁତାକି ମୀରୁ ମା ପ୍ରବୁ ଜୀସୁ କ୍ରୀସ୍ତତି ତଞ୍ଜା ଆହାଲିତାକି କାପୁ କାଡ଼ାନା ଏନି କାର୍ମାତି ଦାନାତା ଉଣା ଆହାହିଲଅତେରି; ୮ ମା ପ୍ରବୁ ଜୀସୁ କ୍ରୀସ୍ତତି ଦିନାତା ଏନିକ~ ମୀରୁ ଦହ ହିଲ୍ଲାଆଗାଟାତେରି ଆଡ଼େରି, ଇଦାଆଁତାକି ଏଝାସି ମିଞ୍ଜେ ରାନି ଦିନା ପାତେକା ତୀରିକିହା ଇଟାନେସି । ୯ ମାହାପୁରୁ ନାମୁଗାଟାସି, ଆମ୍ବାଆରି

\* ୧:୨ ୧:୨ କାମା ୧୮:୧

ତାଣାଟି ମୀରୁ ତାନି ମୀରୁଏସି ଜୀସୁ କ୍ରୀସ୍ତ, ମା. ପ୍ରବୁ ତାଣା ଆଣ୍ଡିନାଣାକି ହାଟ୍‌କି ଆହାମାଞ୍ଜେରି ।

ନାନିତି କୁଲମି ବିତ୍ରା ଗତି ଆନାୟି

୧୦ ଏ ତାୟିୟା ଅଡେ ତାଜିସ୍ତାତେରି, ମା. ପ୍ରବୁ ଜୀସୁ କ୍ରୀସ୍ତ ଦରୁତଲେ ନାନୁ ମିଙ୍ଗେ ବାତିମାଲିମାଞ୍ଜାଇ, ଏନିକ ମୀରୁ ବାରେଜାଣା ତେରି ରଣ୍ଡିଏ କାତା ଜଲିଦେରି, ଅଡେ ମୀ ବିତ୍ରା ଗତି ଆଅତେରି, ସାମା ମୀରୁ ରଣ୍ଡିଏ ମନ ରଣ୍ଡିଏ ଅଣ୍ଡୁ ତଲେ କାଲୁଝି ଆଦୁ । ୧୧ ଇତିହ, ଏ ନା. ତାୟିୟା ଅଡେ ତାଜିସ୍ତାତେରି, କ୍ଲୟିତି କୁଟମିଟି ମୀ କାତା ନା ତାଣା ଇଦି ତଞ୍ଜା ଆହାମାନେ, ମୀ ବିତ୍ରା ଗଡ଼ହା ମାନେ । ୧୨ \*ନାନୁ ଝେସ୍ତାନି କାତା ଇଦି, ମୀ ବିତ୍ରାଟି ଆମ୍ବା ଆମ୍ବାଆରି ଏଲେଇନେରି, ନାନୁ ପାଝୁଲ ଝାକି ତାତେଏ, ଇଞ୍ଜା ଆମ୍ବାଆରି ନାନୁ ଆପଲ ଝାକି ତାତେଏ, ନାନୁ କେପା ଝାକି ତାତେଏ ଅଡେ ଏତରଜାଣା ନାନୁ କ୍ରୀସ୍ତ ଝାକି ତାତେଏ ଇଞ୍ଜା ମାନେରି । ୧୩ କ୍ରୀସ୍ତ ବାଗା ଆହାମାନେସି କି ? ମିଙ୍ଗେତାକି ପାଝୁଲ କି ପାସି ମୁଣ୍ଡାତା ହାହାମାନେସି ? ଆଆତ ମୀରୁ କି ପାଝୁଲ ଦରୁତଲେ ବାପ୍ତିସ୍ମ\* ଅହାମାଞ୍ଜେରି ?

୧୪ \*ଇଦାଆଁତାକି କ୍ରିସ୍ତ ଅଡେ ଗାୟ ପିସ୍‌ପେ ମୀ ବିତ୍ରା ଆମ୍ବାଆରାଇଁ ଜିକେଏ ବାପ୍ତିସ୍ମ† ହାହାହିଲଅଁ ଇଞ୍ଜା ନାନୁ ମାହାପୁରୁଇଁ ଜହରା କିହିମାଇଁ, ୧୫ ଏଡେତା ମୀରୁ ନୀ ଦରୁତଲେ ବାପ୍ତିସ୍ମ‡ ଅହାମାଇଁ ଇଞ୍ଜା ଆମ୍ବାଆରି ଏଲେଇଞ୍ଜଅରି । ୧୬ \*ଅଡେ ସ୍ତ୍ରୀପାନତି କୁଟମିଇଁ ଜିକେଏ ବାପ୍ତିସ୍ମ§ ହାହାମାଇଁ; ଇଝାରି ପିସ୍‌ପେ ନାନୁ ଅଡେ ଆମ୍ବାଆରାଇଁ ବାପ୍ତିସ୍ମ\* ହାହାମାଇଁ ଇଞ୍ଜା ନା. ଅଣ୍ଡୁପୁତା ହିଲେଏ । ୧୭ ଇତିହ

କ୍ରୀସ୍ତ ନାଙ୍ଗେ ବାପ୍ତିସ୍ମ† ହାହାହିଲତାକି ପାଣ୍ଡାମାଞ୍ଜଅସି, ସାମା ନେହ କାବୁ ଝେସାଲି ପାଣ୍ଡାମାଞ୍ଜାନେସି; ଏଡି ଜିକେଏ ବଲୁତି ରାହାଁ କିନି ତାଣା ଆଏ, ଏଡେତା ପାଗେ କ୍ରୀସ୍ତତି ପାସିମୁଣ୍ଡା ଉଜେଏ ଆନେ ।

କ୍ରୀସ୍ତ ମାହାପୁରୁତି ବାଡ଼ୁୟୁ ଅଡେ ବୁଦି

୧୮ ଇତିହ ନାସା ଆହିମାନି ଲକୁତାକି ପାସି ମୁଣ୍ଡାତି କାତା ଉଜେଏତାୟି, ସାମା ଗେଲପି ଆହିମାନି ମା. ବାରେଜାଣା ତାକି ଏଡି ମାହାପୁରୁତି ବାଡ଼ୁୟୁ । ୧୯ ଇଦାଆଁତାକି ରାସ୍‌କି ଆହାମାନେ,

“ନାନୁ ବୁଦିଗାଟାରି ବୁଦି ନାସଝି କିଇଁ, ଅଡେ ବୁଦିଗାଟାରି ବୁଦି ଅପଅଁ ।”

୨୦ ବୁଦିଗାଟାରି ଆମ୍ବିୟା ? ମେରା ଜାପ୍‌ନାରି ଆମ୍ବିୟା ? ଇ ଜୁଗୁତି କାତା କାଟଝିକିହାଁ ଝେହ୍‌ନାରି ଆମ୍ବିୟା ? ମାହାପୁରୁ କି ଦାରୁତି ବୁଦିଇଁ ଉଜେଏତାୟି ଇଞ୍ଜା ଝେସାହିଲଅସି ?

୨୧ ଇତିହ ମାହାପୁରୁତି ବୁଦି ତଞ୍ଜାଆହାମାଟି ଜିକେଏ ଦାରୁତି ଜାହାରା ବୁଦିତଲେ ମାହାପୁରୁଇଁ ପୁନାଆତାକି ମାମ୍ବୁ ଝେକହାମାନି କାତା ଉଜେଏତାୟି, ଆଡିଜିକେଏ ନାମୁ ଗାଟାରାଇଁ ଗେଲପାଲିତାକି ମାହାପୁରୁ ଅଣ୍ଡପିତେସି । ୨୨ ଇତିହ ଜୀହୁଦିଙ୍ଗା ସିନା ପାରିନେରି, ସାମା ଗ୍ରିକ୍ ଲକୁ ବୁଦିତି ପାରିନେରି । ୨୩ ସାମା ମାମ୍ବୁ ପାସି ମୁଣ୍ଡାତା ହାଡି କ୍ରୀସ୍ତତି କାତା ଝେକହି ମାନମି, ଏଝାସି ଜୀହୁଦି ଲକୁତାକି ସାତୁ ଲେହେତାସି ଅଡେ ଜୀହୁଦିଆଆତି ଲକୁତାକି ବୁଦି ହିଲାଆଲେହେଁ । ୨୪ ସାମା ଜୀହୁଦି ଆପାରି କି ଜୀହୁଦିଆଆତାରି ଆପାରି, ଆମ୍ବାଆରି ହାଟ୍‌କି ଆଡାରି, ଏଝାରାକି କ୍ରୀସ୍ତ ମାହାପୁରୁତି ବାଡ଼ୁୟୁ ଅଡେ ମାହାପୁରୁତି ବୁଦି ଲେହେଁ । ୨୫ ଇତିହ

\* ୧:୧୨ ୧:୧୨ କାମା ୧୮:୨୪ \* ୧:୧୩ ୧:୧୩ମୁଞ୍ଜିନାୟି ☆ ୧:୧୪ ୧:୧୪ କାମା ୧୮:୮; କାମା ୧୯:୨୯; ରମି ୧୬:୨୩ † ୧:୧୪ ୧:୧୪ମୁଞ୍ଜିନାୟି ‡ ୧:୧୫ ୧:୧୫ମୁଞ୍ଜିନାୟି ☆ ୧:୧୬ ୧:୧୬ ୧କର ୧୭:୧୫ § ୧:୧୭ ୧:୧୭ମୁଞ୍ଜିନାୟି \* ୧:୧୭ ୧:୧୭ମୁଞ୍ଜିନାୟି † ୧:୧୭ ୧:୧୭ମୁଞ୍ଜିନାୟି



ମାହାପୁରୁତି ବୁଦି ହିଲାଆଗାଗାୟି ମାଣସିୟାତି ବୁଦି କିହାଁ ହାରେକା ବୁଦି, ଅଡ଼େ ମାହାପୁରୁତି ଆଡ଼ାଆ ଗାଗାୟି ମାଣସିୟାତି ବାଡ଼ୁୟୁ କିହାଁ ହାରେକା ବାଡ଼ୁୟୁ ଗାଗାୟି ।

୨୭ ଏ ତାୟିୟାଁ ଅଡ଼େ ତାଜିସ୍ତା ମିଙ୍ଗେ ହାଟାମାନି କାତା ଅଣପାଦୁ, ଦାରତିତି ଲକୁତି ଅଣପୁ ଲେହେଁ ହାରେକା ବୁଦିଗାଗାରି, ହାରେକା ବାଡ଼ୁୟୁ ଗାଗାରି, କି କାଜା କୁଡ଼ା ଗାଗାରି ହାଟୁକି ଆହାହିଲଅରି; ୨୮ ଏଦାଆଁତାକି ମାହାପୁରୁ ବୁଦି ଗାଗାଗାୟି ଲାଜା କିହାଲିତାକି ଦାରତିତି ବୁଦି ହିଲାଆଗାଗାଣି ଆଡ଼ିତେସି, ଅଡ଼େ ବାଡ଼ୁୟୁ ଗାଗାଣି ଲାଜା କିହାଲିତାକି ମାହାପୁରୁ ଦାରତିତି ବାଡ଼ୁୟୁ ହିଲାଆଗାଗାଗାୟି ଆଡ଼ିତେସି । ୨୯ ଅଡ଼େ ଏନାୟି ଦାରତି ନକିତା ମାନି ଗାଗାୟି, ଏ ବାରେ ଉଜେଏ କିହାଲି, ମାହାପୁରୁ ଦାରତିତି ହାଣି, ଇଞ୍ଜା ଅପାଆଗାଗାଣି, ହାଅ, ମାନି ହିଲାଆଗାଗାଣି ଆଡ଼ିତେସି । ୩୦ ଅଡ଼େ ଏନାୟି ଦାରତି ନକିତା ମାନି ଗାଗାୟି, ଏ ବାରେତି ଉଜେଏ କିହାଲିତାକି ମାହାପୁରୁ ଦାରତିତି ଉଣା ଅଡ଼େ ଅପାଆଗାଗାଣି ହାଅ ଉଜେଏତାଣି ଆଡ଼ିତେସି । ୩୧ ସାମା ଏଝାଣି ତାକି ମୀରୁ କ୍ରୀସ କ୍ରୀସ ତାଣା ମାଞ୍ଜେରି, ଏଝାସି ମାହାପୁରୁ ତାଣାଟି ମାଞ୍ଜେତାକି ବୁଦି, ଇଚିହଁ ଦାମ୍ବୁଗାଗାସି, ସୁଦୁଗାଗାସି ଅଡ଼େ ଗେଲ୍ପିନି ଲେହେଁ ଆହାମାନେସି । ୩୨ ଇଦାଆଁତାକି, ଦାମ୍ବୁପତିତା ରାସ୍ତକି ଆହାମାନେ, “ଆମ୍ବାଆସି ବଡପଣ ଆନେସି, ଏଝାସି ମାହାପୁରୁ ତାଣା ବଡପଣ ଆପାସି ।”

୨

ପାସି ମୁଣ୍ଡାତା କ୍ରୀସ ହାଡ଼ି କାରୁ

୧ ଏଦାଆଁତାକି ଏ ତାୟିୟାଁ ଅଡ଼େ ତାଜିସ୍ତାତେରି, ଏଡ଼େତା ନାନୁ ମୀ ତାଣା ହାଜାମାଚେଏଁ, ଏଚିବେଲା

ମାହାପୁରୁତି ଡଗୁମାନି ସାତା କାତାତି ଗାଡ଼ି ବୁଦି ଗାଟାରିଲେହେଁ ମୀ ତାଣା ଝେକହାମାଚେଏଁ ଏଲେକ୍ ଆଏ । ୨ ଇଚିହଁ କ୍ରୀସ କ୍ରୀସ, ଇଚିହଁ ପାସି ମୁଣ୍ଡାତା ହାଡ଼ି କ୍ରୀସ କ୍ରୀସ ପିସପେ ମୀ ତାଣା ଅଡ଼େ ଏନାଆଁ ଜିକେଏ ପୁଞ୍ଜାଲି ଅଣପାଆଚେଏଁ । ୩ ଅଡ଼େ, ନାନୁ ବାଡ଼ୁୟୁ ହିଲାଆନା, ଆଜି ଅଡ଼େ ତୀରଗି ତୀରଗିହଁ ମୀ ତାଣା ମାଚେଏଁ; ୪ ଇଦାଆଁତାକି ନା ଜାପୁନାୟି ଅଡ଼େ ଝେକନାୟି ମାଣସି ବୁଦିତି ନେହଁ ହାଡ଼ାଲେହେଁ ଆଆନା ମାହାପୁରୁତି ସୁଦୁକ୍ରୀସୁତି ବାଡ଼ୁୟୁ ତସ୍ପି ଆହାମାନେ । ୫ ମୀ ନାମ୍ବୁ ଏନିକ୍ ମାଣସିୟାତି ବୁଦିତା ତାରି ଆଆନା ମାହାପୁରୁତି ବାଡ଼ୁୟୁତା ତାରି ଆନେ ।

ମାହାପୁରୁତି ବୁଦି

୬ ଆଡ଼ିଜିକେଏ ମାମ୍ବୁ ସୁଦୁକ୍ରୀସୁତା ପାତାଆନି ବୁଦିଗାଟି ଲକୁତାଣା ବୁଦିତିକାତା ଝେହନମି, ସାମା ଏଦି ଇ ଜୁଗୁତି ବୁଦି ଆଏ, ଅଡ଼େ ଇ ଜୁଗୁତି ଗାଡ଼େକା ତାକି ନାସା ଆନି ସାଲଝି କିନାରି ବାଡ଼ୁୟୁତି ହାଟୁଝି କିନାରି ବୁଦି ଆଏ । ୭ ସାମା ନାନୁ ଡଗୁମାନି ଲେହେଁତି ମାହାପୁରୁତି ବୁଦିତିକାତା ଝେସିମାଇଁ; ଏ ଡଗୁମାନି ମାହାପୁରୁ ବୁଦି ମା ଗାଝୁରମି ତାକି ଦାରତିତି ଗାଡ଼ି ଆଆ ନକେଏ ଆଟାନା ଇଟକି ଆହାମାଚେ । ୮ ଇ ଜୁଗୁତି ସାଲଝି କିନାରି ଜିକେଏ ଆମ୍ବାଆରି ଏଦାଆଁ ପୁଞ୍ଜାହିଲଅରି, ଏନାଆଁତାକି ଇଚିହଁ ଏଝାରି ଏଦାଆଁ ପୁଞ୍ଜାମାଚିହଁ ମା ଗାଝୁରମିଗାଟି ପ୍ରବୁଇଁ କୁସତା ପାୟାଆତେରିମା । ୯ ସାମା ଏନିକିହଁ ଦାମ୍ବୁପତିତା ରାସ୍ତକି ଆହାମାନେ,

“କାନୁ ଏନିନାଣି ମେସା ହିଲେଏ, କିୟଁ ଏନିନାଣି ଝେଞ୍ଜା ହିଲେଏ, ଅଡ଼େ ମାଣସିୟାଁ ହିୟାତା ଏନିନାଣି ଅଣପା ହିଲଅରି,

☆ ୨:୩ ୨:୩ କାମା ୧୮:୯

ଏ ବାରେତି ମାହାପୁରୁ ତାଙ୍ଗେ ଜୀଝୁ ନନାରାକି କିହାମାନେସି ।”

୧୦ ସାମା ମାହାପୁରୁ ମାଙ୍ଗେତାକି ସୁଦୁଜୀଝୁ ତଲେ ବାରେ ତସାମାଞ୍ଜାନେସି; ଏନିକ୍ ଏ ସୁଦୁଜୀଝୁ ବାରେ କାତା, ହାଅ, ମାହାପୁରୁତି ତ୍ତୁମାନି କାତା ଜିକେଏ ପାରିନେସି । ୧୧ ମାଣସିତି କାତା ବାରେ ମାଣସି ତାଣା ମାନି ଜୀଝୁ ପିସପେ ଅଡେ ଆମ୍ବାଆସି ପୁନେସି ? ଏଲେକିହ ଏ ମାହାପୁରୁ କାତା ବାରେ ମାହାପୁରୁ ଜୀଝୁ ପିସପେ ଆମ୍ବାଆସି ପୁନଅସି । ୧୨ ଏନିକ୍ ମାହାପୁରୁ ତାଣାଟି ମାଙ୍ଗେ କାର୍ମାମେହନି ତାଣାଟି ହୀପକି ଆହାମାନି କାତା ବାରେ ମାର ପୁଞ୍ଜାଲି ଆଡିନାୟି, ଏଦାଆଁତାକି ମାର ଦାରତିତି ଜୀଝୁ ପୁଞ୍ଜାଆନା ମାହାପୁରୁତି ଜୀଝୁ ବେଟା ଆହାମାନାୟି ।

୧୩ ଏ ବାରେ କାତା ଜିକେଏ ମାର ମାଣସିତି ବୁଦିଟି ଜାପାମାନି ବଲୁ ତଲେ ଝେସିହିଲାଆୟି, ସାମା ସୁଦୁଜୀଝୁତି କାତା ବାରେ ସୁଦୁଜୀଝୁତି କାତାତଲେ ତେଲ୍‌ହି କିହାନା ସୁଦୁଜୀଝୁ ତଲେ ଜାପାମାନି ବଲୁ ତଲେ ଝେସିମାନାୟି । ୧୪ ସାମା ଦାରତିତି ମାଣସି ମାହାପୁରୁତି ସୁଦୁଜୀଝୁତି କାତା ବାରେ ଅପଅସି, ଏନାଆଁତାକି ଇତିହ ଏ ବାରେ ତାନି ନକିତା ଉଜେଏତାୟି, ଅଡେ ଏଞ୍ଜାସି ଏ ବାରେତି ତେଲ୍‌ହାଲି ଆଡଅସି, ଇତିହ ଏ ବାରେ ସୁଦୁଜୀଝୁ ତଲେ ନୀହାୟି କିଞ୍ଜିଆନେ । ୧୫ ସାମା ଆମ୍ବାଆରାକି ସୁଦୁଜୀଝୁ ମାନେ, ଏଞ୍ଜାସି ବାରେ କାତା ନେହ ଏ ଅଣ୍ପିନେସି, ଆଡିଜିକେଏ ଆମ୍ବାଆସି ଏଞ୍ଜାଣାଇଁ ଅଣ୍ପଅସି । ୧୬ ଏନାଆଁତାକି ଇତିହ,

“ଆମ୍ବାଆସି ମାହାପୁରୁତି ଅଣ୍ପୁ ପୁଞ୍ଜାମାନେସି, ଇଞ୍ଜା ଏଞ୍ଜାସି ଏଞ୍ଜାଣାଇଁ ଜାପହାଲି ଆଡିନେସି ?”

ସାମା ମାମ୍ବୁ କ୍ରୀସ୍ତତି ମନ ବେଟା ଆହାମାନମି ।

# ୩

## କୁଲମିତା ଗଡ଼ହା

୧୧ ନା ତାୟିୟା ଅଡେ ତାଙ୍ଗିସ୍ତାତେରି ନାନୁ ସୁଦୁଜୀଝୁ ବେଟାଆହାମାନି ଲକୁଣି ଝେହ୍‌ନିଲେହେଁ ମିଙ୍ଗେ ଝେସାଲି ଆଡାଆତେଏଁ, ସାମା ଆଙ୍ଗା ତଲେ ମାନି ଲକୁ ଅଡେ କ୍ରୀସ୍ତ ତାଣା ନାମୁତି କକାରି ପଦାଣି ଝେହ୍‌ନିଲେହେଁ ମିଙ୍ଗେ ଝେସ୍ତାତେଏଁ । ୨ \*ନାନୁ ମିଙ୍ଗେ ପାଲୁ ଉଡ଼ହାନା ଆଡ଼ଞ୍ଜା ରାନ୍ଦା ହିୟାଆତେଏଁ, ଏନାଆଁତାକି ଇତିହ ଏଲେତି ରାନ୍ଦା ତିଞ୍ଜାଲି ଆଡିହିଲାଆତେରି, ଅଡେ ନୀଏଁ ଜିକେଏ ଆଡଅତେରି, ୩ ନୀଏଁ ପାତେକା ମୀରୁ ଦାରତିତି ନାମାଆତି ଲକୁ ମାଣ୍ଡକି ତଲେ ମାଞ୍ଜେରି, ଏନାଆଁତାକି ଇତିହ ମୀ ବିତ୍ରା ତାହାରା ଅଡେ ଗଡ଼ହା କିନାୟିମାନେ, ଏଦାଆଁତାକି ମୀରୁ ଦାରତିତି ନାମାଆତି ଲକୁତେରି ଆଏକି ଇଞ୍ଜା ମାଣସି ନୀତିନି ଲେହେଁ ନୀତି ହିଲଅତେରି ? ୪ \*ଏଡେତା ରଅସି ଏଲେଇନେସି, “ନାନୁ ପାଞ୍ଜୁଲ ତାଣା ତାତେଏଁ” ଅଡେ ରଅସି ଏଲେଇନେସି “ନାନୁ ଆପଲ ତାଣା ତାତେଏଁ” ଏଚେଟିଏ ମୀରୁ ଦାରତିତି ନାମାଆତି ଲକୁତେରି ଆଏକି ?

\* ଆପଲ ଆମ୍ବାଆସି ? ପାଞ୍ଜୁଲ ଆମ୍ବାଆସି ? ଏଞ୍ଜାରି ଞ୍ଜାରୁଇ ସେବା କିନାରି, ଆମ୍ବାଆରି ତାଣାଟି ବାରେତାକି ପ୍ରବୁ ଏନିକ୍ ହୀହାମାନେସି ଏଲେକ୍ ମୀରୁ ନାମାମାଞ୍ଜେରି । ୬ \*ନାନୁ ଉହାମାଇଁ, ଆପଲ ଏମ୍ବୁ ହୀହାମାନେସି, ସାମା ମାହାପୁରୁ ପାତି କିହାମାନେସି । ୭ ଇତିହ ଆମ୍ବାଆସି ଉହିନେସି ଇଞ୍ଜା ଆମ୍ବାଆସି ଏମ୍ବୁ ହୀନେସି ଏଞ୍ଜାସି ଏନାସି ଆଏ, ସାମା ଆମ୍ବାଆସି ପାତି କିନି ମାହାପୁରୁ ଏଞ୍ଜାସି କାଜାସି । ୮ ଆମ୍ବାଆସି ଉହିନେସି ଅଡେ ଆମ୍ବାଆସି ଏମ୍ବୁ ହୀନେସି ଏଞ୍ଜାରି ରିଆରି ରଲେଏତାରି, ସାମା ବାରେଜାଣା ତାନି କସ୍ତି ଲେକାତଲେ

\* ୩:୨ ୩:୨ ଏକ୍ତି ୫:୧୨, ୧୩ \* ୩:୪ ୩:୪ ୧କର ୧:୧୨ \* ୩:୬ ୩:୬ କାମା ୧୮:୪-୧୧; କାମା ୧୮:୨୪-୨୮

କୁଲି ବେଟାଆନେରି । ୯ ଇତିହ<sup>୯୦</sup> ମାମ୍ବୁ ମାହାପୁରୁ ତଲେ ଆଶ୍ୱାନା କାମା କିନାତମି, ମୀରୁ ମାହାପୁରୁତି ତାସା ବୃମି ଅଡ଼େ ମାହାପୁରୁତି ଇଲୁ ।

୧୦ ନାଙ୍ଗେ ହାପକି ଆହାମାଞ୍ଜାନି ମାହାପୁରୁତି କାର୍ମାତଲେ ନାନୁ ର ବୁଦିଗାଟି ଇଲୁ ଦହନି ଲକୁ ଲେହେ ପୁନାଦି କିହାମାଲ୍, ଅର ରଅସି ଏଦାଣି ଲାକ ଇଲୁ ଦସି ମାନେସି, ସାମା ବାରେଜାଣା ତାନି ଲାକ ଏନିକ<sup>୯୧</sup> ଦସି ମାନେରି ଏଦାଆଁତାକି ଜାଗ୍ରାତା ଆପେରି । ୧୧ ଇତିହ<sup>୯୨</sup> ଆମିନି ପୁନାଦି କିଞ୍ଚିଆହାମାନେ, ଏଦାଣି ପିସପେ ଏଟକାତି ପୁନାଦି ଆମ୍ବାଆସି କିହାଲି ଆଡ଼ଅସି, ଏ ପୁନାଦି ଜୀସୁ ଜୀସୁ । ୧୨ ସାମା ଆମ୍ବାଆସି ଏ ପୁନାଦି ଲାକ ବାଂଗାରା, ଖେଣ୍ଡି, ଗାତି ଦାରାଗାଟି ଖାଲ୍‌କା, ମାରକା, ଜାଡ଼ା, ଅଡ଼େ ଡିକା ତଲେ କିନେସି, ୧୩ ଆଡ଼ିହ<sup>୯୩</sup> ଆମ୍ବାଆରି କାମା ଏନିଲେହେତାୟି ଏଦି ତଞ୍ଜାଆନେ, ଇତିହ<sup>୯୪</sup> ଏ ନେରୁ ଏଦି ତହନେ, ଏ ନେରୁ ହିରୁତଲେ ତଞ୍ଜାଆନେ, ଇଞ୍ଜା ବାରେଜାଣାତି କାମା ଏନିଲେହେତାୟି ଏ ହିରୁ ତାୟିପାରି କିନେ । ୧୫ ଆମ୍ବାଆସି ଏନିକ<sup>୯୫</sup> ଇଲୁ ଦସା ମାନେସି ଏଞ୍ଜାଣି କାମା ଏଲେକ<sup>୯୬</sup> ଡ଼ୟିତିହ<sup>୯୬</sup> ଏଞ୍ଜାସି ଏ ଦାନା ବେଟା ଆନେସି । ୧୬ ଇଞ୍ଜା ଆମ୍ବାଆରି କାମା ଖେହାହାନେ, ଏଞ୍ଜାଣିଞ୍ଜାୟି ନାସଞ୍ଜି ଆନେ, ଆଡ଼ିଜିକେଏ ଏଞ୍ଜାସି ଗେଲପି ଆନେସି, ସାମା ଏଦି ହିରୁ ବିତ୍ରାଟି ହଟା ହାଟି ସମାନା ଆନେ ।

୧୭ \*ମୀରୁ ପୁଞ୍ଜାହିଲଅତେରି କି ମୀରୁ ମାହାପୁରୁତି ଇଲୁତେରି, ଅଡ଼େ ମାହାପୁରୁତି ସୁଦୁଜୀଞ୍ଜୁ ମୀ ହିୟାତା ବାସା କିନେ । ୧୮ ଆମ୍ବାଆସି ମାହାପୁରୁ ଲକୁଲ୍ ନାସା କିନେସି, ମାହାପୁରୁ ଏଞ୍ଜାଣାଲ୍ ନାସା କିନେସି, ଇତିହ<sup>୧୯</sup> ମାହାପୁରୁତି ଇଲୁ ଅଟହାୟି ଇଞ୍ଜା ମୀରୁଏ ଏଞ୍ଜାଣି ଇଲୁ ।

୧୮ ଆମ୍ବାଆସି ତାନୁଏ ତାଙ୍ଗେ

ନାଡ଼ିକିହା କତାଆପେସି, ଆମିନି ଲକୁ ଇ ଦାରତିତା ବୁଦି ଗାଟାତେଏଁ ଇଞ୍ଜ<sup>୧୦</sup> ଅଣ୍ପିନେସି, ଆଡ଼ିହ<sup>୧୧</sup> ଏଞ୍ଜାସି ଏନିକ<sup>୧୨</sup> ବୁଦିଗାଟାସି ଆନେସି ଏଦାଆଁତାକି ଦାରତିତି ଲକୁତାଣା ବୁଦି ହିଲାଆଗାଟି ଲକୁ ଲେହେଁ ଆପେସି । ୧୩ ଇତିହ<sup>୧୩</sup> ଇ ଦାରତିତି ବୁଦି ମାହାପୁରୁ ନକିତା ବୁଦି ହିଲାଆଗାଟାୟି, ଏଦାଆଁତାକି ରାସକି ଆହାମାନେ, “ମାହାପୁରୁ ବୁଦି ଗାଟାରାଲ୍ ତାମି ସୁଦୁମି ତଲେ ପାନ୍ଦାତା ଆହନେସି;” ୧୪ ଅଡ଼େ ରାସକି ଆହାମାନେ “ବୁଦିଗାଟାରି ଅଣ୍ପୁ ବାରେ ଉଜେଏତାୟି ଇଞ୍ଜ<sup>୧୫</sup> ପ୍ରୁ ପୁଞ୍ଜାମାନେସି ।” ୧୬ ମାଣ୍ଡସି ତାଣା ଆମ୍ବାଆସି ବଡ଼ପଣ ଆଆପେସି, ଇତିହ<sup>୧୭</sup> ବାରେ ମାଦିଏ । ୧୮ ପାଞ୍ଜୁଲ, ଇଞ୍ଜୁ କି ଆପଲ, ଇଞ୍ଜୁ କେପା\*, ଇଞ୍ଜୁ ଅଡ଼େ ଦାରତି ଇଞ୍ଜୁ କି ଜୀଞ୍ଜୁ ଇଞ୍ଜୁ, କି ହାନାୟି ଆପେ, ନୀଏଁ ତାୟି ଆପେ, କି ତାୟିତାୟି ଆପେ, ଏ ବାରେଏ ମାଦି । ୧୯ ସାମା ମୀରୁ ଜୀସୁତି ଲକୁତେରି ଅଡ଼େ ଜୀସୁ ମାହାପୁରୁ ତାଣାତାସି ।

୪

ଜୀସୁ ତାଣାଟି ପାଣ୍ଡୁଞ୍ଜି ଆହାମାନାରି ୧ ଲକୁ ମାଙ୍ଗେ ଜୀସୁତି ସେବା କିନାରି, ଅଡ଼େ ମାହାପୁରୁତି ଡ଼ଗୁମାନି ଇଲୁତି ଗୁମୁସ୍ତା ଇଞ୍ଜ<sup>୨</sup> ଅଣ୍ପାପେରି । ୨ ଇଲେଆହ<sup>୩</sup> ଗୁମୁସ୍ତା ବେଟାଆହାମାନି ମାଣ୍ଡସି ଜାହାରା ପ୍ରୁ ତାଣା ମାନ୍ତି ଗାଟାସି ତଞ୍ଜା ଆପାସି । ୩ ସାମା ମୀ ତାଣାଟି ଆପେ କି ଆମିନି ନୀହାୟି କିନି ତାଣା ନୀହାୟି କିଞ୍ଚି ଆନାୟି ନା ତାକି ଏଦି କାଜା କାତା ଆଏ, ଇଲେକ<sup>୪</sup> ନାନୁ ଜାହାରାଲ୍ ନୀହାୟି କିହା କଡ଼ଅଁ । ୫ ଇତିହ<sup>୫</sup> ନାନୁ ନା କପାଟି ଏଦାଆଁ ପୁଞ୍ଜାହିଲଅଁ, ଆଡ଼ିଜିକେଏ ନାନୁ ଇମ୍ବାଆଁ ଦହ ହିଲାଆ ଗାଟାତେଏଁ ଇଞ୍ଜ<sup>୬</sup> ତଞ୍ଜା ଆହାହିଲଅଁ, ସାମା ଆମ୍ବାଆସି ନା ନୀହାୟି କିୟାନେସି, ଏଞ୍ଜାସି ପ୍ରୁ । ୬ ଏଦାଆଁତାକି, ତାରିକିତି ଦିନା ଖାଆ

\* ୩:୧୭ ୩:୧୭ ୧କର ୭:୧୯; ୨କର ୭:୧୭

\* ୩:୨୨ ୩:୨୨ ପିତର

ନକେଏ ଇତିହାସ ପ୍ରଭୁ ଖ୍ରୀଷ୍ଟୀ ନକେଏ  
 ମୀରୁ ଆମ୍ବାଆରାଇଁ ନାହାଁୟି କିଆଦୁ,  
 ଏଞ୍ଜିସି ଆନ୍ଦେରିତା ତୁଗ୍ଲାମାନି ବାରେ  
 ଉଜେଡ଼ିତା ତହ୍ନେସି, ଅଡ଼େ ହିୟାଁତି  
 ଅଣ୍ଡପୁ ବାରେ ଏଞ୍ଜିସି ଖେହ୍ନେସି,  
 ଏତିବେଲା ବାରେଜାଣା ମାହାପୁରୁ  
 ତାଣାଟି ଗାଞ୍ଜୁରମି ବେଟାଆଡ଼େରି ।

୨ ଏ ତାୟିୟାଁ ଅଡ଼େ ତାଈମ୍ବାଡ଼େରି,  
 ନାନୁ ମୀରୁ ଜାପାଲି ତାକି ଇ ବାରେ  
 କାତା ନାନୁ ନାଜେ ଅଡ଼େ ଆପଲଇଁ  
 ତସାଁ ଖେସିମାଞ୍ଜାଇଁ, “ଇତିହାସ ଏନାୟି  
 ରାସ୍‌କି ଆହାମାନେ ଏ କାତାତି  
 ଗାଣ୍ଡଆଦୁ,” ଇଦାଆଁ ମୀରୁ ମା ତାଣାଟି  
 ଜାପାଦୁ, ଅଡ଼େ ଏନିକ୍ ମୀ ବିତ୍ରାଟି  
 ଆମ୍ବାଆସି ରଅଣି ଖାକିଟି ଅଡ଼େ  
 ରଅଣାଇଁ ଅପାଆନା ବତପଣ ଆଆଦୁ  
 । ୩ ମିଜେ ଆମ୍ବାଆସି କାଜାସି କିହାଁ  
 ମାଞ୍ଜାନେସି ? ଅଡ଼େ ମୀରୁ ଏନାଆଁ  
 ଦାନା ଲେହେଁ ବେଟାଆହା ହିଲଅଡ଼େରି,  
 ଇଲେକ୍ ମୀଦି ଏନାୟି ମାନେ ?  
 ସାମା ମୀରୁ ଏଦାଆଁ ଦାନା ଲେହେଁ  
 ବେଟାଆହାମାଞ୍ଜେରି, ଆଡ଼ିହାଁ ମୀରୁ  
 ଦାନା ଆଏ ଇନି ଲେହେଁ ଏନାଆଁତାକି  
 ବତପଣ ଆହିମାଞ୍ଜେରି ?

୮ ମୀ ବାରେ ଲଡ଼ାମାନାଣି  
 ବେଟାଆଡ଼େରିଏ କି ? ଇଡ଼େକାଟିଏ  
 ମୀରୁ ବାଡ଼କା ହାଚେରିଏ କି ? ମା  
 ପିସ୍‌ପେ ମୀରୁ ରାଜା ଆହାମାଞ୍ଜେରି  
 ? ହାଅ, ମୀରୁ ରାଜା ଆହାମାଟିହାଁ  
 ନେହାଁ ଆଡ଼େମା, ଏନିକ୍ ମାମ୍ବୁ  
 ଜିକେଏ ମୀ ତଲେ ସାଲୁଞ୍ଜି କିହାଲି  
 ଆଡ଼ିତମିମା । ୯ ଏନାଆଁତାକି  
 ଇତିହାସ ନା ଅଣ୍ଡପୁତା ମାର ପାଣ୍ଡୁଞ୍ଜି  
 ଆହାମାନାତାୟି, ମାର ମାହାପୁରୁତି  
 ଉଣ୍ଡତା ହେରପି ଆହାମାନି ତାୟୁତି ଲକୁ  
 ସମାନା ତସାମାଞ୍ଜାନେସି, ଇତିହାସ ମାମ୍ବୁ  
 ଦାରତିତା, ମାହାପୁରୁତି ଦୁତୁୟାଁ ଇଞ୍ଜା  
 ମାଣସିୟାଁ ନକିତା ଲାଜାକିଞ୍ଜି ଆନାତମି  
 ଲେହେଁ ଆହାମାନମି । ୧୦ ମାମ୍ବୁକ୍ରୀସ୍ତ  
 ତାକି ବୁଦି ହିଲାଆ ଗାଟାତମି, ସାମା  
 ମୀରୁ କ୍ରୀସ୍ତତି ତାକି ବୁଦି ଗାଟାଡ଼େରି;

ମାମ୍ବୁ ବାଡ଼ୁୟୁ ହିଲାଆ ଗାଟାତମି,  
 ସାମା ମୀରୁ ବାଡ଼ୁୟୁ ଗାଟାଡ଼େରି;  
 ମୀରୁ ଗାଞ୍ଜୁରମି ବେଟା ଆନାଡ଼େରି,  
 ସାମା ମାମ୍ବୁ ବେଟା ଆଆଗାଟାତମି ।  
 ୧୧ ନୀର୍ସ ପାଡ଼େକା ମାମ୍ବୁହାକି, ଅଡ଼େ  
 ଏସ୍‌କି ଗାଟାତମି, ଗେଞ୍ଜିତି ହିମ୍ବୁରି  
 ହୁଟାମାନମି, ଅଡ଼େ ମାଡ଼ା ବେଟାଆହି  
 ମାନମି, ଇଞ୍ଜା ବାସାଟାୟୁ ହିଲାଆନା  
 ରେଜିମାନମି । ୧୨ ମା କେୟୁଟି ଖାହୁତି  
 କାମା କିହିମାନମି, ଆମ୍ବାଆସି ବାକା  
 ଇଟାସାରେ, ମାମ୍ବୁ ଏଞ୍ଜାରାଇଁ ବର  
 ହାହିମାନମି, ସାସ୍ତି ହିୟାଡ଼ିହାଁ ଜିକେଏ  
 ଅରହିମାନମି । ୧୩ ମାଜେ ଲାଜା  
 କିୟାଡ଼ିହାଁ ଜିକେଏ ମାମ୍ବୁ ଆଣ୍ଡୁଞ୍ଜିଆନି  
 କାତା ଖେସିମାନମି; ନୀର୍ସ ପାଡ଼େକା  
 ମାମ୍ବୁଦାରତିତି ତୁକ୍ ଲାଣ୍ଡୁ ଅଡ଼େ କିଟସି  
 ରୁଡ଼ିତି ଲେହେଁ ଆହାମାନମି ।

୧୪ ନାନୁ ମିଜେ ଲାଜା ହାହାଲି ଇ  
 ବାରେ କାତା ରାଡ଼ିମାଞ୍ଜୁଆଁ, ସାମା ନା  
 ଜୀଞ୍ଜୁତି ମୀରକା ଇଞ୍ଜୁ ଅଣ୍ଡପାନା  
 ମିଜେ ସେଡ଼ନା ହାହାଲିତାକି ଇ ବାରେ  
 କାତା ରାଡ଼ିମାଞ୍ଜାଇଁ । ୧୫ ଇତିହାସ  
 କ୍ରୀସ୍ତତି କାତା ମିଜେ ଜାପୁନାରି ଦସ  
 ମାଣା ଲକୁ ତୟିନେରି, ଆଡ଼ିଜିକେଏ  
 ହାଡ଼େକା ତାଞ୍ଜିୟାଁ ହିଲଅରି; ଇତିହାସ  
 କ୍ରୀସ୍ତ ଜୀସୁ ତାଣା ନାନୁ ମିଜେ ନେହାଁ  
 କାବୁତଲେ ମୀ ତାଞ୍ଜି ଲେହେଁ ଆହାମାଇଁ  
 । ୧୬ ଏଦାଆଁତାକି ନାନୁ ମିଜେ  
 ବାଡ଼ିମାଲିମାଞ୍ଜାଇଁ ନାନୁ କିହିମାନି  
 ଲେହେଁ କିଦୁ । ୧୭ ଏଦାଆଁତାକି ନାନୁ  
 ତିମତିଇଁ ମୀ ତାଣା ପାଣ୍ଡିମାଞ୍ଜାଇଁ, ଏଞ୍ଜିସି  
 ମାହାପୁରୁ ତାଣା ନା ଜୀଞ୍ଜୁତି ନାମୁତି  
 ମୀରଏସି; ଏନିକ୍ ନାନୁ ବାରେଞ୍ଜକି  
 ବାରେ କୁଲମିକାଣା ଜାପୁହି ମାଇଁ,  
 ଏଲେକ୍ ଏଞ୍ଜିସି ମିଜେ ନା କ୍ରୀସ୍ତତି  
 ଲେସିନାଣି ଅଣ୍ଡପି କିୟାନେସି ।

୧୮ ନାନୁ ମୀ ତାଣା ଖାହି ହିଲଆଁ  
 ଇଞ୍ଜୁ ଅଣ୍ଡପାନା ଏତରଜାଣା ବତପଣ  
 ଆହିମାଞ୍ଜେରି । ୧୯ ସାମା ମାହାପୁରୁ  
 ମନ କିତିହାଁ, ନାନୁ ମୀ ତାଣା ତବେ

\* ୪:୧୨ ୪:୧୨ କାମା ୧୮:୩ \* ୪:୧୭ ୪:୧୭ ୧କର ୧୧:୧; ପିଲିପି ୩:୧୭

ଝାଙ୍କି; ଅତେ ଆମ୍ବାଆରି ବତପଣ ଆହିମାନେରି, ଏଝାରି କାତାତଲେ ଆଏ, ସାମା ବାଡ଼ୁୟୁତି ସିନିକିଇଁ । ୧୦ ଇତିହ୍ୟ ମାହାପୁରୁତି ରାଜି ଝାରଇ ଜଲିନି କାତାତଲେ ଆଏ, ସାମା ବାଡ଼ୁୟୁ ତଲେ ତଞ୍ଜାଆନେ । ୧୧ ମୀ ଅଣ୍ପୁ ଏନାୟି ? ନାନୁ ବାଡ଼ଗା ଆସାଁ ମୀ ତାଣା ଝାଙ୍କି କି ଜୀଝୁ ନନାଣି ଆସାମା ଇଞ୍ଜା ସୁଦୁ ସୁଝାଲା ଗାଟି ଜୀଝୁ ଆସାଁ ଝାଙ୍କି ?

**୫**

କୁଲମି ବିତ୍ରାମାନି ଲାଗେଏତାୟି

୧ ସାତେଏ ଝେଙ୍ଗାମାନେ କି ମୀ ବିତ୍ରା ଦାରିକାମା ମାନେ, ଅତେ ମୀ ତାଣା ଇଲେତି ଦାରିକାମା ମାନେ, ଅତେ ଇଲେତାୟି ଜୀହୁଦିଆଆତାରି ତାଣା ଜିକେଏ ଆଏ, ଇଲେକ୍ ରଅସି ତାମି ଆବା ତକ୍ତିନି ଇଟାମାନେସି । ୨ ଅତେ, ଆମ୍ବାଆସି ଇଲେତି କାମା କିହାମାନେସି, ଏଝାସି ଏନିକ୍ ମୀ ତାଣାଟି ହେକ୍ କିଝିଆନେସି, ଏଦାଆଁତାକି ଦୁକୁଆହ୍ୟ ଡ଼ାଆନା ବତପଣ ଆହିମାଞ୍ଜେରି ? ୩ ସାମା ନାନୁ ଆଙ୍ଗା ତଲେ ହିଲାଆତି ଜିକେଏ ଏମ୍ବାଆଁ ମାନିଲେହେଁ ମାଇଁ, ଆମ୍ବାଆସି ଇଲେତି କାମା କିହାମାନେସି, ନାନୁ ମାନି ଲେହେଁ ପ୍ରବୁ ଜୀସୁ ଦରୁତଲେ ଏଝାଣି ବିଚାରା କିହା ରାହାମାଇଁ, ୪ ଇତିହ୍ୟ ମୀରୁ ଅତେ ନା ପ୍ରବୁ ଜୀସୁ ବାଡ଼ୁୟୁ ତଲେ କୃଡ଼ା ଆନାଟି ନା ଜୀଝୁ ଜିକେଏ ଏମ୍ବାଆଁ ତୟିନେ ଇଞ୍ଜା ପୁଞ୍ଜାମାଇଁ, ୫ ଇଞ୍ଜା ଇଲେତି ଲକୁଇଁ ଆଙ୍ଗା ତଲେ ନାସା ଆହାଲି ସୟତାନ କେୟୁତା ହେରପିନାୟି ମାନେ, ଏନିକ୍ ପ୍ରବୁ ଜୀସୁତି ଦିନାତା ଏଝାଣି ଜୀଝୁ ଗେଲ୍ପି ଆହାଲି ଆଡ଼ିନେ ।

୬ \*ମୀରୁ ଇଲେଆହ୍ୟ ବତପଣ ଆନାୟି ନେହେଁ ଆଏ । ମୀରୁ ପୁଞ୍ଜାହିଲଅତେରି, “ଇଚରା ପୁଲାଏୟୁ ବିତିତା ମାନି ଗୁଣ୍ଡାତି ପୁଲା କିନେ ।”

୭ ମୀରୁ ପୁଲା ତିନାଆ ଲକୁତେରି, ଏଦାଆଁତାକି ଏନିକ୍ ମୀରୁ ପୁଞ୍ଜା

ଡ଼କା ଆହାଲି ଆଡ଼ିଦେରି, ଏଦାଆଁତାକି ପୁଞ୍ଜଇ ପୁଲା ଏୟୁତି ହପହା ତୁହ୍ଦୁ; ଏନାଆଁତାକି ଇତିହ୍ୟ ମା ପିସ୍ପିଆନି ପାର୍ବୁତି ମେଣ୍ଡା ତାଲୁ, ଇତିହ୍ୟ କ୍ରୀସୁ, ଜିକେଏ ପୂଜା କିଝିଆହାମାନେସି । ୮ ଏଦାଆଁତାକି ଝାଦୁ, ମାର ପାପୁ ଅତେ ଲାଗେଏତି ପୁଞ୍ଜଇ କାମାତି ରୁଟି ପକ୍ତିକିନି ଗୁଣ୍ଡା ତଲେ ପାର୍ବୁ କିଆନା ତାରି ଅତେ ସାତା ତଲେ ପୁଲାଏୟୁ ହିଲାଆ ରୁଟିତି ପାର୍ବୁ କିନ ।

୯ ଦାରି କାମାକିନାରି ତଲେ ଆଣ୍ଡାଆଦୁ ଇଞ୍ଜା ନାନୁ ନା ଆକୁତା ରାଚାମାଚେର୍ଏ; ୧୦ ଇ ଦାରତିତି ଦାରିକାମା କି ଦନ ଜୁପକା, ଏଟକାତାରି ଦିଶ୍ପୁ ସରୁ ଆନାରି, ପେଣ୍ଡକା ବମାୟାଁ ପୂଜା କିନାରି ତଲେ ଆମ୍ବାଆସି ଏଚେଲା ଆଣ୍ଡଅସି, ଏଦି ଆଏ, ଏଲେଆଡ଼ିହ୍ୟ ଦାରୁତିତି ହଟା ହାନାୟିମାନେ; ୧୧ ଇତିହ୍ୟ ନା ରାଟିନି ଅଣ୍ପୁ ଇଦି ମାଚେ, ଇତିହ୍ୟ ଆମିନି ଲକୁତି ତାୟି ଇଞ୍ଜା ଝେଙ୍ଗାମା, ଦାରିକାମା, ଦନ ଜୁପକା, ପେଣ୍ଡକା ବମାୟାଁ ପୂଜା, ନିନ୍ଦା ଗାଟାରି, କାଡ଼ୁକୁଡୁ, ଏଟକାତାରି ଦିଶ୍ପୁତି ସରୁ ଆନେରି, ଆଡ଼ିହ୍ୟ ଏଲେତାରି ତଲେ କୃଡ଼ାଆଦୁ, ଅତେ ଏଝାରିତଲେ ରାନ୍ଦା ଜିକେଏ ତିନାଆଦୁ ।

୧୨ ପାଙ୍ଗାତି ଲକୁତି ନାହାଁୟି କିହାଲି ନାନୁ ଆମ୍ବାଆଚେର୍ଏ ? ସାମା କୁଲମି ବିତ୍ରା ଆମ୍ବାଆରି ମାନେରି ଏଝାରି ବିଚାରା ମୀରୁ କିଅତେରି କି ? ୧୩ ସାମା ଆମ୍ବାଆରି ପାଙ୍ଗାତା ମାନେରି ମାହାପୁରୁ ଏଝାରି ବିଚାରା କିନେସି । ଦାମ୍ବୁ ସାତ୍ତେରିତା ରାସ୍ତିକି ଆହାମାନେ, “ମୀ ତାଣାଟି ଲାଗେଏତି ଲକୁଣି ଏଟକା କିଦୁ ।”

**୬**

କ୍ରୀସ୍ତାନା ତାୟିୟାଣି ଦାଞ୍ଜାକିନି ମୋରା

୧ ମୀ ବିତ୍ରାଟି ଆମ୍ବାଆରି କପାଟି କାତା ମାଟିସାରେ ଏଝାସି ନାହାଁୟି

\* ୫:୬ ଗାଲା ୫:୯

କିହାଲି ମାହାପୁରୁ ଲକ୍ଷ୍ମୀତାଣା ହାଲାଆନା ଦାମ୍ନୁ ହିଲାଆଗାଟି ନାହାଁୟି କିନାଣି ତାଣା ଅହାଲି ଏନିକ୍ ସାସା ମାନେ ? <sup>୨</sup> ମାହାପୁରୁ ଲକ୍ଷ୍ମୀ ଇ ଦାଋତିତି ନାହାଁୟି କିନେରି, ଇ କାତା କି ମୀରୁ ପୁଞ୍ଜାହିଲଅତେରି ? ଇଞ୍ଜା ଦାଋତି ମୀ ତାଣା ନାହାଁୟି କିଞ୍ଜିଆନେ, ଆତିହ୍ ଇ ଇତି ଇତି କାତାତି ନାହାଁୟି କିୟାଲି ଆଡଅତେରି କି ? <sup>୩</sup> ମୀର ଲାକପୁରୁତି ଦୂତୁୟାଁଇଁ ଜିକେଏ ବିଚାରା କିନାୟି ଇ କାତା ମୀରୁ ପୁଞ୍ଜାହିଲଅତେରି କି ? ଆତିହ୍ ଦାଋତିତି ଜାମଲିତି ଜିକେଏ ନାହାଁୟି କିନାୟି ମାଞେତାକି ଉସାସା ଆୟେଏ କି ? <sup>୪</sup> ମୀ ଜୀଞ୍ଜୁତି କାତା ଏନାୟି, ସାମା ନାହାଁୟି କିୟାଲି ଏନି ଦାଋତିତି କାତା ମାତିହ୍, ଏଦାଆଁ ନାହାଁୟି କିୟାଲି କୁଲମିତି ପୁନାଆ ଗାଟାରାଈଁ ନାହାଁୟି କିୟାଲି ହାଟିଦେରି କି ? <sup>୫</sup> ନାନୁ ମିଞେ ଲାଜା ହାହାଲିତାକି ଇଦାଆଁ ଝେସିମାଞ୍ଜାଈଁ । କ୍ରୀସୁଈଁ ନାମାମାନି ତାୟିୟାଁ ବିତ୍ତା ଆହିମାନି ଗଡ଼ହାତି ତୁକ୍‌ହାଲି, ଇଲେତି ର. ବୁଦିଗାଟାସି ଜିକେଏ କୁଲମିତା ଆମ୍ବାଆସି ହିଲଅସି କି ? <sup>୬</sup> ସାମା ନାମ୍ବାଗାଟି ତାୟି ଅର ତାୟି କପାଟି ନାହାଁୟି ଇଲୁତା ଦାଞ୍ଜା କିନେସି, ଏଦି ଜିକେଏ ନାମାଆଗାଟାରି ତାଣା !

<sup>୭</sup> ସାମା ମୀ ମୀ ବିତ୍ତାତି କାତାତାକି କର୍ତ୍ତା ଦାଞ୍ଜା କିହିମାଞେରି, ଏମ୍ବାଆଁ ସାତେଏ ଦହ ଗାଟାତେରି, ଏନାଆଁତାକି ଲାଗେଏତାଣି ଅରୁହ୍ ହିଲଅତେରି ? ଏନାଆଁତାକି ନାସଞ୍ଜି ଆନାଣି ଅପିହିଲଅତେରି ? « ସାମା ମୀରୁ ମୀରୁଏ ଲାଗେଏ ଅଡେ ନାସା କିହିମାଞେରି, ଅଡେ ଏଦାଆଁ ତାୟିୟାଁଣି କିହିମାଞେରି । <sup>୯</sup> ଅଡେ ଦାମ୍ନୁ ହିଲାଆ ଗାଟାରି ମାହାପୁରୁ ରାଜିତି ଅଦିକାରା ଆଅରି, ଇଦାଆଁ କି ମୀରୁ ପୁଞ୍ଜାହିଲଅତେରି ? ନାଡ଼ିକିଞ୍ଜି ଆଆଦୁ, ଦାରିକାମା, କି ପେଣକା ବମାୟାଁ ପୂଜା କିନାରି, ଲାଗେଏତି କାମାକିନାରି, ଆଡା

ଆଦାୟାଁ ଦହ କିଞ୍ଜିଆନାରି, <sup>୧୦</sup> ସରୁ କିନାରି, ଦନ ଜୁପକା, କାଡୁ ବୁଡୁ, ଲକ୍ଷ୍ମଣି ନିନ୍ଦା କିନାରି, ଏଟକାତାରି ଦିଣ୍ଡୁ ମୀଞ୍ଜନାରି, ଇଞ୍ଜାରି ମାହାପୁରୁ ରାଜିତା ଅଦିକାରା କିହାଲି ଆଡଅରି । <sup>୧୧</sup> ଅଡେ, ମୀ ବିତ୍ତା ଆମ୍ବା ଆମ୍ବାଆରି ଇଲେକ୍ ମାତେରି; ସାମା ପ୍ରବୁ ଜୀସୁ କ୍ରୀସୁ ଦରୁତଲେ ଇଞ୍ଜା ମାହାପୁରୁତି ସୁଦୁଜୀଞ୍ଜୁ ତଲେ ମୀରୁ ନରଞ୍ଜି ଆହାମାଞେରି, ଇଞ୍ଜା ସୁଦୁଗାଟାତେରି ଆହାନା ତାରିଗାଟାତେରି ଇଞ୍ଜା ଝେଞ୍ଜାମା ମାଞେରି ।

ମାହାପୁରୁତି ଗାଞ୍ଜୁରମି ତାକି ଆଞାତି ଲେମ୍ବିନାୟି

<sup>୧୨</sup> \*ଆମ୍ବାଆସି ଏଲେଇନେସି “ନାଞେ ବାରେ କାମା କିହାଲି ଅଦିକାରା ହୀପକି ଆହାମାଞାନେ,” ସାତା କାତା, ସାମା ବାରେ କାମା ନିଞେତାକି ନେହାୟି ଆଏ, ନାଞେ ବାରେ କାମା କିହାଲି ହେଲ ମାନେ ସାମା ନାଞେ ଲକ୍‌ହାଲି ଆମ୍ବାଆରାକି ଏତେଲା ପାରୁ ହୀଆଁ । <sup>୧୩</sup> ଏତରଜାଣା ଏଲେଇନେରି “ରାନ୍ଦା ବାଣ୍ଡି ତାକି ଇଞ୍ଜା ବାଣ୍ଡି ରାନ୍ଦା ତାକି ।” ସାମା ମାହାପୁରୁ ଇ ରିଣ୍ଡାଆଁତି ଜିକେଏ ମ୍ଲେକ୍‌ନେସି । ଆଞା ଦାରି କାମାତାକି ଆଏ, ସାମା ପ୍ରବୁତି ସେବାତାକି, ଅଡେ ପ୍ରବୁ ଆଞା ତାକି । <sup>୧୪</sup> ମାହାପୁରୁ ପ୍ରବୁ ଜୀସୁଈଁ ହାକିଟି ନିକ୍‌ହେସି, ଇଞ୍ଜା ତାନି ବାଡ଼ୁୟାଁ ତଲେ ମାଞେ ଜିକେଏ ନିକ୍‌ହାନେସି ।

<sup>୧୫</sup> ମୀ ଆଞା କ୍ରୀସୁତି ଆଞା ଲେହେଁ, ଇଦାଆଁ ପୁଞ୍ଜାହିଲଅତେରି କି ? ଆତିହ୍ ନାନୁ କ୍ରୀସୁତି ର ଆଞା ଅହାନା ଦାଋରେଣି ଆଞା କିଇଁ ? ଏଦି ଏତେଲା ଜିକେଏ ଆଆପେ । <sup>୧୬</sup> ଅଡେ ଆମ୍ବାଆସି ଦାଋରେଣି ତଲେ ଆଣ୍ଡିନେସି ଏଞ୍ଜାସି ଏଦାନିତଲେ ରଣ୍ଡିଏ ଆଞା ଆନେସି, ଇଦାଆଁ ମୀରୁ ପୁଞ୍ଜାହିଲଅତେରି ? ଏଦାଆଁତାକି ଦାମ୍ନୁପତିତା ରାସ୍‌କି ଆହାମାନେ “ଏ ତକ୍ତି ତକ୍ତା ରଣ୍ଡିଏ ଆଞା ଆନୁ ।” <sup>୧୭</sup> ସାମା ଆମ୍ବାଆସି ପ୍ରବୁ ତଲେ

ଆଣ୍ଡିନେସି, ଏଝାସି ଏଝାଣିତଲେ ରଣ୍ଡିଏ ଜୀଝୁ ଆନେସି ।

୧୮ ଦାରିକାମାଟି ହେକ ଆଦୁ, ମାଣ୍ଡିସି ଏନ୍ତି ପାପୁ କିନେସି, ଏଦି ଆଜ୍ଞାତି ଲାଗେଏ କିନେସି, ସାମା ଆମ୍ବାଆସି ଦାରିକାମା କିନେସି, ଏଝାସି ତାନି ଆଜ୍ଞା କପାଟି ପାପୁ କିହିମାନେସି । ୧୯ \*ମୀ ଆଜ୍ଞା ମାହାପୁରୁ ତାଣ୍ଡାଟି ବେଟାଆହାମାନି ମୀ ହିୟାଁ ବିତ୍ତା ସୁଦୁଜୀଝୁ ବାସାଆନ୍ତି ଦେଝୁଡ଼ି, ଇଦାଆଁ ମୀରୁ ପୁଞ୍ଜାହିଲଅତେରି କି ? ଅଡ଼େ ମୀରୁ ମୀରୁଏ ମିଆତେରି ଆଏ; ସାମା ମାହାପୁରୁତି ଲକୁତେରି । ୨୦ ଇଚିହଁ ମୀରୁ ଗାତି ଦାରାତଲେ କଡ଼ଝି ଆହାମାଞ୍ଜେରି; ଏଦାଆଁତାକି ମୀ ଆଜ୍ଞା ତଲେ ମାହାପୁରୁତି ଗାଝୁରମି କିଦୁ ।

୭

ବୀହା ଆନ୍ତି ମୋରା

୧ ମୀରୁ ମୀ ଆକୁତା ଆମିନି କାତା ରାଟା ମାଞ୍ଜେରି, ଏ ବାରେତାକି ନାନୁ ଝେସ୍ତାନାୟି ଇଦି, “ଇୟାନି ତୀଗାଆ ଗାଟାୟି ଆବାକି ନେହେଁ;” ୨ ସାମା ଦାରି କାମାଟି ଆଜିତାକି ବାରେ ଆବାୟାକି ଜାହାରା ତକ୍ତି ମାଣ୍ଡେ, ଅଡ଼େ ଇୟାସିକାକି ଜାହାରା ତକ୍ତା ମାଣ୍ଡେସି । ୩ ତକ୍ତା, ତକ୍ତିନାକି ଏନାୟି ଲତ୍ତା ଏଦାଆଁ ହୀପାସି, ଇଞ୍ଜା ଏଲେକିହଁ ଏ ତକ୍ତି ତକ୍ତାକି ତାନି ଲତ୍ତାମାନାଣି ହୀପେ, ଅଡ଼େ ତାମ୍ବେ ଏନାୟି ଲତ୍ତାମାନାଣି ପୁରା କିନାୟିମାନେ । ୪ ତକ୍ତି ତାନି ଆଜ୍ଞାଟି ମୁହେଁ ଅଦିକାରା ହିଲେଏ, ସାମା ତକ୍ତାକି ମାନେ । ଏଲେକିହଁ ଏ ତକ୍ତାକି ତାନି ଆଜ୍ଞାଟି ମୁହେଁ ଅଦିକାରା ହିଲେଏ, ସାମା ତକ୍ତିନାକି ମାନେ । ୫ ତାମ୍ବୁତାମି ତାଣ୍ଡାଟି ଏଟ୍ଟକା ଆହାନା ତୟାଆପୁ; ସାମା ପ୍ରାତାନା କିହାଲି ଏଚରଦିନା ପାତେକା ରିଆତେରି ରଣ୍ଡିଏ ମନ୍ ଆହାନା ଏଟ୍ଟକା ତୟାଲି ଆଡ଼ିଦେରି; ଅଡ଼େ ମୀ ଆଜ୍ଞାଟି ଜୁପକାତାକି ତୟାଲି ଆଡ଼ାଆକି ସୟତାନ ଏନ୍ତିକଁ ମିଙ୍ଗେ

ତାୟିପାରି କିୟେଏ, ଏଦାଆଁତାକି ଝେଣ୍ଡେ ଆଣ୍ଡିଆଦୁ ।

୨ ସାମା ନାନୁ ହୁକୁମି ହାନି ଲେହେଁ ଝେହ୍‌ଆନାହାଁ ଜାପୁନି ଲେହେଁ ଝେସିମାଈ । ୩ ଆତିହଁ ଜିକେଏ ଏନ୍ତିକଁ ବାରେ ଲକୁ ନାଲେହେଁକଁ ଆନେରି, ଇଦି ନା ଅଣ୍ଡୁ । ସାମା ଆମ୍ବାଆରି ଇଲେତି ଦାନା, ଅଡ଼େ ଆମ୍ବାଆରି ଏଲେତି ଦାନା ମାହାପୁରୁ ତାଣ୍ଡାଟି ବେଟାଆହାମାନେରି ।

୮ ସାମା ନାନୁ ବୀହା ଆଆତି ଲକୁଇଁ ଇଞ୍ଜା ରାଣ୍ଡେଣିସିକାଣି ଝେସିମାଈ, ଏଝି ନାଲେହେଁକଁ ତୟିତିହଁ ଏଝାସିକାକି ନେହେଁ । ୯ ସାମା ଏଝି ଆଜ୍ଞାଟି ଲକ୍‌ହାଲି ଆଡ଼ିହିଲାତ ଇଚିହଁ ଏଝି ବୀହା ଆପୁ; ଇଚିହଁ ଆଜ୍ଞା ଲାଗେଏତି କାମାତା ଝେନିକିହାଁ, ବୀହା ଆନାୟି ନେହେଁ ।

୧୦ \*ସାମା ବୀହା ଆଡ଼ି ଲକୁଇଁ ନାନୁ ହୁକୁମି ହୀହିମାଈ, ନାନୁ ଆଏ ସାମା ପ୍ରୁ ହୁକୁମି ହୀହିମାନେସି, ତକ୍ତି ତାନି ତକ୍ତା ତାଣ୍ଡାଟି ଏଟ୍ଟକା ଆଆପେ । ୧୧ ସାମା ଏଦି ରଣ୍ଡିଏ ଏଟ୍ଟକା ଆନେ, ଆତିହଁ ଏଦି ବୀହା ଆଆପେ, ଇଞ୍ଜା ତାନି ତକ୍ତାତଲେ ଅଡ଼େ ଆଣ୍ଡାପେ; ଅଡ଼େ ତକ୍ତା ତାନି ତକ୍ତିନି ହେଲ ହାଆପେସି ।

୧୨ ଏଟ୍ଟକା ତାରାଇଁ ନାନୁ ଝେସିମାଈ, ମା ବିତ୍ତା ଆମ୍ବାଆରି ତକ୍ତି କ୍ରୀସ୍ତଇଁ ନାମାହିଲାଆତି ଜିକେଏ ତକ୍ତାତଲେ ତୟାଲି ମନ୍ କିତିସାରେ, ଆତିହଁ ଏ ତାୟି ଏ ତାଜିନି ହେଲ ହାଆପେସି । ୧୩ ଏଲେକିହଁ ଆମିନି ତକ୍ତି ମାହାପୁରୁଇଁ ନାମାଆତି ତକ୍ତାକି ବୀହା ଆହାମାନେ, ଇଞ୍ଜା ଏଦି ଏଝାଣିତଲେ ତୟାଲି ମନ୍ କିନେ, ଏଦି ତାନି ତକ୍ତାଇଁ ପିହାପେ । ୧୪ ଇଚିହଁ ନାମାଆତି ତକ୍ତା ନାମିତି ତକ୍ତି ତାକି ମାହାପୁରୁ ତାଣ୍ଡାଟି ସୁଦୁ ଆହାମାନେସି, ଅଡ଼େ ନାମାଆତି ତକ୍ତି ନାମିତି ତକ୍ତା ତାକି ମାହାପୁରୁ ତାଣ୍ଡାଟି ସୁଦୁ ଆହାମାନେ; ଆଆତିହଁ ମୀ ମୀଟ୍ଟକା ମାସ୍‌କା ଲାଗେଏ ଆଡ଼େରିମା, ସାମା ନୀଏଁ

\* ୭:୧୯ ୭:୧୯ ୧କର ୩:୧୭; ୨କର ୭:୧୭ \* ୭:୧୦ ୭:୧୦ ମାତି ୫:୩୨; ୧୯:୯; ମାର୍ଚ୍ଚ ୧୦:୧୧,୧୨; ଲୁକ ୧୭:୧୮

ଏଞ୍ଜରୀ ସୁଦୁଗାଟାରୀ । ୧୫ ସାମା ନାମାଆ  
ଗାଟାସି କି ନାମାଆ ଗାଟାୟି ଏଟକା  
ଆହାଲି ମନ କିତିହଁ ତାମି ମନଲେହେଁ  
ଏଟକା ଆପାରି; ଇଲେତି ତାଣା  
ତାୟି କି ତାଙ୍ଗି ଦସପି ଆହାହିଲାତ;  
ମାହାପୁରୁ ମିଙ୍ଗେ ହିଡ଼ଡ଼ି ତଲେ ମାଞ୍ଜାଲି  
ଆଟାମାଞ୍ଜାନେସି । ୧୬ ନାନୁ ନାମିତି  
ଡକ୍ତି ଆହାନା ନୀ ଡକ୍ତାକି ଗେଲ୍ପିନାତି  
ଆଦି, ଇଦାଆଁ ପୁଞ୍ଜାହିଲଅତିକି ?  
ଇଞ୍ଜା ନାନୁ ନାମିତି ଡକ୍ତା ଆହାନା ନୀ  
ଡକ୍ତିନାକି ଗେଲ୍ପିନାତି ଆଦି, ଇଦାଆଁ  
ପୁଞ୍ଜାହିଲଅତିକି ?

ମାହାପୁରୁ ଆଟାମାନି ମାଣ୍ଡକି  
ଲେହେଁ ନାତିନାୟି

୧୭ ଇତିହଁ ପ୍ରବୁ ଆମ୍ବାଆରାକି  
ଏନିକଁ ଦାନା ହାହାମାନେସି,  
ମାହାପୁରୁ ଆମ୍ବାଆରାକି ଏନିକଁ  
ହାଟାମାନେସି, ଏଞ୍ଜାସି ଏଲେକଁ  
ତାକାପେସି, ନାନୁ ବାରେ କୁଲମିତି  
ଏଲେକିହଁଏ ହୁକୁମି ହାହିମାଲ୍ ।  
୧୮ ଆମ୍ବାଆସି ତଲୁ ଦାପିଆହାଁ ହାଟକି  
ଆହାମାନେସି ? ଏଞ୍ଜାସି ତଲୁ ଦାପି ଆଡି  
ସିନାତି ଡକ୍ତାଆପେସି; ଆମ୍ବାଆସି ତଲୁ  
ଦାପି ଆଆନା ହାଟକି ଆହାମାନେସି  
? ଏଞ୍ଜାସି ତଲୁ ଦାପି ଆଆପେସି ।  
୧୯ ତଲୁ ଦାପି ଆନାୟି କି ଆଆଗାଟାୟି  
କାଜା କାତା ଆଏ, ସାମା ମାହାପୁରୁ  
ହୁକୁମି ମାନୁଞ୍ଜି ଆନାୟି କାଜା କାତା ।  
୨୦ ବାରେ ଜାଣାଇଁ ଏନିକଁ ମାହାପୁରୁ  
ହାଟାମାନେସି ଏଲେକଁ ମାଣ୍ଡମେସି  
। ୨୧ ମାରୁ ହଲିୟାଜା ଆହାମାଟାଟି  
ହାଟକି ଆହାମାଞ୍ଜେରି ? ଅଣ୍ପାଆଦୁ;  
ସାମା ଗେଲ୍ପିଆୟାଲି ଆଡିଦେରି  
ଆତିହଁ ଗେଲ୍ପି ଆୟାଲି ପାରୁ  
ପାରାଦୁ । ୨୨ ଆମ୍ବାଆସି ହଲେଏସି  
ଆହାଁ ପ୍ରବୁ ତାଣା ହାଟକି ଆହାମାନେସି,  
ଏଞ୍ଜାସି ପ୍ରବୁତି ଗେଲ୍ପି ଆଟାସି;  
ଏଲେକିହଁଏ ଆମ୍ବାଆସି ଗେଲ୍ପିଆହାଁ  
ହାଟକି ଆହାମାନେସି ଏଞ୍ଜାସି କ୍ରୀସ୍ତତି  
ହଲେଏସି । ୨୩ ମାରୁ ହାରେକା  
ଦାରାତଲେ କଡ଼ଞ୍ଜି ଆହାମାଞ୍ଜେରି;  
ମାଣ୍ଡାସିୟାତି ହଲିୟାଜାତେରି ଆଆଦୁ

। ୨୪ ତାୟିୟାଁ ଅଡେ ତାଙ୍ଗିସ୍ତାତେରି,  
ମାହାପୁରୁ ମିଙ୍ଗେ ହାଟାଟାଟି ମାରୁ  
ଏନିକଁ ମାତେରି ଏଲେଆହଁଏ  
ମାହାପୁରୁ ତଲେ ଡୟିନାୟି ମାନେ ।

ବୀହା ଆଆତି ଲକୁ ଇଞ୍ଜା  
ରାଣ୍ଡେଣିସିକା କାତା

୨୫ ଡାଆସିକା କାତା, ନାନୁ ପ୍ରବୁ  
ତାଣାଟି ଏନି ହୁକୁମି ବେଟା ଆହାହିଲଅ;  
ସାମା ପ୍ରବୁତି କାର୍ମାଟି ନାମୁଗାଟାସି  
ଆହାନା ନା ଅଣ୍ପାତା ଖେସିମାଞ୍ଜାଇଁ ।

୨୬ ନାନୁ ଅଣ୍ପିମାଲ୍, ମାଣ୍ଡସି  
ଏନିକଁ ମାନେସି, ନାଏଁତି କସ୍ତ  
ବାଦା ତାକି ଏଲେକିହଁଏ ମାନାୟି  
ନେହେଁ । ୨୭ ନାନୁ ଡକ୍ତି ତଲେ ଦସପି  
ଆହାମାଞ୍ଜି ? ଆତିହଁ ପିସପି  
ଆହାଲି ଅଣ୍ପାଆନି, ଇଞ୍ଜା ନାନୁ ଡକ୍ତି  
ତାଣାଟି ପିସପି ଆହାମାଞ୍ଜି ? ଆତିହଁ  
ଡକ୍ତିନି ଇଟାଲି ଅଣ୍ପାଆନି । ୨୮ ସାମା  
ନାନୁ ବୀହା ଆହାମାଞ୍ଜି, ଆଡିଜିକେଏ  
ପାପୁ କିହାହିଲଅତି; ଅଡେ ଡାଆପଦା  
ବୀହା ଆହାମାନେ, ଆଡିଜିକେଏ ଏଦି  
ପାପୁ କିହାହିଲେଏ, ଆଡିଜିକେଏ  
ଇଲେତି ଲକୁ ଆଜ୍ଞାତା ହାରେକା  
କସ୍ତ ବେଟାଆନୁ, ଅଡେ ମାରୁ ଏମ୍ବାଟି  
ଏନିକଁ ଗେଲ୍ପି ଆଦେରି ଇଦି ନା  
ଅଣ୍ପା ।

୨୯ ସାମା ଏ ତାୟିୟାଁ ଅଡେ  
ତାଙ୍ଗିସ୍ତାତେରି ନା ଅଣ୍ପା ଇଦି, ଦିନା  
ତାଗେ ଏଦାତେୟିଏ, ଏଦାଆଁତାକି  
ଆମ୍ବାଆରାକି ଡକ୍ତି ମାନେ, ଏଞ୍ଜାସି ଡକ୍ତି  
ହିଲାଆଲେହେଁ ମାଣ୍ଡମେସି । ୩୦ ଅଡେ  
ଆମ୍ବାଆରି ଡାହି ମାନେରି, ଏଞ୍ଜାରି  
ଡାହି ହିଲାଆ ଲକୁ ଲେହେଁ ଆପେରି;  
ଅଡେ ଆମ୍ବାଆରି ରାହାଁ କିହିମାନେରି,  
ଏଞ୍ଜାରି ରାହାଁ କିହି ହିଲାଆ ଲକୁ ଲେହେଁ  
ଆପେରି; ଇଞ୍ଜା ଆମ୍ବାଆରି କଡିନେରି  
ଏଞ୍ଜାରି ଅଦିକାରୀ ବେଟାଆଆତି  
ଲେହେଁ ଆପେରି; ୩୧ ଅଡେ ଆମ୍ବାଆରି  
ଦାର୍ତତିତି ଦିଣ୍ଡାସୁ ଲେମ୍ପିମାନେରି ଏଞ୍ଜାରି  
ଲେମ୍ପାଆଗାଟି ଲକୁ ଲେହେଁ ଆପେରି;  
ଏନାଆଁତାକି ଇତିହଁ ଇ ଦାର୍ତତିତି  
ଞ୍ଜାଣା ଡିରିମ୍ପୁହି ମାନେ ।



୩୨ ସାମା ମୀରୁ ଏନିକ୍  
 ଅଶ୍ୱପଥରେ ଏଦି ନା, ଅଶ୍ୱପୁ,  
 ଆମ୍ବାଆସି ବାହା ଆଆତାସି ଏଞ୍ଜାସି  
 ଏନିକ୍ ପ୍ରବୁର୍ ଗାହାଁ କିଞ୍ଜିକହାଲି  
 ଖାରଇ ପ୍ରବୁତି କାମା ଅଶ୍ୱପିନେସି;  
 ୩୩ ସାମା ଆମ୍ବାଆସି ବାହା ଆହାମାନେସି  
 ଏଞ୍ଜାସି ଏନିକ୍ ତାନି ତକ୍ତନି ଗାହାଁ  
 ଗାଗାସି ଆନେସି, ଏଦାଆଁତାକି ଦାରତିତି  
 କାତା ଅଶ୍ୱପିନେସି ଇଞ୍ଜା ତାନି ମନ  
 ବାଗା ଆନେ । ୩୪ ବାହା ଆଆତି  
 ଇୟାସିକା ଅଡେ ଡାଆସିକା ଆଙ୍ଗା ଇଞ୍ଜା  
 ଜୀଞ୍ଜୁତା ସୁଦୁ ଆହାଲି ପ୍ରବୁତି କାତା  
 ଆସାନା ଅଶ୍ୱପିନୁ; ସାମା ଆମ୍ବାଆସି  
 ବାହା ଆହାମାନେ ଏଦି ଏନିକ୍  
 ଜାହାରା ତକ୍ତାକ୍ ଗାହାଁ କିୟାଲି ଆଡିନେ,  
 ଏଦାଆଁତାକି ଦାରତିତି କାତା ଅଶ୍ୱପିନେ  
 ।

୩୫ ଇ କାତା ନାନୁ ମୀ ନେହେଁତାକି  
 ଝେସିମାଞ୍ଜାଇ, ମିଙ୍ଗେ କସ୍ତ୍ର ହାନି ମେରା  
 ତଲେ ଦସ୍ପି ଆହାଲି ଝେସିମାଞ୍ଜଅଁ,  
 ସାମା ମୀରୁ ଏନିକ୍ ମାନି କିହାଁ ରଣ୍ଡିଏ  
 ମନତଲେ ପ୍ରବୁ ତାଶା ଡୟିଦେରି,  
 ଏଦାଆଁତାକି ଝେସିମାଞ୍ଜାଇ ।

୩୬ ସାମା, ଆମ୍ବାଆସି ତାଙ୍ଗେତାକି  
 ରାସ୍ପପଆତି ମାଙ୍ଗାନି ଡାଆଦେଲା  
 ରାଡେତୟିଏ ଇଞ୍ଜା ଅଶ୍ୱପିନେସି, ଅଡେ  
 ଏଞ୍ଜାସି ମୁର୍ସାନା ମାଞ୍ଜାଲି ଆଡାଆସାରେ  
 ଅଡେ ତାଙ୍ଗେ ଲଡାଆନେ ଆତିହ  
 ତାନି ମନତା ଏନାୟି ମାନେ  
 ଏଲେଆହୁଁ ବାହା ଆନାୟି ମାନେ,  
 ଏମ୍ବାଆଁ ପାପୁ ହିଲେଏ, ଏଦାଆଁତାକି  
 ଏଞ୍ଜି ବାହା ଆପୁ । ୩୭ ସାମା ଆମ୍ବାଆସି  
 ହିୟାତା ତାରି ମାନେସି, ଅଡେ ବାହା  
 ଆହାଲି ମନ କିଅସି ଇଞ୍ଜା ଆମ୍ବାଆସି  
 ତାନି ମନତି ଲକହାଲି ଆଡିନେସି ଅଡେ  
 ଏଞ୍ଜାସି ତାନି ମନତା ଏନାଆଁ କିହାଲି  
 ଅଶ୍ୱପାମାନେସି ଆତିହ ଏଞ୍ଜାସି  
 ତାଙ୍ଗେ ରାସାମାନି ଡାଆ ପଦାକ୍ ବାହା  
 ଆଆତ ନେହେଁ । ୩୮ ଏଦାଆଁତାକି  
 ଆମ୍ବାଆସି ତାଙ୍ଗେ ରାସାମାନି ଡାଆ  
 ମାଙ୍ଗାନି ବାହା କିନେସି ଏଞ୍ଜାସି ନେହ  
 କିନେସି, ଅଡେ ଆମ୍ବାଆସି ବାହା ଆଅସି  
 ଏଞ୍ଜାସି ଏଦାଆଁ କିହାଁ ହାଡେରକା ନେହ

କିନେସି ।  
 ୩୯ ବାହା ଆଡି ତକ୍ତି ତାନି ତକ୍ତା ଜୀଞ୍ଜୁ  
 ମାନି ପାଡେକା ଦସ୍ପି ଆହା ଡୟିନେ;  
 ସାମା ତକ୍ତା ହାଡିସାରେ ଏ ତକ୍ତି କ୍ରୀସ୍ତ  
 ତାଶା ନାମାମାନି ଆମ୍ବାଆରାଇଁ ମନ  
 ଏଞ୍ଜାଶାକି ବାହା ଆୟାଲି ଆଡିନେ ।  
 ୪୦ ସାମା ନା ଅଶ୍ୱପୁତା, ଏଦି ଏନିକ୍  
 ମାନେ ଏଲେକିହ ଏ ଡୟିତିହ  
 ହାଡେରକା ଗାହାଁତଲେ ଡୟିନେ, ଇଦି  
 ମାହାପୁରୁ ଜୀଞ୍ଜୁତ ହେଲ ଇଞ୍ଜା ନାନୁ  
 ଅଶ୍ୱପିମାଇଁ ।

୮

ପେଶକା ବମାୟାକି ଡାକାମାନି  
 ରାନ୍ଦାତି କାତା

୧ ପେଶକା ବମାୟାକି ଡାକାମାନି  
 ବଗୁତି କାତା ନାନୁ ଝେହନାୟି  
 ଇଦି, “ବାରେତାକି ବୁଦି ମାନେ”  
 ଇଞ୍ଜା ମୀରୁ ଝେସିମାଞ୍ଜେରି, ଏଦାଆଁ  
 ମାମ୍ବୁ ପୁଞ୍ଜାମାନମି । ବୁଦି ତାହାରା  
 କିଞ୍ଜିକୟାନେ, ସାମା ଜୀଞ୍ଜୁନନାୟି  
 କାଲୁଞ୍ଜି କିୟାନେ । ୨ ଆମ୍ବାଆସି ଏନି  
 କାତାତା ଜିକେଏ ନାନୁ ପୁଞ୍ଜାମାଇଁ  
 ଇଞ୍ଜା ଅଶ୍ୱପିନେସି, ଆତିହ  
 ଏଞ୍ଜାଶାକି ଏନିକ୍ ପୁନାୟିମାନେ,  
 ଏଞ୍ଜାସି ନୀଏଁ ପାଡେକା ଏଲେକ  
 ପୁଞ୍ଜାହିଲଅସି । ୩ ସାମା ଆମ୍ବାଆସି  
 ମାହାପୁରୁକ୍ ଜୀଞ୍ଜୁ ନନେସି, ଏଞ୍ଜାଶାକ୍  
 ମାହାପୁରୁ ପୁଞ୍ଜାମାନେସି ।

୪ ଏଦାଆଁତାକି ପେଶକା ବମାୟାକି  
 ଡାକାମାନି ବଗୁତି ତିନି କାତା ମାର  
 ପୁଞ୍ଜାମାନାୟି, ଦାରତିତା ପେଶକା  
 ଇଞ୍ଜିହ ଏନାଇ ହିଲାଡ, ଅଡେ  
 ରଣ୍ଡିଏ ମାହାପୁରୁ ପିସ୍ପପେ ଅଡେ ରଅସି  
 ହିଲଅସି । ୫ ଇତିହ ଲାକପୁରୁ ଆଡେ  
 କି ଦାରତିତା ଆଡେ, ଆମ୍ବାଆରାଇଁ  
 ମାହାପୁରୁ ଇନେରି, ପେଶକା ମାତିହ  
 ଜିକେଏ ସାଡେଏ ହାଡେରକା “ପେଶକା”  
 ଅଡେ ହାଡେରକା “ପ୍ରବୁୟା” ମାନୁ,  
 ୬ ଆଡିଜିକେଏ ମାଙ୍ଗେତାକି ରଣ୍ଡିଏ  
 ମାହାପୁରୁ ଇତିହ ଏ ଆବା ତାଶାତି  
 ବାରେ ଗାଡି ଆହାମାନେ, ଇଞ୍ଜା ମାର

ଏଞ୍ଜାଣି ତାକି ନୀତାମାନାୟି; ଇଞ୍ଜା ରଣ୍ଡିଏ ପ୍ରବୁ ଇଚିହଁ ଜୀସୁ କ୍ରୀସ୍ତ, ଏଞ୍ଜାଣି ତାଣାଟି ବାରେ ଗାଡ଼ି ଆହାମାନେ, ଅଡ଼େ ମାର ଏଞ୍ଜାଣି ତାଣାଟି ନୀତାମାନାୟି ।

୭ ଆଡ଼ିଜିକେଏ ବାରେତାକି ଇ ବୁଦି ହିଲେଏ; ସାମା ଏତେକା ଲକୁ ନୀଏଁ ପାତେକା ପେଣକା ମାନୁ ଇଞ୍ଜା ଅଣ୍ଡାପାନା ପେଣକା ବମାୟାକି ଡାକାମାନି ବଗୁ ତିନେରି, ଇଞ୍ଜା ଏଞ୍ଜାରି ଅଣ୍ଡାପୁତି ବାଡ଼ୁୟୁ ଉଣା ମାନାକି ଦହଗାଟାରି ଆନେରି । ୮ ସାମା ତାନି ରାନ୍ଦା ମାଜେ ମାହାପୁରୁ ନକିତା ନେହଁ କି ଲାଗେଏ କିୟେଏ; ତିନାଆତିହଁ ମା ଏନାୟି ନସ୍ତ ଆଏ ଅଡ଼େ ତିତି ସାରେ ମାଜେ ଏନି ଲାବା ଆଏ ।

୯ ସାମା ଜାଗ୍ରାତା, ନଲେ ମୀ ତାଣା ମାନି ଅଦିକାରା ନାମୁତା ବାଡ଼ୁୟୁ ହିଲାଆ ଗାଟାରାକି କସ୍ତ ବାଡ଼ା ହାନାୟି ଆନେ । ୧୦ ବୁଦି ଗାଟାତେରି ମୀରୁ, ମିଜେ ଆମ୍ବାଆସି ପେନୁତି ଦେସ୍ତୁଡ଼ି ବଜିତା କୁଗାମାନାଣି ମେସ୍ତାତିହଁ, ଏଞ୍ଜାସି ନାମୁତା ଉଣା ମାତିହଁ, ତାନି ଅଣ୍ଡାପୁତି ବାଡ଼ୁୟୁ ଉଣା ମାନାକି ପେଣକା ବମାୟାକି ଡାକାମାନି ବଗୁ ତିଞ୍ଜାଲି ସାସା ଆଅସି କି ? ୧୧ ଇଞ୍ଜା ଆମିନି ବାଡ଼ୁୟୁ ହିଲାଆ ନାମିତି ତାୟି କି ତାଜି ତାକି କ୍ରୀସ୍ତ ହାଡେସି, ଏଞ୍ଜାସି ନୀ ଏ “ବୁଦି” ତଲେ ନାସା ଆହିମାନେସି । ୧୨ ଇଲେକିହଁ ମୀ ତାଣା ମାନି ନାମିତି ତାୟିୟା କପାଟି ପାପୁ କିହାଁ ଇଞ୍ଜା ଏଞ୍ଜାରି ବାଡ଼ୁୟୁ ହିଲାଆ ଅଣ୍ଡାପୁତି କସ୍ତ ହାହାନା ମୀ କ୍ରୀସ୍ତତି କପାଟି ପାପୁ କିହିମାଜେରି । ୧୩ ଇଦାଆଁତାକି ତିନି କାଦି ନା ତାୟିକି କସ୍ତ ହନେ, ଆତିହଁ ନା ତାୟି ଏନିକଁ ନା ତାଣାଟି କସ୍ତ ଆଅସି, ଏଦାଆଁତାକି ନାନୁ ଏତେଲା ଉଞ୍ଜା ତିନଅଁ ।

୯

ପାଣ୍ଡୁ଼ି ଆଡ଼ାରି ଅଦିକାରା ଅଡ଼େ ଦାୟିପତି

୧ ନାନୁ ନା ମନତଲେ ମାଞ୍ଜାଲି ଆଡ଼ଅଁ ? ନାନୁ ର ପାଣ୍ଡୁ଼ି ଆଡ଼ାତେଏଁ ଆଏ

? ନାନୁ ଏନାଆଁ ମା ପ୍ରବୁ ଜୀସୁଇଁ ମେସାହିଲଅଁ ? ମୀରୁ କି ମାହାପୁରୁ ତାଣା ନା କିତି କାମାତି ପାଡ଼େୟି ଆଏ ? ୨ ନାନୁ ଏଡ଼କାତାରି ତାଣା ପାଣ୍ଡୁ଼ି ଆହାହିଲାଆତି ଜିକେଏ, ମିଜେତାକି ନାନୁ ସାତେଏ ପାଣ୍ଡୁ଼ି ଆହାମାନାତେଏଁ, ଇଚିହଁ ପ୍ରବୁ ତାଣା ମୀରୁ ନା ପାଣ୍ଡୁ଼ିଆହାମାନି ପାଣାତା ଝେଟାମାନି ବୁରୁ ମୁଦ୍ରା ଲେହେଁ ଆହାମାଜେରି ।

୩ ନାଜେ ନୀହାଁୟି କିୟାନାରିକି ନାନୁ ଝେଣ୍ଡେ ଝେସ୍ତାନି କାତା ଇଦି । ୪ ନା କାମାତାକି ତିଞ୍ଜା ଉଣ୍ଡାଲି ମାଜେ ଅଦିକାରା ହିଲେଏ ? ୫ ଅରୁ ପାଣ୍ଡୁ଼ି ଆହାମାନାରି ପ୍ରବୁତି ତାୟିୟା ଅଡ଼େ କେପା\* ଲେହେଁ କ୍ରୀସ୍ତାନା ତାଜିନି ବୀହା ଆହାଁ ଏ ଇୟାନି ତଲେ ରେଜାଲି ମାଜେ ଅଦିକାରା ହିଲେଏ କି ? ୬ ଅଡ଼େ ଜୀସୁତା ନୀତାଲିତାକି କାମାତି ପିସାଲି ନାଜେ ଅଡ଼େ ବର୍ନବାତି ଅଦିକାରା ହିଲେଏ କି ? ୭ ର ଜୁଜୁ କିନାସି ଜୁଜୁତା ମାନି ବେଲା ତାନୁଏ ତାଜେତାକି କାରୁଁ କିନେସିକି ? ଇଞ୍ଜା ଆମ୍ବାଆସି ଅଜୁରି ବାଡ଼ା କିହାଁ ଏମ୍ବାତି ପାଡ଼େୟି ତିନଅସି କି ? ଇଞ୍ଜା ର ଗଡ଼ ତାନି ମାନ୍ଦାତି ପାଲୁ ଗହଅସି କି ?

୮ ନାନୁ ମାଣ୍ଡସି ଆହାଁ ଇ ବାରେ କାତା ଝେସିମାଞ୍ଜାଇଁ ? ଇଞ୍ଜା ସାସ୍ତେରି ଜିକେଏ ଇ ବାରେ କାତା ଝେସିମାଞ୍ଜେଏ କି ? ୯ ଇଚିହଁ ମସାତି ମେରାତା ଇଲେଇଞ୍ଜା ରାସ୍କି ଆହାମାନେ, “ନପଁମାନି କଡ଼ିତି ଗୁଡିତା କତ୍ରା ଦହଆରୁ,” ମାହାପୁରୁ ଝାରଇ ଏ କଡ଼ିତି ଅଣ୍ଡାପିମାନେସି କି ? ୧୦ ଏଞ୍ଜାସି ଇଦାଆଁ ମାଜେତାକି ଝେସା ମାଞ୍ଜଅସି ? ହାଅ, ମାଜେତାକି ଇଦି ରାସ୍କି ଆହାମାନେ, ଏନାଆଁତାକି ଇଚିହଁ ଆମ୍ବାଆସି ତାସା କିନେସି ଆସା ତଲେ ତାସା କିନାୟିମାନେ, ଅଡ଼େ ନପଁନାସି ଗାତି ବାଗା ବେଟାଆହାଲି କତ୍ରା ଦହନେସି । ୧୧ ମାମ୍ବୁମିଜେତାକି ନେହଁ ଜୀସୁତି ବିଟା ମାଟା ମାଟାମାନମି, ଅଡ଼େ ମୀ ତାଣାଟି ଇ ଦାରତିତି ତାସା ଦାଡ଼ିହଁ

\* ୯:୫ ୯:୫ ପିତର ☆ ୯:୯ ୯:୯ ୧ତିମ ୫:୧୮

ଏହି ଏହି କାଜା କାତା ଆଏକି ?  
 ୧୨ ଏଟକା ଲକ୍ଷୁ ମୀ ତାଣାଟି ବାଗା  
 ବେଟାଆହାଲି ଅଦିକାରା ମାଟିହୁଁ,  
 ଏଦାଆଁ କିହାଁ ଆଗାଡ଼ା ବେଟାଆହାଲି ମା  
 ଅଦିକାରା ହିଲେଏ କି ? ଆଡ଼ିଜିକେଏ  
 ମାମ୍ମୁଏ ଅଦିକାରା ଲେମ୍ବା ହିଲଅମି  
 । ସାମା ଏନିକ୍ ମାମ୍ମୁ କ୍ରୀସ୍ତତି  
 ନେହୁଁ କାବୁ ଝେକ୍ଜି କିନି କାମାତା  
 ଏନି ବାଦା ଝାଆପେ ଇଞ୍ଜୁ ବାରେ  
 ଅରୁହିମାନମି ୧୩ ଆମ୍ବାଆରି ଦେଝୁଡ଼ିତା  
 ପୂଜା କିନାରି ଏଞ୍ଜାରି ଦେଝୁଡ଼ିତି ରାନ୍ଦା  
 ବେଟାଆନେରି, ଇଞ୍ଜା ଆମ୍ବାଆରି ପୂଜା  
 କିନାରି ପୂଜା କିହାଲି ପୂଜା ପିଣ୍ଡାତା  
 ଇତିତି ବଗୁଡ଼ି ବାଗା ବେଟାଆନେରି,  
 ଇଞ୍ଜୁ ମୀରୁ ପୁଞ୍ଜାହିଲଅତେରି କି  
 ? ୧୪ ଏଲେକିହୁଁଏ ଆମ୍ବାଆରି  
 ନେହୁଁ କାବୁଡ଼ି ଝେକ୍ଜି ମାନେରି,  
 ଏଞ୍ଜାରି ନେହୁଁ କାବୁ ଝେକ୍ଜି ତାଣାଟିଏ  
 ନୀଡ଼ିନେରି, ଇ କାତା ପ୍ରବୁ ହୁକୁମି  
 ହାହାମାନେସି ।

୧୫ ସାମା ନାନୁ ଇ ବାରେ ଏନାଆଁଞ୍ଜା  
 ଲେମ୍ବାହିଲଅଁ, ଅଡ଼େ ନାଜେଟାକି ଏଲେ  
 କିଞ୍ଚିଆପେ, ଏଦାଆଁତାକି ରାଡ଼ିମାଞ୍ଜାଅଁ;  
 ଇତିହୁଁ ଆମ୍ବାଆରି ନା ନେହୁଁ  
 ବଡ଼ପଣତି ଉଜେଏ କିନି କିହାଁ ନାନୁ  
 ହାହାହାନାୟି ନେହେଁ । ୧୬ ଇତିହୁଁ  
 ନାନୁ ନେହୁଁ କାବୁ ଝେକ୍ଜି, ଏମ୍ବାଆଁ ନା  
 ବଡ଼ପଣ ଆନାୟି ହିଲେଏ, ଏନାଆଁତାକି  
 ଇତିହୁଁ ଏଦାଆଁ କିହାଲି ହୁକୁମି  
 ବେଟାଆହାମାଲ୍, ଇଞ୍ଜା ନାନୁ ନେହୁଁ  
 କାବୁ ଝେକ୍ଜିଆତେଏଁ ଇତିହୁଁ ନାନୁ  
 ଏଚେକା ତଣ୍ଡ ବେଟାଆନାତେଏଁ ।  
 ୧୭ ଇତିହୁଁ ନାନୁ ଜାହାରା ମନତଲେ ଇ  
 କାମା କିଲ୍, ଆଡ଼ିହୁଁ ନାଜେଟାକି ଦାନା  
 ମାନେ; ସାମା ନାନୁ ନା ମନତଲେ କାମା  
 କିଆଡ଼ିହୁଁ ଜିକେଏ ମାହାପୁରୁ ନାଜେ  
 ସେବାକିନି କାମାତି ବଜୁ ହେରପା  
 ମାଞ୍ଜାନେସି । ୧୮ ଆଡ଼ିହୁଁ ନା ଦାନା  
 ଏନାୟି ? ଏଡ଼ି ଇଦି ନାନୁ ନା ନେହୁଁ  
 କାବୁତା ମାନି ଅଦିକାରା ଲେମ୍ବାଆନା  
 ନେହୁଁ କାବୁ ଝେସି ଝେସି ଏ ନେହୁଁ

କାବୁଡ଼ି ଉଜେଏ ଝେକ୍ଜି ।  
 ୧୯ ନାନୁ ଆମ୍ବାଆରି ହଲେଏଶା  
 ଆଆଡ଼ି ଜିକେଏ, ଏନିକ୍ ନାନୁ  
 ହାଡ଼େକା ଗାଡ଼ି ଲକ୍ଷୁଣି ବେଟାଆହାଲି  
 ଆଡ଼ିଲ୍, ଏଦାଆଁତାକି ନାନୁ ଜାହାରାଲ୍  
 ବାରେଡ଼ି ହୁଲେଏସି କିତେଏଁ ।  
 ୨୦ ଏନିକ୍ ନାନୁ ଜୀହୁଦିୟାଣି  
 କ୍ରୀସ୍ତ ତାକି ଜୀଶା ଆହାଲି ଆଡ଼ିଲ୍,  
 ଏଦାଆଁତାକି ଜୀହୁଦି ଲକ୍ଷୁ ନକିତା ନାନୁ  
 ଜୀହୁଦି ଲେହେଁ ଆହିମାଲ୍; ଏନିକ୍  
 ମସାତି ମେରାତା ଦସପି ଆହାମାନାରାଲ୍  
 ଜୀଶା ଆହାଲି ଆଡ଼ିଲ୍, ଏଦାଆଁତାକି  
 ନାନୁ ମେରାତା ଦସପି ଆଆଡ଼ି ଜିକେଏ  
 ମେରାତା ଦସପି ଆଡ଼ି ଲକ୍ଷୁଲେହେଁ  
 ଆଡ଼େଏଁ । ୨୧ ଏନିକ୍ ନାନୁ ମସାତି  
 ମେରା ପୁନାଆଡ଼ି ଏଟକା କୁଡ଼ାଡ଼ି ଲକ୍ଷୁଣି  
 ବେଟାଆହାଲି ଆଡ଼ିଲ୍, ଇଦାଆଁତାକି  
 ନାନୁ ମାହାପୁରୁଡ଼ି ମେରାତା ହିଲାଆ  
 ଲକ୍ଷୁ ଆଆନା କ୍ରୀସ୍ତତି ମେରା ମାନୁଞ୍ଜି  
 ଆଡ଼ିଜିକେଏ ମସାତି ମେରାତା ହିଲାଆ  
 ଲକ୍ଷୁ ନକିତା ମସାତି ମେରାତା ହିଲାଆ  
 ଲକ୍ଷୁଲେହେଁ ଆଡ଼େଏଁ । ୨୨ ଏନିକ୍  
 ନାନୁ ବାଡ଼ୁୟି ହିଲାଆଗାଟାରାଲ୍ ଜୀଶା  
 ଆହାଲି ଆଡ଼ିଲ୍, ଏଦାଆଁତାକି ବାଡ଼ୁୟି  
 ହିଲାଆ ଗାଟାରି ନକିତା ବାଡ଼ୁୟି  
 ହିଲାଆଲେହେଁ ଆଡ଼େଏଁ; ଏନିକ୍ ଇତିହୁଁ  
 ଜିକେଏ ନାନୁ ଏଚର ଜାଣାଲ୍  
 ଗେଲ୍ପାଲି ଆଡ଼ିଲ୍, ଇଦାଆଁତାକି  
 ବାରେ ଲକ୍ଷୁ ଏନିଲେହେଁତାରି ନାନୁ  
 ଏଞ୍ଜାରିଲେହେଁ ଆଡ଼େଏଁ ।  
 ୨୩ ନାନୁ ଏନିକ୍ ନେହୁଁ କାବୁଡ଼ି  
 ବରତା ଆଣ୍ଡାଲି ଆଡ଼ିଲ୍, ଏଦାଆଁତାକି  
 ନାନୁ ନେହୁଁ କାବୁଡ଼ାକି ବାରେ କିଲ୍ ।  
 ୨୪ ଆମ୍ବାଆରି କାହିନି ତାଣା ହଣନେରି  
 ଏଞ୍ଜାରି ବାରେଜାଣା ହଣନେରି ସାତା,  
 ସାମା ରଅସିଏ ଜୀଶା ଆହାଁ ଦାନା  
 ବେଟା ଆନେସି, ଇଦାଆଁ ମୀରୁ  
 ପୁଞ୍ଜାହିଲଅତେରି ? ମୀରୁ ଏନିକ୍  
 ଦାନା ବେଟାଆଦେରି ଏଦାଆଁତାକି  
 ଏଲେକ୍ ହଣଦୁ । ୨୫ ଆମ୍ବାଆସି

☆ ୯:୧୪ ୯:୧୪ ମାତି ୧୦:୧୦; ଲୁକ ୧୦:୭

ବାଦହାରା ତଲେ କାହିନି ତାଣା ଆଣ୍ଡିନେସି ଏଞ୍ଜାସି ବାରେ ନେହୁଁକଁ ଜାପିନେସି; ଏଞ୍ଜାରି ଗାଡ଼େକେଏ ନାସଞ୍ଜି ଆନି ଟଫେରି ବେଟାଆହାଲି କାହିମାନେରି; ସାମା ମାର ଏଚେଲ୍ୟାଞ୍ଜା ନାସା ଆଆଗାଟି ଟଫେରି ବେଟାଆହାଲି ଏଲେ କିନ । ୨୭ ଏଦାଆଁତାକି ନାନୁ ହଟିମାଲ୍, ସାମା ଗୁରି ହିଲ୍ଲାଆ ତାଣା ଆଏ, ନାନୁ ମୁଟିତଲେ କୁଡ଼କି ଆନି ଜୁଜୁ କିହିମାଲ୍, ସାମା ଖାରଇ ଗାଲିତି ଝେନି ଲକୁଲେହେଁ ଆଏ । ୨୮ ଏଚକା ଲକୁତାଣା ନେହୁଁ କାରୁ ଝେସିହୁଁ ନାନୁ ଏନିକଁ ଅପାଆ ଗାଟାତେଏଁ ଆଅଁ ଏଦାଆଁତାକି ନା ଆଜାତି କସ୍ତ ବାଦା ହାହାନା ଲକ୍‌ହିମାଲ୍ ।

୧୦

ପେଣକା ବମାୟାଁ ସେବାଟି ଜାଗ୍ରାତା କିନାୟି

୧ ଇତିହୁଁ ଏ ତାୟିୟାଁ ଅଡ଼େ ତାଜିସ୍ମାତେରି ମା ଆକୁ ଆବାୟାଁ ବାରେ ଦୂନ୍ଦା ଡ଼ଇକା ମାଚେରି । ୨ ଅଡ଼େ ବାରେଜାଣା ସାମ୍‌ଦୁରି ବିତ୍ରାଟି ହାଚେରି, ଇଞ୍ଜା ବାରେଜାଣା ଦୂନ୍ଦା ଅଡ଼େ ସାମ୍‌ଦୁରିତା ମସା ତାଣାଟି ବାପ୍ତିସ୍ମା\* ଅଡ଼େରି । ୩ ଅଡ଼େ ଏଞ୍ଜାରି ବାରେଜାଣା ରଣ୍ଡିଏ ଜୀଞ୍ଜୁତି ରାନ୍ଦା ତିଚେରି । ୪ ଅଡ଼େ ବାରେଜାଣା ରଣ୍ଡିଏ ମାହାପୁରୁ ହାତି ଜୀଞ୍ଜୁତି ଏୟୁ ଗସ୍ତେରି, ଇତିହୁଁ ଏଞ୍ଜାରିତଲେ ହାଜିମାତି ମାହାପୁରୁ ହାତି ଜୀଞ୍ଜୁତି ପାକା ଖାଲିତି ଏୟୁ ଗସ୍ତେରି ଏ ପାକା ଖାଲି କ୍ରୀସ୍ତ, ୫ ଆଡ଼ିଜିକେଏ ଏଞ୍ଜାରି ବିତ୍ରାଟି ହାଚେକା ଲକୁତାଣା ମାହାପୁରୁତି ରାହାଁ ହିଲ୍ଲାଆତେ, ଇଞ୍ଜା ଏଞ୍ଜାରି ଲକୁ ହିଲ୍ଲାଆ ଟାୟୁତା ହାହାହାଚେରି, ଇ ବାରେ କାତା ମାରୁ ପୁନାଆନା ମାଞ୍ଜୁ ଇଞ୍ଜୁଁ ନା ମନ ହିଲେଏ ।

୬ ଏଞ୍ଜାରି ଏନିକଁ ଲାଗେଏ ପଲେଏତାଣି ତାକି ଜୁପକା ଆହାମାଚେରି, ଏଲେକଁ ମାର ଏଲେତି ଜୁପକା ଆଆୟି, ଏଦାଣିତାକି ଇ ବାରେ କାତା

ମାଜେତାକି ପୁଣ୍ଡିକିନାୟି ଆହାମାନେ । ୭ ଏନିକଁ ଏଞ୍ଜାରି ବିତ୍ରାଟି ଏଚରଜାଣା ପେଣକା ପୂଜା କିନାରି ଆଡ଼େରି, ଏଲେକଁ ମାରୁ ପେଣକା ପୂଜା କିନାଚେରି ଆଆଦୁ; ଏନିକଁ ରାସ୍‌କି ଆହାମାନେ, “ଲକୁ ତିଞ୍ଜା ଉଣ୍ଡାଲି କୁଟିଚେରି, ଅଡ଼େ ଏନିହୁଁ ରାହାଁ କିହାଲି ନିଜିତେରି ।” ୮ ଏନିକଁ ଏଞ୍ଜାରିତାଣା ଏଚରଜାଣା ଦାରିକାମା କିହାନା ରଣ୍ଡିଏ ନେରୁ କଡ଼େ ତାନି ମାଣା ଲକୁ ହାଡ଼େରି, ଏଲେକଁ ମାର ଦାରିକାମା କିଆପ । ୯ ଏନିକଁ ଏଞ୍ଜାରି ବିତ୍ରାଟି ଏଚରଜାଣା ପ୍ରବୁଇଁ ତାୟିପାରି କିହାଁ ରାରୁ ତଲେ ହାଡ଼େରି, ଏଲେକଁ ମାର ପ୍ରବୁଇଁ ତାୟିପାରି କିଆପ । ୧୦ ଏନିକଁ ଏଞ୍ଜାରି ବିତ୍ରାଟି ଏଚରଜାଣା ବାଟା କିହାଲିଏ ନାସାକିନି ଦୂତୁ କେୟୁଟି ହାଡ଼େରି, ଏଲେକଁ ମାରୁ ବାଟା କିଆଦୁ ।

୧୧ ଇ ବାରେ ପୁଣ୍ଡିକିନିଲେହେଁ ଏଞ୍ଜାରିକି ଆଡ଼େ, ଅଡ଼େ ଆମ୍ବାଆରି ବେଲାତା ଜୁଗୁରାନ୍ତି ଦିନା ଏଜିମାଞ୍ଜାନେ, ଏଲେକିହୁଁ ମାର ମା ସେଡ଼ନା ତାକି ଏ ବାରେ ରାସ୍‌କି ଆହାମାନେ । ୧୨ ଏଦାଆଁତାକି ଆମ୍ବାଆସି ନାନୁ ତୀରି ଗାଟାତେଏଁ ଇଞ୍ଜିହୁଁ ଅଣ୍ଡିପି ମାନାସି, ଏଞ୍ଜାସି ଏନିକଁ ଡ଼ରଗଅସି, ଏଦାଆଁତାକି ଏଞ୍ଜାସି ଜାଗ୍ରାତା ଆପାସି । ୧୩ ମାଣ୍ଡିତାକି ଏନିଲେହେଁତି ତାୟିପାରି କିନାୟି କସ୍ତଗାଟାୟି ଆଏ, ଏଦାଆଁ ପିସ୍‌ପେ ମିଜେତାକି ଏଚକାତି ତାୟିପାରି କିନାୟି ଆହା ହିଲେଏ, ସାମା ମାହାପୁରୁ ଟିକାଣାତାସି, ଏଞ୍ଜାସି ମିଜେ ଏନି ଆଡ଼ାଆଗାଟି ତାୟିପାରି କିହାଲି ହିୟଅସି, ସାମା ମାରୁ ଏନିକଁ ଅରହାଲି ଆଡ଼ିଦେରି, ଏଦାଆଁତାକି ତାୟିପାରି କିଞ୍ଜିଏ ଏଞ୍ଜାସି ଗେଲ୍‌ପିନି ଜିରୁ ଜିକେଏ କେପିନେସି ।

୧୪ ଏ ନା ଜୀଞ୍ଜୁତି ତାୟିୟାଁ ଅଡ଼େ ତାଜିସ୍ମାତେରି ପେଣକା ବମାୟାଁ ପୂଜା କିନି ତାଣାଟି ଏଚକା ଆଦୁ । ୧୫ ନାନୁ

\* ୧୦:୨ ୧୦:୨ମୁଞ୍ଜିନାୟି

ବୁଦ୍ଧିଗାମି ଲକ୍ଷ୍ମଣୀ ଖେଦନିଲେହେଁ  
 ଖେସିମାଞ୍ଜାଲ୍, ନାନୁ ଏନାଆଁ ଖେସିମାଲ୍  
 ଏଦାଆଁ ମୀରୁ ମୀରୁଏ ଅଣ୍ଠପାଦୁ  
 । ୧୭ \*ଆମିନି ପ୍ରବୁତି ବକ୍ତି ସଲ୍ଲା  
 ତାକି ଜହରା କିନାୟି, ଏଦି କ୍ରୀସ୍ତତି  
 ନେତେରିତା ଆଣ୍ଡିହିଲେଏ ? ଆମିନି ରୁଟି  
 ମାର୍ ତିକ୍‌ହି ମାନାୟି ଏଦି କି କ୍ରୀସ୍ତତି  
 ଆଙ୍ଗାତା ଆଣ୍ଡିହିଲେଏ ? ୧୭ ଇତିହ  
 ରୁଟି ରଣ୍ଡିଏ ଆଡାକି ମାର୍ ହାରେକା  
 ଆଡିଜିକେଏ ରଣ୍ଡିଏ ଆଙ୍ଗା ଲେହେଁ,  
 ଏଦାଆଁତାକି ମାର୍ ବାରେଜାଣା ରଣ୍ଡିଏ  
 ରୁଟିତି ବାଟା ।

୧୮ ଆଙ୍ଗାତି ଜାର୍ନା ତଲେ ଆମ୍ବାଆରି  
 ଇସ୍ତାୟେଲ ଲକ୍ଷ୍ମଣୀ, ଏଞ୍ଜା ରାଲ୍ ସିନିକିଦୁ  
 ଆମ୍ବାଆରି ପୂଜା କିତି ଉଙ୍ଗା ତିନେରି,  
 ଏଞ୍ଜାରି ପୂଜା ପିଣ୍ଡାତି ପୂଜାତା  
 ଆଣ୍ଡିହିଲଅରି ? ୧୯ ଆତିହ ପେଶକା  
 ବମାୟା ବଗୁ ଇଞ୍ଜିହ ଏନାୟି ମାନେ,  
 ଅଡେ ପେଶକା ବମାୟା ଇଞ୍ଜି ଏନାଲ  
 ମାନୁ, ଏଦାଆଁ କି ନାନୁ ଖେସିମାଞ୍ଜାଲ୍  
 ? ୨୦ ଆଏ, ସାମା ନାନୁ ଖେସିମାଞ୍ଜାଲ୍,  
 ଏନାଆଁ ଜୀହୁଦିଆଆତାରି ପୂଜା କିନେରି  
 ଏ ବାରେ ଏଞ୍ଜାରି ମାହାପୁରୁ ତାକି ପୂଜା  
 କିଆନା ବୁଡୁୟାକି କିନେରି, ଅଡେ  
 ମୀରୁ ବୁଡୁୟା ତଲେ ଆଣ୍ଡାଦୁ, ଇଦି ନା  
 ମନ ଅଣ୍ଠପୁତି ଆଏ । ୨୧ ମୀରୁ ପ୍ରବୁ  
 ବକ୍ତିତା ରାସା ଗହନିତାଣା ଅଡେ ବୁଡୁୟା  
 ଗହନିତାଣା ଗସାଲି ଆଡଅତେରି; ମୀରୁ  
 ପ୍ରବୁତି ବକ୍ତି ଅଡେ ବୁଡୁ ବକ୍ତିତା ଆଣ୍ଡାଲି  
 ଆଡଅତେରି । ୨୨ ମାର୍ ଏନାଆଁ ପ୍ରବୁଲ୍  
 କାର୍‌ବି କିନାୟି ? ମାର୍ କି ଏଞ୍ଜାଣି କହାଁ  
 ଗାଡି ବାଡୁୟୁ ଗାଟାତାୟି ?

୨୩ ବାରେ କିହାଲି ମାର୍ ଆଡିନାୟି,  
 ସାମା ବାରେ ମା ତାକି ନେହାୟି  
 ଆଏ, ବାରେ କିହାଲି ଆଡିନାୟି,  
 ସାମା ବାରେ ମା ତାକି ଲାବାଗାଟାୟି  
 ଆଏ । ୨୪ ଆମ୍ବାଆସି ଜାହାରାତାକି  
 ଅଣ୍ଠପାଆପେସି, ସାମା ବାରେଜାଣା  
 ତାକି ନେହାଁଣି ଅଣ୍ଠପାପେସି । ୨୫ ମନତି  
 ନେହାଁକ ଇଗାଲି ହାଟା ବାଜାରାତା

ପାର୍‌ପି ଆହିମାନି ଉଙ୍ଗା, ଆମ୍ବାଆରାଲ୍  
 ଖେନାଆନା ଅଡେ ଇଗାଣି ଅଣ୍ଠପାଆନା  
 ତିଞ୍ଜୁ । ୨୬ ଦାମ୍‌ପତିତା ରାସ୍‌କି  
 ଆହାମାନେ; “ଇତିହ ଦାର୍‌ତି ଅଡେ  
 ଏମ୍ବାଆଁ ମାନାୟି ବାରେ ମାହାପୁରୁଖାୟି  
 ।”

୨୭ ନାମ୍ବାଆତାରି ମିଙ୍ଗେ ତିଞ୍ଜାଲି  
 ହାଟାତିହ, ଇଞ୍ଜା ମୀରୁ ହାଜାଲି ମନ  
 କିତିସାରେ, ଅଡେ ଏମ୍ବାଆଁ ଏନାଆଁ  
 ତିଞ୍ଜାଲି ହାପ୍‌କିଆନେ, ମୀ ଅଣ୍ଠପୁ ତାକି  
 ଇଗାଣି ଖେନାଆନା ତିଞ୍ଜୁ । ୨୮ ସାମା  
 ଆମ୍ବାଆସି ମିଙ୍ଗେ ଏଲେଇଙ୍ଗାନେସି,  
 ଇଦି ପେଶକା ବମାୟାକି ତାକି  
 କିଞ୍ଜିଆହାମାନେ, ଆତିହ ଏଞ୍ଜାଣି ତାକି  
 ଇଞ୍ଜା ମୀ ଅଣ୍ଠପୁ ତାକି ତିନାଆଦୁ; ୨୯ ମୀ  
 ଅଣ୍ଠପୁ ତାକି ଇଞ୍ଜି ଖେସିମାଞ୍ଜାଆଁ, ସାମା  
 ଏଞ୍ଜାଣି ଅଣ୍ଠପୁ ତାକି । ଏନାଆଁତାକି  
 ନା ମନତଲେ ମାନାୟି ଏଡକା ଲକ୍ଷ୍ମଣି  
 ନେହାଁଣି ଲାଗେଏତାଣି ପୁନାଣି ତଲେ  
 ବିଚାରା ଆନେ ?

୩୦ “ନାନୁ ମାହାପୁରୁଲ୍ ଜହରା କିହାନା  
 ଆମିନି ରାନ୍ଦା ତିଞ୍ଜିମାଲ୍, ଏ ରାନ୍ଦା ତାକି  
 ନାଙ୍ଗେ ଏନାଆଁତାକି ରଅସି ଲାଜାକିହ  
 ଜଲାନେସି ?”

୩୧ ଏଦାଆଁତାକି ମୀରୁ ତିଞ୍ଜୁ ଉଣ୍ଡୁ  
 କି ଏନାଆଁ କିଦୁ, ଏଦାଆଁ ମାହାପୁରୁତି  
 ଗାଞ୍ଜରମି ତାକି କିଦୁ । ୩୨ ଜୀହୁଦି ଆଡେ,  
 ଜୀହୁଦିଆଆତାରି, ଇଞ୍ଜା ମାହାପୁରୁତି  
 କୁଲମିତି ଲକ୍ଷ୍ମଣୀ ଆପାରି, ଆମ୍ବାଆରାକି  
 କସ୍ତ ହାନାତେରି ଆଆଦୁ । ୩୩ ଏନିକ  
 ନାନୁ ଜିକେଏ ଜାହାରାତାକି ଅଣ୍ଠପାଆନା  
 ହାରେକା ଲକ୍ଷ୍ମଣି ଗେଲ୍‌ପି ଆୟାଲିତାକି  
 ଏଞ୍ଜାରି ନେହାଁଣି ଅଣ୍ଠପିମାଲ୍, ଅଡେ  
 ବାରେ କାତାତା ବାରେ ଜାଣାଲ୍ ରାହାଁ  
 କିୟାଲି ଅଣ୍ଠପିମାଲ୍ ।

**୧୧**

୧ \*ନାନୁ ଏନିକ କ୍ରୀସ୍ତ କିତିଲେହେଁ  
 କାମା କିହିମାଲ୍, ମୀରୁ ଜିକେଏ ନାନୁ  
 କିହିମାନି ଲେହେଁ କିଦୁ ।

ପ୍ରାତାନା କିନାତି ତାୟୁ ପୁକ୍‌ନାୟି

\* ୧୦:୧୭ ୧୦:୧୭ ମାତି ୨୭:୨୭-୨୮; ମାର୍କ ୧୪:୨୨-୨୪; ଲୁକ ୨୨:୧୯, ୨୦ \* ୧୧:୧ ୧୧:୧ ୧କର ୪:୧୭; ପିଲିପ ୩:୧୭

୨ ନାନୁ ମିଙ୍ଗେ ଗାଝୁରମି କିହିମାଞ୍ଜାଇଁ ଏନାଆଁତାକି ଇଚିହଁ ମୀରୁ ନାଙ୍ଗେ ବାରେବେଲା ଅଣ୍ଡିମାଞ୍ଜାଦେରି ଅଡ଼େ ନାନୁ ଆମିନି ମେରା ହାହାମାଞ୍ଜାଇଁ, ଏଦାଆଁ ବାରେ ମାନୁଞ୍ଜି ଆହିମାଞ୍ଜେରି । ୩ ସାମା କ୍ରୀସ୍ତ ବାରେ ଆବାୟାଁ ତାୟଁ ଲେହେଁ ଅଡ଼େ ଆବା ଇୟାନି ତାୟଁ ଲେହେଁ ଇଞ୍ଜାଁ ମାହାପୁରୁ କ୍ରୀସ୍ତତି ତାୟଁ ଲେହେଁ, ଇଦାଆଁ ମୀରୁ ପୁଞ୍ଜୁ ଇଞ୍ଜାଁ ନା ଅଣ୍ଡୁ । ୪ ଆମିନି ଆବା ତାନି ତାୟଁ ପୁକ୍ତହାନା ପ୍ରାତାନା କିନେସି, ତାୟଁ ଆନି କାତା ଝେହ୍ନେସି, ଏଝାସି ତାନି ତାୟଁ ତୁଁ ହାଣି ପାଣ୍ଡପି କିନେସି । ୫ ସାମା ଆମିନି ଆୟାଟି ତାନି ତାୟଁ ସୁଗାଆନା ପ୍ରାତାନା କିନେ ଅଡ଼େ ମାହାପୁରୁ ଅଣ୍ଡପୁତି ବଲୁ ଝେକ୍ନେ ଏଦି ତାନି ତାୟଁ ତୁଁ ଲାଜା ପାଣ୍ଡପି କିନେ ଇଚିହଁ ତାନି ତାୟଁ ହିଣ୍ଡପି ଆଡ଼ି ଇୟା ସମାନା । ୬ ଇଚିହଁ ତାୟଁ ପୁଗାଆଗାଟି ଆୟାଟି ତାନି ତାୟଁ ବାଣାୟାଁ ରାଡ଼ହା କତାପେ; ଇଚିହଁ ଇୟାନାକି ତାୟଁ ରାଡ଼ନାୟି କି ହିଣ୍ଡନାୟି ଲାଜାତି କାତା ଆତିହଁ ଏଦି ତାୟଁ ସୁଗାପେ । ୭ ଆବା ମାହାପୁରୁତି ଝାଣା ଇଞ୍ଜାଁ ଗାଝୁରମି ଲେହେଁ ଆଡ଼ାକି ତାନି ତାୟଁ ତୁଁ ପୁକ୍ତନାୟି ଲତ୍ତା ହିଲେଏ, ସାମା ଇୟା ଆବାତି ଗାଝୁରମି ଲେହେଁ । ୮ ଇଚିହଁ ଆବା ଇୟାନି ତାଣାଟି ଗାଡ଼ି ଆହାମାନେ । ୯ ଅଡ଼େ ଇୟା କି ଆବା ଗାଡ଼ି ଆହାହିଲଅସି ସାମା ଆବାକି ଇୟା ଗାଡ଼ି ଆହାମାନେ । ୧୦ ଏଦାଆଁତାକି ଦୁହୁୟାଁ ତାକି ତକ୍ତି ତାନି ତକ୍ତାତି ଅଦିକାରାତି ସିନାଲେହେଁ ତାୟଁ ତୁଁ ପୁକ୍ତହା କତାପେ । ୧୧ ଆଡ଼ିଜିକେଏ ପ୍ରବୁ ତାଣା ଆବା ତାଣାଟି ଆୟାଟି କାଜାୟି ଆଏ, ସାମା ଇୟା ତାଣାଟି ଆବା କାଜାସି ଆଏ, ୧୨ ଇଚିହଁ ଆୟାଟି ଏନିକଁ ଆବା ତାଣାଟି ଗାଡ଼ି ଆହାମାନେ । ଏଲେକିହଁ ଏ

ଆବା ଜିକେଏ ଇୟା ତାଣାଟି ଗାଡ଼ି ଆହାମାନେସି, ସାମା ବାରେ ମାହାପୁରୁ ତାଣାଟି ଗାଡ଼ି ଆହାମାନେ ।

୧୩ ମୀରୁ ମୀରୁଏ ବିଚାରା କିହାଁ କତାଦୁ, ତାୟଁ ପୁଗାଆନା ମାହାପୁରୁ ନକିତା ପ୍ରାତାନା କିନାୟି ଇୟାନାକି ନେହେଁ କି ? ୧୪ ମାଣ୍ଡକି ମାଙ୍ଗେ ଝେସିମାଞ୍ଜାନେ ଆବା ଲାମ୍ବା ତାୟଁ ବୁଣାଁ ପିହ୍ନାୟି ତାଙ୍ଗେତାକି ଲାଜାତି କାତା । ୧୫ ସାମା ଆୟାଟି ଲାମ୍ବା ତାୟଁ ବାଣାୟାଁ ପିସ୍ତି ସାରେ ତାଙ୍ଗେତାକି ଗାଝୁରମି ସମାନା, ଇଚିହଁ ତାୟଁ ପୁକ୍ତ ଆୟାଲି ଇୟାନାକି ଲାମ୍ବା ତାୟଁ ବାଣାୟାଁ ହାପକି ଆହାମାନେ । ୧୬ ସାମା ଆମ୍ବାଆସି ଏ କାତାତାକି ବାଦିବାଦା କିହାଲି ଅଣ୍ଡପିତିହଁ ଏଝାସି ପୁନାପେସି, ମାଙ୍ଗେ ଇଲେତି ମେରା ହିଲେଏ, ଇଞ୍ଜାଁ ମାହାପୁରୁ କୁଲମିତା ଜିକେଏ ହିଲେଏ ।

ପ୍ରବୁତି ବକ୍ତି

୧୭ ସାମା ମୀ ଆଣ୍ଡୁଞ୍ଜି ଆନାୟି ନେହାୟି ଆଆନା ସାମା ଲାଗେଏ ପଲେଏତାୟି ଆହିମାନେ, ଏଦାଆଁତାକି ମିଙ୍ଗେ ନେହାଁତେରି ଇଞ୍ଜାଲି ଆଡ଼ାଆନା ଇ ହୁକୁମି ହାହାମାଞ୍ଜାଇଁ । ୧୮ ଏଦାଆଁତାକି ଇଚିହଁ ନାନୁ ତଲିଏ ଝେଞ୍ଜିମାଞ୍ଜାଇଁ, କୁଲମି ଲେହେଁ ରୁଣ୍ଡା ଆନାଟି, ମୀ ବିତ୍ରା ଗତି ଗତି ଆହିମାଞ୍ଜେରି, ଇଞ୍ଜାଁ ଇ କାତା ବିତ୍ରା ଏଚେକା ସାତା ଇଞ୍ଜାଁ ନାନୁ ନାମିମାଞ୍ଜାଇଁ । ୧୯ ଏନିକଁ ମୀ ବିତ୍ରାଟି ଆମ୍ବାଆରି ସାତା ତାୟିପାରିତା ଜୀଣା ଆଡ଼ାରି ଏ ତଞ୍ଜାଆନ୍ଦେରି, ଏଦାଣିତାକି ମୀ ବିତ୍ରା ଗତି ଗତି ଆନାୟି ପିଟଞ୍ଜି ଆଏ । ୨୦ ଏଚେତା ମୀରୁ କୁଲମିତା ରୁଣ୍ଡା ଆଦେରି, “ଏଦି ପ୍ରବୁତି ବକ୍ତି ଆଏ,” ୨୧ ଏଦାଆଁତାକି ଇଚିହଁ ବକ୍ତି ତିନାଟି, ରଅସି ଅଡ଼େ ରଅଣାଇଁ କାଆନା ତାନି ରାନ୍ଦା ତିନେରି, ଏଦାଆଁତାକି ରଅସି ହାକିଟି ମାନାଟି ଅଡ଼େ ରଅସି ହଚାହାଁ ଡ଼ୟିମାନେସି । ୨୨ ଏଦାଆଁ ମିଙ୍ଗେ ତିଞ୍ଜା ଉଣ୍ଡାଲି ଇଲକା ହିଲାଉ ? ମୀରୁ ଏଦାଆଁ ମାହାପୁରୁ କୁଲମିତି

ମାନୁଷ୍ୟ ଆହି ହିଲଅତେରି, ଅଡେ ଆମ୍ବାଆରାକି ହିଲାର ଏଝାରାଇଁ ଲାଜା କିହିମାଞ୍ଜେରି, ନାନୁ ମିଙ୍ଗେ ଏନାଆଁ ଝେପ୍ପାଇଁ ? ମିଙ୍ଗେ ଏନିକ୍ ଗାଝୁରମି କିୟାଇଁ ? ଇଦାଆଁତାକି ମିଙ୍ଗେ ଗାଝୁରମି କିହିମାଞ୍ଜଅଁ ।

୨୩ ଇଚିହଁ ନାନୁ ପ୍ରବୁ ତାଣାଟି ବେଟାଆହାମାନି ଜାପୁନାଣି ମିଙ୍ଗେ ଜାପୁହି ମାଞ୍ଜାଇଁ, ଏଦି ଇଦି ପ୍ରବୁ ଜୀସୁ ସାତୁୟାଁ କେୟୁତା ହେରପିଆଡ଼ି ଲାଆଁୟାଁ ରୁଟି ଅହାନା, ମାହାପୁରୁଇଁ ଜହରା କିହାନା, ଏଦାଆଁ ତିକହାନା ଏଲେଇଚେସି, ୨୪ ଇଦି ମିଙ୍ଗେତାକି ନା ଆଙ୍ଗା; ନାଙ୍ଗେ ଅଣ୍ପାଲିତାକି ଇଦାଆଁ କିଦୁ । ୨୫ ଏଲେକିହଁ ଏ ତିଚି ତାୟୁ ଗହନି ସଲ୍ଲା ଅହାନା ଏଲେଇଚେସି, ଇ ସଲ୍ଲା ନା ନେତେରିତା ତାରିକିତି ପୁଝନି ରାଜିମାନା; ମୀରୁ ଇ ସଲ୍ଲାଟି ଏଚର ଦେବା ଗହଦେରି ଏଚର ଦେବା ନାଙ୍ଗେ ଅଣ୍ପାଲିତାକି କିଦୁ । ୨୬ ଇଚିହଁ ଏଚର ଦେବା ମୀରୁ ଇ ରୁଟି ତିଞ୍ଜେରି ଅଡେ ଇ ସଲ୍ଲାଟି ଗହଦେରି, ଏଚର ଦେବା ମୀରୁ ପ୍ରବୁତି ଝାନି ଦିନା ପାତେକା ତାନି ହାକିତି କାରୁ ଝେକ୍ଦେରି ।

୨୭ ଇଚିହଁ ଆମ୍ବାଆସି ଜଗେ ଆଆନା ପ୍ରବୁ ବଜିତି ରୁଟି ତିନେସି ଅଡେ ଇ ସଲ୍ଲାଟି ଗହନେସି, ଏଝାସି ପ୍ରବୁତି ଆଙ୍ଗା ଅଡେ ନେତେରିତି ଦାୟି ଆନେସି । ୨୮ ଏଦାଆଁତାକି ମାଣସି ତଲିଏ ତାନୁଏ ତାଙ୍ଗେ ତାୟିପାରି କିହାଁ କଡାହାଁ ଇ ରୁଟି ତିଣ୍ଡମେସି ଅଡେ ଇ ଗହନି ସଲ୍ଲାଟି ଗସପେସି । ୨୯ ଇଚିହଁ ଆମ୍ବାଆସି ପ୍ରବୁତି ଆଙ୍ଗାଟି ଏନାୟି ଇଞ୍ଜି ଅଣ୍ପାଆନା ତିନେସି ଅଡେ ଗହନେସି ଏଝାସି ତାନି ମୁହେଁ ତଣ୍ଡ ବେଟାଆହାଲି ତିନେସି ଅଡେ ଗହନେସି । ୩୦ ଏଦାଆଁତାକି ମୀ ବିତ୍ରାଟି ହାରେକା ଲକୁ ବାଡ଼ୟୁ ହିଲାଆଗାଟାତେରି ଇଞ୍ଜା ହାରେକା ଲକୁ ନଚେମି ଗାଟାରି ଅଡେ ହାରେକା ଜାଣା ହାହା ହାଜାମାନେରି । ୩୧ ସାମା ମାର ତଲିଏ ଜାହା ଜାହାରାଇଁ

ତାୟିପାରି କିତିହଁ ମା ମାହାପୁରୁ ମାଙ୍ଗେ ବିଚାରା କିୟାଆତେସିମା । ୩୨ ଅଡେ ଦାରତି ତଲେ ଏନିକ୍ ମାର ତଣ୍ଡ ପୁଝାଆୟି, ଏଦାଆଁତାକି ପ୍ରବୁତି ତାଣା ବିଚାରା କିଞ୍ଜି ଆହାଁ ସାସ୍ତି ବେଟାଆହି ମାନାୟି । ୩୩ ଏଦାଆଁତାକି ନା ତାୟିୟା, ମୀରୁ ପ୍ରବୁତି ବଜି ତିଞ୍ଜାଲି ତାକି ରୁଣ୍ଡା ଆନାଟି ମୀରୁ ରଅତେରି ରଅଣାଇଁ କାଦୁ । ୩୪ ମୀରୁ ରୁଣ୍ଡା ଆନାୟି ଏନିକ୍ ମାହାପୁରୁତି ତଣ୍ଡ ବେଟାଆହାଲି ଆଏ, ଏଦାଆଁତାକି ଆମ୍ବାଆସି ହାକି ଆହାମାନେସି ଏଝାସି ତାମି ଇଜ ତିନାପେସି, ଅଡେ ଆଗାଡ଼ା ଝେସ୍ତାନି କାତା ନାନୁ ଝାଡ଼ିସାରେ ତେଲହି କିୟାଇଁ ।

## ୧୨

### ସୁଦୁଜୀଝୁତି ଦାନା

୧ ତାୟିୟାଁ ଅଡେ ତାଙ୍ଗିସ୍ତାତେରି ସୁଦୁଜୀଝୁ ଦାନାଟି କାତା ମୀରୁ ନେହଁକ୍ ପୁଞ୍ଜୁ ଇଞ୍ଜି ନାନୁ ଅଣ୍ପିମାଇଁ । ୨ ମୀରୁ ପୁଞ୍ଜାମାଞ୍ଜେରି, ଏଚିବେଲା ମୀରୁ ଜୀହୁଦିଆଆତାତେରି ମାଚେରି, ଏଡେତା ଏନିକ୍ ସାଲ୍ଡି ଆହିମାଚେରି, ଏଲେକିହଁ ଏ ନାଡ଼ିକିଞ୍ଜି ଆହାନା ଜୀଝୁ ହିଲାଆଗାଟି ପେଣ୍ଡକା ବମାୟାଁତି ଜେଚ ହାଜିମାଚେରି । ୩ ଏଦାଆଁତାକି ନାନୁ ମିଙ୍ଗେ ଝେସିମାଞ୍ଜାଇଁ, ମାହାପୁରୁତି ସୁଦୁଜୀଝୁ ତଲେ ସାଲ୍ଡି ଆହାନା ଆମ୍ବାଆସି ଜିକେଏ ଜୀସୁଇଁ ବାକା ଇଗାଲି ଆଡ଼ଅସି, ଅଡେ ଆମ୍ବାଆସି ସୁଦୁଜୀଝୁ ପୁଝାଆତାସି ଜୀସୁଇଁ ପ୍ରବୁ ଇଞ୍ଜି ଝେସାଲି ଆଡ଼ଅସି ।

୪ \*ସୁଦୁଜୀଝୁ ହାନି ଦାନା ଏଚକା ଏଚକାତାୟି ସାମା ଏ ରଣ୍ଡିଏ ସୁଦୁଜୀଝୁ । ୫ ସେବା ଏଚକା ଏଚକାତାୟି ସାମା ପ୍ରବୁ ରଅସିଏ । ୬ କାମା କିନି ବାଡ଼ୟୁ ଏଚକା ଏଚକାତାୟି ସାମା ମାହାପୁରୁ ରଅସିଏ, ଏଝାସି ବାରେ ତାଣା ବାରେ କାମା କିନେସି । ୭ ସାମା ବାରେ ଜାଣାତାତି ସୁଦୁଜୀଝୁତି ଗୁଣ୍ଡୁ ତହନି ଦାନା ବାରେ

ଲକ୍ଷ୍ମୀ ନେହେଁତାକି ହୀପକିଆନେ ।  
 ୮ ରଥଶାକି ସୁଦୁଜୀଝୁ ତଲେ ବୁଦିତି କାରୁ  
 ଝେପାଲି ହୀନେ, ଅଡ଼େ ରଥଶାକି ଏ  
 ସୁଦୁଜୀଝୁ ତଲେ ବୁଦିତିକାତା ଜାପୁହାଲି  
 ହୀନେ, ୯ ଅଡ଼େ ରଥଶାକି ଏ ସୁଦୁଜୀଝୁ  
 ତଲେ ନାମାଲି, ଅଡ଼େ ରଥଶାକି ଏ  
 ରଣ୍ଡିଏ ଜୀଝୁତି ଦାନା ତଲେ ରଗତି  
 ନେହୁଁ କିୟାଲି ବାଡ଼ୁରୁ ହୀନେ,  
 ୧୦ ରଥଶାକି କାବାଆନି ବାଡ଼ୁରୁତି  
 କାମାୟା କିୟାଲି, ଅଡ଼େ ରଥଶାକି  
 ମାହାପୁରୁ ଅଣ୍ଡପୁତି କାତା ଝେକହାଲି,  
 ଅଡ଼େ ରଥଶାକି ଏଟକା ଏଟକାତି  
 ଜୀଝୁୟାଲି ପୁଞ୍ଜାଲି ଆଡିନି ବାଡ଼ୁରୁ,  
 ଅଡ଼େ ରଥଶାକି ପୁନାଆତି ପୁଞ୍ଜି ହାଡ଼ା  
 ଜଲାଇ, ଅଡ଼େ ଏଟକାତାରାକ ପୁନାଆତି  
 ହାଡ଼ାତି ଅର୍ତ ପୁଣ୍ଡିକିନି ବାଡ଼ୁରୁତି ଦାନା  
 ହୀପକିଆନେ । ୧୧ ସାମା ଏ ରଣ୍ଡିଏ ଜୀଝୁ  
 ତାନି ମନ କିତିଲେହେଁ ବାରେଜାଣାତି  
 ଏଟକା ଏଟକାତି ଦାନା ହୀହାନା ଇ  
 ବାରେ କାମା କିହିମାନେ ।

ରଣ୍ଡିଏ ଆଜ୍ଞାତି ଆଜ୍ଞା ଉଡ଼େଲି

୧୨ \*ଇତିହୁଁ ଏନିକିଆଜ୍ଞା ରଣ୍ଡିଏ,  
 ଅଡ଼େ ଆଜ୍ଞାତି ଏଟକା ଏଟକା ବାଗାୟା  
 ମାନୁ, ସାମା ଆଜ୍ଞାତି ବାଗାୟା ହାରେକା  
 ଆଡିଜିକେଏ ରଣ୍ଡିଏ ଆଜ୍ଞା ଆନେ,  
 ଏଲେକିହୁଁ ଏ କ୍ରୀସ୍ତ ।

୧୩ ଇତିହୁଁ ମାର ଜୀହୁଦି କି  
 ଜୀହୁଦିଆଆତି ଜିକେଏ, ହଲେଏସି  
 ଆଡ଼େସି ହଲେଏସି ଆଆପେସି,  
 ବାରେତାୟି ରଣ୍ଡିଏ ଜୀଝୁତଲେ ରଣ୍ଡିଏ  
 ଆଜ୍ଞା ଆହାଲି ବାପ୍ପିସ୍ତ\* ଆହାମାନାୟି;  
 ଅଡ଼େ ବାରେତାୟି ରଣ୍ଡିଏ ଜୀଝୁତଲେ  
 ଗସି ମାନାୟି ।

୧୪ ଏଦାଆଁତାକି ଆଜ୍ଞା ରଣ୍ଡିଏ ବାଗା  
 ଆଏ, ସାମା ଆଜ୍ଞାତି ଏଟକା ଏଟକା  
 ବାଗାୟା ଆଣ୍ଡାନା ର ଆଜ୍ଞା ଆହାମାନେ  
 । ୧୫ କଡ଼ା ଏଲେଇନେ ନାନୁ କେୟୁତେଏଁ  
 ଆଏ, ଏଦି ଆଜ୍ଞାତି ବାଗା ଆଏ,  
 ଏଦାଆଁତାକି ଏଦି ଆଜ୍ଞାତି ବାଗା ଆଏ  
 ଏଲେକିଆଏ । ୧୬ ଅଡ଼େ କିୟୁ

ଏଲେଇନେ ନାନୁ କାନୁ ଆଏ, ଏଦି  
 ଆଜ୍ଞାତି ବାଗା ଆଏ, ଏଦାଆଁତାକି ଏଦି  
 ଆଜ୍ଞାତି ବାଗା ଆଏ ଏଲେକିଆଏ  
 । ୧୭ ବାରେ ଆଜ୍ଞା କାଣ୍ଡକା ଆନୁ,  
 ଆଡିହୁଁ ଏନିକି ଝେନାୟି ? ବାରେ  
 ଆଜ୍ଞା କାର୍କା ଆନୁ ଆଡିହୁଁ ଆନିତି  
 ମୁଞ୍ଜିନାୟି ? ୧୮ ସାମା ମାହାପୁରୁ ଆଜ୍ଞା  
 ଉଡ଼େଲିଇଁ ରଣ୍ଡା ରଣ୍ଡାଆଁ କିହୁଁ ତାନି  
 ମନତଲେ ଆଜ୍ଞାତା ଆଡ଼ହାମାନେସି ।  
 ୧୯ ଅଡ଼େ ଏ ବାରେ ଆଜ୍ଞାତି ରଣ୍ଡିଏ ବାଗା  
 ଆଡିହୁଁ ମା ଆଡିହୁଁ ଆଜ୍ଞା ଆନିୟା  
 ? ୨୦ ସାମା ସାତେଏ ଆଜ୍ଞାତି ବାଗାୟା  
 ହାରେକା, ସାମା ଆଜ୍ଞା ରଣ୍ଡିଏ ।

୨୧ ନୀ ତାଣା ନାଜେ ଲଡ଼ା ହିଲେଏ  
 ଇଞ୍ଜୁଁ କାନୁ କେୟୁତି ଏଲେଇଞ୍ଜାଲି  
 ଆଡ଼େଏ, ଇଞ୍ଜା ନୀ ତାଣା ନା ଲଡ଼ା  
 ହିଲେଏ ଇଞ୍ଜୁଁ ତାୟୁଁ କତାତି  
 ଏଲେଇଞ୍ଜାଲି ଆଡ଼େଏ । ୨୨ ଅରଞ୍ଜକି  
 ଆଜ୍ଞାତି ଆନିନି ଆଜ୍ଞା ଉଡ଼େଲି ବାଡ଼ୁରୁ  
 ହିଲାଆଗାଟାଇ ଇଞ୍ଜୁଁ ପୁତିହୁଁ  
 ଜିକେଏ ଏଡ଼ି ବାରେ ଲଡ଼ାତା ମାନୁ;  
 ୨୩ ଅଡ଼େ ଆଜ୍ଞାତି ଆନିନି ଆଜ୍ଞା  
 ଉଡ଼େଲି ଲଡ଼ାହିଲାଆ ଗାଟାଇ ଇଞ୍ଜୁଁ  
 ଅଣ୍ଡପିନାୟି, ଏ ବାରେ ଆଜ୍ଞାତି ଆଜ୍ଞା  
 ଉଡ଼େଲିକାଇଁ ମାର ହାରେକା ଜାଡ଼ୁ  
 କିନାୟି; ଅଡ଼େ ମା ଲଡ଼ାହିଲାଆ ଆଜ୍ଞା  
 ଉଡ଼େଲି ହାରେକା ନେହୁଁ ତଞ୍ଜିକିୟାନୁ,  
 ୨୪ ସାମା ମା ଅନିତି ଆଜ୍ଞା ଉଡ଼େଲି  
 ନେହୁଁ କି ତଞ୍ଜା ଆନାୟି ଲଡ଼ା ଆଏ,  
 ୨୫ ସାମା ଏନିକିଆଜ୍ଞାତି ବିତ୍ତା ଗଡ଼ହା  
 ଆଏ, ଇଞ୍ଜା ଆଜ୍ଞାତି ବାଗାୟା ସମାନା  
 ତଲେ ବାରେଜାଣାତି ନେହାଁଣି ଅଣ୍ଡପିନୁ  
 । ଏଦାଆଁତାକି ଲଡ଼ାହିଲାଆ ଆଜ୍ଞାତି  
 ହାରେକା ଅନି କିହାନା ମାହାପୁରୁ ଜାଡ଼ୁ  
 କିହାମାନେସି । ୨୬ ଏଦାଆଁତାକି ର  
 ଆଜ୍ଞା କସ୍ତ ବେଟାଆଡ଼ିସାରେ ବାରେ  
 ଆଜ୍ଞା ତାନିତଲେ ଦୁକୁ କିନୁ, ସାମା  
 ର ଆଜ୍ଞା ଗାଝୁରମି ବେଟାଆଡ଼ିସାରେ  
 ବାରେ ଆଜ୍ଞା ତାନିତଲେ ରାହାଁ କିନୁ ।

୨୭ ଏଲେକିହୁଁଏ ମୀରୁ କ୍ରୀସ୍ତତି  
 ଆଜ୍ଞାତି ବାଗାୟାତେରି, ଅଡ଼େ ର ର

\* ୧୨:୧୨ ୧୨:୧୨ ରମି ୧୨:୪,୫ \* ୧୨:୧୩ ୧୨:୧୩ ମୁଞ୍ଜିନାୟି \* ୧୨:୨୮ ୧୨:୨୮ ଏପିସି ୪:୧୧



ଲକ୍ଷ୍ମୀ ର ର ଆଜ୍ଞାତି ବାଗାୟାଁ ଲେହେଁ ।<sup>୨୮</sup> \*ଅଡ଼େ ମାହାପୁରୁ କୁଲମିତା ତଲିଏ ପାଣ୍ଡୁଞ୍ଜି ଆଡ଼ାରାଇଁ, ଇଞ୍ଜା ତାୟୁ ମାହାପୁରୁ ଅଣ୍ଡପୁତି ବଲୁ ଝେହନାରାଇଁ, ତାୟୁ ଜାପୁନାରାଇଁ, ଏଲେକିହଁ ହାରେକା ଲକ୍ଷ୍ମଣି ନିପୁହାମାନେସି; ଅଡ଼େ କାବାଆନ୍ତି କାମା କିନାରାଇଁ, ତାୟୁ ରଗଟି ନେହଁ କିନାରାଇଁ, ଇଞ୍ଜା ଲକ୍ଷ୍ମଣି ସାୟେମି କିନାୟି, ସାଲୁଞ୍ଜି କିନାରି ବାଡ଼ୟୁ ଅଡ଼େ ଏଟକାତି ପୁନାଆତି ହାଡ଼ା ଜଲିନି ଦାନା ହାହାମାନେସି ।<sup>୨୯</sup> ବାରେଜାଣା କି ପାଣ୍ଡୁଞ୍ଜି ଆହାମାନାରି ? ବାରେଜାଣା କି ମାହାପୁରୁ ଅଣ୍ଡପୁତି ବଲୁ ଝେହନାରି ? ବାରେଜାଣା କି ଜାପୁନାରି ? ବାରେଜାଣା କି କାବାଆନ୍ତି କାମାକିନାରି ?<sup>୩୦</sup> ବାରେଜାଣା କି ନେହଁ କିନି ବାଡ଼ୟୁତି ଦାନା ବେଗା ଆହାମାନାରି ? ବାରେ ଜାଣାକି ଏଟକା ହାଡ଼ାତଲେ ଜଲିନେରି ? ବାରେଜାଣା କି ଏଟକା ହାଡ଼ାତି ଅର୍ତ୍ତ ଝେହନେରି ?<sup>୩୧</sup> ସାମା ବାରେତେରି ନେହଁ ଦାନା ବେଗାଆହାଲି ଅଣ୍ଡପାପୁ, ସାମା ଏ ବାରେକିହଁ ଅଡ଼େ ହାରେକା ଆଗାଡ଼ା ମାନି ର ନେହଁ ଜିରୁ ତସିମାଞ୍ଜାଇଁ ।

## ୧୩

ଜୀଞ୍ଜୁନନାୟି

<sup>୧</sup> ଇତିହଁ ନାନୁ ମାଣ୍ଡସିୟାଁ ଅଡ଼େ ଦୂତୁୟାଁ ହାଡ଼ାତଲେ ଜଲିଇଁ, ସାମା ନା ଜୀଞ୍ଜୁନନାୟି ହିଲେଏ, ଆତିହଁ ନାନୁ ଚିଣି ଚିଣି ଆନ୍ତି ଜିଣ୍ଡା ଅଡ଼େ ଟାପୁଡ଼ି ଝେନି ହାଡ଼ାଲେହେଁ ତାତେଏଁ ।<sup>୨</sup> \*ଇତିହଁ ନାନୁ ମାହାପୁରୁ ଅଣ୍ଡପୁତି ବଲୁ ଝେହନି ବାଡ଼ୟୁ ମାନେ, ଅଡ଼େ ବାରେ ଡ଼ଗୁାମାନାଣି ଇଞ୍ଜା ବୁଦିତିକାତା ପୁନାତେଏଁ, ଅଡ଼େ ହରୁଇଁ ଏଟକା ଗୁତି କିହାଲି ନାଜେଁ ହାରେକା ନାମୁ ମାତି ଜିକେଏ, ସାମା ନା ତାଣା ଜୀଞ୍ଜୁନନାୟି ହିଲେଏ, ଆତିହଁ ନାନୁ ଏନାତେଏଁ ଆଏ ।<sup>୩</sup> ଇତିହଁ ନାନୁ ହିଲାଆଗାଟି ଲକ୍ଷ୍ମଣାକି ତିଞ୍ଜାଲି ବାରେ ଦନ ହାଇଁ,

ଅଡ଼େ ନାନୁ ନା ଆଜ୍ଞାତି ଝେହାଲି ତାକି ହେବପିଇଁ, ସାମା ନା ତାଣା ଜୀଞ୍ଜୁନନାୟି ହିଲେଏ ଇତିହଁ ନାନ୍ତି ଏନ୍ତି ଲାବା ଆଏ ।

<sup>୪</sup> ଜୀଞ୍ଜୁନନାୟି ଅରୁହିନାୟି, ଜୀଞ୍ଜୁନନାୟି ନେହଁଣି ଅଣ୍ଡପିନାୟି, ତାହାରା କିଆଗାଟାୟି, ବଡ଼ପଣ ଆଆଗାଟାୟି, ଆଜ୍ଞାରା କିଆଗାଟାୟି ।<sup>୫</sup> ଲାଗେଏ କିହଁ ଲେମ୍ବେଏ, ଜାହାରା ତାକି ଅଣ୍ଡପେଏ, ବିରିବିରା ଆଏ, ଲାଗେଏ କିହାଲି ଅଣ୍ଡପୁତା ଇଟେଏ ।<sup>୬</sup> ଲାଗେଏତି କାମାତାକି ରାହଁ ଆଆଗାଟାୟି, ସାମା ସାତାତା ରାହଁ କିନାୟି; <sup>୭</sup> ଜୀଞ୍ଜୁ ନନ୍ତିତାଣା ବାରେ ଅରୁହିନାୟି, ବାରେ ତାଣା ନାମିନାୟି, ବାରେ ତାଣା ବାସୁଁ ହାନାୟି, ବାରେ କାତାତା ସାସା ଆହନାୟି ।

<sup>୮</sup> ଜୀଞ୍ଜୁନନାୟି ଏତେଲା ରାଏ; ସାମା ମାହାପୁରୁ ଅଣ୍ଡପୁତି ବଲୁ ଝେକହା ମାନାୟି, ଦିନା ଝାଡ଼ିସାରେ ମିତି ଜିକେଏ ଆନେ; ଏଟକା ଏଟକା ଜଲିନି ହାଡ଼ା ମାତି ଜିକେଏ ଏଦି ର ଦିନା ସାପି ଆନେ; ବୁଦିତିକାତା ମାତି ଜିକେଏ ଏଦି ମେଣ୍ଡାଞ୍ଜାହାନେ ।<sup>୯</sup> ଇତିହଁ ମାର ରଗାଣିଏ ପୁନାୟି ଅଡ଼େ ମାହାପୁରୁ ଅଣ୍ଡପୁତି ବଲୁ ଇଚେକେଏ ଝେକହାଲି ଆଡ଼ିନାୟି ।<sup>୧୦</sup> ସାମା ପୁରା ଆନାୟି ଝାଡ଼ିହଁ ଉଜେଏତାୟି ମେଣ୍ଡାଞ୍ଜାହାନେ ।

<sup>୧୧</sup> ନାନୁ ଉଣା ମାତିବେଲା ଉଣା କକାରି ଲେହେଁ ଜଲି ମାଚେଏଁ, ଉଣା କକାରି ଲେହେଁ ଅଣ୍ଡପିମାଚେଏଁ, ଉଣା କକାରି ଲେହେଁ ପୁଞ୍ଜିମାଚେଏଁ; ନାନୁ ପାତାଆତି ମାଣ୍ଡସି ଆୟାଲିଏ ନାନୁ ଉଣା କକାରି କାତା ପିସାଡୁସ୍ତେଏଁ ।<sup>୧୨</sup> ଇତିହଁ ନୀଏଁ ମାର ଡ଼ଗୁାମାନି କାତା ଲେହେଁତି ଦାପେଣିତା ମେସିମାନାୟି, ସାମା ଏତିବେଲା ମୁମ୍ବୁମୁମ୍ବୁତୁା ମେସପି ଆନାୟି; ନୀଏଁ ନାନୁ ଏନ୍ତିକଁ ପୁଞ୍ଜାମାଇଁ, ସାମା ଏତିବେଲା ନାଜେ ଏନ୍ତିକଁ ପୁଞ୍ଜାମାଞ୍ଜାନେସି, ନାନୁ ଜିକେଏ ଏଲେକଁ ତାୟୁ ପୁଇଁ ।

\* ୧୩:୨ ୧୩:୨ ମାତି ୧୭:୨୦; ୨୧:୨୧; ମାର୍କ ୧୧:୨୩

୧୩ ଏଦାଆଁତାକି ନାମିନାୟି, ଆସା କିନାୟି, ଜୀଝୁନନାୟି, ଇ ତାନିଗଟା କାରେଲଏତାଇ, ସାମା ଇ ବିତ୍ରାଟି ଜୀଝୁନନାୟି ବାରେକିହାଁ କାଜାୟି ।

### ୧୪

ମାହାପୁରୁ ଜୀଝୁତି କାତା ପୁନାୟି

୧ ଜୀଝୁ ନନାଣି ପାରାଦୁ, ଅଡ଼େ ସୁଦୁଜୀଝୁତି ଦାନା ବେଟାଆହାଲି ବାରେତି କିହାଁ ଏନିକ୍ ମାହାପୁରୁ ଅଣ୍ପୁତି ବଲୁ ଝେକହାଲି ଆଡ଼ିଦେରି, ଇଦାଆଁତାକି ହାରେକା ଅଣ୍ପାଦୁ । ୨ ଇତିହ୍ ଏମାଆସି ଏଟକା ଏଟକାତି ହାଡ଼ାତଲେ ଜଲିନେସି, ଏଝାସି ମାଣ୍ପିୟାଲ୍ ଜଲଅସି, ସାମା ମାହାପୁରୁଲ୍ ଜଲିନେସି, ଆମାଆସି ଏଦାଆଁ ତେଲହସି, ସାମା ଏଝାସି ସୁଦୁଜୀଝୁ ବାଡ଼ୁୟି ଡ଼ଗୁମାନାଣି ଝେହନେସି । ୩ ସାମା ଆମାଆସି ମାହାପୁରୁ ଅଣ୍ପୁତି ବଲୁ ଝେହନେସି, ଏଝାସି ଲକୁଲ୍ ସାରେମି କିହାନା, ସାସା ଅଡ଼େ ବାସୁତି କାତା ଝେହନେସି । ୪ ଆମାଆସି ଏଟକାତି ହାଡ଼ାତଲେ ଜଲିନେସି ଏଝାସି ଜାହାରା ନାମୁତା ପାଡ଼ିକିହାଁ କଡ଼ିନେସି, ସାମା ଆମାଆସି ମାହାପୁରୁ ଅଣ୍ପୁତି ବଲୁ ଝେକନେସି ଏଝାସି କୁଲମିଲ୍ ନାମୁତା ପାଡ଼ିକିନେସି ।

୫ ମୀରୁ ବାରେତେରି ଏଟକା ହାଡ଼ାତଲେ ଜଲ୍ଲାଦୁ ଇଞ୍ ନା ଅଣ୍ପୁ, ସାମା ମୀରୁ ମାହାପୁରୁ ଅଣ୍ପୁତି ବଲୁ ଝେହଦୁ ଇଦି ହାରେକା ନା ଅଣ୍ପୁ; ଆମାଆସି ଏଟକା ଏଟକାତି ହାଡ଼ାତଲେ ଜଲିନେସି ଏଝାସି କୁଲମିତି ପାଡ଼ିକିହାଲି ଏ କାତାତି ଅର୍ତ୍ତ ଝେହଅସି ଇତିହ୍ ଏଦାଣିକିହାଁ ଆମାଆସି ମାହାପୁରୁ ଅଣ୍ପୁତି ବଲୁ ଝେକନେସି ଏଝାସି କାଜାୟି । ୬ ଏଦାଆଁତାକି ତାୟିୟାତେରି ନାନୁ ମୀ ତାଣା ଝାହାନା ମାହାପୁରୁତି ଝେକହ ବଲୁ, ବୁଦିତିକାତା, ମାହାପୁରୁ ଅଣ୍ପୁତି କାତା ଝେକନାଣି କି ଜାପ୍ନି କାତା ଝେହଆନା, ଏଟକା ଏଟକାତି

ହାଡ଼ାତଲେ ଜଲିଲ୍, ଆତିହ୍ ଏମାଆଁ ନାନୁ ମୀ ଏନି ଲାବା କିତେସି ।

୭ ପୀରୁଡ଼ି ଅଡ଼େ ସେରକ୍ ଲେହେତି ଜୀଝୁ ହିଲାଆଗାଟି ବାଜାୟା ଉକିତିହ୍ ଜିକେଏ ଏମାଆଁ ତାନି ତିସା ହଏ ଇତିହ୍ ପୀରୁଡ଼ି ଏନିକ୍ ଡ଼ାହିମାନେ ସେରକ୍ ଏନିକ୍ ଡ଼ାହିମାନେ ଏଦାନି ତିସା ଏନିକ୍ ପୁନେରି ? 「 ଇଞ୍ଜା ତୀଡ଼ି ଉକିନାସି ନେହ୍ କ୍ ଉକଅସି ଆତିହ୍ ଆମାଆସି ଜୁଜୁ ତାକି ତିୟାରା ଆନେସି । ୯ ଏଲେକିହ୍ଏ ମୀରୁ ଜିକେଏ ଏଟକା ହାଡ଼ାତଲେ ନେହ୍ ତୀରିତଲେ ଜଲଅତେରି, ମୀରୁ ଏନାଆଁ ଜଲିତେରି ଏନିକ୍ ପୁନେରି, ଇତିହ୍ ମୀରୁ ଜଲିନାୟି ଗାଲିତି ଜଲିନିଲେହେ ଆନେ । ୧୦ ଦାରତିତା ହାରେକା ତିସା ମାନେ, ଅଡ଼େ ଆମିନି ତିସାତି ଅର୍ତ୍ତ ହିଲାଆଗାଟାଇ ଆଏ । ୧୧ ସାମା ନାନୁ ଏ ଜଲିନି ହାଡ଼ା ତେଲହ୍ ଆତିହ୍ ଆମାଆସି ଜଲିନେସି ନାନୁ ଏଝାଣାକି ପୁନାଆତାତେସି ଲେହେ ଆକ୍, ଅଡ଼େ ଏଝାସି ନା ତାଣାଟି ପୁନାଆତାସି ଲେହେ ଆନେସି । ୧୨ ଏଲେକିହ୍ଏ ମୀରୁ ଜିକେଏ ଜୀଝୁତି ଦାନା ବେଟାଆହାଲି ଅଣ୍ପି ମାନାକି କୁଲମିତି ପାଡ଼ିକିହାଲି ଗାତି ବେଟାଆହାଲି ଅଣ୍ପାଦୁ ।

୧୩ ଆମାଆସି ଏଟକାତି ହାଡ଼ାତଲେ ଜଲିନେସି, ଏଝାସି ଏନିକ୍ ଏମାତି ଅର୍ତ୍ତ ଝେସାଲି ଆଡ଼ିନେସି, ଏଦାଆଁତାକି ପ୍ରାତାନା କିପେସି । ୧୪ ଇତିହ୍ ନାନୁ ଏଟକା ହାଡ଼ାତଲେ ପ୍ରାତାନା କିଲ୍, ଇତିହ୍ ନା ଜୀଝୁ ପ୍ରାତାନା କିନେ, ସାମା ନା ଅଣ୍ପୁ ଏମାଟି ଏନି ଲାବା ହିଲେଏ । ୧୫ ଆତିହ୍ ନାନୁ ଏନାଆଁ କିନାୟିମାନେ, ନାନୁ ସୁଦୁଜୀଝୁ ତଲେ ପ୍ରାତାନା କିଲ୍; ଇଞ୍ଜା ବୁଦିତଲେ ଜିକେଏ ପ୍ରାତାନା କିଲ୍; ସୁଦୁଜୀଝୁ ତଲେ ଜହରା ପାରୁ ପାଡ଼ିଲ୍, ଅଡ଼େ ବୁଦିତଲେ ଜିକେଏ ଜହରା ପାରୁ ପାଡ଼ିଲ୍ । ୧୬ ନୀନୁ ଝାଉଲ ସୁଦୁଜୀଝୁ ତଲେ ମାହାପୁରୁଲ୍ ଜହରା କିଦି, ଏମାଆଁ କୁଗାମାନାସି

ପୁନାଆନା ଏନିକ୍ ନୀ ପ୍ରାତାନାତା ତାୟୁ ଆଫେନୁ ଇନେସି । ୧୭ ଇତିହ୍ ନୀନୁ ନେହ୍ କ୍ ମାହାପୁରୁଇଁ ଜହରା କିହିମାଞ୍ଜି ସାତା, ସାମା ଏଠକାତାସି ପାତାଆଅସି ।

୧୮ ନାନୁ ମୀ ବାରେକିହ୍ନା ହାରେକା ଗାତି ଏଠକାତି ହାଡାତଲେ ଜଲିଇଁ ଇଞ୍ଜ୍ ନାନୁ ମାହାପୁରୁଇଁ ଜହରା କିହିମାଞ୍ଜି; ୧୯ ଆଡ଼ିଜିକେଏ ନାନୁ ଏନିକ୍ ଏଠକାତାରାଇଁ ଜାପୁହାଲି ଆଡ଼ିଇଁ, ଏଦାଆଁତାକି କୁଲମିତା ଦସ ମାଣା ଏଠକାତି କାତାୟାଁ ଜଲିନି କିହ୍ନା ବୁଦିତଲେ ପାସାଗଟା କାତା ଖେହ୍ନାୟି ନେହ୍ ।

୨୦ ଏ ତାୟିୟାତେରି ବୁଦିତା ଉଣା କକାରି ଲେହେଁ ଆଆଦୁ, ସାମା ଲାଗେଏ ପଲେଏ କାତାତାକି ଉଣା କକାରି ଲେହେଁ ଆଦୁ, ସାମା ବୁଦିତା ଅଡ଼େ ଅଣ୍ପୁତା ପାତାଆଡ଼ି ଲକୁଲେହେଁ ଆଦୁ । ୨୧ ମସା ମେରାତା ରାସ୍ତି ଆହାମାନେ, “ପ୍ରବୁ ଏଲେ ଇଞ୍ଜିମାନେସି, ଏଠକା ଦେସାତି ଜଲିମାନି ହାଡାତଲେ, ଏଠକା ଲକୁତି ଗୁତି ତଲେ

ନାନୁ ଇ ଲକୁଣି ଜଲିଇଁ, ଆଡ଼ିଜିକେଏ ଏଞ୍ଜାରି ନା କାତା ଖେନଅରି ।”

୨୨ ଏଦାଆଁତାକି ଏଠକା ହାଡାତଲେ ଜଲିନାୟି ନାମୁ ଗାଟାରାକି ର ସିନାଲେହେଁ ଆଏ, ସାମା ନାମାଆ ଗାଟାରାକି ସିନା ସମାନା; ଅଡ଼େ ଅରଞ୍ଜାକି ମାହାପୁରୁ ଅଣ୍ପୁତି ବଲୁ ଖେକ୍ନାୟି ନାମାଆ ଗାଟାରାକି ସିନାଲେହେଁ ଆଏ, ସାମା ନାମିନାରାକି ସିନା ସମାନା ।

୨୩ ଅଡ଼େ ଜିକେଏ ବାରେ କୁଲମିତି ଲକୁ ରୁଣ୍ଡା ଆତିହ୍, ଇଞ୍ଜା ବାରେଜାଣା ଏଠକା ଏଠକା ହାଡାତଲେ ଜଲିନେରି, ଅଡ଼େ ପୁନାଆତାରି କି ନାମାଆତାରି ଏମ୍ବାଆଁ ଖାନ୍ନେରି, ଆତିହ୍ ମିଜେ ବାୟା ଆଡାରି ଇଞ୍ଜ୍ ଇନଅରି କି ? ୨୪ ସାମା ବାରେଜାଣା ମାହାପୁରୁ

ଅଣ୍ପୁତି ବଲୁ ଖେକ୍ନେରି, ରଅସି ପୁନାଆତାସି କି ନାମାଆତାସି ଖାନ୍ନେସି, ଆତିହ୍ ଏଞ୍ଜାସି ନାନୁ ପାପୁ ଗାଟାତେଏଁ ଇଞ୍ଜ୍ ପୁଞ୍ଜା କତିନେସି ଅଡ଼େ ଏଞ୍ଜାସି ବାରେ ଲକୁତାଣା ଦହଗାଟାସି ଇଞ୍ଜ୍ ବିଚାରା ଆନ୍ନେସି । ୨୫ ଅଡ଼େ ତାନି ହିୟାତା ଡଗୁମାନି ପାପୁତି ଅଣ୍ପୁ ବାରେ ତଞ୍ଜାଆନ୍ନେ; ଇଞ୍ଜା ଏଞ୍ଜାସି ମୁନୁ କୁତାହାଁ ମାହାପୁରୁଇଁ ଜହରା କିନେସି, ଇଞ୍ଜା “ସାତେଏ ମାହାପୁରୁ ମୀ ତାଣା ମାନେସି ଇଞ୍ଜ୍ ଇନେସି ।”

କୁଲମିତି ମେରା

୨୬ ଏଦାଆଁତାକି ଏ ତାୟିୟାଁ ଅଡ଼େ ତାଜିସ୍ତାତେରି, ଏନାଆଁ କିନାୟିମାନେ ? ମୀରୁ ରୁଣ୍ଡା ଆନାଟି ଆମ୍ବାଆରି ର ପାରୁ, ଆମ୍ବାଆରି ର କାତା ଜାପୁନାୟି, ଆମ୍ବାଆରି ମାହାପୁରୁ ତସାମାନି ବଲୁ ଖେକ୍ନାୟି, ଆମ୍ବାଆରି ଏଠକା ଏଠକାତି ହାଡା ଜଲିନାୟି, ଆମ୍ବାଆରି ହାଡାତି ଅର୍ତ ପୁଣ୍ଡିକିନାୟି, ଇଲେକ୍ ବାରେତାକି ଏନାୟି ଆଆତ୍ ଏନାୟି ମାନେ, ଇ ବାରେ କୁଲମିତି ପାତିକିହାଲି କିଞ୍ଜିଆପେ । ୨୭ ଆମ୍ବାଆରି ଏଠକା ହାଡାତଲେ ଜଲିନେରି ଇତିହ୍ ରିଆରି ଆଆତ୍ ତାନିଜାଣା ପାଲି କିହ୍ ଜଲ୍ଲାପେରି ଅଡ଼େ ରଅସି ତାନି ଅର୍ତ ଖେସ୍ପାସି । ୨୮ ସାମା ଆମ୍ବାଆସି ଅର୍ତ ତେଲ୍ ହି କିନାସି ହିଲଅସି ଇତିହ୍ ଏଞ୍ଜାସି କୁଲମିତା ପାଲେଏ ମାଣ୍ଡମେସି, ଇଞ୍ଜା ତାନୁ ତାନି ହିୟାତା ମାହାପୁରୁଇଁ ଖେସ୍ପାସି । ୨୯ ଅଡ଼େ ରିଆରି କି ତାନି ଜାଣା ମାହାପୁରୁ ଅଣ୍ପୁତି ବଲୁ ଖେସ୍ପେରି, ଅଡ଼େ ଏଠକାତାରି ଖେସିମାନାଣି ନେହ୍ କ୍ ଖେଣ୍ଡମ୍ବାରି । ୩୦ ସାମା ଏମ୍ବାଆଁ କୁଗାମାନାରି ବିତ୍ରା ଆମ୍ବାଆରାକି ମାହାପୁରୁତି ଏନି ବଲୁ ଖାଡ଼ିସାରେ ନଟ୍ କେଏ ଖେସିମାନାସି ପାଲେଏ ମାଣ୍ଡମେସି । ୩୧ ଇତିହ୍ ଏନିକ୍ ବାରେଜାଣା ଜାପିନେରି, ଇଞ୍ଜା ବାରେଜାଣା ସେଡନା ଆନ୍ନେରି, ଏଦାଆଁତାକି ରଅ ରଅତେରି ମାହାପୁରୁ

ଅଣ୍ଟପୁତି ବଲୁ ଝେସାଲି ଆଡ଼ିଦେରି ।  
 ୩୨ ସାମା ମାହାପୁରୁତି ବଲୁ ଝେହୁନି  
 ବାଡ଼ୟୁ ଝେହୁନାଣି ତାଣାଟି ଲଠକି  
 ଆନାୟି ମାନେ । ୩୩ ଏନାଆଁତାକି  
 ଇତିହଂ ମାହାପୁରୁ ଗଡ଼ହା କିନି  
 ମାହାପୁରୁ ଆଏ, ସାମା ହିଡ଼ଡ଼ିତି  
 ମାହାପୁରୁ । ଏନିକଂ ମାହାପୁରୁ ସୁନୁ  
 ଲକୁତି କୁଲମିତା ଆନେ ।

୩୪ ଏଲେକଂ ଇୟାସିକା କୁଲମିତା  
 ପାଲେଏ ମାଣ୍ଡୁ ଇତିହଂ କାତା  
 ଜଲ୍ଲାଲି ଏଢ଼ି ହେଲ ବେଟା ଆହାହିଲାଇ,  
 ମସା ମେରାତା ରାସ୍‌କି ଆହାମାନି  
 ଲେହେଁ ଏଢ଼ି ମାନି ତଲେ ମାନାପୁ ।  
 ୩୫ ସାମା ଇୟାସିକା ଏନାଆଁ ପୁଞ୍ଜାଲି  
 ଅଣ୍ଟପିତିହଂ, ତାନି ଇଜ ତାନି  
 ତକ୍ରାୟାଣି ଝେଣ୍ଡାୟୁ ଇତିହଂ କୁଲମିତା  
 କାତା ଜଲ୍ଲିନାୟି ଇୟାନାକି ଲାଜାତି  
 କାତା ।

୩୬ ମାହାପୁରୁତି ବଲୁ ମୀ ତାଣାଟି  
 ହଟାମାନେ କି ? ଇଞ୍ଜା ଖାଉଇ  
 ମିଙ୍ଗେତାକି ଖାହାମାନେ କି ?  
 ୩୭ ଆମ୍ବାଆସି ନାନୁ ମାହାପୁରୁ ଅଣ୍ଟପୁତି  
 ବଲୁ ଝେହୁନାତେଏଁ, ଇଞ୍ଜା ନେହଂ  
 ଜୀଝୁତି ଦାନା ବେଟାଆହାମାଲ୍ ଇଞ୍ଜଂ  
 ଅଣ୍ଟପିନେସି, ଆତିହଂ ନାନୁ ମିଙ୍ଗ  
 ଏନା ଏନାଆଁ ରାଟିମାଞ୍ଜାଲ୍, ଏଡ଼ି ବାରେ  
 ମାହାପୁରୁତି ହୁକୁମି ଏଦାଆଁ ଏଞ୍ଜାସି  
 ପୁନାପେସି । ୩୮ ସାମା ଆମ୍ବାଆସି  
 ତେଲହଅସି ଆତିହଂ ଏଞ୍ଜାସି ଏନାଆଁ  
 ତେଲହାଆନା ମାନାପେସି ।

୩୯ ଏଦାଆଁତାକି ତାୟିୟାଁ, ମାହାପୁରୁ  
 ଅଣ୍ଟପୁତି ବଲୁ ଝେକହାଲି ଅଣ୍ଟପେମାଞ୍ଜୁ;  
 ଇଞ୍ଜା ଏଟକାତି ହାଡ଼ା ଜଲ୍ଲାଲି  
 କାହିକିଆଦୁ । ୪୦ ସାମା ବାରେ କାମା  
 ନେହଂ ତଲେ ସୁସ୍ତି ତଲେ କିନାୟିମାନେ  
 ।

## ୧୫

### କ୍ରୀସ୍ତ ହାକିଟି ନିଙ୍ଗିନାୟି

୧ ନା ତାୟିୟାଁ ଅଡ଼େ ତାଙ୍ଗିସ୍ତାତେରି,  
 ନାନୁ ମୀ ତାଣା ଆମିନି ନେହଂ କାବୁ  
 ଝେକହାମାତେଏଁ, ଆମିନି କାବୁ ମୀରୁ  
 ତୀରିତଲେ ଆସାମାରେରି ଆମିନି  
 ତାଣା ତୀରିତଲେ ମାଞ୍ଜାମାଞ୍ଜେରି, ନାନୁ  
 ଏନିକଂ ମୀ ତାଣା ଝେକହାମାତେଏଁ,  
 ଏଦାଆଁ ମିଙ୍ଗେ ଅଣ୍ଟପି କିହିମାଞ୍ଜାଲ୍ ।  
 ୨ ମିଙ୍ଗେ ଝେକହା ମାଞ୍ଜାନି ନେହଂ  
 କାବୁ ମୀରୁ ଜାଣ୍ଡେ ଆସା ମାତିହଂ,  
 ଇ ନେହଂ ବଲୁ ତାକି ମୀରୁ ଗେଲପି  
 ଆହାମାଞ୍ଜେରି, ଆଆତଂ ମୀରୁ ଉଜେଏ  
 ନାନୁ ଗାଟାତେରି ଆହାମାତେରି ।

୩ ଇତିହଂ ନାନୁ ଆମିନି ଜାପୁନାଣି  
 ବେଟା ଆହାମାତେଏଁ, ଏ ବିତ୍ରାଟି ଇ  
 କାଜା କାତା ମିଙ୍ଗେ ହାହାମାଞ୍ଜାତେଏଁ,  
 ଇତିହଂ କ୍ରୀସ୍ତ ଦାମ୍ବୁ ପତିତା ରାସ୍‌କି  
 ଆହାମାନି ଲେହେଁ ମା ପାପୁ ତାକି  
 ହାଡ଼େସି । ୪ \*ମୁସ୍‌ସି ଆଡେସି, ଇଞ୍ଜା  
 ଦାମ୍ବୁ ପତିତା ରାସ୍‌କି ଆହାମାନି ଲେହେଁ;  
 ତାନିଦିନା ତାୟୁ ହାକିଟି ଝେଣ୍ଡେ  
 ନିଙ୍ଗିତେସି । \*ଏଞ୍ଜାସି କେପା\* ଅଡ଼େ  
 ବାଉଜାଣା ସୀସୁୟାଣି ତଞ୍ଜାଆଡେସି ।  
 ୬ ତାୟୁ ରଣ୍ଡିଏ ଦେବା ପାସା ଖାଞ୍ଜାଟିଏ  
 ଆଗାଡ଼ା ତାନି ଜେଟ ହାନି ତାୟିୟାଁଲ୍  
 ତଞ୍ଜାଆଡେସି; ଏଞ୍ଜାରି ବିତ୍ରାଟି ହାଡ଼େକା  
 ଲକୁ ନୀଞ୍ଜୁପାତେକା ନୀତାମାନେରି,  
 ସାମା ଏତେକା ଲକୁ ହାହାମାନେରି ।  
 ୭ ଏତେଟିଏ ଏଞ୍ଜାସି ଜାକୁବଲ୍ ଇଞ୍ଜା ତାୟୁ  
 ବାରେ ପାଣ୍ଡୁଢ଼ି ଆଡ଼ାରାଲ୍ ତଞ୍ଜାଆଡେସି  
 ।

୮ \*ବାରେତି ତାୟୁ ଲେଞ୍ଜୁ  
 ପୁରାଆଆନା ଜାର୍ନାଆଡ଼ି ଲେହେଁ  
 ତାତେଏଁ ନାଙ୍ଗେ ଜିକେଏ ତଞ୍ଜା  
 ଆୟାତେସି । ୯ \*ଇତିହଂ  
 ମାହାପୁରୁତି କୁଲମିତି ଲକୁଲ୍ ସାସ୍ତି  
 ହାହିମାତାକି ପାଣ୍ଡୁଢ଼ି ଆହାମାନାରି ତାଣା  
 ବାରେକିହାଁ ନାନୁ ଉଣାତେଏଁ, ଇଞ୍ଜା  
 ପାଣ୍ଡୁଢ଼ିଆହାମାନି ଦରୁ ବେଟାଆହାଲି  
 ପାଡ଼ା ଆଆଗାଟାତେଏଁ । ୧୦ ସାମା  
 ନାନୁ ଏନି ଆହାମାଲ୍, ଏଡ଼ି ମାହାପୁରୁ

\* ୧୫:୪ ୧୫:୪ ମାତି ୧୨:୪୦; କାମା ୨:୨୪-୩୨ \* ୧୫:୫ ୧୫:୫ ଲୁକ ୨୪:୩୪; ମାତି ୨୮:୧୭, ୧୭; ମାର୍କ  
 ୧୬:୧୪; ଲୁକ ୨୪:୩୬; ଜହ ୨୦:୧୯ \* ୧୫:୫ ୧୫:୫ ପିତର \* ୧୫:୮ ୧୫:୮ କାମା ୯:୩-୭ \* ୧୫:୯  
 ୧୫:୯ କାମା ୮:୩

କାର୍ଯ୍ୟମେହନି ତାଣ୍ଡାଟି ଆହାମାନେ, ଇଞ୍ଜା ନା ତାକି ତାନି କାର୍ଯ୍ୟମେହନାୟି ଉଦ୍ଦେଶ୍ୟ ଆହା ହିଲେଏ, ସାମା ନାନୁ ଏ ବାରେଜାଣା କିହାଁ ହାରେକା କାମା କିହାମାଇଁ, ଆଡ଼ିଜିକେଏ ନାନୁ ଆଏ, ସାମା ମାହାପୁରୁତି କାର୍ଯ୍ୟମେହନାୟି ଏଦାଆଁ କିହାମାନେ । ୧୧ ଏଦାଆଁତାକି ନାନୁ ଆପେ କି ଏଞ୍ଜାରି ଆପେରି ଏଲେକିହିଁ ମାମ୍ମୁ ଖେସିମାନମି ଅଡ଼େ ମାରୁ ଜିକେଏ ଏଲେକିହିଁ ନାମାମାଞ୍ଜେରି ।

ମାର ହାକିଟି ନିଜ୍ଜନାୟି

୧୨ କ୍ରୀସ୍ତ ହାକିଟି ନିଜ୍ଜନାମେସି ଇଞ୍ଜାଁ ଇ କାବୁ ଖେସପି ଆହିମାନେ, ଆଡ଼ିହିଁ ହାଡ଼ାରି ଖେଣ୍ଡେ ନିଜ୍ଜନାୟି ହିଲେଏ ଇଞ୍ଜାଁ ଏନିକିଁ ମୀ ବିତ୍ରାଟି ଏଚରଜାଣା ଏଲେ ଇଞ୍ଜିମାନେରି ? ୧୩ ହାଡ଼ାରି ଖେଣ୍ଡେ ନିଜ୍ଜନାୟି ହିଲେଏ, ଇତିହିଁ କ୍ରୀସ୍ତ ଜିକେଏ ଖେଣ୍ଡେ ନିଜ୍ଜା ହିଲଅସି । ୧୪ ଇଞ୍ଜାଁ କ୍ରୀସ୍ତ ହାକିଟି ଖେଣ୍ଡେ ନିଜ୍ଜା ହିଲଅସି, ମାମ୍ମୁ ଖେକ୍‌ହିମାନାୟି ବାରେ ଉଦ୍ଦେଶ୍ୟତାୟି, ଅଡ଼େ ମୀ ନାମୁ ଜିକେଏ ଉଦ୍ଦେଶ୍ୟତାୟି । ୧୫ ଅଡ଼େ ମାମ୍ମୁ ମାହାପୁରୁତି ମିତି ଖେହନିଲେହେଁ ତଞ୍ଜାଆନେ, ଏନାଆଁତାକି ଇତିହିଁ ମାମ୍ମୁ ମାହାପୁରୁ କପାଟି ଇ କାତା ସାକି ହାତମିମା କି କ୍ରୀସ୍ତାଇଁ ନିକ୍‌ହାମାନେସି, ସାମା ହାଡ଼ାରି ନିଜ୍ଜଅରି, ଆଡ଼ିହିଁ ଏଞ୍ଜାସି କ୍ରୀସ୍ତାଇଁ ଜିକେଏ ନିକ୍‌ହା ହିଲଅସି । ୧୬ ଏଲେଆହିଁ ହାଡ଼ାରି ନିଜ୍ଜାହିଲଅରି, ଆଡ଼ିହିଁ କ୍ରୀସ୍ତ ଜିକେଏ ନିଜ୍ଜା ହିଲଅସି । ୧୭ ଇଞ୍ଜାଁ କ୍ରୀସ୍ତ ନିଜ୍ଜା ହିଲଅସି ଇତିହିଁ ମୀ ନାମୁ ଜିକେଏ ଉଦ୍ଦେଶ୍ୟତାୟି ଆନେ, ଇଞ୍ଜାଁ ମାରୁ ନୀଏଁ ପାତେକା ମୀ ପାପୁ ତଲେ ମାଞ୍ଜାମାଞ୍ଜେରି । ୧୮ ଆଡ଼ିହିଁ ଆମ୍ବାଆରି କ୍ରୀସ୍ତ ତାଣ୍ଡା ନାମାମାଞ୍ଜାନା ହାହାମାନେରି, ଏଞ୍ଜାରି ଜିକେଏ ନାସା ଆହାମାନେରି । ୧୯ ମାରୁ ଖାରଇ ଇ ଜୀଞ୍ଜୁତାକି କ୍ରୀସ୍ତାଇଁ ଆସା କିହିମାନାୟି, ଆଡ଼ିହିଁ

ମାର ବାରେ ମାଣ୍ଡିୟାଁ କିହାଁ କାର୍ଯ୍ୟା ହିଲାଆଗାଟାତାୟି ।

୨୦ ସାମା ସାତାତଲେ କ୍ରୀସ୍ତ ହାଡ଼ି ଲକ୍ଷ୍ମି ମୂଲୁତି ପାଡ଼େୟି ଲେହେଁ ହାଡ଼ାରି ବିତ୍ରାଟି ଖେଣ୍ଡେ ନିଜ୍ଜମାନେସି । ୨୧ ଇତିହିଁ ମାଣ୍ଡି ତାଣ୍ଡାଟି ହାନାୟି ଖାହାମାନାକି ଅଡ଼େ ମାଣ୍ଡି ତାଣ୍ଡାଟିଏ ହାଡ଼ାରି ବିତ୍ରାଟି ଖେଣ୍ଡେ ନିଜ୍ଜନାୟି ଜିକେଏ ଖାହାମାନେ । ୨୨ ଇତିହିଁ ଆଦମ ତାଣ୍ଡାଟି ବାରେ ମାଣ୍ଡିକି ହାକି ଖାଡ଼େ, ଏଲେକିହିଁଏ କ୍ରୀସ୍ତ ତାଣ୍ଡାଟି ବାରେଜାଣା ଜୀଞ୍ଜୁ ବେଟାଆନେରି । ୨୩ ସାମା ବାରେଜାଣା ତାମି ପାଲି ଏତିସାରେ ତଲିତି ପାଡ଼େୟି କ୍ରୀସ୍ତ, ତାମୁ କ୍ରୀସ୍ତୁଟି ଖାନ୍ଦିଦିନାତି କାଟାମାନାରି ଖେଣ୍ଡେ ନିଜ୍ଜନେରି । ୨୪ ଏଚେଟିଏ ଜୁଗୁ ରାନି ଦିନା ଖାନେ, ଏତିବେଲାତା କ୍ରୀସ୍ତ ବାରେ କାଜାପାଣା, ବାରେ ଅଦିକାରା, ବାଡ଼ୁୟୁ ମେକ୍‌ହି ତାମୁ ଆବା ମାହାପୁରୁକି ସାଲୁଞ୍ଜି କିନି ପାଣା ହେରପିନେସି । ୨୫ ମାହାପୁରୁ ବାରେ ସାତୁୟାଁଇଁ ହାରୁଞ୍ଜି କିହାଁ କ୍ରୀସ୍ତୁଟି କତାୟାଁ ତୁଇ ଇଟାଆ ପାତେକା ଏଞ୍ଜାସି ସାଲୁଞ୍ଜି କିନାୟିମାନେ । ୨୬ ତାମୁତି ସାତୁ ସମାନା ହାକିଟି ଜିକେଏ ମେକ୍‌ନାୟି ମାନେ; ୨୭ ଏନାଆଁତାକି ଇତିହିଁ ଦାମ୍‌ପତିତା ରାସକି ଆହାମାନେ, “ମାହାପୁରୁ ବାରେତି ତାନି କଡ଼ାଁ ତୁଇ ଲକ୍‌ନେସି,” ଇଞ୍ଜାଁ ଏଚେତା ଏଞ୍ଜାସି ଏଲେଇନେସି, “ବାରେ ଲକ୍‌ହାମାନେସି,” ଏଡ଼ି ସାତା କ୍ରୀସ୍ତ ବାରେ ତାନୁ ଲକ୍‌ହେସି, ଏ ବାରେ ତାଣ୍ଡା ତାନୁ ଆଣ୍ଡା ହାଲଅସି । ୨୮ ଅଡ଼େ ବାରେତି କ୍ରୀସ୍ତ କତାୟାଁ ତୁଇ ଲକ୍‌ହି ଜେଚ, ଆମ୍ବାଆସି ବାରେତି ତାନି ତାଣ୍ଡା ଲକ୍‌ହେସି, ମାରୁଏସି ଜିକେଏ ତାନି ଆବା ମାହାପୁରୁ ତୁଇ ତୁୟିନେସି; ଅଡ଼େ ମାହାପୁରୁ ବାରେତି ଲାକ ସାଲୁଞ୍ଜି କିନେସି ।

୨୯ ହାଡ଼ାରି ନିଜ୍ଜାଆସାରେ, ଆମ୍ବାଆରି ହାଡ଼ାରି ତାକି ବାପ୍ତିସ୍ତାଁ ଅନେରି, ଏଞ୍ଜାରି ଏନାଆଁ କିନେରି ? ଆଡ଼ିହିଁ ହାଡ଼ାରି ନିଜ୍ଜାଆସାରେ, ଏଞ୍ଜାରି ତାକି

† ୧୫:୨୯ ୧୫:୨୯ମୁଞ୍ଜକାୟି

ଏନାଆଁତାକି ବାପ୍ତିସ୍ମ ଆନ୍ଦେରି । ୩୦ ଅଡେତ ମାର ଜିକେଏ ଏନାଆଁତାକି ବାରେବେଲା ତଣ୍ଡ ତଲେ ନାସା ଆନି ତାଣା ହାନାୟି ? ୩୧ ତାୟିୟାଁ ଅଡେତ ତାଜିସ୍ମାତେରି, ମା ପୁରୁ କ୍ରୀସ୍ତ ତାଣା ମିଙ୍ଗେତାକି ନାନୁ ଆମିନି ବତପଣ ଆହିମାଈ, ଏମାତି ମାନି କିହାଁ ଏଲେ ଇଞ୍ଜିମାଈ, ନାନୁ ବାରେଦିନା ହାନିଲେହେଁତି କସ୍ତ ବେଟାଆହିମାଈ । ୩୨ ଇଚିହଁ ମାଣସିଈ ଅଣପିନି ଲେହେଁ ଏପିସିୟ ଗାଡ଼ାତା ନାନୁ ଖାର୍ଜ “ଜାଡ଼ା ଜନ୍ତୟାଁ” ତଲେ ଜୁଜୁ କିହାମାଈ, ଆତିହଁ ଏମାଆଁ ନାଙ୍ଗେ “ଏନି ଲାବା ?” ସାମା ହାଡ଼ାରି ନିଙ୍ଗଅରି, “ଆତିହଁ ଖାଦୁ ମାର ତିନ ଉନ ଇଚିହଁ ଝିଏ ମାର ହାନାୟି ।”

୩୩ ମାରୁ ନାଡ଼ି ଆଆଦୁ, “ଇଚିହଁ ପଲ୍ଲଆ ଗାଟାରି ତଡ଼ୁ ନେହଁ ଲକ୍ଷୁତି ଗୁଣ୍ଡ ନସ୍ତ କିନେ ।” ୩୪ ମାରୁ ନେହଁକଁ ଜାଗ୍ରାତା ଆଦୁ, ପାପୁ କିଆଦୁ, ଇଚିହଁ ଆମ୍ବା ଆମ୍ବାଆରାକି ମାହାପୁରୁଈ ପୁନି ବୁଦି ହିଲେଏ; ନାନୁ ମୀ ଲାଜା ତାକି ଈ କାତା ଝେସିମାଞ୍ଜାଇ ।

ହାକିଚି ଝେଣ୍ଡେ ନିଙ୍ଗିନି ଆଙ୍ଗା

୩୫ ସାମା ଆମ୍ବାଆରି ଏଲେଇନେରି, “ହାଡ଼ାରି ଏନିକଁ ନିଙ୍ଗିନେରି ? ଏନିଲେହେଁତି ଆଙ୍ଗା ତଲେ ଏଞ୍ଜାରି ଝାନେରି ?” ୩୬ ବୁଦି ହିଲ୍ଲାଆ ଗାଟାତେରି, ମାରୁ ଏନାଆଁ ମାଟିମାଞ୍ଜେରି ଏଦି ହାଆସାରେ ଝେଣ୍ଡେ ଜୀଞ୍ଜୁଆହାଁ ଗଜା ଆଏ । ୩୭ ଅଡେ ଏମିନି ଆଙ୍ଗା ଆନ୍ଦେ ଏନାଆଁ ମାରୁ ମାଟିହିଲଅତେରି, ସାମା ଗହଁୟାଁ ଆପୁ କି ଏନି ଆର୍ନା ଆଡେ, ଏଦି ପାଡେୟି ଲେହେଁ । ୩୮ ସାମା ମାହାପୁରୁ ତାନି ଅଣ୍ଡପୁ ଲେହେଁ ଏଞ୍ଜାରାକି ଆଙ୍ଗା ହାନେସି, ଅଡେ ବାରେ ପାଡେୟି ତାକି ତାନି ଆଙ୍ଗା ହାନେସି ।

୩୯ ବାରେ ଆଙ୍ଗା ରଣ୍ଡିଏ ରଲେଏତି ଆଙ୍ଗା ଆଏ, ସାମା ମାଣସିୟାଁକି ରଲେତି ଆଙ୍ଗା, ଜନ୍ତୟାଁକି ରଲେତି ଆଙ୍ଗା, ଅଡେ ପଟାୟାଁକି ଅର ରଲେତି ଆଙ୍ଗା, ଅଡେ ମୀଶକା ତାକି ଅର ରଲେତି ଆଙ୍ଗା ।

୪୦ ଲାକପୁରୁକି ଆଙ୍ଗା ମାନେ, ଅଡେ ଦାରତିକି ଆଙ୍ଗା ଜିକେଏ ମାନେ, ଲାକପୁରୁତି ଆଙ୍ଗା ରଲେତି ଅଜୁ, ଅଡେ ଦାରତିତି ଆଙ୍ଗାତି ଅଜୁ ଅର ରଲେତାୟି । ୪୧ ଝେଡ଼ାତି ଉଜେଡ଼ି ରଲେତାୟି, ଅଡେ ଲେଞ୍ଜୁତି ଉଜେଡ଼ି ଅର ରଲେତାୟି, ଅଡେ ହୁକାୟାଁତି ଉଜେଡ଼ି ରଲେତାୟି, ଇଞ୍ଜା ର ହୁକା ଟିଏ ଅର ହୁକାତି ଉଜେଡ଼ି ଅର ରଲେତାୟି ।

୪୨ ହାଡ଼ାରି ନିଙ୍ଗିନାୟି ଜିକେଏ ଏଲେତାୟିଏ, ନାସା ଆନିଲେହେଁ ମାଟ୍ଟକି ଆନେ, ସାମା ନାସା ଆଆଗାଟାୟି ଲେହେଁ ନିଙ୍ଗିନେ; ୪୩ ଲଡ଼ାହିଲ୍ଲାଆ ଗାଟାୟି ଲେହେଁ ମାଟ୍ଟକି ଆନ୍ଦେ ଏଦି ଗାଞ୍ଜୁରମି ତଲେ ନିଙ୍ଗିନେ; ବାଡ଼ୁୟି ହିଲ୍ଲାଆଗାଟାୟି ଲେହେଁ ମାଟ୍ଟକି ଆନେ, ବାଡ଼ୁୟି ଗାଟାୟି ଆହାଁ ନିଙ୍ଗିନେ । ୪୪ ଇରୁଆତି ଆଙ୍ଗା ତଲେ ମୁସ୍ତପିଆନ୍ଦେ ଜୀଞ୍ଜୁତି ଆଙ୍ଗା ତଲେ ନିଙ୍ଗିନେ; ସାମା ଇରୁଆତି ଆଙ୍ଗା ମାନେ ଇଚିହଁ ଜୀଞ୍ଜୁତି ଆଙ୍ଗା ଜିକେଏ ମାନେ । ୪୫ ଦାମ୍ପୁପତିତା ରାସ୍ତକି ଆହାମାନେ, ତଲିତି ମାଣସି ଆଦମ ଜୀଞ୍ଜୁତି ମାଣସି କିହଁ ଗାଡ଼ି ଆଡେସି; ସାମା ତାୟୁତି ଆଦମ ପୁଣ୍ଡା ହାନି ଜୀଞ୍ଜୁ ଆଡେସି । ୪୬ ସାମା ଜୀଞ୍ଜୁ ଗାଟାସି ନକେଏ ଆଏ, ଆଙ୍ଗା ତଲେତାସି ନକେଏ, ଅଡେ ତାୟୁ ଜୀଞ୍ଜୁ ଗାଟାସି ଆଡେସି । ୪୭ ନକେଏତି ମାଣସି ଆଦମ ଦାରତିତି ମାନି ଇରୁଆ ତଲେ ଗାଡ଼ି ଆହାମାଟେସି, ଅଡେ ତାୟୁତି ମାଣସି ଲାକପୁରୁଟି ଝାହାମାଟେସି । ୪୮ ଆମ୍ବାଆରି ଇରୁଆ ତଲେ ଗାଡ଼ି ଆହାମାନେରି, ଏଞ୍ଜାରି ଇରୁଆଟି ଗାଡ଼ି ଆଡ଼ି ଏ ମାଣସିଲେହେଁ, ଇଞ୍ଜା ଆମ୍ବାଆରି ଲାକପୁରୁତାରି ଏଞ୍ଜାରି ଲାକପୁରୁଟି ଝାହାମାନି ଏ ମାଣସି ଲେହେଁତାରି । ୪୯ ଅଡେ ମାର ଇରୁଆଟି ଗାଡ଼ି ଆହାମାନି ଏ ମାଣସିତି ଝାଣା ଆସାମାନାୟି, ଏଲେକିହଁ ଏ ଏ ଲାକପୁରୁତି ମାଣସିତି ଝାଣା ଜିକେଏ ଆହନାୟି ।

୫୦ ତାୟିୟାଁ ଅଡେତ ତାଜିସ୍ମାତେରି ନାନୁ ଝେସିମାଞ୍ଜାଇ, ନେତେରି ଅଡେତ

ଉଚ୍ଛ୍ଵା ମାହାପୁରୁତି ରାଜିତି ଅଦିକାରା କିହାଲି ଆଡେଏ, ସାମା ହାନାୟି ହାଆଗାଟାଣି ଅଦିକାରା କିହାଲି ଆଡେଏ ।

୫୧ \*ମେହଦୁ ନାନୁ ମିଙ୍ଗେ ର ଡଗୁମାନି କାତା ଖେସିମାଞ୍ଜାଇଁ, ମାର ବାରେ ଜାଣାତାୟି ହାଆୟି, ସାମା ମାର ବାଦଲଖି ଆନାୟି, ୫୨ ଦେବୁଣିଏ, କାନୁ ମିଟି କିନିଲେହେଁ, ତାୟୁତି ତାଡ଼ି ମହୁରି କାଜା ହାଡ଼ା ଖେତିସାରେ ମାର ବାରେତାୟି ଅର ଖାଣା ଆନାୟି; ଇତିହଁ କମୁ ଡୀନେ ଅଡ଼େ ହାଡ଼ାରି ନାସା ଆଆନା ନିଙ୍ଗିନେରି, ଅଡ଼େ ମାର ବାଦଲଖି ଆନାୟି । ୫୩ ଇତିହଁ ଇ ମେଣ୍ଡିନି ଆଙ୍ଗାତି ମେଣ୍ଡିଆଗାଟି ହିମ୍ବୁରି ପରନାୟି ମାନେ, ଅଡ଼େ ଇ ହାନି ଆଙ୍ଗାତି ହାଆଗାଟି ହିମ୍ବୁରି ପରନାୟି ମାନେ । ୫୪ ସାମା ଇ ମେଣ୍ଡିନି ଆଙ୍ଗାତି ମେଣ୍ଡିଆଗାଟି ହିମ୍ବୁରି ଅଡ଼େ ହାନି ଆଙ୍ଗାତି ହାଆଗାଟି ହିମ୍ବୁରି ହୁଚିତି ଜେଟ, ଇ ରାଡ଼ାମାନି ବଲୁ ସାତା ଆନେ; “ହାକି ନାସା ଆହାମାନେ; ଜୀଣା ଆନାୟି ଆହାମାନେ ।”

୫୫ “ଏ ହାକି ନୀ ଜୀଣା ଆନାୟି ଆମ୍ବିୟା ?

ଏ ହାକି ନୀ ନାସାକିନି ବାଡ଼ୁୟୁ ଆମ୍ବିୟା ?”

୫୬ ହାକିତି ସାଡ଼ୁ ପାପୁ, ଅଡ଼େ ପାପୁତି ବାଡ଼ୁୟୁ ମସାତି ମୋରା; ୫୭ ସାମା ଏମିନି ମାହାପୁରୁ ମା ପ୍ରବୁ ଜୀସୁ କ୍ରୀସ୍ତତି ତାକି ମାଙ୍ଗେ ଜୀଣି କିୟାନେସି ଏଞ୍ଜାଣାକି ଜହରା ଆପେ ।

୫୮ ଏଦାଆଁତାକି ଏ ନା ଜୀସୁତି ତାୟିୟାଁ ଅଡ଼େ ତାଙ୍ଗିସ୍ତାତେରି, ପ୍ରବୁତି ସେବାତା ମୀ କସ୍ତତଲେ କାମା କିନାୟି ଉଜେଏ ଆଏ, ଇଦାଆଁ ପୁଞ୍ଜାନା ପ୍ରବୁତି କାମାତା ତୀରିଆହାଁ ବାଡ଼ୁୟୁ ତଲେ ସେବାତା ହାରେ ହାରେକା ଜାଡ଼ିନୁ ଆଦୁ ।



ମାହାପୁରୁତି ଲକୁତାକି ଦାନା

୧ \*ମାହାପୁରୁ ଲକୁ ତାକି ତାବୁୟାଁ କୃତିକିନି କାତା ନାନୁ ଏନିକିଁ ଗାଲାତିୟା କ୍ରୀସ୍ତାନା କୁଲମିତା ଖେସାମାଚେଏଁ, ମୀରୁ ଜିକେଏ ଏଲେକିଁ କିଦୁ । ୨ ମୀରୁ ବେଟାଆହିମାନି ଲେହେଁ ବାରେ ଖାରାତି ମୁଲୁ ଦିନା ମୀରୁ ବାରେତେରି ମୀ ଆଡ଼ିନି ଲେହେଁ ମୀ ବିତ୍ରା ଏଚେକା ତାବୁୟାଁ କୃତିକିହାଁ ଇଟାଦୁ, ଆତିହଁ ନାନୁ ଖାଡ଼ିସାରେ ମିଙ୍ଗେ ଅଡ଼େ ତାବୁୟାଁ ରୀସାଲି ଲଡ଼ା ଆଏ । ୩ ଅଡ଼େ ନାନୁ ଖାଡ଼ିଜେଟ, ମୀରୁ ଆମ୍ବାଆରାଇଁ ଜଗେ ଇଞ୍ଜିଁ ଆଡ଼ାମାଞ୍ଜେରି ନାନୁ ଏଞ୍ଜାରାକି ଆକୁ ରାଡ଼ାହାଁ ଜିରୁସାଲମତା ମୀ ଦାନା ଅହାଲି ପାଣ୍ଡିଇଁ; ୪ ସାମା ନାଙ୍ଗେ ଜିକେଏ ହାଜାଲି ଲଡ଼ାଆନେ ଇତିହଁ ଏଞ୍ଜାରି ନା ତଲେ ଖାଡ଼ପେରି ।

କାମାତାକି ପାଖୁଲତି ଅଣ୍ଡୁ

୬ \*ସାମା ନାନୁ ମାକିଦନିୟା ହାତି ତାୟୁ ମୀ ତାଣା ଖାକ୍, ଏନାଆଁତାକି ଇତିହଁ ନାଙ୍ଗେ ମାକିଦନିୟାଟି ହାନାୟି ମାନେ । ୧ ଆଆତଁ ନାନୁ ଖାଡ଼ିସାରେ ଏଚରଦିନା ମୀ ତାଣା ଡ଼ୟିଇଁ, ଇତିହଁ ପେନିବେଲା ହାଲୁଖେ ମାଞ୍ଜାଲି ଅଣ୍ଡିମାଇଁ, ଏଚେତା ନାନୁ ଆମିନି ଚାୟୁତା ହାଇଁ, ଏମ୍ବାଆଁ ହାନାଟି ମୀରୁ ନାଙ୍ଗେ ଇତିଞ୍ଜାୟାଦେରି । ୨ ଇତିହଁ ନୀଏଁ ନାନୁ ହାନାଟି ମୀ ତାଣା ଗାଡ଼େକା ତାକି ତଞ୍ଜାଆହାଲି ଅଣ୍ଡି ହିଲଅଁ, ଇତିହଁ ପ୍ରବୁ ନାଙ୍ଗେ ହେଲ ହିୟାତିହଁ, ନାନୁ ମୀ ତଲେ ଏଚରଦିନା ମାଞ୍ଜାଲି ଆସା କିହିମାଇଁ ।

୮ \*ସାମା ନାନୁ ପେଡ଼ିକସ୍ତ ଦିନା ପାତେକା ଏପିସିୟ ଗାଡ଼ାତା ଡ଼ୟିଇଁ; ୯ ଇତିହଁ ପ୍ରବୁତି କାମା କିହାଲି ଅସାରା ଦାରା ଦେପିଆହାମାନେ, ଆଆତଁ ଜିକେଏ ନାଙ୍ଗେ ଅପାଆଗାଟାରି ହାରେକା ମାନେରି ।

\* ୧୫:୫୧ ୧୫:୫୧ ୧ତେସ ୪:୧୫-୧୭    \* ୧୭:୧ ୧୭:୧ ରମି ୧୫:୨୫,୨୬    \* ୧୭:୫ ୧୭:୫ କାମା ୧୯:୨୧  
\* ୧୭:୮ ୧୭:୮ କାମା ୧୯:୮-୧୦    \* ୧୭:୧୦ ୧୭:୧୦ ୧କର ୪:୧୭

୧୦ \*ତିମତି ମୀ ତାଣା ଖାଡ଼ିସାରେ ଏଝାସି ଏନିକ ଆଜାଆନା ମୀ ତାଣା ଡ଼ୟିନେସି, ଏଦାଆଁତାକି ମୀରୁ ଅଣ୍ପାଦୁ, ଇଚିହ୍ ନାନୁ ଏନିକ ଏଝାସି ଜିକେଏ ଏଲେକିହ୍ ଏ ପ୍ରବୁତି କାମାକିନାସି । ୧୧ ଏଦାଆଁତାକି ଆମ୍ବାଆତେରି ଏଝାଣାଇଁ ହୀଣି କିଆଦୁ, ସାମା ଏଝାସି ଏନିକ ନା ତାଣା ଖାହାଲି ଆଡ଼ିମାନେସି, ଏଦାଆଁତାକି ଏଝାଣାଇଁ ହିଡ଼ଡ଼ି ଜୀଝୁତଲେ ଜିରୁ ତସା ପାଣ୍ଡାଦୁ; ଏନାଆଁତାକି ଇଚିହ୍ ଏଝାସି ତାୟିୟା ତଲେ ଖାନ୍ନେସି ଇଞ୍ଜ ନାନୁ କାଡ଼ିମାଇଁ ।

୧୨ ସାମା ତାୟି ଆପଲ ତାକି ଝେସିମାଞ୍ଜାଇଁ, ନାନୁ ଏଟକାତି ତାୟିୟା ତଲେ ମୀ ତାଣା ହାଜାଲି ଏଚେକା ବାଡ଼ିମାଲିଡେଏ, ସାମା ନୀଏ ଖାହାଲି ମନ କିଆଡେସି, ସାମା ପାରୁ ସିନକିହାନା ଏଝାସି ଖାନ୍ନେସି ।

ଆକୁତି ରାନ୍ତି କାତା

୧୩ ମୀରୁ ଜାଗ୍ରାତା ଆହାଁ ନାମୁତା ତୀରିତଲେ ମାଞ୍ଜୁ, ଅଡ଼େ ସାସା ଗାଟାତେରି ଆହାନା ବାଡ଼ୁୟୁ ଆହୁଦୁ । ୧୪ ମୀ ବାରେ କାମା ଜୀଝୁ ନନାଣି ତଲେ ଆପେ ।

୧୫ \*ଏ ତାୟିୟା ଅଡ଼େ ତାଜିସ୍ତାତେରି ସ୍ତ୍ରୀପାନ ଇଲୁ କୁଟମି ଆକାୟାତି ମୁଲୁଏ ନାମିତାରି; ଅଡ଼େ ମାହାପୁରୁ ଲକୁଣି ସେବା କିନି କାମାତାକି ହେରପା କତାମାନେରି ଏଦାଆଁ ମୀରୁ ପୁଞ୍ଜାମାଞ୍ଜେରି । ୧୬ ମୀରୁ ଏଲେତି ଲକୁତି ଅଡ଼େ ତାମିତଲେ ଆଣ୍ଡାନା ଖାହୁତଲେ କାମା କିହିମାନାରାଇଁ ମାନି କିଦୁ, ଏଦାଆଁତାକି ନାନୁ ମିଙ୍ଗ ବାଡ଼ିମାଲିମାଞ୍ଜାଇଁ ।

୧୭ ସ୍ତ୍ରୀପାନ, ପର୍ତ୍ତନାତ, ଅଡ଼େ ଆକାୟିକ ଖାଡ଼ାକି ନାନୁ ହାଡ଼େକା ରାହାଁ ଆହିମାଇଁ, ଇଚିହ୍ ମୀରୁ ହିଲଆତାକି ନାଙ୍ଗେ ଏନାୟି ଲଡ଼ା ମାଚେ, ଏଝାରି ଏଦାଆଁ ହୀହାମାଞ୍ଜାନେରି । ୧୮ ଇଚିହ୍ ଏଝାରି ମୀ ଜୀଝୁତି ଅଡ଼େ ନା ଜୀଝୁତି

ରାହାଁ କିହାଁ ମାଞ୍ଜାନେରି; ଏଲେତି ଲକୁଇଁ ଜଟେ ଇଞ୍ଜ ପୁଞ୍ଜାନା ମାନି କିଦୁ ।

୧୯ \*ଆସିୟା ଦେସାତା ମାନି କୁଲମିକା ମିଙ୍ଗେ ଜହରା କିହିମାଞ୍ଜାନେରି, ଆକ୍ଷିଲା ଅଡ଼େ ପ୍ରିସ୍ତିଲା ତାମି ଇଜ ରୁଣ୍ଡା ଆନି କୁଲମି ତଲେ ପ୍ରବୁ ତାଣା ମିଙ୍ଗେ ହାଡ଼େକା ଜହରା କିହିମାଞ୍ଜାନେରି । ୨୦ ଇମ୍ବାଆଁ ମାନି ବାରେ ତାୟିୟା ଅଡ଼େ ତାଜିସ୍ତା ମିଙ୍ଗେ ଜହରା କିହିମାଞ୍ଜାନେରି । ମୀରୁ ରଅତେରି ରଅଣାଇଁ ତାୟିୟା ତାୟିୟା ଲେହେଁ କ୍ରୀସ୍ତିତି ଜୀଝୁନହ୍ ସୁଦୁ ତଲେ ନଶ୍ଚି ଆହାନା ଜହରା କିଝିଆଦୁ ।

୨୧ ନାନୁ ପାଝୁଲଡେଏ ନା କେୟୁତି ରାଡ଼ାହାଁ ରାହାଁ ତଲେ ଜହରା କିହିମାଞ୍ଜାଇଁ ।

୨୨ ଆମ୍ବାଆସି ମାହାପୁରୁଇଁ ଜୀଝୁ ନଅସି ଏଝାସି ବାକା ବେଟାଆପେସି ! ମାରାନାତା ମା ପ୍ରବୁ ତବେ ଖାମ୍ବୁ !

୨୩ ପ୍ରବୁ ଜୀସୁତି କାର୍ମାମେହନାୟି ମିଙ୍ଗେତାକି ଆୟାପେ; ୨୪ କ୍ରୀସ୍ତ ଜୀସୁ ତାଣାଟି ନା ଜୀଝୁନନାୟି ମୀ ବାରେଜାଣା ତାକି ଆୟାପେ । ଆମେନ ।



**କରକ୍ତି ମଣ୍ଡଳୀ ନିମନ୍ତେ  
ପାଠଲକ୍ଷ ଲିଖିତ ଦ୍ରୀତିୟ  
ପତ୍ର  
କରକ୍ତି କୁଲମିତାକି  
ପାଞ୍ଚଲ ରାଢ଼ାମାନି ରୀ  
ଲମ୍ବର ଆକୁ  
ମୂକୁ ହାଡ଼ା**

କରକ୍ତି କୁଲମିତି ରୀ ଲମ୍ବର ଆକୁ ପାଣ୍ଡୁଆହାମାନି ପାଞ୍ଚଲ ତାଣ୍ଡାଟି ଜୀସୁ କ୍ରୀସୁ ଜାର୍ନାତି ୫୫-୫୬ ବାର୍ଯ୍ୟା ତାୟୁ ରାସ୍ତକି ଆହାମାତେ ୧:୧ । ମା ତାଣ୍ଡା ମାନି କରକ୍ତି କୁଲମିକି ରାଢ଼ାମାନି ଆକୁ ବିଦ୍ରାଟି ଇଦି ଆହିମାନେ ପାଞ୍ଚଲତି ରୀ ଲମ୍ବର ଆକୁ । ମେରାପୁନାରି ନାମିମାନେରି ଇଦାଆଁ ନଟକଏ ପାଞ୍ଚଲ କରକ୍ତି କୁଲମିତି ଦାକା ହାହାନା ରାଢ଼ାମାତେସି ୨:୩-୪ ପଦୁତା ଏଞ୍ଜାସି ଝେସିମାନେସି ।

ପାଞ୍ଚଲ ମାକିଦନିୟାତା ମାନି ବେଲ୍ୟାତା କରକ୍ତିତି ରୀ ଲମ୍ବର ଆକୁ ରାଢ଼ାମାନେସି ୨:୧୩ । କରକ୍ତିତା ମାନି କୁଲମିତି କାତା ତିତସ ତାଣ୍ଡାଟି ନେହଁ କାରୁ ବେଟାଆହାନା ରାହଁ ଆହିମାନେସି । ଇ ଆକୁତା ପୁଃନି ମେରା ଅଣପୁଟି ଦାନା ହାନି କାତା ଜାପିନାୟି । ଇ ଆକୁତା ଜିରୁସାଲମତା ମାନି କ୍ରୀସୁଇଁ ନାମାମାନି ଲକୁଇଁ ସାୟେମି କିହାଲି ଟାକାୟାଁ କୃଡ଼ିକିହାଲି ଝେସିମାନେସି ୮-୯ । ଅଡ଼େ ଜିକେଏ କୁଲମି ପାଞ୍ଜାଟି କଚେକା ମିତି ପାଣ୍ଡୁଞ୍ଜି ଆହାମାନାରି ଜାହାରାଇଁ କାଜାରି କିହାକତାଲି ପାଞ୍ଚଲ କପାଟି କୁଲମିତି ଏଚରଜାଣା କାଜାରାଇଁ ନିୟା କାତା ଝେସିମାନେରି । ଏଞ୍ଜାରି ପାଞ୍ଚଲତି ଅଦିକାରାତି ଆନାମାନା ଆହିମାନେରି । ଏମିନିଗାଟାଣି ରୀ ଲମ୍ବର କରକ୍ତି ଆକୁତି ରାନିଞ୍ଜାକି ଏଞ୍ଜାସି ର କ୍ରୀସୁତି ଅଦିକାରା ତଲେ ପାଣ୍ଡୁଞ୍ଜି ଆଡ଼ାସି ଇଞ୍ଜାଁ ଜାଣ୍ଡେତଲେ ଝେସିମାନେସି ।

**ପତିତା ମାନାୟି**

- ୧. ପାଞ୍ଚଲ ଜହରା କିହାନା ଆକୁ ରାଡ଼ିନାୟି । ୧:୧-୭
- ୨. ପାଞ୍ଚଲ ତାନି ହାନି ଜିରୁତି ବାଦ୍ଲି କିନାୟି ଇଞ୍ଜାଁ ଏଞ୍ଜାରି ତାଣ୍ଡାଟି ବେଟାଆହାମାନି କାତାତାକି ଝେଣ୍ଡେ ଝେହ୍ନାୟି । ୧:୮-୭:୧୬
- ୩. ଜିରୁସାଲମତି ନାମୁଗାଟି ତାୟିୟାଁକି ଦାନା କୃଡ଼ିକିହାଲି ଝେହ୍ନାୟି । ୮:୧-୯:୧୫
- ୪. ପାଞ୍ଚଲ ତାନି ପାଣ୍ଡୁଞ୍ଜିଆହାମାନି ପାଣ୍ଡାଟି ଜାଣ୍ଡେ ଝେହ୍ନାୟି । ୧୦:୧-୧୩:୧୦
- ୫. ଆକୁତି ରାପ୍ତନି କାତା । ୧୩:୧୧-୧୪

୧ ପାଞ୍ଚଲ ମାହାପୁରୁତି ଅଣପୁ ତଲେ କ୍ରୀସୁ ଜୀସୁ ତାଣ୍ଡାଟି ପାଣ୍ଡୁଞ୍ଜି ଆହାମାନାତେଏଁ ଇଞ୍ଜାଁ ମା ତାୟି ତିମତି କରକ୍ତି ଗାଡ଼ାତା ମାନି ମାହାପୁରୁତି କୁଲମି ଅଡ଼େ ଆକାୟା ଦେସାତା ମାନି ବାରେ ମାହାପୁରୁ ଲକୁତାକି ଆକୁ ରାଡ଼ିମାନମି ।

<sup>୨</sup>ମା ଆବା ମାହାପୁରୁ ଅଡ଼େ ପ୍ରୁ ଜୀସୁ କ୍ରୀସୁ ତାଣ୍ଡାଟି କାର୍ମାମେହ୍ନାୟି ଇଞ୍ଜାଁ ହିଡ଼ଡ଼ି ମିଜେତାକି ଆୟାପେ ।

ପାଞ୍ଚଲ ମାହାପୁରୁଇଁ ଜହରା କିନାୟି  
 ୩ ମା ପ୍ରୁ ଜୀସୁ କ୍ରୀସୁତି ଆବା ମାହାପୁରୁକି ଜହରା, ଏଞ୍ଜାସି କାର୍ମାମେହ୍ନି ଆବା ଅଡ଼େ ଦୁକୁ ତୁକୁନି ମାହାପୁରୁ । ୪ ମାହାପୁରୁ ତାଣ୍ଡାଟି ଆମିନି ଦୁକୁ ତୁକୁନି ତାଣ୍ଡା ମାର ଦୁକୁ ତୁପକି ଆହିମାନାୟି, ଏ ଦୁକୁ ତୁକ୍ନାଣି ତଲେ ଏନିକିହଁ ବାରେ ଲେହେଁତି ଦୁକୁ ବେଟାଆହିମାନି ଲକୁଣି ଦୁକୁ ତୁକ୍ନାଲି ଆଡ଼ିନାୟି, ଇଦାଆଁତାକି ଏଞ୍ଜାସି ବାରେ ଦୁକୁତା ମାଜେ ଦୁକୁ ତୁକ୍ନାଣି ହାହାମାଞ୍ଜାନେସି ୫ ଇତିହଁ କ୍ରୀସୁତି ତାକି ମାର ଏନିକିହଁ ହାରେକା ଦୁକୁ କସ୍ତ ହାରେକା ବେଟାଆନାୟି, ଏଲେକିହଁ ଏ କ୍ରୀସୁ ତାଣ୍ଡାଟି ମାହାପୁରୁତି ଦୁକୁ ତୁକ୍ନାୟି ହାରେକା । ୬ ସାମା ମାମୁ ଦୁକୁ କସ୍ତ ବେଟାଆଡ଼ିସାରେ ଏଦି ମା

ତାକି ଦୁକୁ ତୁକନାୟି, ଅଡ଼େ ଗେଲ୍‌ପି ଆହାଲିତାକି; ଇଞ୍ଜା ମାମ୍‌ଦୁକୁ ତୁପକି ଆତିହ୍, ଏଦି ମା ଦୁକୁ ତୁକହାଲି ତାକି; ମାମ୍‌ଏନିଲେହେତି ଦୁକୁ କସ୍ତ ବେଟାଆନମି ମାରୁ ଏନିକିହ୍ ସାସା ଅଡ଼େ କସ୍ତତଲେ ଦୁକୁ ବେଟାଆହି ମାଞ୍ଜେରି ମାମ୍‌ଜିକେଏ ଏଲେକିହ୍ ଏ ଦୁକୁ ତୁକନି କାମା କିହିମାନମି ।<sup>୭</sup> ଅଡ଼େ ମା ତାଣା ମା ବାର୍ସୁ ହାରେକା ମାନେ । ମାରୁ ମା ଦୁକୁ କସ୍ତ ପାଣିନିତାଣା ଏନିକ୍ ଆଣ୍ଡାମାଞ୍ଜେରି, ଏଲେକିହ୍ ଏ ମାମ୍‌ଦୁକୁ ତୁକନି ତାଣା ଆଣ୍ଡିଦେରି, ଇଞ୍ଜା ମାମ୍‌ପୁଞ୍ଜାମାନମି ।

୮ \*ଇତିହ୍ ଏ ତାୟିୟା ଅଡ଼େ ତାଞ୍ଜିସ୍ତାତେରି, ଆସିୟା ରାଜିତା ମାଞ୍ଜେତାକି ଆହାମାନି ସାସ୍ତି ମାରୁ ପୁନାଆନା ମାଞ୍ଜୁ ଇଞ୍ଜିହ୍ ମାମ୍‌ ଅଣ୍ଡପି ହିଲଅମି; ମାମ୍‌ମା ବାଡ଼ୟୁଟି ବେଟାଆହାମାନି ସାସ୍ତି ସହଞ୍ଜି ଆହାଲି ଆଡ଼ାଆରେଟୁ ଆହାମାତମି, ଇଞ୍ଜା ମାମ୍‌ନୀତାମାଞ୍ଜାଲି ଜିକେଏ ଆସା ପିସାମାତମି; <sup>୯</sup> ହାଅ, ମାଞ୍ଜେ ପାୟାଲି ହୁକୁମି ହାପକି ଆହାମାନେ ଇଞ୍ଜା ଅଣ୍ଡପିମାତମି, ଏନିକ୍ ମାମ୍‌ମା ମୁହେଁ ବାର୍ସୁ କିହାକତାଆନା ଏନିନି ମାହାପୁରୁ ହାକିଟି ନିକନେସି ଏଞ୍ଜାଣି ତାଣା ବାର୍ସୁ କିନମି; <sup>୧୦</sup> ଏଞ୍ଜାସି ଆଜିହ୍‌ପେତି ହାକିଟି ମାଞ୍ଜେ ଗେଲ୍‌ପାତେସି ଅଡ଼େ ଗେଲ୍‌ପାନେସି, ଅଡ଼େ ତାୟୁ ଜିକେଏ ଗେଲ୍‌ପାନେସି ଇଞ୍ଜା ତାନିତାଣା ମା ଆସା ମାନେ; <sup>୧୧</sup> ମାରୁ ଜିକେଏ ମା ତାକି ପ୍ରାତାନା କିହା ମାଞ୍ଜେ ସାୟେମି କିହାମାଞ୍ଜାଦେରି, ଏନିକ୍ ମାଞ୍ଜେ ଏନିନି କାର୍ମାତି ଦାନା ହାପକି ଆହାମାଞ୍ଜାନେ, ଏଦାଆଁତାକି ହାରେକା ଲକୁତି ଗୁଡିତି ମା ତାକି ହାରେକା ଜହରା କିଞ୍ଜିଆହିମାନେ ।

ପାଞ୍ଜୁଲ ତାନି ଅଣ୍ଡପୁ ବାଦଲି କିନାୟି  
<sup>୧୨</sup> ବାରେକିହା ଦାରତିତା ମା ତାକି ମାମ୍‌ମାଣ୍ଡସିତି ବୁଦିତଲେ ତାକାଆନା

ମାହାପୁରୁତି କାର୍ମାତି ତାନି ସୁଦୁ ଅଡ଼େ ନାମୁତଲେ ତାକିମାତମି ଇଞ୍ଜା ମା ଅଣ୍ଡପୁ ସାକି ହାହିମାଞ୍ଜାନେ, ଇଦି ମା ବଡ଼ପଣତି କାତା । <sup>୧୩</sup> ଖାରଇ ମାରୁ ଏନାଆଁ ପଡ଼ଞ୍ଜି ଆହାନା ତେଲ୍‌ହିଦେରି, ଏ ବାରେ ପିସପେ ମାମ୍‌ମିଞ୍ଜେ ଅଡ଼େ ଏନାଆଁ ରାଡ଼ିମାଞ୍ଜଅମି, <sup>୧୪</sup> ଅଡ଼େ ମା ପ୍ରବୁ ଜୀସୁ ଜୀସ୍ତତି ଦିନାତା ମାମ୍‌ମା ତାକି ବଡ଼ପଣ ତସାଲି ଆଡ଼ିନମି, ଅଡ଼େ ମାରୁ ଜିକେଏ ମା ତାକି ବଡ଼ପଣ ତସାଲି ଆଡ଼ିଦେରି, ମାରୁ ନୀଏଁ ଇଚେକା ପୁଞ୍ଜାନା ବାରେ ପୁନାଆତି ଜିକେଏ ର ଦିନା ମାରୁ ବାରେ ତାୟୁ ପାତେକା ପୁଞ୍ଜେରି ଇଞ୍ଜା ନା ଆସା ।

<sup>୧୫</sup> ଇ କାତା ନେହ୍‌କ୍ ପୁଞ୍ଜାମାନାକି ମୁଲ୍‌ଏ ମା ତାଣା ଖାହାଲି ତାକି ନାଞ୍ଜେ ଅଣ୍ଡପୁ ମାଚେ, ଆତିହ୍ ମାରୁ ରୀ ଦେବା ରାହା ବେଟାଆଡେରିମା <sup>୧୬</sup> \*ମା ତାଣାଟି ମାକିଦନିୟାତା ହାଜାନା ଅଡ଼େ ଖେଣ୍ଡେ ମାକିଦନିୟାଟି ମା ତାଣା ଖାହାନା ମା ସାୟେମି ତଲେ ଜୀହୁଦା ଦେସାତା ହାଜାଲି ଆଡ଼ିଇଁ, ଏଦାଆଁତାକି ଏ ନାମୁଟି ତଲିଏ ମା ତାଣା ହାଜାଲି ମନ କିହାମାଚେଏଁ । <sup>୧୭</sup> ଆତିହ୍ ଇଲେତି ଅଣ୍ଡପୁ ଅଣ୍ଡପିନାୟି ନାନୁ ଏନାଆଁ ଆନାମାନା ଆହାନା କିହାମାଚେଏଁ ? ଇଞ୍ଜା ନାନୁ ଏନାଆଁ ତୀରିକିହା ତୁୟିଇଁ, ଏଦି ଏନାଆଁ ଏଦାଆଁ ଦାରତିତି ଅଣ୍ଡପୁ ତଲେ କିହିମାଇଁ, ଇଞ୍ଜା ନା କାତା “ହାଅ କି ଆଏ” ଇ ରୀ କାତା ରଣ୍ଡିଏ ଦେବା ହପ୍‌ଇଁ କି ? <sup>୧୮</sup> ମାହାପୁରୁ ଟିକାଣାତାସି, ଏଦାଆଁତାକି ନା କାତା ମିଞ୍ଜେତାକି “ହାଅ କି ଆଏ” ଇନି ରୀ କାତା ଆଏ । <sup>୧୯</sup> \*ଇତିହ୍ ଜୀସୁ ଜୀସୁ ମାହାପୁରୁ ମୀରଏସି, ଆମ୍ବାଆସି ମା ତାଣାଟି ଇତିହ୍ ସିଲା, ତିମତି ଅଡ଼େ ନାନୁ ମା ତାଣା ଞ୍ଜେକହା ମାତମି, ଏଞ୍ଜାସି “ହାଅ” ଅଡ଼େ “ଆଏ” ଇନାସି ଆହାହିଲଅସି, ଇତିହ୍ ଏଞ୍ଜାଣି ତାଣା ହାଅ ଆହାମାନେ । <sup>୨୦</sup> ଏନାଆଁତାକି ଇତିହ୍ ମାହାପୁରୁତି ବାରେ ଆଞ୍ଜାମାନାୟି ଏଞ୍ଜାଣି ତାଣା

\* ୧:୮ ୧:୮ ୧କର ୧୫:୩୨    \* ୧:୧୭ ୧:୧୭ କାମା ୧୯:୨୧    \* ୧:୧୯ ୧:୧୯ କାମା ୧୮:୫

“ହାଅ” ମାନେ; ଇଦାଆଁତାକି ଜୀସୁ କ୍ରୀସ୍ତ ତାଣାଟି ମାହାପୁରୁଇଁ ଗାଞ୍ଜୁରମି କିହାଲି ମାର “ଆଫେନ୍, ଏଲେଆହ୍ ଆଫେ” ଇନାୟି । ୧୧ ତାନୁଏ ମାଜେ ଅଡ଼େ ମିଜେ କ୍ରୀସ୍ତ ତାଣା ତୀରି କିହାମାଞ୍ଜାନେସି, ଇଞ୍ଜା ମାଜେ ବର ହାହାମାଞ୍ଜାନେସି, ଏଞ୍ଜାସି ମାହାପୁରୁ; ୧୨ ଏଞ୍ଜାସି ତାନି ବୁରୁ ମୁଦ୍ରା ମାଜେ ଝେଟା ମାଞ୍ଜାନେସି, ଇଞ୍ଜା ଏଞ୍ଜାସି ମା ହିୟାଁ ବିତ୍ତା ସୁଦୁଜୀଞ୍ଜୁ ସିନାଲେହେଁ ହାହାମାଞ୍ଜାନେସି ।

୧୩ ସାମା ନାନୁ ମାହାପୁରୁଇଁ ସାକି କିହାନା ନା ଜୀଞ୍ଜୁତି ମାନି କିହିମାଇଁ, ନାନୁ ମିଜେ କାର୍ମା ଆହାନା କରତ୍ତିତା ଝେଣ୍ଡେ ହାଜାହିଲଅଁ । ୧୪ ମୀ ନାମୁତି ମୁହେଁ ମା ଅଦିକାରା ମାନେ, ଏଲେକ୍ ଆଏ, ସାମା ମୀ ରାହାଁତାକି ମୀ ସାୟେମି କିନାତମି ଆହାମାନମି, ଏଦାଆଁତାକି ନାମୁତା ତୀରିଆହାନା ମାଞ୍ଜୁ ।

**୨**

୧ ନାନୁ ମୀ ତାଣା ହାନାୟି ମିଜେତାକି ଅଡ଼େ ଝେଣ୍ଡେ କସ୍ତ ଆୟେଏ, ଇଦାଆଁ ମନତା ତୀରି କିତେଏଁ । ୨ ନାନୁ ମିଜେ ଦୁକୁ ହିୟାଇଁ, ଆତିହ୍ ନାନୁ ଆମ୍ବାଆରାଇଁ ଦୁକୁ ହାଇଁ, ଏଞ୍ଜାଣି ପିସପେ ନାଜେ ଆମ୍ବାଆସି ରାହାଁ ହିୟାନେସି ? ୩ ଇଞ୍ଜା ନାନୁ ଆମ୍ବାଆରି ତାଣାଟି ରାହାଁ ପାଣ୍ଡନାୟି ମାନେ, ଏଞ୍ଜାରିତାଣା ନାନୁ ଖାହାନା ଏନିକ୍ ଦୁକୁ ବେଟାଆଅଁ, ଏଦାଆଁତାକି ନାନୁ ଇ କାତା ରାଟାମାଟେଏଁ, ଏନାଆଁତାକି ଇତିହ୍ ନା ରାହାଁତା ମୀ ରାହାଁ ଆନେ, ଏଦି ମୀ ବାରେତାକି ନା ଅଣ୍ଡପୁ । ୪ ଇତିହ୍ ହାରେକା କସ୍ତ ଅଡ଼େ ହିୟାଁ କାତାତାକି ହାରେକା ଦୁକୁ ତଲେ କାଣ୍ଡୁ ଚୁକ୍‌ହିହ୍ ମିଜେ ରାଟାମାଞ୍ଜାତେଏଁ; ଏନିକ୍ ମୀରୁ ଦୁକୁ ଆଦେରି, ଏଲେକ୍ ଆଏ, ସାମା ମିଜେତାକି ନା ଜୀଞ୍ଜୁନନାୟି ହାରେକା ମାନେ, ଇ କାତା ମୀରୁ ଏନିକ୍ ପୁଞ୍ଜେରି ।

ମାଣ୍ଡସିତି ଦହ୍ ମ୍ଲେକ୍‌ନାୟି  
 ୫ ସାମା ଆମ୍ବାଆସି ଦୁକୁ ହାହାମାନେସି, ଏଞ୍ଜାସି ନାଜେ ଦୁକୁ ହାହାମାଞ୍ଜାଅସି, ସାମା ବାରେତେରି ମିଜେ ଦୁକୁ ହାହାମାଞ୍ଜାନେସି ନାନୁ ହାରେକା ଗାତିକିହ୍ ଝେହ୍ ଅଁ । ୬ ମୀ ବିତ୍ତାଟି ହାରେକା ଲକୁ ତାଣାଟି ଏଞ୍ଜାସି ଏନି ତଣ୍ଡ ବେଟା ଆହାମାନେସି ଏଞ୍ଜାଣାକି ଏଚେକେଏ ସାରି । ୭ ଏଦାଣିତାକି ଏଲେତି ଲକୁ ଏଚେଟା ହାରେକା ଦୁକୁତା ମେଦା ହାନେସି, ଏଦାଆଁତାକି ମୀରୁ ନାଏଁ ଏଞ୍ଜାଣାଇଁ ପାପୁ ମ୍ଲେକ୍‌ହାନା ବାସୁ ହାଦୁ । ୮ ଇତିହ୍ ଏଞ୍ଜାଣାଇଁ ଜୀଞ୍ଜୁ ନନାଣି ତହ୍‌ଦୁ ଇଞ୍ଜାଁ ବାତିମାଲିମାଞ୍ଜାଇଁ । ୯ ଇତିହ୍ ମୀରୁ ବାରେ କାତାତି ମାନଞ୍ଜି ଆହିମାଞ୍ଜେରି, ଇଞ୍ଜାଁ ମିଜେତାକି ଏମ୍ବାତି ପାର୍‌ମାଣା ଏନିକ୍ ନାନୁ ବେଟାଆଇଁ, ଇ ବାରେତାକି ରାଟାମାଟେଏଁ । ୧୦ ଇଞ୍ଜା ମୀରୁ ଆମ୍ବାଆରି ଦହ୍ ପିହ୍‌ଦେରି, ନାନୁ ଜିକେଏ ଏଞ୍ଜାଣି ଦହ୍ ପିହ୍‌ଇଁ; ଇତିହ୍ ନାନୁ ଏନାଆଁ ଦହ୍ ପିସାମାଇଁ, ଇଞ୍ଜା ଏମିନି ଦହ୍ ପିସାମାଇଁ, ଏଦାଆଁ କ୍ରୀସ୍ତତି ନକିତା ମୀ ତାକି ପିସାମାଇଁ । ୧୧ ଏନିକ୍ ସୟତାନ ମାଜେ ଲାଗେଏ କିହାଲି ପାରୁ ବେଟାଆଏ, ଇତିହ୍ ମାର ବାରେ ତାନି ଅଣ୍ଡପୁତି ପୁଞ୍ଜାମାନାୟି ।

ତ୍ରୟାତା ପାଞ୍ଜୁଲ ମନତା କସ୍ତ ପାଣ୍ଡନାୟି

୧୨ ଅଡ଼େ କ୍ରୀସ୍ତତି ନେହ୍ କାବୁ ଝେକ୍‌ହାଲି ତାକି ନାନୁ ତ୍ରୟାତା ଖାତି ତାୟୁ ପ୍ରବୁତି କାମା କିହାଲି ଦାରା ଦେପି ଆହାମାଟି ଜିକେଏ, ୧୩ ନାନୁ ନା ତାୟି ତିତସଇଁ ଏମ୍ବାଆଁ ମେହ୍‌ଆଲିଏ ନା ଜୀଞ୍ଜୁ ହିତଡ଼ି ଆଆତାକି ଏଞ୍ଜାରି ତାଣାଟି ହେଲ ବେଟାଆହାନା ମାକିଦନିୟାଁତା ହାଚେଏଁ ।

କ୍ରୀସ୍ତ ତାଣାଟି ଜୀଣା ଆନାୟି  
 ୧୪ ସାମା ମାହାପୁରୁଇଁ ଜହରା ଆଫେ, ଏଞ୍ଜାସି ବାରେବେଲା ମାଜେ ଅହାନା କ୍ରୀସ୍ତ ତାଣା ଜୀଣାଆଡ଼ି ଲେହେଁ

ହାଜାମାନେସି, ଇଞ୍ଜା ବାରେ ଚାୟୁତା ତାନି ବୁଦି ଲେହେତି ଗାନ୍ଦା ମା ତାଣାଟି ଝେକହିମାନେସି । ୧୫ ଇତିହଂ ଗେଲ୍ପି ଆହିମାନି ଲକୁତାଣା ଇଞ୍ଜା ନାସା ଆହିମାନି ଲକୁତାଣା ମାର ମାହାପୁରୁ ନକିତା କ୍ରୀସ୍ତତି ହାରେକା ନେହଂ ଗାନ୍ଦା ଲେହେ ଆହାମାନାୟି । ୧୬ ରକଞ୍ଜାକି ଲକୁତାକି ହାକି ହାନାୟି ଅଡେ ରକଞ୍ଜାକି ଲକୁତାକି ଜୀଞ୍ଜୁହାନି ଲେହେତି ନେହଂ ଗାନ୍ଦା ଲେହେ । ସାମା ଇ ବାରେ କାମା କିହାଲି ଆମ୍ବାଆସି ଆଡିନେସି ? ୧୭ ହାରେକା ଲକୁ ବାଡକାଲି ତାକି ମାହାପୁରୁତି କାରୁ ଝେକହି ମାନେରି, ମାମ୍ବୁ ଏଞ୍ଜାରିଲେହେ କିହିହିଲଅମି, ସାମା ତୀରପୁତଲେ ମାହାପୁରୁତି ହୁକୁମି ତଲେ ତାନି ନକିତା ମାମ୍ବୁ କ୍ରୀସ୍ତ ତାଣା ମାଞ୍ଜାନା କାତା ଜଲିମାନମି ।

### ୩

ପୁଃନି ମେରାତି ହଲିୟା

୧ ମାର କି ଜାହାରାଇଁ ବଡପଣ କିହାଲି ମାଟ୍‌ହା ମାନାୟି ? ଆମ୍ବା ଆମ୍ବାଆରି ଲେହେ ଏନାଆଁ ମୀ ତାଣା ଆଆତି ମୀ ତାଣାଟି ମା ତସ୍ପି ଆନାୟି ଲଡ଼ାମାନେ ? ୨ ମୀରୁତ ମା ହିୟାତା ରାସ୍‌କି ଆହାମାନାତେରି ଇଞ୍ଜା ବାରେକାଣା ପୁଞ୍ଜାମାନାୟି ଅଡେ ପଡ଼ଞ୍ଜି ଆହାମାନି ମା ଆକୁ ଲେହେ; ୩ ଅଡେ, ମୀରୁ ମା ସେବା କାମାତା ରାସ୍‌କି ଆହାମାନି କ୍ରୀସ୍ତତି ଆକୁ ଲେହେ, ଇଦି ତଞ୍ଜା ଆହିମାନେ; ଏଦି ସୀରା ତଲେ ରାସ୍‌କି ଆହାହିଲେଏ, ସାମା ଜୀଞ୍ଜୁତି ମାହାପୁରୁତି ସ୍ତୁତଜୀଞ୍ଜୁ ତଲେ ରାସ୍‌କି ଆହାମାନେ, ଖାଲି ପାଟାତା ଆଏ, ସାମା ଉୟୁଗାଟି ହିୟା ପାଟାତା ।

୪ କ୍ରୀସ୍ତ ତାଣାଟି, ମାହାପୁରୁ ନକିତା ବାସ୍‌ ଇଟାନା ମାଦି ଇଲେତି ଆଟ୍‌ଞ୍ଜା ନାମ୍ବୁ ମାନେ । ୫ ମାର ମା ତାଣାଟି ଏନାଆଁ କିହାଲି ଆଡାଆୟି, ଏଲେକଂ ଆଏ, ସାମା ମାହାପୁରୁ ତାଣାଟି ଆଡିନି ବାଡ଼ୟୁ ମାନେ; ୬ ଏଞ୍ଜାସି ମାଞ୍ଜେ ରାସ୍‌କି ଆହାମାନି ମେରାତି ସେବା

କିନାରି କିହାମାଞ୍ଜଅସି, ସାମା ନେହଂ ଜୀଞ୍ଜୁତି ଇତିହଂ ପୁଃନି ମେରାତି ସେବା କାମା କିହାଲି ବାଡ଼ୟୁ ହାହାମାଞ୍ଜାନେସି; ଇତିହଂ ରାସ୍‌କି ଆହାମାନି ରାଜିମାନା ହାଞ୍ଜିକିନେ ସାମା ନେହଂ ଜୀଞ୍ଜୁ ନୀଡିକିନାୟି ।

୭ ଅଡେ ତୀସଂତି ଖାଲି ପାଟାତା ରାସ୍‌କି ଆହାମାନି ହାଞ୍ଜି କିନି ମସା ମେରାତି ସେବା କାମା ଇଲେତି ଗାଞ୍ଜୁରମି ତଞ୍ଜାଆହାମାତେ, ଇତିହଂ ଇସ୍ତାୟେଲ ଲକୁ ମସା ମୁମ୍ବୁ ନାସା ଆନି ଉଜେଡି ତାକି ଏଞ୍ଜାଣି ମୁମ୍ବୁ ମେସାଲି ଆଡାଆତେରି, « ଆତିହଂ ନେହଂ ଜୀଞ୍ଜୁତି ସେବା କାମା ଏତେକା ଗାଡି ଗାଞ୍ଜୁରମି ଆଏକି ? ୯ ତଣ୍ଡ ଆଞ୍ଜିକିନି ସେବା କାମା ଗାଞ୍ଜୁରମି ଗାଟାୟି, ଆଡଂ ଦାମ୍ବୁତି ସେବା କାମା ଏଦାଆଁ କିହାଁ ଆଗାଡ଼ା ଗାଞ୍ଜୁରମି ଗାଟାୟି ଆନେ । ୧୦ ଇତିହଂ ଆମିନି ଗାଟାୟି ଗାଞ୍ଜୁରମି ଗାଟାୟି ମାତେ, ଏଦି ଏଦାନି କିହାଁ ଆଗାଡ଼ା ଗାଞ୍ଜୁରମି ଆନି କିହାଁ ଗାଞ୍ଜୁରମି ହିଲାଆଗାଟାୟି ଆଡେ । ୧୧ ଗାଡେକା ତାକି ନାସା ଆନାୟି ଗାଞ୍ଜୁରମି ବେଟାଆହଂ, କାଲାକାଲା ତାକି ମାନାୟି ଏତେକା ଆଗାଡ଼ା ଗାଞ୍ଜୁରମି ତଞ୍ଜାଆନେ ।

୧୨ ଇତିହଂ ମାଞ୍ଜେ ଏଲେତି ବାସ୍‌ ମାନାକି ହାରେକା ସାସା ଆହାମାନମି । ୧୩ ଅଡେ ଇସ୍ତାୟେଲ ଲକୁ ଏନିକଂ ଗାଡେକା ତାକି ନାସାଆନି ଗାଞ୍ଜୁରମିତି ସିନିକିଅରି, ଏଦାଆଁତାକି ମସା ଏନିକଂ ତାନି ମୁମ୍ବୁ ହିମ୍ବୁରି ପୁକିହା କଡିମାରେସି, ମାମ୍ବୁ ଏଲେକଂ କିହିହିଲଅମି । ୧୪ ସାମା ଏଞ୍ଜାରି ବୁଦିତି କାଣକା ପଜଞ୍ଜି ଆହାମାନୁ, ଇତିହଂ ନୀଞ୍ଜୁପାତେକା ପୁଃନ ରାଜିମାନା ପତି ପଡ଼ଞ୍ଜି ଆନାଟି ଏ ହିମ୍ବୁରି ପିଡ଼ଗିନାୟି ନୀଏଁ ପାତେକା ତୟାମାନେ, ଇଞ୍ଜା କ୍ରୀସ୍ତ ତାଣାଟି ଏ ହିମ୍ବୁରି ଗୁଟା ଆହାମାନେ, ଏଦି ତଞ୍ଜା ଆହିହିଲେଏ । ୧୫ ସାମା ନୀଏଁ ପାତେକା ମସାତି ମେରା ପଡ଼ଞ୍ଜି ଆନାଟି ଏଞ୍ଜାରି ହିୟା ହିମ୍ବୁରି ପୁକି ଆହାଁ ତୟିନେ

। ୧୬ “ସାମା ଆମ୍ବାଆସି ଆପେସି ପ୍ରବୁ  
 ଝାକି ଝେଣ୍ଡାଝାଡ଼ିହଁ ଏଝାଣି ପୁଠକି  
 ଆହାମାନି ହିମ୍ବରି ଗୁତାଆନେ ।”  
 ୧୭ “ପ୍ରବୁ” ଏ ଜୀଝୁ, ଇଞ୍ଜା ଏମ୍ବିୟା  
 “ପ୍ରବୁତି ଜୀଝୁ” ମାନେ ଏମ୍ବାଆଁ ବାରେ  
 ମେଲା ଆନାୟି ମାନେ । ୧୮ ସାମା  
 ମାର ବାରେତାୟି ମୁମ୍ବୁ ପୁକ୍‌ଆନା  
 ଦାପେଣିତା ମେହନି ଲେହେଁ ପ୍ରବୁତି  
 ଗାଝୁରମି ମେସି ମେସିହଁ ଗାଝୁରମିଟି  
 ହାଢ଼େକା ଗାଝୁରମି ଆହାନା ତାନି ଏ  
 ଝାଣା ତଲେ ବାଦଲି ଆହିମାନାୟି; ଇଞ୍ଜା  
 ପ୍ରବୁ ଆମ୍ବାଆସିକି ଜୀଝୁ ଏଝାଣି ତାଣାଟି  
 ଇ ବାରେ ଆହିମାନେ ।

**୪**

ଇରଥା ଡକା ବିତ୍ରା ନେହଁ ଜୀଝୁତି  
 ଦନ

୧ ମାର ମାହାପୁରୁତି କାର୍ମା  
 ବେଟାଆହାନା ଇ ସେବାକିନି ପାଣା  
 ବେଟାଆହାମାନାକି ସାସା ହିଲାଆ  
 ଲକୁଲେହେଁ ଆହାହିଲାଆୟି, ୨ ସାମା  
 ମାମ୍ବୁ ଲାଜା ଗାଟି ତଞ୍ଜା ଆଆଗାଟି  
 ଲାଗେଏତି କାମା ପିସାମାନମି; ଇଞ୍ଜା  
 ମାମ୍ବୁ ନାଡ଼ି କିଅମି ଅଡ଼େ ମାହାପୁରୁ  
 କାତାଟି ମିଟି କାଲହାନା ଝେସିହିଲଅମି,  
 ମାହାପୁରୁ କାନୁତା ନେହଁ କାରୁତି  
 ସାତା କିହଁ ଝେକହାନା ବାରେଜାଣାଟି  
 ନେହଁ ଅଣ୍ଡପୁ ତାକି ନେହଁତମି  
 ତଞ୍ଜା ଆହିମାନମି । ୩ ଏନାଆଁତାକି  
 ଇତିହଁ ମାର ଝେକହାମାନି ନେହଁ  
 କାରୁ ଡଗୁା ମାଟିହଁ, ଏଦି ଝାରଇ  
 ଜାଜ୍ଜା ମାନାରାକି ଡଗୁାମାନେ ।  
 ୪ ମାହାପୁରୁ ଝାଣା ଲେହେଁତି କ୍ରୀସ୍ତ  
 ତାନି ଗାଝୁରମିଗାଟି ନେହଁ କାରୁତି  
 ଉଜେଡ଼ି ଏନିକଁ ଇଲେତି ଲକୁକି  
 ତଞ୍ଜା ଆଏ, ଏଦାଆଁତାକି ନାମାଆଗାଟାରି  
 ବୁଦି ଦାରୁତିତି ପଲ୍‌ଆ ଡେନୁ କାଣାୟା  
 କିହାମାନେ । ୫ ମାମ୍ବୁ ମାଜେତାକି  
 ଝେସାକଡ଼ିହିଲଅମି, ସାମା କ୍ରୀସ୍ତଇଁ  
 ପ୍ରବୁ ଇଞ୍ଜା ଅଡ଼େ ଜୀସୁ କ୍ରୀସ୍ତ ତାକି  
 ଜାହାରାଇଁ ମୀ ହଲିୟାଜାତମି ଇଞ୍ଜା  
 ଝେକହ ମାନମି, ୬ ଏନାଆଁତାକି ଇତିହଁ

ଆମିନି ମାହାପୁରୁ ଏଲେଇଞ୍ଜାମାରେସି,  
 “ଆନେରିଟି ଉଜେଡ଼ି ତଞ୍ଜା ଆପେ.”  
 ଏଝାସି କ୍ରୀସ୍ତତି ମୁମ୍ବୁତା ତଞ୍ଜା ଆହିମାନି  
 ମାହାପୁରୁତି ଗାଝୁରମିଗାଟି ବୁଦିତି  
 ଉଜେଡ଼ି ତସାଲି ତାକି ମା ହିୟାତି  
 ଉଜେଡ଼ି କିହାମାନେସି ।

୭ ସାମା ମାର ଝାରଇ ଇରଥା  
 ଡକାତା ଇ ଲାକପୁରୁତି ଦନ  
 ବେଟାଆହାମାନାୟି । ଇମ୍ବାଆଁ ପୁଣ୍ଡି  
 ଆହିମାନେ ଇଲେତି ଲାକପୁରୁତି  
 ବାଡ଼ୁୟୁ ମାଡ଼ି ଆଏ ସାମା ମାହାପୁରୁଝାୟି  
 । ୮ ମାମ୍ବୁ ବାରେଲେହେଁତି ବୁକୁ କସ୍ତ  
 ବେଟାଆହାମାନମି, ସାମା ମାମ୍ବୁସୁଣ୍ଡକି  
 ଆହି ହିଲଅମି । ଏତେ ଏତେଲା  
 ଆଡାଜାକା ଆଡ଼ି ଜିକେଏ ନୀରାସା  
 ଆହାହିଲଅମି । ୯ ମାମ୍ବୁ ସାସ୍ତି ବେଟା  
 ଆହିମାନମି ସାମା ମାହାପୁରୁ ମାଜେ  
 ଏତେଲା ପିସାମାଞ୍ଜଅସି । ଏତେ  
 ଏତେକା ମାଡ଼ା ବେଟାଆହି ମାନମି  
 ସାମା ନାସା ଆହାହିଲଅମି । ୧୦ ଜୀସୁତି  
 ଜୀଝୁ ଏନିକଁ ମା ତାଣା ତଞ୍ଜାଆନେ,  
 ଏଦାଆଁତାକି ମାର ବାରେ ବେଲା  
 ମା ଆଜ୍ଜାତା ଜୀସୁତି ହାକି ଡେକା  
 ମାନାୟି । ୧୧ ଇତିହଁ ଜୀସୁତି ଜୀଝୁ  
 ଏନିକଁ ମା ହାନି ଆଜ୍ଜାତା ତଞ୍ଜାଆନେ,  
 ଏଦାଆଁତାକି ମାର ନୀତାମାଟି ଜିକେଏ  
 ବାରେବେଲା ଜୀସୁତି କସ୍ତମି ହାକିତା  
 ହେରପି ଆହିମାନାୟି । ୧୨ ଇଲାଆହଁ  
 ମା ତାଣା ହାକି, ଅଡ଼େ ମୀ ତାଣା ଜୀଝୁ  
 କାମା କିହିମାନେ ।

୧୩ ରାସ୍ତକି ଆହାମାନେ, “ନାନୁ  
 ନାମିତାକି ଜଲିଡେଏଁ ।” ମାର ଏ  
 ନାମୁତି ଜୀଝୁ ବେଟାଆହାମାନାୟି,  
 ଇଞ୍ଜା ମାର ନାମାମାନାୟି ଏଦାଆଁତାକି  
 ଝେକହ ଜିକେଏ ମାନାୟି । ୧୪ ମାମ୍ବୁ  
 ପୁଞ୍ଜାମାନମି, ମାହାପୁରୁ ପ୍ରବୁ ଜୀସୁଇଁ  
 ହାକିଟି ଝେଣ୍ଡେ ନିକ୍‌ହାମାନେସି । ଏ  
 ମାହାପୁରୁ, ଜୀସୁତଲେ ମାଜେ ଜିକେଏ  
 ନିକ୍‌ହାନେସି ଅଡ଼େ ମୀ ତଲେ ମାଜେ  
 ତାନି ତାଗେ ଅୟାନେସି । ୧୫ ମୀ  
 ନେହେଁତାକି ଇ ବାରେ ଆହିମାନେ ।  
 ମାହାପୁରୁତି କାର୍ମାମେହନାୟି ଅଡ଼େ  
 ହାଢ଼େ ଗାଡ଼ି ପାତାଆହାନା ଲକୁଣି

ତୀରିତେ, ଅଡ଼େ ହାରେକା ଲକୁ ରାହଁ  
ଅଣ୍ଠୁ ତଲେ ମାହାପୁରୁଇଁ ଗାଝୁରମି  
କିନେରି ।

ନାମୁତି ଜୀଝୁ

୧୭ ଏଦାଆଁତାକି ମାମ୍ମୁ ଝାହା ହିଲଅମି,  
ସାମା ମା ଦାରତିତି ଆଙ୍ଗା ମେଣ୍ଠିଜିତି  
ଜିକେଏ ମା ହିୟା ବିତ୍ରାତି ଜୀଝୁ ପୁଝନାୟି  
ଆହିମାନେ । ୧୭ ଇତିହଁ ଇ ଗାଡ଼େକାତି  
କସ୍ତୁ ହାରେକା ଗାତି ମାଙ୍ଗେ ତାକି  
କାଲାକାଲା ରାଆଗାଟି ଗାଝୁରମି ତାନେ;  
୧୮ ମାର ତଞ୍ଜା ଆହିମାନାଣି ଗୁରି କିଆନା  
ତଞ୍ଜା ଆଆଗାଟାଣି ଗୁରି କିହିମାନାୟି;  
ଇତିହଁ ତଞ୍ଜା ଆହିମାନାୟି ଗାଡ଼େକା  
ତାକି, ସାମା ତଞ୍ଜା ଆଆଗାଟାୟି  
କାଲାକାଲାତାୟି ।

୫

୧ ମାର ପୁଞ୍ଜାମାନାୟି, ଆମିନି  
ଦାରତିତି ତୁମ୍ମୁ ଲେହେଁତି ଇଲୁତା ନୀଏଁ  
ମାର ବାସା କିହାମାନାୟି, ଏଦି ନସ୍ତ  
ଆଡ଼ିସାରେ ମାହାପୁରୁ ମାଙ୍ଗେ ଲାକପୁରୁ  
ର କାଲାକାଲାତି ଇଲୁ ମେଡ଼ି କିୟାନେସି  
। ଏଦି ମାଣସି କେୟୁତି କେପିତାୟି ଆଏ,  
ମାହାପୁରୁ ତାନୁଏ ଏଦାନି ଗାଡ଼ିକିତାସି  
। ୨ ଇ ଦାରତିତି ଇଲୁତା ମାଞ୍ଜାନା  
ମାର ଲାକପୁରୁ ଇଲୁତି ହିମ୍ପରି ହୁଚାଲି  
ମନ କିହାନା ଡ଼ାହି ମାନାୟି । ୩ ସାମା  
ଲାକପୁରୁତି ବାସା ଚାୟୁତା ହଡ଼ିସାରେ  
ମାର ଆଙ୍ଗା ହିଲାଆଗାଟାତାୟି ଆଆନା  
ନାଗୁଡ଼ା ତଞ୍ଜା ଆଆୟି । ୪ ଇତିହଁ  
ମାର ଇ ଦାରତିତି ତୁମ୍ମୁତା ବାସା  
ଆହାନା ବଜୁଗାଟି ହିୟା ତଲେ ଡ଼ାହି  
ମାନାୟି; ଇତିହଁ ମାର ଦାରତିତି ଆଙ୍ଗା  
ପିସାଲି ଅଣ୍ଠପିମାନାୟି ଏଦି ଆଏ, ସାମା  
ଜୀଝୁ ଏନିକଁ ଦାରତିତି ନାସାକିନେ,  
ଇଦାଆଁତାକି ଇ ହାନି ଆଙ୍ଗାତି ମୁହେଁ  
ଲାକପୁରୁତି ହିମ୍ପରି ହୁଚାଲି ମାର ମନ  
କିହିମାନାୟି । ୫ ମାହାପୁରୁ ମାଙ୍ଗେ  
ଇ ବାଦଲଞ୍ଜି ଆନାଣି ତାକି ତିୟାରା  
କିହଁ ମାଞ୍ଜାନେସି । ଅଡ଼େ ଇଦାଣି  
ତୀରପୁକିନାଣି ଲେହେଁ ତାନି ସୁତୁଜୀଝୁ  
ଏଞ୍ଜାସି ମାଙ୍ଗେ ହାହାମାଞ୍ଜାନେସି ।

୨ ଏଦାଆଁତାକି ମାମ୍ମୁ ବାରେବେଲା  
ସାସା ଆସାମାନମି । ମାମ୍ମୁ ପୁଞ୍ଜାମାନମି,  
ଏଚରଦିନା ପାଡେକା ଇ ଆଙ୍ଗାତା ବାସା  
କିହାମାନମି, ଏଚରଦିନା ପାଡେକା  
ପ୍ରବୁତି ଇଲୁତି ହେକ ମାଞ୍ଜାନା ନୀତା  
ବାଡ଼କିମାନମି, ୩ ଏନାଆଁତାକି ଇତିହଁ  
ମାର ତଞ୍ଜାଆହିମାନି ଦିଶସୁ ଲାକ  
ଆଏ ସାମା ନାମୁ ଲାକ ନୀତା ବାଡ଼କି  
ମାନାୟି । ୮ ଏନାଆଁକି ଇତିହଁ ମାମ୍ମୁ  
ସାସା ଗାଗାତମି, ଇଞ୍ଜା ଇ ଆଙ୍ଗା  
ପିସାନା ପ୍ରବୁ ତଲେ ବାସା କିହାଲି  
ମାମ୍ମୁ ହାରେକା ରାହଁ । ୯ ଏଦାଆଁତାକି  
ଇମ୍ମାଆଁ ଜାହାରା ଇଲୁତା ମାତିହଁ  
କି ହେକ ରାଜି ମାତିହଁ ଜିକେଏ,  
ମାହାପୁରୁଇଁ ରାହଁ କିନାୟି ଏ ମା ରଣ୍ଡିଏ  
ଅଣ୍ଠୁ । ୧୦ ଇତିହଁ ନେହେଁ ଆପେ କି  
ଲାଗେଏ ଆପେ, ବାରେଜାଣା ଜାହାରା  
ଆଙ୍ଗା ତଲେ କିତି କାମାତି ଲେକାତଲେ  
ପାଡ଼େୟି ବେଟାଆହାଲି ତାକି କ୍ରୀସ୍ତତି  
ନୀହାୟି କିନି ଚାୟୁ ନକିତା ବାରେତାୟି  
ମାଙ୍ଗେ ନିକା ହାଜାଲି ଆନେ ।

କ୍ରୀସ୍ତ ତାଣାଟି ମାହାପୁରୁତି  
ତଣେସିଙ୍ଗା ଆନାୟି

୧୧ ପ୍ରବୁଇଁ ଆଜିନାଣି ପୁଞ୍ଜାମାନାକି  
ମାମ୍ମୁ ମାଣସିୟାଁଇଁ ମାଡ଼ଞ୍ଜିକିହି ମାନମି,  
ସାମା ମାମ୍ମୁ ମାହାପୁରୁ ନକିତା ତଞ୍ଜା  
ଆହାମାନମି ଇଞ୍ଜା ମୀ ଅଣ୍ଠପୁତା  
ଜିକେଏ ତଞ୍ଜା ଆହାମାନମି, ଇ କାତା  
ନାନୁ ଆସା କିହିମାଇଁ । ୧୨ ମାମ୍ମୁ  
ମୀ ତାଣା ଅଡ଼େ ବଡ଼ପଣ ତସାଲି  
କିହିହିଲଅମି, ସାମା ଲକୁତି ନେହଁ  
ଅଣ୍ଠପୁ ତାକି ବଡ଼ପଣ ତହୁଆନା ଝାରଇ  
ଏଞ୍ଜାରି ଆଙ୍ଗାତି ରାହଁତାକି ବଡ଼ପଣ  
ତହୁନାରାଇଁ ମାରୁ ଝେଣ୍ଡେ ଝେସାଲି  
ଆଡ଼ିଦେରି, ଏଦାଆଁତାକି ମାରୁ ମା ତାକି  
ବଡ଼ପଣ ତସାଲି ଆଡ଼ିଦେରି ଇଞ୍ଜା  
ଝେସିମାଞ୍ଜାନମି । ୧୩ ମାମ୍ମୁ କି ବୁଦି  
ହିଲାଆ ଗାଗାତମି ? ଏଦି ମାହାପୁରୁ  
ତାକି ଆହାମାନେ ମାମ୍ମୁ କି ବୁଦିଗାଗାତମି  
ଆହାମାନମି ? ମା ନେହେଁ  
ମାତିସାରେ, ମୀ ତାକି ଏଲେଆହଁ  
ମାନମି । ୧୪ ଇତିହଁ କ୍ରୀସ୍ତତି ଜୀଝୁ

ନନ୍ଦି ତାଣ୍ଡାଟି ସାଲୁଝି ଆହିମାନାୟି, ଏଦାଆଁତାକି ମାରୁ ଇ କାତା ଅଣ୍ଡପିମାନାୟି, ରଅସି ବାରେଜାଣା ତାକି ହାହାମାନାକି ବାରେଜାଣା ଏ ହାକିତା ଆଣ୍ଡାମାନେରି । ୧୫ ଏଝାସି ବାରେଜାଣା ତାକି ହାହାମାନାକି ଆମିନି ଗାଗାରି ନୀତାମାନେରି, ଏଝାରି ଅଡ଼େ ଜାହାରାତାକି ନୀତାଆନା ଏଝାଣି ତାକି ନୀତିନେରି, ଏନାଆଁତାକି ଇତିହ ୧୬ ଏଝାରି ତାକି ଏଝାସି ହାହାନା ଝେଣ୍ଡେ ନୀତାମାନେସି ।

୧୭ ଇଦାଆଁତାକି ମାମ୍ମୁଆମ୍ମାଆରାଈ ମାଣ୍ଡସି ଅଣ୍ଡପୁ ତଲେ ବିଚାରା କିହିଲଅମି । ଦିନା ମାତେ ଏତିବେଲା ମାମ୍ମୁ କ୍ରୀସ୍ତୁଈ ଜିକେଏ ମାଣ୍ଡସି ଅଣ୍ଡପୁ ତଲେ ଅଣ୍ଡପିମାତମି, ସାମା ନାଏଁ ମାମ୍ମୁ ଅଡ଼େ ଏଲେ କିହିହିଲଅମି । ୧୭ ଇଦାଆଁତାକି ଆମ୍ମାଆସି କ୍ରୀସ୍ତୁ ତାଣ୍ଡା ମାତିସାରେ ଆତିହ ୧୮ ଏଝାସି ପୁଝନାସି ଆନେସି । ପାଣ୍ଡାଆୟି ବାରେ ମେଣ୍ଡକମାମାନେ, ମେହଦୁ ପୁଝନାୟି ଆହା ଆନେ । ୧୯ ଇ ବାରେ ମାହାପୁରୁ ତାଣ୍ଡାଟି ଆହାମାନେ, ଏଝାସି କ୍ରୀସ୍ତୁ ତାଣ୍ଡାଟି ମାଜେ ତାନିତଲେ ଅଡ଼େ ଆଟ୍ଟହା ମାଞ୍ଜାନେସି ଇଞ୍ଜା ତାନିତଲେ ସେବାକିନି ପାଣ୍ଡା ଆଟ୍ଟହାଲି ଏଝାସି ମାଜେ ଦାୟିପତି ହାହାମାଞ୍ଜାନେସି । ୨୦ ଏ ଆଣ୍ଡିନି ବଲୁ ଇଦି, ମାହାପୁରୁ କ୍ରୀସ୍ତୁ ତାଣ୍ଡା ଦାର୍ତ୍ତିତି ତାନିତଲେ ଆଟ୍ଟହାମାତେସି; ଏଝାସି ଦାର୍ତ୍ତିତି ଲକୁତି ଦହ ଆହୁଆନା ଏ ଆଣ୍ଡିନି ବଲୁତି ମା ତାଣ୍ଡା ହେରପା ମାଞ୍ଜାନେସି ।

୨୦ ଏଦାଆଁତାକି ମାହାପୁରୁ ମା ଝାକିଟି ହାଟିମାଞ୍ଜାନାକି ମାରୁ କ୍ରୀସ୍ତୁତି ଝାକିଟି ରାଜାତି କାରୁ ଝେହନାତାୟି ଆହାମାନାୟି; କ୍ରୀସ୍ତୁ ତଲେ ମାରୁ ବାତିମାଲି ମାଞ୍ଜାନମି, ମାହାପୁରୁ ତଲେ ଅଡ଼େ ଆଣ୍ଡାଦୁ । ୨୧ ଇତିହ ୨୨ କ୍ରୀସ୍ତୁକି ଇଚାୟି ପାପୁ ହିଲାଆତି ଜିକେଏ, ମାହାପୁରୁ ତାଜେ ମା ତାକି ପାପୁ ଗାଗାଣିଲେହେଁ କିତେସି, ମାରୁ ଏନିକ ୨୩ ତାନିତଲେ ଆଣ୍ଡାମା ମାହାପୁରୁତି

ଦାମୁତା ଆଣ୍ଡାଲି ଆଡିନାୟି ।



୨ ମାହାପୁରୁ ତଲେ ଆଣ୍ଡୁଝି ଆହାନା କାମା କିହିମାନାକି ମାମ୍ମୁ ମିଜେ ବାତିମାଲି ମାଞ୍ଜାନମି, ମା ଜୀଝୁତା ମାହାପୁରୁତି କାର୍ମାମେହନାଣି ଉଜେଏ କିଆଦୁ । ୨ ମାହାପୁରୁ ଏଲେଇଞ୍ଜି ମାନେସି,

“ମିଜେତାକି କାର୍ମା ମେସ୍ତାନି ଦିନା ଝାହାଲିଏ ନାନୁ ମା ଗହାରା ଝେଚେଏଁ,

ଗେଲପିନି ଦିନା ନାନୁ ମା ସାୟେମି ଆୟାତେଏଁ”

ମେହଦୁ ! ଇଦି ଆହିମାନେ ମାହାପୁରୁତି କାର୍ମାମେହନାଣି ବେଟାଆନି ବେଲା । ନୀଞ୍ଜୁ ଆହିମାନେ ଗେଲପିଆନି ଦିନା ।

୩ ଏନିକ ୪ ମା ସେବା କାମା ନିନ୍ଦା ଆଏ, ଏଦାଆଁତାକି ମାମ୍ମୁ ଆମ୍ମାଆରି କାମାତା ବାଦା ହାଆପ ଇଞ୍ଜି ଅଣ୍ଡପିମାନମି । ୫ ଏଦାଆଁତାକି ମାମ୍ମୁ ବାରେବେଲା ମାହାପୁରୁତି ସେବା କିନାରା ଲେହେଁ ତସାକତିମାନମି, ସାମା ଆଟ୍ଟହା ତଲେ ବାରେଲେହେଁତି ବାଦାତା, ହିଲାଆ ବେଲାତା କସ୍ତୁ ଅରୁହିମାନମି, ୬ ମାମ୍ମୁ ମାଡ଼ା ବେଟାଆହାନା, କାୟିଦିତା, ଲକୁ ନକିତା ନିନ୍ଦା ବେଟାଆହାନା, ଇଞ୍ଜା ଝାହୁ କାମାତା, ଇଦା କିଆନା, ରାନ୍ଦା ତିନାଆନା ମାତମି, ୭ ସୁଦୁଟି, ବୁଦିଟି, ଅରୁହିନି ତାଣ୍ଡାଟି, କାର୍ମାମେହନି ତାଣ୍ଡାଟି, ସୁଦୁଜୀଝୁତା, କୁରୁ ହିଲାଆନା ଜୀଝୁନନାୟି, ୮ ଅଡ଼େ ସାତା ନେହ ୯ ବଲୁତା, ମାହାପୁରୁତି ବାଡ଼ୟୁ ତଲେ, ଚିଝନି ଚେବୁ କେୟୁଟି ଦାମୁତି ସାକୁ ତଲେ, ୧୦ ଗାଝୁରମି ଅଡ଼େ ଅପାଆ ତାଣ୍ଡା, ମାମ୍ମୁମାନି ବେଟାଆହି ମାନମି ଇଞ୍ଜା ଲାଜା ବେଟାଆହି ମାନମି; ଇଞ୍ଜା ନାଡ଼ିକିଝି ଆହିମାନମି, ଆଡ଼ିଜିକେଏ ସାତା ଗାଗାତମି । ୧୧ ପୁଣ୍ଡି ଆଆତି ଲକୁ ଲେହେଁ, ଆଡ଼ି ଜିକେଏ ନେହ ୧୨

☆ ୨:୫ ୭:୫ କାମା ୧୭:୨୩

ପୁଣ୍ୟିଆଡ଼ି ଲକ୍ଷ୍ମୀ, ହାତାରି ଲେହେଁ ଆଡ଼ି  
 ଜିକେଏ ମେହ୍ନୁ ମାମ୍ବୁ ନୀତାମାନମି,  
 ମାମ୍ବୁ ଡଣ୍ଡ ବେଟାଆହାମାନମି ସାମା  
 ହାହା ହିଲଅମି, ୧୦ ମାମ୍ବୁ ଦୁକୁ ତଲେ  
 ମାତିହଁ ଜିକେଏ ବାରେବେଲ୍ଲା ରାହଁ  
 ତଲେ ମାନମି, ମାମ୍ବୁ କୁକୁଲି ଗାଟାତମି  
 ଲେହେଁ, ସାମା ହାରେକା ଲକ୍ଷ୍ମୀତାକି  
 ବାଡ଼କା ମାନମି, ମାଙ୍ଗେ ଏନାୟି  
 ହିଲଆଲେହେଁ ସାମା ମାମ୍ବୁ ସ୍ତାତାତଲେ  
 ବାରେତି ଅଦିକାରା ଗାଟାତମି; ଈ  
 ବାରେତାଣା ମାମ୍ବୁ ମାହାପୁରୁତି ସେବା  
 କିନାତମି ଲେହେଁ ଜାହାରାଇଁ ଜଗେ  
 ଗାଟାତମି ଇଞ୍ଜି ତସାକତି ମାନମି ।

୧୧ କରନ୍ତିତା ମାନି ଜୀଝୁତି  
 ତାୟିୟାଁ ଅଡ଼େ ତାଜିସ୍ତାତେରି, କୁଟୁ  
 ହିଲଆଲେହେଁ ମିଙ୍ଗେ ବାରେ ଖେସା  
 ମାଞ୍ଜାନମି । ମୀ ତାଣା ମା ହିୟା  
 ଦେବାମାନମି । ୧୨ ମିଙ୍ଗେତାକି ମା  
 ଜୀଝୁନନାୟି ଉଣା ଆହା ହିଲେଏ  
 ସାମା ମା ତାକି ମୀ ଜୀଝୁନନାୟି  
 ଉଣା ଆହାମାନେ । ୧୩ ମିଙ୍ଗେ ନା  
 ମୀରକା ମାସକା ଇଞ୍ଜି ଅଣପାନା ଈ  
 ବାରେ ଖେସିମାଞ୍ଜାଇଁ, ମାମ୍ବୁ ଜୀଝୁନହଁ  
 ମାଞ୍ଜାନାକି ମୀ ହିୟାଁ ଦେପି ଆଡ଼େ ।

ଲାରୋଏ ତାଣାଟି ଜାଗାତା କିନାୟି  
 ୧୪ ମୀରୁ ନାମାଆଗାଟାରି ତଲେ  
 ରଲେଏତାତେରି ଆଡ଼ି ଲେହେଁ କାମା  
 କିଆଦୁ, ଦାମ୍ବୁ କାମାତା ଲାରୋଏତି କାମା  
 ଏନିକଁ ଆଣ୍ଡିନେ ? ଅଡ଼େ ଆନ୍ଦେରି  
 ତଲେ ଉଜେଡ଼ି ଏନିକଁ ଆଣ୍ଡିନେ ?  
 ୧୫ କ୍ରୀସ୍ତ ଇଞ୍ଜା ବିଲିୟାର ଏନିକଁ  
 ଜାରୁ ଆନ୍ଦେରି ? ନାମିତାରି ଇଞ୍ଜା  
 ନାମାଆତାରି ଆମିନି କାତାତା ରଣ୍ଡିଏ  
 ଆନ୍ଦେରି ? ୧୬ \*ମାହାପୁରୁତି ଇଲୁତା,  
 ଏନିକଁ ପେଣକାତି ପୂଜା ଆନ୍ଦେ ?  
 ସାମା ମାର ନୀତାମାନି ମାହାପୁରୁତି  
 ଇଲୁତାୟି, ଇତିହଁ ମାହାପୁରୁ ତାନୁଏ  
 ଏଲେଇଞ୍ଜା ମାନେସି,  
 “ନା ଲକ୍ଷ୍ମୀତଲେ ନାନୁ ବାସା କିଇଁ,  
 ଅଡ଼େ ଏଝାରିତଲେ ମାଇଁ,  
 ନାନୁ ଏଝାରି ମାହାପୁରୁ ଆଇଁ,

ଅଡ଼େ ଏଝାରି ନା ଲକ୍ଷ୍ମୀ ଆନ୍ଦେରି ।”  
 ୧୭ ଏଦାଆଁତାକି ପ୍ରବୁ ଏଲେଇଞ୍ଜା  
 ମାନେସି,  
 “ମୀରୁ ଏଝାରି ତାଣାଟି ହଡ଼ା ଝାଦୁ,  
 ଏଝାରି ତାଣାଟି ଏଟକା ଆଦୁ,  
 ଏନି ଲାରୋଏତି ଦିଶ୍‌ସୁ ତୀଗାଆଦୁ,  
 ଆତିହଁ ନାନୁ ମିଙ୍ଗେ ଆବାଇଁ,  
 ୧୮ ନାନୁ ମୀ ଆବା ଆଇଁ,  
 ଅଡ଼େ ମୀରୁ ନା ମୀରକା  
 ମାସକାତେରି ଆନ୍ଦେରି,  
 ବାରେକିହଁ ବାଡ଼ପୁରାଟି ପ୍ରବୁ  
 ଈଦାଆଁ ଖେସିମାଞ୍ଜାନେସି ।”



୧ ଇତିହଁ, ଏ ତାୟିୟାଁ ଅଡ଼େ  
 ତାଜିସ୍ତାତେରି, ଈ ବାରେ ଆଞ୍ଜାମାତାଣି  
 ମେଡ଼ା ଆହାମାନାକି ଝାଦୁ, ମାର ମା  
 ଆଜ୍ଞା ଅଡ଼େ ଜୀଝୁତି ଲାରୋଏ ତାଣାଟି  
 ଆଟହା କଡ଼ିନ, ଇଞ୍ଜା ମାହାପୁରୁଇଁ  
 ଆଜାନା ସୁଦୁ ମାଣ୍ଡକିତା ନେହଁ ଆନ  
 ।

ପାଝୁଲତି ରାହଁ  
 ୨ ମୀ ହିୟାଁତା ମାଙ୍ଗେ ଚାୟୁ  
 ହିୟାଦୁ, ମାମ୍ବୁ ଆମ୍ବାଆରାଇଁ ଲାରୋଏ  
 କିହାହିଲଅମି, ଆମ୍ବାଆରାଇଁ ନାସା  
 କିହାହିଲଅମି କି ଆମ୍ବାଆରାଇଁ ବୁଡ଼ି  
 କିହାହିଲଅମି । ୩ ନାନୁ ମିଙ୍ଗେ  
 ଦହ୍ ଦସାଲି ଈଦାଆଁ ଖେସିମାଞ୍ଜାଅଁ,  
 ଇତିହଁ ନାନୁ ତଲିଏ ଖେସାମାଞ୍ଜାଇଁ,  
 ମୀରୁ ମା ହିୟାଁତା ଏତେକା ଚାୟୁ  
 ବେଟାଆହାମାନାକି ମାର ହାଡ଼ିହଁ  
 ରଣ୍ଡିଏ ତାଣା ହାନ, ନୀତିତିହଁ ରଣ୍ଡିଏ  
 ତାଣା ନୀତିନ । ୪ ମୀ ତାଣା ନାଙ୍ଗେ  
 ହାରେକା ନାମ୍ବୁ ମାନେ, ମିଙ୍ଗେତାକି  
 ନାଙ୍ଗେ ହାରେକା ବଡ଼ପଣା ହଡ଼ି  
 ମାଞ୍ଜାନେ; ନାନୁ ଦୁକୁ ତୁକହା ମାଇଁ, ମା  
 ବାରେ କସ୍ତତା ନାନୁ ସାସା ଆହାମାଇଁ,  
 ଅଡ଼େ ନା ହିୟାଁତା ରାହଁ ହଡ଼ିମାଞ୍ଜାନେ ।  
 ୫ \*ମାକିଦନିୟାତା ଏଜାଲିଏ  
 ଜିକେଏ ପାଜ୍ଞାତା ଗଡ଼ହା ବିତ୍ତା ଆଜି,  
 ଇଲେତି କସ୍ତ ବେଟାଆହାଲିଏ ମା  
 ଆଜ୍ଞା ଜିକେଏ ଜମାଲି ପୁଞ୍ଜାଆତେ



। ୬ ସାମା ହେଲା ଗାଟାଠାରୁ ସାସା ହାନି ତିତସଇଁ ମାହାପୁରୁ ପାଣ୍ଡାମା ମାଙ୍ଗେ ସାସା ହିୟାତେସି । ୭ ଖାଉଇ ତାନି ଖାଡ଼ାକି ରାହାଁ ଆଏ, ସାମା ଏଝାସି ମା ତାଣା ହାଜାନା ଏମିନି ସାସା ବେଟାଆହାମାନେସି । ଏମ୍ବାଟି ମାଙ୍ଗେ ସାସା ହିୟାତେସି, ଏତେକା ନାଙ୍ଗେ ମେସାଲି ମୀରୁ ଅଣ୍ଡପିମାଞ୍ଜେରି, ଏତେକା ମୀରୁ ଦୁକୁ କିହିମାଞ୍ଜେରି, ମୀରୁ ନା ତାଣା ବାସୁଁ ଇଗାଲି ଏତେକା ତିୟାରା ଆହାମାଞ୍ଜେରି, ଏଦାଆଁତାକି ନାନୁ ନୀଏଁ ହାରେକା ରାହାଁ ଆହିମାଇଁ ।

୮ ନାନୁ ନା ତଲିତି ଆକୁତା ମିଙ୍ଗେ ଦୁକୁ ହାହାମାଞ୍ଜାତିହଁ ଜିକେଏ ଏଦାଆଁତାକି ଦୁକୁ ଆଏ; ଏ ଆକୁ ଗାଡ଼େକା ତାକି ମିଙ୍ଗେ ଦୁକୁ ହାହା ମାଞ୍ଜାନାଣି ମେସାନା ନାନୁ ଦୁକୁ ଆଡ଼ିଜିକେଏ ଏ ନୀଏଁ ରାହାଁ ଆହିମାଇଁ, ମୀରୁ ନୀଏଁ ଦୁକୁ ଆଡ଼େରି ଏଦାଆଁତାକି ଆଏ, ସାମା ମୀ ଦୁକୁ ମିଙ୍ଗେ ମନ ଝେଟ୍ପି କିତାକି ରାହାଁ ଆହାମାଇଁ; ଇତିହଁ ମା ତାଣାଟି ମୀଦି ଏନାୟିଝା ବୁଡ଼ି ଆଆପେ, ଏଦାଆଁତାକି ମୀରୁ ମାହାପୁରୁ ତାଣାଟି ଦୁକୁ ବେଟା ଆହାମାଞ୍ଜେରି । ୧୦ ମାହାପୁରୁ ତାଣାଟି ଖାନି ଦୁକୁ ଗେଲପାଲିତାକି ମନ ଝେଟ୍ପି କିଞ୍ଜିକେନେ, ଏଦାଆଁତାକି ଅଣ୍ଡପିନାୟି ଲଡ଼ା ହିଲେଏ; ସାମା ଇ ଦାଉଡ଼ିତି ଦୁକୁ ହାଞ୍ଜିକେନେ । ୧୧ ମେହଦୁ ମାହାପୁରୁତି ମନତଲେ ଆମିନି ଦୁକୁ ବେଟାଆଡ଼େରି, ଏଦି ମୀ ତାଣା ଏତେକା ରାହାଁଗାଟାୟି, ହାଅ, ମୀ ଦହ ହିଲାଆଗାଟାଣି ତସାମାନେ, ହାଅ ଏତେକା ଅଣ୍ଡପୁ, ଏତେକା ଆଜି, ଏତେକା ମନ, ଏତେକା ସେବା, ଲାଗେଏତାଣି ତଣ୍ଡ ହାହାଲି ଏତେକା ଅଣ୍ଡପୁ, ଏ ବାରେ ତାଣାଟି ମୀରୁ ଅଟ୍ଟହାତେରି ଇଞ୍ଜି ତଞ୍ଜା ଆହିମାଞ୍ଜେରି ।

୧୨ ଇଦାଆଁତାକି ନାନୁ ମୀ ତାଣା ଏ ଆକୁ ରାଡ଼ିତେଏଁ, ଆଡ଼ିହଁ ଜିକେଏ ଆମ୍ବାଆସି ଲାଗେଏ କିହାମାନେସି, କି ଆମ୍ବାଆସି ଲାଗେଏତାଣି ଅଟ୍ଟହା ମାନେସି, ଏଝାଣାକି ରାଡ଼ିତେଏଁ, ଏଦି ଆଏ, ସାମା ମାଙ୍ଗେ ତାକି ମୀ ରାହାଁ

ଏନିକଁ ମାହାପୁରୁ ନକିତା ମୀ ତାଣା ସାତେଏ ଇଞ୍ଜି ତଞ୍ଜାଆନେ, ଏଦାଆଁତାକି ରାଡ଼ିତେଏଁ । ଇତିହଁ, ମାମ୍ବୁ ସାସା ବେଟାଆହାମାନମି । ୧୩ ଅଡ଼େ ମା ବାସୁଁତା ମାମ୍ବୁ ତିତସ ରାହାଁତାକି ହାରେକା ରାହାଁ ଆଡ଼ମି, ଇତିହଁ ଏଝାଣି ଜୀଝୁ ମୀ ବାରେ ଜାଣା ତାଣାଟି ରାହାଁ କିହାମାଞ୍ଜେରି । ୧୪ ଆଡ଼ିହଁ ଏନି କାତା ତିତସ ତାଣା ମୀ ତାକି ନାନୁ ବଡ଼ପଣ କିହାମାଇଁ, ଆଡ଼ି ଲାଜା ଆହାହିଲଅଁ, ସାମା ଏନିକଁ ମୀର ବାରେ କାତାତା ମିଙ୍ଗେ ସାତା ଝେସାମାଞ୍ଜାତମି, ଏଲେକିହଁ ତିତସ ନକିତା ମା ବଡ଼ପଣ ଆନାୟି ଜିକେଏ ସାତା ଇଞ୍ଜି ପୁଣ୍ଡିଆହାମାନେ । ୧୫ ଇଞ୍ଜା ମୀରୁ ଏନିକଁ ଆଜି ଅଡ଼େ ତୀରୁରିହଁ ଏଝାଣାଇଁ ଆବାହାଁ ଏଝାଣି ତାଣା ବାରେଜାଣା ତେରି ମାନଞ୍ଜି ଆଡ଼େରି, ଏ ବାରେ ଅଣ୍ଡପାନା ମିଙ୍ଗେତାକି ତାନି ହିୟାତା ଜୀଝୁନନାୟି ହାରେକା ପାତା ଆଡ଼େ । ୧୬ ନାନୁ ବାରେ ତାଣାଟି ମିଙ୍ଗେ ହାରେକା ନାମାଲି ଆଡ଼ାଇଁ ଏଦାଆଁତାକି ନାଙ୍ଗେ ହାରେକା ରାହାଁ ହଡ଼ିମାଞ୍ଜାନେ ।

୮

କ୍ରୀସ୍ତାନା ଲକୁ ଦାନା ହାନାୟି  
 ୧ ଏ ମା ତାୟିୟାଁ ଅଡ଼େ ତାଙ୍ଗିସ୍ତାତେରି, ମାକିଦନିୟା କୁଲମିକାଣା ମାହାପୁରୁ ହାହାମାନି କାର୍ମାମେହନାଣି ବେଟାଆହାମାନେ, ଏଦାଆଁ ମାମ୍ବୁ ମିଙ୍ଗେ ଝେସିମାଞ୍ଜାନମି; ୨ ଏଝାରି ବେଟାଆହାମାନି ହାରେକା କସ୍ତତଲେ ତାୟିପାରି କିଞ୍ଜିଆହାମାନେରି; ଏଝାରି ହାରେକା ହାକି କାକୁଲି ଗାଟାରି ଇତିହଁ ଜିକେଏ; ଜାହାରା ଅଣ୍ଡପୁ ତଲେ ତାମି ଦାନା ହାନି ତାଣା ଏଝାରି ରାହାଁ ହାରେକା ମାତେ । ୩ ଏନାଆଁତାକି ଇତିହଁ ନାନୁ ସାକି ହାହିମାଇଁ, ଏଝାରି ଆଡ଼ିନି ପାତେକା, ସାମା ଏଝାରି ଆଡ଼ିନି ବାଡ଼ୟୁ କିହାଁ ଜିକେଏ ହାରେକା ଗାଡ଼ି ଦାନା ହାହାମାନେରି । ୪ ଜୀହୁଦାତା ମାନି ମାହାପୁରୁ ଲକୁତି ସେବା କାମାତା

ଆଣ୍ଡିଆନ୍ କାର୍ମାମେହନାଣି ମେଡ଼ା  
 ଆହାଲିତାକି ଏଞ୍ଜାରି ଜାହାରା ଅଣ୍ଡପୁ  
 ତଲେ ବାତିମାଲିହୁଁ ମାଙ୍ଗେ ହେଲ  
 ରାସ୍ତାତେରି; \* ଏଞ୍ଜାରି ଖାରୁଇ ମା ଆସା  
 କିହାମାନିଲେହେଁ କିହାହିଲାଆତେରି,  
 ସାମା ମାହାପୁରୁ ମନତଲେ ସାଲଞ୍ଜି  
 ଆହାନା ତଲିଏ ଜାହା ଜାହାରାଇଁ ପ୍ରବୁ  
 ତାଣା ଇଞ୍ଜା ମା ତାଣା ହେରପାତେରି  
 । ୬ ତିତସ ମା ତାଣା ଏ କାର୍ମାମେହନି  
 କାମା ଏନିକିହୁଁ ମାଟୁହା ମାତେସି,  
 ଏଲେକିହୁଁଏ ଏଦାଆଁ ରାପୁହାଲି  
 ଏଞ୍ଜାଣାଇଁ ସାସା ହୀତମି । ୭ ମୀରୁ  
 ବାରେ ତାଣାଟି ନକିତା ଆହାମାଞ୍ଜେରି,  
 ଇତିହୁଁ ନାମ୍ନୁ କହୁଗାଟାରି, ବୁଦି ଇଞ୍ଜା  
 ବାରେଲେହେତି ରାହାଁ, ମିଙ୍ଗେତାକି  
 ମା ଜୀଝୁନନାୟି, ଏଲେକିହୁଁ ବାରେ  
 କାତା ଏନିକିହୁଁ ମୀ ତାଣା ହାରେକା  
 ତଞ୍ଜା ଆହିମାନେ, ଏଲେକିହୁଁଏ ଇ  
 କାର୍ମାମେହନି କାମା ଜିକେଏ ମୀ ତାଣା  
 ହାରେକା ତଞ୍ଜାଆପେ ।

୮ ନାନୁ ହୁକୁମି ହାନି ଲେହେଁ  
 ଝେସିମାଞ୍ଜଅଁ, ସାମା ଅର ଲକୁତି ରାହାଁ  
 ଆହାଲି ତସାନା ମୀ ଜୀଝୁନନାୟି ସାତା  
 କି ଆଏ ତାୟିପାରି କିହାଲି ଝେସିମାଞ୍ଜାଇଁ  
 । ୯ ଇତିହୁଁ ମା ପ୍ରବୁ ଜୀସୁ କ୍ରୀସ୍ତତି  
 କାର୍ମାମେହନାଣି ମୀରୁ ପୁଞ୍ଜାମାଞ୍ଜେରି,  
 ମୀରୁ ଏନିକିହୁଁ ଏଞ୍ଜାଣି ହିଲାଆଗାଟି  
 ତାଣାଟି ଦନ ଗାଟାତେରି ଆବେରି,  
 ଏଦାଆଁତାକି ଏଞ୍ଜାସି ଦନଗାଟାସି  
 ଆଡ଼ିଜିକେଏ ମୀ ତାକି ହିଲାଆଗାଟାସି  
 ଆବେସି ।

୧୦ ଏଦାଆଁତାକି ନା ଅଣ୍ଡପୁ ଇଦି, ଏ  
 ବାରେ ମିଙ୍ଗେତାକି ନେହେଁ, ଏନିକିହୁଁ  
 ଡାଣ୍ଡୁଟିଏ ମୀରୁ ମୂଲୁଏ କାମା ମାଟୁହେରି,  
 ଏଦି ଆଏ, ସାମା ଏ କାମା କିୟାଲି  
 ନକେଏ ଜିକେଏ ଅଣ୍ଡପାମାତେରି ।  
 ୧୧ ନାଏଁ ଏ କାମା ଜିକେଏ ରାପୁଦୁ,  
 ମୀରୁ ଏ କାମା କିହାଲି ଏନିକିହୁଁ  
 ଅଣ୍ଡପାମାତେରି, ଏଲେକିହୁଁ ରାହାଁତି  
 ଅଣ୍ଡପୁ ତଲେ ଏ କାମା ରାବେନି ।  
 ୧୨ ଇତିହୁଁ ହାହାଲିତାକି ରାହାଁ  
 ମାଟିହୁଁ ମାଣସି ତାନି ଆଡ଼ିନିଲେହେଁ

ଏଦାଆଁ ହୀନେସି, ମାହାପୁରୁ ନକିତା  
 ନେହାୟି ଆବେନି ।

୧୩ ଇତିହୁଁ ଏଟକାତାରି ଏନିକିହୁଁ  
 ସୁକୁ ବେଟାଆବେନି, ଇଞ୍ଜା ମୀରୁ  
 କସୁ ବେଟାଆଦୁ, ଏଦାଆଁତାକି ନାନୁ  
 ଇଦାଆଁ ଝେସିମାଞ୍ଜଅଁ; ୧୪ ସାମା ସମାନା  
 ଆହାଲିତାକି ନାଏଁ ମୀ ବାଟକୁ ତଲେ  
 ଏଞ୍ଜାରି ଲତା ମାନାଣି କିଞ୍ଜି ଆହିମାନେ,  
 ଏନିକିହୁଁ ଏଞ୍ଜାରି ବାଟକୁ ତଲେ ମୀ  
 ହିଲାଆଗାଟାଣି ପୁରା କିଞ୍ଜିଆବେନି, ଇଞ୍ଜା  
 ଇଲେଆହୁଁ ସମାନା ତଞ୍ଜାଆବେନି,  
 ୧୫ ଦାମ୍ପୁପତିତା ଏନିକିହୁଁ ରାସ୍ତକି  
 ଆହାମାନେ, “ଆମ୍ବାଆସି ହାରେକା କୁଡ଼ି  
 କିତେସି, ଏଞ୍ଜାଣିଞ୍ଜାୟି ହାଟାଆତେ, ଇଞ୍ଜା  
 ଆମ୍ବାଆସି ଉଣା କୁଡ଼ି କିତେସି, ଏଞ୍ଜାଣାକି  
 ଉଣା ଆଆତେ ।”

ତିତସ ଅଡ଼େ ତାନି ଆଟୁହିତାରି

୧୬ ମାହାପୁରୁକି ଜହରା ଆପେ,  
 ଏଞ୍ଜାସି ମିଙ୍ଗେତାକି ତିତସ ହିୟାତା  
 ରାହାଁ କିହାଲି ସମାନା ଅଣ୍ଡପିନି ମନ  
 ହୀତେସି । ୧୭ ଇତିହୁଁ ଏଞ୍ଜାସି ଖାରୁଇ  
 ମା ବାତିମାଲିତାଣି ଅପିତେସି, ଏଦି ଆଏ,  
 ସାମା ଏଞ୍ଜାସି ତାନୁଏ ହାରେକା ରାହାଁ  
 ଆହାଁ ମୀ ତାଣା ଖାହାଲି ଏଞ୍ଜାସି ମନ  
 କିହିମାନେସି । ୧୮ ଏଞ୍ଜାଣିତଲେ ମାମ୍ନୁ  
 ଅର ତାୟିଇଁ ପାଣ୍ଡିମାଞ୍ଜାନମି; ଏଞ୍ଜାସି  
 ନେହୁଁ କାରୁ ଝେକ୍‌କନି କାମାତାକି ତାନି  
 ଗାଝୁରମି ବାରେ କ୍ରୀସ୍ତାନା କୁଲମିତା  
 ଝେଙ୍ଗାମାନେ, ୧୯ ଖାରୁଇ ଏଦି ଆଏ,  
 ସାମା ଏଞ୍ଜାସି ଜିକେଏ ମା ସେବା ତଲେ  
 ଆହିମାନି ଇ କାର୍ମାମେହନି କାମା ତଲେ  
 ପ୍ରବୁତି ଗାଝୁରମି ଇଞ୍ଜା ରାହାଁ ଅଣ୍ଡପୁ  
 ତାକି ମା ତଲେ ତାକିନାସି ଆହାଲିତାକି  
 କୁଲମିକା ତଲେ ଆଡ଼ି ଆହାମାନେସି ।

୨୦ ମା ତଲେ କିହିମାନି ଇ ସେବା  
 କାମା ଲେହେଁ ହାରେକା ଦାନାତି  
 କାତାତା ଆମ୍ବାଆସି ଏନିକିହୁଁ ମାଙ୍ଗେ  
 ଦହ ଦସ୍ତାଆପେସି, ଏଦାଆଁତାକି  
 ଜାଗ୍ରାତା ଆହିମାନମି; ୨୧ ଇତିହୁଁ  
 ଖାରୁଇ ପ୍ରବୁ କାନୁତାକି ଆଏ, ସାମା ଲକୁ  
 କାନୁତାକି ଜିକେଏ ଏଦାୟି ନେହାୟି,  
 ଏଦାଆଁ ବାରେ କିହାଲି ଅଣ୍ଡପିମାନମି ।

୨୨ ଅଡ଼େ, ମାମ୍ବୁମା ଅର ତାୟିଇଁ ଜିକେଏ ଏଞ୍ଜାରିତଲେ ପାଣ୍ଡିମାଞ୍ଜାନମି, ଏଞ୍ଜାଣାଇଁ ମାମ୍ବୁ ହାରେକା କାତାତା ହାରେକା ଦେବା ତାୟିପାରି କିହାଁ ରାହାଁତଲେ କାମାକିନାସି ଇଞ୍ଜି ନେହଁକଁ ପୁଞ୍ଜାମାନମି, ଇଞ୍ଜା ମୀ ତାଣା ଆର୍ଘା ନାମୁ କିହାଁ ମାନାକି ଏଞ୍ଜାସି ନୀଏଁ ହାରେକା ରାହାଁ ଆହାମାନେସି । ୨୩ ତିତସ କାତା ଆମ୍ବାଆସି ଝେଞ୍ଜାତିହଁ, ଏଞ୍ଜାସି ନା ଆର୍ଘିତାସି ଇଞ୍ଜା ମୀ ତାକି ନା ତଲେ କାମାକିନାସି; ଇଞ୍ଜା ମା ତାୟିୟାଁ କାତା ଝେଞ୍ଜାତିହଁ, ଏଞ୍ଜାରି କୁଲମିକା ତାଣାଟି ପାଣ୍ଡୁଞ୍ଜି ଆହାମାନାରି, ଅଡ଼େ କ୍ରୀସ୍ତତି ଗାଞ୍ଜୁରମି ଝେଞ୍ଜା କିହି ମାନାରି । ୨୪ ଇତିହଁ ମୀ ଜୀଞ୍ଜୁନନାୟି ଇଞ୍ଜା ମୀ କାତାତା ମା ବତପଣତି ପାରମାଣା କୁଲମିକା ନକିତା ଏଞ୍ଜାରାକି ତହ୍ପୁ ।



ହାକିଗାଟି କ୍ରୀସ୍ତାନା ଲକୁଣି ସାଝେମି  
 ୧ ଜୀହୁଦାତା ମାନି ମାହାପୁରୁ ଲକୁଇଁ ସାଝେମି କିନି କାତା ଅଡ଼େ ମିଙ୍ଗେ ରାଡ଼ାଲି ଲଡ଼ା ଆଏ; ୨ ନାନୁ ପୁଞ୍ଜାମାଇଁ ମୀରୁ ବାରେବେଲା ସାଝେମି କିହାଲି ତିୟାରା ଆହାମାଞ୍ଜେରି ଇଞ୍ଜା ମାକିଦନିୟାତି ଲକୁ ତାଣା ମୀ ତାକି ନାନୁ ବତପଣ ଆହିମାଇଁ । ନାନୁ ଝେସାମାଚେଏଁ, “ଆକାୟାତି ତାୟିୟାଁ ସାଝେମି କିହାଲି ହାତି ବାସାଟିଏ ତିୟାରା ଆହାମାନେରି ।” ମୀରୁ ଏଲେକଁ ସାଝେମି କିନାୟି ଏଞ୍ଜାରି ବିତ୍ରାଟି ହାରେକା ଲକୁଣି ଜାଗ୍ରାତା କିହାମାନେ । ୩ ଆଡ଼ିଜିକେଏ ନାନୁ ତାୟିୟାଁ ପାଣ୍ଡିମାଞ୍ଜାଇଁ, ମୀ ତାକି ବତପଣ ତହ୍ନାୟି ଏନିକଁ ଉଜେଏ ଆଏ, ସାମା ନା କାତାଲେହେଁ ହାହାଲିତାକି ଜାଗ୍ରାତା ଆଦୁ, ୪ ଏଡେତା ଆପେ ନା ତଲେ ଆମିନି ଲକୁ ପାଟେ ମାକିଦନିୟାତି ଖାହାଁ ମୀ ଦାନା କୃଡ଼ି କିହା ହିଲାଆ ଗାଟାଣି ମେସିହଁ ମୀରୁ ପାଣ୍ଡିନି ଲାଜା ପିସାନା ମାମ୍ବୁ

ଇ ଆର୍ଘା ନାମୁତି କାତାତାକି ଲାଜା ବେଟାଆନମି ୫ ମୀରୁ ତଲିଏ ଆଞ୍ଜାମାଟି ଦାନା ଏନିକଁ ଗୁରୁମୁରୁ ଆହଁ ହୀନାୟି ଆଆନା ଜାହାରା ଅଣପୁ ତଲେ ଆନେ, ଏଦାଆଁତାକି ତଲିଏ ଏ ଦାନା କୃଡ଼ିକିହାଲି ତିୟାରା କିହାଲି ନକେଏ ମୀ ତାଣା ହାଜାଲିତାକି ନାନୁ ଏ ତାୟିୟାଁଣି ବାଡ଼ିମାଲାଇଁ ଅଣପାମାଚେଏଁ ।

୬ ସାମା ଇ କାତା ସାତା, ଆମ୍ବାଆସି ରଚାଣି ବିଚା ମାଟିନେସି, ଏଞ୍ଜାସି ଇଚାଣି ତାସା ବେଟା ଆନେସି; ଅଡ଼େ ଆମ୍ବାଆସି ଗାଡ଼ି ବିଚା ମାଟିନେସି, ଏଞ୍ଜାସି ଗାଡ଼ି ତାସା ବେଟାଆନେସି । ୭ ବାରେଜାଣା ଜାହାରା ହିୟାଁ ଏନିକଁ ଅଣପା ମାନେ, ଏଲେକଁ କିପେରି, ମୁସ୍ତି କି ବାଲାମାତମି ତଲେ ଆଏ; ଏଦାଆଁତାକି ଇତିହଁ ମାହାପୁରୁ ଜାହାରା ଅଣପୁ ତଲେ ଦାନାହୀନି ଲକୁଣି ଜୀଞ୍ଜୁ ନଚେସି । ୮ ଅଡ଼େ, ବାରେ ଦିଶ୍ପୁ ବାରେବେଲା ହାରେପୁରେ ବେଟାଆହାଁ ମୀରୁ ଏନିକଁ ବାରେ ନେହଁ କାମାତାକି ହାରେକା ଇଞ୍ଜା ହାରେକା ଦାନା କିହାଲି ଆଡ଼ିଦେରି, ଏଦାଆଁତାକି ମାହାପୁରୁ ମିଙ୍ଗେ ବାରେଲେହେଁତି କାର୍ମା ହାରେପୁରେ ହାହାଲି ଆଡ଼ାନେସି । ୯ ଦାମ୍ବୁପତିତା ରାସ୍ତିକି ଆହାମାନେ,  
 “ଏଞ୍ଜାସି କେୟୁ ଦେଚାନା ଦାନା ହାହାମାନେସି,  
 ଏଞ୍ଜାସି ହିଲାଆ ଗାଟାରାକି ହାରେପୁରେ ହାହାମାନେସି;  
 ଏଞ୍ଜାଣି ଦାମ୍ବୁ ଏଚେଲାଞ୍ଜା ରାଏ ।”

୧୦ ମାହାପୁରୁ ମାଟିନାଣାକି ବିଚା ଅଡ଼େ ତିଞ୍ଜାଲି ରାନ୍ଦା ହୀନେସି, ଏଞ୍ଜାସି ମାଟାଲିତାକି ମିଙ୍ଗେ ବିଚା ହିୟାନେସି ଇଞ୍ଜା ଏଦାଆଁ ପାଡ଼ିକିନେସି, ଅଡ଼େ ମୀ ଦାମ୍ବୁତି ପାଡ଼େୟି ଗାଡ଼ି କିନେସି । ୧୧ ଏଲେକଁ ମୀରୁ ବାରେ ଦିଶ୍ପୁତା ବାଡ଼କାନା ଜାହାରା ଅଣପୁ ତଲେ ଦାନା କିହାଲି ଆଡ଼ିଦେରି, ଇଞ୍ଜା ଏଦି ମା ତାଣାଟି ମାହାପୁରୁଇଁ ଜହରା କିନାୟି ଆନେ । ୧୨ ଇତିହଁ ଇ ଦାନା ହୀନି ସେବା କାମା ମାହାପୁରୁ ଲକୁତି

ଲଡ଼ାମାନାଣି ପୂରା କିହିମାନେ, ଏହି  
 ଥାଏ, ସାମା ଏଦାଆଁ ତଲେ ଜିକେଏ  
 ମାହାପୁରୁତି କାମାତା ହାରେକା ଲକୁ  
 ରାହାଁତଲେ ଜହରା କିହିମାନେରି  
 । ୧୩ ଇତିହିଁ ଇ ସେବା କାମାତି  
 ପାରମାଣା ତାକି ଲକୁ ମିଙ୍ଗେ  
 ଆବିମାଞ୍ଜାନି କ୍ରୀସ୍ତତି ନେହିଁ କାରୁତି  
 ନାମ୍ନୁ, ଇଞ୍ଜା ମାହାପୁରୁତି ଲକୁ ଅଡ଼େ  
 ବାରେତାକି ମୀ ଆଣ୍ଡିନାୟି ତୀରପୁ ତାକି  
 ମାହାପୁରୁତି ଗାଞ୍ଜୁରମି କିହିମାନେରି ।  
 ୧୪ ମିଙ୍ଗେ ମାହାପୁରୁତି ହାରେପୁରେ  
 କାର୍ମାମେହନାଣି ତାକି ଏଞ୍ଜାରି ଜିକେଏ  
 ହାରେକା ରାହାଁତଲେ ପ୍ରାତାନାତା ମିଙ୍ଗେ  
 ଅଣ୍ଡିମାଞ୍ଜାନେରି । ୧୫ ମାହାପୁରୁତି  
 ହାରେପୁରେ ଦାନା ତାକି ତାଙ୍ଗେ ଜହରା  
 ଆପେ ।

**୧୦**

ପାଞ୍ଜୁଲ ତାନି ସେବା କାମାତାକି  
 ଖେଣ୍ଡେଖେହନାୟି

୧ ନାନୁ ପାଞ୍ଜୁଲତେଏଁ ମୀ ନକିତା  
 ସାପି ଆହା ମାନାତେଏଁ ସାମା ହେକ  
 ମାନାତି ବାଡ଼ୁଲୁ ତହନାତେଏଁ, ନାନୁଏ  
 କ୍ରୀସ୍ତତି ସୁଦୁଗାଟି ଅଣ୍ଡପୁ ତଲେ  
 ମିଙ୍ଗେ ବାଡ଼ିମାଲିହିଁ ରାସିମାଞ୍ଜାଇଁ,  
 ୨ ହାଅ ନାନୁ ପ୍ରାତାନା କିହିମାଇଁ, ମାର  
 ମାଣ୍ଡସିତି ଅଣ୍ଡପୁ ତଲେ ତାକିମାନାୟି  
 ଇଞ୍ଜାଁ ଅଣ୍ଡପିମାନାରି କପାଟି ବାଡ଼ୁଲୁ  
 ତସାଲି ଅଣ୍ଡପାମାଇଁ, ଇଞ୍ଜାଁ ନାନୁ  
 ଖାଡ଼ିସାରେ ଏଲେତି ବାଡ଼ୁଲୁ ତସାଲି  
 ଥାଏ; ୩ ମାର ଇ ଦାରତିତା ଆଙ୍ଗା  
 ତଲେ ନୀତାମାନାୟି ସାତା, ସାମା ମାର  
 ଦାରତିତି ଅଣ୍ଡପୁ ତଲେ ଜୁଜୁ କିହି  
 ହିଲାଆୟି, ୪ ଇତିହିଁ ମା ଜୁଜୁତି ସାଜୁ  
 ଆଙ୍ଗାତି ଜୁତି ତଲେ ଥାଏ, ସାମା କାଜା  
 କଟା ଇଲୁ ମେକ୍‌ହାଲି ମାହାପୁରୁ ନକିତା  
 ଏ ବାରେ ବାଡ଼ୁଲୁ ଆନେ; ୫ ମାମ୍ନୁ ମିତି  
 ଅଣ୍ଡପୁ କାତା ବାରେ ଅଡ଼େ ମାହାପୁରୁତି  
 ବୁଦି କପାଟି ନିଙ୍ଗିନି ବଡ଼ପଣ ତହନି  
 କାଜା କାତାତି ବାରେ ମେକ୍‌ନମି; ଅଡ଼େ  
 ବାରେଲେହେତି ଅଣ୍ଡପିନାଣି ଆସାନା  
 କ୍ରୀସ୍ତତି ମାନି ଆୟାଲି ଦସପି କିହିମାନମି

। ୬ ଏତିବେଲା ମୀରୁ ବାରେ ଖାକିତି  
 ମାନଞ୍ଜି ଆଦେରି, ଏତିବେଲା ମାମ୍ନୁ  
 ମାନଞ୍ଜି ଆଆଗାଟାଣି ବାରେ ତଣ୍ଡ ହାନମି  
 ।

୭ ମୀରୁ ସାରିସୁଟୁ ପାଙ୍ଗାତା ତଞ୍ଜା  
 ଆହିମାନାଣି ମେସିମାଞ୍ଜେରି । ଆମ୍ବାଆସି  
 ଜାହାରାଇଁ କ୍ରୀସ୍ତତି ଲକୁତେଏଁ ଇଞ୍ଜାଁ  
 ନାମିନେସି, ଆତିହିଁ ଏଞ୍ଜାସି ଏନିକିଁ  
 କ୍ରୀସ୍ତତି ଲକୁ, ମାମ୍ନୁ ଜିକେଏ ଏଲେକିଁ  
 କ୍ରୀସ୍ତତି ଲକୁ, ଇଦାଆଁ ତାନୁଏ  
 ଅଣ୍ଡପାପେସି । ୮ ଇତିହିଁ ମା ଅଦିକାରା  
 ତାକି ନାନୁ ଅଲପ ଗାତି ବଡ଼ପଣ  
 ତସି ଜିକେଏ ଲାଜା ଆଅଁ; ମିଙ୍ଗେ  
 ନାସଞ୍ଜି କିହାଲି ପ୍ରବୁ ମାଙ୍ଗେ ଅଦିକାରା  
 ହୀଆନା ମିଙ୍ଗେ ତିୟାରା କିହାଲି  
 ହୀହାମାଞ୍ଜାନେସି । ୯ ନା ରାଡ଼ିତି ଆକୁୟାଁ  
 ତଲେ ନାନୁ ମିଙ୍ଗେ ଆଜିକିହି ମାଞ୍ଜାନେସି  
 ଇଞ୍ଜାଁ ଅଣ୍ଡପାଆଦୁ । ୧୦ “ଏତରଜାଣା  
 ଏଲେଇନେରି, ପାଞ୍ଜୁଲ ତାନି ଆକୁ  
 ରାଡ଼ିନାଟି ଅଦିକାରା ଅଡ଼େ କାଜା ବାଡ଼ୁଲୁ  
 ଗାଟାଇ, ସାମା ମା ତଲେ ଆଙ୍ଗାତା  
 ମାନାଟି ଏଞ୍ଜାସି ବାଡ଼ୁଲୁ ହିଲାଆଗାଟାସି  
 ଅଡ଼େ ତାନି କାତା ବାରେ ଉଜେଏତାୟି  
 ।” ୧୧ ମାମ୍ନୁ ହେକ ମାଞ୍ଜାନା ଆକୁତା  
 ରାଡ଼ିନି କାତା ଏନିଲେହେତାୟି, ମୀ  
 ତଲେ ମାଞ୍ଜାନା କିନି କାମା ଜିକେଏ  
 ଏଲେତାୟିଏ ଇଞ୍ଜାଁ ଲକୁ ଅଣ୍ଡପାପେରି  
 ।

୧୨ ଇତିହିଁ ଆମ୍ବାଆରି ଜାହାରାଇଁ  
 ବଡ଼ପଣ ତସା କଡ଼ିନେରି, ଏଞ୍ଜାରି ତଲେ  
 ମାଙ୍ଗେ ଲେକା କିହାଲି ଜିକେଏ ମା  
 ସାସା ହିଲେଏ; ସାମା ଏଞ୍ଜାରି ତାମ୍ନୁ  
 ତାନି ତାଣାଟି ଜାହାରାଇଁ ଲେକା କିହାନା  
 ବୁଦି ହିଲାଆଗାଟାରି ତଞ୍ଜା ଆନେରି ।  
 ୧୩ ସାମା ମାମ୍ନୁ ହାୟି ଗାଣ୍ଡା ହାଜାନା  
 ବଡ଼ପଣ ତହୁଅମି; ମୀରୁ ଜିକେଏ  
 ମାହାପୁରୁ ମାଙ୍ଗେ ହେରପା ମାଞ୍ଜାନି  
 କାମାତି ହାୟି ବିତ୍ରା ତାତେରି, ଏ ଲେକା  
 ତଲେ ବଡ଼ପଣ କିଦେରି । ୧୪ ଇତିହିଁ  
 ମୀରୁ ମା ହାୟି ବିତ୍ରା ହିଲାଆତି ଲେହେଁ  
 ମାମ୍ନୁ ହାୟି ଗାଣ୍ଡା ମାନମି, ଏହି ଥାଏ;  
 ଏନିଇତିହିଁ କ୍ରୀସ୍ତତି ନେହିଁ କାରୁ  
 ଖେକ୍‌ହିହିଁ ମାମ୍ନୁ ମୀ ତାଣା ଜିକେଏ  
 ତଲିଏ ଖାହାମାଟମି; ୧୫ ମାହାପୁରୁ

କିହାମାନି ମା କାମାତି ପାଞ୍ଚାତା ଏଟକା  
 ଲକ୍ଷ୍ମି କାମାତା ବତପଣ କିହିହିଲଅମି,  
 ସାମା ମାମ୍ନୁ ଆସା କିହିମାନମି ମୀରୁ  
 ନାମୁତା ପାତା ଆନାଣିତଲେ ମୀ ତାଣାଟି  
 ମା କାମା ଅଡ଼େ ହାରେକା ପାତା ଆନେ  
 । ୧୭ ମାମ୍ନୁ ଅର ରଅଣି ହାନ୍ଦି ବିତ୍ତା  
 ଏଞ୍ଜାସି ତଲିଏ କିହାମାନି କାମାତାକି  
 ବତପଣ ତହୁଆନା, ମାମ୍ନୁ ମୀ ତାଣାଟି  
 ଅର ଦେସାତା ହାଜାନା ନେହୁ କାବୁ  
 ଝେକହାଲି ଆଡ଼ିନମି ଇଞ୍ଜୁ ଆସା  
 କିହିମାନମି ।

୧୭ ସାମା ଦାମ୍ନୁପତିତା ରାସକି  
 ଆହାମାନେ, “ବତପଣ ତହୁନାସି ପ୍ରବୁ  
 କିତି କାମାତାକି ବତପଣ ତସ୍ପେସି  
 ।” ୧୮ ଜାହାରାଲ୍ ନେହୁତେଏ ଇଞ୍ଜୁ  
 ଅଣ୍ଡପିନାସି ଏଞ୍ଜାସି ତାୟିପାରିତା ଜାଣା  
 ଆଡ଼ାସି ଆଏ, ସାମା ପ୍ରବୁ ଆମ୍ବାଆରାଲ୍  
 ସାତା ନେହୁସି ଇଞ୍ଜୁ ଇନେସି ଏଞ୍ଜାସି  
 ତାୟିପାରିତା ଜାଣା ଆଡ଼ାସି ।

## ୧୧

ପାଞ୍ଚୁଲ ଅଡ଼େ ମିତି ଜାପନାରି

୧ ନାନୁ ବୁଦି ହିଲାଆ ଗାଟାତେଏ  
 ଲେହେଁ ଇଚେକା ଝେସାଲି ନାଞ୍ଜେ  
 ହେଲ ହିୟାତିହୁ ନେହେଁ ଇଞ୍ଜୁ  
 ଅଣ୍ଡପିନାଲ୍, ମୀରୁ ନାଞ୍ଜେ ହେଲ  
 ହିୟାଦେରି । ୨ ମାହାପୁରୁ ତାକି ହାରେକା  
 ରାହୁଁତା ନାନୁ ମିଞ୍ଜେତାକି ହାରେକା  
 ରାହୁଁ, ଇତିହୁ ନାନୁ ମିଞ୍ଜେ ସୁଦୁ  
 ତାଆ ମାଞ୍ଜାଲେହେଁ ର ତକ୍ତା ତାଣା  
 ଇତିହୁ କ୍ରୀସୁଲ୍ ବାହା ଆୟାଲି କାତା  
 ହାହାମାଲ୍ । ୩ ସାମା ରାରୁ ତାନି  
 ସୁତ୍ରମି ତଲେ ହବାଲ୍ ନାଡ଼ି କିତେ,  
 ଏଲେକିହୁ ଏଚେତା ଆପେ ମୀ  
 ମନ କ୍ରୀସୁ ତାଣା ମାନି ତୀରପୁତାୟି  
 ଇଞ୍ଜା ସୁଦୁତା ମାନାୟି ନାସା ଆନେ,  
 ଇଦାଆଁ ନାଞ୍ଜେ ଆଜି ହତିମାଞ୍ଜାନେ  
 । ୪ ଇତିହୁ ଆମିନି ଜୀସୁଲ୍ ମାମ୍ନୁ  
 ଝେକଆତମି, ଇଲେକିହୁ ଏଟକା  
 ଜୀସୁଲ୍ ଆମ୍ବାଆସି ଆପେ ଝାହୁଁ  
 ଝେକନେସି, କି ଆମିନି ସୁଦୁଜୀଞ୍ଜୁ ମୀରୁ  
 ବେଟାଆଆତେରି, ଇଲେକି ଏଟକାତି  
 ର ସୁଦୁଜୀଞ୍ଜୁ ବେଟାଆଡ଼େରି, କି ଆମିନି

ନେହୁ ବଜୁ ମୀରୁ ଆବାଆତେରି,  
 ଇଲେକି ଏଟକାତି ର ନେହୁ ବଜୁ  
 ବେଟାଆଡ଼େରି, ଏଲେଆଡ଼ିହୁ ମୀରୁ  
 ଗାତି ଅରୁହିନାତେରି ।

୫ ଇତିହୁ ଏ କାଜାପାଣା ଗାତି  
 “ପାଣ୍ଡୁ ଆଡ଼ାରି” ତାଣାଟି ନାନୁ  
 ଏନିକିହୁ ଜିକେଏ ଉଣା ତାତେଏ  
 ଆଏ ଇଞ୍ଜୁ ଅଣ୍ଡପିନାଲ୍ । ୬ ସାମା  
 ନାନୁ କାତା ଜଲ୍ଲାଲି ପୁନାଆତି ଜିକେଏ  
 ବୁଦିତା ଉଣାତେଏ ଆଏ; ସାତାତଲେ  
 ମାମ୍ନୁ ବାରେଲେହେଁତି ବାରେ କାତାତା  
 ମିଞ୍ଜେତାକି ଇଦାଆଁ ଝେସୁତମି ।

୭ ମୀରୁ ଏନିକି କାଜାତେରି  
 ଆଡ଼େରି, ଏଦାଆଁତାକି ନାନୁ ଜାହାରାଲ୍  
 ଉଣା କିହାକତାନା ମୀ ତାଣା  
 ଉଜେଏନେଏ ମାହାପୁରୁତି ନେହୁ  
 କାବୁ ଝେକହାତେଏ; ଏଲେକିୟାଲିଏ  
 ନାନୁ ଏନି ପାପୁ କିତେଏ । ୮ ମୀ ତାଣା  
 କାମା କିହୁ ମିଞ୍ଜେ ସେବା କିୟାଲି  
 ଏଟକା କୁଲମିତି ବର୍ତନ ବେଟାଆହୁଁ  
 ଏଞ୍ଜାରି ତାଣାଟି ମୀଞ୍ଜା ଅହିମାତେଏ  
 । ୯ ମୀ ତାଣା ମାତିବେଲା ନାଞ୍ଜେ  
 ଏନାଆଁ ହିଲାଆତି ଜିକେଏ ଆମ୍ବାଆରାକି  
 ବାଦା ହାହାହିଲଅଁ; ମାକିଦନିୟାଟି ଝାଡ଼ି  
 ତାୟିୟା ନାଞ୍ଜେ ଲଡ଼ା ଆନାଣି ବାରେ  
 ହିୟାତେରି, ମିଞ୍ଜେ ବଜୁ ହାଆରେଟୁ  
 ନାନୁ ଜାଗ୍ରାତା ଆହାମାତେଏ, ଅଡ଼େ  
 ଜାଗ୍ରାତା ଆହୁଁ ତୁୟିଲ୍ । ୧୦ ନା ତାଣା  
 ମାନି କ୍ରୀସୁତି ସାତାଲ୍ ସାକି ଇଚାନା  
 ଝେସିମାଲ୍, ଆକାୟା ଗାଡ଼ାୟାତି ନା  
 ଇ ବତପଣତି ଆମ୍ବାଆସି ଜିକେଏ ସାପି  
 କିହାଲି ଆଡ଼ଅରି ଏନାଆଁକି ? ୧୧ ନାନୁ  
 ମିଞ୍ଜେ ଜୀଞ୍ଜୁନହୁ ମାଞ୍ଜାଆକି କି ?  
 ମାହାପୁରୁ ପୁଞ୍ଜାମାନେସି ନାନୁ ମିଞ୍ଜେ  
 ଜୀଞ୍ଜୁ ନହୁ ମାଞ୍ଜାଲ୍ !

୧୨ ସାମା ବତପଣ ଆନିତାଣା  
 ମା ଲେହେଁ ତଞ୍ଜାଆହାଲି ଆମିନି  
 “ଉଜେଏତି ପାଣ୍ଡୁଆଡ଼ାରି” ପାରୁ  
 ପାରିମାନେରି ନାନୁ ଏନିକି ଏଞ୍ଜାରାକି  
 ପାରୁ ହାଆଁ, ଇଦାଆଁତାକି ନାନୁ  
 ଏନାଆଁ କିହିମାଲ୍, ଏଦାଆଁ କିହେମାଲ୍  
 । ୧୩ ଇତିହୁ ଏଲେତି ଲକ୍ଷୁ

ନାଡ଼ିକିନି ପାଣ୍ଡୁ ଆଡ଼ାରି, ଇଞ୍ଜା ଖାଣା  
 ବାଦଲଞ୍ଜିକିହାଁ କାମାକିନାରି, ଏଞ୍ଜାରି  
 କ୍ରୀସ୍ତତି ପାଣ୍ଡୁ ଆଡ଼ାରି ଖାଣା ଆହନେରି  
 । ୧୪ ଇତିହାସ ଏଦି କାବାଆନି କାତା  
 ଆଏ, ଇତିହାସ ସୟତାନ ତାନୁଏ  
 ଉଜେଡ଼ିତି ଦୂଡ଼ୁତି ଖାଣା ଆହନେ  
 ! ୧୫ ଏଚେଟିଏ ତାନି ହଲିୟାଙ୍ଗା  
 ଜିକେଏ ଦାମ୍ଭୁଗାଗାରି ଖାଣା ଆହନେରି,  
 ଆତିହାସ ଏଦି କାଜା କାତା ଆଏ; ରାନି  
 ଦିନାତା ଏଞ୍ଜାରି ତାନି କିତି କାମା ତଲେ  
 ତଣ୍ଡୁ ବେଟାଆନେରି ।

ପାଣ୍ଡୁଆଡ଼ି ପାଣା ତାକି ପାଞ୍ଚୁଲ କସ୍ତ  
 ବେଟାଆନାୟି

୧୬ ନାନୁ ଅଡ଼େ ଖେସିମାଞ୍ଜାଇଁ,  
 ଆମ୍ବାଆସି ନାଙ୍ଗେ ବୁଦି ହିଲାଆଗାଟାସି  
 ଇଞ୍ଜା ଅଣ୍ଡପାଆପେସି; ସାମା ମୀରୁ  
 ଏଲେକ ଅଣ୍ଡପଦେରି, ଆଡ଼ିଜିକେଏ  
 ବୁଦିହିଲାଆଗାଟାସି ଲେହେଁ ନାଙ୍ଗେ  
 ଆବାଦୁ, ଏନିଇତିହାସ ନାନୁ ଜିକେଏ  
 ଅଲପ ବତପଣ ତସାଲି ଆଡ଼ିଇଁ ।  
 ୧୭ ନୀଏଁ ନାନୁ ଏନାଆଁ ଖେସିମାଞ୍ଜା  
 ପ୍ରବୁତି ଅଣ୍ଡପୁ ତଲେ ଖେସିମାଞ୍ଜାଅଁ,  
 ସାମା ବୁଦି ହିଲାଆ ଗାଟାତେଏଁ ଲେହେଁ  
 ହାରେକା ସାସାତଲେ ବତପଣ ତସାନା  
 ଖେସିମାଞ୍ଜାଇଁ । ୧୮ ହାରେକା ଲକୁ  
 ଦାରତିତି ଲେହେଁ ବତପଣ ଆହିମାନାକି  
 ନାନୁ ଜିକେଏ ବତପଣ ତହୁଇଁ ।  
 ୧୯ ଇତିହାସ ମୀରୁ ହାରେକା ବୁଦି  
 ଗାଟାତେରି ଇଞ୍ଜାହାଁ, ରାହାଁ ତଲେ ବୁଦି  
 ହିଲାଆଗାଟାୟା ଅରୁହି ମାଞ୍ଜେରି ।  
 ୨୦ ଆମ୍ବାଆସି ମିଙ୍ଗେ ହଲିୟାଙ୍ଗା କିହାନା  
 ଇଟାନେସି, ମୀ ଦନ ମୀଞ୍ଜା ଅୟାନେସି;  
 ମିଙ୍ଗେ ପାନ୍ଦାତା ମେଡ଼ହାଁ ଆସ୍ତାନେସି,  
 ତାହାରା ଆୟାନେସି କି ମୀ ଗେଏଲାତା  
 ସାପ୍ତା ଖେଟାନେସି ଏ ବାରେ ଅରୁହି  
 ମାଞ୍ଜେରି । ୨୧ ନାନୁ ଲାଜାତଲେ  
 ଖେସିମାଞ୍ଜାଇଁ, ମୀରୁ ବାଡ଼ୁୟ ହିଲାଆ  
 ଗାଟାତାୟି ଆହାମାନାୟି । ଆଡ଼ି ଜିକେଏ  
 ଏନି କାତାତା ଆମ୍ବାଆସି ସାସା ଗାଟାସି,  
 (ନାନୁ ବୁଦି ହିଲାଆନା ଖେସିମାଞ୍ଜା)

ନାନୁ ଜିକେଏ ସାସା ଗାଟାତେଏଁ ।  
 ୨୨ ଏଞ୍ଜାରି କି ଏଡ଼ି ଲକୁ ? ଇତିହାସ  
 ନାନୁ ଜିକେଏ ଏଡ଼ି ଲକୁତେଏଁ । ଏଞ୍ଜାରି  
 ଇସ୍ତାୟେଲ ଲକୁ ? ଇତିହାସ ନାନୁ  
 ଜିକେଏ ଇସ୍ତାୟେଲ ଲକୁତେଏଁ । ଏଞ୍ଜାରି  
 ଅସ୍ତାହାମତି କୃତାତାରି ? ଇତିହାସ  
 ନାନୁ ଜିକେଏ ଅସ୍ତାହାମ କୃତାତାତେଏଁ  
 । ୨୩ ଏଞ୍ଜାରି କି କ୍ରୀସ୍ତତି ସେବା  
 କିନାରି ? ଇତିହାସ; (ନାନୁ ବାୟା  
 ଆଡ଼ିଲେହେଁ ଏଲେଇଞ୍ଜିମାଞ୍ଜା), ନାନୁ  
 ଏଞ୍ଜାରି କିହାଁ ଆଗାଡ଼ା ନେହେଁ ସେବା  
 କିନାତେଏଁ, ନାନୁ ଏଞ୍ଜାରି କିହାଁ ଗାଡ଼ି  
 ଖାହୁ କାମା କିହାମାଞ୍ଜା, ହାରେକା କାୟିଦି  
 ଇଲୁତା ମାଚେଏଁ, ହାରେକା ଇରନି  
 ମାଡ଼ା ବେଟାଆହା ମାଚେଏଁ, ଅଲେ  
 ଅଲେ ହାକିତା ହେରୁଖା ମାଚେଏଁ ।  
 ୨୪ ନାନୁ ଜୀହୁଦି ଲକୁ ତାଣାଟି ପାସା  
 ଦେବା ତାରିସି ନ ଗଟା ବେତି ବାଡ଼ଗା  
 ମାଡ଼ା ବେଟାଆହାମାଞ୍ଜା; ୨୫ ରମ୍ପତି ଲକୁ  
 ତାଣାଟି ତାନି ପାଲି ସାଟୁଣି ତ୍ଵରିତଲେ  
 ନାଙ୍ଗେ ଇରହାତେରି, ର ପାଲି ନାଙ୍ଗେ  
 ଖାଲକାତଲେ ଇରହାତେରି, ତାନି ପାଲି  
 ଜାଜା ତୀତି ତାଣାଟି ଗେଲହା ମାଞ୍ଜା,  
 ର ଲାଆଁ ର ମାଦେନା ସାମ୍ପଦୁରିତି  
 ଏୟୁତା ମୁଞ୍ଜା ମାଚେଏଁ, ୨୬ ନାନୁ  
 ହାରେକା ଦେବା ଜିରୁ ତାକିନାଟି, କାତା  
 ଆଜ୍ଞାନିତାଣା, ସରକା ତାଣାଟି, ନା  
 କୃତାତି ଜୀହୁଦି ଲକୁ ତାଣାଟି, ଏଟକା  
 କୃତାତି ଲକୁ ତାଣାଟି, କାଜା ନାୟକାତି  
 ଆଜିଟି, ଲକୁ ହିଲାଆ ଜାଡ଼ାଟି, କାଜା  
 ସାମ୍ପଦୁରି ଆଜିଟି, ଅଡ଼େ ନାଡ଼ିକିନି  
 ତଣ୍ଡେସିଙ୍ଗା ଆଜିଟି । ୨୭ ନାନୁ ହାରେକା  
 କାମା କିହାନା କସ୍ତ ବେଟାଆହାମାଞ୍ଜା,  
 ଏଚର ପାଲି ଲାଆଁୟା ଇଦା କିଆନା  
 ହାକି ଅଡ଼େ ଏସ୍ତକିଟି ମାଚେଏଁ, ଏଚର  
 ପାଲି ଉପାସା ତଲେ, ପେନି ଇଞ୍ଜା  
 ନାଗୁଡ଼ାଟି ମାଚେଏଁ । ୨୮ ଏଲେତି  
 ବାରେ ବାଦା ପିସ୍ତପେ ନାଙ୍ଗେ ଅଡ଼େ  
 କାଜା ବଜୁମାନେ, ଇତିହାସ ବାରେଦିନା  
 କୁଲମିକା ତାକି ନାନୁ ଅଣ୍ଡପମାଞ୍ଜା ।

☆ ୧୧:୨୩ ୧୧:୨୩ କାମା ୧୭:୨୩ ☆ ୧୧:୨୭ ୧୧:୨୭ କାମା ୯:୨୩; କାମା ୧୪:୫

୨୯ ଆମ୍ବାଆସି ବାଡ଼ୁଛୁ ହିଲାଆଗାଗାସି ଆଡ଼ିସାରେ ନାନୁ ଜିକେଏ ବାଡ଼ୁଛୁ ହିଲାଆ ଗାଗାତେଏଁ ଆଏକି ? ଆମ୍ବାଆସି ପାପୁ କିତିହୁଁ ନାନୁ ହିୟାତା ଦୁକୁ ଆଅଁ କି ?

୩୦ ନା, ବଡ଼ପଣ ତସାଲି ଲଡ଼ା ଆତିହୁଁ, ନାନୁ ନା, ଆଡ଼ାଆଗାଗାଣି ତାକି ବଡ଼ପଣ ତହୁଇଁ । ୩୧ ନାନୁ ମିତି ଜଲି ହିଲଅଁ, ଏଦାଆଁ ପ୍ରବୁ ଜାସୁ କ୍ରୀସ୍ତତି ମାହାପୁରୁ ଅଡ଼େ ଆବା ପୁଞ୍ଜାମାନେସି; ଏଞ୍ଜାସି କାଲାକାଲା ତାକି ଜହରା । ୩୨ ଧମ୍ବେସକତା ହାରେତା ରାଜାତି ସାଲୁଞ୍ଜି କିନାସି ନାଙ୍ଗେ ଆସାଲି ଏ ଗାଡ଼ାତି ତାନି କାପୁ କାଠନି କସକାଣି ପାଣ୍ଡାନା କାପି କିହିମାରେସି । ୩୩ ଇଞ୍ଜା ର ଡାଲିତା କିଡ଼କିତି କାତି ଲାକଟି ନାଙ୍ଗେ ରେପହାଲିଏ ନାନୁ ଏଞ୍ଜାଣି କେୟୁଟି ଗେଲପିଆଡ଼େଏଁ ।

## ୧୨

ପାଞ୍ଜୁଲ ତଞ୍ଜାଆନାଣି ମେହନାୟି

୧ ବଡ଼ପଣ କିନାୟି ନେହାୟି ଆଆତି ଜିକେଏ ନାଙ୍ଗେ ବଡ଼ପଣ କିନାୟିମାନେ, ନାନୁ ପ୍ରବୁତି ମେହନାଣି ଅଡ଼େ ତଞ୍ଜାଆନାଣି ମିଙ୍ଗେ ଝେସ୍ତାଇଁ । ୨ ନାନୁ ର କ୍ରୀସ୍ତାନା ଲକୁଇଁ ପୁଞ୍ଜାମାଇଁ, ଏଞ୍ଜାସି ସଦ ବାର୍ଯା ନକେଏ ଲାକପୁରୁତି ତାନି ପୁରୁ ପାତେକା ଅଞ୍ଜିଆଡେସି ଏଞ୍ଜାସି ଆଙ୍ଗା ତଲେ ମାତେସି କି ଆଙ୍ଗା ହିଲାଆନା ମାତେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି । ୩ ହାଅ ନାନୁ ଏଲେତି ର ଲକୁଇଁ ପୁଞ୍ଜାମାଇଁ, ଏଞ୍ଜାସି ପାରାଦିସତା ଅଞ୍ଜିଆଡେସି ଏଞ୍ଜାସି ଆଙ୍ଗା ତଲେ ମାନେସି କି ଆଙ୍ଗା ହିଲାଆନା ମାତେସି ନାନୁ ପୁଞ୍ଜାହିଲଅଁ; ମାହାପୁରୁ ପୁଞ୍ଜାମାନେସି । ୪ ଏଞ୍ଜାସି ଲାକପୁରୁ ଅଞ୍ଜିଆଡେସି, ଅଡ଼େ ଇଲେତି ହାଡ଼ା ଝେତେସି, ଏଦାଆଁ ମାଣ୍ଡସି ଜଲଲି ଆଡ଼ାଆଗାଗାୟି ଅଡ଼େ ଗୁତିତା ଅହାଲି ଆଡ଼ାଆଗାଗାୟି । ୫ ଇଲେତି ର ଲକୁତାକି ନାନୁ ବଡ଼ପଣ କିଇଁ, ସାମା ନା ତାକି ନାନୁ ନା, ବାଡ଼ୁଛୁ ହିଲାଆଗାଗାଣି

ପିସ୍ତପେ ଅଡ଼େ ଏନାଆଁତାକିଞ୍ଜା ବଡ଼ପଣ କିଅଁ । ୬ ବଡ଼ପଣ ତସାଲି ଅଣ୍ଡପିତିହୁଁ ଜିକେଏ, ନାନୁ ବୁଦି ହିଲାଆ ଗାଗାତେଏଁ ଆଅଁ, ଇତିହୁଁ ନାନୁ ସାତା କାତା ଝେହୁଇଁ, ସାମା ଲକୁ ନାଙ୍ଗେ ଏନିକିଁ ମେସ୍ତାନେରି ଇଞ୍ଜା ନା ତାଣାଟି ଏନିକିଁ କାତା ଝେନେରି, ନାଙ୍ଗେ ତଞ୍ଜା ଆହାମାନି କାତାତା ହାରେକା କାଜାୟି ଆହାମାନାକି ଏନିକିଁ ନା କାତାତା ହାରେକା ଅଣ୍ଡପସି ଇଞ୍ଜା, ଇଦାଆଁତାକି ନାନୁ ସାପି ଆହାମାଇଁ ।

୭ ନାନୁ ଏନିକିଁ ଗାତି ବଡ଼ପଣ କିଅଁ, ଇଦାଆଁତାକି ନା ଆଙ୍ଗାତା ର ସାସ୍ତି ହୀପକି ଆୟାତେ, ନାଙ୍ଗେ ସାସ୍ତି ହୀହାଲି ସୟତାନତି ଦୁଡୁଇଁ ପାଣ୍ଡୁଆଡ଼େ, ଏନିକିଁ ନାନୁ ଗାତି ବଡ଼ପଣ ଆଅଁ । ୮ ଏ କସ୍ତ ନା ତାଣାଟି ହେକ ଆୟାଲି ତାନି ପାଲି ପ୍ରବୁଇଁ ବାତିମାଲିହୁଁ ରାସ୍ତେଏଁ । ୯ ଅଡ଼େ ଏଞ୍ଜାସି ନାଙ୍ଗେ ଏଲେଇଞ୍ଜାନେସି, “ନା କାର୍ମାମେହନାୟି ନିଙ୍ଗେତାକି ହାରେପୁରେ,” ଇତିହୁଁ ନୀ ବାଡ଼ୁଛୁ ହିଲାଆତାଣା ନା ବାଡ଼ୁଛୁ ହାରେ ଗାତିଆହୁଁ ତଞ୍ଜାଆନେ, ଇତିହୁଁ ଏନିକିଁ କ୍ରୀସ୍ତତି ବାଡ଼ୁଛୁ ନା ତାଣା ତୟିନେ, ଏଦାଆଁତାକି ନା ବାଡ଼ୁଛୁ ହିଲାଆ ବେଲାତା ହାରେକା ରାହାଁ ତଲେ ବଡ଼ପଣ ତହୁଇଁ । ୧୦ ଏଦାଆଁତାକି କ୍ରୀସ୍ତତି ତାକି ବାଡ଼ୁଛୁ ହିଲାଆଟି, ଲାଜା ପାଣ୍ଡନାଟି, ହାକି ବେଲାତା, ସାସ୍ତି ଝାନ୍ତି ବେଲା, କସ୍ତତା ନାନୁ ରାହାଁଆଇଁ, ଇତିହୁଁ ଏତିବେଲା ବାଡ଼ୁଛୁ ହିଲାଆ ଗାଗାତେଏଁ ଏତିବେଲା ବାଡ଼ୁଛୁ ଗାଗାତେଏଁ ।

କରକ୍ତି ତାରାକି ପାଞ୍ଜୁଲ ଅଣ୍ଡପିନାୟି

୧୧ ନାନୁ ବୁଦି ହିଲାଆ ଗାଗାତେଏଁ ଲେହେଁ ଆହାମାଇଁ, ମୀରୁ ନାଙ୍ଗେ ଏଲେକିଞ୍ଜି କିୟାତେରି, ମୀରୁ ନାଙ୍ଗେ ନେହାଁସି ଇଞ୍ଜାନାୟି ମାତେ; ନାନୁ ଏନାତେଏଁ ଆଏ, ଆଡ଼ି ଜିକେଏଏ “କାଜା ପାଣ୍ଡୁଞ୍ଜି ଆହାମାନାରି” କିହାଁ ଉଣାତେଏଁ

ଆଏ । ୧୭ ଆତ୍ମାଆସି ହାରେକା ସିନାୟା, କାବାଆନି କାମା, ଅଡେ ବାଡ଼ୁୟୁତି କାମା ପାଶୁଡ଼ି ଆହାମାନାରି ସିନାୟାଲେହେ, ଏ ବାରେ ସାଡେଏ ମୀ ତାଣା ସାସାତଲେ କିଡ଼ିଆହାମାନେ । ୧୮ ଇତିହ୍ୟ ନାନୁ ମୀ ବନ୍ତୁ ଲେହେ ଆହାହିଲଅଁ, ଇ ରଣ୍ଡିଏ କାତା ପିସପେ ଅର କୁଲମିତି ଲକୁ କିହା ମିଙ୍ଗେ ଅଡେ ଏନିକ୍ୟ ଉଣା ମେସାମାଞ୍ଜାଇ, ଏ ନା ଦହ ଆସାଆଦୁ ।

୧୫ ମେହଦୁ ମୀ ତାଣା ଖାହାଲି ନୀଏଁ ତଲେ ତାନି ପାଲି ତିୟାରା ଆହିମାଇ, ଅଡେ ନାନୁ ମିଙ୍ଗେ ଏନି ବନ୍ତୁ ହିୟଅଁ, ଇତିହ୍ୟ ନାନୁ ମୀ ଦନ ପାରାଆନା ମିଙ୍ଗେ ପାରିମାଞ୍ଜାଇ, ମୀରକା ମାସକା ତାମି ଇୟା ଆବାକି କୃଡ଼ିକିଡ଼ ସାମା ଇୟା ଆବା ଦେଁ ତାମି ମୀରକା ମାସକାକି କୃଡ଼ିକିନାୟି ମାନେ । ୧୫ ନାନୁ ମୀ ଜୀଝୁତାକି ହାରେକା ରାହାତଲେ ହାଇ, ହାଅ ନା ଜୀଝୁ ଜିକେଏ ହାଇ, ନାନୁ ମିଙ୍ଗେ ହାରେକା ଜୀଝୁନହ୍ୟ ମାଞ୍ଜାତିହ୍ୟ ଏନାଆଁ ମୀରୁ ନାଙ୍ଗେ ଉଣା ଜୀଝୁନହ୍ୟ ମାଞ୍ଜାଦେରି ?

୧୬ ସାମା ନାନୁ ଜାହାରାଇଁ ମିଙ୍ଗେ ବନ୍ତୁ କିୟାଆଡେଏଁ, ସାମା ମୀ ବିତ୍ରାଟି ଆତ୍ମାଆରି ଏଲେଇଞ୍ଜାନେରି ନା ସୁତରି ମାନାକି ମିଙ୍ଗେ ମିତି ତଲେ ଆସ୍ରାଡେଏଁ । ୧୬ ନାନୁ ମୀ ତାଣା ଆତ୍ମାଆରାଇଁ ପାଶାମାଞ୍ଜାଇ, ଏଞ୍ଜାରି ବିତ୍ରାଟି ରଅଣି ତଲେ ମୀ ତାଣାଟି ଏନି ଲାବା ବେଟାଆଡେଏଁ କି ? ୧୮ ନାନୁ ତିତସଇଁ ହାଜାଲି ବାତିମାଲା ମାଚେଏଁ, ଇଞ୍ଜା ଏଞ୍ଜାଣିତଲେ ଅର ତାୟିଇଁ ମୀ ତାଣା ପାଶାଡେଏଁ । ତିତସ ମୀ ତାଣାଟି ଏନାଆଁ ଲାବା କିତେସି ? ମାମ୍ନୁ କି ରଣ୍ଡିଏ ଜୀଝୁତଲେ ତାକିହିଲଅମି ? ମାମ୍ନୁ ଏନାଆଁ ରଣ୍ଡିଏ ପାଝୁଲିତା ତାକିହିଲଅମି ?

୧୯ ନୀଏଁ ପାଡେକା ମୀରୁ ଅଣ୍ଡିମାଞ୍ଜେରି, ମାମ୍ନୁ ମୀ ନକିତା ଜାହାରାଇଁ ନେହ୍ୟ କିହିମାନମି ? ମାହାପୂରୁ ନକିତା କ୍ରୀସ୍ତତି ସେବା କିନାତମି ଲେହେ ମାମ୍ନୁ

କାତା ଜଲିମାନମି, ଇଞ୍ଜା ଏ ଜୀଝୁତି ତାୟିୟା ବାରେ କାତା ମୀ ନେହେଁତାକି ଖେସିମାନମି । ୨୦ ଇତିହ୍ୟ ଏଡେତା ନାନୁ ମୀ ତାଣା ଖାଡ଼ିସାରେ, ମିଙ୍ଗେ ଏନିକ୍ୟ ମେସାଲି ମନ କିହିମାଇଁ ଏଲେକିହ୍ୟ ମିଙ୍ଗେ ମେସ୍ରାଆସାରେ, ଅଡେ ମୀରୁ ନାଙ୍ଗେ ଏନିକ୍ୟ ମେସାଲି ମନ କିହା ହିଲଅଡେରି ଏଲେକ୍ୟ ମେସ୍ରାଦେରି, ଏଦାଆଁତାକି ନାନୁ ଆଜିମାଇଁ; ଇତିହ୍ୟ ମା ବିତ୍ରା ବାଦିବାଦା, ତାହାରା, କପା ଅଡେ ଗତି ଗତି ଆନାୟି, ରଅସି ରଆଣାଇଁ ନିନ୍ଦା କିନାୟି, ସାକ୍ତି କାତା ଜଲିନାୟି, ବଡପଣ ତସ୍ପି ଆହାଁ ଗଡ଼ହା ଆନେ; ୨୧ ଇଞ୍ଜା ନାନୁ ଅଡେ ଖେଣ୍ଡେ ଖାଡ଼ିସାରେ ନା ମାହାପୂରୁ ମୀ ତାକି ନାଙ୍ଗେ ଅଡେ ଲାଜା କିଞ୍ଜକିୟାନେସି, ଇଞ୍ଜା ମୀ ବିତ୍ରା ତଲିଏ ପାପୁ କିହାମାନାରି ତାମି ଲାଗେଏତି କାମା, ଦାରିକାମା ଅଡେ ଦାରି କାମାତାକି ଜୁପକା ଆନାଣି ତାକି ନୀଏଁ ପାଡେକା ମନ ଖେଟହା ହିଲଅରି ଏଞ୍ଜାରି ତାକି ନାନୁ ଦୁକୁଆହ୍ୟ ଡାହାଲିଆନେ ।

## ୧୩

ଜାଗ୍ରାତା କିହାଁ ଜହରା ତଲେ ଆକୁତି ରାପନାୟି

୧ ନୀଏଁ ତଲେ ତାନି ପାଲି ନାନୁ ମୀ ତାଣା ଖାହିମାଇଁ, ଦାମ୍ନୁପତିତା ରାସକି ଆହାମାନେ, “ଆମିନି ଦହଡ଼ି କାତା ନୀହାୟି କିନାୟି ରିଆରି କି ତାନି ଜାଣା ସାକିୟା ତଲେ ତୀରି କିଡ଼ିଆନେ” ୨ ଆତ୍ମାଆରି ନଚକଏ ପାପୁ କିହାମାତେରି ଏଞ୍ଜାରାଇଁ ଇଞ୍ଜା ବାରେତି ଏନିକ୍ୟ ତଲି ରୀ ପାଲି ଖେସାମାଞ୍ଜାଡେଏଁ, ନୀଏଁ ହେକ ମାଞ୍ଜାନା ଏଲେକିହ୍ୟ ଏ ନଚକଏ ଖେସିମାଞ୍ଜାଇ, ନାନୁ ଅଡେ ଖାଡ଼ିହ୍ୟ ଏଞ୍ଜାରାଇଁ ତଣ୍ଡ ହୀଆନା ପିହଅଁ । ୩ ଏନିକ୍ୟ କ୍ରୀସ୍ତ ନା ତାଣା ଜଲିମାଞ୍ଜାନେସି ମୀରୁ ଏଞ୍ଜାଣି ପାରମାଣା ପାରିମାଞ୍ଜେରି; ଏଞ୍ଜାସି ମିଙ୍ଗେତାକି ବାଡ଼ୁୟୁ ହିଲାଆଗାଗସି ଆଏ, ସାମା ମୀ ତାଣା ବାଡ଼ୁୟୁ ଗାଗସି ଆନେସି, ୪ ଏଞ୍ଜାସି ବାଡ଼ୁୟୁ ହିଲାଆତାକି ପାସି ମୁଣ୍ଡାତା



ଏପକି ଆଡେସି, ଆଡ଼ିଜିକେଏ ମାହାପୁରୁ  
ବାଡ଼ୁୟୁଟି ଏଞ୍ଜାସି ନୀତାମାନେସି ।  
ମାମ୍ମୁଜିକେଏ ଏଲେକ୍ ତାନି ତାଣା  
ବାଡ଼ୁୟୁ ହିଲାଆ ଗାଟାତମି, ସାମା  
ମାହାପୁରୁତି ବାଡ଼ୁୟୁ ତାକି ମାମ୍ମୁମୀ ତାଣା  
ଏଞ୍ଜାଣିତଲେ ନୀତାମାନମି ।

୫ ମୀରୁ ନାମୁତଲେ ମାଞ୍ଜେରିକି  
ଆଏ, ଏ କାତାତା ଜାହା ଜାହାରାଇଁ  
ତାୟିପାରି କିହାକତାଦୁ ଇଞ୍ଜା ଅଣ୍ପାଦୁ,  
କି ଜୀସୁ କ୍ରୀସ୍ତ ମୀ ତାଣା ମାନେସି,  
ଇଦାଆଁକି ମୀରୁ ଜାହା ଜାହାରା କାତାତା  
ପୁଞ୍ଜାହିଲଅତେରି ? ଏଲେଆହ୍  
ଆତିହ୍ ମୀରୁ ତାୟିପାରି କିନି  
ତାଣା ଜୀଣା ଆହା ହିଲଅତେରି  
। ୬ ସାମା ନାନୁ ବାସୁଁ ଇଟାମାଇଁ,  
ମାର ତାୟିପାରି କିଞ୍ଜିଆହା ଜୀଣା  
ଆହାମାନାୟି, ଇଦାଆଁ ମୀରୁ ପୁଞ୍ଜେରି ।  
୭ ମୀରୁ ଏନିକ୍ ଏନି ଲାଗେଏତି କାମା  
କିଅତେରି, ଇଦାଆଁତାକି ମାହାପୁରୁ  
ତାଣା ମାମ୍ମୁ ପ୍ରାତାନା କିହିମାନମି;  
ମାମ୍ମୁଏନିକ୍ ତାୟିପାରି କିଞ୍ଜି ଆହାଁ  
ଜୀଣା ଆହାମାନି ଲେହେଁ ତଞ୍ଜାଆନମି,  
ଇଦାଆଁତାକି ପ୍ରାତାନା କିହିଲଅମି,  
ସାମା ମାମ୍ମୁ ତାୟିପାରି କିଞ୍ଜି ଆହାଁ  
ଜୀଣା ଆଆତିଲେହେଁ ତଞ୍ଜା ଆଆତ୍  
ଜିକେଏ ଏନିକ୍ ମୀରୁ ନେହ୍  
କାମା କିଦେରି, ଇଦାଆଁତାକି ପ୍ରାତାନା  
କିହିମାନମି । ୮ ଇତିହ୍ ମାମ୍ମୁସାତା  
କପାଟି ଏନାଆଁ କିହାଲି ଆଡ଼ିହିଲଅମି,  
ସାମା ସାତା ଖାକିଟି ଦେହେଁ ବାରେ  
କିହାଲି ଆଡ଼ିନମି । ୯ ଏରିବେଲା ମାମ୍ମୁ  
ବାଡ଼ୁୟୁ ହିଲାଆ ଗାଟାତମି ଆନମି ସାମା  
ମୀରୁ ବାଡ଼ୁୟୁ ଗାଟାତେରି ଆଡେରି,  
ଏଡେତା ମାଞ୍ଜେ ରାହାଁ ହଡାନେ; ମୀରୁ  
ଏନିକ୍ ବାରେ ଖାକିଟି ନେହାଁତେରି  
ଆଡେରି ଏଦାଆଁତାକି ଜିକେଏ ପ୍ରାତାନା  
କିହିମାନମି । ୧୦ ଏଦାଆଁତାକି ମୀ  
ତାଣାଟି ହେକ ମାଞ୍ଜାନା ନାନୁ ଇ  
ବାରେ ରାଡିମାଞ୍ଜାଇଁ, ଏନିକ୍ ମୀ  
ତାଣା ଖାହାନା ପ୍ରବୁ ନାଞ୍ଜେ ମ୍ଲେକ୍‌ହାଲି  
ହୀଆନା, ପାଡିକିହାଲି ହାହାମାଞ୍ଜାନେସି,  
ଏ ଅଦିକାରା ଲେହେଁ ମୀ କପାଟି

ନିଜ୍ଞାନା ବାଡ଼ୁୟୁ ତସାଲି ମିଞ୍ଜେ ଲଡ଼ା  
ଆଏ ।

୧୧ ତାୟିୟାଁ ଅଡେ ତାଞ୍ଜିସ୍ମାତେରି,  
ରାହାଁ କିଦୁ, ନେହାଁତେରି ଆଦୁ,  
ରଅତେରି ରଅଣାଇଁ ବାସୁଁ ହାଞ୍ଜିଆଦୁ,  
ରଣ୍ଡିଏ ମନ ଆଦୁ, ହିଡ଼ଡି ତଲେ ବାସା  
ଆଦୁ, ଅଡେ ହିଡ଼ଡି ଇଞ୍ଜା ଜୀଞ୍ଜୁ ନନି  
ମାହାପୁରୁ ମୀ ତଲେ ଡୟିନେସି ।

୧୨ କ୍ରୀସ୍ତାନା ତାୟିୟାଁ ଲେହେଁ  
ସୁଦୁଜୀଞ୍ଜୁ ନଞ୍ଜୁ ତଲେ ଜୀଞ୍ଜୁ ନଞ୍ଜିଆହାନା  
ମୀରୁ ମୀରୁଏ ରଅତେରି ରଅଣାଇଁ  
ନଣ୍ଡାନା ଜହରା କିଞ୍ଜିଆଦୁ । ୧୩ ଇମ୍ମାଆଁ  
ମାନି ମାହାପୁରୁ ଲକୁ ମିଞ୍ଜେ ଜହରା  
ଞ୍ଜେସିମାଞ୍ଜାନେରି । ୧୪ ପ୍ରବୁ ଜୀସୁ  
କ୍ରୀସ୍ତତି କାର୍ମାମେହନାୟି ମାହାପୁରୁତି  
ଜୀଞ୍ଜୁନନାୟି ଅଡେ ସୁଦୁଜୀଞ୍ଜୁ ତଲେ  
ଆଣ୍ଡିନାୟି ମୀ ବାରେତାକି ଆୟାପେ ।

# ଗାଲାତିୟ ମଣ୍ଡଳୀ ନିମନ୍ତେ ପାତ୍ରଲକ୍ଷ ଲିଖିତ ପତ୍ର ଗାଲାତିୟ କୁଲମିତାକି ପାତ୍ରଲ ରାଚାମାନି ଆକୁ ମୁକୁ ହାଡ଼ା

ଗାଲାତିୟ ଆକୁ ପାଣ୍ଡୁଓଆହାମାନି ପାତ୍ରଲ ତାଣାଟି ରାସ୍ତିକି ଆହାମାନେ ୧:୧ । ଇ ଆକୁ ଜୀସୁ କ୍ରୀସ୍ତ ଜାର୍ନାତି ତାମୁ ୪୮ ଟିଏ ୫୭ ବାର୍ଯା ବିତ୍ରା ଗାଲାତିୟ କୁଲମିତି ନାମିତି ତାୟିୟାକି ରାସ୍ତିକି ଆହାମାତେ । ଗାଲାତିୟ ଲକୁ ରମିୟ ଦେସାତି ଗାଲାତିୟ ଇନି ଟାୟୁତା ବାସା କିହା ମାଣ୍ଡିନେରି । ପାତ୍ରଲ ଇ ଆକୁ ରାଚିତି ବେଲା ଆମ୍ବିୟା ମାତେସି ଇଦାଆଁ ବୁଦିଗାଟାରି ଜିକେଏ ପୁଞ୍ଜାହିଲଅରି । ସାମା ଏପସିୟ ଆଆତ କରନ୍ତି ଇ ରୀ ଟାୟୁତା ମାଞ୍ଜା ତୟିନେସି ଇଞ୍ଜି ଇନେରି ।

ପାତ୍ରଲ ଗାଲାତିୟ କୁଲମିତି ଜୀହୁଦି ଅଡ଼େ ଜୀହୁଦିଆଆତି କ୍ରୀସ୍ତାନା ଲକୁଣି ଟାୟୁ ପୁଣ୍ଡି କିହାନା ଆକୁ ରାଚିମାନେସି । ଏଞ୍ଜାସି ମିତି ଜାପୁନାରି ତାଣାଟି ହେକ ଆହାଲି ରାଚାମାନେସି, କ୍ରୀସ୍ତାନା ଲକୁଣି ପୁଞ୍ଜା ଫେରାତି ଜୀହୁଦି ହୁକୁମିତି ମାନଓ ଆହାଲି ଅଡ଼େ ବାରେକିହାଁ ତଲୁ ଦାପିଆନି ଫେରା ଖେସିମାନେସି, କ୍ରୀସ୍ତାନା ଲକୁ ବିତ୍ରା ଏରେକା ମାରେରି ଏମିନିଗାଟାରି ଜୀହୁଦି ଦାମ୍ବୁତି ଆବିତାରି । ଏଞ୍ଜାରି ଜିକେଏ ପାତ୍ରଲତି ପାଣ୍ଡୁଓଆହାମାନି ଅଦିକାରାତି ଖେଞ୍ଜିମାତେରି । ପାତ୍ରଲ ଏରେକା ପୁସପନିକା ତଲେ ତାନି ପାଣ୍ଡୁଓଆହାମାନି କାତା ଖେସାନା ଏଞ୍ଜାରାଈ ମୁଦା କିହାମାତେସି ୧:୧୧; ୨:୧୪ ଅଡ଼େ ଜୀସୁ କ୍ରୀସ୍ତଇଁ ନାମିସାରେ ଗେଲ୍ପି ଆନାୟି ଇ କାତା ଖେସାନା ନେହଁ କାବୁତି ଗେଲ୍ପି ମାନେସି ୨:୧୭ । ମାଣ୍ଡସି ଏନାଆଁ କିନେସି ଏମାଟି ଆଏ

ସାମା ମାହାପୁରୁତି କାର୍ମାଟି ଆନେ ।

## ପତିତା ମାନାୟି

- ୧. ପାତ୍ରଲତି ଜହରା । ୧:୧-୫
- ୨. ପାତ୍ରଲତି ତଲିତି ଜୀସୁ ଅଡ଼େ ଜାପୁନି ଅଦିକାରା କାମା କିନାୟି । ୧:୬-୨:୨୧
- ୩. ଫେରାତି କାମା ଅଡ଼େ ମାହାପୁରୁ କାର୍ମାଟି ଗେଲ୍ପି ଆନାୟି । ୩:୧-୪:୩୧
- ୪. ନେହଁ କ୍ରୀସ୍ତାନା ଆହାନା ନୀତାଲି ଖେହ୍ନାୟି । ୫:୧-୬:୧୦
- ୫. ପାତ୍ରଲ ଜହରା କିହାନା ଆକୁତି ରାପୁନାୟି । ୬:୧୧-୧୮

## ପାତ୍ରଲତି ଜହରା

୧ ନାନୁ, ପାଣ୍ଡୁଓଆତି ସୀସୁ ପାତ୍ରଲତେସଁ, ପାଣ୍ଡୁଓ ଆହାଲିତାକି ନାନୁ ମାଣ୍ଡସି ତାଣାଟି ଆଏ, ସାମା ଜୀସୁ କ୍ରୀସ୍ତ ତାଣାଟି ଇଞ୍ଜା ଆମିନି ଆବା ମାହାପୁରୁ ଏଞ୍ଜାଣାଇଁ ହାଡ଼ାରି ତାଣାଟି ନିକହାମାନେସି ଏଞ୍ଜାଣି ତାଣାଟି ବେଟାଆହାମାଇଁ, ୨ ନା ତଲେ ମାନି ନାମୁତି ବାରେ ତାୟି ତାଳିସ୍ତା ଗାଲାତିୟା କୁଲମିତି ଜହରା କିହିମାଞ୍ଜାନେରି ।

୩ ମା ଆବା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତ କାର୍ମାମେହ୍ନାଣି ଅଡ଼େ ହିଡ଼ିତି ଜୀସୁ ମିଜେ ହୀୟାପେସି ।

୪ ନୀର୍ବତି ଇ ପାପୁତି ଦାର୍ତତା ମାଜେ ଗେଲ୍ପାଲିତାକି, ମା ଆବା ମାହାପୁରୁତି ଅଣ୍ପୁତି ମାନି କିହାନା, କ୍ରୀସ୍ତ ମା ପାପୁ ତାକି ଜାହାରାଇଁ ହେରପାକତିତେସି; ୫ କାଲାକାଲାତାକି ମାହାପୁରୁଈ ଗାଞ୍ଜୁରମି ଆପେ । ଆମେନ ।

## ରଣ୍ଡିଏ ନେହଁ କାବୁ

୬ କ୍ରୀସ୍ତିତି କାର୍ମାତଲେ ଆମ୍ବାଆସି ମିଜେ ହାଟା ମାଞ୍ଜାତେସି, ଏଞ୍ଜାଣାଇଁ ମୀରୁ ଗାଡ଼କେଏ ପିସାନା ଏଟକାତି ନେହଁ କାବୁତି ଆସାମାଞ୍ଜେରି, ଏଦାଣିତାକି ନାନୁ କାବା ଆହିମାଇଁ । ୭ ସାତାତଲେ, “ଏଟକାତି ନେହଁ କାବୁ” ଆଏ, ସାମା ଏଚରଜାଣା ମିଜେ ତୀରି

ମାଞ୍ଜାଲି ହୀଆନା, କ୍ରୀସ୍ତତି ନେହ୍ କାରୁତି କିଲିବିଲି କିହାଲି ଅଣ୍ଠପିମାନେରି । ୮ ସାମା ଆମିନି ନେହ୍ କାରୁ ମାମ୍ନୁ ମୀ ତାଣା ଝେକ୍‌ହା ମାଚମି, ଇଞ୍ଜା ମାମ୍ନୁକି ଲାକପୁରୁତି ଦୂତୁୟା ଜିକେଏ ଏଦାଣି ପିସ୍‌ପେ ଏଟ୍‌କାତି ନେହ୍ କାରୁ ଝେକ୍‌ନେସି, ଆତିହ୍ ଏଝାସି ବାକା ବେଟାଆପେସି । ୯ ଏନିକ୍ ମାମ୍ନୁ ତଲିଏ ଝେସାମାନମି, ନୀଏଁ ଜିକେଏ ନାନୁ ଏଲେକିହ୍ ଏ ଅଡ଼େ ଝେଣ୍ଠେ ଝେସିମାଞ୍ଜାଇଁ, ଆମିନି ନେହ୍ କାରୁଇଁ ମୀରୁ ଆସାମାଚେରି, ଏଦାଣି ପିସ୍‌ପେ ଆମିନି ଲକୁ ଏଟ୍‌କାତି ନେହ୍ କାରୁ ମୀ ତାଣା ଝେକ୍‌ହାନେସି ଏଝାସି ବାକା ବେଟାଆପେସି ।

୧୦ ନୀଏଁ ନାନୁ ମାଣ୍ଠସିୟାଁ ନକିତା କି ମାହାପୁରୁ ନକିତା ନେହ୍ ତଞ୍ଜାଆୟାଲି ଅଣ୍ଠପିମାଇଁ, ଏଦି ଏତେଲ୍ଲା ଜିକେଏ ଆଏ । ଇତିହ୍ ମାଣ୍ଠସିୟାଁଇଁ ରାହାଁ କିହାଲି ଅଣ୍ଠପିମାଇଁ, ନାନୁ ନୀଏଁ ପାଚେକା ମାଣ୍ଠସିୟାଁଇଁ ରାହାଁ କିଝିକିହାଲି ଅଣ୍ଠପି ମାଚିହ୍ ମା ନାନୁ କ୍ରୀସ୍ତତି ହଲେଏଣାତେଏଁ ଆଆତେଏଁମା ।

ପାଞ୍ଜୁଲ ଏନିକ୍ ଆଚ୍‌ଝି ଆନାୟି

୧୧ ତାୟି ତାଞ୍ଜିସ୍ମାତେରି ଆମିନି ନେହ୍ କାରୁ ନା ତାଣାଟି ଝେସ୍‌ପି ଆହାମାନେ, ଏଦାଣି ମିଙ୍ଗେ ନାନୁ ଝେସିମାଞ୍ଜାଇଁ ଏଦି ମାଣ୍ଠସିୟାଁ ତାଣାଟି ଆଏ; ୧୨ ନାନୁ ଏଦାଆଁ ମାଣ୍ଠସି ତାଣାଟି ବେଟାଆହା ହିଲଅଁ କି ଜାପାହିଲଅଁ, ସାମା ଜୀସୁ କ୍ରୀସ୍ତ ତସାମାଞ୍ଜାନି ତାଣାଟି ବେଟାଆହାମାଇଁ ।

୧୩ ନାନୁ ତଲି ଜୀହୁଦି ଦାମ୍‌ତା ମାଚିବେଲ୍ଲା ଏନି ମାଣ୍ଠକିତା ମାଚେଏଁ ମୀରୁ ଝେଞ୍ଜାମାଞ୍ଜେରି, ନାନୁ ମାହାପୁରୁତି କୁଲମିତି ହାରେକା ସାସ୍ତି ହୀହିମାଚେଏଁ, ଅଡ଼େ ଏଦାଆଁ ମ୍ଲେକ୍‌ହାଲି ଅଣ୍ଠପିମାଚେଏଁ । ୧୪ ଅଡ଼େ ମା ଆକୁ ଆବାୟାଁ ପାଣାପାଚୁ ମେରା ତାକି ରାହାଁଟି

ମାନି କିହାଁ ନା ତଲେତି ହାରେକା ଲକୁ ବିତ୍ରାଟି ଜୀହୁଦି ଦାମ୍‌ତା ହାରେକା ମାନି କିହିମାଚେଏଁ ।

୧୫ ସାମା ମାହାପୁରୁ ନାନୁ ଜାର୍ନା ଆଆ ନକେଏ ତାନି କାର୍ମାମେହ୍‌ନାଣି ତଲେ ଆଚାନା ତାନି ସେବା କିହାଲି ହାଟାତେସି, ୧୬ ଅଡ଼େ ଜୀହୁଦିଆଆତି ଲକୁତାଣା ନେହ୍ କାରୁ ଝେକ୍‌ହାଲି ତାକି ଏତିବେଲ୍ଲା ନାଙ୍ଗେ ଏଝାସି ତାନି ମୀରଏଣାଇଁ ତସ୍ତାତେସି, ଏ କାତା ପୁଞ୍ଜାଲିତାକି ନାନୁ ଏଟ୍‌କା ମାଣ୍ଠସି ତାଣା ହାଜା ହିଲ୍ଲାଆତେଏଁ । ୧୭ ଇଲେକିହ୍ ନା ନକେଏ ଆମିନି ଗାଟାରି ପାଣ୍ଡୁଆତି ସୀସୁ ଆହାମାଚେରି, ଏଝାରାଇଁ ଆଣ୍ଡାଲି ତାକି ଜିରୁସାଲମତା ଜିକେଏ ହାଜା ହିଲ୍ଲାଆତେଏଁ । ସାମା ନାନୁ ଦେବୁଣିଏ ଆରବ ଦେସାତା ହାଜାମାଚେଏଁ; ଅଡ଼େ ତାୟୁ ଦମେସକତା ଝେଣ୍ଠା ଝାଚେଏଁ । ୧୮ ତାନି ବାର୍ଯ୍ୟା ହାଚି ତାୟୁ ନାନୁ ପିତରଇଁ ଆଣ୍ଡାଲି ତାକି ଜିରୁସାଲମତା ହାଚେଏଁ, ଇଞ୍ଜା ଏଝାଣିତଲେ ପନ୍ଦର ଦିନା ଏମାଆଁ ମାଚେଏଁ । ୧୯ ସାମା ପ୍ରବୁତି ତାୟି ଜାକୁବ ପିସ୍‌ପେ ପାଣ୍ଡୁଆହାମାନାରି ବିତ୍ରା ଆମ୍ବାଆରାଇଁ ମେହ୍‌ଆତେଏଁ ।

୨୦ ନାନୁ ମିଙ୍ଗେ ଏନାଆଁ ରାଟିମାଞ୍ଜାଇଁ, ମାହାପୁରୁ ନକିତା ସାତା ଝେସିମାଞ୍ଜାଇଁ, ମିଚି ଝେସିମାଞ୍ଜଅଁ ।

୨୧ ତାୟୁ ନାନୁ ସିରିୟା ଅଡ଼େ କିଲିକିୟାତି ହାରେକା ଚାସ୍ଲାଣା ହାଚେଏଁ । ୨୨ ଜୀହୁଦା ରାଜିତା ମାନି ନାମିତି କ୍ରୀସ୍ତାନା କୁଲମିତି ଲକୁ ନାଙ୍ଗେ ନେହ୍ କ ପୁଞ୍ଜାମାଞ୍ଜାଆତେରି । ୨୩ ଏଝାରି ଏଟ୍‌କା ଲକୁ ତାଣାଟି ଝେଞ୍ଜାମାଚେରି, “ଆମିନି ମାଣ୍ଠସି ତଲି ମାଙ୍ଗେ ସାସ୍ତି ହୀହି ମାଞ୍ଜାତେସି, ଇଞ୍ଜା ମା ନାମୁତି ମ୍ଲେକ୍‌ହାଲି ଅଣ୍ଠପିମାଚେସି, ଏଝାସି ନୀଏଁ ନାମୁତି କାତା ଝେକ୍‌ହି ମାନେସି ।” ୨୪ ଇଞ୍ଜା ଏଝାରି ନା ତାକି ମାହାପୁରୁଇଁ ଗାଞ୍ଜୁରମି କିହିମାଚେରି ।

☆ e:୧୩ ୧:୧୩ କାମା ୮:୩; ୨୨:୪,୫; ୨୬:୯-୧୧ ☆ e:୧୪ ୧:୧୪ କାମା ୨୨:୩ ☆ e:୧୫ ୧:୧୫ କାମା ୯:୩-୬; ୨୨:୬-୧୦; ୨୬:୧୩-୧୮ ☆ e:୧୮ ୧:୧୮ କାମା ୯:୨୬-୩୦

୨

ପାଖୁଲ ଅଡ଼େ ପାଣ୍ଡୁଣି ଆଡ଼ି ସୀସୁୟାଁ

୧ \*ସଦ ବାସୀ ତାୟୁ ନାନୁ ବର୍ନବା ତଲେ ଜିରୁସାଲମତା ଅଡ଼େ ଖେଣ୍ଡେ ହାଚେସ୍, ଇଞ୍ଜା ତିତସଇଁ ଜିକେଏ ନା ତଲେ ଅହାମାଚେସ୍ । ୨ ନାନୁ ଏମ୍ବାଆଁ ହାନାୟିମାନେ ଇଞ୍ଜିଁ ମାହାପୁରୁ ତାଣାଟି ହୁକୁମି ବେଟାଆହାନା ହାଚେସ୍; ଅଡ଼େ ନାନୁ ଏଟ୍ଟକା କୁଡାତି ଲକୁଡାଣା ଆମିନି ନେହ୍ କାରୁ ଖେକ୍‌ହିମାଇଁ, ଏଦାଆଁ ଏଞ୍ଜାରାଇଁ ଖେସ୍ତେସ୍, ସାମା ନା ତଲିତି ଅଡ଼େ ନୀର୍ବତି କାମା ଉଜେଏ ଆଏ, ଏଦାଆଁତାକି ଆମିନି ଗାଗାରି ମାନ୍ତି ବେଟାଆହାଲି ଜଗେ ନାନୁ ଏଞ୍ଜାରାଇଁ ଏଟ୍ଟକା କିହାନା ଖେସ୍ତେସ୍ । ୩ ସାମା ନା ତଡୁ ତିତସ ଗ୍ରିକ୍ ଲକୁ ମାତି ଜିକେଏ ଏଞ୍ଜାଣାଇଁ ତଲୁ ଦାପି କିହାଲି ବାଲାମାତମି କିଞ୍ଚିଆହା ହିଲାଆଡେ, ୪ ଆତିହ୍ ଜିକେଏ ଏଚରଜାଣା ଲକୁ ଏଞ୍ଜାଣାଇଁ ତଲୁ ଦାପି କିହାଲି ଅଣ୍ଡପିମାଚେରି । ଏଞ୍ଜାରି ନାମିତି ତାୟିୟାଁ ଇଞ୍ଜିଁ ତସା କଡାନା ମେଣେଏ ପାରୁ ପାରିନି ଲେହେଁ ଜାଟୁତା ଆଣ୍ଡାମାଚେରି । କ୍ରୀସ୍ତ ଜୀସୁତାଣା ଆଣ୍ଡିତାକି ମାର ଆମିନି ମେଲା ବେଟାଆହାମାନାୟି, ଏଦାଆଁ ପୁଞ୍ଜାଲିତାକି ଏଞ୍ଜାରି ଅଣ୍ଡପୁ ମାଚେ, ମାଜେ ଏଞ୍ଜାରି ଅଡ଼େ ଖେଣ୍ଡେ ମେରାତି ହଲିୟାଜା କିହାଲି ଅଣ୍ଡପିମାଚେରି । ୫ ସାମା ନେହ୍ କାରୁତି ସାତା ଏନିକ୍ ମୀ ତାଣା ଡାରିଆହାନା ଡୟିନେ, ଏଦାଆଁତାକି ମାମ୍ବୁ ଗାଡ଼େକା ତାକି ଜିକେଏ ଏଞ୍ଜାରାକି ପାରୁ ହାହାହିଲାଆତମି ।

୬ ଆମ୍ବାଆରି ମାନ୍ତିଗାଗାରି ଇଞ୍ଜିଁ ଖେଜା ମାଚେରି, ଏଞ୍ଜାରି ଏନିଲେହେଁତି ଲକୁ ମାଚେରି, ଏମ୍ବାଆଁ ନାନ୍ତି ଏନାୟି ହିଲେଏ; ମାହାପୁରୁ ଆମ୍ବାଆରି ପାରଡା ବାତି କଅସି, ଏ ମାନ୍ତିଗାଗାରି ନାଜେ ଏନି ପୁଞ୍ଜନି ବଲୁ ଖେସାମାଞ୍ଜଅରି

। ୭ ଏଟ୍ଟକା ଖାକି ଏଞ୍ଜାରି ପୁଞ୍ଜାଲି ଆଡ଼ିଚେରି, ପିତରଇଁ ଏନିକ୍ ଜୀହୁଦି ଲକୁଡାଣା ନେହ୍ କାରୁ ଖେକ୍‌ନି କାମା ହେରପିଚେସି ଏଲେକିହ୍ ଏ ନାଜେ ଜିକେଏ ଜୀହୁଦିଆଆତି ଲକୁଡାଣା ନେହ୍ କାରୁ ଖେକ୍‌ନି ବଜୁ ହେରପା ମାଞ୍ଜାନେସି । ୮ ଏନାଆଁତାକି ଇଚିହ୍ ଜୀହୁଦି ଲକୁଡାଣା ପାଣ୍ଡୁଣି ଆହାମାନାରି କାମା କିହାଲି ଏନିକିହ୍ ପିତରକି ମାହାପୁରୁ ବାଡ଼ୟୁ ହାହାମାନେସି, ଏଲେକିହ୍ ଏ ଜୀହୁଦିଆଆତି ଲକୁଡାଣା ଏ କାମା କିହାଲି ନାଜେ ମାହାପୁରୁ ବାଡ଼ୟୁ ହାହାମାଞ୍ଜାନେସି । ୯ ଅଡ଼େ ଏଚିବେଲାତା ଏଞ୍ଜାରି ମାହାପୁରୁ ନାଜେ ହାହାମାଞ୍ଜାନି କାର୍ମାତି କାତା ପୁଚେରି, ଏଚିବେଲା କୁଲମିତି ମୁଣ୍ଡା ଲେହେଁତି କାଜାରି ଇଞ୍ଜିଁ ଖେଜାମାନେରି, ଜାକୁବ, ପିତର, ଅଡ଼େ ଜହନ ନାଜେ ଇଞ୍ଜା ବର୍ନବାଇଁ କାମାତା ଆଣ୍ଡାତମି ଇଞ୍ଜିଁ ଚିଃନି କେୟୁ ଆସାନା ଆବାଚେରି, ଏନିକିହ୍ ନାନୁ ଅଡ଼େ ବର୍ନବା ଜୀହୁଦିଆଆତି ଲକୁଡାଣା କାମା କିନମି ଅଡ଼େ ଏଞ୍ଜାରି ଜୀହୁଦି ଲକୁଡାଣା କାମା କିନେରି । ୧୦ ଏଞ୍ଜାରି ଖାରଇ ଇଚେକା ବାତିମାଲା ମାଞ୍ଜାଚେରି ମାମ୍ବୁ ଏଞ୍ଜାରି ଜାଟୁତା ମାନ୍ତି ହିଲାଆଗାଟାରାଇଁ ଅଣ୍ଡପିନମି; ଏ କାତାତା ନାନୁ ରାହାଁ ଆହାମାଚେସ୍ ।

ପାଖୁଲ ପିତରଇଁ ଲାଗିନାୟି  
 ୧୧ ସାମା କେପା\*ଏଚିବେଲା ଆକ୍ରିୟକିୟାତା ଖାହାମାଚେସି, ନାନୁ ଏଞ୍ଜାଣାଇଁ ବାରେ ଲକୁ ନକିତା ଲାଗିଚେସ୍, ଇଚିହ୍ ଏଞ୍ଜାସି ଦହ କିହମାଚେସି । ୧୨ ଜାକୁବ ତାଣାଟି ଏଚରଜାଣା ଖାଆ ନକେଏ ପିତର ଜୀହୁଦିଆଆତି ତାୟି ତାଜିସ୍ତା ତଲେ ଡିଞ୍ଜିମାଚେସି, ସାମା ଏଞ୍ଜାରି ଖାହାଲିଏ, ଏଞ୍ଜାସି ଏ ତାୟି ତାଜିସ୍ତାଇଁ ଆଜାନା ଜୀହୁଦିଆଆତି ତାୟି ତାଜିସ୍ତାଇଁ ପିସାନା ଏଟ୍ଟକା ଆଚେସି । ୧୩ ଇଞ୍ଜା

\* ୨:୧ ୨:୧ କାମା ୧୧:୩୦; ୧୫:୨      \* ୨:୧୧ ୨:୧୧ ପିତର

ଏଚରଜାଣା ଜୀହୁଦି ତାୟିୟା ଜିକେଏ ପିତର ତଲେ ଆଣ୍ଡାନା ପୁଞ୍ଜି ପୁଞ୍ଜିହଁ ପୁନାଆତାରି ଲେହେଁ ନାଡ଼ିକିଞ୍ଜି ଆଡ଼େରି, ଏଲେଆହଁ ବର୍ନବା ଜିକେଏ ଏଞ୍ଜାରି କାତା ଆସ୍ତେସି । ୧୪ ଏଚିବେଲ୍ଲା ନାନୁ ମେସ୍ତେସ୍, ଏଞ୍ଜାରି ନେହଁ କାରୁତି ସାତା ତଲେ ତାକିହିଲଅରି, ଏଚିବେଲ୍ଲାତା ନାନୁ ବାରେ ଲକୁ ନକିତା କେପାଇଁ ଏଲେଇଚେଏ, “ନାନୁ ଜୀହୁଦି ଆହାନା ଜୀହୁଦି ଲକୁ ଲେହେଁ ଲେମ୍ବାଆନାହାଁ ଜୀହୁଦିଆଆତି ଲକୁଲେହେଁ ନୀଡ଼ିମାଞ୍ଜି, ଆତିହଁ ନାନୁ ଏନିକିହଁ ଜୀହୁଦିଆଆତି ଲକୁଣି ଜୀହୁଦି ଲକୁଲେହେଁ ଲେମ୍ବାଲି ବାଲାମାତମି କିହିମାଞ୍ଜି ।”

ନାମୁତଲେ ଗେଲ୍ପି ଆନାୟି

୧୫ ସାତେଏ ମାମ୍ବୁ ଜାର୍ନାଟିଏ ଜୀହୁଦି ଲକୁତମି, “ଜୀହୁଦିଆଆତି ଲକୁ ଲେହେଁ ପାପୁ ଗାଟାତମି ଆଏ ।” ୧୬ \*ଆଡ଼ିଜିକେଏ ମେରାତି କାମା ତଲେ ମାଣସି ତୀରିଗାଟାସି ଆଆନା, ଜୀସୁ କ୍ରୀସ୍ତ ତାଣା ନାମାନା ତୀରିଗାଟାସି ଆନେସି, ଇଦାଆଁ ପୁଞ୍ଜାନା ମାମ୍ବୁ ଜୀସୁ କ୍ରୀସ୍ତ ତାଣା ନାମା ମାନମି, ଏନିକିହଁ ମେରାତି କାମା ତଲେ ତୀରିଗାଟାତମି ଆଆନା କ୍ରୀସ୍ତ ତାଣା ନାମାନା ତୀରିଗାଟାତମି ଆନମି; ଇତିହଁ ମସାତି ମେରାତି କାମା ତଲେ ଆମିନି ମାଣସି ତୀରିଗାଟାସି ଆଅସି । ୧୭ ସାମା କ୍ରୀସ୍ତ ତାଣାଟି ତୀରି ଗାଟାତାୟି ଆୟାଲି ଅଣ୍ପାଦାନା ମାମ୍ବୁଜିକେଏ ପାପୁ ଗାଟାତମି ଇଞ୍ଜିହଁ ତଞ୍ଜା ଆଡ଼ମି, କ୍ରୀସ୍ତ ପାପୁତି ସେବା କିନାସି କି ? ଏଦି ଏଚେଲ୍ଲାଞ୍ଜା ଆଆପେ । ୧୮ ଇତିହଁ ନାନୁ ଏନି ମେରାତି ମେଲ୍ଲହାମାଇଁ ଏ ବାରେଡ଼ି ଅଡ଼େ ଖେଣ୍ଡେ ଗାଡ଼ି କିଇଁ, ଆତିହଁ ନାନୁଏ ଜାହାରାଇଁ ଦହ ଗାଟାତେଏଁ ଇଞ୍ଜି ତସାକତିମାଇଁ । ୧୯ ମାହାପୁରୁ ତାକି ନୀତାଲି ନାନୁ ମେରାତି ମେରାତାକି ପାସି ମୁଣ୍ଡାତା

ହାହାମାଇଁ, ୨୦ ନାନୁ କ୍ରୀସ୍ତ ତଲେ ପାସି ମୁଣ୍ଡାତା ହାହାମାଇଁ; ନାନୁ ଅଡ଼େ ନୀତା ହିଲଅଁ, ସାମା କ୍ରୀସ୍ତ ନା ତାଣା ନୀତାମାନେସି; ଅଡ଼େ ନାନୁ ନୀଏଁ ଏମିନି ଆଙ୍ଗା ତଲେ ନୀତାମାଇଁ, ଏଦି ନାମୁତଲେ, ଇତିହଁ ମାହାପୁରୁତି ଏମିନି ମୀରଏସି ନାଙ୍ଗେ ଜୀଞ୍ଜୁନହ୍ନାନା ନା ତାକି ତାନି ଜୀଞ୍ଜୁ ହାହାମାନେସି, ଏଞ୍ଜାଣି ତାଣା ନାମାନା ନୀତାମାଇଁ । ୨୧ ନାନୁ ମାହାପୁରୁ କାର୍ମାମେହନାଣି ଉଜେଏ କିହିହିଲଅଁ; ଇତିହଁ ମେରା ତଲେ ମାଣସି ମାହାପୁରୁ ନକିତା ତୀରିଗାଟାସି ଆନେସି, ଆତିହଁ କ୍ରୀସ୍ତ ହାଡ଼ାୟି ଉଜେଏତାୟି ।

୩

ମେରା ଆଆତଁ ନାମୁ

୧ ଏ ରୁଦି ହିଲାଆଗାଟି ଗାଳାତିୟତି ଲକୁତେରି ! ଆମ୍ବାଆସି ମିଙ୍ଗେ ମାଡ଼ିଞ୍ଜି କିହାମାଞ୍ଜାନେସି ? ମୀ କାଣିକା ନକିତା ଜୀସୁ କ୍ରୀସ୍ତ ପାସି ମୁଣ୍ଡାତା ହାଡ଼ି କାତା ନେହଁକଁ ତଞ୍ଜାଆହିମାଞ୍ଜାତେ । ୨ ନାନୁ ମୀ ତାଣାଟି ଇଚେକା ପୁଞ୍ଜାଲି ଅଣ୍ପିମାଇଁ; ମୀରୁ ମସା ମେରା ତଲେ କାମା କିତାକି କି ନେହଁ କାରୁ ଖେଞ୍ଜାନା ନାମିତାକି ସୁଦୁଜୀଞ୍ଜୁ ବେଟାଆହାମାଚେରି ? ୩ ମୀରୁ ଏନିଲେହେଁତି ରୁଦି ହିଲାଆଗାଟାଚେରି ? ମାହାପୁରୁତି ଜୀଞ୍ଜୁତଲେ ମାଡ଼ହାନା; ଆଙ୍ଗାତି ବାଡ଼ୁୟୁ ତଲେ ରାପ୍ତହାଲି ଅଣ୍ପିମାଞ୍ଜେରି ? ୪ ମୀରୁ କି ଉଜେଏ ଇଚେକା କସ୍ତ ବେଟାଆହାମାଞ୍ଜେରି ? ଏଦି ଏନାଆଁ ଉଜେଏତାୟି ? ୫ ଇତିହଁ ଆମ୍ବାଆସି ମିଙ୍ଗେ ଜୀଞ୍ଜୁ ହାହାମାଞ୍ଜାନେସି, ଅଡ଼େ ମୀ ତାଣା କାବାଆନି କାମା କିନେସି, ଏଞ୍ଜାସି ମେରାତାକି କିନେସି କି ନାମୁତାକି ଖେଞ୍ଜାହାଁ କିନେସି ? ୬ \*ଅବ୍ରାହାମ କାତା ଅଣ୍ପାଦୁ, ସାସ୍ତେରିତା ରାସ୍ତକି ଆହାମାନେ, “ଏଞ୍ଜାସି ମାହାପୁରୁ ତାଣା ନାମିତେସି, ଇଞ୍ଜା

ନାମାଲିଏ ତୀରିଗାଟାସି ଆଡେସି ।”  
 ୭ \*ଇଦାଆଁତାକି ଆମ୍ବାଆରି ନାମିନେରି  
 ଏଞ୍ଜାରିଦେଁ ଅବ୍ରାହାମତି ମୀରକା  
 ମାସ୍କା, ଇଦାଆଁ ମୀରୁ ପୁନାୟିମାନେ ।  
 † ଅଡେ ମାହାପୁରୁ ଜୀହୁଦିଆଆତାରାଇଁ  
 ନାମୁଟି ତୀରିଗାଟାରି କିନେସି, ଏଦାଆଁ  
 ଦାମ୍ବୁ ପତିତା ନଡକଏ ମେସାନା  
 ଅବ୍ରାହାମ ତାଣା ନେହଁ କାହୁ ଖେସାନା  
 ଏଲେଇଡେସି; “ନୀ ତାଣାଟି ଦାରତିତି  
 ବାରେ କୁଲୁଡି ଲକୁ ବର ବେଟାଆନେରି  
 ।” ୯ ଅବ୍ରାହାମ ନାମିଡେସି ଇଞ୍ଜା  
 ବର ବେଟାଆଡେସି, ଏଲେକିହଁ ଏ  
 ଆମ୍ବାଆରି ନାମିନାରି ବାରେଜାଣା  
 ଏଞ୍ଜାଣିଲେହେଁ ବର ବେଟାଆନେରି ।

୧୦ ଇତିହଁ ଏଚେକା ଲକୁ ମସାତି  
 ମେରା ଆସାନା କାମା କିନେରି, ଏଞ୍ଜାରି  
 ବାକା ବେଟାଆନେରି, ଦାମ୍ବୁପତିତା  
 ରାସ୍କି ଆହାମାନେ, “ଆମ୍ବାଆସି ମେରା  
 ପତିତା ରାସ୍କି ଆହାମାନି ବାରେ  
 କାତାତି ମାନଞ୍ଜି ଆଅସି ଏଞ୍ଜାସି ମାହାପୁରୁ  
 ତାଣାଟି ବାକା ବେଟା ଆନେସି ।”  
 ୧୧ ମେରା ମାନଞ୍ଜି ଆହାମା ଆମ୍ବାଆସି  
 ମାହାପୁରୁ ନକିତା ତୀରିଗାଟାସି ଆଅସି,  
 ନେହଁ କଁ ପୁଞ୍ଜାମାନାୟି, ରାସ୍କି  
 ଆହାମାନେ, “ଇତିହଁ ତୀରିଗାଟାସି  
 ନାମୁଟି ନୀତିନେସି ।” ୧୨ ଅଡେ ନାମୁ  
 ମେରାତି ମୁଲୁ କାତା ଆଏ; ମେରାତି  
 ମୁଲୁ ଆହାମାନେ “ଆମ୍ବାଆସି ବାରେ  
 ହୁକୁମି ମାନଞ୍ଜି ଆନେସି, ଏମ୍ବାଟି ଏଞ୍ଜାସି  
 ନୀତିନେସି ।”

୧୩ କ୍ରୀସ୍ତ ମା ତାକି ବାକା  
 ବେଟାଆହାନା ମେରାଟି ମାଙ୍ଗେ ଖାନ୍ତି  
 ବାକାଟି ପିସ୍ପି କିହାମାଞ୍ଜାନେସି;  
 ଇତିହଁ ରାସ୍କି ଆହାମାନେ,  
 “ଆମ୍ବାଆସି ପାସି ମୁଣ୍ଡାତା ଏପକି ଆନେସି  
 ଏଞ୍ଜାସି ବାକା ଗାଟାସି ।” ୧୪ ମାହାପୁରୁ  
 ଅବ୍ରାହାମାଇଁ ଆମିନି ବର ହାହାଲିତାକି  
 ଆଞ୍ଜାମାରେସି, ଜୀହୁଦିଆଆତି ଲକୁ  
 ଜିକେଏ ଏନିକଁ ଏଦାଆଁ ବେଟାଆହାଲି  
 ଆଡିନେରି, ଏଦାଆଁତାକି କ୍ରୀସ୍ତ ଇ  
 କାମା କିହାମାନେସି, ଏଦାଆଁତାକି ମାରୁ

ଜିକେଏ ମାହାପୁରୁ ଖେସାମାନି ଲେହେଁ  
 ନାମୁତଲେ ସୁଦୁଜୀଞ୍ଜୁ ବେଟାଆହାଲି  
 ଆଡିନାୟି ।

ମେରା ଅଡେ ଆଞ୍ଜିନାୟି

୧୫ ଏ ତାୟି ତାକିସ୍ତା, ନାମୁ ମାଣ୍ଡସିୟା  
 ଲେହେଁ ଖେସିମାଞ୍ଜାଇଁ; ରାଜିମାନା  
 ମାଣ୍ଡସି ତାଣାଟି କିତି ଜିକେଏ, ରିଆରି  
 ସନ୍ତକି କିହାନା ଏଦାଆଁ ତୀରି କିନେରି,  
 ଏଡେତା ଏଦାନି ଆମ୍ବାଆସି ଏଚକା  
 କିହାଲି ଆଡଅସି କି ଏମ୍ବାଆଁ ଏନାଆଁ  
 କାଲୁହାଲି ଆଡଅସି । ୧୬ ମାହାପୁରୁ  
 ଆଞ୍ଜାମାନାୟି ଅବ୍ରାହାମ ଇଞ୍ଜା ତାନି  
 କୃତା ତାକି ହୀପକି ଆହାମାରେ;  
 ଏଞ୍ଜାସି ଏଲେଇଞ୍ଜା ହିଲଅସି, “କୃତା  
 ତାରାକି” ଏନିକଁ ହାରେକା ଲକୁତାକି  
 ସାପ୍ତେରିତା ଖେସ୍ତୁଲେହେଁ ଆଏ,  
 ଇତିହଁ ଏନିକଁ ରଅଣି କାତା  
 ଖେସ୍ତେସି, ନୀ “କୃତା ତାକି” ଏଞ୍ଜାସି  
 କ୍ରୀସ୍ତ ଜୀସୁ । ୧୭ ନା ଅଣ୍ଡପୁ ଇଦି,  
 ମାହାପୁରୁ ଅବ୍ରାହାମ ତଲେ ର ରାଜିମାନା  
 କିହାମାରେସି, ଅଡେ ଏଦାଆଁ ତୀରିକିହାଁ  
 ଇଟାଲି ଆଞ୍ଜାମାରେସି, ଆମିନି ମେରା  
 ସାରି ଖାଞ୍ଜା କଡେଦସ ବାସା ତାୟୁ  
 ହୀପକିଆଡେ, ଏଦି ଏ ରାଜିମାନାତି  
 ମାନି କିଆନା ମାହାପୁରୁତି ଆଞ୍ଜାମାନାଣି  
 ଆଙ୍ଗାଲି ଆଡେଏ । ୧୮ \*ମାହାପୁରୁତି  
 ଆଞ୍ଜାମାନି ବର. ମେରା ମାନିକିନି  
 ତାଣା ବାସୁଁ କିନେ, ଆତିହଁ ଏଦି  
 ଅଡେ ଆଞ୍ଜାମାନାୟି ଆଏ; ସାମା  
 ମାହାପୁରୁ ଆଞ୍ଜାନା ଅବ୍ରାହାମକି ଏଦାଆଁ  
 ହୀହାମାନେସି ।

୧୯ ଆତିହଁ ମେରା ଏନାଆଁତାକି  
 ହୀପକିଆଡେ ? ମାଣ୍ଡସିତି ଲାଗେଏତି  
 କାମା ତସାଲି ତାକି ହୀପକିଆଡେ, ଇଞ୍ଜା  
 ଅବ୍ରାହାମକି ଏମିନି କୃତାତି ମେସାନା  
 ମାହାପୁରୁ ଆଞ୍ଜାମାରେସି, ଏଞ୍ଜାସି ଖାନ୍ତି  
 ପାଡେକା ମେରା ଲଡା ମାରେ, ର  
 ମାଣ୍ଡସିତି ମାଦି ତଲେ ଲାକପୁରୁତି  
 ଦୂତୁୟାଁ ସାପ୍ତେମିଟି ମେରା ହୀପକି  
 ଆହାମାରେ । ୨୦ ସାମା ନୀଏଁ ମାଦିତି

\* ୩:୭ ୩:୭ ରମି ୪:୧୭    \* ୩:୧୮ ୩:୧୮ ରମି ୪:୧୪

ମାଣସି ରଥସିଏ; ଅର ରଥସି ଆଏ, ସାମା ମାହାପୁରୁ ରଥସିଏ ।

ମେରାତି କାତା

୨୧ ଇତିହିଁ ମେରା ମାହାପୁରୁ ଆଞ୍ଜାମାନାଣି କପାଟି କାତା ଝେକ୍‌ନେ ? ଏଦି ଏଚେଲାଞ୍ଜା ଆଆପେ; ଇତିହିଁ ଲକୁଡାକି ଜୀଞ୍ଜୁ ହୀହାଲି ଆଡ଼ିନି ଇଲେତି ମେରା ହୀପକି ଆହାମାଟିହିଁମା, ଆତିହିଁ ମେରା ସାତେଏ ତାରି ଗାଟାୟି ଆଡେମା । ୨୨ ସାମା ଦାମ୍‌ ସାସ୍ତେରିତା ରାସ୍‌କି ଆହାମାନେ, “ବାରେ ମାଣ୍‌ସି କୁଡ଼ା ପାପୁତି ବାଡ଼ୁୟୁତା ମାନେରି, ଏଦାଆଁତାକି ଏନିକିଁ ଜୀସୁ କ୍ରୀସୁ ତାଣା ନାମିତି ପାଡ଼େୟି ଲେହେଁ ଆଞ୍ଜାମାନି ବର କ୍ରୀସୁଇଁ ନାମିତି ଲକୁ ବେଟାଆଡେନରି ।”

୨୩ ସାମା ଏ ନାମୁ ଖାନ୍ତି ନକେଏ, ତଞ୍ଜାଆହାଲି ହାଜିମାନି ଏ ନାମୁତି ମେଡ଼ା ଆହାଲି, ମାର ମସା ମେରାତା ଦସ୍‌ପି ଆହିମାତାୟି । ୨୪ ଇଲେତି ନାମୁ ତାକି ମାର ଦାମ୍‌ ଗାଟାତାୟି ଆହାଲିତାକି କ୍ରୀସୁ ଖାନ୍ତି ଦିନା ପାତେକା ମେରା ମାଜେ ଜାପହାନାୟି ଲେହେଁ ମାଚେ । ୨୫ ସାମା ନାଏଁ ଏ ନାମୁ ଖାହାଲିଏ, ମାର ଅଡେ ମେରାତି ବାଡ଼ୁୟୁତା ହିଲାଆୟି ।

୨୬ ଇତିହିଁ ମୀରୁ ବାରେଜାଣା ଜୀସୁ କ୍ରୀସୁଇଁ ନାମିନି ତାଣାଟି ମାହାପୁରୁତି ମୀରକା ମାସ୍‌କା ଆହାମାଞ୍ଜେରି ।

୨୭ ଇଞ୍ଜା ମୀରୁ ଏଚେକା ଲକୁ କ୍ରୀସୁ ଦରୁଟି ବାପ୍ତିସ୍ମା\* ବେଟାଆହାମାଞ୍ଜେରି, ନାଏଁ ମୀରୁ ବାରେତେରି କ୍ରୀସୁଇଁ ହିମ୍‌ରିଲେହେଁ ପର୍ହାମାଞ୍ଜେରି ।

୨୮ ଜୀହୁଦି ଆଡେସି କି ଜୀହୁଦିଆଆତି ଲକୁ ଆଡେସି, ହଲେଏସି ଆଡେସି କି ହଲେଏସି ଆଆତାସି ଆଡେସି, ଆବା ଆପେସି କି ଇୟା ଆଡେ; ମୀ ବିଡ଼ା ଏନି ପାରଡ଼ା ହିଲେଏ, ମୀରୁ ବାରେ କ୍ରୀସୁ ଜୀସୁ ତାଣା ଆଣ୍ଡାନା ରଣ୍ଡିଏ ଆହାମାଞ୍ଜେରି । ୨୯ \*ଅଡେ

ମୀରୁ କ୍ରୀସୁତି ଲକୁ, ଆତିହିଁ ମୀରୁ ଅବ୍ରାହାମତି କୁଡ଼ାତେରି, ଆଞ୍ଜାମାନି ଲେହେଁ ଅଦିକାରା ଗାଟାତେରି ଆହାମାଞ୍ଜେରି ।

୪

୧ ନାମୁ ଝେସିମାଞ୍ଜାଇଁ, ମୀରଏସି ଆବାତି ବାରେ ଦନତି ଅଦିକାରା ଗାଟାସି, ସାମା ବାରେତି ଅଦିକାରା ଗାଟାସି ଆଡ଼ିଜିକେଏ, ପାତାଆନି ପାତେକା ହଲେଏସି ଲେହେଁ ଆନେସି । ୨ ସାମା ଆବାତି ତାରି କିହାମାନି ଦିନା ପାତେକା ଏଞ୍ଜାସି ତାଲି ତାଞ୍ଜି ଅଡେ ଗୁମୁସ୍ତାତି କାତାତା ଡ଼ୟିନେସି । ୩ ଏଲେକିହିଁଏ ମାର ଜିକେଏ ଏଚିବେଲା ଦାମ୍‌ତା ପାତାଆହା ହିଲାଆତାୟି, ଏଚିବେଲା ଦାରତିତ ବାରେ ସାଲୁଞ୍ଜି କିନି ବାଡ଼ୁୟୁତା ହଲିୟା ମାତାୟି । ୪ ସାମା ଦିନା ପୁରା ଆୟାଲିଏ, ମାହାପୁରୁ ତାନି ତାଣାଟିଏ ତାନି ମୀରଏଶାଇଁ ପାଣ୍ଡାତେସି; ଏଞ୍ଜାସି ଇୟାନି ବାଣ୍ଡିଟି ଜାନ୍‌ ଆହାନା ଜୀହୁଦିୟାଁ ମେରା ତଲେ ନୀତିତେସି, ୫ \*ଏନିକିହିଁ ଏଞ୍ଜାସି ମେରାତା ମାନି ଲକୁଣି ମୁଲୁ ହୀହାନା ପିସ୍‌ପି କିନେସି, ଅଡେ ମାର ମାହାପୁରୁତି ମୀରକା ମାସ୍‌କାତି ଅଦିକାରା ବେଟାଆନାୟି ।

୬ ଇଞ୍ଜା ମୀରୁ ମୀରକା ମାସ୍‌କାତେରି, ଅଡେ ମାହାପୁରୁ ମୀ ହିୟାତା ଡ଼ୟାଲି ତାକି ତାନି ମୀରଏଶାଟି ସୁଦୁଜୀଞ୍ଜୁ ପାଣ୍ଡାତେସି, ଏ ଜୀଞ୍ଜୁ ମୀ ତାଣା ମାଞ୍ଜାନା କାଜା ଗିୟାତଲେ “ଆବା ତାଞ୍ଜି ଇଞ୍ଜା” ହାଡ଼ିମାନେ । ୭ ଏଦାଆଁତାକି ମୀରୁ ଅଡେ ହଲିୟାଜା ଆଏ, ସାମା ମୀରକା ମାସ୍‌କାତେରି, ମୀରୁ ତାନି ମୀରକା ମାସ୍‌କାତେରି ଆହାମାନାକି ମାହାପୁରୁ ତାନି ମୀରକା ମାସ୍‌କାକି ଏନାଆଁ ଇଟାମାନେସି ଏ ବାରେ ମିଜେ ହିୟାନେସି ।

ଗାଳାତିୟ ଲକୁଡାକି ପାଞ୍ଜୁଲ ଅଣ୍ଡପିନାୟି

\* ୩:୨୨ ୩:୨୭ମୁଞ୍ଜିନାୟି    ✱ ୩:୨୯ ୩:୨୯ ରମି ୪:୧୩    ✨ ୪:୫ ୪:୫ ରମି ୮:୧୫-୧୭

୮ ସାମା ମୀରୁ ନକେଏ ମାହାପୁରୁଇଁ ପୁଞ୍ଜାହିଲାଆତେରି, ଅଡ଼େ ଏମିନି ଗାଟାଇ ସାତା ମାହାପୁରୁ ଆଏ, ଏଞ୍ଜାଆତି ହଲିୟାଙ୍ଗା ମାତେରି । ୯ ସାମା ମୀରୁ ନୀଏଁ ମାହାପୁରୁଇଁ ପୁରେରି; ଇଞ୍ଜା ମାହାପୁରୁ ମିଙ୍ଗେ ପୁଞ୍ଜାତେସି, ଆତିହଁ ମୀରୁ ଏନିକଁ ଏ ବାଡ଼ୁୟୁ ହିଲାଆଗାଟାଇ ଅଡ଼େ ଏନାଆଁ ହିୟାଲି ଆଡାଆଗାଟି ଦାରତି ଝାକି ଝେଣ୍ଡେ ହାଜାଲି ଅଣ୍ଡିମାଞ୍ଜେରି, ମୀରୁ ଏନାଆଁତାକି ଝେଣ୍ଡେ ଏ ବାରେତି ହଲିୟାଙ୍ଗା ଆୟାଲି ଅଣ୍ଡିମାଞ୍ଜେରି । ୧୦ ଦୁକୁତି କାତା, ମୀରୁ ତୀରି କିହାମାନି ଦିନା, ଲେଞ୍ଜୁ, ପାରୁଁ ଅଡ଼େ ବାସା ମାନୁଝି ଆହିମାଞ୍ଜେରି । ୧୧ ମିଙ୍ଗେତାକି ନାନୁ କିହାମାନି କାମା ଏଡେତା ଉଜେଏ ଆନେ, ମୀ ତାକି ନାଙ୍ଗେ ହାରେକା ଆଜି ହଡ଼ିମାଞ୍ଜାନେ ।

୧୨ ଏ ତାୟି ତାଙ୍ଗିସ୍ତାତେରି, ନାନୁ ମିଙ୍ଗ ବାତିମାଲିମାଞ୍ଜାଇଁ, ମୀରୁ ନାରେଲହେଁ ଆଦୁ, ଇତିହଁ ନାନୁ ଜିକେଏ ମୀ ଲେହେଁ ଆହାମାଇଁ, ମୀରୁ ନାଙ୍ଗେତାକି ଏନାଆଁ ଲାଗେଏ ପରେଏ କିହାମାଞ୍ଜଅତେରି । ୧୩ ନାନୁ ତଲିଏ ମୀ ତାଣା ନେହଁ କାରୁ ଝେକହାମାଚେଏଁ ମୀରୁ ପୁଞ୍ଜାମାଞ୍ଜେରି ଏଡେତା ନା ଆଙ୍ଗାତି ବାଦା ମାଞ୍ଜାନା ଝେକହାମାଚେଏଁ; ୧୪ ଅଡ଼େ ନା ଆଙ୍ଗାତି ବାଦା ମିଙ୍ଗେତାକି କସ୍ତାଗାୟି ଆହିମାତିହଁ ଜିକେଏ ମୀରୁ ନାଙ୍ଗେ ହୀଣି ତଲେ ଅପଅମି ଇଞ୍ଜା ମାଞ୍ଜଅତେରି, ସାମା ମୀରୁ ମାହାପୁରୁତି ର ଦୁଡୁ ଲେହେଁ ଇତିହଁ କ୍ରୀସ୍ତ ଜୀସୁଇଁ ଆବିନି ଲେହେଁ ନାଙ୍ଗେ ଆବାତେରି । ୧୫ ମୀରୁ ଏଡେକା ରାହାଁ ମାତେରି, ମୀ ଏ ରାହାଁ ଆମ୍ବିୟା ହାଚେ ? ଇତିହଁ ନାନୁ ମୀ କାତା ଆଡ଼ଝା ତଲେ ଝେସାଲି ଆଡ଼ିଇଁ, ଏ ବେଲାତା ମୀରୁ ଜାହାରା କାନୁ ପିଡ଼ହାନା ନାଙ୍ଗେ ହିୟାତେରିମା । ୧୬ ସାମା ନୀଏଁ ନାନୁ ମିଙ୍ଗେ ସାତା ଝେସାଲିଏ, ମୀ ସାତୁ ଆହାମାଇଁ କି ?

୧୭ ଏଞ୍ଜାରି ମୀ ନେହେଁ ତାକି ହାରେକା

ରାହାଁ ଗାଟାରି ଇଞ୍ଜୁଁ ତଞ୍ଜାଆହାଲି ଅଣ୍ଡିମାନେରି, ସାମା ତାମି ସାତା ଅଣ୍ଡୁ ତଲେ ଆଏ, ଏଞ୍ଜାରି ରଣ୍ଡିଏ ଅଣ୍ଡୁ ଏନିକଁ ମୀରୁ ନା ତାଣାଟି ଏଡକା ଆହାନା ଏଞ୍ଜାରି ଝାକି ରାହାଁ ଆଦେରି । ୧୮ ଇତିହଁ ନାନୁ ମୀ ତାଣା ମାନି ବେଲାତା ଆଏ, ସାମା ବାରେ ବେଲାତା ନେହଁ କାମାତାକି ଅଣ୍ଡିମାୟି ନେହେଁ । ୧୯ ଏ ନା ଜୀଝୁତି ମୀରକା ମାସକାତେରି, ଏଡେ ପାତେକା କ୍ରୀସ୍ତ ଲେହେଁ ଆଅତେରି, ଏଡେ ପାତେକା ନାନୁ ମୀ ତାକି ଜାନ କିନାଟି ଲୁଞ୍ଜିନି ବୀସା ଲେହେଁତି କସ୍ତ ବେଟାଆହିମାଇଁ । ୨୦ ନାନୁ ଏନିକଁ ନୀଏଁ ମୀ ତାଣା ଝାହାନା ଅର ରଲେତି ହାଡ଼ା ଝେସାଲି ଆଡ଼ିତେଏଁମା, ଇଦି ନା ଅଣ୍ଡୁ ମାଚେ; ଏନାଆଁତାକି ଇତିହଁ ନାନୁ ମୀ ତାକି ହାରେଏ ଅଣ୍ଡିମାଇଁ ।

ହାଗାର୍ ଅଡ଼େ ସାରାନି ପୁଣ୍ଡିକିନାୟି

୨୧ ମସାତି ମେରାତା ମାଞ୍ଜାଲି ମନ କିହିମାଞ୍ଜେରି ମୀରୁ, ନାଙ୍ଗେ ଝେସ୍ତାଦୁ, ମେରାତା ଏନାଆଁ ରାସ୍ତକି ଆହାମାନେ, ଏନାଆଁ ମୀରୁ ଝେଞ୍ଜା ହିଲଅତେରି ? ୨୨ ଇତିହଁ ରାସ୍ତକି ଆହାମାନେ, ଅବ୍ରାହାମତି ରୀ ମୀରକା ମାଚେରି ରଅସି ହଲେଣି ତାଣାଟି ଅଡ଼େ ରଅସି ତାନି ତକ୍ତିନି ତାଣାଟି ଜାନା ଆହାମାଚେସି, ୨୩ ହଲେଣି ମୀରଏସି ଆଙ୍ଗାତି ଗୁଣୁତଲେ ଜାନା ଆଡେସି, ସାମା ଆମିନିଗାଟାସି ତାନି ତକ୍ତିନି ମୀରଏସି ମାହାପୁରୁ ଆଞ୍ଜାମାତି ବାଡ଼ୁୟୁଟି ଜାନା ଆଡେସି । ୨୪ ଇଦାଆଁ ର ପୁଣ୍ଡି କିନି କାତାଲେହେଁ ଝେସିମାନେ, ଇ ରୀ ଇୟାସିକା ରୀ ରାଜିମାନା ଲେହେଁତାଇ; ଆମିନି ଗାଟାନି ମୀରକା ହଲିୟାଙ୍ଗା ଆୟାଲି ଜାନା ଆଡେରି, ଏ ହାଗାର୍ ସିନୟ ହରୁଟି ଝାହାମାନି ରାଜିମାନା ଲେହେଁ । ୨୫ ହାଗାର୍ ଆରବ ଦେସାତା ମାନି ସିନୟ ହରୁ ଲେହେଁ, ଏଦି ନୀଏଁତି ଜିରୁସାଲମ ଗାଡ଼ା ଲେହେଁ



। ହାଗାର୍ ଲେହେଁ ଜିରୁସାଲମ ଅଡ଼େ ଏଦାନି ସାଲୁଡ଼ି କିନାରି ନୀର୍ବ ହଲିୟାଙ୍ଗା ଆହାମାନେରି । ୨୭ ସାମା ଲାକପୁରୁ ମାନି ଜିରୁସାଲମ ହଲେଣି ଆଆଗାଟାୟି, ଏଦି ମା ତାଲି ୨୭ ଏନାଆଁତାକି ଇତିହାସି ସାପ୍ତେରିତା ରାସ୍ତି ଆହାମାନେ,

“ଆକେ ବାଟେଣି, ଏଚେଲା ପଦି ପଦା ଜାର୍ନା କିଆଗାଟି ଇୟା, ରାହାଁ କିମ୍ପୁ,

ଜାର୍ନା କିନି ବେଲାତି ଲୁଞ୍ଜିନି ବୀସା ଏଚେଲା ପୁଞ୍ଜା ହିଲାଆତି ଜିକେଏ ନୀନୁ କାଜା ଗିୟାତଲେ ରାହାଁ କିମ୍ପୁ;

ଇତିହାସି ତକ୍ତା ତଲେ ବାସା କିହିମାନି ଇୟାନି କିହାଁ

ର ପିସ୍ତି ଇୟାନି କକାରି ପଦାୟାଁ ହାରେକା ଜାଣି ଆନେରି ଆନୁ ।”

୨୮ “ଏ ନା ତାୟି ତାଜିସ୍ତାତେରି, ମୀରୁ ଇସାହାକ ଲେହେଁ ଆଞ୍ଜାମାନି ମାହାପୁରୁତି ମୀରକା ମାସ୍କାତେରି । ୨୯ ସାମା ଆମ୍ବାଆସି ଆଙ୍ଗାତି ଗୁଣୁ ତଲେ ଜାର୍ନା ଆଡେସି, ଏଞ୍ଜାସି ଏନିକି ଏଚିବେଲାତା ମାହାପୁରୁତି ସୁବୁଜୀଞ୍ଜୁଟି ଆଞ୍ଜାମାନି ତାଣାଟି ଆମ୍ବାଆସି ଜାର୍ନା ଆହାମାନେସି, ଏଞ୍ଜାଣାକ୍ ସାସ୍ତି ହାହାମାରେସି ଏଲେକିହାଁ ଏ ନୀର୍ବ ଜିକେଏ ଆହିମାନେ । ୩୦ ଦାର୍ମୁ ପତି ଏନାଆଁ ଖେସିମାନେ ? ହଲେଣି ଇୟା ଅଡ଼େ ଏଦାଣି ମୀରଏଣାକ୍ ପିହମ୍ପୁ; ଇତିହାସି ହଲେଣି ମୀରଏସି ତାନି ବୀହା ତକ୍ତିନି ମୀରଏଣା ତଲେ ଅଦିକାରା ଗାଟାସି ଆୟାଲି ଆଡ଼ଅସି ।” ୩୧ ଏନାଆଁତାକି ଏ ନା ତାୟି ତାଜିସ୍ତାତେରି, ମୀର ହଲେଣି ମୀରକା ମାସ୍କା ଆଏ, ସାମା ବୀହା ତକ୍ତିନି ମୀରକା ମାସ୍କାତାୟି ।

**୫**

କ୍ରୀସ୍ତ ତାଣା ମେଲା ଆନାୟି

୧ ମୀର ମେଲା ଆହାମାନାୟି, କ୍ରୀସ୍ତ ମାଙ୍ଗେ ମେଲା କିହାମାଞ୍ଜାନେସି ।

ଇଦାଆଁତାକି ମୀରୁ ମେଲା ଆଡ଼ିତାଣା ତାରିଆହାଁ ମାଞ୍ଜୁ । ଅଡ଼େ ଖେଣ୍ଡେ ହଲିୟାଙ୍ଗା ଜୁଖେଡ଼ିତା ମୀରୁ ଜାହାରାକ୍ ହେରପାକତାଆଦୁ ।

୨ ନାନୁ ପାଞ୍ଜୁଲ ମିଙ୍ଗେ ଖେସିମାଞ୍ଜାକ୍, ମୀରୁ ମୀ ତଲୁ ଦାପିଆନାଣି ମାନି କିତିସାରେ, କ୍ରୀସ୍ତ ତାଣାଟି ମୀଦି ଏନି ଲାବା ହିଲେଏ । ୩ ନାନୁ ତଲୁ ଦାପି ଆହିମାନି ବାରେ ଜାଣାକ୍ ଖେଣ୍ଡେ ଖେସିମାକ୍, ଇତିହାସି ଏଞ୍ଜାସି ବାରେ ମସାତି ମେରା ମାନୁଞ୍ଜି ଆନାୟି ମାନେ । ୪ ମୀରୁ ଏଚେକା ଲକୁ ମେରାଟି ମାହାପୁରୁ କାନୁତା ତାରିଗାଟାତେରି ଆୟାଲି ଅଣ୍ଡିମାଞ୍ଜେରି, ମୀରୁ କ୍ରୀସ୍ତ ତାଣାଟି ଏଚକା ଆହାମାଞ୍ଜେରି, ଇଞ୍ଜା ମାହାପୁରୁ କାର୍ମାମେହନି ତାଣାଟି ଗୁଟା ଆହାମାଞ୍ଜେରି । ୫ ଇତିହାସି ମୀର ମାହାପୁରୁତି ଜୀଞ୍ଜୁତଲେ ନାନୁ ତାକି ଦାର୍ମୁଗାଟି ଲକୁ ଆନି ଆସାକ୍ କାଡ଼ିମାନାୟି । ୬ ଇଦାଆଁତାକି ଜୀସ୍ତ କ୍ରୀସ୍ତ ତାଣା ଆଣ୍ଡାନା ନୀତାମାତିସାରେ ତଲୁ ଦାପି ଆନାୟି କି ଦାପି ଆଆଗାଟାୟି ଏନାୟି ହିଲେଏ, ସାମା ନାନୁତା ଅଜିକିହାଁ ମାଞ୍ଜାନା ଜୀଞ୍ଜୁ ନନାଣି ତଲେ କାମା କିନାୟି ।

୭ ମୀରୁତ ନେହାକି ନକିତା ହାଜିମାଚେରି; ଆମ୍ବାଆସି, ମିଙ୍ଗେ ସାତାତି ମାନୁଞ୍ଜି ଆଆଦୁ ଇଞ୍ଜା ଆଙ୍ଗାତେସି ? ମିଙ୍ଗେ ହାଟାମାଞ୍ଜାନି ମାହାପୁରୁ ତାଣାଟି ଇଦି ଆହା ହିଲେଏ । ୮ କାତାତା ମାନେ, ଇତାୟି ପୁଲା ତକାତି ଗୁଣ୍ଡା ବାରେ ପୁଲା କିନେ । ୯ ମୀରୁ ଏଚକାତି ଅଣ୍ଡପୁ ଅଣ୍ଡପଅତେରି, ଇଦାଆଁ ନାନୁ ମିଙ୍ଗେ ତାକି ପ୍ରବୁ ତାଣା ହାରେକା ନାମିମାକ୍; ସାମା ମିଙ୍ଗେ ଆମ୍ବାଆସି ନାଡ଼ି କିହାମାଞ୍ଜାନାସି ଏଞ୍ଜାସି ଆମ୍ବାଆସି ଆପେସି ମାହାପୁରୁ ଏଞ୍ଜାଣାକି ତଣ୍ଡୁ ହାନେସି ।

୧୧ ନା ତାୟି ତାଜିସ୍ତାତେରି, ନାନୁ ନୀର୍ବ ପାଡେକା ତଲୁ ଦାଃନି ମେରା ଖେକ୍‌ହିମାକ୍, ଆତିହାସି ଏନାଆଁତାକି

☆ ୫:୯ ୧କର ୫:୭

ନୀର୍ବ୍ୟ ପାତେକା ସାସ୍ତି ବେଟାଆହିମାଇଁ ? ନାନୁ ସାତେଏ ଏଲେକ୍ ହେକ୍ ହିହିଁ, ଜୁସତା ହାଡ଼ି କ୍ରୀସ୍ତତି କାତା ହେକ୍ ନି ତାଣାଟି ନାଜେ ଏନି ବାଦା ଆଆତେମା । ୧୨ ନାନୁ ଅଣ୍ପିମାଇଁ, ତଲୁ ଦାନାଣି ଏମିନିଗାଟାରି ମିଜେ ଏଲେକ୍ କିଲିବିଲି କିହିମାଞ୍ଜାନେରି ଏଞ୍ଜାରି ପେଜୁୟାଁ ଲେହେଁ ଆଡ଼ିହିଁ ନେହିଁ ଆତେମା ।

୧୩ ଏ ତାୟି ତାଜିସ୍ତା, ମୀରୁ ମେଲ୍ଲ ଆହାଲିତାକି ହାଟ୍ଟକି ଆହାମାଞ୍ଜେରି; ସାମା ଜାଗ୍ରାତା, ଆଜ୍ଞାତି ଜୁପକା କାମା କିହାଲି ମୀ ଆଜ୍ଞାତି ପାରୁ ବେଟାଆଡ଼ିସାରେ ଏ ମେଲ୍ଲତି ଲେମ୍ବାଆଦୁ, ସାମା ରଅତେରି ରଅଣାଇଁ ଜୀଞ୍ଜୁ ନଞ୍ଜିଆହାନା ସେବା କିଦୁ । ୧୪ ଇତିହିଁ ବାରେ ମେରା ଇ ରଣିଏ ହୁକୁମିତା ତାରି ଆନେ, “ନାନୁ ନୀ ଆଟ୍ଟିତାଣାଇଁ ନୀ ଜୀଞ୍ଜୁତି ଜୀଞ୍ଜୁନି ଲେହେଁ ଜୀଞ୍ଜୁନଦୁ ।” ୧୫ ମୀରୁ ରଅତେରି ରଅଣାଇଁ ବାଦା ହୀହାନା ନସ୍ତ କିଞ୍ଜି ଆହିମାଞ୍ଜେରି, ଆଡ଼ିହିଁ ଜାଗ୍ରାତା ଆଦୁ, ଏନିକ୍ ମୀରୁ ରଅତେରି ରଅଣି ତାଣାଟି ନାସା ଆଅତେରି ।

ସୁଦୁଜୀଞ୍ଜୁ ଅଡ଼େ ମାଣ୍ଡସିତି ଗୁଣ୍ଡୁ

୧୬ ନା ଅଣ୍ପୁ ଇଦି, ମୀରୁ ସୁଦୁଜୀଞ୍ଜୁ ତଲେ ତାକାଦୁ, ଆଡ଼ିହିଁ ମୀରୁ ଆଜ୍ଞାତି ଜୁପକା ତଲେ କାମା କିଅତେରି । ୧୭ ମାଣ୍ଡସିତି ମାଣ୍ଡକି ସୁଦୁଜୀଞ୍ଜୁ ଅପେଏ । ଏଲେକିହିଁ ଏ ସୁଦୁଜୀଞ୍ଜୁ ମାଣ୍ଡସିତି ମାଣ୍ଡକିତି ଅପେଏ । ଏଞ୍ଜି ରିଣ୍ଡି ସାତୁ ଲେହେଁ । ଇତିହିଁ ମୀରୁ ଏନାଆଁ କିୟାଲି ଅଣ୍ପିଦେରି ଏଦାଆଁ କିୟାଲି ଆଡ଼ଅତେରି । ୧୮ ସୁଦୁଜୀଞ୍ଜୁ ମିଜେ ସାଲ୍ଡି କିୟାନେ, ଆଡ଼ିହିଁ ମୀରୁ ଅଡ଼େ ମସାତି ମେରା ଡ଼ଇ ହିଲଅତେରି ।

୧୯ ଆଜ୍ଞାତି ଅଣ୍ପୁ ତଲେ କିନି କାମା ବାରେ ନେହିଁକ୍ ପୁଞ୍ଜାମାଞ୍ଜେରି, ଏଞ୍ଜି ଦାରିକାମା, ଲାଗେଏ ପଲେଏ କାମା । ୨୦ ଅଡ଼େ ଅପାଆଗାଟି କାମା, ପେଣ୍ଡକା ପୂଜା, ଲକୁଣି ପାୟିନାୟି,

ଗୁଣି ଗାର୍ଡ଼ି, ସାତୁ ଆନାୟି, ଗଡ଼ହା କିନାୟି, ଆଜ୍ଞାରା ଆନାୟି, କାର୍ବି ଆନାୟି, ଜାହାରାତାକି ଅଣ୍ପିନାୟି, ଗତି ଆହିଁ ବାଗା ଆନାୟି, ନାଡ଼ିକିହିଁ ବାଗା କିନାୟି, ତାହାରା ଆନାୟି, ୨୧ କାତୁ ଗହନାରି ତଲେ ଆଣ୍ଡାନା ରାହିଁ କିନାୟି ଇଲେତି ବାରେ କାମା କିନାୟି; ନାନୁ ତଲି ମିଜେ ଏନିକ୍ ହେସାମାଞ୍ଜାତେଏ, ଏଲେକିହିଁ ନକେଏ ଜାଗ୍ରାତା କିହିଁ ହେସାମାଞ୍ଜାଇଁ, ଆମ୍ବାଆରି ଇଲେତି କାମା କିନେରି, ଏଞ୍ଜାରାକି ମାହାପୁରୁ ରାଜିତା ଅଦିକାରା ହିଲେଏ ।

୨୨ ସାମା ସୁଦୁଜୀଞ୍ଜୁତି ପାଡ଼ଡ଼ୟି, ଜୀଞ୍ଜୁନନାୟି, ରାହିଁ ଆନାୟି, ହିଡ଼ତି ଜୀଞ୍ଜୁତଲେ ମାନାୟି, ଅରହିନାୟି, ଲକୁଇଁ ସାୟେମି କିନାୟି, ସାତା ଗୁଣ୍ଡୁ ମାନିଗାଟି ଲକୁ, ନାମୁତଲେ ମାନାୟି, ୨୩ ଅଡ଼େ ଜାହାରାଇଁ ଲକ୍ନାୟି, ଇ ବାରେ ନକିତା ମସାତି ଏନି ମେରା ହିଲେଏ । ୨୪ ଆମ୍ବାଆରି ଜୀସୁ କ୍ରୀସ୍ତ ତାଣା ମାନେରି, ଏଞ୍ଜାରି ତାମି ଆଜ୍ଞାତି ଅଣ୍ପୁ ଅଡ଼େ ଜୁପକା ବାରେ ମାଣ୍ଡସି ମାଣ୍ଡକିତି ପାସି ମୁଣ୍ଡାତା ଏକ୍ହାନା ହାଞ୍ଜି କିହିମାନେରି । ୨୫ ମୀରୁ ସୁଦୁଜୀଞ୍ଜୁ ତଲେ ଜୀଞ୍ଜୁ ବେଟାଆହାମାନାୟି, ଆଡ଼ିହିଁ ସୁଦୁଜୀଞ୍ଜୁ ତଲେ ନୀତିନ । ୨୬ ମୀରୁ ବଡ଼ପଣ ଆହାନା ରଅତଞ୍ଜି ରଅଣାଇଁ ବିତିବିତା କିଆପ ଅଡ଼େ ମୀରୁ ରଅତାୟି ରଅଣାଇଁ ତାହାରା ଆଆପ ।



ରଅସି ରଅଣି ବଜୁ ଡେକିନାୟି

୧୩ ଏ ତାୟି ତାଜିସ୍ତା, ଆମ୍ବାଆସି ଏନି ଦହ କିହିମାନାଣି ପୁଟିହିଁ, ସୁଦୁଜୀଞ୍ଜୁ ବେଟାଆହାମାଞ୍ଜେରି ମୀରୁ, ମୀରୁ ଟିକାଣା ତଲେ ଏଲେତି ଲକୁଣି ଏଲେତି କାମା ପିସାଲି ଜାପୁଦୁ, ଏଡେତା ମୀରୁ ଜିକେଏ ପାନ୍ଦାତା ହେରଞ୍ଜିଦେରି, ଏଦାଆଁତାକି ମୀରୁ ଜାଗ୍ରାତା ଆହାନା ମାଞ୍ଜୁ । ୨ ରଅତେରି ରଅଣି ବଜୁ ଡେକାଲି ସାୟେମି

କିଞ୍ଚିଆଦୁ; ଏଲେକିତିହଁ ମୀରୁ କ୍ରୀସ୍ତତି ଫେରା ମାନୁଞ୍ଚି ଆଦେରି । ୩ ଆମ୍ବାଆସି ଲାଗେଏ ଆହାନା ଜାହାରାଇଁ ନାନୁ କାଜାତେଏଁ ଇଞ୍ଜି ଅଣ୍ଡା କଡିନେସି ଏଞ୍ଜାସି ତାନୁଏ ତାଙ୍ଗେ ନାଡ଼ି କିହାକଡିମାନେସି । ୪ ସାମା ବାରେଜାଣା ଜାହାରା କିତି କାମାତି ତାୟିପାରି କିପାସି, ଆତିହଁ ଏଞ୍ଜାସି ଅର ଲକୁ କିତି କାମାତାକି ଆଏ ସାମା ତାନୁଏ କିହାମାନାଣି ତାକି ବତପଣ କିଆପେସି । ୫ ଏନିଇତିହଁ ବାରେଜାଣା ଜାହାରା ବଦୁ ଜାହାରାଏ ଡେକିନାୟି ମାନେ ।

୬ ସାମା ଆମ୍ବାଆସି ମାହାପୁରୁତି ବଲୁ ଜାପିନେସି, ଏଞ୍ଜାସି ତାଙ୍ଗେ ଜାପୁନାଣାକି ତାନି ତାଣା ମାନି ବାରେକିହଁ ନେହଁ ବାଗା ହାପେସି ।

୭ ମୀରୁ ମିଙ୍ଗେ ନାଡ଼ିକିହା କଡାଆଦୁ; ଆମ୍ବାଆସି ମାହାପୁରୁଇଁ ନାଡ଼ି କିହାଲି ଆଡ଼ଅସି, ଇତିହଁ ମାଣସି ଏନାଆଁ ମାଟିନେସି ଏତାଆଁ ଦାଃଆନେସି । ୮ ଆମ୍ବାଆସି ଆଙ୍ଗାତି ଅଣ୍ଡାପୁ ତାକି ମାଟିନେସି, ଏଞ୍ଜାସି ଆଙ୍ଗାତି ହାଞ୍ଜିକିନି ପାଡ଼େୟି ଦାଃଆନେସି; ସାମା ଆମ୍ବାଆସି ଜୀଞ୍ଜୁତାକି ମାଟିନେସି ଜୀଞ୍ଜୁଟି ଗାଡ଼ିଆଡ଼ି କାଲାକାଲାତି ଜୀଞ୍ଜୁହୀନି ପାଡ଼େୟି ଦାଃଆନେସି । ୯ ମାର ନେହଁ କାମା କିହାଲି ଖାହାଆପ; ଇତିହଁ ଖାହୁ ଆଆନା କାମା କିତିହଁ ସମାନା ବେଲାତା ତାସା ଦାଃନାୟି । ୧୦ ଏନିଇତିହଁ ମୀରୁ ପାରୁ ସିନିକିହାନା ବାରେତାକି ଇତିହଁ ବାରେକିହଁ ରଣ୍ଡିଏ କୁଟମିତା ଆଣ୍ଡାମାନି ନାମୁ ଗାଟାରାଇଁ ନେହଁ କିନାୟିମାନେ ।

ଜାଗ୍ରାତା କିହଁ ଜହରା ତଲେ ଆକୁତି ରାପୁନାୟି

୧୧ ମେହ୍ଦୁ, ନାନୁ ଏନିକଁ କାଜା କାଜା ଅଙ୍କରି ତଲେ ନା କେନ୍ଦୁତଲେ ମୀ ତାଣା ରାଟାମାଞ୍ଜାଇଁ । ୧୨ ଆମ୍ବାଆରି ଆଙ୍ଗାତି କାମା ତଲେ ଝେଙ୍ଗାଲି ମନ କିନେରି, ଏଞ୍ଜାରି ମିଙ୍ଗେ ତଲୁ ଦାଃଆନାୟିମାନେ ଇଞ୍ଜି ବାଲାମାତମି କିୟାନେରି, କ୍ରୀସ୍ତତି ପାସିମୁଣ୍ଡା

ତାକି ଏନିକଁ ନିନ୍ଦା ବେଟାଆଅରି ଖାରଇ ଏଦାଣିତାକି ଏଲେକିନେରି । ୧୩ ଇତିହଁ ଆମ୍ବାଆରି ତଲୁ ଦାଃନି ଫେରା ତଲେ ମାନେରି, ଏଞ୍ଜାରି ତାମୁ ଜିକେଏ ମସାତି ଫେରା ମାନୁଞ୍ଚି ଆଅରି, ଇଞ୍ଜା ଏଞ୍ଜାରି ଏନିକଁ ମୀ ଆଙ୍ଗା ତାକି ବତପଣ କିହାଲି ଆଡ଼ିନେରି, ଏଦାଆଁତାକି ଏଞ୍ଜାରି ମିଙ୍ଗେ ତଲୁ ଦାପି କିଞ୍ଚିକିହାଲି ଅଣ୍ଡାପିନେରି । ୧୪ ସାମା ନାନୁ ଖାରଇ ମା ଜୀସୁ କ୍ରୀସ୍ତତି କ୍ରସ୍ତ ତାକି ବତପଣ ଆହିମାଇଁ; ଇତିହଁ ଏଞ୍ଜାଣି କ୍ରସ୍ତ ତାକି ଦାରତି ନାଙ୍ଗେତାକି ହାହାମାନେ ଇଞ୍ଜା ନାନୁ ଦାରତି ତାକି ହାହାମାଇଁ । ୧୫ ତଲୁ ଦାପି ଆନାୟି କି ଦାପି ଆଆଗାଟାୟି ଏନାୟି ହିଲେଏ, ସାମା ପୁଃନି ଗାଡ଼ି ଆନାୟି ଏଡ଼ି ବାରେ କିହଁ ମୁଲୁତାୟି । ୧୬ ଏଚେକା ଲକୁ ଇ ଫେରା ତଲେ ତାକିନେରି, ଏଞ୍ଜାରି ଲାକ ଅଡ଼େ ମାହାପୁରୁତି ଇସ୍ରାୟେଲ ଲକୁ ଲାକ ହିଡ଼ଡ଼ି ଅଡ଼େ କାର୍ମା ଆପେ ।

୧୭ ନୀଞ୍ଜୁଟିଏ ଆମ୍ବାଆସି ନାଙ୍ଗେ କସ୍ତ ହିୟାଆପେସି, ଇତିହଁ କ୍ରୀସ୍ତ ତାକି ବେଟାଆହାମାନି ଗାହଁ ଗାରିୟା ନା ଆଙ୍ଗାତା ମାନୁ ।

୧୮ ଏ ତାୟି ତାଙ୍ଗିସ୍ତା, ମା ପ୍ରୁ ଜୀସୁ କ୍ରୀସ୍ତତି କାର୍ମାମେହନାୟି ମୀ ଜୀଞ୍ଜୁତା ଡ଼ୟାପେ । ଆମେନ୍ ।

# ଏପିସୀୟ ମଣ୍ଡଳୀ ନିକଟକୁ ପାଉଲଙ୍କ ପତ୍ର ଏପିସୀୟ କୁଲମିତାକି ପାଞ୍ଚୁଲ ରାଫାମାନି ଆକୁ ମୂଲୁ ହାଡ଼ା

ଏପିସୀୟ କୁଲମିତି ଆକୁ ପାଞ୍ଚୁଲ ରାଫାମାନେସି, ଜୀସୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ଷୀ ତାୟୁ କଲସିୟ କୁଲମିତାକି ରାଡ଼ିତି ବେଲା ରାସ୍ତକି ଆହାମାଚେ । ରାଡ଼ିନାସି ତାନୁଏ ପାଣ୍ଡୁଆହାମାନି ପାଞ୍ଚୁଲ ଇଞ୍ଜିମାନେସି ୧:୧ । କଲସିୟ ଆକୁତା ତାନି ଜହରା ହିଲାଆତି ଜିକେଏ ବୁଦିଗାଟାରି ଏପିସୀୟ ଆକୁ ପାଞ୍ଚୁଲ ରାଫାମାନେସି ଇଞ୍ଜି ଇନେରି । ଅଡ଼େ ବାରେ କୁଲମିକା ତାକି ଆକୁ ହାସାଲି ରାସ୍ତକି ଆହାଡ଼ୟିନେ । ପାଞ୍ଚୁଲ ଇଦାଆଁ ଜିକେଏ ଝେସାମାନେସି ଇ ଆକୁ ରାଡ଼ିନି ବେଲାତା ଏଝାସି କାୟିଦିତା ମାଚେସି ୩:୧-୪:୧ ଅଡ଼େ ୬:୨୦ । ପାଞ୍ଚୁଲ ତୁକିକଇଁ ଏପିସୀୟ କୁଲମିତା ପାଣ୍ଡାନ୍ନା ଏଝାଣି କେୟୁତା ଇ ଆକୁ ହୀହାମାଚେସି ୬:୨୧-୨୨ ।

ଏପିସୀୟ ଏସିୟା ରାଜିତି ର କାଜା ଗାଡ଼ା ମାଚେ । ଏପିସୀୟ ଗାଡ଼ାତି ଗ୍ରିକ୍ ପେନ୍ଦୁ ଆଚେମି ଅଡ଼େ ଏଦାନି ଦେଖୁଡ଼ି ଝେଜିତାୟି ମାଚେ, କାମା ୯:୨୩-୩୧ । ଏପିସୀୟ କୁଲମି ନକେଏ ବାଡ଼ୁୟୁ ଗାଟାୟି ମାଚେ ତାୟୁ ରିହାଲି ମାଟ୍‌ହେ ଝେ ବଲୁ ୨:୧-୭ ।

ପାଞ୍ଚୁଲ ତାନି ଆଦା ଆକୁତା ମାହାପୁରୁ ଏନିକ୍ ତାନି ଲକୁଣି ଆଡ଼ିତେସି, ଅଡ଼େ ଏନିକ୍ ଜୀସୁ ତାଣାଟି ପାପୁଟି ଗେଲ୍‌ପିତେସି ଏଦାଆଁ ଝେସିମାନେସି । ପାଞ୍ଚୁଲ କୁଲମିତି ଆଜ୍ଞା ତଲେ ତୁକ୍‌ହାନା କ୍ରୀସ୍ତ ଏଦାନି ତାୟୁ ଅଡ଼େ କନତି ମୂଲୁ ଝାଲି, କୁଲମି ର ତକ୍ତି ଲେହେଁ କ୍ରୀସ୍ତଏ ଡକ୍ତା । ଆକୁତି ତାୟୁ ବାଗାତା ପାଞ୍ଚୁଲ

ପଡ଼ୁଡ଼ି ଆନାରାଇଁ କ୍ରୀସ୍ତ ତାଣା ରଣ୍ଡିଏ ଆହାଁ ଆଣ୍ଡାମାନି ଲକୁ ଲେହେଁ ନୀତାଲି ବାଡ଼ିମାଲି ମାନେସି ।

### ପତିତା ମାନାୟି

୧. ପାଞ୍ଚୁଲ ଜହରା କିହାନା ପୁଣ୍ଡି କିହା କଡ଼ିନାୟି । ୧:୧-୨
୨. କ୍ରୀସ୍ତ ତଲେ କୁଲମିତି ତୁକ୍‌ନାୟି । ୧:୩-୩:୨୧
୩. କ୍ରୀସ୍ତ ତାଣା ଏନିକ୍ ନୀଡ଼ିନାୟି । ୪:୧-୬:୨୦
୪. ଜହରା କିହାନା ଆକୁତି ରାପ୍‌ନାୟି । ୭:୨୧-୨୪

୧\*ପାଞ୍ଚୁଲ, ମାହାପୁରୁତି ଅଣ୍ଡପୁ ତଲେ କ୍ରୀସ୍ତ ଜୀସୁତି ପାଣ୍ଡୁଡ଼ି ଆହାମାନାଚେଏଁ, ଏପିସିୟତା ମାନି ମାହାପୁରୁ ଲକୁ ଇଞ୍ଜାଁ କ୍ରୀସ୍ତ ଜୀସୁ ତାଣା ନାମୁତା ମାନି ଲକୁତାକି ଇ ଆକୁ ରାଡ଼ିମାଇଁ ।

୨ ମା ଆଦା ମାହାପୁରୁ ଇଞ୍ଜାଁ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ନାମେହ୍‌ନାୟି ଅଡ଼େ ହିଡ଼ଡ଼ି ଜୀସୁ ମିଙ୍ଗେତାକି ଆୟାପେ ।

### ସୁଦୁଜୀଞ୍ଜୁତି ବର ପାଣ୍ଡନାୟି

୩ ମା ପ୍ରବୁ ଜୀସୁ କ୍ରୀସ୍ତ ମାହାପୁରୁ ଅଡ଼େ ଆଦାଇଁ ଜହରା ଆପେ । ଏଝାସି କ୍ରୀସ୍ତ ତାଣା ମାଙ୍ଗେ ବାରେ ଜୀଞ୍ଜୁତି ବର ତଲେ ଲାକପୁରୁ ବର ହୀହାମାଞ୍ଜାନେସି । ୪ ମାର ଏନିକ୍ ମାହାପୁରୁ ନକିତା ସୁଦୁ ଅଡ଼େ ଦହ୍ ହିଲାଆଗାଟାତାୟି ଆନାୟି ଏଦାଆଁତାକି ଏଝାସି ଦାର୍‌ତି ଗାଡ଼ି ଆଆ ନକେଏ ତାନି ତାଣା ମାଙ୍ଗେ ଆଚାମାଞ୍ଜାତେସି । ୫ ଅଡ଼େ ଏଝାସି ମାଙ୍ଗେ କ୍ରୀସ୍ତ ଜୀସୁ ତାଣାଟି ତାଙ୍ଗେତାକି ମୀରକା ମାସ୍‌କା କିୟାଲି ତାନୁଏ ତଲିଏ ତୀରି କିତେସି; ଇଦି ଏଝାଣି ରାହାଁ ଅଡ଼େ ଅଣ୍ଡପୁ । ୬ ମାହାପୁରୁତି କାର୍ନାମେହ୍‌ନାଣି ତାକି ଇଞ୍ଜାଁ ତାନି ମୀରଏଣାଇଁ ଉକେଏ ବେଟାଆନ୍ତି ଦାନା ଲେହେଁ ବେଟାଆହାମାନାକି, ମାର ମାହାପୁରୁଇଁ ଜହରା କିହିମାନାୟି । ୭ \*କ୍ରୀସ୍ତ ହାଡ଼ି ତାଣାଟି ମାର ଗେଲ୍‌ପି ଆହାମାନାୟି, ଇଡ଼ିହ୍ ମା ବାରେ ପାପୁ

\* ୧:୧ ୧:୧ କାମା ୧୮:୧୯-୨୧; ୧୯:୧      \* ୧:୭ ୧:୭ କଲସି ୧:୧୪

ମେଣ୍ଟାମାନେ, ମାହାପୁରୁତି କାର୍ମୀ ଏତେକା କାଜାୟି ।

୮ ଏଞ୍ଜାସି ଏ କାର୍ମୀମେହନାଣି ବାରେ ବୁଦି ଅଡ଼େ ଅଣପୁ ମାଜେ ହାରେକା ହାହାମାଜାନେସି ।<sup>୯</sup> ନକେଏ ଅଣପାମାନି ତାନି କାର୍ମୀତଲେ ଏଞ୍ଜାସି ମାଜେ ତାନି ଅଣପୁ ତଲେ ଡଗ୍ଗାମାନି ଅଣପୁତି ତସାମାଜାନେସି ।<sup>୧୦</sup> ଏନିକ କାଲ୍ଲାତି ତାନି ଅଣପୁ ତଲେ ଲାକପୁରୁ କି ଦାର୍ତତିତା ମାନାଣି ବାରେ ଏଞ୍ଜାସି ତାଜେତାକି କ୍ରୀସ୍ତ ତାଣା ରଣ୍ଡେଏ କିନେସି ।

<sup>୧୧</sup> ମାରୁ ଜିକେଏ ଏଞ୍ଜାଣି ତାଣା ଅଦିକାରା ଲେହେଁ ଆହାମାନାୟି, ଇତିହ ଏମିନି ମାହାପୁରୁ ତାନି ମନତି ଅଣପୁ ତଲେ ବାରେ କାତା ତୀରି କିନେସି, ଇଞ୍ଜା ଏଞ୍ଜାସି ତଲିଟିଏ ମନତା ତୀରି କିହାମାଟିଲେହେଁ ମାରୁ ନକେଏ ଆଡ଼଼ି ଆଡାୟି <sup>୧୨</sup> ମାରୁ ଏନିକ କ୍ରୀସ୍ତ ତାଣା ନକେଏ ବାସ୍ତୁ କିହା ମାଚାୟି, ମାରୁ ବାରେତାୟି ମାହାପୁରୁ ଗାଞ୍ଜୁରମିତି ଜହରା କିନାତାୟି ଆନ ।

<sup>୧୩</sup> ଏଞ୍ଜାଣି ତାଣାଟି ମାରୁ ଜିକେଏ ସାତା ବଲୁ ଇତିହ ମିଜେ ଗେଲପାନି ନେହ କାରୁ ଖେଜାନା ନାମାହାଁ ଆଞ୍ଜାମାନି ସୁଦୁଜୀଞ୍ଜୁ ତଲେ ବୁରୁ ମୁଦ୍ରା ଆହାମାଜେରି; <sup>୧୪</sup> ମାହାପୁରୁ ତାନି ଲକୁତାକି ଏନାଆଁ ହାହାଲି ଆଞ୍ଜାମାନେସି ଏ ବାରେ ମାରୁ ବେଟାଆନାୟି ସୁଦୁଜୀଞ୍ଜୁ ତାନି ବାୟିଦା ଲେହେଁ । ମାହାପୁରୁ ତାନି ଲକୁତାକି ଗେଲପି ଆନାଣି ହାନେସି ଇ ବାରେତାକି ମାହାପୁରୁତି ଗାଞ୍ଜୁରମି କିନ ।

### ପାଞ୍ଜୁଲତି ପ୍ରାତାନା

<sup>୧୫</sup> ଇଦାଆଁତାକି, ପ୍ରବୁ ଜୀସୁ ତାଣା ମୀ ନାମୁ ଇଞ୍ଜା ବାରେ ମାହାପୁରୁ ଲକୁତାକି ଜୀଞ୍ଜୁନନାୟି ମାନେ, <sup>୧୬</sup> ଏ କାତା ଖେଜାନା ମିଜେତାକି ନା ପ୍ରାତାନାତା ମାହାପୁରୁଇଁ ଜହରା କିହିମାଇଁ । <sup>୧୭</sup> ମା ପ୍ରବୁ ଜୀସୁ କ୍ରୀସ୍ତ ମାହାପୁରୁ,

ଗାଞ୍ଜୁରମିଗାଟି ଆବା, ଏଞ୍ଜାସି ମିଜେ ସୁଦୁଜୀଞ୍ଜୁତି ହିୟାନେସି ଏ ଜୀଞ୍ଜୁ ମିଜେ ବୁଦି ହିୟାନେ, ଅଡ଼େ ମାହାପୁରୁଇଁ ମୀ ତାଣା ତଞ୍ଜି କିୟାନେ, ଆତିହ ମାରୁ ଏଞ୍ଜାଣାଇଁ ପୁଜେରି । <sup>୧୮</sup> ଏମ୍ପାଟିଏ ମୀ ହିୟାତି କାଣ୍ଡା ଦେପି ଆଡ଼ିସାରେ, ତାନୁ ହାଟାମାଜାନି ବାସ୍ତୁ ଏନାୟି, ମାହାପୁରୁ ଲକୁତାଣା ତାନି ଅଦିକାରାଟି ଗାଞ୍ଜୁରମିଗାଟି ଦନ ଏନାୟି, <sup>୧୯</sup> ତାନି ଲକୁତାକି ତାନି ଆଞ୍ଜାମାନାୟି ହାରେକା କାଜା ବର ଅଡ଼େ ନାମିମାନାତାୟି ମାରୁ, ତାନି ବାଡ଼ୁୟିତି କାମା କିନାତାୟି, ଇଞ୍ଜା ମାଜେତାକି ତାନି ବାଡ଼ୁୟି ଏତେକା କାଜାୟି ଇ ବାରେ ପୁଞ୍ଜାଲି ଆଡ଼ିଦେରି; <sup>୨୦</sup> ଏ ବାଡ଼ୁୟି କ୍ରୀସ୍ତ ତାଣା ତସାନା ଏଞ୍ଜାଣାଇଁ ହାତାରି ତାଣାଟି ନିକହାନା ଲାକପୁରୁ ତାନି ଟିଝନି ଟଟତା କୁରି କିହାମାନେସି । <sup>୨୧</sup> କ୍ରୀସ୍ତ ଲାକପୁରୁ ବାରେ ସାଲ଼ି କିନାସି, କାଜାପାଣା, ବାଡ଼ୁୟି, ମୁସ୍ତାଦାରିୟା ଲାକ ସାଲ଼ି କିନାସି, ଇ ଜୁଗୁତା ଅଡ଼େ ଏ ଜୁଗୁତା ଏତେକା ଦରୁକା ଖେଜା ମାନୁ, ଏ ବାରେତି ମୁହେଁ ଏଞ୍ଜାଣି ପାଣା କାଜାୟି । <sup>୨୨</sup> ମାହାପୁରୁ ବାରେ କ୍ରୀସ୍ତତି କତାୟାଁ ଡ଼ଇ ଇଟିତେସି, ଇଞ୍ଜା ଏଞ୍ଜାଣାଇଁ ବାରେତି କିହାଁ କାଜାସି କିହାନା କ୍ରୀସ୍ତାନା କୁଲମିକା ହେର୍ପା ମାନେସି । <sup>୨୩</sup> ଏ କୁଲମିକା କ୍ରୀସ୍ତତି ଆଜା ଲେହେଁ, ଇତିହ ଆମ୍ପାଆସି ବାରେ କାମାତି ବାରେ ତାଣା ପୁରା କିନେସି ।

## ୨

### ହାକିଟି ଜୀଞ୍ଜୁ ପାଣ୍ଡନାୟି

<sup>୧</sup> ମୀ ଦହ ଅଡ଼େ ପାପୁ ତାକି ତଲି ଜୀଞ୍ଜୁତା ହାହାମାଚେରି, <sup>୨</sup> ଇତିହ ଏମିନି ଜୀଞ୍ଜୁ ନାଏଁ ଜିକେଏ କାତା ମାନ଼ି ଆଆଗାଟି ମାରୁକା ତାଣା ଅଦିକାରା କିହାମାନେ, ଏ ଦାର୍ତତିତ ମନତଲେ ମାରୁ ଜିକେଏ ତଲି କାଲ୍ଲା ଏ ଜିରୁତା ତାକିହ ଦହ କିହାନା ପାପୁତାକି ହାହାମାଚେରି । <sup>୩</sup> ଏ କାତା ମାନ଼ି

ଆଆଗାଟି ମୀରକା ତଲେ ମାର ବାରେ ଏ ବେଲତା ମା ଆଙ୍ଗାଟି ମାଣ୍ଡିକି ତଲେ ନୀତାନା ଆଙ୍ଗା ଅଡେ ମନତି କାମା କିହମାଚାୟି, ଇଞ୍ଜା ଏବକାତାରି ଲେହେଁ ମାର ଜିକେଏ ମାହାପୁରୁ କପାତି ଲକୁ ମାଚାୟି ।

୪ ସାମା ମାହାପୁରୁ ହାରେକା କାର୍ମା ମେହନାସି; ଏଞ୍ଜାସି ମାଙ୍ଗେ ହାରେକା ଜୀଝୁ ନଝୁତା ଜୀଝୁ ନୟିତେସି, ୫ ଏଚେତା ମାର ପାପୁ ତାକି ହାହା ମାଚାୟି, ଇଞ୍ଜା ମାଙ୍ଗେ କ୍ରୀସୁ ଜୀସୁ ତଲେ ନିକହାତେସି, ଅଡେ ମାହାପୁରୁତି କାର୍ମାଟି ମୀରୁ ଗେଲପି ଆହାମାଞ୍ଜେରି । ୬ ଇଞ୍ଜା ତାନି ତଲେ ମାଙ୍ଗେ ହାକିଟି ନିକହାନା କ୍ରୀସୁ ଜୀସୁ ତାଣା ଲାକପୁରୁ କୁରି କିହାମାଞ୍ଜାନେସି । ୭ କ୍ରୀସୁ ଜୀସୁ ତାଣା ମାଙ୍ଗେତାକି ଜୀଝୁନହାନା ଖାହମାନି ଜୁଗୁତା ତାନି କାର୍ମାଟି ହାରେକା ଦନ ତସାଲି ମାହାପୁରୁ ଇଦାଆଁ କିତେସି । ୮ ଏନାଆଁତାକି ଇଚିହୁଁ ମୀରୁ ନାମିତାକି ମାହାପୁରୁତି କାର୍ମାଟି ଗେଲପି ଆହାମାଞ୍ଜେରି; ଏଦି ମୀ ତାଣାଟି ଆହା ହିଲେଏ, ଏଦି ମାହାପୁରୁତି ଦାନା, ୯ ଏଦି ମୀରୁ କାମା କିତାକି ଆଏ, ଏଦାଆଁତାକି ଆମ୍ବାଆସି ବତପଣ କିଆପେସି । ୧୦ ଇଚିହୁଁ ମାର ତାନି ତାଣାଟି ଗାଡ଼ି ଆହାମାନାୟି; ଆମିନି ନେହୁଁ କାମା କିଞ୍ଜ ଇଞ୍ଜା ମାହାପୁରୁ ତଲିଏ କିହାଲି ତାକି ତିୟାରା କିହାମାଚେସି ଏ ବାରେ ମାନଞ୍ଜି ଆହାଲି କ୍ରୀସୁ ଜୀସୁ ତାଣାଟି ଗାଡ଼ି ଆହାମାନେ ।

କ୍ରୀସୁ ତାଣା ରଣିଏ ଆନାୟି

୧୧ ମୀରୁ ଏଚିବେଲା ତଲି ଆଙ୍ଗା ତଲେ ଜୀହୁଦିଆଆନା ମାଚେରି ଅଡେ ଆଙ୍ଗାଟି ଅଣ୍ଡପୁତା କେୟୁତଲେ ତଲୁ ଦାପି ଆଡି ଲକୁ ତାଣାଟି ତଲୁ ଦାପି ଆଆତାରି ଇଞ୍ଜା ଖେଜିମାଚେରି । ୧୨ ଏଚିବେଲା ମୀରୁ କ୍ରୀସୁ ତାଣାଟି ହେକ ମାଚେରି, ମୀରୁ ଏବକା ଦେସାତାଚେରି ମାଚେରି, ଅଡେ ମାହାପୁରୁତି ଆଡିତି ଇସ୍ରାୟେଲ କୁଡାତା ଆଣ୍ଡାହିଲାଆଚେରି,

ମାହାପୁରୁ ତାନି ଲକୁତାକି କିହାମାନି ରାଜିମାନାତା ମୀ ଏଦି ବାଗା ହିଲାଆତେ, ମାହାପୁରୁ ଅଡେ ବାସୁଁ ହିଲାଆ ଲକୁ ଲେହେଁ ଦାରତିତା ବାସା କିହାମାଚେରି । ୧୩ ନକେଏ ମୀରୁ ହେକ ମାଚେରି, ସାମା ନୀର୍ବ ମୀରୁ କ୍ରୀସୁ ଜୀସୁ ତାଣାଟି ତାନି ନେତେରି ତଲେ ତାଗେ ଆହାମାଞ୍ଜେରି । ୧୪ ଏନାଆଁତାକି ଇଚିହୁଁ ଏଞ୍ଜାସି ମା ହିଡ଼ିଡ଼ି, ଏଞ୍ଜାସି ସାତୁ ଲେହେଁ ପାଡ଼ି କାତିନି କାତିତି ତିକହାନା ବାରେତି କାଲହା ମାନେସି, ୧୫ ଜୀହୁଦି ଲକୁତି ପାଣାପାଟୁ ହୁକୁମିତି ମୋରାତି ତାନି ଆଙ୍ଗାଟି ହେକ କିହାମାନେସି, ଏଦିକି ଏଞ୍ଜାସି ହିଡ଼ିଡ଼ି ହାହାନା ଜୀହୁଦି ଅଡେ ଜୀହୁଦିଆଆତି କୁଡାତାରାଇଁ ତାନି ତାଣା ର ପୁଠନି ଲକୁଲେହେଁ ଗାଡ଼ି କିନେସି । ୧୬ ଅଡେ କୁସତା ହାହାନା ଜୀହୁଦି ଅଡେ ଜୀହୁଦିଆଆତାରି ସାତୁତି ନାସା କିହାନା ଏଦାଣି ତଲେ ରିଆରାଇଁ ରଣିଏ ଆଙ୍ଗା ଲେହେଁ ଗାଡ଼ିକିହାନା ମାହାପୁରୁ ତଲେ ଆଣ୍ଡିକିୟାନେସି । ୧୭ ଅଡେ ହେକ ମାଟି ଜୀହୁଦିଆଆତି ଲକୁଣି ଅଡେ ତାନି ତାଗେ ମାନି ଜୀହୁଦି ଲକୁ ଇ ରିଆରି ତାଣା ଏଞ୍ଜାସି ଖାହାନା ହିଡ଼ିଡ଼ିତି ନେହୁଁ କାରୁ ଖେକହେସି; ୧୮ ଏନାଆଁତାକି ଇଚିହୁଁ କ୍ରୀସୁତି ତାକି ବାରେ ଜୀହୁଦିୟାଁ ଅଡେ ଜୀହୁଦିଆଆତି ଲକୁ ରଣିଏ ସୁଦୁଜୀଝୁତି ଲାକପୁରୁ ଆବା ତାଣା ହାଜାଲି ଜିରୁ ବେଟାଆହାମାନାୟି ।

୧୯ ଏଦାଆଁତାକି ମୀରୁ ଏବକା ଦେସାତାଚେରି ଇ ଦେସାତାଚେରି ଆଏ, ସାମା ମାହାପୁରୁ ଲକୁତଲେ ଆଣ୍ଡାନା ଏଞ୍ଜାରି ଦେସାତି ଲକୁ, ଅଡେ ମାହାପୁରୁ ଇଲୁ କୁଟମିଚେରି । ୨୦ ମୀରୁ ପାଣ୍ଡୁଞ୍ଜି ଆହାମାନାରି ଅଡେ ମାହାପୁରୁ ଅଣ୍ଡପୁତି ବଲୁ ଖେହନାରି ଇଟାମାନି ପୁନାଦି ମୁହେଁ ଇବକି ଆହାମାଞ୍ଜେରି, କ୍ରୀସୁ ଜୀସୁ ତାନୁଏ, ଏ କନତି ମୂଲୁ ଖାଲି । ୨୧ ଏଞ୍ଜାଣି ତାଣା ବାରେ ଇଲୁତି ବାରେ କାତିୟାଁ ଦୂର୍ସାନା ପ୍ରବୁ ତାଣା

ର ସୁଦ୍ଧୁ ଆଞ୍ଜାମାନି ମାହାପୁରୁ ଇଲ୍ଲୁ  
ଲେହେ ପାତାଆହିମାନେ । ୨୨ ଏଞ୍ଜାଣି  
ତାଣା ମୀରୁ ଜିକେଏ ମା ତଲେ ଆଣ୍ଡାନା  
ସୁଦ୍ଧୁଜୀଞ୍ଜୁଟି ମାହାପୁରୁ ବାସାଆନ୍ତି ଇଲ୍ଲୁ  
ଲେହେ ଦସ୍‌ପି ଆହାମାଞ୍ଜେରି ।

### ୩

ଏଟକା ଲକୁତାଣା ପାଞ୍ଜୁଲତି କାମା

୧ ଇଦାଆଁତାକି ମୀ ଲେହେତି  
ଜୀହୁଦିଆଆତି ଲକୁତାକି କ୍ରୀସ୍ତ ଜୀସୁ  
ତାକି ଦସ୍‌ପି ଆହାମାନି ପାଞ୍ଜୁଲତେଏ  
। ୨ ମିଙ୍ଗେତାକି ନାଙ୍ଗେ ହାହାମାଞ୍ଜାନି  
ମାହାପୁରୁତି କାର୍ମାଟି ସେବାକିନି କାମାତି  
କାତା ମୀରୁ ଖେଞ୍ଜାମାଞ୍ଜେରି, ୩ ଅଡ଼େ  
ଡ଼ଗ୍‌ମାନି କାତା ମାହାପୁରୁ ତାନୁଏ  
ତସାନା ପୁଣ୍ଡି କିୟାତେସି, ଏନିକ  
ନାନୁ ତଲି ଏ ବାରେ କାତା ଇତାଣି  
ରାଚାମାଙ୍ଗ; ୪ ମୀରୁ ଏଦାଆଁ ପଡ଼ଞ୍ଜି  
ଆହାନା କ୍ରୀସ୍ତତି ଡ଼ଗ୍‌ମାନି କାତା ନାନୁ  
ଏନାଆଁ ତେଲହାମାଙ୍ଗ ଏଦାଆଁ ମୀରୁ  
ତେଲହାଲି ଆଡ଼ିଦେରି, ୫ ତଲି କାଲ୍ଲାତା  
ମାଣସିୟାଁ ତାଣା ତଞ୍ଜା ଆହାହିଲ୍ଲାଆତେ,  
ଏ ଡ଼ଗ୍‌ମାନାୟି ନୀଏଁ ସୁଦ୍ଧୁଜୀଞ୍ଜୁଟି ତାନି  
ସୁଦ୍ଧୁତି ପାଣ୍ଡୁଞ୍ଜି ଆହାମାନାରି ଅଡ଼େ  
ମାହାପୁରୁ ଅଣ୍ଡୁପୁତି ବଲ୍ଲୁ ଖେହନାରି  
ତାଣା ଏନିକ ତଞ୍ଜା ଆହାମାନେ,  
୬ ଏ ଡ଼ଗ୍‌ମାନି କାତା ଇଦି ନେହ  
କାରୁ ତାଣାଟି ଜୀହୁଦିୟାଁ ମାହାପୁରୁତି  
ବର ବେଟାଆନ୍ତି ଲେହେ, ଏଟକା  
କୃତାତାରି ଜିକେଏ ବାରେଜାଣା ଆଣ୍ଡାନା  
ର ଆଙ୍ଗା ଲେହେ ଆହାନା କ୍ରୀସ୍ତ ଜୀସୁ  
ତାଣାଟି ମାହାପୁରୁ ଆଞ୍ଜାମାନାଣି ବାରେ  
ବେଟାଆନେରି ।

୭ ମାହାପୁରୁତି କାମା କିନି ବାଡ଼ୟୁ  
ତଲେ ନାଙ୍ଗେ ଏମିନି କାର୍ମାତି ଦାନା  
ହାହାମାଞ୍ଜାନେସି ଏଦାଆଁତାକି ଏ  
ନେହ କାରୁତି ଖେକନାତେଏ  
ଆହାମାଙ୍ଗ । ୮ ମାହାପୁରୁ ଲକୁ  
ବିତ୍ରାଟି ନାନୁ ବାରେତି କିହାଁ  
ଉଣାତେଏଁ ମାଟି ଜିକେଏ ଏଟକା  
କୃତାତି ଲକୁତାଣା ଏଜିକିହାଲି

ଆଡ଼ାଆଗାଟି କ୍ରୀସ୍ତତି କାର୍ମାତି ନେହ  
କାରୁ ଖେକହାଲି ମାହାପୁରୁ ପାରୁ  
ହାହାମାଞ୍ଜାନେସି, ୯ ଅଡ଼େ ବାରେ  
ଗାଡ଼ିକିତି ମାହାପୁରୁ ତାଣା ତଲି  
କାଲ୍ଲାଟିଏ ଡ଼ଗ୍‌ମାନି କାତାତାକି ଏଞ୍ଜାଣି  
ଅଣ୍ଡୁ ଏନାୟି ଏଦାଆଁ ଉଜେଡ଼ିତା  
ତସାଲି ତାକି ମାହାପୁରୁତି କାର୍ମା  
ମେଡ଼ା ଆହାମାଞ୍ଜାନେ, ୧୦ ଏନିକିହ  
ନୀଏଁ କ୍ରୀସ୍ତାନା କୁଲମିତି କାମାଟି  
ଲକପୁରୁତି ସାଲ୍ଲୁଞ୍ଜି କିନାରି ବାଡ଼ୟୁ  
ଗାଟି ମାହାପୁରୁତି ବୁଦି ନେହ କ  
ପୁଞ୍ଜାଲି ଆଡ଼ିନେରି, ୧୧ ମାହାପୁରୁ  
ତାନି କାଲ୍ଲାକାଲ୍ଲାତି ଅଣ୍ଡୁ ଲେହେ  
ମା ପ୍ରବୁ କ୍ରୀସ୍ତ ଜୀସୁ ତାଣାଟି ବାରେ  
କିହାମାନେସି । ୧୨ ଏ ପ୍ରବୁ ତାଣା  
ନାମାମାନାକି ମାର ଏଞ୍ଜାଣି ତାଣା  
ସାସାଟି ଆଜାଆନା ମାହାପୁରୁ ତାଣା  
ହାଜାଲି ସାସା ବେଟାଆହାମାନାୟି  
। ୧୩ ଏଦାଆଁତାକି ନାନୁ ମିଙ୍ଗେ  
ବାଡ଼ିମାଲିମାଞ୍ଜାଙ୍ଗ, ମିଙ୍ଗେତାକି ନାନୁ  
ବେଟାଆହିମାନି ଦୁକୁ କସ୍ତ ତାକି ସାସା  
ପିହଆଦୁ, ସାତେଏ ଏଦି ମୀ ଗାଞ୍ଜୁରମି  
ତାକି ଆହାମାନେ ।

### କ୍ରୀସ୍ତତି ଜୀଞ୍ଜୁନନାୟି

୧୪ ଏଦାଆଁତାକି ଆମିନି ଆବା  
ତାଣାଟି ଲକପୁରୁ ଅଡ଼େ ଦାର୍ଡିତି  
ବାରେ କୁଟମି, ତାନି କୃତାତି ଦରୁ  
ବେଟାଆହାମାନେ, ୧୫ ଏ ମାହାପୁରୁ  
ଆବା ନକିତା ମେଣ୍ଡାକୁତାନା ପ୍ରାତାନା  
କିହିମାଙ୍ଗ । ୧୬ ଏନିକ ଏଞ୍ଜାସି ତାନି  
ଗାଞ୍ଜୁରମିଗାଟି ଦନ ତାନି ସୁଦ୍ଧୁଜୀଞ୍ଜୁ  
ତଲେ ମିଙ୍ଗେ ମୀ ଅଣ୍ଡୁପୁତା ତୀରି  
ମାଣସି ଆହାଲି ବାଡ଼ୟୁ ହିୟାନେସି,  
୧୭ ମୀ ନାମୁତଲେ କ୍ରୀସ୍ତ ମୀ ହିୟାତା  
ବାସା କିନେସି, ଏନିକ ମୀ ଜୀଞ୍ଜୁ  
ନଞ୍ଜୁତା ପୁନାଦି ଅଡ଼େ ଆଟ୍‌ଞ୍ଜା ତଲେ  
ତୀରିଆହାନା ଏଜିକିହାଲି ଆଡ଼ାଆଗାଟି  
କ୍ରୀସ୍ତତି ଜୀଞ୍ଜୁ ନଞ୍ଜୁ, ୧୮ ଏଦାଆଁ ପୁଞ୍ଜୁ  
ଇଞ୍ଜା ବାରେ ମାହାପୁରୁ ଲକୁତଲେ  
ଏମ୍ବାତି ଅସାରା ଅଡ଼େ ଲାମ୍ବା ପାଡ଼ଣି

☆ ୩:୪ ୩:୪ କଲସି ୧:୨୬,୨୭

ଅଡ଼େ ଗାଡ଼ମୁତି ପୁଞ୍ଜାଲି ବାଡ଼ମୁ  
ବେଟାଆଦି । ୧୯ ହାଅ ମୀରୁ ଏନିକ  
କ୍ରୀସ୍ତ ଜୀଞ୍ଜୁ ନନାଣି ପୁଞ୍ଜେରି ଆତିହ  
ଜିକେଏ ଏଦାଆଁ ନେହଁକ  
ପୁଞ୍ଜାଲି  
ଆଏ, ଅଡ଼େ ଏଲେକିହଁ ମାହାପୁରୁତି  
ଗୁଣ୍ଡୁତଲେ ପାତାଆଦୁ ।

୨୦ ଆମିନି ମାହାପୁରୁ ମା ହିୟାତା  
କାମା କିହିମାନି ତାନି ବାଡ଼ମୁ ତଲେ  
ମାର ରାହନାଣି ଅଡ଼େ ଅଣ୍ପିନାଣି କିହାଁ  
ହାରେକା ଆଗାଡ଼ା ହିୟାଲି ଆଡ଼ାନେସି,  
୨୧ କୁଲମିତି ଅଡ଼େ କ୍ରୀସ୍ତ ଜୀସ୍ତ ତାଣାଟି ଏ  
ମାହାପୁରୁତି ଗାଞ୍ଜୁରମି କାଲ୍ଲକାଲ୍ଲତାକି  
ମାଣ୍ଡେ । ଆମେନ ।

## ୪

ରଣ୍ଡିଏ ଆଜ୍ଞା

୧ ପ୍ରବୁତି ସେବାତାକି ନାନୁ କାୟିଦିତା  
ମାଲ୍, ମିଙ୍ଗେ ବାତିମାଲିମାଞ୍ଜାଲ୍,  
ଏନିକ  
ନୀତାବାଡ଼କାଲି ତାକି  
ମାହାପୁରୁ ମିଙ୍ଗେ ହାଟାମାଞ୍ଜାନେସି,  
ଏଲେତି ମାଣ୍ଡକି ତଲେ ମାଞ୍ଜୁ ।

୨ \*ଇତିହଁ ବାରେଲେହେଁତି ଉଣା  
ଗାଟାତେରି, ସୁଦୁ ସୁଞ୍ଜାଲା, ହାରେକା  
ଅରୁହିନାତେରି ଅଡ଼େ ଜୀଞ୍ଜୁନହାଁନା  
ରଅତେରି ରଅଣାଲ୍ ଅରୁହିନାତେରି  
ଆଦୁ; ୩ ମୀରୁ ବାରେଜାଣା ତେରି  
ହିଡ଼ଡ଼ିତି ଡ଼ରିତଲେ ଦସ୍ପି ଆହାନା  
ସୁଦୁଜୀଞ୍ଜୁ ବାଡ଼ମୁତି ରଣ୍ଡିଏ ଲେହେଁ  
ଆହାଲିତାକି ଜାଡ଼ନୁ ଆଦୁ । ୪ ଆଜ୍ଞା  
ରଣ୍ଡିଏ, ସୁଦୁଜୀଞ୍ଜୁ ଜିକେଏ ରଣ୍ଡିଏ,  
ଏନିକ  
ମୀରୁ ମୀ ହାଟାମାନି ରଣ୍ଡିଏ  
ବାର୍ସୁ ତଲେ ହାଟକି ଆହାମାଞ୍ଜେରି;  
୫ ପ୍ରବୁ ରଅସିଏ, ନାମୁ ରଣ୍ଡିଏ ଅଡ଼େ  
ବାପ୍ରିସ୍ତ\* ଜିକେଏ ରଣ୍ଡିଏ, ୬ ବାରେ  
ମାଣ୍ଡସିୟାତି ରଣ୍ଡିଏ ମାହାପୁରୁ ଅଡ଼େ  
ତାଞ୍ଜି; ଏଞ୍ଜାସି ବାରେତି ମୁହେଁ, ବାରେତି  
ବିତ୍ତା ଇଞ୍ଜା ବାରେତି ହିୟାତା ମାନେସି ।

୭ ସାମା କ୍ରୀସ୍ତ ଦାନା ଏଚେକା  
ବେଟାଆନାୟି ମାନେ ଏଚେକା  
ମାଙ୍ଗେ ବାରେଜାଣା ତାକି ମାହାପୁରୁତି  
କାର୍ମାମେହନାୟି ହୀପକି ଆହାମାଞ୍ଜାନେ

। ୮ ଦାନୁ ସାସ୍ତେରିତା ରାସ୍କି  
ଆହାମାନେ,

“ଏଞ୍ଜାସି ଲାକ ହାଜାନା, ହାରେକା ଦସ୍ପି  
ଆହାମାନାରାଲ୍ ତାନିତଲେ  
ଅଡ଼େସି;

ଅଡ଼େ ମାଣ୍ଡସିୟାକି ଏଟକା  
ଏଟକାତି ବର ହୀତେସି ।”

୯ “ଏଞ୍ଜାସି ଲାକ ହାଚେସି” ଇତିସାରେ  
ଏନାୟି ? ଏଲେଇତିସାରେ ମୁଲୁଏ  
ଏଞ୍ଜାସି ଦାରତିତି ଡ଼ଇ ପାଡେକା  
ରେଟା ଖାହାମାଚେସି । ୧୦ ଆମ୍ବାଆସି  
ଡ଼ଇପୁରୁ ଖାହାମାଚେସି, ବାରେ  
ଦାରତିଲ୍ ତାନୁ ମାଞ୍ଜାନା ବାରେ ପୁରା  
କିହାଲିତାକି ଏଞ୍ଜାସି ଅଡ଼େ ଖେଣ୍ଡେ  
ଲାକପୁରୁ ହାଚେସି, ୧୧ ଏଞ୍ଜାସି ଲକୁତାକି  
ହାରେକା ଦାନା ହୀତେସି; ଆମ୍ବାଆରାଲ୍  
ପାଣ୍ଡୁଞ୍ଜି ଆଡ଼ାରି ଆହାଲି, ଆମ୍ବାଆରାଲ୍  
ମାହାପୁରୁ ଅଣ୍ପୁତି ବଲୁ ଖେକନାରି  
ଆହାଲି, ଆମ୍ବାଆରାଲ୍ ନେହଁ କାବୁ  
ଖେକନାରି ଆହାଲି, ଅଡ଼େ ଏଚର  
ଜାଣାଲ୍ କୁଲମି ଜାଡ଼ନୁ କିନାରି ଅଡ଼େ  
ଜାପନାରି ଆହାଲି ଦାନା ହୀହାମାନେସି,  
୧୨ ଏନିକ  
ମାହାପୁରୁ ଲକୁତି ସେବା  
କାମାତାକି ତାରି ଆହାଲି ଆଡ଼ିନେ ଇଞ୍ଜା  
କ୍ରୀସ୍ତ ଆଜ୍ଞା ପାତାଆହାଲି ଆଡ଼ିନେ  
୧୩ ଏନିକ  
ମୀରୁ ବାରେଜାଣା ନାମୁତା  
ଅଡ଼େ ମାହାପୁରୁତି ମୀରଏଣା କାତାତି  
ବୁଦିତା ରଣ୍ଡିଏ ଆହାଲି ଆଡ଼ିନାୟି,  
ଇତିହଁ କ୍ରୀସ୍ତ ଲେହେଁ ଆହାନା  
ପାତାଆଡ଼ି ଲକୁ ଲେହେଁ ଆନାୟି,

୧୪ ଗାଲି ଖାନାଟି ଅଡ଼େ ଏୟୁ ଉଣ୍ଡାତା  
ଦାକ୍ଷିମାନି କକାରି ପଦାୟା ଲେହେଁ  
ମୀରୁ ଇତାଲା ଆତାଲା ଆଆପ । ଏଟକା  
ଲକୁଣି ଜିରୁ ବାଣି କିହିମାନି ନାଡ଼ିକିନି  
ଅଣ୍ପୁତି ଜାପନି ତାଣା ମୀରୁ ତରଗାଆପ  
। ୧୫ ସାମା ସାତାତି ଆସାନା ତାୟି  
ଲେହେଁତି କ୍ରୀସ୍ତ ଏଞ୍ଜାଣି ତାକି ବାରେ  
ଜୀଞ୍ଜୁ ନଞ୍ଜୁତା ପାତାଆନ । ୧୬ \*ଏଞ୍ଜାଣି  
ତାଣାଟି ବାରେ ଆଜ୍ଞା ବାରେ ହାୟୁଲିକା  
ସାୟେମି ତଲେ ଅଡ଼େ ବାରେ ଆଜ୍ଞାତି  
କାମା କିନି ବାଡ଼ମୁ ତଲେ ଦୂରଞ୍ଜି



ଆହାନା ଜୀଝୁ ନଝୁତା ତାମି ନେହେଁତାକି ଜାହାରାଇଁ ପାତି କିହିମାନୁ ।

କ୍ରୀସ୍ତ ତାଣା ପୁଃନି ଜୀଝୁ

୧୭ ପ୍ରବୁ ଦରୁତଲେ, ନାନୁ ମିଙ୍ଗେ ଜାଗ୍ରାତା କିହାଁ ଝେସିମାଞ୍ଜାଇଁ, ନାମାଆତାରି ଏନିକି ତାମି ମନତା ଉଜେଏତି ଅଣ୍ପୁ ତଲେ ନୀତିନେରି ମୀରୁ ଏଲେକି ନୀତାଆଦୁ, ୧୮ ଏଞ୍ଜାରି ତାମି ତାଣା ମାନି ମୁର୍କୁ ତାକି ଜାହା ଜାହାରା ମନ ଆଟ୍ଝା ମାନାକି ଏଞ୍ଜାରି ମାହାପୁରୁ ହାହାମାନି ଜୀଝୁତି ବୁଦି ଆନ୍ଦେରି ଆହାମାନେ, ଅଡ଼େ ମାହାପୁରୁ ତାଣାଟି ଏଟ୍ଟକା ଆହାମାନେରି; ୧୯ ଏଞ୍ଜାରି ଆଟ୍ଝା ଆହାନା ଦନ ଜୁପକା ଆହାନା ବାରେ ଲାଗେଏତି କାମା କିହାଲି ଜାହାରାଇଁ ହେରପା କତାମାନେରି । ୨୦ ସାମା ମୀରୁ କ୍ରୀସ୍ତଇଁ ଏଲେକିହଁ ଜାପାହିଲଅତେରି । ୨୧ ମୀରୁ ତାନି କାତା ସାତାତଲେ ଝେଞ୍ଜାମାଞ୍ଜେରି, ଅଡ଼େ ଜୀସୁ ତାଣା ମାନି ସାତାତି ତାନିତଲେ ମାଞ୍ଜାନା ଜାପାମାଞ୍ଜେରି, ୨୨ ଇତିହଁ, ମୀରୁ ମୀ ନକେଏତି ମାଣ୍ଡକିତା ନାଡ଼ିକିନି ରାହାଁତା ହାରେ ହାରେକା ଲାଗେଏ ଆହିମାତେ । ୨୩ ମୀ ମନତା ପୁଃନି ଗୁଣୁ ଆହାନା । ୨୪ ଏମିନି ପୁଃନି ଗୁଣୁ ମାହାପୁରୁତି ଝାଣା ତଲେ ଦାର୍ମୁ ଅଡ଼େ ସାତାତି ସୁଦୁତା ଗାଡ଼ି ଆହାମାଞ୍ଜେରି, ଏଦାଆଁ ପରହାଲି ଜାପାମାଞ୍ଜେରି । ୨୫ ଇଦାଆଁତାକି ମିଚିତି ପିସାନା ମୀରୁ ବାରେଜାଣା ତେରି ନାମିତି ତାୟିୟାଁ ତଲେ ସାତା କାତା ଝେସପି ଆଦୁ, ଇତିହଁ ମୀରୁ ରଣ୍ଡିଏ ଆଙ୍ଗାତାୟି । ୨୬ କାର୍ବି ଆଦୁ, ସାମା ପାପୁ କିଆଦୁ; ଝେଡ଼ା ହାଲାଆ ନକେଏ କାର୍ବି ପିହଦୁ; ୨୭ ଅଡ଼େ ସୟତାନକି ଚାୟୁ ହାଆଦୁ । ୨୮ ସରୁ ଅଡ଼େ ସରୁ କିଆପେସି, ଇତିହଁ ହିଲାଆ ଗାଟାରାକି ହାହାଲିତାକି ଏନିକିହଁ ତାନି ତାଣା ଏନାୟି ଡ଼ୟିନେ, ଇଦାଆଁତାକି ତାନି କେୟୁତଲେ ନେହଁ କାମା କିହାନା

କସ୍ତ କିପେସି । ୨୯ ମୀ ଗୁଡ଼ିଟି ଏନି ଲାଗେଏତି କାତା ହୁଆପେ, ମୀ ଲଡ଼ାମାନି ଲେହେଁ ନେହଁ କାତା ହପେ ଏନିକି ଏଡ଼ି ଝେନାରାକି ନେହାୟି ଆନେ । ୩୦ ମାହାପୁରୁତି ସୁଦୁଜୀଝୁ ତଲେ ମିଙ୍ଗେ ଗେଲପିନି ଦିନାତାକି ବୁରୁ ମୁଦ୍ରା କିଝି ଆହାମାଞ୍ଜେରି ଏଦାଣି ଦୁକୁ ହାଆଦୁ । ୩୧ ବାରେଲେହେଁତି କୁରୁ ଅଣ୍ପୁ, କାର୍ବି, କପା, ଗଡ଼ହା ଅଡ଼େ ନିନ୍ଦା, ଇଞ୍ଜା ବାରେଲେହେଁତି ଅପାଆଗାଟାୟି ମୀ ତାଣାଟି ହେକ ଆପେ । ୩୨ ଅଡ଼େ, ରଅତେରି ରଅଣାଇଁ କାର୍ମା ଅଣ୍ପାପୁ, ହିଡ଼ଡ଼ି ହିୟାଁ, ଅଡ଼େ ମାହାପୁରୁ କ୍ରୀସ୍ତ ତାଣା ମିଙ୍ଗେ ଏନିକିହଁ ଦହ ପିସ୍ତାନେସି, ଏଲେକିହଁ ରଅତେରି ରଅଣି ଦହ ପିହଦୁ ।

**୫**

ଉଜେଡ଼ିତା ନୀତିନାୟି

୧ ମୀରୁ ମାହାପୁରୁତି ଜୀଝୁତି ମୀରକା ମାସକାତେରି ଆହାମାନାକି, ମାହାପୁରୁ ଲେହେଁ ଆଦୁ; ୨ କ୍ରୀସ୍ତ ଏନିକି ମିଙ୍ଗେ ଜୀଝୁ ନୟାଁତେସି, ଅଡ଼େ ମା ତାକି ମାହାପୁରୁ ତାକି ଗାନ୍ଦାଗାଟି ନେହଁ ପୂଜାଲେହେଁ ଜାହାରାଇଁ ହେରପାକତିତେସି, ମୀ ଜୀଝୁତା ଜିକେଏ ଏଲେକିହଁ ଜୀଝୁ ନଝିଆହାନା ନୀତାଦୁ ।

୩ ସାମା ଦାରିକାମା, ବାରେଲେହେଁତି ଲାଗେଏତି କାମା କି ଜୁପକା, ଇ ବାରେ ମୀ ତାଣା ଚାୟୁ ବେଟା ଆଆପେ; ଏଡ଼ି ମାହାପୁରୁ ଲକୁତାଣା ନେହାୟି ଆଏ; ୪ ଅଡ଼େ ଏନାୟି ଆଆଗାଟାୟି, ଅଜାଆତି କାତା, ଲାଗେଏତି କାତା, ଲକୁଣି ଲାଜା କିହାଁ କାକନାୟି ମୀ ବିତ୍ରା ତଞ୍ଜା ଆଆପେ, ସାମା ବାରେ କାତାତାକି ମାହାପୁରୁଇଁ ଜହରା କିଦୁ । ୫ ଇତିହଁ ମୀରୁ ସାତେଏ ପୁଞ୍ଜାମାଞ୍ଜେରି, ଏମିନି ଦାରି କାମାକିନାସି କି ଲାଗେଏତି କାମାକିନାସି କି ହାରେକା ଜୁପକା ଆନାସି ଏଞ୍ଜାସି ପେଣ୍ଡାକା ବମାୟିତି ପୂଜା

☆ ୪:୨୨ ୪:୨୨ କଲସି ୩:୯ ☆ ୪:୨୪ ୪:୨୪ କଲସି ୩:୧୦ ☆ ୪:୩୨ ୪:୩୨ କଲସି ୩:୧୩

କିନାସି, ଏଲେଡି ଲକ୍ଷ୍ମି କ୍ରୀସ୍ତ ଅଡେ  
ମାହାପୁରୁତି ରାଜିତା ଅଦିକାରା ହିଲେଏ  
।

୭ ଆମ୍ବାଆସି ମିଙ୍ଗେ ଉଜେଏତି  
କାତା ଝେସାନା ନାଡ଼ି କିୟାଆପେସି,  
ଏନାଆଁତାକି ଇଚିହଁ ଇ ବାରେ  
ଲାଗେଏତି କାମାତାକି କାତା ମାନୁଝି  
ଆଆଗାଟି ମୀରକା ମୁହେଁ ମାହାପୁରୁତି  
କାରବି ଝାନେ । ୭ ଇଦାଆଁତାକି, ମୀରୁ  
ଏଞ୍ଜାରିତଲେ ଏଞ୍ଜାରିଲେହେଁ ଆଆଦୁ;  
୮ ଏନାଆଁତାକି ଇଚିହଁ ମୀରୁ ତଲି  
ଆନ୍ଦେରି ଲେହେଁ ମାଚେରି, ସାମା  
ନୀଏଁ ପ୍ରବୁତି ଲକ୍ଷ୍ମି ଆଡାକି ଉଜେଡ଼ି  
ଲେହେଁ ଆହାମାଞ୍ଜେରି; ଉଜେଡ଼ିତି  
ମୀରକା ଲେହେଁ ତାକାଦୁ, ୯ ଇଚିହଁ  
ବାରେଲେହେଁତି ନେହାୟି, ଦାମ୍ବୁଗାଟାୟି  
ଅଡେ ସାତା ଉଜେଡ଼ିତି ପାଡେୟି  
ଲେହେଁ, ୧୦ ପ୍ରବୁକି ଏନାୟି ନେହେଁ,  
ଏଲେଡି କାମା କିହାଲି ଜାପାଦୁ; ୧୧ ଲକ୍ଷ୍ମି  
ଆନ୍ଦେରିତା ଆମିନି ବାରେ ଲାଗେଏତି  
କାମା କିହମାନେରି, ଏ ବାରେ କାମାତା  
ଆଣ୍ଡାଆଦୁ, ଇଞ୍ଜା ଏଞ୍ଜାରି ବାରେ କାମାତି  
ଦହ ତହୁଦୁ । ୧୨ ଏନାଆଁତାକି ଇଚିହଁ  
ଏଞ୍ଜାରି ଏନାଆଁ ତରୁନା କିନେରି, ଏ  
ବାରେ କାତା ଝେହୁନାୟି ଜିକେଏ  
ଲାଜାତି କାତା, ୧୩ ସାମା ବାରେ  
ଲାଗେଏତି କାମା ଉଜେଡ଼ି ତଲେ  
ତସ୍ପିଆନେ, ଏନାୟି ବାରେ ତଞ୍ଜାଆନେ  
ଏଡି ବାରେ ଉଜେଡ଼ି । ୧୪ ଏଦାଆଁତାକି  
ରାସ୍ତକି ଆହାମାନେ,

“ଇଦା କିହାମାନାତେରି, ନିଙ୍ଗାଦୁ,  
ହାଡାରି ତାଣାଟି ନିଙ୍ଗାଦୁ,  
ଅଡେ କ୍ରୀସ୍ତ ମିଙ୍ଗେ ଉଜେଡ଼ି ହିୟାନେସି  
।”

୧୫ ଇଚିହଁ ବୁଦି ହିଲାଆ  
ଗାଟାରିଲେହେଁ ଆଆନା ବୁଦି ମାନାରି  
ଲେହେଁ ମୀ ନୀଡିନାଣି ତାକି ଜାଗ୍ରାତା  
ଆଦୁ, ବୁଦି ହିଲାଆଗାଟାତେରି ଲେହେଁ  
ଆଆନା ବୁଦି ଗାଟାତେରି ଲେହେଁ  
ଆଦୁ । ୧୬ \* ପାଗାତି ନେହଁ କଁ  
ଲେମ୍ବାଦୁ, ଏନାଆଁତାକି ଇଚିହଁ କାଲ୍ଲା

ଲାଗେଏତାୟି । ୧୭ ଏଦାଆଁତାକି, ବୁଦି  
ହିଲାଆ ଗାଟାରିଲେହେଁ ଆଆନା ପ୍ରବୁତି  
ଅଣ୍ଡୁ ଏନାୟି ଏଦାଆଁ ତେଲହାଦୁ ।

୧୮ ଅଡେ କାଡ଼ୁ ଗସାନା ହଡାଆଦୁ,  
ଏନାଆଁତାକି ଇଚିହଁ ଏଞ୍ଜି ମିଙ୍ଗେ ନାସା  
କିୟାନୁ; ସାମା ପାରୁ, ସୁଦୁଜୀଞ୍ଜୁଟି ଜହରା  
କିହଁ ରଅତେରି ରଅଣାଈ ବାସୁଁ ହାଦୁ,  
୧୯ \*ଅଡେ ମୀ ହିୟାଁ ମାହାପୁରୁ ତାକି  
ସୁଦୁଜୀଞ୍ଜୁ ତଲେ ଜହରା ପାରୁ ପାଟାଦୁ  
। ୨୦ ବାରେବେଲା ବାରେ କାତାତାକି  
ପ୍ରବୁ ଜୀସୁ କ୍ରୀସ୍ତତି ଦରୁତଲେ ଆବା  
ମାହାପୁରୁଈ ଜହରା କିଦୁ ।

ତକ୍ରି ଅଡେ ତକ୍ରି  
୨୧ ଅଡେ କ୍ରୀସ୍ତଈ ଆଜାନା ରଅତେରି  
ରଅଣାଈ ମାନି କିଦୁ ।

୨୨ \*ଏ ଆୟାସିକା ମୀରୁ ଏନିକଁ  
କ୍ରୀସ୍ତଈ ମାନି କିହମାନି ଲେହେଁ ମୀରୁ ମୀ  
ତକ୍ରାୟାଣି ମାନି କିଦୁ, ୨୩ ଇଚିହଁ କ୍ରୀସ୍ତ  
ଏନିକଁ କୁଲମିତି ତାୟି ଲେହେଁ,  
ତକ୍ରା ଜିକେଏ ଏଲେକଁ ତକ୍ରିନି ତାୟି  
ଲେହେଁତାସି, ଇଞ୍ଜା କ୍ରୀସ୍ତ ତାନି ଆଙ୍ଗା  
ଲେହେଁତି କୁଲମିତି ଗେଲପିନେସି ।  
୨୪ ହାଅ, କୁଲମି ଏନିକିହଁ କ୍ରୀସ୍ତଈ  
ମାନି କିନେ, ଏଲେକିହଁ ତକ୍ରିସିକା  
ଜିକେଏ ବାରେ କାତାତା ତାନି ତକ୍ରାୟାଣି  
ମାନି କିଦୁ ।

୨୫ \*ଏ ତକ୍ରାୟାତେରି, କ୍ରୀସ୍ତ ଏନିକଁ  
କୁଲମିତି ଜୀଞ୍ଜୁ ନଡେସି, ମୀରୁ ଜିକେଏ  
ଏଲେକିହଁ ମୀ ତକ୍ରିସିକାଣି ଜୀଞ୍ଜୁନଦୁ;  
ଇଚିହଁ ଏଞ୍ଜାସି ଏଦାନାକି ତାନି ଜୀଞ୍ଜୁ  
ହୀତେସି, ୨୬ ଏଞ୍ଜାସି କୁଲମିତି ବଲ୍ଲୁ  
ଅଡେ ଏୟୁତଲେ ନରହାନା ମାହାପୁରୁ  
ତାକି ସୁଦୁ କିହାନା ହେରପିତେସି,  
୨୭ ଏନିକଁ କୁଲମି ଗାହାଁଗାରି, ଅଡେ  
ଦହ ହିଲାଆଗାଟାୟି ଆହାନା ସୁଦୁ  
ଗାଟାୟି ଆନେ, ଅଡେ ଏଲେକିହଁ ଏ  
ଗାଞ୍ଜୁରମି ତଲେ ମାହାପୁରୁ ତାନି ତାଣା  
ଅନେସି । ୨୮ ଏଲେକିହଁ ତକ୍ରାୟାଁ  
ଜିକେଏ ତାନି ତକ୍ରିସିକାଣି ଜାହାରା

\* ୫:୧୬ ୫:୧୬ କଲସି ୪:୫    \* ୫:୧୯ ୫:୧୯ କଲସି ୩:୧୬, ୧୭    \* ୫:୨୨ ୫:୨୨ କଲସି ୩:୧୮; ୧ପିତ  
୩:୧    \* ୫:୨୫ ୫:୨୫ କଲସି ୩:୧୯; ୧ପିତ ୩:୭

ଆଜ୍ଞା ଲେହେଁ ଜୀଝୁନନାୟି ମାନେ, ଆମ୍ବାଆସି ଜାହାରା ତକ୍ତିନି ଜୀଝୁ ନନେସି, ଏଝାସି ଜାହାରାଇଁ ଜୀଝୁ ନନେସି; ୨୯ ଆମ୍ବାଆସି ଜିକେଏ ଜାହାରା ଆଜ୍ଞାତି ନାନୁ ଅପଅଁ ଇଞ୍ଜିଁ ଇନଅସି, ସାମା ତାନି ଆଜ୍ଞା ତାକି ତିନେସି ଉନେସି ଅଡ଼େ ଜାଡ଼ନୁ ଇଚିନେସି, କ୍ରୀସ୍ତ ଜିକେଏ କୁଲମିତାକି ଏଲେକିହଁ କିନେସି, ୩୦ ଏନାଆଁତାକି ଇଚିହଁ ମାର୍ ତାନି ଆଜ୍ଞାତି ଆଜ୍ଞା ଉଡ଼େଲି ତାୟି । ୩୧ ଦାମ୍ପୁପତିତା ରାସ୍‌କି ଆହାମାନେ, “ଇଦାଣି ତାକି ଆବାଟି ତାଲି ତାଞ୍ଜିଇଁ ପିସାନା ଜାହାରା ତକ୍ତି ତାଣା ଆଣ୍ଟିନେସି, ଅଡ଼େ ଏ ରିଆରି ରଣ୍ଟିଏ ଆଜ୍ଞା ଆନେରି ।” ୩୨ ଇ ଦାମ୍ପୁ ସାପ୍ତେରିତା ରାସ୍‌କି ଆହାମାନି ତାଣା ହାରେକା ଡ଼ଗୁମାନି କାତା ମାନେ, ସାମା ନାନୁ କ୍ରୀସ୍ତ ଅଡ଼େ କୁଲମିତି କାତା ଝେସିମାଞ୍ଜାଇଁ । ୩୩ ଏନାୟି ଆପେ, ମୀରୁ ବାରେଜାଣା ଜାହାରା ତକ୍ତିଇଁ ଜାହାରା ଜୀଝୁ ଲେହେଁ ଜୀଝୁନଦୁ, ଇଞ୍ଜାଁ ତକ୍ତି ଜିକେଏ ଜାହାରା ତକ୍ତାଇଁ ମାନି କିନାୟିମାନେ ।

୨

ତାଲି ତାଞ୍ଜି ଅଡ଼େ କକାରି ପଦ୍ଦା  
 ୧ \*କକାରି ପଦାୟାତେରି, ପ୍ରବୁତି ତାକି ମୀ ତାଲି ତାଞ୍ଜି କାତା ମାନଞ୍ଜି ଆଦୁ; ଇଚିହଁ ଏଡ଼ି ମିଙ୍ଗେ ତାକି ନେହାୟି । ୨ “ମୀ ତାଲି ତାଞ୍ଜିଇଁ ମାନି କିଦୁ, ଇଦି ମାହାପୁରୁ ଆଞ୍ଜାମାନି ର କାଜା ହୁକୁମି, ୩ ଏନିକିହଁ ମିଙ୍ଗେ ନେହଁ ଆନେ, ଇଞ୍ଜାଁ ମୀରୁ ଦାର୍‌ତିତା ହାରେକା ଦିନା ନୀଡ଼ିଦେରି ।” ୪ \*ତାଲି ତାଞ୍ଜି ତେରି, ମୀ କକାରି ପଦାଣି କପା କିଆଦୁ, ସାମା ଏଝାରାଇଁ ପ୍ରବୁତି କାତା ଜାପଦୁ ଅଡ଼େ ସେଡ଼ନା ତଲେ ପହିକିଦୁ ।

ହଲିୟା ଅଡ଼େ ସାଝୁକାରି  
 ୫ \*ଏ ହଲିୟାଙ୍ଗାତେରି, ମୀରୁ ଏନିକିଁ କ୍ରୀସ୍ତଇଁ ମାନଞ୍ଜି ଆହିମାଞ୍ଜେରି,

ଏଲେକିହଁ ଆଜି ଅଡ଼େ ତୀରୁଗିହଁ ତୀରି ହିୟାଁ ତଲେ ମୀ ଦାର୍‌ତିତି ସାଝୁକାରିୟାଁ କାତା ଆହଦୁ; ୬ ମାଣସିଇଁ ରାହାଁ କିନିଲେହେଁ ତାମି ନକିତା ଏଦାଆଁ କିଆଦୁ, ସାମା କ୍ରୀସ୍ତତି ହଲିୟା ଲେହେଁ ହିୟାଁ ତଲେ ମାହାପୁରୁତି ଅଣ୍ଟପୁ ତୀରିକିଦୁ । ୭ ଝାରଇ ମାଣସିୟାଁତି ସେବା କିହିମାନମି ଇଞ୍ଜିଁ ଅଣ୍ଟପାନା ପ୍ରବୁତି ସେବା କିନିଲେହେଁ ରାହାଁତଲେ ଏଦାଆଁ କିଦୁ, ୮ ଇଦାଆଁ ପୁଞ୍ଜାନା, ଏଝାସି କଡ଼ିତି ହଲେଏସି ଆପେସି କି ହଲେଏସି ଆଆପେସି ପ୍ରବୁ ବାରେ ଲକୁକି ଏଝାରି ନେହଁ କାମାତାକି ଏଝାରି ଏନାଆଁ ବେଟାଆନାୟି ମାନେ ଏଦାଆଁ ହାନେସି ।

୯ \*ଏ ସାଝୁକାରିୟାଁତେରି, ହଲିୟାଙ୍ଗାଣି ଲାଗେଏ ତଲେ ଲେମ୍ବାଆଦୁ କି ଏଝାରାଇଁ ଆଜିକିଆଦୁ; ମୀରୁ ଅଡ଼େ ମୀ ହଲିୟାଙ୍ଗା ବାରେଜାଣା ତେରି ଲାକପୁରୁତି ପ୍ରବୁତି ହଲିୟାଙ୍ଗାତେରି; ଏଝାସି ବାରେଜାଣାତି ପାରଡ଼ା ବାଟି କିଆନା ବିଚାରା କିନେସି ।

ମାହାପୁରୁତି ଜୁଜୁକିନି ଜୁତି

୧୦ ତାୟୁତି କାତା ଇଦି, ପ୍ରବୁ ତାଣାଟି ବାଡ଼ୟୁ ବେଟାଆହାନା ଏଝାଣି ବାଡ଼ୟୁଟି ବାଡ଼ୟୁ ଗାଟାତେରି ଆଦୁ । ୧୧ ମୀରୁ ଏନିକିଁ ସୟତାନତି ବାରେ ପଲ୍‌ଆ କାମାଟି ଜୀଣା ଆୟାଲି ଆଡ଼ିଦେରି, ଏଦାଆଁତାକି ମାହାପୁରୁ ହାହାମାଞ୍ଜାନି ଜୁଜୁକିନି ଜୁତି ବାରେ ତୁରଦୁ । ୧୨ ଇଚିହଁ ମା ଜୁଜୁ ଦାର୍‌ତିତାରି କପାଟି ଆଏ, ସାମା ଲାକପୁରୁତି କାଜାପାଣା କପାଟି, ସାଲଞ୍ଜି କିନାରି କପାଟି ଇ ଆନ୍ଦେରିତି ପାଣାଗାଟାରି କପାଟି ଅଡ଼େ ହାଗୁ ପାକାଟି ପଲ୍‌ଆ ଜୀଝୁୟାଁ କପାଟି ଜୁଜୁ କିହିମାନାୟି । ୧୩ ଏଦାଆଁତାକି ନୀଏଁ ମାହାପୁରୁ ହାହାମାଞ୍ଜାନି ଜୁଜୁକିନି ଜୁତିତି ତୁରଦୁ, ଆତିହଁ ଲାଗେଏତି ବେଲାତା ମୀରୁ ସାଦୁ ନକିତା ନିଚାଲି ଆଡ଼ିଦେରି ଇଞ୍ଜାଁ

\* ୨:୧ ୨:୧ କଲସି ୩:୨୦ \* ୨:୪ ୨:୪ କଲସି ୩:୨୧ \* ୨:୫ ୨:୫ କଲସି ୩:୨୨-୨୫ \* ୨:୯ ୨:୯ କଲସି ୪:୧; କଲସି ୩:୨୫

ରାଜି ପାତେକା ଜୁଜୁକିହଁ ତାରିଆହଁ  
ଡ଼ୟାଲି ଆଡ଼ିଦେରି ।

୧୪ ଇଚିହଁ, ସାତାତି ଜାଟି  
ଚେତେଲିତା ରୁପାକତାହଁ, ଦାମ୍ବୁତି ବକ  
ପାଟା ଲେହେ ତୁରଦୁ, ୧୫ ହିଡ଼ଡ଼ି ହୀନି  
ନେହଁ କାବୁତାକି ଅଜିକିଞ୍ଜି ଆହାମାନି  
ସେପୁୟାଁ କତାଣା ତୁରହାନା ତାଂଟା  
ଆହାମାଞ୍ଜୁ; ୧୬ ବାରେବେଲା ନାମୁତି  
ଆଡୁ ପାଟା ଆସାମାଞ୍ଜୁ, ଏଦାଣି ତଲେ  
ମୀରୁ ସୟତାନତି ବାରେ ଡ଼ାଞ୍ଜିମାନି  
ଆପକାତି ହିରୁ ବାରେ ତୁପହାଲି  
ଆଡ଼ିଦେରି । ୧୭ ଅଡ଼େ, ଗେଲ୍‌ପିନି  
ଚପେରି ତାୟଁତୁା ତୁରଦୁ ଅଡ଼େ  
ସୁଦୁଜୀଞ୍ଜୁତି ହିୟାତି ମାହାପୁରୁତି ବଲୁତି  
କାଣ୍ଡା ଆହ୍‌ଦୁ; ୧୮ ବାରେଲେହେତି  
ପ୍ରାତାନା ଅଡ଼େ ବାତିମାଲିନି ତାଣା  
ବାରେବେଲା ସୁଦୁଜୀଞ୍ଜୁ ସାଢ଼େମି ତଲେ  
ପ୍ରାତାନା କିଦୁ, ଇଞ୍ଜାଁ ବାରେ ମାହାପୁରୁ  
ଲକୁତାକି କାପୁ କାଟାନା ପ୍ରାତାନା  
କିହେମାଞ୍ଜୁ । ୧୯ ଅଡ଼େ, ନାଞ୍ଜେତାକି  
ଜିକେଏ ପ୍ରାତାନା କିଦୁ, ଏନିକଁ  
ନେହଁ କାବୁତାକି ଦୂତୁ ସମାନା ନାନୁ,  
ନାଞ୍ଜେ ଏ ଡ଼ଗୁମାନାଣି ପୁଣ୍ଡି କିହାଲି  
ସାସାତଲେ ବଲୁ ଝେସାଲି ମାହାପୁରୁ  
ନା ଗୁଡ଼ିତା ନେହଁ କାବୁ ହିୟାନେସି  
। ୨୦ ଅଡ଼େ ନାନୁ ଏନିକଁ ଏମ୍ପାତି ସାତା  
କାତା ସାସାତଲେ ଝେସାଲି ଆଡ଼ିଇଁ ।

ଜହରା ଝେସାହଁ ଆକୁତି ରାପ୍‌ନାୟି

୨୧ \*\*ନା କାତା, ଇଚିହଁ ନାନୁ  
ଏନିକଁ ମାଇଁ, ଇଦାଆଁ ମୀରୁ ଜିକେଏ  
ଏନିକଁ ପୁଞ୍ଜାଲି ଆଡ଼ିଦେରି, ଇଦାଣି  
ତାକି ନା ଜୀଞ୍ଜୁତି ତାୟି ଅଡ଼େ କ୍ରୀସ୍ତତି  
କାମାତା ନାମୁତି ହଲେଏସି ତୁକିକ, ନା  
ବାରେ କାତା ଏଞ୍ଜାସି ଝେସ୍ତାନେସି; ୨୨ ଏ  
ବାରେ କାତା ଝେସାଲି ନାନୁ ଏଞ୍ଜାଣାଇଁ  
ମୀ ତାଣା ପାଣ୍ଡାତେର୍ଏ, ଏନିକଁ ମୀରୁ ମା  
ବାରେ କାତା ପୁଞ୍ଜାଲି ଆଡ଼ିଦେରି ଅଡ଼େ  
ମୀ ହିୟାଁ ଏଞ୍ଜାଣି ତାଣାଟି ରାହଁ ଆନେ ।

୨୩ ଆଦା ମାହାପୁରୁ ଅଡ଼େ ପ୍ରବୁ ଜୀସୁ  
କ୍ରୀସ୍ତଇଁ ନାମିତି ତାୟି ତାଞ୍ଜିସ୍ତାକି ହିଡ଼ଡ଼ି,

ଜୀଞ୍ଜୁନନାୟି ଅଡ଼େ ନାମୁ ହିୟାପେସି ।  
୨୪ ଏତେକା ଲକୁ ମା ପ୍ରବୁ ଜୀସୁ କ୍ରୀସ୍ତଇଁ  
କାଢ଼ଲେଏ ଜୀଞ୍ଜୁ ନନେରି, ମାହାପୁରୁତି  
କାର୍ମାମେହନାୟି ଏ ବାରେତାକି ଆପେ ।

# ଫିଲିପୀୟ ମଣ୍ଡଳୀ ନିକଟକୁ ପାଉଲଙ୍କ ପତ୍ନୀ ପିଲିପି କୁଲମିତାଙ୍କ ପାଞ୍ଚୁଲ ରାଜାମାନି ଆକୁ ମୂଲୁ ହାତୀ

ପିଲିପି ଜୀସୁ କ୍ରୀସ୍ତ ଜାର୍ନାଆଡ଼ି ୬୧ ବାର୍ଷୀ ତାୟୁ ପାଞ୍ଚୁଲ ପିଲିପି କୁଲମିତି ନାମିତି ତାୟିୟାଁ ତାଣା ଆକୁ ରାଢ଼ିମାନେସି । ପାଞ୍ଚୁଲ ରମ୍ଫତି କାୟିଦିତା ମାଚାଟି ଇ ଆକୁ ରାଚା ଡ଼ୟିନେସି୧:୧୩ । ପିଲିପି ଗାଡ଼ା ବିତ୍ତା ଆହାମାନି କୁଲମିତାଙ୍କ ଇ ଆକୁ ରାସ୍ତକି ଆହାମାଚେ । ମାର ପାଣ୍ଡୁଆହାମାନି ପତିତା ଜିକେଏ ପିଲିପି ଆକୁତି କାତା ଇଚାଣି ପୁଞ୍ଜାଲି ଆଡ଼ିନାୟି । ପିଲିପି ମାକିଦନିୟାତି ରାଜିତି କାଜା ଗାଡ଼ା ମାଚେ । ଇଦି ମାକିଦନିୟାତା ଆଡ଼ି ମୂଲୁ କୁଲମି ମାଚେ । ପାଞ୍ଚୁଲ ଅଡ଼େ ସିଲ୍ଲା ଆଣ୍ଡୁଆହାମାନା ଇ କୁଲମି ମାଚୁହା ମାଚେରି । ଅଡ଼େ ଏମ୍ଫାଆଁ ମାଚାଟି ର ଲାଆଁୟାଁ ତାକି କାୟିଦିତା ଇଚ୍ଚକି ଆହାମାଚେରି କାମା ୧୬ ।

ପାଞ୍ଚୁଲ ଇ ଆକୁ ରାଚାଲି ହାଚେରକା କାତା ଡ଼ୟିନେ । ଏଞ୍ଜାସି କାୟିଦିତା ମାନି କାତା ଷେଞ୍ଜାନା ଲକୁ ଦାନା କୁଡ଼ି କିହାନା ପାଣ୍ଡାମାଚାକି କୁଲମିତି ଜହରା କିହାଲିତାକି ଆକୁ ରାଢ଼ିମାନେସି ୪:୧୦-୧୯ । ଏଞ୍ଜାସି ତାନି କାୟିଦିତା ମାନି କାତା ଷେସାନା କୁଲମିତା ତିମତି ଅଡ଼େ ଏପାପୁଦିତାଙ୍କୁ ହେର୍ପି ମାନେସି, ନାମିତି ତାୟିୟାଁ ଏନିକି ଏଞ୍ଜାରାଙ୍କୁ ମାନି ତଲେ ଆବିନେରି ଅଡ଼େ ଏଞ୍ଜାରି ନକିକିହା ଅନାଣି କାତା ମାନି କିନେରି୨:୧୯-୩୦ ।

### ପତିତା ମାନାୟି

୧. ପିଲିପି କୁଲମିତି ପାଞ୍ଚୁଲତି ଜହରା । ୧:୧-୨

- ୨. ପାଞ୍ଚୁଲତି ମାଣକି ଅଡ଼େ ଏଞ୍ଜାଣି ଅଣ୍ଡୁ । ୧:୩-୨:୩୦
- ୩. ନାମିତି ତାୟିୟାଁ କ୍ରୀସ୍ତ ତାଣା ମାଞ୍ଜା ନୀତାଲି ଷେହ୍ନାୟି । ୩:୧-୪:୯
- ୪. ପାଞ୍ଚୁଲ ଦାନା ତାକି ପିଲିପି କୁଲମିତା ଜହରା ଷେହ୍ନାୟି । ୪:୧୦-୨୩

ପାଞ୍ଚୁଲତି ଜହରା ଅଡ଼େ ପ୍ରାତାନା

୧ \*ପାଞ୍ଚୁଲ ଅଡ଼େ ତିମତି, କ୍ରୀସ୍ତ ଜୀସୁତି ରୀ ହଲିୟାଙ୍ଗା, ପିଲିପି ଗାଡ଼ାତା ମାନି କ୍ରୀସ୍ତ ଜୀସୁ ତାଣା ଡ଼ୟାମାନି ମାହାପୁରୁ ଲକୁ ଅଡ଼େ କୁଲମିତି କାଜାରି, ଇଞ୍ଜା କୁଲମିତି ସେବା କିନାରାକି ଇ ଆକୁ ରାସ୍ତକି ଆହାମାନେ ।

୨ ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣାଟି କାର୍ମାମେହ୍ନାୟି ଇଞ୍ଜା ହିଡ଼ଡ଼ି ଜୀଞ୍ଜୁ ମିଙ୍ଗେତାକି ଆୟାପେ ।

ପାଞ୍ଚୁଲତି ପ୍ରାତାନା

୩ ନାନୁ ମିଙ୍ଗେ ଏଚର ଦେବା ଅଣ୍ଡି ମାଞ୍ଜାଙ୍କୁ, ଏଚର ଦେବା ନା ମାହାପୁରୁଙ୍କୁ ଜହରା କିହିମାଙ୍କୁ । ୪ ନାନୁ ବାରେଦିନା ମିଙ୍ଗେତାକି ପ୍ରାତାନା କିନାଟି ନାନୁ ହାଚେରକା ରାହାଁତଲେ ପ୍ରାତାନା କିହିମାଙ୍କୁ, ୫ ଏନାଆଁତାକି ଇଚିହୁଁ ମୀ ମୂଲୁ ଦିନାଟିଏ ନୀଏଁ ପାଚେକା ନେହୁଁ କାରୁ ଷେକ୍‌ହାଲି ମୀରୁ ନାଙ୍ଗେ ସାୟେମି କିହିମାଞ୍ଜାଦେରି, ୬ ଏଦାଆଁତାକି ନାନୁ ଇ କାତାତି ସାତା ଇଞ୍ଜୁ ଅଣ୍ଡିମାଙ୍କୁ, ଆମିନି ପ୍ରବୁ ମୀ ତାଣା ଇ ନେହୁଁ କାମା ମାଚୁହାମାନେସି, କ୍ରୀସ୍ତ ଜୀସୁତି ଷେଣ୍ଡାଞ୍ଜାନ୍ ଦିନା ରାନ୍ତି ପାଚେକା ଏଞ୍ଜାସି ଏଦାଆଁ କିନେସି । ୭ ଅଡ଼େ ମୀ ବାରେତାକି ନା ଇଲେତି ଅଣ୍ଡିମାୟି ମାନେ, ମୀରୁ ବାରେ ଏନିକି ନା ତଲେ ନେହୁଁ କାରୁ ଷେକ୍‌କି କାୟିଦିତା ଆଣ୍ଡିମାଞ୍ଜାଦେରି, ଅଡ଼େ ଏମ୍ଫାତି ସାତା ପାର୍‌ମାଣା ତସାଲି ନା ତଲେ ଆଣ୍ଡାମାଞ୍ଜାଦେରି, ଏଦାଆଁତାକି ନାନୁ ନା ହିୟାଁତା ମିଙ୍ଗେ ଆବାମାଞ୍ଜାଙ୍କୁ । ୮ ମୀ ବାରେଜାଣା ତାକି ହାଚେରକା

☆ ୧:୧ ୧:୧ କାମା ୧୭:୧୭

ଜୀବୁ ନନାଣି କ୍ରୀସ୍ତ ଜୀସୁ ତାଣାଟି ବେଟାଆହାମାଇଁ ଇଞ୍ଜି ଏତିବେଲାତା ନାନୁ ଝେହ୍ଲାଇଁ, ଏଦି ସାତା, ଏଦାଆଁତାକି ମାହାପୁରୁ ନା ସାକି ।

୯ ଅଡେ, ନା ପ୍ରାତାନା କିନାୟି ଇଦି, ମୀ ଜୀବୁନନାୟି, ନେହ୍ ବୁଦି ପୁନାୟି, ଅଡେ ବାରେ ନେହ୍ ଅଣ୍ଟପୁ ହାରେ ହାରେକା ପାତା ଆପେ, ୧୦ ଏନିକିହ୍ ମୀରୁ ଏନାୟି ନେହାୟି ଏଦାଆଁ ଆଚାଲି ଆଡ଼ିଦେରି, ଆତିହ୍ ମୀରୁ କ୍ରୀସ୍ତତି ଖାନ୍ତି ଦିନାତା ସୁବୁ ଗାଟାତେରି ଆଦେରି, ଅଡେ ନିନ୍ଦା ଗାଟାତେରି ଆଅତେରି, ୧୧ ମାହାପୁରୁତି ଗାଝୁରମି ଇଞ୍ଜା ନେହ୍ ଝେହ୍ନାଣି ତାକି ମୀ ଜୀବୁ ଜୀସୁ କ୍ରୀସ୍ତ ହୀହାମାନି ବାରେ ନେହ୍ ଗୁଣ୍ଟି ବେଟାଆଡେନ ।

କ୍ରୀସ୍ତ ତାଣା ନୀତିନାୟି

୧୨ ତାୟି ତାଙ୍ଗିସ୍ତାତେରି, ନାଙ୍ଗେତାକି ଏନା ଏନାୟି ଆହାମାଞ୍ଜାନେ, ଏ ବାରେ ନେହ୍ କାରୁ ପାତାଆହାଲି ତାକି ଆହାମାନେ, ଇଦାଆଁ ନାନୁ ମିଙ୍ଗେ ପୁଣ୍ଟି କିହାଲି ଅଣ୍ଟପିମାଇଁ; ୧୩ ଇତିହ୍ ନାନୁ କାୟିଦିତା ମାଟାୟି କ୍ରୀସ୍ତ ତାକି, ଏଦି ରାଜା ଇଲୁତା କାଃଆନି ବାରେ କସ୍ତକା ଇଞ୍ଜା ଏଟକାତି ବାରେଜାଣା ନକିତା ତଞ୍ଜାଆଡେ; ୧୪ ଅଡେ ଜିକେଏ ହାରେକା ତାୟି ତାଙ୍ଗିସ୍ତା ନାନୁ କାୟିଦିତା ମାନାକି, ମାହାପୁରୁ ତାଣା ବାସୁ ଇଟାନା ଆଜାଆନା ମାହାପୁରୁତି କାରୁ ଝେକହାଲି ହାରେକା ସାସା ଗାଟାରି ଆହାମାନେରି ।

୧୫ ଆମ୍ବା ଆମ୍ବାଆରି ତାହାରା ଅଡେ ଗଡ଼ହା ତାକି କ୍ରୀସ୍ତତି କାତା ଝେକହ୍ ମାନେରି ସାତା, ସାମା ଆମ୍ବା ଆମ୍ବାଆରି ସାତା ତଲେ କିହିମାନେରି; ୧୬ ନାଙ୍ଗେ ନେହ୍ କାରୁତି ସାକି ଆହାଲିତାକି ମାହାପୁରୁ ଆଚାମାଞ୍ଜାତେସି, ଏଦାଆଁ ପୁଞ୍ଜାନା ସାତା ଜୀବୁ ନନାଣି ତାକି ଏଦାଆଁ କିନେରି, ୧୭ ଏଟକାତାରି ମାନି ତଲେ କ୍ରୀସ୍ତତି ବଲୁ ଝେହ୍ଆନା ଜାହାରା ଲାଟା ତାକି କିହିମାନେରି । ନାନୁ କାୟିଦିତା ମାନାଟି ନା ହିୟାତା ହାରେକା କସ୍ତ

ହୀହାଲି ଏଞ୍ଜାରି ଏଦାଆଁ କିହିମାନେରି ।

୧୮ ବାଦା ହିଲେଏ ? ତାହାରା ତଲେ ଆପେ କି ନେହେଁ ତଲେ ଆପେ କ୍ରୀସ୍ତ ସାତେଏ ଝେଙ୍ଗିମାନେସି, ଏଦାଆଁତାକି ନାନୁ ରାହାଁ କିହିମାଇଁ, ଅଡେ ଜିକେଏ ରାହାଁ କିହିମାଇଁ ।

୧୯ ଇତିହ୍ ନାନୁ ପୁଞ୍ଜାମାଇଁ, ମୀ ପ୍ରାତାନା ଇଞ୍ଜା ଜୀସୁ କ୍ରୀସ୍ତତି ସୁଦୁଜୀବୁତି ସାୟେମି ତଲେ ନା ଗେଲୁପିନାୟି ଆନେ, ୨୦ ଏଦାଆଁତାକି ନା ରଣ୍ଟିଏ ଆସା ଅଡେ ବାସୁ ମାନେ, ନାନୁ ଏନି କାତାତା ଜିକେଏ ଲାଜା ଆଅଁ, ସାମା କାଲେଏ ଏନିକି ଆହିମାରେଏ, ନୀଏଁ ଜିକେଏ ଏଲେକି ହାରେକା ବାଡ଼ୁ ତଲେ ହାଡ଼ିହ୍ କି ଜୀବୁ ମାତିହ୍, କ୍ରୀସ୍ତଇଁ ନା ଆଙ୍ଗା ତଲେ ଗାଝୁରମି କଇଁ ।

୨୧ ଇତିହ୍ ନା ନୀତାମାନାୟି ଖାରୁଇ କ୍ରୀସ୍ତ, ଏଦାଆଁତାକି ନାନୁ ହାନାୟି ନାଙ୍ଗେତାକି ଲାଟା । ୨୨ ସାମା ନାନୁ ଆଙ୍ଗା ତଲେ ନୀତା ମାଞ୍ଜାନା ହାରେକା ପାଡେୟି ଆୟାଲି ଆଡ଼ିଇଁ, ଆତିହ୍ ନୀତାମାନାଣି କି ହାନାଣି ବାଟି କଇଁ ନାନୁ ପୁଞ୍ଜାଲି ଆଡ଼ିହିଲଅଁ । ୨୩ ନାନୁ ରୀ ଖାକି ରେସକି ଆହିମାଇଁ; ଇ ଜୀବୁତି ପିସାନା କ୍ରୀସ୍ତ ତଲେ ମାଞ୍ଜାଲି ଅଣ୍ଟପିମାଇଁ, ଏଦି ହାରେକା ନେହାୟି; ୨୪ ସାମା ନାନୁ ଆଙ୍ଗା ତଲେ ମାନାୟି ମିଙ୍ଗେତାକି ହାରେକା ଲଡ଼ାମାନେ । ୨୫ ନାନୁ ନେହ୍ କି ପୁଞ୍ଜାମାଇଁ, ନାନୁ ଡ଼ୟିଇଁ, ହାଅ ମୀ ନାମୁ ଅଡେ ରାହାଁତି ପାଡ଼ିକିହାଲି ମୀ ବାରେ ତଲେ ଡ଼ୟିଇଁ, ୨୬ ଏନିକି ମୀ ବିଡ଼ା ନା ଝେଣ୍ଟା ଖାଡ଼ାକି ନା ତାଣାଟି କ୍ରୀସ୍ତ ଜୀସୁ ତାଣା ମୀ ବଡ଼ପଣ ଗାଡ଼ିଆନେ ।

୨୭ ନା ଅଣ୍ଟପୁ ଇଦି, କ୍ରୀସ୍ତତି ନେହ୍ କାରୁତି ଜଗେଗତି ଲକୁ ଲେହେଁ ନୀତାପୁ, ଏନିକି ନାନୁ ମୀ ତାଣା ଖାହାନା କି ହେକ ମାଞ୍ଜାନା ମୀ କାତା ଝେଞ୍ଜାହାଁ ପୁଞ୍ଜାଲି ଆଡ଼ିଇଁ, ମୀରୁ ବାରେତେରି ରଣ୍ଟିଏ ଜୀବୁ ରଣ୍ଟିଏ ଅଣ୍ଟପୁ ତଲେ ତାରିଆହାନା ନେହ୍ କାରୁତି ନାମୁ

☆ ୧:୧୩ ୧:୧୩ କାମା ୨୮:୩୦

ତାକି ଜୁଜୁ କିହିମାଞ୍ଜେରି, <sup>୨୮</sup> ଇଞ୍ଜା ମିଙ୍ଗେ କସ୍ତ ନିନ୍ଦା ହାହିମାଞ୍ଜାନି ସାତୁୟାକ୍ ଏଚେଲାଞ୍ଜା ଆଜାଆଦୁ; ଏଦି ଏଞ୍ଜାରି ନାସା ଆନାୟି, ସାମା ମିଙ୍ଗେତାକି ଗେଲ୍‌ପିନାୟି ମାହାପୁରୁ ହାହାମାନି ର ସିନା; <sup>୨୯</sup> ଇଚିହି କ୍ରୀସ୍ତ ତାଣା ଖାରଇ ନାମାଲି ତାକି ମୀରୁ ପାରୁ ମେଡ଼ା ଆହାମାଞ୍ଜେରି, ଏଦି ଆଏ, ସାମା ଏଞ୍ଜାଣି ତାକି ଦୁକୁ ବେଟାଆହାଲି ଜିକେଏ କାର୍ମା ମେଡ଼ା ଆହାମାଞ୍ଜାନେ; <sup>୩୦</sup> ଅଡ଼େ ନାନୁ ଏନିକ ଜୁଜୁ କିହିମାତାଣି ମେସାମାଞ୍ଜାତେରି, ଇଞ୍ଜା ନୀଏଁ ଜିକେଏ କିହିମାନେସି ଇଞ୍ଜା ଖେଞ୍ଜିମାଞ୍ଜେରି, ଏଲେକିହି ମୀରୁ ଜିକେଏ ଜୁଜୁ କିଦୁ ।

୨

କ୍ରୀସ୍ତତି ମାଣ୍ଡକି ଅଡ଼େ କାଜାପାଣା

<sup>୧</sup> କ୍ରୀସ୍ତ ତଲେ ମାନାକି ମୀରୁ ଜୀଞ୍ଜୁତା ବାର୍ଣ୍ଣ ବେଟାଆହାମାଞ୍ଜେରି, ଅଡ଼େ ତାନି ଜୀଞ୍ଜୁନନାୟି ମିଙ୍ଗେ ସାସା ହାହିମାଞ୍ଜାନେ । ମୀରୁ ସୁଦୁଜୀଞ୍ଜୁତା ଆଣ୍ଡିମାଞ୍ଜେରି ପୁଞ୍ଜିମାଞ୍ଜେରି ଅଡ଼େ ରଅତେରି ରଅଣାକି ମୀ ଜୀଞ୍ଜୁନନାୟି ଅଡ଼େ କାର୍ମାମେହନାୟି ମାନେ, <sup>୨</sup> ନାନୁ ମିଙ୍ଗେ ବାତିମାଲିମାଞ୍ଜାକ୍ ମୀରୁ ରଣ୍ଡିଏ ଅଣ୍ଡପୁ ତଲେ, ରଣ୍ଡିଏ ଜୀଞ୍ଜୁ ନନାଣି ତଲେ, ରଣ୍ଡିଏ ହିୟାଁ, ରଣ୍ଡିଏ ଅଣ୍ଡପୁ ଆହାନା ନାଙ୍ଗେ ରାହାଁ କିୟାଦୁ, <sup>୩</sup> ମୀରୁ ମିଙ୍ଗେତାକି ନେହାଁଣି ଜୁପକା ଇଞ୍ଜା ହାଚେରକା ବଡ଼ପଣ ତସାଲି ଏନାଆଁ କିଆଦୁ, ସାମା ସୁଦୁ ହିୟାଁ ଗାଟାତେରି ଆହାନା ଏଟକା ଲକ୍ଷୁକ୍ ନା କିହାଁ କାଜାସି ଇଞ୍ଜା ଅଣ୍ଡପାଦୁ; <sup>୪</sup> ମୀରୁ ବାରେତେରି ଖାରଇ ମିଙ୍ଗେତାକି ନେହାଁ ଆନାଣି ଅଣ୍ଡପାଆନା ଏଟକା ଲକ୍ଷୁତି ନେହାଁଣି ଜିକେଏ ଅଣ୍ଡପାଦୁ । <sup>୫</sup> କ୍ରୀସ୍ତ ଜୀସ୍ତୁତି ଏନିଲେହେତି ଅଣ୍ଡପୁ ମାଚେ ମୀ ଅଣ୍ଡପୁ ଜିକେଏ ଏଲେତାୟିଏ ଆପେ;

<sup>୬</sup> ଏଞ୍ଜାସି ମାହାପୁରୁ ଆଡିହି ଜିକେଏ,

ମାହାପୁରୁ ତଲେ ସମାନା ଆହାଁ ମାଞ୍ଜାଲି ଅଣ୍ଡପାଆନା ତାନି ଏ ଅଦିକାରା ପିସ୍ତେସି,

<sup>୭</sup> ସାମା ଏଞ୍ଜାସି ମାଣ୍ଡସି ଖାଣା ଆହାନା ହଲେଏସି ଲେହେଁ ଆଡ଼େସି ।

ମାଣ୍ଡସିଲେହେଁ ଆହାନା ମାଣ୍ଡସି ଖାଣା ତଲେ ତଞ୍ଜାଆଡ଼େସି;

<sup>୮</sup> ଏଞ୍ଜାସି ମାଣ୍ଡସିଲେହେଁ ତଞ୍ଜାଆହାନା ହାନ୍ତି ପାଚେକା, ହାଅ, ପାସି ମୁଣ୍ଡାତା ଲେପିଆହାଁ ହାନ୍ତି ପାଚେକା

ହୁକୁମି ମାନଞ୍ଜି ଆଡ଼େସି ଇଞ୍ଜା ତାନୁଏ ତାଙ୍ଗେ ଉଣା କିହା କଡିତେସି ।

<sup>୯</sup> ଏଦାଆଁତାକି ମାହାପୁରୁ ଏଞ୍ଜାଣାକ୍ ବାରେକିହାଁ କାଜାସି କିହାମାନେସି,

ଇଞ୍ଜା ବାରେ ଦରୁକା କିହାଁ କାଜା ଦରୁ ଏଞ୍ଜାଣାକି ହାହାମାନେସି,

<sup>୧୦</sup> ଏନିକ ଲାକପୁରୁ ଅଡ଼େ ଦାରତିତା ଅଡ଼େ ଦାରତିତି ତୁଇ ମାନାକ; ଏ ବାରେ ଜୀସୁ ଦରୁତା ମେଣ୍ଡାକୁତାନା ଜହରା କିନୁ,

<sup>୧୧</sup> ଅଡ଼େ ଆବା ମାହାପୁରୁତି ଗାଞ୍ଜୁରମି ତାକି ବାରେଜାଣା ତାନି ଗୁତି ତଲେ ଜୀସୁ କ୍ରୀସ୍ତ ପ୍ରବୁ ଇଞ୍ଜା ଜଲିନେରି ।

ଦାରତିତା ଉଜେଡ଼ି ଲେହେଁ ଡ଼ୀଞ୍ଜାଦୁ

<sup>୧୨</sup> ନା ଜୀଞ୍ଜୁତି ତଡ଼େସିଙ୍ଗା, ମୀରୁ ବାରେବେଲା ନାଙ୍ଗେ ମାନଞ୍ଜି ଆହିମାଞ୍ଜାଦେରି, ଇଚିହି ନା ନକିତା କିନିଲେହେଁ ଆଏ, ସାମା ନୀଏଁ ନା ହିଲାଆ ବେଲାତା ହାଚେରକା ଆଜିତଲେ ତୀରଗିହି ମୀରୁ ଗେଲ୍‌ପି ଆହାଲି ତାଲି କାମା କିଦୁ <sup>୧୩</sup> ଇଚିହି ମିଙ୍ଗେ ତାନି କାମା କିହାଲିତାକି ଇଚା ଅଡ଼େ ବାଡ଼ୁ କିହାଲିତାକି ମାହାପୁରୁ ତାନୁଏ ମୀ ତାଣା କାଲେଏ କାମା କିହିମାନେସି ।

<sup>୧୪</sup> ମୁରୁ ମୁରୁ ଅଡ଼େ ବାଦିବାଦା ଆଆନା ମୀ ବାରେ କାମା କିଦୁ,

<sup>୧୫</sup> ଏଲେକିତିହି ମୀରୁ ଦହ

\* ୧:୩୦ ୧:୩୦ କାମା ୧୭:୧୯-୪୦

ହିଲୀଆଗାଟାତେରି ଅଡ଼େ ସୁଦୁ  
 ଗାଟାତେରି ଆହାନା, ଇ ଲାଗେଏତାଣି  
 ତଲେ ନାଡ଼ିକିନି ଲକୁ ବିତ୍ତା ମାହାପୁରୁତି  
 ଦହ ହିଲୀଆଗାଟି ମୀରକା ମାସକାତେରି  
 ଆଦେରି; ଏଝାରିତାଣା ମୀରୁ ଜୀଝୁତି  
 ବଲୁ ଆସାନା ଦାଉଡ଼ିତି ଉଜେଡ଼ି ଲେହେଁ  
 ମୀରୁ ତଞ୍ଜା ଆହିମାଞ୍ଜେରି; ୧୭ ଏମ୍ବାଟି  
 ନାନୁ ଉଜେଏ ହଟି ହିଲଅଁ କି ଉଜେଏ  
 କାମା କିହିହିଲଅଁ, ଏ ବାରେତାକି କ୍ରୀସ୍ତତି  
 ଦିନାତା ବଡ଼ପଣ କିହାଲି ଆଡ଼ିଇଁ ।

୧୭ ନା ନେତେରି ମୀ ନାନୁ  
 ତାକି ସେବାତା ଗସାଲି ପୂଜା ହୀନି  
 ନେତେରିଲେହେଁ ତାଞ୍ଜାଲି ଆହିମାନେ,  
 ଆଡ଼ିହଁ ନାନୁ ରାହଁ ଆହିମାଇଁ, ଅଡ଼େ  
 ମୀ ତଲେ ଆଣ୍ଡାନା ରାହଁ କିହିମାଇଁ,  
 ୧୮ ଅଡ଼େ ଏଲେକିହଁ ମୀରୁ ରାହଁ କିଦୁ  
 ଇଞ୍ଜା ନା ତଲେ ରାହଁ କିଦୁ ।

**ତିମତି ଅଡ଼େ ଏପାପୁଦିତ**

୧୯ ସାମା ନାନୁ ତିମତିଇଁ ତବେ  
 ପାଣ୍ଡାଇଁ ଇଞ୍ଜା ପ୍ରବୁ ଜୀସୁ ତାଣା  
 ଆସା କିହାମାଇଁ, ଏନିକଁ ମୀ କାତା  
 ଝେଞ୍ଜାନା ନାନୁ ଜିକେଏ ରାହଁ ଆଇଁ  
 । ୨୦ ଏଝାସି ରଅସିଏ ନା ଲେହେଁତି  
 ଅଣ୍ପୁ ଗାଟାସି ଇଞ୍ଜା ଏଝାସି ସାତେଏ  
 ମିଙ୍ଗେତାକି ଅଣ୍ପି ମାଞ୍ଜାନେସି ।  
 ୨୧ ଇଡ଼ିହଁ ବାରେଜାଣା ଜୀସୁ କ୍ରୀସ୍ତତି  
 ସେବା କିହାଲି ଅଣ୍ପିଆନା, ଝାଉଇ  
 ତାମି ନେହଁଣି ପାରାଲି ଅଣ୍ପିନେରି  
 । ୨୨ ତିମତି ତାୟିପାରି କିନିତାଣା  
 ଜୀଣା ଆହାମାନାସି ଏଦାଆଁ ମୀରୁ  
 ପୁଞ୍ଜାମାଞ୍ଜେରି; ମୀରଏସି ଆବାଡ଼ି ସେବା  
 କିନିଲେହେଁ, ଏଝାସି ନେହଁ କାବୁ  
 ଝେକ୍‌କି କାମାତା ନା ତଲେ ସେବା  
 କିହାମାଚେସି । ୨୩ ଇଡ଼ିହଁ ନାଙ୍ଗେତାକି  
 ଏନାୟି ଆନେ, ଏଦାଆଁ ପୁତିସାରେ  
 ଏଝାଣାଇଁ ମୀ ତାଣା ପାଣ୍ଡାଇଁ ଇଞ୍ଜା  
 ଆସା କିହିମାଇଁ; ୨୪ ପ୍ରବୁ ତାଣା ବାସୁ  
 କିହିମାଇଁ ନାନୁ ଜିକେଏ ମୀ ତାଣା ତବେ  
 ଝାଲୁଁ ।

୨୫ ସାମା ନାନୁ ନା ତାୟି, ନା  
 ତଲେ କାମାକିନାସି, ନା ଝାକିଟି ଜୁଦୁ

କିନାସି, ଇଞ୍ଜା ନା ଲତ୍ତାମାନାଣି ସାୟେମି  
 କିହାଲି ମୀ ତାଣାଟି ପାଣ୍ଡୁଆହାମାନି  
 ସେବାକିନି ଏପାପୁଦିତାଇଁ ମୀ ତାଣା  
 ପାଣ୍ଡାଲି ଅଣ୍ପିମାଇଁ; ୨୬ ଇଡ଼ିହଁ  
 ଏଝାସି ବାରେତେରି ମିଙ୍ଗେ ମେସାଲି  
 ହାରେକା ଅଣ୍ପିମାନେସି, ଅଡ଼େ ଏଝାସି  
 ଆଡ଼ିହିଲଅସି ଇଞ୍ଜା ଝେଚାକି ହାରେକା  
 କିଲିବିଲି ଆହିମାନେସି; ୨୭ ହାଅ,  
 ଏଝାସି ହାନିଲେହେଁ ଆହାମାଚେସି,  
 ସାମା ମାହାପୁରୁ ଏଝାଣାଇଁ କାମା  
 ମେସ୍ତେସି, ଏଝାଣାଇଁଦେହେଁ ଆଏ ସାମା  
 ଏନିକଁ ନାଙ୍ଗେ ଦୁକୁ ଲାକ ଦୁକୁ ଝାଏ  
 ଏଦାଆଁତାକି ନାଙ୍ଗେ ଜିକେଏ କାମା  
 ଆୟାଚେସି । ୨୮ ଏଦାଆଁତାକି ମୀରୁ  
 ଏଝାଣାଇଁ ଝେଣ୍ଡେ ମେସାନା ରାହଁ  
 ଆଦେରି ଇଞ୍ଜା ନା ଦୁକୁ ଏନିକଁ ଉଣା  
 ଆନେ, ଏଦାଆଁତାକି ନାନୁ ଏଝାଣାଇଁ  
 ପାଣ୍ଡାଲି ହାରେକା ଜାଡ଼ନୁ ଆଡେଏଁ  
 । ୨୯ ଏଦାଆଁତାକି ମୀରୁ ଏଝାଣାଇଁ  
 ପ୍ରବୁତି ଦରୁତଲେ ହାରେକା ରାହଁତଲେ  
 ଆବାଦୁ, ଇଞ୍ଜା ଇଲେତି ଗୁଣ୍ଡାଗାଟି ଲକୁଣି  
 ମାନି କିଦୁ; ୩୦ ଏନାଆଁତାକି ଇଡ଼ିହଁ  
 ମୀରୁ ନାଙ୍ଗେ ଏମିନି ସାୟେମି କିହାଲି  
 ଆଡ଼ାଆତାଣି, ଏଦାଆଁ କିହାଲି ଏଝାସି  
 କ୍ରୀସ୍ତତି କାମାତା ତାନି ଜୀଝୁତି ବାଦା  
 ହୀହାନା ହାନିଲେହେଁ ଆହାମାଚେସି ।

**୩**

**ସାତା ତୀରିଗାଟାୟି**

୧ ନା ତାୟି ଅଡ଼େ ତାକ୍‌ସ୍ତାତେରି,  
 ବାରେତି ତାୟୁ ପ୍ରବୁ ତାଣା ରାହଁ  
 କିଦୁ, ରଲେଏତି କାତା ଅଲେ ଅଲେ  
 ରାତାଲି ନାଙ୍ଗେତାକି ଝାହୁ ହଡ଼ିମାଞ୍ଜେଏ,  
 ସାମା ଏ ବାରେ ମୀ ନେହେଁତାକି  
 ଲତ୍ତାମାନେ । ୨ ଲାଗେଏ ପଲେଏ  
 କାମାକିନାରି ତାଣାଟି, ନେସକାଟି  
 ଜାଗ୍ରାତା, ଏ ତଲୁ ଦାଃଆନାରି ତାଣାଟି  
 ଜାଗ୍ରାତା; ୩ ଏନାଆଁତାକି ଇଡ଼ିହଁ ମୀରୁ  
 ସାତେଏ ତଲୁ ଦାପି ଆହାମାନାତାୟି,  
 ଇଡ଼ିହଁ ମୀରୁ ସୁଦୁଜୀଝୁତି ସାୟେମି  
 ବେଟାଆହାନା ମାହାପୁରୁଇଁ ସେବା  
 କିହିମାନାୟି, ଇଞ୍ଜା ଆଙ୍ଗାଟି ଲତ୍ତା



ଆନି ଫେରା ବାର୍ସୁ କିଆନା କ୍ରୀସ୍ତ ଜୀସୁ ତାଣା ବତପଣ ଆନି । ୪ ନାନୁ ଆଙ୍ଗାତି ପାଣାପାରୁତା ଜିକେଏ ବାର୍ସୁ ଇଟାଲି ଆଡିତେଏଁମା; ଅଡେ ଆମ୍ବାଆସି ଆଙ୍ଗାତି ଫେରାତା ବାର୍ସୁ ଇଟାଲି ଆଡିତେଏଁମା ଇଞ୍ଜି ଅଣ୍ପିନେସି, ଆତିହ୍ ନାନୁ ଏଞ୍ଜାଣି ଆଗାଡ଼ା ଆଡିଇ; ୫ ନାନୁ ଜାର୍ନା ଆହ୍ ଆଟାଦିନା ଆହାଲିଏ ତଲୁ ଦାପି ଆଡାତେଏଁ, ଇଞ୍ଜା ଇସ୍ରାୟେଲ ଲକ୍ଷୁତି ବିନପାମିନ୍ କୃତାତା ଜାର୍ନା ଆଡାତେଏଁ, ମା ଆକୁ ଆବାୟା ର ଏବ୍ରିୟ ଲକ୍ଷୁ ମାଚେରି, ଫେରା ମାନୁଞ୍ଜି ଆନି ତାଣାଟି ନାନୁ ର ପାରୁସି ଲକ୍ଷୁତେଏଁ, ୬ ହାରେକା ରାହ୍ ତଲେ ନାନୁ କ୍ରୀସ୍ତାନା କୁଲମିତି ସାସ୍ତି ହାନାତେଏ, ଇଞ୍ଜା ମସାତି ଫେରାତି ଦାମ୍ବୁତା ନାନୁ ଦହ୍ ହିଲାଆଗାଟତେଏଁ ତଞ୍ଜା ଆହିମାଚେଏଁ । ୭ ସାମା ଏନାୟି ନାଜେତାକି ଲାବା ମାଚେ, ଏ ବାରେତି ନାନୁ କ୍ରୀସ୍ତତି କସମି ଉଜେଏତାୟି ଇଞ୍ଜି ଅଣ୍ପାମାଇଁ । ୮ ନାନୁ ନା ପ୍ରବୁ ଜୀସୁ କ୍ରୀସ୍ତତି ବୁଦି ହାରେକା ଦାରାଗାଟାୟି ଇଞ୍ଜି ପୁଞ୍ଜାନା ଏଟକାତାଣି ଉଜେଏତାୟି ଇଞ୍ଜି ପିସାତୁସ୍ତେଏଁ; ଏଞ୍ଜାଣି କସମି ବାରେ ହିଲାଆଗାଟାଣି ଅରହିତେଏଁ ଅଡେ ଏ ବାରେ ତୁକ୍ ଗମ୍ବୁ ଲେହେଁ ଆଡେଏଁ, ଏନିକ୍ ନାନୁ କ୍ରୀସ୍ତଇଁ ଫେଡାଆଇଁ, ଇଞ୍ଜା ତାନି ଲକ୍ଷୁ ଇଞ୍ଜି ତଞ୍ଜା ଆଇଁ । ୯ ଅଡେ ମସାତି ଫେରା ମାନୁଞ୍ଜି ଆହ୍ ତୀରିଗାଟାଣି ଫେଡା ଆଆନା, ଏନିକ୍ ନାନୁ କ୍ରୀସ୍ତ ତାଣା ନାମିନି ତାଣାଟି ମାହାପୁରୁ ହାହାମାଞ୍ଜାନି ନାମୁତି ତୀରିଗାଟାଣି ଫେଡାଆଇଁ, ୧୦ ଏନିକ୍ ନାନୁ ଏଞ୍ଜାଣାଇଁ ତାନି ୱେଣ୍ଡେ ନିଜ୍ଜିତି ବାଡ଼ୁୟୁ ଇଞ୍ଜା ଏଞ୍ଜାଣି ହାକିତା ଏଞ୍ଜାଣିଲେହେଁ ଦୁକୁ କସ୍ତତା ଆଣ୍ଡିନାଣି ପୁଞ୍ଜାଲି ଆଡିଇ, ୧୧ ଏଦାଣିତାକି ହାଡ଼ାରି ତାଣାଟି ନାଜେ ନିକ୍ହାନେସି ଇଞ୍ଜି ଆସା କିହିମାଇଁ ।

ଗୁରି ଇଟାମାନି ଚାୟୁତା ହଣ୍ଡାନାୟି ୧୨ ନାନୁ ନୀଏଁ ଏ ବାରେ ବେଟାଆହାମାଇଁ ଇଞ୍ଜା ନେହ୍ ତେଏଁ ଆହାମାଇଁ, ଏଡି ଆଏ, ସାମା କ୍ରୀସ୍ତ ଜୀସୁ ତାଣାଟି ଆଟୁଞ୍ଜି ଆହାମାନାକି ଏଦାଆଁ ଆସାଲି ହଟିମାଇଁ । ୧୩ ନା ତାୟି ଅଡେ ତାଜିସ୍ତା ନାନୁ ନୀଏଁ ପାତେକା ଆସାମାଇଁ ଇଞ୍ଜି ଅଣ୍ପି ହିଲଅଁ, ସାମା ନାନୁ ର କାମା କିହିମାଇଁ, ଇତିହ୍ ତାୟୁ ମାନି ବାରେ କାତା ହେକ କିହାନା ନକିତା ମାନାଣି ମେସାନା ହଟିମାଇଁ, ୧୪ କ୍ରୀସ୍ତ ଜୀସୁ ସାୟେମି ତଲେ ଏମିନି ଲାକପୁରୁତି ବେଟାଆହାଲି ତାକି ମାହାପୁରୁ ନାଜେ ହାଟାମାଞ୍ଜାନେସି ଏ ଦାନା ବେଟାଆହାଲି ତାକି ଗୁରି କିହାମାନି ଚାୟୁ ୱାକି ଜୀସୁ ତୁସାନା ହଟିମାଇଁ ।

୧୫ ଏଦାଆଁତାକି ୱାଦୁ, ମାର ଏଚେକା ଲକ୍ଷୁ ଟିକାଣା ଗାଟାତାୟି, ଇଲେତି ମନତଲେ ଅଣ୍ପିନ, ସାମା ଏ ବାରେ କାତାତାକି ମା ଏଟକାତି ଅଣ୍ପୁ ମାଚିହ୍, ଆତିହ୍ ଇଦାଆଁ ଜିକେଏ ମାହାପୁରୁ ମା ନକିତା ପୁଣ୍ଡି କିୟାନେସି; ୧୬ ନୀଞ୍ଜୁପାତେକା ମାର ଏମିନି ଫେରା ମାନୁଞ୍ଜି ଆହାନା ୱାହାମାନାୟି, ଏଲେକିହ୍ ଏ ନକିତା ହାଜାଅନ ।

୧୭ ତାୟି ତାଜିସ୍ତା ମୀରୁ ବାରେ ଆଣ୍ଡି ଆହାନା ନା ଲେହେଁକି ତାକାଦୁ, ଇଞ୍ଜା ମା ତାଣା ଏମିନି ତୀରିଗାଟାଣି ମେସିମାଞ୍ଜେରି ଇଞ୍ଜା ଆମିନି ଗାଟାରି ଏଲେକିହ୍ ତାକିନେରି ଏଞ୍ଜାରାଇଁ ସିନିକଦୁ । ୧୮ ଇତିହ୍ ହାରେକା ଇଲେକ୍ ମାନେରି, ଆମ୍ବାଆରି ମାଣକିତି କାତା ଅଲେ ଅଲେ ମିଜେ ୱେସାମାଞ୍ଜାଇଁ, ଇଞ୍ଜା ନୀଏଁ ଜିକେଏ ମିଜେ ଡାହି ଡାହି ୱେସିମାଞ୍ଜାଇଁ, ଏଞ୍ଜାରି ବାରେ କ୍ରୀସ୍ତତି ପାସି ମୁଣ୍ଡାତି ସାତୁ ଆହାମାନେରି; ୧୯ ଏଞ୍ଜାରି ବାରେ ନକିତା ନାସା ଆନାରି, ଆଙ୍ଗାତି ଅଣ୍ପୁ ଏଞ୍ଜାରି ମାହାପୁରୁ, ଏନାୟି ଲାଜାଗାଟାୟି

☆ ୩:୫ ୩:୫ ରମି ୧୧:୧; କାମା ୨୩:୭; ୨୭:୫ ☆ ୩:୬ ୩:୬ କାମା ୮:୩; ୨୨:୪; ୨୭:୯-୧୧ ☆ ୩:୧୭ ୩:୧୭ ୧କର ୪:୧୭; ୧୧:୧

ଏଦାଆଁତାକି ଏଞ୍ଜାରି ବତପଣ କିନେରି, ଇଞ୍ଜା ଦାରତି ତାଣି ବାରେ ଅଣପେ ମାନେରି । ୨୦ ମାର ବାରେ ଲାକପୁରୁତି ଲକୁତାୟି, ଇଞ୍ଜା ଏମ୍ବାଟି ଜିକେଏ ମାଙ୍ଗେ ଗେଲପାନି ପ୍ରବୁ ଜୀସୁ କ୍ରୀସ୍ତତି ଝେଣ୍ଡେ ଝାନାଣି କାଡ଼ିମାନମି; ୨୧ ଏଞ୍ଜାସି ତାନି ଏମିନି କାମା କିନି ବାଡ଼ୁରୁତି ବାରେତି ତାନି ତାଣା ଇଗାଲି ଆଡ଼ିମାନେସି, ଏମ୍ବାଟି ମା ବାଡ଼ୁରୁ ହିଲ୍ଲାଆଗାଟି ଆଙ୍ଗାଟି ତୀରି ମ୍ଲୁପହାନା ତାନି ଗାଢ଼ୁରମିଗାଟି ଆଙ୍ଗା ଲେହେଁ କିୟାନେସି ।

**୪**

**ହୁକୁମି ହାନାୟି**

୧ ଏଦାଆଁତାକି ଏ ନା ଜୀସୁତି ତାୟି ତାଙ୍ଗିସ୍ତା । ମିଙ୍ଗେତାକି ନାଙ୍ଗେ ଏତେକା ରାହାଁତି ଟପେରି ଲେହେଁ । ନାନୁ ଜାପହାତି ଲେହେଁ ପ୍ରବୁ ତାଣା ତୀରିଆହାଁ ନୀତାବାଡ଼କାଦୁ ।

୨ ପ୍ରବୁ ତାଣା ରଣ୍ଡିଏ ଅଣ୍ପୁ ତଲେ ମାଞ୍ଜାଲି ଇୟଦିୟା ଅଡ଼େ ସୁନ୍ତକୁ ରିଣ୍ଡାସିକାଣି ବାଡ଼ିମାଲିମାଲ୍ । ୩ ନା କାମାତା ଆଣ୍ଡାନା ମାନି ତଲେ କାମା କିନାତି, ନିଙ୍ଗେ ଜିକେଏ ବାଡ଼ିମାଲିମାଞ୍ଜାଲ୍ ଇ ରୀ ତାଙ୍ଗିସ୍ତାଣି ସାୟେମି କିମ୍ପୁ, ଏନାଆଁତାକି ଇତିହୁଁ କ୍ଲେମେନ୍ସ ଅଡ଼େ ନା ତଲେ କାମାକିନାରି ତଲେ ନେହୁଁ କାରୁ ଝେକହାଲି ନା ତଲେ କାମା କିହାମାନୁ; ଇଞ୍ଜା ନା ତଲେ କାମା କିହାମାନାରି ଦରକା ଜୀସୁତି ପତିତା ରାସ୍କି ଆହାମାନୁ ।

୪ ପ୍ରବୁ ତାଣା ଆଣ୍ଡାନା କାଲେଏ ରାହାଁ କିପୁ, ଅଡ଼େ ଝେଣ୍ଡେ ଝେସିମାଞ୍ଜାଲ୍ ରାହାଁ କିପୁ ।

୫ ବାରେ ଲକୁ ନକିତା ମୀ ସୁଦୁ ସୁଖାଲା ଅଣ୍ପୁ ତଞ୍ଜା ଆପେ । ପ୍ରବୁ ଝାନାୟି ତାଗେ ଝାଡ଼େୟିଏ । ୬ ଏନାଆଁତାକି ଜିକେଏ ଅଣ୍ପାଆଦୁ, ସାମା ବାରେତାକି ପ୍ରାତାନା ଇଞ୍ଜା ଜହରା ତଲେ ମୀ ଲଡ଼ାମାନାଣି ମାହାପୁରୁ ନକିତା ଝେହୁଦୁ । ୭ ଏତେଟିଏ ତେଲହାଲି ଆଡ଼ାଆଗାଟି ମାହାପୁରୁତି

ହିଡ଼ଡ଼ି ମୀ ହିୟାଁ ଅଡ଼େ ଅଣ୍ପୁତା କ୍ରୀସ୍ତ ଜୀସୁ ସାୟେମି ତଲେ ଗେଲପାନା ଇଗାନେସି ।

୮ ଏ ତାୟି ତାଙ୍ଗିସ୍ତା, ଏନାୟି ନେହାୟି, ଏନାୟି ସାତା, ଏନାୟି ଲଡ଼ା ମାନାୟି, ଏନାୟି ଟିକାଣାତାୟି, ଏନା ଏନାୟି ଅଡ଼ିତାୟି, ଏନାୟି ଜୀସୁନନାୟି, ଏନାୟି ମନ କିତି ରାନ୍ଦା, ଏନାୟି ଜୀସୁତା ନେହାୟି, ଏନାୟି ସାତା ଗୁଣୁ ମାନେ ଏ ବାରେ କାତା ଅଣ୍ପେମାଞ୍ଜୁ । ୯ ମୀରୁ ନା ତାଣାଟି ଏନାଆଁ ଜାପାମାଞ୍ଜେରି, ଝେଞ୍ଜାମାଞ୍ଜେରି, ଇଞ୍ଜା ନା ତାଣାଟି ମେସାମାଞ୍ଜେରି ଏ ବାରେ କିପୁ; ଏମ୍ବାଆଁ ହିଡ଼ଡ଼ି ହିୟାନି ମାହାପୁରୁ ମୀ ତଲେ ସାୟେମି ଆୟାନେସି ।

**ଦାନା ତାକି ଜହରା**

୧୦ ବାରେତି ତାୟୁ ନା ତାକି ମୀ ଅଣ୍ପୁ ତଞ୍ଜା ଆହାମାନେ, ଏଦାଆଁତାକି ପ୍ରବୁ ତାଣା ରାହାଁ କିହିମାଲ୍; ସାତେଏ ନା ତାକି ମୀ ଅଣ୍ପୁ ମାଟେ, ସାମା ପାରୁ ମେଡ଼ା ଆହି ହିଲ୍ଲାଆତେରି । ୧୧ ନାଙ୍ଗେ ଏନାୟି ଉଣା ମାନାକି ଝେସିମାଞ୍ଜୁଆଁ, ଏନାଆଁତାକି ଇତିହୁଁ ନାନୁ ଏନିଆହୁଁ ମାତିହୁଁ ଜିକେଏ ରାହାଁତଲେ ମାଞ୍ଜାଲି ଜାପାମାଲ୍ । ୧୨ ନାନୁ ହିଲ୍ଲାଆ ବେଲାତା ବାଡ଼କାଲି ଇଞ୍ଜା ହାରେପୁରେ ମାନି ବେଲାତା ଜିକେଏ ବାଡ଼କାଲି ପୁଞ୍ଜାମାଲ୍, ବାରେବେଲା ବାରେଝାକି ରାହାଁତଲେ ମାଞ୍ଜାଲି, ବାଣ୍ଡି ପାଞ୍ଜେ ଡିଞ୍ଜାନା ଅଡ଼େ ହାକିଟି ଜିକେଏ ମାଞ୍ଜାଲି, ଇଞ୍ଜା ହାରେକା ବେଟାଆହାମାନାଣି ଲେମ୍ବାଲି ଇଞ୍ଜା ହିଲ୍ଲାଆ ବେଲାତା ନୀତାଲି ଜିକେଏ ଜାପାମାଲ୍ । ୧୩ ନାଙ୍ଗେ ବାଡ଼ୁରୁ ହିୟାନି କ୍ରୀସ୍ତ ତାଣାଟି ବାରେ କିହାଲି ଆଡ଼ିଲ୍ ।

୧୪ ଆଡ଼ିଜିକେଏ ମୀରୁ ନା କସ୍ତା ଆଣ୍ଡାମାନାକି ନେହୁଁ କାମା କିହାମାଞ୍ଜେରି । ୧୫ ପିଲିପିୟ ଲକୁତେରି, ମୀରୁ ଜିକେଏ ପୁଞ୍ଜାମାଞ୍ଜେରି, ନେହୁଁ କାରୁ ଝେକହାଲି ମାଟୁହି ବେଲାତା ଏଡ଼େତା ନାନୁ ମାକିଦନିୟାଟି ହାତାଟି ଏତିବେଲା ମୀ ପିସ୍ପେ ଏମିନି କୁଲମି

ନା ତଲେ ଆଶ୍ୱାନା ନା ତାଶାଟି ହୀନାଣି  
 ଅନାଣି ଲେକା ଇଟାହିଲାଆତେରି ।  
 ୧୭ ✠✠ଇତିହିଁ ନାନୁ ତେସଲନିକିତା  
 ମାଟିବେଲାତା ଜିକେଏ ମୀରୁ ନା ଲଡ଼ା  
 ମାଟାଣି ମେସାନା ହାରେକା ଦେବା ଦାନା  
 ପାଶ୍ୱାତେରି । ୧୮ ନାନୁ ମୀ ତାଶାଟି  
 ଦାନା ଅହାଲି ଅଶ୍ୱପି ହିଲଅଁ, ସାମା  
 ଏମିନି ପାଡ଼େୟିଟି ମୀ ଲେକା ହାରେ  
 ହାରେକା ପାତାଆହିମାନେ, ଏଦାଆଁତି  
 ନାନୁ ମେସାଲି ଅଶ୍ୱପିମାଲ୍ । ୧୯ ନାନୁ  
 ବାରେ ବେଟାଆହାମାଲ୍, ଇଞ୍ଜା ନାଜେ  
 ହାରେପୁରେ ମାନେ; ମୀ ତାଶାଟି  
 ପାଶ୍ୱାମାଞ୍ଜାନାଣି ବାରେ ଏପାପୁଦିତ  
 ତାଶାଟି ବେଟାଆହାମାଲ୍, ଏ ବାରେ  
 ନାଜେତାକି ସାରି; ଏ ବାରେ ମାହାପୁରୁ  
 ନକିତା ହେରପାନା ହୃତିମାନି ଗାନ୍ଦାଗାଟି  
 ଦୁପ୍ପଣି ଲେହେଁତାୟି । ୨୦ ଅଡ଼େ ନା  
 ମାହାପୁରୁ କ୍ରୀସ୍ତ ଜୀସୁ ତାଶା ତାନି  
 ଗାଞ୍ଜୁରମି ଦନ୍ତଟି ମୀ ଲଡ଼ାମାନାଣି  
 ହିୟାନେସି । ୨୧ ମା ଆବା ମାହାପୁରୁକି  
 କାଲାକାଲାତାକି ଗାଞ୍ଜୁରମି ଆପେ ।  
 ଆମେନ୍ ।

ଜହରା କିହାନା ଆକୁତି ରାପୁନାୟି

୨୧ କ୍ରୀସ୍ତ ଜୀସୁ ଦରୁତଲେ ବାରେ  
 ମାହାପୁରୁ ଲକୁଇ ଜହରା ଷ୍ଟେହ୍ତୁ,  
 ନା ତଲେ ଇ ଟାୟୁତା ମାନି ତାୟି  
 ତାଜିସ୍ତା ମିଜେ ଜହରା ପାଶ୍ୱିମାଞ୍ଜାନେରି  
 । ୨୨ ବାରେ ମାହାପୁରୁ ଲକୁ ଇତିହିଁ  
 ବାରେକିହାଁ କାୟିସର ଇଲୁତା ମାନାରି  
 ଏଞ୍ଜାରି ମିଜେ ଜହରା ପାଶ୍ୱିମାଞ୍ଜାନେରି  
 ।

୨୩ ପୁରୁ ଜୀସୁ କ୍ରୀସ୍ତ କାର୍ମାମେହ୍ନାୟି  
 ମୀ ବାରେ ଜୀଞ୍ଜୁତା ମାଶ୍ୱେ ।

**କଲସିୟ ମଣ୍ଡଳୀ ନିକଟକୁ  
ପାଉଲଙ୍କ ପତ୍ର  
କଲସିୟ କୁଲମିତାକି  
ପାଞ୍ଚଲ ରାଫାମାନି ଆକୁ  
ମୂଲୁ ହାଡ଼ା**

କଲସିୟ ଆକୁ ଆହିମାନେ ପାଞ୍ଚଲ ତାଣାଟି ରାଫିତି ଆକୁ ୧:୧ । ପାଞ୍ଚଲ ଜୀସୁ କ୍ରୀସୁ ଜାର୍ନାଆଡ଼ି ୭୦ ବାର୍ଯା ତାୟୁ ଏଞ୍ଜାସି ରମ୍ ଗାଡ଼ାଡ଼ି କାୟିଦିତା ମାଚାଟି ଈ ଆକୁ ରାଫାମାନେସି । କଲସିୟ ଆକୁ ତଲେ ଏପିସିୟ ଅଡ଼େ ପିଲିପିୟ ଆକୁତି କାୟିଦିତି ଆକୁ ଇନେରି । ଇଚିହ୍ ପାଞ୍ଚଲ କାୟିଦିତା ମାଚାଟି ଈ ଆକୁ ରାଫାମାଚେସି । ଏଞ୍ଜାସି କଲସିୟ ଗାଡ଼ାତା ମାନି କୁଲମିତାକି ଈ ଆକୁ ରାଫାମାଚେସି । ପାଞ୍ଚଲ ଈ କୁଲମିତି ମାଚୁହା ହିଲିଆଡେସି ୨:୧ ସାମା ଝେସିମାନେ, ହାରେକା ଏମ୍ବାତି ଦାୟିପତି ମାନି କାତା ଏଞ୍ଜାସି ଝେସିମାନେସି । ଏପାପ୍ରସ୍ ଈ କୁଲମି କିହାମାଚେସି ଇଚିହ୍ ଏଞ୍ଜାସି କଲସିୟତାସି ମାଚେସି ।

ପାଞ୍ଚଲ କଲସିୟ କୁଲମିତି ଏଚେକା ମିତି ଜାପ୍ନାରି କାତାତାକି ଅଣ୍ଡିମାଚେସି । ଏଞ୍ଜାସି ଈ କାତାତାକି ହାରେକା ଗାଡ଼ିକିହ୍ ରାଫାମାନେସି । ଇମ୍ବାଆଁ ର ଗତି ଜୀହୁଦି କ୍ରୀସ୍ତାନା ଆମିନି ଗାଗାରି ଜୀହୁଦିଆଆଡ଼ି କ୍ରୀସ୍ତାନା ଲକୁଇଁ ପ୍ଲୁଃଇ ଫୋରାଡ଼ି ଜୀହୁଦି ପାଣାପାଟୁ, ଇଚିହ୍ ତଲୁ ଦାପିଆନି ଫୋରା ମାନୁଞ୍ଜି ଆହାଲି ବାଲାମାତମି କିହାଲି ଅଣ୍ଡିମାଚେରି । ପାଞ୍ଚଲ ବାରେକିହ୍ ଲଡ଼ାହିଲିଆ କ୍ରୀସ୍ତାନା ଲକୁତି କାତା ରାଫିମାନେସି, ରଅସି ଆମ୍ବାଆସି ଜିକେଏ ଆଡ଼େସି କ୍ରୀସ୍ତତି ପିସ୍ପେ ମାହାପୁରୁ ତାଣା ନେହ୍ସି ଆହାଲି ଆଡ଼ଅସି ୧:୧୫-୨୦ ଅଡ଼େ ମାଣସି ବାଦିବାଦା ତଲେ ଜାପ୍ନି କାତା ଉଜେଏତାୟି ୨:୮ ।

**ପତିତା ମାନାୟି**

- ୧. ଜହରା କିହାନା ଆକୁତି ମାଚୁନାୟି । ୧:୧-୨
- ୨. କ୍ରୀସ୍ତତି କାଜାପାଣା ଅଡ଼େ ମିତି ଜାପ୍ନାରି ଝେଣ୍ଡେ ଜଲିନାୟି । ୧:୩-୩:୪
- ୩. ନେହ୍ କ୍ରୀସ୍ତାନା ଲକୁ ଆହାନା ନୀତାଲି ଝେହ୍ନାୟି । ୩:୫-୪:୨
- ୪. ଆକୁତି ଏଚକା କୁଲମିତା ପତ୍ରଞ୍ଜି ଆହାଲି ଇଞ୍ଜା ଜହରା ତଲେ ଆକୁତି ରାପ୍ନାୟି । ୪:୭-୧୮

୧ ପାଞ୍ଚଲ, ମାହାପୁରୁତି ଅଣ୍ଡପୁ ତଲେ କ୍ରୀସୁ ଜୀସୁତି ପାଣ୍ଡିଆହାମାନି ସୀସୁ ଅଡ଼େ ମା ତାୟି ତିମତି ।

୨ କଲସିୟତା ମାନି ମାହାପୁରୁତି ଲକୁ ଇଞ୍ଜା କ୍ରୀସୁ ତାଣା ନାମାମାନି ତାୟି ତାଞ୍ଜିସ୍ତାକି ଆକୁ ରାଫିମାନମି; ମା ଆବା ମାହାପୁରୁ ତାଣାଟି କାର୍ମାମେହ୍ନାୟି ଅଡ଼େ ହିଡ଼ଡ଼ି ଜୀସୁ ମିଙ୍ଗେତାକି ଆୟାପେ ।

**ଜହରା ପ୍ରାତାନା**

୩ ମାମ୍ବୁ ମିଙ୍ଗେ ତାକି ପ୍ରାତାନା କିହାନା ମା ପ୍ରୁ କ୍ରୀସୁ କ୍ରୀସ୍ତତି ଆବା ମାହାପୁରୁଇଁ କାଚେଏ ଜହରା କିହିମାନମି; ୪ ଏନାଆଁତାକି ଇଚିହ୍ ମାମ୍ବୁ କ୍ରୀସୁ ଜୀସୁ ତାଣା ମୀ ନାମ୍ବୁ ଅଡ଼େ ମାହାପୁରୁ ଲକୁଣି ଜୀସୁନହ୍ନା ମାନାଣି ଝେଞ୍ଜାମାନମି । ୫ ଏଚିବେଲା ନେହ୍ କାଚୁତି ସାତା ବଲୁ ମୀ ତାଣା ମୂଲୁଏ ଖାଡ଼େ, ମୀରୁ ଏଦାନି ତାଣାଟି ହୀପକିଆଡ଼ି ବାସ୍ତୁତି କାତା ଝେଚେରି । ମୀରୁ ଏନାଆଁ ବାସ୍ତୁ କିଦେରି, ଏନାୟି ମୀ ତାକି ଲାକପୁରୁ ଇଚକି ଆହାମାନେ, ଏମ୍ବାଆଁ ମୀ ନାମ୍ବୁ ଅଡ଼େ ଜୀସୁନନାୟି ଡ଼ୟାମାନେ । ୬ ଏ ନେହ୍ କାଚୁ ମୀ ତାଣା ଖାହାମାନେ, ଇଞ୍ଜା, ଏଦି ଏନିକ୍ ବାରେ ଦାରତିତା ପାଡ଼େୟି କାମ୍ବାନା ଅଡ଼େ ପାତାଆହିମାନେ, ମୀରୁ ଆମିନି ଦିନା ଏଦାଆଁ ଝେଞ୍ଜାନା ସାତା ତଲେ ମାହାପୁରୁତି କାର୍ମା ଫୋଡ଼ାଆଡ଼େରି, ଏ ଦିନାଟିଏ ମୀ ତାଣା ଜିକେଏ

☆ ୧:୭ ୧:୭ କଲସି ୪:୧୨; ପିଲିମ ୧:୨୩

ଏଲେ ଆହିମାନେ । ୭ \*ମା ତଲେ କାମା କିନି ଜୀଝୁତି ତାୟି ଏପାପା ତାଣାଟି ମାହାପୁରୁତି କାର୍ମାମେହନି କାତା ଜାପାମାଞ୍ଜେରି; ଏଝାସି ମିଙ୍ଗେ ତାକି କ୍ରୀସ୍ତିତି ର ମାନି ତଲେ ସେବା କାମାକିନାସି; ୮ ଏଝାସି ସୁଦୁଜୀଝୁ ତଲେ ମିଙ୍ଗେ ହାହାମାଞ୍ଜାନି ଜୀଝୁ ନଝିଆନି କାତା ମାଙ୍ଗେ ଝେସାମାଞ୍ଜାନେସି ।

୯ ଇଦାଆଁତାକି ମୀ କାତା ଝେତି ଦିନାଟିଏ ମାମ୍ବୁ କାଲେଏ ମୀ ତାକି ପ୍ରାତାନା କିହିମାନମି । ମୀରୁ ବାରେ ସୁଦୁଜୀଝୁତି ରୁଦି ଅଡେ ତେଲ୍‌ହିନି ବାଡ଼ୟୁ ତଲେ ମାହାପୁରୁତି ବାରେ ଅଣ୍‌ପୁ ଏନିକିହି ମୀରୁ ପୁଞ୍ଜାଲି ଆଡିଦେରି, ଇଦାଆଁତାକି ମୀ ତାକି ପ୍ରାତାନା କିହିମାନମି । ୧୦ ବାରେ ଜୀଝୁତି ରୁଦିତା ପ୍ରବୁଇଁ ବାରେ ତାଣା ରାହାଁ କିୟାଲି ତାନି ଜଗେତି ମାଣକି ତଲେ ତାକାଦୁ, ଇତିହି ମାହାପୁରୁତି ରୁଦିତା ପାତାଆହାନା ନେହି କାମାତି ପାଡ଼େୟି ଆୟାଦୁ । ୧୧ ଇଞ୍ଜା ବାରେ କାମାତା ସାସାତଲେ ଅରହାଲି ତାକି ତାନି ଗାଝୁରମି ଇଞ୍ଜା କାଜାପାଣା ତଲେ ବାରେ ବାଡ଼ୟୁଟି ବାଡ଼ୟୁ ଗାଟାତେରି ଆଦୁ, ୧୨ ଇଞ୍ଜା ଆମିନି ଆବା ମାହାପୁରୁ ଲକ୍ଷୁଣି ଉଜେଡି ରାଜିତା ଆଣ୍ଡାଲି ତାକି ଜଗେ କିହାନା ଅଦିକାରା ହାହାମାଞ୍ଜାନେସି, ଏଦାଆଁତାକି ଏଝାଣାଇଁ ରାହାଁତଲେ ଜହରା କିଦୁ । ୧୩ ଏଝାସି ମାଙ୍ଗେ ଆଦେରିତି ବାଡ଼ୟୁଟି ପିସପି କିୟାତେସି ଅଡେ ତାନି ଜୀଝୁତି ମୀରଏଣାତି ରାଜିତା ମାଙ୍ଗେ ତାତାତେସି । ୧୪ \*ଏ ମୀରଏଣି ତାଣାଟି ମାର ଗେଲ୍‌ପି ଆହାମାନାୟି ଇତିହି ମା ପାପୁ ବାରେ ମ୍ବେପକି ଆହାମାନେ ।

କ୍ରୀସ୍ତ ଅଡେ ତାନି କାମା

୧୫ କ୍ରୀସ୍ତ ତଞ୍ଜା ଆଆଗାଟି ମାହାପୁରୁତି ତଞ୍ଜାଆନି ଝାଣା ଗାଟାସି, ଏଝାସି ନଚ୍‌କଏ ଜାର୍ନାଆଡି ମୀରଏସି, ଇଞ୍ଜା ବାରେ

ଗାଡି ଆଡି କିହାଁ କାଜାସି, ୧୬ ତଞ୍ଜା ଆନାୟି ଅଡେ ତଞ୍ଜା ଆଆଗାଟାୟି ଲାକପୁରୁ ଅଡେ ଦାରତିତା ବାରେ ଏଝାଣି ତାଣାଟି ଗାଡି ଆହାମାନେ, ସିଂଗାସାଣି କି କାଜାପାଣା କି ଅଦିକାରା କି ସାଲ୍‌ଝି କିନାୟି ବାରେ ଏଝାଣି ତାଣାଟି ଇଞ୍ଜା ଏଝାଣି ତାକି ଗାଡି ଆହାମାନେ; ୧୭ ବାରେ ଗାଡି ଆଡି ନଚ୍‌କଏ କ୍ରୀସ୍ତ ମାଚେସି, ଇଞ୍ଜା ଏଝାଣି ତାଣା ଆଣ୍ଡାମାନାକି ବାରେ ଗାଡିଆଡାଇ ତାମ୍ବୁମାନି ଚାୟୁତା ମାନ୍ଦୁ । ୧୮ \*କ୍ରୀସ୍ତ କୁଲମି ଲେହେତି ଆଙ୍ଗାତି ତାୟି ଲେହେତାସି, ଏ ଆଙ୍ଗାତି ଜୀଝୁ ବାଡ଼ୟୁ । ବାରେ ତାଣା ନକିତା ଆହାଲି ତାକି ଏଝାସି ହାଡାରି ତାଣାଟି ନଚ୍‌କଏ ନିଙ୍ଗାମାନେସି । ୧୯ ଏଦାଆଁତାକି ଇତିହି ମାହାପୁରୁତି ଅଣ୍‌ପୁ ଲେହେ ମୀରଏସି ତାନ୍‌ଏ ମାହାପୁରୁତି ବାରେ ମାଣକି ଆସା କତାମାନେସି, ୨୦ \*ଅଡେ ତାନି ମୀରଏଣା କୁସତି ନେତେରି\* ତଲେ ଏଝାସି ହିଡ଼ିଡ଼ି ତୀରି କିହାନା ଏଝାଣି ତାଣାଟି ତାନିତଲେ ବାରେ ଲକ୍ଷୁଣି କାଲ୍‌ନେସି, ହାଅ ଏଝାଣି ତାଣାଟି ଦାରତିତା ଅଡେ ଲାକପୁରୁ ମାନାଣି ବାରେ କାଲ୍‌ଝି କିନେସି ।

୨୧ ଅଡେ ନଚ୍‌କଏ ର ବେଲାତା ମନତା ଲାଗେଏତି କାମା କିହାନା ମୀରୁ ମାହାପୁରୁ ତାଣାଟି ଏଚ୍‌କା ଅଡେ ହେକ ମାଚେରି ଇଞ୍ଜା ମନତା ତାନି ସାତୁ ମାଚେରି, ୨୨ ସାମା ନୀର୍ଏ ମାହାପୁରୁ ମିଙ୍ଗେ ଜିକେଏ ତାନି ନକିତା ସୁଦୁ ଗାଟାତେରି, ନିନ୍ଦା ଅଡେ ଦହ ହିଲାଆଗାଟାତେରି କିହାଲି ତାନି ମୀରଏଣା ଆଙ୍ଗାତି ହାକି ତଲେ ମିଙ୍ଗେ ତାନିତଲେ କାଲ୍‌ହା ମାଞ୍ଜାନେସି; ୨୩ ମୀରୁ ର ତୀରପୁ ଆଚୁଝା ପୁନାଦି ଲାକ ଡୟାଦୁ ଅଡେ ନେହି କାରୁ ଝେନି ବେଲାତା ଏମିନି ବାର୍ସୁ ଇଟାମାଚେରି ଏମ୍ବାଟି ଇତାଲା ଆତାଲା ଆଆଦୁ, ଆଡିହି ସାତେଏ ଏମ୍ବାଟି ପାଡ଼େୟି ବେଟାଆଦେରି; ଏ ନେହି କାରୁ

\* ୧:୧୪ ୧:୧୪ ଏପିସି ୧:୭ \* ୧:୧୮ ୧:୧୮ ଏପିସି ୧:୨୨,୨୩ \* ୧:୨୦ ୧:୨୦ ଏପିସି ୨:୧୭ \* ୧:୨୦ ୧:୨୦ ନେତେରି ଇତିହି ମୀରଏଣା ହାକି

ମୀରୁତ ୱେଞ୍ଜାମାଞ୍ଜେରି; ଏଦି ହାଗୁପାକା ଡ଼ଇ ମାନି ବାରେ ଗାଡ଼ି ଆଡ଼ିତାଣା ଏ ନେହଁ କାରୁ ୱେଞ୍ଜାମାନେ ଅଡ଼େ ନାନୁ ପାଞ୍ଜୁଲ ଏମ୍ବାତି ନାମୁତି ହଲେଏଣାତେଏଁ ।

କୁଲମିତା ପାଞ୍ଜୁଲତି କାମା

୨୪ ନାନୁ ମିଙ୍ଗେତାକି ଆମିନି ଦୁକୁ କସ୍ତୁ ବେଟାଆହି ମାଇଁ, ଏମ୍ବାଆଁ ନାନୁ ନୀଏଁ ରାହାଁ କିହିମାଇଁ, ଇଞ୍ଜା କ୍ରୀସ୍ତତି ଦୁକୁ କସ୍ତୁ ଏନାୟି ଡ଼ୟାମାନେ ଏଦାଆଁ ନାନୁ କୁଲମିତାକି ଆଙ୍ଗା ତଲେ ଦୁକୁ କସ୍ତୁ ଅରୁହାନା ରାପୁହାଲି ସାୟେମି କିହିମାଇଁ । ୨୫ ମାହାପୁରୁ ନାଙ୍ଗେ ସେବାକିନି କାମା ହେରପା ମାଞ୍ଜାନେସି, ଏଲେଆହଁଏ ଏ କୁଲମିତି ନାନୁ ର ସେବା କିନାତେଏଁ ଆହାମାଇଁ, ଏନିକଁ ନାନୁ ମାହାପୁରୁତି ବଲୁ ତାରିତଲେ ୱେକ୍‌ଇଁ, ୨୬ ଏ ନେହଁ କାରୁ ର ଡ଼ଗୁମାନି କାତା ତଲି କାଲ୍ଲା ଅଡ଼େ ଆକୁ ଆବାୟା ତାଣାଟି ଡ଼ଗୁମାରେ, ସାମା ନୀଏଁ ତାନି ଲକୁତାଣା ତସାମାନେସି । ୨୭ ଜୀହୁଦିଆଆତି ଲକୁତାଣା ଏ ଡ଼ଗୁମାନି ଗାଞ୍ଜୁରମିଗାଟି ଦନ ଏନାୟି ଏଦାଆଁ ମାହାପୁରୁ ତାନି ଲକୁତାଣା ତସାଲି ଅଣ୍ଡପିତେସି; ଏ ଡ଼ଗୁମାନାୟି ଇଦି, ମୀ ତାଣା କ୍ରୀସ୍ତ ଏଞ୍ଜାସି ଗାଞ୍ଜୁରମି ଅଡ଼େ ବାସ୍ତୁ ଲେହେଁତାସି; ୨୮ ମାମ୍ନୁ ଏ କ୍ରୀସ୍ତଇଁ ୱେକ୍‌ହି ମାନମି, ଇଞ୍ଜା ବାରେଜାଣାତି ସେଡ଼ନା ଇଞ୍ଜା ବାରେ ବୁଦିତଲେ ଜାପୁହି ମାନମି, ମାମ୍ନୁ ଏନିକଁ ମାହାପୁରୁ ନକିତା ତୀରପୁତି ଲକୁ ଲେହେଁ ତାଚାଲି ଆଡ଼ିନମି; ୨୯ ଏଦାଆଁ କିହାଲିତାକି ନା ତାଣା କାମା କିହିମାନି କ୍ରୀସ୍ତ ହାହିମାଞ୍ଜାନି କାଜା ବାଡ଼ୟୁତି ଲେମ୍ବାନା ନାନୁ ଜୀଞ୍ଜୁ ତୁସାନା କାମା କିହିମାଇଁ ।

୨

୧ ମୀ ତାକି ଲାଞ୍ଜୁଦିକିୟତି ଲକୁ ଅଡ଼େ ନାଙ୍ଗେ ସାତେଏ ପୁଞ୍ଜାମାଞ୍ଜଅରି, ଏ ବାରେଜାଣା ତାକି ନାନୁ ଏତେକା ଜୀଞ୍ଜୁ ତୁସାନା କାମା କିହାମାଇଁ, ଇ ବାରେ

ମୀରୁ ପୁଞ୍ଜୁ ଇଞ୍ଜଁ ନାନୁ ଅଣ୍ଡପିମାଇଁ; ୨ ନା ଅଣ୍ଡପୁ ଇଦି, ଏନିକଁ ଏଞ୍ଜାରି ହିୟାଁ ରାହାଁ ଆନେ, ଇଞ୍ଜା ଏଞ୍ଜାରି ସାତା ବୁଦିତି ବାରେ ଦନ ବେଟାଆହାଲି ତାକି, ଇତିହଁ ମାହାପୁରୁତି ଡ଼ଗୁମାନାୟି କ୍ରୀସ୍ତ, ଏଞ୍ଜାଣାଇଁ ପୁଞ୍ଜାଲିତାକି ରଅସି ରଅଣି ତଲେ ଜୀଞ୍ଜୁ ନଞ୍ଜି ଆନେରି । ୩ ଜୀସୁ କ୍ରୀସ୍ତ କୁଟିକାଡ଼ି ଏନାୟି ମାହାପୁରୁତି ବୁଦି ଅଡ଼େ ପୁନାଣି ଡ଼ଗୁମାନି ବାରେ ଦନ ଦେନେସି ।

୪ ମିଙ୍ଗେ ଆମ୍ବାଆସି ନାଡ଼ିକିନି ଲେହେଁତି ମିତି କାତା ୱେସାନା ନାଡ଼ି କିୟାଆପେସି, ଏଦାଆଁତାକି ନାନୁ ଇଦାଆଁ ୱେସିମାଞ୍ଜାଇଁ । ୫ ଇତିହଁ ନାନୁ ଆଙ୍ଗା ତଲେ ହିଲ୍ଲାଆତି ଜିକେଏ ନା ଜୀଞ୍ଜୁତଲେ ମୀ ତାଣା ମାଞ୍ଜାମାଇଁ, ଇଞ୍ଜା ମୀ ନେହଁକଁ ଜାଟୁ ଆନାଣି ଅଡ଼େ କ୍ରୀସ୍ତ ତାଣା ତୀରପୁତଲେ ନାମାମାନାଣି ମେସାନା ରାହାଁ ଆହିମାଇଁ ।

କ୍ରୀସ୍ତ ତାଣା ଜୀଞ୍ଜୁ

୬ ଇତିହଁ ମୀରୁ କ୍ରୀସ୍ତ ଜୀସୁଇଁ ପୁରୁ ଇଞ୍ଜଁ ଏନିକଁ ନାମାମାଞ୍ଜେରି, ଏଲେକିହଁଏ ଏଞ୍ଜାଣି ତାଣା ମାଞ୍ଜାନା ନୀତାଦୁ; ୭ ଏଞ୍ଜାଣି ତାଣା ଜାଣ୍ଡେ ଡ଼ୟାଦୁ, ମୀ ଜୀଞ୍ଜୁତି ତୀରିକିଦୁ ଇଞ୍ଜା ମୀରୁ ଜାପାମାନି ନାମୁତା ଏଞ୍ଜାଣି ତାଣା ବାଡ଼ୟୁ ବେଟାଆଦୁ । ମୀ ହିୟାଁ ଜହରା କିନାୟି ଆପେ ।

୮ ସିନିକିଦୁ, ଏଡ଼େତା ଆମ୍ବାଆସି କ୍ରୀସ୍ତତି ଜାପୁନାୟି ଲାଗେଏତି ମାଣ୍ଡସିତି ପାଣାପାଟୁ ଅଡ଼େ ଦାରତିତି ମୁଲୁ ଜାପୁନି ପାଞ୍ଜି ସିନି କିନାୟି ଅଡ଼େ ଉଜେଏତି ନାଡ଼ିକିନି ତାଣାଟି ମିଙ୍ଗେ କାୟିଦି କିହା ଅୟାନେ; ୯ ଇତିହଁ କ୍ରୀସ୍ତ ତାଣା ମାହାପୁରୁତି ଗୁଣୁ ମାଣ୍ଡସି ଖାଣା ଆହାନା ବାସା ଆନେ । ୧୦ ଏଞ୍ଜାସି ବାରେ ସାଲ୍‌ଞ୍ଜି କିନାରି ଇଞ୍ଜା ଅଦିକାରା ବେଟାଆଡ଼ାରି ତାୟଁ ଲେହେଁ, ଇଞ୍ଜା ଏଞ୍ଜାଣି ତାଣା ମାଞ୍ଜାନା ମୀରୁ ବାଡ଼ୟୁ ବେଟାଆହା ମାଞ୍ଜେରି ।

୧୧ କ୍ରୀସ୍ତ ତଲେ ଆଣ୍ଡିତି ଜୀଞ୍ଜୁଏ ମୀ ତଲୁ ଦାପି ଆଡ଼ି ଲେହେଁତାୟି । ଏ

ତଲୁ ଦାପି ଆଡାୟି ମାଣସି କିତାୟି ଆଏ, ଏଦି କ୍ରୀସ୍ତ ତାଣାଟି ଆହାମାନେ । ଏଦି ମାଣସିଇଁ ପାପୁ ଆଙ୍ଗାଟି ଗେଲୁପି କିନେ । ୧୭ \*ମୀରୁ ଏଟିବେଲା ବାପ୍ତିସ୍ମ\* ବେଟାଆଡେତରି ଏଟିବେଲା ମୀରୁ କ୍ରୀସ୍ତ ତଲେ ମୁସ୍ତପିଆଡେତରି, ଇଞ୍ଜା ଆମିନି ମାହାପୁରୁ କ୍ରୀସ୍ତଇଁ ହାଡ଼ାରି ତାଣାଟି ନିକ୍‌ହେସି, ଏଞ୍ଜାଣି କାମା କିନି ବାଡ଼ୁୟୁତି ନାମାଲିଏ ଏ ବେଲାତା ଏଞ୍ଜାସି ମିଙ୍ଗେ କ୍ରୀସ୍ତ ତଲେ ନିକ୍‌ହାତେସି । ୧୮ \*ମୀରୁ ଆଙ୍ଗାତା ପାପୁ ଗାଟାତେରି ଜୀହୁଦି ଆଆମାଟାଟି ହାହାମାରେରି, ମିଙ୍ଗେ ଜିକେଏ ମାହାପୁରୁ ତାନିତଲେ ମିଙ୍ଗେ ଜୀଝୁ କିହାଁ ମାଞ୍ଜାନେସି, ମାହାପୁରୁ ମା ବାରେତି ପାପୁ ମ୍ଲେକ୍‌ହା ମାଞ୍ଜାନେସି; ୧୯ \*ଏଞ୍ଜାସି ମେରାତା ମା କପାଟି ଆମିନି ଦହ ଦହନି ଆକୁ ମାତେ, ଏଦାଆଁ ଏଞ୍ଜାସି ମ୍ଲେକ୍‌ହାନା ପାସି ମୁଣ୍ଡାତା କୁଟିୟାଁ ଝେତାନା ମା ତାଣାଟି ହେକ କିହାମାନେସି; ୧୫ ଅଡେ ଏ ପାସିମୁଣ୍ଡା ଲାକ କ୍ରୀସ୍ତ ବାରେଲେହେଁତି ବାଡ଼ୁୟୁ ଇଞ୍ଜା ସାଲୁଞ୍ଜି କିନାଆଁ ତାଣାଟି ଜାହାରାଇଁ ପିସ୍‌ପି କିହାକତାମାନେସି ଇଞ୍ଜା ଏଞ୍ଜାଆଁତି ଦସ୍‌ପାନା ତାନୁ ଜୀଣାଆହାନା ହାନିବେଲାତା ବାରେ ଲକୁ ନକିତା ଏଞ୍ଜାଆଁତି ଲାଜା ବେଟାଆଞ୍ଜି କିହାମାନେସି ।

୧୭ \*ଏଦାଆଁତାକି ମୀ ତିନାୟି, ଉନାୟି, ପାରୁତାକି କ୍ଳୁଟି ଲେଞ୍ଜୁ ପାରୁ କି ଜମିନି ଦିନାତି ଆମ୍ବାଆସି ମିଙ୍ଗେ ବିଚାରା କିୟାଆପେସି । ୧୭ ଏ ବାରେ ଝାହିମାନି ଦିନାତା ଆହାଲି ହାଜିମାନି ସାୟୁଁ ଲେହେଁ; ସାମା ଏମ୍ବାତି ସାତା କାତା କ୍ରୀସ୍ତ । ୧୮ ଇଞ୍ଜା ଆମ୍ବାଆସି ଜାହାରା ଉଣା ଆହାନା ଦୁରୁୟାଁ ସେବାତା ରାହାଁ ଆହାନା ସେୟାଣା ହାପାନା ମେସାମାନାଆଁ ପାରାନା ଅଡେ ଦାରତିତି ଅଣ୍‌ପୁ ତଲେ ଉଜେଏ ବତପଣ ଆହାନା ଆମ୍ବାଆସି ତାୟୁଁ ଲେହେଁତି କ୍ରୀସ୍ତ, ଏଞ୍ଜାଣାଇଁ ଆହୁଆନା ମାହାପୁରୁ ବରତି

ଏବକା କିୟାଆପେସି । ୧୯ \*ଏଞ୍ଜାଣି ତାଣାଟି ବାରେ ଆଙ୍ଗା ହାନ୍ତୁଲିକା ଅଡେ ଇଣାୟାଁଟି ନେହୁଁ ଆହାନା ରଣ୍ଡି ରଣ୍ଡାଣି ତଲେ କାଲୁଞ୍ଜି ଆହାନା ମାହାପୁରୁ ହାତି ପାଡ଼ଣିତା ପାତାଆହିମାନୁ ।

କ୍ରୀସ୍ତ ତଲେ ହାନାୟି ଅଡେ ନୀତିନାୟି

୨୦ ମୀରୁ କ୍ରୀସ୍ତ ତଲେ ହାହାମାଞ୍ଜେରି ଅଡେ ଇ ଦାରତିତା ସାଲୁଞ୍ଜି କିହିମାନି ବାଡ଼ୁୟୁଟି ଗେଲୁପି ଆହାମାଞ୍ଜେରି । ଆତିହୁଁ ମୀରୁ ଏନାଆଁତାକି ଦାରତିତି ଲକୁ ଅଣ୍‌ପୁ ତଲେ ନୀତିମାଞ୍ଜେରି ? ଏନାଆଁତାକି ମୀରୁ ଇଲେତି ମେରା ବାରେ ମାନି କିହିମାଞ୍ଜେରି, ୨୧ ଆତିହୁଁ “ମାଣସି ଜାପୁହିମାନି ମେରା ଆହୁଆଦୁ, ଏଦାଆଁ ତିନାଆଦୁ, ଏଦାଆଁ ତୀଗାଆଦୁ ଦାରତିତି ଲକୁ ଲେହେଁ ଇଲେତି ପାଣାପାଟୁ ଏନାଆଁତାକି ମାନୁଞ୍ଜି ଆହିମାଞ୍ଜେରି ?” ୨୨ ଏ ବାରେ ଆସ୍ତି ଗାଡେକା ତାଇ । ଇଞ୍ଜି ଲେମ୍ବିସାରେ ଉଜେଏତାଇ ଆନୁ । ୨୩ ଏଲେତି ଜାପୁନାୟି ଜାହାରା ଅଣ୍‌ପୁଟି ସେବା କିନାୟି, ଜାହାରାଇଁ ଉଣା କିନାୟି ଇଞ୍ଜା ଆଙ୍ଗାତି ହାରେକା କସ୍ତ ହୀହାନା ବୁଦିତି ଦରୁ ବେଟାଆହାମାଇଁ ସାମା ଏଦି ଉଜେଏତାୟି ଏଦାଆଁ ତଲେ ଆଙ୍ଗାତି ଅଣ୍‌ପୁ ରାହାଁ ଆନେ ।

**୩**

୧ ମୀରୁ କ୍ରୀସ୍ତ ତଲେ ହାକିତି ନିଙ୍ଗା ମାଞ୍ଜେରି, ଆତିହୁଁ ମାହାପୁରୁତି ତିଃନି ଟଟେତା କୁଗାମାନି କ୍ରୀସ୍ତତି ଆମିନି ବାସାଗାୟୁ, ଏ ଲାକପୁରୁ ମାନାଣି ପାରାଦୁ । ୨ ଦାରତିତା ମାନି ବାରେ କାତାତି ଅଣ୍‌ପାଆନା, ଲାକପୁରୁ ମାନାଣି ବାରେ ଅଣ୍‌ପାଦୁ । ୩ ଏନାଆଁତାକି ଇତିହୁଁ ମୀରୁ ହାହାମାଞ୍ଜେରି, ଅଡେ ମୀ ଜୀଝୁ ମାହାପୁରୁ ତାଣା କ୍ରୀସ୍ତ ତଲେ ଡୁଗାମାନେ । ୪ ମା ଜୀଝୁ ଲେହେଁତାସି କ୍ରୀସ୍ତ, ଏଟିବେଲା ଏଞ୍ଜାସି ତଞ୍ଜାଆନେସି,

\* ୨:୧୨ ୨:୧୨ ରିନି ୪:୪ \* ୨:୧୨ ୨:୧୨ମୁଞ୍ଜିନାୟି \* ୨:୧୩ ୨:୧୩ ଏପିସି ୨:୧-୫ \* ୨:୧୪ ୨:୧୪ ଏପିସି ୨:୧୫ \* ୨:୧୭ ୨:୧୭ ରିନି ୧୪:୧-୬ \* ୨:୧୯ ୨:୧୯ ଏପିସି ୪:୧୭

ଏଚିବେଲା ମୀରୁ ଜିକେଏ ଗାଝୁରମିଚି ଏଝାଣିତଲେ ଆଣ୍ଡାନା ତଞ୍ଜା ଆଢେଦରି ।

ପୁଃଝ ଜୀଝୁ ଅଡେ ପୁଃନି ଜୀଝୁ

୫ ଏଦାଆଁତାକି ମୀ ଦାରୁତିତି ଲାଗେଏ ପଲେଏ ତାଣାଟି ଇଚିହଁ ଦାରିକାମା, ସୁଦୁ ଆଆତି କାମା, ଲାଗେଏତି ଜୁପକା, ପେଣକା ପୂଜା କିନାୟି, ଜୁପକା ଆନାୟି, ଇ ବାରେତାକି ହାଝି କିହାଁ କଡାଦୁ; ୬ ଇ ବାରେ କାମାତା ଆଣ୍ଡା ମାଞ୍ଜାନା ଆମ୍ବାଆରି ମାହାପୁରୁଇଁ ମାନି କିଅରି, ଏଝାରାକି ମାହାପୁରୁତି କପା ଝାନ୍ଦେ; ୭ ତଲି ମୀରୁ ଜିକେଏ ଇଲେତି ପାପୁ କାମାତା ମାଞ୍ଜାନା ଏଲେକିହଁ ନୀତିମାଚେରି ।

୮ ସାମା ନାଏଁ ମୀରୁ ଜିକେଏ ଇ ବାରେ କାତା ଇଚିହଁ, କପା, କାରୁବି, ଇରସା ଇଞ୍ଜା ମୀ ଗୁତିତି ନିନ୍ଦା କାତା ଅଡେ ଅପାଆଗାଟି ହାଡ଼ା ଜଲ୍ଲାଆଦୁ । ୯ ମୀ ବିତ୍ରା ମିଚି କାତା ଝେସପି ଆଆଦୁ; ଏନାଆଁତାକି ଇଚିହଁ ମୀରୁ ବାରେ ପୁଃଝ ଗୁଣୁ ମାଣ୍ଡକି ପିସାମାଞ୍ଜେରି, ୧୦ ଅଡେ ଏଲେତି ବାରେ କାମା ପିସାନା ପୁଃନି ଗୁଣୁ ପର୍ହାମାଞ୍ଜେରି; ଏ ପୁଃନି ଗୁଣୁ ମାଞ୍ଜେ ଗାଡ଼ିକିତାଣି ଝାଣା ତଲେ ବାରେ ବୁଦି ବେଟାଆହାଲି ତାକି ପୁଃନି ଗାଡ଼ି ଆହାମାଞ୍ଜେରି । ୧୧ ଏଚେଟିଏ ଜୀହୁଦି ଲକୁ ଅଡେ ଜୀହୁଦିଆଆତି ଲକୁ, ତଲୁ ଦାପିଆଡାରି କି ଦାପି ଆଆଡାରି, ଏଟକା ରାଜିତାରି, ସୁଡୁୟାତାରି, ହଲେଏସି, ହଲେଏସି ଆଆଡାସି, ଇ ବାରେତି ବିତ୍ରା ଏନି ପାରୁଡ଼ା ହିଲେଏ, ସାମା କ୍ରୀସୁ ବାରେତାକି ମାନେସି, ଇଞ୍ଜା ଏଝାସି ବାରେ ତାଣା ବାସା କିନେସି ।

୧୨ ମୀରୁ ମାହାପୁରୁତି ଲକୁଚେରି; ଏଝାସି ମିଙ୍ଗେ ଜୀଝୁନହାଁନା ତାଙ୍ଗେତାକି ଆଡାମାଞ୍ଜାନେସି । ଏଦାଆଁତାକି ମୀରୁ ହିଡ଼ଡ଼ି ହିୟାଁ, କାର୍ମାମେହନାଣି, ଡଣା ଆନାୟି, ସୁଦୁ ସୁଝାଲା ମାଣ୍ଡକି ଅଡେ ଅରୁହିନାଣି ପରଦୁ । ୧୩ ମୀ ବିତ୍ରା

କସୁ ଅରୁହି ଆଦୁ, ରଅସି ରଅଣି କପାଟି ଏନି କାତା ଜଲିନାୟି ମାଟିସାରେ ମୀରୁ ରଅଚେରି ରଅଣି ଦହ ମ୍ଲେକଦୁ; ପ୍ରବୁ ଏନିକଁ ମୀ ଦହ ମ୍ଲେକହା ମାଞ୍ଜାନେସି, ମୀରୁ ଜିକେଏ ଏଲେକିହଁଏ କିଦୁ । ୧୪ ଅଡେ ଇ ବାରେ ଗୁଣୁତଲେ ଜୀଝୁନନାୟି ମୀ ବିତ୍ରା ମାଣ୍ଡମ୍ବେ, ଇଚିହଁ ଜୀଝୁନନାୟି ବାରେ ଗୁଣୁତି ରୁଣ୍ଡି କିନେ । ୧୫ କ୍ରୀସୁ ହିୟାଟି ହିଡ଼ଡ଼ି ମୀ ହିୟାଟି ସାଲୁଡ଼ି କିପେ । ଇଚିହଁ ଇ ହିଡ଼ଡ଼ି ତାକି ମାହାପୁରୁ ମିଙ୍ଗେ ରହେଏ ରଣ୍ଡିଏ ଆଙ୍ଗା ଆହାଲି ହାଟାମାଞ୍ଜାନେସି ଅଡେ ବାରେବେଲା ମୀରୁ ମାହାପୁରୁଇଁ ଜହରା କିଦୁ ୧୬ କ୍ରୀସୁତି ବଲୁ ହାରେକା ମୀ ହିୟାତା ଡୟାପେ; ବୁଦିତଲେ ମୀରୁ ରଅଚେରି ରଅଣାଇଁ ହାରେପୁରେ ଜାପୁହାନା ସେଡନା ହାପକିଆଦୁ, ଇଞ୍ଜା ମୀ ସୁଦୁଜୀଝୁ ତଲେ ମାହାପୁରୁଇଁ ଜହରା କିହଁ ହିୟାଁ ତଲେ ପାରୁ ପାଡାଦୁ । ୧୭ ଅଡେ ମୀରୁ କାତାତାକି କାମାତା ଏନାଆଁ କିଦେରି, ଇଚିହଁଏ ବାରେ ପ୍ରବୁ ଜୀସୁ ଦରୁତଲେ କିହାନା ଏଝାଣି ଦରୁତଲେ ଆଡା ମାହାପୁରୁଇଁ ଜହରା କିଦୁ ।

ପୁଃନି ଜୀଝୁତା ଆଣ୍ଡିନାୟି

୧୮ ଏ ଡକ୍ରିସିକାଚେରି, ମୀରୁ ମୀ ତକ୍ରାୟାଣି ମାନି କିଦୁ, ଏନାଆଁତାକି ଇଚିହଁ ମୀରୁ ପ୍ରବୁ ତାଣା ଆଣ୍ଡାମାନାକି ଏଲେ କିନାୟିମାନେ ।

୧୯ ଏ ଡକ୍ରିସିକାଣି ଜୀଝୁନଦୁ, ଏଝାସିକାଣି ହଲେଣିସିକା ଲେହେଁ ଲେମ୍ବାନା ବୁକୁ ହାଆଦୁ ।

୨୦ ଆଡେ କକାରି ପଦାୟାଚେରି, ବାରେ କାତାତା ତାଲି ତାଞ୍ଜିତି କାତ୍ରା ମାନୁଡ଼ି ଆଦୁ, ଏନାଆଁତାକି ଇଚିହଁ ଇଦି ମାହାପୁରୁ ନକିତା ରାହାଁତି ଲେମ୍ବିନାୟି ।

☆ ଶା:୯ ଶା:୯ ଏପିସି ୪:୨୨ ☆ ଶା:୧୦ ଶା:୧୦ ଏପିସି ୪:୨୪ ☆ ଶା:୧୨ ଶା:୧୨ ଏପିସି ୪:୨ ☆ ଶା:୧୩ ଶା:୧୩ ଏପିସି ୪:୩୨ ☆ ଶା:୧୬ ଶା:୧୬ ଏପିସି ୫:୧୯,୨୦ ☆ ଶା:୧୮ ଶା:୧୮ ଏପିସି ୫:୨୨; ୧ପିତ ଶା:୧ ☆ ଶା:୧୯ ଶା:୧୯ ଏପିସି ୫:୨୫; ୧ପିତ ଶା:୭ ☆ ଶା:୨୦ ଶା:୨୦ ଏପିସି ୬:୧



୨୧ \*ଏ ତାଲି ତାଞ୍ଜିତେରି, ମୀ କକାରି ପଦାଣି କାରବି କିଆଦୁ, ଏନିକ ଏଞ୍ଜାରି ନୀରାସା ଆଅରି ।

୨୨ \*ଏ ହଲିୟାଙ୍ଗାତେରି, ମାଣସିଇଁ ରାହାଁ କିନିଲେହେଁ ଦାରତିତି ସାଞ୍ଜୁକାରିୟାଁ ନକିତା ଏ କାମା କିଆଦୁ, ସାମା ମାହାପୁରୁଇଁ ଆଜାନା ହିୟାତି ସୁଦୁ ମାଣକି ତଲେ ବାରେ କାମାତା ଏଞ୍ଜାରାଇଁ ମାନୁଞ୍ଜି ଆଦୁ । ୨୩ ମୀରୁ ଏନି କାମା କିତି ଜିକେଏ ପ୍ରବୁକି କିନିଲେହେଁ ହିୟାଁ ତଲେ କିଦୁ, ମାଣସିୟାଁ ତାକି କିନିଲେହେଁ କିଆଦୁ; ୨୪ ପ୍ରବୁ ତାନି ଲକ୍ଷୁତାକି ଇଟାମାନି ଦାନା ମିଙ୍ଗେ ହିୟାନେସି ଇଞ୍ଜି ପୁଞ୍ଜାମାଞ୍ଜୁ, ଏନାଆଁତାକି ଇଚିହଁ କ୍ରୀସୁଏ ମୀ ସାତା ପ୍ରବୁ ଆମ୍ବାଆରି ସେବା କିହିମାଞ୍ଜେରି । ୨୫ \*ଇଚିହଁ ଆମ୍ବାଆସି ଲାଗେଏ କାମା କିନେସି ଏଞ୍ଜାସି ଲାଗେଏ କାମାତି ପାଡ଼େୟି ବେଟାଆନେସି, ଇଚିହଁ ମାହାପୁରୁ ଲକ୍ଷୁତି ପାରଡ଼ା ବାଟି କିଆନା ନୀହାୟି କିନେସି ।

୪

୧ \*ଏ ସାଞ୍ଜୁକାରିୟାଁତେରି ଲାକପୁରୁ ମୀ ସାଞ୍ଜୁକାରି ମାନେସି ଇଞ୍ଜି ପୁଞ୍ଜାନା ମୀ ହଲିୟାଙ୍ଗାଇଁ ଜୀଞ୍ଜୁନହାଁନା ନେହଁକଁ ଲେମ୍ବାଦୁ ।

ଜାପୁନାୟି

୨ କାଲେଏ ପ୍ରାତାନାତା ରଣିଏ ଅଣ୍ପୁ ତଲେ ମାଞ୍ଜୁ, ଅଡ଼େ ମାହାପୁରୁଇଁ ଜହରା କିହଁ ଏମ୍ବାଆଁ ଜାଗ୍ରାତା ମାଞ୍ଜୁ; ୩ ମାଙ୍ଗେତାକି ଜିକେଏ ପ୍ରାତାନା କିଦୁ, ଏନିକଁ ନେହଁ କାରୁତି କାତା ଝେକହାଲି ମାହାପୁରୁ ମାଙ୍ଗେତାକି ଦାରା ଦେତାନେସି । କ୍ରୀସୁତି ଆମିନି ତ୍ତୁମାନି କାତାତାକି ନାନୁ ନୀର୍ଏ କାୟିଦି ଇଲୁତା ମାଇଁ । ୪ ନାନୁ ଝେକନାଟି ନେହଁକଁ

ପୁଣ୍ଠିକିନିଲେହେଁ ଝେକହାଲି ଆଡ଼ିଇଁ ଇଞ୍ଜି ନାଙ୍ଗେତାକି ପ୍ରାତାନା କିଦୁ ।

୫ \*ପାଗାତି ନେହଁକଁ ଲେମ୍ବାନା ନାମାଆତି ଲକ୍ଷୁ ତାଣା ବୁଦିତି ମାଣକି ତଲେ ଲେମ୍ବାଦୁ । ୬ ମୀ ବଲୁ କାଲେଏ ନେହାୟି, ଅଡ଼େ, ଅଣ୍ପିନାୟି, ଅଡ଼େ ହାରୁ ଲେହେଁ ମୀରୁ ଏନିକଁ ବାରେଜାଣାତି ସାତା କାତା ଝେସାଲି ଆଡ଼ିଦେରି ଏ କାତା ମୀରୁ ପୁନାୟିମାନେ ।

ରାନି ଜହରା

୭\*\*ପ୍ରବୁତି କାମାତା ନା ତଲେ ନାମୁତି ସେବା କାମା କିନି ଜୀଞ୍ଜୁତି ତାୟି ତୁକିକ, ନା ବାରେ କାତା ମିଙ୍ଗେ ଝେସ୍ତାନେସି; ୮ ଏଦାଆଁତାକି ନାନୁ ଏଞ୍ଜାଣାଇଁ ମୀ ତାଣା ପାଣ୍ଡାତେଏଁ, ଏନିକଁ ମୀରୁ ମା ବାରେ କାତା ପୁଞ୍ଜାଲି ଆଡ଼ିଦେରି, ଇଞ୍ଜା ମୀ ବାରେତି ହିୟାଁ ଏଞ୍ଜାଣି ତାଣାଟି ରାହାଁ ବେଟାଆନେ । ୯ \*ଏଞ୍ଜାଣିତଲେ ନାନୁ ନାମୁତା ଜୀଞ୍ଜୁତି ତାୟି ଅନିସିମଇଁ ପାଣ୍ଡାତେଏଁ, ଏଞ୍ଜାସି ମୀ ବିତ୍ରାଟି ରଅସି, ଏଞ୍ଜାରି ଇମ୍ବାଆଁ ଆହିମାନି ବାରେ କାତା ମିଙ୍ଗେ ଝେସ୍ତାନେରି ।

୧୦ \*ନା ତଲେ କାୟିଦିତା ମାନି ଆରିସ୍ତାର୍କ ଅଡ଼େ ବର୍ନବା କୁଟମିତି ତାୟି ମାର୍କ ଏଞ୍ଜାରି କାତା ମୀରୁ ହୁକୁମି ବେଟାଆହାମାଞ୍ଜେରି; ମାର୍କ ମୀ ତାଣା ଖାଡ଼ିସାରେ, ଏଞ୍ଜାଣାଇଁ ଆବାଦୁ, ଏଞ୍ଜାରି ମିଙ୍ଗେ ଜହରା ଝେସି ମାଞ୍ଜାନେରି, ୧୧ ଅଡ଼େ ଜୁସୁ ଦରୁଚି ଝେଜିତି ଜୀସୁ ମିଙ୍ଗେ ଜହରା ଝେସିମାଞ୍ଜାନେସି, କ୍ରୀସୁ ଦାମୁତି ଆବାମାନି ଇ ତାନିଜାଣା ଜୀହୁଦି ବିତ୍ରାଟି ମାହାପୁରୁ ରାଜିତାକି ନା ତଲେ କାମାକିନାରି, ଏଞ୍ଜାରି ନାଙ୍ଗେ ହାରେକା ସାୟେନି କିହାମାଞ୍ଜାନେରି ।

୧୨ \*ଏପାପ୍ରା ମୀ ବିତ୍ରାଟି ରଅସି, ଏଞ୍ଜାସି ମିଙ୍ଗେ ଜହରା କିହିମାଞ୍ଜାନେସି, ଏଞ୍ଜାସି କ୍ରୀସୁ ଜୀସୁତି ର ହଲେଏସି ଇଞ୍ଜା ତାନୁ ପ୍ରାତାନା କିନାଟି ବାରେବେଲା

\* ୩:୨୧ ୩:୨୧ ଏପିସି ୬:୪ \* ୩:୨୨ ୩:୨୨ ଏପିସି ୬:୫-୮ \* ୩:୨୫ ୩:୨୫ ଏପିସି ୬:୯ \* ୪:୧ ୪:୧ ଏପିସି ୬:୯ \* ୪:୫ ୪:୫ ଏପିସି ୫:୧୭ \* ୪:୭ ୪:୭ କାମା ୨୦:୪; ୨୬ମ ୪:୧୨ \* ୪:୭ ୪:୭ ଏପିସି ୬:୨୧,୨୨ \* ୪:୯ ୪:୯ ପିଲିମ ୧:୧୦-୧୨ \* ୪:୧୦ ୪:୧୦ କାମା ୧୯:୨୯; ୨୭:୨; ପିଲିମ ୧:୨୪; କାମା ୧୨:୧୨,୨୫; ୧୩:୧୩; ୧୫:୩୭-୩୯ \* ୪:୧୨ ୪:୧୨ କଲସି ୧:୭; ପିଲିମ ୧:୨୩

ମିଙ୍ଗେ ତାକି ପ୍ରାତ୍ନା କିହିମାନେସି,  
 ଏନିକି ମୀରୁ ନାମୁତା ନେହାତେରି  
 ଆହାନା ମାହାପୁରୁତି ବୁଦି ଅଡ଼େ  
 ଅଣ୍ପୁତି ତୀରେ ପୁଞ୍ଜାନା ଝୀତାଆନା  
 ମାଞ୍ଜେରି । <sup>୧୩</sup> ଇଚିହି ଏଝାସି  
 ମିଙ୍ଗେତାକି ଇଞ୍ଜା, ଲାଝୁଦିକିୟା ଅଡ଼େ  
 ହିଏରାପଲିତା ମାନାରି ତାକି ହାରେକା  
 କସ୍ତୁ ବେଟାଆହି କାମା କିହାମାନେସି,  
 ଏଝାଣି ତାକି ନାନୁ ଇ ସାକି ହାହିମାଞ୍ଜାଇ  
 । <sup>୧୪</sup> ମା ଜୀଝୁତି ତାଙ୍କାଦର ଲୁକ ଅଡ଼େ  
 ଦିମା, ମିଙ୍ଗେ ଜହରା ଝେସିମାଞ୍ଜାନେରି  
 ।

<sup>୧୫</sup> ଲାଝୁଦିକିୟାତା ମାନି ତାୟି  
 ତାଞ୍ଜିସ୍ତା, ତାଞ୍ଜି ନୁମପା ଅଡ଼େ ତାମି  
 ଇଲୁତା ମାନି କୁଲମିତି ମା ଜହରା  
 ଝେହ୍ଦୁ । <sup>୧୬</sup> ଅଡ଼େ ମୀ ତାଣା ଇ  
 ଆକୁ ପଡ଼ଝି ଆଡି ତାୟି ଲାଝୁଦିକିୟା  
 କୁଲମିତା ଜିକେଏ ଏନିକି ପଡ଼ଝି  
 ଆନେରି, ଇଞ୍ଜା ଲାଝୁଦିକିୟାଟି ଆମିନି  
 ଆକୁ ଝାନେ ଏଦାଆଁ ମୀରୁ ଜିକେଏ  
 ପଡ଼ଝି ଆଦେରି ଏଦାଆଁତାକି ଜାଗ୍ରାତା  
 ଆଦୁ । <sup>୧୭</sup> ଆକି ପପଇଁ ଝେହ୍ଦୁ,  
 “ନୀନୁ ଆମିନି ପ୍ରବୁତି ସେବା କିନି ପାଣା  
 ବେଟାଆହାମାଞ୍ଜି ଏଦାଆଁ ରାପହାଲି  
 ଜାଗ୍ରାତା ମାନାମୁ ।”

<sup>୧୮</sup> ନାନୁ ପାଝୁଲ, ନା କେୟୁତଲେ  
 ଇ ଜହରା ରାଡ଼ିମାଇଁ, ନା କାୟିଦିତା  
 ମାନାଣି ଅଣ୍ପାଦୁ ! ମାହାପୁରୁତି  
 କାର୍ମାନେହ୍ନାୟି ମୀ ବାରେତାକି  
 ଆୟାପେ ।

**କୁଲମିକି ପାଞ୍ଚଲ  
ରାଡ଼ାମାନି ରୀ ଲମ୍ବର ଆକୁ  
ତେସଲନିକି  
କୁଲମିତାକି ପାଞ୍ଚଲ  
ରାଡ଼ାମାନି ରୀ ଲମ୍ବର  
ଆକୁ  
ମୂଲୁ ହାଡ଼ା**

ତେସଲନିକି ରୀ ଲମ୍ବର ଆକୁ ପାଞ୍ଚଲ ତାଣ୍ଡାଟି ରାସ୍ତିକି ଆହାମାନେ ୧:୧ । ତେସଲନିକି ମୂଲୁ ଆକୁ ରାଡ଼ିତି ଏଚରଦିନା ତାୟୁ ଇଚିହଁ କ୍ରୀସ୍ତ ଜାର୍ନାଆଡ଼ି ୫୧ ବାର୍ଯା ତାୟୁ ଇ ଆକୁ ରାସ୍ତିକି ଆହାମାନେ । ଏତିବେଲାତା ପାଞ୍ଚଲ କରନ୍ତି କୁଲମିତା ମାତେସି କାମା ୧୭:୧-୧୦ ।

ତେସଲନିକିତା ମାନି କ୍ରୀସ୍ତାନା ଲକୁ କ୍ରୀସ୍ତ ଖେଣ୍ଡେ ଖାନି କାତାତି ନେହଁକଁ ପୁନାଆନା ତାନି ଅଣପୁତା କିଲିବିଲି ଆହିମାତେରି । ଏଞ୍ଜାରି ତାମ୍ବୁ କିଞ୍ଜିତି କାମା ପିସାନା ନିସ୍ତା ଆଡ଼େରି ଇଞ୍ଜା ଅର୍ କ୍ରୀସ୍ତାନା ଲକୁ ଏଞ୍ଜାରାଇଁ ସାଢ଼େମି କିହିମାତେରି ।

ଏଚରଜାଣା କ୍ରୀସ୍ତ ଖେଣ୍ଡା ଖାନାଣି ଆଜିମାତେରି, ଇ କାତା ପୁଞ୍ଜାନା ପାଞ୍ଚଲ ଇ ରୀ ଲମ୍ବର ଆକୁ ରାଡ଼ିମାନେସି, ଇଚିହଁ କ୍ରୀସ୍ତ ଖାଆ ନକେଏ ହାଡ଼େକା ଲାଗେଏ ପଲେଏ ଆହିମାତେ, ଇଞ୍ଜା ଏଞ୍ଜାରାଇଁ ବାତିମାଲିହଁ ରାଡ଼ିମାନେସି । ମୀରୁ ନାମୁତା ପାତାଆହାନା ମାଞ୍ଜେମାଞ୍ଜୁ, ଦୁକୁ କସ୍ତ ବେଟାଆହାଲି ଅର୍ହାଦୁ, ନା ଆଡ଼ିହତାରି ଖାହୁ ତଲେ କାମା କିତିଲେହେଁ ମୀରୁ ଜିକେଏ ନାମୁତି କାମା କିଦୁ ଇଞ୍ଜା ଏଞ୍ଜାରାଇଁ ବାତିମାଲିହଁ ରାଡ଼ିମାନେସି ।

**ପତିତା ମାନାୟି**

୧. ପାଞ୍ଚଲ ତାଙ୍ଗେ ଅଡ଼େ ତାନି ଆଡ଼ିହତାରାଇଁ ପୁଣିମିକିନାୟି ।

- ୧:୧-୨
- ୨. ତେସଲନିକି କୁଲମିତାକି ଜହରା ଅଡ଼େ ପ୍ରାତାନା । ୧:୩-୧୨
- ୩. ରାନି ଦିନାତି କାତା । ୨:୧-୧୭
- ୪. ଏଞ୍ଜାରି ନିସ୍ତା କପାଟି ଅଡ଼େ କାମା କିହାଲି ଖେହ୍ନାୟି । ୩:୧-୧୫
- ୫. କୁଲମିତି ଜହରା କିହାନା ଆକୁତି ରାପୁନାୟି । ୩:୧୬-୧୮

୧ \*ପାଞ୍ଚଲ, ସିଲା ଅଡ଼େ ତିମତି ମା ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡା ମାନି ତେସଲନିକିତି କୁଲମିକି ଆକୁ ରାଡ଼ିମାନମି ।

୨ ଆବା ମାହାପୁରୁ ଅଡ଼େ ପ୍ରବୁ ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହ୍ନାୟି ଅଡ଼େ ହିଡ଼ଡ଼ି ଜୀଞ୍ଜୁ ମିଙ୍ଗେତାକି ଆୟାପେ ।

ଜୀସୁ ଖେଣ୍ଡେ ଖାନାୟି ଅଡ଼େ ନାହାୟି କିନାୟି

୩ ଏ ମା ତାୟିୟା ଅଡ଼େ ତାଜିସ୍ତାତେରି ମୀ ତାକି ମାମୁ ରାବେଦିନା ମାହାପୁରୁଇଁ ଜହରା କିନାୟି ଲଡ଼ାମାନେ, ଏଲେଆନାୟି ନେହେଁ, ମୀ ନାମୁ ଅଡ଼େ ରଅତେରି ରଅଣାଇଁ ଜୀଞ୍ଜୁନନାୟି ଦିନମି ତାକି ଦିନମି ପାତାଆହିମାନେ । ୪ ଏଚେଟିଏ ମୀରୁ ଆମିନି ବାରେ ସାସ୍ତି ଇଞ୍ଜା କସ୍ତ ବେଟା ଆହାମାଞ୍ଜେରି, ଏମାଟି ମୀରୁ ଅର୍ହାନା ନାମୁତଲେ ମାଞ୍ଜେ ମାଞ୍ଜେରି, ଏଦାଆଁତାକି ମାମୁ ମାହାପୁରୁ କୁଲମିକାଣା ମିଙ୍ଗେ ତାକି ବତପଣ ଆହିମାନମି ।

୫ ମାହାପୁରୁତି ଆମିନି ରାକିତି ତାକି ଦୁକୁ ବେଟାଆହି ମାଞ୍ଜେରି, ଏଦିଏମାଆଁ ଜଚେ ଇଞ୍ଜା ତଞ୍ଜାଆହାଲି ଇଦିଏ ମାହାପୁରୁତି ନେହଁ ନାହାୟିତି ପାରମାଣା । ୬ ଏତିବେଲା ମିଙ୍ଗେ କସ୍ତ ହାହିମାଞ୍ଜାତି ଲକୁକି ବାଦୁଲି ଲେହେଁ କସ୍ତ ହାନାୟି ଇଞ୍ଜା କସ୍ତ ବେଟାଆହି ମାଞ୍ଜେରି ମୀରୁ, ମିଙ୍ଗେ ମା ତଲେ ଜମିକିୟାନମି, ଇଦିଏ ମାହାପୁରୁ ନକିତା ନେହଁ କାତା; ୭ ଇଚିହଁ ପ୍ରବୁ ଜୀସୁ ଏତିବେଲା ଜାହାରା ବାଡ଼ୁୟି ଗାଟି ଦୁଡ଼ୁୟା ତଲେ

\* ୧:୧ ୧:୧ କାମା ୧୭:୧

ଡ଼ାଞ୍ଜି ମାନି ହିରୁ ଗୁଦ୍‌ୱା ତଲେ ଲାକପୁରୁଟି ତଞ୍ଜାଆନେସି । ୮ ଆମ୍ବାଆରି ମାହାପୁରୁଇଁ ପୁଞ୍ଜାହିଲଅରି, ଅଡ଼େ ମା ପ୍ରବୁ ଜୀସୁ କ୍ରୀସ୍ତତି ନେହୁଁ କାବୁ ମାନଞ୍ଜି ଆଅରି, ଏଞ୍ଜାରାଇଁ ଏଞ୍ଜାସି ଏତିବେଲା ତଣ୍ଡ ହାନେସି । ୯ ଇଚିହୁଁ, ଆମିନି ଦିନା ଏଞ୍ଜାସି ଜାହାରା ଦାର୍ମୁଗାଟାରି ତଲେ ଗାଞ୍ଜୁରମି ବେଟାଆହାଲି ଇଞ୍ଜା ନାମାମାନି ମାହାପୁରୁ ଲକୁ ତାଣାଟି କାବାଆନ୍ତି ସିନାଲେହେଁ ଆହାଲି ଖାନେସି । ଇଚିହୁଁ ମୀରୁ ମାମ୍ବୁ ହାହାମାଞ୍ଜାନି ସାକିତି ନାମାମାଞ୍ଜେରି । ୧୦ ଏ ଦିନା ଏଞ୍ଜାରି ତଣ୍ଡ ବେଟାଆନେରି, ଇଚିହୁଁ ପ୍ରବୁତି ତାଗେଟି ଇଞ୍ଜା ତାନି ବାଡ଼ୁରୁଗାଟି ଗାଞ୍ଜୁରମିଟି ହେକ ହାଜାନା କାଲାକାଲା ତାକି ନାସା ଆନେରି ।

୧୧ ଏଦାଆଁତାକି ମା ମାହାପୁରୁ ଏନ୍ନିକିଁ ମିଙ୍ଗେ ହାଟାମାଞ୍ଜାନି ଜଟେ ଇଞ୍ଜାନେସି, ଏଦାଆଁତାକି ମାମ୍ବୁ ଜିକେଏ ବାରେବେଲା ମିଙ୍ଗେତାକି ପ୍ରାତାନା କିହିମାନମି; ଏନ୍ନିକିଁ ନାମୁତି ବାରେ କାମା ନେହୁଁକିଁ କିହାଲି ଆଡ଼ିଦେରି । ୧୨ ଏଲେଆଡ଼ିହୁଁ ମା ମାହାପୁରୁ ଇଞ୍ଜା ପ୍ରବୁ ଜୀସୁ କ୍ରୀସ୍ତତି କାର୍ମାମେହନାଣି ଲେହେଁ ପ୍ରବୁ ଜୀସୁତି ଦରୁ ମା ତାଣା ଗାଞ୍ଜୁରମି ଆନେ, ଅଡ଼େ ମୀରୁ ତାନିତାଣାଟି ଗାଞ୍ଜୁରମି ବେଟାଆଦେରି ।

**୨**

ଲାଗେଏତି ମାଣ୍ଡସି

୧ \*ତାୟିୟାଁ ଅଡ଼େ ତାଙ୍ଗିସ୍ତାତେରି, ପ୍ରବୁ ଜୀସୁ କ୍ରୀସ୍ତ ଖେଣ୍ଡେ ଖାନାଣି ଅଡ଼େ ମୀରୁ ତାନିତଲେ କୁଡ଼ା ଆନାଣି ତାକି ମିଙ୍ଗେ ବାତିମାଲି ମାଞ୍ଜାନମି । ୨ ପ୍ରବୁତି ଦିନା ଏଗାଞ୍ଜାଡ଼େୟିଏ ଇଞ୍ଜିହୁଁ ମୀ ଏନ୍ନି ଜୀସୁ କି ବଲୁ କି ମା ତାଣାଟି ରାସ୍ତକି ଆହାମାନେ ଇଞ୍ଜୁ ଅଣ୍ଡାପାନା ଆମିନି ଆକୁ ତଲେ ଗାଡ଼େକେଏ ଗୁଟା ଆଆଦୁ କି କଲିବିଲି ଆଆଦୁ । ୩ ଆମ୍ବାଆସି ଏନ୍ନିକିହୁଁ ଜିକେଏ ମିଙ୍ଗେ ନାଡ଼ି କିୟାଆପେସି, ଏନାଆଁତାକି ଇଚିହୁଁ

ମୁଲୁଏ ଦାର୍ମୁ ବିତ୍ତା ଗଡ଼ହା ଆନେ, ଅଡ଼େ ନାସାକିନି ଦାର୍ମୁ ହିଲାଆ ମାଣ୍ଡସି ତଞ୍ଜା ଆନାୟି ମାନେ, ଆଆଡ଼ ପ୍ରବୁତି ଦିନା ଖାଏ । ୪ ଇଞ୍ଜାସି ଏ ଦାର୍ମୁ ହିଲାଆଗାଟି ମାଣ୍ଡସି ପୂଜା ବେଟାଆହିମାନି ପେଣକା କି ମାହାପୁରୁ କପାଟି ନିଙ୍ଗିନେସି ଅଡ଼େ ବାରେତି କିହାଁ ଜାହାରାଇଁ ହାରେକା ଗାଞ୍ଜୁରମି କିହାକତିନେସି, ଇଲେକିହୁଁ ମାହାପୁରୁତି ଇଲୁତା ଜିକେଏ କୁଗାନା ଏଞ୍ଜାସି ନାନୁ ମାହାପୁରୁତେଏଁ ଇନେସି ।

୫ ମୀରୁ ଏଦାଆଁ ଅଣ୍ଡପି ହିଲଅତେରି କି ? ନାନୁ ମୀ ତଲେ ମାଟିବେଲା ମିଙ୍ଗେ ଇ ବାରେ କାତା ଖେସାମାଞ୍ଜାତେଏଁ । ୬ ତାରିକିହା ମାନି ଦିନା ଏଞ୍ଜାସି ତଞ୍ଜାଆନେସି, ଆଡ଼ିଜିକେଏ ତାନୁ ଖାନାଣି ଏନାୟି ଆକ୍ତିମାନେ ଏଦାଆଁ ମୀରୁ ପୁଞ୍ଜାମାଞ୍ଜେରି । ୭ ଏ ପାପୁତା ଡ଼ଗୁମାନି ବାଡ଼ୁରୁ ନାଏଁ ଜିକେଏ କାମା କିହିମାନେ, ସାମା ଏନାୟି ଆନାୟି ମାନେ ଏ ଆକ୍ତା ମାନାସି ଗୁଟା ଆଆପାତେକା ଖାଏ ।

୮ ଏତିବେଲା ଲାଗେଏତି ଜୀସୁଗାଟି ମାଣ୍ଡସି ତଞ୍ଜାଆନେସି, ଏଞ୍ଜାଣାଇଁ ପ୍ରବୁ ଜୀସୁ ଗୁଡ଼ିଟି ହନ୍ତି ଉକ୍‌ଅଡ଼ି ତଲେ ପାୟିନେସି ଇଞ୍ଜା ତାନୁ ଖେଣ୍ଡେ ଖାନାଟି ତଞ୍ଜାଆନ୍ତି ଉଜେଡ଼ି ତଲେ ନାସା କିନେସି । ୯ ସୟତାନତି ବାଡ଼ୁରୁ ହାପୁକି ଆହାମାନି ଲେହେଁ ବାରେଲେହେଁତି ମିତିତି ବାଡ଼ୁରୁ, ସିନା ଇଞ୍ଜା କାବାଆନ୍ତି କାମା, ଅଡ଼େ ନାସା ଆହିମାନି ଲକୁତାଣା ବାରେଲେହେଁତି ଦାର୍ମୁ ନାଡ଼ି କିନାଆଁ ତଲେ ଲାଗେଏତି ମାଣ୍ଡସି ଖାନେସି, ୧୦ ଇଞ୍ଜା ନାସା ଆନାରାଇଁ ବାରେଲେହେଁତି ଲାଗେଏ ଗାଟି ନାଡ଼ିକିନି କାମା କିନେସି, ଏନାଆଁତାକି ଇଚିହୁଁ ଗେଲ୍‌ପିଆୟାଲି ସାତାତି ଜୀସୁ ନଆନା ଅପାଆଗାଟାରି ନାସା ଆନେରି । ୧୧ ଇଦାଆଁତାକି ଏଞ୍ଜାରି ଏନ୍ନିକିଁ ମିତିତାଣି ନାମିନେରି, ଏଦାଆଁତାକି ମାହାପୁରୁ ଏଞ୍ଜାରିତାଣା ନାଡ଼ିକିନି ବାଡ଼ୁରୁ ପାଣ୍ଡାମାଞ୍ଜାନେସି । ୧୨ ଏନ୍ନିକିହୁଁ

\* ୨:୧ ୨:୧ ୧ତେସ ୪:୧୫-୧୭

ଆତ୍ମାଆରି ସାତାତି ନାମାଆନା ଦାମ୍ନୁ  
ହିଲ୍ଲାଆଗାଟି ତାଣା ରାହାଁ ଆହାମାନେରି,  
ଏଞ୍ଜାରି ବାରେଜାଣା ଡଣ୍ଡ ବେଟାଆନେରି  
।

ଗେଲ୍ପିଆୟାଲି ହାଟ୍‌କି  
ଆହାମାଞ୍ଜେରି

୧୩ ମା ପ୍ରବୁତି ଜୀଞ୍ଜୁତି ତାୟିୟାଁ ଅଡେ  
ତାଜିସ୍ତାତେରି, ମିଜେତାକି ବାରେଦିନା  
ମାହାପୁରୁଇଁ ଜହରା କିନାୟି ମା କାମା,  
ଏନାଆଁତାକି ଇଚିହଁ ମାହାପୁରୁ ଜୀଞ୍ଜୁତି  
ସୁଦୁ ଇଞ୍ଜାଁ ସାତାତି ନାମୁତଲେ ଗେଲ୍ପି  
ଆହାଲି ମିଜେ ମୁଲୁତି ପାଡେୟିଲେଁ  
ବାଟି କିହାମାଞ୍ଜାନେସି । ୧୪ ଏନାଆଁତାକି  
ଜିକେଏ ଏଞ୍ଜାସି, ମାମ୍ନୁ ଝେକ୍‌ହାମାନି  
ନେହଁ କାବୁତଲେ ମା ପ୍ରବୁ ଜୀସୁ  
କ୍ରୀସ୍ତତି ଗାଞ୍ଜୁରମି ବେଟାଆହାଲି ମିଜେ  
ହାଟାମାଞ୍ଜାନେସି । ୧୫ ଏଲେଆହଁ ଏ  
ଏ ମା ତାୟିୟାଁ ଅଡେ ତାଜିସ୍ତାତେରି  
ତୀରିଆହାଁ ମାଞ୍ଜୁ, ଅଡେ ମାମ୍ନୁ ଝେସ୍ତାତି  
ବଲୁ କି ଆକୁ ତଲେ ମୀରୁ ଏନାଆଁ  
ଜାପାମାଞ୍ଜେରି, ଏନାଆଁ ଜାଣ୍ଡେ ଆସାଁ  
ମାଞ୍ଜୁ ।

୧୬ ମା ପ୍ରବୁ ଜୀସୁ କ୍ରୀସ୍ତ ତାନୁଏ  
ଅଡେ ମା ଆବା ମାହାପୁରୁ ଅଡେ  
ମାଜେ ଜୀଞ୍ଜୁନହାଁନା ତାନି କାର୍ମାଟି  
କାଲ୍ଲାକାଲ୍ଲାତି ସାସା ଅଡେ ନେହଁ  
ବାର୍ସୁ ହାହାମାଞ୍ଜାନେସି । ୧୭ ଏଞ୍ଜାସି  
ତାନୁଏ ମା ହିୟାଁ ସୁସ୍ତି ହାହାଁ ମିଜେ  
ବାରେଲେହେଁତି ନେହଁ କାମା ଇଞ୍ଜାଁ  
ବଲୁତା ତୀରିକିୟାପେସି ।

### ୩

ମା ତାକି ପ୍ରାତାନା କିଦୁ

୧ ବାରେତି ତାୟିୟାଁ ଏ ମା ତାୟିୟାଁ  
ଅଡେ ତାଜିସ୍ତାତେରି ମାଜେ ତାକି  
ପ୍ରାତାନା କିଦୁ, ଏନିକଁ ପ୍ରବୁତି ନେହଁ  
ବଲୁ ମୀ ତାଣା ଆଡି ଲେହେ ବାରେଞ୍ଜାକି  
ଝେକ୍‌ଜା ହାଜାନା ଗାଞ୍ଜୁରମି ପାଣ୍ଡନେ,  
୨ ଅଡେ ଏନିକଁ ମାମ୍ନୁ ବୁଦି ହିଲ୍ଲାଆ  
ଗାଟାରି ଅଡେ ଦହଗାଟାରି ତାଣାଟି  
ଗେଲ୍ପି ଆନମି, ଏନାଆଁତାକି ଇଚିହଁ  
ବାରେ ତାଣା ନେହଁ ବଲୁ ନାମା  
ହିଲଅରି ।

୩ ସାମା ପ୍ରବୁ ଚିକାଣାତାସି, ଏଞ୍ଜାସି  
ମିଜେ ତୀରି କିହାନା ଲାଗେଏ ପଲେଏ  
ତାଣାଟି ଗେଲ୍ପାଦେସି । ୪ ମାମ୍ନୁ ମିଜେ  
ଏନିକଁ ହୁକୁମି ହାହିମାଞ୍ଜାନମି, ଏ  
ବାରେ ମୀରୁ କିହିମାଞ୍ଜେରି, ଅଡେ  
କିଦେରି, ଇଦି ମୀ ତାକି ପ୍ରବୁ ତାଣା ମା  
ଆଟ୍‌ଞ୍ଜା ନାମୁ ମାନେ ।

୫ ଅଡେ ପ୍ରବୁ ମୀ ହିୟାଁତି ମାହାପୁରୁତି  
ଜୀଞ୍ଜୁ ନନାଣି ଇଞ୍ଜାଁ କ୍ରୀସ୍ତତି ସାସା  
ବେଟାଆହାଲି ସାଢେୟି କିୟାପେସି ।

ବାରେଜାଣା କାମା କିନାୟିମାନେ

୬ ଏ ମା ତାୟିୟାଁ ଅଡେ  
ତାଜିସ୍ତାତେରି, ମାମ୍ନୁ ପ୍ରବୁ ଜୀସୁ କ୍ରୀସ୍ତତି  
ଦରୁତଲେ ମାମ୍ନୁ ମିଜେ ଇ ହୁକୁମି  
ହାହିମାଞ୍ଜାନମି, ଆମିନି ତାୟି ମା  
ତାଣାଟି ଜାପାମାନିଲେହେଁ ମାଣ୍ଡକିତା  
ମାନାଆନା ନିସ୍ତା ତଲେ ନୀତିନେସି,  
ଏଞ୍ଜାଣି ତାଣାଟି ଜାହା ଜାହାରାଇଁ ଏଟ୍‌କା  
କିଦୁ । ୭ ଇଚିହଁ ମାମ୍ନୁ ଏନିକଁ  
କିହି ମାଟମି ଏଲେକଁ ମୀରୁଞ୍ଜା  
କିନାୟିମାନେ, ଏନାଆଁ ମୀରୁ ମୀରୁଏ  
ନେହଁ କଁ ପୁଞ୍ଜାମାଞ୍ଜେରି, ଏନିକଁ  
ମାମ୍ନୁ ମୀ ତାଣା ନିସ୍ତା ତଲେ ନୀତି  
ହିଲ୍ଲାଆତମି । ୮ ମାମ୍ନୁ ଡୁଜେଏ ଆତ୍ମାଆରି  
ରାହା ତିଞ୍ଜି ହିଲ୍ଲାଆତମି, ସାମା ମିଜେ  
ବଜୁ ଆଆପେଞ୍ଜା ଇଞ୍ଜାଁ ଲାଆଁ ମାଦେନା  
ଞ୍ଜାହୁରାତା ଅଡେ କସ୍ତତଲେ କାମା  
କିହି ମାଟମି; ୯ ମୀ ତାଣାଟି ଏନାଆଁ  
ବେଟାଆହାଲି ମା ଅଦିକାରା ହିଲେଏ,  
ଏଦି ଆଏ, ସାମା ଏନିକଁ ମୀରୁ, ମାମ୍ନୁ  
କିହିମାଟିଲେହେଁ କିଦେରି; ଇଦାଆଁତାକି  
ମାମ୍ନୁ ମୀ ନକିତା ଜାହାରାଇଁ ନେହଁ  
ମାଣ୍ଡକି ତସାଲି ତାକି ଏଲେକିତମି ।  
୧୦ ଇଚିହଁ ମୀ ତଲେ ମାମ୍ନୁ ମାଟାଟି  
ମିଜେ ଇ ହୁକୁମି ହିୟାତମି, “ଆତ୍ମାଆସି  
କାମା କିହାଲି ମନ କିଅସି, ଏଞ୍ଜାସି ରାହା  
ଜିକେଏ ତିନାଆପେସି ।”

୧୧ ଇଚିହଁ ମୀ ତାଣା ଏଚେକା  
ଲକୁ ନିସ୍ତା ତଲେ ନୀତିମାଞ୍ଜେରି  
ଇଞ୍ଜାଁ ଏଞ୍ଜାରି ଏନି କାମା କିଆନା  
ଉଜେ ଉଜେଏ ଏଟ୍‌କା ଲକୁତି  
କାତା ଅଣ୍ଡପିମାନେରି, ଇଞ୍ଜାଁ ମାମ୍ନୁ

ଖେଞ୍ଜାମାନମି । ୧୭ ଇଲେତାରାଇଁ  
 ନେହୁଁ ଆହୁଁ ନୀତାଲି ଅଡ଼େ ତାମି  
 ରାଦା ତାମ୍ମୁ ରୁନହୁଁ ଅଣ୍ଠୁ ତଲେ କାମା  
 କିହାଲି, ମାମ୍ମୁ ଜୀସୁ କ୍ରୀସ୍ତ ଦରୁତଲେ  
 ସେଡ଼ନା ଅଡ଼େ ହୁକୁମି ହାହିମାଞ୍ଜାନମି ।

୧୩ ସାମା ଏ ମା ତାୟିୟାଁ ଅଡ଼େ  
 ତାଜିସ୍ଥାତେରି ମୀରୁ ନେହୁଁ କାମା  
 କିୟାଲି ଏତେଲାଝା ଖାହାଆଦୁ । ୧୪ ଇ  
 ଆକୁତା ମାମ୍ମୁ ରାଡ଼ାମାନାଣି ଆମ୍ମାଆସି  
 ମାନଝି ଆଅସି, ଏଝାଣାଇଁ ଗୁରି କିଦୁ,  
 ଅଡ଼େ ଏଝାସି ଏନିକିଁ ଲାଜା ବେଟା  
 ଆନେସି, ଏଦାଣିତାକି ଏଝାଣିତଲେ  
 ଆଣ୍ଡାଆଦୁ; ୧୫ ଆଡ଼ିଜିକେଏ ଏଝାଣାଇଁ  
 ସାତୁ ଲେହେଁ ମେହୁଆଦୁ, ସାମା  
 ଏଝାଣାଇଁ ତାୟିଲେହେଁ ମେସାନା  
 ସେଡ଼ନା ହୀଦୁ ।

ଆକୁତି ରାମ୍ମୁନି କାତା

୧୬ ହିଡ଼ଡ଼ି ଜୀସୁହୀନି ପ୍ରବୁ ତାନୁଏ,  
 ବାରେବେଲା ଅଡ଼େ ବାରେ ଝାକିଟି  
 ମିଙ୍ଗେ ହିଡ଼ଡ଼ି ହିୟାପେସି । ପ୍ରବୁ  
 ମୀ ବାରେଜାଣା ତଲେ ମାନାପେସି ।  
 ୧୭ ନାନୁ ପାସ୍ତୁଲତେଏଁ, ନା କେୟୁତଲେ  
 ରାଡ଼ାନା ଜୀସୁତି ଜହରା କିହିମାଞ୍ଜାଇଁ;  
 ନା ବାରେ ଆକୁତା ନା ସିନା ହୀନି ଲେହେଁ  
 ରାଡ଼ିମାଞ୍ଜାଇଁ, ନା ରାଡ଼ିନାୟି ଏଲେତାୟି  
 ।

୧୮ ମା ପ୍ରବୁ ଜୀସୁ କ୍ରୀସ୍ତ ତାଣାଟି  
 କାର୍ମାମେହୁନାୟି ବାରେତେରି ମିଙ୍ଗେ  
 ଆୟାପେ ।

# ତୀମଥୁଙ୍କ ନିକଟକୁ ପାଉଲଙ୍କ ପ୍ରଥମ ପତ୍ର ତିମତି ତାଣା ପାଞ୍ଚଲ ରାତାମାନି ର ଲମ୍ବର ଆକୁ ମୁକୁ ହାତା

ମୁକୁ ପତି ତିମତି ର ଲମ୍ବର ଆକୁ, ପାଣ୍ଡୁଆଡ଼ି ପାଞ୍ଚଲ ତାଣାଟି ତାନି ସୀସୁ ତିମତିକି ରାସ୍‌କି ଆହାମାନେ । ଜୀସୁ କ୍ରୀସୁ ଜାର୍ନାଆଡ଼ି ୬୧-୬୪ ବାର୍ଯା ତାୟୁ ର ଲମ୍ବର ତିମତି ରାସ୍‌କି ଆହାମାଣ୍ଡିନେ । ଇଦି ପାଞ୍ଚଲତି ଜୀସୁ ରାନି ବେଲାତା ରାସ୍‌କି ଆହାମାଣ୍ଡିନେ । ପାଞ୍ଚଲ ତିମତି ତଲେ ହାରେକା ଜାଟୁ ମାଚେସି, ଏଞ୍ଜାସି ହାରେକା ଦେବା ତିମତିକି ମୀରଏସି ଇଞ୍ଜି ଇଞ୍ଜା ମାନେସି ପିଲିପି ୨:୨୨; ୧ତମ ଟି ୧:୨, ୧:୧୮ ।

ଇଦି ପାଞ୍ଚଲ ରାତାମାନି ସାରିଗଟା ଆକୁ ବିତାଟି କୁଲମିତି ପିସାନା ର ମାଣସିକ୍ ଖେସିମାନେ । ଅଡେ ତାନିଗଟା ଆକୁ ତିମତି ରା ଲମ୍ବର ଆକୁ, ତିତସ, ଅଡେ ପିଲିମନ । ର ଲମ୍ବର ତିମତିତା କୁଲମିତି ହାରେକା ପ୍ରାତାନା କିନି ମୋରାତି କାତା ୨:୧-୧୫, କୁଲମିତି କାଜା ଲକୁତି ଜଟେଗି କାତା ୩:୧-୧୩ ଅଡେ ମିତି ଜାପୁନାରି କାତାତା ଜାଗ୍ରାତା କିନି କାତା ରାସ୍‌କି ଆହାମାନେ ୧:୩-୧୧; ୪:୧-୫; ୬:୨-୫ । ପାଞ୍ଚଲ ତିମତିକି ଏନିକିହୁ କୁଲମିତି ନେହୁ ସାଲୁଖି କିନାସି ଆହାଲି ଜାପୁହି ମାଚେସି ଏ କାତା ରାସ୍‌କି ଆହାମାନେ ।

ତିମତି ର ଲମ୍ବର ଆକୁତା ହାରେକା ପାଣା ପାଟୁୟା ମାନ୍, ଏଞ୍ଜି କୁଲମିତି ସାଲୁଖି କିନାରାଇଁ ନୀଞ୍ଜୁ ଝିଏତି କୁଲମିକାଣି ନେହୁ କିହାଲି ସାୟେମି କିନ୍ତୁ ।

### ପତିତା ମାନାୟି

୧. ପାଞ୍ଚଲ ତିମତିକି ଜହରା କିହୁ ମାଟୁନାୟି । ୧:୧-୨
୨. ପାଞ୍ଚଲ ତିମତିକି ମିତି ଜାପୁନାରି କାତାତା ଜାଗ୍ରାତା କିନାୟି । ୧:୩-୧୧
୩. ପାଞ୍ଚଲ କ୍ରୀସୁ ତାକି ଏଚେକା ନେହୁ ତସାମାନେସି ଏଦାଆଁ ଖେସାନା ଆକୁତି ରାଟିନାୟି । ୧:୧୨-୧୯
୪. ପାଞ୍ଚଲ ତିମତିକି ପ୍ରାତାନାତି ପାଣାପାଟୁ ଅଡେ ସାଲୁଖି କିନାରି କାତା ଜାପୁହାମାନେସି । ୨-୩
୫. ପାଞ୍ଚଲ ତିମତିକି ଏଚେକା ତାୟୁତି କାତା ଖେସାନା ଆକୁ ରାଟିନାଣି ରାପୁନାୟି । ୪-୬

୧ ନାନ୍ତୁ ପାଞ୍ଚଲ, ମା. ଗେଲପାନି ମାହାପୁରୁ ଅଡେ ବାର୍ଯୁ ହାନି କ୍ରୀସୁ ଜୀସୁ ହୁକୁମି ତଲେ ପାଣ୍ଡୁ ଆହାମାନାଚେସି ।

୨ \*ନାମୁତା ନା ଦାମୁତି ଜୀସୁତି ମୀରଏଶାଟି ତିମତି; ଆବା ମାହାପୁରୁ ମା. ପ୍ରତୁ ଜୀସୁ କ୍ରୀସୁ ତାଣାଟି ଜୀସୁନନାୟି କାର୍ମାମେହନାୟି ଅଡେ ହିଡ଼ି ନିଙ୍ଗେତାକି ଆୟାପେ ।

ମିତି ଜାପୁନାରି ତାଣାଟି ଜାଗ୍ରାତା

୩ ନାନ୍ତୁ ମାକିଦନିୟାତା ହାଜିମାଚାଟି ମିଙ୍ଗେ ଖେସାମାଞ୍ଜାତି ଲେହେଁ, ନୀନ୍ତୁ ଏପିସିୟ ଗାଡ଼ାତା ତୟାମୁ ଏମ୍ବାଆଁ ଏଚରଜାଣା ଲାଗେଏତି କାତା ଜାପୁହିମାନେରି ଏମ୍ବାଟି ଏଞ୍ଜାରାଇଁ କାହି କିମ୍ତୁ, ୪ କହୁୟା ଇଞ୍ଜା ରାଆଗାଟି ଆକୁ ଆବାୟା ଦରକାଣି ଆହୁଆପେରି ଇଞ୍ଜି ଏଞ୍ଜାରାଇଁ ଖେହୁମ୍, ଏ ବାରେ ନାମୁ ତାକି ମାହାପୁରୁତି କାମାତାକି ଆଆନା ସାମା ବାଦିବାଦା କିଞ୍ଜିକିନେ । ୫ ସୁତୁ ହିୟା, ନେହୁ ଅଣ୍ପୁ ଅଡେ କୁଟୁ ହିଲାଆ ନାମୁଟି ହଟିମାନି ଜୀସୁ ନନାଣି ଜାଗ୍ରାତା କିହାଲିତାକି ନାନ୍ତୁ ଇ ହୁକୁମି ହାହିମାଞ୍ଜାଇଁ । ୬ ଏଚରଜାଣା ଇ ବାରେ କାତାଟି ବାଣା ଆହାନା ଉଜେଏତି କାତା ଆସାନା ଏଟକା ଜିରୁ ହାଜିମାନେରି;

☆ ୧:୨ ୧:୨ କାମା ୧୭:୧

୭ ଏଞ୍ଜରୀ ଫେରା ଜାପୁନାତମି ଇଞ୍ଜି ଅଣ୍ଡିନେରି, ସାମା ଏଞ୍ଜରୀ ଏନାଆଁ ଖେହ୍ନେନେରି, ଅଡ଼େ ଏନାଆଁ ଜାଣେନାଜା ଜାପୁନେରି, ଏଦାଆଁ ତାମ୍ବୁସୁ ତେଲ୍‌ହଅରି ।

୮ ମାମ୍ବୁ ପୁଞ୍ଜାମାନମି; ଫେରାତି ନେହ୍ନେକ୍ଲେମ୍ବିସାରେ, ଏଡ଼ି ନେହେଁ । ୯ ସାମା ଫେରା ଦାମ୍ବୁଗାଟି ଲକୁତାକି କିଞ୍ଚିଆଆନା, ଜାହାରା ମନ, ଅଡ଼େ ମାନଞ୍ଚି ଆଆଗାଗାରି, ଦାମ୍ବୁ ହିଲ୍ଲାଆ ଗାଟାରି, ଅଡ଼େ ପାପୁ ଗାଟାରି, ଲାଗେଏତାରି, ଦାମ୍ବୁତି ନାମାଆଗାଟାରି, ତାଲି ତାଞ୍ଜିଲ୍ ପାୟିନାରି, ଲକୁଣି ପାୟିନାରି, ୧୦ ଦାରି କିନାରି, ଆବା ଆବାୟା ଦହ୍ କିଞ୍ଚିଆନାରି, ଲକୁଣି ପାରନାରି, ମିତି ସାକି ହାନାରି, ଅଡ଼େ ମିତି କାତାତାକି ପାରମାଣା କିନାରାକି, ଅଡ଼େ ଆମ୍ବାଆରି ନେହ୍ନେ ଜାପୁନାଣି, ତାକି ନିଜିନେରି, ଏଦାଆଁତାକି ଫେରା ମାନଞ୍ଚି ଆଆଗାଗାରାକି ହାପକି ଆହାମାନେ, ୧୧ ଇଦି ନା ତାଣ୍ଡା ହେର୍ପି ଆହାମାନାୟି ହାରେକା ନେହେଁ ମାହାପୁରୁତି ଗାଞ୍ଜୁରମିଗାଟି ନେହ୍ନେ କାଟୁତି ଜାପୁନି ଲେହେଁ ଆଡେନ ।

ମାହାପୁରୁତି କାର୍ମା ତାକି ଜହରା

୧୨ ନାଜେ କାମାତା ବାଡ଼ୁୟୁ ହାହାମାଞ୍ଜାନି ମା ପ୍ରୁ କ୍ରୀସ୍ତ ଜୀସୁଇଁ ଜହରା କିହିମାଲ୍, ଏନାଆଁତାକି ଇଡିହ୍ ନାଜେ ଏଞ୍ଜସି ମାନ୍ଦିଗାଟାଟି ଇଞ୍ଜି ଅଣ୍ଡିପାନା ସେବା କାମା ହେର୍ପି ମାଞ୍ଜାନେସି । ୧୩ ଆଡ଼ିଜିକେଏ ତଲି ନାନୁ ଜୀସୁଇଁ ନିନ୍ଦା କିନାତେଏଁ, ତଣ୍ଡୁ ହାନାତେଏଁ, ଅଡ଼େ ଲାଗେଏ କିନାତେଏଁ ମାତେଏଁ; ସାମା ନାନୁ ନାମା ହିଲ୍ଲାଆତାକି ବୁଦି ହିଲ୍ଲାଆଲେହେଁ ଏଦାଆଁ କିହିମାତେଏଁ ଇଞ୍ଜି କାର୍ମା ବେଟାଆଡେଏଁ; ୧୪ ଅଡ଼େ ମା ପ୍ରୁତି କାର୍ମା କ୍ରୀସ୍ତ ଜୀସୁ ତାଣ୍ଡାଟି ନାମୁ ଅଡ଼େ ଜୀସୁ ନନ୍ଦି ତାଣ୍ଡାଟି ନାଜେତାକି ହାରେକା ଆୟାତେ । ୧୫ ପାପୁ ଗାଟାରାଲ୍ ଗେଲ୍‌ପାଲିତାକି କ୍ରୀସ୍ତ ଜୀସୁ ଦାର୍ତତିତା

ଞ୍ଜାଡେସି, ଇ ବଲୁ ସାତା ଅଡ଼େ ବାରେଞ୍ଜାକି ଆବିନାୟି ଅଡ଼େ ନାମିନାୟି; ଏ ପାପୁ ଗାଟାରି ବିତ୍ରାଟି ନାନୁ ବାରେକିହାଁ କାଜା ପାପୁ ଗାଟାତେଏଁ ୧୬ ଆଡ଼ିଜିକେଏ ଆମିନି ଗାଟାରି ଞ୍ଜାହିମାନି ଦିନାତା କାଲ୍‌କାଲ୍‌ତି ଜୀସୁ ବେଟାଆହାଲି ଜୀସୁ କ୍ରୀସ୍ତ ତାଣ୍ଡା ନାମିନେରି, ଏଞ୍ଜରୀ ନକିତା ତସ୍ପି ଆହାଲି ନାନୁ ର କାଜା ପାପୁ ଗାଟାତେଏଁ, ନା ତାଣ୍ଡା ଏଞ୍ଜସି ଏନିକ୍ ତାନି କାରେଲ୍‌ଏତି ଅର୍‌ହିନାଣି ତହ୍‌ନେସି ଏଦାଆଁତାକି ନାନୁ କାର୍ମା ବେଟା ଆଡେଏଁ । ୧୭ ଏବେଲ୍‌ଞ୍ଜା ନାସା ଆଆଗାଗାୟି ଇଞ୍ଜା ତଞ୍ଜାଆଆଗାଟି ରଣ୍ଡିଏ ମାହାପୁରୁ ଆମ୍ବାଆସି କାଲ୍‌କାଲ୍‌ତି ରାଜା ଏଞ୍ଜାଣାକି ମାନ୍ଦି ଅଡ଼େ ଗାଞ୍ଜୁରମି କାଲ୍‌କାଲ୍‌ ତାକି ଆଡେ । ଆଡେନ ।

୧୮ ତିମତି, ନା ମୀରଏଣାତି, ନିଜେତାକି ତଲି ଖେସିମାଞ୍ଜାତି ଲେହେଁ ନାନୁ ନିଜେ ଇ ହୁକୁମି ହାହିମାଞ୍ଜାଲ୍, ଏନିକ୍ ନାନୁ ଇ ବାରେ କାତାତଲେ ନେହ୍ନେ ଜୁଜୁ କିହାଲି ଆଡ଼ିଦି । ୧୯ ଦାମ୍ବୁ ଅଡ଼େ ନାମୁ ନେହ୍ନେ ଅଣ୍ଡୁ ଆହ୍‌ମ୍; ଏଦାଆଁ ପିସା ମାନାକି ଏଚରଜାଣାତି ନାମୁ ଲେହେଁତି ଜାଜା ଡାହା ହାଜାମାନେ, ୨୦ ଏଞ୍ଜରୀ ବିତ୍ରାଟି ହୁମନାୟି, ଅଡ଼େ ଆଲେକ୍‌ଜାଣ୍ଡାର ମାନେରି, ଏଦାଆଁତାକି ନାନୁ ଏଞ୍ଜରାଲ୍ ସୟତାନ କେୟୁତା ହେର୍ପିତେଏଁ, ଏନିକ୍ ଇରିଆରି ପାଣା ବେଟାଆହାନା ମାହାପୁରୁଇଁ ନିନ୍ଦା କିଅରି ।

୨

କୁଲମିତା ପାଣାପାବୁ

୧ ଇଦାଆଁତାକି ନା ବାତିମାଲିନାୟି ମାହାପୁରୁଇଁ ଜହରା କିନି ବେଲ୍‌ତା, ଦେସାତି ପାଣାଗାଟାରି, ୨ ଏଦାଆଁତାକି ବାରେ ଲକୁତାକି ରାଜାୟା ସାଲ୍‌ଞ୍ଚି କିନାରି, ବାରେତାକି ପ୍ରାତାନା, ଗହାରା ଅଡ଼େ ଜହରା କିଦୁ, ମାର ଏନିକ୍ ମାହାପୁରୁ ଆଜିତଲେ କିଲିବିଲି ଆଆନା ଡ଼ୟିନାୟି ଅଡ଼େ ଏଚକା ଲକୁ ତାଣ୍ଡା

୫ ୧:୧୩ ୧:୧୩ କାମା ୮:୩; ୯:୪,୫



ନେହଁ ମାଣ୍ଡଳି ମାଞ୍ଜାନା ସୁକୁ ଅଡ଼େ  
 ହିତଡ଼ି ତଲେ ନୀତାଲି ଆଡ଼ିନାୟି ।  
 ୩ ଇଲେତି ପ୍ରାତାନା ମା ଗେଲପାନି  
 ମାହାପୁରୁ ନକିତା ଲଡ଼ା ଆନାୟି ଅଡ଼େ  
 ଅପିନାୟି ଆନେ । ୪ ବାରେଜାଣା  
 ଏନିକଁ ଗେଲପିଆନାଣି ଅଡ଼େ  
 ସାତାତି ବୁଦି ବେଟାଆନେରି ଇଞ୍ଜଁ  
 ଏଞ୍ଜାସି ଅଣ୍ଡପି ମାନେସି । ୫ ଇତିହଁ  
 ରଣ୍ଡିଏ ମାହାପୁରୁ ମାନେସି, ଅଡ଼େ  
 ମାହାପୁରୁ ଇଞ୍ଜା ମାଣ୍ଡସିୟାଁ, ମାଦିତି  
 ମାଣ୍ଡସି ରଅସିଏ ମାନେସି, ଏଞ୍ଜାସି  
 ଜୀସୁ ଜୀସୁ, ର ମାଣ୍ଡସି । ୬ ଏଞ୍ଜାସି  
 ମାଣ୍ଡସିଇଁ ଗେଲପାଲିତାକି ତାନୁଏ  
 ହେରପି ଆଡେସି, ଇଦାଆଁତାକି ସମାନା  
 ବେଲୀତା ତଞ୍ଜାଆହାନା, ମାହାପୁରୁ  
 ବାରେ ମାଣ୍ଡସିୟାଁଇଁ ଗେଲପାଲି  
 ଅଣ୍ଡପି ମାନେସି ଇଦାଆଁ ସାକି  
 ହାହାମାନେସି । ୭ ଏଦାଆଁତାକି ନାନୁ  
 ର ନେହଁ କାରୁ ଝେକନାଡେଏଁ,  
 ପାଣ୍ଡୁଞ୍ଜି ଆହାମାନାଡେଏଁ, ଇଞ୍ଜା ନାନୁ  
 ଅଡ଼େ ସାତାତା ଏଟକା କୃତାତି ଲକୁ  
 ତାଣା ଜାପନାଡେଏଁ ଆୟାଲି ମାହାପୁରୁ  
 ନାଜେ ଆବାମାଞ୍ଜାଡେସି, ନାନୁ ସାତା  
 ଝେସିମାଞ୍ଜାଇଁ ନାନୁ ମିତି ଝେସିମାଞ୍ଜାଅଁ ।

୮ ଏଦାଆଁତାକି ନା ଅଣ୍ଡପୁ ବାରେଜାଣା  
 ଆବାୟାଁ କୃତା ଆନାଟି, ସୁଦୁ ଅଣ୍ଡପୁ  
 ତଲେ କେସ୍ତା ପେରହାନା, କପା  
 ଇଞ୍ଜା ତାହାରା ଆଆନା, ପ୍ରାତାନା  
 କିପାରି । ୯ ଏଲେକିହଁ ଏ ଇୟାସିକା  
 ଜିକେଏ ତାୟଁ ଅଜି କିହାନା, ଅଡ଼େ  
 ବାଂଗାରା ସାଜୁ ତୁରଆନା, କି ଦାରାଗାଟି  
 ହିମ୍ବରକା ତଲେ ତାମ୍ବୁ ତାମ୍ବେ ଅଜି  
 କିହାକତାଆନା, ମାନି ଅଡ଼େ ନେହଁ  
 ବୁଦିତଲେ ଉଣା ଦାରାତି ହିମ୍ବରକା  
 ହୁତାନା, ୧୦ ଦାମ୍ବୁଗାଟି ଇୟାସିକା ରାହାଁ  
 ଅଣ୍ଡପୁଟି ନେହଁ କାମାତି ଅଜୁତା  
 ତାମ୍ବୁ ତାମ୍ବେ ଅଜି କିହା କତାପୁ  
 । ୧୧ ଇୟାସିକା ପାଲେଏ ମାଞ୍ଜାନା  
 ସୁଦୁଗାଟି ଅଣ୍ଡପୁ ତଲେ ଜାପାପୁ ।  
 ୧୨ ନାନୁ ଇୟାସିକାଣି ଜାପୁହାଲି କି  
 ଆବାୟାଁ ମୁହେଁ ସାଲୁଞ୍ଜି କିହାଲି ହେଲ

ହାହି ହିଲଅଁ, ସାମା ଏଞ୍ଜି ପାଲେଏ  
 ମାନାପୁ । ୧୩ ଏନିଇତିହଁ ମାହାପୁରୁ  
 ନକେଏ ଆଦମଇଁ ଗାଡ଼ିକିଡେସି ଅଡ଼େ  
 ତାୟୁ ହବାଇଁ ୧୪ ଅଡ଼େ ଆଦମ ନାଡ଼ିକିଞ୍ଜି  
 ଆହା ହିଲାଆଡେସି, ସାମା ଇୟା  
 ନାଡ଼ିକିଞ୍ଜି ଆହାନା ମାହାପୁରୁଟି ମେରାଟି  
 ଦହ ଗାଟାୟି ଆଡେ; ୧୫ ସାମା ଇୟାସିକା  
 ତାମ୍ବେ ଉଣା କିହାଁ କତାନା ନାମୁତଲେ  
 ଜୀଞ୍ଜୁ ନଞ୍ଜିଆହାନା, ସୁଦୁଜୀଞ୍ଜୁ ତଲେ  
 ମାଞ୍ଜାନା କକାରି ପଦାଁ ଜାନ କିହାନା  
 ଗେଲପି ଆନୁ ।

### ୩

#### କୁଲମିତି କାଜାରି

୧ ଇ କାତା ସାତା, ଆମ୍ବାଆସି  
 ଜୀସୁନା କୁଲମିତା ଜାଡ଼ନୁ କିନି ପାଣା  
 ବେଟାଆହାଲି ଅଣ୍ଡପିମାଟିସାରେ, ଏଞ୍ଜାସି  
 ନେହଁ କାମା କିଇଁ ଇଞ୍ଜଁ ଅଣ୍ଡପିନେସି  
 । ୨ ଇଦାଆଁତାକି କୁଲମିତି କାଜାସି ଦହ  
 ହିଲାଆଗାଟାସି ଆନାୟି ମାନେ, ରଣ୍ଡିଏ  
 ତକ୍ତିନି ତକ୍ତା, ଟିକାଣାତାସି, ନେହଁ  
 ଅଣ୍ଡପୁ ଗାଟାସି, ପୁନାଆତି ଗତାୟାଁଣି  
 ସେବା କିନାସି, ଅଡ଼େ ନେହଁ କ  
 ଜାପନାସି ଆନାୟି ମାନେ । ୩ ଅଡ଼େ କାଡ଼ୁ  
 ଗହନାସି କି ଗଡ଼ହା କିନାସି ଆଆନା,  
 ସୁଦୁ ସୁଞ୍ଜାଲା, କପା ଇଟାଆଗାଟାସି,  
 ଅଡ଼େ ଦନ ଜୁପକା ଗାଟାସି ଆଆୟି  
 ମାନେ, ୪ ଏଞ୍ଜାସି ତାନି ଇଲୁ କୁଟମିତି  
 ନେହଁ କ ସାଲୁଞ୍ଜି କିନାସି, ଅଡ଼େ  
 କକାରି ପଦାଁଣି ତୀରପୁତଲେ ଜାଡ଼ନୁ  
 କିନାୟିମାନେ । ୫ ଆମ୍ବାଆସି ତାନି  
 ଇଲୁ କୁଟମିତି ନେହଁ କ ଜାଡ଼ନୁ  
 କିହାଲି ଆଡ଼ଅସି, ଏଞ୍ଜାସି ଏନିକଁ  
 ମାହାପୁରୁ କୁଲମିତି ଜାଡ଼ନୁ କିନେସି  
 ? ୬ ଏଞ୍ଜାସି ପୁଞ୍ଜି ନାମିତାସି ଆଆୟି  
 ମାନେ, ଇତିହଁ ଏଡେତା ପାଟେ ନାନୁ  
 କାଜାଡେଏଁ ଇଞ୍ଜଁ ବଡ଼ପଣ ଆହାନା,  
 ସୟତାନ ତଣ୍ଡ ପାଣ୍ଡନିଲେହେଁ ତଣ୍ଡ  
 ବେଟା ଆନେସି । ୭ ଅଡ଼େ ଏଞ୍ଜାସି  
 ନାମାଆଗାଟାରି ତାଣାଟି ଜିକେଏ ମାନି  
 ବେଟାଆନାୟି ମାନେ, ଆଆଡ଼ ଲାଜା

☆ ୨:୭ ୨:୭ ୨୫ମ ଶ୍ଳୋକ ୧:୧୧ ☆ ୨:୯ ୨:୯ ୧୫ମ ଶ୍ଳୋକ ୩:୩

ବେଟାଆହାନା ସୟତାନ ପାନ୍ଦାତା  
ହେବନେସି ।

କୁଲମିତି ସାୟେମି କିନାରି

୮ ଏଲେକିହି ଏ କୁଲମିତି ସେବା  
କିନାରି ନେହି ଅଣପୁ ତଲେ ନାମୁତା  
ଡଗୁମାନାଣି ଆସାନା ତୀରିତଲେ  
ମାଞ୍ଜାନା ନାଡ଼ି କିନାସି ଆଆପେସି,  
୯ କାଡ଼ୁ ଗସିହି ଡ଼ୟିନାସି, ଉଜେଏତି  
ଦନତି ଜୁପକା ଆଆୟି ମାନେ  
୧୦ ଏଞ୍ଜାରି ସେବା ପାଣା ପ୍ଲାଃଆ  
ନକେଏ ଏଞ୍ଜାରି ତାୟିପାରି କିଞ୍ଜିଆପାରି,  
ଅଡ଼େ ଏଞ୍ଜାରିତାଣା ଏନି ଦହ ତଞ୍ଜା  
ଆଆତିହି, କୁଲମିତି ସାୟେମି କିନାରି  
ଆପେରି । ୧୧ ଏଲେକିହି ଏ ଏଞ୍ଜାରି  
ଡକ୍ରିସିକା ଜିକେଏ ନେହି ଗୁଣୁ  
ଗାଟାଇ\* ଆହାନା ସାକ୍ତି ହିଲ୍ୟାଆଗାଟାଇ  
ଆହାନା ତୀରପୁ, ପାଲେଏ ମାଞ୍ଜାନା  
ବାରେ କାମା ଚିକାଣା ତଲେ କିପୁ  
। ୧୨ ସେବା କିନାରି ରଣିଏ ଡକ୍ରିତି†  
ଡକ୍ତା ଆପେରି, ଅଡ଼େ ଏଞ୍ଜାସି ତାମି  
କକାରି ପଦାୟାଣି ଅଡ଼େ ତାମି  
ଇଲୁ କୁଟମିତି ନେହି କ ସାଲଞ୍ଜି  
କିପେରି । ୧୩ ଇଚିହି ଆମିନି  
ଗାଟାରି ନେହି କ ସେବା କାମା  
କିହାମାନେରି, ଏଞ୍ଜାରି କୁଲମିତା  
ମାନିଗାଟାରି ଇଞ୍ଜା ଖେଜିନେରି ଅଡ଼େ  
କ୍ରୀସୁ ଜୀସୁ ତାଣା ନାମୁତା ହାରେକା  
ସାସା ବେଟାଆନେରି ।

ଡଗୁମାନି କାଜା କାତା

୧୪ ଇ ଆକୁ ରାଡ଼ିନି ବେଲ୍ୟାତା, ନାମୁ  
ନୀତାଣା ତବେ ଖାହାଲି ଆସା କିହିମାଇ;  
୧୫ ସାମା ନା ଖାନାୟି ଖେଡ଼ା ଆତିହି,  
ମାହାପୁରୁ ଇଲୁ କୁଟମିତା ଇଚିହି  
ସାତାତି ମୁଣ୍ଡା ଅଡ଼େ ପୁନାଦି ଲେହେଁ  
ଜୀଞ୍ଜୁତି ମାହାପୁରୁ କୁଲମିତା, ଏନି  
ମାଣ୍ଡକିତା ମାନାୟି ମାନେ, ଏଦାଆଁ ନୀନୁ  
ଏନିକ ପୁଞ୍ଜାଲି ଆଡ଼ିଦି, ଇଦାଆଁତାକି  
ଇ ବାରେ କାତା ନାମୁ ରାଡ଼ିମାଞ୍ଜାଇଁ ।  
୧୬ ମାହାପୁରୁତି ଦାମୁତି ବାରେ କାତା

ହାରେକା କାଜାୟି, ଇଦାଆଁ ବାରେ ଲକୁ  
ଖେଜନେରି । ଏଦି ଇଦି,  
କ୍ରୀସୁ ମାଣ୍ଡସି ଖାଣା ଆହାନା  
ଡଞ୍ଜାଆଡେସି,  
ସୁଦୁଜୀଞ୍ଜୁତା ଦାମୁଗାଟାସି ଇଞ୍ଜା  
ଖେଜିତେସି,  
ଦୁଡୁୟାଁ ତଲେ ଡଞ୍ଜାଆଡେସି,  
ଏବକା ଲକୁତାଣା ଖେଜିତେସି,  
ଦାରତିତା ନାମୁଗାଟାସି ଆଡେସି,  
ଇଞ୍ଜା ମାହାପୁରୁ ଗାଞ୍ଜୁରମି ତଲେ  
ଲାଇପୁରୁ ଅଞ୍ଜିଆଡେସି ।

୪

ମିତି ଜାପୁନାରି

୧ ସୁଦୁଜୀଞ୍ଜୁ ତୀରିତଲେ ଖେସିମାଞ୍ଜାନେ,  
ଜୁଗୁ ରାଡ଼ି ବେଲ୍ୟାତା ଏତେକା ଲକୁ  
ଲାରୋଏତି ନାଡ଼ିକିନି ଜାପୁନି ତାଣାଟି  
କୁଲମିତି ନାମୁଟି ହେକ ଆନେରି,  
୨ ଏଞ୍ଜାରି ଏତରଜାଣା ନାଡ଼ିକିନାରି,  
ଏଞ୍ଜାରି ଅଣପୁ ହାତାୟି, ୩ ଏଞ୍ଜାରି ବାହା  
କିନାୟି ଅଡ଼େ ଏନି ଏନି କାଦି ତିନାୟି  
ଇଞ୍ଜା ନେହେଁ ଆଏ ଇଞ୍ଜାମାନେରି  
। ସାମା ଆମିନି କ୍ରୀସୁଇଁ ନାମିତି  
ଲକୁ ସାତାତି ପୁଞ୍ଜାମାନେରି, ଏଞ୍ଜାରି  
ମାହାପୁରୁ ଗାଡ଼ିକିତି ବାରେ କାଦି  
ତାକି ଏଞ୍ଜାଣାଇଁ ଜହରା କିହାନା ଏଦି  
ନେହାୟି ଇଞ୍ଜା ଡଞ୍ଜାଲି ଆଡ଼ିନେରି ।  
୪ ଇଚିହି ମାହାପୁରୁ ଗାଡ଼ିକିତି ଆସୁ  
ବାରେ ନେହାୟି, ଇଞ୍ଜା ମାହାପୁରୁଇଁ  
ଜହରା କିତିସାରେ ଏନାୟି ଜିକେଏ  
ତିନାଆଗାଟାୟି ଆଏ । ୫ ଏନାଆଁତାକି  
ଇଚିହି ମାହାପୁରୁତି ବଲୁ ଅଡ଼େ  
ପ୍ରାତାନା ତଲେ ଏଦାଆଁ ସୁଦୁ କିଞ୍ଜିଆନେ  
।

ଜୀସୁ କ୍ରୀସୁତି ନେହି ସେବା  
କିନାସି

୬ ଇ ବାରେ କାତା ମୀରୁ ତାୟି ତାଲିଞ୍ଜୁ  
ଜାପୁହିସାରେ କ୍ରୀସୁ ଜୀସୁତି ର ନେହି  
ସେବା କିନାତି ଆଡେରି, ଇଞ୍ଜା ମୀରୁ  
ଆମିନି ନାମୁ ଅଡ଼େ ନେହି କାତା  
ଆସାମାଞ୍ଜେରି, ଏଲେତି ବଲୁ ତଲେ

\* ୩:୧୧ ୩:୧୧ ଇୟାସିକା ସେବା କିନାଇ † ୩:୧୨ ୩:୧୨ ରଣିଏ ବାହା ଡକ୍ତି

ପାତା ଆଦେରି; ୭ ସାମା ଉଜେଏ ଝେହନି କାତାୟା ଝେନାଆନି, ମାହାପୁରୁଇଁ ଆଜାନା ନୀତାମାଞ୍ଜାଲି ଜାପାମ୍, ୮ ଇତିହୁଁ ଆଜ୍ଞାତି ପାତି କିନାୟି ଗାଡ଼େକା ତାକି ଲାବା ଆନେ, ସାମା ମାହାପୁରୁଇଁ ଆଜିନାୟି ଇ କାଲାତା ଅଡ଼େ ଝାହିମାନି କାଲାତି ଜୀଝୁତାକି ମାହାପୁରୁ ଆଞ୍ଜାମାନି ଲାବାଗାଟାୟି ଆନେ । ୯ ଇ କାତା ନାମିନାୟି ଅଡ଼େ ବାରେ ଲକୁ ଅପିନାୟି । ୧୦ ଇଦାଆଁ ତାକି ମାର ମନ ହୀହାନା ଝାହୁ ତଲେ ଜୀଝୁ ତୁସାନା କାମା କିହିମାନାୟି, ଏନାଆଁତାକି ଇତିହୁଁ ଆମିନି ଜୀଝୁଗାଟି ମାହାପୁରୁ ବାରେ ମାଣସିଇଁ ଇତିହୁଁ ନାମିନାରାଇଁ ଗେଲ୍‌ପିନାସି, ତାନି ତାଣା ମା ବାର୍ସୁ ମାନେ ।

୧୧ ନାନୁ ଇ ବାରେ କାତା ହୁକୁମି ହୀହାନା ଜାପମ୍ । ୧୨ ନୀ ଦାଂଗଣା ବେଲାତି ଆମ୍ବାଆସି ହୀଣି କିୟାଆପେସି, ସାମା ନୀ କାତାତା, ନୀ ଲେମ୍ବିନି ତାଣା, ନୀ ଜୀଝୁ ନନ୍ତି ତାଣା, ନୀ ନାମୁତା, ଇଞ୍ଜା ନୀ ସୁଦୁତା, ନାମିନାରାକି ନାନୁ ନେହୁଁ ତହନାତି ଆମ୍ । ୧୩ ନାନୁ ନୀ ତାଣା ଝାଆ ପାତେକା ନାନୁ ଦାମ୍ ପତିଇଁ ପଡ଼ଝି ଆହାନା, ମାହାପୁରୁ କାତା ଝେକ୍‌ମ୍, ଇଞ୍ଜା ଜାପ୍‌ନି ତାଣା ମନ ହୀହାନା ମାନାମ୍ । ୧୪ ମାହାପୁରୁ ବଲୁ ଝେକ୍‌ହା ମାଞ୍ଜାନି କୁଲମିତି କାଜାରି ନୀ ତାୟ୍ ତୁ କେସ୍ତା ଇଟାନା ନିଙ୍ଗେ କାର୍ମାତି ଦାନା ହୀହାମାଞ୍ଜାନେରି, ଏଦାଆଁ ହେଲା କିଆନି । ୧୫ ନୀ ପାତା ଆହିମାନାୟି ଏନିକ୍ ବାରେ ଲକୁ ନକିତା ତଞ୍ଜାଆନେ, ଏଦାଆଁତାକି ଇ ବାରେ କାତାତା ମନ ହୀହାନା ଏ ବାରେ କିହେମାନାମ୍ । ୧୬ ନିଙ୍ଗ ତାକି ଅଡ଼େ ନୀ ଜାପ୍‌ନାଣି ତାକି ଜାଗ୍ରାତା ଆମ୍, ଇ ବାରେ କାମା କିହୁଁ ମାନାମ୍, ଇତିହୁଁ ଏଦାଆଁ କିତିସାରେ ନାନୁ ନୀ ଗେଲ୍‌ପିନାଣି ଅଡ଼େ ନୀ କାତା ଝେଞ୍ଜି ମାନାରାଇଁ ଜିକେଏ ଗେଲ୍‌ପିଦି ।



ନାମିନି ଲକୁତି ଦାୟିପତି

୧ ବୁଡ଼ହା ଲକୁଣି ଲାଗାଆନି, ସାମା ଏଞ୍ଜାଣାଇଁ ଆବା ଇଞ୍ଜୁଁ ଅଣ୍‌ପାନା ଲେମ୍‌ମାମ୍; ଅଡ଼େ ଦାଂଗଣା କକାରାଇଁ ତାୟିଲେହେଁ ମେହମ୍, ୨ ବୁଡ଼ହି ଇୟାସିକାଣି ତାଲି ଇଞ୍ଜିହୁଁ ଅଡ଼େ ଡାଆସିକାଣି ସୁଦୁ ମନତଲେ ତାଜିସ୍ତା ଇଞ୍ଜିହୁଁ ଅଣ୍‌ପାନା ଏଲେକ୍ ସିନିକିମ୍ ।

୩ ଏନାଆଁ ହିଲାଆଗାଟି ରାଣ୍ଡେଣି ଇୟାସିକାଣି ମାନି କିମ୍ । ୪ ସାମା ଆମିନି ରାଣ୍ଡେଣି ଇୟା କି ମୀରକା ମାସକାକି ତାଙ୍ଗା ମୀରକା ମାସକା ମାଟିହୁଁ, ଏଞ୍ଜି ନକେଏ ତାମି ଇଲୁ କୁଟମି ତାରାଇଁ ମାନି କିହାଲି ଲକ୍‌ନାୟି ମାନେ, ତାଲି ତାଞ୍ଜିଇଁ ନେହୁଁ କିହାଲି ଜାପାପୁ; ଏନିଇତିହୁଁ ଇଦି ମାହାପୁରୁ ନକିତା ନେହାୟି । ୫ ଆମିନି ରାଣ୍ଡେଣି ଇୟା ରଣ୍ଡିଏ ମାନେ ଅଡ଼େ ଆମ୍ବାଆରି ଜାଡ଼ନୁ ଅନାରି ହିଲଅରି ଏଞ୍ଜି ମାହାପୁରୁ ତାଣା ବାର୍ସୁ ଇଟାନା ଲାଆଁ ମାଦେନା ବାତିମାଲିହୁଁ କାଲେଏ ପ୍ରାତାନା କିପୁ; ୬ ସାମା ଆମ୍ବାଆୟି ଆଜ୍ଞାତି ରାହାଁତା ମୁଞ୍ଜାନା ତୟିନି ରାଣ୍ଡେଣିସିକା ଏଞ୍ଜି ଜୀଝୁତଲେ ମାଟିହୁଁ ଜିକେଏ ହାଡ଼ି ଲେହେଁତାଇ । ୭ ଏଞ୍ଜି ଏନିକ୍ ଦହ ହିଲାଆଗାଟାଇ ଆନୁ, ଇଦାଆଁତାକି ଇ ବାରେ କାତା ଜିକେଏ ଜାପମ୍ । ୮ ସାମା ଆମ୍ବାଆସି ତାନି ପାଡ଼ିତି ଲକୁ ଅଡ଼େ ତାମି ଇଲୁ କୁଟମିତି ଲକୁଣି କେରଅସି, ଏଞ୍ଜାସି ନାମୁତି କାତାଇଁ ଆବାହିଲଅସି, ଇଞ୍ଜା ଏଞ୍ଜାସି ନାମାଆଗାଟାଣି କିହାଁ ହାରେକା ଲାଗେଏ ଆନେସି ।

୯ ଆମିନି ରାଣ୍ଡେଣି ତାନିକଡ଼ି ବାର୍ସାଟିଏ ଉଣା ଆଏ, ଅଡ଼େ ରଣ୍ଡିଏ ତକ୍ରାଇଁ ବୀହା ଆହାମାନେ, ଏଞ୍ଜାସିକା ଦରୁ ରାଟାମ୍, ୧୦ ଅଡ଼େ ନେହୁଁ କାମାତାକି ଝେଙ୍ଗାମାନେ, ଅଡ଼େ ଏଦି ମୀରକା ମାସକାଣି ପହିପାତି କିହାନା, ପାଡ଼ିତି ଗତାୟାଣି ସେବା କିହିମାନେ, ମାହାପୁରୁ ଲକୁତି କତାୟା ନରହା ମାନେ, ଦୁକୁ ଗାଟାରାଇଁ ଦୁକୁ ତୁକ୍‌ହିମାନେ, ଅଡ଼େ ବାରେ ନେହୁଁ

କାମା କିହାଲି ରାହାଁ ଆହିମାନେ, ଆତିହ ଏଦାନି ଦରୁ ରାଶ୍ରେଣିସିକା ଆକୁତା ରାସ୍‌କି ଆପେ ।

୧୧ ସାମା ତାଆ ରାଶ୍ରେଣିସିକା ଦରୁ ରାଟାଆନି, ଇତିହ ଏଞ୍ଜି ଆକ୍ଷାତି ରାହାଁତା ଜୁପକା ଆହାନା କ୍ରୀସ୍ତ ତାଶାଟି ଏଟକା ଆହାନା ବାହା ଆୟାଲି ମନ କିନ୍; ୧୨ ଏଞ୍ଜି ତାନି ତଲିତି ଆଞ୍ଜାମାଚାଣି ମାନି କିହାହିଲାଆକି, ତଣ୍ଡ ଗାଟାଇ ଆନୁ, ୧୩ ଅଡେ ଜିକେଏ ଏଞ୍ଜି ଇଲୁତାକି ଇଲୁ ରେଜିହ ନିସ୍ତା ଆହାଲି ଜାପୁନୁ, ଅଡେ ଖାରଇ ନିସ୍ତା ଆଏ, ସାମା ଲାଗେଏ ପଲେଏତି ପୁସ୍‌ପନିକା, ଅଡେ ସାକ୍ତି ଜଲ୍ଲାଲି ଜାପାନା ଉଜେ ଉଜେଏତି ଲଡ଼ାହିଲାଆ କାତାୟା ବାସ୍ ଆନୁ । ୧୪ ଇଦାଆତାକି ନା ଅଣ୍‌ପୁ ତାଆ ରାଶ୍ରେଣିସିକା ବାହା ଆପୁ, କକାରି ପଦାଁ ଆପୁ, ଇଲୁ କୁଟମିତି ଲେମ୍‌ପାପୁ, ଇଞ୍ଜା ନିନ୍ଦା କିହାଲି ସାତୁୟାକି ଏନି ପାରୁ ହାଆପୁ; ୧୫ ଇତିହ ନୀଏଁ ଜିକେଏ ଆମ୍ବା ଆମ୍ବାଆୟି କ୍ରୀସ୍ତ ତାଶାଟି ହେକ ଆହାନା ସୟତାନତି ଜେଟ ହାଜାମାନୁ । ୧୬ ଅଡେ ଆମିନି ନାମାମାନି ଇୟାସିକା ଇଜ ରାଶ୍ରେଣିସିକା ମାତିହ, ଆତିହ ଏଞ୍ଜି ଏଞ୍ଜାସିକା ଜାଡୁନୁ ଅପୁ, ଅଡେ କୁଲମିତାକି ବଜୁ କିଆପୁ, ଏନିକ କୁଲମି ଏନାଆଁ ହିଲାଆଗାଟି ରାଶ୍ରେଣିସିକାଣି ଜାଡୁନୁ ଅନେ ।

୧୭ ଆମିନି ପ୍ରାଚିନାକ୍ଷା କୁଲମିତି ନେହ କ ଜାଡୁନୁ କିନେରି, ବାରେକିହାଁ ଆମିନି ଗାଟାରି ବଲୁ ଝେକ୍‌ହାଲି, ଅଡେ ଜାପୁହାଲି ଖାହୁ ତଲେ କାମା କିନେରି, ଏଞ୍ଜାରି ରୀ ଗୁଣୁ ମାନି ବେଟାଆନି ଜଟେ । ୧୮ \*ଦାମ୍ବୁ ପତିତା ରାସ୍‌କି ଆହାମାନେ, “ନପ୍‌ନି କଡ଼ି ମୁତିତା କଡ଼ା ଦହୁଆନି” ଅଡେ “କାମାକିନାସି ତାନି କାମାତି ପାଡେୟି ବେଟାଆନାୟି ମାନେ ।” ୧୯ ରିଆରି କି ତାନି ଜାଣା ସାକିୟାଁ ହିଲାଆନା ଆମିନି ପ୍ରାଚିନା କପାଟି ଏନି କାତା ଝେସ୍ତାତିହ ଆହୁଆନି । ୨୦ ଆମିନି ଗାଟାରି ଦହ

କିନେରି, ଏଞ୍ଜାରାଇଁ ବାରେ ଲକୁ ନକିତା ଲାଗାମୁ, ଏନିକ ଏଦାଆଁ ମେସାନା ଏଟକାତି ଲକୁ ଆଜିନେରି ।

୨୧ ନାନୁ ମାହାପୁରୁ, ନକିତା ଅଡେ କ୍ରୀସ୍ତ ଜୀସୁ ନକିତା ଅଡେ ମାହାପୁରୁ ଆଡ଼ିତି ଦୁଡୁୟାଁ ନକିତା ଜାଣେ ହୁକୁମି ହାହିମାଞ୍ଜାଇଁ ନୀନୁ ତଲିତିଲେହେଁ ଆଆନା ଇ ବାରେ ମାନଞ୍ଜି ଆମ୍ବୁ, ଅଡେ ଆମ୍ବାଆରାଇଁ ପାରଡ଼ା କିଆନା ଇ ବାରେ କାମା କିମ୍ । ୨୨ ଦାଗା ଆହାନା କେୟୁ ଇଟାହାଁ ମାହାପୁରୁତି ସେବା କାମାତାକି ଆମ୍ବାଆରାଇଁ ଜିକେଏ ଆଟୁଆନି । ଏଟକା ଲକୁତି ପାପୁତା ଜାହାରାଇଁ ଆଟୁଆନି । ନୀନୁ ଜାହାରାଇଁ ସୁଦୁ କିହାକତାମ୍ ।

୨୩ ନୀ ବାଣ୍ଡି ଆଗ ହିଲାଆକି ଅଡେ ନୀ ଆକ୍ଷାତା ଅଲେ ଅଲେ ରଗ୍‌ ଆହିମାନାକି ଖାରଇ ଏୟୁ ଗହୁଆନି ଅଞ୍ଜୁରି ରାସା ଇଟରା ଲାକା ଗହୁମ୍ ।

୨୪ ଏଟରଜାଶାତି ପାପୁ ନୀହାୟି କିଆ ନକେଏ, ତଞ୍ଜାଆନେ, ଅଡେ ଏଟରଜାଶାତି ପାପୁ ତାୟୁ ତଞ୍ଜାଆନେ । ୨୫ ଏଲେକିହ ଏ ସାତା କାମା ତଲିଏ ତଞ୍ଜାଆନେ, ଅଡେ ଏନା ଏନାୟି ତଞ୍ଜା ଆଏ, ଏଡ଼ି ତଗୁାନା ତୟାଲି ଆଡେଏ ।



୧ ଏମିନି ଲକୁ ହଲିୟାକ୍ଷା ଜୁଝେଡ଼ିତା ହେରଞ୍ଜାମାନେରି, ଏଞ୍ଜାରି ତାନି ସାଞ୍ଜୁକାରିୟାଁ ନେହ କ ମାନି ବେଟାଆନାରି ଇଞ୍ଜୁ ଅଣ୍‌ପାପେରି, ଏନିକ ମାହାପୁରୁ ଦରୁ ଅଡେ ଜାପୁନି ତାଶାଟି ନିନ୍ଦା ଆଏ । ୨ ଅଡେ ଆମିନି ଗାଟାରି ସାଞ୍ଜୁକାରିୟାଁ କ୍ରୀସ୍ତାନା ଆହାମାନେରି, ଏଞ୍ଜାରି ଏଞ୍ଜାରାଇଁ ମା ତାୟି ଇଞ୍ଜୁ ଅଣ୍‌ପାନା ହାଣି କିଆପେରି, ସାମା ହାରେକା ଜାଡୁନୁ ତଲେ ଏଞ୍ଜାରି ସେବା କିପାରି, ଇତିହ ଆମିନି ଗାଟାରି କାମା ତଲେ ଲାବା ବେଟାଆନେରି, ଏଞ୍ଜାରି ନାମିନାରି ଅଡେ ମା ଜୀଞ୍ଜୁ ନନାରି, ଇ ବାରେ କାତା ଜାପୁହାନା ଝେହୁମ୍ ।

\* ୫:୧୮ ୫:୧୮ ମାତି ୧୦:୧୦; ଲୁକ ୧୦:୭

ମିତି ଜାପୁନାୟି ଅଡ଼େ ସାତା ଦନ  
 ୩ ଆମ୍ବାଆସି ଅର ରଲେତି କାତା  
 ଜାପୁହାନା ମା ପ୍ରବୁ ଜାସୁ କ୍ରୀସ୍ତତି  
 ନେହୁ ବଲୁ ଅଡ଼େ ମାହାପୁରୁ ଆଜିନି  
 କାତାତି ଜାପୁନାୟି ଆହୁଅସି, ୪ ଆତିହୁ  
 ଏଞ୍ଜାସି ଲାଗେଏତି ବଡ଼ପଣ ଗାଟାସି,  
 ବୁଦି ହିଲାଆଗାଟାସି, ବାଦିବାଦା,  
 ଅଡ଼େ ଗଡ଼ହା କିନିତାଣା ମୁଞ୍ଜାମାନେସି;  
 ଏମ୍ବାଟିଏ ତାହାରା, ଗଡ଼ହା, ରଅଣାଇଁ  
 ଉଲେଏ ନିନ୍ଦା କିନାୟି, ଲାଗେଏ  
 ଆନାମାନା ଆନାୟି ହନେ, ୫ ଇଞ୍ଜା ବୁଦି  
 ହିଲାଆ ଗାଟାରି ଅଡ଼େ ସାତାତି ପିସା  
 ମାନାରି ବିତ୍ରା କାଲେଏ ବାଦିବାଦା ହନେ,  
 ଇତିହୁ ମାହାପୁରୁଇଁ ଆଜିନାୟି ଏଦି  
 ଲାବା ବେଟାଆନି ଜିରୁ ଇଞ୍ଜା ଏଞ୍ଜାରି  
 ଅଣ୍ଡପିନେରି ।

୬ ମାହାପୁରୁଇଁ ଆଜାନା, ନୀତିନାୟି  
 ନେହେ ଆତିସାରେ ସାତେଏ ଏଦି  
 ଲାବାଗାଟାୟି; ୭ ଏନାଆଁତାକି ଇତିହୁ  
 ମାର ଦାରତିତା ଏନାଆଁ ତାଟା  
 ହିଲାଆୟି, ଅଡ଼େ ଇ ଦାରତିତି ଏନାଆଁ  
 ଅହାଲି ଆଡାଆୟି; ୮ ଇଦାଆଁତାକି  
 ବାଣ୍ଡିତି କାଦି ଆଜା ତାକି ହିମ୍ବୁରିକା  
 ମାଟିହୁ ଇଚେକେଏ ସାରି । ୯ ସାମା  
 ଆମ୍ବାଆରି ଗାତି ବାଡ଼କାଲି ଅଣ୍ଡପିନେରି,  
 ଏଞ୍ଜାରି ତାୟିପାରି କିନି ତାଣା ଅଡ଼େ  
 ପାନ୍ଦାତା ହେରଞ୍ଜାନା, ଅଡ଼େ ବୁଦି  
 ହିଲାଆଗାଟି ନାସାକିନି ଅଣ୍ଡପୁତି  
 ପାନ୍ଦାତା ହେରନେରି, ଇ ବାରେ  
 ମାଣସିଇଁ ବୁଡ଼ଞ୍ଜି ଆନିଞ୍ଜାକି ଅଡ଼େ ନାସା  
 ଆନିଞ୍ଜାକି ଅନେ । ୧୦ ଏନାଆଁତାକି  
 ଇତିହୁ ଦନତି ଜୁପକା ବାରେ  
 ଲାଗେଏତି ମୁଲୁ; ଆମ୍ବା ଆମ୍ବାଆରି  
 ଏମ୍ବାଆଁ ଜୁପକା ଆହାନା ଦାମୁତି ନାମୁ  
 ପିସାନା ଜିରୁ ବାଣା ଆହାମାନେରି, ଇଞ୍ଜା  
 ହାରେକା ଦୁକୁ ତଲେ ତାମି ହିୟାତା ଦୁକୁ  
 କିହାମାନେରି ।

ପାଖୁଲତି ରାପୁନି କାତା

୧୧ ସାମା ଏ ଡିମତି ନୀନୁ ର ମାହାପୁରୁ  
 ଲକୁତି, ନୀନୁ ଇ ବାରେ ତାଣାଟି ହେକ  
 ଆହାନା ଦାମୁ ଗାଟାଟି, ମାହାପୁରୁଇଁ

ଆଜିନାୟି, ନାମିନାୟି, ଜୀଞ୍ଜୁନନାୟି,  
 ସାସା, ଅରୁହିନାୟି, ଇ ବାରେ ନେହୁ  
 ଗୁଣୁତା ତାକାମୁ । ୧୨ ନାମୁତି ନେହୁ  
 କୁଣୁତା ଜୀଞ୍ଜୁ ତୁସାନା କୁଣୁ କିମୁ,  
 କାଲାକାଲାତି ଜୀଞ୍ଜୁ ଆସାନା ଇଟାମୁ;  
 ଏଦାଆଁତାକି ନୀନୁ ହାଟୁକି ଆହାମାଞ୍ଜି  
 ଅଡ଼େ ହାରେକା ସାକିୟା ନକିତା  
 ନେହୁ ସାକି ହାହାମାଞ୍ଜି । ୧୩ ବାରେତି  
 ଜୀଞ୍ଜୁହାନି ମାହାପୁରୁ ନକିତା, ଅଡ଼େ  
 ପନ୍ତୁୟ ପିଲାତ ନକିତା ନେହୁ ସାକି  
 ହାନି କ୍ରୀସ୍ତ ଜାସୁ ନକିତା ନାନୁ ନିଙ୍ଗେ  
 ହୁକୁମି ହାହିମାଞ୍ଜାଇଁ, ୧୪ ନୀନୁ ମା ପ୍ରବୁ  
 ଜାସୁ କ୍ରୀସ୍ତତି ଖାନି ଦିନା ପାତେକା  
 ଦାମୁତି ମେରା ମାନୁଞ୍ଜି ଆହାନା ଏନି  
 ପାପୁ ଅଡ଼େ ନିନ୍ଦା ହିଲାଆଗାଟାଟି ଆହାଁ  
 ଡୟାମୁ । ୧୫ ଏଞ୍ଜାସି ହାରେକା ନେହାଁସି,  
 ରଅସିଏ ବାରେକିହାଁ କାଜା ସାଲୁଞ୍ଜି  
 କିନାସି, ଏଞ୍ଜାସିଏ ରାଜା କିହାଁ ରାଜା  
 ଅଡ଼େ ପ୍ରବୁ କିହାଁ ପ୍ରବୁ, ୧୬ ଏଞ୍ଜାସିଏ  
 ରଅସି ହାଆଗାଟାସି ଅଡ଼େ ମେସାଲି  
 ଆଡାଆଗାଟି ଉଜେଡ଼ିତା ମାନେସି,  
 ଏଚେଲାଞ୍ଜା ଏଞ୍ଜାଣାଇଁ ଆମ୍ବାଆସି  
 ମେସାହିଲଅସି କି ମେସାଲି ଆଡ଼ଅସି,  
 ଏଞ୍ଜାସି ତାରିକିତି ଦିନାତା ଏଦାଆଁ  
 ତହୁନେସି; କାଲାକାଲାତାକି ତାନି  
 ସାମୁ ମି ଅଡ଼େ କାଜାପାଣା ତଞ୍ଜା ଆପେ  
 । ଆମେନ୍ । ୧୭ ଆମିନି ଗାଟାରି ଇ  
 କୁଣୁତା ବାଡ଼କିତାରି, ଏଞ୍ଜାରି ଏନିକ  
 ଆଜାରା ଆଅରି ଅଡ଼େ କାଲେଏ  
 ଡୟାଆ ଦନ ଲାକ ବାସୁ ଇଟଅରି,  
 ସାମା ଆମିନି ମାହାପୁରୁ ଏ ବାରେ  
 ଲେମ୍ବାଲି ତାକି ମାଙ୍ଗେ ଲଡ଼ାମାନାଣି  
 ହିୟାନେସି, ଏଞ୍ଜାଣି ତାଣା ବାସୁ  
 ଇଟିନେରି, ୧୮ ଅଡ଼େ ଏଟକା ଲକୁତି  
 ସାୟେମି କିହାନା ନେହୁ କାମା ତଲେ  
 ବାଡ଼କୁ ଗାଟାରି ଆନେରି ଅଡ଼େ କେୟୁ  
 ଦେତାନା ଅଡ଼େ ରାହାଁଟି ଦାନା ହାହାଲି  
 ଅଣ୍ଡପିନେରି, ଏଦାଆଁତାକି ଏଞ୍ଜାରାଇଁ  
 ହୁକୁମି ହାମୁ; ୧୯ ଇଲେ କିତିସାରେ  
 ଏଞ୍ଜାରି ତାମି ଖାହିମାନି ଜୀଞ୍ଜୁତାକି  
 ନେହୁ ପୁନାଦି କିହାମାନେରି, ଏନିକ

☆ ୨:୧୩ ୬:୧୩ ଇହ ୧୮:୩୭

ଏଞ୍ଜାରି ସାତା ଜୀଞ୍ଜୁ ବେଟାଆନେରି ।  
 ୨୦ ଏ ଡ଼ିମଢ଼ି, ନିଲେ ଏନା ଏନାୟି  
 ହୀପୁକି ଆହାମାଞ୍ଜାନେ, ଏଦାଆଁ ଜାଡ଼ନୁ  
 କିହାଁ ଇଟାମୁ; ଉଜେଏତି କାତାୟାଁ ଅଡ଼େ  
 ସାତା କାତାତି ବୁଦିତାଣି ବାସ୍ ଆନାରି  
 ତାଣାଟି ହେକ ଆମୁ; ୨୧ ଆମ୍ବା ଆମ୍ବାଆରି  
 ଏଦାଆଁ ପୁଞ୍ଜାନା ମାନୁଞ୍ଜି ଆଆନା  
 ନାମୁତି ଜିରୁ ବାଣା ଆହାମାନେରି ।  
 କାର୍ମାମେହନାୟି ନୀ ତଲେ ମାଣ୍ଡମ୍ବେ ।

# ତୀମଥୁଙ୍କ ନିକଟକୁ ପାଉଲଙ୍କ ଦ୍ରୀତିୟ ପତ୍ର ତିମତି ତାଣା ପାଞ୍ଚଲ ରାଚାମାନି ରୀ ଲମ୍ବର ଆକୁ ମୂଲୁ ହାଡ଼ା

୨ତମ ଆକୁ ପାଞ୍ଚଲ ତାଣାଟି ତାନି ସୀସୁ ତିମତି ତାଣା ରାଚାମାନି ଆକୁ । ତିମତି ରୀ ଲମ୍ବର ଆକୁ ପାଞ୍ଚଲଟି ବାରେତି କିହାଁ ତାୟୁ ରାଚିତି ଆକୁ । ଇଦି ପାଞ୍ଚଲଟି ଜୀଞ୍ଜୁ ରାନି ବେଲାତା ରାସକି ଆହାମାଣ୍ଡିନେ । ଏତିବେଲାତା ଏଞ୍ଜାସି ରମ୍ ଗାଡ଼ାତି କାୟିଦି ଇଲୁତା ମାରେସି ୧:୧୭ ପାଞ୍ଚଲ ତିମତି ତଲେ ହାରେକା ଜାରୁ ମାରେ, ଅଡ଼େ ବାରେବେଲା ଏଞ୍ଜାଣାଲ୍ ମୀରଏଣା ଲେହେଁ ରାଚିମାନେସି ପିଲିପି ୨:୨୨; ୧ତମ ୧:୨; ୧:୧୮ ।

ଇଦି ପାଞ୍ଚଲ ରାଚାମାନି ସାରିଗଟା ଆକୁ ବିତ୍ରାଟି କୁଲମିତି ପିସାନା ର ମାଣ୍ଡିକି ରାଚିମାନେସି । ଅଡ଼େ ଏଟକାତି ତାନିଗଟା ଆକୁ ତିମତି ମୂଲୁ ଆକୁ, ତିତସ, ଅଡ଼େ ପିଲିମନ । ତିମତି ରୀ ଲମ୍ବର ଆକୁ ରାଚିତି ବେଲାତା ରମ୍ ଗାଡ଼ାତା ସାଲୁଞ୍ଜି କିନାରି ହାରେକା ସାସ୍ତି ହାହିମାରେରି । ଇଲେତି ସାସ୍ତି ଆହିମାଚାକି ପାଞ୍ଚଲ କାୟିଦିତା ଡ଼ୟାମାରେସି । ମୂଲୁଟି ଆକୁ ଲେହେଁ ପାଞ୍ଚଲ ତିମତିଲ୍ ମିତି ଜାପ୍ନାରି ତାଣାଟି ଜାଗ୍ରାତା ଆହାଲି ଖେସିମାନେସି । ୧ତମ ୧:୧୭-୧୮ ପାଞ୍ଚଲ ତିମତିଲ୍ ଏଲେଇଞ୍ଜି ମାନେସି ତାୟୁ ହାରେକା କସ୍ତି ଦିନା ମାନେ ୩:୧ ।

### ପତିତା ମାନାୟି

୧. ପାଞ୍ଚଲ ତିମତିଲ୍ ଜହରା କିହାନା ମାଟ୍ନାୟି ଅଡ଼େ ଏଞ୍ଜାଣାଲ୍ ସାସ୍ତି ହାନାୟି । ୧:୧-୧୮

- ୨. ପାଞ୍ଚଲ ତିମତିଲ୍ କସ୍ତି ଅରହାଲି ସାସ୍ତି ହାହିମାନେସି । ୨:୧-୧୩
- ୩. ତିମତିଲ୍ ଏତେକା କାତା ଖେହ୍ନାୟି । ୨:୧୪-୨୬
- ୪. ରାନି ଦିନାତା ଗଟଞ୍ଜି ଆନାଆଁ ଅଡ଼େ ସାତା ଜିରୁ ବାତି କିହାଲି ଜାଗ୍ରାତା କିନାୟି । ୩:୧-୪:୮
- ୫. ପାଞ୍ଚଲ ତିମତିଲ୍ ଏତେକା ଅଣ୍ପୁତି କାତା ଖେସାନା ଆକୁତି ରାପ୍ନାୟି । ୪:୯-୨୨

୧ ନାନୁ ପାଞ୍ଚଲ, ଜ୍ରୀସ୍ତ ଜୀସ୍ତ ତାଣା ମାନି ଜୀଞ୍ଜୁତି ଆଞ୍ଜାମାନି ଲେହେଁ, ମାହାପୁରୁ ଅଣ୍ପୁ ତଲେ ଜ୍ରୀସ୍ତ ଜୀସ୍ତୁତି ର ପାଣ୍ଡୁଞ୍ଜି ଆହାମାନାତେଏଁ ।  
 ୨ \*ତିମତି, ନା ଜୀଞ୍ଜୁତି ମୀରଏଣାତି ଆବା ମାହାପୁରୁ ଜ୍ରୀସ୍ତ ଜୀସ୍ତୁ ତାଣାଟି କାର୍ମାମେହ୍ନାୟି ଅଡ଼େ ହିଡ଼ି ଜୀଞ୍ଜୁ ନିଜେତାକି ଆୟାପେ ।

ମାହାପୁରୁଲ୍ ଜହରା ଅଡ଼େ ବାସ୍ତି ହାନାୟି

୩ ମା ତଲିତି ଆକୁ ଆବାୟାଁ ଲେହେଁ ନାନୁ ସୁନୁ ଅଣ୍ପୁ ତଲେ ମାହାପୁରୁଲ୍ ସେବା କିହିମାଲ୍, ନାନୁ ଏ ମାହାପୁରୁ ତାଣା ଲାଆଁ ମାଦେନା ପ୍ରାତାନାତା ନୀ ଦରୁ ରାଚାହାଁ ମାହାପୁରୁଲ୍ ଜହରା କିହିମାଲ୍; ୪ ଏନିକି ନା ରାହାଁ ଗାଡ଼ିଆନେ, ଇଦାଆଁତାକି ନୀ କାଣ୍ଡୁ ଅଣ୍ପାମା ନିଜେ ମେସାଲି ତାକି ହାରେକା ମନ କିହିମାଲ୍; ୫ \*ଇତିହ ଆମିନି କୁଟୁ ହିଲାଆଗାଟି ନାମ୍, ମୀ ବାୟି ଲାୟି ଅଡ଼େ ମୀ ଇୟା ଇଞ୍ଜୁନିକି ତାଣା ମାରେ, ଅଡ଼େ ନୀ ତାଣା ଜିକେଏ ମାନେ ଇଞ୍ଜିହ୍ ନା ହାରେକା ନାମ୍, ନୀ କୁଟୁ ହିଲାଆ ନାମ୍ପୁତି କାତା ନାନୁ କାଟୁ ବେଟାଆହାମାଲ୍ । ୬ ନାନୁ ନୀ ଲାକ କେୟୁ ଇଟାତି ବେଲାତା ନାନୁ ମାହାପୁରୁ ତାଣାଟି ଆମିନି ବର ବେଟାଆଡ଼ି ଏଦାଆଁ ଜାଡ଼ନୁ କିହାଁ ଇଟାଲି ନାନୁ ନିଜେ ଅଣ୍ପି କିହିମାଞ୍ଜାଲ୍ । ୭ ଇତିହ ମାହାପୁରୁ ମାଜେ ଆଜିନି

\* ୧:୨ ୧:୨ କାମା ୧୭:୧      \* ୧:୫ ୧:୫ କାମା ୧୭:୧

ଜୀଘ୍ର ହୀହାମାଞ୍ଜଅସି, ସାମା ବାଡ଼ୁୟୁ,  
ଜୀଘ୍ର ନନାଣି, ଅଡ଼େ ନେହଁ ଅଶ୍ଵି କିନି  
ଜୀଘ୍ର ହୀହାମାଞ୍ଜାନେସି ।

୮ ଏଦାଆଁତାକି ମାର ପ୍ରବୁ କାତାତା  
ସାକି ହୀହାଲି ଅଡ଼େ ନାନୁ ପ୍ରବୁତି ତାକି  
କାୟିଦି ଇଲୁତା ଦସପି ଆହାମାଲ୍ ନା  
ତାକି ଲାଜା ଆଆନି, ସାମା ମାହାପୁରୁ  
ହୀହାମାଞ୍ଜାନି ବାଡ଼ୁୟୁ ତଲେ ନେହଁ  
କାରୁ ଝେକହାଲି ବେଟାଆହାମାନି  
କସ୍ତୁତି ସହସ୍ତି ଆମୁ । ୯ ଏଝାସି ମାଞ୍ଜେ  
ଗେଲପା ମାଞ୍ଜାନେସି, ଅଡ଼େ ନା ନେହଁ  
ଲକୁତେରି ଇଞ୍ଜିହଁ ହାଟାମାଞ୍ଜାନେସି;  
ଅଡ଼େ ମା କିହାମାନି କାମା ଲେହେଁ  
କିହାଁ ମାଞ୍ଜଅସି, ସାମା ତାନି ଅଶ୍ଵପୁ  
ତଲେ ତାନୁ କାର୍ମା ମେସ୍ତାନି ଲେହେଁ  
କିହାଁ ମାଞ୍ଜାନେସି; ଏ କାର୍ମା ତଲି କାଲ୍ଲା  
ନକେଏ କ୍ରୀସ୍ତ ଜୀସ୍ତ ତାଣାଟି ମାଞ୍ଜେ  
ହୀଞ୍ଜି ଆହାମାଟେ, ୧୦ ସାମା ନୀର୍ବ  
ମା ଗେଲପାନି କ୍ରୀସ୍ତ ଜୀସ୍ତ ଦାର୍ତତିତା  
ଝାହାମାନାକି ମାଞ୍ଜେ ତସାମାଞ୍ଜାନେସି;  
ଏଝାସି ହାକିତି ମ୍ଲେକହା ମାନେସି; ଅଡ଼େ  
ତାନି ନେହଁ କାରୁତଲେ ଜୀଘ୍ର ଅଡ଼େ  
ହାଆଗାଟାଣି ଉଜେଡ଼ିତା ତସାମାନେସି  
।

୧୧ \*ଇ ନେହଁ କାରୁ ଝେକହାନା  
ତେଲ୍ଲହକିହାଲି ମାହାପୁରୁ ନାଞ୍ଜେ ର  
ପାଶୁଞ୍ଜିଆଡ଼ି ସୀସ୍ତ ଇଞ୍ଜା ଜାମ୍ପନାସି  
ଲେହେଁ ହେରପା ମାଞ୍ଜାନେସି ।  
୧୨ ଏଦାଆଁତାକି ନାନୁ ଇ ବାରେ ଦୁକୁ  
ବେଟା ଆହିମାଲ୍; ଆଡ଼ିଜିକେଏ ନାନୁ  
ଆଜା ହିଲଅଁ, ଇତିହଁ ନାନୁ ଆମ୍ବାଆରି  
ତାଣା ନାମାମାଲ୍, ଏଝାଣାଲ୍ ପୁଞ୍ଜାମାଲ୍,  
ଅଡ଼େ ନାନୁ ତାନି କେୟୁତା ଏନାଆଁ  
ହେରପାମାଲ୍, ବିଚାରା ଦିନା ଝାନି  
ପାତେକା ଏଦାଆଁ ଏଝାସି ଜାଡ଼ନୁ ତଲେ  
ଇଟାଲି ଆଡ଼ିମାନେସି, ଇଦାଆଁ ନାନୁ  
ତୀରପୁତଲେ ନାମିମାଲ୍ । ୧୩ ନା ତାଣାଟି  
ଆମିନି ନେହଁ ବଲ୍ଲୁ ଝେଞ୍ଜାମାଞ୍ଜି, କ୍ରୀସ୍ତ  
ଜୀସ୍ତ ତାଣାଟି ନାମୁ ଇଞ୍ଜା ଜୀଘ୍ର ନନାଣି  
ଏଦାଆଁ ନେହଁ କଁ ଆସା ମାନାମୁ ।

୧୪ ଆମିନି ନେହଁ କାତାତି ଦାୟିପତି  
ମିଞ୍ଜେ ହୀପକି ଆହାମାଞ୍ଜାନେ, ମା ତାଣା  
ବାସା କିହିମାନି ସୁଦୁଜୀଘ୍ରତି ବାଡ଼ୁୟୁ  
ତଲେ ଏ ବାରେତି ଜାଡ଼ନୁ କିହା ଇଟାମୁ  
।

୧୫ ନାନୁ ପୁଞ୍ଜାମାଞ୍ଜି; ପୁଗେଲ ଅଡ଼େ  
ହର୍ମଗେନା ତଲେ ଆସିୟାତି ବାରେ  
ଲକୁ ନାଞ୍ଜେ ପିସା ମାଞ୍ଜାନେରି ।  
୧୬ ଅନିସିପର କୁଟମିତି ପ୍ରବୁ କାର୍ମା  
ମେସ୍ତପେସି, ଏନାଆଁତାକି ଇତିହଁ  
ଏଝାରି ଅଲେ ଅଲେ ଝାହାନା ନା  
ଦୁକୁ ତୁକହାତେରି, ଇତିହଁ ନାନୁ  
କାୟିଦି ଇଲୁତା ମାଟିହଁ ଜିକେଏ  
ଲାଜା ଆହାହିଲଅରି, ୧୭ ରମ୍ ଗାଡ଼ାତା  
ଏଜାଲିଏ ଏଝାସି ନାଞ୍ଜେ ପାରାନା  
ନା ତାଣା ଝାଡ଼େସି, ୧୮ ରାନି ଦିନାତା  
ଏନିକଁ ମାହାପୁରୁ ତାଣାଟି କାର୍ମା  
ବେଟାଆନେସି, ଏଲେକଁ ମାହାପୁରୁ  
ଏଝାଣାକି କାର୍ମା ଆଡ଼େସି, ଅଡ଼େ ଏଝାସି  
ଏପିସିୟ ଗାଡ଼ାତା ନାଞ୍ଜେ ଏନିକଁ  
ସେବା କିହାମାଞ୍ଜାନେସି, ଏଦାଆଁ ନାନୁ  
ନେହଁ କଁ ପୁଞ୍ଜାମାଞ୍ଜି ।

୨

କ୍ରୀସ୍ତ ଜୀସ୍ତୁତି ନେହଁ ଜୁଜୁ କିନାସି  
୧ ଏଦାଆଁତାକି ଏ ନା ଜୀଘ୍ରତି  
ମୀରଏଣାତି, କ୍ରୀସ୍ତ ଜୀସ୍ତୁତଲେ  
ଆଣ୍ଡିତାକି ତାନି କାର୍ମାମେହ୍ନି ତାଣାଟି  
ଆମିନି ବାଡ଼ୁୟୁ ମେଡ଼ା ଆନେ ଏମ୍ବାଆଁ  
ମୀରୁ ବାଡ଼ୁୟୁ ଗାଟାତେରି ଆଦୁ, ୨ ଅଡ଼େ  
ହାରେକା ସାକିୟାଁ ନକିତା ଆମିନି ବାରେ  
କାତା ନା ତାଣାଟି ନାନୁ ଝେଞ୍ଜାମାଞ୍ଜି,  
ଅଡ଼େ ଏମିନିଗାଟାରି ଏଟକା ଲକୁଣି  
ଜିକେଏ ଜାମ୍ପହାଲି ଆଡ଼ିନାରି, ଏଲେତି  
ନାମୁଗାଟି ଲକୁ ନକିତା ଇ ବାରେ  
ହେରପାମୁ ।

୩ ନାନୁ କ୍ରୀସ୍ତ ଜୀସ୍ତୁତି ର ନେହଁ  
ଜୁଜୁ କିନାତି ଲେହେଁ ଏଝାଣି ତାକି  
କସ୍ତୁ ଅର୍ହାମୁ । ୪ ଆମ୍ବାଆସି ଜୁଜୁକିନି  
କାମାତା ମାଞ୍ଜାନା, ଦାର୍ତତିତି ଏଟକା  
କାମାତା ହେରପି ଆଅସି, ଏନିକଁ

\* ୧:୧୧ ୧:୧୧ ୧ତମ ୨:୭



ଏହାସି ତାନି ମୁହେଁତି କାଜାଣାଇଁ ରାହୁଁ  
 କିନେସି । \* ଅଡ଼େ ଆମ୍ବାଆସି କାହୁ  
 ତାକି ବାଦୁହାରା ଆନେସି, ଏହାସି  
 ମେରା ତଲେ କାହାଆସାରେ ଜାଣା  
 ଆଅସି । ୨ ଆମିନି ତାସା କାମାକିନାସି  
 ଖାହୁ ତଲେ କିନାସି, ଏହାସି କାମାତି  
 ମୁଲୁତି ବାଗା ବେଟାଆନାୟି ମାନେ ।  
 ୩ ନାନୁ ଏନାଆଁ ଖେସିମାଞ୍ଜାଇଁ, ଏଦାଆଁ  
 ଅଣ୍ଠାମ୍ବା; ଇତିହଁ ପ୍ରବୁ ନିଜେ ବାରେ  
 ପୁଞ୍ଜାଲି ବୁଦି ହିୟାନେସି ।

୮ ନା. ତାଣାଟି ଖେସପିଆହାମାନି  
 ନେହଁ କାବୁ ଲେହେଁ ହାଡ଼ାରି ତାଣାଟି  
 ନିଜିତାଣି ଅଡ଼େ ଦାଖୁଦ କୂଡ଼ାତା ଜାର୍ନା  
 ଆହାମାନି ଜୀସୁ କ୍ରୀସ୍ତାଇଁ ଅଣ୍ଠାମ୍ବା । ୯  
 ନେହଁ କାବୁତାକି ନାନୁ ଦହଗାଟି ଲକୁ  
 ଲେହେଁ କାୟିଦି ଇଲୁତା ଦସ୍ପିଆନି  
 ପାତେକା କସ୍ତ ବେଟା ଆହିମାଇଁ; ସାମା  
 ମାହାପୁରୁତି ବଲୁ ଦସ୍ପି ଆହା ହିଲେଏ  
 । ୧୦ ଇଦାଆଁତାକି ମାହାପୁରୁ ଆଡ଼ାମାନି  
 ଲକୁ ଜିକେଏ ଏନିକଁ କାଲାକାଲୁତି  
 ଗାଞ୍ଜୁରମି ତଲେ କ୍ରୀସ୍ତ ଜୀସୁ ହାହାମାନି  
 ଗେଲପି ଆନାଣି ବେଟାଆନେରି,  
 ଏଦାଆଁତାକି ନାନୁ ଏହାରି ତାକି ଇ  
 ବାରେ ସାସାତଲେ କସ୍ତ ଅରୁହିମାଇଁ ।  
 ୧୧ ଇ କାତା ସାତା

“ମାର କ୍ରୀସ୍ତ ତଲେ ହାହାମାନାୟି,  
 ଅଡ଼େ ଏହାଣିତଲେ ଜିକେଏ  
 ନୀତିନାୟି;  
 ୧୨ ଅଡ଼େ ମାର ସାସାଆସାଁ କସ୍ତ  
 ଅରୁହିନାୟି,  
 ଆତିହଁ ଏହାଣିତଲେ ଜିକେଏ  
 ସାଲୁଫି କିନାୟି;  
 ମାର ଏହାଣାଇଁ ପୁଞ୍ଜାହିଲଅମି ଇନାୟି,  
 ଆତିହଁ ଏହାସି ଜିକେଏ ମାଜେ  
 ପୁଞ୍ଜାହିଲଅଁ ଇଞ୍ଜାନେସି;  
 ୧୩ ଏଡ଼େତା ମାର ନାମାଆ ଗାଟାତାୟି  
 ଆନାୟି,  
 ଆତିଜିକେଏ ଏହାସି ବାରେବେଲା  
 ଟିକାଣାତାସି,  
 ଇତିହଁ ଏହାସି ଜାହାରାଇଁ ଆଏ  
 ଇଞ୍ଜାଲି ଆଡ଼ଅସି ।”

ନାମୁତି କାମାକିନାସି

୧୪ ନାନୁ ବାରେ ନାମୁ ଗାଟାରାଇଁ ଇ  
 ବାରେ କାତା ମାହାପୁରୁ ଅଣ୍ଠାମ୍ବା କିମ୍ବୁ,  
 ସାସ୍ତେରିତି କାତା ଉଜେଏ ବାଦିବାଦା  
 ଆନି ତାଣାଟି ଜାଗ୍ରାତା କିମ୍ବୁ, ଇଲେତି  
 ବାଦିବାଦା ଆମ୍ବାଆରାଇଁ ନେହଁ କିଏ,  
 ସାମା ଆମ୍ବାଆରି ଏମ୍ବାଆଁ ମନ ହୀନେରି  
 ଏହାରି ନାସା ଆନେରି । ୧୫ ସାତା  
 ବଲୁ ଟିକାଣା ତଲେ ଲେମ୍ବାନା, ଆମିନି  
 କାମାକିନାସି କାମାତା ଏନିକଁ ଲାଜା  
 ଆଅସି, ଏହାଣିଲେହେଁ ମାହାପୁରୁ  
 ନକିତା ଜାହାରାଇଁ ତାୟିପାରିତା ଜାଣା  
 ଆହାମାନି ଲେହେଁ ତସାଲି ଜାଡ଼ନୁ  
 କିମ୍ବୁ । ୧୬ ସାମା ଲାଗେଏତି ଉଜେଏତି  
 କାତାୟାଁ ବାସଁ ଆନି ତାଣାଟି ହେକ  
 ଡ଼ୟାଦୁ; ଇତିହଁ ଆମ୍ବାଆରି ଏଲେତି  
 କାମା କିନେରି, ଏହାରି ଲାଗେଏତି  
 କାମାତା ହାରେକା ପାତା ଆନେରି,  
 ୧୭ ଅଡ଼େ ଏହାରି କାତା ସୀର୍ନି ଗାହାଁ  
 ଲେହେଁତାୟି; ଏହାରି ବିଡ଼ାଟି ହୁମନାୟି,  
 ଅଡ଼େ ପିଲିତ, ଇ ରିଆରି ମାନେରି ।  
 ୧୮ ଏହାରି ହାହାନା ଖେଣ୍ଡେ ନିଜିତାୟିଏ  
 ଇଞ୍ଜାଁ ସାତାତି ପିସାମାନେରି, ଅଡ଼େ  
 ଏଚରଜାଣାତି ତାମି ନାମୁତି ତାରି ମୁଁପୁହି  
 ମାନେରି । ୧୯ ଆଡ଼ିଜିକେଏ, ମାହାପୁରୁ  
 କେପିତି ପୁନାଦି ଆଡ଼ୁଆ ଆହାନା  
 ଡ଼ୟାମାନେ, ଅଡ଼େ ଏ ହାଲିତା ଇ ବୁରୁ  
 ମୁଦା ଆହାମାନେ, “ପ୍ରବୁ ତାନି ଲକୁଣି  
 ପୁଞ୍ଜାମାନେସି” ଅଡ଼େ, “ଆମ୍ବାଆସି  
 ପ୍ରବୁତି ଦରୁ ଆହନାସି, ଏହାସି ଲାଗେଏ  
 ତାଣାଟି ହେକ ମାଣ୍ଡେସି ।”

୨୦ ର କାଜା ଇଜ ଖାରଇ ବାଂଗାରା  
 ଖେଣ୍ଡିତି ଡ଼କା ମାଣ୍ଡି ମାନୁ, ଏଚେକା ଆଏ,  
 ଅଡ଼େ ମାରକା ଇଞ୍ଜାଁ ଇରୁଆତି ଡ଼କା  
 ମାଣ୍ଡି ଜିକେଏ ମାନୁ; କଚେକା ଡ଼କା  
 ମାଣ୍ଡି କାଜା କାଜା କାମାତାକି ମାନୁ,  
 ଅଡ଼େ କଚେକା ଉଜେଏ ଦିନା ଲେମ୍ବାଲି  
 ତାକି ମାନୁ । ୨୧ ଇଦାଆଁତାକି ଆମ୍ବାଆସି  
 ଏ ବାରେ ତାଣାଟି ଜାହାରାଇଁ ଅଡ଼ହା  
 କଡ଼ିନେସି, ଏହାସି ହେରପି ଆହାନା,  
 ସାଖୁକାରି କାମାତା ପାଡ଼ାଆନେସି,  
 ଏହାସି ବାରେ ନେହଁ କାମାତାକି  
 ଆଡ଼ା ଇଟାମାନି ମାନିଗାଟି ଡ଼କା ମାଣ୍ଡି

ଲେହେଁ ଆନେସି । ୨୨ ସାମା ନାନୁ ଦାଂଗଣା ବେଲା ଲାଗେଏତି ଜୁଫକାଟି ହେକ ଆମ୍ବୁ, ଆମ୍ବାଆରି ସୁଦୁ ହିୟାଁ ତଲେ ପ୍ରବୁ ତାଣା ପ୍ରାଡାନା କିନେରି, ଏଞ୍ଜାରିତଲେ ଦାମ୍ବୁ, ନାମ୍ବୁ, ଜୀଝୁ ନନାଣି, ଅଡେ ହିଡ଼ଡ଼ି ଜୀଝୁ କେଚ ହାଲାମ୍ବୁ । ୨୩ ବୁଦି ହିଲାଆ ମୁକୁ ଗାଟାରି ବାଦିବାଡା ଗଡ଼ହା କିନେ, ଇଦାଆଁ ପୁଞ୍ଜାନା ଏ ବାରେ ତାଣାଟି ହେକ ଆମ୍ବୁ । ୨୪ ମାହାପୁରୁତି ହଲେଏସି ଗଡ଼ହା କିନାୟି ନେହେଁ ଆଏ, ସାମା ବାରେଜାଣାଟି ହିଡ଼ଡ଼ି ହାଡ଼ା ଜାପନାସି, ଅଡେ ଅରୁହିନାସି ଇଞ୍ଜା ମା କପାଟି ନିଜ୍ଜାନି ଲକୁଣି ହିଡ଼ଡ଼ି ହାଡ଼ାତଲେ ଜାପନାସି ଆନାୟି ମାନେ, ୨୫ ଅଡେ ଗଡ଼ହା ଗାଟାରାଇଁ ସୁଦୁ ସୁଞ୍ଜାଲା ତଲେ ଲେମ୍ବିନାସି ଆନାୟି ମାନେ, ଆଡିହୁଁ ଏଞ୍ଜାରି ସାତାତି ବୁଦି ପୁଞ୍ଜାଲି, ମାହାପୁରୁ ଏଞ୍ଜାରାଇଁ ମନ ଝେଚ୍ଚିନି ଅଣ୍ଡପୁ ହାନେସି, ୨୬ ଅଡେ, ଆମିନି ସୟତାନ ଏଞ୍ଜାରାଇଁ ତାନି ଅଣ୍ଡପୁ ତଲେ କିହାଲି ଦସ୍‌ପାମାନେ, ଏମ୍ବାଟି ଏଞ୍ଜାରି ସେଡନା ଆହାନା ଏ ପାନ୍ଦାଟି ଗେଲପି ଆନେରି ।

**୩**

ରାନି ଦିନାତି କାତା

୧ ସାମା ଇଦାଆଁ ପୁଞ୍ଜାମାଞ୍ଜୁ, ରାନି ଦିନାତା ନାସା ଆନି ଦିନା ଝାନେ; ୨ ଇତିହୁଁ ଲକୁ ତାମ୍ବୁ ଜାହାରାଇଁ ଅଣ୍ଡପା କଡିନେରି, ଦନ ଜୁଫକା, ଜୀଝୁତା ବଡପଣ, ଆଙ୍କାରା, ନିନ୍ଦା କିନେରି, ତାଲି ତାଞ୍ଜି କାତା ଆହୁଅରି, ୩ ରାହାଁ ଆଆଗାଟାରି, ଦାମ୍ବୁ ହିଲାଆ ଗାଟାରି, ଜୀଝୁ ନଆଗାଟାରି, ଆଣ୍ଡଞ୍ଜି ଆନାୟି ହିଲାଆ ଗାଟାରି, ଲାଗେଏ କାତା ଝେସାନା ଲକୁଣି ନାଡ଼ିକିନାରି, ଦେବୁଣିଏ କପା ଆନାରି, ବାଡ଼ୁରୁ ତସାନା ଆଜି କିନାରି, ନେହୁଁ କାତାତି ଅପାଆଗାଟାରି ଆନେରି; ୪ ଅଡେ ଏଞ୍ଜାରି ହୀରୁ ଦାଃଆନାରି, ତାୟୁ ଏସକି ଅଣ୍ଡପାଆ ଗାଟାରି, ବଡପଣ ଗାଟାରି ଆନେରି, ଅଡେ ମାହାପୁରୁ ଜୀଝୁ

ନନାରି ଆଆନା ଦାରୁଡିତି ରାହାଁତି ଜୀଝୁ ନନାରି ଆନେରି; ୫ ଏଞ୍ଜାରି ମାହାପୁରୁତି ଆଜିନି ମେରା ଆହନେରି ସାମା ଏମ୍ବାଟି ବାଡ଼ୁରୁତି ଆସାଲି କୁନେରି; ଇଲେତି ଲକୁ ତାଣାଟି ହେକ ମାନାମ୍ବୁ । ୬ ଇତିହୁଁ ଇଞ୍ଜାରି ତାଣା ଇଲେତି ଲକୁ ମାନେରି, ଏମିନିଗାଟାରି ଇଲକା ତାକି ଇଲକା ହଡ଼ିହୁଁ ପାପୁତି ବଜୁତା ଅଡେ ତାମି ମନତି ଜୁଫକା ଗାଟି ଅଣ୍ଡପୁ ତଲେ ତାକିନି ବୁଦି ହିଲାଆଗାଟି ଇୟାସିକାଣି ତାମି ତାଣା ଇତିନେରି; ୭ ଇ ଇୟାସିକା କାଲେଏ ଜାପିମାଟି ଜିକେଏ, ଏରେଲା ସାତାତି ପୁଞ୍ଜାଲି ଆଡାଉ । ୮ ଏନିକିଁ ଜନିସି ଅଡେ ଜାମ୍ବୁ ସ ମସା କପାଟି ନିଜ୍ଜାମାଟେରି, ଏଲେକିହୁଁ ଏଞ୍ଜାରି ଜିକେଏ ସାତାତି ଆଜିନେରି, ଏଞ୍ଜାରି ତାୟୁଁ ଲାଗେଏ ଆହାମାନେ ଅଡେ ଏଞ୍ଜାରି ଦାମ୍ବୁତି ନାମ୍ବୁ ଉଜେଏ ଆହାମାନେ । ୯ ସାମା ଏଞ୍ଜାରି ଅଡେ ହାରେକା ଆଗାଡ଼ା ହାଲଅରି; ଇତିହୁଁ ଏ ରିଆରି ଏଞ୍ଜାରି ବୁଦି ହିଲାଆଗାଟାରି ଇଞ୍ଜୁଁ ର ଦିନା ବାରେଜାଣା ପୁନେରି, ଜନିସି ଅଡେ ଜାମ୍ବୁ ସ ଜୀଝୁତା ଏନାୟି ଗଟଞ୍ଜି ଆହାମାଟେ, ଏଞ୍ଜାରି ଜୀଝୁତା ଏଡିଏ ଆନେ ।

ରାନିବେଲାତି କାତା

୧୦ ସାମା ନାନୁ ନା ଜାପନାଣି, ମାଣକି, ନା ଅଣ୍ଡପୁ, ନା ନାମ୍ବୁ, କସ୍ ଅରୁହିନାଣି, ଜୀଝୁ ନନାଣି, ଅରୁହିନାୟି, ୧୧ \*ସାସ୍ତି ବେଟା ଆଡାଣି, ଦୁକୁ କସ୍ ବେଟା ଆଡାଣି, ଇ ବାରେ ଆସାମାଞ୍ଜି; ଆଡ଼ିୟକିୟା, ଇକନିୟ, ଅଡେ ଲୁସ୍ତାତା, ନା ତାକି ଏଲେକିହୁଁ ଏ ନିନ୍ଦା କସ୍ ଆହାମାଟେ; ଏଦାଆଁ ନାନୁ ଅରୁହା ମାଟେଏଁ, ଅଡେ ପ୍ରବୁ ନାଜେ ଏ ବାରେଟି ଗେଲପା ମାଞ୍ଜାଡେସି । ୧୨ ସାଡେଏ ଆମିନି ଗାଟାରି କ୍ରୀସ୍ ଜୀସୁ ତାଣାଟି ଦାମ୍ବୁ ଜୀଝୁ ନାତାଲି ଅଣ୍ଡପିନେରି, ଏଞ୍ଜାରି ନିନ୍ଦା ବେଟାଆନେରି । ୧୩ ସାମା ଲାଗେଏତି କାମାକିନାରି ଅଡେ ନାଡ଼ିକିନାରି ନାଡ଼ି ଆହାନା

\* ୩:୧୧ ୩:୧୧ କାମା ୧୩:୧୪-୫୨; କାମା ୧୪:୧-୭; କାମା ୧୪:୮-୨୦

ହାରେକା ଲାଗେଏତି କାମା କିନେରି । ୧୪ ସାମା ନୀନୁ ଏନା ଏନାଆଁ ଜାପାମାଞ୍ଜି, ଅଡ଼େ ଆମିନି କାତା ବାରେ ସାତେଏ ନାମାମାଞ୍ଜି, ଏ ବାରେ ତାଣା ତୀରିତଲେ ମାନାମ୍, ଇତିହୁଁ ନୀନୁ ପୁଞ୍ଜିମାଞ୍ଜି, ଆମିନି ଗାଟାରି ତାଣାଟି ଏ ବାରେ ଜାପାମାଞ୍ଜି; ୧୫ ଅଡ଼େ ଆମିନି ଦାମ୍ନୁ ସାସ୍ତେରି କ୍ରୀସ୍ତ ଜୀସୁ ତାଣା ନାମ୍ବୁଟି ନିଙ୍ଗେ ଗେଲପିକିନି ବୁଦି ହିୟାଲି ଆଡାନେ, ଏଦାଆଁ ନୀନୁ ଉଣା ଝେଡ଼ାଟିଏ ପୁଞ୍ଜାମାଞ୍ଜି । ୧୬ ବାରେ ଦାମ୍ନୁ ସାସ୍ତେରିତା ରାସକି ଆହାମାନି ବାରେ ବଲୁ ମାହାପୁରୁ ଜଲିତାୟି, ଅଡ଼େ ଜାପନାୟି, ଲାଗିନାୟି, ତୀରିକନାୟି, ଅଡ଼େ ଦାମ୍ନୁତା ନୀତାଲି ସାୟେମି କିନାୟି, ୧୭ ଏନିକୁଁ ମାହାପୁରୁତି ଲକୁ ତୀରପୁ ଆହାନା ବାରେ ନେହୁଁ କାମାତା ଜଗେ ଗାଟାରି ଆନେରି ।

**୪**

୧ ନାନୁ ମାହାପୁରୁ ନକିତା, ଅଡ଼େ ଆମିନି କ୍ରୀସ୍ତ ହାତାରାଇଁ ଇଞ୍ଜା ନୀତାମାନାରାଇଁ ନୀହାୟି କିହାଲି ହାଜିମାନେସି, ତାନି ଝେଣ୍ଡେ ଖାନାଣି ଅଡ଼େ ରାଜିତି ମାନି କିହାନା ହୁକୁମି ହାହିମାଞ୍ଜାଇଁ, ୨ ମାହାପୁରୁ ବଲୁ ଝେକମ୍, ନେହୁଁ ବେଲାତା କି ଲାଗେଏତି ବେଲାତା ବଲୁ ଝେକହାଲି ତିୟାରା ଆହା ମାନାମ୍, ନୀନୁ ବାରେ କସ୍ତ ଅରହାନା ଜାପୁହିହୁଁ ଲାଗାମ୍, ଅଡ଼େ ଦାକା ହାହାନା ସାସା ବାସୁଁ ହାମ୍ । ୩ ଇତିହୁଁ ଦିନା ଖାନେ, ଏତିବେଲା ଲକୁ ନେହୁଁ ଜାପନାଣି ଝେଞ୍ଜାଲି ଅପଅରି, ସାମା ତାମି କୀର୍କା ତାକି ସୁନୁ ସୁଖାଲା ହାଡ଼ା ଝେଞ୍ଜାଲି ମନ ହୀନେରି ଇଞ୍ଜା କାତା ଜୁପକାତାକି ଲାଗେଏତାଣି ଜାପନାରାଇଁ କୁଡ଼ି କିନେରି । ୪ ଅଡ଼େ ସାତା କାତାତି ଝେଞ୍ଜାଲି କୁହାନା ଅଣ୍ପାପାନା ଝେହନି ପୁସପନିକାଣି ମନ

ହୀନେରି । ୫ ସାମା ନୀନୁ ବାରେ ତାଣା ସେଡନା ଆମ୍, କସ୍ତ ଅରହାମ୍, ମାହାପୁରୁତି ନେହୁଁ କାରୁ ଝେକମ୍ କାମା ପୁରା କିମ୍ ଅଡ଼େ ନୀ ସେବା କାମା ରାପମ୍ ।

୬ ଇତିହୁଁ ନୀଏଁ ଜିକେଏ ନା ଜୀଝୁ ଗସାଲି ତାକି ଖାକ୍‌ହିମାନି ଲେହେଁ ହେରପି ଆହିମାନେ, ନା ହାନି ଦିନା ଏଗାଝାଡେୟିଏ । ୭ ନାନୁ ନେହୁଁ ଜୁଜୁତା ଜୀଝୁ ତୁସାନା ଜୁଜୁ କିହିମାଇଁ, ନାଙ୍ଗେତାକି କେପାମାନି ପାହେରି ରାଝେତାକି ହଟାମାଇଁ, ନାନୁ ନାମ୍ବୁତି ଜାଣେ ଆସାମାଇଁ; ୮ ନାଙ୍ଗେତାକି ଦାମ୍ବୁତି ଟପେରି ଇଟକି ଆହାମାନେ, ଏଦାଆଁ ଏ କାଜା ନୀହାୟି ଦିନାତା ନୀହାୟି କିନି ପ୍ରବୁ ନାଙ୍ଗେ ହିୟାନେସି, ଖାରଇ ନାଙ୍ଗେ ଆଏ, ତାନି ଝେଣ୍ଡା ଖାନାଣି ନେହୁଁ ମନତଲେ କାଟାମାନି ବାରେଜାଣା ତାକି ଜୀଝୁନହାଁନା ହୀନେସି ।

ତାନି କାତା ଝେହନାୟି  
 ୯ ତବେ ନା ତାଣା ଖାହାଲି ଜାଗ୍ରାତା ଆମ୍; ୧୦ \*ଇତିହୁଁ ଦିମା ନାଙ୍ଗେ ପିସାହାଁ ନୀଏଁତି ଦାରତିତି ଜୀଝୁନହାଁନା ତେସଲନିକିତା ହାଜାମାନେସି, କ୍ରେସକେନସ ଗାଲାତିୟାତା ଅଡ଼େ ତିତସ ଦଲମତିୟାତା ହାଜାମାନେରି । ୧୧ \*ଅଡ଼େ ଲୁକ ରଅସିଏ ନା ତଲେ ମାନେସି । ମାକ୍‌ଇଁ ନୀ ତଲେ ତାତିହୁଁ ଖାମ୍, ଇତିହୁଁ ନା ସେବା କାମାତା ସାୟେମି କିୟାନେସି । ୧୨ \*ନାନୁ ତୁକିକଇଁ ଏପିସିୟତା ପାଣ୍ଡା ମାଇଁ । ୧୩ \*ତୁୟାତା କାର୍ପ ତାଣା ଆମିନି ଉସମି ସକା ପିସା ଖାହାମାଇଁ, ନୀନୁ ଖାନାଟି ସକା ଅଡ଼େ ପତିୟାଁ ବାରେକିହାଁ ତଲୁ ପତିୟାଁ ତାତିହୁଁ ଖାମ୍ ।

୧୪ \*ପିତାତା ବେବାରାଗାତି ଆଲେକ୍‌ଜାଣ୍ଡାର ନାଙ୍ଗେ ହାରେକା କସ୍ତ ହୀହାମାଞ୍ଜାନେସି; ପ୍ରବୁ ଏଝାଣାଇଁ ତାନୁ କିତି କାମା ଲେହେଁ ପାଡ଼େୟି ହୀନେସି;

\* ୪:୧୦ ୪:୧୦ କଲସି ୪:୧୪; ପିଲିମ ୧:୨୪; ୨କର ୮:୨୩; ଗାଲା ୨:୩; ତିତସ ୧:୪ \* ୪:୧୧ ୪:୧୧ କଲସି ୪:୧୪; ପିଲିମ ୧:୨୪; କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; ପିଲିମ ୧:୨୪ \* ୪:୧୨ ୪:୧୨ କାମା ୨୦:୪; ଏପିସି ୭:୨୧,୨୨; କଲସି ୪:୭,୮ \* ୪:୧୩ ୪:୧୩ କାମା ୨୦:୬ \* ୪:୧୪ ୪:୧୪ ୧ତିମ ୧:୨୦; ରମି ୨:୨

୧୫ ନୀନୁ ଜିକେଏ ଏଞ୍ଜାଣି ତାଣାଟି  
 ଜାଗ୍ରାତା ଆହା ମାନାମ୍, ଇତିହି ଏଞ୍ଜାସି  
 ମାରୁ ଝେକ୍‌ନି କାତା କପାଟି ନିଜାନା  
 କାହି କିହିମାଞ୍ଜାତେସି ।

୧୬ ତଲି ମୁଲୁ ନାଜେ ନୀହାୟି  
 କିୟାତାଟି ଆମ୍ବାଆରି ନା, ଝାକିଟି  
 ଆଆତେରି, ସାମା ବାରେଜାଣା ନାଜେ  
 ପିସ୍ତାତେରି, ଏଦାଆଁ ମାହାପୁରୁ ଏଞ୍ଜାରି  
 କପାଟି ଦହ କିଆପେସି । ୧୭ ସାମା  
 ପ୍ରବୁ ନା ତଲେ ମାଞ୍ଜାନା ନାଜେ ବାଡୁଲୁ  
 କିୟାତେସି, ଅଡେ ନାନୁ ସିହ୍‌କ୍‌ଞ୍ଜାଣି  
 ଗୁଡିଟି ଗେଲ୍‌ପିଆଡେଏଁ, ଏନିକ୍  
 ନା ତାଣାଟି ନେହ୍ କାରୁ ବାରେ  
 ତାଣା ଝେଜ୍‌ନେ ଅଡେ ଜୀହୁଦିଆଆତି  
 ଲକୁ ବାରେଜାଣା ଏଦାଆଁ ଝେଞ୍ଜାଲି  
 ଆଡିନେରି; ୧୮ ପ୍ରବୁ ନାଜେ ବାରେ  
 ଲାଗେଏ କାମାଟି ଗେଲ୍‌ପାନେସି, ଅଡେ  
 ନାଜେ ଗେଲ୍‌ପାନା ତାନି ଲାକପୁରୁ  
 ରାଜିତା ଅୟାନେସି; ଏଞ୍ଜାଣି ଗାଞ୍ଜୁରମି  
 କାଲାକାଲା ତାକି ଆପେ ! ଆପେନ୍ ।

ରାନିବେଲୀତି ଜହରା

୧୯ \*ପ୍ରିୟାଲୀ ଅଡେ ଆକ୍‌ଞ୍ଜିଲୀ  
 ଇଞ୍ଜା ଅନିସିପର ଇଲୁ କୁଟମିକି  
 ନା ଜହରା ଝେହ୍‌ମୁ । ୨୦ \*ଏରାସ୍ତ  
 କରନ୍ତି ଗାଡାତା ତୟା ମାନେସି, ସାମା  
 ତ୍ରପିମ ଆଡିହିଲୀଆକି ନାନୁ ଏଞ୍ଜାଣାଇଁ  
 ମିଲିତତା ପିସା ଝାଡେଏଁ । ୨୧ ନୀନୁ  
 ପେନିବେଲୀ ଝାଆ ନକେଏ ଝାଡିହି  
 ନେହ୍ ଆଡେମା । ଇୟୁବୁଲ,  
 ପୁବେନସ୍, ଲିନ, କ୍ଲାସ୍ତୁଦିୟା, ଅଡେ  
 ବାରେ କ୍ରୀସ୍ତାନା ତାୟିୟା ନିଜେ  
 ଜହରା ଝେସିମାଞ୍ଜାନେରି । ୨୨ ପ୍ରବୁ  
 ନୀ ଜୀହୁତା ମାଣ୍‌ମେସି, ମାହାପୁରୁତି  
 କାର୍ମାମେହ୍‌ନାୟି ମୀ ବାରେତାକି  
 ଆୟାପେ ।

\* ୪:୧୯ ୪:୧୯ କାମା ୧୮:୨; ୨ତମ ଭାଗ ୧:୧୭,୧୭

\* ୪:୨୦ ୪:୨୦ କାମା ୧୯:୨୨; ରମି ୧୭:୨୩; କାମା ୨୦:୪;

୨୧:୨୯

# ତୀତସଙ୍କ ନିକଟକୁ ପାଉଲଙ୍କ ପତ୍ର ତିତସ ତାଣ୍ଡା ପାଞ୍ଚୁଲ ରାଚାମାନି ଆକୁ ମୂଲୁ ହାଡ଼ା

ପାଞ୍ଚୁଲତି ସାରିଗଟା ଆକୁ ବିତ୍ରା ତିତସ ଆକୁ କୁଲମି ପିସପେ ର. ମାଣସିତି ଝେସିମାନେ, ଏଟକାତି ତାନିଗଟା ଆହିମାନୁ, ତିମତି ମୂଲୁ ଆକୁ, ତିମତି ରୀ ଲମ୍ବର ଆକୁ ଅଡେ ପିଲିମନ । ଈ ଆକୁ କ୍ରୀସ୍ତ ଜାର୍ନାଆଡ଼ି ୨୩ ଟିଏ ୬୫ ବିତ୍ରା ରାସକି ଆହାମାନେ ।

ତିତସ ଏଟକା କୁଡ଼ାତସି ଆହାନା କ୍ରୀସ୍ତାନା ଆହାମାତି ର. ଦାଂଗଣେଏସି ମାଚେସି, ଏଝାସି ମାହାପୁରୁ କାତା ଝେହ୍ନି ପାଞ୍ଚୁଲ ତଲେତାସି । କ୍ରିତିତା ମାନି ମାହାପୁରୁ କୁଲମି ସାଲଝି କିହାଲି ପାଞ୍ଚୁଲ ଏଝାଣାଇଁ ଏମ୍ବାଆଁ ପିସାନା ଈ ଆକୁ ପାଣ୍ଡାନା ତାନିଗଟା ନେହ୍ କି ଅଣ୍ପାଲି ରାଡ଼ିମାନେସି । ର. କାତା ଈଦି କ୍ରିତିତା ମାନାରି ବିତ୍ରାଟି ହାରେକା ଲକୁ ଲାଗେଏ ପଲେଏ ଅଣ୍ପୁ ଗାଟାରି ମାଟାକି ଏନିଲେହେତି ଅଣ୍ପୁ ଗାଟାରାଇଁ କୁଲମିତି କାଜାରି କିହାନା ଇଟିନାୟି ମାନେ । ଅର କାତା ଈଦି ବୁଡ଼ହାୟାଁଇଁ, ବୁଡ଼ହସିକାଣି, ଡାଆସିକାଣି, ଦାଂଗଣାୟାଁଣି, ହଲିୟାଙ୍ଗାଣି ଏନିକି ଗତି ଗତି କିହାନା ଜାପୁହାଲି ଆନେ । ତାୟୁତି କାତା ଈଦି କ୍ରୀସ୍ତାନା ଆହାମାନାରି ଏନିକି ନୀଡ଼ିନାୟି ମାନେ । ଏଝାରି ଜୀଞ୍ଜୁ ନନାରି ଅଡେ ସୁଦୁଗାଟାରି ଆପେରି, ଲାଗେଏତି କାତାୟାଁ ପିସପେରି, ଗଡ଼ହା କିଝି କିହାନା କୁଲମିତି ଗତି ଗତି କିଆପେରି ।

### ପତିତା ମାନାୟି

☆ ୧:୪ ୧:୪ ୨କର ୮:୨୩; ଗାଲା ୨:୩; ୨ତିମ ୪:୧୦ ବାହା ତକ୍ତି

- ୧. କୁଲମିତା ଦାମ୍ବୁଗାଟାରାଇଁ ଆଡ଼ାଲି ଝେହ୍ନାୟି । ୧:୧-୧୭
- ୨. ଦାମ୍ବୁ ଜୀଞ୍ଜୁତଲେ ନୀଡ଼ାଲି ଅଡେ ଜାପୁହାଲି ଝେହ୍ନାୟି । ୨:୧-୩:୧୧
- ୩. ତାୟୁତି କାତା ଅଡେ ଜହରା ତଲେ ଆକୁତି ରାପୁନାୟି । ୩:୧୨-୧୫

୧ ପାଞ୍ଚୁଲ, ମାହାପୁରୁତି ହଲେଏଣାଚେଏଁ ଇଞ୍ଜା ଜୀସୁ କ୍ରୀସ୍ତ ତାଣ୍ଡାଟି ପାଣ୍ଡୁଝି ଆହାମାନାଚେଏଁ ।

ମାହାପୁରୁ ଆଚାମାନି ଲକୁତି ନାମୁ ପାତିକିହାଲି ଅଡେ କାଲାକାଲାତି ଜୀଞ୍ଜୁ ମେଡ଼ାଆନି ଆସାତି ଦାମ୍ବୁତି ନାମୁତା ସାତାତି ଜାଗ୍ରାତା କିହାଲିତାକି ନାମୁ ପାଣ୍ଡୁଝି ଆହାମାଇଁ । ୨ କାଲାକାଲାତି ଜୀଞ୍ଜୁତି ଆସା ହାହାଲିତାକି, ଏମିନି ମାହାପୁରୁ ଆଞ୍ଜାମାଚେସି, ଏଝାସି ଏଚେଲା ମିତି ଜଲାଆଗାଟାସି । ୩ ଏ କାଲାକାଲାତି ଜୀଞ୍ଜୁ ସାତା ମାହାପୁରୁ, ହାରେକା କାଲା ନକେଏ ଆଞ୍ଜାନା ସମାନା ବେଲାତା ତାନି ବଲୁ ଝେକ୍ନି ତାଣ୍ଡାଟି ତସାମାନେସି; ଏ ବଲୁ ଝେକ୍ନି ବଲୁ ମା. ଗେଲପାନି ମାହାପୁରୁ ହୁକୁମି ତଲେ ନା. ତାଣ୍ଡା ହେରପି ଆହାମାଞ୍ଜାନେ ।

୪ \*ନା. ସମାନା ନାମିତାସି ଅଡେ ନାମୁତା ନା. ଜୀଞ୍ଜୁତି ମୀରଏସି ତିତସ ତାଣ୍ଡା ଈ ଆକୁ ରାଡ଼ିମାଇଁ ।

ଆବା ମାହାପୁରୁ ଅଡେ ମାଙ୍ଗେ ଗେଲପାନି କ୍ରୀସ୍ତ ଜୀସୁ ମିଙ୍ଗେ କାର୍ମା ଅଡେ ହିଡ଼ଡ଼ି ହିୟାପେସି ।

କ୍ରିତିତା ତିତସ କାମା କିନାୟି

\* ନାମୁ ଝେସ୍ତାତିଲେହେଁ ରାଆତି କାମାତି ରାପୁହାଲି ତାକି, ଅଡେ ବାରେ ଗାଡ଼ାତା ପ୍ରାଟିନାଙ୍ଗାଣି କାମା ହେରପାଲି ତାକି ନାମୁ କ୍ରିତିତା ନିଙ୍ଗେ ପିସା ଝାୟାଚେଏଁ; ୬ \*ଆମ୍ବାଆସି ଦହ ହିଲାଆଗାଟାସି, ରଣିଏ ତକ୍ତିନି\* ତକ୍ତା, ଆମ୍ବାଆରି ମୀରକା ମାସକା ନାମିତାରି, ଅଡେ ଲାଗେଏ ପଲେଏତି କାମା କିଅରିକି ମାନଝି ଆଆଗାଟି କାମା କିଅରି

☆ ୧:୬ ୧:୬ ୧ତିମ ୩:୨-୬

\* ୧:୬ ୧:୬ ରଣିଏ

ଏଞ୍ଜରାଉଁ ଆଗାହାଁ ପ୍ରାଚିନା କିମ୍ପୁ ।  
 ୭ ଇଚିହଁ କାଜାସି, ମାହାପୁରୁତି ଗୁମ୍ପୁସ୍ତା  
 ଆହାଁ ଦହ ହିଲାଆଗାଟାସି ଆନାୟି  
 ମାନେ; ଏଞ୍ଜାସି ଜାହାରା ମନତଲେ  
 କିନାସି କି ଦେବୁଣିଏ କାରବି ଆନାସି  
 କି କାଡୁ ଗହନାସି କି ଗଡ଼ହା କିନାସି  
 କି ଦନ ଜୁପକା ଗାଟାସି ଆଆନା,  
 ୮ ଏଞ୍ଜାସି ଗତାୟାଣି ଆକ୍ରା କିନାସି,  
 ଏନାୟି ନେହାୟି ଏଦାଆଁ ଜୀଞ୍ଜୁ ନନାସି,  
 ଜାହାରାଉଁ ଲକନାସି, ଦାମ୍ବୁଗାଟାସି,  
 ସୁଦୁଗାଟାସି, ଇଞ୍ଜା ମେରା ମାନଞ୍ଜି  
 ଆନାସି ଆପେସି । ୯ ଅଡେ ଏନିକଁ  
 ଏଞ୍ଜାସି ଲକ୍ଷୁତାକି ନେହାଁଣି ଜାପହାନା  
 ରାହାଁ ହାହାଲି ଇଞ୍ଜା ମାହାପୁରୁ  
 କାତା କପାଟି ଖେହନାରାଉଁ ଲାଗାଲି  
 ଆଡିନେସି, ଇଦାଆଁତାକି ଜାପାମାନି  
 ନାମିନି ବଲୁ ଜାଣେ ଆର୍ଯ୍ୟା ମାଞ୍ଜୁ ।

୧୦ ଇଚିହଁ ହାରେକା ନାମାଆଗାଟି  
 ଲକ୍ଷୁ, ଉଜେଏତି କାତାତଲେ  
 ନାଡ଼ିକିନାରି ମାନେରି, ହାରେକା ଜୀହୁଦି  
 କ୍ରୀସ୍ତାନା ଲକ୍ଷୁ ବିତ୍ରାଟି ମାନେରି ।  
 ୧୧ ଲାଗେଏତି କାତାଟି ଏଞ୍ଜାରି ଗୁଡ଼ି  
 ମୁଦା କିନାୟିମାନେ, ଏନାଆଁତାକି  
 ଇଚିହଁ ଏଞ୍ଜାରି ଦନ ଜୁପକାତାକି  
 ଲାଗେଏତି କାତା ଜାପହିହଁ ର  
 ର ଇଲୁ କୁଟମିତି ମାହାପୁରୁ ଜିରୁ  
 ବାଣି କିନେରି । ୧୨ ଏଞ୍ଜାରି ବିତ୍ରାଟି  
 ରଥସି ଏଞ୍ଜାରି ମାହାପୁରୁ ଅଣପୁଡ଼ି  
 ବଲୁ ଖେହନାସି ଏଲେ ଇଞ୍ଜାମାନେସି,  
 କ୍ରିତିତା ବାସା ଆହାମାନାରି ବାରେବେଲା  
 ମିତି ଖେହନାରି, ଜନ୍ତ ସମାନା ଅଡେ  
 ନିସ୍ତା ଇଞ୍ଜା ଚିଣ୍ଡିକାଞ୍ଜୁୟାଁ । ୧୩ ଇ  
 କାତା ସାତା । ଏଦାଆଁତାକି ଏଞ୍ଜରାଉଁ  
 ଗାଡ଼ି ଦାକା ହାହାଁ ଲାଗାମ୍ପୁ, ଏନିକଁ  
 ଏଞ୍ଜାରି ନାମୁତା ପାତା ଆନେରି ।  
 ୧୪ ସାତାତି ପିସାମାନି ଲକ୍ଷୁତି ମେରା,  
 ଜୀହୁଦି ଲକ୍ଷୁତି କହୁୟାଁ, ମନ ହାଅରି  
 ଏଦାଆଁତାକି ଏଞ୍ଜରାଉଁ ଜାପମ୍ପୁ ।  
 ୧୫ ଅଡ଼ହି ଆଡ଼ି ଲକ୍ଷୁତାକି ବାରେଏ  
 ଅଡିନେ, ସାମା ପଲ୍ଲଆ ଗାଟାରାକି,  
 ମାହାପୁରୁଉଁ ନାମାଆ ଗାଟାରାକି ଏନାୟି  
 ଜିକେଏ ଅଡେଏ, ଇଚିହଁ ଏଞ୍ଜାରି ମନ

ଅଡେ ଅଣପୁ ବାରେ ପଲ୍ଲଆଗାଟାୟି  
 । ୧୬ ଏଞ୍ଜାରି ମାହାପୁରୁଉଁ ପୁଞ୍ଜାମାନମି  
 ଇଞ୍ଜୁ ଜଲିନେରି, ସାମା ଏଞ୍ଜାରି କାମା  
 ତଲେ ମାହାପୁରୁଉଁ ପୁନାଆଡ଼ି ଲେହେଁ  
 ଆନେରି, ଏଞ୍ଜାରି ଅପାଆଗାଟାରି, ଅଡେ  
 କାତା ଆହୁଆଗାଟାରି ବାରେ ନେହଁ  
 କାମାତା ପାଡ଼ାଆଅରି ।

୨

ନେହଁ ଦାମ୍ବୁ ଜାପନାୟି  
 ୧ ମା ଦାମ୍ବୁତି କାତାୟାଁ ନେହଁ କଁ  
 ଜାପମ୍ପୁ । ୨ ବୁଡ଼ହା ଆବାୟାଉଁ ତରେ  
 ଆୟାଲି, ନେହଁ ଅଣପୁ, ନେହଁ  
 ବୁଦି, ଅଡେ ନାମ୍ପୁ, ଜୀଞ୍ଜୁନନାୟି, ଇଞ୍ଜା  
 ଅରୁହିନି ତାଣା ବାଡ଼ୁୟାଁ ଆୟାଲି;  
 ୩ ଅଡେ ବୁଡ଼ହି ଇୟାସିକାଣି ଜିକେଏ  
 ଏଲେକିହଁଏ ସାକ୍ତି ଗାଟାଇ ଇଞ୍ଜା  
 କାଡୁ ଗହନାଇ ଆଆନା ସୁଦୁଜୀଞ୍ଜୁ  
 ତଲେ ନୀତାନା ନେହଁ କାତା  
 ଜାପହାଲି ବାଟିମାଲିହଁ ଖେହମ୍ପୁ;  
 ୪ ଏଦାଆଁତାକି ଡାଆ ଆୟାସିକା ତାମି  
 ତକ୍ରାୟାଣି, ମୀରକା ମାସକାଣି ଜୀଞ୍ଜୁ  
 ନହାଁ, ୫ ଜାହାରାଉଁ ସାପି ଆୟାଲି,  
 ଅଡ଼ହା କତାନା, ଇଲୁତି ନେହଁ କଁ  
 ଲେମ୍ପାଲି, ନେହଁ ଗୁଣ୍ଡୁ, ଇଞ୍ଜା ଜାହାରା  
 ତକ୍ରାୟାଁ କାତା ମାନଞ୍ଜି ଆୟାଲି, ଜାପମ୍ପୁ,  
 ଏନିକଁ ମାହାପୁରୁତି ବଲୁ ନିନ୍ଦାଆଏ ।

୬ ଏଲେକିହଁଏ ଦାଂଗଣାୟାଣି  
 ବାରେ କାତାତା ନେହଁ ବୁଦି ଆହାଲି  
 ରାହାଁ କିଞ୍ଜି କିମ୍ପୁ; ୭ ନୀ ବାରେ ମାଣ୍ଡକିତା  
 ସାତା କାମାତି ନେହଁ ଗୁଣ୍ଡୁ ତହମ୍ପୁ,  
 ଜାପନି ତାଣା ଆଡ଼ଞ୍ଜା ଅଡେ ମାନିଗାଟି  
 ମାଣସି ଆହାନା ନେହଁ ହାଡ଼ା ତଲେ  
 ଖେହମ୍ପୁ । ୮ ଏନିକଁ ମିଙ୍ଗେ ଲାଗେଏ  
 କିହାଲି ଅଣପିମାନି ଲକ୍ଷୁ ମିଙ୍ଗେ  
 ଖେଣେ ଖେସାଲି ଆଡ଼ାଆନା ଲାଜା  
 ବେଟାଆନେରି ।

୯ ହଲିୟାଙ୍ଗା ତାମି ସାଞ୍ଜୁକାରି କାତା  
 ମାନଞ୍ଜି ଆହା ଡ଼ୟାପେରି, ଅଡେ  
 ବାରେ କାମାତା ସାଞ୍ଜୁକାରିଉଁ ରାହାଁ  
 କିନାରି ଆପେରି, ଏଞ୍ଜାରି ଖେଣେ  
 ଜଲାଆପେରି, ୧୦ ଏନାଆଁ ସରୁ କିଆନା

ନେହଁ ନାମୁତଲେ ଚିକାଣା କାମା ତସ୍ପାରି, ଆତିହଁ ମାଙ୍ଗେ ଗେଲ୍ପାନି ମାହାପୁରୁତି ଦାମ୍ନୁ ଜାପ୍ନାନାଣି ନେହାୟି ଇଞ୍ଜଁ ଝେଙ୍ଗି କିନେରି ।

୧୧ ଇଚିହଁ ବାରେ ମାଣ୍ଡସି କୁଡ଼ାଇଁ ଗେଲ୍ପାଲି ମାହାପୁରୁତି କାର୍ମାମେହନାଣି ତସାମାନେସି, ୧୨ ଅଡ଼େ ମାର ଏନିକଁ ଲାଗେଏତି ଦାମ୍ନୁ, ଦାରତିତି ଜୁପକା ପିସାନା ଇ ନୀଏତି ଜୁଗୁତା ନେହଁ ବୁଦି, ଦାମ୍ନୁ ଅଡ଼େ ମାହାପୁରୁତି ଆଜିତଲେ ନୀତିନ, ୧୩ ଅଡ଼େ ଏ ରାହାଁତି ବାର୍ସୁ ମା କାଜା ମାହାପୁରୁ ଗେଲ୍ପାନି କ୍ରୀସ୍ତ ଜୀସୁତି ଗାଝୁରମି ତଞ୍ଜାଆନାଣି କାଚିହଁ ତୁୟିନ, ଇଦାଆଁତାକି ମାଙ୍ଗେ ଜାପ୍ତୁହି ମାଞ୍ଜାନେ । ୧୪ ଏ କ୍ରୀସ୍ତ ଜୀସୁ ମା ବାରେ ଲାଗେଏ ପଲେଏ ତାଣାଟି ଗେଲ୍ପି କିୟାଲି ଅଡ଼େ ତାଙ୍ଗେତାକି ସାତା କାମାତାକି ରାହାଁତି ତାନି ଲକୁ ଲେହେଁ ଅବହାଲି ତାନୁଏ ମା ତାକି ହେରପି ଆଡେସି ।

୧୫ ଇ ବାରେ କାତା ଜଲିହଁ ବାରେ ଅଦିକାରା ତଲେ ସାସା ହୀମ୍ନୁ, ଅଡ଼େ ଦାକା ହୀମ୍ନୁ । ଏନିକଁ ଆମ୍ବାଆରି ନିଙ୍ଗେ ହୀଣି କିୟାଆପେରି ।

**୩**

କ୍ରୀସ୍ତାନା ଲକୁତି କାମା ଇଞ୍ଜା ଗୁଣୁ

୧ ଦେସାତି ସାଲ୍ଲୁକି କିନାରି ଅଦିକାରା ବେଟାଆହା ମାନାରି ତୁଇ ମାଞ୍ଜାନା, ଏଝାରାଇଁ ମାନି କିହାନା, ଅଡ଼େ ବାରେ ନେହଁ କାମା କିହାଲି ଜାଗ୍ରାତା ଆଦୁ, ୨ ଆମ୍ବାଆରାଇଁ ନିନ୍ଦା କିଆନା, ଆମ୍ବାଆରି କପାଟି କାମା କିଆନା, ବାରେ ଲକୁ ନକିତା ଉଣା ଆହାଲି, ସୁଦୁ ସୁଝାଲା ତସାଲି ବାରେ ଲକୁ ନକିତା ଅଣ୍ପି କିମ୍ନୁ । ୩ ଇଚିହଁ ମାର ଜିକେଏ ନକେଏ ବୁଦିହିଲାଆ ଗାଟାତାୟି, କାତା ଆହୁଆ ଗାଟାତାୟି, ଲାଗେଏତି ଜିରୁଟି ହାଜିମାଟାୟି, ଏନି ଏନି ଜୁପକା ଅଡ଼େ ସୁକୁ ଦୁକୁତି ହଲିୟା

ମାଟାୟି, ତାହାରା ଅଡ଼େ ତାହାରା ତଲେ ମାଟାୟି ଇଞ୍ଜା ଅପୁଝି ଆଆଗାଟି ଲକୁ ଆହା ଅପୁଝି ଆହି ହିଲାଆତାୟି । ୪ ସାମା ଏଚିବେଲା ମାଙ୍ଗେ ଗେଲ୍ପାନି ମାହାପୁରୁତି କାର୍ମା ଅଡ଼େ ମାଣ୍ଡସି ଜାଡ଼ି ତାକି ତାନି ଜୀଝୁନନାୟି ତଞ୍ଜାଆଡ଼େ, ୫ ଏଚିବେଲା ଏଝାସି ମା କିତି ଦାମ୍ନୁ କାମାତାକି ଆଏ, ସାମା ତାନି କାର୍ମାତଲେ ପୁଝନି ଜାନୀତି ଏୟୁତଲେ ନରହାନା, ତାନି ସୁଦୁଜୀଝୁ ତଲେ ପୁଝନି ଗାଡ଼ିକିହାଁ ଗେଲ୍ପାମାଞ୍ଜାନେସି, ୬ ଏ ନେହଁ ଜୀଝୁତି ମାଙ୍ଗେ ଗେଲ୍ପାନି ଜୀସୁ କ୍ରୀସ୍ତ ତାଣାଟି ହାରେପୁରେ ମା ଲାକ ହୀୟାତେସି, ୭ ଏନିକଁ ମାର ତାନି କାର୍ମାମେହନାଣି ତଲେ ଦାମ୍ନୁ ଗାଟାତାୟି ଆହାନା ବାର୍ସୁ ତଲେ କାଲାକାଲାତି ଜୀଝୁତି ଅଦିକାରା ଆନାୟି । « ଇ କାତା ସାତା ଆନେ । ଅଡ଼େ ଏନିକଁ ମାହାପୁରୁଇଁ ନାମିନାରି ବାରେ ନେହଁ କାମାତି ଅଣ୍ପିହଁ କିନେରି, ଏଦାଆଁତାକି ଇ ବାରେ ଜାଣେତଲେ ଜାପ୍ତୁ ଇଞ୍ଜଁ ନା ଅଣ୍ପୁ, ଇ ବାରେ ଲକୁତାକି ନେହାୟି ଇଞ୍ଜା ଅଜିତାୟି । ୯ ସାମା ଲେନିପନିଏ ବାଦିବାଦା କାତା ଜଲିନି ତାଣାଟି, ଆକୁ ଆବାୟା ଦରକା ତାକି, ଗଡ଼ହା ଅଡ଼େ ମୋରାତାକି ଗଡ଼ହାଟି ହେକ ମାନାମ୍ନୁ, ଇଚିହଁ ଏ ବାରେ ଲାବା ହିଲାଆ ଉଜେଏତାଇ । ୧୦ ଜିରୁ ବାଣି କିନି ଲକୁଇଁ, ର ଦେବା ରୀ ଦେବା ଦାକା ହୀହାଁ ଜାଗ୍ରାତା କିପୁ, ଅଡ଼େ ତାୟୁ ଏଝାଣି ତାଣାଟି ହେକ ଆଦୁ; ୧୧ ଇଲେତି ଲକୁ ତାମି ଜିରୁ ବାଣାଆହା ମାନେରି, ଇଞ୍ଜା ପାପୁ କିହାଁ ଜାହାରାତି ଦହ କିନେରି, ଇଦାଆଁ ମୀରୁ ପୁଞ୍ଜାମାଞ୍ଜେରି ।

ରାନି ବେଲାତା ଜାପ୍ନାନାୟି  
୧୨ ଏଚିବେଲା ନାନୁ ମୀ ତାଣା ଆତ ମା କି ତୁକିକଇଁ ପାଣ୍ଡାଇଁ, ଏଚିବେଲା ନିକପଲିତା ନା ତାଣା

\* ୨:୧୪ ୨:୧୪ ୧ପିତ ୨:୯ \* ୩:୧୨ ୩:୧୨ କାମା ୨୦:୪; ଏପିସି ୬:୨୧,୨୨; କଲସି ୪:୭,୮; ୭ପିତ ୪:୧୨

ଝାହାଲି ଜାଡ଼ନ୍ନୁ ଆମ୍ବୁ, ଇଚିହଁ  
 ପେନିଝେଡ଼ା ରାଝେ ଏମ୍ବାଆଁ ମାଞ୍ଜାଲି  
 ଅଣ୍ଠାମାଈ । ୧୩ ଅକିଲା ଜିନା, ଅଡ଼େ  
 ଆପଲକି ଏନାୟି ଲଡ଼ାମାନେ ଏଦାଆଁ  
 ହୀହାନା ଜିରୁ ତହ୍ମୁ, ଏନିକଁ ଏଞ୍ଜାରି  
 ଜିରୁତା ଏଞ୍ଜାରାକି ଏନାୟି ଲଡ଼ାଆଆପେ  
 । ୧୪ ମା ଲକୁ ଜିକେଏ ଲଡ଼ାମାନି ତୀରପୁ  
 କାମାତା ଲେମ୍ବୁଞ୍ଜି ଆହାଲି ଜାପିନାୟି  
 ମାନେ, ଏନିକଁ ଏଞ୍ଜାରି ପାଡ଼େୟି  
 ହିଲାଆ ଗାଟାରିଲେହେଁ ଆଅରି ।

୧୫ ନା, ତଲେ ମାନି ବାରେଜାଣା  
 ନିଙ୍ଗ ଜହରା କିହିମାଞ୍ଜାନେରି ।  
 ନାମୁତା ଆମ୍ବାଆରି ମାଙ୍ଗେ ଜୀଞ୍ଜୁ  
 ନହିମାଞ୍ଜାନେରି ଏଞ୍ଜାରାଇଁ ଜହରା କିଦୁ,  
 ଅଡ଼େ ମାହାପୁରୁତି କାର୍ମାମେହ୍ନାୟି ମା  
 ବାରେତାକି ଆପେ ।



# ପିଲିମନଙ୍କ ନିକଟକୁ ପାତ୍ରଲଙ୍କ ପତ୍ର ପିଲିମନ ତାଣ୍ଡା ପାଞ୍ଚୁଲ ରାଚାମାନି ଆକୁ ମୂକୁ ହାଡ଼ା

ପିଲିମନ ଆକୁ ପାଞ୍ଚୁଲ ତାଣ୍ଡାଟି ରାସ୍ତକି ଆହାମାନେ ୧:୧ । ପାଞ୍ଚୁଲ ରମ୍ ଗାଡ଼ାତି କାୟିଦି ଇଲୁତା ମାଚାଟି ଇ ଆକୁ ରାଚାମାନେସି । ଏଞ୍ଜାସି ରମ୍ ଗାଡ଼ାତା ମାଚେସି କ୍ରୀସ୍ତ ଜାର୍ନାଆଡ଼ି ୬୧ ବାର୍ସା ତାୟୁ ଇ ଆକୁ ରାଚା ଡ଼ୟିନେସି । ଏତିବେଲାତା କଲସିୟ କୁଲମିତାକି ରାଚା ଡ଼ୟିନେସି । ଏଞ୍ଜାସି ଇ ଆକୁ ପିଲିମନ ଇନି ର ମାଣସିକି ରାଚିମାନେସି । ପିଲିମନ କୁଲମିତି କାଜାସି ଅଡ଼େ ହଲିୟାଜାତି ସାଞ୍ଜୁକାରି ମାଚେସି । ଏଞ୍ଜାରି ବିତ୍ରାଟି ଅନିସିମ ଇନି ର ହଲେଏସି ମାଚେସି ଏଞ୍ଜାସି ପିଲିମନ ତାଣ୍ଡାଟି ହଟାତୁସା ମାଚେସି ଏଞ୍ଜାସି ପାଞ୍ଚୁଲ ତାଣ୍ଡାଟି କ୍ରୀସ୍ତାନା ଆହାମାଚେସି । ରମିୟ ଲକୁତି ମେରା ତଲେ ଅନିସିମଇଁ ହାନି ଡ଼ଣ୍ଡ ହାନାୟି ମାଚେ ।

ଅନିସିମଇଁ କାର୍ନାମେସାନା ଏଞ୍ଜାଣାଇଁ ହଲେଏସି ଲେହେଁ ଆଏ ସାମା କ୍ରୀସ୍ତାନା ତାୟିଲେହେଁ ଝେଣ୍ଡେ ଆବାମୁ ଇଞ୍ଜି ପିଲିମନଇଁ ବାତିମାଲିହିଁ ଇ ଆକୁ ରାଚିମାନେସି ୧:୧୩-୧୪ ।

### ପତିତା ମାନାୟି

- ୧. ପିଲିମନଇଁ ଜହରା ଝେହନାୟି । ୧:୧-୩
- ୨. ଅନିସିମଇଁ କ୍ରୀସ୍ତାନା ତାୟିଲେହେଁ ଆବାଲି ଏଲେଇନାୟି । ୧:୪-୨୧
- ୩. ଆକୁତି ରାପ୍ନି କାତା । ୧:୨୨-୨୫

୧ ନାନୁ ପାଞ୍ଚୁଲ, ଜୀସ୍ତୁ କ୍ରୀସ୍ତ ତାକି ଦସ୍ପି ଆହାମାନାତେଏଁ, ତାୟି ତିମତି, ମା ତଲେ କାମା କିହିମାନି ଜୀଞ୍ଜୁତି ପିଲିମନ, ୨ \*ଅଡ଼େ ତାଜି

ଅପ୍ପିୟା ଇଞ୍ଜା ମା ତଲେ ଜୁଜୁକିନି ଆକ୍ ପ୍ପ ଇଞ୍ଜା ମୀ ଇଜ ମାନି କୁଲମିତାକି ଆକୁ ରାଚାମାଇଁ; ୩ ମା ଆଚା ମାହାପୁରୁ ଅଡ଼େ ପ୍ରବୁ ଜୀସ୍ତୁ କ୍ରୀସ୍ତ ତାଣ୍ଡାଟି କାର୍ନାମେହନାୟି ଅଡ଼େ ହିଡ଼ି ମିଜେତାକି ଆୟାପେ ।

ପିଲିମନ ଜୀଞ୍ଜୁନନାୟି ଅଡ଼େ ନାମିନାୟି  
୪ ନାନୁ ନା ପ୍ରାତାନାତା ମୀ ଦରୁ ଆସାନା କାଲେଏ ନା ମାହାପୁରୁଇଁ ଜହରା କିହିମାଇଁ, ୫ ପ୍ରବୁ ଜୀସ୍ତୁ କ୍ରୀସ୍ତ ଇଞ୍ଜା ବାରେ ମାହାପୁରୁ ଲକୁତାକି ମୀ ଜୀଞ୍ଜୁନନାୟି ଅଡ଼େ ନାମୁତି କାତା ଝେଞ୍ଜାନା ୬ ଏଲେକିହିଁ ଏ ମୀ ନାମୁତଲେ ଆଣ୍ଡୁ ଆନାୟି, ମାଜେ ହୀପକିଆଡ଼ି ବାରେ ନେହିଁ କାତାତି ପୁନାଣି ତଲେ କ୍ରୀସ୍ତ ତାଣ୍ଡା କାମା ଆନେ । ୭ ଏନାଆଁତାକି ଇତିହିଁ, ଏ ନା ତାୟି, ମାହାପୁରୁ ଲକୁତି ହିୟାଁ ମୀ ତାଣ୍ଡା ସୂସି ମେଡ଼ା ଆହାମାନାକି ନାନୁ ମୀ ଜୀଞ୍ଜୁ ନନି ତାଣ୍ଡା ରାହାଁ ଅଡ଼େ ସାସା ବେଟା ଆହିମାଇଁ ।

ଅନିସିମ ତାକି ବାତିମାଲିନାୟି  
୮ ଆତିହିଁ ଏନାୟି ନେହାୟି, ଏ କାରୁତାକି ନିଜେ ହୁକୁମି ହୀହାଲି କ୍ରୀସ୍ତତି ହଲେଏଣା ଲେହେଁ ଆଡ଼ିଜିକେଏ ନାଜେ ହାଚେ ପୁରେ ସାସା ମାନେ, ୯ ଆଡ଼ିଜିକେଏ ନାନୁ ବୁଡ଼ହା ପାଞ୍ଚୁଲ ଜୀଞ୍ଜୁ ନନାଣି ତାକି ମିଜେ ବାତିମାଲିମାଞ୍ଜାଇଁ, କ୍ରୀସ୍ତ ଜୀସ୍ତୁ ତାକି ନୀଏଁ ନାନୁ ଦସ୍ପି ଆହାମାଇଁ, ୧୦ \*ନାନୁ ଇଲେକ୍ ଦସ୍ପି ଆହାମାନାଟି ନା ମୀରଏସି ଅନିସିମ ତାକି ନିଜେ ବାତିମାଲିମାଞ୍ଜାଇଁ; ୧୧ ଏଞ୍ଜାସି ନଚେଏ ନିଜେ ଅଡ଼େ ନାଜେତାକି ଲଡ଼ା ହୀଆଗାଟାସି ମାଚେସି, ସାମା ନୀଏଁ ନିଜେତାକି ଅଡ଼େ ନାଜେତାକି ଜିକେଏ ଲଡ଼ା ଗାଟାସି ଆହାମାନେସି ।

୧୨ ନାନୁ ଏଞ୍ଜାଣାଇଁ ନୀ ତାଣ୍ଡା ଝେଣ୍ଡେ ପାଣ୍ଡିମାଞ୍ଜାଇଁ, ଏଞ୍ଜାସି ନା ହିୟାଁ ମାନେ । ୧୩ ନେହିଁ କାରୁତାକି ନାନୁ କାୟିଦିତା

\* ୧:୨ ୧:୨ କଲସି ୪:୧୭    \* ୧:୧୦ ୧:୧୦ କଲସି ୪:୯

ମାଞ୍ଜାନା ଏଞ୍ଜାଣାଈଁ ନୀ କିନି ଜାତୁନୁ ନାଈଁ କିହାଲି ତାକି ତାଗେ ଇଟାଲି ଅଣ୍ଠିପାତେବ୍, ୧୪ ସାମା ନୀନୁ ରାଜି ଆଆପାତେକା ନାନୁ ଏଦାଆଁ କିହାଲି ଅଣ୍ଠିପାଆତେବ୍, ଏନିକ୍ ନୀ ନେହ୍ କାମା ନୀ ମନତଲେ କିନିଲେହେଁ ଆଆନା ନେହ୍ ଅଣ୍ଠିପୁ ତଲେ ଆଚେନ ।

୧୫ ଆତିହ୍ ଇଦି ଆହାଲି ଆଡିନେ, ଏନିକ୍ ନୀନୁ ଏଞ୍ଜାଣାଈଁ ହଲେଏଣା ଲେହେଁ ମେହ୍‌ଆନା ସାମା ହଚ୍‌ଲେଏଣା କିହାଁ କାଜାସି ଲେହେଁ, ଇଚିହ୍ ଜୀଞ୍ଜୁତି ତାୟିଲେହେଁ କାଚ୍‌ଲେଏତାକି ବେଟାଆଡି, ଏଦାଆଁତାକି ଏଞ୍ଜାସି ଏଚେଚିନା ତାକି ଏଚ୍‌କା ଆହାମାଚେସି; ୧୬ ସାମା ଏଞ୍ଜାସି ଞ୍ଜାଚ୍‌ଇ ହଚ୍‌ଲେଏସି ଆଏ, ନୀଏଁ ଏଞ୍ଜାସି ଜୀଞ୍ଜୁତି ତାୟି, ଇଚିହ୍ ଆଜା ତଲେ ଅଡେ ମାହାପୁରୁ ତାଣା ନିଜେତାକି ଏଚେକା ଜୀଞ୍ଜୁ ନନାସି ଆଅସି ।

୧୭ ଏଦାଆଁତାକି, ନୀନୁ ନାଈଁ ନା ତଡୁତୁସି ଇଞ୍ଜି ଅଣ୍ଠି ମାଞ୍ଜାସାରେ, ଆତିହ୍ ନାଈଁ ଆବାତି ଲେହେଁ ଏଞ୍ଜାଣାଈଁ ଆବାମୁ । ୧୮ ଇଚିହ୍ ନିଜେତାକି ଏନି ଲାଗେଏ କିହାମାଞ୍ଜାତ୍ କି ନୀ ତାଣା ରୀଣା ଆହା ମାଞ୍ଜାତିହ୍, ଏଦାଆଁ ନା ଦରୁତା ରାଚାମୁ । ୧୯ ନାନୁ ପାଞ୍ଜୁଲତେବ୍, ନା କେନ୍ଦୁତଲେ ଇଦାଆଁ ରାଚିମାଈଁ, ନାନୁ ଏଦାଆଁ ଞ୍ଜେଚ୍‌ହାଈଁ । ନୀନୁଏ ନା ତାଣା ରୀଣା ମାଞ୍ଜି, ଇ କାତା ଅଡେ ନାନୁ ଞ୍ଜେସାଲି ଅଣ୍ଠି ହିଲଅଁ । ୨୦ ହାଅ, ତାୟି, ପୁରୁ ତାଣା ଆଣ୍ଡିତ୍ ନୀ ତାଣାଚି ନା ଲାବା ଆୟାନେ, ଜୀଞ୍ଜୁତି ତାଣା ନା ଜୀଞ୍ଜୁତା ବାସ୍ ହିୟାମୁ ।

୨୧ ନାନୁ ନା ଞ୍ଜେସ୍ତାତିଲେହେଁ କିଦି ଇଞ୍ଜି ନାମୁ ମାନାକି ନାନୁ ଇ ଆକୁ ରାଚିମାଈଁ; ସାତେଏ ନାନୁ ପୁଞ୍ଜାମାଈଁ, ନାନୁ ଏଚେକା ଞ୍ଜେସିମାଞ୍ଜାଈଁ, ନୀନୁ ଏଦାଣିକିହାଁ ଆଗାଡା ଜିକେଏ କିଦି । ୨୨ ଇଦାଆଁ ତଲେ ନା ଡିୟିନି ଇଲୁ

ଜିକେଏ କିହାନା ଇଚାମୁ, ଇଚିହ୍ ମୀ ପ୍ରାତାନା ତଲେ ମୀରୁ ନାଈଁ ଞ୍ଜେଣ୍ଡେ ବେଟା ଆୟାଦେରି, ଇଦାଆଁ ନାନୁ ଆସା କିହିମାଈଁ ।

ରାନ୍ତିବେଲାତି ଜହରା  
୨୩ \*ଜ୍ରୀସୁ ଜୀସୁ ତାକି ନା ତଲେ କାୟିଦି ଇଲୁତା ମାନି ଏପାପ୍ରା ୨୪ \*ଇଞ୍ଜା ନା ତଲେ କାମା କିହିମାନି ମାର୍କ, ଆରିସ୍ତାର୍କ, ଦିମା ଅଡେ ଲୁକ ନିଜେ ଜହରା କିହିମାଞ୍ଜାନେରି । ୨୫ ମା ପୁରୁ ଜୀସୁ ଜ୍ରୀସୁତି କାର୍ମାମେହ୍‌ନାୟି ନେହ୍ ଜୀଞ୍ଜୁ ମୀ ତଲେ ମାଣ୍ଡେ ।

\* ୧:୨୩ ୧:୨୩ କଲସି ୧:୭: ୪:୧୨ \* ୧:୨୪ ୧:୨୪ କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; କାମା ୧୯:୨୯; ୨୭:୨; କଲସି ୪:୧୦; କଲସି ୪:୧୪; ୨ଚିମ ୪:୧୦; କଲସି ୪:୧୪; ୨ଚିମ ୪:୧୧

# ହିବ୍ରୁମାନଙ୍କୁ ଲିଖିତ ପତ୍ର ଏହି ଲକ୍ଷ୍ମଣୀକି ରାଡ଼ିତି ଆକୁ ମୂଲ୍ୟ ହାତୀ

ଏହି ପତ୍ର ର ରାହାଁ ହାନି ପତି । ପୁଣି ଫେରାତି ହାରେକା ମାହାପୁରୁ ଅଣ୍ଟପୁତି ବଲୁୟା ପୁଣିଆଇ ଆହାମାନି କାତା ଇମ୍ପାଆଁ ମେସାଲି ଆଡ଼ିମାନାୟି । ଇ ପତି ର ନେହଁ କାତାତି ଖେହ୍ନି ପତି । ଇମ୍ପାଆଁ ତାନିକଡ଼ିଟିଏ ହାରେକା ପୁଣିଆଇ ଫେରାତି କାତାୟା ରାସ୍ତିକ ଆହାମାନୁ । ଜୀସୁ କ୍ରୀସ୍ତ ଏନିକଁ ମାହାପୁରୁ ଅଣ୍ଟପୁତି ବଲୁ ଅଡ଼େ ଜୀହୁଦି ପୂଜେରାଜା କାମା ପୂରା କିତେସି ଇମ୍ପାଆଁ ମାର ମେସାଲି ଆଡ଼ିମାନାୟି ।

ଇଦାଆଁତାକି ଇ ପତି ଜୀହୁଦି କ୍ରୀସ୍ତାନା ଲକ୍ଷ୍ମଣୀ ସାସା ଅଡ଼େ ବାସୁଁ ହାନି ପତି । ଏହି ପତି ଖେସିମାନେ, ଜୀସୁ ଏନିକଁ ଫେରାତି ପୂରା କିତେସି, ଏନିକଁ ପୂଜେରାଜା ଅଡ଼େ ଖେଶ୍ଟେ ପୂଜା ହୀହାଲି ଲଡ଼ା ହିଲେଏ । ଜୀସୁ କ୍ରୀସ୍ତ ବାରେ କାଲେଏତାକି ରଣ୍ଡିଏ ଦେବା ପାପୁତି ପୂଜା ହୀତେସି । ନାଏଁତି ଜୁଗୁତି କ୍ରୀସ୍ତାନା ଲକ୍ଷ୍ମଣୀ ଏହି ପତି ସାସା ଅଡ଼େ ବାସୁଁ ତସିମାନେ । କ୍ରୀସ୍ତ ମାଜେ ମାହାପୁରୁ ତାଣା ବାସୁଁ କିଞ୍ଜିକିହାଲି ଆଡ଼ାମାଞ୍ଜାନେସି । ଅଡ଼େ ଏଞ୍ଜାଣି ତାଣା ବାସୁଁ ଇଚାନା ତାକିନ ୧୨:୨ ।

ଏହି ପତି ଆମ୍ପାଆସି ରାଡ଼ାମାନେସି ପୁଣିଆହା ହିଲେଏ, ସାମା ବୁଦିଗାଟାରି ଏଲେ ଇଞ୍ଜିମାନେରି ପାଣ୍ଡୁଆହାମାନି ପାଞ୍ଜୁଲ, ଲୁକ, ଆଆତଁ ବର୍ନବା ଆହାଡ଼ୟିନେରି । ଇଦାନି ରାଡ଼ିତି କାଲମି ଜିକେଏ ପୁନାଆତାୟି, ସାମା ହାରେକା ଲକ୍ଷ୍ମଣୀ ଏଲେଇନେରି ଇଦି ଜୀସୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ସା ତାୟୁ ରାସ୍ତିକ ଆହାମାନେ । ଇତିହଁ ଜିରୁସାଲମ ଇଲୁ କ୍ରୀସ୍ତ ଜାର୍ନାଆଡ଼ି ୭୦ ବାର୍ସା ତାୟୁ

ନାସା ଆଡ଼େ ସାମା ଇ ଆକୁତି ରାଡ଼ିନାସି ଇଦି ନାସା ଆଆତିଲେହେଁ ରାଡ଼ିମାନେସି । ଏହି ପତି ରମ୍ପା ଗାଡ଼ାତା ରାସ୍ତିକ ଆହାମାତେ ୧୩:୨୪ ଅଡ଼େ ହାରେକା କୁଲମିକାଣା ବାଡ଼ିକିଞ୍ଜି ଆହାମାତେ ।

## ପତିତା ମାନାୟି

- ୧. ଜୀସୁ କ୍ରୀସ୍ତ ମାହାପୁରୁ ଅଣ୍ଟପୁତି ବଲୁ ଖେହ୍ନାସି ଅଡ଼େ ଦୂତୁୟାଁ କିହାଁ ଜିକେଏ କାଜାସି । ୧:୧-୪:୧୩
- ୨. ଜିରୁସାଲମତା ସେବା କିହିମାନି ପୂଜେରାଜା କିହାଁ ଜିକେଏ ଜୀସୁ କାଜାସି । ୪:୧୪-୭:୨୮
- ୩. ମାହାପୁରୁ ମସାକି ଫେରା ହୀହାନା ତାନି ଲକ୍ଷ୍ମଣଲେ କିହାମାତି ରାଡ଼ିମାନା କିହାଁ ଜୀସୁତି ସେବା କାମା କାଜାୟି । ୮:୧-୧୦:୩୧
- ୪. ଜୀସୁଇଁ ବାରେ ତାଣା କାଜାସି କିହାନା ଖେସାମାନେସି । ୧୦:୩୨-୧୩:୧୭
- ୫. ସାସା ଅଡ଼େ ବାସୁଁତି କାତା ଖେସାନା ଜହରା ତଲେ ଆକୁତି ରାପ୍ନାୟି । ୧୩:୧୮-୨୫

ମୀରଏଣା ତାଣାଟି ମାହାପୁରୁତି ବଲୁ

୧ ମାହାପୁରୁ ତଲି କାଲତା ଏଡ଼କା ଏଡ଼କା ଚାୟୁତା ଅଡ଼େ ଏଡ଼କା ଏଡ଼କାତି ମାହାପୁରୁ ଅଣ୍ଟପୁତି ବଲୁ ଖେହ୍ନାରି ତାଣାଟି ମା ଆକୁ ଆବାୟାଣି କାତା ଖେସାମାତେସି, ୨ ସାମା ଇ ରାନ୍ତି ବେଲାତା ମୀରଏଣା ତାଣାଟି ମାଜେ କାତା ଖେସାମାଞ୍ଜାନେସି । ଏଞ୍ଜାଣାଲ୍ ଏଞ୍ଜାସି ବାରେତି ମୁହେଁ କାଜାସି କିହାଁ ଆଡ଼ାମାନେସି, ଏଞ୍ଜାଣି ତାଣାଟି ହାଗୁପାକା ଦାର୍ଡି ବାରେ ଗାଡ଼ିକିତେସି; ୩ ଏ ମୀରଏସି ତାନି ତାଞ୍ଜିମାନି ଗାଞ୍ଜୁରମିତି ଉଜେଡ଼ି ଅଡ଼େ ଏଞ୍ଜାଣି ଖାଣା ମାନେ, ଏଞ୍ଜାସି ତାନି ବାଡ଼ୁୟୁ ଗାଟି ବଲୁ ତଲେ ବାରେ ଦାର୍ଡିତି ସାଲୁଞ୍ଜି କିନେସି, ଇଞ୍ଜା ମା ପାପୁ ବାରେ ମେକ୍‌ହି ତାୟୁ ଲାକପୁରୁତି ବାଡ଼ୁୟୁ ଗାଟି ମାହାପୁରୁତି ଚିଠିନ ଚଟତା କୁଗାମାନେସି ।

ମାହାପୁର ମୀରଂସି ବାରେକିହାଁ  
କାଜାସି

୪ ମୀରଂସି ଏନିକ୍ ଲାକପୁରୁତି  
ଦୂତୁୟାଁ କିହାଁ ହାରେକା କାଜା ଦରୁତି  
ଅଦିକାରା ବେଗାଆହା ମାନେସି,  
ଏଲେକିହଁ ଏ ଏଞ୍ଜାସି ଏଞ୍ଜାସିକା କିହାଁ  
ହାରେକା କାଜାସି ଆହାମାନେସି ।

୫ ଇତିହଁ ମାହାପୁରୁ ଦୂତୁୟାଁ ବିଦ୍ରାତି  
ଆମ୍ବାଆରାଇଁ ଏଚେଲା ଏଲେଇଞ୍ଜା  
ହିଲଅସି,

“ନାନୁ ନା ମୀରଂସାତି,  
ନୀଞ୍ଜୁଟିଏ ନାନୁ ନୀ ତାଞ୍ଜିତେଏଁ”  
ଅଡ଼େ ଜିକେଏ ମାହାପୁରୁ ଏଲେଇଚେସି,  
“ନାନୁ ମୀ ଆବାତେଏଁ ଆହାମାଇଁ,  
ଅଡ଼େ ନାନୁ ନା ମୀରଂସାତି ଆଦି  
।”

୬ ଅଡ଼େ ମାହାପୁରୁ ତାନି ପାଣ୍ଡା  
ମୀରଂସାତାଇଁ ଅଡ଼େ ଝେଣ୍ଡେ ଦାରତିତା  
ପାଣ୍ଡାତେସି, ଏ ବେଲାତି ସିନିକିହାନା  
ଏଲେଇନେସି, “ମାହାପୁରୁତି ବାରେ  
ଦୂତୁୟାଁ ଏଞ୍ଜାଣାଇଁ ଜହରା କିପେରି ।”

୭ ର ଝାକିତି ମାହାପୁରୁ ଦୂତୁୟାଁ କାତା  
ଏଲେଇଞ୍ଜା ମାନେସି,  
“ମାହାପୁରୁ ତାନି ଦୂତୁୟାଁ ଗାଲି  
ଲେହେତି ଜୀଝୁ ହାନେସି,  
ଅଡ଼େ ତାନି ସେବା କିନାରାଇଁ ହିରୁ  
ଗୁଦଞ୍ଜା ଲେହେଁ କିନେସି ।”

୮ ଅରଞ୍ଜାକି ମାହାପୁରୁ ତାନି ମୀରଂସା  
ତାକି ଏଲେଇଞ୍ଜା ମାନେସି,  
“ଏ ମାହାପୁରୁ ନୀ ସିଂଗାସାଣି କାଲ୍ଲକାଲ୍ଲ  
ତାକି ତୁୟିନେ,  
ଅଡ଼େ ନାନୁ ସାଲ୍ଲଞ୍ଜି କିନାୟି  
ନୀହାୟି ତଲେ ଆନେ ।

୯ ନାନୁ ଦାମ୍ବୁ ଗାଟାଣାଇଁ ଜୀଝୁ  
ନହଁ ମାଞ୍ଜି

ଅଡ଼େ ଦାମ୍ବୁ ହିଲାଆଗାଟାରାଇଁ  
ଅପାହିଲଅତି,  
ଏଦାଆଁତାକି ମାହାପୁରୁ ନୀ  
ମାହାପୁରୁ ନିଜେ ଆଟାନେସି,  
ମୀ ତଣ୍ଡେସିଜା କିହାଁ ନିଜେ  
ହାରେକା ରାହାଁତି ନିୟୁଁ  
ଞ୍ଜାକିହାନା ନିଜେ ଆଟାନେସି  
।”

୧୦ ଏଞ୍ଜାସି ଅଡ଼େ ଝେସିମାନେସି,  
“ଏ ପ୍ରବୁ, ନାନୁ ମୁଲୁଏ ଦାରତିତି ପୁନାଦି  
ଗାଡ଼ିକିତି,  
ଅଡ଼େ ହାଗୁପାକା ବାରେ ନୀ  
କେୟୁତଲେ କେପିତି ।”

୧୧ “ଏ ବାରେ ର ଦିନା ମେଣ୍ଡାଞ୍ଜାହାନେ,  
ସାମା ନାନୁ କାଲେଏ ତୁୟିଦି;  
ଅଡ଼େ ଏ ବାରେ ପୁଞ୍ଜା ହିମ୍ବୁରିକା  
ଲେହେଁ ଗେଞ୍ଜା ହାନୁ

୧୨ ଅଡ଼େ, ନାନୁ ହିମ୍ବୁରି ଲେହେଁ, ହାଅ,  
ହିମ୍ବୁରି ଲେହେଁ ମୁଦାକିଦି  
ଅଡ଼େ ଏଞ୍ଜି ବାରେ ହିମ୍ବୁରିକା  
ଲେହେଁ ବାଦଲି ଆନୁ;

ସାମା ନାନୁ ବାରେବେଲା ଏଞ୍ଜାତିଏ,  
ଅଡ଼େ ନୀ ଜୀଝୁ ଏଚେଲାଞ୍ଜା ରାଏ  
।”

୧୩ ମାହାପୁରୁ ତାନି ଦୂତୁୟାଁଇଁ ଏଚେଲାଞ୍ଜା  
ଏଲେଇଞ୍ଜା ହିଲଅସି,

“ନାନୁ ନୀ ସାତୁୟାଁଣି ନୀ କତାୟାଁ ତୁଇ  
ଇଟାଆ ପାତେକା  
ନାନୁ ନୀ ଚିଞ୍ଚି ଚଚତା  
କୁଗାମାନାମୁ ।”

୧୪ ଆତିହଁ ଲାକପୁରୁତି ଦୂତୁୟାଁ  
ଆମ୍ବାଆରି ? ଏଞ୍ଜାରି ଆହିମାନେରି  
ମାହାପୁରୁତି ସେବା କିନାରି ମାଣ୍ଡସିୟାଁଇଁ  
ସାୟେମି କିହାନା ଗେଲ୍ପାଲିତାକି  
ମାହାପୁରୁ ତାଣାଟି ପାଣ୍ଡୁଆଡ଼ି ଜୀଝୁୟାଁ  
।

୨

ଗେଲ୍ପିନାୟି

୧ ଏଦାଆଁତାକି, ମାର ଝେଞ୍ଜାମାନି  
କାତାତି ହାରେକା ଝେଞ୍ଜାଲି ମନ  
ହାନାୟି ମାନେ, ଆଆତଁ ମାର  
ଏଚେତା ଜିରୁ ବାଣ୍ଡି ଆଆୟି ।

୨ ଇତିହଁ ନକେଏ ଲାକପୁରୁତି ଦୂତୁୟାଁ  
ତାଣାଟି ଏଲେଇଞ୍ଜା ମାନେସି, ଏଦି  
ସାତା ଇଞ୍ଜୁ ତାରିଆହାଁ ମାନେ,  
ଅଡ଼େ ଆମ୍ବାଆରି କାତା ଆହୁଆନା  
ମାନଞ୍ଜି ଆହାହିଲଅରି, ଏଞ୍ଜାରି ତାମ୍ବୁ  
ବେଗାଆନି ତଣ୍ଡ ବେଗାଆହାମାନେରି ।

୩ ଆତିହଁ ଇଲେତି ଗେଲ୍ପିନାୟିଇଁ  
ହେଲା କିତିହଁ ମାର ଏନିକ୍  
ଗେଲ୍ପିନାୟି ? ଏଦି ନକେଏ ପ୍ରବୁ

ତାଣାଟି ଖେସପି ଆହାଁ ଖେଞ୍ଜାମାନି ଲକୁ  
 ତାଣାଟି ମା. ତାଣା ଖେସପିଆହାମାନାୟି  
 ସାତା ଆହାମାନେ; ୪ ଏଦାଆଁତାକି  
 ମାହାପୁରୁ ଜିକେଏ ତାନି ମନତଲେ  
 ହାରେକା ସିନାୟାଁ ଅଡେ କାବାଆନ୍ତି  
 କାମାୟାଁ ଇଞ୍ଜା, ବାଡ଼ୟୁଗାଟି କାମାୟାଁ  
 ଅଡେ ସୁଦୁଜାଝୁତି ଏଟକା ଏଟକାତି  
 ଦାନା ହାହାନା ସାକି ହାହାମାନେସି ।

ଜୀସୁ ମାଣସି ଖାଣା ଆଡେସି

\* ମାହାପୁରୁ ଆମିନି ପୁଃନି ଦାରତିତି  
 ଗାଡ଼ି କିନେସି, ଅଡେ ଆମିନି ଦାରତିତି  
 କାତା ମାମୁ ଖେସିମାଞ୍ଜାନମି, ଏଦାନି  
 ଅଦିକାରା କିହାଲି ଏଝାସି ଲାକପୁରୁତି  
 ଦୂତୁୟାଁ କେୟୁତା ହେରପା ହିଲଅସି  
 । ୨ ସାମା ରଅସି ର. ଟାୟୁତା ସାକି  
 ହାହାମାନେସି;

“ଏ ମାହାପୁରୁ, ମାଣସି ଆମ୍ବାଆସି, ନୀନୁ  
 ଏଝାଣାଇଁ ଅଣ୍ଠିମାଞ୍ଜି ?

ମାଣସି ମୀରଏସି ଆମ୍ବାଆସି ନୀନୁ  
 ଏଝାଣି ଜାଡନୁ ଅହିମାଞ୍ଜି ?

୩ ନୀନୁ ଏଝାଣାଇଁ ଲାକପୁରୁତି ଦୂତୁୟାଁ  
 କିହାଁ ରଗାଣି ଉଣା କିହାମାଞ୍ଜି;  
 ନୀନୁ ଏଝାଣାଇଁ ଗାଝୁରମି ଅଡେ  
 ମାନିତି ଟପେରି ତୁରଝି  
 କିହାମାଞ୍ଜି,

୮ ନୀନୁ ବାରେ ଏଝାଣି କତାୟାଁ  
 ଡ଼ଇ ଇଟାମାଞ୍ଜି ।”

ସାତେଏ ମାହାପୁରୁ “ବାରେତି” ଇଚିହୁଁ  
 ଏନାଆଁଝା ପିହୁଆନା ବାରେତି ତାନି  
 କର୍ତ୍ତା ଡ଼ଇ ଇଟାମାନେସି; ଆଡ଼ିଜିକେଏ  
 ମାର ନୀର୍ଏ ପାତେକା ବାରେ ତାନି ଡ଼ଇ  
 ଆହାମାନାଣି ମେସି ହିଲାଆୟି ସାତା  
 । ୯ ମାର ମେସିମାନାୟି ଲାକପୁରୁତି  
 ଦୂତୁୟାଁ କିହାଁ “ଇଚାନି ଉଣା” କିଝିଆହା  
 ମାରେସି, ଏଝାଣାଇଁ ଇଚିହୁଁ ଜୀସୁଇଁ  
 ହାକିତି ଦୁକୁ ବେଟା ଆହାମାନାକି  
 ଗାଝୁରମି ଅଡେ ମାନିତି ଟପେରି  
 ତୁରହା ମାନାଣି ମେସିମାନାୟି, ଏନିକୁଁ  
 ମାହାପୁରୁତି କାର୍ମାଟି ବାରେ ମାଣସିୟାଁ  
 ତାକି ଏଝାସି ହାକିତି ଖାଣ୍ଡା ମାନେସି  
 । ୧୦ ଇଚିହୁଁ ଆମ୍ବାଆରି ତାକି ଇଞ୍ଜା  
 ଆମିନି ଗାଟାଣା ତାଣାଟି ବାରେ ଗାଡ଼ି

ଆହାମାନେ, ହାରେକା ମୀରକାଣି  
 ଜୀସୁତି ଗାଝୁରମି ପାଣ୍ଠି କିହାଲି, ଜୀସୁ  
 ଦୁକୁ କସ୍ତ ବେଟାଆହାନା ଏଝାରାଇଁ  
 ଗେଲ୍ପିନି ଜିରୁତା ଅନେସି ।

୧୧ ଆମ୍ବାଆସି ପାପୁଟି ସୁଦୁ କିନେସି  
 ଅଡେ ଆମ୍ବାଆରି ସୁଦୁ ଆନେରି,  
 ଏଝାରି ବାରେ ରଣ୍ଡିଏ ତାଞ୍ଜିତି ମୀରକା;  
 ଏଦାଆଁତାକି ଏଝାରାଇଁ ଜୀସୁ ତାୟି  
 ତାଞ୍ଜି ଇଞ୍ଜାଲି ଲାଜା ଆଅସି, ୧୨ ଏଝାସି  
 ମାହାପୁରୁଇଁ ଏଲେଇଞ୍ଜି ମାନେସି,

“ନୀନୁ ନା. ତାୟି ତାଞ୍ଜିସ୍ତା ନକିତା ନୀ  
 ବାରେ କାମା ଖେକ୍‌ଇଁ,  
 ବାରେ କୁଲମି ନକିତା ନୀ ଜହରା  
 ପାରୁ ପାଡ଼ିଇଁ ।”

୧୩ ଅଡେ ଖେଣ୍ଡେ ଏଲେଇଞ୍ଜି ମାନେସି,  
 “ନୀନୁ ଏଝାଣି ତାଣା ନା ନୀମୁ ଡାରି କିଇଁ  
 ।” ଅଡେ ସିନିକିଦୁ “ମାହାପୁରୁ ନାଜେ  
 ହାହାମାଞ୍ଜାନି ମୀରକା ମାସ୍କା ନା ତଲେ  
 ମାନେରି ।”

୧୪ ଏନାଆଁତାକି ଇଚିହୁଁ ମୀରକା  
 ଉଞ୍ଜା ଅଡେ ନେତେରିତି ଆଜ୍ଞାତା  
 ଆଣ୍ଡାମାନାକି କ୍ରୀସ୍ତ ଜିକେଏ  
 ଏଲେକିହୁଁଏ ମାଣସି ଖାଣା ଆଡେସି,  
 ଏନିକୁଁ ତାନି ହାକିତି ସୟତାନଇଁ  
 ନାସା କିନେସି; ଇଚିହୁଁ ହାକି  
 ସୟତାନତି ଅଦିକାରାତା ମାଚେ ।  
 ୧୫ ଇଞ୍ଜା ହାକିତି ଆଜିତଲେ ଆମ୍ବାଆରି  
 କାଲେଏତାକି ହଲିୟାଜ୍ଞା ଆହାନା  
 ଦସ୍ପି ଆହାମାଚେରି, ଏଝାସି ଏଝାରାଇଁ  
 ଗେଲ୍ପିନେସି । ୧୬ ଇଚିହୁଁ ଏଝାସି  
 ସାତେଏ ଲାକପୁରୁତି ଦୂତୁୟାଁଣି ସାୟେମି  
 କିଆନା ଅବାହାମତି ମୀରକାଣି ସାୟେମି  
 କିହିମାନେସି । ୧୭ ଏଦାଆଁତାକି ଏଝାସି  
 ବାରେ ଖାକିତି ତାନି ତାୟିୟାଁ ଲେହେଁ  
 ଆନାୟି ମାଚେ, ଏନିକୁଁ ଏଝାସି  
 ବାରେ ଲକୁତି ପାପୁଟି ବାଦୁଲି ପୂଜା  
 ହାହାଲିତାକି ମାହାପୁରୁତି ସେବା  
 କାମାତା ର କାର୍ମାମେହ୍‌ନି ଅଡେ ନୀମୁତି  
 କାଜା ପୂଜେରା ଆନେସି । ୧୮ ଇଚିହୁଁ  
 ଏଝାସି ତାନୁ ତାୟିପାରି କିଝି ଆହାଁ ଦୁକୁ  
 ବେଟାଆହା ମାନାକି ତାୟିପାରି କିଝି  
 ଆହିମାନି ଲକୁଣି ସାୟେମି ଆହାଲି

ଆଡ଼ିମାନେସି ।

**୩**

ଜୀସୁ ମସା କିହାଁ କାଜାସି

୧ ଏଦାଆଁତାକି ଏ ନା ସୁଦୁଗାଟି ତାୟିୟାଁ ଅଡ଼େ ତାଜିସ୍ତା ମୀରୁ ଆମିନି ମାହାପୁରୁତି ହାଟ୍‌କି ଆହାମାନି ତାଣା ଆଣ୍ଡାମାନାତେରି ମା ନାମୁତଲେ ପାଣ୍ଡୁଝିଆହାମାନି କାଜା ପୂଜେରା ଜୀସୁତି କାତା ଅଣ୍ଡପାଦୁ; ୨ ମସା ଏନିକ୍‌ ମାହାପୁରୁ ଇଲୁତା ମାନିତଲେ କାମା କିହାମାଚେସି, ଜୀସୁ ଜିକେଏ ଏଲେକିହ୍‌ ତାଜେ ଆଚାମାନି ମାହାପୁରୁ ନକିତା ମାନି ଗାଟାସି ଆଡେସି । ୩ ଇଲୁ କିହାଁ ଇଲୁ କେପିତାସି ଏନିକ୍‌ ମାନି ବେଟା ଆନେସି, ଏଲେକିହ୍‌ ଏ ମସା କିହାଁ ଜୀସୁ ହାରେକା ଗାଝୁରମିତି ଜଟେ ଆହାମାନେସି । ୪ ଇତିହ୍‌ ବାରେ ଇଲକା ଆମ୍ବାଆରି ଆଆତ୍‌ ଆମ୍ବାଆରି ତାଣାଟି କେପଝି ଆନୁ, ସାମା ମାହାପୁରୁ ବାରେଡି ଗାଡ଼ି କିନାସି । ୫ ମସା ମାହାପୁରୁ ଇଲୁତା ହଲେଏସି ଲେହେଁ ନାମୁତଲେ ସେବା କାମା କିହାମାଚେସି, ଇଞ୍ଜାଁ ଏମିନି କାତା ମାହାପୁରୁ ତାୟୁ ଝେସାଲି ମନ କିହାମାଚେସି ଏ କାତେଏ ଇଦି । ୬ ସାମା ଜୀସୁ କ୍ରୀସ୍ତ ତାନି ଆଡା ଇଲୁତି ମୁହେଁ ମୀରଏଣା ଲେହେଁ ମାନି ଗାଟାସି; ଇଞ୍ଜାଁ ମାର ମା ସାସାତଲେ ଆଞ୍ଜାମାନାଣି ବେଟାଆନାୟି ଇଞ୍ଜାଁ ମା ବାସୁତି ତାୟୁ ପାତେକା ଜାଣ୍ଡେ ଆସା ଡୟିନ, ଆତିହ୍‌ ମାର ଜିକେଏ ଏଞ୍ଜାଣି ଇଲୁ ଲେହେଁ ଆନାୟି ।

ମାହାପୁରୁ ଲକ୍ଷ୍ମତାକି ଜମିନାୟି

୭ ଏଦାଆଁତାକି ସୁଦୁଜୀଝୁ ଝେସିମାନିଲେହେଁ,  
 “ନୀଞ୍ଜୁ ମୀରୁ ଏଞ୍ଜାଣି ହାଡ଼ା ଝେଞ୍ଜେରି,  
 ଠ ଆତିହ୍‌ ମୀ ଆକୁ ଆବାୟାଁ ଲେହେଁ ମୀ ହିୟାଁତି ଆଟ୍‌ଝା କିଆଦୁ, ଲକୁ ହିଲାଆ ବାଟାତା ଏ ଦିନା ଏଞ୍ଜାରି ମାହାପୁରୁଇଁ ତାୟିପାରି କିହାନା ଏଞ୍ଜାଣି କପାଟି ନିଜାମାଚେରି,

୯ ଏ ବାଟାତା ମୀ ଆକୁ ଆବାୟାଁ ନାଜେ ତାୟିପାରି କିହାଁ ନାଜେ ମେସ୍ତାତେରି,

ଅଡ଼େ ରୀ କଡ଼ି ବାସା ପାତେକା ମା କାମା ସିନିକିତେରି ।

୧୦ ଇଦାଆଁତାକି ନାନୁ ଇ କୁଡ଼ାତି ଲକୁଇଁ କାରବି ଆହାନା ଏଲେଇଚେସ୍‌, ଏଞ୍ଜାରି ବାରେଡେଲା ହିୟାଁତା ମାନି ହିଲାଆ ଗାଟାରି, ଏଞ୍ଜାରି ନା ଜିରୁ ପୁଞ୍ଜାହିଲଅରି ।’

୧୧ ଇଦାଆଁତାକି ନାନୁ ନା କପାଟି ପାରମାଣା କିତେସ୍‌, ନାନୁ ଆମିନି ଦେସାତା ଏଞ୍ଜାରାଇଁ ଜମାଲି ହାତେସ୍‌ମା ଏ ଦେସାତା ଏଞ୍ଜାରି ଏଚେଲାଝା ହଡାଲି ଆଡ଼ଅରି ।”

୧୨ ଏ ତାୟି ତାଜିସ୍ତା, ଜାଗ୍ରାତା, ପାପୁ ଅଡ଼େ ନାମାଆଗାଟି ହିୟାଁ ମୀ ଆମ୍ବାଆରି ତାଣା ହିଲେଏ, ଏନିକ୍‌ ମୀରୁ ଜୀଝୁଗାଟି ମାହାପୁରୁ ତାଣାଟି ହେକ ଆଅତେରି । ୧୩ ସାମା ଏଚେତା ପାପୁ ତଲେ ନାଡ଼ିକିଝି ଆହାନା ମୀ ବିତ୍ରାଟି ଆମ୍ବାଆରି ହିୟାଁ ଆଟ୍‌ଝା ଆଏ, ଇଦାଆଁତାକି ନୀଞ୍ଜୁ ଦିନା ମାନାଟିଏ ବାରେଦିନା ରଅତେରି ରଅଣାଇଁ ବାସୁତି କାତା ଜଲାନା ସାୟେମି କିଦୁ; ୧୪ ଇତିହ୍‌ ନକେଏ ମା ଆମିନି ନାନୁ ମାଚେ, ଏଦାଆଁ ତାୟୁ ପାତେକା ଜାଣ୍ଡେ ଆସା ଡୟିନାୟି ଆତିହ୍‌ କ୍ରୀସ୍ତ ତାଣା ଆଣ୍ଡାନା ଡୟିନାୟି ।

୧୫ ଦାମ୍ବୁ ସାଢ଼େସ୍ତରିତା ରାସ୍‌କି ଆହାମାନେ,  
 “ନୀଞ୍ଜୁ ମାହାପୁରୁତି ହାଡ଼ା ଝେଟିସାରେ,  
 ଏନିକ୍‌ କାରବି କିଝିକିନି ଚାୟୁତା ଆହାମାଚେ,  
 ଏଲେକିହ୍‌ ମୀ ଆକୁ ଆବାୟାଁ ଲେହେଁ ହିୟାଁତି ଆଟ୍‌ଝା କିଆଦୁ !”

୧୬ ଆତିହ୍‌ ଆମ୍ବାଆରି ମାହାପୁରୁତି ହାଡ଼ା ଝେଞ୍ଜାନା ଏଞ୍ଜାଣାଇଁ କାକ୍ତି କିହାମାଚେରି, ମସା ତାଣାଟି ଆମିନି ଗାଟାରି ମିସର ଦେସାଟି ହଡ଼ା ଝାହାମାଚେରି, ଏଞ୍ଜାରି ବାରେ ଆଏକି

? ୧୭ ଅତେ ଆମ୍ବାଆରି ମୁହେଁ  
 ରୀ କଡ଼ି ବାସୀ ପାତେକା ଏଞ୍ଜାସି  
 କାରବି ଆହାମାଚେସି, ଆମ୍ବାଆରି ପାପୁ  
 କିହାମାଚେରି, ଆମ୍ବାଆରି ମଡ଼ା ଲକୁ  
 ଡ଼ୟାଆ ବାଟାତା ରିହାମାଚେ, ଏଞ୍ଜାରି  
 ଆଏକି ? ୧୮ ମାହାପୁରୁ ଏଚିବେଲା  
 ପାରମାଣା କିହାନା ଏଲେଇଞ୍ଜାମାଚେସି,  
 ଏଞ୍ଜାରି ଏଚେଲାଞ୍ଜା ମାହାପୁରୁତି ଜ଼ିନି  
 ତାଣା ହଡ଼ଅରି, ଏଚିବେଲା ଏଞ୍ଜାସି  
 ଆମ୍ବାଆରି କାତା ଏଲେଇଞ୍ଜାମାଚେସି  
 ? ଆମ୍ବାଆରି କାତା ମାନଞ୍ଜି ଆହା  
 ହିଲାଆଚେରି, ଏଞ୍ଜାରି ତାକି ଏ କାତା  
 ଏଲେଇଞ୍ଜାମାଚେସି । ୧୯ ଇଲେକିହୁ  
 ନାନୁ ମେସିମାଇଁ, ଏଞ୍ଜାରି ନାମାଆତାକି  
 ଏ ଆଞ୍ଜାମାନି କିଶାନ ଦେସାତା ହଡ଼ାଲି  
 ଆଡ଼ାଆଚେରି ।

**୪**

୧ ଏଦାଆଁତାକି ୱାଦୁ ମାରୁ ଜାଗ୍ରାତା  
 ଆନ, ଏଚେତା ତାନି ଜ଼ିନି ତାଣା  
 ହଡ଼ାଲି ଆଞ୍ଜାମାଟି ଜିକେଏ ମୀ ତାଣାଟି  
 ଆମ୍ବା ଆମ୍ବାଆରି ଏମ୍ବାଟି ଏଚକା  
 ଆନିଲେହେଁ ତଞ୍ଜା ଆହୁମାନେରି ।  
 ୨ ଇଚିହୁ ଏଞ୍ଜାରି ନକିତା ଏନିକୁ,  
 ମା ନକିତା ଜିକେଏ ଏଲେକିହୁ ଏ  
 ନେହୁ କାରୁ ୱେପକି ଆହାମାଚେ,  
 ସାମା ୱେନାରି ନାମୁଟି ୱେଞ୍ଜାମାନି  
 କାତା ଆହୁଆଲିଏ, ଏଦି ଏଞ୍ଜାରି ତାକି  
 ଲାବା ଆଆଚେ । ୩ ଅତେ ମା ବିତ୍ରାଟି  
 ଆମ୍ବାଆରି ନାମିନେରି, ୱାରଇ ଏଞ୍ଜାରି  
 ମାହାପୁରୁ ଆଞ୍ଜାମାନି ଜ଼ିନି ଦେସାତା  
 ହାଜାଲି ଆଡ଼ିନେରି, ଏନିକୁ ଏଞ୍ଜାସି  
 ୱେସାମାନେସି,

“ଏଦାଆଁତାକି ନାନୁ ନା କପା ତାକି  
 ପାରମାଣା କିଚେଏଁ,  
 ଏଞ୍ଜାରି ମା ଜ଼ିନି ୱାରାତା  
 ହଡ଼ଅରି ।”

ଦାରୁତି ଗାଡ଼ିକିତି ବେଲାଟିଏ ବାରେ  
 କାମା ରାହାମାଚେ । ୪ ଇଚିହୁ  
 ଜ଼ିନି ଦିନାତି କାତାତି ଏଞ୍ଜାସି ର  
 ଚାୟୁତା ଇଲେକିହୁ ୱେସାମାନେସି;  
 “ମାହାପୁରୁ ସାତା ଦିନାତା ତାନି ବାରେ

କାମା ରାପୁହାନା ଜ଼ିନିଚେସି;” \* ଅତେ  
 ଇ ବାରେ କାତା ମାହାପୁରୁ ୱେଞ୍ଜେ  
 ଏଲେଇଞ୍ଜା ମାନେସି, “ଏଞ୍ଜାରି ମା  
 ଜ଼ିନି ତାଣା ହଡ଼ାଲି ଆଡ଼ଅରି ।”  
 ୬ ଆମିନି ଗାଟାରି ମୂଲୁଏ ନେହୁ  
 କାରୁ ୱେଞ୍ଜାମାଚେରି, ଏଞ୍ଜାରି ମାହାପୁରୁ  
 କାତା ମାନଞ୍ଜି ଆଆତାକି ଏ ଜ଼ିନି\*  
 ତାଣା ହାଜାଲି ଆଡ଼ାଆଚେରି,  
 ନୀଏଁ ଏ ଜ଼ିନିନାଣି† ଏଚକାତାରି  
 ବେଟାଆହାମାନେରି । ୭ ଅତେ ର  
 ଦିନା, ଇଚିହୁ “ନୀଞ୍ଜୁ ଦିନା” ଆଚାନା,  
 ଇଚେକା କାଲା ତାୟୁ ଦାଞ୍ଜୁଦତି  
 ସାସ୍ତେରିତା ଏଲେଇଞ୍ଜେ ମାନେସି,  
 ଏନିକୁ ନଚେଏ ୱେସପି ଆହାମାନେ,  
 “ନୀଞ୍ଜୁ ମୀରୁ ଏଞ୍ଜାଣି ହାଡ଼ା ୱେଞ୍ଜେରି,  
 ଜାହାରା ହିୟା ଆଚଞ୍ଜା କିଆଦୁ ।”

୮ ଇଚିହୁ ଜିହସୁୟ ଏଞ୍ଜାରାକି  
 ଜମାଲି ହାତିହୁମା, ଆତିହୁ  
 ମାହାପୁରୁ ଅର ଜ଼ିନି ଦିନାତି କାତା  
 ଜଲାଆଚେସିମା । ୯ ଏଲେକିହୁ ଇ  
 କାତା ସାତା ମାହାପୁରୁ ତାନି ବାରେ  
 କାମାଟି ଜ଼ିନି ଲେହେଁ ତାନି ଲକୁତାକି  
 ଜ଼ିନି ଦିନା ତୀରି କିଞ୍ଜିଆହାମାନେ  
 । ୧୦ ଇଦାଆଁତାକି ମାହାପୁରୁ ତାନି  
 କାମାଟି ଏନିକୁ ଜ଼ିନିଚେସି, ଆମ୍ବାଆସି  
 ମାହାପୁରୁତି ଜ଼ିନି ଦେସାତା ହଡ଼ା  
 ମାନେସି, ଏଲେକିହୁ ଏ ଏଞ୍ଜାସି  
 ଜିକେଏ ତାନି କାମାଟି ଜ଼ିନିନାଣି ମେଡ଼ା  
 ଆହାମାନେସି । ୧୧ ଇଦାଆଁତାକି  
 ମା ବିତ୍ରାଟି ଆମ୍ବାଆସି ଏନିକୁ  
 ନାମାଆତାକି ଏ ଲକୁତି ଲେହେଁ  
 ଏ ଜ଼ିନି ତାଣା ହଡ଼ାନା ଡ଼ୟଅସି,  
 ଇଦାଆଁତାକି ଆଡ଼ିନି ପାତେକା ଜାଡ଼ନୁ  
 ଆନ ।

୧୨ ଇଚିହୁ ମାହାପୁରୁତି ବକୁ  
 ଜୀଞ୍ଜୁଗାଟାୟି ଅତେ କାମା କିନାୟି ଇଞ୍ଜା  
 ରିକଞ୍ଜାକି ଦାରାଗାଟି ୱାହୁନି କାଣ୍ଡା କିହାଁ  
 ହାଚେରକା ୱାସ୍ତାୟି, ଅତେ ହିୟାଁ ଅତେ  
 ଜୀଞ୍ଜୁ ଇଞ୍ଜା ହାୟୁଲି ଅତେ ତୁମକାତି  
 ନିଜେଡ଼ି ପାତେକା ହଡ଼ାଲି ଆଡ଼ିନେ ।  
 ଏ ବକୁ ମାଣସିତି ତୁଗାମାନି ଅଣପୁତି

\* ୪:୭ ୪:୭ ଆଞ୍ଜାମାନି ଦେସା କିଶାନ † ୪:୭ ୪:୭ ଆଞ୍ଜାମାନି ଦେସା କିଶାନ

ବାରେ ନୀହାନ୍ତି କିନାହିଁ । ୧୩ ମାହାପୁରୁ ନକିତା ଏନାହିଁ ତଜ୍ଞା ଆଥାଗାଟାହିଁ ଆଏ, ସାମା ଗାଡ଼ି କିହାମାନି ମାହାପୁରୁ ନକିତା ମାଙ୍ଗେ ଲେକା ହୀନାହିଁ ମାନେ, ଏଞ୍ଜାଣି ନକିତା ବାରେ ଦେପି ଆଡାହିଁ ଅଡ଼େ ପୁକ୍‌ଆତାହିଁ ।

ଜୀସୁ କାଜା ପୂଜେରା

୧୪ ଏଦାଆଁତାକି ଲାକପୁରୁଟି ହାଜାମାନେସି, ଆମ୍ବାଆସି ମାହାପୁରୁ ମୀରଏସି ଜୀସୁ ଏଞ୍ଜାସି ମା କାଜା ପୂଜେରା ଆହାମାନାକି, ଖାଦୁ ମାର ମା ନାମୁତି ଜାଣେତଲେ ଆହୁନ । ୧୫ ଆମ୍ବାଆସି ମା ଦହ ପୁଞ୍ଜାଲି ଆଡ଼ିନେସି, ଏଲେତି କାଜା ପୂଜେରା ଏଞ୍ଜାସି ଆଏ । ସାମା ମା କାଜା ପୂଜେରା, ମା ଲେହେଁ ବାରେଞ୍ଜାକି ତାହିପାରି ଆହାମାରେସି, ଆତ୍ ଜିକେଏ ଏଞ୍ଜାସି ପାପୁ କିହାହିଲଆତେସି ୧୬ ଏଦାଆଁତାକି ଖାଦୁ, କାର୍ମା ମେଡ଼ା ଆହାଲିତାକି ଅଡ଼େ, ଏ ବେଲାତେଏ ସାୟେମି କିନାଣି କାର୍ମାମେହନାଣି ବେଟାଆହାଲି ତାକି ମାର ସାସାତଲେ କାର୍ମାମେହନି ସିଂଗାସାଣି ନକିତା ହାନ ।

**୫**

୧ ଇତିହ୍ୟ ବାରେ କାଜା ପୂଜେରାକା ଜାହାରା ଲକୁ ତାଣାଟି ଆଡ଼ଞ୍ଜି ଆନେରି, ଏଞ୍ଜାସି ଏଞ୍ଜାରି ଖାକିଟି ପାପୁ ମେକ୍‌ହାଲି ପୂଜା ଅଡ଼େ ଦାନା ହେରପାନା ମାହାପୁରୁତି ସେବା କିନେସି । ୨ ଏଞ୍ଜାସି ବୁଦି ହିଲାଆ ଗାଟାରି ଅଡ଼େ ନାଡ଼ିକିଞ୍ଜି ଆହିମାନି ଲକୁଣି ଅରହିନାଣି ତସାଲି ଆଡ଼ିନାସି, ଇତିହ୍ୟ ଏଞ୍ଜାସି ତାନୁଏ ଜିକେଏ ବାଡ଼ୁୟୁ ହିଲାଆଗାଟାସି; ୩ ଅଡ଼େ ଖାରଇ ଏଟକା ଲକୁତି ପାପୁ ତାକି ଏଞ୍ଜାସି ପୂଜା କିହାଲି ଆନେ ଏଦି ଆଏ ସାମା ତାନି ପାପୁ ତାକି ଜିକେଏ ତାନୁ ପୂଜା କିହାଲି ଆନେ । ୪ ଅଡ଼େ ଆମ୍ବାଆରି ଇ କାଜା ପୂଜେରା ପାଣାଟି ତାମ୍ବୁ ଅହାକତାଲି ଆଡ଼ଅରି, ସାମା ହାରଣ ଏନିକ ଆଡ଼ଞ୍ଜି ଆହାମାରେସି,

ଏଲେକିହ୍ୟ ଏ ମାହାପୁରୁ ତାଣାଟି ଏଞ୍ଜାସି ଆଡ଼ଞ୍ଜି ଆନାହିଁ ମାନେ ।

୫ ଏଲେକିହ୍ୟ ଏ କ୍ରୀସୁ ଜିକେଏ କାଜା ପୂଜେରା ପାଣାଟି ଗାଞ୍ଜୁରମି ତାନୁଏ ପାରା ହିଲାଆତେସି, ସାମା ମାହାପୁରୁ ଏଞ୍ଜାଣାକି ଏ ଗାଞ୍ଜୁରମି ପାଣା ହାହାମାରେସି, ଇତିହ୍ୟ ଏଞ୍ଜାସି ଏଞ୍ଜାଣାଇଁ ଏଲେଇଞ୍ଜାମାରେସି, “ନୀନୁ ନା ମୀରଏଶାତି;

ନୀଞ୍ଜୁ ନାନୁ ନୀ ତାଞ୍ଜି ଆହାମାଇଁ ।” ୬ ଏଲେକିହ୍ୟ ଏ ଅଡ଼େ ରତାଣା ଜିକେଏ ଏଲେଇଞ୍ଜା ମାନେସି, “ନୀନୁ ମଲ୍‌କିସେଦକ ଲେହେଁ କାଟଲଏତି ପୂଜେରା ଆଡ଼ି ।”

୭ ଆମ୍ବାଆସି ଏଞ୍ଜାଣାଇଁ ହାକିଟି ନୀରହାଲି ଆଡ଼ିମାନେସି, ଏଞ୍ଜାସି ତାନି ଆଜା ତଲେ ନୀତା ମାଟାଟି, ମାହାପୁରୁ ନକିତା ହାରେକା ତାହି ତାହି ଅଡ଼େ କାଣ୍ଡୁତୁଲେ ପ୍ରାଡାନା ଅଡ଼େ ବାଡ଼ିମାଲିହ୍ୟ ହେରପା ମାରେସି, ଇଞ୍ଜା ତାନୁଏ ଜାହାରାଇଁ ଉଣା କିହାକତିନାସି ଅଡ଼େ ତାରିତାସି ମାଟାକି ମାହାପୁରୁ ଏଞ୍ଜାଣି ରୀସୁଣି ଖେତେସି, ୮ ଏଞ୍ଜାସି ମାହାପୁରୁ ମୀରଏସି ଆଡ଼ିଜିକେଏ ଦୁକୁତି ଅରହାନା ମାନଞ୍ଜି ଆହାଲି ଜାପିତେସି । ୯ ଇଲେଆହ୍ୟ ତାରିଆହାନା ତାନି ହୁକୁମି ମାନଞ୍ଜି ଆନାରାକି କାଟଲଏ ଗେଲପିନାସି ଆନେସି; ୧୦ ଏଦାଆଁତାକି ଏଞ୍ଜାସି ମାହାପୁରୁ ତାଣାଟି ମଲ୍‌କିସେଦକତି ମେରାଲେହେଁ କାଜା ପୂଜେରା ଇଞ୍ଜା ଅଦିକାରା ବେଟା ଆଡ଼େସି ।

ନାମୁ ଉଣାଆନି କାତା ୧୧ ଜୀସୁ କ୍ରୀସୁତି କାତା ମାଙ୍ଗେ ହାରେକା ଖେହନାହିଁ ମାନେ, ସାମା ମିଙ୍ଗେ ତେଲୁହି କିୟାଲି ହାରେକା କସୁ, ଇତିହ୍ୟ ମୀ ଜୀଞ୍ଜୁତା ଖେନାହିଁ ହାରେ ଉଣା ବାଡ଼ୁୟୁ ମାନେ । ୧୨ ଇତିହ୍ୟ ଇତର ଦିନା ବିତ୍ରା ମୀରୁ ଜାପନାତେରି ଆନାହିଁ ମାଟେ, ଆଡ଼ିଜିକେଏ ମାହାପୁରୁତି ବଲୁ ଏଟକା

\* ୫:୭ ୫:୭ ମାଡ଼ି ୨୭:୩୭-୪୭; ମାର୍କ ୧୪:୩୨-୪୨; ଲୁକ ୨୨:୩୯-୪୭



ଲକ୍ଷ୍ମୀ ଜାମ୍ବୁହାଲି ତାକି ମିଙ୍ଗେ ଲଡ଼ା ଆହିମାଞ୍ଜାନେ; ଖାଜିତି ରାନ୍ଦା ଲଡ଼ା କିଆନା ପାଲୁ ମିଙ୍ଗେତାକି ଲଡ଼ା ଆହିମାଞ୍ଜାନେ । ୧୩ ଆମ୍ବାଆସି ପାଲୁ ଗହନାସି ଏଞ୍ଜାସି ନେହାଣି ଲାଗେଏତି କାତା ପୁଞ୍ଜାଲି ଆଡ଼ଅସି, ଇତିହ<sup>୯</sup> ଏଞ୍ଜାସି ଉଣା କକାସି । ୧୪ ସାମା ପାଡ଼ାଆଡ଼ି ଲକ୍ଷ୍ମୀ, ଇତିହ<sup>୯</sup> ଆମ୍ବାଆରି ବୁଦିତଲେ ନେହାଣି ଲାଗେଏତାଣି ଆଚାଲି ଆଡ଼ିନେରି, ଏଞ୍ଜାରାକି ଖାଜିତି ରାନ୍ଦା ଲଡ଼ାମାନେ ।

୨

୧ ଏଦାଆଁତାକି ଖାବୁ ମାର କ୍ରୀସ୍ତତି ମୂଲୁଏ ଜାପିତି କାତା ପିସାନା, ତୀରିତଲେ ପାଡ଼ାଆହାନା, ହାହାମାନି କାମାଟି ମନ ଖେଟହାନା, ମାହାପୁରୁ ତାଣା ନାମିନ, ୨ ବାପ୍ତିସ୍ତତି\* କାତା ଜାମ୍ବୁନାୟି, ତାୟ<sup>୧୦</sup> ତୁା କେୟୁ ଇତିନାଣି, ହାଡ଼ାରି ଖେଣ୍ଡେ ନିଜିନାୟି, କାଲେଏତି ଡଣ୍ଡତି ପୁନାଦି ଖେଣ୍ଡେ କିନାୟିମାନେ । ୩ ନୀର୍ବ ମାର ନକିତା ହାନାୟିମାନେ, ହାଅ, ମାହାପୁରୁତି ହେଲ ଆଡ଼ିସାରେ ମାର ଇଦାଆଁ କିନ ।

୪ ଆମିନି ଗାଗାରି ନାମୁତି ଉଣା କିହାମାନେରି, ଏଞ୍ଜାରି ଅଣ୍ଡପାନା ଖେଣ୍ଡା ଖାହାଲି ଆଡ଼ିନେରିକି ? ଏଞ୍ଜାରି ମାହାପୁରୁ ଉଜେଡ଼ିତା ବାସା କିହିମାଚେରି, ଲାକପୁରୁତି ଦାନାତି ଖାଣ୍ଡାନା, ସୁଦୁଜୀଞ୍ଜୁତା ଆଣ୍ଡାମାଚେରି, ୫ ମାହାପୁରୁତି ନେହ<sup>୧୧</sup> ବଲୁ ଇଞ୍ଜା ଖାହିମାନି ଜୁଗୁତି ବାଡ଼ୟୁତି ଡାକନାଣି ଏଞ୍ଜାରି ଖାଣ୍ଡା ମାନେରି, ୬ ଏଞ୍ଜାରି ସାତାତି ପିସାନା ଲାଗେଏ ଆନେରି, ଆତିହ<sup>୧୨</sup> ମନତି ବାଦଲି କିଞ୍ଜିକିହାଲି ଅଡ଼େ ଖେଣ୍ଡେ ଏଞ୍ଜାରାକି ପୁଃନି କିଞ୍ଜିକିହାଲି ଆଡ଼ାଆୟି, ଏଦାଆଁତାକି ଏଞ୍ଜାରି ତାମି ନାସା ଆହାଲିତାକି ମାହାପୁରୁ ମୀରଏଣାକି ପାସି ମୁଣ୍ଡାତା ଏକହାନା ଲକ୍ଷ୍ମୀ ନକିତା ଏଞ୍ଜାଣାକି ଲାଜା କିହିମାନେରି ।

୭ ଇତିହ<sup>୧୩</sup> ଆମିନି ବୁମି ପିୟୁ ରିନି ଏୟୁ ଗହନେ ଇଞ୍ଜା ଆମିନି ତାସା କିନାରାକି ଲଡ଼ା ଆନି ଆନାଁ କାମ୍ବି କିନେ, ଏ ବୁମିତି ମାହାପୁରୁ ବର ହାନେସି । ୮ ସାମା ଏମ୍ବାଆଁ ହାପୁକା ଅଡ଼େ ଜାଡ଼ା ନେୟ<sup>୧୪</sup>ନେ, ଆତିହ<sup>୧୫</sup> ଏଡ଼ି ଏଡ଼ି ଲାବା ଆଏ, ଏଡ଼ି ମାହାପୁରୁତି ବାକା ବେଗାଆନେ, ଅଡ଼େ ତାୟୁ ହିରୁତା ଡ଼ୀଞ୍ଜାହାନେ ।

୯ ସାମା ଏ ଜାଞ୍ଜୁତି ତାୟିୟାଁ, ମାମ୍ବୁ ଇଲେକ<sup>୧୬</sup> କାତା ଖେସ୍ତି ଜିକେଏ ମୀ ତାଣା ମା ହାରେକା ନାମୁ ମାନେ; ମୀରୁ ଗେଲପିଆହାଲି ମାହାପୁରୁତି ବର ବେଗାଆହାମାଞ୍ଜେରି । ୧୦ ଇତିହ<sup>୧୬</sup> ମାହାପୁରୁ ମୀ କାମା, ଅଡ଼େ ମାହାପୁରୁ ଲକ୍ଷ୍ମୀ ସେବା କିହିମାନାଣି ଅଡ଼େ ନୀର୍ବ ଜିକେଏ କିହିମାନାଣି ଅଡ଼େ ତାନି ଦରୁ ତାକି ମୀରୁ ଆମିନି ଜାଞ୍ଜୁନହ<sup>୧୭</sup> ମାଞ୍ଜେରି, ଏଦାଆଁ ମାହାପୁରୁ ବାଣ୍ଡି ଆନେସି ଇଲେତି ଦାମ୍ବୁ ହିଲ୍ଲାଆଗାଟାସି ଏଞ୍ଜାସି ଆଏ । ୧୧ ସାମା ମାଡ଼ି ରଣ୍ଡିଏ ଅଣ୍ଡପୁ, ମୀରୁ ତାୟୁ ପାତେକା ମାଙ୍ଗେତାକି ମୀ ଜାଞ୍ଜୁନାୟି କାଲେଏ ଡୟାପେ ଆତିହ<sup>୧୮</sup> ମୀ ବାରେ ଆସା ପୁରା ଆନେ । ୧୨ ଏନିକ<sup>୧୮</sup> ମୀରୁ ନିସ୍ତା ଆଆନା ଆମ୍ବାଆରି ନାମୁ ଅଡ଼େ ସାସାତଲେ ଆଞ୍ଜାମାନାଣି ଅଦିକାରା କିହିମାନେରି ଏଞ୍ଜାରିଲେହେଁ ଆଦୁ ।

ମାହାପୁରୁତି ଆଞ୍ଜିନାୟି ସାତା ଆନେ ୧୩ ଇତିହ<sup>୧୯</sup> ମାହାପୁରୁ ଏତିବେଲା ଅବ୍ରାହାମକି ଆଞ୍ଜାମାଚେସି, ଏତିବେଲା ଏଞ୍ଜାସି ତାନି ଆଞ୍ଜାମାନାଣି ମାନୁଞ୍ଜି ଆହାଲି ପାରମାଣା କିହାମାଚେସି, ଏଞ୍ଜାଣି କିହାଁ ଆମ୍ବାଆସି କାଜାସି ହିଲ୍ଲାଆକି ଏଞ୍ଜାସି ତାନି ଦରୁତଲେ ପାରମାଣା କିହାଁ ଏଲେଇଞ୍ଜାମାଚେସି, ୧୪ ଏଞ୍ଜାସି ଏଲେଇଚେସି, “ନାନୁ ନିଙ୍ଗେ ସାତେଏ ବର ହିୟାକି ଅଡ଼େ ନୀ କୁଡ଼ାତି ହାରେକା ପାଡ଼ିକିକିକି ।” ୧୫ ଅଡ଼େ ଇଲ୍ଲାଆହ<sup>୨୦</sup> ହାରେକା ଅରହାନା ଅବ୍ରାହାମ ଆଞ୍ଜାମାନାଣି କାଚାମାଚାକି

\* ୨:୨ ୭:୨ମୁଞ୍ଜିନାୟି

ଏଦାଆଁ ମୋଡ଼ା ଆହାମାଚେସି ।  
 ୧୭ ମାଣସିୟା ଏଞ୍ଜାରି କିହାଁ କାଜା  
 ଦରୁତଲେ ପାରମାଣା କିନେରି, ଅଡ଼େ  
 କାତା ତୀରି କିହାଲି ଏଞ୍ଜାରି ବାରେ  
 ଗଡ଼ହା ପାରମାଣା ତଲେ ତୀରି ଆନେ  
 । ୧୭ ମାହାପୁରୁ ଆମ୍ବାଆରାଇଁ ଈ  
 ବାରେ ହାଇଁ ଇଞ୍ଜା ଆଞ୍ଜାମାଚେସି,  
 ଏ ଆଞ୍ଜାମାନାଣି ମାନଞ୍ଜି ଆହାଲି  
 ତାନି ଆଞ୍ଜାମାନାଣି ତାକି ପାରମାଣା  
 କିହାମାଚେସି । ୧୮ ଏନିକ୍ ଆମିନି ରୀ  
 ବାଦଲି ଆଆଗାଟି କାତାତି ମାହାପୁରୁ  
 ମିତି ଖେସାଲି ଆଡ଼ଅସି, ଏଦାଣି ତଲେ  
 ନକିତି ବାସୁତି ଆସାଲି ତାକି ବାସା  
 ଗାୟତା ମାର ହଟି ମାନାୟି, ଇଞ୍ଜା  
 ମାର ବାଡ଼ୟୁତି ରାହାଁ ବେଟାଆନାୟି ।  
 ୧୯ ଏୟୁ ଜାଜା ଦହନି ଲହ ମୁଣ୍ଡାଲେହେଁ,  
 ଏ ବାସୁ ମା ଜୀଞ୍ଜୁତି ଗେଲ୍ପି କିନାୟି  
 ଅଡ଼େ ଆଜ୍ଜିନାୟି, ଏଡ଼ି ମାହାପୁରୁ  
 ଇଲୁତି ଏଟକା କିନି ହିମ୍ପରି ଲେଟାମାନି  
 ଗାୟତା ହଡ଼ାନା ଆଟ୍ଠା ଅଡ଼େ ତୀରି  
 ଆହାମାନେ, ୨୦ ଅଡ଼େ, ଜୀସୁ ଏ ଗାୟତା  
 ମଲ୍ଲକିସେଦକ ଲେହେଁ କାଲାକାଲାତି  
 କାଜା ପୂଜେରା ଆହାନା ମା ନକିତା  
 ତାକିନି ଲେହେଁ ହଡ଼ାମାନେସି ।

୭

ମଲ୍ଲକିସେଦକତି ପୂଜେରା ପାଣା

୧ ଈ ମଲ୍ଲକିସେଦକ ସାଲେମ  
 ଦେସାତି ରାଜା ଅଡ଼େ ବାରେକିହାଁ  
 କାଜା ମାହାପୁରୁତି ପୂଜେରା ମାଚେସି  
 । ଅବ୍ରାହାମ ଅଡ଼େ ତାନି ତଡ଼ତୁରି,  
 ସାରି ଜାଣା ରାଜାୟାଁ ତଲେ ଜୁଜୁତା  
 ଜୀଣା ଆହାଁ ଖେଣ୍ଡେ ଖାହିମାତି  
 ବେଲାତା ମଲ୍ଲକିସେଦକ ଅବ୍ରାହାମଇଁ  
 ବେଟାଆହାନା ବର ହୀତେସି;  
 ୨ ଅବ୍ରାହାମ ଜିକେଏ ଏଞ୍ଜାଣାକି ଜୁଜୁତା  
 ଜୀଣାଆହାମାତି ଆସ୍ତିତି ଦସ ବାଗାତି ର  
 ବାଗା ହୀହାମାଚେସି । ମଲ୍ଲକିସେଦକ,  
 ଇତିହଁ “ଦାମୁତି ରାଜା” ଅଡ଼େ  
 ସାଲେମତି ରାଜା, ଇତିହଁ “ହିଡ଼ଡ଼ିତି  
 ରାଜା ।” ୩ ଏଞ୍ଜାଣି ତାଲି ତାଞ୍ଜି ଆକୁ  
 ଆବାୟାଁ ଦରକା କି ଏଞ୍ଜାଣି ଜାନାଁ

ଦିନା କି ଜୀଞ୍ଜୁତି ରାତି ଦିନା ଆମ୍ବିୟାଞ୍ଜା  
 ରାସ୍‌କି ଆହାହିଲେଏ; ଏଞ୍ଜାସି ମାହାପୁରୁ  
 ମୀରଏସି ଲେହେଁ କାଲା କାଲାକି  
 ପୂଜେରା ଆହାମାଚେସି ।

୪ ଅଣ୍ପାରି କିଦୁ, ମଲ୍ଲକିସେଦକ  
 ଏଚେକା କାଜାସି ମାଚେସି, ଆକୁ  
 ଅବ୍ରାହାମ ଜୁଜୁତା ଜୀଣାଆହାନା  
 ତାଚାମାତି ଆସ୍ତିତି ହାରେକା ନେହଁ  
 ଆସ୍ତିତି ଦସ ବାଗାତି ର ବାଗା ଏଞ୍ଜାଣାକି  
 ହୀହାମାଚେସି । ୫ ଲେବି କୃତାତି  
 ମୀରକା ବିତ୍ରାତି ଆମିନି ଗାଗାରି  
 ପୂଜେରା ପାଣା ବେଟାଆନେରି, ଏଞ୍ଜାରି  
 ମସାତି ମେରାଲେହେଁ ଇସ୍ରାୟେଲ ଲକୁ  
 ତାଣାତି ଇତିହଁ ତାମି ତାୟିୟାଁ ତାଣାତି  
 ଦସ ବାଗାତି ର ବାଗା ବେଟାଆହାଲି  
 ହେଲ ବେଟା ଆହାମାନେରି, ଏଞ୍ଜାରି  
 ଅବ୍ରାହାମ ଆଜ୍ଜାଟି ଜାନାଁ ଆଡ଼ିଜିକେଏ  
 ତାମି ଲକୁ ତାଣାତି ଦସ ବାଗାତି  
 ର ବାଗା ଅନେରି; ୬ ମଲ୍ଲକିସେଦକ  
 ଲେବି କୃତାତାସି ଆଏ, ଆଆତି  
 ଜିକେଏ ଏଞ୍ଜାସି ଅବ୍ରାହାମ ତାଣାତି  
 ଦସ ବାଗାତି ର ବାଗା ଅଡ଼େସି, ଇଞ୍ଜା  
 ମାହାପୁରୁ ଆଞ୍ଜାମାନାଣି ବେଟାଆନାକି  
 ବର ହୀତେସି । ୭ ବର ହୀନାସି  
 ବର ବେଟାଆନାଣି କିହାଁ କାଜାସି,  
 ବାରେଜାଣା ଇଦାଆଁ ପୁଞ୍ଜାମାଞ୍ଜେରି ।  
 ୮ ଇଲେକିହଁ ହାନି ମାଣ୍ଡିୟାଁ ଦସ  
 ବାଗାତି ର ବାଗା ଅହିମାନେରି ଏଞ୍ଜାରି  
 ଜିକେଏ ର ଦିନା ହାନେରି, ସାମା  
 ଏତିବେଲାତା ଆମ୍ବାଆସି ଅବ୍ରାହାମତି  
 ଦସ ବାଗାତି ର ବାଗା ଅହାମାଚେସି  
 ଏଞ୍ଜାଣି କାତା ସାକି ହୀପକି ଆହିମାନେ,  
 ଏଞ୍ଜାସି ହାହା ହିଲଅସି । ୯ ମାର  
 ଏଲେଇଞ୍ଜାଲି ଆଡ଼ିନାୟି, ଦସ ବାଗାତି  
 ର ବାଗା ଅହିମାନି ଲେବି ତାନୁ ଜିକେଏ  
 ଅବ୍ରାହାମ ତାଣାତି ଦସ ବାଗାତି ର  
 ବାଗା ହୀହାମାନେସି । ୧୦ ଏନାଆଁତାକି  
 ଇତିହଁ ଅବ୍ରାହାମଇଁ ମଲ୍ଲକିସେଦକ  
 ଆଣ୍ଡିତାତି ଲେବି ଏତିବେଲାତା ଜାନାଁ  
 ଆହା ହିଲାଆଡେସି ସାମା ଲେବି ଏଞ୍ଜାଣି  
 ଆଜ୍ଜା ବିତ୍ରା ମାଚେସି ।

୧୧ ଈ ଲେବିୟ ଲକୁତି ପୂଜେରା  
 ପାଣା ତଲେ ଇସ୍ରାୟେଲ କୃତାତି

ଲକ୍ଷ୍ମୀ ତାଙ୍କି ମସାତି ମେରା ହାପକି ଆହାମାରେ । ଅଡ଼େ ଲେବି ଲକ୍ଷ୍ମୀ କାମା ନେହୁଁ କିହାଲି ଆଡ଼ିତିହୁଁମା, ହାରଣତି ଅଦିକାରାଗାଟି ଇ ଲେବି ପୂଜେରାଈ ପିସାନା ମଲ୍ଲକିସେଦକ ଅଦିକାରା ଲେହେଁ ଅର କୃତାତି ପୂଜେରା ଲଡ଼ା ହିଲାଆଡେ । ୧୭ ଇତିହୁଁ ପୂଜେରା ପାଣା ବାଦଲି ଆନେ, ଆତିହୁଁ ମସା ମେରା ଜିକେଏ ବାଦଲି ଆନାୟି ମାନେ । ୧୮ ଇତିହୁଁ ଆମ୍ବାଆରି ତାକି ଇ ବାରେ ଖେସପି ଆହାମାନେ, ଏଝାସି ଅର କୃତାତି ଲକ୍ଷ୍ମୀ ମାରେସି, ଆମିନି କୃତାତାରି ଆମ୍ବାଆସି ଏଚେଲାଝା ପୂଜା ପିଣ୍ଡାତି ସେବା କାମା କିହାଲି ଆଣ୍ଡାହିଲଅରି । ୧୯ ଇତିହୁଁ ଇଦି ସାତା ମା ପ୍ରବୁ ଜୀହୁଦା କୃତାତି ଜାନା ଆହାମାନେସି ଇଞ୍ଜା ମସା ଇ କୃତାତି ପୂଜେରା ପାଣା ତାକି ଏନାଆଁ ଖେସାହିଲଅସି ।

ମଲ୍ଲକିସେଦକ ଲେହେଁ ଅଡ଼େ ର ପୂଜେରା

୧୫ ଅଡ଼େ ଇଦି ଇମ୍ବାଟି ଜିକେଏ ନେହୁଁକି ପୁନାୟି, ମଲ୍ଲକିସେଦକ ଲେହେଁ ଅଡ଼େ ର ପୂଜେରା ହତାମାନେସି । ୧୬ ଏଝାସି ଆଈ ତଲେତି ମସା ମେରାଟି ପୂଜେରା ଆହାହିଲଅସି ସାମା ରାଆଗାଟି ଜୀହୁତି ବାଡ଼ୁୟି ପୂଜେରା ପାଣା ମେଡ଼ା ଆହାମାନେସି । ୧୭ ଇତିହୁଁ ଦାମ୍ବୁପତିତା ଏଝାଣି ତାକି ଇଲେକି ଦାମ୍ବୁ ସାସ୍ତେରିତା ସାକି ହାପକି ଆହାମାନେ; “ନୀନୁ ମଲ୍ଲକିସେଦକ ଲେହେଁ କାଲାକାଲାତି ପୂଜେରା ଆଦି ।” ୧୮ ଇମ୍ବାଆଁ ତଲିତି ହୁକୁମି ବାଡ଼ୁୟି ହିଲାଆଗାଟାୟି, ଉଜେଏତାୟି ଲାକା ଏଦି ମେଣ୍ଡା ହାଜାମାନେ । ୧୯ ଏନାଆଁତାକି ଇତିହୁଁ ମସାତି ମେରା ଏନାଆଁଝା ତାରି କିହାଲି ଆଡ଼ାଆଡେ । ଅରଝାକି ବାରେକିହାଁ ହାରେକା ନେହୁଁ ବାସୁଁ ହତାମାନେ, ଏ ବାସୁଁଟି ମାର ମାହାପୁରୁ ତାଗେ ହାଜାଲି ଆଡ଼ିନାୟି ।

୨୦ ମା ତାକି ମାହାପୁରୁତି ପାରମାଣା ହାରେକା ମାନେ । ହାରଣ କୃତାତି

ପୂଜେରା ପାଣାତା ଆଡ଼ି ଆଡ଼ାତି ଇଲେତି ଏଦି ପାରମାଣା ହାପକି ଆହାହିଲାଆଡେ । ୨୧ ସାମା କ୍ରୀସୁ ପୂଜେରା ଆଦି ବେଲାତା ମାହାପୁରୁ ପାରମାଣା କିହାନା ଏଝାଣାଇ ଏଲେଇଞ୍ଜାମାରେସି,

“ପ୍ରବୁ ର ପାରମାଣା କିହାମାନେସି,  
ଏଝାସି ତାନି ଅଣ୍ଡପୁତି ବାଦଲି କିଅସି,

ନୀନୁ କାଲାକାଲାତି ପୂଜେରା ଆଦି ।”

୨୨ ପ୍ରବୁ ଇଲେକି ପାରମାଣା କିହାମାନାକି ଜୀସୁ ଅଡ଼େ ର ହାରେକା ନେହୁଁ ରାଜିମାନା କିନାସି ଆହାମାନେସି ।

୨୩ ପ୍ଲାଝ ଡାଣା ଜିକେଏ ଏଟକା ପୂଜେରାଈ ହାନାରି ଆହାମାନାକି ଏଝାରି ହାଡ଼ି ତାୟୁ ଏଟକାତାରି ପୂଜେରା ପାଣା ବେଟାଆନେରି ଏଦାଆଁତାକି ଏଝାରି ହାରେକା । ୨୪ ସାମା ଜୀସୁ କାଲାକାଲା ନୀତାମାନାକି, ଏଚେଲାଝା ବାଦଲି ଆଆ ପୂଜେରା ପାଣା ବେଟାଆହାମାନେସି । ୨୫ ଏଦାଆଁତାକି ଏଝାଣି ତାଣାଟି ଆମିନି ଗାଟାରି ମାହାପୁରୁ ତାଗେ ହାନେରି, ଏଝାରାକି ଏଝାସି ହାରେପୁରେ ନୀଏଁ ଅଡ଼େ କାଲେଏ ଗେଲପାଲି ଆଡ଼ିମାନେସି, ଏନାଆଁତାକି ଇତିହୁଁ ଏଝାରି ତାକି ମାହାପୁରୁ ତାଣା ଗହାରା କିହାଲି ଏଝାସି କାଲେଏ ନୀତାମାନେସି ।

୨୬ ଏନାଆଁତାକି ଇତିହୁଁ ଇଲେତି କାଜା ପୂଜେରା ମା ତାକି ନେହାସି, ଆମ୍ବାଆସି ସୁବୁଗାଟାସି, ଦହ ହିଲାଆଗାଟାସି, ଲାଗେଏତି ସିନା ହିଲାଆଗାଟାସି ପାପୁ ଗାଟାରି ତାଣାଟି ଏଟକା ଆହାମାନାସି, ଲାକପୁରୁ ଅଝିଆଡେସି । ୨୭ ଏ କାଜା ପୂଜେରା ଲେହେଁ ବାରେଦିନା ନକେଏ ତାନି ପାପୁ ତାକି ଅଡ଼େ ତାୟୁ ଲକ୍ଷ୍ମୀତାକି ବାରେଦିନା ପୂଜା ହାହାଲି ଲଡ଼ା ହିଲେଏ, ଇତିହୁଁ ତାଙ୍ଗେ ପୂଜା ହୀତାକି ଏଝାସି ରଣ୍ଡିଏ ପାଲି ଇଦାଆଁ କିହାମାନେସି । ୨୮ ଏନାଆଁତାକି ଇତିହୁଁ ମସାତି ମେରା

ବାଡ଼ନ୍ତୁ ହିଲୀଆଗାଟି ମାଣସିକ୍ କାଜା ପୂଜେରା ପାଣାତା ଆଡ଼ିନେ, ସାମା ଆମିନି ପାରମାଣାତି ବଲୁ ମସାତି ମେରା ଜେଟ ଆହାମାରେ, ଏଦି କାଲ୍ଲକାଲ୍ଲ ତାକି ତୀରିଗାଟି ମାର୍-ଏଣାଇଁ ଆଡ଼ିମାନେ ।

୮

ଜୀସୁ ମା କାଜା ପୂଜେରା

୧ ମାମ୍ନୁ ଏନାଆଁ ଖେସିମାଞ୍ଜାନମି ଏମ୍ବାତି କାଜା କାତା ଇଦି, ମାଜେତାକି ଇଲେତି ର କାଜା ପୂଜେରା ମାନେସି, ଏଝାସି ଲାକପୁରୁ କାଜା ଗାଝୁରମିଗାଟି ମାହାପୁରୁ ସିଂଗାସାଣିତି ଚିଃନି ଚଟତା କୁଗାମାନେସି । ୨ ଏଝାସି ବାରେତି କିହାଁ ସୁଦୁ ଟାୟୁତା ଇଞ୍ଜା ଆମିନି ସାତା ତୁମୁ ଇଲୁ ମାଣସି କେୟୁଟି କେପି ଆଆନା ପ୍ରବୁ ତାଣାଟି ତୀରି ଆହାମାନେ ଏମ୍ବାତି ସେବା କାମା କିନେସି ।

୩ ଇଚିହଁ ବାରେ କାଜା ପୂଜେରାଜା ଦାନା ଅଡେ ଜନ୍ତୁତି ତାକାହାଁ ପୂଜା କିହାଲି ଆଡ଼ଝି ଆହାମାନେରି, ଇଦାଆଁତାକି ଇ କାଜା ପୂଜେରାକି ଜିକେଏ ପୂଜା ହେରପାଲି ତାକି ଲଡ଼ାମାନେ । ୪ ଜୀସୁ କ୍ରୀସ୍ତ ଦାରତିତା ମାତିହଁ ମା, ପୂଜେରା ଜିକେଏ ଆୟାଲି ଆଡ଼ାଆତେସିମା, ଏନାଆଁତାକି ଇଚିହଁ ଜୀହୁଦି ଲକୁତି ମେରା ଲେହେଁ ଦାନା ହେରପିନେରି ଇଲେତି ପୂଜେରାଜା ଏମ୍ବାଆଁ ମାନେରି; ୫ ପୂଜେରାଜା ଆମ୍ବାଆରି ସେବା କିନେରି, ଏଦି ଲାକପୁରୁତି କାତା ପୁଣ୍ଡିକିନିଲେହେଁ ସାୟଁ ସମାନା, ମସା ଏଚିବେଲା ପୂଜା କିହାଲିତାକି ର ତୁମୁ କେପିନି ବେଲାତା ଏଝାଣାଇଁ ମାହାପୁରୁ ଏଲେଇଞ୍ଜାମାରେସି, “ଜାଗ୍ରାତା, ହରୁତା ନିଜେ ଆମିନି ହୁକୁମି ତସପି ଆହାମାଞ୍ଜାତେ, ଏଲେକିହଁ ଏ ବାରେ କେପାମୁ ।” ୬ ସାମା ନୀର୍ବିଜୀସୁକି ଆମିନି ପୂଜେରା କାମା ହୀପକି ଆହାମାନେ, ଏଦି ଏଟକାତି ପୂଜେରାଜା କାମା କିହାଁ କାଜାୟି । ଏଲେକିହଁ ଏ ମାହାପୁରୁ

ଅଡେ ମାଣସିୟାଁ ମାଦି ଏଝାସି ଆମିନି ରାଜିମାନା କିହାମାନେସି ଏଦି କାଜାୟି, ଇଚିହଁ ଇ ମେରାତା ହାରେକା କାଜା କାତା ହୀହାଲି ଆଞ୍ଜାମାନାୟି ମାନେ ।

୭ ଇଚିହଁ ତଲିତି ରାଜିମାନା ଏଦି ଦହ ହିଲୀଆତିହଁ ମା, ତାୟୁ ଅଡେ ଅର ରାଜିମାନା ଲଡ଼ା ଆଆତେମା । ୮ ସାମା ମାହାପୁରୁ ତାନି ଲକୁଇଁ ଦହ ଦସାନା ଏଝାରାଇଁ ଏଲେଇଞ୍ଜା ମାନେସି,

“ପ୍ରବୁ ଏଲେଇଞ୍ଜା ମାନେସି, ମେହ୍ଦୁ ର ଦିନା ଝାହିମାନେ, ଏଚିବେଲା ନାନୁ ଇସ୍ତାୟେଲ କୁଡ଼ା ଅଡେ ଜୀହୁଦା କୁଡ଼ା ତଲେ ର ପୁଃନି ରାଜିମାନା ତୀରି କିଇଁ;

୯ ଆମିନି କାଲ୍ଲତା ନାନୁ ଏଝାରି ଆକୁୟାଣି କେସ୍ତା ଆସାନା ମିସର ଦେସାଟି ହପ୍ତହା ତାଗାମାରେସି,

ଏ ବେଲାତା ଏଝାରିତଲେ ନାନୁ ଆମିନି ରାଜିମାନା କିହାମାରେସି, ଇ ରାଜିମାନା ଏଲେକିହଁ ଆଏ;

ଈଞ୍ଜା ଏଝାରି ନା ରାଜିମାନାତା ତୀରି ଆହଁ ମାନାଆତେରି, ଈଞ୍ଜା ନାନୁ ଏଝାରାଇଁ ମନ ହୀଆତେସି, ପ୍ରବୁ ଇ କାତା ଏଲେ ଈଞ୍ଜାମାନେସି ।

୧୦ ପ୍ରବୁ ଏଲେଇଞ୍ଜା ମାନେସି, ତାୟୁ ନାନୁ ଇସ୍ତାୟେଲ କୁଡ଼ା ତଲେ ଇ ରାଜିମାନା କିଇଁ, ଏଦି ଇଦି,

ନାନୁ ଏଝାରି ମନତା ନା ମେରା ହୀଇଁ, ଏଝାରି ହିୟାତା ଏ ବାରେ ରାଡ଼ିଇଁ, ଅଡେ ଏଝାରି ମାହାପୁରୁ ନାନୁ ଆଇଁ, ଅଡେ ଏଝାରି ନା ଲକୁ ଆନେରି ।

୧୧ ମାହାପୁରୁଇଁ ପୁଞ୍ଜୁ ଇଞ୍ଜା ଏଝାରି ବିତ୍ରାଟି ରଅସିଝା ତାନି କୁଡ଼ାତି ଗାଡ଼ାତାରାଇଁ ଖେହଅସି, ଈଞ୍ଜା ତାନି ତାୟିୟାଁଇଁ କି ପାଡ଼ିତାରାଇଁ ଜାପୁଅରି, ଏନାଆଁତାକି ଇଚିହଁ ଉଣାଟିଏ କାଜାରି ପାତେକା ଏଝାରି

ବାରେଜାଣା ନାଜେ  
ପୁଞ୍ଜାମାନେରି ।

୧୨ ନାନୁ କାର୍ମାମେସାନା ଏଞ୍ଜାରି ବାରେ  
ପାପୁ ମ୍ଲୋକ୍‌ଇଁ,

ଅଡ଼େ ଏଞ୍ଜାରି ଲାଗେଏ କିନାଣି  
ଏଚେଲାଞ୍ଜା ଅଣପଅଁ ।”

୧୩ ମାହାପୁରୁ ର ପୁଃନି ରାଜିମାନା  
କିତାକି ତଲିତି ରାଜିମାନାଲ୍ ପୁଃଈ  
ରାଜିମାନା କିହାମାନେସି; ଇଞ୍ଜା ଅଡ଼େ  
ଆମିନି ପୁଃଆୟି ଲଡ଼ା ହାଆଗାଟାୟି  
ଆହାମାନେ, ଏଦି ଗାଡ଼େକେଏ  
ମେଣ୍‌ଜିନେ ।



ଦାରତି ଅଡ଼େ ଲାକପୁରୁତି ପ୍ରାତାନା

୧ ସାତେଏ ଏ ତଲିତି ରାଜିମାନା  
ଜିକେଏ ପ୍ରାତାନା କିନି ମେରା ଅଡ଼େ ର  
ଦାରତିତି ସୁଦୁ ଚାୟୁ କିଞ୍ଜି ଆହାମାଚେ  
। ୨ ଏଦି ର ତୁମୁ ତଲେ କେପିତି ଇଲୁ  
ଆହାମାଚେ, ଏମ୍ବାତି ତଲିତି ବାକ୍ତା  
ଇଞ୍ଜା ଇନେରି ଏମ୍ବାଆଁ ର ଦୀଞ୍ଜି  
ସଡ଼ା, ର ପିଣ୍ଡା ଅଡ଼େ ମାହାପୁରୁକି  
ହେରପାମାନି ରୁଟି ମାଚେ, ଏଦାନି ସୁଦୁ  
ଚାୟୁ ଇନେରି । ୩ ଏମ୍ବାଆଁ ଲେଟାମାତି  
ଚାଟିନି ରା ହିମ୍ବରକା ଡାୟୁଞ୍ଜାକି ଆମିନି  
ତୁମୁ ମାଚେ, ଏଦାଆଁ ହାରେକା ସୁଦୁ  
ବାକ୍ତା ଇଞ୍ଜା ଇନେରି; ୪ ଏମ୍ବାଆଁ  
ବାଂଗାରା ତଲେ ଖାରି କିହାମାତି ଦୁପ୍‌ଣି  
ହୁଡିନି ର ପିଣ୍ଡା ଅଡ଼େ ବାଂଗାରା ତଲେ  
ଖାରି କିହାମାତି ରାଜିମାନା ପେଡ଼ା ମାଚେ  
। ଏ ରାଜିମାନା ପେଡ଼ାତା ମାନା ଇଟ୍‌କି  
ଆହାମାତି ର ବାଂଗାରା ମୁଡ଼ା ଅଡ଼େ  
ହାରଣାଞ୍ଜାୟି ଆକୁ ଗାଲୁହାମାତି ବାଡ଼ଗା  
ଇଞ୍ଜା ରାଜିମାନା ରାସ୍‌କି ଆହାମାତି  
ରିଣ୍ଡି ଖାଲି ପାଟାୟାଁ ମାରୁ, ୫ ରାଜିମାନା  
ପେଡ଼ା ଲାକ ମାହାପୁରୁ ନକିତା ନିଚାମାନି  
ଲେହେଁ ଗାଞ୍ଜୁରମିଗାତି ଜଡ଼େକା କିରୁବ  
ଦୂତୁୟାଁତି ବମା ମାରୁ, ଏଞ୍ଜି ପାପୁ  
ମେଣ୍‌ଜି କିନି ଚାୟୁତି ପ୍ଲୁକ୍‌ହାମାରୁ; ଏଞ୍ଜି  
ପାପୁ ମ୍ଲୋକ୍‌ନି ଚାୟୁ ଲାକ ମାରାୟାଁ  
ପ୍ଲୁକ୍‌ହାମାରୁ, ଏ ବାରେତି କାତା ନୀଏଁ  
ନେହଁ କଁ ଖେସାଲି ଲଡ଼ା ହିଲେଏ ।

୬ ଏମ୍ବାଆଁ ଇଲେତି ମେରା ମାନେ;  
ପୂଜେରାଜା ଦିନାତାକି ଦିନା ତୁମୁତି  
ତଲିତି ବାକ୍ତା ବିଡ଼ା ତାନି ସେବା କାମା  
କିନେରି, ୭ ସାମା ଡାୟୁତି ବିଡ଼ା ବାକ୍ତାତା  
ଖାଉଇ କାଜା ପୂଜେରା ବାର୍ଯା ତାକି  
ରଣ୍ଡିଏ ଦେବା ହଡ଼ନେସି, ତାନି ପାପୁ  
ଇଞ୍ଜା ଲକୁତି ପୁନାଆତି ପାପୁ ତାକି  
ମାହାପୁରୁକି ପୂଜା ହେରପାଲି ଏଞ୍ଜାସି  
ନେତେରି ଅହାନା ହାରେକା ସୁଦୁ  
ଚାୟୁତା ହଡ଼ନେସି । ୮ ଇଦାଆଁତାକି  
ସୁଦୁଜୀଞ୍ଜୁ ମାଜେ ଜାପୁହି ମାଞ୍ଜାନେ,  
ନକିତି ସୁଦୁ ତୁମୁ ମାନି ପାତେକା  
ହାରେକା ସୁଦୁ ଚାୟୁତା ହଡ଼ାଲି ଜିରୁ  
ତଞ୍ଜାଆହାଁ ହିଲେଏ । ୯ ଇ ତଲିତି ବାକ୍ତା  
ନୀଏଁ କାଲା ତାକି ପୁଣ୍ଡି କିଞ୍ଜିକିନି ସିନା,  
ଅଡ଼େ ଏଲେକିହଁ ଏ ଦାନା ଅଡ଼େ ପୂଜା  
ଇ ବାରେ ହାପୁକିଆନେ, ସାମା ଇ ବାରେ  
ସେବା କିନାରାଲ୍ ନେହଁ ଅଣପୁତି  
ଦାନା ହାହାଲି ଆଡ଼େଏ; ୧୦ ଇତିହଁ  
ଏ ବାରେ ଖାଉଇ ତିନାଣି ଉନାଣି  
ଅଡ଼େ ଅଡ଼ହାଲି ତାକି ଆଜା ତାକି କିନି  
କାମାୟାଁ ସାମା ମାହାପୁରୁତି ପୁଃନି ମେରା  
ଆନି ପାତେକା ଇଦି ବାରେ ଲଡ଼ାଗାଟାୟି  
ଆହାମାଚେ ।

୧୧ ସାମା କ୍ରୀସ୍ତ ନୀଏଁ ନେହଁ  
କାମାତି କାଜା ପୂଜେରା ସମାନା ଆହାନା  
ଖାହାମାନେସି, ଇଞ୍ଜା ଏମିନି ତୁମୁ ଇଲୁତା  
ଏଞ୍ଜାସି ତାନି ସେବା କାମା କିହାମାନେସି,  
ଇ ଇଲୁ ଦାରତିତା ମାନି ତୁମୁ ଇଲୁ  
କିହାଁ ହାରେକା କାଜାୟି ଅଡ଼େ ନେହାୟି,  
ଏଦି ମାଣ୍‌ସି କେୟୁତଲେ କେପାଆତି  
ତୁମୁ ଇଲୁ, ଏଦି ତଞ୍ଜାଆହାମାନି ଦାରତି  
ବିଡ଼ା ହିଲାଆତେ । ୧୨ କ୍ରୀସ୍ତ ଗରି  
କି ବାଚା କଡ଼ିତି ନେତେରି ତଲେ  
ଆଏ, ସାମା ଜାହାରା ନେତେରି ତଲେ  
ରଣ୍ଡିଏ ଦେବା ସୁଦୁ ଚାୟୁତା ହଡ଼ାନା  
କାଲାକାଲାତାକି ଗେଲୁପି ଆନାଣି  
କିହାମାନେସି । ୧୩ ଆମ୍ବାଆରି ପାଣାପାରୁ  
ମାନଞ୍ଜି ଆଆନା ପାପୁ କିନେରି, ଏଞ୍ଜାରି  
ପଲୁଆ ଗାଟାରି ଲାକ ଗରି ଅଡ଼େ  
ବାଚା କଡ଼ିତି ନେତେରି ଡାଞ୍ଜାନା ହୁଡିତି  
ଦାରମୁତଲେ ଏଞ୍ଜାରି ଆଜାତି ବାରେ

ପାପୁ ସୁଦ୍ଧୁ କିହିମାତେରି, ୧୪ ଇଦି ସାତା ଆହାମାନେ, ଇଚିହିଁ କ୍ରୀସ୍ତତି ନେତେରି ସାତା ଆଏ, କି କାଚ୍ଲେଏତି ଜୀସ୍ତୁତି ସାୟେମି ତଲେ ଏଞ୍ଜାସି ଜାହାରାଇଁ ମାହାପୁରୁ ନକିତା ର. ଦହ ହିଲାଆ ପୂଜାଲେହେଁ ହେରପିତେସି, ତାନି ନେତେରି ଏଚେକା ଗାତି ନୀତାମାନି ମାହାପୁରୁଇଁ ସେବା କିହାଲି, ହାଞ୍ଜି କିନି କାମାଟି ମା. ଜୀସ୍ତୁତି ଅଶ୍ପୁତି ସୁଦ୍ଧୁ କିନେ !

୧୫ ଇଦାଆଁତାକି କ୍ରୀସ୍ତଏ ପୁଃନି ରାଜିମାନାତି ମାଦିତାସି ଆହାମାନେସି, ଏନିକିଁ ମୂଲୁତି ରାଜିମାନାତି ପାପୁ ମ୍ଲେକହାଲି ତାକି ହାହାମାନାକି ମାହାପୁରୁ ହାଟାମାନି ଲକୁ କାଲାକାଲାତି ଅଦିକାରା ଆହାଲି ଆଞ୍ଜାମାନି ଗେଲ୍ପି ଆନାଣି ବେଟାଆଡେନରି ।

୧୬ ଇଚିହିଁ ରାଜିମାନା କିଞ୍ଜି ଆହାମାଟି ରାଜିମାନା ଆହାମାନି ମାଣସିତି ହାନି ପାରମାଣା ଲଡ଼ାମାନେ । ୧୭ ଇଞ୍ଜା ହାଡ଼ିସାରେ ରାଜିମାନା କିହାମାନାୟି ବାଡ଼ୁୟୁ ଆଡେନ, ଇଚିହିଁ ରାଜିମାନା କିହାମାନାସି ନୀତାମାନି ପାତେକା ଏଦି ଏଚେକା ଜିକେଏ କାମାତା ଝାଏ । ୧୮ ଏଦାଆଁତାକି ତଲିତି ରାଜିମାନା ଜିକେଏ ନେତେରି ହିଲାଆନା ତୀରି ଆହାହିଲାଆତେ । ୧୯ ତଲିଏ ମସା ମେରାତି ହୁକୁମି ଲକୁତାଣା ଝେକହେସି, ତାୟୁ ଏଞ୍ଜାସି କଡ଼ି ଅଡ଼େ ଗରିତି ନେତେରି ଏୟୁତଲେ ଆଟହାନା ଏସବ ଜାଡ଼ାତି ଆକା ଅଡ଼େ ନେତେରି ଝାଣାଗାଟି ମେଣ୍ଡା ବାଣାୟାଁ ତଲେ ମେରା ପତି ଅଡ଼େ ବାରେ ଲକୁ ଲାକ ଡ଼ାଞ୍ଜିତେସି । ୨୦ ଏଞ୍ଜାସି ଏଲେଇଚେସି, “ଏମିନି ରାଜିମାନା ମାନଞ୍ଜି ଆହାଲି ମାହାପୁରୁ ମିଙ୍ଗେ ହୁକୁମି ହାହାମାଞ୍ଜାନେସି, ଇ ନେତେରି ଏ ରାଜିମାନାତି ତସିମାନେ ।” ୨୧ ଅଡ଼େ ଜିକେଏ ଏଲେକିହିଁ ଏଞ୍ଜାସି ତୁମ୍ଭୁ ଇଲୁ ଅଡ଼େ ମାହାପୁରୁ ସେବାତାକି ବାରେ ଲଡ଼ାମାନି ଦିଶ୍ପୁ ଲାକ ଜିକେଏ ନେତେରି ଡ଼ାଞ୍ଜିତେସି । ୨୨ ସାତେଏ ମସାତି ମେରା ତଲେ ବାରେ ନେତେରି ତଲେ ଅଟହ କିଞ୍ଜିଆଡେନ,

ଅଡ଼େ ନେତେରି ଝାକହାନା ପାପୁ ମେଣ୍ଡେଏ ।

କ୍ରୀସ୍ତତି ହାକିଟି ପାପୁ ମେଣ୍ଡିନେ  
 ୨୩ ଏଦାଆଁତାକି ଲାକପୁରୁ କେପିତି ବାରେ ଦିଶ୍ପୁ ପୁଣ୍ଡିକିନିଲେହେଁ ପୂଜା ତଲେ ଅଟଞ୍ଜି ଆନାୟି ମାଚେ; ସାମା ଲାକପୁରୁ କେପିତି ବାରେ ଦିଶ୍ପୁ ଇ କାଜା ପୂଜା ତଲେ ଅଟନାୟି ମାନେ । ୨୪ ଏନାୟି ମାଣ୍ଡିୟାଁ କେୟୁଟି କେପାଆତାୟି ଇଲେତି ସୁଦ୍ଧୁ ଟାୟୁତା କ୍ରୀସ୍ତ ହାଜାମାନେସି, ଇଦି ସାତା କାତା, ଏଞ୍ଜାସି ଲାକପୁରୁ ହାଜାମାନେସି, ଏମ୍ପାଆଁ ଏଞ୍ଜାସି ମା. ଝାକିଟି ନୀଏଁ ମାହାପୁରୁ ନକିତା ମାନେସି । ୨୫ ଜୀହୁଦିୟାଁ କାଜା ପୂଜେରାଜା ଏନିକିଁ ବାର୍ସା ତାକି ବାର୍ସା ଏଟକା ଲକୁ ତାକି ପୂଜା ହାନି ନେତେରି ଅହାନା ସୁଦ୍ଧୁ ଟାୟୁତା ହଡ଼ନେରି, ଏଲେକିହିଁଏ କ୍ରୀସ୍ତ ଅଲେ ଅଲେ ତାଙ୍ଗେ ପୂଜା କିହାଲି ଏଦି ଏମ୍ପାଆଁ ହାଜାହିଲଅସି । ୨୬ ଆତିହିଁ ଦାର୍ଡି ଗାଡ଼ିଆଡ଼ି ବେଲାଟିଏ ଅଲେ ଅଲେ ତାଙ୍ଗେ ହାହାଲି ଆଡ଼େମା; ସାମା ନୀଏଁ ଏଞ୍ଜାସି ଜୁଗୁ ରାନି ବେଲାତା ତାନ୍ତୁଏ ପୂଜାଲେହେଁ ହେରପାକତାମାନାକି ପାପୁ ହେକ କିୟାଲି ତଞ୍ଜା ଆହାମାନେସି । ୨୭ ବାରେ ଲକୁତାକି ଏନିକିଁ ରଣ୍ଡିଏ ଦେବା ହାନାୟି, ଅଡ଼େ ଏଦାନି ତାୟୁ ନୀହାଁୟି ମାନେ । ୨୮ ଏଲେକିହିଁଏ କ୍ରୀସ୍ତ ଜିକେଏ ହାରେକା ଲକୁତି ପାପୁ ଡ଼େକା ଅହାଲି ରଣ୍ଡିଏ ଦେବା ପୂଜା ଆହାଲି ହେରପାକତିତେସି, ଅଡ଼େ ଝେଣ୍ଡେ ପାପୁତି ତାକି ଆଏ, ସାମା ଆମିନି ଗାଟାରି ଏଞ୍ଜାଣାଇଁ କାଟାମାନେରି, ଏଞ୍ଜାରାଇଁ ଗେଲ୍ପାଲିତାକି ତଞ୍ଜାଆଡେନି ।

**୧୦**

୧ ଇଚିହିଁ ମସାତି ମେରା ଝାହିମାନି ଦିନାତି ନେହିଁ ସାୟୁଲେହେଁ ଆହାନା ଏ ବାରେତି ଝାଣା ଆଆତାକି ପୂଜେରାଜା ବାର୍ସା ତାକି ବାର୍ସା ଏ ରଣ୍ଡିଏ ରଲେତି ପୂଜା କିହିମାନାକି

ପ୍ରାତାନା କିନାରାଇଁ ଏଚେଲାଞ୍ଜା ତୀରି  
 କିହାଲି ଆଡ଼ଅରି । ୨ ଏଲେକିହ  
 ମାହାପୁରୁତି ସେବା କିନାରି ସାତେଏ  
 ପାପୁତି ନରଞ୍ଜି ଆଡ଼ିହୁଁମା, ଆଡ଼ିହୁଁ  
 ଏଞ୍ଜାରି ଅଡ଼େ ଜାହାରା ପାପୁ ଗାଟାତମି  
 ଇଞ୍ଜୁ ଅଣ୍ଡାପାଆତେରିମା, ଅଡ଼େ ବାରେ  
 ପୂଜା କିନାୟି ତୁଞ୍ଜିତେମା । ୩ ସାମା  
 ଏଲେକି ଆଆନା ବାର୍ଯ୍ୟା ତାକି ବାର୍ଯ୍ୟା  
 ପୂଜା କିହିମାନାକି ମାଣ୍ଡସିଇଁ ତାନି ପାପୁତି  
 ଅଣ୍ଡି କିଞ୍ଜିଆହିମାନେ । ୪ ଇତିହୁଁ  
 ବାଟା କଡ଼ିତି ନେତେରି ଆଠେ କି ଗରିତି  
 ନେତେରି ଆଠେ ଏଦି ଏଚେଲାଞ୍ଜା ମା  
 ପାପୁ ମ୍ଲେକ୍‌ହାଲି ଆଡ଼େଏ ।

୫ କ୍ରୀସ୍ତ ଦାରୁତିତା ଖାହାନା  
 ଏଲେଇଞ୍ଜାମାରେସି,  
 “ନାନୁ ପୂଜା ଅଡ଼େ ଦାନା ହୀନାଣି ରାହୁଁ  
 ଆଆତି,  
 ସାମା ନାନୁ ନାଞ୍ଜେତାକି ର ଆଞ୍ଜା  
 କେପିତି;

୬ ପାପୁତି ମ୍ଲେକ୍‌ହାଲି ନାନୁ ହିରୁତା ହୃତିନି  
 ପୂଜା ଅଡ଼େ ଜନ୍ତୁ ଡାକିନାଣି  
 ରାହୁଁ ଆଆତି ।

୭ ଏଚିବେଲା ନାନୁ ଏଲେଇଚେଏଁ,  
 ମାହାପୁରୁ, ନାନୁ ଇମ୍ପାଆଁ ମାଇଁ,  
 ନୀ ଅଣ୍ଡପୁତି କାମା କିହାଲି,  
 ଏନିକିହୁଁ ସାଠେସ୍ତରିତା ନା କାତା  
 ରାସ୍‌କି ଆହାମାନେ ।”

୮ ଏଞ୍ଜାସି ତଲିଏ ଖେସ୍‌ସେସି, “ନାନୁ  
 ମାଣ୍ଡସିତି ପାପୁ ମ୍ଲେକ୍‌ହାଲି ପୂଜା  
 କିନାଣି, ଦାନା ଇଞ୍ଜା ଜନ୍ତୁତି ହିରୁତା  
 ହୃତିନାଣି ଅପିହିଲଅତି; ଏବାରେ ନିଞ୍ଜେ  
 ରାହୁଁ କିୟାଲି ଆଡ଼େଏ ।” ଇ ବାରେ  
 ପୂଜା ମୋରାଲେହେଁ କିଞ୍ଜି ଆହାମାତି  
 ଜିକେଏ, ୯ ଅଡ଼େ ଜିକେଏ ଏଞ୍ଜାସି  
 ଏଲେଇଚେସି, “ମାହାପୁରୁ ମେହ୍‌ମ୍,  
 ନାନୁ ନୀ ମନଲେହେଁ କାମା କିହାଲି  
 ଖାହାମାଇଁ” ଏଦାଆଁତାକି ମାହାପୁରୁ ଇ  
 ବାରେ ପୂଜା ଅପାଆନା, ଏଦାଣି ପିସାନା  
 କ୍ରୀସ୍ତତି ପୂଜା ଅପିତେସି । ୧୦ ଜୀସୁ  
 କ୍ରୀସ୍ତ ରଣ୍ଡିଏ ଦେବା କାଲାକାଲାତାକି  
 ତାନି ଆଞ୍ଜାତି ହେରପାନା ମାହାପୁରୁତି  
 ମନତଲେ କାମା କିହାଲିଏ, ତାନି ଏ

ପୂଜାତି, ମାର ବାରେ ଜାଣାତାୟି ପାପୁତି  
 ଗେଲ୍‌ପି ଆହାନା ସୁଦୁ ଗାଟାତାୟି  
 ଆହାମାନାୟି ।

୧୧ ଅଡ଼େ ଜିକେଏ ବାରେ ଜୀହୁଦି  
 ପୂଜେରାଞ୍ଜା ବାରେଦିନା ସେବା କାମା  
 କିହାଲି ଅଲେ ଅଲେ ରଲେଏତି  
 ପୂଜା ହୀହାଲି ନିନେରି; ଇ ବାରେ  
 ଏଚେଲା ପାପୁ ମ୍ଲେକ୍‌ହାଲି ଆଡ଼େଏ ।  
 ୧୨ ସାମା କ୍ରୀସ୍ତ ପାପୁ ତାକି ରଣ୍ଡିଏ ଦେବା  
 ତାଞ୍ଜେ ପୂଜା ଅହାଲି ହେରପାକତିତି  
 ତାୟୁ କାଲେଏତାକି ମାହାପୁରୁ ଟିଃନି  
 ଟଟତା କୁରିତେସି; ୧୩ ମାହାପୁରୁ ତାନି  
 ସାତୁୟାଁଇଁ ଏଞ୍ଜାଣି କଡାୟାଁ ତଇ ଇଗାଆ  
 ପାତେକା ଏଞ୍ଜାସି ଏମ୍ପାଆଁ କାଡ଼ିମାନେସି  
 । ୧୪ ଇତିହୁଁ ଖାରଇ ରଣ୍ଡିଏ ପୂଜା  
 ହୀତି ତାଣାଟି ଏଞ୍ଜାସି ପାପୁତି ସୁଦୁ  
 ଆହାମାନି ଲକୁଇଁ କାଲେଏ ତାକି ତୀରି  
 କିହାମାନେସି ।

୧୫ ସୁଦୁଜୀସୁ ଜିକେଏ ମାଞ୍ଜେ ସାକି  
 ହୀହାନା ଖେସିମାଞ୍ଜାନେ ।

୧୬ ଇତିହୁଁ ପ୍ରୁ ଇ କାତା ଏଲେଇଞ୍ଜି  
 ମାନେସି,  
 “ଏ ଖାନ୍ତି ଦିନା ନାନୁ ଏଞ୍ଜାରିତଲେ  
 ଆମିନି ପୁଃନି ରାଜିମାନା କିଇଁ,  
 ଏଦି ଇଦି, ନାନୁ ଏଞ୍ଜାରି ହିୟାଁତା ମସାତି  
 ମୋରା ହାଇଁ,  
 ଇଞ୍ଜା ଏଞ୍ଜାରି ମନତା ଏ ବାରେ  
 ରାଡ଼ିଇଁ ।”

୧୭ ଅଡ଼େ ଏଞ୍ଜାସି ଏଲେଇଞ୍ଜି ମାନେସି,  
 “ନାନୁ ଏଞ୍ଜାରି ପାପୁ ଅଡ଼େ ଲାଗେଏତି  
 କାମାୟାଁ ଏଚେଲାଞ୍ଜା ଖେଣ୍ଡେ ଅଣ୍ଡପଅଁ  
 ।” ୧୮ ଇଦାଆଁତାକି ବାରେ ପାପୁ ଦହ  
 ମୋଣ୍ଡିସାରେ ଅଡ଼େ ଏଚେଲାଞ୍ଜା ପୂଜା  
 ହୀହାଲି ଲଡା ଆଏ ।

ମାହାପୁରୁ ତାଗେ ହାନାୟି  
 ୧୯ ଏଦାଆଁତାକି ଏ ତାୟିୟାଁ ଅଡ଼େ  
 ତାଞ୍ଜିସ୍ତା, ଜୀସୁତି ହାହାମାନାକି ମାର  
 ସୁଦୁ ଟାୟୁତା ହଡାଲି କାଜା ଅଦିକାରା  
 ବେଟା ଆହାମାନାୟି, ୨୦ ଏଞ୍ଜାସି  
 ଲେଟାମାନି ତାନି ଆଞ୍ଜା ଲେହେଁତି  
 ଟାଡ଼ିନି ହିମ୍ପରି ତଲେ ମାଞ୍ଜେତାକି ର  
 ପୁଃନି ଇଞ୍ଜା ନୀଡିନି ଜିରୁ ଦେଟାମାନେସି

। ୨୧ ମାହାପୁରୁ ଇଲୁ ନୀର୍ବ୍ୟ ମା କାଜା ପୂଜେରା ତାଣା ମାନେ, ୨୨ ଏଦାଆଁତାକି ଖାଦୁ, ମାର ସୁଦୁ ହିର୍ଯ୍ୟା ଅଡେ ଆଟ୍ଠା ନାମୁଟି ମାହାପୁରୁ ନକିତା ହାନ; ଇତିହିଂ ମାର ନୀର୍ବ୍ୟ ପାପୁ ଅଣ୍ଠୁଟି ଅଟ୍ଠି ଆହାମାନାୟି ଅଡେ ମା ଆଜା କ୍ରୀସୁତି ନେତେରି ତଲେ ନରୁଝି ଆହାମାନେ । ୨୩ ମାର ଝେକହାମାନି ଆସା ବାସୁତି ବାଡ଼ୁ ତଲେ ଆହନ, ଏନାଆଁତାକି ଇତିହିଂ ମାହାପୁରୁ ଆଞ୍ଜାମାନେସି, ଏଞ୍ଜାସି ଟିକାଣାତାସି; ୨୪ ଅଡେ ଜୀଝୁ ନଝି ଆହାଲି ଇଞ୍ଜା ନେହିଂ କାମା କିଝି କହାଲିତାକି ରଅତାୟି ରଅଣାଇଁ ସାୟେମି କହାଲି ମନ ହାନ, ୨୫ ଅଡେ ଆମ୍ବା ଆମ୍ବାଆରି ମାହାପୁରୁ କୁଲମି ପ୍ରାତାନାତା ରୁଣ୍ଡା ଆହାଲି ହେଲା ଆନେରି, ମାର ଏଲେକିଂ କିଆପ; ସାମା ରଅତାୟି ରଅଣାଇଁ ବାସୁ ହାଝିଆନ, ଏନାଆଁତାକି ଇତିହିଂ ପ୍ରୁ ଝାନି ଦିନା ତାଗେ ଝାହିମାନେ ଇଞ୍ଜିଂ ମେସିମାନାୟି ।

୨୬ ମା ନକିତା ସାତା ତଞ୍ଜା ଆଡି ଜେତ ମାର ପୁଞ୍ଜି ପୁଞ୍ଜିହିଂ ପାପୁ କିହିମାନାୟି, ଆଡିହିଂ ଏନି ପୂଜା ପାପୁଟି ଗେଲପାଲି ଆଡେଏ, ୨୭ ଆଡିହିଂ ମାର ଝାହିମାନି କାଜା ନୀର୍ବ୍ୟାୟି ନକିତା ମାହାପୁରୁଇଁ ଅପାଆଗାଟି ଲକୁ ତାକି ମାନି ହିତୁତା ନାସା ଆନାଣି ଆଜାନା ତୁୟିନି ପିସପେ ମାଡି ଅଡେ ଏଟକା ଏନି ତଣ୍ଡ ହିଲେଏ । ୨୮ ଆମ୍ବାଆସି ମସା ମେରାତି ମାନଝି ଆଆସାରେ, ଏଞ୍ଜାସି କାର୍ମା ମେସପି ଆଆନା ରିଆରି କି ତାନି ଜାଣା ସାକି ତଲେ ଦହଗାଗାସି ଇଞ୍ଜିଂ ପୁଞ୍ଜାନା, ଏଞ୍ଜାଣାଇଁ କାର୍ମା ମେହୁଆନା ହାନି ତଣ୍ଡ ହାଝିଆନେ । ୨୯ ଇଞ୍ଜା ଅଣ୍ଠୁପାଦୁ ଆମ୍ବାଆସି ମାହାପୁରୁ ମୀରଏଣାଇଁ କଡ଼ା ତୁଇ ଝିସାମାନେସି, ପୁଝିନି ରାଜିମାନାତି ଆମିନି ନେତେରି ତଲେ ଏଞ୍ଜାସି ସୁଦୁ ଆହାମାନେସି, ଏଞ୍ଜାଣାଇଁ ଉଣା ଇଞ୍ଜିଂ ଅଣ୍ଠୁପାମାନେସି ଅଡେ କାର୍ମା ହାନି ଜୀଝୁଟି ଅପାହିଲଅସି, ଏଞ୍ଜାସି ଏଚେକା ହାଚେଏ ତଣ୍ଡ ବେଟାଆଅସି

! ୩୦ ଇତିହିଂ ମାର ପୁଞ୍ଜାମାନାୟି, “ବାଦୁଲି ଅନାୟି ନା ଅଦିକାରା, ନାନୁ ତାନି କାମାତି ପାଡେୟି ହୀଇଁ” ଆମ୍ବାଆସି ଇ କାତା ଏଲେଇଞ୍ଜା ମାନେସି, ଏଞ୍ଜାଣାଇଁ ନାନୁ ପୁଞ୍ଜାମାଇଁ, ଅଡେ ଜିକେଏ “ପ୍ରୁ ତାନି ଲକୁଇଁ ନୀର୍ବ୍ୟାୟି କିନେସି ।” ୩୧ ନୀତାମାନି ମାହାପୁରୁ କେନୁତା ହେରୁଝିନାୟି ଏଡି ହାଚେକା ଆଜିହିଂପେତାୟି ।

୩୨ ସାମା ଉଜେଡି ମେସି ତାୟି ଏରିବେଲାତା ମୀରୁ ହାଚେକା ଦୁକୁ କସୁ ବେଟାଆହାନା ହାଚେ ଆହାହିଲଅତେରି, ମୀରୁ ଏ ତଲି କାଲାତି ଅଣ୍ଠୁପାଦୁ; ସାମା ମୀରୁ ଏଚେଲାଝା ହାଚେ ଆହା ହୀଲଅତେରି । ୩୩ ରକଝାକି ଅପାଆ ଗାଟାତେରି ଅଡେ କସୁତା ଲାଜା କିଝିଆହିମାତେରି, ଅରଝାକି ଏଲେକିହିଂଏ ମାହାପୁରୁ ଲେମ୍ବିମାନି ଲକୁତଲେ ଆଣ୍ଡିମାଚେରି । ୩୪ ଇତିହିଂ ମୀରୁ କାୟିଦି ଗାଟାରି ତଲେ ଆଣ୍ଡାନା ଦୁକୁ ବେଟା ଆହାମାଚେରି, ଅଡେ ମିଙ୍ଗେ ମୀ ହାଚେକା ନେହିଂ କାଚେଲଏତି ବାଡ଼କୁ ମାନେ, ଇଦାଆଁ ପୁଞ୍ଜାନା ରାହାତଲେ ମୀ ଦନ ମାଣ୍ଡାତା ଅନାଣି ମୀରୁ ଅରହିମାଚେରି । ୩୫ ଇଦାଆଁତାକି ମୀରୁ, ମୀ ସାସା ପିହିଆଦୁ ଇତିହିଂ ଏମ୍ବାଟି ହାଚେକା ଦାନା ମାନେ । ୩୬ ମାହାପୁରୁଟି ଅଣ୍ଠୁ ପୂରା କିହାନା ଏଞ୍ଜାସି ଆଞ୍ଜାମାନାଣି ବେଟାଆହାଲି ଆଡିଦେରି, ଏଦାଆଁତାକି ମୀରୁ ସାସା ଆସାନା ତୁୟାଦୁ । ୩୭ ଇତିହିଂ ଦାମ୍ବୁପତିତା ରାସ୍ତି ଆହାମାନେ,

“ଇତିହିଂ ହାଚେକା ଉଣା ବେଲା ମାନେ,

ଆମ୍ବାଆସି ଝାନାୟି ମାନେ, ଏଞ୍ଜାସି ଝାନେସି;

ଅଡେ ଏଞ୍ଜାସି ଝେଡ଼ା କିଅସି ।

୩୮ ନା ଦାମ୍ବୁଟି ମାଣ୍ଡି ନାମୁତଲେ ନୀଡିନାସି,

ସାମା ଆମ୍ବାଆସି ନା ତାଣାଟି ଗୁତା ଆନେସି,



ଆତିହୁଁ ଏଝାଣି ତାଣା ନା ଜୀଝୁ  
 ରାହୁଁ ଆଏ ।”  
 ୩୯ ସାମା ଆମ୍ବାଆରି ନାସା ଆହାଲି  
 ଝେଣ୍ଡେ ଗୁତା ଆନେରି, ମାମ୍ବୁଏଝାରି  
 ଗଚିତି ଲକୁ ଆଏ, ସାମା ଆମ୍ବାଆରି  
 ଜୀଝୁତି ଗେଲପି ଆହାଲି ନାମିନେରି,  
 ମାମ୍ବୁଏଝାରି ଗଚିତି ଲକୁତମି ।

**୧୧**

ନାମୁ

୧ ନାମୁ ଇଚିହୁଁ ଆସା କିହିମାନାଣି  
 ବାରେ ସାତେଏ ବେଟାଆନାୟି, ଇଞ୍ଜା  
 ତଞ୍ଜାଆଆଗାଟାୟି ସାତେଏ ମାନେ  
 ଇଞ୍ଜୁଁ ପୁନାୟିଏ ନାମୁ । ୨ ତଲିତି  
 ମା ଆକୁୟାଁ ମାହାପୁରୁଇଁ ନାମାଲିଏ  
 ମାହାପୁରୁ ତାଣା ଝେଞ୍ଜିତେରି ।

୩ \*ମାର ନାମୁଟି ପୁନାୟି, ବାରେ  
 ଦାର୍ତି ମାହାପୁରୁତି ବଲୁ ତଲେ ଗାଡ଼ି  
 ଆଡେ, ଅଡେ ଏନାୟିଝା ତଞ୍ଜା ଆଆଗାଟି  
 ତାଣାଟି ତଞ୍ଜା ଆନାୟି ଗାଡ଼ି ଆହା  
 ହିଲେଏ ।

୪ ନାମୁଟି ହେବଲ ମାହାପୁରୁ  
 ନକିତା କୟିନ କିହୁଁ ନେହୁଁ  
 ପୂଜା ହେରପିତେସି ଇଞ୍ଜା ଏଦାଣି  
 ତଲେ ଏଝାସି ଦାର୍ମୁଗାଟାସି ଆଡେସି;  
 ମାହାପୁରୁ ତାନ୍ତୁଏ ତାନି ଦାନାତାକି  
 ସାକି ହୀତେସି, ଅଡେ ଏଝାସି ହାଡ଼ି  
 ଜିକେଏ ନୀଞ୍ଜୁପାତେକା ନାମୁଟି କାତା  
 ଆହିମାନେସି ।

୫ ନାମୁଟି ହନକ ହାଆନା ମାହାପୁରୁ  
 ତାଣା ଅଝିଆଡେସି ଇଞ୍ଜା ମେଣ୍ଡିତେସି;  
 ଅଡେ ଏଝାସି ତଞ୍ଜା ଆଆଡେସି,  
 ଇଚିହୁଁ ମାହାପୁରୁ ଏଝାଣାଇଁ ଅହାନା  
 ମେଣ୍ଡିକିତେସି, ଏଝାସି ମାହାପୁରୁତି  
 ରାହୁଁ ଗାଟାସି, ମେଣ୍ଡିକିନି ନକେଏ  
 ଏଝାସି ଏକାତା ଝେଞ୍ଜାମାତେସି; ୬ ଅଡେ  
 ନାମୁ ହିଲାଆନା ଆମ୍ବାଆସି ମାହାପୁରୁଇଁ  
 ରାହୁଁ କିହାଲି ଆଡ଼ଅସି, ଇଚିହୁଁ  
 ମାହାପୁରୁ ସାତେଏ ମାନେସି ଇଞ୍ଜୁଁ,  
 ଅଡେ ଏଝାସି ତାଞ୍ଜେ ପାରିନାରାଇଁ  
 ତାନି କିତି କାମାଟି ପାଡ଼େୟି ହୀନେସି,

ଇଦାଆଁ ଏଝାଣି ତାଣା ଝାନ୍ତି ଲକୁ  
 ନାମିନାୟିମାନେ ।

୭ ନାମୁଟି ନହୁ ଏ ବେଲା ପାତେକା  
 ତଞ୍ଜା ଆଆଗାଟି କାତାତାକି ହୁକୁମି  
 ବେଟାଆହାନା ଆଜିତଲେ ତାନି କୁଟମି  
 ଗେଲପାଲିତାକି ର ଜାଜା କେପିତେସି,  
 ଇଞ୍ଜା ଏ ନାମୁତଲେ ଏଝାସି ଦାର୍ତିତି  
 ଦହୁ କିହାନା ନାମୁତଲେ ମାହାପୁରୁ  
 ନକିତା ଦାର୍ମୁଗାଟାସି ଆଡେସି ।

୮ ନାମୁଟି ଅବ୍ରାହାମ ମାହାପୁରୁ ତାଣାଟି  
 ହାଟୁକି ଆହାଲିଏ, ଆମିନି ଦେସା  
 ଏଝାସି ବେଟାଆହାଲି ହାଜିମାତେସି,  
 କାତା ମାନଝି ଆହାନା ଏମ୍ବାଆଁ ହାଜାଲି  
 ହଡେସି, ଏଝାସି ଏମ୍ବିୟା ହାଜିମାନେସି,  
 ଏଦାଆଁ ଏଝାସି ପୁନାଆନା ଜିକେଏ  
 ହଟାହାତେସି । ୯ ନାମୁଟି ଏଝାସି ଏବକା  
 ଦେସାତାରିଲେହେଁ ଆଞ୍ଜାମାନି ଦେସାତା  
 ବାସା କିତେସି, ଏଝାସି ତୁମୁତା ବାସା  
 କିତେସି ଅଡେ ଏଝାଣିଲେହେଁ ମାହାପୁରୁ  
 ଆଞ୍ଜାଲିଏ ଇସାହାକ ଅଡେ ଜାକୁବ  
 ଜିକେଏ ତୁମୁ ଇଲୁତା ବାସା କିତେରି  
 । ୧୦ ଇଚିହୁଁ ଆମିନି ଗାଡ଼ା କାଲେଏ  
 ତାକି ପୁନାଦି ଲେହେଁ ଅଡେ ମାହାପୁରୁ  
 ତାନ୍ତୁଏ କେପାମାନେସି, ଅବ୍ରାହାମ ଏ  
 ଗାଡ଼ା ବେଟାଆହାଲି କାଟାମାତେସି ।

୧୧ ନାମୁତଲେ ସାରା ବାଡ଼େଞ୍ଜି ଆହୁଁ  
 ତାନ୍ତୁଏ ଜିକେଏ ଆଞ୍ଜାମାନାଣାଇଁ ଦୂତି  
 ବୁଡ଼ହି ଆହାମାଟି ଜିକେଏ ପୁରାମାସା  
 ଆହାଲି ବାଡ଼ୁୟୁ ବେଟାଆଡେ;  
 ୧୨ ଅବ୍ରାହାମ ଦୂତି ବୁଡ଼ହା ଆହାମାଟି  
 ଜିକେଏ ଏଝାଣି ତାଣାଟି ହାଗୁତି ହୁକାୟାଁ  
 ଅଡେ ସାମ୍ବୁରିତି ବାଝଲି ଲେହେଁ  
 ଏଜିକିହାଲି ଆଡ଼ାଆଗାଟି ର ହାଡ଼େକା  
 କୂଡ଼ା ଜାନା ଆଡେରି ।

୧୩ ଏ ବାରେଜାଣା ମାହାପୁରୁଇଁ  
 ନାମାହୁଁ ହାତେରି; ଏଝାରି ମାହାପୁରୁ  
 ଆଞ୍ଜାମାଟାଣି ପୁଞ୍ଜାଆତି ଜିକେଏ ହେକଟି  
 ଏ ବାରେ ମେସାନା ରାହୁଁ ଆଡେରି  
 ଇଞ୍ଜା ଦାର୍ତିତା ମାମ୍ବୁରୁନାଦେସା ଅଡେ  
 ବାସା କିହାମାନମି ଇଞ୍ଜୁଁ ଜଲିତେରି ।  
 ୧୪ ଇଚିହୁଁ ଆମିନି ଗାଟାରି ଇଲେତି

\* ୧୧:୩ ୧୧:୩ ଇହ ୧:୩

କାତା ଜଲିନେରି, ଏଞ୍ଜାରି ତାମି ଅଡ଼େ  
ର ଦେସା ପାରିମାନେରି ଇଞ୍ଜି  
ଝେସିମାନେରି । ୧୫ ଏଞ୍ଜାରି ଆମିନି  
ଦେସା ପିସା ଖାହାମାଚେରି, ଏ ଦେସାତି  
ଅଡ଼େ ଅଣ୍ପି ହିଲାଆଚେରି । ଏଞ୍ଜାରି  
ଅଣ୍ପିତହୁଁମା ଏ ଦେସାତା ଝେଣ୍ଡେ  
ହାଜାଲି ଆଡ଼ିଚେରିମା । ୧୬ ସାମା  
ଏଞ୍ଜାରି ର ହାରେକା ନେହାଣି ଇଚିହୁଁ  
ଲାକପୁରୁ ଦେସାତି ଅଣ୍ପିମାଚେରି;  
ଏଦାଆଁତାକି ମାହାପୁରୁଇଁ ଏଞ୍ଜାରି ମା  
ମାହାପୁରୁ ଇଞ୍ଜି ଝେଙ୍ଗି କିହାଲି  
ଲାଜା ଆହା ହିଲାଆଚେରି, ଇଚିହୁଁ  
ଏଞ୍ଜାସି ଏଞ୍ଜାରି ତାକି ର ଗାଡ଼ା ତାରି  
କିହାମାନେସି ।

୧୭ ନାମୁତଲେ ଅବ୍ରାହାମ ତାୟିପାରି  
କିଞ୍ଚିଆହାଁ ଇସାହାକଇଁ ପୂଜା କିହାଲି  
ହେରପିତେସି, ଆମିନି ମାଣସି  
ଆଞ୍ଜାମାଚାଣି ମେଡ଼ା ଆହାମାଚେସି,  
ଆମ୍ବାଆରାଇଁ ଏଲେଇଞ୍ଜାମାଚେସି,  
୧୮ “ଇସାହାକ ତାଣ୍ଡାଟି ନୀ କୁଡ଼ା  
ଝେଙ୍ଗିନେରି, ଏ ମାଣସି ତାନି ରଣ୍ଡିଏ  
ମୀରଏଣାଇଁ ଡାକିନି ପୂଜା ହୀହାଲି  
ହାଜିମାଚେସି ।” ୧୯ ଇସାହାକଇଁ  
ମାହାପୁରୁ ହାଡ଼ାରି ତାଣ୍ଡାଟି ଜିକେଏ  
ନିକହାଲି ଆଡ଼ିମାନେସି ଇଞ୍ଜି  
ଅଣ୍ପିମାଚେସି, ଇଞ୍ଜା ଅବ୍ରାହାମ  
ସାତେଏ ଇସାହାକଇଁ ହାକିଟି ଝେଣ୍ଡେ  
ବେଟାଆଚେସି ।

୨୦ ନାମୁତଲେ ଇସାହାକ ଖାହିନି  
ଦିନାତା ନେହୁଁ ଆପେ ଇଞ୍ଜି  
ଅଣ୍ପିମାନା ଜାକୁବ ଅଡ଼େ ଏସାଝୁଇଁ ବର  
ହୀଚେସି ।

୨୧ ନାମୁତଲେ ଜାକୁବ ହାନ୍ତି ବେଲାତା  
ଜସେପତି ରୀ ମୀରକାଣି ବର ହୀଚେସି,  
ଇଞ୍ଜା ତାନି କୁତା ବାଡ଼ଗାତା ଚେଣ୍ଡାନା  
ମାହାପୁରୁଇଁ ଜହରା କିଚେସି ।

୨୨ ଜସେପ ହାନ୍ତି ବେଲାତା  
ନାମୁତଲେ ଇସ୍ରାୟେଲ ଲକୁ ମିସର  
ଦେସାତି ହରାହାନି କାତା ଝେସୁସି ।  
ଇଞ୍ଜା ତାନି ପେଡ଼କା ତୁମକା ତାକି ହୁକୁମି  
ହୀଚେସି ।

୨୩ ନାମୁତଲେ ମସାତି ତାଲି ତାଞ୍ଜି  
ଏଞ୍ଜାଣି ଜାନୀଆଡ଼ି ଦିନାଟିଏ ଏଞ୍ଜାଣାଇଁ ର

ଅଜିତି କକାସି ଇଞ୍ଜି ମେସାନା ରାଜା  
ହୁକୁମି ଆଜାଆନା ତାନି ଲେଞ୍ଜୁ ପାଚେକା  
ଏଞ୍ଜାଣାଇଁ ଡ଼କୁହାନା ଇଟାମାତୁ ।

୨୪ ମସା ନାମୁତଲେ ପାତାଆଡ଼ି ଡାୟୁ  
ପାର ରାଜା ମାଜାତି ମୀରଏସି ଇଞ୍ଜି  
ଝେଙ୍ଗାଲି କୁଚେସି । ୨୫ ଗାଡ଼େକା  
ତାକି ପାପୁ ତଲେ ରାହାଁ ବେଟାଆନାଣି  
କିହାଁ ମାହାପୁରୁ ଲକୁତଲେ ଦୁକୁ କସୁ  
ଅରୁହିନାୟି ନେହାୟି ଇଞ୍ଜି ଅପିଚେସି  
। ୨୬ ମିସର ବାରେ ଦେସାତି ଦନ  
କିହାଁ କ୍ରୀସୁତି ନିନ୍ଦା ବେଟାଆନାୟି  
ବାରେକିହାଁ କାଜା ଦନ ଇଞ୍ଜି  
ଅଣ୍ପିଚେସି, ଇଚିହୁଁ ଏଞ୍ଜାସି ଖାନି  
ଦିନାଣା ବେଟାଆନି ଦନତି ସିନକିଚେସି  
।

୨୭ ମସା ନାମୁତଲେ ରାଜା କପାତି  
ଆଜାଆନା ମିସର ଦେସା ପିସାହାଚେସି,  
ଇଞ୍ଜା ଆମ୍ବାଆସି ମେହୁଆଗାଟି  
ମାହାପୁରୁଇଁ ମେସିଲେହେଁ ଅରହାନା  
ଡ଼ୟିଚେସି । ୨୮ ନାମୁତଲେ ଏଞ୍ଜାସି  
ପିସପିଆନି ପାରୁଡ଼ି ଅଡ଼େ ନେତେରି  
ଡ଼ାଞ୍ଜିନି ମେରା ମାନଞ୍ଜି ଆଚେସି,  
ଏନିକଁ ପାଣ୍ଡା ମୀରକାଣି ପାୟିନାସି  
ଇସ୍ରାୟେଲ ମୀରକାଣି ତୀଗେଏ ।

୨୯ ଇସ୍ରାୟେଲ ଲକୁ ନାମୁତଲେ  
ଖାୟିତି ବୁମିତା ତାକିନି ଲେହେଁ ସୁପ  
ସାମଦୁରି ଗାଣ୍ଡଚେରି, ସାମା ମିସର  
ଦେସାତାରି ଏଲେକଁ ଗାଣ୍ଡତାଲି  
ଅଣ୍ପିମାନା ସାମଦୁରିତା ମୁଞ୍ଜାନା ହାଡ଼େରି  
।

୩୦ ଇସ୍ରାୟେଲ ଲକୁ ନାମୁତଲେ ସାତା  
ଦିନା ପାଚେକା ଜିରିହ ଗାଡ଼ାଟି କଟା  
ସାରିସୁରୁ ରେଚିତାୟୁ ବିଡ଼ହାହାଚେ ।  
୩୧ ନାମୁତଲେ ରାହାବ ଦାରେଣି ଦେସା  
ସିନକିହାଲି ମେଣେଏ ଖାହାମାଚାରାଇଁ  
ଟାୟୁ ହୀତାକି ମାହାପୁରୁଇଁ ମାନଞ୍ଜି  
ଆଆଗାଟାରି ତଲେ ନାସା ଆଆନା  
ହଡ଼ଡ଼ି ବେଟାଆଡ଼େ ।

୩୨ ଅଡ଼େ ଆଗାଡ଼ା ଏନାଆଁ ଝେସୁଇଁ,  
ଗିଦିୟନ, ବାରକ, ସାମସନ, ଜିପୁହ,  
ଦାଝୁବ, ସାମୁୟେଲ ଅଡ଼େ ମାହାପୁରୁ  
ଅଣ୍ପିପୁତି ବଲୁ ଝେହନାରି କାତା  
ମିଙ୍ଗେ ଝେସାଲି ବେଲା ହାଲେଏ

୧୨

। ୩୩ ନାମୁତଲେ ଏଞ୍ଜାରି ହାରେକା ରାଜିୟାଣି ଜୁଜୁ କିହାନା ଜାଣା ଆଡେରି, ଦାମ୍ବୁକାମା କିତେରି, ମାହାପୁରୁ ଆଞ୍ଜାମାନାଣି ବେଟାଆଡେରି, ସିହି କ୍ଷାଣିୟା ଗୁଡି ମୁଦା କିତେରି । ୩୪ ଏଞ୍ଜାରି ଆଜିହପେତି ତୀଞ୍ଜିନି ହିରୁ ତୁପହେରି, ତୁଣ୍ଡିନି ତାଣାଟି ପିସ୍ପିଆଡେରି, ଏଞ୍ଜାରି ବାଡ଼ୟୁ ହିଲାଆ ବେଲାତା ବାଡ଼ୟୁ ବେଟାଆଡେରି, ଜୁଜୁତା ଜାଣା ଆଡେରି, ଅଡେ ମାହାପୁରୁଇଁ ନାମାଆତାରି ଜୁଜୁକିନି କସ୍‌କାଣି ଜାଣାଆହାନା ପେର୍‌ହାତୁସ୍ପେରି । ୩୫ ନାମୁଟି ଆୟାସିକା ତାମି ଲକୁ ବିତ୍ତାଟି ହାତାରାଇଁ ନିପକି ଆହାନା ଝେଣ୍ଡେ ବେଟାଆଡୁ; ଏତରଜାଣା ଝେଣ୍ଡେ ନିଜିନାଣି ମେଡ଼ା ଆହାଲିତାକି ଗେଲପି ଆହାଲି ମନ କିଆନା ଆଜିହପେତି କସ୍ତ ବେଟାଆଡେରି । ୩୬ ଏତର ଜାଣାଇଁ ନିନ୍ଦା କିହାନା କାକହେରି, ଏତର ଜାଣାଇଁ ସାଟ୍‌ଣି ତୁରି ତଲେ ଝେତେରି, ଏତର ଜାଣାଇଁ ହିକ୍‌ଣିୟା ତଲେ ଦସାନା କାୟିଦି ଇଲୁ ତାଣାଟି ତାୟିପାରି କିଞ୍ଚି ଆଡେରି । ୩୭ ଆମ୍ବାଆରି ଖାଲକାତଲେ ପାୟୁଞ୍ଚି ଆଡେରି, ଆମ୍ବାଆରି କରତ ତଲେ ରୀ ଗାଣ୍ଡୁ । କିହି ରାଡ଼ପିଆଡେରି, ଇଞ୍ଜା କାଣ୍ଡାତଲେ ପାୟୁଞ୍ଚି ଆଡେରି, ଆମ୍ବା ଆମ୍ବାଆରି ମେଣ୍ଡା ଅଡେ ଗରି ତଲକା, ହୁଚାନା ରାନ୍ଦାକୁତା ବେଟାଆଆନା କସ୍ତ, ଲାଗି ବେଟାଆହିଁ ଇତାଲା ଆତାଲା ରେଚେରି । ୩୮ ଏଞ୍ଜାରି ଦେସାଟି ଲକୁ ହିଲାଆ ତାଣା, ହରକାଣା, ପାଞ୍ଜୁୟାଣା ଅଡେ ଗାଣ୍ଡୁଆଣା ବାସା କିତେରି; ଦାରତିତି ଏଞ୍ଜାରାକି ନୀତାଲି ଜଟେ ହିଲାଆଡେ । ୩୯ ଏଞ୍ଜାରି ନାମୁତଲେ ଇ ବାରେ ନେହିଁ ଝେଙ୍ଗାମାଟି ଜିକେଏ ଆଞ୍ଜାମାଚାଣି ବେଟାଆଆଡେରି, ୪୦ ଇତିହିଁ ମାହାପୁରୁ ମାଙ୍ଗେତାକି ହାରେକା ନେହାଣି କିହିଁ ଇଟାମାନେସି, ଏନିକ୍‌ ଏଞ୍ଜାରି ମା ତଲେ ଏନିକ୍‌ ତୀରି ଆନେରି ଇଞ୍ଜା ମାହାପୁରୁତି ଅଣ୍ଡୁ ମାତେ ।

ମାହାପୁରୁ ମା ଆଡ଼ା

୧ ଇଦାଆଁତାକି ଇଚେକା କାଜା ହାଗୁଲେହେ ସାକି ହାହାମାନାରି ମା ସାରିସୁଟୁ ମାନାକି, ଖାଦୁ ମାର ବାରେତି ବଜୁ ଅଡେ ଆଙ୍ଗାମାଞ୍ଜାନି ପାପୁ ପିସାନା ନାମୁତା ନକିନାସି ଅଡେ ତୀରିକିନି ଜୀସୁଇଁ ସିନିକିହାନା ସାସାତଲେ ମା ନକିତା ତୀରିଆହାମାନି ଟାୟୁତା ହଣ୍ଡନ । ୨ ମା ନାମୁ ତାକି ନକିନାସି ଅଡେ ନାମୁତା ବାସୁକିନି ଜୀସୁଇଁ ମାର ସିନିକିନ । ଏଞ୍ଜାସି ନକିତା ମାନି ରାହାଁ ବେଟାଆହାଲି ପାସି ମୁଣ୍ଡାତା ଲାଜା ବେଟାଆହାନା ହାନି ପାଡେକା ଅର୍‌ହିତେସି ଇଞ୍ଜା ଏଞ୍ଜାସି ନୀର୍‌ ମାହାପୁରୁ ସିଂଗାସାଣି ଚିଠିନ ଟଟତା କୁଗାମାନେସି । ୩ ମୀରୁ ଏନିକ୍‌ ମୀ ମନତା ଖାହୁ ଖାହୁଅଡେରି; ଇଦାଆଁତାକି ପାପୁ ଗାଟାରି ତାଣାଟି ତାନି କପାଟି ଏତେକା କସ୍ତ ଅର୍‌ହିତେସି, ଏଞ୍ଜାଣି କାତା ମୀରୁ ଅଣ୍ଡପାଦୁ । ୪ ମୀରୁ ପାପୁ କପାଟି ଜୁଜୁ କିହାନା ନୀର୍‌ ପାଡେକା ମୀ ନେତେରି ହାନି ପାଡେକା ଆଙ୍ଗା ହିଲଅଡେରି । ୫ ମାହାପୁରୁ ମିଙ୍ଗେ ମୀର୍‌କାତେରି ଲେହେଁ ଝେସାମାଞ୍ଜାନି, ସାସାହାନି କାତା ବାଣାଆଡେରି କି ? “ଏ ନା ମୀର୍‌ଏଣାଟି, ପ୍ରବୁ ସାଲଞ୍ଚି କିୟାନାଣି ଉଜେଏତାୟି ଇଞ୍ଜା ଇନାଆନି, ଆଆତ ଏଞ୍ଜାଣି ତାଣାଟି ଦାକା ବେଟାଆଡ଼ିସାରେ ସାସା ପିହିଆନି; ୬ ଏନାଆଁତାକି ଇତିହିଁ ପ୍ରବୁ ଆମ୍ବାଆରାଇଁ ଜୀଞ୍ଜୁ ନନେସି, ଏଞ୍ଜାଣାଇଁ ଜାଗ୍ରାତା କିହିଁ ଜାପୁନେସି ଅଡେ ଆମିନି ମୀର୍‌ଏଣାଇଁ ଆବିନେସି, ଏଞ୍ଜାଣାଇଁ ସାସି ହାନେସି ।” ୭ ନେହାଁତେରି ଆହାଲି କସ୍ତ ଅର୍‌ହି ମାଞ୍ଜେରି, ମାହାପୁରୁ ମିଙ୍ଗେ ମୀର୍‌କା ଲେହେଁ ଲେସିମାଞ୍ଜାନେସି, ଇତିହିଁ ଆଡ଼ା ଆମ୍ବାଆରାଇଁ ତଣ୍ଡୁ ହାଅସି ଇଲେତି ମୀର୍‌ଏସି ଆମ୍ବାଆସି ମାନେସି ? ” ସାମା

ଆମିନି ତଣ୍ଡତା ବାରେ ଆଣ୍ଟିନେରି, ଇଞ୍ଜା ମୀରୁ ଏମ୍ବାଆଁ ଆଣ୍ଟାଆତାତେରି, ଆତିହ୍ ମୀରୁ ମୀରକା ଆଆନା ଦାରେଣି ମୀରକା ଆଦେରି । ୯ ଅଡ଼େ ଜିକେଏ, ମା ଦାରିତିତି ତାଞ୍ଜିୟାଁ ମାଙ୍ଗେ ସାସ୍ତି ହୀୟାତି ଜିକେଏ ଏଞ୍ଜାରାକ୍ ମୀର ମାନି କିତାୟି, ଆତିହ୍ ମା ଲାକପୁରୁତି ଆବାକ୍ ଏଚେ ହାରେକା ମାନଞ୍ଜି ଆହାନା ଜୀଞ୍ଜୁ ବେଟା ଆଆୟି ? ୧୦ ମା ଦାରିତିତି ତାଞ୍ଜିୟାଁ ତାନି ଅଣ୍ଟପୁତା ନେହ୍ ଆନିଲେହେଁ ମାଙ୍ଗେ ଗାଡ଼େକା ଦିନାତାକି ସାସ୍ତି ହିୟାତେରି; ସାମା ମୀର ଏନିକ୍ ମାହାପୁରୁତି ସୁଦୁତା ଆଣ୍ଟାଲି ଆଡ଼ିନାୟି, ଇଦାଆଁତାକି ମାହାପୁରୁ ମା ନେହ୍ ତାକି ମାଙ୍ଗେ ତଣ୍ଡ ହିୟାନେସି । ୧୧ ମୀର ସାସ୍ତି ବେଟାଆନାୟି ରାହାଁଗାଟାୟି ଆଆନା ଦୁକୁ ଗାଟାୟି ଆନେ, ଆଡ଼ିଜିକେଏ ଆମିନି ଗାଟାରି ଏମ୍ବାଟି ଜାପାମାନେରି, ତାୟୁ ଏଞ୍ଜାରାକି ହିଡ଼ଡ଼ିତି ପାଡ଼େୟି ଲେହେଁ ଦାମ୍ବୁତି ପାଡ଼େୟି ବେଟାଆନେରି ।

୧୨ ଖେହନାୟି ଇଞ୍ଜା ଜାଗ୍ରାତା କିନାୟି

୧୨ ଇଦାଆଁତାକି ମୀରୁ ବାଡ଼ୟୁ ହିଲାଆ କେସ୍ତା ପେର୍ବୁ ଅଡ଼େ ବାଡ଼ୟୁ ହିଲାଆ ମେଣ୍ଟାୟାଁ ବାଡ଼ୟୁ କିଦୁ । ୧୩ ସଲକେ ଜିରୁତା ତାକାଦୁ; ଆତିହ୍, ମୀ ସଟା ଆଡ଼ି କତା ଆଡ଼ାଆଗାଟାୟି ଆଆନା ନେହ୍ ଆନେ ।

୧୪ ବାରେଜାଣା ତଲେ ହିଡ଼ଡ଼ି ତଲେ ମାଞ୍ଜାଲି ଅଣ୍ଟପାଦୁ, ଅଡ଼େ ସୁଦୁଗାଟାସି ଆଆନା ଆମ୍ବାଆସି ପ୍ରବୁକ୍ ମେସାଲି ଆଡ଼ଅସି, ଏମ୍ବାଆଁ ତୀରେତଲେ ସିନିକିଦୁ । ୧୫ ଏଡ଼େତା ଆମ୍ବାଆସି ମାହାପୁରୁତି କାର୍ମାମେହ୍ନି ତାଣ୍ଟାଟି ନସ୍ତ ଆନେସି ଇଞ୍ଜା ଏନି କାମ୍ବେଲି ତାକି ନେୟାଁନା ପାତା ଆହାଁ ମିଙ୍ଗେ ନସ୍ତ କିୟାନେ ଅଡ଼େ ଏମ୍ବାଟି ହାରେକା ପଲୁଆ ଗାଟାରି ଆନେରି; ୧୬ ଏସାଞ୍ଜୁ ଲେହେଁ ଆମ୍ବାଆସି ଦାରିଗାଟାସି କି ଦାମ୍ବୁ ହିଲାଆଗାଟାଣି ଲେହେଁ ଆଆପେସି; ଏଞ୍ଜାସି ର ଅଲିତି ରାନ୍ଦା ତାକି ତାନି କାଜା ମୀରଏଣି

ପାଣା ପାର୍ତା ମାଚେସି । ୧୭ ମୀରୁ ଏଦାଆଁ ପୁଞ୍ଜାମାଞ୍ଜେରି, ତାୟୁ ଏଞ୍ଜାସି ଆବା ତାଣ୍ଟାଟି ବର ବେଟାଆହାଲି ଅଣ୍ଟପିତିହ୍ ଜିକେଏ ବେଟାଆହାଲି ଆଡ଼ାଆତେସି, ଅଡ଼େ ମନୁ ଖେଟହାଲି ତାକି କାଣ୍ଟୁ ବକ୍ସିହ୍ ପାରାଲି ଅଣ୍ଟପିତେସି ଆଡ଼ିଜିକେଏ ଏଦାଆଁ କିହାଲି ପାରୁ ବେଟାଆଆତେସି ।

୧୮ ଇସ୍ତାୟେଲତି ଲକୁ ଲେହେଁ ମୀରୁ ସିୟନ ହରୁତା ଡ଼ାଞ୍ଜିମାଟି ହିରୁ, କିଟିକିଟି ଆନେରି, ରୁଞ୍ଜାଗାଲି, ୧୯ ତୀଡ଼ି ଉକିନି ହାଡ଼ା ଇଞ୍ଜା କାତା ଖେହ୍ନି ହାଡ଼ା ତାଗେ ଞ୍ଜାଆତେ, ଖେନାରି ଏ ହାଡ଼ା ଖେଞ୍ଜାନା ଏନିକ୍ ଏଞ୍ଜାରାକି ଅଡ଼େ ଏନି କାତା ଖେସ୍ପି ଆଏ, ଇଦାଆଁ ବାତିମାଲା ମାଚେରି; ୨୦ “ଇତିହ୍ ଏନି ଜଡ଼ୁ ଜିକେଏ ଏ ହରୁତି ତୀଗିନେ, ଆତିହ୍ ଏଦାନି ଖାଲକାତଲେ ଇରହାନା ପାୟିଞ୍ଜିଆନେ ।” ଇ ଆମିନି ହୁକୁମି ହୀପକି ଆହାମାଚେ, ଏଦାଆଁ ଏଞ୍ଜାରି ଅରହାଲି ଆଡ଼ାଆତେରି; ୨୧ ଏଡ଼ି ଆଜିହ୍ପେ ତଞ୍ଜା ଆହିମାଟାକି ମସା ଜିକେଏ ଏଲେଇଚେସି, “ନାନୁ ଜିକେଏ ଆଜିତାକି ତୀରିମିମାକ୍ ।”

୨୨ ସାମା ମୀରୁ ସିୟନ ହରୁ ଅଡ଼େ ନୀତାମାନି ମାହାପୁରୁତି ଗାଡ଼ା, ଇତିହ୍ ଲାକପୁରୁତି ଜିରୁସାଲମତା, ହାରେକା ଦୁଡୁୟାଁ ଖାହାମାଚେରି ଏମ୍ବାଆଁ ଖାହାମାଞ୍ଜେରି । ୨୩ ଅଡ଼େ ଏ ପାଣ୍ଡା ମୀରକାତି କୁଲମି ଆମ୍ବାଆରି ଦରୁ ଲାକପୁରୁ ରାସ୍ତକି ଆହାମାନେ ଅଡ଼େ ବାରେତି ନୀହାୟି କିନି ମାହାପୁରୁ ନକିତା ତୀରିକିଞ୍ଜି ଆହାମାନି ଦାମ୍ବୁତି ଜୀଞ୍ଜୁୟାଁ । ୨୪ ପୁଞ୍ଜି ରାଜିମାନା ମାଦିତି ଜୀସ୍ତ, ଇଞ୍ଜା ଆମିନି ଡ଼ାଞ୍ଜାମାନି ତାନି ନେତେରି, ହେବଲ ନେତେରି କିହାଁ ହାରେକା ନେହ୍, ଏ ନେତେରି ତାଗେ ଖାହାମାଞ୍ଜେରି ।

୨୫ ହେଣ୍ଟୁ ଆମ୍ବାଆସି କାତା ଖେସିମାଞ୍ଜାନେସି ଏଦାଆଁ ଖେନଅମି ଇନାଆଦୁ, ଇତିହ୍ ଆମ୍ବାଆସି ଦାରିତିତା ହୁକୁମି ହୀତେସି, ଏଞ୍ଜାଶାକ୍

ତାକି ଗେଲ୍‌ପି ଆଆତେରି, ଆତିହ୍  
 ଆମ୍ବାଆସି ଲାକପୁରୁତି ହୁକୁମି  
 ହାହିମାଞ୍ଜାନେସି, ଏଞ୍ଜାଣି ତାଣାଟି ଏଟକା  
 ହାଟିସାରେ ମାର ଗେଲ୍‌ପିଆଆୟି, ଇଦି  
 ଏଚେକା ସାତା ଆଏ ? ୨୭ ଏଚିବେଲା  
 ଏଞ୍ଜାଣି ହାଡ଼ା ଦାରତିଇଁ ଖୀଟ୍‌ହେ,  
 ସାମା ନୀଏ ଏଞ୍ଜାସି ପାରମାଣା କିହ୍  
 ଖେସାମାଞ୍ଜାନେସି, “ନାନୁ ଅଟେ ଖେଶ୍  
 ଖୀରଇ ଦାରତିଇଁ ଖୀଟ୍‌ଇଁ, ଏଦି ଆଏ  
 ସାମା ହାଗୁ ପାକାଇଁ ଜିକେଏ ଖୀଟ୍‌ଇଁ ।”  
 ୨୭ ଅଟେ ଖେଶ୍ ଇଞ୍ଜିଁ ଇନି ତାଣାଟି  
 ଇଦାଆଁ ପୁଞ୍ଜିମାନାୟି, ଆଟ୍‌ଞ୍ଜା ଗାଗାୟି  
 ତ୍‌ୟାଲି ତାକି ଖୀଡିନାୟି, ଇଚିହ୍ ଗାଡ଼ି  
 ଆହାମାନାୟି ବାରେ ତିରି ମୀଶ୍‌ନେ ।

୨୮ ଇଦାଆଁତାକି ଖୀଦୁ ଖୀତାଆଗାଟି  
 ରାଜିତି ବେଟାଆହାନା ମାର ଏ କାର୍ମାତି  
 ପିହ୍‌ଆପ ଇଞ୍ଜା ରାହ୍‌ତଲେ ଆଜି ଅଟେ  
 ମାନିଟି ମାହାପୁରୁ ରାହ୍‌ ଆନିଲେହେଁ  
 ଜହରା କିନ । ୨୯ ଏନାଆଁତାକି  
 ଇଚିହ୍ ମା ମାହାପୁରୁ ନାସାକିନି ହିଟୁ  
 ଲେହେଁତାସି ।

## ୧୩

ମାହାପୁରୁଇଁ ରାହ୍‌ କିନାୟି

୧ କ୍ରୀସ୍ତାନା ତାୟିୟାଁ ଅଟେ ତାଜିସ୍ତା  
 ରଅତେରି ରଅଣାଇଁ ଜୀସ୍ତୁ ନସ୍ତୁ ।  
 ୨ ପୁନାଆତି ଗତାୟାଣି ସେବା କିହାଲି  
 ବାଣା ଆଆଦୁ, ଇଚିହ୍ ଏଲେକିତାକି  
 ଏଚରଜାଣା ପୁନାଆନା ଲାକପୁରୁତି  
 ଦୁତୁୟାଣି ସେବା କିହାମାନେରି  
 । ୩ କାୟିଦିତା ମାନାରାଇଁ ମୀରୁ  
 ଏଞ୍ଜାରିତଲେ କାୟିଦିତା ମାନି ଲେହେଁ  
 ଅଣ୍‌ପାଦୁ ଇଞ୍ଜା ଆଜ୍ଞା ତଲେ ମାନାକି  
 ଦୁକୁ କସ୍ତ ବେଟାଆହିମାନାରି ତଲେ  
 ସମାନା ଦୁକୁ କସ୍ତ ବେଟାଆହାଲି  
 ଅଣ୍‌ପାଦୁ ।

୪ ବୀହା ବାରେ ଲକୁ ନକିତା ନେହାୟି  
 ଆପେ, ଇଞ୍ଜା ତକ୍ତି ଅଟେ ତକ୍ତା ମାନି  
 ତଲେ ତ୍‌ୟାପୁ, ଏନାଆଁତାକି ଇଚିହ୍  
 ମାହାପୁରୁ ଲାଗେଏତି କାମା ଅଟେ  
 ଦାରିକାମା କିନାରାଇଁ ନୀହାୟି କିନେସି  
 ।

୫ ତାକିନି ତାକୁତା ଦନ ଜୁପକା  
 ଆଆଦୁ, ମିଜେ ଏନାୟି ମାନେ,  
 ଏମ୍ବାଆଁ ରାହ୍‌ତଲେ ମାଞ୍ଜୁ, ଇଚିହ୍  
 ମାହାପୁରୁ ଏଲେଇଞ୍ଜା ମାନେସି, “ନାନୁ  
 ନିଜେ ଏଚେଲାଞ୍ଜା ପିସ୍ତୁଆଁ, ନାନୁ  
 ନିଜେ ଏଚେଲାଞ୍ଜା ବାଣାଆୟିଆଁ ।”  
 ୬ ଇଦାଆଁତାକି ମାର ସାସାତଲେ  
 ଏଲେଇଞ୍ଜାଲି ଆଡିନାୟି,  
 “ପୁରୁ ନା ସାୟେମି ଆନାସି,  
 ନାନୁ ଇଚାଣି ଆଜଅଁ,  
 ମାଶ୍‌ସି ନାଜେ ଏନାଆଁ କିହାଲି  
 ଆଡାନେସି ?”

୭ ଆମିନି ଗାଗାରି ମିଜେ ମାହାପୁରୁତି  
 ବଲୁ ଖେସାମାଞ୍ଜାତେରି, ମୀରୁ ଏଲେତି  
 କାଜାରାଇଁ ମାନି କିଦୁ; ଏଞ୍ଜାରି ଏନିକ୍  
 ନୀତାମାଚେରି ଇଞ୍ଜା ହାଟେରି, ଏଦାଆଁ  
 ଅଣ୍‌ପାନା ଏଞ୍ଜାରି ନାମିତି ଲେହେଁ ମୀରୁ  
 ଜିକେଏ ନାମାଦୁ । ୮ ଜୀସ୍ତୁ କ୍ରୀସ୍ତ  
 ରେଃଏନି, ନୀଞ୍ଜୁ ଅଟେ କାଲେଏ ତାକି  
 ସମାନା ତ୍‌ୟିନେସି । ୯ ଏଟକା ଅଟେ  
 ଅର ରଲେତି ଜାପୁନି ତାଣା କିଲିବିଲି  
 ଆଆଦୁ, ଇଚିହ୍ ତିନି ରାନ୍ଦାତା ଆଏ,  
 ସାମା ମାହାପୁରୁ କାର୍ମାଟି ହିୟାଁ ତୀରି  
 ଆନାୟି ନେହେଁ; ଆମିନି ଗାଗାରି  
 ତିନି ରାନ୍ଦାତି ମେରା ମାନିଞ୍ଜି ଆନେରି,  
 ଏଞ୍ଜାରାକି ଏନି ଲାବା ଆଏ ।

୧୦ ମା ଇଲେତି ର ପୂଜାପିଣ୍ଡା ମାନେ,  
 ଆମିନି ପୂଜା ପିଣ୍ଡାତି ଦିଶ୍‌ସୁଇଁ ତୁମୁ  
 ଇଲୁତା ସେବାକିନି ପୂଜେରାଜ୍ଞା ତିଞ୍ଜାଲି  
 ଅଦିକାରା ହିଲେଏ । ୧୧ ଇଚିହ୍  
 ଜୀହୁଦିୟାଁତି କାଜା ପୂଜେରା ପାପୁ  
 ତାକି ହେର୍‌ପାମାନି ଜନ୍ତୁତି ନେତେରି  
 ସୁଦୁ ଟାୟୁତା ଅନେସି; ସାମା ଏ ଜନ୍ତୁତି  
 ଆଜ୍ଞା ବାରେ ସାମଣ୍ଡା ପାଜ୍ଞାତା ତାଗାହ୍  
 ହୁଡ଼ିଆନେ । ୧୨ ଇଦାଆଁତାକି ଜୀସ୍ତୁ  
 ଜିକେଏ ତାନି ନେତେରି ତଲେ ଏନିକ୍  
 ଲକୁଣି ସୁଦୁ କିନେସି, ଇଦାଆଁତାକି ଗାଡ଼ା  
 ପାଜ୍ଞାତା ହାଟେସି । ୧୩ ଇଦାଆଁତାକି  
 ଖୀଦୁ, ମାର ଜିକେଏ ଏଞ୍ଜାଣିଲେହେଁ  
 ନିନ୍ଦା ଅରହାନା ଗାଡ଼ା ପାଜ୍ଞାତା ଏଞ୍ଜାଣି  
 ତାଣା ହାନ । ୧୪ ଏନାଆଁତାକି ଇଚିହ୍  
 ଇମ୍ବାଆଁ ବାରେ ଦିନାତାକି ମାଜେ

ତୁମ୍ଭେନି ଗାଡ଼ା ହିଲେଏ, ସାମା ମାର  
 ତାମ୍ଭୁ ଖାହିମାନି ଗାଡ଼ାତି ବେଟାଆହାଲି  
 ପାରିମାନାୟି । ୧୫ ଇଦାଆଁତାକି ଖାଦୁ,  
 ମାର ଜୀସୁ ତାଣାଟି ମାହାପୁରୁଇ  
 ଜହରାତି ପୂଜା କିନ, ଇତିହଁ ତାନି ଦରୁ  
 ଜଲିମାନି ଗୁଡ଼ିତି ବାରେଦିନା ହେରପିନ  
 । ୧୬ ଏବକା ତାରାଇଁ ସାୟେମି କିହାଲି  
 ବାଣା ଆଆଦୁ, ଇତିହଁ ଇଲେତି ପୂଜା  
 କାମାତା ମାହାପୁରୁ ରାହଁ ଆନେସି ।

୧୭ ମୀ କାଜାରାଇଁ ମାନୁଞ୍ଜି ଆହାନା  
 ଏଞ୍ଜାରାଇଁ ମାନି କିଦୁ, ଇତିହଁ ଆମିନି  
 ଗାଟାରି ମାହାପୁରୁକି ଲେକା ହୀନାୟି  
 ମାନେ, ଏଞ୍ଜାରିଲେହେଁ ଏଞ୍ଜାରି ମୀ  
 ଜୀଞ୍ଜୁତି କାଟିମାନେରି, ଏନିକଁ ଏଞ୍ଜାରି  
 ଏଦାଆଁ ଦୁକୁ ତଲେ କିଆନା ରାହଁତଲେ  
 କିହାଲି ଆଡ଼ିନେରି; ଦୁକୁ ତଲେ  
 କିତିସାରେ ମିଙ୍ଗେ ଏନି ଲାଡ଼ା ହିଲେଏ  
 ।

୧୮ ମାଙ୍ଗେତାକି ପ୍ରାତାନା କିଦୁ,  
 ଇତିହଁ ମା ନାମୁ ମାନେ, ମା  
 ଅଣ୍ପୁ ନେହାୟି ଆପେ, ଅଡ଼େ ବାରେ  
 କାମାତା ନେହଁ ମାଣ୍ଡକି ଆହାଲି  
 ମାମ୍ଭୁ ଅଣ୍ପିମାନମି । ୧୯ ଅଡ଼େ ନାନୁ  
 ମୀ ତାଣା ଏନିକଁ ତବେ ଖାୟାଲି  
 ଆଡ଼ିଇଁ, ଏଦାଆଁତାକି ମାହାପୁରୁ ତାଣା  
 ପ୍ରାତାନା କିହାଲି ନାନୁ ମିଙ୍ଗେ ହାରେକା  
 ବାତିମାଲିମାଞ୍ଜାଇଁ ।

### ରାନି ପ୍ରାତାନା

୨୦ ଆମିନି ହିଡ଼ଡ଼ି ହିୟାନି ମାହାପୁରୁ  
 କାଲାକାଲା ତୁମ୍ଭେନି ରାଜିମାନାତି  
 ନେତେରି ତାକି, କାଜା ମେଣ୍ଡା ଗଡ଼ୁ  
 ଇତିହଁ ମା ପ୍ରବୁ ଜୀସୁଇଁ ହାଡ଼ାରି  
 ତାଣାଟି ନୀଟହା ମାନେସି; ୨୧ ଏଞ୍ଜାଣି  
 ନକିତା ଏନାୟି ନେହାୟି, ଏଦାଆଁ  
 ଏଞ୍ଜାସି ମା ହିୟାତା ଜୀସୁ କ୍ରୀସ୍ତ ତାଣାଟି  
 ରାପୁହାନା ତାନି ମନୁଲେହେଁ କିହାଲି  
 ମିଙ୍ଗେ ବାରେ ନେହଁ କାମା କିୟାପେସି  
 । ଏଞ୍ଜାଣାକି କାଲାକାଲାତି ଗାଞ୍ଜୁରମି  
 ଆପେ ! ଆମେନ୍ ।

### ଆକୁତି ରାନି କାତା

୨୨ ଏ ତାୟି ତାଜିସ୍ତା, ନାନୁ ମିଙ୍ଗେ  
 ବାତିମାଲିମାଞ୍ଜାଇଁ, ଇ ଜାଗ୍ରାତା କିଞ୍ଜିକିନି

କାତା ସାସା ଇଟାନା ମନ୍ ହୀଦୁ,  
 ଇଞ୍ଜା ନାନୁ ରାହଁ କିହାଲି ଇ ଓଣା  
 ଆକୁ ମିଙ୍ଗେ ରାଟାମାଇଁ । ୨୩ ମା  
 ତାୟି ତିମତି କାୟିଦିଟି ତବେ ପିସ୍ପି  
 ଆହାମାନେସି ଇଞ୍ଜୁ ପୁଞ୍ଜେରି, ଏଞ୍ଜାସି  
 ତବେ ଖାଡ଼ିସାରେ ଏଞ୍ଜାଣିତଲେ ନାନୁ ମୀ  
 ତାଣା ବେତିଖାହାଲି ଖାଇଁ ।

୨୪ ମୀ ବାରେ କାଜାରାଇଁ ଅଡ଼େ  
 ମାହାପୁରୁ ଲକୁଇଁ ଜହରା ଖେହ୍ନୁ  
 । ଏମିନି ତାୟିୟାଁ ଇଟାଲି ଦେସାଟି  
 ଖାହାମାନେରି, ଏଞ୍ଜାରି ମିଙ୍ଗେ ଜହରା  
 ଖେସିମାଞ୍ଜାନେରି ।

୨୫ ମାହାପୁରୁତି କାର୍ମାମେହ୍ନାୟି  
 ବାରେତେରି ମିଙ୍ଗେତାକି ଆୟାପେ ।

# ଯାକୁବଙ୍କ ପତ୍ନୀ ଜାକୁବ ରାଜାମାନି ଆକୁ ମୂଲୁ ହାଡ଼ା

ଇ ଜାକୁବ ପତିତି ଜାକୁବ ଇନାସି ରାଜାମାନେସି । ଏଞ୍ଜାସି ଜୀସୁ କ୍ରୀସୁ ତାୟି ଆହାମାଣସିନେସି, ଏମ୍ନାଆସିକି କୁଲମିତି ସାଲୁଝି କିନାସି ଅଡେ ଜିରୁସାଲମତା ବେରଣି କିନାସି ମାଚେସି କାମା ୧୫:୧୩ । ପାଞ୍ଜୁଲ ଗାଲା ୨:୯ ଜାକୁବଇଁ କୁଲମିତି “ତୁଡିୟା ମୁଣ୍ଡା” ଇଞ୍ଜାମାନେସି । ଜୀସୁ କ୍ରୀସୁ ଜାର୍ନାଆଡି ୫୦ ବାର୍ଯା ତାୟୁ ଇ ଜାକୁବ ପତି ରାସକି ଆହାମାଚେ ଇଞ୍ଜି ବୁଦିଗାଟାରି ଏଲେ ଇଞ୍ଜିମାନେରି । ଜାକୁବ ଜିରୁସାଲମତି କୁଲମି ସାଲୁଝି କିନାସି ମାଚିବେଲାତା ଇ ପତିଇଁ ରାଜାମାନେସି ।

ଜାକୁବ ତାନି ପତିତା “ଇତାଲା ଆତାଲା ଦେସାଣା ରାଞ୍ଜାଣା ବିଚାଣା ଆହାମାନି ବାର ଗଟା କୁଲୁ ଲକୁ” କାତା ରାଜାମାନେସି ୧:୧ । ଜାକୁବ ଝେହନି କାତା ବାରେ କ୍ରୀସୁନା ଲକୁକି ଲଡ଼ାମାନେ ସାମା “ବାର ଗଟା କୁଲୁ ଲକୁ” ଇତିସାରେ ଜୀହୁଦି କ୍ରୀସୁନା ଲକୁ । ଏନାଆଁତାକି ଇତିହଁ ଇ ପତି ପଡ଼ଞ୍ଜିଆନି ବାରେ ଲକୁତାକି ହାରେକା କାତା ଏପହାଲି ତାକି ରାସକି ଆହାମାନେ । ଜାକୁବ ନାମୁ ଅଡେ କାମାତି କାତା ଝେସାମାନେସି । କାମାତା ସାତା ନାମୁ ତଞ୍ଜାଆନେ ୨:୧୭ । ଏଞ୍ଜାସି ବାଡ଼କୁ ଗାଟି ଲକୁତି ପାରଡ଼ା ବାଟି କିନାଣି ୨:୧-୪ ଅଡେ ମାର ଏନାଆଁ ଜଲିନାୟି ଜାଡ଼ନୁ ତଲେ ଜଲଲି ଝେସାମାନେସି ୩:୧-୧୨

### ପତିତା ମାନାୟି

- ୧. ଜାକୁବ ତାନି ପତି ପଡ଼ଞ୍ଜି ଆନାରାଇଁ ଜହରା କିନାୟି । ୧:୧
- ୨. କ୍ରୀସୁନା ଲକୁଣି କସ୍ତ ବେଲାତା ସୁସି ତଲେ ମାଞ୍ଜାଲି ଝେହନାୟି । ୧:୨-୨୭

- ୩. କାମା ତଲେ ନାମୁତି ତହନାୟି ମାନେ । ୨:୧-୨୭
- ୪. ଜଲିନି ବଲୁୟାତି ବାଡ଼ନୁ । ୩:୧-୧୨
- ୫. ମାହାପୁରୁତି ବୁଦି ଦାରତିତି ବୁଦି କିହାଁ ହାରେକା ପାରଡ଼ା ମାନେ । ୩:୧୩-୪:୧୦
- ୬. ବଡ଼ପଣ ଆନି କାତା । ୪:୧୧-୫:୨
- ୭. ଜାକୁବ ରାନି ବେଲାତା ନେହେଁତାକି ଜାପିନି କାତା ରାଡ଼ିନାୟି । ୫:୭-୨୦

୧ \*ନାନୁ ଜାକୁବ, ମାହାପୁରୁ ଅଡେ ପ୍ରବୁ ଜୀସୁ କ୍ରୀସୁତି ହରେଲଏସି, ଦାରତିତା ଇତାଲା ଆତାଲା ଆହାମାନି ମାହାପୁରୁ ଲକୁଇଁ ଜହରା ।

### ନାମୁତି ତାୟିପାରି କିନାୟି

୨ ଏ ନା ତାୟିୟାଁ ଅଡେ ତାଞ୍ଜିସ୍ତା, ମୀରୁ ଏତିବେଲା ତାୟିପାରି କିନି ତାଣା ତାୟିପାରି କିଞ୍ଜିଆଦେରି, ଏତିବେଲା ଏଡି ହାରେକା ରାହାଁତି କାତା ଇଞ୍ଜି ଅଣ୍ପାଦୁ; ୩ ତାୟିପାରି କିନାଣି ଜୀଣା ଆନି ନାମୁ ଏଡି ଅରହାଲି ହୀୟାନେ, ଇଦାଆଁ ପୁଞ୍ଜାମାଞ୍ଜେରି । ୪ ଅଡେ, ମୀରୁ ଏନିକଁ ଏଡି ଗୁଣ୍ଡତା ଉଣା ଆଆନା ନେହଁ ତୀରି ଅଡେ ସୁପୁ ଗାଟାଚେରି ଆଦୁ, ଏଦାଆଁତାକି ଅରହିନାୟି ହାରେପୁରେ କାମା କିନେ ।

୫ ସାମା ମୀ ବିତ୍ରା ଆମ୍ବାଆରାକି ବୁଦି ଉଣା ମାଚିସାରି, ଆମିନି ମାହାପୁରୁ ଦହ ଆହୁଆନା ବାରେତାକି ହାରେପୁରେ କେନ୍ଦୁ ଦେଚାନା ଦାନା କିନେସି, ଏଞ୍ଜାଣି ତାଣା ପ୍ରାତାନା କିପାସି, ଏମ୍ବାଟିଏ ଏଞ୍ଜାଣାକି ହୀପକିଆନେ । ୬ ସାମା ଏଞ୍ଜାସି ଇଚାଣି ଆନାମାନା ଆଆନା ନାମୁତଲେ ପ୍ରାତାନା କିପାସି, ଇତିହଁ ଆମ୍ବାଆସି ଆନାମାନା ଆନେସି, ଏଞ୍ଜାସି ଗାଲି ତଲେ ଇତାଲା ଆତାଲା ଆହୁମାନି ସାମଦୁରିତି ତୀରି ଆଆଗାଟି ଏନ୍ଦୁ ଉଣା ଲେହେଁତାସି । ୭ ଏଲେତି ଲକୁ ପ୍ରବୁ ତାଣାଟି ଏନାଆଁ ବେଟାଆଇଁ ଇଞ୍ଜି ଆସା କିଆପେସି; ୮ ଏଞ୍ଜାସି ରୀ ମନ

\* ୧:୧ ୧:୧ ମାଚି ୧୩:୫୫; ମାର୍କ ୭:୩; କାମା ୧୫:୧୩; ଗାଲା ୧:୯୯

ଗାଗାସି, ଇଞ୍ଜା ତାନି ବାରେ କାମାତା ତୀରି ଆଆଗାଗାସି ।

ବାଡ଼କୁ ଗାଗାସି ଅଡ଼େ ବାଡ଼କୁ ହିଲାଆଗାଗାସି

୯ ବାଡ଼କୁ ହିଲାଆଗାଗାସି ତାୟି ତାନି କାଜାପାଣା ତାକି ରାହାଁ କିପାସି, ୧୦ ବାଡ଼କୁ ଗାଗାସି ତାନି ଉଣା ଆହିମାନାଣି ତାକି ବଡ଼ପଣ କିପେସି, ଏଦାଆଁତାକି ଇତିହାସ ବାଡ଼କୁ ଗାଗାସି ଜାଡ଼ାତି ପୁରୁବଣ୍ଡା ଲେହେଁ ତୁଲ୍ଲା ହାନେସି । ୧୧ ଏନିକିଁ ଖେଡ଼ା ଲାଭ ହଡ଼ାସାରେ ଜାଡ଼ା ଏନିକିଁ ଖାୟାହାନେ ଅଡ଼େ ଏଦାନି ପୂଜା ତୁଲିନୁ ଇଞ୍ଜା ତାନି ଅଜୁତି ଖାଣା ମେଣ୍ଡାହାନେ, ଏଲେକିହାସ ଏ ବାଡ଼କୁ ଗାଗାସି ଜିକେଏ ତାନି ବାରେ କାମାତା ଖାଡ଼ିନେସି ।

ତାୟିପାରି ଅଡ଼େ ଜୁପକା ତହୁନାୟି

୧୨ ଆମିନି ଗାଗାସି ତାୟିପାରି କିନାଣି ଅରୁହନେସି ଏଞ୍ଜାଣାକି ନେହେଁ, ଇତିହାସ ମାହାପୁରୁ ତାନୁ ଜୀଝୁ ନନ୍ଦି ଲକୁଣି ଆମିନି ଜୀଝୁଗାଟି ଟପେରି ହାହାଲି ଆଞ୍ଜାମାନେସି, ତାୟିପାରି କିତାଣି ଜୀଣାଆଡ଼ି ଜେଟ ଏ ଲକୁ ଏ ଆଞ୍ଜାମାନି ଟପେରି ବେଟା ଆନେସି । ୧୩ ଆମ୍ବାଆସି ତାୟିପାରି କିଝି ଆଡ଼ିସାରେ, “ନା ଇ ତାୟିପାରି କିଝି ଆନାୟି ମାହାପୁରୁ ତାଣାଟି ଆହିମାନେ” ଇଞ୍ଜିହାସ ଇନାଆପେସି, ଇତିହାସ ମାହାପୁରୁ ଲାଗେଏତି ପାନ୍ଦାଟି ତାୟିପାରି କିଝି ଆଅସି, ଅଡ଼େ ଏଞ୍ଜାସି ତାନୁଏ ଆମ୍ବାଆରାଇଁ ତାୟିପାରି କିଅସି । ୧୪ ସାମା ମାଣସି ତାନି ଲାଗେଏତି କାମା ତଲେ ଜୁପକା ଅଡ଼େ ନାଡ଼ିକିଝି ଆହାନା ତାୟିପାରି କିଝିଆନେସି; ୧୫ ଅଡ଼େ ତାୟି ଲାଗେଏତି କାମା ପୁରାମାସା ଆହାନା ପାପୁତି ଜାନି କିନେ, ଇଞ୍ଜା ପାପୁ ଗାଡ଼ି ପାତାଆହାନା ହାକିତି ଜାନି କିନେ ।

୧୬ ଏ ନା ଜୀଝୁତି ତାୟିୟା ଅଡ଼େ ତାଜିସ୍ତା ମୀରୁ ନାଡ଼ି ଆଆଦୁ । ୧୭ ବାରେ ନେହାଁ ଦାନା ଅଡ଼େ ବାରେ ତୀରିତି ବର ଲାକଟି; ଇତିହାସ ଉଜେଡ଼ି ଗାଡ଼ିକିତି ଆବା ତାଣାଟି ଖାଡ଼ିନେ,

ଆମ୍ବାଆରି ତାଣା ଏନି ବାଦଲି ଆନାୟି କି ଇତାୟିଖା ସାୟି କିହାନା ଆନେରି ଆନାୟି ହିଲେଏ । ୧୮ ମୀରୁ ଏନିକିଁ ତାନି ଗାଡ଼ି ଆଡ଼ି ତାଣାଟି ରଲେଏତି ର ମୁଲୁତି ପାଡ଼େୟି ଲେହେଁ ଆନାୟି, ଏଦାଆଁତାକି ଏଞ୍ଜାସି ତାନି ଅଣ୍ଡୁ ତଲେ ସାତା ବଲୁ ତଲେ ମାଜେ ଗାଡ଼ି କିୟାଡେସି ।

ଖେନାୟି ଅଡ଼େ କାମା କିନାୟି

୧୯ ଏ ନା ଜୀଝୁତି ତାୟିୟା ଅଡ଼େ ତାଜିସ୍ତା, ମୀରୁ ଇଦାଆଁ ପୁଞ୍ଜାମାଞ୍ଜେରି, ମୀରୁ ବାରେଡେରି ଖେଞ୍ଜାଲି ଜାଗ୍ରାତା ଆଦୁ, ଇଞ୍ଜା ଖେସାଲି ଦାଗା ଆଆଦୁ ଅଡ଼େ ଦେବୁଣିଏ କପା ଆଆଦୁ, ୨୦ ଇତିହାସ ମାଣସିତି କପା ମାହାପୁରୁତି ନକିତା ଦାମ୍ବୁ କିହାଲି ଆଡେଏ । ୨୧ ଏଦାଆଁତାକି, ମୀରୁ ବାରେ ପଲ୍ଲଆ ଗାଗାଣି ଅଡ଼େ ବାରେ ଲାଗେଏତି ପିସାତୁହୁଦୁ, ଆମିନି ମାହାପୁରୁ ହିୟାତି ବଲୁ, ମୀ ଜୀଝୁତି ଗେଲ୍ପାଲିତାକି ଆଡ଼ିନେ, ଏଦାଆଁ ସୁଦୁଗାଟି ଅଣ୍ଡୁ ତଲେ ଆହୁଦୁ ।

୨୨ ସାମା ମୀରୁ ଏଞ୍ଜାଣି ବଲୁ ଖେନାଡେରି ଆହାଁ ଜାହାରାଇଁ ନାଡ଼ି କିହାକତାଆନା, ବଲୁତି କାମା କିନାଡେରି ଆଦୁ । ୨୩ ଇତିହାସ ଆମିନିଗାଗାସି ବଲୁତି କାମା କିନି ଲକୁ ଆଆନା ଖାଉଇ ଖେନି ଲକୁ ଆନେସି, ଆଡ଼ିହାସ ଏଞ୍ଜାସି ଦାପେଣିତା ତାନୁଏ ତାନି ମୁମ୍ବୁ ସିନିକିହା କଡ଼ିମାନି ମାଣସି ଲେହେଁତାସି, ୨୪ ଏଡେତା ଏଞ୍ଜାସି ତାଜେ ସିନିକିତି ଜେଟ ହାଜାନା, ଏଞ୍ଜାସି ଏମ୍ବାଟି ହଡ଼ା ହାଟି ତାୟି ଏନିଲେହେଁତି ମାଣସି ଦେବୁଣିଏ ବାଣାଆନେସି । ୨୫ ସାମା ଆମ୍ବାଆସି ତୀରପୁ ଇତିହାସ ଗେଲ୍ପାଲି ଆଡ଼ିନି ନେହାଁ ମେରାତି ସିନିକିହାନା ମେରାତି କାମା କିନେସି, ଅଡ଼େ ଆଜିତାକି ଖେନି ଲକୁ ଆଆନା କାମାକିନାସି ଆନେସି, ଏଞ୍ଜାସି ତାନି କାମାତା ନେହାଁସି ।

୨୬ ଇତିହାସ ଆମ୍ବାଆସି ଜାହାରାଇଁ ତୀରି ଗାଗାଡେଏଁ ଇଞ୍ଜା ଅଣ୍ଡା



କଡ଼ିନେସି, ଇଞ୍ଜା ତାନି ଝେନ୍ଦରିତି ଲକ୍ଷ୍ମୀନା ତାନୁ ତାନି ହିୟାତି ନାଡ଼ି କିନେସି, ଇଚିହୁଁ ତାନି ଦାମ୍ବୁକାମା କିନାୟି ଉଦେଏତାୟି । ୨୭ ତାଲି ତାଞ୍ଜି ହିଲାଆ କକାରି ପଦାଣି ଅଡ଼େ ରାଶ୍ରେଣି ଇୟାସିକାଣି ତାମି ଦୁକୁ କାକୁଲି ବେଲାତା ସାୟେମି କିନାୟି ଅଡ଼େ ଦାରତିତା ମାନି ବାରେ ଲାଗେଏତି କାମାଟି ଗେଲ୍ପା କଡ଼ିନାୟି, ଇଦି ମା ମାହାପୁରୁ ଅଡ଼େ ଆବା ନକିତା ନେହାୟି ଅଡ଼େ ସୁଦୁ ଦାମ୍ବୁତି କାମା ।

୨

ପାରଡ଼ା ବାଟି କିନାୟି

୧ ଏ ନା ତାୟିୟା ଅଡ଼େ ତାଞ୍ଜିସ୍ତା, ମା ଗାଝୁରମିଗାଟି ପ୍ରବୁ ଜୀସୁ କ୍ରୀସ୍ତ ତାଣା ନାମା ମାନାତେରି ମାଣ୍ଡସିୟାତି ମୁମ୍ବୁ ମେସାନା ଲେମ୍ବାଆଦୁ । ୨ ଇଚିହୁଁ ରଅସି ବାଂଗାରା ମୁଦି ଅଡ଼େ ଦାରାଗାଟି ନେହୁଁ ଅଜିତି ହିମ୍ବୁରି ହୁଚାନା କୁଟମି କୃତା ଆହାମାନି ତାଣା ଝାନ୍ଦେସି, ଅଡ଼େ ର ହିଲାଆଗାଟାସି ଗେଞ୍ଜାମାନି ମାହୁଁତି ହିମ୍ବୁରି ହୁଚାନା ଝାନ୍ଦେସି, ୩ ଅଡ଼େ, ମୀରୁ ଦାରାଗାଟି ଅଜିତି ହିମ୍ବୁରି ହୁଚିତି ଲକୁଇଁ ମାନି କିହାଁ ଏଲେଇଞ୍ଜେରି, “ଇମ୍ବାଆଁ ନେହୁଁ ଗାମ୍ବୁତା କୁଗାମ୍ବୁ,” ଅଡ଼େ ହିଲାଆଗାଟାଣାଇ ଏଲେଇଞ୍ଜେରି “ଏମ୍ବାଆଁ ନିଚାମାନାମ୍ବୁ, ଆଆତୁଁ ନା କତାୟାଁ ଡ଼ଇକା କୁଗାମ୍ବୁ,” ୪ ଆଆତୁଁ ମୀରୁ ମୀ ବିତ୍ରା କାଜା ଲକୁ ଉଣା ଲକୁ ପାରଡ଼ା ବାଟି କିଞ୍ଜି ଆହାଁ ଏଟକା ଏଟକା କିହାଁ ଲାଗେଏତି ନାହାଁୟି କିହିମାଞ୍ଜେରି ।

୫ ଏ ନା ଜୀଝୁତି ତାୟିୟା ଅଡ଼େ ତାଞ୍ଜିସ୍ତା, ଝେଞ୍ଜୁ ମାହାପୁରୁ ଇ ଦାରତିତା ବାଡ଼କୁ ହିଲାଆଗାଟାରାଇଁ ତାମି ନାମୁତା ଦନ ଗାଟାରି ଆହାଲି, ଅଡ଼େ ତାନି ଜୀଝୁନହୁଁ ମାନାରାଇଁ ଆମିନି ରାଜି ହାହାଲି ଆଞ୍ଜାମାନେସି, ଏମ୍ବାତି ଅଦିକାରା କିହାଲି ଆଟା ହିଲଅସି ? ୬ ସାମା ମୀରୁ କାକୁଲି ଗାଟାରାଇଁ ଅପିହିଲଅଡେରି । ବାଡ଼କୁ ଗାଟାରି ମୀ

ମୁହେଁ ରାଜି କିୟଅରି କି ? ଅଡ଼େ ମିଙ୍ଗେ ନୀହାଁୟି ପାଞ୍ଜାତା ରେଜା ଅୟଅରି କି ? ୭ ଆମିନି କାଜା ଦରୁତଲେ ଝେଞ୍ଜା ମାଞ୍ଜେରି, ଏନାଆଁ ଏଝାରି ଏ ଦରୁତି ନିୟା କିଅରି ।

୮ ମୀରୁ ମୀ ପାଡ଼ିତି ଲକୁଣି ମୀ ଜୀଝୁତି ଜୀଝୁ ନନ୍ନି ଲେହେଁ ଜୀଝୁନଦୁ, ସାସ୍ତେରିତା ରାସ୍ତକି ଆହାମାନି ମାହାପୁରୁ ରାଜିତି ମେରା ସାଡେଏ ମାନଞ୍ଜି ଆଦେରି, ଆତିହୁଁ ମୀରୁ ନେହୁଁ କିହିମାଞ୍ଜେରି, ୯ ସାମା ଲକୁ ମୁମ୍ବୁତି ମେସାନା ଲେମ୍ବିମାଞ୍ଜେରି, ଆତିହୁଁ ମୀରୁ ପାପୁ କିହିମାଞ୍ଜେରି, ଅଡ଼େ ଏ ମେରା ତଲେ ଦହ ଗାଟାତେରି ଇଞ୍ଜୁ ତଞ୍ଜା ଆହିମାଞ୍ଜେରି । ୧୦ ଆମ୍ବାଆସି ବାରେ ମସାତି ମେରା ମାନଞ୍ଜି ଆହାଁ ରଣ୍ଡିଏ ମେରାତି ଉରିନେସି, ଇଚିହୁଁ ଏଝାସି ବାରେ ମେରାତି ଦହ ତଲେ ତଣ୍ଡ ବେଟା ଆନ୍ଦେସି । ୧୧ ଆମିନି ମାହାପୁରୁ ଦାରିକାମା କିଆଦୁ ଇଞ୍ଜୁ ଝେସା ମାଟାସି, ଏଝାସି ଲକୁଣି ପାୟାଆଦୁ ଇଞ୍ଜୁ ଜିକେଏ ଝେସାମାନେସି, ମୀରୁ ଦାରିକାମା କିଆନା ଲକୁଣି ପାୟିଦେରି ଇଚିହୁଁ ମେରାତି ଉରିନାତେରି ଆଦେରି । ୧୨ ଗେଲ୍ପିଆତି ମସାତି ମେରାଟି ମୀରୁ ନୀହାଁୟି କିଞ୍ଜିଆଦେରି, ଇଦାଆଁ ପୁଞ୍ଜାନା ଏଲେତି କାତା ଜଲ୍ଲାଦୁ ଇଞ୍ଜା କାମା କିଦୁ । ୧୩ ଇଚିହୁଁ ଆମ୍ବାଆସି କାର୍ମା ମେହୁଅସି ମାହାପୁରୁ ଏଝାଣାଇଁ କାର୍ମା ମେହୁଆନା ନୀହାଁୟି କିନେସି, ସାମା କାର୍ମାମେହୁନାୟି ନୀହାଁୟିତା ଜୀଣା ଆନ୍ଦେସି ।

ନାମୁ ଅଡ଼େ କାମା

୧୪ ଏ ନା ତାୟିୟା ଅଡ଼େ ତାଞ୍ଜିସ୍ତା, ଆମ୍ବାଆସି ନାଙ୍ଗେ ନାମୁ ମାନେ ଇଞ୍ଜୁ ଇନେସି, ସାମା ଏଝାଣି କାମା ହିଲେଏ, ଆତୁଁ ଏଡ଼ି ଏନ୍ନି ଲାବା ? ଇଲେତି ନାମୁ ଆମ୍ବାଆରାଇଁ ଗେଲ୍ପାଲି ଆଡ଼ିନେ କି ? ୧୫ ଏତିବେଲା ର ତାୟି କି ତାଞ୍ଜିନାକି ହୁଚାଲି ହିମ୍ବୁରି କି ତିଞ୍ଜାଲି ରାନ୍ଦା ହିଲାଆତିହୁଁ, ୧୬ ଇଞ୍ଜା ମୀ ବିତ୍ରାଟି ଆମ୍ବାଆତେରି

ତାନି ଆଜ୍ଞାତି ଲଡ଼ାମାନାଣି ହୀଆନା,  
 “ମାହାପୁରୁ ନିଜେ ବର ହିୟାପେସି, ବାଣ୍ଟି  
 ପାଞ୍ଜାହାଁ ହିଡ଼ଡ଼ିଟି ନେହୁଁ କି ହାଲାମୁ”  
 ଇଞ୍ଜୁଁ ଇଚିହୁଁ ଏଦି ଏନି ଲାଡ଼ା ?  
 ୧୭ ଏଲେକିହୁଁ ଏ, କାମା ହିଲାଆସାରେ  
 ନାମୁ ହାଡ଼ାୟି ।

୧୮ ସାମା ଆମ୍ବାଆସି ଏଲେଇନେସି,  
 “ରଅଣି ନାମୁ ମାନେ ଅଡ଼େ ରଅଣି  
 କାମା ମାନେ;” କାମା ହିଲାଆନା ନୀ  
 ନାମୁ ତସ୍ତାମୁ, ଅଡ଼େ ନାମୁ କାମା ତଲେ  
 ନା ନାମୁତି ତସ୍ତାଲ । ୧୯ ମାହାପୁରୁ  
 ରଅସିଏ, ଇଦାଆଁ ମୀରୁ ନାମିମାଞ୍ଜେରି;  
 ଏଦି ନେହୁଁ କାତା, ବୁଡୁୟାଁ ଜିକେଏ  
 ନାମାହାଁ ଆଜିତାକି ତୀରଗିମାନ୍ ।  
 ୨୦ ସାମା ଏ ବୁଦି ହିଲାଆଗାଟାତେରି,  
 କାମା ହିଲାଆନା ନାମୁ ଉଜେଏତାୟି,  
 ଇଦାଆଁ ପୁଞ୍ଜି ହିଲଅତେରି ? ୨୧ ମା  
 ଆକୁ ଅବ୍ରାହାମ, ପୂଜାପିଣ୍ଡା ଲାକ  
 ତାନି ମୀରଏଣା ଇସାହାକଇଁ ପୂଜା  
 କିହିମାଟାଟି କାମା ତଲେ ଦାମ୍ବୁଗାଟାସି  
 ଇଞ୍ଜୁଁ ଝେଙ୍ଗା ହିଲାଆତେସି ?  
 ୨୨ ମୀରୁ ମେସିମାଞ୍ଜେରି, ଅବ୍ରାହାମତି  
 ନାମୁ ତାନି କାମାତା ତଞ୍ଜାଆଡ଼େ,  
 ଅଡ଼େ କାମା ତଲେ ନାମୁ ପୁରାଆଡ଼େ;  
 ୨୩ ଏରେଟିଏ ସାପ୍ତେରିତି ଇ ବଲୁ ସାତା  
 ଆଡ଼େ, ଅବ୍ରାହାମ ମାହାପୁରୁ ତାଣା  
 ନାମିତେସି, ଅଡ଼େ ତାଜେତାକି ଏଦି  
 ଦାମ୍ବୁଗାଟାସି ଇଞ୍ଜୁଁ ଝେଙ୍ଗାତେସି, ଇଞ୍ଜୁଁ  
 ଏଝାସି ମାହାପୁରୁତି ତଣେଏସି ଇଞ୍ଜୁଁ  
 ଝେଙ୍ଗାତେସି । ୨୪ ଇଚିହୁଁ ମାଣ୍ଡସି  
 ଝାରଇ ନାମୁଟି ଆଏ, ସାମା ତାନି କାମାଟି  
 ଦାମ୍ବୁଗାଟାସି ଆନେସି ଇଞ୍ଜୁଁ ମୀରୁ  
 ପୁଞ୍ଜିମାଞ୍ଜେରି ।

୨୫ ଏଲେକିହୁଁ ଏ ଦାରେଣି ରାହାବ୍  
 ଦାମ୍ବୁଗାଟାୟି ଇଞ୍ଜୁଁ ଝେଙ୍ଗାମାତେ, ଏଦି  
 ପାରୁ ପାରାଲି ମେଣେଏ ଝାହାମାଟାରାଇଁ  
 ତାନି ଇଜ ଅହାନା ଇଚିତେ ଇଞ୍ଜୁଁ ଏଟକା  
 ଜିରୁଟି ପାଣ୍ଡାଲି ସାୟେମି କିହାମାତେ ।

୨୬ ଇଚିହୁଁ ଜୀଝୁ ହିଲାଆସାରେ  
 ଆଜ୍ଞା ହାଡ଼ି ମାଡ଼ହା, ଏଲେକିହୁଁ ଏ  
 କାମା ହିଲାଆସାରେ ନାମୁ ଜିକେଏ  
 ହାଡ଼ାୟି ।

### ୩

ଝେନ୍ଦରିତି ଲକ୍ନାୟି

୧ ଏ ନା ତାୟିୟାଁ ଅଡ଼େ ତାଜିମ୍ବା,  
 ମୀରୁ ହାରେକା ଜାପୁନାତେରି ଆଆଦୁ;  
 ଜାପୁନାତାୟି ମାର, ମାର ଅର ଲକ୍ନୁ  
 କିହାଁ ହାରେକା ତଣ୍ଡ ପାଣ୍ଡନାୟି ଇଦାଆଁ  
 ପୁଞ୍ଜାମାଞ୍ଜୁ । ୨ ଇଚିହୁଁ ମାର ଏନି  
 ଏନି କାମାତା ପୁଟି କିହିମାନାୟି, ସାମା  
 ଆମ୍ବାଆସି ମାହାପୁରୁ ବଲୁତା ପିଟଞ୍ଜି  
 ଆଅସି, ଆତିହୁଁ ଏଝାସି ନେହୁଁ  
 ମାଣ୍ଡସି, ଅଡ଼େ ଏଝାସି ତାନି ବାରେ  
 ଆଜ୍ଞାତି ତାନ୍ଦୁଏ ଲକ୍ନହାଲି ଆଡ଼ିମାନେସି  
 । ୩ ମାର ଗଡ଼ାୟାଁଣି ଲକ୍ନହାଲି ତାକି  
 ତାମି ଗୁଡ଼ିତା ବାକେରି କାଟିକିହିମାନାୟି,  
 ଅଡ଼େ ଏଦାନିତଲେ ମାର ତାମି ବାରେ  
 ଆଜ୍ଞାତି ଝେଟ୍ଟିହି ମାନାୟି । ୪ ଏୟୁ  
 ଜାଜାତି କାତା ଜିକେଏ ଅଣ୍ଡପାଦୁ,  
 ଏଦି ଏରେକା କାଜାୟି ଅଡ଼େ କାଜା  
 ଗାଲି ତଲେ ତାକିତୁଁ ଜିକେଏ,  
 ଜାଜାତି ତାୟୁଝାକି ମାନି ର ଉଣା  
 ମାରା ତଲେ ତାକିନେ, ଏ ମାରା  
 ଆହନସି ଆମ୍ବିୟାଝାକି ମନ କିନେସି  
 ଏନିକା ହାନେ । ୫ ଏଲେକିହୁଁ ଏ  
 ଝେନ୍ଦରି ଜିକେଏ ଆଜ୍ଞାତି ର ଉଣା  
 ବାଗା ଆତିହୁଁ ଜିକେଏ, ଏଦି କାଜା  
 ବଡ଼ପଣତି କାତା ଜଲ୍ଲାଲି ଆଡ଼ିନେ ।  
 ମେହଦୁ ର ଉଣା ହିରୁ ପୁୟାଁ ତଲେ ଏତେ  
 କାଜା ଜାଡ଼ା ଝେହାହାନେ । ୬ ଝେନ୍ଦରି  
 ଜିକେଏ ହିରୁ ଲେହେଁତାୟି; ଏଦି ମା  
 ଆଜ୍ଞା ବିତ୍ତା ବାରେ ଲାଗେଏ ପଲେଏ  
 ତାଣାଟି ସାଲୁଞ୍ଜି ଆହିମାନେ, ଏଦି ବାରେ  
 ଆଜ୍ଞାତି ଲାଗେଏ କିନେ, ଅଡ଼େ ତାନ୍ଦୁ  
 ନକଟି ହଡ଼ିମାନି ହିରୁତଲେ ଡ଼ାଞ୍ଜାନା  
 ଗାଡ଼ି ଆହାମାନି ଦାରୁଡ଼ିତି ହୁଡ଼ିନେ ।  
 ୭ ଇଞ୍ଜୁଁ ବାରେ ଲେହେଁତି ଜନ୍ତୁ ଜିଝେଡ଼ି,  
 ପଟା କାଟି, ବାଣ୍ଟିତଲେ ତାକିନାଇ,  
 ଅଡ଼େ ଏୟୁଡ଼ି ଜନ୍ତୁ, ମାଣ୍ଡସି ଏ ବାରେ  
 ଜନ୍ତୁୟାଁଣି ଲକ୍ନହାଲି ଆଡ଼ିମାନେସି ।  
 ୮ ସାମା ଝେନ୍ଦରିତି ଆମ୍ବାଆସି ଲକ୍ନହାନା  
 ସାପି କିହାଲି ଆଡ଼ଅସି, ଏଦି ପଲୁଆ  
 ଗାଟାୟି ଇଞ୍ଜୁଁ ଲକ୍ନାଆ ଗାଟାୟି, ଅଡ଼େ  
 ଏଦିଏମ୍ବାଆଁ ହାନିମାନି ବୀସା ମାନେ ।  
 ୯ ଝେନ୍ଦରି ତଲେ ପ୍ରବୁ ଆବାଇଁ ଜହରା

କିହିମାନାୟି, ଇଞ୍ଜି ଏ ଖେନ୍ଦରି ତଲେ ମାହାପୁରୁ ଲେହେଁ ଗାଡ଼ି ଆଡ଼ି ମାଣ୍ଠିକି ବାକା ଇତି ମାନାୟି; ୧୦ ଏ ରଣ୍ଡିଏ ଗୁଡ଼ିଟି ଜହରା କିନାୟି ଅଡ଼େ ବାକା ହାନି କାତା ହଡ଼ିମାନେ ଏ ନା ତାୟିୟା ଅଡ଼େ ତାଜିସ୍ତା ଏଲେଆନାୟି ନେହେଁ ଆଏ । ୧୧ ର ଜାରଣାଟି ଡାକ୍ନି ଅଡ଼େ କାମେଲି ଏୟୁ ହନୁ କି ? ୧୨ ଏ ନା ତାୟିୟା ଅଡ଼େ ତାଜିସ୍ତା, ତୟା ମାରୁନୁତା ଜୀତ ପାଡ଼େୟି ଅଡ଼େ ଅଜୁରି ମାଡ଼ାତା ତୟା ପାଡ଼େୟି ଆୟାଲି ଆଡ଼ିନେ କି ? ଏଲେକିହ ଏ ହାରୁ ଜାରଣା ଡାକ୍ନି ଏୟୁହାହାଲି ଆଡେଏ ।

ମାହାପୁରୁ ତାଣାଟି ଖାନି ବୁଦି

୧୩ ମୀ ବିତ୍ରା ବୁଦିଗାଗାସି ଅଡ଼େ ତେଲୁହିନାସି ଆମ୍ବାଆସି ମାନେସି ? ଏଝାସି ବୁଦିଗାଗାସି ଲେହେଁ ଉଣା ଆହାନା ଇଞ୍ଜି ସୁଦୁଗାଗାସି ଆହାନା ତାନି ନେହେଁ ମାଣ୍ଠିକି ତଲେ କାମା ତସ୍ପେସି । ୧୪ ସାମା ମୀ ହିୟାତା ଗାଡ଼ି ତାହାରା, କପା ଅଡ଼େ ଖାରଇ ଜାହାରାତାକି ଅଣ୍ଠିନାୟି ମାନେ, ଆତିହେଁ ସାତାତି କପାଟି ବଡପଣ ଆଥାଦୁ ଅଡ଼େ ମିତି ଜଲ୍ଲାଆଦୁ । ୧୫ ଇଲେତି ବୁଦି ମାହାପୁରୁ ତାଣାଟି ଖାଏ, ଏଡ଼ି ଇ ଦାର୍ତତିତାୟି, ମାଣ୍ଠିକି ଅଣ୍ଠି ଗାଗାୟି ଅଡ଼େ ଲାଗେଏ ପଲେଏତି ବୁଦୁୟା ଖାୟି । ୧୬ ଇତିହେଁ ଆମିନି ତାଣା ତାହାରା ଅଡ଼େ ଜାହାରାତାକି ଅଣ୍ଠିନାୟି ମାନେ, ଏ ଟାୟୁତା ବାରେଲେହେଁତି ଲାଗେଏତି କାମା ମାନେ । ୧୭ ସାମା ଲାକଟି ଖାନି ବୁଦି, ତଲିଏ ସୁଦୁଗାଗାୟି, ତାୟୁ ହିଡ଼ଡ଼ି ଜୀଝୁଗାଗାୟି ଅଡ଼େ ସୁଦୁ ସୁଝାଲା, ମାନଝି ଆନାୟି, କାର୍ମାମେହନାୟି ଅଡ଼େ ନେହେଁ ପାଡ଼େୟିକା ତଲେ ନେଞ୍ଜାମାନାୟି, ଆନାମାନା ଆଥାଗାଗାୟି ଅଡ଼େ କୁଟୁ ହିଲ୍ଲାଆଗାଗାୟି । ୧୮ ଅଡ଼େ ହିଡ଼ଡ଼ି ହାନି ଲକୁ ତାଣାଟି ହିଡ଼ଡ଼ିଟି ବିଚା ମାଟ୍ଠିଆଡ଼େ, ଦାର୍ମୁଗାଟି ପାଡ଼େୟି ଦାପ୍ତି ଆଡ଼େନ ।

୪

ଦାର୍ତତି ତଲେ ତଡ଼େ ଦହନାୟି  
 ୧ ମୀ ତାଣା ମାଡ଼ାଗଡ଼ି ଅଡ଼େ ଗଡ଼ହା ଆମ୍ବିଟି ଖାହିମାନେ ? ଏଝି ମୀ ତାଣା ମାନି ସୁକୃତି ଅଣ୍ଠିପୁଟି ଖାହିମାନୁ ଏଝି ବାରେବେଲା ବାରେ ବେଲା ଗଡ଼ହା କିଝିକିହିମାନୁ । ୨ ମୀରୁ ଏନାଆଁ ବେଟାଆହାଲି ଅଣ୍ଠିପା ମାଞ୍ଜେରି, ଏଦାଆଁ ବେଟା ଆଥାସାରେ ଲକୁଣି ପାୟାଲି ଅଣ୍ଠିପା ମାଞ୍ଜେରି, ଏନାଆଁ ବେଟାଆହାଲି ହାଡ଼େକା ଜୁପକା ଆଡ଼େ ଏଦାଆଁ ବେଟା ଆଥାସାରେ ଗଡ଼ହା ଅଡ଼େ ମାଡ଼ାଗଡ଼ି କିହିମାଞ୍ଜେରି, ଏନାଆଁତାକି ଇତିହେଁ ମୀରୁ ମାହାପୁରୁଇ ରାସି ହିଲଅତେରି; ୩ ମୀରୁ ରାସିମାଞ୍ଜେରି ସାମା ବେଟାଆହି ହିଲଅତେରି, ଏନାଆଁତାକି ଇତିହେଁ ମୀରୁ ମୀ ଆଙ୍ଗାତି ଜୁପକାଟି ଲେମ୍ବାଲି ତାକି ପାପୁ କାମା କିହାଲି ରାସିମାଞ୍ଜେରି । ୪ ଏ ଦାରେଣିସିକାତେରି, ମୀରୁ ପୁଞ୍ଜାହିଲଅତେରି ? ଦାର୍ତତି ତଡ଼େ ଆନାସି ଏଝାସି ମାହାପୁରୁତି ସାଡୁ, ଇତିହେଁ ଆମ୍ବାଆସି ଇ ଦାର୍ତତି ତଡ଼େ ଆହାଲି ଅଣ୍ଠିନେସି; ଏଝାସି ତାଙ୍ଗେ ମାହାପୁରୁତି ସାଡୁ । ୫ ମୀରୁ ଏନାଆଁ ଦାର୍ମୁ ପତିତା ରାସ୍ତିକି ଆହାମାନି ବଲୁ ଉଜେଏ ଇଞ୍ଜି ଅଣ୍ଠିମାଞ୍ଜେରି କି, “ମାହାପୁରୁ ଆମିନି ଜୀଝୁତି ମା ତାଣା ବାସା ଆହାଲି ହାହାମାଞ୍ଜାନେସି, ଏଝାସି ମାଙ୍ଗେ ବାରେ ଖାକିଟି ସାଲଝି କିହାଲି ଅଣ୍ଠିମାନେସି ।” ୬ ସାମା ମାହାପୁରୁ ହାଡ଼େକା କାର୍ମାମେହନାଣି ହିୟାନେସି; ଏଦାଆଁତାକି ସାପ୍ତେରିତା ରାସ୍ତିକି ଆହାମାନେ, “ମାହାପୁରୁ ଆଙ୍ଗାରା ଆନାରି କପାଟି ନିଜିନେସି, ସାମା ଜାହାରାଇଁ ଉଣା କିହା କଡ଼ାମାନାରାଇଁ କାର୍ମା ମେହନେସି, ମାହାପୁରୁତି କାର୍ମା ହାଡ଼େକା ବାଡ଼ୟୁ ଗାଗାୟି ।”  
 ୭ ଏଦାଆଁତାକି ମୀରୁ ମାହାପୁରୁ ତାଣା ହେରପା କଡ଼ାଦୁ; ଅଡ଼େ ସୟତାନଇ ଆବାଆଦୁ, ଆତିହେଁ ଏଡ଼ି ମୀ ତାଣାଟି ହେକ ହାନେ । ୮ ମାହାପୁରୁ ତାଗେ ଖାଦୁ ଆତିହେଁ ଏଝାସି ମୀ ତାଗେ ଖାଡ଼େସି,

ଏ ପାପୁ ଗାଟାତେରି, ମୀ କେସାଣି ନେହୁଁ କୁଁ ନରଦୁ, ଅଡ଼େ ରୀ ଅଣ୍ପୁ ଗାଟାତେରି, ମୀ ହିୟାତି ଅଟହା କଡାଦୁ । ୯ ହିୟା କାଡ଼ି କିହାଁ ଦୁକୁ ତଲେ ଡାଦୁ; ମୀ କାକନାୟି ଡାକିତା ଅଡ଼େ ମୀ ରାହାଁ ଦୁକୁତା ତୀରି ମିଠେ । ୧୦ ପ୍ରବୁ ନକିତା ମୀରୁ ମିଙ୍ଗେ ଉଣା କିହାକଡାଦୁ, ଏଚେଟିଏ ଏଝାସି ମିଙ୍ଗେ କାଜା ଲକୁ କିୟାନେସି ।

ଏଟକା ଲକୁଣି ନୀହାଁୟି କିଆଦୁ

୧୧ ଏ ତାୟି ତାଜିସ୍ତା, ମୀରୁ ରଅତେରି ରଅଣା କପାଟି ନିନ୍ଦା କାତା ଜଲ୍ଲାଆଦୁ; ଆମ୍ବାଆସି ତାୟି କପାଟି ନିନ୍ଦା କାତା ଜଲ୍ଲିନେସି କି ନୀହାଁୟି କିନେସି, ଏଝାସି ମସା ମେରା କପାଟି ଜଲ୍ଲିମାନେସି, ଇଞ୍ଜା ଏମ୍ବାତି ନୀହାଁୟି କିହିମାନେସି । ସାମା ମୀରୁ ମସା ମେରାତି ନୀହାଁୟି କିଦେରି, ଇତିହୁଁ ମୀରୁ ମସା ମେରାତି ମାନୁଝି ଆନାତେରି ଆଆନା ଏମ୍ବାତି ନୀହାଁୟି କିନାତେରି । ୧୨ ମାହାପୁରୁ ରଅସିଏ ମେରା ହୀନାସି ଅଡ଼େ ନୀହାଁୟି କିନାସି, ଏଝାସି ଗେଲପାଲି ଅଡ଼େ ନାସା କିହାଲି ଆଡ଼ିମାନେସି; ସାମା ନୀନୁ ଆମ୍ବାଆତି, ନୀ ଆଟହିତାଣାକି ନୀହାଁୟି କିହିମାଞ୍ଜି ?

ବତପଣ କିଆଦୁ

୧୩ ନୀଏଁ ମେହୁଦୁ, ଆମ୍ବାଆତେରି ଏଲେ ଇଞ୍ଜିମାଞ୍ଜେରି, “ନୀଞ୍ଜୁ କି ଝିଏ ମାମ୍ବୁଏ ଗାଡ଼ାତା ହାନମି ଇଞ୍ଜା ଏମ୍ବାଆଁ ର ବାସା ପାତେକା ତୟାନା ବେବାରା କିହାଁ ଗାଡ଼ି ଲାବା କିନମି;” ୧୪ ସାମା ଝିଏ ଏନାୟି ଆଚେନ, ଏଦାଆଁ ମୀରୁ ପୁଞ୍ଜାହିଲଅତେରି, ମୀ ଜୀଝୁ ଏନିକିଁ ଗାଡ଼େକା ତଞ୍ଜାଆହାନା ଗାଡ଼େକା ମେଣ୍ଟାହାନି ଉକ୍‌ଅଡ଼ି, ମୀରୁ ଏଲେତାତେରି । ୧୫ ଇଦାଆଁତାକି ମୀରୁ ଏଲେଇନାୟି ମାନେ, “ପ୍ରବୁତି ଅଣ୍ପୁ ଆଡ଼ିସାରେ ମୀରୁ ଜୀଝୁତଲେ ନୀତା ମାଞ୍ଜାନା ଇଦାଆଁ କିନ ଆଆତ ଏଦାଆଁ କିନ ।” ୧୬ ସାମା ମୀରୁ ନୀଏଁ ମୀ ବତପଣ

ତସାକଡ଼ିମାଞ୍ଜେରି; ଇଲେତି ବତପଣ ଲାଗେଏତାୟି ।

୧୭ ହିୟାତା ଇଟାଦୁ ଏନାଆଁତାକି ଇତିହୁଁ, ଆମ୍ବାଆସି ନେହୁଁ କାମା କିହାଲି ପୁଞ୍ଜାନା କିଅସି ଏଝାସି ପାପୁ କିନେସି ।



ବାଡ଼କୁ ଗାଟାରାଇଁ ଜାଗ୍ରାତା କିନାୟି

୧୮ ଏ ବାଡ଼କୁ ଗାଟାତେରି ନା କାତା ୱେଞ୍ଜୁ, କସ୍ତୁତି ଦିନା ୱାହିମାନେ ଏଦାଆଁତାକି ଦୁକୁଆହୁଁ ଡାଦୁ ଇଞ୍ଜା କାନିକାର୍ମା ଆଦୁ । ୧୯ ମୀ ବାରେ ଦନ ସୀରୁହା ହାଚେୟିଏ, ଅଡ଼େ ମୀ ହିମ୍ବୁରିକାଇଁ ଲୀମ୍ବୁ ତିଚେୟିଏ, ୨୦ ଅଡ଼େ ମୀ ବାଂଗାରା ଇଞ୍ଜା ୱେଣ୍ଡି କିରୁଙ୍ଗୁ ଆଡେତିୟିଏ; ଏଚେଟିଏ ଏ କିରୁଙ୍ଗୁ ମୀ କପାଟି ସାକି ହାହାନା ହିରୁ ଲେହେଁ ମୀ ଆଙ୍ଗା ଜିକେଏ ନାସା କିୟାନେ, ଇ ରାନି ବେଲାତା ମିଙ୍ଗେତାକି ଦନ କୁଡ଼ି କିହାମାଞ୍ଜେରି । ୨୧ ହେଣ୍ଡୁ! ମୀ ଗୁଡ଼ିୟାତି ତାସା ଦାଃଆନାରାକି ନାଡ଼କିହାନା ଆମିନି କୂଲି ହୀହା ହିଲଅତେରି, ଏଡ଼ି ଗାଡ଼ି କାଲୁଝି ଆହିମାନେ, ଅଡ଼େ ତାସାତି ଦାଃଆନାରି ଡ଼ାନାୟି ବାରେ ବାଡ଼ୟୁଟି ପ୍ରବୁତି କିୟୁଁ ତୁ ଏଗା ହାଚେୟିଏ । ୨୨ ମୀରୁ ଦାରତିତି ସୁକୁ ଅଡ଼େ ରାହାଁତା ନୀତାମାଞ୍ଜେରି, ମୀରୁ ହାକିତି ଦିନାତାକି ଜାହାରାଇଁ ଆଙ୍ଗା କିହାମାଞ୍ଜେରି । ୨୩ ମୀରୁ ଦହ ହିଲାଆଗାଟାରାଇଁ ଦହ କିହାନା ପାୟିମାଞ୍ଜେରି; ଏଝାସି ମିଙ୍ଗେ ୱେଣ୍ଡେ ଏନାଆଁ କିୟଅସି ।

ସାସାତଲେ ପ୍ରାତାନା କିନାୟି

୨୪ ଏଦାଆଁତାକି ଏ ତାୟି ତାଜିସ୍ତା, ପ୍ରବୁତି ୱାନି ଦିନା ପାତେକା ସାସାତଲେ କାଟାନା ମାଞ୍ଜୁ, ର ତାସା କିନାସି ଏନିକିଁ ତାନି ବୁମିତି ପାଡ଼େୟି ବେଟାଆହାଲି ତାକି ମୂଲୁତି ପିୟୁ ଅଡ଼େ ତାୟୁତି ପିୟୁ ରିନି ଦିନା ପାତେକା ସାସାତଲେ କାପୁ କାଟାନା ତୟିନେସି । ୨୫ ମୀରୁ ଜିକେଏ ଏଲେକିଁ ସାସାତଲେ ମାଞ୍ଜାନା ମୀ

ହିୟାଁତି ସୂସ୍ତି କିଦୁ, ଇତିହଂ ପ୍ରବୁତି ଖାନ୍ତି  
ଦିନା ତାଗେ ଖାଡ଼େୟିଏ ।

୯ ଏ ତାୟି ତାଜିସ୍ତା, ମୀରୁ ଏନ୍ତିକଂ  
ନୀହାୟି କିଖି ଆଅଡେରି, ଏଦାଆଁତାକି  
ରଅଡେରି ରଅଣା କପାଟି ଏନ୍ତି କାତା  
ଜଲ୍ଲାଆଦୁ, ସିନିକଦୁ, ନୀହାୟି କିନାସି  
ଦୁଖେରିତା ନିଚାମାନେସି । ୧୦ ଏ  
ତାୟି ତାଜିସ୍ତା, ଆମିନି ମାହାପୁରୁ  
ଅଣ୍ପୁତି ବଲୁ ଖେହ୍ନାରି ପ୍ରବୁ ଦରୁଟି  
କାତା ଖେସାମାରେରି, ଏଞ୍ଜାରାଇଁ ମୀରୁ  
ଅଣ୍ପାଦୁ, ଦୁକୁ କସ୍ତ ବେଟାଆନାଟି ସାସା  
ଅଡ଼େ ଅରହାଲି ଜିରୁ ତସାମାଞ୍ଜାନେରି  
। ୧୧ ମେହ୍ନୁ ଆମ୍ବାଆରି କସ୍ତ ଅରହା  
ମାରେରି, ମାମ୍ବୁ ଏଞ୍ଜାରାଇଁ ନେହାରି  
ଇଞ୍ଜି ଇନମି, ମୀରୁ ଆୟୁବତି  
ଅରହିନାଣି ଖେଞ୍ଜାମାଞ୍ଜେରି, ଅଡ଼େ ପ୍ରବୁ  
ଡାୟୁତି କାମା ମେସାନା ପୁଞ୍ଜାମାଞ୍ଜେରି,  
ଏଞ୍ଜାସି କାର୍ମା ମେହ୍ନାସି ଅଡ଼େ ଜୀଞ୍ଜୁ  
ନନାସି ।

୧୨ ଏ ନା ତାୟି ତାଜିସ୍ତାଡେରି, ମୀରୁ  
ପାରମାଣା କିଞ୍ଜୁଏ କିଆଦୁ, ଲାକପୁରୁତି  
ଦରୁତଲେ ପାରମାଣା କି ଦାରୁତିତି  
ଦରୁତି ପାରମାଣା କି ଏଟକାତି ଏନ୍ତି  
ଦରୁ ଆସାନା ପାରମାଣା କିଆଦୁ, ସାମା  
ମୀଦି ହାଅ ଇନି କାତା ହାଅ ଆପେ ଇଞ୍ଜା  
ଆଏ ଇନି କାତା ଆଏ ଆପେ, ଏନ୍ତିକଂ  
ମୀରୁ ନୀହାୟି ଦିନାତା ତଣ୍ଡ ଗାଟାଡେରି  
ଆଅଡେରି ।

୧୩ ମୀ ବିତ୍ରାଟି ଆମ୍ବାଆସି ଦୁକୁ  
କିହିମାନେସି ? ଆତିହଂ ଏଞ୍ଜାସି  
ପ୍ରାଡାନା କିପାସି, ଆମ୍ବାଆସି ରାହାଁଟି  
ମାନେସି ? ଇତିହଂ ଏଞ୍ଜାସି ଜହରା  
ପାରୁ ପାଟାପେସି । ୧୪ ଆମ୍ବାଆସି  
ମୀ ବିତ୍ରାଟି ଆଡାଆ ଗାଟାସି ମାଟିହଂ  
ଏଞ୍ଜାସି କୁଲମିତି ପ୍ରାଟିନାଜାଣି  
ହାଟାପେସି; ଇଞ୍ଜା ଏଞ୍ଜାରି ପ୍ରବୁତି  
ଦରୁତଲେ ନିୟୁଁ ଖାକ୍‌ହାନା ଏଞ୍ଜାଣି ତାକି  
ପ୍ରାଡାନା କିପାରି । ୧୫ ଏ ନାମୁଗାଟି  
ପ୍ରାଡାନା ରଗ ଗାଟାଣାଇଁ ନେହଂ କିନେ,  
ଇଞ୍ଜା ପ୍ରବୁ ଏଞ୍ଜାଣାଇଁ ନିକ୍‌ନେସି, ଇଞ୍ଜା

ଏଞ୍ଜାସି ପାପୁ କିହାମାଟିହଂ, ଆତିହଂ  
ଏଞ୍ଜାଣି ପାପୁ ମେଣ୍ଡାକି କିଖିଆଡେନ  
। ୧୬ ଏଦାଆଁତାକି ମୀରୁ ରଅଡେରି  
ରଅଣା ନକିତା ମୀ ପାପୁ ଖେକ୍‌ଦୁ,  
ଅଡ଼େ ନେହଂ ଆହାଲିତାକି ରଅଡେରି  
ରଅଣି ତାକି ପ୍ରାଡାନା କିଦୁ, ଆତିହଂ  
ମୀରୁ ନେହଂ ଆଡେରି, ଏଦାଆଁତାକି  
ଇତିହଂ ଦାମ୍ବୁ ଗାଟାଣି ପ୍ରାଡାନା  
ହାରେକା କାଜା କାମା କିହାଲି ଆଡିନେ  
। ୧୭ ଏଲିୟ ଜିକେଏ ମା ଲେହେତି ଦୁକୁ  
ସୁକୁ ଗାଟି ମାଣସି; ଏଞ୍ଜାସି ପିୟୁ ଆଆପେ  
ଇଞ୍ଜି ରଣ୍ଡିଏ ମନତଲେ ପ୍ରାଡାନା  
କିଡେସି, ଅଡ଼େ ତାନି ବାସା ସ ଲେଞ୍ଜୁ  
ପାଡେକା ଏ ବୁମିତା ପିୟୁ ଆଆପେ ।  
୧୮ ଇଞ୍ଜା ଏଞ୍ଜାସି ଅଡ଼େ ଖେଣ୍ଡେ ପ୍ରାଡାନା  
କିହାଲିଏ ହାଗୁଟି ପିୟୁ ରାଡେ, ଅଡ଼େ  
ବୁମିତା ଆର୍ନା କାମ୍ବିଡେ ।

୧୯ ଏ ନା ତାୟି ତାଜିସ୍ତା, ମୀ  
ବିତ୍ରାଟି ଆମ୍ବାଆସି ସାତା ଜିରୁତି ବାଣା  
ଆତିହଂ ଅଡ଼େ ଆମ୍ବାଆସି ଏଞ୍ଜାଣାଇଁ  
ଖେଣ୍ଡେ ଖେଟହା ତାନେସି, ୨୦ ଆତିହଂ  
ଆମ୍ବାଆସି ପାପୁ ଗାଟାଣାଇଁ ତାନି ପଲ୍‌ଆ  
ଜିରୁଟି ଖେଟହା ତାନେସି, ଏଞ୍ଜାସି ଏଞ୍ଜାଣି  
ଜୀଞ୍ଜୁତି ହାକିଟି ଗେଲ୍‌ପିନେସି, ଇଞ୍ଜା  
ହାରେକା ପାପୁତି ମ୍ଲେପକି କିନେସି,  
ଇଦାଆଁ ମୀରୁ ପୁଞ୍ଜୁ ।

# ପିତରକ ପ୍ରଥମ ପତ୍ର ପିତର ରାଡ଼ାମାନି ର ଲମ୍ବର ଆକୁ ମୂଲ୍ୟ ହାତୀ

ପିତର ର ଲମ୍ବର ଆକୁ ପାଣ୍ଡୁଆଡ଼ି ପିତର ରାଡ଼ାମାନେସି । ପିତର ଏଝାସି ଆମ୍ବାଆସି ଅଡ଼େ ଆମ୍ବାଆରାକି ତାନି ଆକୁ ରାଡ଼ିମାନେସି ଏ କାତା ଝେସାନା ତାନି ଆକୁ ରାଡ଼ାଲି ମାଟ୍‌ହେସି । ଏଝାସି ଆମ୍ବାଆରାକି ପୁଣସି ମେସ୍‌ପି ଆଆତି ଲକୁ ଇଞ୍ଜି ଇଚେସି ଏ ବାରେ କ୍ରୀସ୍ତୁଇ ନାମିତି ଲକୁଣି ଆକୁତା ଝେକ୍‌ହେସି ୧:୧; ୧:୧୭; ୨:୧୧ । ଏଝାସି ତାନି ଆକୁତି ପତ୍ରଝି ଆନାରାଇଁ ଏଲେକିହଁ ଝେସ୍ତେସି ଏନାଆଁତାକି ଇଚିହଁ ଏଝାରି ହାଡ଼େକା ଦେବା ଇତାଲା ଆତାଲା ଦେସାଣା ହଣ୍ଡି ଆହାମାନେରି । ଇଚିହଁ ଇ ଆକୁ ଏଚର ବାଗା ପାଝୁଲ ଏପିସିୟ କୁଲମିକି ରାଡ଼ାମାନି ଆକୁ ଲେହେଁତାୟି, ହାଡ଼େକା ଲକୁ ନାମିମାନେରି ଏପିସିୟତି ତାୟି ର ଲମ୍ବର ପିତର ପତି ଜୀସୁ କ୍ରୀସ୍ତୁ ଜାର୍ନାଆଡ଼ି ୬୫ ବାର୍ସା ତାୟି ରାସ୍‌କି ଆହାମାନେ । ପିତର ଇ ଆକୁତି ରମ୍‌ଟି ରାଡ଼ିଚେସି, ଆମିନିଗାଟାଣି ଏଝାସି ବାବିଲନ ଇଚେସି ୫:୧୩ ।

ମିଙ୍ଗେ ରାହଁ କିହଁ ଅଡ଼େ ସାକି ହାହଁ ଇଦି ଏ ମାହାପୁରୁତି ସାତା କାର୍ମାମେହନାୟି ଇଞ୍ଜି ପିତର ଝେସାନା ଇ ଆକୁତି ରାଡ଼ିଚେସି ୫:୧୨; ୧୯୮୧ ୨:୧୧-୩:୭; ଏପିସି ୫:୧୮-୨:୯ ଅଡ଼େ କଲସିୟ ୩:୧୮-୪:୭ ହାଡ଼େକା ରଲେଏତି କାତା ରାସ୍‌କି ଆହାମାନେ । ଇ ବାରେ ତାନିଗଟା ଆକୁତା ଇଲୁ କୁଟମିତା ଆଣ୍ଡି ଆହାନା ତୟିନାୟି ଅଡ଼େ କାଜା ଲକୁତି ମାନଝି ଆହାନା ତୟାଲି ଜାପୁଝି ଆହାମାନେ । ଏଚିବେଲାତା ସାସି ଝାନେ ତାରିଆହାନା ମାଞ୍ଜାଲି ଏଝାସି କ୍ରୀସ୍ତୁଇ ନାମିତି

ଲକୁଣି ସାସା ହାହିମାନେସି ଏନାଆଁତାକି ଇଚିହଁ ଜୁଗୁ ରାଡ଼ି ଦିନା ତାଗେ ଝାଡ଼େୟିଏ ୪:୧ ।

## ପତିବା ମାନାୟି

୧. ପିତର ତାଙ୍ଗେ ଝେକ୍‌ହା କତିନାୟି ଅଡ଼େ ତାନି ଆକୁତି ପତ୍ରଝି ଆନାରାଇଁ ଝେହନାୟି । ୧:୧-୨
୨. ଗେଲ୍‌ପି ଆନାୟି ବାରେ ଲକୁତାଣା ଏଜାମାନାକି ଅଡ଼େ ତାନି ଜୀସୁ ଏନାୟି ଇଞ୍ଜି ପୁଞ୍ଜାମାନାକି ଏଝାସି ମାହାପୁରୁଇଁ ଜହରା କିନାୟି । ୧:୩-୨:୧୦
୩. କ୍ରୀସ୍ତୁଇ ନାମିତି ଲକୁ ଏନିକିହଁ ଇ ଦାରତିତା ନାତିନାୟି ଅଡ଼େ ଏନିକିହଁ କି ତକ୍ରା ଅଡ଼େ ତକ୍ରା ଇଞ୍ଜା ସାଝୁକାରି ଅଡ଼େ ହଲେଏସି ନେହଁକଁ ତୟିନେରି ଏ କାତା ଏଝାସି ଜାପୁନାୟି । ୨:୧୧-୪:୧୧
୪. ପିତର ଏଝାରାକି ସାସି ଝାଡ଼ିସାରେ ତାରିଆହାନା ତୟାଲି ସାସା ହାନାୟି । ୪:୧୨-୫:୧୧
୫. ପିତର ତାନି ଆକୁ ରାପୁନାୟି । ୫:୧୨-୧୪

୧ ନାନୁ, ପିତର, କ୍ରୀସ୍ତୁ ଜୀସୁ ତାଣାଟି ପାଣ୍ଡୁଆହାମାନି ସୀସୁ, ପତ୍ର, ଗାଲାତିୟା, କାପାଦକିୟା, ଆସିୟା ଅଡ଼େ ବେତନିୟାଁ ରାଜିତା ଇତାଲା ଆତାଲା ବାସାଆହାମାନି ମାହାପୁରୁ ଆଡ଼ାମାନି ଲକୁତାକି ଆକୁ ରାଡ଼ିମାଇଁ, ୨ ଆବା ମାହାପୁରୁତି ତଲିତି ବୁଦିତଲେ ସୁଦୁଜୀସୁ ତଲେ ସୁଦୁ ଆହା ମାନି ଗାଟାଚେରି ଅଡ଼େ ଜୀସୁ କ୍ରୀସ୍ତୁତି ନେଚେରି ତାଞ୍ଜିଝି କିହାକତାଲି ଆଡ଼ି ଆହାମାନେରି । ମିଙ୍ଗେତାକି ମାହାପୁରୁତି କାର୍ମାମେହନାୟି ଇଞ୍ଜା ହିଡ଼ି ଆପେ ।

ଜୀସୁତି ବାର୍ସୁ  
୩ ମା. ପ୍ରବୁ ଜୀସୁ କ୍ରୀସ୍ତୁତି ଆବା ଅଡ଼େ ମାହାପୁରୁଇଁ ଜହରା; ଇଚିହଁ ଏଝାସି ତାନି କାର୍ମାଟି ଜୀସୁ କ୍ରୀସ୍ତୁଇଁ ହାକିଟି ନିକହାନା ମାଙ୍ଗେ ପୁଝିନି ଜୀସୁ ହାହାମାଞ୍ଜାନେସି, ଏଡ଼ି ମାଙ୍ଗେତାକି ନାତିନି ବାର୍ସୁ ହାହାମାଞ୍ଜାନେ,

୪ ଏଦାଆଁତାକି ମାହାପୁରୁ ତାନି ଲକ୍ଷ୍ମତାକି ଆମିନି ଦାରାଗାଟି ବର ଇଟାମାନେସି, ଏଦାଆଁ ବେଟାଆହାଲି ମାର କାପୁ କାଟାମାନାୟି, ଏଞ୍ଜାସି ଲାକପୁରୁ ମିଙ୍ଗେତାକି ଏଦାଆଁ ଜାତନୁ ତଲେ ଇଟାମାନେସି, ଏମ୍ବାଆଁ ଏଦି ନସ୍ତୁ ଆଏ କି ଖାଡ଼େଏ । \* ଆମିନି ଗେଲପିନାୟି ରାନି ଦିନାତା ତଞ୍ଜାଆହାଲି କିଞ୍ଜିଆହାମାନେ, ଏଦାଆଁ ବେଟାଆହାଲି ତାକି ମୀରୁ ମାହାପୁରୁତି ବାଡ଼ୟୁତା ନାମୁତଲେ ଜାଗ୍ରାତା କିଞ୍ଜି ଆହାମାଞ୍ଜେରି ।

୨ ଏଦାଆଁତାକି ମୀରୁ ରାହାଁ କିଦୁ, ଆଡ଼ିଜିକେଏ ନୀର୍ବ ଗାଡ଼େକା ତାକି ହାଡ଼େକା ତାୟିପାରି କିନି ତାଣାଟି ଦୁକୁ କସ୍ତ ବେଟାଆନାୟି ମିଙ୍ଗେତାକି ଲଡ଼ାଆନେ, ୩ ଏନିକ ଗାଡ଼େକା ନସ୍ତୁ ଆନି ବାଂଗାରା ହିରୁତା ହୁଡ଼ିନି କିହାଁ ହାଡ଼େକା ଦାରା ମୀ ତାୟିପାରି କିଞ୍ଜିଆଡ଼ି ନାମୁ, ଏଦି ଜୀସୁ କ୍ରୀସ୍ତ ତଞ୍ଜାଆନି ବେଲାତା ମାନି ତଲେ ଜହରାଡି, ଗାଞ୍ଜୁରମି ଅଡ଼େ ମାନି ବେଟାଆନାୟି । « ନୀର୍ବ ମୀରୁ ଏଞ୍ଜାଣାକ୍ ମେସା ହିଲାଆଡି ଜିକେଏ ଜୀସୁନହ ମାଞ୍ଜେରି, ଇଞ୍ଜା ନୀର୍ବ ମେହୁଆତ ଜିକେଏ ତାନି ତାଣା ନାମାହାଁ ଝେସାଲି ଆଡ଼ାଆରେରୁ ଗାଞ୍ଜୁରମିଡି ରାହାଁତା ୯ ରାହାଁ ଆହାନା ଏ ନାମୁଡି ପାଡ଼େୟି ଲେହେଁ ମୀ ଜୀସୁଡି ଗେଲପିନାଣି ବେଟାଆହାମାଞ୍ଜେରି ।

୧୦ ଇ ଗେଲପିନି କାତା ମାହାପୁରୁ ଅଣ୍ଡପୁଡି ବଲୁ ଝେହନାରି ମନ ହାହାନା ପାରିହ ସିନକିଡେରି, ଆମ୍ବାଆରି ଏମିନି କାର୍ମାମେହନାୟି ମିଙ୍ଗେ ଆନାୟି ମାତେ, ଏ ତାୟୁଡି କାତା ଝେସାହାଁ ତସାମାତେରି, ୧୧ କ୍ରୀସ୍ତତି ଦୁକୁ ବେଟାଆନାଣି ଇଞ୍ଜା ଅଡ଼େ ତାୟୁଡି ଗାଞ୍ଜୁରମି ବେଟାଆନାଣି ନକେଏ ପାରମାଣା ହାନାସି ଇଞ୍ଜା ଏଞ୍ଜାରିତାଣା ମାନି କ୍ରୀସ୍ତତି ଜୀସୁ ଏ ବାରେ ଏଡିବେଲା ଖାନେ ଅଡ଼େ ଏନିକ ଖାନେ ଏଞ୍ଜାରି ପୁଞ୍ଜାଲି ନକେଏ ଅଣ୍ଡପାମାତେରି । ୧୨ ଏଞ୍ଜାରି ଏ ବାରେ କାତା ତାମି ତାକି ସେବା କିଆନା ମୀ ଲାବା ତାକି

ସେବା କିହିମାତେରି, ଇଦି ଏଞ୍ଜାରିତାଣା ତଞ୍ଜା ଆହାମାତେ, ଇଞ୍ଜା ଏ ବାରେ କାତା ଲାକପୁରୁଡି ପାଣ୍ଡୁଞ୍ଜିଆହାମାନି ସୁଦୁଜୀସୁଡି ବାଡ଼ୟୁ ତଲେ ମୀ ନକିତା ନେହ କାବୁ ଝେହନାରି ତାଣାଟି ନୀର୍ବ ମିଙ୍ଗେ ଝେସପି ଆହିମାଞ୍ଜାନେ; ଏ ବାରେ କାତା ଦୁତୁୟା ଜିକେଏ ପୁଞ୍ଜାଲି ଅଣ୍ଡପି ମାନେରି ।

ସୁଦୁଜୀସୁ ତଲେ ମାଞ୍ଜାଲି ହାଟକି ଆନାୟି

୧୩ ନେହ କାମା କିହାଲି ତିୟାରା ଆଦୁ । କାପୁ କାଟାନା ଜୀସୁ କ୍ରୀସ୍ତ ତଞ୍ଜା ଆନି ବେଲାତା ଆମିନି ବର ମିଙ୍ଗେ ହୀପକି ଆୟାନେ, ଏଦାଆଁତାକି ତୀରେତଲେ ବାସ୍ତୁ ଇଟାଦୁ । ୧୪ ମାହାପୁରୁକ୍ ମାନି କିଦୁ, ମୀରୁ ତଲି ପୁଞ୍ଜାହିଲାଆଡି ବେଲାତା ଆମିନି ଲାଗେଏ ପଲେଏଡି ଜୁପକା ତଲେ ମାତେରି ନୀର୍ବ ଏଲେଆଆଦୁ । ୧୫ ସାମା ମିଙ୍ଗେ ହାଟାମାଞ୍ଜାନି ମାହାପୁରୁ ଏନିକ ସୁଦୁଗାଗାସି ମୀରୁ ଜିକେଏ ଏଲେକ ମୀ ବାରେ ମାଣକିତା ସୁଦୁ ଗାଗାତେରି ଆଦୁ । ୧୬ ଦାର୍ମପତିତା ରାସକି ଆହାମାନେ, “ମୀରୁ ସୁଦୁ ଗାଗାତେରି ଆଦୁ, ଏଦାଆଁତାକି ଇଡିହ ନାନୁ ସୁଦୁ ଗାଗାତେର୍ବ ।”

୧୭ ଅଡ଼େ ଆମ୍ବାଆରି ମୂମୁ ଝେହଆନା ବାରେ ଲକ୍ଷ୍ମତି ଏଞ୍ଜାରି କାମା କିହାମାନିଲେହେଁ ନୀହାୟି କିନେସି, ଏଞ୍ଜାଣି ତାଣା ପ୍ରାତାନା କିନାଟି ଆବା ଇଞ୍ଜା ହାଟିଡିହ, ମୀରୁ ଇ ଦାରଡିତା ବାସାଆହାମାନି ପାତେକା ମାନି ତଲେ ଏଞ୍ଜାଣାକ୍ ଆଜାନା ମାଞ୍ଜୁ; ୧୮ ଇଡିହ ମୀରୁ ପୁଞ୍ଜାମାଞ୍ଜେରି ମୀ ଆକୁ ଆବାୟାଁ ତାଣାଟି ବେଟାଆହାମାନି ଉଜେଏଡି ମାଣକି ତଲେ ନୀଡିନି ତାଣାଟି ମୀରୁ ଝେଣ୍ଡି କି ବାଂଗାରା ଲେହେଁଡି ନାସା ଆନି ଆସ୍ତି ତଲେ ପିସପି ଆହାହିଲଅତେରି, ୧୯ ସାମା ଏନି ସିନା ଅଡ଼େ ଦହ ହିଲାଆଗାଟି ମେଣ୍ଡା ତାଲୁ ଲେହେଁଡି କ୍ରୀସ୍ତତି ଗାଡି ଦାରାଗାଟି ନେତେରି ତଲେ ପିସପି ଆହାମାଞ୍ଜେରି । ୨୦ ଦାରଡି

ଗାଡ଼ିଆଡ଼ି ନକେଏ ମାହାପୁରୁ ଏଝାଣାଈ  
 ଆଡ଼ିତେସି ଇଞ୍ଜା ଇ ରାନ୍ତି ଜୁଗୁତା ଏଝାସି  
 ମିଙ୍ଗେତାକି ତଞ୍ଜା ଆହାମାଞ୍ଜାନେସି;  
 ୨୧ ଆମିନି ମାହାପୁରୁ ଏଝାଣାଈ ହାକିଟି  
 ନିକହାନା ଗାଝୁରମି ହାହାମାନେସି,  
 ଏଝାଣି ତାଣାଟି ମୀରୁ ଏ ମାହାପୁରୁଈ  
 ନାମିମାଞ୍ଜେରି, ଇଦାଆଁତାକି ମୀ ବାରେ  
 ନାମୁ ଅଡ଼େ ବାସୁଁ ମାହାପୁରୁ ତାଣା  
 ଆଡ଼ଝା ଆହାମାନେ ।

୨୨ ନୀର୍ବ ମୀରୁ ସାତାତି ମାନଝି  
 ଆହାନା କୁରୁ ହିଲାଆ ତାୟିଈ ଜୀଝୁ  
 ନହାଲି ତାକି ମୀ ହିୟାଁତି ଅବହା  
 କତାମାନାକି ମୀ ବାରେ ହିୟାଁ ତଲେ  
 ମୀରୁ ରଣ୍ଡିଏ ମନତଲେ ରଅତେରି  
 ରଅଣାଈ ଜୀଝୁନଦୁ । ୨୩ ଇଚିହୁଁ ମୀରୁ  
 ନାସା ଆନି ପାଡ଼େୟିଟି ଆଏ, ସାମା  
 ଏଚେଲା ନାସା ଆଆଗାଟି ପାଡ଼େୟିଟି,  
 ଇଚିହୁଁ ମାହାପୁରୁତି ଜୀଝୁ ଅଡ଼େ  
 ବାରେବେଲା ଡ଼ୟିନି ବଲୁ ତଲେ  
 ଝେଣ୍ଡେ ଜାନାଁ ଆହାମାଞ୍ଜେରି । ୨୪ ଦାମୁଁ  
 ସାଢ଼ସ୍ତରିତା ରାସ୍ତକି ଆହାମାନେ,  
 “ଇଚିହୁଁ ଦାରୁତିତି ବାରେ ଲକୁ ଗାକ

ଜାଡ଼ା ଲେହେତାରି,  
 ଏଝାରି ଅଜୁ ବାରେ ଜାଡ଼ାତି ପୂଞ୍ଜା  
 ଲେହେତାୟି ।

ଗାକ ଜାଡ଼ା ଝାୟାହାନେ ଇଞ୍ଜା ପୂଞ୍ଜା  
 ବାରେ ତୁଲାହାନୁ ।

୨୫ ସାମା ମାହାପୁରୁତି ବଲୁ  
 କାଲାକାଲାତାକି ଡ଼ୟିନେ ।” ଇଦି ଏ  
 ନେହୁଁ କାବୁତି ବଲୁ, ଆମିନି ଗାଗାୟି  
 ମୀ ତାଣା ଝେପକି ଆହାମାଚେ ।

୨

ଜୀଝୁତି ଝାଲି ଅଡ଼େ ସୁଦୁଗାଟି କୁଡ଼ା  
 ୧ ଇଚିହୁଁ ପ୍ରବୁ କାର୍ମା ମେହନାସି  
 ଇଞ୍ଜୁଁ ମୀରୁ ନୀର୍ବ ପୁଞ୍ଜିମାନାକି,  
 ଇଞ୍ଜା ବାରେ ଲାଗେଏ ପଲେଏତାଣି,  
 ନାଡ଼ି କିନାଣି, କୁରୁ, ଲକୁଣି ତାହାରା  
 ଇଞ୍ଜା ଲକୁଣି ନିନ୍ଦା କାତା ଜଲିନାଣି  
 ପିହୁଦୁ, ୨ ପୁଝନି ଜାନାଁଆଡ଼ି କୃଗି କକାରି  
 ପଦାଁଲେହେଁ ଏନାଆଁ ଆଣ୍ଡାଆଡ଼ି ପାଲୁ  
 ଗସାଲି ଅଣ୍ଡପିଦେରି, ଆଡ଼ିହୁଁ ମୀରୁ

ପାତାଆହାନା ଗେଲପି ଆଦେରି ।  
 ୩ ଦାମୁଁପତିତା ରାସ୍ତକି ଆହାମାନେ,  
 “ମାହାପୁରୁ ଏଚେକା କାର୍ମା ମେହନାସି,  
 ଏଦାଆଁ ମୀରୁ ପୁଞ୍ଜାମାଞ୍ଜେରି ।”

୪ ଜୀଝୁଗାଟି ଝାଲି ଲେହେଁତି  
 ପ୍ରବୁ, ଏଝାଣାଈ ମାଣ୍ଡସିୟାଁ ତାଣାଟି  
 ଅପାଆତେରି ସାତା, ସାମା ମାହାପୁରୁ  
 ତାଣା ଆଡ଼ଝିଆହାନା ଗାଡ଼ି ଦାରାଗାଟାସି  
 ଆଡ଼େସି । ୫ ତାନି ତାଣା ଝାହାନା  
 ମୀରୁ ଜିକେଏ ଜୀସୁ କ୍ରୀସ୍ତ ତାଣାଟି  
 ମାହାପୁରୁ ନକିତା ନେହୁଁ ଜୀଝୁତି ପୂଜା  
 ହାହାଲିତାକି ସୁଦୁଗାଟି ପୂଜେରାଞ୍ଜା  
 ଲେହେଁ ଆହାଲିତାକି ଜୀଝୁତି ଝାଲି  
 ଲେହେଁ ଆହାନା ର ପ୍ରାତାନା ଇଲୁ  
 ଲେହେଁ ଆଦୁ । ୬ ଇଚିହୁଁ ଦାମୁଁ ପତିତା  
 ରାସ୍ତକି ଆହାମାନେ;

“ନାଦୁ ସିୟନତା ର ଆଡ଼ଝି ଆହାମାନି  
 ଅଡ଼େ ଦାରାଗାଟି କନତି ମୂଲୁ  
 ଝାଲି କିହାମାଈ  
 ଇଞ୍ଜା ଆମ୍ବାଆସି ଏଝାଣି ତାଣା  
 ନାମିନେସି ଏଝାସି ଏଚେଲାଝା  
 ଲାଜା ବେଟାଆଅସି ।”

୭ ମୀରୁ ପ୍ରବୁଈ ନାମିମାଞ୍ଜେରି, ମୀରୁ ଏ  
 ଦାରାଗାଟି ତାଣା ଆଣ୍ଡାମାଞ୍ଜେରି, ସାମା  
 ଆମ୍ବାଆରି ନାମଅରି,

“ଇଲୁ କେପିନାରି ଆମିନି ଝାଲିତି  
 ଅପାଆତେରି,  
 ଏଡ଼ି ଏଝାରାକି ଇଲୁ କନତି ମୂଲୁ  
 ଝାଲି ଆଡ଼େ ।”

୮ ଅଡ଼େ ଦାମୁଁପତିତା ରାସ୍ତକି  
 ଆହାମାନେ,

“ଏ ଝାଲିତା ହାରେକା ଲକୁ ପୁଟି  
 କିନେରି,  
 ଏ ପାକା ଝାଲି ଏଝାରାଈ ଡ଼ଇ  
 ତରଗି କିନାୟି ଆନେ;”

ମାହାପୁରୁ ବଲୁ ଆହୁଆତାକି ଏଝାରି  
 ଏମ୍ବାଆଁ ବାଡ଼ା ବେଟାଆନେରି ଇଞ୍ଜା  
 ଏଦାଆଁତାକି ଏଝାରି ମାହାପୁରୁ ତାଣାଟି  
 ଆଡ଼ଝି ଆହାମାଚେରି ।

୯ ସାମା ଆମ୍ବାଆସି ମିଙ୍ଗେ  
 ଆଦେରିତି ତାନି କାବାଆନି ଉଜେଡ଼ିତା  
 ହାଟାମାଞ୍ଜାନେସି, ମୀରୁ ଏନିକି ଏଝାଣି



ଗୁଣ୍ଡ ପାଟିଦେରି, ଏଦାଆଁତାକି ମୀରୁ ମାହାପୁରୁ ଆଚାମାଞ୍ଜାନି କୂଡ଼ାତେରି, ରାଜାତି ସେବାକିନି ପୂଜେରାଜା, ମାହାପୁରୁ ସେବାତାକି ଏଟକା ଆହାମାନି ସୁଦୁ କୂଡ଼ାତେରି, ଇଞ୍ଜା ମାହାପୁରୁତି ଲକୁତେରି ଆହାମାଞ୍ଜେରି । ୧୦ “ତଲି ମୀରୁ ମାହାପୁରୁତି ଲକୁ ଆହା ହିଲାଆତେରି, ସାମା ନୀର୍ବ ମୀରୁ ମାହାପୁରୁତି ଲକୁ ଆହାମାଞ୍ଜେରି, ତଲି ମୀରୁ ମାହାପୁରୁତି କାର୍ମା ବେଟାଆହା ହିଲାଆତେରି, ସାମା ନୀର୍ବ ତାନି କାର୍ମାଆନାଣି ବେଟାଆହାମାଞ୍ଜେରି ।”

ମାହାପୁରୁତି ହଲିୟାଜା

୧୧ ଏ ଜୀଝୁତି ତାୟି ତାଜିସ୍ତା, ନାନୁ ମିଙ୍ଗେ ଇ ଦାରତିତା ଏଟକା ଦେସାତାତେରି ଇଞ୍ଜା ହେକ ଦେସାତି ଖାହାମାନାତେରି ଇଞ୍ଜା ଅଣପାନା ବାତିମାଲିମାଞ୍ଜାଇ, ମୀରୁ ମୀ ଆଜାତି ଜୁପକାଟି ହେକ ଆଦୁ, ଏଞ୍ଜି ମୀ ଜୀଝୁ କପାଟି ଜୁଜୁ କିହେମାନୁ । ୧୨ ମୀରୁ ଜୀହୁଦିଆଆତି ଲକୁତାଣା ମୀ ମାଣକି ଦହ ହିଲାଆଗାଟାୟି ଆଠେ, ଏନିକି ଏଞ୍ଜାରି ନୀର୍ବ ମିଙ୍ଗେ ପାପୁ ଦହ ଗାଟାତେରି ଇଞ୍ଜା ନିନ୍ଦା କିୟାନେରି, ତାୟୁ କ୍ରୀସୁ ଖାନି ଦିନାତା ମୀ ନେହ କାମା ମେସାନା ମାହାପୁରୁଇଁ ଜହରା କିନେରି ।

୧୩ ପ୍ରବୁତି ତାକି ବାତିମାଲିମାଞ୍ଜାଇ, ମୀ ମୁହେଁ ସାଲୁଞ୍ଜି କିନାରାଇଁ ମାନୁଞ୍ଜି ଆଦୁ । ୧୪ ବାରେତି କିହାଁ କାଜା ରାଜା ଆଠେପସି, ଲାଗେଏ ପଲେଏତାରାଇଁ ତଣ୍ଡ ହାହାଲି ଅଠେ ନେହ କାମା କିନାରାଇଁ ରାହାଁ କିହାଲିତାକି ତାନିତାଣାଟି ପାଣ୍ଡୁଞ୍ଜିଆହାମାନି ସାଲୁଞ୍ଜି କିନାସି ଆଠେପସି, ଏଞ୍ଜାରାଇଁ ମାନି କିଦୁ । ୧୫ ଇତିହ ମୀରୁ ନେହ କାମା କିହାଁ ବୁଦି ହିଲାଆ ଉଜେଏତି କାତା ଖେହନାରାଇଁ ସାପି କିଦୁ, ଏଦି ମାହାପୁରୁତି ଅଣପୁ । ୧୬ ମୀରୁ ମେଲା ମାନାତେରି ଆଡ଼ିଜିକେଏ ଏ ମେଲା ଆହାମାନି ତାଣାଟି ଲାଗେଏ ପଲେଏ

ଲେମ୍ବାଆଦୁ, ସାମା ମାହାପୁରୁତି ହଲିୟା ଆହାନା ନେହ କାମା କିଦୁ । ୧୭ ବାରେ ଲକୁଇଁ ଆବାଦୁ, କ୍ରୀସୁନା ତାୟି ତାଜିଇଁ ଜୀଝୁନଦୁ, ମାହାପୁରୁଇଁ ଆଜାଦୁ, ରାଜାଇଁ ମାନି କିଦୁ ।

କ୍ରୀସୁ କସୁତି ଜାପିନାୟି

୧୮ ହଲିୟାଜାତେରି ମୀରୁ ଆଜିତଲେ ମୀ ସାଝୁକାରିୟାଁଇଁ ମାନୁଞ୍ଜି ଆଦୁ, ଖାରଇ ନେହାରାଇଁ ଅଠେ କାର୍ମା ମେହନାରାଇଁ ଆଏ, ସାମା ଲାଗେଏତି ସାଝୁକାରିୟାଁଇଁ ଜିକେଏ ଏଲେକି ମାନୁଞ୍ଜିଆଦୁ । ୧୯ ଇତିହ ଆମ୍ବାଆସି ମାହାପୁରୁଇଁ ନାମିତାକି ଲାଗେଏତାଣି ତାକି ଦୁକୁ କସୁ ବେଟାଆହାନା ଅରୁହିନେସି, ଆତିହ ଏଦି ରାହାଁତି କାତା । ୨୦ ମୀରୁ ମୀ ଦହ ତାକି ତଣ୍ଡ ବେଟାଆଠେଦରି, ଏମ୍ବାଆଁ ଏନି ଲାବା ? ସାମା ନେହ କାମାତାକି କସୁ ଅରୁହିତିହ, ମାହାପୁରୁ ମିଙ୍ଗେ ବର ହିୟାନେସି । ୨୧ ମାହାପୁରୁ ତାଣା ବାରେତାକି ହାଟକିଆହା ମାଞ୍ଜେରି, ଇତିହ ମୀରୁ ଏନିକି କ୍ରୀସୁତି ପାଝୁଲି ତଲେ ତାକିଦେରି ଏଦାଆଁତାକି ଏଞ୍ଜାସି ଜିକେଏ ମିଙ୍ଗେତାକି ଦୁକୁ କସୁ ଅରୁହାନା, ମିଙ୍ଗେତାକି ଏଲେଆହାଲି ତସାମାଞ୍ଜାନେସି; ୨୨ ଏଞ୍ଜାସି ଏନି ପାପୁ ଦହ କିହାହିଲାଆତେସି କି ଏଞ୍ଜାଣି ଗୁତିତି ମିତି କାତା ଏତେଲାଞ୍ଜା ହଟାହିଲାଆତେ । ୨୩ ଏଞ୍ଜାସି ନିନ୍ଦା ବେଟାଆହି ମାଟାଟି ଖେଣ୍ଡେ ନିନ୍ଦା କିଆତେସି; ଦୁକୁ କସୁ ବେଟାଆହି ମାଟାଟି ଖେଣ୍ଡେ କସୁ ହିୟାଇଁ ଇଞ୍ଜା ଆଜି ତସାନା ଖେହଆତେସି, ସାମା ସାତା ନୀହାୟି କିନି ମାହାପୁରୁ ତାଣା ତାନି ବାରେତି ହେରପିତେସି । ୨୪ ମାର ଏନିକି ପାପୁ ତାକି ହାହାନା, ଦାର୍ମତାକି ଜୀଝୁତଲେ ନୀତିନାୟି, ଏଦାଆଁତାକି ଏଞ୍ଜାସି ପାସି ମୁଣ୍ଡା ଲାକ ତାନି ଆଜା ତଲେ ମା ବାରେ ପାପୁ ଡେକା ଅଠେସି, ଏଞ୍ଜାଣି ରାହାଁତି ମୀରୁ ନେହ ଆହାମାଞ୍ଜେରି । ୨୫ ଇତିହ ମୀରୁ ଜିରୁ ବାଣାଆହାମାନି ମେଣ୍ଡାୟାଁ ଲେହେଁ ଆହାମାଟେରି, ସାମା ନୀର୍ବ

ମୀରୁ ଜୀଞ୍ଜୁତି ଗତୁକୁଲମିତି କାଜାଣା  
ଜେତ ଜେତ ତାକାଲି ମୀରୁ ଖେଣ୍ଡା  
ଝାହାମାଞ୍ଜେରି ।

**୩**

ତକ୍ତି ତକ୍ତାତି କାତା

୧୫ ଏଲେକିହ ଏ ଓକ୍ତିସିକାତେରି,  
ମୀରୁ ମୀ ତକ୍ତାୟାଁଇଁ ମାନଞ୍ଜିଆଦୁ,  
ଏନିକିହ ଏଞ୍ଜାରି ବିତ୍ରାଟି ଆମ୍ବା  
ଆମ୍ବାଆରି ମାହାପୁରୁ କାତା ନାମାଆତି  
ଜିକେଏ ମୀ ନେହଁ ମାଣ୍ଡକି ମେସାନା,  
ମୀରୁ ଖେହ୍‌ଆନା ଜିକେଏ ମାହାପୁରୁ  
ତାଣା ନାମାଲି ଆଡ଼ିନେରି । ୧୬ ଏନିକି  
ଏଞ୍ଜାରି ବିତ୍ରାଟି ଆମ୍ବା ଆମ୍ବାଆରି ବଲୁତି  
ମାନଞ୍ଜି ଆଆତି ଜିକେଏ ମୀ ମାହାପୁରୁତି  
ଆଜି ଅଡ଼େ ମାଣ୍ଡକି ମେସାନା କାତା  
ଖେନାଆନା ଜାହାରା ତକ୍ତିନି ସୁଦୁଗାଟି  
ମାଣ୍ଡକି ମେସାନା ନାମିନେରି ।

୩ \*ତାୟୁଁ ବାଣାୟାଁ ହାରେକା  
ଅଜିକିହ କିଣ୍ଡାହା କତାନା, ବାଂଗାରା  
ତୁରହାନା, ଅଜିତି ହିମ୍ବରକା ହୁଟିନାୟି,  
ଝାରିଇ ଇ ବାରେ ତଲେ ମୀ ଆଜ୍ଞାତି  
ଅଜି କିହାକତାଆଦୁ, ୪ ମୀ ହିୟାତା  
ଏମିନି ହିଡ଼ଡ଼ି ଜୀଞ୍ଜୁତି ଗୁଣ୍ଡୁ ମାହାପୁରୁ  
ନକିତା ହାରେକା ଦାରାଗାଟାୟି, ଏଦିଏ  
ମୀ ନାମ୍ବା ଆଆଗାଟି ଅଜୁ ଆଡ଼େ  
୫ ଏନାଆଁତାକି ଇଚିହଁ ତଲି କାଳାତି  
ସୁଦୁଗାଟି ଇୟାସିକା ଜିକେଏ ମାହାପୁରୁ  
ତାଣା ବାସୁଁ ଇଟାନା ତାମି ତକ୍ତାୟାଁଇଁ  
ମାନିକିହାଁ ଜାହାରାଇଁ ଅଜିକିହା କତିମାରୁ  
। ୬ ଏଲେକିହ ଏ ସାରା ଜିକେଏ  
ଅତ୍ରାହାମଇଁ ମାନଞ୍ଜି ଆହାଁ ଏଞ୍ଜାଣାଇଁ  
ନା ପ୍ରବୁ ଇଞ୍ଜିମାତେ; ମୀରୁ ଜିକେଏ  
ନୀଏଁ ଏନାଆଁ ଆଜାଆନା ନେହଁ କାମା  
କିତିହଁ ଏଦାଣି ମାସକାତେରି ଆଡ଼େରି  
।

୭ \*ତକ୍ତାୟାଁତେରି, ଏଲେକିହ ଏ  
ମୀ ତକ୍ତିସିକାଣି ମୀ କିହାଁ ବାଡ଼ୁୟୁତା  
ଊଣାଗାଟାଇଁ ଇଞ୍ଜି ପୁଞ୍ଜାନା  
ଏଞ୍ଜାସିକାଁ ମାନି କିଦୁ, ଇଞ୍ଜା ଏଞ୍ଜାସିକା  
ତଲେ ଆଣ୍ଡାନା ରୁଦିତଲେ ତୟାଦୁ,

ଏଞ୍ଜି ଜିକେଏ ମୀ ତଲେ ମାହାପୁରୁ  
ତାଣା କାଳାକାଳା ଜୀଞ୍ଜୁତି କାର୍ମାତି  
ଦାନା ବେଟାଆନୁ, ଏନିକି ମୀ ପ୍ରାତାନା  
କିନିତାଣା ବାଦା ଝାଏ ।

ନେହଁ କାମାତାକି କସ୍ତୁ ପାଣ୍ଡନାୟି  
୮ ତାୟୁତି କାତା ଇଦି, ମୀରୁ  
ବାରେଜାଣା ତେରି ରଣ୍ଡିଏ ଅଣ୍ଡପୁ  
ତଲେ ବାରେତି ସୁକୁ ଦୁକୁତା ଆଣ୍ଡୁଞ୍ଜି  
ଆନାୟି, ତାୟି ତାଜିଇଁ ଜୀଞ୍ଜୁନନାୟି,  
ନେହଁ ହିୟାଁ ଅଡ଼େ ଜାହାରାଇଁ ଊଣା  
କିହାକତାଦୁ । ୯ ଲକୁ ମିଙ୍ଗେ ଲାଗେଏ  
କିୟାତିହଁ ଜିକେଏ ଏଞ୍ଜାରାଇଁ ଖେଣ୍ଡେ  
ଲାଗେଏ କିଆଦୁ, ନିନ୍ଦା କିୟାତିହଁ  
ଖେଣ୍ଡେ ନିନ୍ଦା କିଆଦୁ, ସାମା ଏଞ୍ଜାରାଇଁ  
ବର ହାଦୁ, ଏନାଆଁତାକି ଇଚିହଁ  
ଏଲେକିହାଲି ମାହାପୁରୁ ମିଙ୍ଗେ ଆଟାନା  
ହାଟାମାଞ୍ଜାନେସି । ୧୦ ଦାମ୍ବୁ ସାଢ଼େସିତା  
ରାସ୍ତି ଆହାମାନି ଲେହେଁ

“ଆମ୍ବାଆସି ଜୀଞ୍ଜୁତା ସୁକୁ ତଲେ ତୟାଲି  
ଇଞ୍ଜା ରାହାଁତି ଦିନାୟାଁ ମେସାଲି  
ଅଣ୍ଡପିନେସି,

ଏଞ୍ଜାସି ଲାଗେଏ ପଲେଏ କାତାୟାଁ  
ତାନି ଖେନ୍ଦରିଟି ଜଲ୍ଲାଆପେସି,  
ଅଡ଼େ ମିଟି କାତାୟାଁ ତାନି ଗୁତିଟି  
ଏଚେଲାଞ୍ଜା ହଆପୁ ।

୧୧ ଏଞ୍ଜାସି ଲାଗେଏ ପଲେଏ ତାଣାଟି  
ହେକ ଆହାନା ନେହଁ କାମା  
କିପେସି,

ଇଞ୍ଜା ତାନି ବାରେ ହିୟାଁ ତଲେ  
ହିଡ଼ଡ଼ି ଜୀଞ୍ଜୁ ପାରାନା ଏ ଜିରୁଟି  
ତାକାପେସି ।

୧୨ ଏନାଆଁତାକି ଇଚିହଁ ଦାମ୍ବୁ  
ଗାଗରାକି ପ୍ରବୁତି କାନୁ ମାନେ,  
ଇଞ୍ଜା ଏଞ୍ଜାରି ପ୍ରାତାନାତି କାର୍କା  
ଅତାହାଁ ଖେନେସି,  
ସାମା ପାପୁ ଗାଗାରି କପାଟି ପ୍ରବୁ  
ନିଙ୍ଗିନେସି ।”

୧୩ ମୀରୁ ନେହଁ କାମାତାକି  
ରାହାଁ ଗାଟାତେରି ଆଡ଼େରି, ଆତିହଁ  
ଆମ୍ବାଆସି ମିଙ୍ଗେ ଲାଗେଏ କିୟାଲି

☆ ୩:୧ ୩:୧ ଏପିସି ୫:୨୨; କଲସି ୩:୧୮ ☆ ୩:୩ ୩:୩ ୧ଟିମ ୨:୯ ☆ ୩:୭ ୩:୭ ଏପିସି ୫:୨୫; କଲସି ୩:୧୯ ☆ ୩:୧୪ ୩:୧୪ ମାତି ୫:୧୦

ଆତ୍ମାନେସି ? ୧୪ \*ସାମା ନେହୁଁ କାମା କିହାନା କସ୍ତ ବେଟାଆଡ଼ି ଜିକେଏ, ଏଦି ମୀ ତାକି ନେହେଁ, ଆମ୍ବାଆସି ମିଙ୍ଗେ ଆଜି କିୟାତିହୁଁ ଆଜିତାକି ଆତାଜାକା ଆଆଦୁ; ୧୫ ସାମା କ୍ରୀସ୍ତୁଇଁ ପ୍ରବୁ ଇଞ୍ଜୁଁ ମୀ ହିୟାଁତା ସୁଦୁ ତଲେ ମାନି କିଦୁ, ଆମ୍ବାଆସି ଏତେଲାଝା ମୀ ତାଣା ମାନି ବାସୁତି କାତା ପୁଞ୍ଜାଲି ଝେଞ୍ଜାତିହୁଁ, ଏଝାଣାଇଁ ଝେଣ୍ଡେ ଝେସାଲି ମୀ ଅଣ୍ଡୁ ତଲେ ତିୟାରା ଆହାମାଞ୍ଜୁ, ୧୬ ସାମା ଝେହନାଟି ସୁଦୁ ଅଡ଼େ ମାନିଗାଟି ଅଣ୍ଡୁ ତଲେ ଆଜାଆନା ନେହୁଁ ବୁଦିଟି ଝେହୁଦୁ, ମୀରୁ କ୍ରୀସ୍ତ ତାଣା ଆଣ୍ଡାନା ନେହୁଁ ମାଣ୍ଡକି ମାନାକି ମିଙ୍ଗେ ନିନ୍ଦା କିହାନା ଦହ ଦହନାରି ଏମ୍ବେଏ ଲାଜା ପାଣ୍ଡପେରି ଇଞ୍ଜୁଁ ମୀରୁ ତାରିତି ଅଣ୍ଡୁ ତଲେ ମାଞ୍ଜୁ । ୧୭ ଏନାଆଁତାକି ଇତିହୁଁ ଲାଗେଏ ପଲେଏ କାମାତାକି ଦୁକୁ ବେଟାଆନି କିହାଁ ମାହାପୁରୁ ଇଟା ଆତିହୁଁ, ନେହୁଁ କାମାତାକି ଦୁକୁ ବେଟାଆନାୟି ନେହେଁ । ୧୮ କ୍ରୀସ୍ତ ମିଙ୍ଗେ ମାହାପୁରୁ ତାଣା ତାତାଲି ତାକି ଏଝାସି ଦାମ୍ବୁଗାଗାସି ଆହାନା ଦାମ୍ବୁ ହିଲାଆ ଗାଗାରି ତାକି ପାପୁ ତାକି ରଣ୍ଡିଏ ଦେବା ହାଡ଼େସି, ଏଝାସି ଆଜ୍ଞା ତଲେ ହାଡ଼େସି ସାତା, ସାମା ଜୀଝୁତଲେ ନୀତିତେସି, ୧୯ ଏମ୍ବାଟିଏ ଏଝାସି ସୁଦୁଜୀଝୁ ତଲେ ମାଞ୍ଜାନା ଦସ୍ପି ଆହାମାଟି ଜୀଝୁୟାଁ ତାଣା ହାଜାନା ମାହାପୁରୁ ବଲୁ ଝେକହେସି; ୨୦ ତଲି କାଲାତା ନହ ଜାଜା କେପିତି ବେଲା, ମାହାପୁରୁ ସାସାତଲେ କାଟିମାତେସି, ଆଡ଼ିଜିକେଏ ଏଝାଣାଇଁ ମାନଝି ଆଆତେରି, ଏ ଜାଜାତା ହାରେକା ଲକୁ ଆଏ, ଆଟା ଜାଣା ହଡାନା ଏୟୁଟି ଗେଲ୍ପି ଆଡ଼େରି; ୨୧ ଏ ଏୟୁ ଇ କାଲାତି ବାପ୍ତିସ୍ମ\* ଇତିହୁଁ ଏଦି ମା ଆଜ୍ଞାତି ମାଟି ନରନାୟି ଆଏ, ସାମା ମାହାପୁରୁ ତାଣା ନେହୁଁ ଅଣ୍ଡୁ ବେଟାଆହାଲି ପ୍ରାତାନା କିନାୟି, ଇଞ୍ଜା ଜୀସୁ କ୍ରୀସ୍ତ ହାକିଟି ନିଜିତାକି ଗେଲ୍ପି ଆନାୟି । ୨୨ ଏ ଜୀସୁ କ୍ରୀସ୍ତ ଲାକପୁରୁ

ହାଜାନା ମାହାପୁରୁତି ଚିଃନି ଚଟତା କୁଗାମାନେସି, ଏମ୍ବାଆଁ ଦୂତୁୟାଁ, ପାଣା ବେଟାଆଆତାରି ଅଡ଼େ ବାଡ଼ୁଲୁ ଗାଗାରି, ଏଝାଣାଇଁ ମାନଝି ଆହାନା ତାନି ଡଳ ମାନେରି ।

## ୪

ମାହାପୁରୁ ତାକି ନୀତିନାୟି

୧ କ୍ରୀସ୍ତ ଆଜ୍ଞା ତଲେ ଦୁକୁ କସ୍ତ ବେଟାଆହା ମାନାକି ମୀରୁ ଜିକେଏ ଏଲେକିହୁଁଏ ଏଝାଣି ଲେହେଁତି ଅଣ୍ଡୁ ତଲେ ଜାହାରାଇଁ ତିୟାରା କିହାକତାଦୁ, ଏନାଆଁତାକି ଇତିହୁଁ ଆମ୍ବାଆସି କ୍ରୀସ୍ତୁତି ତାକି ଆଜ୍ଞାତା ଦୁକୁ କସ୍ତ ବେଟା ଆହାମାନେସି, ଏଝାସି ପାପୁଟି ହେକ ଆହାମାନେସି, ୨ ଏନିକିଁ ମୀରୁ ଦାବୁତିତା ନୀତାମାନି ପାତେକା ପାପୁଗାଟି ମାଣ୍ଡସିତି ଲାଗେଏ ଜୁପ୍କାତି ଅଣ୍ଡୁ ତଲେ ନୀତାଆନା ମାହାପୁରୁତି ଅଣ୍ଡୁ ଲେହେଁ ନୀତାଦୁ । ୩ ହାରେକା ଦିନା ମୀରୁ ନାମାଆଗାଗାରି ଇଟା ତଲେ କାମା କିହାଁ ମୀରୁ ଏତେ କାଲା ଲାଗେଏ ପଲେଏ କାମାତା, ଲାଗେଏତି ଜୁପ୍କା, କାଡ଼ୁ ରୁଡୁ ଅନାୟି, କାଡ଼ୁ ଗସାନା ରାହାଁ କିନାୟି, କାଡ଼ୁ ଗସାନା ହରିନାୟି, ଇଞ୍ଜା ଅପାଆଗାଟି ପେଣ୍ଡକା ବମାୟାଣି ପୂଜା କିହିମାତେରି, ୪ ମୀରୁ ନୀଏଁ ଏଝାରିତଲେ ଏ ବାରେ ଲାଗେଏ ପଲେଏ କାମାତା ରାହାଁତଲେ ଆଣ୍ଡିହିଲଅତେରି, ଏନାଆଁତାକି ଏଝାରି ଆତାଜାକା ଆହାନା ମିଙ୍ଗେ ହାରେକା ନିନ୍ଦା କିୟାନେରି । ୫ ସାମା ଆମିନି ମାହାପୁରୁ ନୀତାମାନାରାଇଁ ଅଡ଼େ ହାତାରାଇଁ ନୀହାୟି କିହାଲି ହାଜିମାନେସି, ଏ ମାହାପୁରୁ ନକିତା ଏଝାରି ତାନି ବାରେ କିତି କାମାଟି ଲେକା ହୀନାୟି ମାନେ । ୬ ଏନାଆଁତାକି ହାତାରି ତାଣା ଜିକେଏ ମାହାପୁରୁତି ନେହୁଁ କାବୁ ଝେସ୍ପିଆଡ଼େ, ଏନିକିଁ ଏଝାରି ମାଣ୍ଡସିୟାଁ ଲେହେଁ ଆଜ୍ଞା ତଲେ ନୀହାୟି

\* ୩:୨୧ ୩:୨୧ମୁଞ୍ଜନାୟି

କିଛି ଆତିହାସିକ ଜିନିଷ ମାହାପୁରୁ  
ଲେହେଁ ଜାଣୁତଲେ ନୀତିନେରି ।

ମାହାପୁରୁତି ଦାନା ଅଡ଼େ ନେହ  
ଗୁମୁସା

୧୭ ଏ ବାରେତି ରାନ୍ତି ଦିନା ତାଗେ  
ଝାଡ଼େୟିଏ, ଏଦାଆଁତାକି ମୀରୁ ନେହ  
ବୁଦି ଗାଟାତେରି ଆଦୁ, ଇଞ୍ଜା ମାହାପୁରୁ  
ତାଣା ପ୍ରାଚୀନା କିୟାଲି ତାକି ଜାଗ୍ରାତା  
ଆହାନା ମାଞ୍ଜୁ । ୧୮ ବାରେତି କିହାଁ  
ମୀରୁ ରଅତେରି ରଅଣାଇଁ ହାରେକା  
ଜୀଝୁନଦୁ, ଏନାଆଁତାକି ଇତିହ  
ଏଲେତି ଜୀଝୁନନାୟି ହାରେକା ପାପୁତି  
ପୁକ୍ତନେ । ୧୯ ଗୁରୁମୁରୁ ଆଆନା  
ରଅତେରି ରଅଣାଇଁ ଗତାୟି ଲେହେଁକି  
ସେବା କିଦୁ । ୨୦ ବାରେଜାଣା ତେରି  
ଏନିକି ମାହାପୁରୁ କାର୍ମାତି ଦାନା  
ବେଟାଆହାମାଞ୍ଜେରି, ଏଲେକିହ ଏ  
ମୀରୁ ମାହାପୁରୁ ମେରାତି ନେହ  
ଗୁମୁସାୟି ଲେହେଁ ଆହାନା ଏ ବାରେ  
ଦାନା ତଲେ ରଅତେରି ରଅଣାଇଁ ସେବା  
କିଞ୍ଜିଆଦୁ । ୨୧ ଆମ୍ବାଆସି ଝେକନେସି  
ମାହାପୁରୁତି ନେହ କାରୁ ଝେକନାସି  
ଲେହେଁ ଝେକପେସି; ଇଞ୍ଜା ଆମ୍ବାଆସି  
ସେବା କିନେସି ମାହାପୁରୁ ତାଣାତି  
ବାଡ଼ୁରୁ ବେଟାଆହାମାନି ଲେହେଁ ସେବା  
କିପାସି । ଏନିକି ଜୀସୁ କ୍ରୀସୁ ତାଣାତି  
ମାହାପୁରୁ ଗାଝୁରମି ବେଟା ଆନେସି;  
ଇଞ୍ଜା କାଳାକାଳାତି ଗାଝୁରମି ଅଡ଼େ  
କାଜାପାଣା ଏଝାଣିଝାୟି । ଆମେନ ।

କ୍ରୀସୁନା ଲକ୍ଷୁତି ଦୁକୁ କସୁ

୨୨ ଏ ନା ଜୀଝୁତି ତଟେସିଙ୍ଗାତେରି,  
ନୀର୍ବ ମିଙ୍ଗେ ହିରୁତା ତାୟିପାରି  
କିନି ଲେହେଁ ହାରେକା ଦୁକୁ କସୁ  
ଝାହାମାନେ, ଏଦି ମାଙ୍ଗେ ଝାନାୟି  
ହିଲାଆତେ ଇଞ୍ଜି ଅଣ୍ଡାଆଦୁ ।  
୨୩ ସାମା କ୍ରୀସୁତି ଦୁକୁ କସୁତା ମୀରୁ  
ଏତେକା ଆଣ୍ଡାମାଞ୍ଜେରି ଏତେକେଏ  
ରାହାଁ ଆଦୁ, ଏନିକି ଏଝାଣି ଗାଝୁରମି  
ତଞ୍ଜାଆନି ବେଲାତା ଜିକେଏ ମୀରୁ  
କାଜା ରାହାଁତା ରାହାଁ ଆଦେରି ।

୨୪ ସାମା ମୀରୁ କ୍ରୀସୁତି ଦରୁ ତାକି  
ନିନ୍ଦା ବେଟାଆଦେରି ଆତିହାସିକ ମୀରୁ  
ନେହାଁତେରି, ଇତିହ ଗାଝୁରମିଗାତି  
ଜୀଝୁ, ଇତିହ ମାହାପୁରୁତି ଜୀଝୁ ମୀ  
ତାଣା ତୟାମାନେ । ୨୫ ଏଦାଆଁତାକି ମୀ  
ବିଦ୍ରାତି ଲକ୍ଷୁଣି ପାୟିନାରି, ସରୁ କିନାରି,  
ଦହ କାମା କିହାନା, ଲକ୍ଷୁଇଁ ସାକ୍ତି କାତା  
ଜଲିନାରି ଆହାନା ସାସ୍ତି ବେଟାଆପେରି  
। ୨୬ ସାମା ଆମ୍ବାଆସି କ୍ରୀସୁନା ଲକ୍ଷୁ  
ଆହାମାନାକି ସାସ୍ତି ବେଟା ଆନେସି,  
ଆତିହ ଏଝାସି ଲାଜା ଆଆପେସି,  
ସାମା ଇ କ୍ରୀସୁ ଦରୁ ତାକି ମାହାପୁରୁଇଁ  
ଜହରା କିପେସି ।

୨୭ ଇତିହ ମାହାପୁରୁ ଇଲୁତିଏ  
ନୀହାୟି କିଞ୍ଜି ଆହାଁ ବିଚାରା କିନି  
ଦିନା ଝାନେ; ଇତିହ ମାହାପୁରୁ  
ନକେଏ ମାଙ୍ଗେ ନୀହାୟି କିୟାତିହ,  
ଆତିହ ତାମି ନେହ କାରୁ ମାନଞ୍ଜି  
ଆହାହିଲଅରି ଏଝାରି ତାୟୁତି ତଣ୍ଡ  
ଏବେକା ଆଜିହପେତାୟି ଆଏ !  
୨୮ ସାସ୍ତିରିତା ରାସ୍ତି ଆହାମାନେ,

“ଦାର୍ମଗାଟାସି କସୁତଲେ ଗେଲ୍ପି  
ଆନେସି,

ଆତିହ ଦାର୍ମ ହିଲାଆ ଗାଟାରି  
ଅଡ଼େ ପାପୁଗାତି ଲକ୍ଷୁ ଏନିକି  
ମୁମୁତୁହନେରି ?”

୨୯ ଇତିହ ଆମ୍ବାଆରି ମାହାପୁରୁତି  
ଅଣ୍ଡା ଲେହେଁ ଦୁକୁ କସୁ ବେଟାଆନେରି,  
ଏଝାରି ନେହ କାମା କିହାନା ଏଝାଣି  
ତାଣା ହାରେପୁରେ ବାର୍ସୁ କିପାରି,  
ଆତିହ ଏଝାରିଇଁ ଗାଡ଼ିକିତି ମାହାପୁରୁ  
ବାରେବେଲା ତାନି ଆଞ୍ଜାମାନି କାମା  
ଲେହେଁ କିନେସି ।



ମାହାପୁରୁତି ମେଣ୍ଡାୟି

୩୦ ଇତିହ ନାନୁ ମୀ ତଲେତି  
ର କୁଲମିତି ପ୍ରାଚୀନାତେଏଁ, ଅଡ଼େ  
କ୍ରୀସୁତି ଦୁକୁ ବେଟାଆହାମାନି ତାଣାତି  
ସାକି ଇଞ୍ଜା ଝାହିମାନି ଗାଝୁରମିତା  
ଆଣ୍ଡିନାତେଏଁ ନାନୁ, ମୀ ତାଣା ମାନି

ପ୍ରାଚିନାଙ୍ଗାଣି ବାତିମାଲିମାଲ୍, ୨ \*ମୀ ତାଣା ମାନି ମୋଣ୍ଡାୟାଣି ଜାତନ୍ କିଦୁ ମାହାପୁରୁ ମିଙ୍ଗେ ହେରପାମାଞ୍ଜାନି ମାନ୍ଦାତି ପହିକିଦୁ, ଗୁତାଗୁତା କିନାକି ଆଏ, ସାମା ରାହା ଅଣ୍ପୁ ତଲେ ମାହାପୁରୁ ଅଣ୍ପୁତି ଲେହେ ଜାତନ୍ କିଦୁ, ଖାରଇ ତାରୁୟା ବେଟାଆନି ଆସା ତାକି ଆଏ, ସାମା ସାତା ସେବାକିନି ଅଣ୍ପୁ ତଲେ କାମା କିଦୁ । ୩ ଅଡେ ଆମ୍ବାଆରି ଦାୟିପତି ମୀ କେୟୁତା ହାପକି ଆହାମାଞ୍ଜାନେ, ଏଞ୍ଜାରି ମୁହେଁ ସାଲୁଞ୍ଜି କିନାତେରି ଆଆନା ଏ ମାନ୍ଦାତି ମାନି ଗାଟାତେରି ଆହାନା କିଦୁ । ୪ ଏତେଟିଏ “କାଜା ଗଡ଼” ତଞ୍ଜାଆନି ଦିନାତା ମୀରୁ ଗାଞ୍ଜୁରମିତି ଏଚେଲା ଖାଡ଼ାଆଗାଟି ଟପେରି ବେଟାଆଡେରି । ତାନି ଉଜେଡ଼ି ଏଚେଲା ଖାଡ଼େଏ ।

\*ଏ ଦାଂଗଣାୟାତେରି, ଏଲେକିହୁଏ ମୀରୁ ଜିକେଏ ମୀ ପ୍ରାଚିନାଙ୍ଗାଣି ମାନୁଞ୍ଜି ଆଦୁ, ମୀରୁ ବାରେଜାଣା ତେରି ରଅତେରି ରଅଣି ନକିତା ସୁଦୁଗାଟି ଅଣ୍ପୁତି ହିମ୍ବୁରି ଲେହେଁ ପରଦୁ, ଦାମ୍ବୁ ସାସ୍ତେରିତା ରାସ୍କି ଆହାମାନେ, “ଇଚିହୁ ମାହାପୁରୁ ତାହାରା ଗାଟାରି କପାଟି ନିଙ୍ଗାନା ସୁଦୁ ଗାଟାରାଇଁ କାର୍ମା ମେହନେସି ।”

୨ \*ମାହାପୁରୁତି ବାଡ଼ୟୁଗାଟି କେୟୁ ଡ଼ଇ ମୀରୁ ମିଙ୍ଗେ ଡ଼ଣା କିହାକତାଦୁ, ଏନିକିହୁ ଏଞ୍ଜାସି ତାୟୁ ସମାନା ଦିନାତା ମିଙ୍ଗେ କାଜାତେରି କିୟାନେସି; ୩ ମୀ ଅଣ୍ପୁତି ବଜୁ ବାରେ ମାହାପୁରୁ ତାଣା ହେରପାଦୁ ଇଚିହୁ ଏଞ୍ଜାସି ମିଙ୍ଗେତାକି ଅଣ୍ପିନେସି ।

୪ ସେଦନା ଆହାନା ଜାଗ୍ରାତା ମାଞ୍ଜୁ, ଏନାଆଁତାକି ଇଚିହୁ ଆମ୍ବାଆରାଇଁ ଗୁହଇଁ ଇଞ୍ଜୁ ମୀ ସାତୁ ସୟତାନ ତୁକିମାନି ସିହୁଞ୍ଜାଞ୍ଜି ଲେହେଁ ପାରିହୁ ରେଜିମାନେସି । ୫ ମୀରୁ ନାମୁତା ତୀରି ମାଞ୍ଜାନା ସୟତାନଇଁ ପେରଦୁ, ଏନାଆଁତାକି ଇଚିହୁ ଇ ଦାର୍ଡିତା

ମାନି ମୀ ନାମିତି ତାୟିୟାକି ଇଲେତି ଦୁକୁ କସ୍ତ ଆହିମାନେ । ୧୦ କ୍ରୀସ୍ତ ତଲେ ଆଣ୍ଡାନା ତାନି କାଲକାଲାତି ଗାଞ୍ଜୁରମିତା ଆଣ୍ଡାଲି କାର୍ମାମେହନି ମାହାପୁରୁ ମିଙ୍ଗେ ହାଟାମାଞ୍ଜାନେସି, ମୀ ଗାଡେକାତି ଦୁକୁ କସ୍ତ ବେଟାଆଡ଼ି ତାୟୁ ଏଞ୍ଜାସି ତାନ୍ତୁଏ ମିଙ୍ଗେ ତୀରି ଆଟ୍ଝା, ବାଡ଼ୟୁ, ଅଡେ ଏଚେଲା ଗୁତା ଆଆଗାଟି ବାର୍ସୁ ମିଙ୍ଗେ ହିୟାନେସି । ୧୧ ବାରେ ବାଡ଼ୟୁ ଜୁଗୁ ଜୁଗୁତାକି ଏଞ୍ଜାଣିଞ୍ଜାୟି । ଆଡେନ ।

ରାନିବେଲାତି ଜହରା  
 ୧୨ \*ସିଲାଇଁ ନାମୁତି ତାୟିଲେହେଁ ନାନୁ ଜୀଞ୍ଜୁନହାନା ତାନିତାଣାଟି ନାନୁ ଇ ଡ଼ଣା ଆକୁ ରାଟାମାଇଁ । ମାହାପୁରୁତି ସାତା କାର୍ମାତି ସାକି ହାହାନା ମିଙ୍ଗେ ରାହାଁ କିୟାନାୟି ନା କାମା । ଏ କାର୍ମା ମେହନିତାଣା ଆଟ୍ଝାତଲେ ମାଞ୍ଜୁ ।

୧୩ \*ମାହାପୁରୁ ତାକି ଆଟ୍ଝି ଆହାମାନି ବାବିଲନତା ମାନି କୁଲମି ଅଡେ ନା ଦାମୁତି ମୀରୁଏସି ମାର୍କ ଜିକେଏ ମିଙ୍ଗେ ଜହରା କିହିମାଞ୍ଜାନେରି । ୧୪ କ୍ରୀସ୍ତାନା ଲକୁ ଲେହେଁ ଜୀଞ୍ଜୁନହାନା ଜହରା କିଦୁ । କ୍ରୀସ୍ତ ତାଣା ମାନି ଲକୁକି ହିଡ଼ି ଆପେ ।

\* ୫:୨ ୫:୭ ମାତି ୨୩:୧୨; ଲୁକ ୧୪:୧୧; ୧୮:୧୪      \* ୫:୧୨ ୫:୧୨ କାମା ୧୫:୨୨,୪୦      \* ୫:୧୩ ୫:୧୩ କାମା ୧୨:୧୨,୨୫; ୧୩:୧୩; ୧୫:୩୭-୩୯; କଲସି ୪:୧୦; ପିଲିମ ୧:୨୪

# ପିତର ଲିଖିତ ଦ୍ଵୀତୀୟ ପତ୍ର ପିତର ରାଚାମାନି ରୀ ଲମ୍ବର ଆକୁ ମୂଲ୍ୟ ହାତୀ

ପିତର ରୀ ଲମ୍ବର ଆକୁତି ପାଣ୍ଡୁଆଡ଼ି ପିତର ରାଚାମାନେସି, ସାମା ହାରେକା ବୁଦ୍ଧିଗାଟାରି ନୀର୍ଘ ଝିଏ ଇଦି ସାତା ଇଞ୍ଜି ନାମିହିଲଅରି । ଇଦାଆଁ ପିତର ତାଣାଟି ଆମ୍ବାଆସି ଆପେ ରାଚାମାନାଣ୍ଡିନେସି । ରାଚାମାନାସି ଏଲେଇଞ୍ଜି ମାନେସି, ଏଞ୍ଜାସି ଜୀସୁ ଇ ଦାର୍ତ୍ତିତା ନୀତାମାଚାଣି ଅଡ଼େ ମୂମ୍ବୁ ବାଦଲି ଆହାମାଚାଣି ତାନୁଏ ମେସାମାଚେସି ୧:୧୭-୧୮ । ଇ ଆକୁତି ପିତର ରାଚାମାଚିସାରେ ଏଞ୍ଜାସି ରମ୍ଭତା ମାଞ୍ଜାନା ତାନୁ ହାଡ଼ି ନକେଏ ଜୀସୁ କ୍ରୀସୁ ଜାର୍ନାଆଡ଼ି ୨୫-୨୯ ବାର୍ସା ତାୟୁ ରାଚାମାନେସି । ପିତର ରୀ ଲମ୍ବର ଆକୁତି ତାୟୁ ପିତର ରାଚିତି କାଲମି ଝେସାନା ଏଲେଇଚେସି ଇଦି ରୀ ପାଲିତି ଆକୁ ୩:୧ । ଏଞ୍ଜାସି ଇ ଆକୁତା ବାରେ କ୍ରୀସୁନା ଲକୁତି ଦରୁ ଝେକ୍‌ହେସି ।

କ୍ରୀସୁଇଁ ନାମିତି ଲକୁ ନେହଁକଁ ନୀତାବାଡ଼କାଲି ସାସା ହୀହାଲି ଅଡ଼େ ମିଚିତାଣି ଜାପୁନାରି ତାଣାଟି ଜାଗ୍ରାତା କିହାଲି ଇ ଆକୁ ପିତର ରାଚାମାନେସି ୨ ପାର୍ବୁ । ପିତର ଏଞ୍ଜାରାଇଁ ଜୀସୁ ତବେ ଝାହାହିଲଅସି ଇଞ୍ଜିମାନି ଲକୁ କାତା ଆହୁଆଦୁ ଇଞ୍ଜି ସାସା ହୀତେସି । ଏଞ୍ଜାସି ତସାନା ଝେସେସି ମାହାପୁରୁ ନିସ୍ତା ଆହଁ କାମାକିନାସି ଆଏ ସାମା ଏଞ୍ଜାସି ବାରେଜାଣାଟି ଗେଲ୍‌ପି ଆହାଲି ଅଣ୍ଡପିମାନେସି ୨ପିତ ୩:୮-୯ । ଏଦାଆଁତାକି ନେହଁକଁ ମାଣ୍ଡକିତି ଜୀସୁତଲେ ନୀତିନାୟି ମାନେ ୩:୧୪ ।

## ପତିତା ମାନାୟି

୧. ପିତର ତାଙ୍ଗେ ଝେକ୍‌ହା କଡ଼ିନାୟି ଅଡ଼େ ତାନି ଆକୁତି ପଡ଼ଞ୍ଜି ଆନାରାଇଁ ଝେହୁନାୟି । ୧:୧-୨

୨. ଏଞ୍ଜାସି ଏଞ୍ଜାରାଇଁ ନେହଁକଁ ନୀତାବାଡ଼କାଲି ଅଣ୍ଡପି କିହିମାନେସି ଏନାଆଁତାକି ଇଚିହଁ ମାହାପୁରୁ ମାଙ୍ଗେ ବାଡ଼ୟୁ ହୀହାମାଞ୍ଜାନେସି । ୧:୩-୨୧

୩. ଏଞ୍ଜାସି ମିଚି ଜାପୁନାରି ତାଣାଟି ଜାଗ୍ରାତା ଆହାଲି ଝେସାମାନେସି ଅଡ଼େ ଜୁଗୁ ରାନ୍ତି ଦିନାତା ଏଞ୍ଜାରାକି ଏନାଆଁ ଆନେ ଇଞ୍ଜି ଝେସାମାନେସି । ୨:୧-୨୨

୪. କ୍ରୀସୁଇଁ ନାମିତି ଲକୁଣି ଜୀସୁ ଝେଣ୍ଡେ ଝାନ୍ତି ଦିନା ପାତେକା ନେହଁ ଜୀସୁତଲେ ତିୟାରା ଆହା ମାଞ୍ଜାଲି ସାସା ହୀହାନା, ପିତର ତାନି ଆକୁ ରାପୁନାୟି । ୩:୧-୧୭

୧ ସିମନ ପିତର, ର ହଲେଏସି ଅଡ଼େ ପାଣ୍ଡୁ ଆହାମାନାସି, ମା ମାହାପୁରୁ ଅଡ଼େ ଗେଲ୍‌ପାନି ଜୀସୁ କ୍ରୀସୁତି ଦାର୍ମୁତାକି ଆମିନି ଗାଟାରି ମା ଲେହେଁ ହାରେକା ଦାରାଗାଟି ନାମୁ ବେଟା ଆହାମାନେରି, ଏଞ୍ଜାରିତାଣା ଆକୁ ରାଚିମାଇଁ । ୨ ମାହାପୁରୁ ଅଡ଼େ ମା ପୁରୁ ଜୀସୁତି ବୁଦ୍ଧିତଲେ ମିଙ୍ଗେତାକି କାର୍ମାମେହୁନାୟି ଅଡ଼େ ହିଡ଼ି ଜୀସୁ ହାରେକା ଗାତି ଆୟାପେ ।

ମାହାପୁରୁ ହାଡ଼ିନାୟି ଅଡ଼େ ଆଡ଼ିନାୟି

୩ ଆମ୍ବାଆସି ତାନି ଗାଞ୍ଜୁରମି ଅଡ଼େ ନେହଁ ଗୁଣ୍ଡୁତଲେ ମାଙ୍ଗେ ହାଟାମାଞ୍ଜାନେସି, ମାହାପୁରୁ ତାନି ବୁଦ୍ଧିତଲେ ଲାକପୁରୁତି ବାଡ଼ୟୁଚି ମାଙ୍ଗେ ଜୀସୁ ଅଡ଼େ ଦାର୍ମୁତି ଜିରୁ ତାକି ବାରେ ଲଡ଼ାମାନାଣି ହୀହାମାଞ୍ଜାନେସି । ୪ ଏଦାଆଁ ତଲେ ଏଞ୍ଜାସି ମାଙ୍ଗେ ଗାତି ଦାରା ଅଡ଼େ ହାରେକା ଲଡ଼ାଗାଟି ଆଞ୍ଜାମାନି ଦାନା ହୀହାମାଞ୍ଜାନେସି, ଏନିକଁ ଏ ବାରେ ତଲେ ମୀରୁ ଲାଗେଏତି ଅଣ୍ଡପୁତା ଆହିମାନି ଆମିନି ନାସା ଆନି ଦାର୍ତ୍ତିତା ମାଞ୍ଜେରି, ଏମ୍ବାଟି ଗେଲ୍‌ପି ଆହାନା ଲାକପୁରୁତି

ଗୁଣ୍ଡୁତଲେ ଆଶ୍ୱାଦୁ । ୫ ଇଦାଆଁତାକି ମୀରୁ ହାରେକା ଜାଡ଼ନ୍ତୁତି ନାମୁତଲେ ନେହଁ ଗୁଣ୍ଡୁ ଅଡ଼େ ସାତା ଗୁଣ୍ଡୁତଲେ ବୁଦି, ୬ ବୁଦିତଲେ ଆଙ୍ଗାତି ଲକ୍ନାୟି, ଆଙ୍ଗାତି ଲକ୍ନାଣି ତଲେ ସାସା, ସାସାତଲେ ଦାମ୍ବୁତି କାମା କିନାୟି, ୭ ଦାମ୍ବୁତି କାମାକିନାଣି ତଲେ ତାୟିୟାଁଇଁ ଜୀଝୁନନାୟି, ତାୟିୟାଁଇଁ ଜୀଝୁ ନନାଣି ତଲେ ବାରେ ଲକ୍କୁଇଁ ଜୀଝୁ ନନାଣି ଆଟ୍ଟୁ । ୮ ଇ ନେହଁ ଗୁଣ୍ଡୁୟାଁ ମିଙ୍ଗେ ଲଡ଼ାମାନେ; ଇ ବାରେ ମୀରୁ ବେଟାଆହାମାନି ପ୍ରବୁ ଜୀସୁ କ୍ରୀସ୍ତୁତି ବୁଦି ମିଙ୍ଗେ ପାରସାଡ଼ା ଅଡ଼େ ବାରେ ମେଡ଼ି କିହାମାଞ୍ଜାନେ । ୯ ସାମା ଇ ବାରେ ଗୁଣ୍ଡୁ ଆମ୍ବାଆରି ତାଣା ହିଲେଏ, ଏଝାସି ହେକ ମେସାଲି ଆଡ଼ାଆ କାଣା ଆହାମାନେସି, ଅଡ଼େ ତାନି ନକେଏ କିତି ବାରେ ପାପୁତି ନରଝି ଆଡ଼ାଣି ଏଝାସି ବାଣ୍ଟି ଆହାମାନେସି ।

୧୦ ଇଦାଆଁତାକି, ଏ ତାୟି ତାଙ୍ଗିସ୍ତା, ମାହାପୁରୁ ମିଙ୍ଗେ ଆଚାନା ହାଟାମାଞ୍ଜାନାଣି ଅଡ଼େ ମନତି ଅଣ୍ଟପୁ ତାରି କିହାଲି ହାରେକା ଜାଡ଼ନ୍ତୁ ଗାଟାତେରି ଆଦୁ; ଇଲେ କିତିସାରେ ମୀରୁ ଏତେଲା ଜିକେଏ ମୀ ନାମୁତା ଉଣା ଆଅତେରି । ୧୧ ଇଞ୍ଜା ଇଲେକିହଁଏ ମା ପ୍ରବୁ ଅଡ଼େ ଗେଲପାନି ଜୀସୁ କ୍ରୀସ୍ତୁତି କାଲାକାଲାତି ରାଜିତା ରାହାତଲେ ହାଜାଲି ମିଙ୍ଗେ ହାପକି ଆୟାନେ ।

୧୨ ଇଦାଆଁତାକି ମୀରୁ ଇ ବାରେ କାତା ପୁଞ୍ଜାମାଞ୍ଜେରି ଅଡ଼େ ମୀରୁ ବେଟାଆହାମାନି ସାତାତା ନେହଁକଁ ତାରି ଆହାମାଞ୍ଜେରି, ଆଡ଼ିଜିକେଏ ନାନୁ ଇ ବାରେ କାତା କାଲେଏ ମିଙ୍ଗେ ଅଣ୍ଟପି କିଝିକିହାଲି ଜାଗ୍ରାତା ତୁୟିଇଁ । ୧୩ ନାନୁ ନୀଡ଼ାମାନି ପାତେକା ଇ ବାରେ କାତା ତାକି ମିଙ୍ଗେ ସେଡ଼ନା କିହାଲି ନାନୁ କିନାୟି ମାନେ ଇଞ୍ଜାଁ ଅଣ୍ଟପିମାଈଁ । ୧୪ ମା ପ୍ରବୁ ଜୀସୁ କ୍ରୀସ୍ତୁ ନାଙ୍ଗେ ଏନିକଁ ଝେସାମାଞ୍ଜାନେସି, ଏଲେକିହଁ ନାଙ୍ଗେ

ଦାପେ ଇ ନା ଆଙ୍ଗା ଲେହେଁତି ତୁମ୍ବୁ ପିସାଲି ଆନେ, ୧୫ ଅଡ଼େ ନା ହାଡ଼ି ତାୟି ଜିକେଏ ମୀରୁ ଏନିକଁ ଇ ବାରେ କାତା କାଲେଏ ଅଣ୍ଟପୁତା ଇତିଦେରି, ଇଦାଆଁତାକି ନାନୁ ଅଣ୍ଟପିମାଈଁ ।

କ୍ରୀସ୍ତୁତି ଗାଝୁରମି ମେସ୍ତାରି ସାକି

୧୬ ଇତିହଁ ମାମ୍ବୁଏତିବେଲା ମା ପ୍ରବୁ ଜୀସୁ କ୍ରୀସ୍ତୁତି ବାଡ଼ୟୁ ଅଡ଼େ ଝାହିମାନି କାତା ମିଙ୍ଗେ ପୁଣ୍ଟି କିୟାତମି, ଏତିବେଲା ଏନି ସୁଡ଼ମି ତଲେ କେପିତି ପୁସ୍ପପନିକା ଆସା ହିଲାଆତମି, ସାମା ତାନି ଗାଝୁରମିତି କାଣକା ତଲେ ମେସ୍ତା ସାକିୟାଁ ଆହାମାତମି । ୧୭ ଏତିବେଲା କାଜା ଗାଝୁରମିତି ଏଝାଣାକି ଇ ହାଡ଼ା ଝାଡ଼େ, ଏତିବେଲା ମାମ୍ବୁଏମ୍ବାଆଁମାତମି, “ଇଝାସି ନା ଜୀଝୁତି ମୀରୁଏସି ଇଝାଣି ତାଣେଏ ନା ହାରେକା ରାହାଁ ମାନେ !” ଏତିବେଲା ଏଝାସି ଆଟା ମାହାପୁରୁ ତାଣାଟି ସାମ୍ବୁମି ଅଡ଼େ ଗାଝୁରମି ବେଟାଆଡ଼େସି; ୧୮ ମାମ୍ବୁ ତାନିତଲେ ଏ ସୁଦୁ ହରୁ ଲାକ ମାତିବେଲାତା ମାମ୍ବୁୟୁ ହାଗୁ ଲାକଟି ଝେଙ୍ଗିତି ଇ ହାଡ଼ା ଝେଞ୍ଜାମାନମି ।

୧୯ ଏମ୍ବାଆଁ ମାହାପୁରୁ ଅଣ୍ଟପୁତି ବଲୁ ଝେକ୍ନାରି ଝେକ୍ନହାମାତି ମାହାପୁରୁ ଅଣ୍ଟପୁତି ବଲୁ ମାଙ୍ଗେତାକି ହାରେକା ଆଟ୍ଟା ଆଡେ; ମୀରୁ ଏଦାଆଁ ଆନ୍ଦେରିତା ତୀଞ୍ଜାମାନି ଦୀଝୁଁ ଲେହେଁ ଅଣ୍ଟପାନା ଲାଆଁ ଝେୟାଆ ପାତେକା ମୀ ହିୟାତା ଝେୟାଜାରା ହୁକା ହଆ ପାତେକା ଏଦାଣି ମନ ହାତିହଁ ନେହେଁ ଆନେ । ୨୦ ମୀରୁ ବାରେତି କିହାଁ ତଲିଏ ଇଦାଆଁ ପୁଞ୍ଜୁ, ଦାମ୍ବୁ ପତିତା ରାସ୍କି ଆହାମାନି ମାହାପୁରୁ ବଲୁତି ଜାହାରା ବୁଦିତଲେ ତେଲହାଲି ଆଡ଼ାଆୟି । ୨୧ ଇତିହଁ ଆମିନି ମାହାପୁରୁ ଅଣ୍ଟପୁତି ବଲୁ ଝେହ୍ନାରି ଝାଉଁଇ ତାମ୍ବୁମାଣ୍ଟସି ଅଣ୍ଟପୁତି ଆମ୍ବାଆସି ଜିକେଏ ଝେକ୍ନହା ହିଲଅରି, ସାମା ମାହାପୁରୁ ପାଣ୍ଡିତି

\* ୧:୧୭ ୧:୧୭ ମାତି ୧୭:୧-୫; ମାର୍କ ୯:୨-୭; ଲୁକ ୯:୨୮-୩୫

ମାଣସିୟା ସୁଦୃଢ଼ୀଞ୍ଜୁଟି ସାଲଞ୍ଜି ଆହାନା ଏଞ୍ଜାରି ଅଶ୍ଵପୁଟି ବଲ୍ଲୁ ଖେସାମାଚେରି ।

୨

ମିତି ଜାପୁନାରି

୧ ସାମା ଲକୁ ତାଶାଟି ମିତି ମାହାପୁରୁ ବଲ୍ଲୁ ଖେହନାରି ହଡ଼େତରି; ଏଲେକିହୁଏ ମୀ ବିତ୍ରାଟି ମିତି ଜାପୁନାରି ହନେରି; ଏଞ୍ଜାରି ନାସା ଆନିଲେହେଟି ନାଡ଼ିକିନି ଅଶ୍ଵପୁ, ଡ଼ଗୁାନା ଖେକହାନା ଏଞ୍ଜାରାଇଁ କତାମାନି ପ୍ରବୁଇଁ ଜିକେଏ ପୁଞ୍ଜାହିଲଅମି ଇନେରି, ଅଡ଼େ ଜାହାରାଇଁ ଦେବୁଣିଏ ନାସା କିୟାନେରି । ୨ ଅଡ଼େ ହାରେକା ଲକୁ ଏଞ୍ଜାରି ଲାଗେଏ କାମାତି କ୍ଳେଚ ହାନେରି, ଇଞ୍ଜା ଇଞ୍ଜାରି ତାକି ସାତାତି ଜିରୁ ନିନ୍ଦା ବେଟାଆନେ । ୩ ଏଞ୍ଜାରି ଦନ ଜୁପକାତାକି ମିତି ଜାପୁହାନା ମୀ ତାଶାଟି ତାରୁୟା ଲାଡ଼ା ବେଟାଆହାଲି ଅଶ୍ଵପିନେରି, ଏଞ୍ଜାରି ତଣ୍ଡ ତଲି କାଲାଟିଏ ଆହିମାନେ ଅଡ଼େ ହାରେକା ଦିନାଟିଏ ମାହାପୁରୁ ଏଞ୍ଜାରାଇଁ ବିଚାରା କିହାମାନେସି, ଏଞ୍ଜାରି ନାସା ଆନାୟି ଖାଡ଼େତୟିଏ ।

୪ ଇଚିହୁଏ ମାହାପୁରୁ ପାପୁ କିତି ଦୂତୁୟାଁଇଁ ପିହୁଆନା ହିଚୁ ଗାଡ଼ୁୟୁତା ମେଡ଼ହା ମାନେସି, ଏମ୍ବାଆଁ ଏଞ୍ଜାସିକା ନାହାଁୟି ଆନି ଦିନା ପାତେକା ଆନ୍ଦେରି ଗାଡ଼ୁୟୁତା ଇଟାମାନେସି । ୫ ମାହାପୁରୁ ପୁଞ୍ଜଇ ଦାରୁତିତି ଜିକେଏ ପିସାହିଲଅସି, ସାମା ଦାର୍ମୁ କାତା ଖେହନି ନହ ଇଞ୍ଜା ତାନିତଲେ ସାଡ଼ା ଜାଶାଇଁ ଗେଲ୍ପାନା ପାପୁତି ଦାରୁତିତି ଏୟୁତଲେ ବାଡ଼ଞ୍ଜି କିଡେସି; ୬ ଏଞ୍ଜାସି ସଦମ ଅଡ଼େ ଗମରା ଗାଡ଼ାତି ଦାର୍ମୁ ମୁଁପହାନା ନାସା କିହାଲି ତଣ୍ଡୁତି ହୁକୁମି ହାଡେସି ଅଡ଼େ ଏଞ୍ଜାରାଇଁ ତାୟୁ କାଲାତି ଦାର୍ମୁ ହିଲାଆଗାଟାରି ପୁଶ୍ଵିକିନିଲେହେଁ କିଡେସି । ୭ ଅଡ଼େ ପାପୁ ଦହଗାଟି ଲକୁତି ଲାଗେଏ ପଲେଏ କାମାଟି ହେକ ଆହାମାନି ଦାର୍ମୁଗାଟି ଲଟଇଁ ମାହାପୁରୁ ଗେଲ୍ପିଡେସି, ୮ ଏ ଦାର୍ମୁଗାଟାସି ଏଞ୍ଜାରିତଲେ ବାସା

କିହାଁ ଏଞ୍ଜାରି ଲାଗେଏତି କାମା ମେସା ଅଡ଼େ ଖେଞ୍ଜାନା ଦିନମି ତାକି ଦିନମି ଦାର୍ମୁଗାଟାସି ଆହାନା ହାରେକା ଦୁକୁ ବେଟାଆହିମାଚେସି । ୯ ଇଲେକିହୁଏ ପ୍ରବୁ ଦାର୍ମୁଗାଟାରାଇଁ ତାୟିପାରି କିନି ତାଶାଟି ଗେଲ୍ପାଲି ଇଚିହୁଏ ଦାର୍ମୁ ହିଲାଆଗାଟାରାଇଁ, ଆମ୍ବାଆରି ଆଜ୍ଞାତି ଲାଗେଏତି କାମାତା ସାଲଞ୍ଜି ଆହାନା ପ୍ରବୁଇଁ ମାନି କିଅରି, ଏଞ୍ଜାରାଇଁ ବିଚାରା ଦିନାତି ତଣ୍ଡୁ ତାକି ଇଟାଲି ପୁଞ୍ଜାମାନେସି । ୧୦ ଇଚିହୁଏ ଆମ୍ବାଆରି ମାହାପୁରୁତି ଅଦିକାରାତି ହାଣି କିହାନା ଜାହାରା ଆଜ୍ଞାତି ଜୁପକାତା ଡ଼ୟିମାନେରି, ଏଞ୍ଜାରି ଏ କାଜା ନାହାଁୟି ଦିନା ପାତେକା ଏନିକଁ ତଣ୍ଡୁ ହାହାନା ଇଟାଲି ଆନେ । ୧୧ ମିତି ଜାପୁନାରି ଆଜାଆ ଗାଟାରି, ଏଞ୍ଜାରି ଲାକପୁରୁ ଗାଞ୍ଜୁରମି ଗାଟାରାଇଁ ମାନି କିଆନା ଏଞ୍ଜାରାଇଁ ଲାଜା କିହିମାଞ୍ଜେରି । ୧୧ ଆତିଜିକେଏ ହାରେକା ବାଡ଼ୁୟୁ ଅଡ଼େ କାଜାପାଶା ବେଟାଆହାମାନି ଦୂତୁୟାଁ ପ୍ରବୁ ନକିତା ଏଞ୍ଜାରି କପାଟି ନିଜ୍ଞାନା ନିନ୍ଦାକିହୁଏ ବିଚାରା କିଅରି । ୧୨ ସାମା ଇଞ୍ଜାରି ବୁଦି ହିଲାଆ ଜନ୍ତୁ ଲେହେଁଡାରି, ଏଞ୍ଜାରିଲେହେଁ ଇ ମିତି ଜାପୁନାରି ଜିକେଏ, ଏନାଆଁ ଏଞ୍ଜାରି ପୁଞ୍ଜାଲି ଆଡ଼ଅରି ଏଦାଆଁ ଏଞ୍ଜାରି ନିନ୍ଦା କିନେରି, ସାମା ଏଞ୍ଜାସି ଜାଡ଼ାତି ଜନ୍ତୁ ଲେହେଁ ନାସା ଆନେରି, ୧୩ ଏଞ୍ଜାରି ଲାଗେଏତି କାମା କିହାମାଟିସାରେ ଲାଗେଏ କମାତି ପାଡ଼େୟି ବେଟାଆନେରି । ଏନାୟି ଏଞ୍ଜାରି ଆଜ୍ଞା ତାକି ନେହେଁ ହନେ, ଏଦାଆଁ ଏଞ୍ଜାରି ମାଦେନା କିହାନା ରାହାଁ ବେଟାଆନେରି । ଏଞ୍ଜାରି ଜାହାରା ନାଡ଼ି କିଞ୍ଜିଆନି କାମାତା ରାହାଁ କିହୁଏ ମୀ ତଲେ ତିଞ୍ଜାଲି କୁଡ଼ା ଆନେରି । ୧୪ ଏଞ୍ଜାରି କାଶକା ଦାରି କାମାତା ନେଞ୍ଜା ଡ଼ୟିନେ, ପାପୁ ପିସାଲି ମନ କିଅରି, ଏଞ୍ଜାରି ତିକିତାକାଗାଟି ହାରେକା ଲକୁଇଁ ଜୁପକା ତହୁନେରି, ଏଞ୍ଜାରି ହିୟାଁ ଦନଡ଼ି ଜୁପକାତା ଡ଼ୟିନେ, ଏଞ୍ଜାରି ବାରେ ବାକା ବେଟାଆନାରି । ୧୫ ଆମ୍ବାଆସି ଲାଗେଏତି ବାଡ଼କୁ ଜୁପକାତି ଜୀଞ୍ଜୁ



ନନ୍ଦି ବିୟରା ମୀରୁଏସି ବିଲିୟମତି  
 ଢେଟ ଢେଟ ହାଚେରି ଅଡେ ସାତା  
 ଜିରୁ ପିସାନା ଲାଗେଏ ଜିରୁ ହାଚେରି  
 । ୧୭ ସାମା ଏଝାସି ତାନି କିତି ଦହତାକି  
 ଲାଗି ବେଟାଆଡେସି, ଇଞ୍ଜା ର ଜଲ୍ଲାଲି  
 ଆଆଗାଟି ଗାଡ଼ଦେ ମାଣସି ହାଡ଼ାତଲେ  
 ଜଲ୍ଲାହାଁ ମାହାପୁରୁ ଅଣ୍ଟପୁତି ବଲୁ  
 ଝେହ୍ନି ତାଣାଟିଏ ସାପି କିତେ ।

୧୭ ଇ ମିତି ଜାପୁନାରି ଏୟୁ ଝାୟିତି  
 ଜାରଣା ଲେହେଁତାରି ଅଡେ କାଜା  
 ଗାଲିତା ଉନ୍ଦିନି ହାଗୁ ଲେହେଁତାରି,  
 ମାହାପୁରୁ ଏଝାରାକି ହାରେଏ  
 ଆନ୍ଦେରିଗାଟି ଚାୟୁ ଇଟାମାନେସି  
 । ୧୮ ଇଚିହ୍ ଏଝାରି ଉଜେଏତି  
 ବତପଣିତା ତାହାରା କାତାୟାଁ  
 ଝେହ୍ନେନେରି ଇଞ୍ଜା ନାଡ଼ିକିନି ମାଣକିଗାଟି  
 ଲକୁ ତାଣାଟି ଗେଲ୍ପି ଆହାମାନି  
 ଲକୁଣି, ତାମି ଆଜ୍ଞାତି ଜୁପକାଟି କାମା  
 କିହାନା ପାନ୍ଦାତା ମେଡ଼ନେରି; ୧୯ ଏଝାରି  
 ଏଝାରାକି ମେଲ୍ ଆହାନା ମାଞ୍ଜାଲି  
 ଆଡ଼ିଦେରି ଇଞ୍ଜା ଆଞ୍ଜିନେରି, ସାମା  
 ଏଝାରି ତାମ୍ବୁ ନାସା କିଞ୍ଜିକିନି କାମାତି  
 ହଲିୟାଜ୍ଞା ଆନେରି; ଏନାଆଁତାକି  
 ଇଚିହ୍ ଆମ୍ବାଆସି ଆମ୍ବାଆରି ତାଣା  
 ହାରଞ୍ଜି ଆନେସି ଏଝାସି ଏମ୍ବାତି  
 ହଲେଏସି ଆନେସି । ୨୦ ଇଚିହ୍  
 ଏଝାରି ପ୍ରବୁ ଅଡେ ଗେଲ୍ପିନି ଜୀସୁ  
 କ୍ରୀସ୍ତତି ବୁଦିତଲେ ଦାର୍ତତି ଲାଗେଏତି  
 ତାଣାଟି ଗେଲ୍ପି ଆହାନା ଝେଣ୍ଡେ  
 ଏମ୍ବାତି ପାନ୍ଦାତା ଦସ୍ପି ଆହାନା ହାରଞ୍ଜି  
 ଆନେରି, ଆତିହ୍ ଏଝାରାକି ତଲିତି  
 ତଣ୍ଡ କିହାଁ ତାୟୁତି ତଣ୍ଡ ହାରେକା  
 କସ୍ତଗାଟାୟି ଆନେ । ୨୧ ଇଚିହ୍  
 ଦାମ୍ବୁତି ଜିରୁ ପୁଞ୍ଜାନା ଏଝାରାକି ହେରପି  
 ଆହାମାନି ସୁଦୁ ହୁକୁମି ପିହ୍ନି କିହାଁ  
 ଏଡାଆଁ ଏଚେଲାଝା ପୁଞ୍ଜାହିଲାଆତିହ୍  
 ନେହ୍ ଆଡେମା । ୨୨ “ନେହ୍ଉଡ଼ି  
 ତାନୁ କାକ୍ଝାନା ଝେଣ୍ଡେ ତିଞ୍ଜାଲି ଇଞ୍ଜା  
 ନରଞ୍ଜି ଆହାମାନି ପାଜି ଅଡେ ଝେଣ୍ଡେ  
 ଲାଦିତା ତେରମ୍ବାଲି ହାନେ” ଏଝାରାକି  
 ଏ ଝେକ୍‌ହାମାନି ସାତା କାତା ଏଝାରାକି

ଆହାମାନେ ।

### ୩

ପ୍ରବୁ ଝେଣ୍ଡେ ଝାନି ଦିନା

୧ ଏ ଜୀଞ୍ଜୁତି ତାୟି ତାଜିସ୍ତା, ନାନୁ  
 ନୀଏଁ ମୀ ତାଣା ଇ ରୀ ଲମ୍ବର  
 ଆକୁ ରାଡ଼ିମାକ୍, ଇଦାଆଁତାକି ଇ ରୀ  
 ଆକୁତା ନାନୁ ମିଜେ ଏ ବାରେ ଅଣ୍ଟପି  
 କିହାନା ମୀ ସୁଦୁ ମନତି ପାଡ଼ିକିହାଲି  
 ଅଣ୍ଟପିମାକ୍ । ୨ ମୀରୁ ଏନିକ୍  
 ସୁଦୁଗାଟି ମାହାପୁରୁ ଅଣ୍ଟପୁତି ବଲୁ  
 ଝେହ୍ନେନାରି ତାଣାଟି ତଲି କାଲ୍ଲାତା  
 ଝେସାମାନି ବାରେ ବଲୁ ଇଞ୍ଜା ପାଣ୍ଡୁଞ୍ଜି  
 ଆହାମାନାରି ତାଣାଟି ଝେସ୍ପିଆହାମାନି  
 ପ୍ରବୁ ଇଞ୍ଜା ଗେଲ୍ପାମାଣା ହୁକୁମି  
 ଅଣ୍ଟପୁତା ଇଟାଦୁ । ୩ \*ତଲିଏ ମୀରୁ  
 ଇ କାତା ପୁଞ୍ଜା, ଇ ରାନି ବେଲାତା  
 ଏଚରଜାଣା ତାମି ଲାଗେଏ ପଲେଏ  
 କାମା ତଲେ ତାକିନେରି; ଏଝାରି  
 ମିଜେ ଲାଜା କିୟାନେରି । ୪ ଏ ଲାଜା  
 କିୟାନାରି ଝାହାନା ଏଝାରି ମିଜେ  
 ଲାଜାକିହ୍ ଏଲେଇଞ୍ଜାନେରି “ଜୀସୁ  
 ଝେଣ୍ଡେ ଝାକ୍ ଇଞ୍ଜା ଝେସାମାଞ୍ଜାତେସି  
 ଆତିହ୍ ଏଝାସି ଏଚେଲା ଝାନେସି  
 ? ଇଚିହ୍ ମା ଆକୁ ଆବାୟାଁ  
 ହାଡ଼ି ଦିନାଟିଏ ନୀଏଁ ପାତେକା ବାରେ  
 ଦାର୍ତତି ଗାଡ଼ି ଆଡ଼ି ଦିନାଟିଏ ଏନିକ୍  
 ମାଚେ, ଏଲେକିହ୍ ଏ ନୀଏଁ ଜିକେଏ  
 ତୟାମାନେ !” ୫ ଏଝାରି ପୁଞ୍ଜା  
 ପୁଞ୍ଜାନା ବାଣ୍ଡି ଆନେରି, ତଲି କାଲ୍ଲାତା  
 ମାହାପୁରୁ ହୁକୁମି ହାତେସି ଅଡେ  
 ହାଗୁପାକା ଅଡେ ଦାର୍ତ ଗାଡ଼ି ଆଡେ  
 ଅଡେ ଦାର୍ତ ଏୟୁ ତାଣାଟି ଏୟୁ  
 ଗୁରତାନା ଗାଡ଼ି ଆଡେ । ୬ ଅଡେ,  
 ଏଝାଣି ତାଣାଟି ଏ ତଲି କାଲ୍ଲାତି ଦାର୍ତତି  
 ଏୟୁତଲେ ନାସା ଆଡେ; ୭ ସାମା ନୀଏଁତି  
 ହାଗୁପାକା ଅଡେ ଦାର୍ତ ଏ ମାହାପୁରୁତି  
 ବଲୁ ତଲେ ଲାଗେଏ ପଲେଏତି ଲକୁତି  
 ନୀହାୟି ଅଡେ ନାସାତି ଦିନା ପାତେକା  
 କୁଡ଼ି ଆହାନା ହିରୁତା ହୁଡାଲି ଇଚିକି  
 ଆହାମାନେ ।

☆ ୩:୩ ୩:୩ ଜୀହୁଦା ୧:୧୮

୮ ସାମା ଏ ଜୀବୁତି ତାୟି ତାଜିସ୍ମା, ମାହାପୁରୁ ନକିତା ର ଦିନା ର ମାଣା ବାର୍ଯା ସମାନା ଅଡେ ର ମାଣା ବାର୍ଯା ର ଦିନା ସମାନା; ଈ କାତାତି ଏଚେଲା ବାଣା ଆଆଦୁ । ୯ ହାରେକା ଲକୁ ପ୍ରବୁ ଖେଣ୍ଡେ ଖାନ୍ତି ଦିନା ମାନେୟିଏ ଇଞ୍ଜି ଅଣ୍ପିନେରି, ସାମା ପ୍ରବୁ ତାନୁ ଏଲେଇଞ୍ଜା ମାନାଣି ଏଚେଲାଖା ଖେଡ଼ା କିଅସି; ଏନିକି ଆମ୍ବାଆରି ନାସା ଆଅରି, ସାମା ବାରେଜାଣା ମନ ଖେଟ୍ଟହା କଡିନେରି; ଈଦାଆଁ ଅଣ୍ପାନା ଏଞ୍ଜାସି ମୀ ତାକି କାର୍ମା ମେସି ମାଞ୍ଜାନେସି ।

୧୦ \*ମାହାପୁରୁ ଖାନ୍ତି ଦିନା ର ସରୁ ଖାନ୍ତି ଲେହେଁ ଖାନ୍ତେ, ଏ ଦିନା ହାଗୁପାକା କାଜା ହାଡ଼ାତଲେ ମେଣ୍ଡାଜାହାନେ, ଅଡେ ଦାରତିତା ମାନି ବାରେ ଦିଶ୍‌ସୁ ଗାତି ଖେସାନା ରୁୟାହାନୁ, ଇଞ୍ଜା ଦାରତି ଅଡେ ଏମ୍ବାଆଁ ମାନି ଆସି ବାରେ ହିରୁତା ଡ଼ାଞ୍ଜାହାନେ । ୧୧ ଈ ବାରେ ଇଲେଆହୁଁ ମେଣ୍ଡାଜାହାନାକି, ମାହାପୁରୁତି ବିଚାରା ଦିନାତା ହାଗୁପାକା ଡ଼ାଞ୍ଜାହାଁ ମେଣ୍ଡାଜାହାନେ ଅଡେ ଦାରତିତି ବାରେ ଦିଶ୍‌ସୁ ହାରେକା ଖେସାନା ରୁୟାହାନେ, ୧୨ ପ୍ରବୁ ଖାନ୍ତି ଦିନା କାପୁ କାଚାଡ଼ୟିନି ଲକୁ, ଏଡି ଏନିକି ତବେ ଖାନ୍ତେ, ଈଦାଆଁତାକି ମୀରୁ ଜାଗ୍ରାତା ଆଦୁ, ଏ ଦିନା ହାଗୁଲାକ ମାନି ଖେଡ଼ା ଲେଞ୍ଜୁ ହୁକାୟାଁ ଖେସାହାନାକି ଖିରଲାହାନୁ । ୧୩ \*ମୀର ମାହାପୁରୁ ଆଞ୍ଜାମାନି ଲେହେଁ ର ପୁଠନି ହାଗୁପାକା ଅଡେ ପୁଠନି ଦାରତିଇଁ କାଚାମାନାୟି, ଆମିନି ଗାଟାୟି ଦାମ୍‌ତଲେ ବାସାଆନ୍ତି ଗାୟୁ ଆନେ ।

୧୪ ଈଦାଆଁତାକି ଏ ଜୀବୁତି ତାୟି ତାଜିସ୍ମା, ମୀରୁ ଈ ବାରେ କାଚିମାନିକି ମାହାପୁରୁ ନକିତା ଏନିକି ପାପୁ ହିଲାଆଗାଟାତେରି ଅଡେ ଦହୁ ହିଲାଆଗାଟାତେରି ଆହୁଁ ହିଡ଼ଡ଼ି ତଲେ ମାନାତେରି ଆହୁଁ ତଞ୍ଜା ଆଦେରି, ଏଦାଆଁତାକି ଜାଡ଼ନୁ

ତଲେ ମାଞ୍ଜୁ; ୧୫ ଅଡେ, ମା ପ୍ରବୁତି ହାରେକା ଅରୁହିନାୟି ଗେଲପାନାୟି ଇଞ୍ଜି ଅଣ୍ପାଦୁ, ମା ଜୀବୁତି ତାୟି ପାଞ୍ଜୁଲ ଜିକେଏ ମାହାପୁରୁ ହାହାମାନି ବୁଦିତଲେ ମିଙ୍ଗେତାକି ଏଲେକି ରାଚା ମାଞ୍ଜାନେସି । ୧୬ ଏଞ୍ଜାସି ତାନି ରାଚାମାନି ବାରେ ଆକୁତା ଈ ବାରେ କାତା ରାଚାନା ଏଲେକି ଖେସାମାନେସି; ଏ ବାରେ ଆକୁତା ଏଚେକା କାତା ମାନେ, ଏମିନିଗାଟାଣି ତେଲହାଲି ଆଡ଼ାଆୟି, ଇଞ୍ଜା ପୁନାଆଗାଟି ଇତାଲା ଆତାଲା ଅଣ୍ପୁଗାଟି ଲକୁ, ତାମ୍‌ନାସା ଆୟାଲି ଏଟକାତି ସାଫ୍‌ସୁରିତା ଏନିକି ରାସ୍‌କି ଆହାମାନେ, ଏ ବାରେ ତାଣା ଜିକେଏ ଏଲେକି ଉଜେଏତି କାତା ଖେହ୍‌ନେରି ।

୧୭ ସାମା ଜୀବୁତି ତାୟି ତାଜିସ୍ମାତେରି, ମୀରୁ ଈଦାଆଁ ବାରେ ତଲିଟିଏ ପୁଞ୍ଜାମାଞ୍ଜେରି, ଏଦାଆଁତାକି ଜାଗ୍ରାତା, ଏନିକି କିଲିବିଲି କିନି ଲକୁ ତାଣାଟି ନାଡ଼ି କିଞ୍ଜି ଆଆନା ମୀରୁ ଆଟ୍‌ଞ୍ଜା ନାମୁତା ଉଣା ଆଅତେରି । ୧୮ ସାମା ମା ପ୍ରବୁ ଅଡେ ଗେଲପାନି ଜୀସୁ କ୍ରୀସ୍‌ତି କାର୍ମା ଅଡେ ବୁଦିତା ପାତାଆଦୁ । ଏଞ୍ଜାଣାକି ନୀଏଁ ଅଡେ କାଲାକାଲାତାକି ଗାଞ୍ଜୁରମି ଆଠପ । ଆଠମନ୍ ।

\* ୩:୧୦ ୩:୧୦ ମାତି ୨୪:୪୩; ଲୁକ ୧୨:୩୯; ୧ତେସ ୫:୨; ଖେ ବଲୁ ୧୬:୧୫      ✧ ୩:୧୩ ୩:୧୩ ଖେ ବଲୁ ୨୧:୧

# ଯୋହନଙ୍କ ପ୍ରଥମ ପତ୍ର ଜହନ ରାଚାମାନି ର ଲମ୍ବର ଆକୁ ମୂଲୁ ହାଡ଼ା

ଜହନ ରାଚିତି ର ଲମ୍ବର ଆକୁତି ଜାମୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଯା ତାୟୁ ପାଣ୍ଡୁଓଆହାମାନି ଜହନ ରାଚାମାନେସି । ଜହନ ଜାହାରାଇଁ ଇ ଆକୁତି ରାଚାମାଇଁ ଇଞ୍ଜି ଖେସି ହିଲଅସି, ସାମା ଜହନ ତଲିତି ଆକୁତା ଏଞ୍ଜାସି ଜାମୁ କ୍ରୀସ୍ତତି ନୀତାମାତାଣି ଅଡ଼େ ହାହାନା ଖେଣ୍ଡେ ନିଜାତାଣି କାନୁ ତଲେ ମେସାମାନମି ଇଞ୍ଜି ସାକି ହାହିମାନେସି ୧:୧-୩ । ଜହନତି ର ଲମ୍ବର ପତି ଅଡ଼େ ଜହନ ରାଚିତି ନେହୁଁ କାବୁତି କାତା ରଣ୍ଡିଏ ସମାନା ଲେହେଁ ଆହିମାନେ । ଏତିବେଲାତା ଏଞ୍ଜାସି ଏପିସିୟ ଗାଡ଼ାତା ମାଚେସି ଏମ୍ବାଆଁ ଏଞ୍ଜାସି ଜହନ ରାଚିତି ନେହୁଁ କାବୁ ଅଡ଼େ ଜହନ ର ଲମ୍ବର ଆକୁ, ଜହନ ରା ଲମ୍ବର ଆକୁ, ତାନି ଲମ୍ବର ଆକୁ ରାଚାମାଚେସି ଇଞ୍ଜି ନାମିମାନେରି ।

ବୁଦିଗାଟାତମି ଇଞ୍ଜାକଡ଼ିମାନି ର ରଚିତି ଲକୁ ତାଣ୍ଡାଟି କୁଲମି କସ୍ତ ବେଟାଆହି ମାଚାଟି ଜହନ କ୍ରୀସ୍ତାନା ଲକୁକି ଇ ଆକୁ ରାଚିମାଚେସି । ଏଞ୍ଜାରି ନାମୁ ଜାମୁ ସାଚେଏ ମାହାପୁରୁ ମାଚେସି ସାମା ଦାର୍ତତିତା ମାଚିବେଲାତା ଏଞ୍ଜାସି ଉଜ୍ଜା ଅଡ଼େ ନେତେରିତି ମାଣ୍ଡସି ହିଲଆଚେସି । ଜହନ ଜାମୁ କ୍ରୀସ୍ତାଇଁ କାନୁ ତଲେ ମେସାମାନି ସାକି ଅଡ଼େ ତାନି କେୟୁ ଏଞ୍ଜାଣାଇଁ ତୀଗାମାନାକି ଏଞ୍ଜାସି ଇଦାଆଁ ରାଚାମାନେସି, ୧:୧-୩ । ଜହନ ଇ ଆକୁତି ରାଚିନି କାତା ଆହିମାନେ ତାନି ରାହାଁତି ହାରେପୁରେ କିନାୟି ୧୯୫୩ ୧:୪ ଅଡ଼େ ନାମୁ ଗାଟାରାଇଁ ପାପୁ ପିସାଲି ତାକି ୧୯୫୩

୨:୧ ଅଡ଼େ ମିଚି ଜାପୁନାରି ତାଣ୍ଡାଟି ନାମୁ ଗାଟାରାଇଁ ଗେଲ୍ପାଲି ୧୯୫୩ ୨:୨୨ ନାମୁ ଗାଟାରାଇଁ ଗେଲ୍ପି ଆହାମାଞ୍ଜେରି ଇଞ୍ଜାଲି ୫:୧୩ ।

### ପତିତା ମାନାୟି

- ୧. ଆକୁତି ପୁଣ୍ଡିକିନାୟି ଅଡ଼େ ରାଚିମାନି କାତା ଖେହ୍ନାୟି । ୧:୧-୪
- ୨. ମାହାପୁରୁ ଏନିକିଁ ଉଜେଡ଼ି ଅଡ଼େ ଜାମୁ ଲେହେଁ ନୀତାଲି ଖେସାମାନେସି । ୧:୫-୩:୧୦
- ୩. ରଅସି ରଅଣାଇଁ ଜାମୁ ନନାଣି ଖେଣ୍ଡେ ଅଣ୍ଡପି କିନାୟି । ୩:୧୧-୫:୧୨
- ୪. ଆକୁତି ରାପୁନାୟି । ୫:୧୩-୨୧

### ଜାମୁତି ବଲୁ

୧ \*ମୂଲୁଏ ଆମ୍ବାଆସି ମାଚେସି, ମାମୁ ଏଞ୍ଜାଣି ବଲୁ ଖେଞ୍ଜାମାନମି, ଆମ୍ବାଆରାଇଁ ମା କାନୁ ତଲେ ମେସାମାନମି, ଆମ୍ବାଆରାଇଁ ନେହିକିଁ ସିନିକହା ମାନମି ଅଡ଼େ ମା କେସ୍ତାତଲେ ତୀଗାମାନମି, ଏ ଜାମୁଲେହେତି ବଲୁତି କାତା ଖେସିମାଞ୍ଜାନମି । ୨ \*ଏ ଜାମୁ ତଞ୍ଜାଆଡେ, ଇଞ୍ଜା ମାମୁ ମେସ୍ତମି ଅଡ଼େ ସାକି ହାହିମାଞ୍ଜାନମି; ଆମିନି କାଲାକାଲାତି ସୁଦୁଜାମୁ ଆବା ତଲେ ମାଚେ, ଅଡ଼େ ମା ତାଣ୍ଡା ତଞ୍ଜାଆଡେସି ଏଞ୍ଜାଣି କାତା ମିଜେ ଖେସିମାଞ୍ଜାନମି । ୩ ମାମୁ ଏନାଆଁ ମେସାମାନମି ଅଡ଼େ ଖେଞ୍ଜାମାନମି, ଏଦାଆଁ ମିଜେ ଜିକେଏ ଖେସିମାଞ୍ଜାନମି, ଏନିକିଁ ମୀରୁ ଜିକେଏ ମା ତଲେ ଆଣ୍ଡାଲି ଆଡାଦେରି; ଅଡ଼େ ମା ଆଣ୍ଡାମାନାୟି ଆବା ଅଡ଼େ ତାନି ମୀରଏଣା ଜାମୁ କ୍ରୀସ୍ତ ତଲେ ମାନେ । ୪ ମା ରାହାଁ ଏନିକିଁ ହାରେ ପୁରେ ଆନେ ଇଦାଣିତାକି ଇ ବାରେ ମାମୁ ରାଚିମାଞ୍ଜାନମି ।

### ମାହାପୁରୁ ଉଜେଡ଼ି

\* ମାମୁ ଏଞ୍ଜାଣି ତାଣ୍ଡାଟି ଆମିନି କାବୁ ଖେଞ୍ଜାମାନମି, ଅଡ଼େ ଖେସିମାଞ୍ଜାନମି, ଏ କାବୁ ଇଦି, ମାହାପୁରୁ ଉଜେଡ଼ି, ତାନି

\* ୧:୧ ୧:୧ ଜହ ୧:୧    \* ୧:୨ ୧:୨ ଜହ ୧:୧୪

ତାଣା ଆନ୍ଦେରି ହିଲୁଖୁଏ ହିଲେଏ ।  
 ୬ ମାମୁ ଆନ୍ଦେରିତା ମାଞ୍ଜାନା ମାହାପୁରୁ  
 ତଲେ ଆଣୁଓଆହା ମାନାୟି ଇଞ୍ଜୁ  
 ଖେସୁହୁ, ମାର ମିତି ଖେହୁନାତାୟି,  
 ଅଡେ ମାର ସାତା ତଲେ ତାକିହିଲୁଆୟି  
 । ୭ ସାମା ଏଝାସି ଏନିକି ଉଜେଡିତା  
 ବାସା ଆହାମାନେସି, ମାର ଜିକେଏ  
 ଏଲେକିହୁଏ ଉଜେଡିତା ତାକିନାୟି,  
 ଆତିହୁ ମାର ରଅସି ରଅଣି ତଲେ  
 ଆଣୁଓଆନାୟି ମାନେ, ଅଡେ ତାନି  
 ମୀରଏଣା ଜୀସୁ ନେତେରି ମା ବାରେ  
 ପାପୁତି ନରହାନେ ।

୮ ମା ତାଣା ପାପୁ ହିଲେଏ ଇଞ୍ଜୁ  
 ଖେହୁନାୟି, ଆତିହୁ ମାର ମାଲେଏ  
 ନାଡି କିହାକତିମାନାୟି, ଅଡେ ମା  
 ତାଣା ସାତା ହିଲେଏ । ୯ ସାମା ମାମୁ  
 ପାପୁ କିହାମାନମି ଇଞ୍ଜୁ ମାହାପୁରୁ  
 ନକିତା ଖେହୁନାୟି, ଆତିହୁ ଏଝାସି ମା  
 ପାପୁ ବାରେ ମେକହାଲି ଅଡେ ବାରେ  
 ଲାଗେଏ ପଲେଏ ତାଣାଟି ଅଟହାଲି  
 ନାମୁ ଅଡେ ତାରିଗାଟାସି । ୧୦ ମାର  
 ପାପୁ କିହା ହିଲୁଆୟି ଇଞ୍ଜୁ ଇନାୟି,  
 ଆତିହୁ ମାର ମାହାପୁରୁକି ମିତି ଗାଟାସି  
 କିହାମାନାୟି, ଅଡେ ତାନି ବଲୁ ମା ତାଣା  
 ହିଲେଏ ।

୨

କ୍ରୀସ୍ତ ଗେଲପାନାସି

୧ ଏ ନା ମୀରକା ମାସକାତେରି ମୀରୁ  
 ଏନିକି ପାପୁ କିଅତେରି, ଇଦାଆଁତାକି  
 ଇ ବାରେ ମୀ ତାଣା ରାଡିମାଞ୍ଜାଇଁ  
 । ସାମା ଆମ୍ବାଆସି ପାପୁ କିନେସି,  
 ଆତିହୁ ମା ଝାକି ଆହାନା ଆବା ତାଣା  
 ବାଡିମାଲିନାସି ରଅସି ମାନେସି, ଏଝାସି  
 ଦାମୁଗାଟି ଜୀସୁ କ୍ରୀସ୍ତ । ୨ କ୍ରୀସ୍ତ ମା ପାପୁ  
 ତାକି, ଝାରଇ ମା ପାପୁ ତାକି ଆଏ, ସାମା  
 ଦାରଡିତି ବାରେ ଲକୁଡି ପାପୁ ତାକି  
 ତାକିତି ପୂଜାଲେହେଁ ଆଡେସି ।

୩ ମାର ମାହାପୁରୁତି ହୁକୁମି ମାନୁଓ  
 ଆନାୟି, ଆତିହୁ ଏମ୍ବାଟି ପୁଞ୍ଜାଲି  
 ଆଡିନାୟି, ଏଝାଣାଇଁ ସାତାତଲେ

ପୁଞ୍ଜାମାନାୟି । ୪ ତାନି ହୁକୁମି ମାନୁଓ  
 ଆଆନା ଆମ୍ବାଆସି ନାନୁ ଏଝାଣାଇଁ  
 ପୁଞ୍ଜାମାଇଁ ଇଞ୍ଜୁ ଜଲିନେସି, ଏଝାସି  
 ମିତି ଗାଟାସି ଏଝାଣି ତାଣା ସାତା ହିଲେଏ  
 । ୫ ସାମା ଆମ୍ବାଆସି ତାନି ହୁକୁମି ମାନୁଓ  
 ଆନେସି, ଏଝାଣି ତାଣା ମାହାପୁରୁତି  
 ସାତା ଜୀଞ୍ଜୁନନାୟି ପୂରା ଆହାମାନେ,  
 ଏମ୍ବାଟିଏ ମାର ପୁଞ୍ଜାଲି ଆଡିନାୟି ମାର  
 ମାହାପୁରୁ ତାଣା ମାନାୟି । ୬ ଆମ୍ବାଆସି  
 ନାନୁ ମାହାପୁରୁ ତଲେ ତୟିକି ଇଞ୍ଜୁ  
 ଇନେସି, ଏଝାସି ଜୀସୁ କ୍ରୀସ୍ତ ନୀତା  
 ମାଟିଲେହେଁ ନୀଡିନାୟି ମାନେ ।

ପୁଃନି ହୁକୁମି

୭ ଏ ନା ଜୀଞ୍ଜୁତି ତଡେସିଲ୍ଲାତେରି  
 ନାନୁ ମୀ ତାଣା ଏନି ପୁଃନି ହୁକୁମି  
 ରାଡିମାଞ୍ଜାଇଁ, ସାମା ତଲିଟିଏ ଆମିନି  
 ପୁଃଇ ହୁକୁମି ବେଟା ଆହାମାଞ୍ଜେରି,  
 ଏଦାଆଁ ରାଡିମାଞ୍ଜାଇଁ; ମୀରୁ ଆମିନି ବଲୁ  
 ଖେଞ୍ଜାମାଞ୍ଜେରି, ଏଦିଏ ପୁଃଇ ହୁକୁମି ।  
 ୮ ଅଡେ ନାନୁ ନୀଏଁ ମିଙ୍ଗେ ପୁଃନି ହୁକୁମି  
 ଲେହେଁ ରାଡିମାଞ୍ଜାଇଁ, ଇତିହୁ ଏଦି  
 କ୍ରୀସ୍ତ ତାଣା ଅଡେ ମୀ ତାଣା ଜିକେଏ  
 ସାତା ଇଞ୍ଜୁ ତଞ୍ଜାଆନେ, ଇତିହୁ  
 ଆନ୍ଦେରି ଗୁଟା ଆହିମାନେ ଅଡେ ସାତା  
 ଉଜେଡି ତଞ୍ଜାଆଡେୟିଏ ।

୯ ଆମ୍ବାଆରି ତାନି ତାୟି ତାଜିକି  
 ଅପାଆନା ନାନୁ ଉଜେଡିତା ମାଇଁ  
 ଇଞ୍ଜୁ ଇନେସି ଏଝାସି ନୀଏଁ  
 ପାତେକା ଆନ୍ଦେରିତା ମାଞ୍ଜାମାନେସି  
 । ୧୦ ଆମ୍ବାଆସି ତାନି ତାୟି ତାଜିକି  
 ଜୀଞ୍ଜୁ ନନେସି ଏଝାସି ଉଜେଡିତା  
 ମାଞ୍ଜାମାନେସି, ଇଞ୍ଜା ଏଝାଣି ତାଣା ପୁଟି  
 କିନାୟି ଏନାୟି ହିଲେଏ । ୧୧ ସାମା  
 ଆମ୍ବାଆସି ତାନି ତାୟିକି ଅପିହିଲଅସି  
 ଏଝାସି ଆନ୍ଦେରିତା ମାନେସି, ଅଡେ  
 ଆନ୍ଦେରିତା ତାକି ତାକିହୁ ଆମ୍ବିୟାଝାକି  
 ହାଜିମାନେସି, ଏଦାଆଁ ପୁନଅସି,  
 ଇତିହୁ ଆନ୍ଦେରି ତାନି କାଣକାଣି କାଣା  
 କିହାମାନେ ।

୧୨ ଜୀଞ୍ଜୁତି କକାରି ପଦାତେରି ନାନୁ  
 ମିଙ୍ଗେ ରାଡିମାଞ୍ଜାଇଁ, ଏଦାଆଁତାକି

☆ ୨:୭ ୨:୭ କହ ୧୩:୩୪

ଇଚିହଁ କ୍ରୀସ୍ତ ଦରୁତଲେ ମୀ ପାପୁ ବାରେ ମେଶିକାମାନେ ।  
 ୧୩ ତାଞ୍ଜିତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ, ଏନାଆଁତାକି ଇଚିହଁ ଆମ୍ବାଆସି ମୁଲୁଚିଏ ମାନେସି, ଏଞ୍ଜାଣାଇଁ ମୀରୁ ପୁଞ୍ଜାମାଞ୍ଜେରି, ଏ ଡାଆ ଦାଂଗଣାୟାତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ, ଇଚିହଁ ମୀରୁ ବାରେ ଲାଗେଏ ପଲେଏ ତାଣାଟି ଜୀଣା ଆହାମାଞ୍ଜେରି ।

୧୪ କକାରି ପଦାଁତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ ଏନାଆଁତାକି ଇଚିହଁ ମୀରୁ ଆବା ମାହାପୁରୁଇଁ ପୁଞ୍ଜାମାଞ୍ଜେରି, ଏ ଆବାୟାତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ ଏନାଆଁତାକି ଇଚିହଁ ଆମ୍ବାଆସି ମୁଲୁଚିଏ ମାନେସି ଏ କ୍ରୀସ୍ତଇଁ ପୁଞ୍ଜାମାଞ୍ଜେରି, ଏ ଡାଆ ଦାଂଗଣାୟାତେରି ନାନୁ ମିଙ୍ଗେ ରାଡ଼ିମାଞ୍ଜାଇଁ ଏନାଆଁତାକି ଇଚିହଁ ମୀରୁ ବାଡ଼ୟୁ ଗାଟାତେରି, ଅଡ଼େ ମାହାପୁରୁତି ବଲୁ ମୀ ତାଣା ମାନେ ଅଡ଼େ ମୀରୁ ଲାଗେଏ ପଲେଏତାଣି ଜୀଣା ଆହାମାଞ୍ଜେରି ।

ଦାରତିତି ଜୀଞ୍ଜୁ ନଆଦୁ

୧୫ ଦାରତିତି ଅଡ଼େ ଏମ୍ବାଆଁ ମାନାଣି ବାରେତି ଜୀଞ୍ଜୁ ନଆଦୁ, ଆମ୍ବାଆସି ଦାରତିତି ଜୀଞ୍ଜୁ ନନେସି, ଏଞ୍ଜାଣି ତାଣା ମାହାପୁରୁ ଆବାତି ଜୀଞ୍ଜୁନନାୟି ହିଲେଏ । ୧୬ ଇଚିହଁ ଆଙ୍ଗାତି ଜୁପକା, କାନୁତି ଜୁପକା, ଅଡ଼େ ଦନତି ବତପଣ, ଦାରତିତା ମାନାୟି ଇ ବାରେ ମାହାପୁରୁ ଆବା ତାଣାଟି ଝାହାହିଲେଏ ସାମା ଦାରତିତି ଗାଡ଼ି ଆହାମାନେ । ୧୭ ଦାରତି ଅଡ଼େ ଏମ୍ବାଆଁ ମାନି ଜୁପକା କାଲେଏ ତାକି ଆଏ, ସାମା ଆମ୍ବାଆସି ମାହାପୁରୁତି ଇଚାତି ମାନୁଞ୍ଜି ଆନେସି ଏଞ୍ଜାସି କାଲେଏ ତାକି ତୀରି ଆନେସି ।

କ୍ରୀସ୍ତତି ସାଡୁ

୧୮ ଜୀଞ୍ଜୁତି କକାରି ପଦାଁତେରି ରାନ୍ କାଲା ଏଗାଞ୍ଜାଡ଼େୟିଏ, ନାଡ଼ିକିନି କ୍ରୀସ୍ତ ଝାନେସି ଇଞ୍ଜି ମୀରୁ ଏନିକ

ଝେଞ୍ଜାମାଚେରି, ଏଲେକିହଁଏ ନୀଏଁ ଜିକେଏ ହାରେକା ନାଡ଼ିକିନି କ୍ରୀସ୍ତୟାଁ ନିଙ୍ଗିତେରିଏ; ଇଦାଆଁତାକି ମୀରୁ ପୁଞ୍ଜିମାନାୟି ଜୁଗୁ ରାନ୍ କାଲା ଏଦାତେୟିଏ । ୧୯ ଏଞ୍ଜାରି ମା ବିଡ଼ାଟି ହଡ଼େରି, ସାମା ମା ଗଚିତି ଲକୁ ହିଲାଆତେରି; ଏଞ୍ଜାରି ମା ଗଚିତି ଲକୁ ଆଡ଼ିହଁମା, ଏଞ୍ଜାରି ମା ତଲେ ଡ଼ୟିତେରିମା; ସାମା ବାରେ ମା ଗଚିତି ଲକୁ ଆଏ, ଇଦି ଏନିକ ତଞ୍ଜାଆନେ, ଇଦାଆଁତାକି ଏଞ୍ଜାରି ହଡ଼ାହାଚେରି ।

୨୦ ସାମା ମୀରୁ ଏ ସୁଦୁ ଗାଟାଣା ତାଣାଟି ବଡ଼ ବେଟାଆହାମାନାକି ମୀରୁ ବାରେତେରି ବୁଦି ବେଟାଆହାମାଞ୍ଜେରି । ୨୧ ମୀରୁ ସାତାତି ପୁଞ୍ଜାହିଲାଆକି ନାନୁ ମିଙ୍ଗେ ରାଡ଼ିମାଞ୍ଜାଇଁ ଏଦି ଆଏ, ସାମା ମୀରୁ ସାତାତି ପୁଞ୍ଜାମାନାକି ଅଡ଼େ ସାତାତି ଏଚେଲାଞ୍ଜା ମିଚି ହଏ ଇଞ୍ଜି ମୀରୁ ପୁଞ୍ଜାମାନାକି ନାନୁ ମିଙ୍ଗେ ରାଡ଼ିମାଞ୍ଜାଇଁ ।

୨୨ ଜୀମୁଇଁ କ୍ରୀସ୍ତ ଆଏ ଇଞ୍ଜି ଆମ୍ବାଆସି ଝେହନେସି, ଏଞ୍ଜାଣି ତାଣାଟିଏ ମିଚି ଝେହନସି ଆମ୍ବାଆସି ? ଅଡ଼େ ଆମ୍ବାଆସି ଆବା ଅଡ଼େ ମୀରୁଏଣାଇଁ ଇ ରିଆରାଇଁ ଜିକେଏ ଅପଅସି ଏଞ୍ଜାସିଏ ନାଡ଼ିକିନି କ୍ରୀସ୍ତ । ୨୩ ଆମ୍ବାଆସି ମୀରୁଏଣାଇଁ ଅପଅସି ଏଞ୍ଜାସି ଆବାଇଁ ବେଟାଆହାହିଲଅସି, ଆମ୍ବାଆସି ମୀରୁଏଣାଇଁ ଆବିନେସି, ଏଞ୍ଜାସି ଆବାଇଁ ଜିକେଏ ବେଟାଆହାମାନେସି ।

୨୪ ମୀରୁ ତଲିଚିଏ ଏନାଆଁ ଝେଞ୍ଜାମାଞ୍ଜେରି, ଏଦି ମୀ ତାଣା ଡ଼ୟାପେ, ମୀରୁ ତଲିଚିଏ ଏନାଆଁ ଝେଞ୍ଜାମାଞ୍ଜେରି, ଏଦି ମୀ ତାଣା ଡ଼ୟିତିହଁ, ଆଡ଼ିହଁ ମୀରୁ ଜିକେଏ କାଲେଏ ଆବା ଅଡ଼େ ମୀରୁଏଣା ଜୀମୁ ତାଣା ଡ଼ୟିଦେରି । ୨୫ ଅଡ଼େ କ୍ରୀସ୍ତ ମାଙ୍ଗେ ଏନାଆଁ ଆଞ୍ଜାମାଞ୍ଜାନେସି ଏଦି କାଲାକାଲାତି ଜୀଞ୍ଜୁ ।

୨୬ ଆମ୍ବାଆସି ମିଙ୍ଗେ ନାଡ଼ି କିୟାଲି ଅଣ୍ପାନେରି, ଏଞ୍ଜାରି ତାଣାଟି ଜାଗ୍ରାତା ଆହାଲି ନାନୁ ମୀ ତାଣା ଇ ବାରେ ରାଡ଼ିମାଞ୍ଜାଇଁ । ୨୭ ସାମା ମୀରୁ ଏଞ୍ଜାଣି

ତାଣାଟି ଆମିନି ସୁଦୁଜୀଝୁତି ବର  
 ବେଟାଆହାମାଞ୍ଜେରି, ଏଦି ମୀ ତାଣା  
 ଡୟାମାନେ, ଇଞ୍ଜା ଆମ୍ବାଆସି ମିଞ୍ଜେ  
 ଜାପୁହାନେସି, ଏଦି ମିଞ୍ଜେତାକି ଲଡ଼ା  
 ହିଲେଏ, ସାମା ଏଝାଣି ତାଣାଟି ଆମିନି  
 ବର ବେଟାଆହାମାଞ୍ଜେରି ଏଦି ମିଞ୍ଜେ  
 ଆମିନି କାତା ଜାପୁହାନେ, ଏଦି ସାତା,  
 ମିତି ଆଏ; ଇଦାଆଁତାକି ଏ ଜାପୁନାଣି  
 ତଲେ ଏଝାଣି ତାଣା ଡୟାଦୁ ।

୨୮ ନା ଜୀଝୁତି ମୀରକା ମାସ୍କାତେରି,  
 କ୍ରୀସ୍ତ ତଲେ ଆଣ୍ଡାନା ଡୟାଦୁ, ଏନିକ  
 ଏଝାସି ଏଚିବେଲା ତଞ୍ଜାଆନେସି,  
 ଏଚିବେଲା ତାନୁ ଖାନାଟି ତାନି  
 ନକିତା ମାର ଲାଜା ଆଆନା ସାସା  
 ମେଡ଼ାଆନାୟି । ୨୯ କ୍ରୀସ୍ତ ଦାମ୍ବୁଗାଟାସି,  
 ଇଦାଆଁ ପୁନାୟିମାନେ, ଆତିହ  
 ଆମ୍ବାଆସି ଦାମ୍ବୁକାମା କିନେସି, ଏଝାସି  
 ଏଝାଣି ତାଣାଟି ଜାର୍ନା ଆହାମାନେସି,  
 ଇଦାଆଁ ଜିକେଏ ପୁଞ୍ଜୁ ।

**୩**

ମାହାପୁରୁତି ମୀରକା ମାସ୍କା

୧ \*ମେହଦୁ ଆବା ମାଞ୍ଜେ ଏନିକ  
 ଜୀଝୁ ନନାଣି ହାହାମାଞ୍ଜାନେସି, ମାର  
 ମାହାପୁରୁତି ମୀରକା ମାସ୍କା ଇଞ୍ଜ  
 ଝେଜିନାୟି, ଅଡ଼େ ମାର ଏଲେକିହ  
 ଏ ଆହାମାନାୟି । ଇଦାଆଁତାକି ଦାରତି  
 ମାଞ୍ଜେ ପୁଞ୍ଜିମାଞ୍ଜେଏ, ଇଚିହ ଏଦି  
 ଏଝାଣାଈ ଜିକେଏ ପୁଞ୍ଜା ହିଲାଆତେ  
 । ୨ ଏ ନା ଜୀଝୁତି ତଣେସିଙ୍ଗା,  
 ନୀଏଁ ମାର ମାହାପୁରୁତି ମୀରକା  
 ମାସ୍କାତାୟି, ଅଡ଼େ ତାୟୁ ଏନି ଆନାୟି,  
 ଏଦି ନୀଏଁ ପାତେକା ତଞ୍ଜା ଆହା  
 ହିଲେଏ, ମାର ପୁଞ୍ଜାମାନାୟି, କ୍ରୀସ୍ତ  
 ଏଚିବେଲା ତଞ୍ଜାଆନେସି, ଏଚିବେଲା  
 ମାର ଜିକେଏ ଏଲେକିହ ଏ ଆନାୟି,  
 ଇଚିହ ଏଝାସି ଏନିଲେହେକି ମାର  
 ଏଲେକିହ ଏ ଏଝାଣାଈ ମେହନାୟି  
 । ୩ ଅଡ଼େ ଆମ୍ବାଆସି ଜିକେଏ କ୍ରୀସ୍ତ  
 ଜୀସୁ ତାଣା ଇ ବାର୍ସୁ ଇଚାମାନାସି,  
 ଏଝାସି ଏନିକ ସୁଦୁଗାଟାସି, ଏଝାସି

ଏଲେକିହ ଏ ତାଞ୍ଜେ ଅବହା  
 କଡ଼ିନେସି ।

୪ ଆମ୍ବାଆସି ପାପୁ କିନେସି,  
 ଏଝାସି ମାହାପୁରୁତି ହୁକୁମି ଉରିନାସି,  
 ଏନିକଚିହ ହୁକୁମି ଉରିନାୟିଏ ପାପୁ  
 । ୫ \*ମାର ପୁଞ୍ଜାମାନାୟି, କ୍ରୀସ୍ତ ପାପୁ  
 ଡେକା ଅହାଲି ଖାଡ଼େସି, ଇଞ୍ଜା ଏଝାଣି  
 ତାଣା ପାପୁ ହିଲେଏ । ୬ ଆମ୍ବାଆସି କ୍ରୀସ୍ତ  
 ତାଣା ଡୟିନେସି, ଏଝାସି ପାପୁ କିଅସି;  
 ସାମା ଆମ୍ବାଆସି ପାପୁ କିନେସି, ଏଝାସି  
 କ୍ରୀସ୍ତଈ ମେସାହିଲଅସି କି ଏଝାଣାଈ  
 ପୁଞ୍ଜାହିଲଅସି ।

୭ ନା ଜୀଝୁତି କକାରି ପଦାଁତେରି  
 ଆମ୍ବାଆରି ମିଞ୍ଜେ ନାଡ଼ି କିୟାଆପେରି;  
 ଆମ୍ବାଆସି ଦାମ୍ବୁକାମା କିନେସି, କ୍ରୀସ୍ତ  
 ଏନିକ ଦାମ୍ବୁଗାଟାସି, ଏଝାସି ଜିକେଏ  
 ଏଲେକ ଦାମ୍ବୁଗାଟାସି ଆନେସି;  
 ୮ ଆମ୍ବାଆସି ପାପୁ କିନେସି, ଏଝାସି  
 ସୟତାନତି ଜାର୍ନା ଆଡ଼ାସି, ଇଚିହ  
 ସୟତାନ ତଲିଟିଏ ପାପୁ କିହ  
 ଖାହିମାନେ, ସୟତାନତି କାମା ନାସା  
 କିୟାଲି ମାହାପୁରୁ ମୀରଏସି ଖାଡ଼େସି  
 ।

୯ ଆମ୍ବାଆସି ମାହାପୁରୁ ତାଣାଟି ଜାର୍ନା  
 ଆହାମାନେସି, ଏଝାସି ପାପୁ ଅଡ଼େ  
 ଝେଣ୍ଡେ କିଅସି, ଇଚିହ ମାହାପୁରୁତି  
 ଗୁଣୁ ଏଝାଣି ତାଣା ମାନେ, ଅଡ଼େ ଏଝାସି  
 ମାହାପୁରୁ ତାଣାଟି ଜାର୍ନା ଆହାମାନାକି  
 ପାପୁ କିହାଲି ଆଡ଼ଅସି । ୧୦ ଆମ୍ବାଆରି  
 ମାହାପୁରୁତି ମୀରକା ମାସ୍କା ଅଡ଼େ  
 ଆମ୍ବାଆରି ସୟତାନତି ମୀରକା ମାସ୍କା,  
 ଏଦି ତଞ୍ଜାଆନେ; ଆମ୍ବାଆସି ଦାମ୍ବୁକାମା  
 କିଅସି, ଇଞ୍ଜା ତାୟି ତାଈଈ ଜୀଝୁ  
 ନଅସି, ଏଝାସି ମାହାପୁରୁ ତାଣାଟି ଜାର୍ନା  
 ଆହାହିଲଅସି ।

ରଅସି ରଅଣାଈ ଜୀଝୁନନାୟି

୧୧ \*ଇଚିହ ରଅସି ରଅଣାଈ  
 ଜୀଝୁନନାୟି ମାନେ ଇ ହାଡ଼ା ମୁଲୁଟିଏ  
 ଝେଞ୍ଜା ମାଞ୍ଜେରି; ୧୨ ପାପୁତି ମୀରଏସି  
 କୟିନ, ଏଝାଣିଲେହେ ଆଆଦୁ, ଏଝାସି

ତାନି ତାୟି ହେବଲଇଁ ପାୟିତେସି; କୟିନ ଏଞ୍ଜାଣାଇଁ ଏନାଆଁତାକି ପାୟିତେସି ? ଇତିହାଁ ତାନି କାମା ପାପୁ ଗାଗାୟି, ଅଡ଼େ ହେବଲତି କାମା ଦାମ୍ବୁଗାଗାୟି ମାଚେ ।

୧୩ ନା ତାୟି ତାଈସ୍ମାତେରି ଦାର୍ତତି ଲକୁ ମିଙ୍ଗେ ଅପାଆତ ଜିକେଏ ମୀରୁ କାବା ଆଆଦୁ । ୧୪ \*ମାର ପୁଞ୍ଜାମାନାୟି, ମାର ହାକିତି ଜୀଣାଆହାନା ଜୀଞ୍ଜୁ ବେଟାଆହାମାନାୟି, ଇତିହାଁ ମାର ତାୟି ତାଈସ୍ମାଣି ଜୀଞ୍ଜୁନହାଁ ମାନାୟି, ଆମ୍ବାଆସି ଜୀଞ୍ଜୁ ନଅସି, ଏଞ୍ଜାସି ହାହାଲି ମାନେସି । ୧୫ ଆମ୍ବାଆସି ଜାହାରା କ୍ରୀସ୍ତାନା ତାୟି ତାଈଇଁ ଅପଅସି, ଏଞ୍ଜାସି ଲକୁଣି ପାୟିନାସି; ଅଡ଼େ ଲକୁଣି ପାୟିନାରି ତାଣା କାଲ୍ଲକାଲ୍ଲତି ଜୀଞ୍ଜୁ ଡୟେଏ, ଇଦାଆଁ ମୀରୁ ପୁଞ୍ଜାମାଞ୍ଜେରି । ୧୬ ଜୀସୁ କ୍ରୀସ୍ତ ମା ତାକି ଜୀଞ୍ଜୁ ହୀତାକି ମାର ଜୀଞ୍ଜୁନନାୟି ଏନାୟି ଇଞ୍ଜୁ ପୁଞ୍ଜାମାନାୟି; ଅଡ଼େ ତାୟି ତାଈ ତାକି ମା ଜୀଞ୍ଜୁ ଜିକେଏ ହୀନାୟି ମାନେ । ୧୭ ସାମା ଆମ୍ବାଆସି ଦାର୍ତତିବା ଦନ ଗାଗାସି ଆହାନା ତାନି ତାୟିତି ଲଡ଼ାମାନାଣି ମେସାନା ଜିକେଏ ଏଞ୍ଜାଣାଇଁ କାମା ମେହଅସି ଇତିସାରେ, ତାନି ହିୟାଁତା ମାହାପୁରୁତି ଜୀଞ୍ଜୁନନାୟି ମାନେ ଇଞ୍ଜୁ ଏନିକ ଏଲେଇନାୟି ? ୧୮ ନା ମୀରକା ମାସ୍କା ଖାଦୁ, ମାର ଜଲ୍ଲା ଜକଡ଼ି ତଲେ ଜୀଞ୍ଜୁ ନଆନା କାମା ଅଡ଼େ ସାତା ତଲେ ଜୀଞ୍ଜୁ ନନାଣି ତହନାୟି ମାନେ ।

୧୯ ଏଲେ କିତିସାରେ ମାର ସାତାତି ମୀରକା ମାସ୍କାତାୟି ଇଦାଆଁ ପୁଞ୍ଜାମାନାୟି, ଅଡ଼େ ଏନି କାତା ମା ହିୟାଁ ମାଙ୍ଗେ ଦହ କିୟାନେ, ଏ କାତାତା ଏଞ୍ଜାଣି ନକିତା ମା ହିୟାଁ ସୁସ୍ତି କିୟାଲି ଆଡ଼ିନାୟି; ୨୦ ଏମିନି କାମାତା ମା ହିୟାଁ ମାଙ୍ଗେ ଦହ ଦସ୍ତାନେ, ଏମ୍ବାଟି ଏଞ୍ଜାଣି ନକିତା ଏ କାତାତାକି ମା ହିୟାଁତି ସୁସ୍ତି କିହାଲି ଆଡ଼ିନାୟି; ଇତିହାଁ ମାହାପୁରୁ ମା ହିୟାଁଟିଏ

କାଜାସି, ଏଞ୍ଜାସି ବାରେ ପୁନେସି । ୨୧ ନା ଜୀଞ୍ଜୁତି ତଡ଼େସିଙ୍ଗା ମା ହିୟାଁ ମାଙ୍ଗେ ଦହ ଦସ୍ତାଆତିହାଁ, ଆତିହାଁ ମାର ମାହାପୁରୁ ନକିତା ସାସାତଲେ ନିଚାଲି ଆଡ଼ିନାୟି । ୨୨ ଅଡ଼େ ମାର ଏନାଆଁ ରୀହନାୟି, ଏ ବାରେ ଏଞ୍ଜାଣି ତାଣାଟି ବେଟାଆହାଁ ମାନାୟି, ଇତିହାଁ ମାର ତାନି ହୁକୁମି ମାନଞ୍ଜି ଆହିମାନାୟି, ଅଡ଼େ ତାନି ନକିତା ଏନାୟି ନେହାୟି ଏନାଆଁ କିହିମାନାୟି । ୨୩ \*ତାନି ହୁକୁମି ହୀହାମାନିଲେହେଁ, ମାର ତାନି ମୀରଏସି ଜୀସୁ କ୍ରୀସ୍ତ ଦରୁତଲେ ନାମିନାୟି ଅଡ଼େ ତାନି ହୀତି ହୁକୁମି ତଲେ ରଅତାୟି ରଅଣାଇଁ ଜୀଞ୍ଜୁନନାୟି । ୨୪ ଆମ୍ବାଆସି ମାହାପୁରୁତି ହୁକୁମି ମାନଞ୍ଜି ଆନେସି, ଏଞ୍ଜାସି ମାହାପୁରୁ ତଲେ ଡୟିନେସି, ଅଡ଼େ ମାହାପୁରୁ ଏଞ୍ଜାଣି ତାଣା ଡୟିନେସି; ଇଞ୍ଜା ମାହାପୁରୁ ମା ତାଣା ଡୟିନେସି, ଇଦାଆଁ ମାର ତାନି ହୀହାମାଞ୍ଜାନି ଜୀଞ୍ଜୁତଲେ ପୁଞ୍ଜାମାନାୟି ।

୪

ସାତା ମାହାପୁରୁତି ଜୀଞ୍ଜୁ ଅଡ଼େ ମିତି ଜୀଞ୍ଜୁ

୧ ନା ଜୀଞ୍ଜୁତି ତାୟି ତାଈସ୍ମା, ବାରେ ଜୀଞ୍ଜୁୟାଁଇଁ ନାମାଆଦୁ, ସାମା ଏଞ୍ଜାରି ବେଟାଆହାମାନି ଜୀଞ୍ଜୁୟାଁ ମାହାପୁରୁ ତାଣାଟି ଖାହାମାନୁ କି ଆଏ ଇଦାଆଁ ନେହାଁକ ତାୟିପାରି କିଦୁ, ଏନାଆଁତାକି ଇତିହାଁ ଦାର୍ତତିବା ହାରେକା ମିତି ମାହାପୁରୁ ବଲ୍ଲୁ ଖେହନାରି ହଡ଼ାମାନେରି । ୨ ଇଲେ କିତିହାଁ ମୀରୁ ମାହାପୁରୁତି ଜୀଞ୍ଜୁତି ପୁଞ୍ଜାଲି ଆଡ଼ିଦେରି, କ୍ରୀସ୍ତ ଜୀସୁ ମାଣସି ଆଙ୍ଗା ଖାଣା ତଲେ ଖାହାମାନେସି, ଇଦାଆଁ ଆମିନି ଜୀଞ୍ଜୁ ଜଲିନେ, ଏଦି ମାହାପୁରୁ ତାଣାଟି ଖାହାମାନେ । ୩ ଅଡ଼େ ଆମିନି ଜୀଞ୍ଜୁ ଜୀସୁଇଁ ନାନୁ ପୁଞ୍ଜାହିଲଅଁ ଇଞ୍ଜୁ ଜଲିନେ, ଏଦି ମାହାପୁରୁ ତାଣାଟି ଖାହାହିଲେଏ; ସାମା ଏଦି ନାଡ଼ିକିନି

\* ୩:୧୪ ୩:୧୪ ଜହ ୫:୨୪ \* ୩:୨୩ ୩:୨୩ ଜହ ୧୩:୩୪; ୧୫:୧୨,୧୭

କ୍ରୀସ୍ତ ତି ଜୀଝୁ, ଆମିନି ଜୀଝୁତି ଝାନି କାତା ମୀରୁ ଝେଝାମାଝେରି, ଇଞ୍ଜା ଏଦି ନୀର୍ବ ଜିକେଏ ଦାର୍ତତିତା ଝାଡେୟିଏ ।

୪ ଜୀଝୁତି କକାରି ପଦାତେରି, ମୀରୁ ମାହାପୁରୁ ତାଶାତି ଜାର୍ନା ଆତାତେରି, ଅଡେ ମୀରୁ ନାଡ଼ିକିନି ବଲୁ ଝେହନାରାଇଁ ଜୀଶା ଆହାମାଝେରି, ଇତିହୁଁ ମୀ ତାଶା ଆମ୍ବାଆସି ମାନେସି, ଏଝାସି, ଦାର୍ତତିତା ଆମ୍ବାଆସି ମାନେସି ଏଝାଶି କିହାଁ କାଜାସି । ୫ ନାଡ଼ିକିନାରି ଦାର୍ତତିତା ଝାହାମାନେରି, ଇଦାଆଁତାକି ଏଝାରି ଦାର୍ତତିତା କାତା ଝେହନେରି, ଅଡେ ଦାର୍ତତିତାରି ଏଝାରି କାତା ଝେନେରି । ୬ ସାମା ମାରୁ ମାହାପୁରୁ ତାଶାତି ଜାର୍ନା ଆହାମାନାୟି; ଆମ୍ବାଆସି ମାହାପୁରୁଇଁ ପୁନେସି, ଏଝାସି ମା କାତା ଝେନେସି; ଆମ୍ବାଆସି ମାହାପୁରୁ ତାଶାତି ଜାର୍ନା ଆହାହିଲଅସି, ଏଝାସି ମା କାତା ଝେନଅସି, ଏମ୍ବାତି ସାତାତି ଜୀଝୁ ଅଡେ ନାଡ଼ିକିନି ଜୀଝୁ ପୁଞ୍ଜାଲି ଆଡ଼ିନାୟି ।

ଜୀଝୁ ନଝିଆନାୟି

୭ ନା ଜୀଝୁତି ତଝେସିଝା, ରଅତେରି ରଅଶାଇଁ ଜୀଝୁନଦୁ, ଇତିହୁଁ ଜୀଝୁନନାୟି ମାହାପୁରୁ ତାଶାତି ଝାନେ, ଆମ୍ବାଆସି ଜୀଝୁ ନନେସି, ଏଝାସି ମାହାପୁରୁ ତାଶାତି ଜାର୍ନା ଆହାମାନେସି, ଇଞ୍ଜା ଏଝାସି ମାହାପୁରୁଇଁ ପୁଞ୍ଜାମାନେସି । ୮ ଆମ୍ବାଆସି ଜୀଝୁ ନଅସି, ଏଝାସି ମାହାପୁରୁଇଁ ପୁନଅସି, ଏଦାଆଁତାକି ଇତିହୁଁ ମାହାପୁରୁ ଜୀଝୁ ନନାସି । ୯ ଇମ୍ବାଆଁ ମାହାପୁରୁତି ଜୀଝୁନନାୟି ତଞ୍ଜା ଆହାମାନେ, ଏଝାସି ତାନି ରଣ୍ଡିଏ ମୀରୁଏଶାଇଁ ଦାର୍ତତିତା ପାଶ୍ଚାତେସି, ଏନିକଁ ମାରୁ ଏଝାଶି ତାଶାତି କାଲିକାଲିତି ଜୀଝୁ ବେଟାଆନାୟି । ୧୦ ମାରୁ, ମାହାପୁରୁଇଁ ଜୀଝୁ ନତାୟି, ଏଦି ଆଏ, ସାମା ଏଝାସି ମାଝେ ଜୀଝୁ ନୟାତେସି, ଇଞ୍ଜା ତାନି ମୀରୁଏଶାଇଁ ମା ପାପୁ ତାକି ପୂଜା ଆହାଲି ପାଶ୍ଚାତେସି; ଏଦି ଏମ୍ବାତିଏ ଜୀଝୁନନାୟି ତଞ୍ଜା ଆହି ମାନେ ।

୧୧ ନା ଜୀଝୁତି ତଝେସିଝା, ମାହାପୁରୁ ମାଝେ ଏନିକଁ ଜୀଝୁ ନହାଁ ମାଞ୍ଜାନେସି, ମାରୁ ଜିକେଏ ରଅତାୟି ରଅଶାଇଁ ଜୀଝୁ ନଝିଆନାୟି ମାନେ । ୧୨ ଆମ୍ବାଆସି ଏତେଲାଝା ମାହାପୁରୁଇଁ ମେସାହିଲଅସି; ସାମା ମାରୁ ରଅତାୟି ରଅଶାଇଁ ଜୀଝୁନଝିଆନ, ଆତିହୁଁ ମାହାପୁରୁ ମା ତାଶା ମାନେସି, ଅଡେ ତାନି ଜୀଝୁନନାୟି ମା ତାଶା ମାନେ ।

୧୩ ମାରୁ ମାହାପୁରୁ ତାଶା ମାନାୟି ଅଡେ ଏଝାସି ମା ତାଶା ମାନେସି, ଇଦାଆଁ ମାରୁ ପୁଞ୍ଜାମାନାୟି, ଇତିହୁଁ ଏଝାସି ମାଝେ ତାନି ଜୀଝୁ ହାହାମାଞ୍ଜାନେସି । ୧୪ ମାହାପୁରୁ ଆବା ତାନି ମୀରୁଏଶାଇଁ ଦାର୍ତତିତା ଲକୁଶି ଗେଲପିନାସି ଆହାଲିତାକି ପାଶ୍ଚାତେସି, ଇଦାଆଁ ମାରୁ ମେସାମାନାୟି ଅଡେ ସାକି ହାହି ମାନାୟି । ୧୫ ଆମ୍ବାଆସି ଜୀଝୁଇଁ ମାହାପୁରୁତି ମୀରୁଏସି ଇଞ୍ଜା ଝେକନେସି, ମାହାପୁରୁ ଏଝାଶି ତାଶା ମାନେସି, ଅଡେ ଏଝାସି ମାହାପୁରୁ ତାଶା ମାନେସି । ୧୬ ଅଡେ ମାଝେତାକି ମାହାପୁରୁତି ଆମିନି ଜୀଝୁନନାୟି ମାନେ, ଏଦାଆଁ ମାରୁ ପୁଞ୍ଜାମାନାୟି ଅଡେ ନାମାମାନାୟି । ମାହାପୁରୁ ଜୀଝୁ ନନାସି; ଆମ୍ବାଆସି ଜୀଝୁ ନହୁଁ ମାନେସି ଏଝାସି ମାହାପୁରୁ ତାଶା ମାନେସି ଅଡେ ମାହାପୁରୁ ଏଝାଶି ତାଶା ଡୟିନେସି । ୧୭ ଦାର୍ମୁତି ଜୀଝୁତା ନୀତାମାନାକି ମାହାପୁରୁତି ଜୀଝୁନନାୟି ମା ତାଶା ତୀରି ଆହାମାନେ, ମାରୁ ନାହାୟି ଦିନାତା ସାସା ବେଟାଆନାୟି, ଇତିହୁଁ କ୍ରୀସ୍ତ ଏନିକଁ ମାନେସି, ମାରୁ ଜିକେଏ ଇ ଦାର୍ତତିତା ଏଲେକିହୁଁଏ ମାନାୟି । ୧୮ ଜୀଝୁ ନନି ତାଶା ଆଜି ଡୟେଏ, ସାମା ସାତା ଜୀଝୁନନାୟି ଆଜିତି ହେକ କିନେ, ଇତିହୁଁ ଆଜି ଡୟେ ବେଟାଆନାଶି ତଲେ ଆଶ୍ଚାମାନେ, ଇଞ୍ଜା ଆମ୍ବାଆସି ଆଜିନେସି ଏଝାସି ଜୀଝୁ ନନି ତାଶା ତୀରିତାସି ଆଏ । ୧୯ ମାହାପୁରୁ ତଲିଏ ମାଝେ ଜୀଝୁ ନୟାତାକି ମାରୁ ଜୀଝୁ ନହୁମାନାୟି । ୨୦ ଆମ୍ବାଆସି ନାନ୍



ମାହାପୁରୁଙ୍କ ଜୀବୁ ନହୁଁ ମାଙ୍କ ଇଚ୍ଛାନା, ଏଞ୍ଜାସି ତାନି ନାମିତି ତାୟି ତାଙ୍କିଙ୍କୁ ଅପଅସି, ଆତିହୁଁ ଏଞ୍ଜାସି ମିତି ଖେହନାସି, ଇଚିହୁଁ ଆମିନି ତାୟିଙ୍କୁ ମେସାମାନେସି, ଏଞ୍ଜାଣାଙ୍କୁ ଜୀବୁ ନଅସି, ଇଚିହୁଁ ଆମିନି ମାହାପୁରୁଙ୍କୁ ମେସାହିଲଅସି, ଏଞ୍ଜାଣାଙ୍କୁ ଜୀବୁ ନହାଲି ଆଡଅସି । ୨୧ ଆମ୍ବାଆସି ମାହାପୁରୁଙ୍କୁ ଜୀବୁ ନନେସି, ଏଞ୍ଜାସି ତାନି ତାୟିଙ୍କୁ ଜିକେଏ ଜୀବୁ ନପେସି, ଇ ହୁକୁମି ମାମ୍ବୁ କ୍ରାସ୍ତ ତାଣାଟି ବେଗା ଆହାମାନମି ।

**୫**

ଦାର୍ତତିତା ଜୀଣା ଆନାୟି

୧ ଆମ୍ବାଆସି ଜୀସୁଙ୍କୁ କ୍ରାସ୍ତ ଇଞ୍ଜୁଁ ନାମିନେସି, ଏଞ୍ଜାସି ମାହାପୁରୁ ତାଣାଟି ଜାର୍ନା ଆହାମାନେସି; ଆମ୍ବାଆସି ଜାର୍ନାକିତି ଆବାଙ୍କୁ ଜୀବୁ ନନେସି, ଏଞ୍ଜାସି ତାନିତାଣାଟି ଜାର୍ନା ଆହାମାନି ଲକୁଣି ଜିକେଏ ଜୀବୁ ନନେସି । ୨ ମାର ଏଚିବେଲା ମାହାପୁରୁଙ୍କୁ ଜୀବୁନନାୟି ଅଡେ ତାନି ହୁକୁମି ମାନଡ଼ି ଆନାୟି, ଏଚିବେଲା ଏଦାଆଁ ତଲେ ମାର ମାହାପୁରୁତି ମାରକା ମାସକାଙ୍କୁ ଜୀବୁ ନହୁମାନାୟି ଇଞ୍ଜୁଁ ପୁଞ୍ଜାଲି ଆଡିନାୟି । ୩ \*ମାହାପୁରୁଙ୍କୁ ଜୀବୁନନାୟି ମା ତାଣା ମାନେ, ଇଚିହୁଁ ମାର ଏଞ୍ଜାଣି ହୁକୁମି ମାନଡ଼ି ଆନ, ଏଞ୍ଜାଣି ହୁକୁମି ମାନଡ଼ି ଆନାୟି ହାରେକା କସ୍ତ ଆଏ ୪ ଆମ୍ବାଆସି ମାହାପୁରୁ ତାଣାଟି ଜାର୍ନା ଆହାମାନେସି, ଏଞ୍ଜାସି ଦାର୍ତତିତି ଜୀଣାଆନେସି, ଅଡେ ଏନାଆଁ ଦାର୍ତତିତି ଜୀଣା ଆହାମାନେସି, ଏଡି ମା ନାମ୍ବୁ । ୫ ଜୀସୁ ମାହାପୁରୁ ମାରଏସି, ଇଦାଆଁ ଆମ୍ବାଆସି ନାମିନେସି, ଏଞ୍ଜାଣି ପିସ୍ପେ ଆମ୍ବାଆସି ଦାର୍ତତିତି ଜୀଣା ଆନେସି ?

ଜୀସୁ କ୍ରାସ୍ତ ତାକି ସାକି

୬ ଜୀସୁ କ୍ରାସ୍ତ ଏୟୁ ଅଡେ ନେତେରିତି ଖାହାମାରେସି, ଖାରୁଇ ଏୟୁତଲେ ଆଏ, ସାମା ଏୟୁ ଅଡେ ନେତେରି ଇ ରୀ କୁଡା

ତଲେ ଖାହାମାରେସି; ଅଡେ ସୁଦୁଜୀବୁ ଜିକେଏ ଏମ୍ବାତି ସାକି ହାହିମାନେ, ଇଚିହୁଁ ଜୀବୁଏ ସାତା । ୭ ଇ ତାନି ଜାଣା ସାକି ମାମ୍ବୁ । ୮ ସୁଦୁଜୀବୁ, ଏୟୁ ଅଡେ ନେତେରି ଏଡ଼ି ରଣ୍ଡିଏ ସାକି ହାହିମାମ୍ବୁ । ୯ ମାର ଲକୁ ହାତି ସାକି ନାମିନାୟି, ଆତିହୁଁ ମାହାପୁରୁ ହାତି ସାକି ଏଦାଣିକିହାଁ ହାରେକା କାଜାୟି, ଅଡେ ମାହାପୁରୁତି ସାକି ଇଦି, ଏଞ୍ଜାସି ତାନି ମାରଏଣା ଖାକିଟି ସାକି ହାହାମାନେସି । ୧୦ ଆମ୍ବାଆସି ମାହାପୁରୁ ମାରଏଣା ତାଣା ନାମିନେସି, ଏଞ୍ଜାସି ତାନି ହିୟାତା ଇ ସାକି ବେଗାଆହାମାନେସି; ଅଡେ ଆମ୍ବାଆସି ମାହାପୁରୁତି ସାକି ନାମଅସି, ଏଞ୍ଜାସି ମାହାପୁରୁଙ୍କୁ ମିତି ଗାଟାସି କିହାମାନେସି, ଇଚିହୁଁ ମାହାପୁରୁ ତାନି ମାରଏଣା ଖାକିଟି ଆମିନି ସାକି ହାହାମାନେସି, ଏମ୍ବାଆଁ ଏଞ୍ଜାସି ନାମାହିଲଅସି । ୧୧ \*ଏ ସାକି ଇଦି, ମାହାପୁରୁ ମାଜେ ରାଆଗାଟି ଜୀବୁ ହାହାମାଞ୍ଜାନେସି, ଅଡେ, ଏ ଜୀବୁ ତାନି ମାରଏଣା ତାଣା ମାନେ । ୧୨ ଆମ୍ବାଆସି ମାହାପୁରୁ ମାରଏଣାଙ୍କୁ ବେଗାଆହାମାନେସି, ଏଞ୍ଜାସି ଜୀବୁ ବେଗାଆହାମାନେସି; ଆମ୍ବାଆସି ମାହାପୁରୁ ମାରଏଣାଙ୍କୁ ବେଗାଆହାହିଲଅସି, ଏଞ୍ଜାସି ଜୀବୁ ଜିକେଏ ବେଗାଆହାହିଲଅସି ।

ରାଆଗାଟି ଜୀବୁ

୧୩ ମାରୁ ମାହାପୁରୁ ମାରଏଣା ଦରୁ ନାମାମାଞ୍ଜେରି, ମାରୁ ଏନିକିଁ ପୁଞ୍ଜାମାଞ୍ଜେରି, ରାଆଗାଟି ଜୀବୁ ବେଗା ଆହାମାଞ୍ଜେରି, ଇଦାଆଁତାକି ନାନୁ ମିଜେ ଇ ବାରେ ରାତାମାଞ୍ଜାଙ୍କୁ । ୧୪ ଇଞ୍ଜା ମାରୁ ମାହାପୁରୁ ଅଣପୁତି ଲେହେଁ ପ୍ରାତାନା କିନାୟି, ଆତିହୁଁ ଏଞ୍ଜାସି ମା ପ୍ରାତାନା ଖେଞ୍ଜାନେସି, ଇଞ୍ଜୁଁ ମାହାପୁରୁ ତାଣା ମା ବାର୍ସୁ ମାନେ । ୧୫ ଅଡେ ମାରୁ ଏଞ୍ଜାଣି ତାଣା ଏନାଆଁ ପ୍ରାତାନା କିନାୟି, ଏଦାଆଁ ଏଞ୍ଜାସି

\* ୫:୩ ୫:୩୩ ୫:୧୫ ୫:୧୧ ୫:୧୧ ୫:୧୧ ୫:୩୩

ଝେଞ୍ଜାନେସି ଇଞ୍ଜିଂ ମାର ପୁଞ୍ଜାମାନାୟି,  
ଆତିହିଂ ଏଞ୍ଜାଣି ତାଣା ମାର ଏନାଆଁ  
ପ୍ରାତାନା କିହିମାନାୟି, ଏ ବାରେ  
ବେଟାଆହାମାନାୟି, ଇଦାଆଁ ଜିକେଏ  
ପୁଞ୍ଜାମାନାୟି ।

୧୭ ମୀ ନାମିତି ତାୟି କି ତାଜିଂ ପାପୁ  
କିହିମାନାଣି ମେହ୍ଦେରି ଇତିସାରେ,  
ଅଡ଼େ ଏ ପାପୁ ହାଞ୍ଜି କିନାୟି ଆଏ,  
ଏ ତାୟି ତାଜି ତାକି ମାହାପୁରୁ ତାଣା  
ପ୍ରାତାନା କିଦୁ, ଅଡ଼େ ମାହାପୁରୁ ଏନିକିଂ  
ହାନିହରେତି ପାପୁ କିହାହିଲିଆ  
ଲକୁଣି ଜୀଞ୍ଜୁ ହାନେସି, ଏଲେକିହିଂ ଏ  
ଏଞ୍ଜାରାକି ଜିକେଏ ଜୀଞ୍ଜୁ ହାନେସି,  
ହାନିହରେତି ପାପୁ ମାନେ ଇଞ୍ଜିଂ ଏଞ୍ଜାରି  
ତାକି ପ୍ରାତାନା କିହାଲି ଝେସିହିଲିଆଁ ।  
୧୮ ବାରେ ଲାଗେଏତି କାମା ପାପୁ, ସାମା  
ବାରେ ପାପୁ ହାଞ୍ଜି କିଏ ।

୧୯ ଆମ୍ବାଆସି ମାହାପୁରୁ ତାଣାଟି  
ଜାର୍ନା ଆହାମାନାସି, ଏଞ୍ଜାସି ପାପୁ କିଅସି,  
ଏନାଆଁତାକି ଇତିହିଂ ଏଞ୍ଜାସି ମାହାପୁରୁ  
ତାଣାଟି ଜାର୍ନା ଆହାଁ ଜାହାରାଂ ଗେଲପା  
କଡ଼ିନେସି, ଅଡ଼େ ପାପୁତି ଜୀଞ୍ଜୁ  
ଏଞ୍ଜାଣାଂ ତୀଗେଏ, ଇଦାଆଁ ମାର  
ପୁଞ୍ଜାମାନାୟି ।

୨୦ ମାର ମାହାପୁରୁ ତାଣାଟି ଜାର୍ନା  
ଆହାମାନାତାୟି ଇଞ୍ଜା ବାରେ ଦାର୍ଡିଂ  
ସୟତାନ ଲକ୍‌ହାମାନେ, ଇଦାଆଁ ମାର  
ପୁଞ୍ଜାମାନାୟି ।

୨୧ ମାର ପୁଞ୍ଜାମାନାୟି, ମାହାପୁରୁ  
ମୀରଏସି ଝାହାମାନେସି, ଇଞ୍ଜା  
ଏଞ୍ଜାସି ମାଜେ ସାତାତାଣାଂ ପୁଞ୍ଜାଲି  
ବୁଦି ହାହାମାଞ୍ଜାନେସି; ଅଡ଼େ ମାର  
ଏ ସାତାଗାଟାଣି ତାଣା, ଇତିହିଂ  
ତାନି ମୀରଏସି ଜୀଞ୍ଜୁ କ୍ରୀସ୍ତ ତାଣା  
ନୀତାମାନାୟି, ଏଞ୍ଜାସି ସାତା ମାହାପୁରୁ  
ଅଡ଼େ ରାଆଗାଟି ଜୀଞ୍ଜୁ ଗାଟାସି ।

୨୨ ନା ଜୀଞ୍ଜୁତି ମୀରକା ମାସ୍‌କାତେରି  
ପେଣ୍‌କା ବମାୟାଁ ତାଣାଟି ମୀରୁ ହେକ  
ଆହାନା ମାଞ୍ଜୁ ।

# ଯୋହନଙ୍କ ଦ୍ଵାରିତ୍ଵ ପତ୍ର ଜହନ ରାଚାମାନି ରୀ ଲମ୍ବର ଆକୁ ମୂଲୁ ହାଡ଼ା

ରୀ ଲମ୍ବର ଜହନ ଆକୁତି ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଚିଏ ୧୦୦ ବାର୍ଷୀ ତାମ୍ଭ ପାଣ୍ଡୁଆହାମାନି ଜହନ ତାଣ୍ଡାଟି ରାସ୍ତକି ଆହାମାନେ । ଜହନ ଜାହାରାଲ୍ ଆକୁ ରାଚିତାସି ଇଞ୍ଜିଲ୍ ଖେହ୍‌ଆନା କୁଲମିତି ପ୍ରାଚିନାତେଏଁ ଇଞ୍ଜିଲ୍ ଖେସିମାନେସି । ଜହନ ରୀ ଲମ୍ବର ଆକୁତି ଜହନ ରାଚିତି ନେହ୍ କାବୁତଲେ ସମାନା ମାନେ । ଇ ପତିତା ଜୀସୁ ଏନିକ୍ ରଥସି ରଥଶାଲ୍ ଜୀସୁ ନନ୍ଦି କାତା ଖେସାମାରେସି, ଜୀସୁତି ହୁକୁମିତି ହାରେକା ମାନି କିହିମାନେସି । ଏଲେକିହ୍ ଏ ଜୀସୁତି ହୁକୁମି ମାନୁଞ୍ଜି ଆନାୟି ଆହିମାନେ ଏଞ୍ଜାଶାଲ୍ ଜୀସୁନନାୟି ଜହ ୧:୫-୬; ଜହ ୧୫:୯-୧୦ ।

ଏଚିରେଲାତା ଏଞ୍ଜାସି ଏପିସିୟ ଗାଡ଼ାତା ମାରେସି ଏମ୍ପାଆଁ ଏଞ୍ଜାସି ଜହନ ରାଚିତି ନେହ୍ କାବୁ ଅଡେ ଜହନ ମୂଲୁ ଆକୁ, ଜହନତି ରୀ ଲମ୍ବର, ଅଡେ ଜହନ ତାନି ଲମ୍ବର ଆକୁ ରାଚାମାରେସି ଇଞ୍ଜିଲ୍ ଲକୁ ନାମିମାନେରି । ଜହନ ଇ ଆକୁତା ଆଚାମାନି ଇୟା ଅଡେ ତାନି ମୀରକା ମାସ୍କା ଇଞ୍ଜିଲ୍ କୁଲମିତି ରାଚିମାନେସି । ଜହନ ଇ ଆକୁ ରାଚିନି କାତା ଆହିମାନେ ନାମୁତା ମାନି ଲକୁଣି ସାସା ହୀନାୟି ଅଡେ ମିଚି କାତା ଖେହ୍‌ନାରି ତାଣ୍ଡାଟି ଜାଗ୍ରାତା କିହାଲି ରାଚାମାନେସି ।

## ପତିତା ମାନାୟି

- ୧. ଜହନ ଆକୁ ପତ୍ରଞ୍ଜି ଆନାରାଲ୍ ଜହରା କିନାୟି । ୧:୧-୩
- ୨. କୁଲମିତି ସାସା ହୀହାନା ମାହାପୁରୁତି କାଜା ହୁକୁମିତି ଅଣ୍ଡପି କିନାୟି । ୧:୪-୬

- ୩. ମିଚି ଜାପ୍‌ନାରି ତାଣ୍ଡାଟି ଜାଗ୍ରାତା କିନାୟି । ୧:୭-୧୧
- ୪. କୁଲମିତି ନାମୁଗାଟି ଲକୁଣି ଜହରା କିହାନା ଆକୁତି ରାପ୍‌ନାୟି । ୧:୧୨-୧୩

୧ ନାମୁ, କୁଲମିତି ପ୍ରାଚିନାତେଏଁ, ମାହାପୁରୁ ଆଚାମାନି ଇୟା ଅଡେ ତାନି ମୀରକା ମାସ୍କାକି ଇ ଆକୁ ରାଚିମାଲ୍, ନାମୁ ଏଞ୍ଜାରାଲ୍ ସାତା ଜୀସୁ ନହ୍ ମାଲ୍, ଅଡେ ଖାବ୍‌ଲ ନାମୁ ଆଏ, ସାମା ସାତାଟି ପୁଞ୍ଜାମାନି ବାରେଜାଣା ଜୀସୁନହ୍ ମାଞ୍ଜାନେରି ।<sup>୨</sup> ଆମିନି ସାତା ମା ହିୟାତା ଡୟାମାନେ ଅଡେ କାଲ୍‌କାଲ୍‌ତାକି ମା ତାଣ୍ଡା ଡୟିନେ ।

୩ ଆଚା ମାହାପୁରୁ ଅଡେ ତାନି ମୀରଏଶା ଜୀସୁ କ୍ରୀସ୍ତ ତାଣ୍ଡାଟି କାର୍ମାମେହ୍‌ନାୟି, ହିଡ଼ଡ଼ି ଜୀସୁ ହୀହାନା, ସାତା ଅଡେ ଜୀସୁ ନଞ୍ଜିଆହାନା ଡୟିଦେରି ।

## ସାତା ଅଡେ ଜୀସୁନନାୟି

୪ ନୀ ମୀରକା ମାସ୍କା ବିତ୍ରାଟି ଏଚରଜାଣା ଆଚା ତାଣ୍ଡାଟି ମାଙ୍ଗେ ହୀହାମାଞ୍ଜାନି ହୁକୁମି ଲେହେଁ ସାତାଟି ତାକିନି ତାକୁ ମେସାନା ନାମୁ ହାରେକା ରାହାଁ ଆହିମାଲ୍ । \* ଏ ଜୀସୁତି ଇୟା ନାମୁ ନାଏଁ ନିଙ୍ଗେ ର ପୁଞ୍ଜି ହୁକୁମି ରାଚିମାଞ୍ଜାଲ୍ ଏଡି ଆଏ, ସାମା ତଲିଚିଏ ବେଟାଆହାମାନି ହୁକୁମି ରାଚାନା ବାଡିମାଲ୍‌ମାଞ୍ଜାଲ୍, ମାର ରଥତାୟି ରଥଶାଲ୍ ଜୀସୁନନାୟି ମାନେ ।<sup>୩</sup> ମାର ତାନି ହୁକୁମି ମାନୁଞ୍ଜି ଆହାନା ମାଞ୍ଜେ ମାନାୟି, ଇଦିଏ ଜୀସୁ ନନ୍ଦି କାତା, ମୀରୁ ତଲିଚିଏ ଏନାଆଁ ଖେଞ୍ଜାମାଞ୍ଜେରି, ଏଲେଆହ୍ ଏ ମାଞ୍ଜୁ, ଇଦିଏ ହୁକୁମି ।

<sup>୨</sup> ନାମୁ ଖେସିମାଲ୍, ଇଚିହ୍ ଆମିନି ଗାଚାରି ଜୀସୁ କ୍ରୀସ୍ତ ମାଣ୍ଡସି ଖାଣା ତଲେ ଖାହାହିଲଅସି ଇଞ୍ଜିଲ୍ ଇନେରି, ଇଲେତି ହାରେକା ନାଡ଼ିକିନାରି ଦାର୍‌ଡିତା ହଚା ଖାହାମାନେରି, ଇଲେତି ଲକୁ ନାଡ଼ିକିନାରି ଅଡେ ନାଡ଼ିକିନି କ୍ରୀସ୍ତ

\* ୧:୫ ୧:୫ ଜହ ୧୩:୩୪; ୧୫:୧୨, ୧୭

। ୮ ସାମା ମୀ ତାକି ମାମ୍ବୁ କିହାମାନି  
କାମାତି ପାଡ଼େଇଁ ବାରେ ଜାକ୍‌ଆନା  
ଏନିକ୍ ଏମ୍ବାଟି ହାରେ ପୁରେ ବର  
ବେଟାଆଡ଼େରି ଏଦାଆଁତାକି ଜାଗ୍ରାତା  
ଆଦୁ ।

୯ ଆମ୍ବାଆସି କ୍ରୀସ୍ତ ଜାପୁହା ମାନାଣି  
କିହାଁ ଆଗାଡ଼ା ଗାଣ୍‌ନେସି, ଏଞ୍ଜାସି  
ମାହାପୁରୁଇଁ ବେଟାଆହାହିଲଅସି;  
ଆମ୍ବାଆସି କ୍ରୀସ୍ତ ଜାପୁହା ମାନାଣି  
ତଲେ ତୁୟିନେସି, ଏଞ୍ଜାସି ଆବା ଅଡ଼େ  
ମୀରୁଏସି ଇ ରିଆରାଇଁ ଜିକେଏ  
ବେଟାଆହାମାନେସି । ୧୦ ଆମ୍ବାଆସି  
ଇଲେକ୍ ଜାପୁନାଣି ଆସାନା ମୀ ତାଣା  
ଞ୍ଜାଅସି, ଏଞ୍ଜାଣାଇଁ ମୀ ଇଜ ହାଟାଆଦୁ,  
ଇଞ୍ଜା ନେହ୍ ମାଞ୍ଜି କି ଜିକେଏ  
ଇନାଆଦୁ; ୧୧ ଏଦାଆଁତାକି ଇଚିହ୍  
ଆମ୍ବାଆସି ଏଞ୍ଜାଣାଇଁ ନେହ୍ ମାଞ୍ଜି  
କି ଇନେସି, ଏଞ୍ଜାସି ତାନି ଲାଗେଏତି  
କାମାତା ଆଣ୍ଡିନାସି ଆନେସି ।

ଆକୁତି ରାନ୍ତି କାତା

୧୨ ନାନୁ ମିଙ୍ଗେ ହାରେକା କାତା  
ରାଡ଼ିନାୟି ମାନେ, ସାମା ଆକୁତା ଇଞ୍ଜା  
ସୀରା ତଲେ ରାଟାଲି ଅଣ୍ଡି ହିଲଅଁ; ମୀ  
ତାଣା ଞ୍ଜାହାନା ମୁମ୍ବୁ ମେସପି ଆହାନା  
ଗୁଡ଼ି ତଲେ ଜଲ୍‌କି ଆୟାଲି ଆସା  
କିହିମାଇଁ, ଏନିକ୍ ମା ରାହାଁ ହାରେକା  
ଆନେ ।

୧୩ ମାହାପୁରୁ ଆଡ଼ାମାନି ନୀ ତାଜିନି  
ମୀରୁକା ମାସ୍‌କା ମିଙ୍ଗେ ଜହରା  
କିହିମାଞ୍ଜାନେରି । ଆନେନ୍ ।

# ଯୋହନଙ୍କ ତୃତୀୟ ପତ୍ର ଜହନ ରାତାମାନି ତାନି ଲମ୍ବର ଆକୁ ମୂକୁ ହାଡ଼ା

ଜହନତି ତାନି ଲମ୍ବର ଆକୁ ଜୀସୁ କ୍ରୀସ୍ତ ଜାର୍ନାଆଡ଼ି ୫୦ ଟିଏ ୧୦୦ ବାର୍ଯା ତାୟ ପାଣ୍ଡୁଆହାମାନି ଜହନ ତାଣାଟି ରାସ୍ତକି ଆହାମାନେ । ଜହନ ଜାହାରାଇଁ ଆକୁ ରାଡ଼ିତାସି ଇଞ୍ଜିଁ ଖେହୁଆନା କୁଲମିତି ପ୍ରାଚିନାତେଏଁ ଇଞ୍ଜିଁ ଖେସିମାନେସି ୧:୧; ୨ଜହ ୧:୧ । ଇମ୍ପାଆଁ ପୁଞ୍ଜାଲି ଆହିମାନେ ଏଝାସି ଏପିସିୟ ଗାଡ଼ାତା ମାଚିବେଲାତା ଜହନ ରାଡ଼ିତି ନେହଁ କାବୁତଲେ ତାନିଗଟା ଆକୁ ଜିକେଏ ରାତାମାନେସି ଇ ନାମ୍, ଇତିହଁ ଜହନତି ତଲିତି ଆକୁ, ରା ଲମ୍ବର ଜହନ, ଅଡ଼େ ତାନି ଲମ୍ବର ଜହନ । ଜହନ ଗାୟସ ଦରୁ ଇନି ର ନାମ୍ଗାଟି ତାୟକି ଇ ଆକୁ ରାତାମାନେସି ।

ଏଝାସି ଗାୟସଇଁ ର ତଣେଏସି ଇଞ୍ଜାନା ଏ ରାଜିତା ରେଜିମାନି କ୍ରୀସ୍ତାନା ତାୟିୟାଁଇଁ ଜୀସୁ ନହାଲି ହୁକୁମି ହାହିମାନେସି ।

### ପତିତା ମାନାୟି

- ୧. ଜହନ ଜାହାରାଇଁ ଖେସାକତିନାୟି । ୧:୧
- ୨. ଗାୟସଇଁ ସାସା ହାହାନା ରେଜିମାନି କ୍ରୀସ୍ତାନା ତାୟିୟାଁଇଁ ଆବାନା ଜୀସୁ ନହାଲି ଖେହୁନାୟି । ୧:୨-୮
- ୩. ତାୟଗ୍ରେପିସ୍ ଅଡ଼େ ତିମିଗ୍ରିଅସ୍ କାତା ଖେହୁନାୟି । ୧:୯-୧୨
- ୪. ଆକୁତି ରାପ୍ନାୟି । ୧:୧୩-୧୪

୧ \*ନାନୁ, କୁଲମିତି ପ୍ରାଚିନା ଜହନତେଏଁ, ନାନୁ ସାତା ତଲେ ଜୀସୁ ନହଁମାନି ନା ଜୀସୁତି ଗାୟସଇଁ ଜହରା ପାଣ୍ଡାନା ଇ ଆକୁ ରାଡ଼ିମାଇଁ ।

୨ ଏ ନା ଜୀସୁତି ତଣେ ନାନୁ ଜୀସୁତା ଏନିକଁ ନେହଁ ଆହଁମାଞ୍ଜି ଏଲେକିହଁ ନାନୁ ବାରେ ଝାକିଟି ନୀ ନେହେଁ ଆପେ ଅଡ଼େ ନୀ ଆଙ୍ଗା ଜିକେଏ ନେହଁ ମାଣ୍ଡେ ଇଞ୍ଜିଁ ନାନୁ ପ୍ରାତାନା କିହିମାଇଁ । ୩ ନାନୁ ବାରେଦିନା ସାତା ତଲେ ତୟିମାଞ୍ଜି, ଏଲେକିହଁ ଏ ଏଚରଜାଣା ନାମିତି ତାୟିୟାଁ ଝାହାନା, ନାନୁ ତାରିତଲେ ସାତାତା ନୀତାମାନାଣି ସାକି ହିୟାଲିଏ ନାନୁ ହାଡ଼େକା ରାହଁ ଆଡ଼େଏଁ । ୪ ନା ମୀରକା ମାସକା ସାତା ଅଡ଼େ ସାତା ତଲେ ନୀତାମାନାଣି ଖେଞ୍ଜାନା, ଏଚେକା ରାହଁ ଆହିମାଇଁ, ଏଦାଣିକିହଁ ଆଗାଡ଼ା ନାଙ୍ଗେ ଅଡ଼େ ଏନି ରାହଁ ହିଲେଏ ।

ଗାୟସ କିତି କାମାତାକି ଜହରା

\* ଏ ନା ଜୀସୁତି ତଣେ ନାନୁ କ୍ରୀସ୍ତାନା ତାୟିୟାଁ ତାକି ଅଡ଼େ ଏଚକା ଦେସାତି କ୍ରୀସ୍ତାନା ତାୟିୟାଁ ତାକି ନାମ୍ ଅଡ଼େ ଟିକାଣା ତଲେ ସେବା କାମା କିହିମାଞ୍ଜି । ୬ ଏଝାରି ଇମ୍ପାଆଁ ମା କୁଲମିତା ନୀ ଜୀସୁ ନଡ଼ି କାତା ଖେସିମାନେରି; ନାନୁ ଏଝାରାଇଁ ମାହାପୁରୁତି ରାହଁ ଆନିଲେହେଁ ତାନି ଜିରୁ ତାକି ଲଡ଼ାମାନାଣି ହାହାନା ସାୟେମି କିମ୍ । ୭ ଏନାଆଁତାକି ଇତିହଁ ଏଝାରି ନାମାଆଗାଟାରି ତାଣାଟି ଏନାଆଁ ରାହୁଆନା କ୍ରୀସ୍ତତି ସେବା କାମାତାକି ହଟାମାନେରି । ୮ ଏଦାଆଁତାକି ମାଚ୍ ଏନିକଁ ଏଝାରାଇଁ ସାୟେମି କିହାନା ସାତାତି ତସାଲି ଏଝାରି ସେବା କାମାତା ଆଣ୍ଡିନାୟି ମା କାମା ।

ଦିୟତ୍ରପା ଅଡ଼େ ଦିମତ୍ରିୟ

୯ ନାନୁ କୁଲମିତାକି ର ଇତାଣି ଆକୁ ରାଡ଼ିତେଏଁ, ସାମା ଦିୟତ୍ରପା କୁଲମିତି କାଜାସି ଆହାଲି ଅଣ୍ଡାମାନା, ନା କାତା ଖେଞ୍ଜାହିଲଅସି । ୧୦ ନାନୁ ଝାଡ଼ିସାରେ ଏଝାସି କିହାମାନି ବାରେ ଲାଗେଏତି କାମା ଖେହୁଇଁ, ଏଝାସି ଏନିକଁ ମା କପାଟି ଲାଗେଏତି କାତା

\* ୧:୧ ୧:୧ କାମା ୧୯:୨୯; ରମି ୧୭:୨୩; ୧କର ୧:୧୪

ଖେସାନା ମାଙ୍ଗେ ନିନ୍ଦାକିହିଁ ମିତି କାତା  
 ଖେସିମାନେସି, ଖାରୁଇ ଏତେକେଏ  
 ଆଏ, ସାମା କ୍ରୀସ୍ତାନା ତାୟିୟାଁ ଖାଡ଼ିହିଁ  
 ଅପିହିଲଅସି କି ଆମ୍ବାଆରାଇଁ ଅପାଲି  
 ହୀହି ହିଲଅସି, ଅଡ଼େ ଆମ୍ବାଆରି  
 ଆବିନାରି ଏଞ୍ଜରାଇଁ କୁଲମିଟି ହପୁହାଲି  
 ଅଣ୍ପିମାନେସି ।

୧୧ ଏ ନା ଜୀଞ୍ଜୁତି ତଣେତି, ନୀନୁ  
 ଲାଗେଏ ପଲେଏତାଣି ଆହୁଆନା,  
 ସାମା ନେହିଁ କାମାତି ଆହୁମ୍ବୁ,  
 ଆମ୍ବାଆସି ନେହିଁ କାମା କିନେସି  
 ଏଞ୍ଜସି ମାହାପୁରୁ ତାଣାଟି ଜାର୍ନା  
 ଆହାମାନେସି; ଆମ୍ବାଆସି ଲାଗେଏ  
 ପଲେଏ କାମା କିନେସି ଏଞ୍ଜସି  
 ମାହାପୁରୁଇଁ ପୁଞ୍ଜାହିଲଅସି ।

୧୨ ବାରେଜାଣା ଦିମିତ୍ରିୟଇଁ ନେହୁଁସି  
 ଇନେରି, ଏଞ୍ଜସି କିହାମାନି ସାତା  
 ନେହିଁ କାମା ଜିକେଏ ଏଦାଆଁ  
 ତସିମାନେ, ମାମ୍ବୁ ଜିକେଏ ଏଦାଆଁ ସାକି  
 ହୀହିମାନମି, ଇଞ୍ଜା ମାମ୍ବୁ ଚୁଞ୍ଜହନି କାତା  
 ସାତା ଇଞ୍ଜା ନୀନୁ ପୁଞ୍ଜାମାଞ୍ଜି ।

ଜହରା ତଲେ ଆକୁ ରାପୁନାୟି

୧୩ ନୀନୁ ନିଙ୍ଗେ ହାଡ଼େକା କାତା  
 ଖେସ୍ତାନାୟିମାନେ ସାମା ଏଦାଆଁ ଆକୁତା  
 ସୀରା କାଡ଼ିତଲେ ରାଡ଼ାଲି ଅଣ୍ପି ହିଲଅଁ  
 । ୧୪ ମାର ମୁମ୍ବୁ ମେସ୍ପି ଆହାନା  
 ଜଲକି ଆୟାଲି ଆଡ଼ିନାୟି ଇଞ୍ଜା ଆସା  
 କିହିମାଲୁଁ ।

୧୫ ମିଙ୍ଗୋତାକି ହିଡ଼ଡ଼ି ଆୟାପେ,  
 ତଣେସିଙ୍ଗା ମିଙ୍ଗୋତାକି ଜହରା  
 ପାଣ୍ଡିମାଞ୍ଜାନେରି, ବାରେଜାଣାତି ଦରୁ  
 ଆସାନା ଜହରା ଖେହୁମ୍ବୁ ।

# ଯିହୁଦାଙ୍କ ପତ୍ର ଜାହୁଦା ରାଢ଼ାମାନି ଆକୁ ମୂଲୁ ହାଡ଼ା

ରାଢ଼ାମାନି ଜାହୁଦା ଦରୁତଲେ ଇ ପତିଇ ଜାହୁଦା ଆକୁ ଇନେରି । ଜାହୁଦା ଜାହାରାଇଁ ଜାକୁବ ତାୟି ଇଞ୍ଜି ଖେସାମାନେସି, ଜାକୁବ ଜାସୁକି ତାୟି ମାରେସି, ଏଦାଆଁତାକି ଜାହୁଦା ଜିକେଏ ଜାସୁକି ତାୟି ଆନେସି ୧ । ଇ ଆକୁ ଆମିନି କୁଲମିତାକି ରାୟକି ଆହାମାରେ ଇଞ୍ଜି ମାର ନେହୁକ ପୁଞ୍ଜାହିଲାଆୟି ଅଡ଼େ ଇମ୍ମାଆଁ ହାରେକା ପୁଞ୍ଜଇ ମେରାତି କାତା ମାନୁ, ଜାହୁଦା ଆକୁତି ଜାହୁଦି ଲକୁ ପଡ଼଼ି ଆନାରି ମାରେରି । ଆତିହୁ ଜିକେଏ, ଏଞ୍ଜାସି ମାହାପୁରୁ ଆବା “ହାଡ଼ାମାନି ଲକୁ, ଜାହୁନହ୍ନାମାନି ଲକୁ, ଅଡ଼େ ଜାସୁ କ୍ରାସୁକି ତାରି କିହାମାନି ଲକୁତି” କାତା ଖେସାମାନେସି ୧ । ଇ ଆକୁ ଜାସୁ କ୍ରାସୁ ଜାର୍ନାଆଡ଼ି ୬୦ ବାର୍ଯା ତାୟି ରାୟକି ଆହାମାରେ ।

ମିତି ଜାପୁନାରି ତାଣାଟି ହେକ ମାଞ୍ଜାଲି ବାରେ ଇ ପତି ରାଢ଼ାମାନେସି ଜାହୁଦା ୪ । ଏଞ୍ଜାସି ପୁଞ୍ଜଇ ମେରାତା ଗଟ଼ିଆତି କାତା ଆହାମାନେସି ଅଡ଼େ ତାନି ରୁଜୁବାଡ଼ିତି ଆଡ଼଼ା କିହାମାନେସି । ଇ ଆକୁତା ପିତରତି ରା ଲମ୍ବର ଆକୁତା ମାନି ନାଡ଼ି କିନାଣି ଜାପୁନାରି କାତା ଜାହୁଦା ୪; ୨ପିତ ୨:୧ ଅଡ଼େ ଜିକେଏ ଦୂତୁୟା, ସଦମ ଅଡ଼େ ଗମରାତି କାତା ରାଢ଼ାମାନେସି ।

### ପତିତା ମାନାୟି

୧. ଜାହୁଦା ତାନି ପତି ପଡ଼଼ି ଆନାରାଇଁ ଜହରା କିନାୟି । ୧-୨
୨. ଏଞ୍ଜାସି ମିତି ଜାପୁନାରି କାତା ଖେହନାୟି । ୩-୪
୩. ପୁଞ୍ଜଇ ମେରାତି କାତା ଅଡ଼େ ଲକୁତି କାତା ଖେହନାୟି । ୫-୧୬

୪. ଏଞ୍ଜାସି ଏଞ୍ଜାରାଇଁ ଏନାଆଁ କିନାୟିମାନେ ଇଞ୍ଜି ଖେହନାୟି । ୧୭-୨୩
୫. ମାହାପୁରୁଇଁ ଜହରା କିହାନା ଆକୁ ରାପୁନାୟି । ୨୪-୨୫

୧ ନାନୁ ଜାହୁଦାତେଏଁ, କ୍ରାସୁ ଜାସୁତି ହଲେଏସି ଅଡ଼େ ଜାକୁବତି ତାୟି, ଆବା ମାହାପୁରୁ ଆବା ମାନାତେରି ଅଡ଼େ ତାନି ଜାହୁ ନନାତେରି ଇଞ୍ଜା ଜାସୁ କ୍ରାସୁ ତାକି ଆଡ଼଼ି ଆହାମାନାତେରି ମିଜେତାକି ଇ ଆକୁ ରାଡ଼ିମାଞ୍ଜାଇଁ ।

୨ ମିଜେତାକି ମାହାପୁରୁତି କାର୍ମାମେହନାୟି ଅଡ଼େ ହିଡ଼ି ଜାହୁ ଇଞ୍ଜା ଜାହୁନନାୟି ହାରେପୁରେ ଆୟାପେ ।

### ମିତି ଜାପୁନାରି

୩ ଏ ନା ଜାହୁତି ତଣେସିକା ମାର ବାରେ ଜାଣାତାୟି ଏମିନି ଗେଲପି ଆନି ତାଣା ଆଣ୍ଡାମାନାୟି, ଏ କାତା ମିଜେ ତାକି ରାଡ଼ାଲି ଅଣପିମାରେଏଁ । ସାମା ମାହାପୁରୁ ତାନି ଲକୁଣି କାଲାକାଲାତାକି ହାହାମାନି ନାମୁ ଖାକିଟି ଜୁଜୁ କିହାଲି ମିଜେ ରାହ୍ନା କିଞ୍ଜି କିୟାଲି ଲଡ଼ାମାନେ ଇଞ୍ଜି ଅଣପିତେଏଁ । ୪ ଏନାଆଁତାକି ଇତିହୁ ଏଚରଜାଣା ମାହାପୁରୁଇଁ ମାନଞ୍ଜି ଆଆଗାଟାରି ମେଣେଏ ମୀ ବିତ୍ରା ଖାହାମାନେରି, ଏଞ୍ଜାରି ମାହାପୁରୁ କାର୍ମାମେହନି କାତା ତିରିମୁପହାନା ତାମ୍ବୁତାମ୍ବୁ ଅଣପିତି ଲେହେଁ ଲାଗେଏ ପଲେଏତି କାମା କିହିମାନେରି, ଅଡ଼େ ଜାସୁ କ୍ରାସୁ ରଅସିଏ କାଜାସି ଅଡ଼େ ପ୍ରବୁ, ଏଞ୍ଜାରି ଏଞ୍ଜାଣାଇଁ ଅପଅରି, ଏଞ୍ଜାରି ବେଟାଆନି ତଣ୍ଡି କାତା ତଲି କାଲାଟିଏ ଦାମ୍ବୁପତିତା ରାୟକି ଆହାମାନେ ।

୫ ପ୍ରବୁ ତଲିଏ ଏଚରଜାଣା ତାନି ଲକୁଣି ମିସର ଦେସାଟି ପିସପି କିତେସି, ସାମା ଏଞ୍ଜାରି ବିତ୍ରାଟି ନାମାଆଗାଟାରାଇଁ ନାସା କିତେସି, ଇତିହୁ ବାରେ କାତା ପୁଞ୍ଜାମାଟି ଜିକେଏ ମିଜେ ଅଡ଼େ ଖେଣ୍ଡେ ଅଣପି କିଞ୍ଜି କିୟାଲି ଅଣପିମାଇଁ । ୬ ଅଡ଼େ ଏମିନି ଦୂତୁୟା

ମାହାପୁରୁ ହାହାମାଟି ପାଣା ପିସାନା ତାମି ବାସାଆନ୍ତି ଚାନ୍ଦୁ ପିସୁ, ମାହାପୁରୁ ଏ ଦୂତୁୟାଁଙ୍କ ନୀହାଁୟି କିନି ଦିନା ପାତେକା ଆନ୍ଦେରି ଚାନ୍ଦୁତା କାଳାକାଳା ତାକି ହିକ୍‌ଶିୟାଁ ତଲେ ଦସା ଇଟାମାନେସି । ୭ ଏଲେକିହିଁଏ ସଦମ ଅଡ଼େ ଗମରା ଅଡ଼େ ତାନି ସାରିସୁରୁ ମାଟି ଗାଡ଼ାୟାଁତାରି, ଦାରିକାମା ଅଡ଼େ ତାମି ବିଡ଼ା ଲାଗେଏ ଅଡ଼େ ଅପାଆଗାଟି ଲାଜା ଆନ୍ତି କାମା କିତେରି, ଏଦାଆଁତାକି କାଳାକାଳା ତାକି ଡ଼ାଞ୍ଜିମାନି ହିରୁତା ସାସ୍ତି ବେଟାଆଡ଼େରି, ମା ବାରେଜାଣା ତାକି ଜାଗ୍ରାତା କିଞ୍ଜିକିନି କାତା ଲେହେଁତାୟି ଇଞ୍ଜିଁ ମୀରୁ ଅଣ୍ପାଦୁ ।

୮ ଏଲେକିହିଁଏ ହାପାନା ହେଣ୍‌ନାରି ଜିକେଏ, ଅପାଆଗାଟି କାମା ତଲେ ତାମି ଆଙ୍ଗାତି ଲାଗେଏ କିହିମାନେରି, ଅଡ଼େ ମାହାପୁରୁତି ଅଦିକାରାତି ଅପାଆନା ଲାକପୁରୁତି ଦୂତୁୟାଁଙ୍କ ନିନ୍ଦା କିହିମାନେରି । ୯ ସାମା ବାରେକିହିଁ କାଜା ଦୂତୁ ମିକାୟେଲ ମସାତି ମାଡ଼ହା ତାକି ସୟତାନ ତଲେ ବାଦିବାଦା ଆଡ଼ାଟି ନିନ୍ଦା କିହାନା ଏଦାନି ବିଚାରା କିହାଲି ସାସା କିଆନା, ଖାଉଇ ଏତେକା ଏଲେଇଚେ, “ପ୍ରବୁ ନିଙ୍ଗେ ଦାକା ହିୟାପେସି ।” ୧୦ ସାମା ଇ ଲକୁ ତାମ୍ନୁ ପୁନାଆଗାଟାଣି ବାରେ ନିନ୍ଦା କିନେରି, ଇଞ୍ଜା ବୁଦି ହିଲାଆଗାଟି ଜଡ଼ ଲେହେଁ ତାମ୍ନୁ ତାମି ଆଙ୍ଗାତି ଅଣ୍ପୁ ତଲେ ପୁଞ୍ଜାମାନି ତାଣାଟି ନାସା ଆନେରି । ୧୧ ଆୟତା, ଏଞ୍ଜାରି ତଣ୍ଡ ବେଟାଆନାରି, ଇତିହିଁ ଏଞ୍ଜାରି କୟିନ ଜିରୁତା ହାଜାମାନେରି, ତାବୁୟାଁ ଜୁପକାତାକି ଏଞ୍ଜାରି ବିଲିୟମ ଦହ କିତିଲେହେଁ ଦହ କିହାମାନେରି, ଏଞ୍ଜାରି କରହ ଲେହେଁ ହାଆଗାଟି ଗଡ଼ହା କିହାନା ଏଞ୍ଜାଣିଲେହେଁ ନାସା ଆନେରି । ୧୨ ଏଞ୍ଜାରି ଲାଜା ଆଆନା ମୀ ତଲେ ତିଞ୍ଜା ଉଣ୍ଡାମା ମୀ ରାହାଁତି ବଜିତା ଆଣ୍ଡାମା ମାହିଁତି ଗାରି ଲେହେଁତାରି, ଏଞ୍ଜାରି ଖାଉଇ ଜାହାରା ତାକି ଅଣ୍ପିନେରି, ଏଞ୍ଜାରି ଗାଲି ଖେନି ପିୟୁ ରାଆଗାଟି ଦୁନ୍ଦା ଲେହେଁତାରି,

ଏଞ୍ଜାରି ତାକି ମେଗାନା ପେନିବେଲା ପାଡ଼େୟି ଆୟାଆଗାଟି ଖାୟିତି ମାରୁନୁ ଲେହେଁତାରି । ୧୩ ଏଞ୍ଜାରି ସାମ୍‌ଦୁରି ଖୀଡ଼ିସାରି ହନ୍ତି ମାଡ଼ିଗାଟି ପମ୍‌ଲି ଲେହେଁ ଏଞ୍ଜାରି ଲାଜାଗାଟି କାମାୟାଁ ତଞ୍ଜାଆନେ, ଏଞ୍ଜାରି ତାମି ଚାନ୍ଦୁ ପିସାନା ଇତାଲା ଆତାଲା ରେନି ହୁକାୟାଁ ଲେହେଁତାରି, ଏଞ୍ଜାରିକି ମାହାପୁରୁ କାଲେଏତାକି ଆନ୍ଦେରିଗାଟି ଚାନ୍ଦୁ ତିୟାରା କିହିଁ ଇଟାମାନେସି ।

୧୪ ଆଦମ ଟିଏ ସାଡ଼ା ଲମ୍‌ର ମାଣ୍‌ସି ହନକ, ଜିକେଏ ତାୟୁ ଆନ୍ତି କାତା ଏଞ୍ଜାରି ତାକି ଖେକହା ମାଚେସି, “ମେହ୍‌ମୁ ପ୍ରବୁ ତାନି ମାଣା ମାଣା ସୁଦୁଗାଟି ଦୂତୁୟାଁ ତଲେ ଖାନେସି ।” ୧୫ ମେହ୍‌ମୁ ପ୍ରବୁ ନୀହାଁୟି କିୟାଲି ଖାଚୁନସି, ଏଞ୍ଜାସି ଦାମ୍‌ ହିଲାଆଗାଟାରାଈଁ ତାମି ପଲୁଆ କାମାତାକି ଅଡ଼େ ଏଞ୍ଜାରି ମାହାପୁରୁଈଁ ମାନୁଞ୍ଜି ଆଆନା ଏଞ୍ଜାଣି କପାଟି ଖେସ୍ତି ଅପାଆଗାଟି କାତାତାକି ଏଞ୍ଜାରିଈଁ ଦହଗାଗାରି କିହାନା ତଣ୍ଡ ହାନେସି ।

୧୬ ଇ ଲକୁ ବାରେବେଲା ତାମ୍ନୁ ତାମ୍ନୁ ଏଚେକା ବେଟାଆଡ଼ି ଜିକେଏ ରାହାଁ ଆଅରି । ଏଞ୍ଜାରି ଖାଉଇ ତାମି ଲାଗେଏ ପଲେଏତି ଅଣ୍ପୁ ତଲେ ସାଲୁଞ୍ଜି ଆନେରି; ଏଞ୍ଜାରି ବଡ଼ପଣ ତସାନା କାଜା କାତା ଖେହ୍‌ନେରି, ଅଡ଼େ ଲାଡ଼ା ବେଟାଆହାଲି ଜୁପକା ତସାନା ଲକୁ ନକିତା ଅଜ୍ଜିତି କାତା ଖେହ୍‌ନେରି ।

ଜାଗ୍ରାତା ଅଡ଼େ ଜାପୁନି କାତା ୧୭ ସାମା ଏ ନା ଜାସ୍ତୁତି ତଣ୍ଡେସିଙ୍ଗା ମା ପ୍ରବୁ ଜୀସୁ କ୍ରୀସ୍ତତି ପାଣୁଞ୍ଜି ଆହାମାନାରି ତଲିଟିଏ ଏମିନି ବାରେ କାତା ଖେସାମାନାଣି ବାରେ ଅଣ୍ପାଦୁ । ୧୮ ଏଞ୍ଜାରି ଏନିକିଁ ମିଙ୍ଗେ ଖେସାମାଞ୍ଜାତେରି ରାନ୍ତି ବେଲା ମାହାପୁରୁଈଁ ମାନୁଞ୍ଜି ଆହାନା ତାମି ଅଣ୍ପୁ ତଲେ ମାଞ୍ଜାନା ନିନ୍ଦା କାତା ଖେହ୍‌ନାରି ହନେରି ଇଞ୍ଜା ଲାଜା କିହାନା ଏଲେଇଞ୍ଜାନେରି । ୧୯ ଏଞ୍ଜାରି ଗଡ଼ହା କିଞ୍ଜି କିହିଁ ଜାଟୁ ଡିକ୍‌ନେରି,

☆ ୧:୯ ୧:୯ ଖେ ବଲୁ ୧୨:୭



ଅଡ଼େ ଆଜ୍ଞାତି ଅଶପୁଟି ସାଲୁଝି  
 ଆହାନା, ମାହାପୁରୁତି ନେହୁଁ ଜୀଝୁ  
 ବେଟାଆଆତାରି । ୨୦ ସାମା ଏ  
 ତଣେସିଙ୍ଗା ମୀରୁ ମୀ ତୀରିଗାଟି  
 ନାମୁଗାଟି ଦାମୁତି ଇଲୁ ପାଡ଼ିକିହାଁ  
 କଡ଼ାଦୁ, ଅଡ଼େ ସୁଦୁଜୀଝୁ ତଲେ ପ୍ରାଡ଼ାନା  
 କିଦୁ । ୨୧ ମା ପ୍ରବୁ ଜୀସୁ କ୍ରୀସ୍ତତି  
 କାର୍ମାଟି କାଲ୍ଲକାଲ୍ଲତି ଜୀଝୁ ହିୟାନେସି,  
 ମୀରୁ ଏଦାଆଁ ବେଟାଆହାଲି କାଡ଼ାନା  
 ମାହାପୁରୁ ଜୀଝୁନହୁଁ ମାଞ୍ଜାନି ତାଣା  
 ମାଞ୍ଜେମାଞ୍ଜୁ ।

୨୨ ଆନାମାନା ଆନ୍ତି ଲକୁଣି  
 କାର୍ମାମେସାନା ନାମୁଡ଼ା ପାଡ଼ିକିଦୁ ।  
 ୨୩ ଏଟୁକା ତାରାଇଁ ହିରୁଟି ଡେଝିତି  
 ଲେହେଁ ଗେଲପାଦୁ, ଆଜ୍ଞାତି ପାପୁ  
 କାମାତା ମାହାମାନି ହିମ୍ବରିକା ଅପାଆଦୁ,  
 ଏଚର ଲକୁଣି କାର୍ମା ମେସ୍ତମି ଜିକେଏ  
 ଏଝାରାଇଁ ଆଜିନାୟି ମାନେ ।

ଜହରାତି ପାରୁ

୨୪ ଆମ୍ବାଆସି ମିଙ୍ଗେ ପୁଟିକିନି  
 ତାଣାଟି ଗେଲପାଲି ଆଡ଼ାନେସି,  
 ଅଡ଼େ ତାନି ଗାଝୁରମିତି ହାଡ଼େକା  
 ରାହାଁତଲେ ନକିତା ତାଚାଲି, ମାଙ୍ଗେ  
 ଦହ ହିଲ୍ଲାଆଗାଟି ଲକୁ ଲେହେଁ କିହାଲି  
 ଆଡ଼ାନେସି । ୨୫ ଏ ମା ପ୍ରବୁ ଜୀସୁ କ୍ରୀସ୍ତ  
 ତାକି ମା ଗେଲପାନି ମାହାପୁରୁ ରଅସିଏ,  
 ଗାଝୁରମି, କାଜାପାଣା, ବାଡ଼ୁୟୁ ଅଡ଼େ  
 ସାଲୁଝି କିନାୟି କାଲେଏତାୟି, ନୀର୍ସ,  
 ଅଡ଼େ ଜୁଗୁ ଜୁଗୁତାକି ଏଝାଣିଝାୟି ।  
 ଆମ୍ବେନ ।

# ଯୋହନଙ୍କ ପ୍ରତି ପ୍ରକାଶିତ ବାକ୍ୟ ଜହନଇଁ ତସାହାଁ ଝେକ୍‌ହି ବଲ୍ଲୁ ମୂଲୁ ହାଡ଼ା

ଝେକ୍‌ହି ବଲ୍ଲୁ ପୁଃନି ମେରାତି ରାତି ପତି । ଇଦି ଜିକେଏ ଜହନ ତାଣାତି ଜୀସୁ କ୍ରୀସୁ ଜାର୍ନାଆତି ୯୫ ବାର୍ଯା ତାୟୁ ରାସକି ଆହାମାରେ ୧:୧ । ଏଝାସି ଜହନତି ନେହଁ କାରୁତଲେ ତାନିଗଟା ଆକୁ ପତିୟାଁ ରାଡ଼ାମାରେସି ଏଝି ୧ଜହ, ୨ଜହ ଅଡ଼େ ୩ଜହ । ଜହନ ଆମିନି ଗାଟାଣାଇଁ ଜୀସୁ ହାରେକା ଜୀଝୁ ନହଁ ମାରେସି । ଜହନ ଏୟୁ ମାଦିମାନି ବୁମିତି ପାଡ଼ମସ୍ ଟାୟୁତା ମାନି ବେଲାତା ଇ ଝେକ୍‌ହି ବଲ୍ଲୁ ରାଡ଼ାମାରେସି, ଇତିହଁ ଜୀସୁ କ୍ରୀସୁତି ନେହଁ କାରୁତାକି ଏଝାଣାଇଁ ଏମ୍ବାଆଁ ଅଝିଆହାମାରେ ଜହ ୧୩:୨୩ ।

ଜୀସୁ ଝେଶ୍ଟା ଝାନ୍ତି ଦିନା ତାଗେ ଝାହି ମାନାକି ଜୀସୁ କ୍ରୀସୁ ତାଣା ନାମୁତଲେ ମାଞ୍ଜାଲି ପଡ଼ଝି ଆନାରାକି ସାସା ଅଡ଼େ ଆସା ହାହାଲିତାକି ଇ ଝେକ୍‌ହି ବଲ୍ଲୁ ରାଡ଼ିତେସି ୧:୩; ୨୨:୭ । ଏଝାସି ବାରେ ନାମିତି ଲକୁ ଅଡ଼େ ବାରେକିହାଁ ସାଡ଼ାଗଟା କୁଲମିତାକି ରାଡ଼ିମାନେସି ୨-୩ । ଜହନ ତାନି ରାଡ଼ିନି ତାଣା ମାହାପୁରୁ ଅଣ୍ପୁତି ବଲ୍ଲୁ ୧:୩ ଅଡ଼େ ତାନି ମେସାମାନି ହାରେକା ସିନାୟାଁତି କାତା ରାଡ଼ିମାନେସି । ଇ ପତିତି ଏତେକା ତାଣା ପୁଃଝ ପତି ତଲେ ସମାନା ମାନାଣି, ଜିକ ୬:୧-୮ ମେସାଲି ଆଡ଼ିନାୟି । ସାଡ଼ାଗଟା ତାଡ଼ି ଅଡ଼େ ସାଡ଼ାଗଟା ଗିନାୟାଁ ଏମିନି ଗାଟାଇ ମାହାପୁରୁ ମିସରତି ଲକୁଣି ଡ଼ଶ୍ଟ ହାହାଲିତାକି କସ୍ତୟାଁ ପାଣ୍ଡାମାନେସି ହାନାୟି ୭-୯ ।

ଝେକ୍‌ହି ବଲ୍ଲୁ ରାନ୍ତି ବେଲାତି କାତା ଝେସିମାନେ, ଜୀସୁ ତାୟୁ ଜୀଣା ଆନେସି ଅଡ଼େ ଆମିନି ଗାଟାରି ଏଝାଣି ତାଣା

ବାର୍ଯୁ ଇତିନେରି ଏଝାରି ବାରେବେଲା ଏଝାଣିତଲେ ଡ଼ୟିନେରି । ଇ ପତି ନିଜେ ଜାଗ୍ରାତା କିୟାପେ ଅଡ଼େ ଆସା ହିୟାପେ, ଇତିହଁ ଜୀସୁ ତବେ ଝେଶ୍ଟା ଝାହିମାନେସି ।

## ପତିତା ମାନାୟି

୧. ଜହନ ତାଜେ ପୁଣ୍ଡିକିନାୟି ଅଡ଼େ ତାୟୁତି କାତା ମେହ୍‌ନାୟି । ୧:୧-୨୦
୨. ସାଡ଼ାଗଟା କୁଲମିକାକି ଜୀସୁ କ୍ରୀସୁ ତାଣାତି ଜହନତି କାରୁ । ୨:୧-୩:୨୨
୩. ସାଡ଼ାଗଟା ବୁଟୁ ମୁଦ୍ରା ଅଡ଼େ ସାଡ଼ାଗଟା ତାଡ଼ି । ୪:୧-୧୧:୧୯
୪. ମୀରକା ଅଡ଼େ ସାଡ଼ାଗଟା ତାର୍ଜାଗାଟି ରାରୁ ତଲେ ଜୁଜୁ । ୧୨:୧-୧୪:୨୦
୫. ସାଡ଼ାଗଟା କପାଗାଟି ଗିନାୟାଁ । ୧୫:୧-୧୬:୧୮
୬. ମାହାପୁରୁ ଲାକପୁରୁ ତାନି ସାଡ଼ୁଇଁ ଜୀଣା ଆନାୟି । ୧୭:୧-୨୦:୧୫
୭. ପୁଃନି ଲାକପୁରୁ ଅଡ଼େ ପୁଃନି ଦାରତି । ୨୧:୧-୨୨:୨୧

୧ ଜୀସୁ କ୍ରୀସୁତି ଝେକ୍‌ହି ବଲ୍ଲୁ; ଝେଡ଼ା ଆଆନା ଏନାୟି ଗଟଝି ଆନେ ଏଦାଆଁ ବାରେ ଏଝାସି ଏନିକଁ ତାନି ହଲିୟାଙ୍ଗାଣି ଝେହ୍‌ନେସି, ଏଦାଆଁତାକି ମାହାପୁରୁ ଇଦାଆଁ ଜୀସୁ ନକିତା ହେରୁପିତେସି, ଅଡ଼େ ଏଝାସି ତାନି ଦୁଡୁଇଁ ପାଣ୍ଡାମାନା ତାନି ହଲିୟା ଜହନଇଁ ଏଦାଆଁ ଝେସ୍ତେସି । ୨ ଏ ଜହନ ମାହାପୁରୁତି ବଲ୍ଲୁ ଅଡ଼େ ଜୀସୁ କ୍ରୀସୁତି ସାକି କାତା ଇତିହଁ ଏଝାସି ଏନାଆଁ ମେସ୍ତେସି ଏ ବାରେ କାତାତି ସାକି ହାହିମାନେସି । ୩ ଆମ୍ବାଆସି ଇ ପତି ପଡ଼ଝି ଆନେସି ଇଞ୍ଜାଁ ମାହାପୁରୁତି ବଲ୍ଲୁ ଝେଞ୍ଜାନା, ଇ ପତିତା ରାସକି ଆହାମାନାଣି ବାରେ ମାନ୍‌ଝି ଆନାରି ନେହାଁରି, ଏନାଆଁତାକି ଇତିହଁ ଇ ବାରେ ଗଟଝି ଆନ୍ତି କାଲମି ତାଗେ ଝାଡ଼େୟିଏ ।

ସାଡ଼ାଗଟା କୁଲମିକି ଜହରା କିନାୟି

୪ \*ନାନୁ ଜହନତେଏଁ, ଆସିୟାତା ମାନି ସାତାଗଟା କୁଲମିକାଣି ଜହରା ୱେସାନା ରାଟିମାଞ୍ଜାଲ୍, ମାହାପୁରୁତି କାର୍ମାମେହନାୟି ଅଡେ ହିଡ଼ଡ଼ି ଜୀଝୁ ମିଙ୍ଗେ ଆୟାପେ, ନୀଏଁ ଆମ୍ବାଆସି ମାନେସି ତଲି ମାତାସି ଅଡେ ଜିକେଏ ତାୟୁ ଦିନା ୱାନ୍ନେସି, ଅଡେ ତାନି ରାଜିତି ସିଂଗାସାଣି ନକିତା ନିତାମାନି ସାତାଗଟା ଜୀଝୁୟାଁ ତାଣାଟି, \*ଜୀସୁ କ୍ରୀସୁ ନାମୁତି ସାତା ସାକି ହାନାସି, ହାଡାରି ବିତ୍ରାଟି ତଲିଏ ନିଙ୍ଗିତାସି, ଜାର୍ନା ଆଡାସି, ଅଡେ ଦାରୁତିତି ରାଜାୟାଣି ସାଲୁଝି କିନାସି । ଏଝାସି ମାଙ୍ଗେ ଜୀଝୁ ନହାମାଞ୍ଜାନେସି, ଅଡେ ତାନି ନେତେରିଟି ମାଙ୍ଗେ ପାପୁଟି ଗେଲ୍ପାତେସି । ୬ \*ଅଡେ ମାଙ୍ଗେ ର ରାଜାତି କୁଲୁଲେହେଁ କିହାନା ଆଡା ମାହାପୁରୁ ନକିତା ପୂଜେରା ଲେହେଁ ଆଡାମାଞ୍ଜାନେସି, ତାନି ଗାଝୁରମି କାଜାପାଣା କାଲ୍ଲାକାଲ୍ଲା ତାକି ଆପେ । ଆମେନ ।

୭ \*ମେହଦୁ ଏଝାସି ଦୂନ୍ଦା ତଲେ ୱାହିମାନେସି, ଏତେଟିଏ ବାରେ କାଣକା ଏଝାଣାଲ୍ ମେହନୁ, ଅଡେ ଏଝାଣାଲ୍ ଗୁକହା ମାଗାରି ଜିକେଏ ମେହନେରି, ଦାରୁତିତାରି ବାରେ କୁଡ଼ା ଏଝାସି ୱାହିମାନାକି ତାନେରି ଏଡି ସାତା ଆନେ । ଆମେନ ।

୮ ବାରେ ବାଡ଼ୟୁ ଗାଟି ପ୍ରବୁ ମାହାପୁରୁ ୱେସିମାନେସି, ନାନୁ ମାଟ୍ନାତେଏଁ ଅଡେ ରାପ୍ନାତେଏଁ, ଆମ୍ବାଆସି ନୀଏଁ ମାନେସି ତଲିଏ ମାଟେସି ଅଡେ ତାୟୁ ଦିନା ୱାନ୍ନାସି ନାନୁ ଏଝାତେଏଁ ।

କ୍ରୀସୁଲ୍ ମେହନାୟି

୯ ନାନୁ ଜହନତେଏଁ, ମୀ ତାୟିତେଏଁ, ଜୀସୁତି ସୀସୁ ଆହାଁ ତାନି ରାଜି ଲକୁତାକି ୱାହିମାନି କସୁ ଅରହାଲି ନାନୁ ମୀ ତଲେତି ର ମାଣସିତେଏଁ । ଜୀସୁ ତସାମାନି ସାତା ଇଞ୍ଜା ମାହାପୁରୁତି ବଲ୍ଲୁ ୱେସିମାତାକି ନାଙ୍ଗେ ପାଡ଼ମସ୍ ସାମ୍ବୁରି

ମାଦି ମାନି ଗାୟୁତା ପାଣ୍ଡାମାଞ୍ଜାତେରି । ୧୦ ପ୍ରବୁତି ଦିନାତା ସୁଦୁଜୀଝୁ ନା ଲାକ ରେଟାଝାଡେ, ଅଡେ ନାନୁ ତାୟୁ ୱାକିଟି ତାଡ଼ି ମହୁରି ଲେହେଁତି କାଜା ଗିୟାତଲେ ଏଲେ ଇଞ୍ଜାମାଟି ର ହାଡା ୱେଟେଏଁ । ୧୧ ନାନୁ ମେସିମାନାଣି ରାଡାମୁ ଅଡେ ଇ ପତିତି ଇ ସାତାଗଟା କ୍ରୀସୁନା କୁଲମି ଇଟିହଁ ଏପିସି, ସ୍ପୁର୍ନା, ପର୍ଗମ, ତୁୟାତିରା, ସାଦଁ, ପିଲାଦେଲ୍ପିୟା ଅଡେ ଲାଝୁଦିକିୟାତି କୁଲମିତା ପାଣ୍ଡାମୁ ।

୧୨ ଆମ୍ବାଆସି ନା ତଲେ କାତା ଆହିମାନେସି, ଇଦାଆଁ ମେସାଲି ୱେଣ୍ଡେ ସିନିକିତେଏଁ, ଇଞ୍ଜା ସାତାଗଟା ବାଂଗାରା ଦୀଝୁୟାଁ, ୧୩ ଇଞ୍ଜା ଏ ଦୀଝୁୟାଁ ମାଦିଏ ମାଣସି ମୀରଏଣା ଲେହେଁ ର ମାଣସି; ଏଝାଣି ପାଃଆନାୟାଁ ପାତେକା ହିମ୍ବୁରି ପ୍ଲୁକହା ମାଟେ ଅଡେ ବକତା ବାଂଗାରା ପାଟାତି ଡରି ରୁପାମାଟେ; ୧୪ ଏଝାଣି ତାୟୁଁ ବାଣାୟାଁ ଅପହି ଲୁଲୁ ଅଡେ ପେଣ୍ଡି ମାରୁ ଲେହେଁ ଦବଲ୍ଲା, ଅଡେ ଏଝାଣି କାଣକା ହିରୁ ଲେହେଁ ଡୀଞ୍ଜି ମାରୁ । ୧୫ ତାନି ପାଃଆନାୟାଁ ହଲୁତା ହୁଡିତି ପିତାଡା ମ୍ଲିସିମାନି ଲେହେଁ ମିଣ୍ଡିସି ମାରୁ, ଅଡେ ତାନି ଗିୟାଁ ଲଦ ଲଦ ଇଞ୍ଜା ରିହିମାନି ଏୟୁତି ହାଡା ଲେହେଁତାୟି । ୧୬ ତାନି ଚିଃନି କେୟୁତା ସାତାଗଟା ହୁକାୟାଁ ମାରୁ, ତାନି ଗୁଡିତି ରିକଝାକି ଦାରାଗାଟି କାଣ୍ଡା ହଡେ, ତାନି ମ୍ଲୁମ୍ଲୁ ମାଦେନା ବେଲା ଡୀଞ୍ଜିମାନି କାରା ଲେହେଁ ଉଜେଡ଼ି ଗାଟାୟି । ୧୭ \*ନାନୁ ଏଝାଣାଲ୍ ମେସ୍ପନିଏ ହାଡିଲେହେଁ ତାନି କଡାୟାଁ ଡଇ ରାତେଏଁ, ଏମ୍ବାଟିଏ ଏଝାସି ନା ଲାକ ତାନି ଚିଃନି କେୟୁ ଇଟାନା ଇଲେ ଇଞ୍ଜାତେସି, ଆଜାଆନି ନାନୁ ମାଟ୍ନାତେଏଁ ଅଡେ ରାପ୍ନାତେଏଁ । ୧୮ ଆଜାଆଦୁ ନାନୁ ନୀଡା ମାନାତେଏଁ ହାଡାତେଏଁ, ନାନୁ କାଲ୍ଲା କାଲେଏତାକି ନୀଡାମାଲ୍, ହାନାୟି ଅଡେ ହାଡାରି

\* ୧:୪ ୧:୪ ୱେ ବଲ୍ଲୁ ୪:୫    \* ୧:୬ ୧:୬ ୱେ ବଲ୍ଲୁ ୫:୧୦    \* ୧:୭ ୧:୭ ମାଡି ୨୪:୩୦; ମାର୍କ ୧୩:୨୬; ଲୁକ ୨୧:୨୭; ୧ତେସ ୪:୧୭; ଜହ ୧୯:୩୪, ୩୭; ମାଡି ୨୪:୩୦    \* ୧:୧୭ ୧:୧୭ ୱେ ବଲ୍ଲୁ ୨:୮; ୨୨:୧୩

ରାଜିତି କୁଟିକାଡ଼ି ନା କେୟୁତା ମାନେ ।  
 ୧୯ ଇତିହ<sup>୯</sup> ନାନୁ ଏନାଆଁ ମେସାମାଞ୍ଜି,  
 ଅଡ଼େ ଏନାୟି ନୀର୍ବ<sup>୯</sup> ଆହିମାନେ ଇଞ୍ଜା  
 ଇଦାଣି କେଚ ଏନାୟି ଆନେ ଇ ବାରେ  
 ରାଡ଼ା ଇଗାମୁ । ୨୦ ନା ଚିଃନି କେୟୁତା  
 ମେସାମାନି ସାଡ଼ାଗଟା ହୁକାୟାଁ ଅଡ଼େ  
 ସାଡ଼ାଗଟା ବାଂଗାରା ଦୀଞ୍ ସଡ଼ାୟାଁତି  
 ଡ଼ଗୁମାନି କାତା ଇଦି, ସାଡ଼ାଗଟା  
 ହୁକାୟାଁ ସାଡ଼ାଗଟା କୁଲମିତି ଦୂଡୁୟାଁ,  
 ଅଡ଼େ ସାଡ଼ାଗଟା ବାଂଗାରା ଦୀଞ୍ ସଡ଼ାୟାଁ  
 ସାଡ଼ାଗଟା କୁଲମିକା ।

### ୨

#### ଏପିସି କୁଲମିତାକି କାବୁ

୧ “ଏପିସି କୁଲମିତି ଦୂଡୁ ତାଣା  
 ରାଡ଼ାମୁ, ଆମ୍ବାଆସି ଚିଃନି କେୟୁତା  
 ସାଡ଼ାଗଟା ହୁକାୟାଁ ଆସାମାନେସି ଅଡ଼େ  
 ସାଡ଼ାଗଟା ବାଂଗାରା ଦୀଞ୍ ସଡ଼ାୟାଁ ମାଦି  
 ରେଜିମାନେସି, ୨ ଏଞ୍ସାସି ଏଲେଇଞ୍ଜି  
 ମାନେସି, ନାନୁ କିହାମାନି କାମା ନାନୁ  
 ପୁଞ୍ଜାମାଲ୍, ନାନୁ ଏନିକ<sup>୯</sup> ଖାହୁତଲେ  
 କାମା କିହିମାଞ୍ଜି, ଅଡ଼େ ଏଚେକା  
 ଅରହିମାଞ୍ଜି ଏଦାଆଁ ପୁଞ୍ଜାମାଲ୍, ନାନୁ  
 ଲାଗେଏ ପରେଏ କାମା କିନାରାଇ  
 ଅପିହିଲଅତି, ଅଡ଼େ ପାଶୁଞ୍ଜି ଆଆନା  
 ମାମୁ ପୁାଶୁଞ୍ଜି ଆହାମାନମି ଇଞ୍ଜ<sup>୯</sup> ଝେସା  
 କଡ଼ିନେରି, ନାନୁ ତାୟିପାରି କିହାଁ  
 ଏଞ୍ସାରି ମିତି କାତା ଝେହନାରି ଇଞ୍ଜ<sup>୯</sup>  
 ପୁଞ୍ଜିମାଞ୍ଜି । ୩ ନା ଦରୁ ତାକି ଦୁକୁ କସୁ  
 ଅରହିମାଞ୍ଜି ଇଞ୍ଜା ଖାହାହିଲଅତି ଇଦାଆଁ  
 ଜିକେଏ ନାନୁ ପୁଞ୍ଜାମାଲ୍ । ୪ ଆତିହ<sup>୯</sup>  
 ଜିକେଏ ନୀ କପାଟି ନା ଇ କାତା ମାନେ,  
 ତଲି ଜୀଞ୍ଜନହ<sup>୯</sup> ମାଞ୍ଜାତିଲେହେଁ ନୀର୍ବ<sup>୯</sup>  
 ଜୀଞ୍ଜନହ<sup>୯</sup> ମାଞ୍ଜଅତି । ୫ ଅଡ଼େ ନାନୁ  
 ଏନିକ<sup>୯</sup> ଡ଼ଇ ତରଗା ମାଞ୍ଜି ଏଦାଆଁ  
 ଅଣ୍ପାମାନା ନୀ ପାପୁ ପିସାହାଁ ମନ  
 ଝେଟ୍‌ମୁ ଅଡ଼େ ତଲିତିଲେହେଁ ସାଡ଼ା  
 କାମା କିମୁ, ଆଆଡ଼<sup>୯</sup> ଏଚେତା ନାନୁ  
 ହିୟାଁ ଝେଟ୍‌ଅତି, ନାନୁ ନୀ ତାଣା ତବେ  
 ଝାହାନା ନୀ ଦୀଞ୍ ନୀ ତାଣାଟି ଏଚକା

ଗୁଟିକିୟାଲ୍ । ୬ ଆଡ଼ିଜିକେଏ ନୀ ତାଣା  
 ର ନେହ<sup>୯</sup> ଗୁଣୁ ମାନେ ନାନୁ ଏନିକ<sup>୯</sup>  
 ନିକଲାୟତାରି ବାରେ କାମା ଅପିହିଲଅଁ  
 ଏଲେକ<sup>୯</sup> ନାନୁଞ୍ଜା ଅପିହିଲଅତି ।”

୭ “କୁଲମିକାଣି ସୁଦୁଜୀଞ୍ଜୁ ଏନାଆଁ  
 ଝେସିମାନେ ଆମ୍ବାଆରି କୀର୍କା ମାନୁ  
 ଏଦାଆଁ ଝେଣ୍‌ମାସି । ଆମ୍ବାଆସି ଜୀଣା  
 ଆନେସି, ଏଞ୍ସାଣାଇଁ ନାନୁ ମାହାପୁରୁ  
 ରାଜିତା ମାନି ଜୀଞ୍ଜୁଗାଟି ମାରୁନୁତି  
 ପାଡ଼େୟି ତିଞ୍ଜାଲି ହୀଇ ।”

#### ସ୍ପର୍ନା କୁଲମିତାକି କାବୁ

୮ “ସ୍ପର୍ନା କୁଲମିତି ଦୂଡୁ ତାଣା  
 ରାଡ଼ାମୁ, ଆମ୍ବାଆସି ତଲିତାସି ଅଡ଼େ  
 ତାୟୁତାସି, ଆମ୍ବାଆସି ହାହାମାଚେସି  
 ଅଡ଼େ ଝେଣ୍‌ଣେ ନୀତିଚେସି, ଏଞ୍ସାସି  
 ଏଲେଇଞ୍ଜି ମାନେସି । ୯ ନାନୁ ନୀ ବାରେ  
 କସୁ ଅଡ଼େ ହାକି କାକୁଲି ପୁଞ୍ଜାମାଲ୍,  
 ସାମା ନାନୁ ବାଡ଼କୁ ଗାଗାତି ଅଡ଼େ  
 ଆମ୍ବାଆରି ଜୀହୁଦି ଲକୁ ଆଆନା ମାମୁ  
 ଜୀହୁଦି ଲକୁତମି ଇଞ୍ଜ<sup>୯</sup> ଇନେରି,  
 ଏଞ୍ସାରି ସୟତାନ ଗତିତାରି ଏଞ୍ସାରି  
 ନିଦା ଜିକେଏ ନାନୁ ପୁଞ୍ଜାମାଲ୍ ।  
 ୧୦ ମୀରୁ ଏମିନି ଦୁକୁ ବେଟାଆହାଲି ହାଜି  
 ମାଞ୍ଜେରି, ଏ ବାରେ ଆଜାଆଦୁ; ମେହ୍‌ଦୁ  
 ମିଜେ ତାୟିପାରି କିହାଲି ସୟତାନ ମୀ  
 ବିତ୍ତାଟି ଆମ୍ବା ଆମ୍ବାଆରାଇଁ କାୟିଦିତା  
 ଇଚିନେ, ଅଡ଼େ ମୀରୁ ଦସ ଦିନା କସୁ  
 ବେଟାଆଦେରି । ମୀରୁ ହାନ୍ତି ପାଚେକା  
 ନାମୁତଲେ ମାଞ୍ଜୁ, ଆତିହ<sup>୯</sup> ନାନୁ ମିଜେ  
 ଜୀଞ୍ଜୁତି ଗଡ଼େପରି ହିୟାଲ୍ ।”

୧୧ “କୁଲମିତି ସୁଦୁଜୀଞ୍ଜୁ ଏନାଆଁ  
 ଝେସିମାନେ, ଝେଞ୍ଜାଲି କୀର୍କା  
 ମାତିସାରେ ଝେଣ୍‌ମାସି, ଆମ୍ବାଆସି ଜୀଣା  
 ଆନେସି ଏଞ୍ସାଣାଇଁ ଅର ଦେବାତି ହାକି  
 ତଲେ ନସୁ କିହାଲି ଆଡ଼େଏ ।”

#### ପର୍ଗମ କୁଲମିତାକି କାବୁ

୧୨ “ପର୍ଗମ କୁଲମିତି ଦୂଡୁ ତାଣା  
 ରାଡ଼ାମୁ, ଆମିନି ଗାଗାଣି ତାଣା ରିକଞ୍ଜାକି  
 ଦାଡ଼ା ଗାଟି କାଣ୍ଡା ମାନେ ଏଞ୍ସାସି

୨:୨ ୨:୭ ଝେ ବଲ୍ଲୁ ୨୨:୨    ୨:୮ ୨:୮ ଝେ ବଲ୍ଲୁ ୧:୧୭; ୨୨:୧୩    ୨:୧୧ ୨:୧୧ ଝେ ବଲ୍ଲୁ ୨୦:୧୪; ୨୧:୮

ଏଲେଇଞ୍ଜି ମାନେସି । ୧୩ ଆମିନି ତାଣା ସୟତାନତି ସିଂଗାସାଣି, ଏମ୍ବାଆଁ ନାନୁ ବାସା କିହିମାଞ୍ଜି, ଇଦାଆଁ ନାନୁ ପୁଞ୍ଜାମାଇଁ, ଆତିହିଁ ଜିକେଏ ନାନୁ ନା ଦରୁତି ଆଟ୍‌ଝା ତଲେ ଆସାମାଞ୍ଜି, ଅଡେ ନା ସାକି ଆନ୍ତିପା ଏତିବେଲା ମୀ ତାଣା ସୟତାନତି ବାସା ଚାୟୁତା ପାୟୁଞ୍ଜି ଆହାମାଚେସି, ମୀରୁ ନା ତାଣା ନାମାମାନାକି ଏତିବେଲାତା ଜିକେଏ ନାଞ୍ଜେ ପୁଞ୍ଜାହିଲଅଁ ଇଞ୍ଜାଆତି । ୧୪ ଆଡ଼ିଜିକେଏ ନୀ କପାଟି ର କାତା ମାନେ, ଇତିହିଁ ଆମିନି ବିଲିୟମ ପେଣ୍‌କା ବମାୟାକି ଡାକାମାନି ବଗୁ ତିନି ତାଣାଟି ପାପୁ ଅଡେ ଦାରିକାମା କିଞ୍ଜିକିନି ପାନ୍ଦା ମେଡ଼ହାଲି ଇସାୟେଲ ମୀରକା ବାଲାକଇଁ ଜାପୁହା ମାଚେସି, ଏଲେତି କାମା କିନି ଲକୁ ମୀ ବିତ୍ରାଟି ଏଚରଜାଣା ତାକିନାରି ମାନେରି । ୧୫ ଏଲେକିହିଁ ଏ ନିକଲାୟ ଜାପୁନାଣି ଆସାମାନି ଲକୁ ମୀ ବିତ୍ରା ମାନେରି । ୧୬ ଏଦାଆଁତାକି ମୀ ପାପୁ ପିସାନା ହିୟାଁ ଝେଟ୍‌ଦୁ ଆଆତ୍ ନାନୁ ମୀ ତାଣା ତବେ ଝାହାନା ନା ଗୁତିତି ହନି କାଣ୍ଡାତଲେ ଏଝାରି କପାଟି ଜୁହୁ କିଇଁ ।”

୧୭ \* “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେସି ଆମ୍ବାଆରି କୀର୍କା ମାନୁ ଏଦାଆଁ ଝେଣ୍‌ମାସି । ଆମ୍ବାଆସି ଜାଣା ଆନେସି ଏଝାଣାକି ଡଗୁମାନି ମାନା ତିଞ୍ଜାଲି ହାଇଁ ଅଡେ ଏଝାରି ବିତ୍ରାଟି ବାରେଜାଣାତି ପୁଝନି ଦରୁ ରାସକି ଆହାମାନି ର ଦବଲା ଝାଲି ହାଇଁ, ଏ ପୁଝନି ଦରୁ ଏନାୟି ଝାଲି ଆନାଣି ପିସପେ ଆମ୍ବାଆସି ପୁନଅସି ।”

ତୁୟାତିରା କୁଲମିତାକି କାବୁ

୧୮ “ତୁୟାତିରା କୁଲମିତି ଦୁତୁ ତାଣା ଇଲେଇଞ୍ଜି ରାଡାମୁ, ମାହାପୁରୁ ଆମିନି ମୀରୁଏଣା କାଣକା ଡଞ୍ଜିମାନି ହିରୁ ଲେହେଁ ଇଞ୍ଜା ପାଃଆନା କତାୟାଁ ମୁସିମାନି ପିତାଡା ଲେହେଁ ଏଝାସି ଏଦାଆଁ ଏଲେଇଞ୍ଜି ମାନେସି । ୧୯ ନାନୁ ନୀ କାମା, ଜୀଝୁ ନନାଣି, ନାମୁତଲେ

ସେବା କିନାଣି, ଅରୁହିନାଣି ପୁଞ୍ଜାମାଇଁ, ଅଡେ ନୀ ତଲିତି କାମା କିହିଁ ନୀଏଁ ହାରେକା ଗାତି କାମା କିହିମାଞ୍ଜି, ଇଦାଆଁ ଜିକେଏ ପୁଞ୍ଜାମାଇଁ । ୨୦ ଆଡ଼ିଜିକେଏ ନୀ କପାଟି ର ଇତି କାତା ମାନେ, ଜିଜେବଲ୍ଲୁ ଦରୁଗାଟି ଆମିନି ଇୟା ଜାହାରାଇଁ ମାହାପୁରୁ ଅଣ୍‌ପୁତି ବଲ୍ଲୁ ଝେକ୍‌ନାଚେଏଁ ଇଞ୍ଜିଁ ଝେସାକତାନା, ନା ସେବା କିନାରାଇଁ ଦାରିକାମା ଅଡେ ପେଣ୍‌କା ବମାୟାକି ଡାକାମାନି ବଗୁ ତିଞ୍ଜାଲି ଜାପୁହାନା ଲାଗେଏ କିଞ୍ଜି କିହାମାନେ, ମୀରୁ ଏଦାଣି ଅରୁହି ମାଞ୍ଜେରି । ୨୧ ନାନୁ ଏଦାନାକି ତାନି ପାପୁ କାମା ପିସାନା ମନ ଝେଟ୍‌ହାଲି ହୀତି ଜିକେଏ, ତାନି ଦାରିକାମା ପିସାଲି ମନ କିଆଡେ । ୨୨ ଇଦାଆଁତାକି ନାନୁ ଏଦାନି ମାଡୁ ହୁଞ୍ଜିକିଇଁ, ଅଡେ ଆମିନି ଗାଟାରି ଏଦାନିତଲେ ଦାରିକାମା କିନେରି, ଏଝାରି ତାନି ପାପୁ କାମାଟି ହିୟାଁ ଝେଟ୍‌ଆତ୍ ନାନୁ ଏଝାରାଇଁ ଆଜିହପେତି ସାସ୍ତି ହାଇଁ । ୨୩ ଅଡେ ନାନୁ ତାନି ମୀରକା ମାସକାଇଁ ହାକି ତଲେ ନାସାକିଇଁ, ଏଚେଟିଏ ନାନୁ ବାରେ ଲକୁତି ହିୟାଁ ଅଡେ ମନତି ଅଣ୍‌ପୁତି ପୁନାଚେଏଁ, ଅଡେ ବାରେଜାଣାକି ତାନି କାମାତି ପାଡେୟି ହୀନାଚେଏଁ ଇଞ୍ଜିଁ ବାରେ କୁଲମିକା ପୁଞ୍ଜାନୁ ।”

୨୪ “ସାମା ମୀରୁ ତୁୟାତିରାତି ଏଚରଜାଣା ମାନାଚେରି ଏ ଲାଗେଏତି ଜାପୁନାଣି ଆସା ହିଲଅଚେରି, ଇଞ୍ଜାଁ ଏଟକାତାରି ଏନାଆଁ ସୟତାନତି ଡଗୁମାନି କାତା ଇଞ୍ଜିଁ ଇନେରି, ଏଦାଆଁ ମୀରୁ ଜାପାହିଲଅଚେରି, ନାନୁ ଏଝାରି ଲାକ ଏନି ପୁଝନି ବଜୁ ହୀଆଁ । ୨୫ ଇତିହିଁ ମୀ ତାଣା ଏନାୟି ମାନେ ଏଦାଆଁ ନା ଝାନି ଦିନା ପାଚେକା ତୀରିତଲେ ଆସାମାଞ୍ଜୁ ।”

୨୬ ଆମ୍ବାଆସି ଜାଣା ଆନେସି, ଅଡେ ତାୟୁ ପାଚେକା ନା କାମା କିନେସି, ନାନୁ ଏନିକିହିଁ ନା ଆବା ତାଣାଟି ଅଦିକାରା ବେଟାଆହାମାଇଁ, ଏଲେକିହିଁ ଏ

ଏଝାଣାକି ଏ ଦେସାତି ଅଦିକାରା ହାଇଁ । ୨୭ ଏଝାସି ବାରେ କୂଡ଼ାତି ଲକୁଣି ଲହ ବାଡ଼ଗା ତଲେ ସାଲୁଝି କିନେସି ଅଡ଼େ ଇରଥା ଡ଼କାୟାଁ ଲେହେଁ କୁଟୁକୁଟା କିନେସି । ୨୮ ଅଡ଼େ ନାନୁ ଏଝାରାକି ଝେୟାଜାରା ହୁକା ଜିକେଏ ହାଇଁ ।

୨୯ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେ ଆମ୍ବାଆରାକି କୀର୍କା ମାନୁ ଏଦାଆଁ ଝେଣ୍‌ମ୍ବାସି ।”

**୩**

ସାଦର୍ କୁଲମିକି କାରୁ

୧ “ସାଦର୍ କୁଲମିତି ଦୂଡୁ ତାଣା ରାଚାମ୍ବୁ, ଆମ୍ବାଆସି ମାହାପୁରୁତି ସାଡ଼ାଗଟା ଜୀଝୁୟାଁ ଅଡ଼େ ସାଡ଼ାଗଟା ହୁକାୟାଁ ଆସାମାନେସି ଏଝାସି ଏଲେଇଞ୍ଜି ମାନେସି, ନାନୁ ମୀ କାମା ବାରେ ପୁଞ୍ଜାମାଇଁ ମୀରୁ ଦରୁ ତାକି ଜୀଝୁ ଗାଟାତେରି, ସାମା ସାତା ତଲେ ହାଡ଼ାତେରି । ୨ ଜାଗ୍ରାତା ଆଦୁ ଅଡ଼େ ମୀ ତାଣା ଏନାୟି ମାନେ ଏ ବାରେ ଡ଼ଗୁନି ନକେଏ ଏଝାଆଁ ବାଡ଼ୁୟି କିଦୁ, ଇଚିହଁ ନାନୁ ମୀ ବାରେ କାମା ନା ମାହାପୁରୁ ନକିତା ଦହ ହିଲଆଗାଟାୟି ତଞ୍ଜା ଆହା ହିଲେଏ । ୩ ଏଦାଆଁତାକି ମୀରୁ ଏନିକଁ ଜାପାମାଞ୍ଜେରି ଅଡ଼େ ଝେଞ୍ଜାମାଞ୍ଜି ଏଦାଣି ଅଣ୍‌ପାନା ମାନୁଝି ଆଦୁ ଇଞ୍ଜା ପାପୁଟି ହିୟାଁ ଝେଟ୍‌ଦୁ; ମୀରୁ ଜାଗ୍ରାତା ଆଆତିହଁ ନାନୁ ସରୁଲେହେଁ ମୀ ତାଣା ଝାଲୁ, ଏଦାଣି ଏନିଜିକେଏ ମୀରୁ ପୁଞ୍ଜାଲି ଆଡ଼ଅତେରି । ୪ ସାମା ସାଦର୍ ତା ମୀ ବିତ୍ରା ଏଚରଜାଣା ମାନେରି, ଏଝାରି ତାମି ହିମ୍ବୁରିକା ମାହଁ କିହାଁ ହିଲଅରି, ଏଝାରି ଅପ୍‌ନି ହିମ୍ବୁରିକା ହୁଚାନା ନା ତଲେ ତାକିନେରି, ଏନାଆଁତାକି ଇଚିହଁ ଏଝାରି ପାଡ଼ା ଆଡ଼ାରି । ୫ ଆମ୍ବାଆରି ଜାଣା ଆନେରି ଏଝାରି ଏଲେତି ଅପ୍‌ନି ହିମ୍ବୁରିକା ହୁଚିନେରି, ଅଡ଼େ ନାନୁ ଏଝାରି ଦରୁ ଜୀଝୁଗାଟି ପତିଟି ଏଚେଲାଝା ମ୍ବେକ୍‌ଅଁ,

ଇଞ୍ଜା ନାନୁ ନା ଆବା ଅଡ଼େ ତାନି ଦୂଡୁୟାଁ ନକିତା ନା ତଲେତାରି ଇଞ୍ଜିହଁ ଏଝାରି ଦରୁ ଝେକ୍‌ଇଁ ।”

୬ “କୁଲମିକାଣି ସୁଦୁଜୀଝୁ ଏନାଆଁ ଝେସିମାନେସି ଆମ୍ବାଆରି କୀର୍କା ମାନୁ ଏଦାଆଁ ଝେଣ୍‌ମ୍ବାସି ।”

ପିଲାଦେଲ୍‌ପିୟା କୁଲମିତାକି କାରୁ

୭ “ପିଲାଦେଲ୍‌ପିୟା କୁଲମିତି ଦୂଡୁ ତାଣା ରାଚାମ୍ବୁ, ଆମ୍ବାଆସି ସୁଦୁଗାଟାସି ଅଡ଼େ ସାତାତାସି ଆମିନିଗାଟାଣି କେୟୁତା ଦାଝୁଦତି କୁଟିକାଡ଼ି ମାନେ, ଏଝାସି ଦାରା ଦେତିସାରେ ଆମ୍ବାଆସି ସୁଣ୍ଡାଲି ଆଡ଼ଅସି, ଅଡ଼େ ଦାରା ସୁଣ୍ଡିସାରେ ଆମ୍ବାଆସି ଦେତାଲି ଆଡ଼ଅସି, ଏଝାସି ଏଲେଇଞ୍ଜି ମାନେସି ନାନୁ ମୀ କାମା ପୁଞ୍ଜାମାଇଁ, ସିନିକିଦୁ ନାନୁ ମୀ ନକିତା ର ଦାରା ଦେତାମାଇଁ, ଏଦାଆଁ ଆମ୍ବାଆସି ସୁଣ୍ଡାଲି ଆଡ଼ଅସି, ଇଚିହଁ ମୀ ବାଡ଼ୁୟି ଉଣା ମାତି ଜିକେଏ ନା ଜାପୁନାଣି ମୀରୁ ମାନୁଝି ଆହାମାଞ୍ଜେରି, ଇଞ୍ଜା ନା ଦରୁ ଏଚେଲା ପୁଞ୍ଜାହିଲଅମି ଇଞ୍ଜା ଇଞ୍ଜାହିଲଅତେରି । ୯ ମେହଦୁ ଆମ୍ବାଆରି ଜୀହୁଦି ଲକୁ ଆଏ, ସାମା ମିତି ତଲେ ଜୀହୁଦି ଲକୁତମି ଇଞ୍ଜା ଇଞ୍ଜିମାନେରି ଇଲେତି ସୟତାନ ଗତିତି ଲକୁଣି ନାନୁ ମୀ କତାଣା ଜହରା କିଝି କିୟାଲୁ, ଇଞ୍ଜା ନାନୁ ମିଜେ ଜୀଝୁନହଁ ମାଞ୍ଜାଇଁ ଇଞ୍ଜା ଏଝାରି ପୁଞ୍ଜାଲି ଆଡ଼ିନେରି । ୧୦ ନା ହୁକୁମି ଲେହେଁ ସାସା ଆସାନା ମାଞ୍ଜେରି, ଇଦାଆଁତାକି ଦାରୁତିତି ଲକୁଣି ତାୟିପାରି କିହାଲି ବାରେ ଦାରୁତିତା ଆମିନି ତାୟିପାରି କିନି ଦିନା ଝାଟେନ, ଏମ୍ବାଟି ନାନୁ ଜିକେଏ ମିଜେ ଗେଲ୍‌ପାଇଁ । ୧୧ ନାନୁ ତବେ ଝାହିମାଇଁ ମୀ ଜୀଣାଆଡ଼ି ଟପେରି ଏନିକଁ ଆମ୍ବାଆସି ମୀଞ୍ଜା ଅୟଅସି ଏଦାଆଁତାକି ମୀ ତାଣା ଏନାୟି ମାନେ ଏଦାଆଁ ତାଟା ତଲେ ଆସାଁ ଡ଼ୟାଦୁ । ୧୨ ଆମ୍ବାଆସି ଜୀଣା

☆ ୩:୩ ମାତି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲୁ ୧୭:୧୫ ☆ ୩:୫ ୩:୫ ଝେ ବଲ୍ଲୁ ୨୦:୧୨; ମାତି ୧୦:୩୨; ଲୁକ ୧୨:୮ ☆ ୩:୧୨ ୩:୧୨ ଝେ ବଲ୍ଲୁ ୨୧:୨

ଆନେସି ନାନୁ ଏଝାଣାଇଁ ନା ମାହାପୁରୁ  
ଇଲୁତି ମୁଣ୍ଡାଲେହେଁ କିଇଁ, ଏଝାସି  
ଏମ୍ବାଟି ପାଙ୍ଗାତା ହାଲଅସି, ନାନୁ ନା  
ମାହାପୁରୁତି ଦରୁ ଅଡେ ଲାକପୁରୁତି  
ଝାହାମାନି ପୁଃନି ଜିରୁସାଲମ ମା  
ମାହାପୁରୁତି ଗାଡ଼ାତି ଦରୁ ଇଞ୍ଜା ନା ପୁଃନି  
ଦରୁ ତାନି ଲାକ ରାଡ଼ିଇ ।”

୧୩ “କୁଲମିକାଣି ସୁଦୁଜୀଝୁ ଏନାଆଁ  
ଝେସିମାନେସି, ଆମ୍ବାଆରି କୀର୍କା ମାନୁ  
ଏଦାଆଁ ଝେଣ୍ମାସି ।”

ଲାଝୁଦିକିୟା କୁଲମିକି କାରୁ

୧୪ “ଲାଝୁଦିକିୟା କୁଲମିତି ଦୁତୁ  
ତାଣା ରାଚାମ୍ବୁ, ଆମ୍ବାଆସି ସାତା  
ଇଞ୍ଜା ନାମୁଗାଟାସି ଅଡେ ସାତା ସାକି  
ହାନେସି, ଅଡେ ଆମ୍ବାଆସି ମାହାପୁରୁ  
ଗାଡ଼ିକିତାଣି ମୁଲୁଏ ଗାଡ଼ିକିତାସି ଏଝାସି  
ଏଲେଇଞ୍ଜି ମାନେସି । ୧୫ ନାନୁ ମା  
କାମା ପୁଞ୍ଜାମାଇଁ, ମୀରୁ ହିଡ଼ଡ଼ି ଆଏ  
କି ଉସମି ଜିକେଏ ଆଏ, ମୀରୁ ହିଡ଼ଡ଼ି  
କି ଉସମି ଆହାମାଟି ନେହୁଁ ଆଡେତମା  
। ୧୬ ସାମା ମୀରୁ ହିଡ଼ଡ଼ି କି ଉସମି  
ଆଆନା କାଝିନି ଆହାମାନାକି ନାନୁ  
ମିଙ୍ଗେ ନା ଗୁଡିଟି ହୁପାଲି ହାଜିମାଇଁ ।  
୧୭ ନାନୁ ଏଲେ ଇଞ୍ଜିମାଞ୍ଜି, ‘ନାନୁ ବାଡ଼କୁ  
ଗାଟାଡେଏଁ ନାଙ୍ଗେ ହାରେକା ଦନ  
ମାନେ; ନାଙ୍ଗେ ଏନାୟି ଲଡ଼ା ହିଲେଏ  
।’ ସାମା ନାନୁ କାର୍ମା କାକୁଲି ଗାଟାତି  
ଅଡେ ସାୟେମି ହିଲାଆଗାଟାତି, ହାକି  
ଗାଟାତି, କାଣା ଅଡେ ନାଗୁଡ଼ା ଗାଟାତି,  
ଇଦାଆଁ ପୁଞ୍ଜାହିଲଅତି; ୧୮ ଇଦାଆଁତାକି  
ନାନୁ ନିଙ୍ଗେ ଇ କାତା ଝେସିମାଞ୍ଜାଇଁ  
ନାନୁ ବାଡ଼କୁ ଗାଟାତି ଆହାଲିତାକି  
ହିରୁତା ହୁଡିତି ବାଂଗାରା ଅଡେ ନୀ  
ନାଗୁଡ଼ାତି ଲାଜା ଏନିକିହୁଁ ତଞ୍ଜା  
ଆଏ ଇଦାଆଁତାକି ହୁଚାଲି ଦବ୍‌ଲା  
ହିମ୍ବୁରି ଇଞ୍ଜା କାଣ୍‌କା ମେସାଲି ତାକି  
କାଣକାଣାଁ ରୁବାକଡିନାଣି ନା ତାଣାଟି  
କତାମ୍ । ୧୯ \*ନାନୁ ଏଚେକା ଲକୁଣି  
ଜୀଝୁ ନଇଁ ଏଝାରାଇଁ ଦାକା ଅଡେ

ତଣ୍ଡ ହୀଇଁ ଏଦାଣିତାକି ରାହାଁ ଆହାଁ  
ମନ ଝେବହା କତାମ୍ । ୨୦ ମେହ୍‌ମୁ  
ନାନୁ ଦୁଝେରି ତାକିତା ନିଚାନା ଦାରା  
ଝେଟିମାଇଁ ଆମ୍ବାଆସି ନା ଗିୟାଁ ଝେଞ୍ଜାନା  
ଦାରା ଦେନେସି ଆଡ଼ୁଁ ନାନୁ ବିତ୍ତା  
ହଡ଼ାନା ତାନି ତାଣା ହାଇଁ ଅଡେ  
ନାନୁ ଏଝାଣିତଲେ ରାନ୍ଦା ତିଇଁ ଅଡେ  
ଏଝାସି ନା ତଲେ ରାନ୍ଦା ତିନେସି ।  
୨୧ ନାନୁ ଏନିକିହୁଁ ଜୀଣାଆହାନା ନା  
ଆଦା ତଲେ ସିଂଗାସାଣିତା କୁଗାମାଇଁ  
ଏଲେକିହୁଁଏ ଆମ୍ବାଆସି ଜୀଣା  
ଆନେସି ନାନୁ ଏଝାଣାଇଁ ନା ତଲେ ନା  
ସିଂଗାସାଣିତା କୁଗାଲି ହୀଇଁ ।”

୨୨ “ସୁଦୁଜୀଝୁ କୁଲମିକାଣି ଏନାଆଁ  
ଝେସିମାନେ, ଆମ୍ବାଆରି କୀର୍କା ମାନୁ  
ଏଦାଆଁ ଝେଣ୍ମାସି ।”

୪

ଲାକପୁରୁ ପ୍ରାଡାନା

୧ ଏଚେଟିଏ ନାନୁ ମେସ୍‌ସେଏଁ, ମେହ୍‌ମୁ  
ଲାକପୁରୁଟି ର ଦାରା ଦେପିଆହାମାନେ;  
ଅଡେ ତୀଡ଼ି ମହୁରି ହାଡ଼ାଲେହେଁ ନା  
ତଲେ ନଚେଏ ଜଲିମାଚାଣି ଝେଞ୍ଜା  
ମାଚେଏଁ, ଏଡ଼ି ଏଲେଇଞ୍ଜାତେ “ଇମ୍ବାଆଁ  
ନିଙ୍ଗା ଝାମ୍ବୁ, ଏନାୟି ଇଦାଆଁ ତାୟୁ  
ଗଟଞ୍ଜି ଆନେ ଏ ବାରେ ନିଙ୍ଗେ  
ନାନୁ ତସ୍ତାଇଁ ।” ୨ ଏ ଦେବୁଣିଏ  
ସୁଦୁଜୀଝୁ ନାଙ୍ଗେ ଲକହାତେ, ମେହ୍‌ମୁ  
ଲାକପୁରୁ ର ସିଂଗାସାଣି ମାଚେ, ଇଞ୍ଜା  
ସିଂଗାସାଣି ଲାକ ରଅସି କୁଗାମାନେସି  
। ୩ କୁଗାମାନାଣି ଝାଣା ହୀରା ଅଡେ  
ମାଣିକ୍ୟ ଇନି ଦାରାଗାଟି ଝାଲି ଲେହେଁ,  
ଅଡେ ସିଂଗାସାଣିତି ମରକତ ଇନି ଦାରା  
ଗାଟି ଝାଲକା ଲେହେଁ ସାରିସୁଟୁଁ ର  
ଦାରଣକି ଗୁରୁଚାମାଚେ । ୪ ଅଡେ  
ସିଂଗାସାଣି ସାରିସୁଟୁଁ କଡେ ସାରିଗଟା  
ସିଂଗାସାଣି ମାନୁ, ଅଡେ ସିଂଗାସାଣିୟାଁ  
ଲାକ କଡେ ସାରି ଜାଣା ପ୍ରାଟିନାଙ୍ଗା  
କୁଗାମାନେରି, ଏଝାରି ଦବ୍‌ଲା ହିମ୍ବୁରିକା  
ହୁଚାମାନେରି ଇଞ୍ଜା ଏଝାରି ତାୟୁଁ ତୁ  
ବାଂଗାରା ଟପେରି । ୫ \*ସିଂଗାସାଣିତି

\* ୩:୧୯ ୩:୧୯ ଏବ୍ରୁ ୧୨:୬    \* ୪:୫ ୪:୫ ଝେ ବଲ୍ଲ ୮:୫; ୧୧:୧୯; ୧୭:୧୮; ଝେ ବଲ୍ଲ ୧:୪

ବିଲିବାଲା ମୁଁହନାୟି ଅଡେ ହାଗୁ ଗୁଣିନି ହାଡ଼ା ହଡେତ, ଅଡେ ସିଂଗାସାଣି ନକିତା ହିରୁଗାଟି ସାଡ଼ାଗଟା ଦୀଝିୟାଁ ଡ଼ାଞ୍ଜିମାରୁ, ଈ ସାଡ଼ାଗଟା ହିରୁ ବନ୍ଦାୟାଁ ମାହାପୁରୁତି ସୁଦୁଜୀଝୁୟାଁ ୧ ସିଂଗାସାଣି ନକିତା ଦାପେଣିଲେହେଁ ର ନେହଁ ସାମଦୁରି ତଞ୍ଜାଆହିମାରେ, ସିଂଗାସାଣି ସାରିସୁରୁତି ମାଦିଏ ସାରିଗଟା ଜନ୍ତ ଜିଝେଡ଼ିକା, ଏଝାସିକା ନକିତା ଅଡେ ତାୟୁତା କାଣିକା ମାରୁ । ୨ ନକିତି ଜନ୍ତ ସିହଁ କାଃଆନି ଲେହେଁ, ଅଡେ ରୀ ଲମ୍ବର ଜନ୍ତ ବାଚା କଡ଼ି ଲେହେଁ, ତାନି ଲମ୍ବର ଜନ୍ତତି ମୁମ୍ବୁ ମାଣସିତି ମୁମ୍ବୁ ଲେହେଁ, ଅଡେ ସାରି ଲମ୍ବର ଜନ୍ତ ଲାକ ଉମ୍ବିମାନି ଲେଡ଼ୁ ଲେହେଁ ତଞ୍ଜାଆହିମାରେ । ୮ ବାରେ ଜନ୍ତୟାଁକି ସ ଗଟା ମାରାୟାଁ ଏ ମାରାୟାଁ ବିଡ଼ା ଅଡେ ପାଙ୍ଗାତା କାଣିକା ମାନୁ ଏଝି ଲାଆଁ ମାଦେନା ଜମାଆନା ଏଲେଇଞ୍ଜି ମାନୁ ।

“ସୁଦୁ, ସୁଦୁ, ସୁଦୁ, ବାରେ ବାଡ଼ୁୟୁଗାଟି ମାହାପୁରୁ,  
ଆମ୍ବାଆସି ତଲିଏ ମାରେସି ନୀଏଁ  
ମାନେସି ଅଡେ କାଲେଏ  
ମାନେସି, ଏ ପ୍ରବୁ ।”

୯ ଜନ୍ତୟାଁ ଏତିବେଲା ଏ ସିଂଗାସାଣିତା କୁଗାମାନି କାଲାକାଲାତି ଜୀଝୁଗାଟି ମାଣସିଇଁ ଗାଝୁରମି ସାମ୍ବୁମି ଅଡେ ଜହରା କିନେରି । ୧୦ ଏତିବେଲା କଡେ ସାରି ଜାଣା ପ୍ରାତିନାଙ୍ଗା ସିଂଗାସାଣିତା କୁଗାମାନି ମାଣସିଇଁ ମେଣ୍ଡାକୁତାନା କାଲେଏ ନୀତାମାନି ମାଣସିଇଁ ଜହରା କିଡେରି, ଇଞ୍ଜା ସିଂଗାସାଣି ନକିତା ତାନି ଚପେରିକା ଇଟାନା ଏଲେଇଚେରି ।

୧୧ ମା ପ୍ରବୁ ଅଡେ ମାହାପୁରୁ ।  
ନାନୁ ଗାଝୁରମି ସାମ୍ବୁମି ଅଡେ  
ବାଡ଼ୁୟୁ ବେଟାଆହାଲି ଜଡେଗ  
ଗାଟାତି ।

ଏନାଆଁତାକି ଇଚିହଁ ନାନୁ ବାରେ  
ଗାଡ଼ିକିହା ମାଞ୍ଜି ।  
ଅଡେ ନୀ ଅଣ୍ଡୁ ତଲେ ବାରେ  
ଗାଡ଼ି ଆହାମାନୁ, ଅଡେ  
ଜୀଝୁତଲେ ନୀତାମାନୁ ।

୫

ରୁପିନି ପତି ଅଡେ ମେଣ୍ଡା ତାଲୁ  
୧ ନାନୁ ସିଂଗାସାଣିତା କୁଗାମାନାଣି  
ଚିଃନି କେୟୁତା ର ପୁଞ୍ଜଇ ପତି ମେସ୍ତେଏଁ,  
ଏଡ଼ି ରିକଞ୍ଜାକି ରାସ୍ତକି ଆହାମାରେ ଇଞ୍ଜା  
ସାଡ଼ାଗଟା ସାଲି ଝେପି ଆହାମାରେ  
। ୨ ଅଡେ ନାନୁ ବାଡ଼ୁୟୁ ଗାଟି ର  
ଲାକପୁରୁତି ଦୁଡୁଇଁ ମେସ୍ତେଏଁ, ଏଝାସି  
କାଜା ଗିୟାତଲେ ଏଲେଇଚେସି,  
ଆମ୍ବାଆସି ଈ ସାଲି ହୁକହାନା ପତିତି  
ଦେଗାଲି ପାଡ଼ାଆନେସି । ୩ ସାମା  
ପତିତି ଦେଗାଲି, ଏମ୍ବାଆଁ ଏନାୟି ରାସ୍ତକି  
ଆହାମାନେ, ସିନିକିହାଲି ଲାକପୁରୁ,  
ଦାରତିତା ଅଡେ ତାଡେପୁରୁତା  
ଆମ୍ବାଆସି ସାସା କିଆଡେସି । ୪ ଏ  
ପତିତି ଦେଗାଲି କି ଏଦାଆଁ ସିନିକିହାଲି  
ଆମ୍ବାଆସି ସାସା କିଆଲିଏ ନାନୁ  
ହାରେକା ଡ଼ାଡେଏଁ । ୫ ଏମ୍ବାଟିଏ  
ପ୍ରାତିନାଙ୍ଗା ବିଡ଼ାଟି ରଅସି ନାଙ୍ଗେ ସାସା  
ହାହାନା ଏଲେଇଞ୍ଜାଡେସି, “ଡ଼ାଆନି,  
ସିନିକିମୁ ଜୀହୁଦା ଗଚିତି ଦାଝୁଦ କୁଡ଼ାତି  
ସିହଁ ଜୀଣା ଆହାମାନେସି; ଏଝାସି  
ଈ ପତିତି ସାଡ଼ାଗଟା ସାଲି ଦେଗାଲି  
ଅଡେ ଏ ରୁପିତି ପତି ଏକହାଲି ପାଡ଼ା  
ଆହାମାନେସି ।”

୬ ଏଚେଟିଏ ନାନୁ ସିନିକିଡେଏଁ  
ସିଂଗାସାଣି, ଅଡେ ପ୍ରାତିନାଙ୍ଗା ମାଦିଏ  
ସାରିଗଟା ଜନ୍ତ ତଲେ ର ମେଣ୍ଡା ତାଲୁ  
ନିଗାମାନାଣି ମେସ୍ତେଏଁ, ଏ ମେଣ୍ଡା ତାଲୁ  
ପାୟୁଝି ଆଡ଼ି ଲେହେଁ ତଞ୍ଜାଆହିମାରେ,  
ଏଦାନାକି ସାଡ଼ାଗଟା କମ୍ବକା ଅଡେ  
ସାଡ଼ାଗଟା କାଣିକା ମାରୁ, ଏ କାଣିକା  
ଦାରତିତି ବାରେଝାକି ପାଣ୍ଡୁଝି ଆହାମାଟି  
ମାହାପୁରୁତି ସାଡ଼ାଗଟା ସୁଦୁଜୀଝୁୟାଁ  
। ୭ ମେଣ୍ଡା ତାଲୁ ସିଂଗାସାଣିତା  
କୁଗାମାନାଣି ତାଗେ ହାଜାନା ଏଝାଣି  
ଚିଃନି କେୟୁଟି ଏ ରୁପିତି ପତି ଅଡେସି  
। ୮ ଏ ପତି ଅହାଲିଏ ସାରିଗଟା ଜନ୍ତ  
ଅଡେ କଡେ ସାରି ଜାଣା ପ୍ରାତିନାଙ୍ଗା  
ଏ ମେଣ୍ଡା ତାଲୁ ନକିତା ମୁମ୍ବୁ କୁତାହାଁ  
ଜହରା କିଡେରି, ଏ ବାରେଜାଣା ତାକି  
ର ର ସେରଜି ଅଡେ ମାହାପୁରୁ ଲକୁ  
ପ୍ରାଡ଼ାନାତି ଦୁପା ଦୁପଣି ନେଞ୍ଜାମାନି ର



ବାଂଗାରା ଗିନା ମାରେ । ୯ ଏଞ୍ଜାରି ର ପୁଃନି ପାତୁ ପାଡ଼ିମାରେରି;

“ନାନୁ ଏ ରୁପିତି ପତି ଅହାଲି ଅଡ଼େ ଏମ୍ବାତି ସାଲି ଦେଚାଲି ପାଡ଼ା ଆନାତି,

ନାନୁ ପାୟିଞ୍ଜିଆହାମାରି, ନାନୁ ନେତେରିଟି ବାରେ ଗତି, ବାରେ ହାଡ଼ା, ଦେସା,

ଅଡ଼େ ବାରେ କୁଡ଼ାତି ଲକୁଇଁ ମାହାପୁରୁ ତାକି କଡ଼ାମାଞ୍ଜି,

୧୦ \*ନାନୁ ଏଞ୍ଜାରାଇଁ ରାଜାୟାଁ କୁଡ଼ା ଅଡ଼େ ମାହାପୁରୁ ସେବା କିୟାଲି ପୂଜେରାଜା କିହାମାଞ୍ଜି ।

ଏଞ୍ଜାରି ଦାରତିତି ସାଲଞ୍ଜି କିନେରି ।”

୧୧ ଏମ୍ବାଟିଏ ନାନୁ ସିନିକିତେଏଁ, ସିଂଗାସାଣି, ଜନ୍ତୟାଁ ଅଡ଼େ ପ୍ରାଚିନାଜା ସାରିସୁରୁ ହାରେକା ଦୁତୁୟାଁତି ହାଡ଼ା ଝେରେଏଁ, ଏଞ୍ଜି ମାଣା ମାଣା ଅଡ଼େ ଲାକେ ଲାକେ ଜାଣା ନିଚାମାତୁ । ୧୨ ଏଞ୍ଜି କାଜା ଗିୟାତଲେ ପାଡ଼ିମାତୁ;

“ପାୟିଞ୍ଜି ଆହାମାନି ମେଣ୍ଡା ତାଲୁଦେଁ, କାଜାପାଣା, ଦନ, ବୁଦି, ବପୁ, ସାମ୍ବୁମି, ଗାଞ୍ଜୁରମି,

ଜହରା ବେଚାଆହାଲି ପାଡ଼ାଆନେସି ।”

୧୩ ଅଡ଼େ ନାନୁ ଲାକପୁରୁ, ଦାରତି, ତାଡ଼େପୁରୁ ଅଡ଼େ ସାମ୍ବୁରତା ମାନି ବାରେ ଜୀଞ୍ଜୁ ଗାଟାଇ ଇଞ୍ଜାଁ ଦାରତିତା ମାନି ବାରେ ଜୀଞ୍ଜୁ ଗାଟାଇ ପାତୁ ପାଡ଼ିମାନାଣି ଝେରେଏଁ । ଏଞ୍ଜି ପାଡ଼ିମାତୁ; “ସିଂଗାସାଣିତା କୁଗାମାନି ମାଣସିଇଁ ଇଞ୍ଜାଁ ତାନି ମେଣ୍ଡା ତାଲୁଇଁ ଜହରା କିଦୁ;

ତାନି ସାମ୍ବୁମି, ଗାଞ୍ଜୁରମି ଅଡ଼େ ବାଡ଼ୁୟୁ କାଲ୍ଲକାଲ୍ଲାତାୟି ।”

୧୪ ଏଚେଟିଏ ସାରିଗଟା ଜନ୍ତ ପାଲି ଆସାନା ଏଲେଇରୁ, “ଆମେନ୍” ଅଡ଼େ ପ୍ରାଚିନାଜା ମୁନୁ କୁଡ଼ାହାଁ ଜହରା କିତେରି ।



ସାତା ଗଟା ସାଲିୟାଁ

୧ ଅଡ଼େ ନାନୁ ମେଣ୍ଡା ତାଲୁଇଁ ସାତାଗଟା ସାଲିୟାଁ ବିତ୍ରାଟି ର ଲମ୍ବର ସାଲି ଦେତାଣି ମେସ୍ତେଏଁ, ଅଡ଼େ ସାରିଗଟା ଜନ୍ତ ବିତ୍ରାଟି ର ଜନ୍ତ ହାଗୁ ଗୁଣିନି ହାଡ଼ାତଲେ ହାଡ଼ିମାଟାଣି ଝେରେଏଁ “ଝାମ୍ବୁ !” ୨ ଏମ୍ବାଟିଏ ନାନୁ ସିନିକିତେଏଁ ଅଡ଼େ ର ଦବ୍ଲାଇ ଗଡ଼ା ଇଞ୍ଜାଁ ତାନି ଲାକ ହଟାମାଟାଣି କେୟୁତା ର ଆମ୍ବୁ ଆସାମାରେସି, ଅଡ଼େ ଏଞ୍ଜାଣାକି ର ଚପେରି ହାପୁକିଆଡ଼େ, ଅଡ଼େ ଏଞ୍ଜାସି ଜାଣା ଆହାଁ ଜାଣା ଆୟାଲି ହଟାହାରେସି ।

୩ ମେଣ୍ଡା ତାଲୁ ଏଚିବେଲ୍ଲ ରା ଲମ୍ବର ସାଲି ଦେତେସି, ଏଚିବେଲ୍ଲ ଅଡ଼େ ରା ଲମ୍ବର ଜନ୍ତ ଏଲେଇଚାଣି ଝେରେଏଁ “ଝାମ୍ବୁ,” ୪ ଏମ୍ବାଟିଏ ଅଡ଼େ ର ଗଡ଼ା ହଟା ଝାଡ଼େ, ଏଦି ନେତେରି ଝାଣାଗାଟାୟି; ଲକୁ ଏନିକି ତାମ୍ବୁ ତାମ୍ବୁ ପାୟିଞ୍ଜି ଆନେରି, ଏଦାଆଁତାକି ଦାରତିଟି ହିଡ଼ୁଡ଼ି ହେକ କିହାଲି ତାନି ଲାକ ହଟାମାନାଣାକି ବାଡ଼ୁୟୁ ହାପୁକିଆଡ଼େ ଅଡ଼େ ଏଞ୍ଜାଣାକି କାଜା କାଣ୍ଡା ହାପୁକିଆଡ଼େ ।

୫ ମେଣ୍ଡା ତାଲୁ ଏଚିବେଲ୍ଲ ତାନି ଲମ୍ବର ସାଲି ଦେତେସି, ଏଚିବେଲ୍ଲ ତାନି ଲମ୍ବର ଜନ୍ତ ଏଲେଇଞ୍ଜିମାନାଣି ଝେରେଏଁ, “ଝାହାଁ ସିନିକିମ୍ବୁ” ଏମ୍ବାଟିଏ ନାନୁ ସିନିକିତେଏଁ, ମେହ୍ଦୁ ର କାଡ଼ିନି ଗଡ଼ା; ଅଡ଼େ ଏମ୍ବାଆଁ ହଟାମାନାଣି କେୟୁତା ର କେଜି ତୁକନାୟି ମାରେ । ୬ ଅଡ଼େ ନାନୁ, ସାରିଗଟା ଜନ୍ତ ଗୁଡ଼ିଟି ହଡ଼ି ଲେହେତି ର ହାଡ଼ା ଝେରେଏଁ; “ର ଗାକା ତାକି ର କେଜି ଗହଁ ଅଡ଼େ ତାନି କେଜି କାଞ୍ଜିଆ ଜନାୟାଁ ମେଡ଼ା ଆନୁ ସାମା ମାରୁ ଜାତ ମାରନ୍ତୁତି ନିୟୁଁ ଅଡ଼େ ଅଞ୍ଜୁରି ରାସା ନସ୍ତ କିଆଦୁ ।”

୭ ମେଣ୍ଡା ତାଲୁ ଏଚିବେଲ୍ଲ ସାରି ଲମ୍ବର ସାଲି ଦେତେସି, ଇଞ୍ଜାଁ ନାନୁ ସାରି ଲମ୍ବର ଜନ୍ତ ଏଲେ ଇଞ୍ଜିମାଟାଣି ଝେରେଏଁ, “ଝାମ୍ବୁ !” ୮ ଏମ୍ବାଟିଏ ନାନୁ ସିନିକିତେଏଁ ଦାରମ୍ବୁ ଝାଣାଗାଟି ଗଡ଼ା,

ତାମି ଲାକ ହତାମାତାଣି ଦରୁ ହାକି, ଏଞ୍ଜାଣି ଜେଟ ଜେଟ ଦାରୁତି ହାଜିମାଟେ, ଏଞ୍ଜାରାକି ଦାରୁତିତି ସାରି ବାଗା ବିତ୍ତା ର ବାଗା ମୁହେଁ କାଣ୍ଡା, ହାକି, ରଗ ଅଡେ ଜାଡାତି ଜନ୍ତ ଜିଞ୍ଜେଡିକା ତଲେ ପାୟାଲି ବାଡ଼ମୁ ହାପକିଆଡେ ।

୯ ମେଣ୍ଡା ତାଲୁ ଏତିବେଲା ପାସା ଲମ୍ବର ସାଲି ଦେତେସି, ଏତିବେଲା ଆମିନି ଲକୁ ମାହାପୁରୁତି ବଲୁ ତାକି ଅଡେ ଏଞ୍ଜାରାକି ହାପକି ଆହାମାନି ସାକି ତାକି ହାହାମାଟେରି, ଏଞ୍ଜାରି ଜାଞ୍ଜୁୟା ନାନୁ ପୂଜାପିଣ୍ଡା ଡଲ ମେସ୍ତେଏ । ୧୦ ଏଞ୍ଜାରି କାଜା ଗିୟାତଲେ ହାଡ଼ିହୁଁ ଏଲେ ଇଞ୍ଜିମାଟେରି, “ସୁଦୁ ଅଡେ ସାତା ପ୍ରୁ, ନାନୁ ଏଚରଦିନା ପାତେକା ଦାରୁତିତି ଲକୁଇଁ ନାହାୟି କିଆନା ମାଙ୍ଗେ ପାୟାଲି ତାକି ଏଞ୍ଜାରାକି ତଣ୍ଡ ହାଆନା ପିହୁଦି ?” ୧୧ ଏଚେଟିଏ ଏ ବାରେଜାଣା ତାକି ଦବଲା ହିମ୍ବରକା ହାପକିଆଡେ, ଇଞ୍ଜା ଏଞ୍ଜାରି ତଲେତି ତାୟିୟା ସେବା କିନାରି ଏଚରଜାଣା ପାୟାଞ୍ଜି ଆନି କାତା ପାୟାଞ୍ଜି ଆଆପାତେକା ଏଞ୍ଜାରାକି ଅଡେ ଏଚରଦିନା ଜମାଲି ଞ୍ଜେସ୍ପିଆଡେ ।

୧୨ \*ମେଣ୍ଡା ତାଲୁ ସ ଲମ୍ବର ସାଲି ଦେତିମାଟାଟି ନାନୁ ମେସ୍ତେଏ; ଦେରୁଣିଏ ଆଜିହପେତି ବୁମି ଞ୍ଜାତିତେ । ଞ୍ଜେଡା କାଡ଼ିନି ଞ୍ଜାଣା ହିମ୍ବରି ଲେହେଁ ଆଡେ, ଅଡେ ଲେଞ୍ଜୁ ନେତେରି ଞ୍ଜାଣା ଆଡେ । ୧୩ କାଜା ଗାଲି ଏନିକିଁ ମାରୁନୁଇଁ ଞ୍ଜାଟ୍ଟିସାରେ ହିଲଲି ତୟା ପାଡେୟିକା ତରଗିନି ଲେହେଁ ହାଗୁଲକତି ହୁକାୟା ଦାରୁତିତା ତରଗା ହାରୁ । ୧୪ ହାଗୁପାକା ତଲୁ ପତି ରୁପ୍ଞି ଆଡି ଲେହେଁ ରୁପ୍ଞିଆହାଁ ମେଣ୍ଡାମାହାଟେ । ଅଡେ ହରକା ଇଞ୍ଜା ସାମ୍ବୁରି ବିତ୍ତାମାନି ଇତି ଇତି ଦେସାୟା ତାମି ଚାୟୁଟି ଗୁଚା ଆହାହାରୁ । ୧୫ ଅଡେ ଦାରୁତିତି ରାଜାୟା, ସାଲୁଞ୍ଜି କିନାରି, ଜୁଜୁକିନି କାଜାରି, ଦନ ଗାଟାରି, ବାଡ଼ମୁ ଗାଟାରି,

ହଲିୟାଙ୍ଗା ଅଡେ ହଲିୟାଙ୍ଗା ଆଆତାରି ଏଞ୍ଜାରି ବାରେଜାଣା ପାଞ୍ଜୁତା ଇଞ୍ଜା ହରକାତି କାଜା ଞ୍ଜାଲକା ପାରୁଡା ଡଲ ହାଜାନା ଡଗୁତେରି । ୧୬ \*ଅଡେ ଏଞ୍ଜାରି ହରକା ଇଞ୍ଜା ଞ୍ଜାଲକାଣି ହାଡ଼ିହୁଁ ଏଲେଇଚେରି, “ମା ମୁହେଁ ତରଗାନା ସିଂଗାସାଣିତା କୁଗାମାନାଣି ତାଣାଟି ଅଡେ ମେଣ୍ଡା ତାଲୁ କପାଟି ! ମାଙ୍ଗେ ଡକୁହାମୁ । ୧୭ ଇଡିହୁଁ ଏଞ୍ଜାରାକି ଆଜିହପେତି କପାଟି ଦିନା ଏଦାତେୟିଏ, ଇଞ୍ଜା ଏମ୍ବାଆଁ ଆମ୍ବାଆସି ନିଚାଲି ଆଡିନେସି ?”

୨

ଇସ୍ତାୟେଲତି ୧୪୪,୦୦୦ ଲକୁ  
 ୧ ଏଚେଟିଏ ନାନୁ ଦାରୁତିତି ସାରି କନତା ସାରିଗଟା ଦୂଡୁୟାଇଁ ନିଚାମାନାଣି ମେସ୍ତେଏ, ଅଡେ ଦାରୁତିତି ସାରିଞ୍ଜାକିତି ଗାଲି ଆଙ୍ଗାମାନେରି, ଏଚେଟିଏ ଦାରୁତି ସାମ୍ବୁରି ଅଡେ ଆମିନି ମାରୁନୁ ମୁହେଁ ଗାଲି ଞ୍ଜାଆପେଞ୍ଜା ଇଞ୍ଜୁଁ ଗାଲିତି ଆଙ୍ଗାମାନେରି । ୨ ଅଡେ ନାନୁ ର ଦୂଡୁଇଁ ଞ୍ଜେଡା ହପୁଞ୍ଜାକିତି ହତାଞ୍ଜାତାଣି ମେସ୍ତେଏ, ଏଦାନି କେୟୁତା ଜାଞ୍ଜୁତି ମାହାପୁରୁତି ବୁଟୁ ମୁଦ୍ରା ମାଟେ, ଏ ଦୂଡୁ ଦାରୁତି ଅଡେ ସାମ୍ବୁରି ନସ୍ତ କିହାଲିତାକି ସାରିଗଟା ଦୂଡୁକି ଅଦିକାରା ହାହାମାଟେ, ଏଦି କାଜା ଗିୟାତଲେ ହାଟାନା ଏଲେଇଚେ, ୩ “ମାମୁ ମାହାପୁରୁତି ସେବା କିନାରି ମୁଞ୍ଜୁତା ବୁଟୁ ମୁଦ୍ରା ନାବଗାଆ ପାତେକା ମାରୁ ଦାରୁତି, ସାମ୍ବୁରି, କି ମାରକାଣି ନସ୍ତ କିଆଦୁ ।” ୪ ଏଚେଟିଏ ମୁଞ୍ଜୁତା ବୁଟୁ ମୁଦ୍ରା ନାବଗାନା କଡିତାରି ୧୪୪,୦୦୦ ଲକୁ ମାଟେରି ଇଞ୍ଜୁଁ ନାନୁ ଞ୍ଜେଚେଏଁ ଏଞ୍ଜାରି ଇସ୍ତାୟେଲତି ବାର କୂଡାତି ଲକୁ ମାଟେରି । ୫ ଜାହୁଦା କୂଡାଟି ବାର ମାଣା ଲକୁଇଁ ବୁଟୁ ମୁଦ୍ରା କିହାମାନେସି, ରୁବେନ କୂଡାଟି ବାର ମାଣା, ଗାଦ କୂଡାଟି ବାର ମାଣା, ୬ ଆସେର କୂଡାଟି ବାର ମାଣା, ନପ୍ତାଲି କୂଡାଟି ବାର ମାଣା,

\* ୨:୧୨ ୨:୧୨ ୧୧:୧୩; ୧୭:୧୮; ମାଡି ୨୪:୨୯; ମାର୍କ ୧୩:୨୪,୨୫; ଲୁକ ୨୧:୨୫ \* ୨:୧୨ ୨:୧୨ ଲୁକ ୨୩:୩୦

ମନସି କୃତାଟି ବାର ମାଣ୍ଡା, ୭ ସିମିୟନ କୃତାଟି ବାର ମାଣ୍ଡା, ଲେବି କୃତାଟି ବାର ମାଣ୍ଡା, ଇସାକାର କୃତାଟି ବାର ମାଣ୍ଡା, ୮ ସୁବୁଲୁନ୍ କୃତାଟି ବାର ମାଣ୍ଡା, ଜସେପ କୃତାଟି ବାର ମାଣ୍ଡା, ବିନ୍ୟାମିନ୍ କୃତାଟି ବାର ମାଣ୍ଡା ଲକ୍ଷ୍ମ ରୁଚୁ ମୁଦ୍ରା କିହାମାନେସି ।

**ଗାତି ମାନ୍ଦା ଲକ୍ଷ୍ମ**

୯ ଏଚେଟିଏ ନାନୁ ସିନିକିତେଏଁ ମେହଦୁ ବାରେ ଜାଡ଼ି, ବାରେ କୃତା, ବାରେ ଦେସା, ବାରେ ହାଡ଼ା, ଏଜିକିହାଲି ଆଡ଼ାଆଗାଟି ର ମାନ୍ଦା ଲକ୍ଷ୍ମ ଅଜିତି ଦବ୍‌ଲା ହିମ୍ବରିକା ହୁଟାନା କାଜୁରି ମାଗାୟାଁ କେୟୁତା ଆସାନା ସିଂଗାସାଣି ଅଡ଼େ ମେଣ୍ଡା ଡାଲୁ ନକିତା ନିଚାମାନେରି । ୧୦ ଏଞ୍ଜାରି କାଜା ଗିୟାଁତଲେ ଏଲେଇଚେରି, “ଞ୍ଜାରଇ ସିଂଗାସାଣିତା କୁଗାମାନି ମାହାପୁରୁ ଅଡ଼େ ମେଣ୍ଡା ଡାଲୁ ମାଜେ ଗେଲ୍‌ପାନାସି ।” ୧୧ ସିଂଗାସାଣି, ପ୍ରାତିନାଜା ଅଡ଼େ ବାରେ ସାରିଗଟା ଜନ୍ତ ସାରିସୁରୁ ଲାକପୁରୁତି ଦୁତୁୟାଁ ନିଚାମାନେରି, ଅଡ଼େ ସିଂଗାସାଣି ନକିତା ମୁନ୍ନୁ କୁତାନା ମାହାପୁରୁଇଁ ଜହରା କିହାନା, ୧୨ ଏଲେଇଚେରି, “ଆମେନ୍ ନେହାୟି, ଗାଞ୍ଜୁରମି, ବୁଦି, ଜହରା, ସାମ୍ବୁନି, ଅଦିକାରା ଅଡ଼େ ବାଡ଼ୁୟୁ, କାଲାକାଲା ତାକି ମା ମାହାପୁରୁଞ୍ଜାୟି ! ଆମେନ୍ ।”

୧୩ ଅଡ଼େ ପ୍ରାତିନାଜା ବିତ୍ରାଟି ରଅସି ନାଜେ ଝେଞ୍ଜାତେସି, “ଦବ୍‌ଲା ହିମ୍ବରିକା ହୁଟାମାନି ଇ ଲକ୍ଷ୍ମ ଆମ୍ବାଆରି ? ଅଡ଼େ ଏଞ୍ଜାରି ଏମ୍ବିଟି ଞ୍ଜାହାମାନେରି ?” ୧୪ ନାନୁ ଏଞ୍ଜାଣାଇଁ ଏଲେଇଚେଏଁ, “ଏ ନା ପ୍ରବୁ ନାନୁଏ ଏଦାଆଁ ପୁଞ୍ଜାମାଞ୍ଜି” ଏମ୍ବାଟିଏ ଏଞ୍ଜାସି ଏଲେଇଞ୍ଜାତେସି, “ଇଞ୍ଜାରି ଆଜିହପେତି ସାସ୍ତି ଅର୍ହାନା ହଟା ଞ୍ଜାହାମାନେରି, ଇଞ୍ଜାଁ ମେଣ୍ଡା ଡାଲୁତି ନେତେରି ତଲେ ଏଞ୍ଜାରି ତାମି ହିମ୍ବରିକା ରାଟାନା ଦବ୍‌ଲା କିହାମାନେରି । ୧୫ ଏଦାଆଁତାକି ଏଞ୍ଜାରି ମାହାପୁରୁ ଇଲୁତି ସିଂଗାସାଣି ନକିତା ନିଚାମାନା ଲାଆଁ

ମାଦେନା ଏଞ୍ଜାଣି ଜହରା କିନେରି, ଇଞ୍ଜାଁ ସିଂଗାସାଣିତା କୁଗାମାନାସି ଏଞ୍ଜାରାକି ବାସାଟାୟୁ ହାନେସି । ୧୬ ଏଞ୍ଜାରାକି ଏଚେଲାଞ୍ଜା ହାକି କି ଏସ୍‌କି ଆଏ; ଇଞ୍ଜାଁ କାରା କି ଏନି ଝେହନାୟି ତୀଗାଲି ଆଡେଏ । ୧୭ ଇଚିହଁ ସିଂଗାସାଣି ମାଦିତି ମେଣ୍ଡା ଡାଲୁ ଏଞ୍ଜାରି ମେଣ୍ଡା ଗଡ଼ୁ ଆଡେସି । ଅଡ଼େ ଜୀଞ୍ଜୁହାନି ଏୟୁ ହଟିମାନି ତାଣା ଏଞ୍ଜାରାଇଁ ତାକିକିହା ଅନେସି, ଅଡ଼େ ମାହାପୁରୁ ଏଞ୍ଜାରି କାନୁତି ବାରେ କାଣ୍ଡୁ ଚୁକଜାତୁହନେସି ।”

**୮**

**ସାଡ଼ା ଲମ୍ବର ସୀଲି**

୧ ମେଣ୍ଡା ଡାଲୁ ଏଚିବେଲା ସାଡ଼ା ଲମ୍ବର ସୀଲି ଦେତି ଦେବୁଣିଏ ଲାକପୁରୁ ଆଦା ଗଂଟା ପାତେକା ସାପିଆଡେ । ୨ ଏମ୍ବାଟିଏ ନାନୁ ମାହାପୁରୁ ନକିତା ନିଚାମାନି ସାଡ଼ା ଜାଣା ଦୁତୁୟାଁଇଁ ମେସ୍ତେଏଁ, ଏଞ୍ଜାରାକି ସାଡ଼ାଗଟା ତୀତ୍ରି ମହୁରି ହାପକି ଆତୁ ।

୩ ଏମ୍ବାଟିଏ ଅଡ଼େ ର ଦୁତୁ ଞ୍ଜାହାଁ ପିଣ୍ଡା ନକିତା ନିତେ, ଏଦାନି କେୟୁତା ବାଂଗାରା ଦୁପ୍‌ଣି ସାଡ଼ଞ୍ଜା ମାଚେ, ଅଡ଼େ ସିଂଗାସାଣି ନକିତି ବାଂଗାରା ପୂଜାପିଣ୍ଡା ଲାକ ବାରେ ମାହାପୁରୁ ଲକ୍ଷ୍ମି ପ୍ରାତାନା ତଲେ ହେରପାଲି ତାକି ହାରେକା ଦୁପ୍‌ଣି ହାପକିଆଡେ । ୪ ଏମ୍ବାଟିଏ ଲାକପୁରୁ ଦୁତୁ କେୟୁତି ଦୁପ୍‌ଣି ବୟଁ ମାହାପୁରୁ ଲକ୍ଷ୍ମି ପ୍ରାତାନା ତଲେ ଆଣ୍ଡାନା ମାହାପୁରୁ ନକିତା ଏଗାତେ । ୫ ତାୟୁ ଏ ଦୁତୁ ଦୁପ୍‌ଣି ସାଡ଼ଞ୍ଜାତା ପୂଜା ପିଣ୍ଡାତି ହିତୁତଲେ ନେଞ୍ଜିକିହାନା ଦାରୁତି ଲାକ ଡାଞ୍ଜିତେ, ଏମ୍ବାଟି ହାଗୁ ଗୁଣ୍ଡତେ ବିଜା ରିନି ହାଡ଼ା ଝେଜିତେ ଇଞ୍ଜାଁ ବୁନି ଞ୍ଜୀତିତେ ।

**ତୀତ୍ରି ଉକିନାୟି**

୬ ଏଚିବେଲା ସାଡ଼ା ଜାଣା ତୀତ୍ରି ଆସାମାନି ଦୁତୁୟାଁ ସାଡ଼ା ଜାଣା ତୀତ୍ରି ଉକାଲି ତିୟାରା ଆଡେରି ।

☆ ୭:୧୪ ୭:୧୪ ମାତି ୨୪:୨୧; ମାର୍କ ୧୩:୧୯

୭ ର ଲମ୍ବର ଦୂତୁ ତାନି ତୀତ୍ରି ଉକିତେ ଏଚେଟିଏ ନେତେରି ତଲେ ଆଜ୍ଞିୟା ଅଡ଼େ ହିରୁ ଆଣ୍ଡୁଝି ଆହାଁ ଦାରତି ଲାକ ରିତୁ, ଇଞ୍ଜା ବାରେ ମାରନ୍ନୁ ମାଡ଼ା, ହିଇଲି ଜାଡ଼ା ତଲେ ଦାରତିତି ତାନି ବାଗାଟି ର ବାଗା ବାରେ ଝେହା ହାଚେ ।

୮ ଏଚେଟିଏ ରୀ ଲମ୍ବର ଦୂତୁ ତାନି ତୀତ୍ରି ଉକିନି ଦେବୁଣିଏ ଡ଼ାଞ୍ଜିମାନି ର କାଜା ହରୁ ଲେହେତାୟି ସାମଦୁରି ଲାକ ରୀଚେ ଇଞ୍ଜା ସାମଦୁରିତି ଏୟୁ ତାନି ବାଗାଟି ର ବାଗା ନେତେରି ଆହାହାଚୁ । ୯ ସାମଦୁରିତା ମାନି ତାନି ବାଗାଟି ର ବାଗା ଜୀଝୁ ଗାଟାଇ ହାହାହାଚୁ, ଅଡ଼େ ସାମଦୁରିତା ମାନି ଜାଜାୟାଁ ତାନି ବାଗାଟି ର ବାଗା ଜାଜାୟାଁ ବିଡ଼ହାହାଚୁ ।

୧୦ ତାନି ଲମ୍ବର ଦୂତୁ ତୀତ୍ରି ଉକିତେସି, ଇଞ୍ଜା ଦେବୁଣିଏ ହିରୁ ବନ୍ଦାଲେହେଁ ଡ଼ାଞ୍ଜିମାନି ର କାଜା ହୁକା ହାଗୁଟି ତାନି ବାଗା କାଡ଼ା ଅଡ଼େ ଉସାଣାଁ ରୀଚେ । ୧୧ ଏ ହୁକାତି ଦରୁ “କାମ୍ବେଲି” ଏଚେଟିଏ ତାନି ବାଗାଟିଏ ର ବାଗା ଏୟୁ କାମ୍ବେଲି ଆଚୁ, ଇଞ୍ଜା ହାରେକା ଲକୁ ଏୟୁ ଗସାନା ହାଚେତି, ଇଚିହଁ ଏଝି କାମ୍ବେଲି କିଝି ଆହାମାଚୁ ।

୧୨ ସାରି ଲମ୍ବର ଦୂତୁ ତୀତ୍ରି ଉକିତେସି ଇଞ୍ଜା ଝେଡ଼ା, ଲେଞ୍ଜୁ, ହୁକାୟାଁତି ବାରେ ତାନି ବାଗାଟି ର ବାଗା ନସୁ ଆଚୁ, ଇଞ୍ଜା ତାନି ବାଗାଟି ର ବାଗା ଉଜେଡ଼ି ଉଣା ଆଡ଼େ, ଇଞ୍ଜା ଲାଆଁୟାଁ ମାଦେନା ତାନି ବାଗାଟି ର ବାଗା ଉଜେଡ଼ି ଉଣା ଆଡ଼େ ।

୧୩ ଡ଼ାୟୁ ନାନୁ ମେସ୍ତେସ୍, ହାଗୁଟି ମାଦି ଉମ୍ବିମାନି ର ଲେଡ଼ୁକାଜା ହାଡ଼ାତଲେ ଏଲେଇଞ୍ଜିମାଟାଣି ଝେଚେସ୍, ଆହା ! ଦାରତିତା ବାସା ଆହାମାନି ଲକୁ ଆଜିହଚେଡ଼ି ତଣ୍ଡୁ ବେଗାଆନାରି, ଇଚିହଁ ଅଡ଼େ ତାନି ଜାଣା ଦୂତୁୟାଁ ତୀତ୍ରି ଉକାଲି ହାଜିମାନେରି ।



୧ ଏଚେଟିଏ ପାସା ଲମ୍ବର ଦୂତୁ ତୀତ୍ରି ଉକିତେସି ନାନୁ ର ହୁକା ହାଗୁଟି ଦାରତିତା ରିତାଣି ମେସ୍ତେସ୍,

ଏଝାଣାକି ତାଡ଼େପୁରୁତି କୁଟିକାଡ଼ି ହୀପକି ଆହାମାଚେ । ୨ ଏଝାସି ଏ ତାଡ଼େପୁରୁ ଗାଡ଼ୟୁ ଦେଚାଲିଏ ଏମ୍ବାଟି କାଜା ହଲୁଡା ହନିଲେହେଁ ବୟଁ ହଚାଝାଚେ, ଇଞ୍ଜା ଏ ହିରୁ ଗାଡ଼ୟୁତି ବୟଁ ତାକି ଝେଡ଼ା ଇଞ୍ଜା ହାଗୁ ଆଦେରି ଆଚେ । ୩ ଏ ବୟଁଟି ଗପ୍‌ଏରିକା ହଚାନା ଦାରତିତା ଝାଡୁ, ଏଝାସିକାକି ଦାରତିତି କାଚାକୁପିତା ମାନି ବାସାତି ବାଡ଼ୟୁ ହୀପକିଆଡ଼େ । ୪ ଏଝି ଦାରତିତି ମାରୁକା ଗଚା ଜାଡ଼ାତି ନସୁ କିଆନା, ଆମ୍ବାଆରି ମୁଞ୍ଜୁତା ମାହାପୁରୁତି ବୁଚୁ ମୁଦା ହିଲିଆଚେ ଏଝାରାଇଁ କସୁ ହାହାଲି ଏଲେଇଣ୍ଡି ଆଚେ । ୫ ଏଝାରାଇଁ ପାୟାଆନା ପାସା ଲେଞ୍ଜୁ ତାକି କସୁ ହାହାଲି ଗପ୍‌ଏରିକାକି ଅଦିକାରା ହୀପକିଆଡ଼େ, କାଚାକୁପି କାଚିତେ ଇଚିସାରେ ଏନିକଁ ବାସା ଆନେ ଏକସୁ ଏଲେତାୟି । ୬ ଏଚିବେଲା ଲକୁ ହାହାଲି ଅଣ୍ଡିପିନେରି ସାମା ହାଅରି, ଏଝାରି ହାହାଲି ଅଣ୍ଡିପିନେରି, ସାମା ହାକି ଏଝାରି ତାଣାଟି ହଚାଡୁହନେ ।

୭ ଏ ଗପ୍‌ଏରିକା ଜୁଜୁତା ହାଜାଲି ତିୟାରା ଆହାମାନି ଗଡ଼ାୟାଁ ଲେହେଁ ତଞ୍ଜାଆହିମାଚୁ, ଏଝାସିକା ତାର୍କାଣା ବାଂଗାରା ଗପେରି ଲେହେଁ ପିଡ଼ଗି ଆହାମାଚେ, ଏଝାସିକା ମୁମ୍ବୁ ମୁାଣ୍ଡିସି ମୁମ୍ବୁ ଲେହେଁ ମାଚେ । ୮ ଇୟାସିକା ତାୟଁ ବାଣାୟାଁ ଲେହେଁ ଏଝାସିକା ବାଣାୟାଁ, ସିହଁ କ୍ଳାଠନିତି ପାଲୁକା ଲେହେଁତି ତାମି ପାଲୁକା ମାଚୁ । ୯ ତାମି ବକତା ଲହ ପାଟା ଲେହେଁତି ପାଟା, ତାମି ମାଠାୟାଁ ଝାଡ଼ିମାନି ହାଡ଼ା ଜୁଜୁ ତାକି ଗଡ଼ାୟାଁ ରାତାୟାଁଣି ରେଜା ଅହିମାନି ଲେହେଁତି ହାଡ଼ା । ୧୦ କାଚାକୁପିତି ଲେଂଗୁଣି ଇଞ୍ଜା ବାସା ସୂଜା ଲେହେଁ ଏଝାସିକାକି ଲେଂଗୁଣି ଅଡ଼େ ବାସା ସୂଜା ମାଚେ, ପାସା ଲେଞ୍ଜୁ ତାକି ମାଣ୍ଡିୟାଁଇଁ ସାସି ହିୟାଲି ଏଝାସିକା ଲେଂଗୁଣିକାଣା ବାଡ଼ୟୁ ବେଗାଆହାମାଚୁ । ୧୧ ଏଝାସିକା ମୁହେଁ ର ରାଜା ସାଲୁଝି କିହିମାନେସି, ଏଝାସି ତାଡ଼େପୁରୁ ଗାଡ଼ୟୁତି ଦୂତୁ,

ଏଦାନି ଦରୁ ଏବ୍ରି ହାଡ଼ାତଲେ ଆବାଦନ ଅଡ଼େ ଗ୍ରିକ୍ ହାଡ଼ାତଲେ ଅପଲିୟନ ଇତିସାରେ “ନାସା କିନାଇ ।”

<sup>୧୭</sup> ତଲିତି ଆଜିହପେତି ଡଣ୍ଡ ଡଣା ଆଡ଼େ ଅଡ଼େ ଜଡ଼େକା ଆଜିହପେତି ଡଣ୍ଡାଁ ଖାହିମାନୁ ।

<sup>୧୮</sup> ସ ଲମ୍ବର ଦୂତୁ ତୀତ୍ରି ଡକିତେସି, ଇଞ୍ଜା ନାନୁ ମାହାପୁରୁ ନକିତି ବାଂଗାରା ପୂଜା ପିଣ୍ଡାତି ସାରିଗଟା କମକା ବିତ୍ତାଟି ର ହାଡ଼ା ଝେଚେଏ । <sup>୧୯</sup> ଏଦି ତୀତ୍ରି ଆସାମାନି ସ ଲମ୍ବର ଦୂତୁଇଁ ଏଲେଇଚେ, “ପରାଡ଼ କାଜା କାଡ଼ାତା ଦସପି ଆହାମାନି ସାରି ଜାଣା ଦୂତୁୟାଁଇଁ ପିସପି କିମ୍ପୁ ।” <sup>୧୫</sup> ଏମ୍ପାଟିଏ ମାଣସିୟାଁଇଁ ତାନି ବାଗାଟି ର ବାଗା ଲକୁଇଁ ପାୟାଲି ତାକି ତିୟାରା ଆହାମାନି ଆମିନି ସାରି ଜାଣା ଦୂତୁୟାଁଇଁ ଏ ଦିନା, ଲେଞ୍ଜୁ ଅଡ଼େ ବାସା କିଝି ଆହାମାଚେ ଏଝାରାଇଁ ପିସପି କିଝିଆଡ଼େ । <sup>୧୬</sup> ଗଡ଼ାୟାଁ ଲାକ କୁଗାନା ଜୁଜୁ କିନାରି ରା କଟି ମାଚେରି ନାନୁ ଝେଚେଏ । <sup>୧୭</sup> ଅଡ଼େ ନାନୁ ଗଡ଼ା ଇଞ୍ଜା ଏମ୍ପାଆଁ ହଟାମାନାରାଇଁ ମେସ୍ତେଏ, ଏଝାରି ବକ ପାଟା ହିରୁ ଅଡ଼େ ନୀଲି, ହୀଞ୍ଜେରି ଝାଣା; ଗଡ଼ାୟାଁତି ତାକା ସିହ୍‌କ୍ଷାଣି ତାକା ଲେହେଁ, ଇଞ୍ଜା ଏଝାସିକା ଗୁତିଟି ହିରୁ, ବୟଁ, ଅଡ଼େ ଗାନ୍ଦାଗୁଣ୍ଡା ହଟିମାଚେ । <sup>୧୮</sup> ଏଝାସିକା ଗୁତିଟି ହିରୁ, ବୟଁ, ଅଡ଼େ ଗାନ୍ଦାଗୁଣ୍ଡା ଲେହେଁ ଇ ତାନିଗଟା ଡଣ୍ଡାଁ ହତୁ, ଇ ଡଣ୍ଡାଁଟି ମାଣସିୟାଁ ତାନି ବାଗାଟି ର ବାଗା ପାୟାଝି ଆଡ଼େରି । <sup>୧୯</sup> ଏନାଆଁତାକି ଇତିହଁ ଗଡ଼ାୟାଁତି ବାଡ଼ୁୟୁ ତାନି ଗୁତି ଅଡ଼େ ଲେଂଗୁଣିତା ମାଚେ, ଇତିହଁ ଏଝାସିକା ଲେଂଗୁଣିକା ତାୟଁ ଗାଟି ରାଚୁ ଲେହେଁ ମାଚାକି ତାନି ଲେଂଗୁଣିକା ତଲେ ଲକୁଣି ନସ୍ତ କିହିମାଚୁ ।

<sup>୨୦</sup> ଆମିନି ଲକୁ ଇ କସ୍ତତଲେ ପାୟାଝି ଆହା ହିଲାଆଡ଼େରି, ଏଝାରି ତାନି କେୟୁତଲେ କିତି କାମାତାକି ମନ୍ ଝେଡ଼ପି କିଆଡ଼େରି, ଇତିହଁ ବୁଡ଼ୁୟାଁଣି ପୂଜା, ଅଡ଼େ ମେସାଲି, ଝେଞ୍ଜାଲି, ତାକାଲି ଆଡ଼ାଆଗାଟି ବାଂଗାରା, ଝେଣ୍ଡି,

ପିତାଡ଼ା, ଝାଲକା ଅଡ଼େ ମାରୁକା ତଲେ କେପିତି ପେଣକା ବମାୟାଣି ପୂଜା କିହାଲି ପିହ୍‌ଆଡ଼େରି । <sup>୨୧</sup> ଅଡ଼େ ଏଝାରି ଲକୁଣି ପାୟିନାୟି, ଗୁଣି ଗାରଡ଼ି, ଦାରିକାମା, ଅଡ଼େ ସରୁ କାମା କିନିତାଣାଟି ମନ୍ ଝେଡ଼ଆଡ଼େରି ।

## ୧୦

ଲାକପୁରୁତି ଦୂତୁ ଅଡ଼େ ରୁପିତି ଡଣା ପତି

<sup>୧</sup> ଏଚେଟିଏ ନାନୁ ର ବାଡ଼ୁୟୁଗାଟି ଦୂତୁଇଁ ଲାକପୁରୁଟି ରେଚା ଝାହିମାଚାଣି ମେସ୍ତେଏ, ଏଦାନି ସାରିସୁଚୁ ଦୂୟା ଇଞ୍ଜା ତାନି ତାୟଁ ଲାକ ଦାରଣକି ଅଡ଼େ ତାନି ମୁମ୍ପୁ ଝୁଝଡ଼ା ଲେହେଁ ଅଡ଼େ ତାନି କତାୟାଁ ହିରୁ ମୁଣ୍ଡାଲେହେଁ ତଞ୍ଜାଆହିମାଚୁ; <sup>୨</sup> ତାନି କେୟୁତା ଦେପି ଆହାମାନି ର ଡଣା ତଲୁ ପତି, ଏଦି ତାନି ଚିଃନି କତା ସାମ୍‌ଦୁରିତା ଅଡ଼େ ଚେହି କତା ଦାରତିତା ଇଟାମାଚେ; <sup>୩</sup> ସିହ୍‌କ୍ଷାଣି ଗାଜ୍‌ନିଲେହେଁ କାଜା ହାଡ଼ାତଲେ ହାଟିଚେ, ଏଦି ହାଟାଲିଏ ଏଲେକିହଁ ଏ ସାଡ଼ାଗଟା ହାଗୁ ଗୁଣିନାଇ ତାନି ହାଡ଼ା ଝେଞ୍ଜି କିତୁ । <sup>୪</sup> ଏ ସାଡ଼ାଗଟା ହାଗୁ ଗୁଣିନାଇ ଝେସାଲିଏ ନାନୁ ରାଟିଇଁ ଇଞ୍ଜା ତିୟାରା ଆଡ଼େଏ, ଏଚେଟିଏ ନା ତାକି ହାଗୁଟି ଇ ହାଡ଼ା ଝେଚେଏ, “ଏ ସାଡ଼ାଗଟା ହାଗୁ ଗୁଣିନିତାଣାଟି ଏନାଆଁ ଝେଞ୍ଜାମାଞ୍ଜ ଏଦାଆଁ ରାଟାଆନା ଡକୁହା ଇଟାମ୍ପୁ ।”

<sup>୫</sup> ଏଚେଟିଏ ଆମିନି ଦୂତୁଇଁ ସାମ୍‌ଦୁରି ଅଡ଼େ ଦାରତି ଲାକ ନିଟାମାଚାଣି ନାନୁ ମେସାମାଚେଏ, ଏଝାସି ତାନି ଚିଃନି କେୟୁ ଲାକପୁରୁ ଝାକି ଦାସାନା <sup>୬</sup> ଆମ୍ପାଆସି ଲାକପୁରୁ, ଦାରତି, ସାମ୍‌ଦୁରି, ଅଡ଼େ ଏମ୍ପାଆଁ ମାନାଣି ବାରେ ଗାଡ଼ି କିହାମାନେସି, ଏ କାଲେଏ ତାକି ନୀତାମାନାଣି ଦରୁଟି ପାରମାଣା କିହାନା ଏଲେଇଚେସି, “ଅଡ଼େ ଝେଡ଼ା ଆଏଦେଁ” <sup>୭</sup> ଏଚିବେଲାତା ସାଡ଼ା ଲମ୍ବର ଦୂତୁ ତୀତ୍ରି ଡକିନେ, ମାହାପୁରୁ ଅଣ୍‌ପୁତି ବଲ୍ଲୁ ଝେକ୍‌କନାରି ଅଡ଼େ ତାନି ସେବା

କିନାରାଇଁ ନେହଁ କାରୁ ଝେସାମାଚେସି, ଏଚିବେଲା ମାହାପୁରୁ ତାନି ଡ଼ଗୁମାନି ଅଣ୍ଟପୁ ପୁରା କିନେସି ।

୮ ଇଞ୍ଜା ନାନୁ ଲାକପୁରୁଟି ଆମିନି ହାଡ଼ା ଝେଞ୍ଜା ମାଚେସଁ, ଅଡ଼େ ଝେଣ୍ଡେ ନା ତାକି ଏଲେଇଞ୍ଜି ଝେଞ୍ଜିତେ, “ହାଲାମ୍, ସାମ୍ପୁରି ଅଡ଼େ ଦାରତି ଲାକ ନିଚାମାନି ଦୁତୁ କେୟୁତା ଆମିନି ତଲୁ ପତି ଦେପିଆହାମାନେ ଏଦାଆଁ ଅମ୍ ।” ୯ ଏଚେଟିଏ ନାନୁ ଏ ଦୁତୁ ତାଗେ ହାଜାହାଁ ଏ ଡ଼ଣା ତଲୁ ପତିତି ରୀସ୍ତେସଁ, ଏଝାସି ନାଙ୍ଗେ ଏଲେଇଞ୍ଜାଚେସି, “ଇଦାଆଁ ଅହାଁ ତିନାମ୍; ଇଦି ନୀ ବାଣ୍ଡିତି କାମ୍ବେଲି କିୟାନେ ସାମା ନୀ ଗୁତି ତାକି କିରୁୟାଁ ଲେହେଁ ଆନେ ।” ୧୦ ଏଚେଟିଏ ନାନୁ ଦୁତୁ କେୟୁଟି ଏ ଡ଼ଣା ତଲୁ ପତି ଅହାଁ ତିଚେସଁ, ଏଦି ନା ଗୁତି ତାକି କିରୁୟାଁ ଲେହେଁ ଆଡେ, ସାମା ଏଦାଆଁ ତିତି ତାୟୁ ନା ବାଣ୍ଡି କାମ୍ବେଲି ଆହାହାଚେ ।

୧୧ ଏଚେଟିଏ ନାଙ୍ଗେ ଏଲେଇଞ୍ଜି ଝେସ୍ତାଚେସି ହାରେକା ଗତି, କୁଡ଼ା, ହାଡ଼ା ଗାଗାରି ଅଡ଼େ ରାଜାୟାଁ କପାଟି ତାୟୁ ଏନାୟି ଗଟ଼ି ଆନେ ଏଦାଆଁ ନାନୁ ଅଡ଼େ ଝେଣ୍ଡେ ଝେହ୍ନାୟି ମାନେ ।

## ୧୧

ରିଆରି ସାକି ହୀନାରି

୧ ଏଚେଟିଏ ନାଙ୍ଗେ ଲାଟିନି ଲେହେଁତି ର ବାଡ଼ଗା ହୀପକିଆଡେ, ରଅସି ନାଙ୍ଗେ ଏଲେଇଞ୍ଜାଚେସି, “ହାଲାମ୍, ମାହାପୁରୁ ଦେଝୁଡ଼ି, ପୂଜାପଣ୍ଡା ଲାଚାମ୍ ଅଡ଼େ ଆମ୍ବାଆରି ଏମ୍ବାଆଁ ପ୍ରାଡାନା କିନେରି ଏଝାରାଇଁ ଏଜିକିମ୍ । ୨ \*ସାମା ଦେଝୁଡ଼ି ପାଙ୍ଗାତି ଆଂଗେଶିତି ପିହମ୍ ଏଦାଆଁ ଲାଚାଆନି, ଇଚିହଁ ଏଦି ଜାହୁଦିଆଆତାରାକି ହୀପକି ଆହାମାନେ, ଏଝାରି ରୀ କଡ଼ି ରୀ ଲେଞ୍ଜୁ ପାଚେକା ମାହାପୁରୁ ସୁଦୁ ଗାଡ଼ାତି କଡାତଲେ ଝିସାନା ଦୁଡ଼ି କିନେରି । ୩ ଅଡ଼େ ନାନୁ ନା ରୀ ସାକିୟାଁ ପାଣ୍ଡିଇଁ ଏଝାରି ବାସ୍ତାୟାଁ ପରହାନା ୧,୨୬୦

ଦିନା ପାଚେକା ମାହାପୁରୁ ଅଣ୍ଟପୁତି ବଲ୍ଲ ଝେଙ୍କନେରି ।”

୪ ଏଝାରି ଦାରତିତି ପ୍ରବୁତି ନକିତା ନିଚାମାନି ରୀ ଜୀତ ମାରକା ଅଡ଼େ ରୀ ଦୀଝଁ ସଡ଼ାୟାଁ ଲେହେଁତାରି । ୫ ଆମ୍ବାଆସି ଏଝାରାଇଁ ନସ୍ତ କିହାଲି ଅଣ୍ଟପିନେସି, ଆତିହଁ ଏଝାରି ଗୁତିଟି ହିରୁ ହଚାହାଁ ଏଝାରି ସାଡୁୟାଁଇଁ ନାସାକିନେ, ଆମ୍ବାଆସି ଏଝାରାଇଁ ନସ୍ତ କିହାଲି ଅଣ୍ଟପିତିହଁ, ଏଝାସି ନାସା ଆନେସି । ୬ ଏଝାରି ମାହାପୁରୁ ବଲ୍ଲ ଝେଙ୍କନାଟି ଏନିକଁ ପିୟୁ ଆଏ ଏଦାଆଁତାକି ହାଗୁତି ସୁଣ୍ଡାଲି ଅଦିକାରା ହୀପକି ଆହାମାନେ, ଏଚର ଦେବା ଏଝାରି ମନ ଆନେ ଏଚର ଦେବା ଏଝାରି ଏୟୁଣି ନେତେରି ମ୍ପୁଫହାଲି ଅଡ଼େ ଦାରତିତି ଏନି ଇଚି ଏଲେତି ମରଡ଼ି ତଲେ ତଣ୍ଡ ହୀହାଲି ଏଝାରାକି ଅଦିକାରା ମାନେ ।

୭ \*ଏଝାରି ସାକି ହୀହାଲି ରାଡ଼ି ତାୟୁ ତାଡ଼େପୁରୁ ଗାଡ଼ୟୁଟି ର ଜଡ଼ ହଚାଝାହାନା, ଏଝାରିତଲେ ଜୁଜୁ କିନେ । ୮ ଏମ୍ବାତି ଏମିନି କାଜା ଗାଡ଼ା ସୁଦୁଜୀଝୁ ତଲେ ସଦମ ଅଡ଼େ ମିସର ଇଞ୍ଜି ଇନେରି, ଏମିନିତାଣା ତାମି ପ୍ରବୁ ଜିକେଏ ପାସିତା ହାହାମାଚେସି, ଏ କାଜା ଗାଡ଼ାତି ଆଂଗେଶିତା ଏଝାରି ମାଡ଼ହାୟାଁ ଡ଼ୟିନୁ । ୯ ଅଡ଼େ ବାରେ ଦେସା ଗତି, ହାଡ଼ା, ଇଞ୍ଜା କୁଲୁତି ଲକୁ ତାନିଦିନା ଆଦା ପାଚେକା ଏଝାରି ମାଡ଼ହାୟାଁଇଁ ମେହ୍ନେରି ଅଡ଼େ ଏ ମାଡ଼ହାୟାଁଇଁ ମୁସାଲି ହେଲ ହୀଅରି । ୧୦ ଏଚେଟିଏ ଦାରତିତା ବାସା ଆହାମାନାରି ଏଝାରି ହାଡ଼ି କାବୁ ଝେଞ୍ଜାନା ତିଞ୍ଜି ଡ଼ଣ୍ଡିହଁ ରାହାଁ କିନେରି, ଅଡ଼େ ରଅସି ରଅଶାକି ରାହାଁତଲେ ବେଟୁ ହୀପକି ଆନେରି, ଇଚିହଁ ଇ ରୀ ମାହାପୁରୁ ଅଣ୍ଟପୁତି ବଲ୍ଲ ଝେହ୍ନାରି ଦାରତିତି ଲକୁଣି କସ୍ତ ହୀହିମାଚେରି । ୧୧ ତାନିଦିନା ଆଦା ତାୟୁ ମାହାପୁରୁ ତାଣାଟି ଜୀଝୁତି ଗାଲି ଝାହାଁ ଏଝାରି ଆଙ୍ଗାତା ହଚେ, ଏଚେଟିଏ ଏଝାରି

\* ୧୧:୨ ୧୧:୨ ଲୁକ ୨୧:୨୪    \* ୧୧:୭ ୧୧:୭ ଝେ ବଲ୍ଲ ୧୩:୫-୭; ୧୭:୮

କର୍ତ୍ତାଣି ବାଡ଼ୁୟୁ କିହାନା ନିତେରି, ଅଡ଼େ  
 ଆମ୍ବାଆରି ଇ କାମାତି ମେସ୍ତେରି ଏଞ୍ଜାରି  
 ଆଜାହାଚେରି । ୧୨ ଏଚେଟିଏ ଏଞ୍ଜାରି  
 ଲାକପୁରୁଟି ର କାଜା ହାଡ଼ାତଲେ ଏ  
 ରିଆରାକି ଏଲେ ଇଞ୍ଜିମାଗାଣି ଝେଚେରି,  
 “ଇମ୍ବାଆଁ ଝାଦୁ” ଏଚେଟିଏ ଏଞ୍ଜାରି ତାମି  
 ସାଡ଼ୁୟାଁ ଏଞ୍ଜାରାଇଁ ମେସ୍ପନିଏ ଦୁୟା  
 ତଲେ ଲାକପୁରୁ ହାଚେରି । ୧୩ \*ଏ  
 ଦେବୁଣିଏ ବୁମି ହାଚେରକା ଝାଡ଼ିତେ ଅଡ଼େ  
 ଗାଡ଼ାତି ଦସ ବାଗାଟି ର ବାଗା ନାସା  
 ଆଡ଼େ, ଅଡ଼େ ୭,୦୦୦ ଲକୁ ହାଡ଼େରି,  
 ଇଞ୍ଜା ଏଚେକା ଲକୁ ନୀତାମାଚେରି  
 ଆଜିତାକି ଲାକପୁରୁଟି ମାହାପୁରୁଇଁ  
 ଗାଞ୍ଜୁରମି କିତେରି ।

୧୪ ରୀ ଲମ୍ବର ଆଜିହପେତି ତଣ୍ଡ  
 ରାଡ଼େ, ସାମା ତାନି ଲମ୍ବର ଆଜିହପେତି  
 ତଣ୍ଡ ତବେ ଝାହିମାନେ ।

ସାତା ଲମ୍ବର ତାଡ଼ି ମହୁରି

୧୫ ତାୟୁ ସାତା ଲମ୍ବର ଦୁଡୁ ତାଡ଼ି  
 ଉକିତେସି ଇଞ୍ଜା ଲାକପୁରୁ କାଜା  
 ହାଡ଼ାତଲେ ଇ ହାଡ଼ା ଝେଜିତେ,  
 “ମା ପୁରୁ ଅଡ଼େ ଏଞ୍ଜାଣି ମସିହା  
 ଦାରତିତି ସାଲଞ୍ଜି କିନି ଅଦିକାରା  
 ନୀର୍ବ ତାନି କେୟୁତା ଅହାମାନେସି,  
 ଏଞ୍ଜାସି କାଲେଏ ତାକି ରାଜି କିନେସି  
 ।” ୧୬ ଏଚେଟିଏ ମାହାପୁରୁ ନକିତା  
 ଜାହା ଜାହାରା ସିଂଗାସାଣିତା କୁଗାମାନି  
 କଡ଼େ ସାରି ଜାଣା ପ୍ରାତିନାଜା ମୁନୁ  
 କୁତାହାଁ ମାହାପୁରୁଇଁ ଜହରା କିହାଁ,  
 ୧୭ ଏଲେଇଚେରି,

“ପୁରୁ, ବାରେକିହାଁ ବାଡ଼ୁୟୁଗାଟି  
 ମାହାପୁରୁ, ନୀନୁ ନୀର୍ବ ଅଡ଼େ  
 ତଲିତାତି,

ମାମ୍ବୁ ନୁିଙ୍ଗେ ଜହରା କିହିମାଞ୍ଜାନମି;  
 ଏନାଆଁତାକି ଇତିହୁଁ ନୀନୁ ନୀ  
 କାଜା ବାଡ଼ୁୟୁ ତଲେ ସାଲଞ୍ଜି  
 କିୟାଲି ଅଦିକାରା ନୀଞ୍ଜୁଟିଏ  
 ଅହାମାଞ୍ଜି ।

୧୮ ଜୀହୁଦିଆଆତାରି କାର୍ବି  
 ଆହାମାଚେରି,

ସାମା ନୀର୍ବ ନୀ କପା ଆନି ଦିନା  
 ଝାଡ଼େ,  
 ଇଞ୍ଜା ହାଡ଼ାରି ନୀର୍ବ ନୀହାଁୟି  
 କିଞ୍ଜିଆଚେରି,

ଇଞ୍ଜା ନୀ ହଲିୟାଙ୍ଗା ମାହାପୁରୁ ଅଣ୍ପୁତି  
 ବଲ୍ଲୁ ଝେହୁନାରି,

ମାହାପୁରୁ ଲକୁ, ଅଡ଼େ ନୀ ଦରୁତି  
 ଆଜିନି କାଜାରି ଇଚାରି ବାରେ  
 ଲକୁ ଦାନା ବେଗାଆଚେରି,

ଅଡ଼େ ଆମ୍ବାଆରି ଦାରତିତି ନାସା  
 କିନେରି ଏଞ୍ଜାରି ଜିକେଏ ନାସା  
 ଆଚେରି ।”

୧୯ \*ଏଚେଟିଏ ଲାକପୁରୁ ମାନି  
 ମାହାପୁରୁଟି ଇଲୁତି ଦାରା ଦେପିଆଡ଼େ,  
 ଅଡ଼େ ତାନି ଇଲୁତା ମାନି ରାଜିମାନାତି  
 ପେଡ଼ା ତଞ୍ଜାଆଡ଼େ, ଅଡ଼େ ବିଲିବାଲା  
 ମୁହୁନାୟି, ହାଚେରକା ଗିୟାଁ, ହାଗୁ ଗୁଣି  
 ହାଡ଼ା, ଇଞ୍ଜା ବୁମି ଝାଡ଼ିତେ ଅଡ଼େ  
 ହାଚେରକା ଆଜିୟାଁ ରିଡୁ ।

୧୨

ଆୟାଟି ଅଡ଼େ ରାଡୁ

୧ ତାୟୁ କାବାଆନି ଲେହେଟି ସିନା  
 ହାଗୁତା ତଞ୍ଜାଆଡ଼େ, ର ଆୟାଟି ଲେଞ୍ଜୁ  
 ଲାକ ନିତାମାଚେ ଅଡ଼େ ଝେଡ଼ାତି  
 ଉଜେଡ଼ି ପରହାମାଚେ । ଏଦାଣି  
 ତାୟୁଁତୁ ବାରଗଟା ହୁକାୟାଁଗାଟି  
 ଚପେରି ମାଚେ । ୨ ଏଦି ପୁରା ମାସା  
 ଆହାନା ଜାନି କିନି ବେଲାତା ଲୁଞ୍ଜିନି  
 ବୀସା ତାକି କସ୍ତ ବେଗାଆହିମାଚେ ।

୩ ଏଚିବେଲା ହାଗୁ ଲାକ କାବାଆନି  
 ର ସିନା ତଞ୍ଜାଆଡ଼େ, ଏମ୍ବାଆଁ ପାଟୁ  
 ଝାଣାଗାଟି କାଜା ରାଡୁ ଏ ରାଡୁକି  
 ସାତାଗଟା ତାର୍କା, ଇଞ୍ଜା ଦସଗଟା  
 କମ୍‌କା, ଅଡ଼େ ତାର୍କା ଲାକ ସାତାଗଟା  
 ଚପେରିକା ମାଡୁ । ୪ ତାନି ଲେଂଗୁଣି  
 ତଲେ ହାଗୁତି ତାନି ବାଗା ହୁକାୟାଁଣି  
 ଦାରତି ଲାକ ମେଡ଼ହେ, ଇଞ୍ଜା ଏ  
 ରାଡୁ, ଜାନି କିନି ଦେବୁଣିଏ ଇୟାନି  
 ତାଲୁତି ଗୁସାଲି ଏଦାନି ନକିତା ନିତେ  
 । ୫ ଆମ୍ବାଆସି ବାରେ କୂଡ଼ାତି ଲକୁଣି

\* ୧୧:୧୩ ୧୧:୧୩ ଝେ ବଲ୍ଲ ୭:୧୨; ୧୭:୧୮ \* ୧୧:୧୯ ୧୧:୧୯ ଝେ ବଲ୍ଲ ୮:୫; ୧୭:୧୮; ଝେ ବଲ୍ଲ ୧୭:୨୧

ଲହ ବାଡ଼ଗା ତଲେ ସାଲଝି କିନେସି  
 ଇଲେତି ର କକାଣି ଡାଲୁଇଁ ଏ ଇୟା  
 ଜାନ କିତେ, ଅଡ଼େ କକାଣି ଡାଲୁଇଁ  
 ମାହାପୁରୁ ଇଞ୍ଜା ତାନି ସିଂଗାସାଣି ନକିତା  
 ପେରହା ଅଝିଆଡ଼େ ।<sup>୬</sup> ଅଡ଼େ ଏ ଇୟା  
 ଲକୁ ହିଲାଆ ବାଗାତା ହଟେ, ଏମ୍‌ଆଁ  
 ୧,୨୭୦ ଦିନା ପାତେକା ପହିକିଝି ଆୟାଲି  
 ମାହାପୁରୁ ତାଣାଟି ଏମ୍‌ଆଁ ଏଦାନାକି ର  
 ଚାୟୁ କେପି ଆହାମାତେ ।

<sup>୭</sup> ଏମ୍‌ଗାଟିଏ ଲାକପୁରୁ ଜୁଜୁ ଆଡ଼େ,  
 ମିକାୟେଲ ଅଡ଼େ ତାନି ଦୁତୁୟା ଏ ରାତୁ  
 ତଲେ ଜୁଜୁ କିତୁ, ଏଚେଟିଏ ଏ ରାତୁ  
 ଅଡ଼େ ତାନି ଦୁତୁୟା ଜିକେଏ ଜୁଜୁ କିତୁ ।  
 ଯାମା ରାତୁ ଇଞ୍ଜା ତାନି ଦୁତୁୟା ଜାଣା  
 ଆହାଲି ଆଡାଆତୁ, ଇଞ୍ଜା ଲାକପୁରୁ ଏଝି  
 ଚାୟୁ ବେଗାଆଆତୁ ।<sup>୮</sup> ଏରିବେଲା  
 ଦାରତିତି ନାଡ଼ିକିନି ପଲୁଆ ପେନୁ ଇଞ୍ଜା  
 ସୟତାନ ଦରୁଟି ଝେଜିତି କାଜା ରାତୁ ଏ  
 ପୁଃଈ ନାଗା, ଏଦି ତାନି ଦୁତୁୟା ତଲେ  
 ଦାରତିତା ମେଡ଼ପି ଆଡ଼େ ।

<sup>୧୦</sup> ଏଚେଟିଏ ଲାକପୁରୁଟି ଏଲେଇଞ୍ଜି  
 ର କାଜା ହାଡା ଝେଚେଏଁ, ନୀଏଁ  
 ମାହାପୁରୁ ତାଣାଟି ଗେଲୁପିନାୟି  
 ଏଗାଝାଡ଼େ, ତାନି ରାଜି ଅଡ଼େ ବାଡ଼ମୁ  
 ଇଞ୍ଜା କ୍ରୀସୁତି ଅଦିକାରା ଝାହାମାନେ,  
 ଇତିହ ଆମିନି ସାତୁ ମା ତାୟି ତାଜିସ୍ତା  
 କପାଟି ନିଜମନା ଲାଆଁ ମାଦେନା  
 ମାହାପୁରୁ ନକିତା ଦାଝା କିହିମାତେ,  
 ଏଦି ଲାକପୁରୁଟି ଦାରତିତା ମେଡ଼ପି  
 ଆହାମାନେ ।<sup>୧୧</sup> ଏଝାରି ମେଣ୍ଡା ତାଲୁତି  
 ନେତେରି ତଲେ ଅଡ଼େ ଝେକ୍‌ହାମାନି  
 ସାତା କାତାତଲେ ଜାଣା ଆହାମାନେରି  
 ଇଞ୍ଜା ଏଝାରି ହାହାଲିତାକି ଜିକେଏ  
 ତାନି ଜୀଝୁଇଁ ଜୀଝୁ ନହାଁ ହିଲାଆତେରି  
 ।<sup>୧୨</sup> ଏଦାଆଁତାକି ଏ ଲାକପୁରୁ  
 ଅଡ଼େ ଏମ୍‌ଆଁ ବାସା ଆହାମାନାତେରି  
 ରାହାଁ ଆଦୁ, ସାମା ଦାରତି ଅଡ଼େ  
 ସାମ୍‌ଦୁରି ମୀରୁ ତଣ୍ଡ ବେଗା ଆନାତେରି  
 ଏନାଆଁତାକି ଇତିହ ତାନି ବେଲା  
 ହାରେକା ଡ଼ଣା ମାନେ ଇଞ୍ଜା ପୁଞ୍ଜାନା

ପଲୁଆ ପେନୁ ସୟତାନ ହାରେକା  
 କପାତଲେ ମୀ ତାଣା ରେଚା ଝାହାମାନେ

<sup>୧୩</sup> ରାତୁ ଜାହାରାଇଁ ଦାରତିତା  
 ମେଡ଼ପି ଆହାମାନାଣି ମେସାନା ଏ  
 କକାଣି ଡାଲୁଇଁ ଜାନ କିତି ଇୟାନି  
 ଜେତ ଜେତ ପେରହା ଅଡ଼େ ।  
<sup>୧୪</sup> ଏଚେଟିଏ ଏ ଇୟା ରାତୁ ଗୁତିଟି  
 ଏନିକ ଗେଲୁପିଆହାଁ ତାନି ବାର୍ସା  
 ସ ଲେଞ୍ଜୁ ପାତେକା ପହିକିଝି ଆନେ,  
 ଏଦାଆଁତାକି ଲକୁ ହିଲାଆ ବାଗାତି  
 ତାନି ଚାୟୁତା ଡମ୍‌ହାଜାଲି ଲେଡ଼ତୁ ରୀ  
 ମାରାୟାଁ ହୀପକି ଆତୁ ।<sup>୧୫</sup> ଏଚେଟିଏ ଏ  
 ଇୟାନି ଅଝି କିୟାଲି ରାତୁ ତାନି ଗୁତିଟି  
 ର କାଜା କାତା ଏୟୁ ହପୁହେ ।<sup>୧୬</sup> ସାମା  
 ଏ ଇୟାନି ସାୟେମି କିହାଲି ଦାରତି  
 ତାନି ଗୁତିଟି ଦେଚାନା ରାତୁ ଗୁତିଟି ହଡ଼ି  
 କାତା ଏୟୁଣି ଗୁସ୍ତେ ।<sup>୧୭</sup> ଏଚେଟିଏ ରାତୁ  
 ଏ ଇୟାନି ହାରେକା କପା ଆହାଁ ତାନି  
 କୁଡ଼ାତାରି ଏଚେକା ଲକୁ ମାହାପୁରୁତି  
 ହୁକୁମି ମାନଝି ଆହାଁ ଜୀସୁତି କାତା  
 ଝେସିମାନେରି, ଏଝାରିତଲେ ଜୁଜୁ  
 କିହାଲି ହାଚେ ।<sup>୧୮</sup> ଇଞ୍ଜା ରାତୁ ସାମ୍‌ଦୁରି  
 ଗାତୁତି ବାଃଲିତା ନିତେ ।

## ୧୩

ରୀ ଜନ୍ତୁୟା  
<sup>୧</sup> ଏଚେଟିଏ ନାନୁ ସାମ୍‌ଦୁରି ମାଦିତି  
 ହଡ଼ାଝାହିମାନି ର ଜନ୍ତୁ ମେସ୍ତେଏଁ,  
 ଏଦାନାକି ଦସଗଟା କମ୍‌କା ଅଡ଼େ  
 ସାଡ଼ାଗଟା ତାର୍କା, ତାନି କମ୍‌କାଣା  
 ଦସଗଟା ଟପେରିକା ଇଞ୍ଜା ତାର୍କା ଲାକ  
 ମାହାପୁରୁ ନିୟାକିନି ର ର ଦରକା  
 ମାତୁ ।<sup>୨</sup> ଏ ଜନ୍ତୁ ତାରିରେଇଂଣା କ୍ଳାଃନି  
 ଲେହେଁ ତଞ୍ଜାଆହିମାତେ, ତାନି କତାୟାଁ  
 ଅଃଅଡ଼ି କତାୟାଁ ଲେହେଁ ଇଞ୍ଜା ଗୁତି  
 ସିହ୍‌କ୍ଳାଃନି ଗୁତି ଲେହେଁ ଏ କାଜା ରାତୁ  
 ଜନ୍ତୁକି ତାନି ବାଡ଼ମୁ, ସିଂଗାସାଣି, ଅଡ଼େ  
 ବାରେ ଅଦିକାରା ହୀତେ ।<sup>୩</sup> ଏ ଜନ୍ତୁତି  
 ତାୟାଁ ତୁ ଆମିନି ହାନ୍‌ଲେହେଁତି ଗାହାଁ  
 ତଞ୍ଜାଆହିମାତେ, ସାମା ଏ ଗାହାଁ ନେହ

\* ୧୨:୭ ୧୨:୭ ଜାହୁଦା ୧:୯    \* ୧୨:୯ ୧୨:୯ ଲୁକ ୧୦:୧୮    \* ୧୩:୧ ୧୩:୧ ଝେକ୍‌ହି ବଲ୍ଲ ୧୭:୩,୭-୧୨



ଆଡେ, ଅଡେ ଦାର୍ତ୍ତିତା ମାନାରି ବାରେ କାବା ଆହାଁ ତାନି ଜେତ ହାଚେରି । ୪ ଅଡେ କାଜା ରାଚୁ ଜନ୍ତକି ତାନି ଅଦିକାରା ହାତାକି ଏଞ୍ଜାରି ରାଚୁଇଁ ଜହରା କିଚେରି, ଏଞ୍ଜାରି ଏ ଜନ୍ତଇଁ ଜିକେଏ ଜହରା କିହାଁ ଏଲେଇଚେରି, “ଆମ୍ବାଆସି ଇ ଜନ୍ତ ଲେହେଁ ଆନେସି ଅଡେ ଆମ୍ବାଆସି ଏଦାଣି ତଲେ ଜୁଜୁ କିହାଁ ଜୀଣା ଆନେସି ।”

୫ ଏଦାନାକି ଆଜ୍ଞାରା ଅଡେ ମାହାପୁରୁ ନିନ୍ଦାତି କାତା ଝେସାଲି ଗୁତି ହାଞ୍ଜିଆଡେ, ଅଡେ ରୀ କଡ଼ି ରୀ ଲେଞ୍ଜୁ ପାତେକା ସାଲୁଞ୍ଜି କିୟାଲି ଅଦିକାରା ହାପୁକିଆଡେ । ୬ ଏମ୍ବାଟିଏ ଏଦି ତାନି ଗୁତି ଏକହାନା ମାହାପୁରୁ ନିନ୍ଦା କାତା ଜଲାନା, ମାହାପୁରୁ ଦରୁ, ମାହାପୁରୁ ବାସାଆନି ଟାୟୁ, ଅଡେ ଲାକପୁରୁ ବାସା ଆହାମାନାରାଇଁ, ବାରେତି ନିନ୍ଦା କିଚେ । ୭ ବାରେ ମାହାପୁରୁ ଲକୁଇଁ ଜୁଜୁ କିହାଁ ଜୀଣା ଆହାଲି ଅଦିକାରା ହାଞ୍ଜିଆହାମାଚେ, ଅଡେ ବାରେ ଗତି, କୃତା, ହାତା, ଦେସା, ଲାକ ଅଦିକାରା ହାଞ୍ଜିଆହାମାଚେ । ୮ ଆମ୍ବାଆରି ଦରୁ ଦାର୍ତ୍ତିତି ଗାଡ଼ି ଆଆ ନକେଏ ପୂଜା ମେଣ୍ଡା ତାଲୁତି ଜୀଞ୍ଜୁଗାଟି ପତିତା ରାସୁକି ଆହାହିଲେଏ, ଦାର୍ତ୍ତିତା ବାସା କିହାମାନି ଏ ବାରେ ଲକୁ ଏ ଜନ୍ତଇଁ ଜହରା କିନେରି ।

୯ “ଆମ୍ବାଆରାକି କୀର୍କା ମାନୁ ଏଞ୍ଜାସି ଝେଣ୍ଡାସି ! ୧୦ ଆମ୍ବାଆସି ଦସାହାଁ ଅନେସି, ଏଞ୍ଜାସି ଏଲେକିହଁ ଏ ଦସପି ଆନେସି, ଆମ୍ବାଆସି କାଣ୍ଡାତଲେ ପାୟିନେସି, ଆତିହଁ ଏଞ୍ଜାସି ଏଲେଆହଁ ଏ କାଣ୍ଡାତଲେ ପାୟିଞ୍ଜି ଆନେସି, ଏତିବେଲାତା ମାହାପୁରୁ ଲକୁତାକି ନାମୁ ଅଡେ ଅରହିନାୟି ଲଡ଼ାମାନେ ।”

୧୧ ଏଚେଟିଏ ନାନୁ ର ଜନ୍ତଇଁ ବୁମି ବିଦ୍ରାଟି ହଡ଼ାଞ୍ଜାଡ଼ାଣି ମେସ୍ତେସ୍, ମେଣ୍ଡା ତାଲୁ ଲେହେଁ ଜଡେକା କମକା, ଅଡେ ଏଦି ରାଚୁ ଲେହେଁ କାତା

ଆହିମାଚେ । ୧୨ ଏ ଜନ୍ତ ନକେଏତି ଜନ୍ତ ନକିତା ତାନି ବାଡ଼ୟୁ ତସାନା ଏମିନି ନକେଏତି ଜନ୍ତକି ହାନ୍ତିଲେହେଁତି ଗାହାଁ ମାଡ଼ାମାଚେ, ଏଦାନି ଜହରା କିହାଲି ଦାର୍ତ୍ତି ଅଡେ ଏମ୍ବାଆଁ ବାସା ଆହାମାନାରାଇଁ ବାଲାମାତମି କିନେ । ୧୩ ଏ ଜନ୍ତ କାବାଆନି କାମାୟାଁ କିନେ, ଏଦି ବାରେ ଲକୁ ନକିତା ହାଗୁଟି ଦାର୍ତ୍ତିତା ହିଚୁ ରିଞ୍ଜିକିନେ । ୧୪ ଇଞ୍ଜା ଏ ତଲିତି ଜନ୍ତ ନକିତା ଆମିନି କାବାଆନି କାମା କିହାଲି ଅଦିକାରା ବେଟାଆହାମାଚେ, ଏମ୍ବାଟି ଦାର୍ତ୍ତିତା ବାସାଆହାମାନି ଲକୁଣି ନାଡ଼ିକିହାଁ, ଆମିନି ଜନ୍ତ କାଣ୍ଡାତଲେ ଗାହାଁ ଆହାମାତି ଜିକେଏ ନୀଡିଚେ, ଏଦାନି ର ବମା କିହାଲି ଏଞ୍ଜାରାଇଁ ଏଲେଇନେ । ୧୫ ଏ ଜନ୍ତତି ବମା ଏନିକଁ ଜଲ୍ଲାଲି ଆଡିନେ ଅଡେ ଏଚେକା ଲକୁ ଜନ୍ତତି ବମାତି ଜହରା କିଅରି, ଏଞ୍ଜାରି ଏନିକଁ ପାୟିଞ୍ଜି ଆନେରି, ଏଦାଆଁତାକି ତାୟୁତି ଜନ୍ତକି ତଲିତି ଜନ୍ତତି ବମାକି ଜୀଞ୍ଜୁ ହାହାଲି ଅଦିକାରା ହାପୁକିଆଡେ । ୧୬ ଅଡେ ଏ ଜନ୍ତ ଉଣା, କାଜାରି, ବାଡ଼କୁ ଗାଗାରାଇଁ, ହାକି ଗାଗାରାଇଁ, ହଲିୟାଙ୍ଗା, ହଲିୟାଙ୍ଗା ଆଆତାରାଇଁ, ବାରେଜାଣାତି ତାନି ଚିଃନି କେୟୁତା ଆଆତ ମୁଞ୍ଜୁତା ର ସିନା ଇଟା କତାଲି ବାଲାମାତମି କିନେ । ୧୭ ଅଡେ ଏ ସିନା ଇତିହଁ ଜନ୍ତତି ଦରୁ ଆଆତ ତାନି ଦରୁତି ଲମ୍ବର ଇଟା କତାଆତି ଲକୁଣି ଏନାଆଁ କତାଲି କି ପାରଗାଲି ହାଏ ।

୧୮ ଏ ବାରେତାକି ବୁଦି ଲଡ଼ାମାନେ, ଆମ୍ବାଆରାକି ବୁଦି ମାନେ ଏଞ୍ଜାସି ଏ ଜନ୍ତତି ଲମ୍ବର ଏଜିକିପାସି, ଏନାଆଁତାକି ଇତିହଁ ଏଦି ର ମାଣ୍ଡାସିତି ଲମ୍ବର ଅଡେ ଏ ଲମ୍ବର ଆହିମାନେ ସ ଝାଞ୍ଜା ତାନିକଡ଼ି ସ ।

## ୧୪

ମେଣ୍ଡା ତାଲୁ ଅଡେ ତାନି ଲକୁ  
 ୧ ଏଚେଟିଏ ନାନୁ ସିନିକିହାଁ ମେସ୍ତେସ୍, ଅଡେ ମେଣ୍ଡା ତାଲୁ ସିୟନ

☆ ୧୪:୧ ୧୪:୧ ଝେ ବଲ୍ଲୁ ୭:୩

ହରୁତା ନିଚାମାନେ, ଅଡ଼େ ଆମ୍ବାଆରି ମୁଞ୍ଚୁତା ମେଣ୍ଡା ତାଲୁ ଇଞ୍ଜା ତାନି ଆବାତି ଦରୁ ରାୟକି ଆହାମାଚେ ଇଲେତି ଲକୁ ସାଡ଼ାକଡ଼ି ସାରି ମାଣା ଲକୁ ତାନିତଲେ ନିଚାମାଚାଣି ମେସ୍‌ସେଏ । ୨ ଅଡ଼େ ଲାକପୁରୁତି ଲଦ ଲଦ ଆହି ରିନି ଏୟୁ ଇଞ୍ଜା ହାଗୁ ଗୁଣନିଲେହେତି ର କାଜା ହାଡ଼ା ଝେଚେଏ, ଆମିନି ହାଡ଼ା ନାନୁ ଝେଚେଏ ଏଦି ସେରଜି ଡ଼ିଡ଼ିହିମାନାରି ହାଡ଼ାଲେହେ ଝେଜିମାଚେ । ୩ ସିଂଗାସାଣି ସାରିଗଟା ଜନ୍ତୁ ଅଡ଼େ ପ୍ରାଚିନାଜା ନକିତା ର ପୁଃନି ପାରୁ ପାଡ଼ିମାଚେରି, ଅଡ଼େ ଦାରତିଟି କଡ଼ଝି ଆହାମାନି ସାଡ଼ାକଡ଼ି ସାରି ମାଣା ଲକୁ ପସ୍‌ପେ ଆମ୍ବାଆରି ଏ ପାରୁ ପାଚାଲି ଆଡ଼ାଆଚେରି । ବାରେ ମାଣସି କୁଡ଼ା ବିଡ଼ାଟି ଝାରଇ ଏଝାରିଦେଁ ଗେଲ୍‌ପି ଆହାମାଚେରି । ୪ ଏଝାରି ଇୟାସିକା ତଲେ କାଲ୍‌ହାନା ତାମ୍ବୁ ଜାହାରାଇଁ ଦହ କିହାଁ କଡ଼ା ହିଲାଆଚେରି, ଇତିହ ଏଝାରି ଅଚ୍‌ହାରି, ମେଣ୍ଡା ତାଲୁ ଆମ୍ବିୟାଝାକି ହାନେ ଏଝାରି ତାନି ଜେଚ ହାନେରି, ଏଝାରି ମାହାପୁରୁତି ମେଣ୍ଡା ତାଲୁତି ତଲିତି ପାଡ଼େୟି ସମାନା ମାଣସିୟାଁ ବିଡ଼ାଟି ଗେଲ୍‌ପି ଆହାନା ମେଣ୍ଡା ତାଲୁ ନକିତା ହେରପିଆହାମାନେରି । ୫ ଏଝାରି ଗୁତିତା ଏନି ମିଟି ଜଲ୍‌ନାୟି ହିଲେଏ, ଏଝାରି ଦହ ହିଲାଆ ଗାଟାରି ।

ତାନି ଜାଣା ଦୂତୁ

୨ ଏଚେଟିଏ ନାନୁ ହାଗୁତି ମାଦି ଉମ୍ବିମାନି ର ଦୂତୁଇଁ ମେସ୍‌ସେଏ, ଏଦି ଦାରତିତା ବାସାଆହାମାନି ବାରେ ଗତି, କୁଡ଼ା, ହାଡ଼ା ଅଡ଼େ ଦେସାତି ଲକୁତାଣା ଝେକ୍‌ହାଲି କାଲ୍‌କାଲ୍‌ ତାକି ଡ଼ିୟିନି ନେହ କାରୁ ଝେକ୍‌ହି ମାନେସି । ୩ ଏଦି କାଜା ଗିୟାତଲେ ଏଲେଇଚେ “ମାହାପୁରୁଇଁ ଆଜାଦୁ ଅଡ଼େ ଏଝାଣାଇଁ ଗାଝୁରମି ହୀଦୁ, ଇତିହ ମାଣସିତି ନୀହାୟି କିନି ଦିନା ଏଗାଝାଡ଼େ, ଅଡ଼େ

ଆମ୍ବାଆସି ହାଗୁ, ଦାରତି, ସାମ୍‌ଦୁରି ଇଞ୍ଜା ଜାରଣା ଏୟୁତି ଗାଡ଼ିକିହା ମାନେସି, ଏଝାଣାଇଁ ଜହରା କିଦୁ ।”

୮ ତାନି ତାୟୁ ଅଡ଼େ ର ଦୂତୁ ଇତିହ ରୀ ଲମ୍ବର ଦୂତୁ ଝାହାନା ଏଲେଇଚେ, “ଆମିନି କାଜା ଗାଡ଼ା ବାବିଲନ ବାରେ କୁଡ଼ାତି ଲକୁଇଁ ତାନି ଦାରିକାମା କିଝିକିନି କାଡ଼ୁ ଉଚ୍‌ହାନା ହଚିକିହାମାଚେ, ଏଦି ରିହା ହାଜାମାନେ ।”

୯ ଏଦାଣି ତାୟୁ ଅଡ଼େ ର ଦୂତୁ ଇତିହ ତାନି ଲମ୍ବର ଦୂତୁ ଝାହାନା କାଜା ଗିୟାତଲେ ଏଲେଇଚେ, “ଆମ୍ବାଆସି ଏଜନ୍ତୁ ଅଡ଼େ ତାନି କିହାମାନି ବମାତି ଜହରା କିନେସି ଅଡ଼େ ମୁଞ୍ଚୁତା କି କେୟୁତା ତାନି ସିନା ଇଟା କଡ଼ିନେସି, ୧୦ ଏଝାସି ମାହାପୁରୁତି କପାଗାଟି ସଲ୍‌ତା ଝାକ୍‌ହାମାନି ହାରେକା କାର୍‌ବିତି କାଡ଼ୁ ଗହନେସି, ଆମ୍ବାଆରି ଇ କାମା କିନେରି ଏଝାରି ବାରେ ମେଣ୍ଡା ତାଲୁ ଅଡ଼େ ସୁଦୁ ଲାକପୁରୁତି ଦୂତୁୟାଁ ନକିତା ହିତୁ ଅଡ଼େ ଗାନ୍‌ଗାଟି ଗୁଣ୍ଡା ତଲେ କସ୍‌ ବେଟା ଆନେସି । ୧୧ ଇଲେତି ଲକୁଣି କସ୍‌ ହାନି ହିତୁ ବୟଁ କାଲ୍‌କାଲ୍‌ ତାକି ହଚେମାନେ, ଆମିନି ଗାଟାରି ଜନ୍ତୁ ଅଡ଼େ ବମାତି ଜହରା କିନେରି ଅଡ଼େ ତାନି ଦରୁ ଇଞ୍ଜା ସିନା ବେଟା ଆହାମାନେରି, ଏଝାରି ଲାଆଁ ମାଦେନା ଜମାଲି ବେଟାଆଅରି ।”

୧୨ ଇମ୍ବାଆଁ ମାହାପୁରୁ ଲକୁ ଇତିହ ମାହାପୁରୁତି ହୁକୁମି ମାନୁଝିଆନେରି, ଇଞ୍ଜା ଜୀସୁଇଁ ନାମିନେରି, ଏଝାରାକି ଅଚ୍‌ହିନାୟି ଲଡ଼ାମାନେ ।

୧୩ ଇଞ୍ଜା ଲାକପୁରୁତି ଇ ହାଡ଼ା ଝେଚେଏ, ଇ କାତା ରାଟାମ୍, “ନୀଏଁ ଆମ୍ବାଆରି ମାହାପୁରୁ ତାଣା ମାଞ୍ଜାନା ହାନେରି, ଏଝାରି ନେହେଁ ।” ଅଡ଼େ ନାନୁ ଝେଚେଏଁ ସୁଦୁଜୀଝୁ ଝେସିମାଞ୍ଜାନେ, “ଏଝାରି ତାମି କାମାତି ଝାହୁଟି ଜମିନେରି, ଇତିହ ଏଝାରି କାମାତି ପାଡ଼େୟି ଏଝାରିତଲେ ଡ଼ିୟିନେ ।”

ତାସା ଦାନାୟି

☆ ୧୪:୮ ୧୪:୮ ଝେ ବଲ୍ଲୁ ୧୮:୨

୧୪ ଅଡ଼େ ନାନୁ ମେସ୍ତେସ୍, ଇଚାୟି ଦବଲ୍ଲା ହାଗୁ ଇଞ୍ଜା ଏଦାଣି ଲାକ କୁଗାମାନେସି ର ମାଣ୍ଡସି ମୀରଏସି ଲେହେତସି; ତାନି ତାୟି ତୁ ବାଂଗାରା ଚପେରି, ଇଞ୍ଜା କେୟୁତା ର ଝାହନି କଚାତଖେଲି । ୧୫ ଏମ୍ବାଟିଏ ମାହାପୁରୁତି ଇଲୁଟି ର ଦୁତୁ ଝାହାନା ହାଗୁତା କୁଗାମାନାଣାଇଁ କାଜା ଗିୟିତଲେ ଏଲେଇଚେ, “ନୀ କଚାତଖେଲି ଆସାନା ତାସା ଦାମ୍ । ଦାରତିତି ତାସା ଦାଝନି କାଟୁ ଏଗାଝାଡେୟିଏ ।” ୧୬ ଇଦାଆଁ ଝେଞ୍ଜାନା ହାଗୁତା କୁଗାମାନି ମାଣ୍ଡସି ତାନି କଚାତଖେଲି ଅଗିତେସି ଇଞ୍ଜା ଦାରତିତି ତାସା ବାରେ କୁଡ଼ିକିଝିଆଡେ ।

୧୭ ଏଦାଆଁ ତାୟି ଲାକପୁରୁତି ମାହାପୁରୁ ଇଲୁଟି ଅଡ଼େ ର ଦୁତୁ ହଚାଝାଡେସି, ଏ ଦୁତୁକି କେୟୁତା ଜିକେଏ ଝାହନି କଚାତଖେଲି ମାଚେ ।

୧୮ ଅଡ଼େ ପୂଜା ପିଣ୍ଡାତି ହିରୁ ଅଦିକାରାତା ମାନି ର ଦୁତୁ କଚାତଖେଲି ଆସାମାନି ଅର ଦୁତୁଇଁ କାଜା ଗିୟିତଲେ ଏଲେଇଚେ, “କଚାତଖେଲି ଅଗାନା ଦାରତିତି ଅଞ୍ଜୁରି ବାଡ଼ାଟି ଅଞ୍ଜୁରିକା ବାରେ ଡଡ଼ହା ତୁହମ୍; ଏଝି ବାରେ କାମ୍ବାମାନୁ ।” ୧୯ ଏମ୍ବାଟିଏ ଦୁତୁ ଦାରତିତା ତାନି କଚାତଖେଲି ଅଗାନା ଅଞ୍ଜୁରି ମାଡ଼ାୟିଟି ଅଞ୍ଜୁରି ଡଡ଼ହେ ଇଞ୍ଜା ଏଝି ମାହାପୁରୁ କାରବିତି ଅଞ୍ଜୁରି ପାଡ଼ିକିନି ଦନିତା ମେଡ଼ହେ । ୨୦ \*ଗାଡ଼ାତି ପାଞ୍ଜାତା ମାନି ଏ ଦନିତା ଅଞ୍ଜୁରି ପାଡ଼ିକିଝିଆଡେ ଇଞ୍ଜା ଏମ୍ବାଟି ଗଡ଼ାୟି ବାକେରି ପାତେକା ନିଞ୍ଜାନା ତାନି ଝାଞ୍ଜା କିଲମିଟର ହେକ ପାତେକା ଇଞ୍ଜା ରୀ ମିଟର ଲାକ ପାତେକା ନେତେରି ଝାଞ୍ଜାଡେ ।

### ୧୫

ସାଡ଼ାଗଟା ରଗ କିନି ସାଡ଼ାଗଟା ଦୁତୁୟି

୧ ଏମ୍ବାଟିଏ ନାନୁ ହାଗୁତା ଅଡ଼େ ର କାବାଆନି ଲେହେତି ସିନା ମେସ୍ତେସ୍,

ସାଡ଼ାଗଟା ଦୁତୁୟି ସାଡ଼ାଗଟା ରଗୟି ତାନି କେୟୁତା ଆସାନା ତଞ୍ଜାଆତୁ, ଏ ରଗୟି ମାହାପୁରୁତି କପା ତହୁନାୟି ରାନାୟି ମାଚେ ।

୨ ଅଡ଼େ ନାନୁ ମେସ୍ତେସ୍, ହିରୁ କାଲ୍ଲହିତି ଦାପେଣି ଲେହେତି ସାମ୍ବୁରି, ଆମ୍ବାଆରି ଜନ୍ତ, ଏଦାନି ବମା ଇଞ୍ଜା ଏଦାନି ଦରୁତି ଲମ୍ବରଟି ଜୀଣା ଆଡ଼ାରି, ଏଝାରି ମାହାପୁରୁ ହୀହାମାନି ସେରଞ୍ଜି ଆସାନା ଗାକୁ ଲେହେତି ସାମ୍ବୁରି ଗିରୁତା ନିଚାମାଚେରି । ୩ ଏଝାରି ମାହାପୁରୁ ହୀତି ରାମଗଂଟା ଝେତିହିଁ ମାହାପୁରୁତି ସେବାକିନି ମସାତି ପାରୁ ଇଞ୍ଜା ମେଣ୍ଡା ତାଲୁତି ପାରୁ ପାଡ଼ିହିଁ ଏଲେ ଇଞ୍ଜା ମାନେରି,

“ବାରେତି କିହାଁ ବାଡ଼ୁୟୁ ଗାଟି ପ୍ରବୁ ମାହାପୁରୁତି,

ନୀ କାମା ଏଚେକା କାଜାୟି ଅଡ଼େ କାବା ଆନାୟି,

ବାରେ ଲକୁତି ରାଜାତି,

ନୀ କାମାତି ଜିରୁ ବାରେ ନୀହାଁୟି ଗାଗାୟି ଇଞ୍ଜା ସାତାତାୟି ।

୪ ପ୍ରବୁ ! ନିଞ୍ଜେ ଆମ୍ବାଆସି ଆଜାଆ ଗାଗାସି ମାନେସି ?

ଆମ୍ବାଆସି ନୀ ଗାଝୁରମି ଝେକ୍‌ଆଗାଟାସି ମାନେସି ?

ଇତିହିଁ ନାନୁ ରଅତିଏ ସୁଦୁ ଗାଗାତି;

ବାରେ କୁଡ଼ାତି ଲକୁ ଝାହାନା ନୀ ପୂଜା କିନେରି,

ଏନାଆଁତାକି ଇତିହିଁ ନୀ ଦାମ୍ବୁଗାଟି ନୀହାଁୟିତି କାମାୟି ବାରେଜାଣା ମେସାମାନେରି ।”

\* ଏମ୍ବାଟିଏ ନାନୁ ମେସ୍ତେସ୍, ଲାକପୁରୁତି ସାକି ହାନି ତୁମ୍ବୁ ଦେଝୁଡ଼ିତି ଦାରା ଦେପିଆଡେ ୨ ସାଡ଼ାଗଟା କସ୍ତୁୟି ଆସାମାନି ସାଡ଼ାଗଟା ଦୁତୁୟି ଲାକପୁରୁତି ଦେଝୁଡ଼ିତି ହଚାଝାଡ଼ୁ; ଏଝି ଅପ୍‌ହି ମିହୁନି ହିମ୍ବିରିକା ହୁଚାମାରୁ ଇଞ୍ଜା ଏଝାସିକା ବକ ସାରିସୁଟୁ ବାଂଗାରା ପାଟା ଦସାମାରୁ । ୩ ସାରିଗଟା

\* ୧୪:୨୦ ୧୪:୨୦ ଝେ ବଲ୍ଲ ୧୯:୧୫

ଜନ୍ତୁୟାଁ ବିଦ୍ରାଠି ର ଜନ୍ତୁ କାଲେଏତାକି ନୀତାମାନି ମାହାପୁରୁ କପାତଲେ ନେଞ୍ଜାମାନି ସାଡାଗଟା ବାଂଗାରା ଗିନାୟାଁ ଏ ସାଡାଗଟା ଦୂତୁୟାଁକି ହୀତେ । ୮ ମାହାପୁରୁତି ଗାଝୁରମି ଅଡ଼େ ତାନି ବାଡ଼ୁୟାଁକି ହିଠିମାନି ବୟାଁ ଦେଝୁଡ଼ିତା ନେଞ୍ଜାହାତେ; ସାଡାଗଟା ଦୂତୁୟାଁ ତାରାମାନି ସାଡାଗଟା ରଗାୟାଁ ରାଆ ପାତେକା ଏ ଦେଝୁଡ଼ି ବିଦ୍ରା ଆମ୍ବାଆସି ହଡାଲି ଆଡାଆତେସି ।

## ୧୭

ମାହାପୁରୁ କପାତି ସାଡାଗଟା ଗିନାୟାଁ

୧ ଏଚେଟିଏ ନାନୁ ଝେଚେଏଁ, ଦେଝୁଡ଼ିଟି ରଅସି କାଜା ଗିୟାଁତଲେ ଏ ସାଡାଗଟା ଦୂତୁୟାଁକି ଝେସିମାଚେସି, “ହାଜୁ, ସାଡାଗଟା ଗିନାୟାଁଣା ନେଞ୍ଜାମାନି ମାହାପୁରୁତି କପାତି ଦାରତି ଲାକ ଝାକ୍‌ଦୁ !”

୨ ଏଚେଟିଏ ମୁଲୁତି ଦୂତୁ ହାଜାନା ତାନି ଗିନାତା ଏନାୟାଁ ମାଚେ, ଦାରତି ଲାକ ଝାକ୍‌ହେ; ଦେବୁଣିଏ ଆମ୍ବାଆରି ତାଣା ଜନ୍ତୁତି ସିନା ମାଚେ, ଇଞ୍ଜା ତାନି ବମାତି ପୂଜା କିହାମାଚେରି, ଏଝାରି ଆଜ୍ଞାତା ହାଚେକା କସ୍ତଗାଟି ବାସା ପଟ୍‌କା ହତୁ । ୩ ଏଚେଟିଏ ରୀ ଲମ୍ବର ଦୂତୁ ତାନି ଗିନାତାଣି ସାମ୍‌ଦୁରି ଲାକ ଝାକ୍‌ହେ; ଇଞ୍ଜା ସାମ୍‌ଦୁରିତି ଏୟୁ ହାଡ଼ି ଲକୁତି ନେତେରିଲେହେଁ ଆଡୁ, ଇଞ୍ଜା ସାମ୍‌ଦୁରିତା ମାଚି ବାଚେ ଜନ୍ତୁୟାଁ ହାହାହାଚୁ ।

୪ ତାନି ଲମ୍ବର ଦୂତୁ ତାନି ଗିନାତା ଏନାୟାଁ ମାଚେ, କାତା ଇଞ୍ଜା ଉସା ଏୟୁ ଲାକ ଝାକ୍‌ହେ; ଇଞ୍ଜା ଏ ଏୟୁ ବାଚେ ନେତେରି ମିଶହା ହାଚୁ । ୫ ଏଚିବେଲାତା ନାନୁ ଝେଚେଏଁ, ଏୟୁ ଲାକ ଅଦିକାରା ବେଟାଆହାମାନି ଦୂତୁ ଏଲେଇଞ୍ଜିମାଚେ, “ନାନୁ ସୁଦୁ ଗାଚାତି, ନୀଏଁ ମାନାତି ଅଡ଼େ ତଲିଏ ମାଚାତି; ନାନୁ ତୀରପୁତଲେ ନୀହାୟାଁ କିହାମାଞ୍ଜି । ୬ ଏଝାରି ମାହାପୁରୁ ଲକୁଇଁ ଇଞ୍ଜା ମାହାପୁରୁ

ଅଣ୍‌ପୁତି ବଲ୍ଲୁ ଝେହନାରି ଆମିନି ନେତେରି ବକ୍‌ହାମାଚେରି, ଏଦାଆଁ ମୀରୁ ଏଝାରାଇଁ ଉଟ୍‌ହାମାଞ୍ଜି । ଏଝାରି ଏନାଆଁ ବେଟାଆନାଣି ବେଟାଆହାମାନେରି ।” ୭ ଏଚେଟିଏ ପୂଜା ପିଣ୍ଡାଟି ର ହାଡ଼ା ଝେଚେଏଁ, ବାଚେତି କିହାଁ ବାଡ଼ୁୟାଁଗାଟି ମାହାପୁରୁ ପ୍ରୁ ! ନୀ ନୀହାୟାଁ ବାଚେ ସାତା ଅଡ଼େ ଚିକାଣାତାୟି ।

୮ ସାରି ଲମ୍ବର ଦୂତୁ ତାନି ଗିନାତା ମାଚାଣି ଝେଡ଼ା ଲାକ ଝାକ୍‌ହେ, ଏଦାଆଁତାକି ଝେଡ଼ା ହାଚେକା ତୀଞ୍ଜାନା ଲକୁଣି ହୁଡିତେ । ୯ ଏଚିବେଲା ଲକୁ କଣଚା ହାଚି କାରାତା ଝେହାହାଚେରି, ଅଡ଼େ ଇ ସାସି ଲାକ ଅଦିକାରା ମାନି ମାହାପୁରୁ ଦରୁତି ନିନ୍ଦାକିତେରି । ସାମା ହିୟାଁ ବାଦଲି କିହାଁ ଏଝାଣି ଗାଝୁରମି କିଆତେରି ।

୧୦ ପାସା ଲମ୍ବର ଦୂତୁ ତାନି ଗିନାତା ମାଚାଣି ଜନ୍ତୁତି ସିଂଗାସାଣି ଲାକ ଝାକ୍‌ହେ । ଜନ୍ତୁତି ରାଜିତା ଆନ୍ଦେରି ଆହାହାଚେ, ଇଞ୍ଜା ଲକୁ କସ୍ତଲେ ତାମି ଝେନ୍ଦରିକା କାଚା କତିତେରି । ୧୧ ଅଡ଼େ ଏଝାରି ଆଜ୍ଞାତି ରାଣାରାକା ତାକି ଇଞ୍ଜା ପକାୟାଁ ବାସା ତାକି ଲାକପୁରୁତି ମାହାପୁରୁକି ବାକା ଇଚିତେରି । ସାମା ତାମି ଲାଗେଏତି କାମାଟି ମନ ଝେଟ୍‌ଆତେରି ।

୧୨ ସା ଲମ୍ବର ଦୂତୁ ତାନି ଗିନାତା ମାଚାଣି ପରାଡ଼ କାଜା କାତା ଲାକ ଝାକ୍‌ହେ, ଏ କାତାତି ଏୟୁ ଝାୟାହାଚୁ, ଝେଡ଼ା ହପୁ ଝାକିଟି ଝାହିମାନି ରାଜାୟାଁକି ଜିରୁ ପାରଲିଆଡେ । ୧୩ ଏଚେଟିଏ ନାନୁ ମେସ୍ତେଏଁ, ପାନାୟାଁଲେହେଁ ତଞ୍ଜାଆହିମାନି ତାନିଗଟା ଲାଗେଏତି ଜୀଝୁୟାଁ । ଏଝି ରାଚୁ ଗୁଡିଟି, ଜନ୍ତୁତି ଗୁଡିଟି, ମିଚି ବଲ୍ଲୁ ଝେହନାରି ଗୁଡିଟି ହଚାଝାହିମାଚୁ । ୧୪ ଏ ଲାଗେଏତି ଜୀଝୁଗାଟି ବୁତୁୟାଁ କାବାଆନି କାମା କିହାଲି ଆଡ଼ିନୁ, ଏଝି ବାଡ଼ୁୟାଁ ଗାଟି ମାହାପୁରୁତି ଦିନାତା ଜୁଦୁ କିହାଲିତାକି ଦାରତିତି ରାଜାୟାଁଣି କୁଡ଼ିକିହାଲି ହଚାହାଚୁ ।

୧୫ \*ଝେଞ୍ଜୁ ! ନାନୁ ସରୁଲେହେଁ  
ଝାଈଁ, ଆମ୍ବାଆସି ଜାଗ୍ରାତା ଆହଁ ସରୁ  
ତାଣାଟି ଜାହାରା ହିମ୍ବରକା ଡ଼କୁହାଲି  
ଆଡ଼ିମାନେସି, ଏଝାସି ନେହେଁ । ଏଝାସି  
ନାଗଡ଼ା ଆହଁ ରେଅସି, ଅଡ଼େ ଏଝାସି  
ଲାଇ ବେଟାଆସି ।”

୧୬ ପଲ୍ଲଆ ଜୀଝୁୟାଁ ଏ ବେଲତା  
ଦାରତିତି ରାଜାୟାଣି ଆମିନି ଗାୟୁତା  
କୃଡ଼ିକିତୁ ଏବି ହାଡ଼ାତଲେ ଏଦାନି ଦରୁ  
ଆମ୍ବାଗାତେନ ।

୧୭ ସାତା ଲମ୍ବର ଦୂଡୁ ତାନି ଗିନାତା  
ମାଗାଣି ଗାଲି ଲାକ ଝାକ୍‌ହେ, ଏଚେଟିଏ  
ଦେଝୁଡ଼ିତି ସିଂଗାସାଣିଟି ର କାଜା ହାଡ଼ା  
ଝେଙ୍ଗାଡେ, “ଇଦାଆଁ କିଝିଆଡେ !”  
୧୮ \*ଦେବୁଣିଏ ବିଲିବାଲା ଆହଁ  
ମୁସ୍ତେ ଇଞ୍ଜାଁ ହାଗୁ ଗୁଣିନି ହାଡ଼ା  
ଆଡେ, ଇଞ୍ଜାଁ ହାରେକା ବୁମି ଝାଡ଼ିଡେ,  
ଇତିହଁ ଦାରତିତା ମାଣସିୟାଁ ଗାଡ଼ିଆଡ଼ି  
ଦିନାଟିଏ ଏଚେଲାଝା ଇଲେତି ବୁମି  
ଝାଡ଼ାହିଲାଆଡେ, ଇଦି ବାରେକିହଁ  
ଆଜିହପେତି ବୁମି ଝାଡ଼ିନାୟି ମାଚେ ।  
୧୯ ଏମ୍ବାଟିଏ ଏ କାଜା ଗାଡ଼ା ତାନି ବାଗା  
ତଲେ ବାଗା ଆଡେ ଅଡ଼େ ଦାରତିତି  
ବାରେ ଗାଡ଼ାୟାଁ ବିଡ଼ହାହାରୁ, ଅଡ଼େ  
କାଜା ଗାଡ଼ା ବାବିଲନତି ମାହାପୁରୁ ବାଣା  
ଆହା ହିଲାଆଡେସି, ଏଝାସି ତାନି ଗହନି  
ସଲ୍ଲାଟି ତାନି ହାରେକା କପାଗାଟି କାଡ଼  
ଏଝାଣାଈଁ ଉଡ଼ହେସି । ୨୦ \*ସାମଦୁରି  
ମାଦି ମାନି ଦେସାୟାଁ ମେଣ୍ଟାହାଡ଼ୁ  
ଇଞ୍ଜାଁ ହରକା ବାରେ ଡ଼ଗୁା ହାଡ଼ୁ । ୨୧ \*ରା  
କଡ଼ି ଦସ କେଜି ଦକୁଗାଟି ଆଜିୟାଁ ହାଗୁ  
ଲାକଟି ମାଣସିୟାଁ ଲାକ ରିଡୁ, ଲକୁ ଈ  
ମରଡ଼ି ତାକି ମାହାପୁରୁଈଁ ନିନ୍ଦାକିଡେରି  
।

### ୧୭

#### ଝେଙ୍ଗାଡ଼ି ଦାରେଣି

୧ ଏମ୍ବାଟିଏ ସାତାଗଟା ଗିନାୟାଁ  
ଆସାମାନି ଦୂଡୁ ବିଡ଼ାଟି ରଣ୍ଡି ନା ଡାଗେ  
ଝାହାନା ଏଲେଇଞ୍ଜାଡେ, “ଇମ୍ବାଆଁ ଝାମୁ

ହାରେକା କାତା ଦାରି ଗାଡ଼ି ଆହାମାନି  
ଦାରେଣି ଲେହେଁତି କାଜା ଗାଡ଼ା ଏନି  
ସାସି ବେଟାଆଡେନ ଏଦାଆଁ ତସାଈଁ  
। ୨ ଦାରତିତି ରାଜାୟାଁ ଏ ଦାରେଣି  
ତଲେ ଦାରିକାମା କିହାମାନେରି, ଇଞ୍ଜାଁ  
ଦାରତିତା ବାସା ଆହାମାନାରି ବାରେ  
ଦାରି କାମାଲେହେଁତି କାଡ଼ୁ ଗସାହଁ  
ହଡ଼ାମାନେରି ।”

୩ \*ଏଚିବେଲତା ସୁଦୁଜୀଝୁ ନା  
ତାଣା ଝାଡେ ଇଞ୍ଜାଁ ଏ ଦୂଡୁ ନାଈଁ  
ବାଃଲି ବୁମିତା ଅୟାଡେ । ଏମ୍ବାଆଁ ନାନୁ  
ମେସ୍ତେସି, ର ପାରୁ ଝାଣାଗାଟି ଜଡ଼  
ଲାକ ର ଇୟା କୁଗାମାଚେ । ଏ ଜଡ଼ତି  
ଆଙ୍ଗାତା ମାହାପୁରୁ ନିନ୍ଦାକିନି ଦରକା  
ରାସକି ଆହାମାରୁ, ଅଡ଼େ ଏଦାନାକି  
ସାତାଗଟା ତାକାଁ ଇଞ୍ଜାଁ ଦସଗଟା କମକା  
ମାରୁ । ୪ ଏ ଇୟା ହେୟାଁ ଲେହେଁତି  
ଝାଣା ଅଡ଼େ ପାରୁ ଝାଣାଗାଟି ହିମ୍ବରି  
ହୁଟାମାଚେ, ଇଞ୍ଜାଁ ଏଦି ବାଂଗାରା ଅଡ଼େ  
ଗାଡ଼ି ଦାରାଗାଟି ମଣି, ମୁଲ୍ଲା ତଲେ  
ସାଦୁ ଆହାମାଚେ, ତାନି ନାଡ଼ିକିନି  
ପାଡ଼େୟିକା ଲେହେଁ ଅପାଆଗାଟି ଦିଣ୍ଡୁ  
ଇଞ୍ଜାଁ ଦାରିକାମା କିନି ଲାଗେଏତି କାମା  
ତଲେ ନେଞ୍ଜାମାନି ର ବାଂଗାରା ଗିନା  
ଏଦି ଆସାମାଚେ । ୫ ଏଦାନି ମୁଞ୍ଜୁତା  
ଡ଼ଗୁାମାନି ର ଦରୁ ରାସକି ଆହାମାଚେ,  
“କାଜା ଗାଡ଼ା ବାବିଲନ ଦାରତିତି  
ବାରେ ଦାରି ଇଞ୍ଜାଁ ଅପାଆଗାଟି କାମାଡ଼ି  
ତାଲି ।” ୬ ନାନୁ ଅଡ଼େ ମେସ୍ତେସି,  
ଏ ଆୟାଟି ମାହାପୁରୁ ଲକୁ ଇଞ୍ଜାଁ  
ଜୀସୁ ତାଣା ମାନି ତଲେ ମାଞ୍ଜା ସାକି  
ହୀହାନା ହାହାମାନି ଲକୁଡ଼ି ନେଡେରି  
ଗସାନା ହଡ଼ାମାଚେ । ନାନୁ ଏଦାନି  
ମେସାନା ହାରେକା କାବା ଆଡେସି ।  
୭ ଅଡ଼େ ଦୂଡୁ ନାଈଁ ଏଲେଇଞ୍ଜାଡେ,  
“ଏନାଆଁତାକି କାବା ଆହିମାଞ୍ଜି ? ନାନୁ  
ଏ ଆୟାଟି ଅଡ଼େ ସାତା ଗଟା ତାକାଁ  
ଇଞ୍ଜାଁ ଦସଗଟା କମକା ଗାଟି ଏଦାଣି  
ଡ଼େକାମାନି ଜଡ଼ତି ଡ଼ଗୁାମାନି କାତା

\* ୧୭:୧୫ ୧୭:୧୫ ମାତି ୨୪:୪୩,୪୪; ଲୁକ ୧୨:୩୯,୪୦; ଝେ ବଲ୍ଲ ୩:୩୩ \* ୧୭:୧୮ ୧୭:୧୮ ଝେ ବଲ୍ଲ ୮:୫;  
୧୧:୧୩,୧୯ \* ୧୭:୨୦ ୧୭:୨୦ ଝେ ବଲ୍ଲ ୭:୧୪ \* ୧୭:୨୧ ୧୭:୨୧ ଝେ ବଲ୍ଲ ୧୧:୧୯ \* ୧୭:୩ ୧୭:୩  
ଝେ ବଲ୍ଲ ୧୩:୧ \* ୧୭:୮ ୧୭:୮ ଝେ ବଲ୍ଲ ୧୧:୭

ନାନୁ ନିଜେ ଝେସିମାଞ୍ଜାଇଁ, ଝେନାମ୍ବୁ ।<sup>୮</sup> \*ଜନ୍ତୁ ର ଦିନା ନୀତାମାତେ; ନୀର୍ବ ଅଡ଼େ ନୀତାହିଲେଏ, ସାମା ତବେ ତାଡ଼େପୁରୁଟି ନିଜା ଖାନ୍ନେ ଇଞ୍ଜା ଅର ଦେବା ନାସା ଆନେ । ଦାର୍ତ୍ତି ଗାଡ଼ି ଆଡ଼ି ନକେଏ ଆମ୍ବାଆରି ଦରୁ ଜୀଝୁତି ପତିତା ରାସ୍‌କି ଆହାହିଲେଏ, ଦାର୍ତ୍ତିତା ବାସାଆହାମାନି ବାରେ ଲକୁ ଜନ୍ତୁଇଁ ମେସାଁ କାବାଆନେରି । ଏଦି ର ଦିନା ନୀତାମାତେ, ନୀର୍ବ ଅଡ଼େ ହିଲେଏ, ସାମା ଅଡ଼େ ର ଦେବା ତଞ୍ଜାଆନେ ।”

୯ “ଇ ବାରେ କାତା ତେଲ୍‌ହାଲି ତାକି ବୁଦି ଲଡ଼ାମାନେ । ଜନ୍ତୁତି ସାତାଗଟା ତାର୍କା ସାତେଏ ସାତାଗଟା ହରକା, ଆମିନି ଲାକ ଆୟାଟି କୁଗାମାନେ । ଏଝି ଜିକେଏ ସାତା ଜାଣା ରାଜାୟା ଲେହେଁ ।<sup>୧୦</sup> ଏଝାରି ବିତ୍ରାଟି ପାସାଜାଣା ମେଣ୍‌ଜା ହାଜାମାନେରି, ନୀର୍ବ ରଅସି ମାନେସି, ଅଡ଼େ ରଅସି ନୀର୍ବ ପାତେକା ଖାହାହିଲଅସି, ଏଝାସି ଖାଡ଼ିସାରେ ଗାଡ଼େକା ତାକିଏ ସାଲ୍‌ଝି କିନେସି ।<sup>୧୧</sup> ଅଡ଼େ ଆମିନି ଜନ୍ତୁ ର ଦିନା ନୀତାମାତେ, ଏଦି ଆଟା ଲମ୍ବର ରାଜା, ଏ ବାରେ ରାଜାୟା ବିତ୍ରାଟି ରଅସି ଇଞ୍ଜା ଏଝାସି ଜିକେଏ ତବେ ନାସା ଆନେସି ।”

୧୨ “ମୀରୁ ମେସାମାନି ଦସଗଟା କମ୍‌କା, ଦସ ଜାଣା ରାଜାୟା ଲେହେଁ, ଏଝାରି ନୀର୍ବ ପାତେକା ସାଲ୍‌ଝି କିହାହିଲଅରି । ସାମା ଜନ୍ତୁ ତଲେ ସାଲ୍‌ଝି କିହାଲିତାକି ର ଗଟା ତାକି ଏଝାରାକି ବାଡ଼ୁୟୁ ହୀପ୍‌କିଆନେ ।<sup>୧୩</sup> ଏଝାରି ରଣ୍ଡିଏ ଅଣ୍‌ପୁ ତଲେ ମାଞ୍ଜାନା ତାମି ବାଡ଼ୁୟୁ ଅଡ଼େ ଅଦିକାରା ଏ ଜନ୍ତୁକି ହୀନେରି ।<sup>୧୪</sup> ଏଝାରି ମେଣ୍‌ଜା ତାଲୁ ତଲେ ଜୁଜୁ କିନେରି, ଅଡ଼େ ମେଣ୍‌ଜା ତାଲୁ ଏଝାରାଇଁ ଜୀଣା ଆନେ, ଇଟିହଁ ଏଝାସି ପ୍ରବୁ କିହାଁ ପ୍ରବୁ ଅଡ଼େ ରାଜା କିହାଁ ରାଜା, ଅଡ଼େ ଆମିନି ଗାଟାରି ଏଝାଣିତଲେ ମାନେରି ଏ ହାଟାମାନାରି, ଆଟାମାନାରି ଅଡ଼େ ନାମ୍‌ଗାଟାରି ଜିକେଏ ଜୀଣା ଆନେରି ।”

୧୫ ଦୂତୁ ନାଜେ ଅଡ଼େ ଏଲେଇଞ୍ଜାତେ,

“ନୀନୁ ଆମିନି ଏୟୁଣି ମେସି, ଆମିନି ଲାକ ଏ ଦାରେଣି କୁଗାମାନେ, ଏଦି ଆହିମାନେ ଏଟ୍‌କା ଏଟ୍‌କାତି ଦେସା, କୁଡ଼ା, ଗଟି ଇଞ୍ଜା ହାଡ଼ାଗାଟି କୁଲମି ।<sup>୧୬</sup> ନୀନୁ ମେସାମାନି ଦସଗଟା କମ୍‌କା ଇଞ୍ଜା ଏ ଜନ୍ତୁ, ଦାରେଣିନି ଅପାତ; ଏଝି ଏଦାନି ତାଣାଟି ବାରେ ପିସ୍‌ପିକହା ଅହାନା ନାଗ୍‌ଡ଼ା କିହାନା ପିହୁନୁ । ଏଝି ଏଦାନି ଉଜ୍‌ଜା ତିଞ୍ଜାନା ହିରୁତା ହୁତାନା ନାସା କିନୁ ।<sup>୧୭</sup> ଏନାଆଁତାକି ଇଟିହଁ, ମାହାପୁରୁ ତାନୁ ଅଣ୍‌ପାମାନାଣି କିହାଲିତାକି ଏଝାଆଁତାକି ଇ ଅଣ୍‌ପୁ ହୀହାମାନେସି । ଏଝି ରଣ୍ଡିଏ ମନ ଆହାନା କାମା କିନୁ ଇଞ୍ଜା ମାହାପୁରୁଟି ବଲ୍ଲୁ ସାତାତଲେ ଆଆପାତେକା ରାକ୍‌କିତି ସାଲ୍‌ଝି କିନି ବଜୁ ଏ ଜନ୍ତୁ କେୟୁତା ପିସାହାନେସି ।”

୧୮ “ଇଞ୍ଜା ଆମିନି ଆୟାଟି ମେସି, ଏଦି ଆହିମାନେ, ଦାର୍ତ୍ତିତି ରାଜାୟାଣି ସାଲ୍‌ଝି କିହିମାନି ଏ କାଜା ଗାଡ଼ା ।”

## ୧୮

ବାବିଲନ ନାସା ଆନାୟି

୧ ଏରେଟିଏ ନାନୁ ଅଡ଼େ ର ଦୂତୁଇଁ ଲାକପୁରୁଟି ରେଟା ଖାହିମାଟାଣି ମେସେସ୍‌; ଏଝି କାଜା ଅଦିକାରା ଗାଟାୟି, ତାନି ଗାଝୁରମି ତାକି ଦାର୍ତ୍ତି ବାରେ ଉଜେଡ଼ି ଆହାହାରେ ।<sup>୨</sup> \*ଏଦି କାଜା ହାଡ଼ାତଲେ କାଲ୍‌ଝି ଆହଁ ଏଲେଇରେ, “କାଜା ଗାଡ଼ା ବାବିଲନ ମେଣ୍‌ଜାତେ ! ଏଦି ବାରେ ମେଣ୍‌ଜାତେ ! ଏଦି ବୁଡୁୟାଁ ବାସାଟାୟୁ ଅଡ଼େ ପଲ୍‌ଆ ଜୀଝୁୟାଁ ଅଡ଼େ ପଲ୍‌ଆ କାମାୟା, ଇଞ୍ଜା ଅପାଆଗାଟି ପଟାୟାଟି ବାସାଟାୟୁ ଆହାମାନେ ।<sup>୩</sup> ଇଟିହଁ ବାରେ ଜାଡ଼ିତାରି ତାନି ଦାରି କାମାଲେହେଁଡ଼ି କାଡ଼ୁ ଗ୍ରାସାମାନେରି, ଦାର୍ତ୍ତିତି ରାଜାୟା ତାନିତଲେ ଦାରିକାମା କିହାମାନେରି, ଅଡ଼େ ଦାର୍ତ୍ତିତି ବେବାରା ଗାଟାରି ତାନି ଜୁପ୍‌କାଟି ବାଡ଼କୁ ଗାଟାରି ଆହାମାନେରି ।”

\* ୧୮:୨ ୧୮:୨ ଝେ ବଲ୍ଲୁ ୧୪:୮

୪ ଏଚେଟିଏ ନାନୁ ଲାକପୁରୁଟି ଅଡ଼େ  
ର ହାଡ଼ା ଏଲେ ଇଞ୍ଜିମାନାଣି ଝେଚେଏ,  
“ଏ ମା ଲକ୍ଷ୍ମତେରି ! ଏନାଆଁତାକି ଏଦାନି  
ତାଣାଟି ହଡ଼ା ଖାଦୁ !

ମୀରୁ ଏନିକ ଏଦାନି ପାପୁତା  
ଆଣ୍ଡଅଚେରି;  
ଇଞ୍ଜା ତାନି ତଣ୍ଡତି ବାଗା  
ବେଗାଆଅଚେରି;

୫ ଏନାଆଁତାକି ଇଚିହ ଏଦାନି ପାପୁ  
ବାରେ ଲାକପୁରୁ ପାଚେକା  
ଏଜାମାନେ,

ଅଡ଼େ ଏଦି କିହାମାନି ଲାଗେଏତି  
କାମା ମାହାପୁରୁ ମନତା  
ଅଣ୍ଡପାମାନେସି ।

୬ ଏଦି ମିଙ୍ଗେ ଏନି କିହାମାଞ୍ଜାନେ  
ଏଲେକ ଏନାଆଁତାକି  
କିଦୁ;

ତାନି କିହାମାନାଣି କିହାଁ ରୀ ଗୁଣ୍ଡ  
ଝେବୁଦୁ,

ଏଦି ଆମିନି ସଲ୍ଲତା କାଡ଼ୁ  
ଆଟ୍ଟହାମାନେ,  
ଏମ୍ବାଆଁ ରୀ ଗୁଣ୍ଡ କାଡ଼ୁ ତାନି  
ସଲ୍ଲତା ଆଟ୍ଟଦୁ ।

୭ ଏଦି ଏଚେକା ତାନି ଗାଝୁରମି  
କିହାମାନେ ଅଡ଼େ ବଡ଼ପଣ  
ତଲେ ମାଞ୍ଜାମାନେ,

ଏଲେକ ଏଦାନାକି ଦୁକୁ କସ୍ତ  
ହୀଦୁ;

ଏନାଆଁତାକି ଇଚିହ ଏଦି ଜାହାରାଈ  
ମନତା ଝେସା କଡ଼ିମାନେ,

‘ନାନୁ ରାଣି ଆହାଁ କୁଗାମାଈ,  
ନାନୁ ରାଣ୍ଡେଣିଚେଏ ଆଏ,  
ନାଙ୍ଗେ ଏଚେଲାଞ୍ଜା ଦୁକୁ କିହାଲି  
ଆଏ ।’

୮ ଇଦାଣିତାକି ର ଦିନା ବିତ୍ରା ତଣ୍ଡ  
ପାଣ୍ଡନେ,

ଇଚିହ ହାକି, ଡ଼ାକି, ଅଡ଼େ  
କାରୁଖୁ ଆନେ,

ଅଡ଼େ ଏଦି ହିରୁତା ଝେହାହାନେ,

ଇଚିହ ଏଦାନି ନାହାଁୟି କିନାସି  
ପୁରୁ ମାହାପୁରୁ ବାରେ ବାଡ଼ୁ  
ଗାଟାସି ।”

୯ ଦାରୁତିତି ବାରେ ରାଜାୟାଁ  
ତାନିତଲେ ଦାରିକାମା କିହାନା ରାହାଁଟି  
ନୀତାମାନେରି, ଏଞ୍ଜାରି ଏଦାନି ହୁଡ଼ିମାନି

ହିରୁ ବୟ ମେହନେରି, ଇଞ୍ଜା ଏଦାନି  
ତାକି ଦୁକୁ ଆହାଁ ଡ଼ାନେରି; ୧୦ ଏଞ୍ଜାରି  
ଏଦାନି କାକୁଲିଟି ଆଜିତାକି ହେକ  
ନିଚାନା ଏଲେଇନେରି, “ଆୟଡ଼ା,  
ଆୟଡ଼ା, କାଜା ଗାଡ଼ା, ବାଡ଼ୁୟୁ ଗାଟି  
ଗାଡ଼ା ବାବିଲନ ନାନୁ ବାକା ପଣ୍ଡନାତି,  
ଇଚିହ ରଣ୍ଡିଏ ଗଂଟା ବିତ୍ରା ନୀ ତଣ୍ଡ  
ଞ୍ଜାଡ଼େ !”

୧୧ ଅଡ଼େ ଦାରୁତିତି ବେଦାରା ଗାଟାରି  
ଏଦାନି ତାକି ଦୁକୁ ଆହାଁ ଡ଼ାନେରି,  
ଏନାଆଁତାକି ଇଚିହ ଏମ୍ବାଆରି ଏଞ୍ଜାରି  
ପାରୁନି ଦିଶ୍ପୁ କଡ଼ଅରି, ୧୨ ଇଚିହ  
ବାଂଗାରା, ଝେଣ୍ଡି, ଦାରା ଗାଟି ମଣି ଅଡ଼େ  
ମୁଲ୍ଲାୟାଁ, ସିଲ୍ଲକୁ ହିମ୍ବୁରିକା, ହେୟାଁ  
ଞ୍ଜାଣାଗାଟି ହିମ୍ବୁରିକା, ପାଟୁ ହିମ୍ବୁରିକା,  
ଏଟ୍ଟକା ଏଟ୍ଟକାଟି ଅଜିତି ହିମ୍ବୁରିକା,  
ଚନ୍ଦନ ଇଞ୍ଜା ଏଦାନି ଲେହେଁତି ଗାନ୍ଧା  
ଗାଟି ମାରୁକା, ହାତି ପାଲ୍ଲକା, ଦାରା  
ଗାଟି ଝେସକା, ପିତାଡ଼ା, ଲହ, ଅଜିତି  
ଡ଼ୁପୁପା ଖାଲ୍ଲକାତଲେ କେପିତି ବାରେ  
ଆସି । ୧୩ ଡ଼ାକନି ସାଲି, ଗାନ୍ଧାଗାଟି  
ଆସି, ଦୁପ୍ପଣି, ଗାନ୍ଧାଗାଟି ରୁବିନି ନିୟୁଁ,  
ଗାନ୍ଧାଗାଟି ଦୁପ୍ପଣି, କାଡ଼ୁ ନିୟୁଁ, ଗୁଣ୍ଡା,  
ଗହଁ, କଡ଼ିୟାଁ, ମେଣ୍ଡାୟାଁ, ଗଡ଼ାୟାଁ,  
ରାତାୟାଁ, କଡ଼ାମାନି ହଲ୍ଲିୟାଞ୍ଜା, ଅଡ଼େ  
ମାଣସିୟାଁତି ଜୀଝୁ । ୧୪ “ନୀ ଜୀଝୁତି  
ଜୁପ୍ପକା ଗାଟି ଅଣ୍ଡପୁତି ପାଡ଼େୟିକା ନୀ  
ତାଣାଟି ମେଣ୍ଡାଞ୍ଜା ହାରୁ, ଅଡ଼େ ବାରେ  
ଡ଼ାକନାୟି, ରାହାଁତି ବାରେ ନୀ ତାଣାଟି  
ଏଟ୍ଟକା କିଞ୍ଜି ଆହାଁ ନାସା ଆହାମାନେ,  
ଅଡ଼େ ଏଚେଲାଞ୍ଜା ଏ ବାରେ ମେଡ଼ା  
ଆୟେଏ !” ୧୫ ଇ ବାରେ ଦିଶ୍ପୁତି  
ବେଦାରା କିନାରି ଏ କାଜା ଗାଡ଼ା ତଲେ  
ବାଡ଼ୁକୁ ଗାଟାରି ଆହାମାଚେରି, ଏଞ୍ଜାରି  
ଏଦାନି କସ୍ତୁତି ଆଜିତାକି ହେକ ନିଚାନା  
ଦୁକୁ ତଲେ ଡ଼ାହ ଏଲେଇନେରି  
। ୧୬ “ଆୟଡ଼ା ! କାଜା ଗାଡ଼ାଟି !  
ନିଙ୍ଗେତାକି ଏଚେକା ଆଜିହପେତି କସ୍ତୁ  
ଞ୍ଜାଡ଼େ, ନାନୁ ଅଜିତି ହିମ୍ବୁରିକା, ହେୟାଁ  
ଞ୍ଜାଣାଗାଟି ହିମ୍ବୁରିକା, ପାଟୁ ହିମ୍ବୁରିକା  
ହୁରାମାଟି, ଅଡ଼େ ବାଂଗାରା, ଦାରାଗାଟି  
ମଣି ଇଞ୍ଜା ମୁଲ୍ଲାୟାଁ ତଲେ ମିଣ୍ଡିସି ମାଟି  
ସାଜୁୟାଁ ତୁରହାମାଟି ! ୧୭ ଇଚିହ

ରଣିଏ ଗଂଗା ବିଦ୍ରା ଏ ବାରେ ଦନ  
ମେଣ୍ଟାହାଟେ ।

ଏୟ ଜାଜାୟା ସାଲୁଝି କିନାରି ଏମ୍ପାଆଁ  
କୁଗାମାନାରି ତଂଗାୟା ସାଲୁଝି କିନାରି  
ଇଞ୍ଜା ସାମ୍ବୁରିତା ଇତାଲା ଆତାଲା  
ରେଜିହୁଁ ବେବାରା କିନାରି ହେକ  
ନିଚାନା, ୧୮ ଏ ଗାଡ଼ାତି ହୁଡ଼ିମାନି ହିରୁ  
ବୟଁ ମେସାନା କାଜା ଗିୟାତଲେ  
ଏଲେଇନେରି, ଈ କାଜା ଗାଡ଼ା ଲେହେଁ  
ଆମିନି ଗାଡ଼ାମାନେ । ୧୯ ଏଝାରି ତାମି  
ତାର୍କା ଲାକ ଦୁଡ଼ି ଡ଼ାଞ୍ଜା କଡାନା ଦୁକୁ  
ତଲେ ଡ଼ାହି ଡ଼ାହଁ ଏଲେଇଚେରି,  
ଆୟଡ଼ା ଏ କାଜା ଗାଡ଼ାତି, ନିଙ୍ଗେ  
ଏଚେକା ଆଜିହୁଡ଼ିତ ଡ଼ଣ୍ଡ ଆଡ଼େ,  
ନୀ ବାଡ଼କୁ ତଲେ ସାମ୍ବୁରିତି  
ଜାଜାଣା ରେଜିହୁଁ ବାଡ଼କା ମାଚେରି,  
ନୀଏଁ ରଣିଏ ଗଂଗା ବିଦ୍ରା ଏ ବାରେ  
ମେଣ୍ଟାହାଟେ !”

୨୦ ଲାକପୁରୁ, ମାହାପୁରୁ ଲକୁ,  
ପାଣ୍ଡୁଝି ଆହାମାନାଚେରି, ମାହାପୁରୁ  
ଅଣ୍ଡପୁତି ବଲ୍ଲୁ ଝେହନାଚେରି ! ମୀରୁ  
ଏଦାନି ନାସା ଆନାଣି ତାକି ରାହାଁ  
ଆଦୁ, ଏନାଆଁତାକି ଇଚିହଁ ମାହାପୁରୁ  
ମିଙ୍ଗେ କିହା ମାଞ୍ଜାନାଣି ତାକି ବାଦୁଲି  
ଅହାମାନେସି ।

୨୧ ଏଚେଟିଏ ଡ଼ାୟୁ ର କାଜା ଦୁଡୁ,  
ର ଜେତାଝାଲି ଲେହେଁତି ର ଝାଲି  
ସାମ୍ବୁରି ଲାକ ମେଡ଼ହାନା ଏଲେଇଚେ,  
“ଇଲେକଁ କାଜା ଗାଡ଼ା ବାବିଲନ  
ମେଡ଼ପି ଆନେ, ଅଡ଼େ ଏଡ଼ି ଏଚେଲାଝା  
ତଞ୍ଜା ଆଏ । ୨୨ ସେରୁଝିୟାଁ ଅଡ଼େ  
ପାଟିନାରି ହାଡ଼ା, ପୀରୁଡ଼ି ଉକିନାରି,  
ତୀଡ଼ି ଉକିନାରି ହାଡ଼ା ଏଚେଲାଝା  
ଏଦାନି ତାଣା ଝେଙ୍ଗେଏ, ନେହଁ  
ନେହଁ ସାଜୁ ଇଞ୍ଜା ଏଚକାତି ଆସ୍ତି  
କେପିନାରି ନୀ ତାଣା ତଞ୍ଜା ଆଅରି,  
ଅଡ଼େ ଜେତାଝାଲକା ତଲେ ନୁୟଁ ନାୟି  
ଏଚେଲାଝା ହାଡ଼ା ଝେଙ୍ଗେଏ ।

୨୩ ଦୀଝିୟାଁତି ଉଜେଡ଼ି ନୀ ତାଣା  
ଏଚେଲାଝା ଡ଼ୀଞ୍ଜେଏ, ବୀହା ଆନି  
ମାସକା ଅଡ଼େ ବୀହା ଆନି କକାରି  
ହାଡ଼ା ନୀ ତାଣା ଏଚେଲାଝା ଝେଙ୍ଗେଏ,  
ଏନାଆଁତାକି ଇଚିହଁ ନୀ ତାଣା

ବେବାରା କିନାରି ଦାର୍ଡିତା କାଜାରି  
ମାଚେରି, ଅଡ଼େ ନୀ ମାୟାମନ୍ତରତା  
ବାରେ କୁଡ଼ାତି ଲକୁ ମୁଞ୍ଜା ହାଜାମାଚେରି  
!”

୨୪ ଗାଡ଼ାତା ମାହାପୁରୁ ଅଣ୍ଡପୁତି  
ବଲ୍ଲୁ ଝେହନାରି, ମାହାପୁରୁ ଲକୁ,  
ଇଞ୍ଜା ଦାର୍ଡିତା ପାୟୁଝିଆହାମାନି  
ଲକୁଡ଼ି ନେଚେରି ଏଦାନି ତାଣା  
ତଞ୍ଜାଆହାମାଚେ ।

## ୧୯

୧ ଏଚେଟିଏ ଲାକପୁରୁ ର କାଜା  
ମାୟା ଲକୁଡ଼ି ହାଡ଼ାଲେହେଁତି ର କାଜା  
ହାଡ଼ା ଏଲେଇଞ୍ଜିମାଚାଣି ଝେଚେଏଁ,  
“ହାଲେଲୁୟା ! ଗେଲପିନି, ଗାଝୁରମି  
ଅଡ଼େ କାଜାପାଣା ମା ମାହାପୁରୁଝାୟି  
। ୨ ଇଚିହଁ ଏଝାଣି ନୀହାୟି ସାତା  
ଅଡ଼େ ନେହାୟି, ଆମିନି କାଜା ଦାରେଣି  
ତାନି ଦାରିକାମା ତଲେ ଦାର୍ଡିତି  
ଲକୁଣି ପଲୁଆ କିହାମାଚେ, ମାହାପୁରୁ  
ଏଦାନି ଡ଼ଣ୍ଡ ହାହାନା ତାନି ହଲିୟାଙ୍ଗାଣି  
ପାୟିତି ନେଚେରିତି ବାଦୁଲି ଅଡ଼େସି ।”  
୩ ଅଡ଼େ ଏଝାରି ରୀ ପାଲି ଏଲେଇଚେରି  
“ହାଲେଲୁୟା ! ଏ ଗାଡ଼ା ଝେହିମାନି  
ବୟଁ କାଲାକାଲାତାକି ହଚେମାନେ  
।” ୪ ଏଚେଟିଏ କଡ଼େ ସାରି ଜାଣା  
ପ୍ରାତିନାଙ୍ଗା ଅଡ଼େ ସାରିଗଟା ଜନ୍ତୟାଁ  
ମୁନୁ କୁଡାନା ସିଂଗାସାଣିତା କୁଗାମାନି  
ମାହାପୁରୁଇଁ ଜହରା କିହାନା ଏଲେଇରୁ,  
“ଆମେନି ହାଲେଲୁୟା !”

ମେଣ୍ଟା ଡ଼ାଲୁଡ଼ି ବୀହା ବଡ଼ି

୫ ଏଚିବେଲା ସିଂଗାସାଣିତି ର ହାଡ଼ା  
ହଚାନା ଝେଙ୍ଗେଚେ, “ଏ ମାହାପୁରୁଡ଼ି  
ହଲିୟାଙ୍ଗାଚେରି, ଏଝାଣାଇଁ ଆଜିନି  
କାଜାରି ଇଚାରି ବାରେଜାଣା ଚେରି  
ମୀରୁ ମାହାପୁରୁଇଁ ଜହରା କିଦୁ ।”  
୬ ଅଡ଼େ ନାନୁ କାଜା ମାୟା ଲକୁ  
ଲେହେଁତି ହାଡ଼ା, ଲଦ ଲଦ ରିହିମାନି  
ଏୟ ଲେହେଁତି ହାଡ଼ା, ଅଡ଼େ ହାଗୁ  
ଗୁଣ୍ଡିହିମାନି କାଜା ହାଡ଼ାଲେହେଁ  
ଏଲେଇଞ୍ଜି ଝେସିମାନାଣି ଝେଚେଏଁ,  
“ହାଲେଲୁୟା ! ଇଚିହଁ ପ୍ରବୁ ମା  
ବାଡ଼ୟୁଗାଟି ମାହାପୁରୁ ରାଜା ଆହାନା



ପାଣା ବେଟା ଆହାମାନେସି । ୭ ୱାଦୁ  
 ମାର ରାହାଁ ଆନ, ଇଞ୍ଜା ଏଝାଣି  
 ଗାଝୁରମି ତାକି ଏଝାଣାଇଁ ଜହରା କିନ,  
 ଏନାଆଁତାକି ଇତିହଂ ମେଣ୍ଡା ତାଲୁତି  
 ବାହା ଆନି ଦିନା ଏଦାତେୟିଏ, ଇଞ୍ଜା  
 ଏଝାସି ବାହା ଆନି ମାଙ୍ଗା ତିୟାରା  
 ଆହାମାନେ । ୮ ଏଦାନାକି ମିହୁନି ଅଡ଼େ  
 ଅପ୍ପନି ହିମ୍ପରି ହୁଗାଲି ହାପୁକି ଆଡୁ;”  
 ଏ ଦବ୍‌ଲା ହିମ୍ପରି ଇତିହଂ ମାହାପୁରୁ  
 ଲକୁତି ଦାମ୍ବୁ କାମାୟା ।

୯ ଏଚିବେଲା ଦୂତୁ ନାଙ୍ଗେ  
 ଏଲେଇଞ୍ଜାତେ, “ରାଟାମ୍, ଆମିନି  
 ଗାଟାରି ମେଣ୍ଡା ତାଲୁତି ବାହା ବଜିତା  
 ହାଟୁକି ଆହାମାନେରି, ଏଝାରାକି ନେହେଁ  
 ।” ଅଡ଼େ ଏଦି ନାଙ୍ଗେ ଏଲେଇଞ୍ଜାତେ,  
 “ଇ ବାରେ ମାହାପୁରୁତି ସାତା ବଲ୍ଲୁ  
 ।” ୧୦ ଏଚେଟିଏ ନାନୁ ଏଦାନି ଜହରା  
 କିହାଲି ତାନି କତାୟା ତୁଇ ରାତେଏଁ,  
 ଏଚେଟିଏ ଏଦି ନାଙ୍ଗେ ଏଲେଇଞ୍ଜାତେ,  
 ଜାଗ୍ରାତା, ଇଲେ କିଆନି, ନାନୁ ଜୀସୁ  
 ଅଡ଼େ ମୀ ସାକି ଇଞ୍ଜା ମୀ ତାୟିୟା  
 ତଲେ ର ହଲେଏଣା ଲେହେଁ; ନାନୁ  
 ମାହାପୁରୁଇଁ ଜହରା କିମ୍, ଜୀସୁତି ସାକି  
 ଏଦି ସାତା, ମାହାପୁରୁ ବଲ୍ଲୁ ଝେହ୍‌ନାରି  
 ଜୀଝୁ ।

ଦବ୍‌ଲା ଗଡ଼ା ମୁହେଁ କୁଗାମାନାସି

୧୧ ଏଚେଟିଏ ନାନୁ ଲାକପୁରୁତି  
 ଦେପିଆହାମାନାଣି ମେସ୍‌ସେଏଁ, ଏମ୍ବାଆଁ  
 ର ଦବ୍‌ଲା ଝାଣାଗାଟି ଗଡ଼ା ମାତେ,  
 ଏମ୍ବାଆଁ ହଟାମାନାଣି ଦରୁ ନାମାତାୟି  
 ଅଡ଼େ ସାତାତାୟି; ଏଝାସି ନେହଂ କି  
 ନୀହାୟି କିନେସି, ଅଡ଼େ ଜୁଜୁ କିନେସି  
 । ୧୨ ଏଝାଣି କାଣକା ହିରୁ ଗୁଦଝା  
 ଲେହେଁତାଇ, ତାନି ତାୟି ତୁା ହାରେକା  
 ଚଢ଼େରିକା, ଅଡ଼େ ଏଝାଣି ର ଦରୁ  
 ରାସ୍‌କି ଆହାମାନେ, ଏ ଦରୁ ଏଝାଣି  
 ପିସ୍‌ପେ ଆମ୍ବାଆରି ପୁନଅରି । ୧୩ ଏଝାସି  
 ନେତେରିତା ଉଡ଼ହା ମାନି ର ହିମ୍ପରି  
 ହୁଟାମାନେସି, ଇଞ୍ଜା ଏଝାଣି ଦରୁ  
 “ମାହାପୁରୁତି ବଲ୍ଲୁ ।” ୧୪ ଲାକପୁରୁତି

ଜୁଜୁ କିନାରି ଅପ୍ପନି ଦବ୍‌ଲା ହିମ୍ପରିକା  
 ହୁଟାନା ଦବ୍‌ଲା ଝାଣା ଗଡ଼ାୟା ଲାକ  
 କୁଗାମାନା ତାନି ଜେଟ ହାଚେ । ୧୫ ଏଝାଣି  
 ଗୁଡ଼ିଟି ଝାସ୍ତି କାଣ୍ଡା ହନେ, ଏ କାଣ୍ଡାତଲେ  
 ବାରେ ଦେସାତି ଲକୁଇଁ ଟୁଣ୍ଡନେସି;  
 ଏଝାସି ଏଝାରାଇଁ ଲହ୍ ବାଡ଼ଗା ତଲେ  
 ସାଲୁଝି କିନେସି, ଅଡ଼େ ଏଝାସି ତାନୁଏ  
 ବାରେ ବାଡ଼ମୁଗାଟି ମାହାପୁରୁ କାଜା  
 କପା ଲେହେଁତି ଅଙ୍ଗୁରି ପାଡ଼େୟିକା  
 ପାଟିନି ଗାଡ଼ମୁତା ମାନି ପାଡ଼େୟିକା  
 ଝିହନେସି । ୧୬ ଏଝାଣି ହିମ୍ପରିତା ଅଡ଼େ  
 ଏଝାଣି କୁଦ୍‌ଗୁତା ଇ ଦରୁ ରାସ୍‌କି  
 ଆହାମାନେ, “ରାଜା କିହାଁ ରାଜା ଅଡ଼େ  
 ପ୍ରବୁ କିହାଁ ପ୍ରବୁ ।”

୧୭ ଏଚେଟିଏ ନାନୁ ର ଦୂତୁଇଁ ଝେଡ଼ା  
 ଲାକ ନିଗାମାନାଣି ମେସ୍‌ସେଏଁ; ଏଦି  
 ହାଗୁଡ଼ି ମାଦି ଉମ୍ପିମାନି ବାରେ ପଟାୟାଣି  
 କାଜା ହାଡ଼ାତଲେ ହାଟାମାନା ଏଲେଇଚେ,  
 “ଝାଦୁ ମାହାପୁରୁତି କାଜା ବଜିତା କୂଡ଼ା  
 ଆଦୁ ! ୧୮ ଏନିକି ମୀରୁ ରାଜାୟା,  
 ଜୁଜୁ ତାକି କାଜାରି, ବାଡ଼ମୁ ଗାଟାରି,  
 ଗଡ଼ାୟା ଅଡ଼େ ଗଡ଼ା ଲାକ କୁଗାମାନାରି,  
 କତାମାନି ହଲିୟାଙ୍ଗା, ହଲିୟାଙ୍ଗା  
 ଆଆତାରି, କାଜାରି ଅଡ଼େ ଇଚାରି  
 ବାରେତି ଉଙ୍ଗା ତିଞ୍ଜେରି !”

୧୯ ତାୟି ନାନୁ ଜନ୍ତୁତି ଅଡ଼େ  
 ଦାରତିତି ରାଜାୟାଣି ଅଡ଼େ ଏଝାରି  
 ଜୁଜୁ କିନାରାଇଁ, ଏଝାରି ଗଡ଼ାୟା ଲାକ  
 କୁଗାମାନାରି ଇଞ୍ଜା ଏଝାରି ଜୁଜୁ କିନାରି  
 କପାଟି ଜୁଜୁ କିହାଲି କୂଡ଼ା ଆହାମାନାଣି  
 ମେସ୍‌ସେଏଁ । ୨୦ ଏ ଜୁଜୁତା ଜନ୍ତୁ ଅଡ଼େ  
 ଏଦାନି ନକିତା କାବାଆନି କାମା  
 କିହିମାନି ଏ ନାଡ଼ିକିନି କ୍ରୀସ୍‌ଇଁ ଆସାନା  
 ଦସ୍‌ପିଆଡ଼େ । ଆମିନି ଲକୁତାଣା ଏ  
 ଜନ୍ତୁତି ସିନା ମାଚେ ଇଞ୍ଜା ଆମ୍ବାଆରି  
 ଏଦାନି ବମାତି ପୂଜା କିହିମାଚେରି,  
 ଜନ୍ତୁ ତାନି କାବାଆନି କାମା ତଲେ  
 ଏଝାରାଇଁ ନାଡ଼ି କିହିମାଚେ । ଜନ୍ତୁ  
 ଇଞ୍ଜା ନାଡ଼ିକିନି କ୍ରୀସ୍‌ଇଁ ଡ଼ାଞ୍ଜିମାନି  
 ହିରୁତା ଜୀଝୁତଲେ ମେଡ଼ପିଆଡ଼େ ।  
 ୨୧ ଅଡ଼େ ଏଚେକା ଡ଼ୟିତି ଲକୁ ଗଡ଼ା

\* ୧୯:୯ ୧୯:୯ ମାତି ୨୨:୨,୩      \* ୧୯:୧୫ ୧୯:୧୫ ଝେ ବଲ୍ଲୁ ୧୪:୨୦

ଲୀଳ କୁଗାମାନାଣି ଗୁଚିତି ହୃଦିମାନି  
କାଣ୍ଡାତଲେ ପାୟୁଞ୍ଜିଆତେରି; ଏଚେଟିଏ  
ବାରେ ପଚାୟାଁ ଏଞ୍ଜାରି ଉଞ୍ଜା ତିଞ୍ଜାନା  
ବାଣ୍ଡି ପାଞ୍ଜିତୁ ।

୨୦

ର ମାଣା ବାର୍ଯାତି ରାଜି କିନାୟି

୧ ଏଚେଟିଏ ନାନୁ ର ଦୂତୁଞ୍ଜି  
ଲୀଳପୁରୁଚି ରେଟା ଝାହିମାଟାଣି  
ମେସ୍ତେଏଁ, ଏଦାନି କେୟୁତା ତାଡ଼େପୁରୁ  
ଗାଡ଼ୟୁତି କୁଚିକାଡ଼ି ଅଡ଼େ ର କାଜା  
ହିକ୍‌ଣି ମାରୁ । ୨ ଏଦି କାଜା ରାଚୁତି,  
ଏ ପୁଞ୍ଜଇ ନାଗା, ଇଚିହିଁ ଦିୟାବଲ  
ଅଡ଼େ ସୟତାନତି ଆସାନା ର ମାଣା  
ବାର୍ଯା ପାତେକା ଦସପା ଇଚିତେ ।  
୩ ଅଡ଼େ ଏଦାନି ତାଡ଼େପୁରୁ ଗାଡ଼ୟୁତା  
ମେଡ଼ହାନା ଗାଡ଼ୟୁତି ଦୁଝେରି ସୁଣ୍ଡାନା  
ଏଦାନି ଲୀଳ ହାକିତି ସୀଲି ଝେଡେ,  
ଇଞ୍ଜା ଏନିକ୍ ଏଦି ର ମାଣା ବାର୍ଯା ରାଆ  
ପାତେକା ଦେସାତି ଲକୁଣି ନାଡ଼ି କିହାଲି  
ଆଡେତଏ; ଅଡ଼େ ତାୟୁ ଗାଡ଼େକା ତାକି  
ପିସପି କିୟାଲି ଆନେ ।

୪ ଏଚେଟିଏ ନାନୁ ଏଚରଗଟା  
ସିଂଗାସାଣିୟାଁ ମେସ୍ତେଏଁ, ଏ ବାରେ  
ଲୀଳ ଏଚରଜାଣା କୁଚିତେରି,  
ଏଞ୍ଜାରାକି ନାହାଁୟି କିହାଲି ଅଦିକାରା  
ହାପୁକିଆଡେ, ଅଡ଼େ ଜୀସୁତି କାତା  
ଇଞ୍ଜା ମାହାପୁରୁତି ବଲ୍ଲୁ ତାକି ଆମ୍ବାଆରି  
ତାର୍କା ଦାପି ଆହାମାଚୁ, ଇଞ୍ଜା ଆମ୍ବାଆରି  
ଏ ଜନ୍ତୁ ଅଡ଼େ ତାନି ବମାତି ଜହରା  
କିହାଁ ହିଲାଆତେରି ଅଡ଼େ ତାନି ସିନାତି  
ମୁଞ୍ଜୁତା କି କେୟୁତା ବେଟାଆହା  
ହିଲାଆତେରି, ଏଞ୍ଜାରି ଜୀଝୁୟାଁ  
ମେସ୍ତେଏଁ; ଏଞ୍ଜାରି ଝେଣ୍ଡେ ନୀତାନା  
କ୍ରୀସୁ ତଲେ ର ମାଣା ବାର୍ଯା ପାତେକା  
ସାଲ୍‌ଞ୍ଜି କିତେରି । ୫ ଅଡ଼େ ଏଚେକା  
ହାଡ଼ି ଲକୁ ଏ ର ମାଣା ବାର୍ଯା ରାଆ  
ପାତେକା ନୀତାଆତେରି, ଇଦିଏ ତଲିତି  
ହାକିତି ନିଞ୍ଜିନାୟି । ୬ ଆମ୍ବାଆରି ମୁଲ୍ଲୁ  
ଝେଣ୍ଡେ ନିଞ୍ଜିନି ତାଣା ଆଣ୍ଡିନେରି ଏଞ୍ଜାରି  
ନେହେଁ, ଅଡ଼େ ଏଞ୍ଜାରି ସୁଦୁଗାଟାରି;  
ଅଡ଼େ ଏଞ୍ଜାରି ମୁହେଁ ତାୟୁତି ହାକିତି

ଏଦି ଅଦିକାରା ହିଲେଏ, ସାମା ଏଞ୍ଜାରି  
ମାହାପୁରୁ ଅଡ଼େ କ୍ରୀସୁତି ପୂଜେରାଞ୍ଜା  
ଆହାନା ଏଞ୍ଜାଣିତଲେ ର ମାଣା ବାର୍ଯା  
ପାତେକା ସାଲ୍‌ଞ୍ଜି କିନେରି ।

ସୟତାନତି ହାରଞ୍ଜି ଆନାୟି

୭ ଏ ର ମାଣା ବାର୍ଯା ରାଡ଼ିସାରେ  
ସୟତାନ ଦସପି ଆହାମାତି ଇଲୁଚି  
ପିସପି ଆନେ । ୮ ଏଚେଟିଏ ସୟତାନ  
ଦାରୁତି ସାରିସୁରୁ ମାନି ଦେସାତାରାଞ୍ଜି  
ଇଚିହିଁ ସାମଦୁରିତି ବାଞ୍ଜଲି ସମାନା  
ହାରେକା ଗଗ ଅଡ଼େ ମେଗଗ ଏଞ୍ଜାରାଞ୍ଜି  
ନାଡ଼ିକିହାନା ଜୁଜୁ ତାକି କୁଡ଼ିକିହାଲି  
ହଟାହାନେ । ୯ ଏଞ୍ଜାରି ଦାରୁତିତି  
ସାରିସୁରୁ ହାଜାନା ମାହାପୁରୁ ଲକୁ  
ବାସାଆନି ତାଣା ଅଡ଼େ ମାହାପୁରୁ ଜୀଝୁ  
ନହାଁମାନି କାଜା ଗାଡ଼ାତା ମୁଚିତେରି,  
ଏଚିବେଲା ଲୀଳପୁରୁଚି ହିରୁ ରିହାନା  
ଏଞ୍ଜାରାଞ୍ଜି ନାସା କିତେ । ୧୦ ଆମିନି  
ସୟତାନ ଏଞ୍ଜାରାଞ୍ଜି ନାଡ଼ି କିହାମାତେ,  
ଏଦାନି ହିରୁ ଅଡ଼େ ଗାନ୍ଧାଗୁଣ୍ଡା ତଲେ  
ଡ଼ୀଞ୍ଜିମାନି ଗାଡ଼ୟୁତା ମେଡ଼ପିଆଡେ,  
ଏମ୍ବାଆଁ ଏ ଜନ୍ତୁ ଇଞ୍ଜା ମାହାପୁରୁ ବଲ୍ଲୁ  
ମିଚି ଝେହ୍‌ନାସି ଜିକେଏ ମାନେସି;  
ଅଡ଼େ ଏଞ୍ଜାରି ଏମ୍ବାଆଁ ଲାଆଁ ମାଦେନା  
କାଲ୍‌କାଲ୍‌କା ତାକି ଡଣ୍ଡ ବେଟାଆନେରି ।

ରାନି କାଲ୍‌କାତି ନୀହାଁୟି

୧୧ ଏଚେଟିଏ ନାନୁ ର କାଜା ଦବଲା  
ସିଂଗାସାଣି ଇଞ୍ଜା ଏମ୍ବାଆଁ ରଅସି  
କୁଗାମାନାଣି ମେସ୍ତେଏଁ; ଏଞ୍ଜାଣି ନକିଚି  
ଦାରୁତି ଅଡ଼େ ହାଗୁପାକା ହଟାଡ଼ୁସୁ  
ଏଞ୍ଜାସିକାକି ଅଡ଼େ ଟାୟୁ ମେଡ଼ାଆଆଡେ  
। ୧୨ ଅଡ଼େ ନାନୁ ଇଚାରି କାଜାରି  
ବାରେ ହାଡ଼ାରାଞ୍ଜି ସିଂଗାସାଣି ନକିତା  
ନିଗାମାନାଣି ମେସ୍ତେଏଁ, ଅଡ଼େ ପତିୟାଁ  
ବାରେ ଦେପିଆଡୁ; ତାୟୁ ଜୀଝୁପତି  
ଇଞ୍ଜି ଅଡ଼େ ର ପତି ଦେପିଆଡେ;  
ଏ ପତିଣାଁ ରାସ୍‌କି ଆହାମାନି ଲେହେଁ  
ହାଡ଼ାରି ତାମି କିତି କାମା ଲେହେଁ  
ନୀହାଁୟି କିଞ୍ଜି ଆତେରି । ୧୩ ସାମଦୁରି  
ତାନିତାଣାଟି ହାଡ଼ାରାଞ୍ଜି ହେରପିତେ,  
ଇଞ୍ଜା ହାକି ଅଡ଼େ ତାଡ଼େପୁରୁ ତାନି



ଏ ଦୁଝେରିକାଣା ବାରଜାଣା ଦୂତୁୟାଁ  
 ଇଞ୍ଜା ଦୁଝେରିକା ଲାକ ଇସ୍ତାୟେଲ  
 ମୀରକାତି ବାର କୁଡାତି ଦରକା ରାସ୍ତକି  
 ଆହାମାନେ । ୧୩ ଝେଡ଼ା ହପୁଝାକି  
 ତାନିଗଟା ଦୁଝେରିକା, ଚିଝନିଝାକି  
 ତାନିଗଟା ଦୁଝେରିକା, ଚେବୁଝାକି  
 ତାନିଗଟା ଦୁଝେରିକା, ଅଡ଼େ ଝେଡ଼ା  
 କୁଡ଼ନି ଝାକି ତାନିଗଟା ଦୁଝେରିକା ।  
 ୧୪ ଏ ଗାଡ଼ାତି କଟା ବାରଗଟା ପୁନାଦିକା  
 ଇଟକ ଆହାମାନୁ, ଏ ଝାଲକା ଲାକ  
 ମେଣ୍ଡା ତାଲୁ ତାଣାଟି ବାରଜାଣା ପାଣ୍ଡୁଝି  
 ଆହାମାନାରି ବାରଗଟା ଦରକା ରାସ୍ତକି  
 ଆହାମାନୁ ୧୫ ନା ତଲେ କାତା ଆହିମାତି  
 ଦୂତୁତି କେୟୁତା ଗାଡ଼ାତି, ଇଞ୍ଜା ଏମ୍ବାତି  
 ଦୁଝେରିକା ଅଡ଼େ ସାରିସୁଟୁତି କଟା  
 ଲାଟାଲି ର ବାଂଗାରା ବାଡ଼ଗା ମାତେ  
 । ୧୬ ଏ ଗାଡ଼ା ସାରି କନ, ତାନି ଲାମ୍ବା  
 ଅଡ଼େ ଅସାରା ରଣ୍ଡିଏ ସମାନା; ଏଝାସି ଏ  
 ଗାଡ଼ାତି ଏ ବାଡ଼ଗା ତଲେ ଲାଟାଲିଏ  
 ବାର ମାଣା ବାଡ଼ଗା ଆଡେ; ଏମ୍ବାତି  
 ଲାମ୍ବା ଅସାରା ଅଡ଼େ ପାଡ଼ଣି ଜିକେଏ  
 ସମାନା ଆଡେ । ୧୭ ଅଡ଼େ ତାୟୁ ଏଦି  
 ଗାଡ଼ାତି ସାରିସୁଟୁ କଟା ଲାଟାଲିଏ ଏଦି  
 ମାଣସିତି ଲେକାତଲେ ସାଡାକଡ଼ି ସାରି  
 ହାଡ଼ା ଆଡେ, ଦୂତୁ ଏ ଲେକାତଲେ  
 ଲାଟି ମାତେ । ୧୮ ଏ ସାରିସୁଟୁତି କଟା  
 ଝେଡ଼ାତି ଅପ୍ନି ଦାପେଣି ଲେହେତି  
 ମଣି ତଲେ କେପି ଆହାମାନେ, ଅଡ଼େ  
 ଗାଡ଼ା ଅପ୍ନି ଦାପେଣି ଲେହେତି ସୁଦୁ  
 ବାଂଗାରା ତଲେ କେପି ଆହାମାନେ ।  
 ୧୯ ଗାଡ଼ାତି ସାରିସୁଟୁ କଟାତି ପୁନାଦି  
 ଏଟକା ଏଟକାତି ହାରେ ଦାରାଗାଟି ମଣି  
 ଝାଲକାତଲେ ଅଜିକିଝି ଆହାମାନେ,  
 ତଲିତି ପୁନାଦି ଜାସପର, ରା ଲମ୍ବର  
 ପୁନାଦି ନିଲକାଡ଼ମଣି, ତାନି ଲମ୍ବର  
 ପୁନାଦି ବଦୁଜ୍ୟମଣି, ସାରି ଲମ୍ବର  
 ପୁନାଦି ମରକତମଣି, ୨୦ ପାସା  
 ଲମ୍ବର ପୁନାଦି ପଲକମଣି, ସ ଲମ୍ବର  
 ପୁନାଦି ମାଣିକ୍ୟ ମଣି, ସାତା ଲମ୍ବର  
 ପୁନାଦି ପୁସପରାଗମଣି, ଆଟା ଲମ୍ବର  
 ପୁନାଦି ପିରଜମଣି, ନ ଲମ୍ବର ପୁନାଦି  
 ଗମେସଦକ ମଣି, ଦସ ଲମ୍ବର ପୁନାଦି

ଇସୁନିୟମଣି, ଏଗାର ଲମ୍ବର ପୁନାଦି  
 ଦାରଣକି ଝାଣାଗାଟି ମଣି, ବାର ଲମ୍ବର  
 ପୁନାଦି ନେହଁ ଗାନ୍ଧାଗାଟି ମଣି  
 ମାତେ । ୨୧ ବାର ଗଟା ଦୁଝେରିକାଣା  
 ବାରଗଟା ମୁକ୍ତାୟାଁ, ର ଦୁଝେରିତି  
 ର ମୁକ୍ତା ତଲେ କେପି ଆହାମାନୁ;  
 ଅଡ଼େ ଗାଡ଼ାତି ଆଂଗେଣିକା ନେହଁ  
 ଦାପେଣି ଲେହେତି ସୁଦୁ ବାଂଗାରା ତଲେ  
 ଆହାମାନୁ ।

୨୨ ନାନୁ ଏ ଗାଡ଼ାତା ଏଦି ଦେଝୁଡ଼ି  
 ଜିକେଏ ମେହଆଡେଏ, ଇଚିହଁ ପ୍ରବୁ  
 ବାରେ ବାଡ଼ୟୁ ଗାଟି ମାହାପୁରୁ ଅଡ଼େ  
 ମେଣ୍ଡା ତାଲୁଏ ଏମ୍ବାତି ଦେଝୁଡ଼ି ସମାନା  
 । ୨୩ ଉଜେଡ଼ି ତାକି ଏମ୍ବାଆଁ ଝେଡ଼ା  
 କି ଲେଞ୍ଜୁତି ଲଡ଼ା ଆଏ, ଇଚିହଁ  
 ମାହାପୁରୁତି ଗାଝୁରମିଏ ଏମ୍ବାଆଁ ଉଜେଡ଼ି  
 କିନେ, ଅଡ଼େ ମେଣ୍ଡା ତାଲୁ ଏମ୍ବାତି ଦୀଝି  
 ସମାନା । ୨୪ ଏମ୍ବାତି ଉଜେଡ଼ି ତଲେ  
 ବାରେ ଦାରତିତି ଲକୁ ତାକିନେରି, ଅଡ଼େ  
 ଦାରତିତି ରାଜାୟାଁ ତାନି ହାରେକା ଦନ  
 ଏ ଗାଡ଼ା ବିତ୍ରା ତାନେରି । ୨୫ ଏମ୍ବାତି  
 ଦୁଝେରିକା ମାଦେନା ବେଲା ଦେପି  
 ଆହାଁ ତୁୟିନୁ; ଏଝି ଏଚେଲା ଜିକେଏ  
 ସୁଣ୍ଡକି ଆଉ, ଇଚିହଁ ଏ ଚାୟୁତା  
 ଲାଆଁୟାଁ ଇନାୟି ହିଲେଏ । ୨୬ ବାରେ  
 କୁଡ଼ାତି ଲକୁ ତାନି ଗାଝୁରମି ଅଡ଼େ  
 ହାରେକା ଦନ ଏ ଗାଡ଼ାତା ତାନେରି ।  
 ୨୭ ଏଦି ପଲଆ ଗାଟାରି କି ଅପାଆଗାଟି  
 କାମାକିନାରି, ମିତି ଜଲିନାରି ଆମ୍ବାଆରି  
 ଏମ୍ବାଆଁ ହଡ଼ାଲି ଆଡ଼ଅରି; ସାମା  
 ଆମ୍ବାଆରି ଦରୁ ମେଣ୍ଡା ତାଲୁତି ଜାଝୁତି  
 ପତିତା ରାସ୍ତକି ଆହାମାନେ, ଏଝାରି  
 ହଡ଼ାଲି ଆଡ଼ିନେରି ।

**୨୨**

୧ ତାୟୁ ଦୂତୁ ନାଙ୍ଗେ ଜୀଝୁହାନି  
 ଏୟୁତି ର କାତା ତସ୍ତାତେସି, ଏଦି  
 ଅପ୍ନି ଦାପେଣିଲେହେଁ ଉଜେଡ଼ି,  
 ଅଡ଼େ ମାହାପୁରୁ ଇଞ୍ଜା ମେଣ୍ଡା ତାଲୁତି  
 ସିଂଗାସାଣିଟି ହଟାନା ଗାଡ଼ାତି ଜିରୁ  
 ମାଦିଟି ହାଜିମାନେ । ୨ ଏ କାତାତି  
 ରିକଝାକି ବାର ଦେବା ପାଡ଼େୟି ଆୟିନି  
 ଜୀଝୁତି ମାରନ୍ତୁ ମାନେ, ଏମ୍ବାଆଁ ଲେଞ୍ଜୁ

ତାକି ଲେଖୁ ପାଡ଼େୟି ଆୟିନେ, ଇଞ୍ଜା ଏ ମାରୁନୁତି ଆକା ବାରେ କୃତାତାରାଇଁ ରଗଟି ନେହୁଁ କିନାଇ ।

୩ ଏମ୍ବାଆଁ ଏନ୍ଦି ବାକା ଡ଼ୟେଏ, ମାହାପୁରୁ ଅଡ଼େ ମେଣ୍ଡା ତାଲୁତି ସିଂଗାସାଣି ଗାଡ଼ା ମାଦିଏ ଡ଼ୟିନେ, ଇଞ୍ଜା ଏଞ୍ଜାଣି ହଲ୍ଲିୟାକା ଏଞ୍ଜାଣି ସେବା କିନେରି । ୪ ଏଞ୍ଜାରି ତାନି ମୁମ୍ବୁ ମେହନେରି, ଇଞ୍ଜା ତାନି ଦରୁ ଏଞ୍ଜାରି ମୁଞ୍ଜୁତା ରାଡ଼ିନେସି । ୫ ଏମ୍ବାଆଁ ଲାଆଁୟାଁ ଆଏ, ଏଞ୍ଜାରାକି ଦୀଞ୍ଜି କି ଝେଡ଼ାଡ଼ି ଉଜେଡ଼ି ଲଡ଼ା ଆଏ, ଇଚିହୁଁ ପ୍ରବୁ ମାହାପୁରୁ ଏଞ୍ଜାରି ମୁହେଁ ଉଜେଡ଼ି ଲେହେଁ ଆନେସି, ଇଞ୍ଜା ଏଞ୍ଜାରି କାଲାକାଲା ତାକି ରାଡ଼ି କିନେରି ।

ଜୀମୁ ଝେଣ୍ଡା ଖାନାୟି

୬ ଏଚେଟିଏ ଦୂତୁ ନାଜେ ଏଲେଇଚେସି, “ଇ ବଲ୍ଲୁ ସାତା ଇଞ୍ଜା ନାମୁଗାଟାୟି; ଏନାୟି ଗାଡ଼େକେଏ ଗଟଞ୍ଜି ଆନେ, ଏ ବାରେ ତାନି ସେବା କିନାରାଇଁ ତସାଲି ତାକି, ପ୍ରବୁ, ମାହାପୁରୁ ଅଣ୍ପୁତି ବଲ୍ଲୁ ଝେହନାରି ଜୀଞ୍ଜୁୟାତି ମାହାପୁରୁ, ତାନି ଦୂତୁଇଁ ପାଣ୍ଡାମାଞ୍ଜାନେସି ।”

୭ “ମେହମୁ ନାନୁ ତବେ ଖାହିମାଇଁ; ଆମ୍ବାଆସି ଇ ପତିତି ବଲ୍ଲୁତି ମାନଞ୍ଜି ଆନେସି ଏଞ୍ଜାସି ନେହେଁ ।”

୮ ନାନୁ ଜହନତେସି, ଇ ବାରେ ଝେଡ଼ି ଅଡ଼େ ମେସି ତାୟୁ ଆମିନି ଦୂତୁ ନାଜେ ଏ ବାରେ ତସାତେ, ନାନୁ ଏଦାନି ଜହରା କିହାଲି ତାନି ପାଃଆନା କତାଣା ରୀତେସି । ୯ ସାମା ଏଦି ନାଜେ ଏଲେଇଞ୍ଜାତେ, “ଜାଗ୍ରାତା ଏଲେକିଆନି, ନାନୁ ଜିକେଏ ନୀ ତଲେ ମାହାପୁରୁ ଅଣ୍ପୁତି ବଲ୍ଲୁ ଝେହନି ନୀ ତାୟିୟା ତଲେ, ଅଡ଼େ ଇ ପତିତା ରାସ୍ତକି ଆହାମାନି ବଲ୍ଲୁତି ବାରେ ମାନଞ୍ଜି ଆନାରି ତଲେ ର ହଲେଏଣା ଲେହେଁ; ମାହାପୁରୁଇଁ ଜହରା କିମୁ ।”

୧୦ ଅଡ଼େ ଏଦି ନାଜେ ଏଲେଇଞ୍ଜାତେ, “ନାନୁ ଇ ପତିତି ତାୟୁ ଗଟଞ୍ଜି ଆନି ବଲ୍ଲୁତି ସାଲି କିଆନି, ଏନାଆଁତାକି

ଇଚିହୁଁ କାଲମି ଏଦାତେୟିଏ । ୧୧ ଆମ୍ବାଆସି ଦାମ୍ବୁ ହିଲାଆଗାଟାସି, ଏଞ୍ଜାସି ଅଡ଼େ ଦାମ୍ବୁ ହିଲାଆ କାମା କିପାସି, ଆମ୍ବାଆସି ଲାଗେଏ କାମା କିନେସି, ଏଞ୍ଜାସି ଅଡ଼େ ଲାଗେଏ କାମା କିପାସି, ଆମ୍ବାଆସି ଦାମ୍ବୁଗାଟାସି, ଏଞ୍ଜାସି ଅଡ଼େ ଦାମ୍ବୁଗାଟାସି ଆପେସି, ଆମ୍ବାଆସି ସୁଦୁଗାଟାସି, ଏଞ୍ଜାସି ଅଡ଼େ ସୁଦୁ ଆପେସି ।”

୧୨ “ମେହମୁ, ନାନୁ ତବେ ଖାହିମାଇଁ, ବାରେଜାଣା ତାକି ତାନି କାମାତି ଲେକାତଲେ ପାଡ଼େୟି ହୀହାଲି ନା ଦାନା ନା ତାଣା ମାନେ । ୧୩ ନାନୁ ଆଲପା ଅଡ଼େ ଅମେଗାତେସି, ନକିତାତେସି ଇଞ୍ଜା ତାୟୁତାତେସି, ମୁଲୁତାତେସି ଅଡ଼େ ରାପନାତେସି ।”

୧୪ ଜୀଞ୍ଜୁତି ମାରୁନୁତି ଅଦିକାରା ଆୟାଲି ଅଡ଼େ ଦୁଝେରିଟି ଗାଡ଼ାତା ହଡ଼ାଲି ତାକି ଆମ୍ବାଆରି ତାମି ହିମ୍ବୁରିକା ରାଡ଼ାମାନେରି ଏଞ୍ଜାରି ନେହେଁ । ୧୫ ସାମା ରେଜିମାନି ନେସକା ଲେହେଁତାରି, ଗୁଣି ଗାରଡ଼ି କିନାରି, ଦାରିକାମା କିନାରି, ଲକୁଣି ପାୟିନାରି, ପେଣକା ବମାୟାଣି ପୂଜା କିନାରି, ମିତିକାତାତି ଜୀଞ୍ଜୁ ନନାରି, ମିତି କାମାତି କିହାଲି ରାହାଁ ଆନାରି ବାରେ ପାଜାତା ଡ଼ୟିନେରି ।

୧୬ “ନାନୁ ଜୀସୁତେସି, ମାହାପୁରୁ କୁଲମିକା ତାକି ମିଜେ ଇ କାତା ଝେସାଲି ନା ଦୂତୁଇଁ ପାଣ୍ଡାମାଞ୍ଜାଇଁ, ନାନୁଏ ଦାଞ୍ଜୁଦତି ମୁଲୁ ଅଡ଼େ କୃତାତାତେସି; ଏ ଉଜେଡ଼ିତି ଝେୟାଜାରା ହୁକାତେସି ।”

୧୭ ସୁଦୁଜୀଞ୍ଜୁ ଅଡ଼େ ବୀହା ଆନି ଡ଼ାଆ ମାକା ଏଲେଇନେ, “ଞ୍ଜାମୁ !”

ଆମ୍ବାଆସି ଝେନେସି ଏଞ୍ଜାସି ଏଲେଇଣ୍ଡାସି, “ଞ୍ଜାମୁ !”

ଏସ୍ତକି ଗାଟାସି, ଖାପାସି, ଆମ୍ବାଆସି ମନ କିନେସି; ଏଞ୍ଜାସି ଜୀଞ୍ଜୁହୀନି ଏୟୁ ଉଜେଏ ଗସ୍ପେସି ।

ରାନି କାତା

୧୮ ଆମ୍ବାଆରି ଇ ପତିତା ମାନି ତାୟୁ ଗଟଞ୍ଜି ଆନି କାତାତି ଝେନେରି, ନାନୁ

☆ ୨୨:୧୩ ୨୨:୧୩ ଝେ ବଲ୍ଲ ୧:୮; ଝେ ବଲ୍ଲ ୧:୧୭; ୨:୮

ଏଞ୍ଜରାଙ୍କ ଜାଗ୍ରାତା କିହିଁ ଝେସିମାଙ୍କ,  
 ଆମ୍ବାଆସି ଇ ପତିତା ଏନାଆଁ ଆଟ୍‌ନେସି,  
 ଆତିହିଁ ମାହାପୁରୁ ଇ ପତିତା ରାସ୍‌କି  
 ଆହାମାନି ତଣ୍ଡୟାଁ ଏଞ୍ଜାଣାକି ହୀନେସି;  
 ୧୯ ଅଡେ ଆମ୍ବାଆସି ଇ ପତିତି ବଲ୍ଲୁତି  
 ମ୍ଲେକ୍‌ନେସି, ଆତିହିଁ ମାହାପୁରୁ ଇ  
 ପତିତା ରାସ୍‌କି ଆହାମାନି ଜୀଞ୍ଜୁତି  
 ମାର୍‌ନୁ, ଅଡେ ସୁବୁ ଗାଡ଼ାତି ତାନି ବାଟା

ମ୍ଲେକ୍‌ନେସି ।

୨୦ ଆମ୍ବାଆସି ଇ ବାରେତାକି ସାକି  
 ହୀହିମାନେସି, ଏଞ୍ଜାସି ଏଲେଇଞ୍ଜି  
 ମାନେସି, ସାତା, “ନାନୁ ତବେ ଝାହିମାଙ୍କ  
 !” ଆମେନ୍ । ପ୍ରବୁ ଜୀସୁ ଝାମ୍ବୁ !

୨୧ ପ୍ରବୁ ଜୀସୁତି କାର୍ମାମେହ୍‌ନାୟି  
 ବାରେତାୟି ମାଞ୍ଜେ ଆୟାପେ । ଆମେନ୍  
 ।